


ପାର୍ବଣଶେଷ୍ଟ୍ରାୟାଃ
ଜାନିଭା ବାଚାନ୍



The New Testament in the Munda language of India:

ପାର୍ବଣଶେଷ୍ଟ୍ରାୟାଃ ଜାନିଭା ବାଚାନ୍

ପାରମେଶ୍ଵରୀୟାଃ ଜୀନିଦ୍ ବାଚାନ୍

The New Testament in the Munda language of India: ପାରମେଶ୍ଵରୀୟାଃ ଜୀନିଦ୍ ବାଚାନ୍

copyright © 2020 The Word for the World International

Language: ୟୁଞ୍ଜା (Munḍa) (Munda)

Contributor: The Word for the World International

ପାରମେଶ୍ଵରୀୟାଃ ଜୀନିଦ୍ ବାଚାନ୍ ନାଞ୍ଜା ନିୟାନ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-13

PDF generated using Haiola and XeLaTeX on 18 Apr 2025 from source files dated 14 Apr 2023

903abb6b-97c3-582d-9df8-a6a8f2fce6d6

Contents

ମାଥୁରା	1
ମାର୍ଚ୍ଚ	58
ଲୁକ	94
ଯୋହାନ୍	153
ପ୍ରେରିତ୍	196
ରୋମ୍	252
୧ କରନ୍ଥୁୟ	277
୨ କରନ୍ଥୁୟ	300
ଗାଲାତିୟ	316
ଏଫିସିୟ	325
ଫିଲିପିୟ	334
କଲସିୟ	341
୧ଥେସଲନିକା	347
୨ଥେସଲନିକା	353
୧ ତିମଥୁ	356
୨ ତିମଥୁ	363
ତିତସ୍	368
ଫିଲମନ୍	371
ଏବ୍ରୀ	373
ଯାକୁବ	391
୧ପାତ୍ରରାସ୍	398
୨ ପାତ୍ରରାସ୍	405
୧ ଯୋହାନ୍	410
୨ ଯୋହାନ୍	417
୩ ଯୋହାନ୍	419
ଯିହୁଦା	421
ଉନ୍ନୁପୁର୍	423

ମାଧୁର ଲିଖିତ ଯାଶୁ ଶ୍ରୀଷ୍ଟଙ୍କ ସୁସମାଚାର ମାଧୁର ଅଲ୍ଲାକାଦ୍ ଯାଶୁ ଶ୍ରୀଷ୍ଟିଆଃ ସୁକୁକାଜି ପାରିବା୍ୟ

ଯାଶୁ ଶ୍ରୀଷ୍ଟିଆଃ ଜୀବନକେ ଉଦ୍‌ବେତାନ୍ ନାଞ୍ଜା ନିୟାମ୍‌ରାଃ ଉପୁନିୟା* ପୁଅକ୍‌ଏତେ ମାଧୁର ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନ୍ ପୁଅକକେ ଯାଶୁ ଶ୍ରୀଷ୍ଟିଆଃ “ସୁକୁକାଜି” କାଜିୟଃତାନା । ଯାଶୁଆଃ ଗନଏଃ ତାୟମ୍‌ତେ ଏନ୍ ସୁକୁକାଜିକେ ମାଧୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଧୁର ଅଲ୍ଲାକାଦ୍ ସୁକୁକାଜିରାଃ ଅନଲ୍ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍‌କ କାଜିୟଃକ ଯେ, ନେଆଁ ଶ୍ରୀଷ୍ଟିଆଃ ଜାନାମ୍‌ ତାୟମ୍‌ ୭୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ ଠାୟାଦ୍ କା ସାରିୟଃତାନ୍‌ରେୟ, ତିମିନ୍‌କ ପାଲେଷ୍ଟାଇନ୍‌ ଦିଶ୍ଟୁମ୍‌ରାଃ ଯାଶୁଗାଲେମ୍‌ ନାଗାରରେ ଅଲ୍ଲାକାନା ମେନ୍ତେକ ବିଶ୍ୱାସାଃ ।

ନେ ପୁଅରାଃ ଅନଲ୍‌ନିଃ ମାଧୁର ତାନିଃ, ଯାଶୁ ଇନିଃକେ ଆୟାଃ ତେଲା ବାଇୟଃ ନାଞ୍ଜ କେଡ଼ା ସିଦାରେ ଇନିଃ ମାଲ୍‌ହାରମ୍‌ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଧୁର ଗେଲ୍‌ବାର୍‌ ପ୍ରେରିତ୍‌କଏତେ ମିହୁଡ୍‌ ତାଇକେନାଏ ଆତଃ ଇନିଃ ବିଶେଷକେଦ୍‌ତେ ଯିହୁଦୀ ହଡ୍‌କଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକ୍‌ନାଃତି ଆୟାଃ ଅନଲ୍‌ରେ ମାରି ନିୟାମ୍‌ ଧାରାମ୍‌ପୁଅରାଃ ଆଦିହିସିଠୁ ବାଚାନ୍, ନେ ମାଧୁର ପୁଅରେ ଉଦ୍‌ବଃତାନା । ଯାଶୁ ଶ୍ରୀଷ୍ଟି ଚାଏ ମାସି ପାର୍‌ମେଶ୍ୱାର୍‌ଆଃ ସାଲ୍ଲାକାନ୍ ବାଞ୍ଚାଅନିଃ ଆତଃ ରାଜା ତାନିଃ । ଅକ୍‌ଏୟାଃ ହିନିଜୁଃ ବିଷାଏରେ ମାରି ନିୟାମ୍‌ରାଃ ଧାରାମ୍‌ପୁଅରେ ଆୟାର୍‌କାଜି‡ କାଜିକାନ୍ ତାଇକେନା, ଏନା ମାଧୁର ପୁରାଃତେ ଉଦ୍‌ବ୍ ନାଞ୍ଜ ସାନାଞ୍ଜ୍‌ ତାଇକେନାଏ । ଯିହୁଦୀକ ମାସିକେ ଆକଆଃ ରାଇଜ୍‌ରାଃ ରାଜା ହବାଅଃଆଏ ମେନ୍ତେ ଆସ୍ତାକାଦ୍ ତାଇକେନାକ । ମାଧୁର, ପାର୍‌ମେଶ୍ୱାର୍‌ଆଃ ରାଇଜ୍‌କେ, ଆମ୍‌କ୍‌ରେୟାଃ ରାଇଜ୍‌ ତାନାଃ, ଅତେଦିଶ୍ଟୁମ୍‌ରାଃ ରାଇଜ୍‌ ନାହାଁଲାଃ ମେନ୍ତେ କାଜିକାଦା । ମାଧୁର ଆୟାଃ ଅନଲ୍‌ରେ ପାର୍‌ମେଶ୍ୱାର୍‌ଆଃ ରାଇଜ୍‌ ବିଷାଏରେ ପୁରାଃତେ ଉଦ୍‌ବ୍ ନାଞ୍ଜ ସାନାଞ୍ଜ୍‌କାଦାଏ ।

ମାଧୁର ଅଲ୍ଲାକାଦ୍ ସୁକୁକାଜି ନାଞ୍ଜା ନିୟାମ୍‌ରାଃ ପାହିଲା ପୁଅ ନାଗେନ୍ତେ ପୁରାଃ ବୁଗିନ୍‌ ତାନାଃ, ତିୟାଃତି ମାରି ନିୟାମ୍‌ରାଃ ବାଚାନ୍‌କ ପୁରାଃତେ ଉଦ୍‌ବାକାନା । ନେ ପୁଅ, ମାରି ଆତଃ ନାଞ୍ଜା ନିୟାମ୍‌ ବାରାନାଃକେ ମେସାଃଏ । ବାଇବାଲ୍ ପାଣ୍ଡିତ୍‌କହଁ କାଜିୟଃକ, ମାଧୁର ଆୟାଃ ଅନଲ୍‌ରେ ମୁଗା ନାବୀରାଃ ଆନ୍‌ତୁ ଲେକା ସେସେନ୍ ନାଞ୍ଜ ସାନାଞ୍ଜ୍‌କାଦାଏ, ଅକ୍‌ନାଃତି ମାରି ନିୟାମ୍‌ରାଃ ପାହିଲା ମଶେୟ୍‌§ ପୁଅ ତାନାଃ । ଯାଶୁଆଃ ବୁରୁ ଚେତାନ୍‌ରେୟାଃ ଇନିତୁ ୫-୭ ଆଧ୍ୟାୟକେ ପାର୍‌ମେଶ୍ୱାର୍‌, ମୁଗା ନାବୀକେ ଏମାକାଇ ଆନ୍‌ତୁଲଃ ହଜି ଜକାଃଏ ୨ କିଲିକଆଃ ୧୯:୩-୨୩:୨୧ ।

ପୁଅ ଭିତରରେ ତାଇକାନ୍ କାଜି

- ୧. ଯାଶୁ ଶ୍ରୀଷ୍ଟିଆଃ ଜାନାମ୍‌ ଆତଃ ସେଞ୍ଜାକାମିରାଃ ଏନେଟେଦ୍ । ୧-୪
- ୨. ଯାଶୁ ଶ୍ରୀଷ୍ଟିଆଃ ସେଞ୍ଜାକାମି ଆତଃ ଇନିତୁ । ୫-୨୫
- ୩. ଯାଶୁ ଶ୍ରୀଷ୍ଟିଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

ଯାଶୁ ଶ୍ରୀଷ୍ଟିଆଃ କିଲି
(ଲୁକ ୩:୨୩-୩୮)

୧ ନେଆଁ ହବାଅଃତାନା ଯାଶୁ ଶ୍ରୀଷ୍ଟିଆଃ ପୁରୁଖା ଆପୁକଆଃ ନୁତୁମ୍‌କ ଅଲ୍ଲାକାନ୍ ପୁଅ, ଯାଶୁ ଶ୍ରୀଷ୍ଟି, ଦାଉଦ୍‌ଆଃ କିଲିରେନ୍ ଆତଃ ଦାଉଦ୍‌, ଆବ୍ରାହାମ୍‌ଆଃ କିଲିରେନ୍ ତାଇକେନାଏ ।

୨ ଆବ୍ରାହାମ୍‌ଆଃ ହନ୍ ଇସାକ୍‌, ଇସାକ୍‌ଆଃ ହନ୍ ଯାକୁବ୍‌, ଯାକୁବ୍‌ଆଃ ହନ୍ ଯିହୁଦୀ ଆତଃ ଆୟାଃ ହାଗାକ ତାଇକେନା,

୩ ଯିହୁଦୀରାଃ ହନ୍ ପେରସ୍‌ ଆତଃ ସେରହ୍‌, ଇନ୍‌କିନାଃ ଏଙ୍ଗାତେ ତାମର୍‌ ତାଇକେନାଏ, ପେରସ୍‌ରାଃ ହନ୍ ହେସ୍ତାନ୍‌, ହେସ୍ତାନ୍‌ରାଃ ହନ୍ ଅରାମ୍‌,

୪ ଅରାମ୍‌ରାଃ ହନ୍ ଅମ୍ମାନାଦ୍‌, ଅମ୍ମାନାଦ୍‌ରାଃ ହନ୍ ନହଗୋନ୍‌, ନହଗୋନ୍‌ରାଃ ହନ୍ ସାଲ୍‌ମନ୍‌,

୫ ସାଲ୍‌ମନ୍‌ରାଃ ହନ୍ ବୋୟାଜ୍‌, ବୋୟାଜ୍‌ରାଃ ଏଙ୍ଗାତେୟାଃ ନୁତୁମ୍‌ ରାହାବ୍‌, ବୋୟାଜ୍‌ରାଃ ହନ୍ ଓବେଦ୍‌, ଓବେଦ୍‌ରାଃ ଏଙ୍ଗାତେ ରୁଡ୍‌, ଓବେଦ୍‌ରାଃ ହନ୍ ଯିଶି,

୬ ଯିଶିରାଃ ହନ୍ ରାଜା ଦାଉଦ୍‌, ରାଜା ଦାଉଦାଃ ହନ୍ ସୁଲିମାନ୍‌, ସୁଲିମାନ୍‌ରାଃ ଏଙ୍ଗାତେ ସିଦାହେତେ ଉରିୟରାଃ କୁଡି ତାଇକେନା,

୭ ସୁଲିମାନ୍‌ରାଃ ହନ୍ ରିହବିୟାମ୍‌, ରିହବିୟାମ୍‌ରାଃ ହନ୍ ଅବିୟ, ଅବିୟରାଃ ହନ୍ ଆସା,

୮ ଆସାରାଃ ହନ୍ ଯିହୋଶାଫ୍‌ତ୍‌, ଯିହୋଶାଫ୍‌ତ୍‌ରାଃ ହନ୍ ଯୋରାମ୍‌, ଯୋରାମ୍‌ରାଃ ହନ୍ ଉଜ୍ଜିୟ,

* : ଗଇର୍ † : ବାରାଞ୍ଜାନ୍ ‡ : ସିଦାରେ ହବାଃଅତେୟାଃ § : ପାଞ୍ଚୁ

୯ ଉଜ୍ଜିୟରାଃ ହନ୍ ଯୋଥାମ୍, ଯୋଥାମ୍‌ରାଃ ହନ୍ ଆହାସ୍, ଆହାସ୍‌ରାଃ ହନ୍ ହିଜକିୟ,
 ୧୦ ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍‌ରାଃ ହନ୍ ଯୋଶିୟ,
 ୧୧ ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହଡ଼କକେ କିରିଙ୍ଗ୍ ଦାସିକେଦ୍‌ତେ
 ବାବିଲୋନ୍‌ତେ ଇଦିକୁତାଇକେନ୍ ଦିପିଲିରାଃ କାଜିତାନାଃ ।
 ୧୨ ବାବିଲୋନ୍‌ତେ ତଲ୍‌ଇଦି ତାୟମ୍‌ତେ ଯିକନିୟ ଶଲ୍‌ଟିୟେଲ୍‌କେ ଜାନାମ୍‌କିୟା, ଶଲ୍‌ଟିୟେଲ୍‌ରାଃ ହନ୍
 ଜିରୁବାବେଲ୍,
 ୧୩ ଜିରୁବାବେଲ୍‌ରାଃ ହନ୍ ଅବିହୁଦ୍, ଅବିହୁଦ୍‌ରାଃ ହନ୍ ଏଲିୟାକିମ୍, ଏଲିୟାକିମ୍‌ରାଃ ହନ୍ ଆଜୋର୍,
 ୧୪ ଆଜୋର୍‌ରାଃ ହନ୍ ସାଦୋକ୍, ସାଦୋକ୍‌ରାଃ ହନ୍ ଆଖ୍‌ମ୍, ଆଖ୍‌ମ୍‌ରାଃ ହନ୍ ଏଲିହୁଦ୍,
 ୧୫ ଏଲିହୁଦ୍‌ରାଃ ହନ୍ ଏଲିୟାଜାର୍, ଏଲିୟାଜାର୍‌ରାଃ ହନ୍ ମାଭାନ୍, ମାଭାନ୍‌ରାଃ ହନ୍ ଯାକୁବ୍,
 ୧୬ ଯାକୁବ୍‌ରାଃ ହନ୍ ଯୋଷେଫ୍, ଇନିଃ ମାରିୟାମ୍‌ରାଃ କଡ଼ାତେ ତାଇକେନା, ଏନ୍ ମାରିୟାମ୍ ଯାଶୁକେ ଜାନାମ୍‌କିୟା,
 ଇନିଃକେ ମାସି ମେନ୍ତେ କାଜିୟାଃକ ।
 ୧୭ ନେ ଲେକାତେ ଆବ୍ରାହାମ୍‌ଏତେ ଦାଉଦ୍ ଜାକେଦ୍ ଗେଲ୍‌ଉପୁନ୍* ପିଡ୍ଡି, ଆତଃ ଦାଉଦ୍‌ଏତେ ବାବିଲୋନ୍‌ତେ
 ତଲ୍‌ଇଦିକାଦ୍‌କ ଜାକେଦ୍ ଗେଲ୍‌ଉପୁନ୍ ପିଡ୍ଡି, ଆତଃ ବାବିଲୋନ୍‌ତେ ଇଦିକାଦ୍‌କ ଦିପିଲିଏତେ ମାସି ଜାକେଦ୍
 ଗେଲ୍‌ଉପୁନ୍ ପିଡ୍ଡିକ ତାଇକେନା ।

ୟାଶୁ ଶ୍ରୀଷ୍ଟିଆଃ ଜାନାମ୍
(ଲୁକ ୨:୧-୭)

୧୮ ✨ୟାଶୁ ଶ୍ରୀଷ୍ଟି ନେ ଲେକାଏ ଜାନାମ୍‌ଲେନା । ଇନିୟାଃ ଏଙ୍ଗାତେ ମାରିୟାମ୍‌କେ ଯୋଷେଫ୍ ନାଙ୍ଗ୍ ଆସିଆକାନ୍
 ତାଇକେନା । ମେନ୍‌ଦ ଇନିଃଲଃ ଆଶ୍‌ଦିୟାନ୍ ସିଦାରେ ଇନିଃ ପାବିତାର୍ ଆମ୍‌ତେ ଆବ୍ରାହାମ୍‌ଆୟାନ୍ ଆତଃ ହାମ୍‌ଲ୍‌ରୋଝା
 କାନାଏ ମେନ୍ତେ ଆବ୍ରାହାମ୍‌ଆୟାନ୍ ।
 ୧୯ ଇନିୟାଃ କଡ଼ା ଯୋଷେଫ୍ ମିଆଁଦ୍ ଧାର୍‌ମାନ୍ ହଡ଼ ତାଇକେନାଏ, ଏନାତେ ମାରିୟାମ୍ ବାଦ୍‌ନାମଃକାଏ ମେନ୍ତେ ଇନିଃ
 କାଏ ସାନାଙ୍ଗ୍‌କେଦା, ଏନାମେନ୍ତେ ଇନିଃକେ କା ଆଶ୍‌ଦିୟାଃ ନାଙ୍ଗ୍ ଉଡ଼ଃକେଦାଏ ।
 ୨୦ ମେନ୍‌ଦ ଇନିଃ ନେଆଁ ଉଡ଼ଃକାନ୍ ତାଇକେନ୍‌ରେ ପ୍ରାଭୁଆଃ ମିଆଁଦ୍ ଦୁଁଡ୍ କୁମ୍‌ରେ ଉଦୁବେନ୍‌ୟାନ୍ ଆତଃ
 କାଜିକିୟାଏ, “ହେ ଦାଉଦ୍‌ଆଃ ହନ୍ ଯୋଷେଫ୍, ଆମାଃ କୁଡ଼ି ଲେକା ମାରିୟାମ୍‌କେ ଅଡ଼ାଃତେ ଇଦିନାଙ୍ଗ୍ ଆଲମ୍
 ବରଏୟା, ଚିୟାଃତି ଇନିୟାଃ ହାମ୍‌ଲ୍‌ରୋଝା ପାବିତାର୍ ଆମ୍‌ତେ ହବାକାନା ।
 ୨୧ ✨ଇନିଃ ମିଆଁଦ୍ କଡ଼ାହନ୍ ଜାନାମ୍‌ୟାଏ, ଆତଃ ଆମ୍ ଇନିଃକେ ଯାଶୁ ମେନ୍ତେମ୍ ନୁତୁମ୍‌ୟା, ଚିୟାଃତି ଇନିଃଦ
 ଆୟାଃ ହଡ଼କକେ ଆକଆଃ ପାପ୍‌ହେତେ ବାସ୍ତାଅକଆ ।”
 ୨୨ ନାବାକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଆଃ ନାଗେନ୍ତେ ନେ ସବେନାଃ ହବାକାନା,
 ୨୩ “ମିଆଁଦ୍ ଡିଶ୍ଟାକୁଡ଼ି ହାମ୍‌ଲ୍‌ରୋଝା ହବାଅଆଏ ଆତଃ କଡ଼ାହନ୍ ଜାନାମ୍‌ୟାଏ, ଆତଃ ହଡ଼କ ଇନିଃକେ
 ଇମ୍ମାନୁୟେଲ୍” ମେନ୍ତେକ ନୁତୁମ୍‌ୟା, ଏନାରେୟାଃ ମୁଣ୍ଡିଦ୍, “ପାର୍‌ମେଶ୍‌ବାର୍ ଆବୁଲ୍‌ଋରିୟା ।”
 ୨୪ ଏନ୍ତେ ଯୋଷେଫ୍ ଦୁଡ଼ମ୍‌ଏତେ ବିରିଦ୍‌କେଦ୍‌ତେ, ପ୍ରାଭୁଆଃ ଦୁଁଡ୍ ଆଚୁକାଇ ଲେକା ଆୟାଃ କୁଡ଼ି ମାରିୟାମ୍‌କେ
 ଅଡ଼ାଃତେ ଇଦିକିୟା ।
 ୨୫ ✨ମେନ୍‌ଦ ଇନିଃ ମୁଡ଼କୁଲ୍ କଡ଼ାହନ୍ ଆଉରି ଜାନାମ୍‌ ଜାକେଦ୍ ଯୋଷେଫ୍ ଇନିଃକେ କାଏ ଜୁଡିଦ୍‌କିୟା । ଆତଃ
 ଯୋଷେଫ୍ ଏନ୍ ହନ୍‌କେ ଯାଶୁ ମେନ୍ତେ ନୁତୁମ୍‌କିଆ ।

୨

ସିଙ୍ଗିତୁରଃସାଃରେନ୍ ପାଣ୍ଡିତ୍‌କ ଯାଶୁକେ ନେନେଲ୍‌ନାଙ୍ଗ୍‌କ ହିଜୁଃତାନା

୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶ୍ଟୁମ୍‌ରେୟାଃ ବେଥ୍‌ଲେହେମ୍ ସାହାରରେ ଯାଶୁ ଜାନାମ୍‌ୟାନ୍ ତାୟମ୍‌ତେ,
 ସିଙ୍ଗିତୁରଃସାଃରେନ୍ ଚିମିନ୍ ପାଣ୍ଡିତ୍‌କ* ଯାଶୁଗାଲେମ୍‌ତେକ ହିଜୁଃୟାନ୍,
 ୨ ଆତଃ କୁଲିକେଦାଃକ, “ଯିହୁଦୀକଆଃ ରାଜା ହବାଅନିଃ ଜାନାମାକାନ୍ ହନ୍ ଅକ୍‌ତାଃରିୟା ? ଆଲେଦ୍
 ସିଙ୍ଗିତୁରଃସାଃରେ ଇନିୟାଃ ଇପିଲ୍‌କେ ନେଲ୍‌କେଦ୍‌ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”
 ୩ ନେଆଁ ଆୟୁମ୍‌କେଦ୍‌ତେ ହେରୋଦ୍ ରାଜା ଆତଃ ଇନିଃଲଃ ଗଟା ଯାଶୁଗାଲେମ୍‌ରେନ୍‌କ ଆକ୍‌ବାକାଅୟାନ୍ ।
 ୪ ଆତଃ ଇନିଃ ହଡ଼କଆଃ ସବେନ୍ ମୁଲ୍ ଯାଜାକ୍‌କ ଆତଃ ଆଇନ୍ ଇଡ଼କକେ ହାକାଅ ହୁଣ୍ଡିକେଦ୍‌ତେ “ମାସି ଚାଏ ଶ୍ରୀଷ୍ଟି,
 ଅକ୍‌ତାଃରେ ଜାନାମାଃଆ ?” ମେନ୍ତେ କୁଲିକେଦ୍‌କଆ ।
 ୫ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଯିହୁଦା ଦିଶ୍ଟୁମ୍‌ରେୟାଃ ବେଥ୍‌ଲେହେମ୍ ସାହାରରେ,” ଚିୟାଃତି ନେଆଁକେଦ୍
 ନାବା ନେ ଲେକାଏ ଅଲ୍‌କାଦା,

* ୧:୧୭ ଚାଉଦା ✨ ୧:୧୮ ଲୁକ ୧:୨୭. ✨ ୧:୨୧ ଲୁକ ୧:୩୧. † ୧:୨୧ ଲୁକ ୧:୩୧ ✨ ୧:୨୫ ଲୁକ ୨:୨୧. * ୨:୧ ନିକୁଦ୍ ସିମ୍‌ରେନ୍
 ଇପିଲ୍‌କକେ ପାଢ଼ାଅକେଦ୍‌ତେ ସାରିଉମ୍‌କ ତାଇକେନା

୨ “ରେ ଯିହୁଦା ଦିଶୁମ୍ବରେୟାଃ ବେଥ୍‌ଲେହେମ୍,
 ଆମ୍ ଯିହୁଦାରେୟାଃ ମାରାଜ୍ ନାଗାରକ୍‌ଏତେ ଜେତାଲେକାତେ କାମ୍ ହୁଡିଙ୍ଗ୍‌ୟା,
 ଚିୟାଃଟି ଆମେତେଦ ମିଆଁଦ୍ ଆଗୁଆଇ ଅଡଙ୍‌ଅଃଆଏ,
 ଇନିଃ ଆଇଁୟାଃ ଇସ୍ରାଏଲ୍ ହଡକକେ ହରକଆ ।”

୩ ଏନ୍ତେ ହେରୋଦ୍, ଏନ୍ ସିଙ୍ଗିତୁରଃସାଃରେନ୍ ପାଣ୍ଡିତକକେ ଦାନାଜ୍‌ତେ ହାକାଅକେଦକଆ, ଆଡଃ ଏନ୍ ଇପିଲ୍ ଚିମ୍ତାଏ ନେଲଃୟାନା, ଏନା ଇନ୍‌କୁତାଃଏତେ ବୁଗିଲେକାଏ ସାରିନାମ୍‌କେଦା ।

୪ ଏନ୍ତେ ଇନିଃ ଇନ୍‌କୁକେ ବେଥ୍‌ଲେହେମ୍‌ତେ କୁଲକେଦ୍‌ତେ ମେତାଦକଆ, “ସେନଃପେ ଆଡଃ ବୁଗିଲେକାତେ ଏନ୍ ବାଲେଃହନ୍‌କେ ଦାଣ୍ଟାଈପେ ଆଡଃ ଇନିଃକେ ନାମ୍‌କିଃରେ ଉଦୁବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍ ସେନ୍‌କେଦ୍‌ତେ ଇନିଃକେ ଜହାରିୟାଈଙ୍ଗ୍ ।”

୫ ଇନ୍‌କୁ ରାଜାରାଃ କାଜି ଆୟୁମ୍‌କେଦ୍‌ତେ ଆକଆଃ ହରାରେ ସେନଃୟାନାକ ଆଡଃ ନେଲେପେ, ଇନ୍‌କୁ ସିଙ୍ଗିତୁରଃସାଃରେ ନେଲକାଈ ଏନ୍ ଇପିଲ୍‌କେଗି ନେଲ୍‌କିଃତେ ପୁରାଃ ରାସ୍‌କାୟାନାକ । ଏନ୍ ଇପିଲ୍, ଏନ୍ ହନ୍ ତାଇକେନ୍ ଠାୟାଦ୍‌ତେ ଆଉରି ସେଟ୍‌ର୍ ଜାକେଦ୍ ଇନ୍‌କୁକେ ଆୟାର୍ ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦ୍‌ତେ ସେଟ୍‌ର୍‌ୟାନ୍‌ଚି, ଏନ୍ ଇପିଲ୍ ଏନ୍ତାଃରେ ଆଟ୍‌କାୟାନା ।

୬ ଇନ୍‌କୁ ଏନ୍ ଇପିଲ୍‌କେ ନେଲ୍‌କିଃତେ ପୁରାଃଗିକ ରାସ୍‌କାୟାନା ।

୭ ଆଡଃ ଇନ୍‌କୁ ଅଡଃତେ ବଲୟାନ୍‌ଚି ହନ୍‌କେ ଆୟାଃ ଏଙ୍ଗାତେ ମାରିୟାମ୍‌ଲଃ ନେଲ୍‌କିୟାକ ଆଡଃ ଇନ୍‌କୁ ଇକ୍‌ଡ୍‌ହୁକେଦ୍‌ତେ ଇନିଃକେକ ଜହାରିକିୟା ଏନ୍ତେ ଆକଆଃ ପଟ୍‌ମ୍‌କେ ରାଡ଼ାକେଦ୍‌ତେ ସୋନା, କୁନ୍ଦୁରୁ ଆଡଃ ବୁଗିନ୍ ସହାନ୍‌ସୁନ୍‌ମ୍ ଦାନକ୍ ଏମ୍‌କିୟା ।

୮ ଏନ୍ତେ ହେରୋଦ୍‌ତାଃତେ ଆଲ୍‌ପେ ସେନ୍‌ରୁହାଡ଼ାଃ ମେନ୍ତେ ପାର୍‌ମେଶ୍‌ବାର୍‌ଆଃ ଆନାରୁ କୁମ୍‌ରେ ନାମ୍‌ୟାନ୍‌ଚି, ଇନ୍‌କୁ ଏଗାଃ ହରାତେ ଆକଆଃ ଦିଶୁମ୍‌ତେକ ସେନଃରୁହାଡ଼୍‌ୟାନା ।

ଯୋଷେଫ୍ ଆଡଃ ମାରିୟାମ୍ ହନ୍‌କେ ମିସାର୍‌ତେକିନ୍ ଇଦିତାନା

୯ ଇନ୍‌କୁ ସେନଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍ ଯୋଷେଫ୍‌ତାଃତେ କୁମ୍‌ରେ ହିଜୁଃୟାନା ଆଡଃ କାଜିକିୟାଏ, “ହେରୋଦ୍, ହନ୍‌ତାମାଃକେ ଗଏଃନାଜ୍ ଦାଣ୍ଟାତାନାଏ, ଏନାତେ ମାର୍ ବିରିଦ୍‌ମେ, ହନ୍ ଆଡଃ ଆୟାଃ ଏଙ୍ଗାତେକେ ମିସାର୍ ଦିଶୁମ୍‌ତେ ଇଦିକିନ୍‌ମେ ଆଡଃ ଆଉରିଙ୍ଗ୍ ଉଦୁବାମେ ଜାକେଦ୍ ଏନ୍ତାଃରେ ତାଇନ୍‌ମେ ।”

୧୦ ଯୋଷେଫ୍ ବିରିଦ୍‌କେଦ୍‌ତେ ଏନ୍ ନିଦାରେଗି ହନ୍ ଆଡଃ ଇନିୟାଃ ଏଙ୍ଗାତେକେ ମିସାର୍ ଦିଶୁମ୍‌ତେ ଇଦିକେଦ୍‌କିନା ।

୧୧ ହେରୋଦ୍ ଆଉରି ଗଜଃ ଜାକେଦ୍ ଏନ୍ତାଃରେଗି ତାଇନ୍‌ୟାନା । “ଆଇଙ୍ଗ୍ ମିସାର୍ ଦିଶୁମ୍‌ହେତେ ହନିଙ୍ଗ୍‌କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବୀତେ କାଜିକାଦ୍ ପ୍ରାଭୁଆଃ କାଜି ନେ ଲେକାତେ ପୁରାୟାନା ।

ସିଟିଆ ହନ୍‌କକେ ଗଗଏଃ

୧୨ ହେରୋଦ୍ ରାଜା, ସିଙ୍ଗିତୁରଃସାଃରେନ୍ ପାଣ୍ଡିତ ହଡକ ବେଦାକେଦିୟାଁ ମେନ୍ତେ ଆଟ୍‌କାର୍‌କେଦ୍‌ଚି, ପୁରାଃଗି ଖ୍‌ସ୍‌ୟାନା ଆଡଃ ପାଣ୍ଡିତକକେ କୁଲିକେଦ୍‌ତେ ଅକ୍‌ନାଃ ସାରିକାଦ୍ ତାଇକେନାଏ, ଏନ୍ ଲେକାଗି ବେଥ୍‌ଲେହେମ୍‌ରେନ୍ ଆଡଃ ଏନାରେୟାଃ ହପରଜାପାଃରେନ୍ ହନ୍‌କ, ଅକନ୍‌କଚି ବାବାର୍ ସିମ୍‌ରେନ୍ ଆଡଃ ଏନାଏତେ ହୁପ୍‌ଡିଙ୍ଗ୍ ସବେନ୍ କଡ଼ାହନ୍‌କକେ ଗଏଃନାଜ୍ ଆଟୁକେଦ୍‌କଆଏ ।

୧୩ ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,

୧୪ “ରମା ସାହାରରେ ହାୟ ହାୟରେୟାଃ ରାଆଃ
 ଆଡଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମ୍‌ୟାନା,
 ରାହେଲ୍ ଆୟାଃ ହନ୍‌କ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;
 ଇନିଃ ଜୀଉରାଡ଼େଜେନ୍ କାଏ ସାନାଜ୍‌ତାନ୍ ତାଇକେନା,
 ଚିୟାଃଟି ଆୟାଃ ସବେନ୍ ହନ୍‌କ ଗଏଃୟାନାକ ।”

ଯୋଷେଫ୍ ଆଡଃ ମାରିୟାମ୍ ମିସାର୍‌ହେତେ ରୁହାଡ଼୍‌ୟାନାକିନ୍

୧୫ ହେରୋଦ୍ ଗଏଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍ ମିସାର୍ ଦିଶୁମ୍‌ରେ ଯୋଷେଫ୍‌ତାଃରେ କୁମ୍‌ରେ ଉଦୁବେନ୍‌ୟାନ୍‌ଲଃ କାଜିକିୟାଏ,

୧୬ “ବିରିଦ୍‌ମେ, ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍‌ତେ ସୁତୁଃଇଦିକିନ୍‌ମେ, ଚିୟାଃଟି ହନ୍‌ରାଃ ଜୀଉ ଇଦି ନାଜ୍ ସାନାଜ୍ ତାଇକେନ୍ ହଡକଦ ଗଏଃୟାନାକ ।”

୧୭ ଏନ୍ତେ ଯୋଷେଫ୍ ବିରିଦ୍‌କେଦ୍‌ତେ ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍‌ତେ ସୁତୁଃରୁହାଡ଼୍‌କେଦ୍‌କିନାଏ ।

୨୨ ମେନ୍ଦ ଆଖି ଲିୟସ୍ ଆୟା ଆପୁତେ ହେରୋଦ୍‌ଆଃ ଠାୟାଦ୍‌ରେ ଯିହୁଦା ଦିଶୁମ୍‌ରେ ରାଜାକାନା ମେନ୍ତେ ଆୟୁମ୍‌କେଦ୍‌ତେ, ଇନିଃ ଗାଲିଲ୍‌ତେ ସେନ୍‌ନାଙ୍ଗ୍ ବରକେଦାଏ ।

୨୩ *ଆତଃ କୁମ୍‌ରେ ପାର୍‌ମେଶ୍‌ବାର୍ ଆତୁକାଦ୍ ଲେକା ଗାଲିଲ୍ ଦିଶୁମ୍‌ରାଃ ନାଜ୍‌ରେଡ୍ ସାହାର୍‌ତେ ସେନଃୟାନା । ଆତଃ “ଇନିଃ ନାଜ୍‌ରେଡ୍‌ରେନ୍ ମେନ୍ତେ ନୁତୁମଃଆ ।” ମେନ୍ତେ କାଜିକାନ୍ ନାବୀକଆଃ କାଜି ନେ ଲେକାତେ ପୁରାୟାନା ।

୩

ବାପ୍ତିସ୍ମା ଏମଃନିଃ ଯୋହାନ୍‌ରାଃ ଇନିତୁ

(ମାର୍କ ୧:୧-୮; ଲୁକା ୩:୧-୯, ୧୫-୧୭; ଯୋହାନ୍ ୧:୧୯-୨୮)

୧ ଏନ୍ ଦିପିଲିରେ ବାପ୍ତିସ୍ମା ଏମଃନିଃ ଯୋହାନ୍ ହିଜୁଃୟାନାଏ, ଆତଃ ଯିହୁଦାରେୟାଃ ବିର୍ରେ ଇନିତୁ କାଜି ଏଟେଦ୍‌କେଦା,

୨ * “ଆପେୟାଃ ପାପ୍‌ହେତେ ମନ୍‌ରୁହାଡ୍‌ପେ ଚିୟାଃଟି ସିର୍ମା ରାଇଜ୍‌ଦ୍ ନାଡ୍‌ଠେଃରେଗିୟାଃ ।”

୩ ଅକନ୍ ହଡ୍‌ଆଃ ବିଷାଏରେ ଯିଶାୟ ନାବୀ କାଜିକାଦ୍‌ନିଃ ଯୋହାନ୍‌ଗି ତାନିଃ : ଇନିଃ କାଜିକେଦାଏ,

“ଜେତାଏ ବିର୍ରେ କାଉରିତାନିୟାଃ ସାଡ୍‌ ଆୟୁମଃତାନା,

‘ପ୍ରାଭୁଆଃ ହରା ବାଇୟେପେ;

ଇନିୟାଃ ନାଙ୍ଗ୍ ହରା ସିଧାଏପେ ।”

୪ ଯୋହାନ୍ ଉର୍‌ରାଃ ଉବ୍‌ତେ ବାଇୟାକାନ୍ ଲିଜାଃ ତୁସିଙ୍ଗ୍‌ଅଃତାନ୍ ତାଇକେନାଏ, ଆୟାଃ ମାୟାଙ୍ଗ୍‌ରେ ଉହୁର୍‌ରାଃ କାସ୍‌ନା ତଲଃ ତାଇକେନାଏ ଆତଃ ଇନିଃ ସନ୍‌ସରେଦ୍ ଆତଃ ହୁରୁମ୍‌ସୁକୁ ଜମ୍‌କତାନ୍ ତାଇକେନାଏ ।

୫ ଯୀରୁଶାଲେମ୍‌ରେନକ, ଗଟା ଯିହୁଦାରେନକ ଆତଃ ଯାଦାନ୍ ନାହିଁରାଃ ସବେନ୍ ହପ୍‌ରଜାପାଃରେନ୍ ହଡ୍‌କ ଇନିଃତାଃତେକ ହିଜୁଃୟାନା ।

୬ ଆତଃ ଇନ୍‌କୁ ଆକଆଃ ପାପ୍‌କ ପାତିୟାଃରକେଦା, ଏନ୍ତେ ଇନିଃ ଯାଦାନ୍ ନାହିଁରେ ଇନ୍‌କୁକେ ବାପ୍ତିସ୍ମାକେଦ୍‌କଆ ।

୭ * ମେନ୍ଦ ଯୋହାନ୍ ପୁରାଃ ଫାରୁଶୀକ ଆତଃ ସାଦୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍‌କେଦ୍‌କଟି ଇନ୍‌କୁକେ ମେତାଦ୍‌କଆ, “ଏ ବିଙ୍ଗ୍‌କଆଃ ହନ୍‌କ !” ହିଜୁଃତାନ୍ ମାରାଙ୍ଗ୍ ଏନେସେଦ୍‌ଏତେ* ନିର୍ ନାଗେନ୍ତେ ଅକଏ ଆପେକେ ଚେତାଝାଦ୍‌ପେୟାଏ ?

୮ ଆପେ ସାର୍‌ତିଗି ପାପ୍‌ଏତେ ହେୟାତିଙ୍ଗ୍‌କାଦ୍‌ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍‌ପେ ।

୯ * ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ତିଡିକେଦ୍‌ତେ କାଜିତାନ୍‌ଲଃ ନେ ସାଜାକ୍‌ଏତେ ବାସ୍ତାଝାଃଲେ ମେନ୍ତେ ଆଲ୍‌ପେ ଉଡ୍‌ଝୁୟା । ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ପାର୍‌ମେଶ୍‌ବାର୍‌ଦ୍ ନେ ଦିରିକ୍‌ଏତେ ଆବ୍ରାହାମ୍ ନାଗେନ୍ତେ ହନ୍‌କଏ ବାଇଦାଡିୟା !

୧୦ * ଆତଃ ନାହିଁଃ ଦାରୁରେୟାଃ ବୁଟାରେ ହାକେ ମାଣ୍ଡାଝା କାନା; ଅକନ୍ ଦାରୁ ବୁଗିନ୍ ଜ କା ଜଅଃ'ଆ ଏନାକେ ମାଗଃଆ ଆତଃ ସେଙ୍ଗେଲ୍‌ରେ ହୁରାଙ୍ଗ୍‌ଅଃଆ ।

୧୧ “ଆଇଙ୍ଗ୍‌ଦ୍ ଆପେୟାଃ ହେୟାତିଙ୍ଗ୍ ନାଗେନ୍ତେ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍ ମେନ୍ଦ୍ ଆଇଁୟାଃ ତାୟମ୍‌ତେ ଆଇଙ୍ଗ୍‌ଏତେ ପେଡ୍‌ୟାନ୍‌ନିଃ ହିଜୁଃତାନାଏ; ଇନିୟାଃ ଖାର୍‌ପା ଗଅଃଇଦି ଲେକାନିଃହ ଆଇଙ୍ଗ୍ ନାହିଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍ ଆତଃ ସେଙ୍ଗେଲ୍‌ତେ ବାପ୍ତିସ୍ମାପେୟା ।

୧୨ ଆୟାଃ ତିଃଇରେ ହାଟାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆତଃ ବାବା ଗୁମ୍ ସାପାକେଦ୍‌ତେ ଆୟାଃ ତାଣ୍ଡାର୍ ଅଡ଼ାଃରେ ମାଣ୍ଡାୟା ଆତଃ ପେଟେଃକେ କା ଇଣ୍‌ଜିଃ ସେଙ୍ଗେଲ୍‌ରେ ଅଣ୍ଡୁର୍‌ଏଣ୍ଡାଗେୟା ।”

ୟୀଶୁ ବାପ୍ତିସ୍ମାୟାନାଏ

(ମାର୍କ ୧:୯-୧୧; ଲୁକା ୩:୨୧-୨୨)

୧୩ ଏନ୍ ଦିପିଲିରେ ଯୀଶୁ ଯୋହାନ୍‌ତେ ବାପ୍ତିସ୍ମା ଇଦି ନାଗେନ୍ତେ ଗାଲିଲ୍‌ଏତେ ଯାଦାନ୍ ନାହିଁତେ ହିଜୁଃୟାନାଏ ।

୧୪ ମେନ୍ଦ୍ ଯୋହାନ୍ ଇନିଃକେ ମାନାତାନ୍‌ଲଃ କାଜିକିୟାଏ, “ଆଇଙ୍ଗ୍‌କେ ଆମାଃଏତେ ବାପ୍ତିସ୍ମା ଇଦି ଲାଗାତିଙ୍ଗ୍‌ୟାଃ, ଏନ୍‌ରେହଗି ଆମ୍ ଆଇଙ୍ଗ୍‌ତାଃତେମ୍ ହିଜୁଆକାନା !”

୧୫ ମେନ୍ଦ୍ ଯୀଶୁ ଇନିଃକେ କାଜିରୁହାଡ୍‌କିୟାଏ, “ନାହିଁଃ ନେଆଁରେ ମାନାତିଙ୍ଗ୍‌ୟାଃମେ, ଚିୟାଃଟି ନେ ଲେକାତେ ଆବୁ ପାର୍‌ମେଶ୍‌ବାର୍‌ଆଃ ସବେନ୍ ଧାର୍‌ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାତିଙ୍ଗ୍‌ୟାଃ ।” ଏନ୍ତେ ଯୋହାନ୍ ଇନିୟାଃ କାଜିକେ ମାନାତିଙ୍ଗ୍‌କେଦାଏ ।

୧୬ ଯୀଶୁ ବାପ୍ତିସ୍ମାୟାନ୍ ତର୍‌ସା ଦାଆଃଏତେ ଅତଙ୍ଗ୍‌ୟାନା । ଏନ୍ତେ ଇନିଃ ନାଗେନ୍ତେ ସିର୍ମା ନିଜ୍‌ୟାନା ଆତଃ ଇନିଃରେ ପାର୍‌ମେଶ୍‌ବାର୍‌ଆଃ ଆମ୍ ଦୁଦୁମୁଲ୍ ଲେକା ଆଡ୍‌ଗୁଃତାନ୍‌ତେୟାଃ ଯୋହାନ୍ ନେଲ୍‌କିୟାଏ ।

* ୨:୨୩ ମାର୍କ ୧:୨୪; ଲୁକା ୨:୩୯; ଯୋହାନ୍ ୧:୪୫. * ୩:୨ ମାଥୁରା ୪:୧୭; ମାର୍କ ୧:୧୫. * ୩:୭ ମାଥୁରା ୧୨:୩୪; ୨୩:୩୩. * ୩:୭ ଏନେସେଦ୍‌ଏତେଝ୍‌ସଏତେ * ୩:୯ ଯୋହାନ୍ ୮:୩୩. * ୩:୧୦ ମାଥୁରା ୭:୧୯.

୧୭ ✨ଆତ୍ମ ସିର୍ମାଏତେ ନେ'ଲେକା କାଜି ଆୟୁମ୍‌ୟାନା, “ନିଃଗି ଆଇଁୟାଃ ଦୁଲ୍ଲାଡ୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ ।”

୪

ୟାଶୁଆଃ ବିନିତାଅ

(ମାର୍କ ୧:୧୭-୧୩; ଲୁକ ୪:୧-୧୩)

୧ ✨ଏନ୍ତେ ପାବିତାର୍ ଆମ୍ବା ଯାଶୁକେ ବିରତେ ଇଦିକିୟା, ଏନ୍ତାଃରେ ସାଏତାନ୍ ଇନିଃକେ ବିତାଅକିୟା ।

୨ ବାର୍‌ହିସି ନିଦାସିଜି ରେକ୍‌କେଃ କାଟାବ୍‌କେଦ୍ ତାୟମ୍‌ତେ ଯାଶୁକେ ରେକ୍‌କେଜ୍‌କିୟାଃ ।

୩ ଏନ୍ତେ ସାଏତାନ୍ ଇନିଃତାଃରେ ହିଜୁଃୟାନା ଆତ୍ମ କାଜିକିୟାଏ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେରେଦ୍, ନେ ଦିରିକକେ ହଲ୍‌କ୍ ବାଇୟାଃକା ମେନ୍ତେ ଆତୁତାମ୍ ।”

୪ ମେନ୍‌ଦ୍ ଯାଶୁ ଇନିଃକେ କାଜିରୁହାଡ୍‌କିୟା, “ଧାରାମ୍‌ପୁଅରେ ଅଲ୍‌କାନା, ‘ହଡ୍ ହଲ୍‌କ୍‌ତେ ଏସ୍‌କାର୍ କା ମେନ୍‌ଦ୍ ପାର୍‌ମେଶ୍‌ବାର୍‌ଆଃ ମତାଏତେ ଅତ୍‌କ୍‌ଅଃତାନ୍ ସବେନ୍ କାଜିତେ ଜାହିଦ୍‌ଆ ।”

୫ ଏନ୍ତେ ସାଏତାନ୍ ଯାଶୁକେ ଯାଶୁଗାଲେମ୍ ଏନ୍ ପାବିତାର୍ ନାଗାର୍‌ତେ ଇଦିକିଃତେ ମାନ୍‌ଦିର୍ ଅତ୍‌ତାଃରେୟାଃ ତୁଟିରେ ତିକ୍‌କିୟା,

୬ ଆତ୍ମ କାଜିକିୟାଏ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେରେଦ୍ ନେତାଃଏତେ ଲାତାର୍‌ତେ ତେଗାଅତାମେ, ତିୟାଃଗି ଧାରାମ୍‌ପୁଅରେ ଅଲ୍‌କାନା,

“ପାର୍‌ମେଶ୍‌ବାର୍ ଆୟାଃ ଦୁଡ୍‌କକେ ଆତୁକଆ;

ଆତ୍ମ ଆମାଃ କାଟା ଦିରିରେ ଆଲ୍‌କା ଠଗଃକା

ମେନ୍ତେ ଇନ୍‌କୁ ଆକଆଃ ତିଃଇତେକ ତେଲ୍‌ମେୟାଁ ।”

୭ ଯାଶୁ ଇନିଃକେ କାଜିରୁହାଡ୍‌କିୟାଏ, “ଧାରାମ୍‌ପୁଅରେ ନେଆଁହିଗି ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଆଲ୍‌ମ୍ ବିତାଅଇୟା ।”

୮ ଏନ୍ତେ ସାଏତାନ୍ ଯାଶୁକେ ମିଆଁଦ୍ ସାଲ୍‌କି ବୁରୁତେ ଇଦିକିଃତେ ଅତେଦିଶୁମ୍‌ରେୟାଃ ସବେନ୍ ରାଇଜ୍ ଆତ୍ମ ଏନାରେୟାଃ ସୁଗାଡ୍‌ନତେୟାଃକ ଉଦୁବ୍‌କିୟାଏ ।

୯ ଆତ୍ମ ସାଏତାନ୍ ଯାଶୁକେ କାଜିକିୟାଏ, “ଆମ୍ ଆଇଁକ୍‌କେ ଇକ୍‌ଡ୍‌ମୁକେଦ୍‌ତେ ଜହାରିକ୍‌ରେଦ୍‌ମ୍ ନେ ସବେନାଃଇକ୍‌ଏମାମେୟାଁ ।”

୧୦ ଏନ୍ତେ ଯାଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ତିୟାଃଗି ନେଆଁ ଧାରାମ୍‌ପୁଅରେ ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଜହାରିମେ ଆତ୍ମ ଇନିଃକେ ଏସ୍‌କାର୍ ସୁସାରିମେ ।”

୧୧ ଏନ୍ତେ ସାଏତାନ୍ ଯାଶୁକେ ବାଗିକେଦ୍‌ତେ ନିର୍‌ୟାନା ଆତ୍ମ ଦୁଡ୍‌କ ହିଜୁଃକେଦ୍‌ତେ ଇନିଃକେ ସୁସାର୍ ଏଟେଦ୍‌କିୟାକ ।

ଗାଲିଲ୍‌ରେ ଯାଶୁଆଃ କାଜିକାମି ଏନେଟେଦ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ✨ଯୋହାନ୍ ଜେହେଲ୍‌ୟାନାଏ ମେନ୍ତେ ଯାଶୁ ଆୟୁମ୍‌କେଦ୍‌ତେ ଗାଲିଲ୍ ସାହାର୍‌ତେ ସେନଃୟାନା ।

୧୩ ✨ନାଜରେଡ୍ ବାଗିକେଦ୍‌ତେ ସବ୍‌ଲୁନ୍ ଆତ୍ମ ନପ୍ରାଲି ସିମ୍‌ନାରାଃ ଗାଲିଲ୍ ଦରେୟା ହେପାଦ୍‌ରାଃ କପର୍‌ନାହୁମ୍ ସାହାର୍‌ତେ ସେନ୍‌କେଦ୍‌ତେ ତାଇନ୍‌ୟାନାଏ ।

୧୪ ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

୧୫ “ସବ୍‌ଲୁନ୍ ଦିଶୁମ୍ ଆତ୍ମ ନପ୍ରାଲି ଦିଶୁମ୍,

ଦରେୟା ହେପାଦ୍‌ରାଃ ଯାଦାନ୍ ଗାଡା ହାନ୍ ପାରମ୍‌ରେ

ସାଅଁସାର୍‌କଆଃ ଗାଲିଲ୍ ଦିଶୁମ୍,

୧୬ ନୁବାଃରେ ତାଇନ୍‌କାନ୍ ହଡ୍‌କ

ମାରାକ୍ ମାର୍‌ସାଲ୍‌କ ନେଲେୟା

ଆତ୍ମ ଗନଏଃରେୟାଃ ଉମ୍‌ଲୁରେ ତାଇନ୍‌କାନ୍ ହଡ୍‌କ ନାକ୍

ମାର୍‌ସାଲ୍ ତୁରଃଆ ।”

୧୭ ✨ଏନ୍ ଦିପିଲିଏତେ ଯାଶୁ ଇତୁ ଏଟେଦ୍‌କେଦ୍‌ତେ କାଜିକେଦା, “ଆପେୟାଃ ପାପ୍‌ହେତେ ମନ୍‌ରୁହାଡ୍‌ପେ ତିୟାଃଗି ସିର୍ମା ରାଇଜ୍‌ଦ୍ ନାଡ୍‌ତେରେଗିୟାଃ ।”

ୟାଶୁ ଉପୁନିୟା* କେଉଁଠିକେ କେଡ଼ାକତାନା
(ମାର୍କ ୧:୧୭-୨୦; ଲୁକ ୫:୧-୧୧)

୧୮ ୟୀଶୁ ଗାଲିଲ ଦରେୟା ଗେନାଗେନାତେ ସେନୱତାନ ଇମତା, ପାଡ଼ରାସ୍ ନୁତୁମୱତାନ ଶିମୋନ୍ ଆତୱ ଆୟାଃ ହାଗାତେ ଆକ୍ରିୟ, ଏନ୍ ବାରାନ୍ ହାଗିୟାକିନ୍‌କେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ ହାକୁ ସାବ୍‌ତାନ୍ ନେଲ୍‌କେଦ୍‌କିନାଏ, ତିୟାଃତି ଇନ୍‌କିନ୍‌ଦ କେଉଁଠିକିନ୍ ତାଇକେନା ।

୧୯ ୟୀଶୁ ଇନ୍‌କିନ୍‌କେ କାଜିୟାଦ୍‌କିନା, “ଦେଲ୍‌ଆ ଆଇଙ୍‌କେ ଅତଙ୍‌ଇଙ୍‌ବେନ୍, ଆଇଙ୍‌ ଆବେନ୍‌କେ ହଡ଼କକେ ପାର୍‌ମେଶ୍‌ବାର୍‌ତାତେ ଆଉତେୟାଃ ଇତୁବେନାଇଙ୍‌ ।”

୨୦ ଏନ୍ତେ ଇନ୍‌କିନ୍ ଇମତାଙ୍‌ଗି ଜାଲୋମ୍ ବାଗିକେଦ୍‌ତେ ୟୀଶୁକେ ଅତଙ୍‌କିୟାକିନ୍ ।

୨୧ ୟୀଶୁ ଏନ୍ତାଃଏତେ କାଟିଃସାଙ୍‌ଗିନ୍ ଆୟୁର୍‌ତେ ସେନ୍‌କେଦ୍‌ତେ ଏଟାଃ ବାହ୍‌ହଡ଼ ହାଗିୟାକିନ୍, ଜେବଦୀୟାଃ ହନ୍ ଯାକୁବ୍ ଆତୱ ଆୟାଃ ହାଗାତେ ଯୋହାନ୍‌କେ ଆକିନାଃ ଆପୁତେ ଜେବଦୀୟାଃ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କେଡ଼ାକେଦ୍‌କିନା ।

୨୨ ଏନ୍ତେ ଇନ୍‌କିନ୍ ଇମତାଙ୍‌ଗି ଲାଉକା ଆତୱ ଆକିନାଃ ଆପୁତେକେ ବାଗିକେଦ୍‌ତେ ୟୀଶୁକେ ଅତଙ୍‌କିୟାକିନ୍ ।

ୟାଶୁଆଃ ଇନିତୁ, ପ୍ରାଚାର୍, ଆତୱ ପେଡେୟାନ୍ କାମି
(ଲୁକ ୬:୧୭-୧୯)

୨୩ ୟୀଶୁ ଗଟା ଗାଲିଲ୍ ସେନ୍‌କେଦ୍‌ତେ ଇନ୍‌କୁଆଃ ସାମାଜ୍ ଅତାଃକରେ ଇତୁତାନ୍‌ଲଃ ରାଇଜ୍‌ରେୟାଃ ସୁକୁକାଜି ଉଦୁବ୍‌କେଦାଏ ଆତୱ ହଡ଼କଆଃ ସବେନ୍ ଦୁକୁ ଆତୱ ସବେନ୍ ହାସୁକଏତେ ବୁଗିକତାନ୍ ତାଇକେନାଏ ।

୨୪ ଆତୱ ଇନିୟାଃ ନୁତୁମ୍ ଗଟା ସିରିୟା ଦିଶୁମ୍ ଜାକେଦ୍ ସେଟେର୍‌ୟାନା ଆତୱ ହଡ଼କ ସବେନ୍ ଲେକାନ୍ ଦୁକୁତାନ୍, ହାସୁତାନ୍‌କେ ଆତୱ ବଙ୍‌ମା ଏସେର୍‌କାନ୍‌କେ, ମିକ୍‌ ବେମାର୍‌କେ, ଆତୱ ବାଡ଼ତାକାନ୍‌କେ ଇନିଃତାଃତେକ ଆଉକେଦ୍‌କଆ ଆତୱ ଇନିଃ ଇନ୍‌କୁକେ ବୁଗିକେଦ୍‌କଆ ।

୨୫ ଆତୱ ଗାଲିଲ୍, ଦେକାପଲ୍‌ମା†, ଯୀରୁଶାଲେମ୍, ଯିହୁଦା ଆତୱ ଯାଦୀନ୍ ହାନ୍ ପାରମ୍‌ଏତେ ଗାଦେଲ୍ ହଡ଼କ ଇନିଃକେକ ଅତଙ୍‌କିୟା ।

୫

ୟାଶୁ ବୁରୁ ତେତାନ୍‌ରେ ଗାଦେଲ୍ ହଡ଼କକେ ଇତୁକତାନା

୧ ୟୀଶୁ ଗାଦେଲ୍ ହଡ଼କକେ ନେଲ୍‌କେଦ୍‌ତେ ବୁରୁତେ ରାକାବ୍‌ୟାନା ଆତୱ ଇନିଃ ଦୁବାକାନ୍‌ତାଃ ଆୟାଃ ତେଲ୍‌କ ହୁଣ୍ଡିବିମ୍‌ରକିୟାକ,

୨ ଆତୱ ଇନିଃ ହଡ଼କକେ ଇତୁ ଏଟେଦ୍‌କେଦ୍‌ତେ ମେତାଦ୍‌କଆ,

ସାର୍‌ତି ରାସ୍‌କା
(ଲୁକ ୬:୨୦-୨୩)

୩ “ଆମ୍‌ରେ ରେଙ୍‌ଠେତାନ୍‌କ ସୁକୁତାନ୍‌ଗିୟାଃ;

ତିୟାଃତି ସିର୍ମା ରାଇଜ୍ ଇନ୍‌କୁଆଃଗି ତାନାଃ !

୪ ଏୟମେତାନ୍‌କ ସୁକୁତାନ୍‌ଗିୟାଃ;

ତିୟାଃତି ପାର୍‌ମେଶ୍‌ବାର୍‌ ଇନ୍‌କୁକେ ଜାଉରାଡେଃକଆ !

୫ ଲେବେଃଜାଉକ ସୁକୁତାନ୍‌ଗିୟାଃ;

ତିୟାଃତି ପାର୍‌ମେଶ୍‌ବାର୍‌ ବାନାର୍‌ସା* ଏମାକାଦ୍‌ତେୟାଃକ ଅତେରେକ ଆକ୍‌ତେୟାର୍‌ରେୟା ।

୬ ଆପେ ଧାର୍‌ମାନ୍ ନାଗେନ୍ତେ ରେଙ୍‌ଠେତାନ୍‌କ, ସୁକୁତାନ୍ ଗିୟାଃପେ;

ତିୟାଃତି ପାର୍‌ମେଶ୍‌ବାର୍‌ ଆପେକେ ବିୟାଃଗି ଏମାପେୟା !

୭ ଦାୟାତାନ୍‌କ ସୁକୁତାନ୍‌ଗିୟାଃ;

ତିୟାଃତି ପାର୍‌ମେଶ୍‌ବାର୍‌ ଇନ୍‌କୁକେ ଦାୟାକଆ !

୮ ମନ୍‌ରେ ଫାର୍‌ତିଆକାନ୍‌କ ସୁକୁତାନ୍‌ଗିୟାଃ;

ତିୟାଃତି ଇନ୍‌କୁଦ ପାର୍‌ମେଶ୍‌ବାର୍‌କେକ ନେଲିୟା !

୯ ବାପାଇତିକ ସୁକୁତାନ୍‌ଗିୟାଃ;

ତିୟାଃତି ଇନ୍‌କୁଦ ପାର୍‌ମେଶ୍‌ବାର୍‌ଆଃ ହନ୍‌କ ନୁତୁମୱଆ !

୧୦ ୟୀଶୁ ଧାର୍‌ମାନ୍ ନାଗେନ୍ତେ ସାସାତି ନାମତାନ୍‌କ ସୁକୁତାନ୍‌ଗିୟାଃ;

* ୪:୧୭ ଚାଇର୍ ଝାନ୍ ✨ ୪:୨୩ ମାଧୁର ୯:୩୫; ମାର୍କ ୧:୩୯. † ୪:୨୫ ଦାଗ୍‌ତୁ ସାହାରାଃ ସିମ୍‌ନା * ୫:୫ ବାନାର୍‌ସା କାଜି ଏମ୍‌କାନା ✨ ୫:୧୦
୧ ପାଡ଼ରାସ୍ ୩:୧୪.

ଚିନ୍ତାଧର ସିର୍ମା ରାଇଜ୍‌ଦ ଇନ୍‌କୁଆଃଗି ତାନାଃ !

୧୧ *“ଆଇଜ୍ ନାଗେନ୍ତେ ହଡ଼କ ଆପେକେ ନିନ୍ଦାପେୟାକ, ସିଗିଦ୍‌ପେୟାକ, ଆତଃ ହସଡ଼ କାଜିତେ ଆପେୟାଃ ବିରୁଧରେ ଏଡ଼କାନ୍ କାଜିକ କାଜିୟାପେରେଦ, ଆପେ ସୁକୁତାନ୍‌ଗିୟାଃ ।

୧୨ *ଆପେ ପୁରାଃଗି ରାସ୍‌କାଅଃପେ, ଚିନ୍ତାଧର ସିର୍ମା ଦିଶୁମ୍‌ରେଦ ଆପେୟାଃ ନାଲା ପୁରାଃଗିୟା, ଏନ୍ ଲେକାଗିଦ ଇନ୍‌କୁ ଆପେୟାଃ ସିଦାରେନ୍ ନାବାକକେ ସିଗିଦ୍‌କେଦ୍‌କଆକ ।

ବୁଲୁଙ୍ଗ୍ ଆତଃ ମାର୍ସାଲ୍
(ମାର୍କ ୯:୫୦; ଲୁକ ୧୪:୩୪-୩୫)

୧୩ *“ଆପେ ସବେନ୍‌କ ଅତେଦିଶୁମ୍‌ରେନ୍ ହଡ଼କ ନାଗେନ୍ତେ ବୁଲୁଙ୍ଗ୍ ଲେକାଗି ତାନ୍‌ପେ, ମେନ୍‌ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆତଃମିସା ସିବିଲ୍‌ରୁହାଡ଼ଃଆ ? ଏନା ଆତଃ ଜେତାନ୍ କାମିରେ କା ଲାଗାଡ଼ିଜ୍ ଦାଡ଼ିୟଃଆ ଆତଃ ବାହାରିରେ ହୁରାଜ୍ ଏଣ୍ଡାଗଃଆ । ହଡ଼କ ଏନାକେ ଡିକାକେଦ୍‌ତେ ସେନଃଆକ ।

୧୪ *“ଆପେ ଅତେଦିଶୁମ୍‌ରେୟାଃ ମାର୍ସାଲ୍ ଲେକାଗି ତାନ୍‌ପେ । ବୁରୁରେ ବାଇକାନ୍ ନାଗାର୍ କା ଉକୁଦାଡ଼ିୟଃଆ ।

୧୫ *ଆତଃ ହଡ଼କ ଦିମି ଜୁଲ୍‌କେଦ୍‌ତେ ତାଝାଲାତାର୍‌ରେ କାକ ହାରୁବେୟା ମେନ୍‌ଦ ଦିକାରେକ ଦହୟା, ଆତଃ ଅଡ଼ାଃରେନ୍ ସବେନ୍‌କକେ ଏନା ମାର୍ସାଲ୍ ଏମାକଆଏ ।

୧୬ *ଏନ୍ ଲେକାଗି ଆପେୟାଃ ମାର୍ସାଲ୍ ହଡ଼କଆଃ ଆୟାର୍‌ରେ ମାସ୍‌ଲାଃକା, ଏନାତେ ଇନ୍‌କୁ ଆପେୟାଃ ବୁଗିନ୍ କାମି ନେଲ୍‌କେଦ୍‌ତେ ସିର୍ମା ଦିଶୁମ୍‌ରେନ୍ ଆପୁକେକ ମାରାଜ୍‌ଇକା ।

ଆଇନ୍ ବିଷାଏରେ ଇନିତୁ

୧୭ “ଆଇଜ୍ ମୁଣା ନାବା ଏମାକାଦ୍ ଆନ୍‌ରୁ ଆତଃ ନାବାକଆଃ ଇନିତୁ ଇଣ୍‌ଠ ନାଗେନ୍ତେ ହିଜୁଆକାନାଇଜ୍ ମେନ୍ତେ ଆଲ୍‌ପେ ଆଟ୍‌କାରେୟା, ମେନ୍‌ଦ ଏନା ପୁରାଅଃ ନାଗେନ୍ତେ ହିଜୁଆକାନାଇଜ୍ ।

୧୮ *ଆଇଜ୍ ସାର୍‌ତିଗି କାଜିତାନାଇଜ୍, ସିର୍ମା ଦିଶୁମ୍ ଆତଃ ଅତେ ଆଉରି ଜିୟନଃ ଜାକେଦ୍ ଆତଃ ସବେନାଃ ଆଉରି ଚାବାଃଆ ଜାକେଦ୍, ମୁଣା ନାବାଆଃ ଆନ୍‌ରୁରେୟାଃ ହୁଡ଼ିଜ୍ ଅନଲ୍ ଚାଏ ହୁଡ଼ିଜ୍ ବିନ୍ଧୁହ୍ ଜେତାଲେକାତେ କା ଜିୟନଃଆ ।

୧୯ ଏନା ନାଗେନ୍ତେ ଜେତାଏ ନେ ହୁପ୍‌ଡ଼ିଜ୍ ଆନ୍‌ରୁଏତେ ଜେତା ମିଆଁଦ୍ ଆନ୍‌ରୁ କାଏ ମାନାଡ଼ିୟାଃ ଆତଃ ଏନ୍ ଲେକାଗି ହଡ଼କକେ ଇଡୁକଆ, ଇନିଃ ସିର୍ମା ରାଇଜ୍‌ରେ ସବେନ୍‌କଏତେ ହୁଡ଼ିଜ୍ ମେନ୍ତେ ଲେକାଅଃଆଏ ମେନ୍‌ଦ ଜେତାଏ ଏନ୍ ସବେନାଃକେ ମାନାଡ଼ିୟାଃ ଆତଃ ଇଡୁଆଃଏ, ଇନିଃ ସିର୍ମା ରାଇଜ୍‌ରେ ମାରାଜ୍ ମେନ୍ତେ ଲେକାଅଃଆ ।

୨୦ ଆଇଜ୍ ଆପେକେ କାଜିପେତାନାଇଜ୍, ଆପେୟାଃ କାମି ପାର୍‌ମେଶ୍‌ବାର୍‌ଆଃ ମନେ ଲେକା, ଆଇନ୍ ଇଡୁକ ଆତଃ ଫାରୁଶୀକଆଃଏତେ ଆଦ୍‌କା ପାଡ଼ିୟାର୍ କା ହବାଆଃ ଜାକେଦ୍ ଆପେ ଜେତାଲେକାତେ ସିର୍ମା ରାଇଜ୍‌ରେ କାପେ ବଲ୍ ଦାଡ଼ିୟାଃ ।

ଖୁସ୍ ବିଷାଏରେ ଇନିତୁ
(ଲୁକ ୧୨:୫୭-୫୯)

୨୧ “ସିଦା ଦିପିଲିରେନ୍ ହଡ଼କକେ କାଜିୟାକାନ୍ ତାଇକେନା, ‘ଆଲମ୍ ଗଗଏଃ ଆତଃ ଜେତାଏ ଗଗଏଃରେଦ, ଇନିଃ ବିଚାର୍‌ରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍‌କାଦାପେ ।

୨୨ ମେନ୍‌ଦ ଆଇଜ୍ ଆପେକେଇଜ୍ କାଜିୟାପେତାନା, ଜେତାଏ ଆୟାଃ ହାଗାକେ ଖୁସ୍‌ଆଃଆଏ, ଇନିଃ ବିଚାର୍‌ରେ ସାଜାଇ ନାମେୟାଏ । ଆତଃ ଜେତାଏ ଆୟାଃ ହାଗାତେକେ ତଣ୍ଡୁ ମେନ୍ତେ କାଜିନିଃ ମାରାଜ୍ ପାଞ୍ଚେଟ୍‌ରେ ସାଜାଇ ନାମେୟାଏ, ଆତଃ ଜେତାଏ କକଲେ ମେନ୍ତେ କାଜିନିଃ ସେଙ୍ଗେଲ୍ ନାରାକ୍‌ରେ ସାଜାଇ ନାମେୟାଏ ।

୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍‌ମେଶ୍‌ବାର୍‌ଆଃ ନାଗେନ୍ତେ ବେଦିତେମ୍ ଆଉଖେ ଇମ୍‌ତା ଆମାଃ ବିରୁଧରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମ୍‌ତାରେ,

୨୪ ଏନ୍ ବେଦିତାଃରେ ଆମାଃ ଦାନ୍‌କେ ବାଗିକେଦ୍‌ତେ ସେନଃମେ ଆତଃ ସିଦାତେ ଆମାଃ ହାଗାମ୍‌ଲଃ ବାପାଇୟେନ୍‌ମେ, ଏନ୍ତେ ହିଜୁଃକେଦ୍‌ତେ ଆମାଃ ଦାନ୍‌କେ ପାର୍‌ମେଶ୍‌ବାର୍‌ଆଃରେ ରାକାବେମେ ।

୨୫ “ଆମାଃ ବାଇରିଲଃ ହରାରେ ସେନ୍‌ତାନ୍ ଇମ୍‌ତା ବାପାଇଦାବେନ୍‌ମେ, କା'ରେଦ ବାଇରି ଆମ୍‌କେ ବିଚାର୍‌ନିୟାଃ ଡିଃଇରେ ଏମ୍‌ମେୟା, ଆତଃ ବିଚାର୍‌ନିଃ ସିପାଇକଆଃ ଡିଃଇରେ ଜିମାମେୟା, ଏନ୍ତେ ଆମ୍ ଜେହେଲଃଆମ୍ ।

୨୬ ଆଇଜ୍ ଆମ୍‌କେ ସାର୍‌ତିଗି କାଜିତାନା, ଆମ୍ କାଉଡ଼ି କାଉଡ଼ି ଆଉରି ହାଲ୍‌ଚାବାଏ ଜାକେଦ୍ ଏନ୍ତାଃଏତେ କାମ୍ ଅଡ଼ଜ୍ ଦାଡ଼ିୟା ।

☆ ୫:୧୧ ୧ ପାଡ଼ରାସ୍ ୪:୧୪. ☆ ୫:୧୨ ପ୍ରେରିଡ଼ ୭:୫୨. ☆ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. ☆ ୫:୧୪ ଯୋହାନ୍ ୮:୧୨; ୯:୫. ☆ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩. ☆ ୫:୧୬ ୧ ପାଡ଼ରାସ୍ ୨:୧୨. ☆ ୫:୧୮ ଲୁକ ୧୨:୧୭. † ୫:୧୮ ଏନ୍ ସବେନାଃରାଃ ଇନିତୁ ପୁରା ହବାଃଆ ଜାକେଦ୍ ୫:୨୨ ଚିମିନ୍ ମାରି ଅନଲ୍‌ରେ ଅଲ୍‌କାନା, ହାଗାତେକେ ସାମା ସାମାରେ ଖୁସ୍‌ଆଃଆଏ

ଆପାଙ୍ଗିର ବିଷାଏରେ ଇନିତୁ

୨୭ “ଆଲ୍‌ପେ ଆପାଙ୍ଗିରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମାକାଦାଃ ।’

୨୮ ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଜେତାଏ ଜେତା କୁଡ଼ିକେ ଏଡ଼କାନ୍ ସାନାଙ୍ଗ୍‌ତେ ନେଲିରେଦ ଇନିଃ ଆୟାଃ ମନ୍‌ରେ ଇନିଃଲଃ ଆପାଙ୍ଗିରୟାନାଏ ।

୨୯ ✨ଆଡ଼ଃ ଆମାଃ ଜମ୍‌ତିସାଃରାଃ ମେନ୍‌ ପାପ୍‌ଇଚିମେରେଦ, ଏନାକେ ଅଡ଼ଙ୍ଗ୍‌କେଦ୍‌ତେ ହୁଦ୍‌ମାଏଣ୍ଡାଏମେ, ଚିୟାଃଚି ଆମାଃ ଗଟା ହଡ଼ମ୍ ନାରାକ୍‌ରେ ହୁଦ୍‌ମାଅଃଏତେ ମିଆଁଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

୩୦ ✨ଆଡ଼ଃ ଆମାଃ ଜମ୍‌ତିସାଃରାଃ ଡିଃଇ ପାପ୍‌ଇଚିମେରେଦ, ଏନାକେ ଛପାଏଣ୍ଡାଏମେ, ଚିୟାଃଚି ଆମାଃ ଗଟା ହଡ଼ମ୍ ନାରାକ୍‌ରେ ହୁଦ୍‌ମାଅଃଏତେ, ମିଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

କଡ଼ାକୁଡ଼ିବାଗି ବିଷାଏରେ ଇନିତୁ

(ମାଧୁର ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✨“ନେଆଁହଗି କାଜିକାନା, ‘ଜେତାଏ ଆୟାଃ କୁଡ଼ିକେ ବାଗିରେଦ, ଇନିଃ ଏନ୍ କୁଡ଼ିକେ ବାଗିରେଆଃ ଅନଲ୍‌ତିଠା ଏମ୍ ଲାଗାତିଙ୍ଗ୍‌ୟାଃ ।’

୩୨ ✨ମେନ୍‌ଦ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜେତାଏ ଆୟାଃ କୁଡ଼ିତେକେ ଆପାଙ୍ଗିର୍ କାମି ବାଗିକେଦ୍‌ତେ ଏଟାଃ କାମି ନାଗେନ୍ତେ ବାଗିରେଦ, ଇନିଃ ଆୟାଃ କୁଡ଼ିତେକେ ଆପାଙ୍ଗିର୍ ରିକାଲରେୟାଃ ଗୁଣ୍ଟାରେ ଚିଟାଃଝା ଆଡ଼ଃ ଜେତାଏ ବାଗିୟାକାନ୍ କୁଡ଼ିକେ ଆଣ୍‌ଦିନ୍‌ରେଦ, ଇନିଃ ଆପାଙ୍ଗିର୍ କାମି ରିକାଃଏ ।

କିରିୟା ବିଷାଏରେ ଇନିତୁ

୩୩ “ଆପେ ଆଡ଼ଃଗିପେ ଆୟୁମ୍‌କାଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟାଃ, ମେନ୍‌ଦ ଆପେୟାଃ କିରିୟାକ ପ୍ରାଭୁଆଃ ଆୟାଃରେ ପୁରାଏପେ ।’

୩୪ ✨ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିର୍ମା ଦିଶୁମ୍‌ରେୟାଃ ଆଲ୍‌ପେୟାଃ, ଚିୟାଃଚି ଏନାଦ ପାର୍‌ମେଣ୍ଡାୟାଃ ରାଜ୍‌ଗାଦି ତାନାଃ,

୩୫ ଚାଏ ଅତେରେୟାଃ ଆଲ୍‌ପେୟାଃ, ଚିୟାଃଚି ଏନାଦ ଇନିୟାଃ କାଟାରେୟାଃ ଗାଣ୍ଡୁ ତାନାଃ, ଆଡ଼ଃ ଯାରୁଗାଲେମ୍‌ରେଆଃ ଆଲ୍‌ପେୟାଃ, ଚିୟାଃଚି ଏନାଦ ମାରାଙ୍ଗ୍ ରାଜାକଆଃ ନାଗାର୍ ତାନାଃ ।

୩୬ ଆଡ଼ଃ ଆପେୟାଃ ବହଃରେୟାଃ କିରିୟା ଆଲ୍‌ପେୟାଃ, ଚିୟାଃଚି ଏନାରାଃ ମିଆଁଦ୍ ଉଦ୍‌କେ ପୁଣ୍ଡି ଚାଏ ହେନ୍‌ଦେ ରିକାନାଙ୍ଗ୍ ଆପେ କାପେ ଦାଡ଼ିୟା ।

୩୭ ଏନାତେ ଆପେୟାଃ କାଜି ‘ହଁ ରେଦ ହଁ’ ଚାଏ ‘କା ରେଦ କା’ ମେନ୍ତେ କାଜିପେ, ନେଆଁଏତେ ଆଦ୍‌କା କାଜିତେୟାଃ ଏଡ଼କାନ୍‌ଏତେ ହିଜୁଃଆ ।

ବାଦ୍‌ଲା ଇଦି ବିଷାଏରେ ଇନିତୁ

(ଲୁକ ୭:୨୯-୩୦)

୩୮ “ଆପେ ମେଦ୍‌ରେଆଃ ବାଦ୍‌ଲା ମେଦ୍, ଆଡ଼ଃ ଡାଟାରେୟାଃ ବାଦ୍‌ଲା ଡାଟା ମେନ୍ତେପେ ଆୟୁମାକାଦାଃ ।’

୩୯ ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟାଃ ଏଡ଼କାନ୍ ରିକାଏରେଦ, ଇନିୟାଃ ବାଦ୍‌ଲା ଆଲ୍‌ପେ ଇଦିୟା, ମେନ୍‌ଦ ଜେତାଏ ଆପେୟାଃ ଜମ୍‌ସାଃରାଃ ଜଝାରେ ଚାଟ୍‌କାନ୍‌ପେରେଦ, ଇନିଃକେ ଏଟାଃ ଜଝାହଗି ବିୟୁରାଲପେ ।

୪୦ ଆଡ଼ଃ ଜେତାଏ ଆପେଲଃ ବିଚାର୍ ଠାୟାଦ୍‌ରେ ଏପ୍‌ରାଙ୍ଗ୍‌କେଦ୍‌ତେ ଆପେୟାଃ ତୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍‌ରେଦ, ଇନିଃକେ ଚାଦାର୍ ଲିଜାଃ ହଗି ଏମାଲପେ ।

୪୧ ଜେତାଏ ପାଲ୍‌ଟାନ୍ ଆୟାଃ ବୋଝା ଗଅଃକେଦ୍‌ତେ ଆପେକେ ମିଦ୍ କିଲୋମିଟର୍ ହରା ସେନ୍ ରିକାପେରେଦ, ଇନିଃଲଃ ବାର୍ କିଲୋମିଟର୍ ସେନଃପେ ।

୪୨ ଜେତାଏ ଆପେକେ ଆସିପେରେଦ ଇନିଃକେ ଏମାଲପେ, ଆଡ଼ଃ ଜେତାଏ ଆପେତାଃଏତେ ରିଣୀ ଇଦି ସାନାଙ୍ଗ୍‌ରେଦ ଇନିଃକେ ଏମାଲପେ ।

ବାଇରିକକେ ଦୁଲାଡ଼କପେ

(ଲୁକ ୭:୨୭-୨୮, ୩୨-୩୩)

୪୩ “ଆପେୟାଃ ଗାଡ଼ିକକେ ଦୁଲାଡ଼କପେ ଆଡ଼ଃ ବାଇରିକକେ ହିଲାଙ୍ଗ୍‌କପେ ମେନ୍ତେ ଆପେ ଆୟୁମାକାଦାଃ ।’

୪୪ ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଆପେ ଆପେୟାଃ ବାଇରିକକେ ଦୁଲାଡ଼କପେ ଆଡ଼ଃ ଆପେକେ ସିଗିଦ୍‌ପେତାନ୍‌କଆଃ ନାଗେନ୍ତେ ବିକ୍ରିପେ ।

✨ ୫:୨୯ ମାଧୁର ୧୮:୯; ମାର୍କ ୯:୪୭. ✨ ୫:୩୦ ମାଧୁର ୧୮:୮; ମାର୍କ ୯:୪୩. ✨ ୫:୩୧ ମାଧୁର ୧୯:୭; ମାର୍କ ୧୦:୪. ✨ ୫:୩୨ ମାଧୁର ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧ କରିନ୍ଥସ ୭:୧୦, ୧୧. ✨ ୫:୩୪ ଯାକୁବ ୫:୧୨; ମାଧୁର ୨୩:୨୨.

୪୫ ଏନାତେ ଆପେ ଆପେୟାଃ ସିର୍ମା ଦିଶୁମ୍ରେନ୍ ଆପୁଆଃ ହନ୍କପେ ବାଇୟଃଆ, ଇନିଃ ଏଡକାନ୍ ଆତଃ ବୁଗିନ୍ ହଡକ ନାଗେନ୍ତେ ସିଜି ତୁରାଃଏ, ଧାର୍ମାନ୍ ହଡ ଆତଃ ଏଡକାନ୍ ହଡକ ନାଗେନ୍ତେ ଦାଆଃ ଗାମାଃଏ ।

୪୬ ଆପେକେ ଅକନକ ଦୁଲ୍ଲାଡପେତାନାକ ଇନ୍କୁକେ ଏସ୍କାର୍ ଦୁଲ୍ଲାଡରେକରେଦ ଆପେୟାଃ ଚିକାନ୍ ନାଲା ନାମଃଆ ? ଚିୟାଃ ମାଲ୍ହାରମ୍କହ୍ ନେ'ଲେକା କାକ ରିକାଃଚି ?

୪୭ ଆତଃ ଆପେ ଆପେୟାଃ ହାଗାକକେ ଏସ୍କାର୍ପେ ଜହାର୍ କରେଦ, ଆଦ୍କା ଚିନାଃପେ ଚିକାକାଦା ? ଚିୟାଃ ସାଅଁସାର୍କହ୍ ଏନ୍ଲେକା କାକ କାମିୟାଃ ?

୪୮ ଏନାମେନ୍ତେ ଆପେୟାଃ ସିର୍ମାରେନ୍ ଆପୁ ଲେକା ଆପେୟ ପାବିତାର୍ ତାୟୁଃପେ ।



ଏମଃରେୟାଃ ଇନିତୁ

୧ * “ହଡକ ନେଲେକା ମେନ୍ତେ ଆପେୟାଃ ଧାର୍ମାନ୍ କାମି ଇନ୍କୁଆଃ ଆୟାର୍ରେ ଆଲ୍ପେ ରିକାୟା, ଏନାମେନ୍ତେ ଆପେ ଚିର୍ଗାଲାକାନ୍ ତାଇନ୍ପେ, କା'ରେଦ ଆପେୟାଃ ସିର୍ମା ଦିଶୁମ୍ରେନ୍ ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୨ “ଏନା ନାଗେନ୍ତେ ଆପେ ରେଙ୍ଗେଃକକେ ଜେଡନାଃ ଏମ୍ ଇମ୍ତା ବେଦାହଡକଆଃ ଲେକା ବିଜୁଲ୍ ବାଜା ଆଲ୍ପେ ସାଡିଆ, ଇନ୍କୁ ହଡକତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ ଆତଃ ହରାକରେ ଏନ୍ଲେକା ରିକାଃକ । ଆଇଙ୍ଗ୍ ଆପେକେ ସାର୍ଡିଗି କାଜିପେତାନାଇଙ୍ଗ୍, ଇନ୍କୁ ଆକଆଃ ନାଲା ନାମ୍ ଚାବାକାଦାକ ।

୩ ମେନ୍ଦ ଆପେ ଦାନ୍ ଏମ୍ ଇମ୍ତା ଆପେୟାଃ ଜମ୍ତିଃଇ କାମିତାନ୍ତେୟାଃ ଲେଙ୍ଗାତିଃଇ ଆଲକାଏ ସାରିକା,

୪ ନେ ଲେକାଗି ଆପେୟାଃ ଏମଃତେୟାଃ ଦାନାଙ୍ଗ୍ ତାଇନାଃ, ଆତଃ ଆପେୟାଃ ଆପୁ ଦାନାଙ୍ଗ୍ରେ କାମିତେୟାଃ ନେଲାଃଏ, ଇନିଃ ଆପେକେ ନାଲାଏ ଏମାପେୟା ।

ବିକ୍ତିରେଆଃ ଇନିତୁ

(ଲୁକ ୧୧:୨-୪)

୫ * “ଆପେ ବିକ୍ତି ଇମ୍ତା ବେଦାହଡକ ଲେକା ଆଲ୍ପେ ରିକାନାଃ, ଚିୟାଃଚି ଇନ୍କୁ ହଡକଆଃ ନେପେଲ୍ରେ ସାମାଜ୍ ଅଡ଼ାଃକରେ ଆତଃ ହରା କଚାକରେ ତିଙ୍ଗ୍କେଦ୍ତେ ବିକ୍ତି ନାଗେନ୍ତେ ସୁକୁଆଃକ, ଆଇଙ୍ଗ୍ ଆପେକେ ସାର୍ଡିଗି କାଜିପେତାନାଇଙ୍ଗ୍, ଇନ୍କୁ ଆକଆଃ ନାଲା ନାମ୍ ଚାବାକାଦାକ ।

୬ ମେନ୍ଦ ଆପେ ବିକ୍ତି ଇମ୍ତା ଆପେୟାଃ ଭିତାର୍ ବାଖ୍ରେରେ ବଲପେ ଆତଃ ଦୁଆର୍ ହାଣ୍ଡେଦକେଦ୍ତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିକ୍ତିପେ ଏନ୍ତେ ଦାନାଙ୍ଗ୍ରେ ନେଲ୍ତାନ୍ ଆପୁ ନାଲାଏ ଏମାପେୟା ।

୭ “ବିକ୍ତି ଇମ୍ତା ସାଅଁସାର୍କ ଲେକା ଏନାଏନାକେଗି ଆଲ୍ପେ କାଜିୟା, ଚିୟାଃଚି ଇନ୍କୁ ପୁରାଃ କାଜି କାଜିଲେରେ ଆକଆଃ ବିକ୍ତି ଆୟୁମଃଆ ମେନ୍ତେକ ଉଡ଼ଃୟା ।

୮ ଏନା ନାଗେନ୍ତେ ଆପେ ଇନ୍କୁ ଲେକା ଆଲ୍ପେୟାଃ, ଚିୟାଃଚି ଆପେୟାଃ ସିର୍ମାରେନ୍ ଆପୁଦ ଆପେ ଆସି ସିଦାରେ ଆପେୟାଃ ଲାଗାତିଙ୍ଗ୍ତେୟାଃ ସାରିୟାଏ ।

୯ ଏନାତେ ଆପେ ନେ ଲେକା ବିକ୍ତିପେ,

“ହେ ଆଲେୟାଃ ସିର୍ମାରେନ୍ ଆବା;

ଆମାଃ ନୁଡୁମ୍ ପାବିତାରଃକା;

୧୦ ଆମାଃ ରାଇଜ୍ ହିଜୁଃକା;

ଆମାଃ ମନେ ସିର୍ମାରେ ଲେକା ଅତେଦିଶୁମ୍ରେୟ ପୁରାଅଃକା ।

୧୧ ଆଲେୟାଃ ତିସିଙ୍ଗ୍ରେୟାଃ ଜମେୟାଃ ଏମାଲେମେ ।*

୧୨ ଆଲେ ଆଲେୟାଃ ଏଡକାନ୍କକେ ଛାମାକେଦ୍କ ଲେକା,

ଆଲେୟାଃ ପାପ୍କ ଛାମାଏମେ ।

୧୩ ଆତଃ ବିଡାଅରେ ଆଲମ୍ ଆଉଲେୟା,

ମେନ୍ଦ ଏଡକାନ୍ନିଃଏତେ ବାଞ୍ଛାଅଲେମ୍ ।

ଚିୟାଃଚି ରାଇଜ୍, ପେଡ଼େଃ ଆତଃ ମାନାରାଙ୍ଗ୍ ଜାଉ ଜରଙ୍ଗ୍ ଆମାଃଗି ହବାଅଃକା, ଆମେନ୍ ।†

୧୪ * “ଆପେ ହଡକଆଃ ଗୁଣ୍ଟାକପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁ ଆପେକେୟଗି ଛାମାପେୟା ।

୧୫ ମେନ୍ଦ ଆପେ ହଡକଆଃ ଗୁଣ୍ଟାକେ କାପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁହ୍ ଆପେକେ କାଏ ଛାମାପେୟା ।

* ୬:୧ ମାଥୁର ୨୩:୫. † ୬:୫ ଲୁକ ୧୮:୧୦-୧୪. * ୬:୧୧ ଆଲେୟାଃ ଲାଗାତିଙ୍ଗ୍ତେୟାଃ ତିସିଙ୍ଗ୍ ଆତଃ ଗାପା ନାଗେନ୍ତେ † ୬:୧୩ ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ † ୬:୧୪ ମାର୍ଚ୍ଚ ୧୧:୨୫,୨୬.

କାଟାବ୍ ବିଷାଏରେ ଇନିତୁ

୧୬ “ଆପେ କାଟାବ୍ ଇମତା ବେଦାହତକ ଲେକା ଆଲ୍‌ପେ ଗସ ମେଦମୁହାଁଡେନା, ଚିୟାଃଚି ଇନ୍କୁଦ କାଟାବ୍‌ତାନାଲେ ମେନ୍ତେ ହତକଆଃ ଆୟାରରେ ନେଲଃକାଲେ ମେନ୍ତେ ଆକ ଗସ ମେଦମୁହାଁଡ୍ରିକ ତାଇନାଃ । ଆଇଙ୍ଗ୍ ଆପେକେ ସାର୍‌ତିଗି କାଜିପେତାନା, ଇନ୍କୁ ଆକଆଃ ନାଲା ନାମ୍ ଚାବାକାଦାକ ।

୧୭ ମେନ୍‌ଦ ଆପେ କାଟାବ୍ ଇମତା ଆପେୟାଃ ମେଦମୁହାଁଡ୍ ଆବୁଙ୍ଗ୍‌ୟେନ୍‌ପେ ଆତଃ ବହଃରେ ସୁନୁମ୍ ଗସଗେନ୍‌ପେ ।

୧୮ ନେ ଲେକାତେ ଆପେ ହତକଆଃ ଆୟାରରେ କାଟାବ୍‌ତାନାକ ମେନ୍ତେଦ କା ମେନ୍‌ଦ କା ନେଲଃତାନ ଆପୁତାଃରେ କାଟାବ୍‌ତାନାକ ମେନ୍ତେପେ ଉଦୁବଃଆ, ଆତଃ ଦାନାଙ୍ଗ୍‌ରେ ନେଲ୍‌ତାନ ଆପେୟାଃ ଆପୁ ନାଲାଏ ଏମାପେୟା ।

ସିର୍ମାରେ ଖୁଜ୍
(ଲୁକ ୧୨:୩୩-୩୪)

୧୯ “ନେ ଅତେରେ ଆପେୟାଃ ନାଗେନ୍ତେ ଖୁଜ୍ ଆଲ୍‌ପେ ହୁଣ୍ଡିଆଃ, ନେତାଃରେ ନିଦିର୍‌କ ଆତଃ ମୁର୍ଗାଜମ୍‌କେଦ୍‌ତେ ଜିୟନଃଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦ୍‌ତେ କୁମ୍‌ତୁଆଃକ ।

୨୦ ମେନ୍‌ଦ ଆପେ ନାଗେନ୍ତେ ସିର୍ମାରେ ଖୁଜ୍ ହୁଣ୍ଡିପେ, ଏନ୍ତାଃରେ ତିଜୁ ଆତଃ ନିଦିର୍‌ କାକ ଜିୟନେଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦ୍‌ତେ କାକ କୁମ୍‌ତୁଆଃ ।

୨୧ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ହତ୍‌ମରେୟାଃ ମାର୍ସାଲ୍
(ଲୁକ ୧୧:୩୪-୩୬)

୨୨ “ମେନ୍‌ଦ ହତ୍‌ମରେୟାଃ ଦିମି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ ଗଟା ହତ୍‌ମତାପେୟାଃ ମାର୍ସାଲଃଆ ।

୨୩ ମେନ୍‌ଦ ଆପେୟାଃ ମେଦ୍ ଏଡ୍‌କାନ୍ ମେନାଃରେଦ, ଆପେୟାଃ ଗଟା ହତ୍‌ମ ନୁବାଗଃଆ । ଏନା ନାଗେନ୍ତେ ଆପେରେ ତାଇନଃତାନ୍ ମାର୍ସାଲ୍ ନୁବାଗଃରେଦ, ଚିମିନ୍ ମାରାଙ୍ଗ୍ ବରଝାନ୍ ନୁବାଃ ହବାଅଆଃ ।

ପାର୍‌ମେଶ୍‌ବାର୍ ଆତଃ ଖୁଜ୍
(ଲୁକ ୧୨:୧୩; ୧୨:୨୨-୩୧)

୨୪ “ଜେତାଏ ବାରିଆ ଗମ୍‌କେକିନାଃ ଦାସି କାଏ ହବାଦାଡ୍ରିୟଃଆ । ଚିୟାଃଚି ଇନିଃ ମିହୁଡ୍‌କେ ହିଲାଙ୍ଗ୍‌ଇୟାଏ ଆତଃ ଏଟାଃ ମିହୁଡ୍‌କେ ଦୁଲାଡ୍ରିୟାଏ, ଚାଏ ମିଆଁଦ୍‌ନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍‌ମେଶ୍‌ବାର୍ ଆତଃ ଖୁଜ୍ ବାରାନାଃରେ କାପେ ଦାସିଦାଡ୍ରିନା ।”

୨୫ “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜାନିଦ୍ ତାଇନଃ ନାଗେନ୍ତେ ଚିକ୍‌ନାଃରୁ ଜମାଃ ଆତଃ ଚିକ୍‌ନାଃରୁ ନୁଁଏୟା, ଚାଏ ହତ୍‌ମରେ ଚିକ୍‌ନାଃରୁ ତୁସିଙ୍ଗ୍‌ୟେନା ମେନ୍ତେ ଆପେୟାଃ ଜୀତରେ ଆଲ୍‌ପେ ଉଡ୍‌ଖୁୟା । ଜମେୟାଃଏତେ ଜୀତ ଆତଃ ଲିଜାଃଏତେ ହତ୍‌ମ କାଟି ମାରାଙ୍ଗ୍‌ଆ ?

୨୬ ଚେଣ୍‌କେକେ ନେଲ୍‌କପେ, ଇନ୍କୁ କାକ ହେରେୟା ଚାଏ କାକ ଇରେୟା, ଆତଃ ଇନ୍କୁଆଃ ଭାଣ୍ଡାର୍ ଅଡ଼ାଃରେ କାକ ହୁଣ୍ଡିଆଃ, ହଲେହ୍ ଆପେୟାଃ ସିର୍ମାରେନ୍ ଆପୁ ଇନ୍କୁକେ ଆସୁଲ୍‌କତାନାଏ । ଆପେ ଚିନାଃ ଇନ୍କୁତାଃଏତେ କାପେ ମାରାଙ୍ଗ୍‌ଆ ?

୨୭ ଆପେକଏତେ ଅକଏ ଉଡ୍‌ଖୁକେଦ୍‌ତେ ଆୟାଃ ଜୀତକେ ମିଦ୍ ଘାଡ୍ରି ପସାଦାଡ୍ରିୟାଏ ?

୨୮ “ଆତଃ ଆପେ ଲିଜାଃ ନାଗେନ୍ତେ ଚିନାଃ ମେନ୍ତେପେ ଉଡ୍‌ଖୁତାନା ? ଅତେରେୟାଃ ବାହାକକେ ନେଲେପେ, ଏନାକ ଚିଲ୍‌କା ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା,

୨୯ ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନ୍‌ହ୍ ଆୟାଃ ସବେନ୍ ସୁଗାଡ଼ାନ୍‌ତେୟାଃଏତେ ଏନ୍ ବାହାକ ଲେକା କାଏ ସିଙ୍ଗାମାକାନ୍ ତାଇକେନା ।

୩୦ ତିସିଙ୍ଗ୍ ମେନାଃ ଆତଃ ଗାପା ରୁଲ୍‌ରେ ହାଁଶବଃତାନ୍ ଅତେରାଃ ତାସାଦ୍‌କେ ପାର୍‌ମେଶ୍‌ବାର୍ ନେ ଲେକାଏ ସିଙ୍ଗାରେ ରେଦ, ଏ ହୁଡ୍‌କ୍ ବିଶ୍ୱାସ୍‌ତାନ୍‌କ, ଚିୟାଃ ଇନିଃ ନେଆଁଏତେ ଆଦ୍‌କା ଆପେକେ କାଏ ତୁସିଙ୍ଗ୍‌ପେୟା ?

୩୧ “ଏନା ନାଗେନ୍ତେ ‘ଚିକ୍‌ନାଃରୁ ଜମେୟା ? ଚାଏ ଚିକ୍‌ନାଃରୁ ନୁଁଏୟା ? ଚାଏ ଚିକ୍‌ନାଃରୁ ତୁସିଙ୍ଗ୍‌ୟେନା ?’ ମେନ୍ତେ ଆଲ୍‌ପେ ଉଡ୍‌ଚୁଗୟା ।

୩୨ ଚିୟାଃଚି ସାଅଁସାର୍ ହତ୍‌କ ନେ ସବେନାଃ ଦାଣ୍ଡାବାଡ଼ାକ, ଆତଃ ନେ ସବେନାଃ ଆପେୟାଃ ଲାଗାଡିଙ୍ଗ୍‌ୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ ।

୩୩ ମେନ୍‌ଦ ଆପେ ସିଦାତେ ପାର୍‌ମେଶ୍‌ବାର୍‌ଆଃ ରାଇଜ୍ ଆତଃ ଇନିୟାଃ ଧାର୍‌ମାନ୍ କାଜି ଦାଣ୍ଡାଏପେ, ଆତଃ ନେ ସବେନାଃହ୍ ଆପେକେ ଏମଃଆ ।

☆ ୨:୧୯ ଯାକୁବ ୫:୨,୩.

୩୪ ଏନା ନାଗେନ୍ତେ ଗାପାନାଙ୍କ ଆଲ୍‌ପେ ଉଡ଼ୁୟା, ଚିୟାଠି ଗାପାଦ ଆୟାଃ ନାଙ୍କ ଆଇଃକ୍‌ଗି ଉଡ଼ୁୟା । ମୁସିଙ୍ଗ୍‌ରେୟାଃ ଦୁକୁ ମୁସିଙ୍ଗ୍ ନାଗେନ୍ତେ ଥୁମ୍‌ଗିଆ ।

୭

ଏଟାଃକକେ ବିଚାର୍‌ଏମଃ
(ଲୁକ ୭:୩୭-୩୮, ୪୧-୪୨)

୧ “ଏଟାଃକକେ ଆଲ୍‌ପେ ବିଚାର୍‌କଆ, ଏନାରେ ପାର୍‌ମେଶ୍ୱାର୍ ଆପେକେ କାଏ ବିଚାର୍‌ପେୟା ।

୨ *ଚିୟାଠି ଆପେ ଏଟାଃକକେ ବିଚାର୍‌କ ଲେକାଗି ପାର୍‌ମେଶ୍ୱାର୍ ଆପେକେ ବିଚାର୍‌ପେୟାଏ, ଆଡ଼ଃ ଆପେ ସଙ୍ଗେ ତାମ୍‌ଗିରେଗି ଆପେ ନାଗେନ୍ତେ ସୋଙ୍ଗଃଆ ।

୩ ଆମ୍ ଆମାଃ ମେଦ୍‌ରେଆଃ ରୁବାଃ କା ନେଲ୍‌କେଦ୍‌ତେ ହାଗାମାଃ ମେଦ୍‌ରେଆଃ ହୁଡ଼ିଙ୍ଗ୍ ରୁବାଃ ଚିକା ନାଗେନ୍ତେମ୍ ନେଲେତାନା ?

୪ ଆମାଃ ମେଦ୍‌ରେ ରୁବାଃ ତାଇନ୍‌କେଦ୍‌ତେ, ‘ହାଗାମାଃ ମେଦ୍‌ରେଆଃ ରୁବାଃକେ ଅଡ଼ଙ୍ଗ୍‌ତାମାଇଙ୍ଗ୍’ ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ?

୫ ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ ରୁବାଃ ଅଡ଼ଙ୍ଗ୍‌ୟେମେ, ଏନ୍ତେ ହାଗାମାଃ ମେଦ୍‌ରାଃ ରୁବାଃ ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

୬ “ପାବିତାର୍‌ତେୟାଃ ସେତାକକେ ଆଲ୍‌ପେ ଏମାକଆ ଚାଏ ଆପେୟାଃ ମୋଡ଼ି ସୁକୁରିକଆଃ ଆୟାର୍‌ରେ ଆଲ୍‌ପେ ଏଣ୍ଡାଏୟା, କା’ରେଦ ଇନ୍‌କୁ ଏନାକକେ ଆକଆଃ କାଟାତେକ ଡିକାଏୟା ଆଡ଼ଃ ରୁହାଡ଼୍‌କେଦ୍‌ତେ ଆପେକେ ଅଡ଼େଃପେୟାକ ।

ଆସି, ଦାଣ୍ଠା ଆଡ଼ଃ ଦୁଆର୍‌ରେ ଠକ୍ ଠକାଏପେ
(ଲୁକ ୧୧:୯-୧୩)

୭ “ଆସିପେ ଏନାରେଦ ଆପେକେ ଏମଃଆ, ଦାଣ୍ଠାଏପେ ଏନ୍‌ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ ।

୮ ଚିୟାଠି ଜେତାଏ ଆସିତାନ୍‌ନିଃଦ ତେଲାଇମାଃ, ଆଡ଼ଃ ଦାଣ୍ଠାଏନିଃଦ ନାମେୟାଏ, ଆଡ଼ଃ ଠକ୍ ଠକାଏନିଃ ନାଗେନ୍ତେ ନିଜଆଃ ।

୯ ଆପେକଏତେ ଅକନ୍ ହଡ଼ ନେ’ଲେକା ମେନାଇୟା, ଆୟାଃ ହନ୍ ହଲଙ୍ଗ୍ ଆସିରେଦ, ଚିନାଃ ଇନିଃକେ ଦିରି ଏମାଇୟାଏ,

୧୦ ଚାଏ ହାକୁ ଆସିରେଦ ଚିୟାଃ ଇନିଃକେ ବିଙ୍ଗ୍ ଏମାଇୟାଏ ?

୧୧ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାଦ୍‌ ଆପେୟାଃ ସିର୍ନାରେନ୍ ଆପୁ, ଅକନ୍‌କତି ଆଇଃକ୍‌କେ ଆସି ତାନାକ, ଇନ୍‌କୁକେ ଏନାଏତେ ଆଦ୍‌କା ବୁଗିନ୍‌ତେୟାଃ କାଏଡ଼ି ଏମାକଆ !

୧୨ *ଏନାମେନ୍ତେ ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ ସାନାଙ୍ଗ୍‌ତାନ୍ ଲେକା ଆପେୟାଗି ଇନ୍‌କୁ ନାଗେନ୍ତେ ଏନ୍‌ଲେକା ରିକାଏପେ, ଚିୟାଠି ନେଆଁଗି ମୁଣାଋଃ ଆନ୍‌ରୁ ଆଡ଼ଃ ନାବାକଆଃ ଇନିତୁରାଃ ମୁଣ୍ଡିତାନାଃ ।

ରେସେଦ୍ ଦୁଆର୍
(ଲୁକ ୧୩:୨୪)

୧୩ “ରେସେଦ୍ ଦୁଆର୍‌ତେ ବଲପେ, ଚିୟାଠି ଜିୟନଃତେ ଇଦି ନାରାକ୍ ଦୁଆର୍‌ଦ ଚାକାର୍‌ଗିୟା ଆଡ଼ଃ ଏନ୍ ହରାତେ ସେନ୍ ନାଙ୍ଗ୍ ପୁରାଃଗି ସାହାଜ୍‌ଗିଆ, ଏନାରେ ବଲନାଙ୍ଗ୍ ପୁରାଃ ହଡ଼କ ମେନାକଆ ।

୧୪ ମେନ୍‌ଦ କା ଚୁଣ୍ଡୁ ଜୀଦାନ୍‌ତେ ସେଟେର୍ ଦୁଆର୍ ରେସେଦ୍‌ଗିଆ ଆଡ଼ଃ ଏନ୍ ହରାତେ ସେନ୍ ନାଙ୍ଗ୍ ପୁରାଃଗି କେଟେଦ୍‌ଗିୟା, ଏନାକେ ନାମେ ହଡ଼କ ହୁଡ଼ିଙ୍ଗ୍‌ଗି ମେନାକଆ ।

ଦାରୁ ଆଡ଼ଃ ଏନାରେୟାଃ ଜ
(ଲୁକ ୭:୪୩-୪୪)

୧୫ “ହସଡ଼ ନାବାକତାଃଏତେ ଚିର୍ଗାଲାଇକାନ୍‌ପେ, ଇନ୍‌କୁ ବାହାରି ନେପେଲ୍‌ରେ ମିଣ୍ଡିକ ଲେକା ଆପେୟାଃ ହେପାଦ୍‌ତେକ ହିଜୁଃଆ, ମେନ୍‌ଦ ଇନ୍‌କୁ ଭିତାର୍ ନେପେଲ୍‌ରେ ହୁଣ୍ଡା୍‌ରକ ଲେକାନ୍‌କ ତାନ୍‌କ ।

୧୬ ଆପେ ଇନ୍‌କୁଆଃ କାମିତେ ଇନ୍‌କୁକେପେ ନେଲ୍‌ଉରୁମ୍‌କଆ । ଚିୟାଃ ହଡ଼କ ଜାନୁମ୍ ଦାରୁଏତେ ଦାଖ୍ ଜ ଚାଏ ଦଧାଡ଼ି ଦାରୁଏତେ ଲଆ ଜ ଗଦେୟାକ ?

୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃ’ତାନା ମେନ୍‌ଦ ଏଡ଼କାନ୍ ଦାରୁ ଏଡ଼କାନ୍ ଜ ଜଅଃ’ଆ ।

୧୮ ବୁଗିନ୍ ଦାରୁଏତେ ଏଡ଼କାନ୍ ଜ କା ଜ ଦାଡ଼ିୟଃଆ, ଚାଏ ଏଡ଼କାନ୍ ଦାରୁଏତେ ବୁଗିନ୍ ଜ କା ଜଅଃ’ଆ ।

☆ ୭:୨ ମାର୍କ ୪:୨୪. ☆ ୭:୧୨ ଲୁକ ୭:୩୧.

୧୯ ✨ଜେତା ଦାରୁଏତେ ବୁଗିନ୍ ଜ କା ଜ'ରେଦ, ଏନା ମାଗଃଆ ଆତଃ ସେଙ୍ଗେଲ୍ରେ ଏଣ୍ଟାଗଃଆ ।
 ୨୦ ✨ଏନାମେନ୍ତେ ଆପେ ହସଡ଼ ନାବୀକଆଃ କାମିତେ ଇନ୍କୁକେପେ ନେଲ୍ଡରୁମ୍‌କଆ ।

ଆଇଙ୍ଗ୍ ଆପେକେ କାଇଙ୍ଗ୍ ସାରିୟା
 (ଲୁକ ୧୩:୨୫-୨୭)

୨୪ “ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ’ ମେତାଇଙ୍ଗ୍‌ତାନ୍ ଏନ୍ ହଡ଼କଏତେ ସବେନ୍ ହଡ଼କ ସିମା ରାଇଜ୍‌ରେ କାକ ବଲଆ, ମେନ୍‌ଦ ଜେତାଏ ଆଇଁୟାଃ ସିମାରେନ୍ ଆପୁଆଃ ମନେଲେକା ସେସେନ୍‌ନିଃ ବଲଆଏ ।

୨୬ ପାର୍‌ମେଣ୍ଟାଆଃ ସାଜାଇ ହୁଲାଙ୍ଗ୍ ହିଜୁଃରେ, ପୁରାଃ ହଡ଼କ ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁଡୁମ୍‌ତେ ପାର୍‌ମେଣ୍ଟାଆଃ କାନାଜି କାଲେଟି କାଜି ? ଆମାଃ ନୁଡୁମ୍‌ତେ ବଙ୍ଗାକକେ କାଲେଟି ହାର୍‌ଅଡ଼ଙ୍ଗ୍ ? ଆତଃ ଆକ୍‌ଦାୟାଅ କାମି କାଲେଟି କାମି ?

୨୩ ଏନ୍ତେ ଆଇଙ୍ଗ୍ ଇନ୍କୁକେ ମେତାକଆଇଙ୍ଗ୍, ‘ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ, ଏ ଏଡ଼କାନ୍‌କ, ଆଇଙ୍ଗ୍‌ତାଃଏତେ ଆତମେନ୍‌ପେ ।’

ବାର୍‌ହଡ଼ ଅଡ଼ାଃ ବାବାଇକିନ୍
 (ଲୁକ ୭:୪୭-୪୯)

୨୪ “ଏନା ନାଗେନ୍ତେ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍‌କେଦ୍‌ତେ ମାନାତିଙ୍ଗ୍‌ନିଃ, ଚାଟେନ୍ ଦିରିରେ ଆୟାଃ ଅଡ଼ାଃ ବାଇକେଦ୍ ସେଣ୍ଟାନ୍ ହଡ଼ ଲେକାଃଏ ।

୨୫ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍‌ହିୟା ହୟକେଦାଏ ଆତଃ ଅଡ଼ାଃରେ ଟଅଃୟାନା, ମେନ୍‌ଦ ଏନା କା ହାଦୁଡ଼ୟାନା, ଚିୟାଃଟି ଏନାଦ ଚାଟେନ୍ ଦିରି ତେତାନ୍‌ରେ ବାଇୟାକାନ୍ ତାଇକେନା ।

୨୬ “ମେନ୍‌ଦ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍‌କେଦ୍‌ତେ କା ମାନାତିଙ୍ଗ୍‌ନିଃ, ଗିତିଲ୍‌ରେ ଆୟାଃ ଅଡ଼ାଃ ବାଇକେଦ୍ ତଣ୍ଟୁ ହଡ଼ ଲେକାଃଏ ।

୨୭ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍‌ହିୟା ହୟକେଦାଏ ଆତଃ ଅଡ଼ାଃରେ ଟଅଃୟାନା, ଏନ୍ତେ ଏନା ହାଦୁଡ଼ୟାନା, ଆତଃ ଏନାରାଃ ଜିୟନଃ ପୁରାଃ ବରଞ୍ଜାନ୍‌ଗି ହବାୟାନା ।”

ୟାଣ୍ଟୁଆଃ ଆକ୍‌ତେୟାର୍

୨୮ ✨ୟାଣ୍ଟୁ ନେ କାଜିକ କାଜିଚୁଣ୍ଟୁକେଦ୍‌ଟି, ଗାଦେଲ୍ ହଡ଼କ ଇନିୟାଃ ଇନିତୁରେ ଆକ୍‌ଦାୟାୟାନାକ,
 ୨୯ ଚିୟାଃଟି ଇନିଃଦ ଇନ୍କୁଆଃ ଆଇନ୍ ଇଡୁକ ଲେକାଦ କାହା, ମେନ୍‌ଦ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଇଡୁକ ତାଇକେନା ।



ୟାଣ୍ଟୁ ମିଆଁଦ୍ ନାଗେଘାଅନିଃକେ ବୁଗି ତାନା
 (ମାର୍କ ୧:୪୦-୪୫; ଲୁକ ୫:୧୨-୧୬)

୧ ଯାଣ୍ଟୁ ବୁରୁଏତେ ଆଡ଼ଗୁୟାନ୍‌ଟି, ଗାଦେଲ୍ ହଡ଼କ ଇନିଃକେକ ଅତଙ୍ଗ୍‌କିୟା ।

୨ ଏନ୍ତେ ମିଆଁଦ୍ ନାଗେଘାଅନିଃ ଇନିଃତାଃ ହିଜୁଃକେଦ୍‌ତେ, ଇକ୍‌ଡ଼ୁକେଦ୍‌ତେ ବିନ୍ତିତାନ୍‌ଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର୍ ଦାଡ଼ିୟାମ୍ ।”

୩ ଏନ୍ତେ ଯାଣ୍ଟୁ ଆୟାଃ ତିଃଇ ଜିଲିଙ୍ଗ୍‌କେଦ୍‌ତେ ଜୁଟିଦ୍‌କିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ଆତଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାର୍‌ଟିୟାନା ।

୪ ଏନ୍ତେ ଯାଣ୍ଟୁ ଇନିଃକେ କାଜିକିୟାଏ, “ନେଲେମେ, ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍‌ଦ, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆତଃ ଆମ୍ ବୁଗିୟାକାନାମ୍ ମେନ୍ତେ ଇନ୍କୁଆଃ ଗାଞ୍ଜା ନାଗେନ୍ତେ ମୁଣା ନାବୀ ଆତୁକାଦ୍ ଦାଣ୍ଟୋରାଃ ଦାନ୍ ରାକାବେମେ ।”

ୟାଣ୍ଟୁ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସିକେ ବୁଗି ତାନା
 (ଲୁକ ୭:୧-୧୦; ଯୋହାନ୍ ୪:୪୩-୫୪)

୫ ଯାଣ୍ଟୁ କପରନାହୁମ୍ ସାହାର୍‌ତେ ବଲୟାନ୍ ଇମ୍‌ତା ମିଦ୍‌ଶାଅ ସିପାଇକଆଃ ମିଆଁଦ୍ ରୋମି ଗମ୍‌କେ ଇନିଃତାଃତେ ହିଜୁଃୟାନା ଆତଃ ଦେଙ୍ଗାନାଙ୍ଗ୍ ବିନ୍ତିକିୟାଏ,

୬ “ହେ ଗମ୍‌କେ, ଦାସିତାଇଙ୍ଗ୍ ବାଡ଼କାନ୍‌ତେ ଅଡ଼ାଃରେ ବିରିଦ୍‌ବାଡ଼ା କାଏ ଦାଡ଼ିତାନ୍ ଆତଃ ବରଞ୍ଜାନ୍‌ଗି ଦୁକୁତାନାଏ ।”

୭ ଯାଣ୍ଟୁ ଇନିଃକେ କାଜିକିୟା, “ଆଇଙ୍ଗ୍ ସେନ୍‌କେଦ୍‌ତେ ଇନିଃକେ ବୁଗିଆଇଙ୍ଗ୍ ।”

✨ ୭:୧୯ ମାଧୁର ୩:୧୦; ଲୁକ ୩:୯. ✨ ୭:୨୦ ମାଧୁର ୧୨:୩୩. ✨ ୭:୨୮ ମାର୍କ ୧:୨୨; ଲୁକ ୪:୩୨.

୮ ଫେନ୍ଦ ମିଦ୍‌ଶାଅ ସିପାଇକଆଃ ଗମ୍‌କେ କାଜିରୁହାଡ଼କିୟା, “ହେ ଗମ୍‌କେ, ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନନିଃଦ ନାହାଁଲିଙ୍ଗ୍, ଫେନ୍ଦ ମିସାଗି କାଜିତାମ୍ ଏନ୍‌ରେଦ ଦାସି ତାଇୟାଃ ବୁଗିକଆଃଏ ।

୯ ଚିୟାଃତି ଆଇଙ୍ଗ୍‌ହ୍ ଏଟାଃକଆଃ ଆକ୍‌ଡେୟାର୍‌ରେ ଫେନାଇୟାଃ, ସିପାଇକ ଆଇଁୟାଃ ଆକ୍‌ଡେୟାର୍‌ରେ ଫେନାକଆଃ । ଆଇଙ୍ଗ୍ ମିହୁଡ଼କେ ସେନଃମେ ଫେତାଇରେଦ ଇନିଃ ସେନଃଆଏ ଆଡ଼ଃ ଏଟାଃନିଃକେ ହିଜୁଃମେ ଫେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ଫେତାଇରେ ଇନିଃ କାମିୟାଏ ।”

୧୦ ଯୀଶୁ ନେଆଁ ଆୟୁମ୍‌କେଦ୍‌ଡେ ଆକ୍‌ଦାନ୍‌ଆୟାନା ଆଡ଼ଃ ଆଇଃକ୍‌କେ ଅତଙ୍ଗ୍‌ଇଁତାନ୍ ହଡ଼କକେ ଫେତାଦ୍‌କଆ, “ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇସ୍ରାଏଲ୍‌ରେହ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଇଙ୍ଗ୍ ନାମ୍‌କାଦା ।

୧୧ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ପୁରାଃ ହଡ଼କ ପୁରାଦ୍ ଆଡ଼ଃ ପାଶ୍ଟିମ୍‌ଏଡେକ ହିଜୁଃଆ, ଏଡ୍ରେ ଆବ୍ରାହାମ୍, ଇସାକ୍, ଆଡ଼ଃ ଯାକ୍‌ବ୍‌ଡେକଲଃ ସିମ୍‌ା ରାଇଜ୍‌ରେ ଜଜମ୍ ନାଙ୍ଗ୍‌କ ନୁବାଃ,

୧୨ ଫେନ୍ଦ ଏନ୍ ରାଇଜ୍‌ରେନ୍ ହନ୍‌କ ନୁବାଃଉତାର୍‌ରେକ ହୁରାଙ୍ଗ୍ ଏଣ୍ଡାଗଆଃ । ଏଡ୍ରେରେ ଆକଆଃ ରାନାଆଃ ଆଡ଼ଃ ତାଟା ହାବ୍ ରିଡିଦଃଆ ।”

୧୩ ଏଡ୍ରେ ଯୀଶୁ ମିଦ୍ ସାଅ ସିପାଇକଆଃ ଗମ୍‌କେ କେ କାଜିକିୟା, “ଜୁ ଅଡ଼ାଃଡେ ସେନଃମେ, ଆଡ଼ଃ ଆମ୍ ବିଶ୍ୱାସ୍‌କାଦ୍ ଲେକା ଆମାଃ ନାଗେଡ୍ରେ ହବାଅଃକା ।”

ଆଡ଼ଃ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ଦୁକୁତାନ୍ ହଡ଼କକେ ବୁଗିକେଦ୍‌କଆ

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ଯୀଶୁ ପାଡ଼ରାସ୍‌ଆଃ ଅଡ଼ାଃଡେ ହିଜୁଃୟାନ୍‌ଡି, ଇନିଃ ପାଡ଼ରାସ୍‌ଆଃ ହାନାର୍‌ଡେକେ ଉରିୟୁଡେ ପାର୍‌କମ୍‌ରେ ବାଟିୟାକାନ୍ ନେଲ୍‌କିୟାଏ ।

୧୫ ଏଡ୍ରେ ଯୀଶୁ ଇନିୟାଃ ତିଃଇ ଜୁଟିଦ୍‌କେଦାଏ ଆଡ଼ଃ ଇନିଃ ଉରିୟୁଏଡେ ବୁଗିୟାନା, ଏଡ୍ରେ ଇନିଃ ବିରିଦ୍‌କେଦ୍‌ଡେ ଇନିୟାଃ ସୁସାର୍ ଏଟେଦ୍‌କେଦାଏ ।

୧୬ ସିଙ୍ଗିହାସୁରଃ ତାନ୍‌ରେ ହଡ଼କ ପୁରାଃ ବଙ୍ଗା ଏସେରକାନ୍ ହଡ଼କକେ ଯୀଶୁତାଃଡେକ ଆଉକେଦ୍‌କଆ । ଇନିଃ ବଙ୍ଗାକକେ କାଜିଡେଗି ହାର୍ ଅତଙ୍ଗ୍‌କେଦ୍‌କଆ ଆଡ଼ଃ ସବେନ୍ ଦୁକୁହାସୁତାନ୍‌କକେ ବୁଗିକେଦ୍‌କଆ ।

୧୭ ଯିଶାୟ ନାବୀ କାଜିକାଦ୍‌ଡେୟାଃ ପୁରାଅଃକା ଫେଡ୍ରେ ଇନିଃ ନେ ଲେକାଏ କାମିକେଦା, “ଇନିଃ ଆଇଃକ୍‌ଗି ଆବୁଆଃ ଦୁକୁହାସୁକଏ ଗଅଃଇଦିକେଦା ।”

ୟୀଶୁକେ ଅତଙ୍ଗ୍‌ଇଁରାଃ ଗନଙ୍ଗ୍

(ଲୁକ ୯:୫୭-୬୨)

୧୮ ଯୀଶୁ ଆୟାଃ ଉପୁନ୍‌ସାଃରେ ପୁରାଃ ହଡ଼କକେ ନେଲ୍‌କେଦ୍‌ଡେ ଦରେୟା ହାନ୍ ପାରମ୍‌ଡେବୁ ସେନା ଫେଡ୍ରେ ଚେଲାକକେ ଆଡୁକେଦ୍‌କଆ ।

୧୯ ଏଡ୍ରେ ମିଆଁଦ୍ ଆଇନ୍ ଇଡୁନିଃ ହିଜୁଃକେଦ୍‌ଡେ କାଜିକିୟା, “ହେ ଗୁରୁ, ଆମ୍ କଡେମ୍ ସେନା ଏଡ୍ରେଇଙ୍ଗ୍ ଅତଙ୍ଗ୍‌ମେୟାଁ ।”

୨୦ ଯୀଶୁ ଇନିଃକେ କାଜିରୁହାଡ଼କିୟା, “ଡୁୟୁକଆଃଦ ଲାତା ଫେନାଃ ଆଡ଼ଃ ସିମ୍‌ା ଲାତାର୍‌ରେନ୍ ଚେଟ୍‌କିଆଃ ଅକା ଫେନାଃ ଫେନ୍ଦ ମାନଃହାନ୍‌ଆଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

୨୧ ଆୟାଃ ଚେଲାକଏଡେ ଏଟାଃନିଃ କାଜିକିୟାଏ, “ହେ ପ୍ରାଭୁ, ସିଦାଡେ ଆପୁଇଙ୍ଗ୍‌କେ ତପାଇ ନାଗେଡ୍ରେ ସେନ୍‌ଇଡିଙ୍ଗ୍‌ମେ ।”

୨୨ ଫେନ୍ଦ ଯୀଶୁ କାଜିରୁହାଡ଼କିୟାଏ, “ଅତଙ୍ଗ୍‌ଇଙ୍ଗ୍‌ମେ, ଆଡ଼ଃ ଗଏଃକାନ୍‌କ ଆକଆଃ ଗଏଃକାନ୍‌କକେ ତପାକକାକ ।”

ୟୀଶୁ ମାରାଙ୍ଗ୍ ହୟକେ ହାପାଉତାର୍‌କେଦା

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଯୀଶୁ ଲାଉକାରେ ଦେଏଃୟାନା ଆଡ଼ଃ ଇନିୟାଃ ଚେଲାକ ଇନିଃକେକ ଅତଙ୍ଗ୍‌କିୟା ।

୨୪ ଏଡ୍ରେ ନେଲେପେ, ଦରେୟାରେ ଇମ୍‌ତାଙ୍ଗ୍‌ଗି ଦୁଦୁଗାର୍‌ହୟ ବିରିଦ୍‌ୟାନା ଆଡ଼ଃ ଲାଉକାରେ ଆଲ୍‌ପୁଙ୍ଗ୍‌କ ରାକାବ୍‌ୟାନା, ଆଡ଼ଃ ଲାଉକା ଡୁବିଃଗ୍‌ୟାନ୍ ଲେକା ହବାୟାନା । ଫେନ୍ଦ ଯୀଶୁ ଦୁଡ଼ୁ ତାଇକେନାଏ ।

୨୫ ଚେଲାକ ଇନିଃତାଃଡେ ସେନ୍‌କେଦ୍‌ଡେ ବିରିଦିତାନ୍‌ଲଃ କାଜିକିୟାକ, “ହେ ପ୍ରାଭୁ, ବାଞ୍ଛାଅଲେମେ, ଆଲେ ଡୁବିଃଗ୍ ଗଜଃତାନାଲେ ।”

୨୬ ଯୀଶୁ ଇନ୍‌କୁକେ କାଜିରୁହାଡ଼କେଦ୍‌କଆ, “ଏ ହୁଡିଙ୍ଗ୍ ବିଶ୍ୱାସ୍‌ତାନ୍‌କ, ତିନାଃ ଫେଡ୍ରେପେ ବରତାନା ।” ଏଡ୍ରେ ଇନିଃ ବିରିଦ୍‌କେଦ୍‌ଡେ ହୟ ଆଡ଼ଃ ଦରେୟାରାଃ ଆଲ୍‌ପୁଙ୍ଗ୍‌କେ ମାରାଙ୍ଗ୍‌ମଟାକେଦା, ଏଡ୍ରେ ସବେନାଃ ପୁରା ସିଃସଏଃୟାନା ।

☆ ୮:୧୧ ଲୁକ ୧୩:୨୯. ☆ ୮:୧୨ ମାଥୁରା ୨୨:୧୩; ୨୫:୩୦; ଲୁକ ୧୩:୨୮.

୨୭ ହୃଦକ ଆକ୍ରମଣାଭିଯାନକ, ଆତ୍ମା ମେନକେଦାକ, “ନିଃ ଚିତ୍ତକାନ୍ ହୃଦ ତାନିଃ ? ହୟ ଆତ୍ମା ଦରେୟାରାଃ ଆଲ୍ଲପୁଞ୍ଜକ ନିଃକେ ମାନାତିଞ୍ଜତାନାକ !”

ୟାଶୁ ବଜ୍ରା ଏସେରକାନ୍ ବାହୁଡ଼କିନ୍ଦକେ ବୁଗିକେଦକିନା

(ମାର୍କ ୫:୧-୨୦; ଲୁକା ୮:୨୭-୩୯)

୨୮ ୟୀଶୁ ଦରେୟା ହାନ୍ ପାରମ୍ ଗେରାସିମିକଆଃ ପାରଗାନ୍ତେ ସେଟେରୟାନ୍ତି, ବାହୁଡ଼ ବଜ୍ରା ଏସେରକାନ୍କିନ୍ଦ ତପାଠାୟାଦ୍‌ଏତେ ଅତଞ୍ଜକେଦ୍‌ତେ ୟୀଶୁକେ ସେନ୍ଦାରମ୍‌କିୟାକିନ୍ । ଇନକିନାଃ ପୁରାଃ ପେଡ଼େଃ ଆତ୍ମା ବରଞ୍ଜାନ୍‌ଗି ତାଞ୍ଜକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍‌ପାରମ୍ ଦାଡ଼ିତାଞ୍ଜକେନା ।

୨୯ ଆତ୍ମା ଇମତାଗି ଇନକିନ୍ କାଉରିତାନଲଃ କାଜିକେଦାକିନ୍, “ହେ ପାରମେଶ୍ଵରଆଃ ହନ୍, ଆଲିଞ୍ଜଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଟେର ସିଦାରେ ଆଲିଞ୍ଜକେ ସାଜାଞ୍ଜ ଏମ୍ ନାଗେନ୍ତେ ନେତାଃତେମ୍ ହିଜୁଆକାନା ?”

୩୦ ଆତ୍ମା ଇନକୁଏତେ କାଟିଃ ସାଞ୍ଜିନ୍‌ରେ ସୁକୁରିକଆଃ ମାରାଞ୍ଜ ଗୋଟ୍ ଆତିଞ୍ଜତାନକ ତାଞ୍ଜକେନା ।

୩୧ ଏନ୍ତେ ଏନ୍ ହୃଦଆଃ ଭିତାରଏତେ ବଜ୍ରାକ ୟୀଶୁକେ ବିନ୍ଦିକେଦ୍‌ତେ କାଜିକିୟାକ, “ଆମ୍ ଆଲେକେ ଅତଞ୍ଜଲେରେଦମ୍ ଏନ୍ ସୁକୁରିକଆଃ ଗୋଟ୍‌ରେ କୁଲ୍‌ତାଲେମେ ।”

୩୨ ୟୀଶୁ ଇନକୁକେ ମେତାଦକଆ, “ସେନଃପେ ।” ଏନ୍ତେ ଇନକୁ ଅତଞ୍ଜକେଦ୍‌ତେ ସୁକୁରିକରେକ ବଲୟାନା, ଆତ୍ମା ସୁକୁରିକଆଃ ଗୋଟ୍, ଦରେୟାରେ ନିର୍ ଭୁଷ୍‌ମାୟାନାକ ଆତ୍ମା ଦାଆଃରେ ତୁବିଃଗ୍ ଗଏଃୟାନାକ ।

୩୩ ସୁକୁରି ଗୁପିତାନକ ନିର୍ୟାନା ଆତ୍ମା ସାହାରତେ ତେବାଃୟାନ୍ତି, ହବାକାନ୍ ସବେନାଃ ଆତ୍ମା ଏନ୍ ବଜ୍ରା ଏସେରକାନ୍‌କିନ୍ଦକେ ହବାକାନ୍‌ତେୟାଃ ସବେନାଃ ଉଦୁବାଦକଆକ ।

୩୪ ଏନ୍ତେ ସାହାରରେନ୍ ସବେନ୍ ହୃଦକ ୟୀଶୁକେ ନେଲ୍ ନାଗେନ୍ତେକ ଅତଞ୍ଜୟାନା ଆତ୍ମା ଇନିଃକେ ନେଲ୍‌କିଃତେ, ଆଲେୟାଃ ସାହାରରାଃ ସିମ୍‌ନାଏତେ ଅତଞ୍ଜାଃମେ ମେନ୍ତେକ ବିନ୍ଦିକିୟା ।



ୟାଶୁ ମିଆଁଦ୍ ବାଡ଼କାନ୍ ହୃଦକେ ବୁଗି ତାନା

(ମାର୍କ ୨:୧-୧୨; ଲୁକା ୫:୧୭-୨୬)

୧ ୟୀଶୁ ଲାଉକାରେ ଦେଏଃୟାନ୍ତେ ଦରେୟା ପାରମ୍‌କେଦ୍‌ତେ ଆୟାଃ ସାହାରତେ* ହିଜୁଃରୁହାଡ଼ୟାନାଏ ।

୨ ନେଲେପେ, ମିଆଁଦ୍ ବାଡ଼କାନ୍ ହୃଦକେ ପାରକମ୍‌ରେ ବାଟିୟାକାନ୍‌ଗି ୟୀଶୁତାଃ ଗଅଃ ଆଉକିୟାକ । ୟୀଶୁ ଇନକୁଆଃ ବିଶ୍ଵାସ୍ ନେଲ୍‌କେଦ୍‌ତେ ଏନ୍ ବାଡ଼କାନ୍‌ନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପକ ଛାମାୟାନା ।”

୩ ଏନ୍ତେ ଆଇନ୍ ଇତୁକଏତେ ଚିମିନ୍‌କ ଆକ ଆକରେକ କାଜିକେଦା, “ନେ ହୃଦ ପାରମେଶ୍ଵରକେ ନିନ୍ଦାଞ୍ଜତାନା ।”

୪ ୟୀଶୁ ଇନକୁଆଃ ମନ୍‌ରେୟାଃ ଉଡ଼ୁ ଆଟ୍‌କାରକେଦ୍‌ତେ ମେତାଦକଆ, “ଆପେ ଚିକାନାଞ୍ଜ ଆପେୟାଃ ମନ୍‌ରେ ଏଡ଼କାନାଃପେ ଉଡ଼ୁତାନା ?

୫ ଅକ୍‌ନାଃ ରାଞ୍ଜାଲଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲଃ ଚି ‘ବିରିଦ୍‌ମେ ଆତ୍ମା ସେନେମେ’ ମେନ୍ତେ କାଜିତେୟାଃ ?

୬ ମେନ୍‌ଦ ନେ ଅତେରେ ପାପ୍ ଛାମାରେୟାଃ ଆକ୍‌ତେୟାର୍ ମାନଞ୍ଜାହନ୍‌ଆଃ ମେନାଃ,” ଏନା ଆପେ ସାରିଦାଡ଼ିପେ ମେନ୍ତେ ଇନିଃ ଏନ୍ ବାଡ଼କାନ୍‌ନିଃକେ କାଜିକିୟା, “ମାର୍ ବିରିଦ୍‌ମେ ଆତ୍ମା ପାରକମ୍‌ତାମାଃ ଗଅଃକେଦ୍‌ତେ ଆମାଃ ଅଡ଼ାଃତେ ସେନଃମେ ।”

୭ ଇନିଃ ବିରିଦ୍‌ୟାନ୍ତେ ଅଡ଼ାଃତେ ସେନଃୟାନା ।

୮ ନେଆଁ ନେଲ୍‌କେଦ୍‌ତେ ପୁରାଃ ହୃଦକ ବରକେଦାକ ଆତ୍ମା ପାରମେଶ୍ଵର, ହୃଦକକେ ନେ ଲେକାନ୍ ଆକ୍‌ତେୟାର୍ ଏମାକାଦକ ନାଗେନ୍ତେ ପାରମେଶ୍ଵରକେ ମାରାଞ୍ଜକିୟାକ ।

ୟାଶୁ ମାଥୁରାକେ କେଡ଼ାଞ୍ଜତାନା

(ମାର୍କ ୨:୧୩-୧୭; ଲୁକା ୫:୨୭-୩୨)

୯ ୟୀଶୁ ଏନ୍ତାଃ ବାଗିକେଦ୍‌ତେ ସେନଃତାନ୍ ଇମ୍‌ତା ମାଥୁରା ନୁଡୁମ୍ ମିଆଁଦ୍ ହୃଦକେ ମାଲ୍‌ହାରମ୍ ଠାୟାଦ୍‌ରେ ଦୁବାକାନ୍ ନେଲ୍‌କେଦ୍‌ତେ ଇନିଃକେ କାଜିକିୟା, “ଦେଲ୍‌ ଅତଞ୍ଜାଞ୍ଜମେ ।”

ଏନ୍ତେ ମାଥୁରା ବିରିଦ୍‌କେଦ୍‌ତେ ଇନିଃକେ ଅତଞ୍ଜକିୟା ।

୧୦ ୟୀଶୁ, ମାଥୁରାଆଃ ଅଡ଼ାଃରେ† ଜମ୍ ଦୁବାକାନ୍ ତାଞ୍ଜକେନ୍ ଇମ୍‌ତା, ପୁରାଃ ମାଲ୍‌ହାରମ୍‌କ ଆତ୍ମା ପାପକ ହିଜୁଃକେଦ୍‌ତେ, ୟୀଶୁଲଃ ଆତ୍ମା ଚେଲ୍‌କଲଃକ ଦୁବ୍ ମେସାୟାନା ।

* ୯:୧ କପରନାହୁମ୍ ☆ ୯:୧୦ ଲୁକା ୧୫:୧,୨. † ୯:୧୦ ୟୀଶୁଆଃ ଅଡ଼ାଃରେ

୧୧ ଫାରୁଶୀକ ନେଆଁ ନେଲକେଦ୍‌ତେ ଇନିୟାଃ ଚେଲକକେ କୁଲିକେଦକଆକ, “ଆପେୟାଃ ଗୁରୁ ଚିକାନାଙ୍ଗ ମାଲହାରମକଲଃ ଆତଃ ପାପିକଲଃ ଜମତାନାଏ ?”

୧୨ ଯୀଶୁ ନେଆଁ ଆୟୁମକେଦ୍‌ତେ କାଜିରୁହାଡ଼କେଦକଆ, “ବୁଗିନ୍ ହଡକ ନାଗେନ୍ତେ ମେନ୍ତେଦ କାହା ମେନ୍ଦ ହାସୁତାନ୍‌କ ନାଗେନ୍ତେ ବାଇଦ୍ ଲାଗାତିଙ୍ଗୟାଃ ।

୧୩ *ମେନ୍ଦ ଆପେ ସେନଃପେ ଆତଃ ‘ଆଇଙ୍ଗ ଦାଗେଁରାକାଦ୍ କାହାଗି ମେନ୍ଦ ଲିବୁଇଙ୍ଗ ସୁକୁତାନା’ ନେ କାଜିରେୟାଃ ମୁଣ୍ଡି ଇତୁନ୍‌ପେ, ଚିୟାଃଚି ଆଇଙ୍ଗ ଧାର୍‌ମାନ୍ ହଡକକେ କେଡା ନାଗେନ୍ତେଦ କା ମେନ୍ଦ ପାପିକକେ କେଡା ନାଗେନ୍ତେଇଙ୍ଗ ହିଜୁଆକାନା ।”

କାଟାବ୍‌ରେୟାଃ କୁନୁଲି‡

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏନ୍ତେ ବାପ୍ତିସ୍ତା ଏମଃନିଃ ଯୋହାନ୍‌ଆଃ ଚେଲକ ଯୀଶୁତାଃତେ ହିଜୁଃକେଦ୍‌ତେ କୁଲିକିୟାକ, “ଆଲେ ଆତଃ ଫାରୁଶୀକ କାଟାବ୍ ରିକାଃଲେ, ମେନ୍ଦ ଆମାଃ ଚେଲକ ଚିନାଃମେନ୍ତେ କାକ କାଟାବାଃ ?”

୧୫ ଯୀଶୁ ଇନ୍‌କୁକେ ମେତାଦକଆ, “ଆଣ୍ଡିଅଡ଼ାଃରେ ବାଲକଲଃ ଦୁଲ୍ଲକଡ଼ା ତାଇନଃ ଜାକେଦ୍ ଚିୟାଃ ଇନ୍‌କୁ ରେକ୍ତେଃ କାଟାବ୍‌ଗି ତାଇନାଃକ ? କାହାଗି, ଏନ୍‌କାଦ କା ହବାଅଆଃ । ମେନ୍ଦ ନେତା ତେବାଗାଃ, ଦୁଲ୍ଲକଡ଼ାକେ ଇନ୍‌କୁତାଃଏତେ ଇଦିୟାଆ, ଏନ୍ ଦିପିଲିରେ ଇନ୍‌କୁ କାଟାବେୟାକ ।

୧୬ “ଜେତାଏ ନାଞ୍ଜା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦ୍‌ତେ କାକ ତୁନାୟା, ଚିୟାଃଚି ନାଞ୍ଜା ଲିଜାଃରାଃ କେଚାଃ ମାରି ଲିଜାଃଏତେ ଆତଃଗି ଚେଚାଃ ଇଦିୟାଏ, ଆତଃ ଏନ୍ ଚେଚାଃ ସିଦାଏତେ ଆତଃଗି ମାରାଙ୍ଗ ଇଦିୟାଆ ।

୧୭ ଆତଃ ହଡକ ନାଞ୍ଜା ଦାଖରାସିକେ ମାରି ଉହୁର୍‌ତୁମ୍ବାରେ ଜେତାଏ କାକ ଦୁଲ୍‌ପେରେଜେୟା, ଚିୟାଃଚି ଦାଖରାସି ଉହୁର୍‌ତୁମ୍ବାକେ ଅଡେଃତାଃଏ ଆତଃ ଦାଖରାସି ଲିଙ୍ଗି ଏଣ୍ଡାଗଃଆ, ଏନାମେନ୍ତେ ହଡକ ନାଞ୍ଜା ଦାଖରାସିକେଦ ନାଞ୍ଜା ଉହୁର୍‌ତୁମ୍ବାରେ ପେରେଜାଃକ, ଆତଃ ବାରାନାଃ ଦହ ଜାତାନଃଆ ।”

ଯାଇରସ୍‌ରାଃ ହନ୍‌କୁଡ଼ି ଆତଃ ଦୁକୁତାନ୍ କୁଡ଼ି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଯୀଶୁ ଇନ୍‌କୁକେ ନେଆଁ କାଜିୟାକ ତାଇକେନ୍ ଇମତା, ଯିହୁଦୀକଆଃ ମିଆଁଦ୍ ଆଗୁଆଇ ଇନିଃତାଃ ହିଜୁଃକେଦ୍‌ତେ ଆୟାଃ ଆୟାରରେ ଇକଡ଼ମୁୟାନା ଆତଃ କାଜିକିୟାଏ, “ହନ୍‌କିକ୍‌କୁଡ଼ି ନାହାଁଃଗି ଚୁଣ୍ଡୁକେଦା । ଇନିଃ ଚିଲ୍‌କା ବାଞ୍ଜାଅଆଏ, ଏନାମେନ୍ତେ ହିଜୁଃମେ, ଆତଃ ଇନିୟାଃ ଚେତାନ୍‌ରେ ତିଃଇ ଦହେମେ ।”

୧୯ ଏନ୍ତେ ଯୀଶୁ ବିରିଦ୍‌କେଦ୍‌ତେ ଆୟାଃ ଚେଲକଲଃ ଏନ୍ ହାକିମ୍‌କେ ଅତଙ୍ଗକିୟାକ ।

୨୦ ଆତଃ ବାରା ବାରାଷ୍‌ଏତେ ମାୟୋମ୍‌ଲିଙ୍ଗି ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ଦୟାହରା ହିଜୁଃକେଦ୍‌ତେ ଯୀଶୁଆଃ ଲିଜାଃରାଃ ଆର୍‌ରା ଜୁଚିଦ୍‌କେଦାଏ ।

୨୧ ଚିୟାଃଚି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସ୍‌କାର୍ ଜୁଚିଦ୍‌ତାରେଦ ଆଇଙ୍ଗ ବୁଗିକଆଇଙ୍ଗ” ମେନ୍ତେ ଉଡ଼ୁତାନ୍ ତାଇକେନାଏ ।

୨୨ ମେନ୍ଦ ଯୀଶୁ ହେତାରୁହାଡ଼କେଦ୍‌ତେ ଇନିଃକେ ନେଲକିଃତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ ।” ଏନ୍ ନେତାରେଗି ଏନ୍ କୁଡ଼ି ବୁଗିୟାନା ।

୨୩ ଏନ୍ତେ ଯୀଶୁ ଏନ୍ ଆଗୁଆଇରାଃ ଅଡ଼ାଃତେ ହିଜୁଃକେଦ୍‌ତେ ଗନଏଃରାଃ ମୁର୍‌ଲିସାଡ଼ି ହଡକକେ ଆତଃ ହାଲାଗୁଲାତାନ୍ ହଡକକେ ନେଲକେଦ୍‌ତେ,

୨୪ ଇନିଃ ମେତାଦକଆଏ, “ବାହାରି ଅତଙ୍ଗଅଃପେ କୁଡ଼ିହନ୍‌ଦ କାଏ ଗଏଃକାନା, ମେନ୍ଦ ଦୁଡ଼ମୁତାନାଏ ।” ଏନ୍ତେ ଇନ୍‌କୁ ଇନିଃକେ ଲାୟାକିୟାକ ।

୨୫ ମେନ୍ଦ ପୁରାଃ ହଡକକେ ଅତଙ୍ଗକେଦ୍‌ତେ, ଇନିଃ ଭିତାର୍‌ତେ ବଲୟାନା ଏନ୍ତେ କୁଡ଼ି ହନ୍‌ରାଃ ତିଃଇ ସାବ୍‌କେଦାଏ, ଆତଃ କୁଡ଼ି ହନ୍ ବିରିଦ୍‌ୟାନାଏ ।

୨୬ ଆତଃ ନେ କାଜି ଏନ୍ ଗଟା ଦିଶୁମ୍ ଆୟୁମୟାନା ।

ୟୀଶୁ ବାରହଡ଼୍‌ କା ନେଲ୍‌ଦାଡ଼ିକିନ୍‌କେ ବୁଗିକେଦକିନା

୨୭ ଯୀଶୁ ଏନ୍ତାଃଏତେ ସେନଃତାନ୍ ତାଇକେନ୍ ଇମତା ବାରହଡ଼୍‌ କା ନେଲ୍‌ଦାଡ଼ିକିନ୍ ଇନିୟାଃ ଦୟାଦୟାତେ ଅତଙ୍ଗକିଃତେ କାଉରିକେଦାକିନ୍, “ହେ ଦାଉଦ୍‌ଆଃ ହନ୍, ଆଲିଙ୍ଗକେ ଦାୟାଲିଙ୍ଗମେ ।”

୨୮ ଯୀଶୁ ଅଡ଼ାଃତେ ବଲୟାନ୍‌ଚି, ଏନ୍ କା ନେଲ୍‌ଦାଡ଼ିକିନ୍ ଇନିଃତାଃତେ ହିଜୁଃୟାନାକିନ୍ ଆତଃ ଯୀଶୁ ଇନ୍‌କିନ୍‌କେ କୁଲିକେଦକିନା, “ଆଇଙ୍ଗ ଆବେନ୍‌କେ ବୁଗି ଦାଡ଼ିୟାଇଙ୍ଗ ମେନ୍ତେ ଚିନାଃ ଆବେନ୍ ବିଶ୍ୱାସ୍‌ତାନାବେନ୍ ?”

ଇନ୍‌କିନ୍ କାଜିରୁହାଡ଼କିୟା, “ହେଗି, ପ୍ରାଭୁ ।”

* ୯:୧୩ ମାଧୁର ୧୨:୭. ‡ ୯:୧୩ କୁଲିତେୟାଃ

୨୯ ଏନ୍ତେ ଯିଶୁ ଇନ୍ଦ୍ରିୟମାନଙ୍କୁ ମୋଦକେ ଛୁଟିଦେବଦେତେ ମୋତାଦକିନା, “ଆବେନାଃ ବିଶ୍ୱାସ୍ ଲେକା ହବାଅଃକା ।”

୩୦ ଆତଃ ଇନ୍ଦ୍ରିୟ ନେଲ୍ ଦାଡ଼ିକେଦାକିନ୍ । ଏନ୍ତେ ଯିଶୁ ଚେତାଞ୍ଜନାନ୍ତ ଇନ୍ଦ୍ରିୟକେ ମୋତାଦକିନା, “ନେଲେବେନ୍, ନେଆଁ ଜେତାଏକକେ ଆଲ୍‌ବେନ୍ କାଜିକ ।”

୩୧ ମୋନ୍ଦ ଇନ୍ଦ୍ରିୟ ଅତଙ୍ଗକେଦେତେ, ଯିଶୁଆଃ ବିଷାଏରେ ଏନ୍ ଦିଶୁମ୍‌ରାଃ ସବେନ୍‌ତାଃକିନ୍ ଉଦୁବ୍‌କେଦା ।

ୟିଶୁ ମିଆଁଦ କା ବାଖାଣ୍ ଦାଡ଼ିତାନ୍ ହଡ଼କେ ବୁଗିକିୟା

୩୨ ହଡ଼କ ଅତଙ୍ଗଅଃତାନ୍ ତାଇକେନ୍ ଇମ୍‌ତା, ଚିମିନ୍ ହଡ଼କ ମିଆଁଦ କା ବାଖାଣ୍ ଦାଡ଼ିତାନ୍ ହଡ଼କେ ଯିଶୁତାଃତେକ ଆଉକିୟା । ଇନିଃ ବଙ୍ଗା ଏସେରକାନ୍ ତାଇକେନାଏ ।

୩୩ ଆତଃ ବଙ୍ଗା ଅତଙ୍ଗୟାନ୍ ଇମ୍‌ତାଗି ଇନିଃ ଜାଗାର୍ ଏଚେଦକେଦାଏ । ସବେନ୍ ହଡ଼କ ଆକ୍‌ଦାୟାୟାନାକ ଆତଃ କାଜିକେଦାଃକ, “ଆଲେ ନେ ଲେକାନ୍ କାମି ଚିତ୍‌ଲାହ୍ ଇସ୍ରାଏଲ୍‌ରେ କାଲେ ନେଲ୍‌କାଦା ।”

୩୪ ☆ମୋନ୍ଦ ଫାରୁଶୀକ ମୋନ୍‌କେଦା, “ବଙ୍ଗାକଆଃ ଗମ୍‌କେରାଃ ଦେଙ୍ଗାତେ ଯିଶୁ ବଙ୍ଗାକକେ ହାର୍ ଅତଙ୍ଗକତାନା ।”

ୟିଶୁ ହଡ଼କକେ ଲିବୁଇକେଦକଆ

୩୫ ☆ୟିଶୁ ସବେନ୍ ସାହାର୍ ଆତଃ ହାତୁ ହାତୁ ହନରତାନ୍ ତାଇକେନାଏ । ଇନିଃ ଇନ୍‌କୁଆଃ ସାମାନ୍ ଅତଃକରେ ଇତୁକତାନ୍‌ଲଃ ରାଇଜ୍‌ରେୟାଃ ସୁକୁକାଜି ଉଦୁବ୍‌କେଦାଏ ଆତଃ ହଡ଼କଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ ।

୩୬ ☆ଇନିଃ ଗାଦେଲ୍ ହଡ଼କକେ ନେଲ୍‌କେଦେତେ ଆୟାଃ ମନ୍‌ରେ ବିଲ୍‌କାୟାୟାନାଏ, ଚିୟାଃଚି ଇନ୍‌କୁଦ ଗୁପିନିଃ ବାଙ୍ଗାଲ ମିଶ୍ରିକ ଲେକା ଜୀଉ ଦୁକୁଆକାନ୍ ଆତଃ ଛିତିବିତିକାନାକ ।

୩୭ ☆ଏନ୍ତେ ଇନିଃ ଆୟାଃ ଚେଲ୍‌କକେ କାଜିକେଦକଆ, “ଇରୋଃ ପୁରାଃଗିୟାଃ ମୋନ୍‌ଦ କାମିନାଲ୍‌କ ହୁଡ଼ିଙ୍ଗାଁକ ।

୩୮ ଆମ୍ ଆମାଃ ଇରୋଃତେ କାମି ନାଲ୍‌କ କୁଲ୍‌କମ୍ ମେନ୍ତେ ଇରୋଃ ଗମ୍‌କେତାଃରେ ବିକ୍ରିମେ ।”



ୟିଶୁଆଃ କୁଲ୍‌କାନ୍ ଗେଲ୍‌ବାର୍ ଚେଲ୍‌କ

(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୧ ଯିଶୁ ଆୟାଃ ଗେଲ୍‌ବାର୍ ଚେଲ୍‌କକେ ଆୟାଃତାଃତେ ହାକାଅକେଦେତେ ସତ୍‌ରା ଆମ୍‌କକେ ହାର୍‌ଅତଙ୍ଗରେୟାଃ ଆକ୍‌ତେୟାର୍ ଆତଃ ସବେନ୍ ଲେକାନ୍ କିଲିମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍‌ତେୟାର୍ ଏମାଦକଆଏ ।

୨ ଏନ୍ ବାରା ପ୍ରେରିଡ଼କଆଃ ନୁଡୁମ୍ ନେ ଲେକା ମୋନାଃ, ପାହିଲାନିୟାଃ ନୁଡୁମ୍ ଶିମୋନ୍, ଇନିଃଦ ପାଡ଼ରାସ୍ ମେନ୍ତେ କାଜିୟାଃତାନା ଆତଃ ଆୟାଃ ହାଗାତେ ଆଦ୍ରିୟାସ୍, ଜେବଦୀୟାଃ ବାରିଆ ହନକଡ଼ାକିନ୍ ଯାକୁବ୍ ଆତଃ ଯୋହାନ୍,

୩ ଫିଲିପ୍ ଆତଃ ବାର୍ଥୋଲମି, ଥୋମା ଆତଃ ମାଲ୍‌ହାରମନିଃ ମାଧୁର, ଆଲ୍‌ଫିୟନାଃ ହନ୍ ଯାକୁବ୍, ଆତଃ ଅକିୟ,

୪ ଶିମୋନ୍ ଅକଏଚି ଇସ୍ରାଏଲ୍ ହଡ଼କଆଃ ତନଲ୍‌ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଇକେନାଏ, ଆତଃ ଇଷ୍ଟାରିୟଡ଼ ଯିହୁଦା ଅକଏଚି ତାୟମ୍‌ତେ ଯିଶୁକେ ବାଇରିକଆଃ ତିଃଇରେ ଏମ୍ ଏଣ୍ଡାଃକିୟାଏ ।

ବାରାଝାନ୍ ପ୍ରେରିଡ଼କକେ ଏମାକାନ୍ ସେଞ୍ଜାକାମିରାଃ ବାହାରମ୍

(ମାର୍କ ୬:୭-୧୩; ଲୁକ ୯:୧-୬)

୫ ଯିଶୁ ନେ ଗେଲ୍‌ବାର୍ ଚେଲ୍‌କକେ କୁଲ୍‌କେଦେତେ ଇନ୍‌କୁକେ ଆରୁକତାନ୍‌ଲଃ ମୋତାଦକଆଏ, “ସାଅଁସାର୍ ହଡ଼କତାଃତେ ଆଲ୍‌ପେ ସେନା ଚାଏ ଶିମିରୋନିକଆଃ ଜେତା ସାହାର୍‌ତେ ଆଲ୍‌ପେ ବଲଆ ।

୬ ମୋନ୍‌ଦ ଇସ୍ରାଏଲ୍‌ରେନ୍ ହଡ଼କ, ମିଶ୍ରିକଲେକା ଆଦାକାନ୍ ହଡ଼କତାଃତେ ସେନଃପେ ।

୭ ଆତଃ ସେନ୍‌ତାନ୍ ସେନ୍‌ତାନ୍‌ଲଃ ‘ସିମ୍‌ନା ରାଇଜ୍ ନାଡ଼େଃକାନା’ ମେନ୍ତେ ଉଦୁବେପେ ।

୮ ହାସୁତାନ୍‌କକେ ବୁଗିକପେ, ଗଏଃକାନକକେ ଜୀଉବିରିଦକପେ, ନାଗେଦାଅକାନକକେ ଫାର୍‌ଚିକପେ ଆତଃ ବଙ୍ଗାକକେ ହାର୍ ଅତଙ୍ଗକପେ । ଆପେ ବେଗାର୍ ଗନଙ୍ଗତେ ନାମ୍‌କାଦତେୟାଃ ବେଗାର୍ ଗନଙ୍ଗତେ ଏମାକପେ ।

୯ ଆପେୟାଃ ଆଇଲ୍‌ରେ ସୋନା, ରୁପା ଚାଏ ତାମ୍‌ରେୟାଃ ଟାକା ଆଲ୍‌ପେ ଇଦିୟା ।

୧୦ ☆ଆତଃ ହରା ସେନ୍ ନାଗେନ୍ତେ ଆଇଲା ଚାଏ ବାରିଆ ଦୁସିଙ୍ଗ୍ ଲିଜାଃ ଚାଏ ଖାର୍‌ପା ଚାଏ ସଟା ଆଲ୍‌ପେ ଇଦିୟା, ଚିୟାଃଚି କାମିନିଃଦ ଆୟାଃ ନାଲ୍ ନାମେ ଲେକାଃଏ ।

୧୧ “ଆତଃ ଆପେ ଜେତା ସାହାର୍‌ରେ ଚାଏ ହାତୁରେପେ ବଲରେଦ, ଏନ୍ତାଃରେ ଆପେକେ ସୁକୁଆପେତାନ୍‌ଲଃ ଦାରମ୍‌ପେନିଃକେ ଦାଶାଁଇପେ, ଆତଃ ଏନ୍ତାଃଏତେ ଆଉରି ସେନଃ ଜାକେଦ୍ ଏନ୍ତାଃରେଗି ତାଇନ୍‌ପେ ।

୧୨ ଆତଃ ଆପେ ଏନ୍ ଅତଃରେ ବଲ ଇମ୍‌ତା, ‘ଆପେରେ ଜୀଉସୁକୁ ହବାଅଃକା’ ମୋତାକପେ ।

☆ ୯:୩୪ ମାଧୁର ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୯:୩୫ ମାଧୁର ୪:୨୩; ମାର୍କ ୧:୩୯; ଲୁକ ୪:୪୪. ☆ ୯:୩୬ ମାର୍କ ୬:୩୪. ☆ ୯:୩୭ ଲୁକ ୧୦:୨. ☆ ୧୦:୧୦ ୧ କରିକ୍ରିୟ ୯:୧୪; ୧ ତିମଥୁ ୫:୧୮.

୧୩ ଆପେକେ ଏନ୍ ଅଡ଼ାରେନ୍ ହଡ଼କ ଦାରମ୍ପେରେଦ, ଆପେୟାଃ ଜୀଉସୁକୁ ଇନ୍‌କୁରେ ତାଇନ୍‌କା, ମେନ୍‌ଦ ଇନ୍‌କୁ କାକ ଦାରମ୍ପେରେଦ ଆପେୟାଃ ସୁକୁ ଆପେତାଃତେ ରୁହାଡ଼କା ।

୧୪ *ଆତଃ ଜେତାଏ କାକ ଦାରମ୍ପେରେଦ ଚାଏ ଆପେୟାଃ କାଜି କାକ ଆୟୁମ୍‌ରେଦ, ଏନ୍ ଅଡ଼ାଏତେ ଚାଏ ଏନ୍ ସାହାର୍‌ଏତେ ଅଡ଼ଙ୍ଗ ଇମ୍‌ତା ଇନ୍‌କୁକେ ବାଗିକେଦକଆପେ ମେନ୍ତେ ମିଆଁଦ୍ ଚିହ୍ନାଁ ଲେକା ଆପେୟାଃ କାଟା ତାଲ୍‌କାରେୟାଃ ଧୁଡ଼ି କଟା ବାଗିତାପେ ।

୧୫ **ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ବିଚାର୍ ହୁଲାଙ୍ଗ୍‌ରେ ଏନ୍ ସାହାର୍‌ରେନ୍ ହଡ଼କତାଃଏତେ ସୋଦମ୍ ଆତଃ ଗମ୍‌ରା ଦିଶୁମ୍‌ରେନ୍ ହଡ଼କଆଃ ନାଗେନ୍ତେ ପାର୍‌ମେଶ୍‌ବାର୍ ପୁରାଃ ଲିରୁଇୟାକଆଏ ।

ହିଜୁଃତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ **ନେଲେପେ, ଆଇଙ୍ଗ୍ ଆପେକେ ମିଣ୍ଡିକ ଲେକା ହୁଣ୍ଡା଼ରକ ଆଲାରେଇଙ୍ଗ୍ କୁଲ୍‌ପେତାନା, ଏନା ନାଗେନ୍ତେ ବିଙ୍ଗ୍‌କ ଲେକା ସେଣ୍‌ନିଃଏପେ ଆତଃ ଦୁଦୁମ୍‌ଲୁକ ଲେକା ଲେବେୟାଃପେ ।

୧୭ *ମେନ୍‌ଦ ହଡ଼କତାଃଏତେ ଚିର୍ଗାଲ୍‌କାନ୍ ତାଇନ୍‌ପେ, ଚିୟାଃତି ଇନ୍‌କୁ ଆପେକେ ପାଞ୍ଚେଟ୍‌କରେକ ଜିମାପେୟା ଆତଃ ସାମାଜ୍ ଅଡ଼ାକରେକ ହାଁଶ୍‌ସାପେୟା ।

୧୮ ଆତଃ ଆଇୟାଃ ନାଗେନ୍ତେ ଆପେକେ ଇନ୍‌କୁତାଃ ଆତଃ ସାଅଁସାର୍‌କତାଃ ଗାଞ୍ଜା ଏମ୍ ନାଗେନ୍ତେ ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା । ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା ।

୧୯ ମେନ୍‌ଦ ଚିମ୍‌ତାଙ୍ଗ୍ ଇନ୍‌କୁ ଆପେକେ ଜିମାପେୟାକ ଇମ୍‌ତା ଚିନାଃବୁ କାଜିୟା ଚିଲ୍‌କାବୁ କାଜିୟା ମେନ୍ତେ ସିଦାରେ ଆଲ୍‌ପେ ଉଡ଼ୁୟା, ଚିୟାଃତି ଏନ୍ ଦିପିଲି ହିଜୁଃଆ ଇମ୍‌ତା ଆପେକେ ଅକଆଃ କାଜି ନାଗେନ୍ତେ ଏମାଆ ଏନାପେ କାଜିୟା ।

୨୦ ଚିୟାଃତି ଆପେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍‌ଦ ଆପେୟାଃ ଆପୁଆଃ ପାବିତାର୍ ଆମ୍‌ରାଃ ହରାତେପେ କାଜିୟା ।

୨୧ **ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଜିମାକୟାଏ, ଆତଃ ହନ୍‌କ ଆକଆଃ ଏଙ୍ଗା ଆପୁକଆଃ ବିରୁଧ୍‌ରେକ ବିରିଦାଃ ଆତଃ ଇନ୍‌କୁକେ ଗଏଃ ଇଚିକଆକ ।

୨୨ *ଆଇୟାଃ ନାଗେନ୍ତେ ସବେନ୍ ହଡ଼କ ଆପେକେ ହିଲାଙ୍ଗ୍‌ପେୟାକ, ମେନ୍‌ଦ ଜେତାଏ ଟୁଣ୍ଡୁଜାକେଦ୍ ତିଙ୍ଗୁ କେଟେୟାକାନ୍ ତାଇନ୍‌ନିଃ ବାଞ୍ଚାଅଃଆଏ ।

୨୩ ଚିମ୍‌ତାଙ୍ଗ୍ ଇନ୍‌କୁ ଆପେକେ ମିଆଁଦ୍ ସାହାର୍‌ରେକ ସାସାତିପେରେ, ଇମ୍‌ତାଙ୍ଗ୍ ଏଟାଃ ସାହାର୍‌ତେ ନିରପେ, ଚିୟାଃତି ଆଇଙ୍ଗ୍ ଆପେକେ ସାର୍‌ତିଗି କାଜିପେତାନା, ଆପେ ଇସ୍ରାଏଲ୍‌ରାଃ ସବେନ୍ ସାହାର୍‌ରେ କାମି ଆଉରି ଚାବାଏ ସିଦାରେ ମାନଞ୍ଜାହନ୍ ହିଜୁଃଆଏ ।

୨୪ **ଗୁରୁଏତେ ଚେଲା କାଏ ମାରାଙ୍ଗ୍‌ଆଃ ଚାଏ ଆୟାଃ ଗମ୍‌କେଏତେ ଦାସି କାଏ ମାରାଙ୍ଗ୍‌ଆଁ ।

୨୫ *ଚେଲା ଆୟାଃ ଗୁରୁ ଲେକା ଆତଃ ଦାସି ଆୟାଃ ଗମ୍‌କେ ଲେକା ହବାଅଃରେଦ, ଇନ୍‌କୁକେ ଇମ୍‌ନାଙ୍ଗ୍‌ରେଗି ସୁକୁ ହବାଅଃ ଲାଗାତିଙ୍ଗ୍‌ୟାଃ । ଇନ୍‌କୁ ଅଡ଼ାରେନ୍ ଗମ୍‌କେ କେ ବାଲ୍‌ଜେରୁଲ୍ ମେନ୍ତେକ ମେତାଇତାନ୍‌ରେଦ, ଇନିୟାଃ ଅଡ଼ାରେନ୍‌କକେ ଏନାଏତେ ଆଦ୍‌କା ଏଡ଼କାନ୍‌କ ନୁଡୁମ୍‌କଆ ।

ଅକଏକେ ବର ଲାଗାତିଙ୍ଗ୍‌ୟାଃ

(ଲୁକ ୧୨:୨-୭)

୨୬ **ଏନା ନାଗେନ୍ତେ ହଡ଼କକେ ଆଲ୍‌ପେ ବରଆକଆ, ଚିୟାଃତି ଅକ୍‌ନାଃ ଉକୁଆକାନ୍‌ତେୟାଃ ଉଦୁବଃଆ ଆତଃ ଅକ୍‌ନାଃ ଦାନାଙ୍ଗ୍‌ଆଁକାନ୍‌ତେୟାଃ ସାରିୟାଃଆ ।

୨୭ ଆଇଙ୍ଗ୍ ଆପେକେ ଅକ୍‌ନାଃ ନୁବାଃରେଇଙ୍ଗ୍ କାଜିକାଦ୍‌ତେୟାଃ ମାର୍‌ସାଲ୍‌ରେ ଉଦୁବେପେ ଆତଃ ଅକ୍‌ନାଃ ଉକୁକେଦ୍‌ତେ ଆୟୁମେତେୟାଃ ସାଡ଼ି ଚେତାନ୍‌ଏତେ ଉଦୁବେପେ ।

୨୮ ଆପେୟାଃ ହଡ଼ମ୍ ଗଗଏଃକକେ, ମେନ୍‌ଦ ଆମ୍‌କେ କା ଗଏଃ ଦାଡ଼ିକକେ ଆଲ୍‌ପେ ବରଆକଆ, ମେନ୍‌ଦ ପାର୍‌ମେଶ୍‌ବାର୍ ଆପେୟାଃ ହଡ଼ମ୍ ଆତଃ ଆମ୍‌ ବାରାନାଃକେ ନାରାକ୍‌ରେ ଜିୟନ୍ ଦାଡ଼ିୟାଏ, ଇନିଃକେ ବରଆଇପେ ।

୨୯ ଚିୟାଃ ବାରିଆ ଗେରଞ୍ଜାକିନ୍ ମିଦ୍ ସିକାତେ କାକିନ୍ ଆଖ୍‌ରିଙ୍ଗ୍‌ୟାଃ ? ହଲେହ୍ ଆପେୟାଃ ଆପୁଆଃ ବେଗାର୍ ଆରୁତେ ଇନ୍‌କିନ୍‌ଏତେ ମିଆଁଦ୍‌ହ୍ ଅତେ ଲାତାର୍‌ରେ କାଏ ଉୟୁଗଃଆ ।

୩୦ ମେନ୍‌ଦ ଆପେୟାଃ ବହଃରାଃ ସବେନ୍ ଉବ୍‌ହ ଲେକାକାନା ।

୩୧ ଏନା ନାଗେନ୍ତେ ଆଲ୍‌ପେ ବରଏୟା, ଆପେ ପୁରାଃ ଗେରଞ୍ଜାକଏତେ ପୁରାଃଗି ଗନଙ୍ଗ୍‌ଆଁଃପେ ।

☆ ୧୦:୧୪ ପ୍ରେରିଡ଼ ୧୩:୫୧. ☆ ୧୦:୧୫ ମାଥିଉ ୧୧:୨୪. ☆ ୧୦:୧୫ ଲୁକ ୧୦:୪-୧୨. ☆ ୧୦:୧୬ ଲୁକ ୧୦:୩. ☆ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫. ☆ ୧୦:୨୧ ମାର୍କ ୧୩:୧୨; ଲୁକ ୨୧:୧୬. ☆ ୧୦:୨୨ ମାଥିଉ ୨୪:୯; ମାର୍କ ୧୩:୧୩; ଲୁକ ୨୧:୧୭ମାଥିଉ ୨୪:୧୩; ମାର୍କ ୧୩:୧୩. ☆ ୧୦:୨୪ ଲୁକ ୬:୪୦ଯୋହାନ୍ ୧୩:୧୭; ୧୫:୨୦. ☆ ୧୦:୨୫ ମାଥିଉ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୧୦:୨୬ ମାର୍କ ୪:୨୨; ଲୁକ ୮:୧୭.

୩୨ “ଜେତାଏ ନେପେଲରେ ଆପାନ୍‌କେ ଆଇଁୟାଃ ମେନ୍ତେ ଆତଃ ଆଇଙ୍ଗ୍‌କେ ସାରିୟାଃକ ମେନ୍ତେ ହଡ଼କଆଃ ଆୟାରରେ ଆଇଙ୍ଗ୍‌କେ ସାରିୟାଃକ୍ ମେନ୍ତେ କାଜିରେଦ, ଆଇଙ୍ଗ୍‌ହ୍ ଆଇଁୟାଃ ସିର୍ମାରେନ୍ ଆପୁଆଃ ଆୟାରରେ ଇନିଃକେ ସାରିୟାଃକ୍ ମେନ୍ତେ କାଜିୟାଈକ୍ ।

୩୩ ☆ମେନ୍‌ଦ ଜେତାଏ ହଡ଼କଆଃ ଆୟାରରେ ଆଇଙ୍ଗ୍‌କେ କାଇଙ୍ଗ୍ ସାରିୟାଃ ମେନ୍ତେ କାଜିନିଃକେ, ଆଇଙ୍ଗ୍‌ହ୍ ଆଇଁୟାଃ ସିର୍ମାରେନ୍ ଆପୁଆଃ ଆୟାରରେ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିୟାଈକ୍ ।

ଜୀଉସୁକୁ କା ମେନ୍‌ଦ ତାରାଉଡ଼ି*
(ଲୁକ ୧୨:୫୧-୫୩; ୧୪:୨୭-୨୭)

୩୪ “ଆଇଙ୍ଗ୍ ଅତେଦିଶ୍ଟମ୍‌ରେ ଜୀଉସୁକୁ ଏମ୍‌ତେ ହିଜୁଆକାନାଇଙ୍ଗ୍ ମେନ୍ତେ ଆଲ୍‌ପେ ଆଟ୍‌କାରେୟା । ବାନଃଗି, ଜୀଉସୁକୁ ଏମ୍ ନାଗେନ୍ତେଦ କା ମେନ୍‌ଦ ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଇଙ୍ଗ୍ ।

୩୫ ଚିୟାଃତି ଆଇଙ୍ଗ୍ ହନ୍‌କଡ଼ା ବିରୁଧ୍‌ରେ ଆପୁ, ଆତଃ ହନ୍‌କୁଡ଼ି ବିରୁଧ୍‌ରେ ଏଙ୍ଗା, କିମିନ୍ ବିରୁଧ୍‌ରେ ହାନାରତେକେ ବିନ୍‌ଗାଅ ନାଙ୍ଗ୍ ହିଜୁଆକାନାଇଙ୍ଗ୍ ।

୩୬ ଆତଃ ଅଡ଼ାଃରେନ୍‌କଗି ଅଡ଼ାଃରେନ୍‌କଆଃ ବାଇରିକ ବାୟଆଃ ।

୩୭ “ଜେତାଏ ଆୟାଃ ଏଙ୍ଗା ଚାଏ ଆପୁତେକେ ଆଇଙ୍ଗ୍‌ଏତେ ଆଦକା ଦୁଲ୍‌ଡ଼ରେଦ, ଇନିଃ ଆଇଁୟାଃ ଚେଲା ବାଇୟାଃ ଲେକାନିଃ ନାହାଁଲିଃ, ଆତଃ ଜେତାଏ ଲେକା ଆୟାଃ ହନ୍ତେକଡ଼ା ଚାଏ ହନ୍ତେକୁଡ଼ିକେ ଆଇଙ୍ଗ୍‌ଏତେ ଆଦକା ଦୁଲ୍‌ଡ଼ରେଦ, ଇନିଃ ଆଇଁୟାଃ ଚେଲା ବାଇୟାଃ ଲେକାନିଃ ନାହାଁଲିଃ ।

୩୮ ☆ଜେତାଏ ଆୟାଃ କୁଗ୍ ଗଅଃକେଦ୍‌ତେ ଆଇଙ୍ଗ୍‌କେ କାଏ ଅତଙ୍ଗ୍‌ଇଙ୍ଗ୍‌ରେଦ, ଇନିଃ ଆଇଁୟାଃ ଚେଲା ବାଇୟାଃ ଲେକାନିଃ ନାହାଁଲିଃ ।

୩୯ ☆ଜେତାଏ ଆୟାଃ ଜୀଉ ନାମେନିଃ, ଏନାଏ ଆଦେୟା ଆତଃ ଜେତାଏ ଆଇଁୟାଃ ନାଗେନ୍ତେ ଆୟାଃ ଜୀଉ ଆଦେନିଃ, ଏନାଏ ନାମେୟା ।

ନାଲା ନାମେନିଃ
(ମାର୍କ ୯:୪୧)

୪୦ ☆“ଜେତାଏ ଆପେକେ ସୁକୁଆପେନିଃ, ଆଇଙ୍ଗ୍‌କେ ସୁକୁଆୟାଁଏ, ଆତଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ, ଆଇଙ୍ଗ୍‌କେ କୁଲ୍‌ନିଃକେ ସୁକୁଆଇୟାଏ ।

୪୧ ଜେତାଏ, ନାବୀ ତାନିଃ ମେନ୍ତେ ପାର୍‌ମେଶ୍ୱାର୍‌ଆଃ କୁନୁଲ୍‌ନିଃ ଲେକା ଦାରମିନିଃ ନାବୀଆଃ ନାଲାଏ ନାମେୟା ଆତଃ ଜେତାଏ, ଇନିଃ ଧାର୍‌ମାନ୍ ହଡ଼ ତାନିଃ ମେନ୍ତେ ଧାର୍‌ମାନ୍ ହଡ଼ ଲେକାଏ ସୁକୁଆଇଙ୍ଗ୍‌ନିଃ ଧାର୍‌ମାନ୍ ହଡ଼ଆଃ ନାଲାଏ ନାମେୟା ।

୪୨ ଆତଃ ଜେତାଏ, ନେ ହୁପ୍‌ଡ଼ିଙ୍ଗ୍‌ଏତେ ମିହୁଡ଼କେ ଇନିଃ ଆଇଁୟାଃ ଚେଲା ତାନିଃ ମେନ୍ତେ ମିଦ୍ ଗିଲାସ୍ ରେହାଡ଼୍ ଦାଆଃ ନୁଁଏ ନାଗେନ୍ତେ ଏମାଇରେଦ, ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇନିଃ ଆଇଁୟାଃ ଚେଲାତାନିଃ ମେନ୍ତେ ଆୟାଃ ନାଲା ନାମେଗିୟାଏ ।”

୧୧

ୟାଶୁ ଆତଃ ବାପ୍ତିସ୍ମା ଏମଃନିଃ ଯୋହାନ୍
(ଲୁକ ୭:୧୮-୩୫)

୧ ଯାଶୁ ଆୟାଃ ଗେଲ୍‌ବାର୍ ଚେଲାକକେ ଆରୁ ଚାବାକେଦ୍‌କଟି, ଇନିଃ ଏନ୍ତାଃ ବାଗିକେଦ୍‌ତେ ହେପାଦ୍‌ରାଃ ସାହାର୍‌ତେ ହଡ଼କକେ ଇଡୁକ ନାଙ୍ଗ୍ ଆତଃ ପ୍ରାଚାର୍ ନାଗେନ୍ତେ ସେନଃୟାନାଏ ।

୨ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ଜେହେଲ୍‌ରେ ତାଇକେନ୍ ଇମ୍‌ତା ଖ୍ରୀଷ୍ଟ୍‌ଆଃ କାମିକ ଆୟୁମ୍‌କେଦ୍‌ତେ, ଆୟାଃ ବାର୍‌ହଡ଼୍ ଚେଲାକିନ୍‌କେ ଇନିଃତାଃ କୁଲି ନାଗେନ୍ତେ କୁଲ୍‌କେଦ୍‌କିନାଏ ।

୩ ଇନ୍‌କିନ୍ ଯାଶୁକେ କୁଲିକିୟାକିନ୍, “ଅକନ୍ ହଡ଼ ହିଜୁଆଏ ମେନ୍ତେ ଯୋହାନ୍ କାଜିକାଦ୍ ତାଇକେନାଏ, ଇନିଃ ଆମ୍‌ଗି ତାନ୍‌ମେ ଚି ଏଟାଃନିଃଲେ ନେଲ୍‌ହରାଇୟା ?”

୪ ଯାଶୁ ଇନ୍‌କିନ୍‌କେ ମେତାଦ୍‌କିନା, “ଆବେନ୍ ରୁହାଡ଼୍‌କେଦ୍‌ତେ ଅକ୍‌ନାଃବେନ୍ ନେଲାକାଦା ଆତଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍ ।

୫ କା ନେଲ୍‌ଦାଡ଼ିତାନକ ନେଲେତାନା, କାଟା ଲେଙ୍ଗ୍‌ଡ଼ାକାନ୍‌କ ସେସେନ୍‌ତାନା, ନାଗେଘାଅକାନ୍‌କ ବୁଗି ନିଆଁରଃତାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡ଼ଃତାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା ।

୬ ଆତଃ ଆଇଁୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

☆ ୧୦:୩୩ ୨ ତିମଥୁ ୨:୧୨. * ୧୦:୩୩ ଖାଣ୍ଡା ☆ ୧୦:୩୮ ମାଧୁର ୧୭:୨୪; ମାର୍କ ୮:୩୪; ଲୁକ ୯:୨୩. ☆ ୧୦:୩୯ ମାଧୁର ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଯୋହାନ୍ ୧୨:୨୫. ☆ ୧୦:୪୦ ଲୁକ ୧୦:୧୭; ଯୋହାନ୍ ୧୩:୨୦ମାର୍କ ୯:୩୭; ଲୁକ ୯:୪୮.

୭ ଯୋହାନ୍‌ଆଃ ତେଲକ ସେନଃ ତାଇକେନ୍ ଇମ୍ତା ଯୀଶୁ ଯୋହାନ୍‌ଆଃ ବିଷାଏରେ ପୁରାଃ ହଡକକେ କାଜି ଏଟେଦ୍‌କେଦ୍‌ଆଏ, “ଆପେ ଯୋହାନ୍‌କେ ନେଲ୍ ନାଗେନ୍ତେ ସେନ୍‌କେନାପେ ଇମ୍ତା, ଚିକ୍ନାଃ ନେଲ୍ ନାଗେନ୍ତେ ସେନ୍‌କେନାପେ ? ଚିନାଃ ହୟତେ ଏକ୍‌ଲାଅଃତାନ୍ ବିର୍ନି ତାସାଦ୍‌କେ ?

୮ ଏନା କାହାରେଦ୍ ଚିକ୍ନାଃ ନେନେଲ୍‌ତେପେ ଅତ୍‌କ୍‌କାନ୍ ତାଇକେନା । ଚିନାଃ ଗନଙ୍‌ଆଁନ୍ ଲିଜାଃ ତୁସିଙ୍‌ଆଁକାନ୍ ହଡକେ ? ଗନଙ୍‌ଆଁନ୍ ଲିଜାଃ ତୁସିଙ୍‌ଆଁକାନ୍ ହଡକ ରାଜାକଆଃ ଅଡ଼ାଃକରେକ ତାଇନାଃ ।

୯ କାଜିଙ୍‌ପେ, ଏନା କାହାରେଦ୍, ଚିକ୍ନାଃ ନେନେଲ୍‌ତେପେ ଅତ୍‌କ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍‌ ଆପେକେ ସାର୍‌ତିଗି ମେତାପେ ତାନାଇଙ୍‌, ନାବୀଏତେ ମାରାଙ୍‌ନିଃକେପେ ନେଲିୟା ।

୧୦ ଚିୟାଃତି ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲ୍‌କାନା, ‘ପାର୍‌ମେଶ୍‌ବାର୍ କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ୍‌କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

୧୧ ଆଇଙ୍‌ ଆପେକେ ସାର୍‌ତିଗିଙ୍‌ କାଜିୟାପେତାନା, କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାର୍‌ରେ ବାପ୍ତିସ୍ତା ଏମଃନିଃ ଯୋହାନ୍‌ଏତେ ମାରାଙ୍‌ ଜେତାଏ ବାଙ୍‌ଲୟା, ହଲେହ୍ ସିର୍ମା ରାଇଜ୍‌ରେନ୍ ହୁଡ଼ିଙ୍‌ନିଃ ଯୋହାନ୍‌ଏତେ ମାରାଙ୍‌ଆଏ ।

୧୨ *ଆତଃ ବାପ୍ତିସ୍ତା ଏମଃନିଃ ଯୋହାନ୍ ଆୟାଃ କାଜି ପ୍ରାଚାର୍‌କେଦ୍ ଦିପିଲିଏତେ ତିସିଙ୍‌ ଜାକେଦ୍ ସିର୍ମା ରାଇଜ୍‌ରେ ପୁରାଃତି ପେଡେୟାନ୍‌ତେ ଏଡକାନ୍ ହଡକ ଏନାକେ ଆକ୍‌ତେୟାର୍‌ରେ ନାଗେନ୍ତେ ସାନାଙ୍‌ ତାନାକ ।

୧୩ ଯୋହାନ୍‌ଆଃ ଦିପିଲି ଜାକେଦ୍ ସବେନ୍ ନାବୀକ ଆତଃ ମୁଣାରାଃ ଆନ୍‌ତୁ ସିର୍ମା ରାଇଜ୍ ବିଷାଏରେ ଆୟାର୍‌କାଜିକ କାଜିକାଦା ।

୧୪ *ଆତଃ ଆପେ ଆପେୟାଃ ମନେଲେକା ଇନ୍‌କୁଆଃ କାଜିପେ ବିଶ୍ୱାସେରେଦ୍, ଏନ୍ ହିଜୁଃତାଇକେନ୍ ଏଲିୟ ନିଃଗି ତାନିଃ ।

୧୫ ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।

୧୬ “ଆଇଙ୍‌ ନେ ଦିପିଲିରେନ୍ ହଡକକେ ଅକଏଲଃ ଜକାକଆଇଙ୍‌ ? ଇନ୍‌କୁଦ୍ ପିଟ୍‌ରେ ଦୁବାକାନ୍ ଆତଃ ଆକ ଆକରେ କେଡ଼ାଅଃତାନ୍ ହନ୍‌କ ଲେକାଃକ,

୧୭ ‘ଆଲେ ଆପେ ନାଗେନ୍ତେ ମୁରଲିଲେ ସାଡ଼ିକେଦା, ମେନ୍‌ଦ୍ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍‌ଲେ ଦୁରାଙ୍‌କେଦାଃ ମେନ୍‌ଦ୍ ଆପେ କାପେ ରାଆଃ କେଦାଃ ।’ ନେ ଦିପିଲିରେନ୍ ହଡକ ଏନ୍ ଲେକାନ୍‌କ ତାନକ ।

୧୮ ବାପ୍ତିସ୍ତା ଏମଃନିଃ ଯୋହାନ୍ କାଟାବ୍‌କେଦାଏ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ହଡକ ‘ଇନିଃକେ ବଙ୍‌ ଏସେରକିୟାଏ’ ମେନ୍ତେକ କାଜିକେଦା ।

୧୯ ଚିମ୍‌ତା ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଇମ୍ତା ହଡକ ଇନିଃକେ ‘ପେଟୁ ଆତଃ ଦାଖ୍‌ରାସି ନୁଁ ହଡ, ମାଲ୍‌ହାରମକଆଃ ଆତଃ ପାପିକଆଃ ଗାତି ତାନିଃ’ କାଜିକିୟାକ । ମେନ୍‌ଦ୍ ପାର୍‌ମେଶ୍‌ବାର୍‌ଆଃ ସେଣ୍‌ ଆୟାଃ କାମିତେ ଏନା ସାର୍‌ତି ମେନ୍ତେ ଉଦୁବାକାନା ।”

**କା ବିଶ୍ୱାସତାନ୍ ସାହାରକ
(ଲୁକ ୧୦:୧୩-୧୫)**

୨୦ ଯୀଶୁ ଅକନ୍ ସାହାରରେନ୍ ହଡକତାଃରେ ଆୟାଃ ପୁରାଃ ଆକ୍‌ଦାନ୍‌ଆ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡକକେ ଇନିଃ ହିଲାଙ୍‌କେଦ୍‌କଆଏ, ଚିୟାଃତି ଇନ୍‌କୁ କାକ ହେୟାଡିଙ୍‌କେଦା ।

୨୧ “ଏ କରାଜିନ୍, ଆମାଃ ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଏ ବେଥ୍‌ସାଇଦା, ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଆ କାମିକ ସୋର୍ ଆତଃ ସିଦୋନ୍‌ରେ ହବାକାନ୍‌ରେଦ୍, ଇଦୁ ଇନ୍‌କୁ ଚିତଲ୍‌ଲାରେ ବସ୍ତା ତୁସିଙ୍‌କେଦ୍‌ତେ ଆତଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍ କେଦ୍‌ତେୟାଃକ ।

୨୨ ଆଇଙ୍‌ ସାର୍‌ତିଗିଙ୍‌ କାଜିୟାପେତାନା, ବିଚାର୍ ହୁଲାଙ୍‌ରେ ପାର୍‌ମେଶ୍‌ବାର୍ ଆପେତାଃଏତେ ସୋର୍ ଆତଃ ସିଦୋନ୍‌ରେନ୍ ହଡକକେ ପୁରାଃ ଲିବୁଇୟାକଆଏ ।

୨୩ ଆତଃ ଏ କପର୍‌ନାହୁମ୍, ଚିୟାଃ ଆମ୍ ସିର୍ମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ । ଚିୟାଃତି ଆମ୍‌ରେ ଅକନ୍ ଆକ୍‌ଦାନ୍‌ଆ କାମିକ ରିକାୟାନା, ଏନା ସଦୋମ୍‌ରେ କାମିୟାକାନ୍‌ତେୟାଃ ହଲେ ସୋଦମ୍ ତିସିଙ୍‌ ଜାକେଦ୍ ତାଇନ୍‌କାନ୍‌ତେୟାଃ ।

୨୪ *ମେନ୍‌ଦ୍ ଆଇଙ୍‌ ଆପେକେ ସାର୍‌ତିଗିଙ୍‌ କାଜିପେତାନା, ବିଚାର୍ ହୁଲାଙ୍‌ରେ ପାର୍‌ମେଶ୍‌ବାର୍ ଆପେତାଃଏତେ ସୋଦମ୍ ଦିଶୁମ୍‌ରେନ୍ ହଡକକେ ପୁରାଃ ଲିବୁଇୟାକଆଏ ।”

**ଲାଗାକାନ୍‌କ ଯୀଶୁତାଃ ହିଜୁଃପେ ରୁଡୁନ୍‌ପେ ନାମେୟା
(ଲୁକ ୧୦:୨୧-୨୨)**

☆ ୧୧:୧୨ ଲୁକ ୧୭:୧୭. ☆ ୧୧:୧୪ ମାଧୁର ୧୭:୧୦-୧୩; ମାର୍କ ୯:୧୧-୧୩. ☆ ୧୧:୨୪ ମାଧୁର ୧୦:୧୫; ଲୁକ ୧୦:୧୨.

୨୫ ଏନ୍ ଦିପିଲିରେ ଯୀଶୁ ବିକ୍ରିକେଦ୍ରେ କାଜିକେଦାଏ, “ହେ ଆବା, ସିର୍ମା ଆଡ଼ଃ ଅଡେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଟାନ୍ କ ଆଡ଼ଃ ଇଡୁଆନ୍ କତାଃଏଡେମ୍ ଦାନାଙ୍ଗ୍ ଆଁ କାଦାଃ, ଆଡ଼ଃ କା ଇଡୁଆକାନ୍ କତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନ୍ୟାବାଦ୍ ଏମାମ୍ ତାନାଇଙ୍ଗ୍ ।

୨୬ ହେଗି, ହେ ଆବା, ନେୟାଗିଦ୍ ଆମାଃ ବୁଗିନ୍ ସାନାଙ୍ଗ୍ ।

୨୭ ✨“ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍ରେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆଡ଼ଃ ହନ୍ କେ ବାଗିକେଦ୍ରେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ୍ ଅକନ୍ କେ ଏନା ସାରି ନାଗେନ୍ତେ ହନ୍ ଆଇଃକ୍ତି ସାଲାକୁଆଏ, ଇନ୍ କୁ ଏସକାର୍ ପାର୍ମେଶ୍ୱାର୍ ଆଃ ବିଷାଏରେ ସାରିୟାଃ ।

୨୮ “ଏ ଲାଗାକାନ୍ ଆଡ଼ଃ ବାହାରମ୍ରେ ତେନାକାନ୍ ହଡକ ଆଇଙ୍ଗ୍ ତାଃରେ ହିଜୁଃପେ, ଆଇଙ୍ଗ୍ ଆପେକେ ରୁଡୁନାଇଙ୍ଗ୍ ଏମାପେୟା ।

୨୯ ଆଇୟାଃ ଆଡୁନା ଗଅଃଏପେ ଆଡ଼ଃ ଆଇଙ୍ଗ୍ ଏଡେ ଇଡୁନ୍ପେ, ଚିୟାଃତି ଆଇଙ୍ଗ୍ ଦ ମନ୍ରେ ଲେବେଃ ଆଡ଼ଃ ନାରାମ୍ଗିୟାଇଙ୍ଗ୍, ଆଡ଼ଃ ଆପେ ରୁଡୁନ୍ପେ ନାମେୟା ।

୩୦ ଆଇୟାଃ ଆଡୁନା କେଟେଦ୍ ବାନଆଃ ଆଡ଼ଃ ବାହାରମ୍ ତାଇୟାଃ କା ହାମ୍ପାଲାଃ ।”

୧୨

ରୁଡୁନୁ ହୁଲାଙ୍ଗ୍ ବିଷାଏରେ କୁନୁଲି

(ମାର୍କ ୨:୨୩-୨୮; ଲୁକ ୬:୧-୫)

୧ ଏନ୍ ଦିପିଲିରେ ଯୀଶୁ ରୁଡୁନୁ ହୁଲାଙ୍ଗ୍ରେ ହେରାକାନ୍ ପିଡି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ଚେଲାକ ରେଙ୍ଗେଃଡେ ଗେଲେ ଜିକେ ହଡକେଦ୍ରେ ଜମ୍ କେଦାକ ।

୨ ମେନ୍ଦ୍ ଫାରୁଶୀକ ଏନା ନେଲ୍ କେଦ୍ରେ, ଯୀଶୁକେ କାଜିକିୟାକ, “ନେଲେମେ, ରୁଡୁନୁ ହୁଲାଙ୍ଗ୍ରେ କା ଲାଗାତିଙ୍ଗ୍ କାମି ଆମାଃ ଚେଲାକ କାମିତାନା ।”

୩ ଯୀଶୁ ଇନ୍ କୁକେ କାଜିରୁହାଡାଦ୍ କଆଏ, “ଦାଉଦ୍ ଆଡ଼ଃ ଆୟାଃ ଗାତିକ ରେଙ୍ଗେଃୟାନ୍ ଇମ୍ତା ଚିନାଃଏ କାମିକେଦାଃ ଏନା କାପେଟି ପାଡାଃ କାଦାଃ ?

୪ ଇନିଃ ପାର୍ମେଶ୍ୱାର୍ ଆଃ ଅଡ଼ଃରେ ବଲୟାନା, ଆଡ଼ଃ ପାର୍ମେଶ୍ୱାର୍ ଆଃ ନୁଡୁମ୍ରେ ଏମାକାନ୍ ହଲଙ୍ଗ୍, ଅକ୍ନାଃକେତି ଆଇନ୍ ଲେକାତେ ଯାଜାକ୍ ଏସକାର୍ ଜମ୍ ଦାଡିୟାଏ ମେନଃତାନା, ଏନାକେ ଆଉକେଦ୍ରେ ଜମ୍ କେଦାଏ ଆଡ଼ଃ ଆୟାଃଲଃ ତାଇକାନ୍ କେୟ ଜମ୍ ନାଙ୍ଗ୍ ଏମାଦ୍ କଆଏ ।

୫ ଚାଏ ରୁଡୁନୁ ହୁଲାଙ୍ଗ୍ରେ ଯାଜାକ୍ ମାନ୍ଦିର୍ ଅଡ଼ଃରେ ରୁଡୁନୁ ହୁଲାଙ୍ଗ୍ରେ ସଡରାଏ ରେୟ କାକ ଚିଟାଅଆ, ନେଆଁ ଚିନାଃ ମୁଶାରାଃ ଆନ୍ତୁରେ ଆପେ କାପେ ପାଡାଅକାଦା ?

୬ ଆଇଙ୍ଗ୍ ଆପେକେ ମେତାପେ ତାନାଇଙ୍ଗ୍, ମାନ୍ଦିର୍ ଅଡ଼ଃଏଡେ ମାରାଙ୍ଗ୍ ନେତାଃରେ ମେନାୟା ।

୭ ✨ଧାରାମ୍ପୁଥ୍ରେ ଅଲକାନା, “ଆଇଙ୍ଗ୍ ଦାଣ୍ଟୋରାକାଦ୍ କାହାଗି ମେନ୍ଦ୍ ଲିବୁଇଙ୍ଗ୍ ସୁକୁତାନା, ନେଆଁରାଃ ମୁଣ୍ଡିପେ ଆଡ଼କାର୍ ଉଡୁମ୍ କାରେଦ୍, ନେ ବେଗାର୍ ଗୁଣ୍ଟାନ୍ କେ କାପେ ଚିଟାକାକତେୟାଃ ।

୮ ଚିୟାଃତି ମାନଃହନ୍ ରୁଡୁନୁ ହୁଲାଙ୍ଗ୍ରେନ୍ ଗମ୍ କେ ତାନିଃ ।”

ଯୀଶୁ ରହଡୁଡ଼ିଃ ହଡକେ ବୁଗି ତାନାଏ

(ମାର୍କ ୩:୧-୬; ଲୁକ ୬:୬-୧୧)

୯ ଯୀଶୁ ଏନ୍ ଠାୟାଦ୍ ବାଗିକେଦ୍ରେ ସାମାଜ୍ ଅଡ଼ଃରେ ବଲୟାନା ।

୧୦ ଆଡ଼ଃ ଏନ୍ତାଃରେ ତିଃଇ ରହଡାକାନ୍ ମିଆଁଦ୍ ହଡ ତାଇକେନାଏ । ଏନ୍ତେ ଚିମିନ୍ ହଡକ ଯୀଶୁକେ ଚିଟାଇ ନାଗେନ୍ତେ କୁଲିକିୟାକ, “ରୁଡୁନୁ ହୁଲାଙ୍ଗ୍ରେ ବୁଗିତେୟାଃ ଆଇନ୍ ଲେକାତେ ଠାଉକାନ୍ ଗିୟାଟି ?”

୧୧ ✨ଯୀଶୁ ଇନ୍ କୁକେ କାଜିରୁହାଡାଦ୍ କଆଏ, “ଆପେକଏଡେ ଜେତାଏୟାଃ ମିଣ୍ଡି, ରୁଡୁନୁ ହୁଲାଙ୍ଗ୍ ଗାଡାରେ ଉୟାଃକେନଃରେ, ଚିୟାଃ ଆପେ ଇନିଃକେ ସାଦ୍ କିତେ କାପେ ଅଡଙ୍ଗ୍ ଇୟା ?

୧୨ ଆଡ଼ଃ ମିଣ୍ଡିଏଡେ ହଡ ପୁରାଃଗି ଗନଙ୍ଗ୍ ଆଏ । ଏନା ନାଗେନ୍ତେ ରୁଡୁନୁ ହୁଲାଙ୍ଗ୍ରେ ବୁଗିନାଃ କାମିତେୟାଃ ଆଇନ୍ ଲେକାତେ ଏଟାଃନିଃକେ ଦେଙ୍ଗାତେୟାଃ ଠାଉକାନ୍ ଗିୟା ।”

୧୩ ଏନ୍ତେ ଇନିଃ ଏନ୍ ହଡକେ କାଜିକିୟାଏ, “ତିଃଇତାମାଃ ଜିଲିଙ୍ଗ୍ ଚେୟାମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍ କେଦାଏ, ଆଡ଼ଃ ଏଟାଃ ତିଃଇ ଲେକା ବୁଗିରୁହାଡାୟା ।

୧୪ ମେନ୍ଦ୍ ଫାରୁଶୀକ ଅଡଙ୍ଗ୍ କେଦ୍ରେ ଯୀଶୁକେ ଚିଲ୍ କାତେବୁ ଗଜିୟା ମେନ୍ତେକ ରଜୋଟକେଦା ।

ପ୍ରାଭୁଆଃ ସାଲାକାନ୍ ଦାସି

☆ ୧୧:୨୨ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫. ☆ ୧୨:୬ ମାଥୁରା ୯:୧୩. ☆ ୧୨:୧୧ ଲୁକ ୧୪:୫.

୧୫ ଚିନ୍ତା ଯାଏ ଆୟାସ ବିରୁଧରେ ରଜୋଟାନାକ ମେନ୍ତେ ଆୟୁମକେଦା ଇମତା ଇନିଃ ଏନ୍ତାଏତେ ଅତଙ୍ଗୟାନା ଆତଃ ଗାଦେଲ୍ ହଡକ ଇନିଃକେ ଅତଙ୍ଗକିୟାକ ଏନ୍ତେ ସବେନ୍ ଦୁକୁତାନକକେ ବୁଗିକେଦକଆଏ ।

୧୬ ଆତଃ ଆଇୟାସ ବିଷାଏରେ ଏଟାଃକକେ ଆଲ୍‌ପେ କାଜିକଆ ମେନ୍ତେ ଇନିଃ ଇନ୍‌କୁକେ ମାରାଙ୍ଗମତା କେଦକଆଏ ।

୧୭ ପାର୍‌ମେଶ୍ୱାର୍ ଯିଶାୟ ନାବୀଆଃ ହରାତେ କାଜିକାଦତେୟାଃ ପୁରାଅଃ, ନାଗେନ୍ତେ ଇନିଃ ନେଆଁ କାମିକେଦାଏ,

୧୮ “ଆଇୟାସ ଦାସି ନେତାଃରିୟା, ଅକଏକେଚି ଆଇଙ୍ଗ୍ ସାଲାକାଜାଇଙ୍ଗ୍,
ଇନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ଦୁଲାଡ୍‌ତାନା, ଇନିଃତାଃରେ ଆଇୟାସ ପୁରାଃଗି ସୁକୁ,
ଆଇଙ୍ଗ୍ ଇନିଃରେ ଆଇୟାସ ଆମ୍ବାକେ କୁଲିୟାଇଙ୍ଗ୍,
ଆତଃ ଇନିଃ ସବେନ୍ ସାଅଁସାର୍ ହଡକତାଃରେ ଆଇୟାସ ବିଚାର୍ ଉଦୁବେୟାଏ ।

୧୯ ଇନିଃ କାଏ ଏପେରାଙ୍ଗ୍‌ଆଃ ଚାଏ କାଏ କିର୍‌ଲାଅୟା,
ଚାଏ ଆଲା ହରାରେ କାଏ ତିଙ୍ଗୁନା ଆତଃ ପୁରାଃତେ କାଏ କିର୍‌ଲାଅୟା ।

୨୦ ଇନିଃ କା ପେଡେୟାନ୍‌କକେ ଲେବେଃ ମନ୍‌ତେ ନେଲ୍‌କଆ,
ଆତଃ ନାରାଦୁରାକକେ ଲିବୁଇୟାକଆ ।
ଇନ୍‌କୁ ବିଚାର୍ ଆଉରି ନାମେ ଜାକେଦ୍ ଏନ୍ କାମି ନାଗେନ୍ତେ କାଏ ଅହରାଅଆଃ,
୨୧ ଆତଃ ଇନିୟାଃ ନୁଡୁମ୍‌ରେ ଦିଶୁମ୍‌ରେନ୍ ସବେନ୍ ହଡକ ଆସ୍ରାଏୟା ।”

ୟାଶୁ ଆତଃ ବାଲ୍‌ଜେବୁଲ୍
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ଏନ୍ତେ ଚିମିନ୍ ହଡକ ବଙ୍ଗା ଏସେରକାନ୍ ମିଆଁଦ୍ କା ନେଲ୍ ଦାଡିତାନ୍ ଆତଃ କା ବାଖାଁଣ୍ ଦାଡିତାନ୍ ହଡକେ ଯାଶୁତାଃତେକ ଆଉକିୟା, ଆତଃ ଇନିଃ ଏନ୍ ହଡକେ ବୁଗିକିୟାଏ, ଏନ୍ତେ ଇନିଃ ବାଖାଁଣ୍ ଆତଃ ନେଲ୍ ଦାଡିକେଦାଏ ।

୨୩ ନେଆଁ ନେଲ୍‌କେଦ୍‌ତେ ଗାଦେଲ୍ ହଡକ ଆକ୍‌ଦାୟାୟାନାକ ଆତଃ ମେନ୍‌କେଦା, “ଚିୟାଃ ନିଃ ଦାଉଦ୍‌ଆଃ ହନ୍ କା'ଚି ତାନିଃ ?”

୨୪ *ମେନ୍‌ଦ ପାରୁଶୀକ ନେଆଁ ଆୟୁମକେଦ୍‌ତେ କାଜିକେଦାକ, “ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍‌ଗି ନିଃକେ ବଙ୍ଗାକକେ ହାର୍‌ଅତଙ୍ଗ୍ ନାଙ୍ଗ୍ ପେଡେଃ ଏମାଇତାନାଏ ।”

୨୫ ଯାଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁଆର୍‌କାକେଦ୍‌ତେ ଇନ୍‌କୁକେ ମେତାଦକଆ, “ଜେତା ରାଇଜ୍ ଆଇଃକ୍‌ତେଗି ବିନ୍‌ଗାଅକେଦ୍‌ତେ ଆକ ଆକଆଲାରେ ଲାପଡ଼ାଇରେଦ୍ ଏନ୍ ରାଇଜ୍ କା ତିଙ୍ଗୁନାଃ । ଜେତା ସାହାର୍ ଚାଏ ଅଡ଼ାଃରେ ବିନ୍‌ଗାଅ ହବାକେଦ୍‌ତେ ଆକ ଆକରେ ଲାପଡ଼ାଇରେଦ୍, ଇନ୍‌କୁ କାକ ତାଇନ୍ ଦାଡିୟା ।

୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଜ୍ ହିଗାଡ଼କେଦ୍‌ତେ ବିନ୍‌ଗାଅରେଦ୍ ଏନା କା ତିଙ୍ଗୁନାଃ, ମେନ୍‌ଦ ଛିତିବିତିକେଦ୍‌ତେ ବୁଣ୍ଡୁତାରଃଆ । ଏନ୍‌ରେଦ୍ ଚିଲ୍‌କାତେ ଆୟାଃ ରାଇଜ୍ ତାଇନ୍ ଦାଡିୟାଆ ?

୨୭ ଆତଃ ଆଇଙ୍ଗ୍ ବାଲ୍‌ଜେବୁଲ୍‌ଆଃ ପେଡେଃତେ ବଙ୍ଗାକଇଙ୍ଗ୍ ହାର୍‌ଅତଙ୍ଗ୍‌କ ତାନ୍‌ରେଦ୍, ଆପେୟାଃ ହଡକ ଅକଏୟାଃ ହରାତେକ ହାର୍ ଅତଙ୍ଗକତାନା ? ଏନା ନାଗେନ୍ତେ ଇନ୍‌କୁଗି ଆପେୟାଃ ବିଚାର୍‌ନିଃକ ହବାଅଆଃ ।

୨୮ ମେନ୍‌ଦ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଆମ୍ବାତେ ବଙ୍ଗାକଇଙ୍ଗ୍ ହାର୍‌ଅତଙ୍ଗ୍‌କ ତାନ୍‌ରେଦ୍ ଏନାତେ ଆର୍‌କାରଃତାନା ପାର୍‌ମେଶ୍ୱାର୍‌ଆଃ ରାଇଜ୍ ଆପେତାଃତେ ତେବାଃକାନା ।

୨୯ “ପେଡେୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲ୍‌କେଦ୍‌ତେ ଆୟାଃ ମେନାଃତେୟାଃ କାଏ ରେଃକ୍‌ଦାଡିୟା, ମେନ୍‌ଦ ସିଦାତେ ଇନିଃକେ ତଲ୍‌କେଦ୍‌ତେ ଆୟାଃ ମେନାଃତେୟାଃ ରେଃକ୍‌ଦାଡିୟାଏ ।

୩୦ * “ଜେତାଏ ଆଇୟାଃଲଃ ବାଙ୍ଗାଇନିଃ, ଆଇୟାଃ ବିରୁଧ୍‌ରେ ମେନାଲୟା ଆତଃ ଜେତାଏ ଆଇୟାଃଲଃ କାଏ ହୁଣ୍ଡିନିଃ ଛିତିବିତିୟାଆଏ ।

୩୧ ଏନା ନାଗେନ୍ତେ, ଆଇଙ୍ଗ୍ ଆପେକେ କାଜିପେତାନାଲଙ୍ଗ୍, ହଡକଆଃ ସବେନ୍ ପାପ୍ ଆତଃ ଏଡକାନ୍ କାଜିକ ଛାମାଃ, ମେନ୍‌ଦ ପାବିତାର୍ ଆମ୍ବାରାଃ ବିରୁଧ୍‌ରେ ନିୟା କାଜିକ କା ଛାମାଃ ।

୩୨ *ଜେତାଏ ମାନଃହନ୍‌ଆଃ ବିରୁଧ୍‌ରେ କାଜିନିଃ ଛାମାଃ, ମେନ୍‌ଦ ଜେତାଏ ପାବିତାର୍ ଆମ୍ବାରାଃ ବିରୁଧ୍‌ରେ କାଜିନିଃକେ ନେ ପାରିୟା* ଚାଏ ହିଜୁତାନ୍ ପାରିୟାରେୟ କା ଛାମାଃ ।

ଦାରୁ ଆତଃ ଏନାରେୟାଃ ଜ
(ଲୁକ ୭:୪୩-୪୫)

୩୩ * “ଆପେ ଦାରୁ ବୁଗିନାଃପେ ମେନେରେଦ୍ ଜ ବୁଗିନାଃପେ ମେନେୟା ଚାଏ ଦାରୁ ଏଡକାନାଃପେ ମେନେରେଦ୍ ଜ ଏଡକାନାଃପେ ମେନେୟା, ଚିୟାଃଚି ଦାରୁଦ୍ ଆୟାଃ ଜ'ତେ ଆର୍‌କାର୍‌ଉରୁମଃଆ ।

* ୧୨:୨୪ ମାଧୁର ୯:୩୪; ୧୦:୨୫. * ୧୨:୩୦ ମାର୍କ ୯:୪୦. * ୧୨:୩୨ ଲୁକ ୧୨:୧୦. * ୧୨:୩୨ ଯୁବ୍ * ୧୨:୩୩ ମାଧୁର ୭:୨୦; ଲୁକ ୭:୪୫.

୩୪ ☆ବିଚ୍ଛନ୍ନ ଲେକା ଏଡକାନ୍ ହଡକ ତାନ୍‌ପେରେଦ ଚିଲକାତେ ବୁଗିନ୍‌ତେୟାଃପେ କାଜିଦାଡିୟାଃ ? ଚିୟାଃଚି ମନ୍‌ରେ ଅକ୍‌ନାଃ ପେରେଜାକାନ୍‌ତେୟାଃ ମତାଏ କାଜିୟା ।

୩୫ ବୁଗିନ୍ ହଡ ଆୟାଃ ବୁଗିନ୍ ଭାଣ୍ଡାଡିଅଡ଼ାଃଏତେ ବୁଗିନ୍‌ତେୟାଃ ଅଡ଼ଙ୍‌ଘେଆଏ, ଏଡକାନ୍ ହଡ ଆୟାଃ ଏଡକାନ୍ ଭାଣ୍ଡାଡିଅଡ଼ାଃଏତେ ଏଡକାନ୍‌ତେୟାଃ ଅଡ଼ଙ୍‌ଘେଆଏ ।

୩୬ “ମେନ୍‌ଦ ଆଇଙ୍‌ଗ୍ ଆପେକେ କାଜିପେତାନାଇଙ୍‌ଗ୍, ହଡକ ଆକଆଃ ମିମିଆଦ୍ ସାମାକାଜିରେୟାଃ ହିସାବ୍ ବିଚାର୍ ହୁଲାଇଙ୍‌ଗ୍‌ରେକ ଏମେୟା ।

୩୭ ଆପେ ଆପେୟାଃ ଜାଗାର୍‌ତେଗି ବିଚାର୍‌ୟାନ୍‌ଲଃ ଗୁଣ୍ଠାକାଦାପେ ଚି କାପେ ଗୁଣ୍ଠାକାଦା, ଏନା ଉଦୁବଃଆପେ ।”

ଆଇନ୍ ଇଡୁକ ଆଡ଼ଃ ଫାରୁଗୀକ ଯୀଶୁକେ ଚିହ୍ନାକ ଆସିତାନା

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଏଡେ ଆଇନ୍ ଇଡୁକ ଆଡ଼ଃ ଫାରୁଗୀକଏତେ ଚିମିନ୍ ହଡକ କାଜିକିୟାକ, “ହେ ଗୁରୁ, ଆଲେ ଆମାଃତାଃଏତେ ମିଆଁଦ୍ ଚିହ୍ନା ନେନେଲ୍ ସାନାଇଙ୍‌ଗ୍‌ତାନାଲେ ।”

୩୯ ☆ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼କେଦକଆଏ, “ଆପେ ନେ ପାରିୟାରେନ୍ ହଡକ, ଚିମିନ୍ ଏଡକାନ୍ ଆଡ଼ଃ ପାର୍‌ମେଶ୍‌ୱାର୍‌କେ କା ବିଶ୍ୱାସ୍‌ତାନ୍‌କ ତାନ୍‌ପେ । ଆପେ ଆଇଙ୍‌ଗ୍‌କେ ମିଆଁଦ୍ ଚିହ୍ନାପେ ଆସିତାନା, ମେନ୍‌ଦ ଯୁନ୍‌ସ୍ ନାବୀଆଃ ଚିହ୍ନା ବାଗିକେଦ୍‌ତେ ଆଡ଼ଃ ଏଟାଃ ଚିହ୍ନା ଆପେକେ କା ଉଦୁବଃଆ ।

୪୦ ଯୁନ୍‌ସ୍ ନାବୀ ଆପି ମାହାଁ ନିଦାସିଙ୍‌ଗି ମାରାଙ୍‌ଗ୍ ହାକୁଆଃ ଲାହିଦ୍‌ରେ ତାଇକେନାଏ, ଏନ୍‌ଲେକାଗି ମାନଝାହନ୍ ଆପି ମାହାଁ ନିଦାସିଙ୍‌ଗି ଅତେ ଭିତାର୍‌ରେ ତାଇନାଏ ।

୪୧ ନିନିବିରେ ଯୁନ୍‌ସ୍ ନାବୀ ପ୍ରାଚାର୍‌କେଦ୍ ଇମ୍‌ତା ପାତିୟାର୍‌କେଦ୍ ହଡକ ତିଙ୍‌ଗ୍‌କେଦ୍‌ତେ ନେ ଦିପିଲିରେନ୍ ହଡକଲଃ ପାର୍‌ମେଶ୍‌ୱାର୍ ବିଚାର୍ ହୁଲାଇଙ୍‌ଗ୍‌ରେ ଇନ୍‌କୁକେକ ଚିଟାକଆ, ଚିୟାଃଚି ଇନ୍‌କୁ ଯୁନ୍‌ସ୍ ପାର୍‌ଚାର୍‌କେଦ୍ ଇମ୍‌ତା ମନ୍‌ରୁହାଡ଼କେଦାକ, ଆଡ଼ଃ ନାହାଁଃ ଆଇଙ୍‌ଗ୍ କାଜିପେତାନାଇଙ୍‌ଗ୍, ଯୁନ୍‌ସ୍‌ଏତେ ମାରାଙ୍‌ଗ୍‌ନିଃ ନେତାଃରେ ମେନାଇୟା ।

୪୨ ବିଚାର୍ ହୁଲାଇଙ୍‌ଗ୍‌ରେ ଦାକ୍ଷିଣ୍ ଦିଶୁମ୍‌ରେନ୍ ରାନୀ ନେ ଦିପିଲିରେନ୍ ହଡକଲଃ ତିଙ୍‌ଗ୍‌ନାଃ ଆଡ଼ଃ ଇନ୍‌କୁକେ ଚିଟାକଆ, ଚିୟାଃଚି ଇନିଃ ସୁଲିମାନ୍‌ଆଃ ସେଣାନ୍ କାଜି ଆୟୁମ୍ ନାଗେଡେ ଆୟାଃ ଅତେଦିଶୁମ୍‌ରେୟାଃ ଚୁଣ୍ଡୁଏତେ ହିଜୁଃକାନ୍ ତାଇକେନା, ଆଡ଼ଃ ନେଲେପେ, ସୁଲିମାନ୍‌ଏତେ ମାରାଙ୍‌ଗ୍‌ନିଃ ନେତାଃରେ ମେନାଇୟା ।

ଏଡକାନ୍ ଆମ୍‌ରାଃ ହିଜୁଃରୁହାଡ଼

(ଲୁକ ୧୧:୨୪-୨୬)

୪୩ “ସଡରା ଆମ୍‌ ମିହୁଡ଼ତାଃଏତେ ଅଡ଼ଙ୍‌ଘାନ୍‌ରେ, ରହଡ଼ ଠାୟାଦକରେ ହନ୍‌ରବାଡ଼ାକେଦ୍‌ତେ ରୁଡ଼ନ୍ ନାଗେଡେ ଦାଣାୟାଏ ଆଡ଼ଃ କାଏ ନାମ୍‌ତାରେ,

୪୪ ଇନିଃ କାଜିୟାଏ, ‘ଆଇଙ୍‌ଗ୍ ଅକନ୍ ଅଡ଼ାଃଏତେ ଅଡ଼ଙ୍‌କାନ୍ ତାଇକେନାଇଙ୍‌ଗ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଙ୍‌ଗ୍,’ ଆଡ଼ଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆଡ଼ଃ ସୁଗାଡ଼ାନ୍‌ଗି ନେଲେୟା ।

୪୫ ଏଡେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦ୍‌କା ଏଡକାନ୍ ସାଡ଼ୁ ଆମ୍‌କକେ ମିଦ୍‌ତେ ଆଡ଼କଆ, ଆଡ଼ଃ ଇନ୍‌କୁ ଏନାରେକ ବଲଆ ଆଡ଼ଃକ ତାଇନଃଆ । ଆଡ଼ଃ ଏନ୍ ହଡରାଃ ଦାସା ପାହିଲାଏତେ ଚୁଣ୍ଡୁ ଦୁସା ପୁରାଃଗି ଏଡକାନ୍ ହବାଅଆଃ । ନେ ଦିପିଲିରେନ୍ ଏଡକାନ୍ ହଡକଆଃଲଃ ନେ ଲେକା ହବାଅଆଃ ।”

ୟୀଶୁଆଃ ଏଙ୍‌ଗା ଆଡ଼ଃ ହାଗାକ

(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଯୀଶୁ ଗାଦେଲ୍ ହଡକକେ କାଜିକତାନ୍ ତାଇକେନ୍‌ରେ, ଇନିୟାଃ ଏଙ୍‌ଗା ଆଡ଼ଃ ହାଗାକ ଏଡ଼ାଃ ସେଟେଡ଼କେଦ୍‌ତେ ବାହାରିରେ ତିଙ୍‌ଗ୍‌ୟାନାକ ଆଡ଼ଃ ଆୟାଃଲଃ ଜାଗାର୍ ନାଗେଡେ ମିହୁଡ଼ତାଃରେ କାଜିକୁଲ୍‌କେଦାକ ।

୪୭ ଏଡେ ମିହୁଡ଼ ଇନିଃକେ କାଜିକିୟାଏ, “ଆମାଃ ଏଙ୍‌ଗାମ୍, ଆଡ଼ଃ ହାଗାମ୍‌ତେକ ବାହାରିରେ ତିଙ୍‌ଗ୍‌କେଦ୍‌ତେ ଆମାଃଲଃ ଜାଗାର୍ ନାଗେଡେକ ସାନାଇଙ୍‌ଗ୍‌ତାନା ।”†

୪୮ ମେନ୍‌ଦ ଯୀଶୁ ଇନ୍‌କୁ କାଜିରୁହାଡ଼କେଦକଆଏ, “ଅକଏ ଆଇଁୟାଃ ଏଙ୍‌ଗାଇଙ୍‌ଗ୍ ? ଆଡ଼ଃ ଅକନ୍‌କ ଆଇଁୟାଃ ହାଗାଇଙ୍‌ଗ୍‌କ ତାନ୍‌କ ?”

୪୯ ଏଡେ ଇନିଃ ଆୟାଃ ଚେଲାକକେ ଚୁଣ୍ଡୁଲ୍‌କେଦ୍‌ତେ ମେତାଦକଆ, “ନେଲ୍‌କପେ, ନିକୁଦ, ଆଇଁୟାଃ ଏଙ୍‌ଗା ଆଡ଼ଃ ହାଗାକତାନ୍‌କ ।

୫୦ ଆଇଁୟାଃ ସିର୍ମାରେନ୍ ଆପୁଆଃ ମନେଲେକା କାମିନିଃଗି ଆଇଁୟାଃ ହାଗା, ମିଗି ଆଡ଼ଃ ଏଙ୍‌ଗା ତାନ୍‌କ ।”

☆ ୧୨:୩୪ ମାଥୁରା ୩:୬; ୨୩:୩୩; ଲୁକ ୩:୭ମାଥୁରା ୧୫:୧୮; ଲୁକ ୬:୪୫. ☆ ୧୨:୩୮ ମାଥୁରା ୧୨:୧; ମାର୍କ ୮:୧୧; ଲୁକ ୧୧:୧୭. ☆ ୧୨:୩୯ ମାଥୁରା ୧୨:୪; ମାର୍କ ୮:୧୨. † ୧୨:୪୭ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

୧୩

ହିତାହେରନିଆଃ ଜନକା କାଜି

(ମାର୍କ ୪:୧-୯; ଲୁକ ୮:୪-୮)

୧ ଏନ୍ ହୁଲାଙ୍ଗି ଯୀଶୁ ଅଡ଼ାଃଏତେ ଅଡ଼ଙ୍ଗକେଦ୍ତେ ଦରେୟା ଗେନାରେ ଦୁବ୍‌ୟାନାଏ, ଆଡ଼ଃ ଇତୁ ଏଟେଦ୍‌କେଦାଏ ।

୨ *ଆଡ଼ଃ ଗାଦେଲ୍ ହଡ଼କ ଇନିୟାଃ ହେପାଦ୍‌ରେକ ଜୁରୁହୁଣ୍ଡିୟାନ୍ତେ ଇନିଃ ମିଆଁଦ୍ ଲାଉକାରେ ଦୁବ୍‌ୟାନାଏ ଆଡ଼ଃ ଗାଦେଲ୍ ହଡ଼କ ଦରେୟା ଗେନାରେ ତିଙ୍ଗୁୟାନା ।

୩ ଇନିଃ ଇନ୍କୁକେ ଜନକା କାଜିତେ ପୁରାଃ କାଜି ଉଦୁବ୍‌କେଦ୍‌କଆ ।

“ମୁସିଙ୍ଗୁହୁଲାଙ୍ଗି ମିଆଁଦ୍ ହିତାହେରନିଃ ହିତା ହେର୍ ନାଗେନ୍ତେ ଅଡ଼ଙ୍ଗୟାନା ।

୪ ଇନିଃ ହିତା ହେରତାନ୍ ଇମ୍‌ତା, ଚିମିନ୍ ହିତା ହରା ଗେନାରେ ଉୟୁଃୟାନା ଆଡ଼ଃ ଚେଣ୍‌କ ଆଡ଼ଗୁକେଦ୍‌ତେ ଏନାକ ହାଲାଙ୍ଗି ଜମକେଦା ।

୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏଡ଼ାଙ୍ଗି ତାଇକାନ୍ ହରାତେ ଅମନ୍ ଧାବ୍‌ୟାନା ।

୬ ମେନ୍‌ଦ ସିଙ୍ଗିରାଃ ରାଁପ୍‌ତେ ଏନ୍ ଅମନ୍‌ତେୟାଃକ ସବେନ୍ ରହଡ଼୍‌ଗସୟାନା, ଚିୟାଃଚି ଏନାଏତେ ଭିତାର୍‌ତେ ପୁରାଃ କା ରେହେଦାକାନ୍ ତାଇକେନା ।

୭ ଚିମିନ୍ ହିତା ଜାନୁମ୍ ରୁପାଦ୍‌କ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆଡ଼ଃ ଏନାକ କା ଜୟାନା ।

୮ ମେନ୍‌ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆଡ଼ଃ ଏନା ଅମନ୍ ହାରାୟାନ୍ତେ ଆଦ୍‌କା ଜ'ୟାନା, ଚିମିନ୍ ମିଦ୍‌ଶାଅଗୁନା, ଚିମିନ୍ ଷାଠେ, ଆଡ଼ଃ ଚିମିନ୍ ତିରିଶ୍‌ଗୁନା, ଜ'ୟାନା ।”

୯ ଆଡ଼ଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନକା କାଜି କାଜିକେଦାଏ

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏନ୍ତେ ଚେଲାକ ଯୀଶୁତାଃ ହିଜୁଃକେଦ୍‌ତେ କୁଲିକିୟାକ, “ଚିକାନାଙ୍ଗ୍ ହଡ଼କକେ ଜନକା କାଜିତେମ୍ ଇତୁକତାନା ?”

୧୧ ଯୀଶୁ ଇନ୍କୁକେ କାଜିରୁହାଡ଼ାଦ୍‌କଆ, “ଆପେଦ ସିମ୍‌ନା ରାଇଜ୍‌ରେୟାଃ ଉକ୍ତୁଆକାନ୍ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍‌ନା ଏମାକାନା, ମେନ୍‌ଦ ବାହାରିରେନ୍ ଏଟାଃକକେ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍‌ନା କା ଏମାକାନା ।

୧୨ *ଜେତାଏତାଃରେ ମେନାଃନିଃକେ ଏମାଃଆ, ଆଡ଼ଃ ଇନିୟାଃ ପୁରାଃଗି ହବାଅଆଃ, ମେନ୍‌ଦ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଃଆ ।

୧୩ ଇନ୍କୁକେ ଆଇଙ୍ଗ୍ ଜନକା କାଜିତେ ଇତୁକ ତାନାଇଙ୍ଗ୍, ଚିୟାଃଚି ଇନ୍କୁ ନେଲ୍‌ଦକ ନେଲେୟା ମେନ୍‌ଦ କାକ ନେଲେୟା, ଆୟୁମ୍‌ଦକ ଆୟୁମେୟା ମେନ୍‌ଦ କାକ ଆଟ୍‌କାର୍‌ଉରୁମେୟା ।

୧୪ ଇନ୍କୁରେ ଯିଶାୟ ନାବୀଆଃ ଆୟାର୍‌କାଜି ପୁରାଅଃତାନା,

“ନେ ହଡ଼କ ଆୟୁମ୍‌ଦକ ଆୟୁମେୟା ମେନ୍‌ଦ କାକ ଆଟ୍‌କାର୍‌ଉରୁମେୟା;
 ଆଡ଼ଃ ନେଲ୍‌ଦକ ନେଲେୟା ମେନ୍‌ଦ କାକ ନେଲ୍‌ଉରୁମେୟା,

୧୫ ଚିୟାଃଚି ନେ ହଡ଼କଆଃ ମନ୍ କେଟେଦ୍‌ଉଡ଼ାର୍‌ୟାନା,
 ଇନ୍କୁଆଃ ଲୁତୁର୍ ମେନାଃରେୟା କାକ ଆୟୁମେୟା
 ଆଡ଼ଃ ଇନ୍କୁଆଃ ମେଦ୍ ମେନାଃରେୟା କାକ ନେଲେୟା ।

କା'ରେଦ, ଇନ୍କୁ ଆକଆଃ ମେଦ୍‌ତେକ ନେଲେତେୟାଃ,
 ଆଡ଼ଃ ଆକଆଃ ଲୁତୁର୍‌ତେକ ଆୟୁମେତେୟାଃ,
 ଆଡ଼ଃ ଆକଆଃ ମିନ୍‌ତେକ ଆଟ୍‌କାର୍‌ଉରୁମେତେୟାଃ,

ଆଡ଼ଃ ଇନ୍କୁ ଆଇୟାଃତାଃତେ ରୁହାଡ଼୍‌ତେୟାଃକ,
 ଏନ୍ତେ ଆଇଙ୍ଗ୍ ଇନ୍କୁକେଇଙ୍ଗ୍ ବୁଗିକତେୟାଃ ।”

୧୬ *ମେନ୍‌ଦ ଆପେ ଚିମିନ୍ ସୁକ୍ତାନଗିୟାଃପେ, ଚିୟାଃଚି ଆପେ ନେଲ୍ ଦାଡ଼ିତାନାପେ, ଆଡ଼ଃ ଆୟୁମ୍ ଦାଡ଼ିତାନାପେ ।

୧୭ ଆଇଙ୍ଗ୍‌ଦ ସାର୍‌ତିଙ୍ଗ୍ କାଜିୟାପେତାନା, ଆପେ ନେଲ୍‌ତାନ୍‌ତେୟାଃ ପୁରାଃ ନାବୀକ ଆଡ଼ଃ ଧାର୍‌ମାନ୍ ହଡ଼କ ନେନେଲ୍ ସାନାଙ୍ଗ୍‌କେଦ୍‌କଆ ମେନ୍‌ଦ କାକ ନେଲ୍‌କେଦା ଆଡ଼ଃ ଆପେ ଆୟୁମ୍‌କେଦ୍‌ତେୟାଃ ଇନ୍କୁକେ ଆୟୁମ୍ ସାନାଙ୍ଗ୍‌କେଦ୍‌କଆ ମେନ୍‌ଦ କାକ ଆୟୁମ୍‌କେଦା ।

☆ ୧୩:୨ ଲୁକ ୫:୧୩. ☆ ୧୩:୧୨ ମାଧୁର ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. ☆ ୧୩:୧୬ ଲୁକ ୧୦:୨୩,୨୪.

ୟୀଶୁ ହିତାହେରନିଆଃ ଜନ୍ମକାରାଃ ମୁଣ୍ଡି ଉଦ୍‌ବୁଦ୍ଧେଦା
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହାଁଃ ହିତାହେରନିଆଃ ଜନ୍ମକା କାଜିରେୟାଃ ମୁଣ୍ଡି ଆୟୁମେପେ ।

୧୯ ଜେତାଏ ହଡ଼ ସିର୍ମା ରାଇଜ୍‌ରେୟାଃ କାଜି ଆୟୁମକେଦ୍‌ତେ ଏନା କାଏ ଆବ୍‌କାରୁଉରୁମେରେ, ଏନ୍ ଏଡ଼କାନନିଃ ହିଜୁଃଆଏ ଆତଃ ଇନିୟାଃ ମନ୍‌ସୁରୁଦ୍‌ରେ ହେରକାନ୍‌ତେୟାଃ ରେଃକ୍ ଇଦିୟାଏ, ଇନିଃ ହରା ଗେନାରେ ହେରକାନ୍‌ ହିତା ଲେକାନ୍‌ନିଃ ତାନିଃ । ହରା ଗେନାରେ ଉୟୁଗାକାନ୍ ହିତାରାଃ ମୁଣ୍ଡି ନେଆଁ ତାନାଃ ।

୨୦ ଜେତାଏ କାଜି ଆୟୁମାଃଏ ଆତଃ ରାସ୍‌କାତେ ତେଲାଦାବେଆ, ଇନିଃ ଦିରି ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ ।

୨୧ ମେନ୍‌ଦ ଇନିୟାଃ ମନ୍‌ରେ କାଏ ରେହେଦ୍‌ୟାନ୍‌ତେ ହୁଡ଼ିଙ୍ଗ୍ ଦିପିଲିଗି ତାଇନାଏ ଆତଃ କାଜି ନାଗେନ୍ତେ ସାସାତି ଚାଏ ସିଗିଦ୍ ହିଜୁଃୟାନ୍‌ରେ ଇନିଃ ତହଦ୍‌ଦାବଃଆଏ ।

୨୨ ଜେତାଏ କାଜି ଆୟୁମାଃଏ ମେନ୍‌ଦ ସାଂସାରରେୟାଃ ଉଡ଼ୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃ'ଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃ'ଆ ।

୨୩ ଆତଃ ଜେତାଏ କାଜି ଆୟୁମକେଦ୍‌ତେ ଆବ୍‌କାରୁଉମ୍‌ନିଃ ବୁଗିନ୍ ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ବୁଗିନ୍ ସାରତିଗି ଜଅଃ'ଆ ଆତଃ ମିଦ୍‌ଶାଅ ଗୁଣ୍ ଆଦକା, ଷାଠେ ଗୁଣ୍ ଆତଃ ତିରିଶ୍ ଗୁଣ୍ ଜଅଃ'ଆ ।”

ଚୁଲିତାସାଦ୍ ରେୟାଃ ଜନ୍ମକା କାଜି

୨୪ ଆତଃ ଇନିଃ ଏଗାଃ ଜନ୍ମକା କାଜି କାଜିୟାଦ୍‌କଆଏ, “ସିର୍ମା ରାଇଜ୍ ମିଆଁଦ୍ ହଡ଼ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେରକେଦା ।

୨୫ ମେନ୍‌ଦ ହଡ଼କ ଦୁଡ଼଼ୁକାନ୍ ତାଇକେନ୍ ଇମ୍‌ତା ଇନିୟାଃ ବାଇରି ହିଜୁଃକେଦ୍‌ତେ ଗହମ୍ ହେରକାନ୍ ଅତେରେ ଚୁଲିତାସାଦ୍ ଜାଙ୍ଗ୍ ହେରକେଦ୍‌ତେ ସେନଃୟାନା ।

୨୬ ଗହମ୍ ଅମନ୍‌ୟାନା ଆତଃ ଗେଲେୟାନ୍‌ରେ ଚୁଲିତାସାଦ୍ ନେଲ୍‌ୟାନା ।

୨୭ ଅଡ଼ାଃରେନ୍ ଗୁସିୟାଁ ଦାସିକ ହିଜୁଃଲେନ୍ତେ କାଜିକିୟାକ, ‘ହେ ଗମ୍‌କେ, ଚିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେରଲେଦା, ଏନ୍ ଚୁଲିତାସାଦ୍ ଅକ୍‌ତାଃଏତେ ହିଜୁଆକାନା ?’

୨୮ ଇନିଃ ଇନ୍‌କୁକେ ମେତାଦ୍‌କଆ, ‘ମିଆଁଦ୍ ବାଇରି ନେଆଁ ରିକାକାଦାଏ ।’ ଏନ୍ତେ ଦାସିକ କୁଲିକିୟାକ, ‘ଆଲେ ସେନ୍‌କେଦ୍‌ତେ ଏନାକେଲେ ହେଡେଦ୍ ହୁରାଙ୍ଗ୍‌ୟେଆ ମେନ୍ତେମ୍ ସାନାଙ୍ଗ୍‌ତାନାଟି ?’

୨୯ ଇନିଃ ‘ବାନଃଗି’ ମେତାଦ୍‌କଆଏ, ‘ଚିୟାଃଚି ଚୁଲିତାସାଦ୍ ହେଡେଦ୍‌ତାନ୍ ଇମ୍‌ତା ଗହମ୍‌ହ୍ ଏନାଲଃ ହେଡେଦ୍‌ମେସାଅଃଆ ।

୩୦ ଇରୋଃ ଦିପିଲି ଜାକେଦ୍ ଗହମ୍ ଆତଃ ଚୁଲିତାସାଦ୍ ବାରନାଃକେ ମିଦ୍‌ତେ ହାରାଇତିପେ ଏନ୍ତେ ଆଇଙ୍ଗ୍ ଇରୋଃ ଦିପିଲିରେ ଇରୋଃକକେ କାଜିକଆଇଙ୍ଗ୍, ସିଦାତେ ଚୁଲିତାସାଦ୍ ହୁଣ୍ଡିପେ ଆତଃ ଉରୁବେ ନାଗେନ୍ତେ ଦିଡ଼ା ତଲେପେ ଏନ୍ତେ ଗହମ୍‌କେ ଆଇଁୟାଃ ଭାଣ୍ଡାର୍ ଅଡ଼ାଃରେ ଦହଏପେ ।”

ମାନିଜାଙ୍ଗ୍‌ରେଆଃ ଜନ୍ମକା କାଜି

(ମାର୍କ ୪:୩୦-୩୪; ଲୁକ ୧୩:୧୮-୨୧)

୩୧ ୟୀଶୁ ଆତଃମିଆଁଦ୍ ଜନ୍ମକା କାଜି ଇନ୍‌କୁକେ କାଜିୟାଦ୍‌କଆ, “ସିର୍ମା ରାଇଜ୍ ମିଆଁଦ୍ ମାନିଜାଙ୍ଗ୍ ଲେକା ଏନା ଜେତା ହଡ଼ ଇଦିକେଦ୍‌ତେ ଆୟାଃ ଅତେରେ ହେରକେଦା ।

୩୨ ଏନାଦ ସବେନ୍ ହିତାଏତେ ହୁଡ଼ିଙ୍ଗ୍‌ଆଁ ମେନ୍‌ଦ ଏନା ହାରାୟାନ୍‌ଚି ସବେନ୍ ଆଡ଼ାଃଏତେ ମାରାଙ୍ଗ୍‌ଅଃଆ ଏନ୍ତେ ଦାରୁ ହବାଅଆଃ, ଆତଃ ଏନାରେୟାଃ କତରେ ସିର୍ମାରେନ୍ ଚେଣୈକ ଅକାୟା ।”

୩୩ ୟୀଶୁ ଆତଃମିଆଁଦ୍ ଜନ୍ମକା କାଜି ଇନ୍‌କୁକେ କାଜିୟାଦ୍‌କଆ, “ସିର୍ମା ରାଇଜ୍ ମିଆଁଦ୍ ରାନୁ ଲେକାଃ, ଏନାକେ ଜେତାଏ କୁଡ଼ି ଆଉକେଦ୍‌ତେ ଆପି କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦ୍‌କେଦାଏ ।”

୩୪ ନେ ସବେନାଃ, ୟୀଶୁ ଜନ୍ମକା କାଜିତେ ଗାଦେଲ୍ ହଡ଼କକେ କାଜିୟାଦ୍‌କଆ ଆତଃ ବେଗାର୍ ଜନ୍ମକା କାଜିତେ ଇନିଃ ଇନ୍‌କୁକେ ଜେଡ଼ନାଃ କାଏ କାଜିୟାଦ୍‌କଆ ।

୩୫ ନାବାଆଃ ନେ କାଜି ନେ ଲେକାତେ ପୁରାୟାନା,
“ଇନ୍‌କୁଲଃ ଜାଗାର୍ ଇମ୍‌ତା ଆଇଙ୍ଗ୍ ଇନ୍‌କୁକେ ଜନ୍ମକା କାଜିତେ କାଜିକଆଇଙ୍ଗ୍;
ଅତେଦିଶ୍‌ମ୍‌ରେୟାଃ ମୁନ୍‌ରାଃ ସିଦାଏତେ ଉକୁଆକାନ୍ କାଜିକଇଙ୍ଗ୍ ଉଦ୍‌ବେୟା ।”

ୟୀଶୁ ଚୁଲିତାସାଦ୍‌ରେୟାଃ ଜନ୍ମକା କାଜିରେୟାଃ ମୁଣ୍ଡି

୩୬ ଏନ୍ତେ ଯୀଶୁ ଗାଦେଲ୍ ହତକକେ ବାଗିକେଦ୍ତେ ଅଡ଼ାଃତେ ସେନଃୟାନା ଆଡ଼ଃ ଇନିୟାଃ ଚେଲକ ଇନିଃତାଃତେ ହିଜୁଃକେଦ୍ତେ କାଜିକିୟାକ, “ଆମ୍ ଅତେରେୟାଃ ଚୁଲିତାସାଦ୍ରେୟାଃ ଜନ୍କା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେର୍ନିଃ ମାନଞ୍ଜାହନ୍ ତାନିଃ ।

୩୮ ନେ ପିଡ଼ି, ଅତେଦିଶୁମ୍ ତାନାଃ ଆଡ଼ଃ ବୁଗିନ୍ ହିତା, ସିର୍ମା ରାଇଜ୍ରେନ୍ ହତକ ତାନ୍କ ଆଡ଼ଃ ଚୁଲିତାସାଦ୍ ଜାଙ୍ଗ୍, ଏଡ଼କାନ୍ ଆମ୍ବାରାଃ ହତକ ତାନ୍କ ।

୩୯ ଆଡ଼ଃ ଏନା ହେର୍କେଦ୍ ବାଇରି, ସାଏତାନ୍ ତାନିଃ, ଆଡ଼ଃ ଇରୋଃ ଦିପିଲି ଅତେଦିଶୁମ୍ରେୟାଃ ଚୁଣ୍ଡୁତାନାଃ ଆଡ଼ଃ ଇରୋଃକ ସିର୍ମାରେନ୍ ଦୁଁଡ଼କ ତାନ୍କ ।

୪୦ ଅତେଦିଶୁମ୍ରେୟାଃ ଚୁଣ୍ଡୁରେ ଏନ୍ ଚୁଲିତାସାଦ୍ କୁଣ୍ଡିକେଦ୍ତେ ସେଙ୍ଗେଲ୍ରେ ଉରୁବଃ ଲେକାଅଃଆ ।

୪୧ ମାନଞ୍ଜାହନ୍ ଆୟାଃ ସିର୍ମାରେନ୍ ଦୁଁଡ଼କକେ କୁଲ୍କଆଏ ଆଡ଼ଃ ଇନ୍କୁ ଇନିୟାଃ ରାଇଜ୍ରେ ସବେନ୍ ତହଦଃ ଲେକାନାଃ ତାଇନ୍ତେୟାଃ ଆଡ଼ଃ ଏଡ଼କାନାଃ କାମିତାନ୍କକେ କୁଣ୍ଡିକଆ ।

୪୨ ଇନ୍କୁ ସେଙ୍ଗେଲ୍ ହୁଞ୍ଜାଙ୍ଗ୍ରେକ ହାଁଣବଆ, ଏନ୍ତାଃରେ ରାନାଆଃ ଆଡ଼ଃ ତାଟା ହାବ୍ ରିଡିଦଃଆ ।

୪୩ ଏନ୍ତେ ଧାର୍ମାନ୍ ହତକ ଆକଆଃ ସିର୍ମାରେନ୍ ଆପୁଆଃ ରାଇଜ୍ରେ ସିଙ୍ଗିଲେକାକ ନେଲଆଃ । ଲୁଡୁର୍ ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍ ରାଃ ଜନ୍କା କାଜି

୪୪ “ସିର୍ମା ରାଇଜ୍ ଅତେରେ ତପାକାନ୍ ଖୁଜ୍ ଲେକାନାଃ ତାନାଃ, ମିଆଁଦ୍ ହତ ନାମ୍କେଦ୍ତେ ଆଡ଼ଃମିସା ଅତେରେ ଉକୁକେଦାଏ ଏନ୍ତେ ସୁକୁଜୀଉତେ ସେନଃୟାନା ଆଡ଼ଃ ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନ୍ ଅତେକେ କିରିଙ୍ଗ୍କେଦା ।

୪୫ “ଆଡ଼ଃଗି ସିର୍ମା ରାଇଜ୍ ବୁଗିନ୍ ବୁଗିନ୍ ମୋତି ଦାଣ୍ଡାତାନ୍ ମିଆଁଦ୍ କିରିଙ୍ଗ୍ ଆଖ୍ରିଙ୍ଗ୍ତାନ୍ ହତଲେକାଃ ।

୪୬ ଆଡ଼ଃ ଇନିଃ ମିଆଁଦ୍ ପୁରାଃ ଗନଙ୍ଗ୍ଆନ୍ ମୋତି ନାମ୍କେଦ୍ତେ ସେନଃୟାନାଏ ଆଡ଼ଃ ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନାକେ କିରିଙ୍ଗ୍କେଦା ।

ଜାଲୋମ୍ରେୟାଃ ଜନ୍କା କାଜି

୪୭ “ଆଡ଼ଃଗି ସିର୍ମା ରାଇଜ୍ ମିଆଁଦ୍ ଜାଲୋମ୍ ଲେକାଃ, ଚିମିନ୍ ହାକୁସାବ୍କ ଆକଆଃ ଜାଲୋମ୍କେ ଦରେୟାରେ ହୁରାଙ୍ଗ୍କେଦାକ ଆଡ଼ଃ ଏନାରେ ସବେନ୍ ଲେକାନ୍ ହାକୁକ ଜାଲୋମ୍ୟାନା ।

୪୮ ଏନା ପେରେୟାନ୍ତି ହତକ ଗେନାତେକ ଆଇଜ୍ ଅଡ଼ଙ୍ଗ୍କେଦା ଆଡ଼ଃ ଦୁବ୍ୟାନ୍ତେ ବୁଗିନ୍ ହାକୁକକେ ଚୁଙ୍ଗିରେକ ସାଲାକେଦକଆ ମେନ୍ଦ୍ ଏଡ଼କାନ୍କକେ ଏଣ୍ଡାଃକେଦକଆକ ।

୪୯ ଅତେଦିଶୁମ୍ରେୟାଃ ଚୁଣ୍ଡୁରେୟାଗି ନେକାଅଃଆ । ସିର୍ମାରେନ୍ ଦୁଁଡ଼କ ଅଡ଼ଙ୍ଗ୍ଆଃଆ ଆଡ଼ଃ ଧାର୍ମାନ୍କଆଃ ଆଲାଏତେ ଏଡ଼କାନ୍କକେ ଆଡ଼ମ୍କଆ ।

୫୦ ଆଡ଼ଃ ଇନ୍କୁକେ ସେଙ୍ଗେଲ୍ ହୁଞ୍ଜାଙ୍ଗ୍ରେକ ହାଁଣବକଆ, ଏନ୍ତାଃରେ ରାନାଆଃ ଆଡ଼ଃ ତାଟା ରିଡିଦଃଆ ।

ନାଞ୍ଜା ଆଡ଼ଃ ମାରି ସାନାର୍ଡି

୫୧ “ୟୀଶୁ ଇନ୍କୁକେ କୁଲିକେଦକଆ, ଚିୟାଃ ଆପେ ନେ ସବେନାଃପେ ଆବ୍କାର୍ଡୁମ୍କେଦା ?” ଇନ୍କୁ କାଜିରୁହାଡ଼କିୟାକ,

“ହେଗି, ଆବ୍କାର୍ଡୁମ୍କେଦାଲେ ।”

୫୨ ଯୀଶୁ କାଜିରୁହାଡ଼ାଦକଆଏ, “ଏନା ନାଗେନ୍ତେ ସିର୍ମା ରାଇଜ୍ରେୟାଃ ଚେଲକାନ୍ ମିଆଁଦ୍ ଆଇନ୍ ଇଡୁନିଃ, ମିଆଁଦ୍ ଅଡ଼ାଃ ଗମ୍କେ ଲେକାନ୍ନିଃ ତାନିଃ । ଇନିଃ ଆୟାଃ ଭାଣ୍ଡାଅଡ଼ାଃଏତେ ନାଞ୍ଜା ଆଡ଼ଃ ମାରିତେୟାଃ ଅଡ଼ଙ୍ଗ୍ୟେଆଏ ।”

ୟୀଶୁକେ ନାଜ୍ରେଡ଼ରେନ୍କ ହିଲାଇକିୟା

(ମାର୍କ ୬:୧-୬; ଲୁକ ୪:୧୬-୩୦)

୫୩ ଯୀଶୁ ନେ ଜନ୍କା କାଜି ଚାବାକେଦ୍ତି ଏନ୍ତାଃଏତେ ସେନଃୟାନା ।

୫୪ ଆଡ଼ଃ ଆୟାଃ ଆପୁତେୟାଃ ସାହାର୍ଡେ ତେବାରୟାନ୍ତି ଇନ୍କୁଆଃ ସାମାଜ୍ ଅଡ଼ାଃରେ ଇନ୍କୁକେ ଇଡୁକେଦକଆ ଆଡ଼ଃ ଇନ୍କୁ ଆକ୍ଦାନ୍ଦାୟାନ୍ତେ, “ଇନିଃ ଅକ୍ତାଃଏତେ ନେ ସେଣ୍ଡାଁ ଆଡ଼ଃ ପେଡ଼େୟାନ୍ କାମିକରେୟାଃ ପେଡ଼େ ନାମାକାଦାଏ ?” ମେନ୍ତେକ କାଜିକେଦା ।

୫୫ “ଚିୟାଃ ନିଃ ଏନ୍ ବାଡ଼ାଇଆଃ ହନ୍ କା'ଚି ତାନିଃ ? ଚିୟାଃ ଇନିୟାଃ ଏଙ୍ଗାରାଃ ନୁଡୁମ୍ ମାରିୟାମ୍ କା'ଚି ତାନାଃ ? ଯାକୁବ୍, ଯୋଷେଫ୍, ଶିମୋନ୍ ଆଡ଼ଃ ଯିହୁଦା ନେ ସବେନ୍କ ଆୟାଃ ହାଗାକ କା'ଚି ତାନ୍କ ?

୫୬ ଆଡ଼ଃ ଇନିୟାଃ ମିଶିକ ଆବୁଲ୍ଲାସି ବାଙ୍ଗ୍କଆ ? ନିଃ ଏନ୍ ସେଣ୍ଡାଁ ଆଡ଼ଃ ପେଡ଼େ ଅକ୍ତାଃଏତେ ନାମାକାଦା ?” ମେନ୍ତେକ କାଜିକେଦା ।

୫୭ ☆ଏନାତେ ଇନ୍‌କୁ ଇନିଃକେ ହିଲାଙ୍‌କିୟାକ ।

ୟାଶୁ ଇନ୍‌କୁକେ ମେତାଦକଆ, “ନାବୀ ଆୟାଃ ଦିଶୁମ୍ ଆତଃ ଆୟାଃ ଅଡ଼ାଃ ବାଗିକେଦ୍‌ତେ ଏଟାଃ ସବେନ୍‌ଡ଼ାଃରେ ମାଲନାଏ ନାମେୟା ।”

୫୮ ଟିୟାଃଟି ଇନ୍‌କୁ ଇନିଃକେ କାକ ବିଶ୍ୱାସକିଃ ନାଗେନ୍ତେ ଇନିଃ ଏନ୍ତାଃରେ ପୁରାଃ ଆକ୍‌ଦାନ୍‌ଆ କାମିକ କାଏ କାମିକେଦା ।

୧୪

ବାପ୍ତିସ୍ତା ଏମଃନିଃ ଯୋହାନ୍‌ଆଃ ଗନଏଃ

(ମାର୍କ ୬:୧୪-୨୯; ଲୁକ ୯:୭-୯)

୧ ଏନ୍ ଦିପିଲିରେ ହେରୋଦ୍ ଗାଲିଲ୍‌ରେନ୍ ଲାଟ୍‌ସାହେବ୍ ତାଇକେନାଏ ଆତଃ ଯାଶୁଆଃ ବିଷାଏରେ ଆୟୁମ୍‌କେଦା ।

୨ ଆତଃ ଇନିଃ ଆୟାଃ କାମିତାନ୍‌କକେ ମେତାଦକଆ, “ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍‌ଏତେ ଜାଉବିରିଦାକାନାଏ, ଏନା ମେନ୍ତେଗି ଆକ୍‌ଦାନ୍‌ଆ କାମିକ ଇନିୟାଃ ହରାତେ ହବାଅଃତାନା ।”

୩ ☆ହେରୋଦ୍ ଆୟାଃ ହାଗାତେ ଫିଲିପ୍‌ଆଃ କୁଡ଼ି ହେରୋଦିୟା ନାଗେନ୍ତେ ଯୋହାନ୍‌କେ ସାବ୍‌କିତେ ତଲ୍‌କିୟାଏ ଆତଃ ଜେହେଲ୍‌କାଇ ତାଇକେନାଏ ।

୪ ଟିୟାଃଟି ଯୋହାନ୍ ହେରୋଦ୍‌କେ କାଜିକାଇ ତାଇକେନା, “ଆମ୍ ହେରୋଦିୟାକେ କୁଡ଼ି ଲେକା ଦହକାଇ ତାଇକେନାମ୍ ଏନା ଆଇନ୍ ଲେକାତେ କା ଠାଉକାନ୍‌ତେୟାଃ ତାନାଃ ।”

୫ ଏନାତେ ଇନିଃ ଯୋହାନ୍‌କେ ଗଗଏଃ ସାନାଙ୍ ଡାଇକେନାଏ, ମେନ୍‌ଦ ଇନିଃ ଯିହୁଦୀ ହଡକକେ ବରକେଦ୍‌କଆ, ଟିୟାଃଟି ଇନ୍‌କୁଦ ଯୋହାନ୍‌କେ ମିଆଁଦ୍ ନାବୀ ତାନିଃ ମେନ୍ତେକ ଆଟ୍‌କାରି ତାଇକେନା ।

୬ ହେରୋଦ୍‌ଆଃ ଜାନାମ୍ ହୁଲାଙ୍ ସେଟେର୍‌ୟାନ୍‌ରେ, ହେରୋଦିୟାଃ ହନ୍ତେକୁଡ଼ି କେଡ଼ାକାନ୍ ହଡକଆଃ ଆଲାରେ ସୁସୁନ୍‌କେଦାଏ ଆତଃ ହେରୋଦ୍ ପୁରାଃଟି ସୁକୁୟାନାଏ ।

୭ ଆତଃ ହେରୋଦ୍ ଇନିଃକେ କିରିୟାତାନ୍‌ଲଃ କାଜିକିୟାଏ, “ଆମ୍ ଆସିଙ୍‌ତେୟାଃ ସବେନାଃଇଙ୍ ଏମାମେୟାଁ ।”

୮ ଆତଃ ଇନିଃ, ଆୟାଃ ଏଙ୍‌ମେତେ ଆଟୁକାଇ ଲେକା ଆସିକିୟା, “ବାପ୍ତିସ୍ତା ଏମଃନିଃ ଯୋହାନ୍‌ଆଃ ବହଃ ନେ ଆଡ଼ିରେ ଏମାଲଙ୍‌ମେ ।”

୯ ଏନ୍ତେ ରାଜା ହୁଡ଼ିଙ୍‌ଜୀଉୟାନାଏ ମେନ୍‌ଦ ଇନିଃ ନେଆଁତାକାନ୍‌କଆଃ ସାମ୍‌ନାଙ୍‌ରେ କିରିୟାକାଦ୍ ହରାତେ ଏମାଲପେ ମେନ୍ତେ ଆଟୁକେଦ୍‌କଆ ।

୧୦ ଆତଃ ଇନିଃ ଜେହେଲ୍‌କାନ୍ ଯୋହାନ୍‌ଆଃ ବହଃ ମାଆଃ ଆଉ ନାଙ୍ ହଡକକେ କୁଲ୍‌କେଦ୍‌କଆ ।

୧୧ ଆତଃ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆତଃ ହନ୍ତେକୁଡ଼ିକେକ ଏମ୍‌କିୟା ଏନ୍ତେ ଇନିଃ ଆୟାଃ ଏଙ୍‌ମେତେତାଃତେ ଇଦିକେଦା ।

୧୨ ଯୋହାନ୍‌ଆଃ ତେଲାକ ହିଜୁଃକେଦ୍‌ତେ ଆୟାଃ ହଡ଼ମ୍‌କେ ଇଦିକେଦ୍‌ତେ ତପାକେଦାକ ଆତଃ ସେନଃୟାନ୍ତେ ଯାଶୁକେକ ଉଦୁବ୍‌କିୟା ।

ୟାଶୁ ଗାଦେଲ୍ ହଡକକେ ଜମେୟାଃ ଏମାଦ୍‌କଆଏ

(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ୍ ୬:୧-୧୪)

୧୩ ଯାଶୁ ଯୋହାନ୍‌ଆଃ ବିଷାଏ ଆୟୁମ୍‌କେଦ୍‌ତେ ଏନ୍ତାଃ ବାଗିକେଦ୍‌ତେ ଲାଉକାରେ ସିଃସଏଃ ଠାୟାଦ୍‌ତେ ଏସ୍‌କାର୍‌ଗି ସେନଃୟାନା । ଗାଦେଲ୍ ହଡକ ନେଆଁ ଆୟୁମ୍‌କେଦ୍‌ତେ ଆକଆଃ ସାହାର୍‌କଏତେ ସେସେନ୍‌ତେଗି ଇନିଃକେ ଅତଙ୍‌କିୟାକ ।

୧୪ ଇନିଃ ଲାଉକାଏତେ ଅତଙ୍‌ୟାନ୍‌ଲଃ ପୁରାଃ ଗାଦେଲ୍ ହଡକକେ ନେଲ୍‌କେଦ୍‌କଆ ଆତଃ ଆୟାଃ ମନ୍‌ସୁରୁଦ୍ ଲିବୁଇତେ ବିଲ୍‌କାଅୟାନା । ଇନିଃ ପୁରାଃ ହାସୁତାନ୍‌କକେ ରୁଗିକେଦ୍‌କଆଏ ।

୧୫ ଆତଃ ସିଙ୍ଗି ହାସୁରଃତାନ୍‌ରେ, ଯାଶୁଆଃ ତେଲାକ ଆୟାଃତାଃ ହିଜୁଃକେଦ୍‌ତେ କାଜିକିୟାକ, “ନେ ଠାୟାଦ୍‌ଦ ସିଃସଏଃଗିୟା ଆତଃ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହଡକକେ କୁଲ୍‌ତାକମେ, ଆତଃ ଇନ୍‌କୁ ହାଡୁ ସେନ୍‌କେଦ୍‌ତେ ଆକଆଃ ନାଙ୍ ଜମେୟାଃକ କିରିଙ୍‌ୟେକା ।”

୧୬ ଯାଶୁ ମେତାଦକଆଏ, “ଇନ୍‌କୁ ଟିନାଃମେନ୍ତେକ ସେନଆଃ ? ଆପେଗି ଇନ୍‌କୁକେ ଜମେୟାଃ ଏମାକପେ ।”

୧୭ ଇନ୍‌କୁ ଇନିଃକେ କାଜିରୁହାଡ଼କିୟାକ, “ମଣେୟାଁ ହଲଙ୍ ଆତଃ ବାରିଆ ହାକୁ ଏସ୍‌କାର୍ ଆଲେତାଃରେ ମେନାକଆ ।”

୧୮ ଯାଶୁ ମେତାଦକଆଏ, “ଏନ୍ ସବେନାଃକେ ଆଇଙ୍‌ତାଃତେ ଆଉଝେପେ ।”

☆ ୧୩:୫୭ ଯୋହାନ୍ ୪:୪୪. ☆ ୧୪:୩ ଲୁକ ୩:୧୯,୨୦.

୧୯ ଇନିଃ ଗାଦେଲ୍ ହଡକକେ ତାସାଦ୍ ଚେତାନ୍ରେ ଦୁବକପେ ମେନ୍ତେ ଆରୁକେଦକଆ, ଆତଃ ଏନ୍ ମାଣେୟାଁ ହଲଙ୍ଗ୍ ଆତଃ ବାରିଆ ହାକୁ ସାବକେଦ୍ତେ ସିର୍ମାସାଃ ସାଙ୍ଗିଲ୍ଲରାକାଦ୍ତାନଲଃ ଆଣିଷ୍ଟକେଦାଏ ଆତଃ ହଲଙ୍ଗ୍ କେଟାଃକେଦ୍ତେ ଚେଲାକକେ ଏମାଦକଆଏ, ଆତଃ ଚେଲାକ ଗାଦେଲ୍ ହଡକକେ ହାଟିଙ୍ଗ୍ଆଦକଆକ ।

୨୦ ସବେନ୍ଦକ ଜମକେଦ୍ତେ ବି'ୟାନାକ ଆତଃ ଚେଲାକ ସାରେୟାକାନ୍ତେୟାଃ ବାରା ଚୁକ୍ତିକ ହୁଣ୍ଡିକେଦା ।

୨୧ ଜମକେଦ୍ ହଡକ, କୁଡ଼ିକ ଆତଃ ହନ୍ଦକକେ ବାରିକେଦ୍ତେ ପାଞ୍ଚ ହାଜାର କଡ଼ାକ ଏସକାର୍ ତାଇକେନାକ ।

ୟୀଶୁ ଦାଆଃ ଚେତାନ୍ରେ ସେସେନ୍ଦକେନାଏ

(ମାର୍କ ୭:୪୫-୫୨; ଯୋହାନ୍ ୭:୧୫-୨୧)

୨୨ ଇମ୍ତାଗି ଯୀଶୁ ଚେଲାକକେ ଆରୁକେଦକଆ, ଲାଉକାରେ ଦେଏଃପେ ଆତଃ ହାନ୍ ପାରମ୍ତେ ସେନ୍ ଆୟାରଃପେ, ଇମ୍ତାଲଃ ଇନିଃ ଗାଦେଲ୍ ହଡକକେ ବିଦାକେଦକଆ ।

୨୩ ଏନ୍ତେ ଇନିଃ ଗାଦେଲ୍ ହଡକକେ ବିଦାକେଦ୍ତେ, ଆଇଃକ୍ତି ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ଆତଃ ସିଙ୍ଗିହାସୁରତାନ୍ରେ ଇନିଃ ଏସକାର୍ଗି ଏନ୍ତାଃରେ ତାଇନ୍‌ୟାନାଏ ।

୨୪ ଆତଃ ଏନ୍ ଦିପିଲିରେ ଲାଉକା ଦରେୟା ଖାଙ୍ଗିଏତେ ପୁରାଃ ସାଙ୍ଗିନ୍ରେ ଆଲ୍‌ପୁଙ୍ଗ୍ତେ ଏକ୍‌ଲାଅଃତାନ୍ ତାଇକେନା, ଚିୟାଃଟି ଲାଉକା ସେନଃତାନ୍‌ସାଃଏତେ ହୟ ହିଜୁଃତାନ୍ ତାଇକେନା ।

୨୫ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍ତାକରେ ଯୀଶୁ ଦରେୟାରେ ସେସେନ୍ଦକେଦ୍ତେ ଇନ୍‌କୁତାଃତେ ହିଜୁଃତାଇକେନା ।

୨୬ ଚେଲାକ ଇନିଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ ବରକେଦା ଆତଃ “ବଙ୍ଗା ତାନିଃ” ମେନ୍ତେ ବରତେକ କାଉରିକେଦାଃ ।

୨୭ ମେନ୍ଦ୍ ଯୀଶୁ ଇମ୍ତାଗି ଇନ୍‌କୁକେ ଜାଗାର୍‌ତାନ୍‌ଲଃ ମେତାଦକଆ, “ଜୀଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୨୮ ଏନ୍ତେ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆମ୍‌ଗି ତାନ୍‌ମେରେଦ୍ ଦାଆଃରେ ଆଇଁୟାଃତାଃତେ ହିଜୁଃମେ ମେନ୍ତେ ଆରୁକଙ୍ଗ୍ମେ ।”

୨୯ ଯୀଶୁ କାଜିରୁହାଡ଼କିୟାଏ, “ହିଜୁଃମେ ।” ଏନ୍ତେ ପାଡ଼ରାସ୍ ଲାଉକାଏତେ ଆଡ଼ଗୁୟାନ୍‌ଟି ଦାଆଃରେ ସେସେନ୍ଦକେଦ୍ତେ ଯୀଶୁତାଃତେ ସେନଃ ତାଇକେନା ।

୩୦ ମେନ୍ଦ୍ ଇନିଃ ହୟ ନେଲ୍‌କେଦ୍ତେ ବରକେଦାଏ ଆତଃ ଇନିଃ ଦାଆଃରେ ତୁବିଃଗ୍ ଏଟେଦଃତାନ୍ ନେଲ୍‌କେଦ୍ତେ କାଉରିକେଦାଏ, “ହେ ପ୍ରାଭୁ, ବାଞ୍ଛାଅଇଙ୍ଗ୍‌ମେ ।”

୩୧ ଯୀଶୁ ଇମ୍ତାଗି ତିଃଇତାୟାଃ ଜିଲିଙ୍ଗ୍‌କେଦ୍ତେ ଇନିଃକେ ସାବକିୟାଏ ଆତଃ କାଜିକିୟାଏ, “ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌ନିଃ ଚିନାଃମେନ୍ତେମ୍ ଆଡ଼ାଃଉଡ଼ୁକେଦା ?”

୩୨ ଆତଃ ଇନ୍‌କିନ୍ ଲାଉକାରେ ଦେଏଃୟାନ୍‌ଟି ହୟ ସାଲ୍‌ସାନ୍ତୁୟାନା ।

୩୩ ଏନ୍ତେ ଲାଉକାରେ ତାଇକେନ୍ ଚେଲାକ ଯୀଶୁକେ ଜହାର୍‌କିଃତେ କାଜିକିୟାକ, “ଆମ୍ ସାର୍‌ଡ଼ିଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ।”

ୟୀଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକେଦକଆ

(ମାର୍କ ୭:୫୩-୫୬)

୩୪ ଯୀଶୁ ଆତଃ ଆୟାଃ ଚେଲାକ ଦରେୟା ପାରମ୍‌କେଦ୍‌ଟି ଗିନେସରେଡ଼ ନୁଡୁମ୍ ପାର୍‌ଗାନ୍‌ତେକ ସେଟେର୍‌ୟାନା ।

୩୫ ଏନ୍ତାଃରେନ୍ ହଡକ ଯୀଶୁକେ ନେଲ୍‌ଉରୁମ୍‌କିୟାକ । ଆତଃ ଇନିଃ ନେତାଃରିୟା ମେନ୍ତେ ସବେନ୍‌ସାଃତେ କାଜିକୁଲ୍‌କେଦାକ ଆତଃ ହଡକ ସବେନ୍ ଦୁକୁହାସୁତାନ୍‌କକେ ଇନିଃତାଃତେ ଆଉକେଦକଆକ ।

୩୬ ଆତଃ ଇନ୍‌କୁ ବିନ୍ତିକିୟାକ, ଦୁକୁହାସୁତାନ୍‌କ ଆମାଃ ଲିଜାଃରେୟାଃ ଆବରାକେ ଏସକାର୍ ଜୁଟିଦ୍ ଇଟି ନାଗେନ୍ତେ ଆରୁକମ୍ ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।

୧୫

ହାଡ଼ାମ୍‌ହଡକଆଃ ଇନିଡୁ

(ମାର୍କ ୭:୧-୧୩)

୧ ଏନ୍ତେ ଚିମିନ୍ ଫାରୁଶୀକ ଆତଃ ଯୀରୁଶାଲେମ୍‌ହେତେ ସେଟେରାକାନ୍ ଚିମିନ୍ ଆଇନ୍ ଇଡୁକ ଯୀଶୁତାଃତେକ ହିଜୁଃୟାନା ଆତଃ କୁଲିକିୟାକ,

୨ “ଚିନାଃମେନ୍ତେ ଆମାଃ ଚେଲାକ ଆବୁଆଃ ପ୍ରାଚିନ୍‌କଆଃ ରିଡ଼ିରିଞ୍ଜାଜ୍‌କ କାକ ମାନାଡ଼ିଙ୍ଗ୍‌ତାନା ? ଇନ୍‌କୁ ଆବୁଆଃ ରିଡ଼ିରିଞ୍ଜାଜ୍ ଲେକାତେ ବୁଗିଲେକା ତିଃଇ କା ଆବୁଙ୍ଗ୍ ସିଦାରେକ ଜଜମାଃ !”

୩ ଯୀଶୁ କାଜିରୁହାଡ଼ାଦକଥାଏ, “ଆପେ ପାର୍ମେଶ୍ୱାର ଏମାକାଦ୍ ଆନ୍ତରୁକେ କା ମାନାତିଙ୍ଗକେଦ୍ତେ ଚିକାନାଙ୍ଗ୍ ଆପେୟାଃ ରିତିରିଖାଜକେ ମାନାତିଙ୍ଗ୍ ତାନାପେ ?

୪ ପାର୍ମେଶ୍ୱାର କାଜିୟାକାଦାଏ, ‘ଏଙ୍ଗାମ୍ ଆପୁମକିନ୍କେ ମାନାତିଙ୍ଗକିନ୍ମେ,’ ଆତଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାର୍ପାଅକିନ୍ରେଦ ଇନିଃ ଗଜଃକାଏ ।’

୫ ମେନ୍ଦ ଆପେ ସବେନ୍ଦ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍କେ, ଆଇଙ୍ଗ୍ତାଃଏତେ ଅକ୍ନାଃ ଦେଙ୍ଗାବେନ୍ ନାମାକାତେତେୟାଃ, ଏନା ‘ପାର୍ମେଶ୍ୱାରକେ ଦାନ୍ ଏମାକାନା’ ମେନ୍ତେ କାଜିତାନାଲଃ,

୬ ଇନିଃ ଆୟାଃ ଏଙ୍ଗା ଆପୁକିନ୍କେ କାଏ ମାନାତିଙ୍ଗ୍ରେୟ ହବାଅଃଆ, ମେନ୍ତେପେ କାଜିତାନା । ଆତଃ ପାର୍ମେଶ୍ୱାରଆଃ ଆନ୍ତରୁକେ କା ମାନାତିଙ୍ଗକେଦ୍ତେ ଆପେ ଆପ୍ନାଃ ରିତିରିଖାଜରାଃ ଇନିତୁ ଲେକାପେ ସେସେନ୍ତାନା ।

୭ ଆପେ ବେଦାହଡ଼କ ତାନ୍ଦେ, ଯିଶାୟ ଆପେୟାଃ ବିଷାଏରେ ସାର୍ତ୍ତିଗି ଆୟାରକାଜି କାଜିକାଦା,

୮ “ନେ ହଡ଼କ ମଚାତେକ ମାଜନିଙ୍ଗ୍ତାନା, ମେନ୍ଦ ଆକଆଃ ମନ୍ ଆଇଙ୍ଗ୍ତାଃଏତେ ସାଙ୍ଗିନ୍ରେଆ ।

୯ ଇନ୍କୁ ସାମାଗିକ ସେଖାଇଙ୍ଗ୍ତାନା, ଚିୟାଃଚି ହଡ଼କଆଃ ରିତିରିଖାଜରାଃ ଇନିତୁକେ ପାର୍ମେଶ୍ୱାରଆଃ ଇନିତୁ ତାନାଃ ମେନ୍ତେକ ଇତୁକତାନା !”

ହଡ଼କେ ସତ୍ତରାଇରାଃ ବିଷାଏ

(ମାର୍କ ୭:୧୪-୨୩)

୧୦ ଯୀଶୁ ଗାଦେଲ୍ ହଡ଼କକେ କେଡ଼ାକେଦକଥାଏ ଆତଃ ମେତାଦକଥାଏ, “ଆୟୁମେପେ ଆତଃ ଆଟ୍ଟକାର୍ ଉରୁମେପେ ।

୧୧ ଅକ୍ନାଃ ହଡ଼ ହନ୍ରାଃ ମଚା ଭିତାରତେ ବଲଃଆ ଏନା ଇନିଃକେ କାଏ ସତ୍ତରା ଦାଡ଼ିୟାଇଆ, ମେନ୍ଦ ଆୟାଃ ମଚାଏତେ ଅକ୍ନାଃ ଅତଙ୍ଗ୍ଅଃଆ ଏନା ଆଇଃକକେ ସତ୍ତରାଇଆଏ ।”

୧୨ ଏନ୍ତେ ଯୀଶୁଆଃ ତେଲକ ଇନିଃତାଃ ହିନ୍ତୁଃକେଦ୍ତେ କାଜିକିୟାକ, “ନେ କାଜି ଆୟୁମକେଦ୍ତେ ଫାରୁଶୀକ ଖୁସ୍ତୟାନାକ, ଚିୟାଃ ନେଆଁମ୍ ସାରିତାନା ?”

୧୩ ମେନ୍ଦ ଯୀଶୁ କାଜିରୁହାଡ଼ାଦକଥାଏ, “ଆଇଁୟାଃ ସିର୍ମାରେନ୍ ଆପୁ କାଏ ରୟାକାଦ୍ ଦାରୁ ତୁଦ୍ ଏଣ୍ଡାଗଆଃ ।

୧୪ *ଇନ୍କୁକେ ବାଗିତାକୁପେ, ଇନ୍କୁଦ ମେଦ୍ କା ନେଲ୍ ଦାଡ଼ିତାନ୍ନିୟାଃ ମେଦ୍ କା ନେଲ୍ ଦାଡ଼ିତାନ୍ ଆଗୁଆଇକ ତାନ୍କ, ମେଦ୍ କା ନେଲ୍ ଦାଡ଼ିନିଃ, ମେଦ୍ କା ନେଲ୍ଦାଡ଼ିନିଃକେ ଆୟାରଇଦିରେଦ ବାରାନ୍କିନ୍ ଗାତାରେକିନ୍ ଉୟୁଗଃଆ ।”

୧୫ ପାଡ଼ରାସ୍ କାଜିକିୟାଏ, “ନେ ଜନ୍କା କାଜିରାଃ ମୁଣ୍ଡି ଚିନାଃ ତାନାଃ ଉଦୁବାଲେମ୍ ?”

୧୬ ଯୀଶୁ କାଜିରୁହାଡ଼ାଦକଥାଏ, “ଆପେୟାଃ ନାହିଁଃ ଜାକେଦ୍ ତଣ୍ଡିଗିୟାପେ ।

୧୭ ଅକ୍ନାଃ ମଚା ହରାତେ ଲାହିଦ୍ତେ ବଲଃଆ ଆତଃ ହଡ଼ଏତେ ଅତଙ୍ଗ୍ଅଃଆ ନେୟାଁ ଚିୟାଃ କାପେ ଆଟ୍ଟକାରେତାନା ?

୧୮ *ଜେତାଏ ହଡ଼ଆଃ ମଚାହରା ଅକ୍ନାଃ ଅତଙ୍ଗ୍ଅଃଆ ଏନା ଆୟାଃ ମନ୍ରାଃ ବିଚାର୍ଏତେ ଅତଙ୍ଗ୍ଅଃଆ, ଏନା ଇନିଃକେ ସତ୍ତରାଇଆ ।

୧୯ ମନ୍ ଭିତାର୍ଏତେଗି ଏଡକାନ୍ ଉଡ଼ୁ, ହଡ଼ଗଏଃ, ଆପାଙ୍ଗିର୍ କାମି, ଆଗ୍ଦି ଆପାଙ୍ଗିର୍, କୁମ୍ପୁତୁ ହସଡ଼ ଗାଞ୍ଜା, ପାର୍ମେଶ୍ୱାରକେ ନିନ୍ଦାଆକ ।

୨୦ ନେ ସବେନାଃତେଗି ହଡ଼କେ ସତ୍ତରାଇଆଏ, ମେନ୍ଦ ରିତିରିଖାଜ ଲେକାତେ ତିଃଇ ବେଗାର୍ ଆବୁଙ୍ଗକେଦ୍ତେ ଜମେତେୟାଃତେ ହଡ଼କେ କାଏ ସତ୍ତରାଇଆ ।”

ମିଆଁଦ୍ ସାଅଁସାର୍ କୁଡ଼ିଆଃ ବିଶ୍ୱାସ୍

(ମାର୍କ ୭:୨୪-୩୦)

୨୧ ଯୀଶୁ ଏନ୍ ଠାୟାଦ୍ ବାଗିକେଦ୍ତେ ସୋର୍ ଆତଃ ସିଦୋନ୍ ପାର୍ଗାନ୍ରେୟାଃ ସାହାରତେ ସେନଃୟାନା ।

୨୨ ଆତଃ ନେଲେପେ କିନାନ୍ରେନ୍ ମିଆଁଦ୍ ସାଅଁସାର୍ କୁଡ଼ି ଏନ୍ ଦିଶୁମ୍ଏତେ ଅତଙ୍ଗ୍ୟାନ୍ତେ ହାକାଅକିୟାଏ, “ହେ ଗମ୍ବକେ, ଦାଉଦ୍ଆଃ ହନ୍ ଲିରୁଆଇଙ୍ଗ୍ମେ, ହନିଙ୍ଗ୍କୁଡ଼ି, ବଙ୍ଗା ଏସେରକାନ୍ ହରାତେ ପୁରାଃଗି ହାସୁତାନା ।”

୨୩ ମେନ୍ଦ ଇନିଃ ଜେଡ଼ନାଃ କାଏ କାଜିରୁହାଡ଼କିୟା ଆତଃ ଇନିୟାଃ ତେଲକ ବିକ୍ତିକିଃତେ କାଜିକିୟାକ, “ଇନିଃକେ କୁଲ୍ତାଇମେ, ଚିୟାଃଚି ଇନିଃଦ୍ ପୁରାଃ ରାଆଃତାନ୍ଲଃ ଆବୁକେ ଅତଙ୍ଗ୍ବୁତାନା ।”

୨୪ ମେନ୍ଦ ଇନିଃ କାଜିରୁହାଡ଼ାଦକଥାଏ, “ଆଇଙ୍ଗ୍ ଇସ୍ତାଏଲ୍ରେନ୍ ଆଦାକାନ୍ ମିଶ୍ରିକତାଃତେ ଏସକାର୍ କୁଲ୍ଲାନାଆଇଙ୍ଗ୍, ଏଟାଃକତାଃତେଦ କାହାଗି ।”

* ୧୫:୧୪ ଲୁକ ୭:୩୯. * ୧୫:୧୮ ମାଧୁର ୧୨:୩୪.

୨୫ ମେନ୍ଦ ଏନକୁଡ଼ି ନାଡ଼େୟାନ୍ତି ଇନିୟା ଆୟାରରେ ଇକଡ଼ମୁକେଦ୍ତେ କାଜିକିୟାଏ, “ହେ ଗମ୍ବେ, ଦେଙ୍ଗାଈଙ୍ଗେ ।”

୨୬ ଏନ୍ତେ ଯୀଶୁ କାଜିରୁହାଡ଼କିୟାଏ, “ହନକଆଃ ଜମେୟାଃ ରେଃକକେଦ୍ତେ ସେତାକଆଃ ଆୟାରରେ ହୁଦ୍ମାତେୟାଃ କା ବୁଗିନାଃ ।”

୨୭ ସାଅଁସାର କୁଡ଼ି କାଜିରୁହାଡ଼କିୟାଏ, “ହେଗି ପ୍ରାଭୁ, ନେଆଁ ସାର୍ତି କାଜିତାନାଃ, ମେନ୍ଦ ସେତାକହଗି ଆକଆଃ ଗମ୍ବେଆଃ ମେଜ୍‌ଏତେ ଉୟୁଗାକାନ୍ ହଲଙ୍ଗକେତାଃକ ଜଜମାଃ ।”

୨୮ ଏନ୍ତେ ଯୀଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍ ପୁରାଃ ମାରାଙ୍ଗିଆଃ ! ଆମାଃ ମନେଲେକା ହବାଅଃକା ।” ଆଡ଼ଃ ଇନିୟା ହନ୍ତେକୁଡ଼ି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ହଡ଼କକେ ବୁଗିକେଦ୍‌କଆଏ

୨୯ ଯୀଶୁ ଏନ୍ତାଏତେ ଅଡ଼ଙ୍ଗୟାନ୍ତେ ଗାଲିଲ୍ ଦରେୟାସାତେ ସେଟେରୟାନା, ଆଡ଼ଃ ବୁରୁତେ ରାକାବ୍‌କେଦ୍‌ତେ ଏନ୍ତାରେ ଦୁବୟାନାଏ ।

୩୦ ପୁରାଃ ଗାଦେଲ୍ ହଡ଼କ ଛୁଟା, କାଣାଁ, କେପା, କା ବାଗାଁଣ୍ ଦାଡ଼ିତାନ୍, ଆଡ଼ଃ ଏଟାଃ ହଡ଼କକେ ଆକଆଃଲଃ ଆଡ଼କେଦ୍‌ତେ ଇନିଃତାଃତେକ ହିଜୁଃୟାନା ଆଡ଼ଃ ଇନକୁକେ ଆୟାଃ କାଟା ସୁବାରେ ଦହକେଦ୍‌କଆକ ଆଡ଼ଃ ଇନିଃ ଇନକୁକେ ବୁଗିକେଦ୍‌କଆଏ ।

୩୧ ଏନଲେକାଗି କା ବାଗାଁଣ୍ ଦାଡ଼ିତାନ୍‌କ ବାଗାଁଣ୍ ଦାଡ଼ିୟାନା, କାଣାଁକାନ୍‌କ ନେଲ୍ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ ଗାଦେଲ୍ ହଡ଼କ ଆକ୍‌ଦାନ୍‌ଆୟାନା ଆଡ଼ଃ ଇନକୁ ଇସ୍ରାଏଲ୍‌ରେନ୍ ପାର୍‌ମେଶ୍ୱାରକେକ ମାରାଙ୍ଗିକିୟା ।

ୟୀଶୁ ଏଟାଃ ଗାଦେଲ୍ ହଡ଼କକେ ଜମେୟାଃତେ ବିକେଦ୍‌କଆ

(ମାର୍କ ୮:୧-୧୦)

୩୨ ଏନ୍ତେ ଯୀଶୁ ଚେଲକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଆଏ, “ନେ ଗାଦେଲ୍ ହଡ଼କ ନାଗେନ୍ତେ ଆଇୟାଃ ଜୀତ ବିଲ୍‌କାଅଃତାନା, ଚିୟାଃତି ଆପି ମାହାଁଏତେ ଆଇୟାଃଲଃ ମେନାକଆ, ଆଡ଼ଃ ନାହାଁଃ ଇନକୁତାଃରେ ଜମେୟାଃ ଜେଡ଼ନାଃ ବାନଃଆ, ଇନକୁ ହରାକରେ ଭୁକ୍‌ସୁଲ୍‌କଆଃକ, ଏନାତେ ଆଇଙ୍ଗ୍ ଇନକୁକେ ବେଗାର୍ ଜମ୍‌କେଦ୍‌ତେ କୁଲ୍ କାଈଙ୍ଗ୍ ସାନାଙ୍ଗ୍‌ତାନା ।”

୩୩ ଇନିୟାଃ ଚେଲକ କାଜିରୁହାଡ଼କିୟା, “କତାଃଏତେ ନେ ସିଃସଏଃ ଠାୟାଦ୍‌ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟାଃଗି ଜମେୟାଃଲେ ନାମେୟା ?”

୩୪ ଯୀଶୁ କୁଲିକେଦ୍‌କଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?” ଇନକୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ଆଡ଼ଃ ଚିମିନ୍ ହୁପ୍‌ଡ଼ିଙ୍ଗ୍ ହାକୁ ।”

୩୫ ଯୀଶୁ, ଗାଦେଲ୍ ହଡ଼କକେ ଅତେରେ ଦୁବ୍‌ପେ ମେନ୍ତେ ଆରୁକେଦ୍‌କଆ ।

୩୬ ଏନ୍ତେ ଇନିଃ ଏନ୍ ସାଡ଼ୁ ହଲଙ୍ଗ୍ ଆଡ଼ଃ ହାକୁ ଇଦିକେଦ୍‌ତେ ପାର୍‌ମେଶ୍ୱାରକେ ଧାନ୍ୟାବାଦ୍ ଏମ୍‌କିୟାଏ ଆଡ଼ଃ ଏନା କେତାଃକେଦ୍‌ତେ ଆୟାଃ ଚେଲକକେ ଏମାଦ୍‌କଆଏ ଆଡ଼ଃ ଚେଲକ ହଡ଼କକେ ହାଟିଙ୍ଗ୍‌ଆଁଦ୍‌କଆକ ।

୩୭ ଏନା ଜମ୍‌କେଦ୍‌ତେ ସବେନ୍‌କ ବି'ୟାନାକ ଆଡ଼ଃ ହଲଙ୍ଗ୍ କେତାଃ ସାଡ଼ୁ ଟୁଙ୍ଗ୍ ସାରେୟାନା ।

୩୮ କୁଡ଼ିକ ଆଡ଼ଃ ହନକ ବାଗିକେଦ୍‌ତେ ଉପୁନ୍ ହାଜାର୍ କଡ଼ାକ ଜମ୍‌କେଦା ।

୩୯ ଏନ୍ତେ ଯୀଶୁ ଗାଦେଲ୍ ହଡ଼କକେ କୁଲ୍‌କେଦ୍‌କଟି ଲାଉକାରେ ଦେଏୟାୟାନାଏ ଆଡ଼ଃ ମାଗ୍‌ଦଲା ପାର୍‌ଗାନ୍‌ତେ ସେନୟାୟାନାଏ ।



ପେଡ଼େୟାନ୍ କାମିରେୟାଃ ହାଟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ *ଫାରୁଶୀକ ଆଡ଼ଃ ସାଦୁକିକ ଯୀଶୁତାଃ ହିଜୁଃକେଦ୍‌ତେ, ଇନିଃକେ ଚିଟାଈ ନାଗେନ୍ତେ ବିଡ଼ାଅତାନ୍‌ଲଃ ସିମାଏତେ ମିଆଁଦ୍ ଚିଙ୍ଗା ଉଦୁବାଲେମେ ମେନ୍ତେକ କାଜିକିୟା ।

୨ ଯୀଶୁ କାଜିରୁହାଡ଼ାଦ୍‌କଆଏ, “ଆପେ ଆୟୁବ୍‌ତାନ୍‌ରେ ସିମା ଆରାଃଗିପେ ନେଲେରେଦ, କାଜିୟାଃପେ ତିସିଙ୍ଗ୍ ଫାର୍‌ଚିଗିୟା ।

୩ ଆଡ଼ଃ ସେତାଃ ଇଦାନ୍‌ରେ ସିମା ଆରାଃଗି ଆଡ଼ଃ ଚିମିଲକାଦ୍‌ଗିପେ ନେଲେରେଦ, କାଜିୟାଃପେ, ତିସିଙ୍ଗ୍ ଦୁଦୁଗାର୍ ହୟ ହିଜୁଃଆ । ଆପେଦ ସିମାରେୟାଃ ଚିଙ୍ଗାପେ ନେଲ୍‌ଉରୁମେତାନା ମେନ୍ଦ ଦିପିଲିରାଃ ଚିଙ୍ଗାକ କାପେ ନେଲ୍‌ଉରୁମ୍ ଦାଡ଼ିତାନ୍ ।

☆ ୧୭:୧ ମାଧୁର ୧୨:୩୮; ଲୁକ ୧୧:୧୭.

୪ ☆ଏଡକାନ ଆଡ଼ଠ ପାରମେଶ୍ୱାରକେ କା ବିଶ୍ୱାସ୍ତାନ ହଡକ ଚିହ୍ନାକ ଦାଣାଁ, ମେନ୍ଦ ଯୁନୁସ୍ ନାବାଆଃ ଚିହ୍ନାଁ ବାଗିକେଦ୍ତେ ଇନ୍କୁନାଙ୍ଗ୍ ଏଟାଃ ଚିହ୍ନାଁ କା ଏମଃଆ ।
 ଆଡ଼ଠ ଇନ୍କୁକେ ବାଗିକେଦ୍ତେ ଇନିଃ ସେନଃୟାନାଏ ।

ଫାରୁଶୀ ଆଡ଼ଠ ସାଦୁକିକଆଃ ଇନିତୁ
 (ମାର୍କ ୮:୧୪-୨୧)

୫ ଚେଲାକ ଦରେୟା ହାନ୍ ପାରମ୍ତେ ସେଟେରୟାନ୍ତି ହଲଙ୍ଗ୍ ଇଦି ନାଙ୍ଗ୍ ଚିଡ଼ିଙ୍ଗ୍କେଦା ।
 ୬ ଯୀଶୁ ଇନ୍କୁକେ କାଜିୟାଦ୍‌କଆଏ, “ଫାରୁଶୀକଆଃ ଆଡ଼ଠ ସାଦୁକିକଆଃ ରାନୁଏତେ ଚିର୍ଗାଲାକାନ୍ ତାଇନ୍‌ପେ ।”
 ୭ ଇନ୍କୁ ଆକ ଆକରେକ ମେନ୍‌କେଦା, “ଆବୁ ହଲଙ୍ଗ୍ କାରୁ ଆଉକାଦା ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”
 ୮ ଯୀଶୁ, ଇନ୍କୁ କାଜିତାନ୍‌ତେୟାଃ ଆଟ୍‌କାରକେଦ୍‌ତେ କାଜିକେଦ୍‌କଆଏ, “ଏ ହୁଡିଙ୍ଗ୍ ବିଶ୍ୱାସ୍ତାନ୍‌କ, ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁତାନା ? ନାହାଁଃ ଜାକେଦ୍ କାପେଗି ସାରିକାଦା ଆଡ଼ଠ ଆଟ୍‌କାରଉରୁମାକାଦା ?
 ୯ ଏନ୍ ପାଞ୍ଜ ହାଜାର୍ ହଡକ, ମଣେୟାଁ ହଲଙ୍ଗ୍ ଜମ୍‌କେଦ୍‌ତେ, ଚିମିନ୍ ଟୁଙ୍ଗି ସାରେଃୟାନା ଏନା କାପେଗି ପାହାମେତାନା ?
 ୧୦ ଆଡ଼ଠ ଏନ୍ ଉପୁନ୍ ହାଜାର୍ ହଡକ, ସାଡ଼ୁ ହଲଙ୍ଗ୍ ଜମ୍‌କେଦ୍‌ତେୟାଃ କାପେଗି ପାହାମେତାନା ? ଚିମିନ୍ ଟୁଙ୍ଗି ସାରେଃୟାନା ?
 ୧୧ ହଲଙ୍ଗ୍ ନାଗେନ୍ତେ କାଇଙ୍ଗ୍ କାଜିୟାପେତାନା, ଚିଲ୍‌କାତେ ନେଆଁ କାପେ ଆଟ୍‌କାରଉରୁମେତାନା ? ମେନ୍ଦ ଫାରୁଶୀକଆଃ ଆଡ଼ଠ ସାଦୁକିକଆଃ ରାନୁଏତେ ଚିର୍ଗାଲାକାନ୍ ତାଇନ୍‌ପେ ।”
 ୧୨ ଏନ୍ତେ ଇନ୍କୁ ହଲଙ୍ଗ୍‌ରାଃ ରାନୁଏତେଦ କା ମେନ୍ଦ ଫାରୁଶୀକଆଃ ଆଡ଼ଠ ସାଦୁକିକଆଃ ଇନିତୁଏତେ ଚିର୍ଗାଲାକାନ୍‌ପେ ମେନ୍ତେ ଇନିଃ କାଜିୟାଦ୍‌ବୁଆଏ ମେନ୍ତେକ ଆଟ୍‌କାରଉରୁମ୍‌କେଦା ।

ୟୀଶୁ ଖ୍ରୀଷ୍ଟ ମାସି ତାନିଃ
 (ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାରଗାନ୍*ରାଃ ସାହାର୍‌ତେ ସେଟେରୟାନ୍ତି ଯୀଶୁ ଆୟାଃ ଚେଲାକକେ କୁଲିକେଦ୍‌କଆ, “ମାନଝାହନ୍ ଅକଏ ତାନିଃ ମେନ୍ତେ ହଡକ କାଜିତାନା ?”
 ୧୪ ଇନ୍କୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ଯିରିମିୟ ଚାଏ ନାବାକଏତେ ମିଆଁଦ୍‌ନିଃ ତାନିଃ ମେନ୍ତେକ କାଜିତାନା ।”
 ୧୫ ଯୀଶୁ ଇନ୍କୁକେ କୁଲିକେଦ୍‌କଆ, “ମେନ୍ଦ ଆପେ ଚିନାଃ ମେନେତାନାପେ ? ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”
 ୧୬ ଶିମୋନ୍ ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ, ଜାନିଦ୍ ପାରମେଶ୍ୱାରଆଃ ହନ୍ ତାନ୍‌ମେ ।”
 ୧୭ ଯୀଶୁ କାଜିରୁହାଡ଼କିୟାଏ, “ହେ ଯୁନୁସ୍‌ରାଃ ହନ୍ ଶିମୋନ୍, ଆମ୍ ସୁକୁତାନ୍‌ଗିୟାମ୍, ନେଆଁଦ୍ ହଡହନ୍ ଆମାଃତାଃ କାଏ ଉଦୁବ୍, ମେନ୍ଦ ସିର୍ମାରେନ୍ ଆପୁ ଉଦୁବାଦ୍‌ମେୟାଏ ।
 ୧୮ ଆଡ଼ଠ ଆଇଙ୍ଗ୍‌ହ୍ ଆମ୍‌କେ କାଜିୟାମେ ତାନାଇଙ୍ଗ୍, ଆମ୍ ପାଡ଼ରାସ୍ ତାନ୍‌ମେ ଏନାରାଃ ମୁଣ୍ଡି ଚାଟେନ୍ ତାନାଃ ମେନ୍ଦ ଆଇଙ୍ଗ୍ ନେ ଚାଟେନ୍‌ରେ ଆଇଁୟାଃ କାଲିସିୟା ବାଇୟାଇଙ୍ଗ୍ ଆଡ଼ଠ ନାରାକ୍‌ରାଃ ପେଡ଼େଃ ଏନାକେ କାଏ ହାଡୁଡ୍‌ଦାଡ଼ିୟା ।
 ୧୯ ଆଇଙ୍ଗ୍ ସିର୍ମା ରାଇନ୍‌ରେୟାଃ ଚାଡି ଏମାମେୟାଁ, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆଡ଼ଠ ଆମ୍ ଅତେରେ ଅକ୍‌ନାଃମ୍ ରାଡାଏତେୟାଃ, ସିର୍ମାରେ ଏନା ରାଡାଅଃଆ ।”
 ୨୦ ଏନ୍ତେ ଆଇଙ୍ଗ୍ ମାସି ତାନିଙ୍ଗ୍, ନେଆଁ ଜେତାଏତାଃ ଆଲ୍‌ପେ ଉଦୁବିୟାଁ ମେନ୍ତେ ଯୀଶୁ ଆୟାଃ ଚେଲାକକେ ଆବୁକେଦ୍‌କଆ ।

ୟୀଶୁ ଆୟାଃ ଗନଏଃ ଆଡ଼ଠ ଜୀଉବିନିରିଦ୍‌ରେୟାଃ ଆୟାର୍‌କାଜି କାଜିୟାଦ୍‌କଆ
 (ମାର୍କ ୮:୩୧-୯:୧; ଲୁକ ୯:୨୨-୨୬)

୨୧ ଏନ୍ ଦିପିଲିଏତେ ଯୀଶୁ ଆୟାଃ ଚେଲାକକେ ଫାର୍‌ଚିତେ କାଜିକେଦ୍‌କଆଏ, “ଆଇଙ୍ଗ୍‌କେ ଯୀରୁଶାଲେମ୍‌ତେ ସେନ୍ ଲାଗାଡିଙ୍ଗ୍‌ୟାଁଃ, ଏନ୍ତାଃରେ ପ୍ରାଚିନ୍‌କ, ମୁଲ୍ ଯାଜାକ୍‌କ ଆଡ଼ଠ ଆଇନ୍ ଇତୁକଆଃ ତିଃଇରେ ସାବ୍‌ଇଚିକେଦ୍‌ତେ ପୁରାଃ ଦୁକୁ ସାହାଡିଙ୍ଗ୍ ଆଡ଼ଠ ଗଜଃ ଲାଗାଡିଙ୍ଗ୍‌ୟାଁଃ ଏନ୍ତେ ଆପି ମାହାଁ ତାୟମ୍‌ତେ ଜୀଉବିନିରିଦ୍ ହବାଅଆଃ ।”

☆ ୧୭:୪ ମାଧୁର ୧୭:୩୯; ଲୁକ ୧୧:୨୯. ☆ ୧୭:୬ ଲୁକ ୧୨:୧. ☆ ୧୭:୯ ମାଧୁର ୧୪:୧୭-୨୧. ☆ ୧୭:୧୦ ମାଧୁର ୧୫:୩୪-୩୮. * ୧୭:୧୩ ଅଞ୍ଜଳ
 ☆ ୧୭:୧୪ ମାଧୁର ୧୪:୧,୨; ମାର୍କ ୬:୧୪,୧୫; ଲୁକ ୯:୬,୮. ☆ ୧୭:୧୬ ଯୋହାନ୍ ୬:୬୮,୭୯. ☆ ୧୭:୧୯ ମାଧୁର ୧୮:୧୮; ଯୋହାନ୍ ୨୦:୨୩.

୨୨ ପାତ୍ରରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଗେଦ୍‌କିୟାଏ । “ହେ ପ୍ରାଭୁ, ପାର୍‌ମେଶ୍ୱାର୍ ଆମ୍‌କେ ଲିବୁଇମେକାଏ, ନେଆଁ ଆମାଃରେ ଚିତ୍‌ଲାଅ ଆଲକା ହବାଅଃକା ।”

୨୩ ଯୀଶୁ ହେତାରୁହାଡ୍‌କେଦ୍‌ତେ ପାତ୍ରରାସ୍‌କେ କାଜିରୁହାଡ୍‌କିୟାଏ, “ଏ ସାଏତାନ୍ ଆଇଁୟାଃତାଃଏତେ ଆତମେନ୍‌ମେ, ଆମ୍ ଆଇଙ୍‌କେ ତହଦ୍‌ଇଚିଙ୍‌ତାନାମ, ଚିୟାଃଚି ଆମ୍‌ଦ ପାର୍‌ମେଶ୍ୱାର୍‌ଆଃ କା ମେନ୍‌ଦ ହଡ୍‌କଆଃ ଲେକାମ୍ ଉଡ୍‌ଝୁତାନା ।”

୨୪ ✧ଏତ୍ତେ ଯୀଶୁ ଆୟାଃ ତେଲାକକେ କାଜିୟାଦ୍‌କଆଏ, “ଜେତାଏ ହଡ୍ ଆଇଙ୍‌କେ ଅତଙ୍‌ ସାନାଙ୍‌ରେଦ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଶ୍ ଗଅଃକେଦ୍‌ତେ ଅତଙ୍‌ଇଙ୍‌କାଏ ।

୨୫ ✧ଚିୟାଃଚି ଜେତାଏ ଆୟାଃ ଜୀଉକେ ବାଞ୍ଚାଅ ସାନାଙ୍‌ନିଃଦ ଏନାଏ ଆଦେୟା ମେନ୍‌ଦ ଜେତାଏ ଆୟାଃ ଜୀଉକେ ଆଇଙ୍‌ ନାଙ୍‌ ଆଦେନିଃ ଏନାଏ ବାଞ୍ଚାୟା ।

୨୬ ଜେତାଏ ହଡ୍ ଗଟା ଅତେଦିଶ୍ୱମ୍ ନାମ୍‌କେଦ୍‌ରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ଚାଏ ଜେତାଏ ହଡ୍ ଆୟାଃ ଜୀଉ ନାମ୍‌ରୁହାଡ୍‌ ନାଗେତ୍ତେ ଚିନାଃଏ ଏମ୍ ଦାଡ୍‌ୟା ?

୨୭ ✧ମାନଝାହନ୍‌ଦ ଆୟାଃ ସିର୍ମାରେନ୍ ଦୁଁଡ୍‌କଲଃ ଆୟାଃ ଆପୁଆଃ ମାନାରାଙ୍‌ରେ ହିଜୁଃ ଇମ୍‌ତା ଇନିଃ ମିଆଁଦ୍ ହଡ୍‌କେ ଆୟାଃ କାମିଲେକାଏ ଏମାଇୟା ।

୨୮ ଆଇଙ୍‌ ସାର୍‌ତିଗିଙ୍‌ କାଜିୟାପେତାନା, ନେତାଃରେ ମେନାକଏତେ ଚିମିନ୍ ହଡ୍‌କ ମାନଝାହନ୍ ଆୟାଃ ରାଇଜ୍‌ରେ ହିଜୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”

୧୭

ୟୀଶୁଆଃ ରୁପ୍ ବାଦ୍‌ଲିଅଃ

(ମାର୍କ ୯:୨-୧୩; ଲୁକ ୯:୨୮-୩୬)

୧ ତୁରିୟା ମାହାଁ ତାୟମ୍‌ତେ ଯୀଶୁ, ପାତ୍ରରାସ୍, ଯାକୁବ୍ ଆତଃ ହାଗାତେ ଯୋହାନ୍‌ତେକ୍‌କେ ଆୟାଃଲଃ ମିଆଁଦ୍ ସାଲାଙ୍‌ ବୁରୁତେ ଇଦିକେଦ୍‌କଆଏ । ଏନ୍ତାଃରେ ଇନ୍‌କୁ ଏସ୍‌କାର୍‌ଗିକ ତାଇକେନା ।

୨ ଇନିୟାଃ ମେଦ୍‌ମୁହାଁଡ୍ ଇନ୍‌କୁଆଃ ସାମ୍‌ନାଙ୍‌ରେ ବାଦ୍‌ଲାୟାନା ଆତଃ ଇନିୟାଃ ମେଦ୍‌ମୁହାଁଡ୍ ସିଙ୍‌ଲେକା ଜୁଲ୍‌ୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଣ୍ଡିୟାନା ।

୩ ଏତ୍ତେ ମୁଶା ଆତଃ ଏଲିୟ ଯୀଶୁଲଃ ଜାଗାଡ୍‌ତାନକ ନେଲ୍‌କେଦ୍‌କଆ ।

୪ ପାତ୍ରରାସ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆବୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍‌ ନେତାଃରେ ଆପିୟା କୁମ୍‌ଇଙ୍‌ ବାଇୟା, ଆମାଃ ନାଗେତ୍ତେ ମିଆଁଦ୍, ମୁଶା ନାଗେତ୍ତେ ମିଆଁଦ୍ ଆତଃ ଏଲିୟ ନାଗେତ୍ତେ ମିଆଁଦ୍ ।”

୫ ✧✧✧ୟୀଶୁ ଜାଗାଡ୍‌ତାନ୍ ଇମ୍‌ତାଗି ମିଆଁଦ୍ ମାର୍‌ସାଲ୍ ରିମିଲ୍ ଇନ୍‌କୁକେ ଉମ୍‌ଲୁକେଦ୍‌କଆ ଆତଃ ନେଲେପେ, ଏନ୍ ରିମିଲ୍‌ଏତେ ଲାବ୍‌ଜା ଆୟୁମ୍‌ୟାନା, “ନିଃଗି ଆଇଁୟାଃ ଦୁଲାଡ୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

୬ ତେଲାକ ନେଆଁ ଆୟୁମ୍‌କେଦ୍‌ତି, ବରତେ ତାବେରକେଦ୍‌ତେ ଅତେରେକ ଉୟୁଃୟାନା ।

୭ ଯୀଶୁ ଇନ୍‌କୁତାଃ ନାଡ୍‌ଝୟାନ୍‌ଚି ଜୁଟିଦ୍‌କେଦ୍‌ତେ କାଜିକେଦ୍‌କଆଏ, “ବିରିଦ୍‌ପେ, ଆଲ୍‌ପେ ବରଏୟା ।”

୮ ଇନ୍‌କୁ ଆରିଦ୍‌ରାକାବ୍‌କେଦ୍‌ତେ ଯୀଶୁକେ ବାଗିକେଦ୍‌ତେ ଏନ୍ତାଃରେ ଜେତାଏକେ କାକ ନେଲ୍‌କେଦ୍‌କଆ ।

୯ ଇନ୍‌କୁ ବୁରୁଏତେ ଆଡ୍‌ଗୁତାନ୍ ଇମ୍‌ତା ଯୀଶୁ ଇନ୍‌କୁକେ ଆଚୁକେଦ୍‌କଆ, “ମାନଝାହନ୍ ଗଜାକାନ୍‌କଏତେ ଆଉରି ଜୀଉବିରିଦ୍ ଜାକେଦ୍ ଆପେ ନେଲାକାଦ୍‌ତେୟାଃ ଜେତାଏକେ ଆଲ୍‌ପେ ଉଦୁବାକଆ ।”

୧୦ ତେଲାତାୟାଃକ ଇନିଃକେ କୁଲିକିୟାକ, “ଆଇନ୍ ଇଡୁକଆଃ ଆଇନ୍ ଚିନାଃ ମେତ୍ତେ ଏଲିୟକେ ପାହିଲା ହିଜୁଃ ଲାଗାତିଙ୍‌ୟାଃ ମେନେତାନାଏ ?”

୧୧ ଯୀଶୁ କାଜିରୁହାଡ୍‌ଦ୍‌କଆଏ, “ଏଲିୟ ହିଜୁଃକେଦ୍‌ତେ ସବେନାଃ ଆତଃମିସା ବାଇରୁହାଡ୍‌ୟାଏ, ଏନା ସାର୍‌ତିଗି ତାନାଃ ।

୧୨ ✧ମେନ୍‌ଦ ଆଇଙ୍‌ କାଜିୟାପେ ତାନାଇଙ୍‌, ଏଲିୟ ହିଜୁଃୟାନାଏ ଆତଃ ଇନ୍‌କୁ ଇନିଃକେ କାକ ନେଲ୍‌ଉରୁମ୍‌କିୟା ଆତଃ ଆକଆଃ ମନେଲେକା ଇନିଃକେ ସିଗିଦ୍‌କିୟାକ । ଏନ୍ ଲେକାଗି ମାନଝାହନ୍‌କେକ ସିଗିଦିଆ ।”

୧୩ ଏତ୍ତେ ତେଲାକ, ଇନିଃ ବାପ୍ତିସ୍ତା ଏମାଃନିଃ ଯୋହାନ୍‌ଆଃ ବିଷାଏ କାଜିକତାନାଏ ମେତ୍ତେ ଆଟ୍‌କାର୍‌କେଦାକ ।

ୟୀଶୁ ମିଆଁଦ୍ ବଙ୍ଗା ଏସେରାକାନ୍ ହନ୍‌କେ ବୁଗିକିୟାଏ

(ମାର୍କ ୯:୧୪-୨୯; ଲୁକ ୯:୩୭-୪୩)

✧ ୧୭:୨୪ ମାଧୁର ୧୦:୩୮; ଲୁକ ୧୪:୨୭. ✧ ୧୭:୨୫ ମାଧୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. ✧ ୧୭:୨୬ ମାଧୁର ୨୫:୩୧ରୋମି ୨:୬. ✧ ୧୭:୫ ମାଧୁର ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ✧ ୧୭:୫ ୨ ପାତ୍ରରାସ୍ ୧:୧୭, ୧୮. ✧ ୧୭:୧୨ ମାଧୁର ୧୧:୧୪.

୧୪ ଯୀଶୁ ଆତ୍ମା ଆୟାତ ଚେଲାକ ଗାଦେଲ୍ ହତକତାଠେତେ ରୁହାଡ଼ୟାନ୍ତି ମିଆଁଦ୍ ହତ ଯୀଶୁତାଠେତେ ହିଜୁଃୟାନା ଆତ୍ମା ଇକଡ଼ୁକେଦ୍ତେ,

୧୫ କାଜିକିୟାଏ, “ହେ ପ୍ରାଭୁ, ହନିକ୍ତାକେ ଲିବୁଆଇମେ, ଇନିଃଦ ମିକ୍ ବେମାର୍ତେତେ ପୁରାଃଗି ଦୁକୁତାନାଏ ଆତ୍ମା ଇନିଃ ମାଣ୍ଡିଆ ସେକ୍ତେଲ୍ରେ ଆତ୍ମା ଦାଆଃରେ ଉୟୁଗତାନାଏ ।

୧୬ ଆଇକ୍ ଆମାଃ ଚେଲାକତାଃ ଇଦିକିୟାକ୍ ମେନ୍ଦ ଇନ୍କୁ କାକ ବୁଗିଦାଡ଼ିକିୟା ।”

୧୭ ଯୀଶୁ କାଜିରୁହାଡ଼ାଦକଆଏ, “ଏ କା ବିଶ୍ୱାସତାନ ଆତ୍ମା କେଚେଦ୍ ମନ୍ ହତକ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାକ୍ ? ଚିମିନ୍ ଜାକେଦ୍ ଆପେକେ ସାହାଡ଼ିକ୍ପେଆଇକ୍, ଇନିଃକେ ଆଇକ୍ତାଠେତେ ଆଡ଼ିକ୍ପେ ।”

୧୮ ଯୀଶୁ କଡ଼ାହନ୍ରେ ତାଇକାନ୍ ବଜାକେ ମାରାକ୍ମଚାକିୟା ଆତ୍ମା ଇନିଃତାଃଏତେ ବଜା ଅତକ୍ତୟାନା ଆତ୍ମା ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏକ୍ତେ ଚେଲାକ ଯୀଶୁତାଠେତେ ଏସକାର୍ରେ ହିଜୁଃକେଦ୍ତେ କୁଲିକିୟାକ, “ଆଲେଦ ଚିନାଃମେକ୍ତେ ଏନ୍ ବଜାକେ କାଲେ ଅତକ୍ତ ଦାଡ଼ିକେନା ?”

୨୦ ଯୀଶୁ ମେତାଦକଆଏ, “ଆପେୟାଃ ହୁଡ଼ିକ୍ ବିଶ୍ୱାସ୍ ମେକ୍ତେ କାପେ ଦାଡ଼ିକେନା । ଆଇକ୍ ସାର୍ଡ଼ିଗିକ୍ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନଜାକ୍ଲେକା ମେନାଃରେଦ, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେକ୍ତେ କାଜିରେଦ ଏନା ସେନଃଆ ଆତ୍ମା ବିଶ୍ୱାସ୍ତାଃ ପେଡ଼େଃତେ କା ଦାଡ଼ିୟଃଲେକା ଜେଡ଼ନାଃ ବାନଆଃ ।

୨୧ ନେ ଲେକାନ୍ ବଜାକ ବିକ୍ତି ଆତ୍ମା କାଟାକ୍ତେଦ୍ତେ ଏସକାର୍ ଅତକ୍ତଅଃଆ ଆତ୍ମା ଏଟାଃ ଲେକାତେଦ କାହାଗି ।”*

ୟୀଶୁ ଆୟାତ ଗନଏଃ ବିଷାଏରେ ଆତ୍ମାମିସା କାଜିକେଦାଏ

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସବେନ୍ ଚେଲାକ ଗାଲିଲ୍ରେ ହୁଣ୍ଡିୟାନ୍ତି ଯୀଶୁ ଇନ୍କୁକେ କାଜିୟାଦକଆଏ, “ଆଇକ୍ ମାନଝାହନ୍ ତାନିକ୍, ଆତ୍ମା ହତକଆଃ ଡିଃଇରେ ଏମ୍ଏଶ୍ୱାଗଃଆଇକ୍ ।

୨୩ ଇନ୍କୁ ଇନିଃକେକ ଗଜିୟା ଆତ୍ମା ଆପି ମାହାଁରେ ଜାଉବିରିଦ୍ ରୁହାଡ଼ାଏ ।”

ଆତ୍ମା ଚେଲାକ ପୁରାଃଗିକ୍ ହୁଡ଼ିକ୍ଜାଉୟାନା ।

ୟୀଶୁ ମାହିର୍ ଅଡ଼ାଃରାଃ କାର୍ ପାଏସା ଏମ୍ତାନାଏ

୨୪ ଯୀଶୁ ଆତ୍ମା ଆୟାତ ଚେଲାକ କପର୍ନାହୁମ୍ତେକ ସେଚେରୟାନ୍ତି, ମାହିର୍ ଅଡ଼ାଃରେନ୍ ମାଲ୍ହାରମ୍କ ପାଡ଼ରାସ୍ତାଃତେ ହିଜୁଃୟାନାକ ଆତ୍ମା କୁଲିକିୟାକ, “ଚିୟାଃ ଆପେୟାଃ ଗୁରୁ ମାହିର୍ ଅଡ଼ାଃରାଃ କାର୍ ପାଏସା କାଏ ଏମାଃ ?”

୨୫ ପାଡ଼ରାସ୍ କାଜିକେଦକଆଏ, “ହେଗି, ଏମାଃଏ ।”

ଏକ୍ତେ ପାଡ଼ରାସ୍ ଅଡ଼ାଃତେ ବଲୟାନ୍ତି, ଯୀଶୁ ପାଡ଼ରାସ୍କେ ପାହିଲା କାଜିକିୟାଏ, “ଗିମୋନ୍ ଚିନାଃମ୍ ମେନେତାନା ? ନେ ଅତେରେନ୍ ରାଜାକ ଅକଏତାଃଏତେ କାର୍ ହାରମାଃକ ? ଇନ୍କୁ ଆକଆଃ ପାର୍ଜାକତାଃଏତେ ଚି ପାର୍ଦେଶିକତାଃଏତେ ?”

୨୬ ପାଡ଼ରାସ୍, “ପାର୍ଦେଶିକତାଃଏତେ” ମେନ୍ରୁହାଡ଼କେଦ୍ତି,

ୟୀଶୁ କାଜିକିୟାଏ, “ଏନ୍ରେଦ ପାର୍ଜାକ ପାଏସା କାକ ଏମ୍ରାଃକାଜି ।

୨୭ ମେନ୍ଦ ନାହାଁଃ ଆରୁ ଇନ୍କୁକେ ତହଦ୍ରିକା ନାକ୍ କାରୁ ସାନାକ୍ ତାନା, ଏନା ମେକ୍ତେ ଆମ୍ ଦରେୟାତେ ସେନ୍କେଦ୍ତେ ବାନ୍ଶି ହୁରାକ୍ତେୟେ ଆତ୍ମା ସିଦା ବାନ୍ଶିଅଃ ହାକୁକେ ସାବିମେ ଏକ୍ତେ ଇନିୟାଃ ମଚାଏତେ ମିଆଁଦ୍ ରୁପାରାଃ ସିକାମ୍ ନାମେୟା, ଏନାକେ ଇଦିକେଦ୍ତେ ଆଇୟାଃ ଆତ୍ମା ଆମାଃ ନାଗେକ୍ତେ ଏମାକମେ ।”

୧୮

ସିର୍ମା ରାଇକ୍ରେ ଅକଏ ମାରାକ୍ତାଏ

(ମାର୍କ ୯:୩୩-୩୭; ଲୁକ ୯:୪୬-୪୮)

୧ ଏନ୍ ଦିପିଲିରେ ଚେଲାକ ଯୀଶୁତାଠେତେ ହିଜୁଃକେଦ୍ତେ କୁଲିକିୟାକ, “ସିର୍ମା ରାଇକ୍ରେ ଅକଏ ମାରାକ୍ତାଏ ?”

୨ ଯୀଶୁ ମିଆଁଦ୍ ହୁଡ଼ିକ୍ ହନ୍କେ ଆୟାତାଠେତେ ଆଉକେଦ୍ତେ ଇନ୍କୁଆଃ ଆଲାରେ ଡିକ୍ତାକିୟାଏ,

୩ ଆତ୍ମା ମେତାଦକଆଏ, “ଆଇକ୍ ସାର୍ଡ଼ିଗିକ୍ କାଜିୟାପେତାନା, ଆପେ ହେୟାଡ଼ିକ୍କେଦ୍ତେ ହୁଡ଼ିକ୍ହନ୍ ଲେକା କାପେ ବାଇୟେନ୍ରେ, ଜେତାଏ ସିର୍ମା ରାଇକ୍ରେ କାପେ ବଲଆ ।

☆ ୧୭:୨୦ ମାଧୁର ୨୧:୨୧; ମାର୍କ ୧୧:୨୩; ୧ କରିନ୍ଥ୍ ୧୩:୨. * ୧୭:୨୧ ନେ ବାଟାନ୍ ଚିମିନ୍ ମାରି ଅନଲ୍ରେ ବାନଆଃ ☆ ୧୮:୧ ଲୁକ ୨୨:୨୪. ☆ ୧୮:୩ ମାର୍କ ୧୦:୧୫; ଲୁକ ୧୮:୧୭.

୪ ଏନାମେନ୍ତେ ଜେତାଏ ଆପାନ୍‌କେ ଲେବେୟେନ୍‌ନିଃ ଆତଃ ନେ ହନ୍ ଲେକା ବାଇୟେନ୍‌ନିଃସି ସିର୍ମା ରାଇଜ୍‌ରେ ମାରାଜ୍‌ଆଁଏ ।

୫ ଆତଃ ଜେତାଏ ନେ ଲେକାନ୍ ହୁଡିଜ୍ ହନ୍‌କେ ଆଇଁୟାଃ ନୁଡୁମ୍‌ତେ ସୁକୁଆଇନିଃ ଆଇଜ୍‌କେ ସୁକୁଆଃଏ ।*

ବିଶ୍ୱାସ୍‌ରେ ଆଲ୍‌ପେ ତହଦଃଆ ମେନ୍ତେ ଯାଶୁ ଇଡୁକତାନାଏ

(ମାର୍କ ୯:୪୨-୪୮; ଲୁକ ୧୭:୧-୨)

୬ “ଜେତାଏ ଆଇଁୟାଃରେ ବିଶ୍ୱାସ୍‌ତାନ୍ ନେ ହୁପ୍‌ଡିଜ୍‌କଏତେ ମିଆଁଦ୍‌ନିଃକେ ଆୟାଃ ବିଶ୍ୱାସ୍‌ରେ ତହଦ୍‌ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍‌ତେ ଇନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ ।

୭ ହାୟ, ଚିମିନ୍ ବରଞ୍ଜାନ୍‌ଗି ନେ ଅତେଦିଶୁମ୍ ଚିୟାଃଚି ହଡକଆଃ ବିଶ୍ୱାସ୍‌ରେ ତହଦ୍‌ରିକା ନାଗେନ୍ତେ ପୁରାଃତେୟାଃ ମେନାଃ । ନେ ଲେକାନ୍ ତହଦଃତେୟାଃଦ ହିଜୁଃଗି ଲାଗାଡିଜ୍‌ୟାଃ ମେନ୍‌ଦ ଜେତାଏ ତହଦ୍‌ରିକାନିଆଃ ହାୟ, ଇନିୟାଃ ଦାସା ଚିମିନ୍ ବରଞ୍ଜାନ୍‌ଗି ହବାଅଆଃ ।

୮*“ଆମାଃ ତିଃଇ ଚାଏ ଆମାଃ କାଟା ଆମାଃ ବିଶ୍ୱାସ୍‌ରେ ତହଦ୍ ରିକାମ୍‌ତାନ୍‌ରେଦ ଏନାକେ ଛପା ଏଣ୍ଟାଗେମେ । ବାରିଆ ତିଃଇ ଆତଃ ବାରିଆ କାଟା ତାଇକେଦ୍‌ତେ ନାରାକ୍‌ରେ ଜାନାଅ କା ଇଣ୍‌ଜିଃ ସେଙ୍ଗେଲ୍‌ତେ ସେନଃଏତେଦ ବୁଣ୍ଟାୟାନ୍ତେ ଜୀଦାନ୍‌ରେ ବଲଃ ଆମାଃ ନାଗେନ୍ତେ ବୁଗିନାଃ ।

୯* ଆମାଃ ମିଆଁଦ୍ ମେଦ୍ ପାପ୍‌ଇଚିମେରେଦ, ଏନାକେ ଅଡ଼ଜ୍‌କେଦ୍‌ତେ ହୁଦ୍‌ମାଏଣ୍ଟାଃଏମେ । ବାରିଆ ମେଦ୍ ତାଇଜ୍‌କେଦ୍‌ତେ ନାରାକ୍ ସେଙ୍ଗେଲ୍‌ରେ ହୁଦ୍‌ମାଅଃହେତେ ମିଆଁଦ୍ ମେଦ୍‌ତେ ଜୀଦାନ୍‌ରେ ବଲତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଣ୍ଟିଆଃ ଜନ୍‌କା କାଜି

(ଲୁକ ୧୫:୩-୭)

୧୦* “ନେ ହୁପ୍‌ଡିଜ୍ ହନ୍‌କଏତେ ମିଆଁଦ୍‌ନିଃକେହ୍ ଆଲ୍‌ପେ ହିଲାଇଜ୍‌ଆ ଚିୟାଃଚି ଆଇଜ୍‌ ଆପେକେ କାଜିପେତାନାଇଜ୍, ଇନ୍‌କୁକେ ଜାଡ୍‌ନାଅକତାନ୍ ସିର୍ମାରେନ୍ ଦୁଡ୍‌କ ଜାନାଅଗି ଆଇଁୟାଃ ଆପୁ ପାର୍‌ମେଶ୍ୱାଃତାଃରେ ମେନାକଆ ।

୧୧ ଚିୟାଃଚି ମାନଞ୍ଜାହନ୍‌ଦ ଆଦାକାନ୍‌କକେ ବାଞ୍ଛାଅ ନାଗେନ୍ତେ ହିଜୁଆକାନା ।*

୧୨ “ଚିକ୍‌ନାଃପେ ଉଡ୍‌ଠୁ ତାନା ? ଜେତାଏ ହଡଆଃ ମଣ୍ଟେହିସି ମିଣ୍ଟିକ ମେନାକଆ, ଆତଃ ଇନ୍‌କୁଏତେ ମିଆଁଦ୍‌ନିଃ ଆଦ୍‌କରେ ଚିୟାଃ ଏନ୍ ଉପୁନ୍‌ହିସି† ଗେଲ୍‌ଅରେୟା‡ ମିଣ୍ଟିକକେ ବୁରୁରେ ଗୋଟ୍‌କେଦ୍‌ତେ ବାଗିତାକଆଏ ଆତଃ ଆଦାକାନ୍ ମିଣ୍ଟିକେ କାଏ ଚି ଦାଣ୍ଟାଈୟାଁ ?

୧୩ ଆତଃ ଇନିଃକେ ନାମ୍‌ତାଇରେ, ସାର୍‌ଡିଗିଜ୍ କାଜିୟାପେତାନା, ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା କା ଆଦାକାନ୍ ମିଣ୍ଟିକଏତେ ମିଆଁଦ୍ ନାମାକାଇ ମିଣ୍ଟି ନାଗେନ୍ତେ ପୁରାଃଗି ରାସ୍‌କାଅଃଆ ।

୧୪ ଏନ୍‌ଲେକାଗି ନେ ହୁପ୍‌ଡିଜ୍‌କଏତେ ମିଆଁଦ୍‌ନିଃକେହ୍ ଜିୟନଃକାଏ ମେନ୍ତେ ଆପେୟାଃସି ସିର୍ମାରେନ୍ ଆପୁ କାଏ ସାନାଜ୍‌ତାନା ।

ପାପ୍‌ତାନ୍ ହାଗା ଚାଏ ମିଶିକ

(ଲୁକ ୧୭:୩)

୧୫* “ହାଗାମତାମାଃ ଆମାଃ ବିରୁଧ୍‌ରେ ପାପ୍ ରିକାଏରେଦ, ଆୟାଃତାଃ ସେନ୍‌ମେ ଆତଃ ଆବେନ୍ ବାରାନ୍‌କିନାଃ ଆଲାରେ ଆୟାଃ ଚିଟାତେୟାଃ ଉଦୁବାଇମେ । ଇନିଃ ଆୟୁମ୍‌ରେଦ ହାଗାମତାମାଃକେ ନାମ୍‌ରୁହାଡ୍‌କିୟାମ୍ ।

୧୬ ମେନ୍‌ଦ ଇନିଃ କାଏ ଆୟୁମ୍‌ରେଦ ମିହୁଡ୍ ଚାଏ ବାର୍‌ହଡ୍ ଏଟାଃକକେ ଆମାଃଲଃ ଇଦିକୁମେ । ଧାରାମ୍‌ପୁଥ୍‌ରେୟାଃ କାଜିଲେକା, ‘ବାର୍‌ହଡ୍ ଚାଏ ଆପିହଡ୍‌ଆଃ ଗାଞ୍ଜାତେ ସବେନ୍ କାଜି ମାନାଡିଜ୍ ହବାଅଃଆ ।’

୧୭ ଆତଃ ଇନିଃ ଇନ୍‌କୁଆଃ କାଜିକ କାଏ ଆୟୁମ୍‌ରେଦ କାଲିସିୟାକେ ଉଦ୍‌ବିମେ, ଆତଃ ଇନିଃ କାଲିସିୟାଃ କାଜିୟ କାଏ ଆୟୁମ୍‌ରେଦ, ଇନିଃକେ ସାଅଁସାର୍ ହଡ୍ ଆତଃ ମାଲ୍‌ହାରମ୍‌ନିଃ ଲେକା ରିକାଇମେ, ଆତଃ ଇନିଃଲଃ ଆଲମ୍ ମେସାଅଃଆ ।

୧୮* “ଆଇଜ୍ ସାର୍‌ଡିଗିଜ୍ କାଜିୟାପେତାନା, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡାଏତେୟାଃ, ସିର୍ମାରେ ଏନା ରାଡାଅଃଆ ।

୧୯ “ଆତଃ ସାର୍‌ଡିଗିଜ୍ କାଜିପେତାନା, ଆପେକଏତେ ବାର୍‌ହଡ୍ ନେ ଅତେରେ ଜେଡ୍‌ନାଃ ମିଦ୍ ମନ୍‌ଡେକିନ୍ ଆସିରେଦ, ଏନା ସିର୍ମାରେନ୍ ଆପୁଇଜ୍ ସାଃଏତେକିନ୍ ନାମେଗିୟା ।

୨୦ ଚିୟାଃଚି ବାର୍‌ହଡ୍ ଚାଏ ଆପିହଡ୍ ଆଇଁୟାଃ ନୁଡୁମ୍‌ତେ ହୁଣ୍ଟିୟାଃତାଃରେ ଆଇଜ୍ ଇନ୍‌କୁଆଃ ଆଲାରିୟାଃ ।”

* ୧୮:୮ ମାଥୁରା ୫:୩୦. † ୧୮:୯ ମାଥୁରା ୫:୨୯. ‡ ୧୮:୧୦ ଲୁକ ୧୯:୧୦. § ୧୮:୧୧ ନେ ବାଟାନ୍ ଚିମିନ୍ ମାରି ଅନଲ୍‌ରେ ବାନଆଃ † ୧୮:୧୨ ଅସି ‡ ୧୮:୧୨ ଅଣେଇଶ୍ § ୧୮:୧୪ ଚିମିନ୍ ମାରି ଅନଲ୍‌ରେ ଆଇଁୟାଃ ଅଲାଇକାନା * ୧୮:୧୫ ଲୁକ ୧୭:୩. † ୧୮:୧୮ ମାଥୁରା ୧୭:୧୯; ଯୋହାନ୍ ୨୦:୨୩.

ଛାମା କା ଏମ୍ତାନ ଦାସିଆଃ ଜନ୍ମକା କାଜି

୨୧ *ଏନ୍ତେ ପାଡ଼ରାସ୍ ଯୀଶୁତାଃତେ ହିଜୁଃଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଜଙ୍ଗ୍ ତାଇୟାଃ ଆଇୟାଃ ବିରୁଧ୍ରେ ସବେନ୍ ଇମ୍ତା ପାପ୍‌ରେଦ୍ ଚିମିନ୍‌ସା ଜାକେଦ୍ ଛାମାଲୟାଲଙ୍ଗ୍ ? ଚିୟାଃ ସାଡ଼ ଧାଅଁ ଜାକେଦ୍ ?”

୨୨ ଯୀଶୁ କାଜିରୁହାଡ଼କିୟାଏ, “ସାଡ଼ ଧାଅଁ ଜାକେଦ୍ ମେନ୍ତେ କାହାଗି, ମେନ୍ଦ୍ ସତସ୍ତୋର୍ ଧାଅଁ ଜାକେଦ୍ ?

୨୩ ଚିୟାଃଟି ସିମା ରାଇଜ୍‌ଦ୍ ମିଆଁଦ୍ ରାଜାଲେକା, ଇନିଃ ଆୟାଃ ଦାସିକଆଃ ହିସାବ୍ ଆସି ନାଙ୍ଗ୍ ଉହାଟ୍‌କେଦାଏ ।

୨୪ ଆତଃ ରାଜା ହିସାବ୍ ଏଟେଦ୍‌ତାଇକେନ୍ ଇମ୍ତା ମିଆଁଦ୍ ଦାସିକେ ଇନିଃତାଃକ ଆଉକିୟା, ଇନିଃଦ୍ ଗେଲ୍ ହାଜାର୍ ଦିନାରି ରିଶୀ ଇଦିକାଦ୍ ତାଇକେନା ।

୨୫ ଇନିଃତାଃରେ ହାଲ୍‌ରୁହାଡ଼ ନାଗେନ୍ତେ ଜେଡ଼ନାଃ କା ତାଇକେନା । ଏନାମେନ୍ତେ ରାଜା ଇନିଃକେ ଆତଃ ଆୟାଃ କୁଡ଼ି, ହନ୍‌ଗାଁଶା, ଆତଃ ଆୟାଃ ମେନାଃତେୟାଃ ସବେନାଃ ଆଖ୍‌ରିଙ୍ଗ୍‌କେଦ୍‌ତେ ରିଶୀ ପେରେଃ ନାଗେନ୍ତେ ଆତୁକେଦ୍‌କଆ ।

୨୬ ଏନ୍ତେ ଏନ୍ ଦାସି ରାଜାରାଃ ଆୟାଃରେ ଇକ୍‌ଡ଼ମୁକେଦ୍‌ତେ ଉୟାୟାନ୍‌ଏ, ଆତଃ କାଜିକିୟାଏ, ‘ହେ ଗମ୍‌କେ, ଆତଃ ଚିମିନ୍ ମାହାଁଲେକା ତାଙ୍ଗିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲ୍‌ରୁହାଡ଼ାମେଆ ।’

୨୭ ଏନ୍ତେ ଏନ୍ ଦାସିରାଃ ରାଜା ଇନିଃରେ ବିଲ୍‌କାଅକେଦ୍‌ତେ, ଇନିଃକେ ଆଡ଼ାଃକିୟା, ଆତଃ ଆୟାଃ ରିଶୀକ ବାଗିକେଦାଏ ।

୨୮ “ମେନ୍ଦ୍ ଏନ୍ ଦାସି ଅତଙ୍ଗ୍‌ୟାନ୍‌ତେ, ଆୟାଃତାଃଏତେ ମିଦ୍ ସାଅ ମୁସିଙ୍ଗ୍‌ରାଃ ନାଲା ସିକା ରିଶୀ ଇଦିକାଦ୍ ମିଆଁଦ୍ ଗାଡ଼ିଦାସିକେ ନାମ୍‌କିୟାଏ, ଏନ୍ତେ ଇନିଃକେ ସାବ୍‌କିତେ ହଟଃରେ ଲିମ୍‌ଦୁ ଏଟେଦ୍‌କିୟା ଆତଃ କାଜିକିୟାଏ, ‘ଆଇୟାଃତାଃଏତେ ରିଶୀକାଦ୍‌ତେୟାଃ ସବେନାଃ ପେରେଜାଲଙ୍ଗ୍‌ମେ ।’

୨୯ ଏନ୍ ଗାଡ଼ିଦାସି ଇକ୍‌ଡ଼ମୁକେଦ୍‌ତେ ବିକ୍ରିକିୟାଏ, ଆତଃ କାଜିକିୟାଏ, ‘ଆତଃ ଚିମିନ୍ ମାହାଁଲେକା ତାଙ୍ଗିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲ୍‌ରୁହାଡ଼ାମେଆ ।’

୩୦ ମେନ୍ଦ୍ ଇନିୟାଃ ବିକ୍ରି କାଏ ଆୟାଃକେଦା, ଆତଃ ଇନିଃ ରିଶୀ ଆଉରି ହାଲ୍‌ରୁହାଡ଼େ ଜାକେଦ୍ ଜେହେଲ୍‌କିୟାଏ ।

୩୧ ଇନିୟାଃ ଗାଡ଼ିଦାସିକେ ନେଆଁ ନେଲ୍‌କେଦ୍‌ତେ ପୁରାଃଗିକ ହୁଡ଼ିଙ୍ଗ୍‌ଜାଉୟାନ୍‌ଆତଃ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦୁବ୍‌କିୟାକ ।

୩୨ ଏନ୍ତେ ଇନିୟାଃ ରାଜା ଇନିଃକେ ହାକାଅକିୟାଏ, ଆତଃ କାଜିକିୟାଏ, ‘ଏ ଏଡ଼କାନ୍ ଦାସି, ଆମ୍ ଆଇଙ୍ଗ୍‌କେ ବିକ୍ରିକେଦିଲ୍‌ଙ୍ଗ୍‌ରେ ଆମାଃ ସବେନ୍ ରିଶୀ ବାଗିତାଦ୍‌ମେୟାଁଇଙ୍ଗ୍ ।

୩୩ ଆଇଙ୍ଗ୍ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାଡ଼ିଦାସିକେ ବିଲ୍‌କାଅ* ଲାଗାଡ଼ିଙ୍ଗ୍ ତାଇକେନା ।’

୩୪ ରାଜା ପୁରାଃଗି ଏସେଦ୍‌ୟାନ୍‌ଏ ଆତଃ ଇନିଃ ଏନ୍ ଦାସିକେ ସବେନ୍ ରିଶୀ ଆଉରି ହାଲ୍‌ରୁହାଡ଼େ ଜାକେଦ୍ ସାଜାଇ ନାମେ ନାଗେନ୍ତେ ଜେହେଲ୍‌ତେ କୁଲ୍‌କିୟାଏ ।”

୩୫ ଯୀଶୁ ଜନ୍ମକା କାଜି କାଜିତାବାକେଦ୍‌ଚି କାଜିକେଦାଏ, “ଆପେକଏତେ ମିଆଁଦ୍ ହଡ଼ ଆପେୟାଃ ହାଗାକଆଃ ଗୁହ୍ନାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ୍, ଆଇୟାଃ ସିମାରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

୧୯

କଡ଼ାକୁଡ଼ିବାଗିରେୟାଃ ଇନିତୁ

(ମାର୍କ ୧୦:୧-୧୨)

୧ ଯୀଶୁ ନେଆଁ କାଜି ତାବାକେଦ୍‌ଚି ଗାଲିଲ୍ ବାଗିକେଦ୍‌ତେ ଯାଦାନ୍‌ନାହିଁ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନ୍‌ଆ ।

୨ ପୁରାଃ ଗାଦେଲ୍ ହଡ଼କ ଇନିଃକେକ ଅତଙ୍ଗ୍‌କିୟା ଆତଃ ଇନିଃ ଏନ୍ତାଃରେ ଦୁକୁହାସୁତାନ୍‌କେକେ ବୁଗିକେଦ୍‌କଆଏ ।

୩ ଚିମିନ୍ ଫାରୁଶୀକ ଆୟାଃତାଃତେ ବିଡ଼ାଅ ନାଗେନ୍ତେକ ହିଜୁଃୟାନ୍‌ଆତଃ କୁଲିକିୟାକ, “ମୁଶାଗାଃ ଆଇନ୍ ଲେକାତେ, ଚିୟାଃ କଡ଼ା ଆୟାଃ କୁଡ଼ିକେ ଜେତାନ୍ କାଜି ନାଗେନ୍ତେ ବାଗିଦାଡ଼ିୟାଏ ଚି କାହା ?”

୪ ଇନିଃ କାଜିରୁହାଡ଼ାଦ୍‌କଆଏ, “ଧାରାମ୍‌ପୁଥ୍‌ରେ କାପେଚି ପାଡ଼ାଅକାଦା, ବାବାଇନିଃ ମୁନୁରେ ଏନ୍ ବାରାନ୍‌କିନ୍‌କେ, କଡ଼ା ଆତଃ କୁଡ଼ି ବାଇକେଦ୍‌କିନାଏ ?

୫ ଆତଃ ପାର୍‌ମେଶ୍ୱାର୍ କାଜିକେଦାଏ, ‘ଏନା ନାଗେନ୍ତେ ହଡ଼ ଆୟାଃ ଏଙ୍ଗା ଆପୁକିନ୍‌କେ ବାଗିକେଦ୍‌ତେ ଆୟାଃ କୁଡ଼ିଲଃ ମିଦଃଆଏ, ଆତଃ ଇନ୍‌କିନ୍ ବାରାନ୍‌କିନ୍ ମିଦଃଆକିନ୍ ।’

୬ ଏନାମେନ୍ତେ ଇନ୍‌କିନ୍ ବାରିଆ ହଡ଼ମ୍ ନାହାଁଲାଃକିନ୍, ମେନ୍ଦ୍ ମିଆଁଦ୍ ହଡ଼ମ୍‌ତାନ୍‌କିନ୍, ଏନା ନାଗେନ୍ତେ ପାର୍‌ମେଶ୍ୱାର୍ ମିଦ୍‌ରେ ତଲାକାଦ୍‌ତେୟାଃ ହଡ଼ ଆଲକାଏ ବିନ୍‌ଗାଏକା ।”

୭ *ଫାରୁଶୀକ ଯୀଶୁକେ କୁଲିକିୟାକ, “ତାଦ୍‌ଦ୍ ମୁଶା ଚିନାଃମେନ୍ତେ କୁଡ଼ିକେ ବାଗିରେଆଃ ଅନଲ୍‌ଚିଠା ଏମ୍‌କେଦ୍‌ତେ ବାଗିକପେ ମେନ୍ତେ ଆଇନ୍‌ରେ ଆତୁକାଦା ?”

☆ ୧୮:୨୧ ଲୁକ ୧୭:୩,୪. * ୧୮:୩୩ ଦାୟା ☆ ୧୯:୭ ମାଥୁରା ୫:୩୧.

୮ ଯୀଶୁ କାଜିରୁହାଡ଼ାଦକଥାଏ, “ମୁଣାଦ ଆପେୟାଃ କେଟେଦମନ୍ ନାଗେନ୍ତେ ଆପେୟାଃ କୁଡ଼ିକକେ ବାଗି ଚିକାଦପେୟାଏ, ମେନ୍ଦ ଅତେଦିଶୁମ୍ରେୟାଃ ମୁନ୍ନୁରାଃ ସିଦାରେ ଏନ୍ଲେକା କା ତାଇକେନା ।

୯ ଆଇଙ୍ଗ ଆପେକେ କାଜିୟାପେ ତାନାଇଙ୍ଗ, ଜେତାଏ ହଡ଼ ଆପାଙ୍ଗିର୍ କାମି ବେଗାର୍ ଏଟାଃ କାଜି ନାଗେନ୍ତେ ଆୟାଃ କୁଡ଼ିକେ ବାଗିକେଦ୍ତେ ଏଟାଃ କୁଡ଼ିକେ ଆଣ୍ଡିୟାଃରେ ଆପାଙ୍ଗିର୍ କାମି କାମିୟାଏ ଆତଃ ଇନିଃ ଆଇଃକ୍ରି ଆପାଙ୍ଗିର୍ନିଃ ହବାଅଃଆଏ ।”

୧୦ ଚେଲାଇ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲ୍ଲାରେ ନେ ଲେକା ହବାଅଃତାନ୍ରେଦ ଆଣ୍ଡି କା ବୁଗିନାଃ ।”

୧୧ ଯୀଶୁ ଇନ୍କୁକେ କାଜିରୁହାଡ଼କେଦକଥାଏ, “ସବେନ୍ ହଡ଼କ ନେ ଇନିତୁ କାକ ମାନାତିଙ୍ଗ ଦାଡ଼ିୟା, ମେନ୍ଦ ପାର୍ମେଶ୍ୱାର୍ ଏନା ଅକନ୍କକେ ଏମାକାଦକଥାଏ, ଇନ୍କୁ ଏସ୍କାର୍ଗି ଦାଡ଼ିୟାକ ।

୧୨ ଚିୟାଃଚି ଚିମିନ୍ ଚାକୁରା*କ ମେନାକଥା, ଇନ୍କୁ ଏନ୍ଲେକାଗିକ ଜାନାମାକାନା, ଆତଃ ଏଟାଃ ଚିମିନ୍କ ହଡ଼କଆଃତେ ଚାକୁରାକ ବାଇୟାକାନା, ଆତଃ ଏଟାଃକ ସିମା ରାଇଜ୍‌ରାଃ କାମି ନାଗେନ୍ତେ କାକ ଆଣ୍ଡିନ୍‌ତାନା । ନେୟାଁ ମାନାତିଙ୍ଗ ଦାଡ଼ିନିଃ ମାନାତିଙ୍ଗୟେକାଏ ।”

ୟୀଶୁ ହୁଡ଼ିଙ୍ଗ ହନ୍କକେ ଆଗିଷ୍ଟକେଦକଥାଏ

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏନ୍ତେ ଯୀଶୁ ହନ୍କଆଃ ଚେତାନ୍ରେ ତିଃଇ ଦହକେଦ୍ତେ ବିନ୍ତିକାଏ ମେନ୍ତେ ହଡ଼କ ହୁଡ଼ିଙ୍ଗ ହନ୍କକେ ଯୀଶୁତାଃତେକ ଆଡ଼କେଦକଥା ମେନ୍ଦ ଚେଲାଇ ଇନ୍କୁକେକ ମାରାଙ୍ଗମତାକେଦକଥା ।

୧୪ ଯୀଶୁ ମେତାଦକଥାଏ, “ହୁଡ଼ିଙ୍ଗ ହନ୍କକେ ଆଇଙ୍ଗତାଃତେ ହିଜୁଃଇଚିକପେ ଆତଃ ଇନ୍କୁକେ ଆଲ୍ଲପେ ମାନାକଥା, ଚିୟାଃଚି ସିମା ରାଇଜ୍‌ଦ ନେ ହନ୍କ ଲେକାନକଥାଃ ତାନାଃ ।”

୧୫ ଏନ୍ତେ ଇନ୍କୁ ଚେତାନ୍ରେ ତିଃଇ ଦହକେଦ୍ତେ ଆଗିଷ୍ଟକେଦକଥାଏ ଆତଃ ଇନିଃ ଏନ୍ତାଃଏତେ ସେନଃୟାନା ।

କିସାଁଣ୍ ଧାଙ୍ଗଡ଼ା

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ମିଆଁଦ୍ ଧାଙ୍ଗଡ଼ା ଯୀଶୁତାଃତେ ହିଜୁଃୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜୀଦାନ୍ ନାମେ ନାଗେନ୍ତେ ଆଇଙ୍ଗକେ ଚିକାନ୍ ବୁଗିନ୍ କାମି ରିକା ଲାଗାତିଙ୍ଗୟାଃ ?”

୧୭ ଯୀଶୁ କାଜିରୁହାଡ଼କିୟାଏ, “ଚିକାନାଙ୍ଗ ଆଇଙ୍ଗକେ ଅକ୍ନାଃ ବୁଗିନ୍ ବିଷାଏ ତାନାଃ ମେନ୍ତେମ୍ କୁଲିଙ୍ଗତାନା ? ପାର୍ମେଶ୍ୱାର୍ ଏସ୍କାର୍ ବୁଗିନ୍ନିଃ ତାନିଃ । ମେନ୍ଦ ଆମ୍ ଜୀଦାନ୍ରେ ବଲ ନାଗେନ୍ତେ ସାନାଙ୍ଗତାନ୍ରେଦ, ପାର୍ମେଶ୍ୱାର୍‌ଆଃ ଆନ୍‌ଚୁକ ମାନାତିଙ୍ଗମେ ।”

୧୮ ଇନିଃ ଯୀଶୁକେ କୁଲିକିୟାଏ, “ଅକନ୍ ଆନ୍‌ଚୁକ ?”

ୟୀଶୁ କାଜିରୁହାଡ଼କିୟାଏ, “ହଡ଼ ଆଲ୍ଲମ୍ ଗଜିୟା, ଆଲ୍ଲମ୍ ଆପାଙ୍ଗିରାଃ, ଆଲ୍ଲମ୍ କୁମ୍‌ତୁଆଃ, ହସଡ଼ଗାଝା ଆଲ୍ଲମାଃ,

୧୯ ଏଙ୍ଗା ଆପୁକିନ୍‌କେ ମାନାତିଙ୍ଗକିନ୍‌ମେ, ଆତଃ ଆମାଃ ହପର୍‌ଜାପାଃରେନ୍‌କକେ ଆମ୍‌ଲେକା ଦୁଲ୍ଲାଡ଼କମେ ।”

୨୦ ଏନ୍ ଧାଙ୍ଗଡ଼ା କାଜିରୁହାଡ଼କିୟାଏ, “ଏନ୍ ସବେନ୍ ଆନ୍‌ଚୁକଇଙ୍ଗ ମାନାତିଙ୍ଗକାଦା ଆତଃ ଚିକ୍ନାଃ ଆଇଙ୍ଗକେ ରିକା ଲାଗାତିଙ୍ଗୟାଃ ?”

୨୧ ଯୀଶୁ କାଜିରୁହାଡ଼କିୟାଏ, “ପକ୍ତାମ୍ ସାନାଙ୍ଗତାନ୍ରେଦ, ମିଆଁଦ୍ କାଜି ଆମ୍‌କେ ରିକା ଲାଗାତିଙ୍ଗୟାଃ, ଜୁ, ଆମାଃ ସବେନାଃ ଆଖିରିଙ୍ଗକେଦ୍ତେ ରେଙ୍ଗେଃକକେ ହାଟିଙ୍ଗଆଁକମ୍, ଆତଃ ଆମ୍ ସିମାରେ ଶୁର୍ମ୍ ମ୍ ନାମେୟା । ଏନ୍ତେ ରୁହାଡ଼କେଦ୍ତେ ଅତଙ୍ଗଇଙ୍ଗମେ ।”

୨୨ ଏନ୍ ଧାଙ୍ଗଡ଼ା ନେ'କାଜି ଆୟୁମ୍‌କେଦ୍ତେ ହୁଡ଼ିଙ୍ଗଜୀଉୟାନ୍ତେ ସେନଃୟାନା ଚିୟାଃଚି ଇନିଃ ପୁରାଃଗି କିସାଁଣ୍ ତାଇକେନାଏ ।

୨୩ ଯୀଶୁ ଆୟାଃ ଚେଲାଇକେ କାଜିୟାଦକଥାଏ, “ସାର୍‌ଡ଼ିଗିଙ୍ଗ କାଜିୟାପେତାନା, କିସାଁଣ୍ ହଡ଼କନାଙ୍ଗ ସିମା ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ ।

୨୪ ଆତଃଗିଇଙ୍ଗ କାଜିପେତାନା, ପାର୍ମେଶ୍ୱାର୍‌ଆଃ ରାଇଜ୍‌ରେ କିସାଁଣ୍ ହଡ଼ ବଲ ଦାଡ଼ିଏତେ, ସୁଇ ଉଣ୍ଡୁରେ ଉର୍ ପାରମଃତେୟାଃ ରାଝାଲାଃ ।”

୨୫ ଚେଲାଇ ନେଆଁ ଆୟୁମ୍‌କେଦ୍ତେ ପୁରାଃଗିକ ଆକ୍‌ଦାନ୍‌ଆୟାନା, ଆତଃ ଆକ ଆକରେକ କୁପ୍‌ଲିୟାନା, “ତାଦ୍‌ଦ୍ ଅକଏ ଜୀଉ ବାଞ୍ଚାଅ ନାମ୍ ଦାଡ଼ିୟାଏ ?”

୨୬ ଯୀଶୁ ଇନ୍କୁକେ ଆରିଦ୍‌କେଦ୍ତେ କାଜିକେଦକଥାଏ, “ହଡ଼କ ନାଗେନ୍ତେ ନେଆଁ କା ଦାଡ଼ିୟା କାମିତାନା ମେନ୍ଦ ପାର୍ମେଶ୍ୱାର୍‌ରେ ହବାଦାଡ଼ିୟାଆଃ ।”

* ୧୯:୯ ମାଥୁରା ୫:୩୨; ୧ କରିନ୍ଥିୟ ୭:୧୦,୧୧. * ୧୯:୧୨ ଚାକୁରା, ନପୁଂସକ

୨୭ ଏନ୍ତେ ପାତ୍ରରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍‌କେଦ୍‌ମେୟାଁ । ଆଲେ ଚିକ୍‌ନାଃଲେ ନାମେୟା ?”

୨୮ ✠ୟୀଶୁ ଇନ୍‌କୁକେ ମେତାଦ୍‌କଆ, “ସାର୍‌ତିଗିଙ୍‌ କାଜିୟାପେ ତାନାଇଙ୍‌, ସବେନାଃରାଃ ନାଞ୍ଜାଗି ବାଇରୁହାଡ୍‌କେଦ୍‌ତେ, ମାନଞ୍ଜାହନ୍ ଆୟାଃ ମାନାରାଙ୍‌ରେୟାଃ ରାଜ୍‌ଗାଦିରେ ଦୁବାଃଏ ଇମ୍‌ତା ଆପେ ଆଇଙ୍‌କେ ଅତଙ୍‌କାଦିଙ୍‌କଗି ଗେଲ୍‌ବାର୍ ରାଜ୍‌ଗାଦିରେ ଦୁବ୍‌କେଦ୍‌ତେ ଇସ୍ରାଏଲ୍‌ରେନ୍ ଗେଲ୍‌ବାର୍ କିଲିକଆଃ ଚେତାନ୍‌ରେ ରାଇଜେୟାପେ ।

୨୯ ଆତଃ ଜେତାଏ ହଡ୍‌ ଆଇଙ୍‌ ମେନ୍ତେ ଅଡ଼ାଃ ଚାଏ ହାଗା ଚାଏ ମିଗି ଚାଏ ଆପୁ ଚାଏ ଏଙ୍‌ମା ଚାଏ ହନ୍‌ଗାଁଣା ଚାଏ ଅତେହାସା ବାଗିତାରେଦ, ଇନିଃ ଏନା ସାଅଗୁନା ଆଦ୍‌କାଏ ନାମେୟା ଆତଃ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ ।

୩୦ ✠ମେନ୍‌ଦ ପୁରାଃ ଆୟାର୍‌ରେନ୍‌କ ତାୟମଃଆ ଆତଃ ତାୟମ୍‌ରେନ୍‌କ ଆୟୁରଃଆ ।

୨୦

ଦାଖ୍‌ବାକ୍‌ଡିରେ କାମିତାନ୍ ହଡ୍‌କଆଃ ଜନ୍‌କା କାଜି

୧ “ସିର୍ମା ରାଇଜ୍‌ଦ ମିଆଁଦ୍ ଚାଷି ହଡ୍‌ଲେକାଃ, ଇନିଃ ଇଦାନ୍‌ତେ ଆୟାଃ ଦାଖ୍‌ବାକ୍‌ଡିରେ କାମିନାଙ୍‌ ହଡ୍‌କକେ ଦାଣାଁ ନାଗେନ୍ତେ ଅତଙ୍‌ୟାନା ।

୨ ଇନିଃ ସିଙ୍‌ସାଟୁର୍‌ରେ ମୁସିଙ୍‌ରାଃ ନାଲା ସିକାପେ ନାମେୟା ମେନ୍ତେ ଇନ୍‌କୁକେ କାଜିକେଦ୍‌କଆ, ଆତଃ ଆୟାଃ ଦାଖ୍‌ବାକ୍‌ଡିରେ କାମିନାଙ୍‌ କୁଲ୍‌କେଦ୍‌କଆଏ ।

୩ ଇନିଃ ସେତାଃ ନାଅ ଘାଡ଼ିକ ହବାଅଃତାଇକେନ୍‌ରେ ପିର୍ ପିଡ଼ିରେ ଏଟାଃ ହଡ୍‌କ ସାମାଗି ତିଙ୍‌ଆକାନ୍ ନେଲ୍‌କେଦ୍‌କଆଏ ।

୪ ଇନିଃ ଇନ୍‌କୁକେ କାଜିୟାଦ୍‌କଆଏ, ‘ଆପେୟ ଦାଖ୍‌ବାକ୍‌ଡିରେ ସେନଃପେ ଆତଃ କାମିପେ, ଆଇଙ୍‌ ଆପେକେ ଠାଉକାନ୍ ଲେକାଗି ନାଲାଇଙ୍‌ ଏମାପେୟା ।’

୫ ଆତଃ ଇନ୍‌କୁ କାମିତେକ ସେନଃୟାନା, ଏନ୍ତେ ଇନିଃ ଆତଃଗି ତିକିନ୍‌ରାଃ ବାରାବାଜେ ଆତଃ ତାର୍‌ସିଙ୍‌ ତିନ୍‌ବାଜେ ଅତଙ୍‌ୟାନା ଆତଃ ଚିମିନ୍ ନାଲାକାମି ହଡ୍‌କକେ ଆଉକେଦ୍‌ତେ କାମି ଏମାଦ୍‌କଆଏ ।

୬ ସିଙ୍‌ ହାସୁରଃତାନ୍‌ରାଃ ପାଞ୍ଜବାଜେକ ଇନିଃ ଆତଃମିସା ଅତଙ୍‌ୟାନା, ଏନ୍ତେ ପିର୍ ପିଡ଼ିରେ ଚିମିନ୍ ନାଲାକାମିକ ସାମାଗି ତିଙ୍‌ଆକାନ୍ ନେଲ୍‌କେଦ୍‌କଆଏ, ଆତଃ ମେତାଦ୍‌କଆଏ, ‘ଚିନାଃ ମେନ୍ତେ ଆପେ ନେତାଃରେ ସିଙ୍‌ସାଟୁର୍ ଜାକେଦ୍‌ ସାମାଗିପେ ତିଙ୍‌ଆକାନା ?’

୭ ଇନ୍‌କୁ କାଜିରୁହାଡ୍‌କିୟାକ, ‘ଜେତାଏ ଆଲେକେ କାମିନାଙ୍‌ କାକ ଆରୁକାଦ୍‌ଲେୟା ।’ ଇନିଃ ମେତାଦ୍‌କଆଏ, ‘ଠିକ୍‌ମେନାଃ, ଜୁ, ଆପେୟ ଦାଖ୍‌ବାକ୍‌ଡିରେ ସେନଃପେ ଆତଃ କାମିପେ ।’

୮ “ଆୟୁର୍‌ୟାନ୍‌ଚି ଦାଖ୍‌ବାକ୍‌ଡିରେନ୍ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍ ନାଲାତାଇକେନ୍‌କକେ ହାକାଅକେଦ୍‌ତେ ଆକଆଃ ନାଲା ଏମାକମେ ।’ ତାୟମ୍‌ତେ କାମି ହିଜୁଆକାନ୍‌କକେ ପାହିଲା ଆତଃ ମୁଲ୍‌ଏତେ କାମିକେନ୍‌କକେ ଚୁଣ୍ଡୁରେ ନାଲା ଏମାକମେ ।

୯ ସିଙ୍‌ସାଟୁର୍‌ତାନ୍‌ରାଃ ପାଞ୍ଜବାଜେ କାମିକେଦ୍ ସବେନ୍ ହଡ୍‌କ ମିପିହୁଡ୍‌ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା ।

୧୦ ମୁଲ୍‌ଏତେ କାମିକେନ୍‌କ ଆଦ୍‌କା ନାଲାଲେ ନାମେୟା ମେନ୍ତେକ ଉଡ଼ୁକେଦା, ମେନ୍‌ଦ ଇନ୍‌କୁହଗି ମିପିହୁଡ୍‌ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା ।

୧୧ ଇନ୍‌କୁ ନାଲା ତେଲାକେଦ୍‌ଚି, ଅଡ଼ାଃ ଗମ୍‌କେୟାଃ ବିରୁଧ୍‌ରେ କୁରୁମ୍‌ଡୁରୁମ୍‌ୟାନ୍‌ଲଃ କାଜିକେଦାକ,

୧୨ ‘ତାୟମ୍‌ତେ ହିଜୁଆକାନ୍ ହଡ୍‌କ ମିଦ୍ ଘାଡ଼ିଗି କାମିକେଦାକ ଆତଃ ଆଲେ ସିଙ୍‌ସାଟୁର୍ ନିମିନ୍‌ରାଃ ସିତୁଙ୍‌ ସାହାଡିଙ୍‌କେଦ୍‌ତେ କାମିକେଦ୍‌ରେୟ ଆମ୍ ଆଲେକେ ଇନ୍‌କୁଲଃ ମିଦ୍‌ଗିମ୍ ଜକାକେଦ୍‌ଲେୟା ।’

୧୩ “ମେନ୍‌ଦ ଇନିଃ ଇନ୍‌କୁଏତେ ମିହୁଡ୍‌କେ କାଜିରୁହାଡ୍‌କିୟାଏ, ‘ଏ ଗାତି, ଆଇଙ୍‌ ଆମ୍‌କେ କାଇଙ୍‌ ବେଦାମେତାନା, ଆମ୍ ଆତଃ ଆଇଙ୍‌ ଚିନାଃ ମୁସିଙ୍‌ରାଃ ନାଲା ସିକା ଏମଃଆ ମେନ୍ତେ କାଲାଙ୍‌ ବାଖାଁଣ୍ କାଦ୍‌ତାଇକେନା ?

୧୪ ନେ ଆମାଃ ନାଲା ଇଦିମେ ଆତଃ ସେନଃମେ । ଆଇଙ୍‌ ତାୟମ୍‌ତେ ହିଜୁଃକାନ୍ କାମିନିଃକେ ଆମ୍‌କେ ଏମାକାଦ୍‌ମେ ଲେକା ଏମ୍‌ନାଙ୍‌ ସାନାଙ୍‌ତାନାଇଙ୍‌ ।

୧୫ ଚିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍ କାଇଙ୍‌ ଦାଡ଼ିୟା ? ଚି ଆଇଙ୍‌ ରୁଗିନ୍ ଏମଃନିଃ ତାନିଙ୍‌ ମେନ୍ତେମ୍ ହିସ୍‌ଙ୍‌ଇଙ୍‌ତାନା ?”

୧୬ ✠ଆତଃ ୟୀଶୁ ନେ ଲେକାତେ କାଜିଚାବାକେଦା, “ତାୟମ୍‌ରେନ୍‌କ ସିଦାଅଃଆ, ଆତଃ ଆୟାର୍‌ରେନ୍‌କ ତାୟମଃଆ ।”

✠ ୧୯:୨୮ ମାଧୁର ୨୫:୩୧; ଲୁକ ୨୨:୩୦. ✠ ୧୯:୩୦ ମାଧୁର ୨୦:୧୭; ଲୁକ ୧୩:୩୦. ✠ ୨୦:୧୭ ମାଧୁର ୧୯:୩୦; ମାର୍କ ୧୦:୩୧; ଲୁକ ୧୩:୩୦.

ୟୀଶୁ ଆୟାଃ ଗନଏଃ କାଜି ଆପିସାତେ କାଜିୟାଦକଆଏ

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ୟୀଶୁ ଯୀରୁଶାଲେମ୍ ସେନଃ ଇମ୍ତା ଗେଲ୍‌ବାର୍ ତେଲକକେ ଗେନାତେ ଇଦିକେଦ୍‌ତେ କାଜିକେଦ୍‌କଆଏ,
 ୧୮ “ନେଲେଦେ, ଆବୁ ଯୀରୁଶାଲେମ୍‌ତେରୁ ସେନଃତାନା ଆତଃ ମାନଞ୍ଜାହନ୍‌କେ ମୁଲ୍ ଯାଜାକ୍‌କଆଃ ଆତଃ ଆଇନ୍
 ଇତୁକଆଃ ତିଃଇରେକ ଜିମାଇୟା ଆତଃ ଇନ୍‌କୁ ଇନିଃକେ ଗନଏଃ ସାଜାଇ ନାଗେନ୍ତେକ ବିଚାରେୟା ।
 ୧୯ ଆତଃ ଇନ୍‌କୁ ଇନିଃକେକ ଲାନ୍‌ଇୟା, ହାଁଶ୍‌ସାଇୟା ଆତଃ କ୍ରୁଶ୍‌ରେ କିଲା ନାଗେନ୍ତେ ସାଅଁସାର୍‌କଆଃ ତିଃଇରେକ
 ଏମିୟା, ମେନ୍‌ଦ ଆପି ମାହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିନ୍ତି

(ମାର୍କ ୧୦:୩୫-୪୫)

୨୦ ଏନ୍ତେ ଜେବଦୀୟାଃ କୁଡିତେ ଆୟାଃ ବାରିଆ ହନ୍‌କିନ୍‌ଲଃ ୟୀଶୁତାଃତେ ହିଜୁଃୟାନା ଆତଃ ଇକ୍‌ଡ୍‌ମୁକେଦ୍‌ତେ
 ଦେଙ୍ଗା ଆସିକିୟାଏ ।
 ୨୧ ଏନ୍ତେ ୟୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ଗ୍ ତାନାମ୍ ?” ଇନିଃ କାଜିରୁହାଡ୍‌କିୟାଏ, “ଆଇଁୟାଃ ନେ ହନ୍‌କିନ୍
 ଆମାଃ ରାଇଜ୍‌ରେ ମିଆଁଦ୍‌ନିଃକେ ଜମ୍‌ତିସାଃରେ ଆତଃମିଆଁଦ୍‌ନିଃକେ ଲେଙ୍ଗାତିସାଃରେ ଦୁବ୍‌କାକିନ୍ ମେନ୍ତେ ଆତୁକିନ୍‌ମେ
 ।”
 ୨୨ ୟୀଶୁ ଜେବଦୀଆଃ ବାରିଆ ହନ୍‌କିନ୍‌କେ କାଜିରୁହାଡ୍‌କେଦ୍‌କିନାଏ, “ତିନାଃବେନ୍ ଆସିତାନା ଏନା କାବେନ୍
 ସାରିତାନା । ତିନାଃ ଆଇଁୟାଃ ଦୁକୁରେୟାଃ ନୁଁଏ କାଟୋରାରେ ନୁଁବେନ୍ ଦାଡିୟା ?”
 ଇନ୍‌କିନ୍ କାଜିରୁହାଡ୍‌କେଦା, “ଦାଡିୟାଲିଙ୍ଗ୍ ।”
 ୨୩ ୟୀଶୁ ମେତାଦ୍‌କିନାଏ, “ଆଇଁୟାଃ କାଟୋରାତେ ନୁଁଦବେନ୍ ନୁଁଇୟା ମେନ୍‌ଦ ଆଇଁୟାଃ ଜମ୍‌ତିସାଃରେ ଆତଃ
 ଲେଙ୍ଗାତିସାଃରେ ଦୁବ୍‌ରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ ନେ ଠାୟାଦ୍ ଆପୁଇଙ୍ଗ୍ ଅକନ୍‌କ ନାଗେନ୍ତେ
 ବାଇୟାକାଦାଏ ଇନ୍‌କୁ ନାଙ୍ଗ୍ ଏସ୍‌କାର୍ ତାନାଃ ।”
 ୨୪ ଏଟାଃ ଗେଲ୍ ତେଲକ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାଗିୟାକିନ୍‌କେ ଖୁସ୍‌ୟାନାକ ।
 ୨୫ *ମେନ୍‌ଦ ୟୀଶୁ ଇନ୍‌କୁକେ କେଡାକେଦ୍‌ତେ କାଜିୟାଦକଆଏ, “ନେ ଅତେଦିଶ୍‌ମ୍‌ରେନ୍ ହଡ୍‌କଆଃ ହାକିମ୍‌କ
 ଇନ୍‌କୁରେକ ରାଇଜ୍‌ତାନା ଆତଃ ଆକ୍‌ତେୟାର୍ ନାମାକାଦକ ଇନ୍‌କୁଆଃ ଚେତାନ୍‌ରେ ପୁରାଃଗି ଆକ୍‌ତେୟାର୍‌ରେ
 ତାନାକ, ଏନା ଆପେ ସାରିୟାକାଦାଃପେ ।
 ୨୬ *ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ ଆପେ ଆଲାରେ ଜେତାଏ ମାରାଙ୍ଗ୍ ସାନାଙ୍ଗ୍‌ରେଦ ଇନିଃ
 ଏଟାଃକଆଃ ସୁସାର୍‌ନିଃ ହବାଅଃକାଏ,
 ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନ୍‌ନିଃ, ଏଟାଃକଆଃ ଦାସିଲେକା ଏଟାଃକକେ
 ସୁସାର୍‌କକାଏ ।
 ୨୮ ନେ ଲେକାତେ ମାନଞ୍ଜାହନ୍ ସୁସାର୍ ନାମେ ନାଗେନ୍ତେଦ କା ମେନ୍‌ଦ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ
 ହଡ୍‌କନାଙ୍ଗ୍ ଦାଗେଁ ଗନଙ୍ଗ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାରହଡ୍ କାଣ୍‌କିନ୍‌କେ ବୁଗିକେଦ୍‌କିନାଏ

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଙ୍ଗ୍ ତାଇକେନ୍‌ରେ ପୁରାଃ ଗାଦେଲ୍ ହଡ୍‌କ ଇନିଃକେକ ଅତଙ୍ଗ୍‌କିୟା ।
 ୩୦ ଆତଃ ବାରହଡ୍ କାଣ୍‌କିନ୍ ହରାଗେନାରେ ଦୁବାକାନ୍ ତାଇକେନ୍ ଇମ୍ତା ୟୀଶୁ ପାରମଃତାନାଏ ମେନ୍ତେକିନ୍
 ଆୟୁମ୍‌କେଦ୍‌ତି କାଉରିକେଦାକିନ୍, “ହେ ଗମ୍‌କେ, ହେ ଦାଉଦ୍‌ଆଃ ହନ୍, ଦାୟାଲିଙ୍ଗ୍‌ମେ ।”
 ୩୧ ଗାଦେଲ୍ ହଡ୍‌କ ହାପାଃଅବେନ୍ ମେନ୍ତେକ ମାରାଙ୍ଗ୍‌ମଚାକେଦ୍‌କିନା ମେନ୍‌ଦ ଇନ୍‌କିନ୍ ଆତଃ ପୁରାଃତେ
 କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଙ୍ଗ୍‌ମେ !”
 ୩୨ ୟୀଶୁ ତିଙ୍ଗୁୟାନ୍ତେ ହାକାଅକେଦ୍‌କିନାଏ ଆତଃ ମେତାଦ୍‌କିନାଏ, “ଆଇଙ୍ଗ୍ ଆବେନାଃ ନାଗେନ୍ତେ ତିନାଃଇଙ୍ଗ୍ ଚିକାୟା
 ମେନ୍ତେବେନ୍ ସାନାଙ୍ଗ୍‌ତାନା ?”
 ୩୩ ଇନ୍‌କିନ୍ ୟୀଶୁକେ କାଜିରୁହାଡ୍‌କିୟାକିନ୍, “ହେ ପ୍ରାଭୁ, ମେଦ୍‌ଲିଙ୍ଗ୍ ନେଲ୍ ଦାଡିକା ମେନ୍ତେଲିଙ୍ଗ୍ ସାନାଙ୍ଗ୍‌ତାନା ।”
 ୩୪ ୟୀଶୁ ଇନ୍‌କିନ୍‌କେ ଲିବୁଇୟାଦ୍‌କିନାଏ ଆତଃ ଇନ୍‌କିନାଃ ମେଦ୍ ଜୁଟିଦ୍‌କେଦାଏ, ଏନ୍ତେ ଇମ୍‌ତାଗି ନେଲ୍
 ଦାଡିକେଦାକିନ୍ ଆତଃ ଇନ୍‌କିନ୍ ୟୀଶୁକେ ଅତଙ୍ଗ୍‌କିୟାକିନ୍ ।

* ୨୦:୨୫ ଲୁକ ୨୨:୨୫, ୨୬. * ୨୦:୨୬ ମାଧୁର ୨୩:୧୧; ମାର୍କ ୯:୩୫; ଲୁକ ୨୨:୨୬.

୨୧

ୟୀଶୁ ମାନାରାଜ୍ରେ ଯୀରୁଶାଲେମ୍ରେ ବଲତାନା

(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ଯୀଶୁ ଆଡ଼ ଆୟାଃ ଚେଲକ ଯୀରୁଶାଲେମ୍ ନାଡ଼େଃରାଃ ଜାଇତୁନ୍ ବୁରୁ ଜାପାଃ ବେଡ଼ଫାଗି ହାତୁଡେ ସେଟେରୁୟାନାକ, ଇମ୍ତା ଯୀଶୁ ବାରିଆ ଚେଲକିନ୍କେ କୁଲକେଦତେ, ମେତାଦକିନାଏ

୨ “ଆବେନ୍ ଆବେନାଃ ସାମ୍ନାଜ୍ରେଆଃ ହାତୁଡେ ସେନଃବେନ୍ ଆଡ଼ ଏନ୍ତାଃତେ ତେବାଃ ଇମ୍ତାଗି ମିଆଁଦ୍ ଗାଧା ଆଡ଼ ଗାଧାହନ୍କେ ତଲକାନବେନ୍ ନାମିୟା, ଇନ୍କିନ୍କେ ରାଡ଼ାକେଦତେ ଆଇଜ୍ଡାଃତେ ଆଡକିନ୍ବେନ୍ ।

୩ ଆଡ଼ ଜେତାଏ ଜେଡନାଃ କାଜିବେନ୍ରେଦ, ‘ନିକିନ୍ତାଃରେ ପ୍ରାଭୁଆଃ କାମିମେନାଃ’ ମେତାଇବେନ୍ ଆଡ଼ ଇନିଃ ଇମ୍ତାଗି କୁଲବାଗିକିନାଏ ।”

୪ ନେଆଁ ନାବୀକଆଃ କାଜି ପୁରାଆଃ ନାଗେନ୍ତେ ନେ ଲେକା ହବାୟାନା ।

୫ “ସିୟୋନ୍ରେନ୍ ହନ୍କୁଡିକେ କାଜିପେ,
‘ନେଲେମେ, ଆମାଃ ରାଜା ଆମାଃତାଃତେ ହିଜୁଃତାନା !

ଲେବେୟାନ୍ଗି ଇନିଃ, ଗାଧା
ଆଡ଼ ଗାଧାହନ୍ ଚେତାନ୍ରେ ଦୁବକେଦତେ ଆମାଃତାଃତେ ହିଜୁଃତାନା ।”

୬ ଏନ୍ ଚେଲକିନ୍ ସେନଃୟାନ୍ତେ ଯୀଶୁ ଆରୁକାଦକିନ୍ ଲେକା କାମିକେଦାକିନ୍ ।

୭ ଚେଲକିନ୍ ଗାଧା ଆଡ଼ ଗାଧାହନ୍କେ ଆଡକେଦତେ, ଗାଧାକିନାଃ ଚେତାନ୍ରେ ଲିଜାଃ ଆଟେଦ୍ କେଦାକିନ୍ ଆଡ଼ ଯୀଶୁ ଏନ୍ ଚେତାନ୍ରେ ଦୁବୟାନାଏ ।

୮ ଗାଦେଲ୍ହଡକଏତେ ଚିମିନ୍କ ଆକଆଃ ଲିଜାଃ ହରାରେକ ଆଟେଦ୍କେଦା, ଆଡ଼ ଏଟାଃକ ଦାରୁଏତେ କତକ ମାଆଃକେଦତେ ହରାରେକ ଆଟେଦ୍କେଦା ।

୯ ଆଡ଼ ଆୟୁର୍ ତାୟମ୍ତେ ସେନ୍ତାନ୍ ଗାଦେଲ୍ହଡକ କାଉରିକେଦା, “ଦାଉଦ୍ଆଃ ହନ୍ ହୋଶାନ୍ନା, ପ୍ରାଭୁଆଃ ନୁତୁମ୍ତେ ହିଜୁଃତାନ୍ନିୟାଃ ଧାଇନ୍ ହବାଅଃକା, ସାଲାଜ୍ଡତାର୍ ଠାୟାଦ୍ରେ ପାର୍ମେଶ୍ୱାର୍ଆଃ ମାନାରାଜ୍ ହବାଅଃକା ।”

୧୦ ଯୀଶୁ ଯୀରୁଶାଲେମ୍ରେ ବଲୟାନ୍ ଇମ୍ତା ଗଟା ନାଗାର୍ରେନ୍ ହଡକ ଆକ୍ଦାନ୍ଦାୟାନା ଆଡ଼ “ନିଃ ଅକଏ ତାନିଃ ?” ମେନ୍ତେକ କୁଲିବାଡାକେଦା ।

୧୧ ଗାଦେଲ୍ ହଡକ କାଜିରୁହାଡକେଦା, “ନିଃ ଗାଲିଲ୍ରେୟାଃ ନାଜ୍ରେଡ୍ରେନ୍ ନାବୀ ଯୀଶୁ ତାନିଃ” ମେନ୍ତେକ କାଜିକେଦା ।

ୟୀଶୁ ମାନ୍ଦିର୍ ଅଡ଼ାଃତେ ସେନ୍ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ଯୀଶୁ ମାନ୍ଦିର୍ ଅଡ଼ାଃରେ ବଲୟାନାଏ ଆଡ଼ ମାନ୍ଦିର୍ ଅଡ଼ାଃରେ ସବେନ୍ କିରିଜ୍ ଆଖ୍ରିଜ୍ ତାନ୍କକେ ହାର୍ ଅଡ଼କେଦକଆ ଆଡ଼ ପାଏସା ଭାଞ୍ଜାଅତାନ୍କଆଃ ଚେବୁଲ୍କ, ଦୁଦୁମୁଲ୍କ ଆଖ୍ରିଜ୍ତାନ୍କଆଃ ଦୁବ୍ତେୟାଃ ଉଦୁରବାଟିକେଦାଏ,

୧୩ ଆଡ଼ ଇନିଃ ଇନ୍କୁକେ କାଜିୟାଦକଆଏ, “ଧାରାମ୍ପୁଥ୍ରେ ନେଆଁ ଅଲକାନା, ‘ଆଇଁୟାଃ ଅଡ଼ାଃ ବିନ୍ତିଅଡ଼ାଃ ମେନ୍ତେ ନୁତୁମ୍ତା’ ମେନ୍ଦ ଆପେ ନେଆଁକେ କୁମ୍ପୁଡୁଆଃ ତାଇନଃ ଠାୟାଦ୍ରେ ବାଇୟାକାଦା ।”

୧୪ ମେଦ୍ କା ନେଲ୍ ଦାଡିତାନ୍କ ଆଡ଼ କାଟା ରୁଶ୍ଟାକାନ୍କ ମାନ୍ଦିର୍ ଅଡ଼ାଃରେ ଇନିଃତାଃତେକ ହିଜୁଃୟାନା ଆଡ଼ ଇନିଃ ଇନ୍କୁକେ ବୁଗିକେଦକଆଏ ।

୧୫ ମେନ୍ଦ ମୁଲ୍ ଯାଜାକ୍ ଆଡ଼ ଆଇନ୍ ଇତୁକ ଇନିୟାଃ ଆକ୍ଦାନ୍ଦାୟାନା ଆଡ଼ ମାନ୍ଦିର୍ ଅଡ଼ାଃରେ “ଦାଉଦ୍ଆଃ ହନ୍ ହୋଶାନ୍ନା” ମେନ୍ତେ ହନ୍କ କାଉରିତାନ୍ତେୟାଃ ନେଲ୍କେଦତେ ଖ୍ୱୟାନାକ,

୧୬ ଆଡ଼ କୁଲିକିୟାକ, “ଚିୟାଃ ଆମ୍ ଇନ୍କୁ କାଜିତାନ୍ତେୟାଃ ଆୟୁମେତାନାମ୍ଚି ?”

ଏନ୍ତେ ଯୀଶୁ ଇନ୍କୁକେ କାଜିରୁହାଡାଦକଆ, “ହେଗି ଆୟୁମତାନାଇଜ୍ । ଆପେ ଧାରାମ୍ପୁଥ୍ରେ ଅଲକାନ୍ତେୟାଃ ଚିଉଲ୍ହ କାପେ ପାଡାଅଚି ? ‘ଆପେ ହନ୍କକେ ଆଡ଼ ହୁଡିଜ୍ ହନ୍କକେ ବୁଗିନ୍ ଜହାର୍ ନାଗେନ୍ତେ ଇତୁକାଦକଆପେ ।”

୧୭ ଯୀଶୁ ଇନ୍କୁକେ ଯୀରୁଶାଲେମ୍ ବାଗିକେଦତେ ବେଥ୍ନିଆ ନାଗାର୍ରେତେ ସେନଃୟାନା ଆଡ଼ ଏନ୍ତାଃରେ ମିଦ୍ନୁବାଃ ତାଇନ୍ୟାନାଏ ।

ୟୀଶୁ ଲଥା ଦାରୁକେ ସାର୍ପାଅକେଦା

(ମାର୍କ ୧୧:୧୨-୧୫, ୨୦-୨୪)

୧୮ ସେତାଃ ଇଦାନ୍ରେ ଯୀରୁଶାଲେମ୍ ନାଗାର୍ରେତେ ସେନଃରୁହାଡତାନ୍ ତାଇକେନ୍ ଇମ୍ତା ଯୀଶୁକେ ରେଙ୍ଗେଃକିୟା ।

୧୯ ହରାଗେନାରେ ମିଆଁଦ ଲଆଦାରୁକେ ନେଲକେଦତେ ଏନ୍ତାଠେ ସେନ୍ ନାଡ଼େୟାନା, ମେନ୍ଦ ସାକାମ୍ ବାଗିକେଦତେ ଏନାରେ ଜେଡ଼ନାଃ କାଏ ନାମକେଦା ଆଡ଼ଃ କାଜିକେଦାଏ, “ଆମାଃତାଃରେ ଚିତ୍ତଲୀଅ ଆଲକା ଜଅଃକା” ଆଡ଼ଃ ଲଆଦାରୁ ଇମ୍ତାଗି ରହଡ଼ୟାନା ।

୨୦ ଚେଲକ ନେଆଁ ନେଲକେଦତେ ଆକ୍ଦାନ୍ଦାୟାନାକ ଆଡ଼ଃ କୁଲିକିୟାକ, “ଲଆଦାରୁ ଚିଲକାତେ କାଜି ତରସାଗି ରହଡ଼ୟାନା ?”

୨୧ ☆ୟାଶୁ ଇନ୍କୁକେ କାଜିରୁହାଡ଼ାଦକଆଏ, “ସାର୍ତ୍ତିଗି କାଜିୟାପେ ତାନାଲକ୍, ଆପେ ମନ୍ରେ କା ଆଡ଼ଃଉଡ଼ଃକେଦତେ ପୁରାଃ ବିଶ୍ୱାସ୍ତାନଲଃ ନେ ଲଆଦାରୁକେ ଆଇକ୍ ରିକାକାଦଲେକା, ଆପେୟ ଏନ୍ଲେକା ରିକାଦାଡ଼ିୟାପେ । ଆଡ଼ଃ ନେଆଁକେ ଏସ୍କାର୍ କା ମେନ୍ଦ ବୁରୁକେହ୍ ‘ମାର୍ ବିରିଦମେ ଆଡ଼ଃ ଦରେୟାରେ ଉୟୁଗଃମେ’ ମେନ୍ତେପେ କାଜିରେ ଏନା ଏନ୍ଲେକା ହବାଅଆଃ ।

୨୨ ଆଡ଼ଃ ଆପେ ବିଶ୍ୱାସେରେଦ, ବିକ୍ତିତେ ଆସିତେୟାଃ ସବେନାଃପେ ନାମେୟା ।”

ୟାଶୁଆଃ ଆକ୍ତେୟାର୍ ବିଷାଏରେ କୁନୁଲି

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ଯାଶୁ ମାନ୍ଦିର୍ ଅଡ଼ଃରେ ବଲକେଦତେ ଇଡୁତାନ୍ ତାଇକେନ୍ ଇମ୍ତାଗି ମୁଲ୍ ଯାଜାକ୍ ଆଡ଼ଃ ହଡ଼କଆଃ ପ୍ରାଚିନ୍ଦ ଇନିଃତାଃତେକ ହିଜୁୟାନା ଆଡ଼ଃ କୁଲିକିୟାକ, “ଆମ୍ ଅକ ଆକ୍ତେୟାର୍ତେ ନେଆଁକମ୍ କାମିତାନା ? ଆଡ଼ଃ ଅକଏ ନେ ଆକ୍ତେୟାର୍ ଏମାକାଦମେୟାଏ ?”

୨୪ ଯାଶୁ ଇନ୍କୁକେ କାଜିରୁହାଡ଼ାଦକଆଏ, “ଆଇକ୍ହ୍ ମିଆଁଦ କାଜିଇକ୍ କୁଲିପେୟା, ଏନାପେ ଉଦୁବାଇକ୍ରେଦ ଆଇକ୍ ଅକ ଆକ୍ତେୟାର୍ କାମିତାନାଲକ୍ ଏନାଲକ୍ ଉଦୁବାପେୟା ।

୨୫ ଯୋହାନ୍, ବାପ୍ତିସ୍ତା ଏମ୍ ନାଗେନ୍ତେ ଅକ୍ତାଃଏତେ ଆକ୍ତେୟାର୍ ନାମାକାଦ୍ ତାଇକେନା ? ସିର୍ମାରେନ୍ ପାର୍ମେଶ୍ୱାର୍ତାଃଏତେ ଚି ହଡ଼କତାଃଏତେ ?”

ଆଡ଼ଃ ଇନ୍କୁ ଆକ ଆକରେକ ଉଡ଼ଃକେଦା, “ଆରୁ, ‘ସିର୍ମାରେନ୍ ପାର୍ମେଶ୍ୱାର୍ତାଃଏତେ’ ମେନେରେଦ ଇନିଃ ‘ଚିକାନାକ୍ ଯୋହାନ୍ରେ କାପେ ବିଶ୍ୱାସ୍କେଦା’ ମେତାରୁଆଏ ?

୨୬ ମେନ୍ଦ ଆରୁ, ‘ହଡ଼କତାଃଏତେ’ ମେନେରେଦ, ଗାଦେଲ୍ ହଡ଼କତାଃଏତେ ବରମେନାଃ, ଚିୟାଃଚି ଯୋହାନ୍କେ ସବେନ୍ ହଡ଼କ ନାବୀ ତାନିଃ ମେନ୍ତେକ ବିଶ୍ୱାସୀ ତାଇକେନା ।”

୨୭ ଏନାତେ ଇନ୍କୁ “ଆଲେ କାଲେ ସାରିୟା” ମେନ୍ତେ ଯାଶୁକେକ କାଜିରୁହାଡ଼କିୟା ।

ଏନ୍ତେ ଇନିଃ ଇନ୍କୁକେ ମେତାଦକଆ, “ଆଇକ୍ହ୍ ଅକ ପେଡ଼େଃତେ ଏନାକଇକ୍ ରିକାତାନା, କାଲକ୍ ଉଦୁବାପେୟା ।

ବାରିଆ ହନ୍କିନାଃ ଜନ୍କା କାଜି

୨୮ “ନେ ବିଷାଏରେ ଆପେ ଚିନାଃପେ ଉଡ଼ଃତାନା ? ଜେତାଏ ହଡ଼ରାଃ ବାରିଆ ହନ୍କିନ୍ ତାଇକେନା, ଆଡ଼ଃ ମାରାକ୍ନିଃତାଃତେ ସେନ୍କେଦତେ କାଜିକିୟାଏ, ‘ଏ ହନ୍, ଜୁ ତିସିକ୍ ଆଇୟାଃ ଦାଖ୍ବାକ୍ଡିରେ କାମିମେ ।’

୨୯ ଇନିଃ କାଜିକିୟାଏ, ‘ଆଇକ୍କେ କାମି କା ସାନାକ୍ ତାନାଃ,’ ମେନ୍ଦ ତାୟମ୍ତେ ହେୟାତିକ୍କେଦତେ ସେନଃୟାନାଏ ।

୩୦ ଏନ୍ତେ ଆପୁତେ ହୁଡ଼ିକ୍ ହନ୍କଡ଼ାତାଃତେ ସେନ୍କେଦତେ ଏନ୍ଲେକାଗି କାଜିକିୟାଏ, ଆଡ଼ଃ ଇନିଃ ‘ହେଗି, ଆଇକ୍ ସେନାଲକ୍’ ମେନ୍ତେ କାଜିରୁହାଡ଼କିୟାଏ, ମେନ୍ଦ ଇନିଃ କାଏ ସେନ୍ୟାନା ।

୩୧ ଏନ୍ ବାରାନ୍କିନ୍ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍କୁ “ମାରାକ୍ନିଃ,” ମେନ୍ତେକ କାଜିରୁହାଡ଼କିୟା ।

ୟାଶୁ ଇନ୍କୁକେ କାଜିୟାଦକଆ, “ସାର୍ତ୍ତିଗିକ୍ କାଜିୟାପେତାନା, ମାଲ୍ହାରମ୍ ଆଡ଼ଃ ବେଶ୍ୟାକ ଆପେଏତେ ସିଦାରେ ପାର୍ମେଶ୍ୱାର୍ଆଃ ରାଇକ୍ରେକ ବଲତାନା ।

୩୨ ☆ବାପ୍ତିସ୍ତା ଏମଃନିଃ ଯୋହାନ୍ଦ ଆପେତାଃ ଧାର୍ମାନ୍ ହରା ଉଦୁବ୍ ନାଗେନ୍ତେ ହିଜୁୟାନା ଆଡ଼ଃ ଆପେ ଇନିଃରେ କାପେ ବିଶ୍ୱାସ୍କେଦା, ମେନ୍ଦ ମାଲ୍ହାରମ୍ ଆଡ଼ଃ ଆଣ୍ଡିଆପାକ୍ଡିକ୍ ଇନିଃରେକ ବିଶ୍ୱାସ୍କେଦା । ଆଡ଼ଃ ଆପେ ନେଆଁ ନେଲକେଦରେହ୍, କାପେ ହେୟାତିକ୍କେଦା ଆଡ଼ଃ ଇନିଃରେ କାପେ ବିଶ୍ୱାସ୍କେଦା ।

ଦାଖ୍ବାକ୍ଡିରାଃ କାରକାମି ହଡ଼କଆଃ ଜନ୍କା କାଜି

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ୟାଶୁ କାଜିକେଦାଏ, ଏଟାଃ ଆଡ଼ଃମିଆଁଦ୍ ଜନ୍କା କାଜି ଆୟୁମେପେ । ମିଆଁଦ୍ ଲୟକ୍ ଗମ୍କେ ଦାଖ୍ବାକ୍ଡି ବାଇକେଦାଏ ଆଡ଼ଃ ଏନା କେସେଦ୍ବିୟୁକ୍କେଦାଏ, ଘାନା ନାଗେନ୍ତେ ଗାତା ଉକ୍ତେଦାଏ, ଆଡ଼ଃ ହରମେନ୍ତେ ମାଚେନ୍

☆ ୨୧:୨୧ ମାଧୁର ୧୭:୨୦; ୧ କରିକ୍ତିୟ ୧୩:୨. ☆ ୨୧:୩୨ ଲୁକ ୩:୧୨; ୭:୨୯,୩୦.

ଅଡ଼ାଃ ବାଇକେଦାଏ, ଏନ୍ତେ ଇନିଃ ଦାଖ୍‌ବାକ୍‌ଡ଼ି କାର୍ କାମିତାନ୍‌କକେ ଏମ୍‌କେଦ୍‌ତେ ସାଜିନ୍ ଦିଶୁମ୍‌ତେ ସେନଃୟାନାଏ ।

୩୪ ଜ ଗଦଃ ସାହା ତେବାଃୟାନ୍‌ତି, ଦାଖ୍‌ବାକ୍‌ଡ଼ିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର୍ କାମିକତାଃତେ କୁଲ୍‌କେଦ୍‌କଆଏ ।

୩୫ କାର୍‌କାମି ହଡ଼କଦ ଏନ୍ ଦାସିକକେ ସାବ୍‌କେଦ୍‌ତେ ମିହୁଡ଼କେ ଦାଲ୍‌କିୟାକ, ଆତଃମିହୁଡ଼କେ ଗଏଃକିୟାକ, ଆତଃ ଏଟାଃ ମିହୁଡ଼କେ ଦିରି ଚିଦ୍‌ଗିକିୟାକ ।

୩୬ ଏନ୍ତେ ଇନିଃ ସିଦାଏତେ ଆତଃଗି ଆଦ୍‌କା ଦାସିକକେ କୁଲ୍‌କେଦ୍‌କଆଏ, ଆତଃ କାର୍‌କାମି ହଡ଼କ ଇନ୍‌କୁକେହ ଏନ୍‌ଲେକାଗି ରିକାକେଦ୍‌କଆଏ ।

୩୭ ଚୁଶୁଚୁରେ, ଇନିଃ, ଆୟାଃ ହନ୍ତେକଡ଼ାକେ କାର୍ କାମିହଡ଼କତାଃତେ କୁଲ୍‌କିୟାଏ, ଆତଃ କାଜିକେଦାଏ, ‘ଇନ୍‌କୁ ହନିଙ୍‌କଡ଼ାକେ ମାଇନିୟାକ ।’

୩୮ ମେନ୍‌ଦ କାର୍‌କାମି ହଡ଼କ ଏନ୍ ହନ୍‌କେ ନେଲ୍‌କେଦ୍‌ତେ, ମେପେନ୍‌ୟାନାକ, ‘ନିଃଗି ଏନ୍ ଗମ୍‌କେୟାଃ ହନ୍ ତାନିଃ, ଦଲ୍‌ରୁ ଗଜିୟା ଆତଃ ଇନିୟାଃ ହାନାଚିଙ୍‌ରୁ ଇଦିୟା ।’

୩୯ ଏନ୍ତେ ଇନ୍‌କୁ ଇନିଃକେ ଦାଖ୍‌ବାକ୍‌ଡ଼ିଏତେ ସାବ୍‌ଅଡ଼କିଃତେ ଗଏଃକିୟାକ ।

୪୦ “ନାହ୍‌ଆଃଦ ଦାଖ୍‌ବାକ୍‌ଡ଼ିରେନ୍ ଗମ୍‌କେ ହିଜୁଃରେ ଏନ୍ କାର୍‌କାମି ହଡ଼କକେ ଚିନାଃଏ ଚିକାକଆ ?” ମେନ୍ତେ ଯୀଶୁ କୁଲ୍‌କେଦ୍‌କଆଏ ।

୪୧ ଇନ୍‌କୁ କାଜିରୁହାଡ଼କିୟା, “ଇନିଃ ଏନ୍ ଏଡ଼କାନ୍‌କକେ ପୁରାଃ ସାସାତିତେ ଗଏଃକଆ ଆତଃ ଦାଖ୍‌ବାକ୍‌ଡ଼ି ଏଟାଃ କାର୍‌କାମି ହଡ଼କକେ ଏମାକଆ, ଅକନ୍‌କଚି ଠିକ୍ ନେତାରେ ଇନିଃକେ ଆୟାଃ ହିସାକ ଏମାଇୟା ।”

୪୨ ଯୀଶୁ ଇନ୍‌କୁକେ ମେତାଦ୍‌କଆ, “ନେଆଁ ଧାରାମ୍‌ପୁଥୁରେ କା'ପେଚି ପାଢ଼ାଅକାଦା ?

“ ଅଡ଼ାଃ ବାଇତାନ୍‌କ ଆତମ୍ ଏଣ୍ଡାଗାକାନ୍ ଦିରିକେ

କଚାରାଃ ଦିରିକ ବାଇକେଦା ।

ପ୍ରାଭୁ ଆଇଃକ୍‌ଗି ନେଆଁକେ ବାଇୟାକାଦା

ଆତଃ ଆରୁଆଃ ନେପେଲ୍‌ରେ ଆକ୍‌ଦାନ୍‌ଅଗିୟା !”

୪୩ “ଏନା ନାଗେନ୍ତେ ପାର୍‌ମେଶ୍‌ବରଆଃ ରାଇଜ୍ ଆପେଏତେ ରେଜଃଆ ଆତଃ ଅକନ୍ ହଡ଼କ ପାର୍‌ମେଶ୍‌ବରଆଃ ମନେ ଲେକା କାମିୟାଃକ ଇନ୍‌କୁକେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଥାଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”*

୪୫ ମୁଲ୍ ଯାଜାକକ ଆତଃ ଫାରୁଗୀକ ଯୀଶୁଆଃ ଜନ୍‌କା କାଜି ଆୟୁମ୍‌କେଦ୍‌ତେ, ଇନିଃ ଆବୁକେ କାଜିୟାବୁତାନାଏ ମେନ୍ତେକ ଆଟ୍‌କାର୍‌କେଦା ।

୪୬ ଏନାତେ ଇନ୍‌କୁ ଇନିଃକେ ସାସାବ୍ ସାନାଙ୍‌କେଦାକ, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌କଆଏ, ଚିୟାଃଚି ହଡ଼କ ଇନିଃକେ ନାବୀ ମେନ୍ତେକ ଆଟ୍‌କାରି ତାଇକେନା ।

୨୨

ଆଣ୍ଡି ଭୋଜିରେଆଃ ଜନ୍‌କା କାଜି (ଲୁକ ୧୪:୧୫-୨୪)

୧ ଯୀଶୁ ଆତଃଗି ଜନ୍‌କା କାଜିତେ ହଡ଼କକେ କାଜିକେଦ୍‌କଆ ।

୨ “ସିମ୍‌ା ରାଇଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହନ୍ତେକଡ଼ାରାଃ ଆଣ୍ଡିରେ ମାରାଙ୍‌ଜମେୟାଃ ବାଇକେଦାଏ ।

୩ ଇନିଃ କେଡ଼ାକାନ୍‌କକେ ଆଣ୍ଡି ଭୋଜି ଜଜମ୍ ନାଗେନ୍ତେ ହାକାଅ ନାଙ୍ ଥାୟାଃ ଦାସିକକେ କୁଲ୍‌କେଦ୍‌କଆଏ ମେନ୍‌ଦ ଇନ୍‌କୁ ହିଜୁଃ କାକ ସାନାଙ୍‌କେଦା ।

୪ ଇନିଃ ଏଟାଃ ଦାସିକକେ ନେଆଁ କାଜିକେଦ୍‌ତେ ଆତଃମିସା କୁଲ୍‌କେଦ୍‌କଆଏ, ‘ଆଇଙ୍ ମାରାଙ୍‌ଜମେୟାଃ ବାଇୟାକାଦାଇଙ୍, ଆଇଁୟାଃ ମାପ୍‌ରାଙ୍ କିରିକାନ୍ ଜାଁତୁକ ମାଆଃକେଦ୍‌ତେ ସବେନାଃ ବାଇସେକାଡ଼ାକାନା, ଆଣ୍ଡି ଭୋଜି ଜଜମ୍‌ତେ ହିଜୁଃପେ ।’

୫ ମେନ୍‌ଦ କେଡ଼ାକାନ୍‌କ ଜେତାଏ କାକ ଉଡ଼ୁକେଦ୍‌ତେ ଆକଆଃ କାଜିକାମିରେ ତାଇନ୍‌ୟାନାକ, ଚିମିନ୍‌କ ଆକଆଃ ଲୟଙ୍‌ତେ, ଆତଃ ଚିମିନ୍‌କ କିରିଙ୍ ଆଖିରିଙ୍‌ତେକ ସେନଃୟାନା ।

୬ ଏଟାଃକ ରାଜାରାଃ ଦାସିକକେ ସାବ୍‌କେଦ୍‌ତେ ଇନ୍‌କୁକେ ସାସାତିକେଦ୍‌କଆଏ ଆତଃ ଗଏଃକେଦ୍‌କଆଏ ।

୭ ରାଜା ନେଆଁ ଆୟୁମ୍‌କେଦ୍‌ତେ ଖୁସ୍‌ୟାନାଏ ଆତଃ ଆୟାଃ ସିପାଇକକେ କୁଲ୍‌କେଦ୍‌ତେ ଏନ୍ ଗଗଏଃକକେ ଜିୟନ୍‌କେଦ୍‌କଆଏ ଆତଃ ଇନ୍‌କୁଆଃ ନାଗାର୍‌କେ ଅଣ୍ଡୁରକେଦା ।

* ୨୧:୪୪ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

୮ ଏନ୍ତେ ଏନ୍ ଆଣ୍ଡି ଗମକେ ଦାସିକକେ କାଜିୟାଦକଆଏ, ‘ଆଣ୍ଡି ଜମେୟାଃ ବାଇୟାକାନା ମେନ୍ଦ କେଡ଼ାକାନକ ଏନା ନାମେଲେକା କାକ ତାଇକେନା ।

୯ ଏନା ନାଗେନ୍ତେ ବାରିଆ ହରା ମେସାଅଃତାନତାଃ ସେନଃପେ ଆତଃ ଆପେ ନାମତାନ ସବେନ୍କକେ ଆଣ୍ଡି ଜମେୟାଃ ନାଗେନ୍ତେ ହାକାଅକପେ ।’

୧୦ ଏନ୍ ଦାସିକ ହରାକରେ ସେନ୍କେଦ୍ତେ ଇନ୍କୁ ନାମକେଦ୍ ସବେନ୍ ଏଡକାନ ଆତଃ ବୁଗିନ୍ ହଡକକେ ହୁଣ୍ଡିକେଦକଆକ ଆତଃ ଆଣ୍ଡି ଅଡ଼ାଃ ହଡତେ ପେରେଃୟାନା ।

୧୧ “ରାଜା ଜଜମକକେ ନେନେଲ୍ତେ ବଲୟାନ୍ ଇମତା, ଆଣ୍ଡି ଲିଜାଃ କା ତୁସିଙ୍ଗକାନ ମିଆଁଦ୍ ହଡକେ ନେଲ୍କିୟାଏ ।

୧୨ ଆତଃ ଇନିଃ କୁଲିକିୟାଏ, ‘ଏ ଗାତି, ଆମ୍ ଆଣ୍ଡି ଲିଜାଃ କା ତୁସିଙ୍ଗକେଦ୍ତେ ଚିଲ୍କାତେମ୍ ବଲଆକାନା ?’ ମେନ୍ଦ ଏନ୍ ହଡ ହାପାୟାନାଏ ।

୧୩ ☆ଏନ୍ତେ ରାଜା ଦାସିକକେ କାଜିକେଦକଆଏ, ‘ଆୟାଃ ତିଃଇ କାଟା ତଲ୍କେଦ୍ତେ ନୁବାଃରେ ହୁରାଙ୍ଗତାଇପେ, ଏନ୍ତାଃରେ ଇନିଃ ରାଆଃୟାଏ ଆତଃ ତାଟା ରିଦେୟାଏ ।’”

୧୪ ଆତଃ ଯାଶୁ କାଜିଟୁଣ୍ଡକେଦାଏ, “ପୁରାଃକଦ ହାକାଅକାନା ମେନ୍ଦ ହୁଡିଙ୍ଗଲେକାକ ସାଲାକାନା ।”

କାର୍ ପାଏସା ଏମ୍ରେୟାଃ ବିଷାଏରେ କୁନୁଲି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଶୀକ ସେନଃକେଦ୍ତେ, ଆବୁ ଚିଲ୍କାତେ ଯାଶୁକେ ଆୟାଃ କାଜିତେବୁ ସାବିଆ, ମେନ୍ତେକ ରଜୋଟକେଦା ।

୧୬ ଇନ୍କୁ ହେରୋଦ୍ଆଃ ହଡକଲଃ, ଆକଆଃ ତେଲାକକେ ଯାଶୁତାଃତେକ କୁଲ୍କେଦକଆ ଆତଃ ଇନ୍କୁ ଯାଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍ତିଙ୍ଗ ହଡ ତାନମେ ଆତଃ ପାର୍ମେଶ୍ୱାର୍ଆଃ ସାର୍ତି ହରା ଇତୁଆଃମେ ଆତଃ ଜେତାଏକେ କାମ୍ ବରଝା, ତିୟାଃତି ଆମ୍ ହଡକଆଃ ମେଦ୍ମୁହାଁଡ୍ କାମ୍ ନେଲାଃ ।

୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକ୍ନାଃମ୍ ଉଡ଼ଃତାନା ? କାଇସାର୍କେ ଆଇନ୍ ଲେକାତେ କାର୍ ପାଏସା ଏମଃ ଲାଗାତିଙ୍ଗୟାଃ ତି କାହା ?”

୧୮ ମେନ୍ଦ ଯାଶୁ ଇନ୍କୁଆଃ ଏଡକାନାଃ ଆଟକାର୍କେଦ୍ତେ କାଜିୟାଦକଆଏ, “ହେ ବେଦାହଡକ ତିନାଃ ମେନ୍ତେ ଆଇଙ୍ଗକେ ଚିଟାଇଙ୍ଗ ନାଗେନ୍ତେ ବିଡ଼ାଅତାନାପେ ?

୧୯ କାର୍ ପାଏସା ଏମ୍ରେୟାଃ ସିକା ମିଆଁଦ୍ ଏମାଇଙ୍ଗପେ ।”

ଏନ୍ତେ ଇନ୍କୁ ମୁସିଙ୍ଗରାଃ ନାଲା ସିକା ଇନିଃତାଃତେକ ଆଉକେଦା ।

୨୦ ଆତଃ ଇନିଃ ଇନ୍କୁକେ କୁଲିକେଦକଆଏ, “ନେ ସିକାରେ ଅକଏୟାଃ ମୁରୁଡ୍ ଆତଃ ନୁଡୁମ୍ ମେନାଃ ?”

୨୧ ଇନ୍କୁ କାଜିକିୟାକ, “କାଇସାର୍ଆଃ,”

ଏନ୍ତେ ଇନିଃ ଇନ୍କୁକେ ମେତାଦକଆ, “ଅକ୍ନାଃ କାଇସାର୍ଆଃ ଏନା କାଇସାର୍କେ ଏମାଇପେ, ଅକ୍ନାଃ ପାର୍ମେଶ୍ୱାର୍ଆଃ ଏନା ପାର୍ମେଶ୍ୱାର୍କେ ଏମାଇପେ ।”

୨୨ ଆତଃ ଇନ୍କୁ ନେଆଁ ଆୟୁମ୍କେଦ୍ତେ ହାଏକାର୍ୟାନାକ ଆତଃ ଇନିଃକେ ବାଗିକେଦ୍ତେ ସେନଃୟାନାକ ।

ହଡକଆଃ ଜୀଉବିନିରିଦ୍ ବିଷାଏରେ କୁନୁଲି

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ☆ଏନ୍ ହୁଲାଙ୍ଗି ଚିମିନ୍ ସାଦୁକିକ ଯାଶୁତାଃତେକ ହିଜୁଃୟାନା ଆତଃ ଇନ୍କୁ ଜୀଉବିନିରିଦ୍ ବାନଆଃ ମେନ୍ତେକ କାଜିତାଇକେନା ।

୨୪ ଇନ୍କୁ କାଜିକିୟାକ, “ହେ ଗୁରୁ, ଜେତାଏ ହଡ ବେଗାର୍ ହନ୍ଗାଁଣାତେ ଗଜଃରେଦ୍, ହାଗାତେ ଇନିୟାଃ କୁଡିକେ ଆଣ୍ଡିୟଃ ଲାଗାତିଙ୍ଗୟାଃ ଆତଃ ଗଜାକାନ ହାଗାତେୟାଃ ନାଙ୍ଗ୍ ହନ୍ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା ।

୨୫ ନେଲେମେ, ଆଲେତାଃରେ ସାଡ୍ ହାଗିୟା ତାଇକେନାକ ମାରାଙ୍ଗନିଃ ଆଣ୍ଡିକେଦ୍ତେ ବେଗାର୍ ହନ୍ଗାଁଣାତେ ଗଏଃୟାନାଏ, ଆତଃ ଏନ୍ ରାଣ୍ଡିକୁଡିକେ ହାଗାତେ ଆଣ୍ଡିୟାନାଏ ।

୨୬ ଏନ୍ଲେକାଗି ଏଟାଃ ହାଗାତେଲଃ ଆତଃ ଆପିୟାନିଃଲଃ ହବାୟାନା, ତୁଣ୍ଡୁରେ ସାଡ୍ ହାଗିୟାକ ଇନିଃକେ ଆଣ୍ଡିୟାନାକ ।

୨୭ ଆତଃ ସବେନ୍କଆଃ ତାୟମ୍ତେ ଏନ୍ ରାଣ୍ଡି କୁଡିୟଗି ଗଏଃୟାନାଏ ।

୨୮ ଏନ୍ତେ ଜୀଉବିନିରିଦ୍ ଇମତା ଏନ୍ କୁଡି ଅକଏୟାଃ କୁଡିତେ ହବାଅଆଏ ? ସବେନ୍କଦ ଇନିଃକେ ଆଣ୍ଡିୟାନାକ ।”

୨୯ ଯାଶୁ ଇନ୍କୁକେ ମେତାଦକଆ, “ଆପେ ଧାରାମ୍ପୁଥୁ ଆତଃ ପାର୍ମେଶ୍ୱାର୍ଆଃ ପେଡ଼ଃ କାପେ ସାରିୟା ଏନା ନାଗେନ୍ତେପେ ଆଦାକାନା ।

☆ ୨୨:୧୩ ମାଧୁର ୮:୧୨; ୨୫:୩୦; ଲୁକ ୧୩:୨୮. ☆ ୨୨:୨୩ ପ୍ରେରିଡ୍ ୨୩:୮.

୩୦ ଜୀଉବିନିରିଦକେଦତେ ଜେତାଏ କାକ ଆଣ୍ଡିନାଃ, ଚାଏ ଆଣ୍ଡି କାକ ଏମାଆ, ମେନ୍ଦ ଇନ୍କୁ ସିର୍ମାରେନ୍ ଦୁଁଡ୍ଲେକାକ ତାଇନାଃ ।

୩୧ ଆତଃ ଗଜାକାନକଆଃ ଜୀଉବିନିରିଦ ବିଷାଏରେ ପାର୍ମେଶ୍ଵାର୍ କାଜିୟାକାଦ୍ କାଜିକେ କାପେତି ପାଢାଅକାଦା ?

୩୨ “ଆଇଙ୍ଗ୍ ଆବ୍ରାହାମଆଃ ପାର୍ମେଶ୍ଵାର୍, ଇସାକଆଃ ପାର୍ମେଶ୍ଵାର୍ ଆତଃ ଯାକୁବଆଃ ପାର୍ମେଶ୍ଵାର୍ ତାନିଙ୍ ।” ଇନିଃ ଗଏଃକାନକଆଃ ପାର୍ମେଶ୍ଵାର୍ ନାହାଁଲିଃ ମେନ୍ଦ ଜୀନିଦକଆଃ ପାର୍ମେଶ୍ଵାର୍ ତାନିଃ ।”

୩୩ ଆତଃ ଗାଦେଲ୍ ହଡକ ନେଆଁ ଆୟୁମକେଦତେ ଇନିୟାଃ ଇନିତୁତେ ହାଏକାବ୍ଯାନାକ ।

ମାରାଙ୍ଗ୍ ଆନ୍ତୁ

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଯୀଶୁ ସାଦୁକିକକେ ହାପାକେଦକଆଏ ମେନ୍ତେ ଫାରୁଶୀକ ଆୟୁମକେଦତି ହୁଣ୍ଡିୟାନାକ ।

୩୫ ଆତଃ ଇନ୍କୁଏତେ ମିଆଁଦ୍ ଆଇନ୍ ଇତୁନିଃ ଯୀଶୁକେ ଚିଟାଲ ନାଗେନ୍ତେ ବିଡାଅକିୟାଏ ଆତଃ କୁଲିକିୟାଏ,

୩୬ “ହେ ଗୁରୁ, ମୁଣାରାଃ ଆଇନ୍ରେୟାଃ ମାରାଙ୍ଗ୍ ଆନ୍ତୁ ଅକନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡକିୟାଏ, “ଆମାଃ ସବେନ୍ ମନ୍ତେ, ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ମନ୍ତେ ପ୍ରାଭୁ ଆମାଃ ପାର୍ମେଶ୍ଵାର୍କେ ଦୁଲାଡିମେ ।”

୩୮ ନେଆଁଗି ମାରାଙ୍ଗ୍ ଆତଃ ପାହିଲା ଆନ୍ତୁ ତାନାଃ ।

୩୯ ଆତଃମିଆଁଦ୍ ମାରାଙ୍ଗ୍ ଆନ୍ତୁ ଏନ୍ଲେକାଗିୟା, “ଆମାଃ ହପର୍ଜାପାଠରେନିଃକେ ଆମାଃ ଲେକା ଦୁଲାଡିମେ ।”

୪୦ *ନେ ବାରିୟା ଆନ୍ତୁରେ ମୁଣାରାଃ ଆଇନ୍ ଆତଃ ନାବୀକଆଃ ଇନିତୁରେ ଆସ୍ରାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନ ଇମ୍ତା ଯୀଶୁ ଇନ୍କୁକେ କୁଲିକେଦକଆଏ ?

୪୨ “ଆପେ ଶ୍ରୀଷ୍ଟଆଃ ବିଷାଏରେ ଚିନାଃପେ ଉଡ଼ୁତାନା ? ଇନିଃ ଅକଏୟାଃ ହନ୍ ତାନିଃ ?”

ଇନ୍କୁ କାଜିରୁହାଡକିୟାକ, “ଦାଉଦଆଃ ।”

୪୩ ଯୀଶୁ ଇନ୍କୁକେ କାଜିୟାଦକଆଏ, “ଦାଉଦ୍, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ଚିନାଃମେନ୍ତେ ତାମ୍ କାଜିକିୟାଏ ? ଚିୟାଃଚି ପାବିତାର୍ ଆମାତେ ଇନିଃ ଅଲୀକାଦାଏ,

୪୪ “ ‘ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,

ଆଇଙ୍ଗ୍ ଆମାଃ ବାଇରିକକେ ଆମାଃ କାଟା ଲାତାର୍ରେ ଆଉରି ଦହକ ଜାକେଦ୍

ଆମ୍ ଆଇଁୟାଃ ଜମ୍ଡିସାଃରେ ଦୁବାକାନମେ ।”

୪୫ “ଦାଉଦ୍ ଶ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଇତାନରେଦ, ଇନିଃ ଚିଲ୍କାତେ ଇନିୟାଃ ହନ୍ ତାନିଃ ?”

୪୬ ଆତଃ ଜେତାଏ ମିଆଁଦ୍ କାଜିୟା ଯୀଶୁକେ କାକ କାଜିରୁହାଡ୍ ଦାଡିକେଦା, ଏନ୍ ହୁଲାଙ୍ଗ୍ତାଃଏତେ ଜେତାଏ ଇନିଃକେ ଜେଡନାଃ କୁଲିନାଙ୍ଗ୍ କାକ ସାହାଏକେଦା ।

୨୩

ଆଇନ୍ ଇତୁକଆଃ ଆତଃ ଫାରୁଶୀକଆଃ ବିରୁଧ୍ରେ ଯୀଶୁଆଃ ଚେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯୀଶୁ ଏନ୍ ଗାଦେଲ୍ ହଡକକେ ଆତଃ ଆୟାଃ ଚେଲାକକେ କାଜିୟାଦକଆଏ,

୨ “ଆଇନ୍ ଇତୁକ ଆତଃ ଫାରୁଶୀକ ମୁଣାରାଃ ଆଇନ୍ ଇତୁରାଃ ଆକ୍ତେୟାର୍ ନାମାକାଦ୍ ଇନିତୁକ ତାନ୍କ ।

୩ ଏନା ନାଗେନ୍ତେ, ଆପେ ନେଆଁ ମାନାଡିଙ୍ଗ୍ପେ ମେନ୍ତେକ କାଜିରେଦ ଏନ୍ ସବେନାଃ ମାନାଡିଙ୍ଗ୍ପେ, ମେନ୍ଦ ଇନ୍କୁଆଃ କାମିଲେକା ଆଲ୍ପେ କାମିୟା, ଇନ୍କୁ କାଜିଦକ କାଜିୟା ମେନ୍ଦ କାକ କାମିୟାଃ ।

୪ ଇନ୍କୁ ଆକଆଃ ଇନିତୁକେ ହଡକଆଃ ତାରାନ୍ ଚେତାନ୍ରେ ହାମ୍ବାଲ୍ତେୟାଃକ ଲାଦିତାନା, ମେନ୍ଦ ଇନ୍କୁ ଏନାକେ ଆକଆଃ ମିଆଁଦ୍ ସାର୍ସାର୍ତେହ ଉଠାଅକେଦତେ ଗଅଃକଦି ନାଙ୍ଗ୍ କାକ ଦେଙ୍ଗାଃ ।

୫ *ହଡକ ଆଲେକେ ନେଲ୍ଲେକାକ ମେନ୍ତେ ଇନ୍କୁ ଆକଆଃ ସବେନ୍ କାମିକ କାମିୟାଃ । ନେଲ୍ଲକପେ, ଇନ୍କୁଦ ଧାରାମ୍ପୁଥୁରେ ଅଲୀକାନ୍ତେୟାଃ ଆକଆଃ ମଲଙ୍ଗ୍କରେକ ତଲେୟା ଆତଃ ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରକେକ ଜିଲିଙ୍ଗ୍ଆଃ ।

୬ ଆତଃ ଇନ୍କୁ ମାରାଙ୍ଗ୍ଜମେୟାଃତାଃରେ ଚେତାନ୍ ଠାୟାଦ୍ରେ ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁବ୍ନାଙ୍ଗ୍ ସୁକୁକଆ ।

* ୨୨:୪୦ ଲୁକ ୧୦:୨୫-୨୮. * ୨୩:୫ ମାଧୁର ୨:୧.

୭ ଆତ୍ମ ଇନ୍ଦ୍ରିୟ ହୃଦୟତାଏତେ ପିତୃ ପିତୃକରେ ଜହାରତେଲ୍ଲା ଆତ୍ମ 'ହେ ଗୁରୁ' ମେନ୍ତେ କାଜିୟାଲେକାକ ନେଆଁ ସୁକୁଆଃକ ।

୮ ମେନ୍ଦ ଆପେ 'ହେ ଗୁରୁ' ମେନ୍ତେ ଆଲ୍ପେ ନୁତୁମଃଆ, ଚିୟାଃଚି ଆପେୟାଃ ଇତୁନିଃଦ ମିଆଁଦ୍ଗିଆଏ, ଆତ୍ମ ଆପେ ସବେନ୍ଦକ ହାଗା ତାନ୍ପେ ।

୯ ଆତ୍ମ ଅତେରେ ଜେତାଏକେ 'ଆବା' ମେନ୍ତେ ଆଲ୍ପେ କାଜିୟା, ଆପେୟାଃ ଆପୁଦ ମିଆଁଦ୍ଗିଆଏ ଆତ୍ମ ଇନିଃ ସିର୍ମାରେ ମେନାଲୟା ।

୧୦ ଆତ୍ମ ଆପେ ହୃଦୟତାଏ 'ଗମ୍ବେ' ମେନ୍ତେ ଆଲ୍ପେ ନୁତୁମଃଆ, ଚିୟାଃଚି ଆପେୟାଃ ଗମ୍ବେଦ ମିଆଁଦ୍ଗିଆଏ, ଇନିଃ ମାସି ତାନିଃ ।

୧୧ *ଆତ୍ମ ଆପେୟାଃ ଆଲ୍ପାରେ ସବେନ୍ଦକଏତେ ମାରାଜ୍ଞିନିଃ ଆପେୟାଃ ସୁସାର୍ନିଃ ହବାଅଃକାଏ ।

୧୨ *ଆତ୍ମ ଜେତାଏ ଆପାନ୍ଦକେ ମାରାଜ୍ଞୟେନ୍ଦ୍ ସାନାଜ୍ଞୟେନ୍ଦ ଇନିଃ ହୁଡିଜ୍ଞୟେନ୍ଦକାଏ, ଆତ୍ମ ଜେତାଏ ଆପାନ୍ଦକେ ହୁଡିଜ୍ଞୟେନ୍ଦିନିଃ, ମାରାଜ୍ଞୟେନ୍ଦକାଏ ।

ୟାଶୁ ହସତହୃଦୟକେ ସାଜାଲକେଦ୍ଦକଆଏ
(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ “ଏ ହସତ ଆଇନ୍ ଇତୁକ ଆତ୍ମ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ଆପେଦ ହୃଦୟତାଏ ସାମ୍ନାଜ୍ଞରେ ସିର୍ମା ରାଜ୍ଞରେୟାଃ ଦୁଆରପେ ହାଣ୍ଡେଦ୍ ତାନାଃ, ଆପେଦ ଆପେଗି ଏନାରେ କାପେ ବଲତାନା ଆତ୍ମ ବଲ ସାନାଜ୍ଞତାନ୍ଦକେ କାପେ ବଲ ଇଚିକୁତାନା ।

୧୪ ଏ ହସତ ଆଇନ୍ ଇତୁକ ଆତ୍ମ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ଚିୟାଃଚି ଆପେ ବେଦାତେ ଜିଲିଜ୍ଞ ଜିଲିଜ୍ଞି ବିକ୍ରିୟାପେ ଆତ୍ମ ରାଶ୍ଟ୍ରିକୁଡିକଆଃ ଅଡ଼ାଃକ ଉଦେତାନାପେ, ଏନାମେନ୍ତେ ଆପେ ଆଦ୍ କା ସାଜାଲପେ ନାମେୟା ।*

୧୫ “ଏ ହସତ ଆଇନ୍ ଇତୁକ ଆତ୍ମ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ଆପେଦ ମିଆଁଦ୍ ହୃଦୟକେ ଯିହୁଦୀ ଧାରାମ୍ରେ ମେସାଲ ନାଗେନ୍ତେ ଦରେୟା ଆତ୍ମ ଗଗା ଅତେଦିଶୁମ୍ପେ ହନରତାନା, ଆତ୍ମ ଚିମତାଜ୍ଞ ଇନିଃ ଯିହୁଦୀ ଧାରାମ୍ରେ ମେସାୟାନ୍ରେ, ଆପେଏତେ ବାର୍ଗୁନା ଇମ୍ନାଜ୍ଞ ନାରାକ୍ରେ ସାଜାଲ ନାମେ ନାଗେନ୍ତେପେ ଦେଜାଲତାନା ।

୧୬ “ଆନ୍ଧା ହରା ଆୟାର୍ଜଦିକ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ‘ଜେତାଏ ମାନ୍ଦିର୍ ଅଡ଼ାଃରେୟାଃ କିରିୟାଏରେଦ ଇନିଃ ମାନାତିଜ୍ଞ ନାଗେନ୍ତେ କାଏ ତଲଃଆ ମେନ୍ଦ ଜେତାଏ ମାନ୍ଦିର୍ ଅଡ଼ାଃରେୟାଃ ସୋନାରାଃ କିରିୟା ଜମେରେଦ ଇନିଃକେ ଏନା ମାନାତିଜ୍ଞ ଲାଗାତିଜ୍ଞୟାଃ ।’

୧୭ ଏ କା ନେଲ୍ ଦାଡିତାନ୍ ତଣ୍ଡକ, ସୋନା ମାରାଜ୍ଞ ଚି ସୋନାକେ ପାବିତାର୍କାଦ୍ ମାନ୍ଦିର୍ ଅଡ଼ାଃ ମାରାଜ୍ଞ ତାନାଃ ?

୧୮ ଆତ୍ମ ଚି ଇତୁଆଃପେ, ‘ଜେତାଏ ବେଦିରାଃ କିରିୟାଏରେଦ ଇନିଃକେ ଏନା ମାନାତିଜ୍ଞ ନାଗେନ୍ତେ କା ଲାଗାତିଜ୍ଞୟାଃ, ମେନ୍ଦ ଜେତାଏ ଏନାରେ ରାକାବାକାନ୍ ଦାନ୍ରାଃ କିରିୟାଏରେଦ ଇନିଃକେ ଏନା ମାନାତିଜ୍ଞ ଲାଗାତିଜ୍ଞୟାଃ ।’

୧୯ ଏ ମେଦ୍ କା ନେଲ୍ ଦାଡିତାନ୍ ହୃଦୟ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ଏନ୍ ଦାନ୍ ମାରାଜ୍ଞଆଁତି ଦାନ୍କେ ପାବିତାର୍ ରିକାଏତାନ୍ ଏନ୍ ବେଦି ମାରାଜ୍ଞଆଁ, ନେ ବାରାନାଃରେ ଅକ୍ନାଃ ମାରାଜ୍ଞଆଁ ?

୨୦ ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ, ଇନିଃ ଏନାରେୟାଃ ଆତ୍ମ ଏନାରେ ରାକାବାକାନ୍ତେୟାଃ ସବେନାଃରାଃ କିରିୟାଏତାନା ।

୨୧ ଜେତାଏ ମାନ୍ଦିର୍ ଅଡ଼ାଃରାଃ କିରିୟାଏରେଦ ଇନିଃ ଏନାରେୟାଃ ଆତ୍ମ ଏନାରେ ତାଲନଃତାନ୍ ପାର୍ମେଶ୍ଵାର୍ଆଃ କିରିୟାଏତାନା ।

୨୨ *ଆତ୍ମ ଜେତାଏ ସିର୍ମାରେୟାଃ କିରିୟାଏରେଦ ଇନିଃ ପାର୍ମେଶ୍ଵାର୍ଆଃ ରାଜ୍ଞାଦିରେୟାଃ ଆତ୍ମ ଏନାରେ ଦୁବାକାନ୍ ପାର୍ମେଶ୍ଵାର୍ଆଃ ନୁତୁମ୍ରେ କିରିୟାଏତାନା ।

୨୩ “ଏ ହସତ ଆଇନ୍ ଇତୁକ ଆତ୍ମ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ଗି ହବାଅଆଃ, ଆପେଦ ପୁଦନା, ପାନ୍ମୁହୁରି ଆତ୍ମ ଜୀରାରାଃ ଗେଲ୍ ହାନାତିଜ୍ଞ ପାର୍ମେଶ୍ଵାର୍କେପେ ଏମାଲତାନା, ମେନ୍ଦ ମୁଶାରାଃ ଆନ୍ତୁରେୟାଃ ମାରାଜ୍ଞକାଜି, ନ୍ୟାୟ ବିଚାର୍, ଲିବୁଲ ଆତ୍ମ ପାତିୟାର୍ରେ ଲେକାନ୍ କାଜିକେ ବାରିୟାକାଦାପେ, ମେନ୍ଦ ଏଠାଃତେୟାଃକକେ କା ବାରିକେଦ୍ତେ ନେ ସବେନାଃକେ ମାନାତିଜ୍ଞ ଲାଗାତିଜ୍ଞୟାଃ ।

୨୪ ଏ କାଣ୍ଟା ହରା ଆୟାର୍ଜଦିକ, ଆପେଦ ସିକିଣ୍ଟକପେ ଛାନାଅତାନା ଆତ୍ମ ଉର୍ବକପେ ଉଦ୍ଦକତାନା ।

* ୨୩:୧୧ ମାଧୁର ୨୦:୨୭, ୨୭; ମାର୍କ ୯:୩୫; ୧୦:୪୩, ୪୪; ଲୁକ ୨୨:୨୭. * ୨୩:୧୨ ଲୁକ ୧୪:୧୧; ୧୮:୧୪. * ୨୩:୧୪ ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ * ୨୩:୨୨ ମାଧୁର ୫:୩୪.

୨୫ “ଏ ହସତ ଆଇନ୍ ଇତୁକ ଆତଃ ଫାରୁଣୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଥାଃ, ଚିୟାଃଚି ଆପେଦ ତୁବ୍ନି ଆତଃ ଆଡ଼ିରାଃ ବାହାରିକପେ ଗାସାର୍ ଆବୁଜ୍ ତାନା । ମେନ୍ଦ ଏନାରେୟାଃ ଭିତାର୍ ହିସ୍ଜା ଆତଃ ଏଡ଼କାନାଃ ପେରେଜାକାନା ।

୨୬ ହେ କାଣ୍ଟା ଫାରୁଣୀକ ସିଦାତେ ତୁବ୍ନି ଆତଃ ଆଡ଼ିରାଃ ଭିତାର୍ ଆବୁଜ୍ଗାସାରେପେ ଏନ୍ତେ ଏନାରେୟାଃ ବାହାରିହ୍ ଆବୁଜ୍ଗାସାରଃଆ ।

୨୭ ☆“ହେ ହସତ ଆଇନ୍ ଇତୁକ ଆତଃ ଫାରୁଣୀକ, ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଥାଃ, ଆପେ ତୁନାତେ ଜଲମାକାନ୍ କାବାର୍ ଲେକାନ୍କ ତାନ୍ପେ, ଏନା ବାହାରି ନେପେଲ୍ରେଦ ପୁରାଃ ବୁଗିନ୍ଦି ନେଲଃତାନା ମେନ୍ଦ ଏନାରେୟାଃ ଭିତାର୍ରେ ଗଜାକାନ୍କଆଃ ଜାଜ୍ ଆତଃ ସବେନାଃ କା ଫାର୍ଚିତେ ପେରେଜାକାନା ।

୨୮ ନେ ଲେକାତେ ଆପେ ବାହାରି ନେପେଲ୍ରେ ହଡ଼କଆଃ ସାମ୍ନାଜ୍ରେ ଧାର୍ମାନ୍ଦ୍ରିପେ ନେଲଆଃ ମେନ୍ଦ ମନ୍ ଭିତାର୍ରେ ବେଦାତେ ଆତଃ ଏଡ଼କାନ୍ତେ ପେରେଜାକାନା ।

ୟାଶୁ ଇନ୍କୁଆଃ ସାଜାଇକେ ଆୟାର୍କାଜି କାଜିକେଦାଏ
(ଲୁକ ୧୧:୪୭-୫୧)

୨୯ “ଏ ହସତ ଆଇନ୍ ଇତୁକ ଆତଃ ଫାରୁଣୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଥାଃ, ଆପେଦ ନାବୀକଆଃ ନାଗେନ୍ତେ ବୁଗିନ୍ କାବାର୍ ବାଇକେଦ୍ତେ ଧାର୍ମାନ୍କଆଃ ତପାଗାଡ଼ାରେ ନୁତୁମ୍ ଅଲ୍ଲାନାନ୍ ଖୁଣ୍ଟୁକେପେ ସିଜ୍ଞାଅ ତାନା ।

୩୦ ଆତଃ କାଜିତାନାପେ, ‘ଆବୁ ଆବୁଆଃ ହାଡ଼ାମ୍କଆଃ ଦିପିଲିରେବୁ ତାଇନ୍କାନ୍ରେ, ଆବୁ ଇନ୍କୁ ଲେକା କାବୁ କାମିକାଦ୍ତେୟାଃ ଆତଃ ନାବୀକଆଃ ଗନ୍-ଏଃ ମାୟୋମ୍ ଲିଜ୍ରେ ଇନ୍କୁଲଃ କାବୁ ମେସାକାନ୍ତେୟାଃ ।’

୩୧ ନେଆଁତେ ଆପେଗି ନାବୀକକେ ଗଏଃକେନ୍କଆଃ କିଲିକ ତାନ୍ପେ ମେନ୍ତେ ଆପେୟାଃ ନାଗେନ୍ତେ ଗାଞ୍ଜାପେ ଏମ୍ତାନା ।

୩୨ ଆପେଗି ହାଡ଼ାମ୍କଆଃ ପାପ୍ରାଃ ସସଜ୍ତେୟାଃ ପେରେଜେପେ ।

୩୩ ☆ଏ ବିଜ୍ଞକ, ଆପେ ବିଜ୍ଞକଆଃ ହନ୍କ ! ଆପେ ନାରାକ୍ରେୟାଃ ସାଜାଇଏତେ ଚିଲ୍କାପେ ବାଞ୍ଛାଅଥା ?

୩୪ ଏନାମେନ୍ତେ ଆଇଜ୍ ଆପେତାଃତେ ନାବୀକ, ସେଣ୍ଟାନ୍କ, ଆତଃ ଇତୁକକେ କୁଲ୍କତାନାଇଜ୍, ଆତଃ ଆପେ ଇନ୍କୁଏତେ ଚିମିନ୍କକେ ଗଏଃକଆପେ ଆତଃ କୁଗ୍ରେପେ କିଲ୍ଲାକଆ ଆତଃ ଏଟାଃକକେ ଆପେୟାଃ ସାମାଜ୍ ଅଡ଼ାଃକରେପେ ହାଁଶ୍ଯାକଆ ଆତଃ ସାହାର୍ ସାହାର୍ଏତେ ହାର୍କତାନ୍ଲଃ ସିଗିଦ୍କଆପେ ।

୩୫ ଆତଃ ନେ ଲେକାତେ ଧାର୍ମାନ୍ ହାବିଲ୍କେ ଗଏଃକିଃତାଃଏତେ ମାନ୍ଦିରେୟାଃ ପାବିତାର୍ ଠାୟାଦ୍ ଆତଃ ଦାଣ୍ଟୋରାକାବ୍ ବେଦିରାଃ ଆଲ୍ଲାମାଲ୍ରେ ଆପେ ଗଏଃକିଃ ବେର୍ଖ୍ଯୟାଃ ହନ୍ତେକଡ଼ା ଜିଖ୍ରିୟା ଜାକେଦ୍ ଆତଃ ଅତେଦିଶ୍ଯୁମ୍ରେନ୍ ଧାର୍ମାନ୍ ହଡ଼କକେ ଗଏଃକେଦ୍କ ନାଗେନ୍ତେ ଆପେ ସାଜାଇପେ ନାମେୟା ।

୩୬ ସାର୍ଚିଗିଜ୍ କାଜିୟାପେତାନା, ନେ ସବେନ୍ ହଡ଼ଗଏଃକଆଃ ସାଜାଇ ନେ ଦିପିଲିରେନ୍ ହଡ଼କକେ ନାମାଃଆ ।

ୟାରୁଶାଲେମ୍ ନାଜ୍ ଯାଶୁଆଃ ଦୁଲ୍ଲାଡ଼୍
(ଲୁକ ୧୩:୩୪-୩୫)

୩୭ “ହେ ଯାରୁଶାଲେମ୍, ହେ ଯାରୁଶାଲେମ୍, ଆମ୍ ନାବୀକକେମ୍ ଗଏଃକେଦ୍କଆ ଆତଃ ଆମ୍ତାଃତେ କୁଲ୍ଲାନାନ୍କକେ ଚିଦ୍ଗିଗଏଃ କେଦ୍କଆମ୍, ଏଜ୍ଯାସିମ୍ ଆୟାଃ ହନ୍କକେ ଆପ୍ରବ୍ ଲାତାର୍ରେ ଆବ୍ରୁମ୍ ତପାକତାନ୍ଲେକା ଚିମିନ୍ସା ଆଇଜ୍ ଆମାଃ ହନ୍କକେ ହୁଣ୍ଡିସାନାଜ୍କେଦାଇଜ୍, ମେନ୍ଦ ଆପେ କାପେ ସାନାଜ୍କେଦାଃ ।

୩୮ ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଦୁଡ଼ନାଜ୍ ବାଗିୟାତାନା ।

୩୯ ଚିୟାଃଚି ଆଇଜ୍ ଆପେକେ କାଜିୟାପେ ତାନାଇଜ୍, ‘ପ୍ରାଡୁଆଃ ନୁତୁମ୍ତେ ହିଜୁଃତାନ୍ନିଃକେ ପାର୍ମେଶ୍ଯାର୍ ଆଶିଷ୍ ଏମାଲକାଏ’ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଏତେ ଆତଃ ଆଇଜ୍କେ କାପେ ନେଲିୟାଃ ।”

୨୪

ୟାଶୁ ମାନ୍ଦିର୍ଅଡ଼ାଃ ହାଦୁଡ଼ରେୟାଃ କାଜି ଉଦୁବ୍କେଦା
(ମାର୍କ ୧୩:୧-୩୧; ଲୁକ ୨୧:୫-୩୩)

୧ ଯାଶୁ ମାନ୍ଦିର୍ ଅଡ଼ାଃଏତେ ଅଡ଼ଜ୍କେଦ୍ତେ ସେନଃତାନ୍ ଦିପିଲିରେ ଆୟାଃ ଚେଲାକ, ମାନ୍ଦିର୍ ଅଡ଼ାଃରେ ବାଇୟାକାନ୍ତେୟାଃ, ଆତଃ ମାପ୍ରାଜ୍ ଅଡ଼ାଃକ ଉଦୁବାଇ ନାଗେନ୍ତେକ ହିଜୁଃୟାନା ।

୨ ମେନ୍ଦ ଯାଶୁ ଇନ୍କୁକେ ମେତାଦ୍କଆ, “ଆପେ ଚିନାଃ ଏନ୍ ସବେନାଃ କାପେ ନେଲେତାନା ? ସାର୍ଚିଗିଜ୍ କାଜିୟାପେତାନା, ଏନାରେ ଦିରି ଚେତାନ୍ ଦିରି ଚିରିୟାକାନ୍ କା ତାଇନା, ସବେନାଃ ହାଦୁଡ଼ଆ ।”

☆ ୨୩:୨୭ ପ୍ରେରିଡ଼ ୨୩:୩. ☆ ୨୩:୩୩ ମାଥୁରା ୩:୭; ୧୨:୩୪; ଲୁକ ୩:୭.

ଦୁକୁ ଆଡ଼ଃ ସାସାତି

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଯୀଶୁ ଜାଇତୁନ୍ ବୁରୁରେ ଦୁବାକାନ୍ ତାଇକେନ୍ ଇମ୍ତା ଚେଲାଇ ଏସ୍‌କାରରେ ଇନିଃତାଃତେକ ହିଜୁଃୟାନା ଆଡ଼ଃ କୁଲିକିୟାକ, “ଆଲେକେ ଉଦୁବାଲେମେ ନେ ସବେନାଃ ଚିଉଲାଇ ହବାଅଃଆ ଆଡ଼ଃ ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆଡ଼ଃ ଅଡେଦିଶୁମ୍‌ରେୟାଃ ଚୁଣ୍ଡ ଦିପିଲି ଚିଉଲାଇ ହବାଅଃଆ ?”

୪ ଯୀଶୁ କାଜିରୁହାଡ଼କେଦକଆଏ, “ଚିର୍ଗାଲାଇକାନ୍‌ପେ, ଜେତାଏ ଆଲକାକ ବେଦାପେକା ।

୫ ଚିୟାଃଚି ପୁରାଃ ହଡ଼କଦ ଆଇୟାଃ ନୁଡୁମ୍‌ତେକ ହିଜୁଃଆ ଆଡ଼ଃ ‘ଆଇଙ୍ଗ୍ ଶ୍ରୀଷ୍ଟ୍ ତାନିଙ୍ଗ୍’ ମେନ୍ତେକ କାଜିୟା ଆଡ଼ଃ ପୁରାଃକକେ ବେଦାକଆକ ।

୬ ଆପେ ମାପାଃତୁପୁଇଙ୍ଗ୍ ଆଡ଼ଃ ମାପାଃତୁପୁଇଙ୍ଗ୍‌ରାଃ କାଜିପେ ଆୟୁମେରେଦ, ଚିର୍ଗାଲାଇକାନ୍‌ପେ, ବରତେ ଆଲ୍‌ପେ ଆକ୍‌ବାକାଅଆଃ । ନେଆଁ ସବେନାଃଦ ହବାଅଃଗି ଲାଗାତିୟାଃ, ମେନ୍‌ଦ ଏନ୍ ଦିପିଲିହ ଚୁଣ୍ଡ ନୁହାଁଲାଇ ।

୭ ଚିୟାଃଚି ଦିଶୁମ୍ ବିରୁଧରେ ଦିଶୁମ୍ ଆଡ଼ଃ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଃଆ, ସବେନ୍ ଠାୟାଦ୍‌ରେ ଅଡେ ଏକ୍‌ଲାଅଃଆ ଆଡ଼ଃ ରିଙ୍ଗାଅଃଆ ।

୮ ମେନ୍‌ଦ ନେ ସବେନାଃ ହନ୍ ଜାନାମାଃ ଇମ୍ତାରାଃ ଦୁକୁରେୟାଃ ଏନେଟେଦ୍ ଲେକାନାଃ ତାନାଃ ।

୯ “ଏନ୍ତେ ଇନ୍‌କୁ ଆପେକେ ସାସାତିପେ ନାଗେନ୍ତେକ ଜିମାପେୟା ଆଡ଼ଃକ ଗଏଃପେୟା, ଆଡ଼ଃ ଆପେ ଆଇଙ୍ଗ୍‌ତାଃରେ ପାତିୟାରକାଦ୍ ନାଗେନ୍ତେ ସବେନ୍ ହଡ଼କ ଆପେକେକ ହିଲାଇପେୟା ।

୧୦ ଏନ୍ ଦିପିଲିରେ ପୁରାଃ ହଡ଼କ ଆକଆଃ ବିଶ୍ୱାସ୍‌କ ଆଦେୟା, ଆଡ଼ଃ ଆକ ଆକଗି ମିହୁଡ୍ ଆଡ଼ଃମିହୁଡ୍‌କେ ଏମ୍‌ଏଣ୍ଡାଗିୟାକ ଆଡ଼ଃ ହିଲାଇଙ୍ଗ୍‌ଆକ ।

୧୧ ଆଡ଼ଃ ପୁରାଃ ହସଡ଼ ନାବୀକ ହିଜୁଃଆ ଆଡ଼ଃ ଇନ୍‌କୁ ପୁରାଃ ହଡ଼କକେ ବେଦାକଆକ ।

୧୨ ଚିୟାଃଚି ଏଡ଼କାନ୍ ନିତିର୍‌ୟାନ୍ ନାଗେନ୍ତେ ପାରମେଶ୍ୱାର୍‌ଆଃ ନାଙ୍ଗ୍ ପୁରାଃ ହଡ଼କଆଃ ଦୁଲାଡ୍ ହୁଡ଼ିଙ୍ଗ୍‌ଇଦିୟାଃ ।

୧୩ ମେନ୍‌ଦ ଜେତାଏ ଚୁଣ୍ଡ ଜୁକେଦ୍ ସାହାଡ଼ିଙ୍ଗ୍‌ତାନଲଃ ତିଙ୍ଗ୍ କେଟେୟାକାନ୍ ତାଇନ୍‌ରେଦ୍ ବାଞ୍ଚାଅଃଆଏ ।

୧୪ ଆଡ଼ଃ ପାରମେଶ୍ୱାର୍‌ଆଃ ରାଇଜ୍ ବିଷାଏରେ ନେ ସୁକୁକାଜି ଏଟାଃ ଏଟାଃ ଜାଗାର୍‌ତାନ୍ ସବେନ୍ ହଡ଼କଆଃ ଗାଞ୍ଜା ନାଗେନ୍ତେ, ଗଟା ଅଡେଦିଶୁମ୍‌ରେ ଉଦୁବଃଆ ଆଡ଼ଃ ଏନ୍ତେ ଚୁଣ୍ଡଃଆ ।

ୟୀଶୁ ଏନ୍ ଅଡେଜଃ ପୁରାଃ ସଡ଼ରା ବିଷାଏରେ ଉଦୁବେତାନା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଆପେ ଚିମ୍‌ତା ଏନ୍ ‘ଅଡେଜଃ ସଡ଼ରାକାନ୍‌ନିଃ’ ମାନ୍‌ିର୍ ଅଡ଼ଃରାଃ ପାବିତାର୍ ଠାୟାଦ୍‌ରେ ତିଙ୍ଗ୍‌ଆକାନ୍‌ପେ ନେଲିୟା,” ନେ କାଜି ଅକ୍‌ନାଃଚି ଦାନିୟେଲ୍ ନାବୀ କାଜିକାଦାଏ, ପାଡ଼ାଅନିଃ ନେଆଁରାଃ ମୁଣ୍ଡି ଆବ୍‌କାର୍‌ଉରୁମେକାଏ ।

୧୬ “ଇମ୍ତା ଯିହୁଦା ପାରଗାନ୍‌ରେ ତାଇନଃତାନ୍‌କ ବୁରୁତେକ ନିର୍ତେବଃକା ।

୧୭ ଅକ୍ ହଡ଼ ଆୟାଃ ଅଡ଼ଃ ସାଡ଼୍‌ମିରେ ମେନାଇୟାଃ ଇନିଃ ଆୟାଃ ଜେଡ଼ନାଃ ଇଦିମେନ୍ତେ ଅଡ଼ଃଏଡେ ଆଲକାଏ ଆଡ଼୍‌ଗୁଃକା ।

୧୮ ଆଡ଼ଃ ପିଡ଼ି ଲୟଙ୍ଗ୍‌ରେ ମେନାଇନିଃ ଆୟାଃ ଲିଜାଃ ଇଦି ନାଗେନ୍ତେ ଆଲକାଏ ରୁହାଡ଼କା ।

୧୯ ମେନ୍‌ଦ ଏନ୍ ଦିପିଲିରେନ୍ ବାଜି ଆକାନ୍* କୁଡ଼ିକଆଃ ଆଡ଼ଃ ତଥା ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଜାନ୍‌ଗି ଦୁକୁ ହବାଅଃଆ ।

୨୦ ଆପେ ନିର୍‌ସେନଃ ନାଗେନ୍ତେ ରାବାଙ୍ଗ୍‌ସାହା ଚାଏ ରୁଡ଼ନ୍ ହୁଲାଙ୍ଗ୍ ଆଲକା ହବାଅଃକା ମେନ୍ତେ ଆପେୟାଃ ପାରମେଶ୍ୱାର୍‌ତାଃରେ ବିକ୍ରିପେ ।

୨୧ ଚିୟାଃଚି ଏନ୍ ଦିପିଲିରେଦ୍ ମାରାଙ୍ଗ୍ ଦୁକୁ ହବାଅଃଆ ଏନା ପୁରାଃ ବରଞ୍ଜାନ୍‌ଗି ହବାଅଃଆ ନେ'ଲେକାନାଃ ଅଡେଦିଶୁମ୍‌ରେୟାଃ ଏନେଟେଦ୍‌ଏଡେ ନାହାଁଃ ଜାକେଦ୍ ଚିଉଲାଇ କା ହବାକାନା ଆଡ଼ଃ ଚିଉଲାଇ କା ହବାଅଃଆ ।

୨୨ ଆଡ଼ଃ ପାରମେଶ୍ୱାର୍ ଏନ୍ ହୁଲାଙ୍ଗ୍‌କକେ କାଏ କାମତିକାରେଦ୍ ଜେତାଏ କାକ ବାଞ୍ଚାଅଃତେୟାଃ, ମେନ୍‌ଦ ଆୟାଃ ସାଲକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଙ୍ଗ୍‌କକେ କାମତିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଶ୍ରୀଷ୍ଟ୍ ନେତାଃରିୟା’ ଚାଏ ‘ହାଡ଼ାଃରିୟା,’ ମେଡାପେରେଦ୍ ଇନିଃକେ ଆଲ୍‌ପେ ବିଶ୍ୱାସୀଆ ।

୨୪ ହସଡ଼ ଶ୍ରୀଷ୍ଟ୍ ଆଡ଼ଃ ହସଡ଼ ନାବୀକ ବିରିଦାଃ ଆଡ଼ଃ ମାପୁରାଙ୍ଗ୍ ଚିହ୍ନାଁ ଆଡ଼ଃ ଆକ୍‌ଦାନ୍‌ଆ କାମିକ ରିକାଉଦୁବେଆ, ଆଡ଼ଃ ହବାଦାଡ଼ିୟାଃରେଦ୍ ପାରମେଶ୍ୱାର୍‌ଆଃ ସାଲକାନ୍‌କକେହ୍ ବେଦାକଆକ ।

୨୫ ଏନାମେନ୍ତେ ଆୟୁମେପେ, ଆଇଙ୍ଗ୍ ଆପେକେ ନେଡା ହିଜୁଃ ସିଦାରେଇଙ୍ଗ୍ ଉଦୁବାଦ୍‌ପେୟା ।

☆ ୨୪:୯ ମାଧୁର ୧୦:୨୨. ☆ ୨୪:୧୩ ମାଧୁର ୧୦:୨୨. ☆ ୨୪:୧୭ ଲୁକ ୧୭:୩୧. * ୨୪:୧୯ ହଡ଼ମକାନ୍ ☆ ୨୪:୨୧ ଉନୁଦୁବ୍ କାଜି ୭:୧୪.

୨୬ ☆“ଏନା ନାଗେନ୍ତେ, ଜେତାଏ ଆପେକେ, ‘ନେଲିପେ, ଇନିଃ ବିରରେ ମେନାଇୟା’ ମେତାପେରେ, ‘ଏନ୍ତାଃତେ ଆଲ୍‌ପେ ସେନା’ ଚାଏ ନେଲିପେ, ‘ନେତାଃରାଃ ଭିତାର୍ ବାଖିରାରେ ଉକୁକାନାଏ’ ମେତାପେରେ ଆଲ୍‌ପେ ବିଶ୍ୱାସୀଆ ।

୨୭ ଜେ’ଲେକାଟି ହିରିରଦ ସିଙ୍ଗିତୁର୍ ସାଃଏତେ ଅତଙ୍ଗକେଦତେ ସିଙ୍ଗି ହାସୁରସାଃ ଜାକେଦ୍ ସିର୍ମାକେ ମାସ୍ତାଲେୟାଏ, ଏନ୍ ଲେକାଟି ମାନଝାହନ୍‌ଆଃ ହିନିଜୁଃ ହବାଅଆଃ ।

୨୮ ☆“ଅକ୍ତାଃରେ ମାଁଡା ମେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ ।

ମାନଝାହନ୍‌ଆଃ ହିଜୁଃରୁହାଡ୍
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ☆“ଏନ୍ ଦିପିଲିରେୟାଃ ଦୁକୁ ତାୟମ୍‌ତେ ଇମ୍‌ତାଗି ସିଙ୍ଗି ନୁବାଗଃଆ ଆତଃ ଚାଣ୍ଡୁ ମାର୍ସାଲ୍ କାଏ ଏମେୟା ଆତଃ ଇପିଲ୍‌କ ସିର୍ମାଏତେକ ଉୟୁଗଃଆ ଆତଃ ସିର୍ମାରେୟାଃ ପେଡ଼େୟାନ୍‌ତେୟାଃକ ଏକ୍‌ଲାଅଃଆ ।

୩୦ ☆ଏନ୍ ଦିପିଲିରେ ମାନଝାହନ୍‌ଆଃ ଚିଙ୍ଗାଁ ସିର୍ମାରେ ନେଲଆଃ ଆତଃ ଅତେରେନ୍ ସବେନ୍ ହଡ଼କ ଏୟର୍‌ମେୟା† । ଇନ୍‌କୁ ମାନଝାହନ୍‌କେ ପୁରାଃ ପେଡ଼େୟାତେ ଆତଃ ମାନାରାଙ୍ଗଲଃ ସିର୍ମାରାଃ ରିମିଲ୍‌ରେ ହିଜୁଃତାନ୍‌କ ନେଲିୟା ।

୩୧ ଆତଃ ବିଙ୍ଗୁଲ୍ ବାଜା ସାଡ଼ିଆ, ଆତଃ ଇନିଃ ଆୟାଃ ସିର୍ମାରେନ୍ ଦୁଡ଼କକେ ଅତେଦିଶୁମ୍‌ରାଃ ନେ ଚୁଣ୍ଡୁଏତେ ହାନ୍ ଚୁଣ୍ଡୁ ଜାକେଦ୍ ଆୟାଃ ସାଲାକାନ୍‌କକେ ହୁଣ୍ଡି ନାଗେନ୍ତେ କୁଲ୍‌କଆ ।

ଲଆ ଦାରୁରାଃ ଇନିତୁ
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ଲଆଦାରୁରେୟାଃ ଜନ୍‌କା କାଜିତେ ଇତୁଃପେ, ଏନାରେୟାଃ କତ ସାଗେନ୍‌ତାନ୍ ଆତଃ ସାକାମ୍ ସୁଡ଼ାଅଃତାନ୍ ଇମ୍‌ତା ଜେଟ୍‌ସିଙ୍ଗି ନାଡ଼େଃଗିଆ ମେନ୍ତେପେ ସାରିୟା ।

୩୩ ଏନ୍‌ଲେକାଟି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇଁୟାଃ ହିଜୁଃ ନେତା ନାଡ଼େଃରେଗିଆଃ ମେନ୍ତେ ସାରିପେ ।

୩୪ ସାର୍‌ତିଗିଙ୍ଗି କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ ।

୩୫ ସିର୍ମା ଆତଃ ଅତେ ଚୁଣ୍ଡୁତୁତାରଃଆ, ମେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆ ।

ଏନ୍ ମାହାଁ ଆତଃ ଏନ୍ ଘାଡ଼ିକେ ଜେତାଏ କାକ ସାରିୟା
(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୬ “ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଡ଼କହ କା, ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଦୁଲାଡ଼୍ ହନ୍‌ହ କା, ମେନ୍‌ଦ ଆଇଁୟାଃ ଆପୁ ଏସ୍‌କାର୍‌ଗି ସାରିଆଃଏ ।

୩୭ ଆତଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନଝାହନ୍‌ଆଃ ହୁଲାଙ୍ଗ୍‌ରେହଗି ଏନ୍‌ଲେକା ହବାଅଆଃ ।

୩୮ ଚୁଡ଼ା ଦାଆଃ ହିଜୁଃ ସିଦାଏତେ ନୁହୁଁ ଲାଉକାରେ ଆଉରି ବଲ୍‌ ଜାକେଦ୍ ହଡ଼କଦ୍ ଜଜମ୍ ନୁଁ ଆତଃ ଆଣ୍‌ଦିତାନ୍ ଆତଃ ଆଣ୍‌ଦି ଏମ୍‌ତାନ୍‌ରେ ତାଇକେନାକ ।

୩୯ ଆତଃ ଚୁଡ଼ା ଦାଆଃ ହିଜୁଃକେଦ୍‌ତେ ସବେନକକେ ଆଉରି ଆତୁଇଦି ଜାକେଦ୍ ଇନ୍‌କୁ ଜେଡ଼ନାଃ କାକ ଆର୍‌କାରେ ତାଇକେନା, ଏନ୍ ଲେକାଟି ମାନଝାହନ୍‌ଆଃ ହିଜୁଃ ହୁଲାଙ୍ଗ୍‌ରେ ହବାଅଆଃ ।

୪୦ ଇମ୍‌ତାଙ୍ଗ୍ ବାର୍‌ହଡ଼ ଲୟଙ୍ଗ୍‌ରେକିନ୍ କାମିକାତେରେ, ମିହୁଡ଼କେ ଇଦିୟଃଆ ଆତଃ ମିହୁଡ଼କେ ବାଗିଅଃଆ ।

୪୧ ଜାନ୍ତାଦିରିରେ ଗୁଣ୍ଡା ରିଦେତାନ୍ ବାରିଆ କୁଡ଼ିକିନ୍‌ଏତେ ମିଆଁଦିନିଃକେ ଇଦିୟଃଆ, ଆତଃ ଏଗାଃନିଃକେ ବାଗିଅଃଆ ।

୪୨ “ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃଟି ଆପେଦ୍ ଆପେୟାଃ ପ୍ରାଭୁଆଃ ହିଜୁଃ ଦିପିଲି କାପେ ସାରିୟା ।

୪୩ ☆ମେନ୍‌ଦ ନେଆଁ ଆର୍‌କାରେପେ, ଅଡ଼ାଃ ଗମ୍‌କେ କୁମ୍‌ଡୁ ହିଜୁଃ ଦିପିଲିକେ ସାରିକାରେଦ୍ ଏୟନାକାନ୍‌ ତାଇନ୍‌ତେୟାଃଏ ଆତଃ ଆୟାଃ ଅଡ଼ାଃକେ ସିନ୍ଧି ତଡ଼ାଅକେଦ୍‌ତେ କାଏ ବଲ୍‌ରିକାକତେୟାଃ ।

୪୪ ଏନା ନାଗେନ୍ତେ ଆପେୟା ସାପ୍‌ଡ଼ାଅକାନ୍‌ ତାଇନ୍‌ପେ, ଚିୟାଃଟି ଆପେ କାପେ ଉଡ଼ୁତାନ୍ ଦିପିଲିରେଗି ମାନଝାହନ୍‌ ହିଜୁଃଆଏ ।

ପାତିୟାର୍‌ତାନ୍ ଆତଃ କା ପାତିୟାର୍‌ତାନ୍ ଦାସିକଆଃ ଜନ୍‌କା କାଜି
(ଲୁକ ୧୨:୪୧-୪୮)

୪୫ “ଏନ୍ତେ ଗୁସିୟାଁ ଆୟାଃ ଅଡ଼ାଃରେନ୍‌କକେ ବୁଗିନ୍ ନେତାରେ ଜମେୟାଃଏ ଏମାକ ନାଗେନ୍ତେ ଅକଏକେ ଇନିଃ ସାଲାକିଆଏ, ଏନ୍‌ଲେକାନ୍‌ ପାତିୟାର୍‌ରଃ ଆତଃ ସେଣାଁନ୍ ଦାସି ଅକଏ ତାନିଃ ?

☆ ୨୪:୨୭ ଲୁକ ୧୭:୨୩,୨୪. ☆ ୨୪:୨୮ ଲୁକ ୧୭:୩୭. ☆ ୨୪:୨୯ ଉନୁଦୁବ୍ କାଜି ୬:୧୨; ଉନୁଦୁବ୍ କାଜି ୬:୧୩. ☆ ୨୪:୩୦ ଉନୁଦୁବ୍ କାଜି ୧:୭. † ୨୪:୩୦ ମନ୍‌ସୁରୁଦ୍‌ଲଃ ରାନାଃ ☆ ୨୪:୪୩ ଲୁକ ୧୨:୩୯,୪୦.

- ୪୬ ଆୟାଃ ଗୁସିୟାଁ ନେ'ଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍‌ଗିୟାଏ ।
- ୪୭ ସାର୍‌ତିଗିଙ୍ଗ୍ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ବାଇୟାଏ ।
- ୪୮ ମେନ୍‌ଦ ଏନ୍ ଦାସି ଏଡକାନ୍ ତାନିଃରେଦ, ଇନିଃ, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲାମାଃତାନାଃ ମେନ୍ତେ ଆଇଃକ୍‌ଗି ଆୟାଃ ମନ୍‌ରେ କାଜିୟାଏ,
- ୪୯ ଆତଃ ଆୟାଃ ଗାଡିଦାସିକକେ ଦାଲ୍ ଏଟେଦକଆଏ ଆତଃ ବୁଲ୍ ହଡକଲଃ ଜମ୍ ନୁଁରେ ତାଇନାଏ ।
- ୫୦ ଏନ୍ତେ ଏନ୍ ଦାସି କାଏ ଉଡ଼ଃକା ହୁଲାଙ୍ଗ୍‌ରେ ଆତଃ କାଏ ସାରି ଦିପିଲିରେ ଇନିୟାଃ ଗୁସିୟାଁ ହିଜୁଃଆଏ,
- ୫୧ ଆତଃ ଗୁସିୟାଁ ଇନିଃକେ ପୁରାଃ ଦୁକୁ ଏମାଇତାନ୍‌ଲଃ ଟୁକ୍‌ଡା ଟୁକ୍‌ଡା ମାଆଃଇୟାଏ ଆତଃ ହସଡ୍ ହଡକଲଃ ହାନାଟିଙ୍ଗ୍ ଏମାଇୟାଏ ଆତଃ ଏନ୍ତାଃରେ ରାଆଃ ଆତଃ ତାଗା ରିଦ୍ ହବାଅଆଃ ।

୨୫

ଗେଲେୟା ଡିଣ୍ଡାକୁଡ଼ିକଆଃ ଜନ୍‌କା କାଜି

- ୧ * “ଏନ୍ ଦିପିଲିରେ ସିର୍ମା ରାଇଜରାଃ ହିନିଜୁଃ ନେ ଗେଲେୟା ଡିଣ୍ଡାକୁଡ଼ିକ ଲେକା ହବାଅଆ, ଇନ୍‌କୁ ଆକଆଃ ଦିମି ସାବ୍‌କେଦ୍‌ତେ ଦୁହ୍ଲାକଡାଲଃ ନେପେଲ୍ ନାଗେନ୍ତେକ ଅତଙ୍ଗ୍‌ୟାନା ।
- ୨ ଇନ୍‌କୁଏତେ ମଣେୟାଁ ସେଣ୍‌ନ୍‌କ ଆତଃ ମଣେୟାଁ ତଣ୍ଡକ ତାଇକେନା ।
- ୩ ଏନ୍ ତଣ୍ଡ କୁଡ଼ିକ ଆକଆଃ ଦିମି ଇଦିକେଦ୍ ଇମ୍‌ତା ଆଦକା ସୁନୁମ୍ କାକ ଇଦି ।
- ୪ ମେନ୍‌ଦ ଏନ୍ ସେଣ୍‌ନ୍‌କ ଆକଆଃ ଦିମି ଇଦିତାନ୍‌ଲଃ ଶିଶିରେ ଆଦକା ସୁନୁମ୍ ଇଦିକେଦା ।
- ୫ ଦୁହ୍ଲାକଡା ହିଜୁଃରେ ବିଲାମ୍‌କେଦାଏ, ଏନାତେ ଏନ୍ ସବେନ୍‌କକେ ଝୁପାଅ ଏଟେଦକେଦକଆ ଆତଃ ଦୁଡ଼ୁ ବାଟିୟାନାକ ।
- ୬ “ଏନ୍ତେ ଆଲା ନିଦାରେ କାଉରି ଆୟୁମ୍‌ୟାନା, ‘ନେଲିପେ, ଦୁହ୍ଲାକଡା ହିଜୁଃତାନାଏ, ଇନିଃକେ ଦାରମ୍‌ତେ ଅତଙ୍ଗ୍‌ଅଃପେ ।’
- ୭ ଏନ୍ତେ ଏନ୍ ଗେଲେୟା ଡିଣ୍ଡାକୁଡ଼ିକ ବିରିଦ୍‌କେଦ୍‌ତେ ଆକଆଃ ଆକଆଃ ଦିମିକ ସାଜାଡାଅକେଦ୍‌ତେ ଜୁଲ୍‌କେଦାକ ।
- ୮ ଆତଃ ଏନ୍ ତଣ୍ଡ କୁଡ଼ିକ ସେଣ୍‌ନ୍ କୁଡ଼ିକକେ ମେତାଦକଆକ, ‘ଆପେୟାଃ ସୁନୁମ୍ କାଟିଃଲେକା ଏମାଲେପେ ଆଲେୟାଃ ଦିମିଦ ଇଣ୍‌ ଜଃତାନା ।’
- ୯ ମେନ୍‌ଦ ସେଣ୍‌ନ୍ କୁଡ଼ିକ କାଜିରୁହାଡାଦକଆ, ‘କାହାଟି ଆଲେୟାଃ ଆତଃ ଆପେୟାଃ ନାଗେନ୍ତେ ନିମିନାଙ୍ଗ୍ ସୁନୁମ୍ କା ପୁରାଅଆ, ଏନାମେନ୍ତେ ଜୁ ଆଖ୍‌ରିଙ୍ଗ୍‌କତାଃ ସେନଃପେ ଆତଃ ଆପେୟାଃ ନାଗେନ୍ତେ କିରିଙ୍ଗ୍‌ୟେଁପେ ।’
- ୧୦ ଆତଃ ଇନ୍‌କୁ କିରିଙ୍ଗ୍ ନାଗେନ୍ତେକ ସେନଃତାନ୍ ତାଇକେନ୍ ଇମ୍‌ତାଙ୍ଗ୍‌ଗି ଦୁହ୍ଲାକଡା ସେଟେର୍‌ୟାନାଏ ଆତଃ ସାପ୍‌ଡାଅକାନ୍‌କ ଇନିଃଲଃ ଆଣ୍‌ଦି ଅଡାଃତେକ ବଲୟାନା, ଆତଃ ଦୁଆର୍ ହାଣ୍ଡେଦ୍‌ୟାନା ।
- ୧୧ * “ତାୟମ୍‌ତେ ଏନ୍ ତଣ୍ଡ କୁଡ଼ିକ ହିଜୁଃକେଦ୍‌ତେ କାଜିକିୟାକ, ‘ହେ ପ୍ରାଭୁ, ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’
- ୧୨ ଏନ୍ତେ ଦୁହ୍ଲାକଡା କାଜିରୁହାଡାଦକଆଏ, ‘ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ”
- ୧୩ ଆତଃ ଯାଶୁ କାଜିଟୁଣ୍ଡକେଦ୍‌ତେ କାଜିକେଦାଏ, “ଏୟନାକାନ୍‌ପେ, ଆପେଦ ମାନଃହନ୍‌ଆଃ ହିଜୁଃ ହୁଲାଙ୍ଗ୍ ଆତଃ ହିଜୁଃ ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନ୍‌କା କାଜି (ଲୁକ ୧୯:୧୧-୨୭)

- ୧୪ * “ଏନ୍ ଦିପିଲିରେ ସିର୍ମା ରାଇଜଦ୍ ନେ ଲେକାଗିଆ, ମିଆଁଦ୍ ହଡ୍ ଆୟାଃ ଦାସିକକେ ହାକାଅକେଦ୍‌ତେ ଆୟାଃ ସବେନ୍ ଖୁଜ୍ ଏମାଦକଆଏ ଆତଃ ସାଙ୍ଗିନ୍ ଦିଶୁମ୍‌ତେ ଅତଙ୍ଗ୍‌ୟାନା ।
- ୧୫ ଇନିଃ ମିହୁଡକେ ମଣେୟାଁ ହାଜାର୍ ରୁପା ସିକା, ଆତଃମିହୁଡକେ ବାରିୟା ହାଜାର୍ ରୁପା ସିକା, ଆତଃମିହୁଡକେ ମିଦ୍ ହାଜାର୍ ରୁପା ସିକା, ନେ ଲେକା ସବେନ୍‌କକେ ଆକଆଃ ଆପ୍‌ନାଃ ପେଡେଃ ଲେକାତେ ଏମାଦକଆ ଆତଃ ସାଙ୍ଗିନ୍ ଦିଶୁମ୍‌ତେ ସେନଃୟାନା ।
- ୧୬ ମଣେୟାଁ ହାଜାର୍ ରୁପା ସିକା ନାମ୍‌କେଦ୍‌ନିଃ ଇମ୍‌ତାଗି ସେନଃୟାନ୍‌ଲଃ ଏନାକେ କିରିଙ୍ଗ୍ ଆଖ୍‌ରିଙ୍ଗ୍‌ରେ ଏମ୍‌କେଦ୍‌ତେ ଆତଃ ମଣେୟାଁ ହାଜାର୍ ରୁପା ସିକା ପସାକେଦାଏ ।
- ୧୭ ଏନ୍‌ଲେକାଗି ବାରିୟା ହାଜାର୍ ରୁପା ସିକା ନାମ୍‌କେଦ୍‌ନିଃହ୍ ଆତଃ ବାରିୟା ହାଜାର୍ ରୁପା ସିକା ପସାକେଦାଏ ।
- ୧୮ ମେନ୍‌ଦ ମିଦ୍ ହାଜାର୍ ରୁପା ସିକା ନାମ୍‌କେଦ୍‌ନିଃ ସେନ୍‌କେଦ୍‌ତେ ଅତେରେ ଗାଡା ଉର୍‌କେଦାଏ ଆତଃ ଆୟାଃ ଗୁସିୟାଁରାଃ ଟାକାକେ ତପାକେଦାଏ ।

☆ ୨୫:୧ ଲୁକ ୧୨:୩୫. ☆ ୨୫:୧୧ ଲୁକ ୧୩:୨୫. ☆ ୨୫:୧୪ ଲୁକ ୧୯:୧୧-୨୭.

୧୯ “ଚିମିନ୍ ମାହାଁ ତାୟମ୍‌ତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆତଃ ଇନ୍‌କୁଲଃ ହିସାବ୍‌କେଦାଏ ।

୨୦ ମଣେୟାଁ ହାଜାର୍ ରୁପା ସିକା ନାମାକାଦ୍‌ନିଃ ହିଜୁଃୟାନାଏ ଆତଃ ମଣେୟାଁ ହାଜାର୍ ରୁପା ସିକା ଆଦକା ଆଉକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ ମଣେୟାଁ ହାଜାର୍ ରୁପା ସିକା ଏମାକାଲଜ୍ ତାଇକେନାମ୍, ନେଲେମେ ଆଇଜ୍ ମଣେୟାଁ ହାଜାର୍ ରୁପା ସିକା ପସାକାଦାଇଜ୍ ।’

୨୧ ଇନିୟାଃ ଗୁସିୟାଁ କାଜିକିୟାଏ, ‘ସାବାସ୍, ଆଇୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତଃ ପାତିୟାର୍‌ରଃ ଲେକାନ୍ ଦାସି ତାନ୍‌ମେ, ଆମ୍ ହୁଡିଜ୍‌ତେୟାଃରେ ପାତିୟାର୍‌ରଃ ଲେକାମ୍ କାମିକାଦ୍ ହରାତେ, ଆଇଜ୍ ଆମ୍‌କେ ପୁରାଃତେୟାଃରଃ ଗୁସିୟାଁ ବାଇମେୟାଇଜ୍ । ଏଲା ହିଜୁଃମେ, ଆଇୟାଃଲଃ ରାସ୍‌କାନ୍‌ମେ ।’

୨୨ “ବାରିୟା ହାଜାର୍ ରୁପା ସିକା ନାମାକାଦ୍‌ନିଃ ହିଜୁଃୟାନାଏ ଆତଃ କାଜିକିୟାଏ, ହେ ଗମ୍‌କେ, ଆମ୍ ବାରିୟା ହାଜାର୍ ରୁପା ସିକା ଏମାକାଲଜ୍ ତାଇକେନାମ୍, ନେଲେମେ ଆଇଜ୍ ବାରିୟା ହାଜାର୍ ରୁପା ସିକା ଆଦକା ପସାକାଦାଇଜ୍ ।

୨୩ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆତଃ ପାତିୟାର୍‌ରେନ୍ ଦାସି ତାନ୍‌ମେ, ଆମ୍ ହୁଡିଜ୍‌ତେୟାଃରେ ପାତିୟାର୍‌କାନାମ୍ ଏନାତେ ଆଇଜ୍ ପୁରାଃତେୟାଃରଃ ଗୁସିୟାଁ ବାଇମେୟାଇଜ୍, ଏଲା ହିଜୁଃମେ, ଆଇୟାଃଲଃ ରାସ୍‌କାନ୍‌ମେ ।’

୨୪ “ଏନ୍ତେ ଏନ୍ ମିଦ୍ ହାଜାର୍ ରୁପା ସିକା ନାମାକାଦ୍‌ନିଃ ହିଜୁଃକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ କେଟେଦ୍ ମନ୍‌ରେନ୍ ହଡ୍ ତାନ୍‌ମେ ଏନା ଆଇଜ୍ ସାରିତାଇକେନାଇଜ୍ । ଆମ୍ କା ହେରାକାନ୍‌ତାଃଏତେ ଇରାଃମେ ଆତଃ କା ତାସିକାନ୍‌ତାଃଏତେ ହୁଣ୍ଡିୟାଃମେ ।

୨୫ ଏନାତେ ଆଇଜ୍ ବରକେଦାଇଜ୍ ଆତଃ ସେନଃକେଦ୍‌ତେ ଆମ୍ ଆଇଜ୍‌କେ ଏମାକାଦିଜ୍ ଟାକାକେ ଅତେରେ ଗାତା ଉରକେଦ୍‌ତେ ଉକୁକେଦାଇଜ୍, ନେଲେମେ, ନେ ନେତାଃରେୟା ଟାକା, ଅକ୍‌ନାଃତି ଆମାଃତାନାଃ ।’

୨୬ “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ‘ଏ ଏଡ଼କାନ୍ ଆତଃ ଆଲ୍‌ସି ଦାସି, ଆଇଜ୍ କା ହେରାକାନ୍‌ତାଃଏତେ ଇରାଃଇଜ୍ ଆତଃ କା ତାସିକାନ୍‌ତାଃଏତେ ହୁଣ୍ଡିୟାଃଇଜ୍ ମେନ୍ତେ ସାରିତାଇକେନ୍‌ରେଦ୍,

୨୭ ଆମ୍ ଆଇୟାଃ ଟାକାକେ ବ୍ୟାଜ୍‌ରେ ଏମଃ ଲାଗାତିଜ୍ ତାଇକେନା ଆତଃ ଆଇଜ୍ ହିଜୁଃରୁହାଡ଼କେଦ୍‌ତେ ସବେନ୍ ମୁଲ୍‌କାନ୍‌ତାର୍‌ଲଃ ଟାକା ନାମ୍‌ରୁହାଡ଼ କେଦ୍‌ତେୟାଃଇଜ୍ ।

୨୮ ଏନାତେ ନାହାଁଃ, ଏନ୍ ମିଦ୍ ହାଜାର୍ ରୁପା ସିକା ଇଦିକେଦ୍‌ତେ, ଅକ୍‌ଏତାଃରେ ଗେଲ୍ ହାଜାର୍ ରୁପା ସିକା ମେନାଃନିଃକେ ଏମାଇପେ ।

୨୯ ଚିୟାଃତି ଅକ୍‌ଏତାଃରେ ମେନାଃ, ଇନିଃକେ ଏମଃଆ ଆତଃ ଇନିୟାଃ ପୁରାଃଗି ହବାଅଥା, ମେନ୍‌ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଆ ।

୩୦ ଆତଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍‌ମାଇପେ, ଏନ୍ତାଃରେ ରାନାଃ ଆତଃ ତାଟା ରିନିଦ୍ ହବାଅଥାଃ ।’

ରୁଣ୍ଡୁ ହିତାର୍

୩୧ ☆“ମାନଃହନ୍ ଆୟାଃ ସିର୍ମାରେନ୍ ସବେନ୍ ଦୁଡ଼କଲଃ ଆୟାଃ ମାନାରାଜ୍‌ରେ ରାଜା ଲେକା ହିଜୁଃ ଦିପିଲିରେ ଇନିଃ ଆୟାଃ ମାନାରାଜ୍ ସିର୍ମାରେୟାଃ ରାଜଗାଦିରେ ଦୁବାଃଏ ।

୩୨ ଆତଃ ଅତେଦିଶୁମ୍‌ରେନ୍ ସବେନ୍ ଜାତିରେନ୍ ହଡ଼କ ଇନିୟାଃ ଆୟାର୍‌ରେକ ହୁଣ୍ଡିୟାଆ ଆତଃ ଗୁପିନିଃ ମିଣ୍ଡିକକେ ମେରମ୍‌କଏତେ ହିଗାଡ଼କ ଲେକା ଇନିଃ ଇନ୍‌କୁକେ ମିହୁଡ଼ଏତେ ଆତଃମିହୁଡ଼କେ ହିଗାଡ଼କଆ ।

୩୩ ଇନିଃ ମିଣ୍ଡିକକେ ଆୟାଃ ଜମ୍‌ତିସାଃରେ ଆତଃ ମେରମ୍‌କକେ ଲେକାତିସାଃରେ ଦହକଆଏ ।

୩୪ ଏନ୍ତେ ରାଜା ଆୟାଃ ଜମ୍‌ତିସାଃରେନ୍‌କକେ କାଜିକିୟାଏ, ‘ଆଇୟାଃ ଆପୁଇଜ୍‌ତାଃଏତେ ଆଗିଷ୍‌କାନ୍‌କ ହିଜୁଃପେ ଆତଃ ଆପେୟାଃ ନାଗେନ୍ତେ ଅତେଦିଶୁମ୍‌ରେୟାଃ ଏନେଟେଦ୍ ସିଦାରେ ବାଇୟାକାନ୍ ରାଇଜ୍‌ରେ ବଲପେ ।

୩୫ ଚିୟାଃତି ଆଇଜ୍‌ଦ୍ ରେଜେଜାକାନ୍ ତାଇକେନ୍‌ରେ ଜମେୟାଃପେ ଏମାଦିୟାଁ, ଆତଃ ତେତାଜ୍‌ଜ୍ ତାଇକେନ୍‌ରେ ନୁଏ ନାଗେନ୍ତେ ଦାଆପେ ଏମାଦିୟାଁ, ଆଇଜ୍ ଏଟାଃ ଦିଶୁମ୍‌ରେ ତାଇକେନ୍‌ରେ ଆପେୟାଃ ଅଡ଼ାଃରେ ତାଇନ୍ ନାଜ୍ ଠାୟାଦ୍‌ପେ ଏମାଦିୟାଁ,

୩୬ ଆଇଜ୍ ସାମାହଡ଼ମ୍ ତାଇକେନ୍‌ରେ ଲିଜାଃପେ ତୁସିଜ୍‌କେଦିୟାଁ, ଆଇଜ୍ ହାସୁତାନ୍ ତାଇକେନ୍‌ରେ ଯାଡ଼ନାଆ ସାକଲ୍‌ଆ କେଦିୟାଁପେ, ଆଇଜ୍ ଜେହେଲ୍‌ରେ ତାଇକେନ୍ ଇମ୍‌ତା ନେନେଲ୍‌ତେପେ ହିଜୁଃୟାନା ।’

୩୭ “ଏନ୍ତେ ଧାର୍‌ମାନ୍ ହଡ଼କ ଇନିଃକେ କାଜିରୁହାଡ଼କିୟାକ, ‘ହେ ଗମ୍‌କେ, ଚିତ୍‌ଲ୍ଲା ଆଲେ ଆମ୍‌କେ ରେଜେତାନ୍‌ଲେ ନେଲ୍‌ଲେଦ୍‌ମେୟାଁ ଆତଃ ଆମ୍‌କେ ଜଜମାଃଲେ ଏମାଦ୍‌ମେୟାଁ, ଚାଏ ଚିତ୍‌ଲ୍ଲା ତେତାଜ୍‌ତାନ୍‌ଲେ ନେଲ୍‌ଲେଦ୍‌ମେୟାଁ ଆତଃ ନୁଁ ନାଜ୍ ଦାଆଃଲେ ଏମାଦ୍‌ମେୟାଁ ?

☆ ୨୫:୨୯ ମାଧୁର ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ମାଧୁର ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ମାଧୁର ୧୨:୨୭; ମାଧୁର ୧୯:୨୮.

୩୮ ଚିତ୍ତଲା ଆଲେ ଆମ୍ଭକେ ନେଲକେଦ୍ତେ ଏଗାଃ ଦିଶୁମ୍ଭରେନ୍ ତାନିଃ ମେନ୍ତେ ଆଲେୟାଃ ଅଡ଼ାଃରେ ତାଇନ୍ ନାଙ୍ଗ ଠାୟାଦ୍ଲେ ଏମାଦ୍ମେୟାଁ ଆଡ଼ଃ ଚିତ୍ତଲା ସାମାହଡ଼ମ୍ ତାଇକେନ୍ରେ ତୁସିଙ୍ଗ୍ ନାଙ୍ଗ୍ ଲିଜାଃଲେ ଏମାଦ୍ମେୟାଁ ?

୩୯ ଆଡ଼ଃ ଆମ୍ ହାସୁତାନ୍ରେ ଚାଏ ଜେହେଲ୍କାନରେ ଚିତ୍ତଲା ଆଲେ ଆମ୍ଭକେ ନେନେଲ୍ତେଲେ ସେନ୍କେନା ?

୪୦ ଆଡ଼ଃ ରାଜା ଇନ୍କୁକେ କାଜିରୁହାଡ଼କଆଏ, ‘ଆଇଙ୍ଗ୍ ଆପେକେ ସାର୍ତିଗିଙ୍ଗ୍ କାଜିୟାପେତାନା, ଆପେ ଆଇଁୟାଃ ନେ ହାଗାକଏତେ ମିହୁଡ଼ ନାଗେନ୍ତେ ଅକ୍ନାଃପେ ରିକାକାଦା, ଏନା ଆଇଁୟାଃ ନାଗେନ୍ତେୟ ରିକାକାଦାପେ ।’

୪୧ “ଏନ୍ତେ ପାର୍ମେଶ୍ୱାର୍ ଆୟାଃ ଲେଙ୍ଗାଡ଼ିସାଃରେନ୍କକେ କାଜିୟାଦକଆଏ, ‘ହେ ସାର୍ପାଅକାନ୍ ହଡ଼କ ! ଆଇଁୟାଃତାଃଏତେ ନିରପେ ଏନ୍ତେ ସାଏତାନ୍ ଆଡ଼ଃ ଆୟାଃ ଦୁଁଡ଼କ ନାଗେନ୍ତେ ବାଇୟାକାନ୍ ଜାନାଅ କା ଇଣ୍ଟାଜଃ ସେଙ୍ଗେଲ୍ତେ ସେନଃପେ ।

୪୨ ଚିୟାଃଚି ଆଇଙ୍ଗ୍ ରେଙ୍ଗେଃ ତାଇକେନ୍ରେ ଜମେୟାଁଃ କାପେ ଏମାଦିୟାଁ, ଆଇଙ୍ଗ୍ ତେତାଙ୍ଗ୍ ତାଇକେନ୍ରେ ନୁଁ ନାଗେନ୍ତେ ଦାଆଃ କାପେ ଏମାଦିୟାଁ ।

୪୩ ଆଇଙ୍ଗ୍ ଏଗାଃ ଦିଶୁମ୍ଭରେ ତାଇକେନ୍ ଇମ୍ତା ଆପେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍ କାପେ ଏମାଦିୟାଁ, ଆଇଙ୍ଗ୍ ସାମାହଡ଼ମ୍ ତାଇକେନ୍ରେ ତୁସିଙ୍ଗ୍ ନାଙ୍ଗ୍ ଲିଜାଃ କାପେ ଏମାଦିୟାଁ, ଆଡ଼ଃ ଆଇଙ୍ଗ୍ ଦୁକୁରେ ଆଡ଼ଃ ଜେହେଲ୍ରେ ତାଇକେନ୍ ଇମ୍ତା ଆଇଙ୍ଗ୍କେ କାପେ ଯାତ୍ନାଅ ସାକ୍ଲାଅ କେଦିୟାଁ ।’

୪୪ “ଏନ୍ତେ ଇନ୍କୁହଗି ଇନିଃକେ କାଜିରୁହାଡ଼ିୟାକ, ‘ହେ ପ୍ରାଭୁ, ଚିତ୍ତଲା ଆଲେ ଆମ୍ଭକେ ରେଙ୍ଗେଃତାନ୍ ଚାଏ ତେତାଙ୍ଗ୍ତାନ୍ ଚାଏ ଏଗାଃ ଦିଶୁମ୍ଭରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍ରେ ନେଲକେଦ୍ତେ କାଲେ ଦେଙ୍ଗାକେଦ୍ମେୟାଁ ।’

୪୫ ଏନ୍ତେ ରାଜା କାଜିରୁହାଡ଼କଆଏ, ‘ସାର୍ତିଗିଙ୍ଗ୍ କାଜିୟାପେତାନା, ଆପେ ନେ ହୁପ୍ଡିଙ୍ଗ୍କଏତେ ମିହୁଡ଼କେହଁ କାପେ ଦେଙ୍ଗାକେଦକ ନାଗେନ୍ତେ ଆଇଙ୍ଗ୍କେହଁ କାପେ ଦେଙ୍ଗାକେଦିୟାଁ ।’

୪୬ ଏନ୍ତେ ଇନ୍କୁ ଜାନାଅ ଜାନାଅରେୟାଃ ଦୁକୁ, ମେନ୍ଦ୍ ଧାର୍ମାନ୍କ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।”

୨୭

ୟାଶୁଆଃ ବିରୁଧ୍ରେ ରଜୋଟ

(ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

୧ ଯାଶୁ ନେ ସବେନ୍ କାଜିକ କାଜି ଚାବାକେଦ୍ରି, ଇନିଃ ଆୟାଃ ଚେଲାକକେ କାଜିୟାଦକଆଏ,
୨ “ବାର୍ସିଙ୍ଗ୍ ତାୟମ୍ତେ ପାସ୍କା ପାରାବ୍ ହବାଅଆଃ ଏନା ଆପେ ସାରିତାନାପେ । ଇମ୍ତା ମାନଝାହନ୍ କୁଶ୍ରେ କିଲାଅଃ ନାଗେନ୍ତେ ଜିମାଃଝାଏ ।”

୩ ଏନ୍ତେ ମୁଲ୍ ଯାଜାକକ, ଆଡ଼ଃ ପ୍ରାତିନକ, କାୟଫା ନୁଡୁମ୍ ମାରାଙ୍ଗ୍ ଯାଜାକରାଃ ଅଡ଼ାଃରାଚାରେ ହୁଣ୍ଡିୟାନା ।

୪ ଆଡ଼ଃ ଇନ୍କୁ ଯାଶୁକେ ବେଦାତେ ସାବ୍କେଦ୍ତେ ଗଜି ନାଗେନ୍ତେ ରଜୋଟକେଦାକ ।

୫ ମେନ୍ଦ୍ ଇନ୍କୁ କାଜିକେଦାକ, “ପାରାବ୍ରେଦ କାହାଗି, କା'ରେଦ୍ ହଡ଼କ ହାଲାଗୁଲାୟାକ ।”

ବେଥ୍ନିଆରେ ଯାଶୁଆଃ ବହଃରେ ସୁନୁମ୍ ଦୁଲ୍ଲତାନା

(ମାର୍କ ୧୪:୩-୯; ଯୋହାନ୍ ୧୨:୧-୮)

୬ ଯାଶୁ ବେଥ୍ନିଆରେ ନାଗେଦାଅଏତେ ବୁଗିଆକାନ୍ ଶିମୋନ୍ଆଃ ଅଡ଼ାଃରେ ତାଇକେନ୍ ଇମ୍ତା,
୭ *ମିଆଁଦ୍ କୁଡ଼ି ପୁରାଃ ଗନଙ୍ଗ୍ଆଁନ୍ ବୁଗିନ୍ ସହାନ୍ ସୁନୁମ୍ତେ ପେରେଜାକାନ୍ ମିଆଁଦ୍ ପୁଣ୍ଡିଦିରିରାଃ ତୁକାଃ ସାବ୍କେଦ୍ତେ ଯାଶୁତାଃତେ ହିଜୁଃୟାନା, ଆଡ଼ଃ ଯାଶୁ ଜଜମ୍ ନାଗେନ୍ତେ ଦୁବାକାନ୍ ଇମ୍ତା ଇନିୟାଃ ବହଃରେ ଦୁଲ୍ଲକେଦାଏ ।

୮ ଇନିୟାଃ ଚେଲାକ ନେଆଁ ନେଲକେଦ୍ତେ ଖ୍ସୟାନାକ ଆଡ଼ଃ କୁଲିକିୟାକ, “ଚିୟାଃ ନାଗେନ୍ତେ ନେ ସବେନ୍ ସାମାଗି ଏଣ୍ଡାଗଃତାନା ?

୯ ନେ ବୁଗିନ୍ ସହାନ୍ ସୁନୁମ୍ ପୁରାଃ ଗନଙ୍ଗ୍ତେ ଆଖ୍ରିଙ୍ଗ୍ ଦାଡ଼ିକାନ୍ତେୟାଃ ଆଡ଼ଃ ରେଙ୍ଗେଃକକେ ଏମାକାନ୍ତେୟାଃ ।”

୧୦ ଚେଲାକ କାଜିତାନ୍ତେୟାଃ ଯାଶୁ ସାରିକେଦ୍ତେ କାଜିକେଦକଆଏ, “ଆପେ ଚିନାଃମେନ୍ତେ ଏନ୍ କୁଡ଼ିକେ ବିଡ଼ଲାଇତାନାପେ ? ନିଃଦ୍ ଆଇଁୟାଃ ନାଗେନ୍ତେ ବୁଗିନ୍ କାମି କାମିକାଦାଏ ।

୧୧ ରେଙ୍ଗେଃକଦ୍ ଆପେଲଃ ସବେନ୍ ଇମ୍ତା ତାଇନାଃକ ମେନ୍ଦ୍ ଆଇଙ୍ଗ୍ ଆପେଲଃ ସବେନ୍ ଇମ୍ତା କାଇଙ୍ଗ୍ ତାଇନା ।

୧୨ ଆଇଁୟାଃ ତପାଅଃରାଃ ସେକାଡ଼େନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନୁମ୍ତେ ଆଇଁୟାଃ ହଡ଼ମ୍ରେ ଦୁଲାକାଦା ।

୧୩ ସାର୍ତିଗିଙ୍ଗ୍ କାଜିୟାପେତାନା, ଅତେଦିଶୁମ୍ଭରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍ତା ଏନ୍ କୁଡ଼ି କାମିକାଦ୍ତେୟାଃ ପାହାମେ ନାଗେନ୍ତେ ଉଦୁବଃଆ ।”

☆ ୨୭:୭ ଲୁକ ୭:୩୭,୩୮.

ୟାଶୁକେ ସାବ୍ରିକାଇ ନାଗେନ୍ତେ ଯାହୁଦା ଟାକା ନାମେତାନା

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏନ୍ତେ ଏନ୍ ଗେଲ୍‌ବାର୍ ଚେଲାଇଏତେ ମିଆଁଦ୍‌ନିଃ, ଇଷ୍ଟାରିୟ୍ ଯିହୁଦା ମୁଲ୍ ଯାଜାକ୍‌କତାଃ ସେନଃୟାନାଏ,

୧୫ ଆତଃ କୁଲିକେଦକଆଏ, “ଆଇଙ୍ଗ୍ ଇନିଃକେ ଆପେୟାଃ ତିଃଇରେ ଜିମାଇରେଦ ଆପେ ଆଇଙ୍ଗ୍‌କେ ଚିନାଃପେ ଏମାଇୟା ?” ଏନ୍ତେ ଇନ୍‌କୁ ଇନିଃକେ ତିରିଶ୍‌ତୁ ରୁପା ସିକା ଲେକାକେଦ୍‌ତେ ଏମ୍‌କିୟାକ ।

୧୬ ଏନ୍ ହୁଲାଙ୍ଗ୍‌ତାଃଏତେ ଇନିଃ ଯାଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

ୟାଶୁ ଆୟାଃ ଚେଲାଇଲଃ ପାସ୍କା ପାରାବ୍ ଜମେତାନାଏ

(ମାର୍କ ୧୪:୧୨-୨୧; ଲୁକ ୨୨:୭-୧୩, ୨୧-୨୩; ଯୋହାନ୍ ୧୩:୨୧-୩୦)

୧୭ ସାବାଃ ହଲଙ୍ଗ୍ ପାରାବ୍‌ରେୟାଃ ସିଦା ହୁଲାଙ୍ଗ୍‌ରେ ଚେଲାଇ ଯାଶୁତାଃତେ ହିଜୁଃକେଦ୍‌ତେ କୁଲିକିୟାକ, “ଆଲେ ଅକ୍‌ତାଃରେ ଆମାଃ ନାଗେନ୍ତେ ପାସ୍କା ପାରାବ୍‌ରେୟାଃ ଜମେୟାଃଲେ ବାଇୟା ମେନ୍ତେମ୍ ସାନାଙ୍ଗ୍‌ତାନା ?”

୧୮ ଯାଶୁ ଚେଲାଇକେ ମେତାଦକଆ, “ଏନ୍ ନାଗାର୍‌ରେନ୍ ଜେତାଏ ହତ୍‌ତାଃତେ ସେନ୍‌ପେ ଆତଃ ମେତାଇପେ, ‘ଗୁରୁ କାଜିତାନାଏ, ଆଇଁୟାଃ ନେତା ସେଚେରାକାନା, ଆଇଙ୍ଗ୍ ଆଇଁୟାଃ ଚେଲାଇଲଃ ଆମାଃ ଅତାଃରେ ପାସ୍କା ପାରାବ୍ ମାନାଅୟାଇଙ୍ଗ୍ ।”

୧୯ ଏନ୍ତେ ଚେଲାଇ ଯାଶୁ ଆରୁକାଦ୍‌ଲେକା ରିକାକେଦାକ ଆତଃ ପାସ୍କା ପାରାବ୍‌ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍‌ୟାନତି ଯାଶୁ ଗେଲ୍‌ବାର୍ ଚେଲାଇଲଃ ଜଜମ୍ ନାଗେନ୍ତେ ଦୁବ୍‌ୟାନାଏ ।

୨୧ ଇନ୍‌କୁ ଜମ୍‌ତାଇକେନ୍ ଇମ୍‌ତା ଇନିଃ ମେତାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍ରିକାଇଙ୍ଗ୍‌ୟାଏ ।”

୨୨ ଇନ୍‌କୁ ପୁରାଃଗି ହୁଡିଙ୍ଗ୍‌ଜୀଉୟାନାକ ଆତଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ୍ ତାନିଙ୍ଗ୍‌ତି ?” ମେନ୍ତେ ମିହୁଡ୍ ମିହୁଡ୍‌ତେ କୁଲି ଏଚେଦକିୟାକ ।

୨୩ ଆତଃ ଯାଶୁ କାଜିରୁହାଡାଦକଆଏ, “ଆଇଁୟାଃଲଃ କାଚୋରାରେ ଆୟାଃ ତିଃଇ ସୁଉଃକାଦ୍‌ନିଃଗି ସାବ୍ରିକାଇଙ୍ଗ୍‌ୟାଏ ।

୨୪ ପାବିତାର୍ ଅନଲ୍‌କରେ ଅଲ୍‌କାନ୍ ଲେକା, ଆଇଙ୍ଗ୍ ମାନଃହନ୍ ତାନିଙ୍ଗ୍, ଆଇଙ୍ଗ୍‌କେ ଗଜଃଲ୍‌ଗାତିୟାଃ । ମେନ୍‌ଦ୍ ଆଇଙ୍ଗ୍ ମାନଃହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହତ୍ କାଏ ଜାନାମ୍‌କାନ୍‌ରେଦ ଇନିଃ ନାଗେନ୍ତେ ରୁଗିକାନ୍‌ତେଆଃ ।”

୨୫ ଏନ୍ତେ ଯାଶୁକେ ସାବ୍ରିକାଇନିଃ ଯିହୁଦା କାଜିରୁହାଡାକିୟାଏ, “ହେ ଗୁରୁ, ଇନିଃ ଆଇଙ୍ଗ୍ ତାନିଙ୍ଗ୍‌ତି ?”

ୟାଶୁ ଇନିଃକେ କାଜିକିୟାଏ, “ହେଗି, ଆମ୍‌ଗି ତାନ୍‌ମେ ।”

ପ୍ରାଭୁ ଭୋଜ

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୬ ଚେଲାଇ ଜମ୍‌ତାଇକେନ୍ ଇମ୍‌ତା ଯାଶୁ ମିଆଁଦ୍ ହଲଙ୍ଗ୍ ଇଦିକେଦ୍‌ତେ ଆଶିଷ୍‌କେଦାଏ ଆତଃ ଏନାକେ କେଚାଃକେଦ୍‌ତେ ଆୟାଃ ଚେଲାଇକେ ଏମ୍‌କେଦ୍‌ତେ ମେତାଦକଆଏ, “ନେ ଚେଲାଇଏପେ ଆତଃ ଜମେପେ, ନେଆଁ ଆଇଁୟାଃ ହତ୍‌ମ୍ ତାନାଃ ।”

୨୭ ଏନ୍ତେ ଇନିଃ କାଚୋରା ଇଦିକେଦ୍‌ତେ ଆଶିଷ୍‌କେଦାଏ ଆତଃ ଏନା ଇନ୍‌କୁକେ ଏମ୍‌କେଦ୍‌ତେ ମେତାଦକଆଏ, “ଆପେ ସବେନ୍ ନେଆଁଏତେ ନୁଁଏପେ ।

୨୮ ନେଆଁଦ୍ ପାର୍‌ମେଶ୍‌ବାର୍‌ଆଃ ରାଜିନାମାକେ ମୋହ୍‌ରକାଦ୍ ଆଇଁୟାଃ ମାୟୋମ୍ ତାନାଃ । ଅକ୍‌ନାଃଗି ପୁରାଃ ହତ୍‌କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗ୍‌ଆକାନା ।

୨୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପୁଇଁୟାଃ ରାଇଜ୍‌ରେ ଆପେଲଃ ନାଃ ଦାଖ୍‌ରାସି ଆଉରିଙ୍ଗ୍ ନୁଁଇ ଜାକେଦ୍, ନାହାଁଃଏତେ ନେ ଦାଖ୍‌ରାସି ଆତଃ ଚିତ୍‌ଲାଅ କାଇଙ୍ଗ୍ ନୁଁଇଆ ।”

୩୦ ଏନ୍ତେ ଇନ୍‌କୁ ମାଇନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍‌ତେ ଜାଇତୁନ୍ ବୁରୁଡେକ ସେନଃୟାନା ।

ୟାଶୁ ପାଡ଼ରାସ୍କେ ଚେତାଇତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୩୧ ଏନ୍ତେ ଯାଶୁ ଚେଲାଇକେ କାଜିୟାଦକଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍‌ତେ ନିରକଆଃପେ, ନେଆଁଦ୍ ଧାରାମ୍‌ପୁଅରେ ଅଲ୍‌କାନା, ‘ପାର୍‌ମେଶ୍‌ବାର୍ ଗୁପିନିଃକେ ଦାଲିୟାଏ ଆତଃ ଗୋର୍‌ରେନ୍ ମିଶ୍ରିକ ଛିତିବିତିୟାଆ ।”

୩୨ *ମେନ୍‌ଦ୍ ଆଇଙ୍ଗ୍ ଜୀଉବିରିଦ୍‌କେଦ୍‌ତେ ଗାଲିଲ୍ ପାର୍‌ଗାନ୍‌ତେ ଆପେଏତେ ଆୟାର୍‌ରେଇଙ୍ଗ୍ ସେନାଃ ।”

☆ ୨୨:୩୨ ମାଧୁର ୨୮:୧୭.

୩୩ ଆତ୍ମ ପାତ୍ରରାସ୍ ଯୀଶୁକେ କାଜିକିୟାଏ, “ଏଟାଠକ ବାଗିତାମ୍ରେହ୍, ଆଇଙ୍ଗ୍ ଆମ୍‌କେ କାଇଙ୍ଗ୍ ବାଗିମେଆ ।”

୩୪ ଯୀଶୁ ପାତ୍ରରାସ୍‌କେ କାଜିକିୟାଏ, “ଆଇଙ୍ଗ୍ ସାତ୍‌ତ୍ରିଙ୍ଗ୍ କାଜିୟାମ୍‌ତାନା, ନେ ନିଦାରେ ସାଣ୍ଟିସିମ୍‌କ ରାଃଏ ସିଦାରେ ଆମ୍ ଆଇଙ୍ଗ୍‌କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୫ ପାତ୍ରରାସ୍ ଇନିଃକେ କାଜିରୁହାଡ୍‌କିୟାଏ, “ଆଇଙ୍ଗ୍‌କେ ଆମାଃଲଃ ଗଜଃ ଲାଗାଡିଙ୍ଗ୍‌ରେୟ ଆଇଙ୍ଗ୍ ଆମ୍‌କେ କାଇଙ୍ଗ୍ ସାରିୟା ମେନ୍ତେ କାଇଙ୍ଗ୍‌ଗି କାଜିୟା,”

ଆତ୍ମ ସବେନ୍ ଏଟାଃ ଚେଲାକହ ଏନ୍‌ଲେକାଗି କାଜିକେଦାକ ।

ଗେଥ୍‌ସିମାନି ବାଖଡିରେ ଯୀଶୁଆଃ ବିକ୍ରି

(ମାର୍କ ୧୪:୩୨-୪୨; ଲୁକ ୨୨:୩୯-୪୭)

୩୬ ଏନ୍ତେ ଯୀଶୁ ଆୟାଃ ଚେଲାକଲଃ ଗେଥ୍‌ସିମାନି ନୁତୁମ୍ ମିଆଁଦ୍ ବାଖଡିତେକ ସେନଃୟାନା, ଆତ୍ମ ଇନିଃ ଇନ୍‌କୁକେ ମେତାଦକଆଏ, “ଆଇଙ୍ଗ୍ ଏନ୍ତାଃରେ ବିକ୍ରି ଜାକେଦ୍ ଆପେ ନେତାଃରେ ଦୁବ୍‌ପେ ଆତ୍ମ ବିକ୍ରିପେ ।”

୩୭ ଇନିଃ ପାତ୍ରରାସ୍ ଆତ୍ମ ଜେବଦୀୟାଃ ବାରାନ୍ ହନ୍‌କିନ୍‌କେ ଆୟାଃଲଃ ଇଦିକେଦକଆଏ, ଆତ୍ମ ଇନିଃ ପୁରାଃଗି ଦୁକୁତେ ଆକୁଲ୍‌ବାକୁଲ୍‌ୟାନା,

୩୮ ଆତ୍ମ ଇନିଃ ଇନ୍‌କୁକେ କାଜିୟାଦକଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍‌କାନ୍‌ପେ ଆତ୍ମ ଆଇଁୟାଃଲଃ ଏୟନାକାନ୍ ତାଇନ୍‌ପେ ।”

୩୯ ଆତ୍ମ ଯୀଶୁ କାଟିଃ ସାଙ୍ଗିନ୍ ସେନ୍‌କେଦ୍‌ତେ ଅତେରେ ଇକ୍‌ଡୁୟାନ୍‌ଲଃ ଅମାଃୟାନାଏ ଆତ୍ମ ବିକ୍ରିକେଦାଏ, “ହେ ଆବା, ହବାଦାଡିୟଃରେଦ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ ଇଦିୟଃକା, ଏନ୍‌ରେୟ ଆଇଁୟାଃ ମନେଲେକାଦ କା ମେନ୍‌ଦ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ଯୀଶୁ ଚେଲାକତାଃ ରୁହାଡ୍‌ୟାନ୍‌ତି ଇନ୍‌କୁକେ ଦୁଡ୍‌ୟାକାନ୍ ନାମ୍‌କେଦକଆଏ, ଆତ୍ମ ପାତ୍ରରାସ୍‌କେ କାଜିକିୟାଏ, “ଆପେ ଆଇଁୟାଃଲଃ ମିଦ୍‌ପାଣ୍ଟାହିଁ ଏୟନ୍‌କେଦ୍‌ତେ କାପେ ତାଇନ୍ ଦାଡିକେନା ?

୪୧ ବିଡାଅରେ ଆଲ୍‌ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍‌ପେ ଆତ୍ମ ବିକ୍ରିପେ । ଆମ୍‌ଦ ସାନାଙ୍ଗ୍‌ତାନାଏ, ମେନ୍‌ଦ ହଡ୍‌ମ୍ ନାରାଦୁରାଗିୟାଃ ।”

୪୨ ଇନିଃ ଆତ୍ମଃମିସା ସେନଃୟାନାଏ ଆତ୍ମ ବିକ୍ରିକେଦାଏ, “ହେ ଆଇଁୟାଃ ଆବା, ଆଇଙ୍ଗ୍ କାଇଙ୍ଗ୍ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ କା ଇଦି ଦାଡିୟଃରେଦ, ଆମାଃ ମନେ ଲେକାଗି ହବାଅଃକା ।”

୪୩ ଇନିଃ ଇନ୍‌କୁତାଃ ହିଜୁଃରୁହାଡ୍‌ୟାନ୍‌ତି ଆତ୍ମଃମିସା ଦୁଡ୍‌ୟାକାନ୍ ନାମ୍‌କେଦକଆଏ, ଚିୟାଃତି ଇନ୍‌କୁଦ ଦୁଡ୍‌ୟାକେ ମେଦ୍‌ତାକଆଃ ଆରିଦ୍ କାକ ଦାଡିତାଇକେନା ।

୪୪ ଯୀଶୁ ଇନ୍‌କୁକେ ବାଗିକେଦ୍‌ତେ ଆତ୍ମଃଗି ସେନଃୟାନା ଆତ୍ମ ଏନ୍ ଲେକାଗି ଆପିସାଏ ବିକ୍ରିକେଦା ।

୪୫ ଏନ୍ତେ ଇନିଃ ଆୟାଃ ଚେଲାକତାଃ ହିଜୁଃକେଦ୍‌ତେ ଇନ୍‌କୁକେ ମେତାଦକଆ, “ନାହିଁଃ ଜାକେଦ୍‌ତିପେ ଦୁଡ୍‌ୟାକାନ୍ ଆତ୍ମ ରୁଡ୍‌ନୁତାନା ? ନେଲେପେ, ଆଇଙ୍ଗ୍ ମାନଃହନ୍ ପାପିକଆଃ ତିଃଇରେ ସାବ୍‌ରିକାଅଃତାନାଆଇଙ୍ଗ୍ ।

୪୬ ବିରିଦ୍‌ପେ, ଦଲାବୁ ସେନଆଃ ! ନେଲିପେ, ଆଇଙ୍ଗ୍‌କେ ସାବ୍‌ରିକାଆଇଙ୍ଗ୍‌ନିଃ ସେଟେରାକାନାଏ ।”

ୟୀଶୁକେକ ସାବିତାନା

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ଯୀଶୁ ନେଆଁ କାଜିତାନ୍ ଇମ୍‌ତାଗି ଗେଲ୍‌ବାର୍ ଚେଲାକଏତେ ମିଆଁଦ୍‌ନିଃ ଯିହୁଦା ନୁତୁମ୍ ଚେଲା ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡ୍‌କ ତାରାଉଡି ଆତ୍ମ ଉଙ୍ଗାଦ୍‌କ ସାବ୍‌କେଦ୍‌ତେ ହିଜୁଃୟାନାକ । ମୁଲ୍ ଯାଜାକ୍‌କ ଆତ୍ମ ପ୍ରାପିନ୍‌କ ଇନ୍‌କୁକେ କୁଲାକାଦକ ତାଇକେନା ।

୪୮ “ଆଇଙ୍ଗ୍ ଅକ୍‌ନିଃକେ ଚଅଃଇଙ୍ଗ୍ ଇନିଃକେଗି ସାବ୍‌କିତେ ତଲିପେ” ମେନ୍ତେ ଯୀଶୁକେ ସାବ୍‌ରିକାନିଃ ଯିହୁଦା ଏନ୍ ଗାଦେଲ୍ ହଡ୍‌କକେ ଚିଙ୍ଗା ଏମାକାଦକ ତାଇକେନାଏ ।

୪୯ ଯିହୁଦା, ଯୀଶୁଆଃ ନାଡେଃ ସେନ୍‌କେଦ୍‌ତେ, “ହେ ଗୁରୁ, ଜହାର୍” ମେତାଇୟାଏ ଆତ୍ମ ଇନିଃକେ ଚଅଃକିୟାଏ ।

୫୦ ଯୀଶୁ କାଜିରୁହାଡ୍‌କିୟାଏ, “ଏ ଗାଡି ଆମ୍ ଅକନ୍ କାମିନାଙ୍ଗ୍ ହିଜୁଆକାନାମ୍ ଏନା ରିକାଧାବେମେ ।”

ଏନ୍ତେ ଇନ୍‌କୁ ନାଡେଃ ହିଜୁଃକେଦ୍‌ତେ ଯୀଶୁକେ ସାବ୍‌କେଦ୍‌ତେ ତଲ୍‌କିୟାଃକ ।

୫୧ ଯୀଶୁଲଃ ତାଇକେନ୍ ହଡ୍‌କଏତେ ମିହୁଡ୍ ଆୟାଃ ତାରାଉଡି ଅଡ୍‌କେଦ୍‌ତେ ମାରାଙ୍ଗ୍ ଯାଜାକ୍‌ରାଃ ଦାସିଆଃ ଲୁଡ୍‌ରକେ ମାଆଃ ଖାଣ୍ଡାଅକେଦାଏ ।

୫୨ ଯୀଶୁ ଇନିଃକେ କାଜିକିୟାଏ, “ଆମାଃ ତାରାଉଡିକେ ଖାପ୍‌ରେ ଦହ୍‌ଏମେ, ଚିୟାଃତି ତାରାଉଡି ସାବ୍‌କେଦ୍‌ତେ କାମିତାନ୍ ସବେନ୍‌କଦ ତାରାଉଡିତେକ ଗଜଃଆ ।

୫୩ ଆପେ ଚିନାଃ କାପେ ସାବିତାନା, ଆଇଁୟାଃ ଆପୁଇଙ୍ଗ୍‌କେ ବିକ୍ରିଲେରେ, ଇନିଃ ଚିନାଃ ଆଇଁୟାଃ ନାଗେନ୍ତେ ଇମ୍‌ତାଗି ଗେଲ୍‌ବାର୍ ଫାଉଦ୍‌ତାଃଏତେ ଆଦକା ଦୁଡ୍‌କକେ କାଏ କୁଲ୍‌ଦାଡିୟା ?

୫୪ ମେନ୍ଦ ଦେ ନେ ଲେକାତେ ହବାଅଷଗି ଲାଗାତିଙ୍ଗିୟାଃ ମେନ୍ତେ ଧାରାମ୍ପୁଥିରେ ଅଲ୍ଲାନାଦେୟାଃ ତିଲ୍ଲକାତେ ପୁରାଅଥା ।”

୫୫ *ଏନ୍ ଦିପିଲିରେ ଯୀଶୁ ଗାଦେଲ୍ ହଡକକେ ମେତାଦକଆ, “ତିୟାଃ କୁମ୍ପୁଡୁ ଲେକା ସାବିଙ୍ଗ୍ ନାଗେନ୍ତେ ତାରାଡଡିକ ଆଡ଼ଃ ଭଙ୍ଗାଟ୍ଟକ ସାବକେଦ୍ତେ ହିଜୁଃକାନାପେ ? ଆଇଙ୍ଗ୍ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାଃରେ ଦୁବକେଦ୍ତେ ଇଡୁକ ତାଇକେନାଇଙ୍ଗ୍ ଆଡ଼ଃ ଆପେ ଆଇଙ୍ଗ୍କେ କାପେ ସାବକେଦିୟା ।

୫୬ ମେନ୍ଦ ଦେ ଧାରାମ୍ପୁଥିରେ ନାବୀକ ଅଲ୍ଲାନାଦେୟାଃ ପୁରାଅଥା ନାଗେନ୍ତେ ନେ ସବେନାଃ ହବାୟାନା ।”

ଏନ୍ତେ ସବେନ୍ ଚେଲାକ ଇନିଃକେ ବାଗିକିୟାକ ଆଡ଼ଃ ନିର୍ୟାନାକ ।

ଯିହୁଦୀକଆଃ ପାଞ୍ଚେଟ୍ରେ ଯୀଶୁଆଃ ବିଚାର

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଯୋହାନ୍ ୧୮:୧୩, ୧୪, ୧୯-୨୪)

୫୭ ଯୀଶୁକେ ସାବାକାଇ ହଡକ ଇନିଃକେ କାୟଦା ମାରାଙ୍ଗ୍ ଯାଜାକ୍ଆଃ ଅଡ଼ାଃତେକ ଇଦିକିୟା, ଏନ୍ତାଃରେ ଆଇନ୍ ଇଡୁକ ଆଡ଼ଃ ପ୍ରାଚିନକ ହୁଣ୍ଡିୟାକାନକ ତାଇକେନା ।

୫୮ ମେନ୍ଦ ପାଡ଼ରାସ୍ ସାଙ୍ଗିନ୍ଏତେ ମାରାଙ୍ଗ୍ ଯାଜାକ୍ଆଃ ଅଡ଼ାଃରାଚା ଜାକେଦ୍ ଅଡ଼ଙ୍ଗକେଦ୍କଆଏ ଆଡ଼ଃ ଟୁଣ୍ଡୁରେ ତିନାଃ ହବାଅଥାଏ ଏନା ନେନେଲ୍ ନାଗେନ୍ତେ ଇନିଃ ଭିତାର୍ ବଲକେଦ୍ତେ ଏନ୍ତାଃରେ ଦାରଞ୍ଜାନକଲଃ ଦୁବୟାନାଏ ।

୫୯ ମୁଲ୍ ଯାଜାକ୍ ଆଡ଼ଃ ଯିହୁଦୀ ପାଞ୍ଚେଟ୍ରେନ୍ ସବେନ୍କ ଯୀଶୁକେ ଗଗଏଃ ନାଗେନ୍ତେ ହସଡ଼ ଗାଞ୍ଜାକ ଦାଣ୍ଠାବାଡ଼ା ତାଇକେନା ।

୬୦ ମେନ୍ଦ ପୁରାଃ ହଡକ ହସଡ଼ ଗାଞ୍ଜାକ ଏମ୍କେଦ୍ରେୟ ଜେଡନାଃ କାକ ନାମ୍କେଦା, ଏନ୍ତେ ଟୁଣ୍ଡୁରେ ବାହୁଡ଼୍ ଆୟାର୍ତେ ହିଜୁଃକେଦ୍ତେ କାଜିକେଦାକିନ୍,

୬୧ * “ନେ ହଡ଼ କାଜିକାଦ୍ ତାଇକେନାଏ, ଆଇଙ୍ଗ୍ ପାର୍ମେଶ୍ୱାର୍ଆଃ ମାନ୍ଦିର୍ ଅଡ଼ାଃକେ ହାଡୁଡ଼କେଦ୍ତେ ଆପିମାରେ ଏନାକେ ବାଇରୁହାଡ଼ ଦାଡ଼ିୟାଇଙ୍ଗ୍ ।”

୬୨ ଏନ୍ତେ ମାରାଙ୍ଗ୍ ଯାଜାକ୍ ବିରିଦ୍ୟାନାଏ ଆଡ଼ଃ ଯୀଶୁକେ କାଜିକିୟା, “ନେ ହଡ଼କ ଆମାଃ ବିରୁଧ୍ରେ ଗାଞ୍ଜାକ ଏମ୍ତାନା, ଆମ୍ ତିକାନାଙ୍ଗ୍ ଇନ୍କୁକେ କାମ୍ କାଜିରୁହାଡ଼କତାନା ?”

୬୩ ମେନ୍ଦ ଯୀଶୁ ହାପାକାନ ତାଇକେନାଏ, ଇମ୍ତା ମାରାଙ୍ଗ୍ ଯାଜାକ୍ ଆଡ଼ଃଗି କାଜିକିୟାଏ, “ଆଇଙ୍ଗ୍ ଜାନିଦ୍ ପାର୍ମେଶ୍ୱାର୍ଆଃ ନୁଡୁମ୍ତେ କିରିୟାନ୍ତାନଲଃ କୁଲିମେ ତାନାଇଙ୍ଗ୍, ସାର୍ତିଗି କାଜିୟାଲେମ୍, ଆମ୍ ପାର୍ମେଶ୍ୱାର୍ଆଃ ହନ୍ ଶ୍ରୀଷ୍ଟ ତାନମେଟି ?”

୬୪ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍ଦ ଆଇଙ୍ଗ୍ ଆପେ ସବେନ୍କକେ କାଜିୟାପେ ତାନାଇଙ୍ଗ୍, ନାହାଃଏତେ ଆପେ ମାନଞ୍ଜାହନ୍କେ ସବେନ୍ ପେଡେୟାନ୍ ପାର୍ମେଶ୍ୱାର୍ଆଃ ଜମ୍ତିସାଃରେ ଦୁବାକାନ ଆଡ଼ଃ ସିମାଠାଃ ରିମିଲ୍ରେ ହିଜୁଃତାନପେ ନେଲିୟା ।”

୬୫ ଏନ୍ତେ ମାରାଙ୍ଗ୍ ଯାଜାକ୍ ଆୟାଃ ଲିଜାଃ ଚେଟାଃକେଦ୍ତେ କାଜିକେଦାଏ, “ନିଃଦ ପାର୍ମେଶ୍ୱାର୍ଆଃ ହିଲାଙ୍ଗ୍କାଜି କାଜିକେଦା, ଆଡ଼ଃ ଆବୁକେ ତିକାନ୍ ଗାଞ୍ଜା ଲାଗାତିଙ୍ଗିୟାଃ ? ନେଲେପେ, ଆପେଦ ନାହାଃଗି ପାର୍ମେଶ୍ୱାର୍ଆଃ ନିନ୍ଦାକାଜିପେ ଆୟୁମ୍କେଦା,

୬୬ ଆପେ ତିନାଃପେ ଉଡ଼ୁତାନା ?”

ଇନ୍କୁ କାଜିରୁହାଡ଼କେଦାକ, “ଇନିଃ ତିଟାକାନିଃ ତାନିଃ, ଇନିଃକେ ଗଜଃ ଲାଗାତିଙ୍ଗିୟାଃ ।”

୬୭ ଏନ୍ତେ ଇନ୍କୁ ଇନିୟାଃ ମେଦ୍ମୁହାଡ଼ରେ ବେଏକ୍ତିତେ ଦାଲ୍କିୟାକ ଆଡ଼ଃ ଏଟାଃକ ଆପ୍ଡିତାନଲଃ

୬୮ କାଜିକିୟାକ, “ଏ ଶ୍ରୀଷ୍ଟ ! ଆମ୍ ପରେ ନାବୀ ତାନମେ, ମାର୍ କାଜିଲେମେ, ଆମ୍କେ ଅକଏ ଦାଲ୍ମେତାନାଏ ?”

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ ଦଦାଦ୍ୟାନାଏ

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଯୋହାନ୍ ୧୮:୧୫-୧୮, ୨୫-୨୭)

୬୯ ପାଡ଼ରାସ୍ ବାହାରି ଅଡ଼ାଃରାଚାରେ ଦୁବାକାନ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍ଆଃ ମିଆଁଦ୍ କାମ୍ଡି ଇନିୟାଃ ନାଡେଃତେ ହିଜୁଃକେଦ୍ତେ କାଜିକିୟାଏ, “ଆମ୍ ହ ଗାଲିଲ୍ରେନ୍ ଯୀଶୁଲଃ ତାଇକେନାମ୍ ।”

୭୦ ମେନ୍ଦ ପାଡ଼ରାସ୍ ସବେନ୍କଆଃ ସାମ୍ନାଙ୍ଗ୍ରେ ଦଦାଦ୍*ତାନଲଃ କାଜିରୁହାଡ଼କିୟାଏ, “ଆମ୍ ତିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ସାରିୟା ।”

୭୧ ଆଡ଼ଃ ଇନିଃ ବାହାରି ଅଡ଼ାଃରାଚାରେୟାଃ ବଲଦୁଆରତାଃତେ ସେନୟାନା । ଆଡ଼ଃମିଆଁଦ୍ କାମ୍ଡି ଇନିଃକେ ନେଲ୍କେଦ୍ତେ ଏନ୍ତାଃରେ ତାଇକାନ୍ ହଡକକେ ମେତାଦକଆ, “ନିଃଦ ନାଜ୍ରେଡ୍ରେନ୍ ଯୀଶୁଲଃ ତାଇକେନାଏ ।”

୭୨ ଇନିଃ ଆଡ଼ଃମିସା କିରିୟାତାନଲଃ ଦଦାଦ୍ୟାନାଏ ଆଡ଼ଃ କାଜିକେଦାଏ, “ଆଇଙ୍ଗ୍ ଏନ୍ ହଡକେ କାଇଙ୍ଗ୍ ସାରିୟା ।”

☆ ୨୭:୫୫ ଲୁକ ୧୯:୪୭; ୨୧:୩୭. ☆ ୨୭:୬୧ ଯୋହାନ୍ ୨:୧୯. * ୨୭:୭୦ ଅସ୍ୱୀକାର୍

୭୩ ଘାଡ଼ିକାଦ୍ ତାୟମ୍ତେ ନାଡ଼େଃରେ ତିଜ୍ଞୁଆକାନ୍ଦକ ପାଡ଼ରାସ୍ତାଃତେ ସେନ୍ଦକେଦ୍ତେ କାଜିକିୟାକ, “ଆମ୍ହ ସାର୍ତ୍ତିଗି ଇନ୍ଦୁଏତେ ମିଆଁଦ୍ନିଃ ତାନ୍ମେ, ଚିୟାଃତି ଆମାଃ ଜାଗାର୍ ଉଦୁବେତାନା ।”

୭୪ ଏନ୍ତେ ପାଡ଼ରାସ୍ କାଜିକେଦାଏ, “ଆଇଙ୍ଗ୍ କିରିୟାକେଦ୍ତେ ସାର୍ତ୍ତିଗି କାଜିତାନାଇଙ୍ଗ୍, କାହାରେଦ ପାର୍ମେଶ୍ୱାର୍ ଆଇଙ୍ଗ୍କେ ସାଜାଇ ଏମାଇଙ୍ଗ୍କାଏ, ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା,”

ଇମ୍ତାଜି ସାଣ୍ଡିସିମ୍ ରାଆଃକେଦାଏ,

୭୫ ଆଡ଼ଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଇଙ୍ଗ୍କେ ଆପିସା କାଇଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯାଶୁ କାଜିକାଇ କାଜିକେ ପାଡ଼ରାସ୍ ପାହାମ୍କେଦାଏ ଆଡ଼ଃ ଇନିଃ ଅଡ଼ଙ୍ଗ୍କେଦ୍ତେ କୁସୁଦ୍ କୁସୁଦ୍ତାନ୍ ରାଆଃକେଦାଏ ।

୨୭

ୟାଶୁକେ ପିଲାତୁସ୍ତାଃତେ ଇଦିକିୟାକ

(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୧ ସେତାଃ ଇଦାନରେ ସବେନ୍ ମୁଲ୍ ଯାଜାକ୍ ଆଡ଼ଃ ହଡ଼କଆଃ ପ୍ରାଚିନ୍ଦକ ଯାଶୁକେ ଗଜି ନାଗେନ୍ତେକ ରଜୋଟକେଦା ।

୨ ଇନ୍ଦୁ ଯାଶୁକେ ସିକ୍ଡିତେ ତଲ୍କେଦ୍ତେ ରୋମିରେନ୍ ଲାଟ୍ସାହେବ୍ ପିଲାତୁସ୍ତାଃରେକ ଜିମାକିୟା ।

ଯିହୁଦାରାଃ ଗନଏଃ

(ପ୍ରେରିଡ୍ ୧:୧୮-୧୯)

୩ ✽ବାଇରିକଆଃ ଡିଃଇରେ ସାର୍ବିକାକାଇ ଯିହୁଦା, ଯାଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମ୍କେଦ୍ତେ ହେୟାଡିଙ୍ଗ୍କେଦା ଆଡ଼ଃ ଏନ୍ ତିରିଶ୍ତୁ ରୁପା ସିକା ରୁହାଡ୍ ନାଗେନ୍ତେ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍ଦକତାଃ ଆଉକେଦାଏ ।

୪ ଆଡ଼ଃ କାଜିକେଦାଏ, “ଆଇଙ୍ଗ୍ ମିହୁଡ୍ କା ଚିଟାଃଅ ହଡ଼କେ ଗଏଃ ନାଗେନ୍ତେ ବାଇରିକଆଃ ଡିଃଇରେ ଜିମାକେଦ୍ତେ ପାପକାଦାଇଙ୍ଗ୍,”

ମେନ୍ଦ୍ ଇନ୍ଦୁ କାଜିରୁହାଡ଼କିୟାକ, “ଏନାରେ ଆଲେ ଚିନାଃ ଚିକାୟାଲେ ? ଏନା ଆମ୍ଗି ସାରିମେ !”

୫ ଯିହୁଦା ଏନ୍ ସିକାକେ ମାନ୍ଦିର୍ ଅଡ଼ାଃରେ ହୁଦ୍ମାକେଦ୍ତେ ସେନଃୟାନା ଆଡ଼ଃ ଆଇଃକ୍ଗି ହାକା ଗଏଃୟାନାଏ ।

୬ ମୁଲ୍ ଯାଜାକ୍ ଏନ୍ ସିକା ଆଉକେଦ୍ତେ କାଜିକେଦାକ, “ନେଆଁଦ୍ ମାୟୋମ୍ରେୟାଃ ଟାକା ତାନାଃ, ଆଇନ୍ ଲେକାତେ ନେଆଁକେ ମାନ୍ଦିର୍ ଅଡ଼ାଃରେୟାଃ ଖୁଜ୍ ଅଡ଼ାଃରେ ଦହ ନାଙ୍ଗ୍ କା ବୁଗିନାଃ ।”

୭ ଏନ୍ତେ ଇନ୍ଦୁ ନେ ବିଷାଏରେ ସାଲ୍ହାକେଦ୍ତେ, ଏଟାଃ ଦିଶୁମ୍ରେନ୍ଦକକେ ତପାକ ନାଗେନ୍ତେ ଏନ୍ ଟାକାତେ କୁମ୍ପାର୍ଆଃ ଅଡେକେ କିରିଙ୍ଗ୍କେଦାକ ।

୮ ଏନାମେନ୍ତେ ଏନ୍ ଅଡେକେ ତିସିଙ୍ଗ୍ ଜାକେଦ୍ “ମାୟୋମ୍ରେୟାଃ ଅଡେ” ମେନ୍ତେକ କାଜିତାନା ।

୯ ଏନ୍ତେ ନେ ବିଷାଏରେ ଯିରିମିୟ ନାବୀ କାଜିକାଦ୍ କାଜି ପୁରାୟାନା, “ଇସ୍ରାଏଲ୍ରେନ୍ ହଡ଼କ ଇନିୟାଃ ନାଙ୍ଗ୍ ଠାହାରାଅକାଦ୍ ଗନଙ୍ଗ୍କେ ଚାଏ ଏନ୍ ତିରିଶ୍ତୁ ରୁପା ସିକା ଇଦିକେଦ୍ତେ,

୧୦ ଆଇୟାଃ ପ୍ରାଭୁଆଃ ଆତୁ ଲେକା ଇନ୍ଦୁ କୁମ୍ପାର୍ଆଃ ଅଡେକେ କିରିଙ୍ଗ୍କେଦା ।”

ୟାଶୁକେ ପିଲାତୁସ୍ତାଃ କୁନ୍ତୁଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯାଶୁକେ ରୋମିରେନ୍ ଲାଟ୍ସାହେବ୍ ପିଲାତୁସ୍ତାଃ ସାମ୍ନାଙ୍ଗ୍ରେ ତିଜ୍ଞୁକିୟାକ, ଆଡ଼ଃ ଲାଟ୍ସାହେବ୍ ଇନିଃକେ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍ମେଚି ?”

ୟାଶୁ କାଜିରୁହାଡ଼କିୟାଏ, “ହେଗି, ଆମ୍ଗି କାଜିତାନାମ୍ ।”

୧୨ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍ଦକ ଇନିଃକେ ଚିଟାଇତାନ୍ ଇମ୍ତା ଇନିଃ ଜେଡ୍ନାଃ କାଏ କାଜିରୁହାଡ଼କେଦା ।

୧୩ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଇନ୍ଦୁ ଆମାଃ ବିରୁଧ୍ରେ ଚିଟାନାଙ୍ଗ୍ ପୁରାଃ ଗାଞ୍ଜାକ ଏମ୍ତାନା ଏନା ଚିନାଃ କାମ୍ ଆୟୁମେତାନା ?”

୧୪ ମେନ୍ଦ୍ ଯାଶୁ ମିଆଁଦ୍ କାଜିୟ କାଏ କାଜିକେଦା, ଏନାମେନ୍ତେ ଲାଟ୍ସାହେବ୍ ପୁରାଃଗି ଆକ୍ଦାନ୍ଦାୟାନା ।

ୟାଶୁଆଃ ଗନଏଃ ବିଚାର୍

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍ସାହେବ୍ଆଃ ରିଡିଲେକାତେ ପାସ୍କା ପାରାବ୍ ଦିପିଲିରେ ଗାଦେଲ୍ ହଡ଼କଆଃ ମନେଲେକା ମିଆଁଦ୍ ଜେହେଲ୍ଲାନିଃକେ ଇନ୍ଦୁଆଃ ନାଗେନ୍ତେ ଆଡ଼ାଗାକତାନ୍ ତାଇକେନାଏ ।

୧୬ ଏନ୍ ଦିପିଲିରେ ବାରବ୍ବା* ନୁତୁମ୍ ମିଆଁଦ୍ ନାମିକୁମ୍ତୁ ଜେହେଲ୍ରେ ତାଇକେନାଏ ।

✽ ୨୭:୩ ପ୍ରେରିଡ୍ ୧:୧୮,୧୯. * ୨୭:୧୭ ଚିମିନ୍ ମାରି ଅନଲ୍ରେ ଇନିୟାଃ ନୁତୁମ୍ ଯାଶୁ ବାରବ୍ବାସ୍ ଅଲ୍ଲାନା

୧୭ ଏନ୍ତେ ଇନ୍କୁ ହୁଣ୍ଡିକାନ୍ ତାଇକେନ୍ ଇମ୍ତା ପିଲାତୁସ୍ ଇନ୍କୁକେ କୁଲିକେଦକଆଏ, “ଆଇଙ୍ଗ୍ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍ତାନା ? ବାରବ୍ବାକେ ତି ଖ୍ରୀଷ୍ଟ୍ ନୁତୁମଃତାନ୍ ଯୀଶୁକେ ?”

୧୮ ଚିୟାଃଟି ଯିହୁଦୀକଆଃ ପ୍ରାଚିନ୍ଦକ ହିସଙ୍ଗାତେ ଇନିଃକେକ ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

୧୯ ପିଲାତୁସ୍ ବିଚାର ଠାୟାଦ୍ରେ ଦୁବାକାନ୍ ତାଇକେନ୍ ଇମ୍ତା ଆୟାଃ କୁଡ଼ି, “ଏନ୍ ଧାର୍ମାନ୍ ହଡ଼କେ ଜେଡ଼ନାଃ ଆଲମ୍ ରିକାୟା, ଚିୟାଃଟି ଇନିୟାଃ ନାଗେନ୍ତେ ଆଇଙ୍ଗ୍ କୁମ୍ପୁରେ ତିସିଙ୍ଗ୍ ନିଦାରେ ପୁରାଃଟି ଦୁକୁଇଙ୍ଗ୍ ନାମାକାଦା” ମେନ୍ତେ କାଜି କୁଲିକେଦାଏ ।

୨୦ ମେନ୍ଦ୍ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍ଦକ ବାରବ୍ବାକେ ଆସି ନାଙ୍ଗ୍ ଆଡ଼ଃ ଯୀଶୁକେ ଗଜି ନାଗେନ୍ତେ ଗାଦେଲ୍ ହଡ଼କକେ ଉସ୍କୁରକେଦକଆକ ।

୨୧ ମେନ୍ଦ୍ ରୋମିରେନ୍ ଲାଟ୍ସାହେବ୍ ଗାଦେଲ୍ ହଡ଼କକେ କୁଲିକେଦକଆଏ, “ନେ ବାରାନ୍ଦିନ୍ଏତେ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍ତାନା ?”

ଇନ୍କୁ “ବାରବ୍ବାକେ” ମେନ୍ତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନ୍କୁକେ କୁଲିକେଦକଆଏ, “ଖ୍ରୀଷ୍ଟ୍ ନୁତୁମ୍ ଯୀଶୁକେ ଆଇଙ୍ଗ୍ ଚିନାଃ ଚିକାୟାୟା ?”

ଇନ୍କୁ ସବେନ୍ଦକ କାଉରିକେଦ୍ରେ କାଜିରୁହାଡ଼କିୟା, “ଇନିଃକେ କୁଶ୍ରେ କିଲାୟାମେ ।”

୨୩ ମେନ୍ଦ୍ ପିଲାତୁସ୍ ଇନ୍କୁକେ କୁଲିକେଦକଆଏ, “ଚିକାନାଙ୍ଗ୍ ଇନିଃ କିଲାୟାଏଃ ଚିକାନ୍ ଗୁଣ୍ଡାଁ ରିକାକାଦାଏ ?”

ମେନ୍ଦ୍ ଇନ୍କୁ ପୁରାଃତେକ କାଉରିକେଦା, “କୁଶ୍ରେ କିଲାୟାକାଏ ।”

୨୪ ଏନ୍ତେ ପିଲାତୁସ୍ ଜେଡ଼ନାଃ ରିକା କାଏ ଦାଡ଼ିକେନା, ମେନ୍ଦ୍ ଆଦକା ପୁରାଃ ହାଲାଗୁଲାଅଃତାନା, ନେଆଁ ଆଟ୍ଟକାରକେଦ୍ରେ ଦାଆଃ ଆଉକେଦାଏ ଆଡ଼ଃ ଗାଦେଲ୍ ହଡ଼କଆଃ ସାମ୍ନାଙ୍ଗ୍ରେ ଆୟାଃ ଡିଃଇ ଆବୁଙ୍ଗ୍କେଦ୍ରେ କାଜିକେଦାଏ, “ନେ ହଡ଼ଆଃ ଗନଏଃ ମାୟୋମ୍ରେ ଆଇଙ୍ଗ୍ କାୟାଙ୍ଗ୍ ଚିନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହଡ଼କ କାଜିରୁହାଡ଼କିୟାକ, “ୟୀଶୁଆଃ ଗନଏଃରାଃ ଗୁଣ୍ଡାଁ ଆଲେୟାଃରେ ଆଡ଼ଃ ଆଲେୟାଃ ହନ୍ଦକଆଃରେ ଠଗଃକା ।”

୨୬ ଏନ୍ତେ ପିଲାତୁସ୍ ବାରବ୍ବାକେ ଇନ୍କୁ ନାଗେନ୍ତେ ଆଡ଼ାଃକିୟା, ମେନ୍ଦ୍ ଯୀଶୁକେ ହାଁଣ୍ଡା ରିକାକେଦ୍ରେ କୁଶ୍ରେ କିଲାୟାକାଏ ମେନ୍ତେ ସିପାଇକଆଃ ଡିଃଇରେ ଜିମାକିୟାଏ ।

ୟୀଶୁକେ ସିପାଇକ ଲାୟାକତାନା

(ମାର୍କ ୧୫:୧୭-୨୦; ଯୋହାନ୍ ୧୯:୨-୩)

୨୭ ଏନ୍ତେ ପିଲାତୁସ୍ଆଃ ସିପାଇକ ଯୀଶୁକେ ରୋମିରେନ୍ ଲାଟ୍ସାହେବ୍ଆଃ ଅଡ଼ାଃ ଭିତାର୍ରେ ଇଦିକେଦ୍ରେ ଗଟା ପାଲ୍ଗାନ୍ଦକରେନ୍ଦକକେ ହୁଣ୍ଡିକେଦକଆକ ।

୨୮ ଇନ୍କୁ ଇନିୟାଃ ଲିଜାଃ ହଲେଃକକେଦ୍ରେ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗ୍କିୟା ।

୨୯ ଏନ୍ତେ ଜାନୁମ୍ କତ ଗାଲାଙ୍ଗ୍କେଦ୍ରେ ମୁକୁଟକ ବାଇକେଦା ଏନ୍ତେ ଇନିୟାଃ ବହଃରେକ ଟୁପୁରିକିଆ ଆଡ଼ଃ ଇନିୟାଃ ଜମ୍ ଡିଃଇରେ ମିଆଁଦ୍ ସଟାକ ଏମ୍କିୟା ଆଡ଼ଃ ଇନିୟାଃ ଆୟାର୍ରେ ଇକ୍ଡ଼ୁକେଦ୍ରେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଇନ୍ମେ” ମେନ୍ତେ କାଜିକେଦ୍ରେ ଇନିଃକେକ ଲାୟାକିୟା ।

୩୦ ଆଡ଼ଃ ଇନ୍କୁ ଇନିଃକେ ବେଏକ୍କିୟାକ ଆଡ଼ଃ ଏନ୍ ପାଇପ୍ ଇଦିକେଦ୍ରେ ଇନିୟାଃ ବହଃରେକ ଦାଲ୍କିୟା ।

୩୧ ଇନ୍କୁ ଇନିଃକେ ଲାୟା ଚାବାକିତେ, ଏନ୍ ଲିଜାଃକ ହଲେଃକକେଦା ଆଡ଼ଃ ଆୟାଃ ଲିଜାଃ ତୁସିଙ୍ଗ୍କିତେ କୁଶ୍ରେ କିଲାୟା ନାଗେନ୍ତେକ ଇଦିକିୟା ।

ୟୀଶୁ କିଲାୟାନାଏ

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୩୨ ଇନ୍କୁ ସାହାର୍ଏତେ ସେନଃତାନ୍ ତାଇକେନ୍ ଇମ୍ତାଗି ଶିମୋନ୍ ନୁତୁମ୍ କୁରିନି ସାହାର୍ରେନ୍ ମିଆଁଦ୍ ହଡ଼କେ ନେଲ୍କେଦ୍ରେ ଯୀଶୁଆଃ କୁଶ୍ ଗଅଃ ନାଗେନ୍ତେ ଇନିଃକେ ଜାବାର୍ଜାସ୍ତିକିୟାକ ।

୩୩ ଇନ୍କୁ ଗାଲ୍ଗାଥା, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ୍” ନୁତୁମ୍ ମିଆଁଦ୍ ଠାୟାଦ୍ରେକ ହିଜୁଃୟାନା ।

୩୪ ଏନ୍ତାଃରେ ଇନ୍କୁ ଇନିଃକେ ମେହେର୍ରେତେଆଃ ମେସାକାନ୍ ଦାଖ୍ରାସି ନୁଁଇ ନାଗେନ୍ତେକ ଏମ୍କିୟା, ମେନ୍ଦ୍ ଇନିଃ ଏନାକେ ଚାଖାଅକେଦ୍ରେ ନୁଁ କାଏ ଦାଡ଼ିକେନା ।

୩୫ ଇନ୍କୁ ଯୀଶୁକେ କୁଶ୍ରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ଚିଠା ଉୟାଃକେଦାକ ଆଡ଼ଃ ଲିଜାଃତାୟାଃ ହାଟିଙ୍ଗ୍କେଦାକ ।

୩୬ ଏନ୍ ତାୟମ୍ରେ ଇନ୍କୁ ଏନ୍ତାଃରେ ଦୁବ୍କେଦ୍ରେ ଇନିଃକେକ ହରକିୟା ।

୩୭ ଆଡ଼ଃ ଇନିୟାଃ ବହଃ ଚେତାନ୍ରେ ଇନ୍କୁ “ନିଃ ଯିହୁଦୀକଆଃ ରାଜା ଯୀଶୁ ତାନିଃ,” ମେନ୍ତେ ଆୟାଃ ବିରୁଧ୍ରେ ମିଆଁଦ୍ ଚିଠାଅନଲ୍ରେ ଅଲ୍କେଦ୍ରେ ହାକାକେଦାକ ।

୩୮ ଏନ୍ତେ ଇନିଷଲକ୍ଷ ବାରହଡ଼୍ ରେରେକକିନ୍ଦକେ କୁଶ୍ରେକ କିଲ୍ଲାକେଦକିନା ମିଆଁଦନିଷକେ ଜମ୍ପାଠରାଠ କୁଶ୍ରେ ଆଡ଼ଠମିଆଁଦନିଷକେ ଲେକ୍ପାତିସାଠରାଠ କୁଶ୍ରେ ।

୩୯ ଆଡ଼ଠ ଏନ୍ ହରାରେ ସେନ୍ପାରମଠତାନ୍ ହଡ଼କ ଆକଆଠ ବହଃ ହିଲ୍ଲାଅକେଦତେ ଯୀଶୁକେ ନିନ୍ଦାତାନ୍ଲକ୍ଷ ଲାନ୍ଦାକିୟାକ,

୪୦ *ଆଡ଼ଠ କାଜି ଏଟେଦକେଦାକ, “ବାଃରେ, ମାନ୍ଦିର୍ ହାଦୁଡ଼ନିଃ ଆଡ଼ଠ ଆପିମାରେ ବାକରୁହାଡ଼ନିଃ, ଆମ୍ ପାର୍ମେଶ୍ୱାର୍ଆଠ ହନ୍ତାନ୍ମେରେଦ ମାର୍ କୁଶ୍ଏତେ ଆଡ଼ଗୁନ୍ମେ ଆଡ଼ଠ ବାଞ୍ଚାଅଏନ୍ମେ ।”

୪୧ ଏନ୍ ଲେକାଗି ମୁଲ୍ ଯାଜାକକ, ଆଇନ୍ ଇଡୁକ ଆଡ଼ଠ ପ୍ରାଦିନ୍କ ସବେନ୍ ଲାନ୍ଦାକିୟାକ,

୪୨ ଆଡ଼ଠ କାଜିକିୟାକ, “ଇନିଃଦ ଏଟାଠକକେ ବାଞ୍ଚାଅକେଦକଆଏ, ମେନ୍ଦ ଇନିଃ ଆଇଠକ୍ଗି ବାଞ୍ଚାଞ୍ଜେନ୍ କାଏ ଦାଡ଼ିତାନ୍ । ଇନିଃ ଇସ୍ରାଏଲ୍ରେନ୍ ରାଜା ତାନିଃରେଦ ନାହାଁଠି କୁଶ୍ଏତେ ଆଡ଼ଗୁନ୍କାଏ, ଆଡ଼ଠ ଆରୁ ସବେନ୍କ ଏନା ନେଲ୍କେଦତେ ଇନିଃରେବୁ ବିଶ୍ୱାସେତେୟାଃ ।

୪୩ ଇନିଃଦ ଆଇଠକ୍ଗି ପାର୍ମେଶ୍ୱାର୍ଆଠ ହନ୍ତାନିକ୍ ମେନ୍ତେ କାଜିୟାଏ ଆଡ଼ଠ ପାର୍ମେଶ୍ୱାର୍ତାଠରେ ଭାର୍ଯ୍ୟାକାଦାଏ । ଠାଉକାଗିୟା, ପାର୍ମେଶ୍ୱାର୍ ଇନିଃକେ ବାଞ୍ଚା ଅନାକ୍ତାନାଏ ଚି କାହା ଏନା ମାର୍ବୁ ନେଲେୟା ।”

୪୪ ଆଡ଼ଠ ଇନିଃଲକ୍ଷ କୁଶ୍ରେ କିଲ୍ଲାକାନ୍ ଏଡ଼କାନ୍ କାମିକିନ୍ହଗି ନେ ଲେକାଗି ଇନିଃକେକିନ୍ ଲାନ୍ଦାକିୟା ।

ୟୀଶୁଆଠ ଗନଏଠ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ତିକିନ୍ସିକ୍ଏତେ ତାର୍ସିକ୍ ତିନ୍ଦାଶ୍ୱା ଜାକେଦ୍ ଗଟା ଦିଶୁମ୍ ନୁବାଃୟାନା ।

୪୬ ତାର୍ସିକ୍ ତିନ୍ଦାଜେ ଇମ୍ତାକ ଯୀଶୁ ପୁରାଠତେ କାଉରିକେଦତେ କାଜିକେଦାଏ, “ଏଲୋଇ, ଏଲୋଇ, ଲାମା ସାବାକ୍ତାନି ?” ଏନାରାଠ ମୁଣ୍ଡିଦ, “ଏ ଆଇୟାଃ ପାର୍ମେଶ୍ୱାର୍, ଏ ଆଇୟାଃ ପାର୍ମେଶ୍ୱାର୍ ତିନାଠମେନ୍ତେ ଆଇକ୍କେ ବାଗିକିଦିୟାମ୍ ?”

୪୭ ଏନ୍ତାଠରେ ତିକ୍ଷୁଆକାନ୍ ଚିମିନ୍ ହଡ଼କ ନେଆଁ ଆୟୁମ୍କେଦତେ, “ଇନିଃ ଏଲିୟକେ ହାକାଅତାନା” ମେନ୍ତେକ କାଜିକେଦା ।

୪୮ ଇନ୍କୁଏତେ ମିଆଁଦନିଃ ନିରଧାବ୍କେଦତେ ସ୍ତୁଞ୍ଜକେ ସାବ୍କେଦାଏ ଆଡ଼ଠ ମେହେର୍ ରାସିରେ ତୁପୁକେଦତେ ମିଆଁଦ୍ ଜିଲିକ୍ ସଟାରେୟାଃ ରୁଟିରେ ଗୁଡୁକେଦାଏ, ଏନ୍ତେ ଇନିଃକେ ନୁଁ ନାଗେନ୍ତେ ଏମ୍କିୟାଏ ।

୪୯ ମେନ୍ଦ ଏଟାଠକ କାଜିକେଦା, “ରାହା, ନାହାଁଠି ଏଲିୟ ଇନିଃକେ ବାଞ୍ଚାଅ ନାଗେନ୍ତେ ହିଜୁଃଆଏ ଚି କାହା ଏନାବୁ ନେଲେୟା ।”

୫୦ ଯୀଶୁ ଆଡ଼ଠମିସା ପୁରାଠଗି କାଉରିକେଦାଏ ଆଡ଼ଠ ଜୀଉତାୟାଃ ଅତକ୍ୟାନା ।

୫୧ ଏନ୍ତେ ମାନ୍ଦିର୍ ଅଡ଼ାଠରେ ହାକାକାନ୍ ହାନାଟିକ୍ ଦାନାକ୍ଲିଜାଃ ତେତାନ୍ଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ଼ୟାନା ଆଡ଼ଠ ଅତେ ଏକଲ୍ଲାଅକେଦତେ ଚାଟେନ୍କ ଫାଡ଼ାୟାନା ।

୫୨ ଆଡ଼ଠ ଚିମିନ୍ ତପାଗାଡ଼ାକ ଅଟାୟାନା ଆଡ଼ଠ ପାର୍ମେଶ୍ୱାର୍ଆଠ ଚିମିନ୍ ଗଜାକାନ୍ ପାବିତାର୍ ହଡ଼କଆଠ ହଡ଼ମ୍ ଜୀଉବିରିଦ୍ୟାନା ।

୫୩ ଆଡ଼ଠ ଇନ୍କୁ ତପାଗାଡ଼ା ବାଗିକେଦତେ ଯୀଶୁଆଠ ଜୀଉବିନିରିଦ୍ ତାୟମ୍ତେ ପାବିତାର୍ ନାଗାର୍ ଯୀରୁଶାଲେମ୍ତେ ସେନଃୟାନାକ । ଏନା ପୁରାଠ ହଡ଼କ ଇନ୍କୁକେ ନେଲ୍କେଦକଆକ ।

୫୪ ମିଦ୍ଶାଅ ସିପାକ୍କଆଠ ଗମ୍କେ ଆଡ଼ଠ ଆୟାଠଲକ୍ଷ ଯୀଶୁକେ ହରଇତାନ୍କ ଅତେ ଏକଲ୍ଲାଅଠତେୟାଃ ଆଡ଼ଠ ସବେନ୍ ହବାୟାନ୍ତେୟାଠକ ନେଲ୍କେଦତେ ପୁରାଠଗିକ ବରକେଦା ଆଡ଼ଠ ଆକ୍ଦାନ୍ଦାଅଠତାନ୍ଲକ୍ଷ କାଜିକେଦାକ, “ସାର୍ତିଗି ନେ ହଡ଼ ପାର୍ମେଶ୍ୱାର୍ଆଠ ହନ୍ଗି ତାଇକେନାଏ ।”

୫୫ *ଏନ୍ତାଠରେ ଯୀଶୁକେ ଦେକ୍ପାକାଇ ପୁରାଠ କୁଡ଼ିକ ସାଜିନ୍ଏତେ ନେଲି ତାଇକେନାକ । ଇନ୍କୁ ଗାଲିଲ୍ଏତେ ଅତକ୍ଆଉକାଇ ତାଇକେନାକ ।

୫୬ ଇନ୍କୁଏତେ, ମାଗ୍ଦାଲିନି ମାରିୟାମ୍, ଯାକୁବ୍ ଆଡ଼ଠ ଯୋଷେଫ୍ଆଠ ଏକ୍ପାତେ ମାରିୟାମ୍ ଆଡ଼ଠ ଜେବଦୀୟାଃ ହନ୍କଆଠ ଏକ୍ପାତେ, ନେ ସବେନ୍କ ତାଇକେନା ।

ୟୀଶୁଆଠ ତପାଅଠ

(ମାର୍କ ୧୫:୪୨-୪୬; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୭ ଆୟୁବ୍ୟାନୁଚି ହାରାମାଥୁୟା ସାହାରରେନ୍ ଯୋଷେଫ୍ ନୁଡୁମ୍ ମିଆଁଦ୍ କିସାଁଣ୍ ହଡ଼ ହିଜୁଃୟାନାଏ, ଇନିଃହଗି ଯୀଶୁଆଠ ମିଆଁଦ୍ ଚେଲା ତାଇକେନାଏ ।

୫୮ ଇନିଃ ପିଲାତୁସ୍ତାଠତେ ସେନ୍କେଦତେ ଯୀଶୁଆଠ ଗଏଠହଡ଼ମ୍ ଆସିକିୟାଏ, ଏନ୍ତେ ପିଲାତୁସ୍ ଇନିୟାଠ ଗଏଠହଡ଼ମ୍ ଏମାକ୍ ନାଗେନ୍ତେ ଆରୁକେଦକଆ ।

୫୯ ଆଡ଼ଠ ଯୋଷେଫ୍ ଯୀଶୁଆଠ ଗନଏଠ ହଡ଼ମ୍ ଆଉକେଦତେ ଫାର୍ଚି ନିରାଲ୍ ଲିଜାଠତେ ପଟମ୍କେଦାଏ ।

* ୨୭:୪୦ ମାଧୁର ୨୭:୨୧; ଯୋହାନ୍ ୨:୧୯. * ୨୭:୫୫ ଲୁକ ୮:୨,୩.

୨୦ ଆତ୍ମା ଇନିଷ ଆୟାଃ ନାଗେନ୍ତେ ଚାଟେନ୍ରେ ଉରାକାନ୍ ନାଞ୍ଜା ତପାଗାଡ଼ାରେ ଇନିଷକେ ଦହକିୟାଏ ଆତ୍ମା ତପାଗାଡ଼ା ଦୁଆରରେ ମିଆଁଦ୍ ମାରାଙ୍ଗ୍ ଦିରିତେ ବାଟିକେସେଦକେଦତେ ସେନଃୟାନାଏ ।

୨୧ ଆତ୍ମା ମାଗ୍ଦାଲିନି ମାରିୟାମ୍ ଆତ୍ମା ଏଟାଃ ମାରିୟାମ୍ ତପାଗାଡ଼ା ହେପାଦ୍ରେ ଦୁବ୍‌ୟାନାକିନ୍ ।

ତପାଗାଡ଼ାତାଃରେ ଦାରଖାନ୍‌କ

୨୨ ଏଟାଃ ହୁଲାଙ୍ଗ୍, ଅକ୍‌ନାଃଟି ରୁଡ଼ନୁହୁଲାଙ୍ଗ୍ରେ ମୁଲ୍ ଯାଜାକ୍‌କ ଆତ୍ମା ଫାରୁଶୀକ ପିଲାଦୁସ୍‌ତାଃତେ ସେନଃୟାନାକ

୨୩ ✽ଆତ୍ମା କାଜିକିୟାକ, “ହେ ଗମ୍‌କେ, ଆଲେ ନାହାଁଃ ଜାକେଦ୍ ପାହାମ୍‌କାଦାଲେ ଏନ୍ ବେଦାନିଃ ଜାନିଦ୍ ତାଜକେନ୍‌ରେ ‘ଆଇଙ୍ଗ୍ ଆପିମା ତାୟମ୍‌ତେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଜକେନାଏ ।

୨୪ ଏନା ନାଗେନ୍ତେ ତପାଗାଡ଼ାକେ ଆପିମା ଜାକେଦ୍ ହର ନାଗେନ୍ତେ ଆତୁକମ୍, କା'ରେଦ ଇନିୟାଃ ଚେଲାକ ନିଦାରେ ହିଜୁଃଆକ ଆତ୍ମା ଗଏଃହଡ଼ମ୍‌କେ କୁମ୍‌ଦୁ ଇଦିକିୟାକ ଏନ୍ତେ ଇନିଷ ଗଜାକାନ୍‌କଏତେ ଜୀଉବିରିଦାକାନାଏ ମେନ୍ତେ ହଡ଼କକେ କାଜିୟାକଆକ । ନେ ଚୁଣ୍ଡୁବେଦା ପାହିଲା ବେଦାଏତେ ପୁରାଃ ଏଡ଼କାନ୍ ହବାଅଆଃ ।”

୨୫ ପିଲାଦୁସ୍ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଜୁ ଦାରଖାନ୍‌କକେ ଇଦିକପେ ଆତ୍ମା ଏନ୍ ତପାଗାଡ଼ାକେ ବୁଗିଲେକା ହରୟେପେ ।”

୨୬ ଏନ୍ତେ ଇନ୍‌କୁ ଦାରଖାନ୍‌କଲଃ ସେନ୍‌କେଦ୍‌ତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍ ଏମ୍‌କେଦ୍‌ତେ ତପାଗାଡ଼ାକେ ହର ନାଗେନ୍ତେ ଦାରଖାନ୍‌କକେ କାଜିକେଦ୍‌କଆକ ।

୨୮

ୟାଶୁଆଃ ଜୀଉବିନିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନୁ ହୁଲାଙ୍ଗ୍ ତାୟମ୍‌ତେ, ଏତଆର୍ ହୁଲାଙ୍ଗ୍ ସେତାଃ ଇଦାନ୍‌ରେ ମାଗ୍‌ଦାଲିନି ମାରିୟାମ୍ ଆତ୍ମା ଏଟାଃ ମାରିୟାମ୍ ତପାଗାଡ଼ା ଠାୟାଦ୍‌ତେ ନେନେଲ୍‌ତେକିନ୍ ସେନଃୟାନା ।

୨ ଆତ୍ମା ଏନ୍ତାଃରେ ପୁରାଃଗି ଅତେ ଏକ୍‌ଲାଅୟାନା ଚିୟାଃଟି ପ୍ରାଭୁଆଃ ଦୁଁଡ୍ ସିର୍ମାଏତେ ଆଡ଼ଗୁୟାନା ଏନ୍ତେ ତପାଗାଡ଼ା ସେନ୍‌କେଦ୍‌ତେ ଦୁଆର୍ତାଃରାଃ ପୁରାଃ ମାରାଙ୍ଗ୍ ଦିରିକେ ବାଟି ଆତମ୍‌କେଦ୍‌ତେ ଏନାରେ ଦୁବ୍‌ୟାନାଏ ।

୩ ଇନିଷଦ୍ ହିଟିର୍ ଲେକା ନେଲଃ ତାଜକେନାଏ ଆତ୍ମା ଇନିୟାଃ ଲିଜାଃ ବାରାୟ୍ ଲେକା ପୁଣ୍ଡିଗି ତାଜକେନା ।

୪ ଦାରଖାନ୍‌କ ଇନିଷକେ ନେଲ୍‌କେଦ୍‌ତେ ବରତେ ଆର୍‌ଆରାଅୟାନାକ ଆତ୍ମା ଗଜାକାନ୍‌କ ଲେକା ହବାୟାନାକ ।

୫ ମେନ୍‌ଦ୍ ଦୁଁଡ୍ ଏନ୍ କୁଡ଼ିକକେ ମେତାଦ୍‌କଆଏ, “ଆଲ୍‌ପେ ବରଏୟା । ଆଇଙ୍ଗ୍ ସାରିତାନାଇଙ୍ଗ୍ ଆପେ କୁଶ୍‌ରେ କିଲାୟାନ୍ ଯାଶୁକେ ଦାଶୀତାନାପେ ।

୬ ଇନିଷ ନେତାଃରେ ବାଙ୍ଗାୟା ଇନିଷଦ୍ ଆୟାଃ କାଜିଲେକାତେ ଜୀଉବିରିଦାକାନାଏ । ନେତାଃ ହିଜୁଃକେଦ୍‌ତେ ନେଲେପେ, ନେତାଃରେ ଇନିୟାଃ ଗଏଃ ହଡ଼ମ୍‌କେ ଦହକାଦ୍ ତାଜକେନାକ ।

୭ ଆତ୍ମା ଆପେ ଜାଲ୍‌ଦି ସେନ୍‌କେଦ୍‌ତେ ଚେଲା ତାୟାଃକକେ କାଜିୟାକପେ, ‘ଇନିଷ ଗଜାକାନ୍‌କଏତେ ଜୀଉବିରିଦାକାନାଏ, ଆତ୍ମା ଆପେଏତେ ଆୟାର୍‌ରେ ଇନିଷ ଗାଲିଲ୍‌ତେ ସେନଃତାନା । ଏନ୍ତାଃରେ ଆପେ ଇନିଷକେପେ ନେଲିୟା ।’ ଆଇଙ୍ଗ୍ ଆପେକେ କାଜିକାଦ୍‌ପେତେୟାଃ ପାହାମେପେ ।”

୮ ନେଆଁ ଆୟୁମ୍‌କେଦ୍‌ତେ ଇନ୍‌କୁ ବରତାନ୍‌ରେୟ ପୁରାଃ ରାସ୍‌କାତାନ୍‌ଲଃ ଇମ୍‌ତାଗି ତପାଗାଡ଼ା ବାଟିକେଦ୍‌ତେ ଆୟାଃ ଚେଲାକକେ ଉଦ୍‌ବାକ ନାଗେନ୍ତେ ନିର୍‌କେଦାକ ।

୯ ଇମ୍‌ତାଙ୍ଗି ଯାଶୁ ଇନ୍‌କୁକେ ହିଜୁଃନାମ୍‌କେଦ୍‌ତେ କାଜିୟାଦ୍‌କଆଏ, “ଆପେୟାଃ ଜୀଉସୁକୁ ହବାଅଃକା” ଆତ୍ମା ଇନ୍‌କୁ ସେନ୍ ହେପାଦ୍‌କେଦ୍‌ତେ ଇନିୟାଃ କାଟା ସାବ୍‌କେଦ୍‌ତେ ଜହାର୍‌କିୟାକ ।

୧୦ ଏନ୍ତେ ଯାଶୁ ଇନ୍‌କୁକେ କାଜିୟାଦ୍‌କଆଏ, “ଆଲ୍‌ପେ ବରଏୟା, ଆପେ ସେନ୍‌କେଦ୍‌ତେ ଆଇଁୟାଃ ହାଗାଇଙ୍ଗ୍‌କକେ କାଜିୟାକପେ, ଗାଲିଲ୍‌ତେ ସେନଃପେ ଆତ୍ମା ଏନ୍ତାଃରେ ଇନିଷକେପେ ନେଲିୟା ।”

ଦାରଖାନ୍‌କଆଃ ଉନ୍‌ଦୁଦ୍

୧୧ ଏନ୍ କୁଡ଼ିକ ସେନଃତାଜକେନ୍ ଇମ୍‌ତା, ତପାଗାଡ଼ା ହରତାଜକେନ୍ ଦାରଖାନ୍ ସିପାଇକଏତେ ଚିମିନ୍‌କ ନାଗାର୍‌ତେ ରୁହାଡ଼କେଦ୍‌ତେ ମୁଲ୍ ଯାଜାକ୍‌କକେ ହବାଲେନ୍‌ତେୟାଃ ସବେନାଃ ଉଦୁବାଦ୍‌କଆକ ।

୧୨ ଆତ୍ମା ମୁଲ୍ ଯାଜାକ୍‌କ ଆତ୍ମା ପ୍ରାଚିନ୍‌କ ହୁଣ୍ଡିକେଦ୍‌ତେ ବାଖାଁଶ୍ ବାଜକେଦାକ ଏନ୍ତେ ଦାରଖାନ୍ ସିପାଇକକେ ପୁରାଃ ଟାକା ଏମ୍‌କେଦ୍‌ତେ,

୧୩ କାଜିକେଦ୍‌କଆକ, “ଆଲେ ଦୁଡ଼ମ୍‌କାନ୍ ତାଜକେନ୍ ଇମ୍‌ତା ଇନିୟାଃ ଚେଲାକ ନିଦାରେ ହିଜୁଃକେଦ୍‌ତେ ଇନିଷକେ କୁମ୍‌ଦୁ ଇଦିକିୟାକ ମେନ୍ତେ କାଜିୟାକପେ ।

✽ ୨୭:୨୩ ମାଧୁର ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୧୪ ଆଡ଼ଃ ନେ କାଜି ରୋମିରେନ୍ ଲାଟ୍‌ସାହେବ୍ ଆୟୁମେରେଦ ଆଲେ ଇନିଃକେ ବୁଗିଲେକା କାଜିତାଇୟାଲେ ଯେ, ଆପେୟାଃ ଜେତାନ୍ ଗୁହ୍ନା ବାନଆଃ । ନେ ବିଷାଏରେ ଆପେ ଜେଡ଼ନାଃ ଆଲ୍‌ପେ ଉଡ଼ଃୟା ।”

୧୫ ଦାରଞ୍ଜାନ୍ ସିପାଇକ ଟାକା ନାମ୍‌କେଦ୍‌ତେ ଇନ୍‌କୁ ଇଡୁକାଦ୍‌କ ତାଇକେନ୍ ଲେକାକ କାଜିକେଦା ଆଡ଼ଃ ଏନ୍ କାଜି ଯିହୁଦୀକଆଃ ଆଲ୍‌ରେ ନିତିର୍‌ୟାନା ଆଡ଼ଃ ତିସିଙ୍ଗ୍ ଜାକେଦ୍ ମୋନାଃ ।

ୟୀଶୁ ଆୟାଃ ଚେଲାଇକତାଃରେ ଉଦୁବେନ୍‌ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୬-୮)

୧୬ ☆ଏଗାରାଝାନ୍ ଚେଲାଇ ଗାଲିଲ୍‌ତେ ସେନ୍‌କେଦ୍‌ତେ ଯୀଶୁ କାଜିକାଦ୍‌କ ତାଇକେନ୍ ବୁରୁତେକ ସେନଃୟାନା ।

୧୭ ଏନ୍ତାଃରେ ଇନ୍‌କୁ ଯୀଶୁକେ ନେଲ୍‌କେଦ୍‌ତେ ଜହାର୍‌କିୟାକ ମେନ୍‌ଦ ଚିମିନ୍‌କ ଆଡ଼ାଃଉଡ଼ଃୟାନା ।

୧୮ ଏନ୍ତେ ଯୀଶୁ ଇନ୍‌କୁତାଃତେ ହିଜୁଃକେଦ୍‌ତେ କାଜିକେଦ୍‌କଆଏ, “ସିମ୍‌ଆ ଆଡ଼ଃ ଅତେରେୟାଃ ସବେନ୍ ଆକ୍‌ତେୟାର୍ ଆଇଁୟାଃ ତିଃଇରେ ଏମାକାନା,

୧୯ ☆ଏନାମେନ୍ତେ ସେନଃପେ ଆଡ଼ଃ ଅତେଦିଶୁମ୍‌ରେନ୍ ସବେନ୍ ହଡ଼କକେ ଆଇଁୟାଃ ଚେଲା ବାଇକପେ ଆଡ଼ଃ ଇନ୍‌କୁକେ ଆପୁ, ହନ୍ ଆଡ଼ଃ ପାବିତାର୍ ଆମ୍‌ରାଃ ନୁତୁମ୍‌ତେ ବାପ୍ତିସ୍ମାକପେ ।

୨୦ ଆଡ଼ଃ ଆଇଙ୍ଗ୍ ଆରୁକାଦ୍ ସବେନାଃ ମାନାତିଙ୍ଗ୍ ନାଗେନ୍ତେ ଇଡୁକପେ ଆଡ଼ଃ ସାରିଜମେପେ, ଆଇଙ୍ଗ୍ ଅତେଦିଶୁମ୍‌ରେୟାଃ ଟୁଣ୍ଡୁ ଦ୍ରିପିଲି ଜାକେଦ୍ ଆପେଲ୍‌ଃ ସବେନ୍‌ଇମ୍‌ତା ତାଇନାଇଙ୍ଗ୍ ।”

ମାର୍ଚ୍ଚ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍ଚ୍ଚ ଅଲ୍ମାକାନ୍ଦ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିବା୍ୟ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ୍ ନାଞ୍ଜା ନିୟାମରାଃ ଚାରୁ ପୁଅକଏତେ ମାର୍ଚ୍ଚ ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡି “ବୁଗିନ୍ କାଜି” ତାନାଃ । ଯୀଶୁଆଃ ଗନଏଃ ତାୟମ୍ତେ, ଏନ୍ ସୁକୁକାଜିକେ ମାଥୁଉ, ମାର୍ଚ୍ଚ, ଲୁକ, ଆତଃ ଯୋହାନ୍ ତିକୁ ଅଲ୍ମାକାଦାଃକ । ଉପୁନିୟା ସୁକୁକାଜିକଏତେ ମାର୍ଚ୍ଚ ହବାଅଃତାନା ସବେନ୍ଏତେ ହୁଡ଼ିଙ୍ଗ । ନେ କାଜିୟଗି ବିଶ୍ୱାସଃ ତାନା ଯେ, ନେ ସୁକୁକାଜି ସବେନ୍ ସୁକୁକାଜି ଏତେ ସିଦା, ଯୀଶୁତାୟମ୍ ୨୫-୭୦ କରେ ଅଲ୍ମାକାନା । ଚିମିନ୍ ବାଇବେଲ୍ ପାଣ୍ଡିତକ ବିଶ୍ୱାସେତାନାକ, ରୋମ୍ରେ ତାଇନଃତାନ୍ ଖ୍ରୀଷ୍ଟ ବିଶ୍ୱାସୀକକେ ବିଶ୍ୱାସରେ କେଟେଦଃ ନାଗେନ୍ତେ ରୋମ୍ରେ ନେ ସୁକୁକାଜି ଅଲ୍ମାକାନ୍ ତାଇକେନା ।

ମାର୍ଚ୍ଚ, ଅକଏଚି ଯୋହାନ୍ ମାର୍ଚ୍ଚ ନୁତୁମ୍ତେ ସାରିଅଃତାଇକେନାଏ, ଇନିଃ ପାଉଲୁସ୍ ଆତଃ ବର୍ଣ୍ଣବାସରାଃ ଗାତି ତାଇକେନାଏ, ମେନ୍ଦ ଚିମ୍ତା ଇନିଃ ଇନ୍କୁଆଃ ସେଞ୍ଜାକାମିରାଃ ସେନଃରେ ବାଗିକେଦ୍ତେ ରୁହାଡ଼ୟାନାଏ, ଇମ୍ତା ଇନିୟାଃ ନୁତୁମ୍ରେ ଆଞ୍ଜ ହିଜୁଃୟାନା ପ୍ରେରିଡ଼ ୧୩:୧୩ । ତାୟମ୍ତେ ଆତଃମିସା ଇନିଃ ବର୍ଣ୍ଣବାସଲଃ ସେଞ୍ଜାକାମି ନାଗେନ୍ତେ ସେନଃୟାନାଏ ପ୍ରେରିଡ଼ ୧୫:୩୭-୩୯ । ମାର୍ଚ୍ଚହଗି ପାଡ଼ରାସରାଃ ମିଆଁଦ୍ ଦୁଲାଡ଼ ଗାତି ମେନ୍ତେ ସାରିଅଃତାଇକେନାଏ ୧ ପାଡ଼ରାସ୍ ୫:୧୩ । ମାର୍ଚ୍ଚ ଯୀଶୁଆଃ ଜୀଞ୍ଜାନକେ ମେଦ୍ତେ କାଏ ନେଲ୍କାଇରେୟଗି, ବାଇବେଲ୍ ପାଣ୍ଡିତକ ବିଶ୍ୱାସେତାନାକ ଯେ, ଇନିଃ ପାଡ଼ରାସରାଃ ଗାଞ୍ଜାଇଲେକାତେ ଆୟାଃ ସୁକୁକାଜିକେ ଅଲ୍ମାକାଦାଏ । ନେ ସୁକୁକାଜିରେ ମାର୍ଚ୍ଚ ଚେଲାବାଇ ଆତଃ ଚୁଣ୍ଡ ଦ୍ୱିପିଲି ବିଷାଏରେ ଯୀଶୁଆଃ ଇନିତୁକେ ଉଦୁବାକାଦା ।

ମାର୍ଚ୍ଚ ନେ ପୁଅରେ ଯୀଶୁ ଖ୍ରୀଷ୍ଟକେ ଲେବେଃ ଦାସି ଆତଃ ଆପୁ ପାର୍ମେଶ୍ୱାରରାଃ ସାନାଙ୍ଗ୍ ପୁରାନାଙ୍ଗ୍ ସବେନ୍ ନେତାରେ ତାୟାରାକାନ୍ କାଜି ମାନାତିଙ୍ଗ୍ ହନ୍ଦକଡ଼ା ଲେକା ଉଦୁବିତାନାଏ, ଏନାମେନ୍ତେ ଇନିଃ ବିଶେଷକେଦ୍ତେ, ପ୍ରାଭୁ ଯୀଶୁଆଃ ପେଡ଼େୟାନ୍ କାମିକ ବିଷାଏରେ ଅଲ୍ଲକେଦା । ଦିଶୁମରାଃ ସବେନ୍କତାଃରେ ପାର୍ମେଶ୍ୱାରରାଃ ସୁକୁକାଜି ପ୍ରାଚାର୍ ରିକାରାଃ ମାରାଙ୍ଗ୍ ଆନ୍ତୁହଗି ନେ ସୁକୁକାଜିରେ ଅଲ୍ମାକାନା ।

ପୁଅ ଭିତାରେ ତାଇକାନ୍ କାଜି

- ୧. ବାପ୍ତିସ୍ମା ଏମଃନିଃ ଯୋହାନ୍ ଆତଃ ଯୀଶୁଆଃ ବାପ୍ତିସ୍ମା । ୧:୧-୧୩
- ୨. ଗାଲିଲ୍ରେ ପ୍ରାଭୁ ଯୀଶୁଆଃ ସେଞ୍ଜା । ୧:୧୪-୯:୫୦
- ୩. ଯୀରୁଶାଲେମ୍ତେ ସେନଃ ଆତଃ ମାନ୍ଦିର୍ ଅଡ଼ାଃରେ ବଲଃ । ୧୦:୧-୧୨:୪୪
- ୪. ହିଜୁଃ ବିଷାଏକରାଃ ଆୟାରକାଜି । ୧୩:୧-୩୭
- ୫. ଯୀଶୁଆଃ ଗନଏଃ ଆତଃ ଜୀଉବିନିରିଡ଼ । ୧୪:୧-୧୬:୨୦

ଯୋହାନ୍ ବାପ୍ତିସ୍ମା ଏମଃନିଃରାଃ ପ୍ରାଚାର୍
(ମାଥୁଉ ୩:୧-୧୨; ଲୁକ ୩:୧-୧୮; ଯୋହାନ୍ ୧:୧୯-୨୮)

୧ ନେଆଁ ପାର୍ମେଶ୍ୱାରଆଃ ହନ୍ ଯୀଶୁ ଖ୍ରୀଷ୍ଟ*ଆଃ ସୁକୁକାଜିରାଃ ଏନେଟେଦ୍ ।

୨ ଯିଶାୟ ନାବୀ† ଅଲ୍ମାକାଦ୍ ପୁଅ ଲେକାତେ,

“ପାର୍ମେଶ୍ୱାର୍ କାଜିକେଦାଏ, ‘ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

୩ ଜେତାଏ ମିହୁଡ଼୍ ବିର୍ରେ କାଉରିକେଦାଏ,

‘ପ୍ରାଭୁଆଃ ହରା ବାଇୟେପେ,

ଆୟାଃ ଏଙ୍କବେଙ୍କ ହରା ସିଧାଏପେ ।’”

୪ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ବିର୍ରେ ସେଟେଟାନଲଃ, ଇନିଃ ହଡ଼କକେ କାଜିୟାଦ୍‌କଆ, “ପାପ୍‌ଏତେ ମନ୍‌ରୁହାଡ଼େପେ ଆତଃ ବାପ୍ତିସ୍ମାଅଃପେ, ଏନାରେ ପାର୍ମେଶ୍ୱାର୍ ଆପେୟାଃ ପାପ୍‌କ ଛାମାପେୟାଏ ।”

୫ ଏନ୍ତେ ଯିହୁଦା ରାଇଜ୍, ଯୀରୁଶାଲେମ୍ ନାଗାର୍‌ଏତେ ଆତଃ ଯାଦ୍‌ନ ନାହିଁରାଃ ସବେନ୍ ହପର୍‌କାପାଃରେନ୍ ହଡ଼କ ଯୋହାନ୍‌ତାଃ ଆୟୁମ୍ ନାଗେନ୍ତେ ହିଜୁଃୟାନାକ । ଏନ୍ତେ ହଡ଼କ ଆକଆଃ ପାପ୍‌କ ପାତିୟାରକେଦା ଏନ୍ତେ ଇନିଃ ଯାଦ୍‌ନ ନାହିଁରେ ଇନ୍‌କୁକେ ବାପ୍ତିସ୍ମାକେଦ୍‌କଆ ।

* ୧:୧ ମାସି, † ୧:୨ କାଜି ଆୟାରନିଃ

୭ ଯୋହାନ୍ ଉର୍ବରା ଉଦ୍ଦେ ବାଇୟାକାନ୍ ଲିଜାଃ ତୁସିଙ୍ଗ୍‌ଅଁଠାନ୍ ତାଇକେନାଏ, ଆୟାଃ ମାୟାଙ୍ଗ୍‌ରେ ଉହୁର୍‌ରାଃ କାସ୍‌ନା ତଲଃ ତାଇକେନାଏ ଆତଃ ଜନିଃ ସନ୍‌ସରେଦ୍ ଆତଃ ହୁରୁମ୍‌ସୁକୁ ଜମ୍‌କତାନ୍ ତାଇକେନାଏ ।

୮ ଜନିଃ ପାରଗାରେତାନଲଃ କାଜିୟାଦ୍‌କଆଏ, “ଆଇଙ୍ଗ୍‌ଏତେ ପୁରାଃଗି ପେଡେୟାନ୍‌ନିଃ ଆଇଁୟାଃ ତାୟମ୍‌ତେ ହିଜୁଃତାନା, ଉଙ୍ଗ୍‌ଦ୍‌କେଦ୍‌ତେ ଜନିୟାଃ ଖାର୍‌ପାରେୟାଃ ତନଲ୍ ରାଡାଏ ଲେକାନ୍‌ନିଃ ନାହାଁଲିଙ୍ଗ୍ ।

୯ ଆଇଙ୍ଗ୍‌ଦ୍‌ ଆପେକେ ଦାଆଃତେ ବାପ୍ତିସ୍ତାପେ ତାନାଇଙ୍ଗ୍, ମେନ୍‌ଦ୍ ଜନିଃ ଆପେକେ ପାବିତାର୍ ଆମ୍‌ତେ ବାପ୍ତିସ୍ତା ଏମାପେୟାଏ ।”

ୟୀଶୁଆଃ ବାପ୍ତିସ୍ତା ଆତଃ ବିଡାଅ
(ମାଥୁଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୧୦ ଏନ୍ ଦିପିଲିରେ ଯୀଶୁ ଗାଲିଲ୍ ପାରଗାନ୍‌ରେୟାଃ ନାଜ୍‌ରେଡ୍ ନାଗାର୍‌ଏତେ ଯାର୍ଦାନ୍ ନାହିଁତେ ହିଜୁଃୟାନା, ଆତଃ ଯୋହାନ୍ ଯୀଶୁକେ ବାପ୍ତିସ୍ତା ଏମ୍‌କିୟାଏ ।

୧୧ ଆତଃ ଯୀଶୁ ଦାଆଃ ଭିତାର୍‌ଏତେ ବାହାରି ଅତଙ୍ଗ୍‌ୟାନ୍ ଇମ୍‌ତା ଜନିଃ ସିର୍ମା ନିଜାକାନ୍ ଆତଃ ପାବିତାର୍ ଆମ୍‌ ଦୁଦୁମ୍‌ଲ୍‌ ଲେକା ଆୟାଃ ଚେତାନରେ ଆଡ୍‌ଗୁତାନାଏ ନେଲ୍‌କିୟା ।

୧୨ ଆତଃ ସିର୍ମାଏତେ ନେଲେକା କାଜି ଆୟୁମ୍‌ୟାନା, “ଆମ୍‌ଗି ଆଇଁୟାଃ ଦୁଲ୍‌ତ୍‌ ହନ୍, ଅକଏକେଟି ଆଇଙ୍ଗ୍ ଦୁଲ୍‌ତାଃ; ଆମାଃତାଃରେ ଆଇଁୟାଃ ପୁରାଃଗି ସୁକୁ ।”

୧୩ ଇମ୍‌ତାଗି ପାବିତାର୍ ଆମ୍‌ ଯୀଶୁକେ ବିରତେ ଇଦିକିୟା ।

୧୪ ଯୀଶୁ ଏନ୍ତାଃରେ ବାହାରି ନିଦାସିଙ୍ଗି ତାଇକେନାଏ, ଆତଃ ସାଏତାନ୍ ଜନିଃକେ ବିଡାଅକିୟା । ଜନିଃ ବିର ଜାଁତୁକଲଃ ତାଇକେନାଏ ଆତଃ ଦୁଡ୍‌କ ହିଜୁଃକେଦ୍‌ତେ ଜନିଃକେ ସୁସାର୍ ଏଚେଦ୍‌କିୟାକ ।

ୟୀଶୁ ଚାର୍‌ୟାନ୍ କେଉଁଟକକେ କେଡାକତାନାଏ
(ମାଥୁଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୫ ଯୋହାନ୍ ଜେହେଲ୍‌ୟାନ୍ ତାୟମ୍‌ତେ, ଯୀଶୁ ଗାଲିଲ୍ ସାହାର୍‌ତେ ହିଜୁଃୟାନାଏ ଆତଃ ପାର୍‌ମେଶ୍‌ବାରାଃ ସୁକୁକାଜି ଉଦ୍‌ବ୍‌ବାଡାକେଦାଏ ।

୧୬ “ନେଡା ପୁରାୟାନା, ଆତଃ ପାର୍‌ମେଶ୍‌ବାରାଃ ରାଇଜ୍ ଆପେତାଃ ନାଡେୟାକାନା ! ଆପେୟାଃ ପାପ୍‌ହେତେ ମନ୍‌ରୁହାଡେପେ ଆତଃ ସୁକୁକାଜିରେ ବିଶ୍ୱାସେପେ” ମେନ୍ତେ ଜନିଃ କାଜିକେଦ୍‌କଆଏ ।

୧୭ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍‌ତା ଶିମୋନ୍ ଆତଃ ଆୟାଃ ହାଗାତେ ଆହିୟକେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ ହାକୁ ସାବ୍‌ତାନ୍ ନେଲ୍‌କେଦ୍‌କିନାଏ, ଚିୟାଃଟି ଇନ୍‌କିନ୍‌ଦ୍ କେଉଁଟକିନ୍ ତାଇକେନା ।

୧୮ ଯୀଶୁ କାଜିକେଦ୍‌କିନାଏ, “ଦେଲା ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ବେନ୍, ଆଇଙ୍ଗ୍ ଆବେନ୍‌କେ ହଡକକେ ପାର୍‌ମେଶ୍‌ବାରାଃତେ ଆଡ୍‌ତେୟାଃ ଇଡୁବେନାଇଙ୍ଗ୍ ।”

୧୯ ଇନ୍‌କିନ୍ ଇମ୍‌ତାଙ୍ଗି ଜାଲୋମ୍ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

୨୦ ଆତଃ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁର୍‌ତେ ସେନ୍‌କେଦ୍‌ତେ ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌କିନାଏ ।

୨୧ ଆତଃ ଇମ୍‌ତାଙ୍ଗି ଯୀଶୁ ଇନ୍‌କିନ୍‌କେ କେଡାକେଦ୍‌କିନାଏ, ଆତଃ ଇନ୍‌କିନ୍ ଆକିନାଃ ଆପୁ ଜେବଦୀକେ ନାଲାନାମ୍ ହଡକଲଃ ଲାଉକାରେ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

ବଙ୍ଗା ଏସେରାକାନ୍ ହଡକେ ଯୀଶୁ ବୁଗିକିୟାଏ
(ଲୁକ ୪:୩୧-୩୭)

୨୨ ଏନ୍ତେ ଯୀଶୁ ଆୟାଃ ଚେଲକଲଃ କପରନାହୁମ୍ ସାହାର୍‌ତେ ସେନଃୟାନାଏ, ଆତଃ ଜନିଃ ରୁଡନ୍ ହୁଲାଇଙ୍ଗ୍‌ରେ ସାମାଜ୍ ଅଡାଃରେସ୍ ବଲକେଦ୍‌ତେ ଧାରାମ୍ କାଜି ଉଦ୍‌ବ୍ ଏଚେଦ୍‌କେଦାଏ ।

୨୩ ଆୟାଃ ଧାରାମ୍ କାଜି ଆୟୁମ୍‌କେଦ୍‌ତେ ହଡକ ଆକ୍‌ଦାନ୍‌ଅୟାନାକ, ଚିୟାଃଟି ଜନିଃ ଆଇନ୍ ଇଡୁକ ଲେକାଦ୍ କାହା, ମେନ୍‌ଦ୍ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଇନ୍‌କୁକେ ଧାରାମ୍ କାଜି ଉଦ୍‌ବ୍‌କ ତାଇକେନାଏ ।

୨୪ ଇମ୍‌ତାଗି ଇନ୍‌କୁଆଃ ସାମାଜ୍ ଅଡାଃରେ ମିଆଁଦ୍ ସଡ୍‌ରା ଆମ୍‌ତେ ଏସେରାକାନ୍ ହଡ କାଉରିକେଦାଏ,

୨୫ “ହେ ନାଜ୍‌ରେଡ୍‌ରେନ୍ ଯୀଶୁ, ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍‌ମେଶ୍‌ବାରାଃ ପାବିତାର୍‌ନିଃ ତାନ୍‌ମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୬ ଯୀଶୁ ଜନିଃକେ ମାରାଙ୍ଗ୍‌ମାକେଦ୍‌ତେ କାଜିକିୟାଏ, “ହାପାଆମ୍‌, ଆତଃ ଜନିଃତାଃଏତେ ଅତଙ୍ଗ୍‌ଅମେ ।”

୨୭ ଏନ୍ତେ ଏନ୍ ସଡ୍‌ରା ଆମ୍ ଇନିଃକେ ମୁରକୁଟାଅକିୟାଏ ଆତଃ କାଉରିତାନ୍‌ଲଃ ଜନିଃତାଃଏତେ ଅତଙ୍ଗ୍‌ୟାନା ।

‡ ୧:୧୦ ପାରା ✧ ୧:୧୧ ମାଥୁଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨. ✨ ୧:୧୫ ମାଥୁଉ ୩:୨. § ୧:୨୧ ଯିହୁଦୀକଆଃ ବିକ୍ରିଅଡାଃ ✧ ୧:୨୨ ମାଥୁଉ ୭:୨୮, ୨୯.

୨୭ ନେୟାଁ ନେଲକେଦ୍‌ତେ ସବେନ୍‌କ ନେ'ଲେକା ଆକଦାନ୍‌ଆୟାନାକ ଯେ, ଇନ୍‌କୁ ଆକ ଆକଗି କୁଲିୟଃତାନ୍‌କ ତାଇନ୍‌କେନା “ନେୟାଁ ଚିକ୍‌ନାଃ ? ନେଆଁଦ ନାଞ୍ଜା ଇତୁ ! ନିଃଦ ଆକ୍‌ତେୟାର୍‌ତେ ସଡ଼ରା ଆମ୍‌କକେ ଅତଙ୍ଗଅଃ ନାଙ୍ଗ୍ ଆତୁକତାନାଏ ଆତଃ ଇନ୍‌କୁ ଇନିୟାଃ କାଜିକ ମାନାତିଙ୍ଗ୍‌ତାନା ।”

୨୮ ଆତଃ ଯୀଶୁଆଃ କାଜି ଇମ୍‌ତାଗି ଗାଲିଲ୍ ଦିଶୁମ୍‌ରାଃ କତାକୁନି ସବେନ୍‌ସାଃରେ ନିତିର୍‌ୟାନା ।

ୟୀଶୁ ଦୁକୁହାସୁତାନ୍‌କକେ ବୁଗିକୁତାନାଏ
(ମାଥୂଉ ୮:୧୪-୧୭; ଲୁକ ୪:୩୮-୪୧)

୨୯ ଇମ୍‌ତାଙ୍ଗ୍‌ଗି ଯୀଶୁ ଆତଃ ଆୟାଃ ତେଲକ ସାମାଜ୍ ଅଡ଼ାଃ ବାଗିକେଦ୍‌ତେ, ଯାକୁବ୍ ଆତଃ ଯୋହାନ୍‌ଲଃ, ଆହିୟ୍ ଆତଃ ଶିମୋନ୍‌ଆଃ ଅଡ଼ାଃତେ ସେନଃୟାନାକ ।

୩୦ ଶିମୋନ୍‌ଆଃ ହାନାର୍‌ତେ ଉରିୟୁତେ ପାର୍‌କମ୍‌ରେ ବାଟିୟାକାନ୍ ତାଇକେନାଏ, ଆତଃ ଇମ୍‌ତାଗି ଇନିୟାଃ କାଜି ଯୀଶୁକେ ଉଦୁବ୍‌କିୟାଃକ ।

୩୧ ଏନ୍ତେ ଯୀଶୁ ଇନିୟାଃ ଜାପାଃତେ ସେନ୍‌ୟାନ୍‌ଚିଃ ଇନିୟାଃ ତିଃଇ ସାବ୍‌କେଦ୍‌ତେ ବିରିଦ୍‌କିୟାଏ ଆତଃ ଇନିଃ ଉରିୟୁଏତେ ବୁଗିୟାନା, ଆତଃ ଇନିଃ ଇନ୍‌କୁକେ ସୁସାର୍ ଏଟେଦ୍‌କେଦ୍‌କଆ ।

୩୨ ସିଜିହାସୁରଃ ତାନ୍‌ରେ ହଡ଼କ ପୁରାଃ ବଙ୍ଗା ଏସେର୍‌କାନ୍ ଆତଃ ଦୁକୁହାସୁତାନ୍ ସବେନ୍ ହଡ଼କକେ ଯୀଶୁତାଃତେକ ଆଉକେଦ୍‌କଆ ।

୩୩ ଆତଃ ଏନ୍ ସାହାର୍‌ରେନ୍ ହଡ଼କ ଏନ୍ ଅଡ଼ାଃ ଦୁଆର୍‌ରେକ ହୁଣ୍ଡିୟାନା ।

୩୪ ଏନ୍‌ରେଦ ଯୀଶୁ ଚିମିନ୍ ରାକାମ୍‌ରେନ୍ ହାସୁ ଦୁକୁତାନ୍ ଚିମିନ୍ ଚିମିନ୍ ହଡ଼କକେ ବୁଗିକେଦ୍‌କଆଏ, ଆତଃ ଚିମିନ୍ ଚିମିନ୍ ବଙ୍ଗାକକେ ହାର୍‌ଅତଙ୍ଗ୍ କେଦ୍‌କଆଏ, ଆତଃ ଇନିଃ ବଙ୍ଗାକକେ କାଏ କାଜି ଇଚିକେଦ୍‌କଆ, ଚିୟାଃଚି ଇନ୍‌କୁ ଯୀଶୁକେ ସାରିତାଇକେନାକ ।

ୟୀଶୁ ଗାଲିଲ୍‌ରେ ସୁକୁକାଜି ଉଦୁବ୍‌କେଦାଏ
(ଲୁକ ୪:୪୨-୪୪)

୩୫ ଏଟାଃ ହୁଲାଙ୍ଗ୍ ଆଙ୍ଗ୍‌ମାର୍‌ସାଲ୍ ଝୁଲ୍‌ପୁଲ୍‌ନୁବାଃ ତାଇନ୍‌ଲଃଗି ଯୀଶୁ ବିରିଦ୍‌କେଦ୍‌ତେ ସିଃସଏଃ ଠାୟାଦ୍‌ତେ ସେନଃୟାନାଏ ଆତଃ ଏନ୍ତାଃରେ ବିକ୍ତିକେଦାଏ ।

୩୬ ମେନ୍‌ଦ, ଶିମୋନ୍ ଆତଃ ଗାତି ତାୟାଃକ ଯୀଶୁକେ ଦାଣ୍ଠାଁ ନାମ୍‌କେଦ୍‌ତେ,

୩୭ ଆୟାଃତାଃକ ହିଜୁଃୟାନା ଆତଃ କାଜିକିୟାଃକ, “ସବେନ୍‌କ ଆମ୍‌କେ ଦାଣ୍ଠାଁବାଡ଼ାତାନାକ ।”

୩୮ ମେନ୍‌ଦ ଇନିଃ କାଜିୟାଦ୍‌କଆଏ, “ଦଲା, ଜାପାଃକରାଃ ହାତୁତେବୁ ସେନଆଃ, ଜେ'ଲେକାଚି ଏନ୍ତାଃକରେହ୍ ଆଇଙ୍ଗ୍ କାଜିକ ଉଦୁବେୟାଈଙ୍ଗ୍, ଚିୟାଃଚି ଏନା ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ କୁଲାକାଈଙ୍ଗ୍‌ୟାଁ ।”

୩୯ ☆ଏନ୍ତେ ଇନିଃ ଇନ୍‌କୁଆଃ ସାମାଜ୍ ଅଡ଼ାଃକରେ ଇତୁକେଦ୍‌କଆ ଆତଃ ବଙ୍ଗାକକେ ହାର୍‌ତାନ୍‌ଲଃ ଗଟା ଗାଲିଲ୍ ହନର୍‌କେଦାଏ ।

ୟୀଶୁ ମିଆଁଦ୍ ନାଗେଘାଅନିଃକେ ବୁଗି ତାନାଏ
(ମାଥୂଉ ୮:୧-୪; ଲୁକ ୫:୧୨-୧୬)

୪୦ ମୁସିଙ୍ଗ୍ ହୁଲାଙ୍ଗ୍ ମିଆଁଦ୍ ନାଗେଘାଅନିଃ ଯୀଶୁତାଃ ଦେଙ୍ଗାଆସି ମେନ୍ତେ ହିଜୁଃୟାନାଏ, ଆତଃ ଇକ୍‌ଡ଼ୁକେଦ୍‌ତେ ବିକ୍ତିତାନ୍‌ଲଃ କାଜିକିୟାଏ, “ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର୍* ଦାଡ଼ିୟାମ୍ ।”

୪୧ ଏନ୍ତେ ଯୀଶୁ ଦାୟାତେ ପେରେଃୟାନାଏ ଆତଃ ଆୟାଃ ତିଃଇ ଜିଲିଙ୍ଗ୍‌କେଦ୍‌ତେ ଜୁଟିଦ୍‌କିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।”

୪୨ କାଜିତର୍‌ସାଗି ଇନିୟାଃ ନାଗେଘାଅ ନିର୍‌ୟାନା ଆତଃ ଇନିଃ ବୁଗିୟାନାଏ ।

୪୩ ଏନ୍ତେ ଯୀଶୁ ଇମ୍‌ତାଗି ଏନ୍ତାଃଏତେ କୁଲ୍‌କିୟାଏ, ଆତଃ ମାରାଙ୍ଗ୍‌ମତାତେ କାଜିକିୟାଏ,

୪୪ “ଆୟୁମେମେ, ଜେତାଏକେ ନେ କାଜି ଆଲମ୍ ଉଦୁବ୍‌କଆଃ, ମେନ୍‌ଦ, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆତଃ ଇନିଃ ନେଲ୍‌ମେକାଏ, ଏନ୍ତେ ଆମ୍ ବୁଗିଫାର୍‌ଚିୟାଃତେୟାଃ ସବେନ୍ ହଡ଼କଆଃ ସାରିନାଗେନ୍ତେ, ମୁଣା ହୁକୁମାକାଦ୍‌ଲେକା ଦାଣ୍ଠାଁରାକାବେମେ ।”

୪୫ ମେନ୍‌ଦ ଏନ୍ ହଡ଼ ସେନଃୟାନ୍‌ଚି ନେ କାଜି ସବେନ୍‌ତାଃରେ ଉଦୁବ୍ ଏଟେଦ୍‌କେଦାଏ, ଇନିୟାଃ ନେ କାଜି ମେନ୍ତେ ଯୀଶୁ ଜେତାନ୍ ସାହାର୍‌ରେ ହଡ଼କଆଃ ଆୟୁର୍‌ରେ କାଏ ବଲ୍ ଦାଡ଼ିକେନା, ଆତଃ ସିଃସଏଃ ଠାୟାଦ୍‌ରେ ତାଇନ୍‌ବାଡ଼ାୟାନାଏ, ହଲେହ୍ ହଡ଼କ ସବେନ୍‌ସାଃଏତେ ଇନିଃତାଃତେ ହିଜୁଃତାନ୍ ତାଇକେନାକ ।

☆ **୧:୩୯** ମାଥୂଉ ୪:୨୩; ୯:୩୫. * **୧:୪୦** ହିଜୁଦ୍‌କଆଃ ଲେକାତେ ନାଗେଘାଅ ତାଇକାନ୍ ହଡ଼ ସଡ଼ରା କାଜିୟଃ ତାଇକେନା ଆତଃ ପାର୍‌ମେଶ୍ୱାର୍‌ରାଃ ସେଞ୍ଜା କାଏ ଦାଡ଼ିତାଇକେନା

୨

ୟୀଶୁ ମିଆଁଦ୍ ବାଡ଼କାନନିଃକେ ବୁଗିକିୟାଏ
(ମାଥୂଉ ୯:୧-୮; ଲୁକ ୫:୧୭-୨୬)

୧ ଚିମିନ୍ ମାହାଁ ତାୟମ୍ତେ, ୟୀଶୁ କପରନାହୁମ୍ତେ ଆଇଃକ୍ ତାଇନଃ ଅଡ଼ାଃତେ ରୁହାଡ଼ୟାନ୍ତି, ଅଡ଼ାଃରିୟା ମେନ୍ତେ
ଇନ୍କୁ ଆୟୁମ୍କେଦା,

୨ ଏନ୍ତେଦ ହଡ଼କ ପୁରାଃଗି ହୁଣ୍ଡିୟାନ୍ତେ ଏନ୍ତାଃରେ ଦୁଆର୍ପିଣ୍ଡିଗିରେହ ଠାୟାଦ୍ କା ତାଇକେନା, ଆଡ଼ଃ ୟୀଶୁ ଇନ୍କୁକେ
ବାତାନ୍ ଉଦୁବାଦକଆଏ ।

୩ ଏନ୍ ଦିପିଲିରେ, ମିଆଁଦ୍ ବାଡ଼କାନ୍ ହଡ଼କେ ଚାର୍ଝାନ୍ ହଡ଼କ ଇନିଃତାଃତେକ ଗଅଃ ଆଉକିୟା ।

୪ ମେନ୍ଦ ଗାଦେଲ୍ ହଡ଼କ ନାଗେନ୍ତେ ଇନ୍କୁ ୟୀଶୁଆଃ ନାଡ଼େଃତେ କାକ ସେନ୍ଦାଡ଼ିୟାନା । ଏନାମେନ୍ତେ ୟୀଶୁ
ତିଲୁକାନ୍ତାଃରାଃ ଅଡ଼ାଃ ସାଡ଼ମି ଗେନାକେଦ୍ତେ, ଏନ୍ ବାଡ଼କାନନିଃକେ, ବାରିୟାକାନ୍ ପାରକମ୍ଲଃଗି ଆଡ଼ଗୁକିୟାକ ।

୫ ଆଡ଼ଃ ୟୀଶୁ ଇନ୍କୁଆଃ ବିଶ୍ୱାସ୍ ନେଲ୍କେଦ୍ତେ ବାଡ଼କାନନିଃକେ ମେତାଇୟାଏ, “ଏ ହନ୍ ଆମାଃ ପାପକ ଛାମାୟାନା
।”

୬ ଏନ୍ତାଃରେ ଦୁବାକାନ୍ ଚିମିନ୍ ଆଇନ୍ ଇଡୁକ ଏନା ନେଲ୍କେଦ୍ତେ ଆକ ଆକଆଃ ମନ୍ରେ ପାହାମ୍କେଦାଃକ,

୭ “ନିଃ ଚିଲ୍କାକେଦ୍ତେ ନେ ଲେକାଏ କାଜି ଦାଡ଼ିତାନ୍ ? ନିଃଦ ପାରମେଶ୍ୱାକ୍ ନିନ୍ଧାଈତାନା, ମିହୁଡ଼କେ
ବାଗିକେଦ୍ତେ, ମେନ୍ଦ ପାରମେଶ୍ୱାକ୍ ବେଗାକ୍ ଅକଏ ପାପ୍ ଛାମା ଏମ୍ ଦାଡ଼ିୟାଏ ।”

୮ ଇନ୍କୁ ଏନ୍ଲେକା ଆକଆଃ ମନ୍ରେ ପାହାମ୍ତାନା ମେନ୍ତେ ୟୀଶୁ ଇମ୍ତାଗି ଆୟାଃ ଆମ୍ରେ ଆକ୍କାକ୍କେଦା, ଆଡ଼ଃ
ମେତାଦକଆଏ, “ଆପେ ଆପେୟାଃ ମନ୍ରେ ଚିନାଃପେ ଉଡ଼ୁତାନା ?”

୯ ଅକ୍ନାଃ ରାଝାଲ୍ଲାଃ, ନେ ବାଡ଼କାନନିଃକେ “ପାପ୍ ତାମାଃକ ଛାମାୟାନା” କାଜିତେୟାଃ ରାଝାଲ୍ଲାଃ* ଚି “ବିରିଦ୍ମେ,
ପାରକମ୍ ତାମାଃ ଗଅଃକେଦ୍ତେ ସେନଃମେ” ମେନ୍ତେ କାଜିତେୟାଃ ରାଝାଲ୍ଲା ?

୧୦ ମେନ୍ଦ ଆପେ ସାରିଦାଡ଼ି ନାଗେନ୍ତେ ଉଦୁବାପେତାନାଈକ୍ ନେ ଅତେଦିଶୁମ୍ରେ ପାପ୍ ଛାମାରେୟାଃ ଆକ୍ତେୟାକ୍
ମାନଝାହନ୍ଆଃ† ମେନାଃ, ଏନ୍ ବାଡ଼କାନନିଃକେ କାଜିକିୟାଏ,

୧୧ ଆଇକ୍ କାଜିମେତାନାଈକ୍, “ମାର୍ ବିରିଦ୍ମେ ଆଡ଼ଃ ପାରକମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ
।”

୧୨ ଇମ୍ତାଗି ଇନିଃ ବିରିଦ୍ୟାନାଏ, ଆଡ଼ଃ ଆୟାଃ ପାରକମ୍ ଗଅଃକେଦ୍ତେ ସବେନ୍କଆଃ ସାମ୍ନାକ୍ରେ
ସେନଃୟାନାଏ, ଏନାତେ ସବେନ୍କ ଆକ୍ଦାନ୍ଧାଅଃତାନ୍ଲଃ ମେନ୍କେଦାଃକ “ନେ ଲେକା ଚିତ୍ତାହ କାବୁ ନେଲ୍କାକ୍
ତାଇକେନା, ଆଡ଼ଃ ପାରମେଶ୍ୱାକ୍ ମାରାକ୍କିୟାକ ।”

ୟୀଶୁ ଲେବୀକେ କେଡ଼ାଇତାନାଏ
(ମାଥୂଉ ୯:୯-୧୩; ଲୁକ ୫:୨୭-୩୨)

୧୩ ଆଡ଼ଃଗି ୟୀଶୁ ଗାଲିଲ୍ ଦରେୟା ଗେନାତେ ସେନଃୟାନାଏ, ଗାଦେଲ୍ ହଡ଼କ ଇନିଃତାଃକ ହିଜୁଃୟାନା ଆଡ଼ଃ ଇନିଃ
ଇନ୍କୁକେ ଇଡୁ ଏଟେଦ୍କେଦକଆ ।

୧୪ ଆୟାକ୍ରେ ସେନଃତାନ୍ ଦିପିଲିରେ ଆଲ୍ଫିୟାନ୍ରାଃ ହନ୍ତେକଡ଼ା ଲେବୀ ଆୟାଃ ମାଲ୍ହାରମ୍ ଠାୟାଦ୍ରେ
ଦୁବାକାନ୍ ନେଲ୍କେଦ୍ତେ ୟୀଶୁ କାଜିକିୟାଏ, “ଦେଲ୍ଲା ଅତକ୍କାକ୍ମେ ।” ଏନ୍ତେ ଇନିଃ ବିରିଦ୍କେଦ୍ତେ ଅତକ୍କିୟା ।

୧୫ ତାୟମ୍ ଦିପିଲିରେ ୟୀଶୁ ଲେବୀଆଃ ଅଡ଼ାଃରେ ଜମ୍ନାକ୍ ଦୁବାକାନ୍ ତାଇକେନାଏ, ଇମ୍ତାକ୍ ୟୀଶୁକେ
ଅତକ୍କାକ୍ତାନ୍ ପୁରାଃ ମାଲ୍ହାରମ୍, ପାପିକ ୟୀଶୁ ଆଡ଼ଃ ଆୟାଃ ଚେଲ୍ଲାକଲଃ ଜଜମ୍ ଦୁବ୍ୟାନା ।

୧୬ ଫାରୁଶୀକଏତେ ଚିମିନ୍ ଆଇନ୍ ଇଡୁକ, ୟୀଶୁକେ ମାଲ୍ହାରମ୍ ଆଡ଼ଃ ପାପିକଲଃ ଜମ୍ତାନ୍ ନେଲ୍କେଦ୍ତେ ଆୟାଃ
ଚେଲ୍ଲାକକେ କାଜିୟାଦକଆକ “ଚିନାଃମେନ୍ତେ ଇନିଃ ନେ ଲେକାନ୍ ହଡ଼କଲଃ ଜମ୍ତାନାଏ ?”

୧୭ ୟୀଶୁ ନେୟାଁ ଆୟୁମ୍କେଦ୍ତେ କାଜିୟାଦକଆଏ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କା, ମେନ୍ଦ ହାସୁତାନ୍କ
ନାଗେନ୍ତେ ବାଇଦ୍ ଲାଗାତିକ୍ୟାଃ, ଧାର୍ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍ଦ ପାପିକକେ କେଡ଼ା ମେନ୍ତେକ୍
ହିଜୁଃକାନା ।”

କାଟାବ୍ରେୟାଃ କୁନୁଲି
(ମାଥୂଉ ୯:୧୪-୧୭; ଲୁକ ୫:୩୩-୩୯)

୧୮ ଯୋହାନ୍ ତୁବାକ୍ରାଃ ଚେଲ୍ଲାକ ଆଡ଼ଃ ଫାରୁଶୀକ କାଟାବ୍ ତାଇକେନ୍ ଦିପିଲିରେ ଚିମିନ୍ ହଡ଼ ୟୀଶୁତାଃ
ହିଜୁଃକେଦ୍ତେ କୁଲିକିୟାକ, “ଚିନାଃମେନ୍ତେ ଯୋହାନ୍ ତୁବାକ୍ରାଃ ଚେଲ୍ଲାକ ଆଡ଼ଃ ଫାରୁଶୀକଆଃ ଚେଲ୍ଲାକ କାଟାବାଃ ?
ମେନ୍ଦ ଆମାଃ ଚେଲ୍ଲାକଦ କାକ କାଟାବାଃ ?”

* ୨:୯ ସାହକ୍ † ୨:୧୦ ୟୀଶୁ

୧୯ ଯୀଶୁ ମେତାଦକଥାଏ, “ଆଣ୍ଡିଅଡ଼ାରେ ଦୁହ୍ଲକଡ଼ା ବାଲାକଲଃ ତାଇନଃରେ, ବାଲାକ ଚିଲ୍‌କାତେ ରେଙ୍ଗେଃ କାଟାବ୍‌ଗି ତାଇନଃକ ? କାହାଗି, ଏନ୍‌କାଦ କା ହବାଅଥାଃ ଆକଲଃ ଦୁହ୍ଲକଡ଼ା ତାଇନଃ ଜାକେଦ୍ କାକ କାଟାବ୍ ଦାଡ଼ିୟାଃ ।”

୨୦ ମେନ୍‌ଦ ନେଡ଼ା ତେବାଗାଃ, ଆତଃ ଦୁହ୍ଲକଡ଼ାକେ ଇନ୍‌କୁଆଃ ଆଲାଏତେ ଇଦିୟଃଆ, ଏନ୍ ଦିପିଲିରେ ଇନ୍‌କୁ ରେଙ୍ଗେଃ କାଟାବ୍ ରିକାଏୟାକ ।

୨୧ “ଜେତାଏ ନାଝା ଲିଜାଃରାଃ କେଟାଃ ମାରି ଲିଜାଃରେ ଜଡ଼ାଇକେଦ୍‌ତେ କାଏ ତୁନାଏୟା, ଏନ୍‌କାଲେରେ ନାଝା ଲିଜାଃରାଃ କେଟାଃ ମାରି ଲିଜାଃଏତେ ଆତଃଗି ତେଟାଃ ଇଦିୟାଏ, ଆତଃ ଏନ୍ ତେଟାଃ ସିଦାଏତେ ଆତଃଗି ମାରାଙ୍ଗ୍ ଇଦିୟଃଆ ।

୨୨ ଆତଃ ନାଝା ଦାଖ୍‌ରାସିକେ ମାରି ଉହ୍‌ରୁତୁମ୍‌ପାରେ ଜେତାଏ କାକ ଦୁଲ୍‌ପେରେଜେୟା, ଏନ୍‌କାଲେରେ ଦାଖ୍‌ରାସି ଉହ୍‌ରୁତୁମ୍‌ପାକେ ଅଡେଃତାଃଏ ଆତଃ ଦାଖ୍‌ରାସି ଲିଙ୍ଗି ଏଣ୍‌ଗାଃଆ, ଏନାମେନ୍ତେ ନାଝା ଦାଖ୍‌ରାସିକେଦ୍ ନାଝା ଉହ୍‌ରୁତୁମ୍‌ପାରେ ପେରେଜାଃକ ।”

ରୁଡ଼ନୁ ହୁଲାଙ୍‌ରେଆଃ କୁନୁଲି
(ମାଥୁଉ ୧୨:୧-୮; ଲୁକ ୬:୧-୫)

୨୩ ମୁସିଙ୍ଗ୍ ରୁଡ଼ନୁ ହୁଲାଙ୍ ଯୀଶୁ ହେରାକାନ୍ ପିଡ଼ି ଆଲାଆଲାତେ ତେଲାକଲଃ ସେନଃତାନ୍ ତାଇକେନାଏ, ଆତଃ ଇନିୟାଃ ତେଲାକ ସେନ୍‌ତାନ୍‌ଲଃ ଗେଲେକ ହ୍‌ଦ୍ ଏଟେଦ୍‌କେଦା ।

୨୪ ଆତଃ ଫାରୁଶୀକ ଯୀଶୁକେ କାଜିକିୟାଃକ, “ନେଲେମେ, ରୁଡ଼ନୁ ହୁଲାଙ୍‌ରେ ଆମାଃ ତେଲାକ ଆଇନ୍ ଲେକାତେ ଅକ୍‌ନାଃ କା ଠାଉକାନ୍ କାମି ତାନାଃ, ଏନା ଚିନାଃମେନ୍ତେକ ରିକାତାନା ?”

୨୫ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଥାଏ, “ଦାଉଦ୍‌ଆଃ ଜମେୟାଃ କା ତାଇକେନା ଇମ୍‌ତା ଇନିଃ ଆତଃ ଆୟାଃ ଗାଡ଼ିକ ରେଙ୍ଗେଃୟାନ୍ ଇମ୍‌ତା, ଇନିଃ ଚିନାଃଏ ଚିକାକାଦ୍ ତାଇକେନା, ଏନା ଚିଉଲାହ୍ ଚି କାପେ ପାଡ଼ାଅକାଦା ?

୨୬ ଚିଲ୍‌କା ଇନିଃ ମାରାଙ୍ଗ୍ ଯାଜାକ୍ ଅବିୟାଅର୍ରାଃ ସାମାଏରେ ପାର୍‌ମେଶ୍‌ବାର୍‌ଆଃ ଅଡ଼ାଃତେ ବଲ୍‌ୟାନା ଆତଃ ଅକ୍‌ନାଃକେଚି ଆଇନ୍ ଲେକାତେ ଯାଜାକ୍‌କେ ଏସ୍‌କାର୍ ଜମେବାଇୟାଃ ହଲ୍‌ଙ୍‌କେ ଜମ୍‌କେଦାଏ ଆତଃ ଆୟାଃ ଗାଡ଼ିକକେୟ ଜମ୍‌ନାଙ୍ ଏମାଦ୍‌କଥାଏ ।”

୨୭ ଆତଃ ଟୁଣ୍ଡୁରୁ ଯୀଶୁ ମେତାଦକଥାଏ, “ରୁଡ଼ନୁ ହୁଲାଙ୍‌କେ ମାନ‌ଖାଋଃ ବୁଗିନାଃ ନାଗେନ୍ତେ ବାଇୟାକାନା, ମେନ୍‌ଦ୍ ମାନ‌ଖାକେ ହାମ୍‌ଲୁତେ ତେନ୍ ନାଗେନ୍ତେ କାହାଗି ।

୨୮ ନେ ଲେକାଗି ମାନ‌ଖାହନ୍ ରୁଡ଼ନୁ ହୁଲାଙ୍‌ରେନ୍ ହ୍ ଗମ୍‌କେ ତାନିଃ ।”

୩

ୟୀଶୁ ରହଡ଼ିଃଇନିଃକେ ବୁଗି ତାନାଏ
(ମାଥୁଉ ୧୨:୯-୧୪; ଲୁକ ୬:୬-୧୧)

୧ ଏନ୍ତେ ଯୀଶୁ ସାମାଜ୍ ଅଡ଼ାଃତେ ବଲ୍‌ୟାନା, ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ ।

୨ ଆତଃ ଯୀଶୁ ରୁଡ଼ନୁ ହୁଲାଙ୍‌ରେ ଏନ୍ ହଡ଼କେ ବୁଗିୟାଏ ଚି କା ମେନ୍ତେ ଚିଟାଇ ନାଗେନ୍ତେ ଚିମିନାଙ୍ଗ୍ ହଡ଼କ ହରାକ ଦାଣ୍ଡାତାନ୍ ଆତଃ ଲଡ଼ଇତାନ୍‌କ ତାଇକେନା ।

୩ ଯୀଶୁ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ଏଲା, ସବେନ୍‌କଥାଃ ଆଲାରେ ତିଙ୍ଗୁନ୍‌ମେ ।”

୪ ଏନ୍ତେ ଯୀଶୁ ଇନ୍‌କୁକେ କାଜିୟାଦ୍‌କଥାଏ, “ଆବୁଆଃ ଆଇନ୍‌ଲେକାତେ ରୁଡ଼ନୁ ହୁଲାଙ୍‌ରେ ଅକନ୍ କାମି ରିକା ଲାଗାଡ଼ିଙ୍‌ୟାଃ ? ମିହୁଡ଼ିଆଃ ବୁଗିନ୍ ରିକାତେୟାଃ ଚି ଏଡ଼କାନ୍ ରିକାତେୟାଃ ? ମିହୁଡ଼ିଆଃ ଜୀଉ ବାଞ୍ଚାଅତେୟାଃ ଚି ଜୀଉ ଗଗାଏଃତେୟାଃ ?” ମେନ୍‌ଦ୍ ଇନ୍‌କୁ ଇନିଃକେ ଜେଡ଼ନାଃ କାକ କାଜିରୁହାଡ଼ାଦ୍‌କେନା ।

୫ ଏନ୍ତେ ଇନ୍‌କୁଆଃ କେଟେଦ୍ ମନ୍ ନେଲ୍‌କେଦ୍‌ତେ ଯୀଶୁଆଃ ମନ୍ ଦୁକୁୟାନା, ଆତଃ ଖ୍‌ସ୍‌ତେ ଇନ୍‌କୁକେ ନେଲ୍‌ବିୟୁର୍ କେଦକଚି ଏନ୍ ହଡ଼କେ ମେତାଇୟାଏ, “ତିଃଇତାମାଃ ଜିଲିଙ୍‌ୟେମେ,” ଇନିଃ ତିଃଇ ଜିଲିଙ୍‌କେଦାଏ, ଆତଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା ।

୬ ଆତଃ ଫାରୁଶୀକ ଅଡ଼ଙ୍‌କେଦ୍‌ତେ ଯୀଶୁକେ ଚିଲ୍‌କାତେବୁ ଗଜିୟା ମେନ୍ତେ ଇମ୍‌ତାଗି ହେରୋଦ୍ ରାଜାରାଃ ହଡ଼କଲଃ ରଜୋଟ* କେଦାଃ ।

ଗାଦେଲ୍ ହଡ଼କ ଯୀଶୁକେକ ଅଡ଼ଙ୍‌କ୍‌ତାନା
(ମାଥୁଉ ୪:୨୩-୨୫; ୧୨:୧୫-୧୬; ଲୁକ ୬:୧୭-୧୯)

୭ ଏନ୍ତେ ଯୀଶୁ ଆୟାଃ ତେଲାକଲଃ ଗେନାକେଦ୍‌ତେ ଗାଲିଲ୍ ଦରେୟାସାଃତେ ସେନଃୟାନାଏ, ଆତଃ ଗାଲିଲ୍ ଆତଃ ଯିହୁଦାଏତେ ଗାଦେଲ୍ ହଡ଼କ ଇନିଃକେକ ଅଡ଼ଙ୍‌କିୟା,

* ୩:୭ ବିଚାର / ମନ୍ତ୍ରଣା

୮ ଯୀରୁଶାଲେମ୍, ଇଦୁମ୍, ଯାଦୀନ୍ ଗାଡ଼ା ହାନ୍‌ପାରମ୍, ସୋର୍ ଆଡ଼ଃ ସିଦୋନ୍‌ରାଃ ହପରଜାପାଃ ନାଗାରକ୍‌ଏତେ ପୁରାଃ ଗାଦେଲ୍ ହଡ଼କ ଇନିୟାଃ ସବେନ୍ ମାପ୍‌ରାଙ୍ଗ୍ କାମି ରିକାରେୟାଃକାଜି ଆୟୁମ୍‌କେଦ୍‌ତେ ଇନିଃତାଃତେକ ହିଜୁଃୟାନା ।

୯ ଏନ୍ତାଃରେ ହଡ଼କ ହୁଣ୍ଡିୟାନତି ଇନକୁଆଃ ଉପୁଦୁରୈଠେପ୍‌ସା† ଏତେ ବାସ୍ତାଅ ନାମେ ନାଗେନ୍ତେ ଯୀଶୁ ଆୟାଃ ନାଙ୍ଗ୍ ମିଆଁଦ୍ ଲାଉକା ଜଗାଡ଼ନାଙ୍ଗ୍ ତେଲକକେ କାଜିକେଦ୍‌କଆଏ ।

୧୦ ତିୟାଃତି, ଯୀଶୁ ପୁରାଃ ହଡ଼କକେ ବୁଗିକାଦକ ତାଇକେନା, ଏନାମେନ୍ତେ ଦୁକୁହାସୁତାନ୍ ସବେନ୍‌କ, ଇନିଃକେ ଜୁଟିଦି ନାଗେନ୍ତେ ଇନିଃତାଃ ଜୁରୁହୁଣ୍ଡିନ୍‌ତାନ୍‌କ ତାଇକେନା ।

୧୧ ଆଡ଼ଃ ସଡ଼ରା ଆମ୍‌ାତେ ଏସେରାକାନ୍ ହଡ଼କ ଇନିଃକେ ନେଲ୍‌ତାଇଲଃଗି ଇନିୟାଃ କାଟାସୁବାରେ ଉୟୁଗେନ୍‌ତାନ୍‌କ ତାଇକେନା, ଆଡ଼ଃ “ଆମ୍‌ାଗି ପାର୍‌ମେଶ୍‌ାୟାଃ ହନ୍ ତାନ୍‌ମେ” ମେନ୍ତେକ କାଉରିତାଇକେନା ।

୧୨ ଏନ୍ତେଦ ଆଇଁୟାଃ ବିଷାଏରେ ଏଟାଃକକେ ଆଲ୍‌ପେ କାଜିକଆ ମେନ୍ତେ ଇନିଃ ଇନକୁକେ ମାରାଙ୍ଗ୍‌ମଟା କେଦ୍‌କଆଏ ।

**ୟୀଶୁ ଗେଲ୍‌ବାର୍ କୁଲ୍‌କାନ୍‌କକେ ସାଲାକେଦ୍‌କଆଏ
(ମାଥୂଉ ୧୦:୧-୪; ଲୁକ ୬:୧୨-୧୬)**

୧୩ ଏନ୍ତେ ଯୀଶୁ ରୁରୁତେ ରାକାବ୍‌ୟାନାଏ, ଆଡ଼ଃ ଆୟାଃ ସାନାଙ୍ଗ୍‌ଆଁକାଦ୍‌କକେ ଆୟାଃତାଃତେ କେଡ଼ାକେଦ୍‌କଆଏ, ଆଡ଼ଃ ଇନକୁ ଇନିଃତାଃତେକ ହିଜୁଃୟାନା ।

୧୪ ଆଡ଼ଃ ଇନିଃ ଗେଲ୍‌ବାର୍ †ପ୍ରେରିଡ଼କକେ ସାଲାକେଦ୍‌ତେ, ଇନକୁକେ ପ୍ରେରିଡ଼ ମେନ୍ତେ ନୁଡୁମ୍‌କେଦ୍‌କଆଏ । ଇନିଃ ଇନକୁକେ କାଜିକେଦ୍‌କଆଏ, “ଆଇଙ୍ଗ୍‌ଲଃ ତାଇନଃ ନାଗେନ୍ତେ ଆପେକେ ସାଲାକାଦ୍‌ପେଆଇଙ୍ଗ୍, ଆଡ଼ଃ ସୁକୁକାଜି ଉଦୁବ୍ ନାଗେନ୍ତେଇଙ୍ଗ୍ କୁଲ୍‌ପେୟା ।

୧୫ ଆଡ଼ଃ ବଙ୍ଗାକ ହାଡ଼ଅଡ଼ଙ୍ଗ୍ ନାଗେନ୍ତେ ଆପେକେ ପେଡ଼େଃ ଏମାପେୟାଇଙ୍ଗ୍ ।”

୧୬ ଯୀଶୁ ନେ ଗେଲ୍‌ବାର୍ କୁଲ୍‌କାନ୍‌କକେ ସାଲାକେଦ୍‌କଆଏ, ଶିମୋନ୍, ଅକ୍‌ଏକେଟି ଇନିଃ ପାଡ଼ରାସ୍ ନୁଡୁମ୍‌କିଆଏ ।

୧୭ ଜେବଦୀଆଃ ବାରିୟା ହନ୍‌କଡ଼ାକିନ୍ ଯାକୁବ୍ ଆଡ଼ଃ ଯୋହାନ୍, ନେ ବାରାନ୍ ହାଗିୟାକିନ୍‌କେ ଯୀଶୁ, ବାନାର୍‌ଗେସ୍ ମେନ୍‌ଲେରେ “ରିମିଲ୍‌ସାଡ଼ିରେନ୍ ହନ୍‌କିନ୍” ମେନ୍ତେ ନୁଡୁମ୍‌କେଦ୍‌କିନା;

୧୮ ଆନ୍ଦ୍ରିୟ, ଫିଲିପ୍, ବାର୍ଥୋଲମି, ମାଥୂଉ, ଥୋମା, ଆଲ୍‌ଫିୟନାଃ ବାରିଆ ହନ୍‌କଡ଼ାକିନ୍ ଯାକୁବ୍ ଆଡ଼ଃ ଅନ୍ଦ୍ରିୟ, କିନାନ୍‌ରେନ୍ ଶିମୋନ୍, ଅକ୍‌ଏଟି ଇସ୍ରାଏଲ୍‌କକେ ମୁକ୍ତି ଏମ୍ ସାନାଙ୍ଗ୍‌ତାନ୍ ଯିହୁଦୀକ ଏତେ ମିହୁଡ଼୍‌ତାଇକେନାଏ ।

୧୯ ଆଡ଼ଃ ଇଷ୍ଟାରିୟଡ଼୍ ଯିହୁଦା ଅକ୍‌ଏଟି, ତାୟମ୍‌ତେ ଯୀଶୁକେ ବାଇରିକଆଃ ତିଃଇରେ ଆଖିରିଙ୍ଗ୍‌କିୟା ।

**ୟୀଶୁ ଆଡ଼ଃ ବାଲ୍‌ଜେବୁଲ୍
(ମାଥୂଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)**

୨୦ ଏନ୍ତେ ଯୀଶୁ ଅଡ଼ଃତେ ରୁହାଡ଼୍‌ୟାନାଏ, ଆଡ଼ଃ ଏନ୍ତାଃରେ ପୁରାଃ ହଡ଼କ ହୁଣ୍ଡିୟାନା, ଏନାତେ ଇନିଃ ଆଡ଼ଃ ଆୟାଃ ତେଲକ ଜମ୍‌ହ କାକ ଦାଡ଼ିକେଦାଃ ।

୨୧ ନେୟାଁ ଆୟୁମ୍‌କେଦ୍‌ତେ ଆୟାଃ ଅଡ଼ଃରେନ୍ ହଡ଼କ ଆଇଃକ୍‌କେ ସାବ୍‌ଇଦି ନାଗେନ୍ତେ ଅଡ଼ଙ୍ଗ୍‌ୟାନାକ, ତିୟାଃତି ହଡ଼କ କାଜିତାଇନାକ, “ନିଃ ବାଲୁଅଃତାନାଏ ।”

୨୨ *ଆଡ଼ଃ, ଯୀରୁଶାଲେମ୍‌ଏତେ ହିଜୁଆକାନ୍ ଆଇନ୍ ଇଡୁକ ମେନ୍‌କେଦାଃକ “ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍ ଇନିଃକେ ଏସେର୍‌କିୟାଏ । ଇନିଃଗି ଇନିଃକେ ବଙ୍ଗା ହାଡ଼ଅଡ଼ଙ୍ଗ୍ ନାଙ୍ଗ୍ ପେଡ଼େଃ ଏମାଇତାନାଏ ।”

୨୩ ଏନାମେନ୍ତେ ଯୀଶୁ ଇନକୁକେ ହାକାଅକେଦ୍‌କଆଏ, ଆଡ଼ଃ ଜନ୍‌କା କାଜିତେ ମେତାଦ୍‌କଆଏ, “ସାଏତାନ୍‌ଗିଃ ସାଏତାନ୍‌କେ ଚିଲ୍‌କା ହାଡ଼ଅଡ଼ଙ୍ଗ୍ ଦାଡ଼ିୟାଏ ?

୨୪ ମିଆଁଦ୍ ରାଇଙ୍ଗ୍ ଆୟାଃରେଗି ବିନ୍‌ଗାଅକେଦ୍‌ତେ ଆକ ଆକଥାଲାରେ ଲାପ୍‌ଡ଼ାଇରେଦ୍ ଏନ୍ ରାଇଙ୍ଗ୍ ଛିଡ଼ିବିଡ଼ିକଆଃ ।

୨୫ ଆଡ଼ଃ, ମିଆଁଦ୍ ଅଡ଼ଃରେନ୍‌କ ଆକ ଆକଗି ଲାପ୍‌ଡ଼ାଇରେଦ୍ ଏନ୍ ଅଡ଼ଃ କା ତିଙ୍ଗୁନାଃ ।

୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଙ୍ଗ୍ ହିଗାଡ଼କେଦ୍‌ତେ ବିନ୍‌ଗାଅରେଦ୍ ଏନା କା ତିଙ୍ଗୁନାଃ, ମେନ୍‌ଦ୍ ଛିଡ଼ିବିଡ଼ିକେଦ୍‌ତେ ବୁଣ୍ଡୁଡ଼ାଋଆ ।

୨୭ “ପେଡ଼େୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ଃରେ ବଲକେଦ୍‌ତେ ଆୟାଃ ମେନାଃତେୟାଃ କାଏ ରେଃକ୍‌ଦାଡ଼ିୟା, ମେନ୍‌ଦ୍ ସିଦାତେ ଇନିଃକେ ତଲ୍‌କେଦ୍‌ତେ ଆୟାଃ ମେନାଃତେୟାଃ ରେଃକ୍‌ଦାଡ଼ିୟାଏ ।

୨୮ “ସାର୍‌ଡ଼ିଗି କାଜିପେତାନାଇଙ୍ଗ୍, ମାନ‌ଖାହନ୍‌କଆଃ ସବେନ୍ ପାପ୍ ଆଡ଼ଃ ଇନକୁଆଃ ନିୟା କାଜିକ ଛାମାଖାଃ;

୨୯ *ମେନ୍‌ଦ୍ ପାବିତାର୍ ଆମ୍‌ାକେ ହିଲାଙ୍ଗ୍‌ଇ ହଡ଼କେ ଚିଉଲାହ କା ଛାମାଖାଃ, ତିୟାଃତି ଇନିଃ ଜାନାଅ ଜାନାଅରାଃ ପାପ୍ କେଦାଏ ।”

☆ ୩:୯ ମାର୍କ ୪:୧; ଲୁକ ୫:୧-୩. † ୩:୯ ଠେଲାପେଲା ‡ ୩:୧୪ ବାରାଙ୍ଗାନ୍ ☆ ୩:୨୨ ମାଥୂଉ ୯:୩୪; ୧୦:୨୫. ☆ ୩:୨୯ ଲୁକ ୧୨:୧୦.

୩୦ “ସତରା ଆମ୍ଭା ଇନିଃକେ ଏସେରାକାଇୟାଏ” ମେନ୍ତେ ଆଇନ୍ ଇତୁକ କାଜିକେଦ୍ତି ନେ ସବେନାଃ ଯୀଶୁ କାଜିକେଦାଏ ।

ୟୀଶୁଆଃ ଏଙ୍ଗା ଆତଃ ହାଗାକ
(ମାଥୁଉ ୧୨:୪୭-୫୦; ଲୁକ ୮:୧୯-୨୧)

୩୧ ଏନ୍ତେ ଯୀଶୁଆଃ ଏଙ୍ଗାତେ ଆତଃ ହାଗାକ ହିଜୁୟାନା ଆତଃ ରାଗାରେ ତିଜୁକେଦ୍ତେ, ଇନିଃକେ କେଡାଆଉଝି ନାଗେନ୍ତେ ମିହୁଡକେକ କୁଲ୍‌କିୟାଃ ।

୩୨ ଆତଃ ଗାଦେଲ୍ ହଡକ ଇନିଃତାଃରେ ଦୁବ୍ ଜୁରୁଆକାନ୍‌କ ତାଇକେନା, ଆତଃ ଇନ୍‌କୁ କାଜିକିୟାଃକ, “ନେଲେମେ, ଆମାଃ ଏଙ୍ଗାମ୍ ଆତଃ ହାଗା ମିଶିକ ରାଗାରେକଆ, ଇନ୍‌କୁ କେଡାମେତାନାକ ।”

୩୩ ଯୀଶୁ କାଜିୟାଦ୍‌କଆଏ, “ଅକଏ ଆଇଁୟାଃ ଏଙ୍ଗାଇଙ୍ଗ୍ ? ଆତଃ ଅକନ୍‌କ ଆଇଁୟାଃ ହାଗାଇଙ୍ଗ୍‌କ ତାନ୍‌କ ?”

୩୪ ଆତଃ ଦୁବାକାନ୍‌କକେ, ଆରିଦ୍‌ବିୟୁରକେଦ୍ତେ କାଜିକେଦାଏ, “ନେଲ୍‌କପେ ନିକୁଦ ଆଇଁୟାଃ ଏଙ୍ଗା ଆତଃ ହାଗାକତାନ୍‌କ ।

୩୫ ଅକଏ, ପାରମେଶ୍ୱାର୍‌ଆଃ ସାନାଙ୍ଗ୍ ପୁରାଃଏ, ଇନିଃ ଆଇଁୟାଃ ଏଙ୍ଗାଇଙ୍ଗ୍, ହାଗାଇଙ୍ଗ୍ ଆତଃ ମିଶିଙ୍ଗ୍ ତାନିଃ ।”

୪

ହିତାହେର୍‌ନିଆଃ ଜନ୍‌କା କାଜି
(ମାଥୁଉ ୧୩:୧-୯; ଲୁକ ୮:୪-୮)

୧* ଯୀଶୁ ଆତଃଗି ଗାଲିଲ୍ ଦରେୟା ଗେନାରେ ଇନିତୁ ଏଟେଦ୍‌କେଦାଏ, ଆତଃ ଏନ୍ତାଃରେ ଗାଦେଲ୍ ହଡକ ହୁଣ୍ଡିୟାନ୍‌ତି ଦରେୟାରେ ତାଇକାନ୍ ମିଆଁଦ୍ ଲାଉକାରେ ଦୁବ୍‌ୟାନାଏ ଆତଃ ସବେନ୍ ହଡକ ଦରେୟା ଗେନାରେ ଅତେରେକ ତାଇକେନା ।

୨ ଯୀଶୁ ଇନ୍‌କୁକେ ଜନ୍‌କା କାଜିତେ ପୁରାଃ କାଜିକ ଇତୁକେଦ୍‌କଆଏ, ଆତଃ ଇତୁକତାନ୍‌ଲଃ କାଜିକେଦ୍‌କଆଏ,

୩ “ଆୟୁମେପେ, ମିଆଁଦ୍ ହିତାହେର୍‌ନିଃ ହିତା ହେର୍‌ନାଗେନ୍ତେ ଅତଙ୍ଗ୍‌ୟାନା ।

୪ ଆତଃ ଇନିଃ ହିତା ହେର୍‌ତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଟ୍‌କ ଆଡ୍‌ଗୁକେଦ୍‌ତେ ଏନାକ ହାଲାଙ୍ଗ୍ ଜମିକେଦାଃ ।

୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଙ୍ଗ୍‌ଗି ତାଇକାନ୍ ହରାତେ ଅମନ୍ ଧାବ୍‌ୟାନା ।

୬ ମେନ୍‌ଦ ସିଙ୍ଗି ରାକାବ୍‌ୟାନ୍‌ତି ଏନ୍ ଅମନ୍‌ତେୟାଃକ ସବେନ୍ ଗସୟାନା, ଆତଃ କା ରେହେଦାକାନ୍ ହରାତେ ରହଡ୍‌ୟାନା ।

୭ ଚିମିନ୍ ହିତା ଜାନୁମ୍ ରୁପାଦ୍‌କ ଥାଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା ।

୮ ମେନ୍‌ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଜ ଯାନା, ଅକଆଃକ ତିରିଶ୍, ଅକଆଃ ଷାଠେ, ଅକଆଃ ମିଦ୍‌ଶାଅଗୁନା, ଜ ଯାନା ।”

୯ ଆତଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଃଏ
(ମାଥୁଉ ୧୩:୧୦-୧୭; ଲୁକ ୮:୯-୧୦)

୧୦ ଯୀଶୁ ଏସ୍‌କାର୍‌ଗି ତାଇକାନ୍ ଦିପିଲିରେ, ଆୟାଃଲଃ ତାଇକେନ୍ ହଡକ, ଗେଲ୍‌ବାର୍ ଚେଲ୍‌କଲଃ, ନେ ଜନ୍‌କା କାଜିରେୟାଃ ମୁଣ୍ଡି ଚିକ୍‌ନାଃ ତାନାଃ ମେନ୍ତେକ କୁଲ୍‌କିୟାଃ ?

୧୧ ଇନିଃ କାଜିୟାଦ୍‌କଆଏ, “ଆପେଦ ପାରମେଶ୍ୱାର୍‌ଆଃ ରାଇଜ୍‌ରେୟାଃ ଉକୁଆକାନ୍ କାଜିରାଃ ମୁଣ୍ଡିପେ ନାମ୍‌କାଦାଃ । ମେନ୍‌ଦ ବାହାରିରେନ୍ ଏଟାଃକକେ କାଜିରାଃ ଜନ୍‌କା କାଜିତେ ସବେନାଃ ଉଦୁବଃତାନା ।

୧୨ ଏନ୍‌ଲେକାତେ,

“ଇନ୍‌କୁ ନେଲ୍‌ଦକ ନେଲେଆ, ମେନ୍‌ଦ କାକ ନେଲ୍‌ଉରୁମେୟାଁ,
ଇନ୍‌କୁ ଆୟୁମ୍‌ଦକ ଆୟୁମେୟା, ମେନ୍‌ଦ କାକ ଆର୍‌କାରେୟା,
କା'ରେଦ ଇନ୍‌କୁ ମନ୍‌କ ରୁହାଡ୍‌ଡେତେୟାଃ,
ଆତଃ ପାରମେଶ୍ୱାର୍ ଇନ୍‌କୁକେ ଛାମା ଏମାଦ୍‌କତେୟାଏ ।”

ୟୀଶୁ ହିତାହେର୍‌ନିଆଃ ଜନ୍‌କା କାଜିରେୟାଃ ମୁଣ୍ଡି ଉଦୁବେତାନାଏ
(ମାଥୁଉ ୧୩:୧୮-୨୩; ଲୁକ ୮:୧୧-୧୫)

୧୩ ଏନ୍ତେ ଯୀଶୁ ମେତାଦ୍‌କଆଏ, “ନେ କାଜିରାଃ ଜନ୍‌କା କା'ଚିପେ ମୁଣ୍ଡିକେଦା ? ତାବ୍‌ଦ, ଆତଃ ଜନ୍‌କାକ ଚିଲ୍‌କାପେ ମୁଣ୍ଡିଆ ?

* ୪:୧ ଲୁକ ୫:୧-୩.

୧୪ ହିତାହେରନିଃସଦ ପାରମେଶ୍ୱାରୀଆଃ କାଜି ହେରନିଃ ତାନିଃ ।

୧୫ ଚିମିନ୍ ହଡକ ପାରମେଶ୍ୱାରୀଆଃ କାଜି ଆୟୁମ୍ ତାନଲଃଗି ସାଏତାନ୍ ହିଜୁଃକେଦ୍ତେ ଇନ୍କୁତାଃଏତେ ଆୟୁମ୍ କାଜିକେ ରେଃକକଦିତାଃଏ, ଇନ୍କୁଦ ହରା ଗେନାରେ ହେରାକାନ୍ ହିତା ଲେକାଃକ ।

୧୬ ଏନ୍ଲେକା, ଚିମିନ୍ ହଡକଦ ହିତା ହେରାକାନ୍ ଦିରିଅତେ ଲେକାନ୍କ ତାନ୍କ, ଇନ୍କୁଦ କାଜି ଆୟୁମ୍ଲଃଗି ରାସ୍କାତେ ତେଲାଏତାନ୍ ହଡକ ତାନ୍କ ।

୧୭ ମେନ୍ଦ ଇନ୍କୁତାଃରେ ‘ରେହେଦ୍’ କା ତାଇନ୍ ହରାତେ ଇନ୍କୁ କାଟିଃ ଘାଡ଼ିଗିକ ତାଇନାଃ, ତାୟମ୍ତେ କାଜିରାଃ ହରାତେ ଦୁକୁହାସୁ ଚାହେ ସାସାତି ହିଜୁଃରେ ଇମତାଗିକ ରୁହାଡକଆଃ ।

୧୮ ଜେତାଏ କାଜି ଆୟୁମାଃଏ ମେନ୍ଦ ସାଂସାରରେୟାଃ ଉଡ଼ୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ ।

୧୯ ନେ ଲେକାନ୍ ହଡକଦ ଜାନୁମ୍ ଆଲାରେ ହେରାକାନ୍ ହିତାଲେକାନ୍କତାନ୍କ ।

୨୦ ଆତଃ ବୁଗିନ୍ ଅତେରେ ହେରାକାନ୍ ହିତାଲେକା ଚିମିନ୍ ହଡକ ସୁକୁକାଜି ଆୟୁମ୍କେଦ୍ତେ ମାନାତିଙ୍ଗ୍ୟାଃକ, ଆତଃ ମିଆଁଦ୍ନିଃ ତିରିଶ, ଏଟାଃନିଃ ଷାଠେ, ଆତଃ ମିଆଁଦ୍ନିଃ ମିଦ୍ଶାଅ ଗୁନାକ, ଜ ଆଃ ।”

ଦିମିରେୟାଃ ଜନ୍କା କାଜି
(ଲୁକ ୮:୧୭-୧୮)

୨୧ *ଆତଃଗି ଯୀଶୁ କାଜିୟାଦ୍କଆଏ, “ଚିୟାଃ ଜେତାଏ ହଡ଼ ଦିମି ଜୁଲ୍କେଦ୍ତେ ‘ତାଞ୍ଜାତେ’ ଚାଏ ପାରକମ୍ ଲାତାରରେ ଦହୟାଏ ? ଏନାକେଦ ପାଖା ଚାଏ ଦିକା ତେତାନ୍ରେ ଦହୟାଏ ।

୨୨ *ଅକ ସବେନ୍ ଉକୁଆକାନ୍ତେୟାଃ ଏନା ମାସ୍ଲାଲ୍ତେ ଆତଃଆ, ଆତଃ ଅକ ସବେନାଃ ଦାନାଙ୍ଗ୍ଆକାନା ଏନା ଉଦୁବଃଆ ।

୨୩ ଲୁଡୁର୍ ତାପେଆଃ ଆୟୁମ୍ ନାଗେନ୍ତେ ମେନାଃରେଦ, ଆୟୁମେପେ ।”

୨୪ *ଆତଃଗି ଇନିଃ କାଜିୟାଦ୍କଆଏ, “ଆପେ ଆୟୁମେତେୟାଃ ବୁଗିଲେକା ଆୟୁମ୍ଭରୁମେପେ, ଆପେ ସଙ୍ଗେ ତାମ୍ପିରେଗି ଆପେ ନାଗେନ୍ତେ ସୋଙ୍ଗଃଆ, ଆତଃ ଏନାଏତେ ଆଦ୍କାପେ ନାମେଆଁ ।

୨୫ *ଚିୟାଃଚି, ଅକଏତାଃ ମେନାଃ ଇନିଃଦ ଆତଃଗି ନାମେଆଁ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକନାଃ ମେନାଃ ଏନାହଗି ଇଦିୟଃଆ ।”

ହାରାତାନ୍ ହିତାରେୟାଃ ଜନ୍କା କାଜି

୨୬ ଆତଃଗି ଯୀଶୁ କୁଲିକେଦ୍କଆଏ, “ପାରମେଶ୍ୱାରୀଆଃ ରାଇଜ୍ ନେ’ଲେକାଗିଆଃ, ମିଆଁଦ୍ ହଡ଼ ଆୟାଃ ଅତେରେ ହିତା ହେରକେଦାଏ ।

୨୭ ଆତଃ ଇନିଃ ନିଦାରେ ଦୁଡ଼ମ୍ବାଏ, ସିଙ୍ଗିରେ ବିରିଦାଏ, ଆତଃ ଇନିୟାଃ କା ସାରିତେ ହିତା ଅମନଆଃ ଆତଃ ହାରାଅଆଃ ।

୨୮ ଅତେଦ ଆୟାଃତେଗି ଜ’ଏମାଃଏ, ସିଦା ଅମନେୟାଏ, ଏନ୍ତେ ଗେଲେୟାଏ, ଏନ୍ତେ ଗେଲେରେ ଜାଙ୍ଗ୍ଅଆ ।

୨୯ ଜ ଜାଙ୍ଗ୍ୟାନ୍ତି ଏନ୍ ହଡ଼, ଇରୋଃ ଦିପିଲି ସେଟେର୍ୟାନା ମେନ୍ତେ, ଦାଡ଼ରମ୍ ସାବେଆଏ ।

ମାନିଜାଙ୍ଗ୍ରେଆଃ ଜନ୍କା କାଜି
(ମାଥୂଉ ୧୩:୩୧-୩୨, ୩୪; ଲୁକ ୧୩:୧୮-୧୯)

୩୦ “ଆତଃଗି ଯୀଶୁ କୁଲିକେଦ୍କଆଏ, ପାରମେଶ୍ୱାରୀଆଃ ରାଇଜ୍ ଚିନାଃଲଃଗୁ ଜକାଏୟା ଚାଏ ଅକ ଜନ୍କା କାଜିତେ ଏନାବୁ ଉଦୁବେୟା ।

୩୧ ଏନାଦ ମିଆଁଦ୍ ମାନିଜାଙ୍ଗ୍ ଲେକା, ଅତେରେ ହେରତାନ୍ ସାମାଏରେ ଅତେରାଃ ସବେନ୍ ହିତାଜାଙ୍ଗ୍ ଏତେ ହୁଡ଼ିଙ୍ଗ୍ଆଁ,

୩୨ ମେନ୍ଦ ଅତେରେ ହେରୟାନ୍ତି ଏନାରେୟାଃ କତକ ଏଟାଃ ଆଡ଼ାଃଦାରୁକଏତେ ପୁରାଃ ମାରାଙ୍ଗ୍ ହାରାସାଲାଙ୍ଗିଅଆ, ଆତଃ ସିମ୍ପାରେନ୍ ଚେଟେକ୍ ଏନାରେୟାଃ ଉମ୍ପୁଲ୍ଲୁରେକ ଅକାୟା ।”

୩୩ ଯୀଶୁ ଇନ୍କୁକେ ଆଟ୍ଟକାରୁରୁମ୍ ଦାଡ଼ିଲେକା ପୁରାଃ ନେ’ଲେକାନ୍ ଜନ୍କା କାଜିକ କାଜିକେଦ୍କଆଏ ।

୩୪ ବେଗାର୍ ଜନ୍କା କାଜିତେ ଇନିଃ ଇନ୍କୁକେ ଜେଡ଼ନାଃ କାଏ କାଜିୟାଦ୍କଆ, ମେନ୍ଦ ଏସ୍କାରରେ ଇନିଃ ଆୟାଃ ଚେଲାକକେ ସବେନାଃରାଃ ମୁଣ୍ଡି ଉଦୁବାକ ତାଇକେନାଏ ।

ୟୀଶୁ ମାରାଙ୍ଗ୍ହୟକେ ହାପାଉତାରକେଦାଏ
(ମାଥୂଉ ୮:୨୩-୨୭; ଲୁକ ୮:୨୨-୨୫)

୩୫ ଏନ୍ ହୁଲାଙ୍ଗ୍, ଆୟୁଦ୍ୟାନ୍ତି ଯୀଶୁ ଚେଲାକକେ କାଜିୟାଦ୍କଆଏ, “ଦଲାବୁ, ଦରେୟା ହାନ୍ ପାରମ୍ତେବୁଆ ।”

☆ ୪:୨୧ ମାଥୂଉ ୫:୧୫; ଲୁକ ୧୧:୩୩. ☆ ୪:୨୨ ମାଥୂଉ ୧୦:୨୭; ଲୁକ ୧୨:୨. ☆ ୪:୨୪ ମାଥୂଉ ୭:୨; ଲୁକ ୭:୩୮. ☆ ୪:୨୫ ମାଥୂଉ ୧୩:୧୨; ୨୫:୨୯; ଲୁକ ୧୯:୨୭.

୩୬ ଆତ୍ମା ଚେଲାକ ଗାଦେଲ ହତକକେ ବାଗିକେଦ୍ଦେ ଲାଉକାରେ ଦୁବ୍‌ୟାନାକ, ମେନ୍ଦ ଯୀଶୁ ସିଦାରେ ଦୁବାକାନ୍ ତାଇକେନାଏ, ଏନ୍ତେ ଇନ୍‌କୁ ଲାଉକାକେ ଚାଲାଅକେଦାଃକ, ଏନ୍ତାଃରେ ଏଟାଃ ଲାଉକାକହ ତାଇକେନା ।

୩୭ ଇମ୍‌ତାଙ୍ଗି ଦୁଦୁଗାରୁହୟ ବିରିଦ୍‌ୟାନା ଆତ୍ମା ଲାଉକାରେ ଆଲ୍‌ପୁଙ୍ଗକ* ରାକାବ୍‌ୟାନା, ଏନାତେ ଲାଉକାରେ ଦାଆଃ ପେରେଜଃତାନ୍ ତାଇକେନା ।

୩୮ ଇମ୍‌ତା ଯୀଶୁ ଲାଉକାରେୟାଃ ତାୟମ୍‌ସାଃରେ ଉଠୁଙ୍ଗିକେଦ୍ଦେ ଦୁଡୁମ୍‌କାନାଏ ତାଇକେନା । ଚେଲାକ ଇନ୍‌ଃକେ ବିରିଦିତାନ୍‌ଲଃ କାଜିକିୟାଃକ, “ହେ ଗୁରୁ, ତୁବିଃଗ୍ ଗଜଃତାନାଲେ, କାମ୍‌ଚି ପାହାମ୍‌ତାନା ?”

୩୯ ଯୀଶୁ ବିରିଦ୍‌ତିକ୍‌ୟାନ୍‌ଚି ହୟକେ ମାରାଙ୍ଗ୍‌ମାକିୟା ଆତ୍ମା ଆଲ୍‌ପୁଙ୍ଗକେ କାଜିକେଦା, “ହାପାଅଃମେଁ,” ଆତ୍ମା ଏନା ରୁଡ଼ୟାନା, ଆତ୍ମା ପୁରା ସିଃସଏଃୟାନା† ।

୪୦ ଏନ୍ତେ ଯୀଶୁ ଚେଲାକକେ କାଜିୟାଦ୍‌କଆଏ, “ଚିନାଃ ମେନ୍ତେପେ ବରତାନା ? ନାହାଁଃ, ଜାକେଦ୍ ଆପେୟାଃ ବିଶ୍ୱାସ୍ ବାନଃଆଚି ?”

୪୧ ଏନାତେ ଇନ୍‌କୁ ପୁରାଃଗି ବରକେଦାଃକ, ଆତ୍ମା ମେପେନ୍‌ୟାନାକ, “ନିଃଦ ଅକଏ ତାନିଃ ? ହୟ, ଆତ୍ମା ଦରେୟା ହୁଁ ନିୟାଃ କାଜିକ ମାନାତିଙ୍ଗ୍‌ତାନା ।”

୫

**ବଙ୍ଗା ଏସେରାକାନ୍‌ନିଃକେ ଯୀଶୁ ବୁଗି ତାନା
(ମାଥୁଃ ୮:୨୮-୩୪; ଲୁକା ୮:୨୭-୩୯)**

୧ ଏନ୍ତେ ଯୀଶୁ ଆୟାଃ ଚେଲାକଲଃ ଗାଲିଲ୍ ଦରେୟା ସେନ୍‌ପାରମ୍‌କେଦ୍ଦେ ଗେରାସିମିକଆଃ ପାର୍‌ଗାନ୍‌ତେ ତେବାଃୟାନାକ ।

୨ ଇନିଃ ଲାଉକାଏତେ ଆଡ଼୍‌ଗୁୟାନ୍‌ଚି, ସଡ଼ରା ଆମ୍ବାତେ ଏସେରାକାନ୍ ମିହୁଡ଼୍‌ହଡ଼ ତପାଠାୟାଦ୍‌ଏତେ ଅତଙ୍ଗକେଦ୍ଦେ ସେନ୍‌ଦାରମ୍‌କିୟାଏ ।

୩ ଇନିଃ ତପା ଠାୟାଦ୍‌ରେ ତାଇନଃତାନାଏ ତାଇକେନା, ଇନିଃକେ ଜେତାଏ କାକ ତଲ୍ ଦାଡ଼ିତାଇକେନା, ସିକ୍‌ଡ଼ିତେହୁଁ କାହାଗି ।

୪ ପୁରାଃସା ଇନିୟାଃ କାଟା ତିଃଇକ ସିକ୍‌ଡ଼ିତେ ତଲାକାନ୍ ତାଇକେନାଏ, ମେନ୍ଦ ସବେନ୍ ଇମ୍‌ତା ଇନିଃ ସିକ୍‌ଡ଼ି ଆତ୍ମା ବେଡ଼ିକକେ ଟମାଃକେଦାଏ । ଇନିଃତାଃରେ ପୁରାଃ ପେଡ଼େଃ ତାଇକେନା ଆତ୍ମା ଜେତାଏ ହୁଁ ଇନିଃକେ କାକ କାରୁ ଦାଡ଼ିତାଇକେନା ।

୫ ନିଦା ଆତ୍ମା ସିକ୍‌ ତପା ଠାୟାଦ୍‌କରେ, ବୁରୁରେ କାଉରିତାନ୍ ଆତ୍ମା ଦିରିତେ କଟେୟଃତାନାଏ ତାଇକେନା ।

୬ ସାଙ୍ଗିନ୍‌ଏତେ ଯୀଶୁକେ ନେଲ୍‌ତାଇଲଃ ନିର୍ଦ୍ଦାରମ୍‌କେଦ୍ଦେ ଆୟାଃ ଆୟାର୍‌ରେ ଅମ୍ବାଃ ଇକ୍‌ଡ଼ମ୍‌ ଯାନାଏ ।

୭ ଆତ୍ମା କାଉରିତାନ୍‌ଲଃ କାଜିକେଦାଏ, “ଏ, ସାଲାଙ୍ଗିତତାର୍ ପାର୍‌ମେଶ୍ୱାର୍‌ଆଃ ହନ୍ ଯୀଶୁ, ଆଇୟାଃଲଃ ଆମାଃ ଚିକାନ୍ କାମି ମେନାଃ ? ପାର୍‌ମେଶ୍ୱାର୍‌ରାଃ ନୁଡ଼ମ୍‌ତେ କଏଁମେ ତାନାଇଙ୍ଗ୍, ଆଲମ୍ ସାସାତିଆଁ ।”

୮ ଚିୟାଃଚି “ଏ, ସଡ଼ରା ଆମ୍ବା, ନେ ହଡ଼ଏତେ ଅତଙ୍ଗଅଃମେ” ମେନ୍ତେ ଯୀଶୁ କାଜିକାଇ ତାଇକେନାଏ ।

୯ ଏନ୍ତେ ଯୀଶୁ ଇନିଃକେ କୁଲିକିୟା, “ଆମାଃ ନୁଡ଼ମ୍ ଚିକ୍‌ନାଃ ? ଆଇୟାଃ ନୁଡ଼ମ୍ ଫାଉଦ୍, ଆଲେ ପୁରାଃଗି ମେନାଲେୟା” ମେନ୍ତେ କାଜିରୁହାଡ଼କିୟା ।

୧୦ ଆତ୍ମା ଇନିଃ ଯୀଶୁକେ, ନେ ଦିଶ୍ୱମ୍‌ଏତେ ଆଲମ୍‌ଗି ହାର୍ ଅତଙ୍ଗଲେୟା, ମେନ୍ତେ ପୁରାଃଗି ବିକ୍ତିତାନ୍‌ଲଃ କାଜିଗହାର୍‌କିୟାଏ ।

୧୧ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋଟ୍ ଆତିଙ୍ଗ୍‌ତାନ୍‌କ ତାଇକେନା ।

୧୨ ଆତ୍ମା, ବଙ୍ଗାକ ବିକ୍ତିକେଦ୍ଦେ କାଜିକିୟାଃକ, “ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍‌ତାଲେମେ ।”

୧୩ ଯୀଶୁ ଇନ୍‌କୁକେ ସେନ୍‌ଇଚିକେଦ୍‌କଆ, ଆତ୍ମା ଏନ୍ ସଡ଼ରା ଆମ୍ବାକ ଏନ୍ ହଡ଼ଏତେ ଅତଙ୍ଗକେଦ୍ଦେ ସୁକୁରିକରେକ ବଲ୍‌ୟାନା, ଆତ୍ମା ଏନ୍ତାଃରେ ଦୁଇ ହାଜାର୍ ଲେକା ସୁକୁରିକ ଆତିଙ୍ଗ୍ ତାଇକେନା, ଇନ୍‌କୁ ଦରେୟାରେକ ନିର୍ ଡୁଷ୍‌ମାୟାନା ଆତ୍ମା ତୁବିଃଗ୍ ଗଏଃୟାନାକ ।

୧୪ ସୁକୁରି ଗୁପିତାନ୍‌କ ନିର୍‌ୟାନାକ ଆତ୍ମା ସାହାର୍ ଆତ୍ମା ଟଲାକରେ ନେ କାଜିକ ଉଦ୍‌ବ୍‌କେଦାଃ, ଏନ୍ତେ ଚିକ୍‌ନାଃ ଚିକାୟାନା ମେନ୍ତେ ହଡ଼କ ନେଲ୍ ନାଗେନ୍ତେ ଅତଙ୍ଗୟାନାକ ।

୧୫ ଆତ୍ମା ଇନ୍‌କୁ ଯୀଶୁତାଃ ତେବାଃୟାନ୍‌ଚି ବଙ୍ଗା ଏସେରକାନ୍ ହଡ଼କେ ଇନିୟାଃ କାଟାସୁବାରେ ବୁଗିନ୍‌ମନ୍‌ତେ ଦୁବାକାନ୍, ଆତ୍ମା ଲିଜାଃ ତୁସିଙ୍ଗ୍‌ଆଁକାନ୍ ନେଲ୍‌କିଃତେ ବରକେଦାଃକ ।

୧୬ ନେ ସବେନ୍ ନେଲାକାଦ୍ ହଡ଼କ, ବଙ୍ଗା ଏସେରକାନ୍ ଏନ୍ ହଡ଼ ଚିଲ୍‌କା ବୁଗିୟାନାଏ ଆତ୍ମା ସୁକୁରିକ ଚିଲ୍‌କାୟାନା ଏନା ସବେନ୍ ହଡ଼କକେ ଉଦ୍‌ବ୍‌ଦ୍‌କଆକ ।

୧୭ ଏନ୍ତେ ଇନ୍‌କୁ ଯୀଶୁକେ, ଆଲେୟାଃ ସିମ୍‌ନାଏତେ, ଅତଙ୍ଗଅଃମେ ମେନ୍ତେକ ବିକ୍ତିକିୟା ।

* ୪:୩୭ ଆଲ୍‌ପୁଙ୍ଗ † ୪:୩୯ ଆମ୍ବାଅ

୧୮ ଏଣେ ଯୀଶୁ ଲାଉକାରେ ରାକାବତାନ ଇମତା, ବଜ୍ରୀ ଏସେର୍ଏତେ ବୁଗିକାନ୍ ହଡ଼, ଯୀଶୁକେ “ଆମାଃଲଃ ତାଇନ୍ ଚିକାଆଇଙ୍ଗମେ” ମେନ୍ତେ ବିକ୍ରିକିୟାଏ ।

୧୯ ମେନ୍ଦ ଯୀଶୁ “କାହାଗି, ଆମାଃ ଅଡ଼ାଃତେ ରୁହାଡ଼ମେ ଆଡ଼ ଗମକେ ଆମାଃ ନାଗେନ୍ତେ ଚିନାଃ ରିକାକେଦାଃଏ, ଆଡ଼ ଚିଲ୍ଲକା ଆମକେ ଦାୟାକାଦମେୟା ଏନ୍ ସବେନାଃ ଆମାଃ ଅଡ଼ାଃରେନ୍କକେ ଉଦୁବାକମେ” ମେନ୍ତେ କାଜିକିୟା ।

୨୦ ଏନ୍ତେ ଏନ୍ ହଡ଼ ରୁହାଡ଼ୟାନାଏ ଆଡ଼ ଆୟାଃ ନାଗେନ୍ତେ ଯୀଶୁ ଚିନାଃ ରିକାକେଦାଃଏ ଏନା ସବେନ୍ ଦେକାପଲ୍ଲୀ*ରେ ଉଦୁବ୍ ଏଟେଦକେଦାଏ, ଆଡ଼ ଏନା ଆୟୁମତାନ୍କ ଆକଦାନ୍ଦାୟାନା ।

ଗଏଃକାନ୍ ହନ୍କୁଡ଼ି ଆଡ଼ ଦୁକୁତାନ୍ କୁଡ଼ି
(ମାଥୁଉ ୯:୧୮-୨୬; ଲୁକ ୮:୪୦-୫୬)

୨୧ ଯୀଶୁ ଲାଉକାରେ ଦରେୟାରାଃ ହାନ୍ ପାରମ୍ଏତେ ନେ ପାରମ୍ତେ ରୁହାଡ଼ୟାନ୍ତି, ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନା, ଆଡ଼ ଯୀଶୁ ଦରେୟା ଗେନାରେ ତାଇକେନାଏ ।

୨୨ ଏନ୍ତେ ଯାଇରସ ନୁଡୁମ୍ ମିଆଁଦ୍ ସାମାଜ୍ ଅଡ଼ାଃରେନ୍ ଆଗୁଆଇ ହଡ଼ ହିଜୁଃୟାନାଏ, ଆଡ଼ ଯୀଶୁକେ ନେଲ୍କେଦ୍ତେ ଆୟାଃ କାଟାସୁବାରେ ଉୟୁଃୟାନା,

୨୩ ପୁରାଃଗି ବିକ୍ରିତାନ୍ଲଃ କାଜିକେଦା, “ହନ୍ଦକ୍କୁଡ଼ି ଦୁକୁତେ ଗଜଃ ଲେକାକାନାଏ, ଇନିଃ ଚିଲ୍ଲକା ବାସ୍ତାଅଃଆଏ, ଏନାମେନ୍ତେ ହିଜୁଃମେ, ଆଡ଼ ଇନିୟାଃ ଚେତାନ୍ରେ ତିଃଇ ଦହେମେ ।”

୨୪ ଏନ୍ତେ ଯୀଶୁ ଇନିଃଲଃ ସେନଃୟାନାଏ ଆଡ଼ ଗାଦେଲ୍ ହଡ଼କ ଉପୁଦୁର୍ଠେପସାକେଦ୍ତେ ଜୁରୁବିହୁର୍ ତାନ୍ଲଃ ଦୟା ଦୟାକ ଅତଙ୍ଗକିୟା ।

୨୫ ଆଡ଼ ଏନ୍ତାଃରେ ବାରା ବାରାଷଏତେ “ମାୟୋମ୍ଲିଙ୍ଗି” ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ ।

୨୬ ଇନିଃ ପୁରାଃ ବାଉଦକତାଃରେ ରାନ୍ଦୁଆକାନ୍ ତାଇକେନାଏ, ଆଡ଼ ଆୟାଃ ସବେନ୍ ତାଇକେନ୍ତେୟାଃ ଇନ୍କୁଆଃରେ ଚାବାକେଦାଏ, ଏନ୍ରେୟ କାଏ ବୁଗିୟାନା, ମେନ୍ଦ, ଦୁକୁତାୟାଃ ଆଡ଼ଗି ସାର୍ସାୟାନା† ।

୨୭ ଇନିଃ ଯୀଶୁଆଃ ବିଷାଏ ଆୟୁମକେଦ୍ତି ଗାଦେଲ୍ ହଡ଼କଆଃ ଆଲାରେ ଇନିୟାଃ ଦୟାହରା ଏତେ ଲିଜାଃରାଃ ଆର୍ଚରା ଜୁଟିଦ୍ ନାଙ୍ଗ୍ ହିଜୁଃୟାନା,

୨୮ ଚିୟାଃଗି ଇନିଃ ଆୟାଃ ମନ୍ରେ “ଇନିୟାଃ ଲିଜାଃ ଏସକାର୍ ଜୁଟିଦ୍ତାରେଦ୍ ଆଇଙ୍ଗ୍ ବୁଗିକାଆଇଙ୍ଗ୍” ମେନ୍ତେ ଉଡ଼ୁଡ଼ାନ୍ ତାଇକେନାଏ ।

୨୯ ଏନ୍ତେ ଇନିଃ ଯୀଶୁଆଃ ଲିଜାଃ ଆର୍ଚରାକେ ଜୁଟିଦ୍କେଦାଏ ଆଡ଼, ଇମ୍ତାଙ୍ଗ୍ଗି ଇନିଃ ମାୟୋମ୍ ଲିଙ୍ଗି ଦୁକୁଏତେ ବୁଗିୟାନାଏ । ଆଡ଼ ଦୁକୁଏତେ ବୁଗିୟାନାଇଙ୍ଗ୍ ମେନ୍ତେ ଆୟାଃ ହଡ଼ମରେ ଆର୍ଚକାରକେଦା ।

୩୦ ଇମ୍ତାଙ୍ଗ୍ଗି ଯୀଶୁ, “ଆଇଙ୍ଗ୍ଏତେ ପେଡ଼େଃ ଅତଙ୍ଗୟାନା” ମେନ୍ତେ ଜୀଉରେ ସାରିଆର୍ଚକାରକେଦାଏ, ଆଡ଼ ଗାଦେଲ୍ ହଡ଼କକେ ହେତାରୁହାଡ଼କେଦ୍ତେ, “ଅକଏ, ଆଇୟାଃ ଲିଜାଃ ଜୁଟିଦ୍କେଦାଏ ?” ମେନ୍ତେ କୁଲିକେଦ୍କଆ ।

୩୧ ଆଡ଼ ଚେଲା ତାୟାଃକ ଯୀଶୁକେ କାଜିକିୟାଃକ, “ଗାଦେଲ୍ ହଡ଼କ ଆମାଃ ଚେତାନ୍ରେ ଉୟୁଗଃତାନାକ, ଏନାଦ୍ ନେଲ୍କତାନାମ୍, ଆଡ଼ ‘ଅକଏ ଜୁଟିଦ୍କିଦିୟାଏ,’ ମେନ୍ତେ ଚିନାଃମ୍ କୁଲିତାନା ?”

୩୨ ମେନ୍ଦ ଜୁଟିଦ୍କେଦ୍ନିଃକେ ଯୀଶୁ ନେଲ୍ନାମି ନାଗେନ୍ତେ ହେତାବାଡ଼ାକେଦାଏ ।

୩୩ ଏନ୍ କୁଡ଼ି ଆଇୟାଃ ଚିକ୍ନାଃ ଚିକାୟାନା ନେଆଁ ଆର୍ଚକାରକେଦ୍ତେ, ବରତେ ଏକ୍ଲାଅଃତାନ୍ଲଃ ହିଜୁଃୟାନାଏ ଆଡ଼ ଇକ୍ତଡ଼ୁ ତାନ୍ଲଃ ସବେନାଃ ସାର୍ତ୍ତିଗି ଯୀଶୁକେ ଉଦୁବକିୟା ।

୩୪ ଯୀଶୁ କାଜିକିୟାଏ, “ଏ ମାଇ, ବିଶ୍ୱାସ୍ ତାମାଃ ବୁଗିୟାକାଦମେୟାଏ, ଜୁ ସୁକୁ ଜୀଉତେ ସେନଃମେ, ଆଡ଼ ଆମାଃ ଦୁକୁଏତେ ବୁଗିୟାକାନ୍ ତାଇନଃମେ ।”

୩୫ ଯୀଶୁ ଏନା କାଜିତାନ୍ ଇମ୍ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଝାକାଦ୍ ହଡ଼ ଯାଇରସକେ କାଜିକିୟାଏ, “ହନ୍ଦକ୍କୁଡ଼ି ଗଏଃୟାନାଏ, ଗୁରୁକେ ଆଡ଼ ଆଲ୍ମେ ଦୁକୁଇୟା ।”

୩୬ ଯୀଶୁ ଏନ୍କାଜି ଆୟୁମକେଦ୍ତେ କା ଆୟୁମତାନ୍ ଲେକା ସାମାଜ୍ ଅଡ଼ାଃରେନ୍ ଆଗୁଆଇକେ କାଜିକିୟା, “ଆଲ୍ମ୍ ବରଏୟା, ବିଶ୍ୱାସ୍ରେଗି ତାଇନଃମେ ।”

୩୭ ଆଡ଼ ଯୀଶୁ ପାଡ଼ରାସ୍, ଯାକୁବ୍, ଆଡ଼ ଯୋହାନ୍, ଯାକୁବ୍ଆଃ ହାଗାତେକେ ବାଗିକେଦ୍ତେ ଆଡ଼ ଜେତାଏକକେ କାଏ ସେନ୍ ଇଟିକେଦ୍କଆ ।

୩୮ ଯାଇରସଆଃ ଅଡ଼ାଃତେ ସେଟେର୍ୟାନ୍ତି, ଯୀଶୁ ଗାଦେଲ୍ ହଡ଼କ ହାଲାଗୁଲାତାନ୍ଲଃ, ରାଆଃତାନ୍ ଆଡ଼ ଏୟମ୍ତାନ୍ ନେଲ୍କେଦ୍କଆଏ ।

୩୯ ଇନିଃ ଅଡ଼ାଃରେ ବଲ୍ୟାନାଏ, ଆଡ଼ ଇନ୍କୁକେ କାଜିୟାଦ୍କଆ, “ଚିନାଃ ମେନ୍ତେପେ ହାଲାଗୁଲାଏତାନା ଆଡ଼ଏପେ ରାଆଃଏତାନା ? ଏନ୍ ହନ୍ଦ କାଏ ଗଜାକାନା ମେନ୍ଦ ଦୁଡ଼ମୁତାନାଏ ।”

* ୫:୨୦ ଗ୍ରୀକ୍ ଜାଗାରେ ନେଆଁରାଃ ମୁଣ୍ଡି “ଦାଗ୍ଠୁ ସାହାର୍” † ୫:୨୬ ବାଢ଼ାଅୟାନା

୪୦ ଏଣୁ ଇନ୍କୁ ଇନିଃକେ ଲାନ୍ଦାକିୟାଃକ । ମେନ୍ଦ ଯୀଶୁ ସବେନ୍ ହଡକକେ ଏନ୍ତାଃଏତେ ଅଡ଼କ୍‌କେଦକତି, କୁଡିହନ୍‌ରାଃ ଏଙ୍ଗାଆପୁକିନ୍ ଆଡଃ ଆୟାଃଲଃ ତାଇକାନ୍ ଚେଲାଇଲଃ, କୁଡିହନ୍ ଗିଡିଜାକାନ୍‌ତାଃ ସେନ୍ ବଲୟାନାକ

୪୧ ଆଡଃ ଇନିୟାଃ ତିଃଇ ସାବ୍‌କେଦ୍‌ତେ “ଟାଲିଆକୁମ୍” ମେନ୍‌କିୟାଏ, ନେ କାଜିରେୟାଃ ମୁଣ୍ଡି ନେଆଁ ତାନାଃ, “ଏ ମାଇ ବିରିଦ୍‌ମେ ।”

୪୨ ଇମ୍‌ତାଗି ଏନ୍ କୁଡିହନ୍ ବିରିଦ୍‌ୟାନାଏ ଆଡଃ ସେସେନ୍ ବାଡ଼ାକେଦାଏ, ଚିୟାଃଟି ଇନିଃଦ ବାରା ବାରାଷ୍‌ରେନ୍ ତାଇକେନାଏ । ନେଆଁ ନେଲ୍‌କେଦ୍‌ତେ ସବେନ୍‌କ ପୁରାଃଗି ଆକ୍‌ଦାନ୍ଦାୟାନାକ ।

୪୩ ମେନ୍ଦ ଯୀଶୁ “ନେ କାଜି ଜେତାଏତାଃରେ ଆଲ୍‌ପେ ଉଦୁବେୟା,” ମେନ୍ତେ କାଜିୟାଦକଆଏ, ଆଡଃ “କୁଡିହନ୍‌କେ ଜେଡନାଃ ଜକମ୍ ନାଈ ଏମାଇପେ” ମେତାଦକଆଏ ।



ୟୀଶୁକେ ନାଜ୍‌ରେଡ୍‌ରେ କାକ ବିଶ୍ୱାସକିୟା
(ମାଥ୍‌ଉ ୧୩:୫୩-୫୮; ଲୁକ ୪:୧୭-୩୦)

୧ ଯୀଶୁ ଏନ୍ତାଃଏତେ ଅଡ଼କ୍‌ୟାନା । ଆଡଃ ଚେଲାଇଲଃ ଆୟାଃ ସାହାର୍‌ତେ ହିଜୁଃୟାନାଏ ।

୨ ରୁଡନ୍ ହୁଲାଇ ସାମାଜ୍ ଅଡ଼ାଃରେ ଇନିଃ ଇତୁ ଏଚେଦ୍‌କେଦାଏ । ଏନ୍ତାଃରେନ୍ ପୁରାଃ ହଡକ ଇନିୟାଃ କାଜି ଆୟୁମ୍‌କେଦ୍‌ତେ ଆକ୍‌ଦାନ୍ଦାୟାନାକ, ଆଡଃକ ମେନ୍‌କେଦାଃ, “ଇନିଃ ନେ ସବେନ୍‌କାଜି ଅକ୍‌ତାଃଏତେ ନାମାକାଦା ? ଇନିଃ ଅକ୍‌ତାଃଏତେ ନେ ସେଣ୍ ଆଡଃ ପେଡେୟାନ୍ କାମିକରେୟାଃ ପେଡେଃ ନାମାକାଦାଏ ? ନିଃ ଚିଲ୍‌କା ନେ ଲେକା ପେଡେୟାନ୍ କାମିକ କାମିତାନାଏ ?

୩ ଚିୟାଃ ନିଃ ଏନ୍ ବାଡ଼ାଇ ନାହାଁଲିଃ ? ଚିୟାଃ ନିଃ ମାରିୟାମ୍‌ଆଃ ହନ୍ତେକଡ଼ା ନାହାଁଲିଃ ? ଆଡଃ ଯାକୁବ୍, ଯୋସି, ଶିମୋନ୍ ଆଡଃ ଯିହୁଦା ନେ ସବେନ୍‌କ ଆୟାଃ ହାଗାକ କା'ଚି ତାନ୍‌କ ? ଆଡଃ ଇନିୟାଃ ମିଶିକ ଆବୁଲଃଟି ବାଈକଆ ?” ଆଡଃ, ଇନ୍କୁ ଯୀଶୁକେ କାକ ବିଶ୍ୱାସକିୟା ।

୪ *ୟୀଶୁ ଇନ୍କୁକେ ମେତାଦକଆ, “ନାବୀ ଆୟାଃ ଦିଶୁମ୍ ଆଡଃ ଆୟାଃ କୁରୁମ୍, ଆଡଃ ଆୟାଃ ଅଡ଼ାଃରେନ୍‌କକେ ବାଗିକେଦ୍‌ତେ ସବେନ୍‌ତାଃରେ ମାଇନଃଆଏ ।”

୫ ଯୀଶୁ ଚିମିନ୍ ଦୁକୁତାନ୍‌କକେ ତିଃଇତେ ଜୁଡିଦ୍‌କେଦ୍‌ତେ ବୁଗିକେଦକଆଏ, ଏନା ବାଗିକେଦ୍‌ତେ ଆଡଃ ଏନ୍ତାଃରେ ଇନିଃ ଜେତାନ୍ ଆକ୍‌ଦାନ୍ଦାୟାନା କାମିକ କାଏ ରିକା ଦାଡିକେଦାଃ ।

୬ ଆଡଃ ଯୀଶୁ ଇନ୍କୁଆଃ କା ବିଶ୍ୱାସ୍‌ତେୟାଃ ନେଲ୍‌କେଦ୍‌ତେ ଆକ୍‌ଦାନ୍ଦାୟାନା । ଏନ୍ତେ ଯୀଶୁ ହପର୍‌ଜାପାଃ ହାତୁ ହାତୁ ସେନ୍‌କେଦ୍‌ତେ ଇତୁତାନାଏ ତାଇକେନା ।

ୟୀଶୁ ଗେଲ୍‌ବାର୍ ଚେଲାଇକେ କୁଲ୍‌କତାନାଏ
(ମାଥ୍‌ଉ ୧୦:୫-୧୫; ଲୁକ ୯:୧-୬)

୭ ଏନ୍ତେ ଗେଲ୍‌ବାର୍ ଚେଲାଇକେ କେଡ଼ାକେଦ୍‌ତେ, ବାବାର୍‌ହଡ୍‌ଲେକା କୁଲ୍‌କେଦକଆଏ । ଆଡଃ ସଡ଼ରା ଆମ୍‌ ହାର୍‌ଅଡ଼କ୍ ନାଗେନ୍ତେ ଇନ୍କୁକେ ଆକ୍‌ତେୟାର୍ ଏମାଦକଆଏ ।

୮ ଆଡଃ ଯୀଶୁ ଚିଗାଲ୍‌କେଦକଆଏ, “ହରାସେନ୍ ନାଗେନ୍ତେ ସଟା ବାଗିକେଦ୍‌ତେ ଆଡଃ ଜେଡନାଃ ଆଲ୍‌ପେ ଇଦିୟା, ହଲକ୍ ଚି ଆଇଲା, ମାୟାକ୍‌ରେ ଟାକା ପାଏସା ହ୍ କାହାଗି ।

୯ କାଟାରେ ଖାର୍‌ପା ତୁସିକ୍‌ୟେନ୍‌ପେ ମେନ୍ଦ ବାରିଆ ତୁସିକ୍ ଲିଜା ଆଲ୍‌ପେ ସାବେୟା ।

୧୦ ଆଡଃ ଇନିଃ ମେତାଦକଆଏ, ଜେତା ଅଡ଼ାଃରେ ଦାରମ୍‌ପେରେ, ଏନ୍ ସାହାର୍‌ଏତେ ଆଉରିପେ ଅଡ଼କ୍‌ଆଃ ଜାକେଦ୍ ଏନ୍ ଅଡ଼ାଃରେଗି ତାଇକାନ୍‌ପେ ।

୧୧ *ଜାହାନ୍ ଠାୟାଦ୍‌ରେନ୍‌କ କାକ ସୁକୁଆପେରେ, ଆଡଃ ଆପେୟାଃ କାଜି କାକ ଆୟୁମ୍‌ରେଦ, ଏନ୍ତାଃଏତେ ସେନଃତାନ୍‌ଲଃ, ଆପେୟାଃ କାଟା ତାଲ୍‌କାରେୟାଃ ଧୁଡି ଇନ୍କୁଆଃ ବିରୁଧ୍‌ରେଆଃ ଗାଞ୍ଜା ନାଗେନ୍ତେ କଟା ବାଗିତାପେ ।”

୧୨ ଇନ୍କୁ ସେନଃୟାନାକ ଆଡଃ ହଡକକେ ହେୟାଡିକ୍ ଲାଗାଡିୟାଃ ମେନ୍ତେ ଉଦୁବ୍‌କେଦାକ ।

୧୩ *ଇନ୍କୁ ପୁରାଃ ବଙ୍ଗାକକେ ହଡକତାଃଏତେ ହାର୍‌ଅଡ଼କ୍ କେଦକଆକ ଆଡଃ ପୁରାଃ ଦୁକୁହାସୁତାନ୍ ହଡକକେ ସୁନୁମ୍ ଗସଃକେଦ୍‌ତେ ବୁଗିକେଦକଆକ ।

ଯୋହାନ୍ ଦୁବାକ୍‌ରାଃ ଗନଏଃ
(ମାଥ୍‌ଉ ୧୪:୧-୧୨; ଲୁକ ୯:୭-୯)

* ୬:୪ ଯୋହାନ୍ ୪:୪୪. * ୬:୧୧ ପ୍ରେରିଡ୍ ୧୩:୫୧. * ୬:୧୧ ଲୁକ ୧୦:୪-୧୧. * ୬:୧୩ ଯାକୁବ୍ ୫:୧୪.

୧୪ ✨ୟୀଶୁଆଃ ନୁତୁମ୍ ସବେନ୍ସାଃରେ ନିତିରୟାନ୍ତେ*, ହେରୋଦ୍† ରାଜା ଇନିୟାଃ ବିଷାଏ ଆୟୁମ୍‌କେଦା । ଚିମିନ୍ ହଡକ କାଜିତାଇକେନାକ, “ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକଦାନ୍‌ଆ କାମିକ ଇନିୟାଃ ହରାତେ ହବାଅଃତାନା ।”

୧୫ ମେନ୍‌ଦ ଏଟାଃକ କାଜିକେଦାଃକ, “ଇନିଃ ଏଲିୟ ତାନିଃ, ଆତଃ ଚିମିନ୍ ହଡକ କାଜିକେଦାଃକ, ଇନିଃ ସିଦାରେନ୍ ନାବୀକଏତେ ମିଆଁଦ୍ ନାବୀ ତାନିଃ ।”

୧୬ ମେନ୍‌ଦ ହେରୋଦ୍ ନେଆଁକ ଆୟୁମ୍‌କେଦ୍‌ତେ ମେନ୍‌କେଦାଏ, “ଆଇଙ୍ଗ୍ ବହଃ ଖାଣ୍ଡାଅକାନ୍ ଯୋହାନ୍ ଗଜାକାନ୍ କଏତେ ଜୀଉବିରିଦ୍‌ୟାନାଏ ।”

୧୭ ✨ନେ ହେରୋଦ୍‌ଗି ଯୋହାନ୍‌କେ ସାସାବରାଃ ହୁକୁମ୍ ଏମାକାଦ୍ ତାଇକେନାଏ, ଆତଃ ଇନିଃକେ ତଲ୍‌କିଃକେ ଜେହେଲ୍‌କିୟାଏ, ହେରୋଦ୍ ନେଆଁ ରିକାକେଦାଏ, ଚିୟାଃଟି ହେରୋଦ୍ ଆୟାଃ ହାଗାତେ ଫିଲିପ୍‌ରାଃ କୁଡ଼ିତେ ହେରୋଦିୟାଃକେ ମାଣ୍ଡାଅକାଇ ତାଇକେନା ।

୧୮ ଚିୟାଃଟି “ହାଗାମାଃ କୁଡ଼ିକେ ଦହତେୟାଃ ଆଇନ୍ ଲେକାତେ ଆମାଃ ନାଙ୍ଗ୍ କା ଠାଉକାଃ” ମେନ୍ତେ ଯୋହାନ୍ ହେରୋଦ୍‌କେ କାଜିକାଇ ତାଇକେନା ।

୧୯ ଏନାତେ, ହେରୋଦିୟାଃ ଇନିଃକେ ଖ୍ୱତେ ଗଗଏଃ ସାନାଙ୍ଗ୍ ତାଇକେନାଏ, ମେନ୍‌ଦ ହେରୋଦିଆ କାଏ ଦାଡ଼ିତାଇକେନା ।

୨୦ ଚିୟାଃଟି, ହେରୋଦ୍ ଯୋହାନ୍‌କେ ମିଆଁଦ୍ ଧାରମାନ୍ ଆତଃ ପାବିତାର୍ ହଡ ତାନିଃ ମେନ୍ତେ ସାରିକେଦ୍‌ତେ ବରଆଇତାନ୍ ତାଇକେନାଏ ଆତଃ ଇନିଃକେ ଜେହେଲ୍‌ରେ ଜାହିଦ୍‌ଗି ମାଣ୍ଡାଅକାଇ ତାଇକେନାଏ । ଆତଃ ଇନିୟାଃ କାଜିକ ଆୟୁମ୍‌କେଦ୍‌ତେ ପୁରାଃଗି ଦାନ୍‌ରାଅଃ ତାଇକେନ୍‌ରେୟ ଇନିୟାଃ କାଜିକ ରାସ୍‌କାତେ ଆୟୁମ୍ ତାଇକେନା ।

୨୧ ତୁଣ୍ଡୁରେ ହେରୋଦିଆ ନାଗେନ୍ତେ ନେଡା ସେଟେରୟାନା, ହେରୋଦ୍ ଆୟାଃ ଜାନାମ୍ ହୁଲାଙ୍ଗ୍‌କେ ମାନାଅ ନାଗେନ୍ତେ, ଆୟାଃ ମାପ୍‌ରାଙ୍ଗ୍ ଦାରବାର୍ ହଡକ, ପାଲ୍‌ଟାନ୍‌କଆଃ ସାର୍‌ଦାର୍‌କ, ଆତଃ ଗାଲିଲ୍‌ରେନ୍ ମାପ୍‌ରାଙ୍ଗ୍ ହଡକଆଃ ନାଗେନ୍ତେ ନୁବାଃରେୟାଃ ମାରିଙ୍ଗ୍ ଜଜିମାଃ ବାଇକେଦାଏ ।

୨୨ ହେରୋଦିୟାଃରାଃ ହନ୍ତେକୁଡ଼ି ଜମେଅଡ଼ାଃରେ ବଲକେଦ୍‌ତେ ସୁସୁନ୍‌କେଦାଏ, ଆତଃ ହେରୋଦ୍‌ତାଃ ହିଜୁଆକାନ୍ ସବେନ୍ ନେଆଁତା ହଡକକେ ରାସ୍‌କା କେଦ୍‌କଆଏ । ଏନ୍ତେ ରାଜା ହେରୋଦ୍ ହନ୍ତେକୁଡ଼ିକେ କାଜିକିୟାଏ “ଆମ୍ ସୁକୁଃତେଆଃ ଜେଡ୍‌ନାଃମ୍ ଆସିଙ୍ଗ୍‌ରେହ୍, ଏନାଇଙ୍ଗ୍ ଏମାମେୟାଁ ।”

୨୩ “ଜାହାନାଃଗି ଆସିଙ୍ଗ୍‌ମେ, ରାଇଜ୍‌ରାଃ ତାରାହାଟିଙ୍ଗ୍ ମେନେରେୟଗି ଆଇଙ୍ଗ୍ ଏମାମେୟାଁ” ମେନ୍ତେ ରାଜା ଇନିଃତାଃରେ କିରିୟାକେଦାଏ ।

୨୪ ଆତଃ ଏନ୍ କୁଡ଼ିହନ୍ ଅତଙ୍ଗ୍‌ୟାନ୍‌ତେ, ଚିକାନାଃଇଙ୍ଗ୍ ଆସିୟା ମେନ୍ତେ ଏଙ୍ଗାତେକେ କୁଲିକିୟାଏ ? ଆୟାଃ ଏଙ୍ଗାତେ କାଜିରୁହାଡ଼କିୟା “ବାପ୍ତିସ୍ତା ଏମଃନିଃ ଯୋହାନ୍‌ଆଃ ବହଃ ।”

୨୫ ଏନ୍ କୁଡ଼ିହନ୍ ଜାଲ୍‌ଦିଗି ହିଜୁଃ ରୁହାଡ଼କେଦ୍‌ତେ ରାଜାକେ କାଜିକିୟାଏ, “ନାହାଁଃଗି ନେତାଃରେ, ବାପ୍ତିସ୍ତା ଏମଃନିଃ ଯୋହାନ୍‌ରାଃ ବହଃ ମିଆଁଦ୍ ଆଡ଼ିରେ ଏମାଇଙ୍ଗ୍‌ମେ ।”

୨୬ ଏନ୍ କାଜି ହରାତେ ରାଜା ପୁରାଃଗି ହୁଡ଼ିଙ୍ଗ୍‌ଜୀଉୟାନା, ମେନ୍‌ଦ ନେଆଁତାକାନ୍‌କଆଃ ସାମ୍‌ନାଙ୍ଗ୍‌ରେ କିରିୟାକାଦ୍ ହରାତେ ଇନିଃ ଆୟାଃ ଆନାସିକେ ବାନଃ ମେନ୍ତେ ମାନା କାଏ ଦାଡ଼ିକେନା ।

୨୭ ଏନା ମେନ୍ତେ ରାଜା ଇମ୍‌ତାଗି ମିଆଁଦ୍ ସିପାଇକେ, ଯୋହାନ୍‌ଆଃ ବହଃ ଆଡ଼ିରେ ଆଉ ନାଗେନ୍ତେ କୁଲିକିୟାଏ, ଇନିଃଦ୍ ସେନଃୟାନ୍ତେ, ଜେହେଲ୍‌ରେ ଯୋହାନ୍‌ରାଃ ବହଃକେ ମାଆଃକେଦାଏ,

୨୮ ଏନ୍ତେ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆତଃ ହନ୍ତେକୁଡ଼ିକେକ ଏମ୍‌କିୟା, ଏନ୍ତେ କୁଡ଼ିହନ୍ ଏଙ୍ଗାତେକେ ଏନା ଏମ୍‌କିୟାଏ ।

୨୯ ଯୋହାନ୍‌ଆଃ ଚେଲାକ ଏନା ଆୟୁମ୍‌କେଦ୍‌ତେକ ହିଜୁଃୟାନା ଆତଃ ଆୟାଃ ହଡ଼ମ୍‌କେ ଇଦିକେଦ୍‌ତେ ତପାଗାଡ଼ାରେକ ତପାକେଦା ।

ୟୀଶୁ ଗାଦେଲ୍ ହଡକକେ ଜମେୟାଁଃ ଏମାକତାନାଏ
(ମାଥୁଉ ୧୪:୧୩-୨୧; ଲୁକ ୯:୧୦-୧୭; ଯୋହାନ୍ ୬:୧-୧୪)

୩୦ ପ୍ରେରିତକ ଯୀଶୁତାଃରେକ ହୁଣ୍ଡିୟାନା, ଆତଃ ଆକ କାମିକାଦ୍ ସବେନାଃ, ହଡକକେ ଇତୁତେଆଃକ ଇନିଃକେ ଉଦୁକିୟାକ ।

୩୧ ଏନ୍ତେ ପୁରାଃ ହଡକ ହିଜୁଃ ସେନଃତାନ୍‌କ ତାଇକେନା, ଆତଃ କୁଲାକାନ୍ ଚେଲାକ ଜଜମ୍ ନାଗେନ୍ତେ ସାମାଏ କାକ ନାମ୍‌କେଦାଃ, ଏନାମେନ୍ତେ ଯୀଶୁ ମେତାଦ୍‌କଆଏ, “ଦଲା ଜାହାନ୍ ସିଃସଏଃ ଠାୟାଦ୍‌ତେରୁଆଃ, ଅକ୍‌ତାଃରେ ଆବୁ ହୁଡ଼ିଙ୍ଗ୍‌ଲେକା ରୁଡ଼ୁବୁ ଦାଡ଼ିୟାଃ ।”

୩୨ ଏନ୍ତେ ଇନ୍‌କୁ ଲାଉକାରେ ଦେଏଃୟାନ୍ତେ ମିଆଁଦ୍ ସିଃସଏଃ ଠାୟାଦ୍‌ତେ ସେନଃୟାନାକ ।

☆ ୨:୧୪ ମାଥୁଉ ୧୭:୧୪; ମାର୍ଚ୍ଚ ୮:୨୮; ଲୁକ ୯:୧୯. * ୨:୧୪ ବିଖ୍ୟାଡ୍ † ୨:୧୪ ଗାଲିଲ୍‌ରେନ୍ ହାକିମ୍ ☆ ୨:୧୭ ଲୁକ ୩:୧୯,୨୦.

୩୩ ମେନ୍ଦ, ହଡ଼କ ଇନ୍ଦ୍ରକୁକେ ସେନଃତାନ୍ଦକ ନେଲ୍‌କେଦକଆ ଆଡ଼ଃ ଇନ୍ଦ୍ରକୁକେ ନେଲ୍‌ଉରୁମ୍ କେଦକଆକ, ଆଡ଼ଃ ସବେନ୍ ସାହାରକଏଡେ ହଡ଼କ ସେସେନ୍‌ଡେଗି ଏନ୍ ଠାୟାଦ୍‌ଡେ ସିଦାରେଗି ଡେବାଃୟାନାକ ।

୩୪ ✠ୟୀଶୁ ଲାଉକାଏଡେ ଆଡ଼ଗୁୟାନ୍ତି ଗାଦେଲ୍ ହଡ଼କକେ ନେଲ୍‌କେଦ୍‌ଡେ ଜୀଉରେ ବିଲ୍‌କାଅୟାନାଏ‡, ଚିୟାଃତି ଇନ୍ଦ୍ରକୁଦ ଗୁପିନିଃ ବାଜ୍ଞାକ ମିଶ୍ଟିକ ଲେକାକ ତାଇକେନା, ଏନ୍ତାଃରେ ଇନିଃ ଇନ୍ଦ୍ରକୁକେ ଇଡୁ ଏଡେଦ୍‌କେଦ୍‌ଆଏ ।

୩୫ ଆଡ଼ଃ ସିଜ୍ଞି ହାସୁରଃତାନ୍‌ରେ, ଚେଲାକ ଯୀଶୁତାଃ ସେନ୍‌କେଦ୍‌ଡେକ କାଜିକିୟା, “ନେ ଠାୟାଦ୍ ସିଃସଏଃଗିୟା, ଆଡ଼ଃ ସିଜ୍ଞିଅଃ ସେନଃୟାନା ।

୩୬ ଏନାମେନ୍ତେ ଜାପାଃ ହାଡୁ ଆଡ଼ଃ ଟଲାକଡେ ସେନ୍‌କେଦ୍‌ଡେ ଜଜ୍‌ମାଃକ କିରିଙ୍ଗ୍ ଜମେକା ମେନ୍ତେ ଏନ୍ ହଡ଼କକେ ବିଦାତାକମେଁ ।”

୩୭ ଯୀଶୁ କାଜିରୁହାଡ଼ାଦକଆଏ, “ଆପେଗି ଇନ୍ଦ୍ରକୁକେ ଜାହାନାଃ ଜମେୟାଃ ଏମାକପେ,” ଇନ୍ଦ୍ରକୁଦ ଇନିଃକେ କାଜିକିୟାକ, “ଆଲେଗି ଚି ୨୦୦ ରୁପାରାଃ ସିକାଃଡେ ହଲ୍‌ଙ୍ଗ୍ କିରିଙ୍ଗ୍‌କେଦ୍‌ଡେ ଜମେୟାଃଲେ ଏମାକଆ ?”

୩୮ ଏନ୍ତେ ଯୀଶୁ ଇନ୍ଦ୍ରକୁକେ କୁଲିକେଦକଆଏ, “ଆପେତାଃରେ ଚିମିନ୍ ହଲ୍‌ଙ୍ଗ୍ ମେନାଃ ? ଜୁ, ନେଲାଉଲେପେ,” ଇନ୍ଦ୍ରକୁଦ ନାମ୍‌କେଦ୍‌ଡି ଇନିଃକେକ ଉଦୁବ୍‌କିୟା, “ମଣେୟାଁ ହଲ୍‌ଙ୍ଗ୍ ଆଡ଼ଃ ବାରିଆ ହାକୁ ।”

୩୯ ଏନ୍ତେ ଯୀଶୁ ଚେଲାକକେ “ହାରିୟାର୍ ତାସାଦ୍‌ରେ ସବେନ୍ ହଡ଼କକେ ପାନ୍ତିପାନ୍ତି ଦୁବ୍‌କୁପେ” ମେନ୍ତେ ଆଡୁକେଦକଆ ।

- ୪୦ ଆଡ଼ଃ ହଡ଼କ ମିଆଁଦ୍ ପାନ୍ତିରେ ଶାଅ ଶାଅ ଆଡ଼ଃ ମିଆଁଦ୍ ପାନ୍ତିରେ ପାଗାଶ୍ ପାଗାଶ୍ ଲେକାକ ଦୁବ୍‌ୟାନା ।
- ୪୧ ଆଡ଼ଃ, ଯୀଶୁ ଏନ୍ ମଣେୟାଁ ହଲ୍‌ଙ୍ଗ୍ ଆଡ଼ଃ ବାରିଆ ହାକୁ ସାବ୍‌କେଦ୍‌ଡେ ସିର୍ମାସାଃ ସାଜ୍ଞିଲ୍‌ରାକାବ୍‌ତାନ୍‌ଲଃ ଆଗିଷ୍ଟକେଦାଏ ଆଡ଼ଃ ହଲ୍‌ଙ୍ଗ୍ କେଚାଃକେଦ୍‌ଡେ ଚେଲାକକେ ଏମାଦକଆଏ ଆଡ଼ଃ ହାକୁକେହଁ ଇନ୍ଦ୍ରକୁ ହାଟିଙ୍ଗ୍‌କେଦାଃକ ।
- ୪୨ ସବେନ୍‌କ ଜମ୍‌କେଦ୍‌ଡେ ବି'ୟାନାକ ।
- ୪୩ ଏନ୍ତେ ଚେଲାକ ଜମ୍ ସାରେଜାକାନ୍ ହଲ୍‌ଙ୍ଗ୍ ଆଡ଼ଃ ହାକୁ ବାରା ଚୁଜ୍ଞିକ ହାଲାଙ୍ଗ୍ ପେରେଃକେଦାଃକ ।
- ୪୪ ଜମ୍‌କେନ୍‌କଦ, ପାଞ୍ଚ ହାଜାର୍ କଡ଼ାକ ତାଇକେନାକ ।

ୟୀଶୁ ଦାଆଃ ଚେତାନ୍‌ରେ ସେସେନ୍‌ତାନାଏ
(ମାଥୁଉ ୧୪:୨୨-୩୩; ଯୋହାନ୍ ୬:୧୫-୨୧)

୫୫ ଇମ୍‌ତାଗି ଯୀଶୁ ଚେଲାକକେ ଲାଉକାରେ ଦୁବ୍‌କେଦ୍‌ଡେ ଦରେୟା ହାନ୍ ପାରମ୍ ବେଥ୍‌ସାଇଦାଡେ କୁଲ୍ ଆୟାର୍‌କେଦକଆ । ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦକଆ ।

୫୬ ଇନିଃ ଗାଦେଲ୍ ହଡ଼କକେ ବିଦାକେଦ୍‌ଡେ, ବିନ୍ତି ନାଗେନ୍ତେ ବୁରୁଡେ ରାକାବ୍‌ୟାନା ।

୫୭ ଆଡ଼ଃ ସିଜ୍ଞିହାସୁରଃତାନ୍‌ରେ ଲାଉକା ଆଲା ଦରେୟାରେ ତାଇକେନା, ଇମ୍‌ତାଦ ଯୀଶୁ ଏସ୍‌କାର୍‌ଗି ଅଡେରେ ତାଇକେନାଏ ।

୫୮ ସାମ୍‌ନାଙ୍ଗ୍‌ରାଃ ମାରାଙ୍ଗ୍‌ହୟଡେ ଚେଲାକ ଦୁକୁଡେ ଲାଉକାକେ ଇଦିତାନ୍ ନେଲ୍‌କେଦ୍‌ଡେ, ଇନିଃ ସେତାଃ ନିଦାରେୟାଃ ଉପୁନ୍ ପାଡ଼ି ଇମ୍‌ତାକରେ ଯୀଶୁ ଦରେୟାରେ ସେସେନ୍‌କେଦ୍‌ଡେ ଇନ୍ଦ୍ରକୁତାଃଡେ ହିଜୁଃକେଦ୍‌ଡେ ସେନ୍‌ପାରମ୍‌କତାନାଏ ତାଇକେନା ।

୫୯ ମେନ୍ଦ ଇନ୍ଦ୍ରକୁ ଦରେୟା ଚେତାନ୍‌ରେ ଇନିଃକେ ସେସେନ୍‌ତାନ୍‌କ ନେଲ୍‌କିଃଡେ ବରକେଦାକ ଆଡ଼ଃ “ବଜ୍ଞା ତାନିଃ” ମେନ୍ତେକ କାଉରିକେଦା ।

୬୦ ସବେନ୍‌କ ଇନିଃକେ ନେଲ୍‌କିଃଡେ ବରଡେକ ଆର୍‌ଆରାଅୟାନା ।

ଇମ୍‌ତାଗି ଯୀଶୁ ଇନ୍ଦ୍ରକୁକେ ମେତାଦକଆ, “ଜୀଉରେ କେଚେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୬୧ ଏନ୍ତେ ଇନ୍ଦ୍ରକୁଲଃ ଲାଉକାରେ ଦେଏଃୟାନ୍ତି ହୟ ସାଲ୍‌ସାନ୍ତ୍‌ୟାନା, ଚେଲାକଦ ପୁରାଃଗି ଆକ୍‌ଦାନ୍‌ଆୟାନାକ,

୬୨ ଇନ୍ଦ୍ରକୁ ପାଞ୍ଚ ହାଜାର୍ ହଡ଼କକେ ଜମେୟାଃ ହାଟିଙ୍ଗ୍ କାଜିରାଃ ହରାଡେ କାକ ସେଣ୍‌ୟାନା, ଚିୟାଃତି ଆକଆଃ ମନ୍ କେଚେଦ୍‌ ତାଇକେନା ।

ୟୀଶୁ ଗିନେସରେଡ୍‌ରେ ଦୁକୁହାସୁତାନ୍‌କକେ ବୁଗିକତାନାଏ
(ମାଥୁଉ ୧୪:୩୪-୩୬)

୬୩ ଯୀଶୁ ଆଡ଼ଃ ଆୟାଃ ଚେଲାକ ଦରେୟା ପାରମ୍‌କେଦ୍‌ଡି ଗିନେସରେଡ୍ ନୁଡୁମ୍ ପାର୍‌ଗାନ୍‌ଡେକ ସେଚେର୍‌ୟାନା, ଆଡ଼ଃ ଲାଉକାକେ ତଲ୍‌କେଦାକ ।

୬୪ ଇନ୍ଦ୍ରକୁ ଲାଉକାଏଡେ ଆଡ଼ଗୁୟାନ୍ ତରସା, ଏନ୍ତାଃରେନ୍ ହଡ଼କ ଯୀଶୁକେ ନେଲ୍‌ଉରୁମ୍‌କିୟାକ ।

୬୫ ହଡ଼କ ନେଡେହେନ୍ତେକ ନିର୍‌ବାଡ଼ାକେଦା ଆଡ଼ଃ ଇନିଃ ଏନ୍ତାଃରିୟା ମେନ୍ତେ ଇନ୍ଦ୍ରକୁ ସାରିକେଦ୍‌ଡି ଦୁକୁହାସୁତାନ୍‌କକେ ପାର୍‌କମ୍‌କରେ ଇନିଃତାଃଡେକ ଗଅଃ ଆଉକେଦକଆ ।

✠ ୭:୩୪ ମାଥୁଉ ୯:୩୬. ‡ ୭:୩୪ ଦାୟାଡେ ପେରେଃୟାନାଏ § ୭:୩୬ ମୁସିଙ୍ଗ୍‌ରାଃ ନାଲା

୫୬ ଆତ୍ମ ଯୀଶୁ ସବେନ୍ ହାତୁ, ଟଲା, ସାହାରତେ ବଲ୍ଲତାଇକେନ୍‌ଲ୍‌ଶି, ହତ୍ତକ ଦୁକୁହାସୁତାନ୍‌କକେ ପିଟ୍ ଠାୟାଦ୍‌ତେକ ଆତ୍ମକେଦ୍‌କଆ, ଆତ୍ମ ଲିଜାଃରେୟାଃ ଆତ୍‌ରାକେ ଜୁଟିଦ୍‌ତାକାକ ମେନ୍ତେ ଜନିଃକେକ ବିନ୍ତି ତାଇକେନା, ଆତ୍ମ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।



ହାତାମ୍‌ହତ୍ତକଆଃ ଜନିତୁ
(ମାଥୁଜ ୧୫:୧-୯)

୧ ଚିମିନ୍ ଫାରୁଶୀକ ଆତ୍ମ ଯୀରୁଶାଲେମ୍‌ଏତେ ହିଜୁଃଲେନ୍ ଚିମିନ୍ ଆଇନ୍ ଇତୁକ ଯୀଶୁତାଃରେକ ହୁଣ୍ଡିୟାନା ।

୨ ଆତ୍ମ ଇନ୍‌କୁ ଯୀଶୁଆଃ ଚିମିନ୍ ଚେଲାକକେ ଯିହୁଦୀକଆଃ ରିତିରିଖାଜ୍ ଲେକାତେ ସତ୍‌ରାକେଦ୍‌ତେ କା ଆବୁଜ୍ ତିଃଇତେ ଜମ୍‌ତାନ୍‌କ ନେଲ୍‌କେଦ୍‌କଆ ।

୩ ଚିୟାଃଚି ଫାରୁଶୀକ ଆତ୍ମ ସବେନ୍ ଯିହୁଦୀକ ପ୍ରାଚିନ୍ ହତ୍ତକଆଃ ରିତିରିଖାଜ୍ ଲେକା ତିଃଇ ବୁଗିଲେକାତେ କା ଆବୁଜ୍ ଜାକେଦ୍ କାକ ଜଜମାଃ ।

୪ ଆତ୍ମ ପିଟ୍‌ଏତେ ରୁହାଡ୍‌କେଦ୍‌ତେ ଦାଆଃ'ତେ ଆଉରି ଆବୁଜ୍ ଜାକେଦ୍ କାକ ଜଜମାଃ । ଆତ୍ମ ନେ'ଲେକାନ୍ ରିତିରିଖାଜ୍ ମାନାତିଜ୍ ତାଇକେନାକ, ତାଖାକ, ଚାଟୁକ, ପାର୍‌କମ୍‌କ*, ଆତ୍ମ ତାମ୍‌ାତେ ବାଇୟାକାନ୍ ବାତ୍‌ାନ୍‌କକେ ଦାଆଃତେ ଆବୁଜ୍ ଗାସାର୍ ତାଇକେନାକ ।

୫ ଏନାମେନ୍ତେ ଫାରୁଶୀକ ଆତ୍ମ ଆଇନ୍ ଇତୁକ ଯୀଶୁକେ କୁଲିକିୟାକ, “ଚିନାଃମେନ୍ତେ ଆମାଃ ଚେଲାକ ତିଃଇ ବେଗାର୍ ଆବୁଜ୍‌କେଦ୍‌ତେ ସତ୍‌ରାଗି ଜଜମକ ଦୁବାଃ ଆତ୍ମ ଆବୁଆଃ ପ୍ରାଚିନ୍‌କଆଃ ରିତିରିଖାଜ୍‌କ କାକ ମାନାତିଜ୍‌ତାନା ?”

୬ ଯୀଶୁ କାଜିରୁହାଡ୍‌କେଦ୍‌କଆଏ, “ଆପେ ବେଦାହତ୍ତକ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାର୍‌ତିଗି ଆୟାର୍‌କାଜି କାଜିକାଦା, ନେଆଁଦ୍ ଅଲ୍‌ାକାନା, “ପାର୍‌ମେଶ୍‌ାର୍ କାଜିକେଦାଏ, ‘ନେ ହତ୍ତକ ମଚାତେକ ମାଇନିଜ୍‌ତାନା, ମେନ୍‌ଦ ଆକଆଃ ମନ୍ ଆଇଜ୍‌ତାଃଏତେ ସାଜିନ୍‌ରେଆ ।

୭ ଆଇଜ୍‌କେ ସାମାଗିକ ସେଖାଇଜ୍‌ୟା; ଆତ୍ମ ଇନ୍‌କୁଦ ନେୟାଁ ଧାରାମ୍‌ରେୟାଃ କାଜି ତାନାଃ ମେନ୍ତେ ହତ୍ତକଆଃ ଆନାଚୁକ ଇତୁକତାନା ।’

୮ “ଆପେ ପାର୍‌ମେଶ୍‌ାର୍‌ରାଃ ଆନ୍‌ଚୁକ ଦୟା କୁଣ୍ଡାମ୍‌କେଦ୍‌ତେ ହତ୍ତକଆଃ ରିତିରିଖାଜ୍ ମାନାତିଜ୍ ତାନାପେ ।”

୯ ଯୀଶୁ ଆତ୍ମଶି କାଜିୟାଦ୍‌କଆଏ, “ପାର୍‌ମେଶ୍‌ାର୍‌ରାଃ ଆନ୍‌ଚୁକେ କା ମାନାତିଜ୍‌କେଦ୍‌ତେ ଆପେୟାଃ ରିତିରିଖାଜ୍‌କେ ମାନାତିଜ୍ ନାଗେନ୍ତେ ଆପେ ଆପେୟାଃ ହରାପେ ନାମାକାଦାଃ ।

୧୦ ମୁଶା ଆନ୍‌ଚୁରେ କାଜିୟାକାଦାଏ, ‘ଏଜ୍‌ଆ ପାପୁ କିନ୍‌କେ ମାନାତିଜ୍‌କିନ୍‌ମେ’ ଆତ୍ମ ‘ଜେତାଏ ଏଜ୍‌ାତେକେ ଚାଏ ଆପୁତେକେ ସାର୍‌ପାଅ ରେଦ୍ ଇନିଃ ଗଜଃକାଏ ।’

୧୧ ମେନ୍‌ଦ ଆପେ କାଜିତାନାପେ, ଜେତାଏ ଆୟାଃ ଆପୁ ଚାଏ ଏଜ୍‌ାକେ କାଜିୟାକିନାଏ, ଆୟାଃତାଃଏତେ ଅକ୍‌ନାଃ ନାଗେନ୍ତେ ଆମାଃ ବୁଗିନାଃ ନାମେତେୟାଃ ‘କୁର୍ବାନା’ କାନା, ନେଆଁରାଃ ମୁଣ୍ଡିଦ୍ ନେୟାଁ ପାର୍‌ମେଶ୍‌ାର୍ ନାଗେନ୍ତେ ଦାନ୍ ଏମାକାନା,

୧୨ ଏନ୍ତେଦ୍ ଆପେ ତାୟମ୍‌ତେ ଇନିଃକେ ଆୟାଃ ଏଜ୍‌ା ଚାହେ ଆୟାଃ ଆପୁଆଃ ନାଜ୍ ବୁଗିନାଃ ରିକା ନାଗେନ୍ତେ ଆତ୍ମ ଜେଡ୍‌ନାଃ କାପେ ରିକାଟିକାଇତାନା ।

୧୩ ଆତ୍ମ ନେ ଲେକାତେ ଆପେୟାଃ ରିତିରିଖାଜ୍‌ତେ ପାର୍‌ମେଶ୍‌ାର୍‌ରାଃ କାଜିପେ ଫାଦାଆତମେତାନା† । ଆତ୍ମ ନେ ଲେକାନ୍ କାମିକ ପୁରାଃପେ କାମିତାନା ।”

ହତ୍ତକେ ଅକ୍‌ନାଃ ସତ୍‌ରାଇୟାଏ
(ମାଥୁଜ ୧୫:୧୦-୨୦)

୧୪ ଏନ୍ତେ ଯୀଶୁ ଗାଦେଲ୍ ହତ୍ତକକେ କେଡାକେଦ୍‌କଆଏ ଆତ୍ମ ମେତାଦ୍‌କଆଏ, “ଆୟୁମେପେ ଆତ୍ମ ଆଟ୍‌କାର୍ ଉରୁମେପେ ।

୧୫ ହତ୍ତରେ ବାହାରିଏତେ ବଲ୍ଲତେୟାଃ ଜେଡ୍‌ନାଃ ଇନିଃକେ କାଏ ସତ୍‌ରା ଦାଡ୍‌ିୟାଇଆ, ମେନ୍‌ଦ ଇନିଃତେ ଅକ୍‌ନାଃ ଅତଜ୍‌ଅଃଆ ଏନା ଆଇଃକ୍‌କେ ସତ୍‌ରାଇଆଏ ।”

୧୬ ଆୟୁମ୍ ନାଗେନ୍ତେ କୁଡ୍‌ର୍ ମେନାଃନିଃ ଆୟୁମ୍‌ଜମେକାଏ ।‡

୧୭ ଆତ୍ମ ଇନିଃ ଗାଦେଲ୍ ହତ୍ତକସାଃଏତେ ଫାର୍‌କାକେଦ୍‌ତେ ଅଡାଃରେ ବଲ୍‌ୟାନ୍‌ଚି, ଚେଲାତାୟାଃକ ଏନ୍ ଜନ୍‌କା କାଜିରାଃ ମୁଣ୍ଡିକ କୁଲିକିୟାଃ ।

୧୮ ଇନିଃ କାଜିରୁହାଡ୍‌ାଦ୍‌କଆଏ, “ଚିୟାଃ ଆପେୟାଗି ତଣ୍ଡିଗିୟାପେ ? ବାହାରିଏତେ ହତ୍ତରେ ବଲ୍ଲତେୟାଃ ଇନିଃକେ କାଏ ସତ୍‌ରା ଦାଡ୍‌ିୟାଇଆ ।

* ୭:୪ ଚିମିନ୍ ମାରି ଅନଲ୍‌କରେ ପାର୍‌କମ୍ କା ଅଲ୍‌ାକାନା † ୭:୧୩ ସାମାଉତାରେତାନା ‡ ୭:୧୬ ନେ ବାଗାନ୍ ଚିମିନ୍ ମାରି ଅନଲ୍‌କରେ ବାନଃଆ

୧୯ ଚିୟାଃତି ଏନା ମନରେ କାହାଗି, ମେନ୍ଦ ଲାହିଦ୍ରେ ବଲଃଆ, ଆତଃ ହଡ଼ମ୍ବତେ ଅତଙ୍ଗ୍ ଏଣ୍ଡାଗଆଃ, ନେୟାଁ ଚିୟାଃ କାପେ ଆଟ୍‌କାରେତାନା ।” ନେ କାଜିରେ, ସବେନ୍ ଜଜମାଃ ଫାଟ୍‌ଚିଗିୟା ମେନ୍ତେ ଯାଶୁ ଉଦ୍‌ବକେଦାଏ ।

୨୦ ଆତଃଗି ଇନିଃ ମେତାଦକଆଏ, “ଅକ୍‌ନାଃ ହଡ଼ରାଃ ବିଚାର୍‌ଏତେ ଅତଙ୍ଗ୍‌ଅଃଆ, ଏନା ହଡ଼କେ ସଡ଼ରାଇୟାଏ ।

୨୧ ଚିୟାଃତି ଭିତାର୍‌ଏତେଗି, ହଡ଼କଆଃ ମନ୍‌ଏତେ ଏଡ଼କାନ୍ ଉଡ଼ୁ ଅତଙ୍ଗ୍‌ଅଃତାନା, ଆପାଙ୍ଗିର୍ କାମି, କୁମ୍‌ପୁଟ୍ଟୁ ହଡ଼ଗଏଃ,

୨୨ ଆପାଙ୍ଗିର୍, ଲାଲାଟ୍, ଏଡ଼କାନାଃ, ବେଦା, ନିଲାଜ୍, ହିସ୍‌ଜା, ନିୟା, ପୁଟାନି ଆତଃ ବାଲୁସେଣାଁ ।

୨୩ ନେ ସବେନ୍ ଏଡ଼କାନ୍ କାଜି ମନ୍‌ଏତେ ଅତଙ୍ଗ୍‌ଅଃତାନା ଆତଃ ହଡ଼କେ ସଡ଼ରାଇୟାଏ ।”

**ୟାଶୁ ମିଆଁଦ୍ ସାଅଁସାର୍ କୁଡ଼ିହନ୍‌କେ ବୁଗି ତାନାଏ
(ମାଥୁଉ ୧୫:୨୧-୨୮)**

୨୪ ଏନ୍ତେ ଯାଶୁ ଏନ୍ତାଃକେ ବାଗିକେଦ୍‌ତେ ସୋର୍ ଦିଶୁମ୍‌ରାଃ ଜାପାଃ ହାତୁତେ ସେନଃୟାନାଏ । ଇନିଃ ମିଆଁଦ୍ ଅତଃରେ ବଲ୍‌ୟାନାଏ ଆତଃ ଜେତାଏ ଏନ୍ ଅତଃରେ ମେନାଇୟା ଏନା ଆଲକାକ ସାରିକା ମେନ୍ତେ ଇନିଃ ସାନାଙ୍ଗ୍‌କେଦାଏ, ମେନ୍ଦ ଇନିଃ କାଏ ଉକ୍ତୁ ଦାଡ଼ିୟାନା ।

୨୫ ମେନ୍ଦ ଇମ୍‌ତାଗି ମିଆଁଦ୍ କୁଡ଼ି, ଯାଶୁ ହିଜୁଃକାନାଏ ମେନ୍ତେ ଆୟୁମ୍‌କେଦ୍‌ତେ ହିଜୁଃୟାନାଏ ଆତଃ ଯାଶୁଆଃ କାଟାସୁବାରେ ଉୟୁଃୟାନାଏ, ଚିୟାଃତି ସଡ଼ରା ଆମ୍‌ଦ ଇନିୟାଃ ହନ୍ତେକୁଡ଼ିକେ ଏସେରାକାଇ ତାଇକେନାଏ ।

୨୬ ଇନିଃ ସିରିୟା ଦିଶୁମ୍‌ରାଃ ଫୋନେସିୟାରେନ୍ ମିଆଁଦ୍ ସାଅଁସାର୍ କୁଡ଼ି ତାଇକେନାଏ, ଇନିଃ ହନ୍ତେକୁଡ଼ିଏତେ ବଙ୍ଗାକେ ହାଅତଙ୍ଗ୍‌ତାଇମେ ମେନ୍ତେ ଯାଶୁକେ ବିକ୍ତିକିୟାଏ ।

୨୭ ମେନ୍ଦ ଯାଶୁ ମେତାଇୟାଏ, “ସିଦାତେ ହନ୍‌କକେ ଜମ୍ ରିକାକମେ, ଚିୟାଃତି ହନ୍‌କଆଃ ଜମେୟାଃ ରେଃକ୍‌କେଦ୍‌ତେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୮ ଏନ୍ତେ ଏନ୍ କୁଡ଼ି କାଜିକିୟାଏ, “ହେଗି ପ୍ରାଭୁ, ମେନ୍ଦ ମେଜ୍ ଲାତାର୍‌ରେ ସେତାକହଗି ହନ୍‌କଆଃ ହଲଙ୍ଗ୍‌କେତାଃକ ଜଜମାଃ ।”

୨୯ ଏନ୍ତେ ଯାଶୁ ଇନିଃକେ କାଜିକିୟାଏ, “ନେ କାଜିରେୟାଃ ନାଗେନ୍ତେ ଜୁ, ଅତଃତେ ରୁହାଡ଼ମ୍‌, ହନ୍‌ମେଁ କୁଡ଼ିତାଃଏତେ ବଙ୍ଗା ଅତଙ୍ଗ୍‌ୟାନା ।”

୩୦ ଏନ୍ କୁଡ଼ି ଅତଃତେ ରୁହାଡ଼ୟାନ୍ତେ ହନ୍ତେକୁଡ଼ିତାୟାଃକେ ପାର୍‌କମ୍‌ରେ ଗିତିଜାକାନ୍ ନେଲ୍‌କିୟାଏ, ଆତଃ ବଙ୍ଗା ଇନିଃତାଃଏତେ ଅତଙ୍ଗ୍‌ଆଁକାନ୍ ନାମ୍‌କିୟାଃ ।

କା ଆୟୁମ୍‌ଦାଡ଼ି ଆତଃ କା ବାଗାଁଣ୍‌ଦାଡ଼ି ହଡ଼କେ ଯାଶୁ ବୁଗି ତାନାଏ

୩୧ ଆତଃଗି ଯାଶୁ ସୋର୍ ଦିଶୁମ୍‌ଏତେ ଅତଙ୍ଗ୍‌ୟାନ୍‌ଚି, ସିଦୋନ୍ ଦିଶୁମ୍‌ରାଃ ଆଲା ହରା, ଗାଲିଲ୍ ଦରେୟା, ଆତଃ ଦେକାପଲ୍‌ଲୀ ସିମ୍‌ନାସାଃତେ ସେନଃୟାନାଏ ।

୩୨ ଚିମିନ୍ ହଡ଼କ ମିଆଁଦ୍ କା ଆୟୁମ୍‌ ଦାଡ଼ିତାନ୍ ହଡ଼ ଆତଃ କା ବାଗାଁଣ୍‌ ଦାଡ଼ିତାନ୍ ହଡ଼କେ ଯାଶୁତାଃତେ ଆଉକିୟାଃକ, ଆତଃ ଆମାଃ ତିଃଇ ଇନିଃରେ ଦହେମେ ମେନ୍ତେକ ବିକ୍ତିକିୟା ।

୩୩ ଆତଃ ଯାଶୁ ଇନିଃକେ ଗାଦେଲ୍ ହଡ଼କ ଆଲାଏତେ ଗେନାତେ ଏସ୍‌କାର୍‌ଗି ଇଦିକିୟାଏ, ଆତଃ ଆୟାଃ ସାର୍‌ସାର୍ ଇନିୟାଃ ଲୁଡୁର୍‌ରେ ଦହକେଦାଏ, ଆତଃ ବେଏକ୍‌କେଦ୍‌ତେ ଇନିୟାଃ ଆଲାଙ୍ଗ୍‌କେ ଜୁଟିଦ୍‌କେଦାଏ ।

୩୪ ଆତଃ ସିମ୍‌ନାସାଃତେ ସାଙ୍ଗିଲ୍‌କେଦ୍‌ତେ, ମାରାଙ୍ଗ୍‌ସାହେଁଦ୍‌ଲଃ ମେନ୍‌କେଦାଏ “ଏଫ୍‌ଫାଆଃ” ନେଆଁରାଃ ମୁଣ୍ଡିଦ୍ “ନିଜଃମେଁ” ।

୩୫ ଇମ୍‌ତାଗି ଇନିୟାଃ ଲୁଡୁର୍‌ଦ୍ ନିଜ୍‌ୟାନା ଆତଃ ଆଲାଙ୍ଗ୍‌ରେୟାଃ ତନଲ୍ ରାଡ଼ାୟାନା, ଆତଃ ଇନିଃ ବୁଗିଲେକାତେ ବାଗାଁଣ୍‌ ଦାଡ଼ିକେଦାଏ ।

୩୬ ଏନ୍ତେ ଯାଶୁ ଜେତାଏକକେ ନେ କାଜି କା ଉଦୁବ୍ ନାଗେନ୍ତେ ଇନ୍‌କୁକେ କାଜିକେଦ୍‌କଆଏ, ମେନ୍ଦ ଇନିଃ ହଡ଼କକେ ପୁରାଃଗି କାଜିକେଦ୍‌କରେହ ଇନ୍‌କୁ ଆତଃଗି ପୁରାଃତେକ ଉଦୁବ୍‌ବାଡ଼ାକେଦା ।

୩୭ ଆତଃ ଏନା ଆୟୁମ୍‌କେଦ୍ ହଡ଼କ ପୁରାଃଗିକ ଆକ୍‌ଦାଦାଅୟାନା, ଆତଃ କାଜିକେଦାଃକ, “ଇନିଃଦ୍ ସବେନାଃ ବୁଗିଲେକାତେ କାମିୟାକାଦାଏ, କା ଆୟୁମ୍‌ଦାଡ଼ିତାନ୍‌କକେ ଇନିଃ ଆୟୁମ୍ ରିକାକେଦ୍‌କଆଏ, ଆତଃ କା ବାଗାଁଣ୍‌ଦାଡ଼ିତାନ୍‌କକେ ବାଗାଁଣ୍ ନାଗେନ୍ତେ ପେଡ଼େଃ ଏମାକୁତାନାଏ ।”



**ୟାଶୁ ଉପୁନ୍ ହାଜାର୍ ହଡ଼କକେ ଜମେୟାଃ ଏମାକତାନାଏ
(ମାଥୁଉ ୧୫:୩୨-୩୯)**

୧ ଏନ୍ ଦିପିଲିରେ ଆତଃଗି ଗାଦେଲ୍ ହଡ଼କ ହୁଣ୍ଡିୟାନା, ଆତଃ ଜଜମାଃକ ବାନଃ ହରାତେ, ଯାଶୁ ଚେଲାକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଆଏ,

୨ “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍‌କାଅଃତାନା, ଚିୟାଃଚି ଆପି ମାହାଁଏତେ ଆଇଁୟାଃଲଃ ମେନାକଆ, ଆତଃ ନାହାଁଃ ଇନ୍‌କୁତାଃରେ ଜମେୟାଁଃ ଜେଡ଼ନାଃ ବାନଃଆ ।

୩ ଇନ୍‌କୁକେ ସାମାଲାହିଦ୍ ଅଡ଼ାଃତେଇଙ୍ଗ୍ କୁଲ୍‌ତାକୁରେ ହରାକରେ ଲାଗାଉତାରଃଆକ*, ଚିୟାଃଚି ଇନ୍‌କୁଏତେ ଚିମିନ୍‌କ ସାଜିନ୍‌କଏତେ ହିଜୁଆକାନାକ ।”

୪ ଇନିୟାଃ ଚେଲାକ କାଜିରୁହାଡ଼କିୟା, “ଅକଏ ନେ ସିଃସଏଃ ଠାୟାଦ୍‌ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟାଃଚି ଜମେୟାଁଃ ଏମ୍‌ଦାଡ଼ିୟାଏ ?”

୫ ଯୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?”
ଇନ୍‌କୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ।”

୬ ଇନିଃ ସବେନ୍ ହଡ଼କକେ ଅତେରେ ଦୁବ୍‌ପେ ମେତାଦକଆଏ । ଏନ୍ତେ ଏନ୍ ସାଡ଼ୁ ହଲଙ୍ଗ୍ ଇଦିକେଦ୍‌ତେ ପାରମେଶ୍ୱାରକେ ଧାନ୍‌ଧାବାଦ୍ ଏମ୍‌କିୟାଏ, ଆତଃ ଏନା କେତାଃକେଦ୍‌ତେ ହଡ଼କକେ ହାଟିଙ୍ଗ୍‌ଆଁକ ନାଗେନ୍ତେ ଚେଲାତାୟାଃକକେ ଏମ୍‌ଦକଆଏ, ଆତଃ ଇନ୍‌କୁକେ ହାଟିଙ୍ଗ୍‌ଆଁଦକଆକ ।

୭ ଇନ୍‌କୁତାଃରେ ହୁଡ଼ିଙ୍ଗ୍‌ଲେକା ହୁପ୍‌ଡ଼ିଙ୍ଗ୍ ହାକୁ ତାଇକେନାକ, ଏନ୍ ହାକୁ ନାଗେନ୍ତେ ପାରମେଶ୍ୱାରକେ ଧାନ୍‌ଧାବାଦ୍ ଏମ୍‌କିୟାଏ, ଆତଃ ଏନାକେ ହାଟିଙ୍ଗ୍ ନାଗେନ୍ତେ ଚେଲାକକେ କାଜିକେଦକଆଏ ।

୮ ଏନା ଜମ୍‌କେଦ୍‌ତେ ସବେନ୍‌କ ବିୟାନାକ, ଆତଃ ସାରେଜାକାନ୍ କେତାଃତେୟାଃକ ସାଡ଼ୁ ଟୁଙ୍ଗି ହାଲାଇକେଦାଃକ ।
୯ ଏନ୍ତାଃରେ ଉପୁନ୍ ହାଜାର୍ ଲେକା ହଡ଼କ ତାଇକେନା ।

୧୦ ଆତଃ ଇନିଃ ଇନ୍‌କୁକେ ବିଦାକେଦକଚି, ଇମ୍‌ତାଗି ଯୀଶୁ ଆୟାଃ ଚେଲାକଲଃ ଲାଉକାରେ ଦେଏଃୟାନାଏ, ଆତଃ ଦାଲ୍‌ମାନୁଆ ସିମ୍‌ନାତେ ସେନଃୟାନା ।

ଫାରୁଶୀକ ମିଆଁଦ୍ ପେଡ଼େଃରାଃ କାମି ଯୀଶୁତାଃଏତେକ ନେଲ୍ ସାନାଙ୍ଗ୍‌ତାନା
(ମାଥୁଉ ୧୨:୩୮-୪୨; ୧୬:୧-୪)

୧୧ *ଆତଃ ଫାରୁଶୀକ ହିଜୁଃକେଦ୍‌ତେ ଯୀଶୁଲଃ ଏପ୍‌ରାଙ୍ଗ୍‌ଜାଗାର୍ ତାନ୍‌ଲଃ, ଇନିଃକେ ବିଡ଼ାଅ ନାଗେନ୍ତେ ଇନିଃ ସିମ୍‌ନାଏତେ ହିଜୁଆକାନାଏ, ନେଆଁ ଉଦୁବ୍ ନାଗେନ୍ତେ ସିମ୍‌ନାଏତେ ମିଆଁଦ୍ ଚିଙ୍ଗାଁକ ଆସିକିୟା ।

୧୨ *ଯୀଶୁ ଜୀଉରେ ମାରାଙ୍ଗ୍ ସାହେଁଦ୍‌କେଦ୍‌ତେ କାଜିୟାଦକଆଏ, “ଚିନାଃମେନ୍ତେ ନେ ପାରିୟାରେନ୍ ହଡ଼କ ପେଡ଼େଃରାଃ କାମିକ ରିକା ନାଗେନ୍ତେ କୁଲିତାନା ? ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ନେ ପାରିୟାରେନ୍ ହଡ଼କଆଃ ନାଗେନ୍ତେ ମିଆଁଦ୍ ଚିଙ୍ଗାଁହ କା ଏମଃଆ ।”

୧୩ ଇନିଃ ଇନ୍‌କୁକେ ବାଗିକେଦ୍‌ତେ, ଲାଉକାରେ ଦେଏଃରୁହାଡ଼ିୟାନାଏ ଆତଃ ଦରେୟା ହାନ୍‌ସାଃ ପାରମ୍‌ୟାନାଏ ।

ହେରୋଦ୍ ଆତଃ ଫାରୁଶୀକଆଃ ରାନୁ
(ମାଥୁଉ ୧୬:୫-୧୨)

୧୪ ଯୀଶୁଆଃ ଚେଲାକ ହଲଙ୍ଗ୍ ଇଦି ନାଙ୍ଗ୍‌କ ରିଡ଼ିଙ୍ଗ୍‌କେଦା ଆତଃ ଲାଉକାରେ ମିଆଁଦ୍‌ଗି ହଲଙ୍ଗ୍ ଆକତାଃରେ ତାଇକେନା,

୧୫ *ଯୀଶୁ କେଟେୟାନ୍‌ଗି କାଜିୟାଦକଆଏ, “ନେଲେପେ, ଫାରୁଶୀକଆଃ ଆତଃ ହେରୋଦ୍‌ଆଃ ହସଡ଼ ଇନିତୁ, ଅକଆଃଚି ରାନୁ† ଲେକାଃ ଏନାଏତେ ଚିର୍ଗାଲ୍‌କାନ୍ ତାଇନ୍‌ପେ ।”

୧୬ ଇନ୍‌କୁଦ୍ ଆକ ଆକରେକ ମେନ୍‌କେଦା, “ଆବୁତାଃରେ ହଲଙ୍ଗ୍‌କ ବାନଆଃ ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୧୭ ଯୀଶୁ ଇନ୍‌କୁଆଃ ଜୀଉରାଃ କାଜି ସାରିକେଦ୍‌ତେ ମେତାଦକଆଏ, “ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁଡ଼ାନା ? ନାହାଁଃ ଜାକେଦ୍ କାପେଚି ସାରିକାଦା ଆତଃ ଆବ୍‌କାର୍‌ଉରୁମାକାଦା ? ଆପେୟାଃ ମନ୍ ନାହାଁଃ ଜାକେଦ୍‌ଚି କେଟେଦ୍‌ଗିୟା ?

୧୮ *ମେଦ୍ ମେନାଃତେହ କା ଚିପେ ନେଲେତାନା ? ଆତଃ ଲୁତୁର୍ ମେନାଃତେହ କା ଚିପେ ଆୟୁମେତାନା ? ଆତଃ କା ଚିପେ ପାହାମେତାନା ?

୧୯ ମଣେୟା ହଲଙ୍ଗ୍‌କେ କେତାଃକେଦ୍‌ତେ ପାଞ୍ଚ ହାଜାର୍ ହଡ଼କକେ ହାଟିଙ୍ଗ୍‌ଆଁଦକଆ, ଜମ୍ ସାରେଜ୍‌କେତାଃ ଚିମିନ୍ ଟୁଙ୍ଗିପେ ହାଲାଇକେଦାଃ ?”

ଚେଲାକ କାଜିକିୟାଃ, “ବାରା ଟୁଙ୍ଗି ।”
୨୦ ଆତଃ ଆଇଙ୍ଗ୍ “ଉପୁନ୍ ହାଜାର୍ ହଡ଼କ ନାଗେନ୍ତେ ସାଡ଼ୁ ହଲଙ୍ଗ୍ କେତାଃକେଦ୍ ଇମ୍‌ତାଙ୍ଗ୍, ସାରେଜାକାନ୍ କେତାଃତେୟାଃ ଚିମିନ୍ ଟୁଙ୍ଗିପେ ହାଲାଇକେଦାଃ ?”

ଇନ୍‌କୁଦ୍ କାଜିକିୟାଃ “ସାଡ଼ୁ ଟୁଙ୍ଗିଲେ ହାଲାଇକେଦା ।”

* ୮:୩ ଆକଅକଆଃକ ✱ ୮:୧୧ ମାଥୁଉ ୧୨:୩୮; ଲୁକ ୧୧:୧୭. ✱ ୮:୧୨ ମାଥୁଉ ୧୨:୩୯; ଲୁକ ୧୧:୨୯. ✱ ୮:୧୫ ଲୁକ ୧୨:୧. † ୮:୧୫ ପାପ୍ / ରାନୁ ହଲଙ୍ଗ୍‌କେ ମିଆଁଆଃକ ✱ ୮:୧୮ ମାର୍କ ୪:୧୨.

୨୧ ଯୀଶୁ ମୋତାଦକଆଏ, “ନାହିଁଃ ଜାକେଦ୍ ତି କାପେ ଆବ୍‌କାର୍ ଉରୁମୋତାନା ?”

ୟୀଶୁ ବେଥସାଇଦାରେନ୍ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ବୁଗି ତାନା

୨୨ ଏନ୍ତେ ଇନ୍‌କୁ ବେଥସାଇଦା ତେବାଃୟାନାକ, ଆଡ଼ଃ ହଡ଼କ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା ଆଡ଼ଃ ଇନିଃକେ କୁଟିଦକେଦ୍‌ତେ ବୁଗିମୋ ମୋନ୍ତେକ ବିକ୍ତିକିୟା ।

୨୩ ଯୀଶୁ, ଏନ୍ କା ନେଲ୍ ଦାଡ଼ିତାନ୍ ହଡ଼ରାଃ ତିଃଇ ସାବକେଦ୍‌ତେ ହାତୁଏତେ ଅତଙ୍‌କିୟା । ଇନିୟାଃ ମୋଦ୍‌ରେ ବେଏକ୍‌କିୟାଏ ଆଡ଼ଃ ଆୟାଃ ତିଃଇ ଇନିଃରେ ଦହକେଦ୍‌ତେ କୁଲିକିୟାଏ, “ତିୟାଃ ଆମ୍ ଜେଡ଼ନାଃମ୍ ନେଲେତାନା ?”

୨୪ ଏନ୍ ହଡ଼ଦ୍ ଆରିଦକେଦାଏ ଆଡ଼ଃ କାଜିକେଦାଏ, “ଆଇଙ୍‌ ହଡ଼କକେ ସେନ୍‌ବାଡ଼ାତାନ୍ ଦାରୁଲେକାଇଙ୍‌ ନେଲ୍‌କତାନା ।”

୨୫ ଯୀଶୁ ଆଡ଼ଃମିସା ଇନିୟାଃ ମୋଦ୍‌କେ କୁଟିଦକେଦାଏ, ଏନ୍ତେ ଇନିଃ ନେଲ୍ ଦାଡ଼ିକେନାଏ, ଇନିଃ ବୁଗିୟାନାଏ ଆଡ଼ଃ ସବେନାଃ ଫାର୍‌ତିଗି ନେଲ୍‌କେଦାଏ ।

୨୬ ଯୀଶୁ ଇନିଃକେ ଅଡ଼ାଃତେ କୁଲ୍ ରୁହାଡ଼ିତାନ୍‌ଲଃ କାଜିକିୟାଏ, “ନେ ହାତୁତେ ଆଲମ୍ ସେନାଃ ।”

ପାଡ଼ରାସ୍‌ଆଃ ବିଶ୍ୱାସ୍
(ମାଥୂଉ ୧୭:୧୩-୨୦; ଲୁକ ୯:୧୮-୨୧)

୨୭ ଏନ୍ତେ ଯୀଶୁ ଆୟାଃ ତେଲ୍‌କଲଃ କାକ୍‌ସରିୟା ଫିଲିପି ଦିଶୁମରାଃ ହାତୁକ ସେନଃତାନ୍ ଇମ୍‌ତା ତେଲ୍‌କକେ କୁଲିକେଦକଆ, “ଆଇଙ୍‌ ଅକଏ ତାନିଙ୍‌ ମୋନ୍ତେ ହଡ଼କ କାଜିତାନା ?”

୨୮ ☆ଇନ୍‌କୁ କାଜିରୁହାଡ଼କିୟାକ, “ତିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ତିମିନ୍‌କ ଏଲିୟ ମୋନ୍‌ଦ୍ ତିମିନ୍‌କ ନାବାକଏତେ ମିହୁଡ଼୍‌ତାନିଃ ମୋନ୍ତେକ କାଜିତାନା ।”

୨୯ ☆ୟୀଶୁ ଇନ୍‌କୁକେ କୁଲିକେଦକଆ, “ଆଇଙ୍‌ ଅକଏ ତାନିଙ୍‌ ମୋନ୍ତେପେ କାଜିତାନା ?” ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ୍, ତାନ୍‌ମୋ ।”

୩୦ ଏନ୍ତେ ଯୀଶୁ ଇନ୍‌କୁକେ ହୁକୁମ୍‌କେଦକଆ, “ଆଇଙ୍‌ ଅକଏ ତାନିଙ୍‌ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟାଃ ।”

ୟୀଶୁ ଆୟାଃ ଦୁକୁସାହାତିଙ୍‌ ଆଡ଼ଃ ଗନଏଃରାଃ କାଜି ଉଦୁବେତାନାଏ
(ମାଥୂଉ ୧୭:୨୧-୨୮; ଲୁକ ୯:୨୨-୨୭)

୩୧ ଏନ୍ତେ ଯୀଶୁ ଆୟାଃ ତେଲ୍‌କକେ ଇଡୁ ଏଟେଦକେଦ୍‌ଆଏ, “ଆଇଙ୍‌ ମାନଃଝାହନ୍ ତାନାଇଙ୍‌, ଆଇଙ୍‌କେ ପୁରାଃ ଦୁକୁ ସାହାତିଙ୍‌ ଲାଗାତିୟାଃ, ଆଡ଼ଃ ପ୍ରାଟିନ୍‌କ, ମୁଲ୍ ଯାଜାକ୍‌କ ଆଡ଼ଃ ଆଇନ୍ ଇଡୁକ ଆଇଙ୍‌କେ ହିଲାଙ୍‌କିୟା ଆଡ଼ଃ ଗଜିୟା, ଆଡ଼ଃ ଆଇଙ୍‌ ଆପି ମାହିଁ ତାୟମ୍‌ତେ ଜୀଉ ବିରିଦାଇଙ୍‌ ।”

୩୨ ଆଡ଼ଃ ଇନିଃ ନେ ବିଷାଏ ଫାର୍‌ତିଆନ୍‌ଗି ଇନ୍‌କୁକେ ଉଦୁବାଦକଆ । ଏନ୍ତେ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଟେଦକିୟାଏ‡ ।

୩୩ ମୋନ୍‌ଦ୍ ଯୀଶୁ ହେତାରୁହାଡ଼କେଦ୍‌ତେ ଆୟାଃ ତେଲ୍‌କସାଃ ଆରିଦକେଦ୍‌ତେ, ପାଡ଼ରାସ୍‌କେ ଏଗେରକିୟା, “ଏ ସାଏତାନ୍ ଆଇଁୟାଃତାଃଏତେ ଆତମୋନ୍‌ମୋ ଆମ୍‌ଦ୍ ପାର୍‌ମୋଶ୍ୱାର୍‌ଆଃ ଲେକା କାହା ମୋନ୍‌ଦ୍ ହଡ଼କଆଃ ଲେକାମ୍ ଉଡ଼ୁଡ଼ାତାନା ।”

୩୪ ☆ଏନ୍ତେ, ଗାଦେଲ୍ ହଡ଼କକେ ଆଡ଼ଃ ତେଲ୍‌କକେ, ଯୀଶୁ କେଡ଼ାକେଦକଆଏ ଆଡ଼ଃ ମୋତାଦକଆଏ, “ଜେତାଏ ହଡ଼ ଆଇଙ୍‌କେ ଅତଙ୍‌ ସାନାଙ୍‌ରେଦ୍ ଇନିଃ ଆଇଃକ୍ ଆପାନ୍‌କେ ହିଲାଙ୍‌କକାଏଃ, ଆଡ଼ଃ ଆୟାଃ କୁଣ୍‌* ଗଅଃକେଦ୍‌ତେ ଅତଙ୍‌କକାଏ ।

୩୫ ☆ତିୟାଃତି ଆୟାଃ ଜୀଉ ବାଞ୍ଛାଅ ସାନାଙ୍‌ତାନ୍‌ନିଃ ଏନାଏ ଆଦେୟା, ମୋନ୍‌ଦ୍ ଆଇଙ୍‌ ମୋନ୍ତେ ଆଡ଼ଃ ସୁକୁକାଜି ମୋନ୍ତେ ଆୟାଃ ଜୀଉ ଆଦେନିଃ, ଏନାଏ ବାଞ୍ଛାଏୟା ।

୩୬ ଜେତାଏ ହଡ଼ ଗଟା ଅତେଦିଶୁମ୍ ନାମ୍‌କେଦ୍‌ରେୟ ଆୟାଃ ଜୀଉକେ ଆଦେରେଦ୍ ଇନିୟାଃ ତିକାନ୍ ଫାଏଦା ହବାଅଆଃ ?

୩୭ ତାଏ ଜେତାଏ ହଡ଼ ଆୟାଃ ଜୀଉ ନାମ୍‌ରୁହାଡ଼େ ନାଗେନ୍ତେ ତିନାଃଏ ଏମ୍ ଦାଡ଼ିୟା ?

୩୮ ନେ ପାରିୟାରେନ୍ ଆପାଙ୍‌ର୍ ଆଡ଼ଃ ପାପିହଡ଼କଆଃ ଆଲ୍‌ରେ ଆଇଙ୍‌ ଆଡ଼ଃ ଆଇଁୟାଃ କାଜି ବିଷାଏରେ ଅକଏ ଗିହୁଗଃଆଏ, ଆଇଙ୍‌ ମାନଃଝାହନ୍ ତାନିଙ୍‌, ଆଇଙ୍‌ ପାବିତାର୍ ଦୁଡ଼କଲଃ ଆପୁଇଁୟାଃ ମାନାରାଙ୍‌ରେ ହିଜୁଃରୁହାଡ଼୍‌ ଦିପିଲିରେ ଆଇଙ୍‌ହଗି ଏନ୍ ବିଷାଏରେ ଗିହୁଗଃଆଇଙ୍‌ ।”

☆ ୮:୨୮ ମାର୍କ ୬:୧୪,୧୫; ଲୁକ ୯:୨୮. ☆ ୮:୨୯ ଯୋହାନ୍ ୬:୬୮,୭୯. ‡ ୮:୩୨ ଆନୁଜୋଗକିୟାଏ ☆ ୮:୩୪ ମାଥୂଉ ୧୦:୩୮; ଲୁକ ୧୪:୨୭. § ୮:୩୪ ଆଇଃକ୍ ଆପାନ୍‌କେ ହିଲାଙ୍‌କକାଏ ଆପଣାକୁ ଅସ୍ୱୀକାର୍ କରୁ * ୮:୩୪ ଯୀଶୁନାଙ୍‌ ଦୁକୁସାହାତିଙ୍‌, ଆଡ଼ଃ ଗଜଃନାଙ୍‌ ସେକାଡ଼ାକାନ୍‌ଲଃ ☆ ୮:୩୫ ମାଥୂଉ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.



୧ ଆତ୍ମା ଯୀଶୁ ମୋତାଦକଆଏ, “ସାର୍ତ୍ତାଗି କାଜିୟାପେ ତାନାଲକ୍ଷ୍, ପାରମେଶ୍ୱାର୍ଥାଃ ରାକ୍ଷାଦ ପେଡ଼େଃଲଃ ହିଜୁଃତାନ ଆଉରି ନେଲେ ଜାକେଦ୍, ନେତାଃରେ ତିଜୁଆକାନ କଏତେ ତିମିନ୍ କ ଗନ୍ଧଃ କାକ ଚାଖାଅୟା ।”

ୟୀଶୁଆଃ ରୁପ୍ ବାଦଲିଆଃ
(ମାଥୁଃ ୧୭:୧-୧୩; ଲୁକ ୯:୨୮-୩୭)

୨ *ତୁରୁଇ *ମାଃ ତାୟମ୍ତେ ଯୀଶୁ ପାଡ଼ରାସ୍, ଯାକୁବ୍ ଆତ୍ମା ଯୋହାନ୍‌କେ ମିଆଁଦ୍ ସାଲାଜି ବୁରୁ ଚେତାନ ଇଦିକେଦକଆଏ ଆତ୍ମା ଇନ୍‌କୁ ଏନ୍ତାଃରେ ଏସକାର୍ତ୍ତା ତାକକେନାକ, ଆତ୍ମା ଇନ୍‌କୁଆଃ ନେପେଲ୍‌ରେ ଯୀଶୁଆଃ ରୁପ୍ ବାଦଲିଆୟାନା† ।

୩ ନେ ଅତେଦିଶ୍ୱମ୍‌ରେନ୍ ଜେତାଏ ଯୋବି କାଏ ପୁଣ୍ଡି ଦାଡ଼ିଲେକା, ଲିଜାଃକ ତାୟାଃଦ ଝାକ୍ ମାକ୍ ପୁଣ୍ଡିୟାନା ।

୪ ଏନ୍ତେ ମୁଣା ଆତ୍ମା ଏଲିୟାକେ, ଯୀଶୁଲଃ ଜାଗାର୍ତାନ ନେଲ୍‌କେଦକିନାକ ।

୫ ପାଡ଼ରାସ୍‌ଦ ଯୀଶୁକେ ମୋତାଲୟାଏ, “ହେ ଗୁରୁ, ଆବୁ ନାଜ୍ ନେତାଃରେଗି ତାକନଃ ପୁରାଃ ବୁଗିନାଃ, ଆପିୟା କୁମ୍‌ବାବୁ ବାଲୟାଃ, ମିଆଁଦ୍ ଆମାଃ ନାଗେନ୍ତେ, ମିଆଁଦ୍ ମୁଣା ନାଗେନ୍ତେ ଆତ୍ମା ମିଆଁଦ୍ ଏଲିୟ ନାଗେନ୍ତେ ।”

୬ ପାଡ଼ରାସ୍ ଚିକ୍‌ନାଃଏ କାଜିରୁହାଡ଼େୟା ଏନା କାଏ ଉଡ଼ୁ ଦାଡ଼ିକେଦା, ଚିୟାଃତି ଇନ୍‌କୁଦ ପୁରାଃଗି ବରକେଦାକ ।

୭ *ଏନ୍ତେ ମିଆଁଦ୍ ରିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମ୍‌ଲୁ କେଦକଆଏ, ଆତ୍ମା ଏନ୍ ରିମିଲ୍‌ଏତେ ମିଆଁଦ୍ କାଜି ଆୟୁମ୍‌ୟାନା “ନିଃଗି ଆଇୟାଃ ଦୁଲାଡ଼୍ ହନ୍‌ତାନିଃ, ଅକଏକେଟି ଆଇଜ୍ ଦୁଲାଡ଼ାଃଇଜ୍, ନିୟାଃ କାଜି ଆୟୁମେପେ ।”

୮ ଇନ୍‌କୁ ଇମ୍‌ତାଗି ଆରିଦ୍ ବିୟୁରକେଦାକ, ଆତ୍ମା ଆକଲଃ ଯୀଶୁକେ ବାଗିକେଦ୍‌ତେ ଜେତାଏକେ କାକ ନେଲ୍‌କିୟାଃ ।

୯ ବୁରୁଏତେକ ଆଡ଼ଗୁନ୍‌ତାନରେ ଯୀଶୁ ଇନ୍‌କୁକେ ଚେତାଅକେଦକଆ, “ଆପେ ନେଲ୍‌କାଦ୍‌ତେଆଃ, ମାନଝାହନ୍ ଗଜାକାନକଏତେ ଆଉରି ଜୀଉବିରିଦେନ୍ ଜାକେଦ୍, ଜେତାଏକେ ଆଲ୍‌ପେ ଉଦୁବାକଆ ।”

୧୦ ଇନ୍‌କୁଦ ଇନିୟାଃ କାଜିକ ଆୟୁମ୍‌କେଦ୍‌ତେ “ଗଏଃକାନ କଏତେ ଜୀଉବିରିଦେନ୍ କାଜିରାଃ ମୁଣ୍ଡି ଚିକ୍‌ନାଃ ତାନାଃ ?” ମେନ୍ତେ ଆକ ଆକରେକ କୁଲିୟାଃତାନ ତାକକେନା ।

୧୧ *ଆତ୍ମା ଇନ୍‌କୁ ଯୀଶୁକେ କୁଲିକିୟାଃକ, “ଚିନାଃ ମେନ୍ତେ ଆଇନ୍ ଇତୁକ ଏଲିୟାକେ ସିଦାତେ ହିଜୁଃଲାଗାତିୟାଃ ମେନ୍ତେକ କାଜିୟାଃ ?”

୧୨ ଇନିଃ କାଜିରୁହାଡ଼ାଦକଆଏ, “ନେଆଁ ସାର୍ତ୍ତାଗି ତାନାଃ, ଏଲିୟ ଆୟୁରତେ ହିଜୁଃଗିୟାଏ, ଆତ୍ମା ସବେନାଃ ଆତ୍ମାମିସା ବାଲରୁହାଡ଼େୟାଏ । ମାନଝାହନ୍‌କେ ପୁରାଃ ଦୁକୁସାହାଡ଼ିଜ୍ ଲାଗାଡ଼ିଜ୍‌ୟାଃ ଆତ୍ମା ହିଲାଇଜ୍‌ଆକ, ନେୟାଁ ଚିନାଃ ମେନ୍ତେତାମ୍ ଆୟାଃ ବିଷାଏରେ ଅଲ୍‌କାନା ?

୧୩ ଆଇଜ୍‌ଦଇଜ୍ କାଜିପେତାନା, ଏଲିୟ ହିଜୁଃୟାନାଏ, ଆତ୍ମା ପାବିତାର୍ ଅନଲ୍‌କ ଇନିୟାଃ ବିଷାଏରେ ଅଲ୍‌କାଦ୍ ଲେକା, ହଡ଼କ ଆକଆଃ ସାନାଜ୍ ଲେକା ଇନିଃକେ ରିକାକିୟାଃକ ।”

ୟୀଶୁ ମିଆଁଦ୍ ବଜ୍ଞା ଏସେରାକାଇ ସିଟିଆକେ ବୁଗି ତାନା
(ମାଥୁଃ ୧୭:୧୪-୨୧; ଲୁକ ୯:୩୭-୪୩)

୧୪ ଆତ୍ମା ଇନ୍‌କୁ ଏଟାଃ ଚେଲ୍‌କତାଃକ ରୁହାଡ଼ୟାନ୍‌ତି, ଗାଦେଲ୍ ହଡ଼କ ଇନ୍‌କୁଆଃ ବିୟୁରତେ ହୁଣ୍ଡିଆକାନ ଆତ୍ମା ଆଇନ୍ ଇତୁକଲଃ କାପାଜିତାନକ ନେଲ୍‌କେଦକଆ ।

୧୫ ଯୀଶୁକେ ନେଲ୍‌ତାଲଃଗି ହଡ଼କ ଆକ୍‌ଦାନ୍‌ଆୟାନା ଆତ୍ମା ନିର୍ ଦାରମ୍‌କେଦ୍‌ତେକ ଜହାର୍‌କିୟାଃ ।

୧୬ ଯୀଶୁ, ଆୟାଃ ଚେଲ୍‌କକେ କୁଲିକେଦକଆଏ, “ଆଇନ୍ ଇତୁକଲଃ ଚିନାଃପେ କାପାଜିତାନା ?”

୧୭ ଗାଦେଲ୍ ହଡ଼କଏତେ ମିଆଁଦ୍‌ନିଃ ମୋତାଲୟାଏ, “ଏ ଇତୁନିଃ, ହନିଜ୍‌କଡ଼ାକେ ଆମାଃତାଃ ଆଉକିୟାଈଜ୍, ଚିୟାଃତି ଇନିଃରେ ମିଆଁଦ୍ ବଜ୍ଞା ବଲକାନାଏ ମେନ୍ତେ ଇନିଃ କାଏ ବାଖାଁଣ୍ ଦାଡ଼ିତାନା ।

୧୮ ଜେତାଏ ଠାୟାଦ୍‌ରେ ସାବ୍‌କିଦ୍‌ତେ ଇନିଃକେ ଆଝାଃବାଟିୟାଏ, ଆତ୍ମା ଇନିୟାଃ ମଚା ପୁତୁରିଦଃଆ, ଇନିଃ ତାଟାଏ ତାଟାଏଃରିଦେୟା ଆତ୍ମା ଗଜାକାନ ଲେକାଏ ରିକାଅଃଆ । ଆଇଜ୍ ଆମାଃ ଚେଲ୍‌କକେ ଅଡ଼ଜ୍‌ହାର୍‌ତାଲପେ ମେନ୍‌କେଦକଆଇଜ୍, ମେନ୍‌ଦ ଇନ୍‌କୁ କାକ ଦାଡ଼ିକେନା ।”

୧୯ ଯୀଶୁ ମୋତାଦକଆଏ, “ଏ କା ବିଶ୍ୱାସତାନ ହଡ଼କ, ତିମିନ୍ ଜାକେଦ୍ ଆପେଲଃ ତାକନାଲକ୍ ? ତିମିନ୍ ଜାକେଦ୍ ଆଇଜ୍ ସାହାଡ଼ିଜ୍‌ପେଆ ? ମାର୍ ଏନ୍ ସିଟିଆକେ ଆଇଜ୍‌ତାଃତେ ଆଉଝିପେ ।”

୨୦ ଏନ୍ତେ ଇନ୍‌କୁ ସିଟିଆକେ ଆୟାଃତାଃକ ଆଉକିୟା । ଏଡ଼କାନ୍ ଆମ୍‌ଦ ଯୀଶୁକେ ନେଲ୍‌ତାଲଟି ଇମ୍‌ତାଜ୍‌ଗି ଏନ୍ ହନ୍‌କେ ଆଇଁଠାଅକିୟାଏ ଆତ୍ମା ହନ୍ ଅତେରେ ଉୟୁଃକେଦ୍‌ତେ ବାଟିବାଡ଼ାୟାନାଏ ଆତ୍ମା ଇନିୟାଃ ମଚା ପୁତୁରିଦଃ ତାକକେନା ।

୨୧ ଯୀଶୁ ଏନ୍ ହନ୍‌ରାଃ ଆପୁତେକେ କୁଲିକିୟାଏ, “ତିମିନ୍ ମାହାଁଏତେ ନେକାଅଃତାନାଏ ?”

☆ ୯:୨୨ ପାଡ଼ରାସ୍ ୧:୧୭,୧୮. * ୯:୨ ଛ † ୯:୨ ଆୟାଃ ରୁପ୍ / ମେଦ୍‌ମୁହାଡ଼୍ ଆତ୍ମା ଲିଜାଃ ପୁଣ୍ଡି ଝାକ୍ ମାକ୍‌ୟାନା ☆ ୯:୨ ମାଥୁଃ ୩:୧୭; ମାର୍କ ୧:୧୧; ଲୁକ ୩:୨୨. ☆ ୯:୧୧ ମାଥୁଃ ୧୧:୧୪.

ଆପୁତେ କାଜିରୁହାଡ଼କିୟାଏ, “ମିଦ୍ ସିଟିଆଏତେଗି ।”

୨୨ “ଗଜି ନାଗେନ୍ତେ ଏଡ଼କାନ୍ ଆମ୍ବା ଇନିଃକେ ପୁରାଃସା ଦାଆଃରେ ଆତଃ ସେଙ୍ଗେଲ୍ରେ ଇଲିଙ୍ଗ୍ତୟୁଃକାଜ ତାଇକେନା । ଏନାମେନ୍ତେ ଜେଡ଼ନାଃମ୍ ରିକାଦାଡ଼ିରେଦ ଦାୟାକେଦ୍ତେ ଆମ୍ ଦେଙ୍ଗାଲେମ୍ ।”

୨୩ ଯୀଶୁଦ୍ “ହେ” ମେନ୍ତାନଲଃ, କାଜିକେଦାଏ, “ଚିନାଃମେନ୍ତେ ରିକାଦାଡ଼ିରେଦ ମେନେତାନାମ୍, ବିଶ୍ୱାସ୍ତାନିଃ ନାଗେନ୍ତେ ସବେନାଃ ରିକାଦାଡ଼ିୟାଆଃ ।”

୨୪ ଏନ୍ ତରସାଗି ଏନ୍ ହନ୍ରାଃ ଆପୁତେ ରାଆଃତାନଲଃ କାଜିକେଦାଏ, “ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍, ଆଇଁୟାଃ କା ବିଶ୍ୱାସ୍ରେ ଦେଙ୍ଗାଲଙ୍ଗ୍ମେ ।”

୨୫ ହଡ଼କକେ ଜୁରୁ ହୁଣ୍ଡିନ୍ତାନ୍ ଯୀଶୁ ନେଲ୍କେଦକଟି, ସଡ଼ରା ଆମ୍ବାକେ ମାରାଙ୍ଗ୍ମଚାକିୟାଏ ଆତଃ ମେତାଇୟାଏ, “ଏ ଭାଏଁରା ଆତଃ କା ବାଗାଣ୍ ଦାଡ଼ିତାନ୍ ଆମ୍ବା, ଆଇଙ୍ଗ୍ ହୁକୁମ୍ ଏମାମ୍ତାନାଇଙ୍ଗ୍, ନିଃଏତେ ଅତଙ୍ଗ୍ଅଃମେ, ଆତଃ ନିଃଇରେ ଚିତଲାଇ ଆଲମ୍ ବଲ ରୁହାଡ଼ାଃ ।”

୨୬ ଏଡ଼କାନ୍ ଆମ୍ବା କାଉରିକେଦ୍ତେ ଏନ୍ ହନ୍କେ ସିଦୁବ୍କିୟା ଆତଃ ଅତଙ୍ଗ୍ ବାଗିତାଇୟାଏ । ସିଟିଆ କଡ଼ାଦ ଗଜାକାନ୍ନିଃ ଲେକାଏ ରିକାୟାନା; ହଡ଼କ ମେନ୍କେଦାଃ, “ଗଏଃୟାନାଏ ।”

୨୭ ମେନ୍ଦ୍ ଯୀଶୁ ତିଃଇ ସାବ୍କିତେ ବିରିଦ୍କିୟାଏ, ଆତଃ ଇନିଃ ତିଙ୍ଗୁକେଚେଦ୍ୟାନାଏ ।

୨୮ ଏନ୍ତେ ଯୀଶୁ ଅଡ଼ାଃତେ ସେନଃୟାନାଏ, ଆତଃ ଏସ୍କାର୍ରେ ଚେଲାଇତାୟାଃ ଇନିଃକେ କୁଲିକିୟାଃକ, “ଆଲେଦ୍ ଚିନାଃମେନ୍ତେ ଏନ୍ ବଙ୍ଗାକେ କାଲେ ଅତଙ୍ଗ୍ ଦାଡ଼ିକେନା ?”

୨୯ ଯୀଶୁ ମେତାଦ୍କଆଏ “ନେ ଲେକାନ୍ ଏଡ଼କାନ୍ ଆମ୍ବାକ ବିନ୍ତିତେ ଏସ୍କାର୍କ ଅତଙ୍ଗ୍ ଦାଡ଼ିୟାଆ, ଆତଃ ଜେତାଲେକାତେଦ କାହାଗି ।”

ୟୀଶୁ ଆୟାଃ ଗନଏଃ କାଜି ଆତଃମିସା ଉଦୁବେତାନାଏ

(ମାଥୁଉ ୧୭:୨୨-୨୩; ଲୁକ ୯:୪୩-୪୫)

୩୦ ଯୀଶୁ ଆତଃ ଚେଲାଇତାୟାଃ ଏନ୍ତାଃଏତେ ସେନଃୟାନି ଗାଲିଲ୍ ଦିଶୁମ୍ ଆଲା ଆଲାତେକ ସେନଃୟାନା । ଜେତାଏ ଏନା ଆଲକାକ ସାରିନାମେକା ମେନ୍ତେ ଇନିଃ ସାନାଙ୍ଗ୍ତାଇକେନାଏ,

୩୧ ଚିୟାଃଚି ଇନିଃଦ୍ ଆୟାଃ ଚେଲାଇକେ ଇଡ଼ୁକ ତାଇକେନାଏ । ଇନିଃ କାଜିୟାଦ୍କଆଏ, “ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ହଡ଼କଆଃ ତିଃଇରେ ଏମ୍ଏଶ୍ୱାଗଃଆଇଙ୍ଗ୍, ଆତଃ ହଡ଼କ ଆଇଙ୍ଗ୍କେ ଗଜିୟାକ, ଗନଏଃରାଃ ଆପିମା ତାୟମ୍ତେ ଆଇଙ୍ଗ୍ ଜୀଉ ବିରିଦାଃଇଙ୍ଗ୍ ।”

୩୨ ମେନ୍ଦ୍ ଇନ୍କୁ ନେ କାଜି କାକ ଆର୍କାର୍ ଉରୁମ୍ ଦାଡ଼ିକେଦା, ଆତଃ ଇନ୍କୁଦ୍ ଇନିଃକେ କୁଲି ନାଗେନ୍ତେ ବରକେଦାଃକ ।

ଅକଏ ମାରାଙ୍ଗ୍ ?

(ମାଥୁଉ ୧୮:୧-୫; ଲୁକ ୯:୪୬-୪୮)

୩୩ ଯୀଶୁ ଆତଃ ଆୟାଃ ଚେଲାଇ କପରନାହୁମ୍ ତେବାଃକେଦ୍ଚି ଅଡ଼ାଃରେକ ବଲୟାନା, ଆତଃ ଇନିଃ ଚେଲାଇକେ କୁଲିକେଦ୍କଆଏ, “ହରାରେ ଚିନାଃପେ ଜାଗାର୍ତାନ୍ ତାଇକେନା ?”

୩୪ ✨ମେନ୍ଦ୍ ଇନ୍କୁ ହାପାୟାନାକ, ଚିୟାଃଚି ଇନ୍କୁ ଅକଏ ମାରାଙ୍ଗ୍ଆଁ ମେନ୍ତେ ହରାରେକ କାପାଜିତାନ୍ ତାଇକେନା ।

୩୫ ✨ୟୀଶୁ ଦୁବ୍ୟାନି ବାରାଝାନ୍କକେ ହାକାଅକେଦ୍କଆଏ ଆତଃ ମେତାଦ୍କଆଏ, “ଅକନ୍ ହଡ଼ ସବେନ୍କଏତେ ମାରାଙ୍ଗ୍ୟେନ୍ ସାନାଙ୍ଗ୍ରେଦ, ସବେନ୍କଏତେ ଲାତାରେନ୍କାଏ ଆତଃ ସବେନ୍କଆଃ ଦାସିନ୍ କାଏ ।”

୩୬ ଏନ୍ତେ ମିଆଁଦ୍ ହୁଡ଼ିଙ୍ଗ୍ ହନ୍କେ ହାକାଅକିଃତେ ଇନ୍କୁଆଃ ଆଲାରେ ତିଙ୍ଗୁକିୟାଏ ଆତଃ କୟଙ୍ଗ୍କିଃତେ ମେତାଦ୍କଆଏ,

୩୭ ✨ନେ ଲେକାନ୍ ମିଆଁଦ୍ ହୁଡ଼ିଙ୍ଗ୍ ହନ୍କେ ଅକନ୍ ହଡ଼ “ଆଇଁୟାଃ ନୁଡୁମ୍ତେ ସୁକୁଆଇୟାଏ ଇନିଃଦ୍ ଆଇଙ୍ଗ୍କେ ସୁକୁଆୟାଏ, ଆତଃ ଅକନ୍ ହଡ଼ ଆଇଙ୍ଗ୍କେ ସୁକୁଆୟାଏ, ଇନିଃ ଆଇଙ୍ଗ୍କେ ଏସ୍କାର୍ କା ମେନ୍ଦ୍ ଆଇଙ୍ଗ୍କେ କୁଲିନିଃ ଆଇଁୟାଃ ଆବାକେୟଗି ସୁକୁଆଇୟାଏ ।”

ଆବୁକେ ଦାରମ୍ ରୁହାଡ଼ୁତାନ୍ନିଃଦ୍ ଆବୁଲଃରିୟା

(ଲୁକ ୯:୪୯-୫୦)

୩୮ ଯୋହାନ୍ ଯୀଶୁକେ କାଜିକିୟାଏ, “ହେ ଗମ୍କେ, ମିଆଁଦ୍ ହଡ଼ ଆମାଃ ନୁଡୁମ୍ତେ ବଙ୍ଗାକକେ ଅତଙ୍ଗ୍କତାନ୍ଲେ ନେଲ୍କିୟା ଆତଃ ଇନିଃ ଆବୁଆଃ ଜାମାରେନ୍ କାଏ ତାଇକେନା, ଏନାମେନ୍ତେ ଇନିଃକେ ମାନାକିୟାଲେ ।”

୩୯ “ୟୀଶୁ ମେତାଦ୍କଆଏ, ଆଲ୍ପେ ମାନାଇୟା, ଆଇଁୟାଃ ନୁଡୁମ୍ତେ ଆକ୍ଦାନ୍ଦାଅ କାମି କାମିତାନ୍ ଜେତାଏନିଃ ଆଇଁୟାଃ ନୁଡୁମ୍ତେ ଏଡ଼କାନ୍ କାଜି କାମି କାଏ ଦାଡ଼ିୟା ।

☆ ୯:୩୪ ଲୁକ ୨୨:୨୪. ☆ ୯:୩୫ ମାଥୁଉ ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬. ☆ ୯:୩୬ ମାଥୁଉ ୧୦:୪୦; ଲୁକ ୧୦:୧୨; ଯୋହାନ୍ ୧୩:୨୦.

୪୦ *ଚିୟାଃଚି ଅକଏ ଆବୁକେ ଦାରମ୍ବୁତାନାଏ, ଇନିଃଦ ଆବୁଲଃରିୟା ।

୪୧ *ଆଇଙ୍ଗ୍ ଆପେକେ ସାର୍ତ୍ତିଗିଇଙ୍ଗ୍ କାଜିୟାପେତାନା, ଆପେ ଶ୍ରୀଷ୍ଟିଆଃ ତାନପେ ମେନ୍ତେ ଅକ ହଡ୍ ଆପେକେ ମିଦ୍ ଗିଲାସ୍ ରେହାଡ୍ ଦାଆଃ ନୁଏ ନାଗେନ୍ତେ ଏମାପେରେଦ, ଏନ୍ ହଡ୍ ଆୟାଃ ନାଲା ନାମେଗିୟାଏ ।

ଆଲପେ ତହଦଃଆ ମେନ୍ତେ ଯୀଶୁ ଇତୁକତାନାଏ
(ମାଥୁର ୧୮:୨-୯; ଲୁକ ୧୭:୧-୨)

୪୨ “ଆତଃଗି ଯୀଶୁ କାଜିକେଦାଃଏ, ଜେତାଏ ଆଇଁୟାଃରେ ବିଶ୍ୱାସ୍ତାନ ନେ ହୁପ୍ତିଙ୍ଗ୍ଏତେ ମିଆଁଦ୍ନିଃକେ ଆୟାଃ ବିଶ୍ୱାସ୍ରେ ତହଦ୍ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍ତେ ଇନିଃକେ ଇକିର୍ ଦରେୟାରେ ହୁଦ୍ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ ।

୪୩ *ଆତଃ ଆମାଃ ତିଃଇ ବିଶ୍ୱାସ୍ରେ ତହଦ୍ ରିକାମ୍ତାନରେଦ, ଏନାକେ ଛପାଏଶ୍ୱାଃଏମେ । ବାରିଆଃ ତିଃଇ ତାଇକେଦ୍ତେ ନାରାକ୍ତେ, ଚିତ୍ତଲାଅ କା ଇଣ୍ଟିଜଃ ସେଙ୍ଗେଲ୍ତେ ସେନଃଏତେଦ ଟୁଶ୍ୱାୟାନ୍ତେ ଜୀଦାନରେ ବଲଃ ଆମାଃ ନାଗେନ୍ତେ ବୁଗିନାଃ ।

୪୪ ନାରାକ୍ରେ ଇନ୍କୁକେ ଜମ୍ତାନ୍ ତିଜୁ କାକ ଗଜଃଆ ଆତଃ ସେଙ୍ଗେଲ୍ କା ଇଣ୍ଟିଜଃଆ‡

୪୫ ଆତଃ ଆମାଃ କାଟା ତହଦ୍ ରିକାମ୍ତାନ ରେଦ, ଏନାକେ ଛପା ଏଶ୍ୱାଃତାମ୍ । ବାରିଆ କାଟାତେ, ସେଙ୍ଗେଲ୍ ନାରାକ୍ରେମ୍ ହୁରାଙ୍ଗ୍ ହାଣବଃଏତେଦ, ଲାଙ୍ଗ୍ଡାକାନ୍ ଜୀଦାନରେ ବଲଃତେୟାଃ ଆମ୍ ନାଗେନ୍ତେ ବୁଗିନାଃ ।

୪୬ ନାରାକ୍ରେ ଇନ୍କୁଆଃ ତିଜୁ କାଏ ଗଜଃଆ ଆତଃ ସେଙ୍ଗେଲ୍ କା ଇଣ୍ଟିଜଃଆ ।§

୪୭ *ଆତଃ ଆମାଃ ମିଆଁଦ୍ ମେଦ୍ ପାପ୍ଇଚିମେରେଦ, ଏନାକେ ଅତଙ୍ଗ୍କେଦ୍ତେ ହୁଦ୍ମାଏଶ୍ୱାଃଏମେ । ଆମାଃ ବାରିଆ ମେଦ୍ ତାଇକେଦ୍ତେ ସେଙ୍ଗେଲ୍ ନାରାକ୍ରେ ହୁଦ୍ମାଅଃଏତେ ମିଆଁଦ୍ ମେଦ୍ ତାଇକେଦ୍ତେ ପାର୍ମେଶ୍ୱାର୍ ଆଃ ରାଇଜ୍ରେ ବଲଃ ଆମାଃ ନାଗେନ୍ତେ ବୁଗିନାଃ ।

୪୮ ଏନ୍ତାଃରେଦ ଇନ୍କୁକେ ଜମ୍ତାନ୍ ତିଜୁ କାକ ଗଜଃଆ ଆତଃ ଏନ୍ତାଃରେଦ ସେଙ୍ଗେଲ୍ ଚିତ୍ତଲାଅ କା ଇଣ୍ଟିଜଃଆ ।

୪୯ “ଦାଣ୍ଟେ ବୁଲୁଙ୍ଗ୍ତେ ଫାର୍ତିଅଃ ଲେକା ସବେନ୍ ହଡ୍କହ୍ ସେଙ୍ଗେଲ୍ତେକ ଫାର୍ତିଅଃଆ ।

୫୦ *“ବୁଲୁଙ୍ଗ୍ ବୁଗିନାଃ, ମେନ୍ଦ୍ ଏନା ସାବାଗଃରେଦ, ଏନା ଚିଲ୍କାତେ ଆତଃମିସା ସିବିଲ୍ରୁହାଡ଼ଃଆ ? ଆପେରେ ଦୁପୁଲ୍ଡ଼ରାଃ ବୁଲୁଙ୍ଗ୍ ତାଇନଃକା, ଆତଃ ଆପେ ମିହୁଡ୍ ଆତଃମିହୁଡ୍ଲଃ ସୁକୁରେ ତାଇନ୍ପେ ।”

୧୦

କଡ଼ାକୁଡ଼ିବାଗିରେୟାଃ କାଜି
(ମାଥୁର ୧୯:୧-୧୨; ଲୁକ ୧୭:୧୮)

୧ ଏନ୍ତେ ଯୀଶୁ କପରନାହୁମ୍ଏତେ ଅତଙ୍ଗ୍ୟାନ୍ତେ ଯାଦାନ୍ନାହିଁ ପାରମ୍ବୁକେଦ୍ତେ ଯିହୁଦା ପାର୍ଗାନତେ ସେଟେର୍ୟାନାଏ । ଏନ୍ତେ ଗାଦେଲ୍ ହଡ୍କ ଇନିଃତାଃ ଆତଃଗିକ ହୁଶ୍ୱିୟାନା ଆତଃ ଇନିଃ ସିଦାଲେକା ଇନ୍କୁକେ ଇତୁକେଦ୍କଆଏ ।

୨ ଚିମିନ୍ ଫାରୁଶୀକ ଇନିଃତାଃ ହିଜୁଃକେଦ୍ତେ ବିଡ଼ାଅ ନାଗେନ୍ତେକ କୁଲିକିୟା, “ମିଆଁଦ୍ କଡ଼ା ଆୟାଃ କୁଡ଼ିତେକେ ବାଗିତେଆଃ ଆଇନ୍ଲେକାତେ ଠାଉକାଗିୟାଃ ତି ?”

୩ ଯୀଶୁ କୁଲିରୁହାଡ଼କେଦ୍କଆଏ, “ମୁଶା ଆଇନ୍ରେ ଚିକନାଏ ଆତୁକାଦ୍ପେୟା ?”

୪ *ଇନ୍କୁ କାଜିକିୟାଃ, “ବାଗିରେଆଃ ଅନଲ୍ଟିଠା ଏମ୍ବେଦ୍ତେ ଜେତାଏ କୁଡ଼ି ତାୟାଃକେ ବାଗି ନାଗେନ୍ତେ ମୁଶା କାଜିୟାକାଦାଏ ।”

୫ ଯୀଶୁ କାଜିରୁହାଡ଼ାଦ୍କଆଏ, “ଆପେୟାଃ କେଟେଦ୍ମନ୍ ନାଗେନ୍ତେ ମୁଶା ନେ ଆନ୍ତୁ ଅଲ୍ଲାଦ୍ପେଆଏ ।

୬ ମେନ୍ଦ୍ ପୁଅରେ ଅଲ୍ଲାକାନ୍ ଲେକା, “ଅତେଦିଶ୍ୱାମ୍ବରାଃ ବାଇୟଃ ମୁନ୍ତୁରେ ପାର୍ମେଶ୍ୱାର୍ ମାନଃ କିନ୍କେ କଡ଼ା ଆତଃ କୁଡ଼ି ବାଇକାଦ୍କିନାଏ ।”

୭ ଏନାମେନ୍ତେ କଡ଼ା ଆୟାଃ ଏଙ୍ଗା ଆତଃ ଆପୁକିନ୍କେ ବାଗିକିନାଏ, ଆତଃ ଆୟାଃ କୁଡ଼ିତାୟାଃଲଃ ମିଦଃଆଏ,

୮ ଆତଃ ଇନ୍କିନ୍ ମିଆଁଦଃଆକିନ୍ ।” ଏନାମେନ୍ତେ ଇନ୍କିନ୍ ବାରିଆ ହଡ୍ମ ନାହାଁଲାଃକିନ୍, ମେନ୍ଦ୍ ମିଆଁଦ୍ ହଡ୍ମତାନକିନ୍ ।

୯ ଏନା ନାଗେନ୍ତେ ପାର୍ମେଶ୍ୱାର୍ ମିଦ୍ରେ ତଲାକାଦ୍ତେୟାଃ ହଡ୍ ଆଲକାଏ ବିନ୍ଗାଏକା ।”

୧୦ ଅଡ଼ାଃତେ ସେନଃୟାନ୍ତେ, ଏନ୍ତାଃରେ ଆୟାଃ ତେଲକ ଯୀଶୁକେ ଏନ୍କାଜି ଆତଃଗିକ କୁଲିକିୟାଃ ।

* ୯:୪୦ ମାଥୁର ୧୨:୩୦; ଲୁକ ୧୧:୨୩. † ୯:୪୧ ମାଥୁର ୧୦:୪୨. ‡ ୯:୪୩ ମାଥୁର ୫:୩୦. § ୯:୪୪ ନେ ବାଗାନ୍ ଚିମିନ୍ ମାରି ଅନଲ୍କରେ ବାନଃଆ । § ୯:୪୬ ନେ ବାଗାନ୍ ଚିମିନ୍ ମାରି ଅନଲ୍କରେ ବାନଆଃ * ୯:୪୭ ମାଥୁର ୫:୨୯. † ୯:୫୦ ମାଥୁର ୫:୧୩; ଲୁକ ୧୪:୩୪,୩୫. ‡ ୧୦:୪ ମାଥୁର ୫:୩୧.

୧୧ *ୟୀଶୁଦ ମେତାଦକଆଏ, “ଜେତାଏ ଆୟାଃ କୁଡ଼ିତେକେ ବାଗିକେଦ୍ତେ ଏଟାଃ କୁଡ଼ି ଆଣ୍ଡିୟନିଃଦ ଆୟାଃ କୁଡ଼ିତେୟାଃ ବିରୁଧ୍ରେ ଆପାଙ୍ଗିର୍ କାମି କାମିୟା ।

୧୨ ଏନ୍ ଲେକାତେ କୁଡ଼ି ଆୟାଃ କଡ଼ାତେକେ ବାଗିକେଦ୍ତେ ଏଟାଃ କଡ଼ାକେ ଆଣ୍ଡିନ୍ରେଦ ଇନିଃ ଆୟାଃ କଡ଼ାତେୟାଃ ବିରୁଧ୍ରେ ଆପାଙ୍ଗିର୍ କାମି କାମିୟାଏ ।”

ୟୀଶୁ ସିଟିଆ ହନକକେ ଆଗିଷ୍ଟକତାନାଏ
(ମାଥୁଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହୁପ୍ତିଙ୍ଗ୍ ହନକକେ, ତିଃଇ ଦହକେଦ୍ତେ ଆଗିଷ୍ଟକକାଏ ମେନ୍ତେ, ହଡ଼କ ଯୀଶୁତାଃତେକ ଆଉକେଦକଆ, ମେନ୍ଦ୍ ଚେଲ୍ଲାକି ଆଉକତାନକକେ ମାରାଙ୍ଗମଚା କେଦକଆକ ।

୧୪ ଏନା ନେଲ୍ଲକେଦ୍ତେ ଯୀଶୁ ଖୁୟୟାନାଏ ଆତଃ ଚେଲ୍ଲକକେ ମେତାଦକଆଏ, “ହୁପ୍ତିଙ୍ଗ୍ ହନକକେ ଆଇଙ୍ଗ୍ତାଃତେ ହିନ୍ତୁଃରିକାକପେ, ଆତଃ ଆଲ୍ଲପେ ମାନାକଆ, ନିକୁଲେକାନ କଆଃଗିଦ ପାର୍ମେଶ୍ୱାର୍ଆଃ ରାଇଜ୍ ତାନାଃ ।

୧୫ *ସାର୍ତିଗିଙ୍ଗ୍ କାଜିୟାପେତାନା ଜେତାଏ ହଡ଼ ପାର୍ମେଶ୍ୱାର୍ଆଃ ରାଇଜ୍, ମିଆଁଦ୍ ହୁଡ଼ିଙ୍ଗ୍ ହନ୍ ଲେକା କାଏ ତେଲ୍ଲାଏରେଦ, ଏନାରେ ଚିତ୍ତଲାହଗି କାଏ ବଲଦାଡ଼ିୟାଃ ।”

୧୬ ଏନ୍ତେ ଇନିଃ ହନକକେ ହାମ୍ପଦୁକେଦକଆଏ, ଆତଃ ଇନ୍କୁଆଃ ଚେତାନ୍ରେ ତିଃଇ ଦହକେଦ୍ତେ ଆଗିଷ୍ଟକେଦକଆଏ ।

କିର୍ସାଣ୍ଡ ଧାଙ୍ଗଡ଼ା
(ମାଥୁଉ ୧୯:୧୭-୩୦; ଲୁକ ୧୮:୧୮-୩୦)

୧୭ ଆତଃଗି ଯୀଶୁ ସେନଃନାଙ୍ଗ୍ ଅତଙ୍ଗତାନ୍ ଇମତା ମିଆଁଦ୍ ହଡ଼ ଇନିୟାଃ ଆୟାର୍ରେ ନିର୍ହିନ୍ତୁଃୟାନ୍ତି ଇକୁଡ଼ୁୟାନାଏ ଆତଃ କୁଲ୍ଲିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

୧୮ ଯୀଶୁ ମେତାଇୟାଏ, “ଆମ୍ ଚିନାଃମେନ୍ତେ ଆଇଙ୍ଗ୍ କେ ବୁଗିନ୍ ମେନ୍ତେମ୍ କାଜିଇଙ୍ଗ୍ତାନା ? ମିଆଁଦ୍ନିଃ ଏସ୍କାର୍ ବୁଗିନାଏଃ ଇନିଃ ପାର୍ମେଶ୍ୱାର୍ ତାନିଃ ଆତଃ ଜେତାଏକାହା ।

୧୯ ଆମ୍ ଆନ୍ତୁମ୍ ସାରିତାନା, ଆଲମ୍ ଗଗୟୟାଃ, ଆଲମ୍ ଆପାଙ୍ଗିର୍ରାଃ, ଆଲମ୍ କୁମ୍ପୁତୁୟା, ହସଡ଼ଗାଞ୍ଜା ଆଲମାଃ, ଆଲମ୍ ବେଦାଃ, ଏଙ୍ଗା ଆପୁ କିନ୍କେ ମାନାଡ଼ିଙ୍ଗ୍ କିନ୍ମେ ।”

୨୦ ଇନିଃଦ ମେନ୍ଦୁହାଡ଼ାଇୟାଏ, “ହେ ଗୁରୁ, ନେ ସବେନ୍ ଆନ୍ତୁ ମିଦ୍ ସିଟିଆଏତେଇଙ୍ଗ୍ ମାନାଡ଼ିଙ୍ଗ୍ ଆଉକାଦା ।”

୨୧ ଯୀଶୁ ଇନିଃକେ ନେଲ୍ଲବାଇକିଃତେ ଦୁଲ୍ଲାଡ଼କିୟାଏ ଆତଃ ମେତାଇୟାଏ, “ଆତଃ ମିଆଁଦ୍ କାଜି ଆମ୍ କେ ରିକାଲାଗାଡ଼ିଙ୍ଗ୍ୟାଃ, ଜୁ, ଆମାଃ ସବେନାଃ ଆଖ୍ରିଙ୍ଗ୍ତାମେ, ଆତଃ ଏନ୍ ଟାକା ରେଙ୍ଗେଃକକେ ହାଟିଙ୍ଗ୍ଆଁକମ୍, ସିର୍ମା ଦିଶ୍ୱମ୍ରେ ଖୁଜ୍ ମ୍ ନାମେଆଁ, ଆତଃ ରୁହାଡ଼କେଦ୍ତେ ଅତଙ୍ଗଇଙ୍ଗ୍ମେ ।”

୨୨ ଏନା ଆୟୁମ୍ କେଦ୍ତେ ଏନ୍ ହଡ଼ ହୁଡ଼ିଙ୍ଗ୍ ଜୀଉୟାନାଏ, ଆତଃ ଗସ ମେଦ୍ମୁହାଁଡ଼ାଏ ସେନଃୟାନା । ଚିୟାଃଚି ଇନିଃଦ ପୁରାଃଗି କିର୍ସାଣ୍ଡ ତାଇକେନାଏ ।

୨୩ ଯୀଶୁ ଚେଲ୍ଲକକେ ହେତାବିୟୁର୍କେଦକଆଏ ଆତଃ ମେତାଦକଆଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିର୍ସାଣ୍ଡ ହଡ଼କନାଙ୍ଗ୍ ପାର୍ମେଶ୍ୱାର୍ଆଃ ରାଇଜ୍ରେ ବଲଃ ପୁରାଃଗି ହାମ୍ପାଲାଃ ।”

୨୪ ଏନ୍ କାଜିକ ଆୟୁମ୍ କେଦ୍ତେ ଚେଲ୍ଲକ ଆକ୍ଦାନ୍ଦାୟୟାନା, ମେନ୍ଦ୍ ଯୀଶୁ ଆତଃଗି କାଜିୟାଦକଆଏ, “ଏ ହନକ, ପାର୍ମେଶ୍ୱାରାଃ ରାଇଜ୍ରେ ବଲଃ ପୁରାଃଗି ହାମ୍ପାଲାଃ ।

୨୫ ପାର୍ମେଶ୍ୱାର୍ଆଃ ରାଇଜ୍ରେ କିର୍ସାଣ୍ଡ ହଡ଼ ବଲ ଦାଡ଼ିଏତେ, ସୁଇଉଣ୍ଡୁରେ ଉର୍ ପାରମଃତେଆଃ ରାଞ୍ଜାଲାଃ ।”

୨୬ ନେଆଁ ଆୟୁମ୍ କେଦ୍ତେ ଚେଲ୍ଲକ ଆତଃଗି ଆକ୍ଦାନ୍ଦାୟୟାନା ଆତଃ ଆକ ଆକରେ କୁଲିବାଡ଼ାକେଦାଃକ, “ତାବ୍ଦ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ?”

୨୭ ଯୀଶୁ ଇନ୍କୁସାଃତେ ଆରିଦ୍ କେଦ୍ତେ ମେତାଦକଆଏ, “ହଡ଼କ ନାଗେନ୍ତେ ଏନା କା ଦାଡ଼ିୟାଃ କାମି ତାନାଃ, ମେନ୍ଦ୍ ପାର୍ମେଶ୍ୱାର୍ ନାଗେନ୍ତେ ଦାଡ଼ିଅଃଆ । ଚିୟାଃଚି ପାର୍ମେଶ୍ୱାର୍ରେ ହବାଦାଡ଼ିୟାଃ ।”

୨୮ ଏନ୍ତେ ପାଡ଼ରାସ୍ କାଜିକେଦା, “ନେଲେମେ, ଆଲେଦ୍ ସବେନାଃ ବାଗିକେଦ୍ତେ ଆମ୍ କେଲେ ଅତଙ୍ଗକେଦ୍ମେୟାଁ ।”

୨୯ ଯୀଶୁ କାଜିରୁହାଡ଼ାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ଜେତାଏ ହଡ଼ ଆଇଙ୍ଗ୍ ମେନ୍ତେ ଚାଏ ସୁକୁକାଜିମେନ୍ତେ, ଅଡ଼ାଃଦୁଆର୍, ଚାଏ ହାଗା ଚାଏ ମିଗି, ଚାଏ ଏଙ୍ଗା ଚାଏ ଆପୁ, ଚାଏ ହନ୍ଗାଁଣା, ଚାଏ ପିଡ଼ିହାସା ବାଗିତାରେଦ,

୩୦ ଇନିଃ ନେ ପାରିୟାରେ, ସାଅଗୁଣା ଆଦକା ଅଡ଼ାଃଦୁଆର୍କ, ହାଗା ମିଗିକ, ଏଙ୍ଗାକ, ହନକ ଆତଃ ଅତେହାସାକ ନାମେୟାଏ, ଆତଃ ଏନାଲଃ ଦୁକୁସାସ୍ତି ହ୍, ଆତଃ ତାୟମ୍ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ ।

୩୧ *ମେନ୍ଦ୍ ପୁରାଃ ହଡ଼କ ସିଦାକାନ୍ଦକ ତାୟମାଆ, ଆତଃ ତାୟମାକାନ୍ଦକ ସିଦାଅଃଆ ।”

* ୧୦:୧୧ ମାଥୁଉ ୫:୩୨; ୧ କରିନ୍ଥ୍ରିୟ ୭:୧୦,୧୧. * ୧୦:୧୫ ମାଥୁଉ ୧୮:୩. * ୧୦:୩୧ ମାଥୁଉ ୨୦:୧୭; ଲୁକ ୧୩:୩୦.

ୟୀଶୁ ଆତ୍ମତତ୍ତ୍ଵ ଆୟାତ୍ତ ଗନ୍ତବ୍ୟ କାଳି ଉଦ୍ଦେଶ୍ୟାନ୍ତରାଳ
(ମାଥୁରା ୨୦:୧୭-୧୯; ଲୁକା ୧୮:୩୧-୩୪)

୩୨ ୟୀଶୁ ଆତ୍ମତ୍ତ୍ଵ ଆୟାତ୍ତ ତେଲକ ନାହାଁଃଦ ୟୀରୁଶାଲେମ୍ରେ ସେନତାନ୍ ହରାକ ସାବକେଦା । ୟୀଶୁ ଆୟାତ୍ତ ତେଲକଆତ୍ତ ଆୟୁର୍ ଆୟୁର୍ରେ ସେନତ ତାଲକେନା, ତେଲକ ଆକ୍ତାକାଅକାନ୍ ତାଲକେନାକ ଆତ୍ତ ତାୟମ୍ରେ ସେନତାନ୍ ଏତାତ୍ତ ହତ୍ତକହଗି ବର ତାଲକେନାକ । ୟୀଶୁ ଆତ୍ତତ୍ତ୍ଵ ଗେଲ୍ବାର୍ ତେଲକକେ ହରାଏତେ ହାକାଅ ଆତ୍ତମ୍ରେଦକଆ, ଆତ୍ତ ଆୟତ୍ତକ୍ରେ ଚଗାତ କାଳିକ ଇନ୍ଦ୍ରେ ଉଦ୍ଦ୍ ଏଚେଦକେଦକଆ ।

୩୩ ଆତ୍ତ ମେତାଦକଆଏ, “ଆରୁ ୟୀରୁଶାଲେମ୍ରେ ସେନତାନ୍, ଆତ୍ତ ଏତ୍ତାତ୍ତରେ ଆୟତ୍ତକେ ମାନତ୍ତାହନ୍ଦକେ ମୁଲ୍ ୟାଜାକ୍ତାତ୍ତ ଆତ୍ତ ଆୟନ୍ ଇଦ୍ଦକଆତ୍ତ ତିତ୍ତରେ ଏମ୍ବୁଗାଗିଆଁକ । ଇନ୍ଦ୍ରେ ଆୟତ୍ତକେ ଗନ୍ତବ୍ୟ ସାଜାକ୍ତ୍ତ ଏମ୍ରେଦକେଦ୍ତେ ସାଅଁସାର୍ ହତ୍ତକଆତ୍ତ ତିତ୍ତରେକ ଜିମାୟାତ୍ତ ।

୩୪ ଇନ୍ଦ୍ରେ ଆୟତ୍ତକେ ଲାୟାୟାତ୍ତ, ବେଜିୟାତ୍ତ, ଚାବୁକ୍ରେକ ହାଁଶ୍ଵାୟାତ୍ତ, ଆତ୍ତକ ଗଜିୟା ମେନ୍ଦ୍ ଆପିମାରେ ଆୟତ୍ତ ଜୀଉ ବିରିଦାୟତ୍ତ ।”

ୟାକ୍ତ୍ତ୍ଵ ଆତ୍ତ ଯୋହାନ୍ତରାତ୍ତ ଆନାସି
(ମାଥୁରା ୨୦:୨୦-୨୮)

୩୫ ଜେବଦାୟାତ୍ତ ହନ୍ଦିନ୍ଦ୍ ୟାକ୍ତ୍ତ୍ଵ ଆତ୍ତ ଯୋହାନ୍, ୟୀଶୁତାତ୍ତକିନ୍ଦ୍ ହିଜୁତ୍ତୟାନ୍, ଆତ୍ତକିନ୍ଦ୍ କାଳିକିୟା, “ହେ ଗୁରୁ ଜେତାନ୍କାଳି ଆୟତ୍ତ୍ତ୍ଵ ଆସିମେତେୟାତ୍ତ ଆୟତ୍ତ୍ତ୍ଵ ନାୟ୍ ରିକାଏମେ ।”

୩୬ ୟୀଶୁ ଇନ୍ଦିନ୍ଦ୍ରେ କୁଲିକେଦକିନାଏ, “ଚିକାନ୍ତାତ୍ତବେନ୍ଦ୍ ଆସିତାନ୍, ଚିନ୍ତାତ୍ତକ୍ତ୍ତ୍ଵ ରିକାୟା ?”

୩୭ ଇନ୍ଦିନ୍ଦ୍ କାଳିକିୟା, “ଆମାତ୍ତ ରାୟତ୍ତ ମାନ୍ତାତ୍ତରାତ୍ତ ରାଜଗାଦିରେ ଆୟତ୍ତ୍ତ୍ଵଏତେ ମିତ୍ତ୍ତ୍ଵ ଆମାତ୍ତ ଜମ୍ତ୍ତ୍ଵାତ୍ତରେ, ଆତ୍ତ ଏତାତ୍ତରେ ଆମାତ୍ତ ଲେକ୍ତାତ୍ତାତ୍ତରେ ଦୁବକାଏ ମେତ୍ତେ କାଳିତାମ୍, ନେୟାୟତ୍ତ୍ତ୍ଵ ସାନ୍ତାୟତାନ୍ ।”

୩୮ *ୟୀଶୁଦ୍ ମେତାଦକିନାଏ, “ଚିନ୍ତାତ୍ତବେନ୍ଦ୍ ଆସିତାନ୍ ଏନା କାବେନ୍ଦ୍ ଆବ୍ବକାର୍ ଉରୁମେତାନ୍ । ଚିୟାତ୍ତ ଆୟତ୍ତ୍ତ୍ଵ ଅକନ୍ଦ୍ ଦୁକ୍ତାହାତ୍ତ୍ତ୍ଵରାତ୍ତ କାଚୋରାରେ ନୁଁକ୍ତ୍ତ୍ଵ, ଏନା ନୁଁବେନ୍ଦ୍ ଦାଡ୍ଡିୟା ? ଚାଏ ଆୟତ୍ତ୍ତ୍ଵ ଅକନ୍ଦ୍ ଗନ୍ତବ୍ୟରାତ୍ତ ବାପ୍ତ୍ତ୍ତ୍ଵାତ୍ତେକ୍ତ୍ତ୍ଵ ବାପ୍ତ୍ତ୍ତ୍ଵାତ୍ତା, ଏନାରେ ଚିନ୍ତାତ୍ତ ଆବେନ୍ଦ୍ରେବେନ୍ଦ୍ ବାପ୍ତ୍ତ୍ତ୍ଵା ଦାଡ୍ଡିୟାତ୍ତା ?”

୩୯ “ଦାଡ୍ଡିୟାତ୍ତକ୍ତ୍ତ୍ଵ,” ମେତାକାକିନ୍ଦ୍, ୟୀଶୁ ମେତାଦକିନାଏ, “ଆୟତ୍ତ୍ତ୍ଵ ନୁଁଏ କାଚୋରାରେବେନ୍ଦ୍ ନୁଁକ୍ତ୍ତ୍ଵ ଆତ୍ତ ଆୟତ୍ତ୍ତ୍ଵ ବାପ୍ତ୍ତ୍ତ୍ଵାତ୍ତା ବାପ୍ତ୍ତ୍ତ୍ଵାତ୍ତେବେନ୍ଦ୍ ବାପ୍ତ୍ତ୍ତ୍ଵାତ୍ତା ।

୪୦ ମେନ୍ଦ୍ ଆୟତ୍ତ୍ତ୍ଵ ଜମ୍ତ୍ତ୍ତ୍ଵାତ୍ତରେ ଚାଏ ଲେକ୍ତାତ୍ତାତ୍ତରେ ଅକଏ ଦୁବାତ୍ତ ନେଆଁକାଳିତେୟାତ୍ତ ଆୟତ୍ତ୍ତ୍ଵ ତିତ୍ତରେ ବାନ୍ତାତ୍ତ । ଅକଏୟାତ୍ତ ନାଗେତ୍ତେ ଏନା ପାର୍ମେଶ୍ଵାର୍ ବାୟାକାଦାତ୍ତ ଇନ୍ଦ୍ରେ ଇନ୍ଦିତ୍ତ ଏନା ଏମାକଆଏ ।”

୪୧ ଏନା ଆୟତ୍ତ୍ତ୍ଵଏତେ, ଏତାତ୍ତ ଗେଲ୍ ତେଲକ ୟାକ୍ତ୍ତ୍ଵ ଆତ୍ତ ଯୋହାନ୍ତକେ ଶ୍ଵୟାୟାକ ।

୪୨ *ୟୀଶୁ ଇନ୍ଦ୍ରେ ଆୟାତ୍ତତାତ୍ତ ହାକାଅ କେଦକଆଏ ଆତ୍ତ ମେତାଦକଆଏ, “ସାଅଁସାର୍ତ୍ତାତ୍ତ ଗୁସିୟାକ୍ତ୍ତ୍ଵ ନୁତ୍ତ୍ତ୍ଵତାନ୍ଦ୍ ଇନ୍ଦ୍ରେକ ରାୟତ୍ତାନ୍ ଆତ୍ତ ଇନ୍ଦ୍ରେ ଆୟାତ୍ତେ ମାପ୍ତ୍ତ୍ତ୍ଵକାନ୍ଦ୍ ଆକଆତ୍ତ ଆକ୍ତେୟାତ୍ତକ୍ତ୍ତ୍ଵ ଇନ୍ଦ୍ରେକ ଆବ୍ବକାର୍ ରିକାଚିକାକତାନ୍, ନେଆଁପେ ସାରିଆତ୍ତ ।

୪୩ *ଆପେରେଦ୍ ଆୟାକା ଏନ୍ଦକାତ୍ତା । ଆପେ ଆୟାତ୍ତେ ଜେତାଏ ମାୟାତ୍ତ୍ତ୍ଵେନ୍ଦ୍ ସାନ୍ତାୟତ୍ତେ ଇନ୍ଦିତ୍ତ ଆପେୟାତ୍ତ ସୁସାର୍ତ୍ତାତ୍ତ ବାୟେନ୍ଦକାଏ ।

୪୪ ଆତ୍ତ ଆପେୟାତ୍ତ ଆୟାତ୍ତେ ଜେତାଏ ସିଦାତ୍ତାତ୍ତ ସାନ୍ତାୟତ୍ତାନ୍ଦିତ୍ତ ସବେନ୍ଦକଆତ୍ତ ଦାସି ବାୟେନ୍ଦକା ।

୪୫ ଆୟତ୍ତ୍ତ୍ଵ ମାନ୍ତାହନ୍ଦ୍, ସୁସାର୍ତ୍ତାତ୍ତେ ନାଗେତ୍ତେଦ୍ କା, ମେନ୍ଦ୍ ସୁସାର୍ ନାଗେତ୍ତେ ଆତ୍ତ ଆୟାତ୍ତ ଜୀଉ ପୁରାତ୍ତ ହତ୍ତକଆତ୍ତ ଦାଣ୍ଡେ ଗନ୍ଦ୍ ଏମ୍ପୁରା ନାଗେତ୍ତେକ୍ତ୍ତ୍ଵ ହିଜୁତ୍ତାନ୍ ।”

ୟୀଶୁ ମେଦ୍ କାଏ ନେଲ୍ ଦାଡ୍ଡିତାନ୍ ବାଚ୍ ମାୟକେ ବୁଗିତାନ୍
(ମାଥୁରା ୨୦:୨୯-୩୪; ଲୁକା ୧୮:୩୫-୪୩)

୪୬ ୟୀଶୁ ଆୟାତ୍ତ ତେଲକଲତ୍ତ ଯିରିହୋତେକ ସେଚେର୍ୟାନ୍, ଆତ୍ତ ଇନ୍ଦ୍ରେ ଗାଦେଲ୍ ହତ୍ତକଲତ୍ତ ଏନ୍ଦ୍ ସାହାର୍ଏତେ ଅତ୍ତ୍ତାତ୍ତାନ୍ ଇମ୍ତା ତିମାୟାତ୍ତ ହନ୍ଦ୍ କା ନେଲ୍ଦାଡ୍ଡିତାନ୍ ବାଚ୍ ମାୟ ହରାଗେନାରେ ଦୁବକେଦ୍ତେ କର୍ଏ ଆସିତାନ୍ଏ ତାଲକେନା ।

୪୭ ଇନ୍ଦିତ୍ତ ନାଜ୍ରେତ୍ତରେନ୍ଦ୍ ୟୀଶୁ ତାନ୍ଦିତ୍ତ ମେତ୍ତେ ଆୟତ୍ତାଦ୍ଡି, “ହେ ଦାଡ୍ଡିୟାତ୍ତ ହନ୍ଦ୍ ୟୀଶୁ ଦାୟାକ୍ତ୍ତ୍ତ୍ଵେ” ମେତ୍ତେ କାଡ୍ଡିତାନ୍ଲତ୍ତ ହାକାଅ ଏଚେଦକିୟା ।

୪୮ ଗାଦେଲ୍ ହତ୍ତକ ଇନ୍ଦିତ୍ତକେ ହାପାତ୍ତାକାଏ ମେତ୍ତେକ ମାୟାତ୍ତମଚାକିୟାତ୍ତ । ମେନ୍ଦ୍ ଇନ୍ଦିତ୍ତ ଆତ୍ତତ୍ତ୍ଵ ପୁରାତ୍ତ “ହେ ଦାଡ୍ଡିୟାତ୍ତ ହନ୍ଦ୍ ଦାୟାକ୍ତ୍ତ୍ତ୍ଵେ” ମେତ୍ତେ କାଡ୍ଡିକେଦାଏ ।

☆ ୧୦:୩୮ ଲୁକା ୧୨:୫୦. ☆ ୧୦:୪୨ ଲୁକା ୨୨:୨୫,୨୬. * ୧୦:୪୨ ଆୟାକ୍ତ୍ତ୍ଵ ☆ ୧୦:୪୩ ମାଥୁରା ୨୩:୧୧; ମାର୍ଚ୍ଚ ୯:୩୫; ଲୁକା ୨୨:୨୬.

୪୯ ଯୀଶୁ ତିଜୁୟାନାଏ ଆଡ଼ଃ, “କେଡ଼ାଆଉଇଫେ” ମେନ୍‌କେଦାଏ । ଇନ୍‌କୁ ଏନ୍ କା ନେଲ୍‌ଦାଡ଼ିତାନ୍ ହଡ଼କେ କେଡ଼ାକିୟାଃକ ଆଡ଼ଃ କାଜିକିୟାକ, “ଆଲମ୍ ବରଏୟା, ମାର୍ ବିରିଦ୍‌ମେ ! ଇନିଃ କେଡ଼ାମେତାନାଏ ।”

୫୦ ଇନିଃଦ ଆୟାଃ ଲିଜାଃ ହୁଦ୍‌ମା ଏଣ୍ଡାଃକେଦ୍‌ତେ ବିରିଦ୍ ଧାଦ୍‌ୟାନାଏ ଆଡ଼ଃ ଯୀଶୁତାଃତେ ହିଜୁଃୟାନାଏ ।

୫୧ ଯୀଶୁ ଇନିଃକେ କୁଲିକିୟାଏ, “ଆଇଙ୍ଗ୍ ଆମାଃ ନାଙ୍ଗ୍ ଚିନାଃଇଙ୍ଗ୍ ଚିକାୟା ମେନ୍‌ଡ୍‌ମ୍ ସାନାଙ୍ଗ୍‌ତାନା” ଏନ୍ କା ନେଲ୍‌ଦାଡ଼ିତାନ୍ ହଡ଼ ମେତାଇୟାଏ, “ହେ ଗୁରୁ ନେନେଲାଇଙ୍ଗ୍ ସାନାଙ୍ଗ୍‌ତାନା ।”

୫୨ ଯୀଶୁ ଇନିଃକେ ମେତାଇୟାଏ, “ଜୁ ସେନଃମେ, ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।” ଇମ୍‌ଡାଙ୍ଗ୍‌ଗି ଇନିଃ ନେଲ୍ ଦାଡ଼ିକେଦାଏ ଆଡ଼ଃ ଯୀଶୁକେ ହରାହରାତେ ଅଡ଼ଙ୍ଗିକିୟା ।

୧୧

ୟୀଶୁ ଯୀରୁଶାଲେମ୍‌ତେ ବଲତାନା

(ମାଥୁଉ ୨୧:୧-୧୧; ଲୁକ ୧୯:୨୮-୪୦; ଯୋହାନ୍ ୧୨:୧୨-୧୯)

୧ ଯୀଶୁ ଆଡ଼ଃ ଚେଲାଇ ଯୀରୁଶାଲେମ୍ ନାଡ଼େଃୟାନ୍‌ତେ, ଜାଇତୁନ୍ ବୁରୁଜାପାଃ ବେଡ଼ଫାଗି ଆଡ଼ଃ ବେଧ୍‌ନିଆ ନାଡ଼େଃତେକ ସେଟ୍‌ରୟାନା, ଇମ୍‌ତା ଯୀଶୁ ଆୟାଃ ଚେଲାଇଏତେ ବାର୍‌ହଡ଼କିନ୍‌କେ ଆୟାର୍‌ତେ କୁଲ୍‌କେଦ୍‌କିନାଏ ।

୨ ଆଡ଼ଃ ମେତାଦ୍‌କିନାଏ, “ସାମ୍‌ନାଙ୍ଗ୍‌ରେଆଃ ହାତୁତେ ସେନଃବେନ୍, ଏନ୍ ହାତୁ ତେବାଃ ଇମ୍‌ଡାଙ୍ଗ୍‌ଗି ନାହାଃ ଜାକେଦ୍ ଜେତାଏ ଇନିଃରେ କା ଦେଜାକାନ୍ ମିଆଁଦ୍ ଗାଧାହନ୍ ତଲାଇକାନ୍‌ବେନ୍ ନାମିଆଁ, ଇନିଃକେ ରାଡ଼ାଇବେନ୍ ଆଡ଼ଃ ନେତାଃ ଆଉଢ଼ିବେନ୍ ।

୩ ଜେତାଏ ହଡ଼ ଇନିଃକେ ଚିନାଃ ମେନ୍‌ଡ୍‌ବେନ୍ ରାଡ଼ାଇତାନା ମେନ୍‌ଡ୍ କୁଲିବେନ୍‌ରେଦ୍, କାଜିୟାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ, ଆଡ଼ଃ ହୁଡ଼ିଙ୍ଗ୍‌ତାୟମ୍‌ତେ କୁଲ୍‌ରୁହାଡ଼ତାଇୟା ।”

୪ ଇନ୍‌କିନ୍ ସେନଃୟାନାକିନ୍ ଆଡ଼ଃ ରାଚା ଦୁଆର୍‌ତାଃ ବାହାରିରେ ମିଆଁଦ୍ ଗାଧାହନ୍ ତଲାଇକାନ୍‌କିନ୍ ନାମ୍‌କିୟାଃ । ଇନିଃକେକିନ୍ ରାଡ଼ାଇ ଇମ୍‌ତା,

୫ ଏନ୍‌ଡାଃରେ ତିଜୁଆକାନ୍ ହଡ଼କ କୁଲିକେଦ୍‌କିନା, “ଗାଧାହନ୍‌କେ ଚିନାଃ ମେନ୍‌ଡ୍‌ବେନ୍ ରାଡ଼ାଇତାନା ?”

୬ ଇନ୍‌କିନ୍‌ଦ ଯୀଶୁ କାଜିୟାଦ୍‌କିନ୍ ଲେକାକିନ୍ କାଜିରୁହାଡ଼ାଦ୍‌କିଆ, ଏନ୍‌ଡ୍ ଇନ୍‌କୁ ଇନ୍‌କିନ୍‌କେ ରାଡ଼ା ରିକାଦ୍‌କିନାକ ।

୭ ଗାଧାହନ୍‌କେ ଇନ୍‌କିନ୍ ଯୀଶୁତାଃକିନ୍ ଆଉକିୟା, ଆଡ଼ଃ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଚେଦ୍‌କେଦା, ଆଡ଼ଃ ଯୀଶୁ ଇନିଃରେ ଦୁବ୍‌ୟାନାଏ ।

୮ ପୁରାଃ ହଡ଼କ ଯୀଶୁକେ ମାଇନି ନାଗେନ୍‌ଡ୍ ଆକଆଃ ଲିଜାଃ ହରାହରାକ ବିଲ୍‌ଇଦି ତାଇକେନା; ଏଟାଃକଦ୍, ପିଡ଼ିକଏତେ ହୁଡ଼ିଙ୍ଗ୍ ଡାଉଡ଼ା ମାଆଃ ଆଉକେଦ୍‌ତେ, ହରାହରାକ ଆଚେଦ୍‌ଇଦି ତାଇକେନା ।

୯ ଯୀଶୁଆଃ ଆୟୁର୍ ତାୟମ୍‌ରେ ସେନଃତାନ୍ ଗାଦେଲ୍ ହଡ଼କ କାଉରିକେଦାଃ, “ ‘ହୋଶାନ୍ନା’ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ହବାଅଃକା, ପ୍ରାଭୁଆଃ ନୁଡୁମ୍‌ତେ ହିଜୁଃନିଃ ଧାଇନ୍ ହବାଅଃକାଏ ।

୧୦ ଆବୁଆଃ ପୁରଖାଆପୁ ଦାଉଦ୍‌ଆଃ ହିଜୁଃତାନ୍ ରାଇଜ୍ ଧାଇନ୍ ହବାଅଃକା, ସାଲାଙ୍ଗିଉତାର୍ ଠାୟାଦ୍‌ରେ ପାର୍‌ମେଶ୍ୱାର୍‌ରାଃ ହୋଶାନ୍ନା ହବାଅଃକା” ମେନ୍‌ଡ୍‌କ କାଉରିକେଦାଃ ।

୧୧ ଯୀଶୁ ଯୀରୁଶାଲେମ୍‌ତେ ତେବାଃୟାନ୍‌ଚି ମାନ୍‌ଦିର୍ ଅଡ଼ାଃରେ ବଲୟାନାଏ ଆଡ଼ଃ ଇନିଃ ସବେନାଃ ନେଲ୍ ବାଡ଼ାକେଦ୍‌ଚି ସିଙ୍ଗିହାସୁରତାନ୍ ଇମ୍‌ତା ବାରାୟାନ୍ ଚେଲାଇକଲଃ ବେଧ୍‌ନିଆତେ ସେନଃୟାନାଏ ।

ୟୀଶୁ ଲଥାଦାରୁକେ ସାର୍‌ପାଅକେଦା

(ମାଥୁଉ ୨୧:୧୮-୧୯)

୧୨ ଏଟାଃ ହୁଲାଙ୍ଗ୍ ଯୀଶୁ ଆୟାଃ ଚେଲାଇକଲଃ ବେଧ୍‌ନିଆଏତେ ରୁହାଡ଼୍ ଇମ୍‌ତା, ଯୀଶୁକେ ରେଙ୍ଗେଃକିୟା ।

୧୩ ସାଙ୍ଗିନ୍‌ରେ ଇନିଃ ସାକାମାକାନ୍ ମିଆଁଦ୍ ଲଥାଦାରୁକେ ନେଲ୍‌କେଦ୍‌ତେ, ଏନ୍‌ରେ ଜ'କଇଙ୍ଗ୍ ନାମେଜାଃ ମେନ୍‌ଡ୍ ଏନ୍‌ଡାଃତେ ସେନଃୟାନା । ମେନ୍‌ଦ୍ ତେବାଃୟାନ୍‌ଚି ଏନାରେ ସାକାମ୍ ବିଡ଼ାଙ୍ଗ୍ ନାମ୍‌କେଦାଏ ଆଡ଼ାଃ ଜ କାଏ ନାମ୍‌କେଦାଃ, ଚିୟାଃଚି ଇମ୍‌ତା ଲଥା ଜ'ସାହା କା ତାଇକେନା ।

୧୪ ଏନ୍‌ଡ୍, “ଆମାଃ ଜ ଆଡ଼ଃ ଜେତାଏ ହଡ଼ ଚିତଲଥା ଆଲକାଏ ଜମେକା” ମେନ୍‌ଡ୍ ଲଥା ଦାରୁକେ କାଜିକେଦା ।

ଆଡ଼ଃ ଚେଲାଇକତାୟାଃ ଏନ୍ କାଜିକ ଆୟୁମ୍‌କେଦା ।

ୟୀଶୁ ଯୀରୁଶାଲେମ୍ ମାନ୍‌ଦିର୍ ଅଡ଼ାଃତେ ବଲତାନାଏ

(ମାଥୁଉ ୨୧:୧୨-୧୭; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୫ ଯୀରୁଶାଲେମ୍‌ତେ ତେବାଃୟାନ୍‌ଚି, ଯୀଶୁ ମାନ୍‌ଦିର୍ ଅଡ଼ାଃତେ ବଲୟାନାଏ, ଆଡ଼ଃ ଏନ୍‌ଡାଃରେ ଦାଣ୍ଡେନାଙ୍ଗ୍ ଜାଁତୁକକେ କିରିଙ୍ଗ୍ ଆଖିରିଙ୍ଗ୍ ତାନ୍‌କକେ ହାର୍‌ଅଡ଼ଙ୍ଗ୍ ଏଚେଦ୍‌କେଦ୍‌ଆଏ । ପାଏସା ଭାଞ୍ଜାଅତାନ୍‌କଆଃ ମେଜ୍‌କ ଆଡ଼ଃ ଦୁଦୁମୁଲ୍ ଆଖିରିଙ୍ଗ୍ ତାନ୍‌କଆଃ ଦୁବ୍‌ତେୟାଃକ ଉଦୁର୍‌ବାଚିକେଦାଏ ।

୧୬ ଆତ୍ମା ମାନ୍ଦିର ଅତୀତରାଃ ବାହାରି ରାତା ଆଲା ଆଲାତେ କିରିଙ୍ଗ ଆଖିରଙ୍ଗତେଆଃକ ସାବକେଦ୍ତେ ଜେତାଏକେୟ କାଏ ସେନ୍ ପାରମ୍ ଇତିକେଦ୍‌କଆ ।

୧୭ ଏନ୍ତେ ଇନ୍‌କୁକେ ଇତୁତାନ୍‌ଲଃ ମେତାଦ୍‌କଆଏ, ନେଆଁ ଅଲ୍‌କାନା,
“ଆଇଁୟାଃ ଅତୀତ ଦିଶୁମ୍‌ରାଃ ସବେନ୍ ଜାତିକ ନାଗେନ୍ତେ ବିନ୍ତିଅତୀତ ନୁତୁମଃଆ
ମେନ୍‌ଦ ଆପେ ନେଆଁକେ କୁମ୍‌ତୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୧୮ ମୁଲ୍ ଯାଜାକ୍‌କ ଆତ୍ମା ଆଇନ୍ ଇତୁକ, ଏନା ସବେନ୍ ଆୟୁମ୍‌କେଦ୍‌ତେ, ଯାଶୁକେ ଚିଲ୍‌କାକ ଗଜିୟା ମେନ୍ତେ ହରାକ ଦାଣ୍ଡାବାଡ଼ାକେଦାଃ । ସବେନ୍ ହତ୍‌କଦ ଯାଶୁଆଃ ଇନିତୁରେ ଆକ୍‌ଦାୟାୟାୟା ମେନ୍ତେ ଇନ୍‌କୁ ଇନିଃକେ ବରଆଇତାନ୍‌କ ତାଇକେନା ।

୧୯ ସିଙ୍ଗିହାସୁରୟାନ୍‌ତି ଯାଶୁ ଆୟାଃ ଚେଲାକଲଃ ଅତ୍‌କ୍‌କେଦ୍‌ତେ ସାହାର୍‌ଏତେ ସେନଃୟାନାଏ ।

ଲଆଦାରୁଏତେ ଇନିତୁ

(ମାଥୁଝ ୨୧:୨୦-୨୨)

୨୦ ଏତୀଃ ହୁଲାଙ୍ଗ୍ ସେତୀଃ ଇଦାନ୍‌ତେ ହରାରେ ସେନଃ ଇମ୍‌ତା ଇନ୍‌କୁ ଲଆଦାରୁକେକ ନେଲ୍‌କେଦା । ଏନା ବୁଟାଏତେ ତୁଟି ଜାକେଦ୍ ରହଡ୍ ଗଜାକାନ୍ ତାଇକେନା ।

୨୧ ପାତରାସ୍ ସିଦାହୁଲାଙ୍ଗ୍‌ରାଃ କାଜି ପାହାମ୍‌କେଦ୍‌ତେ ମେତାଇୟାଏ “ନେଲେମେ, ହେ ଗୁରୁ, ଆମ୍ ସାର୍‌ପାଅଲେଦ୍ ଲଆଦାରୁ ରହଡ୍‌କାନା ।”

୨୨ ଯାଶୁ ଚେଲାକକେ କାଜିରୁହାଡ଼ାଦ୍‌କଆଏ, “ପାର୍‌ମେଶ୍‌ବରରେ ବିଶ୍ୱାସ୍ ଦହେପେ ।”

୨୩ ✱ସାର୍‌ତିଗି କାଜିୟାପେ ତାନାଇଙ୍ଗ୍, “ଜେତାଏ ହତ୍ ନେ ବୁରୁକେ, ମାର୍ ବିରିଦ୍‌ମେ ଆତ୍ମା ଦରେୟାରେ ଉୟୁଗଃମେ ମେନ୍ତେ କାଜିରେ, ଆତ୍ମା ମନ୍‌ରେ କାଏ ଆତ୍ମାତ୍ମାତ୍ମାରେ ଆତ୍ମା ଇନିଃ ଆସିତେୟାଃ ସାର୍‌ତିଗି ହବାଅଆଃ ମେନ୍ତେ ବିଶ୍ୱାସ୍‌ରେଦ, ଇନିଃ ସାନାଇଁତାନ୍‌ଲେକା ହବାଅଆଃ ।

୨୪ ଏନାମେନ୍ତେ କାଜିୟାପେ ତାନାଇଙ୍ଗ୍, ବିନ୍ତି ଇମ୍‌ତା ଜେତ୍‌ନାଃପେ ଆସିଆ, ଏନ୍ ସବେନାଃ ନାମାକାଦାଃଲେ ମେନ୍ତେପେ ବିଶ୍ୱାସ୍‌ରେଦ, ଆସିତେୟାଃ ସବେନାଃପେ ନାମେୟା ।

୨୫ ✱ଆତ୍ମା ବିନ୍ତି ନାଗେନ୍ତେପେ ତିଙ୍ଗିନ୍‌ରେ ଜେତା ହତ୍‌ଆଃ ବିରୁଧ୍‌ରେ ଜେତ୍‌ନାଃ ଆପେୟାଃ ଗୁହ୍ନାଁ ମେନାଃରେଦ, ଇନିଃକେ ଏନା ଛାମାଲପେ, ଏନାରେ ଆପେୟାଃ ସିମ୍‌ରେନ୍ ଆପୁ ଆପେକେୟାଗି ଛାମାପେୟା ।

୨୬ ମେନ୍‌ଦ ଆପେ କାପେ ଛାମାଲରେଦ, ଆପେୟାଃ ସିମ୍‌ରେନ୍ ଆପୁହ୍ ଆପେୟାଃ ପାପ୍ କାଏ ଛାମାଏଆ* ।”

ୟାଶୁଆଃ ପେଡ଼େଃକେ କୁଲିକେଦାଃକ

(ମାଥୁଝ ୨୧:୨୩-୨୭; ଲୁକ ୨୦:୧-୮)

୨୭ ଯାଶୁ ଆତ୍ମା ଚେଲାକ ଆତ୍ମାତ୍ମା ଯୀରୁଶାଲେମ୍‌ତେ ହିଜୁଃୟାନାକ । ମାନ୍ଦିରଅତୀତରେ ଯାଶୁ ସେନ୍‌ବାଡ଼ାତାନ୍ ଦିପିଲିରେ, ମୁଲ୍ ଯାଜାକ୍‌କ, ଆଇନ୍ ଇତୁକ ଆତ୍ମା ପ୍ରାତିନ୍‌କ ଇନିଃତାଃତେକ ହିଜୁଃୟାନା ।

୨୮ ଆତ୍ମା, ଇନ୍‌କୁ କୁଲିକିୟାଃକ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍‌ତେୟାର୍ ଏମାକାଦ୍‌ମେଆ ?”

୨୯ ଯାଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌ହ୍ ମିଆଁଦ୍ କାଜିଙ୍ଗ୍ କୁଲିପେୟା, ଏନା ଉଦୁବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍ ଅକ ପେଡ଼େଃକେ ନେଆଁକଇଙ୍ଗ୍ ରିକାତାନା, ଏନାଇଙ୍ଗ୍ ଉଦୁବାପେୟା ।

୩୦ ଯୋହାନ୍‌ଆଃ ବାପ୍ତିସ୍ତା ସିମ୍‌ରେନ୍ ପାର୍‌ମେଶ୍‌ବରତାଃଏତେ ତି ମାନଝାତାଃଏତେ ତାଇକେନା ? ନେଆଁ, ମାର୍ କାଜିୟାଇଙ୍ଗ୍‌ପେ ।”

୩୧ ଇନ୍‌କୁ ଆକ ଆକରେକ କାପ୍‌ଜିୟାନା, “ଆରୁ ନେ କାଜିରେ ତିନାଃବୁ କାଜିରୁହାଡ଼ିୟା ? ‘ସିମ୍‌ରେନ୍ ପାର୍‌ମେଶ୍‌ବରତାଃଏତେ’ ମେନେରେଦ, ଇନିଃ ‘ତିକାନାଙ୍ଗ୍ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାବୁଆଏ ?”

୩୨ ମେନ୍‌ଦ ମାନଝାକତାଃଏତେ ମେନ୍ତେ କାଜିନାଙ୍ଗ୍ ବରକେଦାଃକ ଚିୟାଃତି, ଇନ୍‌କୁ ହତ୍‌କକେ ବର ତାଇକେନାକ, ଚିୟାଃତି ସବେନ୍ ହତ୍‌କ ଯୋହାନ୍ ଆୟାର୍‌କାଜିନିଃ† ତାନିଃ ମେନ୍ତେ ମାନାତିଙ୍ଗ୍‌ଲ ତାଇକେନାକ ।

୩୩ ଏନାମେନ୍ତେ ଇନ୍‌କୁ ଯାଶୁକେ କାଜିରୁହାଡ଼ିୟାଃକ, “ଆଲେ କାଲେ ସାରିଆଃ ।”

ୟାଶୁ ମେତାଦ୍‌କଆଏ, “ଆଇଙ୍ଗ୍‌ହ୍ ଅକ ପେଡ଼େଃକେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

୧୨

ଦାଖ୍‌ବାକ୍‌ଡ଼ିରେ କାର୍ କାମିତାନ୍ ହତ୍‌କଆଃ ଜନ୍‌କା କାଜି

(ମାଥୁଝ ୨୧:୩୩-୪୬; ଲୁକ ୨୦:୯-୧୯)

✱ ୧୧:୨୩ ମାଥୁଝ ୧୭:୨୦; ୧ କରିନ୍ଥୁସ୍ ୧୩:୨. ✱ ୧୧:୨୫ ମାଥୁଝ ୬:୧୪,୧୫. * ୧୧:୨୬ ନେ ବାତାନ୍ ତିମିନ୍ ମାରି ଅନଲ୍‌କରେ ବାନଆଃ † ୧୧:୩୨ ଆୟାର୍‌କାଜିନିଃ ନାବୀ

୧ ଏନ୍ତେ ଯୀଶୁ ଜନ୍ମକା କାଳିତେ ଇନ୍ଦ୍ରକୁକେ ଜାଗାର୍ ଏଟେଦକେଦଆଏ, “ମିଆଁଦ୍ ହଡ଼ ମିଆଁଦ୍ ଦାଖ୍‌ବାକ୍ତି ବାଇକେଦାଏ, ଆତଃ କେସେଦ୍‌ବିୟୁରକେଦାଏ, ଘାନା ନାଗେନ୍ତେ ଗାତା ଭରକେଦାଏ, ଆତଃ ହରମେନ୍ତେ ହରଠାୟାଦ୍* ବାଇକେଦାଏ, ଏନ୍ତେ ଇନିଃ ଏନ୍ ଦାଖ୍‌ବାକ୍ତି କାର୍ କାମିତାନ୍ ହଡ଼କକେ ଏମ୍‌କେଦ୍‌ତେ ସାଙ୍ଗିନ୍ ଦିଶୁମ୍‌ତେ ସେନଃୟାନାଏ ।

୨ ଜ ଗଦଃ ସାହା ତେବାଃୟାନ୍ତି, ଦାଖ୍‌ବାକ୍ତିରେୟାଃ ଜ ନାମେ ନାଗେନ୍ତେ ଇନିଃ ମିଆଁଦ୍ ଦାସିକେ ଏନ୍ କାର୍ କାମିତାନ୍ ହଡ଼କତାଃତେ କୁଲ୍‌କିୟାଏ ।

୩ କାର୍ କାମି ହଡ଼କଦ୍ ଏନ୍ ଦାସିକେ ସାବ୍‌କିତେକ ଦାଲ୍‌କିୟାଃ, ଆତଃ ସାମାତିଃଇକ କୁଲ୍‌ରୁହାଡ଼କିୟା ।

୪ ଏନ୍ତେ ଇନିଃ ଏଟାଃ ଦାସିକେ ଇନ୍‌କୁତାଃ କୁଲ୍‌କିୟାଏ, ଇନିଃକେଦ୍ କାର୍‌କାମି ହଡ଼କ ବହଃରେ ଦାଲିତାନ୍‌ଲଃ ହିଲାଙ୍‌କେଦ୍‌ତେ କୁଲ୍‌ରୁହାଡ଼କିୟାକ ।

୫ ଏନ୍ତେ ଇନିଃ ଆତଃମିଆଁଦ୍ ଦାସିକେ କୁଲ୍‌କିୟାଏ, ଆତଃ ଇନିଃକେହିଁ ଗଏଃକିୟାକ । ଇନିଃ ପୁରାଃ ଏଟାଃ ଦାସିକେ କୁଲ୍‌କେଦ୍‌କଆଏ, ଚିମିନ୍‌କକେ ଦାଲ୍‌କେଦ୍‌କଆକ, ଆତଃ ଚିମିନ୍‌କକେ ଗଏଃକେଦ୍‌କଆକ ।

୬ ନାହାଁଃ ମିଆଁଦ୍‌ଗି କୁଲ୍‌ଃନିଃ ସାରେଜାକାନାଏ, ଇନିଃଦ୍ ଆୟାଃ ଦୁଲାଡ଼୍ ହନ୍‌କଡ଼ା ତାନିଃ । ନାହାଁଃ ଇନ୍‌କୁ ହନିଙ୍‌କଡ଼ାକେ ମାଲ୍‌ନିୟାକ, ମେନ୍‌କେଦ୍‌ତେ ତୁଣ୍ଡୁରେ ଇନିଃ ଆୟାଃ ଏନ୍ ହନ୍‌କେ ଇନ୍‌କୁତାଃତେ କୁଲ୍‌କିୟାଏ ।

୭ କାର୍‌କାମି ହଡ଼କ ମେପେନ୍‌ୟାନା, ‘ନିଃଗି ଏନ୍ ଗମ୍‌କେୟାଃ ହନ୍‌ତାନିଃ, ମାର୍‌ବୁ ଗଜିୟା ଆତଃ ଇନିୟାଃ ହାନାଟିଙ୍‌ ଆବୁଆଃ ହବାଅଆଃ ।’

୮ ଏନାମେନ୍ତେ ଇନ୍‌କୁ ଇନିଃକେ ସାବ୍‌କିତେ ଗଏଃକିୟାକ, ଆତଃ ଇନିୟାଃ ଦାଖ୍‌ବାକ୍ତିଏତେ ହୁରାଙ୍‌ ଅଡ଼ଙ୍‌କିୟାଃକ ।

୯ “ଦାଖ୍‌ବାକ୍ତି ଗମ୍‌କେ ତାବ୍‌ଦ ଚିନାଃଆଏ ଚିକାୟା ?” ମେନ୍ତେ ଯୀଶୁ କୁଲିକେଦ୍‌କଆଏ । “ଇନିଃଦ୍ ହିଜୁଃକେଦ୍‌ତେ ଏନ୍ କାର୍ କାମିହଡ଼କକେ ଗଏଃକଆଏ, ଆତଃ ବାଖ୍‌ଡ଼ିତାୟାଃକେ ଏଟାଃ କାର୍ କାମିହଡ଼କକେ ଏମାକଆଏ ।

୧୦ ଚିୟାଃ ଆପେ ଧାରାମ୍‌ପୁଅରେ ନେ କାଜି କାପେ ପାଢ଼ାଅକାଦାଃ ?

“ବାବାଇକ ଅକନ୍ ଦିରିକେ ଆତମ୍ ଏଣ୍ଡାଃଲେଦାକ ଏନାଦ କଚାରାଃ ମୁଲ୍‌ଦିରି ହବାୟାନା ।

୧୧ ନେ କାମିଦ୍ ପ୍ରାଭୁଗି ରିକାକେଦାଏ

ଆତଃ ଏନାଦ ଆବୁଆଃ ନେନେଲ୍‌ରେ ଆକ୍‌ଦାନ୍‌ଅଗିୟା ।”

୧୨ ଯିହୁଦୀ ନେତାକଆଃ ବିରୁଧ୍‌ରେ ନେ ଜନ୍ମକା କାଜି କାଜିକେଦାଏ ଏନା ଆଟ୍‌କାର୍‌କେଦ୍‌ତେ ଇନିଃକେ ସାସାବ୍ ସାନାଙ୍‌ତାନ୍‌କ ତାଇକେନା, ମେନ୍‌ଦ୍ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌ତେ ଇନିଃକେ ବାଗିକେଦ୍‌ତେକ ନିର୍‌ୟାନା ।

**କାର୍ ଏମ୍‌ଃରେୟାଃ ଇନିତୁ
(ମାଥ୍‌ଉ ୨୨:୧୫-୨୨; ଲୁକ ୨୦:୨୦-୨୨)**

୧୩ ଆତଃ ଯୀଶୁଆଃ କାଜି ହରାତେ ସାବି ନାଗେନ୍ତେ ଇନ୍‌କୁ ଫାରୁଶୀକଏତେ ଆତଃ ହେରୋଦ୍‌ରାଃ ଚିମିନ୍ ହଡ଼କକେ ଇନିଃତାଃତେକ କୁଲ୍‌କେଦ୍‌କଆ ।

୧୪ ଇନ୍‌କୁ ଆୟାଃତାଃ ହିଜୁଃୟାନ୍‌ଚିକ କାଜିକିୟା, “ହେ ଗୁରୁ, ଆମ୍‌ଦ୍ ସାର୍‌ଡିନିଃ ତାନ୍‌ମେ ଆତଃ ଜେତାଏକେ କାମ୍ ବରଆଃ ମେନ୍ତେ ଆଲେ ସାରିତାନାଲେ, ଆମ୍‌ଦ୍ ହଡ଼ରାଃ ମେଦ୍‌ମୁହାଁଡ଼୍ କାମ୍ ନେଲାଃ, ମେନ୍‌ଦ୍ ସାର୍‌ଡିଗି ପାର୍‌ମେଶ୍‌ବାରାଃ ହରା ଇତୁଆଃମେ, ମାର୍ କାଜିୟାଲେମେ, ଆଇନ୍ ଲେକାତେ ଆଲେକେ କାଇସାର୍‌କେ କାର୍ ଏମ୍‌ଃ ଲାଗାଡିୟାଃ ଚି କାହା ?”

୧୫ ମେନ୍‌ଦ୍ ଯୀଶୁ ଇନ୍‌କୁଆଃ ବେଦା ଆଟ୍‌କାର୍‌କେଦ୍‌ତେ ମେତାଦ୍‌କଆ, “ଚିନାଃ ମେନ୍ତେପେ ବିଡ଼ାଅଇଙ୍‌ ତାନା ? ମୁସିଙ୍‌ରାଃ ନାଲା ସିକା ଆଉଝାଅଇଙ୍‌ପେ, ଏନା ନେଲେଆଇଙ୍‌ ।”

୧୬ ଇନ୍‌କୁ ମିଆଁଦ୍ ସିକା ଆୟାଃତାଃକ ଆଉକେଦା, ଏନ୍ତେ ଇନିଃ ଇନ୍‌କୁକେ କୁଲିକେଦ୍‌କଆ, “ନେ ମୁରୁଡ଼୍ ଆତଃ ନୁତୁମ୍ ଅକଏୟାଃ ତାନାଃ ?”

ଇନ୍‌କୁ “କାଇସାର୍‌ରାଃକ” କାଜିକିୟା ।

୧୭ ଯୀଶୁ କାଜିରୁହାଡ଼ାଦ୍‌କଆଏ, “ଏନ୍‌ରେଦ୍ ଅକ୍‌ନାଃ କାଇସାର୍‌ରାଃ ତାନାଃ ଏନା କାଇସାର୍‌କେଗି ଏମାଲପେ, ଆତଃ ଅକ୍‌ନାଃ ପାର୍‌ମେଶ୍‌ବାରାଃ ତାନାଃ ଏନା ପାର୍‌ମେଶ୍‌ବାର୍‌କେଗି ଏମାଲପେ ।”

ଆତଃ ଯୀଶୁଆଃ ନେ କାଜିରେ ଇନ୍‌କୁ ହାଏକାଟ୍‌ୟାନାକ ।

**ୟୀଶୁ ହଡ଼କଆଃ ଜୀଉ ବିନିରିଦ୍‌ରେୟାଃ କାପ୍‌ଜିରେ ସାଦୁକିକକେ ହାପାକତାନାଏ
(ମାଥ୍‌ଉ ୨୨:୨୩-୩୩; ଲୁକ ୨୦:୨୭-୪୦)**

୧୮ *ଜୀଉବିନିରିଦ୍‌ରେ କା ବିଶ୍ୱାସେତାନ୍ ସାଦୁକିକଏତେ ଚିମିନ୍ ହଡ଼କ ଯୀଶୁତାଃତେ ହିଜୁଃକେଦ୍‌ତେ ଇନିଃକେ କୁଲିକିୟାଃକ :

* ୧୨:୧ ହରଠାୟାଦ୍ ମାରେନ୍ ☆ ୧୨:୧୮ ପ୍ରେରିଡ଼୍ ୨୩:୮.

୧୯ “ହେ ଗୁରୁ, ମୁଣା ଆଲେ ନାଗେନ୍ତେ ଅଲ୍ଲାକାଦାଏ, ଜେତାଏ ହଡ଼ଆଃ ଦାଦାତେ ବେଗାର୍ ହନ୍‌ଗାଁଣାକ ହବାଅଃ ସିଦାରେ ଗଏଃକେନଃ ରେଦ, ଆୟାଃ ହାଗାତେ ଇନିୟାଃ କୁଡ଼ିକେ ଆଣ୍‌ଦିୟାଃକାଏ, ଆତଃ ଦାଦାତେ ନାଙ୍ ହନ୍‌ଗାଁଣା ଜାନାମକକାଏ ।

୨୦ ମିଦ୍ ଦିପିଲିରେ ସାଡ଼ ହାଗିୟା ତାଇନ୍‌କେନାକ ମାରାଙ୍‌ନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ ।

୨୧ ଏଗାଃନିଃ ଏନ୍ ରାଣ୍ଡିକେ ଆଣ୍‌ଦିୟାନାଏ ଆତଃ ଇନିଃ ହନ୍‌ଗାଁଣା ହବାଅଃ ସିଦାରେ ଗଏଃୟାନା, ଆପିୟାନିଃହଗି ଏନ୍‌କାୟାନାଏ ।

୨୨ ଏନ୍‌କାତେ ସାଡ଼ ହାଗିୟାକ ବେଗାର୍ ହନ୍‌ଗାଁଣାତେକ ଗଏଃୟାନା, ସବେନ୍‌କ ତାୟମ୍‌ତେ ଏନ୍ କୁଡ଼ିୟଗି ଗଏଃୟାନାଏ ।

୨୩ ତାଦ୍‌ଦ ଜୀଉବିନିରିଦ୍‌ରେ, ସବେନ୍‌କ ଜୀଉବିରିଦ୍‌ଦ ଦିପିଲିରେ, ଏନ୍ କୁଡ଼ି ଇନ୍‌କୁଏତେ ଅକଏୟାଃ କୁଡ଼ି ହବାଅଆଃଏ ? ଚିୟାଃତି ସାଡ଼ ହାଗିୟା ସବେନ୍‌କଦ ଇନିଃକେ ଆଣ୍‌ଦିକାନ୍ ତାଇକେନାକ ।”

୨୪ ଯୀଶୁ ଇନ୍‌କୁକେ ମେତାଦ୍‌କଆ, “ଆପେ ଧାରାମ୍‌ପୁଥୁ ଆତଃ ପାର୍‌ମେଶ୍‌ବାର୍‌ଆଃ ପେଡ଼େଃକ କାପେସାରି ହରାତେ ଆଦାକାନାପେ ।

୨୫ ଗଏଃକେଦ୍‌ତେ ଜୀଉ ବିନିରିଦ୍‌ ତାୟମ୍‌ତେ ହଡ଼କ କାକ ଆଣ୍‌ଦିନାଃ ଆତଃ କାକ ଆଣ୍‌ଦି ଏମଃଆ, ଇନ୍‌କୁ ସିମ୍‌ାରେନ୍ ଦୁଁଡ଼କ ଲେକାକ ତାଇନାଃ ।

୨୬ ଆତଃ ଗଏଃକାନ୍‌କଆଃ ଜୀଉବିରିଦ୍‌ରାଃ କାଜିପେ କୁଲିଙ୍‌ତାନା, ମୁଣା ଅଲ୍ଲାକାନ୍ ପୁଥୁରେ ଅଲ୍ଲାକାନା, ଜୁଲଃତାନ୍ ତୁପାଦ୍‌ରାଃ କାଜି କାପେଟି ପାଡ଼ାଅକାନା ? ନେ ସବେନ୍‌କ ଗଜାକାନ୍‌ରେୟଗି, ଚିଲ୍‌କା ପାର୍‌ମେଶ୍‌ବାର୍ ମୁଣାକେ କାଜିକିୟାଏ, ଆଇଙ୍‌ ଆବ୍ରାହାମ୍‌ଆଃ ପାର୍‌ମେଶ୍‌ବାର୍, ଇସାକ୍‌ଆଃ ପାର୍‌ମେଶ୍‌ବାର୍, ଆତଃ ଯାକୁବ୍‌ଆଃ ପାର୍‌ମେଶ୍‌ବାର୍ ତାନିଙ୍ ।

୨୭ ପାର୍‌ମେଶ୍‌ବାର୍‌ଦ ଗଜାକାନ୍‌କଆଃ ପାର୍‌ମେଶ୍‌ବାର୍ ନାହାଁଲିଃ ମେନ୍‌ଦ ଜୀନିଦ୍ ହଡ଼କଆଃ ପାର୍‌ମେଶ୍‌ବାର୍ ତାନିଃ । ଆପେ ପୁରାଃଗିପେ ଆଦାକାନା ।”

ସବେନାଃଏତେ ମାରାଙ୍‌ ଆନ୍‌ତୁ
(ମାଥୁଉ ୨୨:୩୪-୪୦; ଲୁକ ୧୦:୨୫-୨୮)

୨୮ ମିଆଁଦ୍ ଆଇନ୍ ଇତୁନିଃ ଇନ୍‌କୁକେ କାପାଜିତାନ୍ ଆୟୁମ୍‌କେଦ୍‌କଆଏ । ଯୀଶୁ ଏନ୍ ସାଦୁକିକକେ ଚିଲ୍‌କା ବୁଗିଲେକାତେ କାଜିରୁହାଡ଼ାଦ୍‌କଆଏ ଏନା ଆଟ୍‌କାର୍ ଉରୁମ୍‌କେଦ୍‌ଟି, ଇନିଃ କୁଲିକିୟାଏ, “ସବେନ୍‌ ଆନ୍‌ତୁକଏତେ, ମାରାଙ୍‌ ଆନ୍‌ତୁ ଅକଆଃ ତାନାଃ ?”

୨୯ ଯୀଶୁ କାଜିରୁହାଡ଼କିୟାଏ, “ସବେନାଃଏତେ ମାରାଙ୍‌ ଆନ୍‌ତୁଦ୍ ନେଆଁତାନାଃ, ହେ ଇସ୍ରାଏଲ୍, ଆୟୁମେମେ, ପ୍ରାଭୁ ଆବୁଆଃ ପାର୍‌ମେଶ୍‌ବାର୍, ଏସକାର୍‌ଗି ପ୍ରାଭୁତାନିଃ ।

୩୦ ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଆମାଃ ସବେନ୍‌ ମନ୍‌ତେ, ଆତଃ ଆମାଃ ସବେନ୍‌ ଜୀଉତେ, ଆତଃ ଆମାଃ ସବେନ୍‌ ସେଣାଁତେ, ଆତଃ ଆମାଃ ସବେନ୍‌ ପେଡ଼େଃତେ ଦୁଲ୍‌ାଡ଼ିମେ ।

୩୧ ଏଗାଃ ଆନ୍‌ତୁଦ୍ ନେଆଁତାନାଃ, ଆମାଃ ହପ୍‌ରଜାପାଃରେନିଃକେ ଆମ୍‌ଲେକା ଦୁଲ୍‌ାଡ଼ିମେ । ନେ ବାରିଆଃ ଆନ୍‌ତୁଏତେ, ମାରାଙ୍‌ ଆତଃ ଜେତାଏ ଆନ୍‌ତୁ ବାନଆଃ ।”

୩୨ ଆଇନ୍ ଇତୁକ ଯୀଶୁକେ କାଜିକିୟାଃ, “ଠାଉକାଗିମ୍ କାଜିତାନା, ଏ ଇତୁନିଃ, ଆମାଃ କାଜି ସାର୍‌ତିଗିଆଃ, ଆମାଃ କାଜି ଲେକାତେ ପାର୍‌ମେଶ୍‌ବାର୍ ମିଆଁଦ୍‌ଗିଆଏଃ, ଆତଃ ଇନିଃକେ ବାଗିକେଦ୍‌ତେ ଏଗାଃ ଜେତାଏ ପାର୍‌ମେଶ୍‌ବାର୍ ବାଙ୍‌ାକଆଃ ।

୩୩ ଆତଃ ହଡ଼କେ, ଆୟାଃ ସବେନ୍‌ ମନ୍‌ତେ, ଆତଃ ଆୟାଃ ସବେନ୍‌ ସେଣାଁତେ, ଆତଃ ଆୟାଃ ସବେନ୍‌ ପେଡ଼େଃତେ ଇନିଃକେ ଦୁଲ୍‌ାଡ଼ ଲାଗାତିୟାଃ ଆତଃ ଆୟାଃ ହପ୍‌ରଜାପାଃନିଃକେହ ଆୟାଃ ଲେକା ଦୁଲ୍‌ାଡ଼ ଲାଗାତିୟାଃ । ନେ ବାରିଆ ଆନ୍‌ତୁ ମାନାଡ଼ିଙ୍‌ତେଆଃଦ୍ ଉରୁବଃ ଦାଣେଁ ଚାଏ ସବେନ୍‌ ଏଗାଃ ଦାଣେଁରାକାଦ୍‌ଏତେ ମାରାଙ୍‌ କାମିତାନାଃ ।”

୩୪ ☆ଇନିଃ ସେଣାଁନ୍ ଲେକାତେ କାଜିକେଦାଏ, ଏନା ନେଲ୍‌କେଦ୍‌ତେ ଯୀଶୁ ଇନିଃକେ ମେତାଇୟାଏ, “ଆମ୍‌ଦ୍ ପାର୍‌ମେଶ୍‌ବାର୍‌ଆଃ ରାଇଙ୍‌ଏତେ ସାଜିନ୍‌ରେ ବାଙ୍‌ମେଆଁଃ ।” ଆତଃ ଏନ୍‌ତାୟମ୍‌ତେ ଜେତାଏ ଇନିଃକେ ଜେଡ୍‌ନାଃ କୁଲିନାଙ୍ କାକ ସାହାଁସକେଦା ।

ଖ୍ରୀଷ୍ଟ ଦାଉଦାଃ ହନ୍ତେକଡ଼ା
(ମାଥୁଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାନ୍‌ିର୍ ଅଡ଼ାଃରେ ଇତୁତାନ୍ ଇମ୍‌ତା ଯୀଶୁ କୁଲିକେଦ୍‌କଆଏ, “ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେନ୍ତେ ଆଇନ୍ ଇତୁକ ଚିଲ୍‌କାତେକ କାଜିୟାଃ ?

୩୬ ଦାଉଦ୍ ଆଇଃକ୍‌ଗି ପାବିତାର୍ ଆମ୍‌ାରାଃ ଉସକ୍‌ରତେ କାଜିକେଦାଏ, “ପ୍ରାଭୁ ଆଇୟାଃ ପ୍ରାଭୁକେ ମେତାଇୟାଏ;

☆ ୧୨:୩୪ ଲୁକ ୧୦:୨୫-୨୮.

ଆମାଃ ବାଇରିକକେ ଆମାଃ କାଟାସୁବାରେ କା ଆଉ ଜାକେଦ୍
ଆଇଁୟାଃ ଜମ୍ତିସାଃରେ ଦୁବାକାନମେ ।”

୩୭ ଦାଉଦ୍ ଆଇଃକ୍‌ଗି ଶ୍ରୀଷ୍ଟକେ ପ୍ରାଭୁ ମେତାଇତାନରେଦ, ପାରମେଶ୍ୱାରଆଃ ସାଲାକାନ ବଞ୍ଚାଅନିଃ ଶ୍ରୀଷ୍ଟ ଚିଲ୍‌କାତେ
ଦାଉଦ୍‌ଆଃ ହତ୍ତେକଡ଼ା ତାନିଃ ?

ଗାଦେଲ୍ ହତ୍ତକ ଯାଶୁଆଃ କାଜି ସୁକୁତେକ ଆୟୁମ୍ ତାଇକେନା ।

ୟାଶୁ ଆଇନ୍ ଇତୁକଆଃ ଗୁହ୍ନାଏ ଉଦୁବେତାନା
(ମାଥୁଉ ୨୩:୧-୩୬; ଲୁକ ୨୦:୪୫-୪୭)

୩୮ ଯାଶୁ ଇନ୍‌କୁକେ ଇତୁତାନଲଃ ମେତାଦକଆଏ, “ଆଇନ୍ ଇତୁକତାଃଏତେ ଚିର୍ଗାଲାକାନପେ । ଇନ୍‌କୁ ଜିଲିଙ୍ଗ୍ ଲିଜାଃ
ତୁସିଙ୍ଗ୍‌କେଦ୍‌ତେ ସେନ୍‌ବାଡ଼ା, ଆତଃ ପିଟ୍ ପିଡ଼ିକରେ ଜହାରତେଲା,

୩୯ ଆତଃ ଇନ୍‌କୁକେ ସାମାଜ୍ ଅଡ଼ାଃକରେ ଆୟାରରେ ଦୁବ୍‌ନାଙ୍ଗ୍, ଆତଃ ମାରାଙ୍ଗ୍ ଜମ୍‌ନୁଁକରେ ସିଦା ଠାୟାଦ୍‌ରେ
ଦୁବ୍‌ନାଙ୍ଗ୍ ସୁକୁକଆ ।

୪୦ ଇନ୍‌କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିଡ଼ିୟା । ଏନ୍‌ଲେକାନ ହତ୍ତକଦ
ଆଦକା ସାଜାଇକ ନାମେୟା ।”

ରାଣ୍ଡିକୁଡ଼ିଆଃ ଏମଃ
(ଲୁକ ୨୧:୧-୪)

୪୧ ଯାଶୁ ମାନ୍ଦିର୍ ଖାଜନା ବାକାସ୍ ନାଡ଼େଃରେ ଦୁବାକାନ୍ ତାଇକେନ୍ ଇମ୍‌ତା ହତ୍ତକକେ ଏନାରେ ପାଏସା ସାଜୁତାନ୍
ନେଲ୍‌କେଦ୍‌କଆଏ । ପୁରାଃ କିସାଁଶ୍ ହତ୍ତକ ପୁରାଃଗି ପାଏସା ଉୟୁଃକେଦାଃକ ।

୪୨ ଏନ୍ତେ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ହିଜୁଃକେଦ୍‌ତେ ମିଦ୍‌ବୋକ୍‌ଡ଼ା† ଗନଙ୍ଗ୍‌ରାଃ ବାରିଆଃ ହୁପ୍‌ଡ଼ିଙ୍ଗ୍ ତାମ୍ବା
ସିକା ଉୟୁଃକେଦାଏ ।

୪୩ ଯାଶୁ ଆୟାଃ ତେଲାକକେ ହାକାଅକେଦ୍‌ତେ ମେତାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଖାଜନା ବାକାସ୍‌ରେ
ଏମ୍‌କେଦ୍ ସବେନ୍ ହତ୍ତକ ଏତେ, ନେ ଗାରିବ୍ ରାଣ୍ଡିକୁଡ଼ି ଥୁମ୍ବା ଏମାକାଦାଃଏ ।

୪୪ ଏଟାଃ ହତ୍ତକ ଆକଆଃ ଆଦକା ମେନାଃତେୟାଃଏତେ କାଟିଃଲେକାକ ଏମ୍‌କେଦାଃ; ମେନ୍‌ଦ ନିଃ ରେଙ୍ଗେଃ ରାବାଙ୍ଗ୍
ତାଇନ୍‌ରେୟା ଆୟାଃ ଜୀଉ ବାଞ୍ଚାଅ ନାଗେନ୍ତେ ଆୟାଃତାଃରେ ତାଇକେନ୍‌ତେୟାଃ ସବେନାଃଏ ଏମ୍‌କେଦା ।”

୧୩

ମାନ୍ଦିର୍ ହାଦୁଡ଼ଃରେୟାଃ ଆୟାରକାଜି
(ମାଥୁଉ ୨୪:୧-୨; ଲୁକ ୨୧:୫-୬)

୧ ଆତଃ ଯାଶୁ ମାନ୍ଦିର୍ ଅଡ଼ାଃଏତେ ସେନଃତାନ୍ ଦିପିଲିରେ ଆୟାଃ ତେଲାକଏତେ ମିହୁଡ୍ କାଜିକିୟାଏ, “ଏ ଇତୁନିଃ,
ନେ ମାପ୍‌ରାଙ୍ଗ୍ ଅଡ଼ାଃକରେ ନେଲେମେ, ଚିଲ୍‌କାନ ମାପ୍‌ରାଙ୍ଗ୍ ଦିରିକ ଆତଃ ଚିଲ୍‌କାନ ସୁଗାଡ଼ାନ୍ ଦିରିକ ମେନାଃ ।”

୨ ଯାଶୁ ଇନିଃକେ କାଜିରୁହାଡ଼କିୟା, “ନେ ମାପ୍‌ରାଙ୍ଗ୍ ଅଡ଼ାଃକ ଚିମ୍ ନେଲେତାନା ? ଦିରି ତେତାନ୍ ଦିରି ତିରିୟାକାନ
କା ତାଇନା, ସବେନାଃ ହାଦୁଡ଼ଃଆ* ।”

ୟାଶୁ ଚୁଣ୍ଡ ଦିପିଲିରାଃ ଦୁକୁ ବିଷାଏରେ କାଜିକେଦାଏ
(ମାଥୁଉ ୨୪:୩-୧୪; ଲୁକ ୨୧:୭-୧୯)

୩ ମାନ୍ଦିର୍ ସାମ୍‌ନାଙ୍ଗ୍‌ରେଆଃ ଜାଇତୁନ୍ ବୁରୁ ତେତାନ୍‌ରେ ଯାଶୁ ଦୁବାକାନାଏ ତାଇକେନ୍ ଦିପିଲିରେ, ପାଡ଼ରାସ୍,
ଯାକୁବ୍, ଯୋହାନ୍ ଆତଃ ଆହିୟ ଇନିଃତାଃ ଏସ୍‌କାର୍‌ରେ ହିଜୁଃକେଦ୍‌ତେକ କୁଲିକିୟା,

୪ “ନେଆଁକ୍ ଚିତ୍‌ଲା ହବାଅଆଃ ? ଆତଃ ନେ କାଜି ପୁରାଃତେଲେକାରେ ଅକନ୍ ଚିହ୍ନାଁ ଉଦୁବଃଆ ଏନା ଉଦୁବାଲେମେ
।”

୫ “ୟାଶୁ ଇନ୍‌କୁକେ କାଜିୟାଦ୍‌କଆଏ, ଚିର୍ଗାଲାକାନପେ, ଜେତାଏ ଆଲକାକ ବେଦାପେକା ।

୬ ପୁରାଃ ହତ୍ତକଦ ଆଇଁୟାଃ ନୁତୁମ୍‌ତେକ ହିଜୁଃଆ ଆତଃ ‘ଆଇଙ୍ଗ୍ ଶ୍ରୀଷ୍ଟ ତାନିଙ୍ଗ୍’ ମେନ୍ତେକ କାଜିୟା ଆତଃ ପୁରାଃ
ହତ୍ତକକେ ବେଦାକଆକ ।

୭ ଆପେ ମାପାଃତୁପୁଇଙ୍ଗ୍ ଆତଃ ମାପାଃତୁପୁଇଙ୍ଗ୍‌ରାଃ କାଜିପେ ଆୟୁମେରେଦ ବରତେ ଆଲ୍‌ପେ ଆକ୍‌ବାକାଅଆଃ,
ନେଆଁ ସବେନାଃଦ ହବାଅଃଗି ଲାଗାତିୟାଃ, ମେନ୍‌ଦ ଏନ୍ ଦିପିଲିହ ଚୁଣ୍ଡ ନୁହାଁଲାଃ ।

୮ ଚିୟାଃତି ଦିଶୁମ୍ ବିରୁଧ୍‌ରେ ଦିଶୁମ୍ ଆତଃ ରାଇଜ୍ ବିରୁଧ୍‌ରେ ରାଇଜ୍ ଲାଡ଼ାଇ ହବାଅଆଃ, ସବେନ୍ ଠାୟାଦ୍‌ରେ ଅତେ
ଏକ୍‌ଲାଅଆଃ ଆତଃ ରିଙ୍ଗାଅଆଃ । ମେନ୍‌ଦ ନେ ସବେନାଃ ହନ୍ ଜାନାମଃ ଇମ୍‌ତାରାଃ ଦୁକୁରେୟାଃ ଏନେଟେଦ୍ ଲେକାନାଃ
ତାନାଃ ।

† ୧୨:୪୨ ମିଦ୍‌ବୋକ୍‌ଡ଼ା ଆଧିଲି * ୧୩:୨ ଧାଁସଃ

୯ ✧ “ଆପେକେ ଚିର୍ଗାଲାକାନ୍ ତାଇନଃ ଲାଗାଡିୟାଃ, ଇନ୍କୁଦ ପାଞ୍ଚେଟକରେକ ଏମ୍‌ଏଣ୍ଡାଃପେୟା ଆଡ଼ଃ ସାମାଜ୍ ଅଡ଼ଃକରେ ଦାଲ୍‌ପେୟାକ । ଆପେ ଆଇଁୟାଃ ଚେଲାକ ତାନ୍‌ପେ ମେନ୍ତେ, ସୁକୁକାଜି ଉଦୁବେ ନାଗେନ୍ତେ ଆପେକେ ହାକିମ୍ ଆଡ଼ଃ ରାଜାକତାଃ ତିଜ୍ଜୁ ହବାଅଆଃ ।

୧୦ ଆଡ଼ଃ ଚୁଣ୍ଡ ଦିପିଲି ସେଟେର୍ ସିଦାରେ ସୁକୁକାଜି ସବେନ୍ ଜାତିରାଃ ହଡ଼କତାଃରେ ଉଦୁବ୍‌ଗି ଉଦୁବଃଆ ।

୧୧ ଚିମ୍‌ତାଜ୍ ଆପେକେ ସାବ୍‌କେଦ୍‌ଡେ ଇନ୍କୁ କାଚାଈରିଡେ ଇଦିପେୟାକ, ଇମ୍‌ତା ଚିନାଃବୁ କାଜିୟା ମେନ୍ତେ ସିଦାରେ ଆଲ୍‌ପେ ଉଡ଼଼ୁଇୟା ଏନ୍ ଦିପିଲି ହିଜୁଃଆ ଇମ୍‌ତା ଆପେକେ ଅକଆଃ କାଜି ନାଗେନ୍ତେ ଏମାଃଆ ଏନାପେ କାଜିୟା । ଚିୟାଃଚି ଏନ୍ତାଃରେ ଅକ କାଜିପେ କାଜିୟା ଏନାଦ ଆପେଡେଗି କା, ମେନ୍‌ଦ ପାବିତାର୍ ଆମ୍‌ରାଃ ପେଡେଃ ହରାଡେପେ କାଜିୟା ।

୧୨ ହାଗା ଆୟାଃ ହାଗାଡେକେ ଆଡ଼ଃ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଏମ୍‌ଏଣ୍ଡାଈଆଃଏ, ଆଡ଼ଃ ହନ୍‌କ ଆକଆଃ ଏଙ୍ଗାଆପୁକଆଃ ବିରୁଧ୍‌ରେକ ବିରିଦାଃ ଆଡ଼ଃ ଇନ୍କୁକେ ଗଏଃ ଇଚିକଆକ ।

୧୩ ✧ ଚିୟାଃଚି ଆପେ ଆଇଁୟାଃ ଚେଲାକ ତାନ୍‌ପେ ସବେନ୍ ହଡ଼କ ଆପେକେ ହିଲାଜ୍‌ପେୟାକ, ମେନ୍‌ଦ ଜେତାଏ ଚୁଣ୍ଡୁ ଜାକେଦ୍ ସାହାଡିଜ୍‌ତାନ୍‌ଲଃ ତିଜ୍ଜୁ କେଟେୟାକାନ୍ ତାଇନରେଦ ବାଞ୍ଚାଅଃଆଏ ।

ୟାଶୁ ଏନ୍ ଅଡେଜଃ ପୁରାଃ ସଡ଼ରା ବିଷାଏରେ ଉଦୁବେତାନା
(ମାଥୁଉ ୨୪:୧୫-୨୮; ଲୁକ ୨୧:୨୦-୨୪)

୧୪ “ଆପେ ଚିମ୍‌ତା, ‘ଏନ୍ ଅଡେଜଃ ସଡ଼ରାକାନ୍‌ନିଃ’ ଅକ୍‌ତାଃରେଚି ଇନିୟାଃ କା ତାଇନଃ ଲାଗାଡିଜ୍ ଠାୟାଦ୍‌ରେ ତିଜ୍ଜୁଆକାନ୍‌ପେ ନେଲିୟା ।” ପାଡ଼ାଅନିଃ ନେଆଁରାଃ ମୁଣ୍ଡି ଆବ୍‌କାର୍‌ଉରୁମେକାଏ, ଇମ୍‌ତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁଡେକ ନିର୍‌ଡେବଃକା ।

୧୫ ✧ ଅକ ହଡ଼ ଆୟାଃ ଅଡ଼ଃ ସାଡ଼୍‌ମିରେ ମେନାଈୟାଃ ଇନିଃ ଆୟାଃ ଜେଡ଼ନାଃ ଇଦିମେନ୍ତେ ଆଡ଼ଗୁକେଦ୍‌ଡେ ଅଡ଼ଃଡେ ଆଲ୍‌କାଏ ବଲଃକା ।

୧୬ ପିଡ଼ି ଲୟାଈରେ ତାଇନିଃ, ଇନିଃ ଆୟାଃ ଲିଜାଃ ଇଦିମେନ୍ତେ ଅଡ଼ଃଡେ ଆଲ୍‌କାଏ ରୁହାଡ଼କା ।

୧୭ ମେନ୍‌ଦ ଏନ୍ ଦିପିଲିରେନ୍ ବାଜି ଆକାନ୍ କୁଡ଼ିକଆଃ ଆଡ଼ଃ ତଥା ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍‌ଗି ଦୁକୁ ହବାଅଆଃ ।

୧୮ ରାବାଜ୍‌ସାହା ନେଆଁ ଆଲ୍‌କା ହବାଅଃକା ମେନ୍ତେ ପାର୍‌ମେଶ୍‌ବାର୍‌ତାଃରେ ବିନ୍ତ୍ରପେ,

୧୯ ✧ ଚିୟାଃଚି ଏନ୍ ମାହାଁକରାଃ ଦୁକୁଦ ପାର୍‌ମେଶ୍‌ବାର୍ ବାଈୟାକାଦ୍‌ରେଆଃ ଏନେଟେଦ୍‌ଏଡେ ନାହାଁଃ ଜାକେଦ୍ ଚିଉଲାଅ କା ହବାକାନା ଆଡ଼ଃ ଚିଉଲାଅ କା ହବାଅଆଃ ।

୨୦ ମେନ୍‌ଦ ପ୍ରାଭୁ ଏନ୍ ହୁଲାଜ୍‌କକେ କାଏ କାମତିକାରେଦ ଜେତାଏ କାକ ବାଞ୍ଚାଅଃଡେୟାଃ, ମେନ୍‌ଦ ଆୟାଃ ସାଲାକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଜ୍‌କକେ କାମତିୟାକାଦା ।

୨୧ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ ନେତାଃରିୟା’ ଚାଏ ‘ହାଡ଼ାଃରିୟା,’ ମେତାପେରେଦ ଇନିଃକେ ଆଲ୍‌ପେ ବିଶ୍ୱାସୀଆ ।

୨୨ ଚିୟାଃଚି ହସଡ଼ ଖ୍ରୀଷ୍ଟ ଆଡ଼ଃ ହସଡ଼ ନାବୀକ ବିରିଦାଃ ଆଡ଼ଃ ଇନ୍କୁ ମାପ୍‌ରାଜ୍ ଚିହ୍ନାଁ ଆଡ଼ଃ ଆକ୍‌ଦାନ୍‌ଆ କାମିକ ରିକାଉଦୁବେଆ, ଆଡ଼ଃ ହବାଦାଡ଼ିୟାଃରେଦ ପାର୍‌ମେଶ୍‌ବାର୍‌ଆଃ ସାଲାକାନ୍‌କକେହ୍ ବେଦାକଆକ ।

୨୩ ଏନାମେନ୍ତେ ଚିର୍ଗାଲାକାନ୍‌ପେ, ଆଇଜ୍ ଆପେକେ ନେଡା ହିଜୁଃ ସିଦାରେଇଜ୍ ଉଦୁବାଦ୍‌ପେୟା ।

ୟାଶୁ ଆୟାଃ ହିଜୁଃରୁହାଡ଼ କାଜି ଉଦୁବ୍‌କେଦାଃଏ
(ମାଥୁଉ ୨୪:୨୯-୩୧; ଲୁକ ୨୧:୨୫-୨୮)

୨୪ ✧ “ଏନ୍ ଦିପିଲିରେୟାଃ ଦୁକୁ ତାୟମ୍‌ଡେ, ସିଜି ନୁବାଗଃଆ, ଆଡ଼ଃ ଚାଣ୍ଡୁ ଆୟାଃ ମାର୍‌ସାଲ୍ କାଏ ଏମେୟା,

୨୫ ✧ ଇପିଲ୍‌କ ସିର୍‌ମାଏଡେକ ଉୟୁଗଃଆ, ଆଡ଼ଃ ସିର୍‌ମାରେୟାଃ ପେଡେଃୟାନ୍‌ଡେୟାଈକ ଏକ୍‌ଲାଅଃଆ ।

୨୬ ✧ ଏନ୍ତେ ଆଇଜ୍ ମାନଝାହନ୍ ତାନିଜ୍ ହଡ଼କ ପୁରାଃ ପେଡେଃଡେ ଆଡ଼ଃ ମାନାରାଜ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିଜ୍‌ୟାଈ ।

୨୭ ପାର୍‌ମେଶ୍‌ବାର୍‌ଆଃ ସାଲାକାନ୍ ହଡ଼କକେ ଅଡେଦିଶ୍‌ମ୍‌ରାଃ ନେ ଚୁଣ୍ଡୁଧୁଡେ ସିର୍‌ମାରେୟାଃ ହାନ୍ ଚୁଣ୍ଡୁ ଜାକେଦ୍ ହୁଣ୍ଡିକ ନାଗେନ୍ତେ ଇନିଃ ଆୟାଃ ଦୁଡ଼କକେ ଅଡେଦିଶ୍‌ମ୍‌ରାଃ ଚାରିୟାଃଡେ କୁଲ୍‌କଆଏ ।

ଲଥା ଦାରୁରାଃ ଜନ୍‌କା କାଜି
(ମାଥୁଉ ୨୪:୩୨-୩୫; ଲୁକ ୨୧:୨୯-୩୩)

✧ ୧୩:୯ ମାଥୁଉ ୧୦:୧୭-୨୦; ଲୁକ ୧୨:୧୧,୧୨. ✧ ୧୩:୧୩ ମାଥୁଉ ୧୦:୨୨. ✧ ୧୩:୧୫ ଲୁକ ୧୭:୩୧. ✧ ୧୩:୧୯ ଉନୁଦୁବ୍ କାଜି ୭:୧୪. ✧ ୧୩:୨୪ ଉନୁଦୁବ୍ କାଜି ୭:୧୨. ✧ ୧୩:୨୫ ଉନୁଦୁବ୍ କାଜି ୭:୧୩. ✧ ୧୩:୨୭ ଉନୁଦୁବ୍ କାଜି ୧:୭.

୨୮ “ନାହିଁ ଲାଆଦାରୁରେଆଃ ଜନ୍ମକା କାଜିତେ ଇତୁନ୍‌ପେ, ଏନାରେୟାଃ କତ ସାଗେନଃତାନ୍ ଆତଃ ସାକାମ୍ ସୁଡ଼ାଅଃତାନ୍ ଇମ୍ତା ଜେଟ୍‌ସିଙ୍ଗି ନାଡ଼େଃଗିଆ ମେନ୍ତେପେ ସାରିୟା ।

୨୯ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍ତା, ଆଇଁୟାଃ ହିଜୁଃନେତା ନାଡ଼େଃରେଗିଆଃ, ହେଗି ଏନା ଦୁଆର୍ତ୍ତାଃରେୟାଃ ମେନ୍ତେ ସାରିପେ ।

୩୦ ସାର୍‌ତିଗିଙ୍ଗି କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ ।

୩୧ ସିର୍ମା ଆତଃ ଅତେ ଚୁଣ୍ଡୁତାରଃଆ, ମେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆ ।

**ୟାଶୁଆଃ ହିଜୁଃ ଦିପିଲି ଜେତାଏ କାଏ ସାରିଆଃ
(ମାଥୁର ୨୪:୩୭-୪୪)**

୩୨ ☆“ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଁଡ଼କହ କା, ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଦୁଲାଡ଼୍ ହନ୍‌ହ କା, ମେନ୍‌ଦ ଆଇଁୟାଃ ଆପୁ ଏସକାର୍‌ଗି ସାରିଆଃଏ ।

୩୩ ଚିର୍ଗାଲାକାନ୍‌ତାଇନ୍‌ପେ, ଏୟନାକାନ୍ ନେଲ୍‌ହରାଏପେ, ଚିୟାଃଚି ଏନ୍ ନେତା ଚିମ୍ତା ତେବାଗାଃ ଏନା ଆପେଦ କାପେ ସାରିୟା ।

୩୪ ☆ଏନା ସାଜିନ୍ ଦିଶ୍ୱମ୍‌ତେ ସେନଃତାନ୍ ମିଆଁଦ୍ ହଡ଼ଲେକା । ଇନିଃ ଆୟାଃ ଅଡ଼ାଃ ବାଗିକେଦ୍‌ତେ ଆୟାଃ ଦାସିକକେ ଆକ୍‌ତେୟାର୍ ଏମାଦ୍‌କଆଏ, ଆତଃ ମିଆଁଦ୍‌ନିଃକେ ଆୟାଃ କାମି ଏମାଦ୍‌କଆଏ, ଆତଃ ହରିନିଃକେ ଏୟନାକାନ୍‌ମେ ମେନ୍ତେ ଆଚୁକାଦା ।

୩୫ ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃଚି ଆପେଦ ଆପେୟାଃ ଅଡ଼ାଃ ଗମ୍‌କେଆଃ ହିଜୁଃ ଦିପିଲି କାପେ ସାରିୟା, ଆୟୁବ୍‌ତାନ୍‌ରେ, ଚାହେ ଆଲାନ୍‌ଦାରେ, ଚାହେ ସିମ୍‌କରାଃରେ, ଚାଏ ସେତାଃ ଇଦାନ୍‌ତେ ।

୩୬ ଆଚ୍‌କାଗି ଇନିଃ ତେବାଃକଃରେ ଦୁଡ଼ଫୁକାନ୍ ଆଲକାଏ ନାମ୍‌ପେକା ।

୩୭ ଆଇଙ୍ଗ୍ ଆପେକେ କାଜିୟାପେତାନ୍ କାଜି ସବେନ୍‌କକେଇଙ୍ଗ୍ କାଜିୟାକତାନା, ଏୟନାକାନ୍ ତାଇନ୍‌ପେ ।”

୧୪

**ୟାଶୁକେ ଗଜି ନାଗେନ୍ତେ ରଜୋଟ୍
(ମାଥୁର ୨୬:୧-୫; ଲୁକ ୨୨:୧-୨; ଯୋହାନ୍ ୧୧:୪୫-୫୩)**

୧ ପାସ୍କା ପାରାବ୍ ଆତଃ ସାବାଃ ହଲଙ୍ଗ୍‌ରାଃ ପାରାବ୍ ଏତେ ବାର୍‌ସିଙ୍ଗ୍ ସିଦା, ମୁଲ୍ ଯାଜାକ୍‌କ ଆତଃ ଆଇନ୍ ଇତୁକ ଅକ ସେଣ୍‌ତେ ଯାଶୁକେକ ସାବିଆ ଆତଃକ ଗଜିୟା ମେନ୍ତେ ହରାକ ଦାଣ୍ଡାତାନ୍ ତାଇକେନା ।

୨ “ପାରାବ୍ ହୁଲାଙ୍ଗ୍‌ଦ କାରୁଆଃ, କା'ରେଦ୍ ହଡ଼କ ହାଲାଗୁଲାୟାକ” ମେନ୍‌କେଦା ।

**ବେଥ୍‌ନିଆରେ ମିଆଁଦ୍ କୁଡ଼ି ଯାଶୁଆଃ ବହଃରେ ସୁନ୍‌ମ୍ ଗସଗିତାନାଏ
(ମାଥୁର ୨୬:୬-୧୩; ଯୋହାନ୍ ୧୨:୧-୮)**

୩ ☆ୟାଶୁ ବେଥ୍‌ନିଆ ହାତୁରେ, ଶିମୋନ୍ ନାଗେୟାଥ୍‌ନିଆଃ ଅଡ଼ାଃରେ ତାଇକେନାଏ । ଜଜମ୍ ନାଙ୍ଗ୍ ଦୁବାକାନ୍ ଦିପିଲିରେ, ମିଆଁଦ୍ କୁଡ଼ି ପୁରାଃ ଫାର୍‌ଚି ଗନଙ୍ଗ୍‌ଆନ୍ ଜଗାମାଂସି ବୁଗିନ୍ ସହାନ୍ ସୁନ୍‌ମ୍‌ତେ ପେରେକାକାନ୍ ପୁଣ୍ଡିଦିରିରାଃ ଚୁକାଃ ସାବ୍‌କେଦ୍‌ତେ ବଲୟାନାଏ । ଇନିଃ ଏନ୍ ଚୁକାଃରାଃ ଠିପି ଅଡ଼େଃକ୍‌କେଦ୍‌ତେ ଏନ୍ ସୁନ୍‌ମ୍ ଯାଶୁଆଃ ବହଃରେ ଦୁଲ୍‌କେଦାଏ ।

୪ ମେନ୍‌ଦ ଏନ୍ତାଃରେ ତାଇକେନ୍ ଚିମିନ୍ ହଡ଼କ ଏସେଦ୍‌ୟାନ୍ତେ ମେପେନ୍‌ୟାନାକ, “ଚିନାଃମେନ୍ତେ ନେ ବୁଗିନ୍ ସହାନ୍ ସୁନ୍‌ମ୍ ସାମାରେ ଦୁଲ୍‌ଏଣ୍ଡାଗଃତାନା ?

୫ ନେ ବୁଗିନ୍ ସହାନ୍ ସୁନ୍‌ମ୍‌କେଦ୍ ମିଆଁଦ୍ ହଡ଼ରାଃ ମିଦ୍‌ବାରାଷ୍ କାମିକାଦ୍ ନାଲା ସିକାଏତେ ଆଦ୍‌କା ଗନଙ୍ଗ୍‌ରେ ଆଖ୍‌ରିଙ୍ଗ୍ ଦାଡ଼ିକାନ୍‌ତେୟାଃ ଆତଃ ରେଙ୍ଗେଃ ରାବାଙ୍ଗ୍‌କକେ ଏମାକାନ୍‌ତେୟାଃ ।” ଆତଃ ଇନ୍‌କୁ ଏନ୍ କୁଡ଼ିକେକ କୁରୁମ୍ ତୁରୁମ୍‌କିୟାଃ ।

୬ ମେନ୍‌ଦ ଯାଶୁ ଇନ୍‌କୁକେ ମେତାଦ୍‌କଆଏ, “ଇନିଃକେ ତାଇନ୍ ଚିକାଈପେ । ଚିନାଃ, ମେନ୍ତେପେ ଦୁକୁଇଚିତାନା ? ଆଇଙ୍ଗ୍ ନାଗେନ୍ତେ ଇନିଃ ବୁଗିନ୍ କାମି ରିକାକାଦାଏ ।

୭ ରେଙ୍ଗେଃ ରାବାଙ୍ଗ୍‌କଦ୍ ଜାନାଅ ଆପେଲଃକ ତାଇନା, ଆତଃ ଆପେୟାଃ ସାନାଙ୍ଗ୍ ଲେକା ଜା'ଇମ୍‌ତାଗି ଇନ୍‌କୁକେ ଦେଙ୍ଗାପେ ଦାଡ଼ିୟାକଆ, ମେନ୍‌ଦ ଆଇଙ୍ଗ୍ ଆପେଲଃ ସବେନ୍ ଇମ୍‌ତା କାଈଙ୍ଗ୍ ତାଇନାଃ ।

୮ ନିଃ ଚିମିନାଙ୍ଗ୍ ଦାଡ଼ିୟାନାଏ ଇମିନାଙ୍ଗ୍ ରିକାକେଦାଏ, ଆଇଙ୍ଗ୍ ହାସାଗାଡ଼ାଅଃ ମେନ୍ତେ ସିଦାରେ ଆଇଁୟାଃ ହଡ଼ମ୍‌ରେ ନେ ସୁନ୍‌ମ୍‌କେ ଦୁଲ୍‌କେଦାଏ ।

୯ ସାର୍‌ତିଗିଙ୍ଗି କାଜିୟାପେତାନା, ଅତେଦିଶ୍ୱମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍‌ତା ଏନ୍ କୁଡ଼ି କାମିକାଦ୍‌ତେୟାଃ ପାହାମେ ନାଗେନ୍ତେ ଉଦୁବଃଆ ।”

☆ ୧୩:୩୨ ମାଥୁର ୨୪:୩୭. ☆ ୧୩:୩୪ ଲୁକ ୧୨:୩୭-୩୮. ☆ ୧୪:୩ ଲୁକ ୭:୩୭,୩୮.

ଇଷ୍ଟାରିୟତ୍ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ଟାକା ନାମେତାନାଏ
(ମାଥୂଉ ୨୭:୧୪-୧୬; ଲୁକ ୨୨:୩-୬)

୧୦ ଏନ୍ତେ ଇଷ୍ଟାରିୟତ୍ ଯିହୁଦା, ଗେଲ୍‌ବାର୍ ଚେଲକଏତେ ମିଆଁଦ୍‌ନିଃ, ଯୀଶୁକେ ସାବ୍ରିକାଇ ମେନ୍ତେ ମୁଲ୍ ଯାଜାକକକେ ସେନ୍‌ନାମ୍ କେଦ୍‌କଆଏ ।

୧୧ ଇନ୍‌କୁଦ ନେଆଁ ଆୟୁମକେଦ୍‌ତେକ ରାସ୍‌କାୟାନା, ଆତଃ ଟାକାଲେ ଏମାମେୟା ମେନ୍ତେ ଇନିଃକେକ ବାନାର୍‌ସା ଏମ୍‌କିୟାକ । ଏନାମେନ୍ତେ ଯିହୁଦା ଇନ୍‌କୁଆଃ ତିଃଇରେ ଯୀଶୁକେ ସାବ୍ରିକାଇ ନାଗେନ୍ତେ ସୁୟୋଗ୍ ଦାଣ୍ଡାତାନାଏ ତାଇକେନା ।

ପାସକା ପାରାବ୍‌ରେୟାଃ ସାର୍‌ଜାମା ସେକାଡେନ୍
(ମାଥୂଉ ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଯୋହାନ୍ ୧୩:୨୧-୩୦)

୧୨ ସାବାଃ ହଲ୍‌ଜ୍ ପାରାବ୍‌ରେୟାଃ ସିଦା ହୁଲାଜ୍‌ରେ, ପାସକା ପାରାବ୍‌ରେ ମିଣ୍ଡିହନ୍ ଦାଣ୍ଡାଅଃ ତାଇକେନ୍ ହୁଲାଜ୍ ଚେଲକ ଯୀଶୁକେକ କାଜିକିୟା, “ଆଲେ ଅକ୍‌ତାଃଲେ ସେନା ଆତଃ ଆମାଃ ନାଗେନ୍ତେ ପାସକା ପାରାବ୍‌ରେ ଜମେଆଃଲେ ବାଇୟା ମେନ୍ତେ ସାନାଜ୍‌ତାନାମ୍ ?”

୧୩ ଏନ୍ତେ ଯୀଶୁ ବାର୍‌ହତ୍ ଚେଲକିନ୍‌କେ କୁଲ୍‌ତାନଲଃ ମେତାଦ୍‌କିନାଏ, “ନାଗାର୍‌ତେ ସେନଃବେନ୍ ଆତଃ, ମିଆଁଦ୍ ହତ୍ ଦାଆଃତାରୁଁ ତେଙ୍ଗଃକେଦ୍‌ତେ ଦାରମ୍‌ବେନାଏ, ଇନିଃକେ ଅତଙ୍ଗ୍‌ଇବେନ୍ ।

୧୪ ଆତଃ ଇନିଃ ବଲଃ ଅଡ଼ାଃରେନ୍ ଗମ୍‌କେ କେ ମେତାଇବେନ୍, ଇତୁନିଃ କୁଲିତାନାଏ, ଆଇଁୟାଃ ଚେଲକଲଃ ପାସକା ପାରାବ୍‌ରେ ଜମେ ନାଗେନ୍ତେ ବାଖରା ଅକ୍‌ତାଃରେୟା ?

୧୫ ଏନ୍ତେ ଇନିଃ ଚେତାନ୍ ଅଡ଼ାଃରେ ମିଆଁଦ୍ ବାଇସେକାଡ଼ାକାନ୍ ମାରାଜ୍ ବାଖରା ଉଦୁବାବେନାଏ, ଏନାରେଗି ଆବୁ ନାଗେନ୍ତେ ଜମେନାଜ୍ ବାଇୟେବେନ୍ ।”

୧୬ ଚେଲକିନ୍ ନାଗାର୍‌ତେକିନ୍ ସେନଃୟାନା, ଆତଃ ଯୀଶୁ କାଜିୟାଦ୍‌କିନ୍ ଲେକାଗି ସବେନାଃକିନ୍ ନାମ୍‌କେଦାଃ ଆତଃ ପାସକା ପାରାବ୍‌ରେୟାଃ ଜମେୟାଃକିନ୍ ବାଇକେଦାଃ ।

୧୭ ଆୟୁବ୍‌ୟାନତି ଯୀଶୁ ଗେଲ୍‌ବାର୍ ଚେଲକଲଃ ତେବାଃୟାନାଏ ।

୧୮ ଇନ୍‌କୁ ଜମ୍ ଦୁବାକାନ୍ ଦିପିଲିରେ, ଯୀଶୁ ମେତାଦ୍‌କଆଏ, “ସାର୍‌ତିଗିଜ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌ଲଃ ଜମ୍‌ତାନ୍‌ନିଃଗି ବାଇରିକଆଃ ତିଃଇରେ ସାବ୍ରିକାଇଙ୍ଗ୍‌ୟାଏ ।”

୧୯ ଚେଲକଦ ହୁଡିଙ୍ଗ୍‌ଜାଉୟାନାକ, ଆତଃ ମିହୁଡ୍ ମିହୁଡ୍‌ତେ କାଜିକିୟାକ, “ଇନିଃ ଆଇଙ୍ଗ୍ ତାନିଙ୍ଗ୍‌ତି ?”

୨୦ ଯୀଶୁ ମେତାଦ୍‌କଆଏ, “ବାରାଖାନ୍ କଏତେ ମିଆଁଦ୍‌ନିଃ, ଆଇଁୟାଃଲଃ ମିଆଁଦ୍ କାଟୋରାରେ ଆୟାଃ ତିଃଇ ସୁଠଃକାଦ୍‌ନିଃଗି ସାବ୍ରିକାଇଙ୍ଗ୍‌ଆଏ ।

୨୧ ପାବିତାର୍ ଅନଲ୍‌କରେ ଅଲକାନ୍ ଲେକା, ଆଇଙ୍ଗ୍ ମାନଃହନ୍ ତାନିଙ୍ଗ୍, ଆଇଙ୍ଗ୍‌କେ ଗଜଃଲଗାତିୟାଃ । ମେନ୍‌ଦ୍ ଆଇଙ୍ଗ୍ ମାନଃହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହତ୍ କାଏ ଜାନାମ୍‌କାନ୍‌ରେଦ୍ ଇନିଃ ନାଗେନ୍ତେ ବୁଗିନ୍ ହବାକାନ୍‌ତେୟାଃ ।”

ପ୍ରାଭୁ ଭୋଜ
(ମାଥୂଉ ୨୭:୨୬-୩୦; ଲୁକ ୨୨:୧୪-୨୦; ୧ କରିନ୍ଥୁୟ ୧୧:୨୩-୨୫)

୨୨ ଇନ୍‌କୁ ଜମ୍‌ତାନ୍ ଦିପିଲିରେ, ଯୀଶୁ ମିଆଁଦ୍ ହଲ୍‌ଜ୍‌କେ ସାବ୍‌କେଦ୍‌ତେ ଧାନ୍ୟାବାଦ୍ ଏମ୍‌କେଦାଏ ଆତଃ କେଟାଃକେଦ୍‌ତେ ଚେଲକକେ ଏମ୍‌କେଦ୍‌ତେ ମେତାଦ୍‌କଆଏ, “ନେ ମାର୍ ତେଲଏପେ, ନେଆଁ ଆଇଁୟାଃ ହତ୍‌ତ୍ ତାନାଃ ।”

୨୩ ଏନ୍ତେ ଇନିଃ କାଟୋରା ଇଦିକେଦ୍‌ତେ ବିନ୍ତ୍ରିକେଦାଏ ଆତଃ ଏମାଦ୍‌କଆଏ, ଆତଃ ଇନ୍‌କୁ ଏନାଏତେକ ନୁଁକେଦାଃ ।

୨୪ ଆତଃ ଯୀଶୁ ମେତାଦ୍‌କଆଏ, “ନେଆଁ ଆଇଁୟାଃ ମାୟୋମ୍ ତାନାଃ, ମାନଃଖାରାଃ ପାପ୍ ଛାମା ନାଗେନ୍ତେ ଆଇଙ୍ଗ୍ ଆଇଁୟାଃ ଅକ ମାୟୋମ୍‌କେ ଲିଙ୍ଗି ନାଗେନ୍ତେ ସେନ୍‌ତାନାଇଙ୍ଗ୍, ଏନା ପାର୍‌ମେଶ୍‌ବାର୍‌ଆଃ ରାଜିନାମାକେ ମୋହ୍‌ରକାଦା ।”

୨୫ ଆଇଙ୍ଗ୍ ସାର୍‌ତିଗିଜ୍ କାଜିୟାପେତାନା, “ପାର୍‌ମେଶ୍‌ବାର୍‌ଆଃ ରାଇଜ୍‌ରେ ନାଖା ଦାଖରାସି ଆଉରିଙ୍ଗ୍ ନୁଁଇ ଜାକେଦ୍, ଦାଖରାଃ ରାସି ଆତଃ ଚିଉଲ୍‌ଅ କାଇଙ୍ଗ୍ ନୁଁଇଆ ।”

୨୬ ଏନ୍ତେ ଇନ୍‌କୁ ମାଇନାନ୍ ଦୁରାଜ୍ ଦୁରାଜ୍‌କେଦ୍‌ତେ ଜାଇତୁନ୍ ବୁରୁତେକ ସେନଃୟାନା ।

ଆଇଙ୍ଗ୍‌କେ କାଇଙ୍ଗ୍ ସାରିଆଃମେନ୍ତେ ପାଡ଼ରାସକେ ଯୀଶୁ ସିଦାରେ କାଜିୟାଇତାନା
(ମାଥୂଉ ୨୭:୩୧-୩୫; ଲୁକ ୨୨:୩୧-୩୫; ଯୋହାନ୍ ୧୩:୩୬-୩୮)

୨୭ ଯୀଶୁ ଇନ୍‌କୁକେ ମେତାଦ୍‌କଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍‌ତେ ନିର୍‌କଆଃପେ, ନେଆଁଦ୍ ଧାରାମ୍‌ପୁଥ୍‌ରେ ଅଲକାନା, ‘ପାର୍‌ମେଶ୍‌ବାର୍ ଗୁପିନିଃକେ ଦାଲିୟାଏ ଆତଃ ଗୋଟ୍‌ରେନ୍ ମିଣ୍ଡିକ ଛିତିବିତିୟଃଆ ।”

୨୮ *ମେନ୍‌ଦ୍ ଆଇଙ୍ଗ୍ ଜୀଉବିରିଦ୍‌କେଦ୍‌ତେ ଗାଲିଲ୍‌ତେ ଆପେଏତେ ଆୟାର୍‌ରେଇଙ୍ଗ୍ ସେନା ।”

☆ ୧୪:୨୮ ମାଥୂଉ ୨୮:୧୭.

୨୯ ପାତ୍ରରାସ୍ କାଜିରୁହାଡ଼କିୟାଏ “ଏଗାଃକ ବାଗିତାମ୍ରେହ୍, ଆଇଙ୍ଗ୍ କାଇଙ୍ଗ୍ ବାଗିମେଆ ।”

୩୦ ଯୀଶୁଦ ପାତ୍ରରାସ୍‌କେ ମେତାଇୟାଏ, “ସାର୍‌ତିଗିଙ୍ଗ୍ କାଜିୟାମ୍‌ତାନା, ତିସିଙ୍ଗ୍, ନେ ନିଦାରେ ସାଣ୍ଡିସିମ୍ ବାସ୍‌ସା ରାଆଃଏ ସିଦାରେ ଆଇଙ୍ଗ୍‌କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୧ ପାତ୍ରରାସ୍ ଆଡ଼ଃଗି ପୁରାଃତେ କାଜିକିୟାଏ, “ଆମ୍‌ଲଃ ଗଜଃ ଲାଗାଡ଼ିଙ୍ଗ୍‌ରେଅ ଆଇଙ୍ଗ୍ ଆମ୍‌କେ କାଇଙ୍ଗ୍ ସାରିଆଃ ମେନ୍ତେ କାଇଙ୍ଗ୍‌ଗି କାଜିୟା ।” ଆଡ଼ଃ ଏନ୍‌ଲେକା ସବେନ୍ ଏଗାଃ ଚେଲାଇକହଗି କାଜିକେଦାଃକ ।

ଗେଅସିମାନି ବାଖୁଡ଼ିରେ ଯୀଶୁ ବିକ୍ରିତାନାଏ

(ମାଥୁଉ ୨୬:୩୬-୪୬; ଲୁକ ୨୨:୩୯-୪୬)

୩୨ ଗେଅସିମାନି ନୁଡୁମ୍ ଠାୟାଦ୍‌ତେକ ତେବାଃକେଦ୍‌ତି, ଯୀଶୁ ଆୟାଃ ଚେଲାଇକେ ମେତାଦ୍‌କଆଏ, “ଆଇଙ୍ଗ୍ ବିକ୍ରି ଜାକେଦ୍ ନେତାଃରେ ଦୁବାକାନ୍‌ପେ ।”

୩୩ ଇନିଃ ପାତ୍ରରାସ୍, ଯାକୁବ୍, ଆଡ଼ଃ ଯୋହାନ୍‌କେ ଆୟାଃଲଃ ଇଦିକେଦ୍‌କଆଏ । ଆଡ଼ଃ ଇନିଃ ପୁରାଃଗି ଦୁକୁଡେ ଆକୁଲ୍‌ବାକୁଲ୍‌ୟାନା ।

୩୪ ଆଡ଼ଃ ଇନିଃ ଇନ୍‌କୁକେ କାଜିୟାଦ୍‌କଆଏ, “ଜୀଉତାଇୟାଃ ଗଜଃଲେକା ଦୁକୁଡତାନା, ନେତାଃରେଗି ତାଇନ୍‌କାନ୍‌ପେ ଆଡ଼ଃ ଆଇଁୟାଃଲଃ ଏୟନାକାନ୍ ତାଇନ୍‌ପେ ।”

୩୫ ଯୀଶୁ କାଗିଃ ସାଙ୍ଗିନ୍ ସେନ୍‌କେଦ୍‌ତେ ଅତେରେ ଇକ୍‌ଡୁୟାନ୍‌ଲଃ ଅମ୍‌ୟାୟାନାଏ ଆଡ଼ଃ ବିକ୍ରିକେଦାଏ, “ହବାଦାଡ଼ିୟାଃରେଦ ନେ ଦୁକୁ ଦିପିଲି ଆଇଙ୍ଗ୍‌ତାଃଏତେ ପାରମଃକା ।”

୩୬ ଇନିଃ ବିକ୍ରିରେ ମେନ୍‌କେଦା, “ହେ ଆବା, ହେ ଆପୁ, ଆମାଃତେ ସବେନାଃ ହବାଦାଡ଼ିଅଃଆ । ନେ ଦୁକୁ କାଟୋରାକେ ଆଇଙ୍ଗ୍‌ଏତେ ଆତମ୍‌ତାମ୍; ଇମିନ୍‌ରେଅ ଆଇଁୟାଃ ସାନାଙ୍ଗ୍‌ଲେକାଦ କାହାଗି, ମେନ୍‌ଦ ଆମାଃ ସାନାଙ୍ଗ୍ ଲେକାଗି ହବାଅଃକା ।”

୩୭ ଏନ୍ତେ ଇନିଃ ଆୟାଃ ଚେଲାଇକତାଃ ରୁହାଡ଼ିୟାନ୍‌ତି ଇନ୍‌କୁକେ ଦୁଡ଼ୁୟାକାନ୍ ନାମ୍‌କେଦ୍‌କଆଏ । ଇନିଃ ପାତ୍ରରାସ୍‌କେ କାଜିକିୟାଏ, “ଏ ଗିମୋନ୍, ଦୁଡ଼ୁ ତାନାମ୍ ତି ? ମିଦ୍ ଘାଣ୍ଟାଅତି ଏୟନାକାନ୍ କାମ୍‌ତାଇନ୍ ଦାଡ଼ିୟାନା ?”

୩୮ ଆଡ଼ଃ ଇନିଃ କାଜିକେଦ୍‌କଆଏ, “ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍‌ପେ ଆଡ଼ଃ ବିକ୍ରିପେ । ଆମ୍‌ଦ ସାନାଙ୍ଗ୍‌ତାନାଏ, ମେନ୍‌ଦ ହଡ଼ମ୍ ନାରାଦୁରାଗିଆଃ ।”

୩୯ ଇନିଃ ଆଡ଼ଃଗି ସେନଃୟାନାଏ, ଆଡ଼ଃ ସିଦାଲେକାଗି ବିକ୍ରିକେଦାଏ ।

୪୦ ଏନ୍ତେ ଇନିଃ ହିଜୁରୁହାଡ଼ିଲେନାଏ ଆଡ଼ଃ ଚେଲାଇକେ ଆଡ଼ଃମିସା ଦୁଡ଼ୁୟାକାନାଏ ନାମ୍‌କେଦ୍‌କଆ, ଚିୟାଃତି ଇନ୍‌କୁ ଦୁଡ଼ୁଡେ ମେଦ୍‌ତାକଆଃ ଆରିଦ୍ କାକ ଦାଡ଼ିତାନ୍‌ତାଇକେନା । ଇନିଃକେ ଚିନାଃରୁ କାଜିରୁହାଡ଼ିକିୟା ମେନ୍ତେ ଇନ୍‌କୁ କାକ ସାରିକେଦା ।

୪୧ ଆଡ଼ଃ ଇନିଃ ଆପିସା ରୁହାଡ଼ିୟାନ୍‌ତି, ଇନ୍‌କୁକେ କାଜିୟାଦ୍‌କଆଏ, “ନାହାଃ ଜାକେଦ୍‌ତିପେ ଦୁଡ଼ୁତାନା ଆଡ଼ଃ ରୁଡୁନ୍‌ତାନା ? ଇମ୍‌ନାଙ୍ଗ୍‌ଗି ! ନେତା ତେବାଃୟାନା, ନେଲେପେ, ଆଇଙ୍ଗ୍ ମାନଃହନ୍ ପାପିକଆଃ ତିଃଇରେ ସାବ୍‌ରିକାଅଃତାନାଲ୍‌ଙ୍ଗ୍ ।

୪୨ ବିରିଦ୍‌ପେ, ଦଲାରୁ ସେନଆଃ ! ନେଲିପେ, ଆଇଙ୍ଗ୍‌କେ ସାବ୍‌ରିକାଲ୍‌ଙ୍ଗ୍‌ନିଃ ସେଟେରାକାନାଏ ।”

ୟୀଶୁକେକ ସାବିତାନା

(ମାଥୁଉ ୨୬:୪୭-୫୬; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୩ ଯୀଶୁ ଜାଗାଡ଼ତାନ୍ ତାଇକେନ୍ ଇମ୍‌ତାଗି ଯିହୁଦା, ବାରାଝାନ୍‌କଏତେ ମିଆଁଦ୍‌ନିଃ ତେବାଃୟାନାଏ । ଇନିଃଲଃ ମୁଲ୍ ଯାଜାକ୍‌କ, ଆଇନ୍ ଇଡୁକ ଆଡ଼ଃ ପ୍ରାତିନ୍‌କ ସାଃଏତେ କୁଲାଇକାନ୍ ଗାଦେଲ୍ ହଡ଼କ ତାରାଉଡ଼ିକ ଆଡ଼ଃ ଭଙ୍ଗାଟ୍‌କ ସାବ୍‌କେଦ୍‌ତେ ହିଜୁଃୟାନାକ ।

୪୪ ଯୀଶୁକେ ସାବ୍‌ରିକାନିଃ ଏନ୍ ଗାଦେଲ୍ ହଡ଼କକେ ମିଆଁଦ୍ ଚିଙ୍ଗାଁ ଏମାକାଦ୍‌କ ତାଇକେନାଏ, “ଆଇଙ୍ଗ୍ ଅକ୍‌ନିଃକେ ଚଅଃଲ୍‌ଙ୍ଗ୍, ଇନିଃଗି ଯୀଶୁ ତାନିଃ । ଇନିଃକେ ସାବିପେ ଆଡ଼ଃ ଚିଗାଲ୍‌ତେ ଇଦିପେ” ମେନ୍ତେ ସିଦାରେ କାଜିକାଦ୍‌କ ତାଇକେନାଏ ।

୪୫ ଯିହୁଦା ତେବାଃୟାନ୍‌ତି, “ହେ ଗୁରୁ” ମେତାଇତାନ୍‌ଲଃ ଇନିଃକେ ଚଅଃକିୟାଏ ।

୪୬ ଆଡ଼ଃ ଇନ୍‌କୁ ଯୀଶୁକେ ସାବ୍‌କେଦ୍‌ତେ ତଲ୍‌କିୟାଃକ ।

୪୭ ଜାପାଃରେ ତିଙ୍ଗୁଆକାନ୍‌ଏତେ ମିଆଁଦ୍‌ନିଃ ତାରାଉଡ଼ି ଅଡ଼ଙ୍ଗ୍‌କେଦାଏ ଆଡ଼ଃ ମାରାଙ୍ଗ୍ ଯାଜାକ୍‌ରାଃ ଦାସିକେ ମାଆଃକିୟାଏ ଆଡ଼ଃ ଇନିୟାଃ ମିଆଁଦ୍ ଲୁଡୁର୍ ହାଦ୍‌ତାଦାଏ ।

୪୮ ଏନ୍ତେ ଯୀଶୁ ପୁରାଃ ହଡ଼କକେ କାଜିୟାଦ୍‌କଆଏ, “ଚିୟାଃ, ମିଆଁଦ୍ କୁମୁଡ଼ୁଲେକା ସାବିଙ୍ଗ୍ ନାଗେନ୍ତେ ତାରାଉଡ଼ିକ ଆଡ଼ଃ ଭଙ୍ଗାଟ୍‌କ ସାବ୍‌କେଦ୍‌ତେ ହିଜୁଃକାନାପେ ?

୪୯ ଏସବେନ୍ ହୁଲାଇଙ୍ଗ୍ ଆଇଙ୍ଗ୍ ମାନ୍‌ଦିର୍ ଅଡ଼ାଃରେ ଇଡୁତାନ୍‌ଲଃ ଆପେଲଃ ତାଇକେନାଲ୍‌ଙ୍ଗ୍ ଆଡ଼ଃ ଆପେ କାପେ ସାବ୍‌କେଦିୟାଃ । ମେନ୍‌ଦ ଧାରାମ୍‌ପୁଅରେ ଅଲାଇକାନ୍‌ତେୟାଃ ପୁରାଅଃକା ମେନ୍ତେ ନେ ସବେନାଃ ହବାଅଃତାନା ।”

☆ ୧୪:୪୯ ଲୁକ ୧୯:୪୭; ୨୧:୩୭.

୫୦ ଏନ୍ତେଦ ଆୟାଃ ସବେନ୍ ଚେଲାକ ଇନିଃକେ ନିର୍ବାଗିକିୟାଃକ ।

୫୧ ମିଆଁଦ୍ ଧାଙ୍ଗଡ଼ା ଇନିଃକେ ଅତଙ୍ଗକିୟା, ଇନିଃ ସାମା ହଡ଼ମରେ ନିରାଲ୍ ଲିଜାଃ* ଉୟୁକାନ୍ ତାଇକେନାଏ, ଚିମ୍ତା ସିପାଇକ ଧାଙ୍ଗଡ଼ାକେ ସାବ୍ ନାଗେନ୍ତେକ ହିଜୁଃୟାନା,

୫୨ ଇନିଃ ଆୟାଃ ନିରାଲ୍ ଲିଜାଃ ବାଗିକେଦ୍ତେ, ଇନିଃ ସାମାହଡ଼ମ ନିର୍ଯ୍ୟାନାଏ ।

ୟୀଶୁ ମାରାଙ୍ଗ୍ ଯାଜାକ୍‌କଆଃ ପାଞ୍ଚେଟ୍ରେ

(ମାଥୂଉ ୨୬:୫୭-୬୮; ଲୁକ ୨୨:୫୪-୫୫, ୬୩-୬୧; ଯୋହାନ୍ ୧୮:୧୩-୧୪, ୧୯-୨୪)

୫୩ ଏନ୍ତେ ଇନ୍‌କୁ ଯୀଶୁକେ ମାରାଙ୍ଗ୍ ଯାଜାକ୍‌କତାଃ ଇଦିକିୟାଃକ । ଏନ୍ତାଃରେ ମୁଲ୍ ଯାଜାକ୍‌କ, ପ୍ରାଚିନ୍‌କ ଆତଃ ଆଇନ୍ ଇତୁକ ହୁଣ୍ଡିୟାନା ।

୫୪ ପାଡ଼ରାସ୍ ସାଙ୍ଗିନ୍‌ଏତେ ମାରାଙ୍ଗ୍ ଯାଜାକ୍‌ଆଃ ଅତାଃରାଚା ଜାକେଦ୍ ଅତଙ୍ଗ୍ ଇଦିକିୟାଏ । ଏନ୍ତାଃରେ ଇନିଃ ହରହଡ଼କଲଃ ଦୁବ୍‌କେଦ୍ତେ ସେଙ୍ଗେଲ୍ ଜୁରୁବ୍‌ତାନ୍ ତାଇକେନାଏ ।

୫୫ ମୁଲ୍ ଯାଜାକ୍‌କ ଆତଃ ପାଞ୍ଚେଟ୍ରେନ୍ ସବେନ୍‌କ ଯୀଶୁକେ ଗଜି ନାଗେନ୍ତେ ଗାଞ୍ଜାକ ଦାଣ୍ଠାବାଡ଼ା ତାଇକେନା, ମେନ୍‌ଦ ଏନା କାକ ନାମ୍ ଦାଡ଼ିକେଦା ।

୫୬ ପୁରାଃ ହଡ଼କ ଇନିୟାଃ ବିରୁଧ୍‌ରେ ହସଡ଼ ଗାଞ୍ଜାକ ଏମ୍‌କେଦାଃ, ମେନ୍‌ଦ ଇନ୍‌କୁଆଃ ଗାଞ୍ଜାକ ମିଦ୍‌ଲେକା କା ତାଇକେନା ।

୫୭ ଏନ୍ତେ ଚିମିନ୍ ହଡ଼କ ତିଙ୍ଗୁୟାନାକ, ଆତଃ ଯୀଶୁଆଃ ବିରୁଧ୍‌ରେ ନେ ହସଡ଼ ଗାଞ୍ଜାକ ଏମ୍‌କେଦାଃ :

୫୮ * “ହଡ଼କଆଃ ତିଃଇତେ ବାଇୟାକାନ୍, ନେ ମାନ୍ଦିରକେ ହାଦୁଡ଼େଆଇଙ୍ଗ୍, ଆତଃ ଆପିମାରେ, ହଡ଼କଆଃ ତିଃଇତେ କା ବାଇୟାକାନ୍ ମାନ୍ଦିରକେ ତିଙ୍ଗୁୟାଈଙ୍ଗ୍ ମେନ୍ତେ ନିଃକେ କାଜିତାନ୍‌ଲେ ଆୟୁମ୍‌କିୟା ।”

୫୯ ମେନ୍‌ଦ ଇନ୍‌କୁଆଃ ନେ କାଜିକରାଃ ଗାଞ୍ଜାକ କା ମିଦ୍‌ୟାନା ।

୬୦ ଏନ୍ତେ ମାରାଙ୍ଗ୍ ଯାଜାକ୍, ସବେନ୍‌କଆଃ ସାମ୍‌ନାଙ୍ଗ୍‌ରେ ତିଙ୍ଗୁକେଦ୍ତେ ଯୀଶୁକେ କୁଲିକିୟାଏ, “ନେ ହଡ଼କ ଆମାଃ ବିରୁଧ୍‌ରେ ଗାଞ୍ଜାକ ଏମ୍‌କେଦାଃ, ଚିୟାଃ ଆମ୍ ଜେଡ଼ନାଃ କାମ୍‌କାଜି ରୁହାଡ଼େତାନା ?”

୬୧ ମେନ୍‌ଦ ଯୀଶୁ ହାପାକାନ୍ ତାଇକେନାଏ ଆତଃ ଜେଡ଼ନାଃ କାଏ କାଜିରୁହାଡ଼କେଦା । ଆତଃଚି ମାରାଙ୍ଗ୍ ଯାଜାକ୍ ଇନିଃକେ କୁଲିକିୟାଏ, “ଆମ୍‌ଗି ଚି ଖ୍ରୀଷ୍ଟ୍, ପାର୍‌ମେଶ୍ୱାର୍‌ରାଃ ହନ୍ ତାନ୍‌ମେ, ଅକଏୟାଃଚି ସବେନ୍ ମାଇନାନ୍ ତାନାଃ ?”

୬୨ ଯୀଶୁ ମେତାଇୟାଏ, “ଆଇଙ୍ଗ୍‌ଗି ତାନିଙ୍ଗ୍ । ଆଇଙ୍ଗ୍ ମାନଞ୍ଜାହନ୍ ସବେନ୍ ପେଡ଼େୟାନ୍‌ନିୟାଃ ଜମ୍‌ତିସାଃରେ ଦୁବାକାନ୍ ଆତଃ ସିମ୍‌ରାଃ ଚିମିଲ୍‌ରେ ଆଡ଼ଗୁନ୍‌ତାନ୍‌ପେ ନେଲିଙ୍ଗ୍‌ୟା ।”

୬୩ ଏନ୍ତେ ମାରାଙ୍ଗ୍ ଯାଜାକ୍, ଆୟାଃ ଲିଜାଃ ଚାଗାଡ଼କେଦାଏ । “ଆବୁକେ ଆତଃ ଚିକାନ୍ ଗାଞ୍ଜା ଲାଗାତିୟାଃ ?” ମେନ୍ତେ ଇନିଃ କୁଲିକେଦ୍‌କଆଏ ।

୬୪ “ଆପେଦ ପାର୍‌ମେଶ୍ୱାର୍‌ଆଃ ନିନ୍‌କାଜିପେ ଆୟୁମ୍‌କେଦା । ଚିନାଃପେ ବିଚାରେତାନା ?”

ସବେନ୍‌କ ଇନିୟାଃ ବିରୁଧ୍‌ରେ କାଜିକେଦାଃକ ଚି ଇନିଃକେ ଗନଏଃ ସାଜାଇ ଏମଃ ଲାଗାତିଙ୍ଗ୍‌ୟାଃ ।

୬୫ ଏନ୍ତେ ଚିମିୟାଙ୍ଗ୍‌କ ଯୀଶୁକେ ବେଏକ୍‌କିୟାଃକ, ଆତଃ ଇନିୟାଃ ମେଦ୍ ହାରୁବ୍‌କେଦ୍ତେ ଦାଲିତାନ୍‌ଲଃ କାଜିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ କାଜିଲେମେ, ଅକଏ ଦାଲ୍‌ମେତାନାଏ ।” ଆତଃ ହରହଡ଼କ ଇନିଃକେ ସାବ୍‌କେଦ୍ତେ ଆପ୍‌ଡ଼ିକିୟାଃକ ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆଃ ମେନ୍ତେ କାଜିତାନାଏ

(ମାଥୂଉ ୨୬:୬୯-୭୫; ଲୁକ ୨୨:୫୬-୬୨; ଯୋହାନ୍ ୧୮:୧୫-୧୮, ୨୫-୨୭)

୬୬ ଚିମ୍ତା ପାଡ଼ରାସ୍ ଲାଡ଼ାର୍ ଅତାଃରାଚାରେ ତାଇକେନ୍‌ରେ, ମାରାଙ୍ଗ୍ ଯାଜାକ୍‌ରାଃ ମିଆଁଦ୍ କାମ୍‌ଡ଼ିକୁଡ଼ି† ହିଜୁଃୟାନାଏ ।

୬୭ ଆତଃ ପାଡ଼ରାସ୍‌କେ ଜୁରୁବ୍‌ତାନ୍ ନେଲ୍‌କିୟାଏ, ଇନିଃକେ ଆରିଦ୍‌ବାଇକେଦ୍ତେ ମେତାଇୟାଏ, “ଆମ୍‌ଅଗି ନାଜ୍‌ରେଡ଼ରେନ୍, ଯୀଶୁଲଃ ତାଇକେନାମ୍ ।”

୬୮ ମେନ୍‌ଦ ଇନିଃ କାହାଗି ମେନ୍‌କେଦ୍ତେ, କାଜିରୁହାଡ଼କେଦାଏ, “ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟା । ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ମୁଣ୍ଡିଅଃତାନାଃ ।” ଏନ୍ତେ ଇନିଃ ବଲଃଦୁଆର୍‌ତେ ସେନଃୟାନାଏ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ‡ ।

୬୯ ଆତଃମିସା କାମ୍‌ଡ଼ିକୁଡ଼ି ଇନିଃକେ ନେଲ୍‌କିଃତେ, ଜାପାଃକରେ ତିଙ୍ଗୁଆକାନ୍ ହଡ଼କକେ ମେତାଦ୍‌କଆଏ, “ନିଃଇହ ଇନ୍‌କୁଏତେ ମିଆଁଦ୍‌ନିଃ ତାନିଃ ।”

୭୦ ମେନ୍‌ଦ ପାଡ଼ରାସ୍ ଆତଃଚି “କାହାଗି” ମେନ୍‌କେଦାଏ ।

ଘାଡ଼ିକାଦ୍ ତାୟମ୍‌ତେ ଏନ୍ତାଃରେ ତିଙ୍ଗୁଆକାନ୍‌କ ପାଡ଼ରାସ୍‌କେକ କାଜିକିୟା, “ସାର୍‌ତିଗି, ଆମ୍ ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ, ଚିୟାଃଚି ଆମ୍‌ଅଗି ଗାଲିଲ୍‌ରେନ୍ ତାନ୍‌ମେ ।”

* ୧୪:୫୧ ପୁଣ୍ଡିଲିଜାଃ, ପାଡ଼ଲାଚାଦାର୍ † ୧୪:୫୮ ଯୋହାନ୍ ୨:୧୯. ‡ ୧୪:୬୬ ଦାସିକୁଡ଼ି † ୧୪:୬୮ ଚିମିନ୍ ମାରି ଅନଲ୍‌କରେ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ, ମେନ୍ତେୟାଃ ବାନଃଆ

୭୧ ଏନ୍ତେ ପାତ୍ରରାସ୍ କିରିୟା ଜମ୍ବକେଦ୍ତେ କାଜିକେଦାଏ, “ଆପେ କାଜିତାନ ନେ ହଡକେ ଆଇଙ୍ଗ କାଇଙ୍ଗ ସାରିଆଃ
 ୧”
 ୭୨ ଏନ୍ତେ ଇମ୍ବତାଙ୍ଗି ସାଣ୍ଡିସିମ୍ ବାଋସାଏ ରାଆଃକେଦାଃ, ଆଡଃ “ସାଣ୍ଡିସିମ୍ ବାଋସା ଆଉରି ରାଆଃ ସିଦାରେ ଆପିସା
 ଆଇଙ୍ଗକେ କାଇଙ୍ଗ ସାରିଆ ମେନ୍ତେ କାଜିୟାମ୍,” ଏନା ଯୀଶୁ କାଜିଲେଦକାଜି ପାତ୍ରରାସ୍ ପାହାମ୍ବକେଦାଏ । ଆଡଃ ଇନିଃ
 କୁସୁଦ୍ କୁସୁଦ୍ତାନ ରାଆଃକେଦାଏ ।

୧୫

ପିଲାତୁସରାଃ ସାମ୍ବନାଙ୍ଗରେ ଯୀଶୁ
 (ମାଥୁଉ ୨୭:୧-୨, ୧୧-୧୪; ଲୁକ ୨୩:୧-୫; ଯୋହାନ୍ ୧୮:୨୮-୩୮)

୧ ଆଇଙ୍ଗାନ୍ଲଃଗି ମୁଲ୍ ଯାଜାକକ, ପ୍ରାଚିନକଲଃ, ଆଇନ୍ ଇଡୁକଲଃ ଆଡଃ ପାଞ୍ଚେଟ୍ରେନ୍ ସବେନ୍କଲଃକ
 ରଜୋଟକେଦା । ଇନ୍କୁ ଯୀଶୁକେ ତଲ୍ଲକେଦ୍ତେକ ଇଦିକିୟା, ଆଡଃ ପିଲାତୁସରାଃ ତିଃଇରେ ଏମ୍ବକିୟାକ ।

୨ ପିଲାତୁସ୍ ଇନିଃକେ, “ଆମ୍ବଗି ଯିହୁଦୀକଆଃ ରାଜା ତାନମେ ?” ମେନ୍ତେ କୁଲିକିୟାଏ ।

ୟୀଶୁ ମେନ୍ଦୁହାଡ଼ାଇୟାଏ, “ହଁ, ଆମ୍ବଗିମ୍ କାଜିତାନା ।”

୩ ମୁଲ୍ ଯାଜାକକ ଯୀଶୁକେ ପୁରାଃ କାଜିତେକ ଚିଟାକିୟା ।

୪ ଏନାମେନ୍ତେ ପିଲାତୁସ୍ ଆଡଃଗି ଇନିଃକେ କୁଲିକିୟାଏ, “ଚିୟାଃ ଆମ୍ ଜେଡ୍ନାଃ କାମ୍ କାଜିରୁହାଡ଼ାକଆ ?
 ନେଲ୍ଲୁମ୍, ଇନ୍କୁ ଆମ୍ବକେ ଚିମିନ୍ ପୁରାଃ କାଜିତେକ ଚିଟାମେତାନା ।”

୫ ମେନ୍ଦୁ ଯୀଶୁ ଜେଡ୍ନାଃହ କାଏ କାଜିରୁହାଡ଼କିୟା, ଏନାମେନ୍ତେ ପିଲାତୁସ୍ ଆକ୍ଦାନ୍ଦାୟାନ୍ଦା ।

ୟୀଶୁକେ ଗଏଃନାଙ୍ଗ ବିଚାର
 (ମାଥୁଉ ୨୭:୧୫-୨୬; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୬ ପିଲାତୁସରାଃ ରିଡିଲେକାତେ, ସବେନ୍ ପାସକା ପାରାବ୍ ଦିପିଲିରେ ହଡକ ମିଆଁଦ୍ ଜେହେଲ୍ଲାନାନ୍ନିଃକେ ଆସି
 ତାଇକେନାକ, ଇନିଃକେ ପିଲାତୁସ୍ ଇନ୍କୁନାଙ୍ଗ ଆଡ଼ାଗାକତାନ୍ ତାଇକେନାଏ ।

୭ ଦିଶ୍ଟମ୍ରେ ହାଲାଗୁଲା ହବାୟାନ୍ ଦିପିଲିରେ, ହଡ଼ଗଏଃ ହରାତେ ଜେହେଲ୍ଲାନାନ୍ନିଃକେ, ବାରବ୍ବା ନୁଡୁମ୍ ମିଆଁଦ୍
 ହଡ଼ହଁ ତାଇକେନାଏ ।

୮ ଗାଦେଲ୍ ହଡକ ପିଲାତୁସ୍ତାଃ ହିଜୁଃୟାନ୍ତେ, ଆମ୍ ଜାନାଅ ରିକାତାନ୍ ଲେକା ଆଲେୟାଃ ନାଙ୍ଗ ରିକାଗାଲେମ୍,
 ମେନ୍ତେକ ଆସିଏଟେଦକିୟା ।

୯ ପିଲାତୁସ୍ ଇନ୍କୁକେ ମେତାଦକଆଏ, “ଚିନାଃ ଆଇଙ୍ଗ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ
 ଆଡ଼ାଃତାଇୟା ମେନ୍ତେପେ ସାନାଙ୍ଗତାନା ?”

୧୦ ଚିୟାଃଗି ମାରାଙ୍ଗ ଯାଜାକକ ହିସ୍ଙ୍ଗାତେ ଯୀଶୁକେ ଆଇଃକ୍ତାଃରେ ଜିମାକାଇ ତାଇକେନାକ, ଏନା ଇନିଃ
 ଆଟ୍ଟକାଟ୍ଟକେଦାଏ ।

୧୧ ମୁଲ୍ ଯାଜାକକ, ଯୀଶୁକେ ବାନଃ ମେନ୍ଦୁ ବାରବ୍ବାକେ ରାଡ଼ା ନାଗେନ୍ତେ ପିଲାତୁସ୍କେ ଆସିପେ ମେନ୍ତେ ଗାଦେଲ୍
 ହଡକକେ ଉସ୍ବୁକ୍ଟକେଦକଆକ ।

୧୨ ପିଲାତୁସ୍ ଆଡଃଗି ହୁଣ୍ଡିଆକାନ୍କକେ କୁଲିକେଦକଆଏ, “ଆପେ ଯିହୁଦୀକଆଃ ରାଜା ମେତାଇନିଃକେ ଚିନାଃଇଙ୍ଗ
 ଚିକାଇୟା ମେନ୍ତେପେ ସାନାଙ୍ଗତାନା ?”

୧୩ ଇନ୍କୁଦ ଆଡଃଗିକ କାଉରିକେଦାଃ, “ଇନିଃକେ କୁଶ୍ରେ କିଲାଇମେ ।”

୧୪ ମେନ୍ଦୁ, “ଇନିଃ ଚିନାଃ ଗୁଣ୍ଡାକାଦାଏ ?” ମେନ୍ତେ ପିଲାତୁସ୍ ଇନ୍କୁକେ କୁଲିକେଦକଆଏ ।

ଇନ୍କୁଦ ଆଡଃଗି କାଉରିକେଦ୍ତେ କାଜିକିୟା, “କୁଶ୍ରେ କିଲାଇମେ ।”

୧୫ ପିଲାତୁସ୍ ହଡକକେ ସୁକୁ ସାନାଙ୍ଗତାନ୍ତେ ବାରବ୍ବାକେ ଇନ୍କୁଆଃ ନାଗେନ୍ତେ ରାଡ଼ାକିୟାଏ । ଏନ୍ତେ ଇନିଃ
 ଯୀଶୁକେ ହାଣ୍ଡା ରିକାକିଃତେ କୁଶ୍ରେ ରାକାବଃକାଏ ମେନ୍ତେ ଇନିଃକେ ଜିମାକିୟାଏ ।

ୟୀଶୁକେ ସିପାଇକ ଲାନ୍ଦାଇତାନା
 (ମାଥୁଉ ୨୭:୨୭-୩୧; ଯୋହାନ୍ ୧୯:୨-୩)

୧୬ ସିପାଇକ ପିଲାତୁସରାଃ ଅଡ଼ାଃରାଟା ଭିତାଟେ ଯୀଶୁକେକ ଇଦିକିୟା, ଆଡଃ ଗଟା ପାଲ୍ଟାନ୍କକେ
 ହୁଣ୍ଡିକେଦକଆକ

୧୭ ଇନ୍କୁ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗକିୟାଃ ଆଡଃ ଜାନୁମ୍ ମୁକୁଟ୍ ଗାଲାଙ୍ଗକେଦ୍ତେ ଇନିୟାଃ
 ବହଃରେକ ଟୁପୁରିକିୟା ।

୧୮ ଏନ୍ତେ ଇନ୍କୁ ଇନିଃକେ କାଜି ଏଟେଦକିୟାଃକ, “ହେ, ଯିହୁଦୀକଆଃ ରାଜା, ଜାନାଅ ଜାନାଅ ନାଙ୍ଗ ତାଇନଃମେ ।”

୧୯ ଇନ୍କୁ ଇନିଃକେ ସଟାତେ ବହଃରେକ ଦାଲ୍କିୟା, ବେଏକ୍କିୟା ଆଡଃ ଇକ୍ଡୁମ୍ବକେଦ୍ତେକ ଜହାଟ୍ଟକିୟା ।

୨୦ ଇନକୁ ଇନିଃକେ ଲାନ୍ଦାକିତେ ଏନ୍ ବାଇଗିନିଆ ଲିଜାଃକେକ ହଲେଃକକେଦା ଆତଃ ଆୟାଃ ଲିଜାଃକେକ ତୁସିଙ୍ଗକିୟା । ଏନ୍ତେ ଇନକୁ ଇନିଃକେ କୁଶ୍ରେ କିଲାଇ ନାଗେନ୍ତେ ବାହାରିତେକ ଇଦିକିୟା ।

ୟୀଶୁଆଃ କୁଶ୍ରେକାବଃ

(ମାଥୂଉ ୨୭:୩୨-୪୪; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୨୧ *କୁରିନିରେନ୍ ଶିମୋନ୍ ନୁତୁମ୍ ମିଆଁଦ୍ ହଡ଼, ଆଲେକଜାଣ୍ଡାର ଆତଃ ରୁପୁସ୍‌ରାଃ ଆପୁତେ, ହାତୁଏତେ ହିଜୁଃତାନ୍‌ଲଃ ଏନ୍ ହରାରେ ପାରମଃତାନ୍ ତାଇକେନାଏ, ଆତଃ ପାଲ୍‌ଟାନ୍‌କ ଇନିଃକେକ ଯୀଶୁଆଃ କୁଶ୍ରେକେ ଜାବାର୍‌ଜାସ୍ତି ଗଅଃ ରିକାକିୟାଃକ ।

୨୨ ଇନକୁ ଯୀଶୁକେ ଗାଲ୍‌ଗାଥା ନୁତୁମ୍ ମିଆଁଦ୍ ଠାୟାଦ୍‌ତେକ ଇଦିକିୟା, ଗାଲ୍‌ଗାଥାରାଃ ମୁଣ୍ଡିଦ୍, “ବହଃଜାଙ୍ଗ୍‌ବୁରୁ” ।

୨୩ ଏନ୍ତାଃରେ ଇନକୁ ଇନିଃକେ ମେହେର୍‌ତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମାଇୟା, ମେନ୍‌ଦ୍ ଯୀଶୁ ଏନା କାଏ ନୁଁକେଦାଃ ।

୨୪ ଏନ୍ତେ ଇନକୁ ଇନିଃକେ କୁଶ୍ରେକେ ରାକାବ୍‌କିଆ, ଆତଃ ଇନିୟାଃ ଲିଜାଃକ, ଅକଏ ଅକ୍‌ନାଃବୁ ନାମେଆଁ ଏନା ଚିଠା* ଉୟୁଃକେଦ୍‌ତେ ନେଲ୍‌କେଦାଃକ, ଏନ୍ତେ ଆକ ଆକରେଗି ହାଚିଙ୍ଗ୍‌ୟାନାକ ।

୨୫ ସେତାଃରାଃ ନାଅବାଜେ† ଇନକୁ ଇନିଃକେ କୁଶ୍ରେକେ କିଲାକିୟାଃ

୨୬ ଇନିୟାଃ ବିରୁଧ୍‌ରେ ଅଲ୍‌କାନ୍ ଚିଠାରେ, “ଯିହୁଦୀକଆଃ ରାଜା” ମେନ୍ତେ ଅଲ୍‌କାନ୍ ତାଇକେନା ।

୨୭ ଇନକୁ ବାରିଆ କୁମ୍‌ତୁକୁନ୍‌କେ ଇନିଃଲଃ କୁଶ୍ରେକେ କିଲାକେଦ୍‌କିନା, ମିଆଁଦ୍‌ନିଃକେ ଜମ୍‌ତିସାଃରେ, ଏଟାଃନିଃକେ ଲେଙ୍ଗାତିସାଃରେ ।

୨୮ ଏନ୍‌ଲେକାତେ, ପାବିତାର୍ ଅନଲ୍‌କରେ, “ଏଡ୍‌କାନ୍‌କଲଃ ଲେକାୟାନାଏ, ମେନ୍ତେ ଧାରାମ୍‌ପୁଥ୍‌ରେ ଅଲ୍‌କାନ୍ କାଜି ପୁରାୟାନା ।”‡

୨୯ *ଏନ୍ ହରାରେ ସେନ୍‌ପାରମଃତାନ୍ ହଡ଼କ, ଆକଆଃ ବହଃ ହିଲାଅକେଦ୍‌ତେ ଇନିଃକେ ନିନ୍ଦାତାନ୍‌ଲଃ କାଜିକିୟାଃକ, “ବାଃରେ ମାନ୍‌ର ହାବୁଡ୍‌ନିଃ ଆତଃ ଆପିମାରେ ବାଇରୁହାଡ୍‌ନିଃ,

୩୦ ମାର୍ କୁଶ୍‌ଏତେ ଆଡ୍‌ଗୁନ୍‌ମେ ଆତଃ ବାସ୍ତାଅଏନ୍‌ମେ ।”

୩୧ ଏନ୍‌ଲେକାଗି ମୁଲ୍ ଯାଜାକ୍‌କ ଆତଃ ଆଇନ୍ ଇଡ୍‌କ, ଯୀଶୁକେ ଆକ ଆକରେକ ହିଲାଙ୍ଗ୍‌କିଆ ଆତଃ ମେପେନ୍‌ୟାନା “ଏଟାଃକେଦ୍ ଇନିଃ ବାସ୍ତାଅକେଦ୍‌କଆଏ, ମେନ୍‌ଦ୍ ଇନିଃ ଆଇଃକ୍‌ଗି ବାସ୍ତାଞ୍ଜେନ୍ କାଏ ଦାଡ୍‌ତାନ୍ ।

୩୨ ଆମ୍ ସାର୍‌ତିଗି ଶ୍ରୀଷ୍ଟ, ଇସ୍ରାଏଲ୍‌ରାଃ ରାଜାତାନ୍‌ମେ ରେଦ୍, କୁଶ୍‌ଏତେ ନାହାଁଃ ଆଡ୍‌ଗୁନ୍‌କାଏ, ଆତଃ ଏନା ନେଲ୍‌କେଦ୍‌ତେବୁ ବିଶ୍ୱାସୀତେଆଃ ।” ଆତଃ ଇନିଃଲଃ କୁଶ୍ରେ କିଲାକାନ୍‌କିନ୍ ଇନିଃକେକିନ୍ ହିଲାଙ୍ଗ୍‌କିୟା ।

ୟୀଶୁଆଃ ଗନଏଃ

(ମାଥୂଉ ୨୭:୪୫-୫୬; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୩୩ ଡିକିନ୍‌ସିଙ୍ଗକରେ ତିନ୍‌ପାଣ୍ଟା ଜାକେଦ୍ ଗଟା ଦିଶୁମ୍ ନୁବଃୟାନା ।

୩୪ ଆତଃ ତିନ୍‌ବାଜେ ଯୀଶୁ ପୁରାଃଗି କାଉରିକେଦ୍‌ତେ କାଜିକେଦାଏ, “ଏଲୋଇ ଏଲୋଇ ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ୍, “ଏ ଆଇଁୟାଃ ପାର୍‌ମେଶ୍ୱାର୍, ଏ ଆଇଁୟାଃ ପାର୍‌ମେଶ୍ୱାର୍, ତିନାଃମେନ୍ତେ ଆଇଙ୍ଗ୍‌କେ ବାଗିକିଦିୟାମ୍ ?”

୩୫ ଏନ୍ ଜାପାଃରେ ତିଙ୍ଗୁଆକାନ୍‌କଏତେ ଚିମିନ୍ ହଡ଼କ ନେଆଁ ଆୟୁମ୍‌କେଦ୍‌ତେ କାଜିକେଦା, “ଆୟୁମେପେ, ଇନିଃ ଏଲିୟକେ ହାକାଅତାନ୍ ।”

୩୬ ଇନକୁଏତେ ମିଆଁଦ୍‌ନିଃ ନିର୍‌କେଦ୍‌ତେ ସ୍ତଞ୍ଜକେ ମେହେର୍ ରାସିରେ ତୁପୁକେଦାଏ ଆତଃ ଏନାକେ ମିଆଁଦ୍ ସଟାରେ ଗୁଡୁକେଦ୍‌ତେ ଯୀଶୁକେ ନୁଁଇ ନାଗେନ୍ତେ ଏମ୍‌କିୟାଏ, ଆତଃ ମେନ୍‌କେଦାଏ, “ରାହା କୁଶ୍‌ଏତେ ଇନିଃକେ ଆଡ୍‌ଗୁ ନାଗେନ୍ତେ ଏଲିୟ ହିଜୁଃତାନାଏ ତି କାହା ନେଆଁବୁ ନେଲେଆ ।”

୩୭ ଯୀଶୁ ପୁରାଃଗି କାଉରିକେଦାଏ ଆତଃ ଜୀଉତାୟାଃ ଅଡ୍‌ଙ୍ଗ୍‌ୟାନା ।

୩୮ ମାନ୍‌ର ଅଡ଼ାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ତେତାନ୍‌ଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ୍‌ୟାନା ।

୩୯ କୁଶ୍‌ରାଃ ସାମ୍‌ନାଙ୍ଗ୍‌ରେ ତିଙ୍ଗୁଆକାନ୍ ସିପାଇକଆଃ ଗମ୍‌କେଽ ଯୀଶୁ ଚିଲ୍‌କାଏ ଗଏଃୟାନା, ଏନା ନେଲ୍‌କେଦ୍‌ତେ ମେନ୍‌କେଦାଏ, “ସାର୍‌ତିଗି ନେ ହଡ଼ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୪୦ *ଆତଃ ଏନ୍ତାଃରେ ଚିମିନ୍ କୁଡ଼ିକ ସାଙ୍ଗିନ୍‌ଏତେ ନେଲ୍‌ତାନ୍‌କ ତାଇକେନା । ଇନକୁଆଃ ଆଲାରେ ମାରିୟାମ୍ ମାଗ୍‌ଦାଲିନି, ହୁଡିଙ୍ଗ୍ ଯାକ୍‌ବ୍ ଆତଃ ଯୋସିରାଃ ଏଙ୍ଗାତେ ମାରିୟାମ୍, ଆତଃ ସାଲୋମିତେକ ତାଇକେନା ।

୪୧ ଇନକୁ, ଯୀଶୁ ଗାଲିଲ୍‌ରେ ତାଇକେନ୍ ଇମ୍‌ତା ଅତଙ୍ଗ୍‌ଇତାନ୍ ଆତଃ ସୁସାରିତାନ୍‌କ ତାଇକେନା । ଇନିଃଲଃ ଯୀରୁଶାଲେମ୍‌ତେ ହିଜୁଃକାନ୍ ପୁରାଃ ଏଟାଃ କୁଡ଼ିକହ ଏନ୍ତାଃରେ ତାଇକେନାକ ।

☆ ୧୫:୨୧ ରୋମି ୧୬:୧୩. * ୧୫:୨୪ ପାଞ୍ଜିଖାଡ଼ି † ୧୫:୨୫ ନାଅବାଜେ ଅରେୟାବାଜେ ‡ ୧୫:୨୮ ଚିମିନ୍ ମାରି ଅନଲ୍‌କରେ ନେ ବାଚାନ୍ ବାନଃଆ
☆ ୧୫:୨୯ ମାର୍କ ୧୪:୫୮; ଯୋହାନ୍ ୨:୧୯. § ୧୫:୩୯ ମିଦ୍‌ଶାଅ ସିପାଇକଆଃ ମାରାଙ୍ଗ୍ ☆ ୧୫:୪୦ ଲୁକ ୮:୨,୩.

ୟୀଶୁକେକ ତପାଇତାନା
(ମାଥୁଉ ୨୭:୫୭-୬୧; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୪୨ ଏନ୍‌ହୁଲାଙ୍ଗଦ ସାପ୍ତାହାନ୍ ହୁଲାଙ୍ଗ ତାଇକେନା, ଏନା ରୁଡନ୍ ହୁଲାଙ୍ଗରାଃ ସିଦାହୁଲାଙ୍ଗ ତାଇକେନା, ଆଡଃ ଆୟୁବ୍‌ୟାନଟି,

୪୩ ହାରାମାଥୁୟା ସାହାରରେନ୍ ଯୋଷେଫ୍, ଇନିଃଦ ଯିହୁଦୀକଆଃ ମାରାଙ୍ଗ ପାଞ୍ଚେଟ୍‌ରେନ୍ ମିଆଁଦ୍ ମାଇନାନ୍ ହଡ଼ ତାଇକେନାଏ, ଇନିଃହ ପାର୍‌ମେଶ୍‌ୱାର୍‌ଆଃ ରାଇଜ୍ ନେଲ୍ ହରାତାନ୍ ତାଇକେନାଏ, ଏନାମେନ୍ତେ ଇନିଃ ଜେତାଏକେ କାଏ ବରକେଦ୍‌ତେ ପିଲାତୁସ୍‌ତାଃତେ ବଲୟାନାଏ ଆଡଃ ଯୀଶୁଆଃ ଗଏଃ ହଡ଼୍‌ମ ଆସିକିୟାଏ ।

୪୪ ଯୀଶୁଆଃ ଜୀଉଟୁଣ୍ଡୁୟାନା ମେନ୍ତେ ଆୟୁକେଦ୍‌ତେ ପିଲାତୁସ୍ ଆକ୍‌ଦାନ୍‌ଆୟାନା । ଇନିଃ ସିପାଇକଆଃ ଗମ୍‌କେ କେ କେଡାକେଦ୍‌ତେ, ଚିୟାଃ ଇନିଃ ଗଏଃୟାନାଏ ମେନ୍ତେ ଇନିଃକେ କୁଲିକିୟାଏ ।

୪୫ ପିଲାତୁସ୍ ସିପାଇକଆଃ ଗମ୍‌କେୟାଃ କାଜିତେ ଏନା ଆଟ୍‌କାର୍‌କେଦ୍‌ତେ, ଇନିଃ ଯୀଶୁଆଃ ଗଏଃହଡ଼୍‌ମ ଯୋଷେଫ୍‌କେ ଏମକିୟାଏ ।

୪୬ ଯୋଷେଫ୍ ନିରାଲ୍ ଲିଜାଃ କିରିଙ୍ଗ୍‌କେଦ୍‌ତେ ଯୀଶୁକେ କୁଶ୍‌ଏତେ ଆଡ଼ଗୁକିଆଏ ଆଡଃ ଏନ୍ ଫାର୍‌ଟି ନିରାଲ୍ ଲିଜାଃରେ ପଟମ୍‌କିୟାଏ, ଆଡଃ ସେରେଙ୍ଗ୍‌ରେ* ଉରାକାନ୍ ତପାଗାଡାରେ ଗିଡ଼ିଃକିୟାଏ । ଏନ୍ତେ ଏନ୍ ଦୁଆର୍‌କେ ମିଆଁଦ୍ ମାରାଙ୍ଗ ଦିରିତେ ବାଟିକେସେଦ୍‌ତାଦାଏ ।

୪୭ ମାଗ୍‌ଦାଲିନି ମାରିୟାମ୍ ଆଡଃ ଯୋସିଆଃ ଏଙ୍ଗାତେ ମାରିୟାମ୍ ଇନିଃକେ ଅକ୍‌ତାଃରେ ତପାକିୟାକ ଏନାକିନ୍ ନେଲ୍‌କେଦା ।



ୟୀଶୁଆଃ ଜୀଉବିନିରିଦ୍
(ମାଥୁଉ ୨୮:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡନ୍ ହୁଲାଙ୍ଗ ସେନଃୟାନଟି ମାଗ୍‌ଦାଲିନି ମାରିୟାମ୍, ଯାକୁବ୍‌ରାଃ ଏଙ୍ଗାତେ ମାରିୟାମ୍, ଆଡଃ ସାଲୋମି ସେନ୍‌କେଦ୍‌ତେ ଯୀଶୁଆଃ ଗଏଃ ହଡ଼୍‌ମରେ ଗସଗେ ନାଗେନ୍ତେ ବୁଗିନ୍ ସହାନ୍ ସୁନ୍‌ମ୍‌ତେୟାଃ କିରିଙ୍ଗ୍‌କେଦାଃ ।

୨ ଏତଆର୍ ହୁଲାଙ୍ଗ ସେତାଃ ଇଦାନରେ ସିଙ୍ଗି ତୁରଃଲଃଗି ଇନ୍‌କୁ ତପାଗାଡା ଠାୟାଦ୍‌ତେ ସେନଃତାନ୍ ତାଇକେନାକ,

୩ ଆଡଃ ଇନ୍‌କୁ ଆକ ଆକରେ ମେପେନ୍‌ୟାନାକ, “ତପାଗାଡା ଦୁଆର୍‌ରେୟାଃ ପୁରାଃ ମାରାଙ୍ଗ ଦିରିକେ ଅକଏ ବାଟିଆତମାବୁଆଏ ?”

୪ ମେନ୍‌ଦ ଇନ୍‌କୁ ଏନ୍ ଦିରିକେ ଆତମ୍‌ବାଟିକାନ୍ ନେଲ୍‌କେଦାକ, ଏନାଦ ପୁରାଃ ମାରାଙ୍ଗ ଦିରି ତାଇକେନା ।

୫ ତପାଗାଡାରେକ ବଲୟାନଟି, ପୁଣ୍ଡି ଲିଜାଃ ତୁସିଙ୍ଗ୍‌ଆଁକାନ୍ ମିଆଁଦ୍ ସେପେଡେଦ୍‌କେ ଜମ୍‌ସାଃରେ ଦୁବାକାନ୍‌କ ନେଲ୍‌କିୟାଃ, ଆଡଃକ ଆକ୍‌ବାକାଆୟାନା ।

୬ ଇନିଃଦ ମେତାଦ୍‌କଆଏ, “ଆଲ୍‌ପେ ବରଏୟା, କୁଶ୍‌ରେ କିଲାଗଏଃୟାନ୍ ନାଜ୍‌ରେଡ୍‌ରେନ୍ ଯୀଶୁକେପେ ଦାଣ୍ଡାତାନା, ଇନିଃ ଜୀଉବିରିଦ୍‌ୟାନାଏ, ଇନିଃ ନେତାଃରେ ବାଙ୍ଗାୟା । ନେଲେପେ, ନେ ଠାୟାଦ୍‌ରେଗି ଇନିଃକେକ ବାଟିଆକାଇ ତାଇକେନା ।

୭*ମେନ୍‌ଦ ଜୁ ରୁହାଡ୍‌ପେ, ଆୟାଃ ଚେଲାକକେ ଆଡଃ ପାଡ୍‌ରାସ୍‌କେ ଉଦୁବାକପେ, ଆପେଏତେ ଆୟାର୍‌ରେ ଇନିଃ ଗାଲିଲ୍‌ତେ ସେନଃତାନା, ଇନିଃ କାଜିୟାଦ୍‌ପେ ଲେକା ଏନ୍ତାଃରେ ଇନିଃକେପେ ନେଲିୟା ।”

୮ ଆଡଃ ଇନ୍‌କୁ ଅତଙ୍ଗ୍‌ୟାନଟି ବରତାନ୍ ଆଡଃ ଏକ୍‌ଲାଅଃତାନ୍‌ଲଃ ତପାଗାଡାତାଃଏତେକ ନିରୟାନା । ଇନ୍‌କୁକେଦ ବରଡେଦାଅ ହରାତେ ଜେତାଏକେ ଜେଡ୍‌ନାଃ କାକ କାଜିୟାଦ୍‌କଆ ।

ୟୀଶୁ ବାରହଡ୍ ଚେଲାକିନ୍‌ତାଃରେ ଉଦୁବେନ୍‌ୟାନାଏ
(ଲୁକ ୨୪:୧୩-୩୫; ମାଥୁଉ ୨୮:୯-୧୦; ଲୁକ ୨୪:୧୦-୧୧; ଯୋହାନ୍ ୨୦:୧୧-୧୮)

୯ ଯୀଶୁ ହାପ୍ରାରାଃ ପାହିଲାହୁଲାଙ୍ଗ ସେତାଃଇଦାନରେ ଜୀଉବିରିଦ୍‌କେଦ୍‌ତେ, ଇନିଃ ସିଦାତେ ମାଗ୍‌ଦାଲିନି ମାରିୟାମ୍‌ତାଃରେ ଉଦୁବେନ୍‌ୟାନା, ଇନିଃତାଃଏତେ ସାଡ଼ୁ ବଙ୍ଗାକକେ ଅତଙ୍ଗ୍‌କାକ ତାଇନା ।

୧୦ ଇନିଃ ସେନ୍‌ୟାନ୍ତେ ଯୀଶୁଲଃ ତାଇକେନ୍‌କକେ ଉଦୁବାଦ୍‌କଆଏ । ଇନ୍‌କୁଦ ରାଆଃତାନ୍ ଆଡଃ ଏୟମ୍‌ତାନ୍‌କ* ତାଇକେନା ।

୧୧ ଇନିଃ ଇନ୍‌କୁକେ ଯୀଶୁ ଜୀଉବିରିଦାକାନାଏ ଆଡଃ ଆୟାଃତାଃ ଉଦୁବେନ୍‌ୟାନାଏ ନେଆଁ କାଜିକେଦ୍‌କଆଏ, ମେନ୍‌ଦ ଇନ୍‌କୁ ଇନିଃକେ କାକ ବିଶ୍ୱାସକିୟାଃ ।

୧୨ ଏନ୍ ତାୟମ୍‌ତେ, ଇନ୍‌କୁଏତେ ବାରହଡ୍, ହାତୁଡେକିନ୍ ରୁହାଡ୍‌ତାନ୍ ଦିପିଲିରେ, ଯୀଶୁ, ଏଗାଃ ମେଦ୍‌ମୁହାଁଡ୍‌ୟାନ୍ତେ ଇନ୍‌କିନ୍‌ତାଃ ହରାରେ ଉଦୁବେନ୍‌ୟାନାଏ ।

* ୧୫:୪୭ ଦିରିତେ ପେରେକାକାନ୍ ବୁରୁ ✪ ୧୭:୭ ମାଥୁଉ ୨୭:୩୨; ମାର୍କ ୧୪:୨୮. * ୧୭:୧୦ କୁସୁଦ୍ କୁସୁଦ୍ ରାଆଃ

^{୧୩} ଇନ୍କିନ୍ ରୁହାଡ଼କେଦ୍‌ତେ ଏଟାଃ ଚେଲାଇକେ ଏନା ଉଦୁବାଦକଆକିନ୍, ମେନ୍‌ଦ ଇନ୍‌କୁ ଇନ୍କିନାଃ କାଜିୟଃ କାକ ବିଶ୍ୱାସକେଦାଃ ।

ୟୀଶୁ ଏଗାରାଝାନକତାଃ ଉଦୁବେନ୍‌ତାନାଏ
(ମାଥୱ ୨୮:୧୭-୨୦; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିତ୍ ୧:୬-୮)

^{୧୪} ତାୟମ୍‌ତେ ଯୀଶୁ ଏଗାରାଝାନ ଚେଲାଇକତାଃରେ ଜମ୍‌କ ଦୁବାକାନ୍ ଦିପିଲିରେ ଉଦୁବେନ୍‌ୟାନାଏ ଆଡ଼ଃ ଅକନ୍‌କ ଇନିଃକେ ଜୀଉବିରିଦାକାନ୍ ନେଲ୍‌କାଇ ତାଇକେନାକ, ଇନ୍‌କୁଆଃ କାଜିକକେ କାକ ବିଶ୍ୱାସକେଦା ଆଡ଼ଃ ଇନ୍‌କୁଆଃ କେଟେଦମନ୍ ନାଗେନ୍ତେ ଇନିଃ ଇନ୍‌କୁକେ ମାରାଙ୍ଗମଚାକେଦକଆଏ ।

^{୧୫} *ଇନିଃ ଇନ୍‌କୁକେ ମେତାଦକଆଏ, “ଜୁ ଗଟା ଅତେଦିଶୁମ୍‌ତେପେ ଆଡ଼ଃ ସବେନ୍ ହଡ଼କକେ ନେ ସୁକୁକାଜି ଉଦୁବାକପେ ।

^{୧୬} ବିଶ୍ୱାସେନିଃ ଆଡ଼ଃ ବାପ୍ତିସ୍ମାଅଃନିଃ ବାସ୍ତାଅଃଆଏ, ମେନ୍‌ଦ କା ବିଶ୍ୱାସେନିଃ ବିଚାରକେଦ୍‌ତେ ପାର୍‌ମେଶ୍ୱାର୍‌ତାଃଏତେ ସାଜାଇ ନାମେୟାଏ ।

^{୧୭} ବିଶ୍ୱାସତାନକକେଦ ପେଡେଃକରାଃ କାମି ନାଗେନ୍ତେ ପେଡେଃ ଏମଃଆ; ଇନ୍‌କୁ ଆଇଁୟାଃ ନୁତୁମ୍‌ତେ ବଙ୍ଗାକ ହାରଅଡ଼ଙ୍ଗକଆ, ଇନ୍‌କୁ ନାଝା ଜାଗାରକ ବାଘାଁଣେଆ ।

^{୧୮} ଇନ୍‌କୁ ବିଙ୍ଗକକେ ହାଲାଙ୍ଗକରେ ଚାଏ ମାହୁଁରାକ ନୁଁଏରେଅଃ ଜେତାକାକ ରିକାଅଆଃ, ଇନ୍‌କୁ ଦୁକୁହାସୁତାନକଆଃ ଚେତାନରେ ଆକଆଃ ଡିଃଇକ ଦହଲେରେ, ଇନ୍‌କୁ ବୁଚିଅଃଆକ ।”

ୟୀଶୁ ସିର୍ମାତେ ସେନଃତାନାଏ
(ଲୁକ ୨୪:୫୦-୫୩; ପ୍ରେରିତ୍ ୧:୯-୧୧)

^{୧୯} *ୟୀଶୁ ପ୍ରାଭୁ ନେଆଁ କାଜିକେଦକଟି, ସିର୍ମା ଦିଶୁମ୍‌ତେ ଇଦିୟାନା ଆଡ଼ଃ ଇନିଃ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବ୍‌ୟାନାଏ ।

^{୨୦} ଏନ୍ତେ ଚେଲାଇ ସେନଃୟାନ୍ତେ ସବେନ୍‌ତାଃରେ ପାର୍‌ଚାରକେଦାଃକ, ଆଡ଼ଃ ପ୍ରାଭୁ ଇନ୍‌କୁଲଃ କାମିକେଦାଏ ଆଡ଼ଃ ଆୟାଃ ଉଦୁବଃତାନ୍ କାଜିକେ ଚିହ୍ନାତେ ସାର୍‌ତି ତାନାଃ ମେନ୍ତେ ପକ୍‌ତାକେଦାଏ ଆଡ଼ଃ ଗାଝା ଏମ୍‌କେଦାଏ ।†

* ୧୭:୧୫ ପ୍ରେରିତ୍ ୧:୮. † ୧୭:୧୯ ପ୍ରେରିତ୍ ୧:୯-୧୧. ‡ ୧୭:୨୦ ଚିନିନ୍ ମାରି ଅନଲ୍‌କରେ ୯-୨୦ ପାଦ୍ ବାନଃଆ

ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲୀକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିଚାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ୍ ଆତଃ ସବେନ୍ ହଡ଼କଆଃ ଜୀଉ ବାସ୍ତାଅ ଆତଃ ନାରାଦୁରାକଆଃ ଆୟାରରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ପାର୍ମେଶ୍ୱାର୍ଆଃ ଆମ୍ବଲଃ ହିଜୁଃୟାନାଏ ମେନ୍ତେ ଲୁକ ଅଲୀକାଦାଏ । ଏନାମେନ୍ତେ ନେ ସୁକୁକାଜିରେ ହଡ଼କଆଃ ନାଗେନ୍ତେ ଜୀଉରାଡ଼େଃରେୟାଃ କାଜି ପେରେଜାକାନା । ନେ ପୁଥିରେ ଆତଃମିଆଁଦ୍ ମାରାଜ୍ ଇନିତୁ ମେନାଃ, ଏନା ହବାଅଃତାନା ରାସ୍କା । ଯୀଶୁଆଃ ହିନିଜୁଃ ଆତଃ ଯୀଶୁ ଖ୍ରୀଷ୍ଟ୍ ସିର୍ମାତେ ସେନଃତାନ୍ ଇମ୍ତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡ଼କଆଃ ନାଗେନ୍ତେ ମିଆଁଦ୍ ରାସ୍କାନରେୟାଃ କାଜିତାନା ।

ନେ ସୁକୁକାଜିରେ ଆତଃ ଚିମିନ୍ ବିଷାଏକ ଅଲୀକାନା, ସିର୍ମା ଦୁଁଡ଼କଆଃ ଦୁରାଜ୍, ସିଚିଆ ଯୀଶୁକେ ମିଣ୍ଡିଗୁପିକ ସେନ୍କେଦ୍ତେ ନେଲ୍କିୟାକ, ମାନ୍ଦିର୍ ଅଡ଼ାଃରେ ପାଣ୍ଡିଡ଼କଲଃ ସିଚିଆ ଯୀଶୁଆଃ ଜାଗାର୍, ରୁଗିନ୍ ଶିମିରୋନିଆଃ କାଜି ଆତଃ କା ମାନାତିଜ୍ ହନ୍ଆଃ ଜନ୍କା, ନେ ସବେନାଃ ଏଟାଃ ସୁକୁକାଜିରେ କା ଅଲୀକାନା ।

ଲୁକ ଆତଃମିଆଁଦ୍ ପୁଥି ଅଲୀକାଦାଏ, ଏନା ହବାଅଃତାନା “ପ୍ରେରିଡ଼କଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡ଼କ ଚିଲ୍କା ପାସ୍ରାଅୟାନାକ ଏନ୍ ସବେନ୍ ବିଷାଏକ ଅଲୀକାନା । ବିନ୍ତି, ପାବିତାର୍ ଆମ୍ବା, ଯୀଶୁ ଖ୍ରୀଷ୍ଟିଆଃ ସୁକୁକାଜି ଉଦୁବ୍ ଦିପିଲିରେ କୁଡ଼ିକ ଚିଲ୍କା ଯୀଶୁଆଃ ଆତଃ ଚେଲକଆଃ ସେଝା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍ପୁଆ ।

ପୁଥି ଭିତରରେ ତାଇକାନ୍ କାଜି

- ୧. ଏନେଟେଦ୍ ବାଚାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଚିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ଚାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନ୍ରାଃ ବିନିଡ଼ାଅ । ୩:୨୧-୪:୧୩
- ୫. ଗାଲିଲ୍ରେ ଯୀଶୁଆଃ ପାର୍ଚାର୍ ଆତଃ ସେଝାକାମି । ୪:୧୪-୯:୫୦
- ୬. ଗାଲିଲ୍ହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦ୍ରେୟାଃ ହାତୁକରେ ଚୁଣ୍ଡ ହାପ୍ରା ଇମ୍ତା ଯୀଶୁଆଃ କାମି । ୧୯:୨୮-୨୩:୫୨
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲକତାଃରେ ଉଦୁବେନ୍ ଆତଃ ସିର୍ମାତେ ସେନଃ । ୨୪:୧-୫୩

ପାରିଚାଏ

୧ ହେ ଦୁଲୀଡ଼୍ ଥୁଅଫିଲ୍,

ପୁରାଃ ହଡ଼କ ଆଲେ ଆଲୀରେ ହବାକାନ୍ ଯୀଶୁ ଖ୍ରୀଷ୍ଟିଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନ୍କାଜିକ ଅଲ୍ ନାଜ୍ ସାନାଜ୍କାଦାକ ।

୨ ଅକନ୍କଚି ନେ ହବାକାନ୍ ବିଷାଏକେ ଏନେଟେଦ୍ଏତେ ନେଲୀକାଦାଃକ ଆତଃ ହଡ଼କତାଃରେ ନେୟାଁ ଉଦୁବ୍କେଦାଃକ, ଏନ୍ ହଡ଼କତାଃଏତେ ଅକନ୍ ବିଷାଏଲେ ଇତୁଆକାନା ଏନ୍କାଜି ଇନ୍କୁ ଅଲୀକାଦାଃକ ।

୩ ଏ ମାଇନାନ୍ ଥୁୟଫିଲ୍ସ, ଏନାନାଗେନ୍ତେ ଆଇଜ୍ ନେ ସବେନ୍ କାଜି ମୁଲ୍ଏତେ ରୁଗିଲେକା କୁଲିନାମ୍ ବାଡ଼ାକେଦ୍ତେ ସାରିକାଦାଈଜ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଥି ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଜ୍କେଦାଆଇଜ୍,

୪ ଜେଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମ୍ଦାଡ଼ିୟାଃ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍ ଉଦୁବଃତାନା

୫ ଯିହୁଦା* ଦିଶୁମ୍ରେନ୍ ରାଜା ହେରୋଦ୍ଆଃ ଦିପିଲିରେ ଅବିୟଆଃ ଯାଜାକ୍ ଝୁଣ୍ଡରେନ୍ ଜାଖ୍ରିୟା ନୁଡୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଘାର୍ନି ଏଲିଶାବେଥ୍, ଇନିଃ ହାରୁନ୍ଆଃ କିଲିରେନ୍ ତାଇକେନାଏ ।

୬ ଏନ୍ ବାରାନ୍କିନ୍ ପାର୍ମେଶ୍ୱାର୍ଆଃ ସାମ୍ନାଜ୍ରେ ଧାର୍ମାନ୍ ଆତଃ ପ୍ରାଭୁଆଃ ସବେନ୍ ଆନ୍ତୁ ଆତଃ ରିତିରିଝାଜ୍ ବେଗାର୍ ଚିଟାତେ ରୁଗିଲେକା ମାନାତିଜ୍ ତାଇକେନାକିନ୍ ।

୭ ମେନ୍ଦ୍ ଇନ୍କିନାଃ ହନ୍ଗାଁଶା କାକ ତାଇକେନା, ଚିୟାଃତି ଏଲିଶାବେଥ୍ ଚଶିର୍† ତାଇକେନାଏ, ଆତଃ ବାରାନ୍କିନ୍

* ୧:୫ ପାଲେଷ୍ଟାଇନ୍ରେୟାଃ ଗଟା ଦିଶୁମ୍ରେକେ କାଜିୟାଃକ † ୧:୭ ଚଶିର୍ ବାଁଝେନ୍

ହାଡ଼ାମ୍ ବୁଢ଼ାଆକାନ୍‌କିନ୍ ତାଇକେନା ।

୮ ଜାଖ୍‌ରିୟା, ଆୟାଃ ଝୁଣ୍ଡ୍‌ରେୟାଃ ପାଲି ଲେକାତେ ମାନ୍‌ହିର୍ ଅଡ଼ାଃରେ ପାର୍‌ମେଶ୍‌ବାର୍‌ଆଃ ସାମ୍‌ନାଙ୍‌ରେ ଯାଜାକ୍ କାମି କାମିତାନ୍ ଇମତା,

୯ ଯାଜାକ୍‌କଆଃ କାମିରେୟାଃ ରିତିଲେକାତେ ପାଞ୍ଜିଖାଡ଼ିଲଃ ଇନିଃକେ ପାର୍‌ମେଶ୍‌ବାର୍‌ଆଃ ମାନ୍‌ହିର୍ ଅଡ଼ାଃରେ ବଲକେଦ୍‌ତେ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଲାଗାତିଙ୍‌ୟାନା ।

୧୦ ଆଡ଼ଃ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡକ ମାନ୍‌ହିର୍ ଅଡ଼ାଃରାଚାରେ ବିକ୍ରିତାନ୍‌କ ତାଇକେନା ।

୧୧ ଇମ୍‌ତାଙ୍‌ ଜାଖ୍‌ରିୟାରାଃ ଆୟାରରେ ପାର୍‌ମେଶ୍‌ବାର୍‌ଆଃ ଦୁଁଡ୍ ଉଦୁବେନ୍‌ୟାନାଏ ଆଡ଼ଃ ଧୁଆନ୍ ଉରୁବ୍ ବେଦିରେୟାଃ ଜମ୍‌ସାଃରେ ତିଙ୍‌ୟାନାଏ ।

୧୨ ଜାଖ୍‌ରିୟା ଇନିଃକେ ନେଲକେଦ୍‌ତେ ଆକ୍‌ଦାନ୍‌ଆୟାନା ଆଡ଼ଃ ବରକେଦାଏ ।

୧୩ ମେନ୍‌ଦ ଦୁଁଡ୍ କାଜିକିୟାଏ, “ଏ ଜାଖ୍‌ରିୟା ! ଆଲ୍‌ମେ ବରୟାଃ, ଆମାଃ ବିକ୍ରିଦ ପାର୍‌ମେଶ୍‌ବାର୍‌ତାଃ ଆୟୁମ୍‌ୟାନା । ଆମାଃ ଘାର୍‌ନି ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡ଼ାହନ୍‌ଆଏ ଜାନାମ୍‌ୟା, ଆଡ଼ଃ ଇନିଃକେ ଯୋହାନ୍ ମେନ୍ତେପେ ନୁତୁମ୍‌ୟା ।

୧୪ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆଡ଼ଃ ଆୟାଃ ଜାନାମ୍‌ରେ ପୁରାଃ ହଡକ ରାସକାଞ୍ଜାଃକ ।

୧୫ ଇନିଃଦ ପାର୍‌ମେଶ୍‌ବାର୍‌ଆଃ ନେପେଲ୍‌ରେ ମାରାଙ୍‌ଅଃଆଏ, ଇନିଃ ଦାଖ୍‌ରାସି ଚାଏ ବୁଲଃତେୟାଃ ଚିଉଲ୍‌ହ କାଏ ନୁଁଏୟା ଆଡ଼ଃ ଇନିଃ ଏଙ୍ଗାତେୟାଃ ଲାହିଦ୍‌ତେଗି ପାବିତାର୍ ଆମ୍‌ତେ ପେରେଜଃଆଏ,

୧୬ ଆଡ଼ଃ ଇନିଃ ଇସ୍ରାଏଲ୍ ହଡକଆଃଏତେ ପୁରାଃ ହଡକକେ ପାର୍‌ମେଶ୍‌ବାର୍ ଆକଆଃ ପ୍ରାଭୁସାଃତେ ରୁହାଡ୍ ହିଜୁଃନାଙ୍ ଦେଙ୍ଗାକଞ୍ଜାଏ ।

୧୭ ଆଡ଼ଃ ଆପୁକଆଃ ମନ୍ ହନ୍‌କସାଃ ଆଡ଼ଃ କା ମାନାତିଙ୍‌ ତାନ୍‌କକେ ଧାର୍‌ମାନ୍‌କଆଃ ସେଣ୍‌ସାଃ ରୁହାଡ୍‌କଆଏ ଆଡ଼ଃ ପ୍ରାଭୁନାଙ୍ ମିଆଁଦ୍ ବାଈସେକାଡ଼ାକାନ୍ ହଡକେ ବାଈନାଗେନ୍ତେ ଇନିଃ ଏଲିୟାଃଆ ଆମ୍ ଆଡ଼ଃ ପେଡ଼େଃତେ ଇନିୟାଃ ସାମ୍‌ନାଙ୍‌ରେ ସେନେୟାଏ ।”

୧୮ ନେ କାଜି ଆୟୁମ୍ କେଦ୍‌ତେ, ଜାଖ୍‌ରିୟା ଦୁଁଡ୍‌କେ କାଜିକିୟାଏ, “ଆମ୍ ଅକ୍‌ନାଃ କାଜିତାନାମ୍, ଏନା ସାର୍‌ତି କାଜି ମେନ୍ତେ ଚିଲ୍‌କାଈଙ୍ ସାରିୟାଃ ? ଆଇଙ୍‌ଦ୍ ହାଡ଼ାମ୍ ଯାନାଈଙ୍ ଆଡ଼ଃ ଆଇଁୟାଃ ଘାର୍‌ନିୟଗି ବୁଡି ଯାନାଏ ।”

୧୯ ସିର୍ମାରେନ୍ ଦାସି କାଜିରୁହାଡ୍‌କିୟାଏ, “ଆଇଙ୍‌ ଗାବ୍‌ସିଲ୍ ଦୁଁଡ୍ ତାନିଙ୍, ପାର୍‌ମେଶ୍‌ବାର୍‌ଆଃ ସାମ୍‌ନାଙ୍‌ରେ ତିଙ୍‌ନିଃ ତାନିଙ୍ ଆଡ଼ଃ ଆମ୍‌କେ ନେ ସୁକୁକାଜି ଉଦୁବ୍ ନାଗେନ୍ତେ ପାର୍‌ମେଶ୍‌ବାର୍ ଆଇଙ୍‌କେ କୁଲ୍‌କାଈଙ୍‌ୟାଏ ।

୨୦ ନାହାଁଃ ଆୟୁମେମ୍, ନେ ସବେନ୍ ସାର୍‌ତି କାଜି କା ପୁରାଃଆଃ ଜାକେଦ୍ ଆମ୍ ବାଗାଁଣ୍ କାମ୍ ଦାଡ଼ିୟାଃ ଚିୟାଃଚି ଆଇଁୟାଃ କାଜିରେ ଆମ୍ କାମ୍ ପାଡିୟାଃଃ କେଦାଃ, ଏନାଦ୍ ଠିକ୍ ନେଡାରେଽ ପୁରାଃଆଃ ।”

୨୧ ଇମ୍‌ତାଙ୍ ହଡକ ଜାଖ୍‌ରିୟାକେ ନେଲହରାଈତାନ୍‌କ ତାଇକେନା ଆଡ଼ଃ ଇନିଃ ମାନ୍‌ହିର୍ ଅଡ଼ାଃଏତେ ଜାଲ୍‌ଦି କାଏ ଅଡ଼ଙ୍‌ଆଃତାନ୍ ନେଲକେଦ୍‌ତେ ଇନ୍‌କୁ ଆକ୍‌ଦାନ୍‌ଆଃ ତାଇକେନାକ ।

୨୨ ଚିମ୍‌ତାଙ୍ ଜାଖ୍‌ରିୟା ଅଡ଼ଙ୍‌ୟାନା, ଇନିଃ ଇନ୍‌କୁକେ ଜେଡ୍‌ନାଃ କାଜି କାଏ ଦାଡ଼ିକେନା । ଏନାତେ ଇନ୍‌କୁ ଆବ୍‌କାର୍ କେଦାଃକ ଯେ ଇନିଃ ମାନ୍‌ହିର୍ ଭିତାର୍‌ରେ ଜେତାଏୟାଃ ଦାଃଗାନ୍‌ନାଏ ନେଲ୍‌କାଦା, ଚିୟାଃଚି ଇନିଃ ଇନ୍‌କୁକେ ତିଃଇତେ ଉଦୁବ୍‌କତାନ୍ ତାଇକେନାଏ ଆଡ଼ଃ କାଏ ବାଗାଁଣ୍ ଦାଡ଼ିକେଦା ।

୨୩ ଜାଖ୍‌ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍‌ଚି ଇନିଃ ଅଡ଼ାଃତେ ରୁହାଡ୍‌ୟାନାଏ ।

୨୪ ନେଆଁ ତାୟମ୍‌ତେ ଜାଖ୍‌ରିୟାରାଃ ଘାର୍‌ନି ଏଲିଶାବେଥ୍ ହାମ୍‌ଲ୍ ରୋଞ୍ଜାୟାନାଏ । ଆଡ଼ଃ ଇନିଃ ପାଞ୍ଚ ମାହିଁନା ଜାକେଦ୍ ଜେତାଏକେ ଜେଡ୍‌ନାଃ କାଏ କାଜିକେଦ୍‌କଆ ।

୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ବୁଣ୍ଡ୍‌ରେ ପାର୍‌ମେଶ୍‌ବାର୍ ଆଇଙ୍‌ ନାଙ୍ ନେଆଁ ରିକାକାଦାଏ । ହଡକଆଃ ଆଲାରେ ଆଇଁୟାଃ ଗିହୁଃ ଆତମେ ନାଗେନ୍ତେ ପ୍ରାଭୁ ଆଇଙ୍‌କେ ଦେଙ୍ଗାକେଦିୟା !”

ୟାଶୁଆଃ ଜାନାମ୍ ଉଦୁବଃତାନା

୨୬ ଏଲିଶାବେଥ୍‌ଆଃ ହାମ୍‌ଲ୍‌ରୋଞ୍ଜାରାଃ ଛ ମାହିଁନା ତାୟମ୍‌ତେ ପାର୍‌ମେଶ୍‌ବାର୍ ଗାବ୍‌ସିଲ୍ ନୁତୁମ୍ ମିଆଁଦ୍ ସିର୍ମାରେନ୍ ଦୁଁଡ୍‌କେ ଗାଲିଲ୍‌ରେୟାଃ ନାଜ୍‌ରେଡ୍ ନାଗାର୍‌ତେ ମିଆଁଦ୍ ତିଶ୍‌କାକ୍‌ଡ଼ିତାଃତେ କୁଲ୍‌କିୟାଏ,

୨୭ ଏନ୍ ତିଶ୍‌କାକ୍‌ଡ଼ିଦ ଦାଉଦ୍‌ଆଃ କିଲିରେନ୍ ଯୋଷେଫ୍ ନୁତୁମ୍ ମିଆଁଦ୍ ହଡକାଙ୍ ଆସିଆକାନାଏ ତାଇକେନା, ଇନିୟାଃ ନୁତୁମ୍ ମାରିୟାମ୍ ତାଇକେନା ।

୨୮ ସିର୍ମାରେନ୍ ଦୁଁଡ୍ ଇନିୟାଃ ଅଡ଼ାଃତେ ବଲକେଦ୍‌ତେ କାଜିକିୟାଏ, “ଏ ଲିବୁଈୟାକାନ୍‌ନିଃ, ଆମ୍‌କେ ଜହାର୍ ! ପ୍ରାଭୁ ଆମ୍‌କେ ପୁରାଃଗି ଲିବୁଈୟା କାଦ୍‌ମେୟାଏ ଆଡ଼ଃ ଇନିଃ ଆମାଃଲଃ ମେନାଈୟାଃ !”

‡ ୧:୨୦ ପାଡିୟାଃ ବିଶ୍ୱାସ § ୧:୨୦ ନେଡାରେ ଦିପିଲିରେ ☆ ୧:୨୨ ମାଥୁର ୧:୧୮.

୨୯ ମେନ୍ଦ ଦ ମାରିୟାମ୍ ଇନିୟାଃ କାଜିତେ ପୁରାଃଗି ଆକ୍‌ଦାନ୍‌ଅୟାନା, ଆତଃ ନେୟାଁ ଚିଲ୍‌କାନ୍ ଜହାର୍ ତାନାଃ ମେନ୍ତେ ଆୟାଃ ମନ୍‌ରେ ଉଡ଼ୁତାନାଏ ତାଇକେନା ।

୩୦ ଏନାତେ ସିର୍ମାରେନ୍ ଦୁଁଡ଼ ଇନିଃକେ କାଜିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଃଚି ଆମ୍ ପାର୍‌ମେଶ୍‌ବରାଆଃ ଆୟାର୍‌ରେ ସାୟାଦ୍ ନାମାକାଦାମ୍ ।

୩୧ ✨ଆତଃ ନେଲେମେ, ଆମ୍ ହାମ୍‌ଲ୍ ରୋଝାଅଃଆମ୍ ଆତଃ ମିଆଁଦ୍ କଡ଼ାହନ୍‌ନାମ୍ ଜାନାମ୍‌ୟା ଆତଃ ଇନିଃକେ ଯାଶୁ ନୁତୁମ୍‌ୟାମ୍ ।

୩୨ ଇନିଃ ମାରାଙ୍ଗ୍‌ଅଃଆଏ ଆତଃ ହଡ଼କ ଇନିଃକେ ମାରାଙ୍ଗ୍ ଉତାର୍‌ନିୟାଃ ହନ୍ ମେନ୍ତେକ କାଜିୟାଃ ଆତଃ ପ୍ରାଭୁ ପାର୍‌ମେଶ୍‌ବର ଇନିଃକେ ଇନିୟାଃ ଆପୁତେ ଦାର୍‌ଦ୍ ରାଜାରାଃ ରାଜ୍‌ଗାଦି ଏମାଲୟା ।

୩୩ ଆତଃ ଇନିଃ ଜାନାଅଜାକେଦ୍ ଯାକୁବ୍‌ଆଃ କିଲିରେନ୍‌କଆଃ ରାଜା ତାଇନାଏ, ଇନିୟାଃ ରାଇଜ୍ ଚିତଲାଅ କା ବୁଣ୍ଡୁଆ !”

୩୪ ମାରିୟାମ୍ ସିର୍ମାରେନ୍ ଦୁଁଡ଼କେ କୁଲିକିୟାଏ, “ନେଆଁ ଚିଲ୍‌କାତେ ହବାଅଆଃ ? ଆଇଙ୍ଗ୍‌ଦ୍ ଜେତାନ୍ କଡ଼ାକେ କାଇଙ୍ଗ୍ ସାରିୟାକାଇଜାଃ ।”

୩୫ ସିର୍ମାରେନ୍ ଦୁଁଡ଼ ମାରିୟାମ୍‌କେ କାଜିରୁହାଡ଼କିୟାଏ, “ପାବିତାର୍ ଆମ୍ ଆମ୍‌ରେ ଆଡ଼ଗୁନାଏ ଆତଃ ମାରାଙ୍ଗ୍ ଉତାର୍‌ନିୟାଃ ପେଡ଼େଃ ଆମ୍‌କେ ଉମ୍‌ଲୁ* ମେୟାଏ । ଏନାନାଗେନ୍ତେ ଜାନାମଃତାନ୍ ହନ୍ ପାବିତାର୍ ହବାଅଆଏ ଆତଃ ପାର୍‌ମେଶ୍‌ବରାଆଃ ହନ୍ ମେନ୍ତେ ନୁତୁମଃଆଏ ।

୩୬ ଆତଃ ନେଲେମେ, ଆମାଃ ମିଶିମ୍ ଏଲିଶାବେଥ୍ ବୁଡ଼ିୟଃତାନ୍ ନେତାରେ ମିଆଁଦ୍ କଡ଼ାହନ୍ ଜାନାମ୍‌ୟାଏ, ଆତଃ ଇନିଃଦ୍ ଚିଟି† ମେନ୍ତେ କାଜିୟାଃତାନ୍ ତାଇକେନାଏ, ନାହାଁଃ ଇନିୟାଃ ହଡ଼ମଃତେୟାଃ ଛ ମାହ୍‌ନା ହବାଅଆତାନା ।

୩୭ ଚିୟାଃଚି ପାର୍‌ମେଶ୍‌ବରାଆଃ ଆୟାର୍‌ରେଦ୍ ଜାହାନ୍ କାଜି କା ହାମ୍‌ଲାଆଃ ।”

୩୮ ଏନ୍ତେ ମାରିୟାମ୍ କାଜିକିୟାଏ, “ନେଲେମେ, ଆଇଙ୍ଗ୍ ପାର୍‌ମେଶ୍‌ବରାଆଃ ଦାସି ତାନିଙ୍ଗ୍ ଆମାଃ କାଜିଲେକାଗି ଆଇଙ୍ଗ୍‌ରେ ହବାଅଃକା,” ଏନ୍ତେଦ୍ ଦୁଁଡ଼ ଇନିଃତାଃଏତେ ସେନଃୟାନାଏ ।

ଏଲିଶାବେଥ୍‌ଲଃ ମାରିୟାମାଃ ନେପେଲ୍

୩୯ ଏନ୍ତେ ମାରିୟାମ୍ ଏନ୍ ନେତାରେ ବିରିଦ୍‌ୟାନ୍‌ଲଃ ବୁରୁଦିଶୁମ୍ ଯିହୁଦା ରାଇଜ୍‌ରେୟାଃ ମିଆଁଦ୍ ସାହାର୍‌ତେ ଜାଲ୍‌ଦିଗି ସେନଃ ଦାବ୍‌ୟାନା ।

୪୦ ଇନିଃ ଜାଖ୍‌ରିୟାରାଃ ଅଡ଼ାଃତେ ବଲ୍‌ୟାନ୍‌ତି ଏଲିଶାବେଥ୍‌କେ ଧାନ୍ୟାବାଦ୍ ଏମ୍‌କିୟାଏ ।

୪୧ ଆତଃ ଏଲିଶାବେଥ୍ ମାରିୟାମ୍‌ଆଃ ଜହାର୍ ଆୟୁମ୍‌କେଦ୍‌ତି ଏଲିଶାବେଥ୍‌ଆଃ ଲାହିଦ୍‌ରେନ୍ ହନ୍ ଏନେଃକ୍‌କେଦାଏ ଆତଃ ଏଲିଶାବେଥ୍ ପାବିତାର୍ ଆମ୍‌ତେ ପେରେଃୟାନାଏ ।

୪୨ ଇନିଃ କାଉରିତାନ୍‌ଲଃ କାଜିକେଦାଏ, “ଆମ୍ କୁଡ଼ିକଆଃ ଆଲାରେମ୍ ଧାଇନ୍‌ଗିୟାଃ ଆତଃ ଆମ୍ ଜାନାମ୍‌ ହନ୍ ଧାଇନ୍‌ଗିୟାଏ !

୪୩ ମେନ୍ଦ୍ ଆଇଁୟାଃ ପ୍ରାଭୁଆଃ ଏଙ୍ଗାତେ ଆଇଙ୍ଗ୍‌ତାଃତେ ହିଜୁଆକାନାଏ, ଏନା ଆଇଙ୍ଗ୍ ନାଙ୍ଗ୍ ଚିଲ୍‌କାତେ ହବାକାନା ?

୪୪ ଚିୟାଃଚି, ନେଲେମେ, ଆମାଃ ଜହାର୍ ଆୟୁମ୍‌କେଦ୍‌ତି ଆଇଁୟାଃ ଲାହିଦ୍‌ରେନ୍ ହନ୍‌ଦ୍ ରାସ୍‌କାତେ ଏନେଃକ୍‌କେଦାଏ ।

୪୫ ଅକଏ ବିଶ୍ୱାସ୍‌କେଦାଏ ଇନିଃ ଧାଇନ୍‌ଗିୟାଏ, ଚିୟାଃଚି ପାର୍‌ମେଶ୍‌ବରାଆଃଏତେ ଇନିଃକେ କାଜିୟାକାନ୍ କାଜିଦ୍ ହବାଅଃଗିଆ !”

ମାରିୟାମ୍‌ଆଃ ମାନାରାଙ୍ଗ୍ ଦୁରାଙ୍ଗ୍

୪୬ ଆତଃ ମାରିୟାମ୍ କାଜିକେଦାଏ,

“ଆଇଁୟାଃ ମନ୍‌ସୁରୁଦ୍ ପ୍ରାଭୁକେ ମାରାଙ୍ଗ୍‌ଇତାନା;

୪୭ ଆତଃ ଆଇଁୟାଃ ଜୀଉ ବାଞ୍ଛାଅନିଃ ପାର୍‌ମେଶ୍‌ବରାଆଃରେ ରାସ୍‌କାଅଃତାନାଏ,

୪୮ ଚିୟାଃଚି ଇନିଃ ଆୟାଃ ଦାସିଆଃ ନାରାଦୁରାକେ ନେଲାକାଦାଏ !

ଆତଃ ନେଲେମେ, ନାହାଁଃଏତେ ସବେନ୍ ପାରିୟାରେନ୍ ହଡ଼କ ଆଇଙ୍ଗ୍‌କେ ସୁକୁତାନ୍‌ଗିୟାମେ ମେନ୍ତେକ ମେତାଇୟାଁ,

୪୯ ଚିୟାଃଚି ପେଡ଼େୟାନ୍ ପାର୍‌ମେଶ୍‌ବର ଆଇଁୟାଃନାଙ୍ଗ୍ ମାପ୍‌ରାଙ୍ଗ୍ କାମିକ କାମିୟାକାଦାଏ ।

ଇନିୟାଃ ନୁତୁମ୍ ପାବିତାର୍‌ଗିୟାଃ;

୫୦ ଆତଃ ଇନିଃକେ ବରତାନ୍‌କଆଃନାଙ୍ଗ୍ ଇନିୟାଃ ଦାୟା

ଇନ୍‌କୁଆଃ ପିଢ଼ି ପିଢ଼ି ଜାକେଦ୍ ଜାନାଅଗି ତାଇନାଃ ।

୫୧ ଇନିଃ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।

ଇନିଃ ମାରାଙ୍ଗ୍‌ୟେନ୍ ତାନ୍‌କକେ ଆକଆଃ ମନ୍‌ରେୟାଃ ଉଡ଼ୁଏତେ ଛିତିବିତିୟା କାଦ୍‌କଆଏ ।

✨ ୧:୩୧ ମାଥୁଉ ୧:୨୧. * ୧:୩୫ ଉମ୍‌ଲୁ ଆବ୍‌ରାଅ † ୧:୩୬

- ୫୨ ଇନିଃ ଆକଡେୟାର ନାମାକାଦ ପେଡେୟାନ୍ ରାଜାକକେ ରାଜଗାଦିଏତେ ଆଡ଼ଗୁଆ କାଦକଆଏ, ଆଡ଼ଃ ନାରାଦୁରାକକେ ଚେତାନ୍ତେ ରାକାବା କାଦକଆଏ ।
- ୫୩ ଇନିଃ ରେକ୍ଷେଜାକାନ୍କକେ ବୁଗିନ୍ ବିଷାଏତେ ବିୟାକାଦକଆଏ, ଫେନ୍ଦ କିସାଣ୍ ହଡକକେ ସାମା ତିଃଇଗି କୁଲୁହାଡ଼ କାଦକଆଏ ।
- ୫୪ ଆବୁଆଃ ପୁରଖାହାଡ଼ାମକକେ କାଜିୟାକାଦକ ତାଇକେନ୍ ଲେକା, ଇନିଃ ଆୟାଃ ଦାସି ଆବ୍ରାହାମ୍ ଆଡ଼ଃ ଇସ୍ରାଏଲ୍ ହଡକକେ ଦାୟା କାଦକଆ ।
- ୫୫ ଇନିଃ ଜାନାଅ ଜାନାଅ ନାଗେନ୍ତେ ଆବ୍ରାହାମ୍ ଆଡ଼ଃ ଆୟାଃ ସବେନ୍ କିଲିକକେ ଲିନିବୁଇ ଉଦୁବ୍ ନାଗେନ୍ତେ କାଏ ରିଡ଼ିଙ୍ଗକାଦା ।”
- ୫୬ ମାରିୟାମ୍ ଆପି ମାହିଁନା ଜାକେଦ୍ ଏଲିଶାବେଥୁଆଃ ଅଡ଼ାଃରେ ତାଇନ୍ୟାନାଏ, ତାୟମ୍ତେ ଆୟାଃ ଅଡ଼ାଃତେ ରୁହାଡ଼ୟାନାଏ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍

- ୫୭ ଏଲିଶାବେଥୁଆଃ ହନ୍ଜାନାମ୍ ଦିପିଲି ସେଟେରୟାନା, ଆଡ଼ଃ ଇନିଃ ମିଆଁଦ୍ କଡ଼ାହନ୍ ଜାନାମକିୟାଏ ।
- ୫୮ ଆଡ଼ଃ ପାର୍ମେଶ୍ଵାର୍ ଯେ ଏଲିଶାବେଥୁକେ ପୁରାଃଗି ଲିବୁଇୟାକାୟାଏ ଫେନ୍ତେ ଆୟୁମ୍କେଦ୍ତେ ଆୟାଃ ହପରଜାପାଃରେନ୍ ହଡକ ଆଡ଼ଃ ପାରିବାରରେନ୍କ ଆୟାଃଲଃକ ରାସକାୟାନା ।
- ୫୯ ହନ୍ ଜାନାମ୍ରେୟାଃ ଇରାଲିୟା ମାହିଁରେ ଇନ୍କୁ ବାଲେଃହନ୍କେ ଖାଡ଼ନାଅ ନାଗେନ୍ତେକ ହିଜୁଃୟାନା, ଆଡ଼ଃ ଆୟାଃ ଆପୁଡେୟାଃ ନୁଡୁମ୍ଲେକା ଆଇଃକକେ ଜାଖରିୟା ଫେନ୍ତେ ନୁଡୁମ୍ ତାନ୍କ ସାନାଙ୍ଗ୍ ତାଇକେନା,
- ୬୦ ଫେନ୍ଦ ଇନିୟାଃ ଏଙ୍ଗାତେ କାଜିକେଦାଏ, “ବାନଃଗି ଇନିଃକେ ଯୋହାନ୍ ନୁଡୁମଃଆ ।”
- ୬୧ ଇନ୍କୁ ଏଲିଶାବେଥୁକେ କାଜିକିୟାଃକ, “ଆପେୟାଃ କିଲିରେନ୍ ହାଗା ହନ୍କରେ ଜେତାଏୟାଃ ନୁଡୁମ୍ ନେ ଲେକା ବାନଃଆ !”
- ୬୨ ଏନ୍ତେ ଏନ୍ ସିଟିଆକେ ଚିକାନ୍ ନୁଡୁମ୍ ନୁଡୁମଃଆ ଫେନ୍ତେ ଆୟାଃ ଆପୁଡେ ସାନାଙ୍ଗ୍ତାନାଏ, ଏନା ସାରିନାଙ୍ଗ୍ ଆପୁଡେକେ ତିଃଇତେକ କୁଲିକିୟାଃ ।
- ୬୩ ନେୟାଁ ଆୟୁମ୍କେଦ୍ତେ ଆପୁଡେ ମିଆଁଦ୍ ତାକଡ଼ାଃ ଆସିକେଦ୍ତି, “ବାଲେଃହନ୍ଆଃ ନୁଡୁମ୍ ଯୋହାନ୍ ତାନାଃ” ଫେନ୍ତେ ଅଲ୍ଲକେଦାଏ, ଏନାତେ ସବେନ୍କ ଆକ୍ଦାନ୍ଦାୟାନାକ ।
- ୬୪ ଆଡ଼ଃ ଇମ୍ତାଗି ଇନିୟାଃ ମଟା ଆଡ଼ଃ ଆଲାଙ୍ଗ୍ ରାଡ଼ାୟାନା ଆଡ଼ଃ ଇନିଃ ଆଡ଼ଃମିସା ବାଖାଣ୍ ଏଟେଦ୍କେଦ୍ତେ ପାର୍ମେଶ୍ଵାର୍କେ ଧାନାବାଦ୍ ଏମକିୟାଏ ।
- ୬୫ ଏନାତେ ଇନ୍କୁଆଃ ସବେନ୍ ହପରଜାପାଃରେନ୍କ ବରକେଦାଃକ, ଆଡ଼ଃ ସବେନ୍ କାଜି ଯିହୁଦା ଦିଶୁମ୍ରେୟାଃ ଗଟା ବୁରୁ ଦିଶୁମ୍ରେ ଉମିନ୍ୟାନା ।
- ୬୬ ନେ କାଜି ଆୟୁମାକାଦ୍ ସବେନ୍ ହଡକ ଆକ୍ଦାନ୍ଦାୟାନ୍ଲଃ ଆକଆଃ ଆପନାଃ ମନ୍ରେ କୁଲିକେଦାଃକ, “ନିଃ ଚିଲ୍କାନ୍ ହନ୍ନାଏ ହବାଅଆଃ ?” ଚିୟାଃଗି ପାର୍ମେଶ୍ଵାର୍ଆଃ ତିଃଇ ଇନିଃଲଃକ ତାଇକେନା ।

ଜାଖରିୟାରାଃ ଆୟାର୍କାଜି

- ୬୭ ଆଡ଼ଃ ଯୋହାନ୍ଆଃ ଆପୁଡେ ଜାଖରିୟା ପାବିତାର୍ ଆମ୍ତେ ପେରେୟାନ୍ତେ, ନେ ଆୟାର୍କାଜିୟାଏ ଉଦୁବ୍କେଦାଃ :
- ୬୮ “ଇସ୍ରାଏଲ୍ଆଃ ପ୍ରାଭୁ ପାର୍ମେଶ୍ଵାର୍ଆଃ ସାହାରାଅ ହବାଅଃକା ! ଚିୟାଃଗି ଇନିଃଦ୍ ଆୟାଃ ହଡକକେ ଦେଙ୍ଗାନାଙ୍ଗ୍ ଫେନ୍ତେ ହିଜୁଆକାନାଏ ଆଡ଼ଃ ଇନ୍କୁକେ ରାଡ଼ା କାଦକଆଏ ।
- ୬୯ ଇନିଃ ଆବୁଆଃନାଙ୍ଗ୍ ଫେନ୍ତେ ଆୟାଃ ଦାସି ଦାଉଦ୍ଆଃ କିଲିଏତେ ମିଆଁଦ୍ ପେଡେୟାନ୍ ଜୀଉବାଞ୍ଚାଅନିଃକେ ଏମାକାଦ୍ବୁଆଏ ।
- ୭୦ ନାଙ୍ଗ୍ ପାରିୟାଏତେ ତାଇନଃତାନ୍ ତାଇକେନ୍ ଆୟାଃ ପାବିତାର୍ ନାବାକଆଃ ମଟାତେ ପାର୍ମେଶ୍ଵାର୍ ନେୟାଁଏ ଉଦୁବ୍ଲେଦା ।
- ୭୧ ଏନ୍ଲେକାଗି ଆବୁଆଃ ବାଇରିକଏତେ ଆଡ଼ଃ ସବେନ୍ ଖୁସ୍ଆବୁତାନ୍କଆଃ ତିଃଇଏତେ ଜୀଉବାଞ୍ଚାଅ ଏମାକାଦ୍ବୁଆଏ ।
- ୭୨ ଆବୁଆଃ ପୁରଖାହାଡ଼ାମକକେ ଦାୟାକଆ ଆଡ଼ଃ ଆୟାଃ ପାବିତାର୍ ରାଜିନାମାରାଃ କାଜିକେ ପାହାମେ ନାଗେନ୍ତେ,
- ୭୩ ଇନିଃ ଆବୁଆଃ ଆପୁ ଆବ୍ରାହାମ୍ଲଃ କିରିୟାକାଦ୍ ତାଇକେନାଏ ।
- ୭୪ ଆବୁକେ ଆବୁଆଃ ବାଇରିକଆଃ ତିଃଇଏତେ ବାଞ୍ଚାଅବୁଆଏ, ଆଡ଼ଃ କା ବରତାନ୍ଲଃ ଇନିୟାଃ ସେଖାନାଙ୍ଗ୍,
- ୭୫ ପାବିତାର୍ ଆଡ଼ଃ ଧାର୍ମାନ୍ ଲେକାତେ ଇନିୟାଃ ସାମ୍ନାଙ୍ଗ୍ରେ ଆବୁ ଜାଉଜରଙ୍ଗ୍ ତାଇନାଃ ।

‡ ୧:୬୩ ତାକଡ଼ା ସିଲେବ୍ ଲେକନା § ୧:୭୦ ସୁରୁଏତେ

୭୬ ଆତ୍ମ ଏ ହନ୍, ଆମ୍ ଫାରାଙ୍ଗ ଉତାର୍ନିଃ ପାର୍ମେଶ୍ଵାର୍ଆଃ ନାବୀ ନୁତୁମଃଆମ୍
ଆମ୍ଦ ପ୍ରାଭୁଆଃ ଆୟାର୍ରେ

ଇନିୟାଃ ହରା ବାବାଇତେମ୍ ସେନାଃ ।

୭୭ ଇନିୟାଃ ହତ୍ତକକେ ଆମ୍

ଆକଆଃ ପାପ୍ ଛାମାରେୟାଃ ହରାତେ ଜୀଉବାଞ୍ଚାଅରାଃ ସେଗାମ୍ ଉଦୁବାକଆ ।

୭୮ ଚିୟାଃଚି ପାର୍ମେଶ୍ଵାର୍ଆଃ ଫାରାଙ୍ଗ ଲିବୁଇତେ

ତୁରୋଃତାନ ସିଜି ସିର୍ମାଏତେ ଆବୁତାଃରେ ଉଦୁବଃଆ ।

୭୯ ଏନା ନୁବାଃରେୟାଃ ଆତ୍ମ ଗନଏଃରେୟାଃ ଉମ୍ବୁରେ ଦୁବାକାନକକେ ମାର୍ସାଲକଆଏ,

ଆତ୍ମ ଜୀଉ ସୁକୁରେୟାଃ ହରାରେ ସେନାଙ୍ଗ ଆୟାର୍ ଇଦିକଆଏ ।”

୮୦ ନେ ଲେକାଗି ଏନ୍ ସିଚିଆ ହନ୍ ମାଡ଼ି ମାଡ଼ିତେ ହାରା ଇଦିୟାନଲଃ ଆମ୍ରେ ପେଡ଼େଃ ଇଦିୟାନାଏ, ଆତ୍ମ
ଇସ୍ରାଏଲ୍ତାଃ ଆଉରି ଉଦୁବଃ ଜାକେଦ୍ ବିର୍ରେ ତାଇକେନାଏ ।

୨

ୟୀଶୁଆଃ ଜାନାମ୍ (ମାଥୁ ୧:୧୮-୨୫)

୧ ଏନ୍ ହୁଲାଙ୍ଗକରେ ଗଟା ରୋମ୍ ଦିଶୁମ୍ରେନକଆଃ ନୁତୁମ୍ ଅଲ୍ଲଃକା ମେନ୍ତେ ଲାଟ୍ସାହେଦ୍ କାଇସାର୍ ଆଗସ୍ତସ୍
ହୁକୁମ୍ ଜାରିକେଦାଏ ।

୨ କୁରିଣିୟ ନୁତୁମ୍ ସିରିୟାରେନ୍ ଲାଟ୍ସାହେଦ୍ ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍ ଅନଲ୍ ତାଇକେନା ।

୩ ଏନା ନାଗେନ୍ତେ ସବେନକ ଆକଆଃ ନୁତୁମ୍ ଅଲ୍ରିକାନାଙ୍ଗ୍ ଆକଆଃ ଆକଆଃ ନାଗାର୍ତେକ ସେନଃୟାନା ।

୪ ଆତ୍ମ ଯୋଷେଫ୍ ହଗି ନୁତୁମ୍ ଅଲ୍ରିକା ନାଗେନ୍ତେ ମାରିୟାମ୍ଲଃ ଗାଲିଲ୍ରେୟାଃ ନାଜ୍ରେଡ୍ ନାଗାର୍ତେକେ ଯିହୁଦା
ଦିଶୁମ୍ରେୟାଃ ବେଥ୍ଲେହେମ୍ ନୁତୁମ୍ ଦାଉଦ୍ଆଃ ନାଗାର୍ତେକିନ୍ ସେନକେନା, ଚିୟାଃଚି ଯୋଷେଫ୍ ଦାଉଦ୍ଆଃ କିଲି
ଆତ୍ମ ଅଡ଼ାଃରେନିଃ ତାଇକେନାଏ ।

୫ ଯୋଷେଫ୍ ନାଙ୍ଗ୍ ଆସିଆକାନ୍ କୁଡ଼ିଲଃ ନୁତୁମ୍ ଅଲ୍ରିକାତେ ହିଜୁଃୟାନା, ଇମ୍ତା ଇନିଃ ହାମ୍ବାଲ୍ରୋଞ୍ଜା *କାନାଏ
ତାଇକେନା । ଏନ୍ କୁଡ଼ିରାଃ ନୁତୁମ୍ ମାରିୟାମ୍ ତାଇକେନା ।

୬ ଇନକିନ୍ ବାଏଡୁଲାମ୍ ରେନକିନ୍ ତାଇକେନା ଇମ୍ତାଙ୍ଗ୍ ମାରିୟାମ୍ଆଃ ରାଞ୍ଜାଲଃରେୟାଃ† ନେତା ସେଟେର୍ୟାନା ।

୭ ଆତ୍ମ ଇନିଃ ଆୟାଃ ମୁଡ୍ କୁଲ୍‡ହନ୍ ଜାନାମ୍କିୟାଏ, ଆତ୍ମ ଇନିଃକେ ଲିଜାଃତେ ପୋଟମ୍କିଃତେ ତାତାକାରେୟାଏ
ବାଟିକିୟାଃ, ଚିୟାଃଚି ଇନକିନାଃ ନାଗେନ୍ତେଦ୍ ତେରା ଅଡ଼ାଃରେ ଠାୟାଦ୍ ହ କା ତାଇକେନା ।

ମିଶ୍ଟିଗୁପିମାହାରାକ ଯୀଶୁଆଃ ଜାନାମ୍ ଉନୁଦୁବକଃ ଆୟୁମ୍ଲାଃ

୮ ଆତ୍ମ ଏନ୍ ହାତୁ ଜାପାଃରେୟାଃ ପିଡ଼ିରେ ମିଶ୍ଟିଗୁପିମାହାରାକ ତାଇକେନା, ଇନକୁ ନିଦାରେ ଆକଆଃ ମିଶ୍ଟିକକେ
ହରତାନକ ତାଇକେନା ।

୯ ଆତ୍ମ ପ୍ରାଭୁଆଃ ମିଆଁଦ୍ ଦୁଁଡ୍ ଇନକୁତାଃରେ ତିଙ୍ଗ୍ୟାନାଏ ଆତ୍ମ ପ୍ରାଭୁଆଃ ମାନାରାଙ୍ଗ୍ରାଃ ମାର୍ସାଲ୍ ଇନକୁତାଃରେ
ଜୁଲ୍ବିୟୁରୟାନା ଆତ୍ମ ଇନକୁ ପୁରାଃଗିକ ବରକେଦାଃ ।

୧୦ ମେନ୍ଦ୍ ଦୁଁଡ୍ ଇନକୁକେ କାଜିକେଦକଆଏ, “ଆଲ୍ପେ ବରୟାଃ ! ନେଲେପେ, ଆଇଙ୍ଗ୍ ଆପେକେ ପୁରାଃ
ରାସକାରେୟାଃ ସୁକୁକାଜିଙ୍ଗ୍ ଉଦୁବାପେତାନା, ଏନା ସବେନ୍ ହତ୍ତକଆଃ ନାଗେନ୍ତେ ତାଇନାଃ ।

୧୧ ଚିୟାଃଚି ତିସିଙ୍ଗ୍ଦ ଦାଉଦ୍ଆଃ ନାଗାର୍ରେ ଆପେୟାଃ ନାଗେନ୍ତେ ମିଆଁଦ୍ ବାଞ୍ଚାଅନିଃ ଜାନାମା କାନାଏ, ଇନିଃ ଶ୍ରୀଷ୍ଟ୍
ପ୍ରାଭୁ ତାନିଃ !

୧୨ ଆତ୍ମ ଆପେୟାଃ ନାଗେନ୍ତେ ନେଆଁ ଚିଙ୍ଗାଁ ତାନାଃ, ଆପେ ମିଆଁଦ୍ ବାଲେଃ ହନ୍କେ ଲିଜାଃତେ ପୋଟମାକାନ୍ ଆତ୍ମ
ତାତାକାରେ ବାଟିୟାକାନ୍ପେ ନାମିୟା ।”

୧୩ ଇମ୍ତାଗି ଏନ୍ ଦୁଁଡ୍ଲଃ ସିର୍ମାରେନ୍ ଫାଉଦ୍କ ହୁଶ୍ଟିୟାନାକ ଆତ୍ମ ଇନକୁ ପାର୍ମେଶ୍ଵାର୍କେ ମାରାଙ୍ଗ୍ଇତାନ୍ଲଃ
କାଜିକେଦାଃକ :

୧୪ “ସାଲାଙ୍ଗିଉତାର୍ ସିର୍ମାରେ ପାର୍ମେଶ୍ଵାର୍ଆଃ ମାନାରାଙ୍ଗ୍,
ଆତ୍ମ ଅତେରେ ଆୟାଃ ସୁକୁଆକତାନ୍ ହତ୍ତକରେ ସୁକୁ ହବାଅଃକା !”

୧୫ ଦୁଁଡ୍ ଇନକୁତାଃଏତେ ସିର୍ମାତେକ ସେନଃୟାନଚି, ମିଶ୍ଟିଗୁପିମାହାରାକ ଆକ ଆକରେ ମେନ୍କେଦାଃକ, “ଦଲାବୁ
ବେଥ୍ଲେହେମ୍ତେବୁଆ ଆତ୍ମ ପ୍ରାଭୁ ଉଦୁବାକାଦ୍ବୁଆଏ ଏନ୍ ହବାକାନ୍ କାଜିବୁ ନେଲେୟାଃ ।”

* ୨:୫ ହାମ୍ବାଲ୍ରୋଞ୍ଜା ହତ୍ତଃଆଁ † ୨:୬ ରାଞ୍ଜାଲଃରେୟାଃ ବୁରିୟାଃରେୟାଃ ‡ ୨:୭ ପାହିଲା

୧୬ ଆତ୍ମା ଇନ୍ଦ୍ରକୁ ଜାଲଦିଗି ସେନ୍ଦେବାୟାନ୍ତେ ମାରିୟାମ୍, ଯୋଷେଫ୍ ଆତ୍ମା ତାତାକାରେ ବାଟିୟାକାନ୍ ବାଲେଃ ହନ୍ଦକେକ ନେଲ୍ଲନାମ୍‌କିୟାଃ ।

୧୭ ଇନ୍ଦ୍ରକୁ ଇନ୍ଦ୍ରକେ ନେଲ୍ଲକିଃତେ ହନ୍ଦାଆ ବିଷାଏରେ ଦୁଁଡ଼ କାଜିଲେଦ୍ କାଜିକ ଉଦୁବ୍‌ବାଡ଼ାକେଦାଃ ।

୧୮ ମିଶ୍ଟିଗୁପିମାହାରାକ ଉଦୁବ୍‌କେଦ୍ କାଜିତେ ସବେନ୍ ଆୟୁମ୍‌କେଦ୍ ହଡ଼କ ଆକ୍‌ଦାନ୍‌ଆୟାନାକ ।

୧୯ ମେନ୍‌ଦ ମାରିୟାମ୍ ନେ ସବେନ୍ କାଜି ଆୟାଃ ମନ୍‌ରେ ଦହକେଦାଏ ଆତ୍ମା ପୁରାଃ ଉଡ଼ୁତାନାଏ ତାଇକେନା ।

୨୦ ଆତ୍ମା ମିଶ୍ଟିଗୁପିମାହାରାକକେ ଉଦୁବ୍‌ଲେନ୍‌ଲେକା, ଏନ୍ ସବେନାଃ ଆୟୁମ୍‌କେଦ୍‌ତେ ଆତ୍ମା ନେଲ୍‌କେଦ୍‌ତେ ପାର୍‌ମେଶ୍‌ବାର୍‌ଆଃ ମାନାରାକ୍ ଦୁରାକ୍‌ତାନ୍‌ଲିଃ ଇନ୍ଦ୍ରକୁ ରୁହାଡ଼ୟାନାକ ।

ୟାଶୁକେ ଯୀରୁଶାଲେମ୍ ମାନ୍ଦିରତେକ ଇଦିକିୟାଃ

୨୧ ଏନ୍ ସିଟିଆକେ ଇରାଲିୟା ମାହାଁ ହବାୟାନ୍‌ଲିଃ ଖାଡ଼ନାଅକିୟାକ, ଆତ୍ମା ଇନ୍ଦ୍ରକେ ଯୀଶୁ ମେନ୍ତେକ ନୁଡୁମ୍‌କିୟାଃ, ନେ ନୁଡୁମ୍ ଇନ୍ଦ୍ରାୟା ହାମ୍‌ଲାରୋଞ୍ଜା ହବାଅଃ ସିଦାରେ ଦୁଁଡ଼ଆ ହରାତେ ନୁଡୁମାକାନ୍ ତାଇକେନା ।

୨୨ ମୁଶାରାଃ ଆନ୍‌ରୁଲେକା ଇନ୍ଦ୍ରକୁଆଃ ଫାର୍‌ତିରେୟାଃ ନେଡା ତେବାୟାନ୍‌ରେ, ପ୍ରାଭୁଆଃ ସାମ୍‌ନାକ୍‌ରେ ରାକାବି ନାଗେନ୍ତେ ଯୋଷେଫ୍ ଆତ୍ମା ମାରିୟାମ୍ ଇନ୍ଦ୍ରକେ ଯୀରୁଶାଲେମ୍ ମାନ୍ଦିରତେକିନ୍ ଇଦିକିୟାଃ ।

୨୩ ପ୍ରାଭୁଆଃ ଆନ୍‌ରୁରେ ଅଲ୍‌କାନା, “ସବେନ୍ ମୁଡ଼କୁଲ୍ କଡ଼ାହନ୍‌କ ପ୍ରାଭୁଆଃ ନାଗେନ୍ତେକ ପାବିତାରଃକା,”

୨୪ ଆତ୍ମା ଇନ୍ଦ୍ରକିନ୍ ପ୍ରାଭୁଆଃ ଆନ୍‌ରୁରେୟାଃ କାଜିଲେକା, ବାରିୟା ପୁତାମ୍ ଚାଏ ବାରିୟା ଦୁଦୁମ୍‌ଲ୍ ହନ୍‌କିନ୍‌କେ ଦାଣ୍ଠି ରାକାବ୍‌ତେକିନ୍ ସେନଃୟାନା ।

ଶିମିୟନ୍ ଆତ୍ମା ହାନ୍ନା ଯୀଶୁକେକିନ୍ ନେଲ୍‌କିୟା

୨୫ ନେଲେପେ, ଯୀରୁଶାଲେମ୍‌ରେ ଶିମିୟନ୍ ନୁଡୁମ୍ ମିଆଁଦ୍ ହଡ଼ ତାଇକେନାଏ, ଇନ୍ଦ୍ର ଧାର୍‌ମାନ୍ ଆତ୍ମା ମାନାତିକ୍‌ନିଃ ତାଇକେନାଏ । ଇନ୍ଦ୍ର ଇସ୍ରାଏଲ୍ ହଡ଼କଆଃ ଜୀଉରାଡ଼େଃ ଏମ୍‌ନିଃକେ ନେଲ୍‌ହରା ତାଇକେନାଏ, ଆତ୍ମା ଇନ୍ଦ୍ରରେ ପାବିତାର୍ ଆମ୍ ତାଇନଃତାନାଏ ତାଇକେନା ।

୨୬ ଆତ୍ମା ଆମ୍ ପ୍ରାଭୁଆଃ ଖ୍ରୀଷ୍ଟକେ ଆଉରି ନେଲିୟାକେଦ୍ ଆମାଃ ଗନଏଃ କା ହବାଅଆଃ ମେନ୍ତେ ପାବିତାର୍ ଆମ୍ ଇନ୍ଦ୍ରକେ ଉଦୁବାକାଇ ତାଇକେନା ।

୨୭ ଆତ୍ମା ଶିମିୟନ୍ ପାବିତାର୍ ଆମ୍‌ତେ ମାନ୍ଦିର୍ ଅଡ଼ାଃତେ ହିଜୁଃୟାନାଏ । ଆତ୍ମା ଆନ୍‌ରୁରେୟାଃ କାଜିଲେକାତେ କାମିନାକ୍ ଯୀଶୁଆଃ ଏକ୍‌ମା ଆପୁକିନ୍ ଇନ୍ଦ୍ରକେ ସାବ୍‌କେଦ୍‌ତେ ମାନ୍ଦିରତେକିନ୍ ବଲୟାନା,

୨୮ ଇମ୍‌ତାକ୍ ଶିମିୟନ୍, ହନ୍‌କେ ଖାକିୟାଅକିୟାଏ ଆତ୍ମା ପାର୍‌ମେଶ୍‌ବାର୍‌କେ ଧାନ୍‌ପାବାଦ୍ ଏମ୍‌ତାନ୍‌ଲିଃ କାଜିକେଦାଏ :

୨୯ “ହେ ଗମ୍‌କେ, ନାହାଁଃଦ ଆମ୍ ଆମାଃ କାଜିଲେକା, ଦାସିତାମାଃକେ ସୁକୁତେମ୍ ବିଦାଇତାନା ।

୩୦ ତିୟାଃତି ଆଇକ୍‌ଦ୍ ଆଇୟାଃ ମେଦ୍‌ତେ ଆମାଃ ପାରିତ୍ରାଣ୍‌କେ ନେଲ୍‌କାଦାଇକ୍,

୩୧ ଅକଆଃତି ସବେନ୍ ହଡ଼କଆଃ ଆୟାର୍‌ରେ ସେକାଡ଼ାକାଦାମ୍ :

୩୨ ଆତ୍ମା ଏଗାଃ ଜାଡ଼ିରେନ୍‌କଆଃ ନାକ୍ ମାୟ୍‌ଲାରାଃ ଦିମି ଆତ୍ମା ଆମାଃ ଇସ୍ରାଏଲ୍ ହଡ଼କଆଃ ନାଗେନ୍ତେ ମାଇନାନ୍ ଆଉଞ୍ଜେୟାଏ ।”

୩୩ ସିଟିଆ ହନ୍‌ଆଃ ଏକ୍‌ମାଆପୁକିନ୍ ଆୟାଃ ବିଷାଏରେ କାଜିୟାଃତେୟାଃ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନାକିନ୍ ।

୩୪ ଶିମିୟନ୍ ଇନ୍ଦ୍ରକେ ଆଶିଷ୍ କେଦ୍‌କଆଏ, ଆତ୍ମା ଇନ୍ଦ୍ରାୟାଃ ଏକ୍‌ମାତେ ମାରିୟାମ୍‌କେ କାଜିକିୟାଏ, “ନେଲେମେ, ନେ ହନ୍ ପୁରାଃ ଇସ୍ରାଏଲ୍‌କଆଃ ଉୟୁଗଃ ଆତ୍ମା ବିରିଦଃ ନାଗେନ୍ତେ ପାର୍‌ମେଶ୍‌ବାର୍‌ଆଃ ମିଆଁଦ୍ ସାଲ୍‌କାନ୍ ଚିହ୍ନାଁ ହବାଅଆଏ, ମେନ୍‌ଦ ପୁରାଃ ହଡ଼କ ଇନ୍ଦ୍ରାୟାଃ ବିରୁଧ୍‌ରେ ବାଖାଁଣେୟାକ ।

୩୫ ଆତ୍ମା ଏନାତେ ପୁରାଃ ମନ୍‌ରେୟାଃ ଉଡ଼ୁ ଉଦୁବଃଆ । ଆତ୍ମା ଏନ୍ ବିଷାଏନାକ୍ ଆପେୟାଃ ମନ୍‌ସୁରୁଦ୍‌ରେ ତାରାଉଡ଼ି ଗୁଡୁ ପାରମଃଆ ।”

୩୬ ଆସେର୍ କିଲିରେନ୍ ପିନ୍‌ଏଲ୍‌ଆଃ ହନ୍ତେକୁଡ଼ି ହାନ୍ନା ନୁଡୁମ୍ ମିଆଁଦ୍ କୁଡ଼ିନାବୀ ତାଇକେନାଏ । ଇନ୍ଦ୍ର ତିଶ୍ଟାଏତେ ସାଡ଼ ବାରାଷ୍ ଆୟାଃ କଡ଼ାତେଲିଃ ତାଇକେନ୍‌ତେ ରୁଡ଼ି ଲୁକୁଦ୍ ଲୁକୁଦା କାନାଏ ତାଇକେନା । ଆତ୍ମା ଇନ୍ଦ୍ର ଚାର୍‌ହିସି ଚାର୍‌ବାରାଷ୍ ରେନ୍ ରାଣ୍ଡିକୁଡ଼ି ତାଇକେନାଏ ।

୩୭ ଆତ୍ମା ଇନ୍ଦ୍ର ବିଉଲ୍‌ହ ମାନ୍ଦିର୍ ଅଡ଼ାଃଏତେ କାଏ ଅଡ଼କ୍‌ଆଃତାନ୍ ତାଇକେନା, ମେନ୍‌ଦ କାଟାବ୍‌ତାନ୍‌ଲିଃ ଆତ୍ମା ବିକ୍ତିତାନ୍‌ଲିଃ ନିଦାସିକ୍ ପାର୍‌ମେଶ୍‌ବାର୍‌କେ ମାଇନାନ୍ ତାଇକେନା ।

୩୮ ଇନ୍ଦ୍ର ଇମ୍‌ତାକ୍‌ଗି ସିଟିଆ ହନ୍ ଆତ୍ମା ଆୟାଃ ଏକ୍‌ମାଆପୁକିନ୍‌ତାଃ ନାଡ଼େଃୟାନ୍‌ଲିଃ ପାର୍‌ମେଶ୍‌ବାର୍‌କେ ଧାନ୍‌ପାବାଦ୍‌କିୟାଏ ଆତ୍ମା ଅକନ୍‌କ ଯୀରୁଶାଲେମ୍‌ରାଃ ମୁକ୍ତି ନେଲ୍‌ହରାତାନ୍ ସବେନ୍‌କକେ ଇନ୍ଦ୍ର ଯୀଶୁଆଃ ବିଷାଏରେ କାଜିୟାଦ୍‌କଆଏ ।

☆ ୨:୨୧ ଲୁକ ୧:୩୧.

ଯୋଷେଫ୍ ଆତ୍ମା ମାରିଯାଏ ଡିକିନାଃ ଅତୀତ ରୁହାଡ଼୍

୩୯ *ଯୋଷେଫ୍ ଆତ୍ମା ମାରିଯାଏ ପାରମେଶ୍ଵରୀ ଆନ୍ତରାଳେକା ସବେନାଃ ଚାବାକେଦ୍ ଗାଲିଲ୍ ଦିଶ୍ଟୁମ୍ରେୟାଃ ଆକିନାଃ ନାଗାର ନାଜରେଡ଼େକିନ୍ ରୁହାଡ଼୍ଯାନା ।

୪୦ ଆତ୍ମା ସିତିଆ ହନ୍ ମାଡ଼ି ମାଡ଼ିତେ ହାରା ଇଦିୟାନ୍ଲଃ ପେଡ଼େଃ ଆତ୍ମା ସେଣ୍ଟେ ପେରେଃଇଦିୟାନାଏ, ଆତ୍ମା ପାରମେଶ୍ଵରୀୟା ସାୟାଦ୍ ଇନିଃଲଃ ତାଇକେନା ।

ବାରା ବାରାଷରେନ୍ ଯୀଶୁ ମାନ୍ଦିରଅତୀତରେ ଗୁରୁକଲଃ ଜାଗାକେଦାଏ

୪୧ ଯୀଶୁଆଃ ଏକ୍ଷାଆପୁକିନ୍ ସବେନ୍ ବାରାଷ ପାସକା ପାରାବରେ ଯୀରୁଶାଲେମ୍ରେ ସେନଃ ତାନକିନ୍ ତାଇକେନା ।

୪୨ ଯୀଶୁକେ ବାରା ବାରାଷ ହବଅତୀତନ୍ ତାଇକେନ୍ ଇମ୍ତା, ଇନ୍କୁ ରିଡିଲେକା ପାରାବ୍ ମାନାଡିକ୍ ନାକ୍କ ସେନ୍କେନା ।

୪୩ ଆତ୍ମା ପାରାବ୍ ମାନାଡିକ୍ ଚାବାକେଦ୍, ଅତୀତେ ସେନ୍ ରୁହାଡ଼୍ତାନ୍ ଇମ୍ତା ହନ୍ ଯୀଶୁ ଯୀରୁଶାଲେମ୍ରେ ତାଇନ୍ୟାନାଏ, ଏନା ଆୟାଃ ଏକ୍ଷାଆପୁକିନ୍ କାକିନ୍ ସାରିତାନ୍ ତାଇକେନା ।

୪୪ ମେନ୍ଦ୍ ଇନିଃ ଗାଡିକଲଃ ମେନାଇୟାଃ ମେନ୍ତେକିନ୍ ପାହାମକେଦ୍ରେ, ସିକ୍ସାଟୁବ୍ରେୟାଃ ହରା ସେନଃୟାନାକିନ୍, ଏନ୍ତେ ଆକିନାଃ କୁପୁଲ୍କ ଆତ୍ମା ଗାଡିକଆଃ ଆଲାରକିନ୍ ଦାଣ୍ଟାଏଟେଦ୍କିୟାଃ ।

୪୫ ଇନିଃକେ କାକିନ୍ ନାମ୍କିଃତେ ଦାଣ୍ଟାତାନ୍ଲଃ ଯୀରୁଶାଲେମ୍ରେକିନ୍ ରୁହାଡ଼୍ଯାନା ।

୪୬ ଆପି ମାଃ ତାୟମ୍ରେ ଇନ୍କିନ୍ ଯୀଶୁକେ ମାନ୍ଦିରଅତୀତରେକିନ୍ ନାମ୍କିୟାଃ, ଧାରାମ୍ଗୁରୁକ ଆଲାରେ ଦୁବ୍କେଦ୍ରେ ଇନ୍କୁଆଃ କାଜି ଆୟୁମ୍ତାଇକେନାଏ ଆତ୍ମା ଇନ୍କୁକେ କୁଲିକତାନ୍ ତାଇକେନାଏ ।

୪୭ ଇନିୟାଃ ବାଗାଣ୍ ଆୟୁମ୍ତାନ୍ ସବେନ୍ ହଡ଼କ ଇନିୟାଃ ସେଣ୍ଟା ଆତ୍ମା କାଜିରୁହାଡ଼୍ରେ ଆକ୍ଦାନ୍ଦାୟାନାକ ।

୪୮ ଇନିୟାଃ ଏକ୍ଷାଆପୁ ଇନିଃକେ ନେଲ୍କିଃତେ ଆକ୍ଦାନ୍ଦାୟାନାକିନ୍, ଆତ୍ମା ଏକ୍ଷାତେ ଇନିଃକେ କୁଲିକିୟାଏ, “ଏ ହନ୍, ଆମ୍ ଚିକାନାକ୍ରେତେ ନେକାକେଦ୍ଲିୟାମ୍ ? ନେଲେମେ, ଆପୁମ୍ ଆତ୍ମା ଆଇକ୍ ଦୁକୁତାନ୍ଲଃ ଦାଣ୍ଟାବାଡ଼ାମ୍ ତାନାଲିକ୍ ତାଇକେନା ।”

୪୯ ଯୀଶୁ ଇନ୍କିନ୍କେ କାଜିକେଦ୍କିନାଏ, “ତିନାଃମେନ୍ତେବେନ୍ ଦାଣ୍ଟାବାଡ଼ାଇକ୍ ତାଇକେନା ? ତିୟାଃ ଆଇକ୍କେ ଆପୁଇୟାଃ ଅତୀତରେ ତାଇନଃ ଲାଗାଡିକ୍ୟାଃ ଏନାଚି କାବେନ୍ ସାରିତାନ୍ ତାଇକେନା ?”

୫୦ ମେନ୍ଦ୍ ଇନିଃ ଇନ୍କିନ୍କେ କାଜିୟାଦ୍କିନ୍ କାଜିକେ ଇନ୍କିନ୍ କାକିନ୍ ଆବ୍କାର୍ତ୍ତରୁମ୍କେଦାଃ ।

୫୧ ଏନ୍ତେ ଯୀଶୁ ଇନ୍କିନ୍ଲଃ ନାଜରେଡ଼େତେ ସେନଃୟାନାଏ, ଆତ୍ମା ଇନିକିନାଃ କାଜିକ ମାନାଡିକ୍ତାନ୍ଲଃ ତାଇୟାନାଏ । ମେନ୍ଦ୍ ଇନିୟାଃ ଏକ୍ଷାତେ ଏନ୍ ସବେନ୍ କାଜି ଆୟାଃ ମନ୍ରେୟାଏ ଦହକେଦା ।

୫୨ ଆତ୍ମା ଯୀଶୁ ସେଣ୍ଟେ, ହଡ଼ମ୍ରେ ଆତ୍ମା ପାରମେଶ୍ଵରୀ ଆତ୍ମା ହଡ଼କଆଃ ସାୟାଦ୍ରେ ହାରା ଇଦିୟାନାଏ ।

୩

ବାପ୍ତିସ୍ମା ଏମଃନିଃ ଯୋହାନ୍ଆଃ ପ୍ରାଚାର୍

(ମାଥୁଉ ୩:୧-୧୨; ମାର୍କ ୧:୧-୮; ଯୋହାନ୍ ୧:୧୯-୨୮)

୧ ତିବିରିୟା କାଇସାରଆଃ ରାଇଜ୍ତାନ୍ ପାନ୍ଦରା ବାରାଷ ତାଇକେନ୍ ଇମ୍ତା ପକ୍ତିୟସ୍ ପିଲାତୁସ୍ ଯିହୁଦାରେନ୍ ଲାବ୍ସାହେବ୍ ତାଇକେନାଏ, ଆତ୍ମା ହେରୋଦ୍ ଗାଲିଲ୍ରେନ୍ ମିଦ୍ହାନାଟିକ୍ ରାଜା, ହାଗାତେ ଫିଲିପ୍ ଇଡୁରିୟା ଆତ୍ମା ତ୍ରାଖୋନିଡିଆରେନ୍ ମିଦ୍ହାନାଟିକ୍ ରାଜା, ଆତ୍ମା ଲୁସାନିଆଁ ଅବିଲିନିରେନ୍ ମିଦ୍ହାନାଟିକ୍ ରାଜା ତାଇକେନାଏ ।

୨ ହାନାନ୍ ଆତ୍ମା କାୟଫା ନୁଡୁମ୍ ମାରାକ୍ ଯାଜାକ ତାଇକେନ୍ପାରିୟାରେ ପାରମେଶ୍ଵରୀୟା କାଜି ଜାଖ୍ରିୟାରାଃ ହନ୍ ବାପ୍ତିସ୍ମା ଏମଃନିଃ ଯୋହାନ୍ତୀତରେ ବିର୍ରେ ସେଟେର୍ଯ୍ୟାନା ।

୩ ଏନାତେ ଇନିଃ ଯାଦ୍ନାନ୍ ଗାଡ଼ା ଯାପାଃରେୟାଃ ସବେନ୍ସାଃତେ ସେନ୍କେଦ୍ରେ “ପାପ୍ ଛାମା ନାମେନାଗେନ୍ତେ ମନ୍ରୁହାଡ଼୍ରେୟାଃ ବାପ୍ତିସ୍ମା” ଉଦୁବ୍ବାଡ଼ା ତାନାଏ ତାଇକେନା ।

୪ ଜେଲେକା ନେଆଁଦ୍ ଯିଶାୟ ନାବୀୟାଃ କାଜିରେୟାଃ ପୁଅଁରେ ଅଲକାନା,

“ଜେତାଏ ବିର୍ରେ କାଉରିତାନ୍ନିୟାଃ ସାଡ଼ି ଆୟୁମ୍ତାନା,

ପ୍ରାଡୁଆଃ ହରା ବାଇୟେପେ,

ଇନିୟାଃ ହରା ସିଧାଏପେ

୫ ସବେନ୍ ଗାଡ଼ା ପେରେଜଃଆଃ,

ସବେନ୍ ବୁରୁ ଆତ୍ମା ଗୁରୁ ଲାତାରଆଃ ।

ବେକ୍ଆକାନ୍ ହରାକ ସିଧାଅଥା

ଆତ୍ମା ଗାଡ଼ା ଡିପା ହରାକ ସବେନ୍ ସାମ୍ବାଇୟାଆଃ ।

* ୨:୩୯ ମାଥୁଉ ୨:୨୩. § ୨:୪୦ ସାୟାଦ୍ ଆନୁଗ୍ରାହ

୬ ଆତଃ ସବେନ୍ ହଡକ ପାରମେଶ୍ୱାରଆଃ ପାରିତ୍ରାଣକ ନେଲେୟାଃ ।”

୭ *ଯୋହାନ୍‌ତାଃତେ ବାପ୍ତିସ୍ତା ଇଦିନାଗେନ୍ତେ ହିଜୁଆକାନ୍ ପୁରାଃ ଫାରୁଣୀ ଆତଃ ସାଦୁକି ହଡକକେ କାଜିୟାଦକଆଏ, “ଏ ବିଜ୍ଞକଆଃ ହନ୍‌କ !” ହିଜୁଃତାନ୍ ମାରାଜ୍ ଏନେସେଦ୍‌ଏତେ* ନିର୍ ନାଗେନ୍ତେ “ଅକଏ ଆପେକେ ଚେତାଞ୍ଜାଦପେୟାଏ ?

୮ *ଆପେ ସାର୍ତିଗି ପାପଏତେ ହେୟାତିଜ୍ଞକାଦରେଦ ଆପେୟାଃ ବୁଗିନ୍ କାମିତେ ଉଦୁବେନ୍‌ପେ । ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ତିତିକେଦ୍‌ତେ କାଜିତାନ୍‌ଲଃ ନେ ସାଜାଲଏତେ ବାଞ୍ଚାଞ୍ଜାଃଲେ ମେନ୍ତେ ଆଲ୍‌ପେ ଉଡ଼ୁୟା । ଚିୟାଃତି ଆଇଜ୍ ଆପେକେ କାଜିୟାପେ ତାନାଇଜ୍ ପାରମେଶ୍ୱାରଦ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍‌କଏ ବାଇଦାଡ଼ିୟା !

୯ *ଆତଃ ନାହାଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଜ୍‌ଲ୍‌ରେ ହୁରାଜ୍‌ଅଃଆ ।”

୧୦ ଏନ୍ତେ ଗାଦେଲ୍ ହଡକ ଇନିଃକେ କୁଲିକିୟାଃକ, “ତାଦ୍‌ଦ ଆଲେ ଚିନାଃଲେ ଚିକାୟା ?”

୧୧ ଯୋହାନ୍ ଇନ୍‌କୁକେ କାଜିରୁହାଡ଼ାଦକଆଏ, “ଅକଏତାଃରେ ବାରିଆ ତୁସିଜ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ ଇନିଃକେ ମିଦ୍ ହାଟିଜ୍ ଏମାଇକାଏ, ଆତଃ ଅକଏତାଃରେ ଜମେୟା ମେନାଃ, ଇନିଃହ ଏନ୍‌କାଗି ହାଟିଜ୍‌ୟେକାଏ ।”

୧୨ *ଆତଃ ମାଲ୍‌ହାରମକହ ବାପ୍ତିସ୍ତା ଇଦିନାଜ୍‌କ ହିଜୁଃୟାନା ଆତଃ ଯୋହାନ୍‌କେକ କୁଲିକିୟାଃ, “ହେ ଗୁରୁ ଆଲେ ଚିନାଃଲେ ଚିକାଏୟା ?”

୧୩ ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେକେ ଚିମିୟାଜ୍ ଇଦିନାଜ୍ କାଜିୟାକାନା, ଏନାଏତେ ଆଦକା ଆଲ୍‌ପେ ହାରୋମେୟା ।”

୧୪ ଆତଃ ପାଲ୍‌ଟାନ୍‌କ ଯୋହାନ୍‌କେକ କୁଲିକିୟାଃ, “ଆଲେ ଚିନାଃଲେ ଚିକାୟା ?” ଇନ୍‌କୁକେ କାଜିକେଦ୍‌କଆଏ, “ପେଡ଼େଃତେ ଚାଏ ବେଦାତେ ଆତଃ ହାଉକାଅକେଦ୍‌ତେ ଜେତାଏୟାଃ ଖୁଜ୍ ଆଲ୍‌ପେ ଇଦିୟା ଆତଃ ଆପେୟାଃ ନାଲାରେ ସୁକୁଆକାନ୍‌ପେ ।”

୧୫ ସବେନ୍ ହଡକ ବାଞ୍ଚାଅନିଃକେ ନେଲ୍‌ହରାତାନ୍‌କ ତାଇକେନ୍ ହରାତେ, ଯୋହାନ୍‌କେ ଖ୍ରୀଷ୍ଟ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ତାଇକେନାକ ।

୧୬ ଏନାମେନ୍ତେ ଯୋହାନ୍ ଇନ୍‌କୁକେ କାଜିକେଦ୍‌କଆଏ, “ଆଇଜ୍‌ଦ ଦାଆଃତେ ବାପ୍ତିସ୍ତାପେ ତାନାଇଜ୍ ମେନ୍‌ଦ ଆଇଜ୍‌ଏତେ ପେଡ଼େୟାନ୍‌ନିଃ ହିଜୁଃତାନାଏ, ଇନିୟାଃ ଗାର୍‌ପାରେୟାଃ ତନଲ୍ ରାଡ଼ାଏ ଲେକାନିଃହ ଆଇଜ୍ ନାହାଁଲିଜ୍ । ଇନିଃ ଆପେକେ ପାବିତାର୍ ଆମ୍ ଆତଃ ସେଜ୍‌ଲ୍‌ତେ ବାପ୍ତିସ୍ତାପେୟା ।

୧୭ ଆୟାଃ ତିଃଇରେ ହାଟାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆତଃ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆତଃ ପେଟେଃକେ କା ଇଣ୍‌ଜ ସେଜ୍‌ଲ୍‌ରେ ଅଣ୍ଡର୍‌ଏଣ୍ଡାଗେୟା ।”

୧୮ ନେ ଲେକା ଆତଃଗି ପୁରାଃ ଏଟାଃ ଇନିତୁ କାଜିକତେ ଯୋହାନ୍ ହଡକକେ ସୁକୁକାଜି ଉଦୁବାକତାନ୍ ତାଇକେନା । ଆତଃ ମନ୍‌ରୁହାଡ଼ ନାଗେନ୍ତେ ଇନ୍‌କୁକେ ଆଡୁକେଦ୍‌କଆ ।

୧୯ *ମେନ୍‌ଦ ମିଦ୍ ହାନାଟିଜ୍‌ରେନ୍ ରାଜା ହେରୋଦ୍ ଆୟାଃ ହାଗାତେୟାଃ କୁଡ଼ି ହେରୋଦିୟାଲଃ ଆଣ୍ଡିୟାନ୍ ନାଗେନ୍ତେ ଆତଃ ହେରୋଦ୍ କାମିକେଦ୍ ସବେନ୍ ଏଡକାନାଃ ନାଗେନ୍ତେ ଯୋହାନ୍ ହେରୋଦ୍‌କେ ମାରାଜ୍ ମଚାକିୟାଏ ।

୨୦ ଏନା ନାଗେନ୍ତେ ହେରୋଦ୍ ଯୋହାନ୍‌କେ ଜେହେଲ୍‌କିୟାଏ ଆତଃ ନେ ଲେକାତେ ଇନିଃ ଆୟାଃ ଏଡକାନାଃକେ ଆଦକାକେଦା ।

ଯୋହାନ୍ ଯୀଶୁକେ ବାପ୍ତିସ୍ତାକିୟାଏ

(ମାଥ୍‌ଉ ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

୨୧ ସବେନ୍ ହଡକ ବାପ୍ତିସ୍ତାୟାନ୍ତେ ଯୀଶୁ ହଗି ବାପ୍ତିସ୍ତାୟାନାଏ । ଆତଃ ଇନିଃ ବିକ୍ରିତାନ୍ ଇମ୍‌ତାଜ୍ ସିର୍ମା ନିଜ୍‌ୟାନା,

୨୨ *ଆତଃ ପାବିତାର୍ ଆମ୍ ଦୁଦୁମୁଲ୍‌ଲେକା ନେଲଃ ହଡ଼ମ୍, ଯୀଶୁଆଃ ଚେତାନ୍‌ରେ ଆଡ଼ଗୁୟାନା ଆତଃ “ଆମ୍ ଆଇୟାଃ ଦୁଲାଡ଼୍ ହନ୍, ଆଇଜ୍ ଆମ୍‌କେ ପୁରାଃ ସୁକୁଆମ୍‌ତାନାଇଜ୍” ମେନ୍ତେ ସିର୍ମାଏତେ ଆୟୁମ୍‌ୟାନା ।

ଯୀଶୁଆଃ କିଲିରେନ୍‌କ

(ମାଥ୍‌ଉ ୧:୧-୧୭)

୨୩ ଯୀଶୁ ଆୟାଃ ସେଞ୍ଜାଏଟେଦ୍‌କେଦ୍ ଇମ୍‌ତାଜ୍ ତିରିଶ୍ ବାରାଷ୍‌ରେନ୍ ଲେକାଏ ତାଇକେନା ଆତଃ ଇନିଃ ହଡକଆଃ ସାରିଲେକାତେ ଯୋଷେଫ୍‌ଆଃ ହନ୍, ଆତଃ ଯୋଷେଫ୍ ଏଲିଆଃ ହନ୍,

୨୪ ଏଲି ମାଡ଼ଥାଡ଼ତାଃ ହନ୍, ମାଡ଼ଥାଡ଼ ଲେବୀଆଃ ହନ୍, ଲେବୀ ମଲ୍‌ଖୁଆଃ ହନ୍, ମଲ୍‌ଖୁ ଯାନ୍‌ୟଆଃ ହନ୍, ଯନ୍‌ୟ ଯୋଷେଫ୍‌ଆଃ ହନ୍,

* ୩:୭ ମାଥ୍‌ଉ ୧୨:୩୪; ୨୩:୩୩. * ୩:୭ ଏନେସେଦ୍‌ଏତେଖ୍‌ଏତେ * ୩:୮ ଯୋହାନ୍ ୮:୩୩. * ୩:୯ ମାଥ୍‌ଉ ୭:୧୯. * ୩:୧୨ ଲୁକ ୭:୨୯. * ୩:୧୯ ମାଥ୍‌ଉ ୧୪:୩,୪; ମାର୍କ ୬:୧୭,୧୮. * ୩:୨୨ ମାଥ୍‌ଉ ୩:୧୭; ମାର୍କ ୧:୧୧; ଲୁକ ୯:୩୫.

- ୨୫ ଯୋଷେଫ୍ ମାଉଥାୟାଃ ହନ୍, ମାଉଥାୟା ଆମୋସ୍ ଆଃ ହନ୍, ଆମୋସ୍ ନାହୁମ୍ ଆଃ ହନ୍, ନାହୁମ୍ ଏସ୍ଲିଆଃ ହନ୍, ଏସ୍ଲି ନଗୟାଃ ହନ୍,
- ୨୬ ନଗୟା ମହଥାୟାଃ ହନ୍, ମହଥା ମାଉଥାୟାଃ ହନ୍, ମାଉଥାୟା ଶିମୟାୟାଃ ହନ୍, ଶିମୟାୟା ଯୋସେଫାୟାଃ ହନ୍, ଯୋସେଫାୟା ଯୋଦାୟାଃ ହନ୍,
- ୨୭ ଯୋଦାୟା ଯୋହାନାୟାଃ ହନ୍, ଯୋହାନାୟା ରେଷାୟାଃ ହନ୍, ରେଷାୟା ଜିରୁବାବେଲ୍ ଆଃ ହନ୍, ଜିରୁବାବେଲ୍ ଶଲ୍ଟିୟେଲ୍ ଆଃ ହନ୍, ଶଲ୍ଟିୟେଲ୍ ନେରୀୟାଃ ହନ୍,
- ୨୮ ନେରୀୟା ମଲ୍ଖୁଆଃ ହନ୍, ମଲ୍ଖୁ ଅଦୀୟାଃ ହନ୍, ଅଦୀୟା କୋସାମ୍ ଆଃ ହନ୍, କୋସାମ୍ ଏଲ୍ମାଦାନାୟାଃ ହନ୍, ଏଲ୍ମାଦାନାୟା ଏରାୟାଃ ହନ୍, ଏରାୟା ଯିହୋଶିୟାୟାଃ ହନ୍,
- ୨୯ ଯିହୋଶିୟାୟା ଏଲ୍ମାଦାନାୟାଃ ହନ୍, ଏଲ୍ମାଦାନାୟାୟା ଯୋରିମ୍ ଆଃ ହନ୍, ଯୋରିମ୍ ମାଡ୍ ଆଡ୍ ତାଃ ହନ୍, ମାଡ୍ ଆଡ୍ ଲେବୀୟାଃ ହନ୍,
- ୩୦ ଲେବୀୟା ଶିମୋନ୍ ଆଃ ହନ୍, ଶିମୋନ୍ ଯିହୁଦାୟାଃ ହନ୍, ଯିହୁଦାୟାୟା ଯୋଷେଫ୍ ଆଃ ହନ୍, ଯୋଷେଫ୍ ଯୋନାଥାୟାଃ ହନ୍, ଯୋନାଥାୟାୟା ଏଲ୍ମାକିମ୍ ଆଃ ହନ୍,
- ୩୧ ଏଲ୍ମାକିମ୍ ମଲ୍ଲହାୟାଃ ହନ୍, ମଲ୍ଲହାୟାୟା ମନ୍ୟାୟାଃ ହନ୍, ମନ୍ୟାୟାୟା ମଉଥାୟାଃ ହନ୍, ମଉଥାୟାୟା ନାଥାୟାଃ ହନ୍, ନାଥାୟାୟା ଦାଉଦ୍ ଆଃ ହନ୍,
- ୩୨ ଦାଉଦ୍ ଯିଶିୟାୟାଃ ହନ୍, ଯିଶିୟାୟାୟା ଓବେଦ୍ ଆଃ ହନ୍, ଓବେଦ୍ ବୋୟାଜ୍ ଆଃ ହନ୍, ବୋୟାଜ୍ ଶାଲ୍ମନାୟାଃ ହନ୍, ଶାଲ୍ମନାୟାୟା ନହଶୋନ୍ ଆଃ ହନ୍,
- ୩୩ ନହଶୋନ୍ ଅମ୍ମାନାଦବ୍ ଆଃ ହନ୍, ଅମ୍ମାନାଦବ୍ ଅଢ୍ଡିନ୍ ଆଃ ହନ୍, ଅଢ୍ଡିନ୍ ଅର୍ଣ୍ଣୁଆୟାଃ ହନ୍, ଅର୍ଣ୍ଣୁଆୟାୟା ହେସ୍ରୋନ୍ ଆଃ ହନ୍, ହେସ୍ରୋନ୍ ପେରସ୍ ଆଃ ହନ୍, ପେରସ୍ ଯିହୁଦାୟାଃ ହନ୍,
- ୩୪ ଯିହୁଦାୟାୟା ଯାକୁବ୍ ଆଃ ହନ୍, ଯାକୁବ୍ ଇସାକ୍ ଆଃ ହନ୍, ଇସାକ୍ ଆବ୍ରାହାମ୍ ଆଃ ହନ୍, ଆବ୍ରାହାମ୍ ଥେରହ୍ ଆଃ ହନ୍, ଥେରହ୍ ନାହୋର ଆଃ ହନ୍,
- ୩୫ ନାହୋର ସରୁଗ ଆଃ ହନ୍, ସରୁଗ ଆଃ ହନ୍, ରଗୁ ଫେଲ୍ ଗ ଆଃ ହନ୍, ଫେଲ୍ ଗ ଆଃ ହନ୍, ଏବର୍ ଶେଲ୍ ହ ଆଃ ହନ୍,
- ୩୬ ଶେଲ୍ ହ କେନାନାୟାଃ ହନ୍, କେନାନାୟାୟା ଅର୍ଫକ୍ଷାୟାଃ ହନ୍, ଅର୍ଫକ୍ଷାୟାୟା ଶେମ୍ ଆଃ ହନ୍, ଶେମ୍ ନୁହୁଆୟାଃ ହନ୍, ନୁହୁଆୟାୟା ଲାମାକ୍ ଆଃ ହନ୍,
- ୩୭ ଲାମାକ୍ ମଥୁଶେଲ୍ ହ ଆଃ ହନ୍, ମଥୁଶେଲ୍ ହ ହନୋକ୍ ଆଃ ହନ୍, ହନୋକ୍ ଯେରଦ୍ ଆଃ ହନ୍, ଯେରଦ୍ ମହଲ୍ ଲେଲ୍ ଆଃ ହନ୍, ମହଲ୍ ଲେଲ୍ କେନନ୍ ଆଃ ହନ୍,
- ୩୮ କେନନ୍ ଏନୋଶ୍ ଆଃ ହନ୍, ଏନୋଶ୍ ଶେଥ୍ ଆଃ ହନ୍, ଶେଥ୍ ଆଦାମ୍ ଆଃ ହନ୍, ଆଦାମ୍ ପାର୍ମେଶ୍ୱାର୍ ଆଃ ହନ୍ ।

୪

ୟାଶୁକେ ସାଏତାନ୍ ଆଃ ବିଡାଅ
(ମାଥୁ ୪:୧-୧୧; ମାର୍କ ୧:୧୨-୧୩)

- ୧ ଯାଶୁ ପାବିତାର୍ ଆମ୍ଭେ ପେରେୟାନ୍ ଲାୟାୟା ଯାଦାନ୍ ଗାଡାଏତେ ରୁହାଡ୍ ଯାନ୍ ଏ ଆଡ଼ ଆମ୍ଭେ ଇନିଃକେ ବିରତେ ଇଦିକିୟା ।
- ୨ ଏଡ଼ାଃରେ ବାହୁସି ନିଦାସିଜ୍ ଜାକେଦ୍ ସାଏତାନ୍ ଇନିଃକେ ବିଡାଅକିୟା । ଏନ୍ ହୁଲାଜ୍ କରେ ଇନିଃକେ ଜେଡ୍ ନାଃ କାଏ ଜମ୍ କେନା, ଆଡ଼ ଏନ୍ ନେଡା ଟୁଣ୍ଡୁୟାନ୍ରେ ରେଜେଜ୍ କିୟା ।
- ୩ ସାଏତାନ୍ ଯାଶୁକେ କାଜିକିୟାଏ, “ଆମ୍ ପାର୍ମେଶ୍ୱାର୍ ଆଃ ହନ୍ ତାନ୍ମେରେଦ୍ ନେ ଦିରିକକେ ହଲ୍ ଇ ବାୟାୟାକା ମେଡ୍ଡେ ଆରୁତାମ୍ ।”
- ୪ ଯାଶୁ କାଜିରୁହାଡ୍ କିୟାଏ, “ନେଆଁ ଧାରାମ୍ ପୁଅରେ ଅଲ୍ଲାନା, ‘ହଡ୍ ହଲ୍ ଇତେ ଏସ୍ କାର୍ କାଏ ଜାହିଦ୍ ଆ ।’ ”
- ୫ ସାଏତାନ୍ ଇନିଃକେ ମିଆଁଦ୍ ସାଲ୍ଲାଜି ଠାୟାଦ୍ରେ ଇଦିକିୟାଏ ଆଡ଼ ଘାଡ଼ିକାଦ୍ରେ ଅତେଦିଶୁମ୍ରେୟାୟା ସବେନ୍ ରାଜ୍ ଉଦୁବ୍ କିୟାଏ ।
- ୬ ଆଡ଼ ସାଏତାନ୍ ଯାଶୁକେ କାଜିକିୟାଏ, “ଆଇଜ୍ ନେ ସବେନାୟାୟା ଆକ୍ତେୟାର୍ ଆଡ଼ ସୁଗାଡାନ୍ତେୟାୟା ଆମ୍ କେ ଏମାମେୟାୟା ଚିୟାୟା ନେୟାୟା ସବେନ୍ ଆଇୟାୟା ତିଃକରେ ଏମାକାନା, ଆଡ଼ ଆଇଜ୍ ଆଇୟାୟା ସାନାୟାୟା ଲେକା ନେ ସବେନାୟାୟା ଏମ୍ ଦାଡ଼ିୟାୟା ।
- ୭ ଏନାମେଡ୍ଡେ ଆଇଜ୍ କେ ଇକ୍ତମ୍ କେଦ୍ରେ ଜହାରିଜ୍ରେଦ୍ ନେୟାୟା ସବେନ୍ ଆମାୟାୟା ହବାଅଆ ।”
- ୮ ଯାଶୁ ଇନିଃକେ କାଜିକିୟାଏ, “ଆଡ଼ମେନ୍ମେ ସାଏତାନ୍, ଚିୟାୟା ନେଆଁ ଧାରାମ୍ ପୁଅରେ ଅଲ୍ଲାନା, ‘ପ୍ରାଭୁ ଆମାୟାୟା ପାର୍ମେଶ୍ୱାର୍ କେ ଜହାରିମେ ଆଡ଼ ଇନିଃକେ ଏସ୍ କାର୍ ସୁସାରିମେ ।’ ”
- ୯ ଏଡ୍ଡେ ସାଏତାନ୍ ଯାରୁଗାଲେମ୍ରେ ଇଦିକିୟାୟାୟା ମାଦିର୍ ଅଡ଼ାୟାୟାୟା ତୁଟିରେ ତିଜୁକିୟା, ଆଡ଼ କାଜିକିୟାଏ, “ଆମ୍ ପାର୍ମେଶ୍ୱାର୍ ଆଃ ହନ୍ ତାନ୍ମେରେଦ୍ ନେତାୟାୟାୟା ଲାତାୟାୟାୟା ତେଗାଅତାମେ ।

୧୦ ଚିୟାଃତି ଧାରାମ୍ପୁଥିରେ ନେୟାଁ ଅଲ୍ଲୀକାନା, “ଆମ୍ଭେ ତେଲ୍ଲୀମେ ନାଗେନ୍ତେ ପାର୍ମେଶ୍ଵାର୍ ଆୟାଃ ଦୁଁକକେ ଆତୁକଆ ।”

୧୧ ଆତଃଗି ଧାରାମ୍ପୁଥିରେ ଅଲ୍ଲୀକାନା, “ଆମାଃ କାଟା ଦିରିରେ ଆଲକା ଠଗଃକା ମେନ୍ତେ ଇନ୍କୁ ଆକଆଃ ଡିଃଇତେକ ତେଲ୍ଲୀମେୟାଁ ।”

୧୨ ମେନ୍ଦ ଦୟାଶୁ କାଜିରୁହାଡ଼କିୟାଏ, “ଧାରାମ୍ପୁଥିରେ ନେଆଁହଗି ଅଲ୍ଲୀକାନା, ‘ପ୍ରାଭୁ ଆମାଃ ପାର୍ମେଶ୍ଵାର୍ କେ ଆଲମ୍ ବିଡ଼ାଅଇୟା ।’”

୧୩ ସାଏତାନ୍ ସବେନ୍ ବିନିଡ଼ାଅ ଚାବାକେଦାଏ ଆତଃ ଘାତାଅ କା ନାମ୍ ଜାକେଦ୍ ଦୟାଶୁକେ ବାଗିକେଦ୍ତେ ନିର୍ୟାନା ।

ୟାଶୁ ଗାଲିଲ୍ରେ ଇତୁକତାନାଏ

(ମାଥୁଉ ୪:୧୨-୧୭; ମାର୍କ ୧:୧୪-୧୫)

୧୪ ଏନ୍ତେ ଦୟାଶୁ ପାବିତାର୍ ଆମ୍ଭାତେ ପେଡ଼େଃ ନାମ୍ତାନଲ୍ଲଃ ଗାଲିଲ୍ ସାହାର୍ତେ ରୁହାଡ଼ୟାନାଏ, ଆତଃ ଇନିୟାଃ ନୁତୁମ୍ ଗାଲିଲ୍ରେୟାଃ ହପରଜାପାଃ ସବେନ୍ସାଃ ନିଡିର୍ୟାନା ।

୧୫ ଇନିଃ ଇନ୍କୁଆଃ ସାମାଜ୍ ଅଡ଼ାଃକରେ ଇତୁକେଦ୍କଆଏ ଆତଃ ସବେନ୍କ ଇନିଃକେ ମାରାଜ୍କିୟାଃକ ।

ୟାଶୁକେ ନାଜରେଡ଼ରେ କାକ ବିଶ୍ଵାସକିୟା

(ମାଥୁଉ ୧୩:୫୩-୫୮; ମାର୍କ ୬:୧-୬)

୧୬ ଏନ୍ ତାୟମ୍ତେ ଇନିଃ ନାଜରେଡ଼ରେୟାଏ ହିଜୁଃୟାନା, ଏନ୍ତାଃରେ ଇନିଃ ଆସୁଲ୍ ହାରାକାନ୍ ତାଇନାଏ, ଆତଃ ଆୟାଃ ରିତି ଲେକାତେ ରୁଡ଼ୁ ହୁଲ୍ଲାଇଁ ସାମାଜ୍ ଅଡ଼ାଃରେ ବଲ୍ଲୟାନ୍ତେ, ଧାରାମ୍ପୁଥି ପାଢ଼ାଅ ନାଗେନ୍ତେ ବିରିଦ୍ୟାନାଏ ।

୧୭ ଆତଃ ଇନ୍କୁ ଯିଶାୟ ନାବୀୟାଃ ପୁଥି ଇନିଃକେକ ଏମ୍କିୟାଃ, ଇନିଃ ଏନା ରାଡ଼ାକେଦ୍ତେ ନେଆଁ ଅଲ୍ଲୀକାନ୍ତେୟାଃ ନାମ୍କେଦାଏ :

୧୮ “ପାର୍ମେଶ୍ଵାର୍ଆଃ ଆମ୍ଭା ଆଇଙ୍ଗ୍ରେ ମେନାଇୟାଃ,

ଚିୟାଃତି ନାରାଦୁରା ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ଆଇଙ୍ଗ୍ରେ ଆଭିଷେକ୍କାଦିୟାଁ ।

ତଲ୍ଲୀକାନ୍କ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ,

କାଣ୍ଟାକାନ୍କ ନେନେଲ୍ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ,

ଦୁକୁତେ ତେନାକାନ୍କଆଃ ଦୁକୁ ସାଜ୍ନେ ନାଗେନ୍ତେ,

୧୯ ପାର୍ମେଶ୍ଵାର୍ଆଃ ଲିବୁୟାନ୍ ବାରାଷ୍ରେୟାଃ କାଜି ଉଦୁବ୍ ନାଗେନ୍ତେ

ଆଇଙ୍ଗ୍ରେ କୁଲ୍ଲୀକାଦିୟାଃଏ ।”

୨୦ ଏନ୍ତେ ଦୟାଶୁ ପୁଥିକ୍ତାକେଦ୍ତେ ଦାସ୍ତେ ଏମ୍ରୁହାଡ଼କିୟାଏ ଆତଃ ଦୁବ୍ୟାନାଏ । ସାମାଜ୍ ଅଡ଼ାଃରେନ୍ ସବେନ୍କ ଇନିଃକେ ଆରିଦାକାଇକ୍ ତାଇକେନା ।

୨୧ ଦୟାଶୁ ଇନ୍କୁକେ କାଜିକେଦ୍କଆଏ, “ଆଇଙ୍ଗ୍ ପାଢ଼ାଅକେଦ୍ ଧାରାମ୍ପୁଥିରେୟାଃ ନେ କାଜି ତିସିଙ୍ଗ୍ ଆପେୟାଃ ସାମ୍ନାଙ୍ଗ୍ରେ ପୁରାୟାନା ।”

୨୨ ଆତଃ ସବେନ୍କ ଦୟାଶୁଆଃ ବିଷାଏରେ ଗାଝା ଏମ୍ ଏଟେଦ୍କେଦାକ, ଆତଃ ଇନିୟାଃ ମଚାଏତେ ଅତଙ୍ଗ୍ଅଃତାନ୍ ସାୟାଦ୍ରାଃ କାଜିତେକ ଆକ୍ଦାୟାୟାନା । ଆତଃ ଇନ୍କୁ କାଜିକେଦାଃକ, “ଚିୟାଃ ନିଃ ଯୋଷେଫ୍ଆଃ ହନ୍ ନାହାଁଲିଃ ?”

୨୩ ଇନିଃ ଇନ୍କୁକେ କାଜିକେଦ୍କଆଏ, “ଆପେ ଆଇଙ୍ଗ୍ରେ ସାର୍ଡିଗି ଏନ୍ ମାରି ଜନ୍କାପେ କାଜିୟାଈଙ୍ଗ୍ୟାଁ, ‘ଏ ବାଇଦ୍ ଆମ୍ ଆମ୍ଗି ବୁଗିନଃମେଁ’ ଆତଃଗିପେ କାଜିୟା, ‘ଆମ୍ କପର୍ନାହୁମ୍ ସାହାର୍ରେମ୍ କାମିକେଦ୍ ସବେନାଃଲେ ଆୟୁମାକାଦାଃ, ଏନା ନେ ଆମାଃ ଦିଶୁମ୍ରେୟା କାମିମେଁ ।’”

୨୪ *ଆତଃ ଦୟାଶୁ ଇନ୍କୁକେ ମେତାଦ୍କଆ, “ଆଇଙ୍ଗ୍ ଆପେକେ ସାର୍ଡିଗିଙ୍ଗ୍ କାଜିୟାପେତାନା, ‘ଜେତାଏ ନାବୀ ଆୟାଃ ନାଗାର୍ରେ କାଏ ମାନାଡିଙ୍ଗ୍ଅଃଆ ।’

୨୫ “ଆଇଙ୍ଗ୍ ଆପେକେ ସାର୍ଡି କାଜିୟାପେ ତାନାଈଙ୍ଗ୍, ନାବୀ ଏଲିୟାଃ ଦିପିଲିରେ ଆପି ବାରାଷ୍ ତୁରିୟା ମାହୁଁନା ଜାକେଦ୍ ସିର୍ମାଏତେ ଦାଆଃ କାଏ ଗାମାକେଦାଃ, ଏନାତେ ଗଟା ଦିଶୁମ୍ରେ ରିଙ୍ଗାକାନ୍ ତାଇକେନ୍ରେ ଇସ୍ରାଏଲ୍ ଦିଶୁମ୍ରେ ପୁରାଃଗି ରାଣ୍ଡିକ୍ତକ୍ ତାଇକେନା ।

୨୬ ମେନ୍ଦ ସିଦୋନ୍ ଦିଶୁମ୍ରେୟାଃ ସାରିଫାଡ଼ ହାତୁରେନ୍ ମିଆଁଦ୍ ରାଣ୍ଡିକ୍ତକ୍ତାଃ ଏଲିୟା କୁଲ୍ୟାନାଏ ।

୨୭ ଆତଃଗି ଏଲିଶାୟ ନାବୀୟାଃ ଦିପିଲିରେ ଇସ୍ରାଏଲ୍ରେ ପୁରାଃ ନାଗେଘାଅଝାକାନ୍କ ତାଇକେନା ମେନ୍ଦ ଇନ୍କୁଏତେ ସୁରିୟା ଦିଶୁମ୍ରେନ୍ ନାମାନ୍ ଏସ୍କାର୍ ଫାଡ଼ିୟାନାଏ ।”

୨୮ ନେ କାଜି ଆୟୁମ୍କେଦ୍ତେ ସାମାଜ୍ ଅଡ଼ାଃରେନ୍ ସବେନ୍କ ଖ୍ଵତେକ ପେରେୟାନା ।

* ୪:୨୪ ଯୋହାନ୍ ୪:୪୪.

୨୯ ଆତ୍ମା ଇନ୍ଦ୍ରକୁ ବିରିଦୟାନ୍ତେ ଇନିଃକେ ସାହାର୍‌ଏତେକ ଅତଙ୍ଗକିୟା ଆକଆଃ ସାହାର୍ ବୁରୁ ଚେତାନ୍‌ରେ ତାଇକେନା । ଆତ୍ମା ଇନ୍ଦ୍ରକୁ ଇନିଃକେ ଇଲିଙ୍ଗ ଉୟୁଗି ନାଗେନ୍ତେ ବୁରୁ ଚେତାନ୍‌ରେୟାଃ ଖାଇଣ୍ଡେତେକ ଇଦକିୟା ।

୩୦ ମେନ୍‌ଦ ଇନିଃ ଇନ୍ଦ୍ରକୁଆଃ ଆଲା ଆଲାଏତେ ଅତଙ୍ଗୟାନ୍‌ଲଃ ସେନଃୟାନାଏ ।

ୟୀଶୁ ବଙ୍ଗା ଏସେରାକାଇ ହଡ଼କେ ବୁଗିକିୟାଏ

(ମାର୍କ ୧:୨୧-୨୮)

୩୧ ଯୀଶୁ ଗାଲିଲ୍‌ରେୟାଃ କପର୍‌ନାହୁମ୍ ସାହାର୍‌ତେ ହିନ୍ଦୁଃକେଦ୍‌ତେ ରୁଡ଼ନ୍ ହୁଲାଙ୍ଗ୍‌ରେ ଇନିଃ ହଡ଼କକେ ଇଡୁ ଏଟେଦ୍‌କେଦ୍‌ଆଏ ।

୩୨ *ଇନିୟାଃ ଇନିଡୁରେ ହଡ଼କ ଆକ୍‌ଦାନ୍‌ଦାୟାନ୍‌ନାକ, ଚିୟାଃଚି ଇନିଃ ଆକ୍‌ତେୟାର୍ ନାମାକାଦ୍‌ନିଃଲେକା ଇଡୁକତାନାଏ ତାଇକେନା ।

୩୩ ସାମାଜ୍ ଅଡ଼ାଃରେ ମିଆଁଦ୍ ସଡ଼ରା ଆମ୍‌ତେ ଏସେରାକାନ୍ ହଡ଼ ତାଇକେନାଏ । ଇନିଃ ପୁରାଃ କାଉରିତାନ୍‌ଲଃ କାଜିକେଦାଏ,

୩୪ “ହାଏରେ, ହେ ନାଜ୍‌ରେଡ଼ରେନ୍ ଯୀଶୁ ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିନ୍ଦୁଆକାନା ? ଆମ୍ ପାର୍‌ମେଶ୍‌ବାର୍‌ଆଃ ପାବିତାର୍‌ନିଃ ତାନ୍‌ମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୩୫ ଯୀଶୁ ଇନିଃକେ ମାରାଙ୍ଗ୍‌ମଚାକେଦ୍‌ତେ କାଜିକିୟାଏ, “ହାପାଅଃମେଁ, ଆତ୍ମା ଇନିଃତାଃଏତେ ଅତଙ୍ଗ୍‌ଅଃମେ ।” ଏନ୍ତେ ଏନ୍ ସଡ଼ରା ଆମ୍ ଇନିଃକେ ସବେନ୍‌କଆଃ ଆଲାରେ ଆଖାକିଦ୍‌ଚି ଇନିୟାଃ ନକ୍‌ସାନ୍ କା ରିକାତାନ୍‌ଲଃ ଅତଙ୍ଗ୍‌ୟାନା ।

୩୬ ହଡ଼କ ଆକ୍‌ଦାନ୍‌ଦାୟାନ୍‌ଲଃକ କୁପୁଲିୟାନା, “ନେଆଁ ଚିଲ୍‌କାନ୍ ଇନିଡୁ ? ଇନିଃଦ୍ ଆକ୍‌ତେୟାର୍‌ତେ ଆତ୍ମା ପେଡ଼େଃଲଃ ସଡ଼ରା ଆମ୍‌କକେ ଅତଙ୍ଗ୍‌ଅଃ ନାଙ୍ଗ୍ ଆଡୁକତାନାଏ ଆତ୍ମା ଇନ୍ଦ୍ରକୁ ଇନିୟାଃ କାଜିକ ମାନାତିଙ୍ଗ୍‌ତାନା ।”

୩୭ ଏନ୍ତେଦ୍ ଯୀଶୁଆଃ କାଜି କଚାକୁନି ସବେନ୍‌ସାଃରେ ନିଡିର୍‌ୟାନା ।

ୟୀଶୁ ପୁରାଃ ହଡ଼କକେ ବୁଗିକତାନାଏ

(ମାଥ୍‌ଉ ୮:୧୪-୧୭; ମାର୍କ ୧:୨୯-୩୪)

୩୮ ଯୀଶୁ ସାମାଜ୍ ଅଡ଼ାଃଏତେ ଶିମୋନ୍‌ଆଃ ଅଡ଼ାଃତେ ସେନଃୟାନାଏ । ପାର୍‌ରାସ୍‌ଆଃ ହାନାର୍‌ତେ ବରଝାନ୍‌ଗି ଉରିୟୁ ତାଇକେନା, ଆତ୍ମା ଇନିୟାଃ ବୁଗିୟାଃ ନାଗେନ୍ତେ ଯୀଶୁକେ ବିଡ଼ିକିୟାଃକ ।

୩୯ ଏନ୍ତେ ଯୀଶୁ ଇନିୟାଃ ହେପାଦ୍‌ରେ ଡିଙ୍ଗ୍‌ୟାନ୍‌ଲଃ ଉରିୟୁକେ ମାରାଙ୍ଗ୍‌ମଚାକେଦାଏ ଆତ୍ମା ଇନିଃ ଉରିୟୁଏତେ ବୁଗିୟାନା । ଆତ୍ମା ଇମ୍‌ତାଙ୍ଗ୍‌ଗି ଇନିଃ ବିରିଦ୍‌କେଦ୍‌ତେ ଇନ୍ଦ୍ରକୁକେ ସୁସାର୍ ଏଟେଦ୍‌କେଦ୍‌କଆ ।

୪୦ ସିଙ୍ଗିହାସୁରଃ ତାନ୍‌ରେ ହଡ଼କତାଃରେ ତାଇକେନ୍ ଦୁକୁହାସୁତାନ୍ ସବେନ୍ ହଡ଼କକେ ଯୀଶୁତାଃତେକ ଆଉକେଦ୍‌କଆ, ଇନିଃ ମିପିଆଦ୍ ହଡ଼କଆଃରେ ତିଃଇ ଦହକେଦ୍‌ତେ ବୁଗିକେଦ୍‌କଆଏ ।

୪୧ ଆତ୍ମାଗି, ପୁରାଃ ହଡ଼କତାଃଏତେ ବଙ୍ଗାକ ଅତଙ୍ଗ୍‌ୟାନ୍‌ଲଃକ କାଉରିକେଦାଃ, “ଆମ୍ ପାର୍‌ମେଶ୍‌ବାର୍‌ଆଃ ହନ୍ ତାନ୍‌ମେ ।” ମେନ୍‌ଦ ଯୀଶୁ ଇନ୍ଦ୍ରକୁକେ ହାପାଅଃ ନାଗେନ୍ତେ ମାରାଙ୍ଗ୍‌ମଚା କେଦ୍‌କଆ, ଆତ୍ମା ଇନିଃ ବଙ୍ଗାକକେ କାଏ କାଜି ଇଡିକେଦ୍‌କଆ, ଚିୟାଃଚି ଏନ୍ ବଙ୍ଗାକ ଇନିଃ ଖ୍ରୀଷ୍ଟ୍ ତାନିଃ ମେନ୍ତେକ ସାରିତାଇକେନା ।

ସାମାଜ୍ ଅଡ଼ାଃରେ ଯୀଶୁଆଃ ଇନିଡୁ

(ମାର୍କ ୧:୩୫-୩୯)

୪୨ ଆଙ୍ଗ୍‌ୟାନ୍‌ଚି, ଯୀଶୁ ସାହାର୍‌ଏତେ ଅତଙ୍ଗ୍‌ୟାନା ଆତ୍ମା ମିଆଁଦ୍ ସିଃସଏଃ ଠାୟାଦ୍‌ତେ ସେନଃୟାନାଏ । ଗାଦେଲ୍ ହଡ଼କ ଇନିଃକେ ଦାଣ୍ଠାଁ ନାମକେଦ୍‌ତେ ଆୟାଃତାଃକ ହିନ୍ଦୁୟାନା, ଆତ୍ମା ଇନିଃ ଆକତାଃଏତେ ଆଲାକାଏ ସେନଃକା ମେନ୍ତେ କେସେଦିତାନ୍‌କ ତାଇକେନା ।

୪୩ ମେନ୍‌ଦ ଇନିଃ କାଜିୟାଦ୍‌କଆଏ, “ଏଟାଃ ନାଗାର୍‌ରେୟା ପାର୍‌ମେଶ୍‌ବାର୍‌ଆଃ ରାଇଜ୍‌ରେୟାଃ ସୁକୁକାଜି ଆଇଙ୍ଗ୍‌କେ ଉଦୁର୍ ଲାଗାଡିଙ୍ଗ୍‌ୟାଃ, ଚିୟାଃଚି ଏନା ନାଗେନ୍ତେ ପାର୍‌ମେଶ୍‌ବାର୍ ଆଇଙ୍ଗ୍‌କେ କୁଲାକାଇଙ୍ଗ୍‌ୟା ।”

୪୪ ଆତ୍ମା ଇନିଃ ଯିହୁଦା ଦିଶୁମ୍‌ରେୟାଃ ସାମାଜ୍ ଅଡ଼ାଃକରେ ଇଡୁକତାନାଏ ତାଇକେନା ।

୫

ୟୀଶୁ ପାହିଲା ଚେଲାକକେ କେଡ଼ାକେଦ୍‌କଆଏ

(ମାଥ୍‌ଉ ୪:୧୮-୨୨; ମାର୍କ ୧:୧୭-୨୦)

୧ *ମୁସିଙ୍ଗ୍ ଯୀଶୁ ଗିନେସରେଡ଼ ଦରେୟା ନାଡ଼େଃରେ ଡିଙ୍ଗୁଆକାନ୍ ତାଇକେନାଏ, ଆତ୍ମା ଗାଦେଲ୍ ହଡ଼କ ପାର୍‌ମେଶ୍‌ବାର୍‌ଆଃ କାଜି ଆୟୁମ୍ ନାଗେନ୍ତେ ଇନିଃକେ ଜୁରୁବିୟୁରାକାଇକ ତାଇକେନା,

* ୪:୩୨ ମାଥ୍‌ଉ ୭:୨୮, ୨୯. * ୫:୧ ମାଥ୍‌ଉ ୧୩:୧, ୨; ମାର୍କ ୩:୯, ୧୦; ୪:୧.

୨ ଇନିଃ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍‌କେଦାଃ, ହାକୁସାବ୍ ହଡକ ଏନ୍ ଲାଉକାଏଡେ ଆଡଗୁକେଦ୍‌ଡେ ଜାଲୋମ୍‌କ ଚାପିତାଇକେନା ।

୩ ଯୀଶୁ ଏନାଏଡେ ମିଆଁଦ୍ ଲାଉକାରେ ରାକାବ୍‌ୟାନାଏ, ଏନାଦ ଶିମୋନ୍‌ଆଃ ତାଇକେନା ଆଡଃ ଯୀଶୁ ଇନିଃକେ ଦରେୟା ଗେନାଏଡେ ହୁଡିଙ୍ଗ୍ ସାଙ୍ଗିନ୍‌ଡେ ଇଦିମେ ମେନ୍ତେ ବିକ୍ରିକିୟାଏ । ଏନ୍ତେ ଇନିଃ ଲାଉକାରେ ଦୁବ୍‌ୟାନ୍‌ଡି ଗାଦେଲ୍ ହଡକକେ ଇଡୁକେଦ୍‌କଆଏ ।

୪ ଇନିଃ କାଜିଚାବାକେଦ୍‌ଡି ଶିମୋନ୍‌କେ କାଜିକିୟାଏ, “ଲାଉକା ତାମାଃକେ ଇକିର୍‌ଡେ ଇଦିମେ ଆଡଃ ହାକୁସାବ୍ ନାଗେନ୍ତେ ଜାଲୋମ୍‌ ତାମାଃ ହୁଦ୍‌ମାଏମେ ।”

୫ ଫେନ୍‌ଦ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍‌ନିଦାଲେ କାମିକେଦା ଆଡଃ ମିଆଁଦ୍‌ହ ହାକୁ କାଲେ ସାବ୍‌କେଦ୍‌କଆ । ମେନ୍‌ଦ ଆମାଃ କାଜିଡେ ଜାଲୋମ୍ ହୁଦ୍‌ମାୟାଇଙ୍ଗ୍ ।”

୬ ଇନ୍‌କୁ ଜାଲୋମ୍ ହୁଦ୍‌ମାକେଦ୍‌ଡି ପୁରାଃ ହାକୁକ ଜାଲୋମ୍‌କେଦ୍‌କଆ, ଆଡଃ ଇନ୍‌କୁଆଃ ଜାଲୋମ୍‌କ ଚାଗାଡ଼ଃତାନ୍ ତାଇକେନା ।

୭ ଇମ୍‌ତାଙ୍ଗ୍ ଇନ୍‌କୁ ଦେଙ୍ଗାନାଙ୍ଗ୍ ମେନ୍ତେ ଆକଆଃ ଗାତିକକେ ହାକାଅ କେଦ୍‌କଆକ । ଆଡଃ ଗାତିକ ହିଜୁଃକେଦ୍‌ଡେ ବାରିଆ ଲାଉକାରେ ନିମିନ୍ ହାକୁ ପେରେଃକେଦ୍‌କଆକ ଯେ ଲାଉକା ତାକଆଃ ତୁବିଜଃତାନ୍‌ଲେକା ହବାଅଃ ତାଇକେନା ।

୮ ଏନା ନେଲ୍‌କେଦ୍‌ଡେ ଶିମୋନ୍ ପାଡ଼ରାସ୍ ଯୀଶୁଆଃ କାଟା ସୁବାରେ ଉୟୁଃୟାନାଏ ଆଡଃ କାଜିକେଦାଏ, “ହେ ପ୍ରାଭୁ ଆଇଁୟାଃତାଃଏଡେ ସାଙ୍ଗିନଃମେଁ, ଆଇଙ୍ଗ୍‌ଦ ପାପି ହଡ ତାନିଙ୍ଗ୍ ।”

୯ ଶିମୋନ୍ ପାଡ଼ରାସ୍ ଆଡଃ ଆୟାଃ ଗାତିକ ମିସାତରା ନିମିନ୍ ହାକୁ ନେଲ୍‌କେଦ୍‌ଡେ ଆକ୍‌ଦାନ୍‌ଆୟାନାକ ।

୧୦ ଆଡଃ ଜେବଦୀୟାଃ ହନ୍ ଯାକୁବ୍ ଆଡଃ ଯୋହାନ୍ ଶିମୋନ୍‌ଲଃ ମିସାଡେ କାମି ତାଇକେନାକିନ୍ ଆଡଃ ଏନ୍ ବାରାନ୍‌କିନ୍‌ହ ଆକ୍‌ଦାନ୍‌ଆୟାନାକିନ୍ । ଆଡଃ ଯୀଶୁ ଶିମୋନ୍‌କେ କାଜିକିୟାଏ, “ଆଲମ୍ ବରଏୟା, ନାହାଁଃଏଡେ ଆମ୍ ହଡକକେ ପାର୍‌ମେଶ୍‌ବାରତାଃଡେ ଆଉକଆମ୍ ।”

୧୧ ଏନ୍ତେ ଇନ୍‌କୁ ଲାଉକାକକେ ଦରେୟା ଗେନାଡେ ତେବାଃକେଦ୍‌ଡି ସବେନାଃ ବାରିକେଦ୍‌ଡେ ଯୀଶୁକେକ ଅତଙ୍ଗ୍‌କିୟା ।

**ୟୀଶୁ ମିଆଁଦ୍ ନାଗେଘାଞ୍ଜାକାନ୍ ହଡକେ ବୁଗିକିୟାଏ
(ମାଥୁଉ ୮:୧-୪; ମାର୍କ ୧:୪୦-୪୫)**

୧୨ ଯୀଶୁ ମିଆଁଦ୍ ସାହାରରେ ତାଇକେନ୍ ଇମ୍‌ତା ଏନ୍ତାଃରେ ନାଗେଘାଅଡେ ପେରେଜାକାନ୍ ମିଆଁଦ୍ ହଡ ତାଇକେନାଏ । ଇନିଃ ଯୀଶୁକେ ନେଲ୍‌ଲଃଗି ଇକ୍‌ଡୁକେଦ୍‌ଡେ ବିକ୍ରିତାନ୍‌ଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର ଦାଡ଼ିୟାମ୍ ।”

୧୩ ଏନ୍ତେ ଯୀଶୁ ଆୟାଃ ତିଃଇ ଜିଲିଙ୍ଗ୍‌କେଦ୍‌ଡେ ଜୁଚିଦ୍‌କିୟାଏ ଆଡଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ଆଡଃ କାଜିତାନ୍ ତର୍‌ସାଗି ଇନିୟାଃ ନାଗେଘାଅ ଫାର୍‌ଚିୟାନା ।

୧୪ ଏନ୍ତେ ଯୀଶୁ ହୁକୁମ୍‌କିୟାଏ, “ଜେତାଏକେ ନେ କାଜି ଆଲମ୍ ଉଦୁବ୍‌କଆଃ, ମେନ୍‌ଦ, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆଡଃ ଇନ୍‌କୁଆଃ ଗାଞ୍ଜାନାଙ୍ଗ୍ ମୁଶାନାବୀ ଆତୁକାଦ୍ ଲେକାଡେ ଆମାଃ ଫାର୍‌ଚିରେୟାଃ ଦାଣ୍ଟେ ରାକାବେମେଁ ।”

୧୫ ଆଡଃ ଯୀଶୁଆଃ ବିଷାଏରେୟାଃ କାଜି ପୁରାଃଗି ନିଡିର୍‌ୟାନା, ଏନ୍ତେ ଇନିୟାଃ ଇଡୁଆନ୍ କାଜିକ ଆୟୁମ୍ ନାଗେନ୍ତେ ଆଡଃ ଆକଆଃ ଦୁକୁଏଡେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡକ ଇନିଃତାଃରେକ ହୁଣ୍ଡିୟାନା ।

୧୬ ମେନ୍‌ଦ ଯୀଶୁ ସିଃସଏଃ ଠାୟାଦ୍‌ଡେ ସେନଃୟାନ୍ତେ ବିକ୍ରିକେଦାଏ ।

**ୟୀଶୁ ମିଆଁଦ୍ ବାଡକାନ୍‌ନିଃକେ ବୁଗି ତାନାଏ
(ମାଥୁଉ ୯:୧-୮; ମାର୍କ ୨:୧-୧୨)**

୧୭ ମୁସିଙ୍ଗ୍‌ହୁଲାଙ୍ଗ୍ ଯୀଶୁ ଇଡୁତାନାଏ ତାଇକେନା, ଏନ୍ତାଃରେ ଫାରୁଗୀ ଆଡଃ ଆଇନ୍ ଇଡୁକ ଦୁବାକାନ୍‌କ ତାଇକେନା, ଇନ୍‌କୁ ଗାଲିଲ୍‌ରେୟାଃ ସବେନ୍ ହାଡୁ ଆଡଃ ଯିହୁଦା ଦିଶୁମ୍‌ରେୟାଃ ସବେନ୍ ହାଡୁ ଆଡଃ ଯୀରୁଶାଲେମ୍‌ଏଡେ ହିଜୁଃକାନ୍‌କ ତାଇକେନା । ଆଡଃ ଦୁକୁତାନ୍‌କକେ ବୁଗିନ୍ ନାଗେନ୍ତେ ପ୍ରାଭୁଆଃ ପେଡେଃ ଯୀଶୁଲଃ ତାଇକେନା ।

୧୮ ହଡକ ମିଆଁଦ୍ ବାଡକାନ୍‌ନିଃକେ ପାର୍‌କମ୍‌ରେ ବାଟିୟାକାନ୍‌ଗି ଗଅଃ ଆଉକିୟାକ ଆଡଃ ଇନିଃକେ ଭିତାଡ୍‌ଡେ ଇଦିକେଦ୍‌ଡେ ଯୀଶୁଆଃ ସାମ୍‌ନାଙ୍ଗ୍‌ରେ ଦହନାଙ୍ଗ୍ ସାନାଙ୍ଗ୍‌ତାନ୍‌କ ତାଇକେନା ।

୧୯ ଗାଦେଲ୍ ହଡକ ତାଇକେନ୍ ହରାଡେ ଇନ୍‌କୁ ଇନିଃକେ ଭିତାଡ୍‌ଡେ ଆଉ ନାଙ୍ଗ୍ ହରା କାକ ନାମ୍‌କେଦା । ଏନାଡେ ଇନ୍‌କୁ ସାଡ଼୍‌ମି ଚେତାନ୍‌ଡେ ପାର୍‌କମ୍‌ଲଃଗି ଇନିଃକେ ତେଙ୍ଗଃ ରାକାବ୍‌କିୟାଃକ ଆଡଃ ସାଡ଼୍‌ମି ଖାପ୍‌ରା ଆତମ୍‌କେଦ୍‌ଡେ ଯୀଶୁଆଃ ସାମ୍‌ନାଙ୍ଗ୍‌ରେ ତୁଙ୍ଗା ଆଡ଼ଗୁକିୟାଃକ ।

୨୦ ଯୀଶୁ ଏନ୍ ହଡକଆଃ ବିଶ୍ୱାସ୍ ନେଲ୍‌କେଦ୍‌ଡେ କାଜିକିୟାଏ, “ଏ ଗାତି, ଆମାଃ ପାପ୍‌କ ଛାମାୟାନା ।”

✧ ୫:୫ ଯୋହାନ୍ ୨୧:୩. ✧ ୫:୬ ଯୋହାନ୍ ୨୧:୬.

୨୧ ଆଇନ୍ ଇତୁକ ଆତଃ ଫାରୁଶୀକ ଆକ ଆକରେ ଉଡ଼ୁକେଦାଃକ, “ପାର୍ମେଶ୍ଵାରକେ ନିନ୍ଦାକତାନ୍ ନେ ହଡ଼ ଅକଏ ତାନିଃ ? ପାର୍ମେଶ୍ଵାରକେ ବାଗିକେଦତେ ଆତଃ ଅକଏ ପାପଞ୍ଚାମା ଦାଡ଼ିୟାଏ ?”

୨୨ ମେନ୍ଦ ଯୀଶୁ ଇନ୍କୁଆଃ ଉଡ଼ୁ ଆକ୍‌କାରକେଦତେ ମେତାଦକଆଏ, “ଆପେ ଆପେୟାଃ ମନ୍‌ରେ ଚିନାଃପେ ଉଡ଼ୁତାନା ?

୨୩ ଅକ୍‌ନାଃ ରାଞ୍ଜାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲାଃ ଚି ‘ବିରିଦ୍‌ମେ ଆତଃ ସେନେମେ’ ମେନ୍ତେ କାଜିତେୟାଃ ?

୨୪ ମେନ୍ଦ ମାନଞ୍ଜାହନ୍‌ଆଃ ନେ ଅତେଦିଶୁମ୍‌ରେ ପାପ୍ ଛାମାରେୟାଃ ଆକ୍‌ତେୟାର୍ ମେନାଃ” ଏନା ଆପେ ସାରିକାମେନ୍ତେ, ଇନିଃ ଏନ୍ ବାଡ଼କାନ୍‌ନିଃକେ କାଜିକିୟାଏ, “ମାର୍ ବିରିଦ୍‌ମେ ଆତଃ ପାର୍‌କମ୍‌ତାମାଃ ଗଅଃକେଦତେ ଆମାଃ ଅଡ଼ାଃତେ ସେନଃମେ ।”

୨୫ ଇମ୍‌ତାଙ୍ଗାରି ଇନିଃ ଇନ୍କୁଆଃ ସାମ୍‌ନାଙ୍ଗାରେ ବିରିଦ୍‌ୟାନାଏ, ଆତଃ ଆୟାଃ ଗିତିଜାକାନ୍ ପାର୍‌କମ୍‌କେ ତେଙ୍ଗଃକେଦତେ ପାର୍‌ମେଶ୍ଵାରଆଃ ମାନାରାଙ୍ଗ୍ ଦୁରାଙ୍ଗ୍‌ତାନଲଃ ଅଡ଼ାଃତେ ସେନଃୟାନାଏ ।

୨୬ ଏନ୍ତାଃରେ ତାଇକାନ୍ ସବେନ୍‌କ ଆକ୍‌ଦାନ୍‌ଅୟାନକ ଆତଃ ପାର୍‌ମେଶ୍ଵାରକେ ମାରାଙ୍ଗ୍‌କିୟାକ, “ଆବୁ ତିସିଙ୍ଗ୍ ହାଏକାଟ୍ କାମିବୁ ନେଲ୍‌କେଦା” ମେନ୍ତେ ବରତାନ୍‌ଲଃକ କାଜିକେଦା ।

ୟୀଶୁ ଲେବୀକେ କେଡ଼ାଇତାନା
(ମାଥ୍‌ଉ ୯:୯-୧୩; ମାର୍କ ୨:୧୩-୧୭)

୨୭ ଏନ୍ ତାୟମ୍‌ତେ ଯୀଶୁ ଅତଙ୍ଗ୍‌ୟାନା, ଆତଃ ଲେବୀ ନୁତୁମ୍ ମିଆଁଦ୍ ମାଲ୍‌ହାରମ୍‌ନିଃକେ ମାଲ୍‌ହାରମ୍ ଠାୟାଦ୍‌ରେ ଦୁବାକାନାଏ ନେଲ୍‌କିୟା । ଯୀଶୁ ଇନିଃକେ ମେତାଇଜାଏ, “ଦେଲା ଅତଙ୍ଗ୍‌ଇଙ୍ଗ୍‌ମେ ।”

୨୮ ଆତଃ ଲେବୀ ସବେନାଃ ବାଗିକେଦତେ ବିରିଦ୍‌ୟାନାଏ ଆତଃ ଇନିଃକେ ଅତଙ୍ଗ୍‌କିୟା ।

୨୯ ଏନ୍ତେ ଲେବୀ ଆୟାଃ ଅଡ଼ାଃରେ ଯୀଶୁ ନାଗେନ୍ତେ ମିଆଁଦ୍ ମାରାଙ୍ଗ୍ ଜମେୟାଃ ବାଇକେଦାଏ, ଆତଃ ପୁରାଃ ମାଲ୍‌ହାରମ୍‌କ ଆତଃ ଏଟାଃ ହଡ଼କ ଇନ୍କୁଲଃକ ଜମ୍‌ତାଇକେନା ।

୩୦ *ମେନ୍ଦ ଫାରୁଶୀ ଆତଃ ଆଇନ୍ ଇତୁକ କୁର୍‌ବୁରାଅଃତାନଲଃ ଆୟାଃ ତେଲାକକେ ମେତାଦକଆକ, “ଆପେ ମାଲ୍‌ହାରମ୍‌କଲଃ ଆତଃ ପାପିକଲଃ ଚିକା ନାଗେନ୍ତେ ଜମ୍, ନୁଁ ତାନାପେ ?”

୩୧ ଯୀଶୁ ଇନ୍କୁକେ କାଜିକେଦକଆଏ, “କା ହାସୁତାନ୍‌କଆଃ ନାଗେନ୍ତେ ବାଇଦ୍ କା ଲାଗାଡ଼ିଙ୍ଗ୍‌ୟାଃ ମେନ୍ଦ ହାସୁତାନ୍‌କଆଃ ନାଗେନ୍ତେ ବାଇଦ୍ ଲାଗାଡ଼ିଙ୍ଗ୍‌ୟାଃ ।

୩୨ ଆଇଙ୍ଗ୍ ଧାର୍‌ମାନ୍ ହଡ଼କକେ କେଡ଼ା ନାଗେନ୍ତେ କାଇଙ୍ଗ୍ ହିଜୁଆକାନା, ମେନ୍ଦ ପାପି ହଡ଼କଆଃ ମନ୍‌ରୁହାଡ଼ଃ ନାଗେନ୍ତେ ହିଜୁଆକାନାଇଙ୍ଗ୍ ।”

ରେଙ୍ଗେଃ କାଟାବ୍‌ରେୟାଃ କୁନୁଲି
(ମାଥ୍‌ଉ ୯:୧୪-୧୭; ମାର୍କ ୨:୧୮-୨୨)

୩୩ ଚିମିନ୍ ହଡ଼କ ଯୀଶୁକେ କାଜିକିୟାଃକ, “ଯୋହାନ୍‌ଆଃ ତେଲାକ ମଣେଁସା କାଟାବ୍ ଆତଃ ବିକ୍ରିୟାଃକ, ଏନ୍‌ଲେକା ଫାରୁଶୀକଆଃ ତେଲାକହ ରିକାଃକ, ମେନ୍ଦ ଆମାଃ ତେଲାକ ସବେନ୍ ଇମ୍‌ତାଙ୍ଗ୍ ଜମ୍ ନୁଁ ତାନାକ ।”

୩୪ ଯୀଶୁ ମେତାଦକଆଏ, “ଚିୟାଃ ଆଶ୍‌ଦିଅଡ଼ାଃରେ ଦୁଲ୍ଲାକଡ଼ା ବାଲାକଲଃ ତାଇନଃ ଜାକେଦ୍ ଆପେ ଚିୟାଃ ଇନ୍କୁକେ କାଟାବ୍‌ରିକା ଦାଡ଼ିୟାକଆପେ ? କାହାଗି !

୩୫ ମେନ୍ଦ ନେଡ଼ା ହିଜୁଆ ଚିମ୍‌ତାଙ୍ଗ୍ ଇନ୍କୁତାଃଏତେ ଦୁଲ୍ଲାକଡ଼ା ବିନ୍‌ଗାଅଃଆଏ, ଇମ୍‌ତାଙ୍ଗ୍ ଇନ୍କୁ କାଟାବ୍ ରିକାଏୟାକ ।”

୩୬ ଇନିଃ ଇନ୍କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଜେତାଏ ନାଞ୍ଜା ଲିଜାଃରେୟାଃ କେଟାଃ ମାରି ଲିଜାଃରେ ଜଡ଼ାଇକେଦତେ କାକ ତୁନାୟା । ଆତଃ ଏନ୍‌କାଲେରେଦ ନାଞ୍ଜା ଲିଜାଃଏ ଚାଗାଡ଼େୟା ଆତଃ ନାଞ୍ଜା ଲିଜାଃରେୟାଃ କେଟାଃ ମାରିଲିଜାଃରେ କା ମେସାଅଃଆ ।

୩୭ ଆତଃ ଜେତାଏ ନାଞ୍ଜା ଦାଖରାସିକେ ମାରି ଉହୁର୍‌ତୁମ୍‌ପାରେ ଜେତାଏ କାକ ଦୁଲ୍‌ପେରେଜେୟା । ଚିୟାଃଚି ନାଞ୍ଜା ଦାଖରାସି ମାରି ଉହୁର୍‌ତୁମ୍‌ପାରେୟାଃ ଆଇଲାକେ ଚାଗାଡ଼ତାଃଏ ଆତଃ ଦାଖରାସି ଲିଙ୍ଗି ଏଣ୍ଡାଗଃଆ ଆତଃ ଉହୁର୍‌ରେୟାଃ ଆଇଲା ଜିୟନଃଆ ।

୩୮ ମେନ୍ଦ ନାଞ୍ଜା ଦାଖରାସିକେ ନାଞ୍ଜା ଉହୁର୍‌ତୁମ୍‌ପାରେୟାଃ ଆଇଲାରେ ପେରେଃ ଲାଗାଡ଼ିଙ୍ଗ୍‌ୟାଃ ।

୩୯ ଆତଃ ଜେତାଏ ହଡ଼ ମାରି ଦାଖରାସି ନୁଁକେଦ୍ ତାୟମ୍‌ତେ ନାଞ୍ଜା କାଏ ସାନାଙ୍ଗ୍‌ଆଃ, ଚିୟାଃଚି ଇନିଃଦ୍ ‘ମାରିତେୟାଃକେ ବୁଗିନ୍‌ତେୟାଃ ତାନାଃ’ ମେନେୟାଏ ।”

* ୫:୩୦ ଲୁକ ୧୫:୧,୨.



ୟୀଶୁ ରୁଡ଼ନୁ ହୁଲାଙ୍ଗରେନ୍ ଗମ୍ଭକେତାନିଃ
(ମାଥୂଉ ୧୨:୧-୮; ମାର୍କ ୨:୨୩-୨୮)

୧ ରୁଡ଼ନୁ ହୁଲାଙ୍ଗରେ ଯୀଶୁ ହେରୋକାନ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ଚେଲାକ ଗେଲେ ଜ'କେ ହଦକେଦ୍‌ତେ ତିଃଇଲଃ ଇଡ଼କିଦ୍‌କେଦ୍‌ତେ ଜମ୍‌ତାନକ ତାଇକେନା ।

୨ ମେନ୍‌ଦ ଚିମିନ୍ ଫୀରୁଶୀକ କୁଲିକିୟାଃକ, “ରୁଡ଼ନୁ ହୁଲାଙ୍ଗରେ କା ଲାଗାତିଙ୍ଗ କାମି ତିନାଃମେନ୍ତେକ ରିକାତାନା ?”

୩ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଦାଉଦ୍ ଆଡ଼ଃ ଆୟାଃ ଗାଡ଼ିକ ରେଙ୍ଗେଃୟାନ୍ ଇମ୍‌ତା ତିନାଃଏ କାମିକେଦାଃ ଏନା କାପେତି ପାଢ଼ାଝାକାଦାଃ ?

୪ ଇନିଃ ପାର୍‌ମେଶ୍ୱାର୍‌ଆଃ ଅଡ଼ଃତେ ବଲୟାନା, ଆଡ଼ଃ ପାର୍‌ମେଶ୍ୱାର୍‌ଆଃ ନୁଡୁମ୍‌ରେ ଏମାକାନ୍ ହଲଙ୍ଗ୍, ଅକ୍‌ନାଃକେତି ଆଇନ୍ ଲେକାତେ ଯାଜାକ୍ ଏସକାର୍ ଜମ୍ ଦାଡ଼ିୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆଡ଼ଃ ଆୟାଃଲଃ ତାଇକାନ୍‌କକେୟ ଏମାଦ୍‌କଆଏ ।”

୫ ଏନ୍ତେ ଯୀଶୁ ମେତାଦ୍‌କଆଏ, “ମାନଝାହନ୍ ରୁଡ଼ନୁ ହୁଲାଙ୍ଗରେନ୍ ଗମ୍ଭକେ ତାନିଃ ।”

ୟୀଶୁ ମିଆଁଦ୍ ରହଡ଼ାକାନ୍ ତିଃଇନିଃକେ ବୁଗିତାନା
(ମାଥୂଉ ୧୨:୯-୧୪; ମାର୍କ ୩:୧-୬)

୬ ଆଡ଼ଃ ଏଗାଃ ରୁଡ଼ନୁ ହୁଲାଙ୍ଗରେ ଇନିଃ ସାମାଜ୍ ଅଡ଼ଃରେ ବଲୟାନ୍ତେ ଇଡୁକେଦ୍‌କଆଏ, ଆଡ଼ଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ ।

୭ ଆଡ଼ଃ ଯୀଶୁ ରୁଡ଼ନୁ ହୁଲାଙ୍ଗରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫୀରୁଶୀକ ଆଡ଼ଃ ଆଇନ୍ ଇଡୁକ ଇନିଃକେ ଘାତାଇତାନ୍‌କ ତାଇକେନା ଚିୟାଃଚି ଇନ୍‌କୁ ଯୀଶୁକେ ଚିଟାଇ ନାଗେନ୍ତେ ହରାକ ଦାଣ୍ଠାଁ ତାଇକେନା ।

୮ ମେନ୍‌ଦ ଯୀଶୁ ଇନ୍‌କୁଆଃ ଉଡ଼ୁ ସାରିକେଦ୍‌ତେ, ଏନ୍ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସବେନ୍‌କଆଃ ସାମ୍‌ନାଙ୍ଗରେ ତିଙ୍ଗୁନ୍‌ମେ, ଆଡ଼ଃ ଇନିଃ ବିରିଦ୍‌ୟାନ୍‌ଚି ଏନ୍ତାଃରେ ତିଙ୍ଗୁୟାନାଏ ।”

୯ ଏନ୍ତେ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଗ୍ ଆପେକେ କୁଲିପେତାନାଇଙ୍ଗ୍, ଆରୁଆଃ ଆଇନ୍‌ଲେକାତେ ରୁଡ଼ନୁ ହୁଲାଙ୍ଗରେ ଅକନ୍ କାମି ରିକା ଲାଗାତିଙ୍ଗ୍‌ୟାଃ ? ମିହୁଡ଼ଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ଚି ଏଡ଼କାନ୍ କାମିତେୟାଃ ବୁଗିନାଃ ? ଜୀଉ ବାଞ୍ଚାଅତେୟାଃ ଚି ଜୀଉ ଜିୟନେତେୟାଃ ?”

୧୦ ଇନିଃ ସବେନ୍‌କକେ ନେଲ୍‌ବିୟୁର୍ କେଦ୍‌କଚି ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍‌ୟେଁମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍‌କେଦାଏ ଆଡ଼ଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା ।

୧୧ ମେନ୍‌ଦ ଇନ୍‌କୁ ଏନେସେଦ୍‌*ତେ ବାଲୁୟାନାକ, ଆଡ଼ଃ ଯୀଶୁକେ ତିନାଃବୁ ଚିକାଇୟା ମେନ୍ତେ ଆକଆଲାରେ କାପାଜିୟାନାକ ।

ୟୀଶୁ ଆୟାଃ ଗେଲ୍‌ବାର୍ ଚେଲାକକେ ସାଲାକତାନାଏ
(ମାଥୂଉ ୧୦:୧-୪; ମାର୍କ ୩:୧୩-୧୯)

୧୨ ଏନ୍ ହୁଲାଙ୍ଗକରେ ଯୀଶୁ ବିକ୍ତି ନାଗେନ୍ତେ ମିଆଁଦ୍ ବୁରୁତେ ଅଡ଼ଙ୍ଗ୍‌ୟାନା, ଆଡ଼ଃ ମିଦ୍‌ନିଦା ପାର୍‌ମେଶ୍ୱାର୍‌ତାଃରେ ବିକ୍ତିକେଦାଏ ।

୧୩ ଆଙ୍ଗ୍‌ୟାନ୍‌ଚି ଇନିଃ ଆୟାଃ ଚେଲାକକେ ଆୟାଃତାଃତେ କେଡ଼ାକେଦ୍‌କଆଏ ଆଡ଼ଃ ଇନ୍‌କୁଏତେ ଗେଲ୍‌ବାର୍ ହଡ଼କକେ ସାଲାକେଦ୍‌କଆଏ, ଆଡ଼ଃ ଇନ୍‌କୁକେ ପ୍ରେରିଡ଼ ମେନ୍ତେ ନୁଡୁମ୍‌କେଦ୍‌କଆଏ ।

୧୪ ଇନ୍‌କୁଆଃ ନୁଡୁମ୍ ଶିମୋନ୍, ଇନିଃକେ ପାଡ଼ରାଏ ମେନ୍ତେ ନୁଡୁମ୍‌କିୟାଏ, ଶିମୋନ୍‌ଆଃ ହାଗାତେ ଆନ୍ଦ୍ରିୟାସ୍, ଯାକୁବ୍, ଯୋହାନ୍, ଫିଲିପ୍, ବାର୍ଥୋଲମି,

୧୫ ମାଥୂଉ, ଥୋମା, ଆଲ୍‌ଫିୟନାଃ ହନ୍ତେକଡ଼ା ଯାକୁବ୍, ଶିମୋନ୍, ଅକ୍‌ଏଚି ଇସ୍ରାଏଲ୍ ହଡ଼କଆଃ ତନଲ୍‌ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଇକେନାଏ,

୧୬ ଯାକୁବ୍‌ଆଃ ହନ୍ତେକଡ଼ା ଯିହୁଦା, ଆଡ଼ଃ ଇଷ୍ଟାରିୟଡ଼ ଯିହୁଦା, ତାୟମ୍‌ତେ ନେ ଯିହୁଦା ଯୀଶୁକେ ବାଇରିକତାଃରେ ଜିମାକିୟାଏ ।

ବୁରୁରେ ଯୀଶୁଆଃ ଇନିଡୁ
(ମାଥୂଉ ୪:୨୩-୨୫)

୧୭ ଯୀଶୁ ଆୟାଃ ଚେଲାକଲଃ ବୁରୁଏତେ ଲାତାର୍‌ତେ ଆଡ଼ଗୁୟାନାକ । ଆଡ଼ଃ ଇନିଃ ତିଙ୍ଗୁକାନ୍ ସାମ୍ ଠାୟାଦ୍‌ତାଃରେ ଆୟାଃ ପୁରାଃ ଗାଦେଲ୍ ଚେଲାକ ତାଇକେନା ଆଡ଼ଃ ଏନ୍ତାଃରେ ଗଟା ଯିହୁଦା ଦିଶୁମ୍‌ରେନ୍, ଯୀରୁଶାଲେମ୍‌ରେନ୍, ଦରେୟାଗେନା ସୋର୍‌ରେନ୍ ଆଡ଼ଃ ସିଦୋନ୍‌ରେନ୍ ପୁରାଃ ହଡ଼କ ତାଇକେନା ।

* ୨:୧୧ ଖସ୍

୧୮ ଇନ୍‌କୁ ଯୀଶୁଆଃ ଇନିତୁ ଆୟୁମ୍ ଆତଃ ଆକଆଃ ଦୁକୁଏତେ ବୁଗିୟଃ ନାଗେନ୍ତେ ହିଜୁଃକାନକ୍ ତାଇକେନା । ଆତଃ ସଡ଼ରା ଆମ୍ବାକଏତେ ଦୁକୁଆକାନକ୍ ବୁଗିୟାନା

୧୯ ଆତଃ ସବେନକ୍ ଇନିଃକେ ଜୁଗିନାକ୍ ସାନାକ୍ ତାଇକେନା, ଚିୟାଃଚି ଇନିଃତାଃଏତେ ପେଡ଼େଃ ଅତକ୍‌ଅଃତାନ୍ ତାଇକେନା ଆତଃ ଇନ୍‌କୁ ବୁଗିଆଃତାନକ୍ ତାଇକେନା ।

**ଆଶିଷ୍ ଆତଃ ଦୁକୁ
(ମାଥୂଉ ୫:୧-୧୨)**

୨୦ ଯୀଶୁ ଆୟାଃ ଚେଲାଇସାଃ ନେଲକେଦ୍‌ତେ କାଜିକେଦ୍‌କଆଏ,
“ରେକ୍‌କେଃତାନକ୍ ସୁକୁତାନଗିୟାଃ;

ଚିୟାଃଚି ସିର୍ନା ରାଇକ୍ ଇନ୍‌କୁଆଃଗି ତାନାଃ ।

୨୧ ନାହାଁଃ ଆପେ ରେକ୍‌କେଃତାନକ୍, ସୁକୁତାନ ଗିୟାଃପେ,
ପାର୍‌ମେଶ୍‌ବାର୍ ଆପେକେ ବିୟାଃଗି ଏମାପେୟା !

ନାଆଃ ଆପେ ରାଆଃଏ ତାନକ୍, ସୁକୁତାନ ଗିୟାଃପେ,
ଚିୟାଃଚି ଆପେଦ ଲାନ୍‌ଆୟାପେ ।

୨୨ “ମାନଃହାନଆଃ ନାଗେନ୍ତେ ହଡ଼କ୍ ଆପେକେ ହିଲାଇଃପେରେ, ଆପେକେ ଆତମପେରେ, ଆପେକେ ନିନ୍‌ଆପେରେ
ଆତଃ ଆପେୟାଃ ନୁଡୁମ୍ ଏଡ଼କାନ ନୁଡୁମ୍‌ଲେକାକ ଇଦିଲେରେ ଆପେ ସୁକୁତାନ ଗିୟାଃପେ ।

୨୩ ଏନ୍ ହୁଲାଇଃ ରାସକାଆଃପେ ଆତଃ ରାସକାତେ ସୁସୁନ୍‌ନେପେ, ଚିୟାଃଚି ନେଲେପେ, ଆପେୟାଃ ନାକ୍ ପୁରାଗି ଜ
ସିର୍ନାରେୟା । ଇନ୍‌କୁଆଃ ପୁରଃଖାହାଡ଼ାମ୍‌କ ନାବୀକକେ ସିଗିଦ୍‌କେଦ୍‌କଆକ ।

୨୪ “ମେନ୍‌ଦ ଆପେ କିସାଁଶ୍ ହଡ଼କଆଃ ହାୟ ହାୟ ଆପେ ଦୁକୁପେ ନାମେୟା,
ଚିୟାଃଚି ଆପେଦ ଆପେୟାଃ ଜୀଦାନରେ ଜୀଉରାଡ଼େଃପେ ନାମ୍‌ଚାବାକାଦାଃ ।

୨୫ ଆପେ ନାହାଁଃ ବିୟାକାନକଆଃ ହାୟ ହାୟ,
ଆପେଦପେ ରେକ୍‌କେଜଆଃ ।

ଆପେ ନାହାଁଃ ଲାନ୍‌ତାନକଆଃ ହାୟ ହାୟ,
ଚିୟାଃଚି ଆପେଦପେ ଏୟମ୍‌ୟା† ଆତଃପେ ରାଆଃୟା ।

୨୬ “ସବେନ୍ ହଡ଼କ୍ ଆପେକେ ବୁଗିନ୍‌କ ମେତାପେରେ, ଆପେୟାଃ ହାୟ ହାୟ, ଇନ୍‌କୁଆଃ ପୁରଃଖାହାଡ଼ାମ୍‌କ ହସଡ଼ଃ
ନାବୀକକେ ଏନ୍‌କାକେଦ୍‌କଆକ ।

**ବାଇରିକକେ ଦୁଲାଡ଼କପେ
(ମାଥୂଉ ୫:୩୮-୪୮; ୭:୧୨)**

୨୭ “ମେନ୍‌ଦ ଆଇକ୍ ଆପେ ଆୟୁମ୍‌ତାନକକେ କାଜିୟାପେ ତାନାଇକ୍, ଆପେୟାଃ ବାଇରିକକେ ଦୁଲାଡ଼କପେ,
ଅକନ୍‌କ ଆପେକେ ଖସ୍‌ସାଅପେୟାକ ଇନ୍‌କୁଆଃ ବୁଗିନ୍ ରିକାଏପେ ।

୨୮ ଜେତାଏ ଆପେକେ ସାର୍‌ପାଅପେକ, ଆଶିଷ୍‌କପେ, ଆପେକେ ହିଲାଇଃପେକ, ବିକ୍ରିପେ ।

୨୯ ଜେତାଏ ଆପେକେ ମିଆଁଦ୍ ଜଆରେ ଆପ୍‌ଡ଼ିପେରେଦ, ଏଗାଃ ଜଃହାଗି ବିୟୁରାଇପେ । ଜେତାଏ ଆପେୟାଃ
ଚାଦାର୍ ଲିଜାଃ ଇଦିରେଦ, ଇନିଃକେ ଆପେୟାଃ ହଡ଼ମରେ ତୁସିକ୍ ଲିଜାଃ ହଗି ଇଦିନାକ୍ ଆଲପେ ମାନାଇୟାଃ ।

୩୦ ଜେତାଏ ଆପେକେ ଆସିପେରେଦ ଇନିଃକେ ଏମାଲପେ, ଆତଃ ଆପେୟାଃ ମେନାଃତେୟାଃ ରେଃକ୍‌ଇଦିପେରେଦ,
ଇନିଃକେ ଆଲପେ ଆସିରୁହାଡ଼ିୟାଃ ।

୩୧ ✨ହଡ଼କ୍ ଆଲେନାକ୍ ରିକାଏକାକ ମେନ୍ତେପେ ସାନାକ୍‌ତାନ୍ ଲେକା, ଆପେୟାଗି ଇନ୍‌କୁ ନାଗେନ୍ତେ ଏନ୍‌ଲେକା
ରିକାଏପେ ।

୩୨ “ଆପେକେ ଅକନ୍‌କ ଦୁଲାଡ଼ପେତାନାକ ଇନ୍‌କୁକେ ଏସକାର୍ ଦୁଲାଡ଼ରେକରେ, ଆପେ ଚିକା ନାକ୍ ଆଶିଷ୍‌ପେ
ନାମେୟା ? ପାପି ହଡ଼କହ ଆକକେ ଦୁଲାଡ଼ତାନ ହଡ଼କକେ ଦୁଲାଡ଼କଆକ ।

୩୩ ଆତଃ ଅକନ୍‌କ ଆପେୟାଃ ବୁଗିନାଃ କାମିତାନାକ, ଇନ୍‌କୁଆଃ ଏସକାର୍ ଆପେ ବୁଗିନ୍ କାମିପେ ରିକାଏ ରେଦ,
ଆପେ ଚିକାନ୍ ଆଶିଷ୍‌ପେ ନାମେୟା ? ପାପି ହଡ଼କହଗି ଏନ୍‌ଲେକା କାମିୟାଃକ ।

୩୪ ଆତଃ ଅକନ୍‌ କତାଃଏତେ ଆପେୟାଃ ନାମାଃ ରୁହାଡ଼ରେୟାଃ ଆସ୍ତା ତାଇନାଃ, ଇନ୍‌କୁକେ ଏସକାର୍ ରିଶୀଃ
ଏମ୍‌ଲେକରେ ଆପେ ଚିକାନ୍ ଆଶିଷ୍‌ପେ ନାମେୟା ? ଏମାକାଦ୍‌ତେୟାଃ ଇମିୟାକ୍‌ଗିବୁ ନାମ୍‌ରୁହାଡ଼େୟାଃ ମେନ୍ତେ ପାପି
ହଡ଼କହଗି ପାପିକକେ ରିଶୀକ ଏମାକଆଃ ।

✠ ୭:୨୨ e ପାଡ଼ରାସ୍ ୪:୧୪. ✨ ୭:୨୩ ପ୍ରେରିଡ଼ ୭:୫୨. † ୭:୨୫ ଶୋକ୍‌ଏୟା ‡ ୭:୨୬ ଭଣ୍ଡୁ ✨ ୭:୩୧ ମାଥୂଉ ୭:୧୨. § ୭:୩୪ ଭୟା

୩୫ ମେନ୍ଦ ଆପେୟାଃ ବାଇରିକକେ ଦୁଲ୍ଲାଡକପେ, ବୁଗିନ୍ କାମି ରିକାଏପେ ଆଡ଼ ନାମ୍‌ରୁହାଡ଼ରେୟାଃ ଆସ୍ରାବାଗିକେଦ୍‌ତେ ରିଶୀ ଏମାକପେ ଏନ୍ତେ ଆପେ ପୁରାଃ ଜ'ପେ ନାମେୟା, ଆପେ ମାରାଙ୍ଗ ଉତାର୍‌ନିୟାଃ ହନ୍‌କପେ ବାୟୁଆ, ଚିୟାଃଚି ଇନିଃଦ କା ଜହାର୍‌କ ଆଡ଼ଃ ଏଡକାନକକେ ଲିବୁଇୟାକତାନାଏ ।

୩୬ ଆପେୟାଃ ସିମାରେନ୍ ଆପୁ ଲିବୁଇତାନ୍ ଲେକା, ଆପେୟ ଲିବୁଆକପେ ।

ଏଟାଃକକେ ଆଲ୍‌ପେ ବିଚାରକଆ
(ମାଥୂଉ ୭:୧-୫)

୩୭ “ଏଟାଃକକେ ଆଲ୍‌ପେ ବିଚାରକଆ, ଏନାରେ ପାର୍‌ମେଶ୍ୱାର୍ ଆପେକେ କାଏ ବିଚାରପେୟା, ଆଲ୍‌ପେ ଚିଟାକଆ, ଏନ୍ତେ ଆପେ କାପେ ଚିଟାଃଝା । ଛାମାକପେ, ଏନ୍ତେ ଆପେକେ ଛାମାଝା ।

୩୮ ଏମେପେ, ଏନ୍ତେ ଆପେକେ ଏମଃଆ, ପାର୍‌ମେଶ୍ୱାର୍ ଆପେକେ, ତାମ୍‌ପିରେ ଅତାପେରେଃକେଦ୍‌ତେ, ଆଡ଼ଃ ଉଲ୍ଲୁଆଃଚି ପୁରାଃ ସଙ୍ଗକେଦ୍‌ତେ ଆପେୟାଃ କୟଙ୍ଗ୍‌ରେକ ଦୁଲ୍ଲାପେୟା ଚିୟାଃଚି ଆପେ ସଙ୍ଗେ ତାମ୍‌ପିରେଗି ଆପେ ନାଗେନ୍ତେ ସୋଙ୍ଗିଆ ।”

୩୯ *ଆଡ଼ଃ ଯୀଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆଡ଼ଃ ମିଆଁଦ୍ ମେଦ୍ କା ନେଲ୍ ଦାଡ଼ିନିଃକେ ହରା ଉଦୁବ୍ ଦାଡ଼ିୟାଃଏ ? ଇନିଃ ଏନ୍‌କା ରିକାଏରେଦ, ଚିୟାଃ ବାରାନ୍‌କିନ୍ ଗାଡାରେକିନ୍ ଉୟୁଗିଆ ?

୪୦ *ଗୁରୁଏତେ ତେଲା କାଏ ମାରାଙ୍ଗିଆଃ, ମେନ୍‌ଦ ଜେତାଏ ପୁରା ଇଡୁକେଦ୍‌ରେ ଆୟାଃ ଗୁରୁ ଲେକାଅଆଏ ।

୪୧ “ଆମ୍ ଆମାଃ ମେଦ୍‌ରେଆଃ ରୁବାଃ କା ନେଲ୍‌କେଦ୍‌ତେ ହାଗାମାଃ ମେଦ୍‌ରେଆଃ ହୁଡିଙ୍ଗ୍ ରୁବାଃ ଚିକା ନାଗେନ୍ତେମ୍ ନେଲେତାନା ?

୪୨ ଆମାଃ ମେଦ୍‌ରେ ରୁବାଃ ତାଇନ୍‌କେଦ୍‌ତେ, ‘ହାଗାମାଃ ମେଦ୍‌ରେଆଃ ରୁବାଃକେ ଅଡଙ୍ଗ୍‌ତାମାଲ୍‌ଙ୍ଗ୍’ ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ ରୁବାଃ ଅଡଙ୍ଗ୍‌ୟେମେ, ଏନ୍ତେ ହାଗାମାଃ ମେଦ୍‌ରାଃ ରୁବାଃ ଅଡଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

ମିଆଁଦ୍ ଦାରୁ ଆଡ଼ଃ ଏନାରେୟାଃ ଜ
(ମାଥୂଉ ୭:୧୭-୨୦; ୧୨:୩୩-୩୫)

୪୩ “ବୁଗିନ୍ ଦାରୁରେଦ ଏଡକାନ ଜ କା ଜଅଃଆଃ, ଆଡ଼ଃ ଏଡକାନ ଦାରୁରେଦ ବୁଗିନ୍ ଜ କା ଜଅଃଆଃ ।

୪୪ *ମିଆଁଦ୍ ଦାରୁଦ୍ ଆୟାଃ ଜ'ତେଗି ନେଲ୍‌ଉରୁମଃଆ । ଜାନୁମ୍ ଦାରୁଏତେଦ ହଡକ ଲଆ ଜ କାକ ଗଦେୟା ଆଡ଼ଃ ଜାନୁମ୍ ରୁପାଦ୍‌ଏତେଦ ଦାଖ୍ ଜ କାକ ଗଦେୟା ।

୪୫ *ବୁଗିନ୍ ହଡ ଆୟାଃ ମନ୍‌ସୁରୁଦ୍ ଲେକାନ୍ ବୁଗିନ୍ ଭାଣ୍ଡାର୍‌ଅଡ଼ାଃଏତେ ବୁଗିନାଃ ତେୟାଃ ଅଡଙ୍ଗ୍‌ୟେଆଏ ଆଡ଼ଃ ଏଡକାନ ହଡ ଆୟାଃ ଏଡକାନ ଭାଣ୍ଡାର୍‌ଅଡ଼ାଃଏତେ ଏଡକାନ୍‌ତେୟାଃ ଅଡଙ୍ଗ୍‌ୟେଆଏ । ଚିଆଃଚି ଆୟାଃ ମନ୍‌ସୁରୁଦ୍‌ରେ ପେରେଜାକାନ୍‌ତେୟାଃ ମତାଏ କାଜିୟା ।

ବାର୍ ରାକାମ୍ ଅଡ଼ାଃରେୟାଃ ବାବାଇନିଃ
(ମାଥୂଉ ୭:୨୪-୨୭)

୪୬ “ଆପେ ଚିନାଃମେନ୍ତେ ଆଇଙ୍ଗ୍‌କେ, ‘ହେ ପ୍ରାଭୁ, ହେ ପ୍ରାଭୁପେ,’ ମେତାଇଙ୍ଗ୍‌ତାନା ଆଡ଼ଃ ଆଇଁୟାଃ କାଜି ଆପେ କାପେ ମାନାଡିଙ୍ଗ୍‌ତାନା ?

୪୭ ଜେତାଏ ଆଇଁୟାଃତାଃ ହିଜୁଃନିଃ ଆଡ଼ଃ ଆଇଁୟାଃ କାଜି ଆୟୁମ୍‌କେଦ୍‌ତେ ମାନାଡିଙ୍ଗ୍‌ନିଃ, ଇନିଃ ଅକଏ ଲେକାଃଏ ଏନା ଆପେକେଇଙ୍ଗ୍ ଉଦୁବାପେୟା ।

୪୮ ଇନିଃ ନେ'ଲେକାନ୍ ଅଡ଼ାଃ ବାଇତାନ୍ ହଡ ଲେକାଃଏ, ଇନିଃ ଉଡକେଦ୍‌ତେ ନିହିଁ ଗାଡା କେଦାଏ ଆଡ଼ଃ ଦିରି ଚେତାନ୍‌ରେ ବାଇକେଦାଏ, ଆଡ଼ଃ ଟୁଡା ହିଜୁଃଲେନ୍‌ରେ ଏନ୍ ଅଡ଼ାଃରେ ଦାଆଃ ଟଗଃତାନ୍ ତାଇକେନା ମେନ୍‌ଦ ଏନାକେ କାଏ ହାଦୁଡ୍ ଦାଡ଼ିକେଦା, ଚିୟାଃଚି ଏନାଦ ଚାଚେନ୍ ଦିରି ଚେତାନ୍‌ରେ ବାଇୟାକାନ୍ ତାଇକେନା ।

୪୯ ମେନ୍‌ଦ ଆଇଁୟାଃ କାଜି ଆୟୁମ୍‌କେଦ୍‌ତେ କା ମାନାଡିଙ୍ଗ୍‌ନିଃ ଅତେରେ ବେଗାର୍ ନିହିଁ ଗାଡାତେ ବାଇୟାକାନ୍ ଅଡ଼ାଃ ଲେକାନ୍‌ନିଃ ତାନିଃ, ଏନ୍ ଅଡ଼ାଃରେ ଟୁଡା ଦାଆଃ ପୁରାଃଚି ଧାକ୍‌କାକେଦ୍ ଇମ୍‌ତା ଏନା ହାଦୁଡ୍‌ୟାନା ଆଡ଼ଃ ଏନାରାଃ ଜିୟନଃ ପୁରାଃ ବରଝାନ୍‌ଗି ହବାୟାନା ।”



ୟୀଶୁ ମିଦ୍‌ଶାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଏ
(ମାଥୂଉ ୮:୫-୧୩)

୧ ୟୀଶୁ ହଡକକେ ଆୟାଃ ସବେନ୍ କାଜି କାଜିଚାବାକେଦ୍‌ଚି କପର୍‌ନାହୁମ୍ ସାହାର୍‌ତେ ବଲୟାନାଏ ।

* ୭:୩୯ ମାଥୂଉ ୧୫:୧୪. * ୭:୪୦ ମାଥୂଉ ୧୦:୨୪,୨୫; ଯୋହାନ୍ ୧୩:୧୭; ୧୫:୨୦. * ୭:୪୪ ମାଥୂଉ ୧୨:୩୩. * ୭:୪୫ ମାଥୂଉ ୧୨:୩୪.

୨ ଏନ୍ତାରେ ମିଦ୍‌ଶାଅ ସିପାଇକଆଃ ମିଆଁଦ ରୋମି ଗମ୍‌କେୟାଃ ଦାସି ବେମାର୍‌ତେ ଗଜଃଲେକାଏ ତାଇକେନା, ଇନିଃକେ ଇନିୟାଃ ଗମ୍‌କେ ପୁରାଃଗି ଦୁଲ୍‌ଭିତାନାଏ ତାଇକେନା ।

୩ ମିଦ୍‌ଶାଅ ସିପାଇକଆଃ ଗମ୍‌କେ ଯୀଶୁଆଃ ବିଷାଏରେ ଆୟୁମ୍‌କେଦ୍‌ତି, ଆମ୍ ହିଜୁଃକେଦ୍‌ତେ ଆଇଁୟାଃ ଦାସିକେ ବୁଗିମେ ମେନ୍ତେ ଯିହୁଦୀକଆଃ ପ୍ରାଚିନକକେ ଯୀଶୁତାଃ ଗୋହାର ନାଗେନ୍ତେ କୁଲ୍‌କେଦ୍‌କଆଏ ।

୪ ଇନକୁ ଯୀଶୁତାଃ ସେଟେରୟାନ୍‌ତି ଇନିଃକେ ପୁରାଃଗି ବିକ୍ରିତାନ୍‌ଲଃ କାଜିକିୟାଏ, “ଇନିଃ ଆମାଃ ଦେଙ୍ଗା ନାମେ ଲେକାଗିୟାଏ ।

୫ ଚିୟାଃଚି ଇନିଃଦ ଆବୁ ଜାତିରେନକକେ ଦୁଲ୍‌ଭକ୍‌ତାନାଏ ଆତଃ ଆଇଃକ୍‌ଗି ଆବୁନାଙ୍ଗ୍ ସାମାଜ୍ ଅଡ଼ାଃ ବାଇୟାକାଦାଏ ।”

୬ ଏନାତେ ଯୀଶୁ ଇନକୁଲଃ ସେନଃୟାନାଏ । ଆତଃ ଯୀଶୁ ଇନିୟାଃ ଅଡ଼ାଃ ନାଡ଼େଃତେ ହିଜୁଃ ସେଟେରତାନ୍ ଇମ୍‌ତା ଇନିଃ ଆୟାଃ ଗାତିକକେ ଯୀଶୁତାଃତେ କାଜି କୁଲ୍‌କେଦ୍‌କଆଏ, “ହେ ଗମ୍‌କେ ଆଲମ୍ ଦୁକୁନାଃ, ଚିୟାଃଚି ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ ନାହାଲିଙ୍ଗ୍ ।

୭ ଏନା ନାଗେନ୍ତେ ଆଇଙ୍ଗ୍ ଆମାଃତାଃତେ ସେନଃନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦାଃ । ମେନ୍‌ଦ ଆମ୍ ମିସାଗି କାଜିତାମ୍, ଆଇଁୟାଃ ଦାସି ବୁଗିକଆଃଏ ।

୮ ଚିୟାଃଚି ଆଇଙ୍ଗ୍‌ହ୍ ଏଟାଃକଆଃ ଆକ୍‌ତେୟାର୍‌ରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ୍‌କେ ସେନଃମେ ମେତାଇରେଦ ଇନିଃ ସେନଃଆଏ ଆତଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୯ ଯୀଶୁ ନେୟାଁ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନା, ଆତଃ ହେତାରୁହାଡ୍‌କେଦ୍‌ତେ ଆୟାଃ ତାୟମ୍‌ରେ ଅତଙ୍ଗ୍‌ଇଁ ତାନକକେ କାଜିୟାଦ୍‌କଆଏ, “ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଇସ୍ରାଏଲ୍‌ରେୟ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଇଙ୍ଗ୍ ନାମାକାଦାଃ ।”

୧୦ ଏନ୍ତେ ଯୀଶୁଆଃ ଜାପାଃତେ କୁଲ୍‌ଲେନ୍‌କ ଅଡ଼ାଃତେ ରୁହାଡ୍‌ୟାନ୍ତେ ଏନ୍ ଦାସିକେ ବୁଗିୟାକାନ୍‌କ ନାମ୍‌କିୟାଃ ।

ୟୀଶୁ ରାଣ୍ଡିକୁଡ଼ିଆଃ ହନ୍‌କେ ଜାହିଦ୍ ରୁହାଡ଼ିତାନାଏ

୧୧ ଏଟାଃ ହୁଲାଙ୍ଗ୍‌ରେ ଯୀଶୁ ନାଇନ୍ ନୁତୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆତଃ ଇନିଃଲଃ ଆୟାଃ ଚେଲାକ ଆତଃ ଗାଦେଲ୍ ହଡ୍‌କ ଇନିୟାଃଲଃ ସେନ୍‌ତାନ୍‌କ ତାଇକେନା ।

୧୨ ଆତଃ ସାହାର୍ ଦୁଆରୁତେ ତେବାଃୟାନ୍‌ତି, ହଡ୍‌କ ମିଆଁଦ୍ ମାଁଡ଼ା ଗଅଃ ଅତଙ୍ଗ୍‌ଏତାନ୍‌କ ତାଇକେନା । ଇନିଃ ଆୟାଃ ରାଣ୍ଡିକୁଡ଼ି ଏଙ୍ଗାତେୟାଃ ମିଆଁଦ୍‌ଗି ହନ୍‌କଡ଼ା ତାଇକେନାଏ । ଆତଃ ସାହାର୍‌ରେନ୍ ଗାଦେଲ୍ ହଡ୍‌କ ଇନିଃଲଃ ତାଇକେନାକ ।

୧୩ ଏନ୍ ରାଣ୍ଡିକୁଡ଼ିକେ ନେଲ୍‌କେଦ୍‌ତେ ପ୍ରାଭୁ ଇନିଃକେ ଦାୟାଈତାନ୍‌ଲଃ କାଜିକିୟାଏ, “ଆଲମେ ରାଆଃୟା ।”

୧୪ ଏନ୍ତେ ଯୀଶୁ ସେନ୍ ନାଡ଼େଃକେଦ୍‌ତେ ପାରକମାଏ ଜୁଟିଦ୍‌କେଦା ଆତଃ ଗଅଃକାଦ୍ ହଡ୍‌କ ତିଙ୍ଗୁୟାନାକ । ଯୀଶୁ ଗଜାକାନ୍ ହଡ୍‌କେ କାଜିକିୟାଏ, “ଏ ସେପ୍‌ଡେଦ୍, ମାର୍ ବିରିଦ୍‌ମେ ମେତାମ୍‌ତାନାଇଙ୍ଗ୍ !”

୧୫ ଏନ୍ ଗଜାକାନ୍‌ନିଃ ବିରିଦ୍‌ୟାନ୍‌ଲଃ ଦୁବ୍‌ୟାନାଏ, ଆତଃ ବାଶାଣ୍ ଏଟେଦ୍‌କେଦାଏ, ଯୀଶୁ ଇନିଃକେ ଇନିୟାଃ ଏଙ୍ଗାତେତାଃରେ ଜିମାକିୟାଏ ।

୧୬ ନେୟାଁ ନେଲ୍‌କେଦ୍‌ତେ ସବେନ୍‌କ ବରକେଦାଃକ ଆତଃ ପାର୍‌ମେଶ୍ୱାର୍‌କେ ମାନାରାଙ୍ଗ୍ ତାନ୍‌ଲଃ କାଜିକେଦାଃକ, “ଆବୁ ଆଲାରେ ମିଆଁଦ୍ ମାରାଙ୍ଗ୍ ନାବୀ ହିଜୁଆକାନାଏ । ପାର୍‌ମେଶ୍ୱାର୍ ଆୟାଃ ହଡ୍‌କକେ ବାସ୍ତାଅ ନାଙ୍ଗ୍ ହିଜୁଆକାନାଏ ।”

୧୭ ଆତଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆତଃ ଗଟା ହପର୍‌ଜାପାଃ ଦିଶୁମ୍‌ରେ ନିଡିରୟାନା ।

ବାପ୍ତିସ୍ମା ଏମଃନିଃ ଯୋହାନ୍‌ଆଃ କୁଲି ଆତଃ ଯୀଶୁଆଃ କାଜିରୁହାଡ୍ (ମାଥୁଞ୍ଜ ୧୧:୨-୧୯)

୧୮ ଯୋହାନ୍‌ଆଃ ଚେଲାକ ନେ ସବେନ୍ କାଜିକ ଯୋହାନ୍‌କେ ଉଦୁବ୍‌କିୟାଃକ ।

୧୯ ଯୋହାନ୍ ଆୟାଃ ଚେଲାକଏତେ ବାର୍‌ହଡ୍‌କିନ୍‌କେ କେଡାକେଦ୍‌କିନାଏ, ଆତଃ ପ୍ରାଭୁତାଃତେ ନେଆଁ କୁଲିନାଙ୍ଗ୍ କୁଲ୍‌କେଦ୍‌କିନାଏ “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ତି ଏଟାଃନିଃଲେ ନେଲ୍‌ହରାଇୟା ?”

୨୦ ଆତଃ ଇନକିନ୍ ଯୀଶୁତାଃ ହିଜୁଃୟାନ୍ତେ କାଜିକେଦାଃକିନ୍ ବାପ୍ତିସ୍ମା ଏମଃନିଃ ଯୋହାନ୍ ଆଲିଙ୍ଗ୍‌କେ ଆମାଃତାଃତେ ନେୟାଁ କୁଲି ନାଗେନ୍ତେ କୁଲାକାଦ୍‌ଲିଙ୍ଗ୍‌ଆଏ, “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ତି ଏଟାଃନିଃଲେ ନେଲ୍‌ହରାଇୟା ।”

୨୧ ଏନ୍ ଦିପିଲିରେଗି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆତଃ ଏଡ୍‌କାନ୍ ଆମ୍‌ ଏସେରାକାଦ୍ ହଡ୍‌କକେ ବୁଗିକେଦ୍‌କଆଏ, ଆତଃ ପୁରାଃ କା ନେଲ୍‌ଦାଡ଼ିତାନ୍‌କକେ ନେଲ୍‌ରିକାକେଦ୍‌କଆଏ ।

୨୨ ଯୀଶୁ ଯୋହାନ୍‌ଆଃ ଚେଲାକିନ୍‌କେ କାଜିକେଦ୍‌କିନାଏ, “ଆବେନ୍ ରୁହାଡ୍‌କେଦ୍‌ତେ ଅକ୍‌ନାଃବେନ୍ ନେଲାକାଦା ଆତଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍, କାଣାକାନ୍‌କ ନେଲେତାନା, କାଟା ଲେଙ୍ଗ୍‌ଡାକାନ୍‌କ

ସେସେନ୍‌ତାନା, ନାଗେଘାଅକାନ୍‌କ ଫାର୍‌ଚିଅଟାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡ଼ଟାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଟାନା ।

୨୩ ଆଇଁୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୨୪ ଯୋହାନ୍‌ଆଃ ଚେଲକିନ୍ ସେନଃୟାନ୍‌ଚି ଯୀଶୁ ଯୋହାନ୍‌ଆଃ ବିଷାଏରେ ହଡ଼କକେ କାଜି ଏଟେଦ୍‌କେଦ୍‌ଆଏ, “ଆପେ ଚିକ୍‌ନାଃ ନେନେଲ୍‌ତେ ବିରତେପେ ସେନ୍‌କେନା ? ଚିନାଃ ହୟତେ ଏକ୍‌ଲାଅଟାନ୍ ବିରନ୍ତି ତାସାଦ୍‌କେ ?

୨୫ ଏନା କାରେଦ ଚିକ୍‌ନାଃ ନେନେଲ୍‌ତେପେ ଅଡ଼ଙ୍‌ୟାନା । ଚିନାଃ ଗନଙ୍‌ଆଁନ୍ ଲିଜାଃ ତୁସିଙ୍‌ଆଁକାନ୍ ହଡ଼କେ ? ନେଲେପେ, ଗନଙ୍‌ଆଁନ୍ ଲିଜାଃ ତୁସିଙ୍‌ଆଁକାନ୍ ଆତଃ ସୁକୁତେ ତାଇନଃତାନ୍ ହଡ଼କ ରାଜାକଆଃ ଅଡ଼ାଃକରେକ ତାଇନାଃ ।

୨୬ କାଜିଙ୍‌ପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅଡ଼ଙ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍‌ ଆପେକେ ସାର୍‌ଡ଼ିଗି ମେତାପେ ତାନାଇଙ୍‌, ନାବୀଏତେ ମାରାଙ୍‌ନିଃକେପେ ନେଲିୟା ।

୨୭ ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲ୍‌କାନା, ‘ପାର୍‌ମେଶ୍‌ବାର କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

୨୮ ଆଇଙ୍‌ ଆପେକେ ସାର୍‌ଡ଼ିଗିଙ୍‌ କାଜିୟାପେତାନା, ‘କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାରରେ ଯୋହାନ୍‌ଏତେ ମାରାଙ୍‌ ଜେତାଏ ବାଙ୍‌ଗାୟା, ହଲେହଁ ପାର୍‌ମେଶ୍‌ବାରଆଃ ରାଇନ୍‌ରେନ୍ ହୁଡ଼ିଙ୍‌ନିଃ ଯୋହାନ୍‌ଏତେ ମାରାଙ୍‌ଆଏ ।’”

୨୯ ✠ୟୀଶୁଆଃ ଇନ୍‌ତୁ ଆୟୁମ୍‌ତାନ୍ ସବେନ୍ ହଡ଼କ, ନେଲେକାଚି ମାଲ୍‌ହାରମକହ, ସାରିକେଦାଃକ ଯେ, ପାର୍‌ମେଶ୍‌ବାରଆଃ ହରା ସାର୍‌ଡ଼ିଗିଆଃ, ଚିୟାଃଚି ଇନ୍‌କୁକେ ସିଦାରେ ଯୋହାନ୍ ବାପ୍‌ତିସ୍ତା ଏମାକାଦ୍‌କ ତାଇକେନାଏ ।

୩୦ ମେନ୍‌ଦ ଫାରୁଶୀକ ଆତଃ ଆଇନ୍ ଇଡ଼ୁକ ପାର୍‌ମେଶ୍‌ବାରଆଃ ସାନାଙ୍‌ ଆକ ନାଗେନ୍ତେ ହିଲାଙ୍‌କେଦାଃ ଆତଃ ଯୋହାନ୍‌ତାଃଏତେ କାକ ବାପ୍‌ତିସ୍ତାୟାନା ।

୩୧ ଯୀଶୁ ଆତଃଚି କାଜିକେଦାଏ, “ନେ ଦିପିଲିରେନ୍ ହଡ଼କକେ ଅକଏଲଃ ଆଇଙ୍‌ ଜକାକଆ ? ଆତଃ ଇନ୍‌କୁ ଅକଏ ଲେକାଃକ ?

୩୨ ଇନ୍‌କୁଦ ପିଟ୍‌ରେ ଦୁବାକାନ୍ ଆତଃ ଆକ ଆକରେ ହାକାଅଟାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମୁରଲିଲେ ସାଡ଼ିକେଦା, ମେନ୍‌ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍‌ଲେ ଦୁରାଙ୍‌କେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନ୍‌ଲେକାନ୍‌କ ତାନ୍‌କ ।

୩୩ ବାପ୍‌ତିସ୍ତା ଏମାଃନିଃ ଯୋହାନ୍ ହଲଙ୍‌ କାଏ ଜମ୍‌କେଦାଃ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ଆପେ ‘ଇନିଃକେ ବଙ୍‌ଗା ଏସେରକିୟାଏ’ ମେନ୍ତେପେ କାଜିକେଦା ।

୩୪ ମାନଃହନ୍ ହିକ୍‌କେଦତେ ଜମ୍‌ ନୁଁ କେଦାଏ, ଆତଃ ଆପେ ‘ଇନିଃକେ ଦାର୍‌ଧା* ଆତଃ ଦାଖ୍‌ରାସି ନୁଁ ହଡ଼ ତାନିଃ, ମାଲ୍‌ହାରମକଆଃ ଆତଃ ପାପିକଆଃ ଗାଡ଼ି ତାନିଃ ମେତାଇତାନାପେ ।’

୩୫ ମେନ୍‌ଦ ପାର୍‌ମେଶ୍‌ବାରଆଃ ସେଣାଁ, ଆୟାଃ ସବେନ୍ ହନ୍‌କଆଃ ହରାତେ ସାର୍‌ଡ଼ି ତାନାଃ ମେନ୍ତେ ଉଦୁବ୍‌ୟାନା ।”

ଫାରୁଶୀ ଶିମୋନ୍‌ଆଃ ଅଡ଼ାଃରେ ଯୀଶୁ

୩୬ ଫାରୁଶୀକଏତେ ମିଆଁଦ୍ ହଡ଼ ଆଇଁୟାଃଲଃ ଜମେମେ ମେନ୍ତେ ଯୀଶୁକେ ବିକ୍ରିକିୟାଏ, ଏନାତେ ଯୀଶୁ ଫାରୁଶୀଆଃ ଅଡ଼ାଃତେ ବଲୟାନ୍ତେ ଜଜମାଏ ଦୁବ୍‌ୟାନା ।

୩୭ ✠ଆତଃ ନେଲେପେ, ଏନ୍ ନାଗାରରେନ୍ ମିଆଁଦ୍ ପାପିକୁଡ଼ି, ଯୀଶୁ ଫାରୁଶୀଆଃ ଅଡ଼ାଃରେ ଜମେ ନାଗେନ୍ତେ ଦୁବାକାନାଏ ମେନ୍ତେ ସାରିକେଦତେ ଇନିଃ ମିଆଁଦ୍ ପୁଣ୍ଡିଦିରାଃ ଚୁକାଃ ବୁଗିନ୍ ସହାନ୍ ସୁନ୍‌ମ୍‌ ଆଡ଼କେଦାଃଏ ।

୩୮ ଆତଃ ଯୀଶୁଆଃ କାଟା ସୁବାରେ ଦୁବ୍‌କେଦତେ ରାଆଃ ତାନ୍‌ଲଃ ଆୟାଃ ମେଦ୍‌ଦାଃତେ ଇନିୟାଃ କାଟାକେ ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉବ୍‌ତେ ଜଦ୍‌କେଦ୍‌ଲଃ ଇନିୟାଃ କାଟା ତଅଃ କେଦତେ କାଟାରେ ବୁଗିନ୍ ସହାନ୍ ସୁନ୍‌ମ୍‌ତେ ଗସଃକିୟା ।

୩୯ ନେୟାଁ ନେଲ୍‌କେଦତେ ଯୀଶୁକେ କେଡ଼ାକାଇ ଫାରୁଶୀ ଆୟାଃ ମନ୍‌ରେ କାଜିକେଦାଏ, “ନିଃ ନାବୀ ତାନିଃରେଦ, ନେ ଜୁଟିଦିତାନ୍ କୁଡ଼ି ଅକଏ ଆତଃ ଚିଲ୍‌କାନ୍‌ନିଃ ତାନିଃ ଏନା ସାରିଦାଡ଼ିତେୟାଃଏ, ଚିୟାଃଚି ଇନିଃଦ ପାପିନିଃତାନିଃ ।”

୪୦ ଯୀଶୁ ଶିମୋନ୍‌କେ କାଜିକିୟାଏ, “ଏ ଶିମୋନ୍ ଆମ୍‌କେ ହୁଡ଼ିଙ୍‌ଲେକା କାଜିସାନାଙ୍‌ ତାନାଇଙ୍‌ ।”

ଇନିଃ କାଜିକିୟାଏ, “ହେ ଗୁରୁ ମାର୍ କାଜିଙ୍‌ମେଁ ।”

୪୧ “ଜେତାଏ ସାହୁକାର୍ ହଡ଼ଆଃ ବାର୍‌ହଡ଼ ରିଶୀ ସାବ୍‌ତାନ୍‌କିନ୍ ତାଇକେନା । ମିହୁଡ଼୍ ମଶେୟାଁ ହୁଲାଙ୍‌ରାଃ ନାଲା ସିକା ଆତଃ ଏଟାଃନିଃ ବାର୍‌ହସି ଗେଲେୟା ହୁଲାଙ୍‌ରାଃ ନାଲା ସିକା ।

୪୨ ହାଲ୍ ରୁହାଡ଼ଲାଇ ଇନ୍‌କିନ୍‌ତାଃ ଜେଡ଼ନାଃ କା ତାଇକେନ୍‌ରେ ଇନିଃ ବାରାନ୍‌କିନାଃ ରିଶୀ ବାଗିତାଦାଏ । ଇନ୍‌କିନ୍‌ଏତେ ଅକଏ ଇନିଃକେ ପୁରାଃ ଦୁଲାଡ଼ିୟାଏ ?”

✠ ୭:୨୯ ମାଥୁର ୨୧:୩୨; ଲୁକ ୩:୧୨. * ୭:୩୪ ପେଟ୍ଟୁ ✠ ୭:୩୭ ମାଥୁର ୨୭:୭; ମାର୍କ ୧୪:୩; ଯୋହାନ୍ ୧୨:୩.

୪୩ ଶିମୋନ୍ କାଜିରୁହାଡ଼କିୟାଏ, “ଆଇଁୟାଃ ବିଚାରତେ ପୁରାଃରିଣୀ ବାଗିକିଃ ନିଃ ।”

ୟୀଶୁ ଶିମୋନ୍‌କେ କାଜିକିୟାଏ, “ଆମ୍ ରୁଗିନାଃମ୍ କାଜିକାଦାଃ ।”

୪୪ ଆଡ଼ଃ ଯୀଶୁ ଏନ୍ କୁଡ଼ିସାଃ ହେତାରୁହାଡ଼କେଦତେ ଶିମୋନ୍‌କେ କାଜିକିୟାଏ, “ଚିନାଃ ଆମ୍ ନେ କୁଡ଼ିକେମ୍ ନେଲିତାନା ? ଆଇଙ୍ଗ୍ ଆମାଃ ଅଡ଼ାଃତେଇଙ୍ଗ୍ ହିଜୁଃୟାନା, ଆମ୍ କାଟା ଆବୁଙ୍ଗ୍‌ନାଙ୍ଗ୍ ଦାଆଃ କାଟିଃହ କାମ୍ ଏମାଦିୟାଁ, ମେନ୍‌ଦ ନେ କୁଡ଼ି ମେଦଦାଃତେ ଆଇଁୟାଃ କାଟା ଲୁମ୍‌କେଦାଏ ଆଡ଼ଃ ଆୟାଃ ବହଃରେୟାଃ ଉଦ୍‌ତେ ଜଦ୍‌କେଦାଏ ।

୪୫ ଆମ୍ ଆଇଙ୍ଗ୍‌କେ ମିସାହ କାମ୍ ଚଅଃକିୟାଁ, ମେନ୍‌ଦ ଆଇଙ୍ଗ୍ ବଲୟାନ୍ ଇମ୍‌ତାଏତେ ନିଃ କାଟାତାଇୟାଁଃକେ ଚଅଃକାତେ ତାନାଏ ।

୪୬ ଆମ୍ ଆଇଁୟାଃ ବହଃରେ ସୁନ୍‌ମ୍ କାମ୍ ଗସଃକେଦାଃ ମେନ୍‌ଦ ନିଃ କାଟାତାଇୟାଁଃରେ ସହାନ୍ ସୁନ୍‌ମ୍ ଗସଃକେଦାଏ ।

୪୭ ଏନାନାଗେନ୍ତେ କାଜିୟାମେ ତାନାଇଙ୍ଗ୍, ନିଃ ପୁରାଃ ଦୁଲ୍‌ଡ଼କେନାଏ ମେନ୍ତେ ଇନିୟାଃ ପୁରାଃ ପାପ୍ ଛାମାକାନା । ମେନ୍‌ଦ ହୁଡ଼ିଙ୍ଗ୍‌ଲେକା ଛାମାଅଃନିଃ ହୁଡ଼ିଙ୍ଗ୍‌ଲେକା ଦୁଲ୍‌ଡ଼ାଃଏ ।”

୪୮ ଏନ୍ତେ ଯୀଶୁ ଏନ୍ କୁଡ଼ିକେ କାଜିକିୟାଏ, “ଆମାଃ ପାପ୍ ସବେନ୍ ଛାମାୟାନା ।”

୪୯ ଆଡ଼ଃ ଇନିଃଲଃ ଜମ୍‌ତେ ଦୁବାକାନ୍ ହଡ଼କ ଆକ ଆକରେଗି କାଜି ଏଚେଦ୍‌କେଦାକ, “ଇଦୁ ନିଃ ଅକଏ ତାନିଃ ଯେ ପାପ୍‌କହଗି ଛାମାଏତାନା ?”

୫୦ ଯୀଶୁ ଏନ୍ କୁଡ଼ିକେ କାଜିକିୟାଏ “ଆମାଃ ବିଶ୍ୱାସ୍ ଆମ୍‌କେ ବାସ୍ତାଅ କାଦ୍‌ମେୟାଁଏ ଜୀଉ ସୁକୁତେ ସେନଃମେ ।”

୮

ୟୀଶୁ ଗେଲ୍‌ବାର୍ ତେଲାକଲଃ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦ୍‌ବେତାନାଏ

୧ ଏନ୍ ତାୟମ୍‌ତେ, ଯୀଶୁ ସାହାର୍ ସାହାର୍ ଆଡ଼ଃ ହାଡୁ ହାଡୁ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦ୍‌ବେତାନଲଃ ହନର୍‌ବାଡ଼ା ତାଇକେନାଏ ଆଡ଼ଃ ଗେଲ୍‌ବାର୍ ତେଲାକ ଆୟାଃଲଃ ତାଇକେନାକ,

୨ *ଆଡ଼ଃ ଏଡ଼କାନ୍ ଆମ୍‌କଏତେ ଆଡ଼ଃ ହାସୁଇତେ ବୁଗିଆକାନ୍ ଚିମିନ୍ କୁଡ଼ିକ ଯୀଶୁଲଃ ତାଇକେନାକ, ଇନ୍‌କୁଇତେ ମାରିୟାମ୍, ଅକଏକେଚି ମାଗ୍‌ଦାଲିନି ମେତାଇ ତାଇକେନାକ, ଇନିଃଏତେଦ ସାଡୁଠୁ ବଙ୍ଗାକକେ ହାଡ଼ଅଡ଼ଙ୍ଗ୍‌କାଦ୍ ତାଇକେନା;

୩ ହେରୋଦ୍‌ଆଃ ଭାଣ୍ଡାରି ଖୁଜାରାଃ କୁଡ଼ିତେ ଯୋହାନ୍ନା, ଶୁସାନା ଆଡ଼ଃ ପୁରାଃ ଏଟାଃ କୁଡ଼ିକ ଆକଆଃ ମେନାଃତେୟାଃତେ ଯୀଶୁକେ ଆଡ଼ଃ ଆୟାଃ ତେଲାକକେ ସୁସାରିତାଇକେନାକ ।

ହିତାହେର୍‌ନିଆଃ ଜନ୍‌କା କାଜି

(ମାଥୁଉ ୧୩:୧-୯; ମାର୍କ ୪:୧-୯)

୪ ଗାଦେଲ୍ ହଡ଼କ ହୁଣ୍ଡିୟାକାନ୍ ଆଡ଼ଃ ସାହାର୍ ସାହାର୍‌ଏତେ ହଡ଼କ ଯୀଶୁତାଃକ ହିଜୁଃତାନ୍ ତାଇକେନ୍‌ରେ, ଯୀଶୁ ନେ ଜନ୍‌କା କାଜି କାଜିୟାଦ୍‌କଆଏ ।

୫ ମିଆଁଦ୍ ହିତାହେର୍‌ନିଃ ହିତାହେର୍‌ନାଙ୍ଗ୍ ଅଡ଼ଙ୍ଗ୍‌ୟାନା । ଇନିଃ ହେର୍‌ହେର୍‌ତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆଡ଼ଃ ତିକାୟାନା, ଆଡ଼ଃ ସିର୍ମାରେନ୍ ଚେଟ୍‌କ ଏନାକେ ହାଲାଙ୍ଗ୍ ଜମ୍‌କେଦା ।

୬ ଆଡ଼ଃ ଚିମିନ୍ ହିତା ଦିରି ଅତେରେ ଉୟୁଃୟାନା, ଏନା ଗାଜା ଅମନ୍‌ୟାନା, ମେନ୍‌ଦ ହାଲି କା ତାଇକେନ୍‌ତେ ରହଡ଼ୟାନା ।

୭ ଚିମିନ୍ ହିତା ଜାନୁମ୍ ଥାଲାରେ ଉୟୁଃୟାନା ଆଡ଼ଃ ଏନାକେ ଜାନୁମ୍ ହାରାତପାକେଦାଏ ।

୮ ଆଡ଼ଃ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଏନା ଅମନ୍ ହାରାୟାନ୍ତେ ହେରାକାନ୍‌ଏତେ ସାଅଗୁନା ଆଦ୍‌କା ଜ'ୟାନା । ନେ କାଜି କାଜିକେଦ୍‌ଚି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଏ

(ମାଥୁଉ ୧୩:୧୦-୧୭; ମାର୍କ ୪:୧୦-୧୭)

୯ ଏନ୍ତେ ଇନିୟାଃ ତେଲାକ ନେ ଜନ୍‌କା କାଜିରେୟାଃ ମୁଣ୍ଡି ଚିନାଃତାନାଃ ମେନ୍ତେକ କୁଲିକିୟାଃ ।

୧୦ ଇନିଃ କାଜିୟାଦ୍‌କଆଏ, “ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ମୁଣ୍ଡି ସାରିରେୟାଃ ପେଡ଼େଃ ଆପେଦପେ ନାମାକାଦାଃ ମେନ୍‌ଦ ଏଟାଃକକେ ଜନ୍‌କା କାଜିତେ ସବେନାଃ ଉଦ୍‌ବେତାନା । ଇନ୍‌କୁ ନେଲ୍‌ଦକ ନେଲେୟାଃ, ମେନ୍‌ଦ କାକ ନେଲ୍ ଉରୁମେୟାଃ, ଇନ୍‌କୁ ଆୟୁମ୍‌ଦକ ଆୟୁମେୟାଃ, ମେନ୍‌ଦ କାକ ଆବ୍‌କାର୍ ଉରୁମେୟାଃ ।

ୟୀଶୁ ହିତାହେର୍‌ନିଆଃ ଜନ୍‌କାକାଜିରେୟାଃ ମୁଣ୍ଡି ଉଦ୍‌ବେତାନାଏ

(ମାଥୁଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନ୍‌କା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାର୍‌ମେଶ୍ୱାର୍‌ଆଃ କାଜି ।

* ୮:୨ ମାଥୁଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

୧୨ ଆତ୍ମ ହରା ଗେନାରେ ଉତ୍ତୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଟି ଆତ୍ତୁମାଃକ, ଏନ୍ତେ ସାଏତାନ୍ ହିଜୁଃଆଏ ଆତ୍ମ ଇନ୍‌କୁ ବିଶ୍ୱାସକେଦ୍‌ତେ ଆଲକାକ ବାସ୍ତାଅଃକା ମେନ୍ତେ ଇନ୍‌କୁଆଃ ମନ୍‌ଏତେ କାଜି ରେଃକ ଇଦିୟାଏ ।

୧୩ ଦିରି ଅତେରେ ଉତ୍ତୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଟି କାଜି ଆତ୍ତୁମତର୍‌ସା ରାସ୍‌କାତେ ତେଲାଇକ, ମେନ୍‌ଦ ରେହେଦ୍ କା ତାଲନ୍ ହରାତେ ଇନ୍‌କୁ ହୁଡିଙ୍ଗ୍ ସାମାଏ ଜାକେଦ୍‌କ ବିଶ୍ୱାସେୟାଃ, ମେନ୍‌ଦ ବିଡାଅ ନେତାରେକ ବାଗିୟା ।

୧୪ ଆତ୍ମ ଜାନୁମ୍ ଆଲାରେ ଉତ୍ତୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଟି ଇନ୍‌କୁ କାଜି ଆତ୍ତୁମାଃକ, ମେନ୍‌ଦ ଜୀଉରେୟାଃ ଉଡ଼ୁଡ଼େ, ପୁରାଃ ମେନାଃତେୟାଃତେ, ଆତ୍ମ ଜୀନିଦ୍‌ରେୟାଃ ସୁକୁ ରାସ୍‌କାତେକ ତପା ଇଦିୟାଆ ଆତ୍ମ ଜାଙ୍ଗ୍‌ୟାନ୍ ଜ କାକ ଜ'ଅଃଆ ।

୧୫ ମେନ୍‌ଦ ବୁଗିନ୍ ଅତେରେ ଉତ୍ତୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଟି ବୁଗିନ୍ ଆତ୍ମ ଫୀର୍‌ଟି ମନ୍‌ରେ ବାଚାନ୍‌କେ ଆତ୍ତୁମକେଦ୍‌ତେକ ତେଲାଇହୟା ଆତ୍ମ ସାହାଡିଙ୍ଗ୍‌ତାନ୍‌ଲଃକ ଜ'ଅଃଆ ।

ଦିମିରେୟାଃ ଜନ୍‌କା କାଜି

(ମାର୍କ ୪:୨୧-୨୫)

୧୬ * “ଜେତାଏ ହଡ଼ ଦିମି ଜୁଲ୍‌କେଦ୍‌ତେ ତାଝାତେ କାଏ ହାରୁବେୟା, ତାଏ ପାର୍‌କମ୍ ଲାତାରରେ କାଏ ଦହୟାଃ, ମେନ୍‌ଦ ବଲତାନ୍ ହଡ଼କ ମାର୍‌ସାଲ୍‌କ ନେଲେକା ମେନ୍ତେ ଦିର୍‌କାରେ* ଦହୟାଃ ।

୧୭ * “ଚିୟାଃଟି ସବେନ୍ ଉକୁଆକାନ୍‌ତେୟାଃ ଉଦୁବଃଆ ଆତ୍ମ ସବେନ୍ ଦାନାଙ୍ଗ୍‌ଆଁକାନ୍‌ତେୟାଃ ସାରିଅଃଆ ତାଏ ମାସ୍‌ଲାତେ ଆଉଅଃଆ ।

୧୮ * “ଏନାମେନ୍ତେ, ଚିଲ୍‌କାପେ ଆତ୍ତୁମେୟାଃ ଏନା ଚିର୍‌ଗାଲକାନ୍‌ପେ, ଚିୟାଃଟି ଅକ୍‌ଏତାଃ ମେନାଃ ଇନିଃକେ ଦ ଆତ୍ମଃଟି ଏମଃଆ, ଆତ୍ମ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଆ ।”

ୟୀଶୁଆଃ ଏଙ୍ଗା ଆତ୍ମ ହାଗାକ

(ମାଥୁ ୧୨:୪୬-୫୦; ମାର୍କ ୩:୩୧-୩୫)

୧୯ ଯୀଶୁଆଃ ଏଙ୍ଗାତେ ଆତ୍ମ ହାଗାତେ ତେକ ଇନିଃତାଃ ହିଜୁଃୟାନାକ ମେନ୍‌ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେଟେର୍‌ ଦାଡ଼ିୟାନା ।

୨୦ ଜେତାଏ ମିହୁଡ଼ ଯୀଶୁକେ ଉଦୁବ୍‌କିୟାଏ, “ଆମାଃ ଏଙ୍ଗାମ୍ ଆତ୍ମ ହାଗାମ୍‌ତେକ ବାହାରିରେ ତିଙ୍ଗୁକେଦ୍‌ତେ ଆମ୍‌ଲଃ ନେପେଲ୍ ନାଙ୍ଗ୍‌କ ସାନାଙ୍ଗ୍‌ତାନା ।”

୨୧ ଇନିଃ ମେନ୍‌ରୁହାଡ଼ାଦ୍‌କଆଏ, “ପାର୍‌ମେଶ୍ୱାର୍‌ଆଃ କାଜି ଆତ୍ତୁମ୍ ଆତ୍ମ ମାନାତିଙ୍ଗ୍ ତାନ୍‌କଗି ଆଇଁୟାଃ ଏଙ୍ଗା ଆତ୍ମ ହାଗାକ ତାନ୍‌କ ।”

ୟୀଶୁ ଦୁଦୁଗାର୍‌ହୟାକେ ହାପା ଉତାର୍‌କେଦାଃ

(ମାଥୁ ୮:୨୩-୨୭; ମାର୍କ ୪:୩୫-୪୧)

୨୨ ମୁସିଙ୍ଗ୍ ଯୀଶୁ ଆତ୍ମ ଆୟାଃ ଚେଲକ ଲାଉକାରେକ ଦେଏଃୟାନା ଆତ୍ମ “ଦଲାରୁ ଦରେୟା ହାନ୍ ପାରମ୍‌ତେରୁଆ” ମେତାଦ୍‌କଆଏ । ଆତ୍ମ ଇନ୍‌କୁ ଲାଉକା ରାଡ଼ାକେଦାଃକ

୨୩ ଇନ୍‌କୁ ସେନଃତାନ୍ ଇମ୍‌ତା ଯୀଶୁଦ ଦୁଡ଼ମୁୟାନାଏ । ଇମ୍‌ତାଙ୍ଗ୍ ଦରେୟାରେ ଦୁଦୁଗାର୍‌ହୟା ବିରିଦ୍‌ୟାନା, ଏନ୍ତେ ଲାଉକାରେ ଦାଆଃ ପେରେଜଃତାନ୍ ତାଇକେନା, ଆତ୍ମ ଇନ୍‌କୁଦ ତୁବିଜଃଲେକାକ ତାଇକେନା ।

୨୪ ଚେଲକ ଇନିଃତାଃତେ ହିଜୁଃୟାନ୍‌ତେକ ବିରିଦ୍‌କିୟା, “ହେ ଗୁରୁ, ହେ ଗୁରୁ, ଆଲେ ତୁବିଃଗ୍ ଗଜଃତାନାଲେ” ମେନ୍ତେକ କାଜିକିୟାଃ । ଏନ୍ତେ ଇନିଃ ବିରିଦ୍‌ୟାନ୍ତେ ହୟ ଆତ୍ମ ଆଲ୍‌ପୁଙ୍ଗ୍‌କେ† ମାରାଙ୍ଗ୍‌ମତାକେଦାଃ, ଇମ୍‌ତାଙ୍ଗ୍‌ଗି ସବେନାଃ ହାପାଉତାର୍‌ୟାନା ଆତ୍ମ ସିଃସଏଃୟାନା ।

୨୫ ଏନ୍ତେ ଯୀଶୁ ଚେଲକକେ ମେତାଦ୍‌କଆଏ, “ଅକ୍‌ତାଃରେୟା ଆପେୟାଃ ବିଶ୍ୱାସ୍ ?” ମେନ୍‌ଦ ଇନ୍‌କୁ ବରତାନ୍‌ଲଃ ମେପେନ୍‌ୟାନାକ, “ନିଃ ଅକ୍‌ଏ ତାନିଃ, ହୟ ଆତ୍ମ ଦରେୟାରେୟାଃ ଦାଆଃକହ ନିୟାଃ କାଜି ମାନାତିଙ୍ଗ୍ ତାନାକ ।”

ୟୀଶୁ ମିଆଁଦ୍ ବଙ୍ଗା ଏସେରାକାନ୍‌ନିଃକେ ବୁଗିଃତାନା

(ମାଥୁ ୮:୨୮-୩୪; ମାର୍କ ୫:୧-୨୦)

୨୬ ଯୀଶୁ ଆତ୍ମ ଚେଲତାୟାଃକ ଗେରାସିମିକଆଃ ପାର୍‌ଗାନ୍‌ତେ ସେଟେର୍‌ୟାନାକ, ଏନା ଗାଲିଲ୍ ଦରେୟାରାଃ ହାନ୍ ପାରମ୍‌ରେୟା ।

୨୭ ଯୀଶୁ ତଙ୍ଗାଏତେ ଦରେୟା ଗେନାରେ ଆଡ଼ଗୁତର୍‌ସା, ଏନ୍ ନାଗାର୍‌ରେନ୍ ମିହୁଡ଼୍ ଏଡ଼କାନ୍ ଆମ୍‌ଏତେ ପେରେଜାକାନ୍ ହଡ଼ ଯୀଶୁଲଃ ନାପାମୟାନାକିନ୍, ଇନିଃ ପୁରାଃ ମାହାଁଏତେ ଲିଜାଃ କାଏ ତୁସିଙ୍ଗ୍‌ଆଁତାନ୍ ତାଇକେନା ତାଏ ଅଡ଼ାଃରେ କା ତାଇକେଦ୍‌ତେ ହଡ଼ ତପା ଠାୟାଦ୍‌ରେ ତାୟାଃତାଇକେନାଏ ।

☆ ୮:୧୨ ମାଥୁ ୫:୧୫; ଲୁକ ୧୧:୩୩. * ୮:୧୨ ଦିମି ମାଗ୍ରାଅ ଠାୟାଦ୍ ☆ ୮:୧୨ ମାଥୁ ୧୦:୨୭; ଲୁକ ୧୨:୨. ☆ ୮:୧୮ ମାଥୁ ୨୫:୨୯; ଲୁକ ୧୯:୨୭. † ୮:୨୪ ଆଲ୍‌ପୁଙ୍ଗ୍

୨୮ ଇନିଃ ଯୀଶୁକେ ନେଲ୍‌ତାନଟି ଆୟାଃ କାଟାସୁବାରେ ଉୟୁଃକେଦ୍‌ତେ କାଉରିତାନଲ୍‌ଃ କାଜିକେଦାଏ, “ହେ ଯୀଶୁ ସାଲ୍‌କିଉତାର୍ ପାର୍‌ମେଶ୍‌ୱାର୍‌ଆଃ ହନ୍, ଆଇଙ୍‌ଲ୍‌ଃ ଆମାଃ ଚିକାନ୍ କାମି ମେନାଃ ? ଆଇଙ୍‌ ଆମ୍‌କେ ଜହାର୍ ମେ ତାନାଇଙ୍‌ ଆଲ୍‌ମ୍ ଦୁକୁଇୟାଃ !”

୨୯ ଇନିଃ ଏନା କାଜିକେଦାଏ ଚିୟାଃଟି ଯୀଶୁ ଏନ୍ ସତ୍‌ରା ଆମ୍‌କେ ନେ ହତ୍‌ଏତେ ଅତଙ୍‌ଅଃମେ ମେନ୍ତେ ଆରୁକାଉତାଉନାଏ । ଏଡ୍‌କାନ୍ ଆମ୍‌ ହତ୍‌କେ ପୁରାଃ ମାହିଁଏତେ ସାବାକାଉତାଉନାଏ । ଆତଃ ହତ୍‌କ ଇନିଃକେ ସିକ୍‌ଡିଲ୍‌ଃ ଆତଃ ବେଡ୍‌ରେ ତଲ୍‌କିଃତେ ହରଇତାନ୍‌କ ତାଇକେନା, ମେନ୍‌ଦ ଇନିଃ ତନଲ୍‌କେ ଟଟାଃଏତାନ୍ ଆତଃ ଏଡ୍‌କାନ୍ ଆମ୍‌ ଇନିଃକେ ବିର୍‌ତେ ହାରଇଦିତାନାଏ ତାଇକେନା ।

୩୦ ଯୀଶୁ ଇନିଃକେ କୁଲ୍‌କିୟାଏ “ଆମାଃ ନୁତୁମ୍ ଚିକନାଃ ?” ଇନିଃ କାଜିରୁହାଡ୍‌କିୟାଏ, “ଆଇଁୟାଃ ନୁତୁମ୍ ଫାଉଦ୍,” ‡ ଚିୟାଃଟି ଇନିଃରେ ପୁରାଃଟି ବଙ୍‌କାକ ତାଇକେନା ।

୩୧ ଆତଃ ଇନ୍‌କୁ ଯୀଶୁକେ “ଆଲେକେ ହୁଆଙ୍‌ଗାଡାଃତେ ଆଲ୍‌ମ୍ କୁଲ୍‌ଲେ” ମେନ୍ତେ ପୁରାଃଟିକ ବିକ୍ରିକିୟାଃ ।

୩୨ ବୁରୁଗେନା ଜାପାଃରେ ସୁକୁରିକଆଃ ମାରାଙ୍‌ ଗୋର୍ ଆତିଙ୍‌ତାଇକେନାକ । ଏଡ୍‌କାନ୍ ଆମ୍‌କ ଯୀଶୁକେ, ଆଲେକେ ଏନ୍ ସୁକୁରିକରେ ବଲ୍‌ଃ ନାଗେନ୍ତେ କୁଲ୍‌ତାଲେମେ ମେନ୍ତେକ ବିକ୍ରିକିୟାଃ, ଆତଃ ଇନିଃ ଇନ୍‌କୁକେ ବଲ୍‌ରିକାକେଦ୍‌କଆଏ ।

୩୩ ଏଡ୍‌କାନ୍ ଆମ୍‌କ ଏନ୍ ହତ୍‌ଏତେ ଅତଙ୍‌ୟାନ୍‌ତେ ସୁକୁରିକରେକ ବଲ୍‌ୟାନା ଆତଃ ସୁକୁରିକଆଃ ଗୋର୍ ଦରେୟାରେକ ନିର୍‌ବଲ୍‌ୟାନା ଆତଃ ତୁବିଃଗ୍ ଗଏଃୟାନାକ ।

୩୪ ସୁକୁରି ଗୁପିତାନ୍‌କ ନେଆଁ ନେଲ୍‌କେଦ୍‌ତେ ନିର୍‌ୟାନାକ ଆତଃ ସାହାର୍ ଜାପାଃରାଃ ଟଲ୍‌କରେ ନେ କାଜିକ ଉଦୁବ୍ ବାଡାକେଦାଃ,

୩୫ ଆତଃ ହତ୍‌କ ହବାଲେନ୍‌ତେୟାଃ ନେଲ୍‌ନାଗେନ୍ତେ ଅତଙ୍‌ୟାନାକ ଆତଃ ଯୀଶୁତାଃକ ହିଜୁଃୟାନ୍ତେ ଏଡ୍‌କାନ୍ ଆମ୍‌କଆଃ ଫାଉଦ୍‌ତେ ଏସେରାକାନ୍ ହତ୍‌କେ ଯୀଶୁଆଃ କାଟାସୁବାରେ ଦୁବାକାନ୍, ଲିଜାଃ ତୁସିଙ୍‌ଆକାନ୍ ନେଲ୍‌କିଃତେ ବରକେଦାଃକ ।

୩୬ ନେ ସବେନାଃ ନେଲ୍‌କାଦ୍ ହତ୍‌କ ବଙ୍‌ ଏସେରକାନ୍ ଏନ୍ ହତ୍‌ ଚିଲ୍‌କା ବୁଗିୟାନାଏ, ଏନା ସବେନ୍ ହତ୍‌କକେ ଉଦୁବାଦ୍‌କଆକ ।

୩୭ ଏନ୍ତେ ଗେରାସିମି ହପର୍‌ଜାପାଃରେନ୍ ସବେନ୍ ହତ୍‌କ ଆଲେୟାଃ ସାମ୍‌ନାଙ୍‌ଏତେ ସେନଃମେ ମେନ୍ତେ ଯୀଶୁକେକ ବିକ୍ରିକିୟା, ଚିୟାଃଟି ଇନ୍‌କୁ ବରତାଇକେନାକ । ଆତଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ୍‌ୟାନାଏ ।

୩୮ ଏଡ୍‌କାନ୍ ଆମ୍‌ଏତେ ବୁଗିୟାକାନ୍ ହତ୍‌ ଯୀଶୁକେ କାଜିକିୟାଏ, “ଆମାଃଲ୍‌ଃ ତାଇନ୍ ଚିକାଆଇଙ୍‌ମେଁ” ମେନ୍ତେ ବିକ୍ରିକିୟାଏ,

ମେନ୍‌ଦ ଯୀଶୁ ଆଇଃକକେ ବିଦା ଏମ୍‌ତାନ୍‌ଲ୍‌ଃ କାଜିକିୟାଏ,

୩୯ “ଆମ୍‌ ଆମାଃ ଅଡାଃତେ ରୁହାଡ୍‌ମେଁ ଆତଃ ପାର୍‌ମେଶ୍‌ୱାର୍‌ ଆମାଃ ନାଗେନ୍ତେ ଚିକନାଃ ରିକାକାଦାୟ, ଚିଲ୍‌କା ଆମ୍‌କେ ଦାୟାକାଦ୍‌ମେୟା ଏନା ସବେନ୍‌କକେ ଉଦୁବାକମେ ।”

ଏନ୍ତେଦ ଏନ୍ ହତ୍‌ ରୁହାଡ୍‌ୟାନାଏ, ଆତଃ ଯୀଶୁ ଆୟାଃ ନାଗେନ୍ତେ ନେ'ଲେକାନ୍ ମାରାଙ୍‌ କାମି କାମିୟାଦିୟାଏ ମେନ୍ତେ ସବେନ୍ ନାଗାର୍‌ରେ ଉଦୁବ୍‌କେଦାଏ ।

ୟୀଶୁ ମିଆଁଦ୍ ଡିଶ୍‌ୟାକୁଡିକେ ଜୀହୁଦ୍ ରୁହାଡିତାନା ଆତଃ ମିଆଁଦ୍ କୁଡିକେ ବୁଗିଃତାନାଏ (ମାଥୁଃ ୯:୧୮-୨୨; ମାର୍କ ୫:୨୧-୪୩)

୪୦ ଯୀଶୁ ଦରେୟା ହାନ୍‌ପାରମ୍‌ତେ ରୁହାଡ୍‌ୟାନ୍ ଇମ୍‌ତା ଗାଦେଲ୍ ହତ୍‌କ ଇନିଃକେ ଦାରମ୍‌କିୟାଃକ, ଚିୟାଃଟି ସବେନ୍‌କଦ ଇନିଃକେ ନେଲ୍‌ହରାଉତାନ୍‌କ ତାଇକେନା ।

୪୧ ଆତଃ ନେଲେପେ, ଯାଇରସ ନୁତୁମ୍ ସାମାଜ୍ ଅଡାଃରେନ୍ ଆଗୁଆଇ ହିଜୁଃୟାନାଏ, ଆତଃ ଯୀଶୁଆଃ କାଟା ସୁବାରେ ଉୟୁଃକେଦ୍‌ତେ ଆଇଁୟାଃ ଅଡାଃତେ ହିଜୁଃମେ ମେନ୍ତେ ବିକ୍ରିକିୟାଏ,

୪୨ ଚିୟାଃଟି ଆୟାଃ ବାରା ବାରାଷ୍‌ରେନ୍ ମିଆଁଦ୍‌ଗି ହନ୍‌କୁଡି ତାଇକେନାଏ, ଇନିଃ ଦୁକୁତେ ଗଜଃଲେକା କାନାଏ ତାଇକେନା । ମେନ୍‌ଦ ଯୀଶୁ ସେସେନ୍‌ତାନ୍ ଦିପିଲିରେ ଗାଦେଲ୍ ହତ୍‌କ ଇପ୍‌ଲିଙ୍‌ଅଃ ତାଇକେନାକ ।

୪୩ ଇମ୍‌ତା ବାରା ବାରାଷ୍‌ଏତେ ମାୟୋମ୍‌ଲିଙ୍‌ ଦୁକୁରେ ଦୁକୁତାନ୍ ମିଆଁଦ୍ କୁଡି ତାଇକେନାଏ, ମେନ୍‌ଦ ଇନିଃ ଆୟାଃ ସବେନ୍ ତାଇକେନ୍‌ତେୟାଃ ବାଇଦ୍‌କଡାଃରେ ଚାବାକେଦ୍‌ରେୟ* ଇନିଃକେ ଜେତାଏ ହ କାକ ବୁଗି ଦାଡି ତାଇକେନା ।

୪୪ ଇନିଃ ଦୟାହରା ଯୀଶୁତାଃ ସେନ୍‌କେଦ୍‌ତେ ଲିଜାଃରାଃ ଆର୍‌ରା ଜୁଟିଦ୍‌କେଦାଏ, ଆତଃ ଇମ୍‌ତାଙ୍‌ଗି ମାୟୋମ୍‌ ଲିଙ୍‌ ଦୁକୁଏତେ ବୁଗିୟାନାଏ ।

୪୫ ଏନ୍ତେ ଯୀଶୁ ମେତାଦ୍‌କଆଏ, “ଅକଏ ଆଇଙ୍‌କେ ଜୁଟିଦ୍‌କିଦିୟାଏଁ ?”

‡ ୮:୩୦ ବାହିନି § ୮:୩୧ ବଙ୍‌କାକଆଃ ବୁଣ୍ଡ ସ୍ତାକାଲ କାକେଦ୍ ନେ ହୁଆଙ୍‌ଗାଡାରେ ତଲ୍‌କେଦ୍‌ତେ ତାଇନାଃକ * ୮:୪୩ ଚିମିନ୍ ମାରିଅନଲ୍‌ରେ ନେ ପଦ ବାନ୍‌ଆଃ

ସବେନକ କା ମାନାଡ଼ିଙ୍ଗ ତାନୁଡେ, ପାଡ଼ରାସ୍ କାଜିକିୟାଏ “ହେ ଗମ୍ବକେ, ଗାଦେଲ୍ ହଡ଼କ ଇପ୍ଲିଙ୍ଗକେଦ୍‌ଡେ ଆମାଃ ଚେତାନୁରେ ଉୟୁଗଃତାନାକ ।”

୪୬ ଯୀଶୁ କାଜିକେଦ୍‌କଆଏ, “ଅକଏ ମିହୁଡ୍ ଆଇଙ୍ଗକେ ଜୁଟିଦ୍ କେଦିଙ୍ଗଆଏ, ଚିୟାଠି ଆଇଙ୍ଗତାଃଏଡେ ପେଡେଃ ଅଡଙ୍ଗୟାନା ମେନ୍ତେ ସାରିଉରୁମ୍ କେଦାଆଇଙ୍ଗ ।”

୪୭ ଆଡଃ ଏନ୍‌କୁଡ଼ି କାଏ ଉକୁଦାଡ଼ିୟାନା ମେନ୍ତେ ଆଟକାରକେଦ୍‌ଡେ ଇନିଃ ବରଡେ ଏକ୍‌ଲାଅଃତାନୁଲଃ ହିଜୁଃୟାନାଏ ଆଡଃ ଯୀଶୁଆଃ ସାମ୍‌ନାଙ୍ଗରେ ଇକ୍‌ଡ଼ମ୍‌କେଦ୍‌ଡେ ସବେନକଆଃ ଆୟାରରେ, ଚିନାଃମେନ୍ତେଇଙ୍ଗ ଜୁଟିଦ୍‌କେଦ୍‌ମେୟା ଆଡଃ ଇମ୍‌ତାଗି ଚିଲ୍‌କାଇଙ୍ଗ ବୁଗିୟାନା ମେନ୍ତେ ଉଦୁବକିୟାଏ ।

୪୮ ଏନ୍ତେ ଯୀଶୁ କାଜିକିୟାଏ, “ଏ ମାଇ, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜୀଉଡେ ସେନଃମେ ।”

୪୯ ଯୀଶୁ ଏନା କାଜିତାନୁ ଇମ୍‌ତାଗି, ସାମାଜ୍ ଅଡଃ ଚାଲାଅନିୟାଃ ଅଡଃଏଡେ କାଜି ଆଡଃକାଦ୍ ହଡ଼ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନାଏ, ଗୁରୁକେ ଆଡଃ ଆଲ୍‌ମେ ଦୁକୁଇୟା ।”

୫୦ ଯୀଶୁ ନେ କାଜି ଆୟୁମ୍‌କେଦ୍‌ଡେ ଯାଇରସକେ କାଜିକିୟାଏ, “ଆଲ୍‌ମ୍ ବରଏୟା, ବିଶ୍ୱାସ୍‌ରେଗି ତାଇନଃମେ, ଆଡଃ ଇନିଃ ବାଞ୍ଚାଅଃଆଏ ।”

୫୧ ଏନ୍ତେ ଯୀଶୁ ଯାଇରସରାଃ ଅଡଃଏଡେ ହିଜୁଃୟାନୁଚି, ପାଡ଼ରାସ୍, ଯାକୁବ୍, ଆଡଃ ଆୟାଃ ହାଗାଡେ ଯୋହାନ୍ ଆଡଃ କୁଡ଼ିହନ୍‌ଆଃ ଏଙ୍ଗା ଆପୁକିନ୍‌କେ ବାଗିକେଦ୍‌ଡେ ଜେତାଏକକେ କାଏ ବଲ୍‌ରିକାକେଦ୍‌କଆ ।

୫୨ ମେନ୍‌ଦ ଏନ୍ କୁଡ଼ିହନ୍ ନାଗେନ୍ତେ ସବେନକ ରାଆଃତାନୁ ଆଡଃ କୁଡ଼ାମ୍‌କରେ ତିଃଇ ଆପ୍‌ଡ଼ିଅଃତାଇକେନାକ । ଏନ୍ତେ ଯୀଶୁ କାଜିକେଦ୍‌କଆଏ, ଆଲ୍‌ପେ ରାଆଃଏୟା ଇନିଃ କାଏ ଗଜାକାନା ମେନ୍‌ଦ ଦୁଡ଼ମ୍‌ତାନାଏ ।

୫୩ ଇନ୍‌କୁ ଯୀଶୁକେ ଲାନ୍‌କାକିୟାଃକ ଚିୟାଠି ଏନ୍ କୁଡ଼ିହନ୍ ଗଜାକାନାଏ ମେନ୍ତେ ଇନ୍‌କୁ ସାରିତାଇକେନାକ ।

୫୪ ଯୀଶୁ ଏନ୍ କୁଡ଼ିହନ୍‌ଆଃ ତିଃଇ ସାବ୍‌କେଦ୍‌ଡେ କାଜିକିୟାଏ, “ଏ ମାଇ ବିରିଦ୍‌ମେ ।”

୫୫ ଏନ୍ କୁଡ଼ିହନ୍‌ଆଃ ଜୀଉ ଇମ୍‌ତାଗି ରୁହାଡ଼୍‌ୟାନା, ଇନିଃ ବିରିଦ୍‌ୟାନାଏ ଆଡଃ ଇନିଃକେ ଜାହାନାଃ ଜମେୟାଃ ଏମାଇପେ ମେନ୍ତେ ଯୀଶୁ କାଜିୟାଦ୍‌କଆଏ ।

୫୬ କୁଡ଼ିହନ୍‌ଆଃ ଏଙ୍ଗା ଆପୁ ଆକ୍‌ଦାନ୍‌ଆୟାନାକିନ୍ ମେନ୍‌ଦ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟା ମେନ୍ତେ ଯୀଶୁ କାଜିକେଦ୍‌କଆଏ ।



ୟୀଶୁ ଆୟାଃ ଗେଲ୍‌ବାର୍ ଚେଲ୍‌କକେ କୁଲ୍‌କତାନାଏ
(ମାଥୁଉ ୧୦:୫-୧୫; ମାର୍କ ୬:୭-୧୩)

୧ ଏନ୍ତେ ଯୀଶୁ ଗେଲ୍‌ବାର୍ ଚେଲ୍‌କକେ କେଡ଼ାହୁଣ୍ଡିକେଦ୍‌କଆଏ, ସବେନ୍ ବଙ୍ଗାକକେ ହାର୍‌ଅଡଙ୍ଗନାଙ୍ଗ୍, ଆଡଃ ଦୁକୁ ଗେରାଙ୍ଗ୍ ଏଡେ ବୁଗିକନାଙ୍ଗ୍ ମେନ୍ତେ ପେଡେଃ ଆଡଃ ଆକ୍‌ଡେୟାର୍ ଏମାଦ୍‌କଆଏ,

୨ ଆଡଃ ଇନିଃ ଇନ୍‌କୁକେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବଃ ନାଗେନ୍ତେ, ଦୁକୁହାସୁତାନୁକକେ ବୁଗିକ ନାଗେନ୍ତେ କୁଲ୍‌କେଦ୍‌କଆଏ ।

୩ ଇନିଃ ଇନ୍‌କୁକେ କାଜିୟାଦ୍‌କଆଏ, “ଆପେୟାଃ ହରାସେନ୍ ନାଗେନ୍ତେ ସଟା ଚାଏ ଆଇଲା, ହଲ୍‌ଙ୍ଗ୍ ଚାଏ ଟାକାପାଏସା, ଚାଏ ବାରିଆ ତୁସିଙ୍ଗ୍ ଲିଜାଃ ହ୍ ଆଲ୍‌ପେ ଇଦିୟା ।

୪ ଜେତା ଅଡଃରେ ଦାରମ୍‌ପେରେ, ଏନ୍ ଜାପାଃଏଡେ ଆଉରି ଅଡଙ୍ଗଅଃ ଜାକେଦ୍ ଏନ୍ ଅଡଃରେଗି ତାଇନଃପେ ।

୫ ଜେତାଏ ଆପେକେ କାକ ଦାରମ୍‌ପେରେଦ୍ ଏନ୍ ହାଡୁଏଡେ ଅଡଙ୍ଗ ଇମ୍‌ତାଙ୍ଗ୍ ଆପେୟାଃ କାଟା ତାଲ୍‌କାରେୟାଃ ଧୁଡ଼ି ଗାଞ୍ଜା ନାଗେନ୍ତେ କଟା ବାଗିତାପେ ।”

୬ ଏନାରେ ଇନ୍‌କୁ ଅଡଙ୍ଗୟାନୁଡେ ସବେନ୍‌ସାଃ ସୁକୁକାଜି ଉଦୁବ୍‌ତାନୁଲଃ ଆଡଃ ହଡ଼କକେ ବୁଗିକ ତାନୁଲଃ ହାଡୁ ହାଡୁକ ହନର୍‌ବାଡ଼ାକେଦା ।

ହେରୋଦ୍‌ଆଃ ଆକ୍‌ଚାକାଅ
(ମାଥୁଉ ୧୪:୧-୧୨; ମାର୍କ ୬:୧୪-୨୯)

୭ ଆଡଃ ଗାଲିଲ୍‌ରେନ୍ ରାଜା ହେରୋଦ୍ ଯୀଶୁଆଃ କାମିକାଦ୍ ସବେନାଃ ଆୟୁମ୍‌କେଦ୍‌ଡେ ଆକ୍‌ଚାକାଅୟାନାଏ, ଚିୟାଠି ବାପ୍ତିସ୍ତା ଏମଃନିଃ ଯୋହାନ୍ ଗଜାକାନୁଏଡେ ଜୀଉବିରିଦାକାନାଏ ମେନ୍ତେ ଚିମିନ୍ ହଡ଼କ ମେନ୍‌କେଦାଃକ ।

୮ ଆଡଃ ଚିମିନ୍ ହଡ଼କ ଏଲିୟ ଉଦୁବାକାନାଏ, ଆଡଃ ଏଟାଃକ ସିଦାରେନ୍ ନାବୀକଏଡେ ମିଆଁଦ୍‌ନିଃ ଜୀଉବିରିଦାକାନାଏ ମେନ୍‌କେଦାଃକ ।

୯ ମେନ୍‌ଦ ହେରୋଦ୍ କାଜିକେଦାଏ, ବାନଃଗି ଯୋହାନ୍‌ଆଃ ବହଃ ଆଇଙ୍ଗ୍ ମାଆଃ ରିକାକାଦା ମେନ୍‌ଦ ଆଇଙ୍ଗ୍ ଇନିୟାଃ ନାଗେନ୍ତେ ନେ ଲେକା କାଜିଇଙ୍ଗ୍ ଆୟୁମ୍‌ତାନା ନେ ହଡ଼ ଅକଏ ତାନିଃ ମେନ୍‌କେଦାଏ, ଆଡଃ ଇନିଃ ନେଲ୍‌ସାନାଙ୍ଗ୍ ତାଇକେନାଏ ।

☆ ୯:୫ ପ୍ରେରିଡ଼ ୧୩:୫୧. ☆ ୯:୫ ଲୁକ ୧୦:୪-୧୧. ☆ ୯:୭ ମାଥୁଉ ୧୭:୧୪; ମାର୍କ ୮:୨୮; ଲୁକ ୯:୧୯.

ୟୀଶୁ ମଣେୟାଁ ହାଜାର୍ ହଡ଼କକେ ଜମେୟାଁଃ ଏମାକତାନାଏ
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

୧୦ ଏନ୍ତେ ପ୍ରେରିତକ ହିଜୁଃରୁହାଡ଼ୟାନା, ଆତଃ ଆକ କାମିକାଦ୍ ସବେନାଃ ୟୀଶୁକେକ ଉଦୁବକିୟା । ଆତଃ ଇନ୍କୁକେ ଏସ୍କାରରେ ଇଦିକେଦକତେ ବେଥସାଇଦା ନୁତୁମ୍ ମିଆଁଦ୍ ସାହାରତେୟାଏ ସେନଃୟାନା ।

୧୧ ମେନ୍ଦ ଗାଦେଲ୍ ହଡ଼କ ନେଆଁ ସାରିକେଦତେ ଅତଙ୍ଗକିୟାକ, ଇନିଃ ଇନ୍କୁକେ ଦାରମ୍କେଦକଆଏ ଆତଃ ପାରମେଶ୍ଵାରଆଃ ରାଇଜ୍ରେୟାଃ କାଜି ଉଦୁବାଦକଆଏ ଆତଃ ବୁଗିୟଃଲଗାତିଙ୍ଗତାନ୍ ତାଇକେନ୍କକେ ବୁଗିକେଦକଆଏ ।

୧୨ ଆତଃ ସିଙ୍ଗି ହାସୁରଃତାନରେ ଗେଲ୍ବାର୍ ତେଲାଇ ହିଜୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହଡ଼କକେ କୁଲ୍‌ରୁହାଡ଼କମ୍, ଜେ'ଲେକାଚି ଇନ୍କୁ ଚାରିୟସାଃରେୟାଃ ହାତୁ ଟଲା ସେନ୍କେଦତେ ଜମେୟାଁଃ ଆତଃ ତାଇନଃ ଠାୟାଦକ ନାମ୍ ଦାଡ଼ିୟା । ଚିୟାଃଚି ଆବୁଦ ସିଃସଏଃ ଠାୟାଦରେବୁଆ ।”

୧୩ ମେନ୍ଦ ୟୀଶୁ ଇନ୍କୁକେ ମେତାଦକଆଏ, “ଆପେଗି ଇନ୍କୁକେ ଜମେୟାଁଃ ଏମାକପେ ।”

ଆତଃ ଇନ୍କୁ କାଜିରୁହାଡ଼କିୟାକ, “ଆଲେ ସେନ୍କେଦତେ ନେ ସବେନ୍ ହଡ଼କ ନାଗେନ୍ତେ ଜମେୟାଁଃ କାଲେ କିରିଙ୍ଗ୍‌ୟେରେଦ, ଆଲେତାଃରେ ମଣେୟାଁ ହଲଙ୍ଗ୍ ଆତଃ ବାରିଆ ହାକୁ ଏସ୍କାର୍ ମେନାକଆ ।”

୧୪ ଇନ୍କୁ ପାଞ୍ଚ ହାଜାର୍ ଲେକା କଡ଼ାକ ତାଇକେନା ।

ମେନ୍ଦ ୟୀଶୁ ଆୟାଃ ତେଲାଇକେ ମେତାଦକଆଏ, “ପାଚାଗ୍ ପାଚାଗ୍ ଝାନ୍‌ଲେକା ପାନ୍ତି ପାନ୍ତି ଦୁବକପେ ।”

୧୫ ଏନ୍ତେ ଇନ୍କୁ ଏନ୍‌ଲେକାଗି ସବେନ୍‌କକେ ଦୁବକେଦକଆକ ।

୧୬ ଇନିଃ ଏନ୍ ମଣେୟାଁ ହଲଙ୍ଗ୍ ଆତଃ ବାରିଆ ହାକୁ ସାବକେଦତେ ସିର୍ମାସାଃ ସାଙ୍ଗିଲ୍‌ରାକାଦ୍‌ତାନଲଃ ଆଗିଷ୍ଟକେଦତେ କେତାଃକେଦାଏ, ଆତଃ ଗାଦେଲ୍ ହଡ଼କତାଃରେ ହାଟିଙ୍ଗ୍ ନାଗେନ୍ତେ ତେଲାଇକେ ଏମାଦକଆଏ ।

୧୭ ସବେନ୍‌କ ଜମ୍‌କେଦତେ ବି'ୟାନାକ ଆତଃ ସାରେୟାକାନ୍ କେତାଃ ବାରା ବୁଞ୍ଜିକ ହାଲାଙ୍ଗ୍‌କେଦାଃ ।

ପାଡ଼ରାସ୍‌ଆଃ ବିଶ୍ଵାସ

(ମାଥୁଉ ୧୬:୧୩-୧୯; ମାର୍କ ୮:୨୭-୨୯)

୧୮ ମିସା ୟୀଶୁ ଏସ୍କାରରେ ବିକ୍ରିତାନ୍ ତାଇକେନ୍ ଇମ୍‌ତା ତେଲାଇ ଇନିଃଲଃକ ତାଇକେନା ଆତଃ ଇନିଃ ତେଲାଇକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୧୯ ✨ଏନ୍ତେଦ ଇନ୍କୁ କାଜିକିୟାଃକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ସିଦାରେନ୍ ନାବାକଏତେ ମିହୁଡ଼ ଜୀଉ ବିରିଦାକାନାଏ ମେନ୍ତେକ କାଜିତାନା ।”

୨୦ ✨ୟୀଶୁ ଇନ୍କୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

ପାଡ଼ରାସ୍ କାଜିରୁହାଡ଼କିୟାଏ, “ଆମ୍ ପାରମେଶ୍ଵାରଆଃ ଶ୍ରୀଷ୍ଟ୍ ତାନମେ ।”

ଆୟାଃ ମନେ ବାଗିରେଆଃ ଆତଃ ଆୟାଃ କୁଗ୍ ଗଅଃରେୟାଃ ଇନିତୁ

(ମାଥୁଉ ୧୬:୨୦-୨୮; ମାର୍କ ୮:୩୦-୯:୧)

୨୧ ଏନ୍ତେ ୟୀଶୁ ନେ କାଜି ଜେତାଏକେ ଆଲ୍‌ପେ ଉଦୁବାକଆ ମେନ୍ତେ ହୁକୁମ୍‌କେଦକଆ ।

୨୨ ଆତଃ ଇନିଃ ଇନ୍କୁକେ ମେତାଦକଆଏ, “ଆଇଙ୍ଗ୍ ମାନଝାହନ୍ ତାନାଇଙ୍ଗ୍, ଆଇଙ୍ଗ୍‌କେ ପୁରାଃ ଦୁକୁ ସାହାଡ଼ିଙ୍ଗ୍ ଲାଗାତିୟାଃ, ଆତଃ ପ୍ରାଚିନ୍‌କ, ମୁଲ୍ ଯାଜାକକ ଆତଃ ଆଇନ୍ ଇତୁକ ଆଇଙ୍ଗ୍‌କେ ହିଲାଙ୍ଗ୍‌ୟା ଆତଃ ଗଜିୟାଁ, ଆତଃ ଆଇଙ୍ଗ୍ ଆପି ମାହାଁ ତାୟମ୍‌ତେ ଜୀଉ ବିରିଦାଇଙ୍ଗ୍ ।”

୨୩ ✨ୟୀଶୁ ସବେନ୍‌କକେ କାଜିକେଦକଆଏ, ଜେତାଏ ହଡ଼ ଆଇଙ୍ଗ୍‌କେ ଅତଙ୍ଗ୍ ସାନାଙ୍ଗ୍‌ରେଦ ଇନିଃ ଆୟାଃ ମନେ ବାଗିତାକାଏ ଆତଃ ସବେନ୍ ହୁଲାଙ୍ଗ୍ ଆୟାଃ କୁଗ୍ ଗଅଃକେଦତେ ଅତଙ୍ଗ୍‌ଇଙ୍ଗ୍‌କାଏ ।

୨୪ ✨ଜେତାଏ ଆୟାଃ ଜୀଉ ବାଞ୍ଚାଅ ସାନାଙ୍ଗ୍‌ରେଦ, ଏନାଏ ଆଦେୟା, ମେନ୍ଦ ଆୟାଃ ଜୀଉ ଆଇଁୟାଃ ନାଗେନ୍ତେ ଆଦେନିଃ ଏନାଏ ବାଞ୍ଚାଅୟାଃ ।

୨୫ ଜେତାଏ ହଡ଼ ଗଟା ଅତେଦିଶୁମ୍ ନାମ୍‌କେଦରେୟ ଆୟାଃ ଜୀଉକେ ଜିୟନେରେଦ ଇନିୟାଃ ଚିକାନ୍ ଫାଏଦା ହବାଅଆଃ ?

୨୬ ଜେତାଏ ଆଇଙ୍ଗ୍‌କେ ଆତଃ ଆଇଁୟାଃ କାଜିକେ ଗିହୁଃରେଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଡ଼କଲଃ ଆପୁଇଁୟାଃ ମାନାରାଙ୍ଗ୍‌ରେ ହିଜୁଃରୁହାଡ଼ ଦିପିଲିରେ ଆଇଙ୍ଗ୍‌ହଗି ଏନ୍ ବିଷାଏରେ ଗିହୁଃଗଅଆଇଙ୍ଗ୍ । ସିର୍ମାରେନ୍ ଦାସିକଆଃ ମାନାରାଙ୍ଗ୍‌ରେ ହିଜୁଃ ଇମ୍‌ତା ଇନିଃହଗି ଇନିୟାଃ ବିଷାଏରେ ଗିହୁଃଗଅଆଏ ।

✨ ୯:୧୯ ମାଥୁଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ✨ ୯:୨୦ ଯୋହାନ୍ ୬:୬୮,୬୯. ✨ ୯:୨୩ ମାଥୁଉ ୧୦:୩୮; ଲୁକ ୧୪:୨୭. ✨ ୯:୨୪ ମାଥୁଉ ୧୦:୩୯; ଲୁକ ୧୬:୩୩; ଯୋହାନ୍ ୧୨:୨୫.

୨୭ ଆଇଙ୍ଗ ସାର୍ତ୍ତିଗିଙ୍ଗ କାଜିୟାପେତାନା, “ନେତାଃରେ ତିଙ୍ଗୁଆକାନ୍‌କଏତେ ଚିମିନ୍‌କ ପାର୍‌ମେଶ୍ୱାର୍‌ଆଃ ରାଇଜ୍ ଆଉରିକ ନେଲେଜାକେଦ୍ ଗନଏଃ କାକ ଚାଖାଏୟାଃ ।”

ୟାଶୁଆଃ ରୁପ୍‌ବାଦଲିୟଃ
(ମାଥୂଉ ୧୭:୧-୮; ମାର୍କ ୯:୨-୮)

୨୮ ଆତଃ ନେ କାଜିରେୟାଃ ଇରାଲିୟା ମାହାଁ ତାୟମତେ ଯାଶୁ ପାଡ଼ରାସ୍, ଯୋହାନ୍ ଆତଃ ଯାକୁବ୍ ତେକକେ ଆୟାଃଲଃ ଇଦିକେଦ୍‌ତେ ବିକ୍ରିନାଙ୍ଗ୍ ବୁରୁତେ ରାକାବ୍‌ୟାନାଏ ।

୨୯ ଇନିଃ ବିକ୍ରିତାନ୍ ଇମତା ଇନିୟାଃ ମେଦ୍‌ମୁହାଁଡ଼୍ ବାଦାଲାଅୟାନା ଆତଃ ଇନିୟାଃ ଲିଜାଃ ପୁରାଃଗି ମାସ୍ତାଲ୍‌ଲେକା ପୁଣ୍ଡିୟାନା ।

୩୦ ଆତଃ ଇମତାଗି ବାର୍‌ହଡ଼କିନ୍ ତାଇକେନା, ଇନ୍‌କିନ୍ ହବାଅଃତାନାକିନ୍ ମୁଶା ଆତଃ ଏଲିୟ,

୩୧ ଇନ୍‌କିନ୍ ସିମାରେନ୍ ମାନାରାଙ୍ଗ୍‌ରେକିନ୍ ଉଦୁବେନ୍‌ୟାନା, ଆତଃ ଯାଶୁଲଃ ଯାରୁଶାଲେମ୍‌ରେ ଆୟାଃ ଗନଏଃରେୟାଃ କାଜି ବାଖାଁଶୋତାନ୍‌କିନ୍ ତାଇକେନା ।

୩୨ ପାଡ଼ରାସ୍ ଆତଃ ଇନିୟାଃ ଗାତିକିନ୍ ଦୁଡ଼ମୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍‌ଦ ଇନ୍‌କିନ୍ ପୁରା ଆଦାୟାନ୍ତେ, ଇନିୟାଃ ମାନାରାଙ୍ଗ୍ ଆତଃ ଇନିଃଲଃ ତିଙ୍ଗୁଆକାନ୍ ବାର୍‌ହଡ଼କିନ୍‌କେ ନେଲ୍‌କେଦ୍‌କିନାକ ।

୩୩ ଇନ୍‌କିନ୍ ଯାଶୁତାଃଏତେ ସେନଃତାନ୍‌ରେ ପାଡ଼ରାସ୍, “ହେ ପ୍ରାଭୁ ଆରୁଆଃ ନେତାଃ ତାଇନଃତେୟାଃ ବୁଗିନାଃ, ଆଲେ ଆପିୟା କୁମ୍‌ଲେ ବାଇୟାଃ, ଆମାଃ ନାଗେନ୍ତେ ମିଆଁଦ୍, ମୁଶା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍” ମେନ୍ତେ ଯାଶୁକେକ କାଜିକିୟାଃ । ଇନିଃ ଦ ଆୟାଃ କାଜିତାନ୍‌ତେୟାଃ କାଏ ସାରିତାନ୍ ତାଇକେନା ।

୩୪ ଇନିଃ ନେୟାଁ କାଜିତାନ୍ ଇମତାଗି ରିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମ୍‌ଲ୍‌କେଦ୍‌କଆ, ଆତଃ ଏନ୍ ରିମିଲ୍‌ରେ ବଲତାନ୍ ଇମତା ଇନ୍‌କୁ ବରକେଦାଃକ ।

୩୫ ✠“ନିଃ ଆଇଁୟାଃ ସାଲାକାନ୍ ଦୁଲାଡ଼୍ ହନ୍ ତାନିଃ, ଇନିୟାଃ କାଜି ଆୟୁମେପେ” ମେନ୍ତେ ମିଆଁଦ୍ କାଜି ରିମିଲ୍‌ଏତେ ଆୟୁମ୍‌ୟାନା ।

୩୬ ନେ କାଜି କାଜିୟାନ୍‌ରେ, ଇନ୍‌କୁ ଯାଶୁକେ ଏସ୍‌କାର୍‌ଗି ନାମ୍‌କିୟାଃକ । ଆତଃ ଚେଲାକ ହାପାୟାନାକ, ନେଲ୍‌କାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବ୍‌କେଦ୍‌କଆ ।

ୟାଶୁ ବଙ୍ଗା ଏସେରାକାଇ ହନ୍‌କେ ବୁଗି ତାନାଏ
(ମାଥୂଉ ୧୭:୧୪-୧୮; ମାର୍କ ୯:୧୪-୨୭)

୩୭ ଏଗାଃ ହୁଲାଙ୍ଗ୍ ଯାଶୁ ଆତଃ ଆୟାଃ ଆପିୟା ଚେଲାକ ବୁରୁଏତେ ଆଡ଼୍‌ଗୁୟାନ୍ ଇମତା ପୁରାଃ ଗାଦେଲ୍ ହଡ଼କ ଯାଶୁକେ ସେନ୍‌ଦାରମ୍‌କିୟାକ ।

୩୮ ଆତଃ ନେଲେପେ, ଗାଦେଲ୍ ହଡ଼କଏତେ ମିହୁଡ଼୍ କାଉରିକେଦାଏ, “ହେ ଗୁରୁ ଆଇଙ୍ଗ୍ ବିକ୍ରିମେତାନାଇଙ୍ଗ୍, ହିନ୍‌କଡ଼ାକେ ହେତାଇମେ, ଇନିଃଦ ଆଇଁୟାଃ ମିଆଁଦ୍‌ଗି ହନ୍‌କଡ଼ା ତାନିଃ” ମେନ୍‌କିୟାଏ ।

୩୯ ଆତଃ ନେଲିମେ, ମିଆଁଦ୍ ବଙ୍ଗା ଇନିଃକେ ସାବ୍‌କିଃରେ ଇନିଃ ଆବ୍‌କାଗି କାଉରିୟାଏ; ଆତଃ ମତାଏତେ ପୁଡ଼ିଦ୍‌କ ଅତଙ୍ଗ୍‌ଅଃଆ, ବଙ୍ଗା ଇନିଃତାଃଏତେ ଚିମିନ୍ ତାର୍‌ସାର୍‌ତେ ଅତଙ୍ଗ୍‌ଅଃଆଏ । ଆତଃ ଇନିଃଦ ଇନିଃକେ ଜିୟନିତାନାଏ ।

୪୦ ଆଇଙ୍ଗ୍ ଚେଲାକକେ ବିକ୍ରିକେଦ୍‌କଆଇଙ୍ଗ୍, “ମାର୍ ବଙ୍ଗାକେ ଅତଙ୍ଗ୍‌ଇଁପେ, ମେନ୍‌ଦ ଇନ୍‌କୁ କାକ ଦାଡ଼ିକେଦାଃ ।”

୪୧ ଆତଃ ଯାଶୁ ମେନ୍‌କେଦାଏ, “ଏ କା ବିଶ୍ୱାସ୍ ଆତଃ କେଟେଦ୍ ମନ୍‌ରେନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ଆତଃ ସାହାତିଙ୍ଗ୍‌ପେୟା ?” ଆତଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍‌କେ ଆଇଙ୍ଗ୍‌ତାଃତେ ଆଉଞ୍ଜିମେଁ ।”

୪୨ ଆତଃ କଡ଼ାହନ୍ ହିଜୁଃତାନ୍ ଇମତା ବଙ୍ଗା ଇନିଃକେ ଆଖାକିୟାଏ, ମେନ୍‌ଦ ଯାଶୁ ଏନ୍ ସଡ଼ରା ଆମ୍‌ାକେ ମାରାଙ୍ଗ୍‌ମତାକେଦ୍‌ତେ ଇନିଃକେ ବୁଗିକିୟାଏ ଆତଃ ଆପୁତେକେ ଏମ୍‌ରୁହାଡ଼ାଇୟାଏ ।

ୟାଶୁ ଆତଃମିସା ଆୟାଃ ଗନଏଃ କାଜି କାଜିକେଦାଏ
(ମାଥୂଉ ୧୭:୨୨-୨୩; ମାର୍କ ୯:୩୦-୩୨)

୪୩ ଏନ୍ତେଦ ସବେନ୍‌କ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତେ ଆକ୍‌ଦାନ୍‌ୟାନାକ । ଆତଃ ଯାଶୁ କାମିକେଦ୍ ସବେନ୍ କାମିତେୟ ହଡ଼କ ଆକ୍‌ଦାନ୍‌ୟାନା ତାଇକେନ୍‌ରେ, ଇନିଃ ଆୟାଃ ଚେଲାକକେ ମେତାଦ୍‌କଆଏ,

୪୪ “ନେ ସବେନ୍ କାଜି ଆପେୟାଃ ଲୁଡୁର୍‌ରେ ଦହଏପେ, ଆଇଙ୍ଗ୍ ମାନଖାହନ୍ ତାନିଙ୍ଗ୍, ଆଇଙ୍ଗ୍ ହଡ଼କଆଃ ତିଃଇରେ ଏମ୍‌ଏଶ୍ୱାଗଃଆଇଙ୍ଗ୍ ।”

✠ ୯:୩୫ ମାଥୂଉ ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨. ✠ ୯:୩୫ ୨ ପାଡ଼ରାସ୍ ୧:୧୭,୧୮.

୪୫ ମେନ୍ଦ ଚେଲାକ ନେ କାଜି କାକ ଆଟକାର ଉରୁମ୍ ଦାଡ଼ିକେଦା ଆତଃ ଇନ୍କୁ ଏନା ଆଲକାକ ଆଟକାରେକା ମେନ୍ତେ ଚେଲାକନାଙ୍ଗ ଉକୁଆକାନ୍ ତାଇକେନା ଆତଃ ଇନ୍କୁ ନେ କାଜି ଇନିଃକେ କୁଲି ନାଗେନ୍ତେ ବରତାନ୍କ ତାଇକେନା ।

ଅକଏ ମାରାଙ୍ଗ

(ମାଥୁଉ ୧୮:୧-୫; ମାର୍କ ୯:୩୩-୩୭)

୪୬ *ଆତଃ ଆରୁକଏତେ ଅକଏ ମାରାଙ୍ଗ ମେନ୍ତେ ଚେଲାକ ଆକ ଆକରେକ ଉଡ଼ୁତାନ୍ ତାଇକେନା ।

୪୭ ମେନ୍ଦ ଯୀଶୁ ଇନ୍କୁଆଃ ମନ୍ରେୟାଃ ଉଡ଼ୁ ସାରିକେଦତେ, ମିଆଁଦ୍ ହୁଡ଼ିଙ୍ଗ୍ ହନ୍କେ ଆଉକିୟାଏ ଆତଃ ଆୟାଃ ହେପାଦରେ ଡିଙ୍ଗୁକିୟାଏ ।

୪୮ ☆ଏନ୍ତେ ଇନିଃ ମେତାଦକଆଏ, “ଜେତାଏ ନେ ହୁଡ଼ିଙ୍ଗ୍ ହନ୍କେ ଆଇଁୟାଃ ନୁଡୁମତେ ଦାରମିରେଦ ଆଇଙ୍ଗକେ ଦାରମିଆଁ; ଆତଃ ଜେତାଏ ଆଇଙ୍ଗକେ ଦାରମିରେଦ ଆଇଙ୍ଗକେ କୁନୁଲ୍‌ନିଃକେହ୍ ଦାରମିଆଏ । ଚିୟାଃଚି ଆପେ ସବେନ୍‌କଏତେ ଅକଏ ହୁଡ଼ିଙ୍ଗ୍‌ଉତାରଃଆଏ ଇନିଃଗି ମାରାଙ୍ଗ ।”

ଆରୁଆଃ ବିରୁଧ୍‌ରେ ବାଙ୍ଗାଇନିଃଦ ଆରୁସାଃରିୟା

(ମାର୍କ ୯:୩୮-୪୦)

୪୯ ଆତଃ ଯୋହାନ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁଡୁମତେ ବଙ୍ଗାକକେ ଅଡ଼ଙ୍ଗକତାନ୍‌ଲେ ନେଲ୍‌କିୟା ଆତଃ ଆଲେ ଇନିଃକେ ମାନାକିୟାଃଲେ, ଚିୟାଃଚି ଇନିଃ ଆରୁଏତେ ମିହୁଡ଼୍‌କାଏ ତାଇକେନା ।”

୫୦ ମେନ୍ଦ ଯୀଶୁ କାଜିକିୟାଏ, “ଆଲ୍‌ପେ ମାନାକିୟା, ଆରୁଆଃ ବିରୁଧ୍‌ରେ ବାଙ୍ଗାଇନିଃଦ ଆରୁସାଃରିୟା ।”

ଶିମିରୋନିରେନ୍‌କ ଯୀଶୁକେ କାକ ଦାରମ୍‌କିୟାଃ

୫୧ ଯୀଶୁଆଃ ସିର୍ମା ରାକାବ୍‌ରେୟାଃ ଦିପିଲି ନାଡ଼େଃୟାଃତାନ୍‌ରେ ଇନିଃ ଯୀରୁଶାଲେମ୍‌ତେ ସେନଃ ନାଗେନ୍ତେ ଏସ୍‌କାର୍‌ଗି ମନ୍‌ତାୟାଃ କେଟେଦକେଦାଏ ।

୫୨ ଆତଃ ଇନିଃ ହଡ଼କକେ କୁଲ୍ ଆୟାବ୍‌କେଦକଆଏ, ଇନ୍କୁ ସେନଃୟାନ୍ତେ ଇନିଃନାଙ୍ଗ୍ ବାଇସାଡ଼ି* ନାଗେନ୍ତେ ଶିମିରୋନିରେନ୍‌କଆଃ ମିଆଁଦ୍ ହାଡୁରେକ ବଲୟାନା ।

୫୩ ମେନ୍ଦ ଏନ୍ତାଃରେନ୍ ହଡ଼କ ଇନିଃକେ କାକ ଦାରମ୍‌କିୟା ଚିୟାଃଚି ଇନିଃ ଯୀରୁଶାଲେମ୍‌ସାଃତେ ସେନଃତାନା ମେନ୍ତେ ସାରିୟାଃ ତାଇକେନାଏ ।

୫୪ ନେଆଁ ନେଲ୍‌କେଦତେ ଇନିଃୟାଃ ଚେଲା ଯାକୁବ୍ ଆତଃ ଯୋହାନ୍ ବାରାନ୍‌କିନ୍ କାଜିକିୟାଃ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଏଲିୟାକେ ଆରୁକେଦ୍‌ଲେକା† ସିର୍ମାଏତେ ସେଙ୍ଗେଲ୍ ଉୟୁଗଃକା ଆତଃ ଇନ୍କୁ ଜିୟନଃକାକ ।”

୫୫ ମେନ୍ଦ ଯୀଶୁ ଇନ୍‌କିନ୍‌କେ ହେଡାରୁହାଡ଼କେଦତେ ଏଗେରକେଦକିନାଏ, ଆବେନ୍ ଚିଲ୍‌କାନ୍ ଆମ୍‌ରେନ୍ ତାନ୍‌ବେନ୍, ନେଆଁ କାବେନ୍ ସାରିତାନା । ହଡ଼କଆଃ ଜୀଉ ଜିୟନ୍ ନାଗେନ୍ତେଦ କାହା ମେନ୍ଦ ଜୀଉ ବାଞ୍ଛା ନାଗେନ୍ତେ ମାନଞ୍ଜାହନ୍ ହିଜୁଃକାନାଏ ।‡

୫୬ ଆତଃ ଇନ୍କୁ ଏଟାଃ ହାଡୁତେକ ସେନଃୟାନା ।

ପ୍ରାଭୁଆଃ ଚେଲାବାଇୟାଃରେୟାଃ କାଜି

(ମାଥୁଉ ୮:୧୯-୨୨)

୫୭ ଇନ୍କୁ ହରାରେ ସେନ୍‌ତାନ୍ ତାଇକେନ୍ ଇମ୍‌ତା ମିଆଁଦ୍ ହଡ଼, ଯୀଶୁକେ କାଜିକିୟାଏ, “ଆମ୍ କତେମ୍ ସେନା ଏନ୍ତେଇଙ୍ଗ୍ ଅଡ଼ଙ୍ଗମେୟାଁ ।”

୫୮ ଯୀଶୁ ଇନିଃକେ କାଜିକିୟାଏ, “ଡୁୟୁକଆଃଦ ଲାତା ମେନାଃ, ଆତଃ ସିର୍ମା ଲାତାରେନ୍ ଚେଟ୍‌କିଆଃ ଥକା ମେନାଃ ମେନ୍ଦ ମାନଞ୍ଜାହନ୍‌ଆଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

୫୯ ଆତଃ ଇନିଃ ଏଟାଃନିଃକେ କାଜିକିୟାଏ, “ମାର୍ ଅଡ଼ଙ୍ଗ୍‌ଇଙ୍ଗ୍‌ମେ ।”

ମେନ୍ଦ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗ୍‌କେ ତପାଇ ନାଗେନ୍ତେ ସେନ୍‌ଇଚିଙ୍ଗ୍‌ମେ ।”

୬୦ ମେନ୍ଦ ଯୀଶୁ ଇନିଃକେ କାଜିକିୟାଏ, “ଗଏଃକାନ୍‌କ ଆକଆଃ ଗଏଃକାନ୍‌କକେ ତପାକକାକ, ମେନ୍ଦ ଆମ୍ ସେନ୍‌କେଦତେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବେମେ ।”

୬୧ ଆତଃ ମିହୁଡ଼୍ କାଜିକିୟାଏ, “ହେ ପ୍ରାଭୁ, ଆଇଙ୍ଗ୍ ଅଡ଼ଙ୍ଗ୍‌ମେୟାଁଇଙ୍ଗ୍ ମେନ୍ଦ ସିଦାତେ ଆଇଁୟାଃ ଅଡ଼ାଃରେନ୍‌କତାଃ ସେନ୍‌କେଦତେ ବିଦା ଇଦିନାଙ୍ଗ୍ କାଜି ଇଚିଙ୍ଗ୍‌ମେ ।”

୬୨ ଯୀଶୁ କାଜିକିୟାଏ, “ଆୟାଃ ଡିଃଇକେ ନାଏଁହାଲ୍‌ରେ ଦହକେଦତେ ତାୟମ୍‌ସାଃ ହେତାଏନିଃ ପାର୍‌ମେଶ୍ୱାର୍‌ଆଃ ରାଇଜ୍‌ରେ କାମିଲେକାନିଃ କାଏ ହବାଆଆଃ ।”

☆ ୯:୪୬ ଲୁକ ୨୨:୨୪. ☆ ୯:୪୮ ମାଥୁଉ ୧୦:୪୦; ଲୁକ ୧୦:୧୨; ଯୋହାନ୍ ୧୩:୨୦. * ୯:୫୨ ଆୟୋଜାନ୍ † ୯:୫୪ ଏଲିୟାକେ ଆରୁକେଦ୍‌ଲେକା, ନେଆଁ ଚିମିନ୍ ମାରିଅନଲ୍‌ରେ ବାନଆଃ ‡ ୯:୫୫ ନେ ପଦ ଚିମିନ୍ ମାରିଅନଲ୍‌ରେ ବାନଆଃ

୧୦

ୟୀଶୁ ଆପିହିସି ଗେଲ୍‌ବାର୍ ଚେଲକକେ କୁଲ୍‌କତାନାଏ

୧ ନେଆଁତାୟମ୍‌ତେ ପ୍ରାଭୁ ୭୨*ଏଗାଃ ଚେଲକକେ ସାଲକେଦ୍‌ତେ, ଆଇଃକ୍ ସେନଃ ସାନାଙ୍ଗ୍‌ତାନ୍ ସବେନ୍ ହାତୁ, ଚଲାତେ ବାବାର୍‌ହଡ୍ କୁଲ୍ ଆୟାର୍‌କେଦ୍‌କଆଏ ।

୨ ✽ଇନିଃ ଇନ୍‌କୁକେ କାଜିୟାଦ୍‌କଆଏ, “ଇରୋଃ ପୁରାଃଗିୟାଃ ମେନ୍‌ଦ କାମିନାଲକ ହୁଡିଙ୍ଗ୍‌ଆଁକ, ଏନା ନାଗେନ୍ତେ ଆପେ, ଆମ୍ ଆମାଃ ଇରୋଃତେ କାମି ନାଲକ କୁଲ୍‌କମ୍ ମେନ୍ତେ ଇରୋଃ ଗମ୍‌କେତାଃରେ ବିନ୍ତିପେ ।

୩ ✽ମାର୍ ସେନଃପେ, ଆଇଙ୍ଗ୍ ଆପେକେ ମିଣ୍ଡିହନ୍‌କ ଲେକା ହୁଣ୍ଡାର୍‌କ ଆଲାରେଇଙ୍ଗ୍ କୁଲ୍‌ପେତାନା ।

୪ ଆପେ ପାଏସାମ୍‌ନା, ଆଇଲାଃ, ଖାର୍‌ପା ଆଲ୍‌ପେ ଇଦିୟା ଆତଃ ହରାରେ ଜେତାଏକେୟ ଆଲ୍‌ପେ ଜହାର୍‌କଆ ।

୫ ଆତଃ ଜେତା ଅଡ଼ାଃରେ ଦାରମ୍‌ପେରେ ‘ନେ ଅଡ଼ାଃରେନ୍‌କଆଃରେ ସୁକୁ ହବାଅଃକା’ ମେନେପେ ।

୬ ସୁକୁ ନାମେଲେକାନ୍ ହଡ୍ ଏନ୍ତାଃରେ ତାଇନ୍‌ରେଦ୍ ଆପେୟାଃ ସୁକୁ ଇନିଃରେ ତାଇନାଃ, କା'ରେଦ୍ ଏନା ଆପେତାଃତେ ରୁହାଡ଼ାଃ ।

୭ ✽ଏନ୍ ଅଡ଼ାଃରେ ତାଇନଃପେ, ଇନ୍‌କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ୍ ଆୟାଃ ନାଲା ନାମେଗିୟାଏ । ଆତଃ ଅଡ଼ାଃ ଅଡ଼ାଃ ଆଲ୍‌ପେ ହନରାଃ ।

୮ ଜେତାଏ ହାତୁରେପେ ବଲରେଦ୍ ଆତଃ ହଡ୍‌କ ଦାରମ୍‌ପେରେଦ୍, ଇନ୍‌କୁଆଃ ଏମେତେୟାଃ ଜମେପେ ।

୯ ଏନ୍ତାଃରେନ୍ ହାସୁତାନ୍‌କକେ ବୁଗିକପେ, ଆତଃ ‘ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃ ନାଡ଼େୟାକାନା’ ମେତାକପେ ।

୧୦ ✽ମେନ୍‌ଦ୍ ଆପେ ଜେତାଏ ହାତୁରେପେ ବଲରେଦ୍ ଆତଃ ହଡ୍‌କ କାକ ଦାରମ୍‌ପେରେଦ୍, ଏନାରେୟାଃ ହରାଏତେ ଅଡ଼ଙ୍ଗ୍‌କେଦ୍‌ତେ କାଜିପେ,

୧୧ ✽ଆଲେୟାଃ କାଟା ତାଲକାରେୟାଃ ଧୁଡି ଆପେୟାଃ ହାତୁରାଃ ଆୟାର୍‌ରେଲେ କଟା ଏଣ୍ଡାଏଃତାନା, ଏନ୍‌ରେୟ ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃ ନାଡ଼େୟାକାନା ଏନା ସାରିପେ ।’

୧୨ ✽ଆଇଙ୍ଗ୍ କାଜିୟାପେ ତାନାଇଙ୍ଗ୍, ଏନ୍ ହୁଲାଙ୍ଗ୍‌ରେ ଏନ୍ ହାତୁରେୟାଃ ଦୁକୁଏତେ ସୋଦମ୍‌ରାଃ ଦୁକୁ ସାହାଡ଼ିଙ୍ଗ୍‌ୟେଁ ଲେକାଃଃ ।

କା ବିଶ୍ୱାସ୍‌ତାନ୍ ନାଗାର୍‌କକେ ଯୀଶୁଆଃ ଚେତ୍‌ନା (ମାଥୁର ୧୧:୨୦-୨୪)

୧୩ “ଏ କରାଜିନ୍, ଆମାଃ ହାୟ ହାୟ, ଏ ବେଥ୍‌ସାଇଦା, ଆମାଃ ହାୟ ହାୟ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଆ କାମିକ ସୋର୍ ଆତଃ ସିଦୋନ୍‌ରେ ହବାକାନ୍‌ରେଦ୍, ଇଦୁ ଇନ୍‌କୁ ଚିତ୍‌ଲରେ ବସ୍ତା ତୁସିଙ୍ଗ୍‌କେଦ୍‌ତେ ଆତଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍ କାତେତେୟାଃକ ।

୧୪ ମେନ୍‌ଦ୍ ବିଚାର୍ ହୁଲାଙ୍ଗ୍‌ରେ ଆବେନାଃଏତେ ସୋର୍ ଆତଃ ସିଦୋନ୍‌ରେୟାଃ ଦୁକୁ ସାହାଡ଼ିଙ୍ଗ୍‌ୟେଁ ଲେକାଃଃ ।

୧୫ ଆତଃ ଆମ୍, ଏ କପର୍‌ନାହୁମ୍, ଚିୟାଃ ଆମ୍ ସିମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ ।”

୧୬ ✽ୟୀଶୁ ଆୟାଃ ଚେଲକକେ ମେତାଦ୍‌କଆଏ, “ଆପେୟାଃ କାଜି ଆୟୁମ୍‌ନିଃ ଆଇଁୟାଃ ଆୟୁମେୟାଏ, ଆତଃ ଆପେକେ କା ସୁକୁନିଃ ଆଇଙ୍ଗ୍‌କେହ୍ କାଏ ସୁକୁଃଃଃଆଃ ମେନ୍‌ଦ୍ ଆଇଙ୍ଗ୍‌କେ କାଏ ସୁକୁନିଃ ଆଇଙ୍ଗ୍‌କେ କୁଲ୍‌ନିଃକେ ହ୍ କାଏ ସୁକୁଃଃଃୟା ।”

ବାସ୍ତୋର୍‌ଝାନ୍ ଚେଲକଆଃ ହିନ୍ତୁଃରୁହାଡ୍

୧୭ ଏନ୍ ୭୨†ଝାନ୍ ଚେଲକ ରାସ୍‌କାତାନ୍‌ଲଃଃକ ରୁହାଡ୍‌ୟାନା ଆତଃ “ହେ ପ୍ରାଭୁ, ଆମାଃ ନୁତୁମ୍‌ତେ ବଙ୍ଗାକହ୍ ଆଲେକେ ମାନାଡ଼ିଙ୍ଗ୍‌ଲେତାନାକ” ମେନ୍‌କିୟାଏ ।

୧୮ ଇନିଃ ମେତାଦ୍‌କଆଏ, “ଆଇଙ୍ଗ୍ ସାଏତାନ୍‌କେ ହିଚିର୍ ଲେକା ସିମାଏତେ ଉୟୁଗଃତାନ୍‌ତେୟାଃ ନେଲ୍‌କିୟାଇଙ୍ଗ୍ ।

୧୯ ନେଲେପେ, ଆଇଙ୍ଗ୍ ବିଙ୍ଗ୍‌କଆଃ ଆତଃ ମାର୍‌ମାର୍‌କଆଃ ଚେତାନ୍‌ରେ ସେସେନ୍‌ରେୟାଃ ଆତଃ ବାଇରିୟାଃ ଗଟା ପେଡ଼େଃରେ ଆକ୍‌ତେୟାରାଇଙ୍ଗ୍ ଏମାଦ୍‌ପେୟା । ଆପେୟାଃ ଜେଡ୍‌ନାଃ କା ହାନିୟଃଆ ।

୨୦ ଏନ୍‌ରେୟ ଏଡ୍‌କାନ୍ ଆମ୍‌କା ଆଲେକେ ମାନାଡ଼ିଙ୍ଗ୍‌ତାନାକ ମେନ୍ତେ ଆଲ୍‌ପେ ରାସ୍‌କାଃଃ, ମେନ୍‌ଦ୍ ଆପେୟାଃ ନୁତୁମ୍ ସିମାରେ ଅଲକାନା ନେୟାତେ ରାସ୍‌କାଅଃପେ” ମେନ୍ତେ କାଜିୟାଦ୍‌କଆଏ ।

ୟୀଶୁ ରାସ୍‌କାୟାନାଏ (ମାଥୁର ୧୧:୨୫-୨୭; ୧୩:୧୬-୧୭)

* ୧୦:୧ ଚିମିନ୍ ମାରି ଅନଲ୍‌ରେ ୭୦ ହଡ୍ ଅଲକାନା ✽ ୧୦:୨ ମାଥୁର ୯:୩୭,୩୮. ✽ ୧୦:୩ ମାଥୁର ୧୦:୧୭. ✽ ୧୦:୬ ୧ କରିନ୍ତୁୟ ୯:୧୪; ୧ ଡିମ୍‌ଥ ୫:୧୮. ✽ ୧୦:୧୦ ପ୍ରେରିଡ୍ ୧୩:୫୧. ✽ ୧୦:୧୧ ମାଥୁର ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫. ✽ ୧୦:୧୨ ମାଥୁର ୧୧:୨୪; ମାଥୁର ୧୦:୧୫. ✽ ୧୦:୧୬ ମାଥୁର ୧୦:୪୦; ମାର୍କ ୯:୩୭; ଲୁକ ୯:୪୮; ଯୋହାନ୍ ୧୩:୨୦. † ୧୦:୧୭ ଚିମିନ୍ ମାରି ଅନଲ୍‌ରେ ୭୦ ହଡ୍ ଅଲକାନା

୨୧ ଏନ୍ ଦିପିଲିରେ ଯୀଶୁ ପାବିତାର୍ ଆମ୍ଭରେ ପୁରାଃ ରାସ୍‌କାୟାନ୍‌ଲଃ କାଜିକେଦାଏ, “ହେ ଆବା, ସିର୍ମା ଆତଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍‌ନିକ ଆତଃ ଇତୁଆନ୍‌କତାଃଏତେମ୍ ଦାନାଙ୍‌ଆଁକାଦାଃ, ଆତଃ ବାଲେଃ ହନ୍‌କତାଃରେମ୍ ଉଦୁବାକାଦାଃ ମେନ୍ତେଇଙ୍ ଧାନ୍ୟାବାଦ୍‌ମେତାନା । ହେଗି ହେ ଆବା, ନେୟାଗିଦ ଆମାଃ ବୁଗିନ୍ ସାନାଙ୍ ।

୨୨ ☆“ଆପୁଇଙ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍‌ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତଃ ହନ୍‌କେ ବାଗିକେଦ୍‌ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍‌ଦ ଅକନ୍‌କକେ ଏନା ସାରି ନାଗେନ୍ତେ ହନ୍ ଆଇଃକଗି ସାଲାକୁଆଏ, ଇନ୍‌କୁ ଏସ୍‌କାର୍ ପାର୍‌ମେଶ୍‌ବାର୍‌ଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଇନିଃ ଆୟାଃ ଚେଲାକକେ ହେତାରୁହାଡ୍‌କେଦ୍‌ତେ ଏସ୍‌କାର୍‌ରେୟାଏ କାଜିୟାଦ୍‌କଆ, “ଆପେ ସବେନ୍ ନେ ସବେନାଃ ନେଲ୍‌ତାନ୍‌ତେୟାଃ ଚିମିନ୍ ସୁକ୍ତାନ୍‌ଗିୟାଃପେ ।

୨୪ ଆଇଙ୍‌ଦ ସାର୍‌ତିଗିଙ୍ କାଜିୟାପେତାନା, ଆପେ ନେଲ୍‌ତାନ୍‌ତେୟାଃ ପୁରାଃ ନାବୀକ ଆତଃ ରାଜାକ ନେନେଲ୍ ସାନାଙ୍‌କେଦ୍‌କଆ ମେନ୍‌ଦ କାକ ନେଲ୍‌କେଦା ଆତଃ ଆପେ ଆୟୁମ୍‌କେଦ୍‌ତେୟାଃ ଇନ୍‌କୁକେ ଆୟୁମ୍ ସାନାଙ୍‌କେଦ୍‌କଆ ମେନ୍‌ଦ କାକ ଆୟୁମ୍‌କେଦା ।”

ବୁଗିନ୍ ଶମିରୋନ୍‌ରେନ୍‌ନିଃୟାଃ ଜନ୍‌କା କାଜି
(ମାଥୂଉ ୨୨:୩୫-୪୦; ମାର୍କ ୧୨:୨୮-୩୪)

୨୫ ☆ଆତଃ ନେଲେପେ ମିଆଁଦ୍ ଆଇନ୍ ଇତୁନିଃ ବିରିଦ୍‌ୟାନ୍ତେ ଯୀଶୁକେ ବିଡାଅ ନାଗେନ୍ତେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ ଚିକାୟା ?”

୨୬ ଯୀଶୁ କାଜିକିୟାଏ, “ଆନ୍‌ତୁରେ ଚିକ୍‌ନାଃ ଅଲାକାନା ? ଆମ୍ ଚିଲ୍‌କାମ୍ ପାଡାଅ ତାନା ?”

୨୭ ଆତଃ ଇନିଃ ମେନ୍‌ରୁହାଡାଈୟାଏ, “ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଆମାଃ ସବେନ୍ ମନ୍‌ସୁରୁଦ୍‌ତେ ଆତଃ ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ପେଡେଃତେ ଆତଃ ଆମାଃ ସବେନ୍ ସେଣ୍‌ତେ ଦୁଲାଡିମେ, ଆତଃ ଆମାଃ ହପର୍ ଜାପାଃରେନ୍‌ନିଃକେ ଆମାଃ ଲେକାଗି ଦୁଲାଡିମେ ।”

୨୮ ଏନ୍ତେ ଯୀଶୁ କାଜିରୁହାଡକିୟାଏ, “ବୁଗିନାମ୍ କାଜିକାଦା, ଆମ୍ ନେକାଏରେଦମ୍ ଜୀହିଦଃଆ ।”

୨୯ ମେନ୍‌ଦ ଆଇନ୍‌ଇତୁନିଃ ଆଇଃକଗି ଧାର୍‌ମାନ୍ ଉଦୁବେନ୍ ସାନାଙ୍‌କିଃତେ ଯୀଶୁକେ କୁଲିକିୟାଏ “ଆଇଁୟାଃ ହପର୍‌ଜାପାଃରେନ୍‌ନିଃ ଅକଏ ତାନିଃ ?”

୩୦ ଯୀଶୁ କାଜିରୁହାଡକିୟାଏ, “ମିଆଁଦ୍ ହଡ୍ ଯୀରୁଶାଲେମ୍‌ଏତେ ଯିରିହୋତେ ସେନଃତାନାଏ ତାଇକେନା ଆତଃ କୁମ୍‌ଡୁକୁଆଃ ତିଃଇରେ ଉୟୁଃୟାନାଏ, ଇନ୍‌କୁ ଇନିୟାଃ ଲିଜାଃ ରେକ୍‌କିୟାଃକ ଆତଃ ଦାଲ୍‌କିଃତେ ଗଏଃଲେକାକ ବାଗିଡୁକାଈଜାଃ ।

୩୧ ତାୟମ୍‌ତେ ମିଆଁଦ୍ ଯାଜାକ୍ ଏନ୍ ହରାତେଗି ସେନ୍‌ତାନାଏ ତାଇକେନା ଆତଃ ଇନିଃକେ ନେଲ୍‌କିଃତେ ଏଟାଃ ହରାରେ ପାର୍‌ମ୍‌ୟାନାଏ ।

୩୨ ନେ ଲେକାଗି ମିଆଁଦ୍ ଲେବୀହ, ଏନ୍ ଠାୟାଦ୍‌ରେ ସେଟେର୍‌ୟାନ୍‌ଚି ଇନିଃକେ ନେଲ୍‌କିଃତେ ପାର୍‌ମ୍‌ୟାନାଏ ।

୩୩ ମେନ୍‌ଦ ମିଆଁଦ୍ ଶମିରୋନିରେନ୍ ହଡ୍ ସେନ୍‌ତାନ୍‌ଲଃ ଇନିଃ ତାଇକେନ୍ ଠାୟାଦ୍‌ରେ ସେଟେର୍‌ୟାନାଏ ଆତଃ ଇନିଃକେ ନେଲ୍‌କିଃତେ ବିଲ୍‌କାଅୟାନାଏ ।

୩୪ ସେନ୍ ନାଡେଃକେଦ୍‌ତେ ଇନିୟାଃ ଘାଅକରେ ସୁନ୍‌ମ୍ ଆତଃ ଦାଖ୍‌ରାସି ଦୁଲ୍‌କେଦାଏ, ଏନାକେ ତଲ୍‌କେଦାଏ ଆତଃ ଇନିଃକେ ଆୟାଃ ଗାଧାଚେତାନ୍‌ରେ ଲାଦିକିଃତେ ତେରା ଅଡାଃତେ ଇଦିକିୟାଏ ଆତଃ ଇନିଃକେ ଯାତାନ୍‌କିୟାଏ ।

୩୫ ଏଟାଃ ହୁଲାଙ୍ ଇନିଃ ବାର୍‌ସିଙ୍‌ରାଃ ନାଲା ସିକା ଅଡଙ୍‌କେଦ୍‌ତେ ତେରା ଗମ୍‌କେ କେ ଏମ୍‌କିୟାଏ ଆତଃ ନିଃକେ ଯାତାନିଃମେଁ ଆତଃ ନିମ୍‌ନାଙ୍‌ଏତେ ଆଦ୍‌କାମ୍ ଖାର୍‌ଗାଏରେଦ ଆଇଙ୍ ରୁହାଡ୍ ଇମ୍‌ତା ପେରେଜାମେଁୟାଈଙ୍ ମେନ୍‌କିୟାଏ ।

୩୬ “ନେ ଆପିୟା ହଡ୍‌କଏତେ ଅକଏ କୁମ୍‌ଡୁକୁଆଃ ତିଃଇରେ ଉୟୁଗାକାନ୍ ହଡ୍‌ରାଃ ହପର୍‌ଜାପାଃରେନ୍‌ନିଃ ତାନିଃ ମେନ୍ତେପେ ଉଡ୍‌ଡୁତାନା ?”

୩୭ ଏନ୍ ଆଇନ୍ ଇତୁନିଃ ଇନିଃକେ କାଜିରୁହାଡକିୟାଏ “ଅକଏ ଲିବୁଈକେନ୍‌ନିଃ ।” ଏନ୍ତେ ଯୀଶୁ ଆଇନ୍ ଇତୁନିଃକେ କାଜିକିୟାଏ, “ଜୁ ଆମ୍‌ହ ନେ ଲେକାଗି ରିକାଏମେଁ ।”

ୟୀଶୁ ମାର୍ଥା ଆତଃ ସାରିୟାମ୍‌ଆଃ ଅଡାଃତେ ସେନ୍‌କେନାଏ

୩୮ ☆ୟୀଶୁ ଆୟାଃ ଚେଲାକଲଃ ସେନଃତାନ୍ ଇମ୍‌ତା ମିଆଁଦ୍ ହାତୁତେ ବଲୟାନାଏ, ଆତଃ ମାର୍ଥା ନୁତୁମ୍ ମିଆଁଦ୍ କୁଡି ଆୟାଃ ଅଡାଃରେ ଇନିଃକେ କୁପୁଲ୍‌କିୟାଏ ।

☆ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫. ☆ ୧୦:୨୫ ମାଥୂଉ ୨୨:୩୫-୪୦; ମାର୍କ ୧୨:୨୮-୩୪. ☆ ୧୦:୩୮ ଯୋହାନ୍ ୧୧:୧.

୩୯ ଆତ୍ମା ମାରିଯାଏ ନୁହେଁ କିନ୍ତୁ କାମିଆଣ ମିଆଁଦ ମିଶି ତାଲକେନାଏ, କିନ୍ତୁ ପ୍ରାଭୁ ଯୀଶୁଆଃ କାଟା ସୁବାରେ ଦୁର୍ଯ୍ୟାନ୍ତେ କାମିଆଣ କାଜି ଆୟୁମତାନାଏ ତାଲକେନା ।

୪୦ ମେନ୍ଦ ମାଆଁ ପୁରାଃ ସୁସାରରେ ବିତ୍ତଲୀଅକାନାଏ ତାଲକେନା ଆତ୍ମା କିନ୍ତୁ ହେପାଦତେ ହିଜୁକେଦତେ କାଜିକିୟା, “ହେ ପ୍ରାଭୁ, ମିଶିଜ୍ତାଲୟାଃ ଆଇଜ୍ତକେ ଏସକାର ସୁସାର ଇତିଜ୍ତାନାଏ, ତିୟାଃ ଏନା ଆମ୍ବକାମ୍ ଉତ୍ତୁତାନା ? ମାର୍ ମିଶିମ୍ବକେ ଦେଜାଲମେ” ମେନ୍ତେ କିନ୍ତୁକେ ଆରୁଇମେ ।

୪୧ ମେନ୍ଦ ପ୍ରାଭୁ ଯୀଶୁ କାଜିରୁହାଡ଼କିୟାଏ, ଏ ମାଆଁ, ଏ ମାଆଁ, ଆମ୍ ପୁରାଃ କାଜି ନାଗେନ୍ତେ ଉତ୍ତୁତାନା ଆତ୍ମା ବିତ୍ତଲୀଅକାନା ମେନ୍ଦ ମିଆଁଦ କାଜି ଲାଗାତିଜ୍ତାୟାଃ ।

୪୨ ମାରିଯାମ୍ଦ ଏନ୍ ବୁଗିନ୍ ହାନାତିଜ୍ତକେ ସାଲାକାଦାଏ, ଏନା କିନ୍ତୁତାଃଏତେ କା ରେଜଥା ।

୧୧

ବିକ୍ରିରେ ଯୀଶୁଆଃ କିନ୍ତୁ (ମାଥୁ ୨୩:୯-୧୩; ୨୬-୧୧)

୧ ଯୀଶୁ ମିଆଁଦ ଠାୟାଦରେ ବିକ୍ରିତାନାଏ ତାଲକେନା, ଆତ୍ମା ଟୁଣ୍ଡୁକେଦ୍ କମ୍ତା କିନ୍ତୁ ତେଲକଏତେ ମିହୁଡ଼ କାଜିକିୟାଏ, “ହେ ପ୍ରାଭୁ, ବାପ୍ତିସ୍ତା ଏମାଃନିଃ ଯୋହାନ୍ ଆୟାଃ ତେଲକକେ ବିକ୍ରି କିନ୍ତୁକେଦ୍ କଲେକା ଆମ୍ ହ ଆଲେକେ ବିକ୍ରି କିନ୍ତୁଲେମ୍ ।”

୨ ଯୀଶୁ କାଜିୟାଦ୍ କଥାଏ, “ଆପେ ବିକ୍ରି କମ୍ତା ନେ ଲେକା ବିକ୍ରିପେ,”

“ହେ ଆଲେୟାଃ ସିର୍ମାରେନ୍ ଆବା,

ଆମାଃ ନୁହୁମ୍ ପାବିତାରଃକା,

ଆମାଃ ରାଇଜ୍ ହିଜୁକା, ଆମାଃ ମନେ ତିଲ୍କା ସିର୍ମାରେ, ଏନ୍ଲେକା ଅତେଦିଶୁମ୍ରେୟ ହବାଅଃକା ।

୩ ଆଲେୟାଃ ତିସିଜ୍ତରେୟାଃ ଜମେୟାଃ ଏମାଲେମେ ।

୪ ଆଲେୟାଃ ପାପକ ଛାମାଏମେ,

ତିୟାଃତି ଜେ'ଲେକା ଆଲେୟା ଆଲେୟା ସବେନ୍ ପାପ୍ କେନ୍ କଲେ ଛାମାକଥା

ଆତ୍ମା ବିତ୍ତାଅରେ ଆଲମ୍ ଆଉଲେୟା, ମେନ୍ଦ ଏଡ଼କାନ୍ନିଃଏତେ ବାଞ୍ଛାଅଲେମ୍ ।”

୫ ଏନ୍ତେ ଯୀଶୁ ଆୟାଃ ତେଲକକେ କାଜିୟାଦ୍ କଥା, “କିନ୍ତୁ ଆପେକଏତେ ଜେତାଏୟାଃ ମିଆଁଦ ଗାତି ମେନାଲୟା, ଆତ୍ମା କିନ୍ତୁ କିନ୍ତୁତାଃତେ ଆଲାନିଦା ସେନ୍ କେଦ୍ତେ ମେତାଲୟାଏ, ଏ ଗାତି ଆପିୟା ହଲଜ୍ ଉଧାର୍ ଏମାଲଜ୍ ମେ,

୬ ଆଇୟାଃ ମିଆଁଦ ଗାତିଦ ହରାସେନ୍ ତାନ୍ଲଃ ଆଇଜ୍ତାଃତେ ହିଜୁକାନାଏ ଆତ୍ମା କିନ୍ତୁକେ ଜମ୍ ଏମା ନାଗେନ୍ତେ ଆଇଜ୍ତାଃତେ ଜେଡ଼ନାଃ ବାନଆଁଃ ।”

୭ ଆତ୍ମା କିନ୍ତୁ କାଜିରୁହାଡ଼କିୟାଏ, “ଆଲମ୍ ଦୁକୁଲୟାଃ ନାହାଁଦ ଦୁଆର୍ ହାଣ୍ଡେଦାକାନା ଆତ୍ମା ହନ୍ କତାୟାଃ ଆଇଜ୍ତାଃକ ଗିତିଜାକାନା । ଆଇଜ୍ ବିରିଦ୍ କେଦ୍ତେ ଜେଡ଼ନାଃ କାଲଜ୍ ଏମ୍ ଦାଡ଼ିୟା ।”

୮ ଆଇଜ୍ କାଜିୟାପେ ତାନାଲଜ୍, କିନ୍ତୁ ଆୟାଃ ଗାତିତାନିଃ ରେୟ ବିରିଦ୍ କେଦ୍ତେ କାଏ ଏମାଲୟା, କିନ୍ତୁରେୟ, ଆୟାଃ ଗାତି ଘାଡ଼ି ଘାଡ଼ି ଆସିତାନ୍ ହରାତେ କିନ୍ତୁ ବିରିଦ୍ କେଦ୍ତେ ଆୟାଃ ଗାତିରାଃ ଲାଗାତିଜ୍ ଲେକାଏ ଏମାଲୟା ।

୯ “ଆତ୍ମା ଆଇଜ୍ କାଜିୟାପେତାନା, ଆସିପେ ଏନାରେଦ ଆପେକେ ଏମାଆ, ଦାଣାଁଏପେ ଏନ୍ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍ରେଦ ଆପେ ନାଗେନ୍ତେ ନିଜଆଃ ।

୧୦ ତିୟାଃତି ଜେତାଏ ଆସିତାନ୍ନିଃଦ ତେଲକମାଃ, ଆତ୍ମା ଦାଣାଁଏନିଃଦ ନାମେୟାଏ, ଆତ୍ମା ଠକ୍ ଠକାଏନିଃ ନାଗେନ୍ତେ ନିଜଆଃ ।

୧୧ ଆପେକଏତେ ଅକନ୍ ଆପୁ ନେ'ଲେକା ମେନାଲୟା, ଆୟାଃ ହନ୍ ହାକୁ ଆସିରେଦ, ତିନାଃ କିନ୍ତୁକେ ବିଜ୍ ଏମାଲୟାଏ ?

୧୨ ତାଏ କିନ୍ତୁ ଜାରମ୍ ଆସିରେ ତିୟାଃ ମାର୍ମାର୍ ଏମାଲୟାଏ ?

୧୩ ଏନ୍ତେ ଆପେ ଏଡ଼କାନ୍ କ ତାଲନ୍ରେୟ, ଆପେୟାଃ ହନ୍ କେ ବୁଗିନାଃ ଏମାଆପେ ସାରିୟା, ତାବ୍ଦ ଆପେୟାଃ ସିର୍ମାରେନ୍ ଆପୁ ଅକନ୍ କି ଆଇଃକେ ଆସି ତାନାକ, କିନ୍ତୁକେ ଏନାଏତେ ଆଦ୍ କା ପାବିତାର୍ ଆମ୍ କାଏତି ଏମାକଥା !”

ଯୀଶୁ ଆତ୍ମା ବାଲ୍ଜେବୁଲ୍ (ମାଥୁ ୧୨:୨୨-୩୦; ମାର୍କ ୩:୨୦-୨୭)

୧୪ ଯୀଶୁ ମିଆଁଦ କା ବାଣାଁଶ୍ ଦାଡ଼ିତାନ୍ ବଜାକେ ଅତଜ୍ଜାତାନାଏ ତାଲକେନା । ବଜା ଅତଜ୍ଜାୟାନ୍ତି ଏନ୍ କା ବାଣାଁଶ୍ ଦାଡ଼ି ହଡ଼ ବାଣାଁଶ୍ କେଦାଏ, ଆତ୍ମା ଗାଦେଲ୍ ହଡ଼କ ଆକ୍ ଦାୟାୟାକ ।

୧୫ *ମେନ୍ଦ କିନ୍ତୁଏତେ ତିମିନ୍ କାଜିକେଦା, “ଯୀଶୁ ବଜାକଥାଃ ଗମ୍ କେ ବାଲ୍ଜେବୁଲ୍ ଆଃ ହରାତେ ବଜାକକେ

* ୧୧:୧୫ ମାଥୁ ୯:୩୪; ୧୦:୨୫.

ହାର ଅତ୍ୟନ୍ତକତାନା ।”

୧୭ ✨ଏଗାଠକ ଯୀଶୁକେ ବିଡ଼ାଅ ନାଗେନ୍ତେ, ପାର୍ମେଶ୍ଵାର ଯେ ଆୟାଃ ସାଃ ରିୟାଃ ନେୟାଁ ଉଦ୍‌ବେନାଙ୍ଗ ସିର୍ମାରେୟାଃ ମିଆଁଦ୍ ଚିହ୍ନାକ ଆସିକିୟାଃ ।

୧୮ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ଆବ୍‌କାରକେଦ୍‌ତେ ଇନ୍‌କୁକେ ମେତାଦକଆ, “ଜେତା ରାଇଜ୍ ଆଇଃକ୍‌ତେଗି ବିନ୍‌ଗାଅକେଦ୍‌ତେ ଆକ ଆକଥାଲାରେ ଲାପ୍‌ଡାଇରେଦ୍ ଏନ୍ ରାଇଜ୍ କା ତିଙ୍ଗୁନାଃ ।

୧୯ ଆତଃ ସାଏତାନ୍, ସାଏତାନ୍‌ଗି ହିଗାଡ଼କେଦ୍‌ତେ ବିନ୍‌ଗାଅରେଦ୍, ଏନ୍ ରାଇଜ୍ ଚିଲ୍‌କାତେ ତିଙ୍ଗୁନାଃ ? ଆଇଙ୍ଗ୍ ନେଆଁ କାଜିୟାପେ ତାନାଇଙ୍ଗ୍ ଚିୟାଃତି ଆପେଦ୍ ଇନିଃ ବାଲ୍‌ଜେବୁଲ୍‌ରାଃ ହରାତେ ବଙ୍ଗାକକେ ଅତ୍ୟନ୍ତକତାନାଏ ମେନ୍ତେପେ ମେନେତାନା ।

୨୦ ଆତଃ ଆଇଙ୍ଗ୍ ବାଲ୍‌ଜେବୁଲ୍‌ଆଃ ପେଡେଃତେ ବଙ୍ଗାକକଙ୍ଗ୍ ହାରଅତ୍ୟନ୍ତକ ତାନ୍‌ରେଦ୍, ଆପେୟାଃ ହଡ଼କ ଅକଏୟାଃ ହରାତେକ ହାର ଅତ୍ୟନ୍ତକତାନା ? ଏନା ନାଗେନ୍ତେ ଇନ୍‌କୁଗି ଆପେୟାଃ ବିଚାରନିଃକ ହବାଅଆଃ ।

୨୧ ମେନ୍‌ଦ୍ ଆଇଙ୍ଗ୍ ପାର୍ମେଶ୍ଵାର୍‌ଆଃ ପେଡେଃତେ ବଙ୍ଗାକକଙ୍ଗ୍ ହାରଅତ୍ୟନ୍ତକ ତାନ୍‌ରେଦ୍ ଏନାତେ ଆବ୍‌କାରତାନା ପାର୍ମେଶ୍ଵାର୍‌ଆଃ ରାଇଜ୍ ଆପେତାଃତେ ତେବାଃକାନା ।

୨୨ “ପେଡେୟାନ୍‌ହଡ଼ ସବେନ୍ ହାଁତେୟାର୍ ସାବ୍‌କେଦ୍‌ତେ ଆୟାଃ ଅଡ଼ାଃରାତାକେ ହରଏରେଦ୍ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ ।

୨୩ ମେନ୍‌ଦ୍ ଚିମ୍‌ତା ଆୟାଃଏତେ ଆଦକା ପେଡେୟାନ୍ ହଡ଼ ଇନିଃଲଃ ଲାଡ଼ାଇକେଦ୍‌ତେ ହାରାଅରେ, ଅକ ହାଁତେୟାର୍ ଚେତାନ୍‌ରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆତଃ ରେଜାକାଦ୍‌ତେୟାଃ ହାଚିଙ୍ଗ୍‌ୟେଆଏ ।

୨୪ ✨“ଜେତାଏ ଆଇଁୟାଃଲଃ ବାଙ୍ଗାଇନିଃ, ଆଇଁୟାଃ ବିରୁଧ୍‌ରେ ମେନାଇୟା ଆତଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିଡ଼ିବିଡ଼ିୟାଆଏ ।

**ଏଡକାନ୍ ଆମ୍ବାରାଃ ହିଜୁଃରୁହାଡ଼୍
(ମାଥୱ ୧୨:୪୩-୪୫)**

୨୫ “ସଡ଼ରା ଆମ୍ବା ମିହୁଡ଼ତାଃଏତେ ଅତ୍ୟନ୍ତୟାନ୍‌ରେ, ରହଡ଼୍ ଠାୟାଦକରେ ହନରୁବାଡ଼ାକେଦ୍‌ତେ ରୁଡ଼ୁ ନାଗେନ୍ତେ ଦାଣାଁୟାଏ ଆତଃ କାଏ ନାମ୍‌ତାରେ, ଇନିଃ କାଜିୟାଏ, ‘ଆଇଙ୍ଗ୍ ଅକନ୍ ଅଡ଼ାଃଏତେ ଅତ୍ୟନ୍ତକାନ୍ ତାଇକେନାଇଙ୍ଗ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଙ୍ଗ୍,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆତଃ ସୁଗାଡ଼ାନ୍‌ଗି ନେଲେୟା ।

୨୬ ଆତଃ ହିଜୁଃରୁହାଡ଼କେଦ୍‌ତେ ଏନା ଜଅଃସାଫାକାନ୍ ଆତଃ ସିଙ୍ଗାକାନାଏ ନାମେୟା ।

୨୭ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦକା ଏଡକାନ୍ ସାଡ଼ୁ ଆମ୍ବାକକେ ମିଦ୍‌ତେ ଆଉକଆ, ଆତଃ ଇନ୍‌କୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ଼ରାଃ ଦାସା ପାହିଲାଏତେ ଚୁଣ୍ଡୁ ଦାସା ପୁରାଃଗି ଏଡକାନ୍ ହବାଅଆଃ ।”

ସାର୍‌ତି ରାସ୍‌କା

୨୮ ଯୀଶୁ ନେଆଁ କାଜିତାନ୍ ଇମ୍‌ତା ଗାଦେଲ୍‌ହଡ଼କରେନ୍ ମିଆଁଦ୍ କୁଡ଼ି କାଉରିତାନ୍‌ଲଃ କାଜିକେଦାଏ, “ଆମ୍‌କେ ଜାନାମାକାମ୍ ଆତଃ ତଥା ଆନୁକାମ୍ ଏଙ୍ଗା ଚିମିନ୍ ସୁକୁତାନ୍‌ଗିୟାଃଏ !”

୨୯ ମେନ୍‌ଦ୍ ଯୀଶୁ ମେନ୍‌ରୁହାଡ଼ାଇୟାଏ, “ପାର୍ମେଶ୍ଵାର୍‌ଆଃ କାଜି ଆୟୁମ୍‌ତାନ୍ ଆତଃ ମାନାତିଙ୍ଗ୍‌ତାନ୍‌କହଗି ଚିମିନ୍ ସୁକୁତାନ୍‌ଗିଆଃକ !”

**ପେଡେୟାନ୍‌କାମି ନାଗେନ୍ତେ ହାଚି ଦାବି
(ମାଥୱ ୧୨:୩୮-୪୨)**

୩୦ ✨ଗାଦେଲ୍ ହଡ଼କ ଯୀଶୁତାଃରେ ହୁଣ୍ଡିନ୍ ତାଇକେନ୍‌ରେ ଇନିଃ କାଜିଏଟେଦ୍‌କେଦାଏ, ନେ ପାରିୟାରେନ୍ ହଡ଼କ ଚିମିନ୍ ଏଡକାନ୍‌ଗିୟାଃକ, ଇନ୍‌କୁ ଚିହ୍ନାକ ନାମ୍‌ତାନା ମେନ୍‌ଦ୍ ଯୁନୁସ୍ ନାବୀୟାଃ ଚିହ୍ନା ବାଗିକେଦ୍‌ତେ ଇନ୍‌କୁନାଙ୍ଗ୍ ଜେତାନ୍ ଚିହ୍ନା କା ଉଦ୍‌ବଃଆ ।

୩୧ ନିନିବିରେନ୍‌କ ନାଗେନ୍ତେ ଯୁନୁସ୍‌ଦ୍ ଚିହ୍ନାଏ ତାଇକେନାଏ, ଏନ୍‌ଲେକାଗି ମାନ'ଖାହନ୍ ନେ ପାରିୟାରେନ୍ ହଡ଼କ ନାଗେନ୍ତେ ଏନ୍‌କାଅଃଆଏ ।

୩୨ ଦାକ୍ଷିଣ୍ ଦିଶୁମ୍‌ରେନ୍ ରାନୀ ନେ ଦିପିଲିରେନ୍ ହଡ଼କଲଃ ବିଚାରହୁଲାଙ୍ଗ୍‌ରେ ବିରିଦାଃଏ ଆତଃ ଇନ୍‌କୁକେ ଚିଟାକଆ, ଚିୟାଃତି ଇନିଃ ସୁଲିମାନ୍‌ଆଃ ସେଣାନ୍ କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶୁମ୍‌ରେୟାଃ ଚୁଣ୍ଡୁଏତେ ହିଜୁଃକାନ୍ ତାଇକେନା ଆତଃ ନେଲିପେ ରାଜା ସୁଲିମାନ୍‌ଏତେ ମାରାଙ୍ଗ୍‌ନିଃ ନେତାଃରିୟା ।

✨ ୧୧:୧୭ ମାଥୱ ୧୨:୩୮; ୧୨:୧; ମାର୍କ ୮:୧୧. ✨ ୧୧:୨୩ ମାର୍କ ୯:୪୦. ✨ ୧୧:୨୯ ମାଥୱ ୧୭:୪; ମାର୍କ ୮:୧୨.

୩୨ ନିନିବିରେ ଯୁଦ୍ଧ ନାବୀ ପ୍ରାଚୀରକେନ୍ଦ୍ର ଇମ୍ବତା ପାତିୟାରକେନ୍ଦ୍ର ହତକ ତିଷ୍ଣକେନ୍ଦ୍ରତେ ନେ ଦିପିଲିରେନ୍ଦ୍ର ହତକଲଃ ପାର୍ମେଶ୍ଵାର ବିଚାର ହୁଲାଙ୍ଗରେ ଇନ୍ଦ୍ରକେକ ଚିଟାକଥା, ଚିୟାଠି ଇନ୍ଦ୍ର ଯୁଦ୍ଧ ପାର୍ମେଶ୍ଵାରକେନ୍ଦ୍ର ଇମ୍ବତା ମନ୍ତ୍ରହାତ୍ଵକେଦାକ, ଆତଃ ନାହାଃ ଆଇଙ୍ଗ କାଜିପେତାନାଇଙ୍ଗ, ଯୁଦ୍ଧସ୍ଵତେ ମାରାଙ୍ଗନିଃ ନେତାଃରେ ମେନାଇୟା ।

**ହତ୍ଵମରେୟାଃ ଦିମି
(ମାଥୁଉ ୫:୧୫; ୬:୨୨-୨୩)**

୩୩ ✨ “ଜେତାଏ ହତ୍ଵ ଦିମି ଜୁଲକେଦ୍ଵତେ ଦାନାଙ୍ଗରେ ଚାଏ ତାଞ୍ଜାଲାତାରରେ କାଏ ମାଣ୍ଡାୟା ମେନ୍ଦ୍ଵ ବଲତାନ୍ଦକ ମାର୍ଯାଲ୍ଲକ ନେଲେକା ମେନ୍ଦ୍ଵେ ଦିକାରେ ଦହୟା ।

୩୪ ଆପେୟାଃ ମେନ୍ଦ୍ଵ ହତ୍ଵମରେୟାଃ ଦିମି ତାନାଃ, ଆପେୟାଃ ମେନ୍ଦ୍ଵ ନିରାଲ୍ଲ ମେନାଃରେଦ ଗଟା ହତ୍ଵମତାପେୟାଃ ମାର୍ଯାଲ୍ଲଃଆ, ମେନ୍ଦ୍ଵ ଏନା ଏଡକାନନଃରେ ଗଟା ହତ୍ଵମ ତାପେୟାଃ ନୁବାଗଃଆ ।

୩୫ ଏନାମେନ୍ଦ୍ଵେ ଆମ୍ରେୟାଃ ମାର୍ଯାଲ୍ଲ ଆଲକା ନୁବାଗଃକା ମେନ୍ଦ୍ଵେ ଚିର୍ଗାଲାକାନ୍ମେ ।

୩୬ ଆମାଃ ଗଟା ହତ୍ଵମ ମାର୍ଯାଲାକାନ୍ରେଦ ଆତଃ ଏନାରେୟାଃ ଜେତାଏ ହାନାଟିଙ୍ଗ କା ନୁବାଃରେଦ ଦିମି ଏନାରେୟାଃ ଜୁନୁଲ୍ଲତେ ମାର୍ଯାଲ୍ଲମେତାନ୍ ଲେକାଗି ଏନା ଗଟା ମାର୍ଯାଲ୍ଲଃଆ ।”

**ୟାଶୁ ଫାରୁଶୀ ଆତଃ ଆଇନ୍ଦ୍ରକକେ ଚେତାଅକତାନାଏ
(ମାଥୁଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଯାଶୁ କାଜିଚାବାକେଦ୍ଵଚି, ମିଆଁଦ୍ଵ ଫାରୁଶୀ ଆମ୍ ଆଇଁୟାଃ ଅତାଃରେ ଜମ୍ଆତକେମ୍ ମେନ୍ଦ୍ଵେ ବିକ୍ରିକିୟା; ଆତଃ ଇନିଃ ବଲୟାନ୍ଲଃ ଜମ୍ ନାଙ୍ଗ୍ ଦୁବ୍ଵୟାନାଏ ।

୩୮ ମେନ୍ଦ୍ଵ ଇନିଃ କାଟା ତିଃଇ କାଏ ଆରୁଙ୍ଗକେଦ୍ଵତେ ଜମ୍ତାନ୍ ନେଲ୍ଲକେଦ୍ଵତେ ଏନ୍ ଫାରୁଶୀ ହାଏକାଟ୍ଵୟାନାଏ ।

୩୯ ଏନ୍ଦ୍ଵେ ପ୍ରାଭୁ ଇନିଃକେ କାଜିକିୟାଏ, “ହେଗି, ଆପେ ଫାରୁଶୀକ ତୁବ୍ଵନି ଆତଃ ଆଡିରାଃ ବାହାରିକପେ ଗାସାର୍ ଆରୁଙ୍ଗ୍ ତାନା, ମେନ୍ଦ୍ଵ ଆପେୟାଃ ମନ୍ଦ୍ଵ ଏଡକାନାଃତେ ପେରେଜାକାନା ।

୪୦ ଏ ତଣ୍ଡକ, ବାହାରି ବାବାଇନି ଚିୟାଃ ଇନିଃ ଭିତାର୍ହ କାଏ ବାଇୟାକାଦାଃ ?

୪୧ ମେନ୍ଦ୍ଵ ଆପେ ଲଡକେଦ୍ଵତେ ଅକ୍ନାଃ କାମିକାଦାପେ ଏନା ଗାରିବ୍ଵକକେ ଏମାକପେ ଏନାରେ ଆପେ ସାର୍ତ୍ତିଗି ସବେନାଃତେପେ ଫାର୍ଚିଅଃଆ ।

୪୨ “ଏ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଆପେ ପୁଦ୍ନା, ଆତଃ କିଲିମିଲି* ଆତାଃସାକାମ୍ରେୟାଃ ଗେଲ୍ ହାନାଟିଙ୍ଗପେ ଏମତାନା ମେନ୍ଦ୍ଵ ନ୍ୟାୟ ବିଚାର ଆତଃ ପାର୍ମେଶ୍ଵାରଆଃ ଦୁଲାଡ୍ଵେ ହେଡ୍ଵାଏତାନା । ଏନ୍ଲେକା ରିକା କା ଲାଗାତିଙ୍ଗୟାଃ, ମେନ୍ଦ୍ଵ ଏନ୍ ସବେନାଃକେ ମାନାତିଙ୍ଗ୍ ତାନ୍ଲଃ ନ୍ୟାୟ ବିଚାର ଆତଃ ପାର୍ମେଶ୍ଵାରଆଃ ଦୁଲାଡ୍ଵେ ଆଲପେ ହେଡ୍ଵାଏୟା ।

୪୩ “ଆପେ ଫାରୁଶୀକ ହାୟ ହାୟ, ଚିୟାଠି ଆପେ ସାମାଜ୍ ଅତାଃରାଃ ଆୟାରରେ ଦୁବ୍ଵନାଙ୍ଗ୍ ଆତଃ ପିଟ୍ ପିଡିକରେ ଜହାର୍ତେଲା ନାଙ୍ଗ୍ପେ ସୁକ୍ଷଆ ।

୪୪ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଚିୟାଠି ଆପେ ଉକ୍ତୁଆକାନ୍ ତପାଗାଡାଲେକାଃପେ, କା ସାରିତାନ୍ଲଃ ଏନା ଚେତାନ୍ରେ ହତ୍ଵକ ସେନେୟା ।”

୪୫ ଏନ୍ଦ୍ଵେ ଆଇନ୍ଦ୍ର ଇଡ୍ଵକଏତେ ମିଆଁଦ୍ଵନିଃ କାଜିରୁହାଡ୍ଵକିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମ୍ ।”

୪୬ ଯାଶୁ କାଜିକିୟାଏ, “ଏ ଆଇନ୍ଦ୍ର ଇଡ୍ଵକ ଆପେୟା ହାୟ ହାୟ, ଚିୟାଠି ଆପେ ପୁରାଃହାମ୍ବାଲ୍ ବାହାରମ୍ ହତ୍ଵକକେ ଲାଦିକାଦ୍ଵକଆପେ, ମେନ୍ଦ୍ଵ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ଵ ସାର୍ସାର୍ତେହ ଜୁଟିଦ୍ଵକେଦ୍ଵତେ କାପେ ଦେଙ୍ଗାତାନା ।

୪୭ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଆପେ ନାବୀକଆଃ ନାଙ୍ଗ୍ ବୁଗିନ୍ ତପାଗାଡାପେ ବାଇୟାକାଦା । ଏନ୍ ନାବୀକକେ ଆପେୟାଃ ହାଡାମ୍ହତ୍ଵକ ଗଜାକାଦ୍ଵକଆକ ।

୪୮ ନାହାଃ ଆପେ ଆପେୟାଃ ହାଡାମ୍ହତ୍ଵକଆଃ କାମିରେୟାଃ ଗାଞ୍ଜାପେ ପେରେଜେତାନା; ଆତଃ ଏନାତେପେ ସୁକ୍ଷତାନା, ଇନ୍ଦ୍ରକ୍ଵ ନାବୀକକେ ଗଏଃକେଦ୍ଵକଆକ ଆତଃ ଆପେ ଇନ୍ଦ୍ରକ୍ଵଆଃ ତପାଗାଡାପେ ବାଇକେଦାଃ ।

୪୯ ଏନାମେନ୍ଦ୍ଵେ ପାର୍ମେଶ୍ଵାର୍ ଆୟାଃ ସେଣାତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବୀକ ଆତଃ ପ୍ରେରିଡ୍ଵକକେ କୁଲ୍ଲୁଆଇଙ୍ଗ୍, ଇନ୍ଦ୍ରକ୍ଵଏତେ ଚିମିନ୍ଦକକେ ଗଏଃକଆକ ଆତଃ ଏଗାଃକକେ ସାତାଅକଆକ ।

୫୦ ଏନାମେନ୍ଦ୍ଵେ ଅତେଦିଶୁମ୍ବରାଃ ମୁନ୍ଦ୍ଵଏତେ ସବେନ୍ ନାବୀକଆଃ ଲିଙ୍ଗିୟାନ୍ ମାୟୋମ୍ରେୟାଃ ଲେକା ନେ ପାରିୟାରେନ୍ଦକଏତେ ଇଦିୟାଃଆ,

୫୧ ହେଗି, ହାବିଲ୍ଆଃ ମାୟୋମ୍ଏତେ ବେଦି ଆତଃ ମାନ୍ଦିର୍ରେୟାଃ ପାବିତାର୍ ଠାୟାଦ୍ ଆଲାରେ ଗଏଃୟାନ୍ ଜିଖ୍ରିୟା ମାୟୋମ୍ ଜାକେଦ୍, ସାର୍ତ୍ତିଗିଙ୍ଗ୍ କାଜିୟାପେତାନା, ଏନାରେୟାଃ ଲେକା ନେ ପାରିୟାରେନ୍ଦକଏତେ ଇଦିୟାଃଆ ।

☆ ୧୧:୩୩ ମାଥୁଉ ୫:୧୫; ମାର୍କ ୪:୨୧; ଲୁକ ୮:୧୭. * ୧୧:୪୨ ସବେନ୍ କିସିମ୍ବରାଃ ଆତାଃ † ୧୧:୪୨ ଅବହେଲା

୫୨ “ଏ ହସତ୍ ଆଇନ୍ ଇତୁକ, ଆପେୟାଃ ସାଜାଇ ପୁରାଃ ବରଞ୍ଜାନ୍ତା ହବାଅଥାଃ, ଚିୟାଃଟି ଆପେ ସେଣ୍ଟାରେୟାଃ ଚାଡ଼ିଃପେ ଇଦିକେଦାଃ ଆତଃ ଆପେୟାଃଟି କାପେ ବଲଆକାନା ଚି ବଲତାନ୍କକେ ହ କେସେଦାକାଦକଆପେ ।”

୫୩ ଆତଃ ଇନିଃ ଏନ୍ତାଃଏତେ ଅତଙ୍ଗୟାନ୍ ଇମ୍ତା, ଆଇନ୍ ଇତୁକ ଆତଃ ଫାରୁଶୀକ ପୁରାଃଟି ବିରୁଧକିୟାଃକ ଆତଃ ପୁରାଃ କାଜିକ ଇନିଃକେ କୁଲିଗରଙ୍ଗକିୟାଃ ।

୫୪ ଆତଃ ଇନ୍କୁ ଇନିୟାଃ ମଚାରେୟାଃ ଜେତାନ୍ ଭୁଲ୍ଲକାଜିତେ ସାବିନାଙ୍ଗ ଲତଇତାନ୍କ ତାଇକେନା ।

୧୨

ହସତ୍ ହତ୍ କତାଃଏତେ ଚିର୍ଗାଲାନପେ

(ମାଥୁଉ ୧୦:୨୭-୨୭)

୧ ☆ଏନ୍ତେ ପୁରାଃ ହାଜାର୍ ଗାଦେଲ୍ ହତ୍ତକ ହୁଣ୍ଡିୟାନା, ଆତଃ ଆକ ଆକଗି ଇପଲିଙ୍ଗଅଃତାନ୍କ ତାଇକେନା, ଇମତାଙ୍ଗ ଯୀଶୁ ଆୟାଃ ଚେଲକକେ ପାହିଲା କାଜିୟାଦକଆଏ, ଫାରୁଶୀକଆଃ ସାବାଃ ହଲଙ୍ଗ ଲେକାନ୍ ହସତ୍ ବିଷାଏହେତେ ଚିର୍ଗାଲାନ ତାଇନ୍ପେ ।

୨ ☆ସବେନ୍ ଉକୁଆକାନ୍ତେୟାଃ ନେଲଆଃ ଆତଃ ସବେନ୍ ଦାନାଙ୍ଗଆଁକାନ୍ ତେୟାଃଦ ସାରିୟାଆ ।

୩ ଆପେ ନୁବାଃରେ କାଜିକାଦ୍ତେୟାଃ ମାର୍ସାଲ୍ରେ ଆୟୁମଃଆ ଆତଃ ଆପେ ଭିତାର୍ ବାଖିରାରେ ଉକୁକେଦ୍ତେ କାଜିକାଦ୍ତେୟାଃ, ସାଡ଼ି ଚେତାନ୍ଏତେ ଉଦୁବଃଆ ।

ଅକଏକେ ବର ଲାଗାଡ଼ିଙ୍ଗୟାଃ

(ମାଥୁଉ ୧୦:୨୮-୩୧)

୪ “ଏ ଆଇୟାଃ ଗାଡ଼ିକ, ଆଇଙ୍ଗ କାଜିୟାପେ ତାନାଇଙ୍ଗ, ହତ୍ତ ଗଗଏଃକକେ, ଆତଃ ତାୟମ୍ତେ ଜେଡ଼ନାଃ କା ରିକା ଦାଡ଼ିକକେ ଆଲ୍ପେ ବରଆକଆ ।

୫ ମେନ୍ଦ୍ ଆପେ ବରଆଇ ଲାଗାଡ଼ିଙ୍ଗିଃକେ ଆଇଙ୍ଗ ଉଦୁବାପେୟା, ଗଏଃକି ତାୟମ୍ତେ ନାରାକ୍ରେ ହୁରାଙ୍ଗଏଣ୍ଡାରେୟାଃ ପେଡ଼େଃତାଇନ୍ନିଃ ପାର୍ମେଶ୍ୱାର୍କେ ବରଆଇପେ; ହାଁ, ଆଇଙ୍ଗ ଆପେକେ ସାର୍ଡ଼ିଗିଙ୍ଗ କାଜିୟାପେତାନା, ଇନିଃକେଗି ବରଆଇପେ ।

୬ “ଚିୟାଃ ମଣେୟାଁ ଗେରଞ୍ଜାକ ବାରିଆ ସିକାତେ* କାକ ଆଖିରିଙ୍ଗୟାଆ ? ଆତଃ ଏନ୍ରେୟ ପାର୍ମେଶ୍ୱାର୍ ଇନ୍କୁଏତେ ମିଆଁଦ୍ନିଃକେହଁ କାଏ ରିଡ଼ିଙ୍ଗଇତାନା ।

୭ ହେଗି, ଆପେୟାଃ ବହଃରାଃ ସବେନ୍ ଉବ୍ହ ଲେକାକାନା । ଆଲ୍ପେ ବରଏୟା, ଆପେ ପୁରାଃ ଗେରଞ୍ଜାକଏତେ ପୁରାଃଟି ଗନଙ୍ଗଆଁଃପେ ।

ଖ୍ରୀଷ୍ଟକେ ସାରିନିଃ ଆତଃ କା ସାରିନିଃ

(ମାଥୁଉ ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ଗ କାଜିୟାପେ ତାନାଇଙ୍ଗ, ହତ୍ତକଆଃ ଆୟାର୍ରେ ଜେତାଏ ଆଇଙ୍ଗକେ ସାରିୟାଃଇଙ୍ଗ ମେନ୍ତେ କାଜିରେଦ୍ ମାନଞ୍ଜାହନ୍ ପାର୍ମେଶ୍ୱାର୍ଆଃ ଦୁଁଡ଼କଆଃ ଆୟାର୍ରେ ଇନିଃକେ ସାରିୟାଃଇଙ୍ଗ ମେନ୍ତେ କାଜିୟା ।

୯ ମେନ୍ଦ୍ ହତ୍ତକଆଃ ଆୟାର୍ରେ ଆଇଙ୍ଗକେ କାଇଙ୍ଗ ସାରିୟାଃ ମେନ୍ତେ କାଜିନିଃକେ ମାନଞ୍ଜାହନ୍ହ ପାର୍ମେଶ୍ୱାର୍ଆଃ ଦୁଁଡ଼କଆଃ ଆୟାର୍ରେ ଇନିଃକେ କାଇଙ୍ଗ ସାରିୟାଃ ମେନ୍ତେ କାଜିୟା ।

୧୦ ☆“ଆତଃ ମାନଞ୍ଜାହନ୍ଆଃ ବିରୁଧ୍ରେ ଜେତାଏ କାଜିରେଦ୍ ଇନିଃକେ ଛାମା ଏମଃଆ, ମେନ୍ଦ୍ ପାବିତାର୍ ଆମ୍ବାରାଃ ବିରୁଧ୍ରେ ନିନ୍ଦା କାଜିକ କାଜିନିଃକେ ଛାମା କା ଏମଃଆ ।

୧୧ ☆“ଆତଃ ଇନ୍କୁ ଆପେକେ ସାମାଜ୍ ଅତାଃତେ, ଲାବ୍ସାହାବ୍କତାଃ ଆତଃ ଆକ୍ତେୟାର୍ ନାମାକାଦ୍ ହାକିମ୍କଆଃ ସାମନାଙ୍ଗ୍ତେକ ଆଉପେରେ, ଆପେ ଚିଲ୍କା ଆତଃ ଚିକ୍ନାଃପେ କାଜିରୁହାଡ଼େୟା ଆତଃ ଚିକ୍ନାଃପେ କାଜିୟାଃ ମେନ୍ତେ ଆଲ୍ପେ ପାହାମେୟା ।

୧୨ ପାବିତାର୍ ଆମ୍ବା ଆପେକେ କାଜି ଲାଗାଡ଼ିଙ୍ଗ୍ତେୟାଃ ଏନ୍ ଦିପିଲିରେଗି ଇତୁପେୟା ।”

ଡ଼ଣ୍ଡ କିସାଁଶ୍ ହତ୍ତଆଃ ଜନ୍କା କାଜି

୧୩ ଗାଦେଲ୍ ହତ୍ତକଏତେ ଜେତାଏ ହତ୍ତ କାଜିକିୟାଏ, “ହେ ଗୁରୁ, ଆଇୟାଃ ହାଗାଲ୍ଲକେ ଆପୁଏତେ ନାମାକାଦ୍ ଖୁଜ୍ କେ ଆଇୟାଃଲଃ ହାଚିଙ୍ଗ୍ମେଁମେ ମେନ୍ତେ କାଜିୟାଇମେ ।”

୧୪ ଯୀଶୁ କାଜିରୁହାଡ଼କିୟାଏ, “ଏ ଗାଡ଼ି, ଆବେନାଃ ବିଚାର୍ନିଃ ଚାଏ ହାଚିଙ୍ଗ୍ଏନିଃ ମେନ୍ତେ ଅକଏ ଆଇଙ୍ଗକେ ସାଲାକାଦିଙ୍ଗ୍ଆଏ ?”

‡ ୧୧:୫୨ କୁଚି ☆ ୧୨:୧ ମାଥୁଉ ୧୨:୨; ମାର୍କ ୮:୧୫. ☆ ୧୨:୨ ମାର୍କ ୪:୨୨; ଲୁକ ୮:୧୭. * ୧୨:୨ ସବେନାଃଏତେ ସାସ୍ତା ଗନଙ୍ଗ ☆ ୧୨:୧୦ ମାଥୁଉ ୧୨:୩୨; ମାର୍କ ୩:୨୯. ☆ ୧୨:୧୧ ମାଥୁଉ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

୧୫ ଆତ୍ମା ଇନିଃ କାଜିୟାଦକଆଏ, “ନେଲେପେ, ସବେନ୍ ହାୟାହେତେ ଆତମାକାନ୍ପେ; ଜେତାଏୟାଃ ମେନାଃତେୟାଃ ପୁରାଃଗିରେୟ ଏନାରେ ଇନିୟାଃ ଜୀଦାନ୍ ବାନଆଃ ।”

୧୬ ଆତ୍ମା ଇନିଃ ଇନ୍କୁକେ ମିଆଁଦ୍ ଜନ୍କା କାଜି ଉଦୁବାଦକଆଏ, “ଜେତାଏ ମିଆଁଦ୍ କିସାଁଣ୍ ହଡ଼ଆଃ ଲୟଙ୍ଗ୍ରେ ପୁରାଃ ଜ ଯାନା ।

୧୭ ଇନିଃ ମନ୍ରେ ଉଡ଼ୁକେଦାଏ, ଚିନାଃଇଙ୍ଗ୍ ଚିକାୟା ? ଆଇଁୟାଃ ଜ ଦହତେ ଠାୟାଦ୍ ବାନଆଃ ।

୧୮ ଏନ୍ତେ ଇନିଃ ମେନ୍କେଦାଏ, ଆଇଙ୍ଗ୍ ନେକାୟା, ଆଇଁୟାଃ ଭାଣ୍ଡାର୍ ଅଡ଼ାଃ ଉଡ଼ୁକେଦ୍ତେ ଆଦକା ମାପ୍ରାଙ୍ଗ୍ଇଙ୍ଗ୍ ବାଇୟାଃ, ଆତ୍ମା ଏନ୍ତାଃରେ ଆଇଁୟାଃ ସବେନ୍ ଜ ଆତ୍ମା ବୁଗିନ୍ତେୟାଃକଇଙ୍ଗ୍ ଦହୟା ।

୧୯ ଆତ୍ମା ଆଇଙ୍ଗ୍ ଜୀଉତାଇୟାଃକେଇଙ୍ଗ୍ କାଜିୟା, ଏ ଜୀଉ, ଆମାଃତାଃରେ ପୁରାଃ ସିର୍ମା ନାଗେନ୍ତେ ପୁରାଃ ବୁଗିନ୍ତେୟାଃ ଦହଆକାନା, ରୁଡ଼ୁମେ, ଜମ୍ ନୁଁଏମେ ଆତ୍ମା ସୁକୁତେ ତାଇନଃମେ ।

୨୦ ମେନ୍ଦ ପାର୍ମେଶ୍ୱାର୍ ଇନିଃକେ କାଜିକିୟାଏ, ଆମ୍ ତଣ୍ଡ, ନେ ନିଦାରେ ଆମାଃ ଜୀଉ ଆମାଃତାଃଏତେ ଇଦିୟାଆ, ତାବଦ୍ ଆମ୍ ଆମାଃ ନାଙ୍ଗ୍ ସବେନ୍ ହୁଣ୍ଡିଆକାଦ୍ତେୟାଃ ଅକଏୟାଃ ହବାଅଞ୍ଜା ।”

୨୧ ଅକଏ ଆୟାଃ ନାଗେନ୍ତେ ଖୁଜ୍ ହୁଣ୍ଡିନିଃ ମେନ୍ଦ ପାର୍ମେଶ୍ୱାର୍ ନାଙ୍ଗ୍ କାଏ କିସାଁଣାଃ, ଇନିଃନାଙ୍ଗ୍ ନେ ଲେକାଗି ହବାଅଞ୍ଜା ।

**ପାର୍ମେଶ୍ୱାର୍ତାଃରେ ଆସ୍ରାଏପେ
(ମାଥୁଉ ୨:୨୫-୩୪)**

୨୨ ଆତ୍ମା ଯୀଶୁ ଆୟାଃ ଚେଲାକକେ କାଜିୟାଦକଆଏ, “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜୀନିଦ୍ ତାଇନଃ ନାଗେନ୍ତେ ଚିକ୍ନାଃବୁ ଜମାଃ ଆତ୍ମା ଚିକ୍ନାଃବୁ ନୁଁଏୟା, ଚାଏ ହଡ଼ମ୍ରେ ଚିକ୍ନାଃବୁ ତୁସିଙ୍ଗ୍ୟେନା ମେନ୍ତେ ଆପେୟାଃ ଜୀଉରେ ଆଲ୍ପେ ଉଡ଼ୁୟା ।

୨୩ ଜମେୟାଃଏତେ ଜୀଉ ଆତ୍ମା ଲିଜାଃଏତେ ହଡ଼ମ୍ ମାରାଙ୍ଗ୍ଆଃ ।

୨୪ କାଉଞ୍ଜା ଚେଣ୍ଟେକକେ ନେଲ୍କପେ, ଇନ୍କୁ କାକ ହେରେୟା ଆତ୍ମା କାକ ଇରେୟା, ଆତ୍ମା ଇନ୍କୁଆଃ ଭାଣ୍ଡାର୍ ଅଡ଼ାଃ ଚାଏ ଗୋଦାମ୍ ଅଡ଼ାଃ ବାନଃରେୟ, ପାର୍ମେଶ୍ୱାର୍ ଇନ୍କୁକେ ଆସୁଲ୍କତାନାଏ । ଆପେ ଚେଣ୍ଟେକଏତେ ଚିମିନ୍ ଆଦକାଗିପେ ମାରାଙ୍ଗ୍ଆଃ !

୨୫ ଆପେକଏତେ ଅକଏ ଉଡ଼ୁକେଦ୍ତେ ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ ।

୨୬ ଏନ୍ତେ ଆପେ ହୁଡ଼ିଙ୍ଗ୍ଉତାର୍ତେୟାଃକେହ କାପେ କାମିଦାଡ଼ିରେଦ ଚିକ୍ନାଃ ମେନ୍ତେ ବାକିକାଜି ନାଗେନ୍ତେପେ ପାହାମ୍ତାନା ।

୨୭ ବାହାକକେ ନେଲେପେ, ଇନ୍କୁ କାକ କାମିୟାଃ ଚି କାକ ତୁକୁଇତାନା,† ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନ୍ହ୍ ଆୟାଃ ସବେନ୍ ସୁଗାଡ଼ାନ୍ତେୟାଃଏତେ ନେ ମିଆଁଦ୍ କଲେକା କାଏ ସିଙ୍ଗାରାକାନ୍ ତାଇକେନା ।

୨୮ ଏନ୍ତେ ପାର୍ମେଶ୍ୱାର୍ ତିସିଙ୍ଗ୍ ମେନାଃ ଆତ୍ମା ଗାପା ବୁଲ୍ଲାରେ ହାଁଣାବଃତାନ୍ ଅତେରାଃ ତାସାଦ୍ କେ ନେ ଲେକାଏ ସିଙ୍ଗାରେରେଦ, ଏ ହୁଡ଼ିଙ୍ଗ୍ ବିଶ୍ୱାସ୍ତାନ୍କ, ଚିୟାଃ ଇନିଃ ନେଆଁଏତେ ଆଦକା ଆପେକେ କାଏ ତୁସିଙ୍ଗ୍ପେୟା ?

୨୯ “ଆତ୍ମା ଚିକ୍ନାଃବୁ ଜମେୟାଁ ଆତ୍ମା ଚିକ୍ନାଃବୁ ନୁଁଏୟା ମେନ୍ତେ ମନ୍ରେ ଆଲ୍ପେ ନାମ୍ବାଡ଼ାୟା ଆତ୍ମା ଆଲ୍ପେ ଉଡ଼ୁଗେୟା ।

୩୦ ନେ ଅତେଦିଶୁମ୍ରେନ୍ ସାଅଁସାର୍ ହଡ଼କ ନେ ସବେନାଃ ଦାଣାଁବାଡ଼ାଃକ, ଆତ୍ମା ନେ ସବେନାଃ ଆପେୟାଃ ଲାଗାଡ଼ିଙ୍ଗ୍ୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ ।

୩୧ ମେନ୍ଦ ପାର୍ମେଶ୍ୱାର୍ଆଃ ରାଇଜ୍ ଦାଣାଁଏପେ ଆତ୍ମା ନେ ସବେନାଃହ ଆପେକେ ଏମଃଆ ।

**ସିର୍ମାରେ ଖୁଜ୍
(ମାଥୁଉ ୨:୧୯-୨୧)**

୩୨ “ଏ ହୁଡ଼ିଙ୍ଗ୍ ଗୋଟ୍ କ ଆଲ୍ପେ ବରଏୟା ଆପେୟାଃ ଆପୁଦ୍ ଆପେକେ ଆୟାଃ ରାଇଜ୍ ଏମଃନାଙ୍ଗ୍ ସୁକୁଆକାନାଏ ।

୩୩ ଆପେୟାଃ ମେନାଃତେୟାଃ ଆଖ୍ରିଙ୍ଗ୍ କେଦ୍ତେ କର୍ଷକକେ ଏମାକପେ, କା ମାଇଲ୍ଆଃ ପାଏସାମୁନା ଆପେନାଙ୍ଗ୍ ବାଇୟେପେ, କା ଖାରାପଃ ଖୁଜ୍ ସିର୍ମାରେ ଦହଏପେ, ଏନ୍ତାଃରେ କୁମ୍ବୁ କୁଆଏ ତେବାଃଏୟା ଆତ୍ମା ନିଦିର୍ କାଏ ଜମେୟାଁ ।

୩୪ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ଚିର୍ଗାଲ୍ଲାନାନ୍ ଦାସିକ

୩୫ “ଆପେୟାଃ ମାୟାଙ୍ଗ୍ ପାଟେକେଦ୍ତେ କାମିନାଙ୍ଗ୍ ସେକାଡ଼ାକାନ୍ପେ ଆତ୍ମା ଆପେୟାଃ ଦିମି ଜୁଲ୍ଲାନାନ୍ ତାଇୟାକା ।

† ୧୨:୨୭ ତୁକୁଇତାନା ଚିପାଅ / ସିଲେଇ ☆ ୧୨:୩୫ ମାଥୁଉ ୨୫:୧-୧୩.

୩୬ ✨ଆତ୍ମା ଏବଂ ହୃଦୟଲୋକାଂଶରେ, ଇନ୍ଦ୍ରିୟ ଆବୁଆଃ ଗମ୍ଭୀର ଆଶ୍ଚର୍ଯ୍ୟରେ ଚିତ୍ତଲୀଳା ରୁହାଡ଼ା ଆତ୍ମା ଇନ୍ଦ୍ରିୟ ହିନ୍ଦୁଃକେଦ୍ରେ ଠକ୍ ଠକାଏରେ ଇନ୍ଦ୍ରିୟ ନାଗେନ୍ଦ୍ରେ ଇମ୍ତା ଦୁଆରୁ ନିଜେୟା ମେନ୍ଦ୍ରେକ ନେଲ୍‌ହରାଭତାନା ।

୩୭ ଅକନ୍ ଦାସିକକେ ଆକଥାଃ ଗମ୍ଭୀର ଏୟନାକାନ୍ ଆତ୍ମା ସେକାଡ଼ାକାନ୍ ହିନ୍ଦୁଃନାମ୍‌କରେ ଏନ୍ ଦାସିକ ଚିମିନ୍ ସୁକୁତାନ୍‌ଗିୟାକ, ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଇନ୍ଦ୍ରିୟ ମାୟାଙ୍ଗ୍ ପାଟେକେଦ୍ରେ ଇନ୍ଦ୍ରିୟ ଜଜମ୍ ନାଗେନ୍ଦ୍ରେ ଦୁବ୍‌କଥାଏ ଆତ୍ମା ହିନ୍ଦୁଃକେଦ୍ରେ ଇନ୍ଦ୍ରିୟକୁ ସୁସାର୍‌କଥାଏ ।

୩୮ ଆତ୍ମା ଇନ୍ଦ୍ରିୟ ଆଲାନିଦା ଚାଏ ସିମ୍‌କରାଃ ହିନ୍ଦୁଃକେଦ୍ରେ ଇନ୍ଦ୍ରିୟକୁ ନେ ଲୋକାଏ ନାମ୍‌କରେ ଏନ୍ ଦାସିକ ଚିମିନ୍ ସୁକୁତାନ୍‌ଗିୟାକ ।

୩୯ ✨ମେନ୍‌ଦ ନେଆଁ ଆବ୍‌କାରେପେ, ଅତ୍ମାରେନ୍ ଗମ୍ଭୀର କୁମ୍‌ଦୁ ହିନ୍ଦୁଃ ଦିପିଲି ସାରିକାକରେ ଇନ୍ଦ୍ରିୟକେ ଆୟାଃ ଅତ୍ମାରେ ସିନ୍ଦି କାଏ ଉଡୁଡ଼ିକା ଇତିକାକରେୟାଃ ।

୪୦ ଏନା ନାଗେନ୍ଦ୍ରେ ଆପେୟ ସାପ୍‌ଡ଼ାଅକାନ୍ ତାଇନ୍‌ପେ, ଚିୟାଃଟି ଆପେ କାପେ ଉଡୁଡୁତାନ୍ ଦିପିଲିରେଗି ମାନଝାହନ୍ ହିନ୍ଦୁଃଆଏ ।”

**ପାତିୟାର୍ ଆତ୍ମା କା ପାତିୟାର୍ ଦାସିକ
(ମାଥୁଃ ୨୪:୪୫-୫୧)**

୪୧ ଏନ୍ଦ୍ରେ ପାଡ଼ରାସ୍ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲୋକେ ଚି ସବେନ୍‌କକେ ନେ ଜନ୍‌କା କାଜି କାଜିୟାଲେତାନାମ୍ ?”

୪୨ ଆତ୍ମା ପ୍ରାଭୁ କାଜିରୁହାଡ଼କେଦାଏ, “ଏନ୍ଦ୍ରେ ଗୁସିୟାଁ ଆୟାଃ ଅତ୍ମାରେନ୍‌କକେ ବୁଗିନ୍ ନେତାରେ ଜମେୟାଃ ଏମାକ ନାଗେନ୍ଦ୍ରେ ଅକଏକେ ଇନ୍ଦ୍ରିୟ ସାଲକିଆଏ, ଏନ୍‌ଲୋକାନ୍ ପାତିୟାର୍‌ରେ ଆତ୍ମା ସେଣାଁନ୍ ଭାଣ୍ଡାରି ଅକଏ ତାନିଃ ?

୪୩ ଆୟାଃ ଗୁସିୟାଁ ନେ'ଲୋକା କାମିତାନ୍ ଦାସିକେ ହିନ୍ଦୁଃ ନାମିରେ ଇନ୍ଦ୍ରିୟ ସୁକୁତାନ୍‌ଗିୟାଏ ।

୪୪ ସାର୍‌ତିଗିଙ୍ଗ୍ କାଜିୟାପେତାନା, ଇନ୍ଦ୍ରିୟ ଏନ୍ ଦାସିକ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ଦହଇୟାଏ ।

୪୫ ମେନ୍‌ଦ ଏନ୍ ଦାସି, ଆଇଁୟାଃ ଗୁସିୟାଁରେ ହିନ୍ଦୁଃତେୟାଃ ବିଲାମାଃତାନାଃ ମେନ୍ଦ୍ରେ ମନ୍‌ତାୟାଃରେ କାଜିକେଦ୍ରେ ଦାସିକ ଆତ୍ମା କାମ୍‌ଡ଼ିକକେ ଦାଦାଲ୍, ଆତ୍ମା ଜଜମ୍ ନୁଁ ଆତ୍ମା ବୁଲଃ ଏଟେଦ୍ରେଦ୍,

୪୬ ଏନ୍ ଦାସିଆଃ ଗମ୍ଭୀର ଇନ୍ଦ୍ରିୟ କାଏ ଉଡୁଡୁ ହୁଲାଙ୍ଗ୍‌ରେ ଆତ୍ମା କାଏ ସାରି ଦିପିଲିରେ ହିନ୍ଦୁଃଆଏ ଆତ୍ମା ଇନ୍ଦ୍ରିୟକେ ପୁରାଃ ଦୁକୁ ଏମାକତାନ୍‌ଲଃ ଟୁକ୍‌ଡ଼ା ଟୁକ୍‌ଡ଼ା ମାଆଃଇୟାଏ, ଏନ୍ଦ୍ରେ କା ବିଶ୍ୱାସ୍‌ତାନ୍‌କଲଃ ହାନାଟିଙ୍ଗ୍‌ଆଏ ଏମାକୟା ।

୪୭ “ଆୟାଃ ଗମ୍ଭୀରକେୟାଃ ମନ୍ ସାରିକେଦ୍ରେ କାଏ ସେକାଡ଼ାକାନ୍ ଆତ୍ମା ଇନ୍ଦ୍ରିୟାଃ ମନେଲୋକା କା କାମିକେଦ୍ ଦାସି ପୁରାଃଗିୟାଏ ଦାଲଃଆ ।

୪୮ ମେନ୍‌ଦ କା ସାରିକେଦ୍ରେ ଦାଲଃଲୋକା କାମିକେଦ୍‌ନିଃ ହୁଡ଼ିଙ୍ଗ୍‌ଲୋକାଏ ଦାଲଃଆ । ଆତ୍ମା ପୁରାଃ ନାମାକାଦ୍‌କଏତେ ପୁରାଃ ଆସିୟାଃଆ; ଆତ୍ମା ହୃଦୟ ପୁରାଃଗିକ ଏମାକାକାନ୍‌ଏତେ ପୁରାଃଗିକ ଆସିୟା ।

**ୟାଶୁଆଃ ନାଗେନ୍ଦ୍ରେ ବିନ୍‌ଗାଅ
(ମାଥୁଃ ୧୦:୩୪-୩୬)**

୪୯ “ଆଇଙ୍ଗ୍ ଅତେରେ ସେଙ୍ଗେଲ୍ ଜୁଲ୍‌ନାଙ୍ଗ୍ ହିନ୍ଦୁଆକାନାଇଙ୍ଗ୍, ଆତ୍ମା ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍, ଜାଲ୍‌ଦିଗି ସେଙ୍ଗେଲ୍ ଜୁଲଃକା ।

୫୦ ✨ମେନ୍‌ଦ ମିଆଁଦ୍ ବାପ୍ତିସ୍ମାଏତେ ଆଇଙ୍ଗ୍‌କେ ବାପ୍ତିସ୍ମାଅଃ ଲାଗାଡ଼ିଙ୍ଗ୍‌ୟାଃ, ଆତ୍ମା ଏନା ଆଉରିଚାବାଃଆ ଜାକେଦ୍ ଦୁକୁତେ ପୁରାଃଗିକାଙ୍ଗ୍ ବିଡ଼ଲାଅକାନା ।

୫୧ ଚିୟାଃ ଆଇଙ୍ଗ୍ ଅତେଦିଶ୍ଟମ୍‌ରେ ଜୀଉସୁକୁ ଏମ୍‌ତେ ହିନ୍ଦୁଆକାନାଇଙ୍ଗ୍ ମେନ୍ଦ୍ରେପେ ଆବ୍‌କାରିଙ୍ଗ୍‌ତାନା ? ବାନଃଗି, ମେନ୍‌ଦ ବିନ୍‌ଗାଅ ନାଗେନ୍ଦ୍ରେଇଙ୍ଗ୍ ହିନ୍ଦୁଃକାନା ।

୫୨ ନାହାଁଃଏତେଦ୍ ମିଆଁଦ୍ ପାରିବାରେନ୍ ପାଞ୍ଚ୍‌ୟାନ୍ ହୃଦୟ ବିନ୍‌ଗାଅଆଃକ, ତିନ୍‌ୟାନ୍ ବାର୍‌ହଡ଼କିନାଃ ବିରୁଧ୍‌ରେ ଆତ୍ମା ବାର୍‌ହଡ଼ ତିନ୍‌ୟାନ୍‌କଆଃ ବିରୁଧ୍‌ରେ ।

୫୩ ହନ୍‌କଡ଼ା ବିରୁଧ୍‌ରେ ଆପୁ, ଆତ୍ମା ଆପୁ ବିରୁଧ୍‌ରେ ହନ୍‌କଡ଼ା, ହନ୍‌କୁଡ଼ି ବିରୁଧ୍‌ରେ ଏଙ୍ଗା, ଆତ୍ମା ଏଙ୍ଗା ବିରୁଧ୍‌ରେ ହନ୍‌କୁଡ଼ି, କିମିନ୍ ବିରୁଧ୍‌ରେ ହାନାର୍‌ତେ ଆତ୍ମା ହାନାର୍‌ତେୟାଃ ବିରୁଧ୍‌ରେ କିମିନ୍‌ତେ, ବିନ୍‌ଗାଅଆଃକ ।”

**ଏନ୍ ଦିପିଲିରେୟାଃ ଚିହ୍ନାଁ
(ମାଥୁଃ ୧୨:୨-୩)**

୫୪ ଇନ୍ଦ୍ରିୟ ଗାଦେଲ୍ ହୃଦୟକେ କାଜିୟାଦ୍‌କଥାଏ, ଆପେ ସିଙ୍ଗିହାସୁରଃସାଃଏତେ ରିମିଲ୍ ରାକାବ୍‌ତାନ୍‌ପେ ନେଲେତାନ୍ ଇମ୍‌ତା ଦାଆଃ ଗାମାୟାଏ ପେ ମେନେତାନା ଆତ୍ମା ନେକାଅଃ ତାନ୍‌ଗିୟାଃ ।

୫୫ ଆତ୍ମା ଦାକ୍ଷିଣ୍ ହୟ ହୟତାନ୍ ନେଲ୍‌କେଦ୍ରେ ସିଡୁଙ୍ଗ୍‌ୟେଆଏ ପେ ମେନେତାନା ଆତ୍ମା ନେକାଅଃ ତାନ୍‌ଗିୟାଃ ।

☆ ୧୨:୩୭ ମାର୍କ ୧୩:୩୪-୩୬. ☆ ୧୨:୩୯ ମାଥୁଃ ୨୪:୪୩,୪୪. ☆ ୧୨:୫୦ ମାର୍କ ୧୦:୩୮.

୫୬ ଏ ବେଦାହତକ, ଆପେ ଅତେ ଆତଃ ସିର୍ମାରେୟାଃ ଚିହ୍ନାଁପେ ଆବ୍‌କାର୍‌ଉରୁମ୍ ଦାଡ଼ିୟାଃ ମେନ୍‌ଦ ନେ ଦିପିଲିରେୟାଃ ଚିହ୍ନାଁ ଚିଲ୍‌କା କାପେ ନେଲ୍‌ଉରୁମେତାନା ?

**ବାଇରିଲିଃ ମେସାନାଃଗୁ
(ମାଥୁ ୫:୨୫-୨୬)**

୫୭ ଚିନାଃମେନ୍ତେ ଠାଉକାନ୍ ଲେକାଗି ନେଲଃଡେୟାଃ ଆପେଗି କାପେ ବିଚାରେତାନା ?

୫୮ ଆମାଃ ବାଇରିଲିଃଦ ହାକିମ୍‌ତାମ୍ ସେନଃତାନ୍‌ରେ ଇନିଃଏତେ ଅଡ଼ଙ୍‌ଅଃ ନାଙ୍ଗ୍ ହରାରେଗି ଉଡ଼ୁଃକମେ, କା'ରେଦ ଇନିଃ ବିଚାର୍‌ନିଃତାଃତେ ଆଇଜ୍‌ଇଦିମ୍‌ୟାଏ, ଆତଃ ବିଚାର୍‌ନିଃ ସିପାଇକଆଃ ତିଃଇରେ ଜିମାମ୍‌ୟା ଆତଃ ସିପାଇଦ ଜେହେଲ୍‌ମେୟାଏ ।

୫୯ ଆଇଙ୍ଗ୍ କାଜିୟାମ୍ ତାନାଇଙ୍ଗ୍, ତାମ୍ବା ସିକା କାଉଡ଼ି କାଉଡ଼ି ଆଉରି ହାଲ୍‌ତାବାଏ ଜାକେଦ୍ ଏନ୍ତାଃଏତେ କାମ୍ ଅଡ଼ଙ୍ଗ୍ ଦାଡ଼ିୟା ।

୧୩

ମନ୍‌ରୁହାଡ଼୍ ଲାଗାତିଙ୍ଗ୍‌ୟାଃ

୧ ଏନ୍ ଦିପିଲିରେ ଚିମ୍‌ନାଙ୍ଗ୍ ହଡ଼କ ହିଜୁଆକାନ୍ ତାଇକେନାକ, ଇନ୍‌କୁ ଏନ୍ ଗାଲିଲ୍‌ରେନ୍‌କଆଃ କାଜି ଯୀଶୁକେ କାଜିକିୟାକ, ପିଲାତୁସ୍*ଦ ଚିଲ୍‌କା ପାର୍‌ମେଶ୍‌ବାର୍‌ତାଃରେ ବିଶ୍ୱାସ୍ ତାନ୍‌କଆଃ ମାୟୋମ୍ ଦାଣ୍‌ରାକାଦ୍ ଜାଁତୁକଆଃ ମାୟୋମ୍‌ଲଃ ମେସାକେଦାଏ ।

୨ ଆତଃ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଚିୟାଃ ନେ ଗାଲିଲ୍‌ରେନ୍‌କ ସବେନ୍ ଗାଲିଲ୍‌ରେନ୍ କଆଃଏତେ ଆଦ୍‌କା ପାପିକ ତାଇକେନ୍ ନାଗେନ୍ତେ ନେ ଦୁକୁକ ସାହାତିଙ୍ଗ୍‌କେଦାଃ, ନେଆଁପେ ଆବ୍‌କାରେ ତାନାଚି ?

୩ ବାନଃଗି ମେତାପେତାନାଇଙ୍ଗ୍, ମେନ୍‌ଦ ଆପେ ପାପ୍‌ହେତେ କାପେ ମନ୍‌ରୁହାଡ଼୍ ରେଦ୍ ଆପେ ସବେନ୍‌କ ନେ ଲେକାଗି ଜିୟନଃଆପେ ।

୪ ଆତଃ ଶିଲୋହରେ ଦାର୍‌ଖାନ୍ ଅତାଃ ଏନ୍ ଆଠ୍‌ରା ଝାନ୍ ହଡ଼କରେ ଉୟୁଃୟାନା ଆତଃ ଇନ୍‌କୁକେ ଗଏଃକେଦ୍‌କଆଏ, ଇନ୍‌କୁଆଃ ବିଷାଏରେ ଚିନାଃପେ ଉଡ଼ୁତାନା ? ଚିୟାଃ ଇନ୍‌କୁ ସବେନ୍ ଯୀରୁଶାଲେମ୍‌ରେନ୍‌କଏତେ ଆଦ୍‌କା ପାପିକ ତାଇକେନା ମେନ୍ତେଚିପେ ଆବ୍‌କାରେ ତାନା ?

୫ ବାନଃଗି ମେତାପେ ତାନାଇଙ୍ଗ୍, ମେନ୍‌ଦ ଆପେ ପାପ୍‌ହେତେ କାପେ ମନ୍‌ରୁହାଡ଼୍‌ରେଦ୍ ଆପେ ସବେନ୍‌କ ନେ ଲେକାଗି ଜିୟନଃଆପେ ।”

କା ଜଅଃତାନ୍ ଲଆ ଦାରୁରାଃ ଜନ୍‌କା କାଜି

୬ ଏନ୍ତେ ଯୀଶୁ ନେ ଜନ୍‌କା କାଜି କାଜିକେଦାଏ, “ଜେତାଏ ମିଆଁଦ୍‌ହଡ଼୍ ଆୟାଃ ଦାଖ୍‌ବାକ୍‌ଡ଼ିରେ ମିଆଁଦ୍ ଲଆଦାରୁ ରୟାକାଦ୍ ତାଇକେନାଏ, ଆତଃ ଇନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍‌ଦ ମିଆଁଦ୍ ହ ଜ କାଏ ନାମ୍‌କେଦାଃ ।

୭ ଏନାମେନ୍ତେ ଇନିଃ ମାଲିହଡ଼୍‌କେ କାଜିକିୟାଏ, ‘ନେଲେମେ ଆପି ସିର୍ମାଏତେ ନେ ଲଆଦାରୁରେ ଜ ନାମେନାଗେନ୍ତେ ହିଜୁଃତାନାଇଙ୍ଗ୍ ମେନ୍‌ଦ କାଇଙ୍ଗ୍ ନାମେତାନା, ଏନା ମାଏଃମେ, ଚିକାନାଙ୍ଗ୍ ଅତେ ଏସେରେତାନାଏ ?’

୮ ମେନ୍‌ଦ ମାଲିହଡ଼୍ କାଜିକେଦାଏ, ‘ହେ ଗମ୍‌କେ, ଏନାକେ ନେ ସିର୍ମାହଗି ତାଇରିକାଏମ୍‌ଠେ, ଆଇଙ୍ଗ୍ ଏନାକେ ଉର୍‌ବିହୁର୍‌କେଦ୍‌ତେ ସାରାହାସା ପେରେଜେୟାଇଙ୍ଗ୍ ।

୯ ଇଦୁ ହିଜୁଃସିର୍ମା ନେଆଁରେ ଜ ନାମ୍ ସାକାଅଆଃ, କା'ରେଦ୍ ତାୟମ୍‌ତେ ଏନାକେ ମାଆଃଇଚିମେ ।”

ୟୀଶୁ ରୁଡ଼ନ୍ ହୁଲାଇଙ୍ଗ୍‌ରେ ମିଆଁଦ୍ କୁଡ଼ିକ୍‌କେ ବୁଗିନ୍‌କିୟାଏ

୧୦ ଯୀଶୁ ରୁଡ଼ନ୍ ହୁଲାଇଙ୍ଗ୍‌ରେ ମିଆଁଦ୍ ଯିହୁଦୀକଆଃ ସାମାଜ୍ ଅତାଃରେ ଇତୁକତାନ୍ ତାଇକେନାଏ ।

୧୧ ଆତଃ ନେଲେପେ ଏନ୍ତାଃରେ ଆଠ୍‌ରା ବାରାଷ୍‌ଏତେ ମିଆଁଦ୍ କୁଡ଼ିକେ ଏଡ଼କାନ୍ ଆମ୍ବା ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଙ୍ଗୁଦ୍‌କେଦ୍‌ତେ ତାଇକେନାଏ, ଜେତାଲେକାତେ ସିଧାତିଙ୍ଗୁଃ କାଏ ଦାଡ଼ିତାନ୍ ତାଇକେନା ।

୧୨ ଯୀଶୁ ଇନିଃକେ ନେଲ୍‌କିୟାଏ ଆତଃ ନାଡ଼େଃତେ ହାକାଅତାନ୍‌ଲଃ କାଜିକିୟାଏ, “ଏ କୁଡ଼ି, ଆମାଃ ନାରାଦୁରା ଦୁକୁଏତେ ବୁଗିକାନାମ୍ ।”

୧୩ ଆତଃ ଯୀଶୁ ଇନିଃରେ ତିଃଇ ଦହକେଦାଏ ଆତଃ ଇନିଃ ଇମ୍‌ତାଙ୍ଗ୍‌ଗି ବୁଗିନ୍‌ୟାନାଏ, ଆତଃ ପାର୍‌ମେଶ୍‌ବାର୍‌କେ ମାରାଙ୍ଗ୍‌କିୟାଏ ।

* ୧୩:୧ ପିଲାତୁସ୍_1ଷ୍ଟ ୨୬-୩୭ ସାନ୍‌ତେ ଯୀହୁଦାରେନ୍ ରୋମି ଶାସାକ † ୧୩:୩ ମନ୍‌ରୁହାଡ଼୍‌ହେୟତିଙ୍ଗ୍

୧୪ ଯୀଶୁ ରୁଡ଼ନୁ ହୁଲାଙ୍ଗରେ ବୁଗିକିୟାଏ ନେଆଁତେ ସାମାଜଅଡ଼ାଠରେନ୍ ଆଗୁଆଇ ଖୁସ୍‌ୟାନାଏ, ଆଡ଼ଠ ହଡ଼କକେ କାଜିକେଦକଆଏ, “ଛ'ମାହାଁ ମେନାଃ ଏନାରେ କାମି ଲାଗାତିଙ୍ଗୟାଁଃ, ଏନ୍ ହୁଲାଙ୍ଗକରେ ବୁଗିନଃ ନାଗେନ୍ତେ ହିଜୁଃପେ, ରୁଡ଼ନୁ ହୁଲାଙ୍ଗରେଦ କାହା ।”

୧୫ ମେନ୍ଦ ପ୍ରାଭୁ ଯୀଶୁ ଇନିଃକେ କାଜିରୁହାଡ଼କିୟା, “ଆପେ ସବେନ୍ ବେଦାହଡ଼କ, ଚିୟାଃ ଆପେ ସବେନ୍ଦକ ରୁଡ଼ନୁ ହୁଲାଙ୍ଗରେ ଆପେୟାଃ ଉରିଃକ୍ ଚି ଗାଧାକକେ ଗଣାଏତେ ରାଡ଼ାକେଦତେ ଦାଆଃ ନୁଁ ତେ କାପେ ଇଦିକତାନା ?

୧୬ ଆଡ଼ଠ ନେ କୁଡ଼ିହନ୍ଦ ଆବାହାମଆଃ କୁଡ଼ିହନ୍ଦ ତାନିଃ, ନେଲିପେ ଇନିଃ ସାଏତାନ୍‌ରାଃ ତନଲ୍‌ରେ ଆଠରା ବାରାଷ୍ଟ ତଲାକାଇତାଇନାଏ, ଚିୟାଃ ଇନିଃକେ ରୁଡ଼ନୁ ହୁଲାଙ୍ଗରେ ଏନାଏତେ ରାଡ଼ାଇତେୟାଃ କା ଲାଗାତିଙ୍ଗ୍ ତାଇକେନା ?”

୧୭ ଯୀଶୁ ନେଆଁ କାଜିକେଦ୍ ଇମ୍‌ତା, ଇନିୟାଃ ସବେନ୍ ମୁଦାଇକ ଗିହୁଃୟାନାକ ମେନ୍ଦ ହଡ଼କ ଯୀଶୁଆଃ ଆକଦାନ୍‌ଆକାମି ନେଲ୍‌କେଦତେ ରାସ୍‌କାୟାନାକ ।

ମାନିଜାଙ୍ଗରାଃ ଜନ୍‌କା କାଜି
(ମାଥୁଉ ୧୩:୩୧-୩୨; ମାର୍କ ୪:୩୦-୩୨)

୧୮ ଏନ୍ତେ ଯୀଶୁ କୁଲିକେଦାଏ, “ପାର୍‌ମେଶ୍‌ବାରଆଃ ରାଇଜ୍ ଚିନାଃ ଲେକା ? ଆଇଙ୍ଗ୍ ଏନାକେ ଚିନାଃତେଗିଇଙ୍ଗ୍ ଜକାଏୟା ?

୧୯ ଏନା ମିଆଁଦ୍ ମାନିଜାଙ୍ଗଲେକା, ଏନା ମିଆଁଦ୍ ହଡ଼ ଇଦିକେଦତେ ଆୟାଃ ବାଖ୍‌ଡ଼ିରେ ହେର୍‌କେଦାଏ, ଏନା ହାରାୟାନା ଆଡ଼ଠ ମାରାଙ୍ଗ୍ ଦାରୁୟାନା, ସିର୍ମାରେନ୍ ଚେଟ୍‌କେ ଏନାରାଃ କଡକରେକ ଥକାକେଦା ।”

ରାନୁରାଃ ଜନ୍‌କା କାଜି
(ମାଥୁଉ ୧୩:୩୩)

୨୦ ଆଡ଼ଠଗି ଯୀଶୁ ମେତାଦକଆଏ, “ଆଇଙ୍ଗ୍ ପାର୍‌ମେଶ୍‌ବାରଆଃ ରାଇଜ୍ ଚିନାଃତେଗିଇଙ୍ଗ୍ ଜକାଏୟା ?

୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆଡକେଦତେ ତିନ୍ କେଜି ମାଇଦାରେ ଏନା ଆଉରି ରାନୁତାବାଆଃ ଜାକେଦ୍ ସିପୁଦକେଦାଏ ।”

ରେସେଦ୍ ଦୁଆର୍‌ତେ ବଲଃରେୟାଃ ଇନିଡୁ
(ମାଥୁଉ ୭:୧୩-୧୪, ୨୧-୨୩)

୨୨ ଯୀଶୁ ଇଡୁକତାନ୍‌ଲଃ ସାହାର୍ ସାହାର୍ ଆଡ଼ଠ ହାଡୁ ହାଡୁ ପାରମ୍‌ୟାନ୍ତେ ଯୀରୁଶାଲେମ୍‌ସାଃ ସେନଃତାନାଏ ତାଇକେନା ।

୨୩ ଜେତାଏମିହୁଡ୍ କୁଲିକିୟାଏ, “ହେ ପ୍ରାଭୁ ଚିୟାଃ ବାସ୍ତାଆଃ ହଡ଼କ କାଟିଃଲେକାଃକ ?” ଯୀଶୁ କାଜିୟାଦକଆଏ,

୨୪ “ରେସେଦ୍ ଦୁଆର୍‌ତେ ବଲଃନାଗେନ୍ତେ ଚିହୁଲାନ୍‌ପେ,† ଚିୟାଃଚି ଆଇଙ୍ଗ୍ କାଜିୟାପେତାନା, ଏନାରେ ବଲନାଙ୍ଗ୍ ପୁରାଃ ହଡ଼କ ସାନାଙ୍ଗ୍‌ଆଃ ମେନ୍ଦ କାକ ଦାଡ଼ିୟାଃ ।

୨୫ ଆଡ଼ଠ ଗୁସିୟାଁ ବିରିଦ୍‌ୟାନ୍ତେ ଦୁଆର୍ ହାଣ୍ଡେଦ୍‌ତାରେ, ତାୟମ୍‌ତେ ଆପେ ରାଚାରେପେ ତିଙ୍ଗୁନାଃ ଆଡ଼ଠ ଦୁଆର୍‌ରେପେ ଠକ୍‌ଠକାଏୟା ଆଡ଼ଠ ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍ଦ ଇନିଃ ମେତାପେୟାଏ, ‘ଆପେ କଡ଼ାଃରେନ୍‌କ ତାନ୍‌ପେ ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’

୨୬ ଏନ୍ତେ ଆପେ ମେନେୟା, ଆଲେ ଆମାଃଲଃ ଜମ୍ ଆଡ଼ଠ ନୁଁ ତାଇନାଲେ ଆଡ଼ଠ ଆମ୍ ଆଲେୟାଃ ହରାକରେ ଇଡୁକେଦ୍‌ଲେୟାମ୍ ।

୨୭ ମେନ୍ଦ ଇନିଃ ମେନେୟାଏ, ‘ଆପେ ଅକଏ ଆଡ଼ଠ କଡ଼ାଃରେନ୍‌କ ତାନ୍‌ପେ ଏନା କାଇଙ୍ଗ୍ ସାରିୟାଃ, ଏ ଏଡକାନ୍ କାମିକେନ୍‌କ, ଆପେ ସବେନ୍ ଆଇଙ୍ଗ୍‌ତାଃଏତେ ଆତମଃପେ ।

୨୮ ✨ଆପେ ଚିମ୍‌ତା ଆବାହାମ୍, ଇସାକ୍, ଯାକୁବ୍ ଆଡ଼ଠ ସବେନ୍ ନାବୀକକେ ପାର୍‌ମେଶ୍‌ବାରଆଃ ରାଇଜ୍‌ରେ ଦୁବାକାନ୍ ଆଡ଼ଠ ଆପେକେ ବାହାରିରେ ଅଡଙ୍ଗ୍‌ଆଁକାନ୍ ତେୟାଃପେ ନେଲେୟା । ଇମ୍‌ତା ଏନ୍ତାଃରେ ରାନାଆଃ ଆଡ଼ଠ ତାଟା ହାବ୍ ରିଡିଦଃଆ,

୨୯ ହଡ଼କ ପୁରାବ୍ ଆଡ଼ଠ ପାଶ୍ଟିମ୍, ଉତ୍ତାର୍ ଆଡ଼ଠ ଦାକ୍ଷିଣ୍‌ସାଃଏତେ ହିଜୁଃକେଦତେ ପାର୍‌ମେଶ୍‌ବାରଆଃ ରାଇଜ୍‌ରେ ଜଜମ୍ ନାଙ୍ଗ୍‌କ ଦୁବାଃ ।

୩୦ ✨ଆଡ଼ଠ ନେଲେପେ, ସାର୍‌ତିଗି, ତାୟମ୍‌ରେନ୍‌କ ଆୟାରଃଆ ଆଡ଼ଠ ଆୟାର୍‌ରେନ୍‌କ ତାୟମଃଆ ।”

ଯୀରୁଶାଲେମ୍ ନାଗେନ୍ତେ ଯୀଶୁଆଃ ଦୁଲାଡ୍
(ମାଥୁଉ ୨୩:୩୭-୩୯)

୩୧ ଏନ୍ ଦିପିଲିରେଗି ଚିମିନ୍ ଫାରୁଶୀକ ହିଜୁଃୟାନ୍ତେ ଯୀଶୁକେ କାଜିକିୟାଃକ, “ନେତାଃଏତେ ଅଡଙ୍ଗ୍‌କେଦତେ ସେନଃମେ, ହେରୋଦ୍ ଆମ୍‌କେ ଗଗଏଃ ସାନାଙ୍ଗ୍‌ତାନାଏ ।”

† ୧୩:୨୪ ଚିହୁଲାନ୍‌ପେ ଚେଷ୍ଟାଏପେ ✨ ୧୩:୨୮ ମାଥୁଉ ୮:୧୧,୧୨. ✨ ୧୩:୩୦ ମାଥୁଉ ୧୯:୩୦; ୨୦:୧୭; ମାର୍କ ୧୦:୩୧.

୩୨ ଯୀଶୁ କାଜିୟାଦକଆଏ, “ତୁ ନେଆଁ ଏନ୍ ତୁୟୁକେ କାଜିୟାକପେ, ‘ଆଇଙ୍ଗ୍ ତିସିଙ୍ଗ୍ ଆତଃ ଗାପା ବଙ୍ଗାକଇଙ୍ଗ୍ ଅତଙ୍ଗକଆ ଆତଃ ଦୁକୁଆକାନ୍‌କଇଙ୍ଗ୍ ବୁଗିକଆ ଆତଃ ଆପି ମାହାଁରେଇଙ୍ଗ୍ ସେକାଡ଼ଃଆର୍ଟି ।’

୩୩ ଏନ୍‌ରେୟ ତିସିଙ୍ଗ୍ ଆତଃ ଗାପା ଆତଃ ମେୟାଙ୍ଗ୍ ଆଇଙ୍ଗ୍‌କେ ହନର୍ ଲାଗାଡ଼ିଙ୍ଗ୍‌ୟାଃ, ସାର୍‌ଡ଼ିଗି ଜେତାଏ ନାବୀ ଯୀରୁଶାଲେମ୍ ଏତେ ଏଟାଃ ଜାଗାରେ ଗଜଃ କା ଲାଗାଡ଼ିଙ୍ଗ୍‌ୟାଃ ।

୩୪ “ହେ ଯୀରୁଶାଲେମ୍, ହେ ଯୀରୁଶାଲେମ୍ ଆମ୍ ନାବୀକକେମ୍ ଗଏଃକେଦକଆ ଆତଃ ଆମ୍‌ତାଃତେ କୁଲାକାନ୍‌କକେ ଚିଦ୍‌ଗିଗଏଃ କେଦକଆମ୍, ଏଙ୍ଗାସିମ୍ ଆୟାଃ ହନକକେ ଆପରବ୍ ଲାତାରରେ ଆବ୍‌ରୁମ୍ ତପାକତାନ୍‌ଲେକା ଚିମିନ୍‌ସା ଆଇଙ୍ଗ୍ ଆମାଃ ହନକକେ ହୁଣ୍ଡିସାନାଙ୍ଗ୍‌କେଦାକଇଙ୍ଗ୍, ମେନ୍‌ଦ ଆପେ କାପେ ସାନାଙ୍ଗ୍‌କେଦାଃ ।

୩୫ ନେଲେପେ, ଆପେୟାଃ ମାନ୍‌ିର୍ ଆପେତାଃରେ ହାଦୁଡ଼ନାଙ୍ଗ୍ ବାଗିୟଃତାନା । ଚିୟାଃତି ଆଇଙ୍ଗ୍ ଆପେକେ କାଜିୟାପେ ତାନାକଇଙ୍ଗ୍, ‘ପ୍ରାଭୁଆଃ ନୁତୁମ୍‌ତେ ହିଜୁଃତାନ୍‌ନିଃକେ ପାର୍‌ମେଶ୍‌ୱାର୍ ଆଶିଷ୍ ଏମାକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆତଃ ଆଇଙ୍ଗ୍‌କେ କାପେ ନେଲିୟାଃ ।’ ”

୧୪

ୟୀଶୁ ମିଆଁଦ୍ କାଟା ତିଃଇ ମଂଃତାନ୍ ହଡ଼କେ ବୁଗି ତାନାଏ

୧ ମୁସିଙ୍ଗ୍ ରୁଡ଼ନୁ ହୁଲାଙ୍ଗ୍‌ରେ ଯୀଶୁ ଫାରୁଶୀକଆଃ ମିଆଁଦ୍ ଆଗୁଆଇରାଃ ଅଡ଼ାଃରେ ହଲଙ୍ଗ୍ ଜଜମ୍‌ନାଙ୍ଗ୍ ସେନଃୟାନାଏ ଆତଃ ଇନିଃକେ ଲତଇତାନ୍‌କ ତାଇକେନା ।

୨ ନେଲେପେ, ମିଆଁଦ୍ କାଟା ତିଃଇ ମଂଃତାନ୍ ହଡ଼ ଇନିୟାଃ ଆୟାର୍‌ତେ ହିଜୁଃୟାନାଏ ।

୩ ଯୀଶୁ “ରୁଡ଼ନୁ ହୁଲାଙ୍ଗ୍‌ରେ ବୁଗି ଲାଗାଡ଼ିଙ୍ଗ୍‌ୟାଃ ଚି କା” ମେନ୍ତେ ଆଇନ୍ ଇତୁକ ଆତଃ ଫାରୁଶୀକକେ କୁଲିକେଦକଆଏ । ମେନ୍‌ଦ ଇନ୍‌କୁ ହାପାୟାନାକ ।

୪ ଆତଃ ଯୀଶୁ ଏନ୍ ହଡ଼କେ ସାଦ୍‌ତାନ୍‌ଲଃ ବୁଗିକିୟାଏ ଆତଃ କୁଲକିୟାଏ ।

୫ *ଏନ୍ତେ ଯୀଶୁ ଇନ୍‌କୁକେ କାଜିରୁହାଡ଼ାଦକଆ, “ଆପେକଏତେ ଜେତାଏରାଃ ହନକଡ଼ା* ଚାଏ ଉରିଃକ୍ କୁଆଁରେ ଉୟୁଃକରେ ଚିୟାଃ ଇନିଃ ଇମ୍‌ତାଙ୍ଗ୍‌ଗି ରୁଡ଼ନୁ ହୁଲାଙ୍ଗ୍‌ରେ କାଏ ଅତଙ୍ଗ୍‌ଇୟା ?”

୬ ଆତଃ ଇନ୍‌କୁ ନେ ସବେନ୍ କାଜିନାଙ୍ଗ୍ ଇନିଃକେ କାକ କାଜିରୁହାଡ଼ାଦାଡ଼ିୟାନା ।

କୁପୁଲକ ଆତଃ କୁପୁଲନିୟାଃ ଜନ୍‌କା କାଜି

୭ ଯୀଶୁ କେଡ଼ାକାନ୍ ହଡ଼କକେ ଚେତାନ୍‌ଠାୟାଦ୍ ସାଲାତାନ୍ ନେଲକେଦତେ, ନେ ଜନ୍‌କା କାଜି ଇନ୍‌କୁକେ କାଜିକେଦକଆ,

୮ “ଜେତାଏ ହଡ଼ ଆଣ୍‌ଦି ଜମେୟାଃରେ କେଡ଼ାମେରେଦ ଚେତାନ୍ ଠାୟାଦ୍‌ରେ ଆଲ୍‌ମେ ଦୁବାଃ, ଇଦୁ ଇନିଃ ଆମାଃଏତେ ଆଦକା ମାଇନାନ୍ ହଡ଼କେ କେଡ଼ାକାଇୟାଏ ।

୯ ଆମ୍ ଆତଃ ଇନିଃକେ କେଡ଼ାକେଦମେନିଃ ହିଜୁଃଲେନ୍‌ତେ, ‘ମାର୍ ନେ ଠାୟାଦ୍‌ରେ ନେ ହଡ଼କେ ଦୁବ୍‌ଇଚିମ୍‌ନେଁ ମେତାମ୍‌ନେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍‌ଏତେ ଲାତାର୍ ଠାୟାଦ୍‌ରେମ୍ ଦୁବାଃ ।

୧୦ ମେନ୍‌ଦ ଆମ୍ କେଡ଼ାଅଃରେ କେଡ଼ାକାଦମେନିଃ ହିଜୁଃକେଦତେ, ‘ଏ ଗାତି ଚେତାନ୍‌ରେ ଦୁବ୍‌ମେଁ ମେତାମ୍‌ନେକାଏ ମେନ୍ତେ ସବେନାଃଏତେ ଲାତାର୍ ଠାୟାଦ୍‌ରେ ସେନ୍‌କେଦତେ ଦୁବ୍‌ମେଁ, ଏନ୍ତେ ଆମାଃଲଃ ଜଜମ୍ ଦୁବାକାନ୍‌କଆଃ ଆୟାର୍‌ରେମ୍ ମାଇନିଆ ।

୧୧ *ଜେତାଏ ମାରାଙ୍ଗ୍‌ୟେନ୍‌ନିଃଦ ହୁଡ଼ିଙ୍ଗ୍‌ୟାଆଏ ଆତଃ ଜେତାଏ ହୁଡ଼ିଙ୍ଗ୍‌ୟାନ୍‌ନିଃଦ ମାରାଙ୍ଗ୍‌ଆଁଃଏ ।”

୧୨ ଏନ୍ତେ ଯୀଶୁ କେଡ଼ାକେନ୍‌ନିଃକେ କାଜିକିୟାଏ, “ଆମ୍ ସିଙ୍ଗ୍‌ରେୟା ଚାଏ ଆୟୁର୍‌ରେୟାଃ ଜମେୟାଃ ବାଇରେଦ, ଆମାଃ ଗାଡ଼ିକକେ ଚି ହାଗାକକେ ଚି କୁପୁଲକକେ ଚି ହପର୍‌ଜାପାଃରେନ୍ କିସାଁଣ୍‌କକେ ଆଲମ୍ କେଡ଼ାକଆ, କା'ରେଦ ଇନ୍‌କୁ କେଡ଼ାରୁହାଡ଼ମ୍‌ନେୟାକ ଆତଃ ନେଆଁଗି ଆମାଃ ଜ ନାମଃଆ ।

୧୩ ମେନ୍‌ଦ ଆମ୍ ମାରାଙ୍ଗ୍ ଜମେୟାଃମ୍ ବାଇରେଦ, ରେଙ୍ଗେଃକକେ, ଚୁଣ୍ଡାକକେ, କେପାକକେ ଆତଃ କାଣାଁକାନ୍‌କକେ କେଡ଼ାକମେ,

୧୪ ଆତଃ ଆମ୍ ଧାଇନିଆମ୍, ଇନ୍‌କୁଦ କାକ ଏମ୍‌ରୁହାଡ଼ାଦାଡ଼ିୟାମ୍‌ନେୟା ମେନ୍‌ଦ ଧାର୍‌ମାନ୍‌କଆଃ ଜୀଉବିନିରିଦ୍‌ରେ ଜ ନାମେୟାମ୍ ।”

ମାରାଙ୍ଗ୍ ଜମେୟାଃରେୟାଃ ଜନ୍‌କା କାଜି
(ମାଥୁଉ ୨୨:୧-୧୦)

୧୫ ଯୀଶୁଲଃ ଦୁବାକାନ୍‌କଏତେ ମିଆଁଦ୍ ହଡ଼ ନେ କାଜି ଆୟୁର୍‌କେଦା, ଇନିଃ ଯୀଶୁକେ କାଜିକିୟାଏ, “ପାର୍‌ମେଶ୍‌ୱାର୍‌ଆଃ ରାଇଜ୍‌ରେ ଜମେନିଃ ସୁକୁତାନ୍‌ଗିୟାଏ ।”

୧୩:୩୨ ସେକାଡ଼ଃଆ ଆଇୟାଃ କାଜି ଚାକାଅଃଆ ☆ ୧୪:୫ ମାଥୁଉ ୧୨:୧୧. * ୧୪:୫ ହନକଡ଼ାଚିମିନ୍ ଅନଲ୍‌କରେ ଗାଧା ଅଲ୍‌କାନା ☆ ୧୪:୧୧ ମାଥୁଉ ୨୩:୧୨; ଲୁକ ୧୮:୧୪.

୧୬ ଯୀଶୁ ଇନିଷକେ କାଜିକିୟାଏ, “ମିଆଁଦ୍ ହଡ଼ ମାରାଙ୍ଗ୍ ଜମେୟାଃ ବାଇକେଦାଏ ଆଡ଼ଠ ପୁରାଠି ହଡ଼କକେ କେଡ଼ାକେଦକଆଏ ।

୧୭ ଜଜମ୍ ନେଡ଼ାରେ ଇନିଃ, ମାର୍ ହିଜୁଃପେ, ସବେନାଃ ସେକାଡ଼ାକାନା ମେଡ଼ାକୁମ୍ ମେନ୍ତେ ଆୟାଃ ଦାସିକେ କେଡ଼ାକାନକତାଃ କୁଲକିୟାଏ ।

୧୮ ମେନ୍ଦ କେଡ଼ାକାନକ ମିଆଁଦ୍ ମନ୍ୟାନ୍ତେ ଛାମା ଆସିକ ଏଟେଦକେଦା । ସିଦାନିଃ, “ଅତେଇଙ୍ଗ୍ କିରିଙ୍ଗ୍ଆଠକାଦା ଆଡ଼ଠ ସେନ୍କେଦତେ ଏନାକେ ନେନେଲ୍ ଲାଗାଡ଼ିଙ୍ଗ୍ୟାଃ, ଆଇଙ୍ଗ୍ ନାଙ୍ଗ୍ ଛାମା ଆସିମେ” ମେନ୍ତେ ବିକ୍ରିମେଡ଼ାନାଇଙ୍ଗ୍ ମେନ୍କିୟାଏ ।

୧୯ ଆଡ଼ଠ ଏଟାଠନିଃ, ପାଞ୍ଚ୍ ଆଡ଼ନା ଉରିଃକକଇଙ୍ଗ୍ କିରିଙ୍ଗ୍କାଦକଆ ଆଡ଼ଠ ଇନ୍କୁକେ ଆଟ୍‌କାର୍‌ଉରୁମ୍ ନାଗେନ୍ତେ ସେନଃଡ଼ାନାଇଙ୍ଗ୍ ଆଇଙ୍ଗ୍‌ନାଙ୍ଗ୍ ଛାମା ଆସିମେ ମେନ୍ତେ ବିକ୍ରିମେଁ ଡାନାଇଙ୍ଗ୍ ମେନ୍କିୟାଏ ।

୨୦ ଏଟାଠନିଃ, “ଆଇଙ୍ଗ୍ ଆଣ୍ଡିୟାକାନାଇଙ୍ଗ୍, ଏନାନାଗେନ୍ତେ କାଇଙ୍ଗ୍ ସେନ୍‌ଦାଡ଼ିୟାଃ” ମେନ୍କିୟାଏ ।

୨୧ “ଏନ୍ ଦାସି ହିଜୁଃକେଦତେ ଗମ୍‌କେ ଡାୟାଃକେ ନେ ସବେନ୍ ଉଦୁବକିୟାଏ । ଏନ୍ତେ ଅଡ଼ାଃ ଗମ୍‌କେ ଖୁସକେଦତେ ‘ହାଡୁରେୟାଃ ଚାକାର୍ ଆଡ଼ଠ ରେସେଦ୍ ହରାକତେ ସେନଃମେ ଆଡ଼ଠ ରେଙ୍ଗେଃଡ଼ାନକକେ ଆଡ଼ଠ ଚୁଣ୍ଟାକାନକକେ ଆଡ଼ଠ କେପାକକେ ଆଡ଼ଠ କାଣ୍ଟାକାନକକେ ନେଡ଼ାଃ ଆଉକୁମ୍’ ମେନ୍ତେ ଏନ୍ ଦାସିକେ କାଜିକିୟାଏ ।

୨୨ ଆଡ଼ଠ ଏନ୍ ଦାସି କାଜିକିୟାଏ, ‘ହେ ଗମ୍‌କେ, ଆମ୍ ଆରୁଆକାଦ୍‌ଲେକା ବାଇୟାନା ମେନ୍ଦ ନାହାଁଃହୁଁ ଠାୟାଦ୍ ମେନାଃ ।’

୨୩ ଏନ୍ତେ ଅଡ଼ାଃ ଗୁସିୟାଁ ଆୟାଃ ଦାସିକେ କାଜିକିୟାଏ, ‘ଜୁ ସେନଃମେ, ଆଡ଼ଠ ନାଗାର୍‌ରେୟାଃ ହରା ଗେନାକଏଡେ, କଚାକଏଡେ ହଡ଼କକେ କେଡ଼ା ଆଉକମେ, ଆଡ଼ଠ ଆଇଁୟାଃ ଅଡ଼ାଃକେ ହଡ଼ତେ ପେରେଜକମେ ।

୨୪ ଆଇଙ୍ଗ୍‌ଦଇଙ୍ଗ୍ କାଜିୟାପେଡ଼ାନା, ଏନ୍ କେଡ଼ାକାନକଏଡେ ଜେଡ଼ାଏ ଆଇଁୟାଃ ଜମେୟାଃ କାକ ଚାଖାଅୟାଃ ।”

ୟୀଶୁଆଠ ଚେଲା ହବାଅଃରେୟାଃ ଗନଙ୍ଗ୍
(ମାଥୁଉ ୧୦:୩୭-୩୮)

୨୫ ମିସା ପୁରାଃ ଗାଦେଲ୍ ହଡ଼କ ଯୀଶୁଲଃ ସେନଃଡ଼ାନକ ଡାଇକେନା, ଆଡ଼ଠ ଇନିଃ ହେଡ଼ାରୁହାଡ଼କେଦତେ କାଜିୟାଦକଆଏ,

୨୬ ☆ଜେଡ଼ାଏ ହଡ଼ ଆଇଙ୍ଗ୍‌ତାଃଡେ ହିଜୁଃରେଦ ଆୟାଃ ଆପୁ ଆଡ଼ଠ ଏଙ୍ଗା, କୁଡ଼ି ଆଡ଼ଠ ହନ୍କ, ହାଗାକ ଆଡ଼ଠ ମିଶିକ, ହେଗି ଆୟାଃ ଜୀଉକେହ ଆଇଙ୍ଗ୍‌ଏଡେ ଆଦକା ଦୁଲାଡ଼ରେଦ ଇନିଃ ଆଇଁୟାଃ ଚେଲା କାଏ ହବାଦାଡ଼ିୟାଆଃ ।

୨୭ ☆ଆଡ଼ଠ ଜେଡ଼ାଏ ଆୟାଃ କୁଗ୍ ଗଅଃକେଦତେ ଆଇଙ୍ଗ୍‌କେ କାଏ ଅଡ଼ଙ୍ଗ୍‌ରେଦ, ଇନିଃ ଆଇଁୟାଃ ଚେଲା କାଏ ହବାଦାଡ଼ିୟାଆଃ ।

୨୮ “ଆପେକଏଡେ ଗୁମ୍ମାଟ୍ ବାବାଇ ସାନାଙ୍ଗ୍‌ନିଃ ଚି ସିଦାରେ ଦୁବକେଦତେ ଏନାକେ ବାଇଚୁଣ୍ଟୁ ନାଗେନ୍ତେ ଇଦୁ ଆଇଁୟାଃତାଃରେ ଲାଗାଡ଼ିଙ୍ଗ୍ ପାଏସା ମେନାଃ ଚି କା ମେନ୍ତେ କାଏ ଲେକାୟା ?

୨୯ କା'ରେଦ ଇନିଃ ନିହିଁ ଗାଡ଼ାକେ ପାଟାଅକେଦତେ ଚୁଣ୍ଟୁକାଏ ଦାଡ଼ିରେଦ ସବେନ୍ ନେନେଲ୍ ହଡ଼କ ଇନିଃକେ ଲାୟାଲୟାକ ।

୩୦ ନେ ହଡ଼ ବାବାଇ ଏଟେଦକେଦାଏ ମେନ୍ଦ ଚୁଣ୍ଟୁ କାଏ ଦାଡ଼ିକେନା ମେନ୍ତେକ ମେନେୟା ।

୩୧ “ଆଡ଼ଠ ଜେଡ଼ା ରାଜା ଗେଲ୍ ହାଜାର୍ ପାଲ୍‌ଟାନକକେ ସାବକେଦତେ ଅକଏୟାଃଚି କୋଡ଼ିଏ ହାଜାର୍ ପାଲ୍‌ଟାନ ମେନାକଆଃ ଏନ୍ ରାଜାଲଃ ମାପାଃଡୁପୁଇଙ୍ଗ୍ ନାଗେନ୍ତେ ଅଡ଼ଙ୍ଗ୍‌ଅଃ ସିଦାରେ ଏନ୍ ରାଜାଏଡେ ପୁରାଃ କେଟେଦ୍ ମେନାଇୟାଃଚି କାହା ମେନ୍ତେ ଇନିଃ ଚିନାଃ ଦୁବକେଦତେ କାଏଚି ଉଡ଼ୁଇୟା ?

୩୨ କାଏ ଦାଡ଼ିରେଦ, ଏଟାଃ ରାଜା ସାଙ୍ଗିନ୍‌ରେ ଡାଇନ୍ ଇମ୍‌ଡ଼ାଗି ଇନିଃ କାଜିଇଦିନିଃକେ କୁଲକେଦତେ ସୁକୁଜୀଉରେ ଡାଇନଃ ନାଙ୍ଗ୍ ବିକ୍ରିୟାଏ ।

୩୩ ନେ ଲେକାତେ ଆପେକଏଡେ ଜେଡ଼ାଏ ଆକଆଃ ସବେନ୍ ମେନାଃଡେୟାଃ କାକ ବାଗିରେଦ ଆଇଁୟାଃ ଚେଲା କାକ ହବାଦାଡ଼ିୟାଆଃ ।”

ସାବାଃ ବୁଲୁଙ୍ଗ୍
(ମାଥୁଉ ୫:୧୩; ମାର୍କ ୯:୫୦)

୩୪ “ବୁଲୁଙ୍ଗ୍ ବୁଗିନାଃ, ମେନ୍ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆଡ଼ଠମିସା ସିବିଲ୍‌ରୁହାଡ଼ଃଆ ।

୩୫ ଏନା ଅଡେନାଙ୍ଗ୍ ଚାଏ ସାରାଗାଡ଼ା ନାଗେନ୍ତେୟ କାମିରେ କା ହିଜୁଃଆ; ହଡ଼କ ଏନାକେ ଏଣ୍ଡାୟାକ । ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

☆ ୧୪:୨୭ ମାଥୁଉ ୧୦:୩୭. ☆ ୧୪:୨୭ ମାଥୁଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩. † ୧୪:୨୮ ଗୁମ୍ମାଟ୍ ଗଡ଼ / ଗାଡ଼. ‡ ୧୪:୩୧ ମାପାଃଡୁପୁଇଙ୍ଗ୍ ଲାଡ଼ାଇ

୧୫

ଆଦାକାନ୍ ମିଶ୍ରି ଆଡ଼ ଆଦାକାନ୍ ସିକିରେୟାଃ ଜନ୍କା କାଜି
(ମାଥୂଜ ୧୮:୧୨-୧୪)

୧ *ମୁସିଙ୍ଗ୍ ହୁଲାଙ୍ଗ୍ ସବେନ୍ ମାଲ୍‌ହାରମ୍‌କ ଆଡ଼ ପାପି ହଡ଼କ ଯାଶୁଆଃ କାଜି ଆୟୁମ୍ ନାଗେନ୍ତେ ଇନିଃତାଃତେ ହିଜୁଃତାନ୍‌କ ତାଇକେନା ।

୨ ମେନ୍‌ଦ ଫାରୁଗୀକ ଆଡ଼ ଆଇନ୍ ଇତୁକ କୁରୁମ୍‌ତୁରୁମ୍‌ୟାନ୍‌ଲଃ* ମେନ୍‌କେଦାଃକ, “ନିଃ ପାପିକକେ ସୁକୁଆକୁତାନାଏ ଆଡ଼ ଆକଆଃଲଃ ଜମେତାନାଏ ।”

୩ ଏନ୍ତେ ଯାଶୁ ଇନ୍‌କୁକେ ନେ ଜନ୍‌କା କାଜି ଉଦୁବାଦକଆଏ ।

୪ “ଆପେକଏତେ ଜେତାଏୟାଃ ମଣ୍ଟେହିସି† ମିଶ୍ରିକ ତାଇନ୍‌ରେଦ ଆଡ଼ ଇନ୍‌କୁଏତେ ମିଆଁଦ୍ ଆଦଃରେଦ ଚିୟାଃ ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟାଃ‡ ମିଶ୍ରିକକେ ବିର୍ରେ କାଏ ବାଗିକଆ ଆଡ଼ ଏନ୍ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏଚି ଦାଣ୍ଟାବାଡ଼ାୟା ?

୫ ଆଡ଼ ଇନିଃକେ ନାମତାଇରେଦ ରାସକାତାନ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉଝିୟା,

୬ ଆଡ଼ ଅଡ଼ାଃତେ ହିଜୁଃକେଦ୍‌ତେ ଆୟାଃ ଗାତିକକେ ଆଡ଼ ହପରଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ ‘ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ମିଶ୍ରିକେଇଙ୍ଗ୍ ନାମରୁହାଡ଼କିୟା’ ମେତାକଆଏ ।

୭ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମନ୍‌ରୁହାଡ଼୍ କା ଲାଗାତିଙ୍ଗ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦକା ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ସିର୍ମାରେନ୍‌କ ରାସକାଅଆଃକ ।

ଆଦାକାନ୍ ସିକା

୮ “ତାଏ ଜେତାଏ କୁଡ଼ିରାଃ ଗେଲ୍‌ସି ସିକା* ମେନାଃରେଦ ଆଡ଼ ମିଆଁଦ୍ ଆଦଃରେଦ, ଚିୟାଃ ଇନିଃ କାଏ ଦିମିୟା ଆଡ଼ ଅଡ଼ାଃକେ କାଏ ଜଗେୟା ଆଡ଼ ଆଉରି ନାମେଜାକେଦ୍ ଚିହୁଲ୍‌ତେ† କାଏଚି ଦାଣ୍ଟାବାଡ଼ାୟା ?

୯ ଆଡ଼ ଏନା ନାମକେଦ୍‌ରେ ଆୟାଃ ଗାତିକକେ ଆଡ଼ ହପରଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ, ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ସିକାଇଙ୍ଗ୍ ନାମରୁହାଡ଼କାଦା ମେତାକଆଏ ।

୧୦ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ପାର୍‌ମେଶ୍ୱାର୍‌ଆଃ ଦୁଁଡ଼କ ରାସକାଅଆଃକ ।”

ଆଦଲେନ୍ ହନ୍‌ଆଃ ଜନ୍‌କା କାଜି

୧୧ ଏନ୍ତେ ଯାଶୁ ଆଡ଼ଗି କାଜିକେଦାଏ, “ଜେତାଏ ହଡ଼ଆଃ ବାର୍‌ହଡ଼୍ କଡ଼ାହନ୍‌କିନ୍ ତାଇକେନା ।

୧୨ ଇନ୍‌କିନ୍‌ଏତେ ଲିଟା‡ ହନ୍ କାଜିକିୟାଏ, ‘ହେ ଆବା, ମେନାଃତେୟାଃଏତେ ଆଇଁୟାଃ ହାଟିଙ୍ଗ୍ ଏମାଇଙ୍ଗ୍‌ମେ ।’ ଏନ୍ତେ ଏନ୍ ହଡ଼ ଆୟାଃ ମେନାଃତେୟାଃ ହାଟିଙ୍ଗ୍‌ଆଁଦକିନାଏ ।

୧୩ ଚିମିନ୍ ମାଃ ତାୟମ୍‌ତେ ଲିଟା ହନ୍ ଏନ୍ ସବେନାଃ ହୁଣ୍ଡିକେଦ୍‌ତେ ସାଜିନ୍ ଦିଶୁମ୍‌ତେ ସେନଃୟାନାଏ ଆଡ଼ ଏନ୍ତାଃରେ ଏଡ଼କାନ୍ କାମିକରେ ତାଇକେନା ଏନ୍ତେ ଆୟାଃ ସବେନାଃତେୟାଃ ଛିତିବିତିକେଦାଏ ।

୧୪ ଇନିଃ ସବେନାଃ ଚାବାକେଦ୍‌ଚି, ଏନ୍ ଦିଶୁମ୍‌ରେ ପୁରାଃ ରିଙ୍ଗାୟାନା ଆଡ଼ ଇନିଃ ରେଙ୍ଗେଃୟାନାଏ ।

୧୫ ଏନ୍ତେ ଇନିଃ ସେନଃୟାନ୍ତେ ଏନ୍ ଦିଶୁମ୍‌ରେନ୍ ମିଆଁଦ୍ ହଡ଼ତାଃରେ ଦାସିତାଇକେନାଏ, ଏନ୍ ହଡ଼ ଆୟାଃ ପିଡ଼ିରେ ସୁକୁରି ଗୁପିତେ ଇନିଃକେ କୁଲ୍‌କିୟାଏ ।

୧୬ ଆଡ଼ ଇନିଃ ସୁକୁରି ଜମ୍‌ତେୟାଃ ଆୟାଃ ଲାହିଦ୍ ବିଏ ସାନାଙ୍ଗ୍‌ତାନ୍ ତାଇକେନାଏ ଆଡ଼ ଜେତାଏ ଇନିଃକେ କାକ ଏମାଇତାନ୍ ତାଇକେନା ।

୧୭ ଏନ୍ତେ ଇନିଃ ପାହାମ୍ ରୁହାଡ଼କେଦ୍‌ତେ କାଜିକେଦାଏ, ପୁରାଃଗି ସାରେଜ୍‌ତାରଃ ଲେକା ଜମେୟାଃ ଆପୁଇଁୟାଃ ଚିମିନ୍ ନାଲାକତାଃରେ ମେନାଃ ଆଡ଼ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜଃତାନାଇଙ୍ଗ୍ ।

୧୮ ଆଇଙ୍ଗ୍ ବିରିଦ୍‌କେଦ୍‌ତେ ଆପୁଇଙ୍ଗ୍‌ତାଃ ସେନଃଆଇଙ୍ଗ୍ ଆଡ଼ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିର୍ମାରେନ୍ ପାର୍‌ମେଶ୍ୱାର୍‌ଆଃ ଆଡ଼ ଆମାଃ ଆୟାର୍‌ରେ ପାପକାଦାଃଇଙ୍ଗ୍ ।

୧୯ ଆଇଙ୍ଗ୍ ଆମାଃ ହନ୍ କାଜିୟାଃଲେକାନିଃ ନାହାଁଲାଇଙ୍ଗ୍, ଆମ୍ ଆମାଃ ନାଲା କାମିତାନ୍ ଦାସିକ ଲେକା ଦହିଙ୍ଗ୍‌ମେଁ ।

୨୦ ଏନ୍ତେ ଇନିଃ ବିରିଦ୍‌ୟାନ୍ତେ ଆପୁତେତାଃ ସେନଃୟାନାଏ । ମେନ୍‌ଦ ଇନିଃ ସାଜିନ୍‌ରେଗି ତାଇକେନ୍ ଇମ୍‌ତା ଆପୁତେ ଇନିଃକେ ନେଲ୍‌କିଃତେ ଲିବୁଆଇକିୟାଏ, ଆଡ଼ ନିର୍ ଦାରମ୍‌କିୟାଏ, ଆଡ଼ ହାଁବୁଦକିଃତେ ଚଅଃକିୟାଏ ।

୨୧ ହନ୍ ଇନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍ ସିର୍ମାରେନ୍ ପାର୍‌ମେଶ୍ୱାର୍‌ଆଃ ଆଡ଼ ଆମାଃ ଆୟାର୍‌ରେଇଙ୍ଗ୍ ପାପକାଦାଃ, ଆଇଙ୍ଗ୍ ଆୟାର୍‌ତେ ଆମାଃ ହନ୍ କାଜିୟାଃଲେକାନିଃ ନାହାଁଲାଇଙ୍ଗ୍ ।’

☆ ୧୫:୧ ଲୁକ ୫:୨୯,୩୦. * ୧୫:୨ କୁରୁମ୍‌ତୁରୁମ୍‌ୟାନ୍‌ଲଃଅଭିଯୋଗ୍ / କୁର୍‌ବୁରାଅ † ୧୫:୪ ମିଦ୍‌ଶାଅ ‡ ୧୫:୪ ଅନାଇସ୍ § ୧୫:୮ ଦାଶ୍
* ୧୫:୮ ମିହୁଡ଼୍ ହଡ଼ରାଃ ମୁସିଙ୍ଗ୍‌ରାଃ ମାଜ୍‌ରି ଗନଙ୍ଗ୍ † ୧୫:୮ ଚିହୁଲ୍‌ତେ ଯାତାନ୍‌ତେ ‡ ୧୫:୧୨ ଲିଟା ହୁଡ଼ିଙ୍ଗ୍

୨୨ ମେନ୍ଦ ଆପୁ ଆୟାଃ ଦାସିକକେ କାଜିୟାଦକଆଏ, ‘ବୋଦେଗି ! ସବେନାଃଏତେ ବୁଗିନ୍ ଲିଜାଃ ଅତଙ୍ଗ୍‌ୟେ ଆତଃ ଇନିଃକେ ତୁସିଙ୍ଗ୍‌ୟେ ଆତଃ ଇନିୟାଃ ତିଃଇରାଃ ସାର୍‌ସାର୍‌ରେ ମୁଦାମ୍ ଆତଃ କାଟାରେ ଜୁତା ଚାଏ ଖାର୍‌ପା ତୁସିଙ୍ଗ୍‌ୟେ ।

୨୩ ଆତଃ କିରିକାନ୍ ବାଛାଃ ଆଉକେଦ୍‌ତେ ଗଜିପେ, ଆବୁ ଜମ୍‌କେଦ୍‌ତେରୁ ରାସ୍‌କାଅଃଆ ।

୨୪ ନେ ହନିଙ୍ଗ୍‌କଡ଼ାଦ ଗଜାକାନ୍ ତାଇକେନାଏ ଆତଃ ଜୀହୁଦ୍‌ରୁହାଡ଼ାକାନାଏ, ଇନିଃ ଆଦାକାନ୍ ତାଇକେନାଏ ଆତଃ ନାମରୁହାଡ଼ାକାନାଏ, ଆତଃ ଇନକୁ ରାସ୍‌କାଅଃ ଏଟେଦ୍‌କେଦାକ ।’

୨୫ “ଆତଃ ଇନିୟାଃ ମାରାଙ୍ଗ୍ ହନ୍ ପିଡ଼ିରେ ତାଇକେନାଏ, ହିଜୁଃତାନ୍‌ଲଃ ଅଡ଼ାଃତାଃ ସେଟେର୍‌ୟାନ୍‌ତେ ଦୁରାଙ୍ଗ୍‌ତାନ୍, ସୁସୁନ୍‌ତାନ୍‌କଆଃ ସାଡ଼ି ଆୟୁମ୍‌କେଦା ।

୨୬ ଏନ୍ତେ ଇନିଃ ଦାସିକଏତେ ମିଆଁଦ୍‌ନିଃକେ ଆୟାଃତାଃତେ କେଡ଼ାକେଦ୍‌ତେ ‘ନେଆଁ ଚିନାଃ ହବାଅଃତାନାଃ’ ମେନ୍ତେ କୁଲିକିୟାଏ ।

୨୭ ‘ହାଗାମ୍ ତାମାଃ ହିଜୁଆକାନାଏ’ ମେନ୍‌କିୟାଏ, ‘ଆତଃ ଇନିଃ ବୁଗିନ୍ ବୁଗିନାଏ ନାମରୁହାଡ଼ାକାନା ମେନ୍ତେ ଆପୁମ୍ ମିଆଁଦ୍ କିରିୟାକାନ୍ ବାଛା ଗଜାକାୟାଏ ।’

୨୮ “ମେନ୍‌ଦ ମାରାଙ୍ଗ୍ ହନ୍ତେକଡ଼ା ଖୁସ୍‌ୟାନାଏ ଆତଃ ଅଡ଼ାଃତେ କାଏ ବଲ ସାନାଙ୍ଗ୍‌କେଦା, ଏନାତେ ଆପୁତେ ଅତଙ୍ଗ୍‌କେଦ୍‌ତେ ଇନିଃକେ ବିକ୍ତିକିୟାଏ ।

୨୯ ମେନ୍‌ଦ ଇନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ ହବାୟାନା ଅଇଙ୍ଗ୍ ଆମାଃ ଦାସି ଲେକାୟା କାମିତାନା ଆତଃ ଆମାଃ ଜେତାନ୍ ଆନ୍‌ରୁ ଚିଉଲ୍‌ହାଗି କାଇଙ୍ଗ୍ ଟଟାଃକେଦା ଆତଃ ଆମ୍ ଆଇଁୟାଃ ଗାଡ଼ିକଲଃ ରାସ୍‌କାଃ ନାଗେନ୍ତେ ଚିଉଲ୍‌ହା ମିଆଁଦ୍ ମେରମ୍ ହନ୍‌ହଁ କାମ୍ ଏମାକାଦିକୟାଃ ।

୩୦ ମେନ୍‌ଦ ଆମାଃ ନେ ହନ୍ ବେଶ୍‌କଲଃ ଆମାଃ ସବେନ୍ ମେନାଃତେୟାଃ ଜମ୍‌ଟାବାକେଦାଏ, ଆତଃ ନାହାଁଃ ଅଡ଼ାଃତେ ହିଜୁଃକାନ୍ ଇମ୍‌ତା ଆମ୍ ଇନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଗଏଃକିୟାମ୍ ।’

୩୧ ମେନ୍‌ଦ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଅଇଙ୍ଗ୍‌ଲଃ ତାଇନଃତାନାମ୍ ଆତଃ ଆଇଁୟାଃ ସବେନାଃ ଆମାଃଗି ତାନାଃ ।

୩୨ ମେନ୍‌ଦ ରାସ୍‌କାଅଃ ଆତଃ ସୁକୁଅଃଲ୍‌ଗାଡ଼ିଙ୍ଗ୍ ତାଇକେନା ଚିୟାଃଚି ନେ ହାଗାମ୍‌ଦ ଗଜାକାନାଏ ତାଇକେନା ଆତଃ ଜୀହୁଦ୍‌ରୁହାଡ଼ାକାନାଏ; ଇନିଃ ଆଦାକାନାଏ ତାଇକେନା ଆତଃ ନାମରୁହାଡ଼ାକାନାଏ ।’”



ଲଗତାନ୍ ଭାଣ୍ଡାରି

୧ ଯୀଶୁ ଆୟାଃ ଚେଲକକେ କାଜିୟାଦକଆଏ, “ମିଆଁଦ୍ କିସାଁଶ୍ ହଡ଼ଆଃ ଭାଣ୍ଡାରି ତାଇକେନାଏ, ଇନିଃ ମେନାଃତେୟାଃକ ଛିତିବିତି ତାନାଏ ମେନ୍ତେ କିସାଁଶାଃ ଆୟାର୍‌ରେ ଭାଣ୍ଡାରିକ ଚିଟାକିୟାଃକ ।

୨ ଏନ୍ତେ କିସାଁଶ୍ ଇନିଃକେ ହାକାଅତାନ୍‌ଲଃ କାଜିକିୟାଏ, ‘ଆମାଃ ବିଷାଏରେ ଚିନାଃଇଙ୍ଗ୍ ଆୟୁମ୍‌ତାନା ? ଆମାଃ ଭାଣ୍ଡାରି କାମିରାଃ ହିସାବ୍ ଏମାଇଙ୍ଗ୍‌ମେ, ଆମ୍ ଆୟାର୍‌ତେ ଭାଣ୍ଡାରି କାମ୍ ତାଇନ୍‌ଦାଡ଼ିୟାଃ ।

୩ ଏନ୍ ଭାଣ୍ଡାରି ଚିନାଃଇଙ୍ଗ୍ ଚିକାୟା ମେନ୍ତେ ଆୟାଃ ମନ୍‌ରେୟାଏ ଉଡୁଃକେଦାଃ, ଗମ୍‌କେତାଇଙ୍ଗ୍‌ଦ ଭାଣ୍ଡାରି କାମି ରେଜିଙ୍ଗ୍‌ତାନାଏ । ଉରକେଦ୍‌ତେ କାମିଲେକା ଆଇଁୟାଃ ପେଡ଼େଃ ବାନଃଆ, ଆତଃ କର୍‌ତେଇଙ୍ଗ୍ ଗିହୁଃତାନା ।

୪ ଭାଣ୍ଡାରିକାମିଏତେଇଙ୍ଗ୍ ଅତଙ୍ଗ୍‌ଏନ୍‌ରେଦ୍ ହଡ଼କ ଆକଆଃ ଅଡ଼ାଃରେକ ଦହିଙ୍ଗା ମେନ୍ତେ ଚିନାଃଇଙ୍ଗ୍ ଚିକାୟା ଏନାଇଙ୍ଗ୍ ସାରିୟାଃ ।’

୫ “ଏନ୍ତେ ଇନିଃ ଆୟାଃ ଗମ୍‌କେୟାଃ ରିଶୀସାବାକାଦ୍‌କଏତେ ମିମିଆଦ୍‌କକେ କେଡ଼ାକେଦ୍‌କଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇଁୟାଃ ଗମ୍‌କେୟାଃ ଚିମିନାଙ୍ଗ୍ ରିଶୀମ୍ ଇଦିକାଦା ?’

୬ ଇନିଃ କାଜିକିୟାଏ ‘ମଶୈହିସି ଚିନ୍ ସୁନୁମ୍ ।’ ଏନ୍ତେ ଇନିଃ, ‘ମାର୍ ଆମାଃ ବହି ଆଉଝେମେ ଆତଃ ଦୁବ୍‌ଧାବ୍‌କେଦ୍‌ତେ ବାର୍‌ହିସି ଗେଲେୟା ଅଲେମେ’ ମେନ୍‌କିୟାଏ ।

୭ ଏନ୍ତେ ଏଟାଃନିଃକେ କାଜିକିୟାଏ, ‘ଆମ୍ ଚିମ୍‌ନାଙ୍ଗ୍ ରିଶୀମ୍ ଇଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍‌ରୁହାଡ଼କିୟାଏ । ଇନିଃ କାଜିକିୟାଏ, ‘ଆମାଃ ବହି ଆଉଝେମେ ଆତଃ ଇରାଲିୟା* ଗାଅ ବାସ୍ତା ଅଲ୍‌ତାମେ ।’

୮ “ଏନ୍ତେ ଇନିଃ ସେଣାଁତେୟାଏ କାମିୟାକାଦା ମେନ୍ତେ ଇନିୟାଃ ଗମ୍‌କେ ଏନ୍ କା ଧାର୍‌ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡ଼କଦ ଆକଆଃ ଦିପିଲିରେନ୍ ହଡ଼କଆଃ ନାଗେନ୍ତେ ମାର୍‌ସାଲ୍‌ରେନ୍ ହନ୍‌କଆଃଏତେ ଆଦକାକ ସେଣାଁନାଃ ।”

୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପେ ସାଂସାରରେୟାଃ କା ଧାର୍‌ମାନ୍ ଖୁଜ୍‌ତେ† ଗାଡ଼ିକ ବାଇକପେ, ଏନ୍ତେ ଏନା ଚୁଣ୍ଡୁଅଃ ଇମ୍‌ତାଙ୍ଗ୍ ଇନକୁ ଜାନାଅ ଜାନାଅ ତାଇନଃ ଠାୟାଦ୍‌ରେକ ଦହପେୟା ।

§ ୧୫:୨୩ ବାଛା କାମ୍‌ର * ୧୭:୭ ଆଠ † ୧୭:୯ ଖୁଜ୍‌ତେ ଧାନ୍ / ଖୁଜ୍‌

୧୦ ସବେନାଏତେ ହୁଡ଼ିଙ୍ଗୁଆଁରେ ପାତିୟାରର ଲେକାନନିଃ ପୁରାଃ ବିଷାଏରେହଗି ପାତିୟାରର ଲେକାନନିଃ ତାନିଃ ଆତଃ ସବେନାଏତେ ହୁଡ଼ିଙ୍ଗୁଆଁରେ କା ପାତିୟାରର ଲେକାନନିଃ ପୁରାଃ ବିଷାଏରେହଗି କା ପାତିୟାରର ଲେକାନନିଃ ତାନିଃ ।

୧୧ ଏନାମେନ୍ତେ ଆପେ ସାଂସାରରେୟାଃ ଖୁଜୁଁରେ କା ପାତିୟାରର ଲେକାପେ ତାଇନଃରେଦ, ସାର୍ତ୍ତିତେୟାଃ ଅକଏ ଏମାପେୟାଏ ?

୧୨ ଆତଃ ଆପେ ଏଟାଃନିୟାଃ ବିଷାଏରେ ପାତିୟାରର ଲେକା କାପେ ତାଇନରେଦ ଆପେକେ ଅକଏ ଆପେୟାଃତେୟାଃକେ ଏମାପେୟାଏ ।

୧୩ * “ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟାଆ, ଚିୟାଃତି ଇନିଃ ମିହୁଡ଼କେ ହିଲାଙ୍ଗିୟାଏ ଆତଃ ଏଟାଃ ମିହୁଡ଼କେ ଦୁଲାଡ଼ିୟାଏ, ଚାଏ ମିଆଁଦନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍ମେଶ୍ୱାର୍ ଆତଃ ଖୁଜୁଁ ବାରାନାଃରେ କାପେ ଦାସିଦାଡ଼ିନା ।”

ଆନୁରୋଧ ପେଡ଼େଃ

(ମାଥୁ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଟାକା ପାଏସାରାଃ ହାୟାତାନ୍ ଫାରୁଣୀକ ନେ ସବେନ୍ କାଜି ଆୟୁମକେଦତେ, ଇନିଃକେକ ହିଲାଙ୍ଗିୟା ।

୧୫ ଇନିଃ ଇନକୁକେ କାଜିୟାଦକଆଏ, “ଆପେଦ ହଡ଼କଆଃ ଆୟାରେ ଧାର୍ମାନ୍ଦେ ଉଦୁବଃତାନା, ମେନ୍ଦ ପାର୍ମେଶ୍ୱାର୍ ଆପେୟାଃ ମନ୍ ସାରିୟାଏ । ହଡ଼କଆଃ ଆଲାରେ ମାରାଙ୍ଗୁଅଃଦ ପାର୍ମେଶ୍ୱାର୍ ଆଃ ସାନ୍ମାଙ୍ଗରେ ହିଲାଙ୍ଗୁଅଃଲେକା ।

୧୬ * “ମୁଶାରାଃ ଆନୁ ଆତଃ ନାବୀକ ବାପ୍ତିସ୍ତା ଏମଃନିଃ ଯୋହାନ୍ ଜାକେଦକ ତାଇକେନା, ଇମ୍ତାଙ୍ଗୁଏତେ ପାର୍ମେଶ୍ୱାର୍ ଆଃ ସିର୍ମା ରାଇଜରେୟାଃ ସୁକୁକାଜି ଉଦୁବଃତାନା ଆତଃ ସବେନ୍କ ପେଡ଼େଃଲଃ ଏନାରେ ବଲଃତାନାକ ।

୧୭ * ସିର୍ମା ଆତଃ ଅତେ ଜିୟନିଆ ମେନ୍ଦ ମୁଶା ନାବୀଆଃ ଆନୁରୋଧ ମିଆଁଦ ଅନଲ୍ ହଗି କା ଜିୟନିଆ ।

୧୮ * “ଜେତାଏ ହଡ଼ ଆୟାଃ କୁଡ଼ିକେ ବାଗିକେଦତେ ଏଟାଃନିଃଲଃ ଆଣ୍ଡିନ୍ରେଦ ଇନିଃ ଆପାଙ୍ଗିର୍ନିଃ ତାନିଃ ଆତଃ କଡ଼ାତେ ବାଗିୟାକାନ୍ କୁଡ଼ିକେ ଜେତାଏ ଆଣ୍ଡିୟାଃରେଦ ଇନିଃ ଆପାଙ୍ଗିର୍ନିଃ ତାନିଃ ।

କିର୍ସାଣ୍ ହଡ଼ ଆତଃ ଲାଜାର୍

୧୯ “ମିଆଁଦ କିର୍ସାଣ୍ ହଡ଼ ତାଇକେନାଏ, ଇନିଃ ବାଇଗିନିଆ ଲିଜାଃ ଆତଃ ବୁଗିନ୍ ସୁଗାଡ଼ ଲିଜାଃ ତୁସିଙ୍ଗୁଆଁତାନ୍ ଆତଃ ସବେନ୍ ହୁଲାଙ୍ଗୁ ପୁରାଃ ରାସ୍ବାସ୍ରେୟାଏ ତାଇକେନା ।

୨୦ ମେନ୍ଦ ଲାଜାର୍ ନୁଡ଼ୁମ୍ ମିଆଁଦ କର୍ସୁହଡ଼ ଘାଅତେ ପେରେଜାକାନ୍ ତାଇକେନାଏ, ଇନିଃକେ କିର୍ସାଣ୍ ହଡ଼ରାଃ ଅଡ଼ାଃ ବଲଦୁଆରତାଃରେ ବାଗିତୁକାକାନାଏ ତାଇକେନା ।

୨୧ ନେ କିର୍ସାଣ୍ ହଡ଼ଆଃ ମେଜ୍ଏତେ ଉୟୁଗତାନ୍ କେଟାଃତେୟାଃଲଃ ଆୟାଃ ଲାହିଦ୍ ବିଏ ସାନାଙ୍ଗତାନାଏ ତାଇକେନା, ସେତାକହ ହିଜୁଃଲେନ୍ତେ ଇନିୟାଃ ଘାଅ ଜାଲ୍ତାନ୍ଦକ ତାଇକେନା ।

୨୨ “ଏନ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆତଃ ଦୁଁଡ଼କ ଆବ୍ରାହାମ୍ ଆଃ କୟଙ୍ଗରେକ ତେବାଃକିୟା, ଆତଃ ଏନ୍ କିର୍ସାଣ୍ ହଡ଼ହଗି ଗଏଃୟାନାଏ ଆତଃ ତପାକିୟାଃକ ।

୨୩ ଇନିଃ ପାତାଲ୍ରେ ଦୁକୁସାହାଡ଼ିଙ୍ଗୁତାନ୍ ଇମ୍ତା ଆରିଦ୍ରାକାବକେଦାଏ ଆତଃ ସାଙ୍ଗିନ୍ରେ ଆବ୍ରାହାମ୍ ଆତଃ ଆୟାଃ କୟଙ୍ଗରେ ଲାଜାର୍କେ ନେଲ୍କିୟାଏ ।

୨୪ ଏନ୍ତେ ଇନିଃ ହାକାଅକିଃତେ କାଜିକିୟାଏ, ‘ହେ ଆବା, ଆବ୍ରାହାମ୍ ଲିରୁଆଇଙ୍ଗୁମେଁ ଆତଃ ଲାଜାର୍କେ କୁଲ୍ତାଇମ୍ ଇନିଃ ଆୟାଃ ସାର୍ସାରରାଃ ରୁଟି ଦାଆଃରେ ତୁପୁକେଦତେ ଆଲାଙ୍ଗୁତାଇୟାଃକେ ତୁଡ଼କେନେକାଏଃ, ଆଇଙ୍ଗୁଦ ନେ ସେଙ୍ଗେଲ୍ରେ କାଲ୍ପାଅଃତାନାଲ୍ଙ୍ଗ ।’

୨୫ ମେନ୍ଦ ଆବ୍ରାହାମ୍ କାଜିକିୟାଏ, ‘ଏ ହନ୍, ନେଆଁ ଉଡ଼ୁଃଲମେ, ଆମ୍ଦ ଜାନିଦ୍ ତାଇକେନ୍ ଇମ୍ତା ଆମାଃ ବୁଗିନାଃମ ନାମ୍ତାବାକେଦାଃ ଆତଃ ଏନ୍ ଲେକାଗି ଲାଜାର୍ ପୁରାଃ ଦୁକୁ ନାମ୍କେଦାଏ, ମେନ୍ଦ ନାହାଁଃ ଇନିଃ ନେତାଃରେ ଜୀଉରାଡ଼େଃ ନାମେତାନାଏ ଆତଃ ଆମ୍ କାଲ୍ପାଅଃତାନାମେ ।

୨୬ ଆତଃ ନେଆଁଏତେ ଆଦକା ମାରାଙ୍ଗୁ ହୁଃଙ୍ଗୁ ଆଲେ ଆତଃ ଆପେ ଆଲାରେ ମେନାଃ, ନେତାଃଏତେ ହାନ୍ପାରମ୍ ଆପେତାଃ ଜେତାଏ କାକ ସେନ୍ଦାଡ଼ିୟା ଆତଃ ହାନ୍ପାରମ୍ରେନକ ନେ ପାରମ୍ ଆଲେତାଃ କାକ ହିଜୁଃଦାଡ଼ିୟାଃ ।’

୨୭ ଇନିଃ କାଜିକିୟାଏ, ‘ତାବ୍ଦ ହେ ଆବା, ଲାଜାର୍କେ ଆପୁଇୟାଃ ଅଡ଼ାଃତେ କୁଲ୍ତାଇମ୍, ମେନ୍ତେଲ୍ଗୁ ବିଗ୍ତିମେ ତାନା ।

୨୮ ଚିୟାଃତି ଆଇୟାଃଦ ମଣେୟାଁ ହାଗାଇଙ୍ଗୁକ ମେନାକଆ, ଇନିଃ ଇନକୁତାଃ ପାର୍ଚାରେକାଏ, ଆତଃ ତେତାଅକକାଏ, କା’ରେଦ ଇନକୁହଗି ନେ ଦୁକୁ ଠାୟାଦ୍ତେକ ସେଟେରାଃ ।’

* ୧୭:୧୩ ମାଥୁ ୬:୨୪. * ୧୭:୧୨ ମାଥୁ ୧୧:୧୨,୧୩. * ୧୭:୧୨ ମାଥୁ ୫:୧୮. * ୧୭:୧୮ ମାଥୁ ୫:୩୨; ୧ କରିନ୍ଥୁ ୭:୧୦,୧୧. † ୧୭:୨୩ ଗନ୍ଧରାଃ ଦିଶ୍ୱମ୍ § ୧୭:୨୪ ତୁଡ଼କେନେକାଏ ଆଶ୍ୱାକାଏ

୨୯ “ଆବ୍ରାହାମ୍ କାଜିକିୟାଏ, ‘ମୁଗା ଆତଃ ନାବାକଆଃ ପୁଅଁ ଇନ୍କୁତାଃରେୟାଃ; ଆମାଃ ହାଗାକ ଇନ୍କୁଆଃ କାଜିକ ଆୟୁମେକା ।’

୩୦ ଇନିଃ କାଜିକିୟାଏ, ‘ହେ ଆବା ଆବ୍ରାହାମ୍, ବାନଃଗି ! ମେନ୍ଦ ଗଜାକାନ୍କଏତେ ଜେତାଏ ଇନ୍କୁତାଃତେ ସେନଃରେଦ ଇନ୍କୁ ହେୟାତିଜେଆକ ଆତଃ ପାପ୍ତହେତେ ମନ୍ରୁହାଡେୟାକ ।’

୩୧ ମେନ୍ଦ ଇନିଃ କାଜିକିୟାଏ, ‘ଇନ୍କୁ ମୁଗା ଆତଃ ନାବାକଆଃ କାଜି କାକ ମାନାତିଜ୍ରେଦ, ଗଜାକାନ୍କଏତେ ଜେତାଏ ଜୀଉବିରିଦଃରେୟ କାକ ମାନାତିୟାଃ ।’ ”

୧୭

ପାପ

(ମାଥୂଉ ୧୮:୨-୭, ୨୧-୨୨; ମାର୍କ ୯:୪୨)

୧ ଯୀଶୁ ଆୟାଃ ଚେଲକକେ କାଜିୟାଦକଆଏ, “ଅକ ବିନିତାଅ ହରାତେ ହଡ଼ ପାପରେ ଉୟୁଗଃଆ, ଏନ୍ ସବେନାଃ ଜାରୁଡ଼ଗି ହିଜୁଃଆ, ମେନ୍ଦ ଅକଏୟାଃ ହାରାତେ ନେୟାଁ ହବାଅଃଆ, ଇନିୟାଃ ଟୁଣ୍ଡ ଦୁସା ଚିମିନ୍ ବରଝାନଗି ହବାଅଃଆ ।

୨ ଜେତାଏ ନେ ହୁଡ଼ିକଏତେ ମିଆଁଦନିଃକେ ପାପ୍ତରେ ଉୟୁଃ ରିକାଲଏତେଦ, ଇନିଃ ଆଇଃଗି ହଟଃରେ ଜାନ୍ତାଦିରି ହାକାକେଦତେ ଦରେୟାରେ ହୁଦ୍ମାଅଃତେୟାଃ ଆୟାଃ ନାଗେନ୍ତେ ବୁଗିନ୍ ହବାଅଃତେୟାଃ ।

୩ ☆ଏନାତେ ଆପେ ଚିଗାଲକାନ୍ପେ, ହାଗାମ୍ ତାମାଃ ପାପ୍ତରେଦ ଇନିଃକେ ଏଗେରକେଦତେ ଚେତାଇମେଁ, ଆତଃ ଇନିଃ ହେୟାତିଜ୍ରେଦଃ ଛାମାଇମେଁ ।

୪ ଇନିଃ ସିଜିସାଟୁବ୍ରେ ସାଡ଼ଧାଅଁ ଆମାଃ ବିରୁଧ୍ରେ ପାପ୍ତପେରେଦ, ଆତଃ ସିଜିସାଟୁବ୍ରେ ସାଡ଼ଧାଅଁ ଆମାଃତାଃତେ ରୁହାଡ଼ୟାନ୍ତେ ଆଇଜ୍ ହେୟାତିଜ୍ତାନାଇଜ୍ ମେନ୍ରେଦ ଇନିଃକେ ଛାମାଇ ଲାଗାତିୟାଃ ।”

ବିଶ୍ୱାସ

୫ ଆତଃ ପ୍ରେରିଡ଼କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍ ଆଦକାଏମେ ।”

୬ ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଜ୍ଲେକା ମେନାଃରେଦ, ଆମ୍ ତୁଦଃମେଁ ଆତଃ ଦରେୟାରେ ରୟଃମେ ମେନ୍ତେ ନେ ହୁଡ଼ଦାରୁକେ କାଜିରେ, ଏନା ଆପେୟାଃ ଆନ୍ତୁକେ ମାନାତିୟାଃଏ ।

ମିଆଁଦ୍ ଦାସିଆଃ କାମି

୭ “ଆପେକଏତେ ଜେତାଏୟାଃ ମିଆଁଦ୍ ସିହୁଃ ଚାଏ ଗୁପି ଦାସି ମେନାଇରେଦ, ଇନିଃ ପିଡ଼ିଏତେ ହିଜୁଃଲଃଗି, ଅକଏ ମାବ୍ ଜଜମ୍ ଦୁବ୍ମେଁ ମେତାଇୟାଏ ?

୮ ମେନ୍ଦ ଇନିଃ ‘ଆଇୟାଃ ଜମେୟାଃ ବାଇୟେମେଁ, ଆତଃ ପାଟେକେଦତେ ଆଇଜ୍ ଆଉରିଜ୍ ଜମେ ନୁଁଏ ଜାକେଦ୍ ସୁସାରିଜ୍ମେ ଆତଃ ଏନ୍ ତାୟମ୍ତେ ଆମ୍ ଜମନ୍ତୁଏମେ’ ମେତାଇୟାଏ ।

୯ ଚିୟାଃ ଇନିଃ ଏନ୍ ଦାସିକେ ଆରୁକାନ୍ କାମିକ କାମିକେଦାଏ ମେନ୍ତେ ଧାନ୍ୟାବାଦ୍ ଏମାଃଏ ?

୧୦ ନେଲେକାତେ ଆପେୟ ସବେନ୍ ଆରୁଆକାନ୍ କାମିକ ଚାବାକେଦତେ, ଆବୁ ପାତିୟାରୁରଃ ଲେକାନ୍ ଦାସିକ ନାହାଁଲାବୁ, ଆବୁଆଃ ଲାଗାତିଜ୍ କାମିକବୁ କାମିକେଦାଃ ମେନ୍ତେ କାଜିପେ ।”

ୟୀଶୁ ଗେଲ୍ ନାଗେଘାଅତାନ୍କକେ ବୁଗିକତାନାଏ

୧୧ ଯୀଶୁ ଯୀରୁଶାଲେମ୍ତେ ସେନଃତାନ୍ ଇମ୍ତା, ଶମିରୋନ୍ ଆତଃ ଗାଲିଲ୍ ଦିଶୁମ୍ ଆଲା ଆଲାତେ ସେନଃତାନାଏ ତାଇକେନାଁ ।

୧୨ ଇନିଃ ମିଆଁଦ୍ ହାତୁତେ ବଲତାନ୍ ଇମ୍ତା ଗେଲ୍ ନାଗେଘାଅତାନ୍ ହଡ଼କ ସାଜିନ୍ରେକ ଡିଜୁୟାନ୍ତେ ଇନିଃକେ ଦାରମ୍କିୟାଃକ ।

୧୩ ଆତଃ ଇନ୍କୁ “ହେ ଯୀଶୁ ଦାୟାଲେମେଁ” ମେନ୍ତେକ କାଉରିକେଦାଃ ।

୧୪ ଇନିଃ ଇନ୍କୁକେ ନେଲକେଦତେ ମେତାଦକଆଏ, “ସେନଃପେ ଆତଃ ଯାଜାକ୍କତାଃ ଉଦୁବେନ୍ପେ ।” ଆତଃ ଇନ୍କୁ ସେନଃତାନ୍ଲଃକ ଫାର୍ଚିୟାନା ।

୧୫ ଇନ୍କୁଏତେ ମିଆଁଦନିଃ ଆଇଜ୍ ବୁଗିକାନାଇଜ୍ ମେନ୍ତେ ନେଲ୍ୟାନ୍ତି କାଉରିକେଦତେ ପାର୍ମେଶ୍ୱାର୍ଆଃ ମାନାରାଜ୍ତାନଲଃ ହିଜୁଃରୁହାଡ଼ୟାନା ।

୧୬ ଆତଃ ଯୀଶୁଆଃ କାଟାସୁବାରେ ଅମ୍ବାଃକେଦତେ ଇନିଃକେ ଧାନ୍ୟାବାଦ୍ ଏମ୍କିୟାଏ, ଆତଃ ଇନିଃଦ ଶମିରୋନିରେନ୍ ତାଇକେନାଏ ।

୧୭ ଯୀଶୁ କୁଲିକେଦକଆଏ, “ଚିୟାଃ ସବେନ୍ ଗେଲ୍ ହଡ଼କ କାକଚି ଫାର୍ଚିୟାନା ? ଏଟାଃ ନାଅଝାନ୍କ କତାଃରେକଆଃ ?

☆ ୧୭:୩ ମାଥୂଉ ୧୮:୧୫.

୧୮ ଚିୟାଃ ନେ ଏଟାଃ ଦିଶୁମ୍ବରେନ୍ ନିଃକେ ବାଗିକିଃତେ ପାର୍ମେଶ୍ଵାରକେ ଧାନ୍ୟାବାଦ୍ ଏମ୍ ନାଗେନ୍ତେ ଆତଃ ଜେତାଏ କାକ ରୁହାଡ଼ୟାନା ?”

୧୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ମାର୍ ବିରିଦ୍ମେ ଆତଃ ସେନଃମେ ବିଶ୍ଵାସ୍ତାମାଃ ବୁଗିକାଦ୍ମେୟାଏ ।”

ପାର୍ମେଶ୍ଵାରଆଃ ରାଇଜ୍ ହିଜୁଃତାନା
(ମାଥୂଉ ୨୪:୨୩-୨୮, ୩୭-୪୧)

୨୦ ମିସା, ଚିମ୍ନାଜ୍ ଫାରୁଶୀକ ପାର୍ମେଶ୍ଵାରଆଃ ରାଇଜ୍ ଚିତ୍ତଲା ହିଜୁଃଆ ମେନ୍ତେ କୁଲିକିୟାଃକ, ଯୀଶୁ ମେନ୍ତେରୁହାଡ଼ାଦକଆଏ, “ପାର୍ମେଶ୍ଵାରଆଃ ରାଇଜ୍ ଆପେୟାଃ ନେନେଲ୍ରେ କା ହିଜୁଃଆ,

୨୧ ଆତଃ ହଡ଼କ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ଚିୟାଃଚି ପାର୍ମେଶ୍ଵାରଆଃ ରାଇଜ୍ ଆପେ ଆଲାରେଗିୟା ।”

୨୨ ଏନ୍ତେ ଯୀଶୁ ଆୟାଃ ତେଲକକେ କାଜିୟାଦକଆଏ, “ଏନ୍ ନେତା ହିଜୁଃତାନା, ଆପେକେ ମାନଃହନ୍ଆଃ ମିପିୟାଦ୍ ହୁଲାଜ୍କଏତେ ମିଆଁଦ୍ ହୁଲାଜ୍ ନେନେଲ୍ ସାନାଜ୍ପେୟା, ମେନ୍ଦ୍ କାପେ ନେଲେୟା ।

୨୩ ହଡ଼କ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେନ୍ତାଃରିୟା,’ ମେନ୍ଦ୍ ଆଲ୍ପେ ସେନାଃ ।

୨୪ ଜୁଲ୍ତାନହିଚିରଦ୍ ସିର୍ମାଲାତାର୍ ନେ’ସାଃଏତେ ଏଟାଃସାଃ ଜାକେଦ୍ ସିର୍ମାକେ ମାସ୍ତାଲେୟାଏ, ଏନ୍ ଲେକାଗି ମାନଃହନ୍ଆଃ ହିନିଜୁଃ ହବାଅଆଃ ।

୨୫ ମେନ୍ଦ୍ ସିଦାତେ ଇନିଃକେ ପୁରାଃଗି ଦୁକୁ ସାହାତିଜ୍ ଲାଗାତିଜ୍ୟାଃ ଆତଃ ନେ ଦିପିଲିରେନ୍ ହଡ଼କ ଇନିଃକେକ ହିଲାଜ୍କଆ ।

୨୬ ଆତଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନଃହନ୍ଆଃ ହୁଲାଜ୍ରେହଗି ଏନ୍ଲେକା ହବାଅଆଃ ।

୨୭ ନୁହୁଁ ଲାତକାରେ ଦେଏଃୟାନ୍ ହୁଲାଜ୍ ଜାକେଦ୍ ଇନ୍କୁ ଜମ୍ ନୁଁତାନ୍ ଆଣ୍ଡି ଆତଃ ଆଣ୍ଡିଏମାଃତାନ୍କ ତାଇକେନା, ଇମ୍ତାଗି ଚୁଡା ହିଜୁଃୟାନ୍ତେ ସବେନ୍କକେ ଜିୟନ୍କେଦକଆଏ ।

୨୮ ଲୁଟ୍ଆଃ ହୁଲାଜ୍ରେହ ଏନ୍କାୟାନା, ଇନ୍କୁ ଜମ୍ ନୁଁତାନ୍, କିରିଜ୍ ଆଖ୍ରିଜ୍ତାନ୍, ରଏତାନ୍ ଆତଃ ଅଡ଼ାଃ ବାଇତାନ୍କ ତାଇକେନା ।

୨୯ ମେନ୍ଦ୍ ଲୁଟ୍ ସୋଦମ୍ ଏତେ ଅତଜ୍ୟାନ୍ ଇମ୍ତା ସିର୍ମାଏତେ ସେଜେଲ୍ ଆତଃ ଗାନ୍ଦାକ୍ ଗାମାକେଦାଏ ଆତଃ ଏନ୍ ସବେନ୍କକେ ଜିୟନ୍ କେଦକଆଏ ।

୩୦ ଏନ୍ ଲେକାଗି ମାନଃହନ୍ଆଃ ଉଦୁବଃ ହୁଲାଜ୍ରେ ହବାଅଆଃ ।

୩୧ ☆“ଏନ୍ ହୁଲାଜ୍ରେ ଜେତାଏ ସାଡ଼ମିରେ ତାଇନଃରେଦ୍ ଆତଃ ଇନିୟାଃ ମେନାଃତେୟାଃକ ଅଡ଼ାଃରେ ତାଇନ୍ରେଦ୍, ଏନା ଇଦିନାଗେନ୍ତେ ଆଲକାଏ ଆଡ଼ଗୁନ୍କା, ଆତଃ ଏନ୍ଲେକାଗି ପିଡ଼ିଲୟଜ୍ରେ ତାଇନିଃ ଦୟାତେ ଆଲକାଏ ରୁହାଡ଼କା ।

୩୨ ଲୁଟ୍ କୁଡ଼ିତେକେ ପାହାମିପେ ।

୩୩ ☆ଜେତାଏ ଆୟାଃ ଜୀଉ ବାସ୍ତାଅ ନାଜ୍ ସାନାଜ୍ରେଦ୍ ଏନା ଆଦେୟାଏ, ଆତଃ ଜେତାଏ ଏନା ଆଦେରେଦ୍ ଏନାଏ ବାସ୍ତାଅୟା ।

୩୪ ଆଇଜ୍ ଆପେକେ କାଜିୟାପେ ତାନାଇଜ୍, ଏନ୍ ନିଦାରେ ବାହଡ଼୍ ମିଆଁଦ୍ ପାର୍ମେଶ୍ଵାରକିନ୍ ଗିଡ଼ିଃକାନ୍ରେଦ୍ ମିହୁଡ଼କେ ଇଦିୟାଆ ଆତଃ ମିହୁଡ଼କେ ବାଗିଅଆ ।

୩୫ ବାରିଆ କୁଡ଼ିକିନ୍ ମିଦ୍ତେ ଜନ୍ତାଦିରିରେକିନ୍ ରିଦ୍କାତେରେଦ୍ ମିଆଁଦ୍ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ ।

୩୬ ବାହଡ଼୍ ଅତେରେକିନ୍ ତାଇନ୍ରେଦ୍ ମିଆଁଦ୍ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ ।”*

୩୭ ଇନ୍କୁ କୁଲିକିୟାଃକ, “ହେ ପ୍ରାଭୁ କତାଃରେ ନେ ସବେନାଃ ହବାଅଆଃ ?” ଆତଃ ଇନିଃ “ଅକ୍ତାଃରେ ମାଁଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟାଆଃ” ମେନ୍ତେରୁହାଡ଼ାଦକଆଏ ।

୧୮

ରାଣ୍ଡିକୁଡ଼ି ଆତଃ ବିଚାର୍ନିୟାଃ ଜନ୍କା କାଜି

୧ ଜାନାଅ ବିକ୍ତି ଆତଃ ଭାର୍ସା କା ହୁଡ଼ିଜ୍ ଲାଗାତିଜ୍ୟାଃ ମେନ୍ତେ ଯୀଶୁ ଆୟାଃ ତେଲକକେ ମିଆଁଦ୍ ଜନ୍କା କାଜି ଉଦୁବାଦକଆଏ ।

୨ “ଜେତାଏ ସାହାରରେ ମିଆଁଦ୍ ବିଚାର୍ନିଃ ତାଇକେନାଏ, ଇନିଃ ପାର୍ମେଶ୍ଵାରକେ କାଏ ବରଆଇ ତାଇକେନା ଚି ହଡ଼କକେ କାଏ ମାନାତିଜ୍କ ତାଇକେନା ।

☆ ୧୭:୩୧ ମାଥୂଉ ୨୪:୧୭,୧୮; ମାର୍କ ୧୩:୧୫,୧୬. ☆ ୧୭:୩୩ ମାଥୂଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଯୋହାନ୍ ୧୨:୨୫. * ୧୭:୩୭ ଚିମିନ୍ ମାରି ଅନଲ୍ରେ ନେ ପଦ ବାନ୍ଧଆ

୩ ଆତ୍ମା ଏବଂ ସାହାରରେ ମିଆଁଦ ରାଣ୍ଡିକୁଡ଼ି ତାଲକେନାଏ, ଇନିଃ ଏବଂ ବିଚାରନିଃତାଃ ମଣେସା ହିଜୁଃୟାନ୍ତେ, 'ଆଇଁୟାଃ ବାଲରିକତାଃ ଏତେ ଆଇଙ୍ଗକେ ନ୍ୟାୟ ଏମାଲଙ୍ଗମେ' ମେନ୍ତେ ବିନ୍ତିକିୟାଏ ।

୪ ଇନିଃ ଚିମିନ୍ଦିନ୍ କାଏ ମାନାତିଙ୍ଗକେଦାଃ, ମେନ୍ଦ ତାୟମ୍ତେ, ଆଇଙ୍ଗ ଦ 'ପାରମେଶ୍ଵାରକେ କାଲଙ୍ଗ ବରଆଇତାନା ଚି ହଡକକେ କାଲଙ୍ଗ ମାନାତିଙ୍ଗକତାନା'

୫ ଏନ୍ରେୟ ନେ ରାଣ୍ଡିକୁଡ଼ି ବିଡଲାଇଙ୍ଗ ତାନାଏ, ଏନାତେ ଆଇଙ୍ଗ ଇନିୟାଃ ତେତାନରେ ହବାକାନ କା ଲାଗାତିଙ୍ଗ କାମି ନାଙ୍ଗ ନ୍ୟାୟ ରିକାଏୟାଇଙ୍ଗ ଆତଃ ଆଇଙ୍ଗ ଇନିୟାଃ ଗହରାଅ ଆୟୁମେଆଇଙ୍ଗ, କା'ରେଦ ଇନିଃ ଜାନାଅ ଜାନାଅ ହିଜୁଃକେଦତେ ହାଏରାନିଆଁ ମେନ୍ତେ ଆୟାଃ ମନ୍ରେ କାଜିକେଦାଏ ।”

୬ ଆତଃ ପ୍ରାଭୁ କାଜିକେଦାଏ, “ଏନ୍ ଏଡକାନ ବିଚାରନିଃ ଚିକନାଃ କାଜିକେଦାଏ ଏନା ଆୟୁମେପେ ।

୭ ଆତଃ ପାରମେଶ୍ଵାର ନିଦାସିଙ୍ଗି ହାକାଅଇତାନ ଆୟାଃ ସାଲାନାନକଆଃ ନାଙ୍ଗ ଥୁମ୍ବାସାମାଏ ସାହାତିଙ୍ଗରେହ ଚିୟାଃ ନ୍ୟାୟ କାଏ ରୁହାଡକଆ ?

୮ ଆଇଙ୍ଗ ଆପେକେ କାଜିପେତାନାଇଙ୍ଗ, ଇନିଃ ଇନ୍କୁରେ ହବାକାନ ଏଡକାନ କାଜିକ ସାଙ୍ଗିନେ ନାଙ୍ଗ ଜାଲ୍ଦିଗି ନ୍ୟାୟ ଏମ୍ବରୁହାଡକଆଏ । ଏନ୍ରେୟ, ମାନଝାହନ୍ ହିଜୁଃଇମ୍ତା, ଚିୟାଃ ଅତେରେ ବିଶ୍ଵାସ୍ ନାମେୟାଏ ?”

ଫାରୁଶୀ ଆତଃ ମାଲହାରମ୍ନିୟାଃ ଜନ୍କା କାଜି

୯ ଆରୁ ଧାର୍ମାନଗିୟାଃରୁ ମେନ୍ତେ ଆକରେ ଭାରସାଏତାନ ଆତଃ ଏଟାଃକକେ ହିଲାଇଙ୍ଗକତାନ, ଚିମିନ୍ ହଡକ ନାଗେନ୍ତେ ଯୀଶୁ ନେ ଜନ୍କା କାଜି କାଜିୟାଦକଆଏ ।

୧୦ “ବାରହଡ୍ ମାନ୍ଦିର୍ ଅଡ଼ାଃତେ ବିନ୍ତିତେକିନ୍ ସେନଃୟାନା, ମିଆଁଦନିଃ ଫାରୁଶୀ ଆତଃ ଏଟାଃନିଃ ମାଲହାରମ୍ନିଃ ।

୧୧ “ଫାରୁଶୀ ଆତମ୍ରେ ତିଙ୍ଗୁୟାନ୍ତେ ବିନ୍ତିକେଦାଏ, ‘ହେ ପାରମେଶ୍ଵାର, ଆଇଙ୍ଗ ଏଟାଃ ହଡକଲେକା ନାହାଁଲାଇଙ୍ଗ, ଇନ୍କୁଦ ରେଃକନିଃକ, ଏଡକାନକାମିକ, ଆପାଙ୍ଗିରକ ତାନକୁ ଆତଃ ନେ ମାଲହାରମ୍ନିଃ ଲେକାହ ନାହାଁଲାଇଙ୍ଗ ।

୧୨ ଆଇଙ୍ଗ ହାପ୍ତାରେ ବାରସାଇଙ୍ଗ କାଟାବ୍ତାନା ଆତଃ ଗଟା କାମିୟାକାଦରେୟାଃ ଗେଲ୍‌ହିସା* ହାନାତିଙ୍ଗ ଏମ୍ତାନାଇଙ୍ଗ ।’

୧୩ “ଆତଃ ମାଲହାରମ୍ନିଃ ସାଙ୍ଗିନ୍ରେ ତିଙ୍ଗୁୟାନ୍ତେ ସିମାସାଃତେ ସାଙ୍ଗିଲ୍ ନାଙ୍ଗ କାଏ ସାହାସକେଦା ମେନ୍ଦ ଆୟାଃ କୁଡାମ୍ତା ଆପ୍ତିତାନଲଃ କାଜିକେଦାଏ, ‘ହେ ପାରମେଶ୍ଵାର ଆଇଙ୍ଗ ପାପି ତାନିଙ୍ଗ ଲିବୁଆଇଙ୍ଗମେଁ ।’”

୧୪ ✨ଏନ୍ତେ ଯୀଶୁ କାଜିକେଦାଏ, “ଆଇଙ୍ଗ କାଜିୟାପେ ତାନାଇଙ୍ଗ, ମାଲହାରମ୍ନିଃ ଫାରୁଶୀଏତେ ଆଦକା ଧାର୍ମାନ ମେନ୍ତେ ଲେକାୟାନା ଆତଃ ଅଡ଼ାଃତେ ସେନଃୟାନା । ଜେତାଏ ମାରାଙ୍ଗୟେନ୍ନିଃଦ ହୁଡିଙ୍ଗୟିଃଆଏ ଆତଃ ଜେତାଏ ହୁଡିଙ୍ଗୟିଃନିଃଦ ମାରାଙ୍ଗଆଁଃଏ ।”

ୟୀଶୁ ସିଟିଆ ହନ୍କକେ ଆଗିଷ୍ଟକତାନାଏ

(ମାଥୁଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଆତଃ ଯୀଶୁ ସିଟିଆ ହନ୍କକେ ଜୁଟିଦକକାଏ ମେନ୍ତେ ହଡକ ଇନ୍କୁକେ ଇନିଃତାଃ ଆଉକେଦକଆକ, ମେନ୍ଦ ତେଲକ ନେଆଁ ନେଲ୍‌କେଦତେକ ମାରାଙ୍ଗମଟାକେଦକଆ ।

୧୬ ମେନ୍ଦ ଯୀଶୁ ଇନ୍କୁକେ ଆୟାଃତାଃ ହାକାଅକେଦତେ କାଜିୟାଦକଆଏ, “ହୁପ୍ତିଙ୍ଗ ହନ୍କକେ ଆଇଙ୍ଗତାଃ ହିଜୁଃରିକାକପେ ଆତଃ ଇନ୍କୁକେ ଆଲ୍‌ପେ ରୁହାଡକଆ, ପାରମେଶ୍ଵାରଆଃ ରାଇଙ୍ଗଦ ନେ'ଲେକାନକଆଃଗିଆଃ ।

୧୭ ଆଇଙ୍ଗ ସାର୍‌ତିଗିଙ୍ଗ କାଜିୟାପେତାନା, ଜେତାଏ ପାରମେଶ୍ଵାରଆଃ ରାଇଙ୍ଗକେ, ହୁଡିଙ୍ଗହନ୍ ଲେକା କାଏ ତେଲାଏରେଦ ଇନିଃ ଜେତାଲେକାତେ ଏନାରେ କାଏ ବଲଆ ।”

ମିଆଁଦ କିସାଣ୍ ହାକିମ୍

(ମାଥୁଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ଆତଃ ମିଆଁଦ ହାକିମ୍ ଯୀଶୁକେ କୁଲିକିୟାଏ, “ଏ ବୁଗିନ୍ ଇଡୁନିଃ, ଜାନାଅ ଜୀଦାନ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୧୯ ଯୀଶୁ କୁଲିକିୟାଏ, “ଆମ୍ ଚିନାଃମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗତାନା ? ମିଆଁଦନିଃ ଏସକାର୍ ବୁଗିନାଏଃ ଇନିଃ ପାରମେଶ୍ଵାର ତାନିଃ ଆତଃ ଜେତାଏକାହା ।

୨୦ ଆମ୍ ଆନ୍‌ରୁମ୍ ସାରିତାନା, ‘ଆଲମ୍ ଆପାଙ୍ଗିରରାଃ, ଆଲମ୍ ଗଗଏୟାଃ, ଆଲମ୍ କୁମ୍‌ବୁଲୁୟା, ହସଡଗାଝା ଆଲମାଃ, ଏଙ୍ଗା ଆପୁ କିନ୍‌କେ ମାନାତିଙ୍ଗକିନ୍‌ମେ ।’”

୨୧ ଇନିଃ କାଜିରୁହାଡକିୟାଏ, “ନେ ସବେନ୍ ଆନ୍‌ରୁ ମିଦ୍‌ସିଟିଆଏତେଇଙ୍ଗ ମାନାତିଙ୍ଗ ଆଉକାଦା ।”

* ୧୮:୧୬ ଗେଲ୍‌ରେୟାଃ ମିଦ୍‌ଭାଗ୍ † ୧୮:୧୩ ଛାଡି ✨ ୧୮:୧୪ ମାଥୁଉ ୨୩:୧୨; ଲୁକ ୧୪:୧୧.

୨୨ ଯୀଶୁ ନେଆଁ ଆୟୁମ୍ବକେଦ୍‌ତେ ଇନିଃକେ କାଜିକିୟାଏ, “ନାହାଁଃହ୍ ମିଆଁଦ୍ କାଜିତେମ୍ ଜାଞ୍ଜିଆକାନାଃ‡, ତୁ ଆମ୍ ଆମାଃ ସବେନାଃ ଆଖ୍ରିଙ୍ଗକେଦ୍‌ତେ ଏନା ରେଙ୍ଗେଃତାନକକେ ଏମାକମେ, ଏନ୍ତେ ସିମ୍‌ରେ ଖୁଜ୍ ମ୍ ନାମେୟା ଆତଃ ହିଜୁଃକେଦ୍‌ତେ ଅତଙ୍ଗକ୍‌ମେ ।”

୨୩ ମେନ୍‌ଦ ନେ କାଜି ଆୟୁମ୍ବକେଦ୍‌ତେ ଇନିଃଦ ପୁରାଃଗି ହୁଡିଙ୍ଗ୍‌ଜୀଉୟାନାଏ, ଚିୟାଃଚି ଇନିଃଦ ପୁରାଃଗି କିସାଁଣ୍ ତାଇକେନାଏ ।

୨୪ ଯୀଶୁ ଇନିଃକେ ପୁରାଃ ହୁଡିଙ୍ଗ୍‌ଜୀଉକାନ୍ ନେଲ୍‌କିଃତେ କାଜିକେଦାଏ, “ଅକନ୍ ହଡକଆଃ ଟାକା ପାଏସା ମେନାଃ, ଏନ୍ କିସାଁଣ୍ ହଡକନାଙ୍ ପାର୍‌ମେଶ୍‌ବାରଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ ।

୨୫ କିସାଁଣ୍ ହଡ ପାର୍‌ମେଶ୍‌ବାରଆଃ ରାଇଜ୍‌ରେ ବଲଏତେ ସୁଇ ଉଣ୍‌ସୁତେ ଉର୍ ପାରମଃତେୟାଃ ରାଖାଲାଃ ମେତାଦକଆଏ ।”

୨୬ ଆତଃ ନେଆଁ ଆୟୁମ୍‌ତାନକ ମେନ୍‌କେଦାଃ, “ତାବ୍‌ଦ ଅକଏ ଜୀଉବାସ୍ତାଅ ନାମ୍ ଦାଡିୟାଏ ।”

୨୭ ମେନ୍‌ଦ ଯୀଶୁ କାଜିକିୟାଏ, “ହଡକତେ କା ହବାଦାଡିୟଃ କାଜି ପାର୍‌ମେଶ୍‌ବାରତେ ହବାଦାଡିୟଆଃ ।”

୨୮ ପାଡ୍ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍ଗକେଦ୍‌ମେୟାଁ ।”

୨୯ ଆତଃ ଯୀଶୁ ଇନ୍‌କୁକେ କାଜିୟାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା ପାର୍‌ମେଶ୍‌ବାରଆଃ ରାଇଜ୍ ନାଗେନ୍ତେ ଆପ୍‌ନାଃ ଅତଃ ଚାଏ କୁଡି ଚାଏ ହାଗା ଚାଏ ଏଙ୍ଗା ଆପୁକ ଚାଏ ହନ୍‌କକେ ବାଗିକାଦ୍ ସବେନ୍ ହଡକ,

୩୦ ନେ ସାମାଏରେଗି ଏନାଏତେ ଆଦକାକ ନାମେୟା ଆତଃ ହିଜୁଃ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍‌କ ନାମେୟା ।”

ୟୀଶୁ ଆୟାଃ ଗନଏଃରେୟାଃ କାଜି ଉଦୁବେତାନାଏ

(ମାଥ୍‌ଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଯୀଶୁ ଗେଲ୍‌ବାର୍ ଚେଲ୍‌କକେ ଗେନାତେ ଇଦିକେଦ୍‌ତେ କାଜିୟାଦକଆଏ, “ନେଲେପେ ଆବୁ ଯୀରୁଶାଲେମ୍‌ତେତୁ ସେନଃତାନା ଆତଃ ମାନଃହନ୍‌ଆଃ ବିଷାଏରେ ନାବୀକ ଅଲାକାଦ୍ ସବେନାଃ ପୁରାଅଆଃ ।

୩୨ ଇନିଃ ସାଅଁସାର୍ ହଡକଆଃ ତିଃଇରେ ଏମଃଆଏ । ଇନ୍‌କୁ ଇନିଃକେକ ଲାନ୍‌ଇୟା, ହିଲାଙ୍‌ଇୟା, ଆତଃକ ବେଜିୟା ।

୩୩ ହାଁଣସାଇୟା ଆତଃକ ଗଜିୟା, ଇନିଃ ଆପି ମାହାଁରେ ଜୀଉବିରିଦାଏ ।”

୩୪ ମେନ୍‌ଦ ଇନ୍‌କୁ ନେ କାଜିକ ଜେଡନାଃ କାକ ମୁଣ୍ଡିକେଦାଃ, ନେ କାଜି ଇନ୍‌କୁଆଃ ଆୟାର୍‌ରେ ଉକୁଆକାନ୍ ତାଇକେନା, ଆତଃ ଇନ୍‌କୁ କାଜିୟାକାନ୍‌ତେୟାଃ କାକ ଆର୍‌କାର୍‌କେଦାଃ ।

ୟୀଶୁ ମିଆଁଦ୍ କାଣାଁକାନ୍‌ନିଃକେ ବୁଗିକିୟାଏ

(ମାଥ୍‌ଉ ୨୦:୨୦-୩୪; ମାର୍କ ୧୦:୪୭-୫୨)

୩୫ ଯୀଶୁ ଯିରିହୋ ସାହାର୍‌ତେ ସେଟେର୍‌ତାନ୍ ତାଇକେନ୍‌ରେ ମିଆଁଦ୍ କାଣାଁକାନ୍ ହଡ ହରାଗେନାରେ ଦୁବ୍‌କେଦ୍‌ତେ କର୍‌ତାନାଏ ତାଇକେନା ।

୩୬ ଆତଃ ପୁରାଃ ହଡକ ସେନ୍‌ପାରମଃତାନ୍ ଆୟୁମ୍‌କେଦ୍‌କଚି, “ନେଆଁ ଚିକ୍‌ନାଃ ହବାଅଃତାନାଃ” ମେନ୍ତେ କୁଲିକେଦକଆଏ ।

୩୭ “ନାଜ୍‌ରେଡ୍‌ରେନ୍ ଯୀଶୁ ପାରମଃତାନାଏ” ମେନ୍ତେକ ଉଦୁବ୍‌କିୟା ।

୩୮ ଏନ୍ତେ ଇନିଃ “ହେ ଯୀଶୁ, ହେ ଦାଉଦ୍‌ଆଃ ହନ୍ ଲିବୁଆଇଙ୍‌ମେଁ” ମେନ୍ତେ କାଉରିକେଦାଏ ।

୩୯ ଆୟାରାକାନ୍‌କ ହାପାନ୍‌ମେ ମେନ୍ତେକ ମାରାଙ୍‌ମଚାକିୟାଃ, ମେନ୍‌ଦ ଇନିଃ, “ହେ ଦାଉଦ୍‌ଆଃ ହନ୍ ଦାୟାଇଙ୍‌ମେଁ” ମେନ୍ତେ ଆତଃଗି ହାକାଅକିୟାଏ ।

୪୦ ଯୀଶୁ ତିଙ୍ଗ୍‌ୟାନ୍ତେ ଇନିଃକେ ଆଇଙ୍‌ତାଃ ଆଉଞ୍ଜିପେ ମେନ୍ତେ ଆବୁକେଦକଆ ଆତଃ ନାଡେଃୟାନ୍‌ଚି କୁଲିକିୟାଏ,

୪୧ “ଆମ୍ ଚିନାଃମ୍ ଆସିତାନା, ଆଇଙ୍ଗ୍ ଆମାଃ ନାଙ୍ ଚିନାଃଇଙ୍ଗ୍ ଚିକାୟା ମେନ୍ତେମ୍ ସାନାଙ୍‌ତାନା” ମେନ୍ତେ କୁଲିକିୟାଏ । ଇନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଇଙ୍ଗ୍ ଆତଃମିସା ନେଲ୍ ଦାଡିକା ।”

୪୨ ଯୀଶୁ କାଜିକିୟାଏ, “ତାବ୍‌ଦ ମେଦ୍‌ତାମ୍ ନାମ୍‌ଜମେମେଁ; ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।”

୪୩ ଆତଃ ଇମ୍‌ତାଙ୍ଗି ଇନିଃ ନେଲ୍ ଦାଡିକେଦାଏ, ଆତଃ ଯୀଶୁକେ ଅତଙ୍ଗକ୍‌ତାନଲଃ ପାର୍‌ମେଶ୍‌ବାରକେ ମାରାଙ୍‌କିୟାଏ ଆତଃ ସବେନ୍ ହଡକ ନେଆଁ ନେଲ୍‌କେଦ୍‌ତେ ପାର୍‌ମେଶ୍‌ବାରକେ ମାନାରାଙ୍‌କିୟାଃକ ।

୧୯

ୟୀଶୁ ଆତଃ ମାଲ୍‌ହାରମ୍‌ନିଃ ଜଖ୍‌ୟ

୧ ଆତଃ ଯୀଶୁ ଯିରିହୋ ନୁଡୁମ୍ ହାତୁରେ ବଲୟାନ୍‌ଲଃ ଆଲା ଆଲାତେ ସେନଃତାନାଏ ତାଇକେନା ।

‡ ୧୮:୨୨ ଆମାଃରେ ଘାଟି ମେନାଃ

୨ ଆତ୍ମ ନେଲେପେ ଜଣ୍ଠୟ ନୁହୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ମାଲ୍‌ହାରମ୍‌କଆଃ ଗମ୍‌କେ ଆତ୍ମ କିଆଁଣ୍ ହଡ଼ ତାଇକେନାଏ ।

୩ ଇନିଃ ଯୀଶୁକେ ଚିଲ୍‌କାନ୍ ହଡ଼ ତାନିଃ ମେନ୍ତେ ନେଲ୍‌ସାନାକ୍ ତାଇକେନାଏ, ଚିୟାଃତି ଇନିଃ ବୁଚିୟା ହଡ଼ ତାଇକେନାଏ ଆତ୍ମ ଗାଦେଲ୍ ହଡ଼କରାଃତେ କାଏ ନେଲ୍ ଦାଡ଼ିକିୟା ।

୪ ଏନାତେ ଇନିଃ ଯୀଶୁ ପାରମ୍ ହରାରେ ନିର୍ ଆୟାର୍‌କେଦ୍‌ତେ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ ।

୫ ଏନ୍ ଠାୟାଦ୍ ସେଟେରୟାନ୍‌ତେ ଯୀଶୁ ସାଜିଲ୍ ରାକାଦ୍‌କେଦ୍‌ତେ ଇନିଃକେ ନେଲ୍‌କିୟାଏ ଆତ୍ମ କାଜିକିୟାଏ, “ଜଣ୍ଠୟ ମାର୍ ଆଡ଼ଗୁଃମେ, ତିସିଙ୍‌ଦ୍ ଆମାଃ ଅଡ଼ାଃରେ ଆଇଙ୍‌କେ ତାଇନ୍ ଲାଗାଡ଼ିଙ୍‌ୟାଃ ।”

୬ ଆତ୍ମ ଜଣ୍ଠୟ ଆଡ଼ଗୁ ଧାଦ୍‌ୟାନ୍ତେ ରାସ୍‌କାତେ ଯୀଶୁକେ ଦାରମ୍‌କିୟାଏ ।

୭ ମେନ୍‌ଦ୍ ନେଆଁ ନେଲ୍‌କେଦ୍‌ତେ ସବେନ୍‌କ କୁରୁମ୍‌ହୁରୁମ୍‌ୟାନାକ ଆତ୍ମ ମେନ୍‌କେଦାଃକ, “ଇନିଃ ପାପିହଡ଼ଆଃ ଅଡ଼ାଃରେ ପେଡ଼ାଅଃତାନାଏ ।”

୮ ମେନ୍‌ଦ୍ ଜଣ୍ଠୟ ତିଙ୍‌ୟାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍‌ଡ଼ାଃରେ ମେନାଃତେୟାଃହେତେ ଆଧା, ରେଙ୍ଗେଃତାନକକେଇଙ୍‌ ଏମାକଆ, ଆତ୍ମ ବେଦାତେ ଜେତାଏତାଃଏତେ ଜେଡ଼ନାଃ ଆଉକାଇରେଦ୍ ଚାର୍‌ଗୁନା ଏମ୍‌ରୁହାଡ଼େୟାଇଙ୍ ।”

୯ ଯୀଶୁ ଇନିଃକେ କାଜିକିୟାଏ, “ତିସିଙ୍ ନେ ଅଡ଼ାଃରେ ଜୀଉବାଞ୍ଚାଅ ତେବାଃକାନା, ଚିୟାଃତି ନେ ହଡ଼, ହୁଁଦ୍ ଆବାହାମ୍‌ଆଃ ହନ୍ ତାନିଃ ।

୧୦ *ଚିୟାଃତି ମାନଞ୍‌ହନ୍‌ଦ୍ ଆଦାକାନ୍‌କକେ ନାନାମ୍ ଆତ୍ମ ବାଞ୍ଚାଅ ନାଗେନ୍ତେ ହିଜୁଆକାନାଏ ।”

ଗେଲ୍‌ଠୁ ସୋନା ସିକାରେୟାଃ ଜନ୍‌କା କାଜି
(ମାଥୁଉ ୨୫:୧୪-୩୦)

୧୧ ହଡ଼କ ନେଆଁ ଆୟୁମ୍‌ତାନ୍ ତାଇକେନ୍‌ଇମ୍‌ତା, ଇନିଃ ମିଆଁଦ୍ ଜନ୍‌କା କାଜି କାଜିଏଟେଦ୍‌କେଦାଃଏ, ଚିୟାଃତି ଇନିଃଦ୍ ଯୀରୁଗାଲେମ୍ ନାଡ଼େଃରେ ତାଇକେନାଏ ଆତ୍ମ ଇନ୍‌କୁ ପାର୍‌ମେଶ୍‌ବାର୍‌ଆଃ ରାଇଜ୍ ବଦେଗି ଉଦୁବଃଆ ମେନ୍ତେ ଆଡ଼କାରେତାନ୍ ତାଇକେନାକ ।

୧୨ ଇନିଃ କାଜିକେଦାଏ, “ମାରାଙ୍ ଜାତିରେନ୍ ମିଆଁଦ୍ ହଡ଼ ରାଇଜ୍ ଚାଲାଅରେୟାଃ ଇନିଠୁ ନାମ୍ ନାଙ୍ ସାଜିନ୍ ଦିଶୁମ୍‌ତେ ସେନଃୟନା ଆତ୍ମ ଇନିଃ ଏନ୍ତାଃଏତେ ଠାଉକା ନେତାରେ ହିଜୁଃରୁହାଡ଼୍ ନାଙ୍ ଉହାଟ୍‌କାଦ୍ ତାଇକେନାଏ ।

୧୩ ଏନାମେନ୍ତେ ଇନିଃ ଆୟାଃ ଦାସିକଏତେ ଗେଲ୍‌ଝାନ୍‌କକେ ହାକାଅକେଦ୍‌ତେ ମିମିଆଦ୍ ହଡ଼କକେ ଗେଲ୍‌ଠୁ ସୋନା ସିକା ଏମାଦ୍‌କଆଏ । ‘ଆଉରିଙ୍ ହିଜୁଃରୁହାଡ଼୍ ଜାକେଦ୍ କିରିଙ୍ ଆଖ୍‌ରିଙ୍‌ଏପେ’ ମେତାଦ୍‌କଆଏ ।

୧୪ ମେନ୍‌ଦ୍ ଆୟାଃ ଦିଶୁମ୍‌ରେନ୍‌କ ଇନିଃକେ ଖ୍‌ସ୍‌ଆଇତାନ୍‌କ ତାଇକେନା, ଆତ୍ମ ‘ଏନ୍‌ହଡ଼ ଆଲେୟାଃ ରାଇଜ୍‌ରେ ରାଜା ହବାଅଃକାଏ ନେଆଁ ଆଲେ କାଲେ ସାନାଙ୍‌ତାନା’ ମେନ୍ତେ କାଜିସେଟେରୁନିଃକେ କାଜିସେଟେରୁତେ ଇନିୟାଃତାଃକ କୁଲ୍‌କିୟାଃ ।

୧୫ “ଏନ୍‌ରେହ ଇନିଃ ରାଇଜ୍‌ନାମ୍‌କେଦାଏ, ଆତ୍ମ ହିଜୁଃରୁହାଡ଼୍‌ୟାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍‌ନିଃ ଚିମିନାଙ୍ କିରିଙ୍ ଆଖ୍‌ରିଙ୍ କେଦ୍‌ତେ ପସାକାଦାଃକ ଏନା ସାରିନାଗେନ୍ତେ ଆଇଙ୍‌ଡ଼ାଃ ହାକାଅକପେ ମେନ୍ତେ ଆଡ଼କେଦ୍‌କଆ ।

୧୬ ସିଦାନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍‌କେ, ଆମ୍ ଏମାକାଦ୍ ସୋନା ସିକାଏତେ ଆଇଙ୍ ଗେଲ୍‌ଠୁ ସୋନା ସିକା ଆଦ୍‌କା ପସାକାଦାଈଙ୍ ।’

୧୭ ଇନିୟାଃ ଗମ୍‌କେ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତ୍ମ ପାତିୟାର୍‌ରଃ ଲେକାନ୍ ଦାସି ତାନ୍‌ମେ । ଆମ୍ ହୁଡ଼ିଙ୍‌ତେୟାଃରେ ପାତିୟାର୍‌ରଃ ଲେକାମ୍ କାମିକାଦ୍ ହରାତେ, ଆମ୍ ଗେଲ୍ ନାଗାର୍‌ରେନ୍ ଆକଡେୟାର୍‌ନିଃ ହବାଅଃଆମେ ।’

୧୮ ଏଟାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ, ଆମ୍ ଏମାକାଦ୍ ସୋନା ସିକାଏତେ ମଣେୟାଁ ସୋନା ସିକା ଆଦ୍‌କା ପସାୟାନା ।’

୧୯ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ଆମ୍‌ଦ୍ ମଣେୟାଁ ନାଗାର୍‌ରେନ୍ ଗମ୍‌କେୟାଃମେଁ ।’

୨୦ “ଏନ୍ତେ ଆତ୍ମଗି ଏଟାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ ନେଲେମେ ଆମ୍ ଏମାକାଦ୍ ସୋନା ସିକାକେ ତାରାଲିଜାଃରେଇଙ୍ ଦହପଟମାକାଦାଃ ।

୨୧ ଆମ୍ କେଟେଦ୍ ମନ୍‌ରେନ୍ ହଡ଼ ତାନ୍‌ମେ ମେନ୍ତେ ଆଇଙ୍ ବରଆମେ ତାଇକେନାଇଙ୍, ଆମ୍ କାମ୍ ଦହଡେୟାଃ ଇଦିୟାଃମେ ଆତ୍ମ କାମ୍ ହେଡ଼େୟାଃ ଇରୁଇଦିୟାଃମେ ।’

୨୨ ଇନିୟାଃ ପ୍ରାଭୁ କାଜିରୁହାଡ଼୍‌କିୟାଏ, ‘ଏ ଏଡ଼କାନ୍ ଦାସି, ଆମାଃ କାଜିତେଗିଙ୍ ବିଚାର୍‌ମେୟାଃ । ଆଇଙ୍ କେଟେଦ୍ ମନ୍‌ରେନ୍ ହଡ଼ ତାନିଙ୍, ଆଇଙ୍ କାଇଙ୍ ଦହ ଏନାଇଙ୍ ଇଦିୟା ଆତ୍ମ କାଇଙ୍ ହେର୍ ଏନାଇଙ୍ ଇରୁଇଦିୟାଃ, ଏନା ସାରିତାନାମ୍ ତାଇକେନା ।

☆ ୧୯:୧୦ ମାଥୁଉ ୧୮:୧୧.

୨୩ ଚିନାମେନ୍ତେ ଆମ୍ଭ ଆଇଁୟାଃ ଟାକାକେ ବେଙ୍କରେ କାମ୍ ଦହକେଦା ? ଆଇଙ୍ଗ୍ ହିଜୁଃରୁହାଡ଼କେଦ୍ତେ ସବେନ୍ ମୁଲ୍'କାନ'ତାରଲଃ ଟାକା ନାମ୍‌ରୁହାଡ଼ କେଦ୍ତେୟାଃଇଙ୍ଗ୍ ।

୨୪ “ଏନ୍ତେ ଇନିଃ ତିଜୁଜାପାଃକାନ୍ ହଡ଼କକେ କାଜିୟାଦକଆଏ, ଏନ୍ ସୋନା ସିକା ଇନିଃତାଃଏତେ ରେଃଜିପେ ଆଡଃ ଗେଲ୍ ସୋନା ସିକା ନାମାକାଦ୍ ହଡ଼କେ ଏମାଇପେ ।

୨୫ ମେନ୍ଦ ଇନ୍‌କୁ କାଜିକିୟା ‘ହେ ପ୍ରାଭୁ, ଗେଲ୍ ସୋନା ସିକା ଇନିଃତାଃରେୟା ।

୨୬ *ଇନିଃ ମେନ୍‌ରୁହାଡ଼ାଦକଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ସବେନ୍ ମେନାଃନିଃକକେ ଏମଃଆ, ମେନ୍ଦ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ ।

୨୭ *ମେନ୍ଦ ଆଲେରେ ଇନିଃ ରାଇଜେକାଏ ଏନା କା ସାନାଙ୍ଗ୍‌ତାନ୍ ତାଇକେନ୍ ଆଇଁୟାଃ ବାଇରିକକେ ନେତାଃ ଆଡ଼କୁପେ ଆଡଃ ଆଇଁୟାଃ ସାମ୍‌ନାଙ୍ଗ୍‌ରେ ମାଃଆକପେ ।”

ୟାଶୁ ଯୀରୁଶାଲେମ୍‌ତେ ବଲତାନାଏ

(ମାଥୁ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

୨୮ ଯାଶୁ ନେଆଁ କାଜିକେଦ୍‌ଚି, ଯୀରୁଶାଲେମ୍‌ତେ ସେନଃ ନାଗେନ୍ତେ ଆୟାଃ ଚେଲାଇତାଃଏତେ ଆୟାର୍‌ୟାନାଏ ।

୨୯ ଆଡଃ ଜାଇତୁନ୍* ନୁତୁମ୍ ବୁରୁ ହେପାଦ୍‌ରେ ତାଇନ୍‌ତାନ୍ ବେଡ଼ଫାଗି ଆଡଃ ବେଅିନିଆ ହାତୁତାଃ ସେଚେର୍‌ୟାନ୍‌ଚି ଇନିଃ ଆୟାଃ ବାହଡ଼ ଚେଲାଇନ୍‌କେ ନେଆଁଏ କାଜିକେଦ୍‌କିନା,

୩୦ “ଆବେନାଃ ଆୟାର୍‌ରେୟାଃ ହାତୁତେ ସେନଃବେନ୍, ଆଡଃ ଏନାରେ ବଲଇମ୍‌ତାଗି ଆବେନ୍ ତଲାଇକାନ୍ ଗାଧାହନ୍‌କେବେନ୍ ନାମିଆଁ, ଇନିଃରେ ଜେତାଏ ହଡ଼ ଚିଉଲାଇ କାଏ ଦୁବାକାନା, ଇନିଃକେ ରାଡ଼ା ଆଡ଼ଝିବେନ୍ ।

୩୧ ଜେତାଏ ଚିନାମେନ୍ତେ ଇନିଃକେବେନ୍ ରାଡ଼ାଇତାନା ମେନ୍ତେ କୁଲିବେନ୍‌ରେଦ, ଇନିଃକେ ମେତାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ ।”

୩୨ ଏନ୍ କୁଲାଇକାନ୍‌କିନ୍ ସେନଃୟାନ୍ତେ ଯାଶୁ କାଜିୟାଦକିନ୍ ଲେକା ନାମ୍‌କିୟାଃକିନ୍ ।

୩୩ ମେନ୍ଦ ଇନ୍‌କିନ୍ ଗାଧାହନ୍‌କେ ରାଡ଼ାଇତାନ୍‌ଇମ୍‌ତା ଇନିୟାଃ ଗମ୍‌କେକ “ଚିକାନାଗେନ୍ତେ ରାଡ଼ାଇତାନାବେନ୍ ମେନ୍ତେ କୁଲିକେଦ୍‌କିନାକ ?”

୩୪ ଇନ୍‌କିନ୍, “ନିଃତାଃରେ ପ୍ରାଭୁଆଃ କାମିମେନାଃ” ମେନ୍ତେ କାଜିୟାଦକଆକିନ୍ ।

୩୫ ଇନ୍‌କିନ୍ ଗାଧାହନ୍‌କେ ଯାଶୁତାଃତେ ଆଡ଼କିୟାକିନ୍, ଆଡଃ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଚେଦ୍‌କେଦା ଆଡଃ ଯାଶୁକେ ଦୁବ୍‌କିୟାକିନ୍ ।

୩୬ ଆଡଃ ଇନିଃ ସେନଃତାନ୍‌ରେ ହଡ଼କ ଆକଆଃ ଲିଜାଃ ହରାରେକ ଆଚେଦ୍‌କେଦା ।

୩୭ ଆଡଃ ଯାଶୁ ଯୀରୁଶାଲେମ୍ ନାଡ଼େଃତେ ସେଚେର୍‌ତାନ୍ ଇମ୍‌ତା ଏନ୍ତାଃରେୟାଃ ଜାଇତୁନ୍ ବୁରୁତେ ସେନଃ ହରାତାଃତେ ସେଚେର୍‌ୟାନ୍‌ଚି ଆୟାଃ ଚେଲାଇଆଃ ଗଟାଗହଣାଁ ରାସ୍‌କାୟାନାକ ଆଡଃ ନେଲାଇକାଦ୍ ତାଇକେନ୍ ସବେନ୍ ଆକଦାନ୍‌ଆ କାମି ନାଗେନ୍ତେ କାଉରିତାନ୍‌ଲଃ ପାର୍‌ମେଶ୍‌ୱାର୍‌କେ ମାନାରାଙ୍ଗ୍‌କିୟାଃକ ।

୩୮ ଆଡଃ କାଜିକେଦାକ, “ପ୍ରାଭୁଆଃ ନୁତୁମ୍‌ତେ ହିଜୁଃତାନ୍ ରାଜାକେ ପାର୍‌ମେଶ୍‌ୱାର୍ ଆଶିଷ୍ ଏମାଇକାଏ, ସିର୍ମା ଦିଶୁମ୍‌ରେ ଜୀଉସୁକୁ ଆଡଃ ସାଲାଇଞ୍‌ଡତାର୍ ପାର୍‌ମେଶ୍‌ୱାର୍‌ଆଃ ମାନାରାଙ୍ଗ୍ ହବାଅଃକା ।”

୩୯ ଗାଦେଲ୍‌ହଡ଼କଏତେ ଚିମିନ୍ ଫାରୁଶୀକ କାଜିକେଦାଃକ, ହେ ଗୁରୁ ଆମାଃ ଚେଲାଇକେ ହାପାଅଃନାଙ୍ଗ୍ ମାରାଙ୍ଗ୍‌ମଚାକମ୍ ।

୪୦ ଇନିଃ କାଜିରୁହାଡ଼ାଦକଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, “ନିକୁ ହାପାନ୍‌ରେଦ ଦିରିକ ହାକାଅବିରିଦାଃ ।”

ୟାଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ

୪୧ ଯାଶୁ ଯୀରୁଶାଲେମ୍ ସାହାର୍‌ତେ ନାଡ଼େଃୟାନ୍‌ଚି ସାହାର୍‌କେ ନେଲ୍‌କେଦାଏ ଆଡଃ ଏନାଗେନ୍ତେ ରାଆଃକେଦାଏ,

୪୨ ଆଡଃ କାଜିକେଦାଏ, “ଆମ୍‌ଗି ତିସିଙ୍ଗ୍ ସୁକୁରାଃ ବିଷାଏକ ସାରିକାଦ୍‌ତେୟାଃମ୍, ମେନ୍ଦ ନାହାଁଃ ଏନା ମେଦ୍‌ତାମ୍‌ଏତେ ଉକୁଆକାନା ।

୪୩ ଏନ୍ ହୁଲାଇ ଆମ୍‌ତାଃ ହିଜୁଃଆ, ଏନ୍‌ରେ ଆମାଃ ବାଇରିକ ଛିପାୟାକ ଆଡଃ ଆମ୍‌କେ ବିହୁର୍‌ମେୟାକ ଆଡଃ ସବେନ୍‌ସାଃଏତେ କେସେଦ୍‌ବିହୁର୍‌ମେୟାକ ।

୪୪ ଆମ୍ ଆଡଃ ଆମାଃ ହନ୍‌କକେ ହାସାରେକ ମିଦ୍‌ପେୟା । ଆମାଃ ଚେତାନ୍‌ରେ ଦିରି ଚେତାନ୍ ଦିରି ତିରିୟାକାନ୍ କା ତାଇନା, ଚିୟାଃଚି ଆମ୍‌ଦ ପାର୍‌ମେଶ୍‌ୱାର୍ ହିଜୁଆକାନ୍ ଦିପିଲିକେ କାମ୍ ନେଲ୍‌ଉରୁମ୍‌କେଦାଃ ।”

ୟାଶୁ ମାହିର୍ ଅଡ଼ାଃତେ ବଲତାନାଏ

(ମାଥୁ ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୨:୧୩-୨୨)

☆ ୧୯:୨୭ ମାଥୁ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ମାଥୁ ୨୫:୧୪-୩୦. * ୧୯:୨୯ ଜାଇତୁନ୍

୪୫ ଏନ୍ତେ ମାନ୍ଦିର ଅଡ଼ାରେ ବଲୟାନତେ ଇନିଃ ସବେନ୍ କିରିଙ୍ଗ୍ ଆଖିରିଙ୍ଗ୍‌ତାନକକେ ହାରଅଡ଼ଙ୍ଗ୍ ଏଟେଦକେଦଆଏ ।

୪୬ ଇନିଃ ଇନକୁକେ କାଜିୟାଦକଆଏ, “ପାର୍‌ମେଶ୍ୱାର୍ କାଜିକେଦାଏ ଯେ ଧାରାମ୍‌ପୁଅରେ ନେଆଁ ଅଲାନାନା, ‘ଆଇୟାଃ ଅଡ଼ା ବିକ୍ତିଅଡ଼ା ତାନାଃ’ ମେନ୍‌ଦ ଆପେ ନେଆଁକେ କୁମ୍‌ଡୁକୁଆଃ ତାଇନଃ ଠାୟାଦପେ ବାଇୟାକାଦା ।”

୪୭ *ୟୀଶୁ ସବେନ୍ ହୁଲାଙ୍ଗ୍ ମାନ୍ଦିର ଅଡ଼ାରେ ଇଡୁକତାନାଏ ତାଇକେନାଏ, ମେନ୍‌ଦ ମୁଲ୍ ଯାଜାକକ, ଆଇନ୍ ଇଡୁକ ଆଡ଼ା ହଡ଼କଆଃ ମୁଖ୍‌ଆକ ଇନିଃକେ ଗଗଏଃ ସାନାଙ୍ଗ୍‌ତାନକ ତାଇକେନା ।

୪୮ ମେନ୍‌ଦ ଚିକ୍‌ନାଃରୁ ଚିକାୟା ନେଆଁ କାକ ନାମ୍‌ଦାଡ଼ିକେଦାଃ, ଚିୟାଃଚି ସବେନ୍ ହଡ଼କଦ ଇନିୟାଃ କାଜି ଆୟୁମ୍ ନାଗେନ୍ତେ ଜୁରୁଆକାନକ ତାଇକେନା ।

୨୦

ୟୀଶୁଆଃ ଆକ୍‌ତେୟାର୍ ବିଷାଏରେ କୁନୁଲି

(ମାଥୁଉ ୨୧:୨୩-୨୭; ମାର୍କ ୧୧:୨୭-୩୩)

୧ ଏନ୍ ହୁଲାଙ୍ଗ୍‌ଏତେ ମୁସିଙ୍ଗ୍ ଯୀଶୁ ମାନ୍ଦିର ଅଡ଼ାରେ ହଡ଼କକେ ଇଡୁକତାନ ଆଡ଼ା ସୁକୁକାଜି ଉଦୁବାକତାନ ତାଇକେନ୍‌ରେ ମାରାଙ୍ଗ୍ ଯାଜାକକ ଆଡ଼ା ଆଇନ୍ ଇଡୁକ ପ୍ରାଚିନ୍‌କଲଃ ଇନିଃତାଃତେ ହିଜୁଃଲେନ୍ତେ,

୨ ଇନିଃକେକ କୁଲିକିୟାଃ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍‌ତେୟାର୍ ଏମାକାଦମେଆ ?”

୩ ଇନିଃ ଇନକୁକେ କାଜିରୁହାଡ଼ାଦକଆଏ, “ଆଇଙ୍ଗ୍‌ହ୍ ମିଆଁଦ୍ କାଜିଙ୍ଗ୍ କୁଲିପେୟା, ଆଡ଼ା ଆପେ କାଜିରୁହାଡ଼ିଙ୍ଗ୍‌ପେ,

୪ ବାପ୍ତିସ୍ତା ଏମଃନିଃ ଯୋହାନ୍‌ଆଃ ବାପ୍ତିସ୍ତା ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ ଚି ମାନଝାତାଃଏତେ ତାଇକେନା ?”

୫ ଏନ୍ତେ ଇନକୁ ଆକ ଆକରେକ ଉଡ଼ଃକେଦା, “ଆରୁ, ‘ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ’ ମେନେରେଦ ଇନିଃ ‘ଚିକାନାଙ୍ଗ୍ ଯୋହାନ୍‌ରେ କାପେ ବିଶ୍ୱାସକେଦା’ ମେତାରୁଆଏ ?

୬ ମେନ୍‌ଦ ହଡ଼କ ସାଃଏତେ ମେନେରେଦ ସବେନ୍ ହଡ଼କ ଆରୁକେ ଚିଦ୍‌ଗିରୁଆକ, ଚିୟାଃଚି ବାପ୍ତିସ୍ତା ଏମଃନିଃ ଯୋହାନ୍ ନାବୀ ତାନିଃ ମେନ୍ତେ ଇନକୁ ପୁରାଃଗି ଭାର୍‌ସାକାଦାକ ।”

୭ ଏନ୍ତେ ଇନକୁ କାଜିରୁହାଡ଼ିକିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ଯୀଶୁ ଇନକୁକେ ମେତାଦକଆଏ, “ଆଇଙ୍ଗ୍‌ହ୍ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

ଦାଖ୍‌ବାକ୍‌ଡ଼ିରାଃ କାର୍‌କାମିହଡ଼କଆଃ ଜନ୍‌କା କାଜି

(ମାଥୁଉ ୨୧:୩୩-୪୬; ମାର୍କ ୧୨:୧-୧୨)

୯ ଯୀଶୁ ହଡ଼କକେ ନେ ଜନ୍‌କା କାଜି ଏଟେଦକେଦଆଏ, “ମିଆଁଦ୍ ହଡ଼ ଦାଖ୍‌ବାକ୍‌ଡ଼ି ବାଇକେଦାଏ, କାର୍‌କାମିହଡ଼କକେ କାର୍ ଏମ୍‌କେଦ୍‌ତେ ପୁରାଃ ସାମାଏ ଜାକେଦ୍ ଏଟାଃ ଦିଶୁମ୍‌ତେ ସେନଃୟାନାଏ ।

୧୦ ଇରୋଃଅ ଦିପିଲିରେ ଇନିଃ ଦାଖ୍‌ବାକ୍‌ଡ଼ିରେୟାଃ ଜ ଏମାଇଙ୍ଗ୍‌ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡ଼କତାଃତେ କୁଲ୍‌କିୟାଏ, ମେନ୍‌ଦ କାର୍‌କାମିହଡ଼କ ଇନିଃକେ ଦାଲ୍‌କିୟାଃକ ଆଡ଼ା ସାମାତିଃଇଗି କୁଲ୍‌ରୁହାଡ଼ିକିୟାଃକ ।

୧୧ ଇନିଃ ଏଟାଃ ଦାସିକେ କୁଲ୍‌କିୟାଏ, ଇନକୁ ଇନିଃକେହ ଦାଲ୍‌କିୟାଃକ ଆଡ଼ା ହିଲାଙ୍ଗ୍‌କିଦ୍‌ତେ ସାମାତିଃଇଗି କୁଲ୍‌ରୁହାଡ଼ିକିୟାଃକ ।

୧୨ ଇନିଃ ଆଡ଼ାଗି ଆପିୟାନିଃକେହ କୁଲ୍‌କିୟାଏ, ଆଡ଼ା ଇନକୁ ଇନିଃକେ ଘାଅକିଃତେକ ଅଡ଼ଙ୍ଗ୍‌ଏଣ୍ଡାଃକିୟାଃ ।

୧୩ ଏନ୍ତେ ଦାଖ୍‌ବାକ୍‌ଡ଼ିରାଃ ଗମ୍‌କେ ମେନ୍‌କେଦାଏ, ‘ଚିନାଃଇଙ୍ଗ୍ ଚିକାୟା ? ଆଇୟାଃ ଦୁଲାଡ଼୍ ହନିଙ୍ଗ୍‌କଡ଼ାକେ କୁଲିୟାଈଙ୍ଗ୍, ଇଦୁ ଇନକୁ ଇନିଃକେ ମାଇନିୟାକ ।’

୧୪ ମେନ୍‌ଦ କାର୍‌କାମିହଡ଼କ ଇନିଃକେ ନେଲ୍‌କିଦ୍‌ଚି ମେପେନ୍‌ୟାନାକ, ‘ନିଃଗି ଗୁସିୟାଁରାଃ ହନ୍ ତାନିଃ ଦଲ୍‌ରୁ ଗଜିୟା, ତାଦ୍‌ଦ ନିୟାଃ ହାନାଚିଙ୍ଗ୍ ଆରୁଆଃଗି ହବାଅଆଃ ।’

୧୫ ଆଡ଼ା ଇନକୁ ଇନିଃକେ ଦାଖ୍‌ବାକ୍‌ଡ଼ିଏତେ ଅଡ଼ଙ୍ଗ୍‌ଏଣ୍ଡାଃକିୟାଃକ ଆଡ଼ା ଗଏଃକିୟାଃକ ।

“ୟୀଶୁ କୁଲିକେଦକଆ, ‘ନାହାଁଃଦ ଦାଖ୍‌ବାକ୍‌ଡ଼ି ଗମ୍‌କେ ଇନକୁକେ ଚିକ୍‌ନାଃଏ ଚିକାକଆ ?

୧୬ ଇନିଃ ହିଜୁଃକେଦ୍‌ତେ ଏନ୍ କାର୍‌କାମିହଡ଼କକେ ଗଏଃକଆଏ ଆଡ଼ା ଦାଖ୍‌ବାକ୍‌ଡ଼ି ଏଟାଃକକେ ଏମାକଆଏ ।”

ହଡ଼କ ନେଆଁ ଆୟୁମ୍‌କେଦ୍‌ତେ ମେନ୍‌କେଦାଃକ, “ଆଲକାଏ ଏନ୍‌କାଅଃକା ।”

୧୭ ଯୀଶୁ ଇନକୁସାଃ ନେଲ୍‌କେଦ୍‌ତେ କୁଲିକେଦକଆଏ, “ତାଦ୍‌ଦ ଧାରାମ୍‌ପୁଅରେୟାଃ ନେ କାଜିରାଃ ମୁଣ୍ଡି ଚିକ୍‌ନାଃ ତାନାଃ ?”

“ଅଡ଼ା ବାବାଇକ ଅକ ଦିରିକେକ ଆତମ୍ ଏଣ୍ଡାଃକେଦା,

☆ ୧୯:୪୭ ଲୁକ ୨୧:୩୭.

ଏନ୍ ଦିରି ଅଡ଼ାଃରାଃ କଚାଦିରି ବାଇୟାକାନା ।
୧୮ ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆଡ଼ଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”

ମାଲ୍‌ଏମ୍ ବିଷାଏରେୟାଃ କୁନ୍ତୁଲି
(ମାଥୂଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ମାରାଙ୍ଗ୍ ଯାଜାକ୍ ଆଡ଼ଃ ଆଇନ୍ ଇତୁକ ଇନିଃ ନେ ଜନ୍‌କା କାଜି ଆରୁକେ କାଜିୟାଦ୍‌ରୁଆଏ ନେଆଁ ସାରିକେଦ୍‌ତେ ଏନ୍ ଦିପିଲିରେଗି ଇନିଃକେ ସାସାବ୍ ସାନାଙ୍ଗ୍ ତାଇକେନାକ, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌କଆକ ।

୨୦ ଏନାତେ ଇନ୍‌କୁ ଯୀଶୁଆଃ କାଜିରେ ଭୁଲ୍ ସାବିନାଙ୍ଗ୍ ଚିମିନ୍ ହଡ଼କ ଆପାନ୍‌କେ ଧାର୍‌ମାନ୍ ମେନ୍ତେ ଉଦୁବେନ୍‌ତାନକକେ କୁଲ୍‌କେଦ୍‌କଆକ, ଜେ'ଲେକାଟି ଇନ୍‌କୁ ଇନିଃକେ ସାବ୍‌କେଦ୍‌ତେ ରୋମ୍‌ରେୟାଃ ପେଡ଼େଃ ଆଡ଼ଃ ଆକ୍‌ତେୟାର୍ ନାମାକାଦ୍ ଲାଟ୍‌ସାହେବ୍‌ତାଃରେକ ଜିମାଦାଡ଼ିୟା ।

୨୧ ଏନାତେ ଇନ୍‌କୁ କୁଲିକିୟାଃକ, “ହେ ଗୁରୁ, ଆମ୍ ବୁଗିଲେକାତେମ୍ କାଜିତାନା ଆଡ଼ଃ ଇତୁତାନା ଆଡ଼ଃ ହଡ଼କଆଃ ମେଦ୍‌ମୁହାଁଡ଼ କାମ୍ ନେନେଲାଃ, ମେନ୍‌ଦ ପାର୍‌ମେଶ୍ୱାର୍‌ରାଃ ହରା ସାର୍‌ଡିତେମ୍ ଇତୁତାନା, ଏନାଲେ ସାରିତାନା ।

୨୨ କାଜିୟାଲେମ୍, ଚିୟାଃ ଆଲେ କାଇସାର୍‌କେ କାର୍ ଏମାଇ ଲାଗାତିଙ୍ଗ୍‌ୟାଃ ଚି କା ?”

୨୩ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆଟ୍‌କାର୍‌କେଦ୍‌ତେ ମେତାଦ୍‌କଆଏ,

୨୪ “ମୁସିଙ୍ଗ୍‌ରାଃ ନାଲା ସିକା ଆଉଝାଇଙ୍ଗ୍‌ପେ, ନେଆଁ ଅକଏୟାଃ ମୁରୁଡ଼ ଆଡ଼ଃ ଅନଲ୍ ତାନାଃ ?” ଇନ୍‌କୁ କାଜିରୁହାଡ଼କିୟାକ, “କାଇସାର୍‌ଆଃ ।”

୨୫ ଯୀଶୁ ଇନ୍‌କୁକେ ମେତାଦ୍‌କଆଏ, “ତାବ୍‌ଦ କାଇସାର୍‌ଆଃ କାଇସାର୍‌କେ ଏମାଇପେ, ଆଡ଼ଃ ପାର୍‌ମେଶ୍ୱାର୍‌ଆଃ ପାର୍‌ମେଶ୍ୱାର୍‌କେ ଏମାଇପେ ।”

୨୬ ଇନ୍‌କୁ ହଡ଼କଆଃ ଆୟାର୍‌ରେ ଯୀଶୁଆଃ କାଜିରେ କାକ ସାବ୍ ଦାଡ଼ିକିୟାଃ, ଆଡ଼ଃ ଇନିୟାଃ କାଜିରୁହାଡ଼ତେ ଆକ୍‌ଦାନ୍‌ଆୟାନ୍‌ଲଃ ହାପାୟାନାକ ।

ଜୀଉବିନିରିଦ୍‌ରେୟାଃ କୁନ୍ତୁଲି
(ମାଥୂଉ ୨୨:୨୩-୩୩; ମାର୍କ ୧୨:୧୮-୨୭)

୨୭ *ସ୍ୱାଦୁକିକଏତେ ଚିମିନ୍‌ହଡ଼କ ଯୀଶୁତାଃତେକ ହିଜୁଃୟାନା, ଇନ୍‌କୁଦ ଜୀଉବିନିରିଦ୍ ବାନଃଆମେନ୍ତେକ କାଜିୟା, ଆଡ଼ଃ ଇନ୍‌କୁ ଇନିଃକେ କୁଲିକିୟାଃକ,

୨୮ “ହେ ଗୁରୁ, ଜେତାଏ ହଡ଼ଆଃ ହନ୍‌ଗାଁଣା ବାନ୍‌କୁୟାନ୍ତେ ଆୟାଃ କୁଡ଼ିତେକେ ଗଏଃବାଗିରେ ହାଗାତେ ଇନିୟାଃ କୁଡ଼ିତେକେ ଆଣ୍‌ଦିୟାଃକା ଆଡ଼ଃ ହାଗାତେୟାଃ ନୁଡୁମ୍‌ତେ ହନ୍ ପସାକକାଏ, ନେଆଁଦ୍ ମୁଣା ଆଲେ ନାଗେନ୍ତେ ଅଲ୍‌କାଦାଏ ମେନ୍‌କେଦାକ ।

୨୯ ନେଲେମେ ସାଡ଼ ହାଗିୟା ତାଇକେନାକ, ଆଡ଼ଃ ମାରାଙ୍ଗ୍‌ନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ ।

୩୦ ଆଡ଼ଃ ବାରିୟାନିଃ ଇନିଃକେ ଆଣ୍‌ଦିୟାନାଏ ଆଡ଼ଃ ଇନିଃହ ବେଗାର୍ ହନ୍‌ଗାଁଣାତେ ଗଏଃୟାନାଏ ।

୩୧ ଏନ୍ତେ ଆପିୟାନିଃ ଇନିଃକେ ଆଣ୍‌ଦିୟାନାଏ ଆଡ଼ଃ ନେ ଲେକାଟି ସାଡ଼ ହାଗିୟାକହଁ ବେଗାର୍ ହନ୍‌ଗାଁଣାତେ ଗଏଃୟାନାକ ।

୩୨ ତାୟମ୍‌ତେ, କୁଡ଼ିୟଗି ଗଏଃୟାନାଏ ।

୩୩ ନାହାଁଃଦ ଜୀଉବିନିରିଦ୍ ଇମ୍‌ତା ଇନିଃ ଅକଏୟାଃ କୁଡ଼ି ହବାଅଆଃଏ ? ଏନ୍ ସାଡ଼ିୟ ହାଗିୟାକଦ ଇନିଃକେ ଆଣ୍‌ଦିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ଼ାଦ୍‌କଆଏ, “ନେ ଦିପିଲିରେନ୍ ହନ୍‌କ ଆଣ୍‌ଦିୟାତାନା ଆଡ଼ଃକ ଆଣ୍‌ଦିକତାନା ।

୩୫ ମେନ୍‌ଦ ହିଜୁଃତାନ୍ ପାରିୟାରେ ଜୀହୁଦଃ ହଡ଼କ ଆଡ଼ଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍ ହଡ଼କ କାକ ଆଣ୍‌ଦିୟାଆ ଆଡ଼ଃ କାକ ଆଣ୍‌ଦିନାଃ ।

୩୬ ଆଡ଼ଃ ଇନ୍‌କୁ ଆଡ଼ଃମିସା କାକ ଗଏଃଦାଡ଼ିୟାଆ, ଚିୟାଃଟି ଇନ୍‌କୁଦ ସିମ୍‌ରେନ୍ ଦାସିକଲେକା, ଆଡ଼ଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହନ୍ ତାନ୍‌କୁ ।

୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍ କାଜି ମୁଣାହଁ ରୁପାଦ୍‌ରେୟାଃ କାଜିତେ ଉଦୁବାକାଦାଏ, ଏନ୍‌ରେ ଇନିଃ ପ୍ରାଭୁକେ କାଜିକିୟାଏ, ‘ଆମ୍ ଆବ୍ରାହାମ୍‌ଆଃ ପାର୍‌ମେଶ୍ୱାର୍, ଆଡ଼ଃ ଇସାକ୍‌ଆଃ ପାର୍‌ମେଶ୍ୱାର୍, ଆଡ଼ଃ ଯାକ୍‌ବ୍‌ଆଃ ପାର୍‌ମେଶ୍ୱାର୍ ତାନ୍‌ମେ ।’

୩୮ ନେଲେମେ ପାର୍‌ମେଶ୍ୱାର୍ ଗଜାକାନ୍‌କଆଃଦ ନାହାଁଲିଃ, ମେନ୍‌ଦ ଜୀହୁଦ୍‌ତାନ୍‌କଆଃ ପାର୍‌ମେଶ୍ୱାର୍ ତାନିଃ, ଇନିଃ ନାଗେନ୍ତେଦ ସବେନ୍‌କ ଜୀହୁଦଃତାନାକ ।”

୩୯ ଆଇନ୍ ଇତୁକଏତେ ଚିମିନ୍‌କ କାଜିରୁହାଡ଼କିୟାକ, “ହେ ଗୁରୁ ଆମ୍ ବୁଗିନାମ୍ କାଜିୟାକାଦାଃ ।”

୪୦ ଆଡ଼ଃ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହାସ୍‌କେଦା ।

* ୨୦:୨୭ ପ୍ରେରିଡ଼ ୨୩:୮.

ଶ୍ରୀଷ୍ଠ ଅକ୍ଷୟାଃ ହନ୍ ତାନିଃ
(ମାଥୂଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନ୍ଦ୍ରକୃକେ କାଜିୟାଦକଥାଏ, “ହଡ଼କ ଶ୍ରୀଷ୍ଠ ଦାଉଦ୍‌ଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?”

୪୨ ନେଆଁ ଦାଉଦ୍ ଆଇଃକ୍‌ଗି ଦୁରାଙ୍ଗ୍ ପୁଥ୍ରେ କାଜିତାନାଏ,

“ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ,
ଆଇଁୟାଃ ଜମ୍‌ତିଃ ସାଃରେ ଦୁବାକାନ୍‌ମେଁ,

୪୩ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍ ।”

୪୪ “ଦାଉଦ୍‌ଦଃ ଇନିଃକେ ‘ପ୍ରାଭୁ’ ମେତାକତାନାଏ, ଏନ୍ତେ ଶ୍ରୀଷ୍ଠ ଚିଲ୍‌କାତେ ଇନିୟାଃ ହନ୍ ତାନିଃ ?”

ୟୀଶୁ ଆଇନ୍‌ଇଡୁକକେ ଚିଟାକତାନାଏ
(ମାଥୂଉ ୨୩:୧-୩୬; ମାର୍କ ୧୨:୩୮-୪୦)

୪୫ ସବେନ୍ ହଡ଼କ ଆୟୁମ୍‌ତାନ୍ ତାଇକେନ୍‌ରେ, ଯୀଶୁ ଆୟାଃ ଚେଲାକକେ କାଜିୟାଦକଥାଏ,

୪୬ “ଆଇନ୍ ଇଡୁକତାଃଏତେ ଚିର୍ଗାଲାକାନ୍‌ପେ, ଇନ୍ଦ୍ର ଜିଲିଙ୍ଗ୍ ଲିଜାଃ ଦୁସିଙ୍ଗ୍‌କେଦ୍‌ତେ ସେନ୍‌ବାଡ଼ା, ଆତଃ ପିର୍ ପିଡ଼ିକରେ ଜହାରତେଲା ଆତଃ ସାମାଜ୍ ଅଡ଼ାଃକରେ ଆୟାରରେ ଦୁବ୍‌ନାଙ୍ଗ୍ ଆତଃ ମାରାଙ୍ଗ୍ ଜମ୍‌ନୁଁକରେ ସିଦା ଠାୟାଦ୍‌ରେ ଦୁବ୍‌ନାଙ୍ଗ୍ ସୁକୁକଥା ।

୪୭ ଇନ୍ଦ୍ର ରାଣ୍ଡିକୃଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିଡ଼ିୟା । ଏନ୍‌ଲେକାନ୍ ହଡ଼କଦ ଆଦକା ସାଜାଇକ ନାମେୟା ।”

୨୧

ମିଆଁଦ୍ ରାଣ୍ଡିକୃଡ଼ିଆଃ ଏମଃ
(ମାର୍କ ୧୨:୪୧-୪୪)

୧ ଯୀଶୁ ଆରିଦ୍ ରାକାବ୍‌କେଦ୍‌ତେ କିସାଁଣ୍ ହଡ଼କ ଆକଥାଃ ଦାନ୍ ଏମଃ ଖାଜ୍‌ନା ବାକାସ୍‌ରେ ସାଜୁତାନ୍ ନେଲ୍‌କେଦ୍‌କଥାଏ ।

୨ ଇନିଃ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୃଡ଼ି ବାରିଆ ହୁପଡ଼ିଙ୍ଗ୍ ତାମ୍ବା ସିକା ସାଜୁତେୟାଃ ନେଲ୍‌କିୟାଏ ।

୩ ଯୀଶୁ ମେତାଦ୍‌କଥାଏ, “ସାର୍‌ତିଗିଙ୍ଗ୍ କାଜିୟାପେତାନା, ନେ ରେଙ୍ଗେଃ ରାଣ୍ଡିକୃଡ଼ି ସବେନ୍‌କଏତେ ଥୁମ୍ବା ଏମାକାଦାଃଏ ।

୪ ଏନ୍ ସବେନ୍‌କଦ ପାର୍‌ମେଶ୍ୱାର୍ ନାଙ୍ଗ୍ ଦାନ୍ ବାକାସ୍‌ରେ ଆକଥାଃ ଆଦକା ମେନାଃତେୟାଃଏତେ କାଟିଃଲେକା ସାଜୁଆକାଦାଃକ ମେନ୍‌ଦ ନିଃ ଆୟାଃ ଜୀଉ ବାଞ୍ଚାଅ ନାଗେନ୍ତେ ଅକ୍‌ନାଃ ତାଇକେନା, ଏନା ସବେନାଃଏ ସାଜୁଆକାଦାଏ ।”

ମାନ୍ଦିର୍ ହାଦୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ
(ମାଥୂଉ ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ଚେଲାକ ମାନ୍ଦିର୍ ଅଡ଼ାଃ ସୁଗାଡ୍‌ଦିରିତେ ଆତଃ ପାର୍‌ମେଶ୍ୱାର୍‌ତାଃ ଦାନ୍ ରାକାବାକାନ୍ ତେୟାଃତେ ସିଙ୍ଗାରାକାନା ମେନ୍ତେ କାଜିକେଦାଃକ, ମେନ୍‌ଦ ଯୀଶୁ ମେତାଦ୍‌କଥାଏ,

୬ “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ୍ ସବେନାଃ ହାଦୁଡ଼ଃଆ, ଦିରି ଚେତାନ୍ ଦିରି ଡିରିୟାକାନ୍ କା ତାଇନା ।”

ଦୁକୁ ଆତଃ ସିଗିଦ୍
(ମାଥୂଉ ୨୪:୩-୧୪; ମାର୍କ ୧୩:୩-୧୩)

୭ ଯୀଶୁଆଃ ଚେଲାକ କୁଲିକିୟାଃକ, “ହେ ଗୁରୁ, ନେଆଁଦ୍ ଚିଉଲା ହବାଅଃଆ ? ଆତଃ ନେ ସବେନାଃ ହବାଅଃରେୟା ଚିକାନ୍ ଚିହ୍ନାଁ ଉଦୁବଃଆ ?”

୮ ଇନିଃ କାଜିକେଦାଏ, “ଚିର୍ଗାଲାକାନ୍‌ପେ, ଆଲ୍‌ପେ ବେଦାଅଥାଃ, ପୁରାଃ ହଡ଼କଦ ଆଇଙ୍ଗ୍ ଇନିଃଗି ତାନିଙ୍ଗ୍ ଆତଃ ସାମାଏ ନାଡ଼େଃକାନା ମେନ୍ତେ ଆଇଁୟାଃ ନୁଡୁମ୍‌ତେକ ହିଜୁଃଆ, ଇନ୍ଦ୍ରକୃକେ ଆଲ୍‌ପେ ଅତଙ୍ଗ୍‌କଥା ।

୯ ଆପେ ମାପାଃତୁପୁଇଙ୍ଗ୍ ଆତଃ ହାଲାଗୁଲାରେୟାଃ କାଜି ଆୟୁମ୍‌ମେରେ ଆଲ୍‌ପେ ଆକ୍‌ବାକାଅଥାଃ, ନେ କାଜିକଦ ସିଦାରେ ହବାଅଃଗି ଲାଗାଡିୟାଃ, ମେନ୍‌ଦ ଚୁଣ୍ଡୁ କୁା ହିଜୁଃଧାବାଃ ।”

୧୦ ଏନ୍ତେ ଯୀଶୁ ଆତଃଗି ଇନ୍ଦ୍ରକୃକେ କାଜିୟାଦକଥାଏ, “ହଡ଼କଦ ହଡ଼କଆଃ ବିରୁଧ୍‌ରେ ଆତଃ ରାଇଜ୍ ରାଇଜ୍‌ରେୟାଃ ବିରୁଧ୍‌ରେକ ବିରିଦାଃ ।

୧୧ ମିଦତାଃରେ ଅତେ ପୁରାଃ ଏକଲୀଅଃଆ, ରିଙ୍ଗା ଆତଃ ଦୁକୁ, ଆତଃ ବରଆନ୍ତେୟାଃକ ଆତଃ ସିର୍ମାଏତେ ମାପରାଙ୍ଗ ଚିହ୍ନାକ ଉଦୁବଃଆ ।

୧୨ ମେନ୍ଦ ଏନ୍ ସବେନାଃ ସିଦାରେ, ହଡକ ଆଇୟାଃ ନୁଡୁମ୍ ନାଗେନ୍ତେକ ସାବ୍‌ପେୟା ଆତଃକ ସିଗିଦ୍‌ପେୟା । ଇନ୍‌କୁ ସାମାଜ୍ ଅତଃକରେକ ଜିମାପେୟା ଆତଃକ ଜେହେଲ୍‌ପେୟା, ଆତଃ ରାଜାକଆଃ ଆତଃ ହାକିମ୍‌କଆଃ ଆୟାର୍‌ରେକ ଇଦିପେୟା ।

୧୩ ମେନ୍ଦ ନେଆଁ ଆପେୟାଃ ନାଗେନ୍ତେ ଗାଝାଇ ହବାଅଆଃ ।

୧୪ *ମେନ୍ଦ ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ୁକେଦ୍‌ତେ ଆପେୟାଃ ମନ୍‌ରେ ଉହାଟେପେ ।

୧୫ ଚିୟାଃଚି ଆଇଙ୍ଗ୍ ଆପେକେ ନେ'ଲେକାନ୍ ବାଚାନ୍‌ରେୟାଃ ପେଡ଼େଃ ଆତଃ ସେଣାଁ ଏମାପେୟାଈଙ୍ଗ୍ ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ଼ କାଜିତାନାଃ ମେନ୍ତେ କାକ କାଜିରୁହାଡ଼ ଦାଡ଼ିୟା ।

୧୬ ଆପେୟାଃ ଏଙ୍ଗା ଆପୁକ ଆତଃ ହାଗାକ ଆତଃ କୁଟୁମ୍‌କୁପୁଲ୍‌କ ଆତଃ ଗାତିକ ସାବ୍‌ଇଚିପେୟା ଆତଃ ଆପେକଏତେ ଚିମିନ୍‌କକେ ଗଏଃଇଚିକଆକ ।

୧୭ ଆଇୟାଃ ନୁଡୁମ୍ ନାଙ୍ଗ୍ ସବେନ୍ ହଡକ ଆପେକେ ଖ୍‌ସ୍‌ଆପେୟାକ ।

୧୮ ମେନ୍ଦ ଆପେୟାଃ ବହଃଏତେ ମିଆଁଦ୍ ଉବ୍‌ହ କା ଜିୟନଃଆ ।

୧୯ ଆପେ ସାହାଡ଼ିଙ୍ଗ୍ ତାନ୍‌ଲଃ ଆପେୟାଃ ଜୀଉପେ ନାମେୟା ।

ଯୀରୁଶାଲେମ୍‌ରାଃ ଜିୟନଃ ବିଷାଏରେ ଯୀଶୁ କାଜିତାନାଏ

(ମାଥୁ ୨୪:୧୫-୨୧; ମାର୍କ ୧୩:୧୪-୧୯)

୨୦ “ଯୀରୁଶାଲେମ୍ ଫାଉଦ୍‌ତେ କେସେଦ୍‌ବିହୁରାକାନ୍ ନେଲେ ଇମ୍‌ତା, ଏନାଦ୍ ଉଡୁଡ଼ାଏବଆଃ ମେନ୍ତେ ସାରିପେ ।

୨୧ ଇମ୍‌ତା ଯିହୁଦା ପାରଗାନ୍‌ରେ ତାଇନଃତାନ୍‌କ ବୁରୁତେକ ନିରତେବାଃକା, ଯୀରୁଶାଲେମ୍ ଆଲାରେ ତାଇନଃତାନ୍‌କ ଅତଙ୍ଗାଃକାକ ଆତଃ ହାଡୁକରେ ତାଇନଃତାନ୍‌କ ସାହାରିତେ ଆଲକାକ ବଲଃକା ।

୨୨ ଚିୟାଃଚି ସବେନ୍ ଅଲକାକାନ୍‌ତେୟାଃ ପୁରାଅଃ ନାଗେନ୍ତେ ନେ ହୁଲାଙ୍ଗ୍‌କଦ ସାଜାଇଅଃରେୟାଃ ହୁଲାଙ୍ଗ୍ ତାନାଃ ।

୨୩ ମେନ୍ଦ ଏନ୍ ଦିପିଲିରେନ୍ ବାଜି ଆକାନ୍ କୁଡ଼ିକଆଃ ଆତଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍‌ଗି ଦୁକୁ ହବାଅଆଃ । ଚିୟାଃଚି ଅତେଦିଶୁମ୍‌ରେଦ୍ ମାରାଙ୍ଗ୍ ଦୁକୁ ଆତଃ ନେ ହଡକରେ ଏନେସେଦ୍* ଠଗଃଆ ।

୨୪ ଇନ୍‌କୁ ତାରାଉଡ଼ିତେ ମାଗଆଃକ ଆତଃ ସବେନ୍ ଦିଶୁମ୍‌ରେନ୍‌କତାଃତେକ ତଲ୍‌ଇଦିୟାଆଃ ଆତଃ ଏଟାଃ ଜାତିରେନ୍‌କଆଃ ଦିପିଲି ଆଉରି ପୁରାଅଃଜାକେଦ୍ ଯୀରୁଶାଲେମ୍‌କେ ଏଟାଃ ଜାତିରେନ୍‌କ ଏନେୟା ।

ମାନଝାହନ୍‌ଆଃ ହିଜୁଃରୁହାଡ଼ରେୟାଃ ଆୟାର୍‌କାଜି

(ମାଥୁ ୨୪:୨୯-୩୧; ମାର୍କ ୧୩:୨୪-୨୭)

୨୫ *ସିଙ୍ଗି, ଚାଣ୍ଡୁ ଆତଃ ଇପିଲ୍‌କରେ ଚିହ୍ନାକ ଉଦୁବଃଆ । ଦରେୟା ଆତଃ ଆଲ୍‌ପୁଙ୍ଗ୍‌ରେୟାଃ ସାଡ଼ିରେ, ଅତେରେ ଜାତିରେନ୍‌କ ଦୁକୁତେକ ଆକ୍‌ବାକାଅଆଃ ।

୨୬ ଅତେଦିଶୁମ୍‌ତେ ହିଜୁଃତାନ୍ ସାଙ୍ଗାଟ୍‌କେ ନେଲ୍‌ହରାତାନ୍‌ଲଃ ହଡକ ବରତେ ଗଜଃ ଲେକାକ ହବାଅଆଃ, ଚିୟାଃଚି ସିର୍ମାରେୟାଃ ପେଡ଼େୟାନ୍‌ତେୟାଃକ ଏକଲୀଅଃଆ ।

୨୭ *ଏନ୍ ସାମାଏରେ ହଡକ ମାନଝାହନ୍‌କେ ପେଡ଼େଃ ଆତଃ ପୁରାଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିୟା ।

୨୮ ଚିମ୍‌ତାଙ୍ଗ୍ ନେଆଁକ ଏଟେଜଃରେ ତିଙ୍ଗୁନ୍‌ପେ ଆତଃ ସାଙ୍ଗିଲେପେ, ଚିୟାଃଚି ଆପେୟାଃ ମୁଲ୍‌ଦିଦ୍ ନାଡ଼େୟାଃତାନା ।”

ଲଆଦାରୁଏତେ ଇନିଡୁ

(ମାଥୁ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆତଃ ଯୀଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଲଆଦାରୁ ଆତଃ ସବେନ୍ ଦାରୁ ଆତଃ ଏଟାଃ ଦାରୁକଏତେ ଇଡୁନ୍‌ପେ ।

୩୦ ଏନା ସୁଡ଼ାଅଃତାନ୍ ନେଲ୍‌କେଦ୍‌ତେ ଜେର୍‌ସିଙ୍ଗି ନାହାଁଃଦ୍ ନାଡ଼େୟାକାନା ମେନ୍ତେପେ ସାରିୟାଃ ।

୩୧ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା ପାର୍‌ମେଶ୍‌ବାରାଃ ରାଇଜ୍ ନାଡ଼େୟାକାନା ମେନ୍ତେ ସାରିପେ ।”

୩୨ ସାର୍‌ତିଗିଙ୍ଗ୍ କାଜିୟାପେତାନା, “ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଟୁଣ୍ଡୁଆ ।

୩୩ ସିର୍ମା ଆତଃ ଅତେ ଟୁଣ୍ଡୁଡ଼ାଠାରଃଆ, ମେନ୍ଦ ଆଇୟାଃ କାଜିକ କା ଟୁଣ୍ଡୁଆ ।

ଚିର୍ଗାଲାନାନ୍‌ପେ

* ୨୧:୧୪ ଲୁକ ୧୨:୧୧,୧୨. * ୨୧:୨୩ ଖ୍‌ସ୍ * ୨୧:୨୫ ଉନ୍‌ଦୁବ୍ କାଜି ୬:୧୨,୧୩. * ୨୧:୨୭ ଉନ୍‌ଦୁବ୍ କାଜି ୧:୭. † ୨୧:୩୦ ପାଅଁଲାଃଆ

୩୪ “ଚିରାଲାକାନୁପେ, କା'ରେଦ ନୁଁରେୟାଃ ବୁନୁଲ୍‌ତେ ଆତଃ ନେ ଜୀଦାନରେୟାଃ ଉଡ଼ୁକେଦ୍‌ତେ ଆପେୟାଃ ମନ୍ ହାମ୍‌ଲଆଃ ଆତଃ ଏନ୍ ହୁଲାଙ୍ଗ୍ ଆପେରେ ଆଡ଼କାତେ ଫାସ୍‌ରିଲେକା ହିଜୁଃଆ ।

୩୫ ଏନାଦ ଏନ୍ ଫାସ୍‌ରି ଲେକାରି ସବେନ୍ ଅତେରେନକଆଃରେ ହିଜୁଃଆ ।

୩୬ ଆପେ ନେ ସବେନ୍ ହିଜୁଃତେୟାଃକଏତେ ବାଞ୍ଛାଅ ଆତଃ ମାନଞ୍ଜାହନ୍‌ଆଃ ଆୟାରରେ ତିଜୁଃଦାଡ଼ିକାଲେ ମେନ୍ତେ ସବେନ୍ ଦିପିଲିରେ ଏୟନାକାନୁପେ ଆତଃ ବିକ୍ରିପେ ।”

୩୭ ☆ସବେନ୍ ହୁଲାଙ୍ଗ୍ ଯୀଶୁ ମାନ୍‌ିର୍ ଅଡ଼ାଃରେ ଇଡୁକତାନ୍ ଆତଃ ସିଙ୍ଗିହାସୁରୟାନ୍ତେ ଜାଇଡୁନ୍ ବୁରୁରେ ତାଇନ୍‌ତାନାଏ ତାଇକେନା ।

୩୮ ଆତଃ ସେତାଃୟାନ୍‌ରେଦ ସବେନ୍ ହଡ଼କ ଇନିୟାଃ କାଜି ଆୟୁମ୍ ନାଗେନ୍ତେ ମାନ୍‌ିର୍ ଅଡ଼ାଃତେ ଇନିଃତାଃକ ହିଜୁଃତାନ୍ ତାଇକେନା ।

୨୨

ୟୀଶୁଆଃ ବିରୁଧରେ ରଜୋଟ

(ମାଥୁଉ ୨୬:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

୧ ପାସ୍କା ପାରାବ୍ ନୁଡୁମଃତାନ୍ ସାବାଃ ହଲଙ୍ଗ୍‌ରେୟାଃ ପାରାବ୍ ନାଡ଼େୟାନ୍‌ା,

୨ ଆତଃ ମାରାଙ୍ଗ୍ ଯାଜାକକ ଆତଃ ଆଇନ୍ ଇଡୁକ ଆବୁ ଯୀଶୁକେ ଚିଲ୍‌କାବୁ ଗଜିୟା ମେନ୍ତେ ହରାକ ଦାଣ୍ଠାବାଡ଼ା ତାଇକେନା, ଇନ୍‌କୁଦ ହଡ଼କକେ ବରଆକତାନ୍ ତାଇକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ରାଜିୟାନା

(ମାଥୁଉ ୨୬:୧୪-୧୬; ମାର୍କ ୧୪:୧୦-୧୧)

୩ ଏନ୍ତେ ଗେଲ୍‌ବାର୍ ଚେଲାକଏତେ, ଇଷ୍ଟାରିୟଡ଼ ଯିହୁଦା ନୁଡୁମଃତାନ୍ ମିଆଁଦ୍‌ନିୟାଃରେ ସାଏତାନ୍ ବଲୟାନାଏ ।

୪ ଆତଃ ଇନିଃ ସେନଃୟାନ୍ତେ ଆଇଙ୍ଗ୍ ଯୀଶୁକେ ଚିଲ୍‌କା ଆପେୟାଃ ତିଃଇରେ ଜିମାଇୟା ମେନ୍ତେ ମାରାଙ୍ଗ୍ ଯାଜାକକ ଆତଃ ସିପାଇକଆଃ ଗମ୍‌କେକଲଃ ବାଖାଣ୍ଡକେଦାଏ ।

୫ ଇନ୍‌କୁ ଟାକାଲେ ଏମାମେୟା ମେନ୍ତେ ରାସ୍କାତାନ୍‌ଲଃକ ହୁଣ୍ଡିୟାନା ।

୬ ଆତଃ ଇନିଃ ରାଜିୟାନାଏ ଆତଃ କା ହାଲାଗୁଲାଏତାନ୍‌ଲଃ ଇନ୍‌କୁଆଃ ତିଃଇରେ ଯୀଶୁକେ ସାବ୍‌ରିକାଇ ନାଗେନ୍ତେ ସୁଯୋଗ୍ ଦାଣ୍ଠାତାନାଏ ତାଇକେନା ।

ୟୀଶୁ ପାସ୍କା ପାରାବ୍‌ରେୟାଃ ଜମେୟାଃ ନାଗେନ୍ତେ ସେକାଡ଼ୟାନାଏ

(ମାଥୁଉ ୨୬:୧୭-୨୫; ମାର୍କ ୧୪:୧୨-୨୧; ଯୋହାନ୍ ୧୩:୨୧-୩୦)

୭ ସାବାଃ ହଲଙ୍ଗ୍‌ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ ମିଣ୍ଡିହନ୍‌ଆଃ ଦାଣ୍ଠା ମାୟୋମ୍ ଲାଗାଡ଼ିଙ୍ଗ୍ ତାଇକେନା ।

୮ ଯୀଶୁ, ପାଡ଼ରାସ୍ ଆତଃ ଯୋହାନ୍‌କେ “ପାସ୍କା ପାରାବ୍ ନାଙ୍ଗ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦ୍‌କିନା ।

୯ ଏନ୍ତେ ଇନ୍‌କିନ୍ ଇନିଃକେ କୁଲିକିୟାକିନ୍, “ଆଲିଙ୍ଗ୍ ଅକ ଠାୟାଦ୍‌ରେ ବାଇୟାଲିଙ୍ଗ୍ ମେନ୍ତେମ୍ ସାନାଙ୍ଗ୍‌ତାନା ?”

୧୦ ଯୀଶୁ ମେତାଦ୍‌କିନାଏ, “ନାଗାରରେ ବଲଃ ଇମ୍‌ତା ଦାଆଃତାଟୁ ତେଙ୍ଗଃକାଦ୍ ମିଆଁଦ୍ ହଡ଼କେ ନାମ୍‌ୟାବେନ୍, ଇନିଃ ବଲଃ ଅଡ଼ାଃତେ ଅଡ଼ଙ୍ଗ୍‌ଇବେନ୍,

୧୧ ଆତଃ ଅଡ଼ାଃରେନ୍ ଗମ୍‌କେ କେ କାଜିୟାଇବେନ୍, ‘ଗୁରୁ କୁଲିତାନାଏ, ବାଖରା ଅକ୍‌ତାଃରେୟା ? ଏନ୍ତାଃଦ ଆଇଁୟାଃ ଚେଲାକଲଃ ପାସ୍କା ପାରାବ୍‌ରେୟାଃ ଜମେୟାଃ ଜମେୟାଈଙ୍ଗ୍ ।’

୧୨ ଇନିଃ ବାଇସେକାଡ଼ାକାନ୍ ମାରାଙ୍ଗ୍ ବାଖରା ଉଦୁବାବେନାଏ, ଏନ୍ତାଃରେ ବାଇୟେବେନ୍ ।”

୧୩ ଇନ୍‌କିନ୍ ସେନଃୟାନ୍ତେ ଯୀଶୁ ଉଦୁବାଦକିନ୍‌ଲେକା ନାମ୍‌କେଦାଃକିନ୍, ଆତଃ ପାସ୍କା ପାରାବ୍ ନାଙ୍ଗ୍ ଜମେୟାଈକିନ୍ ବାଇକେଦାଃ ।

ପ୍ରାଭୁ ଭୋଜ

(ମାଥୁଉ ୨୬:୨୬-୩୦; ମାର୍କ ୧୪:୨୨-୨୬; ୧ କରିନ୍ଥ୍‌ୟ ୧୧:୨୩-୨୫)

୧୪ ଆତଃ ଏନ୍ ଦିପିଲି ସେଟେର୍‌ୟାନ୍‌ଚି ଯୀଶୁ ଆୟାଃ ପ୍ରେରିଡ଼କଲଃ ଜଜମ୍ ନାଗେନ୍ତେ ଦୁବୟାନାଏ ।

୧୫ ଆତଃ ଇନିଃ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଗ୍ ଦୁକୁ ସାହାଡ଼ିଙ୍ଗ୍‌ୟେଁ ସିଦାରେ ନେ ପାସ୍କା ପାରାବ୍‌ରେୟାଃ ଜମେୟାଈ ଆପେଲଃ ଜଜମାଇଙ୍ଗ୍ ସାନାଙ୍ଗ୍‌ତାନା ।

୧୬ ଆଇଙ୍ଗ୍‌ଦ ପାର୍‌ମେଶ୍‌ବାରଆଃ ରାଇଙ୍ଗ୍‌ରେ ଏନାରାଃ ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆତଃ ଚିତ୍‌ଲାହ କାଇଙ୍ଗ୍ ଜମାଃ ମେତାପେତାନାଇଙ୍ଗ୍ ।”

☆ ୨୧:୩୭ ଲୁକ ୧୯:୪୭.

୧୭ ଆତ୍ମା କାଟୋରା ଆଉକେଦ୍‌ତେ, ଇନିଃ ଧାନାବାଦ୍ ଏମ୍‌ତାନଲଃ ମେତାଦକଆଏ, “ଆପେୟାଃ ଆଲ୍‌ମାରେ ନେଆଁ ହାଟିଙ୍ଗ୍‌ୟେ ୧”

୧୮ ଆଇଙ୍ଗ୍‌ଦ କାଜିୟାଦେ ତାନାଇଙ୍ଗ୍, “ପାର୍‌ମେଶ୍‌ୟାର୍‌ଆଃ ରାଇଙ୍ଗ୍ ଆଉରି ହିନ୍ଦୁଃଜାକେଦ୍ ଆଇଙ୍ଗ୍ ଦାଖ୍‌ରାସି ଆତ୍ମା ଚିତ୍‌ଲାଇ ଆଇଙ୍ଗ୍ ନୁଁଇଆ ୧”

୧୯ ଆତ୍ମା ଇନିଃ ହଲଙ୍ଗ୍ ସାବ୍‌କେଦ୍‌ତେ, ପାର୍‌ମେଶ୍‌ୟାର୍‌କେ ଧାନାବାଦ୍ ଏମ୍‌କିୟାଏ ଆତ୍ମା ଏନାକେ କେଟାଃକେଦ୍‌ତେ ଇନ୍‌କୁକେ ଏମ୍‌ତାନଲଃ କାଜିୟାଦକଆଏ, “ନେଆଁ ଆଇଁୟାଃ ହଡ଼୍‌ମତାନାଃ, ଆପେ ନାଗେନ୍ତେ ଏମ୍‌ତାନା, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ୧”

୨୦ ଏନ୍‌ଲେକାରି, ଇନିଃ ଆୟୁବ୍‌ଜମେୟାଃ ତାୟମ୍‌ତେ କାଟୋରା ସାବ୍‌କେଦ୍‌ତେ ମେତାଦକଆଏ, “ନେ କାଟୋରା ଆଇଁୟାଃ ମାୟୋମ୍‌ତେ ଆପେୟାଃ ନାଙ୍ଗ୍ ଲିଙ୍ଗିୟାତାନ୍ ପାର୍‌ମେଶ୍‌ୟାର୍‌ଆଃ ରାଜିନାମାରାଃ ନାଞ୍ଜାନିୟାମ୍ ତାନାଃ ।

୨୧ “ମେନ୍‌ଦ ନେଲେପେ ଆଇଙ୍ଗ୍‌କେ ସାବ୍‌କେଦିନିୟାଃ ତିଃଇ ଆଇଁୟାଃଲଃ ମେଜ୍‌ରେୟା ।

୨୨ ମାନଞ୍ଜାହନ୍ ଆୟାଃ ନାଗେନ୍ତେ ଦହାକାନ୍ ଲେକାଏ ସେନତାନା, ମେନ୍‌ଦ ବାଇରିକଆଃ ତିଃଇରେ ଇନିଃକେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ ୧”

୨୩ ଆତ୍ମା ଇନ୍‌କୁ ଆବୁଏତେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡାକେଦାଃ ।

ଆବୁଏତେ ଅକଏ ମାରାଙ୍ଗ୍ ମେନ୍ତେ ଚେଲକ ଏପ୍‌ରାଙ୍ଗ୍‌ତାନା

(ମାଥୁ ୨୦:୨୫-୨୮; ମାର୍କ ୧୦:୪୨-୪୪)

୨୪ *ଚେଲକ ଆବୁଏତେ ଅକଏ ମାରାଙ୍ଗ୍‌ନିଃ ଆବ୍‌କାରଃଆଏ ମେନ୍ତେକ ଏପ୍‌ରାଙ୍ଗ୍‌ୟାନା ।

୨୫ ଯୀଶୁ ଇନ୍‌କୁକେ କାଜିୟାଦକଆଏ, “ଏଟାଃ ଜାତିରେନ୍‌କଆଃ ରାଜାକ ଇନ୍‌କୁରେକ ରାଇଜେତାନା, ଆତ୍ମା ଇନ୍‌କୁଆଃରେ ଆକ୍‌ତେୟାର୍‌ ତାନକକେ ଗାତିକ କାଜିୟାତାନା ।

୨୬ **ମେନ୍‌ଦ ଆପେ ଆଲ୍‌ପେ ନେକାଅଆଃ, ଆପେୟାଃ ଆଲ୍‌ମାରେ ମାରାଙ୍ଗ୍‌ନିଃ ହୁଡିଙ୍ଗ୍‌ନିଃଲେକା, ଆତ୍ମା ଆଗୁଆଇନିଃ ସୁସାର୍‌ନିଃ ଲେକା ତାଇନଃକାଏ ।

୨୭ *ଅକଏ ମାରାଙ୍ଗ୍‌ଆଏ, ଜଜମ୍‌ରେ ଦୁବାକାନ୍‌ନିଃ ଚି ଦାସି ? ଚିୟାଃ ଜଜମ୍‌ରେ ଦୁବାକାନ୍‌ନିଃ କାଏ ମାରାଙ୍ଗ୍‌ଆଁ ? ମେନ୍‌ଦ ଆଇଙ୍ଗ୍ ଆପେୟାଃ ଆଲ୍‌ମାରେ ମିଆଁଦ୍ ଦାସିଲେକାଃଇଙ୍ଗ୍ ।

୨୮ “ଆଇଁୟାଃ ବିନିଡାଅକରେ ଆଇଙ୍ଗ୍‌ଲଃ ତାଇକାନକ ଆପେଗି ତାନପେ ।

୨୯ ଆତ୍ମା ଆପୁଇଙ୍ଗ୍ ଆଇଙ୍ଗ୍‌କେ ରାଇଙ୍ଗ୍ ରିକାଏରେୟାଃ ଆକ୍‌ତେୟାର୍‌ ଏମାକାଦିଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ ଆକ୍‌ତେୟାର୍‌ ଏମାପେତାନାଇଙ୍ଗ୍,

୩୦ *ଜେ'ଲେକାରି, ଆପେ ଆଇଁୟାଃ ରାଇଙ୍ଗ୍‌ରେ ଆଇଁୟାଃ ମେଜ୍‌ରେପେ ଜମ୍‌ନୁଏୟା ଆତ୍ମା ରାଜ୍‌ଗାଦିରେ ଦୁବ୍‌କେଦ୍‌ତେ ଇସ୍ରାଏଲ୍‌ରେନ୍‌ ବାରା କିଲିକଆଃପେ ବିଚାରେୟା ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାର୍‌କାଜି* କାଜିତାନା

(ମାଥୁ ୨୬:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୬-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ଗାଷ୍ଟି ଗହମ୍‌କେ ହାଟାଃରେ କେଲାଇକେଦ୍‌ତେ ପେଟେଃକେ ଆତମେଲେକା, ଆପେକେ ବିଡାଅ ମେନ୍ତେ ସାଏତାନ୍‌ହଗି ବୁଗିନ୍ ହଡ଼କତାଃଏତେ ଏଡକାନ୍ ହଡକକେ ଆଲ୍‌ଗାଅରେୟାଃ ଆନ୍‌ଚୁଇ ନାମାକାଦା ।

୩୨ ମେନ୍‌ଦ ଆମାଃ ବିଶ୍ୱାସ୍ ଆଲକା ଚାବାଃଆ ମେନ୍ତେ ଆଇଙ୍ଗ୍ ଆମାଃ ନାଗେନ୍ତେଇଙ୍ଗ୍ ବିନ୍ତ୍ରିୟାକାଦାଃ, ଆତ୍ମା ଆମ୍ ରୁହାଡ଼ରେଦ୍ ଆମାଃ ହାଗାକକେ ପକ୍‌ତାକମେ ୧”

୩୩ ମେନ୍‌ଦ ପାଡ଼ରାସ୍ କାଜିକିୟାଏ, “ହେ ପ୍ରାଭୁ ଆମ୍‌ଲଃ ଜେହେଲ୍‌ତେ ସେନ୍ ଆତ୍ମା ଗଜଃ ନାଗେନ୍ତେ ସାପ୍‌ଡାଅକାନାଇଙ୍ଗ୍ ୧”

୩୪ ଯୀଶୁ ମେତାଇକାଏ, “ଏ ପାଡ଼ରାସ୍, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଇନିଃକେ କାଇଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଇଙ୍ଗ୍ ମେତାମ୍‌ତାନା ୧”

ପାଏସାମୁନା, ଆଇଲା, ଆତ୍ମା ତାରାଉଡ଼ି

୩୫ *ଏନ୍ତେ ଯୀଶୁ ଆୟାଃ ଚେଲକକେ କୁଲିକେଦ୍‌କଆଏ, “ଆଇଙ୍ଗ୍ ଆପେକେ ବେଗାର୍ ପାଏସାମୁନା, ଆଇଲା, ଆତ୍ମା ଖାର୍‌ପାତେଇଙ୍ଗ୍ କୁଲିକେଦ୍‌ପେରେ, ଚିୟାଃ ଜେଡନାଃତେପେ ଜାଞ୍ଜିୟାନା† ?” “ଜେଡନାଃତେ କାହା” ମେନ୍ତେକ କାଜିରୁହାଡ଼କିୟା ।

☆ ୨୨:୨୪ ମାଥୁ ୧୮:୧; ମାର୍କ ୯:୩୪; ଲୁକ ୯:୪୭. ☆ ୨୨:୨୭ ମାଥୁ ୨୩:୧୧; ମାର୍କ ୯:୩୫. ☆ ୨୨:୨୭ ମାଥୁ ୨୦:୨୫-୨୭; ମାର୍କ ୧୦:୪୨-୪୪. ☆ ୨୨:୨୭ ଯୋହାନ୍ ୧୩:୧୨-୧୫. ☆ ୨୨:୩୦ ମାଥୁ ୧୯:୨୮. * ୨୨:୩୦ ହବାଃସି ସିଦାରେ କାଜିତେୟାଃ ☆ ୨୨:୩୫ ମାଥୁ ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪. † ୨୨:୩୫ ଘାଟିୟାନା

୩୬ ଯୀଶୁ ଇନ୍ଦ୍ରକୁଳେ ମେତାଦକଥାଏ, “ମେନ୍ଦ ନାହାଁଠ ପାଏସାମୁନା ତାଜନଠନିଠ ଏନା ଇଦିକାଏ, ଆତଠ ଆଇଲାହ୍, ଆତଠ ଅକଏତାଠରେ ତାରାଉଡ଼ି ବାନଆଠ ଇନିଠ ଆୟାଠ ଲିଜାଠ ଆଖିରିଜ୍ଜକେଦତେ ମିଆଁଦ୍ କିରିଜ୍ଜୟେକାଏ ।

୩୭ ନେଆଁ ଧାରାମପୁଥୁରେ ଅଲୀକାନା, ‘ଇନିଠ କା ଧାର୍ମାନ୍ ହଡ଼କଲଠ ଲେକାୟାନାଏ,’ ଆତଠ ଆଇଜ୍ ମେତାପେ ତାନାଇଜ୍, ନେଆଁ ଆଇୟାଠରେ ହବାଅଠଗିୟା । ହେଗି, ଧାରାମପୁଥୁରେ ଆଇୟାଠ ବିଷାଏରେ ଅଲୀକାନ୍ତେୟାଠଦ ସାର୍ତ୍ତିଗି ହବାଅଠଗିୟା ।”

୩୮ ଚେଲାକ କାଜିକିୟାଠକ, “ହେ ପ୍ରାଭୁ, ନେଲେମେ ବାରିଆ ତାରାଉଡ଼ି ନେତାଠରେୟା ।” ଇନିଠ ମେତାଦକଥାଏ, “ଇମ୍ନାଜ୍ରେ ହବାକଥାଠ ।”

ଜାଲ୍ପାଲ ବୁରୁରେ ଯୀଶୁଆଠ ବିକ୍ରି

(ମାଥୁଉ ୨୬:୩୭-୪୬; ମାର୍କ ୧୪:୩୨-୪୨)

୩୯ ଯୀଶୁ ସାହାରହେତେ ଅତଜ୍ଜୟାନ୍ଲଠ ସବେନ୍ ହୁଲାଜ୍ ସେନଠତାନ୍ଲେକା ଜାଇତୁନ୍ ବୁରୁତେ ସେନଠୟାନା, ଆତଠ ଇନିୟାଠ ଚେଲାକହ ଅତଜ୍ଜକିୟାକ ।

୪୦ ଏନ୍ ଠାୟାଦ୍ରେ ସେଟେରୟାନ୍ତି ମେତାଦକଥାଏ, “ବିଡ଼ାଅରେ ଆଲ୍ପେ ଉୟୁଗଠକା ମେନ୍ତେ ବିକ୍ରିପେ ।”

୪୧ ଯୀଶୁ ମିଆଁଦ୍ ଦିରିହୁଦ୍ମାଠ ଇମ୍ନାଜ୍ ସାଜିନ୍ ଇନ୍ଦ୍ରକୁଳଏତେ ଆତମ୍ନୟାନାଏ, ଆତଠ ଇକଡ଼ମୁକେଦତେ ବିକ୍ରିକେଦାଏ ।

୪୨ “ହେ ଆବା, ଆମ୍ ସାନାଜ୍ରେଦ ନେ କାଟୋରା ଆଇଜ୍ଏତେ ଆତମ୍ନେ, ଏନ୍ରେୟ ଆଇୟାଠ ସାନାଜ୍ଲେକାଦ କାହା ମେନ୍ଦ ଆମାଠ ସାନାଜ୍ଲେକା ହବାଅଠକା ।”

୪୩ ସିର୍ମାସାଠଏତେ ମିଆଁଦ୍ ସିର୍ମାରେନ୍ ଦାସି ଇନିଠକେ ପେଡ଼େଜି ନାଗେନ୍ତେ ଇନିଠତାଠତେ ହିଜୁଠୟାନା ।

୪୪ ଆତଠ ଯୀଶୁ ପୁରାଠ ଦୁକୁୟାନ୍ତେ ପୁରାଠଗି ବିକ୍ରିଗରୋଜ୍ଜକେଦାଠଏ ଆତଠ ଇନିୟାଠ ବାଲ୍‌ବାଲ୍‌ଦାଆଠ ଅତେରେ ଜରତାନ୍ ସାକିଦ୍ ମାୟୋମ୍ଲେକାୟାନା ।‡

୪୫ ଇନିଠ ବିକ୍ରିକେଦତେ ବିରିଦ୍‌ୟାନାଏ ଆତଠ ଆୟାଠ ଚେଲାକତାଠ ରୁହାଡ଼ୟାନ୍ତି, ଇନ୍ଦ୍ରକୁଳେ ଦୁଡ଼ମ୍ଭାକାନ୍ ନାମକେଦକଥାଏ, ଆତଠ ହୁଡ଼ିଜ୍ଜକାଉୟାନାଏ ।

୪୬ ଇନିଠ କୁଲିକେଦକଥାଏ, “ଚିନାଠମେନ୍ତେପେ ଦୁଡ଼ମ୍ଭତାନା ? ମାର୍ ବିରିଦ୍‌ପେ ଆତଠ ବିଡ଼ାଅରେ ଆଲ୍ପେ ଉୟୁଗଠକା ମେନ୍ତେ ବିକ୍ରିପେ ।”

ଯୀଶୁଆଠ ସାବ୍‌ଇଦିୟାଠ

(ମାଥୁଉ ୨୬:୪୭-୫୬; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

୪୭ ଯୀଶୁ ନେଆଁ କାଜିତାନ୍ ତାଜକେନ୍ ଇମ୍ନାଗି ନେଲେପେ ଗାଦେଲହଡ଼କ ହିଜୁଠୟାନା, ଆତଠ ଗେଲ୍‌ବାର୍ ଚେଲାକଏତେ ଯିହୁଦା ନୁତୁମ୍ ମିଆଁଦ୍ ଚେଲା ଇନ୍ଦ୍ରକୁଳେ ଆୟାର୍‌ତେ ଆଉକେଦକଥା ଆତଠ ଯୀଶୁକେ ଚଅଠ'ଇ ନାଗେନ୍ତେ ଇନିଠତାଠତେ ନାଡ଼େଠୟାନା,

୪୮ ମେନ୍ଦ ଯୀଶୁ ମେତାଜ୍‌କାଏ, “ଏ ଯିହୁଦା, ଚିୟାଠ ଆମ୍ ମାନଝାହନ୍‌କେ ଚଅଠ'ଇତାନ୍‌ଲମ୍ ସାବ୍‌ଇଚିତାନା ?”

୪୯ ଯୀଶୁଲଠ ତାଜକେନ୍‌କ ହବାଅଠତେୟାଠ ନେଲ୍‌କେଦତେ କାଜିକିୟାକ, “ହେ ପ୍ରାଭୁ ଚିୟାଠ ଆଲେ ତାରାଉଡ଼ିତେଲେ ମାଆଠକଆ ?

୫୦ ଆତଠ ଇନ୍ଦ୍ରକୁଳଏତେ ମିଆଁଦ୍‌ନିଠ ମାରାଜ୍ ଯାଜାକ୍‌ଆଠ ଦାସିରାଠ ଜମ୍ ଲୁତୁର୍‌କେ ମାଆଠଖାଣ୍ଡାଅକେଦାଏ ।”

୫୧ ମେନ୍ଦ ଯୀଶୁ କାଜିରୁହାଡ଼କେଦାଏ, “ନେଆଁଦ କାହା” ଆତଠ ଏନ୍ ଦାସିଆଠ ଲୁତୁର୍ ଜୁଟିଦ୍‌କେଦତେ ଇନିଠକେ ବୁଗିକିୟାଏ ।

୫୨ ଏନ୍ତେ ଯୀଶୁ ଆୟାଠତାଠ ହିଜୁଆକାନ୍ ମାରାଜ୍ ଯାଜାକ୍‌କ, ମାନ୍‌ର ହରକଥାଠ ଗୁସିୟାକ, ଆତଠ ପ୍ରାଚିନ୍‌କକେ କାଜିୟାଦକଥାଏ, “ଚିୟାଠ ଆପେ କୁମ୍‌ତୁସ୍‌ବାଲେକା ତାରାଉଡ଼ି ଆତଠ ଭଜାଟ୍‌କ ସାବ୍‌କେଦତେପେ ହିଜୁଆକାନା ?

୫୩ ☆ସବେନ୍ ହୁଲାଜ୍ ଆଇଜ୍ ମାନ୍‌ରେ ଆପେଲଠ ତାଜକେନ୍‌ଇମ୍ନାତା ଆପେ ଆଇଜ୍‌ରେ ତିଠଇ କାପେ ଜିଲିଜ୍‌କେଦାଠ । ମେନ୍ଦ ନେଆଁ ଆପେୟାଠ ସାମାଏ ତାନାଠ ଆତଠ ନୁବାଠରେୟାଠ ରାଇଜ୍‌ତାନାଠ ।”

ପାଡ଼ରାସ୍ ଆଇଜ୍ ଯୀଶୁକେ କାଜ୍‌ ସାରିୟାଠ ମେନ୍ତେ କାଜିତାନାଏ

(ମାଥୁଉ ୨୬:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୬-୭୨; ଯୋହାନ୍ ୧୮:୧୨-୧୮, ୨୫-୨୭)

୫୪ ଇନ୍ଦ୍ରକୁ ଯୀଶୁକେ ସାବ୍‌ଇଦିକିଠତେ ମାରାଜ୍ ଯାଜାକ୍‌କଥାଠ ଅଡ଼ାଠତେକ ଇଦିକିୟାଠ, ଆତଠ ପାଡ଼ରାସ୍ ସାଜିନ୍‌ରେ ତାଜକେଦତେ ଦୟା ଦୟା ଇନିଠକେ ଅତଜ୍‌କିୟା ।

୫୫ ମେନ୍ଦ ଇନ୍ଦ୍ରକୁ ଅଡ଼ାଠରାଗାରେ ସେଜେଲ୍‌ତିଜ୍‌କେଦତେ ସବେନ୍‌କ ଦୁବ୍‌ୟାନା, ଆତଠ ପାଡ଼ରାସ୍‌ହ ଇନ୍ଦ୍ରକୁଲଠ ଦୁବ୍‌ୟାନାଏ ।

‡ ୨୨:୪୪ ଚିମିନ୍ ମାରି ଅନଲ୍‌କରେ ୪୩-୪୪ ପଦ ବାନଠଆ ☆ ୨୨:୫୩ ଲୁକ ୧୯:୪୭; ୨୧:୩୭.

୫୬ ମିଆଁଦ କାମ୍ବୁଟି ଇନିଃକେ ସେଲେଲ୍‌ଜାପାଠରେ ଦୁବାକାନ୍ ନେଲ୍‌କିଃତେ ନେଲ୍‌ବାଇକିୟାଏ ଆତଃ ମେନ୍କେଦାଏ, “ନିଃ ହରି ଯୀଶୁଲଃ ତାଇକେନାଏ ।”

୫୭ ମେନ୍କେଦ ଇନିଃ ଦଦାଦତାନଲଃ କାଜିକିୟାଏ, “ଏ କୁଡ଼ି ଆଇଙ୍ଗଦ ଇନିଃକେ କାଇଙ୍ଗ ସାରିୟାଃ ।”

୫୮ ଆତଃଘାଡ଼ିକାଦ୍ ତାୟମ୍‌ତେ ଏଟାଃ ହଡ଼ ଇନିଃକେ ନେଲ୍‌କିଦ୍‌ତେ ମେତାଇଜାଏ, “ଆମ୍‌ହ ଇନ୍କୁଏତେ ମିଆଁଦନିଃ ତାନମେ ।” ମେନ୍କେଦ ପାଡ଼ରାସ୍ କାଜିକିୟାଏ, “ଏ ହଡ଼ ଆଇଙ୍ଗଦ ନାହାଁଲିଙ୍ଗ ।”

୫୯ ମିଦ୍‌ଘାଣ୍ଡାଲେକା ତାୟମ୍‌ତେ ଆତଃ ଏଟାଃନିଃ କାଜିକେଦାଏ, “ସାର୍‌ତିଗି ନିଃହ ଇନିଃଲଃ ତାଇକେନାଏ, ନିଃଦ ଗାଲିଲ୍‌ରେନ୍ ନିଃ ତାନିଃ ।”

୬୦ ମେନ୍କେଦ ପାଡ଼ରାସ୍ କାଜିରୁହାଡ଼କିୟାଏ, “ଏ ହଡ଼, ଆମ୍ କାଜିତାନ୍‌ତେୟାଃ କାଇଙ୍ଗ ସାରିୟାଃ ।” ପାଡ଼ରାସ୍ ନେଆଁ କାଜିତାନ୍ ଇମ୍‌ତାଗି ସାଣ୍ଡିସିମ୍ ରାଆଃକେଦାଏ ।

୬୧ ଏନ୍ତେ ପ୍ରାଭୁ ହେତାରୁହାଡ଼କେଦ୍‌ତେ ପାଡ଼ରାସ୍‌କେ ଆରିଦ୍‌କିୟାଏ, ଏନ୍ତେ ପାଡ଼ରାସ୍ ସାଣ୍ଡିସିମ୍ ରାଆଃ ସିଦାରେ ଆପିସା ଆଇଙ୍ଗ ଇନିଃକେ କାଇଙ୍ଗ ସାରିୟାଃ ମେନେୟାମ୍ ମେନ୍ତେ ପ୍ରାଭୁ କାଜିକାନ୍ କାଜିକେ ପାହାମ୍‌କେଦାଏ ।

୬୨ ଆତଃ ପାଡ଼ରାସ୍ ଅତଙ୍ଗୟାନ୍‌ତେ କୁସୁଦ୍ କୁସୁଦ୍ ରାଆଃକେଦାଏ ।

ୟୀଶୁକେ ଲାନ୍‌କିୟାଃକ ଆତଃ ଦାଲ୍‌କିୟାଃକ

(ମାଥୁଉ ୨୨:୨୭-୨୮; ମାର୍କ ୧୪:୨୫)

୬୩ ଯୀଶୁକେ ସାବାକାଇ ହଡ଼କ ଲାନ୍‌କାତାନଲଃ ଦାଲ୍‌କିୟାଃକ ।

୬୪ ଇନିୟାଃ ମେଦ୍ ତଲ୍‌ଜାପିଦ୍‌କିଃତେ କୁଲିକିୟାଃକ, “ଆମ୍ ପରେ ନାବୀ ତାନମେ, ମାର୍ ଉଦୁବାଲେମ୍, ଅକଏ ଆପଡ଼ିକେଦ୍‌ମେୟାଏ ।”

୬୫ ଆତଃ ଏଟାଃ ଏଟାଃ ପୁରାଃ ହିଲାଇଙ୍ଗକାଜି ଇନିୟାଃ ବିରୁଧ୍‌ରେକ କାଜିକେଦା ।

ୟୀଶୁକେ ମାରାଙ୍ଗ ଯାଜାକ୍‌ଆଃ ପାଞ୍ଚେଟ୍‌ତେକ ଆଉକିୟା

(ମାଥୁଉ ୨୨:୫୯-୬୨; ମାର୍କ ୧୪:୫୫-୬୪; ଯୋହାନ୍ ୧୮:୧୯-୨୪)

୬୬ ଆଙ୍ଗୟାନ୍‌ଲଃଗି ହଡ଼କଆଃ ପ୍ରାଚିନ୍‌କ ଆତଃ ମାରାଙ୍ଗ ଯାଜାକ୍‌କ, ଆଇନ୍ ଇତୁକ ହୁଣ୍ଡିୟାନ୍‌ଆତଃ ଯୀଶୁକେ ଆକଆଃ ପାଞ୍ଚେଟ୍‌ତେ ଇଦିକିୟାଃକ ।

୬୭ “ଆମ୍ ଖ୍ରୀଷ୍ଟ୍ ତାନମେରେଦ୍ ମାର୍ କାଜିୟାଲେମ୍” ମେନ୍ତେ କାଜିକିୟାକ, ଯୀଶୁ ମେନ୍‌ରୁହାଡ଼ାଦ୍‌କଆଏ, “ଆଇଙ୍ଗ ଆପେକେ କାଜିୟାପେରେହ୍ ଆପେ କାପେ ବିଶ୍ୱାସେୟା,

୬୮ ଆତଃ ଆଇଙ୍ଗ୍ ଜେଡ଼ନାଃଇଙ୍ଗ୍ କୁଲିପେରେୟ ଆପେ କାପେ କାଜିରୁହାଡ଼ାଇୟାଃ ।

୬୯ ମେନ୍କେଦ ନାହାଁଃଏତେ ମାନଝାହନ୍ ସବେନ୍ ପେଡ଼େୟାନ୍ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନ୍ ନେଲଃଆଏ ।”

୭୦ ଆତଃ ସବେନ୍‌କ କୁଲିକିୟାଃକ, “ତାଦ୍‌, ଚିୟାଃ ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନମେ ?” ଇନିଃ ମେତାଦ୍‌କଆଏ, “ଆମ୍ ଇନିଃଗି ତାନମେ ମେନ୍ତେ ଆପେଗିପେ କାଜିତାନା ।”

୭୧ ଏନ୍ତେ ଇନ୍କୁ ମେନ୍କେଦାଃ, “ନାହାଁଃଦ୍ ଆବୁଆଃ ଆତଃ ଚିକାନ୍ ଗାଝା ଲାଗାଡ଼ିଙ୍ଗ୍‌ୟାଃ ? ଆବୁଦ ଇନିୟାଃ ମତାଏତେଗି ଆୟୁମ୍‌କେଦାଃରୁ ।”

୨୩

ୟୀଶୁକେ ପିଲାତୁସ୍‌ତାଃତେକ ଆଉକିୟା

(ମାଥୁଉ ୨୨:୧,୨,୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

୧ ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ଯୀଶୁକେ ପିଲାତୁସ୍‌ତାଃତେକ ଇଦିକିୟାଃ ।

୨ ଆତଃ ଇନ୍କୁ ଇନିଃକେ ଚିଟାଈତାନଲଃ କାଜିକେଦାକ, “ନେ ହଡ଼, କାଇସାର୍‌କେ କାର୍ ଆଲପେ ଏମାଇ ମେନ୍ତେ ହଡ଼କକେ ଉସ୍‌କୁରକ ତାନ୍ ଆତଃ ଆପାନ୍‌କେ ଖ୍ରୀଷ୍ଟ୍, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଇଜା ।”

୩ ଏନ୍ତେ ପିଲାତୁସ୍ ଯୀଶୁକେ କୁଲିକିୟାଏ, “ଆମ୍ ଚିନାଃ ଯିହୁଦୀକଆଃ ରାଜାତାନ୍‌ମେ ?” ଯୀଶୁ କାଜିରୁହାଡ଼କିୟାଏ “ଆମ୍‌ଗିମ୍ କାଜିତାନା ।”

୪ ଏନ୍ତେ ପିଲାତୁସ୍ ମୁଲ୍ ଯାଜାକ୍‌କକେ ଆତଃ ଗାଦେଲ୍ ହଡ଼କକେ କାଜିୟାଦ୍‌କଆଏ, “ନେ ହଡ଼ରେ ଜେତାନ୍ ଗୁଣ୍ଡାଁ କାଇଙ୍ଗ୍ ନାମେତାନା ।”

୫ ମେନ୍କେଦ ଇନ୍କୁ ଆତଃପୁରାଃଗି କାଜିକେଦାଃକ, “ଇନିଃ ଗାଲିଲ୍‌ଏତେ ନେତାଃ ଜାକେଦ୍ ଗଟା ଯିହୁଦାରେନ୍‌କକେ ଇତୁକତାନଲଃ ଉସ୍‌କୁରକତାନା ।”

ପିଲାତୁସ୍ ଯୀଶୁକେ ହେରୋଦ୍‌ତାଃତେ କୁଲିକିୟାଏ

୬ ପିଲାତୁସ୍ ଗାଲିଲ୍ ନୁତୁମ୍ ଆୟୁମ୍‌କେଦ୍‌ଟି କୁଲିକେଦ୍‌କଆଏ, “ଚିୟାଃ ନେ ହଡ଼ ଗାଲିଲ୍‌ରେନ୍ ତାନିଃଟି ?”

୭ ଯୀଶୁ ହେରୋଦ୍‌ଆଃ ରାଇଜ୍‌ରେନ୍ ତାନିଃ ନେଆଁ ଆଟ୍‌କାର୍‌କେଦ୍‌ଟି ପିଲାତୁସ୍ ଇନିଃକେ ହେରୋଦ୍‌ତାଃତେ କୁଲିକିୟାଏ । ଇନିଃଦ ଏନ୍‌ହୁଲାଙ୍ଗ୍‌ରେ ଯୀରୁଶାଲେମ୍‌ରେ ତାଇକେନାଏ ।

୮ ଆଡ଼ଃ ହେରୋଦ୍ ଯୀଶୁକେ ନେଲ୍‌କିଃତେ ପୁରାଃଗି ରାସ୍‌କାୟାନାଏ, ଇନିଃଦ ଯୀଶୁଆଃ କାଜିକାମି ବିଷାଏରେ ଆୟୁମାକାଦ୍ ତାଇକେନାଏ, ଏନାନାଗେନ୍ତେ ଇନିଃ ଯୀଶୁକେ ନେନେଲ୍ ସାନାଙ୍ଗ୍‌ତାନାଏ ତାଇକେନା, ଆଡ଼ଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡେୟାନ୍ କାମି ନେଲେଆଇଙ୍ଗ୍ ମେନ୍ତେ ଆସ୍ତାଏତାନା ତାଇକେନା ।

୯ ଏନାନାଗେନ୍ତେ ହେରୋଦ୍ ଇନିଃକେ ପୁରାଃ କାଜିକ କୁଲିକିୟାଏ, ମେନ୍‌ଦ ଯୀଶୁ ଜେଡ୍‌ନାଃ କାଏ କାଜିରୁହାଡ଼କିୟା ।

୧୦ ମାରାଙ୍ଗ୍ ଯାଜାକ୍‌କ ଆଡ଼ଃ ଆଇନ୍ ଇଡୁକ୍ ଡିଙ୍ଗ୍‌ୟାନ୍ତେ ପୁରାଃଗି ଇନିଃକେ ଚିଟାକିୟାଃକ ।

୧୧ ଏନ୍ତେ ହେରୋଦ୍ ଆଡ଼ଃ ଆୟାଃ ସିପାଇକଲଃ ଇନିଃକେ ହିନିସ୍ତାକିଃତେ ଲାନ୍ଦାକିୟାଃକ ଆଡ଼ଃ ରାଙ୍ଗ୍ ଲିଜାଃ ତୁସିଙ୍ଗ୍‌କିଃତେ ପିଲାତୁସ୍‌ତାଃତେକ କୁଲ୍‌ରୁହାଡ଼କିୟାଃ ।

୧୨ ଏନ୍ ହୁଲାଙ୍ଗ୍‌ଗି ପିଲାତୁସ୍ ଆଡ଼ଃ ହେରୋଦ୍ ବାରାନ୍‌କିନ୍ ଗାଡିୟାନାକିନ୍, ସିଦାଦ୍ ଇନ୍‌କିନ୍ ବାଇରିକିନ୍ ତାଇକେନା ।

ୟୀଶୁଆଃ ଗନଏଃ ସାର୍‌ଡିଗି ତାନାଃ

(ମାଥୁଓ ୨୭:୧୫-୨୬; ମାର୍କ ୧୫:୬-୧୫; ଯୋହାନ୍ ୧୮:୩୯-୧୯:୧୭)

୧୩ ପିଲାତୁସ୍, ମାରାଙ୍ଗ୍ ଯାଜାକ୍‌କେ, ହାକିମ୍‌କେ ଆଡ଼ଃ ହଡ଼କକେ କେଡାହୁଣ୍ଡିକେଦ୍‌କଆଏ,

୧୪ ଆଡ଼ଃ କାଜିୟାଦ୍‌କଆଏ, “ନିଃ ହଡ଼କକେ ବାଗ୍‌ଡାଅନିଃ ତାନିଃ ମେନ୍ତେ ଆପେ ଆଇୟାଃତାଃପେ ଆଡ଼କିୟା । ଆଡ଼ଃ ନେଲେପେ ଆପେୟାଃ ଆୟାଃରେଗି କୁଲିକିୟାଇଙ୍ଗ୍, ମେନ୍‌ଦ ଆପେ ଚିଟାଇତାନ୍ ଜେତାନ୍ ଗୁଣ୍ଟାଁ ନିଃରେ କାଇଙ୍ଗ୍ ନାମକେଦାଃ ।

୧୫ ଆଡ଼ଃ ହେରୋଦ୍‌ହ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲ୍‌ରୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍‌କାମି ନିଃ କାଏ କାମିୟାକାଦାଃ ।

୧୬ ଏନାମେନ୍ତେ ଆଇଙ୍ଗ୍ ହାଁଶ୍‌ସାକିଃତେ ଆଡ଼ାଃଇୟା ।”

୧୭ ଏନ୍ ପାରାବ୍‌ରେ ହଡ଼କ ନାଗେନ୍ତେ ମିଆଁଦ୍ ହଡ଼କେ ଆଡ଼ାଃଇ ଲାଗାଡିଙ୍ଗ୍ ତାଇକେନା ।*

୧୮ ଆଡ଼ଃ ସବେନ୍‌କ ମିଦ୍‌ୟାନ୍ତେ କାଉରିକେଦାଃକ, “ନେ ହଡ଼କେ ଗଜିମେଁ ଆଡ଼ଃ ବାରବ୍‌ବାକେ ଆଲେ ନାଗେନ୍ତେ ଆଡ଼ାଃଇମେ ।”

୧୯ ହାତୁରେ ହବାଲେନ୍ ହାଲାଗୁଲା ଆଡ଼ଃ ହଡ଼ ଗଏଃକେନ୍ ନାଗେନ୍ତେ ବାରବ୍‌ବା ଜେହେଲାକାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ାଃଇ ନାଗେନ୍ତେ ସାନାଙ୍ଗ୍‌କିୟା ଏନାମେନ୍ତେ ଆଡ଼ାଃଗି ହଡ଼କକେ କାଜିୟାଦ୍‌କଆଏ ।

୨୧ ମେନ୍‌ଦ ଇନ୍‌କୁ କାଉରିକେଦାଃକ, “କୁଶ୍‌ରେ କିଲାଇମେ, କୁଶ୍‌ରେ କିଲାଇମେ ।”

୨୨ ଏନ୍ତେ ପିଲାଡ୍ ଆପିସାତେ କାଜିୟାଦ୍‌କଆଏ, “ଚିକା ନାଗେନ୍ତେ, ନେ ହଡ଼ ଚିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ୍ ଗଜିଲେକାନ୍ ଜେତାନ୍ ଗୁଣ୍ଟାଁ ଇନିଃରେ କାଇଙ୍ଗ୍ ନାମାକାଦା, ଏନାମେନ୍ତେ ଇନିଃକେ ହାଁଶ୍‌ସାକିଃତେଇଙ୍ଗ୍ ବାଗିୟା ।”

୨୩ ମେନ୍‌ଦ ଇନ୍‌କୁ ପୁରାଃଗି କାଉରିତାନ୍‌ଲଃ ଯୀଶୁକେ କୁଶ୍‌ରେ ରାକାବିମେଁ ମେନ୍ତେ ଆସିତାନ୍‌କ ତାଇକେନା, ଆଡ଼ଃ ଇନ୍‌କୁଆଃ କାଉରିରେୟାଃ ଜିନିତାଅ ହବାୟାନା ।

୨୪ ଏନ୍ତେ ପିଲାତୁସ୍, ଇନ୍‌କୁ ଆସିତାନ୍ ଲେକା ରିକାଏପେ ମେନ୍ତେ ଆଡୁକେଦାଏ ।

ୟୀଶୁକେ ଗଲ୍‌ଗାଆତେକ ଇଦିତାନା

୨୫ ଇନିଃ ଇନ୍‌କୁ ଆସିତାନ୍ ହଡ଼କେ, ଅକଏଚି ହାଲାଗୁଲା ଆଡ଼ଃ ହଡ଼ ଗଏଃକେନ୍‌ନାଙ୍ଗ୍ ଜେହେଲାକାନ୍ ତାଇକେନାଏ ଇନିଃକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍‌ଦ ଯୀଶୁକେ ଇନ୍‌କୁଆଃ ସାନାଙ୍ଗ୍ ଲେକା ଜିମାକିୟାଏ ।

ୟୀଶୁକେ କୁଶ୍‌ରେ କିଲାକିୟାଃକ

(ମାଥୁଓ ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୬ ଆଡ଼ଃ ଇନ୍‌କୁ ଇନିଃକେ ଇଦିତାନ୍ ତାଇକେନ୍‌ରେ ହାତୁଏତେ ହିଜୁଃତାନ୍ ଶିମୋନ୍ ନୁତୁମ୍ କୁରିନିରେନ୍ ହଡ଼କେ ସାବ୍‌କିୟାଃକ ଆଡ଼ଃ ଯୀଶୁଆଃ ତାୟମ୍ ତାୟମ୍‌ତେ କୁଶ୍ ଇଦି ନାଗେନ୍ତେ ଇନିଃକେ ଗଅଃଚିକାକିୟାଃକ ।

୨୭ ପୁରାଃ ହଡ଼କ ଇନିଃକେ ଅତଙ୍ଗ୍‌କିୟାକ ଇନ୍‌କୁ ଆଲାରେ ଇନିଃ ନାଙ୍ଗ୍ କୁଡାମ୍ ଆପ୍‌ଡି ଆଡ଼ଃ ରାଆଃତାନ୍ କୁଡିକହ ତାଇକେନାକ ।

୨୮ ମେନ୍‌ଦ ଯୀଶୁ ଇନ୍‌କୁସାଃ ହେତାରୁହାଡ଼କେଦ୍‌ତେ ଇନ୍‌କୁକେ କାଜିୟାଦ୍‌କଆଏ, “ହେ ଯୀରୁଶାଲେମ୍‌ରେନ୍ କୁଡିହନ୍‌କ, ଆଇୟାଃ ନାଙ୍ଗ୍ ଆଲ୍‌ପେ ରାଆଃୟା, ମେନ୍‌ଦ ଆପେୟାଃ ଆଡ଼ଃ ଆପେୟାଃ ହନ୍‌କ ନାଙ୍ଗ୍ ରାଆଃଏପେ ।

* ୨୩:୧୭ ନେ ପଦ ଚିମିନ୍ ମାରି ଅନଲ୍‌କରେ ବାନ୍‌ଆଃ

୨୯ ନେଲେପେ ଏନ୍ ହୁଲାଙ୍ଗ୍ ହିଜୁଃଆ ଏନାରେ ହଡକ୍ ମେନେଆଁ, ‘କା ହାମ୍ବାଲଃ ଦାଡ଼ିତାନ୍ କୁଡ଼ି ଆଡ଼ଃ ଚିଉଲାହ୍ କା ହାମ୍ବାଲକାନ୍ ଲାହିଦ୍ ଆଡ଼ଃ ଚିଉଲାହ୍ ତଥା କା ନୁନୁଆକ୍ ସୁକୁତାନ୍ଗିଆଃ ।’

୩୦ ✠ଏନ୍ତେ ଇନ୍କୁ କାଜିୟା, ‘ଏ ବୁରୁକ୍ ଆଲେରେ ଉୟୁଗଃପେ ଆଡ଼ଃ ଏ ବୁଞ୍ଚୁରିକ୍ ଆଲେକେ ଦାନାଙ୍ଗ୍ଲେପେ ।’

୩୧ ଇନ୍କୁ ହାରିୟାର୍ ଦାରୁକେ ନେ’ଲେକାଇରେଦ୍ ରହଡ଼ାକାନ୍ ଦାରୁରାଃ ଚିନାଃ ହବାଅଆଃ ?”

୩୨ ଇନ୍କୁ ଇନିଃଲଃ ଗଏଃନାଗେନ୍ତେ ଏଡକାନାଃ କାମିକେନ୍ ଆଡ଼ଃଗି ବାହଡ଼କିନ୍କେ ହ ଇଦିକେଦକିନାକ ।

୩୩ ଇନ୍କୁ “ବହଃଜାଙ୍ଗ୍” ନୁଡୁମଃତାନ୍ ଠାୟାଦ୍ତେ ସେଟେରୁୟାନ୍ତି ଏନ୍ତାଃରେ ଇନିଃକେ ଆଡ଼ଃ ଏନ୍ ଏଡକାନ୍ କାମିକେନକିନ୍ଏଡେ ମିଆଁଦକେ ଇନିୟାଃ ଜମ୍ଫାଃ ଆଡ଼ଃ ଏଟାଃନିଃକେ ଲେଙ୍ଗାୟାଃରେ କୁଶ୍ରେକ କିଲାକେଦକିନା ।

୩୪ ଏନ୍ତେ ଯୀଶୁ ମେନ୍କେଦାଏ, “ହେ ଆବା ଇନ୍କୁକେ ଛାମାକମେଁ, ଚିୟାଃଚି ଇନ୍କୁ ଚିନାଃ କାମିତାନାକ ଏନା କାକ ସାରିତାନା ।”† ଆଡ଼ଃ ଚିଠା ଉୟୁଃକେଦ୍ତେ ଇନିୟାଃ ଲିଜାଃକେ ହାଟିଙ୍ଗ୍କେଦାଃକ ।

୩୫ ହଡକ୍ ଡିଙ୍ଗୁୟାନ୍ତେ ନେଲ୍ତାନ୍କ ତାଇକେନା, ଆଡ଼ଃ ହାକିମକହ ଇନିଃକେ ଲାହାକିଃଡେ ମେନ୍କେଦାଃକ, “ଇନିଃଦ୍ ଏଟାଃକକେ ବାଞ୍ଛାଅକେଦକଥାଏ, ଇନିଃ ପାର୍ମେଶ୍ଵାର୍ଆଃ ସାଲାକାନ୍ ଖ୍ରୀଷ୍ଟ୍ ତାଇନିଃରେଦ୍ ଆପାନ୍କେ ବାଞ୍ଛାଅନ୍କା ।”

୩୬ ସିପାଇକହ୍ ହିଜୁଃଲେନ୍ତେ ଇନିଃକେ ଲାହାକିୟାଃକ ଆଡ଼ଃ ମେହେର୍ ରାସିକ୍ ଆନୁକିୟାଃ,

୩୭ ଆଡ଼ଃ କାଜିକିୟାକ, “ଆମ୍ ଯିହୁଦୀକଆଃ ରାଜା ତାନ୍ମେରେଦ୍ ଆପାନ୍କେ ବାଞ୍ଛାଅଏନ୍ମେ ।”

୩୮ ଆଡ଼ଃ “ନିଃ ଯିହୁଦୀକଆଃ ରାଜାତାନିଃ” ମେନ୍ତେ ମିଆଁଦ୍ ଅନଲ୍ ଇନିୟାଃ ଚେତାନ୍ରେ ଅଲକାନ୍ ତାଇକେନା ।

୩୯ ଏନ୍ତେ ହାକାକାନ୍ ଏଡକାନ୍ କାମିକିନ୍ଏଡେ ମିଆଁଦ୍ନିଃ ଯୀଶୁକେ ହିଲାଙ୍ଗ୍କିଃଡେ କାଜିକିୟାଏ, “ଆମ୍ ଖ୍ରୀଷ୍ଟ୍ ତାନ୍ମେରେଦ୍, ଆପାନ୍କେ ଆଡ଼ଃ ଆଲିଙ୍ଗ୍କେ ବାଞ୍ଛାଅଲିଙ୍ଗ୍ମେଁ ।”

୪୦ ମେନ୍ଦ୍ ଏଟାଃନିଃ ଇନିଃକେ ମାରାଙ୍ଗ୍ମଚାକିଦ୍ତେ କାଜିରୁହାଡ଼କିୟାଏ, “ଆମ୍ହଦ୍ ନେ ଲେକା ସାଜାଇ ନାମେତାନାମ୍, ପାର୍ମେଶ୍ଵାର୍କେ କାଚିମ୍ ବରଇତାନା ?

୪୧ ଆଲାଙ୍ଗ୍ଦ ଲାଗାଡିଙ୍ଗ୍ଲେକା ସାଜାଇଅଃତାନାଲାଙ୍ଗ୍, ଆଲାଙ୍ଗ୍ କାମିକାଦ୍ରେୟାଃ ନାଲାଲାଙ୍ଗ୍ ନାମେତାନା, ମେନ୍ଦ୍ ନିଃ ଜେତାନ୍ ଏଡକାନାଃ କାଏ କାମିୟାକାଦା ।”

୪୨ ଏନ୍ତେ ଇନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍ରେମ୍ ତେବାଃଇମ୍ତା ଆଇଙ୍ଗ୍କେ ପାହାମିଙ୍ଗ୍ମେଁ ।”

୪୩ ଯୀଶୁ କାଜିରୁହାଡ଼କିୟାଏ, “ସାର୍ତିଗି କାଜିୟାମ୍ ତାନାଇଙ୍ଗ୍, ତିସିଙ୍ଗ୍ ଆମ୍ ଆଇଁୟାଃଲଃ ପାରାଦେସ୍ରେମ୍ ତାଇନାଃ ।”

ୟୀଶୁଆଃ ଗନଏଃ

(ମାଥୁଃ ୨୨:୪୫-୫୨; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୪ ଇମ୍ତା ଡିକିନ୍ସିଙ୍ଗ୍ ହବାକାନ୍ ତାଇକେନା, ଆଡ଼ଃ ତାର୍ସିଙ୍ଗ୍ ତିନ୍ଦାଣ୍ଡା ଜାକେଦ୍ ଗଟା ଦିଶୁମ୍ ନୁବାଃୟାନା ।

୪୫ ସିଙ୍ଗି ହ ନୁବାଃୟାନାଏ, ଆଡ଼ଃ ମାନ୍ଦିର୍ ଅଡ଼ାଃରାଃ ହାନାଟିଙ୍ଗ୍ ଦାନାଙ୍ଗ୍ଲିଜାଃ ଆଲା ଆଲାତେ ଚେଟାଃୟାନା ।

୪୬ ଯୀଶୁ ପୁରାଃ କାଉରିକେଦ୍ତେ ମେନ୍କେଦାଏ, “ହେ ଆବା, ଆଇଁୟାଃ ଆମ୍ ଆମାଃଡିଃଇରେଇଙ୍ଗ୍ ଜିମାଏତାନା ।” ନେଆଁ କାଜିକେଦ୍ତେ ଜାଉତାୟାଃ ଅଡ଼ଙ୍ଗ୍ୟାନା ।

୪୭ ଏନ୍ତେ ମିଦ୍ଶାଅ ସିପାଇକଆଃ ଗମ୍କେ ନେଆଁ ନେଲ୍କେଦ୍ତେ ପାର୍ମେଶ୍ଵାର୍କେ ମାନାରାଙ୍ଗ୍କେଦ୍ତେ କାଜିକେଦାଏ, “ସାର୍ତିଗି ନିଃ ଧାର୍ମାନ୍ ହଡ୍ ତାଇକେନାଏ ।”

୪୮ ଆଡ଼ଃ ନେଆଁ ନେନେଲ୍ନାଗେନ୍ତେ ହୁଣ୍ଡିୟାକାନ୍ ସବେନ୍ ହଡକ୍ ହବାୟାନ୍ତେୟାଃ ନେଲ୍କେଦ୍ତେ, ଦୁକୁଡେ ଆକଆଃ କୁଡ଼ାମ୍ ଆପ୍ଡିତାନ୍ଲଃ ରୁହାଡ଼ୟାନାକ ।

୪୯ ✠ମେନ୍ଦ୍ ଯୀଶୁଆଃ ସବେନ୍ ନେପେଲ୍ତପୁରୁଙ୍ଗ୍ ଆଡ଼ଃ ଗାଲିଲ୍ଏଡେ ଅଡଙ୍ଗ୍ଆଡକାଇ କୁଡ଼ିକ ସାଜିନ୍ରେ ଡିଙ୍ଗୁକେଦ୍ତେ ନେଆଁ ନେଲ୍ତାନ୍କ ତାଇକେନା ।

ୟୀଶୁକେ ତପାଇତାନାକ

(ମାଥୁଃ ୨୨:୫୨-୬୧; ମାର୍କ ୧୫:୪୨-୪୭; ଯୋହାନ୍ ୧୯:୩୮-୪୨)

୫୦ ନେଲେପେ ଯିହୁଦୀକଆଃ ହାରାମାୟା ସାହାରରେ ଯୋଷେଫ୍ ନୁଡୁମ୍ ମିଆଁଦ୍ ହଡ୍, ଇନିଃ ପାଞ୍ଚେଟ୍ରେନ୍ ମିହୁଡ୍, ବୁଗିନ୍ ଆଡ଼ଃ ଧାର୍ମାନ୍ ହଡ୍ ତାଇକେନାଏ ।

୫୧ ଯିହୁଦୀକଆଃ ନାଗାରରେନ୍ ହାରାମାୟା ଇନ୍କୁଆଃ ଉଡ଼ୁ ଆଡ଼ଃ କାମିରେ କାଏ ମେସାକାନ୍ ତାଇକେନା । ଆଡ଼ଃ ଇନିଃ ପାର୍ମେଶ୍ଵାର୍ଆଃ ରାଇଜ୍ ନେଲ୍ହରାତାନାଏ ତାଇକେନା ।

୫୨ ଇନିଃ ପିଲାଡୁସ୍ତାଃ ସେନଃୟାନ୍ତେ ଯୀଶୁଆଃ ଗଏଃ ହଡ଼ମ୍କେ ଆସିକିୟାଏ ।

✠ ୨୩:୩୦ ଉନୁଦୁବ୍ କାଜି ୬:୧୭. † ୨୩:୩୪ ନେ ପଦ ଚିମିନ୍ ମାରି ଅନଲ୍କରେ ବାନଆଃ ✠ ୨୩:୪୯ ଲୁକ ୮:୨,୩.

୫୩ ଏଣେ ଇନିଃ ଏନାକେ ଆଡ଼ଗୁକେଦ୍‌ତେ, ଫାରିତି ନିରାଲ୍ ଲିଜାଃଲଃ ପଟ୍‌କେଦାଏ ଆଡ଼ଃ ଦିରିଏତେ ଉର୍ଲେଦ୍ ତପାଗାଡ଼ାରେ ଦହକେଦାଏ, ଏନାରେଦ୍ ଚିଉଲ୍‌ହ ଜେତାଏକେ କାକ ତପାକାକ ତାଇକେନା ।

୫୪ ଏନ୍ ହୁଲାଙ୍‌ଦ୍ ସାପ୍‌ଡ଼ାଅନ୍ ହୁଲାଙ୍‌ ତାଇକେନା, ଆଡ଼ଃ ରୁଡ଼ନ୍ ହୁଲାଙ୍‌ ନାଡ଼େୟାକାନ୍ ତାଇକେନା ।

୫୫ ଗାଲିଲ୍‌ଏତେ ଯୀଶୁଲଃ ହିନ୍ଦୁଆକାନ୍ କୁଡ଼ିକହ ଅତଙ୍‌କିୟାକ, ତପାଠାୟାଦ୍ ଆଡ଼ଃ ଇନିୟାଃ ହଡ଼୍‌ଫ ଚିଲ୍‌କାତେ ଦହାକାନା ଏନାକ ନେଲ୍‌କେଦାଃ ।

୫୬ ଏଣେ ଇନ୍‌କୁ ରୁହାଡ଼୍‌ୟାଣ୍ଡେ ରୁଗିନ୍ ସହାନ୍ ସୁନ୍‌ଫକ୍ ବାଇକେଦା । ଆଡ଼ଃ ଆନ୍‌ରୁଲେକା ରୁଡ଼ନ୍ ହୁଲାଙ୍‌ରେକ ରୁଡ଼୍‌ୟାନ୍ ।

୨୪

ୟୀଶୁଆଃ ଜୀଉବିନିରିଦ୍

(ମାଥୁଉ ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍‌ରେୟାଃ ପାହିଲା ହୁଲାଙ୍‌ ସେତାଃ ଇଦାନ୍ ନୁବାଃ ତାଇକେନ୍ ଇମ୍‌ତା, ଏନ୍ କୁଡ଼ିକ ଆକଆଃ ବାଇୟାକାଦ୍ ରୁଗିନ୍ ସହାନ୍‌ତେୟାଃ ଆଡ଼କେଦ୍‌ତେ ତପାଗାଡ଼ା ଠାୟାଦ୍‌ତାଃକ ସେନଃୟାନ୍ ।

୨ ଆଡ଼ଃ ଇନ୍‌କୁ ତପାଠାୟାଦ୍‌ରାଃ ଦୁଆର୍‌ଏତେ ପୁରାଃ ମାରାଙ୍‌ ଦିରିକେ ବାଟି ଆତମାକାନ୍‌କ ନେଲ୍‌କେଦାଃ ।

୩ ମେନ୍‌ଦ ଇନ୍‌କୁ ବଲ୍‌ୟାଣ୍ଡେ ପ୍ରାଭୁ ଯୀଶୁଆଃ ହଡ଼୍‌ଫ କାକ ନାମ୍‌କେଦାଃ ।

୪ ଆଡ଼ଃ ଇନ୍‌କୁ ନେଆଁତେ ଆକ୍‌ଦାନ୍‌ଅୟାନ୍‌କ, ନେଲେପେ ଝାକ୍‌ମାକ୍ ଲିଜାଃ ତୁସିଙ୍‌ଆଁକାନ୍ ବାର୍‌ହଡ଼୍ ଇନ୍‌କୁଆଃ ଜାପାଃରେକିନ୍ ତିଙ୍‌ୟାନ୍ ।

୫ ଇନ୍‌କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍‌ତା ଇନ୍‌କିନ୍ କାଜିୟାଦ୍‌କଆକିନ୍, “ଆପେ ଜୀଉଦ୍‌ତାନ୍‌କକେ ଗଜାକାନ୍‌କଆଃ ଆଲାରେ ଚିନାଃମେଣ୍ଡେପେ ଦାଣ୍ଠିଇତାନା ?

୬ *ଇନିଃ ନେତାଃରେ ବାଙ୍‌ପାୟା, ଇନିଃଦ୍ ଜୀଉବିନିଦାକାନାଏ ! ଗାଲିଲ୍‌ରେ ତାଇକାନ୍ ଇମ୍‌ତା ଇନିଃ ଚିକ୍‌ନାଃ ମେତାକାପେ ତାଇନାଏ, ଏନା ପାହାମେପେ ।

୭ ମାନଝାହନ୍ ପାପିକଆଃ ତିଃଇରେ ସାବ୍‌ଇତିୟାଆଏ, ଆଡ଼ଃ କୁଗ୍‌ରେ ଗଜଃଆଏ ଆଡ଼ଃ ଆପି ମାହାଁରେ ଜୀଉବିରିଦ୍ ଲାଗାତିଙ୍‌ୟାଃ ।”

୮ ଏଣେ ଇନ୍‌କୁ ଇନିୟାଃ କାଜିକ ପାହାମ୍‌କେଦାଃ ।

୯ ତପାଗାଡ଼ାଏତେ ରୁହାଡ଼୍‌କେଦ୍‌ତେ, ଇନ୍‌କୁ ନେ ସବେନ୍‌କାଜି ଏଗାରାଝାନ୍ ଚେଲ୍‌କକେ ଆଡ଼ଃ ସବେନ୍ ଏଟାଃ ହଡ଼କକେ ଉଦୁବାଦ୍‌କଆକ ।

୧୦ ମାଗ୍‌ଦାଲିନି ମାରିୟାମ୍, ଯୋହାନ୍ନା, ଯାକୁବ୍ ଏଙ୍‌ପାତେ ମାରିୟାମ୍, ଆଡ଼ଃ ଏଟାଃକ ନେ କାଜି ପ୍ରେରିଡ଼କକେ ଉଦୁବାଦ୍‌କଆକ ।

୧୧ ମେନ୍‌ଦ ଇନ୍‌କୁ ଇନ୍‌କୁଆଃ କାଜିକେ କାକ ବିଶ୍ୱାସ୍‌କେଦାଃ, ତିୟାଃତି ଇନ୍‌କୁଆଃ କାଜି ଆକକେ ସାମାକାଜିଲେକା ଆଟ୍‌କାର୍‌କେଦ୍‌କଆ ।

୧୨ ପାଡ଼ରାସ୍, ବିରିଦ୍‌ୟାଣ୍ଡେ ତପାଗାଡ଼ାତେ ନିରକେଦାଏ, ଆଡ଼ଃ ଇନିଃ ଉଙ୍‌ଦ୍‌କେଦ୍‌ତେ ପାଡ଼ଲା ଲିଜାଃ ଏସ୍‌କାର୍ ଦହାକାନ୍‌ତେୟାଃ ନେଲ୍‌କେଦାଏ, ଆଡ଼ଃ ହବାକାନ୍‌ତେୟାଃ ନେଲ୍‌କେଦ୍‌ତେ ଆୟାଃ ମନ୍‌ରେ ଆକ୍‌ଦାନ୍‌ଅ ତାନ୍‌ଲଃ ଅଡ଼ାଃତେ ସେନଃୟାନ୍‌ଏ ।*

ୟୀଶୁ ଇମ୍‌ମାୟୁସ୍‌ତେ ସେନଃତାନ୍ ବାରିଆ ଚେଲ୍‌କିନ୍‌ତାଃ ନେଲ୍‌ଇତିୟାଃତାନାଏ

(ମାର୍କ ୧୬:୧୨-୧୩)

୧୩ ନେଲେପେ ଏନ୍‌ହୁଲାଙ୍‌ଗି ଇନ୍‌କୁଏତେ ବାର୍‌ହଡ଼୍ ଇମ୍‌ମାୟୁସ୍ ନୁଡୁମ୍ ହାଡୁତେ ସେନଃତାନ୍‌କିନ୍ ତାଇକେନା, ଏନ୍ ହାଡୁ ଯୀରୁଶାଲେମ୍‌ଏତେ ସାଡ଼୍‌ମାଲ୍‌ ଲେକା ସାଙ୍‌ନ୍ ତାଇକେନା ।

୧୪ ଇନ୍‌କିନ୍ ନେ ହବାକାନ୍ ସବେନ୍ କାଜିକ ବାଣ୍ଠାଣେତାନ୍‌କିନ୍ ତାଇକେନା ।

୧୫ ଚିମ୍‌ତାଙ୍‌ ଇନ୍‌କିନ୍ ବାଣ୍ଠାଣ୍‌ତାନ୍ ଆଡ଼ଃ କୁପୁଲିତାନ୍‌ଲଃ ସେନଃତାଇକେନାକିନ୍ ଯୀଶୁ ଆଇଃକ୍‌ହଟି ନାଡ଼େୟାଣ୍ଡେ ଇନ୍‌କିନ୍‌ଲଃ ଗାତିୟାନ୍‌ଏ ।

୧୬ ମେନ୍‌ଦ ଇନ୍‌କିନାଃ ମେଦ୍ ଦାନାଙ୍‌କାନ୍‌ତାଇକେନା, ଏନାନାଗେଣ୍ଡେ ଇନ୍‌କିନ୍ ଇନିଃକେ କାକିନ୍ ନେଲ୍‌ଉରୁମ୍‌କିୟାଃ ।

୧୭ ଇନିଃ ଇନ୍‌କିନ୍‌କେ କୁଲିକେଦ୍‌କିନାଏ, “ଆବେନ୍ ସେନଃତାନ୍‌ଲଃ ଚିକାନ୍ କାଜିବେନ୍ କୁପୁଲିତାନା ଆଡ଼ଃ ହୁଡ଼ିଙ୍‌ଜୀଉକାନା ?

୧୮ ଏଣେ ଇନ୍‌କିନ୍‌ଏତେ କ୍ଲେୟା ନୁଡୁମ୍‌ନିଃ, କାଜିରୁହାଡ଼୍‌କିୟାଏ, ଆମ୍ ଚିନାଃ ଯୀରୁଶାଲେମ୍‌ରେ ତେରାଏତାନ୍‌ରେହ ତିସିଙ୍‌ ନେ ହବାକାନ୍ କାଜିକ ଆମ୍ ଏସ୍‌କାର୍‌ଗି କାମ୍ ସାରିୟାଃ ?”

☆ ୨୪:୬ ମାଥୁଉ ୧୬:୨୧; ୧୬:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩. * ୨୪:୧୨ ନେ ପଦ ଚିମିନ୍ ମାରି ଅନଲ୍‌କରେ ବାନ୍‌ଝାଆ

୧୯ ଯୀଶୁ କୁଲିକେଦକିନାଏ, “ଚିଲ୍‌କାନ୍ କାଜି ?”

“ନାଜରେଡ଼ରେନ୍ ଯୀଶୁଆଃ ବିଷାଏ,” ମେନ୍ତେକିନ୍‌କାଜିକିୟାଃ । “ଇନିଃ ନାବୀ ତାଇକେନାଏ, ପାର୍‌ମେଶ୍ୱାର୍ ଆଡ଼ଃ ହଡ଼କଆଃ ଆୟାରରେ କାମି ଆଡ଼ଃ କାଜିରେ ପେଡ଼େୟାନ୍ ହଡ଼ ତାଇକେନାଏ ।

୨୦ ଆଲେୟାଃ ମାରାଙ୍ଗ୍ ଯାଜାକ୍‌କ ଆଡ଼ଃ ହାକିମ୍‌କ ଇନିଃକେ ଗନଏଃ ସାଜାଇ ଏମ୍ ନାଗେନ୍ତେକ ଏମ୍‌ଏଣ୍ଡାଃକିୟାଃ ଆଡ଼ଃ କୁଶ୍‌ରେକ କିଲାରାଏଃକିୟାଃ ।

୨୧ ମେନ୍‌ଦ ଆଲେ ଇନିଃ ଇସ୍ରାଏଲ୍‌ରେନ୍‌କକେ ମୁକ୍ତି ଏମାକଆ ମେନ୍ତେ ଆସ୍ରାଏତାନ୍‌ଲେ ତାଇକେନା । ନେ ସବେନାଃ ହବାକାନ୍‌ଡେୟାଃ ତିସିଙ୍ଗ୍‌ଲଃ ଆପି ମାହାଁ ହବାଅଃତାନା ।

୨୨ ଆଡ଼ଃଗି ଆଲେୟାଃ ଗାତିରେନ୍ ଚିମିନାଙ୍ଗ୍ କୁଡ଼ିକ, ଆକ୍‌ଚାକାଅ† କାଦ୍‌ଲେୟାକ, ଇନ୍‌କୁ ଇଦାନ୍‌ରେ ତପାଗାଡ଼ାତାଃକ ସେନ୍‌କେନା,

୨୩ ମେନ୍‌ଦ ଇନ୍‌କୁ ଇନିୟାଃ ଗଏଃହଡ଼ମ୍ କାକ ନାମ୍‌କେଦାଃ । ଇନ୍‌କୁ ରୁହାଡ଼କେଦ୍‌ଡେ କାଜିୟାଦ୍‌ଲେୟାକ, ଆଲେ ଦୁଁଡ଼କେ ନେଲ୍‌ଦକିନାଲେ, ଇନ୍‌କିନ୍ ଯୀଶୁ ଜୀହୁଦ୍‌ଗିୟାଏ ମେତାଦ୍‌ଲେୟାକିନ୍ ।

୨୪ ଏନ୍ତେ ଆଲେୟାଃ ଗାତିକଏଡେ ଚିମିନାଙ୍ଗ୍‌କ ତପାଗାଡ଼ାତାଃକ ସେନ୍‌ୟାନା ଆଡ଼ଃ କୁଡ଼ିକଆଃ କାଜିଲେକାକ ନାମ୍‌କେଦାଃ, ମେନ୍‌ଦ ଯୀଶୁକେ କାକ ନେଲ୍‌କିୟାଃ ।”

୨୫ ଯୀଶୁ ମେତାଦ୍‌କିନାଏ, “ଏ ଡ଼ଣ୍ଡକିନ୍ ଆଡ଼ଃ ନାବୀକଆଃ ସବେନ୍ କାଜି ବିଶ୍ୱାସନାଙ୍ଗ୍ ମନ୍‌କେଚେୟାକାନ୍ ହଡ଼କିନ୍ !

୨୬ ତିୟାଃ ଖ୍ରୀଷ୍ଟ୍ ନେ ଦୁକୁ ସାହାତିଙ୍ଗ୍ ଆଡ଼ଃ ଆୟାଃ ମାନାରାଙ୍ଗ୍‌ରେ ବଲ କା ଲାଗାତିଙ୍ଗ୍‌ତାନ୍ ତାଇକେନା ?”

୨୭ ମୁଣା ଆଡ଼ଃ ସବେନ୍ ନାବୀକଏଡେ ଏଚେଦ୍‌କେଦ୍‌ଡେ ଗଟା ଧାରାମ୍‌ପୁଅରେ ଆୟାଃ ବିଷାଏରେ ଅଲ୍‌କାନ୍ କାଜିକରେୟାଃ ମୁଣ୍ଡି ଉଦୁବାଦକିନାଏ ।

୨୮ ଏନ୍ତେ ଇନ୍‌କୁ ଆକସେନଃତାନ୍ ତାଇକେନ୍ ହାଡୁଡେ ସେଚେର୍‌ୟାନ୍‌ଚି ଯୀଶୁ ଆୟାରଡେ ସେନଃତାନ୍ ଲେକାଏ ଉଦୁବେନ୍‌ୟାନା ।

୨୯ ମେନ୍‌ଦ ଇନ୍‌କିନ୍ “ଦେଲ୍‌ ଆଲିଙ୍ଗ୍‌ଲଃ ତାଇନଃମେଁ, ଆୟୁବଃତାନା ଆଡ଼ଃ ସିଙ୍ଗ୍‌ହାସୁରଃତାନା” ମେନ୍ତେ କାଜିକିୟାଃକିନ୍, ଆଡ଼ଃ ଇନିଃ ଇନ୍‌କିନ୍‌ଲଃ ତାଇନଃ ନାଗେନ୍ତେ ବଲ୍‌ୟାନାଏ ।

୩୦ ଇନିଃ ଇନ୍‌କିନ୍‌ଲଃ ଜମ୍‌ଦୁବ୍‌ୟାନ୍‌ଚି ହଲ୍‌ଙ୍ଗ୍‌କେ ସାବ୍‌କେଦ୍‌ଡେ, ଆଶିଷ୍ ଏମ୍‌କେଦାଏ, ଆଡ଼ଃ ଏନା କେଚାଃକେଦ୍‌ଡେ ଏମାଦ୍‌କିନାଏ ।

୩୧ ଏନ୍ତେ ଇନ୍‌କିନାଃ ମେଦ୍ ରାଡ଼ାୟାନା ଆଡ଼ଃ ଇନ୍‌କିନ୍ ଯୀଶୁକେ ନେଲ୍‌ଉରୁମ୍‌କିୟାକିନ୍, ଆଡ଼ଃ ଇନିଃ ଇନ୍‌କିନ୍‌ତାଃଏଡେ ଦାନାଙ୍ଗ୍‌ୟାନାଏ ।

୩୨ ଆଡ଼ଃ ଇନ୍‌କିନ୍ ଆକିନ୍‌ଆକିନ୍‌ରେ କୁଲିୟାନାକିନ୍, “ତିୟାଃ ଇନିଃ ହରାରେ ଆଲ୍‌ଙ୍ଗ୍‌ଲଃ ବାଖାଁଣ୍‌ତାନ୍ ଆଡ଼ଃ ଧାରାମ୍‌ପୁଅରେୟାଃ ମୁଣ୍ଡି ଉଦୁବାଲ୍‌ଙ୍ଗ୍ ତାଇକେନ୍ ଇମ୍‌ତା, ଆଲ୍‌ଙ୍ଗ୍‌ଆଃ ମନ୍ ରାସକାତେ କା'ଚି ଜୁଲଃତାନ୍ ତାଇକେନା ?”

୩୩ ଆଡ଼ଃ ଇମ୍‌ତାଗି ଇନ୍‌କିନ୍ ବିରିଦ୍‌ୟାନ୍ତେ ଯୀରୁଶାଲେମ୍‌ଡେକିନ୍ ରୁହାଡ଼ୟାନା ଆଡ଼ଃ ଏଗାରାଝାନ୍ ଚେଲ୍‌କ ଆଡ଼ଃ ଇନ୍‌କୁଆଃ ଗାତିକ ହୁଣ୍ଡିୟାକାନ୍‌କିନ୍ ନାମ୍‌କେଦ୍‌କଆ ।

୩୪ “ସାର୍‌ତିଗି ପ୍ରାଭୁ ଜୀଉବିରିଦାକାନାଏ ଆଡ଼ଃ ଶିମୋନ୍‌ତାଃ ନେଲ୍‌ଇଚିୟାନାଏ” ମେନ୍ତେ ଇନ୍‌କୁକେ କାଜିୟାଦ୍‌କଆକିନ୍ ।

୩୫ ଏନ୍ତେ ଇନ୍‌କିନ୍ ହରାରେ ହବାଲେନ୍‌ଡେୟାଃ ଆଡ଼ଃ ଚିଲ୍‌କାତେ ହଲ୍‌ଙ୍ଗ୍ କେଚାଃତାନ୍‌ରେ ଆଲିଙ୍ଗ୍ ଇନିଃକେ ନେଲ୍‌ଉରୁମ୍‌କିୟାଃ ଏନା ଇନ୍‌କୁକେ ଉଦୁବାଦକିନାଏ ।

ୟୀଶୁ ଚେଲ୍‌କତାଃରେ ଉଦୁବଃତାନା
(ମାଥୁ ୨୮:୧୬-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୬-୮)

୩୬ ଇନ୍‌କିନ୍ ନେ କାଜି କାଜିତାନ୍ ତାଇକେନ୍ ଇମ୍‌ତା, ପ୍ରାଭୁ ଯୀଶୁ ଆଇଃକ୍‌ଗି ଇନ୍‌କୁଆଃ ଆଲ୍‌ରେ ତିଙ୍ଗ୍‌ୟାନାଏ, ଆଡ଼ଃ ମେତାଦ୍‌କଆଏ, “ଆପେରେ ଜୀଉସୁକୁ ହବାଅଃକା ।”‡

୩୭ ମେନ୍‌ଦ ଇନ୍‌କୁ ଆକ୍‌ଦାନ୍‌ଆୟାନ୍‌ଲଃ, ବରକେଦ୍‌ଡେ ଆବୁ ବଙ୍ଗାବୁ ନେଲ୍‌କିୟାଃ ମେନ୍ତେକ ଆବ୍‌କାର୍‌କେଦାଃ ।

୩୮ ଇନିଃ କାଜିୟାଦ୍‌କଆଏ, “ଚିନାଃମେନ୍ତେପେ ବରତାନା, ଆଡ଼ଃ ଆପେୟାଃ ମନ୍‌ରେ ଆଡ଼ାଃଉଡ଼ୁ ଚିନାଃମେନ୍ତେ ଅମନଃତାନ୍ତା ?

୩୯ ଆଇୟାଃ ତିଃଇ ଆଡ଼ଃ କାଟା ନେଲେପେ, ଆଇଙ୍ଗି ତାନିଙ୍ଗ୍ ! ଜୁଚିଦିଙ୍ଗ୍‌ପେ ଆଡ଼ଃ ନେଲ୍‌ବାଇଙ୍ଗ୍‌ପେ, ଆଇଙ୍ଗ୍‌ରେପେ ନେଲେତାନ୍‌ଲେକାନ୍ ଜାଙ୍ଗ୍ ଜିଲୁ ବଙ୍ଗାରେଦ ବାନଆଃ ।”

୪୦ ଇନିଃ ନେଆଁ କାଜିକେଦ୍‌ଚି ଇନ୍‌କୁକେ ଆୟାଃ ତିଃଇ ଆଡ଼ଃ କାଟା ଉଦୁବାଦକିନାଏ ।§

† ୨୪:୨୨ ଚାକିଡ଼ ‡ ୨୪:୩୨ ଚିମିନ୍ ମାରି ଅନଲ୍‌କରେ, “ଆଡ଼ଃ ମେତାଦ୍‌କଆଏ, ଆପେରେ ଜୀଉସୁକୁହବାଅଃକା” ମେନ୍ତେ କା ଅଲ୍‌କାନା § ୨୪:୪୦ ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

୪୧ ଆତ୍ମା ଇନ୍ଦ୍ର ରାସ୍ତାରେ କାକ ପାତିୟାର୍ତ୍ତନ ଆତ୍ମା ଆକ୍‌ଦାନ୍‌ଆକାନ୍ ତାଲକେନ୍‌ରେ, “ତିୟା ଆପେତାଃ ହୁତିକ୍‌ଲେକା ଜମେୟାଃ ମେନାଃଟି ?” ମେନ୍ତେ ଇନ୍ଦ୍ର କୁଲିକେଦକଆଏ ।

୪୨ ଏନ୍ତେ ଇନ୍ଦ୍ର ଇନ୍ଦ୍ରକେ ଆନ୍‌ଗାକାନ୍ ହାକୁ ହୁତିକ୍‌ଲେକାକ ଏମ୍‌କିୟାଃ ।

୪୩ ଆତ୍ମା ଇନ୍ଦ୍ର ଏନା ତେଲ୍‌କେଦ୍‌ତେ ଇନ୍ଦ୍ରୁଆଃ ସାମ୍‌ନାକ୍‌ରେ ଜମ୍‌କେଦାଏ ।

୪୪ ଏନ୍ତେ ଇନ୍ଦ୍ର ମେତାଦକଆଏ, ମୁଗାରାଃ ଆନ୍‌ରୁ ପୁଥ୍‌ରେ ଆତ୍ମା ନାବୀକଆଃ ଆତ୍ମା ଦୁରାକ୍‌ ପୁଥ୍‌ରେ ଆକ୍‌ୟାଃ ବିଷାଏରେ ସବେନ୍ ଅଲ୍‌କାନ୍‌ତେୟାଃ ପୁରାଆଃ ଲାଗାତିକ୍‌ୟାଃ, ଏନ୍‌କାଜି ଆପେଲ୍‌ତା ତାଲକେନ୍ ଇମ୍‌ତାକ୍‌ କାଜିକାଦ୍‌ପେୟାକ୍‌ ।

୪୫ ଏନ୍ତେ ଇନ୍ଦ୍ର ଧାରାମ୍‌ପୁଥ୍‌ ଆକ୍‌କାର୍‌ଉରୁମ୍‌ ନାଗେନ୍ତେ ଇନ୍ଦ୍ରୁଆଃ ମନ୍‌କେ ସେଣ୍‌କେଦାଏ ।

୪୬ ଇନ୍ଦ୍ର ଇନ୍ଦ୍ରକେ କାଜିୟାଦକଆଏ, “ନେଆଁ ଅଲ୍‌କାନା, ଶ୍ରୀଷ୍ଟ ଦୁକୁସାହାତିକ୍‌ ଆତ୍ମା ଆପି ମାହାଁରେ ଗଜାକାନ୍‌କଏତେ ଜୀଉବିରିଦ୍ ଲାଗାତିକ୍‌ୟାଃ,

୪୭ ଆତ୍ମା ଯୀରୁଶାଲେମ୍‌ଏତେ ଏଟେଦ୍‌କେଦ୍‌ତେ ସବେନ୍ ଦିଶୁମ୍‌ରେନ୍ ସବେନ୍ ହଡକକେ ଇନ୍ଦ୍ରୁଆଃ ନୁହୁମ୍‌ତେ ହେୟାତିକ୍‌ରେୟାଃ ଆତ୍ମା ପାପ୍‌ ଛାମାରେୟାଃ କାଜି ଉଦୁବ୍ ଲାଗାତିକ୍‌ୟାଃ ।

୪୮ ଆତ୍ମା ଆପେ ନେ କାଜିରେୟାଃ ଗାଞ୍ଜାକକ ତାନ୍‌ପେ ।

୪୯ *ନେଲେପେ ଆକ୍‌କ୍‌ ଆପୁକ୍‌ୟାଃ ବାନାର୍‌ସା* କାଜି ଆପେତାଃତେ କୁଲେୟା; ମେନ୍‌ଦ୍‌ ତେତାନ୍ ପେଡ଼େଃ ଆଉରିପେ ନାମେଜାକେଦ୍ ଯୀରୁଶାଲେମ୍‌ ସାହାର୍‌ରେ ତାଲକେଦେ ।”

ୟାଶୁ ସିମ୍‌ତେ ରାକାବ୍‌ୟାନାଏ

(ମାର୍କ ୧୬:୧୯-୨୦; ପ୍ରେରିଡ୍ ୧:୯-୧୧)

୫୦ *ୟାଶୁ ଇନ୍ଦ୍ରକେ ବେଥ୍‌ନିଆ ସାମ୍‌ନାକ୍‌ତେ ଅତକ୍ ଇଦିକେଦକଆଏ ଆତ୍ମା ଆୟାଃ ତିଃଇ ରିମ୍‌କେଦ୍‌ତେ ଇନ୍ଦ୍ରକେ ଆଶିଷକେଦକଆଏ ।

୫୧ ଆତ୍ମା ଇନ୍ଦ୍ର ଇନ୍ଦ୍ରକେ ଆଶିଷକତାନ୍‌ଲଃ ଇନ୍ଦ୍ରୁଏତେ ବିନ୍‌ଗାଅୟାନାଏ† ଆତ୍ମା ସିମ୍‌ ଦିଶୁମ୍‌ତେ ଇଦିୟାନା ।

୫୨ ଏନ୍ତେ ଇନ୍ଦ୍ର ଇନ୍ଦ୍ରକେ ଜହାର୍‌କିଃତେ ପୁରାଃ ରାସ୍‌କାତାନ୍‌ଲଃ ଯୀରୁଶାଲେମ୍‌ତେକ ରୁହାଡ଼ୟାନା ।

୫୩ ଆତ୍ମା ପାର୍‌ମେଶ୍ଵାରକେ ଧାନ୍ୟାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ରୁଅତ୍ମାଃରେକ ତାଲକେନା ।

☆ ୨୪:୪୯ ପ୍ରେରିଡ୍ ୧:୪. * ୨୪:୪୯ ବାଖାଣ୍ଡିଏମାକାଦ୍ / ବାଏଦା ☆ ୨୪:୫୦ ପ୍ରେରିଡ୍ ୧:୯-୧୧. † ୨୪:୫୧ ପାର୍‌କାୟାନାଏ

ଯୋହାନ୍ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନ୍‌କେ ଉଦୁବେତାନ୍ ନାଞ୍ଜା ନିୟାମ୍‌ରାଃ ଚାରୁଠୁ ପୁଅକ୍‌ଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “ବୁଗିନ୍ କାଜି” ତାନାଃ । ଏନ୍‌ସବେନାଃକେ ଯୀଶୁଆଃ ଗନଏଃ ତାୟମ୍‌ତେ ମାଥୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଃଏ ମେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍‌ଦ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ଚିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦ୍‌ଲେକାଗି ମେନାଃ । ଚିମିନ୍ ମାରି ଅନଲ୍‌କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସ୍‌ଏତେ ଅଲ୍ଲାକାନା ଚିୟାଃଚି ନେ ନେତାକରେ ଯୋହାନ୍ ଏଫିସୁସ୍‌ରେ ତାଇନଃ ତାଇକେନାଏ ।

ଯୋହାନ୍ ଫାର୍‌ଚିକେଦ୍‌ତେ କାଜିୟାଃଏ, “ଯୀଶୁଗି ଖ୍ରୀଷ୍ଟ, ଜୀନିଦ୍ ପାର୍‌ମେଶ୍ୱାର୍‌ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାର୍ ନାଗେନ୍ତେ ହଡକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ୍ ଉଦେଶ୍ ତାନାଃ । ନେଆଁ ପାତିୟାରେ ହରାତେ, ସବେନ୍‌କ ଜେ'ଲେକା ଜୀଞ୍ଜାନ୍‌କ ନାମଦାଡ଼ିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଆଁସାର୍‌କଆଃ ନାଙ୍ଗ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍‌କା କାଜି ଏତେ ଇନିୟାଃ ପେଡେୟାନ୍‌କାମିକ ବିଷାଏରେ ପୁରାଃ ଅଲ୍ଲାକାଦାଃଏ । ଯୀଶୁଆଃ ବାପ୍ତିସ୍ମା, ବିର୍‌ରେ ଯୀଶୁଆଃ ବିଡାଅ, ଆତଃ ଚିମିନ୍ ବିଶେଷ୍ ଘାଟୁଣା ବିଷାଏରେ ଯୋହାନ୍ ନେ ସୁକୁକାଜିରେ ଜେଡନାଃ କାଏ ଅଲ୍ଲାକାଦାଃ । ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଟାଃଗିଆଃ ।

ପୁଅ୍ ବିତାରରେ ତାଇକାନ୍ କାଜି

- ୧. ସୁକୁକାଜିରାଃ ଏନେଟେଦ୍ । ୧:୧-୧୮
- ୨. ଯୀଶୁଆଃ ଚିମିୟାଙ୍ଗ୍ ପେଡେୟାନ୍‌କାମିକ । ୧:୧୯-୧୨:୫୦
- ୩. ଯୀଶୁଆଃ ଜୀଞ୍ଜାନ୍, ଗନଏଃ ଆତଃ ଜୀଉବିନିରିଦ୍ । ୧୩:୧-୨୦:୩୧
- ୪. ଯୀଶୁଆଃ ଜୀଉବିନିରିଦ୍ ତାୟମ୍‌ତେ ଉଦୁବେନ୍ । ୨୧:୧-୨୫

ଜୀଦାନ୍ ବାଚାନ୍

- ୧ ଏନେଟେଦ୍‌ରେ କାଜି ତାଇକେନା, ଆତଃ କାଜି ପାର୍‌ମେଶ୍ୱାର୍‌ଲଃ ତାଇକେନା, ଆତଃ କାଜି ପାର୍‌ମେଶ୍ୱାର୍ ତାଇକେନାଏ ।
- ୨ ଇନିଃ ଏନେଟେଦ୍‌ରେ ପାର୍‌ମେଶ୍ୱାର୍‌ଲଃ ତାଇକେନାଏ ।
- ୩ ପାର୍‌ମେଶ୍ୱାର୍ ସବେନାଃ ଇନିଃତେ ବାଇୟାକାଦା, ଆତଃ ବାଇୟାକାନ୍ ତେୟାଃଏତେ ଜେଡନାଃ ଇନିଃକେ ବାଗିକେଦ୍‌ତେ କା ବାଇୟାକାନା,
- ୪ ଇନିଃରେ ଜୀଦାନ୍ ତାଇକେନା ଆତଃ ଏନ୍ ଜୀଦାନ୍ ହଡକଆଃ ମାର୍‌ସାଲ୍ ତାଇକେନା ।
- ୫ ମାର୍‌ସାଲ୍ ନୁବାଃରେ ଜୁଲଃତାନା, ମେନ୍‌ଦ ନୁବାଃ ଏନାକେ କାଏ ଆର୍‌କାର୍‌ଉରୁମ୍‌କେଦାଃ ।
- ୬ *ପାର୍‌ମେଶ୍ୱାର୍‌ତେ କୁଲ୍‌କାନ୍ ମିଆଁଦ୍ କାଜିଏମିନିଃ ତାଇକେନାଏ, ଇନିୟାଃ ନୁତୁମ୍ ଯୋହାନ୍ ତାଇକେନା ।
- ୭ ଇନିଃ ଏନ୍ ମାସ୍ମାଲ୍‌ରେୟାଃ ଗାଞ୍ଜା ଉଦୁଦ୍ ନାଗେନ୍ତେ ହିଜୁଃୟାନାଏ, ଜେ'ଲେକାଚି ଇନିୟାଃ ହରାତେ ସବେନ୍ ହଡକ ବିଶ୍ୱାସେଆ ।
- ୮ ଇନିଃ ଆଇଃକ୍‌ଗି ଏନ୍ ମାସ୍ମାଲ୍ କାଏ ତାଇକେନା; ମେନ୍‌ଦ ଏନ୍ ମାସ୍ମାଲ୍‌ରେୟାଃ ଗାଞ୍ଜା ଏମ୍ ନାଗେନ୍ତେ ହିଜୁଃୟାନାଏ ।
- ୯ ଏନା ସାର୍‌ତି ମାର୍‌ସାଲ୍ ତାଇକେନା, ହେଗି ସବେନ୍ ହଡକକେ ମାସ୍ମାଲ୍‌କତାନ୍ ମାର୍‌ସାଲ୍ ଅତେଦିଶୁମ୍‌ରେ ହିଜୁଃତାଇକେନା ।
- ୧୦ ଇନିଃ ଅତେଦିଶୁମ୍‌ରେ ତାଇକେନାଏ, ଆତଃ ଅତେଦିଶୁମ୍ ଇନିଃତେ ବାଇୟାନା, ଏନ୍‌ରେୟ ଅତେଦିଶୁମ୍‌ରେନ୍‌କ ଇନିଃକେ କାକ ସାରିକିୟା ।
- ୧୧ ଇନିଃ ଆୟାଃ ଦିଶୁମ୍‌ତେ ହିଜୁଃୟାନାଏ ମେନ୍‌ଦ ଆୟାଃ ହଡକ ଇନିଃକେ କାକ ଦାରମ୍‌କିୟାଃ ।
- ୧୨ ମେନ୍‌ଦ ଆଇଃକ୍‌କେ ଦାରମିତାନ୍‌କକେ, ଆତଃ ଆୟାଃ ନୁତୁମ୍‌ରେ ବିଶ୍ୱାସେତାନ୍ ସବେନ୍ ହଡକକେ ଇନିଃ ପାର୍‌ମେଶ୍ୱାର୍‌ଆଃ ହନ୍ ହବାଅଃରେୟାଃ ଆକ୍‌ତେୟାର୍ ଏମାଦ୍‌କଆଏ ।

* ୧:୬ ମାଥୁଉ ୩:୧; ମାର୍କ ୧:୪; ଲୁକ ୩:୧,୨.

୧୩ ଇନ୍ଦ୍ରୁ ମାୟୋମତେଦ କାହା, ହଡ଼ମ୍ରେୟାଃ ମନେତେଦ କାହା ଆତଃ ହଡ଼ଆଃ ମନେତେଦ କାହା ମେନ୍ଦ ପାର୍ମେଶ୍ଵାର୍ ଆଇଃକ୍ରି ଆକଆଃ ଆପୁ ।

୧୪ ଆତଃ ଏନ୍ କାଜି ହଡ଼ମ୍ ସାବ୍‌କେଦା, ପୁରାଃ ଦାୟା ଆତଃ ସାର୍ତ୍ତିତେ ପେରେଜାକାନ୍, ଆବୁଆଃ ଆଲ୍‌ରେ ତେରାକେଦାଏ ଆତଃ ଆବୁ ଇନ୍‌ୟାଃ ମାନାରାକ୍‌ରୁ ନେଲ୍‌କେଦା ଏନା ଆପୁଆଃ ମିଆଁଦ୍‌ଗି ହନ୍‌ଆଃ ମାନାରାକ୍‌ ତାଇକେନା ।

୧୫ ଆତଃ ଯୋହାନ୍ ଇନ୍‌ୟାଃ ଗାଞ୍ଜା ଏମ୍‌ତାନ୍‌ଲଃ, କାଉରିକେଦ୍‌ତେ କାଜିକେଦାଏ, “ଆଇକ୍‌ ଅକଏୟାଃ କାଜି କାଜିତାଇକେନାଇକ୍‌ ଇନ୍‌ଃ ନିଃଗିତାନିଃ, ‘ଆଇୟାଃ ତାୟମ୍‌ତେ ହିଜୁଃଗିଆଏ, ମେନ୍ଦ ଇନ୍‌ଃ ମାରାକ୍‌ଆଏ, ଚିୟାଃଟି ଇନ୍‌ଃଦ ଆଇୟାଃ ଜାନାମ୍‌ ସିଦାରେ ତାଇକେନାଏ ।’”

୧୬ ଇନ୍‌ୟାଃ ପେରେଜାକାନ୍ ଦାୟାଏତେ ଆବୁ ସବେନ୍‌କକେ ଆଗିଷାକାଦ୍‌ରୁଆଏ, ହେଗି, ଆଗିଷ୍ ଚେତାନ୍ ଆଗିଷ୍ ଏମାକାଦ୍‌ରୁଆଏ ।

୧୭ ପାର୍ମେଶ୍ଵାର୍ ମୁଶାରାଃ ହରାତେ ଆନ୍‌ରୁ ଏମ୍‌କେଦାଏ, ମେନ୍ଦ ଦାୟା ଆତଃ ସାନାର୍‌ତି ଯାଶୁ ଶ୍ରୀଷ୍‌ଆଃ ହରାତେ ହବାୟାନା ।

୧୮ ପାର୍ମେଶ୍ଵାର୍‌କେ ଜେତାଏ ଚିତ୍‌ଲାଇ କାକ ନେଲ୍, ମେନ୍ଦ ଇନ୍‌ୟାଃ ମିଆଁଦ୍‌ଗି ହନ୍, ଆପୁଆଃ କୟକ୍‌ରେ ଦୁବାକାନ୍‌ନିଃ ଇନ୍‌ଃକେ ଉଦୁବ୍‌କିୟା ।

ବାପ୍ତିସ୍ମା ଏମଃନିଃ ଯୋହାନ୍‌ଆଃ ଗାଞ୍ଜାଇ

(ମାଥୁଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଯାରୁଗାଲେମ୍‌ରେନ୍ ଯିହୁଦୀ ହାକିମ୍‌କ ଚିମିନ୍ ଯାଜାକ୍‌କେ ଆତଃ ଲେବାକକେ ଯୋହାନ୍‌ତାଃତେ “ଆମ୍ ଅକଏ ତାନ୍‌ମେ” ମେନ୍ତେ କୁଲି ନାଗେନ୍ତେକ କୁଲ୍‌କେଦ୍‌କଆ । ଇମ୍‌ତା ଇନ୍‌ଃ ନେ ଗାଞ୍ଜା ଏମ୍‌କେଦାଏ ।

୨୦ ଯୋହାନ୍ କାଏ ଦଦାଦ୍‌ତାନ୍‌ଲଃ ଉଦୁବ୍‌କେଦାଏ, “ଆଇକ୍‌ ମାସି ନାହାଁଲିକ୍ ।”

୨୧ ଏନ୍ତେ ଇନ୍‌କୁ ଯୋହାନ୍‌କେକ କୁଲିକିୟା, “ତାବ୍‌ଦ ଆମ୍ ଅକଏ ତାନ୍‌ମେ ?” “ଚିୟାଃ ଆମ୍ ଏଲିୟ ତାନ୍‌ମେ ?”

ଇନ୍‌ଃ ମେନ୍‌କେଦାଏ, “କାହାଗି, ଆଇକ୍‌ ନାହାଁଲିକ୍ ।”

“ଚିୟାଃ ଆମ୍ ଏନ୍ ନାବୀ ତାନ୍‌ମେ ?”

ଇନ୍‌ଃ ମେନ୍‌ରୁହାଡ଼ାଦ୍‌କଆଏ, “କାହାଗି ।”

୨୨ ଏନ୍ତେ ଇନ୍‌କୁ କାଜିକିୟାକ, “ତାବ୍‌ଦ ଆମ୍ ଅକଏ ତାନ୍‌ମେ ଆଲେକେ ଉଦୁବାଲେମ୍, ଚିୟାଃଟି ଆଲେକେ ଅକନ୍‌କ କୁଲ୍‌କାଦ୍‌ଲେୟାକ, ଇନ୍‌କୁକେ କାଜିରୁହାଡ଼ ଲାଗାତିକ୍‌ୟାଃ, ଆମ୍ ଆପାନ୍‌କେ ଅକଏ ତାନ୍‌ମେ ମେନ୍ତେମ୍ କାଜିନ୍‌ତାନା ?”

୨୩ ଯୋହାନ୍ କାଜିରୁହାଡ଼ାଦ୍‌କଆଏ, ଯିଶାୟ ନାବୀ କାଜିଲେଦ୍ କାଜିଲେକା :

“ଆଇକ୍ ବିର୍ରେ କାଉରିତାନ୍‌ନିୟାଃ ସାଡ଼ି ତାନିକ୍ :

ପ୍ରାଭୁଆଃ ହରା ସିଧାଏପେ ।”

୨୪ ଆତଃ ଏନ୍ କୁଲ୍‌ଲେନ୍‌କ ଫାରୁଶୀକଏତେକ ତାଇକେନା ।

୨୫ ଇନ୍‌କୁ ଯୋହାନ୍‌କେକ କୁଲିକିୟା, “ଆମ୍‌ଦ ମାସି ନାହାଁଲାଃମେ, ଏଲିୟ ହ୍ ନାହାଁଲାଃମେ ଆତଃ ଏନ୍ ନାବୀହ ନାହାଁଲାଃମେ, ମେନ୍ଦ ଚିନାଃ ମେନ୍ତେମ୍ ବାପ୍ତିସ୍ମାକତାନା ?”

୨୬ ଯୋହାନ୍ କାଜିୟାଦ୍‌କଆଏ, “ଆଇକ୍‌ଦ ଦାଆଃତେ ବାପ୍ତିସ୍ମାପେ ତାନାଇକ୍, ମେନ୍ଦ ଆପେୟାଃ ଆଲ୍‌ରେ ମିଆଁଦ୍ ହଡ଼ ଡିକ୍‌ଆକାନାଏ ଇନ୍‌ଃକେ ଆପେ କାପେ ସାରିୟା ।

୨୭ ଆଇୟାଃ ତାୟମ୍‌ତେ ହିଜୁଃନିଃ ଇନ୍‌ଃଗି ତାନିଃ, ଇନ୍‌ୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିକ୍” ମେନ୍ତେ କାଜିରୁହାଡ଼ାଦ୍‌କଆଏ ।

୨୮ ନେ କାଜିକ ଯାଦାନ୍ ଗାଡ଼ା ହାନ୍ ପାରମ୍‌ରେୟାଃ ବେଥ୍‌ନିଆରେ ହବାୟାନା ଏନ୍ତାଃରେ ଯୋହାନ୍ ବାପ୍ତିସ୍ମା ଏମାକତାନ୍ ତାଇକେନାଏ ।

ପାର୍ମେଶ୍ଵାର୍‌ଆଃ ମିଶ୍ଟିହନ୍

୨୯ ଏଟାଃ ହୁଲାଇକ୍ ଯୋହାନ୍ ଯାଶୁକେ ଆୟାଃତାଃତେ ହିଜୁଃତାନ୍ ନେଲ୍‌କିୟାଏ, ଆତଃ ମେନ୍‌କେଦାଏ, “ନେଲିପେ ପାର୍ମେଶ୍ଵାର୍‌ଆଃ ମିଶ୍ଟିହନ୍, ଇନ୍‌ଃ ଅତେଦିଶ୍ଵମ୍‌ରେୟାଃ ପାପ୍‌କେ ଗଅଃ ଇଦିୟାଏ !

୩୦ ଆଇୟାଃ ତାୟମ୍‌ତେ ମିହୁଡ଼ ହିଜୁଃଆଏ ଇନ୍‌ଃ ଆଇୟାଃତାଃଏତେ ପୁରାଃ ମାରାକ୍ ମେନ୍ତେଇକ୍ କାଜିଲେଦ୍ ହଡ଼ ନିଃଗି ତାନିଃ, ଇନ୍‌ଃଦ ଆଇୟାଃ ଜାନାମ୍‌ଏତେ ସିଦାରେ ତାଇକେନା ।

୩୧ ଆତଃ ଆଇକ୍ ଇନ୍‌ଃକେ କାଇକ୍ ସାରିଉରୁମିତାନ୍ ତାଇକେନା, ମେନ୍ଦ ଇନ୍‌ଃ ଇସ୍ରାଏଲ୍ ହଡ଼କତାଃରେ ଉଦୁବଃକାଏ ମେନ୍ତେ ଆଇକ୍ ଦାଆଃତେ ବାପ୍ତିସ୍ମାକ ନାକ୍ ହିଜୁଃକାନାଇକ୍ ।”

୩୨ ଆତଃ ଯୋହାନ୍ ଗାଞ୍ଜା ଏମ୍‌ତାନ୍‌ଲଃ କାଜିକେଦାଏ, “ଆଇକ୍ ଆମ୍‌କେ ଦୁଦୁମୁଲ୍ ଲେକା ସିମାଏତେ ଆଡ଼ଗୁତାନ୍ ଆତଃ ଇନ୍‌ଃରେ ତାଇନିଃତାନ୍ ନେଲ୍‌କିୟାକ୍ ।

୩୩ ଆଇଙ୍ଗ୍ ହିଁ ଇନିଃକେ କାଇଙ୍ଗ୍ ନେଲ୍‌ଉରୁମି ତାଇକେନା ମେନ୍‌ଦ ଆଇଙ୍ଗ୍‌କେ ଦାଆଃତେ ବାପ୍ତିସ୍ମା ଏମ୍ ନାଙ୍ଗ୍ କୁଲ୍‌କାଦିଙ୍ଗ୍‌ନିଃ, ଆଇଙ୍ଗ୍‌କେ କାଜିକିୟାଁ, ଆମ୍ ଆମ୍‌କେ ମିଆଁଦ୍ ହତ୍‌ରେ ଆଡ୍‌ଗୁତାନ୍ ଆତଃ ଇନିଃରେ ତାଇନ୍‌ତାନ୍ ନେଲିୟାମ୍, ଇନିଃଗି ପାବିତାର୍ ଆମ୍‌ତେ ବାପ୍ତିସ୍ମା ଏମାକତାନ୍‌ନିଃ ତାନିଃ ।

୩୪ ଆତଃ ଆଇଙ୍ଗ୍ ନେଲ୍‌କେଦାଃଇଙ୍ଗ୍, ଆତଃ ନିଃଗି ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ଗାଞ୍ଜାଇଙ୍ଗ୍ ଏମେତାନା ।”

ୟୀଶୁଆଃ ପାହିଲା ଚେଲାକ

୩୫ ଏଟାଃ ହୁଲାଙ୍ଗ୍ ଯୋହାନ୍ ଆୟାଃ ଚେଲାକଏତେ ବାର୍‌ହତ୍‌କିନ୍‌ଲଃ ଏନ୍ତାଃରେ ଆତଃଗି ତିଙ୍ଗୁଆକାନ୍ ତାଇକେନାଏ ।

୩୬ ଇନିଃ ଯୀଶୁକେ ସେନ୍‌ପାରମଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ପାର୍‌ମେଶ୍ୱାର୍‌ଆଃ ମିଣ୍ଡିହନ୍ ।”

୩୭ ଆତଃ ଏନ୍ ବାରାନ୍ ଚେଲାକିନ୍ ଇନିଃ ନେଆଁ କାଜିତାନ୍ ଆୟୁମ୍‌କେଦ୍‌ତି ଯୀଶୁକେ ଅତଙ୍ଗ୍‌କିୟାକିନ୍

୩୮ ଯୀଶୁ ହେତାରୁହାଡ୍‌କେଦ୍‌ତି, ଇନ୍‌କିନ୍ ଅତଙ୍ଗ୍‌କିନ୍‌ତାନ୍ ନେଲ୍‌କେଦ୍‌କିନାଏ ଆତଃ ମେତାଦ୍‌କିନାଏ, “ତିକ୍‌ନାଃବେନ୍ ନାମ୍‌ତାନା ?” ଆତଃ ଇନ୍‌କିନ୍ ମେନ୍‌ରୁହାଡ୍‌ଇୟାକିନ୍, “ଏ ରାବି”* କତାଃରେମ୍ ତାଇନ୍‌ତାନା ?

୩୯ ମାର୍ “ହିଜୁଃକେଦ୍‌ତେ ନେଲେବେନ୍” ମେତାଦ୍‌କିନାଏ । ଏନାମେନ୍ତେ ଇନ୍‌କିନ୍ ସେନଃୟାନ୍ତେ ଇନିଃ ତାଇନ୍‌ତାନ୍ ଠାୟାଦ୍‌କିନ୍ ନେଲ୍‌କେଦାଃ, ଇମ୍‌ତାଙ୍ଗ୍‌ଦ ଚେତାନ୍ ସିଙ୍ଗିରାଃ ଉପୁନ୍ ଘାଡ୍ଡି ହବାକାନ୍ ତାଇକେନା, ଆତଃ ଏନ୍ ହୁଲାଙ୍ଗ୍ ଇନିଃଲଃକିନ୍ ତାଇନ୍‌ୟାନା,

୪୦ ଯୋହାନ୍‌ଆଃ କାଜି ଆୟୁମ୍‌କେଦ୍‌ତେ ଯୀଶୁକେ ଅତଙ୍ଗ୍‌କାଇ ଏନ୍ ବାରିଆ ଚେଲାକିନ୍‌ଏତେ ମିଆଁଦ୍‌ନିଃ ଶିମୋନ୍ ପାଡ୍‌ରାସ୍‌ଆଃ ହାଗାତେ ଆହିୟାସ୍ ତାଇକେନାଏ ।

୪୧ ଆହିୟାସ୍ ଆୟାଃ ହାଗାତେ ଶିମୋନ୍‌କେ ନାମ୍‌କେଦ୍‌ତେ କାଜିକିୟା, “ଆଲିଙ୍ଗ୍ ମାସି†କେ ନାମାକାଇଜାଲିଙ୍ଗ୍ ।”

୪୨ ଆତଃ ଇନିଃ ଶିମୋନ୍‌କେ ଯୀଶୁତାଃତେ ଆଉକିୟା, ଯୀଶୁ ଇନିଃକେ ନେଲ୍‌କେଦ୍‌ତେ କାଜିକିୟା, “ଆମ୍ ଯୋହାନ୍‌ଆଃ ହନ୍ ଶିମୋନ୍ ତାନ୍‌ମେ, ଆମ୍ କେଫା, ଏନାରେୟାଃ ମୁଣ୍ଡି ‘ପାଡ୍‌ରାସ୍’ ମେନ୍ତେମ୍ ନୁଡୁମଃଆ ।”

ୟୀଶୁ ଫିଲିପ୍ ଆତଃ ନିଅ୍‌ନିୟେଲ୍‌କେ କେଡାକିନ୍ ତାନାଏ

୪୩ ଏଟାଃ ହୁଲାଙ୍ଗ୍ ଯୀଶୁକେ ଗାଲିଲ୍‌ତେ ସେନଃ ସାନାଙ୍ଗ୍‌କିୟା । ଇନିଃ ଫିଲିପ୍‌କେ ନାମ୍‌କିଃତେ ମେତାଇୟାଏ, “ଅତଙ୍ଗ୍‌ଇଙ୍ଗ୍‌ମେ ।”

୪୪ ଆହିୟାସ୍ ଆତଃ ପାଡ୍‌ରାସ୍‌ଲେକା ଫିଲିପ୍ ହଗି ବେଥ୍‌ସାଇଦା ସାହାରରେନ୍ ତାଇକେନାଏ ।

୪୫ ଫିଲିପ୍ ନିଅ୍‌ନିୟେଲ୍‌କେ ନାମ୍‌କିଃତେ ମେତାଇୟାଏ, “ମୁଣା ଅଲାକାଦ୍ ଆନ୍‌ରୁ ପୁଅ୍‌ରେ ଆତଃ ନାବୀକହ୍ ଅଲାକାଦ୍ ହଡ୍‌କେ ଆଲେ ନାମାକାଇୟାଃ ଇନିଃ ଯୋଷେଫ୍ ହନ୍ ନାଜ୍‌ରେଡ୍‌ରେନ୍ ଯୀଶୁ ତାନିଃ ।”

୪୬ ନିଅ୍‌ନିୟେଲ୍ କୁଲିକିୟାଏ, “ତିୟାଃ ନାଜ୍‌ରେଡ୍‌ଏତେ ଜେଡ୍‌ନାଃ ବୁଗିନ୍ ଅତଙ୍ଗ୍‌ଦାଡ୍‌ିଅଃଆ ?”

ଫିଲିପ୍ ମେନ୍‌ରୁହାଡ୍‌ଇୟା, “ମାର୍ ହିଜୁଃକେଦ୍‌ତେ ନେଲେମେ ।”

୪୭ ଯୀଶୁ, ନିଅ୍‌ନିୟେଲ୍‌କେ ଆୟାଃତାଃ ହିଜୁଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ସାର୍‌ତିଗି ଇସ୍ରାଏଲ୍‌ରେନ୍ ତାନିଃ, ଇନିଃରେ ଜେତାଏ ବେଦା ବାନଆଃ ।”

୪୮ ନିଅ୍‌ନିୟେଲ୍ ଇନିଃକେ କୁଲିକିୟା, “ଆମ୍ ଆଇଙ୍ଗ୍‌କେ ଚିଲ୍‌କାତେମ୍ ସାରିକେଦିୟାଁ ?”

ୟୀଶୁ କାଜିରୁହାଡ୍‌କିୟାଏ, “ଫିଲିପ୍ ଆମ୍‌କେ କେଡାକେଦ୍‌ମେ ସିଦାରେ ଆମ୍ ଲଆଦାରୁ ବୁଟାରେମ୍ ତାଇକେନା, ଇମ୍‌ତା ଆଇଙ୍ଗ୍ ନେଲ୍‌କେଦ୍‌ମେୟା ।”

୪୯ ଏନ୍ତେ ନିଅ୍‌ନିୟେଲ୍ କାଜିକେଦାଃଏ, “ଏ ରାବି, ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ; ଆମ୍ ଇସ୍ରାଏଲ୍‌ରେନ୍ ରାଜା ତାନ୍‌ମେ ।”

୫୦ ଯୀଶୁ କାଜିକିୟାଏ, “ତିୟାଃ ଆଇଙ୍ଗ୍ ଆମ୍‌କେ ଲଆଦାରୁ ବୁଟାରେଇଙ୍ଗ୍ ନେଲ୍‌ଲେଦ୍‌ମେୟା ମେନ୍ତେ କାଜିୟାଦ୍‌ମାଇଙ୍ଗ୍, ଏନାମେନ୍ତେମ୍ ବିଶ୍ୱାସେତାନା ? ଆମ୍ ଏନାଏତେହ୍ ମାପ୍‌ରାଙ୍ଗ୍ ବିଷାଏତେୟାଃକ ନେଲେୟାମ୍ ।”

୫୧ ଇନିଃ ଆତଃଗି ଇନ୍‌କୁକେ କାଜିୟାଦ୍‌କଥା, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍ ଆପେ ସିର୍ମା ନିଜାକାନ୍ ଆତଃ ପାର୍‌ମେଶ୍ୱାର୍‌ଆଃ ଦୁଡ୍‌କ ମାନଞ୍ଜାହନ୍ ଚେତାନ୍‌ରେ ରାକାବ୍‌ତାନ୍ ଆତଃ ଆଡ୍‌ଗୁନ୍‌ତାନ୍‌ପେ ନେଲ୍‌କଥା ।”

୨

କାନାହାତୁରେ ଆଣ୍ଡି

୧ ଆପି ମାହାଁ ହୁଲାଙ୍ଗ୍‌ରେ ଗାଲିଲ୍‌ରେୟାଃ କାନା ହାତୁରେ ଆଣ୍ଡି ହବାଅଃ ତାଇକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଇକେନାଏ ।

୨ ଯୀଶୁ ଆତଃ ଆୟାଃ ଚେଲାକକେ ହଗି ଏନ୍ ଆଣ୍ଡି ଅଡାଃତେ କେଡାକାନ୍ ତାଇକେନାକ ।

୩ ଚିମ୍‌ତା ଦାଖ୍‌ରାସି ଚାବାୟାନା, ଯୀଶୁଆଃ ଏଙ୍ଗାତେ ଇନିଃକେ କାଜିକିୟା, “ଇନ୍‌କୁତାଃରେ ଦାଖ୍‌ରାସି ବାନଆଃ ।”

* ୧:୩୮ ଏ ରାବି ହେ ଗୁରୁ † ୧:୪୧ ଏବ୍ରୀରେ ମାସି ଆତଃ ଗ୍ରୀକ୍‌ରେ ଖ୍ରୀଷ୍ଟ

୪ ଯୀଶୁ ମେନ୍‌ରୁହାଡ଼ାଇୟାଏ, “ଆଇଙ୍ଗଲିଆ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଟେରାଃ ।”

୫ ମେନ୍‌ଦ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦକଆଏ, “ଇନିଃ ଆପେକେ କାଜିପେ ଲେକା କାମିପେ ।”

୬ ଆତଃ ଯିହୁଦୀକଆଃ ଫାର୍‌ତିଆଃନାଙ୍ଗ୍ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ଘୁମା ଦହାକାନ୍ ତାଇକେନା, ମିଆଁଦ୍‌ରେ ମିଦ୍‌ହିସି* ତାଏ ତିରିଶ୍ ଗ୍ୟାଲେନ୍‌† ଦାଆଃ ସାବେତାନ୍ ତାଇକେନା ।

୭ ଯୀଶୁ ଦାସିକକେ କାଜିୟାଦକଆଏ, “ନେ ଘୁମାକରେ ଦାଆଃ ପେରେଃତାପେ” ଆତଃ ଇନ୍‌କୁ ଘୁମାରେ ଦାଆଃ ଦୁଲ୍ ପେରେଃକେଦା ।

୮ ଏନ୍ତେ ଇନିଃ ଇନ୍‌କୁକେ କାଜିୟାଦକଆଏ, “ନାହାଁଃଦ ଏନ୍ ଦାଆଃଏତେ କାଟିଃ ଅତଙ୍ଗ୍‌ୟେଁପେ ଆତଃ ମାରାଙ୍ଗ୍‌ଜଜମାଃରେନ୍ ଗମ୍‌କେତାଃ ଇଦିପେ ।” ଏନ୍ତେ ଇନ୍‌କୁ ଏନ୍ ଦାଆଃକେ ଇଦିକେଦାଃକ,

୯ ଆତଃ ମାରାଙ୍ଗ୍‌ଜଜମାଃରେନ୍ ଗମ୍‌କେ ଏନ୍ ଦାଖ୍‌ରାସି ବାୟାକାନ୍ ଦାଆଃକେ ଚାଖାଅକେଦାଃ ଆତଃ ଏନା ଅକ୍‌ତାଃଏତେ ହିଜୁଆକାନା ଏନା କାଏ ସାରିକେଦା, ମେନ୍‌ଦ ଏନ୍ ଦାଆଃ ଅତଙ୍ଗ୍‌କେନ୍ ଦାସିକ ସାରିତାଇକେନାକ । ଏନ୍ତେ ଇନିଃ ଦୁହ୍ଲକଡ଼ାକେ ଗେନାତେ ହାକାଅକିୟାଏ,

୧୦ ଆତଃ କାଜିକିୟାଏ, “ସବେନ୍ ହଡ଼କ ସିଦାତେ ବୁଗିନ୍ ଦାଖ୍‌ରାସିକ ଏମାକଆ ଆତଃ ହଡ଼କ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଆ, ମେନ୍‌ଦ ଆମ୍ ବୁଗିନ୍ ଦାଖ୍‌ରାସି ନାହାଁଃ ଜାକେଦ୍ ଦହାକାଦାମ୍ ।”

୧୧ ନେ'ଲେକା ଯୀଶୁ ଗାଲିଲ୍‌ରେୟାଃ କାନା ହାତୁରେ ଆୟାଃ ପାହିଲା ପେଡ଼େୟାନ୍ କାମି ଏଟେଦ୍‌କେଦାଏ ନେ'ଲେକା ଇନିଃ ଆୟାଃ ମାନାରାଙ୍ଗ୍ ଉଦୁବ୍‌କେଦାଏ ଆତଃ ଇନିୟାଃ ତେଲାକ ଇନିଃରେକ ବିଶ୍ୱାସକେଦାଃ ।

୧୨ ଏନ୍ ତାୟମ୍‌ତେ ଯୀଶୁ ଆତଃ ଇନିୟାଃ ଏଙ୍ଗାତେ, ହାଗାତେ, ଆତଃ ତେଲାକ କପର୍‌ନାହୁମ୍ ସାହାର୍‌ତେ ସେନଃୟାନା ଆତଃ ଏନ୍ତାଃରେ ଚିମିନ୍ ମାହାଁଲେକା ତାଇନ୍‌ୟାନାକ ।

**ୟୀଶୁ ଯୀରୁଶାଲେମ୍ ମାନ୍ଦିର୍ ଅଡ଼ାଃତେ ସେନଃୟାନାଏ
(ମାଥୁଉ ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)**

୧୩ ଆତଃ ଯିହୁଦୀକଆଃ ପାସ୍କା ପାରାବ୍ ନାଡ଼େୟାକାନ୍ ତାଇକେନା, ଆତଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ ।

୧୪ ଇନିଃ ମାନ୍ଦିର୍ ଅଡ଼ାଃରେ ଉରିଃକକ, ମିଶ୍ଟିକ, ଦୁଦୁମୁଲ୍‌କକେ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍‌କକେ ଆତଃ ଦୁବାକାନ୍ ପାଏସା ଭାଞ୍ଜାଅତାନ୍‌କକେ ନାମ୍‌କେଦକଆଏ ।

୧୫ ଏନ୍ତେ ଇନିଃ ବାଏହାର୍ ରେୟାଃ ହାଁଶ୍‌ସା ବାଇକେଦ୍‌ତେ ସବେନ୍ ମିଶ୍ଟି ଆତଃ ଉରିଃକକକେ ମାନ୍ଦିର୍ ଅଡ଼ାଃଏତେ ଅତଙ୍ଗ୍‌କେଦକଆଏ ଆତଃ ପାଏସା ଭାଞ୍ଜାଅତାନ୍‌କଆଃ ଗାଣ୍ଡୁକେ ଉଦୁବ୍‌ବାଟିକେଦାଏ ଆତଃ ପାଏସାକ ଛିଡ଼ିବିଡ଼ିକେଦାଏ ।

୧୬ ଆତଃ ଦୁଦୁମୁଲ୍ ଆଖ୍‌ରିଙ୍ଗ୍‌କକେ କାଜିୟାଦକଆଏ, “ନିକୁକେ ନେତାଃଏତେ ଇଦିକପେ । ଆପୁଇଁୟାଃ ଅଡ଼ାଃ କିରିଙ୍ଗ୍ ଆଖ୍‌ରିଙ୍ଗ୍ ଅଡ଼ାଃ ଆଲ୍‌ପେ ବାଇୟାଃ ।”

୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଥିରେ ଅଲ୍‌କାନ୍‌ତେୟାଃ ଇନିୟାଃ ତେଲାକ ପାହାମ୍‌କେଦାକ, “ଆମାଃ ଅଡ଼ାଃ ନାଗେନ୍ତେ ଆଇଁୟାଃ ଚିହ୍ଲୁକ୍‌ତେୟାଃ ଇଶିଁ ଜଃଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିଜୁଃରୁହାଡ଼କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଆକ୍‌ତେୟାର୍ ନାମାକାଦାମ୍ ମେନ୍ତେ ଆଲେ ଚିଲ୍‌କାଲେ ସାରିୟା ? ଆତଃ ଚିକାନ୍ ଚିହ୍ଲୀତେ ଆଲେକେମ୍ ଉଦୁବାଲେତାନା ।”

୧୯ ଯୀଶୁ କାଜିରୁହାଡ଼ାଦକଆଏ, “ନେ ମାନ୍ଦିର୍ ଅଡ଼ାଃକେ ହାଦୁଡ଼ ତାପେ ଆତଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡ଼େୟାଈଙ୍ଗ୍ ।”

୨୦ ଆତଃ ଯିହୁଦୀକ କାଜିକିୟାଃକ, “ନେ ମାନ୍ଦିର୍‌କେ ବାଇକେସେଦ୍‌ନାଙ୍ଗ୍ ଛୟାଲିଶ୍ ସିମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆତଃମିସା ବାଇରୁହାଡ଼େୟାମ୍ ?”

୨୧ ମେନ୍‌ଦ ଯୀଶୁ ଆୟାଃ ହଡ଼ମ୍‌ରେୟାଃ ମାନ୍ଦିର୍ ଅଡ଼ାଃରାଃ କାଜି କାଜିତାନାଏ ତାଇକେନା ।

୨୨ ଏନ୍ତେ ଇନିଃ ଗଜାକାନ୍‌କ ଏତେ ଜୀଉବିରିଦ୍‌ୟାନ୍ତେ ଇନିୟାଃ ତେଲାକ ଇନିଃ ନେ କାଜିଏ କାଜିଲେଦା ନେଆଁକ ପାହାମ୍‌କେଦାଃ । ଏନ୍ତେ ଧାରାମ୍‌ପୁଥିରେ ଆତଃ ଯୀଶୁ କାଜିକେଦ୍ କାଜିରେକ ବିଶ୍ୱାସକେଦା ।

ୟୀଶୁ ହଡ଼ଆଃ ମନ୍‌କେ ସାରିୟାଏ

୨୩ ଆତଃ ଯୀଶୁ ପାସ୍କା ପାରାବ୍ ଦିପିଲିରେ ଯୀରୁଶାଲେମ୍‌ରେ ତାଇକେନ୍ ଇମ୍‌ତା ପୁରାଃ ହଡ଼କ ଇନିଃ କାମି ତାଇକେନ୍ ଚିହ୍ଲୀକ ନେଲ୍‌କେଦ୍‌ତେ ଇନିଃତାଃରେକ ବିଶ୍ୱାସକେଦା ।

୨୪ ମେନ୍‌ଦ ଯୀଶୁ ଇନ୍‌କୁକେ କାଏ ବିଶ୍ୱାସକେଦକଆ, ଚିୟାଃଚି ଇନିଃ ହଡ଼କଆଃ ମନ୍‌କେ ସାରିତାଇକେନାଏ ।

* ୨:୨ ମିଦ୍‌ହିସି କୁଡ଼େ † ୨:୭ ଗ୍ୟାଲେନ୍ ଆପିହିସି ପାଦ୍‌ରା ଏତେ ମିଦ୍‌ଶାଅ ପାଦ୍‌ରା ଲିଟର୍ ଜାକେଦ୍ ☆ ୨:୧୨ ମାଥୁଉ ୪:୧୩. ☆ ୨:୧୯ ମାଥୁଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

୨୫ ମାନଙ୍କା ନାଗେନ୍ତେ ଜେତାଏ ଗାଞ୍ଜାକ ଇନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃତି ମାନଙ୍କାରାଃ ମନ୍ସୁରୁଦ୍ରେ ଚିକ୍ନାଃ ମେନାଃ ଏନାଦ ଇନିଃ ଆଇଃକ୍ଚି ସାରିତାନାଏ ତାଇକେନା ।

୩

ୟାଶୁ ଆତଃ ନିକଦୀମ୍

୯ ଫାରୁଶୀକଏତେ ନିକଦୀମ୍ ନୁତୁମ୍ ମିଆଁଦ୍ ହଡ୍ ତାଇକେନାଏ, ଇନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ ।

୧୦ ଇନିଃ ମିଆଁଦ୍ ନିଦା ଯାଶୁତାଃ ହିଜୁଃକେଦ୍ରେ କାଜିକିୟା, “ହେ ଗୁରୁ, ଆମ୍ ପାର୍ମେଶ୍ୱାର୍ଯାଃଏତେ ଇତୁନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍ମେଶ୍ୱାର୍ ଜେତାଏଲଃ କା ତାଇନ୍ରେଦ ଇନିଃ ଆମ୍ କାମିକାଦ୍ ଚିହ୍ନାକ କାଏ କାମିଦାଡିୟାଃ ।”

୧୧ ଯାଶୁ କାଜିରୁହାଡ୍କିୟା, “ଆଇଙ୍ଗ୍ ସାର୍ତିଗିଙ୍ଗ୍ କାଜିୟାମେତାନା, ଜେତାଏ କାଏ ଜାନାମରୁହାଡ୍*ରେଦ ପାର୍ମେଶ୍ୱାର୍ଆଃ ରାଇଜ୍ କାଏ ନେଲ୍ଦାଡିୟା ।”

୧୨ ନିକଦୀମ୍ କୁଲିକିୟାଏ, “ହଡ୍ ହାଡାମୟାନ୍ତେ ଚିଲ୍କାତେ ଜାନାମରୁହାଡ୍ ଦାଡିୟାଃ ?” “ଇନିଃ ଚିୟାଃ ଆତଃମିସା ଏଙ୍ଗାତେୟାଃ ଲାହିଦ୍ରେ ବଲକେଦ୍ରେ ଜାନାମ୍ ଦାଡିୟାଃ ।”

୧୩ ଯାଶୁ କାଜିରୁହାଡ୍କିୟାଏ, “ସାର୍ତିଗିଙ୍ଗ୍ କାଜିୟାମେତାନା, ଦାଆଃ ଆତଃ ଆମ୍ତେ କାକ ଜାନାମରୁହାଡ୍ରେଦ ପାର୍ମେଶ୍ୱାର୍ଆଃ ରାଇଜ୍ରେ ଜେତାଏ କାକ ବଲଦାଡିୟାଃ ।

୧୪ ହଡ୍ଏତେ ଜାନାମାକାନ୍ତେୟାଃ ହଡ୍ମି ତାନାଃ ଆତଃ ଆମ୍ତେ ଜାନାମାକାନ୍ତେୟାଃ ଆମ୍ଗି ତାନାଃ ।

୧୫ ଜାନାମରୁହାଡ୍ ଲାଗାତିଙ୍ଗ୍ୟାଃ ମେନ୍ତେଇଙ୍ଗ୍ କାଜିୟାଦ୍ମେଆ, ଏନାତେ ଆଲମ୍ ହାଏକାଟଃଆ ।

୧୬ ହୟ ଆୟାଃ ସାନାଙ୍ଗ୍ ଲେକାତେ ହୟତାନା ଆତଃ ଏନାରେୟାଃ ଲାବ୍ଜା ଆୟୁମଃତାନା, ମେନ୍ଦ ଏନା ଅକସାଃ ଏତେ ହିଜୁଃତାନା ଆତଃ ଅକ୍ତାଃତେ ସେନଃତାନା ଏନା କା ସାରିୟାଃଆ । ଆମ୍ତେ ସବେନ୍ ଜାନାମାକାନ୍କ ନେ'ଲେକାଗିଆଃକ ।”

୧୭ ନିକଦୀମ୍ ଇନିଃକେ କୁଲିକିୟାଏ, “ନେଆଁ ଚିଲ୍କାତେ ହବାଦାଡିଃ ?”

୧୮ ଯାଶୁ କାଜିକିୟାଏ, “ଚିୟାଃ ଆମ୍ ଇସାଏଲ୍ରେନକଆଃ ଗୁରୁ ତାନ୍ମେ ଆତଃ ନେଆଁ କାମ୍ ସାରିୟା ?”

୧୯ ସାର୍ତିଗିଙ୍ଗ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆତଃ ନେଲ୍କାକାନ୍ରେୟା ଗାଞ୍ଜାଲେ ଏମେତାନା ଆତଃ ଆପେ ଆଲେୟାଃ ଗାଞ୍ଜା କାପେ ମାନାଡିଙ୍ଗ୍ତାନା ।

୨୦ ଆଇଙ୍ଗ୍ ନେ ଅତେରେୟାଃ କାଜିଙ୍ଗ୍ କାଜିୟାଦ୍ପେରେ କାପେ ପାଡିୟାରେତାନା, ଏନ୍ତେ ଆଇଙ୍ଗ୍ ସିର୍ମାରେୟାଃ କାଜିଙ୍ଗ୍ କାଜିୟାପେରେ ଚିଲ୍କାତେପେ ପାଡିୟାରେଆ ।

୨୧ ଅକନ୍ ମାନଙ୍କାହନ୍ ସିର୍ମାଏତେ ଆଡ୍ଗୁଆକାନାଏ, ଇନିଃକେ ବାଗିକିଃତେ ଆତଃ ଜେତାଏ ହଡ୍ ଚିଉଲ୍ଲାହ ସିର୍ମାତେ କାଏ ରାକାବାକାନା ।”

୨୨ ଆତଃ ମୁଣା ବିର୍ରେ ପିତାଲ୍ ବିଙ୍ଗ୍କେ ଖୁଟାରେ ରାକାବି ଲେକା ମାନଙ୍କାହନ୍କେହଗି ରାକାବଃ ଲାଗାତିଙ୍ଗ୍ୟାଃ ।

୨୩ ଇନିଃରେ ବିଶ୍ୱାସ୍ତାନକଦ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।

୨୪ ମେନ୍ଦ ପାର୍ମେଶ୍ୱାର୍ ଅତେଦିଶୁମ୍କେ ପୁରାଃଗି ଦୁଲ୍ଲାଡ୍କେଦାଏ ଆତଃ ଆୟାଃ ମିଆଁଦ୍ଗି ଦୁଲ୍ଲାଡ୍ହନ୍କେ ଏମ୍କିୟାଏ, ଇନିଃରେ ବିଶ୍ୱାସ୍ତାନକଦ କାକ ଜିୟନଃଆ ମେନ୍ଦ ଜାନାଅରେୟାଃ ଜୀଦାନ୍କ ନାମେୟା ।

୨୫ ପାର୍ମେଶ୍ୱାର୍ ଆୟାଃ ହନ୍କେ ଅତେଦିଶୁମ୍ରାଃ ବିଚାର୍ ନାଗେନ୍ତେଦ କାହା, ମେନ୍ଦ ଅତେଦିଶୁମ୍କେ ଇନିଃତେ ବାସ୍ତାଅ ନାଗେନ୍ତେ କୁଲ୍କିୟାଏ ।

୨୬ ଜେତାଏ ହନ୍ରେ ବିଶ୍ୱାସ୍ତାନିଃ କାଏ ସାଜାଇୟାଃ ମେନ୍ଦ କା ବିଶ୍ୱାସ୍ତାନିଃ ସାଜାଇୟାକାନାଏ, ଚିୟାଃତି ଇନିଃଦ ପାର୍ମେଶ୍ୱାର୍ଆଃ ମିଆଁଦ୍ଗି ହନ୍ଆଃ ନୁତୁମ୍ରେ କାଏ ବିଶ୍ୱାସ୍କାଦା ।

୨୭ ଆତଃ ଏନ୍ ବିଚାର୍ ନେଆଁଗି ତାନାଃ, ମାର୍ସାଲ୍ ଅତେଦିଶୁମ୍ରେ ହିଜୁଆକାନା, ମେନ୍ଦ ହଡ୍କ ମାର୍ସାଲ୍ ଏତେ ନୁବାଃକେ ଆଦକାକ ଦୁଲ୍ଲାଡ୍କେଦାଃ ଚିୟାଃତି ଇନ୍କୁଆଃ କାମିକଦ ଏଡକାନାଃ ତାନାଃ ।

୨୮ ଏଡକାନ୍ କାମିତାନ୍କଦ ମାର୍ସାଲ୍କେ କାକ ଦୁଲ୍ଲାଡାଃ, ଆତଃ ମାର୍ସାଲ୍ତାଃତେ କାକ ହିଜୁଃଆ, ଚିୟାଃତି ଇନ୍କୁଆଃ ଏଡକାନ୍ କାମି ମାର୍ସାଲ୍ରେ ଉଦୁବଃକା ମେନ୍ତେ ଇନ୍କୁ କାକ ସାନାଙ୍ଗ୍ଆଃ ।

୨୯ ମେନ୍ଦ ଜେତାଏ ସାର୍ତି କାମି କାମିୟାଏ, ଇନିଃ କାମିକାଦ୍ତେୟାଃକ ଜେ'ଲେକା ପାର୍ମେଶ୍ୱାର୍ଆଃ ସାନାଙ୍ଗ୍ଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ସାଲ୍ତାଃଏ ହିଜୁଃଆ ।

ୟାଶୁ ଆତଃ ଯୋହାନ୍

* ୩:୩ ପାର୍ମେଶ୍ୱାର୍ତାଃଏତେ ଜାନାମ୍

୨୨ ନେଆଁ ତାୟମ୍‌ତେ, ଯୀଶୁ ଆତଃ ଆୟାଃ ଚେଲାକ ଯିହୁଦା ଦିଶୁମ୍‌ତେକ ସେନଃୟାନା ଆତଃ ଇନିଃ ଇନ୍‌କୁଲଃ ଏନ୍ତାଃରେ ତାଇନ୍‌ୟାନ୍ତେ ବାପ୍ତିସ୍ମାକତାନ୍ ତାଇକେନାଏ ।

୨୩ ଆତଃ ଯୋହାନ୍‌ହ୍ ସାଲିମ୍ ଜାପାଃ ଏନନ୍‌ରେ ବାପ୍ତିସ୍ମାକତାନ୍ ତାଇକେନାଏ, ଚିୟାଃତି ଏନ୍ତାଃରେଦ ପୁରାଃଗି ଦାଆଃ ତାଇକେନା, ଆତଃ ହଡକ ବାପ୍ତିସ୍ମାଅଃ ନାଗେନ୍ତେ ହିଜୁଃତାଇକେନାକ ।

୨୪ *ଯୋହାନ୍‌ଦ ଇମ୍‌ତାଙ୍ଗ୍ ଜାକେଦ୍ କାଏ ଜେହେଲାକାନ୍ ତାଇକେନା ।

୨୫ ଏନ୍ତେ ଯୋହାନ୍‌ଆଃ ଚିମିନ୍ ଚେଲାକ ଆତଃ ମିଆଁଦ୍ ଯିହୁଦୀ, ଫାର୍‌ଚିଅଃରେୟା ବିଷାଏରେ କୁପୁଲିୟାନାକ ।

୨୬ ଇନ୍‌କୁ ଯୋହାନ୍‌ତାଃତେ ହିଜୁଃୟାନ୍ତେ କାଜିକିୟା, “ହେ ଗୁରୁ” ଯାଦାନ୍ ହାନ୍ ପାରମ୍ ଆମାଃଲଃ ତାଇକେନ୍‌ନିଃ, ଇନିୟାଃ ନାଗେନ୍ତେ ଆମ୍ ଗାଞ୍ଜା ଏମ୍‌କେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆତଃ ସବେନ୍‌କ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦକଆଏ, “ସିର୍ମାସାଃଏତେ କା ଏମାଃରେଦ ହଡ ଜେଡନାଃ କାଏ ନାମ୍‌ଦାଡ଼ିୟାଃ ।

୨୮ *ଆଇଙ୍ଗ୍‌ଦ ମାସି ନାହାଁଲିଙ୍ଗ୍ ମେନ୍‌ଦ ଇନିୟାଃ ଆୟାରରେ କୁଲାକାନାଇଙ୍ଗ୍ ମେନ୍‌କେଦାଃଏ, ଏନାରେୟାଃ ଗାଞ୍ଜା ଆପେଗି ତାନପେ ।

୨୯ ଜେତାଏ ଆଣ୍ଡିୟାନ୍‌ନିଃ ଦ ଦୁଲ୍ଲାକଡ଼ାରାଃ ତାନିଃ, ମେନ୍‌ଦ ଦୁଲ୍ଲାତାଃ ତିଙ୍ଗ୍‌କେଦ୍‌ତେ ଇନିୟାଃ କାଜି ଆୟୁମ୍‌ତାନ୍ ଗାଡି ଦୁଲ୍ଲାରାଃ କାଜିତେ ପୁରାଃଗି ରାସକାଅଃଆ । ଏନାତେ ଆଇୟାଃ ନେ ରାସକାଦ ନାମ୍‌ଚାବାୟାନା ।

୩୦ ଇନିଃକେ ମାରାଙ୍ଗ୍ ହବା ଲାଗାତିଙ୍ଗ୍‌ୟାଃ ମେନ୍‌ଦ ଆଇଙ୍ଗ୍‌କେ ହୁଡିଙ୍ଗ୍‌ଅଃ ଲାଗାତିଙ୍ଗ୍‌ୟାଃ ।”

ସିର୍ମା ଏତେ ହିଜୁଃନିଃ

୩୧ ଚେତାନ୍‌ଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ଅତେସାଃଏତେ ହିଜୁଃନିଃ ଅତେରେନ୍‌ନିଃ ତାନିଃ ଆତଃ ଅତେସାଃଏତେ କାଜିୟାଏ ମେନ୍‌ଦ ସିର୍ମାସାଃଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ ।

୩୨ ଇନିଃ ନେଲାକାଦ୍ ଆତଃ ଆୟୁମାକାଦ୍ ତେୟାଃରାଃ ଗାଞ୍ଜାଇ ପେରେଃକେଦା ମେନ୍‌ଦ ଇନିୟାଃ ଗାଞ୍ଜା ଜେତାଏ କାକ ମାନାତିଙ୍ଗ୍‌କେଦା ।

୩୩ ମେନ୍‌ଦ ଇନିୟାଃ ଗାଞ୍ଜା ଅକଏ ମାନାତିଙ୍ଗ୍‌ନିଃ, ପାର୍‌ମେଶ୍ଵାର୍ ସାର୍‌ତିଗିୟାଏ ମେନ୍ତେ ଏନ୍ କାଜିରେ ମୋହରକାଦାଏ† ।

୩୪ ପାର୍‌ମେଶ୍ଵାର୍‌ତାଃଏତେ କୁଲାକାନ୍‌ନିଃଦ ପାର୍‌ମେଶ୍ଵାର୍‌ଆଃ କାଜି କାଜିୟାଏ, ଚିୟାଃତି ପାର୍‌ମେଶ୍ଵାର୍‌ଦ ଇନିଃକେ ଆୟାଃ ଆମ୍ ପୁରାଃଗି ଏମିୟା ।

୩୫ *ଆପୁଦ ଆୟାଃ ହନ୍‌କେ ଦୁଲାଡ଼ାଃଏ ଆତଃ ସବେନାଃ ଇନିୟାଃ ତିଃଇରେ ଏମ୍‌ଡତାରାକାଦାଏ ।

୩୬ ହନ୍‌ରେ ବିଶ୍ଵାସ୍‌ତାନ୍‌ନିୟାଃ ଜାନାଅଜୀଦାନ୍ ମେନାଃ, ମେନ୍‌ଦ ହନ୍‌କେ କାଏ ଦାରମ୍‌ତାନ୍‌ନିଃ ଜୀଦାନ୍ କାଏ ନେଲେୟା, ଚିୟାଃତି ପାର୍‌ମେଶ୍ଵାର୍‌ଆଃ ଏନେସେଦ୍‡ ଇନିଃରେ ତାଇନ୍‌ତାନା ।

୪

ୟୀଶୁ ଆତଃ ଶମିରୋନ୍‌ରେନ୍ କୁଡ଼ି

୧ ଫାରୁଶୀକ, ଯୀଶୁ ଯୋହାନ୍ ଏତେ ଆଦକା ଚେଲାକେଦ୍‌ତେ ବାପ୍ତିସ୍ମାକତାନାଏ ମେନ୍ତେକ ଆୟୁମ୍‌କେଦା ନେଆଁ ଯୀଶୁ ଆଟ୍‌କାର୍‌କେଦାଏ ।

୨ ଯୀଶୁ ଆୟାଃତେଗି କାଏ ବାପ୍ତିସ୍ମାକ ତାଇକେନା ମେନ୍‌ଦ ଇନିୟାଃ ଚେଲାକ ବାପ୍ତିସ୍ମା ଏମାକତାନ୍ ତାଇକେନାକ ।

୩ ନେ ସବେନାଃ ଆଟ୍‌କାର୍‌କେଦ୍‌ଚି ଇନିଃ ଯିହୁଦା ଦିଶୁମ୍ ବାଗିକେଦାଏ ଆତଃ ଗାଲିଲ୍‌ତେ ସେନ୍‌ରୁହାଡ଼ୟାନାଏ ।

୪ ଆତଃ ଇନିଃକେ ଶମିରୋନ୍ ଦିଶୁମ୍ ଆଲା ଆଲାତେ ସେନଃ ଲାଗାତିଙ୍ଗ୍ ତାଇକେନା ।

୫ ଏନ୍ତେ ଯୀଶୁ ଶମିରୋନ୍‌ରେଆଃ ଶିଖର୍ ନୁଡୁମ୍ ମିଆଁଦ୍ ହାଡୁତେ ସେଚେର୍‌ୟାନାଏ, ଏନା ଯାକୁବ୍ ଆୟାଃ ହନ୍ ଯୋଷେଦ୍‌କେ ଏମାକାଇ ଅତେ ଜାପାଃରେ ତାଇକେନା ।

୬ ଏନ୍ତାଃରେ ଯାକୁବ୍‌ଆଃ କୁଆଁ ତାଇକେନା, ଆତଃ ଯୀଶୁ ହରା ସେସେନ୍‌ତେ ଲାଗାୟାନ୍ତେ, କୁଆଁତାଃରେ ଦୁବ୍‌ୟାନାଏ । ଇମ୍‌ତାଦ୍ ତିକିନ୍‌ସିଙ୍ଗ୍ ତାଇକେନା ।

୭ ଏନ୍ତେ ମିଆଁଦ୍ ଶମିରୋନ୍‌ରେନ୍ କୁଡ଼ି ଦାଆଃ ବୁରାଃତେ ହିଜୁଃୟାନାଏ, ଆତଃ ଯୀଶୁ ଇନିଃକେ କାଜିକିୟାଏ, “ନୁଁଏ ଦାଆଃ ଏମାଇଙ୍ଗ୍‌ମେ ।”

୮ ଇମ୍‌ତାଙ୍ଗ୍ ଇନିୟାଃ ଚେଲାକଦ୍ ଜମେୟାଃ କିରିଙ୍ଗ୍‌ତେ ସାହାର୍‌ତେ ସେନାକାନ୍ ତାଇକେନାକ ।

୯ ଏନ୍ କୁଡ଼ି ଯୀଶୁକେ କାଜିକିୟାଏ, “ଆମ୍ ଯିହୁଦୀ ତାନ୍‌ମେ ଆତଃ ଆଇଙ୍ଗ୍ ଶମିରୋନ୍‌ରେନ୍ ତାନିଙ୍ଗ୍, ଆମ୍ ଚିଲ୍‌କାତେ ନୁଁଏ ଦାଆଃ ଆସି ଦାଡ଼ିତାନାମ୍ ?” ଚିୟାଃତି ଯୀହୁଦିକଦ ଶମିରୋନି କଲଃ କାକ ମେସାଅଃ ତାଇକେନା ।

☆ ୩:୨୪ ମାଥୁଇ ୧୪:୩; ମାର୍କ ୬:୧୭; ଲୁକ ୩:୧୯,୨୦. ✨ ୩:୨୮ ଯୋହାନ୍ ୧:୨୦. † ୩:୩୩ ମୋହରକାଦାଏ ପକ୍‌ତାସାବୁଡ୍ ☆ ୩:୩୫ ମାଥୁଇ ୧୧:୨୭; ଲୁକ ୧୦:୨୨. ‡ ୩:୩୬ ଖ୍‌ସ୍

୧୦ ଯୀଶୁ କାଜିରୁହାଡ଼କିୟାଏ, “ଆମ୍ ପାର୍ମେଶ୍ୱାରୀଆଃ ଏନେମ୍‌ତେୟାଃ ଆତଃ ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ, ଆମ୍ ଇନିଃକେ ଆସିତେୟାଃ ଆତଃ ଇନିଃ ଆମ୍‌କେ ଜାନିଦ୍ ଦାଆଃ ଏମାମ୍‌ତେୟାଃଏ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍‌କେ, ଆମାଃତାଃରେ ବୁରାଃତେଆଃଦ ବାନଆଃ ଆତଃ କୁଆଁଦ ଇକିରା* , ଏନ୍ ଜାନିଦ୍ ଦାଆଃ କତାଃଏତେମ୍ ନାମେୟା ?

୧୨ ଚିୟାଃ ଆମ୍ ଆଲେୟାଃ ଆପୁ ଯାକୁବ୍ ଏତେ ମାରାଙ୍ଗ୍‌ଆଁମ୍ ? ଇନିଃ ନେ କୁଆଁ ଏମାଦ୍‌ଲେୟାଏ ଆତଃ ଏନାଏତେ ଆଇଃକ୍‌ହରି ନୁଁକେଦାଏଃ, ଏନ୍‌ଲେକା ଇନିୟାଃ ହନ୍‌ହପନ୍‌କ ଆତଃ ଇନିୟାଃ ଉରିଃକ୍, ମେରମ୍‌କହ୍ ନୁଁକେଦାଃକ ।”

୧୩ ଯୀଶୁ ଇନିଃକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଃକେ ତେତାଙ୍ଗ୍ ରୁହାଡ଼ିଆ,

୧୪ ମେନ୍‌ଦ ଆଇଙ୍ଗ୍ ଏମାଲ ଦାଆଃ ନୁଁଏ ହଡ଼ ଚିଉଲ୍‌ହ କାଏ ତେତାଙ୍ଗ୍‌ଆଃ ଆତଃ ଆଇଙ୍ଗ୍ ଏମାଲ ଦାଆଃ ଇନିଃରେ ଜାନାଅ ଜୀଦାନ୍ ଜାକେଦ୍ ଲିଙ୍ଗିୟାଃ ଦାଆଃରେୟାଃ କୁଆଁଦାଆଃ ବାଇୟାଆଃ ।”

୧୫ ଏନ୍ କୁଡ଼ି କାଜିକିୟାଏ, “ ହେ ଗମ୍‌କେ, ଆଇଙ୍ଗ୍‌କେ ଏନ୍ ଦାଆଃ ଏମାଲଙ୍ଗ୍‌ମେ, ଜେ'ଲେକାଚି ଆଇଙ୍ଗ୍ ଆଲକାଲଙ୍ଗ୍ ତେତାଙ୍ଗ୍‌କାଃ, ଆତଃ ଦାଆଃ ବୁରାଃନାଙ୍ଗ୍ ନେତାଃତେ ଆଲକାଲଙ୍ଗ୍ ହିଜୁଃକା ।”

୧୬ ଯୀଶୁ ଇନିଃକେ ମେନ୍‌କିୟାଏ, “ଜୁ ଆମାଃ କଡ଼ାକେ କେଡ଼ାଲମେ,” ଆତଃ “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍‌ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଲୟାଃ ।” ଯୀଶୁ ମେନ୍‌ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଲୟାଃ ମେନ୍ତେ ବୁଗିନାମ୍ କାଜିକେଦା,

୧୮ ଆମ୍‌ଦ ମଣେୟାତାଃ ଅଡ଼ାୟାନାମ୍ ଆତଃ ଆମାଃଲଃ ନାହାଁଃ ତାଇନ୍‌ତାନ୍‌ନିଃ ଆମାଃ କଡ଼ା ନାହାଁଲିଃ, ନେଆଁ ଆମ୍ ସାର୍‌ତିଗି କାଜିୟାକାଦାମ୍ ।”

୧୯ ଏନ୍ କୁଡ଼ି ମେନ୍‌କିୟାଏ, “ହେ ଗମ୍‌କେ, ଆମ୍ ନାବୀ ତାନ୍‌ମେ, ନେଆଁ ଆଇଙ୍ଗ୍ ନେଲ୍‌ଦାଡ଼ିତାନା ।

୨୦ “ଆଲେୟାଃ ହାଡ଼ାମ୍ ହଡ଼କ ନେ ବୁରୁରେ ପାର୍ମେଶ୍ୱାରୀଆଃକ ସେଝା କେଦାଃ ମେନ୍‌ଦ ଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ୱାରୀଆଃ ସେଝା ଲାଗାତିଙ୍ଗ୍‌ୟାଃ ଏନା ଯୀରୁଶାଲେମ୍‌ରେ ମେନାଃ ।”

୨୧ ଯୀଶୁ ଇନିଃକେ କାଜିକିୟାଏ, “ଏ କୁଡ଼ି କାଜିତାଇୟାଃ ପାତିୟାରେମେଁ, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ଚି ଯୀରୁଶାଲେମ୍‌ରେହ୍ ଆପୁଆଃ କାପେ ସେଝା ରିକାଗିଆ ।

୨୨ ଆପେ ଶମିରୋନ୍‌ରେନ୍‌କ କା ସାରିନିଃକେପେ ସେଝାଇତାନା; ଆଲେ ଯିହୁଦୀକ ସାରିତାନ୍‌ନିଃକେ ସେଝାଇତାନାଲେ, ଚିୟାଃଚି ଜୀଉବାଞ୍ଚାଅନିଃ ଯୀହୁଦିକଏତେ ହିଜୁଃତାନା ।

୨୩ ମେନ୍‌ଦ ଦିପିଲି ହିଜୁଃଆ ଆତଃ ନାହାଁଃ ସେଚେରାକାନା, ଏନାରେ ସାର୍‌ତି ସେଝାଇନିଃକ ଆମ୍‌ ଆତଃ ସାନାର୍‌ତିତେ ଆପୁକେକ ସେଝାଲୟା, ଆପୁଦ ନେ ଲେକାନ୍ ସେଝାଇତାନ୍‌କକେ ନାମ୍‌ତାନା ।

୨୪ ପାର୍ମେଶ୍ୱାର୍ ଆମ୍‌ ତାନିଃ ଆତଃ ଇନିଃକେ ସେଝାଇତାନ୍‌କ ଆମ୍‌ରାଃ ପେଡେଃତେ ଏସ୍‌କାର୍ ଆତଃ ସାନାର୍‌ତିତେ ସେଝାଲ ଲାଗାତିଙ୍ଗ୍‌ୟାଃ ।”

୨୫ ଏନ୍ କୁଡ଼ି ଇନିଃକେ ମେତାଇୟାଏ, “ଖ୍ରୀଷ୍ଟ୍ ନୁଡୁମ୍‌ତାନ୍ ମାସି ହିଜୁଆଃଏ, ଏନାଇଙ୍ଗ୍ ସାରିତାନା, ଇନିଃ ହିଜୁଃକେଦ୍‌ତେ ସବେନାଃଏ ଉଦୁବାଲେୟା ।”

୨୬ ଯୀଶୁ ମେତାଇୟାଏ, “ଆଇଙ୍ଗ୍ ଇନିଃ ତାନିଙ୍ଗ୍, ଅକଏଚି ଆମାଃଲଃ ଜାଗାର୍‌ତାନାଏ ।”

୨୭ ଆତଃ ଏନ୍ ଦିପିଲିରେ ଇନିୟାଃ ଚେଲକ ହିଜୁଃୟାନା ଆତଃ ଇନିଃ ମିଆଁଦ୍ କୁଡ଼ିଲଃ ଜାଗାର୍‌ତାନ୍ ନେଲ୍‌କେଦ୍‌ତେ ହାଏକାଡ଼୍‌ୟାନାକ । ଏନ୍‌ରେହ୍ ଜେତାଏ ଆମ୍ ଚିକ୍‌ନାଃମ୍ ସାନାଙ୍ଗ୍‌ତାନା ଚାଏ ନିଃଲଃ ଚିନାଃ ମେନ୍ତେମ୍ ଜାଗାର୍‌ତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡ଼ି ଆୟାଃ ଚାଟୁ ବାଗିଡୁକାକେଦ୍‌ତେ, ହାଡୁତେ ସେନଃୟାନାଏ ଆତଃ ଏନ୍ତାଃରେ ହଡ଼କକେ କାଜିୟାଦ୍‌କଆଏ,

୨୯ “ଏଲା ମିଆଁଦ୍ ହଡ଼ ନେଲିପେ, ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍‌କେ ଉଦୁବାଦିଇୟା, ଇଦୁ ଇନିଃ ମାସି ତାନିଃ ଚି କାହା ?”

୩୦ ଇନ୍‌କୁ ସାହାର୍‌ଏତେ ଅଡ଼ଙ୍ଗ୍‌ୟାନ୍‌ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ଚେଲକ ବିକ୍ତିକେଦ୍‌ତେ କାଜିକିୟାଃକ, “ହେ ଗୁରୁ, ଜେଡ଼ନାଃ କାଟିକାନ୍ ଜମେମେ ।”

୩୨ ମେନ୍‌ଦ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇଁୟାଃତାଃରେୟା ।”

୩୩ ଏନ୍ତେ ଚେଲକ ଆକ ଆକରେ ମେପେନ୍‌ୟାନାକ, “ଜେତାଏ ମିହୁଡ଼୍ ଇନିଃକେ ଜମେୟାଃ ଆଉଝାକାଲୟାଏ ?”

୩୪ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗ୍‌କେ କୁଲକାନ୍‌ନିୟାଃ ମନେଲେକା ସେସେନ୍ ଆତଃ ଇନିଃ ଆଇଙ୍ଗ୍‌କେ ଏମାକାଲଙ୍ଗ୍ କାମି ଚାବାଏତେୟାଃ ଆଇଁୟାଃ ଜମେୟାଃ ତାନାଃ ।

* ୪:୧୧ ଇକିରା ଗାଡ଼ାଗିଆଃ

୩୫ ଚିୟାଃ ଆପେ ଚାର୍ ମାହ୍ନା ତାୟମ୍ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡ଼ିକେ ଆରିଦ୍ରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା ।

୩୬ ନାହାଁଃ ଜାକେଦ୍ ଇରୋଃନିଃ ନାଲା ନାମତାନାଏ, ଆତଃ ଜାନାଅ ଜୀଦାନ୍ ନାଗେନ୍ତେ ଜ'ଆଏ ହୁଣ୍ଡିତାନା, ଜେ'ଲେକା ଏନାତେ ହେରଃନିଃ ଆତଃ ଇରୋଃନିଃ ବାରାନ୍କିନ୍ ମିଦ୍ତେକିନ୍ ରାୟକାଅଃଆ ।

୩୭ ମିଆଁଦ୍ ହଡ଼ ହେରେତାନାଏ ଆତଃ ଏଟାଃନିଃ ଇରେତାନାଏ, ନେ କାଜିଦ୍ ସାର୍ତ୍ତିଗିଆଃ ।

୩୮ ଆପେ କାପେ କାମିୟାକାଦ୍ତେୟାଃ ଇରେ ନାଗେନ୍ତେଇଙ୍ଗ୍ କୁଲ୍କେଦ୍ପେୟା । ଏଟାଃକ କାମିୟାକାଦାଃ ଆତଃ ଆପେ ଇନ୍କୁଆଃ କାମିରେ ଆଦାଏପେ ନାମାକାଦା ।”

୩୯ ଆତଃ ଏନ୍ ସାହାରରେନ୍ ଶମିରୋନିକଏତେ ପୁରାଃ ହଡ଼କ ଯୀଶୁରେକ ବିଶ୍ୱାସକେଦାଃ, ଚିୟାଃଚି ଏନ୍ କୁଡ଼ିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍କେ ଉଦୁବାଦିଇୟା” ମେନ୍ତେ ଗାଞ୍ଜା ଏମ୍କେଦାଏ ।

୪୦ ଏନାମେନ୍ତେ ଶମିରୋନିରେନ୍ ଇନିଃତାଃ ହିଜୁଃଲେନ୍ତେ ଆମ୍ ଆଲେଲଃ ତାଇନ୍ମେ ମେନ୍ତେକ ବିକ୍ରିକିୟାଃ ଆତଃ ଇନିଃ ଏନ୍ତାଃରେ ବାର୍ସିଙ୍ଗ୍ ତାଇନ୍ୟାନାଏ ।

୪୧ ଆତଃ ଇନିୟାଃ କାଜି ନାଗେନ୍ତେ ଆଦ୍କା ହଡ଼କ ବିଶ୍ୱାସକେଦାଃ ।

୪୨ ଆତଃ ଇନ୍କୁ ଏନ୍ କୁଡ଼ିକେ କାଜିକିୟାଃକ, “ନାହାଁଃଦ୍ ଆମାଃ କାଜି ନାଗେନ୍ତେ କାଲେ ବିଶ୍ୱାସତାନା, ଚିୟାଃଚି ଆଲେଦ୍ ନାହାଁଃ ଆୟୁମାକାଦାଲେ ଆତଃ ନିଃ ସାର୍ତ୍ତିଗି ଅତେଦିଶୁମ୍ପରାଃ ଜୀଉବାସ୍ତାଅନିଃ ତାନିଃ ନେଆଁଲେ ସାରିତାନା ।”

ୟୀଶୁ ମିଆଁଦ୍ ଗମ୍ବକେୟାଃ କଡ଼ାହନ୍କେ ବୁଗିକିୟାଏ

୪୩ ଆତଃ ବାର୍ସିଙ୍ଗ୍ ତାୟମ୍ତେ ଯୀଶୁ ଏନ୍ତାଃଏତେ ଅତଙ୍ଗ୍ୟାନ୍ତେ ଗାଲିଲ୍ତେ ସେନଃୟାନାଏ ।

୪୪ *ୟୀଶୁ ଆୟାଃତେଗି ଗାଞ୍ଜା ଏମ୍କେଦାଏ, “ନାବୀ ଆୟାଃ ଦିଶୁମ୍ପରେ କାଏ ମାଇନଃଆ ।”

୪୫ *ଇନିଃ ଗାଲିଲ୍ତେ ତେବାଃୟାନ୍ତି, ଗାଲିଲ୍ରେନ୍କ ଇନିଃକେ ଦାରମ୍କିୟାଃ । ଇନ୍କୁଦ୍ ଯୀରୁଶାଲେମ୍ରେଆଃ ପାରାବ୍ ଦିପିଲିରେ ଇନିଃ କାମିକେଦ୍ ସବେନାଃ ନେଲାକାଦ୍କ ତାଇକେନା, ଚିୟାଃଚି ଇନ୍କୁହ୍ ପାରାବ୍ତେକ ସେନ୍କେନା ।

୪୬ *ୟୀଶୁ ଆତଃଗି ଗାଲିଲ୍ରେୟାଃ କାନା ହାତୁରେ ତେବାଃୟାନା, ଏନ୍ତାଃରେଦ୍ ଇନିଃ ଦାଆଃକେ ଦାଖ୍ରାସି ବାଇୟାକାଦ୍ ତାଇକେନାଏ । ଆତଃ ଏନ୍ତାଃରେ ମିଆଁଦ୍ ଗମ୍ବକେ† ତାଇକେନାଏ, ଇନିୟାଃ ହନ୍ କପର୍ନାହୁମ୍ ସାହାରରେ ଦୁକୁତାନ୍ ତାଇକେନାଏ ।

୪୭ ଆତଃ ଯୀଶୁ ଯିହୁଦା ଏତେ ଗାଲିଲ୍ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍କେଦ୍ଚି ଇନିଃତାଃତେ ସେନଃୟାନାଏ, ଆତଃ ଆମ୍ ହିଜୁଃକେଦ୍ତେ ଆଇଁୟାଃ ହନ୍କେ ବୁଗିମେ ମେନ୍ତେ ବିକ୍ରିକିୟାଏ, ଚିୟାଃଚି ଇନିଃଦ୍ ଗଜଃଲେକାନ୍ ତାଇକେନାଏ ।

୪୮ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆତଃ ଆକ୍ଦାନ୍ଦାଅ କାମି କାପେ ନେଲେରେଦ୍ କାପେ ବିଶ୍ୱାସେଆ ।”

୪୯ ଏନ୍ ଗମ୍ବକେ ମେତାଇୟାଏ, “ହେ ଗୁରୁ, ଆଇଁୟାଃ ହନ୍ ଗଜଃ ସିଦାରେ ହିଜୁଃମେ ।”

୫୦ ଯୀଶୁ ଇନିଃକେ ମେନ୍ରୁହାଡ଼ାଇୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ଼ ଯୀଶୁ କାଜିକାଇ କାଜିରେ ବିଶ୍ୱାସକେଦ୍ତେ ସେନଃୟାନାଏ ।

୫୧ ଆତଃ ଇନିଃ ସେନଃତାନ୍ ତାଇକେନ୍ରେ ଇନିୟାଃ ଦାସିକ ଇନିଃକେ ସେନ୍ଦାରମ୍କିୟାଃକ ଆତଃ “ହନ୍ତାମାଃ ଜୀହୁଦ୍ୟାନାଏ” ମେନ୍ତେକ ଉଦ୍ଦ୍ୱକିୟା ।

୫୨ ଏନ୍ତେ ଇନିଃ ଅକ ଦିପିଲିରେ ବୁଗି ଏତେଦ୍ୟାନାଏ ମେନ୍ତେ ଇନ୍କୁକେ କୁଲିକେଦ୍କଆଏ । ଆତଃ ଇନ୍କୁ ହଲ୍ଲା ହୁଡ଼ିଙ୍ଗ୍ ସିଙ୍ଗ୍ ମିଦ୍ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେନ୍ତେ ଇନ୍କୁ କାଜିକିୟାଃକ ।

୫୩ ଆତଃ ହନ୍ତାମାଃ ଜୀହୁଦଃଆଏ ମେନ୍ତେ ଯୀଶୁ କାଜିୟାଇ ଦିପିଲିରେଗି ନେକାୟାନା ଏନା ଆପୁତେ ଆର୍କାରକେଦାଏ, ଏନ୍ତେ ଇନିଃ ଆତଃ ଇନିୟାଃ ଅଡ଼ାଃରେନ୍କ ଯୀଶୁରେକ ବିଶ୍ୱାସକେଦାଃ ।

୫୪ ଯୀଶୁ ଯିହୁଦାଏତେ ଗାଲିଲ୍ରେ ହିଜୁଃୟାନ୍ତେ ନେଆଁ ବାର୍ସାତେ ପେଡ଼େୟାନ୍ କାମି କାମିକେଦାଏ ।

୫

ୟୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍ନିଃକେ ବୁଗିକିୟାଏ

୧ ନେଆଁ ତାୟମ୍ତେ, ଯୀଶୁ ଯୀରୁଶାଲେମ୍ତେ ସେନଃୟାନାଏ, ଚିୟାଃଚି ଯିହୁଦାକଆଃ ପାରାବ୍ ତାଇକେନା ।

୨ ଯୀରୁଶାଲେମ୍ରାଃ ମିଣ୍ଡି ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏବ୍ରୀ କାଜିତେ ଏନାଦ୍ ବେଥେସ୍ଦା ନୁତୁମଃତାନା । ଏନ୍ ବାନ୍ଦାରେ ମଣେୟାଁ ପିଣ୍ଡିଗି ତାଇକେନା ।

୩ ଏନ୍ତାଃରେ ପୁରାଃ ଦୁକୁତାନ୍କ, କାଣାଁକ, ଛୁଟାକ ଆତଃ ରହଡ଼ାକାନ୍କ ବାଟିଆକାନ୍ କେପା ତାଇକେନାକ । ଇନ୍କୁଦ୍ ଦାଆଃ ହେଲ୍ତେଆଃ ନେଲ୍ହରାତାଇକେନାକ ।

* ୪:୪୪ ମାଥୁର ୧୩:୫୭; ମାର୍କ ୭:୪; ଲୁକ ୪:୨୪. * ୪:୪୫ ଯୋହାନ୍ ୨:୨୩. * ୪:୪୬ ଯୋହାନ୍ ୨:୧-୧୧. † ୪:୪୭ ଗମ୍ବକେ ମାରାଙ୍ଗ୍ ହଡ଼

୪ ଚିୟାଃତି ମିସା ମିସାଦ ମିଆଁଦ ଦୁଁଡ଼ ବାନ୍ଦାରେ ଆଡ଼ଗୁକେଦ୍‌ତେ ଦାଆଃ ହେଲତାଇକେନାଏ ଆଡଃ ଦାଆଃ ହେଲୟାନ୍ ତାୟମ୍‌ତେ, ଅକଏ ସିଦାତେ ଏନାରେ ଆଡ଼ଗୁୟାନ୍‌ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ ।

୫ ଏନ୍ତାଃରେ ମିଆଁଦ ହଡ଼ ତାଇକେନାଏ, ଇନିଃ ହିସିଗେଲ୍* ଇରାଲିୟା† ବାରାଷ୍‌ଏତେ ହାସୁତାନାଏ ତାଇକେନା ।

୬ ଯୀଶୁ ଇନିଃକେ ବାଟିଆକାନ୍ ନେଲ୍‌କିୟାଏ ଆଡଃ ଏନ୍‌ଲେକା ପୁରାଃ ମାହାଁ ହେତେ ମେନାଇୟା ଏନା ଆଡ଼କାର୍‌କେଦ୍‌ତେ, “ଚିୟାଃ ଆମ୍ ବୁଗିଅଃ ସାନାଙ୍ଗ୍‌ତାନାମ୍” ମେନ୍ତେ କୁଲିକିୟାଏ ।

୭ ଏନ୍ ହାସୁତାନ୍‌ନିଃ କାଜିରୁହାଡ଼କିୟାଏ, “ଗମ୍‌କେ, ଦାଆଃ ହେଲତାନ୍ ଇମ୍‌ତା ବାନ୍ଦାରେ ଆଡ଼ଗୁଇଙ୍ଗ୍‌ନିଃ ଜେତାଏ ବାଙ୍ଗ୍‌କୁଆ ଆଡଃ ଆଇଙ୍ଗ୍ ସେଟେର୍ ସିଦାରେ ଏଟାଃନିଃ ଆଡ଼ଗୁ ଆୟାରେନ୍‌ତାନାଏ ।”

୮ ଯୀଶୁ ଇନିଃକେ ମେତାଇୟାଏ, “ବିରିଦ୍‌ମେ, ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ।”

୯ ଆଡଃ ଇମ୍‌ତାଗି ଏନ୍ ହଡ଼ ବୁଗିୟାନାଏ ଆଡଃ ଆୟାଃ ପାର୍‌କମ୍ ଗଅଃକେଦ୍‌ତେ ସେନଃୟାନାଏ । ଏନା ରୁଡ଼ନ୍ ଦୁଲାଇଁ ତାଇକେନା,

୧୦ ଏନାମେନ୍ତେ ଯିହୁଦୀକ ବୁଗିଆକାନ୍ ହଡ଼କେ କାଜିକିୟାଃକ, “ତିସିଙ୍ଗ୍ ରୁଡ଼ନ୍ ଦୁଲାଇଁ ତାନାଃ, ପାର୍‌କମ୍ ଗଅଃ ଆମ୍‌କେ କା ଲାଗାତିଙ୍ଗ୍‌ୟାଃ ।”

୧୧ ମେନ୍‌ଦ ଇନିଃ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌କେ ବୁଗିକେଦ୍‌ନିଃ ପାର୍‌କମ୍ ଗଅଃକେଦ୍‌ତେ ସେନଃମେ ମେତାଦିୟାଏ ।”

୧୨ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ମେତାଦ୍‌ମେ ହଡ଼ ଅକଏ ତାନିଃ ?”

୧୩ ମେନ୍‌ଦ ଏନ୍ ବୁଗିଆକାନ୍ ହଡ଼ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏନ୍ତାଃରେ ଗାଦେଲ୍ ହଡ଼କ ତାଇକେନ୍ ହରାତେ ଯୀଶୁଦ ଦାନାଙ୍ଗ୍‌କେଦ୍‌ତେ ସେନଃୟାନାଏ ।

୧୪ ନେଆଁ ତାୟମ୍‌ତେ ଯୀଶୁ, ବୁଗିଆକାନ୍ ହଡ଼କେ ମାନ୍‌ିର୍ ଅଡ଼ାଃରେ ନାମ୍‌କିୟାଏ ଆଡଃ ମେତାଇୟାଏ, “ନେଲେମେ ଆମ୍ ବୁଗିଆକାନାମ୍, ଆଡଃ ଆଲମ୍ ପାପ୍‌ପେଆ କା'ରେଦ୍ ନେଆଁଏତେ ଆଦ୍‌କା ଏଡ଼କାନ୍ ଦୁକୁରେ ଉୟୁଗଃଆମ୍ ।”

୧୫ ଏନ୍ ହଡ଼ ସେନଃୟାନ୍ତେ, ଆଇଙ୍ଗ୍‌କେ ବୁଗିକେଦ୍ ହଡ଼ ଯୀଶୁ ତାନିଃ ମେନ୍ତେ ଯିହୁଦୀକଆଃ ହାକିମ୍‌କେ ଉଦୁବାଦ୍‌କଆଏ ।

୧୬ ଏନ୍ତେ ଯୀଶୁ ନେ କାମିକେ ରୁଡ଼ନ୍ ଦୁଲାଇଁରେ କାମିକେଦ୍ ମେନ୍ତେ ଯିହୁଦୀକ ଇନିଃକେ ସାସାତିକିୟାଃକ ।

୧୭ ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପୁଇଙ୍ଗ୍ ତାଇୟାଃ ଜାନାଅ କାମିତାନାଏ ଆଡଃ ଏନ୍‌ଲେକା ଆଇଙ୍ଗ୍ ହଗି କାମିତାନାଇଙ୍ଗ୍ ।”

୧୮ ଏନ୍ତେ ଯିହୁଦୀକ ଯୀଶୁକେ ପୁରାଃଗି ଗଗଏଃ ସାନାଙ୍ଗ୍‌କେଦାକ, ଚିୟାଃତି ଯୀଶୁ ରୁଡ଼ନ୍ ଦୁଲାଇଁକେ କାଏ ମାନାତିଙ୍ଗ୍‌କେଦାଃ, ଆଡଃ ନେଆଁ ନାଗେନ୍ତେ ଏସକାର୍ କାହା, ମେନ୍‌ଦ ପାର୍‌ମେଶ୍‌ୱାର୍‌କେ ଇନିଃ ଆୟାଃ ଆପୁ ମେନ୍‌କେଦାଏ ଆଡଃ ଆପାନ୍‌କେ ପାର୍‌ମେଶ୍‌ୱାର୍‌ଲଃ ଜକା କେଦାଏ ।

ୟୀଶୁ ଯୀହୁଦିକତାଃରେ ପାର୍‌ମେଶ୍‌ୱାର୍‌ଆଃ ହନ୍ ମେନ୍ତେ ଉଦୁବଃତାନା

୧୯ ଏନ୍ତେ ଯୀଶୁ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ହନ୍ ଆୟାଃତେ ଜେଡ଼ନାଃ କାଏ କାମିଦାଡ଼ିୟାଃ, ଆପୁକେ କାମିକେଦ୍‌ତେୟାଃ ନେଲ୍‌କିଃତେ ଏନା ଏସକାର୍ ଇନିଃ କାମିୟାଏ, ଆପୁ କାମିକାଦ୍ ସବେନ୍ କାମିକ ହନ୍‌ହ ଏନାଲେକାଗି କାମିକାଦାଃଏ ।

୨୦ ଚିୟାଃତି ଆପୁଦ ହନ୍‌କେ ଦୁଲାଇଁତାନାଏ ଆଡଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆଡଃ ଆପେ ଚିଲ୍‌କା ହାଏକାଟ୍‌ଆଃ ଏନାମେନ୍ତେ ନେଆଁଏତେ ଆଡଃ ମାରାଙ୍ଗ୍ କାମି ଉଦୁବାଇୟା ।

୨୧ ଆପୁ ଜେ'ଲେକା ଗଜାକାନ୍‌କକେ ଜୀଉବିରିଦ୍‌କେଦ୍‌ତେ ଜୀଦାନ୍ ଏମାଃଏ ଏନ୍‌ଲେକା ହନ୍‌ହଗି ଆୟାଃ ସାନାଙ୍ଗ୍‌ତାନ୍‌କକେ ଜୀଦାନ୍ ଏମାଃଏ ।

୨୨ ଆଡଃ ଆପୁଦ ଆଇଃକ୍‌ଗି ଜେତାଏକେ କାଏ ବିଚାର୍‌କଆ ମେନ୍‌ଦ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍‌କେ ଏମ୍‌କିୟାଏ ।

୨୩ ନେଆଁମେନ୍ତେ ସବେନ୍‌କ ଆପୁକେ ମାଇନିତାନ୍‌ଲେକା ହନ୍‌କେହ ମାଇନିଆକ । ହନ୍‌କେ କାଏ ମାଇନିନିଃ କୁଲାଇକା ଆପୁକେ ହଗି କାଏ ମାଇନିଆଃ ।

୨୪ “ସାର୍‌ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଆୟୁମ୍‌ତାନ୍ ଆଡଃ ଆଇଁୟାଃ କୁଲ୍‌ନିଃରେ ବିଶ୍ୱାସ୍‌ତାନ୍ ହଡ଼ ଜାନାଅ ଜୀଦାନ୍ ନାମାକାଦାଃଏ ଆଡଃ ଇନିଃ କାଏ ବିଚାର୍‌ଆଃ; ମେନ୍‌ଦ ଇନିଃ ଗନଏଃ ଏତେ ଜୀଦାନ୍‌ରେ ପାରମ୍ ସେଟେର୍‌କାନାଏ ।

୨୫ ସାର୍‌ତିଗି କାଜିୟାପେ ତାନାଇଙ୍ଗ୍ ଏନ୍ ଦିପିଲି ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍‌କ ପାର୍‌ମେଶ୍‌ୱାର୍‌ଆଃ ହନ୍‌ଆଃ ସାଡ଼ିକ ଆୟୁମେୟା ଆଡଃ ଆୟୁମେକ ଜୀହିଦଃଆ ।

୨୬ ଆପୁଦ ଆୟାଃତେଗି ଜୀହିଦଃତାନ୍ ଲେକା, ହନ୍‌କେ ହଗି ଆୟାଃତେଗି ଜୀହିଦଃରେୟାଃ ପେଡ଼େଃ ଏମ୍‌କିୟାଏ ।

* ୫:୫ ଚିରିଗ୍ † ୫:୫ ଆଠ୍

୨୭ ଆତ୍ମା ଇନିଃ ମାନୁଆହନ୍ ତାନିଃ ମେନ୍ତେ ଇନିଃକେ ବିଚାରରେୟା ପେଡେଃ ଏମାକାଇୟାଏ ।

୨୮ ନେଆଁତେ ଆଲ୍‌ଦେ ହାଏକାଟଆଃ, ଏନ୍ ଦିପିଲିଦ ହିଜୁଃଆ ଏନାରେ ସବେନ୍ ତପାକାନ୍‌କ ଇନିୟାଃ ସାଡ଼ିକ ଆୟୁମେୟା

୨୯ ଆତ୍ମା ଇନ୍‌କୁ ତପାକାନ୍‌ଏତେ ଅଡ଼ଙ୍ଗ୍‌ଆଁକ, ବୁଗିନ୍‌ଆଃ କାମିକାଦକ ଜୀଦାନ୍ ନାମେ ନାଗେନ୍ତେ ଆତ୍ମା ଏଡ଼କାନାଃ କାମିକାଦକ ବିଚାରରେୟାଃ ସାଜାଇ ନାମେ ନାଗେନ୍ତେ ଇନ୍‌କୁଆଃ ଜୀଉବିନିରିଦ୍ ହବାଅଃଆ ।

ୟାଗୁଆଃ ଗାଞ୍ଜା

୩୦ “ଆଇଙ୍ଗ୍ ଆଇଁୟାଃ ପେଡେଃତେ ଜେଡ଼ନାଃ କାଇଙ୍ଗ୍ କାମିଦାଡ଼ିୟାଃ, ଆଇଙ୍ଗ୍‌କେ ପାର୍‌ମେଶ୍‌ୱାର୍ କାଜିତାନ୍ ଲେକାଗିଇଙ୍ଗ୍ ବିଚାରେତାନା ଆତ୍ମା ଆଇଁୟାଃ ବିଚାର୍ ସାର୍‌ଡ଼ିଗିଆଃ, ଚିୟାଃଚି ଆଇଙ୍ଗ୍‌ଦ ଆଇଁୟାଃ ମନେଲେକା କାହା ମେନ୍‌ଦ କୁଲ୍‌କାନ୍‌ନିୟାଃ ମନେଲେକା ସେସେନ୍ ନାଗେନ୍ତେ ସାନାଙ୍ଗ୍‌ତାନା ।

୩୧ ଆଇଙ୍ଗ୍ ଆଇଁୟାଃ ଗାଞ୍ଜା କାଜିରେଦ ଆଇଁୟାଃ ଗାଞ୍ଜା କା ସାର୍‌ଡ଼ିଞ୍ଜାଃ ।

୩୨ ଆଇଁୟାଃ ଗାଞ୍ଜା ପେରେଃନିଃ ଏଟାଃ ତାନିଃ ଆତ୍ମା ଆଇଁୟାଃ ନାଗେନ୍ତେ ଇନିଃ ଏମେତାନ୍ ଗାଞ୍ଜା ସାର୍‌ଡ଼ିଗିଆଃ ନେଆଁଇଙ୍ଗ୍ ଇଡୁଆନ୍‌ତାନା ।

୩୩ ☆ଆପେ ଯୋହାନ୍‌ତାଃତେ ହଡ଼କକେ କୁଲ୍‌କେଦକଆ ଆତ୍ମା ଇନିଃ ସାନାର୍‌ଡ଼ିରେଆ ଗାଞ୍ଜା ଏମ୍‌କେଦାଃଏ ।

୩୪ ଆଇଙ୍ଗ୍‌କେ ହଡ଼ସାଃଏତେ ଗାଞ୍ଜା କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ ଆପେୟାଃ ବାଞ୍ଜାଅଃ ନାଗେନ୍ତେଦ ନେ ସବେନାଃ କାଜିତାନାଇଙ୍ଗ୍ ।

୩୫ ଯୋହାନ୍ ଜୁଲ୍‌ତାନ୍ ଆତ୍ମା ମାୟାଲେତାନ୍ ଦିମି ତାଇକେନାଏ, ଆତ୍ମା ଆପେକେ ଇନିୟାଃ ମାର୍‌ସାଲ୍‌ରେ ଘାଡ଼ିକାଦ ରାସକା ସାନାଙ୍ଗ୍ ଲେଦ୍‌ପେୟା ।

୩୬ ମେନ୍‌ଦ ଯୋହାନ୍‌ଆଃ ଗାଞ୍ଜାଏତେ ମାରାଙ୍ଗ୍ ଗାଞ୍ଜା ଆଇଁୟାଃତାଃରେୟା, ଚିଆଃଚି ଆପୁଇଙ୍ଗ୍ ଏମାକାଦ୍ କାମିକକେ ଚାବାଏ ନାଗେନ୍ତେ ଏମାକାଦିୟାଏ, ଆଇଙ୍ଗ୍ ଅକନ୍ କାମିକ ରିକାତାନାଇଙ୍ଗ୍ ଏନ୍‌ସବେନାଃ ଆପୁଇଙ୍ଗ୍ ଆଇଙ୍ଗ୍‌କେ କୁଲ୍‌କାଦିୟାଏ ଏନାରେୟାଃ ଗାଞ୍ଜା ଏମେତାନା ।

୩୭ ☆ଆତ୍ମା ଆଇଙ୍ଗ୍‌କେ କୁଲ୍‌କାଦ୍ ଆପୁ ଆଇଁୟାଃ ନାଗେନ୍ତେ ଗାଞ୍ଜା ଏମେତାନାଏ, ଆପେ ଇନିୟାଃ ସାଡ଼ି ଚିଉଲ୍‌ହାଗି କାପେ ଆୟୁମାକାଦାଃ ଆତ୍ମା ଇନିୟାଃ ମେନ୍‌ଦ୍‌ହାଁଡ଼୍ କାପେ ନେଲ୍‌କାଦାଃ ।

୩୮ ଆତ୍ମା ଇନିୟାଃ କାଜି ଆପେରେ କା ତାଇନ୍‌ତାନା, ଚିୟାଃଚି ଆପେଦ ଇନିଃ କୁଲ୍‌କାଇନିଃରେ କାପେ ବିଶ୍ୱାସ୍‌ତାନା ।

୩୯ ଆପେ ଧାରାମ୍‌ପୁଅରେ ଦାଣ୍ଟାଏ ତାନାପେ, ଚିୟାଃଚି ଆପେଦ ଏନାରେ ଜାନାଅ ଜୀଦାନ୍‌ବୁ ନାମେୟା ମେନ୍ତେପେ ଆଡ଼କାରେତାନା । ଆତ୍ମା ଏନାଗି ଆଇଁୟାଃ ଗାଞ୍ଜା ଏମେତାନା ।

୪୦ ମେନ୍‌ଦ ଜୀଦାନ୍ ନାମ୍ ନାଗେନ୍ତେ ଆପେକେ ଆଇଁୟାଃତାଃତେ ହିଜୁଃ କା ସାନାଙ୍ଗ୍‌କେଦ୍‌ପେୟା ।

୪୧ “ଆଇଙ୍ଗ୍ ହଡ଼କତାଃ ଏତେ ମାଇନ୍ କାଇଙ୍ଗ୍ ନାମେତାନା,

୪୨ ମେନ୍‌ଦ ଆପେ ଚିଲ୍‌କାନ୍ ହଡ଼ ତାନ୍‌ପେ ଆଇଙ୍ଗ୍ ଆପେକେ ସାରିତାନାଇଙ୍ଗ୍, ଚିୟାଃଚି ଆପେୟାଃ ମନ୍‌ରେ ପାର୍‌ମେଶ୍‌ୱାର୍‌ଆଃ ଦୁଲ୍‌ଡ଼୍ ବାନଆଃ ।

୪୩ ଆଇଙ୍ଗ୍ ଆପୁଆଃ ନୁଡୁମ୍‌ତେଗି ହିଜୁଆକାନାଇଙ୍ଗ୍ ଆତ୍ମା ଆପେ କାପେ ଦାରମ୍‌ତାନା, ଏଟାଃନିଃ ଆୟାଃ ନୁଡୁମ୍‌ତେଗି ହିଜୁଃରେଦ ଇନିଃକେ ଆପେ ଦାରମିୟା ।

୪୪ ଆପେ ମିଆଁଦ୍‌ନିଃ ଏଟାଃନିଃଏତେ ମାଇନ୍‌ପେ ନାମ୍‌ତାନା ଆତ୍ମା ଏନ୍ ମିଆଁଦ୍‌ଗି ପାର୍‌ମେଶ୍‌ୱାର୍‌ଏତେ ହିଜୁଃତାନ୍ ମାଇନ୍ କାପେ ଦାଣ୍ଟାଏତାନା, ଏନ୍ତେଦ ଚିଲ୍‌କାତେପେ ବିଶ୍ୱାସ୍‌ଦାଡ଼ିୟାଃ ?

୪୫ ଆଇଙ୍ଗ୍ ଆପୁଆଃ ଆୟାର୍‌ରେ ଚିଟାପେୟା ଏନ୍‌ଲେକା ଆଲ୍‌ପେ ଆଡ଼କାରେୟା, ଆପେ ଅକନ୍ ମୁଶାରେ ଆସ୍ରାଏତାନାପେ ଇନିଃଗି ଆପେୟାଃ ଚିଟାନିଃ ତାନିଃ ।

୪୬ ଆପେ ମୁଶାରେପେ ବିଶ୍ୱାସ୍‌ରେଦ ଆଇଙ୍ଗ୍‌ରେ ହଗି ବିଶ୍ୱାସ୍‌ତେଆଃ, ଚିୟାଃଚି ଇନିଃଦ ଆଇଁୟାଃ ବିଷାଏରେ ଅଲ୍‌କେଦାଏ ।

୪୭ ମେନ୍‌ଦ ଆପେ ମୁଶାରାଃ ଅନଲ୍‌ରେ କାପେ ବିଶ୍ୱାସ୍‌ରେଦ, ଚିଲ୍‌କାକେଦ୍‌ତେ ଆଇଁୟାଃ କାଜିରେପେ ବିଶ୍ୱାସ୍‌ଆ ?”



ୟାଗୁ ପାଞ୍ଚ ହାଜାର୍ ହଡ଼କକେ ଜମେୟାଃ ଏମାଦକଆଏ

(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଏନା ତାୟମ୍‌ତେ ଯାଗୁ ଗାଲିଲ୍ ଚାଏ ଡିବିରିୟା ଦରେୟା ହାନ୍ ପାରମ୍‌ତେ ସେନଃୟାନାଏ ।

☆ ୫:୩୩ ଯୋହାନ୍ ୧:୧୯-୨୭; ୩:୨୭-୩୦. ☆ ୫:୩୭ ମାଥୁଉ ୩:୧୭; ମାର୍କ ୧:୧୧; ଲୁକ ୩:୨୨.

୨ ଆତଃ ପୁରାଃ ଗାଦେଲ୍ ହଡ଼କ ଇନିଃକେ ଅତଙ୍ଗକିୟାଃକ, ଚିୟାଃଚି ଇନ୍କୁଦ ହାସୁତାନ୍ କରେ ଇନିଃ କାମିକେଦ୍ ଚିହ୍ନାକ ନେଲ୍କେଦାଃ ।

୩ ଆତଃ ଯୀଶୁ ରୁରୁ ଚେତାନରେ ଦେଏଃୟାନ୍ତେ ଏନ୍ତାଃରେ ଆୟାଃ ଚେଲକଲଃ ଦୁବ୍ଯାନାଏ ।

୪ ଆତଃ ଯିହୁଦୀକଆଃ ପାସ୍କା ପାରାବ୍ ନାଡ଼େଃଜାକାନ୍ ତାଇକେନା ।

୫ ଆତଃ ଯୀଶୁ ଆରିଦ୍କେଦ୍ତେ, ପୁରାଃ ଗାଦେଲ୍ ହଡ଼କ ଆୟାଃତାଃତେ ହିଜୁଃତାନ୍ ନେଲ୍କେଦ୍କଆଏ, ଆତଃ ଇନିଃ ଫିଲିପ୍କେ କାଜିକିୟାଏ, “ନିକୁଆଃ ଜମେ ନାଗେନ୍ତେ ପୁରାଃ ହଲଙ୍ଗ୍ କତାଃଏତେବୁ କିରିଙ୍ଗ୍ୟେଆ ?”

୬ ମେନ୍ଦ୍ ଇନିଃ ଫିଲିପ୍କେ ଆବ୍କାରି ନାଗେନ୍ତେ ନେଆଁ କାଜିକିୟାଏ, ଇନିଃଦ୍ ଚିକ୍ନାଃଈଙ୍ଗ୍ ଚିକାୟା ଏନା ଆଇଃକ୍ଚି ସାରିତାନାଏ ତାଇକେନା ।

୭ ଫିଲିପ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ନିଃ ହୁଡ଼ିଙ୍ଗ୍ଲେକାଏ ଜମେରେୟାଗି, ହଲଙ୍ଗ୍ ପୁରାଆଃନାଙ୍ଗ୍ ୨୦୦ ରୁପାରାଃ ସିକାତେ ହଲଙ୍ଗ୍ କିରିଙ୍ଗ୍ ଲାଗାତିଙ୍ଗ୍ୟାଃ ।”

୮ ଏନ୍ତେ ଚେଲକଏତେ ମିଆଁଦ୍ନିଃ ଶିମୋନ୍ ପାଡ଼ରାସ୍ତରାଃ ହାଗାତେ ଆୟିୟ ଇନିଃକେ ମେନ୍ଦ୍କିୟାଏ,

୯ “ନେତାଃରେ ମିଆଁଦ୍ ସେପେଡ଼େଦ୍ ମେନାଇୟା, ଇନିଃତାଃରେ ମଣେୟାଁ ଗହମ୍ପରାଃ ହଲଙ୍ଗ୍ ଆତଃ ବାରିଆ ହାକୁ ମେନାଃ, ମେନ୍ଦ୍ ନେଆଁ ନିମିନାଙ୍ଗ୍ ହଡ଼କ ନାଗେନ୍ତେ କା ହବାଆଃ ।”

୧୦ ଯୀଶୁ ଚେଲକକେ କାଜିୟାଦ୍କଆଏ, “ହଡ଼କକେ ଦୁବ୍କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହଡ଼କ ଦୁବ୍ଯାନାକ, ଇନ୍କୁଦ ପାଞ୍ଚ ହାଜାର୍ କଡ଼ାକ ତାଇକେନା ।

୧୧ ଯୀଶୁ ହଲଙ୍ଗ୍କେ ସାବ୍କେଦାଏ ଆତଃ ବିକ୍ତିକେଦ୍ତେ ଦୁବାକାନ୍କକେ ହାଟିଙ୍ଗ୍ଆଁଦ୍କଆଏ, ଏନ୍ଲେକାଗି ହାକୁକେହ ଇନ୍କୁକେ ଏମାଦ୍କଆଏ, ଆତଃ ଇନ୍କୁ ଆକଆଃ ସାନାଙ୍ଗ୍ ଲେକା ଜମକେଦାଃକ ।

୧୨ ଆତଃ ଇନ୍କୁ ବିୟାନାକ, ଏନ୍ତେ ଇନିଃ ଆୟାଃ ଚେଲକକେ କାଜିୟାଦ୍କଆଏ, “ସାରେଜାକାନ୍ କେତାଃକ ହୁଣ୍ଡିପେ, ଜେଡ୍ନାଃ ଆଲକା ନକ୍ସାନାଃକା ।”

୧୩ ଏନ୍ତେ ଇନ୍କୁ ଏନ୍ କେତାଃ ହଲଙ୍ଗ୍ ହୁଣ୍ଡିକେଦାଃକ ଆତଃ ହଡ଼କ ଏନ୍ ମଣେୟାଁ ଗହମ୍ ହଲଙ୍ଗ୍ରେୟାଃ କେତାଃଏତେ ବିଇକେଦ୍ତେ, ସାରେଜାକାନ୍ କେତାଃଏତେ ବାରା ଟୁକ୍ତିକ ପେରେଃକେଦାଃ ।

୧୪ ଏନ୍ତାଃରେ ତାଇକେନ୍ ହଡ଼କ ଯୀଶୁ କାମିକେଦ୍ ନେ ଚିହ୍ନାଁ ନେଲ୍କେଦ୍ତେ ମେନ୍ଦ୍କେଦାଃ, “ସାର୍ଡ଼ିଗି ଅତେଦିଶୁମ୍ପରେ ହିଜୁଃତାନ୍ ନାବୀ ନିଃ ତାନିଃ ।”

୧୫ ଇନ୍କୁ ହିଜୁଆଃକ ଆତଃ ସାବ୍କେଦ୍ତେ ରାଜାଇୟାଁକ ନେଆଁ ଆବ୍କାର୍କେଦ୍ତେ, ଯୀଶୁ ଆଇଃକ୍ ଏସ୍କାର୍ଚି ରୁରୁତେ ଅଡ଼ଙ୍ଗ୍ୟାନା ।

ୟୀଶୁ ଦାଆଃରେ ସେସେନ୍ତାନାଏ

(ମାଥ୍ ୧୪:୨୨-୩୩; ମାର୍କ ୬:୪୫-୫୨)

୧୬ ଏନ୍ ହୁଲାଙ୍ଗ୍ ଆୟୁବ୍ଯାନଚି ଯୀଶୁଆଃ ଚେଲକ ଦରେୟା ଗେନାତେକ ଆଡ଼ଗୁୟାନା ।

୧୭ ଆତଃ ଇନ୍କୁ ଲାଉକାରେ ଦେଏଃୟାନ୍ତେ ଦରେୟା ହାନ୍ ପାରମ୍ କପର୍ନାହୁମ୍ପାଃତେକ ସେନଃତାନ୍ ତାଇକେନା । ଇମ୍ତାଲଃ ନୁବାଗାକାନ୍ ତାଇକେନା ଆତଃ ଯୀଶୁ ଇନ୍କୁତାଃ କାଏ ହିଜୁଃକାନ୍ ତାଇକେନାଏ ।

୧୮ ଏନ୍ତେ ମାରାଙ୍ଗ୍ ହୟ ହୟକେଦ୍ତେ ଦରେୟା ଆଲ୍ପୁଙ୍ଗ୍ତେ ଏକ୍ଲାଆଃତାଇକେନା ।

୧୯ ଇନ୍କୁ ପାଞ୍ଚ ଚାହେ ଛ କିଲୋମିଟର୍ ଲାଉକା ଇଦିକେଦ୍ଚି, ଯୀଶୁକେ ଦରେୟାରେ ସେସେନ୍ତାନ୍ ଆତଃ ଲାଉକା ନାଡ଼େଃତେ ହିଜୁଃତାନ୍ ନେଲ୍କେଦ୍ତେ ବରକେଦାକ ।

୨୦ ମେନ୍ଦ୍ ଯୀଶୁ ଇନ୍କୁକେ କାଜିୟାଦ୍କଆଏ, “ଆଇଙ୍ଗ୍ ତାନିଙ୍ଗ୍ ଆଲ୍ପେ ବରଏୟା ।”

୨୧ ଏନ୍ତେ ଇନ୍କୁ ଇନିଃକେ ଲାଉକାରେ ରାକାବ୍ନାଙ୍ଗ୍ ସୁକୁୟାନାକ ଆତଃ ଇମ୍ତାଗି ଇନ୍କୁ ସେନଃତାନ୍ ଠାୟାଦ୍ତେ ଲାଉକା ସେଟ୍ଟେୟାନା ।

ୟୀଶୁକେ ହଡ଼କ ଦାଣ୍ଡାଈତାନାକ /

୨୨ ଏଟାଃ ହୁଲାଙ୍ଗ୍ ଦରେୟା ହାନ୍ ପାରମ୍ପରେ ତିଙ୍ଗୁଆକାନ୍ ହଡ଼କ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍ତେ ଆତଃ ଏଟାଃ ଲାଉକା କା ତାଇକେନା ଆତଃ ଯୀଶୁ ଆୟାଃ ଚେଲକଲଃ ଲାଉକାରେ କାଏ ବଲୟାନା ମେନ୍ଦ୍ ଇନିୟାଃ ଚେଲକ ଏସ୍କାର୍ ସେନଃୟାନା ।

୨୩ ମେନ୍ଦ୍ ପ୍ରାଭୁ ଧାନାବାଦ୍ ଏମ୍କେଦ୍ଚି ଇନ୍କୁ ହଲଙ୍ଗ୍ ଜମ୍କେଦ୍ ଠାୟାଦ୍ ନାଡ଼େଃ ତିବିରିୟାଏତେ ଆତଃଚିମିନ୍ ଲାଉକା ହିଜୁଃୟାନା ।

୨୪ ଏନ୍ତେ ଗାଦେଲ୍ ହଡ଼କ ଯୀଶୁ ନେତାଃରେ ବାଙ୍ଗାୟାଃ ଆତଃ ଇନିୟାଃ ଚେଲକହ ବାଙ୍ଗ୍କଆ ନେଆଁ ନେଲ୍କେଦ୍ତେ, ଆକାଗି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଡାଈତାନାଃ କପର୍ନାହୁମ୍ପେକ ସେନଃୟାନା ।

ୟୀଶୁ ଜୀଦାନ୍ ହଲଙ୍ଗ୍ ତାନିଃ

୨୫ ହତକ ଯୀଶୁକେ ଦରେୟା ହାନ୍ ପାରମ୍ପରେ ନାମକିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍ତାମ୍ ହିଜୁଃୟାନା ?”

୨୬ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ଆପେ ଚିହ୍ନାଁ ନେଲକେଦ୍ତେ କା ମେନ୍ଦ୍ ହଲଙ୍ଗ୍ପେ ଜମ୍କେଦାଃ ଆଡଃପେ ବିଇୟାନା ଏନାମେନ୍ତେପେ ଦାଣ୍ଟାଇଙ୍ଗ୍ତାନା ।

୨୭ ଜିୟନଃ ଜମେୟାଃ ନାଗେନ୍ତେ ଆଲ୍ପେ କାମିୟା ମେନ୍ଦ୍ ଜାନାଅ ଜୀଦାନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନଝାହନ୍ ଏମାପେୟାଏ । ଚିୟାଃଚି ପାରମେଶ୍ୱାର୍ ଆପୁଦ୍, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୨୮ ଇନ୍କୁ ମେନ୍ଦ୍ରୁହାଡ଼ାଇୟା, “ପାରମେଶ୍ୱାର୍ ଆଲେତେ ସାନାଙ୍ଗ୍ତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୨୯ ଯୀଶୁ କାଜିରୁହାଡ଼ାଦକଆଏ, “ପାରମେଶ୍ୱାର୍ଆଃ କୁଲ୍ଲକାନ୍ନିଃରେ ବିଶ୍ୱାସେପେ, ନେଆଁ ପାରମେଶ୍ୱାର୍ଆଃ କାମି ତାନାଃ ।”

୩୦ ଏନ୍ତେ ଇନ୍କୁ କୁଲିକିୟାକ, “ଆମାଃତାଃରେ ଆଲେ ବିଶ୍ୱାସେ ନାଗେନ୍ତେ, ଅକ ଚିହ୍ନାଁମ୍ ଉଦୁବେତାନା ? ଆମାଃ ଚିକାନ୍ କାମିତେଲେ ବିଶ୍ୱାସ୍ ଦାଡ଼ିୟାଃ ?

୩୧ ଆଲେୟାଃ ହାଡ଼ାମ୍ ହତକ ବିର୍ରେ ମାନ୍ନାକ ଜମ୍କେଦାଃ, ଧାରାମ୍ପୁଥ୍ରେ ନେଆଁ ଅଲ୍ଲକାନା, ‘ଇନିଃ ଜମ୍ ନାଗେନ୍ତେ ସିର୍ମାଏତେ ହଲଙ୍ଗ୍ ଇନ୍କୁକେ ଏମାଦକଆଏ ।’”

୩୨ ଏନ୍ତେ ଯୀଶୁ ମେତାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ମୁଣା ଆପେକେ ହଲଙ୍ଗ୍ ଏମାଦ୍ପେତେୟାଃ, ସିର୍ମାଏତେ ହିଜୁଆକାନ୍ ହଲଙ୍ଗ୍ କା ତାଇକେନା, ମେନ୍ଦ୍ ଆପୁଇଙ୍ଗ୍ ସିର୍ମାଏତେ ସାର୍ତି ହଲଙ୍ଗ୍ ଏମାପେତାନାଏ ।

୩୩ ସିର୍ମାଏତେ ଆଡ଼ଗୁୟାନ୍ ଆଡଃ ଅତେଦିଶୁମ୍କେ ଜୀଦାନ୍ ଏମେତାନ୍ ହଲଙ୍ଗ୍ ଦ, ପାରମେଶ୍ୱାର୍ଆଃ ହଲଙ୍ଗ୍ ତାନାଃ ।”

୩୪ ଇନ୍କୁ ଯୀଶୁକେକ କାଜିକିୟା, “ହେ ପ୍ରାଭୁ, ଏନ୍ ହଲଙ୍ଗ୍ ଆଲେକେ ସବେନ୍ଇମ୍ତା ଏମାଲେମ୍ ।”

୩୫ ଯୀଶୁ ଇନ୍କୁକେ କାଜିୟାଦକଆଏ, “ଜୀଦାନ୍ ହଲଙ୍ଗ୍ ଆଇଙ୍ଗ୍ଗି ତାନିଙ୍ଗ୍ ଆଇଁୟାଃତାଃ ହିଜୁନିଃ ଚିଉଲ୍ଲାହ୍ କାଏ ରେଙ୍ଗେଜଆଃ ଆଡଃ ଆଇଙ୍ଗ୍ରେ ବିଶ୍ୱାସେନିଃ ଚିଉଲ୍ଲାହ୍ କାଏ ତେତାଙ୍ଗ୍ଆଃ ।

୩୬ ମେନ୍ଦ୍ ଆପେ ଆଇଙ୍ଗ୍କେ ନେଲକେଦିଙ୍ଗ୍ ରେୟ କାପେ ବିଶ୍ୱାସ୍ତାନା ମେନ୍ତେଇଙ୍ଗ୍ କାଜିୟାପେ ତାନା ।

୩୭ ଆପୁ ଏମାକାଇଙ୍ଗ୍ ସବେନ୍କ ଆଇଁୟାଃତାଃତେକ ହିଜୁଆ, ଆଡଃ ଆଇଁୟାଃତାଃ ହିଜୁନିଃକେ ଜେତାଲେକାତେ କାଇଙ୍ଗ୍ ଅତଙ୍ଗ୍ଇୟା ।

୩୮ ଚିୟାଃଚି ଆଇଙ୍ଗ୍ ଦ ଆଇଁୟାଃ ମନେଲେକା କାମି ନାଗେନ୍ତେ କାହା ମେନ୍ଦ୍ କୁଲ୍ନିୟାଃ ସାନାଙ୍ଗ୍କେ ପୁରାଏ ନାଗେନ୍ତେ ସିର୍ମାଏତେ ଆଡ଼ଗୁଆ କାନାଇଙ୍ଗ୍ ।

୩୯ ଆଡଃ ଅକନ୍କକେ ଇନିଃ ଆଇଙ୍ଗ୍କେ ଏମାକାଦିଙ୍ଗ୍ୟାଁ ଇନ୍କୁଏତେ ମିହୁଡକେହ୍ କା ଆଦକେଦ୍ତେ ଚୁଣ୍ଟୁ ହୁଲ୍ଲାଇଁରେ ଏନ୍ ସବେନ୍କକେ ଜୀଉବିରିଦକଆଇଙ୍ଗ୍, ନେଆଁଗି ଇନିୟାଃ ଇଛାସାନାଙ୍ଗ୍ ତାନାଃ ।

୪୦ ଚିଆଃଚି ହତକ ହନ୍କେ ନେଲକେଦ୍ତେ ଇନିଃତାଃରେକ ବିଶ୍ୱାସେଆ, ଆଡଃ ଇନ୍କୁ ଜେ'ଲେକା ଜାନାଅ ଜୀଦାନ୍କ ନାମେଆ, ନେଆଁଗି ଆପୁଇଁୟାଃ ଇଛାସାନାଙ୍ଗ୍ ତାନାଃ । ଆଡଃ ଆଇଙ୍ଗ୍ ଇନ୍କୁକେ ଚୁଣ୍ଟୁ ହୁଲ୍ଲାଇଁରେ ଜୀଉବିରିଦକଆଇଙ୍ଗ୍ ।”

୪୧ ଯିହୁଦୀକ ଯୀଶୁଆଃ ବିଷାଏରେ ନଗମ୍ତଗମ୍ତାନ୍କ ତାଇକେନା, ଚିୟାଃଚି ଇନିଃଦ୍ “ଆଇଙ୍ଗ୍ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ତାନିଙ୍ଗ୍” ମେନ୍କେଦାଏ ।

୪୨ ଏନ୍ତେ ଇନ୍କୁ କାଜିକେଦା, “ଚିୟାଃ ନିଃ ଯୋଷେପ୍ ହନ୍ତେକଡ଼ା ଯୀଶୁ ନାହାଲିଃ ? ଆବୁ ଇନିୟାଃ ଏଙ୍ଗା ଆପୁକିନ୍କେ ସାରିୟାଃବୁ, ଇନିଃ ସିର୍ମାହେତେ ଆଡ଼ଗୁଆକାନାଇଙ୍ଗ୍ ମେନ୍ତେ ନାହାଁଃ ଚିନାଃମେନ୍ତେ କାଜିତାନାଏ ?”

୪୩ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଆପେ ଆପେରେ ଆଲ୍ପେ ନଗମ୍ତଗମ୍ତାଃ ।

୪୪ ଆଇଙ୍ଗ୍କେ କୁଲ୍ଲକାନ୍ ଆପୁ କାଏ ଆଇଙ୍ଗ୍ରେଦ୍ ଜେତାଏ ଆଇଁୟାଃତାଃ କାଏ ହିଜୁସଦାଡ଼ିୟାଃ ଆଡଃ ଆଇଙ୍ଗ୍ ଇନିଃକେ ତାୟମ୍ ହୁଲ୍ଲାଇଁରେ ଜୀଉ ବିରିଦିୟା ।

୪୫ ନାବାକଆଃ ଧାରାମ୍ପୁଥ୍ରେ ଅଲ୍ଲକାନା, ‘ପାରମେଶ୍ୱାର୍ତାଃଏତେ ଏସ୍କାର୍ ସବେନ୍କ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆଡଃ ଇତୁଆକାଦ୍ ସବେନ୍ ହତକ, ଆଇଁୟାଃତାଃତେକ ହିଜୁଆ ।

୪୬ ଜେତାଏ ଆପୁକେ କାଏ ନେଲ୍ଲକାଇୟାଃ, ମେନ୍ଦ୍ ପାରମେଶ୍ୱାର୍ତାଃଏତେ ହିଜୁଆକାନ୍ନିଃ ଏସ୍କାର୍ ଆପୁକେ ନେଲ୍ଲକାଇୟାଏ ।

୪୭ ସାର୍ତିଗି କାଜିୟାପେ ତାନାଇଙ୍ଗ୍, ବିଶ୍ୱାସେନିଃ ଜାନାଅ ଜୀଦାନ୍ ନାମେୟାଏ ।

୪୮ ଜୀଦାନ୍ ହଲଙ୍ଗ୍ ଆଇଙ୍ଗ୍ଗି ତାନିଙ୍ଗ୍ ।

୪୯ ଆପେୟାଃ ହାଡ଼ାମ୍ ହତକ ବିର୍ରେ ଏନ୍ ମାନ୍ନାକ ଜମ୍କେଦା, ଏନ୍ରେହ୍ ଗଏଃୟାନାକ ।

୫୦ ମେନ୍ଦ୍ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ନେଆଁ ତାନାଃ, ଏନା ଜମେନିଃ କାଏ ଗଜଃଆ ।

୫୧ ସିର୍ମାଏତେ ଆଡ଼ଗୁଆକାନ୍ ଜୀଦାନ୍ ହଲଙ୍ଗ ଆଇଙ୍ଗ୍ ତାନିଙ୍ଗ୍, ନେ ହଲଙ୍ଗ୍ ଜେତାଏ ଜମେରେଦ ଜାନାଅ ଜାନାଅ ଜାକେଦ୍ ଜାହିଦଃଆଏ । ହେଗି ଆଇଙ୍ଗ୍ ଏମେ ହଲଙ୍ଗ୍ ଆଇଁୟାଃ ମାସ୍ ତାନାଃ, ଏନା ଅତେଦିଶୁମ୍ବକେ ବାସ୍ତାଅ ନାଗେନ୍ତେ ଏମେୟାଇଙ୍ଗ୍ ।”

୫୨ ଏନା ନାଗେନ୍ତେ ଯିହୁଦୀକ ଆକ ଆକରେକ ଏପେଗେରୁୟାନ୍ତେ ମେନ୍କେଦାଃ, “ଇନିଃ ଚିଲ୍କାତେ ଆୟାଃ ମାସ୍ ଜମେନାଙ୍ଗ୍ ଆବୁକେ ଏମ୍ ଦାଡ଼ିବୁୟାଏ ?”

୫୩ ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆପେ ମାନଝାହନ୍ଆଃ ମାସ୍ କାପେ ଜମେରେଦ ଆତଃ ଇନିୟାଃ ମାୟୋମ୍ କାପେ ନୁଁଏରେଦ ଆପେରେ ଜୀଦାନ୍ ବାନଆଃ ।

୫୪ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଜାନାଅ ଜୀଦାନ୍ ନାମେୟାଏ ଆତଃ ଆଇଙ୍ଗ୍ ତାୟମ୍ ହୁଲାଙ୍ଗ୍ରେ ଇନିଃକେ ଜୀଉ ବିରିଦିୟାଇଙ୍ଗ୍ ।

୫୫ ଆଇଁୟାଃ ମାସ୍ ସାର୍ତି ଜମେୟାଃ ତାନାଃ ଆତଃ ଆଇଁୟାଃ ମାୟୋମ୍ ସାର୍ତି ନୁଁଏୟାଃ ତାନାଃ ।

୫୬ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଆଇଙ୍ଗ୍ରେ ତାଇନ୍ତାନାଏ ଆତଃ ଆଇଙ୍ଗ୍ ଇନିଃରେଇଙ୍ଗ୍ ତାଇନ୍ତାନା ।

୫୭ ଜାନିଦ୍ ଆପୁ ଆଇଙ୍ଗ୍କେ କୁଲ୍କେଦିୟାଏ ଆତଃ ଆଇଙ୍ଗ୍ ଆପୁଆଃ ହରାତେ ଜୀହୁଦଃତାନଲେକା ଆଇଙ୍ଗ୍କେ ଜମ୍ନିଃ ଆଇଁୟାଃ ହରାତେ ଜାହିଦଃଆଏ ।

୫୮ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ନେଆଁ ତାନାଃ, ହାଡ଼ାମ୍ ହଡ଼କ ଜମ୍ବକେଦ୍ ଆତଃକ ଗଏଃୟାନା ଲେକାଦ କାହା, ମେନ୍ଦ ନେ ହଲଙ୍ଗ୍ ଜମେନିଃ ଜାନାଅ ଜାନାଅ ଜାକେଦ୍ ଜାହିଦଃଆଏ ।”

୫୯ କପରନାହୁମ୍ ହାଡୁରେୟାଃ ସାମାଜ୍ ଅଡ଼ାଃରେ ଇଡୁକତାନଲଃ ଇନିଃ ନେ କାଜି କାଜିୟାଦକଆଏ ।

ଜାନାଅ ଜୀଦାନ୍ରାଃ ବାଚାନ୍

୬୦ ଏନ୍ତେ ଯୀଶୁଆଃ ତେଲକଏତେ ପୁରାଃକ ନେଆଁ ଆୟୁମ୍ବକେଦ୍ତେ ମେନ୍କେଦାଃ, “ନେ କାଜି କେଟେଦ୍ରିୟା, ନେଆଁ ଅକଏ ଆୟୁମ୍ଦାଡ଼ିୟାଏ ।”

୬୧ ମେନ୍ଦ ଯୀଶୁକେ ଜେତାଏ କାକ କାଜିରେହ୍, ତେଲା ତାୟାଃକ ନେ କାଜି ନାଗେନ୍ତେ ନଗମ୍ତଗମ୍ଭାୟାନାକ ନେଆଁ ଆୟାଃ ଜାଉରେ ସାରିକେଦ୍ତେ ମେତାଦକଆଏ, “ଚିୟାଃ ଆପେ ନେଆଁ ନାଗେନ୍ତେ ଆଡ଼ାଃଉଡ଼ୁଗଃ ତାନାପେ ?

୬୨ ଏନ୍ତେ ଆପେ ମାନଝାହନ୍କେ ସିଦା ତାଇକେନ୍ ଠାୟାଦ୍ତେ ରାକାବ୍ତାନପେ ନେଲିରେଦ ଚିନାଃ ଚିକାଝାଃ ?

୬୩ ପାର୍ମେଶ୍ଵାରରାଃ ଆମ୍ବା ଜୀଦାନ୍ ଏମଃନିଃ ତାନିଃ, ହଡ଼ରାଃ ପେଡ଼େଃ ଜେଡ଼ନାଃ କାମି କାଏ ଦାଡ଼ିୟା । ପାର୍ମେଶ୍ଵାରଆଃ ଜୀଦାନ୍ ଏମଃ ଆମ୍ବାକେ ଆପେ ଜେଲେକା ଆବ୍କାର୍ଡରୁମ୍ ଦାଡ଼ିୟାପେ ଏନାମେନ୍ତେ ଆଇଙ୍ଗ୍ ନେ ସବେନାଃ କାଜିକେଦାଇଙ୍ଗ୍ ।

୬୪ ଏନ୍ରେୟ ଆପେକଏତେ ଚିମିନ୍କ କାକ ବିଶ୍ଵାସ୍ତାନା,” ଚିୟାଃଚି ଯୀଶୁଦ୍ ଏନ୍ କା ବିଶ୍ଵାସ୍ତାନ୍ ଚିମିନ୍କକେ ଆତଃ ବାଇରିକଆଃ ଡିଃଇରେ ସାବ୍ରିକାଇ ହଡ଼କେୟାଗି ମୁନ୍ତୁଏତେ ସାରିତାନାଏ ତାଇକେନା ।

୬୫ ଇନିଃ ଆତଃଗି ମେତାଦକଆଏ, “ଏନାମେନ୍ତେ ଆପୁଇଁୟାଃ ସାଃଏତେ ଲିବୁଇ କା ହିଜୁଃରେଦ, ଜେତାଏ ଆଇଁୟାଃତାଃ କାକ ହିଜୁଃଦାଡ଼ିୟାଃ ?”

୬୬ ନେଆଁ ନାଗେନ୍ତେ ଇନିୟାଃ ତେଲକଏତେ ପୁରାଃକ ରୁହାଡ଼ୟାନା ଆତଃ ଇନିଃକେ କାକ ଅତଙ୍ଗକିୟା ।

୬୭ ଏନ୍ତେ ଯୀଶୁ ଆୟାଃ ଗେଲ୍ବାର୍ ତେଲକକେ କାଜିୟାଦକଆଏ, ଚିୟାଃ ଆପେକେୟ ଆଇଙ୍ଗ୍କେ ବାଗିକେଦ୍ତେ ସେନଃ ସାନାଙ୍ଗ୍ପେ ତାନା ?

୬୮ ଶିମୋନ୍ ପାଡ଼ରାସ୍ ଯୀଶୁକେ ମେନ୍ରୁହାଡ଼ାଇୟାଏ, “ହେ ଗମ୍ବକେ, ଆଲେ ଅକଏତାଃତେଲେ ସେନାଃ ? ଜାନାଅ ଜୀଦାନ୍ରେୟାଃ କାଜିଦ୍ ଆମାଃତାଃରେୟା,

୬୯ ଆମ୍ ଜାନିଦ୍ ପାର୍ମେଶ୍ଵାରଆଃ ପାବିତାର୍ ହନ୍ ଯୀଶୁ ତାନ୍ମେ ମେନ୍ତେଲେ ବିଶ୍ଵାସ୍କାଦାଃ ଆତଃ ସାରିକାଦାଲେ ।”

୭୦ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଚିୟାଃ ଆଇଙ୍ଗ୍ ଆପେ ଗେଲ୍ବାର୍ ତେଲକକେ କାଇଙ୍ଗ୍ ସାଲାକାଦ୍ପେଆତି ? ଆତଃ ଆପେକଏତେ ମିଆଁଦ୍ନିଃ ସାଏତାନ୍ ତାନିଃ ।”

୭୧ ଇନିଃ ଶିମୋନ୍ ହନ୍ତେକଡ଼ା ଇଷ୍ଟାରିୟଡ଼୍ ଯିହୁଦାରାଃ କାଜି କାଜିକେଦାଏ, ନିଃଦ ଗେଲ୍ବାର୍ ତେଲକଏତେ ମିଆଁଦ୍ନିଃ ଆତଃ ଇନିୟାଃ ସାବ୍ରିକିନିଃ ତାଇକେନାଏ ।



ୟୀଶୁ ଆତଃ ଆୟାଃ ହାଗାକ

୧ ଏନ୍ ତାୟମ୍ତେ ଯୀଶୁ ଗାଲିଲ୍ରେ ହନ୍ର ବାଡ଼ାକେଦାଏ; ଚିୟାଃଚି ଯିହୁଦୀକଆଃ ହାକିମ୍ ଇନିଃକେ ଗଗଏଃ ସାନାଙ୍ଗ୍ ତାଇକେନାକ ଏନାମେନ୍ତେ ଇନିଃକେ ଯିହୁଦାତେ କା ସେନ୍ ସାନାଙ୍ଗ୍କିୟାଃ ।

☆ ୨:୨୮ ମାଥୁଇ ୧୭:୧୭; ମାର୍କ ୮:୨୯; ଲୁକ ୯:୨୦.

୨ ଯିହୁଦୀକଥାଃ ଜାମ୍ବୁଜା *ପାରାବ୍ରେୟାଃ ନେତା ନାଡ଼େୟାନ୍ତି,

୩ ଯୀଶୁଆଃ ହାଗାକ ଇନିଃକେ କାଜିକିୟାଃକ, “ଆମ୍ ନେତାଃଏତେ ଅଡ଼କ୍କେଦ୍ତେ ଯିହୁଦାତେ ସେନଃମେ, ଏନ୍ତାଃରେ ଆମାଃ ଚେଲ୍ଲାକ ଆମ୍ କାମିତାନ୍ ପେଡ଼େୟାନ୍ କାମିକ ନେଲେକା ।

୪ ଚିୟାଃଚି ଜେତାଏ ଆଇଃକ୍ଚି ଉଦୁବେନ୍ ସାନାଙ୍ଗ୍ରେଦ ଦାନାଙ୍ଗ୍ରେ ଜେଡ଼ନାଃ କାଏ କାମିୟା, ନେୟାମ୍ କାମିତାନ୍ରେଦ ଅଡ଼େଦିଶ୍ଚୁମ୍ରେନକତାଃରେ ଉଦୁବେନ୍ମେ ।”

୫ ଚିୟାଃଚି ଇନିୟାଃ ହାଗାକହ୍ ଇନିଃତାଃରେ କାକ ବିଶ୍ୱାସ୍ ତାଇକେନା ।

୬ ଏନାମେନ୍ତେ ଯୀଶୁ କାଜିକେଦ୍କଥାଏ, “ନାହାଃ ଜାକେଦ୍ ଆଇଁୟାଃ ଠାଉକାନ୍ ନେତା ଆଉରି ସେଟେରାଃ, ମେନ୍ଦ୍ ଆପେୟାଃନାଙ୍ଗ୍ ଠାଉକାନ୍ ନେତା ଜାନାଅଗି ନେତାକାନା ।

୭ ସାଂସାର୍ ଆପେକେ କାଏ ହିଲାଙ୍ଗ୍ପେୟା, ମେନ୍ଦ୍ ଏନା ଆଇଙ୍ଗ୍ କେ ହିଲାଙ୍ଗ୍ଇଙ୍ଗ୍ତାନା, ଚିୟାଃଚି ଆଇଙ୍ଗ୍ଦ୍ ଏନାରେୟାଃ କାମି ଏଡ଼କାନ୍ରିୟାଃ ମେନ୍ତେ ଗାଞ୍ଜାଇଙ୍ଗ୍ ଏମ୍ଆଉତାନା ।

୮ ଆପେ ପାରାବ୍ରେତେ ସେନଃପେ, ଆଇଙ୍ଗ୍ ପାରାବ୍ରେତେ କାଇଙ୍ଗ୍ ସେନ୍ତାନା, ଚିୟାଃଚି ଆଇଁୟାଃ ନେତାଦ୍ ନାହାଃ ଜାକେଦ୍ ଆଉରି ହିଜୁଆ ।”

୯ ଆତଃ ଇନିଃ ନେ ସବେନ୍ କାଜି କାଜିକେଦ୍ଚି ଗାଲିଲ୍ରେ ତାଇନ୍ୟାନାଏ ।

ଜାମ୍ବୁଜା ପାରାବ୍ରେୟାଃ

୧୦ ଯୀଶୁଆଃ ହାଗାକ ପାରାବ୍ରେତେ ସେନଃୟାନ୍ତି, ଯୀଶୁହ୍ ନେପେଲ୍ରେଦ୍ କା ମେନ୍ଦ୍ ଉକ୍ତୁ ଉକ୍ତୁ ଲେକାତେ ସେନଃୟାନାଏ ।

୧୧ ଏନ୍ତେ ଯିହୁଦୀକଥାଃ ହାକିମ୍ କି ଇନିଃକେ ପାରାବ୍ରେତେ ଦାଣ୍ଡାଈତାନ୍କ ତାଇକେନା ଆତଃକ ମେନ୍କେଦାଃ, “ଇନିଃ କତାଃରିୟା ।”

୧୨ ଏନ୍ତେ ଗାଦେଲ୍ ହଡ଼କ ଆକ ଆକରେ ଯୀଶୁଆଃ ବିଷାଏରେ ପୁରାଃ ହାୟମ୍ ହାୟମୋଂତାନ୍କ ତାଇକେନା । ଆତଃ ଚିମିନ୍କ କାଜିକେଦା, “ଇନିଃ ବୁଗିନ୍ ହଡ଼ ତାନିଃ,” ଆତଃ ଚିମିନ୍କ କାଜିକେଦା, “କାହାଗି ଇନିଃ ହଡ଼କକେ ବେଦାକୁତାନାଏ ।”

୧୩ ଏନ୍ରେୟା ଯିହୁଦୀକଥାଃ ହାକିମ୍ କି ଇନିଃକେ ପାରାବ୍ରେତେ ଜେତାଏ ଇନିୟାଃ ବିଷାଏରେ ନେପେଲ୍ରେ କାକ କାଜିକେଦା ।

୧୪ ପାରାବ୍ରେୟାଃ ଆଲାମାଲ୍ ସେନଃୟାନ୍ତି ଯୀଶୁ ମାନ୍ଦିର୍ ଅଡ଼ାଃତେ ସେନ୍କେଦ୍ତେ ଇଡୁଏଟେଦ୍ କେଦ୍କଥାଏ ।

୧୫ ଯିହୁଦୀକଥାଃ ହାକିମ୍ କି ହାୟକାଟ୍ରେୟାନ୍ତେ ମେନ୍କେଦାଃକ, “ନିଃ ବେଗାର୍ ପାଡ଼ାଅକେଦ୍ତେ ଚିଲ୍କା ନେ ଲେକା ଇଡୁକତାନାଏ ?”

୧୬ ଏନାତେ ଯୀଶୁ କାଜିରୁହାଡ଼କେଦ୍କଥାଏ, “ଆଇଁୟାଃ ଇନିଡୁ ଆଇଁୟାଃ ନାହାଁଲାଃ ମେନ୍ଦ୍ ଆଇଙ୍ଗ୍ କୁଲାକାଇଙ୍ଗ୍ ପାର୍ମେଶ୍ୱାର୍ତାଃଏତେ ହିଜୁଆକାନା ।

୧୭ ଜେତାଏ ପାର୍ମେଶ୍ୱାର୍ତାଃ ମନେଲେକା ରିକା ସାନାଙ୍ଗ୍ରେଦ, ଇନିଃ ଆଇଁୟାଃ ଇନିଡୁ ପାର୍ମେଶ୍ୱାର୍ ସାଃଏତେ ଚାଏ ଆଇଁୟାଃ ପେଡ଼େଡ଼ିଙ୍ଗ୍ କାଜିତାନା ଏନା ସାରିୟାଏ ।

୧୮ ଜେତାଏ ଆୟାଃତେ କାଜିନିଃ ଆୟାଃ ମାନାରାଙ୍ଗ୍ ନାମ୍ବାଡ଼ାଏଃ, ମେନ୍ଦ୍ ଜେତାଏ ଆଇଃକ୍ କୁଲ୍ନିୟାଃ ମାନାରାଙ୍ଗ୍ ନାମ୍ବାଡ଼ାଏନିଃ ସାର୍ଡ଼ିଗିୟାଏ; ଆତଃ ଇନିଃତାଃରେ ଏଡ଼କାନ୍ଆଃ ବାନଆଃ ।

୧୯ ଚିୟାଃ ମୁଣା ଆପେକେ ଆନ୍ତୁ କାଏ ଏମାକାଦ୍ପେୟା ? ଏନ୍ରେୟା ଆପେକଏତେ ଜେତାଏୟ ଆନ୍ତୁ କାକ ମାନାଡ଼ିଙ୍ଗ୍ତାନା, ଆପେ ଚିକାନାଙ୍ଗ୍ ଆଇଙ୍ଗ୍ କେ ଗଗଏଃ ସାନାଙ୍ଗ୍ତାନାପେ ?”

୨୦ ଗାଦେଲ୍ ହଡ଼କ କାଜିରୁହାଡ଼କିୟାକ, “ଆମ୍ କେ ବଙ୍ଗା ଏସେରାକାଦ୍ମେୟାଏ, ଅକଏ ଆମ୍ କେ ଗଗଏଃ ସାନାଙ୍ଗ୍ତାନାଏ ?”

୨୧ ଯୀଶୁ ଇନ୍କୁକେ କାଜିରୁହାଡ଼କଥାଏ, “ଆଇଙ୍ଗ୍ ମିଆଁଦ୍ ପେଡ଼େୟାନ୍ କାମିଙ୍ଗ୍ କାମିୟାକାଦ୍ ନାଗେନ୍ତେ ଆପେ ସବେନ୍କ ହାଏକାଟିଃତାନା ।

୨୨ ନେୟାମେନ୍ତେ ମୁଣା ଆପେୟାଃ ହନ୍କକେ ଖାଡ଼ନାଅରେୟାଃ ଆନ୍ତୁ ଏମାକାଦ୍ପେୟାଏ, ଏନାଦ୍ ମୁଣାଏତେ କାହା ମେନ୍ଦ୍ ହାଡ଼ାମ୍ ହଡ଼କଥାଃ ସାଃଏତେଗି, ଆତଃ ଆପେ ରୁଡ଼ନ୍ ହୁଲାଙ୍ଗ୍ରେ କଡ଼ାହନ୍କକେ ଖାଡ଼ନାଅକତାନାପେ ।

୨୩ *ମୁଣା ଅଲ୍ଲାନାନ୍ ଆନ୍ତୁ ଆଲ୍ଲକା ଟଗାଗଃକା ମେନ୍ତେ ରୁଡ଼ନ୍ ହୁଲାଙ୍ଗ୍ରେ ମିଆଁଦ୍ କଡ଼ାହନ୍ରାଃ ଖାଡ଼ନାଅଃରେଦ୍, ଆଇଙ୍ଗ୍ ରୁଡ଼ନ୍ ହୁଲାଙ୍ଗ୍ରେ ମିଆଁଦ୍ ହଡ଼କେ ପୁରାଗି ବୁଗିକାଇ ହରାତେ, ଆପେ ଚିନାଃ ଆଇଙ୍ଗ୍ କେପେ ଏସେଦାଇଙ୍ଗ୍ ତାନା ?

୨୪ ମେଦ୍ମୁହାଁଡ଼୍ ନେଲ୍କେଦ୍ତେ ଆଲ୍ପେ ବିଚାର୍ଆଃ, ମେନ୍ଦ୍ ସାର୍ଡ଼ି ଲେକାତେ ବିଚାର୍ ରିକାଏପେ ।”

ଯୀଶୁ ମାସି ତାନିଃ ଚି ?

୨୫ ଯୀରୁଶାଲେମ୍ରେନ୍ ହଡ଼କଏତେ ଚିମିନ୍କ କାଜିକେଦା, “ଚିୟାଃ ଯିହୁଦୀକଥାଃ ହାକିମ୍ କି ଗଏଃ ନାଙ୍ଗ୍ କ ସାନାଙ୍ଗ୍ତାନ୍ ହଡ଼ ନିଃ ନାହାଲିଃ ଚି ?

* ୨:୨ ଜାମ୍ବୁଜା କୁମ୍ବା † ୨:୧୨ ହାୟମ୍ ହାୟମେ ନଗମ୍ ତଗମ୍ / କୁରୁମ୍ ତୁରୁମ୍ ☆ ୨:୨୩ ଯୋହାନ୍ ୫:୯.

୨୬ ନେଲିପେ, ନିଃ ନେତାଃରିୟା, ନେପେଲ୍ରେ ଜାଗାର୍ତାନାଏ ଆତଃ ଇନ୍କୁ ଜେଡ୍ନାଃ କାକ କାଜିୟାକତାନା, ଚିୟାଃ ଆଗୁଆଇକ ଇନିଃକେ ମାସି ତାନିଃ ମେନ୍ତେ ସାର୍ତ୍ତିଗି ଆଟ୍ କାର୍କେଦାଃ ତି ?

୨୭ ଇନିଃ ଅକ୍ତାଃରେନ୍ ତାନିଃ ନେୟାବୁ ସାରିତାନା, ମେନ୍ଦ୍ ମାସି ହିଜୁଃରେ ଇନିଃ କତାଃରେନ୍ ତାନିଃ ଏନା ଜେତାଏ କାକ ସାରିଆଃ ।”

୨୮ ଏନ୍ତେ ଯୀଶୁ ମାନ୍ଦିର୍ ଅଡ଼ାଃରେ ଇତୁକତାନଲଃ କାଉରିତାନଲଃ କାଜିକେଦାଏ, “ଚିୟାଃ ଆପେ ଆଇଙ୍ଗ୍ କେ ସାରିତାନାପେ ଆତଃ ଆଇଙ୍ଗ୍ ଅକ୍ତାଃରେନ୍ ତାନିଙ୍ଗ୍ ଏନାପେ ସାରିତାନାତି ? ଆଇଙ୍ଗ୍ ଆଇଁୟାଃତେଗି କାଇଙ୍ଗ୍ ହିଜୁଆକାନା ମେନ୍ଦ୍ ଆଇଁୟାଃ କୁଲ୍ନିଃ ସାର୍ତ୍ତିଗିୟାଏ, ଆପେ ଇନିଃକେ କାପେ ସାରିତାନା,

୨୯ ମେନ୍ଦ୍ ଆଇଙ୍ଗ୍ ଇନିଃକେ ସାରିତାନାଇଙ୍ଗ୍ ଚିୟାଃତି ଆଇଙ୍ଗ୍ ଇନିଃତାଃଏତେ ହିଜୁଆକାନାଇଙ୍ଗ୍ ଆତଃ ଇନିଃ ଆଇଙ୍ଗ୍ କେ କୁଲ୍ନାକାଦିୟାଏ ।”

୩୦ ଏନ୍ତେ ଇନ୍କୁ ଇନିଃକେ ସାସାବ୍ ସାନାଙ୍ଗ୍ କିୟାଃକ, ଏନ୍ରେୟ ଜେତାଏ ଇନିଃରେ ତିଃଇ କାକ ଜିଲିଙ୍ଗ୍ କେଦାଃ, ଚିୟାଃତି ଇନିୟାଃ ନେତାଦ୍ ଇମ୍ତାଜାକେଦ୍ କା ସେଟେରାକାନ୍ ତାଇକେନା ।

୩୧ ମେନ୍ଦ୍ ଗାଦେଲ୍ ହଡ୍ କଏତେ ପୁରାଃ ହଡ୍ କ ଇନିଃରେକ ବିଶ୍ୱାସ୍ କେଦାଃ ଆତଃକ କାଜିକେଦା, “ଚିୟାଃ ମାସି ହିଜୁଃରେ ନିଃ କାମିୟାକାଦ୍ ପେଡେଃରାଃ କାମିଏତେ ଆଦ୍ କାମିକତି କାମିୟା ?”

ଫାରୁଶୀକ ଯୀଶୁକେ ସାବିନାଗେନ୍ତେ ଦାର୍ଝାନକକେ କୁଲ୍ନକତାନାକ

୩୨ ଫାରୁଶୀକ ହଡ୍ କକେ ଯୀଶୁଆଃ ବିଷାଏରେ ନେୟା ହାୟମ୍ ହାୟମ୍ତାନକ ଆୟୁମ୍ କେଦ୍ କଥା, ଏନ୍ତେ ଫାରୁଶୀକ ଆତଃ ମୁଲ୍ ଯାଜାକ୍ ଇନିଃକେ ସାସାବ୍ ନାଙ୍ଗ୍ ଦାର୍ଝାନକକେ କୁଲ୍ କେଦ୍ କଥାକ ।

୩୩ ଯୀଶୁ କାଜିୟାଦ୍ କଥାଏ, “ଆଇଙ୍ଗ୍ ହୁଡିଙ୍ଗ୍ ଦିପିଲି ଜାକେଦ୍ ଆପେଲଃ ତାଇନିଃକ୍, ଏନ୍ତେ ଆଇଙ୍ଗ୍ କେ କୁଲ୍ନାକାଦିନିଃତାଃତେ ସେନଃଆଇଙ୍ଗ୍ ।

୩୪ ଆପେ ଆଇଙ୍ଗ୍ କେ ଦାଣ୍ଡାଙ୍ଗ୍ରେୟ କାପେ ନାମିୟା ଆତଃ ଆଇଙ୍ଗ୍ ତାଇନିଃତାଃ ଆପେ କାପେ ସେନ୍ଦାଡିୟାଃ ।”

୩୫ ଏନ୍ତେ ଯିହୁଦୀକଥାଃ ହାକିମ୍ କ ଆକ ଆକରେକ ଜାଗାର୍ କେଦାଃ, “ନିଃ କତାଃତେ ସେନଃନାଙ୍ଗ୍ ସାନାଙ୍ଗ୍ ତାନାଏ ଯେ ଆବୁ ଇନିଃକେ କାବୁ ନାମିୟା ? ଚିୟାଃ ଇନିଃ ଗ୍ରୀକ୍ ହଡ୍ କଥାଃ ଆଲାରେ ନେତେ ହେନ୍ତେୟାକାନ୍ ଆବୁଆଃ ହଡ୍ କତାଃ ସେନଃଆଏ ଆତଃ ଗ୍ରୀକ୍ ହଡ୍ କକେ ଇତୁକଥାଏ ?

୩୬ ଆପେ ଆଇଙ୍ଗ୍ କେ ଦାଣ୍ଡାଙ୍ଗ୍ରେୟ କାପେ ନାମିୟା ଆତଃ ଆଇଙ୍ଗ୍ ତାଇନିଃତାଃ କାପେ ସେନ୍ଦାଡିୟା ମେନ୍ତେ ଇନିଃ କାଜିକେଦ୍ କାଜି ଚିକ୍ନାଃତାନା ?”

ଲିଙ୍ଗିୟାଃତାନ୍ ଜୀଦାନ୍ ଏମଃ ଦାଆଃ

୩୭ ଟୁଣ୍ଡୁ ହୁଲ୍ଲାଇଙ୍ଗ୍, ତାଏ ପାରାବ୍ରେୟାଃ ମାରାଙ୍ଗ୍ ହୁଲ୍ଲାଇଙ୍ଗ୍ରେ ଯୀଶୁ ତିଙ୍ଗୁୟାନ୍ତେ କାଉରିକେଦ୍ ତେ କାଜିକେଦାଏ, “ଜେତାଏ ତେତାଙ୍ଗ୍ରେଦ୍ ଆଇଁୟାଃତାଃତେ ହିଜୁଃକାଏ, ଆତଃ

୩୮ ଜେତାଏ ଆଇଙ୍ଗ୍ରେ ବିଶ୍ୱାସ୍ତାନିଃ ନୁଁଏକାଏ, ଧାରାମ୍ପୁଥ୍ରେ କାଜିକାନ୍ଲେକା, ‘ବିଶ୍ୱାସ୍ତାନିୟାଃ ଜୀଉଏତେ ଜୀଦାନ୍ ଦାଆଃରେୟାଃ ଗାଡ଼ାକ ଲିଙ୍ଗିକାତେୟାଃ ।”

୩୯ ଇନିଃକେ ବିଶ୍ୱାସୀତାନ୍କ, ତାୟମ୍ତେ ଅକନ୍ ଆମ୍ କେକ ନାମିୟା, ଇନ୍କୁଆଃ ବିଷାଏରେ ଇନିଃ ନେ କାଜି କାଜିକେଦାଏ, ଚିୟାଃତି ଇମ୍ତା ଜାକେଦ୍ ଯୀଶୁଆଃ ମାନାରାଙ୍ଗ୍ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ ଦା କାଏ ଏମାକାନ୍ ତାଇକେନା ।

ହଡ୍ କଥାଃ ଆଲାରେ ବିନ୍ଗାଅଃ

୪୦ ପୁରାଃ ହଡ୍ କଏତେ ଚିମିନ୍କ ନେ କାଜି ଆୟୁମ୍ କେଦ୍ ତେ ମେନ୍ କେଦାଃକ, “ନିଃ ସାର୍ତ୍ତିଗି ନାବୀ ତାନିଃ !”

୪୧ ଏତାଃକ ମେନ୍ କେଦାଃ, “ଇନିଃ ମାସି ତାନିଃ !” ମେନ୍ଦ୍ ଚିମିନ୍କ ମେନ୍ କେଦାଃ, “ମାସି ଗାଲିଲ୍ଏତେ କାଏ ହିଜୁଃଆ ?

୪୨ ମାସି ଦାଉଦ୍ ଆଃ କିଲିଏତେ ଆତଃ ଦାଉଦ୍ ତାଇକେନ୍ ବେଥ୍ଲେହେମ୍ ସାହାର୍ଏତେ ହିଜୁଆଏଃ ମେନ୍ତେ ଧାରାମ୍ପୁଥ୍ରେ କା’ତି କାଜିକାନା ?”

୪୩ ଏନାତେ ଗାଦେଲ୍ ହଡ୍ କ ଇନିୟାଃ ନାଗେନ୍ତେକ ବିପିଙ୍ଗାଅୟାନା ।

୪୪ ଆତଃ ଇନ୍କୁଏତେ ଚିମିନ୍କ ଯୀଶୁ ସାବଃକାଏ ମେନ୍ତେ ସାନାଙ୍ଗ୍ତାନକ ତାଇକେନା ମେନ୍ଦ୍ ଜେତାଏ ଇନିଃରେ ତିଃଇ କାକ ଜିଲିଙ୍ଗ୍ କେଦାଃ ।

କା ବିଶ୍ୱାସ୍ତାନ୍ ଯିହୁଦୀ ହାକିମ୍ କ

୪୫ ଦାର୍ଝାନକ ରୁହାଡ୍ୟାନ୍ତି, ମୁଲ୍ ଯାଜାକ୍ ଆତଃ ଫାରୁଶୀକ ଇନ୍କୁକେ କୁଲିକେଦ୍ କଥାକ, “ଚିନାଃ ମେନ୍ତେ ଇନିଃକେ କାପେ ଆଉକିୟା ?”

୪୬ ଦାର୍ଝାନକ ମେତାଦ୍ କଥାକ, “ନେ ହଡ୍ କାଜିତାନ୍ଲେକା ଜେତାଏ ହଡ୍ ଚିତ୍ତଲାହ୍ କାଏ କାଜିୟାକାଦାଃ ।”

‡ ୭:୩୯ ଆପାନ୍ ଆପାନ୍ନଃ

୪୭ ଏବେ ଫାରୁଶୀକ ଇନ୍ଦ୍ରକୁ କାଜିରୁହାଡ଼ାଦକଆକ, “ଆପେକେୟଗିତି ଇନିଃ ବେଦାକାଦପେୟାଏ ?

୪୮ ହାକିମ୍‌କଏତେ ଚାଏ ଫାରୁଶୀକଏତେ ଚିୟାଃ ଜେତାଏ ଇନିଃରେ ବିଶ୍ୱାସକାଦାକ ? ଏନା ସାରିକାଦାପେତି ?

୪୯ କାହା ! ମେନ୍ଦ ମୁଶାରାଃ ଆନ୍‌ରୁ କାକ ସାରିତାନ୍ ନାଗେନ୍ତେ ନେ ଗାଦେଲ୍ ହଡ଼କ ସାର୍‌ପାଞ୍ଜାକାନାକ ।”

୫୦ ✨ନିକଦମା, ଅକଏତି ସିଦାରେ ଯୀଶୁତାଃତେ ସେନ୍‌କାନ୍ ତାଇକେନାଏ ଆତଃ ଇନିଃ ଇନ୍ଦ୍ରଏତେ ମିହୁଡ଼, ତାଇକେନାଏ, ଇନିଃ କୁଲିକେଦକଆଏ,

୫୧ “ମିଆଁଦ୍ ହଡ଼ତାଃଏତେ ଆଉରି ଆୟୁମ୍ ଜାକେଦ୍ ଆତଃ ଇନିୟାଃ ଚାଇଲ୍ ଚାଲାନ୍ ଆଉରି ସାରି ଜାକେଦ୍ ଆବୁଆଃ ଆନ୍‌ରୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍ଦ୍ର ଇନିଃକେ କାଜିରୁହାଡ଼କିୟାଃକ, “ଆମ୍‌ହଗିତି ଗାଲିଲ୍‌ରେନ୍ ହଡ଼ ତାନ୍‌ମେ ? ନେଲ୍ ନାମେମେ, ଗାଲିଲ୍‌ଏତେ ଜେତାଏ ନାବୀ କାଏ ଅତଙ୍ଗ୍‌ଆଃଆ ?”

୫୩ ଏବେ ସବେନ୍‌କ ଆକଆଃ ଆକଆଃ ଅତାଃତେକ ସେନଃୟାନା ।

୮

ଆପାଙ୍ଗିର୍ କାମିରେ ସାବାକାନ୍ କୁଡ଼ି

୧ ମେନ୍ଦ ଯୀଶୁ ଜାଇତୁନ୍ ବୁରୁତେ ସେନଃୟାନାଏ ।

୨ ଏଗାଃ ହୁଲାଇ ଆଙ୍ଗ୍‌ୟାନତି ଯୀଶୁ ମାନ୍‌ିରତେ ରୁହାଡ଼ୟାନାଏ ଆତଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆତଃ ଇନିଃ ଦୁବକେଦ୍‌ତେ ଇନ୍ଦ୍ରକୁ ଇତୁକେଦକଆଏ ।

୩ ଆଇନ୍ ଇତୁକ ଆତଃ ଫାରୁଶୀକ ଆପାଙ୍ଗିର୍ କାମିରେ ସାବକାନ୍ କୁଡ଼ିକେ ଆତକେଦ୍‌ତେ ସବେନ୍‌କଆଃ ଆଲାରକ ଡିଙ୍ଗୁକିୟା ଆତଃ ଯୀଶୁକେ କାଜିକିୟାଃକ,

୪ “ହେ ଗୁରୁ, ନେ କୁଡ଼ି ଆପାଙ୍ଗିର୍ କାମି କାମିତାନ୍ ଇମ୍‌ତାଗି ସାବୟାନାଏ ।

୫ ଆଲେୟାଃ ଆନ୍‌ରୁରେ ମୁଶା ନେ ଲେକାନ୍ କୁଡ଼ିକକେ ଦିରି ଚିଦ୍‌ଗି ଗଏଃକପେ ମେନ୍ତେ ଆଲେକେ ଆବୁଆକାଦଲେୟାଏ, ନାହାଁଃ ଆମ୍ ତିନାଃ ମେନେତାନାମ୍ ?”

୬ ଯୀଶୁକେ ଚିଟାଋଃ ହରାନାମ୍ ନାଗେନ୍ତେ ବିଡ଼ାଅ ତାନ୍‌ଲଃ ଇନ୍ଦ୍ର ନେୟାଁ କୁଲିକିୟାଃକ । ମେନ୍ଦ ଯୀଶୁ ତିରୁବ୍‌ୟାନଲଃ ସାର୍‌ସାର୍‌ତେ ଅତେରେ ଅଲ୍‌କେଦା ।

୭ ଏବେ ଇନ୍ଦ୍ର କୁଲିତାନ୍ ଇମ୍‌ତାଗି ଇନିଃ ବିରିଦ୍‌କେଦ୍‌ତେ ମେତାଦକଆଏ, “ଆପେୟାଃ ଆଲାରେ କା ପାପକାଦ୍‌ନିଃ ସିଦାତେ ଇନିଃକେ ଦିରି ଚିଦ୍‌ଗିକାଏ ।”

୮ ଏବେ ଆତଃଗି ଇନିଃ ତିରୁବ୍ ରୁହାଡ଼କେଦ୍‌ତେ ଅତେରେ ସାର୍‌ସାର୍‌ତେ ଅଲ୍‌କେଦାଏ ।

୯ ଇନ୍ଦ୍ର ନେୟାଁ ଆୟୁମ୍‌କେଦ୍‌ତେ ସବେନ୍‌କ ମାପ୍‌ରାଙ୍ଗ୍‌ଏତେ ହୁପ୍‌ଡ଼ିଙ୍ଗ୍ ଜାକେଦ୍ ମିମିଆଦ୍‌ତେକ ଅତଙ୍ଗ୍‌ୟାନା, ଯୀଶୁ ଏସ୍‌କାର୍‌ଗି ତାଇନ୍‌ୟାନାଏ ଆତଃ ଏନ୍ କୁଡ଼ି ଆଲାରେ ଡିଙ୍ଗୁଆକାନାଏ ତାଇକେନା ।

୧୦ ଏବେ ଯୀଶୁ ଡିଙ୍ଗୁୟାନ୍‌ତେ ଇନିଃକେ କାଜିକିୟାଏ, “ଏ କୁଡ଼ି ଆମ୍‌କେ ଚିଟାତାନ୍‌କ କତାଃରେକଆଃ ? ଚିୟାଃ ଜେତାଏ ଆମ୍‌କେ କାକ ସାଜାଇକେଦ୍‌ମେଆତି ?”

୧୧ ଇନିଃ କାଜିକିୟାଏ, “ହେ ଗମ୍‌କେ, ଜେତାଏ ଦ କାହା,” ଏବେ ଯୀଶୁ ମେତାଇୟାଏ, “ଆଇଙ୍ଗ୍ ହୁଁ ଆମ୍‌କେ କାଇଙ୍ଗ୍ ସାଜାଇମେତାନା, ଜୁ ସେନଃମେ ଆତଃ ଆୟାର୍‌ତେ ଆଲମ୍ ପାପ କାମିୟା ।”*

ୟୀଶୁ ଅତେଦିଶୁମ୍‌ରେନ୍ ମାସ୍‌ଲ୍‌ ତାନିଃ

୧୨ ✨ୟୀଶୁ ଆତଃମିସା ଫାରୁଶୀକକେ ଇତୁତାନ୍‌ଲଃ କାଜିକେଦକଆଏ, “ଆଇଙ୍ଗ୍ ଅତେଦିଶୁମ୍‌ରେନ୍ ମାସ୍‌ଲ୍‌ ତାନିଙ୍ଗ୍, ଆଇଙ୍ଗ୍‌କେ ଅତଙ୍ଗ୍‌ନିଃ ଜୀଦାନ୍‌ରେୟାଃ ମାସ୍‌ଲ୍‌ ନାମେୟାଏ । ଆତଃ ନୁବାଃରେ କାଏ ସେନେୟା ।”

୧୩ ✨ଏବେ ଫାରୁଶୀକ ଇନିଃକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାର୍‌ତି ନାହାଁଲାଃ ।”

୧୪ ଯୀଶୁ କାଜିରୁହାଡ଼ାଦକଆଏ, “କାହାଗି, ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନ୍‌ରେଅ ଆଇଁୟାଃ ଗାଞ୍ଜା ସାର୍‌ତିଗିୟା । ଆଇଙ୍ଗ୍‌ଦ କତାଃଏତେଇଙ୍ଗ୍ ହିଜୁଆକାନା ଆତଃ କତାଃତେଇଙ୍ଗ୍ ସେନଃତାନା ନେୟାଁଇଙ୍ଗ୍ ସାରିତାନା ମେନ୍ଦ ଆଇଙ୍ଗ୍ କତାଃଏତେଇଙ୍ଗ୍ ହିଜୁଃକାନା ଆତଃ କତାଃତେଇଙ୍ଗ୍ ସେନାଃ, ଏନା ଆପେ କାପେ ସାରିୟାଃ ।

୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍ଗ୍ ଜେତାଏକେ କାଇଙ୍ଗ୍ ବିଚାର୍‌କତାନା ।

୧୬ ମେନ୍ଦ ଆଇଙ୍ଗ୍ ବିଚାରେରେଦ୍ ଆଇଁୟାଃ ବିଚାର୍ ସାର୍‌ତିଗିୟାଃ, ଚିୟାଃତି ଆଇଙ୍ଗ୍‌ଦ କାଇଙ୍ଗ୍ ଏସ୍‌କାରାଃ, ମେନ୍ଦ ଆଇଙ୍ଗ୍‌କେ କୁଲାଇକାଙ୍ଗ୍ ଆପୁଲଃ ମେନାଇୟାଁ ।

୧୭ ଆତଃ ବାହଡ଼କିନାଃ ଗାଞ୍ଜା ମିଦଃରେ, ଇନ୍‌କିନାଃ କାଜିତେୟାଃ ସାର୍‌ତିଗିୟା ନେୟାଁ ଆପେୟାଃ ଆନ୍‌ରୁ ପୁଥ୍‌ରେ ଅଲ୍‌କାନା ।

✨ ୭:୫୦ ଯୋହାନ୍ ୩:୧,୨. * ୮:୧୧ ୧ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍‌ରେ ବାନଃଆ ✨ ୮:୧୭ ମାଥୁଃ ୫:୧୪; ଯୋହାନ୍ ୯:୫.
✨ ୮:୧୩ ଯୋହାନ୍ ୫:୩୧.

୧୮ ଆଇଙ୍ଗ୍ ଆଇଁୟାଃ ନାଗେନ୍ତେ ଗାଝାଇଙ୍ଗ୍ ଏମେତାନା ଆତଃ ଆଇଙ୍ଗ୍‌କେ କୁଲ୍‌କାନ ଆପୁ ଆଇଁୟାଃନାଙ୍ଗ୍ ଗାଝା ଏମେତାନାଏ ।”

୧୯ ଏନ୍ତେ ଇନ୍‌କୁ କୁଲିକିୟାଃକ, “ଆପୁମ୍‌ତାମାଃ କତାଃରିୟାଃ ?” ଯୀଶୁ କାଜିରୁହାଡ଼ାଦକଆଏ, “ଆପେ ଆଇଙ୍ଗ୍‌କେ ଆତଃ ଆପୁଇଙ୍ଗ୍‌କେ କାପେ ସାରିୟାଃ । ଆଇଙ୍ଗ୍‌କେ ଆପେ ସାରିରେଦ ଆପୁଇଙ୍ଗ୍‌କେହ ସାରିତେୟାଃପେ ।”

୨୦ ନେ କାଜି ଯୀଶୁ ମାନ୍ଦିର୍ ଅଡ଼ାଃରେୟାଃ ଭାଣ୍ଡାର୍ ଅଡ଼ାଃ ଜାପାଃରେ ଇଡୁକତାନ୍ ଇମ୍‌ତା କାଜିକେଦାଏ, ଆତଃ ଜେତାଏ ଇନିଃକେ କାକ ସାବ୍‌କିୟାଃ ଚିୟାଃଚି ଇନିୟାଃ ନେତା ଇମ୍‌ତାଙ୍ଗ୍ ଜାକେଦ୍ କା ତେବାଃକାନ ତାଇକେନା ।

ୟୀଶୁ ଆୟାଃ ସେନଃ ବିଷାଏରେ ଆୟାଃକାଜି କାଜିକେଦା

୨୧ ଆତଃମିସା ଯୀଶୁ ଇନ୍‌କୁକେ କାଜିକେଦକଆଏ, “ଆଇଙ୍ଗ୍ ସେନଃତାନାଇଙ୍ଗ୍ ଆତଃ ଆପେ ଆଇଙ୍ଗ୍‌କେ ଦାଣ୍ଡାଈୟାପେ ମେନ୍‌ଦ ଆପେୟାଃ ପାପ୍‌ରେପେ ଗଜଃଆ । ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ।”

୨୨ ଯିହୁଦୀକଆଃ ହାକିମ୍‌କ ଆକ ଆକରେକ ମେନ୍‌କେଦାଃ, “ଚିୟାଃ ଇନିଃ ଆଇଃକ୍‌ଚି ଗଜଃଇଙ୍ଗ୍ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍ଗ୍ ସେନଃତାଃତେ କାପେ ସେନ୍ ଦାଡ଼ିୟା ମେନ୍ତେ କାଜିତାନାଏ ?”

୨୩ ଏନ୍ତେ ଯୀଶୁ ଇନ୍‌କୁକେ ମେତାଦକଆଏ, “ଆପେ ନେ ଅତେଦିଶୁମ୍‌ରେ ଜାନାମ୍‌କାନାପେ, ମେନ୍‌ଦ ଆଇଙ୍ଗ୍ ସିର୍ମାତେ ହିନ୍ଦୁଆକାନାଇଙ୍ଗ୍ । ଆପେ ନେ ଅତେଦିଶୁମ୍‌ରେନ୍‌କ ତାନ୍‌ପେ, ଆଇଙ୍ଗ୍ ନେ ଅତେଦିଶୁମ୍‌ରେନ୍ ନାହାଁଲାଇଙ୍ଗ୍ ।

୨୪ ଏନାମେନ୍ତେ ଆଇଙ୍ଗ୍ ମେତାପେ ତାନାଇଙ୍ଗ୍, ଆପେ ଆପେୟାଃ ପାପ୍‌ରେ ଗଜଃଆପେ, ଚିୟାଃଚି ଆଇଙ୍ଗ୍, ଆଇଙ୍ଗ୍‌ଚି ଇନିଃ ତାନିଙ୍ଗ୍ ଏନା କାପେ ବିଶ୍ୱାସେରେଦ ଆପେୟାଃ ପାପ୍‌ରେଚି ଗଜଃଆପେ ।”

୨୫ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ଆମ୍ ଅକଏ ତାନ୍‌ମେ ?” ଯୀଶୁ ଇନ୍‌କୁକେ କାଜିୟାଦକଆଏ, “ମୁନ୍‌ଏତେଚି କାଜିୟାକାଦପେୟାଈଙ୍ଗ୍ ଇନିଃ ଆଇଙ୍ଗ୍‌ଚି ତାନିଙ୍ଗ୍ ।

୨୬ ଆପେୟାଃ ବିଷାଏରେ କାଜି ଆତଃ ବିଚାର୍ ନାଗେନ୍ତେ ଆଇଁୟାଃତାଃରେ ପୁରାଃଚି କାଜି ମେନାଃ । ମେନ୍‌ଦ ଆଇଙ୍ଗ୍‌କେ କୁଲିନିଃ ସାର୍‌ଚିଚିୟାଏ, ଆତଃ ଆଇଙ୍ଗ୍ ଇନିଃତାଃଏତେ ଆୟୁମ୍‌କାଦ୍‌ତେୟାଃ ସବେନାଃ ଅତେଦିଶୁମ୍‌ରେ ଉଦୁବେତାନାଇଙ୍ଗ୍ ।”

୨୭ ଯୀଶୁ ଆପୁଆଃ ବିଷାଏରେ ଇନ୍‌କୁକେ କାଜିୟାକତାନ୍ ତାଇକେନାଏ, ଏନା ଇନ୍‌କୁ କାକ ଆଟ୍‌କାର୍‌କେଦାଃ ।

୨୮ ଏନ୍ତେ ଯୀଶୁ କାଜିୟାଦକଆଏ, “ଆପେ ଚିମ୍‌ତା ମାନାହନ୍‌କେ ଚେତାନ୍‌ତେପେ ରାକାବିୟା, ଇମ୍‌ତା ଆଇଙ୍ଗ୍, ଆଇଙ୍ଗ୍‌ଚି ଇନିଃ ତାନିଙ୍ଗ୍ ମେନ୍ତେପେ ସାରିୟାଃ ଆତଃ ଆଇଙ୍ଗ୍‌ଏତେ ଜେଡ୍‌ନାଃ କାଇଙ୍ଗ୍ କାମି, ମେନ୍‌ଦ ଆପୁ ଇଡୁଆକାଈଙ୍ଗ୍‌ଲେକା ନେ କାଜିକଇଙ୍ଗ୍ କାଜିକାଦା ମେନ୍ତେପେ ଆଟ୍‌କାର୍‌ଉରୁମେୟା ।

୨୯ ଆତଃ ଆଇଙ୍ଗ୍‌କେ କୁଲିନିଃ ଆଇଙ୍ଗ୍‌ଲଃରିୟା, ଇନିଃ ଆଇଙ୍ଗ୍‌କେ ଏସ୍‌କାର୍‌ଚି କାଏ ବାରିୟାକାଦିୟା, ଚିୟାଃଚି ଆଇଙ୍ଗ୍ ଜାନାଅଚି ଇନିଃକେ ସୁକୁଆଇଲେକା କାମିରିକାଈଃକ୍ ।”

୩୦ ଯୀଶୁ ନେୟାଁ କାଜିତାନ୍ ତାଇକେନ୍‌ରେ ପୁରାଃ ହଡ଼କ ଇନିଃତାଃରେକ ବିଶ୍ୱାସକେଦା ।

ସାନାର୍‌ଚି ଆପେକେ ଆଡ଼ାଃପେୟାଏ

୩୧ ଏନ୍ତେ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସ୍‌ତାନ୍‌କ ତାଇକେନା, ଇନିଃ ଇନ୍‌କୁକେ କାଜିୟାଦକଆଏ, “ଆପେ ଆଇଁୟାଃ ଇନିତୁ ମାନାଡ଼ିଙ୍ଗ୍‌ରେଦ ସାର୍‌ଚିଚି ଆଇଁୟାଃ ଚେଲାକ ତାନ୍‌ପେ ।

୩୨ ଆତଃ ଆପେ ସାର୍‌ଚିକେ ଆଟ୍‌କାରେୟା, ଆତଃ ଏନ୍ ସାର୍‌ଚିଚି ଆପେକେ ଆଡ଼ାଃପେୟାଏ ।”

୩୩ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଆଲେଦ ଆବ୍ରାହାମ୍‌ଆଃ କିଲିରେନ୍‌କ ତାନ୍‌ଲେ ଆତଃ ଚିତ୍‌ଲାହ୍‌ଚି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଅଆଃପେ ମେନ୍ତେମ୍ କାଜିତାନା ? ନେୟାଁରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦକଆଏ, “ସାର୍‌ଚିଚି କାଜିୟାପେ ତାନାଇଙ୍ଗ୍ ପାପ୍‌କାମିତାନ୍ ସବେନ୍‌କ ପାପ୍‌ରେୟାଃ ଦାସିତାନ୍‌କୁ ।

୩୫ ଦାସି ଜାନାଅ ଜାନାଅ ଅଡ଼ାଃରେ କାଏ ତାଇନାଃ ମେନ୍‌ଦ ହନ୍ ଜାନାଅ ଜାନାଅ ତାଇନାଃଏ ।

୩୬ ଏନାମେନ୍ତେ ହନ୍ ରାଡ଼ାପେରେଦ, ଆପେ ସାର୍‌ଚିଚିପେ ରାଡ଼ାଅଃଆ ।

୩୭ ଆପେ ଆବ୍ରାହାମ୍‌ଆଃ କିଲିରେନ୍‌କ ତାନ୍‌ପେ ନେୟାଁ ଆଇଙ୍ଗ୍ ସାରିତାନାଇଙ୍ଗ୍ ମେନ୍‌ଦ ଆଇଁୟାଃ ଇନିତୁ କାପେ ତେଲ୍‌ଏତାନା ଏନାମେନ୍ତେ ଆପେ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାପେ ।

୩୮ ଆଇଙ୍ଗ୍ ଆପୁଇଙ୍ଗ୍‌ତାଃରେ ନେଲାକାଦ୍‌ତେୟାଃ କାଜିତାନାଇଙ୍ଗ୍ ମେନ୍‌ଦ ଆପେ ଆପେୟାଃ ଆପୁ କାଜିକାଦ୍‌ଲେକା କାମିୟାଃପେ ।”

୩୯ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଇନ୍‌କୁକେ କାଜିୟାଦକଆଏ, “ଆପେ ସାର୍‌ଚିଚି ଆବ୍ରାହାମ୍‌ଆଃ ହନ୍ ତାନ୍‌ପେରେଦ ଆବ୍ରାହାମ୍‌ଆଃ କାମି ଲେକା କାମିତେୟାଃପେ ।

☆ ୮:୩୩ ମାଥୁର ୩:୯; ଲୁକ ୩:୮.

୪୦ ଆଇଙ୍ଗ୍ ପାର୍ମେଶ୍ୱାରତାଏତେ ଆୟୁମ୍‌କେଦ୍ ସାର୍ତିକାଜି ବାଗିକେଦ୍‌ତେ ଏଟାଃତେୟାଃ କାଇଙ୍ଗ୍ ଉଦ୍‌ବାପେତାନା ହଲେହ୍ ଆଇଙ୍ଗ୍‌କେ ନାହାଁଃ ଗଗଏଃ ସାନାଙ୍ଗ୍‌ତାନାପେ, ଆବ୍ରାହାମ୍ ଏନ୍‌ଲେକା କାମି କାଏ କାମିକାଦାଃ ।

୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଇନ୍‌କୁ ଯୀଶୁକେ କାଜିକିୟାଃକ, “ଆଲେ ଆପାଙ୍ଗିର୍ କାମିରେନ୍ ହନ୍‌କ ନାହାଁଲାଇଲେ । ଆଲେୟାଃଦ ମିଆଁଦ୍‌ଗି ଆପୁ ଇନିଃଦ ପାର୍ମେଶ୍ୱାର୍ ତାନିଃ ।”

୪୨ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ପାର୍ମେଶ୍ୱାର୍ ଆପେୟାଃ ଆପୁ ତାନିଃରେଦ ଆପେ ଆଇଙ୍ଗ୍‌କେ ଦୁଲ୍‌ଡ଼ିଙ୍ଗ୍‌ତେୟାଃପେ ଚିୟାଃଚି ଆଇଙ୍ଗ୍ ପାର୍ମେଶ୍ୱାର୍‌ତାଏତେ ହିଜୁଃକାନାଇଙ୍ଗ୍ ଆତଃ ନାହାଁଃ ନେତାଃରିୟାଁ । ଆଇଙ୍ଗ୍‌ଦ ଆଇଁୟାଃ ପେଡ଼େଃତେ କାଇଙ୍ଗ୍ ହିଜୁଆକାନା ମେନ୍‌ଦ ଆପୁ ଆଇଙ୍ଗ୍‌କେ କୁଲ୍‌କାଦିୟାଁଏ ।

୪୩ ଆପେ ଆଇଁୟାଃ କାଜି ଚିନାଃ ମେନ୍ତେ କାପେ ଆବ୍‌କାର୍‌ଉରୁମେତାନା ? ଚିୟାଃଚି ଆପେଦ ଆଇଁୟାଃ ଇନିତୁ ଆୟୁମ୍ ନାଙ୍ଗ୍ କାପେ ସାହାତିଙ୍ଗ୍ ଦାଡ଼ିତାନା ।

୪୪ ଆପେ ଆପେୟାଃ ଆପୁ ସାଏତାନ୍‌ରାଃ ହନ୍‌କ ତାନ୍‌ପେ ଆତଃ ଆପେୟାଃ ଆପୁଆଃ ସାନାଙ୍ଗ୍‌ଲେକା କାମି ସାନାଙ୍ଗ୍‌ତାନାପେ । ଇନିଃ ମୁନ୍‌ଏତେ ହଡ଼ ଗଗଏଃନିଃ ତାଇକେନାଏ ଆତଃ ସାର୍ତିରେ କାଏ ତିଙ୍ଗ୍ କେଟେଦ୍‌ୟାନା, ଚିୟାଃଚି ଇନିଃରେଦ ସାର୍ତି ବାନଆ । ଇନିଃ ହସଡ଼ କାଜି କାଜିତାନ୍ ଇମ୍‌ତା ଆୟାଃତେଗି କାଜିୟାଏ ଚିୟାଃଚି ଇନିଃଦ ହସଡ଼ନିଃ ଆତଃ ହସଡ଼ରେନ୍ ଆପୁ ତାନିଃ ।

୪୫ ମେନ୍‌ଦ ଆଇଙ୍ଗ୍ ସାର୍ତିଗି କାଜିତାନାଇଙ୍ଗ୍ ମେନ୍ତେ ଆଇଁୟାଃ କାଜି କାପେ ପାଡ଼ିୟାରେତାନା ।

୪୬ ଆଇଁୟାଃତାଃରେ ପାପ୍ ମେନାଃ ମେନ୍ତେ ଆପେକଏତେ ଅକଏ ଚିଟାଇଙ୍ଗ୍‌ୟାଁଏ ? ଆଇଙ୍ଗ୍ ସାର୍ତି କାଜି କାଜିରେଦ ଚିନାଃ ମେନ୍ତେ ଆଇଁୟାଃ କାଜିକେ କାପେ ପାଡ଼ିୟାରେତାନା ?

୪୭ ଜେତାଏ ପାର୍ମେଶ୍ୱାର୍‌ତାଏତେ ହିଜୁଃକାନାଏ ଇନିଃ ପାର୍ମେଶ୍ୱାର୍‌ଆଃ କାଜି ଆୟୁମେୟାଏ । ଆପେ ପାର୍ମେଶ୍ୱାର୍‌ତାଏତେ କାପେ ହିଜୁଃକାନା ଏନାମେନ୍ତେ ଇନିୟାଃ କାଜି କାପେ ଆୟୁମେତାନା ।”

ୟୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁକେ କୁଲିକିୟାଃକ, “ଆମ୍ ଶମିରୋନିରେନ୍ ତାନ୍‌ମେ ଆତଃ ଆମ୍‌କେ ବଙ୍ଗା ଏସେରାକାଦ୍‌ମେୟାଁଏ, ନେୟାଁ ଚିନାଃ ଆଲେ ଠାଉକା କାଲେ କାଜିତାନା ?”

୪୯ ଯୀଶୁ କାଜିରୁହାଡ଼ାଦ୍‌କଆଏ, “ବାନଃଚି ଆଇଙ୍ଗ୍‌କେ ବଙ୍ଗା କାଏ ଏସେରାକାଦିୟାଁ ମେନ୍‌ଦ ଆଇଙ୍ଗ୍ ଆପୁଇଙ୍ଗ୍‌କେ ମାଇନିତାନାଇଙ୍ଗ୍ ଆତଃ ଆପେ ଆଇଙ୍ଗ୍‌କେ କାପେ ମାଇନିଙ୍ଗ୍‌ତାନା ।

୫୦ ଆଇଙ୍ଗ୍ ଆଇଙ୍ଗ୍‌ଗି ଆଇଁୟାଃ ମାନାରାଙ୍ଗ୍ କାଇଙ୍ଗ୍ ଦାଶାଁତାନା ମେନ୍‌ଦ ମିଆଁଦ୍‌ନିଃ ମେନାଇୟା ଇନିଃ ଦାଶାଁଏଃ ଆତଃ ବିଚାର୍ ରିକାଏଃ ।

୫୧ ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ମାନାଡ଼ିଙ୍ଗ୍‌ନିଃ ଚିଉଲ୍‌ଆ କାଏ ଗଜଃଆ ।”

୫୨ ଯିହୁଦୀକ ଯୀଶୁକେ କାଜିକିୟାଃକ, “ନାହାଁଃ ଆଲେ ସାରିକେଦାଃଲେ, ଆମ୍‌କେ ବଙ୍ଗା ଏସେରାକାଦ୍‌ମେୟାଏ, ଆବ୍ରାହାମ୍ ଆତଃ ନାବୀକ ଗଏଃୟାନା ଆତଃ ଆଇଁୟାଃ କାଜି ମାନାଡ଼ିଙ୍ଗ୍‌ନିଃ ଗନ୍‌ଏଃ ଚିଉଲ୍‌ଆ କାଏ ନେଲେୟା ମେନ୍ତେ କାଜିତାନାମ୍ ।

୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍‌ଏତେ ମାରାଙ୍ଗ୍‌ଆଁମ୍ ? ନାବୀକହଗି ଗଏଃୟାନାକ, ଆମ୍ ଆମ୍‌ଗି ଅକଏ ମେନ୍ତେମ୍ ଉଡ଼ୁତାନା ?”

୫୪ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆଇଙ୍ଗ୍ ଆଇଁୟାଃଚି ମାନାରାଙ୍ଗ୍‌ଲେରେଦ ଆଇଁୟାଃ ମାନାରାଙ୍ଗ୍ ଜେଡ଼ନାଃ ବାନଆଃ । ଅକନ୍ ଆପୁଇଙ୍ଗ୍‌କେ ଆପେ ଆଲେୟାଃ ପାର୍ମେଶ୍ୱାର୍ ମେତାଇତାନାପେ, ଇନିଃ ଆଇଁୟାଃ ମାନାରାଙ୍ଗ୍ ରିକାଏତାନା ।

୫୫ ଏନ୍‌ରେୟ ଆପେ ଇନିଃକେ କାପେ ସାରିତାନା, ମେନ୍‌ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍, ଆତଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିରେଦ ଆଇଙ୍ଗ୍‌ହଗି ଆପେଲେକାଇଙ୍ଗ୍ ହସଡ଼େୟାଃ, ମେନ୍‌ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍ ଆତଃ ଇନିୟାଃ କାଜି ମାନାଡ଼ିଙ୍ଗ୍ ତାନାଇଙ୍ଗ୍ ।

୫୬ ଆପେୟାଃ ଆପୁ ଆବ୍ରାହାମ୍ ଆଇଁୟାଃ ହିଜୁଃ ହୁଲ୍‌କାଙ୍ଗ୍‌କେ ନେନେଲ୍ ନାଗେନ୍ତେ ରାସ୍‌କାଅଃତାନାଏ ତାଇକେନା ଆତଃ ଏନା ନେଲ୍‌କେଦ୍‌ତେ ରାସ୍‌କାୟାନାଏ ।”

୫୭ ଏନ୍ତେ ଯିହୁଦୀକ ଇନିଃକେ କାଜିକିୟାଃକ, “ଆମ୍‌କେଦ୍ ନାହାଁଃ ଜାକେଦ୍ ପାଟାଗ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍‌କେ ନେଲ୍‌କାଇୟାମ୍ ?”

୫୮ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆବ୍ରାହାମ୍‌ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟାଁ ।”

୫୯ ଏନ୍ତେ ଇନ୍‌କୁ ଇନିଃକେ ଚିଦ୍‌ଗି ନାଗେନ୍ତେ ଦିରିକ ସାବ୍‌କେଦା, ମେନ୍‌ଦ ଯୀଶୁ ଉକ୍ତକେଦ୍‌ତେ ମାନ୍‌ିର୍ ଅଡ଼ାଏତେ ଅଡ଼ଙ୍ଗ୍‌ୟାନା ।



ୟୀଶୁ ମିଆଁଦ୍ ଜାନାମ୍ କାଣ୍ଟାକେ ବୁଗି ତାନାଏ

୧ ୟୀଶୁ ସେନଃତାନ୍ ତାଇକେନ୍ ଇମ୍ତା ଜାନାମ୍‌ଏତେ କାଣ୍ଟାକାନ୍ ମିଆଁଦ୍ ହଡ଼କେ ନେଲ୍‌କିୟାଏ ।

୨ ଆତଃ ଇନିୟାଃ ଚେଲାଇ ଇନିଃକେ କୁଲିକିୟାଃକ, “ହେ ଗୁରୁ, ଅକ୍‌ଏୟାଃ ପାପ୍ ଖାଡ଼ିର୍ ନିଃ କାଣ୍ଟାକେଦ୍‌ତେ ଜାନାମ୍‌ୟାନାଏ ? ଚିୟାଃ ଆୟାଃ ପାପ୍‌ତେଗିଚି ଆୟାଃ ଏଙ୍ଗା ଆପୁକିନାଃ ?”

୩ ୟୀଶୁ କାଜିରୁହାଡ଼ାଦ୍‌କଆଏ, “ଇନିୟାଃ କାଣ୍ଟାକାନ୍‌ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ୍ କାହାଗି ମେନ୍‌ଦ୍ ନିଃତାଃରେ ପାର୍‌ମେଶ୍ୱାର୍‌ଆଃ କାମି ଉଦୁବଃକା ମେନ୍ତେ ଇନିଃ କାଣ୍ଟାକେଦ୍‌ତେ ଜାନାମ୍ କାନାଏ ।

୪ ସିଙ୍ଗି ତାଇନ୍ ତାଇନ୍‌ଗି ଆଇଙ୍ଗ୍‌କେ କୁଲିକିୟାଃ କାମି ଆବୁକେ କାମି ଲାଗାଡ଼ିୟାଃ, ଅକ୍ ପାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍‌ଲେକାନ୍ ନିଦା ହିଜୁଃତାନା ।

୫ *ଆଇଙ୍ଗ୍ ଅତେଦିଶ୍ୱମ୍‌ରେ ତାଇନ୍ ଜାକେଦ୍ ଅତେଦିଶ୍ୱମ୍‌ରେନ୍ ମାର୍‌ୟାଲ୍ ତାନିଙ୍ଗ୍ ।”

୬ ନେୟାଁ କାଜିକେଦ୍‌ତେ ୟୀଶୁ ଅତେରେ ବେଏକ୍‌କେଦାଏ ଆତଃ ଏନ୍ ବେଏକ୍‌ହାସାକେ ଲସ୍‌ଦ୍‌କେଦ୍‌ତେ ଏନ୍ ହଡ଼ରାଃ ମେଦ୍‌ରେ ଗସଃକେଦାଏ, ଆତଃ ଇନିଃକେ ମେତାଇୟାଏ,

୭ “ଜୁ ସେନଃମେ ଆତଃ ‘ଶିଲୋହ’* ନୁଡୁମ୍ ବାନ୍ଦାରେ ଆବୁଙ୍ଗ୍‌ଅଃମେ ।” ଇନିଃ ସେନଃୟାନ୍ତେ ଆବୁଙ୍ଗ୍‌ୟାନାଏ ଆତଃ ନେନେଲ୍‌ତାନ୍‌ଲଃ ଅଡ଼ାଃତେ ହିଜୁଃୟାନାଏ ।

୮ ଏନାତେ ହପ୍‌ରଜାପାଃରେନ୍‌କ ଆତଃ ଅକ୍‌ନକ୍ ଇନିଃକେ ସିଦା କର୍‌ତାନ୍ ନେଲାଇକାକ, କାଜିକେଦାଃକ “ଦୁବ୍‌କେଦ୍‌ତେ କର୍‌ତାନ୍ ତାଇକେନ୍‌ନିଃ ଚିୟାଃ ନିଃଗି ନାହାଲିଃ ?”

୯ ଚିମିନ୍‌କ କାଜିକେଦା, “ନିଃଗି ତାନିଃ” ଆତଃ ଏଟାଃକ କାଜିକେଦା, “ବାନଃ ନିଃ ଇନିଃଲେକାନିଃ ତାନିଃ ।”

ଏନାତେ ଇନିଃ ଆଇଃକଗି କାଜିକେଦାଏ, “ଆଇଙ୍ଗ୍ ଇନିଃଗି ତାନିଙ୍ଗ୍ ।”

୧୦ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ଚିଲ୍‌କାତେ ନାହାଁଃ ଆମ୍ ନେଲ୍‌ଦାଡ଼ିତାନାମ୍ ?”

୧୧ ଇନିଃ କାଜିରୁହାଡ଼ାଦ୍‌କଆଏ, “ଏନ୍ ୟୀଶୁ ନୁଡୁମ୍ ହଡ଼ ବେଏକ୍‌ହାସାକେ ଲସ୍‌ଦ୍‌କେଦ୍‌ତେ ଆଇଁୟାଃ ମେଦ୍‌ରେ ଗସଃକେଦାଏ ଆତଃ ଶିଲୋହରେୟାଃ ବାନ୍ଦାତେ ସେନ୍‌କେଦ୍‌ତେ ଆବୁଙ୍ଗ୍‌ଅଃମେ ମେତାଦିୟାଏ । ଏନ୍ତେ ଆଇଙ୍ଗ୍ ସେନ୍‌କେଦ୍‌ତେ ଆବୁଙ୍ଗ୍‌ୟାନ୍ ତରସା ନେଲ୍ ଦାଡ଼ିକେଦାଇଙ୍ଗ୍ ।”

୧୨ ଇନ୍‌କୁ ଇନିଃକେ କୁଲିକିୟାଃକ, “ଇନିଃ କତାଃରିୟା ?”

ଇନିଃ ମେତାଦ୍‌କଆଏ, “ଆଇଙ୍ଗ୍ କାଇଙ୍ଗ୍ ସାରିୟାଃ ।”

ଫାରୁଶୀକ ବୁଗିୟାଃ ବିଷାଏରେ ଦାଣ୍ଟାବାଡ଼ାକେଦାକ

୧୩ ଏନ୍ତେ ଜାନାମ୍‌ଏତେ କାଣ୍ଟାତାଇକେନ୍ ହଡ଼କେ ଇନ୍‌କୁ ଫାରୁଶୀକତାଃତେ ଇଦିକିୟାଃକ ।

୧୪ ୟୀଶୁ ଅକ୍‌ନ୍ ହୁଲାଙ୍ଗ୍ ହାସା ଲସ୍‌ଦ୍‌କେଦ୍‌ତେ କାଣ୍ଟା ହଡ଼ରାଃ ମେଦ୍ ବୁଗିକାକତାଇକେନାଏ, ଏନା ରୁଡ଼ୁ ହୁଲାଙ୍ଗ୍ ତାଇକେନା ।

୧୫ ଏନାମେନ୍ତେ ଇନିଃ ଚିଲ୍‌କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଇନିଃକେ ଆତଃମିସା କୁଲିକିୟାଃକ । ଏନ୍ତେ ଇନିଃ ଇନ୍‌କୁକେ କାଜିୟାଦ୍‌କଆଏ, “ଇନିଃ ଆଇଁୟାଃ ମେଦ୍‌ରେ ଲସ୍‌ଦ୍ ହାସାକେ ଗସଃକେଦାଏ ଆତଃ ଆଇଙ୍ଗ୍ ଆବୁଙ୍ଗ୍‌ୟାନାଇଙ୍ଗ୍ ଏନ୍ତେ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୧୬ ଏନ୍ତେ ଫାରୁଶୀକଏତେ ଚିମିନ୍‌କ କାଜିକେଦା, “ନେୟାଁ କାମିକାଦ୍ ହଡ଼ ପାର୍‌ମେଶ୍ୱାର୍‌ଆଃଏତେ ନାହାଁଲିଃ, ଚିୟାଃଚି ଇନିଃଦ୍ ରୁଡ଼ୁ ହୁଲାଙ୍ଗ୍‌କେ କାଏ ମାନାଡ଼ିଙ୍ଗ୍‌ତାନା ।”

ଆତଃ ଏଟାଃକ କାଜିକେଦା, “ପାପିହଡ଼ ଚିଲ୍‌କାତେ ନେ ଲେକାନ୍ ପେଡ଼େୟାନ୍ କାମିକ କାମିଦାଡ଼ିୟାଏ ?” ଏନ୍ତେ ଆକଆଃ ଆଲ୍ୟାରେ ବିପିଙ୍ଗାଅୟାନାକ ।

୧୭ ଏନାମେନ୍ତେ ଫାରୁଶୀକ ଏନ୍ ହଡ଼କେ ଆତଃମିସା କୁଲିକିୟାଃକ, “ଆମାଃ ମେଦ୍ ବୁଗିକେଦ୍‌ମେୟାଏ ଇନିୟାଃ ବିଷାଏରେ ଆମ୍ ଚିନାଃମ୍ ମେନେତାନା ?”

ଇନିଃ ମେତାଦ୍‌କଆଏ, “ଇନିଃ ମିଆଁଦ୍ ନାବୀ ତାନିଃ ।”

୧୮ ଇନିଃ କାଣ୍ଟା ତାଇକେନାଏ ଆତଃ ନାହାଁଃ ନେଲ୍ ଦାଡ଼ିକେଦାଏ, ଏନ୍ ମେଦ୍ ବୁଗିୟାକାନ୍ ହଡ଼ଆଃ ଏଙ୍ଗା ଆପୁକିନ୍‌କେ ଆଉରି କୁଲିକିନ୍ ଜାକେଦ୍ ଯିହୁଦୀକଆଃ ହାକିମ୍‌କ କାକ ପାଡ଼ିୟାକ୍‌କେଦାଃ ।

୧୯ ଆତଃ ଇନ୍‌କୁ ଇନ୍‌କିନ୍‌କେ କୁଲିକେଦ୍‌କିନାକ, “ମେଦ୍ କାଣ୍ଟାକେଦ୍‌ତେ ଜାନାମାକାନ୍ ହନ୍ ତାବେନାଃ ନିଃଗି ତାନିଃଚି ? ଚିଲ୍‌କାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୨୦ ଇନିୟାଃ ଏଙ୍ଗାଆପୁକିନ୍ ମେତାଦ୍‌କଆକିନ୍, “ଇନିଃ ଆଲିଙ୍ଗ୍‌ୟାଃ ହନ୍ ତାନିଃ ଆତଃ ମେଦ୍ କାଣ୍ଟାକେଦ୍‌ତେ ଜାନାମ୍‌କାନ୍ ତାଇକେନାଏ ନେୟାଁଲିଙ୍ଗ୍ ସାରିକାଦା,

☆ ୯:୫ ମାଥୁଃ ୫:୧୪; ଯୋହାନ୍ ୮:୧୨. * ୯:୭ ଶିଲୋହକୁଲାଇକାନ୍‌ନିଃ

୨୧ ମେନ୍ଦ ଇନିଃ ଚିଲକାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ୍ ସାରିୟାଃ, ଚାଏ ଅକଏ ଇନିୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ୍ ସାରିୟାଃ । ଇନିଃକେ କୁଲିପେ, ଇନିଃଦ ସେୟାନାନ୍‌ଗିୟାଏ, ଆୟାଃ କାଜି ଆଇଃକ୍ତି କାଜିୟାଏ ।”

୨୨ ଇନିୟାଃ ଏଙ୍ଗାଆପୁକିନ୍ ଯିହୁଦୀକଆଃ ହାକିମ୍‌କଆଃ ବରତେ ନେ ସବେନାଃକିନ୍ କାଜିକେଦା, ଚିୟାଃତି ଜେତାଏ ଯୀଶୁକେ ମାସି ତାନିଃ ମେନ୍ତେ ମାନାତିଙ୍ଗ୍‌ରେଦ ଇନିଃ ସାମାନ୍‌ଅଡ଼ାଃଏତେ ଆତମାଆଏ ମେନ୍ତେ ଯିହୁଦୀକ ଆକ ଆକରେକ ରୋଜୋଟକାଦ୍ ତାଇକେନାକ ।

୨୩ ଏନାମେନ୍ତେ ଇନିୟାଃ ଏଙ୍ଗାଆପୁକିନ୍ କାଜିୟାଦ୍‌କଆକିନ୍, “ଇନିଃ ସେୟାନାନ୍‌ଗିୟାଏ; ଇନିଃକେ କୁଲିପେ ।”

୨୪ ଏନ୍ତେ ଇନ୍କୁ ଏନ୍ ମେଦ୍ କାଣ୍ଟାକାନ୍ ହଡ଼କେ ଆତଃମିସା କେଡାକେଦ୍‌ତେ କାଜିକିୟାଃକ, ପାର୍‌ମେଶ୍‌ବାର୍‌ଆଃ ଆୟାର୍‌ରେ କିରିୟାକେଦ୍‌ତେ ସାର୍‌ତି କାଜିମେ, “ଆଲେ ସାରିତାନାଲେ ଅକ ହଡ଼ ଆମ୍‌କେ ନେନେଲ୍ ନାଙ୍ଗ୍ ପେଡ଼େଃ ଏମାକାଦ୍‌ମେୟାଏ, ଇନିଃ ପାପିତାନିଃ ।”

୨୫ ଏନ୍ତେ ଇନିଃ କାଜିରୁହାଡ଼ାଦ୍‌କଆଏ, “ଇନିଃ ପାପିହଡ଼ ତାନିଃ ଚାଏ ନାହାଁଲିଃ ଏନା କାଲିଙ୍ଗ୍ ସାରିୟାଃ ? ମିଆଁଦ୍ କାଜି ସାରିତାନାଲଙ୍ଗ୍, ଆଇଙ୍ଗ୍ କାଣ୍ଟା ତାଇକେନାଲଙ୍ଗ୍, ଆତଃ ନାହାଁଃ ନେଲ୍ ଦାଡ଼ିତାନାଲଙ୍ଗ୍ ।”

୨୬ ଏନ୍ତେ ଇନ୍କୁ ଇନିଃକେ ଆତଃଗି କୁଲିକିୟାଃକ, “ଇନିଃ ଚିକ୍‌ନାଃ ଚିକାକେଦ୍‌ମେୟାଏ ? ଆତଃ ଚିଲକାତେ କାଣ୍ଟାକାନ୍ ମେଦ୍‌ତାମାଃ ବୁଗିକେଦ୍‌ମେୟାଏ ?”

୨୭ ଇନିଃ ଇନ୍କୁକେ ମେତାଦ୍‌କଆଏ, “ଆଇଙ୍ଗ୍ ସିଦାରେ ଆପେକେ କାଜିୟାଦ୍‌ପେୟାଲଙ୍ଗ୍, ଆତଃ ଆପେ କାପେ ଆୟୁମ୍‌କେଦାଃ, ଚିନାଃ ମେନ୍ତେ ଆତଃଗି ଆୟୁମ୍ ସାନାଙ୍ଗ୍‌ତାନାପେ ? ଚିୟାଃ ଆପେୟତି ଇନିୟାଃ ତେଲା ବାଇୟଃ ସାନାଙ୍ଗ୍‌ତାନାପେ ?”

୨୮ ଏନ୍ତେ ଇନ୍କୁ ଇନିଃକେ ସାର୍‌ପାଅକେଦ୍‌ତେ କାଜିକିୟାଃକ, “ଆମ୍ ଇନିୟାଃ ତେଲା ତାନ୍‌ମେ ମେନ୍ଦ୍ ଆଲେ ମୁଣାଗାଃ ତେଲାକ ତାନ୍‌ଲେ ।

୨୯ ମୁଣାଲଃ ପାର୍‌ମେଶ୍‌ବାର୍ ଜାଗାର୍‌ତାନ୍ ତାଇକେନାଏ ନେୟାଲେ ସାରିତାନା ମେନ୍ଦ୍ ନିଃ କତାଃଏତେ ହିଜୁଃକାନାଏ, ଏନା କାଲେ ସାରିୟାଃ ।”

୩୦ ଏନ୍ ହଡ଼ ଇନ୍କୁକେ କାଜିରୁହାଡ଼ାଦ୍‌କଆଏ, “ଇନିଃ କତାଃଏତେ ହିଜୁଃକାନାଏ ଏନା କାପେ ସାରିୟାଃ ଆତଃ ଇନିଃ ଆଇୟାଃ ମେଦ୍ ବୁଗିକେଦିୟାଏ, ନେୟାଦ୍ ଆକ୍‌ଦାନ୍‌ଆ କାଜିତାନାଃ ।

୩୧ ପାର୍‌ମେଶ୍‌ବାର୍ ପାପିକଆଃ ବିକ୍ତି କାଏ ଆୟୁମାଃ, ନେୟାବୁ ସାରିତାନା, ମେନ୍ଦ୍ ଜେତାଏ ପାର୍‌ମେଶ୍‌ବାର୍‌କେ ସୁସାରିରେଦ୍ ଆତଃ ଆୟାଃ ମନେଲେକାତେ ସେସେନ୍‌ରେଦ୍ ଇନିୟାଃ ବିକ୍ତି ଆୟୁମେୟାଏ ।

୩୨ ଅତେଦିଶୁମ୍‌ରେୟାଃ ମୁନ୍‌ଏତେ ଜେତାଏ ହଡ଼ ଜାନାମ୍‌କାଣ୍ଟାକେ ବୁଗିତେୟାଃ, ଚିତ୍‌ଲାହ କା ଆୟୁମ୍‌କାନା ।

୩୩ ନେ ହଡ଼ ପାର୍‌ମେଶ୍‌ବାର୍‌ତାଃଏତେ କାଏ ହିଜୁଃକାନ୍‌ରେଦ୍ ଚିତ୍‌ଲାହ ଜେଡ଼ନାଃ କାଏ କାମି ଚିକାଦାଡ଼ିତେୟାଃ ।”

୩୪ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍‌ଦ ପାପ୍‌ରେ ଜାନାମ୍‌କେଦ୍‌ତେ ପାପ୍‌ରେ ମେନାମେଆ ଆତଃ ଆମ୍‌ଚି ଆଲେକେ ଇତୁ ସାନାଙ୍ଗ୍‌ତାନାମ୍ ?” ଏନ୍ତେ ଇନ୍କୁ ଇନିଃକେ ସାମାନ୍‌ଅଡ଼ାଃଏତେ ବାହାରି ଅଡ଼ଙ୍ଗ୍‌କିୟାଃକ ।

ଆମ୍‌କ୍ ଜୀଞ୍ଜାନ୍‌ରେ କାଣ୍ଟାକାନ୍‌ନିଃ

୩୫ ଇନ୍କୁ ଇନିଃକେ ସାମାନ୍‌ଅଡ଼ାଃଏତେ ବାହାରି ଅଡ଼ଙ୍ଗ୍‌କିୟାଃକ, ନେୟା ଯୀଶୁ ଆୟୁମ୍‌କେଦ୍‌ତେ ଇନିଃକେ ନେଲ୍‌ନାମ୍‌ତାଇଲଃ କୁଲିକିୟାଏ, “ଚିୟାଃ ଆମ୍ ମାନଞ୍ଜାହନ୍‌ତାଃରେ ବିଶ୍ୱାସେତାନାମ୍ ?”

୩୬ ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ, ଇନିଃ ଅକଏ ତାନିଃ କାଜିମେ, ଆଇଙ୍ଗ୍‌ଦ ଇନିଃରେ ବିଶ୍ୱାସେଆଇଙ୍ଗ୍ ।”

୩୭ ଯୀଶୁ ଇନିଃକେ କାଜିକିୟାଏ, “ଆମ୍ ଇନିଃକେ ନେଲାକାଇୟାମ୍, ଆତଃ ଇନିଃ ଆମାଃଲଃ ଜାଗାର୍‌ତାନ୍‌ନିଃଗି ତାନିଃ ।”

୩୮ ଏନ୍ତେ ଇନିଃ “ହେ ପ୍ରାଭୁ, ଆଇଙ୍ଗ୍ ବିଶ୍ୱାସ୍ ତାନାଲଙ୍ଗ୍” ମେତାଇୟାଏ ଆତଃ ଇନିଃକେ ଅମ୍‌ଗାଃକେଦ୍‌ତେ ଜହାର୍‌କିୟାଏ ।

୩୯ ଯୀଶୁ ମେତାଇୟାଏ, “ହଡ଼କଆଃ ବିଚାର୍ ନାଗେନ୍ତେ ଆଇଙ୍ଗ୍ ଅତେଦିଶୁମ୍‌ତେ ହିଜୁଆକାନାଲଙ୍ଗ୍ ।” କା ନେଲ୍‌ତାନ୍‌କ ନେଲେୟାକ ଆତଃ ନେନେଲ୍‌ତାନ୍‌କ କାଣ୍ଟାଞ୍ଜାଃ ।

୪୦ ଇନିଃଲଃ ତାଇକେନ୍ ପାରୁଶୀକ ନେୟା ଆୟୁମ୍‌କେଦ୍‌ତେ ମେନ୍‌କେଦାଃକ, “ଚିୟାଃ ଆଲେୟତି କାଣ୍ଟାକାନାଲେ ?”

୪୧ ଯୀଶୁ ଇନ୍କୁକେ କାଜିୟାଦ୍‌କଆଏ, “ଆପେ କାଣ୍ଟାକାନ୍‌ରେଦ୍ ଆପେୟାଃ ପାପ୍ କା ତାଇନ୍‌ତେୟାଃ, ମେନ୍ଦ୍ ଆଲେ ନେଲେତାନାଲେ, ନେୟା ନାହାଁଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଃତାନା ।”



ମିଶ୍ଟିଗୁପିନିୟାଃ ଜନ୍‌କା କାଜି

୧ ଯୀଶୁ କାଜିକେଦାଏ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଲଙ୍ଗ୍, ଜେତାଏ ଦୁଆର୍‌ହରା ମିଶ୍ଟିଅଡ଼ାଃରେ କା ବଲଃନିଃ ମେନ୍ଦ୍ ଏଟାଃସାଃଏତେ ରାକାବ୍‌କେଦ୍‌ତେ ବଲଃନିଃ, କୁମ୍‌ତୁ ଆତଃ ରେରେଃକ୍‌ନିଃ ତାନିଃ ।

୨ ଦୁଆରହରା ବଲୟନିଃ ମିଶ୍ରିକଆଃ ଗୁପିନିଃ ତାନିଃ ।

୩ ଇନିୟାଃ ନାଗେନ୍ତେ ଦୁଆର୍ ହରନିଃ ଦୁଆର୍ ନିଜେୟାଏ ଆତଃ ଇନିଃ ଆୟାଃ ମିଶ୍ରିକକେ ନୁତୁମ୍ ସାବକେଦ୍ତେ ହାକାଅକରେ ମିଶ୍ରିକ ଇନିୟାଃ କାଜିକ ଆୟୁମାଃ ଆତଃ ଇନିଃ ବାହାରି ଅତଙ୍ଗକଦିକଆଏ ।

୪ ଆତଃ ଆୟାଃ ସବେନ୍ ମିଶ୍ରିକକେ ବାହାରି ଅତଙ୍ଗକେଦ୍ତେ ଇନକୁଆଃ ଆୟାର୍ ଆୟାର୍ରେ ସେସେନାଏ ଆତଃ ମିଶ୍ରିକ ସବେନ୍ ଆୟାଃ ଦୟା ଦୟାତେକ ଅତଙ୍ଗକୟା ଚିୟାଃଚି ଇନକୁଦ ଇନିୟାଃ ଲାବ୍ଜାକ ସାରିୟାଃ ।

୫ ଫେନ୍ଦ ଇନକୁ ଏଟାଃନିଃକେ ଚିଉଲ୍ଲାହ କାକ ଅତଙ୍ଗକୟା ଫେନ୍ଦ ଇନିଃତାଃଏତେ ସାଙ୍ଗିନ୍ତେକ ନିରାଃ, ଚିୟାଃଚି ଇନକୁଦ ଇନିୟାଃ ଲାବ୍ଜା କାକ ସାରିୟା ।”

୬ ଯୀଶୁ ନେ ଜନ୍କା କାଜି କାଜିୟାଦ୍‌କଆଏ, ଫେନ୍ଦ ଇନକୁ ଇନିୟାଃ କାଜିକେଦ୍‌କାଜି ଚିନାଃତାନାଃ ଏନା କାକ ମୁଣ୍ଡିୟାନା ।

ବୁଗିନ୍ ମିଶ୍ରିଗୁପିନିଃ ଯୀଶୁ

୭ ଏନ୍ତେ ଯୀଶୁ ଆତଃମିସା କାଜିୟାଦ୍‌କଆଏ, “ସାର୍ତ୍ତିଗି କାଜିୟାପେ ତାନାଈଙ୍ଗ୍, ମିଶ୍ରିକଆଃ ଦୁଆର୍ ଆଇଙ୍ଗ୍ ତାନିଙ୍ଗ୍ ।

୮ ଆଇଁୟାଃଏତେ ସିଦାରେ ହିଜୁଆକାନ୍ ସବେନ୍‌କ କୁମ୍‌ତୁ ଆତଃ ରେରେଃକ୍‌କ ତାନ୍‌କୁ ଫେନ୍ଦ ମିଶ୍ରିକ ଇନକୁଆଃ କାଜି କାକ ଆୟୁମ୍‌କେଦା ।

୯ ଦୁଆର୍ ଆଇଙ୍ଗ୍ ତାନିଙ୍ଗ୍, ଜେତାଏ ଆଇଁୟାଃ ହରାତେ ବଲରେଦ ଇନିଃ ବାସ୍ତାଅଃଆଏ, ଇନିଃ ଭିତାର୍‌ତେ ଅତଙ୍ଗ ବଲୟରେ ଚାରା ନାମେଗିୟାଏ ।

୧୦ କୁମ୍‌ତୁ କୁମ୍‌ତୁ ଗଗଏଃ ଆତଃ ଜିୟନ୍ ନାଗେନ୍ତେ ଏସ୍‌କାର୍ ହିଜୁଆଏଃ, ଫେନ୍ଦ ଇନକୁ ଜୀଦାନ୍‌କ ନାମେକା, ଆଦକାଗି ନାମେକା ମେନ୍ତେଇଙ୍ଗ୍ ହିଜୁଆକାନା ।

୧୧ “ଆଇଙ୍ଗ୍ ଏନ୍ ବୁଗିନ୍ ଗୁପିନିଃ ତାନିଙ୍ଗ୍, ବୁଗିନ୍ ଗୁପିନିଃ ମିଶ୍ରିକ ନାଗେନ୍ତେ ଆୟାଃ ଜୀଉ ଏମେୟାଏ ।

୧୨ ଅକଏ ଗୁପିନିଃ ନାହାଲିଃ, ଇନିଃଦ ନାଲାନାମ୍‌ନିଃ ତାନିଃ ଆତଃ ମିଶ୍ରିକ ଆୟାଃ ନାହାଁଲୀଃକ ଏନାମେନ୍ତେ ଇନିଃ ହୁଣ୍ଡାର୍ ହିଜୁଃତାନ୍ ନେଲ୍‌କେଦ୍‌ତେ ମିଶ୍ରିକକେ ନିର୍ ବାଗିତାକୁଆଏ ଆତଃ ହୁଣ୍ଡାର୍ ମିଶ୍ରିକକେ ରେଃକ୍‌କେଦ୍‌ତେ ଛିତିବିତି ତାକିଆଏ ।

୧୩ ଏନ୍ ହଡ୍ ନିର୍ ବାଗିତାକୁଆଏ, ଚିୟାଃଚି ଇନିଃ ନାଲାନାମ୍‌ନିଃ ତାନିଃ ଆତଃ ମିଶ୍ରିକ ନାଗେନ୍ତେ କାଏ ଉଡ୍‌ଝୁୟା ।

୧୪ *ଆଇଙ୍ଗ୍ ବୁଗିନ୍ ଗୁପିନିଃ ତାନିଙ୍ଗ୍, ଜେ'ଲେକା ଆପୁଇଙ୍ଗ୍ ଆଇଙ୍ଗ୍‌କେ ସାରିୟାଏ ଆତଃ ଆଇଙ୍ଗ୍ ଆପୁଇଙ୍ଗ୍‌କେ ସାରିୟାଈଙ୍ଗ୍,

୧୫ ଏନ୍‌ଲେକାଗି ଆଇଙ୍ଗ୍ ଆଇଁୟାଃ ମିଶ୍ରିକକେ ସାରିୟାଈଙ୍ଗ୍ ଆତଃ ଆଇଁୟାଃ ମିଶ୍ରିକ ଆଇଙ୍ଗ୍‌କେ ସାରିୟାଃକ । ଆଇଙ୍ଗ୍ ମିଶ୍ରିକ ନାଗେନ୍ତେ ଆଇଁୟାଃ ଜୀଉ ଏମ୍ ନାଗେନ୍ତେ ସେକାଡ୍‌କାନାଈଙ୍ଗ୍ ।

୧୬ ଆଇଁୟାଃ ଆତଃଗି ଏଟାଃ ମିଶ୍ରିକ ମେନାକଆ, ଇନକୁ ନେ ମିଶ୍ରିଅଡ଼ାଃରେନ୍ ନାହାଁଲୀଃକ । ଇନକୁକେହଗି ଆଇଙ୍ଗ୍‌କେ ଆଉ ଲାଗାତିୟାଃ ଆତଃ ଇନକୁ ଆଇଁୟାଃ ଲାବ୍‌ଜାକ ଆୟୁମେୟା ଏନ୍ତେ ମିଆଁଦ୍ ଗୋଟ୍ ଆତଃ ମିଆଁଦ୍ ଗୁପିନିଃ ତାଇନାଃଏ ।

୧୭ “ଆଇଙ୍ଗ୍ ଆଇଁୟାଃ ଜୀଉକେ ଏମ୍‌କେଦ୍ ହରାତେ ଆପୁ ଆଇଙ୍ଗ୍‌କେ ଦୁଲାଡ୍‌କ୍ ତାନାଏ, ଆତଃ ଆଇଙ୍ଗ୍ ଆଇଁୟାଃ ଜୀଉକେ ଆତଃମିସା ନାମ୍‌ରୁହାଡ୍‌ତେ ନାଗେନ୍ତେ ଏମେତାନିଙ୍ଗ୍ ।

୧୮ ଜେତାଏ ଆଇଁୟାଃ ଜୀଉକେ ଆଇଙ୍ଗ୍‌ତାଃଏତେ କାକ ଇଦିୟା ଫେନ୍ଦ ଆଇଙ୍ଗ୍ ଆଇଙ୍ଗ୍‌ତେଗି ଏନାକେ ଏମାଃଇଙ୍ଗ୍ । ଏନାକେ ଏମ୍ ଆତଃ ଇଦି ରୁହାଡ୍‌ରେୟାଃ ଆକ୍‌ତେୟାର୍ ଆଇଁୟାଃ ମେନାଃ । ନେ ଆନ୍‌ରୁ ଆଇଙ୍ଗ୍ ଆପୁଇଙ୍ଗ୍‌ତାଃଏତେ ନାମ୍‌କାଦାଈଙ୍ଗ୍ ।”

୧୯ ଆତଃଗି ନେ କାଜି ନାଗେନ୍ତେ ଯିହୁଦୀକ ବିପିଙ୍ଗାଅ*ୟାନାକ ।

୨୦ ଇନକୁଏତେ ପୁରାଃକ କାଜିକେଦା, “ଇନିଃକେ ବଙ୍ଗା ଏସେର୍‌କିୟାଏ, ଆତଃ ଇନିଃ ବାଲୁଅଃତାନାଏ, ଇନିୟାଃ କାଜି ଚିନାଃ ମେନ୍ତେପେ ଆୟୁମେତାନା ?”

୨୧ ଫେନ୍ଦ ଏଟାଃକ କାଜିକେଦା, “ବାନଃଗି ବଙ୍ଗା ଏସେର୍‌କାଈ ହଡ୍ ନେ ଲେକା କାଏ କାଜିୟା, ଚିୟାଃ ବଙ୍ଗା ମେଦ୍ କାଣାକାନ୍‌ନିଃକେ ବୁଗି ଦାଡ୍‌ିୟାଏ ?”

ୟୀଶୁକେ କାକ ଦାରମ୍‌କିୟା

୨୨ ଏନ୍ତେ ଯୀରୁଶାଲେମ୍ ମାନ୍‌ିର୍‌ଅଡ଼ାଃକେ ପାର୍‌ମେଶ୍ୱାର୍‌ତାଃରେ ଜିମାଅଃରେୟାଃ ପାରାବ୍ ସେଟେର୍‌ୟାନା ଆତଃ ଏନା ରାବାଙ୍ଗ୍ ସାହା ତାଇକେନା ।

୨୩ ଆତଃ ଯୀଶୁ ମାନ୍‌ିର୍‌ ଅଡ଼ାଃରେ ସୁଲିମାନ୍ ନୁତୁମ୍ ପିଣ୍ଡିଗିରେ ହନର୍‌ତାନ୍ ତାଇକେନାଏ ।

୨୪ ଏନ୍ତେ ଯିହୁଦୀକ ଇନିଃକେ ହୁଣ୍ଡି ବିୟୁର୍‌କିଃତେ କାଜିକିୟାଃକ, “ଆମ୍ ଆଲେକେ ଚିମିନ୍ ଜାକେଦ୍ ଆଲେୟାଃ ମନ୍‌ରେ ଆଡ଼ାଃଉଡ୍‌ଝୁରେମ୍ ଦହଲେୟା ? ଆମ୍ ମାସି ତାନ୍‌ମେରେଦ୍ ଆଲେକେ କାଜିୟାଲେମେ ।”

☆ ୧୦:୧୪ ମାଥୁଉ ୧୧:୨୭; ଲୁକ ୧୦:୨୨. * ୧୦:୧୯ କାଜି କା ମେସାଅଃତେୟାଃ

୨୫ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଆଇଙ୍ଗ ଆପେକେ ସିଦାରେ କାଜିୟାଦପେୟାଇଙ୍ଗ, ମେନ୍ଦ ଆପେ କାପେ ପାତିୟାରେତାନା । ଆପୁଇୟାଃ ନୁତୁମ୍ତେ ପେଡେୟାନ୍ କାମିକ ଆଇଙ୍ଗ କାମିକାଦ କାମି ଆଇୟାଃ ଗାଞ୍ଜା ଏମେତାନାଏ ।

୨୬ ମେନ୍ଦ ଆପେ ଆଇୟାଃ ମିଶ୍ଟିକ ନାହାଁଲାପେ ମେନ୍ତେ କାପେ ପାତିୟାରେତାନା ।

୨୭ ଆଇୟାଃ ମିଶ୍ଟିକ ଆଇୟାଃ ଲାବଜାକ ଆୟୁମାଃ ଆଡଃ ଆଇଙ୍ଗ ଇନକୁକେଇଙ୍ଗ ସାରିୟାଃ, ଏନ୍ତେ ଇନକୁ ଦୟା ଦୟାତେକ ଅତଙ୍ଗୟା ।

୨୮ ଆଡଃ ଆଇଙ୍ଗ ଇନକୁକେ ଜାନାଅ ଜାନାଅରେୟାଃ ଜୀଦାନ୍ ଏମାଃଇଙ୍ଗ, ଆଡଃ ଇନକୁ ଚିତଲାହ କାକ ଜିୟନଃଆ; ଆଇୟାଃ ତିଃଇଏତେ ଇନକୁକେ ଜେତାଏ କାକ ରେଃକଇଦି ଦାଡ଼ିୟାଃ ।

୨୯ ଆପୁଇଙ୍ଗ ଅକନାଃ ଏମାକାଦିୟାଃଏ ଏନା ସବେନାଃଏତେ ମାରାଙ୍ଗଆଁଃ ଆଡଃ ଇନକୁକେ ଆପୁଆଃ ତିଃଇଏତେ ଜେତାଏ କାକ ରେଃକଇଦି ଦାଡ଼ିୟା ।

୩୦ ଆଇଙ୍ଗ ଆଡଃ ଆପୁଇଙ୍ଗ ମିଆଁଦଗି ତାନ୍ଲିଙ୍ଗ ।”

୩୧ ନେ କାଜି ଆୟୁମ୍ତକେଦତେ, ଯିହୁଦୀକ ଇନିଃକେ ଚିଦଗି ନାଗେନ୍ତେ ଆଡଃମିସା ଦିରିକ ହାଲାଙ୍ଗକେଦାଃ ।

୩୨ ମେନ୍ଦ ଯୀଶୁ ଇନକୁକେ କାଜିୟାଦକଆଏ, “ଆଇଙ୍ଗ ଆପୁତାଃଏତେ ପୁରାଃ ବୁଗିନ୍ କାମିକ ଆପେକେଇଙ୍ଗ ଉଦୁବାଦପେୟା, ଏନାଏତେ ଅକ କାମି ନାଗେନ୍ତେ ଚିଦଗିଙ୍ଗତାନାପେ ?”

୩୩ ଯିହୁଦୀକ ଇନିଃକେ କାଜିରୁହାଡ଼କିୟାଃକ, “ଆଲେ ଆମ୍ତକେ ବୁଗିନ୍ କାମି ନାଗେନ୍ତେ ଦିରି କାଲେ ଚିଦଗିମତାନା ମେନ୍ଦ ପାର୍ମେଶ୍ଵାରକେ ନିନ୍ଦାଇତାନ୍ ନାଗେନ୍ତେ ଆଡଃ ଆମ୍ ହଡ଼ ତାନ୍ମେରେୟ ପାର୍ମେଶ୍ଵାର ମେନ୍ତେ କାଜିନ୍ତାନାମ୍ ଏନାମେନ୍ତେ ଦିରି ଚିଦଗିମେତାନାଲେ ।”

୩୪ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଆପେୟାଃ ଆନ୍ତୁ ପୁଅରେ ପାର୍ମେଶ୍ଵାର ମେନ୍ତେଦାଏ, ‘ଆପେ ପାର୍ମେଶ୍ଵାରକ ତାନିପେ ।’

୩୫ ଆଲେ ସାରିଆଃଲେ ପାର୍ମେଶ୍ଵାରଆଃ ବାତାନ୍ ଜାନାଅ ସାର୍ତ୍ତିଗିଆ, ପାର୍ମେଶ୍ଵାରଆଃ କାଜି ଉଦୁବଲେନ୍କକେ ପାର୍ମେଶ୍ଵାରକ ତାନିପେ ମେତାକତାନରେଦ ଆଡଃ ଧାରାମ୍ପୁଅରେୟାଃ କାଜି କା ଆତମ୍ଦାଡ଼ିୟାଃ ।

୩୬ ଆପୁ ପାର୍ମେଶ୍ଵାର ଆଇଙ୍ଗକେ ସାଲାକେଦତେ ପାବିତାର କାମି ନାଙ୍ଗ ଜିମାଇଙ୍ଗତାନଲଃ ନେ ଅତେଦିଶୁମ୍ତେ କୁଲାକାଦିୟା । ଆଇଙ୍ଗଦ ପାର୍ମେଶ୍ଵାରଆଃ ହନ୍ ତାନିଙ୍ଗ ମେନ୍ତେ କାଜିକେଦାଃଇଙ୍ଗ, ଏନାତେଚି ଆପେ ଆମ୍ ପାର୍ମେଶ୍ଵାରକେମ୍ ନିନ୍ଦାଇତାନା ମେନ୍ତେପେ କାଜିୟାଇଙ୍ଗତାନା ?

୩୭ ଆପୁଆଃ କାମିକ କାଇଙ୍ଗ କାମିତାନ୍ରେଦ ଆଲ୍ପେ ପାତିୟାର୍ରିଙ୍ଗ ।

୩୮ ମେନ୍ଦ ଆଇଙ୍ଗ ଇନିୟାଃ ମନେଲେକା କାମିତାନ୍ରେଦ ଆଇଙ୍ଗକେ କାପେ ପାତିୟାର୍ରେହଗି ଆଇୟାଃ ପେଡେୟାନ୍କାମିକେ ବିଶ୍ଵାସେପେ, ଏନ୍ତେ ଆପୁ ଆଇୟାଃରିୟା ଆଡଃ ଆଇଙ୍ଗ ଆପୁରିୟା ନେଆଁ ଆପେ ଇତୁଆଃ ଆଡଃ ଆଡ଼କାର୍ଉରୁମେଆ ।”

୩୯ ଏନ୍ତେ ଆଡଃମିସା ଯିହୁଦୀକ ଯୀଶୁକେ ସାସାବନାଗେନ୍ତେ ସାନାଙ୍ଗକେଦାଃକ, ମେନ୍ଦ ଇନକୁଆଃ ତିଃଇଏତେ ଅତଙ୍ଗୟାନା ।

୪୦ ✠ଏନ୍ତେ ଯୀଶୁ ଆଡଃଗି ଯାଦାନ୍ ହାନ୍ପାରମ୍ ଯୋହାନ୍ ସିଦା ବାପ୍ତିସ୍ତା ଏମାକତାନ୍ ତାଇକେନ୍ ଠାୟାଦତେ ସେନଃୟାନାଏ ଆଡଃ ଏନ୍ତାଃରେ ତାଇନ୍ୟାନାଏ ।

୪୧ ଆଡଃ ପୁରାଃ ହଡ଼କ ଇନିଃତାଃତେକ ହିଜୁଃୟାନା ଆଡଃ ଯୋହାନ୍ଦ ଜେତାନ୍ ପେଡେୟାନ୍ କାମି କାଏ କାମିକେଦାଃ, ମେନ୍ଦ ଯୋହାନ୍ ଇନିୟାଃ ବିଷାଏରେ କାଜିକାଦ ସବେନାଃ ସାର୍ତ୍ତିଗି ତାନାଃ ।

୪୨ ଆଡଃ ଏନ୍ତାଃରେ ପୁରାଃ ହଡ଼କ ଇନିଃରେକ ପାତିୟାର୍ରେକେଦାଃ ।

୧୧

ଲାଜାର୍‌ରାଃ ଗନଏଃ

୧ ✠ବେଅନ୍‌ଆରେନ୍ ମିଆଁଦ୍ ଲାଜାର୍ ନୁତୁମ୍ ହଡ଼ ଉରିୟୁତେ ଦୁକୁତାନ୍ ତାଇକେନାଏ । ମାରିୟାମ୍ ଆଡଃ ଆୟାଃ ମିଗି ମାର୍ଥା ବାରାନକିନ୍ ଏନ୍ ସାହାର୍ରେ ତାଇନ୍ ତାଇନାକିନ୍ ।

୨ ✠ଅକନ୍ କୁଡ଼ିଚି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁନ୍ତୁମ୍ ଗସଃକିୟାଏ, ଆଡଃ ଇନିୟାଃ କାଟାକେ ଆୟାଃ ଉବ୍ତେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆଡଃ ଆୟାଃ ହାଗାତେ ଲାଜାର୍ ଉରିୟୁତାନାଏ ତାଇକେନାଏ ।

୩ ଏନ୍ତେ ଏନ୍ ମିଗିକିନ୍ ଯୀଶୁତାଃତେ କାଜିକୁଲ୍‌କେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲାଡ଼ିତାନ୍‌ନିଃ ଉରିୟୁତାନାଏ ।”

✠ ୧୦:୪୦ ଯୋହାନ୍ ୧:୨୮. ✠ ୧୧:୧ ଲୁକ ୧୦:୩୮,୩୯. ✠ ୧୧:୨ ଯୋହାନ୍ ୧୨:୩.

୪ ଯୀଶୁ ନେୟାଁ ଆୟୁମ୍ବେଦ୍ରେ କାଜିକେଦାଏ, “ନେ ଦୁକୁ ଲାଜାରୁଆ ଗନଏଃ ନାଗେନ୍ତେଦ କାହା, ମେନ୍ଦ ପାର୍ମେଶ୍ୱାରୁଆ ଫାଇନାନ୍ ନାଗେନ୍ତେ ଆତଃ ଏନାତେ ପାର୍ମେଶ୍ୱାରୁଆ ହନ୍ ଫାଇନାନ୍ନଃକାଏ ମେନ୍ତେ ଏନା ହବାକାନା ।”

୫ ଯୀଶୁଦ ମାର୍ଥା ଆତଃ ଇନିୟାଃ ମିଗିତେ ମାରିୟାମ୍ବେ ଆତଃ ଲାଜାରୁକେ ଦୁଲ୍ଲାଡ୍‌କତାନ୍ ତାଇକେନାଏ ।

୬ ଲାଜାରୁ ଉରିୟୁତେ ଦୁକୁତାନାଏ ତାଇକେନା ନେୟାଁ ଆୟୁମ୍ବେଦ୍ରେ ରେହଁ ଯୀଶୁ ତାଇକେନ୍ ଠାୟାଦ୍‌ତାଃରେ ଆତଃ ବାର୍‌ସିଙ୍ଗ୍ ତାଇନ୍‌ୟାନାଏ ।

୭ ଏନ୍ତେ ଯୀଶୁ ଆୟାଃ ଚେଲ୍ଲାକକେ କାଜିୟାଦ୍‌କଆଏ, “ଦଲ୍ଲା ଯିହୁଦା ନାଗାର୍‌ତେରୁ ସେନ୍‌ରୁହାଡ଼ାଃ ।”

୮ ଚେଲ୍ଲାକ ଯୀଶୁକେ କାଜିକିୟାଃକ, “ହେ ଗୁରୁ, ଚିମିନ୍ ମାହାଁ ସିଦାରେ ଆମ୍ବେ ଯିହୁଦାକ ଦିରି ଚିଦ୍‌ଗିନାଙ୍ଗ୍‌କ ସାନାଙ୍ଗ୍ ତାଇକେନା, ହଲେହଁ ଆମ୍ବେ ଏନ୍ତାଃରେ ଆତଃଗି ସେନଃ ସାନାଙ୍ଗ୍‌ମେଁ ତାନା ?”

୯ ଯୀଶୁ କାଜିରୁହାଡ଼ାଦ୍‌କଆଏ, “ସିଙ୍ଗିସାରୁଦ୍‌ରେ ବାରା ଘାଣ୍ଟା ବାନଆଃଚି ? ଜେତାଏ ସିଙ୍ଗିମାୟାଲ୍‌ରେ ସେସେନ୍‌ରେଦ କାଏ ତହଦଃଆ, ଚିୟାଃଚି ଇନିଃ ନେ ଅତେଦିଶୁମ୍‌ରାଃ ମାୟାଲ୍‌କେ ନେଲ୍‌ଏଃ ।

୧୦ ମେନ୍ଦ ଜେତାଏ ନିଦାରେ ସେସେନ୍‌ରେଦ ଇନିଃ ତହଦଃଆଏ, ଚିୟାଃଚି ଇନିୟାଃ ମାର୍ଥାଲ୍ ବାନଆଃ ।”

୧୧ ନେୟାଁ କାଜିକେଦ୍ ତାୟମ୍‌ତେ ଯୀଶୁ ଆୟାଃ ଚେଲ୍ଲାକକେ ଆତଃଗି ମେତାଦ୍‌କଆଏ, “ଆରୁଆ ଗାତି ଲାଜାରୁ ଦୁଡ୍‌ମ୍‌କାନାଏ, ମେନ୍ଦ ଆଇଙ୍ଗ୍ ଇନିଃକେ ଏୟନ୍‌ନାଙ୍ଗ୍ ସେନ୍‌ତାନାଇଙ୍ଗ୍ ।”

୧୨ ଚେଲ୍ଲାକ ଯୀଶୁକେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ୍‌ମ୍‌କାନ୍‌ରେଦ ବୁଗିୟାଃଆଏ ।”

୧୩ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍ଦ ଚେଲ୍ଲାକ ସାର୍‌ତିଗି ଦୁଡ୍‌ମ୍‌ତାନାଏ ମେନ୍ତେ ଆଟ୍‌କାରକେଦାଃ ।

୧୪ ଏନାତେ ଯୀଶୁ ଇନ୍‌କୁକେ “ଲାଜାରୁ ଗଏଃୟାନାଏ ମେତାଦ୍‌କଆଏ ।

୧୫ ଆତଃ ଆପେୟାଃ ନାଗେନ୍ତେ ଆଇଙ୍ଗ୍ ଏନ୍ତାଃରେ କା ତାଇନ୍‌କେଦ୍‌ରେ ରାସ୍‌କାଅଃ ତାନାଇଙ୍ଗ୍, ଜେ'ଲେକା ଆପେ ପାତିୟାରେୟାପେ, ମେନ୍ଦ ଦଲ୍ଲା ଇନିଃକେ ନେଲ୍‌ତେରୁ ସେନା ।”

୧୬ ଏନ୍ତେ ଦିଦୁମ୍ କାଜିୟାଃତାନ୍ ଥୋମା ଆୟାଃ ଗାତିକକେ କାଜିୟାଦ୍‌କଆଏ, “ଦଲ୍ଲାରୁ ସବେନ୍‌କ ଗୁରୁଲ୍‌ ସେନାରୁ ଆତଃ ଆରୁହଗି ଇନିଃଲ୍‌ଗୁ ଗଜଃଆ ।”

ୟୀଶୁଗି ଜୀଉବିନିରିଦ୍ ଆତଃ ଜୀଦାନ୍ ତାନିଃ

୧୭ ଏନ୍ତେ ଯୀଶୁ ସେଚେର୍‌କେଦ୍‌ରେ, “ଲାଜାରୁକେ ତପାଗାଡ଼ାରେ ତପାତେୟାଃ ଚାର୍‌ଦିନ୍ ହବାଃଆତାନା” ମେନ୍ତେ ଆୟୁମ୍‌ବେଦାଃଏ ।

୧୮ ବେଥ୍‌ନିଆ ଯୀରୁଶାଲେମ୍‌ଏତେ ତିନ୍ କିଲୋମିଟର୍‌ଏତେହ କାମ୍‌ତିସାଙ୍ଗିନ୍‌ରେ ତାଇକେନା ।

୧୯ ଆତଃ ପୁରାଃ ଯିହୁଦାକ ମାର୍ଥା ଆତଃ ମାରିୟାମ୍‌ଆଃ ହାଗା ଲାଜାରୁ ବିଷାଏରେ ଇନ୍‌କିନ୍‌କେ ଜୀଉରାଡ଼େଃ* ଏମଃ ନାଗେନ୍ତେକ ହିଜୁଃକାନ୍ ତାଇକେନା ।

୨୦ ଏନ୍ତେ ମାର୍ଥା ଯୀଶୁ ହିଜୁଃତାନାଏ ମେନ୍ତେ ଆୟୁମ୍‌ବେଦ୍‌ଚି ଇନିଃକେ ସେନ୍‌ଦାରମ୍‌କିୟାଏ, ମେନ୍ଦ ମାରିୟାମ୍‌ ଅଡ଼ାଃରେଗି ଦୁବାକାନାଏ ତାଇକେନା ।

୨୧ ଆତଃ ମାର୍ଥା ଯୀଶୁକେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍‌ରେଦ ଆଇଁୟାଃ ହାଗାଲ୍‌ କାଏ ଗଜାକାନ୍ତେୟାଃ ।

୨୨ ମେନ୍ଦ ଆମ୍ ନାହାଁଃ ହଁ ପାର୍ମେଶ୍ୱାରୁକେ ଆସିତେୟାଃ ସବେନାଃ ଏମାମେୟାଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୩ ଯୀଶୁ ମାର୍ଥାକେ କାଜିକିୟାଏ, “ହାଗାମ୍ ତାମାଃ ଜୀଉ ନାମ୍‌କେଦ୍‌ରେ ଆତଃଗି ବିରିଦାଃଏ ।”

୨୪ ମାର୍ଥା ଇନିଃକେ କାଜିକିୟାଏ, “ଇନିଃ ଚୁଣ୍ଟୁ ଦିପିଲିରେ ଜୀଉବିନିରିଦ୍‌ରେୟାଃ ନେତାରେ ଜୀଉବିରିଦାଃଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୫ ଯୀଶୁ ଇନିଃକେ କାଜିକିୟାଏ, “ଜୀଉବିନିରିଦ୍ ଆତଃ ଜୀଦାନ୍ ଆଇଙ୍ଗ୍‌ଗି ତାନିଙ୍ଗ୍, ଜେତାଏ ଆଇଁୟାଃରେ ବିଶ୍ୱାସେତାନ୍‌ନିଃ ଗଜଃରେୟା ଜୀଉଦଃଆଏ ।

୨୬ ଆତଃ ଜେତାଏ ଜୀହୁଦଃତାନ୍‌ନିଃ ଆତଃ ଆଇଁୟାଃରେ ବିଶ୍ୱାସେତାନ୍‌ନିଃ ଚିତ୍‌ଲାଅ କାଏ ଗଜଃଆ, ନେଆଁ ଚିନାଃ ବିଶ୍ୱାସେତାନାମ୍ ?”

୨୭ ଇନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶୁମ୍‌ତେ ଅକଏୟାଃ ହିଜୁଃରାଃ ତାଇନ୍‌କେନା, ଇନିଃ ଆମ୍‌ଗି ପାର୍ମେଶ୍ୱାରୁଆ ହନ୍ ମାସି ତାନ୍‌ମେଁ ନେୟାଁ ଆଇଙ୍ଗ୍ ବିଶ୍ୱାସେତାନା ।”

ୟୀଶୁ ରାଆଃକେଦାଏ

୨୮ ନେୟାଁ କାଜିକେଦ୍‌ଚି, ମାର୍ଥା ଆୟାଃ ମିଗିତେ ମାରିୟାମ୍‌କେ ଉକୁକେଦ୍‌ରେ କେଡ଼ାକିୟାଏ, ଆତଃ ମେତାଇୟାଏ, “ଗୁରୁ ହିଜୁଃୟାନାଏ ଆତଃ ଆମ୍‌କେ କେଡ଼ାମ୍‌ତାନାଏ ।”

* ୧୧:୧୯ ସାବୁନା

୨୯ ଇନିଃ ନେୟାଁ ଆୟୁମ୍‌କେଦ୍‌ତି, ବିରିଦ୍ ଧାବ୍‌ୟାନାଏ ଆତଃ ଯୀଶୁତାଃତେ ସେନଃୟାନାଏ ।

୩୦ ଯୀଶୁ ଇମ୍‌ତା ଜାକେଦ୍ ହାତୁତେ କାଏ ତେବାଃକାନ୍ ତାକକେନା, ମେନ୍‌ଦ ମାର୍ଥା ଦାରମ୍ ଠାୟାଦ୍‌ତାଃରେଗି ଇନିଃ ତାକକେନାଏ ।

୩୧ ଏନ୍ତେ ଜୀଉରାଡ଼େଃ ନାଜ୍ ଅକନ୍ ଯିହୁଦୀକ ଅତାଃରେ ମାରିୟାମ୍‌ଲଃ ତାକକେନାକ, ଇନ୍‌କୁ ମାରିୟାମ୍‌କେ ଇମ୍‌ତାଗି ବିରିଦ୍‌କେଦ୍‌ତେ ବାହାରି ଅତଙ୍ଗତାନ୍ ନେଲ୍‌କିଃତେ ଇନିଃ ରାଆଃ ନାଗେନ୍ତେ ତପାଗାଡ଼ାତେ ସେନଃତାନାଏ ମେନ୍ତେ ଆଟ୍‌କାର୍‌ତାନ୍‌ଲଃ ଇନିୟାଃ ଦୟା ଦୟାକ ଅତଙ୍ଗକିୟା ।

୩୨ ଏନ୍ତେ ମାରିୟାମ୍ ଯୀଶୁ ତାକକେନ୍‌ତାଃ ତେବାଃୟାନ୍‌ତି, ଇନିଃ ଯୀଶୁକେ ନେଲ୍‌ତାକଲଃଗି ଇନିୟାଃ କାଟା ସୁବାରେ ଉୟୁଃୟାନାଏ ଆତଃ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାକକେନ୍‌କାନ୍‌ରେଦ୍ ହାଗାକକ୍ ତାକୟାଃ କାଏ ଗଜାକାନ୍‌ତେୟାଃ ।”

୩୩ ଯୀଶୁ ଇନିଃ ରାଆଃତାନ୍ ଆତଃ ଇନିଃଲଃ ହିଜୁଃକାନ୍ ଯିହୁଦୀକକେହ ରାଆଃତାନ୍ ନେଲ୍‌କେଦ୍‌ତେ, ପୁରାଃ ଦୁକୁତେ ଆମ୍‌ରେ ବିଲ୍‌କାଅୟାନାଏ ।

୩୪ ଆତଃ କୁଲିକେଦ୍‌କଆଏ, “ଅକ୍‌ତାଃରେପେ ତପାକିୟା ?”

ଇନ୍‌କୁ କାଜିରୁହାଡ଼କିୟାଃକ, “ହେ ପ୍ରାଭୁ, ଏଲା ହିଜୁଃକେଦ୍‌ତେ ନେଲିମେ ।”

୩୫ ଯୀଶୁ ରାଆଃକେଦାଏ ।

୩୬ ଏନ୍ତେ ଯିହୁଦୀକ କାଜିକେଦାଃକ, “ନେଲିପେ, ଯୀଶୁ ଲାଜାର୍‌କେ ଚିମିନ୍ ଦୁଲାଡ଼ି ତାକକେନାଏ ।”

୩୭ ମେନ୍‌ଦ ଇନ୍‌କୁଏତେ ଚିମିନ୍‌କ କାଜିକେଦା, “ଇନିଃ ଏନ୍ କାଣାଁକାନ୍ ହଡ଼କେ କାଏ ନେଲ୍‌ରିକାକିୟାତି ? ଚିନାଃ ଇନିଃ ଲାଜାର୍‌ରାଃ ଗନଏଃ କାଏ ରକାଅଦାଡ଼ିତେୟାଃ ?”

ୟୀଶୁ ଲାଜାର୍‌କେ ଗନଏଃତେ ଜୀଉବିରିଦ୍‌କିୟାଏ

୩୮ ଏନ୍ତେ ଯୀଶୁ ଆତଃମିସା ଆୟାଃ ମନ୍‌ରେ ପୁରାଃ ଖୁସ୍‌କେଦ୍‌ତେ ତପା ଠାୟାଦ୍‌ତେ ସେନଃୟାନାଏ, ଏନା ମିଆଁଦ୍ ଲାପାଜା ତାକକେନା, ଆତଃ ଏନାରେୟାଃ ଦୁଆର୍‌ତାଃ ମିଆଁଦ୍ ଦିରି ତାକକେନା ।

୩୯ ଯୀଶୁ “ଦିରିକେ ବାଟିଆତମେପେ” ମେନ୍ତେ ଆରୁକେଦ୍‌କଆ । ଏନ୍ତେ ଗଜାକାନ୍‌ନିୟାଃ ମିଶିତେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଁଃଦ ଇନିଃ ସହାନ୍‌କାତେୟାଃଆଏ, ଚିୟାଃତି ଇନିଃ ଗଜାକାନ୍‌ତେୟାଃ ଚାର୍‌ଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ୍ ପାର୍‌ମେଶ୍ୱାର୍‌ଆଃ ମାନାରାଜ୍ ନେଲେୟାମ୍, ଚିୟାଃ ନେୟାଁ କାକକ୍ କାଜିକାମ୍‌ତାକନା ?”

୪୧ ଏନ୍ତେ ଇନ୍‌କୁ ଦିରିକେ ବାଟି ଆତମକେଦାଃକ । ଆତଃ ଯୀଶୁ ସାଜିଲ୍ ରାକାବ୍‌କେଦ୍‌ତେ କାଜିକେଦାଃଏ, “ହେ ଆବା, ଆମ୍ ଆଇୟାଃ ବିକ୍ତି ଆୟୁମ୍‌କେଦାମ୍ ମେନ୍ତେ ଧାନ୍‌ଧାବାଦ୍ ଏମାମ୍ ତାନାକକ୍ ।

୪୨ ଆମ୍ ଆଇୟାଃ ବିକ୍ତି ସବେନ୍‌ଇମ୍‌ତା ଆୟୁମାଃମ୍, ଏନା ଆଇକ୍ ସାରିୟାକକ୍, ମେନ୍‌ଦ ନେ ଚାରିୟସାଃରେ ତିକ୍ତୁଆକାନ୍ ଗାଦେଲ୍ ହଡ଼କ ଆମ୍ ଆଇକ୍‌କେ କୁଲାକାଦିୟାମ୍ ମେନ୍ତେ ବିଶ୍ୱାସେ ନାଗେନ୍ତେ ଆଇକ୍ ନେୟାଁ କାଜିକେଦାକକ୍ ।”

୪୩ ଇନିଃ ନେୟାଁ କାଜିକେଦ୍‌ତି, କାଉରିକେଦ୍‌ତେ ହାକାଅକିୟାଏ, “ଏ ଲାଜାର୍, ଅତଙ୍ଗଅଃମେ ।”

୪୪ ଏନ୍ତେ ଇନିଃ ଅତଙ୍ଗୟାନା, ଆୟାଃ ତିଃଇ କାଟା ଲିଜାଃତେ ତଲାକାନ୍ ତାକକେନା ଆତଃ ଇନିୟାଃ ମେଦ୍‌ମୁହାଁଡ଼ ଗାମଛାତେ ତଲ୍ ବିୟୁରାକାନ୍ ତାକକେନା । ଯୀଶୁ ଇନ୍‌କୁକେ ମେତାଦ୍‌କଆଏ, “ଇନିଃକେ ତଲାକାନ୍‌ତେୟାଃ ରାଡ଼ାକପେ ଆତଃ ସେନ୍‌ଇଚିଃପେ ।”

ୟୀଶୁଆଃ ବିରୁଧ୍‌ରେ ରୋଜୋଟ

(ମାଥୁଉ ୨୬:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମ୍‌ତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦ୍‌ତେୟାଃ ନେଲ୍‌କେଦ୍‌ତେ ଇନିଃରେକ ବିଶ୍ୱାସକେଦାଃ ।

୪୬ ମେନ୍‌ଦ ଇନ୍‌କୁଏତେ ଚିମିନ୍‌କ ଫାରୁଶୀକତାଃ ସେନ୍‌କେଦ୍‌ତେ ଯୀଶୁ କାମିକେଦ୍‌ତେୟାଃ ଉଦୁବାଦ୍‌କଆକ ।

୪୭ ଏନାମେନ୍ତେ ମୁଲ୍ ଯାଜାକ୍‌କ ଆତଃ ଫାରୁଶୀକ ମାରାଜ୍ ପାଞ୍ଚେଟ୍‌କେଦ୍‌ତେ କାଜିକେଦାଃକ, “ଆବୁ ଚିନାଃବୁ ଚିକାତାନା ? ନେଲିପେ, ଏନ୍ ହଡ଼ଦ୍ ପୁରାଃ ପେଡ଼େୟାନ୍ କାମିକ କାମିତାନାଏ ।

୪୮ ଆବୁ ଇନିଃକେ ନେ ଲେକାଗିବୁ ବାଗିତାକରେଦ୍ ସବେନ୍ ହଡ଼କ ଇନିଃରେକ ବିଶ୍ୱାସେୟା, ଆତଃ ରୋମିରେନ୍‌କ ହିଜୁଃକେଦ୍‌ତେ ଆବୁଆଃ ମାନ୍‌ିର୍ ଆତଃ ଦିଶ୍ୱମ୍ ବାର୍‌ନାଃକେକ ରେଃକ୍ ଇଦିୟା ।”

୪୯ ଏନ୍ତେ ଇନ୍‌କୁଏତେ ମିଆଁଦ୍ କାୟଫା ନୁତୁମ୍ ହଡ଼, ଏନ୍ ବାରାଷ୍‌ରେନ୍ ସାଲାକାନ୍ ମାରାଜ୍ ଯାଜାକ୍ ଇନ୍‌କୁକେ କାଜିୟାଦ୍‌କଆଏ, “ଆପେ ସବେନ୍ ଚିମିନ୍ ତଣ୍ଡକ ତାନ୍‌ପେ,

୫୦ ହଡ଼କ ନାଗେନ୍ତେ ମିହୁଡ଼ଗି ଗଜଃକାଏ ଆତଃ ଗଟା ଜାତି ଆଲକାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ ମେନ୍ତେ କାପେ ଆଟ୍‌କାରେତାନା ।”

୫୧ କାୟଫା ନେ କାଜିଦ ଆଇଃକ୍ତେଗି କାଏ କାଜି, ମେନ୍ଦ ଏନ୍ ବାରାଷ୍ଟରେନ୍ ମାରାଙ୍ଗ୍ ଯାଜାକ୍ ତାଇନ୍ହରାଡେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାରକାଜିକ କାଜିକେଦାଃଏ ।

୫୨ ଆଡଃ ଏନ୍ ଜାତିକ ନାଗେନ୍ତେ ଏସକାର୍ କାହା ମେନ୍ଦ ପାର୍ମେଶ୍ୱାର୍ଆଃ ନେତେ ହେନ୍ତେୟାକାନ୍ ହଡ଼କକେ ମିଦ୍ରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍ହୁଲାଇଫ୍ତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟକେଦାଃ ।

୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍ରେ ଆଡଃ କାଏ ହନରକେଦାଃ, ମେନ୍ଦ ଏନ୍ତାଃ ବାଗିକେଦ୍ତେ ବିରରେୟାଃ ନାଡ଼େଃ ଦିଶୁମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାର୍ତେ ସେନଃୟାନାଏ, ଆଡଃ ଆୟାଃ ଚେଲାଇକଲଃ ଏନ୍ତାଃରେ ତାଇନ୍ୟାନାଏ ।

୫୫ ଯିହୁଦୀକଆଃ ପାସକା ପାରାବ୍ ନାଡ଼େୟାକାନ୍ ତାଇକେନା, ପାରାବ୍ ସିଦାରେ ପୁରାଃ ହଡ଼କ ଆକଆଃ ଫାର୍ତିୟଃ ନାଗେନ୍ତେ ଦିଶୁମ୍କଏତେ ଯୀରୁଶାଲେମ୍ତେକ ସେନଃୟାନା ।

୫୬ ଏନ୍ତେ ଇନ୍କୁ ଯୀଶୁକେ ଦାଣ୍ଟିବାଡ଼ାତାନଲଃ ମାନ୍ଦିର୍ ଅଡ଼ାଃରେ ତିଙ୍ଗୁଆକାନ୍ ଇମ୍ତା ଆକ ଆକଗିକ କୁପୁଲିୟାନା, “ଆପେ ଚିନାଃପେ ଉଡ଼ୁତାନା ? ଚିୟାଃ ଇନିଃ ପାରାବ୍ରେ କାଏ ହିଜୁଃଆ ?”

୫୭ ମୁଲ୍ ଯାଜାକ୍କ ଆଡଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କତାଃରିୟା, ଏନା ଜେତାଏ ସାରିରେଦ ଉଦୁବାଲେପେ ମେନ୍ତେ ଆଡୁକାଦ୍ ତାଇକେନାକ ।

୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ

(ମାଥ୍ ୨୬:୬-୧୩; ମାର୍କ ୧୪:୩-୯)

୧ ଯୀଶୁ ପାସକା ପାରାବ୍ରେୟାଃ ଛ ଦିନ୍ ସିଦାରେ ବେଥ୍ନିଆଡେ ସେନଃୟାନାଏ, ଏନ୍ତାଃରେ ଯୀଶୁ ଗନଏଃ ଏତେ ଜୀଉବିରିଦାକାଇ ଲାଜାର୍ରେଃ ଅଡ଼ାଃ ତାଇକେନା ।

୨ ଇନ୍କୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁବ୍ ଜମେୟାକ ବାଇକେଦାଃ ଆଡଃ ମାର୍ଥା ସୁସାର୍ରେୟାଃ ବାହାରମ୍ ଇଦିକାଦ୍ ତାଇକେନାଏ, ଏନ୍ତେ ଯୀଶୁଲଃ ଦୁବାକାନ୍କ ଆଲାରେ ଲାଜାର୍ହଗି ତାଇକେନାଏ ।

୩ ଏନ୍ତେ ମାରିୟାମ୍ ଆଧା ଲିଟର୍ ପୁରାଃ ଫାର୍ତି ଗନଙ୍ଗ୍ଆନ୍ ଜଟାମାସି ବୁଗିନ୍ ସହାନ୍ ସୁନୁମ୍ ଆଉକେଦ୍ତେ ଯୀଶୁଆଃ କାଟାରେ ଦୁଲ୍କେଦାଏ ଆଡଃ ଇନିୟାଃ କାଟା ଆୟାଃ ଉବ୍ତେ ଜଦ୍କେଦାଏ ଆଡଃ ସୁନୁମ୍ରେୟାଃ ବୁଗିନ୍ ସହାନ୍ତେ ଅଡ଼ାଃ ପେରେୟାନା ।

୪ ଯୀଶୁଆଃ ଚେଲାଇକଏତେ ଇଷ୍ଟାରିୟଡ୍ ଯିହୁଦା ନୁତୁମ୍ ମିଆଁଦ୍ ଚେଲାଇ ତାଇକେନାଏ, ଅକଏଚି ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ସାନାଙ୍ଗ୍ ତାଇକେନ୍ନିଃ କାଜିକେଦାଏ,

୫ “ନେ ବୁଗିନ୍ ସହାନ୍ ସୁନୁମ୍କେ ୩୦୦ ହୁଲାଇଫ୍ରେଃ ନାଲା ସିକାରେ ଆଖ୍ରିଙ୍ଗ୍କେଦ୍ତେ ଏନ୍ ପାଏସା ଚିନାଃମେନ୍ତେ ରେଙ୍ଗେଃକକେ କା ଏମ୍ୟାନା ?”

୬ ରେଙ୍ଗେଃକତାନ୍କଆଃ ନାଗେନ୍ତେ ଉଡ଼ୁତାଇକେନାଏ ମେନ୍ତେ ଇନିଃ ନେଆଁ କାଏ କାଜିକେଦା ମେନ୍ଦ ଇନିଃ କୁମ୍ବୁ ତାଇକେନାଏ ଆଡଃ ଇନିଃତାଃରେ ଟାକା ଆଇଲଃ ତାଇକେନ୍ ହରାଡେ ଏନାରେ ସାଜୁତେୟାଃ ଇନିଃ କୁମ୍ବୁ ଉଦି ତାଇକେନାଏ ।

୭ ମେନ୍ଦ ଯୀଶୁ କାଜିକେଦାଃଏ, “ଇନିଃକେ ବାଗିତାଇପେ ଚିୟାଃଚି ଆଇଁୟାଃ ତପାଅଃ ହୁଲାଇଫ୍ ନାଗେନ୍ତେ ଇନିଃ ଏନାକେ ଦହଏକାଏ ।

୮ ରେଙ୍ଗେଃକଦ ସବେନ୍ଇମ୍ତା ଆପେଲଃ ତାଇନାଃକ ମେନ୍ଦ ଆଇଙ୍ଗ୍ ଆପେଲଃ ସବେନ୍ଇମ୍ତା କାଇଙ୍ଗ୍ ତାଇନାଃ ।”

ଲାଜାର୍ଆଃ ବିରୁଧ୍ରେ ରୋଜୋଟ

୯ ଯିହୁଦୀକଏତେ ଗାଦେଲ୍ ହଡ଼କ ଯୀଶୁ ବେଥ୍ନିଆରେ ମେନାଇୟା ମେନ୍ତେ ସାରିକେଦାଃକ ଆଡଃ ଯୀଶୁଆଃ ନାଗେନ୍ତେ ଏସକାର୍ କାହା ମେନ୍ଦ ଯୀଶୁ ଗଏଃକାନ୍କଏତେ ଜୀଉବିରିଦାକାଇ ଲାଜାର୍କେ ନେଲି ନାଗେନ୍ତେକ ହିଜୁଃୟାନା ।

୧୦ ଏନ୍ତେ ଲାଜାର୍କେହଗି ଗଜି ନାଗେନ୍ତେ ମୁଲ୍ ଯାଜାକ୍କ ରୋଜୋଟକେଦାଃ ।

୧୧ ଚିୟାଃଚି ଇନିୟାଃ ନାଗେନ୍ତେ ଯିହୁଦୀକଏତେ ପୁରାଃ ହଡ଼କ ଇନ୍କୁକେ ମାନାତାଇକେନାକ ଆଡଃ ଯୀଶୁରେକ ବିଶ୍ୱାସକେଦାଃ ।

ଯୀଶୁ ରାଜାଲେକା ଯୀରୁଶାଲେମ୍ତେ ବଲୟାନାଏ

(ମାଥ୍ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

☆ ୧୨:୩ ଲୁକ ୭:୩୭,୩୮.

୧୨ ଏତାଃ ହୁଲାଙ୍ଗ ପାସକା ପାରାବ୍ତେ ହିଜୁଃକାନ୍ ଗାଦେଲ୍ ହଡ଼କ ଯୀଶୁ ଯୀରୁଶାଲେମ୍ତେ ହିଜୁଃତାନାଏ ମେନ୍ତେ ଆୟୁମ୍ବେଦତି,

୧୩ ଇନ୍କୁ କିତା ଭାଉଡ଼ା ସାବକେଦ୍ତେ ଇନିଃକେ ଦାରମି ନାଗେନ୍ତେକ ଅତଙ୍ଗ୍ଯାନା ଆତଃ କାଉରିତାନଲଃ କାଜିକେଦାଃକ “ହୋଶାନ୍ନା, ପାରମେଶ୍ଵାରଆଃ ନୁତୁମ୍ତେ ହିଜୁଃତାନିୟାଃ ଧାଇନ୍ ହବାଅଃକା, ଇସ୍ରାଏଲ୍ରେନ୍ ରାଜାରାଃ ଧାଇନ୍ ହବାଅଃକା ।”

୧୪ ଧାରାମ୍ପୁଅରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍ବିଃତେ ଇନିଃରେ ଦେଏଃୟାନାଏ,

୧୫ “ସିୟୋନ୍ରେନ୍ ହନ୍କୁଡ଼ି, ଆଲମ୍ ବରଏୟା,

ନେଲିମେ ଆମାଃ ରାଜା

ଗାଧାହନ୍ରେ ଦୁବ୍ବକେଦ୍ତେ ହିଜୁଃତାନା ।”

୧୬ ଇନିୟାଃ ଚେଲକ ନେ କାଜିକେ ଇମ୍ତା କାକ ଆଟ୍ଟକାର୍ ଉରୁମ୍ବେଦାଃ ମେନ୍ଦ ଯୀଶୁଆଃ ମାଇନାନ୍ ତାୟମ୍ତେ ନେ ସବେନାଃ ଇନିୟାଃ ବିଷାଏରେ ଧାରାମ୍ପୁଅରେ ଅଲକାନ୍ ତାଇକେନା ଆତଃ ଇନିଃକେ ଇନ୍କୁ ନେ ସବେନାଃକ ରିକାକାଦ୍ ତାଇକେନା ଏନା ଇନ୍କୁ ପାହାମ୍ବେଦାଃକ ।

୧୭ ଆତଃ ଯୀଶୁ ଲାଜାର୍ବକେ ତପା ଗାତାଏତେ ହାକାଅକିୟାଏ ଆତଃ ଗଏଃକାନ୍କଏତେ ଜୀଉବିରିଦ୍ବିୟାଏ ଇମ୍ତା ଇନିଃଲଃ ତାଇକେନ୍ ଗାଦେଲ୍ ହଡ଼କ ଗାଞ୍ଜାକ ଏମ୍ତାଇକେନା ।

୧୮ ଚିମ୍ତାଙ୍ଗ୍ ଇନ୍କୁ ଯୀଶୁ ନେ ପେଡେୟାନ୍ କାମି କାମିକାଦାଃଏ ମେନ୍ତେ ଆୟୁମ୍ବେଦାଃ ଇମ୍ତାଙ୍ଗ୍ ଏନ୍ ଗାଦେଲ୍ହଡ଼କ ଇନିଃଲଃ ନେପେଲ୍ ନାଗେନ୍ତେ ଅତଙ୍ଗ୍ଯାନାକ ।

୧୯ ଏନ୍ତେ ଫାରୁଶୀକ ଆକ ଆକରେକ କାଜିକେଦା, “ନେଲେତାନାପେଦ, ଆବୁତେ ଜେଡ୍ନାଃ କା ବାଇୟାଆ ନେଆଁ ଆଟ୍ଟକାରେପେ, ନେଲ୍କପେ, ଅତେଦିଶୁମ୍ରେନ୍ ସବେନ୍କ ଇନିଃକେ ଅତଙ୍ଗ୍ବିୟାଃକ ।”

ୟୁନାନୀରେନ୍କ ଯୀଶୁକେକ ଦାଣ୍ଡାତାନା

୨୦ ପାରାବ୍ରେ ସେଞ୍ଜା ନାଗେନ୍ତେ ହିଜୁଆକାନ୍କଏତେ ଚିମିନ୍ ହଡ଼କ ଗ୍ରୀକ୍ରେନ୍କ ତାଇକେନା ।

୨୧ ଇନ୍କୁ ଗାଲିଲ୍ରେୟାଃ ବେଅସାଇଦାରେନ୍ ଫିଲିପ୍ତାଃ ହିଜୁଃକେଦ୍ତେ କୁଲିକିୟାଃକ, “ହେ ଗମ୍ବେ, ଆଲେ ଯୀଶୁକେ ନେନେଲ୍ ସାନାଙ୍ଗ୍ତାନାଲେ ।”

୨୨ ଫିଲିପ୍ ଆନ୍ଦ୍ରିୟାସ୍ତାଃ ସେନ୍କେଦ୍ତେ କାଜିକିୟାଏ, “ଏନ୍ତେ ଆନ୍ଦ୍ରିୟାସ୍ ଆତଃ ଫିଲିପ୍ ଯୀଶୁକେକିନ୍ କାଜିକିୟାଃ ।”

୨୩ ଯୀଶୁ ଇନ୍କିନ୍କେ ମେତାଦ୍ବିନାଏ, “ମାନଞ୍ଜାହନ୍ଆଃ ମାଇନାନ୍ରେୟାଃ ନେତା ସେଚେରାକାନା ।

୨୪ ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଗହମ୍ଜାଙ୍ଗ୍ ଅତେରେ ଉୟୁଃକେଦ୍ତେ କା ଗଜଃରେଦ ଏନା ଏସ୍କାର୍ଗି ତାଇନାଃ, ମେନ୍ଦ ଏନା ଗଜଃରେଦ ପୁରାଃ ଜ ଜଅଃଆ ।

୨୫ ✽ଜେତାଏ ଆୟାଃ ଜୀଉକେ ଦୁଲ୍ଲାଡେୟାଏ ଇନିଃ ଏନାକେ ଆଦେୟାଏ ଆତଃ ଜେତାଏ ଆୟାଃ ଜୀଉକେ ନେ ଅତେଦିଶୁମ୍ରେ ହିଲାଙ୍ଗ୍ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେନ୍ତେ ବାଞ୍ଚାଅୟା ।

୨୬ ଜେତାଏ ଆଇଙ୍ଗ୍ବେ ସୁସାରିଙ୍ଗ୍ରେଦ ଇନିଃ ଆଇଙ୍ଗ୍ବେ ଅତଙ୍ଗ୍ବିୟାଏ, ଆତଃ ଆଇଙ୍ଗ୍ ତାଇନଃତାଃରେ ଆଇଙ୍ଗ୍ବେ ସୁସାରିନିଃହ ତାଇନାଃଏ, ଆତଃ ଜେତାଏ ଆଇଙ୍ଗ୍ବେ ସୁସାରିଙ୍ଗ୍ରେଦ ଆପୁଇଙ୍ଗ୍ ଇନିଃକେ ମାଇନିୟାଏ ।

ୟୀଶୁ ଆୟାଃ ଗନଏଃ ବିଷାଏରେ କାଜିକେଦାଃଏ

୨୭ “ନାହ୍ନାଃଦ ଆଇଁୟାଃ ମନ୍ ଆକ୍ବକାଅକାନା, ଚିନାଃ ଆତଃଇଙ୍ଗ୍ କାଜିୟା ? ହେ ଆବା, ନେ ନେତାଏତେ ଆଇଙ୍ଗ୍ବେ ବାଞ୍ଚାଅଇଙ୍ଗ୍ମେ ମେନ୍ତେଇଙ୍ଗ୍ କାଜିୟାତି ? ମେନ୍ଦ ଆଇଙ୍ଗ୍ ନେୟାଁ ନାଗେନ୍ତେଗିଇଙ୍ଗ୍ ହିଜୁଃକାନା, ଜେଲେକାତି ଆଇଙ୍ଗ୍ ନେ ଦୁକୁରାଃ ନେତାରେଇଙ୍ଗ୍ ସାହାତିଙ୍ଗ୍ ଦାଡ଼ିୟାଃ ।

୨୮ ହେ ଆବା ଆମାଃ ନୁତୁମ୍ ମାନାରାଙ୍ଗ୍ଅଃକା,” ମେନ୍କେଦ୍ତି ସିର୍ମାଏତେ ନେ କାଜି ଆୟୁମ୍ବେଦା, “ଆଇଙ୍ଗ୍ ଏନା ମାଇନାନ୍କାଦାଇଙ୍ଗ୍ ଆତଃ ଏନାକେ ଆତଃଗିଇଙ୍ଗ୍ ମାଇନାନ୍ନେୟାଁ ।”

୨୯ ଏନ୍ତାଃରେ ଡିଙ୍ଗୁଆକାନ୍ ଗାଦେଲ୍ ହଡ଼କ ଏନା ଆୟୁମ୍ବେଦ୍ତେ ରିମିଲ୍ ସାଡ଼ିଲେନା ମେନ୍ତେକ କାଜିକେଦା । ଏତାଃକ ମେନ୍କେଦାଃ, “ଦୁଁଡ୍ ଇନିଃଲଃ ଜାଗାର୍ବକେନାଏ ।”

୩୦ ଯୀଶୁ କାଜିରୁହାଡ଼କେଦକଆଏ, “ନେ କାଜି ଆଇଁୟାଃ ନାଗେନ୍ତେଦ କାହା, ମେନ୍ଦ ଆପେ ନାଗେନ୍ତେ ତାନାଃ ।”

୩୧ ନାହ୍ନାଃଦ ନେ ଅତେଦିଶୁମ୍ରେୟାଃ ବିଚାର୍ ସେଚେରାକାନା, ନାହ୍ନାଃ ନେ ଅତେଦିଶୁମ୍ରେନ୍ ଗମ୍ବେ ବାହାରି ହୁରାଙ୍ଗ୍ଅଃଆଏ ।

୩୨ ଆତଃ ଆଇଙ୍ଗ୍ ଅତେଦିଶୁମ୍ରେତେ ଚେତାନ୍ତେ ରାକାବଃରେଦ, ସବେନ୍କକେ ଆଇଙ୍ଗ୍ତାଃତେଇଙ୍ଗ୍ ଆଇଙ୍ଗ୍ ଇଦିକଆ ।

୩୩ ଇନିଃ ଚିଲ୍କା ଗନଏଃରେ ଦୁକୁନାମେୟାଏ, ଏନା ନେ କାଜି ହରାତେ ଉଦ୍ବକେଦା ।

✽ ୧୨:୨୫ ମାଥୁର ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.

୩୪ ସବେନ୍ ହଡକ କାଜିରୁହାଡ଼କିୟାକ, “ମାସି ଜାନାଅ ଜାନାଅଗି ତାଇନାଏ ମେନ୍ତେ ଆଲେୟାଃ ଆନ୍ତୁରେ ଆୟୁମାକାଦାଃଲେ, ଏନ୍ତେ ଆମ୍ ତିଲ୍ଲକାତେ ମାନଝାହନ୍ ଚେତାନ୍ତେ ରାକାବଃଗିୟାଏ ମେନ୍ତେମ୍ କାଜିତାନା ? ନେ ମାନଝାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦକଆଏ, “ଆତଃ ହୁଡ଼ିଙ୍ଗ୍ ନେତାଗି ମାସ୍ଲାଲ୍ ଆପେଲଃ ତାଇନାଃ, ନୁବାଃ ଆପେକେ କାଏ ଏସେର୍ପେ ନାଗେନ୍ତେ ମାସ୍ଲାଲ୍ ଆପେଲଃ ତାଇନଃ ଇମ୍ତାଗି ମାସ୍ଲାଲ୍ରେ ସେସେନେପେ ଆତଃ ନୁବାଃରେ ସେସେନ୍ନିଃ କତାଃତେ ସେନଃତାନାଏ ଏନା କାଏ ସାରିୟାଃ ।

୩୬ ଆପେ ମାସ୍ଲାଲ୍ରେନ୍ ହଡ଼ ବାଇୟଃ ନାଗେନ୍ତେ ମାସ୍ଲାଲ୍ ଆପେଲଃ ତାଇନଃ ଇମ୍ତାଗି ମାସ୍ଲାଲ୍ରେ ବିଶ୍ୱାସେପେ ।” ଯୀଶୁ ନେ ସବେନାଃ କାଜିକେଦ୍ତି ସେନଃୟାନାଏ ଆତଃ ଇନ୍କୁତାଃଏତେ ଉକୁୟାନା ।

କା ବିଶ୍ୱାସତାନ୍ ହଡକ

୩୭ ଯୀଶୁ ଇନ୍କୁଆଃ ଆୟାର୍ରେ ପେଡେୟାନ୍ କାମିକ କାମିକେଦ୍ରେୟ ଇନ୍କୁ ଇନିଃତାଃରେ କାକ ବିଶ୍ୱାସକେଦାଃ ।

୩୮ ନେ ଲେକାତେ ଯିଶାୟ ନାବୀୟାଃ କାଜି ପୁରାୟାନା,

“ହେ ପ୍ରାଭୁ, ଆଲେୟାଃ କାଜିରେ ଅକଏ ବିଶ୍ୱାସକାଦା ?
ଆତଃ ପ୍ରାଭୁଆଃ ପେଡେଃ ଅକଏତାଃରେ ଉଦୁବାକାନା ?”

୩୯ ଆତଃ ଏନାତେ ଇନ୍କୁ କାକ ବିଶ୍ୱାସ ଦାଡ଼ିକେନା, ଚିୟାଃଚି ଯିଶାୟ ଆତଃଗି କାଜିକାଦାଏ :

୪୦ “ପାର୍ମେଶ୍ୱାର୍ ଇନ୍କୁଆଃ ମେଦକେ କାଣାଁ କାଦାଃଏ
ଆତଃ ମନ୍ ତାକଆଃକେ କେଚେଦ୍ କାଦାଃଏ
ଏନାମେନ୍ତେ ଇନ୍କୁଆଃ ମେଦକେ କାକ ନେଲ୍ଦାଡ଼ିୟାଃ
ଆତଃ ଆକଆଃ ମନ୍ତେ କାକ ଆଟ୍କାର୍ ଦାଡ଼ିୟାଃ
ଆତଃ ଇନ୍କୁ ଆଇଁୟାଃରେ ମନ୍ କାକ ରୁହାଡ଼୍ ଦାଡ଼ିୟାଃ
ଆତଃ ଆଲେ ଇନ୍କୁକେ କାଲେ ବୁଗିକଆ ।”

୪୧ ଯିଶାୟ ଇନିୟାଃ ମାନାରାଙ୍ଗ୍ ନେଲ୍କେଦ୍ତେ ଆତଃ ଇନିଃକେ ଉଦୁବକେଦ୍ତେ ଏନାକେ କାଜିକେଦାଏ ।

୪୨ ଏନ୍ରେୟ ଯିହୁଦୀକଆଃ ହାକିମକଏତେ ପୁରାଃ ହଡକ ଇନିଃରେକ ବିଶ୍ୱାସକେଦାଃ, ମେନ୍ଦ୍ ଫାରୁଗୀକଆଃ ନାଗେନ୍ତେ ଆତଃ ସାମାଜ୍ ଆଡ଼ାଃଏତେ ଆତମଃରେୟାଃ ବରତେ ଇନ୍କୁ କାକ ଉଦୁବେନ୍ୟାନା ।

୪୩ ଚିୟାଃଚି ଇନ୍କୁଦ ପାର୍ମେଶ୍ୱାର୍ଆଃ ମାଇନାନ୍ଏତେ ଆଦକା ହଡକଆଃ ମାଇନାନ୍କେକ ଦୁଲ୍ଲାଡ଼କେଦାଃ ।

ୟୀଶୁଆଃ କାନାଜିତେ ବିଚାର୍ ହବାଅଆଃ

୪୪ ଯୀଶୁ କାଉରିତାନ୍ଲଃ କାଜିକେଦାଏ, “ଜେତାଏ ଆଇଙ୍ଗ୍ରେ ବିଶ୍ୱାସେତାନ୍ନିଃ ଆଇଁୟାଃରେ ଏସ୍କାର୍ କାହା ମେନ୍ଦ୍ ଆଇଙ୍ଗ୍ରେ କୁଲ୍ଲାକାଇଙ୍ଗ୍ନିଃରେୟ ବିଶ୍ୱାସାଃଏ ।

୪୫ ଆତଃ ଜେତାଏ ଆଇଙ୍ଗ୍ରେ ନେଲ୍ଲାକାଦିଙ୍ଗ୍ୟାଏ, ଇନିଃ ଆଇଙ୍ଗ୍ରେ କୁଲ୍ଲାକାଇଙ୍ଗ୍ନିଃକେୟ ନେଲ୍ଲାକାଇଜାଏ ।

୪୬ ଆଇଁୟାଃରେ ବିଶ୍ୱାସେନିଃ ନୁବାଃରେ ଆଲକାଏ ତାଇନଃକା ମେନ୍ତେ ଆଇଙ୍ଗ୍ ମାସ୍ଲାଲ୍ ଲେକା ଅତେଦିଶୁମ୍ତେଇଙ୍ଗ୍ ହିଜୁଃକାନା ।

୪୭ ଜେତାଏନିଃ ଆଇଁୟାଃ କାଜି ଆୟୁମ୍କେଦ୍ତେ କାଏ ବିଶ୍ୱାସେରେଦ୍ ଆଇଙ୍ଗ୍ ଇନିୟାଃ କାଇଙ୍ଗ୍ ବିଚାରେୟାଃ, ଚିୟାଃଚି ଆଇଙ୍ଗ୍ ଅତେଦିଶୁମ୍ତାଃ ବିଚାର୍ ନାଗେନ୍ତେଦ୍ କାହା ମେନ୍ଦ୍ ଅତେଦିଶୁମ୍ତେକେ ବାଞ୍ଛାଅ ନାଗେନ୍ତେ ହିଜୁଃକାନାଇଙ୍ଗ୍ ।

୪୮ ଜେତାଏ ଆଇଙ୍ଗ୍ରେ ହିଲ୍ଲାଙ୍ଗ୍ନିଃ ଆତଃ ଆଇଁୟାଃ କାଜି କା ମାନାଡ଼ିଙ୍ଗ୍ନିୟାଃ ବିଚାର୍ନିଃ ମେନାଇୟାଃ, ଆଇଙ୍ଗ୍ କାଜିୟାକାଦ୍ କାଜିଗି ଟୁଣ୍ଡୁଲ୍ଲାଙ୍ଗ୍ରେ ଇନିୟାଃ ବିଚାରେୟାଏ ।

୪୯ ନେଆଁ ସାର୍ତିଗିଆ, ଚିୟାଃଚି ଆଇଙ୍ଗ୍ଦ୍ ଆଇଁୟାଃ ପେଡେଃତେ କାଇଙ୍ଗ୍ କାଜିୟାକାଦାଃ ମେନ୍ଦ୍ ଆଇଙ୍ଗ୍ ଚିନାଃଇଙ୍ଗ୍ କାଜିୟା ଆତଃ ଚିନାଃଇଙ୍ଗ୍ ଜାଗାରେୟା ଏନା ଆଇଙ୍ଗ୍ରେ କୁଲ୍ଲାକାଇଙ୍ଗ୍ ଆପୁ ଆଇଙ୍ଗ୍ରେ ଆତୁକାଦିୟାଏ ।

୫୦ ଆତଃ ଇନିୟାଃ ଆନ୍ତୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗ୍ ସାରିୟାଃ, ଚିୟାଃଚି ଆଇଙ୍ଗ୍ ଅକନ୍ କାଜିକ କାଜିୟାଇଙ୍ଗ୍ ଏନା ଆପୁଇଙ୍ଗ୍ ଆତୁକାଦ୍ ଲେକାଇଙ୍ଗ୍ କାଜିୟାଃ ।”

୧୩

ୟୀଶୁ ଚେଲ୍ଲାକଆଃ କାଟା ଆବୁଙ୍ଗ୍ୟେତାନା

୧ ପାସ୍କା ପାରାବ୍ରେୟାଃ ସିଦାରେ ଯୀଶୁ ନେ ଅତେଦିଶୁମ୍ତାଏତେ ଆପୁତାଃତେ ସେନଃରେୟା ନେଡା ସେଚେର୍କାନା ମେନ୍ତେ ସାରିକେଦ୍ତି ଇନିଃ ଅତେଦିଶୁମ୍ତାରେନ୍ ଆୟାଃ ହଡକକେ ଦୁଲ୍ଲାଡ଼କେଦକଆଏ ଆତଃ ଇନ୍କୁକେ ଇନିୟାଃ ପୁରାଃ ଦୁଲ୍ଲାଡ଼୍ ଉଦୁବାଦକଆଏ ।

୨ ଯୀଶୁ ଆତ୍ମ ଆୟାଃ ଚେଲାକ ଆୟୁର୍ ଜମେୟାଃରେ ତାଇକେନାକ, ଇମ୍ତା ସାଏତାନ୍ ଶିମୋନ୍ରାଃ ହନ୍ତେକଡ଼ା ଇଷ୍ଟାରିୟତ୍ ସିହୁଦାରାଃ ମନ୍ରେ ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ମନ୍ବାଇ ଚାବାକାଦ୍ ତାଇକେନାଏ ।

୩ ଇମ୍ତା ଆପୁ ସବେନ୍ ଆକ୍ତେୟାର୍ ଆଇୟାଃ ତିଃଇରେ ଏମାକାଦାଃଏ ଆତ୍ମ ଆଇକ୍ ପାର୍ମେଶ୍ଵାର୍ତାଃଏତେ ହିନ୍ତୁଃକାନାଇକ୍ ଆତ୍ମ ପାର୍ମେଶ୍ଵାର୍ତାଃତେ ସେନ୍ରୁହାଡ଼ାଇକ୍ ମେନ୍ତେ ଯୀଶୁ ସାରି ତାଇକେନାଏ ।

୪ ଇନିଃ ଜଜମ୍ ଠାୟାଦ୍ଏତେ ବିରିଦ୍ଯାନାଏ ଆତ୍ମ ଆୟାଃ ତୁସିକ୍କାନ୍ ବାହାରି ଲିଜାଃ ଦହକେଦ୍ତେ ଆୟାଃ ମାୟାକ୍ରେ ମିଆଁଦ୍ ଗାମ୍ଛା ପାଟେୟାନାଏ ।

୫ ଏନ୍ତେ ବାସାନ୍ରେ ଦାଆଃ ଦୁଲ୍ଲକେଦ୍ତେ ଚେଲାକଆଃ କାଟା ଆବୁକ୍ ଏଟେଦ୍କେଦାଏ, ଆତ୍ମ ମାୟାକ୍ରେ ପାଟେୟାକାନ୍ ଗାମ୍ଛାତେ ଜଦ୍କେଦାଏ ।

୬ ଏନ୍ତେ ଇନିଃ ଶିମୋନ୍ ପାଡ଼ରାସ୍ତାଃତେ ହିନ୍ତୁଃୟାନାଏ, ଆତ୍ମ ଅକଏଚି କାଜିକିୟାଏ, “ହେ ପ୍ରାଭୁ, ଆମ୍ତି ଆଇୟାଃ କାଟା ଆବୁକ୍ଇୟାମ୍ ?”

୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇକ୍ ରିକାତାନ୍ତେୟାଃ ନାହାଁଃ କାମ୍ ସାରିୟାଃ, ମେନ୍ଦ୍ ଏନା ତାୟମ୍ତେମ୍ ଆବ୍କାରେୟା ।”

୮ ପାଡ଼ରାସ୍ ଇନିଃକେ କାଜିକିୟାଏ, “ଆମ୍ ତିଉଲାଅ ଆଇୟାଃ କାଟା ଆଲମ୍ ଆବୁକ୍ଇୟା” ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇକ୍ କାଲକ୍ ଆବୁକ୍ମେରେଦ୍ ଆମ୍ ଆଇୟାଃ ଚେଲା କାମ୍ ହବାଦାଡ଼ିୟଥା ।”

୯ ଏନ୍ତେ ଶିମୋନ୍ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆଇୟାଃ କାଟା ଏସ୍କାର୍ କାହା, ମେନ୍ଦ୍ ଆଇୟାଃ ତିଃଇ ଆତ୍ମ ବହଃକେହଗି ଆବୁକ୍ଇୟାମ୍ ।”

୧୦ ଯୀଶୁ ଇନିଃକେ କାଜିକିୟାଏ, “ଉମେନ୍କାନ୍ନିଃକେ କାଟା ଏସ୍କାର୍ ଆବୁକ୍ ଲାଗାତିୟାଃ; ଇନିୟାଃ ଗଟା ହଡ଼ମ୍ଦ୍ ପାର୍ଚ୍ଚିୟାକାନା ଆତ୍ମ ମିହୁଡ଼କେ ବାରିକେଦ୍ତେ ଆପେ ସବେନ୍କ୍ ପାର୍ଚ୍ଚିୟାକାନାପେ ।”

୧୧ ଚିୟାଃଚି ଇନିଃ ଆୟାଃ ସାବ୍ରିକାଇନିଃକେ ସାରିକାଇ ତାଇନାଏ ଏନାମେନ୍ତେ ଇନିଃ କାଜିକେଦାଃଏ, “ମିହୁଡ଼କେ ବାରିକେଦ୍ତେ ଆପେ ସବେନ୍କ୍ ପାର୍ଚ୍ଚିୟାକାନାପେ ।”

୧୨ *ଯୀଶୁ ଇନ୍କୁଆଃ କାଟା ଆବୁକ୍କେଦ୍ତି ଆୟାଃ ଲିଜାଃ ତୁସିକ୍କାୟାନାଏ ଆତ୍ମ ଆୟାଃ ଜଜମ୍ ଠାୟାଦ୍ରେ ଦୁବ୍ରୁହାଡ଼ୟାନାଏ, ଏନ୍ତେ ଇନ୍କୁକେ କୁଲିକେଦ୍କଆଏ, “ଆଇକ୍ ଆପେ ନାଗେନ୍ତେ ରିକାକାଦ୍ତେୟାଃ ଆବ୍କାରେତାନାପେଚି ?”

୧୩ “ଆପେ ଆଇକ୍କେ ହେ ଗୁରୁ ଆତ୍ମ ହେ ପ୍ରାଭୁ, ମେନ୍ତେପେ କାଜିୟାକ୍ତାନା ଏନା ବୁଗିନ୍ଗିପେ କାଜିତାନା ଚିୟାଃଚି ଆଇକ୍ ଇନିଃଗି ତାନିକ୍ ।

୧୪ ଆଇକ୍ ଆପେୟାଃ ପ୍ରାଭୁ ଆତ୍ମ ଗୁରୁ ତାନିକ୍ ହଲେହ୍ ଆପେୟାଃ କାଟା ଆବୁକ୍କେଦାଃଇକ୍, ଏନ୍ଲେକା ଆପେୟାଃ ମିଆଁଦ୍ନିଃ ଏଟାଃନିୟାଃ କାଟା ଆବୁକ୍ ଲାଗାତିକ୍ୟାଃ ।

୧୫ ଆଇକ୍ ଆପେୟାଃ ନାଗେନ୍ତେ କାମିକାଦ୍ଲେକା ଆପେୟାଃ ରିକାଏପେ, ଏନାମେନ୍ତେ ଆଇକ୍ ଆପେକେ ମିଆଁଦ୍ ନାମୁନା ଉଦୁବାକାଦ୍ପେୟାକ୍ ।

୧୬ *ଆଇକ୍ ଆପେକେ ସାର୍ତିଗି କାଜିୟାପେ ତାନାଇକ୍, ଦାସି ଆୟାଃ ଗମ୍କେଏତେ କାଏ ମାରାକ୍ଆଃ, ଆତ୍ମ କାଜିଏମିଃ ଆୟାଃ କୁଲିନିଃତାଃଏତେ କାଏ ମାରାକ୍ଆଃ ।

୧୭ ନାହାଁଃଦ୍ ଆପେ ନେ ସାର୍ତିକେ ସାରିୟାଃକାଦାଃପେ, ଏନାକେ ରିକାଏରେଦ୍ ଆପେ ସୁକୁତାନ୍ଚିୟାଃପେ ।

୧୮ “ଆଇକ୍ ଆପେ ସବେନ୍କ୍ଆଃ ବିଷାଏରେ କାଲକ୍ କାଜିତାନା, ଆଇକ୍ ସାଲାକାଦ୍ ହଡ଼କେ ସାରିକାଦ୍କଆଇକ୍, ମେନ୍ଦ୍ ଧାରାମ୍ପୁଅରେୟାଃ କାଜି ପୁରାଅଃ ନାଗେନ୍ତେ ନେ ଲେକା ହବାଅଃତାନା ‘ଆଇୟାଃଲଃ ହଲକ୍ ହାଚିକ୍ ଜମ୍ନିଃ ଆଇୟାଃ ବିରୁଧ୍ରେ ବିରିଦ୍ଯାନାଏ ।”

୧୯ ନେୟାଁ ହବାଅଃରେ ଆପେ ଆଇକ୍କେ ‘ଆଇକ୍ ଆଇକ୍ଗି ତାନିକ୍’ ମେନ୍ତେପେ ବିଶ୍ଵାସେ ନାଗେନ୍ତେ ଆଇକ୍ ଏନା ହବାଅଃ ସିଦାରେ ଆପେକେ ନାହାଁଃତେଗି ଉଦୁବାପେତାନାଇକ୍ ।

୨୦ *ଆଇକ୍ ଆପେକେ ସାର୍ତିଗି କାଜିୟାପେ ତାନାଇକ୍, ଜେତାଏ ଆଇକ୍ କୁଲାକାଇନିଃକେ ସୁକୁଆଇନିଃ ଆଇକ୍କେ ସୁକୁଆଇକ୍ୟାଏ, ଆତ୍ମ ଆଇକ୍କେ ସୁକୁଆଇକ୍ନିଃ ଆଇକ୍କେ କୁଲିନିଃକେ ସୁକୁଆଇୟାଏ ।”

ସାବ୍ରିକାଇନିଆଃ ବିଷାଏରେ ଯୀଶୁଆଃ ଆୟାଃକାଜି

(ମାଥୂଉ ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୀଶୁ ନେ ସବେନ୍ କାଜି କାଜିକେଦ୍ତି ଆମ୍ରେ ଆକ୍ବାକାଅୟାନାଏ ଆତ୍ମ ଗାଞ୍ଜା ଏମ୍ତାନ୍ଲଃ କାଜିକେଦାଃଏ, “ସାର୍ତିଗିକ୍ କାଜିୟାପେତାନା, ଆପେକଏତେ ମିଆଁଦ୍ନିଃ ଆଇକ୍କେ ବାଇରିକଆଃ ତିଃଇରେ ସାବ୍ରିକାକ୍ୟାଏ ।”

୨୨ ଯୀଶୁ ଅକଏକେ କାଜିତାନାଏ ମେନ୍ତେ ଚେଲାକ ଆଡ଼ାଃଉଡ଼ୁ ତାନ୍ଲଃ ଆକ୍ ଆକରେକ୍ ଆପ୍ରିଦ୍ଯାନା ।

* ୧୩:୧୨ ଲୁକ ୨୨:୨୭. * ୧୩:୧୭ ମାଥୂଉ ୧୦:୨୫; ଲୁକ ୬:୪୦; ଯୋହାନ୍ ୧୫:୨୦. * ୧୩:୨୦ ମାଥୂଉ ୧୦:୪୦; ମାର୍କ ୯:୩୭; ଲୁକ ୯:୫୮; ୧୦:୧୭.

୨୩ ଆୟାଃ ଚେଲାକଏତେ ମିଆଁଦ୍ ଚେଲା ଅକଏକେଚି ଯୀଶୁ ଦୁଲାଡ଼ିତାନ୍ ତାଇକେନାଏ, ଏନ୍ ଚେଲା ଯୀଶୁଆଃ ଗେନାରେ ଦୁବକାନ୍ ତାଇକେନାଏ ।

୨୪ ଏନ୍ତେ ଶିମୋନ୍ ପାଡ଼ରାସ୍ ଇନିଃକେ ଚୁଣ୍ଡୁକେଦତେ କାଜିକିୟାଏ, “ଇନିଃ ଅକଏକେ କାଜିତାନା ଏନା କୁଲି'ମେଁ ।”

୨୫ ଇନିଃ ଦୁବକେଦତେ ଯୀଶୁଆଃ କୁଡ଼ାମ୍ରେ ଟେଣ୍ଡେରୟାନାଏ ଆଡ଼ଃ କୁଲିକିୟାଏ, “ହେ ପ୍ରାଭୁ ଇନିଃ ଅକଏ ତାନିଃ ?”

୨୬ ଯୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ହଲଙ୍ଗ୍‌ରାଃ କେଚାଃ ତୁପୁକେଦତେ ଅକଏକେ ଏମିୟାଇଙ୍ଗ୍ ଏନ୍ ହଡ଼ ଇନିଃଗି ତାନିଃ ।” ଏନ୍ତେ ଇନିଃ ଏନ୍ ହଲଙ୍ଗ୍‌ରାଃ କେଚାଃକେ ତୁପୁକେଦତେ ଶିମୋନ୍ ଇଷ୍ଟାରିୟଡ଼ରାଃ ହନ୍ତେକଡ଼ା ଯିହୁଦାକେ ଏମ୍‌କିୟାଏ ।

୨୭ ଏନ୍ତେ ଇନିଃ ହଲଙ୍ଗ୍ କେଚାଃ ଇଦିକେଦଚି ଇମ୍‌ତାଗି ସାଏତାନ୍ ଇନିଃକେ ଏସେରକିୟାଏ । ଏନ୍ତେ ଯୀଶୁ ଇନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।”

୨୮ ମେନ୍‌ଦ ଇନିଃ ଚିନାଃ ମେନ୍ତେ ଇନିଃକେ ନେ କାଜି କାଜିକିୟାଏ, ଏନା ଦୁବାକାନ୍‌କଏତେ ଜେତାଏ କାକ ସାରିକେଦାଃ ।

୨୯ ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ଚେଲାକଏତେ ଚିମିନ୍‌କ ଉଡ଼ୁକେଦାଃଚି ପାରାବ୍ ନାଙ୍ଗ୍ ଲାଗାଡ଼ିଙ୍ଗ୍‌ତେୟାଃକ କିରିଙ୍ଗ୍ ନାଗେନ୍ତେ ଆଡ଼ଃ ରେଙ୍ଗେଃକକେ ହୁଡ଼ିଙ୍ଗ୍ ଲେକା ଏମାକ ନାଗେନ୍ତେ ଯୀଶୁ ଇନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲଙ୍ଗ୍ କେଚାଃ ଚେଲାକେଦଚି ଇମ୍‌ତାଗି ଅଡ଼ଙ୍ଗ୍‌ଧାବ୍‌ୟାନାଏ, ଆଡ଼ଃ ଇମ୍‌ତା ନୁବାଃକାନ୍ ତାଇକେନା ।

ନାଝା ଆନ୍‌ଚୁ

୩୧ ଯିହୁଦା ଅଡ଼ଙ୍ଗ୍‌ୟାନ୍ ତାୟମ୍‌ତେ ଯୀଶୁ କାଜିକେଦାଃଏ, “ନାହାଁଃଦ ମାନଝାହନ୍‌ରାଃ ମାଇନାନ୍ ଉଦୁବ୍‌ୟାନା ଆଡ଼ଃ ପାର୍‌ମେଶ୍ୱାର୍‌ରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନା ।

୩୨ ଆଡ଼ଃ ପାର୍‌ମେଶ୍ୱାର୍‌ରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନ୍‌ରେଦ, ପାର୍‌ମେଶ୍ୱାର୍‌ହଗି ମାନଝାହନ୍‌କେ ଆୟାଃତାଃରେ ମାଇନାନ୍‌ନିୟା ଆଡ଼ଃ ଇମ୍‌ତାଗି ଇନିଃକେ ମାଇନାନ୍‌ନିୟା ।

୩୩ ☆ୟୀଶୁ କାଜିକେଦାଏ, ‘ଏ ହନ୍‌କ, ଆଇଙ୍ଗ୍ ଆପେଲଃ ଆଡ଼ଃ ଘାଡ଼ିକାଦ୍‌ଗି ତାଇନାଇଙ୍ଗ୍, ଆପେ ଆଇଙ୍ଗ୍‌କେ ଦାଣ୍ଡାଈୟାପେ, ଆଡ଼ଃ ଆଇଙ୍ଗ୍ ଯିହୁଦୀ ହାକିମ୍‌କକେ କାଜିୟାକାଦ୍‌କଲେକା ନାହାଁଃ ଆପେକେଇଙ୍ଗ୍ କାଜିୟାପେତାନା, ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ।’

୩୪ ☆ଆପେ ଦୁପୁଲାଡ଼ରେ ତାଇନ୍‌ପେ, ନେ ନାଝା ଆନ୍‌ଚୁ ଆଇଙ୍ଗ୍ ଆପେକେ ଏମାପେତାନାଇଙ୍ଗ୍, ଆଇଙ୍ଗ୍ ଆପେକେ ଦୁଲାଡ଼କାଦ୍‌ପେଲେକା ଆପେୟ ଦୁପୁଲାଡ଼ରେ ତାଇନ୍ ଲାଗାଡ଼ିଙ୍ଗ୍‌ୟାଃ ।

୩୫ ଆପେ ଦୁଲାଡ଼ରେପେ ତାଇନ୍‌ରେଦ ଆଇଁୟାଃ ଚେଲାକ ତାନ୍‌ପେ ମେନ୍ତେ ସବେନ୍ ହଡ଼କ ସାରିୟାଃ ।”

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ କାଜିରାଃ ଆୟାର୍‌କାଜି

(ମାଥୁ ୨୨:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପାଡ଼ରାସ୍ ଯୀଶୁକେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯୀଶୁ କାଜିକିୟାଏ, “ଆଇଙ୍ଗ୍ ସେନଃତାନ୍‌ତାଃ ନାହାଁଃ ଆମ୍ କାମ୍ ଅଡ଼ଙ୍ଗ୍‌ଦାଡ଼ିୟାଃ ମେନ୍‌ଦ ତାୟମ୍‌ତେମ୍ ଅଡ଼ଙ୍ଗ୍‌ଇଁୟା ।”

୩୭ ପାଡ଼ରାସ୍ ଇନିଃକେ କୁଲିକିୟାଏ, “ହେ ପ୍ରାଭୁ ଆଇଙ୍ଗ୍ ନାହାଁଃ ଚିକାନାଙ୍ଗ୍ ଆମ୍‌କେ ଅଡ଼ଙ୍ଗ୍ କାଇଙ୍ଗ୍ ଦାଡ଼ିମେୟା ? ଆଇଙ୍ଗ୍ ଆମାଃ ନାଗେନ୍ତେ ଆଇଁୟାଃ ଜୀଉ ଏମ୍‌ନାଙ୍ଗ୍ ସେକାଡ଼ାକାନାଇଙ୍ଗ୍ ।”

୩୮ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ସାର୍‌ତିଗି ଆଇଁୟାଃ ନାଙ୍ଗ୍ ଜୀଉ ଏମ୍‌ନାଙ୍ଗ୍ ସେକାଡ଼ାକାନାମ୍ ? ଆଇଙ୍ଗ୍ ଆମ୍‌କେ ସାର୍‌ତିଗି କାଜିୟାମ୍‌ତାନାଇଙ୍ଗ୍, ସାଣ୍ଡିସିମ୍ ଆଉରି ରାଆଃ ସିଦାରେ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

୧୪

ଆପୁତାଃତେ ସେଟେର୍ ହରା ଯୀଶୁ ତାନିଃ

୧ ଯୀଶୁ କାଜିକେଦାଏ, “ଆପେୟାଃ ମନ୍ ଆଲକା ଆକ୍‌ବାକାଅଃକା, ଆପେ ପାର୍‌ମେଶ୍ୱାର୍‌ରେ ବିଶ୍ୱାସେପେ ଆଡ଼ଃ ଆଇଙ୍ଗ୍‌ରେୟ ବିଶ୍ୱାସେପେ ।

୨ ଆଇଁୟାଃ ଆପୁଇଁୟାଃ ଅଡ଼ାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆଡ଼ଃ କା'ତାଇନ୍‌କାରେଦ ଆଇଙ୍ଗ୍ ଆପେନାଙ୍ଗ୍ ଠାୟାଦ୍ ବାଇବାଇତେ ସେନ୍‌ତାନାଇଙ୍ଗ୍ ମେନ୍ତେ କାଜିୟାପେତେୟାଃଇଙ୍ଗ୍ ।

୩ ଆଡ଼ଃ ଆଇଙ୍ଗ୍ ସେନ୍‌କେଦତେ ଆପେନାଙ୍ଗ୍ ଠାୟାଦ୍ ବାଇସେକାଡ଼ଲେରେ ଆଡ଼ଃମିସା ହିଜୁଃଆଇଙ୍ଗ୍ ଆଡ଼ଃ ଆଇଙ୍ଗ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇଙ୍ଗ୍‌ତାଃତେ ଆପେକେ ଇଦିପେୟାଇଙ୍ଗ୍ ।

☆ ୧୩:୩୩ ଯୋହାନ୍ ୭:୩୪. ☆ ୧୩:୩୪ ଯୋହାନ୍ ୧୫:୧୨,୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

୪ ଆଇଙ୍କ ଅକତାଃତେ ସେନଃତାନାଇଙ୍କ ଏନ୍ ଠାୟାଦରାଃ ହରା ଆପେ ସାରିୟାଃପେ ।”

୫ ଥୋମା ଇନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲ୍ଲକାତେ ହରାଲେ ସାରି ଦାଡ଼ିୟା ?”

୬ ଯୀଶୁ ଇନିଃକେ କାଜିକିୟାଏ, “ଆଇଙ୍କ୍ରି ତାନିଙ୍କ୍ ହରା, ସାର୍ତି ଆତଃ ଜୀଦାନ୍, ଆଇଙ୍କ୍ କେ ବାଗିକେଦ୍ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।”

୭ ଇନିଃ ମେତାଦକଆଏ, “ଆପେ ଆଇଙ୍କ୍ କେ ସାର୍ତିଗି ସାରିକାଇଙ୍କ୍ରେଦ ଆପୁଇଙ୍କ୍ କେହ ସାରିକାଇତେୟାଃପେ, ନାହାଁଃଏତେ ଆପେ ଇନିଃକେପେ ସାରିତାନା ଆତଃ ଇନିଃକେପେ ନେଲୀକାଲଜାଃ ।”

୮ ଫିଲିପ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍ନାଙ୍କ୍ରି ଆଲେୟାଃ ସାନାଙ୍କ୍ ତାନାଃ ।”

୯ ଯୀଶୁ କାଜିରୁହାଡ଼କିୟାଏ, “ଏ ଫିଲିପ୍, ନିମିନ୍ ମାହାଁଏତେ ଆଇଙ୍କ୍ ଆପେଲଃ ମେନାଲୟାଁଃ ଚିୟାଃ ଆମ୍ ଆଇଙ୍କ୍ କେ କାମ୍ ସାରିକାଦ୍ ଯାଃ, ଜେତାଏ ଆଇଙ୍କ୍ କେ ନେଲୀକାଦିଙ୍କ୍ରି ଆପୁକେ ନେଲୀକାଲଜାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲ୍ଲକାତେମ୍ କାଜିତାନା ?”

୧୦ ଆଇଙ୍କ୍ ଆପୁତାଃରେ ମେନାଲୟାଁଃ ଆତଃ ଆପୁ ଆଇଙ୍କ୍ ଚିୟା, ଚିୟାଃ ନେଆଁ ଆମ୍ କାମ୍ ପାତିୟାରେତାନା, ଆଇଙ୍କ୍ ଆପେକେ କାଜିୟାପେତାନ୍ କାଜିକ ଆଇଙ୍କ୍ ତାଃଏତେ କାଇଙ୍କ୍ କାଜିୟାଃ ମେନ୍ଦ୍ ଆପୁ ଆଇଙ୍କ୍ରେ ତାଇନକେଦ୍ତେ ଆୟାଃ କାମିକ କାମିତାନାଏ ।

୧୧ ଆଇଙ୍କ୍ ଆପୁତାଃରେ ମେନାଲୟାଁଃ ଆତଃ ଆପୁ ଆଇଙ୍କ୍ ଚିୟାଃ ଏନା ବିଶ୍ୱାସେପେ, ଏନା କା'ରେଦ୍, ଆଇଙ୍କ୍ କାମିକାଦ୍ କାମିକ ନାଗେନ୍ତେ ପାତିୟାରିଙ୍କ୍ପେ ।

୧୨ ଆଇଙ୍କ୍ ସାର୍ତିଗି କାଜିୟାପେ ତାନାଇଙ୍କ୍, ଆଇଙ୍କ୍ରେ ବିଶ୍ୱାସେତାନ୍କ, ଆଇଙ୍କ୍ କାମିକାଦ୍ କାମିକ କାମିୟା ଆତଃ ଏନାଏତେ ଆଦକା ମାପରାଙ୍କ୍ କାମିକ କାମିୟା, ଚିୟାଃଟି ଆଇଙ୍କ୍ଦ ଆପୁତାଃତେ ସେନଃତାନାଇଙ୍କ୍ ।

୧୩ ଆତଃ ଆଇଙ୍କ୍ ନୁତୁମ୍ତେ ସବେନାଃ ଆସିତେୟାଃ ଆଇଙ୍କ୍ ଆପେନାଙ୍କ୍ କାମିୟାଇଙ୍କ୍, ଏନାତେ ଆପୁଆଃ ମାଲନାନ୍ ହନ୍ଆଃ ହରାତେ ଉଦୁବିଃଆ ।

୧୪ ଆପେ ଆଇଙ୍କ୍ ନୁତୁମ୍ତେ ଜେତ୍ନାଃପେ ଆସିରେଦ୍ ଏନାଇଙ୍କ୍ ରିକାୟା ।

ପାବିତାର୍ ଆମ୍ବାରାଃ କାଜିଏମଃ

୧୫ ଆପେ ଆଇଙ୍କ୍ କେ ଦୁଲାଡ଼ିଙ୍କ୍ରେଦ୍ ଆଇଙ୍କ୍ ଆନୁରୁପେ ମାନାଡ଼ିଙ୍କ୍ ଯାଃ ।

୧୬ ଆଇଙ୍କ୍ ଆପୁକେଇଙ୍କ୍ ବିକ୍ରିୟା ଆତଃ ଇନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏଟାଃ ଜୀଉରାଡ଼େଃ ଏମଃନିଃକେ ଏମାପେୟାଏ ।

୧୭ ଇନିଃ ସାର୍ତି ଆମ୍ ତାନିଃ, ଆତଃ ପାର୍ମେଶ୍ୱାରରାଃ ସାର୍ତି ବିଷାଏକେ ଉଦୁବେୟାଏ । ଅତେଦିଶ୍ୱମ୍ ଇନିଃକେ କାଏ ସାରିୟାଃ, ଚିୟାଃଟି ଅତେଦିଶ୍ୱମ୍ ଇନିଃକେ କାଏ ନେଲ୍ ଦାଡ଼ିୟାଃ ଚାଏ କାଏ ନାମ୍ ଦାଡ଼ିୟାଃ । ମେନ୍ଦ୍ ଆପେ ଇନିଃକେ ସାରିୟାଃପେ ଚିୟାଃଟି ଇନିଃ ଆପେଲଃ ମେନାଲୟାଁଃ ଆତଃ ଆପେରେ ତାଇନଃଆଏ ।

୧୮ “ଆଇଙ୍କ୍ ସେନଃୟାନ୍ ତାୟମ୍ତେ, ଆଇଙ୍କ୍ ଆପେକେ ରୁଆର୍ଲେକା କାଇଙ୍କ୍ ବାଗିପେୟା, ଆଇଙ୍କ୍ ଆପେତାଃତେ ରୁହାଡ଼ ହିଜୁଃଆଇଙ୍କ୍ ।

୧୯ ଆତଃ କାଟିଃ ଘାଡ଼ିକାଦ୍ରେ ଅତେଦିଶ୍ୱମ୍ ଆଇଙ୍କ୍ କେ କାଏ ନେଲିୟାଁଃ, ମେନ୍ଦ୍ ଆପେ ଆଇଙ୍କ୍ କେ ନେଲିୟାଁଃପେ, ଚିୟାଃଟି ଆଇଙ୍କ୍ଦ ଜୀହିଦ୍ ମେନାଲୟାଁଃ ଆତଃ ଆପେୟ ଜୀହିଦ୍ଗି ତାଇନାଃପେ ।

୨୦ ଆଇଙ୍କ୍ ଆପୁଲଃ ମେନାଲୟାଁଃ ଆତଃ ଆଇଙ୍କ୍ ଆପେରେ ମେନାଲୟାଁଃ ଲେକା ଆପେ ଆଇଙ୍କ୍ରେ ମେନାପେୟା ଏନା ଏନ୍ ହୁଲାଙ୍କ୍ ହିଜୁଃରେପେ ସାରିୟାଃ ।

୨୧ “ଜେତାଏ ଆଇଙ୍କ୍ ଆନୁରୁ ନାମ୍ କେଦ୍ତେ ମାନାଡ଼ିଙ୍କ୍ରି ଆଇଙ୍କ୍ କେ ଦୁଲାଡ଼ାଏ, ଆତଃ ଆଇଙ୍କ୍ କେ ଦୁଲାଡ଼ିଙ୍କ୍ରିକେ ଆପୁଇଙ୍କ୍ ଦୁଲାଡ଼ିୟାଏ ଆତଃ ଆଇଙ୍କ୍ ହିଜୁଃକେଦ୍ତେ ଇନିଃକେ ଦୁଲାଡ଼ିୟାଇଙ୍କ୍ ଆତଃ ଇନିଃତାଃରେ ଉଦୁବେନାଇଙ୍କ୍ ।”

୨୨ ଇଷ୍ଟାରିୟଡ଼ ଯିହୁଦା କାହା, ଏଟାଃ ଯିହୁଦା ଯୀଶୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍ଲକା ହବାଅଆଃ ? ଚିନାଃମେନ୍ତେ ଆମ୍ ଅତେଦିଶ୍ୱମ୍ରେ କା ଉଦୁବେନକେଦ୍ତେ ଆଲେତାଃରେ ଉଦୁବେନ୍ ସାନାଙ୍କ୍ତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼କିୟାଏ, “ଜେତାଏ ଆଇଙ୍କ୍ କେ ଦୁଲାଡ଼ିଙ୍କ୍ରେଦ୍ ଇନିଃ ଆଇଙ୍କ୍ କାଜି ମାନାଡ଼ିୟାଏ ଆତଃ ଆପୁଇଙ୍କ୍ ଇନିଃକେ ଦୁଲାଡ଼ିୟାଏ ଆତଃ ଆପୁଇଙ୍କ୍ ଆତଃ ଆଇଙ୍କ୍ ହିଜୁଃକେଦ୍ତେ ଇନିଃଲଃ ତାଇନାଃଲିଙ୍କ୍ ।

୨୪ ଆଇଙ୍କ୍ କେ କାଏ ଦୁଲାଡ଼ିଙ୍କ୍ରି ଆଇଙ୍କ୍ କାଜି କାଏ ମାନାଡ଼ିୟାଁଃ ଆତଃ ଆପେ ଆୟୁମ୍ତାନ୍ କାଜି ଆଇଙ୍କ୍ ନାହାଁଲୀଃ, ମେନ୍ଦ୍ ଆଇଙ୍କ୍ କେ କୁଲାକାଲଙ୍କ୍ରି ଆପୁଇଙ୍କ୍ ତାନାଃ ।

୨୫ “ଆଇଙ୍କ୍ ଆପେଲଃ ତାଇକେନ୍ ଇମ୍ତା ନେ କାଜିକ କାଜିୟାପେ ତାନାଇଙ୍କ୍ ।

୨୬ ମେନ୍ଦ୍ ଏନ୍ ଜୀଉରାଡ଼େଃ ଏମଃ ପାବିତାର୍ ଆମ୍ବାକେ ଆପୁ ଆଇଙ୍କ୍ ନୁତୁମ୍ତେ କୁଲିୟାଏ ଇନିଃ ଆପେକେ ସବେନାଃ ଇତୁପେୟାଏ ଆତଃ ଆପେକେ କାଜିକାଦ୍ପେତେୟାଃ, ପାହାମ୍ ରିକାପେୟାଏ ।

୨୭ “ଆଇଙ୍ଗ ଆପେକେ ଜୀଉସୁକୁ ବାଗିୟାପେତାନାଇଙ୍ଗ, ଆଇଁୟାଃ ଜୀଉସୁକୁ ଏମାପେତାନାଇଙ୍ଗ, ଅତେଦିଶୁମ୍ ଏମ୍ଲେକା କାଇଙ୍ଗ ଏମାପେତାନା, ଆପେୟାଃ ମନ୍ ଆଲକାଏ ଆକ୍‌ବାକାଅଃକା ଆଡ଼ିଃ ଆଲକାଏ ବରଏକା ।

୨୮ “ଆଇଙ୍ଗ ସେନଃତାନାଇଙ୍ଗ ଆଡ଼ିଃ ଆପେତାଃତେଇଙ୍ଗ ହିଜୁଃରୁହାଡ଼ାଃ” ମେନ୍ତେ ଆପେକେ କାଜିକାଦ୍‌ପେତେୟାଃ ଆୟୁମ୍‌କାଦାଃପେ । ଆପେ ଆଇଙ୍ଗକେ ଦୁଲାଡ଼ିଙ୍ଗ୍‌ତେୟାଃପେ ରେଦ ଆଇଙ୍ଗ ଆପୁତାଃତେଇଙ୍ଗ ସେନଃତାନା ମେନ୍ତେ ରାସ୍‌କାଅଃତେୟାଃପେ, ଚିୟାଃଚି ଆପୁଦ ଆଇଙ୍ଗଏତେ ମାରାଙ୍ଗ୍‌ଆଃଏ ।

୨୯ ଏନା ହବାଃଅ ଦିପିଲିରେ ଆପେ ଜେ'ଲେକା ବିଶ୍ୱାସେ ନାଗେନ୍ତେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଙ୍ଗ ।

୩୦ ଆଇଙ୍ଗ ଆପେଲଃ ପୁରାଃ କାଇଙ୍ଗ ଜାଗାରେୟା, ନେ ଅତେଦିଶୁମ୍‌ରେନ୍ ଗମ୍‌କେ ହିଜୁଃତାନାଏ ଆଡ଼ିଃ ଆଇଙ୍ଗ୍‌ରେ ଇନିୟାଃ ଜେତାନ୍ ପେଡ଼େଃ ବାନଆଃ ।

୩୧ ମେନ୍‌ଦ ଆପୁ ଆତୁକାଦ୍ ଲେକାଇଙ୍ଗ କାମିୟାଃ, ଏନାତେ ଆଇଙ୍ଗ ଆପୁକେଇଙ୍ଗ ଦୁଲାଡ଼ାଃ ମେନ୍ତେ ଅତେଦିଶୁମ୍ ଆଡ଼ିକାରେକାଏ ।

“ବିରିଦ୍‌ପେ, ଦଲା ନେତାଃଏତେରୁ ସେନଃଆ ।

୧୫

ୟାଶୁ ସାର୍‌ତି ଦାଖ୍‌ନାଡ଼ି ତାନିଃ

୧ “ଆଇଙ୍ଗ ସାର୍‌ତି ଦାଖ୍‌ନାଡ଼ି ତାନିଙ୍ଗ୍ ଆଡ଼ିଃ ଆପୁଇଙ୍ଗ୍ କିଷାନ୍ ତାନିଃ ।

୨ ଆଇଙ୍ଗ୍‌ତାଃରେ ତାଇନଃ ଜେତାନ୍ କତ କା ଜଅଃ'ତେୟାଃକେ ମାଆଃ ଆତମେୟାଏ ଆଡ଼ିଃ ଜଅଃ'ତାନ୍ କତ ଆଦ୍‌କା ଜଅଃ'କା ମେନ୍ତେ ଏନାକେ ମାଆଃକେଦ୍‌ତେ ସାଫା ଫାଡ଼ିୟାଏ ।

୩ ଆପେଦ ଆଇଙ୍ଗ କାଜିୟାଦ୍ କାଜିରେୟାଃ ହରାତେପେ ଫାଡ଼ି ଚାବାକାନା ।

୪ ଆଇଙ୍ଗ୍‌ରେ ତାଇନ୍‌ପେ ଆଡ଼ିଃ ଆଇଙ୍ଗ୍‌ ଆପେରେ ତାଇନାଃଇଙ୍ଗ, କତ ଦାଖ୍‌ନାଡ଼ିରେ କା ତାଇନ୍‌ରେଦ ଆଇଃକ୍‌ତେଗି କା ଜଅଃ ଦାଡ଼ିୟାଆ, ଏନ୍ ଲେକାତେ ଆପେୟ ଆଇଁୟାଃରେ କାପେ ତାଇନ୍‌ରେଦ କାପେ ଜଅଃ ଦାଡ଼ିୟାଆ ।

୫ “ଆଇଙ୍ଗ ଦାଖ୍‌ନାଡ଼ି ତାନିଙ୍ଗ୍, ଆପେ କତକ ତାନ୍‌ପେ, ଆଇଙ୍ଗ୍‌ରେ ତାଇନ୍‌ତାନ୍‌କ ଆଡ଼ିଃ ଆଇଙ୍ଗ୍ ଇନ୍‌କୁରେ ତାଇନ୍‌ତାନ୍ ହଡ଼କ ପୁରାଃ ଜଅଃକ । ଚିୟାଃଚି ଆଇଙ୍ଗ୍ ବେଗାର୍‌ଦ୍ ଆପେ ଜେଡ଼ନାଃ କାପେ କାମି ଦାଡ଼ିୟାଃ ।

୬ ଜେତାଏ ଆଇଙ୍ଗ୍‌ରେ କାଏ ତାଇନ୍‌ରେଦ ଇନିଃ ମାଆଃକାନ୍ କତଲେକାଏ ଏଣ୍ଡାଗଃଆ, ଆଡ଼ିଃ ରହଡ଼ିଆଏ; ଏନ୍‌ଲେକାନ୍ କତକେ ହଡ଼କ ହୁଣ୍ଡିକେଦ୍‌ତେ ସେଲେକ୍‌ରେକ ହୁଦ୍‌ମାୟା ଆଡ଼ିଃ ଏନା ଲଆଃ ।

୭ ଆପେ ଆଇଙ୍ଗ୍‌ରେ ତାଇନ୍‌ରେ ଆଡ଼ିଃ ଆଇଁୟାଃ କାଜି ଆପେରେ ତାଇନ୍‌ରେଦ ଆପେ ଜେଡ଼ନାଃ ସାନାଙ୍ଗ୍‌ତେୟାଃ ଆସିପେ ଆଡ଼ିଃ ଆପେୟାଃ ନାଗେନ୍ତେ ଏନା ହବାଆଃ ।

୮ ଆପେ ପୁରାଃ ଜ ଜଅଃ'ରେ ଆଇଁୟାଃ ଆପୁଇଙ୍ଗ୍ ମାଇନାନଃଆଏ ଆଡ଼ିଃ ଆପେ ଆଇଁୟାଃ ବୁଗିନ୍ ଚେଲାପେ ବାଇୟାଆଃ ।

୯ ଆପୁ ଆଇଙ୍ଗ୍‌କେ ଦୁଲାଡ଼ିକାଦିଙ୍ଗ୍ ଲେକା ଆଇଙ୍ଗ୍ ଆପେକେ ଦୁଲାଡ଼ିକାଦ୍‌ପେୟାଃଇଙ୍ଗ, ଆଇଁୟାଃ ଦୁଲାଡ଼ିରେ ତାଇନ୍‌କାନ୍‌ପେ ।

୧୦ ଆଇଙ୍ଗ୍ ଆପୁଇଁୟାଃ ଆନ୍‌ରୁ ମାନାଡ଼ିଙ୍ଗ୍‌କେଦ୍‌ତେ ଆୟାଃ ଦୁଲାଡ଼ିରେ ତାଇକାନ୍ ଲେକାଗି ଆପେୟାଗି ଆଇଁୟାଃ ଆନ୍‌ରୁପେ ମାନାଡ଼ିଙ୍ଗ୍‌ରେ ଆଇଁୟାଃ ଦୁଲାଡ଼ିରେପେ ତାଇନାଃ ।

୧୧ “ଆଇଁୟାଃ ରାସ୍‌କା ଆପେରେ ତାଇନ୍‌କା ଆଡ଼ିଃ ଆପେୟାଃ ରାସ୍‌କା ପୁରାଆଃ ନାଗେନ୍ତେ ଆଇଙ୍ଗ୍ ଆପେକେ ନେଆଁ କାଜିୟାଦ୍‌ପେୟାଃଇଙ୍ଗ ।

୧୨ ✠ଆଇଙ୍ଗ୍ ଆପେକେ ଦୁଲାଡ଼ିକାଦ୍‌ପେ ଲେକା ଆପେୟ ଦୁପୁଲାଡ଼ିପେ, ନେଆଁ ଆଇଁୟାଃ ଆନ୍‌ରୁ ତାନାଃ ।

୧୩ ଜେତାଏ ଆୟାଃ ଗାଡ଼ିକଆଃ ନାଗେନ୍ତେ ଆୟାଃ ଜୀଉ ଏମଃନିୟାଃଏତେ ମାରାଙ୍ଗ୍ ଦୁଲାଡ଼ି ଜେଡ଼ନାଃ ବାନଆଃ ।

୧୪ ଆଇଙ୍ଗ୍ ଆପେକେ ଏମାକାଦ୍ ଆନ୍‌ରୁକେପେ ମାନାଡ଼ିଙ୍ଗ୍‌ରେଦ ଆପେ ଆଇଁୟାଃ ଗାଡ଼ିକ ତାନ୍‌ପେ ।

୧୫ ଆଇଙ୍ଗ୍ ଆପେକେ ଆଡ଼ିଃ ଦାସି ମେନ୍ତେ କାଇଙ୍ଗ୍ କାଜିପେତାନା, ଚିୟାଃଚି ଗମ୍‌କେ ଚିନାଃ କାମିତାନ୍‌ତେୟାଃ, ଦାସି କାଏ ସାରିୟାଃ ମେନ୍‌ଦ ଆଇଙ୍ଗ୍ ଆପେକେ ଗାଡ଼ି ମେନ୍ତେ କାଜିପେତାନାଇଙ୍ଗ୍ ଚିୟାଃଚି ଆଇଁୟାଃ ଆପୁଇଙ୍ଗ୍‌ତାଃଏତେ ଆୟୁମ୍‌କାଦ୍ ସବେନାଃ ଆପେକେ ଉଦୁବାକାଦ୍‌ପେୟାଃଇଙ୍ଗ ।

୧୬ ଆପେ ଆଇଙ୍ଗ୍‌କେ କାପେ ସାଲାକାଦିୟାଃ ମେନ୍‌ଦ ଆଇଙ୍ଗ୍ ଆପେକେ ସାଲାକାଦ୍‌ପେୟାଃଇଙ୍ଗ । ଆପେ ଜେ'ଲେକା ପୁରାଃଗି ଜ ଦାଡ଼ିୟାଆପେ ଆଡ଼ିଃ ଏନ୍ ଜ ଜାନାଅଗି ତାଇନଃକା ମେନ୍ତେଇଙ୍ଗ୍ ସାଲାକାଦ୍‌ପେୟା । ଏନାତେ ଆପେ ଆଇଁୟାଃ ନୁଡ଼ୁମ୍‌ତେ ଆପୁକେ ଜେଡ଼ନାଃ ଆସିତେୟାଃ ଆପେକେ ଏମାପେୟାଏ ।

୧୭ ଆଇଙ୍ଗ୍ ଆପେକେ ଦୁଲାଡ଼ିପେତାନ୍ ଲେକାଗି ଆପେ ଆପେଗି ଦୁପୁଲାଡ଼ିପେ, ନେଆଁ ଆଇଁୟାଃ ଆନ୍‌ରୁ ତାନାଃ ।

ଅତେଦିଶୁମ୍ ଆପେକେ ହିଲାଙ୍ଗ୍‌ପେୟା

✠ ୧୫:୧୭ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

୧୮ “ଅତେଦିଶୁମ୍ ଆପେକେ ହିଲାଙ୍ଗପେରେଦ, ଆପେକେ ହିଲାଙ୍ଗ ସିଦାରେ ଆଇଙ୍ଗକେ ହିଲାଙ୍ଗକାଦିୟାଏ ଏନା ସାରିପେ ।

୧୯ ଆପେ ନେ ଅତେଦିଶୁମ୍ରେନ୍ ତାଇକାନ୍ରେଦ ଅତେଦିଶୁମ୍ ଆପେକେ ଆଇଃକ୍ ଲେକାଗି ଦୁଲାଡ଼କାପେତେୟାଏ । ମେନ୍ଦ ଆଇଙ୍ଗ ଆପେକେ ଅତେଦିଶୁମ୍ଏତେ ସାଲାକାଦ୍ପେୟାଇଙ୍ଗ, ଆଡ଼ ଆପେ ଅତେଦିଶୁମ୍ରେନ୍ ନାହାଁଲାପେ ଏନାତେ ଆପେକେ ଅତେଦିଶୁମ୍ ହିଲାଙ୍ଗପେତାନାଏ ।

୨୦ *ଦାସି ଆୟାଃ ଗମ୍ବକେଏତେ କାଏ ମାରାଙ୍ଗଆଃ ମେନ୍ତେ କାଜିୟାଦ୍ପେ କାଜି ପାହାମେପେ । ଇନ୍କୁ ଆଇଙ୍ଗକେ ସିଗିଦକାଦିଙ୍ଗ୍ ରେଦକ ଆପେକେୟାଗି ସିଗିଦ୍ପେୟାକ, ଇନ୍କୁ ଆଇଁୟାଃ କାଜି ମାନାଡ଼ିଙ୍ଗ୍ଲେରେ ଆପେୟାଃ କାଜିକେୟାକ ମାନାଡ଼ିଙ୍ଗ୍ୟାଃ ।

୨୧ ମେନ୍ଦ ଇନ୍କୁ ଆଇଁୟାଃ ନୁଡୁମ୍ ନାଗେନ୍ତେ ନେ ସବେନାଃ ଆପେକେୟା ରିକାପେୟାକ, ଚିୟାଃଚି ଇନ୍କୁ ଆଇଙ୍ଗକେ କୁଲ୍ନିଃକେ କାକ ସାରିୟା ?

୨୨ ଆଇଙ୍ଗ୍ ହିଜୁଃକେଦ୍ତେ ଇନ୍କୁକେ କାଇଙ୍ଗ୍ କାଜିକାକରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ ନାହାଁଃ ଆକଆଃ ପାପ୍ ନାଗେନ୍ତେ ଇନ୍କୁ ଜେଡ଼ନାଃ କାକ ବାହାନା ଦାଡ଼ିୟାଃ ।

୨୩ ଆଇଙ୍ଗକେ ହିଲାଙ୍ଗନିଃ ଆଇଁୟାଃ ଆପୁକେହଗି ହିଲାଙ୍ଗଆଃଏ ।

୨୪ ଜେତାଏ କାକ କାମିୟାକାଦ୍ କାମି ଆଇଙ୍ଗ୍ ଇନ୍କୁଆଃ ଆଲାରେ କାଇଙ୍ଗ୍ କାମିକେଦ୍ରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ ଆଇଙ୍ଗ୍ କାମିକାଦ୍ତେୟାଃ ନାହାଁଃ ଇନ୍କୁ ନେଲ୍କାଦାଃକ ଆଡ଼ ଆଇଙ୍ଗ୍ ଆଡ଼ ଆପୁଇଙ୍ଗ୍ ବାରାନ୍କିନ୍କେ ହିଲାଙ୍ଗକାଦ୍ଲିୟାକ ।

୨୫ ମେନ୍ଦ ‘ଇନ୍କୁ ଆଇଙ୍ଗକେ ସାମାଗିକ ହିଲାଙ୍ଗକିଦିୟାଃ ।’ ଇନ୍କୁଆଃ ଆନ୍ତୁରେ ନେ କାଜି ଅଲାକାନ୍ତେୟାଃ ପୁରାଅଃ ନାଗେନ୍ତେ ନେଲେକା ହବାଅଃତାନାଃ ।

୨୬ “ଆପୁତାଃଏତେ ଆପେତାଃ ଆଇଙ୍ଗ୍ କୁଲି ଜୀଉରାଡ଼େଃ ଏମଃନିଃକେ ତାଏ ଆପୁତାଃଏତେ ହିଜୁଃତାନ୍ ସାନାଡ଼ିରେନ୍ ଆମ୍ବା ହିଜୁଃରେ ଆଇଁୟାଃ ବିଷାଏରେ ଗାଞ୍ଜା ଏମେୟାଏ ।

୨୭ ଆଡ଼ ଆପେୟା ଆଇଁୟାଃ ବିଷାଏରେ ଗାଞ୍ଜାପେ ଏମେୟା, ଚିୟାଃଚି ଆପେଦ ମୁନ୍ଦୁଏତେ ଆଇଁୟାଃଲଃ ତାଇକେନାପେ ।

୧୭

ୟାଶୁ ଆୟାଃ ଚେଲାକକେ ଜୀଉ ରାଡ଼େଃକତାନାଏ

୧ “ଆପେ ଜେଲେକା ବିଶ୍ୱାସକେ ଆଲ୍ପେ ଆଦେକା ଏନାମେନ୍ତେ ଆଇଙ୍ଗ୍ ନେ ସବେନ୍ କାଜିଇଙ୍ଗ୍ ଉଦୁବାଦ୍ପେୟା ।

୨ ଇନ୍କୁ ଆପେକେ ସାମାଜଅଡ଼ାଏତେ ଆତମପେୟାକ, ଏନ୍ଦିପିଲି ହିଜୁଃଆ, ଚିମ୍ତାଙ୍ଗ୍ ଜେତାଏନିଃ ଆପେକେ ଗଏଃପେୟାଏ, ଇମ୍ତାଙ୍ଗ୍ ଇନିଃ ପାର୍ମେଶ୍ୱାର୍ଆଃ ସେଞ୍ଜାତାନାଇଙ୍ଗ୍ ମେନ୍ତେ ଆର୍କାରେୟାଏ ।

୩ ଆଡ଼ ଇନ୍କୁ ଆପେକେ ନେକାପେୟାକ ଚିୟାଃଚି ଇନ୍କୁ ଆପୁ ଆଡ଼ ଆଇଙ୍ଗକେ କାକ ସାରିୟାଃ ।

୪ ମେନ୍ଦ ଏନ୍ ଦିପିଲି ସେଚେରରେ ଆଇଙ୍ଗ୍ ଆପେକେ ନେ କାଜି କାଜିକାପେ ତାଇକେନାଇଙ୍ଗ୍, ଏନା ପାହାମେ ନାଗେନ୍ତେ ଆଇଙ୍ଗ୍ ନେ ସବେନ୍ କାଜି ଆପେକେ କାଜିୟାଦ୍ପେୟାଇଙ୍ଗ୍ ।

“ଆଇଙ୍ଗ୍ ଆପେଲଃ ତାଇକେନ୍ ଇମ୍ତା ମୁନ୍ଦୁଏତେ ନେ ସବେନ୍ କାଜି କାଇଙ୍ଗ୍ କାଜି ।

ପାବିତାର୍ ଆମ୍ବାରାଃ କାମି

୫ “ମେନ୍ଦ ନାହାଁଃ ଆଇଙ୍ଗକେ କୁଲ୍ନିଃତାଃତେ ସେନଃତାନାଇଙ୍ଗ୍, ହଲେହ୍ ଅକ୍ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଙ୍ଗ୍ତାନା ।

୬ ଆଡ଼ ନାହାଁଃ ଆଇଙ୍ଗ୍ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍ସୁରୁଦ୍ରେ ପୁରାଃଗିପେ ହୁଡ଼ିଙ୍ଗ୍ଜୀଉକାନା ।

୭ ମେନ୍ଦ ଆଇଙ୍ଗ୍ ଆପେକେ ସାର୍ଡି କାଜିୟାପେ ତାନାଇଙ୍ଗ୍, ଆଇଙ୍ଗ୍ ସେନଃତେୟାଃ ଆପେୟାଃ ନାଙ୍ଗ୍ ପୁରାଃ ବୁଗିଅଆଃ, ଚିୟାଃଚି ଆଇଙ୍ଗ୍ କାଇଙ୍ଗ୍ ସେନ୍ରେଦ ଜୀଉରାଡ଼େଃ ଏମଃନିଃ କାଏ ହିଜୁଃଆ, ମେନ୍ଦ ଆଇଙ୍ଗ୍ ସେନ୍ରେଦ ଇନିଃକେ ଆପେତାଃତେଇଙ୍ଗ୍ କୁଲିୟା ।

୮ ଆଡ଼ ଇନିଃ ହିଜୁଃରେ ଅତେଦିଶୁମ୍ରେନ୍ ହଡ଼କଆଃ ପାପ୍ରେୟାଃ ଏଡ଼କାନ୍ ବିଷାଏ, ଧାର୍ମାନ୍ ବିଷାଏ ଆଡ଼ ପାର୍ମେଶ୍ୱାର୍ଆଃ ବିଚାର୍ ବିଷାଏରେ ଉଦୁବେୟାଏ ।

୯ ପାପ୍ ବିଷାଏରେ ଇନ୍କୁ କାକ ଠାଉକା, ଚିୟାଃଚି ଇନ୍କୁ କାକ ବିଶ୍ୱାସେତାନା

୧୦ ଧାର୍ମାନ୍ ବିଷାଏରେ ଇନ୍କୁ କାକ ଠାଉକା, ଚିୟାଃଚି ଆଇଙ୍ଗ୍ଦ ଆପୁତାଃତେ ସେନଃତାନାଇଙ୍ଗ୍, ଆପେ ଆଡ଼ କାପେ ନେଲିୟାଃ ।

☆ ୧୫:୨୦ ମାଥୁର ୧୦:୨୪; ଲୁକ ୭:୪୦; ଯୋହାନ୍ ୧୩:୧୭.

୧୧ ବିଚାର ବିଷାଏରେ ଇନ୍ଦ୍ର କାକ ଠାଉକା, ଚିୟାଠି ନେ ଅତେଦିଶୁମ୍ରେନ୍ ଗମ୍ବେଦ ବିଚାର ଚାବାକାନାଏ ।

୧୨ “ଆଇଙ୍ଗ୍‌ତାଃରେ ଆପେକେ ଆତଃ ପୁରାଠି କାଜି ଉଦୁବାପେ ନାଙ୍ଗ୍ ମେନାଃ ମେନ୍ଦ ନାହାଁଃ ଆପେ ଏନାକେ କାପେ ସାହାତିଙ୍ଗ୍ ଦାଡ଼ିୟାଃ ।

୧୩ ମେନ୍ଦ ଇନିଃ, ଏନ୍ ସାର୍ତ୍ତିରେନ୍ ଆମ୍ବା ହିଜୁଃରେ, ଇନିଃ ପାରମେଶ୍ୱାର୍‌ଆଃ ହରା ଉଦୁବ୍‌କେଦ୍‌ତେ ଆପେକେ ସବେନ୍ ସାର୍ତ୍ତିରେ ଆୟାର୍ ଇଦିପେୟାଏ । ଚିୟାଠି ଇନିଃଦ ଆୟାଃ ପେଡ଼େଃତେ କାଏ କାଜିୟା ମେନ୍ଦ ଆଇଃକ୍ ଆୟୁମ୍‌ତେୟାଠି କାଜିୟାଏ, ଆତଃ ହିଜୁଃ ବିଷାଏକ ଉଦୁବାପେୟାଏ ।

୧୪ ଇନିଃ ଆଇଙ୍ଗ୍‌କେ ମାଇନାନ୍ ଏମାଇଙ୍ଗ୍‌ୟାଏ, ଚିୟାଠି ଇନିଃଦ ଆଇଙ୍ଗ୍ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

୧୫ ଆପୁଇଁୟାଃ ସବେନାଃତେୟାଃ ଆଇଁୟାଃ ତାନାଃ ମେନ୍ତେ ଆଇଙ୍ଗ୍ କାଜିକେଦାଇଙ୍ଗ୍, ପାବିତାର୍ ଆମ୍ବା ଆଇଙ୍ଗ୍ ଏମ୍‌ତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

ଦୁକୁ ଆତଃ ରାସକା

୧୬ “ଆପେ ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ, ଏନ୍ତେ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ ।”

୧୭ ଏନ୍ତେ ଯୀଶୁଆଃ ଚେଲାକଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ ଆତଃ ‘ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ?

୧୮ ଏନ୍ତେ ଇନ୍ଦ୍ର କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ଚେଲାକ ଇନିଃକେ କୁଲିନାଙ୍ଗ୍ ସାନାଙ୍ଗ୍‌ତାନାକ ମେନ୍ତେ ଆବ୍‌କାର୍‌କେଦ୍‌ଚି ଯୀଶୁ ଇନ୍ଦ୍ରକେ ମେତାଦ୍‌କଆଏ, “ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ, ମେନ୍ତେଇଙ୍ଗ୍ କାଜିୟାଦ୍‌ପେୟା ଏନା ନାଗେନ୍ତେ ଆପେ ଆପେରେଗି କୁପୁଲିୟାତାନାପେ ?

୨୦ ଆଇଙ୍ଗ୍ ସାର୍ତ୍ତିଗି କାଜିୟାପେ ତାନାଇଙ୍ଗ୍, ଅତେଦିଶୁମ୍ ରାସକାଅଃ ଇମ୍‌ତା ଆପେ ରାଆଃଏୟା ଆତଃ ଏୟମ୍‌ଫେୟା, ଆପେ ଦୁକୁଃଆପେ ମେନ୍ଦ ଆପେୟାଃ ଦୁକୁ ରାସକାରେ ବାଇୟାଆଃ ।

୨୧ ମିଆଁଦ୍ ଆଣ୍ଡି କୁଡ଼ିରାଃ ହନ୍ ଜାନାମ୍ ଦିପିଲି ସେଟେରୟାନ୍‌ରେ ଦୁକୁ ନାମେୟାଏ, ମେନ୍ଦ ଇନିଃ ହନ୍ ଜାନାମ୍ ତାୟମ୍‌ତେ ଅତେଦିଶୁମ୍ରେ ମିଆଁଦ୍ ହନ୍ ଜାନାମ୍‌ୟାନାଏ ମେନ୍ତେ ଆୟାଃ ଦୁକୁକେ ଆତଃ କାଏ ପାହାମାଃ ।

୨୨ ଏନ୍‌ଲେକାଗି ନାହାଁଃଦ୍ ଆପେ ଦୁକୁଃତାନାପେ, ମେନ୍ଦ ଆଇଙ୍ଗ୍ ଆପେକେ ଆତଃମିସା ନେଲ୍‌ପେୟାଇଙ୍ଗ୍ ଆତଃ ଆପେୟାଃ ମନ୍ ରାସକାତେ ପେରେଜଃଆ ଆତଃ ଏନ୍ ରାସକା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

୨୩ “ଏନ୍ ହୁଲାଙ୍ଗ୍ ଆପେ ଆଇଙ୍ଗ୍‌କେ ଜେଡ୍‌ନାଃ କାପେ କୁଲିୟାଁ, ଆଇଙ୍ଗ୍ ଆପେକେ ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆପେ ଆଇଁୟାଃ ନୁଡୁମ୍‌ତେ ଆପୁଇଙ୍ଗ୍‌କେ ଜେଡ୍‌ନାଃପେ ଆସିରେଦ ଇନିଃ ଏନାକେ ଏମାପେୟାଏ ।

୨୪ ନାହାଁଃ ଜାକେଦ୍ ଆପେ ଆଇଁୟାଃ ନୁଡୁମ୍‌ତେ ଜେଡ୍‌ନାଃ କାପେ ଆସିକାଦାଃ, ଆସିପେ ଆତଃ ଆପେୟାଃ ରାସକା ପେରେଜଃ ନାଗେନ୍ତେ ଆପେ ଏନାପେ ନାମେୟା ।

ଅତେଦିଶୁମ୍‌କେ ଜିତାଅ

୨୫ “ଆଇଙ୍ଗ୍ ଆପେକେ ଜନ୍‌କା କାଜିତେ ନେ ସବେନ୍ କାଜିକ କାଜିକାଦ୍‌ପେୟାଇଙ୍ଗ୍ । ମେନ୍ଦ ଏନ୍ ଦିପିଲି ହିଜୁଃଆ, ଇମ୍‌ତା ଆଇଙ୍ଗ୍ ଜନ୍‌କା କାଜିତେ କାଇଙ୍ଗ୍ ଉଦୁବାପେୟା, ମେନ୍ଦ ଆପୁଇଁୟାଃ ବିଷାଏ ଆପେକେ ଉଦୁବ୍‌ଉତାର୍‌ପେୟା ।

୨୬ ଏନ୍ ହୁଲାଙ୍ଗ୍ ଆପେ ଆଇଁୟାଃ ନୁଡୁମ୍‌ତେପେ ଆସିୟା; ଆତଃ ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା ।

୨୭ ଆପୁ ଆଇଃକ୍‌ଗି ଆପେକେ ଦୁଲାଡ଼ାଃଏ, ଚିୟାଠି ଆପେ ଆଇଙ୍ଗ୍‌କେ ଦୁଲାଡ଼କାଦିୟାଁଃପେ ଆତଃ ଆଇଙ୍ଗ୍ ଆପୁତାଃଏତେ ହିଜୁଃକାନାଇଙ୍ଗ୍ ଏନା ବିଶ୍ୱାସକାଦାଃପେ ।

୨୮ ଆଇଙ୍ଗ୍ ଆପୁତାଃଏତେ ଅତେଦିଶୁମ୍‌ତେ ହିଜୁଆକାନାଇଙ୍ଗ୍ ଆତଃ ନାହାଁଃ ଆଇଙ୍ଗ୍ ଅତେଦିଶୁମ୍ ବାଗିକେଦ୍‌ତେ ଆପୁତାଃତେ ସେନଃତାନାଇଙ୍ଗ୍ ।”

୨୯ ଯୀଶୁଆଃ ଚେଲାକ କାଜିକିୟାଃକ, “ନେଲେମେ, ନାହାଁଃଦ୍ ଆମ୍ ଜନ୍‌କା କାଜିତେଦ୍ କାହା ମେନ୍ଦ ଫାର୍‌ଚିଗି କାଜିତାନାମ୍ ।

୩୦ ନାହାଁଃ ଆଲେ ଆବ୍‌କାର୍‌କାଦା, ଆମ୍ ସବେନାଃମ୍ ସାରିୟାଃ ଆତଃ ଜେତାଏ ଆମ୍‌କେ ଜେଡ୍‌ନାଃ କୁଲି କା ଲାଗାଡ଼ିୟାଁଃ । ଏନାତେ ଆମ୍ ପାରମେଶ୍ୱାର୍‌ତାଃଏତେମ୍ ହିଜୁଆକାନା ଏନାଲେ ବିଶ୍ୱାସେତାନା ।”

୩୧ ଯୀଶୁ ଇନ୍ଦ୍ରକେ କାଜିକେଦ୍‌କଆଏ, “ଚିୟାଃ ନାହାଁଃପେ ବିଶ୍ୱାସେତାନା ?”

୩୨ ନେଲେପେ, ଏନ୍ ଦିପିଲି ହିଜୁଃତାନା, ହେଗି ଏନା ସେଟେରୟାନା, ଚିମ୍ତାଙ୍ଗ ଆପେ ଛିତିବିତିକେଦ୍ତେ ଜେତେକ ଆପେୟାଃ ଆପାନ୍ ଅଡ଼ାଃତେପେ ସେନଃଆ, ଆତଃ ଆଇଙ୍ଗ୍ କେ ଏସ୍ କାର୍ଗି ବାଗିତାଇଙ୍ଗ୍ ରେୟ ଆଇଙ୍ଗ୍ କାଇଙ୍ଗ୍ ଏସ୍ କାରଃଆଃ, ଚିୟାଃଚି ଆପୁ ଆଇଁୟାଃଲଃ ମେନାଇୟା ।

୩୩ ଆପେ ସବେନ୍ ଆଇଁୟାଃରେ ଜୀଉସୁକୁ ନାମେ ନାଗେନ୍ତେ ନେଆଁ ଆଇଙ୍ଗ୍ କାଜିୟାଦ୍ପେୟା । ଅତେଦିଶୁମ୍ରେ ସାସାତିପେ ନାମେୟା ମେନ୍ଦ ଆଲପେ ବରଏୟା, ଆଇଙ୍ଗ୍ ଅତେଦିଶୁମ୍ କେ ଜିତାଞ୍ଜାକାଦାଇଙ୍ଗ୍ ।

୧୭

ୟାଶୁ ଆୟାଃ ଚେଲକ ନାଗେନ୍ତେ ବିକ୍ରି

୧ ଯାଶୁ ନେଆଁ କାଜିକେଦ୍ଚି ସିମ୍ବାସାଃ ସାଙ୍ଗିଲ୍ ରାକାବ୍ କେଦ୍ତେ କାଜିକେଦାଃଏ, ହେ ଆବା ନେଡା ସେଟେରାକାନା, ହନ୍ ଆମ୍ କେ ମାଇନାନ୍ ମେ ନାଗେନ୍ତେ ହନ୍ତାମାଃକେ ମାଇନିମେ ।

୨ ଆମ୍ ଇନିଃକେ ସବେନ୍ ହଡକଆଃରେ ଆକ୍ତେୟାର୍ରେ ନାଙ୍ଗ୍ ଏମାକାଇୟାମ୍, ଜେ'ଲେକା ଆମ୍ ଇନିଃକେ ଏମାକାଇ ସବେନ୍ ହଡକକେ ଜାନାଅ ଜାନାଅରେୟାଃ ଜୀଦାନ୍ ଏମ୍ ଦାଡିୟାଃଏ ।

୩ ଆତଃ ମିଆଁଦ୍ଗି ସାର୍ଚି ପାର୍ମେଶ୍ୱାର୍ ଆମ୍ ତାନ୍ମେ, ଆମ୍ କେ ଆତଃ ଆମ୍ କୁଲାଇୟା ଯାଶୁ ଖ୍ରୀଷ୍ଟ୍ କେ ସାରିତେୟାଃଗି ଜାନାଅ ଜାନାଅରେୟାଃ ଜୀଦାନ୍ ତାନାଃ ।

୪ ଆମ୍ ଆଇଙ୍ଗ୍ କେ ଅକନ୍ କାମି ଏମାକାଇଙ୍ଗ୍ ତାଇନାମ୍ ଏନ୍ କାମି ଆଇଙ୍ଗ୍ ଚୁଶ୍ଚୁକ୍ ଦେ ଅତେଦିଶୁମ୍ରେ ଆମ୍ କେ ମାଇନାନ୍ କାଦ୍ ମେୟାଙ୍ଗ୍ ।

୫ ନାହାଁଃ, ହେ ଆବା, ଅତେଦିଶୁମ୍ ବାଇୟାନ୍ ସିଦାରେ ଆମାଃଲଃ ତାଇକେନ୍ ଇମ୍ତା ଆଇଁୟାଃ ଅକନ୍ ମାନାରାଙ୍ଗ୍ ତାଇକେନା ଏନ୍ ମାନାରାଙ୍ଗ୍ ତେ ଆଇଙ୍ଗ୍ କେ ଆମାଃଲଃ ମାନାରାଙ୍ଗ୍ ରିକାଇଙ୍ଗ୍ ମେ ।

୬ “ଅତେଦିଶୁମ୍ରେନକ୍ ଏତେ ଆମ୍ ଆଇଙ୍ଗ୍ କେ ଏମାକାଦିଙ୍ଗ୍ ହଡକକେ, ଆମାଃ ନୁତୁମ୍ ଉଦୁବାକାଦ୍ କଆଇଙ୍ଗ୍, ଇନ୍ କୁ ଆମାଃକ ତାଇକେନା ଆତଃ ଆମ୍ ଇନ୍ କୁକେ ଏମାକାଦିୟାମ୍ ଆତଃ ଇନ୍ କୁ ଆମାଃ କାଜିକ ମାନାତିଙ୍ଗ୍ କାଦାଃ ।

୭ ଆମ୍ ଆଇଙ୍ଗ୍ କେ ଅକ୍ନାଃକ ଏମାକାଦିୟାମ୍ ଏନ୍ ସବେନାଃ ଆମାଃ ସାଃଏତେଗି ହିଜୁଆକାନା, ଏନା ଇନ୍ କୁ ନାହାଁଃକ ଆଚ୍ କାର୍ କାଦାଃ ।

୮ ଚିୟାଃଚି ଆମ୍ ଏମାକାଦିଙ୍ଗ୍ କାଜିକ ଇନ୍ କୁକେ ଏମାକାଦ୍ କଆଇଙ୍ଗ୍ ଆତଃ ଇନ୍ କୁ ଏନାକ ତେଲାଇକାଦାଃ; ଆଇଙ୍ଗ୍ ଆମାଃ ସାଃଏତେ ହିଜୁଆକାନାଇଙ୍ଗ୍ ଏନା ସାର୍ଚିଗିକ ଆଚ୍ କାର୍ କାଦାଃ, ଆତଃ ଆମ୍ ଆଇଙ୍ଗ୍ କେ କୁଲାଇଦିୟାମ୍ ଏନା ବିଶ୍ୱାସ୍ କାଦାଃକ ।

୯ “ଆଇଙ୍ଗ୍ ଇନ୍ କୁ ନାଗେନ୍ତେ ବିକ୍ରିତାନାଇଙ୍ଗ୍, ଅତେଦିଶୁମ୍ ନାଗେନ୍ତେ କାହା ମେନ୍ଦ ଆମ୍ ଏମାକାଦିଙ୍ଗ୍ ହଡକଆଃ ନାଗେନ୍ତେ ବିକ୍ରିତାନାଇଙ୍ଗ୍, ଚିୟାଃଚି ଇନ୍ କୁଦ ଅାମାଃଗି ତାନ୍ କୁ ।

୧୦ ଆତଃ ଆଇଁୟାଃ ସବେନାଃ ଆମାଃ ତାନାଃ, ଆତଃ ଆମାଃ ସବେନାଃ ଆଇଁୟାଃ ତାନାଃ, ଆତଃ ଆଇଙ୍ଗ୍ ଇନ୍ କୁଆଃ ହରାତେ ମାଇନାନ୍ କାନାଇଙ୍ଗ୍ ।

୧୧ ଆତଃ ନାହାଁଃ ଆଇଙ୍ଗ୍ ନେ ଅତେଦିଶୁମ୍ରେ କାଇଙ୍ଗ୍ ତାଇନାଃ, ମେନ୍ଦ ଇନ୍ କୁ ଅତେଦିଶୁମ୍ରେକ ତାଇନାଃ, ଆତଃ ଆଇଙ୍ଗ୍ ଆମାଃତାଃତେ ହିଜୁଃତାନାଇଙ୍ଗ୍ । ଏ ପାବିତାର୍ ଆବା ! ଆମ୍ ଆଇଙ୍ଗ୍ କେ ଏମାକାଦିଙ୍ଗ୍ ନୁତୁମ୍ ରାଃ ପେଡେଃତେ ବାଞ୍ଚାଅକମେ, ଆମ୍ ଏମାକାଦିଙ୍ଗ୍ ନୁତୁମ୍ରେ, ଆମ୍ ଆତଃ ଆଇଙ୍ଗ୍ ଜେ'ଲେକା ମିଦ୍ ତାନ୍ଲାଇଙ୍ଗ୍, ଏନ୍ଲେକା ଇନ୍ କୁ ମିଦଃକାକ ।

୧୨ *ଆଇଙ୍ଗ୍ ଇନ୍ କୁଲଃ ତାଇକେନ୍ ଇମ୍ତା ଆମ୍ ଏମାକାଦ୍ ଆମାଃ ନୁତୁମ୍ରେ ଆଇଙ୍ଗ୍ ଇନ୍ କୁକେ ବାଞ୍ଚାଅକେଦ୍ତେ ଚୁଗିଲେକା ଯାତାନ୍ କାଦ୍ କଆଇଙ୍ଗ୍, ଆତଃ ଧାରାମ୍ ପୁରାଃ ଅନଲ୍ ଜେ'ଲେକା ସାର୍ଚିୟାଃ, ଏନାମେନ୍ତେ ଏନ୍ ଜିୟନଃ ହନ୍ କେ ବାଗିକେଦ୍ତେ ଇନ୍ କୁଏତେ ଜେତାଏ କାକ ଜିୟନାକାନା ।

୧୩ ମେନ୍ଦ ଆଇଙ୍ଗ୍ ନାହାଁଃ ଆମାଃତାଃତେଇଙ୍ଗ୍ ହିଜୁଃତାନା ଆତଃ ଇନ୍ କୁଆଃ ମନ୍ରେ ଆଇଁୟାଃ ରାସ୍ କା ପେରେଜଃ ନାଗେନ୍ତେ ଅତେଦିଶୁମ୍ରେ ତାଇକେଦ୍ତେଗି ଆଇଙ୍ଗ୍ ନେ ସବେନାଃ କାଜିତାନାଇଙ୍ଗ୍ ।

୧୪ ଆଇଙ୍ଗ୍ ଇନ୍ କୁକେ ଆମାଃ କାଜି ଏମାକାଦ୍ କଆଇଙ୍ଗ୍, ଆତଃ ଅତେଦିଶୁମ୍ ଇନ୍ କୁକେ ହିଲାଇକାଦ୍ କଆଏ, ଚିୟାଃଚି ଆଇଙ୍ଗ୍ ଜେ'ଲେକା ନେ ଅତେଦିଶୁମ୍ରେନ୍ ନାହାଁଲାଇଙ୍ଗ୍ ଏନ୍ଲେକା ଇନ୍ କୁ ନେ ଅତେଦିଶୁମ୍ରେନ୍ ନାହାଁଲାଇକ ।

୧୫ ଆମ୍ ଇନ୍ କୁକେ ଅତେଦିଶୁମ୍ରେଏତେ ଇଦିକ୍ ମେ ମେନ୍ତେ କାଇଙ୍ଗ୍ ବିକ୍ରିମେତାନା, ମେନ୍ଦ ଆମ୍ ଇନ୍ କୁକେ ଏଡକାନ୍ ଏତେ ବାଞ୍ଚାଅକମେ ମେନ୍ତେ ବିକ୍ରିମେତାନାଇଙ୍ଗ୍ ।

୧୬ ଆଇଙ୍ଗ୍ ଜେ'ଲେକା ଅତେଦିଶୁମ୍ରେନ୍ ନାହାଁଲାଇଙ୍ଗ୍ ଏନ୍ଲେକା ଇନ୍ କୁ ଅତେଦିଶୁମ୍ରେନ୍ ନାହାଁଲାଇକ ।

୧୭ ସାନାର୍ଚିତେ ଇନ୍ କୁକେ ପାବିତାର୍ କାମି ନାଙ୍ଗ୍ ଜିମାକମେ; ଆମାଃ କାଜିଦ୍ ସାର୍ଚି ତାନାଃ ।

୧୮ ଆମ୍ ଆଇଙ୍ଗ୍ କେ ଜେ'ଲେକା ଅତେଦିଶୁମ୍ରେମ୍ କୁଲାଇଦିୟା, ଏନ୍ଲେକା ଆଇଙ୍ଗ୍ ହିଁ ଇନ୍ କୁକେ ଅତେଦିଶୁମ୍ରେ କୁଲାଇକାଦ୍ କଆଇଙ୍ଗ୍ ।

☆ ୧୭:୧୭ ଯୋହାନ୍ ୧୩:୧୮.

୧୯ ଆତ୍ମା ଇନ୍ଦ୍ରକୁ ହିଁ ସାନାତ୍ମାରେକ ପାବିତାରକା ମେନ୍ତେ ଆଇଙ୍ଗ ଇନ୍ଦ୍ରକୁ ନାଗେନ୍ତେ ପାବିତାର କାମି ନାଙ୍ଗ ଜିମାନ ତାନାଇଙ୍ଗ ।

୨୦ “ଆଇଙ୍ଗ ଇନ୍ଦ୍ରକୁଆଃ ନାଗେନ୍ତେ ଏସକାର କାହା ମେନ୍ଦ ଇନ୍ଦ୍ରକୁଆଃ କାଜିରେୟାଃ ହରାତେ ଆଇଙ୍ଗରେ ବିଶ୍ୱାସେତାନ୍ ସବେନ୍ଦକଆଃ ନାଗେନ୍ତେ ବିକ୍ରିତାନାଇଙ୍ଗ ।

୨୧ ହେ ଆବା ! ଇନ୍ଦ୍ରକୁ ଜେତେକ ଜେଲେକା ମିଦଃକାକ ମେନ୍ତେ ଇନ୍ଦ୍ରକୁଆଃ ନାଙ୍ଗ ବିକ୍ରିମେତାନାଇଙ୍ଗ, ଆଇଙ୍ଗ ଆମାଃରେ ଆତ୍ମା ଆମ୍ ଆଇୟାଃରେ ମେନାମେ ଲେକା, ଇନ୍ଦ୍ରକୁହ ସବେନ୍ଦକ ଆତ୍ମାରେ ତାଇନଃକାକ, ଜେଲେକାତି ଆମ୍ ଆଇଙ୍ଗକେ କୁଲକାଦିୟାମ୍ ଏନା ଅତେଦିଶୁମ୍ରେନ୍ଦକ ବିଶ୍ୱାସେୟା ।

୨୨ ଆମ୍ ଆଇଙ୍ଗକେ ଏମାକାଦିଙ୍ଗ୍ ମାନାରାଙ୍ଗ୍ ଇନ୍ଦ୍ରକୁକେ ଏମାକାଦକଆଇଙ୍ଗ, ଆମ୍ ଆତ୍ମା ଆଇଙ୍ଗ ମିଦକାନ୍ ଲେକା ଇନ୍ଦ୍ରକୁହ ମିଦଃକାକ ।

୨୩ ଆଇଙ୍ଗ ଇନ୍ଦ୍ରକୁରେ ଆତ୍ମା ଆମ୍ ଆଇୟାଃରେ ମେନାମେୟା, ଏନାତେ ଇନ୍ଦ୍ରକୁ ମିଦ୍ ଉତାରକା ଆତ୍ମା ଆମ୍ ଆଇଙ୍ଗକେ କୁଲକାଦିୟାମ୍ ଆତ୍ମା ଦୁଲ୍ଲାଡକାଦିୟାମ୍ ଲେକା ଇନ୍ଦ୍ରକୁକେହ ଦୁଲ୍ଲାଡକାଦକଆମ୍ ମେନ୍ତେ ଅତେଦିଶୁମ୍ରେନ୍ଦକ ଆଟକାରେକା ।

୨୪ “ହେ ଆବା, ଆମ୍ ଆଇଙ୍ଗକେ ଏମାକାଦିଙ୍ଗ୍ ହଡକ ଆଇଙ୍ଗ ତାଇନଃତାଃରେକ ତାଇନଃକା, ଏନାତେ ଇନ୍ଦ୍ରକୁ ଆମ୍ ଆଇଙ୍ଗକେ ଏମାକାଦିଙ୍ଗ୍ ମାନାରାଙ୍ଗକ ନେଲେକା ମେନ୍ତେ ସାନାଙ୍ଗତାନାଇଙ୍ଗ, ଚିୟାଃତି ଆମ୍ଦ ଅତେଦିଶୁମ୍ ବାଇୟେ ସିଦାରେ ଆଇଙ୍ଗକେ ଦୁଲ୍ଲାଡକାଦିୟାମ୍ ।

୨୫ ଏ ଧାରମାନ୍ ଆବା, ଅତେଦିଶୁମ୍ ଆମ୍କେ କାଏ ସାରିୟାକାଦମେୟା ମେନ୍ଦ ଆଇଙ୍ଗ ସାରିୟାକାଦମେୟାଇଙ୍ଗ ଆତ୍ମା ଆମ୍ ଆଇଙ୍ଗକେ କୁଲକାଦିୟାମ୍ ଏନା ନିକୁ ସାରିୟାକାଦାଃକ ।

୨୬ ଆମ୍ ଆଇଙ୍ଗକେ ଅକନ୍ ଦୁଲ୍ଲାଡରେମ୍ ଦୁଲ୍ଲାଡକାଦିୟା ଏନ୍ ଦୁଲ୍ଲାଡ ଇନ୍ଦ୍ରକୁରେ ତାଇନଃକା, ଆତ୍ମା ଆଇଙ୍ଗ ଇନ୍ଦ୍ରକୁରେ ତାଇନଃନାଙ୍ଗ୍ ଇନ୍ଦ୍ରକୁକେ ଆମାଃ ନୁଡୁମ୍ ଉଦ୍‌ବାକାଦକଆଇଙ୍ଗ୍ ଆତ୍ମା ଉଦ୍‌ବାକୁଆଇଙ୍ଗ ।”

୧୮

ୟାଶୁକେ ସାବ୍‌କିୟାଃକ

(ମାଥ୍ର ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଯାଶୁ ନେ ବିକ୍ରି ଚାବାକେଦତି, ଆୟାଃ ଚେଲକଲଃ କିଦରେନ୍ ଲର୍* ହାନ୍ ପାରମ୍ତେ ସେନଃୟାନାକ, ଏନ୍ତାଃରେ ମିଆଁଦ ବାଗାନ୍ ତାଇକେନା, ଏନାରେ ଇନିଃ ଆତ୍ମା ଆୟାଃ ଚେଲକ ବଲୟାନାକ ।

୨ ଯାଶୁକେ ସାବ୍‌କିନିଃ ଯିହୁଦା, ଏନ୍ ଠାୟାଦକେ ସାରିକାଦ୍ ତାଇକେନାଏ, ଚିୟାଃତି ଯାଶୁ ଆୟାଃ ଚେଲକଲଃ ପୁରାଃ ଦିପିଲି ଏନ୍ ଠାୟାଦକେ ସେନାକାନ୍ ତାଇକେନାଏ ।

୩ ଏନ୍ତେ ଯିହୁଦା, ପାଲଟାନ୍‌କ, ମୁଲ୍ ଯାଜାକ୍ ଆତ୍ମା ଫାରୁଶୀକ ସାଃଏତେ ଦାରଖାନ୍‌କକେ ଆଉକେଦ୍‌ତେ ଦିମି ଆତ୍ମା ହାଁତେୟାର ସାବ୍‌କେଦ୍‌ତେ ଏନ୍ତାଃତେକ ହିଜୁଃୟାନା ।

୪ ଏନାତେ ଯାଶୁ ଆୟାଃରେ ହିଜୁଃତାନ୍ ହବାଅଃତେୟାଃ ସବେନାଃ ସାରିକେଦ୍‌ତେ ଅତଙ୍ଗୟାନା ଆତ୍ମା ଆପେ ଅକଏକେ ଦାଣ୍ଡାତାନାପେ ମେତାଦକଆଏ ।

୫ “ନାଜ୍‌ରେଡ୍‌ରେନ୍ ଯାଶୁକେ” ମେନ୍ତେକ କାଜିରୁହାଡକିୟା ।

ୟାଶୁ ମେତାଦକଆଏ, “ଆଇଙ୍ଗ୍ ତାନିଙ୍ଗ୍ ।”

ଆତ୍ମା ଯାଶୁକେ ସାବ୍‌କିନିଃ ଯିହୁଦା ଇନ୍ଦ୍ରକୁଲଃ ତିଙ୍ଗୁଆକାନ୍ ତାଇକେନାଏ ।

୬ ଯାଶୁ ଚିମ୍‌ତାଙ୍ଗ୍ ଇନ୍ଦ୍ରକୁକେ “ଆଇଙ୍ଗ୍ ତାନିଙ୍ଗ୍” ମେତାଦକଆଏ, ଇମ୍‌ତା ଇନ୍ଦ୍ରକୁ ଇମ୍‌ତାଗି ଦୟା ରୁହାଡକେଦ୍‌ତେ ଅତେରେକ ଉୟୁଃୟାନା ।

୭ ଏନ୍ତେ ଇନିଃ ଇନ୍ଦ୍ରକୁକେ ଆତ୍ମାମିସା କୁଲିକେଦକଆଏ, “ଆପେ ଅକଏକେ ଦାଣ୍ଡାତାନାପେ ?”

ଇନ୍ଦ୍ରକୁ କାଜିରୁହାଡକିୟା, “ନାଜ୍‌ରେଡ୍‌ରେନ୍ ଯାଶୁକେ ।”

୮ ଯାଶୁ କାଜିରୁହାଡକିୟାଏ, “ୟାଶୁ ଆଇଙ୍ଗ୍‌ଗି ତାନିଙ୍ଗ୍ ମେନ୍ତେ ସିଦାରେ କାଜିୟାଦ୍‌ପେୟାଇଙ୍ଗ୍ । ଆପେ ଆଇଙ୍ଗ୍‌କେ ଦାଣ୍ଡାତାନ୍‌ରେଦ୍ ନିକୁକେ ସେନ୍‌କିକାପେ ।”

୯ “ଆବା, ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ହଡକଏତେ ମିହୁଡକେହିଁ କାଇଙ୍ଗ୍ ଆଦାକାଇୟାଃ ।” ଇନିଃ ନେ କାଜି କାଜିକେଦାଃଏ, ଜେଲେକାତି ଇନିୟାଃ ନେ କାଜି ପୁରାଃଃ ।

୧୦ ଶିମୋନ୍ ପାତ୍ରାସ୍‌ତାଃରେ ତାରାଡ୍‌ଡି ତାଇକେନା, ଏନାକେ ଅତଙ୍ଗକେଦ୍‌ତେ ଇନିଃ ମାରାଙ୍ଗ୍ ଯାଜାକ୍‌ଆଃ ଦାସିକେ ମାଆଃକିୟାଏ ଆତ୍ମା ଜମ୍‌ସାଃରାଃ ଲୁଡୁରକେ ମାଆଃଖାଣ୍ଡାଅକେଦାଏ, ଏନ୍ ଦାସିଆଃ ନୁଡୁମ୍ ମାଲ୍‌ଖ ତାଇକେନା ।

* ୧୮:୧ ଲର୍ ମାରାଙ୍ଗ୍ ଦଲ୍‌ଖା

୧୧ ✨ଏନ୍ତେ ଯୀଶୁ ପାତ୍ରରାସ୍ତକେ କାଜିକିୟାଏ, “ଆମାଃ ତାରାଉଡ଼ିକେ ଖାପ୍ରେ ଦହଏମେ, ଆପୁ ଏମାକାଉଙ୍ଗ କାଟୋରାରେ ଚିୟାଃ ଆଉଙ୍ଗ କାଉଙ୍ଗ ନୁଁଇୟା ?”

ଯୀଶୁ ହାନାନରାଃ ସାମ୍ନାଙ୍ଗରେ

୧୨ ଏନ୍ତେ ପାଲ୍ଟାନକ, ପାଲ୍ଟାନରେନ୍ ଗମ୍ବେ ଆତଃ ଯିହୁଦୀକଆଃ ଦାରଖାନକ ଯୀଶୁକେ ସାବ୍‌ଇଦିକେଦ୍‌ତେ ତଲ୍‌କିୟାଃକ ।

୧୩ ଆତଃ ଇନ୍‌କୁ ଇନିଃକେ ସିଦାତେ କାୟଫାରାଃ ହୟ୍‌ରତେ ହାନାନତାଃତେକ ଇଦିକିୟାଃ, ଇନିଃଦ ଏନ୍ ସିମ୍‌ରେନ୍ ମାରାଙ୍ଗ ଯାଜାକ୍ ତାଇକେନାଏ ।

୧୪ ✨ସବେନ୍ ହଡକ ନାଗେନ୍ତେ ମିଆଁଦ୍ ହଡ ଗଜଃରେଦ ବୁଗିୟାଃ ମେନ୍ତେ ଯିହୁଦୀ ହାକିମ୍‌କେକେ କାଜିକାଦ୍‌କ ତାଇକେନାଏ, ଇନିଃ ଏନ୍ କାୟଫା ତାନିଃ ।

ପାତ୍ରରାସ୍ ଯୀଶୁକେ କାଉଙ୍ଗ ସାରିୟା ମେନ୍ତେ କାଜିତାନାଏ

(ମାଥୂଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)

୧୫ ଶିମୋନ୍ ପାତ୍ରରାସ୍ ଆତଃ ଏଟାଃ ମିହୁଡ୍ ତେଲା ଯୀଶୁକେ ଅତଙ୍ଗ ଇଦିକିୟାଏ, ଏନ୍ ଏଟାଃ ତେଲା ମାରାଙ୍ଗ ଯାଜାକ୍‌ଆଃ ନେପେଲ୍ ଉପୁରୁମ୍ ହଡ ତାଇକେନାଏ, ଏନାମେନ୍ତେ ଇନିଃ ମାରାଙ୍ଗ ଯାଜାକ୍‌ଆଃ ଅଡ଼ାଃରାତାତେ ଯୀଶୁଲଃ ବଲ୍‌ୟାନାଏ ।

୧୬ ମେନ୍‌ଦ ପାତ୍ରରାସ୍ ରାଟା ଦୁଆରତାଃରେ ତିଙ୍ଗୁଆକାନ୍ ତାଇକେନାଏ, ଏନ୍ତେ ମାରାଙ୍ଗ ଯାଜାକ୍‌ଲଃ ନେପେଲ୍ ଉରୁମାକାନ୍ ଏଟାଃ ତେଲା ଅତଙ୍ଗକେଦ୍‌ତେ ଦୁଆର୍ ହରତାନ୍ କୁଡ଼ିକେ କାଜିକିୟାଏ, ଆତଃ ପାତ୍ରରାସ୍‌କେ ଅଡ଼ାଃ ଭିତାରତେ ଇଦିକିୟାଏ ।

୧୭ ଏନ୍ତେ ଦୁଆର୍ ହରତାନ୍ ଏନ୍ କାମ୍‌ଡି କୁଡ଼ି ପାତ୍ରରାସ୍‌କେ କାଜିକିୟାଏ, “ଚିୟାଃ ଆମ୍ ହୁଁ ନେ ହଡ଼ଆଃ ତେଲାକଏତେ ମିଆଁଦ୍‌ନିଃ ନାହାଁଲାମ୍ ?”

ଇନିଃ ମେତାଇଜାଏ, “ଆଉଙ୍ଗ ନାହାଁଲିଙ୍ଗ ।”

୧୮ ରାବାଙ୍ଗତାନ୍ ତାଇକେନ୍ ଇମ୍‌ତା ଦାସିକ ଆତଃ ଦାରଖାନକ ସେଙ୍ଗେଲ୍ ତିଙ୍ଗୁକେଦ୍‌ତେ ତିଙ୍ଗୁଆକାନ୍‌ଲଃ ଜୁରୁବ୍ ତାଇକେନାକ । ପାତ୍ରରାସ୍‌ହଁ ଇନ୍‌କୁଲଃ ତିଙ୍ଗୁକେଦ୍‌ତେ ଜୁରୁବ୍‌ତାଇକେନାଏ ।

ମାରାଙ୍ଗ ଯାଜାକ୍‌କ ଯୀଶୁକେ କୁଲିକିୟାକ

(ମାଥୂଉ ୨୬:୫୯-୬୨; ମାର୍କ ୧୪:୫୫-୬୪; ଲୁକ ୨୨:୬୬-୬୯)

୧୯ ଏନ୍ତେ ମାରାଙ୍ଗ ଯାଜାକ୍ ଯୀଶୁକେ ଆୟାଃ ତେଲାକ ବିଷାଏରେ ଆତଃ ଆୟାଃ ଇନିତୁ ବିଷାଏରେ କୁଲିକିୟାଏ ।

୨୦ ଯୀଶୁ ଇନିଃକେ କାଜିକିୟାଏ, “ଆଉଙ୍ଗ ଅତେଦିଶ୍‌ମ୍‌ରେ ସବେନ୍‌ଇମ୍‌ତା ସବେନ୍‌କତାଃରେ କାଜିୟାକାଦାଉଙ୍ଗ, ଯିହୁଦୀକ ହୁଣ୍ଡିନ୍‌ତାନ୍ ସବେନ୍‌ତାଃରେ, ସାମାଜ୍ ଅଡ଼ାଃକରେ ଆତଃ ମାନ୍‌ଦିର୍ ଅଡ଼ାଃରେ ଆଉଙ୍ଗ ଇତୁକେଦ୍‌କଆ ଆତଃ ଦାନାଙ୍ଗରେ ଜେଡ୍‌ନାଃ କାଉଙ୍ଗ କାଜିକାଦାଃ ।

୨୧ ତିନାଃମେନ୍ତେ ଆମ୍ ଆଉଙ୍ଗକେ କୁଲିତାନାମ୍ ? ଆଉଙ୍ଗ ଇନ୍‌କୁକେ ତିନାଃ କାଜିୟାକାଦ୍‌କଆଉଙ୍ଗ ଏନା ଆୟୁମ୍‌କେନ୍‌କକେ କୁଲିକମ୍, ନେଲେମେ, ଆଉଙ୍ଗ କାଜିକାଦ୍‌ତେୟାଃ ଇନ୍‌କୁ ସାରିୟାଃକ ।”

୨୨ ଯୀଶୁ ନେଆଁ କାଜିକେଦ୍ ଇମ୍‌ତା ନାଡେଃରେ ତିଙ୍ଗୁଆକାନ୍ ମିଆଁଦ୍ ଦାରଖାନ୍ ଇନିଃକେ ଆପ୍‌ଡ଼ିକେଦ୍‌ତେ କାଜିକିୟାଏ, “ଆମାଃ ନାମିୟାଙ୍ଗ ସାହାଁସ୍, ଚିୟାଃ ଆମ୍ ମାରାଙ୍ଗ ଯାଜାକ୍‌କେ ନେ ଲେକା କାଜିରୁହାଡ଼ାଇତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଉଙ୍ଗ ଏଡକାନାଃ କାଜିକାଦ୍‌ରେଦ ନେତାଃରେ ଜେତେକଆଃ ସାମ୍‌ନାଙ୍ଗରେ ସାବୁଦ୍ ଉଦୁବେମେ, ମେନ୍‌ଦ ଆଉଙ୍ଗ ବୁଗିନ୍ କାଜି କାଜିକାଦ୍‌ରେଦ ତିନାଃମେନ୍ତେମ୍ ଆପ୍‌ଡ଼ିଙ୍ଗତାନା ?”

୨୪ ଏନ୍ତେ ହାନାନ୍ ଇନିଃକେ ତଲାକାନ୍‌ତେଗି ମାରାଙ୍ଗ ଯାଜାକ୍ କାୟଫାତାଃତେ କୁଲିକିୟାଏ ।

ପାତ୍ରରାସ୍ ଆତଃମିସା କାଉଙ୍ଗ ସାରିୟା ମେନ୍ତେ କାଜିକେଦାଏ

(ମାଥୂଉ ୨୬:୭୧-୭୫; ମାର୍କ ୧୪:୨୯-୩୨; ଲୁକ ୨୨:୫୮-୬୨)

୨୫ ଶିମୋନ୍ ପାତ୍ରରାସ୍ ତିଙ୍ଗୁକେଦ୍‌ତେ ସେଙ୍ଗେଲ୍ ଜୁରୁବ୍‌ତାନ୍ ତାଇକେନାଏ, ଏନ୍ତେ ଇନ୍‌କୁ ଇନିଃକେ କୁଲିକିୟାକ, “ଚିୟାଃ ଆମ୍ ହୁଁ ଇନିୟାଃ ତେଲାକଏତେ ମିହୁଡ୍ ନାହାଁଲାମେ ?”

ଇନିଃ ଦଦାଦ୍‌ୟାନ୍ତେ କାଜିକେଦାଃଏ, “ଆଉଙ୍ଗ ନାହାଁଲିଙ୍ଗ ।”

୨୬ ମାରାଙ୍ଗ ଯାଜାକ୍‌ଆଃ ଦାସିକଏତେ ମିହୁଡ୍, ଅକଏକେତି ପାତ୍ରରାସ୍ ଲୁଡୁର୍ ମାଃ ଖାଣ୍ଡାଅକାଇ ତାଇକେନାଏ, ଇନିୟାଃ ମିହୁଡ୍ କୁପୁଲ୍ କାଜିକେଦାଃଏ, “ଆଉଙ୍ଗ ତିନାଃ ଆମ୍‌କେ ଇନିଃଲଃ ବାଖ୍‌ଡ଼ିରେ କାଉଙ୍ଗ ନେଲାକାମ୍ ତାଇକେନା ?”

✨ ୧୮:୧୧ ମାଥୂଉ ୨୬:୩୯; ମାର୍କ ୧୪:୩୨; ଲୁକ ୨୨:୫୭. ✨ ୧୮:୧୪ ଯୋହାନ୍ ୧୧:୪୯,୫୦.

୨୭ ଏନ୍ତେ ପାତ୍ରରାସ୍ ଆତଃଶି ଦଦାଦ୍ଯାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍ତାଗି ସାଣ୍ଡିସିମ୍ ରାଆଃକେଦାଏ ।

ୟୀଶୁକେ ପିଲାତୁସ୍ଆଃ ସାମ୍ନାଙ୍ଗ୍ତେକ ଆଉକିୟା

(ମାଥୁଉ ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ସେତାଃ ଇଦାନରେ ଇନ୍କୁ ଯୀଶୁକେ କାୟଫାତାଃଏତେ ଲାଟ୍ସାହେବ୍ଆଃ ଅଡ଼ାଃ ଭିତାର୍ତେକ ଇଦିକିୟା । ଜେ'ଲେକା କା ସଡ଼ରାକେଦ୍ତେ ପାସ୍କା ପାରାବ୍ରେ ଜମେୟାଃ ଜମ୍ଦାଡ଼ିୟାଏ, ଏନାମେନ୍ତେ ଯିହୁଦୀ ହାକିମ୍ କା ଲାଟ୍ସାହେବ୍ଆଃ ଅଡ଼ାଃତେ କାକ ବଲୟାନା ।

୨୯ ଏନ୍ତେ ପିଲାତୁସ୍ ଇନ୍କୁତାଃତେ ଅଡ଼ଙ୍ଗ୍କେଦ୍ତେ କୁଲିକେଦ୍ଦାଏ, “ଆପେ ନେ ହଡ଼କେ ଚିନାଃମେନ୍ତେ ଚିଟାଈତାନାପେ ?”

୩୦ ଇନ୍କୁ କାଜିରୁହାଡ଼କିୟାକ, “ନେ ହଡ଼ ଏଡ଼କାନ୍ କାମି କାଏ କାମିକାଦ୍ରେଦ ଆମାଃ ତିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍କୁକେ କାଜିୟାଦ୍ଦାଏ, “ଆପେ ଇନିଃକେ ଇଦିକେଦ୍ତେ, ଆପେୟାଃ ଆନ୍ତୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ ଇନିଃକେ କାଜିକିୟାକ, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍ତେୟାର୍ ବାନଃଆ ।”

୩୨ ✽ୟୀଶୁକେ ଚିଲକାନ୍ ଗନଏଃତେ ଗଜଃ ଲାଗାଡ଼ିଙ୍ଗ୍ୟାଃ ଏନ୍ ବିଷାଏରେ ଇନିଃ କାଜିଲେଦ୍ କାଜି ପୁରାଆଃ ନାଗେନ୍ତେ ଇନ୍କୁ ନେକା କାଜିକେଦାଃକ ।

୩୩ ପିଲାତୁସ୍ ଆୟାଃ ମାହାଲ୍ତେ ବଲ ରୁହାଡ଼କେଦ୍ତେ ଯୀଶୁକେ କେଡ଼ାକିୟାଏ ଆତଃ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନମେଟି ?”

୩୪ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ନେ କାଜି ଆମ୍ତେଗି କାଜିତାନାମ୍ ଚି ଏଟାଃକ ଆଇଁୟାଃ ବିଷାଏରେ ଆମକେ ନେୟାକ ଉଦ୍ବାକାଦ୍ମେୟା ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ଗ୍ ଯିହୁଦୀ ତାନିଙ୍ଗ୍ଟି ? ଆମାଃ ଜାତିରେନ୍ଦ୍ ଆତଃ ମୁଲ୍ ଯାଜାକ୍ ଆମକେ ଆଇଁୟାଃ ତିଃଇରେକ ଏମାକାଦିୟା । ଆମ୍ ଚିନାଃମ୍ ଚିକାକାଦାଃ ?”

୩୬ ଯୀଶୁ କାଜିକିୟାଏ, “ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ନାହାଁଲାଃ, ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ତାଇନ୍ତେୟାଃରେଦ୍ ଆଇଙ୍ଗ୍ ଯିହୁଦୀ ହାକିମ୍ କାଆଃ ତିଃଇରେ କାଇଙ୍ଗ୍ ଏମାଃନାଙ୍ଗ୍ ଆଇଁୟାଃ ଦାସିକ ମାପାଃତୁପୁଇଙ୍ଗ୍ତେୟାଃକ, ମେନ୍ଦ୍ ଆଇଁୟାଃ ରାଇଜ୍ ଏନ୍ଲେକ୍ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଇନିଃକେ କୁଲିକିୟାଏ, “ଚିୟାଃ ଆମ୍ ମିଆଁଦ୍ ରାଜା ତାନମେ ଚି ?”

ୟୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ରାଜା ତାନିଙ୍ଗ୍ ମେନ୍ତେ, ଆମ୍ଗି କାଜିତାନାମ୍ । ସାର୍ତ୍ତିରେୟାଃ ଗାଝା କାଜି ନାଗେନ୍ତେ ଆଇଙ୍ଗ୍ ଜାନାମାକାନା ଆତଃ ଅତେଦିଶୁମ୍ତେ ହିଜୁଆକାନାଈଙ୍ଗ୍, ଜେତାଏ ସାର୍ତ୍ତିରେନ୍ ହନ୍ ତାନିଃ ଇନିଃ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯୀଶୁକେ କୁଲିକିୟାଏ, “ସାର୍ତ୍ତି ଚିନାଃତାନାଃ ?” ଏନ୍ତେ ନେଆଁ କାଜିକେଦ୍ତି ଇନିଃ ଆତଃଶି ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆତଃ ଇନ୍କୁକେ କାଜିକେଦ୍ଦାଏ, “ସାଜାଇ ଏମ୍ନାଙ୍ଗ୍ ଆଇଙ୍ଗ୍ ଇନିଃରେ ଜେତାନ୍ ଗୁଣ୍ଡାଁ କାଈଙ୍ଗ୍ ନାମେତାନା ।

୩୯ ମେନ୍ଦ୍ ଆଇଙ୍ଗ୍ ପାସ୍କା ପାରାବ୍ରେ ଆପେନାଙ୍ଗ୍ ମିଆଁଦ୍ ହଡ଼କେ ଆଡ଼ାଃତେୟାଃ ଆପେୟାଃ ରିତିରେ ମେନାଃ, ଏନାମେନ୍ତେ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ାଃତାଇୟା, ମେନ୍ତେପେ ସାନାଙ୍ଗ୍ତାନା ଚି ?”

ୟୀଶୁକେ ଗନଏଃ ସାଜାଇ ଏମ୍ୟାନା

(ମାଥୁଉ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୪୦ ଏନ୍ତେ ସବେନ୍ଦ୍ କାଉରିକେଦ୍ତେ କାଜିକେଦାଃକ, “ବାନଃଗି, ନିଃକେଦ୍ କାହା, ମେନ୍ଦ୍ ବାରଦ୍ବାକେ ଏମାଲେମ୍ ।” ଏନ୍ ବାରଦ୍ବା ମିଆଁଦ୍ ରେରେଃକ୍ନିଃ ତାଇକେନାଏ ।

୧୯

୧ ଏନ୍ତେ ପିଲାତୁସ୍ ଯୀଶୁକେ ଇଦିକିଃତେ ହାଁଶ୍ସା ରିକାକିୟାଏ ।

୨ ଆତଃ ପାଲ୍ଟାନ୍ଦ୍ ଜାନୁମ୍ କତରାଃ ଟୁପୁରି ଗାଲାଙ୍ଗ୍କେଦ୍ତେ ବହଃରେ ଟୁପୁରିକିୟାକ ଆତଃ ଇନିଃକେ ବାଇଗିନିଆ ରାଙ୍ଗ୍ରାଃ ଲିଜାଃ ଦୁସିଙ୍ଗ୍କିୟାକ ।

୩ ଆତଃ ଇନ୍କୁ ଯୀଶୁଆଃ ନାଡ଼େଃତେ ସେନ୍ଦ୍କେଦ୍ତେ କାଜିକିୟାକ, “ଏ ଯିହୁଦୀକଆଃ ରାଜା ଜହାର୍ !” ଆତଃ ଇନ୍କୁ ଇନିଃକେ ଆପ୍ଡିକିୟାକ ।

✽ ୧୮:୩୨ ଯୋହାନ୍ ୩:୧୪; ୧୨:୩୨.

୪ ପିଲାତୁସ୍ ଆତଃମିସା ଅତଙ୍ଗକେଦ୍ତେ ହତକକେ କାଜିୟାଦକଆଏ, “ନେଲେପେ, ଇନିଃକେ ସାଜାଇ ନାଗେନ୍ତେ ଆଇଙ୍ଗ୍ ଇନିୟାଃରେ ଜେତାନ୍ ଗୁଣ୍ଟାଁ କାଇଙ୍ଗ୍ ନାମ୍ବକେଦା, ନେଆଁ ଆପେ ସାରିପେ ମେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ ଅତଙ୍ଗଆଉଝିତାନା ।”

୫ ଏନ୍ତେ ଯୀଶୁ ଜାନୁମ୍ ମୁକୁଟ୍ ଆତଃ ବାଉଗିନିଆ ଲିଜାଃ ତୁସିଙ୍ଗ୍କେଦ୍ତେ ଅତଙ୍ଗୟାନା । ପିଲାତୁସ୍ ଇନ୍କୁକେ କାଜିୟାଦକଆଏ, “ନେଲିପେ ! ନିଃ ନେ ହତ୍ ।”

୬ ଏନ୍ତେ ମୁଲ୍ ଯାଜାକକ ଆତଃ ମାନ୍ଦିର୍ ଦାରଝାନକ ଇନିଃକେ ନେଲକେଦ୍ତେ “କୁଶ୍ରେ କିଲାଇମେ ! କୁଶ୍ରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନ୍କୁକେ କାଜିୟାଦକଆଏ, “ଆପେଗି ଇନିଃକେ ଇଦିପେ ଆତଃ କୁଶ୍ରେ କିଲାଇପେ, ଆଇଙ୍ଗ୍ ଇନିଃକେ ସାଜାଇ ନାଗେନ୍ତେ ଜେତାନ୍ ଗୁଣ୍ଟାଁ କାଇଙ୍ଗ୍ ନାମ୍ବକେଦା ।”

୭ ଯିହୁଦୀକ ପିଲାତୁସ୍କେ କାଜିରୁହାଡ଼କିୟାକ, “ଆଲେତାଃରେ ଆନୁଚୁ ମେନା ଆତଃ ଏନ୍ ଆନୁଚୁ ଲେକାତେ ଇନିୟାଃ ଗଜଃ ଲାଗାତିଙ୍ଗ୍ୟାଃ, ଚିୟାଃଚି ଇନିଃଦ ଆଇଃକ୍ଗି ପାରମେଶ୍ୱାର୍ଥାଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମ୍ବକେଦ୍ତେ, ପିଲାତୁସ୍ ପୁରାଃଗି ବରକେଦାଏ ।

୯ ଆତଃ ପିଲାତୁସ୍ ମାହାଲ୍ତେ ବଲ ରୁହାଡ଼ୟାନାଏ ଏନ୍ତେ ଯୀଶୁକେ କୁଲିକିୟାଏ, “ଆମ୍ ଅକ୍ତାଃଏତେମ୍ ହିଜୁଃକାନା ?”

ମେନ୍ଦ୍ ଯୀଶୁ ଇନିଃକେ କାଏ କାଜିରୁହାଡ଼କିୟା ।

୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଚିନାଃମେନ୍ତେ କାମ୍ କାଜିୟାଈଙ୍ଗ୍ତାନା ? ଆମ୍ବକେ ରାଡ଼ାରେୟାଃ ଆତଃ କୁଶ୍ରେ କିଲାରେୟାଃ ଆକ୍ତେୟାର୍ ଆଇଙ୍ଗ୍ତାଃରେ ମେନାଃ, ଚିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯୀଶୁ କାଜିରୁହାଡ଼କିୟାଏ, “ଆମ୍ବକେ ପାରମେଶ୍ୱାର୍ତାଃଏତେ ଆକ୍ତେୟାର୍ କା ନାମ୍ବକାନରେ, ଆଇଁୟାଃ ବିରୁଧ୍ରେ ଆମାଃ ଜେତାନ୍ ଆକ୍ତେୟାର୍ କା ତାଇନ୍ତେୟାଃ । ଏନାତେ ଆଇଙ୍ଗ୍କେ ଅକଏ ଆମାଃ ତିଃଇରେ ଜିମାକାଦିୟାଏ ଇନିୟାଃ ପାପ୍ ପୁରାଃ ଏଡ଼କାନଗିୟାଃ ।”

୧୨ ପିଲାତୁସ୍ ନେୟାଁ ଆୟୁମ୍ବକେଦ୍ତେ, ଯୀଶୁକେ ରାଡ଼ାଇ ନାଗେନ୍ତେ ସାନାଙ୍ଗ୍କେଦାଃଏ, ମେନ୍ଦ୍ ଯିହୁଦୀ ହତକ କାଉରିତାନଲଃ କାଜିକେଦାଃକ, “ଆମ୍ ନେ ହତକେ ରାଡ଼ାଇରେଦ, ଆମ୍ କାଇସାର୍ଥାଃ ଗାତି ନାହାଁଲାଃମେ, ଅକଏ ଆଇଃକ୍କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍ଥାଃ ବିରୁଧ୍ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜିକ ଆୟୁମ୍ବକେଦ୍ତେ, ଯୀଶୁକେ ଅତଙ୍ଗକିୟାଏ ଆତଃ “ଚାଟେନ୍ଲାପାଙ୍ଗା” ଅକ୍ନାଃଚି ଏବ୍ରୀ ଜାଗାର୍ତେ “ଗାବ୍ବାଥା” ନୁତୁମଃତାନା, ଏନ୍ ବିଚାର୍ ଠାୟାଦ୍ତାଃରେ ବିଚାର୍ ନାଙ୍ଗ୍ ଦୁବ୍ୟାନାଏ ।

୧୪ ପାସ୍କା ପାରାବ୍ ସାପ୍ତାଥନ୍ ହୁଲାଙ୍ଗ୍ରେୟାଃ ଡିକନ୍ସିଙ୍ଗି ସିଦାରେ ଇନିଃ ଯିହୁଦୀକକେ କାଜିୟାଦକଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନ୍କୁ କାଉରିକେଦାଃକ, “ଇନିଃକେ ଗଜିମେଁ ! ଗଜିମେଁ ! କୁଶ୍ରେ କିଲାଇମେ ।”

ପିଲାତୁସ୍ ଇନ୍କୁକେ କୁଲିକେଦକଆଏ, “ଆପେୟାଃ ରାଜାକେ କୁଶ୍ରେଇଙ୍ଗ୍ କିଲାଇୟା ମେନ୍ତେପେ ସାନାଙ୍ଗ୍ତାନାତି ?”

ମୁଲ୍ ଯାଜାକକ କାଜିରୁହାଡ଼କିୟାଃକ, “କାଇସାର୍ ଏସ୍କାର୍ ଆଲେୟାଃ ରାଜା ତାନିଃ ଆତଃ ଜେତାଏ ରାଜା ନାହାଲିଃ ।”

୧୬ ଏନ୍ତେ ଯୀଶୁ କୁଶ୍ରେ କିଲାଅଃକାଏ ମେନ୍ତେ ପିଲାତୁସ୍ ଇନିଃକେ ଇନ୍କୁଆଃ ସାନାଙ୍ଗ୍ ଲେକାତେ ଏମାଦକଆଏ । ଏନ୍ତେ ଇନ୍କୁ ଯୀଶୁକେ ସାବ୍କେଦ୍ତେ ଇଦିକିୟାକ ।

ୟୀଶୁକେ କୁଶ୍ରେ କିଲାକିୟାଃ

(ମାଥ୍ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଯୀଶୁ ଆୟାଃ କୁଶ୍ରେ ଗଅଃକେଦ୍ତେ “ବହଃଜାଙ୍ଗ୍ ନୁତୁମ୍ ଠାୟାଦ୍” ଅକ୍ନାଃଚି ଏବ୍ରୀ ଜାଗାର୍ତେ “ଗାଲ୍ଗାଥା” ମେନ୍ତେ କାଜିୟାତାନା, ଏନ୍ତାଃତେ ହିଜୁଃୟାନାଏ ।

୧୮ ଏନ୍ତାଃରେ ଇନ୍କୁ ଇନିଃକେ ଆତଃ ଇନିଃଲଃ ବାରହଡ଼କିନ୍ଦେ କୁଶ୍ରେ କିଲାକେଦକିନାକ, ମିଆଁଦ୍ନିଃକେ ଆୟାଃ ଜମ୍ ସାଃରେ ଆତଃ ମିଆଁଦ୍ନିଃକେ ଲେଙ୍ଗା ସାଃରେ ଆତଃ ଯୀଶୁକେ ଆଲାରେ କିଲାକିୟାକ ।

୧୯ ଆତଃ ପିଲାତୁସ୍ ମିଆଁଦ୍ ଅନଲ୍ଚିଠା ଅଲ୍ବକେଦ୍ତେ କୁଶ୍ରେ ଲାଟ୍କାଅକେଦାଃଏ, ଆତଃ ଏନାରେ “ନାଜ୍ରେଡ଼ରେନ୍ ଯୀଶୁ ଯିହୁଦୀକଆଃ ରାଜା” ମେନ୍ତେ ଅଲ୍ବାକାନ୍ ତାଇକେନା ।

୨୦ ଯୀଶୁ କୁଶ୍ରେ କିଲାୟାନ୍ ଠାୟାଦ୍ ହାତୁ ନାଡ଼େଃରେ ତାଇକେନ୍ ନାଗେନ୍ତେ ଏନ୍ ଅନଲ୍ଚିଠାକେ ପୁରାଃ ଯିହୁଦୀକ ପାଡ଼ାଅକେଦାଃ ଆତଃ ଏନା ଏବ୍ରୀ, ଲାଚିନ୍, ଆତଃ ଗ୍ରୀକ୍ ଜାଗାର୍ତେ ଅଲ୍ବାକାନ୍ ତାଇକେନା ।

୨୧ ଏନ୍ତେ ଯିହୁଦୀକଆଃ ମୁଲ୍ ଯାଜାକକ ପିଲାତୁସ୍କେ କାଜିକିୟାଃକ, “ଯିହୁଦୀକଆଃ ରାଜା ମେନ୍ତେ ଆଲମ୍ ଅଲେୟା ମେନ୍ଦ୍ ଆଇଙ୍ଗ୍ ଯିହୁଦୀକଆଃ ରାଜା ତାନିଙ୍ଗ୍” ମେନ୍ତେ କାଜିକେଦ୍ତେୟାଃ ଅଲେମେ ।”

୨୨ ପିଲାତୁସ୍ କାଜିରୁହାଡ଼ାଦକଆଏ, “ଆଇଙ୍ଗ୍ ଅଲ୍ବାକାଦ୍ତେୟାଃ ଅଲ୍ବାକାଦାଇଙ୍ଗ୍ ।”

୨୩ ଯୀଶୁକେ କ୍ରୁଶ୍ରେ କିଲାଇକେଦ୍ତେ, ସିପାଇକ ଇନିୟାଃ ତୁସିଙ୍ଗ୍ ଲିଜାଃ ଆଉକେଦ୍ତେ ଚାର୍ତାଃରେ ହାଟିଙ୍ଗ୍ କେଦାଃକ, ମିଆଁଦ୍ ସିପାଇ ନାଗେନ୍ତେ ମିଆଁଦ୍ ହାଟିଙ୍ଗ୍ ଆତଃ ପାଟେଲିଜାଃକେଅକ ଆଉକେଦାଃ, ଏନା କା ତୁନାକାନ୍ ତାଇକେନା ମେନ୍ଦ୍ ଚେତାନ୍ ଏତେ ଲାତାର୍ ଜାକେଦ୍ ତିଃଇଲଃ ରଅଃକାନ୍ ତାଇକେନା ।

୨୪ ଏନାମେନ୍ତେ ଇନ୍କୁ ଆକ ଆକରେକ କାଜିକେଦା, “ନେଆଁକେ କାରୁ ଚାଗାଡେୟା ମେନ୍ଦ୍ ନେଆଁ ଅକଏୟାଃ ହବାଅଆଃ ଏନାମେନ୍ତେ ଚିଠାରୁ ସାଲାୟା ।” ଧାରାମ୍ପୁଅରେୟାଃ କାଜି ସାର୍ତ୍ତିଆଃ ନାଗେନ୍ତେ ନେ ସବେନ୍ ହବାୟାନା, “ଇନ୍କୁ ଆଇୟାଃ ଲିଜାଃକ ହାଟିଙ୍ଗ୍ ଯାନା ଆତଃ ଆଇୟାଃ ପାଟେଲିଜାଃ ନାଙ୍ଗ୍ ଚିଠାକ ସାଲାକେଦା ।” ଏନାତେ ସିପାଇକ ନେ'ଲେକାକ ରିକାକେଦା ।

୨୫ ଯୀଶୁଆଃ ଏଙ୍ଗାତେ ମାରିୟାମ୍ ଆତଃ ଏଙ୍ଗାତେୟାଃ ମିଗିତେ, କ୍ଲୋପାରାଃ କୁଡିତେ ମାରିୟାମ୍ ଆତଃ ମାଗ୍ଦାଲିନି ମାରିୟାମ୍ ଯୀଶୁଆଃ କ୍ରୁଶ୍ ଜାପାଃରେକ ତିଙ୍ଗୁଆକାନ୍ ତାଇକେନା ।

୨୬ ଯୀଶୁ ଆୟାଃ ଏଙ୍ଗାତେକେ ଆତଃ ଆଇଃକ୍ ଦୁଲାଡିତାନ୍ ତେଲାକେ, ଜାପାଃରେ ତିଙ୍ଗୁଆକାନ୍ ନେଲ୍ କେଦ୍ କିନାଏ, ଏଙ୍ଗାତେକେ କାଜିକିୟାଏ, “ନେଲିମେ ହନ୍ତାମାଃକେ ।”

୨୭ ଏନ୍ତେ ଯୀଶୁ ଏନ୍ ତେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍ତାଙ୍ଗ୍ ଏତେ ଏନ୍ ତେଲା ଇନିଃକେ ଆୟାଃ ଅଡ଼ାଃତେ ଇଦିକିୟାଏ ।

ୟୀଶୁଆଃ ଗନଏଃ

(ମାଥୁ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହାଁଃ ପୁରାଚାବାକାନା ମେନ୍ତେ ଯୀଶୁ ସାରିକେଦ୍ ତି, ଧାରାମ୍ପୁଅରେୟାଃ କାଜି ପୁରାଅଃ ନାଗେନ୍ତେ ଇନିଃ କାଜିକେଦାଃଏ, “ଆଇଙ୍ଗ୍ କେ ତେତାଙ୍ଗ୍ ତାନା ।”

୨୯ ଏନ୍ତାଃରେ ମେହେର୍ ରାସିତେ ପେରେଜାକାନ୍ ମିଆଁଦ୍ ଚାରୁ ଦହାକାନ୍ ତାଇକେନା । ଏନ୍ତେ ଇନ୍କୁ ସ୍ତୁଞ୍ଜକେ ମେହେର୍ ରାସିରେ ତୁପୁକେଦାଃକ, ଆତଃ ଏନାକେ ଏସୋଦ୍ ଡାଙ୍ଗ୍ରେ ଗୁଡୁକେଦ୍ତେ ଇନିୟାଃ ମଚା ହେପାଦ୍ତେ ନୁଁଏ ନାଗେନ୍ତେ ଏମ୍ କିୟାକ ।

୩୦ ଏନ୍ତେ ଯୀଶୁ ମେହେର୍ ରାସି ନୁଁକେଦ୍ତେ, କାଜିକେଦାଃଏ, “ନେଆଁ ପୁରାୟାନା” ଏନ୍ତେ ଆୟାଃ ବହଃ ତିରୁକେଦ୍ତେ ଜୀଉ ଚୁଣ୍ଡୁକେଦା ।

ୟୀଶୁକେ କ୍ରୁଡାମ୍ରେ ସବଃକିୟାକ

୩୧ ଏନ୍ ହୁଲାଙ୍ଗ୍ ସାପ୍ତାଅନ୍ ହୁଲାଙ୍ଗ୍ ତାଇକେନା, ଆତଃ ଏଗାଃ ହୁଲାଙ୍ଗ୍ ମାରାଙ୍ଗ୍ ରୁଡୁନୁ ହୁଲାଙ୍ଗ୍ ତାଇକେନ୍ ନାଗେନ୍ତେ ଯିହୁଦୀ ହାକିମ୍ ଗଏଃ ହଡ଼ମ୍ କେ କ୍ରୁଶ୍ରେ ରୁଡୁନୁ ହୁଲାଙ୍ଗ୍ ଜାକେଦ୍ ତାଇନଃକା ମେନ୍ତେ କାକ ସାନାଙ୍ଗ୍ ତାଇକେନା । ଏନାତେ ଇନ୍କୁ କିଲାଇକାନ୍ କାଲ୍ଦି ଗଜଃକାକ ମେନ୍ତେ ଇନ୍କୁଆଃ କାଟା ଠଏଜଃକା ଆତଃ ଇନ୍କୁକେ କ୍ରୁଶ୍ ଏତେ ଆଡ଼ଗୁଃକାକ ମେନ୍ତେ ପିଲାତୁସକେକ ବିକ୍ରିକିୟାଃ ।

୩୨ ଏନ୍ତେ ସିପାଇକ ହିଜୁଃକେଦ୍ତେ ଯୀଶୁଲଃ କିଲାଇକାନ୍ ବାରାନ୍ କିନାଃ କାଟାକେ ଠଏଜ୍ କେଦାଃକ ।

୩୩ ମେନ୍ଦ୍ ଇନ୍କୁ ଯୀଶୁତାଃ ହିଜୁଃୟାନ୍ତେ, ଇନିଃକେ ଗଜାକାନ୍ କେ ନେଲ୍ କିୟାଃ, ଏନାତେ ଇନ୍କୁ ଇନିୟାଃ କାଟାକେ କାକ ଠଏଜ୍ କେଦାଃ ।

୩୪ ମେନ୍ଦ୍ ସିପାଇକ ଏତେ ମିଆଁଦ୍ ନିଃ ବାଞ୍ଛାତେ ଇନିୟାଃ କ୍ରୁଡାମ୍ରେ ସବଃକିୟାଏ, ଆତଃ ଇମ୍ତାଗି ମାୟୋମ୍ ଆତଃ ଦାଆଃ ଅଡ଼ଙ୍ଗ୍ ଯାନା ।

୩୫ ଆତଃ ନେଆଁ ନେଲ୍ କାଦ୍ ନିଃ ଗାଞ୍ଜା ଏମାକାଦାଏ, ଜେ'ଲେକାଟି ଆପେୟାଗି ବିଶ୍ୱାସେୟାପେ । ଆତଃ ଇନିୟାଃ ଗାଞ୍ଜା ସାର୍ତ୍ତିଗିୟା, ଆତଃ ଇନିଃ ସାର୍ତ୍ତି କାଜିତାନାଏ ଏନା ଆଇଃକ୍ ଗି ସାରିୟାଏ ।

୩୬ “ଇନିୟାଃ ଜେତାନ୍ ଜାଙ୍ଗ୍ କା ଠଏଜ୍ ଆଃ” ନେ କାଜିଦ୍ ଧାରାମ୍ପୁଅରେ ପୁରାଅଃ ନାଗେନ୍ତେ ନେ ସବେନାଃ ହବାୟାନା ।

୩୭ ☆ଧାରାମ୍ପୁଅରେ ଆତଃ ମିଆଁଦ୍ କାଜି ଅଲାଇକାନା, “ଇନ୍କୁ ଅକଏକେ କିଲାଇକିୟାଃକ,” ହଡ଼କ ଇନିଃକେ ନେଲିୟାକ ।

ୟୀଶୁଆଃ ତପାଅଃ

(ମାଥୁ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଏନ୍ ତାୟମ୍ରେ ହାରାମାୟା ସାହାର୍ରେନ୍ ଯୋଷେଫ୍, ଯୀଶୁଆଃ ହଡ଼ମ୍ ଇଦି ନାଗେନ୍ତେ ପିଲାତୁସକେ ବିକ୍ରିକିୟାଏ, ଇନିଃ ଯୀଶୁଆଃ ମିଆଁଦ୍ ତେଲା ତାଇକେନାଏ, ମେନ୍ଦ୍ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆତଃ ପିଲାତୁସ୍ ଆରୁକେଦ୍ ଯୀଶୁଆଃ ହଡ଼ମ୍ ଇଦିକେଦ୍ତେ ସେନଃୟାନାଏ ।

୩୯ ☆ଏନ୍ ନିକଦମ୍ ସିଦାରେ ନିଦା ଇମ୍ତା ଯୀଶୁତାଃତେ ହିଜୁଃୟାନାଏ, ଇନିଃ ଯୋଷେଫ୍ ଲଃ ହିଜୁଃୟାନାଏ । ଆତଃ ଇନିଃ ତିରିଶ୍ କେଜି ବୁଗିନ୍ ସହାନ୍ ସୁନ୍ୟମ୍ ଆତଃ ମେସାକାନ୍ ଗାନ୍ଦ୍ରାସ୍ ଆଉକେଦାଏ ।

☆ ୧୯:୩୭ ଉନୁଦୁବ୍ କାଜି ୧:୭. ☆ ୧୯:୩୯ ଯୋହାନ୍ ୩:୧,୨.

୪୦ ଏଣୁ ଇନ୍ଦକିନ୍ ଯୀଶୁଆଃ ହତ୍ତଫକେକିନ୍ ଆଉକେଦାଃ ଏଣୁ ଯିହୁଦୀକଆଃ ତପାରେୟାଃ ରିଡିଲେକାତେ ଏନାକେ ବୁଗିନ୍ ସହାନ୍ ସୁନ୍ନୁମ୍ ଆତଃ ଫୀରତି ନିରାଲ୍ ଲିଜାଃରେ ପଟଫକେଦାଃକିନ୍ ।

୪୧ ଆତଃ ଯୀଶୁ କୁଶରେ କିଲାୟାନ୍ ଠାୟାଦତାଃରେ ମିଆଁଦ୍ ବାଗାନ୍ ତାଇକେନା, ଆତଃ ବାଗାନ୍ରେ ମିଆଁଦ୍ ନାଞ୍ଜା ତପା ଠାୟାଦ୍ ତାଇକେନା, ଏନାରେ ଜେତାଏ ଚିଉଲାହ କାକ ତପାକାଦକ ତାଇକେନା ।

୪୨ ଯିହୁଦୀକଆଃ ସାପତାଅନ୍ ହୁଲାଙ୍ ନାଗେଣ୍ଡେ ଇନ୍ଦକିନ୍ ଯୀଶୁକେ ଏନ୍ତାଃରେଗି ଦହକିୟାକିନ୍, ଚିୟାଃଚି ଏନ୍ ତପା ଠାୟାଦ୍ ନାଡ଼େଃରେ ତାଇକେନା ।

୨୦

ତପାଗାଡ଼ା ବିଡ଼ାଙ୍

(ମାଥୂଉ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ହାପ୍ତାରେୟାଃ ପାହିଲା ହୁଲାଙ୍ ସେତାଃ ଇଦାନ୍ ନୁବାଃ ତାଇକେନ୍ ଇମତା ମାଗ୍ଦାଲିନି ମାରିୟାମ୍ ତପାଗାଡ଼ା ଠାୟାଦ୍ତେ ହିଜୁଃକେଦ୍ତେ ପୁରାଃ ମାରାଙ୍ ଦିରିକେ ତପାଗାଡ଼ା ଠାୟାଦ୍ତେ ଆତଫକାନ୍ ନେଲ୍କେଦାଃଏ ।

୨ ଏଣୁ ଇନିଃ ନିରକେଦ୍ତେ ଶିମୋନ୍ ପାଡ଼ରାସ୍ ଆତଃ ଯୀଶୁ ଦୁଲାଡ଼ିତାନ୍ ଏନ୍ ଏଟାଃ ଚେଲାତାଃତେ ତେବାଃୟାନା ଆତଃ ମେତାଦକିନାଏ, “ଇନ୍କୁ ପ୍ରାଭୁକେ ତପାଗାଡ଼ାଏତେ ଇଦିକିୟାକ ଆତଃ କତାଃରେକ ଦହକିୟା ଏନା କାଲେ ସାରିତାନା ।”

୩ ଏଣୁ ପାଡ଼ରାସ୍ ଆତଃ ଏନ୍ ଏଟାଃ ଚେଲା ଅତଙ୍ଗ୍ୟାନତେ ତପାଠାୟାଦ୍ତେ ସେନଃୟାନାକିନ୍ ।

୪ ଆତଃ ଏନ୍ ବାରାନ୍କିନ୍ ମିଦ୍ତେକିନ୍ ନିରକେଦାଃ ମେନ୍ଦ୍ ଏଟାଃ ଚେଲା ପାଡ଼ରାସ୍କେ ନିରବାଗିକେଦ୍ତେ ସିଦାରେ ତପାଠାୟାଦ୍ତେ ସେଟେର୍ୟାନାଏ ।

୫ ଆତଃ ଇନିଃ ଉଙ୍ଗ୍ଦକେଦ୍ତେ ପାଡ଼ଲା ଲିଜାଃ ଏସ୍କାର୍ ଦହକାନ୍ତେୟାଃ ନେଲ୍କେଦାଏ ମେନ୍ଦ୍ କାଏ ବଲୟାନା ।

୬ ଏଣୁ ଶିମୋନ୍ ପାଡ଼ରାସ୍ ଇନିୟାଃ ତାୟମ୍ତେ ସେଟେର୍ୟାନାଏ ଆତଃ ତପାଠାୟାଦ୍ରେ ବଲକେଦ୍ତେ ଏନ୍ ପାଡ଼ଲା ଲିଜାଃ ଉୟୁଗାକାନ୍ ନେଲ୍କେଦାଏ ।

୭ ଆତଃ ଯୀଶୁଆଃ ବହଃରେ ତଲ୍ବିହୁରାକାନ୍ ଲିଜାଃ ଏନ୍ ପାଡ଼ଲା ଲିଜାଃଲଃ କା ତାଇନ୍କେନା ମେନ୍ଦ୍ ଏଟାଃରେ ପୋଟମାକାନ୍ ତାଇକେନା ।

୮ ଏଣୁ ସିଦାରେ ତପାଠାୟାଦ୍ତାଃ ସେଟେର୍ୟାନ୍ ଏନ୍ ଏଟାଃ ଚେଲାହ ବଲୟାନାଏ, ଆତଃ ଇନିଃ ନେଲ୍କେଦ୍ତେ ବିଶ୍ୱାସକେଦାଃଏ ।

୯ ଇନିଃକେ ଗଏଃକାନ୍କଏତେ ଜୀଉବିଦିଦଃ ଲାଗାଡ଼ିଙ୍ଗ୍ୟାଃ, ଧାରାମ୍ପୁଥ୍ରେ ଅଲ୍ୟକାନ୍ ନେ କାଜିକେ, ଇନ୍କୁ ଇମ୍ତାଜାକେଦ୍ କାକ ଆଟ୍କାର୍ଉରୁମ୍ ତାଇକେନା ।

୧୦ ଏଣୁ ଏନ୍ ବାରାନ୍ ଚେଲାକିନ୍ ଆକିନାଃ ଅଡ଼ାଃତେ ରୁହାଡ଼ୟାନାକିନ୍ ।

ୟୀଶୁ ମାଗ୍ଦଲାରେନ୍ ମାରିୟାମ୍ତାଃରେ ଉଦୁବେନ୍ୟାନାଏ

(ମାଥୂଉ ୨୮:୯-୧୦; ମାର୍କ ୧୬:୯-୧୧)

୧୧ ମେନ୍ଦ୍ ମାରିୟାମ୍ ରାଆଃତାନ୍ଲଃ ତପାଠାୟାଦ୍ତାଃରେ ତିଙ୍ଗୁଆକାନାଏ ତାଇକେନା । ଚିମ୍ତାଙ୍ ରାଆଃତାନ୍ଲଃ ତପାଠାୟାଦ୍ ଭିତାରେ ଉଙ୍ଗ୍ଦକେଦ୍ତେ ନେଲ୍କେଦାଃଏ,

୧୨ ଇମ୍ତା ପୁଣ୍ଡି ଲିଜାଃ ତୁସିଙ୍ଗ୍ଆକାନ୍ ବାରିଆ ଦୁଡ଼କିନ୍ ଯୀଶୁଆଃ ହତ୍ତଫ ଦହକାନ୍ ଠାୟାଦ୍ରେ ଦୁବାକାନ୍ ନେଲ୍କେଦକିନାଏ, ମିଆଁଦ୍ନିଃ ବହଃସାଃରେ ଆତଃ ମିଆଁଦ୍ନିଃ କାଟାସାଃରେ ।

୧୩ ଆତଃ ଇନ୍ଦକିନ୍ କୁଲିକିୟାଃକିନ୍, “ଏ ମାଲ୍, ଚିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍ଦକିନ୍କେ କାଜିୟାଦକିନାଏ, “ଇନ୍କୁ ଆଇୟାଃ ପ୍ରାଭୁକେ ଇଦିକିୟାଃକ ଆତଃ ଇନିଃକେ ଅକ୍ତାଃରେ ଦହକିୟାଃକ ଏନା କାଇଙ୍ଗ୍ ସାରିତାନା ।”

୧୪ ଏଣୁ ନେଆଁ କାଜିକେଦ୍ଚି ଇନିଃ ଦୟାସାଃତେ ହେତାକେଦାଏ ଆତଃ ଯୀଶୁକେ ତିଙ୍ଗୁଆକାନ୍ ନେଲ୍କିୟାଏ, ମେନ୍ଦ୍ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ ।

୧୫ ଯୀଶୁ ଇନିଃକେ କାଜିକିୟାଏ, “ଏ ମାଲ୍, ଆମ୍ ଚିନାଃ ମେନ୍ତେ ରାଆଃତାନାମ୍ ? ଆତଃ ଅକଏକେ ଦାଣ୍ଟାବାଡ଼ା ତାନାମ୍ ?” ଏନ୍ କୁଡ଼ି ଯୀଶୁକେ ବାଖ୍ଡିରେନ୍ ମାଲିହଡ଼ ତାନିଃ ମେନ୍ତେ ଆଟ୍କାର୍କେଦ୍ତେ, କାଜିକିୟାଏ, “ହେ ଗମ୍କେ, ଆମ୍ ଇନିଃକେ ଇଦିକାଲରେଦ୍ ଇନିଃକେ ଅକ୍ତାଃରେମ୍ ଦହକିୟା ଏନା ଉଦୁବାଇଙ୍ଗ୍ମେ ଆତଃ ଆଇଙ୍ଗ୍ ଇନିଃକେ ଇଦିକିୟାଇଙ୍ଗ୍ ।”

୧୬ ଯୀଶୁ ଇନିଃକେ କାଜିକିୟାଏ, “ଏ ମାରିୟାମ୍,” ଇନିଃ ହେତାରୁହାଡ଼କେଦ୍ତେ ଏବ୍ରୀ ଜାଗାର୍ତେ କାଜିକିୟାଏ, “ରାବ୍ବୁନି” ନେୟାରାଃ ମୁଣ୍ଡି “ହେ ଗୁରୁ” ।

୧୭ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍କେ ଆଲମ୍ ସାବାକାଇଙ୍ଗ୍, ଚିୟାଃଚି ଆଇଙ୍ଗ୍ଦ ନାହାଁଃ ଜାକେଦ୍ ଆପୁଇଙ୍ଗ୍ତାଃତେ ଆଉରି ସେନ୍ରୁହାଡ଼ାଇଙ୍ଗ୍ । ମେନ୍ଦ୍ ହାଗାଲ୍ଗ୍ତେକତାଃ ସେନ୍କେଦ୍ତେ କାଜିୟାକମ୍, ଆଇଙ୍ଗ୍

ଆଇଁୟାଃ ଆପୁ ଆଡ଼ଃ ଇନ୍‌କୁଆଃ ଆପୁ, ଆଇଁୟାଃ ପାର୍‌ମେଶ୍ୱାର୍ ଆଡ଼ଃ ଇନ୍‌କୁଆଃ ପାର୍‌ମେଶ୍ୱାର୍ ତାଃତେଇଙ୍ଗ୍ ସେନ୍‌ରୁହାଡ଼ତାନା ।”

୧୮ ଆଡ଼ଃ ମାଗ୍‌ଦାଲିନି ମାରିୟାମ୍ ସେନ୍‌କେଦ୍‌ତେ ଚେଲାକକେ ମେତାଦ୍‌କଆଏ, “ଆଇଙ୍ଗ୍ ପ୍ରାଭୁକେ ନେଲାକାଇୟାଈଙ୍ଗ୍, ଆଡ଼ଃ ଇନିଃ ନେ କାଜିକ ଆଇଙ୍ଗ୍‌କେ କାଜିକାଦିୟାଏ ।”

ୟୀଶୁ ଆୟାଃ ଚେଲାକତାଃରେ ଉଦୁବେନ୍‌ୟାନା
(ମାଥ୍‌ଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ହାପ୍ରାରେୟାଃ ପାହିଲା ହୁଲାଙ୍ଗ୍ ଆୟୁବଃତାନ୍ ଇମ୍‌ତା ଯିହୁଦୀକଆଃ ବରତେ ଚେଲାକ ହୁଣ୍ଡିୟାନାକ ଆଡ଼ଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେଦ୍‌କେଦ୍‌ତେ ତାଇକେନାକ, ଇମ୍‌ତା ଯୀଶୁ ହିଜୁଃକେଦ୍‌ତେ ଆକଆଃ ଆଲାରେ ତିଙ୍ଗ୍‌ୟାନାଏ ଆଡ଼ଃ ମେତାଦ୍‌କଆଏ, “ଆପେରେ ଜୀଉସୁକୁ ହବାଅଃକା ।”

୨୦ ଇନିଃ ନେଆଁ କାଜିକେଦ୍‌ତି ଇନ୍‌କୁକେ ଆୟାଃ ତିଃଇକେ ଆଡ଼ଃ ଆୟାଃ ସାଡ଼େଜାଙ୍ଗ୍‌କେ ଉଦୁବାଦ୍‌କଆଏ । ଏନ୍ତେ ଚେଲାକ ପ୍ରାଭୁକେ ନେଲ୍‌କେଦ୍‌ତେ ପୁରାଃଗି ରାସ୍‌କାୟାନାକ ।

୨୧ ଯୀଶୁ ଆଡ଼ଃଗି କାଜିୟାଦ୍‌କଆଏ, “ଆପେରେ ଜୀଉସୁକୁ ତାଇନ୍‌କା, ଆପୁଇଙ୍ଗ୍ କୁଲାକାଇଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ କୁଲ୍‌ପେତାନାଇଙ୍ଗ୍ ।”

୨୨ ଇନିଃ ନେଆଁ କାଜିକେଦ୍‌ତି ଇନ୍‌କୁଆଃ ଚେତାନ୍‌ରେ ଅମ୍‌କେଦାଃଏ, ଆଡ଼ଃ “ନେ ପାବିତାର୍ ଆମ୍‌ାକେ ତେଲାଇପେ ମେତାଦ୍‌କଆଏ ।

୨୩ ✠ଆପେ ହଡ଼କଆଃ ପାପ୍ ଛାମାକରେଦ ଇନ୍‌କୁଆଃ ପାପ୍ ଛାମାଃଃ, ଆପେ କାପେ ଛାମାକରେଦ ଇନ୍‌କୁଆଃ ପାପ୍ କା ଛାମାଃଃ ।”

ୟୀଶୁ ଆଡ଼ଃ ଥୋମା

୨୪ ଦିଦୁମ୍ କାଜିୟାଃତାନ୍ ଥୋମା ଗେଲ୍‌ବାର୍ ଚେଲାକଏତେ ମିହୁଡ୍‌ ତାଇକେନାଏ । ଇନିଃ ଯୀଶୁ ହିଜୁଃଲେନ୍ ଇମ୍‌ତା ଚେଲାକଲିଃ କାଏ ତାଇକେନା ।

୨୫ ଏନ୍ତେ ଏଟାଃ ଚେଲାକ ଇନିଃକେ କାଜିକିୟାଃକ, “ଆଲେ ପ୍ରାଭୁକେ, ନେଲାକାଇୟାଈଲେ ।” ମେନ୍‌ଦ ଇନିଃ ଇନ୍‌କୁକେ କାଜିୟାଦ୍‌କଆଏ, “ଇନିୟାଃ ତିଃଇରେ କିଲାରେୟାଃ ଚିହ୍ନାଁ କାଇଙ୍ଗ୍ ନେନେଲ୍ ଜାକେଦ୍ ଆଡ଼ଃ ଆଇଁୟାଃ ସାର୍‌ସାର୍‌ତେ କିଲାରେୟାଃ ଚିହ୍ନାଁକେ କାଇଙ୍ଗ୍ ଜୁଟିଦେ ଜାକେଦ୍ ଆଡ଼ଃ ତିଃଇତେ ଇନିୟାଃ ସାଡ଼େଜାଙ୍ଗ୍‌ରେ କାଇଙ୍ଗ୍ ଜୁଟିଦେ ଜାକେଦ୍ କାଇଙ୍ଗ୍ ବିଶ୍ୱାସେୟା ।”

୨୬ ମିଦ୍ ହାପ୍ରା ତାୟମ୍‌ତେ ଇନିୟାଃ ଚେଲାକ ଆଡ଼ଃଗି ଅଡ଼ାଃରେକ ତାଇକେନା ଆଡ଼ଃ ଥୋମା ଇନ୍‌କୁଲିଃ ତାଇକେନାଏ, ଦୁଆର୍ ହାଣ୍ଡେଦାକାନ୍ ତାଇକେନ୍‌ରେୟ ଯୀଶୁ ହିଜୁଃୟାନାଏ ଆଡ଼ଃ ଆଲାରେ ତିଙ୍ଗ୍‌କେଦ୍‌ତେ କାଜିୟାଦ୍‌କଆଏ, “ଆପେରେ ଜୀଉସୁକୁ ତାଇନ୍‌କା ।”

୨୭ ଏନ୍ତେ ଇନିଃ ଥୋମାକେ କାଜିକିୟାଏ, “ଆମାଃ ସାର୍‌ସାର୍‌ଲିଃ ଜୁଟିଦେମେଁ ଆଡ଼ଃ ଆଇଁୟାଃ ତିଃଇ ନେଲେମେ, ଆଡ଼ଃ ତିଃଇତାମାଃ ଜିଲିଙ୍ଗ୍‌ୟେମେ ଆଡ଼ଃ ସାଡ଼େଜାଙ୍ଗ୍‌ତାଃରେ ଜୁଟିଜେମେଁ, କା ବିଶ୍ୱାସେନିଃଦ କାହା ମେନ୍‌ଦ ବିଶ୍ୱାସେନିଃ ହବାଅଃମେଁ ।”

୨୮ ଥୋମା କାଜିରୁହାଡ଼କିୟାଏ, “ଆଇଁୟାଃ ପ୍ରାଭୁ ଆଡ଼ଃ ଆଇଁୟାଃ ପାର୍‌ମେଶ୍ୱାର୍ ।”

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ ଆଇଙ୍ଗ୍‌କେ ନେଲ୍‌କେଦ୍‌ତେମ୍ ବିଶ୍ୱାସୀଙ୍ଗ୍‌ତାନା, ମେନ୍‌ଦ କା ନେଲ୍‌କେଦ୍‌ତେ ବିଶ୍ୱାସ୍‌ତାନ୍‌କ ସୁକୁତାନ୍‌ଗିୟାଃ ।”

ନେ ପୁଅ୍‌ରାଃ ଅନଲ୍‌କାଜି

୩୦ ଯୀଶୁ ଚେଲାକଆଃ ସାମ୍‌ନାଙ୍ଗ୍‌ରେ ନେ'ଲେକା ପୁରାଃ ଏଟାଃ ପେଡ଼େୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଅ୍‌ରେ କା ଅଲ୍‌କାନା ।

୩୧ ମେନ୍‌ଦ ଯୀଶୁ ପାର୍‌ମେଶ୍ୱାର୍‌ଆଃ ହନ୍ ମାସି ତାନିଃ, ନେୟାଁପେ ବିଶ୍ୱାସେକା ଆଡ଼ଃ ନେଆଁ ବିଶ୍ୱାସ୍‌କେଦ୍‌ତେ ଇନିୟାଃ ନୁଡୁମ୍‌ତେ ଆପେ ଜୀଦାନ୍‌ପେ ନାମେକା ମେନ୍ତେ ନେଆଁରେ ଅଲ୍‌କାନା ।

୨୧

ୟୀଶୁ ସାଡ଼଼୍‌ହାନ୍ ଚେଲାକତାଃରେ ଉଦୁବେନ୍‌ତାନାଏ

୧ ଏନ୍ ତାୟମ୍‌ତେ ଯୀଶୁ ଆଡ଼ଃମିସା ତିବିରିୟା ଦରେୟା ଗେନାରେ ଆୟାଃ ଚେଲାକତାଃରେ ଉଦୁବେନ୍‌ୟାନାଏ । ନେୟାଁ ନେ ଲେକା ହବାଲେନା :

୨ ଶିମୋନ୍ ପାଡ଼ରାସ୍ ଆଡ଼ଃ ଦିଦୁମ୍ କାଜିୟାଃତାନ୍ ଥୋମା ଆଡ଼ଃ ଗାଲିଲ୍‌ରେୟାଃ କାନା ହାଡୁରେନ୍ ନିଥ୍‌ନିୟେଲ୍ ଆଡ଼ଃ ଜେବଦୀୟାଃ ବାରାନ୍ ହନ୍‌କିନ୍ ଆଡ଼ଃ ଇନିୟାଃ ଚେଲାକଏତେ ଆଡ଼ଃ ବାର୍‌ହଡ୍‌ ମିଦ୍‌ତାଃରେକ ତାଇକେନା ।

✠ ୨୦:୨୩ ମାଥ୍‌ଉ ୧୭:୧୯; ୧୮:୧୮.

୩ ✨ଆଡ଼ଃ ଶିମୋନ୍ ପାଡ଼ରାସ୍ ଇନ୍‌କୁକେ ମେତାଦକଆଏ, “ଆଇଙ୍ଗ୍ ହାକୁ ସାବ୍‌ନାଙ୍ଗ୍ ସେନଃତାନାଇଙ୍ଗ୍ ।” ଇନ୍‌କୁ ଇନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଇନ୍‌କୁ ଅଡ଼ଙ୍ଗ୍‌ୟାନ୍‌ଡେ ଲାଉକାରେକ ଦେଏଃୟାନା, ମେନ୍‌ଦ ଏନ୍ ନିଦାରେ ଜାଲୋମ୍‌ଡେ ହାକୁ କାକ ସାବ୍ ଦାଡ଼ିୟାନା ।

୪ ଆଡ଼ଃ ଆଙ୍ଗ୍‌ୟାନ୍‌ଡି ଯୀଶୁ ଦରେୟା ଗେନାରେ ଡିଙ୍ଗ୍‌ୟାନାଏ, ହଲେହ୍ ଚେଲାକ ନିଃ ଯୀଶୁ ତାନିଃ ମେଡ୍ରେ କାକ ସାରିତାନ୍ ତାଇକେନା ।

୫ ଏଡ୍ରେ ଯୀଶୁ ଇନ୍‌କୁକେ କାଜିୟାଦକଆଏ, “ହେ ଦୁଲାଡ଼୍ ହନ୍‌କ ଚିୟାଃ ଆପେତାଃରେ ହାକୁ ମେନାକଆ ?” ଇନ୍‌କୁ “କାହା” ମେଡ୍ରେ କାଜିରୁହାଡ଼ିକିୟାକ ।

୬ ✨ୟୀଶୁ ଇନ୍‌କୁକେ କାଜିୟାଦକଆ, “ଲାଉକାରାଃ ଜମ୍‌ସାଃଡେ ଜାଲୋମ୍‌କେ ହୁଦ୍‌ମାଏପେ, ଏନାରେ ଆପେ ହାକୁ ନାମକିଆପେ ।” ଏଡ୍ରେ ଇନ୍‌କୁ ଜାଲୋମ୍‌କେ ହୁଦ୍‌ମାକେଦ୍‌ଡେ ପୁରାଃ ହାକୁକ ନାମକେଦକଆ, ମେନ୍‌ଦ ପୁରାଃ ପେଡ୍ରେଡେ ଆଇଙ୍ଗ୍‌କେଦ୍‌ରେୟ କାକ ଆଇଙ୍ଗ୍ ଦାଡ଼ିୟାନା ।

୭ ଏଡ୍ରେ ଯୀଶୁ ଅକନ୍ ଚେଲାକେ ଦୁଲାଡ଼ିତାନ୍ ତାଇକେନାଏ, ଇନିଃ ପାଡ଼ରାସ୍‌କେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମ୍‌କେଦ୍‌ଡେ ଶିମୋନ୍ ପାଡ଼ରାସ୍, ସାମା ହଡ଼ମ୍ ତାଇକେନ୍‌ହରାଡେ ମାୟାଙ୍ଗ୍‌ରେ ଲିଜାଃ ପାଟେୟାନ୍‌ଡି ଦରେୟାରେ ଡେଗାଅକେଦାଏ ।

୮ ମେନ୍‌ଦ ଏଟାଃ ଚେଲାକ ହାକୁଡେ ପେରେଜାକାନ୍ ଜାଲୋମ୍ ଆଇଙ୍ଗ୍‌କେଦ୍‌ଡେ ହୁଡିଙ୍ଗ୍ ଲାଉକାଡେକ ହିଜୁଃୟାନା, ଚିୟାଃଚି ଇନ୍‌କୁଦ ଦରେୟା ଗେନାଏଡେ ପୁରାଃ ସାଙ୍ଗିନ୍‌ରେଦ କାହା, ମେନ୍‌ଦ ଦୁଇଶହାଡ଼ ଲେକା ସାଙ୍ଗିନ୍‌ରେ ତାଇକେନାକ ।

୯ ଆଡ଼ଃ ଇନ୍‌କୁ ଦରେୟା ଖାଙ୍ଗିରେ ଆଡ଼ଗୁକେଦ୍‌ଡେ ଆଙ୍ଗ୍‌ରାସେଙ୍ଗେଲ୍‌ରେ ହାକୁ ରାପାଃକାନ୍ ଆଡ଼ଃ ହଲଙ୍ଗ୍ ମାଣ୍ଡାଃକାନ୍ ନେଲ୍‌କେଦାଃକ ।

୧୦ ଆଡ଼ଃ ଯୀଶୁ ଇନ୍‌କୁକେ କାଜିୟାଦକଆଏ, “ନାହାଁଃ ଆପେ ସାବାକାଦ୍ ହାକୁକଏଡେ କାଟିଃଲେକା ଆଡ଼କୁପେ ।”

୧୧ ଶିମୋନ୍ ପାଡ଼ରାସ୍ ସେନଃୟାଡ୍ରେ ୧୫୩ ୠ ମାପରାଙ୍ଗ୍ ହାକୁଡେ ପେରେଜାକାନ୍ ଜାଲୋମ୍‌କେ ଦରେୟା ଖାଙ୍ଗିଡେ ଆଇଙ୍ଗ୍ ଆଡ଼କେଦାଃଏ । ନିମିନ୍ ହାକୁକ ତାଇକେନ୍‌ରେୟ ଜାଲୋମ୍ କା ଟଟାଃୟାନା ।

୧୨ ଯୀଶୁ କାଜିୟାଦକଆଏ, “ହିଜୁଃପେ ଆଡ଼ଃ ଜମେପେ ।” ମେନ୍‌ଦ “ଆମ୍ ଅକଏ ତାନ୍‌ମେ ?” ମେଡ୍ରେ ଇନିଃକେ କୁଲି ନାଗେଡ୍ରେ ଚେଲାକଏଡେ, ଜେତାଏ କାକ ପେଡ୍ରେକେଦାଃ, ଚିୟାଃଚି ଇନ୍‌କୁଦ ନିଃ ପ୍ରାଭୁ ତାନିଃ ମେଡ୍ରେ ସାରିତାନ୍ ତାଇକେନାକ ।

୧୩ ଏଡ୍ରେ ଯୀଶୁ ହିଜୁଃୟାନାଏ ଆଡ଼ଃ ହଲଙ୍ଗ୍ ଆଡ଼କେଦ୍‌ଡେ ଇନ୍‌କୁକେ ଏମାଦକଆଏ, ଆଡ଼ଃ ଏନ୍ ଲେକା ହାକୁ ହଗି ଏମାଦକଆଏ ।

୧୪ ନେୟାଁଲଃ ଆପିସା, ଯୀଶୁ ଗଏଃକାନ୍‌କଏଡେ ଜୀଉବିରିଦ୍‌କେଦ୍‌ଡେ ଆୟାଃ ଚେଲାକତାଃରେ ଉଦୁବ୍‌ୟାନାଏ ।

ୟୀଶୁ ଆଡ଼ଃ ପାଡ଼ରାସ୍

୧୫ ଏଡ୍ରେ ଇନ୍‌କୁ ଜମ୍‌କେଦ୍‌ ତାୟମ୍‌ଡେ ଯୀଶୁ ଶିମୋନ୍ ପାଡ଼ରାସ୍‌କେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏଡେ ଆଦକାମ୍ ଦୁଲାଡ଼ିଙ୍ଗ୍‌ତାନା ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ ତାନାଇଙ୍ଗ୍, ଏନା ଆମ୍ ସାରିତାନାମ୍,” ଯୀଶୁ ଇନିଃକେ ମେତାଇୟାଏ, “ଆଇଁୟାଃ ମିଣ୍ଡି ହନ୍‌କକେ ଗୁପିକମେ ।”

୧୬ ଯୀଶୁ ବାଡ଼ସାଡେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ ତାନାଇଙ୍ଗ୍, ଏନା ଆମ୍ ସାରିତାନାମ୍ ।” ଯୀଶୁ ମେତାଇୟାଏ, “ଆଇଁୟାଃ ମିଣ୍ଡିକକେ ଗୁପିକମେ ।”

୧୭ ଯୀଶୁ ଆପିସାଡେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଯୀଶୁ ଆପିସାଡେ ଚିୟାଃ ଆମ୍ ଦୁଲାଡ଼ିଙ୍ଗ୍‌ତାନାମ୍ ? ମେଡ୍ରେ କୁଲିକିୟାଏ, ନେଆଁଡେ ପାଡ଼ରାସ୍ ହୁଡିଙ୍ଗ୍‌ଜୀଉୟାନାଏ । ଏନାଡେ ପାଡ଼ରାସ୍ ମେତାଇୟାଏ, “ହେ ପ୍ରାଭୁ ଆଇଙ୍ଗ୍ ଆମ୍‌କେଗି ଦୁଲାଡ଼ିଙ୍ଗ୍‌ ତାନାଇଙ୍ଗ୍ ଏନା ସବେନାଃ ଆମ୍ ସାରିତାନାମ୍ ।” ଯୀଶୁ କାଜିକିୟାଏ, “ମିଣ୍ଡି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାଡ଼ିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡ୍‌ଡେ ତାଇକେନ୍‌ରେ ଆମ୍ ସେକାଡ଼୍‌କେଦ୍‌ଡେ ଆମାଃ ସାନାଙ୍ଗ୍‌ଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍‌ଦ ହାଡ଼ାମ୍ ଇମ୍‌ତା ଆମାଃ ଡିଃଇ ଜିଲିଙ୍ଗ୍‌ୟେଆମ୍ ଆଡ଼ଃ ଏଟାଃନିଃ ଆମାଃ ମାୟାଙ୍ଗ୍ ତଲେୟାଏ ଆଡ଼ଃ ଆମ୍ କାମ୍ ସାନାଙ୍ଗ୍‌ତାଃଡେ ଇଦିମେୟାଏ ।”

୧୯ ପାଡ଼ରାସ୍ ଚିଲ୍‌କା ଆୟାଃ ଗନଏଃ ହରାଡେ ପାର୍‌ମେଶ୍ୱାର୍‌କେ ମାନାରାଙ୍ଗ୍ ରିକାଇୟାଏ, ଏନାରେୟାଃ ଇସାରା ଏମ୍‌କେଦ୍‌ଡେ ଯୀଶୁ ଏନା କାଜିକେଦାଏ । ଏଡ୍ରେ ଇନିଃ “ଅଡ଼ଙ୍ଗ୍‌ଇଙ୍ଗ୍‌ମେ” ମେଡ୍ରେ ପାଡ଼ରାସ୍‌କେ କାଜିକିୟା ।

ୟୀଶୁ ଆଡ଼ଃ ଏଟାଃ ଚେଲାକ

☆ ୨୧:୩ ଲୁକ ୫:୫. ☆ ୨୧:୭ ଲୁକ ୫:୬.

୨୦ ☆ ପାତ୍ରରାସ୍ ହେତାରୁହାଡ଼କେଦ୍ତେ, ଏଟାଃ ଚେଲାକେ ଦୟାହରା ହିଜୁଃତାନ୍ ନେଲକିୟାଏ, ଅକଏକେଟି ଯୀଶୁ ଦୁଲାଡ଼ିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ଼ାମ୍ରେ ଚେଣ୍ଡେରକେଦ୍ତେ କୁଲିକାଇତାଇନାଏ, “ହେ ପ୍ରାଭୁ, ଆମ୍ଭକେ ବାଇରିକଆଃ ତିଃଇରେ ସାବ୍ରିକାନିଃ ଅକଏ ତାନିଃ ?”

୨୧ ପାତ୍ରରାସ୍ ଇନିଃକେ ନେଲକେଦ୍ତେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ଚିନାଃ ମେନେତାନାମ୍ ?”

୨୨ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇୟାଃ ହିଜୁଃ ଜାକେଦ୍ ଇନିଃ ତାଇନକାଏ ମେନ୍ତେ ଆଇଙ୍ଗ୍ ସାନାଙ୍ଗ୍ତାନ୍ରେଦ୍ ଆମାଃ ଚିନାଃ ସେନଃତାନା ? ଆମ୍ ଆଇଙ୍ଗ୍କେ ଅତଙ୍ଗ୍ଇଙ୍ଗ୍ମେ ।”

୨୩ ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିଡିର୍ୟାନା*, ମେନ୍ଦ୍ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍ତାଇନା, ଇନିଃ ଆଇଙ୍ଗ୍ ହିଜୁଃ ଜାକେଦ୍ ତାଇନଃକାଏ ନେଆଁ ଆଇଙ୍ଗ୍ ସାନାଙ୍ଗ୍ରେଦ୍ ଆମାଃ ଚିନାଃ ଚିକାଅଃଆ ? ମେନ୍ତେ କାଜିକାଦ୍ତାଇନାଏ ।

୨୪ ନେ କାଜିକରାଃ ଗାଞ୍ଜା ଏମେତାନ୍ ଆତଃ ନେ କାଜିକ ଅଲାକାଦ୍ ଚେଲା ନିଃଗି ତାନିଃ ଆତଃ ନିୟାଃ କାଜିତେୟାଃ ସାବ୍ରିଗିୟାଃ ନେୟାବୁ ସାରିତାନା ।

ସୁକୁ କାଜିରେୟାଃ ରୁଣୁ

୨୫ ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍ତେ ଅଲେରେଦ୍ ଅକଏସାରି ଏନ୍ ଅନଲ୍ ପୁଅକ୍ ଅତେଦିଶୁମ୍ରେ ଦହ ନାଗେନ୍ତେ ଠାୟାଦ୍ କା ହବାଅଃତେୟାଃ ନେଆଁ ଆଇଙ୍ଗ୍ ଆବ୍କାରେତାନା ।

ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତକଥାଃ କାମି ପାରିଟ୍ୟ

ପ୍ରେରିତ୍ ପୁଅ ଲୁକ୍‌ଆଃ ହରାତେ ଅଲ୍ଲକାନା, ଅକଏତି ଲୁକ୍ ଅଲ୍ଲକାନ୍ ସୁକୁକାଜିକେହଗି ଅଲ୍ଲକାଦାଏ । ଇନିଃ ମିହୁଡ୍, ବାଇଦ୍ ତାଇକେନାଏ ଆତଃ ବେଗାଡ୍ ଭୁଲ୍‌ତେ ଅନଲ୍‌ରେ ପୁରାଃଗି ଚିହ୍ନୁଲ୍‌ନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲାଡ୍ ଥ୍‌ୟ୍‌ଫିଲ୍‌ସ୍‌କେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିୟାଃ ପୁଅକ୍ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍ଲକାନ୍ ତାଇକେନା ପ୍ରେରିତ୍ ୧:୧ ।

ହବାସାକାଅଥାଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍ଲକାନ୍ ତାଇକେନା, ଚିୟାଃଗି ପାଉଲ୍‌ସ୍‌ଆଃ ଜେହେଲ୍‌ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍‌ ଚାବାକାନ୍ ତାଇକେନା । ଲୁକ୍‌ହଗି ପ୍ରେରିତ୍ ପାଉଲ୍‌ସ୍‌ଲ୍‌ଃ ହରାସେନ୍ ତାଇକେନାଏ, ଏନାତେ ନେ ପୁଅ ଆକ୍ରିୟୋଖ୍‌ଏତେ ଅଲ୍ଲକାନ୍‌ଗିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାଃ ଏନେଟେଦ୍ । ପ୍ରେରିତ୍ ପୁଅ, ଲୁକ୍ ଅଲ୍ଲକାନ୍ ସୁକୁକାଜିଏତେଗି ଅଲ୍ଲଆଡକାନା ମେନ୍ତେ କାଜିଲେରେୟ ଠାଉକାଗିୟା, ଚିଆଃଗି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବ୍‌କେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଗି ଯୀଶୁଆଃ ସିମ୍‌ରାକାବ୍ ତାୟମ୍‌ତେ ଚେଲ୍‌କ ପାବିତାର୍ ଆମ୍‌ଲ୍‌ଃ ପେରେଃୟାନାକ ଆତଃ ଚିଲ୍‌କା ଯୀରୁଶାଲେମ୍‌ଏତେ, ଯିହୁଦୀ, ଶମିରୋନ୍, ଆତଃ ଏନାଏତେ ବାହାରି ଦିଶୁମ୍‌କରେ ସୁକୁକାଜି ନିତିର୍‌ୟାନା, ଏନା ନେ ପୁଅରେ ଅଲ୍ଲକାନା ପ୍ରେରିତ୍ ୧:୮ ।

ଇନିଃ ଥ୍‌ୟ୍‌ଫିଲ୍‌ସ୍‌କେ ଆତଃ ବିଶ୍ୱାସରେ ହାରା ଇଦିୟାଃତାନ୍ ଖ୍ରୀଷ୍ଟିୟାନ୍ ହାଗାକକେ ଚିହ୍ନୁଲ୍‌ଃ ନାଗେନ୍ତେ ଉସ୍‌କୁରକତାନା । ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ବିଷାଏରେ ଆତଃ ପାସରାଅ ଇଦିୟାଃତାନ୍ ଖ୍ରୀଷ୍ଟ୍ ବିଶ୍ୱାସୀକଥାଃ ଜୀଦାନ୍ ବିଷାଏରେ କାଜିକାଦା । ପ୍ରେରିତ୍ ଚିଟାଉରେ ଏନେଟେଦ୍‌ରେନ୍ କାଲିସିୟାକ ଖ୍ରୀଷ୍ଟ୍‌ତାଃରେ ଚିଲ୍‌କା ବିଶ୍ୱାସ୍ ତାଇକେନାକ, ଏନାରେୟାଃ ନାମ୍‌ନା ଆରୁକେ ଉଦୁବେତାନା । ପ୍ରେରିତ୍‌କଥାଃ ନାମ୍‌ନା ହରାତେ ଆରୁ ଆଟ୍‌କାର୍ ଦାଡ଼ିୟାଃବୁ ଯେ, ଚିଲ୍‌କା ପାବିତାର୍ ଆମ୍‌ତାଃରେ ଆସ୍ରାକେଦ୍‌ତେ ଏଟାଃକତାଃରେ ସୁକୁକାଜି ନିତିର୍ ଦାଡ଼ିୟାଃଆ ।

ପୁଅ ଭିତାରେ ଅଲ୍ଲକାନ୍ କାଜି

- ୧. ପାବିତାର୍ ଆମ୍‌ରାଃ ହିନିଜୁଃ ଆତଃ କାଲିସିୟାଃ ପସାଇଦିୟାଃ । ୧:୧-୮:୧
- ୨. କାଲିସିୟାଃ ସିଗିଦ୍ ଆତଃ ସୁକୁକାଜିରାଃ ପସାଇଦିୟାଃ । ୮:୨-୧୨:୨୩
- ୩. ପାଉଲ୍‌ସ୍‌ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
- ୪. ଯୀରୁଶାଲେମ୍‌ରେ ମାରାଜ୍ ପାଞ୍ଚେଟ୍ । ୧୫:୧-୩୫
- ୫. ପାଉଲ୍‌ସ୍‌ଆଃ ବାର୍‌ସାତେ ସେଝାକାମି ନାଜ୍ ହରାସେନ୍ । ୧୫:୩୬-୧୮:୨୨
- ୬. ପାଉଲ୍‌ସ୍‌ଆଃ ଆପିସାତେ ସେଝାକାମି ନାଜ୍ ହରାସେନ୍ । ୧୮:୨୩-୨୦:୩୮
- ୭. ଯୀରୁଶାଲେମ୍‌ରେ ପାଉଲ୍‌ସ୍‌ଆଃ ତନଲ୍ । ୨୧:୧-୨୬:୧-୩୨
- ୮. ପାଉଲ୍‌ସ୍‌ଆଃ ରୋମ୍‌ତେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍‌କେ ଏମଃରାଃ ବାନାର୍‌ସା

୧ *ହେ ଦୁଲାଡ୍ ଥ୍‌ୟ୍‌ଫିଲ୍‌ସ୍,

ଆଇଜ୍ ଆଇୟାଃ ପାହିଲା ଚିଟାଉ ଲୁକ୍ ପୁଅରେ ଯୀଶୁ କାମିକାଦ୍ ଆତଃ ଇଡୁକାଦ୍ ସବେନାଃ ଆୟାଃ କାମିରାଃ ଏନେଟେଦ୍‌ତାଃଏତେ

୨ ସିମ୍‌ଦିଶୁମ୍‌ତେ ଇଦିୟାଃ ହୁଲାଜ୍ ଜାକେଦ୍ ହବାକାନ୍‌ତେୟାଃ ଅଲ୍ଲକାଦାଇଜ୍ । ସିମ୍‌ଦିଶୁମ୍‌ତେ ଇଦିୟାଃ ସିଦାରେ ଯୀଶୁ ଆୟାଃ ସାଲ୍‌କାନ୍ ପ୍ରେରିତ୍‌କକେ ପାବିତାର୍ ଆମ୍‌ରାଃ ପେଡ଼େଃତେ ଇଡୁକାଦ୍‌କ ତାଇକେନା ।

୩ ଯୀଶୁ ଆୟାଃ ଗନଏଃ ତାୟମ୍‌ତେ ପୁରାଃ ସାବୁଡ଼ରାଃ କାଜି ଏମ୍‌କେଦ୍‌ତେ ଇନ୍‌କୁତାଃରେ ଆଇଃକ୍‌ଗି ଜୀନିଦ୍ ମେନ୍ତେ ଉଦୁବ୍‌ୟାନା, ଆତଃ ବାର୍‌ହିସି ମାହାଁ ଇନ୍‌କୁତାଃରେ ମିସା ମିସା ଉଦୁବ୍‌ୟାନି ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜିକଏ ଉଦୁବାଦ୍‌କଥା ।

୪ *ଆତଃ ଯୀଶୁ ଇନ୍‌କୁଲ୍‌ଃ ଜମତାନ୍ ତାଇକେନ୍ ଇମ୍‌ତା, ଇନ୍‌କୁକେ ନେଆଁ ଆଡୁକାଦ୍‌କ ତାଇକେନାଏ, ଆପେ ଯୀରୁଶାଲେମ୍ ଆଲ୍‌ପେ ବାଗିୟା, ମେନ୍‌ଦ ଆପୁଇୟାଃ ବାନାର୍‌ସା କାଜି ଆୟୁମାକାଦ୍‌ତେୟାଃକେ ନେଲ୍‌ହରାଏପେ ।

☆ ୧:୧ ଲୁକ୍ ୧:୧-୪. ☆ ୧:୪ ଲୁକ୍ ୨୪:୪୯.

୫ ଚିନ୍ତାଧର ଯୋହାନ୍ ଦାଆଠତେ ବାପ୍ତିସ୍ମା ଏମାଦକଆଏ, ମେନ୍ଦ ଆପେ ହୁଡ଼ିଙ୍ଗ୍ ମାହାଁ ତାୟମ୍ତେ ପାବିତାର୍ ଆମ୍ବାତେ ବାପ୍ତିସ୍ମାଝାଠପେ ।

ୟାଶୁ ସିର୍ମାତେ ଇଦିୟାନାଏ

(ମାର୍ଚ୍ଚ ୧୭:୧୯-୨୦; ଲୁକ ୨୪:୫୦-୫୩)

୬ ମୁସିଙ୍ଗ୍ ହୁଲାଇଁ ପ୍ରେରିତ୍ ହୁଣ୍ଡିକେଦ୍ତେ ଯାଶୁକେ କୁଲିକିୟାକ, “ହେ ପ୍ରାଭୁ, ଚିନ୍ତା ଆମ୍ ନେ ଦିପିଲିରେଗି ଇସ୍ରାଏଲକତାଠରେ ଆଡ଼ଠଗି ରାଇଜ୍ ଏମେତାନାମ୍ ?”

୭ ଯାଶୁ ଇନ୍କୁକେ ମେତାଦକଆ, “ଆପୁ ଆୟାଃ ଆପ୍ନାଠ ପେଡ଼େଠତେ ଦହାକାଦ୍ ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଙ୍ଗ୍ ନାହାଁଲାଇ ।

୮ ମେନ୍ଦ ପାବିତାର୍ ଆମ୍ବା ଆପେତାଃ ହିନ୍ତୁଠରେ, ଆପେ ପେଡ଼େଠପେ ନାମେୟା ଆଡ଼ଠ ଯାରୁଗାଲେମ୍ରେ, ଗଟା ଯିହୁଦା, ଶମିରୋନ୍ ଆଡ଼ଠ ଅତେରାଃ ଚୁଣ୍ଡୁ ଜୁକେଦ୍ ଆଇୟାଃ ଗାଝାପେ ହବାଅଆଃ ।”

୯ ଇନ୍ନିଃ ନେଆଁ କାଜିକେଦ୍, ଇନ୍କୁ ଇନ୍ନିଃକେ ନେଲିତାନ୍ଲାଇ ଇନ୍ନିଃ ସିର୍ମାତେ ଇଦିୟାନା, ଆଡ଼ଠ ମିଆଁଦ୍ ରିମିଲ୍ ଇନ୍ନିଃକେ ଇନ୍କୁତାଠଏତେ ଦାନାଙ୍ଗିକିୟା ।

୧୦ ଯାଶୁ ସିର୍ମାତେ ଇଦିୟାତାନ୍ ତାଇକେନ୍ରେ ଇନ୍କୁ ସିର୍ମାସାଃ ସାଙ୍ଗିଲାଇକାଦ୍ ତାଇକେନ୍ ଇମ୍ତା, ବାହ୍ତ୍ ଇମ୍ତାଗି ପୁଣ୍ଡି ଲିଜାଃ ତୁସିଙ୍ଗ୍କେଦ୍ତେ ଇନ୍କୁତାଠରେକିନ୍ ତିଙ୍ଗିୟାନା ।

୧୧ ଆଡ଼ଠ କାଜିକେଦାକିନ୍, “ଏ ଗାଲିଲ୍ରେନ୍ ହଡ଼କ, ଚିନ୍ତାମେନ୍ତେ ସିର୍ମାସାଃ ସାଙ୍ଗିଲ୍କେଦ୍ତେ ତିଙ୍ଗୁଆକାନାପେ ? ନେ ଯାଶୁଗି ଆପେତାଃଏତେ ସିର୍ମାତେ ଇଦିୟାକାନା । ମେନ୍ଦ ଆପେ ଇନ୍ନିଃକେ ସିର୍ମାତେ ସେନଠତାନ୍ ନେଲ୍କିଃ ଲେକାଗି ହିନ୍ତୁଠହାଡ଼ାଏ ।”

ଯିହୁଦାରାଃ ବାଦ୍ଲାଇରେ ମାଥୁଆସ୍ଆଃ ସାଲାଅଃ

(ମାଥୁ ୨୭:୩-୧୦)

୧୨ ଏନ୍ତେ ପ୍ରେରିତ୍ ଜାଇତୁନ୍ ନୁତୁମ୍ ବୁରୁଏତେ ଯାରୁଗାଲେମ୍ତେକ ସେନଠହାଡ଼ୟାନା, ଏନା ନାଗାର୍ତାଃଏତେ ମିଦ୍ କିଲୋମିଟର୍ ଲେକା ସାଙ୍ଗିନ୍ରେ ତାଇକେନା ।

୧୩ ଇନ୍କୁ ଯାରୁଗାଲେମ୍ ନାଗାର୍ତେ ବଲୟାନାକ ଆଡ଼ଠ ଆକ ତାଇନଃ ତାଇକେନ୍ ଚେତାନ୍ କୁଠାତେ ସେନଠୟାନାକ । ଏନ୍ ପ୍ରେରିତ୍ଆଃ ନୁତୁମ୍ ପାଡ଼ରାସ୍, ଯୋହାନ୍, ଯାକୁବ୍, ଆନ୍ଦ୍ରିୟ, ଫିଲିପ୍, ଥୋମା, ବାଥୋଲମି, ମାଥୁର, ଆଲ୍ଫିୟନାଃ ହନ୍ ଯାକୁବ୍, ଚିହ୍ଲିନିଃ ଶିମୋନ୍ ଆଡ଼ଠ ଯାକୁବ୍ଆଃ ହନ୍ ଯିହୁଦା ତାଇକେନା ।

୧୪ ଇନ୍କୁ ସବେନ୍ ମିଦ୍ତାଠରେ ହୁଣ୍ଡିକେଦ୍ତେ ବିକ୍ରିତାନ୍କ ତାଇକେନା ଆଡ଼ଠ ଇନ୍କୁଲଃ କୁଡ଼ିକ, ଯାଶୁଆଃ ଏଙ୍ଗାତେ ମାରିୟାମ୍ ଆଡ଼ଠ ଆୟାଃ ହାଗାକ ହୁଣ୍ଡିୟତାନ୍କ ତାଇକେନା ।

୧୫ ଚିମିନ୍ ମାହାଁ ତାୟମ୍ତେ ଲାଗ୍ତାଗ୍ ତୁରିୟାହିସି* ବିଶ୍ୱାସୀ ହାଗାକଆଃ ସାମିଲାନ୍ ଆଲାରେ ପାଡ଼ରାସ୍ ତିଙ୍ଗୁକେଦ୍ତେ କାଜିକେଦା,

୧୬ “ହେ ଦୁଲାଇଡ୍ ହାଗା ମିଶିକ, ଅକନ୍ ଇଷ୍ଟାରିୟଡ୍ ଯିହୁଦା ଯାଶୁକେ ସାବ୍ରିକାଇ ନାଗେନ୍ତେ ବାଇରିକକେ ଆୟାଡ଼ଆଡ଼କାକ ତାଇକେନା, ଇନ୍ନିୟାଃ ବିଷାଏରେ ଦାଉଦ୍ ପାବିତାର୍ ଆମ୍ବାତେ ପେରେଠକେଦ୍ତେ କାଜିକାଦ୍ତେୟାଃ, ଧାରାମ୍ପୁଥ୍ରେୟାଃ କାଜି ପୁରାଅଃ ଲାଗାତିଙ୍ଗ୍ ତାଇକେନା ।

୧୭ ଚିଆଠି ଇଷ୍ଟାରିୟଡ୍ ଯିହୁଦା ଆରୁଆଃ ଝୁଣ୍ଡରେନ୍ ମିହୁଡ୍ ତାଇକେନାଏ ଆଡ଼ଠ ଆରୁଆଃ ସେଝାକାମି ନାଗେନ୍ତେ ଇନ୍ନିଃ ସାଲାକାନ୍ ତାଇକେନାଏ ।”

୧୮ ଇଷ୍ଟାରିୟଡ୍ ଯିହୁଦାରାଃ ଏଡ଼କାନ୍ କାମିରାଃ ନାଲାତେ ମିଆଁଦ୍ ପିଡ଼ି କିରିଙ୍ଗ୍ୟାକାନ୍ ତାଇକେନା ଆଡ଼ଠ ଇନ୍ନିଃ ଏନ୍ ପିଡ଼ିରେ ତାବେର୍ତେ ଉୟୁଃୟାନା ଆଡ଼ଠ ଆୟାଃ ଲାହିଦ୍ ଦାଡ଼ାୟାନ୍ତେ ଏନ୍ ଭିତାର୍ରେୟାଃ ସବେନ୍ ପଟାକ ଅଡ଼ଙ୍ଗୟାନା ।

୧୯ ଆଡ଼ଠ ଯାରୁଗାଲେମ୍ରେ ତାଇନ୍ତାନ୍ ସବେନ୍ ହଡ଼କ ନେଆଁ ସାରିକେଦ୍ତେ, ଆକଆଃ ଜାଗାର୍ତେ ଏନ୍ ପିଡ଼ିରାଃ ନୁତୁମ୍ ହକଲ୍ଦମା ମେନ୍ତେକ ନୁତୁମ୍କେଦା, ଏନାରାଃ ମୁଣ୍ଡିଦ୍ “ମାୟୋମ୍ରାଃ ପିଡ଼ି” ତାନାଃ ।

୨୦ ଚିନ୍ତାଧର ଦୁରାଙ୍ଗ୍ପୁଥ୍ରେ ଅଲାକାନା,
ଇନ୍ନିୟାଃ ଅଡ଼ାଃ ସିଃସଏଠଗି ହବାଅଃକା;
ଏନାରେ ଜେତାଏ ଆଲକାକ ତାଇନଃକା ।
ନେଆଁହଗି ଅଲାକାନା,
ଇନ୍ନିୟାଃ କାମି ଏଟାଠନିଃ ନାମେକାଏ ।

☆ ୧:୫ ମାଥୁ ୩:୧୧; ମାର୍ଚ୍ଚ ୧:୮; ଲୁକ ୩:୧୭; ଯୋହାନ୍ ୧:୩୩. ☆ ୧:୮ ମାଥୁ ୨୮:୧୯; ମାର୍ଚ୍ଚ ୧୭:୧୫; ଲୁକ ୨୪:୪୭,୪୮. ☆ ୧:୯ ମାର୍ଚ୍ଚ ୧୭:୧୯; ଲୁକ ୨୪:୫୦,୫୧. ☆ ୧:୧୩ ମାଥୁ ୧୦:୨-୪; ମାର୍ଚ୍ଚ ୩:୧୭-୧୯; ଲୁକ ୬:୧୪-୧୭. * ୧:୧୫ ମିଦ୍ଗାଅ କୁଡ଼ିଏ ☆ ୧:୧୮ ମାଥୁ ୨୭:୩-୮.

୨୧ * “ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦରାଃ ଗାଞ୍ଜା ହବାଅଃ ନାଗେନ୍ତେ ଆତଃମିହୁଡ୍ ଆବୁଲଃ ମେସାଅଃ ଲାଗାତିଙ୍ଗୟାଃ ।

୨୨ ଯୀଶୁ ଯୋହାନତାଃଏତେ ବାପ୍ତିସ୍ତା ହବାୟାନ୍ ହୁଲାଙ୍ଗତାଃଏତେ ଯୀଶୁ ସିର୍ମାତେ ଇଦିୟଃ ହୁଲାଙ୍ଗ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍ ଇମ୍ତା, ଅକନ୍ ହଡକ ଆବୁଆଃ ଝୁଣ୍ଡରେ ତାଇକେନାକ, ଇନ୍କୁଏତେ ମିହୁଡକେ ଆବୁଲଃ ଇନିୟଃ ଜୀଉବିନିରିଦରେୟାଃ ଗାଞ୍ଜା ଏମ୍ ଲାଗାତିଙ୍ଗୟାଃ ।”

୨୩ ଏନାତେ ଇନ୍କୁ ମାଥୁଆସ୍ ଆତଃ ଯୋଷେପ୍, ଅକଏକେତି ବାର୍ଗବାସ୍ ମେନ୍ତେ କାଜିୟାଃକ ଆତଃ ଜୁସ୍ତସ୍ ମେନ୍ତେହ୍ କାଜିୟାଃକ, ନେ ବାରହଡକିନ୍କେ ସାଲାକେଦକିନାକ ।

୨୪ ଏନ୍ତେ ଇନ୍କୁ ବିକ୍ରିତାନଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନକଆଃ ମନ୍ସୁରୁଦରେୟାଃ ଉଡ଼ୁ ସାରିୟାଃମେ । ନେ ବାରହଡକିନ୍ଏତେ ଆମାଃ ହରାତେ ସାଲାକାନିଃ ଅକନିଃ ତାନିଃ ଏନା ଆଲେକେ ଉଦୁବାଲେମେ ।

୨୫ ଏନ୍ ହଡ ଇଷ୍ଟାରିୟଡ୍ ଯିହୁଦାରାଃ ଠାୟାଦରେ ପ୍ରେରିତ୍ କାମି କାମିୟା ।”

୨୬ ଏନ୍ତେ ଇନ୍କୁ ଚିଟ୍ପଟ୍ ସାଲାକେଦାକ ଆତଃ ମାଥୁଆସ୍ଆଃ ନୁଡୁମ୍ରେ ଅଡଙ୍ଗୟାନା । ଏନ୍ତେ ଇନିଃ ଗେଲ୍ମିଆଁଦ୍† ପ୍ରେରିତ୍କଲଃ ମେସାୟାନାଏ ।

୨

ପାବିତାର୍ ଆମ୍ବାରାଃ ହିନିଜୁଃ

୧ ପେଣ୍ଟିକଷ୍ଟ* ପାରାବ୍ ତେବାଃୟାନ୍ତି, ସବେନ୍ ବିଶ୍ୱାସୀକ ମିଦ୍ତାଃରେ ହୁଣ୍ଡିଆକାନ୍କ ତାଇକେନା ।

୨ ଇମତାଙ୍ଗ୍ ଦୁଦ୍ଗାର୍ ହୟ ହୟତାନ୍ଲେକା ସିର୍ମାଏତେ ସାଡ୍ ଆୟୁମ୍ୟାନା ଆତଃ ଇନ୍କୁ ଦୁବାକାନ୍ ତାଇକେନ୍ ଗଟା ଅଡ଼ାଃରେ ପେରେୟାନା ।

୩ ଏନ୍ତେ ଇନ୍କୁ ସେକେଲ୍ ଲେକାନ୍ ଆଲାଙ୍ଗକ ବିପିଙ୍ଗାଅଃତାନ୍ ନେଲ୍କେଦାକ ଆତଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡରେ ଆଡ଼ଗୁୟାନା ।

୪ ଇନ୍କୁ ସବେନକ ପାବିତାର୍ ଆମ୍ବାତେକ ପେରେୟାନା ଆତଃ ପାବିତାର୍ ଆମ୍ବା ଇନ୍କୁକେ ଦେଙ୍ଗାକେଦକ ଲେକାଗି ଏଟାଃ ଏଟାଃ ଜାଗାର୍ତେ କାଜି ଏଟେଦକେଦାକ ।

୫ ଅତେଦିଶୁମ୍ରେୟାଃ ଏଟାଃ ଏଟାଃ ଦିଶୁମ୍ଏତେ ହିଜୁଆକାନ୍ ଯିହୁଦୀ ଧାରାମାନ୍ ହଡକ ଇମ୍ତା ଯାରୁଶାଲେମ୍ରେକ ତାଇକେନା ।

୬ ଇନ୍କୁ ନେ ଲାବ୍ଜା ଆୟୁମ୍କେଦ୍ତି, ଗାଦେଲ୍ ହଡକ ହିଜୁଃ ହୁଣ୍ଡିୟାନା ଆତଃ ସବେନକ ଆକଆଃ ଆକଆଃ ଜାଗାର୍ତେ ଖ୍ରୀଷ୍ଟ୍ ବିଶ୍ୱାସୀକକେ କାଜିତାନ୍ ଆୟୁମ୍କେଦ୍ତେ ଆକଟାକାଅୟାନାକ ।

୭ ଆତଃ ଇନ୍କୁ ସବେନକ ଆକଦାନ୍ଦାଅୟାନା ଆତଃ ହାଏକାଟ୍ୟାନ୍ତେ କୁପୁଲିୟାନାକ, “ନେଲେପେ, ଚିୟାଃ ନେ ସବେନ୍ କାଜିତାନ୍ ହଡକ ଗାଲିଲ୍ରେନ୍ ନାହାଁଲାକ ?

୮ ତାବ୍ଦ ଆବୁ ସବେନକ ଚିଲ୍କାତେ ଇନ୍କୁକେ ଆବୁଆଃ ଆପ୍ନାଃ ଜାଗାର୍ତେ କାଜିତାନ୍ବୁ ଆୟୁମ୍କତାନା ?

୯ ଆବୁ ପାଥ୍ ଯା, ମାଦିୟା, ଏଲାମିୟା, ମେସପଟାମିଆ, ଯିହୁଦା, କାପାଦକିଆ, ପନ୍ତ, ଆତଃ ରୋମ୍ ଏସିଆରେନକ,

୧୦ ପୁଗିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନକ ଆତଃ ରୋମିଏତେ ହିଜୁଃକାନ୍

୧୧ ଯିହୁଦୀ ଆତଃ ଯିହୁଦୀ ଧାରାମ୍ରେ ମେସାକାନ୍ ସାଅଁସାର୍ ହଡକ, ଚିମିନ୍ କ୍ରିଡ୍ରେନ୍ ଆତଃ ଆରାବ୍ରେନ୍ ହଡକ ତାନ୍ବୁ, ଏନ୍ରେୟ ଆବୁ ଆବୁଆଃ ଜାଗାର୍ତେ ଇନ୍କୁକେ ପାର୍ମେଶ୍ୱାର୍ଆଃ ମାପ୍ରାଙ୍ଗ୍ କାମିରାଃ କାଜିକ କାଜିତାନ୍ବୁ ଆୟୁମ୍କତାନା ।”

୧୨ ଆତଃ ଇନ୍କୁ ସବେନକ ଆକଦାନ୍ଦାଅ ଆତଃ ଆଡ଼ାଃଉଡ଼ୁୟାନ୍ଲଃ ଆକ ଆକଗି କୁପୁଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ ?”

୧୩ ମେନ୍ଦ୍ ଏଟାଃ ହଡକ ବିଶ୍ୱାସୀକକେ ଲାନ୍ଦା ଏସେଦ୍ତାନ୍ଲଃ କାଜିକେଦକଆକ, “ଇନ୍କୁ ନାଞ୍ଜା ଦାଖ୍ରାସି ପୁରାଃଗି ନୁଁକେଦ୍ତେ ବୁଲାକାନାକ ।”

ପାଡ଼ରାସ୍ଆଃ କାନାଜି

୧୪ ଏନ୍ତେ ପାଡ଼ରାସ୍ ଗେଲ୍ମିଆଁଦ୍† ଚେଲାକଲଃ ତିଙ୍ଗୁୟାନାଏ ଆତଃ କାଉରିକେଦ୍ତେ ଉଦୁବ୍ ଏଟେଦକେଦାଏ, “ଏ ଯିହୁଦୀ ହାଗାକ, ଆତଃ ଯାରୁଶାଲେମ୍ରେ ତାଇନ୍ତାନ୍ ସବେନ୍ ହଡକ, ଆଇଙ୍ଗ୍ କାଜିତାନ୍ତେୟାଃ ବୁଗିଲେକା ଆୟୁମ୍ମେପେ ଆତଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ ।

୧୫ ଆପେ ନେ ହଡକକେ ବୁଲଃତାନାକ ମେନ୍ତେପେ ବିଚାରେତାନା, ମେନ୍ଦ୍ କାହାଗି, ନାହାଁଃଦ୍ ସେତାଃରାଃ ଅରେୟା‡ ସାଡ଼ିକାନା ।

* ୧:୨୧ ମାଥୁଃ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୪୧. † ୧:୨୨ ଏଗାରାଞ୍ଜାନ୍ * ୨:୧ ପାସ୍କା ପାରାବ୍ରେୟାଃ ଏନେଟେଦ୍ ହୁଲାଙ୍ଗତାଃଏତେ ପାଗାଗ୍ ଦିନ୍ ହବାଅଃ ହୁଲାଙ୍ଗକେ ପେଣ୍ଟିକଷ୍ଟ କାଜିୟାଃକ ‡ ୨:୧୪ ଏଗାରାଞ୍ଜାନ୍ † ୨:୧୫ ନାଅ

୧୭ ମେନ୍ଦ ଯୋଏଲ୍ ନାବୀ କାଜିକାଦ୍ କାଜି ନେଆଁ ତାନାଃ :

୧୭ “ପାର୍ମେଶ୍ଵାର୍ କାଜିତାନାଏ, ‘ତାୟମ୍ ହୁଲାଙ୍ଗକରେ ଆଇଙ୍ଗ୍ ନେ ସବେନାଃ ରିକାଏୟାଇଙ୍ଗ୍, ଆଇଙ୍ଗ୍ ସବେନ୍ ହଡକ୍ ଚେତାନ୍ରେ ଆଇଁୟାଃ ଆମ୍ବାକେଇଙ୍ଗ୍ ଦୁଲିୟା ଆତଃ ଆପେୟାଃ କଡାହନ୍ କୁଡିହନ୍କ ଆୟାରକାଜିକ କାଜିୟା, ଆତଃ ଆପେୟାଃ ସେପେଡେଦକ୍ ଦାର୍ଗାନ୍କ ନେଲେୟା, ଆତଃ ଆପେୟାଃ ପ୍ରାଚିନ୍କ କୁମୁୟା ।

୧୮ ହେଗି, ଏନ୍ ହୁଲାଙ୍ଗକରେ ଆଇଁୟାଃ ଦାସିକ ଆତଃ କାମ୍ଡିକରେହଗି, ଆଇଁୟାଃ ଆମ୍ବାକେଇଙ୍ଗ୍ ଦୁଲିୟା, ଆତଃ ଇନ୍କୁ ଆଇଁୟାଃ ଆୟାରକାଜିକ ଉଦୁବେୟା ।

୧୯ ଆଇଙ୍ଗ୍ ଚେତାନ୍ ସିର୍ମାରେ ପେଡେୟାନ୍ କାମିକ ଆତଃ ଅତେଦିଶ୍ଵମ୍ରେ ଆକଦାନ୍ଦାଅ ଚିହ୍ନାକଇଙ୍ଗ୍ ରିକାୟା । ଅତେଦିଶ୍ଵମ୍ ମାୟୋମ୍, ସେଲେଲ୍ ଆତଃ ପୁରାଃ ସୁକୁଲ୍ତେ ପେରେଜଃଆ; ୨୦ ପ୍ରାଭୁଆଃ ମାରାଙ୍ଗ୍ ଆତଃ ମାନାରାଙ୍ଗ୍ ହୁଲାଙ୍ଗ୍ ହିଜୁଃ ସିଦାରେ ସିଙ୍ଗ୍ କୁଲ୍କୁଲ୍ ନୁବାଗଃଆ, ଆତଃ ଚାଣ୍ଡୁଃ ମାୟୋମ୍ ଲେକା ହବାଅଃଆ ।

୨୧ ଆତଃ ଏନ୍ ଦିପିଲିକରେ ଜେତାଏ ପ୍ରାଭୁଆଃ ନୁତୁମ୍ତେ ବିକ୍ରିୟାଏ, ଇନିଃ ଜୀଉ ବାଞ୍ଚାଅ ନାମେୟାଏ ।’

୨୨ “ହେ ଇସ୍ରାଏଲ୍ରେନ୍ ହାଗାକ, ନେ କାଜି ଆୟୁମେପେ, ପୁରାଃ ପେଡେୟାନ୍ କାମିକ, ଆକଦାନ୍ଦାଅ କାମିକ ଆତଃ ଚିହ୍ନାକ ନାଗେନ୍ତେ ନାଜ୍ରେଡ୍ରେନ୍ ଯୀଶୁ ପାର୍ମେଶ୍ଵାର୍ଆଃ କୁଲାକାନ୍ନିଃ ତାନିଃ ମେନ୍ତେ ଆପେୟାଃ ସାମ୍ନାଙ୍ଗ୍ରେ ପକ୍ତା ସାବୁଦ୍ ହବାକାନା । ଏନାକ ପାର୍ମେଶ୍ଵାର୍ ଆପେୟାଃ ଆଲାରେ ଇନିୟାଃ ହରାତେ ରିକାକାଦାଏ ଏନାପେ ସାରିତାନା ।

୨୩ *ପାର୍ମେଶ୍ଵାର୍ ଆୟାଃ ସାନାଙ୍ଗ୍ ଲେକାତେ ଯୀଶୁକେ ଆପେୟାଃ ତିଃଇରେ ଜିମାଲ ନାଗେନ୍ତେ ପାହିଲାରେ ମନ୍ ବାଇୟାକାଦ୍ ତାଇକେନାଏ ଆତଃ ଆପେ ଇନିଃକେ କା ଧାର୍ମାନ୍ ହଡକଆଃ ହରାତେ କୁଶ୍ରେପେ କିଲାକିୟା ।

୨୪ *ମେନ୍ଦ ପାର୍ମେଶ୍ଵାର୍ ଇନିଃକେ ଗନଏଃରାଃ ତନଲ୍ ରାଡାକେଦ୍ତେ ଜୀଉବିରିଦ୍କିୟାଏ, ଚିୟାଃଚି ଗନଏଃ ଇନିଃକେ ଦହ୍ କାଏ ଦାଡିକିୟା ।

୨୫ ଦାଉଦ୍ ଇନିୟାଃ ବିଷାଏରେ କାଜିକାଦାଏ, “ଆଇଙ୍ଗ୍ ପ୍ରାଭୁକେ ସବେନ୍ ଇମ୍ତା ଆଇଁୟାଃ ଆୟାରରେ ନେଲି ତାଇକେନାଇଙ୍ଗ୍, ଆଇଙ୍ଗ୍ ଆଲାକାଇଙ୍ଗ୍ ଏକ୍ଲାଅଃକା ମେନ୍ତେ ଇନିଃ ଆଇଁୟାଃଲଃ ମେନାଇୟା ।

୨୬ ଏନା ନାଗେନ୍ତେ ଆଇଁୟାଃ ମନ୍ସୁରୁଦ୍ ରାସ୍କାତେ ପେରେଜାକାନା, ଆତଃ ଆଲାଙ୍ଗ୍ତାଇୟାଃ ଲାନ୍ଦା ରାସ୍କାତେ ପେରେଃୟାନା । ଆତଃ ଆଇଁୟାଃ ଗନଏଃ ହଡକ୍ ଆସ୍ରାଏତାନ୍ଲଃ ଜୀହିଦଃଆ,

୨୭ ଚିୟାଃଚି ଆମ୍ ଆଇଁୟାଃ ଜୀଉକେ ଗନଏଃଗାଡାରେ କାମ୍ ବାଗିୟା, ଆତଃ ଆମାଃ ପାବିତାର୍ ଦାସିକେ ତପାଗାଡାରେ ଜିୟନଃ ନାଗେନ୍ତେ କାମ୍ ବାଗିୟା ।

୨୮ ଆମ୍ ଆଇଙ୍ଗ୍କେ ଜୀଦାନ୍ରାଃ ହରା ଉଦୁବାକାଦିୟାମ୍, ଆତଃ ଆମାଃ ହେପାଦ୍ରେ ଆଇଙ୍ଗ୍କେ ରାସ୍କାତେମ୍ ପେରେଜିୟା ।’

୨୯ “ହେ ଇସ୍ରାଏଲ୍ରେନ୍ ହାଗା ମିଶିକ, ଆଇଙ୍ଗ୍ ଆପେକେ ଆବୁଆଃ ପୁରଖାହାଡାମ୍କଆଃ ରାଜା ଦାଉଦ୍ଆଃ ବିଷାଏରେ ସାଫାସାଫା କାଜି ଦାଡିୟାଇଙ୍ଗ୍ । ଇନିଃ ଗଏଃକେଦ୍ତେ ତପାୟାନାଏ ଆତଃ ଇନିୟାଃ ତପାଠାୟାଦ୍ ତିସିଙ୍ଗ୍ ଜାକେଦ୍ ଆବୁଆଃ ଆଲାରେମେନାଃ ।

୩୦ ଇନିଃଦ୍ ନାବୀ ତାଇକେନାଏ ଆତଃ ପାର୍ମେଶ୍ଵାର୍ ଇନିଃକେ ବାନାର୍ସା ଏମାକାଇ ତାଇକେନାଏ, ଏନା ଇନିଃ ସାରିକାଦ୍ ତାଇକେନାଏ । ଦାଉଦାଃ କିଲିକଏତେ ମିହୁଡ୍ ରାଜଗାଦିରେ ଦୁବାଏ ମେନ୍ତେ ପାର୍ମେଶ୍ଵାର୍ ବାନାର୍ସା ଏମାକାଦ୍ ତାଇକେନାଏ ।

୩୧ ପାର୍ମେଶ୍ଵାର୍ ହିଜୁଃ ଦିପିଲିରେ ଅକ୍ନାଃ ରିକା ନାଗେନ୍ତେ ସେନଃତାନା, ଏନା ଦାଉଦ୍ ସାରିକେଦ୍ତେ, ମାସିଆଃ ଜୀଉବିରିଦ୍ ବିଷାଏରେ କାଜିକାଦାଏ, “ଇନିଃକେ ଗନଏଃଗାଡା କାଏ ବାଗିକିୟା, ଆତଃ ଆୟାଃ ହଡକ୍ ତପାଗାଡାରେ କା ଜିୟନ୍ୟାନା ।’

୩୨ ପାର୍ମେଶ୍ଵାର୍ ନେ ଯୀଶୁକେଗି ଜୀଉବିରିଦ୍କିୟାଏ ଆତଃ ଆବୁ ସବେନ୍କ ଏନାରାଃ ଗାଞ୍ଜାକତାନ୍ତୁ ।

☆ ୨:୨୩ ମାଥୁର ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଯୋହାନ୍ ୧୯:୧୮. ☆ ୨:୨୪ ମାଥୁର ୨୮:୫,୬; ମାର୍କ ୧୬:୬; ଲୁକ ୨୪:୫.

୩୩ ଯୀଶୁ ଆୟାଃ ଆପୁ ପାର୍ମେଶ୍ୱାରଆଃ ଜମ୍ଭିସାଃତେ ବିରିଦ୍‌କାନା ଆତଃ ଆପୁଆଃ ବାନାରସା ଲେକାତେ ପାବିତାର୍ ଆମ୍ବା ନାମକେଦାଏ, ଆତଃ ନାହାଁଃ ଆପେ ନେଲେତାନ୍‌ତେୟାଃ ଆତଃ ଆୟୁମେତାନ୍‌ତେୟାଃ ଇନିୟାଃ ବାର୍‌ଦାନ୍ ତାନାଃ । ଏନା ଇନିଃ ଆବୁଆଃ ଚେତାନ୍‌ରେ ଦୁଲ୍‌କାଦାଏ ।

୩୪ ଚିୟାଃତି ଦାଉଦ୍‌ଦ ସିର୍ମାତେ କାଏ ରାକାବ୍ ମେନ୍‌ଦ ଇନିଃ ଆଇଃକ୍‌ଗି କାଜିକେଦାଏ,

‘ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟାଏ,

୩୫ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍

ଆମ୍ ଆଇଁୟାଃ ଜମ୍ଭିସାଃରେ ଦୁବାକାନ୍‌ମେ ।’

୩୬ “ଆପେ କ୍ଳାଶ୍‌ରେ କିଲ୍‌କାଲ ଯୀଶୁକେ, ପାର୍ମେଶ୍ୱାର୍, ପ୍ରାଭୁ ଆତଃ ମାସି ମେନ୍ତେ ନୁତୁମ୍‌କିୟାଏ, ନେଆଁ ଇସ୍ରାଏଲ୍‌ରେନ୍ ସବେନ୍ ହଡକ ସାର୍‌ତିଗିକ ଆଟ୍‌କାରେକା ।”

୩୭ ନେ କାଜି ଆୟୁମ୍‌କେଦ୍‌ତେ ହଡକଆଃ ମନ୍‌ସୁରୁଦ୍ ରଅଃୟାନା ଆତଃ ଇନ୍‌କୁ ପାଡ୍‌ରାସ୍ ଆତଃ ଏଟାଃ ପ୍ରେରିତ୍‌କକେ କାଜିୟାଦ୍‌କଆକ, “ହେ ହାଗାକ, ଆଲେ ଚିନାଃଲେ ଚିକାୟା ?”

୩୮ ଏନ୍ତେ ପାଡ୍‌ରାସ୍ ଇନ୍‌କୁକେ କାଜିରୁହାଡ୍‌ଦକଆଏ, “ଆପେ ପାପ୍ ଏତେ ମନ୍‌ରୁହାଡ୍‌ଦେ ଆତଃ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ବାପ୍ରିସ୍ତାଅଃପେ, ଏନ୍ତେ ଆପେୟାଃ ପାପ୍‌କ ଛାମାଅଃଆ ଆତଃ ପାର୍ମେଶ୍ୱାର୍‌ଆଃ ବାର୍‌ଦାନ୍, ପାବିତାର୍ ଆମ୍ବାକେପେ ନାମିୟା ।

୩୯ ଚିୟାଃତି ପାର୍ମେଶ୍ୱାର୍‌ଆଃ ନେ ବାନାରସା କାଜିଦ୍ ଆପେୟାଃ ଆତଃ ଆପେୟାଃ ହନ୍‌କଆଃ ନାଗେନ୍ତେ, ଆତଃ ଆବୁଆଃ ପ୍ରାଭୁ ପାର୍ମେଶ୍ୱାର୍ ଆଇଃକ୍‌ଗି କେଡାକାଦ୍ ସାଙ୍ଗିନ୍‌ରେନ୍ ସବେନ୍ ହଡକ ନାଗେନ୍ତେ ତାନାଃ ।”

୪୦ ପାଡ୍‌ରାସ୍ ଆତଃଚି ପୁରାଃ କାଜିକ କାଜିକେଦ୍‌ତେ ଇନ୍‌କୁକେ କାଜିଗରଙ୍ଗ୍‌କେଦ୍‌ତେ କାଜିକେଦ୍‌କଆ, “ନେ ପାରିୟାରେନ୍ ଏଡକାନ୍ ହଡକ ନାଗେନ୍ତେ ହିଜୁଃତାନ୍ ସାଜାଲ୍‌ଏତେ ପ୍ରାଭୁ ଆପେକେ ବାସ୍ତାଅପେକା ।”

୪୧ ଏନ୍ତେ ଇନ୍‌କୁଏତେ ଚିମିନ୍ ହଡକ ଇନିୟାଃ କାଜି ସୁକୁତେ ତେଲ୍‌କେଦ୍‌ଲଃ ବିଶ୍ୱାସ୍‌କେଦାକ ଆତଃ ବାପ୍ରିସ୍ତାୟାନାକ । ଏନ୍ ହୁଲ୍‌କା ଆପି ହାଜାର୍ ଲେକା ହଡକ କାଲିସିୟାରେକ ମେସାୟାନା ।

୪୨ ଆତଃ ଇନ୍‌କୁ ଏନ୍ ପ୍ରେରିତ୍‌କଆଃ ଇନିତୁରେ, ମେନେସାରେ, ହଲ୍‌କ୍ କେଟାଃରେ ଆତଃ ବିକ୍ତିରେ ତାଇନ୍‌ତାନ୍‌କ ତାଇକେନା ।

ବିଶ୍ୱାସୀକଆଃ ସବେନ୍ ହୁଲ୍‌କାରେୟାଃ ଜୀବାନ୍

୪୩ ପ୍ରେରିତ୍‌କ ପୁରାଃ ପେଡ୍‌ୟାନ୍‌କାମି, ଆକ୍‌ଦାୟା କାମିକ, ଆତଃ ଚିହ୍ନାଁ କାମିକେଦ୍ ହରାତେ ସବେନ୍ ହଡକ ଆକଆଃ ଜୀଉରେ ହାଏକାଟ୍‌ତେ ପେରେଃୟାନାକ ।

୪୪ *ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିୟାନ୍‌ଲଃ ଆକତାଃରେ ତାଇକେନ୍ ସବେନ୍ ମେନାଃତେୟାଃ ମିଦ୍‌ତାଃରେ ହୁଣ୍ଡିକେଦାକ ।

୪୫ ଆତଃ ଇନ୍‌କୁ ଆକଆଃ ସବେନ୍ ଲୟଙ୍ଗ୍‌କ ଆଖ୍‌ରିଙ୍ଗ୍‌କେଦ୍‌ତେ ଟାକା ପାଏସାକେ ମିମିଆଦ୍‌ନିଃକେ ଲାଗାତିଙ୍ଗ୍ ଲେକା ସବେନ୍‌କ ହାପ୍‌ଟିଙ୍ଗ୍‌ୟାନା ।

୪୬ ଇନ୍‌କୁ ମାନ୍‌ିର୍‌ଅଡାଃରେ ସବେନ୍‌ହୁଲ୍‌କା ମିଦ୍‌ତାଃରେ ହୁଣ୍ଡିକେଦ୍‌ତେ ଆକଆଃ ଅଡାଃକରେ ହଲ୍‌କ୍ କେଟାଃତାନ୍‌ଲଃ ରାସ୍‌କାତେ ଆତଃ ଲେବେଃ ମନ୍‌ସୁରୁଦ୍‌ତେ ଜମ୍‌ତାନ୍ ତାଇକେନାକ ।

୪୭ ଆତଃ ଇନ୍‌କୁ ପାର୍ମେଶ୍ୱାର୍‌ଆଃ ମାନାରାଙ୍ଗ୍ ତାଇକେନାକ ଆତଃ ସବେନ୍ ହଡକ ଇନ୍‌କୁକେ ସୁକୁଆକ ତାଇକେନାକ । ଆତଃ ପ୍ରାଭୁ ସବେନ୍ ହୁଲ୍‌କା ପାରିତ୍ରାଣ୍ ନାମେତାନ୍ ହଡକକେ କାଲିସିୟାରେ ମେସାକୁତାନ୍ ତାଇକେନାଏ ।

୩

ମିଆଁଦ୍ କାଟା କୁରୁଙ୍ଗ୍‌କାନ୍ କର୍‌ସିନିଃ ବୁଗିୟାନାଏ

୧ ମୁସିଙ୍ଗ୍ ପାଡ୍‌ରାସ୍ ଆତଃ ଯୋହାନ୍ ବିକ୍ତି ଦିପିଲିରେ ତାର୍‌ସିଙ୍ଗ୍ ଆପିୟାଡି ଇମ୍‌ତାକ ମାନ୍‌ିର୍‌ତେକିନ୍ ସେନଃ ତାଇକେନା ।

୨ ଏନ୍ତାଃରେ ଜାନାମ୍‌ଏତେ କାଟା କୁରୁଙ୍ଗ୍‌କାନ୍ ମିଆଁଦ୍ ହଡ, ମାନ୍‌ିର୍ ଅଡାଃତେ ବଲ୍‌ତାନ୍ ପୁରାଃ ହଡକତାଃଏତେ କର୍‌ସିନାମେ ନାଗେନ୍ତେ ସବେନ୍ ହୁଲ୍‌କା ମାନ୍‌ିର୍ ଅଡାଃରାଃ ସୁଗାଡାନ୍ ନୁତୁମାକାନ୍ ଦୁଆରତାଃତେ ଗଅଃ ଇଦିୟାତାନ୍ ତାଇକେନାଏ ।

୩ ଇନିଃ ପାଡ୍‌ରାସ୍ ଆତଃ ଯୋହାନ୍‌କେ ମାନ୍‌ିର୍‌ତେ ବଲ୍‌ତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କର୍‌ସି ଆସିକେଦ୍‌କିନାଏ ।

୪ ପାଡ୍‌ରାସ୍ ଆତଃ ଯୋହାନ୍ ଇନିଃକେ ମିଦ୍‌ନାଜେର୍‌ରେ ନେଲ୍‌କିଃତେ, ପାଡ୍‌ରାସ୍ କାଜିକିୟାଏ, “ଆଲିଙ୍ଗ୍‌ସାଃତେ ନେଲେମେ ।”

* ଇନିଃ ଇନ୍‌କିନ୍‌ତାଃଏତେ ଜେଡ୍‌ନାଃ ନାମେ ନାଗେନ୍ତେ ଆସ୍ରାଏତାନ୍‌ଲଃ ଇନ୍‌କିନ୍‌ସାଃତେ ନେଲ୍‌କେଦା ।

☆ ୨:୪୪ ପ୍ରେରିତ୍ ୪:୩୨-୩୫.

୬ ଫେନ୍ଦ ପାତ୍ରରାସ୍ କାଜିକିୟାଏ, “ରୁପା ଚାଏ ସୋନା ଆଇଙ୍ଗ୍‌ତାଃରେ ବାନଆଃ, ଫେନ୍ଦ ଆଇଙ୍ଗ୍‌ତାଃରେ ଫେନାଃତେୟାଃଇଙ୍ଗ୍ ଏମାମେତାନା, ନାଜ୍‌ରେଡ୍‌ରେନ୍ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଆରୁମେତାନାଇଙ୍ଗ୍ ବିରିଦ୍‌ମେ ଆତଃ ସେନେମେ ।”

୭ ଏନ୍ତେ ଇନିଃ ଇନିୟାଃ ଜମ୍ ତିଃଇ ସାବ୍‌କେଦ୍‌ତେ ବିରିଦ୍‌କିୟା ଆତଃ ଇମ୍‌ତାଗି ଇନିୟାଃ କାଟା ଆତଃ କାଟାମୁକ୍‌ଶୀକରେ ପେଡ୍‌ଡେଃ ନାମ୍‌କେଦାଏ ।

୮ ଆତଃ ଇନିଃ ନିର୍‌ବିରିଦ୍‌ୟାନାଏ ଆତଃ ସେନ୍ ଏଟେଦ୍‌କେଦାଏ । ଏନ୍ତେ ଇନିଃ ସେସେନ୍‌ତାନ୍‌ଲଃ, ତେଗାଅତାନ୍‌ଲଃ ଆତଃ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ତାନ୍‌ଲଃ ଇନିକିନ୍‌ଲଃ ମାନ୍‌ଦିର୍‌ତେ ବଲ୍‌ୟାନାଏ ।

୯ ଏନ୍ତାଃରେନ୍ ସବେନ୍ ହଡକ ଇନିଃକେ ସେନ୍‌ବାଡାତାନ୍ ଆତଃ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ତାନ୍‌କ ନେଲ୍‌କିୟା,

୧୦ ଆତଃ ମାନ୍‌ଦିର୍ ଅଡ଼ାଃରାଃ ସୁଗାଡାନ୍ ଦୁଆର୍‌ତାଃରେ ଦୁବ୍‌କେଦ୍‌ତେ କର୍‌ଏ ଆସିତାକେନାଏ, ଇନିଃ ନିଃଗି ତାନିଃ ମେନ୍ତେ ନେଲ୍‌ଉର୍‌ମ୍‌କିୟାକ ଆତଃ ଇନିଃରେ ହବାକାନ୍‌ତେୟାଃ ସବେନ୍ ସାରିକେଦ୍‌ତେ ଇନ୍‌କୁ ପୁରାଃ ହାଏକାଟ୍ ଆତଃ ଆକ୍‌ଦାନ୍‌ଆୟାନାକ ।

ମାନ୍‌ଦିର୍ ଅଡ଼ାଃରେ ପାତ୍ରରାସ୍‌ଆଃ ବାଚାନ୍‌ଉଦୁବ୍

୧୧ ସୁଲିମାନ୍ ନୁତୁମ୍ ପିଣ୍ଡିଗିତାଃରେ ଏନ୍ ବୁଗିକାନ୍ ହଡକେ ପାତ୍ରରାସ୍ ଆତଃ ଯୋହାନ୍‌ଲଃ ନେଲ୍‌କେଦ୍‌ତେ ସବେନ୍ ହଡକ ହାଏକାଟ୍‌ୟାନ୍ତେ ଇନିକିନ୍‌ତାଃକ ନିର୍‌ଆଡକେଦା ।

୧୨ ପାତ୍ରରାସ୍ ହଡକକେ ନେଲ୍‌କେଦ୍‌ତେ କାଜିୟାଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡକ, ଆପେ ନେ ହଡ ନାଗେନ୍ତେ ଚିନାଃମେନ୍ତେପେ ହାଏକାଟ୍‌ତାନା, ଆତଃ ଆଲିଙ୍ଗ୍‌କେପେ ନେଲ୍‌ତାନା ? ଆଲିଙ୍ଗ୍ ଆଲିଙ୍ଗ୍‌ୟାଃ ପେଡ୍‌ଡେଃତେ ଚାଏ ଧାର୍‌ମାନ୍‌ତେ ଇନିଃକେ ସେସେନ୍ ନାଗେନ୍ତେ ପେଡ୍‌ଡେଃଲିଙ୍ଗ୍ ଏମାକାୟା ମେନ୍ତେପେ ଉଡ୍‌ଡୁତାନାଟି ?

୧୩ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍‌ମେଶ୍‌ବାର୍, ଆରୁଆଃ ପୁରୁଖାହାଡାମ୍‌କଆଃ ପାର୍‌ମେଶ୍‌ବାର୍ ଆୟାଃ ଦାସି ଯୀଶୁକେ ମାଇନାନ୍‌କିୟା । ଫେନ୍ଦ ଆପେ ଏନ୍ ଯୀଶୁକେ ଆକ୍‌ତେୟାର୍‌କଆଃ ତିଃଇରେ ଜିମାକିୟାପେ ଆତଃ ପିଲାତୁସ୍ ଇନିଃକେ ରାଡାଈ ନାଗେନ୍ତେ ଉହାଟ୍‌କେଦ୍‌ରେୟ, ଆପେ ଇନିଃକେ କାପେ ସୁକୁୟାନା ।

୧୪ ଇନିଃ ପାବିତାର୍ ଆତଃ ଧାର୍‌ମାନ୍ ହଡ ତାଇକେନାଏ, ଫେନ୍ଦ ଆପେ ଇନିଃକେ କାପେ ସୁକୁୟାନା ଆତଃ ଆୟାଃ ବାଦ୍‌ଲାରେ ହଡ ଗଗ୍‌ଏଃନିଃକେ ରାଡାଈ ନାଗେନ୍ତେ ପିଲାତୁସ୍‌କେ ଆସିକିୟାପେ ।

୧୫ ଆପେ ଜୀଦାନ୍ ହରାତେ ସୁତୁଃଇଦିନିଃକେ ଗଏଃକିୟାପେ, ଫେନ୍ଦ ପାର୍‌ମେଶ୍‌ବାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା ଆତଃ ଆଲେ ଏନାରାଃ ଗାଞ୍ଜାକ ତାନ୍‌ଲେ ।

୧୬ ଆପେ ନେଲ୍‌କାଇ ଆତଃ ସାରିକାଇ ନେ କାଟା କୁରୁଙ୍ଗ୍ ହଡ ଯୀଶୁଆଃ ନୁତୁମ୍‌ରେ ବିଶ୍ୱାସକେଦ୍ ନାଗେନ୍ତେ ପେଡ୍‌ଡେଃନାମ୍‌କେଦାଏ । ଆତଃ ଯୀଶୁରେ ବିଶ୍ୱାସକେଦ୍ ନାଗେନ୍ତେ ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡିତାନାପେ ।

୧୭ “ହେ ଇସ୍ରାଏଲ୍‌ରେନ୍ ହାଗା ମିଶିକ, ନାହାଁଃଡ, ଆପେ ଆତଃ ଆପେୟାଃ ଆଗୁଆଇକ ଯୀଶୁକେ ରିକାକିଃତେୟାଃ କା ସାରିତେ ରିକାକେଦାପେ ଏନାଇଙ୍ଗ୍ ସାରିତାନା ।

୧୮ ଫେନ୍ଦ ମାସିଆଃ ଦୁକୁ ସାହାଡିଙ୍ଗ୍ ବିଷାଏରେ ପାର୍‌ମେଶ୍‌ବାର୍ ଆୟାଃ ସବେନ୍ ନାବୀକଆଃ ହରାତେ ନାକ୍ ପାରିୟାରେ କାଜିକାଦ୍ ତାଇକେନ୍ କାଜି ନେ ଲେକାତେ ପୁରାକେଦାଏ ।

୧୯ ଏନାମେନ୍ତେ ଆପେ ହେୟାଡିଙ୍ଗ୍‌କେଦ୍‌ତେ ପାର୍‌ମେଶ୍‌ବାର୍‌ସାଃତେ ରୁହାଡ୍‌ପେ ଏନାରେ ଇନିଃ ଆପେୟାଃ ପାପ୍‌କ ଛାମାପେୟାଏ,

୨୦ ଆତଃ ଆପେୟାଃ ପ୍ରାଭୁତାଃଏତେ ଜୀଉରାଡ୍‌ଡେଃରେୟାଃ ଦିପିଲି ହିଜୁଃଆ, ଆତଃ ପାର୍‌ମେଶ୍‌ବାର୍ ଆପେ ନାଗେନ୍ତେ ସିଦାରେ ସାଲ୍‌କାଇ ଯୀଶୁ ମାସିକେ ଆପେତାଃତେ କୁଲିୟା ।

୨୧ ପାର୍‌ମେଶ୍‌ବାର୍ ସବେନାଃ ଆଉରି ବାଇରୁହାଡ୍‌ତେ ଜାକେଦ୍ ଯୀଶୁ ସିର୍‌ମାରେଗି ତାଇନାଏ ମେନ୍ତେ ପାବିତାର୍ ନାବୀକଆଃ ହରାତେ ପାର୍‌ମେଶ୍‌ବାର୍ ନାକ୍ ପାରିୟାରେ କାଜିକାଦ୍ ତାଇକେନା ।

୨୨ ନେ ବିଷାଏରେ ମୁଶାନାବୀ କାଜିକାଦ୍ ତାଇକେନାଏ, ‘ଆପେୟାଃ ପ୍ରାଭୁ ପାର୍‌ମେଶ୍‌ବାର୍ ଆପେୟାଃ ହେପାଡ୍‌ତେ ଆଇଙ୍ଗ୍ ଲେକା ମିଆଁଦ୍ ନାବୀକେ କୁଲିୟା । ଇନିଃ ଆପେୟାଃ ହାଗାକଏତେ ମିହୁଡ୍ ହବାଅଃଆଏ । ଇନିଃ ଆପେକେ କାଜିୟାପେତେୟାଃ ସବେନାଃ ମାନାଡିଙ୍ଗ୍ ଲାଗାଡିଙ୍ଗ୍‌ୟାଃ ।

୨୩ ଫେନ୍ଦ ଏନ୍ ନାବୀଆଃ କାଜି କା ମାନାଡିଙ୍ଗ୍‌ତାନ୍ ଜୀଉ ନାମାକାଦ୍ ସବେନ୍‌କକେ ପାର୍‌ମେଶ୍‌ବାର୍ ଆତମ୍‌କେଦ୍‌ତେ ଜିୟନ୍‌କଆ ।’

୨୪ ହେଗି, ଶାମୁଏଲ୍ ନାବୀ ଆତଃ ଇନିୟାଃ ତାୟମ୍‌ତେ କାଜିକେଦ୍ ସବେନ୍ ନାବୀକହଗି ନେ ଦିପିଲିରେ ହବାଅଃତାନ୍ ଆୟାର୍‌କାଜିକ କାଜିକାଦାଃ ।

୨୫ ନାବୀକଆଃ ହରାତେ ପାର୍‌ମେଶ୍‌ବାର୍ ଅକ ବାନାର୍‌ସା ଏମାକାଦାଏ, ଏନା ଆପେ ନାଗେନ୍ତେ ହବାକାନା, ଆତଃ ପାର୍‌ମେଶ୍‌ବାର୍ ଆପେୟାଃ ପୁରୁଖା ହାଡାମ୍‌କଲଃ ଅକ ରାଜିନାମା ବାଇୟାକାଦାଏ, ଆପେ ଏନାରେୟାଃ ହିସାପେ ନାମେୟା

☆ ୩:୧୪ ମାଥୁଉ ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଯୋହାନ୍ ୧୯:୧୨-୧୫.

। ପାର୍ମେଶ୍ୱର ଆଦ୍ରାହାମ୍ଭେ କାଜିକାଇ ତାଇକେନା, ‘ଆପେୟାଃ କିଲିକଆଃ ହରାତେ ଆଇଙ୍ଗ ଅତେଦିଶ୍ୱମ୍ଭରେନ୍ ସବେନ୍ ହଡକକେଇଙ୍ଗ ଆଶିଷ୍ଟକଆ ।’

୨୭ ଆତଃ ପାର୍ମେଶ୍ୱର ଆୟାଃ ଏନ୍ ଦାସିକେ ସାଲାଇୟା ଆତଃ ଆପେ ସବେନ୍କକେ ଏଡକାନ୍ ହରାଏତେ ରୁହାଡ୍, ଆଉକେଦ୍ତେ ଆଶିଷ୍ଟନାଙ୍ଗ ପାହିଲାତେ ଇନିଃକେ ଆପେତାଃତେ କୁଲକିୟା ।”

୪

ମାରାଙ୍ଗପାଞ୍ଚେର୍ ଆୟାରରେ ପାଡ୍ରାସ୍ ଆତଃ ଯୋହାନ୍

୧ ପାଡ୍ରାସ୍ ଆତଃ ଯୋହାନ୍ ହଡକକେ କାଜିୟାକ ତାଇକେନ୍ରେ ଯାଜାକ୍, ମାନ୍ଦିର୍ ଅଡ଼ାଃରେନ୍ ଦାରଞ୍ଜାନକଆଃ ଗମ୍ଭେ ଆତଃ ସାଦୁକିକ ଇନ୍କିନ୍ତାଃତେକ ହିଜୁଃୟାନା ।

୨ ଏନ୍ତେ ଇନ୍କୁ ପୁରାଃଗିକ ଖୁସ୍‌ୟାନା ଚିୟାଃତି ଯୀଶୁ ଗନ୍‌ଏଃତେ ଜୀଉବିରିଦାକାନାଏ ମେନ୍ତେ ଏନ୍ ବାରାନ୍ ପ୍ରେରିଡକିନ୍ ଇତୁ ତାଇକେନାକିନ୍ । ଏନା ହରାତେ ଗଜାକାନ୍‌କଆଃ ଜୀଉବିରିଦ୍ ମେନାଃ ମେନ୍ତେ ସାରୁଦକିନ୍ ଏମେତାଇକେନା ।

୩ ଏନାମେନ୍ତେ ଇନ୍କୁ ଇନ୍କିନ୍‌କେ ସାବ୍‌କେଦକିନାକ । ଏନ୍ ହୁଲାଙ୍ଗ ପୁରାଃ ବିଲମ୍‌କାନ୍ ତାଇକେନ୍ ନାଗେନ୍ତେ ଏଟାଃ ହୁଲାଙ୍ଗ ଜାକେଦ୍ ଜେହେଲ୍‌ରେକ ଦହକେଦକିନା ।

୪ ମେନ୍‌ଦ ଇନ୍କିନାଃ ଇନିତୁ ଆୟୁମ୍‌କେଦକଏତେ ପୁରାଃ ହଡକ ବିଶ୍ୱାସ୍‌କେଦା ଆତଃ ଏନ୍ ହଡକ ମଣେଁ ହାଜାର୍ ଲେକାକ ହବାୟାନା ।

୫ ଏଟାଃ ହୁଲାଙ୍ଗ ଯିହୁଦୀକଆଃ ଆଗୁଆଇକ, ପ୍ରାଚିନ୍‌କ ଆତଃ ଆଇନ୍ ଇତୁକ ଯୀରୁଶାଲେମ୍‌ରେକ ହୁଣ୍ଡିୟାନା ।

୬ ଇନ୍କୁ ମାରାଙ୍ଗ ଯାଜାକ୍ ହାନାନ୍, କାୟଫା, ଯୋହାନ୍, ଆଲେକ୍‌ଜାଣ୍ଡାର୍ ଆତଃ ମାରାଙ୍ଗ ଯାଜାକ୍‌ଆଃ ଅଡ଼ାଃରେନ୍ ଏଟାଃକଲଃ ନାପାମ୍‌ୟାନାକ ।

୭ ଇନ୍କୁ ପ୍ରେରିଡକକେ ଆକଆଃ ସାମ୍‌ନାଙ୍ଗ୍‌ରେ ତିଙ୍ଗ୍‌କେଦ୍ତେ କୁଲିକେଦକଆକ, “ଆପେ ନେ ସବେନାଃ ତିଲ୍‌କା ରିକାତାନାପେ ? ତିକାନ୍ ପେଡେଃତେ ଚାଏ ଅକ ନୁତୁମ୍‌ତେ ନେ କାମିପେ ରିକାତାନା ?”

୮ ଏନ୍ତେ ପାଡ୍ରାସ୍ ପାବିତାର୍ ଆମ୍‌ତେ ପେରେଃୟାନାଏ ଆତଃ ଇନ୍କୁକେ କାଜିରୁହାଡାଦକଆଏ, “ହଡକଆଃ ଆଗୁଆଇକ ଆତଃ ପ୍ରାଚିନ୍‌କ,

୯ ତିସିଙ୍ଗ୍ ଆଲେ ନେ କାଟା କୁରୁଙ୍ଗକାନ୍‌ନିଃକେ ବୁଗିକାଇ ନାଗେନ୍ତେ ଆପେ ଆଲେକେ କୁଲିଲେତାନାପେ ଆତଃ ଇନିଃ ତିଲ୍‌କାତେ ବୁଗିୟାନା, ଏନା ସାରି ନାଗେନ୍ତେପେ ସାନାଙ୍ଗ୍‌ତାନ୍‌ରେଦ,

୧୦ ଆପେ ସବେନ୍‌କ ଆତଃ ଇସ୍ରାଏଲ୍‌ରେନ୍ ସବେନ୍ ହଡକ ସାରିପେ, ଆପେ ନାଜ୍‌ରେଡ୍‌ରେନ୍ ଅକନ୍ ଯୀଶୁ ଖ୍ରୀଷ୍ଟ୍‌କେ ଜୁଶ୍‌ରେ କିଲାଇକା ତାଇକେନାପେ, ଇନିଃକେ ପାର୍ମେଶ୍ୱର ଗଜାକାନ୍‌କଏତେ ଜୀଉବିରିଦକିୟା, ଇନିୟାଃ ନୁତୁମ୍‌ରାଃ ପେଡେଃତେ ଏନ୍ ହଡ ବୁଗିୟାନାଏ ଆତଃ ଆପେୟାଃ ଆୟାରରେ ତିଙ୍ଗ୍‌ଆକାନା ।

୧୧ ଧାରାମ୍‌ପୁଅରେ ଯୀଶୁଆଃ ବିଷାଏରେ ଅଲାଇକାନା,

“ ଅଡ଼ାଃ ବାବାଇକ ଅକନ୍ ଦିରିକେ ଆତମ୍‌ଏଣ୍ଡାଃକେଦାକ

ଏନାଗି ଅଡ଼ାଃକଚାରାଃ ଦିରି ହବାୟାନା ।’

୧୨ ଇନିଃ ବେଗାର୍ ଜେତାଏତାଃରେ ଜୀଉବାଞ୍ଚାଅ ବାନଃଆ, ଚିୟାଃତି ପାର୍ମେଶ୍ୱର ଆରୁଆଃ ଜୀଉବାଞ୍ଚାଅ ନାଗେନ୍ତେ ଗଟା ଅତେଦିଶ୍ୱମ୍ଭରେ ଇନିୟାଃ ନୁତୁମ୍ ବେଗାର୍ ଆତଃ ଜେତା ନୁତୁମ୍ କାଏ ଏମାକାଦା ।”

୧୩ ଇନ୍କୁ ପାଡ୍ରାସ୍ ଆତଃ ଯୋହାନ୍‌ଆଃ ଜୀଉରେକେଟେଦ୍ ନେଲ୍‌କେଦ୍ତେ ଆତଃ ଇନ୍କିନାଃ କା ଇନିତୁ, କା ସେଣ୍ଡାନ୍ ହଡକିନ୍ ତାନ୍‌କିନ୍ ଏନା ସାରିକେଦ୍ତେକ ହାଏକାଟ୍‌ୟାନା ଆତଃ ଇନ୍କିନ୍ ଯୀଶୁଲଃ ତାଇକେନାକିନ୍ ମେନ୍ତେ ଇନ୍କୁ ଆଟ୍‌କାର୍‌କେଦାକ ।

୧୪ ମେନ୍‌ଦ ଇନ୍କୁ ଇନ୍କିନାଃ ବିରୁଧ୍‌ରେ ଜେଡ୍‌ନାଃ କାକ କାଜିଦାଡିକେଦା ଚିୟାଃତି ଏନ୍ ବୁଗିଆକାନ୍ ହଡକେ ପାଡ୍ରାସ୍ ଆତଃ ଯୋହାନ୍‌ଲଃ ତିଙ୍ଗ୍‌ଆକାନ୍‌କ ନେଲ୍‌କିୟା ।

୧୫ ଏନାମେନ୍ତେ ଇନ୍କୁ ପାଞ୍ଚେର୍ ଅଡ଼ାଃଏତେ ଅଡ଼ଙ୍ଗ୍‌ଅଃବେନ୍ ମେନ୍ତେ ଆରୁକେଦକିନାକ ଆତଃ ଇନ୍କୁ ଆକ ଆକରେ ଇନ୍କିନାଃ ବିଷାଏରେକ ଜାଗାର୍ ଏଟେଦ୍‌କେଦା ।

୧୬ ଇନ୍କୁ କୁପ୍‌ଲିୟାନାକ, “ଆରୁ ନେ ହଡକିନ୍‌କେ ଚିନାଃରୁ ଚିକାକିନା ? ଇନ୍କିନ୍ ସାର୍‌ତିଗି ମିଆଁଦ୍ ଆକ୍‌ଦାୟାଅ କାମିକିନ୍ କାମିକାଦା ଏନା ଯୀରୁଶାଲେମ୍‌ରେନ୍ ସବେନ୍‌କ ସାରିତାନା ଆତଃ ଏନା ଆରୁ ବାନଃ ମେନ୍ତେ କାରୁ କାଜି ଦାଡିୟା ।

୧୭ ମେନ୍‌ଦ ନେ କାଜି ହଡକତାଃରେ ଆଲକା ପାସ୍‌ରାଅଃକା, ଏନା ନାଗେନ୍ତେ ଯୀଶୁଆଃ ନୁତୁମ୍‌ତେ ଜେତା ହଡକକେ ଆଲବେନ୍ କାଜିକଆ ମେନ୍ତେ ଇନ୍କିନ୍‌କେବୁ ଚେତାଅକିନା ।”

୧୮ ଏନ୍ତେ ଇନ୍କୁ ପାଡ୍ରାସ୍ ଆତଃ ଯୋହାନ୍‌କେ ଆତଃମିସା କେଡାକେଦକିନାକ ଆତଃ ଯୀଶୁଆଃ ନୁତୁମ୍‌ତେ ଜେଡ୍‌ନାଃ ଆଲବେନ୍ କାଜିୟାଃ ଚାଏ ଆଲବେନ୍ ଇତୁକଆ ମେନ୍ତେ ଆରୁକେଦକିନାକ ।

୧୯ ମେନ୍ଦ ପାତ୍ରରାସ୍ ଆତଃ ଯୋହାନ୍ ଇନ୍କୁକେ କାଜିରୁହାଡ଼ାଦକଆକିନ୍, “ଆଲିଙ୍ଗ୍ ପାର୍ମେଶ୍ଵାର୍‌କେ ମାନାତିଙ୍ଗ୍‌ତେୟାଃ ଚାଏ ଆପେୟାଃ କାଜି ମାନାତିଙ୍ଗ୍‌ତେୟାଃ ଅକ୍ନାଃ ପାର୍ମେଶ୍ଵାର୍‌ଆଃ ଆୟାର୍‌ରେ ଠାଉକାନ୍‌ଗିୟା ଏନା ଆପେ ଆପେଗି ବିଚାରେପେ ।

୨୦ ଚିୟାଃତି ଆଲିଙ୍ଗ୍ ନେଲକାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ କା ଉଦ୍‌ବୁକେଦ୍‌ତେ କାଲିଙ୍ଗ୍ ତାଇନ୍‌ଦାଡ଼ିୟା ।”

୨୧ ଏନ୍ତେ ପାଞ୍ଚେଟ୍‌ରେନ୍ ହଡ଼କ ଇନ୍‌କିନ୍‌କେ ସାଜାଇ ଏମ୍ କା ହବାସାକାଅଆଃ, ଆତଃ ପୁରାଃ ଚେତାଅତାନ୍‌ଲଃ ଇନ୍‌କିନ୍‌କେ ବାଗିକେଦ୍‌କିନାକ, ଚିୟାଃତି ହଡ଼କ ଏନ୍ ହବାକାନ୍‌ତେୟାଃ ନେଲ୍‌କେଦ୍‌ତେ ପାର୍ମେଶ୍ଵାର୍‌ଆଃ ମାନାରାଙ୍ଗ୍ ତାଇକେନାକ ।

୨୨ ଆକ୍‌ଦାନ୍‌ଆ ଲେକାତେ ବୁଗିଆକାନ୍ ଏନ୍ ହଡ଼ଆଃ ବାର୍‌ହିସି ବାରାଷ୍‌ଏତେ ଆଦ୍‌କା ହବାଅଃତାଇକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ଵାସୀକଆଃ ବିକ୍ତି

୨୩ ପାତ୍ରରାସ୍ ଆତଃ ଯୋହାନ୍ ରାଡ଼ାୟାନ୍‌ଚି, ଇନ୍‌କିନ୍ ଆକିନାଃ ଆପ୍‌ନାଃ ହଡ଼କତାଃତେ ରୁହାଡ଼କେଦ୍‌ତେ ମୁଲ୍ ଯାଜାକକ ଆତଃ ପ୍ରାଚିନ୍‌କ କାଜିକେଦ୍‌ତେୟାଃ ସବେନାଃ ଇନ୍‌କୁକେ ଉଦ୍‌ବାଦ୍‌କଆକିନ୍ ।

୨୪ ବିଶ୍ଵାସୀକ ସବେନ୍ କାଜି ଆୟୁମ୍‌କେଦ୍‌ଚି ମିଦ୍ ମନ୍‌ତେ ପାର୍ମେଶ୍ଵାର୍‌ତାଃତେ ବିକ୍ତିକେଦାକ; “ହେ ଗମ୍‌କେ, ଆମ୍ ସିର୍ମା, ଅତେ, ଦରେୟା ଆତଃ ଏନାରେୟାଃ ସବେନାଃ ବାବାଇନିଃ ତାନ୍‌ମେ !

୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍‌ଆଃ ମଚାତେ ପାବିତାର୍ ଆମ୍‌ତେ ନେ କାଜି କାଜିକାଦାମ୍, “ନେ ସାଅଁସାର୍ ହଡ଼କ ଚିନାଃମେନ୍ତେ ଖ୍‌ସ୍‌ୟାନାକ;

ଆତଃ ହଡ଼କ ଚିନାଃମେନ୍ତେ ସାମାକାଜିକ ରୋଜୋଟ୍‌ତାନା ?

୨୬ ପ୍ରାଭୁଆଃ ବିରୁଧ୍‌ରେ ଆତଃ ଆୟାଃ ସାଲକାନ୍ ମାସିଆଃ ବିରୁଧ୍‌ରେ

ଅତେଦିଶ୍ଵମ୍‌ରେନ୍ ରାଜାକ ସେକାଡ଼୍‌ୟାନା

ଆତଃ ହାକିମ୍‌କ ମିଦ୍‌ତାଃରେକ ହୁଣ୍ଡିୟାନା ।’

୨୭ ଚିୟାଃତି ସାର୍‌ତି କାଜିଲେରେ ହେରୋଦ୍ ଆତଃ ପକ୍ତିୟସ୍ ପିଲାଭୁସ୍ ନେ ନାଗାର୍‌ରେ ସାଅଁସାର୍‌କଲଃ ଆତଃ ଇସ୍ରାଏଲ୍ ହଡ଼କଲଃ ମେସାକେଦ୍‌ତେ ଆମାଃ ପାବିତାର୍ ଦାସି ଯାଶ୍, ଅକ୍‌ଏକେଚି ଆମ୍ ମାସି ମେନ୍ତେମ୍ ଆଭିଷେକ୍‌କିୟା, ଇନିୟାଃ ବିରୁଧ୍‌ରେ ରୋଜୋଟ୍‌କେଦାକ ।

୨୮ ଆମାଃ ପେଡ଼େଃ ଆତଃ ମନେଲେକାତେ ସବେନାଃ ହବାଅଃକା ମେନ୍ତେ ସିଦାରେ ଉହାଟ୍‌କାନ୍ ତାଇକେନା, ଏନାକେ ରିକାଏ ନାଗେନ୍ତେ ଇନ୍‌କୁ ହୁଣ୍ଡିୟାନାକ ।

୨୯ ଆତଃ ନାହାଃଦ, ହେ ପ୍ରାଭୁ, ଇନ୍‌କୁ ଆଲେକେ ବତଙ୍ଗ୍‌ଲେତାନାକ ଏନା ନେଲେମେ ଆତଃ ଆମାଃ ଦାସିକକେ ପୁରାଃ ପେଡ଼େୟାନ୍‌ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ ।

୩୦ ଆତଃ ବୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଗ୍‌ୟେମେ ଆତଃ ଆମାଃ ପାବିତାର୍ ଦାସି ଯାଶ୍‌ଆଃ ନୁଡୁମ୍‌ତେ ଚିହ୍ନାଁ ଆତଃ ଆକ୍‌ଦାନ୍‌ଆ କାମିକ ରିକା ନାଗେନ୍ତେ ପେଡ଼େଃ ଏମାଲେମେ ।”

୩୧ ଇନ୍‌କୁ ବିକ୍ତି ଚୁଣ୍ଡିକେଦ୍‌ଚି ଆକ ହୁଣ୍ଡିକାନ୍ ଠାୟାଦ୍‌ତାଃରେ ଅତେ ଏକ୍‌ଲାଅୟାନା ଆତଃ ସବେନ୍‌କ ପାବିତାର୍ ଆମ୍‌ତେକ ପେରେୟାନ୍‌ଆତଃ ପାର୍ମେଶ୍ଵାର୍‌ଆଃ କାଜି ପୁରାଃ ଜୀଉରେ କେଟେଦ୍‌କେଦ୍‌ତେ ଉଦ୍‌ବ୍ ଏଟେଦ୍‌କେଦା ।

ବିଶ୍ଵାସୀକ ଆକଆଃ ମେନାଃତେୟାଃକ ହାପ୍‌ଟିଙ୍ଗ୍‌ୟାନା

୩୨ ଚିଶ୍ଵାସୀକ ମିଦ୍ ମନ୍ ଆତଃ ମିଦ୍ ମନ୍‌ସୁରୁଦ୍‌ୟାନାକ । ଆତଃ ଜେତାଏ ଆପ୍‌ନାଃ ମେନାଃତେୟାଃକେ ଆପ୍‌ନାଃ ତାନାଃ ମେନ୍ତେ କାକ କାଜି ତାଇକେନା, ମେନ୍‌ଦ୍ ସବେନ୍‌କ ଆକଆଃ ମେନାଃତେୟାଃକେ ମିଦ୍‌ସାମାନ୍‌ଗିକ ହାପ୍‌ଟିଙ୍ଗ୍‌ୟାଃ ତାଇକେନା ।

୩୩ ପ୍ରେରିତ୍‌କ ପୁରାଃ ପେଡ଼େଃତେ ପ୍ରାଭୁ ଯାଶ୍‌ଆଃ ଜୀଉବିନିରିଦ୍‌ରାଃ ବିଷାଏରେ ଗାଞ୍ଜାକ ଏମ୍‌କେଦା ଆତଃ ପାର୍ମେଶ୍ଵାର୍ ଇନ୍‌କୁକେ ପୁରାଃ ଆଗିଷ୍ ଏମ୍‌କେଦ୍‌କଆଏ ।

୩୪ ଏନାତେ ଇନ୍‌କୁଆଃ ଜେଡ୍‌ନାଃ କା ହାଟିଅଃ ତାଇକେନା, ଚିୟାଃତି ଅକନ୍‌କଆଃ ପିଡ଼ି ଆତଃ ଅଡ଼ାଃ ତାଇକେନା, ଇନ୍‌କୁ ଏନାକ ଆଖ୍‌ରିଙ୍ଗ୍‌କେଦ୍‌ତେ ଏନାରାଃ ଗନଙ୍ଗ୍ ଟାକା ପାଏସା ଆଉକେଦ୍‌ତେ

୩୫ ପ୍ରେରିତ୍‌କକେ ଏମାକ ତାଇକେନାକ ଆତଃ ଏନ୍ ପାଏସାକେ ଆକଆଃ ଲାଗାତିୟାଃ ଲେକାକ ହାପ୍‌ଟିଙ୍ଗ୍‌ୟାଃ ତାଇକେନା ।

୩୬ ଆତଃ ସାଇପ୍ରସ୍ ନୁଡୁମ୍ ଠାୟାଦ୍‌ରେ ଜାନାମାକାନ୍ ଲେବୀ କିଲିରେନ୍ ଯୋଷେୟ୍, ଅକ୍‌ଏକେଚି ପ୍ରେରିତ୍‌କ ବର୍ଣ୍ଣବାସ୍, ଏନାରାଃ ମୁଣ୍ଡିଦ୍ “ଜୀଉରାଡ଼େଃରାଃ ହନ୍” ମେନ୍ତେକ ନୁଡୁମ୍‌କିୟା ।

୩୭ ଇନିୟାଃ ମିଆଁଦ୍ ପିଡ଼ି ତାଇକେନା, ଏନାକେ ଇନିଃ ଆଖ୍‌ରିଙ୍ଗ୍‌କେଦ୍‌ତେ ଏନାରାଃ ଟାକା ପାଏସା ପ୍ରେରିତ୍‌କକେ ଏମାଦ୍‌କଆ ।

☆ ୪:୨୭ ଲୁକ ୨୩:୭-୧୧; ମାଥ୍‌ଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮,୨୯. ☆ ୪:୩୭ ପ୍ରେରିତ୍ ୨:୪୪,୪୫.



ହନାନିୟ ଆତ୍ମ ସଫିରା

^୧ ହନାନିୟ ନୁତୁମ୍ ମିଆଁଦ୍ ହଡ଼ ଆୟାଃ କୁଡ଼ିତେ ସଫିରାଲଃ ହୁଡ଼ିଙ୍ଗଲେକା ଅତେ ଆଖିରିଙ୍ଗକେଦାକିନ୍ ।

^୨ ମେନ୍ଦ ହନାନିୟ ଆୟାଃ କୁଡ଼ିତେଲଃ ସାଲ୍‌ହାକେଦ୍‌ତେ, ଇନିଃ କାଟିଃଲେକା ଟାକା ପାଏସା ଆୟାଃ ନାଗେନ୍ତେ ଉକୁ ଦହକେଦା ଆତ୍ମ ବାକିତେୟାଃ ଇଦିକେଦ୍‌ତେ ପ୍ରେରିତ୍‌କଆଃ କାଟା ଲାତାରରେ ଦହକେଦା ।

^୩ ପାଡ଼ରାସ୍ ଇନିଃକେ କାଜିକିୟାଏ, “ଏ ହନାନିୟ, ପାବିତାର ଆମ୍ବାରା ଆୟାରରେ ହସଡ଼ କାଜି ନାଗେନ୍ତେ ଆତ୍ମ ଅତେରାଃ ଗନଙ୍‌ଏତେ କାଟିଃଲେକା ଉକୁ ନାଗେନ୍ତେ ସାଏତାନ୍ ଚିନାଃମେନ୍ତେ ଆମାଃ ମନ୍‌ସୁରୁଦ୍‌କେ ଆକ୍‌ତେୟାରକେଦା ?

^୪ ଆଖିରିଙ୍ଗକେଦ୍ ସିଦାରେ ଏନା ଚିୟାଃ ଆମାଃ କା ତାଇକେନା ? ଆତ୍ମ ଆଖିରିଙ୍ଗକେଦ୍ ତାୟମ୍‌ତେ ଏନ୍ ଟାକା ପାଏସା ଚିନାଃ ଆମାଃ ଆକ୍‌ତେୟାରରେ କା ତାଇକେନା ? ତାଦ୍‌ଦ ଚିନାଃମେନ୍ତେ ଆମ୍ ନେ'ଲେକା ଆମାଃ ମନ୍‌ସୁରୁଦ୍‌ରେମ୍ ଉଡ଼ୁକେଦା ? ଆମ୍ ହଡ଼କକେଦ୍ କା ମେନ୍ଦ ପାରମେଶ୍ଵାରଆଃ ଆୟାରରେ ବେଦାକାଜିମ୍ କାଜିକାଦା ।”

^୫ ନେ କାଜିକ ଆୟୁମ୍‌କେଦ୍‌ଚି ହନାନିୟ ଅତେରେ ଉୟୁଃକେଦ୍‌ତେ ଗଏଃୟାନା, ଆତ୍ମ ନେ ବିଷାଏରେ ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା ।

^୬ ସେପେଡେଦ୍‌କ ହିଜୁଃକେଦ୍‌ତେ ଇନିଃକେ ଲିଜାଃତେ ପଟମ୍‌କିୟାକ ଆତ୍ମ ଗଅଃ ଅତଙ୍‌କିତେ ତପାକିୟାକ ।

^୭ ଆପି ଘାଡ଼ିଲେକା ତାୟମ୍‌ତେ ଇନିୟାଃ କୁଡ଼ି ଅକ୍‌ନାଃ ହବାକାନ୍‌ତେୟାଃ କା ସାରିକେଦ୍‌ତେ ହିଜୁଃୟାନା ଆତ୍ମ ବଲୟାନାଏ ।

^୮ ପାଡ଼ରାସ୍ ଇନିଃକେ କୁଲିକିୟାଏ, “ଆବେନ୍ ନେ ପିଡ଼ିକେ ନିମ୍‌ନାଙ୍‌ତେଗିବେନ୍ ଆଖିରିଙ୍ଗକେଦାଚି ?”

ଇନିଃ କାଜିରୁହାଡ଼କେଦାଏ, “ହେଗି, ନିମ୍‌ନାଙ୍‌ତେଗି ।”

^୯ ଏନ୍ତେ ପାଡ଼ରାସ୍ ଇନିଃକେ କାଜିକିୟାଏ, “ପ୍ରାଭୁଆଃ ଆମ୍‌କେ ବିଡ଼ାଅ ନାଗେନ୍ତେ ଆବେନ୍ ବାରାନ୍‌କିନ୍ ଚିନାଃ ମେନ୍ତେବେନ୍ ଉଡ଼ୁକେଦା ? ନେଲ୍‌କୁମ୍, ଆମାଃ କଡ଼ାକେ ତପାକେନ୍‌କ ଦୁଆରତାଃରେ ମେନାକଆ ଆତ୍ମ ଇନ୍‌କୁ ଆମ୍‌କେ ହଗି ଗଅଃ ଅତଙ୍‌ମେୟାକ ।”

^{୧୦} କାଜିକେଦ୍ ଇମ୍‌ତାଗି ଇନିଃ ଇନିୟାଃ କାଟା ଲାତାରରେ ଉୟୁଃୟାନା ଆତ୍ମ ଗଏଃୟାନାଏ । ଏନ୍ତେ ସେପେଡେଦ୍‌କ ବଲୟାନ୍‌ଚି ଇନିଃକେ ଗଏଃକାନ୍‌କ ନେଲ୍‌କିୟା ଆତ୍ମ ଇନ୍‌କୁ ଇନିଃକେ ଗଅଃ ଅତଙ୍‌କିତେ କଡ଼ାତେୟାଃ ଜାପାଃରେକ ତପାକିୟା ।

^{୧୧} ଗଟା କାଲିସିୟା ଆତ୍ମ ନେ କାଜି ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା ।

ଆକ୍‌ଚାକାଅ ଆତ୍ମ ଆକ୍‌ଦାନ୍‌ଆ କାମି

^{୧୨} ପ୍ରେରିତ୍‌କ ପୁରାଃଗି ଆକ୍‌ଚାକାଅ କାମି ଆତ୍ମ ଆକ୍‌ଦାନ୍‌ଆ କାମିକ ହଡ଼କଆଃ ଆଲ୍‌ରେକ କାମିକେଦା ଆତ୍ମ ସବେନ୍ ବିଶ୍ଵାସୀକ ସୁଲିମାନ୍‌ଆଃ ପିଣ୍ଡିଗିତାଃରେ ହୁଣ୍ଡିୟଃ ତାଇକେନାକ ।

^{୧୩} ଇନ୍‌କୁଆଃ ବିଷାଏରେ ହଡ଼କ ବୁଗିନାଃ ଜାଗାର୍‌ତାନ୍ ତାଇକେନ୍‌ରେୟ ଏଟାଃ ଝୁଣ୍ଡିରେନ୍ ହଡ଼କ ଇନ୍‌କୁଲଃ ମେସାଅଃ ନାଗେନ୍ତେ ଜେତାଏ କାକ ସାହାସେ ତାଇକେନା ।

^{୧୪} ମେନ୍ଦ ଗାଦେଲ୍ କଡ଼ା ଆତ୍ମ କୁଡ଼ିକ ପ୍ରାଭୁତାଃରେ ବିଶ୍ଵାସକେଦ୍‌ତେ ଚିମିନ୍ ଚିମିନ୍ ହଡ଼କ ଏନ୍ ଝୁଣ୍ଡିରେ ମେସାଅଃ ତାଇକେନାକ ।

^{୧୫} ପ୍ରେରିତ୍‌କଆଃ କାମି ବୁଗିଲେକା ହବାଅଃ ତାଇକେନା, ପାଡ଼ରାସ୍ ହିଜୁଃ ତାଇକେନ୍ ଇମ୍‌ତା ହରାରେ ଆୟାଃ ଉମ୍‌ଲ୍ ଦୁକୁତାନ୍ ହଡ଼କଆଃରେ ଉୟୁଃଗକା ମେନ୍ତେ ହଡ଼କ ଦୁକୁତାନ୍‌କକେ ପାରକମ୍ ଆତ୍ମ ଜାଟିକରେ ଗଅଃ ଆଉକେଦ୍‌ତେ ହରାଗେନାରେ ଦହକ ତାଇକେନାକ ।

^{୧୬} ଆତ୍ମ ଯୀରୁଶାଲେମ୍‌ରେୟାଃ ଚାରିୟସାଃରେନ୍ ନାଗାର୍‌କଏତେ ଗାଦେଲ୍ ହଡ଼କ ଦୁକୁତାନ୍ ଆତ୍ମ ସଡ଼ରା ଆମ୍‌ତେ ଏସେରାକାନ୍ ହଡ଼କକେ ପ୍ରେରିତ୍‌କତାଃ ଆଉକତାଇକେନାକ ଆତ୍ମ ଇନ୍‌କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍‌କକେ ସାସାତି

^{୧୭} ଏନ୍ତେ ମାରାଙ୍ ଯାଜାକ୍ ଆତ୍ମ ଆୟାଃ ସବେନ୍ ଦେଙ୍ଗାତାନ୍‌କ, ଅକନ୍‌କଚି ସାଦୁକି ଝୁଣ୍ଡିରେନ୍ ତାଇକେନାକ, ଇନ୍‌କୁ ପ୍ରେରିତ୍‌କଆଃ ରେତାନ୍‌ରେ ପୁରାଃଗି ହିସ୍‌ଙ୍ଗାତେ ପେରେୟାୟାନାକ ।

^{୧୮} ଇନ୍‌କୁ ପ୍ରେରିତ୍‌କକେ ସାବ୍‌କେଦ୍‌ତେ ଆନାରେକ ଦହକେଦ୍‌କଆ ।

^{୧୯} ମେନ୍ଦ ପ୍ରାଭୁଆଃ ହୁଡ଼ ଏନ୍ ନିଦାଗି ଆନାରାଃ ଦୁଆରକେ ନିକ୍‌କେଦା, ଆତ୍ମ ପ୍ରେରିତ୍‌କକେ ଅତଙ୍‌କେଦ୍‌ତେ ମେତାଦ୍‌କଆ,

^{୨୦} “ଦୁ, ସେନଃପେ, ଆତ୍ମ ମାନ୍‌ର୍ ଅଡ଼ାଃରେ ତିଙ୍ଗୁକେଦ୍‌ତେ ନେ ନାଝା ଜୀଦାନ୍ ବିଷାଏରେ କାଜିୟାକପେ ।”

^{୨୧} ପ୍ରେରିତ୍‌କ ଏନ୍ ହୁଡ଼ିଆଃ କାଜି ମାନାତିଙ୍ଗକେଦ୍‌ତେ ସେତାଃ ଇଦାନ୍‌ରେ ମାନ୍‌ର୍ ଅଡ଼ାଃରେ ବଲକେଦ୍‌ତେ ହଡ଼କକେ ଇଡୁ ଏଟେଦ୍‌କେଦ୍‌କଆକ । ମାରାଙ୍ ଯାଜାକ୍ ଆତ୍ମ ଇନିୟାଃ ଦେଙ୍ଗାତାନ୍‌କ ହିଜୁଃକେଦ୍‌ତେ, ମାରାଙ୍ ପାଞ୍ଚେର୍ ଆତ୍ମ ଇସ୍ରାଏଲ୍ ହନ୍‌କଆଃ ସବେନ୍ ପ୍ରାଚୀନ୍‌କକେ କେଡ଼ା ହୁଣ୍ଡିକେଦ୍‌କଆକ ଆତ୍ମ ପ୍ରେରିତ୍‌କକେ ଆଉକ ନାଗେନ୍ତେ ହଡ଼କକେ ଜେହେଲ୍‌ତେ କୁଲ୍‌କେଦ୍‌କଆକ ।

୨୨ ମେନ୍ଦ ସିପାଇକ ଆନାତେ ସେଟେରୟାନ୍ତି ପ୍ରେରିତ୍‌କେ ଏନ୍ତାରେ କାକ ନାମ୍‌କେଦକଆ, ଏନ୍ତେ ଇନ୍‌କୁ ମାରାଙ୍ଗ ପାଞ୍ଚେଟେ ହିନ୍ତୁରୁହାଡକେଦ୍‌ତେ ଉଦୁବାଦକଆକ,

୨୩ “ଆଲେ ଜେହେଲ୍‌ତେ ସେଟେରୟାନ୍ତି ଦୁଆର୍ ବୁଗିଲେକା ହାଣ୍ଡେଦାକାନ୍ ଆତଃ ଦାରଞ୍ଜନକ ଦୁଆର୍ ହେପାଦ୍‌ରେ ହରତାନ୍‌ଲେ ନେଲ୍‌କେଦକଆ, ମେନ୍ଦ ଦୁଆର୍ ନିଜ୍‌କେଦ୍‌ତେ ଭିତାର୍‌ରେ ଜେତାଏକେ କାଲେ ନାମ୍‌କେଦକଆ ।”

୨୪ ମାନ୍‌ର ଅଡ଼ାଃ ହରକଆଃ ଗମ୍‌କେ ଆତଃ ମୁଲ୍ ଯାଜାକ୍ ବାରାନ୍‌କିନ୍ ନେ କାଜିକ ଆୟୁମ୍‌କେଦ୍‌ତେ ପ୍ରେରିତ୍‌କଆଃ ଚିକ୍‌ନାଃ ହବାୟାନା ମେନ୍ତେ ଆକଚାକାଅୟାନାକିନ୍ ।

୨୫ ଇମ୍‌ତା ମିଆଁଦ୍ ହଡ୍ ହିନ୍ତୁଃକେଦ୍‌ତେ ଇନ୍‌କୁକେ ଉଦୁବାଦକଆଏ, “ଆୟୁମେପେ, ଆପେ ଆନାରେ ଦହକାଦକ ତାଇକେନ୍ ହଡକ, ମାନ୍‌ର ଅଡ଼ାଃରେ ତିଙ୍ଗୁକେଦ୍‌ତେ ହଡକକେ ଇଡୁକତାନାକ ।”

୨୬ ଏନ୍ତେ ଦାରଞ୍ଜନକଆଃ ଗମ୍‌କେ, ଦାରଞ୍ଜନକଲଃ ସେନ୍‌କେଦ୍‌ତେ ପ୍ରେରିତ୍‌କେ ଆତଃମିସା ଆଉକେଦକଆକ । ମେନ୍ଦ ଇନ୍‌କୁକେ ଜାବାର୍‌ଜାସ୍ତିତେ କାକ ଆଉକେଦକଆ, ଚିୟାଃତି ହଡକ ଦିରିତେକ ଚିଦ୍‌ଗିରୁଆ ମେନ୍ତେ ଇନ୍‌କୁ ହଡକକେ ବର ତାଇକେନାକ ।

୨୭ ଇନ୍‌କୁ ପ୍ରେରିତ୍‌କେ ଆଉକେଦ୍‌ତେ ମାରାଙ୍ଗ ପାଞ୍ଚେଟ୍‌ରେ ତିଙ୍ଗୁକେଦକଆକ, ଆତଃ ମାରାଙ୍ଗ ଯାଜାକ୍ ଇନ୍‌କୁକେ କୁଲିକେଦକଆ,

୨୮ ☆ “ଆଲେ ଆପେକେ ନେ ହଡରାଃ ନୁଡୁମ୍‌ତେ ଆଲ୍‌ପେ ଇଡୁକଆ ମେନ୍ତେ ପୁରାଃଗିଲେ ଆଡୁକାଦ୍‌ପେ ତାଇକେନା, ମେନ୍ଦ ନେଲେପେ ଆପେ ଚିନାଃ ଚିକାକାଦାପେ, ଆପେ ଆପେୟାଃ ଇନିଡୁରେ ଯାରୁଣାଲେମରାଃ ଚାରିୟସାଃରେ ନିଡିରକାଦାପେ ଆତଃ ଏନ୍ ହଡରାଃ ମାୟୋମ୍ ନାଗେନ୍ତେ ଆପେ ଆଲେକେ ଚିଟା ନାଗେନ୍ତେପେ ସାନାଙ୍ଗତାନା ।”

୨୯ ପାଡ଼ରାସ୍ ଆତଃ ଏଟାଃ ପ୍ରେରିତ୍‌କ କାଜିରୁହାଡକେଦା, “ଆଲେ ପାର୍‌ମେଶ୍ୱାର୍‌କେ ମାନାତିଙ୍ଗ୍ ଲାଗାତିୟା, ହଡକକେ କାହାଗି ।

୩୦ ଆପେ ଯୀଶୁକେ କ୍ରୁଗ୍‌ରେ କିଲାଗଏଃକିଃ ତାୟମ୍‌ତେ ଆରୁଆଃ ପୁରଖାହାଡାମ୍‌କଆଃ ପାର୍‌ମେଶ୍ୱାର୍, ଯୀଶୁକେ ଗନ୍‌ଏଃହେତେ ଜୀଉବିରିଦକିୟାଏ ।

୩୧ ଇସ୍ରାଏଲ୍‌ରେନ୍ ହଡକକେ ହେୟାତିଙ୍ଗ୍‌କେଦ୍‌ତେ ପାପ୍ ଛାମା ନାମେ ନାଗେନ୍ତେ ପାର୍‌ମେଶ୍ୱାର୍ ଇନିଃକେ ଆଗୁଆଇ ଆତଃ ବାଞ୍ଚାଅନିଃ ଲେକା ଆୟାଃ ଜମ୍‌ତିସାଃରେ ଦହକିୟାଏ ।

୩୨ ଆଲେ ନେ ସବେନ୍ କାଜିକରାଃ ଗାଞ୍ଜାକ ତାନଲେ ଆତଃ ପାର୍‌ମେଶ୍ୱାର୍, ଆୟାଃ ମାନାତିଙ୍ଗ୍‌ତାନ୍ ହଡକକେ ଏମାକାଦକ ପାବିତାର୍ ଆମ୍‌ହଗି ନେଆଁରାଃ ଗାଞ୍ଜାତାନିଃ ।”

୩୩ ମାରାଙ୍ଗ ପାଞ୍ଚେଟ୍‌ରେନ୍ ହଡକ ନେ କାଜି ଆୟୁମ୍‌କେଦ୍‌ତି ପୁରାଃଗି ଖ୍ୱୟୟାନାକ ଆତଃ ପ୍ରେରିତ୍‌କେ ଗଗଏଃ ନାଙ୍ଗକ ସାନାଙ୍ଗକେଦା ।

୩୪ ମେନ୍ଦ ଗମ୍‌ଲିଏଲ୍ ନୁଡୁମ୍ ମିଆଁଦ୍ ଫାରୁଣା, ଇନିଃ ଆଇନ୍ ଇଡୁନିଃ ଆତଃ ସବେନ୍ ହଡକତାଃଏତେ ମାଇନ୍ ନାମେତାନ୍ ହଡ ତାଇକେନାଏ । ଇନିଃ ପାଞ୍ଚେଟ୍‌ରେ ତିଙ୍ଗୁକେଦ୍‌ତେ ପ୍ରେରିତ୍‌କେ କାଟିଃ ଘାଡିକାଦ୍ ବାହାରିତେ ଅତଙ୍ଗକପେ ମେନ୍ତେ ଆଡୁକେଦକଆ ।

୩୫ ଏନ୍ତେ ଇନିଃ ଇନ୍‌କୁକେ କାଜିକେଦକଆଏ, “ହେ ଇସ୍ରାଏଲ୍‌ରେନ୍ ହଡକ, ଆପେ ନେ ହଡକକେ ଚିକ୍‌ନାଃ ଚିକାନାଙ୍ଗ୍ ସେନ୍‌ତାନାପେ ଏନ୍ ବିଷାଏରେ ଚିର୍ଗାଲ୍‌କାନ୍‌ପେ ।

୩୬ ଚିୟାଃତି ଚିମିନ୍ ମାହାଁ ସିଦାରେ ଥୁଉଦା ନୁଡୁମ୍ ମିଆଁଦ୍ ହଡ ବିରିଦୟାନାଏ ଆତଃ ଆଇଙ୍ଗ୍ ମାରାଙ୍ଗ୍ ହଡ ତାନିଙ୍ଗ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍‌ଶାଅ ଲେକା ହଡକ ମେସାୟାନା । ମେନ୍ଦ ଇନିଃ ଗଏଃୟାନ୍ତେ, ଇନିଃକେ ଅତଙ୍ଗକ୍‌ତାନ୍ ସବେନ୍‌କ ଛିତିବିତିୟାନାକ ଆତଃ ଆୟାଃ ଝୁଣ୍ଡ ଜିୟନ୍‌ୟାନା ।

୩୭ ଇନିୟାଃ ତାୟମ୍‌ତେ, ଗାଲିଲ୍‌ରେନ୍ ଯିହୁଦା ନୁଡୁମ୍ ମିଆଁଦ୍ ହଡ, ନୁଡୁମ୍ ଅଲ୍ ଦିପିଲିରେ ବିରିଦୟାନାଏ ଆତଃ ପୁରାଃ ହଡକ ଇନିଃକେ ଅତଙ୍ଗକିୟାକ ମେନ୍ଦ ଇନିଃକେହଁ ଗଏଃକିୟାକ, ଏନ୍ତେ ଇନିଃକେ ଅତଙ୍ଗକ୍‌ତାନ୍ ସବେନ୍‌କ ଛିତିବିତିୟାନାକ ।

୩୮ ଆତଃ ନାଆଃଦଇଙ୍ଗ୍ କାଜିୟାପେତାନା, ନେ ହଡକକେ ଜେଡନାଃ କା ଚିକାକେଦ୍‌ତେ ବାଗିତାକୁପେ ଆତଃ ଇନ୍‌କୁକେ ସେନ୍ ଇତିକୁପେ ଚିୟାଃତି ଇନ୍‌କୁଆଃ କାମି ଚାଏ ଉଢେଗ୍ ହଡକଆଃ ସାଃଏତେ ତାନାଃରେଦ ଏନା ଜିୟନଃଆ ।

୩୯ ମେନ୍ଦ ଏନା ପାର୍‌ମେଶ୍ୱାର୍ ସାଃଏତେ ହବାଅଃତାନ୍‌ରେଦ, ଆପେ ଇନ୍‌କୁକେ କାପେ ହାରାଅ ଦାଡିୟା, କା'ରେଦ ଆପେ ପାର୍‌ମେଶ୍ୱାର୍‌ଲଃ ଲାଡ଼ାଇତାନ୍ ଲେକାପେ ଆଟ୍‌କାରଃଆ ।”

ଏନ୍ତେ ମାରାଙ୍ଗ ପାଞ୍ଚେଟ୍‌ରେନ୍ ହଡକ ଗମ୍‌ଲିଏଲ୍‌ଆଃ ଆନାଡୁକ ଆୟୁମ୍‌କେଦା ।

୪୦ ଇନ୍‌କୁ ପ୍ରେରିତ୍‌କେ ହାକାଅକେଦ୍‌ତେ କୋର୍‌ତାତେ ହାଣ୍ଡାକୁତାନ୍‌ଲଃ ଯୀଶୁଆଃ ନୁଡୁମ୍‌ତେ ଆଲ୍‌ପେ କାଜିୟା ମେନ୍ତେ ଆଡୁକେଦକଆକ ଆତଃ ଇନ୍‌କୁକେ ବାଗିକେଦକଆକ ।

୪୧ ଏନ୍ତେ ପାର୍‌ମେଶ୍ୱାରାଃ ନେପେଲ୍‌ରେ ଇନ୍‌କୁ ଯୀଶୁଆଃ ନୁଡୁମ୍ ନାଗେନ୍ତେ ହିଲାଙ୍ଗ୍‌ଅଲେକାକ ଆଟ୍‌କାର୍‌ୟାନା ମେନ୍ତେ ରାସ୍‌କାଅଃତାନ୍‌ଲଃ ମାରାଙ୍ଗ ପାଞ୍ଚେଟ୍‌ଏତେ ସେନଃୟାନାକ ।

☆ ୫:୨୮ ମାଥୁଇ ୨୭:୨୫.

୪୨ ଆତ୍ମା ଇନ୍ଦ୍ରକୁ ସବେନ୍ ହୁଲାଙ୍ଗ୍ ମାନ୍ଦିର୍ ଅତ୍ମାରେ ଆତ୍ମା ହତ୍ତକଥା ଅତ୍ମାରେ ଯାଶୁ, ମାସି ତାନିଃ ମେନ୍ତେ ଇତ୍ତତାନ୍ଲଃ ନେ ସୁକ୍ତକାଜି ଉଦୁବ୍ ନାଙ୍ଗ୍ କାକ ବାଗିକେଦା ।



ଏୟା *ଝାନ୍ ଦେଙ୍ଗାତାନ୍କ

୧ ଚିମିନ୍ ମାହାଁ ତାୟମତେ ତେଲକ ପୁରାଃ ପସାଅଃତାକକେନ୍ରେ ଗ୍ରୀକ୍ ଜାଗାର୍ତାନ୍ ଯିହୁଦୀକ, ଏବ୍ରୀ ଜାଗାର୍ତାନ୍ ଯାହୁଦିକଲଃ ଏପରାଙ୍ଗ୍ୟାନାକ, ଚିୟାଃତି ଇନ୍ଦ୍ରକୁ ସବେନ୍ ହୁଲାଙ୍ଗ୍ରାଃ ଲାଗାତିଙ୍ଗ୍ତେୟାଃ ହାଟିଙ୍ଗ୍ରେ ରାଶ୍ଟ୍ରିକ୍ତକକେ ସୁସାର୍ ନାଗେନ୍ତେ କାକ ଧ୍ୟାନକେଦକଥା ।

୨ ଏନାମେନ୍ତେ ଗେଲ୍ବାର୍ ପ୍ରେରିତ୍ ଆକଥାଃ ଝୁଣ୍ଡରେନ୍ ସବେନ୍ ବିଶ୍ୱାସୀକକେ କେଡ଼ା ହୁଣ୍ଡିକେଦ୍ତେ ମେତାଦକଥାକ, “ଆଲେ ପାର୍ମେଶ୍ୱାର୍ଆଃ ବାଚାନ୍ ଉଦୁବ୍ ବାଗିକେଦ୍ତେ, ଇନ୍ଦ୍ରକୁଆଃ ସୁସାର୍ରେ ତାଇନାଲେ, ନେଆଁଦ କା ବୁଗିନାଃ ।

୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏମାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍ ଆତ୍ମା ସେଣାଁତେ ପେରେଜାକାନ୍ ଏୟାଝାନ୍ ମାଇନାନ୍ ହତ୍ତକକେ ସାଲାକୁପେ ।

୪ ଏନ୍ତେ ଆଲେ ବିନ୍ତି ଆତ୍ମା ସେଞ୍ଜାକାମିରେ ପୁରା ସାମାଏଲେ ବିତାୟା ।”

୫ ପ୍ରେରିତ୍ ଆତ୍ମା ନେ କାଜିରେ ସବେନ୍କ ସୁକ୍ତୟାନାକ ଆତ୍ମା ଇନ୍ଦ୍ରକୁ ବିଶ୍ୱାସ୍ ଆତ୍ମା ପାବିତାର୍ ଆମ୍ତେ ପେରେଜାକାନ୍ ସ୍ତ୍ରୀମାନ୍ ନୁତୁମ୍ ମିଆଁଦ୍ ହତ୍ତ, ଆତ୍ମା ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମ୍ ନା, ଆନ୍ତିୟୋଖ୍ରେନ୍ ସାଆଁସାର୍ ହତ୍ତ ନିକଲାସ୍ ଅକଏତି ତାୟମତେ ଯିହୁଦୀ ଧାରାମ୍ରେ ମେସାୟାନା, ନେ ସବେନ୍କକେ ସାଲାକେଦକଥାକ ।

୬ ଇନ୍ଦ୍ରକୁକେ ପ୍ରେରିତ୍ ଆତ୍ମା ସାମ୍ନାଙ୍ଗ୍ରେକ ତିଙ୍ଗ୍କେଦକଥା ଆତ୍ମା ଇନ୍ଦ୍ରକୁଆଃ ତେତାନ୍ରେ ତିଃଇ ଦହକେଦ୍ତେ ବିନ୍ତିକେଦାକ ।

୭ ନେ ଲେକାତେ ପାର୍ମେଶ୍ୱାର୍ଆଃ ବାଚାନ୍ ପାସାର୍ଆଇଦିୟାନା ଆତ୍ମା ଯୀରୁଶାଲେମ୍ରେ ଜାଲ୍ଦିଗି ତେଲକଥାଃ ଲେକାରେ ପୁରାଃ ଆଦକାଇଦିୟାନା ଆତ୍ମା ଯାଜାକ୍ କଏତେ ପୁରାଃ ହତ୍ତକ, ଏନ୍ ବିଶ୍ୱାସ୍କ ମାନାତିଙ୍ଗ୍କେଦା ।

ସ୍ତ୍ରୀମାନ୍ ସାନାବ୍ୟାନାଏ

୮ ପାର୍ମେଶ୍ୱାର୍ତାଃଏତେ ପୁରାଃ ଆଶିଷ୍ ନାମକେଦ୍ତେ ସ୍ତ୍ରୀମାନ୍ ପେଡେଃତେ ପେରେୟାନାଏ ଆତ୍ମା ହତ୍ତକଥାଃ ଆଲାରେ ପୁରାଃ ପେଡେୟାନ୍ କାମି ଆତ୍ମା ଆକ୍ଦାନ୍ଦାଅ କାମିକ ରିକାତାଇକେନାଏ ।

୯ ମେନ୍ଦ୍ କୁରିନି ଆତ୍ମା ଆଲେକ୍ଜାଣ୍ଡ୍ରିଆ ନାଗାର୍ରେ ଦାସିୟେତେ ରାଡ଼ାକାନ୍ ଯାହୁଦିକକେ ଇଦିକେଦ୍ତେ ବାଇୟାକାନ୍ ସାମାଜ୍ ଅତ୍ମାରେନ୍ ଚିମିନ୍ ହତ୍ତକ ସ୍ତ୍ରୀମାନ୍ଆଃ ବିରୁଧ୍ରେ କାଜିକେଦାକ । ଇନ୍ଦ୍ରକୁ ଆତ୍ମା କିଲିକିଆରେନ୍, ଆତ୍ମା ଏସିଆରେନ୍ ଚିମିନ୍ ଯିହୁଦୀକ ବିରିଦ୍କେଦ୍ତେ ସ୍ତ୍ରୀମାନ୍ଲଃ ଏପେରାଙ୍ଗ୍ ଏଟେଦ୍କେଦାକ ।

୧୦ ମେନ୍ଦ୍ ପାବିତାର୍ ଆମ୍ ସ୍ତ୍ରୀମାନ୍କେ ଏମାକାଇ ସେଣାଁତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍ଦ୍ରକୁ ଇନିୟାଃ ବିରୁଧ୍ରେ ଜେଡ୍ନାଃ କାକ କାଜି ଦାଡିୟାନା ।

୧୧ ଏନ୍ତେ “ଆଲେ ସ୍ତ୍ରୀମାନ୍କେ ମୁଶା ଆତ୍ମା ପାର୍ମେଶ୍ୱାର୍ଆଃ ବିରୁଧ୍ରେ ନିନ୍ଦା କାଜିତାନ୍ଲେ ଆୟୁମ୍କିୟା” ନେଆଁ କାଜିପେ ମେନ୍ତେ ଇନ୍ଦ୍ରକୁ ଚିମିନ୍ ହତ୍ତକକେ ଟାକା ପାଏସା ଏମ୍କେଦ୍ତେ ଉସ୍କୁରକେଦକଥାକ ।

୧୨ ନେଲେକାତେ ଇନ୍ଦ୍ରକୁ ହତ୍ତକକେ, ପ୍ରାତିନ୍କକେ, ଆତ୍ମା ଆଇନ୍ ଇତ୍ତକକେ ଉସ୍କୁରକେଦ୍ତେ ଇନିଃକେ ସାବ୍କିୟାକ ଆତ୍ମା ପାଞ୍ଚେଟେକ ଇଦିକିୟା ।

୧୩ ଏନ୍ତେ ଇନ୍ଦ୍ରକୁ ଇନିୟାଃ ବିରୁଧ୍ରେ ଚିମିନ୍ ହସତ୍ତ ଗାଞ୍ଜାକକେ ତିଙ୍ଗ୍କେଦକଥାକ, ଅକନ୍କଟି, “ନେ ହତ୍ତ ସବେନ୍ ଇମ୍ତା ଆବୁଆଃ ପାବିତାର୍ ମାନ୍ଦିର୍ ଆତ୍ମା ମୁଶାରାଃ ଆନ୍ତୁ ବିରୁଧ୍ରେ ହିଲାଙ୍ଗ୍କାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ ।

୧୪ ଚିୟାଃତି ଆଲେ, ନାଜ୍ରେଡ୍ରେନ୍ ଯାଶୁକେ ନେ ମାନ୍ଦିର୍ ଅତ୍ମାକେ ଜିୟନେଆ ଆତ୍ମା ମୁଶା ଏମାକାଦ୍ବୁ ରିଡିରିଞ୍ଜାକ୍କେ ବାଦ୍ଲାଅୟାଏ ମେନ୍ତେ ନେ ହତ୍ତକେ କାଜିତାନ୍ଲେ ଆୟୁମ୍କିୟା ।

୧୫ ଇମ୍ତା ପାଞ୍ଚେଟ୍ରେ ଦୁବାକାନ୍ ସବେନ୍ ହତ୍ତକ ଇନିଃକେ ମିଦ୍ଭିର୍ରେ ନେଲ୍କିୟାକ ଆତ୍ମା ଇନିୟାଃ ମେଦ୍ମୁହାଁଡ୍, ଦୁଁଡ୍ଆଃ ମେଦ୍ମୁହାଁଡ୍ ଲେକାକ ନେଲ୍କେଦା ।



ସ୍ତ୍ରୀମାନ୍ଆଃ କାଜି

୧ ଏନ୍ତେ ମାରାଙ୍ଗ୍ ଯାଜାକ୍ ସ୍ତ୍ରୀମାନ୍କେ କୁଲିକିୟାଏ, “ଚିୟାଃ ନେ କାଜିକ ସାର୍ତି କାଜିତାନାଃତି ?”

* ୭: ସାଡ୍

୨ ସ୍ତ୍ରୀମାନ କାଜିରୁହାଡ଼କିୟାଏ, “ହେ ହାଗାକ ଆଡ଼ ଆପୁକ ଆୟୁମେପେ ! ଆବୁଆଃ ପୁରଖା ଆପୁ ଆବ୍ରାହାମ୍ ହାରାନ୍ ସାହାରରେ ତାଇନଃ ସିଦାରେ, ମାନାରାଙ୍ଗରେନ୍ ପାରମେଶ୍ୱାର୍ ମେସପଟାମିଆରେ ଇନିଃକେ ଦାର୍ଶାନ୍ ଏମକିୟାଏ,

୩ ଆଡ଼ଃ ଇନିଃକେ କାଜିକିୟାଏ, ‘ଆମାଃ ଅଡ଼ାଃରେନକକେ ଆଡ଼ଃ ଦିଶୁମ୍‌କେ ବାଗିକେଦ୍‌ଡେ ଆଇଙ୍ଗ୍ ଉଦୁବାମେ ଦିଶୁମ୍‌ଡେ ସେନଃମେ ।’

୪ ଏନ୍ତେ ଇନିଃ ଆୟାଃ ଦିଶୁମ୍ କଲ୍‌ଦିୟାଏତେ ଅଡ଼ଙ୍ଗକେଦ୍‌ଡେ ହାରାନ୍ ଦିଶୁମ୍‌ରେ ତାଇନଃ ନାଗେନ୍ତେ ସେନଃୟାନା, ଆଡ଼ଃ ଆବ୍ରାହାମ୍‌ଆଃ ଆପୁଡେ ଗଏଃୟାନତି ନାହାଁଃ ଆପେ ଅକନ୍ ଦିଶୁମ୍‌ରେ ତାଇନଃତାନାପେ, ଏନ୍ ଦିଶୁମ୍‌ଡେ ପାରମେଶ୍ୱାର୍ ଇନିଃକେ ଆଡ଼କିୟାଏ ।

୫ ଇମତା ପାରମେଶ୍ୱାର୍ ଆବ୍ରାହାମ୍‌କେ ଏନ୍ ଦିଶୁମ୍‌ରେ ଜେତାନ୍ ହାନାଟିଙ୍ଗ୍ କାଏ ଏମକିୟା, ଅଡେରାଃ ମିଦ୍‌ତାଣ୍ଡାଙ୍ଗ୍‌ହ୍ କାଏ ଏମକିୟା, ମେନ୍‌ଦ ଇନିୟାଃ ହନ୍‌ଗାଁଣା କାକ ତାଇକେନ୍‌ରେୟ ପାରମେଶ୍ୱାର୍ ଇନିଃକେ ଆଡ଼ଃ ଆୟାଃ ହିଜୁଃତାନ୍ ପିଡ୍‌ରେନକକେ ଏନ୍ ଦିଶୁମ୍‌କେ ଆକ୍‌ଡେୟାର୍‌ରେ ନାଙ୍ଗ୍ ଏମାପେୟାଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍ ତାଇକେନାଏ ।

୬ ପାରମେଶ୍ୱାର୍ ନେ’ଲେକାଏ କାଜିକାଇ ତାଇକେନା, ‘ଆମାଃ ହନ୍‌ଗାଁଣାକ ଦାସିୟାଆ ଆଡ଼ଃ ଏଗାଃ ଦିଶୁମ୍‌ରେକେ ତାଇନା ଏନ୍ତେ ଉପୁନ୍* ଶାଅ ସିମା ପୁରାଃଗିକ ସିଗିଦଃଆ ।

୭ ମେନ୍‌ଦ ଇନକୁ ଅକ ହଡ଼କଆଃ ସେଝା ରିକାକଆକ, ଆଇଙ୍ଗ୍ ଏନ୍ ହଡ଼କଆଃ ବିତାର୍ ରିକାଏୟାଇଙ୍ଗ୍, ଏନ୍‌ତାୟମ୍‌ଡେ ଆପେୟାଃ କିଲିକ ଏନ୍ ଦିଶୁମ୍‌ଏଡେକ ଅଡ଼ଙ୍ଗ୍‌ଆଁ ଆଡ଼ଃ ନେ ଠାୟାଦ୍‌ରେ ଆଇଁୟାଃ ସେଝା ରିକାଏୟାକ ।’ ମେନ୍ତେ ପାରମେଶ୍ୱାର୍ କାଜିକେଦାଏ ।

୮ ଏନ୍ତେ ପାରମେଶ୍ୱାର୍, ଆବ୍ରାହାମ୍‌ଲଃ ମିଆଁଦ୍ ରାଜିନାମାରେୟାଃ ଚିଙ୍ଗାଁ ଲେକା ଖାଡ଼ନାଅରେୟାଃ ଆନ୍‌ତୁ ତଲ୍‌କେଦା । ଏନାଡେ ଆବ୍ରାହାମ୍, ଆୟାଃ ହନ୍ ଇସାକ୍‌ଆଃ ଜାନାମ୍‌ରେୟାଃ ମିଦ୍ ହାପ୍ତା ତାୟମ୍‌ଡେ ଆବ୍ରାହାମ୍ ଇନିଃକେ ଖାଡ଼ନାଅକିୟାଏ, ଇସାକ୍ ଆୟାଃ ହନ୍ ଯାକୁବ୍‌କେ ଆଡ଼ଃ ଯାକୁବ୍ ଆୟାଃ ଗେଲ୍‌ବାର୍† ହନ୍‌କକେ ଖାଡ଼ନାଅକେଦ୍‌କଆ, ଅକନ୍‌କତି ଆବୁଆଃ ପୁରଖା ହାଡ଼ାମ୍‌କତାନ୍‌କ ।

୯ “ଯାକୁବ୍‌ଆଃ ହନ୍‌କ ଆକଆଃ ହାଗା ଯୋଷେଫ୍‌କେ ହିସ୍‌ଙ୍ଗାକିୟାକ ଆଡ଼ଃ ଇନିଃକେ ମିସାର୍ ଦିଶୁମ୍‌ଡେ ଦାସିୟାଃ ନାଗେନ୍ତେ ଆଖ୍‌ରିଙ୍ଗ୍‌କିୟାକ । ମେନ୍‌ଦ ପାରମେଶ୍ୱାର୍ ଇନିଃକେ ତାଇକେନା,

୧୦ ଆଡ଼ଃ ସବେନ୍ ଦୁକୁ ହାସୁଏତେ ଇନିଃକେ ସୁତୁଃ ଆଡ଼କିୟାଏ । ଚିମ୍‌ତା ଯୋଷେଫ୍ ମିସାର୍ ଦିଶୁମ୍‌ରେନ୍ ଫାରୋ ରାଜାରାଃ ହେପାଦ୍‌ଡେ ହିଜୁଃୟାନା, ଇମତା ପାରମେଶ୍ୱାର୍ ଇନିଃକେ ସୁକୁଆନ୍ ଚାଇଲ୍ ଚାଲାନ୍ ଆଡ଼ଃ ସେଣାଁ ଏମକିୟାଏ, ଆଡ଼ଃ ରାଜା, ଯୋଷେଫ୍‌କେ ମିସାର୍ ଦିଶୁମ୍‌ରେୟାଃ ଚାଲାଅନିଃ ଆଡ଼ଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଇକିୟା ।

୧୧ ଏନ୍ତେ ଗଟା ମିସାର୍ ଆଡ଼ଃ କିନାନ୍ ଦିଶୁମ୍‌ରେ ରିଙ୍ଗାୟାନ୍‌ଡେ ହଡ଼କ ପୁରାଃ ଦୁକୁ ସାହାଡିଙ୍ଗ୍‌କେଦାକ । ଆବୁଆଃ ପୁରଖା ହାଡ଼ାମ୍‌କ ଜେତାନ୍ ଜମେୟାଃ କାକ ନାମ୍ ଦାଡିକେଦା ।

୧୨ ମେନ୍‌ଦ ଯାକୁବ୍ ମିସାର୍‌ରେ ଜମେୟାଃ ନାମଃତାନା ମେନ୍ତେ ଆୟୁମ୍‌କେଦ୍‌ଡେ, ଆୟାଃ ହନ୍‌କ, ଅକନ୍‌କତି ଆବୁଆଃ ପୁରଖାହାଡ଼ାମ୍ ହଡ଼କ ତାନ୍‌କ, ଇନକୁକେ ପାହିଲାଡେ ମିସାର୍ ଦିଶୁମ୍‌ଡେ କୁଲ୍‌କେଦ୍‌କଆ ।

୧୩ ମିସାର୍‌ଡେ ଇନକୁ ବାର୍‌ସାଡେ ସେନ୍‌କେନାକ ଇମତା ଯୋଷେଫ୍ ଆୟାଃ ହାଗାକତାଃରେ ନେପେଲ୍ ଉପୁରୁମ୍‌ୟାନା ଆଡ଼ଃ ମିସାର୍‌ରେନ୍ ରାଜା ଫାରୋ ଯୋଷେଫ୍‌ଆଃ ଅଡ଼ାଃରେନକଆଃ ବିଷାଏରେ ସାରିୟାନା ।

୧୪ ଏନ୍ତେ ଯୋଷେଫ୍ ଆୟାଃ ଆପୁ ଯାକୁବ୍ ଆଡ଼ଃ ଆୟାଃ ଅଡ଼ାଃରେନ୍ ସବେନ୍‌କକେ ମିସାର୍‌ଡେ କେଡାକେଦ୍‌କଆ, ଇନକୁ ଆପିହିସି‡ ଗେଲ୍‌ମଣେୟାଁ§ ହଡ଼କ ତାଇକେନା ।

୧୫ ଏନ୍ତେ ଯାକୁବ୍ ମିସାର୍‌ଡେ ସେନଃୟାନା, ଏନ୍ତାଃରେ ଆଇଃକ୍ ଆଡ଼ଃ ଆୟାଃ ହନ୍‌କ ଗଏଃୟାନା ।

୧୬ ଇନକୁଆଃ ଗଏଃ ହଡ଼ମ୍‌କେ ଶିଖ୍‌ମ୍‌ଡେକ ଇଦିକେଦା ଆଡ଼ଃ ଆବ୍ରାହାମ୍, ହାମ୍‌ର୍ ହଡ଼କତାଃଏଡେ କିରିଙ୍ଗ୍‌କାଦ୍ ତପାଗାଡାରେ ଇନକୁକେ ତପାକେଦ୍‌କଆ ।

୧୭ “ପାରମେଶ୍ୱାର୍ ଆବ୍ରାହାମ୍‌କେ ଅକନ୍ ବାନାର୍‌ସା ଏମାକାଇ ତାଇକେନାଏ, ଏନା ପୁରାଅଃରେୟାଃ ଦିପିଲି ନାଡ଼େୟାନ୍‌ତି ଆବୁଆଃ ହଡ଼କ ମିସାର୍ ଦିଶୁମ୍‌ରେ ପୁରାଃଗିକ ପସାୟାନା ।

୧୮ ଚୁଣ୍ଡୁରେ ଯୋଷେଫ୍ ବିଷାଏରେ କାଏ ସାରିତାନ୍ ମିଆଁଦ୍ ରାଜା ମିସାର୍ ଦିଶୁମ୍‌ରେ ରାଇଜ୍‌କେଦା ।

୧୯ ଇନିଃ ଆବୁଆଃ ପୁରଖା ହାଡ଼ାମ୍‌କକେ ପୁରାଃଗି ସାସାଡିକେଦ୍‌ଡେ ସିଗିଦ୍‌କେଦ୍‌କଆ ଆଡ଼ଃ ଇନକୁଆଃ ବାଲେଃହନ୍‌କ ଆଲକାକ ଜାହୁଦଃକା ମେନ୍ତେ ଇନକୁକେ ଏଣ୍ଡାଃରିକାକେଦ୍‌କଆ ।

୨୦ ଏନ୍ ଦିପିଲିରେ ମୁଣା ଜାନାମ୍‌ୟାନାଏ, ଇନିଃ ପାରମେଶ୍ୱାର୍ ନେପେଲ୍‌ରେ ପୁରାଃ ସୁଗାଡାନ୍‌ଗି ତାଇକେନା । ଇନିଃ ଆପି ମାହିଁଁ ନା ଆପୁଡେୟାଃ ଅଡ଼ାଃରେ ଆସୁଲ୍‌ୟାନା,

୨୧ ଆଡ଼ଃ ଏନ୍ ହନ୍‌କେ ଅଡ଼ାଃଏଡେ ବାହାରିରେକ ଦହକିୟା ଇମତା, ଫାରୋରାଃ ହନ୍ତେକୁଡି ଇନିଃକେ ନାମ୍‌କେଦ୍‌ଡେ ଆୟାଃ ହନ୍ ଲେକାଏ ଆସୁଲ୍‌କିୟା ।

* ୭:୨ ଚାଇର୍ † ୭:୮ ବାରା ‡ ୭:୧୪ ଷାଠିଏ § ୭:୧୪ ପାଢ଼ରା

୨୨ ଆତ୍ମ ମୁଖା ମିସାରରେନ୍ ସବେନ୍ ହତକଆଃ ସେଣାଁତେ ଇତୁୟାନା ଆତ୍ମ ଆୟାଃ କାଜି କାମିରେ ପୁରାଃଗି ମାରାଙ୍ଗ୍ ହତ୍ତ ହବାୟାନାଏ ।

୨୩ “ମୁଖା ବାର୍ହିସି* ବାରାଷ୍ଟରେନ୍ ହବାୟାନାଏ, ଇମ୍ତା ଇନିଃ ଆୟାଃ ଇସ୍ରାଏଲ୍ରେନ୍ ହାଗାକକେ ମିସାରରେନ୍ ହତକ ଚିଲ୍ଲକାକ ନେଲ୍ଲକତାନା, ଏନା ସାରିନାମ୍ ନାଗେନ୍ତେ ମନ୍ସୁରୁଦ୍ରେ ଉହାଟ୍ଟକେଦା ।

୨୪ ଇନିଃ ଇନ୍କୁଏତେ ମିହୁଡ୍ନିଃକେ ଅନ୍ୟାୟ ରିକାଲତାନ୍ ନେଲ୍ଲକିଃତେ ଦେଙ୍ଗାଲ ନାଙ୍ଗ୍ ମିସାରରେନ୍ ହତକେ ବାଦ୍ଲା ଇଦିତାନ୍ଲଃ ଇନିଃକେ ଗଏଃକିୟା ।

୨୫ ଆୟାଃ ହରାତେ ଆୟାଃ ହତକକେ ବାଞ୍ଚାଅକ ନାଗେନ୍ତେ ପାର୍ମେଶ୍ୱାର୍ ଆଇଃକକେ ବେଭାରିତାନା, ଏନା ଇନ୍କୁ ଆଟ୍ଟକାର୍ ଉରୁମେକାକ ମେନ୍ତେ ଇନିଃ ଉଡ୍ଡୁକେଦାଏ, ମେନ୍ଦ ଇନ୍କୁ ଏନା କାକ ଆଟ୍ଟକାର୍ ଉରୁମ୍କେଦା ।

୨୬ ଇନିଃ ଏଗାଃ ହୁଲାଙ୍ଗ୍ ବାର୍ହିସି ଇସ୍ରାଏଲ୍ ହତକିନ୍କେ ଲାପ୍ତାଲତାନ୍ ନେଲ୍ଲକେଦକିନାଏ, ଆତ୍ମ ଏନ୍ ବାରାନ୍କିନ୍ ମେସାଅଃକାକିନ୍ ମେନ୍ତେ ସାନାଙ୍ଗ୍ତାନ୍ଲଃ କାଜିକେଦକିନାଏ, ‘ଆୟୁମେବେନ୍, ଆବେନ୍ ବାରାନ୍କିନ୍ ହାଗାତାନ୍ବେନ୍ ଚିନାଃମେନ୍ତେବେନ୍ ଲାପ୍ତାଲତାନା ?’

୨୭ ମେନ୍ଦ ଅକନ୍ ହତ୍ତ ଏଗାଃ ମିହୁଡ୍ନିଃକେ ଅନ୍ୟାୟ ରିକାଲ ତାଲକେନାଏ, ଇନିଃ ମୁଖାକେ ଇଲିଙ୍ଗ୍କେଦ୍ରେ କୁଲିକିୟା, ‘ଆଲିଙ୍ଗ୍ୟାଃ ହାକିମ୍ ଆତ୍ମ ବିଚାରନିଃ ହବାଅଃ ନାଙ୍ଗ୍ ଅକଏ ଆମ୍କେ ସାଲାକାଦ୍ମେୟା ?’

୨୮ ‘ହଲା ଏନ୍ ମିସାରରେନ୍ ହତକେମ୍ ଗଏଃକିଃ ଲେକା ଆମ୍ ଚିନାଃ ଆଇଙ୍ଗ୍କେ ଗଗଏଃ ସାନାଙ୍ଗ୍ତାନାମ୍ ?’

୨୯ ମୁଖା ଏନ୍ କାଜି ଆୟୁମ୍କେଦ୍ରେ, ମିସାର୍ ଦିଶୁମ୍ଏତେ ନିର୍ୟାନା ଆତ୍ମ ମିଦିୟନ୍ ଦିଶୁମ୍ରେ ତାଇନ୍ୟାନା ।

ଏନ୍ତାଃରେ ଆୟାଃ ବାରିଆ ହନ୍କିନ୍ ଜାନାମୟାନା ।

୩୦ “ବାର୍ହିସି ବାରାଷ୍ଟ ପୁରାୟାନ୍ ତାୟମ୍ତେ, ସିନାଲ୍ ବୁରୁ ହେପାଦ୍ରେୟାଃ ବିର୍ରେ ପାର୍ମେଶ୍ୱାର୍ଆଃ ମିଆଁଦ୍ ଦୁଁଡ୍ ଚୁପାଦ୍ରେୟାଃ ସେଙ୍ଗେଲ୍ ଜୁନୁଲ୍ରେ ମୁଖାତାଃରେ ଉଦୁବେନ୍ୟାନା ।

୩୧ ମୁଖା ଏନା ନେଲ୍ଲକେଦ୍ରେ ପୁରାଃଗି ହାଏକାଟ୍ଟୟାନା ଆତ୍ମ ଇନିଃ ବୁଗିଲେକା ନେଲେ ନାଗେନ୍ତେ ଚୁପାଦ୍ ନାଡ୍ରେତେ ସେନ୍ୟୟାନା । ମେନ୍ଦ ଇନିଃ ପ୍ରାଭୁଆଃ ଲାବ୍ଜା ଆୟୁମ୍କେଦାଏ,

୩୨ ‘ଆଇଙ୍ଗ୍ ଆପେୟାଃ ପୁରୁଶା ହାଡାମ୍ ଆହାହାମ୍, ଇସାକ୍, ଆତ୍ମ ଯାକୁବ୍ଆଃ ପାର୍ମେଶ୍ୱାର୍ ତାନିଙ୍ଗ୍ ।’ ମୁଖା ବରତେ ଏକ୍ଲାଅୟାନା ଆତ୍ମ ନେଲ୍ ନାଗେନ୍ତେ କାଏ ସାହାସ୍କେଦା ।

୩୩ ପ୍ରାଭୁ ଇନିଃକେ କାଜିକିୟା, ‘ଖାର୍ପାତାମାଃ ହଲେଜେମେ, ଚିୟାଃଚି ଆମ୍ ତିଙ୍ଗୁଆକାନ୍ ଠାୟାଦ୍ ପାବିତାର୍ ଅତେ ତାନାଃ ।

୩୪ ଆଇଙ୍ଗ୍ ମିସାରରେ ଆଇଁୟାଃ ହତକଆଃ ସାସାତିକଇଙ୍ଗ୍ ନେଲ୍ଲକାଦା । ଇନ୍କୁଆଃ ରାଆଃ ଗେରାଙ୍ଗ୍କଇଙ୍ଗ୍ ଆୟୁମ୍କାଦା ଆତ୍ମ ଇନ୍କୁକେ ତନଲ୍ଦାସିଏତେ ରାଡାକ ନାଗେନ୍ତେଇଙ୍ଗ୍ ଆଡ୍ଗୁଆକାନା । ନାହାଁଃ ହିଜୁଃମେ, ଆଇଙ୍ଗ୍ ଆମ୍କେ ମିସାରତେଇଙ୍ଗ୍ କୁଲ୍ମେୟା ।’

୩୫ “ ‘ଅକଏ ଆମ୍କେ ଆଲେୟାଃ ହାକିମ୍ ଆତ୍ମ ବିଚାରନିଃ ହବାଅଃ ନାଙ୍ଗ୍ ସାଲାକାଦ୍ମାଏ ?’ ମେନ୍ତେକ କୁଲିକାଲ୍ ଏନ୍ ମୁଖାଗି ଇସ୍ରାଏଲ୍ ହତକତାଃଏତେ ହିଲ୍ଲାଙ୍ଗ୍କାନ୍ ତାଇକେନା । ଇନିଃକେ ପାର୍ମେଶ୍ୱାର୍ ଚୁପାଦ୍ରେୟାଃ ସେଙ୍ଗେଲ୍ ଜୁନୁଲ୍ତେ ଉଦୁବାକାନ୍ ଦୁଁଡ୍ଆଃ ଦେଙ୍ଗାତେ ହତକଆଃ ହାକିମ୍ ଆତ୍ମ ଇନ୍କୁକେ ତନଲ୍ଏତେ ରାଡାକ ନାଗେନ୍ତେ କୁଲ୍କିୟା ।

୩୬ ଇନିଃ ମିସାରରେ ଆତ୍ମ ସୁଫ୍† ଦରେୟାରେ ପୁରାଃ ଆକ୍ଦାଦାଅ କାମିକ କାମିକେଦ୍ରେ ହତକକେ ମିସାର୍ ଦିଶୁମ୍ଏତେ ଅତଙ୍ଗ୍କେଦକଆ, ଆତ୍ମ ବାର୍ହିସି ବାରାଷ୍ଟ ଜାକେଦ୍ ବିର୍ରେ ସୁଡୁଃ ଆତକେଦକଆ ।

୩୭ ମୁଖା ଆଇଃକକି ଇସ୍ରାଏଲ୍ରେନ୍ ହତକକେ କାଜିୟାଦକଆ, ‘ପାର୍ମେଶ୍ୱାର୍ ଆଇଙ୍ଗ୍କେ କୁଲାକାଦିଙ୍ଗ୍ ଲେକାଗି, ଆପେତାଃତେ ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହତକଏତେ ମିହୁଡ୍ ହବାଅଃଆଏ ।’

୩୮ ଏନ୍ ମୁଖାଗି ବିର୍ରେ ହୁଣ୍ଡିୟାକାନ୍ ଇସ୍ରାଏଲ୍ ହତକଲଃ ତାଇକେନାଏ । ଇନିଃ ସିନାଲ୍ ବୁରୁରେ ଆବୁଆଃ ପୁରୁଶା ହାଡାମ୍କଲଃ ଆତ୍ମ ଇନ୍କୁଲଃ ଜାଗାର୍ତାନ୍ ଦୁଁଡ୍ଲଃ ତାଇକେନାଏ ଆତ୍ମ ଆବୁତାଃରେ ଉଦୁବେ ନାଗେନ୍ତେ ଇନିଃ ପାର୍ମେଶ୍ୱାର୍ତାଃଏତେ ଜାନିଦ୍ ବାଚାନ୍ ତେଲ୍ଲାକେଦାଏ ।

୩୯ “ମେନ୍ଦ ଆବୁଆଃ ପୁରୁଶା ହାଡାମ୍କ ଇନିଃକେ କାକ ମାନାତିଙ୍ଗ୍କେନା, ଇନ୍କୁ ଇନିଃକେ ଉଦୁର୍ ଗେନାକେଦ୍ରେ ମିସାରତେ ରୁହାଡ୍ ନାଗେନ୍ତେକ ମନ୍ସୁରୁଦ୍ରେ ଉଡ୍ଡୁକେଦା ।

୪୦ ଏନାମେନ୍ତେ ଇନ୍କୁ ହାରୁନ୍କେକ କାଜିକିୟା, ‘ନାହାଁଃ ଆଲେକେ ସୁଡୁଃ ଇଦି ନାଗେନ୍ତେ ଚିମିନ୍ ମାହାପୁରୁକକେ ବାଇକମ୍ । ଆଲେକେ ମିସାର୍ ଦିଶୁମ୍ଏତେ ଅତଙ୍ଗ୍ ଆତକାଦ୍ଲେ ଏନ୍ ମୁଖାଦ୍ ଚିନାଃ ଚିକାୟାନାଏ ଏନା କାଲେ ସାରିୟା ।’

୪୧ ଏନ୍ତେ ଏନ୍ ଦିପିଲିରେ ଇନ୍କୁ ମିଆଁଦ୍ ଦାମୁରହନ୍ରାଃ ମୁରୁଡ୍ ବାଇକିୟାକ ଆତ୍ମ ଏନ୍ ଦାମୁରହନ୍ ନାଗେନ୍ତେ ଦାଣ୍ଟି ରାକାବ୍କେଦାକ । ଏନ୍ତେ ଆକଗି ବାଇୟାକାଦ୍ ଏନ୍ ମୁରୁଡ୍ରେୟାଃ ମାଇନଃ ନାଗେନ୍ତେ ମିଆଁଦ୍ ଭୋଜି ଜମ୍କେଦାକ ।

୪୨ ଏନାତେ ପାର୍ମେଶ୍ୱାର୍ ଇନ୍କୁତାଃଏତେ ସାଙ୍ଗିନ୍ୟାନା ଆତ୍ମ ଇନ୍କୁକେ ସିମ୍ବୀରେନ୍ ଇପିଲ୍କକେ ସେଞ୍ଜା ନାଗେନ୍ତେ ବାଗିକେଦକଆ । ନେଲ୍ଲେକା ନାବୀକଆଃ ପୁଅ୍ରେ ଅଲ୍ଲକାନା,

* ୭:୨୩ ଚାଲିଶ୍ † ୭:୩୭ ଆରାଃ ଦରେୟା

“ହେ ଇସ୍ରାଏଲ୍ରେନ୍ ହଡ଼କ,
ଆପେ ବାଝିସି ବାରାଷ୍ ଜାକେଦ୍ ବିର୍ରେ ଆଇଁୟାଃ ନାଗେନ୍ତେ
ଜାଁତୁକଆଃ ଦାଣେଁ କାପେ ରାକାଦ୍ ।

୪୩ ମେନ୍ଦ୍ ସେଝା ନାଗେନ୍ତେ ଆପେ ଅକନ୍ ମୁରୁଡ଼କେ ବାଇକିୟାପେ,
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍ପା
ଆତଃ ଇପିଲ୍ ମାହାପୁରୁ, ରମ୍ପାରାଃ ମୁରୁଡ଼କେପେ ଗଅଃକେଦା ।

ଏନାମେନ୍ତେ ଆଇଙ୍ଗ୍ ବାବିଲୋନ୍ରେୟାଃ ହାନ୍ ପାରମ୍ତେଇଙ୍ଗ୍ ତଲ୍ କୁଲ୍ପେୟା ।’

୪୪ “ବିର୍ରେ ଆରୁଆଃ ହାଡ଼ାମ୍ ହଡ଼କଲଃ ପାରମେଶ୍ୱାର୍ଆଃ ତାଇନଃ କୁମ୍ପା ତାଇକେନା । ପାରମେଶ୍ୱାର୍, ମୁଣାକେ ବାଇ
ନାଗେନ୍ତେ ଆତୁକାଇ ତାଇକେନ୍ ଲେକାଗି ବାଇୟାକାଦ୍ ତାଇକେନାଏ ଆତଃ ମୁଣାକେ ଉଦୁବାକାଇ ନାମୁନା ଲେକାଗି
ବାଇୟାକାନ୍ ତାଇକେନା ।

୪୫ ତାୟମ୍ ଦିପିଲିକରେ ଆରୁଆଃ ପୁରୁଖା ହାଡ଼ାମ୍ ଆକଆଃ ଆପୁକତାଏତେ ନାମାକାଦ୍, ଏନ୍ କୁମ୍ପାକେ
ଯିହୋଶ୍ୱୟଲଃ ଗଅଃକେଦ୍ତେ ସେନ୍ ଆୟାର୍ଯ୍ୟାନାକ ଆତଃ ପାରମେଶ୍ୱାର୍ତେ ହାରାଅକାନ୍ ଏଗାଃ ହଡ଼କଆଃ
ଦିଶୁମ୍ବକେକ ଆକ୍ତେୟାର୍କେଦା । ଆତଃ ଏନ୍ କୁମ୍ପା ଦାଉଦ୍ଆଃ ପାରିୟା ଜାକେଦ୍ ତାଇକେନା ।

୪୬ ଦାଉଦ୍, ପାରମେଶ୍ୱାର୍ଆଃ ନେପେଲ୍ରେ ସୁକୁଆନ୍ଗି ନେଲଃୟାନା, ଏନ୍ତେ ଇନିଃ ଯାକୁବ୍ଆଃ ପାରମେଶ୍ୱାର୍‡
ନାଗେନ୍ତେ ମିଆଁଦ୍ ତାଇନଃ ଠାୟାଦ୍ ବାଇ ଇଚିଙ୍ଗ୍ମେ ମେନ୍ତେ କୁଲିକିୟା ।

୪୭ ମେନ୍ଦ୍ ସୁଲିମାନ୍ ଇନିୟାଃ ନାଗେନ୍ତେ ମିଆଁଦ୍ ଅଡ଼ାଃ ବାଇକେଦାଏ ।

୪୮ “ମେନ୍ଦ୍ ହଡ଼ ବାଇୟାକାଦ୍ ଅଡ଼ାଃରେ ସାଲାଇଁ ଉତାର୍ ପାରମେଶ୍ୱାର୍ କାଏ ତାଇନା । ନାବୀ ନେ ଲେକାଏ
କାଜିକାଦା,

୪୯ “ପ୍ରାଭୁ କାଜିତାନାଏ, ସିର୍ମା ଆଇଁୟାଃ ରାଜ୍ଗାଦି ତାନାଃ,
ଆତଃ ଅତେ ଆଇଁୟାଃ କାଟାରେୟାଃ ଗାଣ୍ଡୁ ତାନାଃ ।

ଆପେ ଆଇଁୟାଃ ନାଗେନ୍ତେ ଚିଲ୍କାନ୍ ଅଡ଼ାଃପେ ବାଇୟା ?

ଆଇଁୟାଃ ରୁଡ଼ନ୍ ନାଗେନ୍ତେ ଠାୟାଦ୍ କତାଃରେୟା ?

୫୦ ନେ ସବେନାଃ ଚିନାଃ ଆଇଙ୍ଗ୍ଗି କାଇଙ୍ଗ୍ ବାଇୟାକାଦା ?’

୫୧ “ସ୍ତ୍ରୀମ୍ ଆତଃଗି କାଜିକେଦା, ଆପେ ଚିମିନ୍ଗି କା ମାନାତିଙ୍ଗ୍ତାନ୍ ହଡ଼କ ତାନ୍ପେ ! ଆପେୟାଃ ମନ୍ସୁରୁଦ୍କ
ପୁରାଃଗି ସଡ଼ରାଗିୟା ଆତଃ ପାରମେଶ୍ୱାର୍ଆଃ ବାଟାନ୍ ନାଙ୍ଗ୍ ଆପେ ପୁରାଃଗି କା ଆୟୁମ୍ ହଡ଼କ ତାନ୍ପେ ! ଆପେ
ଆପେୟାଃ ପୁରୁଖା ହାଡ଼ାମ୍ ଲେକାଃପେ, ଆପେୟାଃ ସବେନ୍ ଇମତା ପାବିତାର୍ ଆମ୍ବାରାଃ ବିରୁଧ୍ରେ କାଜିତାନାପେ ।

୫୨ ଆପେୟାଃ ପୁରୁଖା ହାଡ଼ାମ୍ ଆତଃ ହରାତେ କା ସାସାତିକାନ୍ ଜେତା ନାବୀ ମେନାକଆ ଚି ? ଧାର୍ମାନ୍
ଦାସିଆଃ ହିନିକ୍ଷୁ ବିଷାଏରେ, ସିଦାରେ ଉଦୁବାକାଦ୍ ପାରମେଶ୍ୱାର୍ଆଃ କାଜିକୁଲ୍କକେ ଆପେୟାଃ ପୁରୁଖା ହାଡ଼ାମ୍
ଗଏଃକେଦ୍କଆକ । ଆତଃ ନାହାଃ ଆପେ ଇନିଃକେ ବାଇରିକଆଃ ତିଃଇରେ ଜିମାକେଦ୍ତେ ଗଏଃକିୟାପେ ।

୫୩ ଆପେ ଦୁଡ଼କଆଃ ହରାତେ ଏମାକାନ୍ ପାରମେଶ୍ୱାର୍ଆଃ ଆନ୍ରୁପେ ନାମାକାଦା, ଏନ୍ରେୟା ଆପେ ଏନାକେ କାପେ
ମାନାତିଙ୍ଗ୍କେଦା ।”

ଦିରି ଚିଦ୍ଗିତେ ସ୍ତ୍ରୀମ୍ଆଃ ଗନଏଃ

୫୪ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ସ୍ତ୍ରୀମ୍ଆଃ ନେ କାଜିକ ଆୟୁମ୍କେଦ୍ତେ ପୁରାଃଗିକ ଖ୍ସୟାନା ଆତଃ ଆୟାଃ
ନାଗେନ୍ତେ ଖ୍ସ୍ତେ ତାଟା ହାବ୍କେଦାକ ।

୫୫ ମେନ୍ଦ୍ ସ୍ତ୍ରୀମ୍ ପାବିତାର୍ ଆମ୍ବାତେ ପେରେୟାନ୍ଲଃ ସିର୍ମାତେ ଆରିଦ୍ରାକାବ୍କେଦା ଏନ୍ତେ ପାରମେଶ୍ୱାର୍ଆଃ
ମାନାରାଙ୍ଗ୍ ଆତଃ ଯାଶୁକେ ପାରମେଶ୍ୱାର୍ଆଃ ଜମ୍ତିସାଃରେ ତିକ୍ତୁଆକାନାଏ ନେଲ୍କିୟା ।

୫୬ ଆତଃ ଇନିଃ କାଜିକେଦାଏ, “ନେଲେପେ, ଆଇଙ୍ଗ୍ ସିର୍ମା ନିଜାକାନ୍ ଆତଃ ମାନଝାହନ୍କେ ପାରମେଶ୍ୱାର୍ଆଃ
ଜମ୍ତିସାଃରେ ତିକ୍ତୁଆକାନ୍ ନେଲିତାନାଇଙ୍ଗ୍ ।”

୫୭ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ପୁରାଃ କାଉରିତାନ୍ଲଃ ନେ କାଜି କା ଆୟୁମେ ନାଗେନ୍ତେ ଆକଆଃ ଲୁଡୁରେ ତିଃଇ
ଦହକେଦାକ । ଏନ୍ତେ ଇନ୍କୁ ସବେନକ ମିଦ୍ୟାନ୍ତେ ଆୟାଃ ହେପାଦ୍ତେ ନିର୍କେଦାକ,

୫୮ ଆତଃ ଇନ୍କୁ ସାହାର୍ହେତେ ବାହାରି ଆଇଙ୍ଗ୍କେଦ୍ତେ ଆୟାଃ ରେତାନ୍ରେ ଦିରି ଚିଦ୍ଗିକିୟାକ । ହସଡ଼ ଗାଝା
ଏମ୍ ହଡ଼କ ଶାଉଲ୍ ନୁଡୁମ୍ ମିଆଁଦ୍ ସେପେଡ୍ଡେଦ୍ଆଃ ଜିମାରେ ଇନ୍କୁଆଃ ଲିଜାଃକ ବାଗିକେଦା ।

୫୯ ଇନ୍କୁ ସ୍ତ୍ରୀମ୍ଆଃ ରେତାନ୍ରେ ଦିରି ଚିଦ୍ଗିକେଦ୍ ଇମତା ଇନିଃ ପ୍ରାଭୁକେ ବିକ୍ତିକେଦ୍ତେ କାଜିକିୟା, “ହେ ପ୍ରାଭୁ
ୟାଶୁ, ଆଇୟାଃ ଆମ୍ବାକେ ତେଲାଏମେ ।”

‡ ୭:୪୭ ଚିମିନ୍ ମାରି ଅନଲ୍ରେ “ଯାକୁବ୍ଆଃ ପାରମେଶ୍ୱାର୍” କେ ଇସ୍ରାଏଲ୍ରେନ୍ ହଡ଼କ ମେନ୍ତେ ଅଲ୍ଲାନା

୬୦ ଇନିଃ ଇକ୍ତମ୍ଭୁକେଦ୍ତେ ପୁରାଃ କାଉରିତାନ୍ଲଃ କାଜିକେଦା, “ହେ ପ୍ରାଭୁ, ଇନ୍କୁଆଃ ବିରୁଧ୍ରେ ନେ ପାପ୍ ଆଲମ୍ ପାହେମେୟା ।” ନେୟା କାଜିକେଦ୍ତେ ଜାଉତାୟାଃ ଚୁଣ୍ଡୁକେଦା । ସ୍ତ୍ରୀପାନ୍ଆଃ ଗଗଏଃରେ ଶାଉଲ୍ ମିଦ୍ମନୟାନାଏ ।

୮

ଶାଉଲ୍ କାଲିସିୟାକେ ସାସାତିକେଦା

୧ ଶାଉଲ୍ ସ୍ତ୍ରୀପାନ୍ଆଃ ଗଗଏଃରେ ମିଦ୍ମନୟାନାଏ । ଏନ୍ ହୁଲାଙ୍ଗ୍ତାଃଏତେ ଯାରୁଶାଲେମ୍ରେୟାଃ କାଲିସିୟାକରେ ପୁରାଃଗି ସାସାତିକ ଏନେଟେଦ୍ମାନା । ପ୍ରେରିତ୍କକେ ବାଗିକେଦ୍ତେ ଏଗାଃ ସବେନ୍ ବିଶ୍ୱାସୀକ ଯିହୁଦା ଆତଃ ଶମିରୋନ୍ ପାର୍ଗାନ୍ରେ ଛିତିବିତିୟାନାକ ।

୨ ତିମିନ୍ ଧାର୍ମାନ୍ ହଡକ ପୁରାଃ କାଉରିକେଦ୍ତେ ଏୟମ୍ତାନ୍ଲଃ ସ୍ତ୍ରୀପାନ୍ଆଃ ଗଏଃ ହଡମକେ ତପାକେଦାକ ।

୩ *ମେନ୍ଦ୍ ଶାଉଲ୍ କାଲିସିୟାକେ ଜିୟନେ ନାଗେନ୍ତେ ସାନାଙ୍ଗକେଦା, ଇନିଃ ଅଡ଼ାଃ ଅଡ଼ାଃ ବଲକେଦ୍ତେ ଶ୍ରୀଷ୍ଟ୍ ବିଶ୍ୱାସୀ ସବେନ୍ କଡ଼ା କୁଡ଼ିକକେ ଆଇଜ୍ ଆଉକେଦ୍ତେ ଜେହେଲ୍ରେ ଦହକେଦ୍କଆ ।

ଶମିରୋନ୍ରେ ସୁକୁକାଜି ଉନ୍ଦୁଦୁବ୍

୪ ଛିତିବିତିୟାକାନ୍ ବିଶ୍ୱାସୀକ ଚାରିୟସାଃ ସେନ୍କେଦ୍ତେ ସୁକୁକାଜି ଉଦୁବ୍କେଦାକ ।

୫ ଫିଲିପ୍ ଶମିରୋନ୍ରେୟାଃ ମାରାଙ୍ଗ୍ ନାଗାର୍ତେ ସେନ୍କେଦ୍ତେ, ଏନ୍ତାଃରେନ୍ ହଡକକେ ମାସିଆଃ ସୁକୁକାଜି ଉଦୁବ୍କେଦ୍କଆ ।

୬ ଫିଲିପ୍ଆଃ କାଜି ଆୟୁମ୍କେଦ୍ତେ ଆତଃ ଆୟାଃ ଆକ୍ଦାନ୍ଦାଅ କାମିକ ନେଲ୍କେଦ୍ତେ ଗାଦେଲ୍ ହଡକ ଆୟାଃ କାଜିରେ ମିଦ୍ମନତେକ ଆୟୁମ୍କେଦା ।

୭ ପୁରାଃ ହଡକତାଃଏତେ ସଡ଼ରା ଆମ୍ବାକ କାଉରିତାନ୍ଲଃ ଅତଙ୍ଗ୍ୟାନାକ, ପୁରାଃ ବାଡ଼କାନ୍ ହଡକ ଆତଃ କାଟା କୁରୁଙ୍ଗକାନ୍ ହଡକ ବୁଗିୟାନା ।

୮ ଏନାତେ ଏନ୍ ନାଗାର୍ରେ ପୁରାଃଗି ରାସ୍କା ହବାୟାନା ।

୯ ଏନ୍ତାଃରେ ଶିମୋନ୍ ନୁତୁମ୍ ମିଆଁଦ୍ ହଡ ତାଇକେନାଏ, ଇନିଃ ଆୟାଃ ଦେଅଁଶା କାମିକେଦ୍ତେ ସିଦାଏତେଗି ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାଦ୍କ ତାଇକେନାଏ । ଇନିଃ ଆଇଃକ୍କେଗି ମିଆଁଦ୍ ମାରାଙ୍ଗ୍ ହଡ ମେନ୍ତେ ଉଦୁବେନ୍ ତାଇକେନା,

୧୦ ଆତଃ ଏନ୍ ନାଗାର୍ରେନ୍ ସବେନ୍କ ଆତଃ ସାମାଜ୍ରେନ୍ ସବେନ୍ ହୁପ୍ତିଙ୍ଗ୍ ମାପ୍ରାଙ୍ଗ୍କ, ପାର୍ମେଶ୍ୱାର୍ଆଃ ଅକନ୍ ପେଡ଼େଃକେ ମାରାଙ୍ଗ୍ ମେନ୍ତେ କାଜିୟଃତାନା, ଏନା ଇନିଃଗି ତାନିଃ ମେନ୍ତେକ ମାନାତିଙ୍ଗ୍ ତାଇକେନା ।

୧୧ ଏନ୍ ଦେଅଁଶାରାଃ ପେଡ଼େଃ ହରାତେ ପୁରାଃ ମାହାଁଏତେ ଇନିଃ ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାକ ତାଇକେନା ।

୧୨ ମେନ୍ଦ୍ ଫିଲିପ୍ତାଃଏତେ ପାର୍ମେଶ୍ୱାର୍ଆଃ ରାଇଜ୍ ଆତଃ ଯୀଶୁ ଶ୍ରୀଷ୍ଟ୍ଆଃ ନୁତୁମ୍ରେ ସୁକୁକାଜି ଆୟୁମ୍କେଦ୍ ହରାତେ ହଡକଆଃ ବିଶ୍ୱାସ୍ ହବାୟାନା ଆତଃ ଏନ୍ ପାର୍ଗାନ୍ରେନ୍ କଡ଼ା କୁଡ଼ି ସବେନ୍କ ବାପ୍ତିସ୍ମା ଇଦିକେଦାକ ।

୧୩ ଶିମୋନ୍ ହଗି ଏନ୍ କାଜିରେ ବିଶ୍ୱାସ୍କେଦା । ଫିଲିପ୍ କାମିକାଦ୍ ଆକ୍ଦାନ୍ଦାଅ କାମି ଆତଃ ହାଏକାଟ୍ କାମିକ ନେଲ୍କେଦ୍ତେ, ଇନିଃ ବାପ୍ତିସ୍ମା ଇଦିକେଦ୍ତେ ଫିଲିପ୍ଲଃ ମିସାତେ ତାଇନ୍ୟାନା ।

୧୪ ଶମିରୋନ୍ରେନ୍ ହଡକ ପାର୍ମେଶ୍ୱାର୍ଆଃ କାଜିକ ତେଲ୍ଲାକାଦା ମେନ୍ତେ ଯାରୁଶାଲେମ୍ରେନ୍ ପ୍ରେରିତ୍କ ଆୟୁମ୍କେଦ୍ତେ, ପାଡ଼ରାସ୍ ଆତଃ ଯୋହାନ୍କେ ଇନ୍କୁତାଃତେକ କୁଲ୍କେଦ୍କିନା ।

୧୫ ଇନ୍କିନ୍ ଏନ୍ତାଃତେ ସେଟେର୍ୟାନ୍ ତାୟମ୍ତେ ଶମିରୋନ୍ରେନ୍ ବିଶ୍ୱାସୀକ ପାବିତାର୍ ଆମ୍ବା ନାମେକାକ ମେନ୍ତେକିନ୍ ବିକ୍ତିକେଦା ।

୧୬ ତିୟାଃଗି ଇମ୍ତାଙ୍ଗ୍ ଜାକେଦ୍ ଇନ୍କୁଆଃଏତେ ଜେତାଏୟାଃ ଚେତାନ୍ରେ ପାବିତାର୍ ଆମ୍ବା କାଏ ଆଡ଼ଗୁକାନ୍ ତାଇକେନା । ଇନ୍କୁ ପ୍ରାଭୁ ଯୀଶୁଆଃ ନୁତୁମ୍ତେ ଏସ୍କାର୍ ବାପ୍ତିସ୍ମା ଇଦିକାଦ୍ ତାଇକେନାକ ।

୧୭ ଏନ୍ତେ ପାଡ଼ରାସ୍ ଆତଃ ଯୋହାନ୍ ଇନ୍କୁଆଃ ଚେତାନ୍ରେ ତିଃଇ ଦହକେଦ୍ତି ଇନ୍କୁ ପାବିତାର୍ ଆମ୍ବାକେ ନାମକିୟାକ ।

୧୮ ପାଡ଼ରାସ୍ ଆତଃ ଯୋହାନ୍, ନେ ବାରାନ୍ ପ୍ରେରିତ୍କିନ୍ ବିଶ୍ୱାସୀକଆଃ ଚେତାନ୍ରେ ତିଃଇ ଦହକେଦ୍ତେ ଇନ୍କୁକେ ପାବିତାର୍ ଆମ୍ବାକିନ୍ ଏମାକତାନା, ନେୟା ନେଲ୍କେଦ୍ତେ ଶିମୋନ୍ ଇନ୍କିନ୍କେ ଟାକା ପାଏସା ଏମ୍ତାନ୍ଲଃ ମେତାଦ୍କିନାଏ,

୧୯ “ଆଇଙ୍ଗ୍ ଏଗାଃକଆଃ ଚେତାନ୍ରେ ତିଃଇ ଦହଲେରେ, ଇନ୍କୁ ଜେ'ଲେକା ପାବିତାର୍ ଆମ୍ବା ନାମ୍ ଦାଡ଼ିୟାକ, ଏନାମେନ୍ତେ ନେ ପେଡ଼େଃ ଆଇଙ୍ଗ୍କେହ୍ ଏମାଇଙ୍ଗ୍ବେନ୍ ।”

୨୦ ମେନ୍ଦ୍ ପାଡ଼ରାସ୍ ଇନିଃକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନଃକା, ତିୟାଃଗି ଆମ୍ ଟାକା ପାଏସାତେ ପାର୍ମେଶ୍ୱାର୍ଆଃ ବାର୍ଦାନ୍ କିରିଙ୍ଗ୍ ନାଗେନ୍ତେ ଉଡ଼ଃତାନା ।

* ୮:୩ ପ୍ରେରିତ୍ ୨୨:୪,୫; ୨୭:୯-୧୧.

୨୧ ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ଚିୟାଃଚି ପାର୍ମେଶ୍ୱାର୍ଆଃ ନେପେଲ୍ରେ ଆମାଃ ମନ୍ସୁରୁଦ୍ କା ଠାଉକା ।

୨୨ ଏନାମେନ୍ତେ ଆମାଃ ନେ ଏଡକାନ୍ ଉଡ଼ୁ ନାଗେନ୍ତେ ହେୟାଡିଙ୍ଗ୍ମେ, ନେ'ଲେକା ମନ୍ସୁରୁଦ୍ରେ ଉଡ଼ୁକେଦ୍ ନାଗେନ୍ତେ ପ୍ରାଭୁତାଃରେ ବିନ୍ତିମେ, ଇନିଃ ଆମ୍ବକେ ଛାମାମେୟାଁ ।

୨୩ ଚିୟାଃଚି ଆଇଙ୍ଗ୍ ଆମ୍ବକେ ନେଲ୍ମେ ତାନାଇଙ୍ଗ୍, ଆମାଃ ମନ୍ସୁରୁଦ୍ ହିସ୍ଙ୍ମାତେ ପେରେଜାକାନା, ଆମ୍ବ ପାପ୍ ତନଲ୍ତେମ୍ ତଲ୍ଲାନା ।”

୨୪ ପାଡ଼ରାସ୍ ଆତଃ ଯୋହାନ୍କେ ଶିମୋନ୍ ମେତାଦକିନାଏ, “ଆବେନ୍ କାଜିକାଦ୍ତେୟାଃ ଆଇଙ୍ଗ୍ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍ତେ ଆଇୟାଃ ନାଙ୍ଗ୍ ପ୍ରାଭୁତାଃରେ ବିନ୍ତିବେନ୍ ।”

୨୫ ପାଡ଼ରାସ୍ ଆତଃ ଯୋହାନ୍ ଗାଞ୍ଜା ଏମ୍ବକେଦ୍ ଆତଃ ପ୍ରାଭୁଆଃ କାଜି ଉଦୁବ୍କେଦ୍ ତାୟମ୍ତେ, ଇନ୍କିନ୍ ଯାରୁଶାଲେମ୍ତେକିନ୍ ରୁହାଡ଼ୟାନା । ରୁହାଡ଼ ହରାରେ ଇନ୍କିନ୍ ଶମିରୋନି ହଡକ ତାୟୁଃତାନ୍ ପୁରାଃ ହାଡୁକରେ ସୁକୁକାଜିକିନ୍ ଉଦୁବ୍କେଦା ।

ଫିଲିପ୍ ଆତଃ ଇଧ୍ୱପିଆରେନ୍ ଚାକୁରା

୨୬ ପ୍ରାଭୁଆଃ ମିଆଁଦ୍ ଦୁଡ଼ ଫିଲିପ୍କେ କାଜିକିୟା, “ସେକାଡାକାନ୍ମେ, ଆତଃ ଯାରୁଶାଲେମ୍ତେ ଗାଜା ନାଗାର୍ତେ ସେନଃତାନ୍ ଜମ୍ପାଃ ହରାତେ ସେନଃମେ ।” ନାହାଁଃ ଏନ୍ ହରା ବାନଆଃ, ଏନା ବିର୍ ଲେକା ମେନାଃ ।

୨୭ ଫିଲିପ୍ ସେକାଡ଼କେଦ୍ତେ ସେନଃୟାନା । ଇମ୍ତା ଇଧ୍ୱପିଆ ଦିଶ୍ୱମ୍ରେନ୍ କାଣ୍ଡାକି ନୁଡୁମ୍ ରାନୀଆଃ ଆକତେୟାଃରେ ତାଇନ୍ତାନ୍ ସବେନ୍ ରାଇଜ୍ରେନ୍ ଖୁଜ୍ କରାଃ ଭାଣ୍ଡାରି ତାଇକେନ୍ ମିଆଁଦ୍ ଚାକୁରା, ପାର୍ମେଶ୍ୱାର୍କେ ସେଞ୍ଜା ନାଗେନ୍ତେ ଯାରୁଶାଲେମ୍ତେ ସେନାକାନ୍ ତାଇକେନା ।

୨୮ ଇନିଃ ଆୟାଃ ସାଦମ୍ ଗାଡ଼ିରେ ଦୁବ୍କେଦ୍ତେ ଅଡ଼ାଃତେ ରୁହାଡ଼ ତାଇକେନ୍ ଇମ୍ତା ଯିଶାୟ ନାବୀଆଃ ପୁଥ୍ କାଉରିତାନ୍ଲଃ ପାଢାଅତାନାଏ ତାଇକେନା ।

୨୯ ପାବିତାର୍ ଆମ୍ବା ଫିଲିପ୍କେ କାଜିକିୟା, “ଏନ୍ ସାଦମ୍ ଗାଡ଼ି ହେପାଦ୍ତେ ସେନଃମେ ଆତଃ ଆୟାଃ ନାଡ଼େଃରେ ତାଇନ୍ମେ ।”

୩୦ ଫିଲିପ୍ ନିର୍ ନିର୍ ସେନ୍କେଦ୍ତେ ଏନ୍ କାମିହଡକେ ଯିଶାୟ ନାବୀଆଃ ପୁଥ୍ କାଉରିତାନ୍ଲଃ ପାଢାଅତେୟାଃ ଆୟୁମ୍କିୟାଏ । ଇନିଃ ଏନ୍ ଚାକୁରାକେ କୁଲିକିୟା, “ଆମ୍ ପାଢାଅତାନ୍ତେୟାଃ ସାରିଉରୁମ୍ ଦାଡ଼ିତାନାମ୍ ତି ?”

୩୧ ଚାକୁରା କାଜିରୁହାଡ଼କିୟାଏ, “ଜେତାଏ ଆଇଙ୍ଗ୍କେ କାକ ଉଦୁବାଇଙ୍ଗ୍ରେଦ ଚିଲ୍କାତେଇଙ୍ଗ୍ ସାରିଉରୁମ୍ ଦାଡ଼ିୟା ?” ଏନ୍ତେ ଇନିଃ ଫିଲିପ୍କେ ଆୟାଃଲଃ ସାଦମ୍ ଗାଡ଼ିରେ ଦୁବ୍ ନାଗେନ୍ତେ ବିନ୍ତିକିୟା ।

୩୨ ଇନିଃ ପାଢାଅ ତାଇକେନ୍ ଧାରାମ୍ପୁଥ୍ରେୟାଃ ହିସା ନେୟାଁ ତାଇକେନା,

“ଇନିଃ, ମାଆଃଇ ନାଗେନ୍ତେ ଇଦିୟଃତାନ୍ ମିଶ୍ଟିହନ୍ ଲେକାଃଏ,
ଉବ୍ କାଈଚିନିୟାଃ ହେପାଦ୍ରେ ମିଶ୍ଟିହନ୍ କାଏ କାଉରି ଲେକା
ଇନିଃ ଜେଡନାଃ କାଏ କାଜିକେଦା ।

୩୩ ଇନିଃକେ ଲାହାକିୟାକ ଆତଃ ନ୍ୟାୟ ବିଚାର୍ କା ନାମ୍ୟାନା ।

ଇନିୟାଃ କିଲିକଆଃ ବିଷାଏରେ ଜେତାଏ କାକ କାଜି ଦାଡ଼ିୟା,
ଚିୟାଃଚି ଅତେଦିଶ୍ୱମ୍ରେ ଆୟାଃ ଜୀଦାନ୍ ରୁଣ୍ଡୁକାନା ।”

୩୪ ଚାକୁରା ଫିଲିପ୍କେ କୁଲିକିୟା, “ନାବୀ ଅକଏୟାଃ ବିଷାଏରେ କାଜିତାନା, ଆୟାଃ ବିଷାଏରେଗି ଚି ଏଟାଃନିୟାଃ ବିଷାଏରେ, ଏନା ଆଇଙ୍ଗ୍କେ ଦାୟାକେଦ୍ତେ କାଜିଙ୍ଗ୍ମେ ?”

୩୫ ଏନ୍ତେ ଫିଲିପ୍ ଧାରାମ୍ପୁଥ୍ରେୟାଃ ନେ ହିସାଏତେ ଏଟେଦ୍କେଦ୍ତେ ଯୀଶୁଆଃ ବିଷାଏରେ ଅଲ୍ଲକାନ୍ ସବେନ୍ ସୁକୁକାଜି ଇନିଃକେ ଉଦୁବ୍କିୟା ।

୩୬ ଇନ୍କୁ ହରାରେ ସେନଃତାନ୍ ତାଇକେନ୍ ଇମ୍ତା ମିଦ୍ତାଃରେ ଦାଆଃ ହୁଣ୍ଡିୟାକାନ୍ ଠାୟାଦ୍ତାଃରେକ ସେଟେର୍ୟାନା, ଏନ୍ତେ ଚାକୁରା ଇନିଃକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗ୍କେ ବାପ୍ରିସ୍ତା ଇଦି ନାଗେନ୍ତେ ଚିନାଃ ଜେତାନ୍ ରୋକ୍ଟକ୍ ମେନାଃ ତି ?”

୩୭ ଫିଲିପ୍ କାଜିକିୟାଏ, “ଆମ୍ ସବେନ୍ ମନ୍ସୁରୁଦ୍ତେମ୍ ବିଶ୍ୱାସ୍ତାନ୍ରେଦ ବାପ୍ରିସ୍ତା ଇଦି ଦାଡ଼ିୟାମ୍ ।” ଏନ୍ତେ ଇନିଃ କାଜିରୁହାଡ଼କିୟାଏ, “ୟୀଶୁ ଖ୍ରୀଷ୍ଟ୍ ପାର୍ମେଶ୍ୱାର୍ଆଃ ହନ୍ ତାନିଃ ଏନା ଆଇଙ୍ଗ୍ ବିଶ୍ୱାସ୍ତାନାଇଙ୍ଗ୍ ।”*

୩୮ ଚାକୁରା, ସାଦମ୍ ଗାଡ଼ି ଚାଲାଅତାନ୍ ହଡକେ ସାଦମ୍ ଗାଡ଼ିକେ ତିଙ୍ଗୁଇମେ ମେନ୍ତେ ଆରୁକିୟା । ଫିଲିପ୍ ଆତଃ ଚାକୁରା ଦାଆଃ ଭିତାଃତେକିନ୍ ବଲ୍ଲୟାନା ଆତଃ ଫିଲିପ୍ ଇନିଃକେ ବାପ୍ରିସ୍ତା ଏମ୍ବକିୟାଏ ।

୩୯ ଇନ୍କିନ୍ ଦାଆଃଏତେ ଅଡଙ୍ଗ୍ୟାନ୍ ତାୟମ୍ତେ, ପ୍ରାଭୁଆଃ ଆମ୍ବା ଫିଲିପ୍କେ ଇଦିକିୟା । ଚାକୁରା ଇନିଃକେ ଆତଃ କାଏ ନେଲ୍ ଦାଡ଼ିକିୟା, ମେନ୍ଦ୍ ରାସ୍କାତେ ପେରେୟାନ୍ଲଃ ଆୟାଃ ହରାରେ ସେନଃୟାନା ।

* ୮:୩୭ ନେ ପଦ ଚିମିନ୍ ମାରି ଅନଲ୍କରେ ବାନଃଆ

୪୦ ଆତ୍ମା କାଟିଃ ଘାଡ଼ିକାଦ୍ ତାୟମ୍ତେ ଫିଲିପ୍ ଆଇଃକ୍ ଆପାନ୍କେଗି ଆସ୍ତଦ୍ ନୁତୁମ୍ ସାହାରରେ ନାମ୍ୟାନା ଆତ୍ମା ଇନିଃ ଏନ୍ତାଃଏତେ କାଈସରିୟା ସାହାରତେ ସେନଃ ହରାରେୟାଃ ସବେନ୍ ନାଗାର୍ତ୍ତରେ ସୁକୁକାଜି ଉଦୁବତାନ୍ଲଃ କାଈସରିୟାତେ ତେବାଃୟାନା ।



ଶାଉଲ୍ ଆଃ ମନ୍ତ୍ରୁହାଡ୍
(ପ୍ରେରିତ୍ ୨୨:୬-୧୬; ୨୨:୧୭-୧୮)

୧ ଏନ୍ ଦିପିଲିକରେ ଶାଉଲ୍, ପ୍ରାଭୁ ଆଃ ଚେଲକକେ ଗଏଃକ ଆଇଙ୍ଗ୍ ମେନ୍ତେ ବଡ଼କ୍ ତାଇକେନାଏ । ଏନ୍ତେ ଇନିଃ ମାରାଙ୍ଗ୍ ଯାଜାକ୍ତାଃତେ ସେନଃୟାନା,

୨ ଆତ୍ମା ଦମାସ୍କସ୍ରେୟାଃ ସାମାଜ୍ ଅଡ଼ାଃକରେ ପ୍ରାଭୁକେ ଅତଙ୍ଗ୍ତାନକକେ ନାମ୍କେଦ୍ତେ ତଲ୍ଲକତାନ୍ଲଃ ଯାରୁଶାଲେମ୍ତେ ସାବ୍ ଆଉକ ନାଗେନ୍ତେ ଏନ୍ ମାରାଙ୍ଗ୍ ଯାଜାକ୍ତାଃଏତେ ଆନାରୁ ଆଉକେଦା ।

୩ ଶାଉଲ୍ ଦମାସ୍କସ୍ ନାଗାର୍ତ୍ତରେୟାଃ ହେପାଦ୍ତେ ହିଜୁଃ ସେଟେରଃତାନ୍ ଇମ୍ତା, ଆତ୍ତକାତେ ସିମ୍ବାଏତେ ମିଆଁଦ୍ ମାର୍ସାଲ୍ ଆୟାଃ ଚାରିୟସାଃରେ ଜୁଲ୍ ବିୟୁରୟାନା ।

୪ ଇନିଃ ଅତେରେ ଉୟୁଃୟାନା ଆତ୍ମା ମିଆଁଦ୍ ଲାବ୍ଜା ଆଇଃକ୍କେ କାଜିତାନ୍ ଆୟୁମ୍କେଦାଏ, “ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍କେମ୍ ସିଗିଦିଇଙ୍ଗ୍ତାନା ?”

୫ ଇନିଃ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନ୍ମେ ?” ଆତ୍ମା ଏନ୍ ଲାବ୍ଜା ଆୟୁମ୍ୟାନା, “ଆମ୍ ଅକଏକେମ୍ ସିଗିଦିତାନା, ଆଇଙ୍ଗ୍ ଏନ୍ ଯୀଶୁ ତାନିଙ୍ଗ୍ ।

୬ ମେନ୍ଦ୍ ବିରିଦ୍ମେ, ଆତ୍ମା ନାଗାର୍ତ୍ତେ ସେନଃମେ, ଚିକ୍ନାଃ କାମି ରିକା ଲାଗାଡିଙ୍ଗ୍ୟାଃ, ଏନା ଏନ୍ତାଃରେ ଆମ୍କେ କାଜିୟଃଆ ।”

୭ ଶାଉଲ୍ଲଃ ଗାଡିରେ ହରାସେନ୍ ତାଇକେନ୍ ହଡ଼କ୍ ଆକ୍ତାକାଅକେଦ୍ତେ ତିଙ୍ଗ୍ୟାନାକ, ଇନ୍କୁ ଏନ୍ ଲାବ୍ଜା ଆୟୁମ୍କେଦାକ ମେନ୍ଦ୍ ଜେତାଏକେ କାକ ନେଲ୍ ଦାଡ଼ିକେନା ।

୮ ଶାଉଲ୍ ଅତେହେତେ ବିରିଦ୍ୟାନା ଆତ୍ମା ନେଲ୍କେଦାଏ ମେନ୍ଦ୍ ଜେତ୍ନାଃ କାଏ ନେଲ୍ ଦାଡ଼ିକେନା । ଏନାତେ ଇନ୍କୁ ଆୟାଃ ତିଃଇ ସାବ୍କେଦ୍ତେ ଦମାସ୍କସ୍ ଜାକେଦ୍ ସୁତୁଃ ଇଦିକିୟାକ ।

୯ ଆପି ମାହାଁ ଜାକେଦ୍ ଇନିଃ କାଏ ନେଲ୍ ଦାଡ଼ିତାଇକେନା ଆତ୍ମା ଏନ୍ ଦିପିଲିରେ କାଏ ଜମ୍ ନୁଁକେଦା ।

୧୦ ଦମାସ୍କସ୍ରେ ହନାନିୟ ନୁତୁମ୍ ମିଆଁଦ୍ ଚେଲା ତାଇକେନାଏ । ଇନିଃ ମିଆଁଦ୍ ଦାର୍ଶାନ୍ ନାମ୍କେଦାଏ, ପ୍ରାଭୁ ଇନିଃକେ କାଜିକିୟା, “ହନାନିୟ !” ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ କାଜିମେ ।”

୧୧ ପ୍ରାଭୁ ଇନିଃକେ କାଜିକିୟା, “ମାର୍ ସେକାଡ଼ଃମେ ଆତ୍ମା ସିଧା ହରା ସେନ୍କେଦ୍ତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍ ସ୍ ନାଗାର୍ତ୍ତାଃଏତେ ହିଜୁଃକାନ୍ ଶାଉଲ୍ ନୁତୁମ୍ ମିଆଁଦ୍ ହଡ଼କେ ଦାଶାଁଇମେ, ଚିଆଃଚି ଇନିଃ ବିକ୍ତିତାନାଏ,

୧୨ ଆତ୍ମା ହନାନିୟ ନୁତୁମ୍ ମିଆଁଦ୍ ହଡ଼ ହିଜୁଃକେଦ୍ତେ ଆୟାଃ ଚେତାନ୍ରେ ତିଃଇ ଦହଲେରେ ଇନିଃ ଆତ୍ମାମିସା ନେଲ୍ ଦାଡ଼ିୟାଏ ମେନ୍ତେ ଦାର୍ଶାନ୍ ନାମାକାଦ୍ ତାଇକେନାଏ ।”

୧୩ ହନାନିୟ କାଜିରୁହାଡ଼କିୟାଏ, “ହେ ପ୍ରାଭୁ, ନେ ହଡ଼ ଯାରୁଶାଲେମ୍ରେନ୍ ଆମାଃ ପାବିତାର୍ ହଡ଼କକେ ପୁରାଃ ବରଝାନ୍ ଦୁକୁକଏ ଏମାକାଦ୍କଆ, ଏନା ଆଇଙ୍ଗ୍ ପୁରାଃ ହଡ଼କତାଃଏତେଇଙ୍ଗ୍ ଆୟୁମାକାଦା ।

୧୪ ଆତ୍ମା ଇନିଃ ମୁଲ୍ ଯାଜାକ୍ତାଃଏତେ ଆକ୍ତେୟାର୍ ନାମ୍କେଦ୍ତେ ଦମାସ୍କସ୍ରେ ଆମ୍କେ ବିକ୍ତିତାନ୍ ହଡ଼କକେ ସାବ୍କେଦ୍ତେ ତଲ୍ଲଦି ନାଙ୍ଗ୍ ହିଜୁଃକାନାଏ ।”

୧୫ ମେନ୍ଦ୍ ପ୍ରାଭୁ ଇନିଃକେ କାଜିକିୟା, “ଜୁ ସେନଃମେ, ସାଅଁସାର୍ ହଡ଼କକେ, ରାଜା ଆତ୍ମା ଇସ୍ରାଏଲ୍ରେନ୍ ହଡ଼କକେ ଆଇଁୟାଃ ନୁତୁମ୍ ଉଦୁବେ ନାଗେନ୍ତେ ଆତ୍ମା ଆଇଙ୍ଗ୍କେ ସେଝା ନାଗେନ୍ତେ ଆଇଙ୍ଗ୍ ଇନିଃକେଇଙ୍ଗ୍ ସାଲାକାଇଜା ।

୧୬ ଆଇଁୟାଃ ନୁତୁମ୍ ନାଗେନ୍ତେ ଇନିଃକେ ଅକ ଦୁକୁକ ସାହାଡିଙ୍ଗ୍ ଲାଗାଡିଙ୍ଗ୍ୟାଃ, ଏନା ଆଇଙ୍ଗ୍ ଇନିଃକେଇଙ୍ଗ୍ ଉଦୁବାଇୟା ।”

୧୭ ଏନ୍ତେ ହନାନିୟ ସେନଃୟାନାଏ ଆତ୍ମା ଶାଉଲ୍ ତାଇକେନ୍ ଅଡ଼ାଃତେ ବଲ୍ୟାନଲଃ ଇନିୟାଃ ଚେତାନ୍ରେ ତିଃଇ ଦହକେଦ୍ତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିଜୁଃ ହରାରେ, ଅକ ପ୍ରାଭୁ ଯୀଶୁ ଆମ୍କେ ଦାର୍ଶାନ୍ ଏମାକାମ୍ ତାଇକେନାଏ, ଇନିଃ ଆଇଙ୍ଗ୍କେ କୁଲାକାଦିୟାଁ, ଜେଲେକାଚି ଆମ୍ ଆତ୍ମାମିସା ନେଲ୍ ଦାଡ଼ିୟାମ୍ ଆତ୍ମା ପାବିତାର୍ ଆମ୍ରେ ପେରେଜଃଆମ୍ ।”

୧୮ ଇମ୍ତାଗି ଶାଉଲ୍ ଆଃ ମେଦ୍ହେତେ, ହାକୁଆଃ କାଚି ଲେକା ଚିନାଃ ଉୟୁଃୟାନା ଆତ୍ମା ଇନିଃ ଆତ୍ମାମିସା ନେଲ୍ ଦାଡ଼ିକେଦାଏ । ଇନିଃ ତିଙ୍ଗ୍ୟାନାଏ ଆତ୍ମା ବାପ୍ତିସ୍ମା ଇଦିକେଦାଏ ।

୧୯ ଆତ୍ମା ତାୟମ୍ତେ ଜମ୍କେଦ୍ତେ ପେଡ଼େଃ ନାମ୍ତୁହାଡ଼କେଦାଏ । ଶାଉଲ୍ ଚେଲକଲଃ ଦମାସ୍କସ୍ରେ ଚିମିନ୍ ଦିନ୍ ତାଇନ୍ୟାନାଏ ।

ଦମାସ୍କସ୍ରେ ଶାଉଲ୍‌ଆଃ ପ୍ରାଚାର୍

୨୦ ଆତଃ ଇନିଃ ଇମ୍ତାଗି ସାମାଜ୍ ଅତଃକରେ, ଯୀଶୁ ପାର୍ମେଶ୍ଵାର୍‌ଆଃ ହନ୍ତାନିଃ ମେନ୍ତେ ପ୍ରାଚାର୍ ଏଟେଦକେଦା ।

୨୧ ଆୟାଃ କାଜି ଆୟୁମ୍‌କେଦ୍‌ତେ ସବେନ୍‌କ ହାଏକାଟ୍‌ୟାନ୍‌ଲଃ କୁପ୍‌ଲିୟାନ୍‌କାକ, “ୟୀରୁଶାଲେମ୍‌ରେ ଯୀଶୁ ନୁତୁମ୍ ହଡ଼ରାଃ ସେଞ୍ଜାତାନ୍ ହଡ଼କକେ ଅକ ହଡ଼ ଗଏଃକ ତାଇକେନାଏ, ଇନିଃ ଚିନାଃ ନେ ହଡ଼ ନାହାଁଲିଃ ? ଯୀଶୁ ନୁତୁମ୍‌ରେ ସେଞ୍ଜାତାନ୍ ହଡ଼କକେ ତଲ୍‌କେଦ୍‌ତେ ମୁଲ୍ ଯାଜାକ୍‌କତାଃତେ ଇଦି ନାଗେନ୍ତେ ଇନିଃ ଚିନାଃ ନେତାଃତେ କାଏ ହିଜୁଃକାନ୍ ତାଇକେନା ?”

୨୨ ମେନ୍‌ଦ ଶାଉଲ୍‌ଆଃ ପ୍ରାଚାର୍ ପୁରାଃ ପେଡେୟାନ୍‌ଗି ହବାୟାନ୍‌କା, ଆତଃ ଯୀଶୁଗି ମାସିତାନିଃ ମେନ୍ତେ ଇନିୟାଃ ସାରୁଡ଼ ପୁରାଃଗି ପକ୍‌ତାୟାନ୍‌କା ଯେ, ଦମାସ୍କସ୍‌ରେନ୍ ଯିହୁଦୀ ହଡ଼କ ନେ ବିଷାଏରେ ଇନିଃକେ କାକ କାଜିରୁହାଡ଼୍‌ଦାଡ଼ିୟାନ୍‌କା ।

୨୩ ଚିମିନ୍ ଦିନ୍ ସେନଃୟାନ୍ ତାୟମ୍‌ତେ, ଯିହୁଦୀ ହଡ଼କ ମିଦ୍‌ତାଃରେ ହୁଣ୍ଡିକେଦ୍‌ତେ ଶାଉଲ୍‌କେ ଗଏଃ ନାଗେନ୍ତେକ ରୋଜୋଟକେଦା,

୨୪ ମେନ୍‌ଦ ଇନ୍‌କୁଆଃ ରୋଜୋଟ ଶାଉଲ୍ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍‌କୁ ନିଦା ସିଜି ନାଗାର୍‌ରେୟାଃ ଦୁଆରିକରେକ ହରକେଦା ।

୨୫ ମେନ୍‌ଦ ଶାଉଲ୍‌ଆଃ ଚେଲାକ ନୁବାଃ ଇମ୍ତା ଶାଉଲ୍‌କେ ମିଆଁଦ୍ ଚୁଞ୍ଚିରେ ଦହକେଦ୍‌ତେ ପାଟ୍‌ରି ହାନ୍‌ପାରମ୍‌ରେକ ଆଡ଼ଗୁକିୟା ।

ୟୀରୁଶାଲେମ୍‌ରେ ଶାଉଲ୍

୨୬ ଶାଉଲ୍ ଯୀରୁଶାଲେମ୍‌ତେ ସେନ୍‌କେଦ୍‌ତେ ଚେଲାକଲଃ ମେସାନ୍ ନାଗେନ୍ତେ ସାନାଙ୍‌କେଦା । ମେନ୍‌ଦ ଇନିଃ ମିଆଁଦ୍ ଚେଲା ତାନିଃ ମେନ୍ତେ କାକଗି ବିଶ୍ଵାସକେଦା ଆତଃ ସବେନ୍‌କ ଇନିଃକେ ବରଆଇ ତାଇକେନାକ ।

୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେରିତ୍ ଚେଲାକତାଃତେ ଇଦିକେଦ୍‌ତେ ଦମାସ୍କସ୍ ହରାରେ ଶାଉଲ୍ ଚିଲ୍‌କା ପ୍ରାଭୁଆଃ ଦାର୍‌ଶାନ୍ ନାମାକାଦ୍ ତାଇକେନାଏ ଆତଃ ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍‌କୁକେ ଉଦୁବାଦକଆ । ଦମାସ୍କସ୍‌ରେ ଯୀଶୁଆଃ ନୁତୁମ୍‌ତେ ଶାଉଲ୍ ଚିଲ୍‌କା ବେଗାର୍ ବରତେ ପ୍ରାଚାର୍‌କେଦା, ଏନ୍ ସବେନାଃ ଇନ୍‌କୁକେ ବୁଗିଲେକାଏ ଉଦୁବାଦକଆ ।

୨୮ ଏନ୍ତେ ଶାଉଲ୍ ପ୍ରେରିତ୍ ଚେଲାକଲଃ ତାଇନ୍‌ୟାନ୍‌କାଏ ଆତଃ ଯୀରୁଶାଲେମ୍‌ରେୟାଃ ଚାରିୟାଃ ସେନ୍‌କେଦ୍‌ତେ ବେଗାର୍ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାର୍‌କେଦାକ ।

୨୯ ଇନିଃ ଗ୍ରୀକ୍ ଜାଗାର୍‌ତେ ବାଖାଁତାନ୍ ଯିହୁଦୀ ହଡ଼କଲଃ ବାଖାଁତା ତାଇକେନାଏ ଆତଃ କାପ୍‌ଜିତାଇକେନାଏ, ମେନ୍‌ଦ ଇନ୍‌କୁ ଇନିଃକେ ଗଏଃ ନାଗେନ୍ତେକ ରୋଜୋଟ ତାଇକେନା ।

୩୦ ଖ୍ରୀଷ୍ଟ୍ରେ ହାଗାକ ନେ କାଜି ସାରିକେଦ୍‌ତେ, ଶାଉଲ୍‌କେ କାଇସରିୟା ନାଗାର୍‌ତେକ ଇଦିକିୟା ଆତଃ ଏନ୍ତାଃଏତେ ତାଷ୍ ସ୍‌ସାହାର୍‌ତେକ କୁଲ୍‌କିୟା ।

୩୧ ନେ'ଲେକାତେ ଗଟା ଯିହୁଦୀ ପାର୍‌ଗାନ୍, ଗାଲିଲ୍ ଆତଃ ଶମିରୋନ୍‌ରେୟାଃ କାଲିସିୟାକରେନ୍ ଖ୍ରୀଷ୍ଟ୍ ବିଶ୍ଵାସୀକ ସୁକୁଜୀଉରେ ତାଇକେନାକ ଆତଃ ପାବିତାର୍ ଆମ୍‌ରେୟାଃ ଦେଙ୍ଗାତେ ପେଡେଃ ନାମ୍‌ତାନ୍‌ଲଃ ପସାଇଦିୟାଃ ତାଇକେନାକ ଆତଃ ପ୍ରାଭୁକେ ବରଭାକ୍ତିତାନ୍‌ଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆତଃ ଯୋପ୍‌ପାରେ ପାଡ଼ରାସ୍

୩୨ ପାଡ଼ରାସ୍ ସବେନ୍‌ତାଃ ହରାସେନ୍‌ତାନ୍‌ଲଃ ଲୁଦା ସାହାର୍‌ରେ ତାଇନଃତାନ୍ ପାର୍ମେଶ୍ଵାର୍‌ଆଃ ପାବିତାର୍ ହଡ଼କତାଃତେ ନେପେଲ୍ ନାଗେନ୍ତେ ସେନଃୟାନ୍‌କା ।

୩୩ ଏନ୍ତାଃରେ ପାଡ଼ରାସ୍ ଏନିୟ ନୁତୁମ୍ ମିଆଁଦ୍ ହଡ଼କେ ନାମ୍‌କିୟା । ଇନିଃ ବାଡ଼କାନ୍ ହରାତେ ଇରାଲିୟା* ବାରାଷ୍ ଜାକେଦ୍ ପାର୍‌କମ୍‌ହେତେ ବିରିଦ୍ କାଏ ଦାଡ଼ିତାଇକେନା ।

୩୪ ପାଡ଼ରାସ୍ ଇନିଃକେ କାଜିକିୟା, “ଏନିୟ, ଯୀଶୁ ଖ୍ରୀଷ୍ଟ୍ ଆମ୍‌କେ ବୁଗିକାଦ୍‌ମେଆ । ବିରିଦ୍‌ମେ ଆତଃ ପାର୍‌କମ୍‌ତାମାଃ ବିଲ୍‌କାଦ୍‌ତେୟାଃ ଉଠାଏମେ ।” ଇମ୍‌ତାଗି ଏନିୟ ବିରିଦ୍‌ୟାନ୍‌କାଏ ।

୩୫ ଲୁଦା ଆତଃ ଶାରୋନ୍‌ରେ ତାଇନଃତାନ୍ ସବେନ୍ ହଡ଼କ ଇନିଃକେ ନେଲ୍‌କେଦ୍‌ତେ ପ୍ରାଭୁରେ ବିଶ୍ଵାସକେଦାକ ।

ପାଡ଼ରାସ୍ ଦର୍କାସ୍‌କେ ଜୀଉବିରିଦ୍‌କିୟା

୩୬ ଯୋପ୍‌ପା ସାହାର୍‌ରେ ଚାବିଆ ନୁତୁମ୍ ମିଆଁଦ୍ ଖ୍ରୀଷ୍ଟ୍ ବିଶ୍ଵାସୀ କୁଡ଼ି ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ୍ ନେତାରେ ବୁଗିନ୍ କାମି କାମିତାଇକେନା ଆତଃ ଗାରିବ୍ ହଡ଼କକେ ଦେଙ୍ଗାକତାନ୍ ତାଇକେନା ।

୩୭ ଏନ୍ ନେତାରେ ଇନିଃ ବେମାର୍‌କେଦ୍‌ତେ ଗଏଃୟାନ୍‌କା । ହଡ଼କ ଇନିୟାଃ ହଡ଼ମ୍‌କେ ନିୟାଁକେଦାକ ଆତଃ ମାହାଲା ଅତଃରେୟାଃ ଚେତାନ୍ କୁଠାରେକ ଦହକେଦା ।

☆ ୯:୨୩ ୨ କରିଚ୍ଛିୟ୍ ୧୧:୩୨,୩୩. * ୯:୩୩ ଆଠ୍

୩୮ ଯୋପ୍ପା ସାହାର ଲୁଦା ସାହାରତାଃଏତେ ଅୂମ୍ନା ସାଞ୍ଜିନ୍ରେ କା ତାଇକେନା । ପାଡ଼ରାସ୍ ଲୁଦା ସାହାରରେ ମେନାଇୟା ମେନ୍ତେ ଯୋପ୍ପାରେନ୍ ଖ୍ରୀଷ୍ଟ ବିଶ୍ୱାସୀକ ଆୟୁମ୍ନକେଦ୍ତି, ଇନ୍କୁ ବାରହଡ଼କିନ୍କେ ଆୟାଃ ହେପାଦ୍ କୁଲ୍ଲକେଦ୍ତେ ନେଲେକା କାଜିଗହାରକେଦାକ, “ଦାୟାକେଦ୍ତେ ଆଲେତାଃତେ ଜାଲ୍ଦି ହିଜୁଃମେ ।”

୩୯ ପାଡ଼ରାସ୍ ସେକାଡ଼କେଦ୍ତେ ଇନ୍କୁଲ୍ଲଃ ସେନଃୟାନାଏ । ଏତ୍ରାଃତେ ସେଚେରୟାନ୍ତି ଇମ୍ତାଗି ହଡ଼କ ମାହାଲ୍ଲ ଅଡ଼ାଃରେୟାଃ ତେତାନ୍ କୁଠାତେ ଇନିଃକେକ ଇଦିକିୟା । ଏତ୍ରାଃରେ ରାଶ୍ଟ୍ରିକୃତିକ ଇନିଃକେ ଜୁରୁବିୟୁରକେଦ୍ତେ ରାଆଃତାନ୍ଲ୍ଲଃ ଦର୍କାସ୍ ଜାନିଦ୍ ତାଇକେନ୍ ଇମ୍ତା ସିଲାଇକାଦ୍ ତୁସିଙ୍ଗ୍ ଲିଜାଃ ଆତଃ ଲିଜାଃକ ଇନିଃକେକ ଉଦୁବ୍କିୟା ।

୪୦ ପାଡ଼ରାସ୍ ସବେନକକେ ଏନ୍ କୁଠାଏତେ ଅଡ଼ଙ୍ଗକେଦ୍କଆ ଆତଃ ଇକ୍ତମ୍ନକେଦ୍ତେ ବିକ୍ତିକେଦା, ଏନ୍ତେ ଇନିଃ ଦର୍କାସ୍ଆଃ ଗଏଃ ହଡ଼ମସାଃତେ ହେତାରୁହାଡ଼କେଦ୍ତେ କାଜିକେଦା, “ଟାବିଆ, ବିରିଦ୍ମେ ।” ଦର୍କାସ୍ ନେଲ୍ଲକେଦାଏ ଆତଃ ପାଡ଼ରାସ୍କେ ନେଲ୍ଲକେଦ୍ତେ ଦୁବ୍ୟାନା ।

୪୧ ପାଡ଼ରାସ୍ ଇନିୟାଃ ତିଃଇକେ ସାବ୍କେଦ୍ତେ ବିରିଦ୍କିୟା । ଏନ୍ତେ ଇନିଃ ହୁଶ୍ଟିୟାକାନ୍ ପାବିତାର୍ ହଡ଼କକେ ଆତଃ ରାଶ୍ଟ୍ରିକୃତିକକେ ହାକାଅକେଦ୍ତେ ଦର୍କାସ୍କେ ଇନ୍କୁଆଃ ତିଃଇରେ ଜୀହୁଦ୍ଗି ଜିମାକିୟା ।

୪୨ ନେ କାଜି ଗଟା ଯୋପ୍ପା ସାହାରରେୟାଃ ଚାରିୟସାଃରେ ଆୟୁମ୍ନୟାନା ଆତଃ ପୁରାଃ ହଡ଼କ ପ୍ରାଭୁକେକ ବିଶ୍ୱାସକିୟା ।

୪୩ ପାଡ଼ରାସ୍ ପୁରାଃ ଦିନ୍ ଜାକେଦ୍ ଯୋପ୍ପାରେ ଶିମୋନ୍ ନୁତୁମ୍ ମିଆଁଦ୍ ମୁଚିଆଃ ଅଡ଼ାଃରେ ତାଇନ୍ୟାନା ।

୧୦

ପାଡ଼ରାସ୍ ଆତଃ କର୍ଣ୍ଣଲିୟ

୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ “ଇଟାଲିରେନ୍ ପାଲ୍ଟାନ୍” ନୁତୁମଃତାନ୍ ରୋମାନ୍ ପାଲ୍ଟାନ୍କଆଃ ମିଦ୍ଶାଅ ସିପାଇକଆଃ ଆଗୁଆଇ ତାଇକେନାଏ ।

୨ ଇନିଃ ଧାର୍ମାନ୍ ହଡ଼ ତାଇକେନାଏ । ଇନିଃ ଆତଃ ଆୟାଃ ଅଡ଼ାଃରେନ୍ ସବେନକ ପାର୍ମେଶ୍ୱାରକେକ ବର ତାଇକେନା । ଇନିଃ ଗାରିବ୍ ଯିହୁଦୀ ହଡ଼କକେ ଦେଙ୍ଗାକତାନ୍ ତାଇକେନା ଆତଃ ପାର୍ମେଶ୍ୱାରତାଃରେ ସବେନ୍ ଇମ୍ତାଏ ବିକ୍ତିତାନ୍ ତାଇକେନା ।

୩ ମୁସିଙ୍ଗ୍ ତାରସିଙ୍ଗ୍ ଆପି ପାଡ଼ି ହବାଅଃତାଇକେନ୍ ଇମ୍ତାକରେ ଇନିଃ ମିଆଁଦ୍ ଦାର୍ଶାନ୍ରେ ପୁରା ନେଲ୍ଲକେଦା ଯେ, ପାର୍ମେଶ୍ୱାରଆଃ ମିଆଁଦ୍ ଦୁଡ଼୍ ହିଜୁଃକେଦ୍ତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

୪ ଇନିଃ ବରତେ ଦୁଡ଼୍ସାଃତେ ନେଲ୍ଲକେଦା ଆତଃ କାଜିକିୟାଏ, “ହେ ଗମ୍ବେ, ତିନାଃମ୍ କାଜିତାନା ?” ଦୁଡ଼୍ କାଜିରୁହାଡ଼କିୟାଏ, “ପାର୍ମେଶ୍ୱାର୍ ଆମାଃ ବିକ୍ତି ଆତଃ ଦାନ୍ ଏମଃରେ ସୁକୁଆକାନା ଆତଃ ଇନିଃ ଆମ୍ବେ କାଜିରୁହାଡ଼ ନାଗେନ୍ତେ ସେକାଡ଼ାକାନା ।

୫ ନାହାଁଃ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ କେଡ଼ାଆଉ ନାଗେନ୍ତେ ହଡ଼କକେ ଯୋପ୍ପାତେ କୁଲ୍ଲକମେ ।

୬ ପାଡ଼ରାସ୍ ଦରେୟା ଗେନାରେ ତାଇନ୍ତାନ୍ ଶିମୋନ୍ ନୁତୁମ୍ ମିଆଁଦ୍ ମୁଚିଆଃ ଅଡ଼ାଃରେ ପେଡ଼ାହଡ଼ ଲେକାଏ ତାଇକେନା ।”

୭ ନେଆଁ କାଜିକେଦ୍ତେ ଦୁଡ଼୍ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅଡ଼ାଃରେନ୍ ବାରହଡ଼ ଦାସିକିନ୍କେ ଆତଃ ମିଆଁଦ୍ ସିପାଇ, ଅକଏତି ଧାର୍ମାନ୍ ହଡ଼ ତାଇକେନାଏ, ଇନିଃକେ କେଡ଼ାଆଉକିୟା ।

୮ ଇନିଃ ଇନ୍କୁକେ ସବେନାଃ ଉଦୁବ୍କେଦ୍ତେ ଯୋପ୍ପାତେ କୁଲ୍ଲକେଦ୍କଆ ।

୯ ଏଟାଃ ହୁଲାଙ୍ଗ୍ ଇନ୍କୁ ଯୋପ୍ପା ସାହାରତେ ସେଚେରଃତାନ୍ ଇମ୍ତା ପାଡ଼ରାସ୍ ମାହାଲ୍ଲ ଅଡ଼ାଃରେୟାଃ ତେତାନ୍ କୁଠାତେ ବିକ୍ତି ନାଙ୍ଗ୍ ସେନ୍କେନାଏ । ଇମ୍ତାକ ତିକିନ୍ସିଙ୍ଗ୍ ହବାଅଃ ତାଇକେନା ।

୧୦ ପାଡ଼ରାସ୍କେ ପୁରାଃଗି ରେଙ୍ଗେଃକିଃ ହରାତେ ଜେଡ଼ନାଃ ଜମ୍ନାଙ୍ଗ୍ ସାନାଙ୍ଗ୍କିୟା । ଜମ୍ନେୟାଃ ସେକାଡ଼ଃତାଇକେନ୍ ଇମ୍ତା ଇନିଃ ମିଆଁଦ୍ ଦାର୍ଶାନ୍ ନାମ୍ବକେଦାଏ ।

୧୧ ଇନିଃ ସିମା ନିଜାକାନ୍ ଆତଃ ଏନାଏତେ ମିଆଁଦ୍ ମାରାଙ୍ଗ୍ ଚାଦାର୍ ଲେକା ଉପୁନିୟା* କଚାରେ ତୁଙ୍ଗାକେଦ୍ତେ ଅତେ ତେତାନ୍ତେ ଆଡ଼ଗୁଃତାନାଏ ନେଲ୍ଲକେଦା ।

୧୨ ଏନାରେ ତିମିନ୍ ରାକାମ୍ରେନ୍ ଜାଁତୁ, ଅତେରେ ରେଙ୍ଗାଅଃତାନ୍ ଜାଁତୁ ଆତଃ ବିର୍ରେନ୍ ଅଡ଼େକ ତାଇକେନା ।

୧୩ ଆତଃ ଇନିଃ ମିଆଁଦ୍ ଲାବ୍ଜା ଆୟୁମ୍ନକେଦାଏ, “ଏ ପାଡ଼ରାସ୍, ବିରିଦ୍ମେ ଆତଃ ଗଏଃକେଦ୍ତେ ଜମ୍ବୁମ୍ ।”

୧୪ ମେନ୍ଦ୍ ପାଡ଼ରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିତ୍ତଲାଅଗି କା ଫାର୍ତିୟାକାନ୍ ଚାଏ ସଡ଼ରାକାନ୍ ଜମ୍ନେୟାଃ କାଇଙ୍ଗ୍ ଜମାକାଦା ।”

୧୫ ଇନିଃ ଆତଃମିସା ଏନ୍ ଲାବ୍ଜା ଆୟୁମ୍ନକେଦାଏ, “ପାର୍ମେଶ୍ୱାର୍ ଅକ୍ନାଃକେ ଫାର୍ତିକାଦା, ଆମ୍ ଏନାକେ କା ଫାର୍ତି ମେନ୍ତେ ଆଲମ୍ କାଜିୟା ।”

* ୧୦:୧୧ ଗଇର୍

୧୬ ନେ'ଲେକା ଆପିସାତେ ହବାୟାନ୍ ତାୟମ୍ତେ, ଚାଦାର ଇମ୍ତାଗି ସିମାତେ ରାକାବ୍‌ୟାନା ।

୧୭ ପାଡ଼ରାସ୍ ଆୟାଃ ଦାର୍‌ଶାନ୍‌ରେୟାଃ ମୁଣ୍ଡି ଉଡ଼ୁକେଦ୍‌ତେ ଆକଦାନ୍‌ଆଃତାନ୍ ଇମ୍ତା, କର୍ଣ୍ଣଲିୟ ଅକନ୍ ହଡ଼କକେ କୁଲାକାଦ୍‌କ ତାଇକେନା, ଇନ୍‌କୁ ଶିମୋନ୍‌ଆଃ ଅଡ଼ାଃ ନେଲ୍‌ଉରମ୍‌କେଦ୍‌ତେ ଆୟାଃ ଅଡ଼ାଃରାଚାରେୟାଃ ବଲ୍‌ଦୁଆରତାଃରେ ତିଜ୍ଞୁକାନ୍‌କ ତାଇକେନା ।

୧୮ ଇନ୍‌କୁ ହାକାଅକେଦ୍‌ତେ କୁଲିକେଦାକ, “ଶିମୋନ୍ ପାଡ଼ରାସ୍ ନୁଡୁମ୍ ମିଆଁଦ୍ ପେଡ଼ାହଡ଼ ନେତାଃରେ ମେନାଇୟାତି ?”

୧୯ ପାଡ଼ରାସ୍ ଇମ୍ତାଜାକେଦ୍ ଏନ୍ ଦାର୍‌ଶାନ୍‌ରେୟାଃ ମୁଣ୍ଡି ଆବ୍‌କାର୍‌ଉରୁମେ ନାଗେନ୍ତେ ସାନାଙ୍ଗ୍ ତାଇକେନା, ଇମ୍ତା ଆମ୍ ନାଜିକିୟାଏ, “ଆୟୁମ୍‌ଲେମ୍, ଆମ୍‌କେ ଆପିହଡ଼ ଦାଣ୍ଡାମେତାନାକ ।

୨୦ ଏନାତେ ମାର୍ ସେକାଡ଼କେଦ୍‌ତେ ଲାତାର୍‌ତେ ଆଡ଼ଗୁନ୍‌ମେ ଆଡ଼ଃ ଇନ୍‌କୁଲଃ ସେନ୍ ନାଗେନ୍ତେ ଆଲମ୍ ହିଡ଼କିଚାଃଅଆ, ଚିଆଃଚି ଆଇଙ୍ଗ୍ ଇନ୍‌କୁକେ କୁଲାକାଦ୍‌କଆଇଙ୍ଗ୍ ।”

୨୧ ଏନ୍ତେ ପାଡ଼ରାସ୍ ଲାତାର୍‌ତେ ଆଡ଼ଗୁକେଦ୍‌ତେ ଇନ୍‌କୁକେ କାଜିକେଦ୍‌କଆ, “ଆପେ ଅକଏକେ ଦାଣ୍ଡାତାନାପେ ଇନିଃ ଆଇଙ୍ଗି ତାନିଙ୍ଗ୍, ଆପେ ଚିନାଃ ମେନ୍ତେପେ ହିଜୁଃକାନା ?”

୨୨ ଇନ୍‌କୁ କାଜିରୁହାଡ଼କିୟାକ, “ମିଦ୍‌ଶାଅ ସିପାଇକଆଃ ଆଗୁଆଇ କର୍ଣ୍ଣଲିୟ ଆଲେକେ କୁଲାକାଦ୍‌ଲେୟା । ଇନିଃ ମିହୁଡ଼୍ ଧାର୍‌ମାନ୍ ହଡ଼ ତାନିଃ । ଇନିଃ ପାର୍‌ମେଶ୍ଵାର୍‌କେ ବରଝାଇ ତାଇକେନା ଆଡ଼ଃ ସବେନ୍ ଯିହୁଦୀ ହଡ଼କ ଇନିଃକେ ମାଇନାଃକ । ପାର୍‌ମେଶ୍ଵାର୍‌ଆଃ ମିଆଁଦ୍ ପାବିତାର୍ ଦୁଡ଼୍ କର୍ଣ୍ଣଲିୟକେ ଦାର୍‌ଶାନ୍ ଏମ୍‌କେଦ୍‌ତେ ଆମ୍‌କେ ଆୟାଃ ଅଡ଼ାଃତେ କେଡ଼ାଇଦିମେ ମେନ୍ତେ କାଜିକାଦା, ଜେ'ଲେକାଚି ଇନିଃ ଆମାଃତାଃଏତେ ଇଡୁ ଦାଡ଼ିୟାଆ ।”

୨୩ ପାଡ଼ରାସ୍ ଇନ୍‌କୁକେ ଅଡ଼ାଃତେ କେଡ଼ାଇଦିକେଦ୍‌କଆ ଆଡ଼ଃ ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିନ୍ତିକେଦ୍‌କଆ । ଏଚାଃ ହୁଲାଙ୍ଗ୍ ଇନିଃ ସେକାଡ଼କେଦ୍‌ତେ ଇନ୍‌କୁଲଃ ସେନଃୟାନାଏ । ଯୋପ୍‌ପାରେନ୍ ଚିମିନ୍ ବିଶ୍ଵାସାକହଗି ଇନ୍‌କୁଲଃ ମିସାତେକ ସେନଃୟାନା ।

୨୪ ଏନ୍ ହୁଲାଙ୍ଗ୍‌ରେୟାଃ ଏଚାଃ ହୁଲାଙ୍ଗ୍‌ରେ ଇନ୍‌କୁ କାଇସରିୟା ସାହାର୍‌ତେକ ସେଚେରୟାନା । ଏନ୍ତାଃରେ କର୍ଣ୍ଣଲିୟ ଆୟାଃ ହଡ଼ପେଡ଼ାକକେ ଆଡ଼ଃ ଆୟାଃ ଗାଡ଼ିକକେ ହାକାଅକେଦ୍‌ତେ ଇନ୍‌କୁକେ ତାଜିତାନ୍‌କ ତାଇକେନା ।

୨୫ ପାଡ଼ରାସ୍ ଭିତାର୍‌ତେ ବଲତାନ୍ ତାଇକେନ୍ ଇମ୍ତା କର୍ଣ୍ଣଲିୟ ଇନିଃକେ ଦାରମିତାନ୍‌ଲଃ ଆୟାଃ କାଚା ସୁବାରେ ଉୟୁଃକେଦ୍‌ତେ ଜହାର୍‌କିୟା ।

୨୬ ମେନ୍‌ଦ ପାଡ଼ରାସ୍ ଇନିଃକେ ବିରିଦ୍‌କେଦ୍‌ତେ କାଜିକିୟା, “ମାର୍ ତିଜ୍ଞୁନ୍‌ମେ, ଆଇଙ୍ଗ୍‌ହ୍ ମିହୁଡ଼୍ ହଡ଼ ତାନିଙ୍ଗ୍ ।”

୨୭ ପାଡ଼ରାସ୍ କର୍ଣ୍ଣଲିୟଲଃ ଜାଗାର୍‌ତାନ୍‌ଲଃଗି ଅଡ଼ାଃତେ ବଲୟାନା । ଏନ୍ତାଃରେ ପୁରାଃ ହଡ଼କକେ ନେଲ୍‌କେଦ୍‌ତେ,

୨୮ ଇନିଃ ଇନ୍‌କୁକେ କାଜିକେଦ୍‌କଆ, “ଆପେ ସବେନ୍‌କ ସାରିତାନାପେ, ମିଆଁଦ୍ ଯିହୁଦୀ ହଡ଼ ଆୟାଃ ଧାରାମ୍ ବିଶ୍ଵାସ୍ ଲେକାତେ ସାଆଁସାର୍ ହଡ଼କଲଃ କାଏ ଦୁବ୍‌ତିଜ୍ଞୁନା । ମେନ୍‌ଦ ପାର୍‌ମେଶ୍ଵାର୍ ଆଇଙ୍ଗ୍‌କେ ଉଦୁବ୍‌କାଦିୟା, ଜେତାଏକେ କା ଫାର୍‌ଚି ଚାଏ ସଡ଼ରା ମେନ୍ତେ ଆଲମ୍ କାଜିକଆ ।

୨୯ ଏନାମେନ୍ତେ ଆମ୍ ଚିମତା ଆଇଙ୍ଗ୍‌କେ କେଡ଼ାଆଉ ନାଙ୍ଗ୍ କାଜିକେଦାମ୍, ଆଇଙ୍ଗ୍ ଜେଡ଼ନାଃ କା କାଜିକେଦ୍‌ତେଇଙ୍ଗ୍ ହିଜୁଃୟାନା । ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆମ୍ ଚିନାଃମେନ୍ତେମ୍ କେଡ଼ାଆଉକାଦିୟା ?”

୩୦ କର୍ଣ୍ଣଲିୟ କାଜିକିୟାଏ, “ଉପୁନ୍‌ମାହାଁରେ ଠିକ୍ ନେ ନେଡ଼ାରେ ତାର୍‌ସିଙ୍ଗ୍ ଆପି ଘାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିନ୍ତି ତାଇକେନାଇଙ୍ଗ୍ । ଇମ୍‌ତାଜି ଝାକ୍‌ମାକ୍ ଲିଜାଃ ତୁସିଙ୍ଗ୍‌ୟାକାନ୍ ମିଆଁଦ୍ ହଡ଼ ଆଇଁୟାଃ ସାମ୍‌ନାଙ୍ଗ୍‌ରେ ତିଜ୍ଞୁୟାନା ଆଡ଼ଃ କାଜିକିୟାଏ,

୩୧ ଏ କର୍ଣ୍ଣଲିୟ, ପାର୍‌ମେଶ୍ଵାର୍ ଆମାଃ ବିନ୍ତି ଆୟୁମାକାଦା ଆଡ଼ଃ ଗାରିବ୍ ହଡ଼କକେ ଦାନ୍ ଏମ୍‌ରେୟାଃ କାମିତେ ସୁକୁଆକାନା ।

୩୨ ଶିମୋନ୍ ପାଡ଼ରାସ୍ ନୁଡୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ ଯୋପ୍‌ପା ସାହାର୍‌ତେ ଜେତାଏ ମିହୁଡ଼୍‌କେ କୁଲିପେ । ଇନିଃ ଦରେୟା ଗେନାରେ ତାଇନ୍‌ତାନ୍ ମୁଚି ଶିମୋନ୍‌ଆଃ ଅଡ଼ାଃରେ ପେଡ଼ାହଡ଼ ଲେକା ମେନାଇୟା ।”

୩୩ ଏନ୍ତେ ଆଇଙ୍ଗ୍ ଇମ୍ତାଗି ଆମ୍‌କେ କେଡ଼ାଆଉ ନାଙ୍ଗ୍ ହଡ଼କଇଙ୍ଗ୍ କୁଲକେଦ୍‌କଆ ଆଡ଼ଃ ଆମ୍ ଲିରୁଇତାନ୍‌ଲଃ ହିଜୁଃୟାନାମ୍ । ପ୍ରାଭୁ ଆମ୍‌କେ ଅକନାଃ କାଜି ନାଗେନ୍ତେ ଆରୁକାଦ୍‌ମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍‌କ ନେତାଃରେଲେ ହୁଣ୍ଡିୟାକାନା ଆଡ଼ଃ ସାରିତାନାଲେ ପାର୍‌ମେଶ୍ଵାର୍ ଆଲେଲଃ ମେନାଇୟା ।”

କର୍ଣ୍ଣଲିୟରାଃ ଅଡ଼ାଃରେ ପାଡ଼ରାସ୍‌ଆଃ ପ୍ରାଚାର୍

୩୪ ପାଡ଼ରାସ୍ ଇଡୁ ଏଚେଦ୍‌ତାନ୍‌ଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆବ୍‌କାର୍ ଉରୁମ୍‌କେଦାଇଙ୍ଗ୍ ଯେ ସାର୍‌ତିଗି ପାର୍‌ମେଶ୍ଵାର୍ ସବେନ୍‌କକେ ମିଦ୍‌ଜକାଗି ନେଲାଃଏ ।

୩୫ ଜେତାଏ ପାର୍‌ମେଶ୍ଵାର୍‌କେ ବରଝାଇୟା ଆଡ଼ଃ ଅକନାଃ ରୁଗିନାଃ ଏନା ରିକାଃଏ, ଇନିଃକେ ପାର୍‌ମେଶ୍ଵାର୍ ସୁକୁଃଆଏ । ଏନ୍ ହଡ଼ ଜେତା ଜାତିରେନ୍ ତାଇନଃରେୟା ବାୟୁଃଆ ।

୩୬ ପାର୍ମେଶ୍ଵର ଇସ୍ରାଏଲ୍ ହତକତାଃରେ ଅକ କାନାଜି କୁଲକାଦ୍ ତାଇକେନାଏ, ଏନାଗି ଯୀଶୁ ଖ୍ରୀଷ୍ଟୁଆଃ ହରାତେ ଉଦୁବାକାନ୍ ଜୀଉସୁକୁରାଃ ସୁକୁକାଜି ତାନାଃ ଆତଃ ନେ ଯୀଶୁଗି ସବେନ୍କଆଃ ପ୍ରାଭୁ ତାନିଃ, ଏନାଦପେ ସାରିତାନା ।

୩୭ ଯୋହାନ୍ ମନ୍ରୁହାଡ଼ରେୟାଃ ଆତଃ ଦାଆଃରେ ବାପ୍ତିସ୍ମା ଇଦିରେୟାଃ କାନାଜି ଉଦୁବକେଦ୍ ତାୟମ୍ତେ, ଗାଲିଲ୍ତାଃଏତେ ଏଟେଃକେଦ୍ତେ ଗଟା ଯିହୁଦା ଦିଶୁମ୍ତେ ସୁକୁକାଜି ଉଦୁବୟାନା, ଏନାଦପେ ସାରିତାନା ।

୩୮ ଆପେ ନାଜରେଡ଼ରେନ୍ ଯୀଶୁଆଃ ବିଷାଏରେ ଆତଃ ପାର୍ମେଶ୍ଵର ଚିଲ୍କା ଯୀଶୁଆଃ ଚେତାନରେ ପାବିତାର୍ ଆମ୍ବା ଆତଃ ପେଡେଃରେ ଆଭିଷେକ୍କିୟାଏ, ଏନାଦପେ ସାରିତାନା । ଯୀଶୁ ସବେନ୍ସାଃରେ ସେନ୍କେଦ୍ତେ ବୁଗିନାଃ କାମିକେଦାଏ ଆତଃ ସାଏତାନ୍ତେ ଏସେରାକାନ୍ ହତକକେ ବୁଗିକେଦ୍କଆ, ତିଆଃତି ପାର୍ମେଶ୍ଵର ଇନିଃଲଃ ତାଇକେନାଏ ।

୩୯ ଯିହୁଦା ଦିଶୁମ୍ତେ ଆତଃ ଯୀରୁଶାଲେମ୍ ଦିଶୁମ୍ତେ ଇନିଃ ଅକ କାମିକାଏ କାମିକେଦା, ଏନ୍ ସବେନାଃରେୟାଃ ଆଲେ ଗାଝାତାନଲେ । ଏନ୍ତେ ଯୀଶୁକେ ଇନ୍କୁ କ୍ରୁଶ୍ତରେ କିଲ୍ୟାକେଦ୍ତେ ଗଏଃକିୟାକ ।

୪୦ ମେନ୍ଦ ପାର୍ମେଶ୍ଵର ଇନିଃକେ ଆପିମାହାଁ ତାୟମ୍ତେ ଗନଏଃହେତେ ଜୀଉବିରିଦ୍କିୟା ଆତଃ ହତକତାଃରେ ଉଦୁବେନ୍କିୟା ।

୪୧ ଇନିଃ ସବେନ୍କତାଃରେଦ୍ କାଏ ଉଦୁବେନ୍ୟାନା, ମେନ୍ଦ ପାର୍ମେଶ୍ଵର ଅକ ହତକକେ ଆୟାଃ ଗାଝା ଏମ୍ନାଙ୍ଗ୍ ସିଦାରେ ସାଲକାଦ୍କ ତାଇକେନା, ଇନ୍କୁତାଃରେ ଏସୁକାର୍ ଉଦୁବେନ୍ୟାନାଏ । ପାର୍ମେଶ୍ଵର ଇନିଃକେ ଗନଏଃହେତେ ଜୀଉବିରିଦ୍କିୟା ତାୟମ୍ତେ ଆଲେ ଇନିଃଲଃ ଜମ୍ ନୁଁକେଦାଲେ ।

୪୨ ହତକତାଃରେ ସୁକୁକାଜି ଉଦୁବ୍ ନାଗେନ୍ତେ ଆତଃ ପାର୍ମେଶ୍ଵର ଇନିଃକେ ଜୀନିଦ୍ ଆତଃ ଗନଏଃ ହତକଆଃ ବିଚାର୍ ନାଗେନ୍ତେ ସାଲକିୟା, ନେ କାଜିରେୟାଃ ଗାଝା ଏମ୍ ନାଗେନ୍ତେ ଇନିଃ ଆଲେକେ ଆରୁକାଦ୍ଲେୟା ।

୪୩ ସବେନ୍ ନାବୀକ ଇନିୟାଃ ବିଷାଏରେ ଗାଝା ଏମ୍କେଦାକ, ଅକନ୍ ହତକ ଇନିଃତାଃରେକ ବିଶ୍ଵାସେୟା, ଇନ୍କୁ ଇନିୟାଃ ନୁଡୁମ୍ତେୟାଃ ପେଡେଃରେ ପାପ୍ ଛାମାକ ନାମେୟା ।”

ସାଅଁସାର୍ ବିଶ୍ଵାସୀ ହତକ ପାବିତାର୍ ଆମ୍ବାକେକ ନାମ୍ ତାନା

୪୪ ପାଡ଼ରାସ୍ ନେ କାଜି କାଜିତାନ୍ ଇମ୍ତା, ଇନିୟାଃ କାଜି ଆୟୁମ୍ତାନ୍ ସବେନ୍ ହତକଆଃ ଚେତାନରେ ପାବିତାର୍ ଆମ୍ବା ଆଡ଼ଗୁୟାନାଏ ।

୪୫ ପାର୍ମେଶ୍ଵର ସାଅଁସାର୍ ବିଶ୍ଵାସୀ ହତକକେୟାଗି ପାବିତାର୍ ଆମ୍ବାରେୟାଃ ବାର୍ଦାନ୍ ଏମାକତାନାଏ, ଏନା ନେଲ୍କେଦ୍ତେ ପାଡ଼ରାସ୍ଲଃ ହିଜୁଃକାନ୍ ଯୋପ୍ପା ସାହାରରେନ୍ ଯିହୁଦୀ ବିଶ୍ଵାସୀକ ହାଏକାଡ଼ୟାନାକ ।

୪୬ ତିଆଃତି ଯିହୁଦୀ ବିଶ୍ଵାସୀକ ଇନ୍କୁକେ ପାର୍ମେଶ୍ଵରଆଃ ମାନାରାଙ୍ଗ୍ ରିକାତାନ୍ ଆତଃ ଏଟାଃ ଏଟାଃ ଜାଗାର୍ତେ କାଜିତାନ୍କ ଆୟୁମ୍କେଦ୍କଆ । ଏନ୍ତେ ପାଡ଼ରାସ୍ କାଜିକେଦ୍କଆଏ,

୪୭ “ଆବୁ ଲେକାଗି ନେ ହତକହ ପାବିତାର୍ ଆମ୍ବାକ ନାମ୍କିୟା । ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଇନ୍କୁକେ ତିନାଃ ଜେତାଏ ହକା ଦାଡ଼ିୟାଃକ ?”

୪୮ ଏନ୍ତେ ଇନିଃ ଇନ୍କୁକେ ଯୀଶୁ ଖ୍ରୀଷ୍ଟୁଆଃ ନୁଡୁମ୍ତେ ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଆରୁକେଦ୍କଆ । ଏନ୍ତେ ଇନ୍କୁ ଇନିଃକେ ଆତଃ ତିମିନ୍ ଦିନ୍ ଇନ୍କୁଲଃ ତାଇନ୍ ନାଗେନ୍ତେ କାଜିକିୟାକ ।

୧୧

ଯୀରୁଶାଲେମ୍ କାଲିସିୟାରେ ପାଡ଼ରାସ୍ଆଃ ଉନୁଦୁବ୍

୧ ସାଅଁସାର୍ ହତକହଗି ପାର୍ମେଶ୍ଵରଆଃ ବାଚାନ୍ ତେଲ୍ୟାକେଦାକ ମେନ୍ତେ ପ୍ରେରିତ୍ ଆତଃ ଯିହୁଦାରେନ୍ ଏଟାଃ ବିଶ୍ଵାସୀକ ଆୟୁମ୍କେଦାକ ।

୨ ପାଡ଼ରାସ୍ ତିମ୍ତା ଯୀରୁଶାଲେମ୍ତେ ସେନଃୟାନା, ଇମ୍ତା ଖାଡ଼ନାଅକାନ୍ ହତକ ଇନିୟାଃ ବିରୁଧ୍ରେ କାଜିକିୟାକ,

୩ “ଆପେ କା ଖାଡ଼ନାଅକାନ୍ ସାଅଁସାର୍କଆଃ ଅଡ଼ାଃରେ ପେଡ଼ାହଡ଼ ଲେକାପେ ତାଇକେନା ଆତଃ ଇନ୍କୁଲଃ ଜମ୍ ନୁଁକେଦାପେ ।”

୪ ଏନାତେ ପାଡ଼ରାସ୍ ଏନେଟେଦ୍ତାଃଏତେ ଅକ୍ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦ୍କଆ,

୫ “ଆଇଙ୍ଗ୍ ଯୋପ୍ପା ସାହାରରେ ବିନ୍ତି ତାଇକେନାଇଙ୍ଗ୍ ଇମ୍ତା ମିଆଁଦ୍ ଦାର୍ଶାନ୍ ନାମ୍କେଦାଇଙ୍ଗ୍ । ମିଆଁଦ୍ ମାନାରାଙ୍ଗ୍ ଚାଦାରରେୟାଃ ଉପୁନ୍ କଚାରେ ସାବ୍କେଦ୍ତେ ସିମ୍ବାଏତେ ତୁଙ୍ଗାଆଡ଼ଗୁଃ ତାଇକେନା ଆତଃ ଆଇଁୟାଃ ଆୟାରରେ ଆଡ଼କାଅୟାନ୍ ଲେକାଇଙ୍ଗ୍ ନେଲ୍କେଦା ।

୬ ଆଇଙ୍ଗ୍ ଏନାରେୟାଃ ଭିତାର୍ସାଃରେ ବୁଗିଲେକାଇଙ୍ଗ୍ ନେଲ୍କେଦ୍ ଇମ୍ତା, ଏନାରେ ଉପୁନିୟା କାଟାକାନ୍ ଜାଁତୁକ, ଅଡ଼ାଃରେ ଆସୁଲ୍ ଜାଁତୁକ ଆତଃ ବିରରେନ୍ ଜାଁତୁକ, ଅତେରେ ରେଙ୍ଗାଅଃତାନ୍ ଜାଁତୁକ ଆତଃ ବିରରେନ୍ ଅଡ଼େକକେଇଙ୍ଗ୍ ନେଲ୍କେଦ୍କଆ । ଆରୁଆଃ ଆଇନ୍ ଲେକାତେ କାରୁ ଜଜମ୍ ଜାଁତୁକହଗି ତାଇକେନାକ ।

୭ ଏନ୍ତେ ଆଇଙ୍ଗ୍, ଆଇଙ୍ଗ୍‌କେ କାଜିୟାଇଙ୍ଗ୍‌ତାନ୍ ଲାବ୍‌ଜା ଆୟୁମ୍‌କେଦାଇଙ୍ଗ୍, ‘ପାଡ଼ରାସ୍, ବିରିଦ୍‌ମେ, ଆତଃ ଗଏଃକେଦ୍‌ତେ ଜମ୍‌କମ୍ ।’

୮ ମେନ୍‌ଦ ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘କାହାଗି ପ୍ରାଭୁ, ଆଇଙ୍ଗ୍ କାଇଙ୍ଗ୍ ଜମ୍ ଦାଡ଼ିୟା । ନାହାଁଃ ଜାକେଦ୍ ଜେତା ସଡ଼ରାତେୟାଃ ଚାଏ କା ଫାରିତେୟାଃ କାଇଙ୍ଗ୍ ଜମାକାଦା ।’

୯ ସିର୍ମାଏତେ ଆତଃମିସା ନେ ଲାବ୍‌ଜା ଆୟୁମ୍‌ୟାନା, ‘ପାର୍‌ମେଶ୍‌ବର ଅକ୍‌ନାଃକେ ଫାରିତକାନା ମେନ୍ତେ କାଜିକାଦ୍‌ତେୟାଃକେ କା ଫାରିତକାନା ମେନ୍ତେ ଆଲମ୍ କାଜିୟା ।’

୧୦ ନେ'ଲେକା ଆପିସାତେ ହବାୟାନା, ଆତଃ ଚୁଣ୍ଡୁରେ ଏନ୍ ସବେନ୍ ବିଷାଏକେ ସିର୍ମାତେ ଇଦି ରୁହାଡ଼ିୟାନା ।

୧୧ ଏନ୍ ନେତାରେଗି, କାଇସରିୟାଏତେ ଆଇଙ୍ଗ୍‌ତାଃତେ କୁଲକାନ୍ ଆପିହଡ଼କ ଆଇଙ୍ଗ୍ ତାଇନଃ ଅଡ଼ାଃତାଃତେକ ସେଟେର୍‌ୟାନା ।

୧୨ ପାବିତାର୍ ଆମ୍ ଆଇଙ୍ଗ୍‌କେ ବେଗାର୍ ହିରକିଚାଅକେଦ୍‌ତେ ଜୁ ସେନଃମେ ମେନ୍ତେ କାଜିକିୟା । ଯୋପ୍‌ପାରେନ୍ ନେ ତୁରିୟା* ବିଶ୍ୱାସୀ ହାଗାକ ଆଇଙ୍ଗ୍‌ଲଃ କାଇସରିୟାତେକ ସେନ୍‌କେନା ଆତଃ ଆଲେ ସବେନ୍‌କ କର୍ଣ୍ଣଲିୟାଆଃ ଅଡ଼ାଃରେଲେ ସେଟେର୍‌ୟାନା ।

୧୩ ଇନିଃ ଚିଲକା ଆୟାଃ ଅଡ଼ାଃରେ ମିଆଁଦ୍ ଦୁଁଡ଼କେ ତିଙ୍ଗୁକାନ୍ ନେଲକାଇ ତାଇକେନାଏ, ଏନ୍ ବିଷାଏରେ ଆଲେକେ ଉଦୁବାଦ୍‌ଲେୟା । ଦୁଁଡ଼ ଇନିଃକେ କାଜିକାଇ ତାଇକେନା, ‘ଯୋପ୍‌ପାତେ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ ହଡ଼ କୁଲକମ୍ ।’

୧୪ ଇନିଃ ହିକ୍ତୁଃକେଦ୍‌ତେ ଆମ୍‌କେ ଜୀଉବାସ୍ତାଅରେୟାଃ କାଜି କାଜିମେୟା, ଏନା ହରାତେ ଆମ୍ ଆତଃ ଆମାଃ ଅଡ଼ାଃରେନ୍ ସବେନ୍‌କ ଜୀଉବାସ୍ତାଅପେ ନାମେୟା ।’

୧୫ ଆତଃ ଆଇଙ୍ଗ୍ କାଜି ଏଟେଦ୍‌କେଦ୍ ଇମ୍‌ତା, ପାବିତାର୍ ଆମ୍ ଏନେଟେଦ୍‌ରେ ଆରୁଆଃ ଚେତାନ୍‌ରେ ଆଡ଼ଗୁୟାନ୍ ଲେକାଗି ଇନ୍‌କୁଆଃ ଚେତାନ୍‌ରେୟ ଆଡ଼ଗୁୟାନ୍ ।

୧୬ ଏନ୍ତେ ଆଇଙ୍ଗ୍ ପ୍ରାଭୁ କାଜିକାଦ୍ କାଜିଇଙ୍ଗ୍ ପାହାମ୍‌କେଦା, ‘ଯୋହାନ୍‌ଦ୍ ଦାଆଃତେ ବାପ୍ତିସ୍ମା ଏମାଦ୍‌କଆଏ, ମେନ୍‌ଦ ଆପେ ପାବିତାର୍ ଆମ୍‌ତେ ବାପ୍ତିସ୍ମାଃଃପେ ।’

୧୭ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସକେଦ୍ ହରାତେ ପାର୍‌ମେଶ୍‌ବର ଆରୁକେ ପାବିତାର୍ ଆମ୍‌ରାଃ ବାର୍‌ଦାନ୍ ଏମାକାଦ୍‌କୁ ଲେକାଗି ସାଅଁସାର୍ ବିଶ୍ୱାସୀକକେହଗି ଏନ୍‌ଲେକାନ୍ ବାର୍‌ଦାନ୍ ଏମାକାଦ୍‌କଆଏ, ଆଇଙ୍ଗ୍ ଅକଏ ତାନିଙ୍ଗ୍ ଯେ ପାର୍‌ମେଶ୍‌ବରଆଃ ନେ କାମିକେଇଙ୍ଗ୍ ହକାଦାଡ଼ିୟା ।”

୧୮ ଇନ୍‌କୁ ନେଆଁ ଆୟୁମ୍‌କେଦ୍‌ତେ ହାପାୟାନାକ ଆତଃ ପାର୍‌ମେଶ୍‌ବରଆଃ ମାନାରାଙ୍ଗ୍‌ତାନଲଃ କାଜିକେଦାକ, “ଏନାରେଦ୍ ପାର୍‌ମେଶ୍‌ବର ସାଅଁସାର୍ ହଡ଼କକେୟଗି ହେୟାତିଙ୍ଗ୍ ନାଗେନ୍ତେ ଆତଃ ଜୀଦାନ୍ ବାସ୍ତାଆଃ ନାଗେନ୍ତେ ସୁଯୋଗ୍ ଏମାକାଦ୍‌କଆଏ ।”

ଆନ୍ତିୟୋଖ୍‌ରେୟାଃ କାଲିସିୟା

୧୯ ଏସ୍ତିଫାନ୍‌କେ ଗଏଃକିଃ ତାୟମ୍‌ତେ ବିଶ୍ୱାସୀ ହଡ଼କ ସାସାତି ନାମ୍‌କେଦ୍ ହରାତେ ଛିତିବିତିୟାନାକ, ଇନ୍‌କୁଏତେ ଚିମିନ୍ ହଡ଼କ ଯିହୁଦୀ ହଡ଼କତାଃରେ ଏସ୍‌କାର୍ ପ୍ରାଚାର୍‌ତାନଲଃ ଫିନିସିୟା, ସାଇପ୍ରସ୍ ଆତଃ ଆନ୍ତିୟୋଖ୍ ଜାକେଦ୍‌କ ସେନଃୟାନା ।

୨୦ ମେନ୍‌ଦ ସାଇପ୍ରସ୍ ଟାପୁ ଆତଃ କୁରିନି ନାଗାର୍‌ରେନ୍ ଏଟାଃ ଚିମିନ୍ ବିଶ୍ୱାସୀ ହଡ଼କ ଆନ୍ତିୟୋଖ୍‌ତେ ସେନ୍‌କେଦ୍‌ତେ ସାଅଁସାର୍ ହଡ଼କତାଃରେୟଗି ଗ୍ରୀକ୍ ଜାଗାର୍‌ତେ ପ୍ରାଭୁ ଯୀଶୁଆଃ ସୁକୁକାଜିକ ଉଦୁବ୍‌କେଦା ।

୨୧ ପ୍ରାଭୁଆଃ ପେଡ଼େଃ ଇନ୍‌କୁଲଃ ତାଇକେନା ଆତଃ ପୁରାଃ ହଡ଼କ ବିଶ୍ୱାସକେଦ୍‌ତେ ପ୍ରାଭୁସାଃତେ ମନ୍‌ରୁହାଡ଼କେଦାକ ।

୨୨ ନେ କାନାଜି ଯୀରୁଶାଲେମ୍ କାଲିସିୟାତେ ସେଟେର୍‌ୟାନ୍ ଇମ୍‌ତା, ଇନ୍‌କୁ ବର୍ଣ୍ଣବାସ୍‌କେ ଆନ୍ତିୟୋଖ୍‌ତେ କୁଲକିୟାକ ।

୨୩ ଇନିଃ ଏନ୍ତାଃତେ ସେଟେର୍‌କେଦ୍‌ତେ ପାର୍‌ମେଶ୍‌ବର ଏନ୍ ହଡ଼କକେ ଚିଲକାଏ ଆଶିଷ୍ଟକାଦ୍‌କଆ, ଏନା ନେଲ୍‌କେଦ୍‌ତେ ଇନିଃ ରାସକାୟାନାଏ ଆତଃ ସବେନ୍ ମନ୍‌ସୁରୁଦ୍‌ତେ ପ୍ରାଭୁଆଃ ନାଙ୍ଗ୍ ପାତିୟାର୍‌ରଃ ଲେକା ତାଇନଃ ନାଗେନ୍ତେ ଇନ୍‌କୁକେ ଜୀଉରେ ରାସକାକେଦ୍‌କଆ ।

୨୪ ବର୍ଣ୍ଣବାସ୍ ପାବିତାର୍ ଆମ୍‌ତେ ଆତଃ ବିଶ୍ୱାସ୍‌ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହଡ଼ ତାଇକେନାଏ । ନେ'ଲେକାତେ ପୁରାଃ ହଡ଼କ ପ୍ରାଭୁରେ ମନ୍‌ରୁହାଡ଼କେଦାକ ।

୨୫ ଏନ୍ତେ ବର୍ଣ୍ଣବାସ୍, ଶାଉଲକେ ନାନାମ୍‌ତେ ତାଷ୍‌ସ୍‌ତେ ସେନଃୟାନା ।

୨୬ ଏନ୍ତାଃରେ ଇନିଃକେ ନାମ୍‌କେଦ୍‌ତେ ଆନ୍ତିୟୋଖ୍‌ତେ ଇଦିକିୟା । ଆତଃ ମିଦ୍ ବାରାଷ୍ ଜାକେଦ୍ ବାରାନ୍‌କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦ୍‌ତେ ପୁରାଃ ହଡ଼କକେ ଇତୁକେଦ୍‌କଆକ । ନେ ଆନ୍ତିୟୋଖ୍‌ରେନ୍ ବିଶ୍ୱାସୀକକେ ହଡ଼କ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁତୁମ୍‌କେଦ୍‌କଆ ।

* ୧୧:୧୨ ଛ'ଖାନ୍ ☆ ୧୧:୧୭ ପ୍ରେରିତ୍ ୧:୫. ☆ ୧୧:୧୯ ପ୍ରେରିତ୍ ୮:୧-୪.

୨୭ ଏନ୍ ଦିପିଲିକରେ ଚିମିନ୍ ନାବାକ ଯାରୁଗାଲେମ୍‌ହେତେ ଆନ୍ତିୟୋଖ୍‌ତେକ ହିଜୁଃୟାନା ।

୨୮ *ଇନ୍‌କୁଏତେ ଆଗାବ ନୁତୁମ୍ ମିଆଁଦ୍ ହଡ୍ ଆମ୍‌ରେୟାଃ ପେଡେଃତେ ପେରେଃୟାନ୍‌ଲଃ ଗଟା ଅତେଦିଶୁମ୍‌ରେ ମିଆଁଦ୍ ବରଝାନ ରିଜା ହବାଅଃଆ ମେନ୍ତେ କାଜିଆୟାଋକାଦ୍ ତାଇକେନା । ଏନା କ୍ଲୁଉଦିଆ ରୋମ୍‌ରେନ୍ ମାରାଜ୍ ହାକିମ୍ ତାଇକେନ୍ ପାରିୟାରେ ହବାୟାନା ।

୨୯ ଚେଲକ ଯିହୁଦୀରେ ତାଇନ୍‌ତାନ୍ ବିଶ୍ୱାସୀ ହାଗାକତାଃତେ ଇନ୍‌କୁଆଃ ଲାଗାତିଜ୍ ଲେକା ଦେଜା କୁଲେ ନାଗେନ୍ତେ ଉହାଟ୍‌କେଦାକ ।

୩୦ ଇନ୍‌କୁ ଟାକା ପାଏସା ହାରମ୍‌କେଦ୍‌ତେ ବର୍ଣ୍ଣବାସ୍ ଆଡଃ ଶାଉଲ୍‌ଆଃ ତିଃଇରେ କାଲିସିୟାରେନ୍ ପ୍ରାତିନ୍‌କତାଃତେ କୁଲ୍‌କେଦାକ ।

୧୨

ପୁରାଃଗି ସାସାତି

୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ଚିମିନ୍ ହଡ୍‌କକେ ସାସାତି ଏଟେଦ୍‌କେଦ୍‌କଆଏ ।

୨ ଇନିଃ ଯୋହାନ୍‌ଆଃ ହାଗାତେ ଯାକୁଦ୍‌କେ ତାରାଉଡିତେ ଗଏଃକିୟା ।

୩ ଯିହୁଦୀ ହଡ୍‌କ ନେ କାମି ନେଲ୍‌କେଦ୍‌ତେ ରାସ୍‌କାଅଃତାନାକ ଏନା ଇନିଃ ଆଟ୍‌କାର୍‌କେଦ୍‌ତେ, ପାଡ଼ରାସ୍‌କେୟାଗି ତଲ୍‌କିୟାଏ । ନେଆଁ ସାବାଃ ହଲ୍‌ଜ୍‌ରେୟାଃ ପାରାଦ୍ ଇମ୍‌ତା ହବାୟାନା ।

୪ ଏନ୍ତେ ହେରୋଦ୍ ରାଜା ପାଡ଼ରାସ୍‌କେ ତଲ୍‌କେଦ୍‌ତେ ଜେହେଲ୍‌ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡ୍‌ରେନ୍ ପାଲ୍‌ଟାନକ୍‌ଏତେ ମିପିହୁଡ୍ ଉପୁନିୟା ଝାନ୍ ସିପାଇକ ହରକିୟାକ । ପାସ୍‌କା ପାରାଦ୍ ତାୟମ୍‌ତେ ସବେନ୍ ହଡ୍‌କଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍‌କେଦାଏ ।

୫ ପାଡ଼ରାସ୍ ଜେହେଲ୍‌ରେ ତାଇକେନ୍ ଇମ୍‌ତା କାଲିସିୟାରେନ୍ ହଡ୍‌କ ମିଦ୍‌ମନ୍‌ତେ ଇନିୟାଃ ନାଗେନ୍ତେ ପାର୍‌ମେଶ୍ୱାର୍‌ତାଃରେକ ବିକ୍ରିତାଇକେନା ।

ଜେହେଲ୍‌ଏତେ ପାଡ଼ରାସ୍‌ଆଃ ରାଡ଼ାଃଅ

୬ ହେରୋଦ୍ ରାଜା ଅକ ହୁଲାଜ୍ ପାଡ଼ରାସ୍‌କେ ହଡ୍‌କଆଃ ସାମ୍‌ନାଜ୍‌ତେ ଆଉ ନାଗେନ୍ତେ ଉହାଟ୍‌କାଦ୍ ତାଇକେନାଏ, ଏନ୍ ହୁଲାଜ୍‌ରେୟାଃ ସିଦା ନୁବାଃରେ ପାଡ଼ରାସ୍ ବାରହଡ୍ ହରତାନ୍‌କିନାଃ ଆଲାରେ ଦୁଡ଼ମ୍‌କାନ୍ ତାଇକେନା । ଇନିଃ ବାରିୟା ସିକ୍‌ଡିତେ ତଲକାନ୍ ତାଇକେନା ଆଡଃ ଜେହେଲ୍‌ରେୟାଃ ଦୁଆର୍ ଯାପାଃରେ ହରତାନ୍ ହଡ୍‌କ ହରତାଇକେନା ।

୭ ଇମ୍‌ତାଗି ପ୍ରାଭୁଆଃ ମିଆଁଦ୍ ଦୁଁଡ୍ ହିଜୁଃକେଦ୍‌ତେ ତିଜ୍‌ୟାନା ଆଡଃ ଅଡ଼ାଃରେୟାଃ କୁଠା ମାର୍‌ସାଲ୍‌ତେ ପେରେଃୟାନା । ଦୁଁଡ୍, ପାଡ଼ରାସ୍‌ଆଃ ତାରାନ୍‌କେ ଏକ୍‌ଲାଅକେଦ୍‌ତେ ଇନିଃକେ ଦୁଡ଼ମ୍‌ଏତେ ବିରିଦ୍‌କିଃଲଃ କାଜିକିୟାଏ, “ଜାଲ୍‌ଦି ବିରିଦ୍‌ମେ !” ଇମ୍‌ତାଜି ପାଡ଼ରାସ୍‌ଆଃ ତିଃଇରେ ତଲକାନ୍ ସିକ୍‌ଡି ରାଡ଼ାୟାନା ।

୮ ଏନ୍ତେ ଦୁଁଡ୍ କାଜିକିୟାଏ, “ମାୟାଜ୍‌ରେ ଲିଜାଃ ପାଟେନ୍‌ମେ, ଆଡଃ ଖାର୍‌ପାତାମାଃ ତୁସିୟେନ୍‌ମେ ।” ପାଡ଼ରାସ୍ ଏନ୍‌ଲେକାଗି ରିକାକେଦ୍ ତାୟମ୍‌ତେ ଦୁଁଡ୍ କାଜିକିୟାଏ, “ହଡ଼ମ୍‌ରେ ଚାଦାର୍ ଉୟୁକେଦ୍‌ତେ ଆଇଜ୍‌କେ ଅତଜ୍‌ଜ୍‌ମେ ।”

୯ ଦୁଁଡ୍ ରିକାତାଇକେନ୍‌ତେୟାଃ ସାର୍‌ତିତାନାଃ ଚି ନାହାଁଲାଃ ଏନା ପାଡ଼ରାସ୍ କାଏ ସାରି ଦାଡିକେଦା । ଇନିଃ କୁମ୍ ନେଲ୍‌ତାନାଇଜ୍ ମେନ୍ତେ ଉଡ଼ଃକେଦା । ଏନ୍‌ରେୟ ପାଡ଼ରାସ୍ ଜେହେଲ୍‌ହେତେ ଅତଜ୍‌କେଦ୍‌ତେ ଦୁଁଡ୍‌କେ ଅତଜ୍‌କିୟା ।

୧୦ ଇନ୍‌କିନ୍ ହରତାନ୍‌କଆଃ ମିଆଁଦ୍ ଆଡଃ ବାରିୟା ଠାୟାଦ୍ ପାରମ୍‌କେଦ୍‌ତେ ଚୁଣ୍ଡ୍‌ରେ ସାହାର୍‌ତେ ବଲ ହରାରେ ତାଇକାନ୍ ମେଡେଦ୍‌ରେୟାଃ ଦୁଆର୍‌ତାଃତେକିନ୍ ସେଟେରୟାନା । ଇମ୍‌ତା ଇନ୍‌କିନାଃ ନାଗେନ୍ତେ ଦୁଆର୍ ଆପାନ୍‌ତେଗି ନିଜ୍‌ୟାନା ଆଡଃ ଇନ୍‌କିନ୍ ଅତଜ୍‌କେଦ୍‌ତେ ସେନଃୟାନାକିନ୍ । ଇନ୍‌କିନ୍ ହରାରେ ସେନ୍‌ତାନ୍ ଇମ୍‌ତାଗି ଦୁଁଡ୍ ପାଡ଼ରାସ୍‌କେ ବାଗିକେଦ୍‌ତେ ସେନଃୟାନା ।

୧୧ ଏନ୍ତେ ପାଡ଼ରାସ୍ ଆଇଃକ୍‌ରେ ହବାୟାନ୍‌ତେୟାଃ ସାରି ଦାଡିକେଦ୍‌ତେ କାଜିକେଦା, “ନେଆଁ ସାର୍‌ତିତାନାଃ ମେନ୍ତେ ଆଇଜ୍ ନାହାଁଃ ସାରି ଦାଡିତାନାଇଜ୍ ଯେ, ହେରୋଦ୍‌ତାଃଏତେ ଆଡଃ ଯିହୁଦୀ ହଡ୍‌କ ଅକନାଃ ହବାଅଃଆ ମେନ୍ତେ ଆସ୍ରାକାଦ୍ ତାଇକେନାକ, ପ୍ରାଭୁ ଏନାଏତେ ଆଇଜ୍‌କେ ବାଞ୍ଛାଅ ନାଗେନ୍ତେ ଦୁଁଡ୍‌କେ କୁଲାକାଇ ତାଇକେନା ।”

୧୨ ପାର୍‌ମେଶ୍ୱାର୍ ବାଞ୍ଛାଅକାଦିୟାଏ ମେନ୍ତେ ପାଡ଼ରାସ୍ ଆଟ୍‌କାର୍‌କେଦାଏ, ଆଡଃ ଇନିଃ ଯୋହାନ୍‌ଆଃ ଏଜାତେ ମାରିୟାମ୍‌ଆଃ ଅଡ଼ାଃତେ ସେନଃୟାନା । ଯୋହାନ୍‌ଆଃ ଏଟାଃ ନୁତୁମ୍ ହବାଅଃତାନା ମାର୍କ । ଏଜାଃରେ ପୁରାଃ ହଡ୍‌କ ହୁଣ୍ଡିକେଦ୍‌ତେ ବିକ୍ରି ତାଇକେନାକ ।

୧୩ ପାଡ଼ରାସ୍ ଅଡ଼ାଃରେୟାଃ ବାହାରି ଦୁଆର୍‌ରେ ଠକ୍ ଠକ୍‌କାଅକେଦା ଆଡଃ ରୋଦା ନୁତୁମ୍ ମିଆଁଦ୍ କାମ୍‌ଡି କୁଡି ଅଡ଼ାଃ ବଲଦୁଆର୍ ନିଜ୍ ନାଗେନ୍ତେ ହିଜୁଃୟାନା ।

☆ ୧୧:୨୮ ପ୍ରେରିତ୍ ୨୧:୧୦.

୧୪ ପାତ୍ରରାସ୍ତା ଲାବଜା ଆୟୁର୍ ଉରୁମ୍ବେଦେ ଇନିଃ ପୁରାଃଗି ରାସ୍ତାୟାନା ଯେ, ବଲଦୁଆର୍ କା ନିଜ୍ଜେଦ୍ଦେ ପାତ୍ରରାସ୍ତା ବାହାରିରେ ତିଜ୍ଜୁଆକାନା ମେନ୍ତେ ଉଦୁବ୍ବେଦା ।

୧୫ ଇନ୍କୁ ଇନିଃକେ କାଜିକିୟାକ, “ଆମ୍ ବାଲୁଅଃତାନାମ୍ ।” ମେନ୍ଦ୍ ଇନିଃ “ନେଆଁ ସାର୍ତ୍ତି ତାନାଃ” ମେନ୍ତେ ପୁରାଃତେ କାଜିକେଦା । ଏନ୍ତେ ଇନ୍କୁ କାଜିରୁହାଡ୍ଦେଦାକ, “ଇନିଃ ଆୟାଃ ଦୁଁଡ୍ ତାଇନ୍ସାକାଅଃଆଏ ।”

୧୬ ପାତ୍ରରାସ୍ତା ଦୁଆର୍ବେକେ ଠକ୍ ଠକ୍‌କାଅକାତେ ତାଇକେନାଏ । ଚୁଣ୍ଡୁଚୁର ଇନ୍କୁ ଦୁଆର୍ ନିଜ୍ଜେଦ୍ଦେ ଇନିଃକେ ନେଲ୍ଲକିୟାକ ଆତଃ ହାଏକାଟ୍ଟୟାନାକ ।

୧୭ ଇନିଃ ହାପାକାନପେ ମେନ୍ତେ ତିଃଇତେ କାଜିୟାଦ୍‌କଆ ଆତଃ ପ୍ରାଭୁ ଇନିଃକେ ଚିଲ୍ଲକା ଜେହେଲ୍ଲହେତେ ଅତ୍ତଜ୍ ଆତ୍ତକିୟା, ଏନ୍ ବିଷାଏ ଇନ୍କୁଆଃ ଆୟାର୍ରେ କାଜିକେଦା । ଏନ୍ତେ ଇନିଃ ନେ ସବେନ୍ କାଜି “ଯାକୁବ୍ ଆତଃ ଏଟାଃ ସବେନ୍ ବିଶ୍ୱାସୀ ହାଗାକେକେ” ଉଦୁବ୍ ନାଗେନ୍ତେ ଆରୁକେଦ୍‌କଆ ଆତଃ ଇନିଃ ଏନ୍ତାଏତେ ଏଟାଃତେ ସେନଃୟାନା ।

୧୮ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନତି ପାତ୍ରରାସ୍ତା କତେ ସେନଃୟାନା ମେନ୍ତେ ହରତାନ୍ ହଡ୍‌କ ପୁରାଃଗି ଆକ୍‌ବାକାଅୟାନାକ । ଚିଆଃତି ପାତ୍ରରାସ୍ତା ଚିକ୍‌ନାଃ ହବାୟାନା ଏନା ଇନ୍କୁ କାକ ସାରିକାଦ୍ ତାଇକେନା ।

୧୯ ହେରୋଦ୍ ଇନିଃକେ ଦାଣ୍ଡାଆତ୍ ନାଗେନ୍ତେ ଆରୁକେଦ୍‌କଆ ମେନ୍ଦ୍ ଇନ୍କୁ ଇନିଃକେ କାକ ନାମ୍‌କିୟା । ଚୁଣ୍ଡୁଚୁର ହରତାନ୍ ହଡ୍‌କକେ କୁଲିକତାନ୍‌ଲଃ ଇନ୍କୁକେ ଗଏଃକ ନାଗେନ୍ତେ ଆନାରୁ ଏମାଦ୍‌କଆ । ଏନ୍ ତାୟମ୍‌ତେ ହେରୋଦ୍ ଯିହୁଦା ପାର୍ଗାନ୍ ବାରିକେଦ୍‌ତେ କାଇସରିୟାରେ ସେନ୍‌କେଦ୍‌ତେ ତାଇନ୍‌ୟାନା ।

ହେରୋଦ୍ ରାଜାରାଃ ଗନଏଃ

୨୦ ହେରୋଦ୍ ରାଜା ସୋର୍ ଆତଃ ସିଦୋନ୍ ନାଗାର୍ରେନ୍ ହଡ୍‌କକେ ପୁରାଃଗି ଖ୍ୱକାନ୍ ତାଇକେନା, ଏନାତେ ଇନ୍କୁଏତେ ମିଦ୍ ଝୁଣ୍ଡୁ ଇନିଃଲଃ ନେପେଲ୍ ନାଗେନ୍ତେ ଇନିଃତାଃତେକ ସେନଃୟାନା । ସିଦାତେ ଇନ୍କୁ ବାପାଇୟଃ ନାଗେନ୍ତେ ଦେଙ୍ଗା ନାଙ୍ଗ୍ ରାଜ୍‌ମାହାଲ୍‌କେ ନେଲ୍‌ହରତାନ୍ ଲୁଷ୍ଟ୍‌ୟଲଃ ଜାଗାର୍‌କେଦାକ । ଏନ୍ତେ ଇନ୍କୁ ହେରୋଦ୍‌ତାଃ ସେନ୍‌କେଦ୍‌ତେ ବାପାଇୟଃ ନାଗେନ୍ତେକ ବିକ୍ତିକିୟା, ଚିୟାଃତି ହେରୋଦ୍ ରାଜାରାଃ ଦିଶ୍ୱମ୍‌ହେତେ ଇନ୍କୁଆଃ ଦିଶ୍ୱମ୍‌ତେ ଜମେୟା କୁଲଃ ତାଇକେନା ।

୨୧ ହେରୋଦ୍ ଟାହାରାଞ୍ଜାକାନ୍ ହୁଲାଙ୍ଗ୍‌ରେ ରାଜା ତୁସିଙ୍ଗ୍‌ଆଁ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ରାଜ୍‌ଗାଦିରେ ଦୁବ୍‌କେଦ୍‌ତେ ହଡ୍‌କକେ ଜାଗାର୍‌କେଦ୍‌କଆ ।

୨୨ ଏନା ଆୟୁର୍‌ମେଦ୍‌ତେ ଇନ୍କୁ କାଉରିକେଦ୍‌ତେ କାଜିକେଦାକ, “ନେଆଁ ଜେତା ହଡ୍‌ରାଃ ଜାଗାର୍ ନାହାଁଲଃ ମେନ୍ଦ୍ ମିଆଁଦ୍ କା ସାରିକାନ୍ ପାର୍‌ମେଶ୍ୱାର୍‌ଆଃ ଜାଗାର୍‌ତାନାଃ ।”

୨୩ ଇମ୍‌ତାଙ୍ଗ୍ ପ୍ରାଭୁଆଃ ମିଆଁଦ୍ ଦୁଁଡ୍ ଇନିଃକେ ଦାଲ୍‌କିଆ, ଚିଆଃତି ଇନିଃ ପାର୍‌ମେଶ୍ୱାର୍‌କେ କାଏ ମାଇନ୍‌କିଆ, ଆତଃ ଇନିଃକେ ତିଜ୍ଜୁକ ଜମ୍‌କିଃ ହରାତେ ଗଏଃୟାନା ।

୨୪ ମେନ୍ଦ୍ ପାର୍‌ମେଶ୍ୱାର୍‌ଆଃ ବାଚାନ୍ ପୁରାଃତେ ନିତିର୍‌ୟାନା ଆତଃ ହାରାଇଦିୟାନା ।

୨୫ ବର୍ଣ୍ଣବାସ୍ ଆତଃ ଶାଉଲ୍ ଆକିନାଃ ସେଞ୍ଜାକାମି ଚାବାକେଦ୍‌ତେ ଯୋହାନ୍ ଏଟାଃ ନୁତୁମ୍ ମାର୍କ୍ ମେନ୍ତେହ କାଜିୟାଃକ, ଇନିଃକେ ଇଦିକେଦ୍‌ତେ ଯାରୁଶାଲେମ୍‌ଏତେକ ରୁହାଡ୍‌ୟାନା ।

୧୩

ବର୍ଣ୍ଣବାସ୍ ଆତଃ ଶାଉଲ୍ ସାଲାୟାନ୍‌ଲଃ ସେଞ୍ଜାକାମି ନାଗେନ୍ତେ କୁଲ୍‌ୟାନାକିନ୍

୧ ଆକ୍ତିୟୋଖ୍ କାଲିସିୟାରେ ଚିମିନ୍ ନାବୀକ ଆତଃ ଇତୁହଡ୍‌କ ତାଇକେନା, ଇନ୍କୁଏତେ ବର୍ଣ୍ଣବାସ୍, ନିଗର୍ ହଡ୍ ମେନ୍ତେ କାଜିୟାଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍‌ସାହେବ୍ ହେରୋଦ୍‌ଆଃ ଅଡ଼ାଃରେ ଆସୁଲ୍‌ହାରାକାନ୍‌ନିଃ ମନହେମ୍, ଆତଃ ଶାଉଲ୍ ।

୨ ଇନ୍କୁ ପ୍ରାଭୁକେ ସେଞ୍ଜାତାନ୍ ଆତଃ କାଟାବ୍‌ତାନ୍ ତାଇକେନ୍ ଇମ୍‌ତା ପାବିତାର୍ ଆମ୍ ଇନ୍କୁକେ କାଜିୟାଦ୍‌କଆ, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆତଃ ଶାଉଲ୍‌କେ ସାଲାକାଦ୍‌କିନାଇଙ୍ଗ୍, ଏନାମେନ୍ତେ ଇନ୍କିନ୍‌କେ ଆଇଁୟାଃ ନାଙ୍ଗ୍ ଗେନା ଆତମ୍‌କିନ୍‌ପେ ।”

୩ ଏନ୍ତେ ଇନ୍କୁ କାଟାବ୍‌କେଦ୍‌ତେ ଏନ୍ ବାରାନ୍‌କିନାଃ ଚେତାନ୍‌ରେ ତିଃଇ ଦହତାନ୍‌ଲଃ ବିକ୍ତିକେଦାକ ଆତଃ ଇନ୍କିନ୍‌କେ ସେଞ୍ଜାକାମି ନାଗେନ୍ତେକ କୁଲ୍‌କେଦ୍‌କିନା ।

ସାଇପ୍ରସ୍‌ରେ ସେଞ୍ଜାକାମି

୪ ନେ'ଲେକାତେ ବର୍ଣ୍ଣବାସ୍ ଆତଃ ଶାଉଲ୍ ପାବିତାର୍ ଆମ୍‌ତେ କୁଲ୍‌ୟାନାକିନ୍ ଆତଃ ସେଲ୍‌ୟକିଆତେକିନ୍ ସେନଃୟାନା ଆତଃ ଏନ୍ତାଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାଇପ୍ରସ୍ ଟାପୁତେକିନ୍ ସେନଃୟାନା ।

୫ ଇନ୍କିନ୍ ସଲାମି ସାହାର୍‌ତେ ସେଟେର୍‌କେଦ୍‌ତେ ଯିହୁଦୀକଆଃ ସାମାଜ୍ ଅଡ଼ାଃକରେ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବ୍‌କେଦାକିନ୍ । ଯୋହାନ୍ ମାର୍କ୍ ଇନ୍କିନ୍‌ଲଃ ତାଇକେଦ୍‌ତେ ଦେଙ୍ଗାକିନ୍ ତାଇକେନା ।

୭ ଇନ୍କୁ ସାଇପ୍ରସ୍ ଟାପୁ ପାରମ୍ଭେଦ୍ରେ ପାଫସ୍ ସାହାର୍ରେ ସେନଃୟାନାକ । ଏନ୍ତାଃରେ ଇନ୍କୁ ବାର୍ଯ୍ୟାଶୁ ନୁଡୁମ୍ ନିଆଁଦ୍ ଯିହୁଦୀ ଦେଅଁଣା ହଡ଼ଲଃ ନାପାମୟାନାକ । ଇନିଃ ଆପାନ୍କେ ନାବୀ ମେନ୍ତେ କାଜିନ୍ ତାଇକେନା ।

୮ ସଗର୍ଯ୍ୟସ୍ ପାଉଲୁସ୍ ମେନ୍ତେ ଇନିୟାଃ ନିଆଁଦ୍ ଗାତି ତାଇକେନାଏ, ଇନିଃ ଏନ୍ ଟାପୁରେନ୍ ଲାଟ୍ସାହେବ୍ ତାଇକେନାଏ । ସଗର୍ଯ୍ୟସ୍ ପାଉଲୁସ୍ ନିହୁଡ୍ ସେଣ୍ଟାନ୍ ହଡ଼ ତାଇକେନାଏ । ଇନିଃ ପାରମେଶ୍ଵାର୍ଆଃ ବାଟାନ୍ ଆୟୁମ୍ ନାଙ୍ଗ୍ ସାନାଙ୍ଗ୍କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲ୍କେ ଆୟାଃତାଃ କେଡାକେଦ୍କିନାଏ ।

୯ ମେନ୍ଦ୍ ଦେଅଁଣାହଡ଼ରାଃ ଗ୍ରୀକ୍ ନୁଡୁମ୍ ଏଲିମାସ୍, ଏନ୍ ଲାଟ୍ସାହେବ୍ ଆଲକାଏ ବିଶ୍ଵାସେକା ମେନ୍ତେ ଇନିଃ ଇନ୍କୁକେ କାଜିକଟଙ୍ଗ୍ କେଦକଆ ।

୧୦ ମେନ୍ଦ୍ ଶାଉଲ୍, ଅକଏକେଟି ପାଉଲୁସ୍ ମେନ୍ତେହ କାଜିୟାଃକ, ଇନିଃ ପାବିତାର୍ ଆମ୍ବାତେ ପେରେଃୟାନ୍ଲଃ ଦେଅଁଣାହଡ଼କେ ନିଦ୍ଦିଟ୍ଟି ନେଲ୍କିୟାଏ, ଆତଃ କାଜିକିୟାଏ,

୧୧ “ଏ ସାଏତାନ୍ଆଃ ହନ୍, ଆମ୍ ସବେନ୍ ରୁଗିନ୍ ବିଷାଏରେୟାଃ ବାଇରିତାନ୍ମେ । ଆମ୍ ସବେନ୍ ଲେକାନ୍ ଏଡକାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍ତା ପ୍ରାଭୁଆଃ ସାନାର୍ତି ହରାକେ ହସଡ଼ ମେନ୍ତେ କାଜି ନାଙ୍ଗ୍ ଚେଷ୍ଟାଏ ତାନାମ୍ ।

୧୨ ନାହ୍ଣାଃଗି ପ୍ରାଭୁ ଆମ୍କେ ସାଜାଇ ଏମାମେୟାଏ, ଆମାଃ ମେଦ୍ କାଣ୍ଟାଅଆ ଆତଃ ଚିମିନ୍ ନେଡା ଜାକେଦ୍ ସିଙ୍ଗିରେ ଜେଡନାଃ କାମ୍ ନେଲ୍ ଦାଡିୟା ।” ଇମ୍ତାଙ୍ଗି ଏଲିମାସ୍ ଆୟାଃ ମେଦ୍ରେ ନୁବାଃ ଦାଲବ୍ଯାନ୍ ଲେକାଏ ଆଟ୍ଟକାଟ୍ଟକେଦା ଆତଃ ଜେତାଏ ନିହୁଡ୍ ଆୟାଃ ତିଃଇ ସାବ୍କେଦ୍ରେ ସୁଡୁଃଇଦିକାକ ମେନ୍ତେ ଦାଣ୍ଟାକେଦକଆ ।

୧୩ ନେଆଁ ନେଲ୍କେଦ୍ରେ ଲାଟ୍ସାହେବ୍ ବିଶ୍ଵାସକେଦାଏ, ଚିଆଃଟି ଇନିଃ ପ୍ରାଭୁଆଃ ଇନିହୁ ଆୟୁମ୍କେଦ୍ରେ ପୁରାଃଗି ଆକଟାକାଅଃ ତାଇକେନା ।

ପିସିଦିଆରେୟାଃ ଆନ୍ତିୟୋଖ୍ରେ ସେଞ୍ଜାକାମି

୧୪ ପାଉଲୁସ୍ ଆତଃ ଆୟାଃଲଃ ନିସାତେ ହରାସେନ୍ତାନ୍କ ପାଫସ୍ତାଃଏତେ ଦାଆଃ ଜାହାଜ୍ରେ ପାମିଲିଆ ନାଗାର୍ରେୟାଃ ପେରଗା ସାହାର୍ରେକେ ହିଲୁଃୟାନା, ଏନ୍ତାଃରେ ଯୋହାନ୍ ମାର୍କ ଇନ୍କୁକେ ବାଗିକେଦ୍ରେ ଯାରୁଶାଲେମ୍ରେ ସେନଃରୁହାଡ଼ୟାନା ।

୧୫ ଇନ୍କୁ ପେରଗାଏତେ ସେନ୍କେଦ୍ରେ ପିସିଦିଆରେୟାଃ ଆନ୍ତିୟୋଖ୍ରେକେ ସେଚେର୍ଯ୍ୟାନା ଆତଃ ରୁଡୁନୁ ହୁଲାଙ୍ଗ୍ରେ ସାମାଜ୍ ଅତଃରେ ବଲ୍କେଦ୍ରେକ ଦୁବ୍ଯାନା ।

୧୬ ମୁଶା ନାବାଆଃ ଆନ୍ତୁ ଆତଃ ନାବାକଆଃ ଅନଲ୍ ପାଦାଅକେଦ୍ ତାୟମ୍ରେ, ସାମାଜ୍ଅତଃରେନ୍ ଆଗୁଆଇକ ନେଆଁ କାଜିକୁଲ୍କେଦାକ, “ହାଗା ମିଶିକ, ହଡ଼କ ନାଗେନ୍ତେ ଜୀଉରେ ରାସକାଅଃ ଲେକାନ୍ କାଜି ମେନାଃରେଦ୍, କାଜିପେ ମେନ୍ତେଲେ ସାନାଙ୍ଗ୍ତାନା ।”

୧୭ ପାଉଲୁସ୍ ତିଙ୍ଗ୍କେଦ୍ରେ, ହଡ଼କକେ ତିଃଇ ହିଲାଅତାନ୍ଲଃ କାଜିୟାଦ୍କଆ, “ନେତାଃରେ ମେନାପେ ସବେନ୍ ଇସ୍ରାଏଲ୍ ଆତଃ ପାରମେଶ୍ଵାର୍କେ ବରଞ୍ଜାଇତାନ୍ ସାଅଁସାର୍ ହଡ଼କ, ଆଇଁୟାଃ କାଜି ଆୟୁମେପେ,

୧୮ ନେ ଇସ୍ରାଏଲ୍ ହଡ଼କଆଃ ପାରମେଶ୍ଵାର୍ ଆବୁଆଃ ପୁରଃଶା ହଡ଼କକେ ସାଲାକେଦ୍କଆ ଆତଃ ନିସାର୍ ଦିଶୁମ୍ରେ ଇନ୍କୁ ଏଟାଃ ଦିଶୁମ୍ରେନ୍ ହଡ଼କ ଲେକାକ ତାଇନଃ ତାଇକେନା, ଇମ୍ତା ଇନ୍କୁ ପୁରାଃ ଗାଦେଲ୍ ହଡ଼କ ହବାୟାନା । ପାରମେଶ୍ଵାର୍ ଆୟାଃ ପୁରାଃ ପେଡେଃରେ ଇନ୍କୁକେ ନିସାର୍ ଦିଶୁମ୍ରେହେତେ ଅତଙ୍ଗ୍ ଆଡକେଦ୍କଆ,

୧୯ ଆତଃ ଇନ୍କୁ ଇନିୟାଃ କାଜି କାକ ମାନାତିଙ୍ଗ୍ ତାଇକେନ୍ରେୟାଗି, ଇନିଃ ବାହ୍ରିସି ବାରାଷ୍ ଜାକେଦ୍ ବିର୍ରେ ଇନ୍କୁକେ ଆୟୁଲ୍କେଦ୍କଆ ।

୨୦ ଇନିଃ କିନାନ୍ ଦିଶୁମ୍ରେ ଏୟା* କିଲିକଆଃ ଦିଶୁମ୍ ଜିୟନ୍କେଦ୍ରେ ଆୟାଃ ସାଲାକାନ୍ ହଡ଼କକେ ଏନ୍ ଦିଶୁମାଏ ଏମାଦ୍କଆ ।

୨୧ “ନେ ସବେନାଃ ୪୫୦ ବାରାଷ୍ରେ ହବାୟାନା । ନେ ସବେନାଃରେୟାଃ ତାୟମ୍ରେ ନାବୀ ଶାମୁଏଲ୍ ଜାକେଦ୍ ପାରମେଶ୍ଵାର୍ ଇନ୍କୁ ନାଙ୍ଗ୍ ବିତାର୍ ହଡ଼କକେ ସାଲାକେଦ୍କଆ ।

୨୨ ଆତଃ ଇନ୍କୁ ନିଆଁଦ୍ ରାଜା ଆସିକେନାକ, ଇମ୍ତା ପାରମେଶ୍ଵାର୍ ଇନ୍କୁଆଃ ଚେତାନ୍ରେ ୪୦ ବାରାଷ୍ ଜାକେଦ୍ ରାଇଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କୀଶ୍ଆଃ ହନ୍ ଶାଉଲ୍କେ ଏମ୍କିୟା ।

୨୩ ଏନ୍ତେ ପାରମେଶ୍ଵାର୍ ଇନିଃକେ ରାଜ୍ଗାଦିହେତେ ଆତମ୍କେଦ୍ରେ, ଦାଉଦ୍କେ ଇନ୍କୁଆଃ ରାଜାଏ ବାଇକିୟା । ପାରମେଶ୍ଵାର୍ ଦାଉଦ୍ଆଃ ବିଷାଏରେ ଗାଞ୍ଜା ଏମ୍କେଦ୍ରେ କାଜିକେଦା, ‘ଆଇଙ୍ଗ୍ ଚିଲ୍କା ହଡ଼କକେ ଦୁଲାଡ଼କଆଇଙ୍ଗ୍, ଯିଶିରାଃ ହନ୍ ଦାଉଦ୍ ଏନ୍ଲେକାନ୍ନିଃ ନିହୁଡ୍ ତାନିଃ । ଇନିଃ ଆଇଁୟାଃ ମନ୍ସୁରୁଦ୍ରେୟାଃ ଇଛାସାନାଙ୍ଗ୍ ଲେକା ସବେନାଃଏ କାମିୟା ।’

୨୪ ନେ ଦାଉଦ୍ଆଃ କିଲିରେନ୍ ଯାଶୁକେ ପାରମେଶ୍ଵାର୍ ଆୟାଃ ବାନାର୍ସା ଲେକାତେ ଇସ୍ରାଏଲ୍ ହଡ଼କଆଃ ଜୀଉବାଞ୍ଚାଅନିଃ ବାଇକିୟାଏ ।

* ୧୩:୧୯ ସାଡ଼

୨୪ ✨ୟୀଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍ରେନ୍ ସବେନ୍ ହଡକତାଃରେ ଉଦୁବ୍କେଦ୍ତେ କାଜିକେଦାଏ, ‘ଇନ୍କୁକେ ପାପ୍ହେତେ ହେୟାତିକ୍ତାନ୍ଲଃ ଦାଆଃରେ ବାପ୍ତିସ୍ତା ଇଦି ଲାଗାତିକ୍ତାୟାଃ ।’

୨୫ ✨ଆତଃ ଯୋହାନ୍ ଆୟାଃ ସେଝାକାମି ଟୁଣ୍ଡୁତାନ୍ ଇମ୍ତା ହଡକକେ କୁଲିକେଦକଆ, ‘ଆଇୟାଃ ବିଷାଏରେ ଆପେ ଚିନାଃପେ ଉଡ଼ୁତାନା ? ଆପେ ଅକଏକେପେ ନେଲ୍ହରାତାନା, ଇନିଃ ଆଇକ୍ ନାହାଲିକ୍ । ମେନ୍ଦ ଆୟୁମେପେ, ଆଇୟାଃ ତାୟମ୍ତେ ଅକଏ ହିଜୁଃତାନାଏ, ଇନିୟାଃ ଖାପ୍ପାରେୟାଃ ତନଲ୍ ରାଡାଏ ଲେକାନିନିଃ ନାହାଲିକ୍ ।’

୨୬ “ହେ ଇସ୍ରାଏଲ୍ ହାଗାକ, ଆବ୍ରାହାମ୍ଆଃ କିଲିରେନ୍ ହନ୍କ ଆତଃ ପାର୍ମେଶ୍ଵାକ୍ରେ ବରଝାଇତାନ୍ ସବେନ୍ ସାଅଁସାର୍ ହଡକ, ଆରୁକେଗି ନେ ଜୀଉବାଞ୍ଚାଅରେୟାଃ କାନାଜି ଏମାକାନା ।

୨୭ ମେନ୍ଦ ଇନିଃ ଜୀଉବାଞ୍ଚାଅନିଃ ତାନିଃ ମେନ୍ତେ ଯୀରୁଶାଲେମ୍ରେ ତାଇନ୍ତାନ୍ ହଡକ ଆତଃ ଇନ୍କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଇନ୍କୁ ସବେନ୍ ରୁଡୁନ୍ ହୁଲାଇଁରେ ପାଡାଅଃ ତାଇକେନ୍ ନାବୀକଆଃ କାଜି କାକ ଆବ୍କାର୍ତ୍ତରୁମେ ତାଇକେନା । ଏନ୍ରେୟ ଇନ୍କୁ ଯୀଶୁକେ ଚିଟାକେଦ୍ତେ ନାବୀକଆଃ କାଜିକେ ପୁରାକେଦାକ ।

୨୮ ✨ଇନ୍କୁ ଗନଏଃ ସାଜାଇ ଏମ୍ରେୟାଃ ଜେତାନ୍ ଗୁନ୍ନାଁ କାକ ନାମ୍କେଦ୍ରେୟ, ଇନିଃକେ ଗନଏଃ ସାଜାଇ ଏମ୍ ନାଗେନ୍ତେ ପିଲାଡୁସ୍ତକେ କାଜିକିୟାକ ।

୨୯ ✨ଇନିୟାଃ ବିଷାଏରେ ଧାରାମ୍ପୁଅରେ ଅଲକାନ୍ ଲେକାଗି ସବେନ୍ କାମି ରିକାକେଦ୍ ତାୟମ୍ତେ ଇନ୍କୁ ଇନିଃକେ କୁଣ୍ଟେତେ ଆଡ଼ଗୁକିୟାକ ଆତଃ ତପାଗାଡାରେ ଦହକିୟାକ ।

୩୦ ମେନ୍ଦ ପାର୍ମେଶ୍ଵାକ୍ ଇନିଃକେ ଗନଏଃହେତେ ଜୀଉବିରିଦ୍କିୟା,

୩୧ ✨ଆତଃ ପୁରାଃ ମାହାଁ ଜାକେଦ୍ ଇନିଃଲଃ ଗାଲିଲ୍ଏତେ ଯୀରୁଶାଲେମ୍ତେ ହିଜୁଃ ସେନଃତାନ୍ ହଡକତାଃରେ ଉଦୁବେନ୍ୟାନା । ଇନ୍କୁ ନାହାଁଃ ଇସ୍ରାଏଲ୍ ହଡକତାଃରେ ଇନିୟାଃ ଗାଝାକ ତାନ୍କ ।

୩୨ ଆତଃ ଆଲିକ୍ ଆପେକେ ଏନ୍ ସୁକୁକାଜି ଉଦୁବ୍ ନାଗେନ୍ତେ ନେତାଃରେ ମେନାଲିୟାଁ, ଅକ୍ନାଃଟି ପାର୍ମେଶ୍ଵାକ୍ ଆବୁଆଃ ପୁରଃ ହାଡାମ୍ହଡକକେ ବାନାରିସା ଏମାକାଦ୍କ ତାଇକେନାଏ,

୩୩ ପାର୍ମେଶ୍ଵାକ୍ ଯୀଶୁକେ ଜୀଉବିରିଦ୍କିଃ ହରାତେ ଆବୁ ନାଗେନ୍ତେ ନାହାଁଃ ପୁରାକାଦାଏ ଆତଃ ଆବୁ ଇନ୍କୁଆଃ କିଲିରେନ୍କ ହବାକାନାରୁ । ଦାଉଦ୍ଆଃ ଦୁରାକ୍ପୁଅ ୨ ଆଧ୍ୟାଏରେ ନେଲେକା ଅଲକାନା,

“ଆମ୍ ଆଇୟାଃ ହନ୍,

ତିସିକ୍ ଆଇକ୍ ଆମାଃ ଆପୁ ହବାୟାନାଇକ୍ ।’

୩୪ ଆତଃ ତପାଗାଡାରେ ଆଲକାଏ ଜିୟନଃକା ମେନ୍ତେ ଇନିଃକେ ଗନଏଃହେତେ ଜୀଉବିରିଦି ନାଗେନ୍ତେ ପାର୍ମେଶ୍ଵାକ୍ ନେଲେକାଏ କାଜିକାଦ୍ ତାଇକେନା,

‘ଦାଉଦ୍କେ ଏମାକାଇ ବାନାରିସା ଲେକାଗି

ଆଇକ୍ ଆମକେ ପାବିତାର୍ ଆତଃ ସାର୍ତିଗିଇକ୍ ଆଗିଷ୍ମେୟାଁ ।’

୩୫ ଦୁରାକ୍ପୁଅରେୟାଃ ଏଟାଃତାଃରେ ଅଲକାନା,

‘ଆମ୍ ଆମାଃ ପାବିତାର୍ ଦାସିକେ ତପାଗାଡାରେ ଜିୟନଃ ନାଗେନ୍ତେ କାମ୍ ବାଗିଇତିୟା ।’ ”

୩୬ ଦାଉଦ୍ ଆୟାଃ ଜାନିଦ୍ ଦିପିଲିରେ ପାର୍ମେଶ୍ଵାକ୍ଆଃ ଇଛାସାନାକ୍ ଲେକାଗି, ସୁସାର୍କେଦ୍ତେ ଜୀଉତାୟାଃ ଟୁଣ୍ଡୁକଦା ଆତଃ ପୁରଃ ହାଡାମ୍ଲଃ ତପାୟାନାଏ । ଆୟାଃ ଗନଏଃ ହଡକ୍ ତପାଗାଡାରେୟାଃ ହାସାରେ ମେସାୟାନା

୩୭ ମେନ୍ଦ ପାର୍ମେଶ୍ଵାକ୍ ଅକଏକେ ଗନଏଃହେତେ ଜୀଉବିରିଦ୍କିୟାଏ, ଇନିଃ ହାସାରେ କାଏ ମେସାକାନା ।

୩୮ ଏନାମେନ୍ତେ, ହେ ଇସ୍ରାଏଲ୍ରେନ୍ ହାଗାକ, ଆପେ ସବେନ୍କକେ ନେଆଁ ସାରି ଲାଗାତିକ୍ତାୟାଃ ଯେ, ଯୀଶୁଆଃ ହରାତେ ଏସ୍କାର୍ ଆପେତାଃରେ ପାପ୍ ଛାମାରେୟାଃ କାନାଜି ଉଦୁବ୍କାନା । ଆତଃ ମୁଗା ନାବୀଆଃ ଆନ୍ତୁ ହରାତେ ପାପ୍ହେତେ କା ରାଡା ଦାଡ଼ିକାନ୍ ସବେନ୍ ହଡକ,

୩୯ ଏନ୍ ଯୀଶୁତାଃରେ ବିଶ୍ଵାସକେଦ୍ ହରାତେ ଜୀଉବାଞ୍ଚାଅକ ନାମେୟା, ନେଆଁ ଆପେକେ ସାରି ଲାଗାତିକ୍ତାୟାଃ ।

୪୦ ଏନାମେନ୍ତେ ଚିର୍ଗାଲ୍କାନପେ, ନାବୀକ କାଜିକାଦ୍ତେୟାଃ ଆପେରେ ଆଲକା ହବାଅଃକା,

୪୧ “ଆଇକ୍କେ ଲାନ୍ଦାଇକ୍ତାନ୍ ହଡକ, ଆପେ ଆକ୍ଦାନ୍ଦାଅକେଦ୍ତେ ଜିୟନଃପେ,

ଚିଆଃଟି ତିସିକ୍ ଆଇକ୍ କାମିତାନ୍ତେୟାଃ,

ଜେତାଏ ଆପେକେ ଉଦୁବାପେରେୟ ଆପେ କାପେ ବିଶ୍ଵାସେୟା ।’ ”

୪୨ ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅଡ଼ାଃ ବାଗିକେଦ୍ତେ ସେନଃ ତାଇକେନାକିନ୍ ଇମ୍ତା, ହଡକ ଏଟାଃ ରୁଡୁନ୍ ହୁଲାଇଁରେ ହିଜୁଃ ରୁହାଡ଼କେଦ୍ତେ ନେ ସବେନ୍ ବିଷାଏରେ ଆତଃଟି ପୁରାଃତେ କାଜି ନାକ୍ ଇନ୍କିନ୍କେ ବିକ୍ତିକେଦ୍କିନାକ ।

✨ ୧୩:୨୪ ମାର୍କ ୧:୪; ଲୁକ ୩:୩. ✨ ୧୩:୨୫ ଯୋହାନ୍ ୧:୨୦; ମାଥୁ ୩:୧୧; ମାର୍କ ୧:୭; ଲୁକ ୩:୧୭; ଯୋହାନ୍ ୧:୨୭. ✨ ୧୩:୨୮ ମାଥୁ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. ✨ ୧୩:୨୯ ମାଥୁ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୨; ଯୋହାନ୍ ୧୯:୩୮-୪୨. ✨ ୧୩:୩୧ ପ୍ରେରିତ୍ ୧:୩.

୪୩ ହୃଦକ ପାଞ୍ଚେଟ୍ ବାଗିକେଦ୍‌ତେ ସେନଃୟାନ୍ ତାୟମ୍‌ତେ, ପୁରାଃ ଯିହୁଦୀ ଆତଃ ସାଅଁସାରହେତେ ଯିହୁଦୀ ଧାରାମ୍‌ତେ ବାଦଲ୍ୟାକାନ୍ ହୃଦକ, ପାଉଲୁସ୍ ଆତଃ ବର୍ଣ୍ଣବାସ୍‌କେ ଅତଙ୍ଗକେଦ୍‌କିନାକ । ପ୍ରେରିତ୍‌କ ଇନ୍‌କୁଲଃ ଜାଗାରକେଦାକ ଆତଃ ପାରମେଶ୍ଵାରଆଃ ସାୟାଦ୍‌ତେ ଜୀଦାନ୍ ବିତାଅ ନାଗେନ୍ତେ ଉସ୍‌କୁରକେଦ୍‌କଆକ ।

୪୪ ଏଗାଃ ରୁଡ୍‌ନୁ ହୁଲାଇଁରେ, ସାହାରରେନ୍ ଲାଗ୍‌ଭାଗ୍ ସବେନ୍ ହୃଦକ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିକୁଃୟାନା ।

୪୫ ଯିହୁଦୀ ହୃଦକ ଗାଦେଲ୍ ହୃଦକକେ ନେଲ୍‌କେଦ୍‌ତେ ହିସ୍‌ଜାତେ ପେରେଃୟାନାକ ଆତଃ ପାଉଲୁସ୍‌ଆଃ କାଜିରେ କାଜିକଟଙ୍ଗକେଦ୍‌ତେ ଇନିଃକେ ଲାୟାକିୟାକ ।

୪୬ ମେନ୍‌ଦ ପାଉଲୁସ୍ ଆତଃ ବର୍ଣ୍ଣବାସ୍ ଆତଃଗି ବେଗାର୍ ବରତେ କାଜିକେଦାକିନ୍, “ଆପେତାଃରେ ପାହିଲାତେ ପାରମେଶ୍ଵାରଆଃ ବାଚାନ୍ କାଜିୟଃ ଲାଗାତିଙ୍ଗ୍ ତାଇକେନା । ମେନ୍‌ଦ ଆପେ ଜାନାଅ ଜୀଦାନ୍ ନାମେକାଲେ ମେନ୍ତେ କାପେ ବିଚାରକେଦ୍ ହରାତେ, ଆଲିଙ୍ଗ୍ ଆପେକେ ବାଗିକେଦ୍‌ତେ ସାଅଁସାର୍ ହୃଦକତାଃତେଲିଙ୍ଗ୍ ସେନା ।

୪୭ ଚିଆଃଚି ପ୍ରାଭୁ ଆଲିଙ୍ଗ୍‌କେ ନେ ଲେକାଏ ଆରୁକାଦ୍‌ଲିୟା,

“ଆଇଙ୍ଗ୍ ଆମ୍‌କେ ସାଅଁସାର୍ ହୃଦକଆଃ ନାଗେନ୍ତେ ମାର୍ସାଲ୍ ଲେକାଇଙ୍ଗ୍ ବାଇୟାକାଦ୍‌ମା, ଜେ'ଲେକାଚି ସବେନ୍ ଅତେଦିଶୁମ୍‌ରେ ଜୀଉବାସ୍ତାଅ ନାମଃଆ ।”

୪୮ ସାଅଁସାର୍ ହୃଦକ ନେଆଁ ଆୟୁମ୍‌କେଦ୍‌ତେ ରାସ୍‌କାୟାନାକ ଆତଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗ୍‌କେଦାକ । ଅକ ହୃଦକ ଜାନାଅ ଜୀଦାନ୍ ନାମେ ନାଗେନ୍ତେ ସାଲାଇୟାନାକ, ଇନ୍‌କୁ ଏନ୍ କାନାଜିରେ ବିଶ୍ଵାସ୍‌କେଦାକ ଆତଃ ବିଶ୍ଵାସୀ ହବାୟାନାକ ।

୪୯ ପ୍ରାଭୁଆଃ ବାଚାନ୍ ଏନ୍ ପାରଗାନ୍‌ରେୟାଃ ସବେନ୍‌ସାଃରେ ନିଡିରୟାନା ।

୫୦ ମେନ୍‌ଦ ନାଗାରରେନ୍ ଆଗୁଆଇ ହୃଦକକେ ଆତଃ ସାମାଜ୍‌ରେ ମାଇନ୍ ନାମେତାନ୍ ସାଅଁସାର୍ କୁଡିକ, ଅକନ୍‌କଟି ପାରମେଶ୍ଵାରକେ ବରଭାକ୍ତିତାନାକ, ଇନ୍‌କୁକେ ଯିହୁଦୀ ହୃଦକ ଉସ୍‌କୁରକେଦ୍‌ତେ ପାଉଲୁସ୍ ଆତଃ ବର୍ଣ୍ଣବାସ୍‌କିନାଃ ବିରୁଧ୍‌ରେ ସାସାତି ଏଟେଦ୍‌କେଦାକ ଆତଃ ଇନ୍‌କିନ୍‌କେ ଏନ୍ ପାରଗାନ୍‌ତାଃଏତେ ଅତଙ୍ଗକେଦ୍‌କିନାକ ।

୫୧ *ପ୍ରେରିତ୍‌କିନ୍ ଆକିନାଃ କାଟାରେୟାଃ ଧୁଡି ଇନ୍‌କୁଆଃ ବିରୁଧ୍‌ରେ କଟାବାଗିକେଦ୍‌ତେ ଇକନିୟାତେକିନ୍ ସେନଃୟାନା ।

୫୨ ଆତଃ ଆନ୍ତିୟୋଖ୍‌ରେନ୍ ବିଶ୍ଵାସୀକ ପାବିତାର୍ ଆମ୍‌ ଆତଃ ରାସ୍‌କାତେ ପେରେଃୟାନାକ ।

୧୪

ଇକନିୟାରେ ସେଞ୍ଜାକାମି

୧ ଇକନିୟାରେ ଏନ୍‌ଲେକାଗି ହବାୟାନା, ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅତଃତେ ସେନ୍‌କେନାକିନ୍ ଆତଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହୃଦକ ଆତଃ ସାଅଁସାର୍ ହୃଦକ ଖୀଷ୍ଟତାଃରେ ବିଶ୍ଵାସ୍‌କେଦାକ ।

୨ ମେନ୍‌ଦ କା ବିଶ୍ଵାସ୍‌ତାନ୍ ଯିହୁଦୀକ ସାଅଁସାର୍ ହୃଦକଆଃ ମନ୍‌କେ ଉସ୍‌କୁରକେଦ୍‌ତେ ବିଶ୍ଵାସୀକଆଃ ବିରୁଧ୍‌ରେ ଖ୍ଵସ୍‌ରିକାକେଦ୍‌କଆକ ।

୩ ଏନ୍‌ରେୟ ପ୍ରେରିତ୍‌କିନ୍ ବେଗାର୍ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦୁବ୍‌କେଦାକିନ୍ ଆତଃ ପୁରାଃ ଦିନ୍ ତାଇନ୍‌ୟାନାକିନ୍ । ଇନ୍‌କିନ୍ ଆକ୍‌ଦାନ୍‌ଆ କାମିକ ଆତଃ ଆକ୍‌ଚାକାଅ କାମିକ ରିକାକେଦ୍ ହରାତେ ପାରମେଶ୍ଵାରଆଃ ସାୟାଦ୍‌ତେ ନାମାକାନ୍ ପେଡ଼େଃ ବିଷାଏରେ କାଜିକେଦ୍ କାନାଜିକ ସାର୍‌ତି ତାନାଃ ମେନ୍ତେ ସାବୁଦ୍‌କିନ୍ ଏମ୍‌କେଦା ।

୪ ନାଗାରରେନ୍ ହୃଦକ ବାର୍‌ହିସାରେ ବିନ୍‌ଗାଅୟାନାକ, ଇନ୍‌କୁଏତେ ଚିମିନ୍ ହୃଦକ ଯିହୁଦୀ ହୃଦକସାଃତେ ଆତଃ ଚିମିନ୍ ହୃଦକ ପ୍ରେରିତ୍‌କିନାଃ ସାଃତେ ହବାୟାନାକ ।

୫ ଏନ୍ତେ ଚିମିନ୍ ସାଅଁସାର୍ ହୃଦକ ଆତଃ ଯିହୁଦୀ ହୃଦକ ଆକଆଃ ଆଗୁଆଇକଲଃ ମିଦ୍‌ତାଃରେ ହୁଣ୍ଡିକେଦ୍‌ତେ ହାଲାଗୁଲାତାନ୍‌ଲଃ ପ୍ରେରିତ୍‌କିନ୍‌କେ ଦିରିଲଃ ଚିଦ୍‌ଗିକେଦ୍‌ତେ ଗଏଃ ନାଗେନ୍ତେ ଉହାଟ୍‌କେଦାକ ।

୬ ପ୍ରେରିତ୍‌କିନ୍ ଏନ୍ ବିଷାଏରେ ସାରିକେଦ୍‌ତେ ଲୁକାୟନିଆ ଜିଲ୍ଲାରେୟାଃ ଲୁସ୍‌ତ୍ରା ଆତଃ ଦର୍ବୀ ସାହାରରେୟାଃ ଚାରିୟସାଃରେ ତାଇକାନ୍ ପାରଗାନ୍‌ତେକିନ୍ ସେନଃୟାନା ।

୭ ଆତଃ ଏନ୍ତାଃରେ ସୁକୁକାଜିକିନ୍ ଉଦୁବ୍‌କେଦା ।

ଲୁସ୍‌ତ୍ରା ଆତଃ ଦର୍ବୀରେ ପାଉଲୁସ୍‌ଆଃ ସେଞ୍ଜାକାମି

୮ ଲୁସ୍‌ତ୍ରାରେ ମିଆଁଦ୍ ଜାନାମ୍‌ହେତେ କାଟା କୁରୁଙ୍ଗ୍‌କାନ୍ ହୃତ୍ ତାଇକେନାଏ । ଇନିଃ ଚିଭଲାଅ କାଏ ସେନ୍ ଦାଡିତାଇକେନା ।

୯ ଇନିଃ ଏନ୍ତାଃରେ ଦୁବ୍‌କେଦ୍‌ତେ ପାଉଲୁସ୍‌ଆଃ କାଜି ଆୟୁମ୍ ତାଇକେନା । ପାଉଲୁସ୍ ଇନିଃକେ ମିଦ୍ ନାଜେର୍‌ରେ ନେଲ୍‌କେଦ୍‌ତେ, ବୁଗିୟଃ ନାଗେନ୍ତେ ଇନିୟାଃ ମନ୍‌ରେ ବିଶ୍ଵାସ୍ ହବାକାନା ମେନ୍ତେ ଆଟ୍‌କାର୍‌କେଦା,

* ୧୩:୫୧ ମାଥ୍‌ଉ ୧୦:୧୪; ମାର୍କ୍ ୬:୧୧; ଲୁକ୍ ୯:୫; ୧୦:୧୧.

୧୦ ଆତ୍ମା କାଉରିତାନ୍ଲଃ କାଜିକେଦାଏ, “କାଟାରେ ପେଡ଼େଃ ଏମ୍‌କେଦ୍‌ତେ ତିଜ୍ଜୁନ୍‌ମେ !” ଏନ୍ ହଡ଼ ତେଗାଅତାନ୍‌ଲଃ ଚାରିୟସାଃ ସେନ୍ ଏଟେଦ୍‌କେଦାଏ ।

୧୧ ଏନ୍ତାଃରେ ତାଜକାନ୍ ଗାଦେଲ୍ ହଡ଼କ ପାଉଲୁସ୍‌ଆଃ ନେ କାମି ନେଲ୍‌କେଦ୍‌ତେ, ଆକଆଃ ଲୁକାୟନିଆ ଜାଗାର୍‌ତେ କାଉରିତାନ୍‌ଲଃ କାଜି ଏଟେଦ୍‌କେଦାକ, “ମାହାପୁରୁକ ହଡ଼ ଲେକା ହବାକେଦ୍‌ତେ ଆବୁତାଃତେ ହିଜ୍ଜୁଃକାନାକ ।”

୧୨ ଇନ୍‌କୁ ବର୍ଣ୍ଣବାସ୍‌କେ ଜିଅସ୍ ଆତ୍ମା ପାଉଲୁସ୍ ମୁଲ୍ କାଜିନିଃ ହବାକାନ୍ ହରାତେ ଇନିଃକେ ହେର୍‌ମିସ୍ ମେନ୍ତେକ ନୁତୁମ୍‌କିୟା ।

୧୩ ନାଗାର୍‌ରେୟାଃ ବାହାରିରେ ତାଜକାନ୍ ଜିଅସ୍ ମାନ୍‌ରରେନ୍ ଯାଜାକ୍, ଦୁଆର୍ ଜାପାଃତେ ଚିମିନ୍ ସାଣ୍‌କକେ ଆତ୍ମା ଗାଲାଇକାନ୍ ବାହା ଆଉକେଦାଏ, ଚିଆଠି ଇନିଃ ଆତ୍ମା ଏନ୍ତାଃରେ ହୁଣ୍ଡିୟାକାନ୍ ଗାଦେଲ୍ ହଡ଼କ ପ୍ରେରିତ୍‌କିନାଃ ନାଗେନ୍ତେ ଦାଣ୍‌ ରାକାବ୍ ନାଜ୍ ସାନାଜ୍ ତାଜକେନାକ ।

୧୪ ଇନ୍‌କୁ ଅକ କାମି ନାଗେନ୍ତେକ କୁଲାଇକାନ୍ ତାଜକେନା, ଏନା ଆୟୁମ୍‌କେଦ୍‌ତେ ପ୍ରେରିତ୍‌କିନ୍ ଚାଏ ବର୍ଣ୍ଣବାସ୍ ଆତ୍ମା ପାଉଲୁସ୍ ପୁରାଃଗି ଦୁକୁୟାନାକିନ୍ ଆତ୍ମା ଆକିନାଃ ଲିଜାଃ ଚେଟାଃକେଦ୍‌ତେ ଗାଦେଲ୍ ହଡ଼କଆଃ ଆଲାତେ ନିର୍‌କେଦାକିନ୍ ଆତ୍ମା କାଉରିକେଦ୍‌ତେ କାଜିକେଦାକିନ୍,

୧୫ “ଆପେ ଚିନାଃମେନ୍ତେ ନେଆଁ ରିକାତାନାପେ ? ଆଲିଜ୍‌ହ ଆପେ ଲେକାଗି ହଡ଼ ତାନ୍‌ଲିଜ୍ । ଆପେ ଜେ'ଲେକାଚି ନେ ସବେନ୍ ସାମା ସାମାରେନ୍ ମାହାପୁରୁକକେ ବାଗିକେଦ୍‌ତେ ଜାନିଦ୍ ପାର୍‌ମେଶ୍ୱାର୍, ଅକଏଚି ସିମା, ଅତେ, ଦରେୟା ଆତ୍ମା ଏନାରେ ତାଜକାନ୍ ସବେନାଃକେ ବାଜୟାକାଦ୍‌ନିଃ ସାଃତେ ରୁହାଡ଼ାଃପେ । ଏନାମେନ୍ତେ ଆଲିଜ୍ ଆପେତାଃରେ ସୁକୁକାଜି ଉଦୁବ୍ ନାଗେନ୍ତେ ହିଜ୍ଜୁଃକାନାଲିଜ୍ ।

୧୬ ପାର୍‌ମେଶ୍ୱାର୍ ସିଦା ପାରିୟାରେନ୍ ସବେନ୍ ହଡ଼କକେ ଆକଆଃ ଇଛାସାନାଜ୍ ଲେକାଏ ସେସେନ୍‌ଇଚିକାକ ତାଜକେନା ।

୧୭ ମେନ୍‌ଦ ଆୟାଃ ବୁଗିନ୍ କାମି ହରାତେ ସବେନ୍ ଇମ୍‌ତା ମେନାଈୟା ମେନ୍ତେ ସାରୁଦ୍ ଏମାକାଦାଏ । ଇନିଃ ସିମାଏତେ ଗାମାଦାଆଃ ଆତ୍ମା ଠାଉକାନ୍ ନେତାରେ ଆଡ଼ାଃ ସାକାମ୍ ଜ'କଏ ଏମାଃ, ଇନିଃ, ଜମେୟା ଆତ୍ମା ଆପେୟାଃ ମନ୍‌ସୁରୁଦ୍‌କେ ରାସ୍‌କାତେ ପେରେଜାକାଦା ।”

୧୮ ପ୍ରେରିତ୍‌କିନ୍ ନେ'ଲେକା ପୁରାଃଗି ଚିମିନ୍ କାଜିକ କାଜିକେଦ୍‌ତେ ଏନ୍ ଗାଦେଲ୍ ହଡ଼କକେ ଦାଣ୍‌ ରାକାବ୍‌ହେତେ ହକାକେଦ୍‌କଆକିନ୍ ।

୧୯ ମେନ୍‌ଦ ଚିମିନ୍ ଯିହୁଦୀକ ପିସିଦିଆରେୟାଃ ଆନ୍ତିୟୋଖ୍ ଆତ୍ମା ଇକନିୟାହେତେ ହିଜ୍ଜୁଃକାନ୍ ତାଜକେନାକ, ଇନ୍‌କୁ ଗାଦେଲ୍ ହଡ଼କକେ ଉସ୍‌କୁରକେଦ୍‌ତେ ପାଉଲୁସ୍‌କେ ଦିରିତେ ଚିଦ୍‌ଗିକିୟାକ ଆତ୍ମା ଇନିଃ ଗଏଃୟାନାଏ ମେନ୍ତେ ଉଡ଼ୁକେଦ୍‌ତେ ସାହାରରେୟାଃ ବାହାରିତେ ଅର୍ ଇଦିକିୟାକ ।

୨୦ ମେନ୍‌ଦ ବିଶ୍ୱାସୀକ ହିଜ୍ଜୁଃକେଦ୍‌ତେ ଆୟାଃ ଚାରିୟସାଃରେ ହୁଣ୍ଡି ବିୟୁରକିୟାକ ଏନ୍ତେ ଇନିଃ ତିଜ୍ଜୁକେଦ୍‌ତେ ସାହାରତେ ରୁହାଡ଼ୟାନା । ଏଟାଃ ହୁଲାଇ ଇନିଃ ଆତ୍ମା ବର୍ଣ୍ଣବାସ୍ ଦର୍ବାତେକିନ୍ ସେନଃୟାନା ।

ପାଉଲୁସ୍ ଆତ୍ମା ବର୍ଣ୍ଣବାସ୍ ସିରିୟାରାଃ ଆନ୍ତିୟୋଖ୍‌ତେ ରୁହାଡ଼ୟାନାକିନ୍

୨୧ ପାଉଲୁସ୍ ଆତ୍ମା ବର୍ଣ୍ଣବାସ୍ ଦର୍ବାରେ ସୁକୁକାଜି ଉଦୁବ୍‌କେଦ୍‌ତେ ପୁରାଃ ଚେଲାକକିନ୍ ବାଜକେଦ୍‌କଆ । ଏନ୍ତେ ଇନ୍‌କିନ୍ ଲୁସ୍‌ତ୍ରା, ଇକନିୟା ଆତ୍ମା ପିସିଦିଆରାଃ ଆନ୍ତିୟୋଖ୍‌ତେକିନ୍ ରୁହାଡ଼ୟାନା ।

୨୨ ଆତ୍ମା ଇନ୍‌କିନ୍ ଏନ୍ତାଃରେନ୍ ବିଶ୍ୱାସୀକକେ ଆକଆଃ ସାର୍‌ତି ବିଶ୍ୱାସ୍‌ରେ କେଚେୟା ନାଗେନ୍ତେ ଆତ୍ମା ଜୀଉରେ ରାସ୍‌କାଆଃ ନାଗେନ୍ତେ ଇନ୍‌କୁକେ ଇଡୁକେଦ୍‌ତେ କାଜିକେଦ୍‌କଆକିନ୍, “ପାର୍‌ମେଶ୍ୱାର୍‌ଆଃ ରାଜ୍‌ରେ ବଲ ନାଗେନ୍ତେ ଆବୁକେ ପୁରାଃ ଦୁକୁ ସାହାଡ଼ିଜ୍‌କେଦ୍‌ତେ ସେନ୍ ଲାଗାଡ଼ିଜ୍‌ୟାଃ ।”

୨୩ ଇନ୍‌କିନ୍ ସବେନ୍ କାଲିସିୟାରେ ପ୍ରାଚିନକକେ ସାଲାଇକେଦ୍‌କଆକିନ୍ ଆତ୍ମା କାଟାବ୍‌ତାନ୍‌ଲଃ ବିକ୍ରିକେଦାକିନ୍, ଏନ୍ତେ ଇନ୍‌କିନ୍ ଅକ ପ୍ରାଭୁତାଃରେ ବିଶ୍ୱାସ୍‌କାଦାକିନ୍, ଇନିଃତାଃରେ ଇନ୍‌କୁକେ ଜିମାକେଦ୍‌କଆକିନ୍ ।

୨୪ ତାୟମ୍‌ତେ ଇନ୍‌କିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦ୍‌ତେ ପାମିଲିଆ ଜିଲ୍ଲାତେକିନ୍ ହିଜ୍ଜୁଃୟାନା ।

୨୫ ଏନ୍ତାଃରେୟାଃ ପେର୍‌ଗା ସାହାରରେ ବାଚାନ୍ ଉଦୁବ୍‌କେଦ୍‌ତେ ଆଭାଲିଆ ସାହାରତେକିନ୍ ସେନଃୟାନା,

୨୬ ଆତ୍ମା ଏନ୍ତାଃଏତେ ଇନ୍‌କିନ୍ ଦାଆଃ ଜାହାଜ୍‌ତେ ଆନ୍ତିୟୋଖ୍‌ତେ ସେନଃ ରୁହାଡ଼ୟାନାକିନ୍, ନେ ଆନ୍ତିୟୋଖ୍‌ରେ ନାହାଁଃ ହବାକାନ୍ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଇନ୍‌କିନ୍ ଜିମାକାନ୍ ତାଜକେନାକିନ୍ ।

୨୭ ଇନ୍‌କିନ୍ ଆନ୍ତିୟୋଖ୍‌ରେ ସେଚେର୍‌କେଦ୍‌ତେ କାଲିସିୟାରେନ୍ ହଡ଼କକେ ହୁଣ୍ଡିକେଦ୍‌କଆକିନ୍ । ପାର୍‌ମେଶ୍ୱାର୍ ଇନ୍‌କିନଃ ନାଗେନ୍ତେ ରିକାକାଦ୍ ତାଜକେନ୍‌ତେୟାଃ ଆତ୍ମା ସାଅଁସାର୍ ହଡ଼କଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦୁବ୍‌କାଦ୍ ତାଜକେନା, ଏନ୍ ସବେନାଃ ଇନ୍‌କୁକେକିନ୍ ଉଦୁବାଦ୍‌କଆ ।

୨୮ ଏନ୍ତେ ଇନ୍‌କିନ୍ ଆନ୍ତିୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନ୍‌କିନ୍ ତାଜକେନା ।

୧୫

ଯୀରୁଶାଲେମ୍ରେ ଖ୍ରୀଷ୍ଟ ବିଶ୍ୱାସୀକଥାଠା ସାଧା

୧ ଯିହୁଦାଏତେ ଚିମିନ୍ ହଡକ ଆନ୍ତ୍ରୟୋଖ୍ତେ ହିଜୁଠକେଦ୍ତେ, ମୁଶା ନାବୀଆଠ ଆନ୍ତୁ ଲେକାତେ ଇନ୍କୁ କାକ ଖାଡନାଅଠରେଦ ଜୀଉବାସ୍ତାଅ କାକ ନାମେୟା ମେନ୍ତେ ବିଶ୍ୱାସୀକକେ ଇଡୁକେଦକଥାକ ।

୨ ନେ ବିଷାଏରେ ଇନ୍କୁଲଠ ପାଉଲୁସ୍ ଆତଠ ବର୍ଣ୍ଣବାସ୍ତାଠ ପୁରାଠଗି କାପ୍ତି ହବାୟାନା, ଏନାତେ ପାଉଲୁସ୍, ବର୍ଣ୍ଣବାସ୍ତା ଆତଠ ଆନ୍ତ୍ରୟୋଖ୍ତେ ଚିମିନ୍ ହଡକ ଯୀରୁଶାଲେମ୍ତେ ସେନ୍ଦକେଦ୍ତେ ପ୍ରେରିତ୍ ଆତଠ କାଲିସିୟାରେନ୍ ପ୍ରାଚିନ୍କଲଠ ନେ ବିଷାଏରେ କାଜିଅଡକ୍ଥାକା ମେନ୍ତେକ ଉହାଡକେଦା ।

୩ କାଲିସିୟାରେନ୍ ହଡକ ଇନ୍କିନାଠ ହରାସେନ୍ ନାଗେନ୍ତେକ ଦେଙ୍ଗାକେଦକିନା, ଆତଠ ଇନ୍କିନ୍ ଫିନିସିୟା ଆତଠ ଶିମିରୋନ୍ ହରାତେ ସେନଠ ଇମତା, ସାଅଁସାର୍ ହଡକ ଚିଲ୍ଲକା ହେୟାତିକ୍ତକେଦ୍ତେ ପାର୍ମେଶ୍ୱାର୍ସାଠତେକ ରୁହାଡକାନା, ଏନ୍ ବିଷାଏରେକିନ୍ ଉଦୁବକେଦକଥା; ନେ କାନାଜି ଆୟୁମ୍କେଦ୍ତେ ବିଶ୍ୱାସୀକ ପୁରାଠଗିକ ରାସକାୟାନା ।

୪ ଇନ୍କିନ୍ ଯୀରୁଶାଲେମ୍ତେ ସେଚେରୟାନ୍ତି, କାଲିସିୟାରେନ୍ ହଡକ, ପ୍ରେରିତ୍ ଆତଠ ପ୍ରାଚିନ୍କ ଇନ୍କିନ୍କେକ ଦାରମ୍କେଦକିନା । ପାର୍ମେଶ୍ୱାର୍ ଆକିନାଠଲଠ ତାଇକେଦ୍ତେ କାମିକାଦ୍ ସବେନ୍ କାମିକ ଇନ୍କିନ୍ ଇନ୍କୁକେ ଉଦୁବକେଦକଥାକିନ୍ ।

୫ ମେନ୍ଦ ପାରୁଶୀ ଝୁଣ୍ଡରେନ୍ ଚିମିନ୍ ବିଶ୍ୱାସୀ ହଡକ ତିକ୍ତକେଦ୍ତେ କାଜିକେଦାକ, “ସାଅଁସାର୍ ହଡକଥାଠ ଖାଡନାଅ ହବାଅଠଗି ଲାଗାତିୟାଁ ଆତଠ ମୁଶା ନାବୀଆଠ ଆନ୍ତୁକେ ମାନାତିକ୍ ନାକ୍ ଇନ୍କୁକେ କାଜି ଲାଗାତିୟାଁ ।”

୬ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍ ଆତଠ ପ୍ରାଚିନ୍କ ମିଦ୍ତାଠରେ ହୁଣ୍ଡିୟାନାକ ।

୭ *ପୁରାଠଗି କାପ୍ତିୟାନ୍ ତାୟମ୍ତେ ପାଡରାସ୍ ତିକ୍ତକେଦ୍ତେ କାଜିକେଦା, “ହେ ହାଗା ମିଶିକ, ଆଇକ୍ ସାଅଁସାର୍ ହଡକତାଠରେ ସୁକୁକାଜି ଉଦୁବେକାଇକ୍ ଆତଠ ଇନ୍କୁ ଏନାରେକ ବିଶ୍ୱାସେକା ମେନ୍ତେ ପାର୍ମେଶ୍ୱାର୍ ଆଇକ୍କେ ଆପେକଏତେ ପୁରାଠ ମାହାଁ ସିଦାରେ ସାଲାକାଦିୟାଁ, ଏନାଦପେ ସାରିତାନା ।

୮ *ଆତଠ ସବେନ୍କଥାଠ ମନ୍ସୁରୁଦ୍ରେୟାଠ ଉଡୁ ସାରି ଦାଡିତାନ୍ ପାର୍ମେଶ୍ୱାର୍, ଆବୁକେ ଜେ'ଲେକା ପାବିତାର୍ ଆମ୍ବା ଏମାକାଦ୍ତୁଆଏ, ଏନ୍ଲେକାଗି ସାଅଁସାର୍ ହଡକକେହ ଏମ୍କେଦ୍ତେ ଇନ୍କୁସାଠଏତେ ଗାଝାଏ ଏମାକାଦା ।

୯ ଇନ୍କୁଆଠ ଆତଠ ଆବୁଆଠ ଆଲାରେ ଜେତାନ୍ ଫାରାକ୍ କାଏ ଦହକାଦା । ଇନ୍କୁଆଠ ବିଶ୍ୱାସ୍ ହରାତେ ଇନିଠ ଇନ୍କୁଆଠ ମନ୍ସୁରୁଦ୍କଏ ଫାର୍ତିକାଦା ।

୧୦ ତାବ୍ଦ ଯିହୁଦୀକଥାଠ ରିତିରିଝାକ୍ ଆତଠ ଆନ୍ତୁ, ଅକ୍ନାଠଟି ହାମ୍ବାଲ୍ ବାହାରମ୍ ଲେକାନାଠତାନାଠ, ଏନାକେ ଆବୁଆଠ ପୁରାଶା ହାଡାମ୍ ଆତଠ ଆବୁ କାବୁ ଗଅଠ ଦାଡିକେନା, ଏନ୍ ଆଡନାକେ ନାହାଁଠ ଆପେ ବିଶ୍ୱାସୀକଥାଠ ତାରାନ୍ରେ ଲାଡିକେଦ୍ତେ ତିନାଠମେନ୍ତେ ପାର୍ମେଶ୍ୱାର୍କେ ବିଡାଅ ନାଗେନ୍ତେପେ ସାନାକ୍ତାନା ?

୧୧ କାହାଗି, ଏନା କା ବୁଗିନାଠ । ଇନ୍କୁ ଜେ'ଲେକା ବିଶ୍ୱାସ୍କେଦ୍ତେ ଜୀଉବାସ୍ତାଅକ ନାମାକାଦା, ଏନ୍ ଲେକାଗି ଆବୁହ ବିଶ୍ୱାସ୍କେଦ୍ତେ ପ୍ରାଭୁ ଯୀଶୁଆଠ ସାୟାଦ୍ତେ ଜୀଉବାସ୍ତାଅବୁ ନାମାକାଦା ।”

୧୨ ପାଉଲୁସ୍ ଆତଠ ବର୍ଣ୍ଣବାସ୍ତାଠ ହରାତେ ସାଅଁସାର୍ ହଡକଥାଠ ଆଲାରେ ପାର୍ମେଶ୍ୱାର୍ ଅକ ଆକଦାନ୍ଦାଅ କାମିକ ଆତଠ ଆକ୍ତାକାଅ କାମିକ କାମିକାଦ୍ ତାଇକେନାଏ । ଏନାକ ଇନ୍କିନ୍ତାଠଏତେ ଆୟୁମ୍କେଦ୍ତେ ଝୁଣ୍ଡରେନ୍ ସବେନ୍କ ହାପାୟାନାକ ।

୧୩ ଇନ୍କିନ୍ କାଜି ଚାବାକେଦ୍ତି, ଯାକୁବ୍ କାଜିକେଦାଏ, “ହେ ହାଗା ମିଶିକ, ଆଇୟାଠ କାଜି ଆୟୁମ୍ତେ ।

୧୪ ପାର୍ମେଶ୍ୱାର୍ ଚିଲ୍ଲକା ଆୟାଠ ଲିନିବୁଇ ସାଅଁସାର୍ ହଡକଏତେ ଚିମିନ୍କକେ ଆୟାଠ ନୁଡୁମ୍ ନାଗେନ୍ତେ ସାଲାକାଦକଥା, ଏନ୍ କାଜିକେ ଶିମୋନ୍ ଉଦୁବକେଦାଏ ।

୧୫ ନାବୀକଥାଠ କାଜି ନେ କାଜିଲଠ ପୁରା ମେସାଅଠତାନା । ଧାରାମ୍ପୁଥ୍ରେ ଅଲକାନା;

୧୬ “ ‘ପ୍ରାଭୁ କାଜିୟାଠଏ, ନେ ତାୟମ୍ତେ ଆଇକ୍ ହିଜୁଠ ରୁହାଡାଇକ୍
ଆତଠ ଦାଉଦ୍ଆଠ ତାଇନଠ ଠାୟାଦ୍କେ ଆତଠମିସା ବାଇରୁହାଡେୟାଇକ୍ ।

ଆଇକ୍ ଏନ୍ ଜିୟନ୍କାନ୍ତେୟାଠକେ ଆତଠମିସା ବାଇରୁହାଡେୟାଇକ୍
ଆତଠ ଏନାକେ କେଟେଦ୍ ରୁହାଡେୟାଇକ୍ ।

୧୭ ଆତଠ ସବେନ୍ ମାନଝା ହଡକ ଆଇକ୍ତାଠତେକ ହିଜୁଠଆ,
ଆଇକ୍ ଅକ ସାଅଁସାର୍ ହଡକକେ ଆଇୟାଠ ହବାଅଠ ନାଗେନ୍ତେକ୍ କେଡାକାଦକଥା, ଇନ୍କୁ ସବେନ୍କ
ଆଇୟାଠତାନ୍କ ମେନ୍ତେ ପ୍ରାଭୁ କାଜିୟାଏ ।

୧୮ ନେ କାଜିକେ ପ୍ରାଭୁ, ନାକ୍ ପାରିୟାଏତେ କାଜିକାଦ୍ ତାଇକେନା ।”

☆ ୧୫:୨ ପ୍ରେରିତ୍ ୧୦:୧-୪୩. ☆ ୧୫:୮ ପ୍ରେରିତ୍ ୧୦:୪୪; ୨:୪.

୧୯ “ଯାକୁବ୍ ଆଡ଼ଃଗି କାଜିକେଦା, ଆଇଁୟାଃ ବିଚାର ନେଆଁତାନାଃ, ଅକ ସାଅଁସାର୍ ହଡ଼କ ପାର୍ମେଶ୍ୱାର୍‌ସାଃତେ ରୁହାଡ଼ତାନାକ, ଇନ୍‌କୁକେ ଆବୁ କାରୁ ହାଏରାନ୍‌କଆ ।

୨୦ ମେନ୍‌ଦ ଇନ୍‌କୁ ମୁରୁଡ଼କତାଃରେ ଦାନ୍ ରାକାବାକାନ୍ ସଡ଼ରା ଜମେୟାଁ ଆଲକାକ ଜମେକା, ଜେତା କଡ଼ା ଚାଏ କୁଡ଼ିଲଃ ହଡ଼ମରେୟାଃ ଏଡ଼କାନ୍ କାମି ଆଲକାକ ରିକାଏକା, ହଟଃ ଲିମ୍‌ଦୁକେଦ୍‌ତେ ଗଜାକାନ୍ ଜାଁତୁରାଃ ମାସ୍ ଚାଏ ମାୟୋମ୍ ଆଲକାକ ଜମେକା ମେନ୍ତେ ନେ ସବେନ୍ ବିଷାଏରେ କାଜିକତାନ୍‌ଲଃ ଇନ୍‌କୁତାଃତେ ମିଆଁଦ୍ ଚିଟାଉରୁ ଅଲେୟା ।

୨୧ ଚିୟାଃଗି ପୁରାଃ ସିଦାଏତେଗି ସବେନ୍ ରୁଡ଼ନୁ ହୁଲାଙ୍‌ରେ ସାମାଜ୍ ଅଡ଼ାଃକରେ ମୁଶା ନାବୀଆଃ ଆନ୍‌ରୁ ପାଡ଼ାଅଃତାନା, ଆଡ଼ଃ ସବେନ୍ ସାହାରରେ ଇନ୍‌ୟାଃ କାଜି ଉଦୁବଃତାନା ।”

ସାଅଁସାର୍ ବିଶ୍ୱାସୀ ହଡ଼କତାଃତେ ଚିଟାଉ

୨୨ ଏନ୍ତେ ପ୍ରେରିତ୍‌କ ଆଡ଼ଃ କାଲିସିୟାରେନ୍ ପ୍ରାଚିନ୍‌କ, ଆଡ଼ଃ କାଲିସିୟାରେନ୍ ସବେନ୍‌କ, ଝୁଣ୍ଡରେନ୍ ଚିମିନ୍ ହଡ଼କକେ ସାଲାକେଦ୍‌ତେ, ପାଉଲୁସ୍ ଆଡ଼ଃ ବର୍ଣ୍ଣବାସ୍‌ଲଃ ଇନ୍‌କୁକେ ଆନ୍ତ୍ରିୟୋଖ୍‌ତେ କୁଲ୍ ନାଗେନ୍ତେକ ଉହାଟ୍‌କେଦା । ବାର୍ଣ୍ଣବାସ୍ ନୁଡୁମ୍‌ତେ ସାରିୟଃତାନ୍ ଯିହୁଦା ଆଡ଼ଃ ସିଲାସ୍, ନେ ବାରାନ୍‌କିନ୍‌କେ ଇନ୍‌କୁ ସାଲାକେଦ୍‌କିନାକ ଆଡ଼ଃ ଇନ୍‌କିନ୍ ବିଶ୍ୱାସୀକଆଃ ଆଲାରେ ପୁରାଃଗି ମାଜନଃତାନ୍‌କିନ୍ ତାଇକେନା ।

୨୩ ଆଡ଼ଃ ବିଶ୍ୱାସୀକ ନେ ଚିଟାଉକେ ଇନ୍‌କିନାଃ ତିଃଇରେ କୁଲ୍‌କେଦାକ । “ଆନ୍ତ୍ରିୟୋଖ୍, ସିରିୟା ଆଡ଼ଃ କିଲିକିଆ ପାର୍‌ଗାନ୍‌ରେନ୍ ସାଅଁସାର୍ ହଡ଼କଏତେ ହିଜୁଃକାନ୍ ହାଗାକକେ ପ୍ରେରିତ୍‌କ ଆଡ଼ଃ କାଲିସିୟାରେନ୍ ପ୍ରାଚିନ୍‌କ ଜହାର୍ ମେନ୍ତେକ କାଜିକୁଲ୍‌କାଦା ।

୨୪ ଆଲେ ଆୟୁମେତାନାଲେ ଯେ, ଆଲେୟାଃ ଝୁଣ୍ଡହେତେ ଚିମିନ୍ ହଡ଼କ ଆପେତାଃତେ ସେନ୍‌କେଦ୍‌ତେ ଆପେୟାଃ ମନ୍‌ରେ ଦୁକୁଃଲେକାନ୍ କାଜିକ କାଜିକାଦା । ମେନ୍‌ଦ ଏନ୍ ବିଷାଏରେ ଆଲେ ଇନ୍‌କୁକେ କାଜି ନାଙ୍ଗ୍ ଜେଡ଼ନାଃ କାଲେ ଆତୁକାକ ତାଇକେନା ।

୨୫ ଆଡ଼ଃ ଆଲେ ସବେନ୍‌କ ମିଦ୍ ମନ୍‌ୟାନ୍‌ଲଃ ଚିମିନ୍ ଝାନ୍ କାଜିକୁଲ୍‌କକେ ସାଲାକେଦ୍‌ତେ ଆପେତାଃତେ କୁଲ୍ ନାଗେନ୍ତେଲେ ଉହାଟ୍‌କାଦା । ଇନ୍‌କୁ ଆବୁଆଃ ଦୁଲାଡ଼୍ ହାଗା ବର୍ଣ୍ଣବାସ୍ ଆଡ଼ଃ ପାଉଲୁସ୍‌ଲଃ ସେନାଃକ ।

୨୬ ଇନ୍‌କିନ୍ ଆକିନାଃ ଜୀଦାନ୍‌କେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍ ନାଙ୍ଗ୍ ସାକାଟ୍‌ରେ ଉୟୁଃକାଦାକିନ୍ ।

୨୭ ଆଲେ ଯିହୁଦା ଆଡ଼ଃ ସିଲାସ୍‌କେ ଆପେତାଃତେ କୁଲ୍‌କିନ୍‌ତାନାଲେ । ଆଲେ ଅକ୍‌ନାଃ ଅଲକାଦାଲେ ଏନାକେଗି ଇନ୍‌କିନ୍ ଆପେକେ ଉଦୁବାପେୟାକିନ୍ ।

୨୮ ଚିମିନାଙ୍ଗ୍ ଲାଗାତିଙ୍ଗ୍ ଆଇନ୍‌କ ବାଗିକେଦ୍‌ତେ ଆପେ ଚେତାନ୍‌ରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ ପାବିତାର୍ ଆମ୍‌ତାଃଏତେ ଆନାରୁଲେ ନାମାକାଦା ।

୨୯ ଆପେ ମୁରୁଡ଼କଆଃ ଆୟାରରେ ଦାନ୍ ରାକାବାକାନ୍ ଜଜମାଃ ଆଲପେ ଜମେୟାଁ, ମାୟୋମ୍ ଆଲପେ ନୁଁଇଆ, ହଟଃ ଲିମ୍‌ଦୁକେଦ୍‌ତେ ଗଜାକାଲ୍ ଜେତା ଜାଁତୁରାଃ ମାସ୍ ଆଲପେ ଜମେୟାଁ ଆଡ଼ଃ ଜେତା କଡ଼ା ଚାଏ କୁଡ଼ିଲଃ ହଡ଼ମରେୟାଃ ଏଡ଼କାନ୍ କାମିକଏତେ ସାଜିନାକାନ୍ ତାଇନ୍‌ପେ । ଆପେ ନେ ସବେନ୍ କାମିକ କାପେ କାମିରେଦ୍ ଆପେୟାଃ ବୁଗିନାଃ ହବାଅଃଆ । ଆଲେୟାଃ ଜହାର୍ ତେଲାଏପେ ।”

୩୦ ଅକ କାଜିକୁଲ୍‌କିନ୍‌କେ କୁଲାକାନ୍ ତାଇକେନା, ଇନ୍‌କିନ୍ ଆନ୍ତ୍ରିୟୋଖ୍‌ତେ ସେନ୍‌କେଦ୍‌ତେ ବିଶ୍ୱାସୀକଆଃ ସବେନ୍ ଝୁଣ୍ଡକେ ହୁଣ୍ଡିକେଦ୍‌ତେ ନେ ଚିଟାଉକେ ଏମାଦ୍‌କଆକିନ୍ ।

୩୧ ଏନ୍ତାଃରେନ୍ ବିଶ୍ୱାସୀକ ଜୀଉରେ ରାସ୍‌କାନ୍ କାଜି ଚିଟାଉରେ ପାଡ଼ାଅକେଦ୍‌ତେ ରାସ୍‌କାତେ ପେରେୟାନ୍‌ନାକ ।

୩୨ ଯିହୁଦା ଆଡ଼ଃ ସିଲାସ୍ ଆକିନ୍‌ଗି ନାବୀ ତାଇକେନାକିନ୍ ଆଡ଼ଃ ଇନ୍‌କିନ୍ ଆନ୍ତ୍ରିୟୋଖ୍‌ରେନ୍ ବିଶ୍ୱାସୀକକେ ପୁରାଃ ନେତା ଜାକେଦ୍ ଜାଗାର୍‌ତାନ୍‌ଲଃ ଇନ୍‌କୁକେ ଜୀଉରେ ରାସ୍‌କାନ୍ କାଜିକ ଏମ୍‌କେଦ୍‌ତେ ଇନ୍‌କୁଆଃ ବିଶ୍ୱାସ୍‌କେ କେଟେଦ୍‌କେଦାକିନ୍ ।

୩୩ ଏନ୍ତାଃରେ ଚିମିନ୍ ମାହାଁ ତାଇନ୍‌ୟାନ୍ ତାୟମ୍‌ତେ ଅକ ହଡ଼କ ଇନ୍‌କିନ୍‌କେ କୁଲାକାଦ୍‌କିନ୍ ତାଇକେନାକ, ଇନ୍‌କୁତାଃ ସେନ୍‌ରୁହାଡ଼୍ ନାଗେନ୍ତେ ବିଶ୍ୱାସୀକ ଇନ୍‌କିନ୍‌କେ ସୁକୁଜୀଉତେ କୁଲ୍‌କେଦ୍‌କିନାକ ।

୩୪ ମେନ୍‌ଦ ସିଲାସ୍ ଏନ୍ତାଃରେ ତାଇନଃ ନାଗେନ୍ତେ ବୁଗିନାଃ ଆଟ୍‌କାର୍‌କେଦାଏ ।*

୩୫ ପାଉଲୁସ୍ ଆଡ଼ଃ ବର୍ଣ୍ଣବାସ୍ ଆନ୍ତ୍ରିୟୋଖ୍‌ରେ ଚିମିନ୍ ଦିନ୍ ତାଇନ୍‌ୟାନ୍‌କିନ୍ ଆଡ଼ଃ ଏଟାଃ ପୁରାଃ ହଡ଼କଲଃ ମେସାକେଦ୍‌ତେ ପ୍ରାଭୁଆଃ ବାଚାନ୍ ଉଦୁବ୍‌କେଦ୍‌କଆକ ଆଡ଼ଃ ଇତୁକେଦ୍‌କଆକ ।

ପାଉଲୁସ୍ ଆଡ଼ଃ ବର୍ଣ୍ଣବାସ୍‌ଆଃ ବିନ୍‌ଗାଅ

୩୬ ଚିମିନ୍ ଦିନ୍ ତାୟମ୍‌ତେ ପାଉଲୁସ୍, ବର୍ଣ୍ଣବାସ୍‌କେ କାଜିକିୟା, “ଦଲା, ରୁହାଡ଼ାଃଲାଙ୍ଗ୍ ଆଡ଼ଃ ସବେନ୍ ସାହାରରେନ୍ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବ୍‌କାକ ତାଇକେନାଲାଙ୍ଗ୍, ଇନ୍‌କୁଲଃ ନେପେଲ୍‌କେଦ୍‌ତେ, ଇନ୍‌କୁ ଚିଲ୍‌କା ମେନାକଆ ଏନାଲାଙ୍ଗ୍ ନେଲାଉକଆ ।”

* ୧୫:୩୪ ନେ ପଦ ଚିମିନ୍ ମାରି ଅନଲ୍‌କରେ ବାନ୍‌ଅଆ

୩୭ ବର୍ଣ୍ଣବାସ୍, ଯୋହାନ୍ ନୁତୁମ୍ରେ ସାରିୟତାନ୍ ମାର୍କକେ ଆକିନାଃଲଃ ଇଦି ନାଗେନ୍ତେ ସାନାଙ୍ଗକାଦ୍ ତାଇକେନା,
୩୮ *ମେନ୍ଦ ପାଉଲୁସ୍ ମାର୍କକେ ଇଦି ନାଗେନ୍ତେ କାଏ ସାନାଙ୍ଗକେଦା, ଚିଆଃତି ଇନିଃ ସିଦାରେୟାଃ ହରାସେନ୍ରେ
କାମି ଚୁଣ୍ଡୁ ଜାକେଦ୍ ଆକଲଃ କା ତାଇକେଦ୍ତେ ଇନ୍କୁକେ ପାମ୍ପିଲିଆରେ ବାଗିକେଦ୍ତେ ରୁହାଡ଼ୟାନା ।

୩୯ ନେ ବିଷାଏରେ ପୁରାଃଗି କାପ୍ତି ହବାୟାନା ଆତଃ ଇନ୍କିନାଃ ବିନ୍ଗାଅ ହବାୟାନା । ବର୍ଣ୍ଣବାସ୍ ମାର୍କକେ
ଇଦିକେଦ୍ତେ ସାଇପ୍ରସ୍ତେ ଦାଆଃ ଜାହାଜ୍ରେ ଦୁବ୍କେଦ୍ତେକିନ୍ ସେନଃୟାନା ।

୪୦ ମେନ୍ଦ ପାଉଲୁସ୍, ସିଲାସ୍କେ ସାଲାଇୟା ଆତଃ ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍ରେ
ଜିମାୟାନଲଃ ବିଦା ଇଦିକେଦାଏ ।

୪୧ ଇନିଃ ସିରିୟା ଆତଃ କିଲିକିଆ ପାର୍ଗାନ୍ ହରାତେ ସେନଃୟାନା ଆତଃ କାଲିସିୟାରେନ୍ ହଡକକେ ବିଶ୍ୱାସ୍ରେ
କେଟେଦ୍ ଇଦିକେଦକଆ ।



ପାଉଲୁସ୍ ଆତଃ ସିଲାସ୍ଲଃ ତୀମଥୁଆଃ ହରାସେନ୍

୧ ପାଉଲୁସ୍ ଦର୍ବୀ ଆତଃ ଲୁସ୍ତ୍ରାତେ ସେନଃୟାନା, ଏନ୍ତାଃରେ ତୀମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହଡ୍ ତାଇନଃତାନ୍
ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ୍ ବିଶ୍ୱାସୀ ଯିହୁଦୀ ତାଇକେନାଏ, ମେନ୍ଦ ଆପୁତେ ଗ୍ରୀକ୍ ହଡ୍
ତାଇକେନାଏ ।

୨ ଲୁସ୍ତ୍ରା ଆତଃ ଇକନିୟାରେନ୍ ସବେନ୍ ବିଶ୍ୱାସୀକ ତୀମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା ।

୩ ପାଉଲୁସ୍, ତୀମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍ଗକେଦା, ଏନାତେ ଇନିଃ ତୀମଥୁକେ ଖାଡନାଅକିୟାଏ ।
ଚିଆଃତି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହଡକ ତୀମଥୁଆଃ ଆପୁତେକେ ଗ୍ରୀକ୍ ହଡ୍ ତାନିଃ ମେନ୍ତେକ ସାରିକାଦ୍
ତାଇକେନା ।

୪ ଇନ୍କୁ ସାହାର୍ ହରାକରେ ସେନଃ ତାଇକେନ୍ ଇମ୍ତା, ବିଶ୍ୱାସୀକେ ଯୀରୁଗାଲେମ୍ରେନ୍ ପ୍ରେରିତ୍ ଆତଃ ପ୍ରାତିନ୍କ
ଠାହାରାଅକାଦ୍ ସବେନ୍ ଆନ୍ତୁକେ ମାନାତିଙ୍ଗ ନାଗେନ୍ତେକ କାଜିକେଦକଆ ।

୫ ନେ'ଲେକାତେ କାଲିସିୟାକ ବିଶ୍ୱାସ୍ରେ ପୁରାଃଗିକ କେଟେଦ୍ୟାନା ଆତଃ ସବେନ୍ ହୁଲାଙ୍ଗ ପସାଇଦିୟଃତାନ୍କ
ତାଇକେନା ।

ତ୍ରୋୟାସ୍ରେ ପାଉଲୁସ୍ଆଃ ଦାର୍ଗାନ୍

୬ ଇନ୍କୁକେ ପାବିତାର୍ ଆମ୍ବା ଏସିଆ ପାର୍ଗାନ୍ରେ ବାତାନ୍ ଉଦୁବ୍ ନାଗେନ୍ତେ କାଏ ଆରୁକେଦକ ହରାତେ ଇନ୍କୁ
ଫୁଗିଆ ଆତଃ ଗାଲାତିୟ ପାର୍ଗାନ୍ତେକ ସେନଃୟାନା ।

୭ ଇନ୍କୁ ମୁସିୟା ପାର୍ଗାନ୍ରେୟାଃ ସିମନାତେ ସେଟେରୟାନ୍ଲଃ ବେଥ୍ନିଆ ପାର୍ଗାନ୍ତେ ସେନଃ ନାଙ୍ଗ ଅତଙ୍ଗଆଃ
ଇମ୍ତା ଯୀଶୁଆଃ ଆମ୍ବା ଇନ୍କୁକେ କାଏ ଆରୁକେଦକଆ ।

୮ ଏନାତେ ଇନ୍କୁ ମୁସିୟା ହରାତେ ସେନଃୟାନ୍ଲଃ ତ୍ରୋୟାସ୍ତେକ ସେନଃୟାନା ।

୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍ଗାନ୍ ନେଲ୍କେଦାଏ ଯେ, ମାକିଦନିଆରେନ୍ ମିଆଁଦ୍ ହଡ୍ ତିଙ୍ଗୁକେଦ୍ତେ
ବିକ୍ରିତାନ୍ଲଃ କାଜିତାନାଏ, “ମାକିଦନିଆତେ ହିଜୁଃକେଦ୍ତେ ଆଲେକେ ଦେଙ୍ଗାଲେପେ !”

୧୦ ପାଉଲୁସ୍ ନେ ଦାର୍ଗାନ୍ ନେଲ୍କେଦ୍ତି ଆଲେ ମାକିଦନିଆତେ ସେନଃ ନାଗେନ୍ତେଲେ ସେକାଡ଼ୟାନା, ଚିଆଃତି
ଆଲେ ସାର୍ତିଗି ସାରିକାଦ୍ ତାଇକେନାଲେ, ପାର୍ମେଶ୍ୱାର୍ ଏନ୍ତାଃରେନ୍ ହଡକଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ
ଆଲେକେ କେଡାକାଦ୍ଲେୟା ।

ଫିଲିପିରେ ଲୁଦିୟାଃ ମନ୍ରୁହାଡ୍

୧୧ ଆଲେ ତ୍ରୋୟାସ୍ତାଃଏତେ ଦାଆଃ ଜାହାଜ୍ରେ ଦୁବ୍କେଦ୍ତେ ସାମଥ୍ରାକି ଟାପୁତେଲେ ସେନଃୟାନା, ଆତଃ
ଏଟାଃହୁଲାଙ୍ଗ ନିୟାପଲି ସାହାର୍ତେଲେ ସେଟେରୟାନା ।

୧୨ ଏନ୍ତାଃଏତେ ଆଲେ ମାକିଦନିଆ ଜିଲ୍ଲାରେୟାଃ ମାରାଙ୍ଗ ନାଗାର୍ ଫିଲିପିତେଲେ ସେନଃୟାନା । ଏନ୍ ନାଗାର୍ରେ
ରୋମ୍ରେନ୍ ହଡକହଗି ତାଇନଃତାନ୍ ତାଇକେନାକ । ଆଲେ ଏନ୍ତାଃରେ ଚିମିନ୍ଦିନ୍ ଲେକାଲେ ତାଇକେନା ।

୧୩ ରୁଡନ୍ ହୁଲାଙ୍ଗ୍ରେ ଆଲେ ନାଗାର୍ହେତେ ଅତଙ୍ଗୟାନ୍ଲଃ ନାହିଁ ଗେନାତେଲେ ସେନଃୟାନା । ଏନ୍ତାଃରେ ଯିହୁଦୀ
ହଡକ ହୁଣ୍ଡିକେଦ୍ତେ ବିକ୍ରି ତାଇକେନ୍ ମିଆଁଦ୍ ଠାୟାଦ୍ ତାଇନାଃ ମେନ୍ତେଲେ ଉଡ଼ୁକାଦ୍ ତାଇକେନା । ଆଲେ ଲାତାର୍ରେ
ଦୁବ୍କେଦ୍ତେ ଏନ୍ତାଃରେ ହୁଣ୍ଡିୟାକାନ୍ କୁଡିକଲଃ ଜାଗାର୍କେଦାଲେ ।

୧୪ ଇନ୍କୁଆଃ ଆଲାରେ ଥୁୟତିରା ନାଗାର୍ରେନ୍ ଲୁଦିୟା ନୁତୁମ୍ ମିଆଁଦ୍ କୁଡି ତାଇକେନା । ଇନିଃ ବାକଗିନିଆ ଲିଜାଃ
ଆଖରିଙ୍ଗନିଃ ତାଇକେନାଏ । ଇନିଃ ପାର୍ମେଶ୍ୱାର୍କେ ବରଭାକ୍ତି ତାଇକେନା ଆତଃ ପାଉଲୁସ୍ କାଜିତାଇକେନ୍ତେୟାଃ
ମନ୍ଧ୍ୟାନ୍ ଆୟୁମ୍କେଦ୍ତେ ମନ୍ସୁରୁଦ୍ରେ ତେଲାଏ ନାଗେନ୍ତେ ପ୍ରାଭୁ ଇନିଃକେ ସୁଯୋଗ୍ ଏମ୍କିୟାଏ ।

☆ ୧୫:୩୮ ପ୍ରେରିତ୍ ୧୩:୧୩.

୧୫ ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ କ ବାପ୍ତିସ୍ମା ଇଦିକେଦ୍ ତାୟମ୍ତେ ଆଲେକେ କେଡ଼ାକେଦ୍ତେ କାଜିକେଦ୍ଲେୟାକ, “ଆପେ ଆଇଙ୍ଗ୍ କେ ପ୍ରାଭୁତାଃରେ ପାତିୟାର୍ତ୍ତଃ ଲେକା ମେନାଲୟା ମେନ୍ତେପେ ବିତାଡ଼ତାନ୍ ରେଦ୍, ଦେଲା ଆଇୟାଃ ଅଡ଼ାଃରେ ତାଇନ୍ପେ ।” ଇନିଃ ନେଲେକା କାଜିକେଦ୍ତେ ଆୟାଃ ଅଡ଼ାଃରେ ତାଇନ୍ ନାଗେନ୍ତେ ଆଲେକେ ଉସ୍ କୁରକେଦ୍ଲେୟା ।

ଫିଲିପିରେୟାଃ ଜେହେଲ୍ରେ ପାଉଲୁସ୍ ଆଡ଼ଃ ସିଲାସ୍

୧୬ ମୁସିଙ୍ଗ୍ ଆଲେ ବିନ୍ତି ଠାୟାଦ୍ତେ ସେନଃ ତାଇକେନ୍ ଇମ୍ତା ମିଆଁଦ୍ କାମ୍ଡ଼ି କୁଡ଼ିଲଃ ନାପାମ୍ୟାନାଲେ । ଇନିୟାଃରେ ତାଇକାନ୍ ଏଡ଼କାନ୍ ଆମ୍ବା ହରାତେ ଇନିଃ ଆୟାର୍ କାଜିକାଦ୍ ଦାଡ଼ିତାଇକେନା । ଇନିଃ ହଡ଼କଆଃ ଚିନାଃ ହବାଅଃଆ ଏନାକ ସିଦାରେ କାଜି ଦାଡ଼ି ତାଇକେନା । ଇନିଃ ଆୟାଃ ଗୁସିୟାକଆଃ ନାଙ୍ଗ୍ ପୁରାଃ ଟାକା ପାଏସାଏ କାମ୍ଡ଼ି ତାଇକେନା ।

୧୭ ଇନିଃ ପାଉଲୁସ୍ ଆଡ଼ଃ ଆଲେୟାଃ ଦୟା ଦୟା ହିଜୁଃକେଦ୍ତେ କାଉରିତାନଲଃ କାଜିକେଦାଏ, “ନେ ହଡ଼କ ସାଲାଙ୍ଗି ଉତାର୍ ପାର୍ମେଶ୍ୱାର୍ଆଃ ଦାସିକ ତାନ୍କ । ଆପେ ଚିଲ୍କାତେ ଜୀଉବାସ୍ତାଅପେ ନାମେୟା, ଏନାକ କାଜିତାନା ।”

୧୮ ଏନ୍ କୁଡ଼ି ପୁରାଃ ମାହାଁ ଜାକେଦ୍ ନେଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସ୍ୟାନ୍ଲଃ ଦୟା ହେତାକେଦ୍ତେ ଏଡ଼କାନ୍ ଆମ୍ବାକେ କେଟେଦ୍କେଦ୍ତେ କାଜିକିୟା, “ୟାଶୁ ଖ୍ରୀଷ୍ଟ୍ଆଃ ନୁଡୁମ୍ତେଇଙ୍ଗ୍ ଆରୁମେତାନା, ଇନିଃତାଃଏତେ ଅତଙ୍ଗ୍ଆଃମେ !” ଇମ୍ତାଗି ଏଡ଼କାନ୍ ଆମ୍ବା ଇନିଃତାଃଏତେ ଅତଙ୍ଗ୍ୟାନା ।

୧୯ ଚିମ୍ତା ଇନିୟାଃ ଗୁସିୟାକ ଆକଆଃ ଟାକା କାମ୍ଡ଼ିରେୟାଃ ଆସ୍ତାକ ଆଦ୍ କେଦା ମେନ୍ତେ ଆଟ୍ କାରକେଦ୍ତି, ପାଉଲୁସ୍ ଆଡ଼ଃ ସିଲାସ୍ କେ ସାବ୍ କେଦ୍ତେ ବାଜାର୍ ପିଡ଼ି ଆଲାତେ ଆକ୍ତେୟାର୍ ନାମାକାଦ୍ ହଡ଼କତାଃତେ ଅର୍ ଇଦିକେଦ୍ କିନାକ ।

୨୦ ଇନ୍କୁ ଇନ୍କିନ୍ କେ ରୋମି ହାକିମ୍ କତାଃତେ ଆଉକେଦ୍ କିନାକ ଆଡ଼ଃ କାଜିକେଦାକ, “ନେ ହଡ଼କିନ୍ ଯିହୁଦୀ ତାନ୍ କିନ୍, ଆଡ଼ଃ ଆଲେୟାଃ ନାଗାର୍ରେ ହାଲାଗୁଲାଏ ତାନାକିନ୍ ।

୨୧ ଇନ୍କିନ୍ ଆରୁଆଃ ଆନ୍ରୁ ବିରୁଧ୍ ରିତିରିଖାଜ୍ ଇଡୁକତାନାକିନ୍ । ଆରୁ ରୋମିରେନ୍ ହଡ଼କ ତାନ୍ରୁ, ଏନାତେ ନେ ସବେନ୍ କା ଲାଗାତିଙ୍ଗ୍ ରିତିରିଖାଜ୍ କାରୁ ମାନାତିଙ୍ଗ୍ ଦାଡ଼ିୟା ।”

୨୨ ଆଡ଼ଃ ଗାଦେଲ୍ ହଡ଼କହଗି ପାଉଲୁସ୍ ଆଡ଼ଃ ସିଲାସ୍ଆଃ ବିରୁଧ୍ରେ ମେସାୟାନାକ । ଏନ୍ତେ ପାଉଲୁସ୍ ଆଡ଼ଃ ସିଲାସ୍ଆଃ ଲିଜାଃ ଚେଟାଃକେଦ୍ତେ ଇନ୍କିନ୍ କେ ସଟାତେ ହାଣ୍ଟା ନାଗେନ୍ତେ ରୋମି ହାକିମ୍ କ ଇନ୍କୁକେ ଆରୁକେଦ୍ କିଆକ ।

୨୩ ଇନ୍କୁ ଇନ୍କିନ୍ କେ ପୁରାଃଗି ଦାଲ୍ କେଦ୍ତେ ଜେହେଲ୍ରେ ଦହକେଦ୍ କିନାକ ଆଡ଼ଃ ତାଲାକେଦ୍ତେ ହର ନାଙ୍ଗ୍ ଆରୁକେଦ୍ କିଆକ ।

୨୪ ନେ ଆନାରୁ ନାମ୍ କେଦ୍ତେ ଜେହେଲ୍ ହରନିଃ ଇନ୍କିନ୍ କେ ମିଆଁଦ୍ ଉତାର୍ କୁଠାତେ ଇଦିକେଦ୍ତେ ହାମ୍ବାଲ୍ ସାହାନ୍ରେୟାଃ ଅରଗଡ଼ରେ ଇନ୍କିନାଃ କାଟାକେ ତଲ୍ କେଦ୍ କିନାଏ ।

୨୫ ଆଲାନିଦାରେ ପାଉଲୁସ୍ ଆଡ଼ଃ ସିଲାସ୍ ପାର୍ମେଶ୍ୱାର୍ଆଃ ନୁଡୁମ୍ତେ ବିନ୍ତି ଆଡ଼ଃ ମାନାରାଙ୍ଗ୍ ରାଃ ଦୁରାଙ୍ଗ୍ ତାଇକେନାକିନ୍ ଆଡ଼ଃ ଏଟାଃ ଜେହେଲାକାନ୍ ହଡ଼କ ଏନା ଆୟୁମ୍ ତାଇକେନାକ ।

୨୬ ଇମ୍ତାଗି ପୁରାଃତେ ଅତେ ଦିଲ୍ କାଅୟାନା ଆଡ଼ଃ ଜେହେଲ୍ ଅଡ଼ାଃରାଃ ନିହିଁ ଗାଡ଼ା ଏକ୍ଲାଅୟାନା । ଇମ୍ତାଗି ସବେନ୍ ଦୁଆର୍ କ ନିଜ୍ୟାନା ଆଡ଼ଃ ଜେହେଲାକାନ୍ ସବେନ୍ ହଡ଼କଆଃ ସିକିଡ଼ିକ ରାଡ଼ାୟାନା ।

୨୭ ଜେହେଲ୍ ହରନିଃ ଦୁଡ଼ମ୍ପାଏତେ ବିରିଦ୍ୟାନାଏ ଆଡ଼ଃ ଜେହେଲ୍ରେୟାଃ ଦୁଆର୍ ସବେନ୍ ନିଜାକାନ୍ ନେଲ୍ କେଦ୍ତେ ଉଡ଼ୁକେଦାଏ ଯେ, ଜେହେଲାକାନ୍ ସବେନ୍ ହଡ଼କ ନିର୍ୟାନାକ । ଏନାତେ ଇନିଃ ଆୟାଃ ତାରାଉଡ଼ି ଅତଙ୍ଗ୍ କେଦ୍ତେ ଆଇଃକ୍ ଗଜେନ୍ ନାଗେନ୍ତେ ସାନାଙ୍ଗ୍ କେଦା ।

୨୮ ମେନ୍ଦ୍ ପାଉଲୁସ୍ ପୁରାଃ କାଉରିକେଦ୍ତେ କାଜିକିୟା, “ଆମ୍ ଆପାନ୍ କେ ଜେଡ଼ନାଃ ଆଲମ୍ ନକ୍ ସାନେନ୍ ତିଆଃତି ଆଲେ ସବେନ୍ କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍ କିଆ ଆଡ଼ଃ ଉତାର୍ତ୍ତେ ନିର୍ବଲୟାନା ଏନ୍ତେ ବରତେ ଏକ୍ଲାଅଃତାନଲଃ ପାଉଲୁସ୍ ଆଡ଼ଃ ସିଲାସ୍ଆଃ କାଟା ଲାତାର୍ରେ ଉୟୁଃୟାନା ।

୩୦ ଏନ୍ତେ ଇନ୍କିନ୍ କେ ବାହାରିତେ ଅତଙ୍ଗ୍ କେଦ୍ତେ କୁଲିକେଦ୍ କିନା, “ମାଇନାକିନ୍, ଜୀଉବାସ୍ତା ନାମେ ନାଗେନ୍ତେ ଆଇଙ୍ଗ୍ କେ ଚିନାଃ ରିକା ଲାଗାତିଙ୍ଗ୍ ଯାଃ ?”

୩୧ ଇନ୍କିନ୍ କାଜିକିୟାକିନ୍, “ପ୍ରାଭୁ ଯାଶୁରେ ବିଶ୍ୱାସେରେଦ୍, ଆମ୍ ଆଡ଼ଃ ଆମାଃ ଅଡ଼ାଃରେନ୍ ଜୀଉବାସ୍ତାଅପେ ନାମେୟା ।”

୩୨ ଏନ୍ତେ ଇନ୍କିନ୍ ଇନିଃକେ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ ହଡ଼କକେ ପ୍ରାଭୁଆଃ ବାଚାନ୍ ଉଦୁବ୍ କେଦ୍ କିଆକିନ୍ ।

୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ ଇନ୍କିନ୍ କେ ଇଦିକେଦ୍ତେ, ଆକିନାଃ ଘାଅକ ଚାପି ଆରୁଙ୍ଗ୍ କେଦାଏ, ଆଡ଼ଃ ଇନିୟାଃ ଅଡ଼ାଃରେନ୍ ସବେନ୍ ହଡ଼କ ଇମ୍ତାଗି ବାପ୍ତିସ୍ମାୟାନାକ ।

୩୪ ଏନ୍ତେ ଇନିଃ ପାଉଲୁସ୍ ଆଡ଼ଃ ସିଲ୍ଲାସ୍ କେ ଆୟାଃ ଅଡ଼ାଃତେ ଇଦିକେଦ୍ତେ ଜମେ ନାଗେନ୍ତେ ଏମାଦକିନା । ପାର୍ମେଶ୍ଵାର୍ତାଃରେ ବିଶ୍ଵାସକେଦ୍ ହରାତେ ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ ହଡ଼କ ରାସ୍କାତେ ପେରେଃୟାନାକ ।

୩୫ ଏଟାଃ ହୁଲାଙ୍ଗ୍ ଆଙ୍ଗ୍ୟାନତି ରୋମିରେନ୍ ହାକିମ୍ କ ସିପାଇକତାଃରେ, “ଏନ୍ ହଡ଼କିନ୍ କେ ଆଡ଼ାଃତାକିନ୍ ପେ” ମେନ୍ତେକ କାଜିକୁଲ୍ କେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍ କେ କାଜିକିୟା, “ହାକିମ୍ ଆମ୍ କେ ଆଡ଼ଃ ସିଲ୍ଲାସ୍ କେ ଜେହେଲ୍ ହେତେ ରାଡ଼ାଃଅକାକିନ୍ ମେନ୍ତେ ହୁକୁମ୍ ଏମାକାନା । ନାହାଁଃ ଆବେନ୍ ଜୀଉସୁକୁତେ ସେନ୍ ଦାଡ଼ିୟାଃବେନ୍ ।”

୩୭ ମେନ୍ଦ ପାଉଲୁସ୍ ସିପାଇକକେ କାଜିୟାଦକଆ, “ଜେତାନ୍ ଗୁଣ୍ଟାଁ କାଲିଙ୍ଗ୍ କାମିକାଦ୍ରେୟ ଇନ୍ କୁ ଆଲିଙ୍ଗ୍ କେ ଦାଲ୍ କାଦଲିୟାକ । ଆଲିଙ୍ଗ୍ ରୋମିରେନ୍ ହଡ଼କିନ୍ ତାନ୍ଲିଙ୍ଗ୍, ମେନ୍ଦ ଇନ୍ କୁ ଆଲିଙ୍ଗ୍ କେ ଜେହେଲ୍ କେଦଲିୟାକ । ନାହାଁଃ ଇନ୍ କୁ ଜେତାଏ ଆଲକାକ ସାରିଲେକା ଆଲିଙ୍ଗ୍ କେ କୁଲ୍ ନାଙ୍ଗ୍ ସାନାଙ୍ଗ୍ ତାନାକ । ଆଲିଙ୍ଗ୍ ନେ'ଲେକା ହବାଅଃକା ମେନ୍ତେ କାଲିଙ୍ଗ୍ ସାନାଙ୍ଗ୍ ତାନା । ରୋମିରେନ୍ ହାକିମ୍ ଆକଗି ନେତାଃତେ ହିଜୁଃକେଦ୍ତେ ଆଲିଙ୍ଗ୍ କେ ଜେହେଲ୍ ହେତେ ରାଡ଼ାଲିଙ୍ଗ୍ କାକ ।”

୩୮ ସିପାଇକ ନେ କାଜି ରୋମିରେନ୍ ହାକିମ୍ କେ ଉଦୁବାଦକଆକ । ପାଉଲୁସ୍ ଆଡ଼ଃ ସିଲ୍ଲାସ୍ ରୋମିରେନ୍ ତାନ୍ କିନ୍ ମେନ୍ତେ ଆୟୁମ୍ କେଦ୍ତେ ଇନ୍ କୁ ବରକେଦାକ ।

୩୯ ଏନ୍ତେ ଇନ୍ କୁ ସେନ୍ କେଦ୍ତେ ଇନ୍ କିନ୍ ତାଃରେ ଜହାର୍ ବିକ୍ରିକେଦ୍ତେ ଇନ୍ କିନ୍ କେ ଜେହେଲ୍ ହେତେ ରାଡ଼ାକେଦକିନାକ ଆଡ଼ଃ ନାଗାର୍ ବାଗିକେଦ୍ତେ ସେନଃବେନ୍ ମେନ୍ତେକ କାଜିକେଦକିନା ।

୪୦ ପାଉଲୁସ୍ ଆଡ଼ଃ ସିଲ୍ଲାସ୍ ଜେହେଲ୍ ବାଗିକେଦ୍ତେ କୁଦିୟାରାଃ ଅଡ଼ାଃତେ ସେନଃୟାନାକିନ୍ । ଏନ୍ତାଃରେ ଇନ୍ କିନ୍ ବିଶ୍ଵାସୀକଲଃ ନେପେଲ୍ ଯାନାକିନ୍ ଆଡ଼ଃ ଇନ୍ କୁକେ ଜୀଉରେ ରାସ୍ କାରେୟାଃ କାଜି ଏମ୍ କେଦ୍ତେ ସେନଃୟାନାକିନ୍ ।



ଥେସ୍ଲନିକାରେ ସେଖାକାମି

୧ ପାଉଲୁସ୍ ଆଡ଼ଃ ସିଲ୍ଲାସ୍ ଆମ୍ ପଲି ଆଡ଼ଃ ଆପଲୋନିଆ ସାହାର୍ ହରାତେ ହରାସେନ୍ ତାନ୍ଲଃ ଥେସ୍ଲନିକା ନାଗାର୍ତେକିନ୍ ସେଟେରୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡ଼ାଃ ତାଇକେନା ।

୨ ପାଉଲୁସ୍ ଆୟାଃ ରିଡିରିଞ୍ଜାଜ୍ ଲେକାତେ ସାମାଜ୍ ଅଡ଼ାଃତେ ସେନଃୟାନା । ଏନ୍ତାଃରେ ଇନିଃ ଆପି ହାପ୍ଟା ରୁଡ଼ୁ ହୁଲାଙ୍ଗ୍ ଜାକେଦ୍ ସାମାଜ୍ ଅଡ଼ାଃ ସେନ୍ କେଦ୍ତେ ହଡ଼କକେ ଧାରାମ୍ ପୁଅରେୟାଃ କାଜି ଜାଗାର୍ କେଦକଆ,

୩ ଆଡ଼ଃ ଧାରାମ୍ ପୁଅରେ ଅଲକାନ୍ ତେୟାଃ ଉଦୁବେତାନ୍ଲଃ ସାରୁଦ୍ ଏମ୍ କେଦାଏ ଯେ, ମାସିଆଃ ଦୁକୁ ଆଡ଼ଃ ଗନଏଃହେତେ ଜୀଉ ବିନିରିଦ୍ ହବାଅଃ ଲାଗାଡିଙ୍ଗ୍ ତାଇକେନା । ପାଉଲୁସ୍ କାଜିକେଦାଏ, “ଆଇଙ୍ଗ୍ ଅକ ଯୀଶୁଆଃ ବିଷାଏରେ ଉଦୁବ୍ କାଦାଇଙ୍ଗ୍, ଇନିଃ ଏନ୍ ମାସିଗି ତାନିଃ ।”

୪ ଇନ୍ କୁ ଏତେ ଚିମିନ୍ ହଡ଼କ ପାଉଲୁସ୍ କାଜିରେ ସାଲ୍ ହାୟାନାକ ଏନ୍ତେ ପାଉଲୁସ୍ ଆଡ଼ଃ ସିଲ୍ଲାସ୍ ମେସାୟାନାକ, ଏନ୍ଲେକାଗି ପୁରାଃ ଆଗୁଆଇ କୁଡ଼ିକ ଆଡ଼ଃ ପାର୍ମେଶ୍ଵାର୍ କେ ବରଭାକ୍ତିତାନ୍ ଗ୍ରୀକ୍ ହଡ଼କଆଃ ମିଆଁଦ୍ ମାରାଙ୍ଗ୍ ଝୁଣ୍ଟ୍ ଇନ୍ କିନ୍ଲଃ ମେସାୟାନାକ ।

୫ ମେନ୍ଦ ଯିହୁଦୀ ହଡ଼କ ହିସ୍ ଲାୟାନାକ ଆଡ଼ଃ ଚିମିନ୍ ଝାନ୍ ଏଡ଼କାନ୍ ହଡ଼କକେ ହୁଣ୍ଟିକେଦ୍ତେ ପୁରା ସାହାର୍ରେ ହାଲାଗୁଲ୍ କେଦାକ । ଇନ୍ କୁ ପାଉଲୁସ୍ ଆଡ଼ଃ ସିଲ୍ଲାସ୍ କେ ଦାଣ୍ଟିକେଦ୍ତେ ହଡ଼କତାଃତେ ଆଡ଼କିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ାଃତେକ ନିରକେଦା । ଚିଆଃଚି ଇନିଃଗି ପାଉଲୁସ୍ ଆଡ଼ଃ ସିଲ୍ଲାସ୍ କେ ଆୟାଃ ଅଡ଼ାଃରେ ତାଇନଃ ନାଗେନ୍ତେ କେଡ଼ାକାଦକିନ୍ ତାଇକେନା ।

୬ ମେନ୍ଦ ଇନ୍ କୁ ଏନ୍ତାଃରେ ପାଉଲୁସ୍ ଆଡ଼ଃ ସିଲ୍ଲାସ୍ କେ କା ନାମ୍ କେଦ୍ ହରାତେ, ଜେସନ୍ ଆଡ଼ଃ ଏଟାଃ ଚିମିନ୍ ବିଶ୍ଵାସୀ ହାଗାକକେ ନାଗାର୍ରେନ୍ ହାକିମ୍ କତାଃତେ ଆଇଜ୍ ଇଦିକେଦ୍ତେ କାଉରିତାନ୍ଲଃ କାଜିକେଦାକ, “ନେ ହଡ଼କ ଅତେଦିଶ୍ଵମ୍ରେୟାଃ ଚାରିୟସାଃରେ ହାଲାଗୁଲ୍ ଧାନାକ, ନାହାଁଃ ଇନ୍ କୁ ଆରୁଆଃ ନାଗାର୍ତେକ ହିଜୁଃକାନା,

୭ ଆଡ଼ଃ ଇନ୍ କିନ୍ କେ ଜେସନ୍ ଆୟାଃ ଅଡ଼ାଃରେ ଦହକାଦକିନା । ଯୀଶୁ ନୁଡୁମ୍ରେ ଆଡ଼ଃମିଆଁଦ୍ ରାଜା ମେନାଇୟା ମେନ୍ତେ କାଜିତାନ୍ଲଃ ଇନ୍ କିନ୍ କାଇସାର୍ ଆଃ ଆନ୍ତୁ ଟଟାଃଏ ତାନାକିନ୍ ।”

୮ ଇନ୍ କୁଆଃ ନେ କାଜିକ ଆୟୁମ୍ କେଦ୍ତେ ଗାଦେଲ୍ ହଡ଼କ ଆଡ଼ଃ ହାକିମ୍ କ ପୁରାଃଗି ହାଲାଗୁଲ୍ କେଦାକ ।

୯ ହାକିମ୍ କ ଜେସନ୍ ଆଡ଼ଃ ବିଶ୍ଵାସୀକତାଃଏତେ ଜାମାନାଡ୍ ଇଦିକେଦ୍ତେ ଇନ୍ କିନ୍ କେ ଆଡ଼ାଃକେଦକିନାକ ।

ବେରିଆ ସାହାର୍ରେ ସେଖାକାମି

୧୦ ନୁବାଃୟାନତି ବିଶ୍ଵାସୀ ହାଗାକ ପାଉଲୁସ୍ ଆଡ଼ଃ ସିଲ୍ଲାସ୍ କେ ବେରିଆତେକ କୁଲ୍ କେଦକିନା । ଇନ୍ କିନ୍ ଏନ୍ତାଃତେ ସେଟେରକେଦ୍ତେ ଯିହୁଦୀକଆଃ ସାମାଜ୍ ଅଡ଼ାଃତେକିନ୍ ସେନଃୟାନା ।

୧୧ ଥେସଲନିକାରେନ୍ ହଡକତାଃଏତେ ବେରିଆରେନ୍ ହଡକ ପୁରାଃଗି ନାଞ୍ଜା ଉଡ଼ୁ ଆତଃ ଇନିତୁକେ ଆୟୁମ୍ ନାଞ୍ଜା ଇଛାସାନାଞ୍ଜାତାନ୍ ହଡକ ତାଇକେନା । ଇନ୍କୁ ଯୀଶୁଆଃ କାଜି ଆୟୁମ୍ ନାଗେନ୍ତେ ପୁରାଃ ସାନାଞ୍ଜାକେଦାକ ଆତଃ ପାଉଲୁସ୍ ଉଦୁବ୍ ତାଇକେନ୍ତେୟାଃରାଃ ସାନାର୍ତ୍ତି ସାରି ନାଗେନ୍ତେ ସବେନ୍ ହୁଲାଇଁ ଧାରାମ୍ପୁଥୁ ପାଢାଅ ତାଇକେନାକ ।

୧୨ ଇନ୍କୁଏତେ ପୁରାଃ ହଡକ ବିଶ୍ୱାସକେଦା । ଆତଃ ସାମାଜକରେ ନୁତୁମଃତାନ୍ ମାପରାଞ୍ଜା ପୁରାଃ ଗ୍ରୀକ୍ କୁଡ଼ିକ ଆତଃ କଡ଼ାକ ବିଶ୍ୱାସୀକଲଃ ମେସାୟାନାକ ।

୧୩ ମେନ୍ଦ ପାଉଲୁସ୍ ବେରିଆରେହ ପାରମେଶ୍ୱାରଆଃ ବାଚାନ୍ ଉଦୁବେତାନାଏ ମେନ୍ତେ ଥେସଲନିକାରେନ୍ ଯିହୁଦୀ ହଡକ ଆୟୁମ୍କେଦା, ଇମତା ଇନ୍କୁ ବେରିଆତେ ହିଜୁଃକେଦ୍ତେ ହାଲାଗୁଲାଏ ନାଗେନ୍ତେ ହଡକକେ ଉସ୍ତୁରକେଦକଆକ ।

୧୪ ଇମତାଗି ବିଶ୍ୱାସୀ ହାଗାକ ପାଉଲୁସ୍କେ ଦରେୟା ଗେନାତେକ କୁଲକିୟା, ମେନ୍ଦ ସିଲାସ୍ ଆତଃ ତୀମଥୁ ନେ ବାରାନ୍କିନ୍ ବେରିଆରେ ତାଇନ୍ୟାନାକିନ୍ ।

୧୫ ପାଉଲୁସ୍କେ ତେବାତୁକାଇତାନ୍ ହଡକ ଆୟାଃଲଃ ଏଥେନ୍ସ୍ ଜାକେଦକ ସେନଃୟାନା । ଏନ୍ତାଃଏତେ ଇନ୍କୁ ବେରିଆତେ ହିଜୁଃ ରୁହାଡକେଦ୍ତେ ସିଲାସ୍ ଆତଃ ତୀମଥୁକେ କାଜିକେଦକିନାକ, “ଆବେନ୍ ଜାଲ୍ଦିଗି ସେନକେଦ୍ତେ ପାଉଲୁସ୍ଲଃ ମେସାଅଃବେନ୍” ମେନ୍ତେ ପାଉଲୁସ୍ କାଜିକାଦାଏ । ନେ ଆନାରୁ ନାମ୍କେଦ୍ତି ଇନ୍କିନ୍ ସେନଃୟାନାକିନ୍ ।

ଏଥେନ୍ସରେ ପାଉଲୁସ୍ଆଃ କାମି

୧୬ ପାଉଲୁସ୍ ଏଥେନ୍ସରେ ସିଲାସ୍ ଆତଃ ତୀମଥୁଆଃ ନେଲ୍ହରାତାନ୍ ତାଇକେନ୍ ଇମତା, ଏନ୍ ନାଗାର୍ ମୁରୁଡ୍ ସେଞ୍ଜାରେ ପେରେଜାକାନ୍ ନେଲ୍କେଦ୍ତେ ପୁରାଃଗି ମନ୍ଦୁକୁୟାନା ।

୧୭ ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡକଲଃ, ପାରମେଶ୍ୱାରକେ ବରଭାକ୍ତିତାନ୍ ସାଅଁସାର୍ ହଡକଲଃ, ଆତଃ ସାହାରରେୟାଃ ଆଲା ହରାକରେ ହିଜୁଃ ସେନଃତାନ୍ ହଡକଲଃ ଏନ୍ ବିଷାଏରେ ଜାଗାରକେଦା ।

୧୮ ଏନ୍ତେ ଚିମିନ୍ ଇପିକୁରିୟାନ୍ ଆତଃ ସ୍ତ୍ରୋୟିକ୍ ଇତୁ ହଡକଲଃ ପାଉଲୁସ୍ଆଃ କାପ୍ତି ହବାୟାନା । ଇନ୍କୁଏତେ ଚିମିନ୍ ହଡକ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନାର୍ ହଡ, ଚିନାଃକ କାଜି ନାଞ୍ଜା ସାନାଞ୍ଜାତାନାଏ ?” ଏଗାଃକ କାଜିକେଦା, “ଏଗାଃ କା ସାରିକାନ୍ ବଜାକଆଃ ବିଷାଏରେ ଇନିଃ ଉଦୁବ୍ତାନ୍ ଲେକାଏ ଆଟ୍କାରଃତାନା ।” ଇନ୍କୁ ନେଲେକା କାଜିକେଦାକ ଚିଆଃଚି ଇନିଃ ଯୀଶୁ ଆତଃ ଆୟାଃ ଜୀଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍ତାଇକେନା ।

୧୯ ଏନାମେନ୍ତେ ଇନ୍କୁ ପାଉଲୁସ୍କେ ସାବ୍ଇଦିକିୟାକ ଆତଃ ଏରିୟପାଗସ୍ ନୁତୁମ୍ ନାଗାର୍ରେୟାଃ ପାଞ୍ଚେଟ୍ତେ ଆଉକେଦ୍ତେ କାଜିକିୟା, “ଆବେନ୍ ଅକ ନାଞ୍ଜା ଇନିତୁ ବିଷାଏରେ କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେନ୍ତେଲେ ସାନାଞ୍ଜାତାନା ।

୨୦ ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍ଟାକଅଲେ ତାନା । ଆଲେ ଏନାରେୟାଃ ମୁଣ୍ଡି ସାରି ନାଗେନ୍ତେଲେ ସାନାଞ୍ଜାତାନା ।”

୨୧ ଏଥେନ୍ସରେନ୍ ହଡକ ଆତଃ ଏନ୍ତାଃରେ ତାଇନ୍ତାନ୍ ଏଗାଃ ଦିଶ୍ଟମ୍ରେନ୍ ହଡକ ନାଞ୍ଜା ବିଷାଏ ଆୟୁମ୍ ନାଗେନ୍ତେ ଆତଃ କାଜି ନାଗେନ୍ତେ ପୁରାଃ ବୁଗିନ୍ ଆଟ୍କାରକ ତାଇକେନା । ନେଆଁରେ ଇନ୍କୁ ପୁରାଃ ନେତା ବିତାଅ ତାଇକେନାକ ।

୨୨ ପାଉଲୁସ୍ ନାଗାର୍ରେୟାଃ ଏରିୟପାଗସ୍ ନୁତୁମ୍ ପାଞ୍ଚେଟ୍ ଆୟାରରେ ତିଜ୍ଜୁୟାନା ଆତଃ କାଜିକେଦାଏ, “ଏଥେନ୍ସରେନ୍ ମାଇନାନ୍କ, ଆପେ ପୁରାଃଗି ଧାରମାନ୍ ହଡକ ଲେକାପେ ଆଟ୍କାରଃତାନା, ଏନାଇଞ୍ଜା ନେଲ୍ପେ ତାନା ।

୨୩ ଚିୟାଃଚି ଆଇଞ୍ଜା ଆପେୟାଃ ନାଗାର୍ରେ ହରାସେନ୍ ତାଇକେନ୍ ଇମତା, ମିଆଁଦ୍ ଦାଣ୍ଡେଁ ରାକାବ୍ ଠାୟାଦ୍ ନେଲ୍କେଦାଈଞ୍ଜା, ଏନାରେୟାଃ ବେଦି ଚେତାନ୍ରେ ‘ମିଆଁଦ୍ କା ସାରି ପାରମେଶ୍ୱାରଆଃ ବିଷାଏରେ’ ଅଲ୍ଲାନାନ୍ ତାଇକେନା । ଆପେ ବେଗାର୍ ସାରିକେଦ୍ତେ ଅକ୍ନିଃକେ ସେଞ୍ଜାତାନାପେ, ନାହ୍ନାଃ ଆୟାଃ କାଜି ଆପେତାଃରେଈଞ୍ଜା ଉଦୁବ୍ତାନା ।

୨୪ ✨ପାରମେଶ୍ୱାର୍ ଅତେଦିଶ୍ଟମ୍ ଆତଃ ଏନାରେ ତାଇକାନ୍ ସବେନ୍ ବିଷାଏ ବାଇକେଦାଏ । ଇନିଃ ସିମ୍ବା ଆତଃ ଅତେରେନ୍ ପ୍ରାଭୁ ତାନିଃ । ହଡକ ବାଇକାଦ୍ ମାନ୍ଦିରଅଡ଼ାଃକରେ ଇନିଃ କାଏ ତାଇନାଃ ।

୨୫ ଆରୁ ଆୟାଃ ନାଗେନ୍ତେ କାମିକେଦ୍ତେ ଆଇଃକ୍କେ ଏମ୍ ଦାଡ଼ିୟାରୁ ଏନଲେକା ଜେଡନାଃ କାଏ ସାନାଞ୍ଜାଆଃ, ଚିୟାଃଚି ଇନିଃ ସବେନ୍କକେ ଜୀଦାନ୍, ସାହେଦ୍ ଆତଃ ଆରୁଆଃ ସବେନ୍ ଲାଗାଡିକ୍ତେୟାଃ ଏମାଃଏ ।

୨୬ ମିଆଁଦ୍ ମାନଞ୍ଜାତାଃଏତେ ଇନିଃ ସବେନ୍ ହଡକକେ ବାଇୟାକାଦକଆ ଆତଃ ଆୟାଃ ଆନାରୁ ଲେକାତେ ଇନ୍କୁ ଅତେରେୟାଃ ସବେନ୍ତାଃରେ ମେନାକଆ । ଅକ ନେତାରେ, ଅକଏ ଅକ ଠାୟାଦ୍ରେ ତାଇନା, ଏନା ମୁନୁଏତେ ପାରମେଶ୍ୱାର୍ ଠାହାରାଅକାଦାଏ ।

୨୭ ସବେନ୍ ହଡକ ଜେଲେକା ଆଇଃକ୍କେ ଦାଣ୍ଡାନାମ୍ ଦାଡ଼ିୟାଃକ, ଏନା ଆୟାଃ ଉଦେଶ୍ ତାଇକେନା । ଏନ୍ରେୟ ପାରମେଶ୍ୱାର୍ ଆରୁତାଃଏତେ ଜେତାଏୟାଃ ସାଜିନ୍ରେ ବାଜାଈୟା ।

୨୮ ଏନ୍ ବିଷାଏରେ ଜେତାଏ ମିହୁଡ୍ କାଜିକାଦାଏ,

✨ ୧୭:୨୪ ପ୍ରେରିତ୍ ୭:୪୮.

“ଆୟାତ୍ତଠାରେଗି ଆବୁଆଃ ଜୀଦାନରେୟାଃ ଜୀହୁଦଃ, ଆସୁଲଃ, ଆତଃ କାମି ଉଦାମ୍ ମେନାଃ ।”

ଆପେୟାଃ ଦୁରାଙ୍ଗ ଅନଲ୍ଲକଏତେ ଚିମିନ୍ ହଡକ କାଜିକାଦା,

“ଆବୁ ଆୟାଃ ହନ୍କ ତାନୁ ।

୨୯ ଆବୁ ପାର୍ମେଶ୍ୱାର୍ଆଃ ହନ୍କ ହବାକାନ୍ ହରାତେ, ଆବୁ ପାର୍ମେଶ୍ୱାର୍ଆଃ ଲେକାନ୍ ସଭାବ୍ କେ ସୋନା, ରୁପା ଚାଏ ଦିରିତେ ବାଲୟାକାନ୍ ମୁରୁତଲଃ କାବୁ ଜକା ଦାଡ଼ିୟା ।

୩୦ ହଡକ ପାର୍ମେଶ୍ୱାର୍ କକ ସାରିକାଲ ନେତାରେ ଇନିଃ କାଏ ଚିଟାକାକ ତାଇକେନା, ମେନ୍ଦ ନାହାଁଃ ଇନିଃ ସବେନ୍ ହଡକକେ ଆକଆଃ ପାପ୍ ହରାଏତେ ମନ୍ରୁହାଡ୍ ନାଗେନ୍ତେ ଆଚୁକତାନା ।

୩୧ ଚିୟାଃଚି ଇନିଃ ମୁସିଙ୍ଗ୍ ହୁଲାଇଙ୍ଗ୍ କେ ଠାହାରାଅକାଦା । ଏନ୍ ହୁଲାଇଙ୍ଗ୍ରେ ଇନିଃ ଆୟାଃ ସାଲାକାନ୍ ହଡକଆଃ ହରାତେ ଗଟା ଅତେଦିଶ୍ୱମ୍ରେନ୍ ହଡକକେ ନ୍ୟାୟ ବିଚାରକଆ । ଏନ୍ ହଡକେ ଗନଏଃହେତେ ଜୀଉବିରିଦ୍ କାଇ ହରାତେ ଇନିଃ ନେ କାଜିରେୟାଃ ସାନାର୍ତ୍ତକେ ସବେନକକେ ଉଦୁବ୍ କାଦକଆ ।”

୩୨ ପାଉଲୁସ୍ତାଃଏତେ ଗନଏଃରେୟାଃ ଜୀଉବିରିଦ୍ ବିଷାଏରେ ଆୟୁମ୍ କେଦ୍ତେ ଇନ୍କୁଏତେ ଚିମିନ୍ ହଡକ ଇନିଃକେକ ଲାୟାକିୟା, ମେନ୍ଦ ଏଟାଃକ କାଜିକେଦାକ, “ଆବେନ୍ତାଃଏତେ ନେ ବିଷାଏରେ ଆତଃମିସା ଆୟୁମ୍ ନାଗେନ୍ତେଲେ ସାନାଙ୍ଗତାନା ।”

୩୩ ନେଆଁ କାଜିକେଦ୍ତେ ପାଉଲୁସ୍ ପାଞ୍ଚେଟ୍ଏତେ ସେନଃୟାନାଏ ।

୩୪ ଦିୟନ୍ସିୟ ନୁତୁମ୍ ପାଞ୍ଚେଟ୍ରେନ୍ ମିଆଁଦ୍ ହଡ, ଦାମାରା ନୁତୁମ୍ ମିଆଁଦ୍ କୁଡି ଆତଃ ଚିମିନ୍ ହଡକ ବିଶ୍ୱାସ୍ କେଦାକ ଆତଃ ଆୟାଃଲଃ ମେସାୟାନାକ ।

୧୮

କରିଛି ନାଗାରରେ ପାଉଲୁସ୍ ଆଃ କାମି

୧ ନେଆଁ ତାୟମ୍ତେ ପାଉଲୁସ୍ ଏଥେନ୍ସ୍ ନାଗାର ବାଗିକେଦ୍ତେ କରିଛି ନାଗାର୍ତେ ସେନଃୟାନା ।

୨ ଏନ୍ତାଃରେ ଇନିଃ ପନ୍ତସ୍ ପାରଗାନ୍ରେ ଜାନାମାକାନ୍ ଆକ୍ଲିଲା ନୁତୁମ୍ ମିଆଁଦ୍ ଯିହୁଦୀ ହଡକେ ନାମକିୟା । ରୋମିରେନ୍ ହାକିମ୍ କ୍ଲାଇଦିଆ ସବେନ୍ ଯିହୁଦୀକକେ ରୋମ୍ ନାଗାର ବାଗି ନାଗେନ୍ତେ ଆଚୁକାଦ୍ ତାଇକେନ୍ ହରାତେ ଇନିଃ ଚିମିନ୍ ମାହାଁ ତାୟମ୍ତେ ଆୟାଃ କୁଡି ପ୍ରିସକିଲାଲଃ ଇଟାଲି ନାଗାର୍ତେହେତେ ହିଜୁଆକାନ୍ ତାଇକେନା । ପାଉଲୁସ୍ ଇନ୍କୁକେ ନେନେଲ୍ ନାଗେନ୍ତେ ସେନଃୟାନା,

୩ ଆତଃ ଇନ୍କୁଲଃ ତାଇକେଦ୍ତେ ଏନ୍ତାଃରେ କାମିକେଦା, ଚିଆଃଚି ଇନିଃହଗି ଇନ୍କୁ ଲେକା କୁମ୍ପା ବାବାଇରେ କାମିକେଦ୍ତେ ଜୀହୁଦଃ ତାଇକେନା ।

୪ ଯିହୁଦୀ ଆତଃ ଗ୍ରୀକ୍ ହଡକଆଃ ମନ୍ରେ ବିଶ୍ୱାସ୍ ହବାଅଃ ନାଗେନ୍ତେ ସବେନ୍ ରୁଡ୍ ନୁ ହୁଲାଇଙ୍ଗ୍ରେ ଇନିଃ ସାମାଜ୍ ଅଡ଼ାଃକରେ ଜାଗାର୍ତାନ୍ ତାଇକେନା ।

୫ ସିଲାସ୍ ଆତଃ ତାମଥ୍ ମାକିଦନିଆଏତେକିନ୍ ରୁହାଡ୍ୟାନ୍ ତାୟମ୍ତେ ପାଉଲୁସ୍ ଯିହୁଦୀ ହଡକତାଃରେ ଯୀଶୁଆଃ ସୁକୁକାଜି ଉଦୁବ୍ରେ ପୁରା ସାମାଏ ଏମ୍ କେଦାଏ, ଆତଃ ଯୀଶୁଗି ମାସି ତାନିଃ ମେନ୍ତେ ଗାଞ୍ଜା ଏମ୍ କେଦା ।

୬ ମେନ୍ଦ ଇନ୍କୁ ଆୟାଃ କାଜିକଟଙ୍ଗ୍ ରିକାକେଦ୍ତେ ଆୟାଃ ବିଷାଏରେ ନିୟାକାଜିକ କାଜିକେଦା । ଏନାତେ ଇନିଃ ଆୟାଃ ଲିଜାଃରେୟାଃ ଧୁଡି କଟାକେଦ୍ତେ ଇନ୍କୁକେ କାଜିକେଦ୍ କଆ, “ଆପେ ଜିୟନଃରେଦ୍ ଏନାରେୟାଃ ଦାୟୀ ଆପେୟାଃଚି ତାନାଃ, ଆଇୟାଃ ନାହାଁଲଃ । ନାହାଁଃ ଆଇଙ୍ଗ୍ ସାଅଁସାର୍ ହଡକତାଃତେଇଙ୍ଗ୍ ସେନଃଆ ।”

୭ ଏନାତେ ଇନିଃ ଇନ୍କୁକେ ବାଗିକେଦ୍ତେ ପାର୍ମେଶ୍ୱାର୍ କେ ବରଭାକ୍ତିତାନ୍ ତିତସ୍ ଜୁସ୍ ସ୍ ନୁତୁମ୍ ମିଆଁଦ୍ ସାଅଁସାର୍ ହଡଆଃ ଅଡ଼ାଃରେ ତାଇନିଃ ନାଗେନ୍ତେ ସେନଃୟାନା । ଜୁସ୍ ସ୍ ଆଃ ଅଡ଼ାଃ ସାମାଜ୍ ଅଡ଼ାଃ ନାଡେଃରେ ତାଇକେନା ।

୮ ସାମାଜ୍ ଅଡ଼ାଃରେନ୍ ଆଗୁଆଇ କ୍ରୀଷ୍ଟସ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ ପ୍ରାଭୁତାଃରେ ବିଶ୍ୱାସ୍ କେଦାକ ଆତଃ କରିଛିରେନ୍ ଆତଃଚି ପୁରାଃ ହଡକ ପାଉଲୁସ୍ ଆଃ ଇନିତୁ ଆୟୁମ୍ କେଦ୍ତେ ବିଶ୍ୱାସ୍ କେଦାକ ଆତଃ ବାପ୍ରିସ୍ତା ଇଦିକେଦାକ ।

୯ ମିଆଁଦ୍ ନିଦାରେ ପାଉଲୁସ୍ ଦାର୍ଶାନ୍ ନାମ୍ କେଦାଏ, ଦାର୍ଶାନ୍ରେ ପ୍ରାଭୁ ଇନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦୁବ୍ କାତେମ୍, ଏନାକେ ଆଲମ୍ ବାଗିୟା,

୧୦ ଚିଆଃଚି ଆଇଙ୍ଗ୍ ଆମାଃଲଃ ମେନାଇୟାଁଃ । ଜେତାଏ ଆମାଃ କାକ ନକ୍ ସାନ୍ ଦାଡ଼ିୟା, ଚିଆଃଚି ନେ ନାଗାର୍ତେ ଆଇୟାଃ ପୁରାଃ ହଡକ ମେନାକଆ ।”

୧୧ ଏନାତେ ପାଉଲୁସ୍ ଏନ୍ତାଃରେ ପାର୍ମେଶ୍ୱାର୍ଆଃ ବାଚାନ୍ ଇତୁକେଦ୍ତେ ମିଦ୍ ବାରାଷ୍ ତୁରିୟା ମାହିଁନା ତାଇନ୍ୟାନାଏ ।

୧୨ ଗାଲିୟୋ ଆଖାୟା ପାରଗାନ୍ରେନ୍ ରୋମାନ୍ ଲାଟ୍ ସାହେବ୍ ତାଇକେନ୍ ଇମ୍ତା, ଯିହୁଦୀକ ମିଦ୍ତାଃରେ ହୁଣ୍ଡିକେଦ୍ତେ ପାଉଲୁସ୍ କେ ସାବ୍ କେଦ୍ତେ କାଚାଈରିତେକ ଇଦିକିୟା ।

୧୩ ଇନ୍କୁ କାଜିକେଦାକ, “ନେ ହଡ ଆନ୍ତୁ ବିରୁଧ୍ରେ ପାର୍ମେଶ୍ୱାର୍ କେ ବରଭାକ୍ତି ନାଙ୍ଗ୍ ହଡକକେ ଉସ୍ କୁରକତାନା ।”

୧୪ ପାଉଲୁସ୍ କାଜିରୁହାଡ଼୍ ନାଙ୍ଗ୍ ସାନାଙ୍ଗ୍ ତାଇକେନ୍ ଇମ୍ତା, ଗାଲିୟୋ ଯିହୁଦୀ ହଡ଼କକେ କାଜିକେଦକଆ, “ନେଆଁରେ ଜେତାନ୍ ଗୁହ୍ନାଁ ଚାଏ ଏଡ଼କାନ୍ କାମି କାମିକାଦରେଦ, ଏ ଯିହୁଦୀ ହଡ଼କ, ଆଇଙ୍ଗ୍ ଧୁରାଜ୍ରେ ଆପେୟାଃ କାଜି ଆୟୁମ୍ତେୟାଃ ଆଇଁୟାଃ ନାଙ୍ଗ୍ ବୁଗିନାଃ ହବାଅଃଆ ।

୧୫ ମେନ୍ଦ ନେ କାପ୍ଜି ଆପେୟାଃ ଆପ୍ନାଃ କାଜି, ନୁତୁମ୍ ଆତଃ ଆନ୍ତୁ ବିଷାଏରେୟାଃ ଏସ୍କାର୍ ତାନାଃ, ଏନାତେ ଆପେ ଆପେଗି ବିଚାରରେପେ, ଆଇଙ୍ଗ୍ ନେ'ଲେକାନ୍ ବିଷାଏ କାଇଙ୍ଗ୍ ବିଚାରାଃ ।”

୧୬ ନେଆଁ କାଜିକେଦ୍ତେ ଇନିଃ ଇନ୍କୁକେ କାଚାଇରିହେତେ ହାଅଡ଼କ୍କେଦକଆ ।

୧୭ ଇନ୍କୁ ସାମାଜ୍ଅଡ଼ାଃରେନ୍ ଆଗୁଆଇ ସସ୍ତେନସ୍କେ ସାବ୍କେଦ୍ତେ କାଚାଇରି ଆୟା଼ରେକ ଦାଲ୍କିୟା । ମେନ୍ଦ ଗାଲିୟୋ ଏନ୍ ବିଷାଏରେ ଜେଡ଼ନାଃ କାଏ ଉଡ଼ଃକେଦା ।

ସିରିୟା ଆନ୍ତିୟୋଖ୍ତେ ରୁହାଡ଼୍

୧୮ ମେନ୍ଦ ପାଉଲୁସ୍ କରନ୍ତିରେନ୍ ବିଶ୍ୱାସୀ ହାଗା ମିଶିକଲଃ ପୁରାଃ ମାହାଁ ଜାକେଦ୍ ତାଇକେନାଏ । ଏନ୍ତେ ଇନ୍କୁ କେକେ_ୟାଏତେ ଦାଆଃ ଜାହାଜ୍ରେ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉବ୍ ଠାଟୁୟାନାଏ ।* ଏନ୍ତେ ବିଶ୍ୱାସୀକକେ ବାଗିକେଦ୍ତେ ପ୍ରିସ୍କିଲା ଆତଃ ଆକ୍ଲିଲାଲଃ ସିରିୟା ପାର୍ଗାନ୍ତେ ଦାଆଃ ଜାହାଜ୍ରେକ ସେନଃୟାନା ।

୧୯ ଇନ୍କୁ ଏଫିସୁସ୍ତେ ତେବାଃୟାନ୍ ତାୟମ୍ତେ ପାଉଲୁସ୍, ପ୍ରିସ୍କିଲା ଆତଃ ଆକ୍ଲିଲାକେ ବିଦାକେଦ୍ତେ, ଇନିଃ ଏନ୍ତାଃରେ ସାମାଜ୍ ଅଡ଼ାଃତେ ସେନ୍କେଦ୍ତେ ଯିହୁଦୀ ହଡ଼କଲଃ ଜାଗା଼କେଦା ।

୨୦ ହଡ଼କ ଇନିଃକେ ଆତଃଗି ପୁରାଃ ମାହାଁ ତାଇନ୍ ନାଗେନ୍ତେକ କାଜିକିୟା, ମେନ୍ଦ ଇନିଃ କାଏ ମାନାଡ଼ିଙ୍ଗ୍ୟାନା ।

୨୧ ବିଦାଅଃତାନ୍ ଇମ୍ତା ଇନିଃ ଇନ୍କୁକେ କାଜିକେଦକଆ, “ପାର୍ମେଶ୍ୱାର୍ଆଃ ଇଛାସାନାଙ୍ଗ୍ ତାଇନଃରେଦ, ଆଇଙ୍ଗ୍ ଆପେତାଃତେଇଙ୍ଗ୍ ହିଜୁଃ ରୁହାଡ଼ା ।” ଏନ୍ତେ ଇନିଃ ଏଫିସୁସ୍ତାଃଏତେ ଦାଆଃ ଜାହାଜ୍ରେ ସେନଃୟାନା ।

୨୨ ଇନିଃ କାଇସରିୟାତେ ସେଟେରକେଦ୍ତେ ଏନ୍ତାଃଏତେ ଯୀରୁଶାଲେମ୍ତେ ସେନଃୟାନା ଆତଃ କାଲିସିୟାରେନ୍ ହଡ଼କକେ ଜହା଼କେଦ୍ତେ ଆନ୍ତିୟୋଖ୍ତେ ସେନଃୟାନା ।

୨୩ ଏନ୍ତାଃରେ ଇନିଃ ଚିମିନ୍ଦିନ୍ ତାଇନ୍କେଦ୍ତେ ଗାଲାତିୟ ଆତଃ ଫୁଗିଆଃ ପାର୍ଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ ବିଶ୍ୱାସ୍ରେ ପେଡ଼େୟାଃ ନାଗେନ୍ତେ ସବେନ୍କକେ ଉସ୍କୁରକେଦକଆ ।

ଏଫିସୁସ୍ ଆତଃ କରନ୍ତିରେ ଆପୋଲୋ

୨୪ ଏନ୍ ଦିପିଲିରେ ଆଲେକ୍ଜାଣ୍ଡ୍ରିଆ ନାଗା଼ରେ ଜାନାମାକାନ୍ ଆପୋଲୋ ନୁତୁମ୍ ମିଆଁଦ୍ ଯିହୁଦୀ ଏଫିସୁସ୍ତେ ହିଜୁଃୟାନା । ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡ଼ିନିଃ ଆତଃ ଧାରାମ୍ପୁଥ୍ରେ ଆୟାଃ ପୁରାଃ ସେଣାଁତାଇକେନା ।

୨୫ ଇନିଃ ପ୍ରାଭୁଆଃ ହରା ବିଷାଏରେ ଇତୁଆକାନାଏ ତାଇକେନା ଆତଃ ପୁରାଃ ଆମ୍ରେ ଚିହୁଲ୍ତେ ଯୀଶୁଆଃ ବିଷାଏରେ ସାର୍ତିତେ ଇତୁ ତାଇକେନା । ମେନ୍ଦ ଇନିଃ ଯୋହାନ୍ଆଃ ବାପ୍ତିସ୍ତା ବିଷାଏରେ ଏସ୍କାର୍ ସାରିକାଦ୍ ତାଇକେନାଏ ।

୨୬ ସାମାଜ୍ ଅଡ଼ାଃକରେ ଇନିଃ ବେଗାର୍ ବରତେ ଇତୁ ଏଟେଃକେଦକଆ । ଆୟାଃ ଇନିତୁ ଆୟୁମ୍ତେଦ୍ତେ ପ୍ରିସ୍କିଲା ଆତଃ ଆକ୍ଲିଲା ଇନିଃକେ ଆକିନାଃ ଅଡ଼ାଃତେ ଇଦିକିୟାକିନ୍ ଆତଃ ଏନ୍ତାଃରେ ଇନିଃକେ ପାର୍ମେଶ୍ୱାର୍ଆଃ ହରା ବିଷାଏରେ ପୁରାଃ ଠାଉକା ଲେକାତେ ଉଦୁବ୍କିୟାକିନ୍ ।

୨୭ ଏନ୍ତେ ଆପୋଲୋ ଆଖାୟା ପାର୍ଗାନ୍ତେ ସେନଃ ସାନାଙ୍ଗ୍ ତାଇକେନ୍ ହରାତେ, ଏଫିସୁସ୍ରେନ୍ ବିଶ୍ୱାସୀକ ଇନିଃକେ ଦେଙ୍ଗାକିୟାକ ଆତଃ ଇନିଃକେ ସୁକୁତେ ଦାରମ୍ ନାଗେନ୍ତେ କାଜିତାନ୍ଲଃ ଆଖାୟାରେନ୍ ବିଶ୍ୱାସୀକକେ ଚିଟାଉ ଅଲାଦକଆକ । ଇନିଃ ଏନ୍ତାଃତେ ସେଟେରକେଦ୍ତେ ପାର୍ମେଶ୍ୱାର୍ଆଃ ସାୟାଦ୍ତେ ବିଶ୍ୱାସୀ ହବାକାନ୍ ହଡ଼କକେ ପୁରାଃଗି ଦେଙ୍ଗାକେଦକଆ ।

୨୮ ଯୀଶୁ ମାସି ତାନିଃ ମେନ୍ତେ, ଆୟାଃ କେଟେୟାନ୍ କାପ୍ଜି ହରାତେ ଧାରାମ୍ପୁଥ୍ରେ ସାବୁଦେତାନ୍ଲଃ ଉଦୁବ୍ତାନ୍ ଇମ୍ତା ଇନିଃ ଯିହୁଦୀକକେ ହାରାଅକେଦକଆ ।

୧୯

ଏଫିସୁସ୍ରେ ପାଉଲୁସ୍

୧ ଆପୋଲୋ କରନ୍ତିରେ ତାଇକେନ୍ ଇମ୍ତା, ପାଉଲୁସ୍ ସିଜିତୁରଃସାଃ ପାର୍ଗାନ୍କରେ ହରାସେନ୍ତାନ୍ଲଃ ଏଫିସୁସ୍ତେ ସେଟେରୟାନା । ଏନ୍ତାଃରେ ଇନିଃ ଚିମିନ୍ ତେଲାକଲଃ ନାପାମ୍ୟାନା

୨ ଆତଃ କୁଲିକେଦକଆ, “ଆପେ ବିଶ୍ୱାସୀ ହବାୟାନ୍ ଇମ୍ତା ଚିନାଃ ପାବିତାର୍ ଆମ୍ବାକେପେ ନାମକିୟା ?” ଇନ୍କୁ କାଜିରୁହାଡ଼କିୟାକ, “ପାବିତାର୍ ଆମ୍ବା ମେନ୍ତେ ଜେତାଏ ମେନାଇୟା, ନେ କାଜିୟ ଆଲେ କାଲେ ଆୟୁମ୍ତାଦା ।”

* ୧୮:୧୮ ଯିହୁଦୀ ହଡ଼କଆଃ ବହଃରେୟାଃ ଉବ୍ ଠାଟୁନ୍ତେୟାଃ, କିରିୟାକାଦ୍ତେୟାଃ ମାନାଡ଼ିଙ୍ଗ୍ରାଃ ଚିହ୍ନାଁ ତାନାଃ

୩ ପାଉଲୁସ୍ କୁଲିକେଦକଆଏ, “ତାବଦ, ଆପେ ଅକ ଲେକାନ ବାପ୍ତିସ୍ମା ଇଦିକାଦାପେ ?” ଇନ୍କୁ କାଜିରୁହାଡ଼କିୟାକ, “ଯୋହାନଆଃ ବାପ୍ତିସ୍ମାରେ ।”

୪ *ପାଉଲୁସ୍ କାଜିକେଦକଆଏ, “ଅକ ହଡକ ପାପ୍ତହେତେ ହେୟାତିଙ୍ଗ୍ ତାଇକେନାକ, ଯୋହାନଆଃ ବାପ୍ତିସ୍ମା ଇନ୍କୁ ନାଗେନ୍ତେ ଲାଗାତିଙ୍ଗ୍ ତାଇକେନା । ମେନ୍ଦ ଆୟାଃ ତାୟମ୍ତେ ଅକଏ ହିଜୁଃରାଃ ତାଇକେନା, ଇନିଃତାଃରେ ତାଏ ଯୀଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ତେ ଯୋହାନ ଇସ୍ତାଏଲ୍ ହଡକକେ କାଜିକାକ ତାଇକେନା ।”

୫ ନେଆଁ ଆୟୁମ୍ତେଦେ ଇନ୍କୁ ପ୍ରାଭୁ ଯୀଶୁଆଃ ନୁତୁମ୍ତେକ ବାପ୍ତିସ୍ମାୟାନା ।

୬ ପାଉଲୁସ୍ ଇନ୍କୁଆଃ ଚେତାନରେ ତିଃଇ ଦହକେଦାଏ ଆଡଃ ପାବିତାର୍ ଆମ୍ବା ଇନ୍କୁ ଚେତାନରେ ଆଡ଼ଗୁୟାନା । ଇନ୍କୁ ରାକାମ୍ ରାକାମ୍ ଜାଗାର୍ତେ କାଜିକେଦାକ ଆଡଃ ପାର୍ମେଶ୍ୱାର୍ଆଃ କାନାଜିକ ଉଦୁବ୍କେଦା ।

୭ ଇନ୍କୁ ସବେନ୍ ଗେଲ୍ବାର୍ ହାଗାକ ତାଇକେନା ।

୮ ପାଉଲୁସ୍ ଆପି ଚାଣ୍ଡୁ* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡକଲଃ ଜାଗାର୍ତାନଲଃ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ଇନ୍କୁଆଃ ମନ୍ଦକରେ ବିଶ୍ୱାସ୍ ଉପ୍ଜାଅ ସାନାଙ୍ଗ୍କେଦାଏ ।

୯ ମେନ୍ଦ ଇନ୍କୁଏତେ ଚିମିନ୍ ହଡକ କେଚେଦ୍ ମନ୍ଦରେନ୍ ତାଇକେନାକ, ଇନ୍କୁ କାକ ବିଶ୍ୱାସ୍କେଦା । ଇନ୍କୁ ଝୁଣ୍ଡ୍ରେନ୍ ସବେନ୍କଆଃ ସାମ୍ନାଙ୍ଗ୍ରେ ପ୍ରାଭୁଆଃ ହରା ବିଷାଏରେ ଏଡକାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନ୍କୁକେ ବାରିକେଦକଆ ଆଡଃ ବିଶ୍ୱାସୀକକେ ଇଦିକେଦେତେ ସବେନ୍ ହୁଲାଙ୍ଗ୍ ତିରାନସ୍ ନୁତୁମ୍ ଇଡୁନ୍ ଅଡ଼ାଃତାଃରେ ଜାଗାର୍ତାନ ତାଇକେନା ।

୧୦ ବାର୍ ସିମା ଜାକେଦ୍ ନେଆଁ ହବାୟାନା । ଏସିଆ ପାର୍ଗାନରେ ତାଇନ୍ତାନ ପୁରାଃ ଯିହୁଦୀ ଆଡଃ ସାଅଁସାର୍ ହଡକ ପ୍ରାଭୁଆଃ ବାଚାନ୍ ଆୟୁମ୍ତେଦାକ ।

ସ୍ଲେବାରାଃ ହନ୍କ

୧୧ ପାର୍ମେଶ୍ୱାର୍ ପାଉଲୁସ୍ଆଃ ହରାତେ ମାପ୍ପରାଙ୍ଗ୍ ଆକ୍ଦାୟାଅ କାମିକଏ ରିକାକେଦା ।

୧୨ ନେ'ଲେକାତି ପାଉଲୁସ୍ ସାବାକାଦ୍ ରୁମାଲ୍ ଆଡଃ ଲିଜାଃକ ବେମାର୍ ହଡକତାଃତେ ଇଦିୟାଃରେ ଇନ୍କୁ ବୁଗିୟାଃ ତାଇକେନାକ ଆଡଃ ଇନ୍କୁଆଃ ହଡ଼ମ୍ଏତେ ଏଡକାନ୍ ଆମ୍ବାକ ଅଡ଼ଙ୍ଗ୍ଆଃ ତାଇକେନା ।

୧୩ ଚିମିନ୍ ହନରବାଡ଼ାତାନ ଯିହୁଦୀ ହଡକହଗି ପ୍ରାଭୁ ଯୀଶୁଆଃ ନୁତୁମ୍ ସାବ୍କେଦେତେ ବଙ୍ଗା ହାଅଡ଼ଙ୍ଗ୍ ନାଙ୍ଗ୍ ସାନାଙ୍ଗ୍କେଦାକ । ଇନ୍କୁ ଏଡକାନ୍ ଆମ୍ବାକେ କାଜିକ ତାଇକେନାକ, “ପାଉଲୁସ୍ ଉଦୁବ୍ତାନ ଯୀଶୁଆଃ ନୁତୁମ୍ତେ ଆଇଙ୍ଗ୍ ଆମ୍ବେ ଆଚୁମେତାନା ।”

୧୪ ସ୍ଲେବା ନୁତୁମ୍ ମିଆଁଦ୍ ଯିହୁଦୀ ମାରାଙ୍ଗ୍ ଯାଜାକ୍ଆଃ ଏୟା କଡ଼ା ହନ୍କ ଏନ୍ଲେକାକ କାମିତାଇକେନା ।

୧୫ ମେନ୍ଦ ଏଡକାନ୍ ଆମ୍ବା ଇନ୍କୁକେ କାଜିକେଦକଆ, “ଆଇଙ୍ଗ୍ ଯୀଶୁକେଇଙ୍ଗ୍ ସାରିୟା ଆଡଃ ପାଉଲୁସ୍ଆଃ ବିଷାଏରେଇଙ୍ଗ୍ ସାରିୟା, ମେନ୍ଦ ଆପେ ଅକଏ ତାନପେ ?”

୧୬ ଏଡକାନ୍ ଆମ୍ବାତେ ଏସେରେକାନ୍ ହଡ଼, ଇନ୍କୁକେ ପୁରାଃ ପେଡ଼େଃଲଃ ସାବ୍କେଚେଦ୍କେଦେତେ ଆପୁଇଃତାନ ଇମ୍ତା ଇନ୍କୁଆଃ ଲିଜାଃକ ଚାଗାଡ଼ୟାନା ଆଡଃ ଇନ୍କୁଆଃ ହଡ଼ମ୍କରେ ଘାଅବାଡ଼ାକେଦେତେ ଇନିୟାଃ ଅଡ଼ାଃଏତେ ନିର୍ୟାନାକ ।

୧୭ ଏଫିସୁସ୍ରେ ତାଇନ୍ତାନ ସବେନ୍ ଯିହୁଦୀ ଆଡଃ ସାଅଁସାର୍ ହଡକ ନେ ବିଷାଏ ଆୟୁମ୍ତେଦେତେ ବରତେ ପେରେଃୟାନାକ ଆଡଃ ଏନ୍ତାଃରେ ପ୍ରାଭୁ ଯୀଶୁଆଃ ନୁତୁମ୍ ଆଡଃଗି ପୁରାଃତେ ମାଇନ୍ୟାନା ।

୧୮ ବିଶ୍ୱାସୀକଏତେ ପୁରାଃ ହଡକ ହିଜୁଃକେଦେତେ ଆକଆଃ ଏଡକାନ୍ କାମିକ ରିକାକାଦ୍ତେୟାଃ ହଡକଆଃ ସାମ୍ନାଙ୍ଗ୍ରେକ ମାନାତିଙ୍ଗ୍ୟାନା ଆଡଃକ ଉଦୁବ୍କେଦା ।

୧୯ ଦେଅଁଣାକାମି ରିକାତାନ୍କଏତେ ପୁରାଃ ହଡକ ଆକଆଃ ପୁଅକ୍ ଆଉ ହୁଣ୍ଡିକେଦେତେ ହଡକଆଃ ସାମ୍ନାଙ୍ଗ୍ରେକ ଅଣ୍ଡୁକେଦା । ଇନ୍କୁଆଃ ପୁଅକରାଃ ଗନଙ୍ଗ୍ ଲେକାକେଦରେ ବାର୍ହିସି ଗେଲ୍ ହାଜାର୍ ରୁପା ସିକା ହବାୟାନା ।

୨୦ ନେ'ଲେକାତେ ପ୍ରାଭୁଆଃ ବାଚାନ୍ ପୁରାଃଗି ନିତିର୍ୟାନା ଆଡଃ ପୁରାଃତେ ପେଡ଼େଃଇଦିୟାନା ।

ଏଫିସୁସ୍ରେ ହିସିଙ୍ଗା

୨୧ ନେଆଁ ସବେନ୍ ହବାୟାନ୍ ତାୟମ୍ତେ ପାଉଲୁସ୍ ମାକିଦନିଆ ଆଡଃ ଆଖାୟା ହରାତେ ଯୀରୁଶାଲେମ୍ତେ ସେନଃ ନାଙ୍ଗ୍ ମନ୍ଦରେ ଉହାଡ଼କେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମ୍ତେ ଆଇଙ୍ଗ୍ ଜାରୁଡ଼ଗି ରୋମ୍ତେହଗି ସେନାଇଙ୍ଗ୍ ।”

୨୨ ଏନାତେ ଇନିଃ ଆଇଃକ୍କେ ଦେଙ୍ଗାଇତାନ ବାରାନ୍କିନ୍ ତୀମଥ୍ ଆଡଃ ଏରାଷ୍ଟ୍ରେକେ ମାକିଦନିଆତେ କୁଲ୍କେଦକିନା, ମେନ୍ଦ ଆଇଃକ୍ଗି ଏସିଆ ଦିଶ୍ୱମ୍ରେ ଆଡଃଚିମିନ୍ ମାହାଁ ତାଇନ୍ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସ୍ରେ ପୁରାଃ ବରଞ୍ଜାନ୍ଗି ହାଲାଗୁଲା ହବାୟାନା ।

* ୧୯:୪ ମାଥୁଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଯୋହାନ ୧:୨୭,୨୭. * ୧୯:୮ ମାହୁଁନା

୨୪ ଦିନତ୍ରିୟ ନୁହେଁ ମିଆଁଦ୍ ସୁନାରିହତ୍ ଆର୍ତ୍ତେମୀ ମାହାପୁରୁଆଃ ରୁପାରାଃ ମାନ୍ଦିର୍ ବାଇତାଇକେନାଏ, ନେ କାମିରେ କାମିତାଇକେନ୍ ହତ୍ତକ ପୁରାଃଗି ଟାକା ପାଏସାକ ନାମେ ତାଇକେନା ।

୨୫ ଏନାମେନ୍ତେ ଇନିଃ କାମିତାନ୍ ସବେନ୍ ହତ୍ତକକେ ଆତଃ ଏନ୍ ଲେକାନ୍ କାମିତାନ୍ ଏଟାଃସାଃରେନ୍ ହତ୍ତକକେ ହାକାଅକେଦ୍ତେ କାଜିକେଦ୍କଆ, “ମାଇନାନ୍କ, ନେ କାମିରେ ଆବୁ ସବେନ୍କ ପୁରାଃଗି ଟାକା ପାଏସାବୁ କାମିତାନ୍ ଏନାଦପେ ସାରିତାନା ।

୨୬ ନାହାଁଃ ନେ ହତ୍ତ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ୍ଡିତାନାପେ ଆତଃ ଆୟୁମ୍ ଦାଡ୍ଡିତାନାପେ । ଇନିଃ କାଜିତାନାଏ, ହତ୍ତଆଃ ତିଃଇତେ ବାଇକାନ୍ ମାହାପୁରୁକ ମାହାପୁରୁ ନାହାଁଲାଇ, ଆତଃ ଇନିଃ ନେତାଃରେ ଏଫ୍ସୁସ୍ ଆତଃ ପୁରା ଏସିଆ ପାରଗାନ୍ରେ ପୁରାଃ ହତ୍ତକକେ ନେ ବିଷାଏରେ କାଜିକତାନା ।

୨୭ ଏନାତେ ଆବୁଆଃ କାମାନି ଜିୟନ୍କେନଃଆ, ଇମ୍ନାଙ୍ଗ୍ ଏସ୍କାର୍ କାହାଗି, ମେନ୍ଦ୍ ଅକ ମାହାପୁରୁ ଆର୍ତ୍ତେମୀକେ ଗଟା ଏସିଆରେ ଆତଃ ପୁରା ଅତେଦିଶ୍ଟୁମ୍ରେନ୍ ହତ୍ତକ ବରଭାକ୍ତିତାନା, ଏନ୍ ପୁରାଃମାରାଙ୍ଗ୍ ଆର୍ତ୍ତେମୀ ମାହାପୁରୁଆଃ ମାନାରାଙ୍ଗ୍ କା ତାଇନା ଆତଃ ମାନ୍ଦିର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହତ୍ତକ ନେଆଁ ଆୟୁମ୍କେଦ୍ତେ ଖ୍ୱସ୍ତେକ ପେରେଃୟାନା ଆତଃ କାଉରିକେଦ୍ତେ କାଜିକେଦାକ, “ଏଫ୍ସୁସ୍ରେନ୍କଆଃ ଆର୍ତ୍ତେମୀ ମାହାପୁରୁଆଃ ମାରାଙ୍ଗ୍ ହବାଅଃକା ।”

୨୯ ନେ ହାଲ୍ମାଗୁଲ୍ମା ଗଟା ନାଗାର୍ରେ ନିଡ୍ରେୟାନା । ଆତଃ ଗାଦେଲ୍ ହତ୍ତକ ପାଉଲୁସ୍ଲଃ ହରାସେନ୍ତାନ୍ ମାକିଦନିଆରେନ୍ ଗାୟ୍ସ୍ ଆତଃ ଆରିସ୍ତାର୍ଗ୍ଗ୍କେ ସାବ୍କେଦ୍ତେ ଇନ୍କୁ ମାରାଙ୍ଗ୍ ଆଖ୍ଡାତେକ ଆଇଜ୍ ଇଦିକେଦ୍କିନା ।

୩୦ ପାଉଲୁସ୍ ଆଇଃକ୍ଗି ଗାଦେଲ୍ ହତ୍ତକ ଆୟାର୍ତେ ସେନ୍ ନାଙ୍ଗ୍ ସାନାଙ୍ଗ୍କେଦାଏ, ମେନ୍ଦ୍ ବିଶ୍ୱାସୀକ କାକ ସେନ୍ ଇଚିକିୟା ।

୩୧ ଚିମିନ୍ଝାନ୍ ଏସିଆରେ ଆକ୍ତେୟାର୍ ନାମାକାଦ୍ ପାଉଲୁସ୍ଆଃ ଗାଡିକ ନେଆଁ ଆୟୁମ୍କେଦ୍ତେ ପାଉଲୁସ୍କେ ମାରାଙ୍ଗ୍ ଆଖ୍ଡାତେ ଆଲକାଏ ସେନ୍କା ମେନ୍ତେ ମିହୁଡ୍ତାଃରେ କାଜିଗହାର୍ କାଜିକୁଲ୍କେଦାକ ।

୩୨ ନେ ଘାଡ୍ଡି ଭିତାର୍ରେ ଗଟା ପାଞ୍ଚେଟ୍ରେନ୍ ହତ୍ତକ ଖ୍ୱସ୍ତେ ପେରେଃୟାନାକ । ହତ୍ତକ ଏଟାଃ ଏଟାଃ ଝୁଣ୍ଡରେ ରାକାମ୍ ରାକାମକ କାଉରିତାନ୍ ତାଇକେନା, ଚିଆଃତି ଇନ୍କୁଏତେ ଚିମିନ୍ ହତ୍ତକ ଏନ୍ତାଃରେ ଚିନାଃନାଙ୍ଗ୍ ହୁଣ୍ଡିକାନା ଏନାହ କାକ ସାରିକାଦ୍ ତାଇକେନା ।

୩୩ ହତ୍ତକଏତେ ଚିମିନ୍ ହତ୍ତକ କାଜିକେଦାକ ଯେ, ଆଲେକ୍ଜାଣ୍ଡ୍ରା ନେଆଁ ନାଗେନ୍ତେ ଦାୟୀ ତାନିଃ, ଚିଆଃତି ଯିହୁଦୀ ହତ୍ତକ ଇନିଃକେ ଆୟାର୍ରେ ତିଙ୍ଗୁକାଇ ତାଇକେନାକ । ଏନ୍ତେ ଆଲେକ୍ଜାଣ୍ଡ୍ରା ତିଃଇ ଉଠାଅକେଦ୍ତେ ହତ୍ତକକେ ହାପାଅଃପେ ମେନ୍ତେ ଠାରାଅକେଦ୍କଆ ଆତଃ ବିଶ୍ୱାସୀକଆଃସାଃଏତେ କାଜିତାନ୍ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ ।

୩୪ ମେନ୍ଦ୍ ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦ୍ତେ ଇନ୍କୁ ସବେନ୍କ ମିସାତେ କାଉରିତାନ୍ଲଃ କାଜିକେଦାକ, “ଏଫ୍ସୁସ୍ରେନ୍ ଆର୍ତ୍ତେମୀ ମାହାପୁରୁଆଃ ମାରାଙ୍ଗ୍ଅଃକା ।” ନେ'ଲେକା ବାର୍ ଘାଡ୍ଡି ଜାକେଦ୍କ କାଉରିକେଦା ।

୩୫ ଝୁଣ୍ଡରେ ସାହାର୍ରେନ୍ ମୁନ୍ସି ହତ୍ତକକେ ହାପାଅଃ ନାଗେନ୍ତେ କାଜିକେଦ୍କଆ, “ଏଫ୍ସୁସ୍ରେନ୍ ହାଗାକ, ସବେନ୍କ ସାରିତାନା ଯେ, ଏଫ୍ସୁସ୍ ନାଗାର୍ରେନ୍ ଆର୍ତ୍ତେମୀ ମାହାପୁରୁଆଃ ମାନ୍ଦିର୍ ଆତଃ ସିମାଏତେ ଆଡ୍ଗୁକାନ୍ ପାବିତାର୍ ମୁରୁଡ୍ତରାଃ ବାଞ୍ଚାଅ ହବାଆଉଃତାନା ।

୩୬ ଜେତାଏ ନେଆଁକେ କାହା ମେନ୍ତେ କାକ କାଜି ଦାଡ୍ଡିୟା । ଏନାତେ ଆପେ ସବେନ୍କ ହାପାଅଃପେ ଆତଃ କା ଲାଗାଡିଙ୍ଗ୍ ଲେକା ଜେତାନ୍ କାମି ଆଲପେ କାମିୟା ।

୩୭ ନେ ହତ୍ତକିନ୍ ମାନ୍ଦିର୍ହେତେ ଜେଡ୍ନାଃ କାକିନ୍ କୁମ୍ବୁକୁଦା, ଚାଏ ଆବୁଆଃ ମାହାପୁରୁ ବିଷାଏରେ ଜେତାନ୍ ଏଡ୍କାନାଃ କାକିନ୍ କାଜିକାଦା, ଏନ୍ରେୟ ଆପେ ନେ ହତ୍ତକିନ୍କେ ନେତାଃତେପେ ଆଉକାଦ୍କିନା ।

୩୮ ଦିନତ୍ରିୟ ଆତଃ ଇନିଃୟାଃ କାମି ହତ୍ତକଆଃ ବିରୁଧ୍ରେ ଜେତାନ୍ କାଜି ମେନାଃରେଦ୍, ଏନା ବିଚାରେ ନାଗେନ୍ତେ ଆବୁଆଃ ଆକ୍ତେୟାର୍ ନାମାକାଦ୍ ହତ୍ତକ ମେନାକଆ ଆତଃ କାଚାଇରି ମେନାଃ, ଏନ୍ତାଃରେ ଏନ୍ ବିରୁଧ୍କାନ୍ କାଜିକ ଉଦ୍ବଃଆ ।

୩୯ ମେନ୍ଦ୍ ନେଆଁଏତେ ଆତଃ ଆଦ୍କାପେ ସାନାଙ୍ଗ୍ତାନ୍ରେଦ୍, ଆପ୍ନାଃ ଦିଶ୍ଟୁମ୍ରେନ୍ ହତ୍ତକଆଃ ଆଇନ୍ ମାନାଡିୟାଃ ପାଞ୍ଚେଟ୍ରେ ଏନା ବିଚାରଃକା ।

୪୦ ଚିଆଃତି ତିସିଙ୍ଗ୍ ଅକ୍ନାଃ ହବାକାନା, ଏନା ବରଝାନ୍ଗିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧ୍ରେ କାଜିୟଃତାନା । ଆଲେ ନେ ସବେନ୍ ହାଲ୍ମାଗୁଲ୍ମାରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡ୍ଡିୟା ।”

୪୧ ନେ ସବେନ୍ କାଜି କାଜିକେଦ୍ତେ ଇନିଃ ଗାଦେଲ୍ ହତ୍ତକକେ ହାପାକେଦ୍କଆଏ ଆତଃ ପାଞ୍ଚେଟ୍ରେନ୍ ହତ୍ତକକେ ବିଦାକେଦ୍କଆ ।

୨୦

ମାକିଦନିଆତେ ଆତଃ ଆଖାୟାତେ

୧ ହାଲୀଗୁଲୀ ଚାବାୟାନ୍ ତାୟମତେ, ପାଉଲୁସ୍ ବିଶ୍ୱାସୀକକେ ହୁଣ୍ଡିକେଦତେ ଜୀଉରେ ରାସ୍‌କାଅଃ ଲେକାନ୍ କାଜି ଉଦୁବାଦକଆଏ । ଇନ୍‌କୁତାଃଏତେ ବିଦା ଇଦିକେଦତେ ଇନିଃ ମାକିଦନିଆତେ ସେନଃୟାନା ।

୨ ଇନିଃ ଏନ୍ ସବେନ୍ ପାରଗାନ୍ ହରାତେ ସେନଃୟାନା ଆତଃ ବିଶ୍ୱାସୀ ହଡକକେ ଜୀଉରେ ରାସ୍‌କାଅଃରାଃ କାଜି କାଜିକେଦକଆ । ଏନ୍ତେ ଇନିଃ ଗ୍ରୀସ୍ ଦିଶୁମତେ ହିଜୁଃୟାନା,

୩ ଏନ୍ତାଃରେ ଆପି ମାହିଁ ନା ତାଇନ୍‌ୟାନାଏ । ଇନିଃ ସିରିୟାତେ ସେନଃ ନାଗେନ୍ତେ ସେକାଡେନ୍ ତାଇକେନ୍ ଇମତା ଯିହୁଦୀ ହଡକ ଇନିକେ ଗଏଃ ନାଗେନ୍ତେକ ରୋଜୋଟାନା ମେନ୍ତେ ଆୟୁମକେଦତେ ଇନିଃ ମାକିଦନିଆ ହରାତେ ରୁହାଡ୍ ନାଗେନ୍ତେ ଉହାଟ୍‌କେଦା ।

୪ ବେରିଆ ନାଗାରରେ ତାଇନ୍‌ତାନ୍ ପୁରସ୍‌ଆଃ ହନ୍ ସୋପାତ୍ର, ଥେସଲନିକାରେନ୍ ଆରିସ୍ତାର୍ଗ ଆତଃ ସେକୁନ୍, ଦର୍ବୀରେନ୍ ଗାୟସ୍, ଏସିଆ ପାରଗାନ୍‌ରେନ୍ ତୁଖ୍‌କ୍, ତ୍ରଫିମ୍ ଆତଃ ତୀମଥ୍ ଇନିଃଲଃ ସେନଃୟାନାକ ।

୫ ନେ ଏୟାଝାନ୍ ହଡକ ସିଦାରେ ସେନକେଦତେ ତ୍ରୋୟାସ୍‌ରେ ଆଲେକେ ତାଜିକାଲେ ତାଇକେନାକ ।

୬ ସାବାଃ ହଲଜ୍ ପାରାବ୍ ତାୟମତେ ଆଲେ ଫିଲିପି ସାହାର୍‌ଏତେ ଦାଆଃ ଜାହାଜ୍‌ରେ ସେନଃକେଦତେ ମଣ୍ଟେମାହ୍ନା ତାୟମତେ ତ୍ରୋୟାସ୍‌ରେ ଏନ୍ ଏୟାଝାନ୍ ହଡକଲଃ ମେସାୟାନାଲେ ଆତଃ ଏନ୍ତାଃରେ ମିଦ୍ ହାପ୍ରା ତାଇନ୍‌ୟାନାଲେ ।

ତ୍ରୋୟାସ୍‌ତେ ପାଉଲୁସ୍‌ଆଃ ଚୁଣ୍ଡି ଚୁସନଃ

୭ ହାପ୍ରାରେୟାଃ ସିଦା ହୁଲାଜ୍* ସିଜିହାସୁର୍‌ରେ ଆଲେ ମେନେସାରାଃ ହଲଜ୍ କେଚାଃ ମିଦ୍‌ତାଃରେ ହୁଣ୍ଡିକେଦତେ ମାନାତିଜ୍‌କେଦାଲେ । ପାଉଲୁସ୍ ହଡକକେ ଆଲାନିଦା ଜାକେଦ୍ ଜାଗାରକେଦକଆଏ, ଚିଆଃଟି ଏଚାଃ ହୁଲାଜ୍ ଇନିଃ ଏନ୍ ଠାୟାଦ୍ ବାଗିକେଦତେ ସେନଃରାଃ ତାଇକେନା ।

୮ ଆଲେ ଅକ ଚେତାନ୍ କୁଠାରେ ହୁଣ୍ଡିକାନ୍ ତାଇକେନାଲେ, ଏନ୍ତାଃରେ ପୁରାଃ ଦିମିକ ଜୁଲଃତାଇକେନା ।

୯ ଏନ୍ତାଃରେ ଇଉଟିକସ୍ ନୁତୁମ୍ ମିଆଁଦ୍ ସେପେଡେଦ୍ ଖଡକି ଚେତାନ୍‌ରେ ଦୁବାକାନ୍ ତାଇକେନା ଆତଃ ପାଉଲୁସ୍ ଜାଗାର୍ ତାଇକେନ୍ ଇମତା ଇନିଃକେ ଦୁଡ୍‌ମୁତାଇକେନା । ଏନ୍ତେ ଇନିଃ ପୁରା ଦୁଡ୍‌ମୁୟାନାଏ ଆତଃ ଆପି ମାହାଲୀ ଚେତାନ୍‌ହେତେ ଲାତାରରେ ଉୟୁଃୟାନା । ଇନ୍‌କୁ ଇନିଃକେ ବିରିଦ୍‌କିୟାକ ଇମତା ଇନିୟାଃ ଜୀଉ ଚୁଣ୍ଡିକାନ୍ ତାଇକେନା ।

୧୦ ମେନ୍‌ଦ ପାଉଲୁସ୍ ଲାତାରରେ ଆଡ୍‌ଗୁକେଦତେ ଇନିଃକେ ହାମ୍‌ଦୁକିୟାଏ ଆତଃ କାଜିକେଦାଏ, “ଆଲପେ ଆଡ଼ାଃଉଡ୍‌ଗୁଃଆ, ଇନିଃ ଜାନିଦ୍‌ଗି ମେନାଲୟା ।”

୧୧ ଏନ୍ତେ ଇନିଃ ଚେତାନ୍‌ତେ ରାକାବ୍ ରୁହାଡ୍‌ୟାନାଏ ଆତଃ ହଲଜ୍ କେଚାଃକେଦତେ ଜମ୍‌କେଦାଏ, ଏନ୍ତେ ସିଜିହୁରଃ ଜାକେଦ୍ ଇନ୍‌କୁଲଃ ପୁରାଃଗି ଜାଗାରକେଦା ଆତଃ ଏନ୍ତାଃଏତେ ସେନଃୟାନା ।

୧୨ ହଡକ ସେପେଡେଦ୍‌କେ ଜାନିଦ୍ ନେଲ୍‌କେଦତେ ଆୟାଃ ଅଡ଼ାଃତେକ ଇଦିକିୟା ଆତଃ ପୁରାଃଗି ଜୀଉରାଡେଃକ ନାମ୍‌କେଦା ।

ତ୍ରୋୟାସ୍‌ଏତେ ମିଲିତସ୍‌ତେ ସେନଃ

୧୩ ଆଲେ ସିଦାରେ ଦାଆଃ ଜାହାଜ୍‌ରେ ଦେଏଃକେଦତେ ଆସେସ୍ ନାଗାର୍‌ତେଲେ ସେନଃୟାନା । ଏନ୍ତାଃଏତେ ଆଲେ ପାଉଲୁସ୍‌କେ ଦାଆଃ ଜାହାଜ୍‌ରେ ଇଦି ନାଗେନ୍ତେଲେ ଉହାଟ୍‌କାଦ୍ ତାଇକେନା, ଚିଆଃଟି ଇନିଃ ଅତେ ହରାରେ ସେନକେଦତେ ଏନ୍ ଠାୟାଦ୍‌ତେ ସେଚେରା ମେନ୍ତେ କାଜିକାଦ୍ ତାଇକେନା ।

୧୪ ଇନିଃ ଚିମତା ଆଲେଲଃ ଆସେସ୍‌ରେ ନାପାମ୍‌ୟାନା, ଆଲେ ଇନିଃକେ ଦାଆଃ ଜାହାଜ୍‌ରେ ଇଦିକେଦତେ ମିଡିଲିନ୍ ନାଗାର୍‌ତେଲେ ସେନଃୟାନା ।

୧୫ ଏନ୍ତାଃଏତେ ଆଡ଼ାଃଗି ସେନଃକେଦତେ ଏଚାଃ ହୁଲାଜ୍ ଖଅସ୍ ଟାପୁତାଃଲେ ସେଚେର୍‌ୟାନା । ଆଡ଼ାଃମୁସିଜ୍ ତାୟମତେ ଆଲେ ସାମସ୍ ଟାପୁତେ ସେଚେର୍‌କେଦତେ, ଏଚାଃ ହୁଲାଜ୍ ମିଲିତସ୍ ନାଗାର୍‌ତେଲେ ସେଚେର୍‌ୟାନା ।

୧୬ ଏସିଆ ପାରଗାନ୍‌ରେ ଆତଃ ଆଦକା ନେଡା କା ଇଦିକେଦତେ ଏଫିସୁସ୍ ଗେନା ଗେନାତେ ଦାଆଃ ଜାହାଜ୍‌କେ ଇଦି ନାଗେନ୍ତେ ପାଉଲୁସ୍ ଉହାଟ୍‌କେଦାଏ । ଆତଃ ହବାସାକାଅଃରେଦ, ପେଣ୍ଟିକସ୍ ହୁଲାଜ୍‌ରେ ଯୀରୁଗାଲେମ୍‌ତେ ଜାଲ୍‌ଦି ସେଚେର୍ ନାଜ୍ ଇନିଃ ଉହାଟ୍‌କାଦ୍ ତାଇକେନାଏ ।

ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ପାଉଲୁସ୍‌ଆଃ ବିଦା ଜାଗାର୍

୧୭ ପାଉଲୁସ୍ ମିଲିତସ୍‌ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ଆୟାଃଲଃ ନେପେଲ୍ ନାଗେନ୍ତେ କାଜିକୁଲ୍‌କେଦା ।

୧୮ ଇନ୍‌କୁ ପାଉଲୁସ୍‌ତାଃ ତେବାଃୟାନ୍‌ଚି ଇନିଃ କାଜିକେଦାଏ, “ଏସିଆ ପାରଗାନ୍ ସେଚେର୍‌ୟାନ୍ ପାହିଲା ହୁଲାଜ୍‌ତାଃଏତେ ଆଇଜ୍ ଚିଲ୍‌କା ଆପେଲଃ ଆଦକା ନେଡା ବିତାଅକାଦାଇଜ୍, ଏନା ଆପେ ସାରିକାଦାପେ ।

* ୨୦:୭ ଏଡଆର୍ ହୁଲାଜ୍

୧୯ ଯିହୁଦୀ ହତକ ଆଇଙ୍କକେ ଗଗଏଃ ନାଗେନ୍ତେକ ରୋଜୋଟ ତାଇକେନ୍ ହରାତେ ଆଇଙ୍କ ପୁରାଃ ଦୁକୁହାସୁ ସାହାତିଙ୍କକେଦାଇଙ୍କ, ଏନ୍ରେୟ ଆଇଙ୍କ ପ୍ରାଭୁଆଃ ଦାସି ଲେକା ଲେବେଃ ମନ୍ତେ ଆତଃ ପୁରାଃ ରାଆଃତାନ୍ଲଃ ଆଇଁୟାଃ କାମି କାମିକାଦାଇଙ୍କ ।

୨୦ ଆପେ ସାରିତାନାପେ, ଆଇଙ୍କ ହତକତାଃରେ ଉଦୁବ୍ତାନ୍ ଇମ୍ତା ଆତଃ ଆପେୟାଃ ଅତାଃରେ ଇତୁତାନ୍ ଇମ୍ତା ଆପେୟାଃ ବୁଗିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେନ୍ତେ କାଇଙ୍କ ହିଚ୍କିଚାଅକାଦା ।

୨୧ ଯିହୁଦୀ ଆତଃ ସାଅଁସାର୍ ସବେନ୍କକେ ଆଇଙ୍କ ପୁରାଃଗି ଚିର୍ଗାଲାନ୍ କାଜିକଇଙ୍କ କାଜିକାଦ୍ପେ ତାଇକେନା, ଜେ'ଲେକା ଇନ୍କୁ ଆକଆଃ ପାପକ ହେୟାତିଙ୍କକେଦ୍ତେ ପାର୍ମେଶ୍ୱାର୍ଯାଃତେକ ହିଜୁଃରୁହାଡ଼ା ଆତଃ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ ।

୨୨ ନାହାଁଃଦ ପାବିତାର୍ ଆମ୍ବାରାଃ ଆନାରୁ ମାନାତିଙ୍କକେଦ୍ତେ ଆଇଙ୍କ ଯୀରୁଶାଲେମ୍ତେଇଙ୍କ ସେନଃତାନା, ଏନ୍ତାଃରେ ଆଇଁୟାଃ ଚିକ୍ନାଃ ହବାଅଃଆ ଏନା କାଇଙ୍କ ସାରିୟା ।

୨୩ ପାବିତାର୍ ଆମ୍ବା ଆଇଙ୍କକେ ଚେତାଅକାଦିୟାଁ ଚି, ସବେନ୍ ନାଗାର୍ରେ ଆଇଙ୍କ ଜେହେଲ୍ରେ ସାଜାଇ ଆତଃ ଦୁକୁଇଙ୍କ ନାମେୟା ।

୨୪ *ମେନ୍ଦ୍ ଆଇଙ୍କ ଆଇଁୟାଃ ଆପ୍ନାଃ ଜୀଦାନ୍କେ ଜେତ୍ନାଃ ଲେକା କା ଆଟ୍କାର୍କେଦ୍ତେ, ପାର୍ମେଶ୍ୱାର୍ଆଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇଙ୍କକେ ଅକ ସୁକୁକାଜି ଉଦୁବ୍ ନାଗେନ୍ତେ ଏମାକାଦିଙ୍କ୍ ସେଝାକାମିକେ ଜେ'ଲେକା ପୁରା ଦାଡ଼ିୟାଇଙ୍କ, ନିମିନାଙ୍କ୍ ଏସ୍କାର୍ ଆଇଁୟାଃ ଇଛାସାନାଙ୍କ୍ ତାନାଃ ।

୨୫ “ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ଉଦୁବ୍ ନାଗେନ୍ତେ ଆଇଙ୍କ ଆପେ ସବେନ୍କତାଃତେଇଙ୍କ୍ ସେନାକାନା । ନାହାଁଃ ଆଇଙ୍କ୍ ସାରିତାନାଇଙ୍କ୍ ଯେ, ଆପେକଏତେ ଜେତାଏ ଆଇଙ୍କକେ ଆତଃମିସା କାପେ ନେଲିୟାଁ ।

୨୬ ଏନାମେନ୍ତେ ତିସିଙ୍କ୍ ଆଇଙ୍କ୍ ଆପେତାଃରେ ଗାଝା ଏମ୍ତାନାଇଙ୍କ୍ ଯେ, ଆପେକଏତେ ଜେତାଏ ଜିୟନଃରେଦ୍ ଏନାରେୟାଃ ଦାୟୀ ଆଇଙ୍କ୍ ନାହାଁଲିଙ୍କ୍ ।

୨୭ ଚିଆଃଚି ପାର୍ମେଶ୍ୱାର୍ଆଃ ଗଟା ଉଦେଶ୍ ଆପେତାଃରେ ଉଦୁବ୍ ନାଗେନ୍ତେ ଆଇଙ୍କ୍ କାଇଙ୍କ୍ ହିଚ୍କିଚାଅକାଦା ।

୨୮ ଏନାମେନ୍ତେ ଆପେ ଆଗୁଆଇ ଲେକା ଆପାନ୍କେ ଆତଃ ପାବିତାର୍ ଆମ୍ବା ଏମାକାଦ୍ପେ ବିଶ୍ୱାସୀ ଗୋଟ୍ କକେ ଯାତନାଅକପେ । ମିଶ୍ଟିଗୁପିନିଃ ଲେକା ପାର୍ମେଶ୍ୱାର୍ଆଃ କାଲିସିୟାକେ ଯାତନାଏପେ । ଅକ କାଲିସିୟାକେଚି ଇନିଃ ଆୟାଃ ହନ୍ଆଃ ମାୟୋମ୍ ହରାତେ ଆପ୍ନାଃ ବାଇୟାକାଦାଏ ।

୨୯ ଆଇଙ୍କ୍ ସାରିତାନାଇଙ୍କ୍, ଆଇଙ୍କ୍ ସେନଃ ତାୟମ୍ତେ ଆପେ ଆଲାତେ ହସଡ଼ ଇତୁକ ହିଜୁଃଆ ଆତଃ ବିଶ୍ୱାସୀକକେ ହସଡ଼ ଇନିତୁକ ଇତୁକଆ । ଇନ୍କୁ ମିଶ୍ଟିଗୋଟ୍କେ ନକ୍ସାନ୍କତାନ୍ ବରଝାନ୍ ହୁଣ୍ଡାର୍କ ଲେକାନ୍କ ତାନ୍କ ।

୩୦ ନେଡ଼ା ସେଟେରା, ଚିମ୍ତା ଆପେୟାଃ ଆପ୍ନାଃ ଝୁଣ୍ଡରେନ୍ ଚିମିନ୍ ହତକ ବିଶ୍ୱାସୀକକେ ହସଡ଼ କାଜି କାଜିକେଦ୍ତେ ଏଟାଃ ହରାତେକ ଇଦିକଆ ।

୩୧ ଏନାମେନ୍ତେ ଏୟନାକାନ୍ ତାଇନ୍ପେ, ଆଇଙ୍କ୍ ନିଦା ସିଙ୍ଗି ମେଦ୍ ଦାଆଃ ଜରକେଦ୍ତେ ଆପି ସିର୍ମା ଜାକେଦ୍ ଆପେ ସବେନ୍କକେଇଙ୍କ୍ ଇତୁକାଦ୍ପେୟା, ନେୟାଁ ପାହାମେପେ ।

୩୨ “ନାହାଁଃ ଆଇଙ୍କ୍ ଆପେକେ ପାର୍ମେଶ୍ୱାର୍ଆଃ ତିଃଇରେ ଆତଃ ଆୟାଃ ସାୟାଦ୍ରାଃ କାନାଜିରେଇଙ୍କ୍ ଜିମାପେତାନା, ଏନା ଆପେକେ ବାଇକେଟେଦ୍ପେ ନାଗେନ୍ତେ ଆତଃ ପାର୍ମେଶ୍ୱାର୍ଆଃ ପାବିତାର୍କାନ୍ ହତକ ନାଗେନ୍ତେ ହବାଅଃ ସବେନ୍ ଆଶିଷ୍, ଆପେକେ ଏମ୍ ଦାଡ଼ି ଲେକାନାଃ ତାନାଃ ।

୩୩ ଆଇଙ୍କ୍ ଜେତାଏୟାଃ ରୁପା, ସୋନା ଚାଏ ଲିଜାଃ ନାମେ ନାଗେନ୍ତେ କାଇଙ୍କ୍ ସାନାଙ୍କ୍କେଦା ।

୩୪ ଆପେ ସାରିତାନାପେ, ଆଇଙ୍କ୍ ଆଇଁୟାଃ ନେ ବାରାନ୍ ତିଃଇତେ କେଟେଦ୍ କାମି କାମିକେଦ୍ତେ ଆପ୍ନାଃ ଆତଃ ଆଇଁୟାଃଲଃ ମିସାତେ କାମିତାନ୍କଆଃ ଲାଗାତିଙ୍କ୍ତେୟାଃ ପୁରାକାଦାଇଙ୍କ ।

୩୫ ‘ନାମେତାଃଏତେ ଦାନ୍ ଏମ୍ରେ ପୁରାଃ ରାସ୍କାମେନାଃ,’ ପ୍ରାଭୁ ଯୀଶୁ ଆଇଃକ୍ଗି କାଜିକାଦ୍ ନେ କାଜିକେ ପାହାମ୍କେଦ୍ତେ, ନେ'ଲେକା କେଟେଦ୍ କାମି କାମିକେଦ୍ତେ ନାରାଦୁରା ହତକକେ ଦେଙ୍ଗା ଲାଗାତିଙ୍କ୍ୟାଃ, ନେ ବିଷାଏରେ ଆଇଙ୍କ୍ ସବେନ୍ ଇମ୍ତା ଆପେକେ ନାମ୍ନାଇଙ୍କ୍ ଉଦୁବ୍କାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍ତେ, ଇନିଃ ଇନ୍କୁଲଃ ଇକ୍ଡମ୍ବୁକେଦ୍ତେ ବିକ୍ତିକେଦା ।

୩୭ ସବେନ୍କ ରାଆଃକେଦ୍ତେ ଇନିଃକେ ହାମ୍ବୁକିୟାକ ଆତଃ ପାବିତାର୍ ତଅଃକେଦ୍ତେ ବିଦାକିୟାକ ।

୩୮ ଇନ୍କୁ ଆଇଃକ୍କେ ଆତଃମିସା କାକ ନେଲ୍ ଦାଡ଼ିୟା ମେନ୍ତେ ଇନିଃ କାଜିକେଦ୍ ହରାତେ ଇନ୍କୁ ପୁରାଃଗିକ ହୁଡ଼ିଙ୍କ୍ ଜୀଉୟାନା । ଇନ୍କୁ ଇନିଃଲଃ ଦାଆଃ ଜାହାଜ୍ ନାଡ଼େଃତେକ ସେନଃୟାନା ।

୨୧

ପାଉଲୁସ୍ଆଃ ଯୀରୁଶାଲେମ୍ତେ ସେନଃ

☆ ୨୦:୨୪ ୨ ତିମଥ୍ ୪:୭.

୧୧ ଇନକୁକେ ବିଦାକେଦତେ ଆଲେ ଏନ୍ତାଏତେଲେ ସେନଃୟାନା । ଆତଃ ଦାଆଃ ହରା ପାରମକେଦତେ ଆଲେ କୋସ୍ ଟାପୁଡେଲେ ସେଟେରୟାନା । ଏନାରେୟାଃ ଏଟାଃ ହୁଲାଙ୍ଗ୍ ରୋତସ୍ ଟାପୁ ହରାତେ ପାଡ଼ରା ନାଗାରତେଲେ ସେଟେରୟାନା ।

୧୨ ଏନ୍ତାଏତେ ଫିନିସିୟା ପାରଗାନ୍ତେ ସେନଃତାନ୍ ମିଆଁଦ୍ ଦାଆଃ ଜାହାଜ୍ରେ ଦୁବ୍କେଦତେଲେ ସେନଃୟାନା ।

୧୩ ଏନ୍ତେ ସାଇପ୍ରସ୍ ଟାପୁ ନେଲ୍ତାନ୍ ମିଆଁଦ୍ ଠାୟାଦ୍ତାଃଲେ ସେଟେରୟାନା । ଏନ୍ତାଏତେ ଏନାରେୟାଃ ଜମ୍ପାଃ ହରାତେ ଆଲେ ସିରିୟା ପାରଗାନ୍ତେଲେ ସେନଃୟାନା । ଆଲେ ସୋର୍ ନାଗାରରେ ଦାଆଃ ଜାହାଜ୍ଏତେଲେ ଆଡ଼ଗୁୟାନା, ଚିଆଃଟି ନେ ଦାଆଃ ଜାହାଜ୍ଏତେ ସାମାନ୍କ ଆଡ଼ଗୁରାଃ ତାଇକେନା ।

୧୪ ଏନ୍ତାଃରେ ଆଲେ ଚିମିନ୍ ବିଶ୍ୱାସୀକକେ ନାମକେଦତେ ଇନକୁଲଃ ମିଦ୍ ହାପ୍ରାଲେ ତାଇନ୍ୟାନା । ପାବିତାର୍ ଆମ୍ବାରାଃ ଆନାରୁ ନାମକେଦତେ ଇନକୁ ପାଉଲୁସ୍କେ ଯାରୁଗାଲେମ୍ତେ ଆଲମ୍ ସେନା ମେନ୍ତେକ କାଜିକିୟା ।

୧୫ ମେନ୍ଦ୍ ଇନକୁଲଃ ମିଦ୍ ହାପ୍ରା ତାଇନ୍ୟାନ୍ ତାୟମ୍ତେ, ଆଲେ ଇନକୁକେ ବାଗିକେଦତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନକୁ ସବେନ୍କ ଆକଆଃ କୁଡ଼ି ଆତଃ ହନ୍କଲଃ ନାଗାର୍ ବାହାରି ଦରେୟା ଗେନା ଜାକେଦ୍ ହିଜୁଃୟାନା । ଏନ୍ତାଃରେ ଆଲେ ସବେନ୍କ ଇକ୍ତୁକେଦତେ ବିକ୍ତିକେଦାଲେ ।

୧୬ ଏନ୍ତେ ଆଲେ ଇନକୁକେ ବିଦାକେଦତେ, ଦାଆଃ ଜାହାଜ୍ରେ ଦୁବ୍ୟାନାଲେ ଆତଃ ଇନକୁ ଅଡ଼ାଃତେକ ରୁହାଡ଼ୟାନା ।

୧୭ ସୋର୍ ନାଗାରହେତେ ଆଲେ ପତଲ୍ମାଲ ସାହାର୍ତେଲେ ସେଟେରୟାନା, ଏନ୍ତାଃରେ ବିଶ୍ୱାସୀକକେ ଜହାରକେଦତେ ଇନକୁଲଃ ମୁସିଙ୍ଗ୍ଲେ ତାଇନ୍ୟାନା ।

୧୮ ଏଟାଃ ହୁଲାଙ୍ଗ୍ ଆଲେ ଏନ୍ ଠାୟାଦ୍ ବାଗିକେଦତେ କାଇସରିୟା ନାଗାରତେଲେ ସେଟେରୟାନା । ଏନ୍ତାଃରେ ଆଲେ ସୁକୁକାଜି ଉଦୁବ୍ତାନ୍ ଫିଲିପ୍ପାଃ ଅଡ଼ାଃରେଲେ ତାଇନ୍ୟାନା, ଯାରୁଗାଲେମ୍ତେ ଦେଙ୍ଗା ନାଗେନ୍ତେ ସାଲାକାନ୍ ଏୟାଝାନ୍କଏତେ ଫିଲିପ୍ ମିହୁଡ୍ ତାଇକେନାଏ ।

୧୯ ଇନିୟାଃ ଉପୁନିୟାଝାନ୍ କା ଆଣ୍ଡିକାନ୍ କୁଡ଼ିହନ୍ ପାରମେଶ୍ୱାର୍ଆଃ କାନାଜିକ ଉଦୁବ୍ ତାଇକେନା ।

୨୦ ଏଆଲେ ଏନ୍ତାଃରେ ପୁରାଃ ମାହାଁ ତାଇନ୍ୟାନ୍ ତାୟମ୍ତେ, ଯିହୁଦାଏତେ ଆଗାବ ନୁଡୁମ୍ ମିଆଁଦ୍ ନାବୀ ଏନ୍ତାଃତେ ସେଟେରୟାନା ।

୨୧ ଇନିଃ ଆଲେତାଃ ହିଜୁଃକେଦତେ, ପାଉଲୁସ୍ଆଃ କାସନା ଇଦିକେଦାଏ, ଆତଃ ଆଇଃକ୍ଗି ଆୟାଃ ତିଃଇ ଆତଃ କାଟା ତଲ୍କେଦତେ କାଜିକେଦା, “ପାବିତାର୍ ଆମ୍ବା ଆଇଙ୍ଗ୍କେ ଉଦୁବ୍କାଦିୟାଁ ଯେ, ନେ କାସନା ଅକଏୟାଃ ତାନାଃ, ଇନିଃକେ ଯାରୁଗାଲେମ୍ତେ ଯିହୁଦୀ ହଡ଼କ ନେ'ଲେକାଗି ତଲ୍କେଦତେ ସାଅଁସାର୍ ହଡ଼କଆଃ ତିଃଇରେକ ଜିମାଲୟା ।”

୨୨ ନେଆଁ ଆୟୁମ୍କେଦତେ ଆଲେ ଆତଃ ଏନ୍ ଠାୟାଦ୍ରେ ତାଇକେନ୍ ଏଟାଃ ହଡ଼କ ପାଉଲୁସ୍କେ ଯାରୁଗାଲେମ୍ତେ ଆଲମ୍ ସେନା ମେନ୍ତେଲେ ବିକ୍ତିକିୟା ।

୨୩ ମେନ୍ଦ୍ ପାଉଲୁସ୍ କାଜିରୁହାଡ଼କେଦକଆଏ, “ଆପେ ନେଆଁ ଚିନାଃପେ ଚିକାଏତାନା ? ଚିନାଃମେନ୍ତେ ନେ ଲେକା ରାଆଃକେଦତେ ଆଇୟାଃ ମନ୍ସୁରୁଦ୍କେ ହୁଡ଼ିଙ୍ଗ୍ ଜୀଉ ତାନାପେ ? ଯାରୁଗାଲେମ୍ତେ ଏସ୍କାର୍ ତଲେନ୍ ନାଗେନ୍ତେ କାହା, ମେନ୍ଦ୍ ପ୍ରାଭୁ ଯୀଶୁଆଃ ନୁଡୁମ୍ ନାଗେନ୍ତେ ଗନ୍ଏଃ ହବାଅଃରେୟ ଆଇଙ୍ଗ୍ ସେକାଡ଼କାନାଲଙ୍ଗ୍ ।”

୨୪ ଇନିଃ ଆଲେୟାଃ କାଜି କାଏ ମାନାତିଙ୍ଗ୍କେଦ୍ ହରାତେ ଆଲେ ହାପାୟାନାଲେ ଆତଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

୨୫ ଏନ୍ତାଃରେ ଚିମିନ୍ ମାହାଁ ତାଇନ୍କେଦତେ ଆଲେ ଆଲେୟାଃ ଜିନିଷ୍ଟକ ସାଜଡ଼ାଅକେଦତେ ଯାରୁଗାଲେମ୍ତେଲେ ସେନଃୟାନା ।

୨୬ କାଇସରିୟାରେ ଚିମିନାଙ୍ଗ୍ ତେଲକ ଆତଃ ସାଇପ୍ରସ୍ରେନ୍ ମନାସନ୍ ନୁଡୁମ୍ ମିଆଁଦ୍ ବିଶ୍ୱାସୀହଗି ଆଲେଲଃ ମିସାତେ ସେନଃୟାନା । ଆତଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନଃ ନାଙ୍ଗ୍ ଇଦିକେଦଲେୟାଏ ।

ଯାକୁବ୍ଲଃ ପାଉଲୁସ୍ଆଃ ନେପେଲ୍

୨୭ ଆଲେ ଯାରୁଗାଲେମ୍ତେ ସେଟେରୟାନ୍ ଇମ୍ତା ଏନ୍ତାଃରେନ୍ ବିଶ୍ୱାସୀ ହଡ଼କ ଆଲେକେ ରାସ୍କାତେକ ଦାରମ୍କେଦଲେୟା ।

୨୮ ଏଟାଃ ହୁଲାଙ୍ଗ୍ ପାଉଲୁସ୍ ଆଲେଲଃ ଯାକୁବ୍କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଃରେ କାଲିସିୟାରେନ୍ ସବେନ୍ ପ୍ରାଚିନ୍କ ତାଇକେନା ।

୨୯ ପାଉଲୁସ୍ ଇନକୁକେ ଜହାରକେଦକଆ ଆତଃ ଆୟାଃ କାମି ହରାତେ ପାରମେଶ୍ୱାର୍ ସାଅଁସାର୍ ହଡ଼କ ଆଲାରେ ଅକ କାମିକଏ କାମିକେଦା, ଏନା ସବେନାଃଏ ଉଦୁବାଦକଆ ।

୩୦ ଆୟାଃ କାଜି ଆୟୁମ୍କେଦ୍ ତାୟମ୍ତେ ଇନକୁ ସବେନ୍କ ପାରମେଶ୍ୱାର୍ଆଃ ମାନାରାଙ୍ଗ୍ ରିକାକେଦା । ଏନ୍ତେ ଇନକୁ କାଜିକେଦାକ, “ହାଗା ପାଉଲୁସ୍, ଆମ୍ ନେଲ୍ ଦାଡ଼ିତାନାମ୍, ଚିଲ୍କା ହାଜାର୍ ହାଜାର୍ ଯିହୁଦୀ ହଡ଼କ ପ୍ରାଭୁ ଯୀଶୁତାଃରେ ବିଶ୍ୱାସତାନାକ ଆତଃ ଇନକୁ ସବେନ୍କ ଆନ୍ତୁ ମାନାତିଙ୍ଗ୍ରେ ଚିହୁଲ୍କେଦତେ ମେନାକଆ ।

☆ ୨୧:୮ ପ୍ରେରିତ୍ ୨:୫; ୮:୫. ☆ ୨୧:୧୦ ପ୍ରେରିତ୍ ୧୧:୨୮.

୨୧ ଇନକୁ କାଜି ଆୟୁମ୍‌କାଦାକ ଯେ, ଆମ୍ ସାଅଁସାର୍ ହଡକଆଃ ଦିଶୁମ୍‌ରେ ତାଇନ୍‌ତାନ୍ ଯିହୁଦୀ ହଡକକେ ମୁଶା ନାବୀଆଃ ଆନ୍‌ରୁ ବାଗି ନାଗେନ୍ତେ, ଇନକୁଆଃ ହନ୍‌କକେ କା ଖାଡନାଅ ନାଗେନ୍ତେ ଆତଃ ଯିହୁଦୀ ରିତିରିଖାଜ୍ କା ମାନାତିଜ୍ ନାଗେନ୍ତେମ୍ ଇଡୁକତାନା ।

୨୨ ଆମ୍ ନେତାଃତେମ୍ ସେଟେରାକାନା ମେନ୍ତେ ଇନକୁ ସାର୍‌ତିଗିକ ଆୟୁମେୟା । ତାବ୍‌ଦ ତିନାଃରୁ ଚିକାଏୟା ?

୨୩ ଏନାମେନ୍ତେ ଆଲେ ସାନାଜ୍‌ତାନାଲେ, ଆମ୍ ମିଆଁଦ୍ କାମି କାମିମେ, ନେତାଃରେ ମେନାକ ଉପୁନ୍* ହଡକ ମିଆଁଦ୍ କିରିୟାକାଦାକ ।

୨୪ ଇନକୁଲଃ ସେନଃମେ ଆତଃ ଫାର୍‌ତିଅଃରେୟାଃ ରିତିରିଖାଜ୍ ମାନାତିଜ୍ ନାଗେନ୍ତେ ଇନକୁଲଃ ମେସାକେଦ୍‌ତେ ଦାଣ୍ଡୋରାକାବଃ ନାଜ୍ ଖାର୍‌ଆଃତେୟାଃ ଏମେମେ, ଏନ୍ତେ ଇନକୁ ଆକଆଃ ଆପ୍‌ନାଃ ବହଃରାଃ ଉବ୍ ଗାଠୁନାଃକ । ଏନାତେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାର୍‌ତି ନାହାଁଲାଃ, ମେନ୍‌ଦ୍ ଆମ୍ ମୁଶା ନାବୀଆଃ ଆନ୍‌ରୁ ଲେକାମ୍ ସେସେନ୍‌ତାନା, ମେନ୍ତେ ସବେନ୍‌କ ଆଟ୍‌କାରେୟା ।

୨୫ *ମେନ୍‌ଦ୍ ଅକ ସାଅଁସାର୍ ହଡକ ବିଶ୍ୱାସୀକାନାକ, ଇନକୁତାଃତେ ଆଲେ ମିଆଁଦ୍ ଚିଟାଉଲେ ଅଲ୍ କୁଲ୍‌କାଦା, ଏନାରେ ଆଲେ ଆରୁକାଦାଲେ, ଇନକୁ ମୁରୁଡକତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟୋମ୍ ଆଲକାକ ନୁଏକା, ହଟଃ ଲିମ୍‌ଦୁକେଦ୍‌ତେ ଗଜାକାଜ୍ ଜାଁତୁରାଃ ମାସ୍ ଆଲକାକ ଜମେକା ଆତଃ ଇନକୁ କଡା ତାଏ କୁଡିଲଃ ହଡଫରାଃ ଏଡକାନ୍ ସାମ୍‌କାକ ଆଲକାକ କାମିକା ।”

୨୬ ଏନ୍ତେ ଏଟାଃ ହୁଲାଜ୍ ପାଉଲୁସ୍ ଏନ୍ ଉପୁନ୍ ହଡକଲଃ ଫାର୍‌ତିନ୍‌ରେୟାଃ ରିତିରିଖାଜ୍ ରିକା ନାଗେନ୍ତେ ମାନାତିଜ୍‌ୟାନା । ଏନ୍ତେ ଇନିଃ ମାନ୍‌ରୁତେ ସେନ୍‌କେଦ୍‌ତେ ଫାର୍‌ତିନ୍‌ରେୟାଃ କାମି ଚିଉଲା ଚୁଣ୍ଡୁଆ ଆତଃ ଚିମ୍‌ତା ଦାଣ୍ଡୋରାକାବ୍ ହବାଅଆ, ଏନା ଉଡୁବ୍‌କିୟାକ ।

ପାଉଲୁସ୍ ମାନ୍‌ରୁ ଅଡ଼ାଃରେ ସାନାବ୍‌ୟାନା

୨୭ ଫାର୍‌ତିନ୍‌ରେୟାଃ ଏୟାମାହ ଚୁଣ୍ଡୁତାନ୍ ଦିପିଲିରେ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହଡକ ପାଉଲୁସ୍‌କେ ମାନ୍‌ରୁ ଅଡ଼ାଃରେକ ନେଲ୍‌କିୟା । ଇନକୁ ଏନ୍ତାଃରେ, ଏନ୍ତାଃରେନ୍ ଗଟା ଗାଦେଲ୍ ହଡକକେ ଉସ୍‌କୁରକେଦ୍‌ତେ ପାଉଲୁସ୍‌କେ ସାବ୍‌କିୟାକ ।

୨୮ ଇନକୁ କାଉରିକେଦ୍‌ତେ କାଜିକେଦାକ, “ହେ ଇସ୍ରାଏଲ୍‌ରେନ୍ ହଡକ, ଆଲେକେ ଦେଜାଲେପେ ! ନେ ହଡ ଚାରିୟସାଃ ସେନ୍‌କେଦ୍‌ତେ ଇସ୍ରାଏଲ୍‌ରେନ୍ ହଡକଆଃ ବିରୁଧ୍‌ରେ, ମୁଶା ନାବୀଆଃ ଆନ୍‌ରୁ ଆତଃ ନେ ମାନ୍‌ରୁ ଅଡ଼ାଃ ବିରୁଧ୍‌ରେ ଇଡୁତାନା । ଆତଃ ନାହାଁଃ ଇନିଃ ଚିମିନ୍ ସାଅଁସାର୍ ହଡକକେ ମାନ୍‌ରୁ ଅଡ଼ାଃ ଭିତାରେତେ ଆଉକେଦ୍‌ତେ ନେ ପାବିତାର୍ ଠାୟାଦ୍‌କେ ସଡ଼ରାଏ ତାନା ।”

୨୯ *ଇନକୁ ନାଗାର୍‌ରେ ଏଫିସୁସ୍‌ରେନ୍ ତ୍ରୁଫିମ୍‌କେ ପାଉଲୁସ୍‌ଲଃ ନେଲାକାଜ୍ ତାଇକେନାକ, ଏନାତେ ପାଉଲୁସ୍ ତ୍ରୁଫିମ୍‌କେ ମାନ୍‌ରୁ ଅଡ଼ାଃତେ ଇଦିତାନା ମେନ୍ତେ ଇନକୁ ଉଡ଼ୁକେଦାକ ।

୩୦ ଗଟା ନାଗାର୍‌ରେ ହାଲାଗୁଲା ନିତିରୁୟାନା, ଆତଃ ହଡକ ପାଉଲୁସ୍‌କେ ମାନ୍‌ରୁ ଅଡ଼ାଃଏତେ ବାହାରିତେକ ଅର୍ ଅଡ଼କିୟା । ମାନ୍‌ରୁ ଅଡ଼ାଃରେୟାଃ ଦୁଆରକ ହାଣ୍ଡେଦ୍‌କେଦା ।

୩୧ ଇନକୁ ଇନିଃକେ ଗଗଏଃ ନାଗେନ୍ତେକ ଚେଷ୍ଟା ତାଇକେନ୍ ଇମ୍‌ତା ଗଟା ଯୀରୁଶାଲେମ୍‌ରେ ହାଲାଗୁଲାତେ ପେରେଃକାନା ମେନ୍ତେ ରୋମାନ୍‌ରେନ୍ ହାଜାର୍ ସିପାଇକଆଃ ଆଗୁଆଇନିଃତାଃତେ କାନାଜି ସେଟେର୍‌ୟାନା ।

୩୨ ଇମ୍‌ତାଗି ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆତଃ ମିଦ୍‌ଶାଅ ସିପାଇକଆଃ ଆଗୁଆଇକକେ ଇଦିକେଦ୍‌ତେ ଏନ୍ତାଃତେ ସେଟେର୍‌ୟାନା । ହଡକ ଇନିଃକେ ଇନକୁଲଃ ନେଲ୍‌କେଦ୍‌ତେ ପାଉଲୁସ୍‌କେ କା ଦାଲ୍‌କେଦ୍‌ତେ ବାଗିକିୟାକ ।

୩୩ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌କେ ବାରିୟା ସିକ୍‌ଡିତେ ତଲି ନାଗେନ୍ତେ ଆରୁକେଦ୍‌କଆ । ଏନ୍ତେ ଇନିଃ କୁଲିକେଦ୍‌କଆଏ, “ନେ ହଡ ଅକଏ ତାନିଃ ଆତଃ ଇନିଃ ତିନାଃ ଚିକା କାଦାଏ ?”

୩୪ ଗାଦେଲ୍ ହଡକଏତେ ଚିମିନ୍ ହଡକ ରାକାମ୍ ରାକାମ୍ କାଜିକେଦ୍‌ତେ କାଉରିକେଦାକ । ନେ'ଲେକା କାଉରିକେଦାକ ଚି, ହାଜାର୍ ସିପାଇକଆଃ ଆଗୁଆଇନିଃ ହାଲାଗୁଲା ତିନାଃମେନ୍ତେ ହବାଅଡତାନା ଏନା କାଏ ସାରିଦାଡିୟାନା । ଏନାତେ ଇନିଃ ପାଉଲୁସ୍‌କେ ସିପାଇକଆଃ ଗାଡ୍ ଭିତାରେତେ ଇଦି ନାଗେନ୍ତେ ସିପାଇକକେ ଆରୁକେଦ୍‌କଆ ।

୩୫ ଇନକୁ ପାଉଲୁସ୍‌କେ ଇଦିକେଦ୍‌ତେ ଗାଡ୍‌ରେୟାଃ ପାଉଡ୍‌ତାଃ ସେଟେର୍‌ୟାନାରେ ଗାଦେଲ୍ ହଡକଆଃ ଖ୍‌ସ୍ ନେଲ୍‌କେଦ୍‌ତେ ସିପାଇକ ପାଉଲୁସ୍‌କେ ଗଅଃକେଦ୍‌ତେ ଇଦିକିୟାକ ।

୩୬ ସବେନ୍ ହଡକ ଆୟାଃ ଦୟା ଦୟା ଅଡକ୍ ଆଉକେଦ୍‌ତେ “ଇନିଃକେ ଗଜିପେ” ମେନ୍ତେ କାଉରିତାନ୍‌ଲଃ କାଜିକେଦାକ ।

ପାଉଲୁସ୍ ଆଇଃକ୍‌ଗି ଆୟାଃ ବାସ୍ତାଅ ନାଜ୍ କାଜିକେଦାଏ

* ୨୧:୨୩ ଚାଇର୍ ଝାନ୍ ☆ ୨୧:୨୫ ପ୍ରେରିତ୍ ୧୫:୨୯. ☆ ୨୧:୨୯ ପ୍ରେରିତ୍ ୨୦:୪.

୩୭ ସିପାଇକ ପାଉଲୁସ୍‌କେ ଗାଡ଼୍ ଭିତାର୍‌ତେ ଇଦି ଇମ୍‌ତା ପାଉଲୁସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆଇଙ୍ଗ୍ ଆବେନ୍କେ ଜେଡନାଃ କାଜି ଦାଡ଼ିୟାଈଙ୍ଗ୍‌ଟି ?” ଇନିଃ କୁଲିକିୟାଏ, “ଆମ୍ ଗ୍ରୀକ୍ ଜାଗାର୍‌ତେ କାଜିତାନାମ୍, ଗ୍ରୀକ୍ ହଡ୍ ତାନମେଟି ?

୩୮ ଏନରେଦ୍ ଚିମିନ୍ ମାହାଁ ସିଦାରେ ମିସାରରେନ୍ ଅକ୍ ହଡ୍ ହାଲ୍‌ଗୁଲ୍‌କେଦ୍‌ତେ ଉପୁନ୍ ହାଜାର୍ ବରଝାନ୍ ଗଗଏଃ ହଡ୍‌କକେ ଇଦିକେଦ୍‌ତେ ବିରରେ ସେଟେରୟାନା, ଆମ୍ ଚିନାଃ ଏନ୍ ହଡ୍ ନାହାଁଲ୍‌ମେ ?”

୩୯ ପାଉଲୁସ୍ କାଜିରୁହାଡ଼କିୟାଏ, “ଆଇଙ୍ଗ୍ କିଲିକିଆ ପାର୍‌ଗାନ୍‌ରେୟାଃ ତାଷ୍‌ସ୍ ସାହାରରେ ଲାନାମାକାନ୍ ଯିହୁଦୀ ହଡ୍ ତାନିଙ୍ଗ୍ । ଦାୟାକେଦ୍‌ତେ ନେ ହଡ୍‌କତାଃରେ ଜାଗାର୍ ଇଚିଙ୍ଗ୍‌ମେ ।”

୪୦ ଇନିଃ ପାଉଲୁସ୍‌କେ କାଜି ଇଚିକିୟାଏ, ଏନ୍ତେ ପାଉଲୁସ୍ ଅଡ଼ାଃପାଉର୍ ଚେତାନରେ ତିଙ୍ଗ୍‌କେଦ୍‌ତେ ହଡ୍‌କକେ ହାପାଅଃ ନାଗେନ୍ତେ ତିଃଇ ରିମ୍‌କେଦ୍‌ତେ ଇସାରାକେଦ୍‌କଆ । ଇନ୍‌କୁ ହାପାୟାନ୍ ତାୟମ୍‌ତେ ପାଉଲୁସ୍ ଏବ୍ରୀ ଜାଗାର୍‌ତେ କାଜିକେଦା,

୨୨

୧ “ଦୁଲ୍‌ଡ଼୍ ହାଗାକ ଆଡ଼ଃ ଆପୁକ, ଆଇଙ୍ଗ୍ ଆପେୟାଃ ସାମ୍‌ନାଙ୍ଗ୍‌ରେ ଆପ୍‌ନାଃ ନାଗେନ୍ତେ କାଜିତାନ୍‌ତେୟାଃ ଆୟୁମେପେ,”

୨ ଇନିଃ ଇନ୍‌କୁଲଃ ଏବ୍ରୀତେ ଜାଗାର୍‌ତାନ୍ ଆୟୁମ୍‌କେଦ୍‌ତେ ଇନ୍‌କୁ ଆଡ଼ଃଗି ହାପାୟାନାକ ଆଡ଼ଃ ପାଉଲୁସ୍ ଆଡ଼ଃଗି କାଜିକିକେଦା,

୩ ☆“ଆଇଙ୍ଗ୍ ମିହୁଡ଼୍ ଯିହୁଦୀ ତାନିଙ୍ଗ୍, କିଲିକିଆ ପାର୍‌ଗାନ୍‌ରେୟାଃ ତାଷ୍‌ସ୍ ସାହାରରେଇଙ୍ଗ୍ ଜାନାମ୍ କାନା, ମେନ୍‌ଦ୍ ଆଇଙ୍ଗ୍ ଯୀରୁଗାଲେମ୍‌ରେଇଙ୍ଗ୍ ଆସୁଲ୍ ହାରାକାନା ଆଡ଼ଃ ଗମଲିଏଲ୍‌ତାଃଏତେ ଇନିତୁଇଙ୍ଗ୍ ନାମାକାଦା । ଆଇଙ୍ଗ୍ ଆବୁଆଃ ପୁରଃ ହାଡ଼ାମ୍‌କଆଃ ଆନ୍‌ରୁ ବୁଗିଲେକାଈଙ୍ଗ୍ ଇତୁକାନା ଆଡ଼ଃ ଆପେୟାଃ ଲେକା ପାର୍‌ମେଶ୍‌ବାର୍‌ଆଃ ନାଗେନ୍ତେ ଚିହୁଲାନଗି ତାଇକେନାଇଙ୍ଗ୍ ।

୪ ☆ଆଇଙ୍ଗ୍ ପ୍ରାଭୁଆଃ ହରାକେ ଅତଙ୍ଗ୍‌ତାନ୍ ହଡ୍‌କକେ ସାସାତିକେଦ୍‌ତେ ଗଏଃକ ତାଇକେନାଇଙ୍ଗ୍ । କଡ଼ା କୁଡ଼ି ସବେନ୍କକେ ତଲ୍‌କେଦ୍‌ତେ ଜେହେଲ୍‌ରେ ଜିମାକ ତାଇକେନାଇଙ୍ଗ୍ ।

୫ ଆଇଁୟାଃ ନେ କାଜି ସାର୍‌ତି ତାନାଃ, ମାରାଙ୍ଗ୍ ଯାଜାକ୍ ଆଡ଼ଃ ପାଞ୍ଚେର୍‌ରେନ୍ ସବେନ୍କ ନେଆଁରେୟାଃ ଗାଞ୍ଜାତାନ୍‌କ । ନେ ହଡ୍‌କକେ ତଲ୍‌କେଦ୍‌ତେ ଆଡ଼ଃ ସିକିଡ଼ିରେ ତଲ୍‌କେଦ୍‌ତେ ସାଜାଈ ଏମାକ ନାଗେନ୍ତେ ଯୀରୁଗାଲେମ୍‌ତେ ଇଦିକ ନାଙ୍ଗ୍ ଆଇଙ୍ଗ୍ ମାରାଙ୍ଗ୍ ଯାଜାକ୍‌ତାଃଏତେ ଅନଲ୍ ଚିଗାଈ ଇଦିକେଦ୍‌ତେ, ଦମାସ୍‌କସ୍ ନାଗାର୍‌ରେ ତାଇନ୍‌ତାନ୍ ଯିହୁଦୀ ହାଗାକତାଃତେଇଙ୍ଗ୍ ସେନଃୟାନା ।

ପାଉଲୁସ୍ ଆୟାଃ ମନ୍‌ରୁହାଡ଼୍ ବିଷାଏରେ ଉଦ୍‌ବୁକେଦା (ପ୍ରେରିତ୍ ୯:୧-୧୯; ୨୨:୧୨-୧୮)

୬ “ଆଇଙ୍ଗ୍ ସେନଃତାନ୍ ତାଇକେନ୍ ଇମ୍‌ତା ଦମାସ୍‌କସ୍ ନାଗାର୍‌ତେ ତେବାଗଃ ତାଇକେନ୍‌ରେ ସିମାଏତେ ମିଆଁଦ୍ ହିଚିର୍‌ଲେକା ମାର୍‌ସାଲ୍ ଆଚ୍‌କାଗି ଆଇଁୟାଃ ଚାରିୟାଃରେ ମାର୍‌ସାଲ୍‌ୟାନା ।

୭ ଆଡ଼ଃ ଆଇଙ୍ଗ୍ ଅତେରେଇଙ୍ଗ୍ ଉୟୁଃୟାନା ଏନ୍ତେ ଆଇଙ୍ଗ୍ ନାଗେନ୍ତେ ନେ ଲାବ୍‌ଜାଈଙ୍ଗ୍ ଆୟୁମ୍‌କେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍‌କେମ୍ ସିଗିଦିକିଙ୍ଗ୍‌ତାନା ?’

୮ ଆଇଙ୍ଗ୍ କୁଲିକିୟାଈଙ୍ଗ୍, ‘ପ୍ରାଭୁ, ଆମ୍ ଅକଏ ତାନମେ ?’ ଇନିଃ ଆଇଙ୍ଗ୍‌କେ କାଜିରୁହାଡ଼କିୟା, ‘ଆମ୍ ଅକଏକେମ୍ ସାସାତିତାନା, ଆଇଙ୍ଗ୍ ଏନ୍ ନାଜ୍‌ରେଡ଼ରେନ୍ ଯୀଶୁ ତାନିଙ୍ଗ୍ ।’

୯ ଆଇଁୟାଃଲଃ ତାଇକେନ୍ ହଡ୍‌କ ଏନ୍ ମାର୍‌ସାଲ୍‌କେ ନେଲ୍‌କେଦା, ମେନ୍‌ଦ୍ ଆଇଙ୍ଗ୍‌ଲଃ ଜାଗାର୍‌ତାନ୍ ହଡ୍‌ଆଃ ଲାବ୍‌ଜା କାକ ଆୟୁମ୍ ଦାଡ଼ିୟାନା ।

୧୦ ଆଇଙ୍ଗ୍ କୁଲିକିୟାଈଙ୍ଗ୍, ‘ପ୍ରାଭୁ, ଆଇଙ୍ଗ୍ ଚିନାଃ ଚିକାଏୟାଈଙ୍ଗ୍ ?’ ପ୍ରାଭୁ ଆଇଙ୍ଗ୍‌କେ କାଜିକେଦିୟା, ‘ବିରିଦ୍‌ମେ, ଆଡ଼ଃ ଦମାସ୍‌କସ୍‌ତେ ସେନଃମେ, ପାର୍‌ମେଶ୍‌ବାର୍ ଆମାଃ ନାଗେନ୍ତେ ଅକ କାମି ଦହକାଦା, ଏନା ଏନ୍ତାଃରେ ଆମ୍‌କେ ଉଦ୍‌ବାମେୟା ।’

୧୧ ଏନ୍ ମାର୍‌ସାଲ୍‌ରେୟାଃ ପୁରାଃ ମାର୍‌ସାଲ୍‌ତେ ଆଇଁୟାଃ ମେଦ୍‌ତାଇୟାଃ ବିଗ୍‌ଡ଼ାଅୟାନା ଆଡ଼ଃ କାଈଙ୍ଗ୍ ନେଲ୍‌ଦାଡ଼ିୟାନା । ଏନାମେନ୍ତେ ଆଇଁୟାଃଲଃ ମିସାତେ ସେନ୍‌ତାଇକେନ୍ ହଡ୍‌କ ଆଇଁୟାଃ ତିଃଇ ସାବ୍‌କେଦ୍‌ତେ ଆଇଙ୍ଗ୍‌କେ ଦମାସ୍‌କସ୍‌ତେକ ସୁତୁଃଇଦିକିୟା ।

୧୨ “ଏନ୍ ନାଗାର୍‌ରେ ହନାନିୟ ନୁତୁମ୍ ମିଆଁଦ୍ ଧାର୍‌ମାନ୍ ହଡ୍ ତାଇକେନାଏ । ଇନିଃ ଆବୁଆଃ ଆନ୍‌ରୁ ମାନାତିଙ୍ଗ୍‌ନିଃ ତାଇକେନାଏ ଆଡ଼ଃ ଏନ୍ତାଃରେ ତାଇନ୍‌ତାନ୍ ଯିହୁଦୀ ହଡ୍ ସବେନ୍କ ଇନିଃକେ ପୁରାଃଗିକ ମାଈନି ତାଇକେନା ।

☆ ୨୨:୩ ପ୍ରେରିତ୍ ୫:୩୪-୩୯. ☆ ୨୨:୪ ପ୍ରେରିତ୍ ୮:୩; ୨୨:୯-୧୧.

୧୩ ଇନିଃ ଆଇଁୟାଃତାଃତେ ହିଜୁଃକେଦ୍ତେ ନାଡେଃରେ ତିଜୁଃୟାନା ଆଡଃ କାଜିକେଦାଏ, ‘ହାଗା ଶାଉଲ୍, ଆମ୍ ଆଡଃମିସାମ୍ ନେଲ୍ଦାଡ଼ିୟା ।’ ଏନ୍ ନେତାରେଗି ଆଇଙ୍ଗ୍ ଆଡଃମିସା ନେଲ୍ ଦାଡ଼ିକେଦ୍ତେ, ଇନିଃକେଇଙ୍ଗ୍ ନେଲ୍କିୟା ।

୧୪ ଇନିଃ କାଜିକେଦାଏ, ‘ଆବୁଆଃ ପୁରଖା ହାଡ଼ାମ୍କଆଃ ପାର୍ମେଶ୍ୱାର୍ ଆମ୍କେ ଆୟାଃ ଇଛାସାନାଙ୍ଗ୍ ସାରି ନାଗେନ୍ତେ, ଆୟାଃ ଧାର୍ମାନ୍ ଦାସିକେ ନେଲି ନାଗେନ୍ତେ ଆଡଃ ଆୟାଃ କାଜି ଆୟୁମ୍କେଦ୍ତେ ଆୟାଃ ଆପ୍ନାଃ ଲାଦ୍ଜାତେ ଜାଗାର୍ ନାଗେନ୍ତେ ସାଲ୍ଲାକାଦ୍ମେୟା ।

୧୫ ତିଆଃତି ଆମ୍ ଅକ୍ନାଃ ନେଲ୍ଲକାଦାମ୍ ଆଡଃ ଆୟୁମ୍କାଦାମ୍, ଏନା ସବେନ୍କତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଞ୍ଜାମ୍ ହବାଅଃଆ ।

୧୬ ଆଡଃ ନାହାଁଃ, ତିନାଃମେନ୍ତେମ୍ ବିଲ୍ମାମେତାନା ? ବିରିଦ୍ମେ, ବାପ୍ତିସ୍ମା ଇଦିମେ ଆଡଃ ଆୟାଃ ନୁଡୁମ୍ରେ ବିକ୍ତିକେଦ୍ତେ ଆମାଃ ସବେନ୍ ପାପ୍କ ଫାର୍ତିୟଃଆ ।’

ସାଅଁସାର୍ ହଡ଼କତାଃରେ ପ୍ରାଚାର୍ ରିକା ନାଗେନ୍ତେ ପାଉଲୁସ୍କେ କେନେଡ଼ା

୧୭ “ଆଇଙ୍ଗ୍ ଯୀରୁଶାଲେମ୍ ରୁହାଡ଼କେଦ୍ତେ ଏନ୍ତାଃରେୟାଃ ମାନ୍ଦିର୍ ଅଡ଼ାଃରେ ବିକ୍ତିତାକେନ୍ ଇମ୍ତା, ଦାର୍ଶାନ୍ ନେଲ୍କେଦାକ୍ଇଙ୍ଗ୍,

୧୮ ଏନ୍ ଦାର୍ଶାନ୍ରେ ପ୍ରାଭୁକେ ନେଲ୍କିୟାକ୍ଇଙ୍ଗ୍ । ଇନିଃ ଆଇଙ୍ଗ୍କେ କାଜିକେଦିୟାଁ, ‘ଜାଲ୍ଦି ଯୀରୁଶାଲେମ୍ ବାଗିମେ, ତିଆଃତି ନେତାଃରେନ୍ ହଡ଼କ ଆଇଁୟାଃ ବିଷାଏରେ ଏମାକାଦ୍ ଗାଞ୍ଜା କାକ ଆୟୁମେୟା ।’

୧୯ ଆଇଙ୍ଗ୍ କାଜିରୁହାଡ଼କେଦାକ୍ଇଙ୍ଗ୍, ‘ପ୍ରାଭୁ ଆଇଙ୍ଗ୍ ସାମାଜ୍ ଅଡ଼ାଃକରେ ସେନ୍କେଦ୍ତେ ଆମାଃତାଃରେ ବିଶ୍ୱାସ୍ତାନ୍ ହଡ଼କକେ ଚିଲ୍ଲକାକ୍ ତଲ୍ଲକତାକେନା ଆଡଃ ଦାଲ୍ଲକ ତାକେନା, ଏନା ଇନ୍କୁ ବୁଗିଲେକାକ ସାରିକାଦା,

୨୦ *ଆଡଃ ଆମାଃ ବିଷାଏରେ ସ୍ତ୍ରୀମାନ୍ ଗାଞ୍ଜା ଏମ୍ତାକେନ୍ ଇମ୍ତା ଇନିଃକେ ଦିରିତେ ତିଦ୍ଗି ଗଏଃକିୟାକ, ଆଇଙ୍ଗ୍ ଏନ୍ତାଃରେକ୍ଇଙ୍ଗ୍ ତାକେନା, ଆଡଃ ଇନିୟାଃ ଗନ୍ଏଃରେକ୍ଇଙ୍ଗ୍ ସାଲ୍ହାକାନ୍ ତାକେନା ଆଡଃ ଇନିଃକେ ଗଏଃତାନ୍ ହଡ଼କଆଃ ଲିଜାଃକକ୍ଇଙ୍ଗ୍ ହରତାକେନା ।’

୨୧ ପ୍ରାଭୁ ଆଇଙ୍ଗ୍କେ କାଜିକେଦିୟାଁ, ‘ଜୁ, ଆଇଙ୍ଗ୍ ଆମ୍କେ ପୁରାଃ ସାଜିନ୍ ସାଅଁସାର୍ ହଡ଼କତାଃତେକ୍ଇଙ୍ଗ୍ କୁଲ୍ମେୟାଁ ।’”

୨୨ ହଡ଼କ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାକେନାକ, ମେନ୍ଦ ଏନ୍ ତାୟମ୍ତେ ଇନ୍କୁ ପୁରାଃ କାଉରିକେଦ୍ତେ କାଜି ଏଟେଃକେଦାକ, “ଇନିଃକେ ଅଡେଦିଶ୍ୱମ୍ଏତେ ବାହାରି ଅଡ଼ଙ୍ଗ୍ଇଁପେ, ଇନିଃକେ ଗଜିପେ, ଇନିୟାଃ ଜାନିଦ୍ ତାଇନଃରେୟାଃ ଜେତାନ୍ ଆକ୍ତେୟାର୍ ବାନଃଆ ।”

୨୩ ଇନ୍କୁ କାଉରିତାନ୍ଲଃ ଆକଆଃ ଲିଜାଃ ହିରକେଦାକ ଆଡଃ ତେତାନ୍ତେ ଧୁଡ଼ି ହିରକିକେଦାକ ।

୨୪ ପାଉଲୁସ୍କେ ଗାଡ଼୍ ଭିତାର୍ତେ ଇଦି ନାଗେନ୍ତେ ରୋମ୍ରେନ୍ ହାଜାର୍ ସିପାକକଆଃ ଆଗୁଆଇନିଃ ସିପାକକକେ ଆରୁକେଦ୍କଆ ଆଡଃ ଯିହୁଦୀ ହଡ଼କ ତିନାଃମେନ୍ତେ ଆୟାଃ ବିରୁଧ୍ରେ ନେଲେକା କାଉରିତାନାକ, ଏନା ସାରି ନାଗେନ୍ତେ ଇନିଃକେ କରତାତେ ହାଁଶ୍ୱାକ ନାଙ୍ଗ୍ ଆରୁକେଦ୍କଆଏ ।

୨୫ ମେନ୍ଦ ଇନିଃକେ ତନଲ୍ ଇମ୍ତା ପାଉଲୁସ୍ ଏନ୍ତାଃରେ ତାକକାନ୍ ମିଦ୍ଶାଅ ସିପାକକଆଃ ଆଗୁଆଇନିଃକେ କାଜିକିୟା, “ଜେତା ଗୁହାଁରେ ନାହାଁଃ ଜାକେଦ୍ କା ତିଚାକାନ୍ ରୋମିରେନ୍ ହଡ଼କେ ହାଁଶ୍ୱାତେୟାଃ ତିନାଃ ଆଇନ୍ ଲେକାତେ ବୁଗିନାଃ ତାନାଃ ?”

୨୬ ନେଆଁ ଆୟୁମ୍କେଦ୍ତେ ମିଦ୍ଶାଅ ସିପାକକଆଃ ଆଗୁଆଇନିଃ ସେନ୍କେଦ୍ତେ ହାଜାର୍ ସିପାକକଆଃ ଆଗୁଆଇନିଃକେ କାଜିକିୟା, “ଆବେନ୍ ତିନାଃବେନ୍ ତିକାଏତାନା ? ଏନ୍ ହଡ଼ ରୋମିରେନ୍ ତାନିଃ ।”

୨୭ ଏନ୍ତେ ହାଜାର୍ ସିପାକକଆଃ ଆଗୁଆଇନିଃ ପାଉଲୁସ୍ତାଃତେ ସେନ୍କେଦ୍ତେ କୁଲିକିୟା, “ଆମ୍ ତିନାଃ ମିଆଁଦ୍ ରୋମିରେନ୍ ତାନ୍ମେ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ୍ ।”

୨୮ ହାଜାର୍ ସିପାକକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନ୍ଇଙ୍ଗ୍ ଏମ୍କେଦ୍ତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାକ୍ଇଙ୍ଗ୍ ।” ମେନ୍ଦ ପାଉଲୁସ୍ କାଜିରୁହାଡ଼କିୟାଏ, “ମେନ୍ଦ ଆଇଙ୍ଗ୍ ଜାନାମ୍ହେତେଗି ରୋମିରେନ୍ ତାନିଙ୍ଗ୍ ।”

୨୯ ଇମ୍ତାଗି ଅକ୍ ହଡ଼କ ପାଉଲୁସ୍କେ କୁଲି ନାଗେନ୍ତେକ ସେନ୍ତାକେନା, ଇନ୍କୁ ତାୟମ୍ତେକ ରୁହାଡ଼ୟାନା ଆଡଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦ୍ତେ ଆଡଃ ଇନିଃ ସିକିଡ଼ିତେ ପାଉଲୁସ୍କେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦ୍ତେ, ଇନିଃ ପୁରାଃଗି ବରକେଦା ।

ଯିହୁଦୀକଆଃ ମାରାଙ୍ଗ୍ ପାଞ୍ଚେଟ୍ ଆୟାର୍ରେ ପାଉଲୁସ୍

୩୦ ଯିହୁଦୀ ହଡ଼କ ପାଉଲୁସ୍କେ ତିନାଃମେନ୍ତେକ ତିଚାକତାନା, ଏନା ସାରି ନାଗେନ୍ତେ ହାଜାର୍ ସିପାକକଆଃ ଆଗୁଆଇନିଃ ଏଗାଃ ହୁଲାଙ୍ଗ୍ ପାଉଲୁସ୍ତାଃ ସିକିଡ଼ି ତନଲ୍ତେୟାଃକ ରାଡ଼ାକେଦ୍ତେ ମାରାଙ୍ଗ୍ ପାଞ୍ଚେଟ୍ ହବାଅଃ ନାଗେନ୍ତେ ମୁଲ୍ ଯାଜାକ୍କକେ ଆରୁକେଦ୍କଆ । ଏନ୍ତେ ଇନିଃ ପାଉଲୁସ୍କେ ଇଦିକେଦ୍ତେ ଇନ୍କୁଆଃ ଆୟାର୍ରେ ତିଜୁକିୟା ।

☆ ୨୨:୨୦ ପ୍ରେରିତ୍ ୭:୫୮.

୨୩

୧୧ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ସାଃତେ ମିଦ୍‌ନାଜେର୍‌ରେ ନେଲ୍‌କେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ତିସିଙ୍ଗ୍ ଜାକେଦ୍ ଆଇଙ୍ଗ୍ ଆଇଁୟାଃ ଜୀଦାନରେ ପାର୍‌ମେଶ୍‌ବାର୍‌କେ ପୁରାଃ ମାଇନ୍‌ତାନ୍‌ଲଃ ଜୀଦାନ୍ ବିତାଅକାଦାଇଙ୍ଗ୍, ଏନ୍ ବିଷାଏରେ ଆଇଁୟାଃ ବିବେକ୍ ପୁରା ବୁଗିନ୍‌ଗିୟା ।”

୧୨ ନେ କାଜି ଆୟୁମ୍‌କେଦ୍‌ତେ ମାରାଙ୍ଗ୍ ଯାଜାକ୍ ହନାନିୟ, ପାଉଲୁସ୍‌ଆଃ ଜଆରେ ଚାଟ୍‌କାନ୍ ନାଗେନ୍ତେ ପାଉଲୁସ୍‌ଆଃ ନାଡେଃରେ ତିଙ୍ଗୁଆକାନ୍ ହଡକକେ ଆରୁକେଦ୍‌କଆ ।

୧୩ *ପାଉଲୁସ୍ ଇନିଃକେ କାଜିକିୟା, “ଏ ପୁଣ୍ଡିଆକାନ୍ ଭିଡ୍*, ପାର୍‌ମେଶ୍‌ବାର୍ ସାର୍‌ତିଗି ଆମ୍‌କେ ଦାଲ୍‌ମେୟାଁ । ଆନ୍‌ରୁ ଲେକାତେ ଆଇଁୟାଃ ବିଚାର୍ ନାଗେନ୍ତେ ଆମ୍ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଙ୍ଗ୍‌କେ ଦାଲ୍ ନାଙ୍ଗ୍ ଆରୁକେଦ୍‌ତେ ଆମ୍ ଆନ୍‌ରୁମ୍ ଟଟାଃତାନା ।”

୧୪ ପାଉଲୁସ୍‌ଆଃ ନାଡେଃରେ ତାଇକାନ୍ ହଡକ ଇନିଃକେ କାଜିକିୟାକ, “ଆମ୍ ପାର୍‌ମେଶ୍‌ବାର୍‌ଆଃ ମାରାଙ୍ଗ୍ ଯାଜାକ୍‌କେମ୍ ଲାନ୍‌ଇତାନା ।”

୧୫ ପାଉଲୁସ୍ କାଜିରୁହାଡ୍‌କେଦ୍‌କଆଏ, “ହେ ଇସ୍ରାଏଲ୍‌ରେନ୍ ହାଗାକ, ଇନିଃ ମାରାଙ୍ଗ୍ ଯାଜାକ୍ ତାନିଃ ମେନ୍ତେ ଆଇଙ୍ଗ୍ କାଜିଙ୍ଗ୍ ସାରିକାଦ୍ ତାଇକେନା । ଧାରାମ୍‌ପୁଅରେ ଅଲ୍‌କାନା, ଆପେ ଆପେୟାଃ ହଡକଆଃ ହାକିମ୍‌ଆଃ ବିଷାଏରେ ଏଡକାନାଃ ଆଲପେ କାଜିୟା ।”

୧୬ *ଯିହୁଦୀ ହଡକଆଃ ଝୁଣ୍ଡରେ ଚିମିନ୍ ଫାରୁଶୀ ଆଡଃ ଚିମିନ୍ ସାଦୁକି ହଡକ ମେନାକତେୟାଃ ନେଲ୍‌କେଦ୍‌ତେ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ରେ କାଉରିକେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଙ୍ଗ୍ ଫାରୁଶୀ ତାନିଙ୍ଗ୍ ଆଡଃ ଫାରୁଶୀ କିଲିରେଇଙ୍ଗ୍ ଜାନାମ୍ କାନା । ଆଡଃ ଗଜାକାନ୍‌କଆଃ ଜୀଉବିନିରିଦ୍ ମେନାଃ ମେନ୍ତେ ଭାର୍‌ସାକାଦ୍ ହରାତେ ନେତାଃରେ ଆଇଁୟାଃ ବିଚାର୍ ହବାଅଃତାନା ।”

୧୭ ନେ କାଜି କାଜିକେଦ୍‌ତି ଇମ୍‌ତାଗି, ଫାରୁଶୀକଆଃ ଆଡଃ ସାଦୁକିକଆଃ ଆଲାରେ କାପ୍‌ଜି ଏଟେଦ୍‌ୟାନା, ଏନ୍ତେ ଇନ୍‌କୁଆଃ ଝୁଣ୍ଡ ବିପିଙ୍ଗାୟାନା ।

୧୮ *ତିଆଃତି ସାଦୁକିକ ଗଜାକାନ୍‌କଆଃ ଜୀଉବିନିରିଦ୍ ବାନଃଆ ଆଡଃ ଦୁଁଡକ, ଆଡଃ ଆମ୍ ବାଙ୍ଗକଆ ମେନ୍ତେକ କାଜିୟାଃ, ମେନ୍‌ଦ ଫାରୁଶୀକ ନେ ଆପିୟାତେୟାଃରେକ ବିଶ୍ୱାସାଃ ।

୧୯ ଇନ୍‌କୁଆଃ ଆଲାରେ ପୁରାଃଗି କାପ୍‌ଜି ହବାୟାନା ଆଡଃ ଫାରୁଶୀକଆଃ ଝୁଣ୍ଡରେନ୍ ଚିମିନ୍ ଆଇନ୍ ଇଡୁକ ତିଙ୍ଗୁୟାନ୍‌ଲଃ କେଟେୟାନ୍‌ଗି କାଜିକଟ୍‌କେଦ୍‌ତେ କାଜିକେଦାକ, “ଆଲେ ନେ ହଡତାଃରେ ଜେତାନ୍ ଗୁଣ୍ଡାଁ କାଲେ ନାମେତାନା, ହବାସାକଅଆଃ ଜାରୁଡ୍‌ଗି ଇନିଃଲଃ ମିଆଁଦ୍ ଆମ୍ ଚାଏ ଦୁଁଡ୍ କାଜିକାତେୟାଃଏ ।”

୨୦ କାପ୍‌ଜି ନିମିନାଙ୍ଗ୍ ବରଝାନ୍ ଲେକା ହବାୟାନା ଯେ, ଗାଦେଲ୍ ହଡକ ପାଉଲୁସ୍‌କେ ଚୁକ୍‌ଡା ଚୁକ୍‌ଡା ତାଇୟାକ ମେନ୍ତେ ହାଜାର୍ ସିପାଇକଆଃ ଆଗୁଆଇ ବରକେଦାଏ । ଏନାତେ ଇନିଃ ହାଲାଗୁଲାତାନ୍ ହଡକଆଃ ଆଲାଏତେ ପାଉଲୁସ୍‌କେ ଇଦି ଆତମ୍‌କିୟା ଆଡଃ ଇନିଃକେ ଗାଡ୍ ଭିତାର୍‌ତେ ଇଦିପେ ମେନ୍ତେ ସିପାଇକକେ ଆରୁକେଦ୍‌କଆ ।

୨୧ ପ୍ରାଭୁ ଏନ୍ ନିଦାରେଗି ପାଉଲୁସ୍‌ତାଃରେ ତିଙ୍ଗୁକେଦ୍‌ତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯାରୁଶାଲେମ୍‌ରେ ଆଇଁୟାଃ ନାଗେନ୍ତେ ଗାଞ୍ଜାମ୍ ଏମାକାଦା । ରୋମ୍‌ରେୟଗି ଆମ୍‌କେ ନେ'ଲେକାଗି ଗାଞ୍ଜା ଏମ୍ ଲାଗାଡିୟାଁ ।”

ପାଉଲୁସ୍‌କେ ଗଗଏଃ ନାଗେନ୍ତେ ରୋଜୋଟ୍

୨୨ ଏଟାଃ ହୁଲାଙ୍ଗ୍ ସେତାଃରେ ଚିମିନ୍ ଯିହୁଦୀ ହଡକ ହୁଣ୍ଡିକେଦ୍‌ତେକ ରୋଜୋଟ୍‌କେଦା । ପାଉଲୁସ୍‌କେ ଆଉରି ଗଜି ଜାକେଦ୍ ଇନ୍‌କୁ ଜମ୍ ନୁଁ କାକଆଃ ମେନ୍ତେକ କିରିୟାକେଦା ।

୨୩ ବାର୍‌ହିସିହେତେ ଆଦକା ହଡକ ନେ'ଲେକା ରୋଜୋଟ୍‌କାଦ୍ ତାଇକେନାକ ।

୨୪ ଇନ୍‌କୁ ସେନ୍‌କେଦ୍‌ତେ ମୁଲ୍ ଯାଜାକ୍ ଆଡଃ ପ୍ରାଚିନ୍‌କକେ କାଜିକେଦ୍‌କଆକ, “ପାଉଲୁସ୍‌କେ ଆଉରି ଗଜି ଜାକେଦ୍ ଜେଡ୍‌ନାଃ କାଲେ ଜମେୟାଁ ମେନ୍ତେ ଆଲେ କିରିୟାକାଦାଲେ ।

୨୫ ଏନାତେ ଆପେ ବେଦାତାନ୍‌ଲଃ ଇନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗ୍‌ତାନାଲେ ମେନ୍ତେ ଇନିଃକେ ଆପେତାଃତେ ଆଉ ନାଗେନ୍ତେ ନାହାଁଃ ମାରାଙ୍ଗ୍ ପାଞ୍ଚେଟ୍‌ଲଃ ହାଜାର୍ ସିପାଇକଆଃ ଆଗୁଆଇତାଃତେ କାଜି କୁଲେପେ । ମେନ୍‌ଦ ଇନିଃ ଆପେତାଃତେ ହିଜୁଃ ସିଦାରେ ଆଲେ ଇନିଃକେ ହରାରେ ଗଜି ନାଗେନ୍ତେ ସେକାଡାକାନ୍‌ଗି ତାଇନାଲେ ।”

୨୬ ମେନ୍‌ଦ ପାଉଲୁସ୍‌ଆଃ ମିଶିତେୟାଃ ହନ୍ ଇନ୍‌କୁଆଃ ରୋଜୋଟ୍ କାଜି ଆୟୁମ୍‌କେଦ୍‌ତେ ଗାଡ୍ ଭିତାର୍ ସେନ୍‌କେଦ୍‌ତେ ପାଉଲୁସ୍‌କେ ଉଦୁବ୍‌କିୟା ।

* ୨୩:୩ ମାଥୁଉ ୨୩:୨୭,୨୮. * ୨୩:୩ କାଥୁ * ୨୩:୭ ପ୍ରେରିତ୍ ୨୭:୫; ଫିଲିପିୟ ୩:୫. * ୨୩:୮ ମାଥୁଉ ୨୨:୨୩; ମାର୍କ ୧୨:୧୮; ଲୁକ ୨୦:୨୭.

୧୭ ଏନ୍ତେ ପାଉଲୁସ୍ ମିଦ୍‌ଶାଅ ସିପାଇକଆଃ ଆଗୁଆଇକଏତେ ମିହୁଡକେ କେଡାକେଦ୍‌ତେ କାଜିକିୟା, “ନେ ସେପେଡେଦକେ ହାଜାର୍ ସିପାଇକଆଃ ମାରାଙ୍ଗନିଃତାଃତେ ଇଦିମେ, ଚିଆଃଚି ଇନିଃ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।”

୧୮ ମିଦ୍‌ଶାଅ ସିପାଇକଆଃ ଆଗୁଆଇ ଇନିଃକେ ହାଜାର୍ ସିପାଇକଆଃ ଆଗୁଆଇତାଃତେ ଇଦିକେଦ୍‌ତେ କାଜିକିୟା, “ତଲ୍ଲାନାନ୍ ପାଉଲୁସ୍ ଆଇଙ୍ଗକେ କେଡାକେଦ୍‌ତେ ନେ ସେପେଡେଦକେ ଆବେନ୍‌ତାଃତେ ଆଉ ନାଗେନ୍ତେ କାଜିକେଦିୟାଁ, ଚିଆଃଚି ଇନିଃ ଆବେନ୍‌କେ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।”

୧୯ ହାଜାର୍ ସିପାଇକଆଃ ଆଗୁଆଇ ଇନିୟାଃ ତିଃଇ ସାବ୍‌କେଦ୍‌ତେ ଗେନାତେ ଇଦିକିୟାଏ ଆତଃ କୁଲିକିୟାଏ, “ଆଇଙ୍ଗକେ ଚିନାଃ କାଜିରାଃ ମେନାଃ, କାଜିମେ ?”

୨୦ ଏନ୍ତେ ଇନିଃ କାଜିକେଦାଏ, “ମିହୁଦୀ ଆକ୍‌ତେୟାର୍ ହଡକ ରୋଜୋଟକାଦାକ ଯେ, ପାଉଲୁସ୍‌ଆଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗତାନାକ ମେନ୍ତେ ବେଦାକେଦ୍‌ତେ, ପାଉଲୁସ୍‌କେ ଗାପା ମାରାଙ୍ଗ ପାଞ୍ଚେଟ୍‌ତେ ଇଦି ନାଗେନ୍ତେ ଆବେନ୍‌କେକ କାଜିବେନା ।

୨୧ ମେନ୍‌ଦ ଆବେନ୍ ଇନ୍‌କୁଆଃ କାଜି ଆଲବେନ୍ ଆୟୁମେୟା, ଚିଆଃଚି ବାର୍‌ହିସିହେତେ ଆଦକା ହଡକ ଇନିଃକେ ଆଉରି ଗଜି ଜାକେଦ୍ କାଲେ ଜମେୟାଁ ମେନ୍ତେ କିରିୟାକାଦାକ ଆତଃ ଉକୁକେଦ୍‌ତେ ଇନିୟାଃ ନେଲ୍‌ହରାତାନାକ । ନାହାଁଃ ଇନ୍‌କୁ ଆବେନାଃ କାଜି ଆୟୁମ୍ ନାଙ୍ଗକ ତାଜିତାନା ।”

୨୨ ହାଜାର୍ ସିପାଇକଆଃ ଆଗୁଆଇ “ଆମ୍ ଆଇଙ୍ଗକେ ନେ କାଜିମ୍ ଉଦୁବ୍‌କାଦିୟାଁ ଏନା ଜେତାଏକେ ଆଲମ୍ କାଜିକଆ ।” ମେନ୍ତେ କାଜିକେଦ୍‌ତେ ଇନିଃକେ କୁଲ୍‌କିୟା ।

ପାଉଲୁସ୍ କାଇସାରିତାଃତେ କୁଲ୍‌ୟାନା

୨୩ ଏନ୍ତେ ହାଜାର୍ ସିପାଇକଆଃ ଆଗୁଆଇ ଆୟାଃ ମିଦ୍‌ଶାଅ ସିପାଇକଆଃ ଆଗୁଆଇ, ବାର୍‌ହଡକିନ୍‌କେ କେଡାକେଦ୍‌ତେ କାଜିକେଦକିନା, “ତିସିଙ୍ଗନିଦା ନାଅ ଘାଡ଼ିକରେ କାଇସରିୟା ସାହାର୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆତଃ ଗେଲ୍‌ହିସି† ବାଞ୍ଛା ସାବାକାଦ୍ ସିପାଇକକେ ସେକାଡକବେନ୍ ।

୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡକବେନ୍ ଜେ'ଲେକା ଇନ୍‌କୁ ପାଉଲୁସ୍‌କେ ସାଦମ୍‌ରେ ଦୁବ୍‌କେଦ୍‌ତେ ଲାଟ୍‌ସାହେବ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟେର୍ ଦାଡ଼ିୟା ।”

୨୫ ଏନ୍ତେ ହାଜାର୍ ସିପାଇକଆଃ ଆଗୁଆଇ ନେ'ଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଲାନାନ୍ ଲାଟ୍‌ସାହେବ୍ ଫେଲିକ୍‌ସ୍‌କେ କ୍ଲାଉଦିଆ ଲୁସିୟସ୍‌ଆଃ ଜହାର୍ ।

୨୭ ମିହୁଦୀ ହଡକ ନେ ହଡକେ ସାବ୍‌କେଦ୍‌ତେ ଗଗଏଃ ନାଙ୍ଗକ ସାନାଙ୍ଗ୍ ତାଇକେନା । ଇନିଃ ମିଆଁଦ୍ ରୋମିରେନ୍ ହଡ ତାନିଃ ମେନ୍ତେ ସାରିକେଦ୍‌ତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦ୍‌ତେ ଇନିଃକେଇଙ୍ଗ୍ ବାଟାଅକିୟା ।

୨୮ ଇନ୍‌କୁଆଃ ବିରୁଧ୍‌ରେ ଇନିଃ ଚିନାଃ ଗୁଞ୍ଚାକାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଇନିଃକେ ଇନ୍‌କୁଆଃ ମାରାଙ୍ଗ୍ ପାଞ୍ଚେଟ୍‌ତେଇଙ୍ଗ୍ ଇଦିକିୟା ।

୨୯ ମେନ୍‌ଦ ଇନିଃ ଗନ୍‌ଏଃ ଚାଏ ଜେହେଲ୍‌ରେ ସାଜାଇ ନାମେ ଲେକା ଜେତାନ୍ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଇଙ୍ଗ୍ । ଆତଃ ଆୟାଃ ବିରୁଧ୍‌ରେ ହବାକାନ୍ ଗୁଞ୍ଚାଁ କାଜି ଆକଆଃ ଆନ୍‌ରୁ ବିରୁଧ୍ ବିଷାଏରେ ହବାକାନା ।

୩୦ ଆତଃ ଇନିୟାଃ ବିରୁଧ୍‌ରେ ମିଆଁଦ୍ ରୋଜୋଟ୍ ହବାକାନା ମେନ୍ତେ ସାରିକେଦ୍‌ତେ ଆଇଙ୍ଗ୍ ଇମ୍‌ତାଗି ଇନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁଞ୍ଚାଁକକେ ଆବେନାଃ ଆୟାର୍‌ରେ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡକକେଇଙ୍ଗ୍ କାଜିକାଦକଆ ।”

୩୧ ସିପାଇକ ଇନିଃ ଆଟୁକାଦ୍ ଲେକାଗି ପାଉଲୁସ୍‌କେ ଏନ୍ ନିଦାରେଗି ଆନ୍ତ୍ରପାତ୍ରି ନାଗାର୍‌ତେକ ଇଦିକିୟା ।

୩୨ ଏଟାଃ ହୁଲାଙ୍ଗ୍ ସେସେନ୍‌ତେ ସେନ୍‌ତାନ୍ ସିପାଇକ ଆତଃ ସାଦମ୍‌ରେ ଦୁବ୍‌କେଦ୍‌ତେ ସେନ୍‌ତାନ୍ ସିପାଇକ ଇନିଃଲଃ ସେନ୍ ନାଗେନ୍ତେ ଗାଡ଼ତେକ ରୁହାଡ଼ୟାନା ।

୩୩ ଇନ୍‌କୁ ପାଉଲୁସ୍‌କେ କାଇସରିୟାତେକ ଇଦିକିୟା, ଆତଃ ଏନ୍ତାଃରେ ଇନ୍‌କୁ ହାଜାର୍ ସିପାଇକଆଃ ଆଗୁଆଇଆଃ ଅନଲ୍ ଚିଟାଉଲଃ ପାଉଲୁସ୍‌କେୟ ଲାଟ୍‌ସାହେବ୍‌ଆଃ ତିଃଇରେକ ଜିମାକିୟା ।

୩୪ ଲାଟ୍‌ସାହେବ୍ ଏନ୍ ଅନଲ୍ ଚିଟାଉ ପାଢାଅକେଦ୍‌ତେ ପାଉଲୁସ୍‌କେ ଅକ ପାର୍‌ଗାନ୍‌ହେତେ ହିଜୁଃକାନାମ୍ ମେନ୍ତେ କୁଲିକିୟା । ପାଉଲୁସ୍ କିଲିକିଆ ପାର୍‌ଗାନ୍‌ରେନ୍ ତାନିଃ ମେନ୍ତେ ସାରିକେଦ୍‌ତେ,

୩୫ ଇନିଃ କାଜିକିୟାଏ, “ଆମ୍‌କେ ଚିଟାମେତାନ୍ ହଡକ ସେଟେର୍‌ୟାନ୍ ତାୟମ୍‌ତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟାଁ ।” ଏନ୍ତେ ପାଉଲୁସ୍‌କେ ହେରୋଦ୍ ରାଜାରାଃ ମାହାଲ୍‌ଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆଟୁକେଦକଆ ।

† ୨୩:୨୩ ଦୁଇଶାଅ

୨୪

ପାଉଲୁସଆଃ ବିରୁଧରେ ଚିଟାକାଜି

^୧ ମଣେଁ ମାହାଁ ତାୟମତେ ମାରାଙ୍ଗ୍ ଯାଜାକ୍ ହନାନିୟ, ଚିମିନ୍ ଯିହୁଦୀ ପ୍ରାଚିନ୍କକେ ଆତଃ ତର୍ଭୁଲସ୍ ନୁହୁମ୍ ମିଆଁଦ୍ ଓକିଲ୍ଲିୟ କାକସରିୟାତେକ ସେନଃୟାନା । ଇନ୍କୁ ଲାଟ୍ସାହେବ୍ ଫେଲିକ୍ସଆଃ ଆୟାରରେ ପାଉଲୁସଆଃ ବିରୁଧରେ ଚିଟାକାଜିକ ଉଦୁବ୍ କେଦା ।

^୨ ଏନ୍ତେ ପାଉଲୁସକେ ଏନ୍ତାଃତେକ ଆଉକିୟା ଆତଃ ତର୍ଭୁଲସ୍ ମିମିଆଦ୍ତେ ଇନିୟାଃ ଚିଟାକାଜିକ ଉଦୁବ୍ କେଦା, “ଏ ପୁରାଃ ମାକନାନିଃ, ଆବେନାଃ ସେଣାଁନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜୀଉତେଲେ ତାଇନ୍ତାନା, ଆତଃ ଆଲେୟାଃ ଦିଶୁମ୍ରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା ।

^୩ ସବେନ୍ ଠାୟାଦ୍ତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନଧାବାଦ୍ଲେ ପାହାମେତାନା ।

^୪ ଆଇଙ୍ଗ୍ ଆବେନାଃ ଆଦକା ନେତା ଇଦି ନାଗେନ୍ତେ କାକଙ୍ଗ୍ ସାନାଙ୍ଗ୍ତାନା, ଏନାତେ ଆବେନ୍ ଦାୟାକେଦ୍ତେ ଆଇଁୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିକ୍ତିତାନା ।

^୫ ନେ ହଡ୍ଦ ଦୁରାଃ ବରଝାନ୍ ହାଲାଗୁଲା ରିକାଏ ଲେକାନିଃ ତାନିଃ ମେନ୍ତେଲେ ଆଟ୍ଟକାରିତାନା, ଇନିଃ ଅତେଦିଶୁମ୍ରେୟାଃ ସବେନ୍ସାଃ ସେନ୍କେଦ୍ତେ ଯିହୁଦୀ ଆଲାରେ ହାଲାଗୁଲାଏ ତାନା ଆତଃ ଇନିଃ ନାଜ୍ରେଡ୍ ଝୁଣ୍ଡରେନ୍ ମିଆଁଦ୍ ଆଗୁଆଇ ତାନିଃ ।

^୬ ଇନିଃ ମାନ୍ଦିର୍ ଅଡ଼ାଃକେ ସଡ଼ରାଏ ନାଙ୍ଗ୍ ଚେଷ୍ଟା ତାଇକେନ୍ ଇମ୍ତା ଆଲେ ଇନିଃକେଲେ ସାବ୍କିୟା ।

^୭ ମେନ୍ଦ୍ ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ହିଜୁଃକେଦ୍ତେ ପାଉଲୁସକେ ପୁରାଃ ପେଡ଼େଃଲଃ ଆଲେତାଃଏତେ ଇଦିକିୟା ।*

† ଆଲେ ଇନିୟାଃ ବିରୁଧରେ ଅକନ୍ ଚିଟାକାଜିକ କାଜିକାଦାଲେ, ଏନା ଆବେନ୍ଗି ନେ ହଡ୍ଦକେ କୁଲିକେଦ୍ତେ ସାରି ଦାଡ଼ିୟାଃବେନ୍ ।”

^୮ ଯିହୁଦୀ ହଡ୍ଦକହଗି ନେ ଚିଟାକାଜିରେ ମେସାକେଦ୍ତେ ନେ ସବେନ୍ କାଜିକ ସାର୍ତ୍ତିତାନାଃ ମେନ୍ତେକ କାଜିକେଦା ।

ଫେଲିକ୍ସଆଃ ଆୟାରରେ ପାଉଲୁସ୍

^{୧୦} ଲାଟ୍ସାହେବ୍ ପାଉଲୁସକେ କାଜି ନାଗେନ୍ତେ ଇସାରାକିୟା, ଆତଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଇଙ୍ଗ୍, ପୁରାଃ ବାରାଷ୍ଟହେତେ ଆବେନ୍ ନେ ଯିହୁଦୀ ହଡ୍ଦକଆଃ ବିଚାର୍ନିଃ ହବାକାନାବେନ୍, ଏନାତେ ଆବେନାଃ ଆୟାରରେ ଆଇଙ୍ଗ୍ ଆପ୍ନାଃ ବାଞ୍ଛାଅଃକାଜି କାଜି ନାଗେନ୍ତେଇଙ୍ଗ୍ ରାସକା କାନା ।

^{୧୧} ଆବେନ୍ ଆବେନ୍ଗି ସାରି ଦାଡ଼ିୟାଃବେନ୍ ଯେ, ଗେଲ୍ବାର୍ ହୁଲାଙ୍ଗ୍ଏତେ ଆଦକା କା ହବାଅଃଆ ଆଇଙ୍ଗ୍ ଯାରୁଗାଲେମ୍ତେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା ।

^{୧୨} ଯିହୁଦୀ ହଡ୍ଦକ ଆଇଙ୍ଗ୍କେ ମାନ୍ଦିର୍ ଅଡ଼ାଃରେ ଜେତାଏଲଃ କାପ୍ତିତାନ୍ କାକ ନେଲ୍ଲାକାଦିୟାଁ ତାଏ ସାମାଜ୍ ଅଡ଼ାଃରେ ଚାଏ ନାଗାର୍ରେୟାଃ ଏଟାଃ ଜେତାନ୍ ଠାୟାଦ୍ରେ ହଡ୍ଦକକେ ଏଡ୍କାନ୍ କାମିରେ ଉସ୍କୁର୍ ନାଙ୍ଗ୍ କାକ ନେଲ୍ଲାକାଦିୟାଁ ।

^{୧୩} ଏନାତେ ଆଇଁୟାଃ ବିରୁଧରେ ନାହାଁଃ ଆଉଝାକାନ୍ ଚିଟାକାଜିକ ନାଗେନ୍ତେ ଇନ୍କୁ କାକ ଉଦୁବ୍ ଦାଡ଼ିୟା ।

^{୧୪} ଆଇଙ୍ଗ୍ ଆବେନ୍ତାଃରେ ମାନାତିଙ୍ଗ୍ ତାନାଇଙ୍ଗ୍ ଯେ ଅକ ହରାକେ ଇନ୍କୁ ହସଡ୍ ମେନ୍ତେକ କାଜିତାନା, ଏନ୍ ହରାକେ ଅତଙ୍ଗକେଦ୍ତେ ଆଇଙ୍ଗ୍ ଆବୁଆଃ ପୁର୍ଖା ହାଡ଼ାମକଆଃ ପାର୍ମେଶ୍ୱାକେଇଙ୍ଗ୍ ସେଝାତାନା । ମେନ୍ଦ୍ ଆଇଙ୍ଗ୍ହଗି ମୁଗା ନାବାଆଃ ଆନ୍ତୁ ଆତଃ ନାବାକଆଃ ପୁଥ୍ରେ ଅଲ୍ଲାନାନ୍ ସବେନ୍ ବିଷାଏ ବିଶ୍ୱାସ୍ତାନାଇଙ୍ଗ୍ ।

^{୧୫} ନେ ହଡ୍ଦକଆଃ ଲେକାଗି ପାର୍ମେଶ୍ୱାର୍ତାଃରେ ଆଇଁୟାଃ ମିଆଁଦ୍ ଆସ୍ତା ମେନାଃ ଚି, ଧାର୍ମାନ୍ ଆତଃ ଏଡ୍କାନ୍ ସବେନ୍ ହଡ୍ଦକଆଃ ଗନ୍ଏଃହେତେ ଜୀଉବିନିରିଦ୍ ମେନାଃ ।

^{୧୬} ଏନାତେ ପାର୍ମେଶ୍ୱାର୍ ଆତଃ ହଡ୍ଦକଆଃ ସାମ୍ନାଙ୍ଗ୍ରେ ନିରାଲ୍ ବିବେକ୍ ଲେକାତେ ତାଇଲ୍ ତାଲାନ୍ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମ୍ତାଇଙ୍ଗ୍ ସାନାଙ୍ଗ୍ତାନା ।

^{୧୭} ☆“ପୁରାଃ ସିମାହେତେ ଯାରୁଗାଲେମ୍ତାଃଏତେ ସାଜିନ୍ରେ ତାଇକେନ୍ ତାୟମ୍ତେ, ଆଇଁୟାଃ ଆପ୍ନାଃ ହଡ୍ଦକ ନାଗେନ୍ତେ ଚିମିନ୍ ଟାକା ପାଏସା ଇଦି ନାଗେନ୍ତେ ଆତଃ ଦାଣେଁ ରାକାବେ ନାଗେନ୍ତେ ଆଇଙ୍ଗ୍ ଏନ୍ତାଃତେଇଙ୍ଗ୍ ସେନାକାନ୍ ତାଇକେନା ।

^{୧୮} ଆଇଙ୍ଗ୍ ଫାର୍ତିନ୍ରେୟାଃ ରିତିରିଝାଜ୍ ଚୁଣ୍ଡୁ ତାଇକେନ୍ ଇମ୍ତା ଇନ୍କୁ ଆଇଙ୍ଗ୍କେ ମାନ୍ଦିର୍ ଅଡ଼ାଃରେକ ନେଲ୍ଲେକେଦିୟାଁ । ଇମ୍ତା ଆଇଙ୍ଗ୍ଲଃ ଗାଦେଲ୍ ହଡ୍ଦକ କାକ ତାଇକେନା ଚାଏ ହାଲାଗୁଲା କା ହବାଅଃ ତାଇକେନା ।

* ୨୪:୭ ନେ ପଦ ଚିମିନ୍ ମାରି ଅନଲ୍ଲକରେ ବାନଃଆ ☆ ୨୪:୧୭ ପ୍ରେରିତ୍ ୨୧:୧୭-୨୮.

୧୯ ମେନ୍ଦ ଏସିଆ ପାରଗାନ୍ରେନ୍ ଚିମିନ୍ ଯିହୁଦୀ ହଡକ ଏନ୍ତାଃରେକ ତାଇକେନା, ଇନ୍କୁଆଃ ଜେଡନାଃ କାଜିରାଃ ତାଇକାନ୍ତେୟାଃ ରେଦ, ଇନ୍କୁ ଆକଗି ଆବେନାଃ ହେପାଦ୍ତେ ହିନ୍ତୁଃକେଦ୍ତେ ଆଇୟାଃ ବିରୁଧ୍ରେ ଚିଟାନ୍କାଜି କାଜି ଦାଡ଼ିକାତେତେୟାଃକ ।

୨୦ ଆଡ଼ଃଗି ଆଇଙ୍ଗ୍ ମାରାଙ୍ଗ୍ ପାଞ୍ଚେର୍ ଆୟାରରେ ତିଙ୍ଗୁକାନ୍ ତାଇକେନାଇଙ୍ଗ୍ ଇମ୍ତା, ଆଇଙ୍ଗ୍ ଅକ ଏଡକାନ୍ କାମିରେୟାଃ ଗୁଣ୍ଟାରେଇଙ୍ଗ୍ ଚିଟାକାନା, ଏନା ନେତାଃରେ ଅକ ହଡକ ମେନାକଆ, ଇନ୍କୁ କାଜିକାକ ।

୨୧ *ଆଇଙ୍ଗ୍ ଇନ୍କୁଆଃ ଆୟାରରେ ତିଙ୍ଗୁକେଦ୍ତେ ମିଆଁଦ୍ କାଜି ଏସକାର୍ କାଜିକାଦ୍ ତାଇକେନାଇଙ୍ଗ୍, ଏନା ହବାଅଃତାନା, ‘ଗନଏଃ ହଡକଆଃ ଜୀଉବିନିରିଦ୍ ମେନାଃ ମେନ୍ତେ ଆଇଙ୍ଗ୍ ବିଶ୍ୱାସ୍ତାନ୍ ହରାତେ ତିସିଙ୍ଗ୍ ବିଚାରଃତାନାଇଙ୍ଗ୍ ।’ ”

୨୨ ଫେଲିକ୍ସ୍ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆଡ଼ଃଗି କା ଆୟୁମ୍କେଦ୍ତେ କାଜିକେଦା, “ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ସେଟେରାଏ ଇମ୍ତା, ଆଇଙ୍ଗ୍ ଆମାଃ ବିଷାଏରେୟାଃ କାଜିଇଙ୍ଗ୍ ଉହାଟେୟା ।”

୨୩ ଇନିଃ ପାଉଲୁସ୍କେ ଜେହେଲ୍ରେ ଦହ ନାଙ୍ଗ୍ ମିଦ୍ଗାଅ ସିପାଇକଆଃ ଆଗୁଆଇକେ ଆଚୁକିୟା, ମେନ୍ଦ୍ ପାଉଲୁସ୍କେ ସିକିଡ଼ିତେ କା ତଲ୍କେଦ୍ତେ ପୁରା ରାଡ଼ାଗି ତାଇକାନ୍ ଆଡ଼ଃ ଆୟାଃ ଗାତିକ ନେପେଲ୍ ନାଙ୍ଗ୍ ହିନ୍ତୁଃରେ ଚାଏ ଆୟାଃ ଲାଗାଡ଼ିଙ୍ଗ୍ତେୟାଃକ ଜଗାଅରେ, ଏମ୍ଭାଡ଼ିକମ୍ ।

ଫେଲିକ୍ସ୍ ଆଡ଼ଃ ଦୁସିଲା ଆୟାରରେ ପାଉଲୁସ୍

୨୪ ଚିମିନ୍ ହୁଲାଙ୍ଗରାଃ ତାୟମ୍ତେ ଫେଲିକ୍ସ୍ ଆୟାଃ ଯିହୁଦୀ କୁଡ଼ି ଦୁସିଲାଲଃ ହିନ୍ତୁଃୟାନାଏ, ଇନିଃ ପାଉଲୁସ୍କେ କେଡାକେଦ୍ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ନାଙ୍ଗ୍ ଆୟାଃ କାଜି ଆୟୁମ୍କେଦା ।

୨୫ ମେନ୍ଦ୍ ଚିମିନ୍ତା ପାଉଲୁସ୍ ଧାର୍ମାନ୍ ବିଷାଏ, ଆପ୍ନାଃ ମନ୍କେ ଆବରରେ ଦହ ଆଡ଼ଃ ହିନ୍ତୁଃତାନ୍ ବିଚାର୍ ହୁଲାଙ୍ଗ୍ ବିଷାଏରେ ଜାଗାର୍ ତାଇକେନାଏ, ଫେଲିକ୍ସ୍ ବରୟାନାଏ ଆଡ଼ଃ କାଜିକେଦାଏ, “ଆମ୍ ନାହାଃ ସେନଃ ଦାଡ଼ିୟାମ୍ । ସୁଯୋଗ୍ ନାମେରେ, ଆଡ଼ଃମିସା ଆମ୍କେଇଙ୍ଗ୍ କେଡାମେୟା ।”

୨୬ ଏନ୍ ନେତାରେ ଇନିଃ ପାଉଲୁସ୍ତାଃଏତେ ଟାକା ପାଏସା ନାମେୟାଙ୍ଗ୍ ମେନ୍ତେ ଆସ୍ତାକାଦ୍ ତାଇକେନା, ଏନାମେନ୍ତେ ଇନିଃ ସବେନ୍ ଇମ୍ତା ଇନିଃକେ କେଡା ଆଡ଼କେଦ୍ତେ ଜାଗାର୍ତାନ୍ ତାଇକେନା ।

୨୭ ନେଲେକା ବାର୍ ସିମା ହବାୟାନ୍ ତାୟମ୍ତେ ପୋକ୍ ଯସ୍ ଫେଷ୍ଟସ୍, ଫେଲିକ୍ସ୍ଆଃ ଠାୟାଦ୍ରେ ଲାଟ୍ସାହେବ୍ ଲେକାଏ ସାଲାୟାନା । ଫେଲିକ୍ସ୍, ଯିହୁଦୀ ହଡକ ସୁକୁଆଇଙ୍ଗ୍କାକ ମେନ୍ତେ ସାନାଙ୍ଗ୍କେଦ୍ତେ ପାଉଲୁସ୍କେ କା ରାଡ଼ାକେଦ୍ତେ ଜେହେଲ୍ରେ ବାଗିକିୟା ।

୨୫

କାଇସାର୍ଆଃ ଆୟାରରେ ପାଉଲୁସ୍ଆଃ ବିକ୍ତି

୧ ଫେଷ୍ଟସ୍ ଏନ୍ ପାରଗାନ୍ତେ ସେଟେରୟାନ୍ରାଃ ଆପି ମାହାଁ ତାୟମ୍ତେ କାଇସରିୟାହେତେ ଯୀରୁଶାଲେମ୍ତେ ସେନଃୟାନା ।

୨ ଏନ୍ତାଃରେ ମୁଲ୍ ଯାଜାକ୍ ଆଡ଼ଃ ଯିହୁଦୀ ଆଗୁଆଇକ ଆଡ଼ଃମିସା ପାଉଲୁସ୍ଆଃ ବିରୁଧ୍ରେ ଚିଟାନ୍କାଜିକ ଫେଷ୍ଟସ୍ଆଃ ଆୟାରରେ ବିକ୍ତିକେଦାକ ।

୩ ପାଉଲୁସ୍କେ ଯୀରୁଶାଲେମ୍ତେ ଆଉ ନାଙ୍ଗ୍ ଆଚୁକମ୍ ମେନ୍ତେ ଇନ୍କୁ ଫେଷ୍ଟସ୍କେ କାଜିଗହାର୍କିୟାକ, ଚିଆଃତି ଇନ୍କୁ ପାଉଲୁସ୍କେ ହରାରେ ଗଗଏଃ ନାଙ୍ଗ୍ ରୋଜୋଟକେଦ୍ତେ ଉହାଟ୍କାଦ୍ ତାଇକେନାକ ।

୪ ଫେଷ୍ଟସ୍ କାଜିକେଦାଏ, “ପାଉଲୁସ୍କେ କାଇସରିୟାରେୟାଃ ଜେହେଲ୍ରେ ଦହକାନା ଆଡ଼ଃ ଆଇଙ୍ଗ୍ ଏନ୍ତାଃତେ ଜାଲ୍ଦିଗିଇଙ୍ଗ୍ ସେନ୍ରୁହାଡ଼ା ।

୫ ଇନିଃ ଜେଡନାଃ ଗୁଣ୍ଟାକାଦ୍ରେଦ, ଆପେୟାଃ ଆଗୁଆଇକ ଆଇୟାଃଲଃ କାଇସରିୟାତେ ସେନ୍କାକ ଆଡ଼ଃ ଇନ୍କୁ ଇନିଃ କା ଠାଉକାନ୍କାମି କାମିକାଦ୍ତେୟାଃ ଉଦୁବେକାକ ।”

୬ ଫେଷ୍ଟସ୍ ଇନ୍କୁଆଃଲଃ ଇରାଲିୟା* ଚାଏ ଗେଲେୟା ମାହାଁଏତେ ଆଦକା କା ତାଇକ୍କେଦ୍ତେ କାଇସରିୟାତେ ରୁହାଡ଼୍ୟାନା । ଏଟାଃ ହୁଲାଙ୍ଗ୍ ଇନିଃ ବିଚାରରେୟାଃ କାଚାଇରିରେ ଦୁବ୍କେଦ୍ତେ ପାଉଲୁସ୍କେ ଆଉ ନାଗେନ୍ତେ ହୁକୁମ୍କେଦା ।

୭ ପାଉଲୁସ୍ ହିନ୍ତୁଃୟାନଚି ଯୀରୁଶାଲେମ୍ରେନ୍ ଯିହୁଦୀ ହଡକ ଆୟାଃ ଚାରିୟସାଃରେ ଜୁରୁହୁଣ୍ଡିକେଦ୍ତେ ତିଙ୍ଗୁୟାନାକ ଆଡ଼ଃ ଆୟାଃ ବିରୁଧ୍ରେ ପୁରାଃଗିକ କାଜିକେଦା । ମେନ୍ଦ୍ ଇନ୍କୁ ଏନ୍ କାଜିକେଦ୍ତେୟାଃରାଃ ସାରୁଦ୍ କାକ ଏମ୍ ଦାଡ଼ିକେଦା ।

୮ ମେନ୍ଦ୍ ପାଉଲୁସ୍ ଆପ୍ନାଃ ବାଚାଅଃ ରିକା ନାଙ୍ଗ୍ କାଜିକେଦାଏ, “ଯିହୁଦୀ ହଡକଆଃ ଆନ୍ତୁ ବିରୁଧ୍ରେ ଚାଏ ମାନ୍ଦିର୍ ଅଡ଼ାଃ ବିରୁଧ୍ରେ ଚାଏ କାଇସାର୍ଆଃ ବିରୁଧ୍ରେ ଜେଡନାଃ କାଇଙ୍ଗ୍ ଗୁଣ୍ଟାକାଦା ।”

* ୨୪:୨୧ ପ୍ରେରିତ୍ ୨୩:୬. * ୨୫:୬ ଆଠ୍

୯୮ ମେନ୍ଦ ଫେଷ୍ଟସ୍ ଯିହୁଦୀ ହତକ ସୁକୁଠକାକ ମେନ୍ତେ ପାଉଲୁସକେ କୁଲିକିୟା, “ଯୀରୁଶାଲେମ୍ତେ ସେନ୍ ନାଜ୍ ଆତଃ ଏନ୍ତାଃରେ ଆଇୟାଃ ହେପାଦରେ ନେ ସବେନ୍ ଗୁହ୍ନାଁ କାଜିକ ବିଚାର୍ ନାଗେନ୍ତେ ଆମ୍ ତିନାଃ ସାନାଜ୍ତାନାମ୍ ?”

୯୯ ପାଉଲୁସ୍ କାଜିକେଦାଏ, “ଆଇଜ୍ କାଇସାର୍ଆଃ ବିଚାର୍ ଠାୟାଦ୍ କାଚାଇରିରେ ତିଜୁଆକାନାଇଜ୍ । ନେତାଃରେଗି ଆଇୟାଃ ବିଚାର୍ ହବାଅଃ ଲାଗାତିୟାଃ । ଆବେନ୍ ଆବେନ୍ଗି ବୁଗିଲେକା ସାରିତାନାବେନ୍, ଆଇଜ୍ ଯିହୁଦୀ ହତକଆଃ ବିରୁଧରେ ଜେଡ୍ନାଃ କାଇଜ୍ ଅନ୍ୟାୟ ।

୧୦୦ ଆଇଜ୍ ଆନ୍ତୁ ଟଟାଃକେଦ୍ତେ ଗଜେନ୍ ଲେକା ଜେତା ଅନ୍ୟାୟ କାମିଇଜ୍ କାମିକାଦ୍ରେଦ୍, ଏନାଏତେ ବାଞ୍ଛାଅଃ ନାଗେନ୍ତେ କାଇଜ୍ ସାନାଜ୍ତାନା । ମେନ୍ଦ ଇନ୍କୁ ଆଇୟାଃ ବିରୁଧରେ ଆଉଝାକାଦ୍ ଚିଟାଅଃକାଜିକରେ ଜେତାନ୍ ସାନାର୍ତି ବାନଃରେଦ୍, ଜେତାଏ ଆଇଜ୍କେ ଇନ୍କୁଆଃ ତିଃଇରେ ଜିମା କାଏ ଦାଡିୟା । ଆଇୟାଃ କାଇସାର୍ତାଃରେ ବିଚାର୍ ହବାଅଃକା ମେନ୍ତେଇଜ୍ କାଜିଗହାର୍ତାନାଃ ।”

୧୦୧ ଏନ୍ତେ ଫେଷ୍ଟସ୍, ମାରାଜ୍ ପାଞ୍ଚେଟ୍ରେନ୍ଦ ପାଞ୍ଚକଲଃ ଜାଗାର୍ ଚାବାକେଦ୍ତେ କାଜିରୁହାଡ୍କେଦା, “ଆମ୍ କାଇସାର୍ତାଃରେ କାଜିଗହାର୍କାଦାମ୍, ଏନାମେନ୍ତେ ଆମ୍ କାଇସାର୍ତାଃରେତେମ୍ ସେନା ।”

ଆଗ୍ରିପା ଆତଃ ବର୍ନିସ୍ଆଃ ଆୟାରେ ପାଉଲୁସ୍

୧୦୨ ଚିମିନ୍ ମାହାଁ ସେନଃୟାନ୍ ତାୟମ୍ତେ ରାଜା ଆଗ୍ରିପା ଆତଃ ବର୍ନିସ୍, ଫେଷ୍ଟସ୍କେ ଦାରମି ନାଗେନ୍ତେ କାଇସରିୟା ପାର୍ଗାନ୍ତେକ ହିଜୁଃୟାନା ।

୧୦୩ ଏନ୍ତାଃରେ ଇନ୍କୁ ଚିମିନ୍ ମାହାଁ ତାଇନ୍କେଦ୍ତେ ରାଜା ଫେଷ୍ଟସ୍କେ ପାଉଲୁସ୍ଆଃ ବିଷାଏରେ କାଜିକିୟାକ, “ଫେଲିକ୍ସ୍ ଜେହେଲକାଇ ମିଆଁଦ୍ ହତ୍ ନେତାଃରେ ମିନାଇୟା ।

୧୦୪ ଆତଃ ଆଇଜ୍ ଯୀରୁଶାଲେମ୍ତେ ସେନାକାନ୍ ତାଇକେନାଇଜ୍ ଇମ୍ତା, ଯିହୁଦୀ ମୁଲ୍ ଯାଜାକ୍ ଆତଃ ପ୍ରାଚିନ୍କ ଇନିୟାଃ ବିରୁଧରେ ଚିମିନ୍ ଚିଟାନ୍କାଜିକ ଆଉକେଦା ଆତଃ ଇନ୍କୁ ଆଇଜ୍କେ ଇନିଃକେ ସାଜାଇ ନାଗେନ୍ତେକ କାଜିକେଦିୟା ।

୧୦୫ ମେନ୍ଦ ଆଇଜ୍ ଇନ୍କୁକେ କାଜିକେଦ୍କଆଇଜ୍ ଚି, ମିଆଁଦ୍ ଚିଟାକାନ୍ ହତ୍କେ ବିଚାର୍ରେୟାଃ କାଚାଇରିରେ ଆଇଃକ୍କେ ଚିଟାକାଇ ହତକଆଃ ସାମନାଜ୍ରେ ଆପାନ୍କେ ବାଚାଞ୍ଚେନ୍କାଜି କାଜି ନାଗେନ୍ତେ ସୁଯୋଗ୍ ଏମ୍ ସିଦାରେ ଇନିଃକେ ସାଜାଇ ଏମ୍ ନାଜ୍ ଜିମା ରିକାରେୟାଃ ରୋମିରେନ୍ ହତକଆଃ ଆଇନ୍ ନାହାଁଲାଃ ।

୧୦୬ ଇନ୍କୁ ନେତାଃରେ ହିଜୁଃୟାନ୍ ତାୟମ୍ତେ ଆଇଜ୍ ବେଗାର୍ ବିଲାମ୍କେଦ୍ତେ ଏନାରେୟାଃ ଏଟାଃ ହୁଲାଜ୍ କାଚାଇରିରେ ଦୁବ୍ୟାନାଇଜ୍ ଆତଃ ପାଉଲୁସ୍କେ ଭିତାର୍ତେ ଆଉ ନାଜ୍ ଆରୁକେଦ୍କଆଇଜ୍ ।

୧୦୭ ଆଇଃକ୍କେ ଚିଟାଇତାନ୍ ହତକ ଆୟାଃ ବିରୁଧରେ କାଜି ନାଗେନ୍ତେକ ତିଜୁୟାନା, ମେନ୍ଦ ଆଇଜ୍ ମନେକାଦ୍ ତାଇକେନ୍ ଲେକା ଚିଟାଅଃରାଃ କାଜି ଆଉୟାକ ମେନ୍ତେଇଜ୍ ଉଡ୍ଡୁକାଦ୍ ତାଇକେନା, ମେନ୍ଦ ଇନ୍କୁ ଏନ୍ ଲେକା କାକ ଦାଡିକେନା ।

୧୦୮ ଇନ୍କୁ ସବେନ୍କ ଆକଆଃ ଧାରାମ୍ ବିଷାଏରେ ଆତଃ ଯୀଶୁ ନୁତୁମ୍ ମିଆଁଦ୍ ହତ୍, ଗଜାକାନ୍କଏତେ ଜାଉବିରିଦାକାନାଏ ମେନ୍ତେ ପାଉଲୁସ୍ କାଜିତାନ୍ ବିଷାଏରେ ଜାଗାର୍ତାନାକ ।

୧୦୯ ଆଇଜ୍ ନେ ସବେନ୍ ବିଷାଏରେ ଆତଃଗି ବୁଗିଲେକା ସାରିନାମ୍ ନାଗେନ୍ତେ ତିନାଃ ରିକା ଲାଗାତିୟାଁ, ଏନା କାଇଜ୍ ଉହାଟ୍ ଦାଡିୟାନ୍ ହରାତେ, ନେ ଚିଟାନ୍କାଜିରେ ବିଚାରଃ ନାଜ୍ ପାଉଲୁସ୍କେ ଯୀରୁଶାଲେମ୍ତେମ୍ ସେନାଚି ମେନ୍ତେଇଜ୍ କୁଲିକିୟା ।

୧୧୦ ମେନ୍ଦ ପାଉଲୁସ୍, ଆଇଃକ୍ଗି ରୋମିରେନ୍ ହାକିମ୍ ଆଇଜ୍କେ ବିଚାରିଜ୍କା ମେନ୍ତେ କାଜିଗରଜ୍କେଦା, ଏନାତେ ଆଇଜ୍ ଇନିଃକେ କାଇସାର୍ତାଃରେ ଆଉରି କୁଲି ଜାକେଦ୍ ଜେହେଲ୍ରେ ଦହକେଦ୍ତେ ଦାର୍ଝାନ୍କକେ ହର ନାଜ୍ ଆରୁକାଦ୍କଆଇଜ୍ ।”

୧୧୧ ଆଗ୍ରିପା ଫେଷ୍ଟସ୍କେ କାଜିକିୟା, “ଆଇଜ୍ଗି ନେ ହତରାଃ କାଜି ଆୟୁମ୍ ନାଗେନ୍ତେଇଜ୍ ସାନାଜ୍ତାନା ।” ଫେଷ୍ଟସ୍ କାଜିରୁହାଡ୍କିୟାଏ, “ଗାପା ଆବେନ୍ ଇନିୟାଃ କାଜିବେନ୍ ଆୟୁମେୟା ।”

୧୧୨ ଏନାରେୟାଃ ଏଟାଃ ହୁଲାଜ୍ ଆଗ୍ରିପା ଆତଃ ବର୍ନିସ୍ ପୁରାଃ ମାରାଜ୍ ପାଞ୍ଚେଟ୍ରେକ ହିଜୁଃୟାନା ଆତଃ ହାଜାର୍ ସିପାଇକଆଃ ଆଗୁଆଇକ ଆତଃ ନାଗାର୍ରେନ୍ ମାପୁରାଜ୍ ହତକଲଃ କାଚାଇରିତେ ବଲୟାନାକ । ଫେଷ୍ଟସ୍ଆଃ ହୁକୁମ୍ତେ ପାଉଲୁସ୍କେ ଭିତାର୍ତେକ ଆଉକିୟା ।

୧୧୩ ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆତଃ ନେତାଃରେ ମେନାକ ସବେନ୍ ମାଇନାନ୍ ହତକ, ଆପେ ନେଲିତାନ୍ ନେ ହତଆଃ ବିରୁଧରେ ନେତାଃରେନ୍ ହତକ ଆତଃ ଯୀରୁଶାଲେମ୍ରେ ତାଇନ୍ତାନ୍ ଯିହୁଦୀ ହତକ ଆଇଜ୍ତାଃରେ ଇନିୟାଃ ଗୁହ୍ନାଁକାଜିକ ଆଉଝାକାଦା । ଇନିଃ ଜାନିଦ୍ ଆଲକାଏ ତାଇନଃକା ମେନ୍ତେ ଇନ୍କୁ ସବେନ୍କ କାଉରିୟାକାଦାକ ।

୧୧୪ ମେନ୍ଦ ଇନିଃ ଗନ୍ଏଃ ସାଜାଇ ନାମେଲେକା ଜେତାନ୍ କାମି କାଇଜ୍ ନାମକେଦା । ଇନିଃ ଆଇଃକ୍ଗି ରୋମିରେନ୍ ହାକିମ୍କେ କାଜିଗହାର୍କାଇ ହରାତେ, ଆଇଜ୍ ଇନିଃକେ ରୋମ୍ତେ କୁଲ୍ ନାଜ୍ ଉହାଟ୍କାଦାଇଜ୍ ।

୨୬ ମୋନଦ ଇନିୟା ବିଷାଏରେ ହାକିମ୍ତାଃତେ ଅଲ୍ ନାଜ୍ ଜେଡ୍ନାଃ କାଲଜ୍ ନାମେତାନା । ଏନାତେ ଆଇଜ୍ ଇନିୟା ଆପେତାଃତେ, ବିଶେଷକେଦ୍ତେ ରାଜା ଆଗ୍ରିପା, ଆବେନାଃ ଆୟାର୍ତେତେଇଜ୍ ଆଉକିୟା, ଜେ'ଲେକାଟି ଇନିୟା ବିଷାଏ ବୁଗିଲେକା କୁଲିକେଦ୍ତେ ଆଇଜ୍ ରୋମିରେନ୍ ହାକିମ୍ତାଃତେ ଜେଡ୍ନାଃଇଜ୍ ଅଲ୍ ଦାଡ୍ରିୟା ।

୨୭ ଚିଆଃଟି ମିଆଁଦ୍ ଜେହେଲକାନିନିୟା ବିରୁଧ୍ରେ ତାଇକାନ୍ ଚିଟାନ୍କାଜିକ ବୁଗିଲେକା କା ଉଦୁବକେଦ୍ତେ ଇନିୟା ହାକିମ୍ତାଃତେ କୁଲିକେତୟାଃ କା ଠାଉକା ଲେକାଲଜ୍ ଆଟ୍‌କାରେତାନା ।”

୨୭

ଆଗ୍ରିପା ଆୟାର୍ତେ ପାଉଲୁସ୍

୧ ଆଗ୍ରିପା ପାଉଲୁସ୍‌କେ କାଜିକିୟା, “ଆମ୍ ନାହାଁଃ ଆମାଃ ସାଃଏତେ ଜେଡ୍ନାଃ କାଜି ଦାଡ୍ରିୟାମ୍ ।” ପାଉଲୁସ୍ ତିଃଇ ଜିଲିକ୍‌କେଦ୍ତେ ଆୟାଃ ଆପ୍‌ନାଃସାଃଏତେ ବାଞ୍ଚାଅଃ ନାଜ୍ କାଜିକେଦାଏ,

୨ “ହେ ରାଜା ଆଗ୍ରିପା, ଯିହୁଦୀ ହଡକ ଆଇଜ୍‌କେ ଚିଟାଇଜ୍‌ତାନ୍ ସବେନ୍ କାଜିକ ନାଗେନ୍ତେ ଆଇଜ୍ ତିସିଜ୍ ଆବେନାଃ ଆୟାର୍ତେ ଆପ୍‌ନାଃସାଃଏତେ ବାଞ୍ଚାଅଃ ନାଜ୍ କାଜିରେୟାଃ ସୁଯୋଗ୍ ଏମାକାନ୍ ହରାତେ ପୁରାଃଗିଇଜ୍ ସୁକୁକାନା ।

୩ ଚିଆଃଟି ଯିହୁଦୀ ହଡକଆଃ ରିତିରିଖାଜ୍ ଆତଃ ଇନ୍‌କୁଆଃ ଏପ୍‌ରାଜ୍ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିକ୍ରିବେନ୍ ତାନାଇଜ୍, ଆବେନ୍ ଧିରାଜ୍‌ତେ ଆଇୟାଃ କାଜି ଆୟୁମେବେନ୍ ।

୪ “ମିଦ୍ ସିଟିଆଏତେ ଆଇୟାଃ ଜୀଦାନ୍‌ରେୟାଃ ଚାଇଲ୍ ଚାଲାନ୍ ବିଷାଏରେ ସବେନ୍ ଯିହୁଦୀ ହଡକ ସାରିକାଦାକ । ସିଦାତେ ଆଇୟାଃ ଆପ୍‌ନାଃ ଦିଶୁମ୍‌ରେ ଏନ୍ତେ ଯୀରୁଶାଲେମ୍‌ରେ ଆଇଜ୍ ଚିଲ୍‌କା ଜୀଦାନ୍ ବିତାଅକାଦାଇଜ୍, ଏନାହ ଇନ୍‌କୁ ସାରିକାଦାକ ।

୫ *ଆଇଜ୍ ସିଦାଏତେଗି ଫାରୁଶୀ ନୁତୁମ୍ ଆଲେୟାଃ ଧାରାମରେୟାଃ ସବେନାଃଏତେ କେଟେୟାନ୍ ଝୁଣ୍ଡରେନ୍ ହଡକ ତାଇକେନାଇଜ୍, ଏନା ଇନ୍‌କୁ ସାରିତାନାକ ଆତଃ ସାନାଜ୍ ତାନ୍‌ରେଦ, ଇନ୍‌କୁ ନେ ବିଷାଏରେ ଗାଞ୍ଜା ଏମ୍ ଦାଡ୍ରିୟାଃକ ।

୬ ପାର୍‌ମେଶ୍‌ଆର୍ ଆଲେୟାଃ ପୁରଖା ହାଡାମ୍‌କେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇୟାଃ ଆସ୍ତା ମେନାଃ ହରାତେ ତିସିଜ୍ ଆଇଜ୍ ନେତାଃରେ ବିଚାର୍ ହବାଅଃ ନାଜ୍ ତିଜ୍‌କାନାଇଜ୍ ।

୭ ଆଲେୟାଃ ହଡକଆଃ ଗେଲ୍‌ବାର୍ କିଲିକ ନିଦା ସିଜି ପାର୍‌ମେଶ୍‌ଆର୍‌ଆଃ ସେଖାକେଦ୍ତେ ଏନ୍ ମିଆଁଦ୍ ବିଷାଏଗି ନାମେ ନାଗେନ୍ତେ ଆସ୍ତାକାଦା । ହେ ମାଇନାନ୍ ରାଜା ଆଗ୍ରିପା, ଆଇୟାଃ ଏନ୍ ଆସ୍ତା ହରାତେ ଯିହୁଦୀ ହଡକ ଆଇଜ୍‌କେକ ଚିଟାଇଜ୍‌ତାନା ।

୮ ପାର୍‌ମେଶ୍‌ଆର୍ ଗଜାକାନ୍‌କକେ ଜୀଉବିରିଦ୍‌କଆ, ନେ କାଜି ଚିନାଃମେନ୍ତେ ଆପେୟାଃ ବିଚାର୍‌ରେ କା ପାତିୟାର୍‌ରଃ ଲେକାପେ ଆଟ୍‌କାରେତାନା ?

୯ *ନାଜ୍‌ରେଡ୍‌ରେନ୍ ଯୀଶୁଆଃ ନୁତୁମ୍ ବିରୁଧ୍ରେ ଆଇୟାଃ ପୁରାଃଗି କାମି ରିକା ଲାଗାତିଜ୍‌ୟାଃ ମେନ୍ତେଇଜ୍ ଉଡ଼ୁକାଦ୍ ତାଇକେନା ।

୧୦ ଯୀରୁଶାଲେମ୍‌ରେ ଆଇଜ୍ ଏନ୍‌ଲେକାଗିଇଜ୍ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଉକେଦ୍ତେ ପାର୍‌ମେଶ୍‌ଆର୍‌ଆଃ ପୁରାଃ ପାବିତାର୍ ହଡକକେ ଜେହେଲ୍‌ରେ ଦହକେଦ୍‌କଆଇଜ୍ ଆତଃ ଇନ୍‌କୁକେ ଗନଏଃ ସାଜାଇ ଏମଃ ଇମ୍‌ତା ଆଇଜ୍ ଇନ୍‌କୁଆଃ ବିରୁଧ୍ରେ ତାଇକେନାଇଜ୍ ।

୧୧ ପୁରାଃସାଃ ସାମାଜ୍ ଅତାଃକରେ ଆଇଜ୍ ଇନ୍‌କୁକେ ସାଜାଇ ଏମାକାଦ୍‌କଆଇଜ୍ ଆତଃ ଇନ୍‌କୁ ଯୀଶୁକେ ନିନ୍ଦାକେଦ୍ତେ ବିଶ୍ୱାସକାଦ୍‌ତେୟାଃକେ ବାଗିପେ ମେନ୍ତେଇଜ୍ କାଜିକତାଇକେନା । ଆଇଜ୍ ଇନ୍‌କୁଆଃ ନାଗେନ୍ତେ ନିମିନାଜ୍ ଖସକାନ୍ ତାଇକେନାଇଜ୍ ଯେ, ଇନ୍‌କୁକେ ସାସାତି ରିକା ନାଗେନ୍ତେ ଏଟାଃଦିଶୁମ୍‌ରାଃ ନାଗାର୍‌କତେହଗି ସେନାକାନ୍ ତାଇକେନାଇଜ୍ ।

ପାଉଲୁସ୍ ଆୟାଃ ମନ୍‌ରୁହାଡ୍ ବିଷାଏରେ କାଜିକେଦା (ପ୍ରେରିତ୍ ୯:୧-୧୯; ୨୨:୨-୧୨)

୧୨ “ନେ ଉଦ୍‌ଘେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆତଃ ଆନାରୁ ଆଉକେଦ୍ତେ ଆଇଜ୍ ଦମାସ୍କସ୍‌ତେ ସେନାକାନ୍ ତାଇକେନାଇଜ୍ ।

୧୩ ହେ ମାଇନାନ୍ ରାଜା ଆଗ୍ରିପା, ମୁସିଜ୍ ତିକିନ୍‌ସିଜି ଇମ୍‌ତା ସେନ୍ ହରାରେ ଆଇଜ୍ ସିଜିଏତେ ଆଦ୍‌କା ମାର୍‌ସାଲ୍ ନେଲ୍‌କେଦାଇଜ୍, ସିମ୍‌ହେତେ ଏନ୍ ମାର୍‌ସାଲ୍ ହିଜୁଃକେଦ୍ତେ ଆଇୟାଃ ଆତଃ ଆଇୟାଃଲଃ ସେନ୍‌ତାନ୍‌କଆଃ ଚାରିୟାଃରେ ମାର୍‌ସାଲ୍‌ୟାନା ।

୧୪ ଆଲେ ସବେନ୍‌କ ଅତେରେଲେ ଉୟୁଃୟାନା ଆତଃ ଏତ୍ରୀ ଜାଗାର୍‌ତେ ଆଇଜ୍ ନାଗେନ୍ତେ ନେ ଲାବ୍‌ଜା ଆୟୁମ୍‌କେଦାଇଜ୍, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଜ୍‌କେମ୍ ସିଗିଦିଇଜ୍‌ତାନା ? ସିହୁଃତାନ୍ ନାଏହାଲ୍ ରୁଟିରେ ତାୟୁଃତାନ୍ ପାହାଲ୍‌ରେ ଫାଦାତାନ୍ ଉରିଃକ୍ ଲେକା ଆମ୍ ଆମ୍‌ଗି ଫାଦାଅଃଆ ।’

* ୨୨:୫ ପ୍ରେରିତ୍ ୨୩:୨; ଫିଲିପିୟ ୩:୫. * ୨୨:୯ ପ୍ରେରିତ୍ ୮:୩; ୨୨:୪,୫.

୧୫ ଆଇଜ୍ କୁଲିକେଦାଇଜ୍, ‘ପ୍ରାଭୁ ଆବେନ୍ ଅକଏତାନ୍‌ବେନ୍ ?’ ପ୍ରାଭୁ କାଜିରୁହାଡ଼କେଦିୟାଏ, ‘ଆଇଜ୍ ଏନ୍ ଯୀଶୁ ତାନିଜ୍, ଅକଏକେଟି ଆମ୍ ସାସାତିତାନାମ୍ ।

୧୬ ମେନ୍‌ଦ ବିରିଦ୍‌କେଦ୍‌ତେ ତିଜ୍‌ନମେ, ଆମ୍‌କେ ଆଇୟାଃ ଦାସି ଲେକା ସାଲାମେ ନାଗେନ୍ତେ ଆଇଜ୍ ଆମ୍‌ତାଃରେଇଜ୍ ଉଦୁବେନ୍‌ୟାନା । ତିସିଜ୍ ଆଇୟାଃ ବିଷାଏରେ ନେଲକାଦ୍‌ତେୟାଃ ଆତଃ ହିଜୁଃ ଦିପିଲିରେ ଆଇଜ୍ ଆମ୍‌କେ ଉଦୁବାମେତେୟାଃ, ଏନ୍ ସବେନାଃରାଃ ଗାଞ୍ଜା ଆମ୍ ଏଟାଃକକେମ୍ କାଜିୟାକଆ ।

୧୭ ଆଇଜ୍ ଆମ୍‌କେ ଅକ ଯିହୁଦୀ ଆତଃ ସାଅଁସାର୍ ହଡ଼କତାଃତେ କୁଲ୍‌ମେୟାଈଜ୍, ଇନ୍‌କୁତାଃଏତେ ଆଇଜ୍ ଆମ୍‌କେ ବାଞ୍ଛାଅମେୟାଈଜ୍ ।

୧୮ ଆମ୍ ଇନ୍‌କୁକେ ସାର୍‌ତିତେୟାଃ ଆଟ୍‌କାରେ ନାଜ୍ ଆତଃ ହସଡ଼ତେୟାଃକେ କା ବିଶ୍ୱାସେ ନାଜ୍ ଦେଙ୍ଗାକଆମ୍, ଇନ୍‌କୁକେ ନୁବାଃହେତେ ମାର୍‌ସାଲ୍‌ତେ ଆତଃ ସାଏତାନ୍‌ଆଃ ଆକ୍‌ତେୟାର୍‌ହେତେ ପାର୍‌ମେଶ୍ୱାର୍‌ସାଃତେ ରୁହାଡ଼କଆମେ, ଜେ’ଲେକାଟି ଆଇଜ୍‌ତାଃରେ ବିଶ୍ୱାସେ ହରାତେ ଇନ୍‌କୁଆଃ ପାପ୍‌କ ଛାମାଅଃଆ ଆତଃ ପାର୍‌ମେଶ୍ୱାର୍‌ଆଃ ପାବିତାର୍‌କାନ୍ ହଡ଼କ ଆଲାରେ ଇନ୍‌କୁ ଠାୟାଦ୍‌କ ନାମେୟା ।’

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

୧୯ “ଏନାମେନ୍ତେ ହେ ରାଜା ଆଗ୍ରିପା, ଆଇଜ୍ ସିର୍ମାଏତେ ଅକ ଦାର୍‌ଗାନ୍ ନାମାକାଦାଇଜ୍ ଏନାକେଇଜ୍ ମାନାତିଜ୍‌କାଦା ।

୨୦ *ଆଇଜ୍ ସିଦାତେ ଦମାସ୍କସ୍, ଯୀରୁଶାଲେମ୍ ଆତଃ ଏନାରେୟାଃ ତାୟମ୍‌ତେ ସବେନ୍ ଯିହୁଦୀ ପାର୍‌ଗାନ୍‌ରେ ଆତଃ ସାଅଁସାର୍ ହଡ଼କଆଃ ଆଲାରେଇଜ୍ ଉଦୁବେଦା, ଜେ’ଲେକାଟି ଇନ୍‌କୁ ପାପ୍ ନାଗେନ୍ତେ ହେୟାତିଜ୍‌ତାନ୍‌ଲଃ ପାର୍‌ମେଶ୍ୱାର୍‌ସାଃତେକ ରୁହାଡ଼ାଃ ଆତଃ ଇନ୍‌କୁ ହେୟାତିଜ୍‌କାଦାକ ମେନ୍ତେ ଏନାକେ କାମିରେକ ଉଦୁବେୟା ।

୨୧ ନେଆଁ ନାଗେନ୍ତେ ଆଇଜ୍ ମାନ୍ଦିର୍ ଅତାଃରେ ତାଇକେନ୍ ଇମ୍‌ତା ଯିହୁଦୀ ହଡ଼କ ଆଇଜ୍‌କେ ସାବ୍‌କେଦ୍‌ତେ ଗଗଏଃ ନାଗେନ୍ତେକ ସେକାଡ଼ାକାନ୍ ତାଇକେନା ।

୨୨ ମେନ୍‌ଦ ପାର୍‌ମେଶ୍ୱାର୍ ତିସିଜ୍ ଜାକେଦ୍ ଆଇଜ୍‌କେ ଦେଙ୍ଗାକାଦିୟାଁ ଆତଃ ଏନାମେନ୍ତେ ଆଇଜ୍ ତିସିଜ୍ ହୁଡ଼ିଜ୍ ମାରାଜ୍ ସବେନ୍‌କତାଃରେ ଗାଞ୍ଜା ଏମ୍ ନାଗେନ୍ତେଇଜ୍ ତିଜ୍‌ଆକାନା । ନାବୀକ ଆତଃ ମୁଶା, ଅକ୍‌ନାଃ ହବାଅଃଆ ମେନ୍ତେକ କାଜିକାଦ୍ ତାଇକେନା, ଆଇଜ୍ ଏନ୍ କାଜିକେଗିଇଜ୍ କାଜିତାନା ।

୨୩ *ମାସିକେ ଦୁକୁ ସାହାତିଜ୍ ଲାଗାତିଜ୍‌ୟାଈ ଆତଃ ଗଜାକାନ୍‌କଆଃଏତେ ସିଦାତେ ଜୀଉବିରିଦ୍‌ୟାନ୍‌ଲଃ ଯିହୁଦୀ ଆତଃ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଣରେୟାଃ ମାର୍‌ସାଲ୍ ଉଦୁବେୟାଏ ।”

୨୪ ନେ’ଲେକା ପାଉଲୁସ୍ ଆୟାଃ ଆପ୍‌ନାଃସାଃଏତେ କାଜିତାଇକେନ୍ ଇମ୍‌ତା, ଫେଷ୍ଟସ୍ କାଉରିକେଦ୍‌ତେ କାଜିକେଦା, “ପାଉଲୁସ୍, ଆମ୍ ବାଲୁଅଃ ତାନାମେ ! ଆମାଃ ମାରାଜ୍ ଇନିତୁ ଆମ୍‌କେ ବାଉଡ଼ାକାଦ୍‌ମେୟା !”

୨୫ ପାଉଲୁସ୍ କାଜିରୁହାଡ଼କେଦାଏ, “ଏ ମାଇନାନ୍ ଫେଷ୍ଟସ୍, ଆଇଜ୍ କାଇଜ୍ ବାଏହାକାନା, ଆଇଜ୍ କାଜିତାନ୍‌ତେୟାଃ ସାର୍‌ତିତାନାଃ ଆତଃ ଲାଗାତିଜ୍‌ରାଃ କାଜିଇଜ୍ କାଜିକାଦା ।

୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଜ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଜ୍ ସାହାସେତାନା, ଆଇଜ୍ ସାର୍‌ତିଗିଇଜ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃଟି ନେଆଁ କା ସାରି ଠାୟାଦ୍‌ରେ ଉକୁକେଦ୍‌ତେ କା ହବାକାନା ।

୨୭ ହେ ରାଜା ଆଗ୍ରିପା, ତିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଜ୍ ସାରିତାନାଇଜ୍ ଆବେନ୍ ବିଶ୍ୱାସ୍‌ସାଃବେନ୍ !”

୨୮ ଆଗ୍ରିପା ପାଉଲୁସ୍‌କେ କାଜିକିୟା, “ନେ ହୁଡ଼ିଜ୍ ଘାଡ଼ିରେଗି ଆମ୍ ତିନାଃ ଆଇଜ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ୁତାନା ?”

୨୯ ପାଉଲୁସ୍ କାଜିରୁହାଡ଼କିୟାଏ, “କାଟିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍‌ମେଶ୍ୱାର୍‌ତାଃରେ ଆଇୟାଃ ନିମିନାଜ୍ ବିକ୍ରିତାନାଃ, ଆବେନ୍ ଆତଃ ତିସିଜ୍ ଆଇୟାଃ କାଜି ଆୟୁମ୍‌କାଦ୍ ସବେନ୍‌କ ଆଇୟାଃ ଲେକା ହବାଅଃପେ, ମେନ୍‌ଦ ନେ’ଲେକା ସିକିଡ଼ିରେ ତଲଃପେ ମେନ୍ତେ ଆଇଜ୍ କାଇଜ୍ କାଜିତାନା ।”

୩୦ ଏନ୍ତେ ରାଜା, ଲାଟ୍‌ସାହେଦ୍, ବର୍‌ନିସ୍ ଆତଃ ଏଟାଃ ସବେନ୍‌କ ବିରିଦ୍‌ୟାନା,

୩୧ ଆତଃ ସେନଃ ତାଇକେନ୍ ଇମ୍‌ତା ମିହୁଡ୍ ଆତଃମିହୁଡ୍‌କେ କାଜିୟାନାକ, “ନେ ହଡ଼ ନେ’ଲେକାନ୍ ଜେତାନ୍ କାମି କାଏ କାମିକାଦା, ଅକ୍‌ନାଃ ହରାତେଟି ଇନିଃ ଗନଏଃ ଚାଏ ଜେହେଲ୍‌ରେ ସାଜାଇ ନାମେୟାଏ ।”

୩୨ ଆତଃ ଆଗ୍ରିପା ଫେଷ୍ଟସ୍‌କେ କାଜିକିୟା, “ନେ ହଡ଼ କାଇସାର୍‌ତାଃରେ ବିଚାରଃ ନାଗେନ୍ତେ କାଏ କାଜିଗରଜ୍‌କେଦ୍‌ରେଦ, ଆବୁ ଇନିଃକେ ଜେହେଲ୍‌ହେତେ ରାଡ଼ା ଦାଡ଼ିକାଇତେୟାଃବୁ ।”

☆ ୨୭:୨୦ ପ୍ରେରିତ୍ ୯:୨୦,୨୮,୨୯. ☆ ୨୭:୨୩ e କରିକ୍ଟିୟ ୧୫:୨୦.



ରୋମ୍‌ରେ ପାଉଲୁସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶୁମ୍‌ରେ ସେନାଲେ ମେନ୍ତେ ଉହାଟ୍‌କେଦ୍ ହରାତେ ପାଉଲୁସ୍ ଆତଃ ଏଟାଃ ଚିମିନ୍ ଜେହେଲକାନ୍‌କ “ମିଦ୍‌ଶାଅ ସିପାଲକଆଃ ଆଗୁଆଇ ଝୁଣ୍ଡ୍” ନୁତୁମ୍, ମିଆଁଦ୍ ରୋମିରେନ୍ ସିପାଲକଆଃ ଆଗୁଆଇ ଜୁଲିୟ୍‌ଆଃ ଡିଃଇରେ ଜିମାୟାନା ।

୨ ଆଲେ ଏସିଆ ପାର୍ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଚି ଦାଆଃ ଜାହାଜ୍ ହିଜୁଃ ସେନଃ ଟାପୁକ୍‌ରେ ସେନଃ ନାଜ୍ ସେକାଡାକାନ୍ ଆଦ୍ରାମିଡିୟରାଃ ମିଆଁଦ୍ ଜାହାଜ୍‌ରେ ସେନଃୟାନାଲେ । ଆରିସ୍ତାର୍ଗ ନୁତୁମ୍ ଥେସ୍‌ଲନିକା ନାଗାର୍‌ରେନ୍ ମିହୁଡ୍ ମାକିଦନିଆରେନ୍ ହଡ୍ ଆଲେଲଃ ତାଇକେନାଏ ।

୩ ଏନାରେୟାଃ ଏଟାଃହୁଲାଜ୍ ଆଲେ ସିଦୋନ୍ ନାଗାର୍‌ରେଲେ ସେଟେର୍‌ୟାନା । ଜୁଲିୟ୍ ପାଉଲୁସ୍‌କେ ଦାୟାକିୟା ଆତଃ ଇନିଃକେ ଆୟାଃ ଗାଡିକଲଃ ନେପେଲ୍‌କେଦ୍‌ରେ, ଆୟାଃ ଲାଗାଡିଜ୍‌ରେୟାଃ ସବେନାଃ ଆଉଖେ ନାଜ୍ ଆଡୁକିୟାଏ ।

୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍‌ତା ସାମ୍‌ନାଜ୍‌ସାଃଏତେ ହୟକେଦ୍ ହରାତେ ସାଇପ୍ରସ୍ ଟାପୁରେୟାଃ ଗେନା ଗେନାତେଲେ ସେନଃୟାନା ।

୫ କିଲିକିଆ ଆତଃ ପାମ୍‌ଲିଆ ପାର୍ଗାନ୍ ପାରମ୍‌କେଦ୍‌ରେ ଜୁକିଆ ପାର୍ଗାନ୍‌ରେୟାଃ ମୁରା ନାଗାର୍‌ରେଲେ ହିଜୁଃୟାନା ।

୬ ଏନ୍ତାଃରେ ମିଦ୍‌ଶାଅ ସିପାଲକଆଃ ଆଗୁଆଇ ଆଲେକକାଣ୍ଡିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିରେ ସେନଃ ନାଜ୍ ସେକାଡଃତାନ୍‌ରେୟାଃ ନେଲ୍‌କେଦ୍‌ରେ ଆଲେକେ ଏନାରେ ଦୁଦ୍‌କେଦ୍‌ଲେୟା ।

୭ ଆଲେ ପୁରାଃମାହାଁ ଜାକେଦ୍ ମାଡି ମାଡିରେ ସେନଃତାନ୍‌ଲଃ ତାର୍‌ସାର୍ କ୍ରିଦ୍ ସାହାର୍ ନାଡେଃରେଲେ ସେଟେର୍‌ୟାନା । ସାମ୍‌ନାଜ୍‌ସାଃଏତେ ହୟ ହିଜୁଃତାନ୍ ହରାତେ ଆଲେ ଏନ୍‌ସାଃରେ ଆୟାର୍‌ରେ କାଲେ ସେନ୍ ଦାଡିୟାନା, ଏନାତେ କ୍ରିଡ୍ ଟାପୁରେୟାଃ ଦାକ୍ଷିଣ୍‌ସାଃ ଗେନାରେୟାଃ ପାର୍ଗାନ୍ ହରାତେ ସେନଃକେଦ୍‌ରେ ସାଲ୍‌ମୋନି ପାର୍ଗାନ୍‌କେଲେ ପାରମ୍‌କେଦା ।

୮ ଆଲେ ଦରେୟା ଗେନାତେ ତାର୍‌ସାର୍ ସେନ୍‌କେଦ୍‌ରେ “ସୁଗାଡାନ୍ ଟାପୁ” ନୁତୁମଃତାନ୍ ମିୟାଦ୍ ଠାୟାଦ୍‌ତାଃଲେ ସେଟେର୍‌ୟାନା । ଏନା ଲାସିଆ ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହାଁ ତାଇକେନାଲେ । ଯିହୁଦୀ ହଡକଆଃ କାଟାବ୍ ପାରାବ୍* ଟୁଣ୍ଡୁଜାନ୍ ହରାତେ, ଏନ୍ ଦିପିଲିରେ ଦାଆଃ ଜାହାଜ୍‌ରେ ସେନ୍ ନାଜ୍ ବରଝାନ୍‌ଗି ହବାୟାନା । ଏନାତେ ପାଉଲୁସ୍ ଇନ୍‌କୁକେ ନେ'ଲେକାଏ କାଜିୟାଦ୍‌କଆ,

୧୦ “ହେ ହାଗାକ, ଆଇଜ୍ ସାରି ଦାଡିତାନାଇଜ୍ ଯେ, ଆରୁ ନେତାଃଏତେ ଆତଃଗି ଦାଆଃ ଜାହାଜ୍‌ରେ ସେନଃ ଏଟେଜେରେଦ୍ ବରଝାନ୍‌ଗି ହବାଅଃଆ । ନେଆଁ ହରାତେ ଦାଆଃ ଜାହାଜ୍ ଆତଃ ଏନାରେ ଲାଦିଆକାନ୍ ସାମାନ୍‌କ ଏସ୍‌କାର୍ ନକ୍‌ସାନଃଆ ମେନ୍ତେଦ୍ କାହା ମେନ୍‌ଦ୍ ସେନ୍ ହରାତାନ୍ ହଡକଆଃ ଜୀଦାନ୍‌ହଗି ଜିୟନଃଆ ।”

୧୧ ମେନ୍‌ଦ୍ ମିଦ୍‌ଶାଅ ସିପାଲକଆଃ ଆଗୁଆଇ ପାଉଲୁସ୍‌ଆଃ କାଜିକେ କା ଆୟୁମ୍‌କେଦ୍‌ରେ, ଦାଆଃ ଜାହାଜ୍ ଚାଲାଅନିୟାଃ ଆତଃ ଗମ୍‌କେୟାଃ କାଜି ଆୟୁମ୍‌କେଦାଏ ।

୧୨ ରାବାଜ୍ ସାହା ବିତାଅ ନାଗେନ୍ତେ ଏନ୍ ଦାଆଃ ଜାହାଜ୍ ତିଜୁ ଠାୟାଦ୍ ବେଶ୍ କା ତାଇକେନା । ଏନାତେ ଫେନିକ୍‌ସ୍ ଠାୟାଦ୍‌ରେ ସେଟେର୍‌କେଦ୍‌ରେ ଏନ୍ତାଃରେ ରାବାଜ୍ ସାହା ବିତାଅ ନାଗେନ୍ତେ ଏନ୍ତାଃଏତେ ଦାଆଃ ଜାହାଜ୍‌ରେ ସେନଃ ନାଜ୍ ପୁରାଃ ହଡକ କାଜିକେଦାକ । ଫେନିକ୍‌ସ୍ ଦାକ୍ଷିଣ୍ ପାଣ୍ଟିମ୍ ଆତଃ ଉଭାର୍ ପାଣ୍ଟିମ୍‌ସାଃରେ ସାମ୍‌ନାଜ୍‌କାଦ୍ କ୍ରିଡ୍‌ରେ ମିଆଁଦ୍ ଦାଆଃ ଜାହାଜ୍ ତିଜୁ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍‌ସାଃଏତେ ସୁଆଏତେ† ହୟ ହିଜୁଃୟାନା ଇମ୍‌ତା, ଦାଆଃ ଜାହାଜ୍‌ରେ ସେନଃତାନ୍ ହଡକ ଆକଆଃ ଉହାଟ୍‌କାଦ୍ ଠାୟାଦ୍‌ରେ ସେନ୍ ଦାଡିୟାକ ମେନ୍ତେ ଉଡ଼ୁକେଦାକ, ଆତଃ ଇନ୍‌କୁ ଦାଆଃ ଜାହାଜ୍‌କେ ତିଜୁକାଦ୍ ହାମ୍‌ଲ ମେଡେଦ୍‌କେ ଉଠାଅକେଦ୍‌ରେ ଚିମିନ୍ ସାଜିନ୍ ସେନ୍ ହବାସାକାଅଃ ଲେକା କ୍ରିଡ୍ ଦରେୟା ଗେନା ଗେନାତେକ ସେନଃୟାନା ।

୧୪ ମେନ୍‌ଦ୍ ଇମ୍‌ତାଜ୍ ଟାପୁସାଃଏତେ ଉଭାର୍ ପୁରାବ୍ ହୟ ଦୁଦୁଗାର୍‌ଗି ହିଜୁଃୟାନା,
୧୫ ଆତଃ ଦାଆଃ ଜାହାଜ୍‌ରେ ଠକ୍‌ରାଅୟାନା । ଏନ୍ତେ ଦାଆଃ ଜାହାଜ୍‌କେ ହୟସାଃରେ ସାମ୍‌ନାଜ୍‌କେଦ୍‌ରେ କା ସେନ୍ ଦାଡିୟାନ୍ ହରାତେ ଆଲେ କାଲେ ଚେଷ୍ଟାକେଦା ଆତଃ ହୟଲଃଗି ଦାଆଃ ଜାହାଜ୍‌କେ ଆଡୁ ନାଜ୍ ବାଗିତାଦାଲେ ।

୧୬ ମିଆଁଦ୍ ହୁଡିଜ୍ ଟାପୁ କ୍ଲାଉଦ୍‌ରେୟାଃ ଦାକ୍ଷିଣ୍‌ସାଃ ହରାତେ ସେନଃ ତାଇକେନ୍ ଇମ୍‌ତା କାଟିଃଲେକା ଏନ୍ ହୟଏତେ ବାସ୍ତାଅ ନାମ୍‌କେଦାଲେ । ଏନ୍ତାଃରେ ଜା'ଲେକାତେ ଦାଆଃ ଜାହାଜ୍‌ରେୟାଃ ଲାଉକାକେ ବୁଗିଲେକା ଦହ ଦାଡିକେନାଲେ ।

* ୨୭:୯ ନେଆଁ ସେପ୍‌ଟେମ୍‌ବର୍ ମାହିଁ ନାରାଃ ଟୁଣ୍ଡୁରେ ଚାଏ ଅକ୍ଟୋବର୍ ମାହିଁ ନାରାଃ ଏନେଟେଦ୍‌ରେ ମାନତିଜ୍ ତାଇକେନାକ † ୨୭:୧୩ ମାଡି ମାଡିରେ

୧୭ ଲାଭକା ଚାଲାଅ ହତକ ଲାଭକାକେ ଦାଆଃ ଜାହାଜ୍ ଚେତାନ୍ତେ ଆଇଜ୍ ରାକାବ୍‌କେଦାକ ଆତଃ ମୋଟା ବାଏହାର୍‌ଲଃ କେଟେଦ୍‌କେଦ୍‌ତେ ଦାଆଃ ଜାହାଜ୍‌ରେ ତଲ୍‌କେଦାକ । ଦାଆଃ ଜାହାଜ୍ ଦରେୟା ଖାଈଣ୍ ଲିବିଆରେୟାଃ ସୁଉଁ ନୁତୁମ୍ ହୁଣ୍ଡିଆକାନ୍ ଗିତିଲ୍‌ତେ ସେନଃକେନଃଆ ମେନ୍ତେ ବରତାନ୍‌ଲଃ ଦାଆଃ ଜାହାଜ୍ ଚାଲାଅତାନ୍ ହତକ ପାଲ୍‌କେ ଆଡ଼ଗୁକେଦ୍‌ତେ ଦାଆଃ ଜାହାଜ୍ ହୟଲଃଗି ଆତୁ ନାଗେନ୍ତେ ବାଗିତାଦାକ ।

୧୮ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ ଏଗାଃ ହୁଲାଙ୍ ଇନ୍‌କୁ ଦାଆଃ ଜାହାଜ୍‌ରେ ଲାଦିଆକାନ୍ ଜିନିଷକ ଦାଆଃରେ ହୁରାଙ୍‌କେଦାକ,

୧୯ ଆତଃ ଆଦି ମାହାଁରେ ଦାଆଃ ଜାହାଜ୍‌ରେୟାଃ ଜିନିଷକ ହୁରାଙ୍‌କେଦା ।

୨୦ ପୁରାଃ ଦିନ୍ ଜାକେଦ୍ ଆଲେ ସିଙ୍ଗି ଚାଏ ଇପିଲ୍‌କକେ କାଲେ ନେଲ୍ ଦାଡ଼ିକେନା ଆତଃ ପୁରାଃ ଜୋରଗି ହୟକାତେ ତାଇକେନା, ଆତଃ ଟୁଣ୍ଡୁରୁ ଆଲେ ବାଞ୍ଚାଅ ନାମେରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

୨୧ ସବେନ୍‌କ ଚିମିନ୍‌ନେଡା ବେଗାର୍ ଜମ୍‌ତେ ତାଇନ୍‌ୟାନ୍ ତାୟମ୍‌ତେ ପାଉଲୁସ୍ ସେନଃତାନ୍ ହତକଆଃ ଆଲାରେ ତିଙ୍ଗୁକେଦ୍‌ତେ କାଜିକେଦା, “ହେ ହାଗାକ, ଆପେ କ୍ରିଡ଼ରେ ଆଇଁୟାଃ କାଜି ଆୟୁମ୍‌କେଦ୍‌ତେ ଦାଆଃ ଜାହାଜ୍‌ରେ କା ହିଜୁଃକାନ୍‌ରେ, ଆବୁଆଃ ନେ'ଲେକା ନକ୍‌ସାନ୍ ଆତଃ ଜିୟନ୍ କା ହବାକାନ୍‌ତେୟାଃ ।

୨୨ ମେନ୍‌ଦ ନାହାଃ ଆଇଙ୍ଗ୍ ଆପେକେ ବିକ୍ରିପେତାନାଇଙ୍ଗ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜାଉ କା ନକ୍‌ସାନଃଆ, ଦାଆଃ ଜାହାଜ୍ ଏସ୍‌କାର୍ ନକ୍‌ସାନଃଆ ।

୨୩ ଚିଆଃଟି ଆଇଙ୍ଗ୍ ଅକ ପାର୍‌ମେଶ୍ୱାର୍‌କେ ସେଖା ରିକାଃଇଙ୍ଗ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଁଡ଼୍ ଆଇଙ୍ଗ୍‌ତାଃତେ ହିଜୁଃକେଦ୍‌ତେ କାଜିକେଦିୟାଁ,

୨୪ ଏ ପାଉଲୁସ୍ ଆଲମ୍ ବରଏୟା, ଆମ୍‌କେ ଜାରୁଡ଼ଗି କାଇସାର୍‌ଆଃ ଆୟାର୍‌ରେ ତିଙ୍ଗୁନ୍ ଲାଗାଡିଙ୍ଗ୍‌ୟାଃ । ଆମାଃଲଃ ପାର୍‌ମେଶ୍ୱାର୍‌ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍‌ତାନ୍ ସବେନ୍‌କଆଃ ଜୀଦାନ୍‌କେ ବାଞ୍ଚାଅକାଦା ।

୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ଚିଆଃଟି ଆଇଙ୍ଗ୍ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌ତାନାଇଙ୍ଗ୍, ଆଇଙ୍ଗ୍‌କେ ଅକ୍‌ନାଃ କାଜିକାନା ଏନ୍‌ଲେକାଗି ହବାଅଆଃ ।

୨୬ ମେନ୍‌ଦ ଆବୁ ଆୟାର୍‌ତେ ସେନ୍‌କେଦ୍‌ତେ ମିଆଁଦ୍ ଟାପୁରେବୁ ଠଗଃଆ ।”

୨୭ ନେଆଁ ଗେଲ୍‌ଉପୁନ୍‌‡ ନିଦା ତାଇନ୍‌କେନା, ଆତଃ ଆଲେ ଆଦିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନ୍‌ଲଃ ଲାଗ୍‌ଭାଗ୍ ଆଲାନିଦାରେ ଦାଆଃ ଜାହାଜ୍ ଚାଲାଅ ହତକ ଆଟ୍‌କାର୍ ଉରୁମ୍‌କେଦାକ ଯେ, ଆବୁ ଦରେୟା ଖାଈଣ୍‌ତେ ନାଡ଼େଜଃତାନାବୁ ।

୨୮ ଏନ୍ତେ ଇନ୍‌କୁ ବାଏହାର୍‌ରେ ହାମ୍‌ୟାଲ୍‌ତେୟାଃ ତଲ୍‌କେଦ୍‌ତେ ଦାଆଃରେ ତୁବିଃଗ୍‌କେଦ୍ ହରାତେ ବାର୍‌ହିସି ମିଟର୍ ଗାଡା ମେନାଃ ମେନ୍ତେକ ସାରିକେଦା । ଆତଃକାଟିଃ ସାଙ୍ଗିନ୍ ସେନ୍‌କେଦ୍‌ତେ ନେଲ୍‌କେଦାକ ଯେ, ଦାଆଃରାଃ ଗାଡା ହିସିଗେଲ୍ ମିଟର୍ ତାଇନ୍‌କେନା ।

୨୯ ଦାଆଃ ଜାହାଜ୍ ଜେତା ସେରେଙ୍ଗ୍‌ରେ ଠଗଃଆଃ ମେନ୍ତେ ବରତାନ୍‌ଲଃ ଇନ୍‌କୁ ତାୟମ୍‌ସାଏତେ ଉପୁନିୟା ହାମ୍‌ୟାଲ୍ ମେଡ଼େଦ୍ ଉୟୁଃକେଦାକ ଆତଃ ସିଙ୍ଗିତୁରଃ ନାଙ୍ଗ୍ ବିକ୍ରିକେଦାକ ।

୩୦ ଏନ୍ତେ ଦାଆଃ ଜାହାଜ୍ ଚାଲାଅ ହତକ ଏନାଏତେ ଆଡ଼ଗୁକେଦ୍‌ତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ ଦାଆଃ ଜାହାଜ୍‌ରେୟାଃ ସାମ୍‌ନାଙ୍ଗ୍‌ସାଏତେ ଆତଃଚିମିନ୍ ହାମ୍‌ୟାଲ୍ ମେଡ଼େଦ୍‌କେ ଉୟୁଃରେୟାଃ ବାହାନାତାନ୍‌ଲଃ ଇନ୍‌କୁ ଦାଆଃ ଜାହାଜ୍‌ରେ ତାଇକେନ୍ ଲାଭକାକେ ଲାଡାଡ଼େକ ଇଲିଙ୍‌କେଦା ।

୩୧ ମେନ୍‌ଦ ପାଉଲୁସ୍ ମିଦ୍‌ଶାଅ ସିପାଇକଆଃ ଆଗୁଆଇକେ ଆତଃ ସିପାଇକକେ କାଜିକେଦ୍‌କଆ, “ଦାଆଃ ଜାହାଜ୍ ଚାଲାଅ ହତକ କାକ ତାଇନଃରେଦ୍, ଆପେୟାଃ ବାଞ୍ଚାଆଃରେୟାଃ ଆସ୍ତା କା ତାଇନଃଆ ।”

୩୨ ଏନାତେ ସିପାଇକ ଲାଭକାରେୟାଃ ବାଏହାର୍‌କେ ହାଦ୍‌କେଦ୍‌ତେ ଦାଆଃରେ ଆତୁ ନାଗେନ୍ତେକ ଆଡ଼ାଃତାଦା ।

୩୩ ସିଙ୍ଗିତୁରଃ ସିଦାରେ ପାଉଲୁସ୍ ସବେନ୍‌କକେ ଜମେ ନାଗେନ୍ତେ କାଜିକେଦ୍‌କଆ । ଇନିଃ କାଜିକେଦ୍‌କଆଏ, “ଗେଲ୍‌ଉପୁନ୍ ମାହାଁ ହବାୟାନ୍‌ଗିୟା ଆପେ ଜେଡ୍‌ନାଃ କାପେ ଜମ୍‌କାଦା ।

୩୪ ଆଇଙ୍ଗ୍ ବିକ୍ରିପେ ତାନାଇଙ୍ଗ୍, ନାହାଁଃ କାଟିଃଲେକା ଜମେପେ, ଜୀନିଦ୍ ତାଇନଃ ନାଗେନ୍ତେ ନେଆଁ ଜାରୁଡ଼୍ ଲାଗାଡିଙ୍ଗ୍‌ୟାଃ । ଆଲପେ ବରଏୟା, ଆପେୟାଃ ବହଃଏତେ ମିଆଁଦ୍ ଉବ୍‌ହ କା ଜିୟନଃଆ ।”

୩୫ ଇନିଃ ନେଆଁ କାଜିକେଦ୍‌ତେ, ପାଉଲୁସ୍ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କେଦ୍‌ତେ ହଲଙ୍ଗ୍ କେଟାଃକେଦ୍‌ତେ ଜମ୍‌କେଦାକ ।

୩୬ ନେଆଁରେ ଇନ୍‌କୁ ସବେନ୍‌କ ଜୀଉରେ କେଟେଦ୍ ନାମ୍‌କେଦ୍‌ତେ ଜମ୍‌କେଦାକ ।

୩୭ ଇମ୍‌ତା ଆଲେ ଦାଆଃ ଜାହାଜ୍‌ରେ ୨୭୭ ଝାନ୍ ହତକ ତାଇକେନାଲେ ।

୩୮ ସବେନ୍‌କ ବିୟଃଗି ଜମ୍‌କେଦ୍ ତାୟମ୍‌ତେ ଦାଆଃ ଜାହାଜ୍‌କେ ଉସାସେ ନାଗେନ୍ତେ ଏନାରେ ତାଇକେନ୍ ସବେନ୍ ଗହମ୍ ଦରେୟାରେକ ହୁରାଙ୍‌କେଦା ।

ଦାଆଃ ଜାହାଜ୍‌ରାଃ ନକ୍‌ସାନଃ

‡ ୨୭:୨୭ ଚାଉଦା

୩୯ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନ୍ତି, ଦାଆଃ ଜାହାନ୍ ଚାଲାଅ ହତକ ଦରେୟାରାଃ ଅକ ଖାଙ୍ଗ୍‌ରେ ସେଟେରାକାନାକ ଏନା କାକ ସାରି ଦାଡ଼ିକେନା । ମେନ୍ଦ ଇନ୍‌କୁ ଗିତିଲ୍‌ଖାଙ୍ଗ୍‌ରେ ମିଆଁଦ୍ ଗାଡା ନେଲ୍‌କେଦ୍‌ତେ ଜେତାଲେକାତେ ଏନ୍ତାଃରେ ଦାଆଃ ଜାହାନ୍ ତିଙ୍ଗ୍‌ଇ ନାଗେନ୍ତେକ ଉହାଟ୍‌କେଦାକ ।

୪୦ ଏନାତେ ଇନ୍‌କୁ ହାମ୍‌ଲ୍ ମେଡେଦ୍‌ରେୟାଃ ବାଏହାର୍ ହାଦ୍‌କେଦ୍‌ତେ ଏନ୍ ସବେନାଃକେ ଦରେୟା ଲାଡାର୍‌ରେ ତପାଅଃ ନାଗେନ୍ତେ ବାଗିତାଦାକ । ଏନ୍ତେ ପାତ୍‌ଝାର୍‌ରେୟାଃ ବାଏହାର୍‌କ ରାଡାକେଦ୍‌ତେ ଆୟାର୍‌ରେ ତଲାକାଦ୍ ପାଲ୍‌କେ ଉଠାଅକେଦ୍ ହରାତେ ଦାଆଃ ଜାହାନ୍ ହୟଲ୍‌ଃ ଖାଙ୍ଗ୍‌ ଗେନାତେ ସେନଃୟାନା ।

୪୧ ମେନ୍ଦ ଦାଆଃ ଜାହାନ୍ ହୁଣ୍ଡିଗିତିଲ୍‌ରେ ଠକରାଅକେଦ୍‌ତେ ଦାଆଃ ଜାହାନ୍‌ରେୟାଃ ସାମନାଙ୍ଗ୍‌ରେୟାଃ ହିସା ଲାଡାର୍‌ରେ ତପାୟାନା ଆଡ଼ଃ ଆଲ୍‌ପୁଙ୍ଗ୍‌ତେ ଜୋର୍‌ରେ ଠକରାଅୟାନ୍ ହରାତେ ଦାଆଃ ଜାହାନ୍‌ରେୟାଃ ତାୟମ୍‌ସାଃ ଚୁକ୍‌ଡା ଚୁକ୍‌ଡାୟାନା ।

୪୨ ଜେହେଲାକାନ୍ ହତକ ଦରେୟା ଖାଙ୍ଗ୍‌ତେ ପାହୁଁରାଅ ପାହୁଁରାଅ ସେନଃଆକ ମେନ୍ତେ ଇନ୍‌କୁକେ ଗଗଏଃ ନାଗେନ୍ତେ ସିପାଇକ ଉହାଟ୍‌କେଦାକ ।

୪୩ ମେନ୍ଦ ମିଦ୍‌ଶାଅ ସିପାଇକଆଃ ଆଗୁଆଇ ପାଉଲୁସ୍‌କେ ବାଞ୍ଚାଅ ନାଗେନ୍ତେ ସାନାଙ୍ଗ୍‌ତାଇକେନା, ଏନାତେ ଇନିଃ ସିପାଇକକେ ଗଗଏଃ ନାଙ୍ଗ୍ କାଏ ଆଚୁକେଦ୍‌କଆ । ପାହୁଁରାଅ ଦାଡ଼ିତାନ୍ ସବେନ୍‌କକେ ଦାଆଃରେ ତେଗାଅକେଦ୍‌ତେ ଦରେୟା ଖାଙ୍ଗ୍‌ତେ ସେନଃ ନାଙ୍ଗ୍ ଆଚୁକେଦ୍‌କଆଏ ।

୪୪ ଆଡ଼ଃ ସାରେଜାକାନ୍‌କ ଦାରୁପାଟାକରେ ଆଡ଼ଃ ଦାଆଃ ଜାହାନ୍‌ରେୟାଃ ଚହେଜାକାନ୍ ଏଟାଃ ଆଡୁଃତାନ୍ ଜିନିଷ୍‌କରେ ସାଦ୍‌କେଦ୍‌ତେ ଆଡୁଃ ନାଗେନ୍ତେ ଏଟାଃକକେ କାଜିକେଦ୍‌କଆ । ନେ'ଲେକାତେ ଆଲେ ସବେନ୍‌କ ବୁଗିଲେକା ଦରେୟା ଖାଙ୍ଗ୍‌ତେ ସେଟେରୁୟାନାଲେ ।

୨୮

ମାଲ୍‌ଟା ଟାପୁରେ ପାଉଲୁସ୍

୧ ଆଲେ ବାଞ୍ଚାଅ ନାମ୍‌କେଦ୍‌ତେ ଖାଙ୍ଗ୍‌ରେ ସେନ୍‌କେନାଲେ ଆଡ଼ଃ ନେଲ୍‌କେଦାଲେ ଯେ, ଆଲେ ମାଲ୍‌ଟା ଟାପୁରେ ସେଟେରକାନାଲେ ।

୨ ଏନ୍ତାଃରେ ତାଇନ୍‌ତାନ୍ ଏଟାଃ ଦିଶୁମ୍‌ରେନ୍ ହତକ ଆଲେକେ ଦୁପୁଲାଡ଼ରାଃ ଦାୟା ଏମାଦ୍‌ଲେୟାକ । ଇମ୍‌ତା ଦାଆଃ ଗାମାକେଦ୍‌ତେ ରାବାଙ୍ଗ୍‌ତାଇକେନା, ଏନାତେ ଇନ୍‌କୁ ଆଲେକେ ସେଙ୍ଗେଲ୍ ଡୁଲ୍‌କେଦ୍‌ତେ ଦାରମ୍‌କେଦ୍‌ଲେୟାକ ।

୩ ପାଉଲୁସ୍ ମିଦ୍ ବିଡା ସାହାନ୍ ଆଉକେଦ୍‌ତେ ସେଙ୍ଗେଲ୍‌ରେ ଉରୁଦ୍ ତାଇକେନ୍ ଇମ୍‌ତା, ଏନାରେ ମିଆଁଦ୍ ବିଙ୍ଗ୍ ଅତଙ୍ଗ୍‌ୟାନାଏ ଆଡ଼ଃ ଏଲାଙ୍ଗ୍‌ହେତେ ବାଞ୍ଚାଅ ନାମେ ନାଙ୍ଗ୍ ପାଉଲୁସ୍‌ଆଃ ତିଃଇରେ ହାଦ୍‌କେଦ୍‌ତେ ତାଇନ୍‌ୟାନା ।

୪ ଏନ୍ତାଃରେ ତାଇକାନ୍ ଏଟାଃ ଦିଶୁମ୍‌ରେନ୍ ହତକ ପାଉଲୁସ୍‌ଆଃ ତିଃଇରେ ଡୁଙ୍ଗାକାନ୍ ବିଙ୍ଗ୍‌କେ ନେଲ୍‌କେଦ୍‌ତେ ମିହୁଡ୍ ଆଡ଼ଃମିହୁଡ୍‌କେ କାଜିୟାନାକ, “ଇନିଃ ଜାରୁଡ୍ ମିଆଁଦ୍ ହଡ୍ ଗଗଏଃନିଃ ତାନିଃ, ଇନିଃ ଦରେୟାଏତେ ବାଞ୍ଚାଅ ନାମ୍‌କେଦ୍‌ରେୟା ଆୟାଃ କିସ୍‌ମାଡ୍ କାଏ ଜାହୁଦ୍‌ଇତିକିୟା ।”

୫ ମେନ୍ଦ ପାଉଲୁସ୍‌ଆଃ ଜେତାନ୍ ନକ୍‌ସାନ୍ କା ହବାକେଦ୍‌ତେ ବିଙ୍ଗ୍‌କେ ସେଙ୍ଗେଲ୍‌ରେ ହୁରାଙ୍ଗ୍‌କିୟା ।

୬ ପାଉଲୁସ୍ ମିଦ୍‌ଆଃଏ ଟାଏ ଗଏଃକେଦ୍‌ତେ ଉୟାଃକଆଃଏ ମେନ୍ତେ ଇନ୍‌କୁ ଉଡ଼ୁକେଦ୍‌ତେ ଚିମିନ୍‌ଦାଡ଼ି ତାଙ୍ଗ୍‌କେଦାକ । ମେନ୍ଦ ପୁରାଃଦାଡ଼ି ତାଙ୍ଗ୍‌କେଦ୍ ତାୟମ୍‌ତେ ଇନ୍‌କୁ ନେଲ୍‌କେଦାକ ଯେ, ପାଉଲୁସ୍‌ଆଃ ଜେଡ୍‌ନାଃ ନକ୍‌ସାନ୍ କା ହବାଅଃତାନା, ଏନ୍ତେ ଇନ୍‌କୁ ଆକଆଃ ଉଡ଼ୁ ବାଦ୍‌ଲାଅକେଦ୍‌ତେ କାଜିକେଦାକ, “ଇନିଃ ମିଆଁଦ୍ ମାହାପୁରୁ ତାନିଃ ।”

୭ ଏନ୍ ଟାପୁରେଗି ପୁଲ୍‌ୟସ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ାଃ ଆଡ଼ଃ ଅତେ ତାଇନ୍‌କେନା । ଇନିଃ ଆଲେକେ ଦାରମ୍‌କେଦ୍‌ଲେୟା ଆଡ଼ଃ ଆପିମାହା ଜାକେଦ୍ ଆୟାଃ ଅଡ଼ାଃରେ ପେଡାକେଦ୍‌ଲେୟା ।

୮ ପୁଲ୍‌ୟସ୍‌ରାଃ ଆପୁତେ ଉରୁଇ ଆଡ଼ଃ ଦାଆଃ ଲେକା ବାହାର୍‌ତାନ୍ ହରାତେ ପାର୍‌କମ୍‌ରେ ବାଟିୟାକାନ୍ ତାଇକେନା । ପାଉଲୁସ୍ ଆୟାଃ କୁଠାତେ ସେନ୍‌ୟାନା, ଏନ୍ତେ ଆୟାଃ ଚେତାନ୍‌ରେ ତିଃଇ ଦହକେଦ୍‌ତେ ବିକ୍ରିକେଦା ଆଡ଼ଃ ବୁଗିକିୟାଏ ।

୯ ନେଆଁ ହବାୟାନ୍ ତାୟମ୍‌ତେ ଟାପୁରେନ୍ ଏଟାଃ ସବେନ୍ ଦୁକୁତାନ୍‌କ ପାଉଲୁସ୍‌ଆଃ ନାଡ଼େଃତେ ହିଜୁଃକେଦ୍‌ତେ ବୁଗିୟାନାକ ।

୧୦ ଇନ୍‌କୁ ଆଲେକେ ପୁରାଃଗି ଦାନ୍‌କ ଏମ୍‌କେଦ୍‌ତେ ମାଇନ୍‌କେଦ୍‌ଲେୟାକ । ଆଡ଼ଃ ଆଲେ ଏନ୍ତାଃଏତେ ଦାଆଃ ଜାହାନ୍‌ରେ ସେନଃ ଇମ୍‌ତା ଆଲେୟାଃ ହରାସେନ୍ ନାଗେନ୍ତେ ଲାଗାଡ଼ିଙ୍ଗ୍‌ତେୟାଃ ସବେନାଃ ଇନ୍‌କୁ ଆଉକେଦ୍‌ତେ ଦାଆଃ ଜାହାନ୍‌ରେ ଦହକେଦ୍‌ତେ ସେନଃୟାନାକ ।

ମାଲ୍‌ଟାଏତେ ରୋମ୍

୧୧ ଆଲେକଜାଣ୍ଡ୍ରିଆତାଃଏତେ ହିଜାକାନ “ଜାଅଁଲା ମାହାପୁରୁ” ନୁତୁମଃତାନ ଦାଆଃ ଜାହାଜ୍ ମାଲ୍ଟା ଟାପୁରେ ରାବାଜ୍ସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହଁ ନା ତାଇନ୍ୟାନ୍ ତାୟମ୍ତେ, ଆଲେ ଏନ୍ ଦାଆଃ ଜାହାଜ୍ରେଗି ଆତଃମିସା ସେନଃୟାନାଲେ ।

୧୨ ଆତଃ ସିରାକୁସ୍ ନାଗାରରେ ସେଟେରକେଦ୍ତେ, ଏନ୍ତାଃରେ ଆପିମାହଁ ତାଇକେନାଲେ ।

୧୩ ଏନ୍ତାଃଏତେ ସେନଃକେଦ୍ତେ ରିଜିୟମ୍ ନାଗାର୍ତେଲେ ସେଟେରୟାନା । ଏନାରେୟାଃ ଏଟାଃ ହୁଲାଜ୍ ଦାକ୍ଷିଣ୍ ହୟ ହୟକେଦାଏ, ଆତଃ ବାରସିଜ୍ ତାୟମ୍ତେ ପୁଡିଅଲି ସାହାର୍ତେ ସେଟେରୟାନାଲେ ।

୧୪ ଏନ୍ତାଃରେ ଆଲେ ଚିମିନ୍ ଝାନ୍ ଖ୍ରୀଷ୍ଟ୍ରେ ବିଶ୍ୱାସ୍ତାନ ହାଗା ମିଶିକଲଃ ନାପାମ୍ୟାନାଲେ । ଇନ୍କୁଲଃ ମିଦ୍ ହାପ୍ତା ତାଇନଃ ନାଗେନ୍ତେ ଇନ୍କୁ ଆଲେକେ ବିକ୍ରିକେଦ୍ଲେୟାକ । ନେଲେକାତେ ଆଲେ ରୋମ୍ତେ ସେଟେରୟାନାଲେ ।

୧୫ ଆଲେୟାଃ ବିଷାଏରେ ଆୟୁମ୍କେଦ୍ତେ ରୋମ୍ରେନ୍ ବିଶ୍ୱାସୀକ ଆଲେକେ ଦାରମ୍ ନାଗେନ୍ତେ ଏନ୍ ଠାୟାଦ୍ତାଃଏତେଗି ଆପିୟସ୍ଆଃ ପିଟ୍ ଆତଃ ଆପିୟା ରୁଡ୍ନୁ ଅଡ଼ାଃ ନୁତୁମ୍ ନାଗାରକଏତେ ହିଜୁଃୟାନାକ । ଇନ୍କୁକେ ନେଲ୍କେଦ୍ତେ ପାଉଲୁସ୍ ପାର୍ମେଶ୍ୱାରକେ ଧାନ୍ୟାବାଦ୍ ଏମ୍କିୟାଏ ଆତଃ ପୁରାଃଗି ରାସ୍କାୟାନା ।

ରୋମ୍ରେ ପାଉଲୁସ୍

୧୬ ଆଲେ ରୋମ୍ତେ ସେଟେରୟାନ୍ତି, ପାଉଲୁସ୍କେ ହର ନାଗେନ୍ତେ ମିଆଁଦ୍ ସିପାଇଲଃ ଇନିଃ ଆୟାଃ ଇଛାସାନାଲ୍ଲେକା ଜେଲେକାନ୍ ଠାୟାଦ୍ରେ ତାଇନ୍ ଦାଡ଼ିୟାଏ ମେନ୍ତେ ଆରୁଇନାମକେଦା ।

୧୭ ଆପିମାହଁ ତାୟମ୍ତେ ପାଉଲୁସ୍ ଏନ୍ତାଃରେନ୍ ଯିହୁଦୀ ଆଗୁଆଇକକେ ମିଆଁଦ୍ ପାଞ୍ଚେଟ୍ରେ ମେସାଅଃ ନାଗେନ୍ତେ କେଡ଼ାକେଦ୍କଆ । ଇନ୍କୁ ହୁଣ୍ଡିୟାନ୍ ହରାତେ ପାଉଲୁସ୍ ଇନ୍କୁକେ କାଜିକେଦ୍କଆ, “ଇସ୍ରାଏଲ୍ ହାଗାକ, ଆଇଜ୍ ଆବୁଆଃ ହଡ୍ଡକଆଃ ବିରୁଧ୍ରେ ଚାଏ ଆବୁଆଃ ପୁରଖା ହଡ଼ାମକତାଃଏତେ ଆବୁ ନାମାକାଦ୍ ରିଡିରିଝାଜ୍ ବିରୁଧ୍ରେ ଜେଡ୍ନାଃ କାଇଜ୍ କାମିକାଦ୍ରେୟ, ଆଇଜ୍ ଯୀରୁଶାଲେମ୍ରେ ଜେହେଲ୍କେଦ୍ତେ ରୋମିରେନ୍ ହଡ୍ଡକଆଃ ଡିଃଇରେ ଜିମାକାନାଇଜ୍ ।

୧୮ ଆଇଜ୍କେ କୁଲିକେଦ୍ ତାୟମ୍ତେ ଗନ୍ଏଃ ସାଜାଇ ନାମେ ଲେକା ଆଇଜ୍ ଜେତାନ୍ ଗୁଣ୍ଡାଁ କାଇଜ୍ କାମିକାଦା ମେନ୍ତେ ସାରିକେଦ୍ତେ ରୋମିରେନ୍ ହଡ୍ଡକ ଆଇଜ୍କେ ରାଡାନାଜ୍ ସାନାଜ୍କେଦାକ ।

୧୯ *ମେନ୍ଦ୍ ଯିହୁଦୀକ ନେଆଁରେୟାଃ ବିରୁଧ୍ରେ କାଜିକେଦ୍ ହରାତେ ଆଇୟାଃ ଆପ୍ନାଃ ହଡ୍ଡକଆଃ ବିରୁଧ୍ରେ ଆଇୟାଃ ଜେତାନ୍ ଚିଟାକାଜି କା ତାଇକେନ୍ରେୟ, ଆଇଜ୍ କାଇସାର୍କେ କାଜିଗରଜ୍ ରିକା ପାଡ଼ାଅୟାନା ।

୨୦ ଏନାମେନ୍ତେ ଆଇଜ୍ ନେ ବିଷାଏରେ ଜାଗାର୍ ନାଗେନ୍ତେ ଆପେକେ କେଡ଼ାକାଦ୍ପେୟାଇଜ୍ । ଚିଆଃଟି ଅକଏୟାଃ ଚେତାନ୍ରେ ଇସ୍ରାଏଲ୍ ହଡ୍ଡକ ଆସ୍ତାକାଦାକ, ଇନିଃ ନାଗେନ୍ତେ ତିସିଜ୍ ଆଇଜ୍ ସିକ୍ଡିରେଇଜ୍ ତଲ୍ଲାନା ।”

୨୧ ଇନ୍କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମ୍କାଦା, ଚାଏ ଆଲେୟାଃ ହଡ୍ଡକ ଏନ୍ତାଃଏତେ ଆମାଃ ବିଷାଏରେ ଜେତାନ୍ ଏଡ୍କାନ୍ କାଜି କାକ ଆଉଝାକାଦା ଚାଏ କାକ କାଜିକାଦା ।

୨୨ ମେନ୍ଦ୍ ଆଲେ ଆମାଃ ଉଡ୍ଡୁ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍ ସାନାଜ୍ତାନାଲେ । ଚିଆଃଟି ସବେନ୍ସାଃରେନ୍ ହଡ୍ଡକକେ ନେ ଝୁଣ୍ଡ୍ ବିରୁଧ୍ରେ ଜାଗାର୍ତାନାକ ମେନ୍ତେ ଆଲେ ସାରିତାନାଲେ ।”

୨୩ ଇନ୍କୁ ମିଆଁଦ୍ ହୁଲାଜ୍ ଠାହାରାଅକେଦାକ ଆତଃ ଇନ୍କୁଏତେ ଚିମିନ୍ ହଡ୍ଡକ ଏନ୍ ଠାହାରାଅକାନ୍ ହୁଲାଜ୍ରେ ପାଉଲୁସ୍ ତାଇନ୍ତାନି ଠାୟାଦ୍ତେକ ସେନଃୟାନା । ସେତାଃଏତେ ନୁବୀଃ ଜାକେଦ୍ ପାଉଲୁସ୍ ଇନ୍କୁକେ ପାର୍ମେଶ୍ୱାରଆଃ ରାଇଜ୍ ବିଷାଏରେ କାଜିକେଦ୍କଆ ଆତଃ ମୁଶା ନାବୀଆଃ ଆନ୍ତୁ ଆତଃ ନାବୀକଆଃ ଅନଲ୍ହେତେ ଯାଶୁଆଃ ବିଷାଏରେ ଇନ୍କୁକେ କାଜିକେଦ୍ତେ ବିଶ୍ୱାସେକାକ ମେନ୍ତେ ଚେଷ୍ଟାକେଦା ।

୨୪ ଇନ୍କୁଏତେ ଚିମିନ୍ ଝାନ୍ ହଡ୍ଡକ ଇନିୟାଃ କାଜିରେ ବିଶ୍ୱାସ୍କେଦାକ ଆତଃ ଚିମିନ୍ ଝାନ୍ ହଡ୍ଡକ କାକ ବିଶ୍ୱାସ୍କେଦା ।

୨୫ ଆତଃ ଇନ୍କୁ ଆକ ଆକରେ ମିଦ୍ମନ୍ କା ହବାୟାନ୍ ହରାତେ କାପ୍ଡି ହବାୟାନା, ଆତଃ ଇନ୍କୁ ସେନଃ ସିଦାରେ ପାଉଲୁସ୍ ନେ ମିଆଁଦ୍ କାଜି କାଜିକେଦ୍କଆ, “ପାବିତାର୍ ଆମ୍ ଆପେୟାଃ ପୁରଖା ହାଡ଼ାମକକେ ନାବୀ ଯିଶାୟଆଃ ହରାତେ ବୁଗିଲେକାଏ କାଜିକାଦ୍ ତାଇକେନା,

୨୬ ଇନିଃ କାଜିକାଦାଏ,

“ ନେ ହଡ୍ଡକକେ ସେନକେଦ୍ତେ କାଜିକମେ, ଆପେ ଆୟୁମ୍ଦପେ ଆୟୁମେୟା ମେନ୍ଦ୍ କାପେ ଆଟ୍କାର୍ ଉରୁମେୟା,

ଆତଃ ନେଲ୍ଦପେ ନେଲ୍ୟା ମେନ୍ଦ୍ କାପେ ନେଲ୍ ଦାଡ଼ିୟା,

୨୭ ଚିଆଃଟି ନେ ହଡ୍ଡକଆଃ ମନ୍ କେଟେଦ୍ୟାକାନା,

ଆତଃ ଇନ୍କୁ ଆକଆଃ ଲୁଡ୍ଡର୍

ଆତଃ ମେଦ୍ ଜାପିଦାକାଦାକ,

ଏନ୍କା କା ହବାକାନ୍ରେ ଇନ୍କୁ ନେଲ୍ ଦାଡ଼ିକାତେୟାଃକ

* ୨୮:୧୧ ପ୍ରେରିତ୍ ୨୫:୧୧.

ଆତ୍ମ ଆତ୍ମ ଦାଢ଼ିକାତେୟାଃକ ।
 ଇନ୍ଦ୍ର ଆକିଆଃ ମନ୍ଦ୍ରୁଦ୍ରେ ଆଚ୍ଚକାର୍ ଉରୁମେତେୟାଃକ,
 ଆତ୍ମ ପାର୍ମେଶ୍ଵାର୍ଯାଃତେ ରୁହାଡ଼ଃତେୟାଃକ
 ଆତ୍ମ ଆଇଙ୍ଗ୍ ଇନ୍ଦ୍ରକେ ବୁଠିକାକତେୟାଃକଇଙ୍ଗ୍ ।”

୨୮ ଆତ୍ମ ପାଉଲୁସ୍ ନେ'ଲେକା କାଜିଚୁଣ୍ଡୁକେଦାଏ, “ଆପେ ସାରିପେ, ପାରିତ୍ରାଣ୍ ନାମେ ନାଗେନ୍ତେ ପାର୍ମେଶ୍ଵାର୍ଯାଃ ସୁକୁକାଜି ସାଅଁସାର୍ ହଡ଼କତାଃତେ କୁଲ୍ୟାକାନା । ଇନ୍ଦ୍ର ଏନା ଆତ୍ମମେୟାକ ।”

୨୯ ଆତ୍ମ ଇନ୍ଦ୍ର ନେ ସବେନାଃ କାଜିକେଦ୍ରି ଯିହୁଦୀକ ଆକ ଆକରେ କାପ୍ତିତାନ୍ଲଃ ସେନଃୟାନାକ ।*

୩୦ ପାଉଲୁସ୍ ରାଜ୍ଫାହାଲ୍ରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦ୍ରେ ଦୁଇ ବାରାଷ୍ ତାଇକେନାଏ, ଆତ୍ମ ଆଇଃକ୍କେ ନେନେଲ୍ ନାଙ୍ଗ୍ ହିନ୍ଦ୍ରୁତାନ୍ ସବେନକକେ ଇନ୍ଦ୍ର ଏନ୍ତାଃରେ ଦାରମ୍ବକ ତାଇକେନା ।

୩୧ ଇନ୍ଦ୍ର ପାର୍ମେଶ୍ଵାର୍ଯାଃ ରାଇଙ୍ଗ୍ ବିଷାଏରେ ଆତ୍ମ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ବିଷାଏରେ ପୁରା ସାହାସ୍କେଦ୍ରେ ଇତ୍ତୁକେଦ୍କଆ ଆତ୍ମ ଇନ୍ଦ୍ରକେ ହକା ନାଙ୍ଗ୍ ଜେତାଏ କାକ ତେଷ୍ଟାକେଦା ।

* ୨୮:୨୯ ନେ ପଦ ଚିମିନ୍ ମାରି ଅନଲ୍କରେ ବାନଃଆ

ରୋମିୟମାନଙ୍କ ନିକଟକୁ ପାଉଲଙ୍କ ପତ୍ର ରୋମିରେନ୍ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍ଆଃ ଚିଟାଉ ପାରିଚାଏ

ରୋମି ଚିଟାଉ ପ୍ରେରିତ୍ ପାଉଲୁସ୍ଆଃ ହରାତେ ହବାସାକାଅଆଃ ଖ୍ରୀଷ୍ଟ୍ ତାୟମ୍ ୫୪ ଏତେ ୫୮ କରେ ଅଲ୍ଲାନା । ପାଉଲୁସ୍ ରୋମତେ ସେନଃ ସିଦାରେ ଯିହୁଦୀ ଆତଃ ସାଅଁସାର୍ ବିଶ୍ୱାସୀକକେ ଚିହ୍ନଃ ନାଗେନ୍ତେ ନେ ଚିଟାଉ ଅଲ୍ଲାନାଦ୍ ତାଇକେନାଏ । ସବେନ୍ କିଲିକ ଖ୍ରୀଷ୍ଟ୍ କେ ଚିଲ୍ଲକା ବିଶ୍ୱାସୀୟାକ ଆତଃ ମାଇନ୍ ରିକାଇୟାକ, ଏନା ନାଗେନ୍ତେ ଇନିଃ କରନ୍ତି ସାହାରରେ ତାଇନ୍ ଇମ୍ତା ରୋମରେନ୍ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ନେ ଚିଟାଉ ଅଲ୍ଲାନାଦ୍ କଥାଏ ।

ସବେନ୍ କତାଃରେ ଆତଃ ସବେନ୍ ଖ୍ରୀଷ୍ଟ୍ ବିଶ୍ୱାସୀକ ନାଗେନ୍ତେ ରୋମି ପୁଥ୍ ମିଆଁଦ୍ ବୁଗିନ୍ ଚିଟାଉ ତାନାଃ । ଚିୟାଃଟି ଖ୍ରୀଷ୍ଟ୍ ଆବୁକେ ଚିଲ୍ଲକା ପାପରାଃ ତନଲ୍ଲହେତେ ରାଡାରୁଆଏ, ଏନ୍ କାଜିକେ ବୁଗି ଲେକାତେ ସୁକୁକାଜିରେ ଉଦୁବାକାନା । ଚିଟାଉରାଃ ଆଧ୍ୟାୟ ୧:୧୭ ପାଦ୍ ହବାଅଃତାନା ତାଲା ଚାଜି । ଅକ କାଜିଚି ଅଲ୍ଲଃତାନା, ଆଇଙ୍ଗ୍ ସୁକୁକାଜି ନାଗେନ୍ତେ କାଇଙ୍ଗ୍ ଗିହୁଗଃଆ, ଚିୟାଃଟି ନେଆଁ ବିଶ୍ୱାସେତାନ୍ ସବେନ୍ କଥାଃ ନାଗେନ୍ତେ ପେଡ଼େଃ ତାନାଃ । ସିଦାତେଦ୍ ଯିହୁଦୀକଥାଃ ନାଗେନ୍ତେ ଏନ୍ ତାୟମ୍ତେ ସାଅଁସାର୍ ହଡକଥାଃ ନାଗେନ୍ତେ ତାନାଃ ।

ପାହିଲା ହିସାରେ ୧-୧୨ ପୁରାଃଗି ଆମିକ୍ କାଜିକ ଅଲ୍ଲାନା । ଏଟାଃ ହିସାରେ ୧୩-୧୫ ଖ୍ରୀଷ୍ଟ୍ କେ ଜୀଦାନ୍ରେ ସବେନ୍ ହୁଲାଙ୍ଗ୍ ମାନାଡିଙ୍ଗ୍ କାଜିକ ଅଲ୍ଲାନା ।

ପୁଥ୍ ଭିତାରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଆପ୍ନାଃ ବିଷାଏରେ ଆତଃ ଅକଏତାଃତେ ନେ ଚିଟାଉ ଅଲ୍ଲେତାନାଏ ଏନାରେୟାଃ ପାରିଚାଏ । ୧:୧-୧୫
- ୨. ମାନଖାରାଃ ରାଇଙ୍ଗ୍ ଆତଃ ଯୀଶୁ ଖ୍ରୀଷ୍ଟ୍ଆଃ ସୁକୁକାଜି । ୧:୧୬-୧୧:୩୭
- ୩. ସବେନ୍ ହୁଲାଙ୍ଗ୍ ଖ୍ରୀଷ୍ଟ୍ଲଃ ଜୀଦାନ୍ ବିତାଅ ବିଷାଏରେ କାଜି । ୧୨:୧-୧୫:୧୩
- ୪. ରୋମରେନ୍ ବିଶ୍ୱାସୀ ହାଗାକକେ ଜହାର୍ କାଜିତାନ୍ଲଃ ନେ ଚିଟାଉ ଅଲ୍ଲ ଚୁଣ୍ଡୁ ତାନାଏ । ୧୬

ପାଉଲୁସ୍ଆଃ ଜହାର୍

୧ ପାଉଲୁସ୍, ଖ୍ରୀଷ୍ଟ୍ ଯୀଶୁଆଃ ଦାସି ଆତଃ ସାଲାକେଦ୍ତେ କୁଲାକାନ୍ନିଃ ଆତଃ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ୱାର୍ତେ କେଡାକାନ୍ନିଃ ତାନିଃ ।

୨ ପାରିତାର୍ ଧାରାମ୍ପୁଥ୍ରେ ଅଲ୍ଲାନା ଲେକା ଏନ୍ ସୁକୁକାଜି ବିଷାଏରେ ପାର୍ମେଶ୍ୱାର୍ ସିଦାରେ ଆୟାଃ ନାବୀକଥାଃ ହରାତେ ବାନାର୍ସା ଏମାକାଦ୍ ତାଇକେନାଏ ।

୩ ଏନା ହବାଅଃତାନା, ପାର୍ମେଶ୍ୱାର୍ଆଃ ହନ୍, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ହଡ଼ମ୍ ଲେକାତେ ଦାଉଦ୍ଆଃ କିଲିଏତେ ଜାନାମ୍ୟାନା ।

୪ ମେନ୍ଦ୍ ଧାର୍ମାନ୍ରେନ୍ ପାରିତାର୍ ଆମ୍ବା ବିଷାଏରେ ଗଜାକାନ୍କଏତେ ଜୀଉବିରିଦ୍ୟାନ୍ ହରାତେ ଇନିଃ ପାର୍ମେଶ୍ୱାର୍ଆଃ ହନ୍ ମେନ୍ତେ ପୁରାଃ ପେଡ଼େଃଲଃ ଉଦୁବ୍ୟାନା । ଇନିଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ତାନିଃ ।

୫ ଖ୍ରୀଷ୍ଟ୍ଆଃ ନାଗେନ୍ତେ ପାର୍ମେଶ୍ୱାର୍ ଆଇଙ୍ଗ୍ କେ ପ୍ରେରିତ୍ ଲେକା ସାଲାକେଦ୍ତେ ସବେନ୍ ହଡକତାଃରେ ଉଦୁବ୍ ନାଗେନ୍ତେ ସାୟାଦ୍ ଏମାକାଦିୟାଏ, ଜେ'ଲେକାଟି ଇନ୍କୁ ଖ୍ରୀଷ୍ଟ୍ ଯୀଶୁତାଃରେ ବିଶ୍ୱାସ୍ କେଦ୍ତେ ଆୟାଃତାଃରେ ମାନାଡିଙ୍ଗ୍ ହବାଅଃଆ ।

୬ ଆପେ ରୋମରେ ତାଇନ୍ତାନ୍ ହଡକ ତାନ୍ପେ, ଆପେକେୟଗି ଯୀଶୁ ଖ୍ରୀଷ୍ଟ୍ଆଃ ହବାଅଃ ନାଗେନ୍ତେ ପାର୍ମେଶ୍ୱାର୍ କେଡାକାଦ୍ପେୟାଏ ।

୭ ପାର୍ମେଶ୍ୱାର୍ ଦୁଲାଡ଼ତାନ୍ ରୋମରେନ୍ ହଡକକେ ଆତଃ ଆୟାଃ ଆପ୍ନାଃ ପାରିତାର୍ ହଡ ହବାଅଃ ନାଗେନ୍ତେ କେଡାକାଦ୍ କେ, ଆଇଙ୍ଗ୍ ନେ ଚିଟାଉ ଅଲ୍ଲେତାନାଇଙ୍ଗ୍ । ଆବୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟାବାଦରାଃ ବିନ୍ତି

୮ ଆପେୟାଃ ବିଶ୍ୱାସ୍ ବିଷାଏରେ ଗଟା ଅତେଦିଶୁମ୍ରେ ଉଦୁବଃତାନା, ଏନାମେନ୍ତେ ପାହିଲାରେ ଆଇଙ୍ଗ୍ ଆପେ ସବେନ୍ କ ନାଙ୍ଗ୍ ଯୀଶୁ ଖ୍ରୀଷ୍ଟ୍ଆଃ ନୁଡୁମ୍ତେ ପାର୍ମେଶ୍ୱାର୍ କେ ଧାନ୍ୟାବାଦ୍ ଏମାକାତାନାଇଙ୍ଗ୍ ।

୯ ଆଇଙ୍ଗ୍ ଅକ ପାର୍ମେଶ୍ୱାର୍ କେ ଆଇଁୟାଃ ମନ୍ସୁରୁଦ୍ଲଃ ସେଖା ତାନାଇଙ୍ଗ୍ ଆତଃ ଅକ ପାର୍ମେଶ୍ୱାର୍ଆଃ ହନ୍ ବିଷାଏରେ ସୁକୁକାଜିଇଙ୍ଗ୍ ଉଦୁବ୍ତାନା, ଏନ୍ ପାର୍ମେଶ୍ୱାର୍ ଆଇଁୟାଃ ଗାଞ୍ଜା ତାନିଃ ।

୧୦ ସବେନ୍ ଇମ୍ତା ବିକ୍ତି ତାଇୟାରେ ଆପେକେଇକ୍ ପାହାମପେତାନାଃ ଆଡ଼ ଆପେତାଃତେ ହିଜୁଃ ନାଗେନ୍ତେ ଆଇକ୍‌କେ ନେତା ନାମାଃକା ମେନ୍ତେ ପାର୍‌ମେଶ୍‌ବରତାଃରେଇକ୍ ବିକ୍ତିତାନା ।

୧୧ ଆପେତାଃତେ ସେଟେକେଦ୍‌ତେ ଆଇକ୍ ନାମାକାଦ୍ ଆମ୍‌ରେୟାଃ ଦାନ୍ ବିଷାଏରେ ଆପେକେ ଉଦୁବାପେ ହରାତେ ଆପେୟାଃ ବିଶ୍ୱାସ୍‌କେ କେଟେଜେୟାକ୍‌କ୍ ମେନ୍ତେ ଆଇୟାଃ ପୁରାଃଗି ସାନାକ୍‌ତାନାଃ ।

୧୨ ନେ ହରାତେ ଆରୁ ମିହୁଡ୍ ଆଡ଼ଃମିହୁଡ୍‌ରାଃ ବିଶ୍ୱାସ୍‌କେ କେଟେଦ୍ ରିକା ଦାଡ଼ିୟାଃରୁ ।

୧୩ *ହେ ହାଗା ମିଶିକ୍, ଆଇକ୍ ଆପେତାଃତେ ହିଜୁଃ ନାଗେନ୍ତେ ପୁରାଃଗିକ୍ ମନେକେଦା, ମେନ୍‌ଦ ପୁରାଃ କାଜିକଟକ୍ ହରାତେ ନାହାଃ ଜାକେଦ୍ ଆଇକ୍ ଆପେତାଃତେ କାକ୍‌କ୍ ସେଟେର ଦାଡ଼ିକାନା । ଏଟାଃ ପାର୍‌ଗାନ୍‌ରେନ୍ ଗ୍ରୀକ୍ ହଡ୍‌କଆଃ ଆଲାରେ ଆଇକ୍ ବାଟାନ୍ ଉଦୁକେଦ୍‌ତେ ଜୀଉବାସ୍ତାଅକ ନାମ୍‌କେଦ୍ ଲେକା ଆପେୟାଃ ପାର୍‌ଗାନ୍‌ରେୟ ଜୀଉବାସ୍ତାଅକ ନାମେକା ମେନ୍ତେ ଆଇୟାଃ ପୁରାଃ ସାନାକ୍ ।

୧୪ ଚିୟାଃଗି ଗ୍ରୀକ୍ ଦିଶ୍ୱାମ୍‌ରେନ୍ ହଡ୍ ଚାଏ ଏଟାଃ ଦିଶ୍ୱାମ୍‌ରେନ୍ ହଡ୍, ସେଣ୍‌ନିକ ଚାଏ କା ସେଣ୍‌ନିକ, ନେ ସବେନ୍ ହଡ୍‌କଆଃ ନାଗେନ୍ତେ ଆଇକ୍ ରିଶିକାନା ।

୧୫ ଏନା ନାଗେନ୍ତେ, ଆଇକ୍ ଆପେକେ ଆଡ଼ ରୋମ୍‌ରେ ତାଇନ୍‌ତାନ୍ ହଡ୍‌କକେୟାଃ ସୁକ୍‌କାଜି ଉଦୁବ୍ ନାଗେନ୍ତେଇକ୍ ତେତାକ୍‌ତାନା ।

ସୁକ୍‌କାଜିରାଃ ପେଡ଼େଃ

୧୬ *ଏନ୍ ସୁକ୍‌କାଜି ଚେତାନ୍‌ରେ ଆଇୟାଃ ପୁରାଃଗି ଆସ୍ତା ମେନାଃ । ନେଆଁଦ୍ ସିଦାତେ ଯିହୁଦୀକ ନାକ୍ ଏନ୍ ତାୟମ୍‌ତେ ଗ୍ରୀକ୍ ବିଶ୍ୱାସୀକଆଃ ଜୀଉବାସ୍ତା ନାଗେନ୍ତେ ପାର୍‌ମେଶ୍‌ବରଆଃ ପୁରାଃ ପେଡ଼େଃ ମେନାଃ ।

୧୭ ହଡ୍‌କ ପାର୍‌ମେଶ୍‌ବରତାଃରେ ଚିଲ୍‌କା ଧାର୍‌ମାନ୍ ହବା ଦାଡ଼ିୟାଃଆକ ଏନା ସୁକ୍‌କାଜିରେ ଉଦୁବାକାନା, ମୁନ୍‌ଏତେ ତୁଣ୍ଡ ଜାକେଦ୍ ଜୀଉବାସ୍ତା ନାମେରେୟାଃ ମିଆଁଦ୍‌ଗି ହରା ମେନାଃ, ଏନାଦ୍ ବିଶ୍ୱାସ୍‌ ତାନାଃ । ଧାରାମ୍‌ପୁତ୍ରେ ଅଲ୍‌କାନା, “ଧାର୍‌ମାନ୍ ହଡ୍ ବିଶ୍ୱାସ୍ ହରାତେ ବାସ୍ତାଅଃଆ ।”

ପାପ୍ ନାଗେନ୍ତେ ପାର୍‌ମେଶ୍‌ବରଆଃ ଖ୍ୱସ୍

୧୮ ଅକନ୍ ଏଡ୍‌କାନ୍ ହଡ୍‌କ ଆକଆଃ ସବେନ୍ ପାପ୍ ଆଡ଼ ଏଡ୍‌କାନ୍ କାମି ହରାତେ ସାନାର୍‌ତିକେକ କେସେଦେତାନା, ଇନ୍‌କୁଆଃ ବିରୁଧ୍‌ରେ ସିମ୍‌ଏତେ ପାର୍‌ମେଶ୍‌ବରଆଃ ଖ୍ୱସ୍ ହବାଅଃତାନା ।

୧୯ ପାର୍‌ମେଶ୍‌ବରଆଃ ବିଷାଏରେୟାଃ ସାରି କାଜିତେୟାଃକେ ଇନ୍‌କୁ ସାରିତାନାକ ଏନା ପାର୍‌ମେଶ୍‌ବର ଆଇଃକ୍‌ଗି ଇନ୍‌କୁତାଃରେ ଉଦୁବାକାଦ୍‌କଆ ।

୨୦ ପାର୍‌ମେଶ୍‌ବର ଅତେଦିଶ୍ୱାମ୍‌କେ ବାଇକେଦ୍ ଦିପିଲିଏତେଗି, କା ନେଲଃତାନ୍ କାଜିତାୟାଃକ, ଆୟାଃ ଜାନାଅ ଜାନାଅରେୟାଃ ପେଡ଼େଃ ଆଡ଼ ଆୟାଃ ଆକ୍‌ଦାଦାଅ ସଭାବ୍ ଫାର୍‌ତା ଫାର୍‌ଚିଗି ନେଲଃତାନା, ଆୟାଃ ବାଇୟାକାନ୍ ବିଷାଏକରେ ଏନା ଆଡ୍‌କାର୍‌ଉରୁମଃ ତାନା, ଏନାତେ ହଡ୍‌କ କାଲେ ସାରିୟାଃ ମେନ୍ତେ କାକ କାଜି ଦାଡ଼ିୟା ।

୨୧ *ଇନ୍‌କୁ ପାର୍‌ମେଶ୍‌ବରକେ ସାରିକାଈଃରେୟାଃ ଇନିଃକେ କାକ ମାଇନ୍‌କିୟା ଚାଏ ଜେତାନ୍ ବିଷାଏ ନାଗେନ୍ତେ ଧାନାବାଦ୍ କାକ ଏମ୍‌କିୟା । ମେନ୍‌ଦ ଇନ୍‌କୁଆଃ ଉଡ଼ୁକ ସାମାକାଜି ତାନାଃ ଆଡ଼ ଇନ୍‌କୁଆଃ ଡ଼ଣ୍ଡ ମନ୍‌କ ଏଡ୍‌କାନ୍ ଉଡ଼ୁତେ ନୁବାଗାକାନା ।

୨୨ ଇନ୍‌କୁ ଆପାନ୍‌କେ ସେଣ୍‌ନି ମେନ୍ତେକ କାଜିନ୍‌ତାନା ମେନ୍‌ଦ ଇନ୍‌କୁ ସାର୍‌ତିଗି ଡ଼ଣ୍ଡିୟାକ ।

୨୩ କା ଜିୟନଃ ପାର୍‌ମେଶ୍‌ବରକେ କା ସେଝାକେଦ୍‌ତେ, ଇନ୍‌କୁ ଜିୟନଃ ମାନଝାକଆଃ, ତେଣ୍‌କିଆଃ ଆଡ଼ ଜାଁତୁକଆଃ ଚାଏ ଅତେରେ ରେଙ୍ଗାଅଃତାନ୍‌କଆଃ ମୁରୁଡ୍‌କକେ ପୁଜାକତାନାକ ।

୨୪ ଏନାମେନ୍ତେ ପାର୍‌ମେଶ୍‌ବର ଇନ୍‌କୁକେ ବାଗିକାଦ୍‌କଆ ଆଡ଼ ଇନ୍‌କୁ ଆକଆଃ ଆପ୍‌ନାଃ ମନ୍‌ସୁରୁଦ୍‌ରେୟାଃ ଏଡ୍‌କାନ୍ ସାନାକ୍‌ଲେକାତେ ମିହୁଡ୍ ଆଡ଼ଃମିହୁଡ୍‌ଲଃ ହଡ୍‌ମରେୟାଃ ଗିହୁଗଃ ଲେକାନ୍ କାମିକ କାମିତାନା ।

୨୫ ଇନ୍‌କୁ ପାର୍‌ମେଶ୍‌ବରଆଃ ସାନାର୍‌ତି ବାଦ୍‌ଲାରେ ହସଡ୍ କାଜିକରେକ ଆସ୍ତାକେଦା । ବାବାଇନିଃ ପାର୍‌ମେଶ୍‌ବରକେ ଆଡ଼ ଜାନାଅ ସାହାରାଅ ନାମେତାନ୍‌ନିଃକେ ବାଗିକେଦ୍‌ତେ ବାଇୟାକାନ୍ ତେୟାଃକକେ ପୁଜାକେଦାକ । ଆମେନ୍ ।

୨୬ ଇନ୍‌କୁ ଗିହୁଗାନ୍ ଏଡ୍‌କାନ୍ କାମିକରେକ ପେରେଜାକାନ୍ ହରାତେ ପାର୍‌ମେଶ୍‌ବର ଇନ୍‌କୁକେ ବାଗିକେଦ୍‌କଆ, ଇନ୍‌କୁଆଃ କୁଡ଼ିକ ଆକଆଃ ଆପ୍‌ନାଃ କଡ଼ାକଲଃ ହଡ୍‌ମରାଃ କାମି ବାଗିକେଦ୍‌ତେ କୁଡ଼ି କୁଡ଼ିକଲଃ ହଡ୍‌ମରାଃ କାମିକ କାମିତାନା ।

୨୭ ଏନ୍‌ଲେକାଗି କଡ଼ାକହଗି ଆକଆଃ ଆପ୍‌ନାଃ କୁଡ଼ିକଲଃ ହଡ୍‌ମରାଃ କାମି ବାଗିକେଦ୍‌ତେ କଡ଼ା କଡ଼ାକଲଃ ହଡ୍‌ମରାଃ କାମିକ କାମିତାନା । କଡ଼ାକ ଆକ ଆକାଗି ଗିହୁଗାନ୍ କାମିକ କାମିତାନା, ଆଡ଼ ଏଡ୍‌କାନ୍ କାମି ହରାତେ ଆକ ଆକାଗି ଆକଆଃ ନାକ୍ ସାଜାଇକ ଆଉଝେତାନା ।

* ୧:୧୩ ପ୍ରେରିଡ୍ ୧୯:୨୧. * ୧:୧୬ ମାର୍କ ୮:୩୮. * ୧:୨୧ ଏଫିସିୟ ୪:୧୭,୧୮.

୨୮ ନେ ହତକ ପାର୍ମେଶ୍ୱାର୍ଥାଃ ବିଷାଏରେୟାଃ ସାର୍ତି ସେଣ୍ଟିକେ ବୁଗିଲେକାତେ ସାରି ନାଗେନ୍ତେ କାକ ସାନାଙ୍ଗକେଦା, ଏନାମେନ୍ତେ ପାର୍ମେଶ୍ୱାର୍ ଇନ୍କୁକେ ଆୟାଃ କା ଲାଗାତିଙ୍ଗ୍ କାମି ରିକାନାଗେନ୍ତେ ଏଡକାନ୍ କାମିରେ ଜିମାକେଦକଆ ।

୨୯ ଇନ୍କୁଦ ସବେନ୍ ଲେକାନ୍ ଏଡକାନାଃତେ ପେରେଜାକାନ୍କ, ଏଡକାନ୍ କାମିକ, ହାଏୟାଃଅତାନ୍କ, ଏଟାଃକଆଃ ନକ୍ସାନ୍ତାନ୍କ, ଆତଃ ହାଁକାର୍ତେ ପେରେଜାକାନ୍କ, ହତ୍ତ ଗଗଏଃକ, ଲାପାଡ଼ାଈକ, ବେଦାକ, ଆତଃ ହିସଙ୍ଗାତେ ପେରେଜାକାନ୍କ ତାନ୍କ । ଇନ୍କୁ ଏଟାଃନିୟାଃ ତୁପ୍ତରା କାଜିକ କାଜିୟାଃ,

୩୦ ମିହୁଡ୍ ଆତଃମିହୁଡ୍ଆଃ ଏଡକାନ୍ କାଜିକ ଜାଗାରାଃ, ଇନ୍କୁ ପାର୍ମେଶ୍ୱାର୍ତକେ ହିଲାଙ୍ଗ୍ ହତକ ତାନ୍କ, ଏଟାଃକକେ ଲାୟାଃକ, ଆକ ଆକଗି ମାରାଙ୍ଗ୍‌ୟେନ୍କ, ଆତଃ ମାରାଙ୍ଗ୍ ଆଟ୍‌କାରେନ୍ ତାନ୍କ, ଆତଃଗି ଏଡକାନ୍ କାମିକ କାମିନାଙ୍ଗ୍ ଉଡ଼ୁତାନ୍କ, ଆକଆଃ ଏଙ୍ଗା ଆପୁକକେ କାକ ମାନାତିଙ୍ଗ୍ ତାନ୍କ,

୩୧ ବିବେକ୍ ବାନଃକ, ଆକଆଃ କାଜି କାଜିକାଦ୍‌ତେୟାଃକେ କା ପୁରାଏକ, ଆତଃ ଏଟାଃକ ନାଗେନ୍ତେ କାଟିଃଲେକାହ୍ ଦାୟା ଦୁଲାଡ୍ ଆତଃ ଲିନିବୁଈ ବାନଃକ ତାନ୍କ ।

୩୨ ଇନ୍କୁ ସାରିତାନାକ, ପାର୍ମେଶ୍ୱାର୍ଥାଃ ଆନ୍‌ତୁ ଲେକାତେ ନେ ଲେକାନ୍ ହତକ ଗନ୍‌ଏଃରାଃ ସାଜାଈ ନାମେଗିୟାଃକ । ନେଆଁ ସାରିକାଦ୍‌ରେୟ ଇନ୍କୁ ଏନ୍‌ଲେକା ଏଡକାନ୍ କାମିକ କାମିତାନା ଆତଃ ଏନ୍‌ଲେକା କାମିତାନ୍ ହତକକେୟଗି ଉସ୍‌କୁରକତାନାକ ।

୨

ପାର୍ମେଶ୍ୱାର୍ଥାଃ ନ୍ୟାୟ ବିଚାର୍

୧ ☆ଏ ହାଗା ଚାଏ ମିଗି, ଆମ୍ ତିନାଃ ଏଟାଃକଆଃ ବିଚାର୍‌ତାନାମେ ? ଆମ୍ ଜେତାଏ ହତ୍ତ ତାନ୍‌ମେରେୟ, ନେଆଁ ରିକା ନାଗେନ୍ତେ ଆମ୍ ନାଙ୍ଗ୍ କା ବୁଗିନାଃ । ଏଟାଃକକେ ଚିଟାକେଦ୍‌ତେ ଆମ୍‌ଗି ଏନ୍ କାମିମ୍ କାମିତାନ୍‌ରେଦ, ଆମ୍ ଆମ୍‌ଗି ସାଜାଈୟେନ୍ ତାନାମେ ।

୨ ଆବୁ ସାରିତାନାବୁ, ପାର୍ମେଶ୍ୱାର୍ ନେ'ଲେକା କାମିତାନ୍ ହତକକେ ସାର୍ତିଗି ବିଚାର୍‌କଆ ।

୩ ହେ ହାଗା ମିଗିକ, ଅକ ଏଡକାନ୍ କାମି ନାଗେନ୍ତେ ଆପେ ଏଟାଃକକେପେ ଚିଟାକ ତାନା, ଏନା ଆପେଗିପେ କାମିତାନ୍‌ରେଦ, ଚିୟାଃ ଆପେ ପାର୍ମେଶ୍ୱାର୍ଥାଃ ବିଚାର୍‌ହେତେ ବାଟାଅଃଖାଲେ ମେନ୍ତେପେ ଉଡ଼ୁତାନା ?

୪ ହବାସାକଅଆଃ, ଆପେ ପାର୍ମେଶ୍ୱାର୍ଥାଃ ମାରାଙ୍ଗ୍ ଦାୟା, ଧୁରାଜ୍ ଆତଃ ସାହାତିଙ୍ଗ୍ ଜୀଞ୍ଜାନ୍‌କେପେ ହିଲାଙ୍ଗ୍‌ତାନା । ଆପେ ସାର୍ତିଗିପେ ସାରିତାନା ଯେ, ଆପେୟାଃ ମନ୍‌ରେ ହେୟାତିଙ୍ଗ୍ ଆଉଞ୍ଜେ ନାଗେନ୍ତେ ପାର୍ମେଶ୍ୱାର୍ ଦାୟାକାଦ୍‌ପେୟାଏ ।

୫ ମେନ୍‌ଦ ଆପେ କେଟେଦ୍‌ମନ୍‌କ ଆତଃ କା ବାଦ୍‌ଲାଅଃ ମନ୍‌ସୁରୁଦ୍‌କ ତାନ୍‌ପେ । ଏନାତେ ତୁଣ୍ଡୁ ହୁଲାଙ୍ଗ୍‌ରେୟାଃ ନ୍ୟାୟ ବିଚାର୍ ଇମ୍‌ତା ଆପେ ପାର୍ମେଶ୍ୱାର୍ଥାଃ ଖୁସ୍‌ଆକାନ୍ ହବାକେଦ୍‌ତେ ପୁରାଃଗି ସାଜାଈପେ ନାମେୟା ।

୬ ଚିୟାଃଗି ପାର୍ମେଶ୍ୱାର୍ ସବେନ୍‌କକେ ଆକଆଃ କାମିଲେକାତେ ନାଲାଏ ଏମାକଆ ।

୭ ଅକ ହତକ ମାନାରାଙ୍ଗ୍, ମାଇନାନ୍ ଆତଃ କା ତୁଣ୍ଡୁ ଜୀଦାନ୍ ନାମେରେୟାଃ ଆସ୍ତାରେ ଧୁରାଜ୍ ସାବ୍‌କେଦ୍‌ତେ ବୁଗିନ୍ କାମିକ କାମିୟା, ଇନ୍କୁକେ ପାର୍ମେଶ୍ୱାର୍ ଜାନାଅ ଜୀଦାନ୍ ଏମାକଆଏ ।

୮ ମେନ୍‌ଦ ଅକନ୍ ହତକ ଆପାନାଃ ନାଗେନ୍ତେ ଏସ୍‌କାର୍ ଉଡ଼ଗୁାଃକ, ସାନାର୍‌ତିରାଃ ହରାକେ ବାଗିକେଦ୍‌ତେ ଏଡକାନ୍ ହରାକ ଅତଙ୍ଗ୍‌ଆଃ, ଇନ୍କୁଆଃ ଚେତାନ୍‌ରେ ପାର୍ମେଶ୍ୱାର୍ଥାଃ ଖୁସ୍ ପୁରାଃଗି ଆତଃ ବରଞ୍ଜାନ୍‌ଗି ହବାଅଃଆ ।

୯ ଅକନ୍‌କ ଏଡକାନ୍ କାମି କାମିତାନାକ ଇନ୍କୁଆଃ ଜୀଉରେ ଦୁକୁ ଆତଃ ସାସାତିରେୟାଃ ଦିପିଲି ହିଜୁଃତାନା । ସିଦାତେଦ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ଗ୍ରୀକ୍ ହତକଆଃ ନାଗେନ୍ତେ ହବାଅଃଆ ।

୧୦ ମେନ୍‌ଦ ଅକନ୍‌କ ବୁଗିନ୍ କାମିକ କାମିତାନା, ଇନ୍କୁକେ ପାର୍ମେଶ୍ୱାର୍ ମାନାରାଙ୍ଗ୍, ମାଇନାନ୍, ଆତଃ ଜୀଉସୁକୁ ଏମାକଆଏ । ସିଦାତେ ଯିହୁଦୀ ହତକକେ ଏନ୍‌ତାୟମ୍‌ତେ ଗ୍ରୀକ୍ ହତକକେ,

୧୧ ଚିୟାଃଗି ପାର୍ମେଶ୍ୱାର୍ ସବେନ୍‌କକେ ମିଦ୍‌ଲେକାଗି ବିଚାର୍‌କଆ ।

୧୨ ଗ୍ରୀକ୍* ହତକ ମୁଣା ନାବୀ ଅଲାକାଦ୍ ଆନ୍‌ତୁ କାକ ନାମାକାଦା । ଇନ୍କୁ ବେଗାର୍ ଆନ୍‌ତୁତେ ପାପ୍‌କେଦାକ, ଏନାତେ ଇନ୍କୁ ବେଗାର୍ ଆନ୍‌ତୁତେ ଜିୟନଃଆକ । ମେନ୍‌ଦ ଯିହୁଦୀକ ଆନ୍‌ତୁ ସାରିକେଦ୍‌ତେହ୍ ପାପ୍‌କେଦାକ, ଏନାତେ ଏନ୍ ଆନ୍‌ତୁ ହରାତେଗି ବିଚାରଃଆକ ।

୧୩ ଚିୟାଃଗି ଆନ୍‌ତୁ ଆୟୁମ୍‌କେଦ୍‌ତେ ଏସ୍‌କାର୍ ହତକ ପାର୍ମେଶ୍ୱାର୍ଥାଃ ସାମ୍‌ନାଙ୍ଗ୍‌ରେ ଧାର୍‌ମାନ୍ କାକ ହବା ଦାଡ଼ିୟଃଆ, ମେନ୍‌ଦ ଆନ୍‌ତୁ ମାନାତିଙ୍ଗ୍‌କେଦ୍‌ତେହଗି ଧାର୍‌ମାନ୍ ହବା ଦାଡ଼ିୟଃଆକ ।

୧୪ ଗ୍ରୀକ୍ ହତକଆଃ ଆନ୍‌ତୁ ବାନଃଆ, ମେନ୍‌ଦ ଇନ୍କୁ ଆନ୍‌ତୁ ହୁକୁମାକାଦ୍ ଲେକାକ ମାନାତିଙ୍ଗ୍‌ତାନ୍‌ରେଦ ଏନାଗି ଇନ୍କୁଆଃ ଆନ୍‌ତୁ ଲେକ୍‌ନାଃ ତାନାଃ ।

☆ ୨:୧ ମାଥୁର ୭:୧; ଲୁକ ୬:୩୭. * ୨:୧୨ ଅକନ୍‌କ ଯିହୁଦୀ ହତକ ନାହାଁଲାକ

୧୫ ଇନ୍ଦ୍ରକୁଆଃ ଚାଲନ୍ ଚାଲନ୍ ହରାତେ ଉଦୁବଃତାନା, ଆନ୍ତୁରେୟାଃ ନିୟାମକ ଇନ୍ଦ୍ରକୁଆଃ ମନ୍ସୁରୁଦ୍ରେ ଅଲ୍ଲକେଦ୍ରେ ମେନାଃ । ନେ କାଜିରେୟାଃ ସାନାର୍ତି ଇନ୍ଦ୍ରକୁଆଃ ବିବେକ୍ତେହରି ଉଦୁବାକାନା, ବୁଗିନ୍ ଉଡ଼ୁତାନ ଇମ୍ତା ବିବେକ୍ ଇନ୍ଦ୍ରକୁକେ ଦେଙ୍ଗାକଆ, ଆଡ଼ଃ ଏଡ଼କାନ୍ ଉଡ଼ୁ ଇମ୍ତା ଚିଟାକଆ ।

୧୬ ଅକନ୍ ହୁଲାଙ୍ ପାର୍ମେଶ୍ଵାର୍ ଯୁଗୁ ଶ୍ରୀଷ୍ଟୁଆଃ ହରାତେ ସବେନ୍ ହଡ଼କଆଃ ଉକୁଆକାନ୍ କାଜିକଏ ବିଚାରେୟା, ଏନ୍ ହୁଲାଙ୍ ଆଲ୍ଲକ୍ ଉଦୁବେତାନ୍ ସୁକୁକାଜି ଲେକାତେ ନେ ସବେନାଃ ହବାଅଃଆ ।

ଯିହୁଦୀକ ଆଡ଼ଃ ଆନ୍ତୁ

୧୭ ଆପେ ଚିନାଃ କାଜିତାନାପେ ? ଆପେ ଆପାନ୍କେ ଯିହୁଦୀ ମେନ୍ତେପେ କାଜିନ୍ତାନା, ମୁଶା ଏମାକାଦ୍ ଆନ୍ତୁ ଚେତାନ୍ରେ ଭାର୍ଯ୍ୟାକେଦ୍ରେ ଆଡ଼ଃ ପାର୍ମେଶ୍ଵାର୍ଲଃ ଆପେୟାଃ ନାତା ମେନାଃ ମେନ୍ତେ ଆପାନ୍କେ ମାରାଙ୍ ମେନ୍ତେପେ ଉଡ଼ୁତାନା,

୧୮ ମୁଶା ନାବୀରାଃ ଆନ୍ତୁଏତେ ଆପେ ଇତୁକାନାପେ ଆଡ଼ଃ ପାର୍ମେଶ୍ଵାର୍ଆଃ ଇଛାସାନାଙ୍କେ ସାରିକେଦ୍ରେ ବୁଗିନାଃ ଆଡ଼ଃ ଏଡ଼କାନାଃରେୟାଃ ସେଣ୍ଟାକେପେ ଆବ୍କାର୍ଉରୁମ୍ କାଦା,

୧୯ ସାର୍ତିଗିପେ ସାରିତାନା, ଆପେ କା ନେଲ୍ ଦାଡ଼ିନିୟାଃ ହରା ଉଦୁବ୍ ଡାନ୍ପେ, ନୁବାଃରେ ତାଲନ୍ତାନ୍ ହଡ଼କ ନାଗେନ୍ତେ ମାର୍ଯ୍ୟାଲ୍ଲକ୍ ଡାନ୍ପେ,

୨୦ ତଣ୍ଡୁ ହଡ଼କକେ ଇତୁ ହଡ଼କ ଡାନ୍ପେ, କା ସେଣ୍ଟାନ୍କଆଃ ଇନିତୁକ ଡାନ୍ପେ । ଆପେୟାଃ ବିଶ୍ଵାସ୍, ଆନ୍ତୁଏତେ ଆପେ ପୁରା ସାନାର୍ତି ଆଡ଼ଃ ସେଣ୍ଟାପେ ନାମାକାଦା ।

୨୧ ଆପେ ଏଟାଃକକେ ଇତୁକତାନାପେ ମେନ୍ଦ୍ ଆପେ ଆପେଗି ଚିୟାଃ ମେନ୍ତେ କାପେ ଇତୁନ୍ତାନା ? “ଆଲ୍ପେ କୁମ୍ବୁତୁଆଃ” ମେନ୍ତେ ଇତୁକେଦ୍ରେ ଆପେଗିପେ କୁମ୍ବୁ ତୁନାଟି ?

୨୨ “ଆପାଙ୍ଗିର୍ କାମି ଆଲ୍ପେ ରିକାଏୟା” ମେନ୍ତେ କାଜିକେଦ୍ରେ, ଚିୟାଃ ଆପେଗି ଆପାଙ୍ଗିର୍ କାମିପେ ରିକାତାନା ? ଆପେ ମୁରୁଡ଼କକେ ହିଲାଙ୍ଗ୍କେଦ୍ରେ ଚିୟାଃ ମାନ୍ଦିରେୟାଃ ଜିନିଷକକେପେ ରେଃକ୍ତାନା ?

୨୩ ଆପେ ପାର୍ମେଶ୍ଵାର୍ଆଃ ଆନ୍ତୁ ନାମାକାଦାଲେ ମେନ୍ତେ ଆପାନ୍କେ ମାରାଙ୍ ମେନ୍ତେପେ କାଜିନ୍ତାନା, ମେନ୍ଦ୍ ଆୟାଃ ଆନ୍ତୁକେ ଟାଃକେଦ୍ରେ ଚିୟାଃ ପାର୍ମେଶ୍ଵାର୍କେପେ ନିନ୍ଦା ଡାନ୍ ?

୨୪ ଧାରାମ୍ପୁଅ୍ରେ ଅଲ୍ଲକାନା, “ଆପେୟାଃ ନାଗେନ୍ତେ ଗ୍ରୀକ୍ ହଡ଼କ ପାର୍ମେଶ୍ଵାର୍ଆଃ ଏଡ଼କାନାଃକ କାଜିତାନା ।”

୨୫ ଆନ୍ତୁକେପେ ମାନାତିଙ୍ଗ୍ ଡାନ୍ରେଦ୍, ଆପେୟାଃ ଖାଡ଼ନାଅରାଃ ଗନଙ୍ ମେନାଃ, ମେନ୍ଦ୍ ଆନ୍ତୁକେ କାପେ ମାନାତିଙ୍ଗ୍ତାନ୍ରେଦ୍ ଆପେ କା ଖାଡ଼ନାଅକାନ୍ ହଡ଼କଲଃ ମିଦ୍ଗିୟାପେ ।

୨୬ କା ଖାଡ଼ନାଅକାନ୍ ମିଆଁଦ୍ ଗ୍ରୀକ୍ ହଡ଼ଆଃ ଆନ୍ତୁରେୟାଃ ରିତିରିଝାଙ୍ଗକକେ ମାନାତିଙ୍ଗ୍ ଡାନ୍ରେଦ୍, ପାର୍ମେଶ୍ଵାର୍ ଇନିଃକେ ଖାଡ଼ନାଅକାନ୍ ହଡ଼ ଲେକା କାଏ ଚି ମାଲ୍ନିୟା ?

୨୭ ଏନାମେନ୍ତେ ହଡ଼ମ୍ରେ କା ଖାଡ଼ନାଅକାନ୍ରେୟା ଆନ୍ତୁ ମାନାତିଙ୍ଗ୍ତାନ୍ ଗ୍ରୀକ୍ ହଡ଼କ ଯିହୁଦୀ ହଡ଼କକେ ବିଚାର୍କଆକ, ଚିୟାଃଚି ଇନ୍ଦ୍ରୁ ହଡ଼ମ୍ ଲେକାତେ ଖାଡ଼ନାଅକାନ୍ରେୟା ଏନ୍ ଅନଲ୍ ଆନ୍ତୁକେ କାକ ମାନାତିଙ୍ଗ୍ ଡାନ୍ ।

୨୮ ବାହାରି ହଡ଼ମ୍ ଲେକାତେ ଏସ୍କାର୍ ଖାଡ଼ନାଅକାନ୍ନିଃ ଯିହୁଦୀ ମେନ୍ତେ କାଜିୟାଃତାନା ମେନ୍ଦ୍ ସାର୍ତି ଯିହୁଦୀ ନାହାଁଲିଃ ।

୨୯ ସାର୍ତି ଯିହୁଦୀ ତାନିଃରେଦ୍, ଇନିଃ ମନ୍ ଭିତାର୍ଏତେଗି ଯିହୁଦୀ ତାନିଃ । ସାର୍ତି ଖାଡ଼ନାଅ ମନ୍ସୁରୁଦ୍ରେଗି ହବାଅଃଆ, ଏନା ପାର୍ମେଶ୍ଵାର୍ଆଃ ଆମ୍ବାତେ ହବାଅଃଆ, ଅନଲ୍ତେଦ୍ କାହାଗି । ଅକନ୍ ହଡ଼ ମନ୍ସୁରୁଦ୍ରେ ଆମ୍ବାତେ ଖାଡ଼ନାଅକାନା, ଇନିଃ ପାର୍ମେଶ୍ଵାର୍ତାଃଏତେ ସାହାରାଅ ନାମେୟାଏ, ହଡ଼କତାଃଏତେଦ୍ କାହାଗି ।

୩

୧ ତାବ୍ଦ୍ ଗ୍ରୀକ୍ ହଡ଼କତାଃଏତେ ଯିହୁଦୀ ହଡ଼କଆଃ ପୁରାଃ ସୁବିଧା ଚିନାଃ ତାନାଃ ? ତାଏ ଖାଡ଼ନାଅକାନ୍ରେୟାଃ ଚିକାନ୍ ସୁବିଧା ମେନାଃ ?

୨ ହେଗି, ଯିହୁଦୀ ହଡ଼କତାଃରେ ପୁରାଃ ବିଶେଷ୍ ବିଷାଏକ ମେନାଃ । ସବେନାଃଏତେ ବିଶେଷ୍ କାଜି ହବାଅଃତାନା, ପାର୍ମେଶ୍ଵାର୍ ଆୟାଃ ବିଷାଏରେ କାଜିରାଃ ବାହାରମ୍ ଯିହୁଦୀକକେ ପାହିଲାତେ ଏମାକାଦ୍କଆ ।

୩ ମେନ୍ଦ୍ ଚିମିନ୍ ହଡ଼କ କା ପାତିୟାର୍ରେ ଲେକାନ୍କ ଡାନ୍କ, ଏନାତେ ଚିନାଃ ପାର୍ମେଶ୍ଵାର୍ କା ପାତିୟାର୍ରେ ଲେକାନ୍ନିଃ ହବାଅଃଆଏ ?

୪ କାହାଗି, ଏନ୍କାଦ୍ ଆଲ୍ ହବାଅଃକା । ସବେନ୍ ହଡ଼କ ହସଡ଼ ହବାଅଃରେୟା ପାର୍ମେଶ୍ଵାର୍ ସାର୍ତି ତାନିଃ । ଧାରାମ୍ ପୁଅ୍ରେ ଅଲ୍ଲକାନା,

“ଆମାଃ କାଜି ହରାତେ ଆମ୍ ଧାର୍ମାନ୍ ମେନ୍ତେମ୍ ସାରିୟାଆ,
ଆମ୍ ବିଚାରଃତାନ୍ ଇମ୍ତା ଜିନିତାଅ ନାମେୟାମ୍ ।”

୫ ନେତାଃରେ ମିଆଁଦ କୁନୁଲି ହବାସାକାଅଆଃ, ଆବୁ ଏଡକାନ୍ କାମି ରିକାଃରୁ ଇମ୍ତା ଆବ୍‌କାରଥା ଯେ ପାର୍‌ମେଶ୍ୱାରଆଃ କାମି ବୁଗିନାଃତାନାଃ, ଏନାତେ ପାର୍‌ମେଶ୍ୱାର ଆବୁକେ ସାଜାଇ ଏମାବୁତାନ୍ ଇମ୍ତା ଇନିଃ ଗୁହ୍ନାଁ କାମି ରିକାଏତାନା ମେନ୍ତେ କାଜି ଦାଡ଼ିୟାବୁଚି ? ଆଇଙ୍ଗ୍ ହଡ୍ ଲେକା କାଜିତାନାଇଙ୍ଗ୍ ।

୬ କାହାଗି ଏନ୍‌କା ଆଲକା ହବାଅଃକା, ପାର୍‌ମେଶ୍ୱାର ନ୍ୟାୟ ଏମ୍‌ନିଃ ନାହାଁଲିଃ ରେଦ ଇନିଃ ଚିଲ୍‌କାତେ ଅତେଦିଶ୍ୱମରାଃ ବିଚାର ରିକା ଦାଡ଼ିୟାଏ ?

୭ ମେନ୍‌ଦ ଆଇଁୟାଃ କା ସାନାର୍‌ତି ହରାତେ ପାର୍‌ମେଶ୍ୱାରଆଃ ସାନାର୍‌ତିତେୟାଃ ପୁରାଃତେ ପୁରାଗି ଉଦୁବଃଆ ଆତଃ ଇନିୟାଃ ମାନାରାଙ୍ଗ୍ ହବାଅଃରେଦ, ଆଇଙ୍ଗ୍ ପାପି ମେନ୍ତେ ଚିନାଃ ନାଙ୍ଗ୍ ସାଜାଇ ନାମେୟାଇଙ୍ଗ୍ ?

୮ ଆବୁ ଚିନାଃମେନ୍ତେ କାରୁ କାଜିୟାତାମ, “ଦଲାରୁ ଏଡକାନ୍ କାମିକବୁ ରିକାୟା, ଏନାତେ ବୁଗିନ୍‌ଆଃ ହିଜୁଃଆ ?” ଆଇଙ୍ଗ୍ ଠାଉକାଗି ନେ କାଜିକ କାଜିକେଦ୍ ହରାତେ, ପୁରାଃ ହଡକ ଆଇଙ୍ଗ୍‌କେ ଲାନ୍ଦାକେଦିୟାଁକ ଆତଃ ଚିଟାକେଦିୟାଁକ । ନେଆଁ ନାଗେନ୍ତେ ଇନ୍‌କୁ ସାଜାଇକ ନାମେଗିୟା ।

ଜେତାଏୟ ଧାର୍‌ମାନ୍ ହଡ ବାଙ୍କଆ

୯ ତାବ୍‌ଦ, ଆବୁ ଯିହୁଦୀ ହଡକ ଗ୍ରୀକ୍ ହଡକତାଃଏତେ ଚିନାଃ ପୁରାଃ ବୁଗିନାଃବୁ ? କାହାଗି, ଯିହୁଦୀ ହଡ ଆତଃ ଗ୍ରୀକ୍ ହଡ ସବେନ୍‌କ ମିଦ୍‌ଗିୟାକ ମେନ୍ତେ ଆଇଙ୍ଗ୍ ସିଦାରେଗିଇଙ୍ଗ୍ କାଜି ଚାବାକାଦା, ଇନ୍‌କୁ ସବେନ୍‌କ ଆକଆଃ ଆପ୍‌ନାଃ ପାପ୍‌ରେୟାଃ ଆକ୍‌ତେୟାରରେ ମେନାକଆ ।

୧୦ ଧାରାମ୍ ପୁଥ୍‌ରେ ଅଲକାନା,

“ଧାର୍‌ମାନ୍ ହଡ ଜେତାଏ ବାଙ୍କଆ, ମିହୁଡହ୍ ବାଙ୍କଆ,

୧୧ ମିହୁଡହ୍ ସେଣାନ୍ ହଡ ବାଙ୍କଆ,

ଚାଏ ପାର୍‌ମେଶ୍ୱାରକେ ସାର୍‌ତିତେ ଦାଣାଁଇନିଃ ଜେତାଏ ବାଙ୍କଆ ।

୧୨ ଇନ୍‌କୁ ସବେନ୍‌କ ପାର୍‌ମେଶ୍ୱାରତାଃଏତେ ସାଜିନାକାନାକ,

ସବେନ୍‌କ ହରା ଆଦାକାଦାକ,

ଜେତାଏ ମିହୁଡହ୍ ବୁଗିନ୍ କାମି କାକ ରିକାତାନା ।

୧୩ ଇନ୍‌କୁଆଃ ମଚାରାଃ କାନାଜି ଉରାକାନ୍ ତପାଗାଡ଼ା ଲେକାନାଃ ତାନାଃ,

ଆଲାଙ୍ଗ୍‌ହେତେ ଏଡକାନ୍ ବେଦା ଲିଙ୍ଗିୟଃତାନା,

ଆତଃ ଇନ୍‌କୁଆଃ ମଚାଏତେ ଅତଙ୍ଗ୍‌ତାନ୍ କାଜି, ବରଝାନ୍ ବିଙ୍ଗ୍‌ରାଃ ବିଷ୍ ଲେକାନାଃ ତାନାଃ,

୧୪ ଇନ୍‌କୁଆଃ ଜାଗାର୍ ମେହେର୍‌ତେ ଆତଃ ସାର୍‌ପାଅତେ ପେରେଜାକାନା ।

୧୫ ଇନ୍‌କୁ ଏଟାଃକକେ ନକ୍‌ସାନ୍ ଆତଃ ଗଟାଏଃ ନାଗେନ୍ତେ ସେକାଡ଼ାକାନ୍‌ଗିକ ତାଇନାଃ ।

୧୬ ଇନ୍‌କୁ ଜିୟନେ ନାଗେନ୍ତେ ଆତଃ ସାସାତି ନାଗେନ୍ତେ ସବେନ୍‌ସାଃତେ ସେନାଃକ ।

୧୭ ଇନ୍‌କୁ ଜୀଉସ୍‌କୁରାଃ ହରାକେ କାକ ସାରିୟା ।

୧୮ ଚାଏ ପାର୍‌ମେଶ୍ୱାରକେ ବରଭାଲ୍ଟି ଲାଗାତିଙ୍ଗ୍‌ୟାଁଃ, ଏନା ଇନ୍‌କୁ କାକ ଇଡୁକାନା ।”

୧୯ ନାହାଁଃ ଆବୁ ସାରିତାନାରୁ, ଅକନ୍‌କ ଆନ୍‌ରୁରେ ମେନାକଆ, ଇନ୍‌କୁକେ ଏନାରେୟାଃ ସବେନ୍ ଆନ୍‌ରୁ ମାନାତିଙ୍ଗ୍ ଲାଗାତିଙ୍ଗ୍‌ୟାଁଃ । ପାର୍‌ମେଶ୍ୱାର ସବେନ୍ ଅତେଦିଶ୍ୱମରାଃ ବିଚାର ରିକାଏ ଇମ୍ତା, ଆନ୍‌ରୁକେ କା ମାନାତିଙ୍ଗ୍‌ତାନ୍ ହଡକ ଜେଡନାଃ ଉଦୁବକେଦ୍‌ତେ, ଆପାନ୍‌କେ ବେଗାର୍ ଚିଟାନିଃ ତାନିଙ୍ଗ୍ ମେନ୍ତେ କାକ କାଜି ଦାଡ଼ିୟା ।

୨୦ *ମେନ୍‌ଦ ଆନ୍‌ରୁରେୟାଃ କାଜିକାମି ରିକାକେଦ୍‌ତେ ଜେତାଏ ମାନଝା ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍ ମେନ୍ତେ କାଏ କାଜିୟାଆ । ଆନ୍‌ରୁ ଆବୁଆଃ ପାପ୍ ବିଷାଏରେ ଏସ୍‌କାର୍ ଆବୁକେ ଚେଡଗାର୍‌ରୁଆ ।

ବିଶ୍ୱାସ୍‌ରେ ଧାର୍‌ମାନ୍ ହବାଅଃ

୨୧ ମେନ୍‌ଦ ନାହାଁଃ ମୁଶାରାଃ ଆନ୍‌ରୁ ବାଗିକେଦ୍‌ତେ ପାର୍‌ମେଶ୍ୱାରଆଃ ଧାର୍‌ମାନ୍‌ତେୟାଃ ଉଦୁବାକାନା । ନେ ବିଷାଏରେ ମୁଶାରାଃ ଆନ୍‌ରୁ ଆତଃ ନାବୀକହଗି ଗାଝା ଏମାକାଦାକ ।

୨୨ *ୟୀଶୁ ଖ୍ରୀଷ୍ଟତାଃରେ ଏସ୍‌କାର୍ ବିଶ୍ୱାସ୍ ହରାତେ ହଡକ ପାର୍‌ମେଶ୍ୱାରଆଃ ଆୟାରରେ ଧାର୍‌ମାନ୍‌କ ହବାଅଃଆ । ପାର୍‌ମେଶ୍ୱାର ସବେନ୍‌କକେ ମିଦ୍‌ଲେକାଗି ନେଲାଃଏ, ଖ୍ରୀଷ୍ଟତାଃରେ ବିଶ୍ୱାସ୍‌ତାନ୍ ସବେନ୍ ହଡକକେ ନେ ସୁଯୋଗ୍ ଏମାଃଏ ।

୨୩ ସବେନ୍‌କ ପାପ୍‌କାଦାକ ଆତଃ ପାର୍‌ମେଶ୍ୱାରଆଃ ମାନାରାଙ୍ଗ୍ ନାମେହେତେ ସାଜିନ୍‌ରେ ମେନାକଆ ।

୨୪ ମେନ୍‌ଦ ଖ୍ରୀଷ୍ଟ୍ ଯୀଶୁଆଃ ହରାତେ ବେଗାର୍ ଗନଙ୍ଗ୍‌ରେ ପାର୍‌ମେଶ୍ୱାର ଅକନ୍ ସାୟାଦ୍ ଏମାକାଦାଏ, ଏନାକେ ଅକନ୍ ହଡକ ତେଲାଏୟାକ, ଇନ୍‌କୁ ଖ୍ରୀଷ୍ଟ୍ ଯୀଶୁଆଃ ହରାତେ ପାପ୍‌ହେତେ ରାଡ଼ାକେଦ୍‌ତେ ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍‌କ ହବାଅଃଆ ।

* ୩:୨୦ ଗାଲାତିୟ ୨:୧୬. * ୩:୨୨ ଗାଲାତିୟ ୨:୧୬.

୨୫ ପାର୍ମେଶ୍ଵର ଯୀଶୁକେ ଏଫକିୟାଏ, ଇନିୟାଃ ଦାଣ୍ଟେଁ ଗନ୍‌ଏଃ ଚାଏ ମାୟୋମ୍ ହରାତେ ଆୟାଃତାଃରେ ବିଶ୍ଵାସ୍‌ତାନ୍ ହଡକଆଃ ପାପ୍ ଛାମାରାଃ ହରାଏ ବାଇକେଦା । ପାର୍ମେଶ୍ଵର ଆୟାଃ ଧାର୍ମାନ୍‌କେ ଉଦୁବ୍ ନାଗେନ୍ତେ ନେଆଁଏ ରିକାକେଦା । ପାର୍ମେଶ୍ଵର ଧିରାଜ୍ ସାବ୍‌କେଦ୍‌ତେ ହଡକ ସିଦାରେ କାମିକାଦ୍ ପାପ୍‌କଏ ବାରିକେଦା ।

୨୬ ମେନ୍‌ଦ ନାହାଁଃ ଇନିଃ ଆୟାଃ ଧାର୍ମାନ୍‌କେ ଉଦୁବେ ନାଗେନ୍ତେ ପାପ୍ ଛାମାରେୟାଃ ହରାଏ ଉଦୁବ୍‌କେଦା । ନେ ହରାତେ ପାର୍ମେଶ୍ଵର ଉଦୁବ୍‌କେଦାଏ ଯେ, ଇନିଃ ଆଇଃକଟି ଧାର୍ମାନ୍‌ନିଃ ତାନିଃ ଆତଃ ଅକନ୍‌କ ଯୀଶୁତାଃରେ ବିଶ୍ଵାସ୍ ରିକାଏୟାକ, ଏନ୍ ସବେନ୍‌କକେ ଧାର୍ମାନ୍ ମେନ୍ତେ କାଜିକଆ ।

୨୭ ତାବ୍‌ଦ, ଆବୁ ଅକ ବିଷାଏରେ ଆପାନ୍‌କେ ମାରାଙ୍‌ଫେୟ୍‌ନ୍ ମେନ୍ତେକୁ କାଜିନାଃ ? କାହାଗି, ଏନ୍‌ଲେକାନ୍ ବିଷାଏ ଜେଡ୍‌ନାଃ ବାନଃଆ । ଆପାନ୍‌କେ ମାରାଙ୍‌ଫେୟ୍‌ନ୍ ମେନ୍ତେ କାଜିନତେୟାଃ ଆବୁଆଃ ଚିନାଃ ତାଇନ୍‌ସାକାଅଃଆ ? ଚିନାଃ ଆନ୍‌ରୁକେ ପୁରା ମାନାତିଙ୍‌କାଦାବୁ ମେନ୍ତେ ? କାହାଗି, ଆବୁଆଃ ବିଶ୍ଵାସ୍ ଏସ୍‌କାର୍ ତାନାଃ, ଅକ୍‌ନାଃଟି ଆବୁ ଆପାନ୍‌କେ ମାରାଙ୍‌ଫେୟ୍‌ନ୍ ମେନ୍ତେକୁ କାଜିନ୍ ତାନା ।

୨୮ ନେଆଁତେ ଆବୁ ସାର୍‌ତିଗି ଆବ୍‌କାର୍ ଉରୁମେତାନାବୁ ଯେ, ମିହୁଡ୍ ଆୟାଃ ବିଶ୍ଵାସ୍ ହରାତେ ଏସ୍‌କାର୍ ପାର୍ମେଶ୍ଵରଆଃ ନେପେଲ୍‌ରେ ଧାର୍ମାନ୍ ହବାଅଃଆଏ, ମେନ୍‌ଦ ଆନ୍‌ରୁକେ ମାନାତିଙ୍‌ ହରାତେ କାହାଗି ।

୨୯ ପାର୍ମେଶ୍ଵର ଯିହୁଦୀକଆଃ ଏସ୍‌କାର୍ ପାର୍ମେଶ୍ଵର ନାହାଁଲିଃ ? ଇନିଃ ଗ୍ରୀକ୍ ହଡକଆଃ ପାର୍ମେଶ୍ଵରହ୍ ତାନିଃ । ସାର୍‌ତିଗି ଇନିଃ ସବେନ୍‌କଆଃ ପାର୍ମେଶ୍ଵର ତାନିଃ ।

୩୦ ✠ପାର୍ମେଶ୍ଵର ମିହୁଡ୍‌ଗି ତାନିଃ । ଖାଡ୍‌ନାଅ ଆତଃ କା ଖାଡ୍‌ନାଅ ହଡକ ଆକଆଃ ବିଶ୍ଵାସ୍ ହରାତେ ଇନିଃ ଇନ୍‌କୁକେ ଧାର୍ମାନ୍ ମେନ୍ତେ କାଜିକଆ ।

୩୧ ନେଆଁରାଃ ମୁଣ୍ଡି ଚିନାଃ, ଆବୁ ବିଶ୍ଵାସ୍ ହରାତେ ଆନ୍‌ରୁକେ ଜିୟ୍‌ନିଃ ନାଗେନ୍ତେକୁ ସାନାଙ୍‌ତାନା ? କାହାଗି, ଏନ୍‌କାଦ କା ହବାଅଃଆ । ବିଶ୍ଵାସ୍ ହରାତେ ଆବୁ ଆନ୍‌ରୁରେୟାଃ ନିହ୍ ଗାଡା କେଟେଦ୍‌କାଦାବୁ ।

୪

ଆବ୍ରାହାମ୍‌ଆଃ ନାମୁନା

୧ ତାବ୍‌ଦ, ହଡକ୍ ଲେକାତେ ଆବୁଆଃ ପୁରଖା ଆପୁ ଆବ୍ରାହାମ୍‌ଆଃ ବିଷାଏରେ ଚିନାଃକୁ କାଜି ଦାଡ଼ିୟା ?

୨ ଆବ୍ରାହାମ୍‌ ଆୟାଃ କାମି ହରାତେ ପାର୍ମେଶ୍ଵରଆଃ ନେପେଲ୍‌ରେ ଧାର୍ମାନ୍ ହବାକାନ୍‌ତେୟାଃଏ ରେଦ, ଆପାନ୍‌କେ ମାରାଙ୍‌ ମେନ୍ତେ କାଜିନତେୟାଃ, ମେନ୍‌ଦ ପାର୍ମେଶ୍ଵରଆଃ ନେପେଲ୍‌ରେ ଏନ୍‌କା କା ହବାକାନ୍ ତାଇକେନା ।

୩ ✠ଧାରାମ୍‌ପୁଅ ଲେକାତେ, “ଆବ୍ରାହାମ୍‌ ପାର୍ମେଶ୍ଵରତାଃରେ ବିଶ୍ଵାସ୍‌କେଦା ଆତଃ ଏନ୍ ବିଶ୍ଵାସ୍ ହରାତେ ପାର୍ମେଶ୍ଵର ଇନିଃକେ ଧାର୍ମାନ୍ ମେନ୍ତେ କାଜିକିୟା ।”

୪ ଜେତାଏ କାମିନିଃ ନାଲା ନାମେଗିୟାଏ । ଏନାକେ ଦାନ୍ ଲେକା କାଏ ନାମେୟାଁ ।

୫ ମେନ୍‌ଦ ଜେତାଏ ଆପାନାଃ କାମିରେ ଆସ୍ରା କା ଦହକେଦ୍‌ତେ, ପାର୍ମେଶ୍ଵରତାଃରେ ବିଶ୍ଵାସେଆ, ଆୟାଃ ବିଶ୍ଵାସ୍ ହରାତେ ଚିଟାକାନ୍‌ନିୟାଃ ଗୁଣ୍ଡାକେ ରାଡା ଦାଡ଼ିତାନ୍ ପାର୍ମେଶ୍ଵର ଇନିଃକେ ଧାର୍ମାନ୍ ମେନ୍ତେ କାଜିୟା ।

୬ ଜେତା ହଡରାଃ କାଜିକାମିକେ କା ନେଲ୍‌କେଦ୍‌ତେ ପାର୍ମେଶ୍ଵର ଇନିଃକେ ଧାର୍ମାନ୍ ଲେକାଏ ତେଲା ଦାରମିୟାଁ, ଇନିୟାଃ ସାହାରାଅ ରିକାତାନ୍‌ଲଃ ଦାଉଦ୍ କାଜିକେଦାଏ :

୭ “ଜେତାଏୟାଃ ଏଡକାନ୍ କାମି ଛାମାକାନା ଇନିଃ ରାସ୍‌କାଗିୟାଏ, ଜେତାଏ ପାପ୍‌ଛାମା ନାମାକାଦାଏ ଇନିଃ ଧାଇନ୍‌ଗିୟାଏ ।

୮ ଜେତାଏୟାଃ ପାପ୍‌କ ପ୍ରାଭୁ କାଏ ଲେକାଏୟା ଇନିଃ ରାସ୍‌କାଗିୟାଏ ।”

୯ ନେତାଃରେ ଦାଉଦ୍ ଅକନ୍‌କକେ ରାସ୍‌କା କାନ୍‌କ ମେନ୍ତେ କାଜିତାନା, ଇନ୍‌କୁ ଚିନାଃ ଖାଡ୍‌ନାଅକାନ୍ ହଡକ ଏସ୍‌କାର୍ ତାଇକେନାକ ? କାହାଗି, କା ଖାଡ୍‌ନାଅକାନ୍ ହଡକଆଃହଗି ରାସ୍‌କା ହବା ଦାଡ଼ିୟାଃଆ । ଆବୁ କାଜିତାନାବୁ, ଆବ୍ରାହାମ୍ ବିଶ୍ଵାସ୍ ହରାତେ ଧାର୍ମାନ୍ ହବାକାନାଏ,

୧୦ ନେଆଁ ଅକ ଦିପିଲିରେ ହବାକାନ୍ ତାଇକେନା ? ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେଟି ତାୟମ୍‌ତେ ? ନେଆଁଦ ସିଦାରେ ହବାକାନ୍ ତାଇକେନା, ତାୟମ୍‌ତେ କାହାଗି ।

୧୧ ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେ ପାର୍ମେଶ୍ଵର ଇନିଃକେ ଆୟାଃ ବିଶ୍ଵାସ୍ ହରାତେ ଧାର୍ମାନ୍ ମେନ୍ତେ କାଜିକିୟା । ନେଆଁ ଉଦୁବେ ନାଗେନ୍ତେ ମିଆଁଦ୍ ଚିହ୍ନାଁ ଲେକାତେ ଆବ୍ରାହାମ୍ ଖାଡ୍‌ନାଅୟାନାଏ । ଏନାତେ ଅକନ୍‌କ କା ଖାଡ୍‌ନାଅ କାନ୍‌ରେୟ ପାର୍ମେଶ୍ଵରକେ ବିଶ୍ଵାସ୍‌କିଃ ହରାତେ ଧାର୍ମାନ୍ ମେନ୍ତେକ କାଜିୟାତାନା ଆତଃ ଆମ୍‌କ୍ ଲେକାତେ ଆବ୍ରାହାମ୍ ଇନ୍‌କୁଆଃ ଆପୁ ତାନିଃ ।

୧୨ ଆପୁ ଆବ୍ରାହାମ୍ ଖାଡ୍‌ନାଅରାଃ ସିଦାରେ ଅକ ବିଶ୍ଵାସ୍‌ରେୟାଃ ପାରିଚାଏ ଏମାକାଦ୍ ତାଇକେନାଏ, ଏନ୍‌ଲେକାଗି କା ଖାଡ୍‌ନାଅକାନ୍ ହଡକହଗି ବିଶ୍ଵାସ୍‌ରେୟାଃ ଜୀଦାନ୍‌ରେକ ତାଇନଃରେଦ, ଆବ୍ରାହାମ୍ ଇନ୍‌କୁଆଃ ହଗି ଆପୁ ତାନିଃ ।

✠ ୩:୩୦ ଗାଲାତିୟ ୩:୨୦. ✠ ୪:୩ ଗାଲାତିୟ ୩:୬.

ବିଶ୍ୱାସୀକଙ୍କେ ପାର୍ମେଶ୍ୱରୀଆଃ ବାନାର୍ଯ୍ୟା

୧୩ ✨ଆବ୍ରାହାମ୍ ଆନ୍ତରୁ ମାନାତିଙ୍ଗ୍ କେଦ୍ତେଦ କାହାଗି, ମେନ୍ଦ ଆୟାଃ ବିଶ୍ୱାସ୍ ନାଗେନ୍ତେ ଏସ୍କାର୍ ପାର୍ମେଶ୍ୱରୀଆଃ ହରାତେ ଧାର୍ମାନ୍ ମେନ୍ତେ ହବାୟାନା ଆତଃ ଏନାମେନ୍ତେ ଆୟାଃ କିଲିକ ଅତେଦିଶ୍ୱମ୍ବରୀଆଃ ଆକ୍ତେୟାର୍ତାନକ ହବାଅଃଆ ମେନ୍ତେ ପାର୍ମେଶ୍ୱରୀ ବାନାର୍ଯ୍ୟାଏ ଏମାକାଦ୍ ତାଇକେନା ।

୧୪ ✨ଆନ୍ତରୁ ମାନାତିଙ୍ଗ୍ତାନକ ଏସ୍କାର୍ ପାର୍ମେଶ୍ୱରୀ ଏମାକାଦ୍ ବାନାର୍ଯ୍ୟାକ ନାମେରେଦ, ବିଶ୍ୱାସ୍ ଜେଡ୍ନାଃ ନାହାଁଲାଃ ଆତଃ ପାର୍ମେଶ୍ୱରୀଆଃ ବାନାର୍ଯ୍ୟା ସାମା ତାନାଃ ।

୧୫ ଆନ୍ତରୁ କା ମାନାତିଙ୍ଗ୍ ହରାତେ ପାର୍ମେଶ୍ୱରୀଆଃ ଖ୍ୱସ୍ ହବାଅଃଆ, ମେନ୍ଦ ଆନ୍ତରୁ ବାନଃତାଃରେ, ଆନ୍ତରୁକେ କା ମାନାତିଙ୍ଗ୍ କାଜି ବାନଃଆ ।

୧୬ ✨ଏନାମେନ୍ତେ ପାର୍ମେଶ୍ୱରୀଆଃ ବାନାର୍ଯ୍ୟା ବିଶ୍ୱାସ୍ ରେତାନରେ ଠାହାରାଅକାନା । ପାର୍ମେଶ୍ୱରୀ ଆୟାଃ ସାୟାଦ୍ତେ ନେ ବାନାର୍ଯ୍ୟାକେ ଆବ୍ରାହାମ୍ଆଃ କିଲିକକେ ଏମାକାଦ୍କଆ, ଅକନ୍କ ଆନ୍ତରୁକେକ ମାନାତିଙ୍ଗ୍ ତାନା, ଇନ୍କୁ ନାଗେନ୍ତେ ଏସ୍କାର୍ ବାନାର୍ଯ୍ୟା ନାହାଁଲାଃ, ମେନ୍ଦ ଆବ୍ରାହାମ୍ ଲେକା ବିଶ୍ୱାସ୍ତାନ ସବେନ୍କ ନାଗେନ୍ତେ ଏନା ତାନାଃ । ଚିୟାଃଚି ଆବ୍ରାହାମ୍ ଇନ୍କୁଆଃ ଆମ୍ବିକ୍ ଆପୁ ତାନିଃ ।

୧୭ ଧାରାମ୍ ପୁଥ୍ରେ ଅଲକାନା, “ଆଲେ ଆମ୍ବେ ପୁରାଃ କିଲିରେନ୍ ଆପୁଲେ ବାଇୟାକାଦ୍ମେୟାଁ ।” ପାର୍ମେଶ୍ୱରୀଆଃ ନେପେଲ୍ରେ ନେ ବାନାର୍ଯ୍ୟା ବୁଗିନାଃ ତାଇକେନା, ଚିୟାଃଚି ଅକ ପାର୍ମେଶ୍ୱରୀକେ ଆବ୍ରାହାମ୍ ବିଶ୍ୱାସ୍ ତାଇକେନାଏ, ଏନ୍ ପାର୍ମେଶ୍ୱରୀଗି ଗଜାକାନ୍ ହଡକକେ ଜୀଉବିରିଦ୍କଆ ଆତଃ ଅକ୍ନାଃ ବାନଃତେୟାଃ ଆୟାଃ ଆନାରୁତେ ସବେନାଃ ହବାସାକାଅଆଃ ।

୧୮ ଆସ୍ରାଏ ଲେକାନାଃ ଜେଡ୍ନାଃ କା ତାଇକେନ୍ରେୟାଗି, ଆବ୍ରାହାମ୍ ଆସ୍ରା ଦହକେଦ୍ତେ ବିଶ୍ୱାସ୍କାଦ୍ ତାଇକେନାଏ । ଏନାମେନ୍ତେ ଇନିଃ ପୁରାଃ ଜାତିରେନ୍ ଆପୁ ହବାୟାନାଏ, ଚିୟାଃଚି ଧାରାମ୍ପୁଥ୍ ଲେକାତେ ଇନିଃକେ ବାନାର୍ଯ୍ୟା ନାମାକାନ୍ ତାଇକେନା, “ଆମାଃ କିଲିକ ସିର୍ମାରେନ୍ ପୁରାଃଚି ଇପିଲ୍କ ଲେକାକ ହବାଅଃଆ ।”

୧୯ ଇମ୍ବତା ଆବ୍ରାହାମ୍କେ ମଣେୟାଁ ହିସି ବାରାଷ୍ ହବାଅଃ ତାଇକେନା, ମେନ୍ଦ ଆୟାଃ ହଡ୍ମ ବିଷାଏରେ ଉଡ୍ଡୁକେଦା, ଅକ୍ନାଃଚି ଗଜଃ ଲେକା ହବାଅଃ ତାଇକେନା ଚାଏ ଆୟାଃ କୁଡିତେ ସାରାରାଃ ହନ୍ଗାଁଣା ହବାଅଃରେୟାଃ ନେତା ପାରମଃତାନା ମେନ୍ତେ ସାରିକେଦ୍ରେୟା, ଆୟାଃ ବିଶ୍ୱାସ୍ କା ନାରାଦୁରାୟାନା ।

୨୦ ଆବ୍ରାହାମ୍ ଆୟାଃ ବିଶ୍ୱାସ୍କେ କାଏ ବାଗିକେଦା, ଚାଏ ପାର୍ମେଶ୍ୱରୀଆଃ ବାନାର୍ଯ୍ୟାରେ କାଏ ଆଡ଼ାଃଉଡ୍ଡୁୟାନା । ଆୟାଃ ବିଶ୍ୱାସ୍ ଆଇଃକ୍କେ ପୁରାଃଚି ପେଡ଼େଃତେ ପେରେଃକିୟା ଆତଃ ଇନିଃ ପାର୍ମେଶ୍ୱରୀକେ ମାରାଙ୍ଗକିୟା ।

୨୧ ପାର୍ମେଶ୍ୱରୀ ଅକ ବାନାର୍ଯ୍ୟା ଏମାକାକ ତାଇକେନାଏ, ଏନା ଇନିଃ ରିକାଏଗିୟାଏ ମେନ୍ତେ ଆୟାଃ ପୁରା ବିଶ୍ୱାସ୍ ତାଇକେନା ।

୨୨ ଏନାମେନ୍ତେ ଆବ୍ରାହାମ୍ ଆୟାଃ ବିଶ୍ୱାସ୍ ହରାତେ “ପାର୍ମେଶ୍ୱରୀତେ ଧାର୍ମାନ୍ ମେନ୍ତେ କାଜିୟାନା ।”

୨୩ “ଧାର୍ମାନ୍ ଲେକାଏ ହବାୟାନା” ମେନ୍ତେ କାଜିତେୟାଃ, ଧାରାମ୍ପୁଥ୍ରେ ଆବ୍ରାହାମ୍ ନାଗେନ୍ତେ ଏସ୍କାର୍ ଲାଗାତିଙ୍ଗ୍ୟାଃ ମେନ୍ତେଦ କାହାଗି ।

୨୪ ଆବୁହଗି ପାର୍ମେଶ୍ୱରୀତାଃରେ ବିଶ୍ୱାସ୍କେଦ୍ ହରାତେ ଧାର୍ମାନ୍ ଲେକାବୁ ହବାଅଃଆ । ପାର୍ମେଶ୍ୱରୀ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍କିୟାଏ ।

୨୫ ଏନ୍ ପ୍ରାଭୁ ଯୀଶୁଗି ଆବୁଆଃ ପାପ୍ଛାମା ନାଗେନ୍ତେ ଗନଏଃରେ ଜିମାୟାନା ଆତଃ ପାର୍ମେଶ୍ୱରୀତାଃରେ ଆବୁକେ ଧାର୍ମାନ୍ ବାଇବୁ ନାଗେନ୍ତେ ଯୀଶୁ ଗନଏଃହେତେ ଜୀଉବିରିଦ୍କିୟାନାଏ ।

୫

ପାର୍ମେଶ୍ୱରୀଲଃ ବୁଗିନ୍ ନାତା

୧ ନାହାଁଃଦ ଆବୁ ବିଶ୍ୱାସ୍ ହରାତେ ପାର୍ମେଶ୍ୱରୀଆଃ ନେପେଲ୍ରେ ଧାର୍ମାନ୍ ଲେକାବୁ ହବାକାନା ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ଆବୁ ପାର୍ମେଶ୍ୱରୀଲଃ ଜୀଉସ୍ବୁକ୍ରେ ମେନାବୁଆ ।

୨ ଏନ୍ ଯୀଶୁତାଃରେ ଆବୁଆଃ ବିଶ୍ୱାସ୍ ମେନାଃ ହରାତେ ନାହାଁଃ ଆବୁଆଃ ଜୀଦାନ୍ରେ ପାର୍ମେଶ୍ୱରୀଆଃ ସାୟାଦ୍ ଆତଃ ପାର୍ମେଶ୍ୱରୀଆଃ ମାନାରାଙ୍ଗ୍ରେ ହିସା ନାମେରେୟାଃ ଆସ୍ରା ମେନାଃ ହରାତେ ଆବୁ ପୁରାଃଚି ରାସ୍କାଅଃ ତାନାବୁ ।

୩ ଏନା ଏସ୍କାର୍ କାହାଗି, ସବେନ୍ ଲେକାନ୍ ଦୁକୁ ସାସାତିରେୟାଗି ଆବୁ ରାସ୍କାଅଃ ତାନାବୁ, ଚିୟାଃଚି କା ଆକ୍ତାକାଅ କେଦ୍ତେ ସାସାତିକେ ସାହାତିଙ୍ଗ୍ଲେରେ ମନ୍ରେ ଧୁରାଜ୍ ହିଜୁଃଆ ଏନାବୁ ସାରିତାନା ।

୪ ନେ ଧୁରାଜ୍ହେତେ ଆବୁଆଃ ଚାଇଲ୍ ଚାଇଲ୍ କେଟେୟାଃଆ ଆତଃ କେଟେଦ୍ ଚାଇଲ୍ ଚାଇଲ୍ହେତେ ଭାର୍ଯ୍ୟା ନାମଃଆ ।

୫ ନେ ଆସ୍ରା ଆବୁକେ କାଏ ହୁଡିଙ୍ଗ୍ଜୀଉବୁଆ, ଚିୟାଃଚି ପାର୍ମେଶ୍ୱରୀ ଆବୁକେ ପାବିତାର୍ ଆମ୍ବି ଏମ୍ବେଦ୍ତେ ଆବୁଆଃ ମନ୍ସୁରୁଦ୍ରେ ଆୟାଃ ଦୁଲାଡ୍ ପେରେଃକାଦାଏ ।

✨ ୪:୧୩ ଗାଲାତିୟ ୩:୨୯. ✨ ୪:୧୪ ଗାଲାତିୟ ୩:୧୮. ✨ ୪:୧୭ ଗାଲାତିୟ ୩:୭.

୬ ଆବୁ ଦେଙ୍ଗା କା ନାମେଲେକା ତାଇକେନ୍ ଇମ୍ତା, ପାରମେଶ୍ୱାରଆଃ ଠାହାରାଅକାଦ୍ ଦିପିଲିରେ, ଶ୍ରୀଷ୍ଟ ଏଡକାନ୍ ହଡକଆଃ ନାଗେନ୍ତେ ଗଏଃୟାନା ।

୭ ଧାର୍ମାନ୍ ହଡ ନାଗେନ୍ତେ ଏଟାଃ ଜେତା ହଡ ଜୀଉ ଏମ୍ତେୟାଃ କାକ ନେଲଃଆ । ହବାସାକାଅଆଃ ରୁଗିନ୍ ହଡ ନାଗେନ୍ତେ ଜେତାଏ ଜୀଉ ଏମ୍ ନାଙ୍ଗ୍ ସେକାଡ୍ ଦାଡ଼ିୟଃଆଏ ।

୮ ମେନ୍ଦ ଆବୁ ପାପି ତାଇକେନ୍ ଇମ୍ତାଗି ଶ୍ରୀଷ୍ଟ ଆବୁ ନାଗେନ୍ତେ ଆୟାଃ ଜୀଉ ଏମ୍କେଦାଏ, ନେଆଁ ହରାତେ ପାରମେଶ୍ୱାର ଆବୁକେ ଚିମିନ୍ ଦୁଲ୍ଲାଡ଼ତାନାଏ ଏନାଏ ଉଦୁବ୍କେଦା ।

୯ ଶ୍ରୀଷ୍ଟରାଃ ମାୟୋମ୍ ହରାତେ ପାରମେଶ୍ୱାର ଆବୁକେ ଧାର୍ମାନ୍ ମେନ୍ତେ କାଜିରୁତାନା । ତାବ୍ଦ ପାରମେଶ୍ୱାରଆଃ ଖ୍ୱସ୍ଏତେ ଶ୍ରୀଷ୍ଟ ଆବୁକେ ସାର୍ତିଗି ବାଞ୍ଚାଅରୁଆ ।

୧୦ ଆବୁଦ ପାରମେଶ୍ୱାରଆଃ ବାଇରି ତାଇକେନ୍ ଇମ୍ତାଗି ଆୟାଃ ହନ୍ ଆବୁଆଃ ନାଗେନ୍ତେ ଜୀଉ ଏମ୍କେଦା, ଏନା ହରାତେ ପାରମେଶ୍ୱାରଲଃ ଆବୁଆଃ ମେନେସା ହବାୟାନା । ପାରମେଶ୍ୱାରଲଃ ମେସାୟାନ୍ ତାୟମ୍ତେ ନାହାଁଃଦ ଶ୍ରୀଷ୍ଟଆଃ ଜୀଦାନ୍ ହରାତେ ଆବୁ ଜୀଉ ବାଞ୍ଚାଅ ନାମେ ନାଙ୍ଗ୍ ଚିମିନ୍ ଆଦକା ସୁୟୋଗ୍ କାରୁ ନାମେୟାଁ ?

୧୧ ମେନ୍ଦ ଏମ୍ନାଙ୍ଗ୍ ଏସ୍କାର୍ ନାହାଁଲାଃ, ପ୍ରାଭୁ ଯୀଶୁ ଶ୍ରୀଷ୍ଟଆଃ ହରାତେ ପାରମେଶ୍ୱାର୍ ଅକ କାମିକଏ ରିକାକାଦା, ଏନାମେନ୍ତେ ଆବୁଆଃ ମନ୍ସୁରୁଦ୍ ରାସ୍କାତେ ପେରେଜାକାନା । ଏନ୍ ଯୀଶୁ ଆବୁକେ ପାରମେଶ୍ୱାରଲଃ ଆଡ଼ଃମିସାଏ ମେସାକାଦ୍ବୁଆ ।

ଆଦାମ୍ ଆଡ଼ଃ ଶ୍ରୀଷ୍ଟ

୧୨ ଆଦାମ୍ ପାପ୍କେଦ୍ ହରାତେ ଅଡେଦିଶୁମ୍ରେ ପାପ୍ ବଲୟାନା ଆଡ଼ଃ ଆଦାମ୍ଆଃ ପାପ୍ ହରାତେ ଗନଏଃ ହିଜୁଃୟାନା । ସବେନ୍କ ପାପ୍କେଦ୍ ହରାତେ ଗନଏଃ ସବେନ୍ ହଡକକେ ହବାଅଃଆ ।

୧୩ ଆନ୍ରୁ ଉଦୁବଃ ସିଦାରେ ଅଡେଦିଶୁମ୍ରେ ପାପ୍ ତାଇକେନା, ମେନ୍ଦ ଆନ୍ରୁ କା ତାଇକେନ୍ ଇମ୍ତା ପାପ୍ କା ଲେକାଃଅ ତାଇକେନା ।

୧୪ ଆଦାମ୍ତାଃଏତେ ମୁଣା ନାବୀଆଃ ଦିପିଲି ଜାକେଦ୍ ଜେତାଏ ଆଦାମ୍ ଲେକା ପାରମେଶ୍ୱାରଆଃ ହୁକୁମ୍ କା ମାନାଡ଼ିଙ୍ଗ୍କେଦ୍ତେ ପାପ୍ କାମି କାକ ରିକାକାଦ୍ରେୟ, ସବେନ୍କଆଃରେ ଗନଏଃ ହିଜୁଃୟାନା । ଅକଏୟାଃ ହିଜୁଃରାଃ ତାଇକେନା, ଇନିଃ ଆଦାମ୍ଲଃ ମିଦ୍ଲେକାଗି ।

୧୫ ମେନ୍ଦ ନେ ବାରାନ୍କିନ୍ ମିଦ୍ଲେକାଗି ବାଙ୍ଗ୍କିନା । ଆଦାମ୍ଆଃ ପାପ୍ ଆଡ଼ଃ ପାରମେଶ୍ୱାରଆଃ ବେଗାର୍ ଗନଙ୍ଗ୍ ଦାନ୍ ମିଦ୍ଲେକାଗି ନାହାଁଲାଃ । ମିଆଁଦ୍ ହଡଆଃ ପାପ୍ ନାଗେନ୍ତେ ପୁରାଃ ହଡକ ଗଏଃୟାନା ଏନା ସାର୍ତି ତାନାଃ । ମେନ୍ଦ ପାରମେଶ୍ୱାରଆଃ ମାରାଙ୍ଗ୍ ସାୟାଦ୍ତେ, ଆଡ଼ଃମିଆଁଦ୍ ହଡ, ପ୍ରାଭୁ ଯୀଶୁ ଶ୍ରୀଷ୍ଟଆଃ ସାୟାଦ୍ ହରାତେ ପୁରାଃ ହଡକଆଃ ନାଙ୍ଗ୍ ଅକ ଦାନ୍ ଏମାକାନା, ଏନା ପୁରାଃଗି ପେଡ଼େୟାନ୍ରିୟା ।

୧୬ ମିଆଁଦ୍ ହଡରାଃ ପାପ୍ ହରାତେ ହଡ ବିଚାର୍ରେ ହିଜୁଃୟାନା ଆଡ଼ଃ ଗୁହ୍ନାଁ ମେନ୍ତେ ଉଦୁବ୍ୟାନା, ମେନ୍ଦ ହଡକଆଃ ପୁରାଃ ପାପ୍ ହରାତେ ଆଡ଼ଃ ଛାମା ନାମେଲେକା କା ତାଇକେନ୍ରେୟ, ପାରମେଶ୍ୱାରଆଃ ଏନ୍ ଦାନ୍ ହରାତେ, ନାହାଁଃ ହଡ ଧାର୍ମାନ୍ନିଃ ମେନ୍ତେ ଉଦୁବ୍ ଦାଡ଼ିୟଃଆ ।

୧୭ ମିଆଁଦ୍ ହଡରାଃ ପାପ୍ ହରାତେ ଗନଏଃ ସବେନ୍ ହଡକତାଃରେ ରାଇଜ୍କେଦା, ମେନ୍ଦ ମିଆଁଦ୍ ହଡ ଅକଏଟି ଯୀଶୁ ଶ୍ରୀଷ୍ଟ ଅକଆଃ ରିକାକାଦାଏ, ଏନା ଚିମିନ୍ ମାରାଙ୍ଗ୍ ତାନାଃ । ଅକ ହଡକ ପାରମେଶ୍ୱାରଆଃ ପୁରାଃ ସାୟାଦ୍ତେ ବେଗାର୍ ଗନଙ୍ଗ୍ରେ ପାରମେଶ୍ୱାରତାଃରେ ଧାର୍ମାନ୍ ମେନ୍ତେକ କାଜିୟଃଆ, ଇନ୍କୁ ଜୀଦାନ୍କ ନାମେୟାଁ ଆଡ଼ଃ ଏନ୍ ହଡକ ଶ୍ରୀଷ୍ଟ ହରାତେ ଜିନିତାଅ ଜୀଦାନ୍କ ବିତାଅୟା ।

୧୮ ମିଆଁଦ୍ ହଡରାଃ ପାପ୍ ହରାତେ ସବେନ୍ ହଡକ ସାଜାଇକ ନାମ୍କେଦା, ଏନ୍ଲେକାଗି ମିଆଁଦ୍ ହଡରାଃ ଧାର୍ମାନ୍ ହରାତେ ସବେନ୍ ହଡକ ନାଙ୍ଗ୍ ରାଡ଼ାନ୍ ଆଡ଼ଃ ନାଞ୍ଜି ଜୀଦାନ୍ ଆଉଞ୍ଜାକାଦାଏ ।

୧୯ ମିହୁଡ୍ କାଜି କା ମାନାଡ଼ିଙ୍ଗ୍ ହରାତେ ସବେନ୍ ହଡକ ପାପିକ ହବାୟାନା, ଏନ୍ଲେକାଗି ମିହୁଡ୍ କାଜି ମାନାଡ଼ିଙ୍ଗ୍ ହରାତେ ସବେନ୍କ ପାରମେଶ୍ୱାରଆଃ ଆୟାର୍ରେ ଧାର୍ମାନ୍କ ହବାଅଃଆ ।

୨୦ ଆନ୍ରୁ ଉଦୁବ୍ୟାନ୍ ହରାତେ ଏଡକାନ୍ କାଜିକାମିକ ଆଟ୍କାର୍ଡୁରୁମ୍ୟାନା, ମେନ୍ଦ ପାପ୍ରେୟାଃ କାଜିକ ପସାଅଃତାନ୍ଲଃ ପାରମେଶ୍ୱାରଆଃ ସାୟାଦ୍ହୁଁ ପୁରାଃତେ ପସାଇଦିୟାନା ।

୨୧ ପାପ୍ ଜେଲେକା ଗନଏଃ ହରାତେ ରାଇଜେ ତାଇକେନା, ଏନ୍ଲେକାଗି ପାରମେଶ୍ୱାରଆଃ ସାୟାଦ୍ ପ୍ରାଭୁ ଯୀଶୁ ଶ୍ରୀଷ୍ଟଆଃ ଦେଙ୍ଗାତେ ଆବୁ ସବେନ୍କକେ ଧାର୍ମାନ୍ ମେନ୍ତେ କାଜିକେଦ୍ତେ ଜାନାଅ ଜାନାଅରେୟାଃ ଜୀଦାନ୍ତେ ସୁଡ଼ଃଇଦିୟାଃ ।



ପାପ୍ ନାଗେନ୍ତେ ଗନଏଃ ଆଡ଼ଃ ଶ୍ରୀଷ୍ଟଲଃ ମେସାନ୍ ହରାତେ ଜୀନିଦ୍

୧ ତାବ୍ଦ ଚିନାଃରୁ କାଜିୟା ? ପାରମେଶ୍ୱାରଆଃ ସାୟାଦ୍ ଆଡ଼ଃଗି ହବାଅଃକା ମେନ୍ତେ ଆବୁ ଚିନାଃ ପାପ୍ରେ ଜୀଦାନ୍ରୁ ବିତାଅୟା ?

୨ କାହାରି ଏକାଦ ଆଲକା ହବାଅଃକା, ପାପ୍ ନାଗେନ୍ତେ ଆବୁ ଗଜାକାନା, ଏନାରେ ଆତଃ ଚିଲ୍ଲକାତେ ଜୀଦାନବୁ ବିତାଅୟା ?

୩ ନେଆଁ ଚିନାଃ ଆପେ କାପେ ସାରିତାନା, ବାପ୍ତିସ୍ତା ହରାତେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍ତେ ଆବୁ ଇନିୟାଃ ଗନଏଃରେ ମେସାକାନାବୁ ।

୪ ☆ଏନାମେନ୍ତେ ବାପ୍ତିସ୍ତା ହରାତେ ଆବୁ ସବେନ୍କ ଯୀଶୁ ଖ୍ରୀଷ୍ଟ୍ ଆଃ ଗନଏଃରେ ହିସାଦାର୍ ହବାକେଦ୍ତେ ଆୟାଃଲଃ ତପାକାନାବୁ । ଇନିଃ ଜେ'ଲେକା ଆପୁଆଃ ମାନାରାଙ୍ଗ୍ରେୟାଃ ପେଡ଼େଃତେ ଜୀଉବିରିଦ୍‌ୟାନା, ଆବୁହଗି ଇନିୟାଃ ହରାତେ ନାଃ ଜୀଦାନ ନାମ୍‌କେଦ୍ତେବୁ ବାସ୍ତାଅଃଆ ।

୫ ଚିୟାଃଚି ଆବୁ ଆୟାଃ ଗନଏଃରେ ମେସାକେଦ୍ତେ ଇନିଃଲଃ ମିଦ୍‌କାନାବୁ, ଏନ୍‌ଲେକାଗି ଆବୁ ଇନିୟାଃ ଜୀଉବିରିଦ୍‌ରେ ହଗି ଆୟାଃଲଃ ମିଦ୍‌ୟାନ୍ତେ ନାଃ ଜୀଦାନବୁ ନାମେୟାଁ ।

୬ ଆବୁ ସାରିତାନାବୁ, ଖ୍ରୀଷ୍ଟ୍ ଲଃ କ୍ରୁଗ୍ ଚେତାନରେ ଆବୁଆଃ ମାରି ଜୀଦାନ ଗଜାକାନା । ଏନାତେ ଆବୁଆଃ ପାପ୍‌ରେୟାଃ ସଭାବ୍ ଜିୟନ୍‌କାନା ଆତଃ ଆବୁ ପାପ୍‌ରେୟାଃ ଦାସିହେତେ ରାଡ଼ାକାନାବୁ,

୭ ଚିୟାଃଚି ହଡ଼ ଗଏଃୟାନ୍‌ରେ, ପାପ୍‌ରେୟାଃ ତନଲ୍‌ହେତେ ରାଡ଼ାକାଆଃଏ ।

୮ ଆବୁ ଯୀଶୁ ଖ୍ରୀଷ୍ଟ୍ ଗଜାକାନ ହରାତେ, ଆୟାଃଲଃ ଜୀଦାନବୁ ନାମେୟାଁ ମେନ୍ତେବୁ ପାତିୟାରେତାନା ।

୯ ଆବୁ ସାରିତାନାବୁ, ଖ୍ରୀଷ୍ଟ୍ ଗଜାକାନକ୍‌ଏତେ ଜୀଉବିରିଦାକାନ ହରାତେ, ଇନିଃ ଆତଃ ଚିଲ୍ଲହ କାଏ ଗଜଃଆ । ଆୟାଃ ଚେତାନରେ ଗନଏଃରାଃ ଆକ୍‌ତେୟାର୍ ଆତଃ ବାନଃଆ ।

୧୦ ଇନିଃ ଅକ ଗନଏଃରେ ଗଏଃୟାନା, ଏନା ହରାତେ ପାପ୍‌ରେୟାଃ ପେଡ଼େଃହେତେ ମିସାତେଗି ରାଡ଼ାୟାନା । ଇନିଃ ନାହାଁଃ ଅକ ଜୀଦାନ ବିତାଅତାନାଏ, ଏନାଦ ପାର୍‌ମେଶ୍ୱାର୍‌ଲଃ ମେନେସାରେୟାଃ ଜୀଦାନ ତାନାଃ ।

୧୧ ଏନ୍‌ଲେକାଗି ଆପେୟ ପାପ୍‌ହେତେ ଗଜାକାନାଲେ ମେନ୍ତେ ଆଟ୍‌କାରେପେ । ଆପେ ସବେନ୍‌କ ନାହାଁଃଦ ଯୀଶୁ ଖ୍ରୀଷ୍ଟ୍ ଆଃ ହରାତେ ଜୀଦାନରେ ପାର୍‌ମେଶ୍ୱାର୍‌ଲଃ ମେସାକାନାପେ ।

୧୨ ଏନାମେନ୍ତେ ଆପେୟାଃ ଗଜଃ ହଡ଼୍‌ମରେ ପାପ୍ ଆତଃ ଆଲକାଏ ରାଇଜେକା, ଆପେ ହଡ଼୍‌ମରେୟାଃ ଏଡ଼କାନ ସାନାଙ୍ଗ୍‌ରେ ଆତଃ ଆଲ୍‌ପେ ତାଇନା ।

୧୩ ଆପେ ଆପ୍‌ନାଃ ହଡ଼୍‌ମରାଃ ଜେତାନ ହିସାକେ କା ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାପ୍‌ତାଃରେ ଆଲପେ ଜିମାନାଃ, ମେନ୍‌ଦ ଗନଏଃହେତେ ଜୀଉବିରିଦକାନ ଲେକା ଆପ୍‌ନାଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ, ଆତଃ ଆପ୍‌ନାଃ ହଡ଼୍‌ମରାଃ ହିସାକେ ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ ।

୧୪ ପାପ୍ ଆପେ ଚେତାନରେ ଆଲକାଏ ରାଇଜେକା, ଚିୟାଃଚି ଆପେ ଆତଃ ଆନୁରେୟାଃ ଆକ୍‌ତେୟାର୍‌ରେ କାପେ ତଲ୍ଲକାନା, ମେନ୍‌ଦ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ନାହାଁଃ ଜୀନିଦ୍ ମେନାପେୟା ।

ଧାର୍‌ମାନ୍‌ରେନ୍ ଦାସି

୧୫ ତାବ୍‌ଦ, ଆବୁ ଆନୁରେୟାଃ ଆକ୍‌ତେୟାର୍‌ରେ କା ତାଇନ୍‌କେଦ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ନାମାକାଦାବୁ ମେନ୍ତେ ଚିନାଃ ପାପ୍‌ରେବୁ ତାଇନାଃ ? କାହାଗି ଏକାଦ ଆଲକା ହବାଅଃକା ।

୧୬ ଆପେ ଚିନାଃ କାପେ ସାରିତାନା ? ଆପେ ଆପାନ୍‌କେ ଦାସି ଲେକା ଜିମାନାଃପେ ଇମ୍‌ତା, ଆପେ ସାର୍‌ତିଗି ଏନ୍ ହଡ଼୍‌ରାଃ ଦାସି ତାନ୍‌ପେ, ଅକନ୍ ହଡ଼୍‌କେ ଆପେ ମାନାତିଙ୍ଗ୍ ରିକାଇୟାପେ ଇନିଃ ହବାଅଃତାନାଏ ଆପେୟାଃ ଗୁସିୟାଁ । ଆପେ ପାପ୍‌ରେୟାଃ ଦାସି ହବାଅଃରେଦ, ଏନାରେୟାଃ ନାଲା ଗନଏଃ ତାନାଃ, ତାଏ ଆପେ ପାର୍‌ମେଶ୍ୱାର୍‌କେ ମାନାତିଙ୍ଗ୍‌ରେଦ ଏନାରେୟାଃ ନାଲା ହବାଅଃତାନା ପାର୍‌ମେଶ୍ୱାର୍‌ଲଃ ଧାର୍‌ମାନ୍ ମେନ୍ତେପେ କାଜିୟଃଆ ।

୧୭ ମୁସିଙ୍ଗ୍ ଆପେ ପାପ୍‌ରେୟାଃ ଦାସିପେ ତାଇକେନା, ମେନ୍‌ଦ ପାର୍‌ମେଶ୍ୱାର୍‌ଆଃ ଧାନ୍ୟାବାଦ୍ ହବାଅଃକା, ନାହାଁଃ ଆପେ ସୁକୁକାଜିହେତେ ଇଡୁଆକାନ ସାନାର୍‌ତିକେ ମନ୍‌ସୁରୁଦ୍‌ତେ ମାନାତିଙ୍ଗ୍ ତାନାପେ ।

୧୮ ଆପେ ପାପ୍‌ରେୟାଃ ତନଲ୍‌ହେତେ ରାଡ଼ାକେଦ୍ତେ ଧାର୍‌ମାନ୍‌ରେୟାଃ ଦାସିପେ ହବାକାନା ।

୧୯ ଆପେୟାଃ କା ପେଡ଼େୟାନ୍ ହରାତେ ନେ ସବେନ୍ କାଜିକ ଆଇଙ୍ଗ୍ ଆପେକେ ହଡ଼ ଜାଗାର୍‌ତାନ୍ କାଜିତେଇଙ୍ଗ୍ କାଜିପେତାନା, ମୁସିଙ୍ଗ୍ ଆପେ ଆପେୟାଃ ହଡ଼୍‌ମରେୟାଃ ହିସାକେ ସଡ଼ରା କାମି ନାଙ୍ଗ୍ ଆତଃ ଏଡ଼କାନ କାମି ନାଙ୍ଗ୍ ଦାସି ଲେକା ଜିମାକାଦ୍ ତାଇକେନାପେ । ଏନ୍‌ଲେକାଗି ନାହାଁଃ ପାବିତାର୍ ହବାଅଃ ନାଙ୍ଗ୍ ଆତଃ ହଡ଼୍‌ମରେୟାଃ ସବେନ୍ ହିସାକେ ଧାର୍‌ମାନ୍‌ରେୟାଃ ଦାସି ଲେକା ହବାଅଃ ନାଙ୍ଗ୍ ଆପାନ୍‌କେ ପୁରା ଜିମାନ୍‌ପେ ।

୨୦ ଆପେ ପାପ୍‌ରେୟାଃ ଦାସି ତାଇକେନ୍ ଇମ୍‌ତା, ଧାର୍‌ମାନ୍‌ତାଃଏତେ ରାଡ଼ାକାନ୍ ତାଇକେନାପେ ।

୨୧ ନାହାଁଃ ଆପେକେ ଅକ କାମିକ ରିକା ନାଗେନ୍ତେ ଗିଡୁଃ ଆଟ୍‌କାର୍‌ପେ ତାନା, ଏନ୍ କାମିକ ସିଦା ଆପେ ରିକା ତାଇକେନାପେ । ଏନାରେ ଚିନାଃପେ ନାମାକାଦା ? ଏନ୍ ସବେନ୍ କାମିରେୟାଃ ନାଲା ହବାଅଃତାନା ଗନଏଃ ।

୨୨ ମେନ୍‌ଦ ନାହାଁଃ ଆପେ ପାପ୍ ତନଲ୍‌ହେତେ ରାଡ଼ାୟାନ୍‌ଲଃ ପାର୍‌ମେଶ୍ୱାର୍‌ଆଃ ଦାସିପେ ହବାକାନା, ଆତଃ ପାବିତାର୍‌କାନାପେ । ଏନାରେୟାଃ ଲାଡୁ ହବାଅଃତାନା, ପାର୍‌ମେଶ୍ୱାର୍‌ତାଃରେ ଜୀଉକେ ପୁରା ଜିମାନ୍ ଆତଃ ଏନାରେୟାଃ ନାଲା ହବାଅଃତାନା ଜାନାଅ ଜାନାଅରେୟାଃ ଜୀଦାନ ।

☆ ୭:୪ କଲସିୟ ୨:୧୨.

୨୩ ପାପରେୟାଃ ନାଲା ହବାଅଃତାନା ଗନଏଃ, ମେନ୍ଦ ପାର୍ମେଶ୍ଵାର୍ଆଃ ବେଗାର୍ ଗନଙ୍ ଦାନ ହବାଅଃତାନା, ପ୍ରାଭୁ ଯୀଶୁ ଖ୍ରୀଷ୍ଟଲଃ ମେସାନ ହରାତେ ଜାନାଅ ଜାନାଅରେୟାଃ ଜୀଦାନ ।



ଆଶ୍ଵଦିରେୟାଃ ଜନକ

୯ ହେ ହାଗା ମିଶିକ, ନାହାଁଃଦ ଆଇଙ୍ ଅକଆଃ କାଜିନାଙ୍ ସେନ୍ତାନାଇଙ୍, ଏନାଦ ଆପେ ଆଟ୍‌କାର୍‌ଉରୁମ୍ ଦାଡ଼ିୟାପେ, ଚିୟାଃଚି ଆପେଦ ଆନ୍‌ରୁ ଚିନାଃ ତାନାଃ ଏନାପେ ସାରିକାଦା । ହଡ୍‌ଦ ଆୟାଃ ଜୀନିଦ୍‌ରେ ତାଇନଃ ଇମ୍‌ତା ଏସ୍‌କାର୍ ଆନ୍‌ରୁରାଃ ତନଲ୍‌ରେ ତାଇନା ।

୧୦ ଆଶ୍ଵଦିକାନ୍ କୁଡ଼ି ଆୟାଃ କଡ଼ା ଜୀନିଦ୍ ତାଇନ୍ ଜାକେଦ୍ କଡ଼ାତେଲଃ ମୁଶାରାଃ ଆନ୍‌ରୁରେୟାଃ ତନଲ୍‌ରେ ତାଇନା । ମେନ୍ଦ କଡ଼ାତେୟାଃ ଗନଏଃ ହବାଅଃରେ, ଇନିୟାଃ କୁଡ଼ି ନେ ମୁଶାରାଃ ଆନ୍‌ରୁ ତନଲ୍‌ହେତେ ରାଡ଼ାକେନଃଆ ।

୧୧ କଡ଼ାତେ ଜୀନିଦ୍ ତାଇନ୍ ଇମ୍‌ତା, କୁଡ଼ିତେ ଏଟାଃ କଡ଼ାଲଃ ଆଶ୍ଵଦିୟାଃରେଦ, ଇନିଃ ଆପାଙ୍‌ର୍ କୁଡ଼ି ମେନ୍ତେ କାଜିୟାଃଆ, ମେନ୍ଦ କଡ଼ାତେୟାଃ ଗନଏଃ ହବାଅଃରେ, କୁଡ଼ିତେ ମୁଶା ଏମାକାଦ୍ ଆନ୍‌ରୁରେୟାଃ ତନଲ୍‌ହେତେ ରାଡ଼ାକଆଃଏ, ଏନ୍ତେ ଏଟାଃ କଡ଼ାଲଃ ଆଶ୍ଵଦିୟାଃରେଦ, ଇନିଃ ଆପାଙ୍‌ର୍ କୁଡ଼ି ମେନ୍ତେ କାଏ କାଜିୟାଃଆ ।

୧୨ ହେ ହାଗା ମିଶିକ, ଆପେୟ ଏନ୍‌ଲେକାଗି ମୁଶାରାଃ ଆନ୍‌ରୁରେ ଗଜାକାନାପେ । ଆପେ ବାପ୍ତିସ୍ମା ହରାତେ ଖ୍ରୀଷ୍ଟ୍‌ଆଃ ହଡ଼ମଲଃ ଗଏଃକେଦ୍‌ତେ ଆୟାଃ ଜୀଉବିନିରିଦ୍‌ରେୟା ହିସା ହବାକାନାପେ ଆତଃ ନାହାଁଃ ଆପେ ପାର୍ମେଶ୍ଵାର୍‌ଆଃ ସେଝାରେ ବେଭାର୍ ଦାଡ଼ିୟାଆପେ ।

୧୩ ଚିମିନ୍ ମାହାଁ ଜାକେଦ୍ ଆବୁ ଆବୁଆଃ ହଡ଼ମରେୟାଃ ଇଛାସାନାଙ୍ ଲେକାରୁ ତାଇକେନା । ଆନ୍‌ରୁରେ ମାନାକାଦ୍ ଆବୁଆଃ ପାପ୍ ଆବୁଆଃ ହରାତେ ଆନ୍‌ରୁ ପାପ୍‌ରେୟାଃ କାମିକଏ ରିକାକତିବୁ ତାଇକେନା ଆତଃ ନେ କାମି ଆବୁଆଃ ଆମ୍‌ିକ୍‌ରେୟାଃ ଗନଏଃ ରିକା ତାଇକେନାଏ ।

୧୪ ସିଦାରେୟାଃ ଆନ୍‌ରୁ ଆବୁକେ ଆୟାଃ ତନଲ୍‌ରେ ତଲ୍‌କାଦ୍‌ବୁ ତାଇକେନା, ମେନ୍ଦ ନାହାଁଃ ଆବୁଆଃ ମାରି ସଭାବ୍ ଗଏଃୟାନା ଆତଃ ଆବୁ ଆନ୍‌ରୁରେୟାଃ ତନଲ୍‌ହେତେ ରାଡ଼ା ଚାବାକାନାବୁ । ଏନାତେ ଆବୁ ନାହାଁଃ ସିଦାଲେକା ଅନଲ୍ ଆନ୍‌ରୁରେୟାଃ ସେଝା କାବୁ ରିକାତାନା, ମେନ୍ଦ ପାବିତାର୍ ଆମ୍‌ା ଉଦୁବ୍‌ତାନ୍ ନାଝା ହରାରେବୁ ସେସେନ୍‌ତାନା ।

ଆନ୍‌ରୁ ଆତଃ ପାପ୍

୧୫ ତାବ୍‌ଦ ଚିନାଃରୁ କାଜିୟା, ଆନ୍‌ରୁଗି ପାପ୍‌ତାନାଃ ? କାହାଗି, ଏନାଦ ନାହାଁଲଃ । ମେନ୍ଦ ପାପ୍ ଚିନାଃ ତାନାଃ ଏନା ଆନ୍‌ରୁ ଆଇଙ୍‌କେ ଉଦୁବ୍‌କାଦିୟା, “ଏଟାଃନିୟାଃ ଜିନିଷ୍ଟକେ ଆଲ୍‌ପେ ହାୟାଃଅଃଆ,” ନେ ଆନାବୁ ଆନ୍‌ରୁରେ କା ଏମାକାନ୍‌ରେ, ହାୟା ଚିନାଃ ତାନାଃ, ଏନା ଆଇଙ୍‌ କାଇଙ୍‌ ସାରିତେୟାଃ ।

୧୬ ମେନ୍ଦ ଏନ୍ ଆନାବୁ ହରାତେ ଆଇଁୟାଃ ମନ୍‌ରେ ଚିମିନ୍ ରାକାମ୍‌ରେୟାଃ ପାପ୍‌କ ରିକାନାଙ୍ ଉପ୍‌ଜାଅୟାନା । ମେନ୍ଦ ଆନ୍‌ରୁ ବାଗିକେଦ୍‌ତେ ପାପ୍‌ରାଃ ଜେତାନ୍ ପେଡେଃ ବାନଃଆ ।

୧୭ ମିସା ଆଇଙ୍‌ ଆନ୍‌ରୁକେ କା ସାରିକେଦ୍‌ତେ ଜୀନିଦ୍ ତାଇକେନାଇଙ୍, ମେନ୍ଦ ଆନ୍‌ରୁ ହିଜୁଃୟାନ୍‌ଚି ପାପ୍ ବଲୟାନା ଆତଃ ଆଇଁୟାଃ ଗନଏଃ ହବାୟାନା ।

୧୮ ଅକ ଆନ୍‌ରୁ ଜୀଦାନ୍ ଏମେ ନାଗେନ୍ତେ ତାଇକେନା, ଏନା ଆଇଁୟାଃ ଆମ୍‌ିକ୍ ଗନଏଃ ଆଉକେଦାଏ ।

୧୯ ଆନ୍‌ରୁରେୟାଃ ସୁଯୋଗ୍ ଇଦିକେଦ୍‌ତେ ପାପ୍ ଆଇଙ୍‌କେ ବେଦାକେଦିୟା ଆତଃ ଗଏଃକେଦିୟାଏ ।

୨୦ ଆନ୍‌ରୁ ପାବିତାର୍‌ଗିଆ, ଏନାରେୟାଃ ସବେନ୍ ଆନ୍‌ରୁ ପାବିତାର୍‌ଗିଆ, ଠାଉକାନ୍‌ଗିୟା ଆତଃ ବୁଗିନ୍‌ଗିୟା ।

୨୧ ତାବ୍‌ଦ ଅକ୍‌ନାଃ ବୁଗିନ୍ ତାନାଃ, ଏନା ନାଗେନ୍ତେ ଚିନାଃ ଆଇଁୟାଃ ଗନଏଃ ହବାଅଃଆ ? କାହାଗି, ଏନ୍‌କାଦ ଚିଉଲ୍‌ାଅ କା ହବାଅଃଆ ? ଏନା ପାପ୍‌ଗି ରିକା କାଦାଏ । ବୁଗିନ୍ ଆନ୍‌ରୁ ମାନାତିଙ୍‌କେଦ୍ ହରାତେ ପାପ୍ ଆଇଁୟାଃ ଗନଏଃ ଆଉକେଦାଏ । ଏନାତେ ପାପ୍‌ରାଃ ସାର୍‌ତି ସଭାବ୍ ଉଦୁବ୍‌ୟାନା, ଆତଃ ଆନ୍‌ରୁ ହରାତେ ପାପ୍ ପୁରାଃ ବରଝାନ୍‌ତେୟାଃ ତାନାଃ ମେନ୍ତେ ଉଦୁବ୍‌ୟାନା ।

ଆବୁଆଃ ମନ୍‌ରେ ଆଡ଼ାଃଉଡ଼ୁ

୨୨ ଆବୁ ସାରିତାନାବୁ, ଆନ୍‌ରୁ ଆମ୍‌ିକ୍ ତାନାଃ, ମେନ୍ଦ ଆଇଙ୍ ଆମ୍‌ିକ୍ ହଡ଼ ନାହାଁଲିଙ୍ । ଆଇଙ୍ ପାପ୍‌ତାଃରେ ଦାସି ଲେକାଇଙ୍ ଆଖ୍‌ରିଙ୍‌କାନା ।

୨୩ ଆଇଙ୍ ଚିନାଃ ରିକାତାନ୍‌ତେୟାଃ କାଇଙ୍ ଆଟ୍‌କାର୍‌ଉରୁମେ ତାନା । ଆଇଙ୍ ଅକ୍‌ନାଃ କାମି ସାନାଙ୍‌ତାନ୍‌ତେୟାଃ କାଇଙ୍ କାମିତାନା ମେନ୍ଦ ଅକ୍‌ନାଃ ହିଲ୍‌ାଙ୍‌ତାନ୍‌ତେୟାଃ କାମିତାନା ।

୨୪ ଅକଆଃ ରିକାତାନା, ଏନା ଆଇଁୟାଃ ଇଛା ସାନାଙ୍ ବିରୁଧ୍‌ରେ ରିକା ତାନାଇଙ୍, ଏନାମେନ୍ତେ ଆନ୍‌ରୁ ବୁଗିନାଃ ମେନ୍ତେ ଆଟ୍‌କାରେତାନା ।

☆ ୭:୧୫ ଗାଲତିୟ ୫:୧୭.

୧୭ ଏନାତେ ଏନ୍ କାମି ଆଇଙ୍ଗ୍ କାଇଙ୍ଗ୍ ରିକାତାନା ମେନ୍ଦ୍ ଆଇଁୟାଃ ମନ୍ ଭିତାର୍ରେ ତାଇନ୍ତାନ୍ ପାପ୍ ଏନାକେ ରିକାତାନା ।

୧୮ ଆଇଙ୍ଗ୍ ସାରିତାନାଇଙ୍ଗ୍, ଆଇଁୟାଃ ହଡ଼ମ୍ରେ ଜେତାନ୍ ବୁଗିନାଃ ବାନଃଆ, ଚିଆଃଚି ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ତାଇନ୍ରେୟ୍ ଏନା କାଇଙ୍ଗ୍ କାମି ଦାଡ଼ିତାନା ।

୧୯ ଏନାମେନ୍ତେ ଅକ ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ମେନାଃ, ଏନା କା କାମିକେଦ୍ତେ, ଆଇଁୟାଃ ଇଛାସାନାଙ୍ଗ୍ ବିରୁଧ୍ରେୟାଃ ଏଡ଼କାନ୍ କାମିକଗିଇଙ୍ଗ୍ ରିକାତାନା ।

୨୦ ଆଇଁୟାଃ ଇଛାସାନାଙ୍ଗ୍ ବିରୁଧ୍ରେ ଅକ କାମିକଇଙ୍ଗ୍ ରିକାତାନା, ସାର୍ତିଗି ଏନ୍ କାମିକଦ୍ ଆଇଙ୍ଗ୍ କାଇଙ୍ଗ୍ କାମିତାନା, ଆଇଙ୍ଗ୍ରେ ତାଇନ୍କାନ୍ ପାପ୍ ନେ କାମିକଏ ରିକାତାନା ।

୨୧ ଏନ୍ ଲେକାଗି ଆଇଙ୍ଗ୍ ନେ ଆନ୍ତୁରେ ନାମାକାଦାଇଙ୍ଗ୍, ଆଇଙ୍ଗ୍ ବୁଗିନାଃ କାମିନାଙ୍ଗ୍ ସାନାଙ୍ଗ୍ତାନ୍ ଇମ୍ତା, ଏଡ଼କାନ୍ କାମି ଏସକାର୍ କାମିୟାଃଇଙ୍ଗ୍ ।

୨୨ ପାର୍ମେଶ୍ୱାର୍ଆଃ ଆନ୍ତୁ ମାନାଡିଙ୍ଗ୍ ନାଗେନ୍ତେ ଆଇଁୟାଃ ସାନାଙ୍ଗ୍,

୨୩ ମେନ୍ଦ୍ ଆଇଁୟାଃ ମନ୍ରେ ନେ ଇଛାସାନାଙ୍ଗ୍ ବିରୁଧ୍ରେ ଆଇଁୟାଃ ହଡ଼ମ୍ରେ ଆକ୍ତେୟାର୍ରେତାନ୍ ଆନ୍ତୁ ସବେନ୍ ଇମ୍ତା ଲାପାଡ଼ାଇତାନାଏ । ଆଇଁୟାଃ ହଡ଼ମ୍ରେ କାମିୟାଃତାନ୍ ଏନ୍ ପାପ୍ କାମିକ ଆଇଙ୍ଗ୍କେ ତଲ୍କେଦ୍ତେ ଦହକାଦିୟାଁ ।

୨୪ ହାଏ, ଆଇଙ୍ଗ୍ ଚିମିନ୍ କା ସୁକୁତାନ୍ ହଡ଼ତାନିଙ୍ଗ୍, ଗନଏଃ ଗାତାତେ ଇଦିତାନ୍ ନେ ହଡ଼ମ୍ରେୟାଃ କାମିଏତେ ଆଇଙ୍ଗ୍କେ ଅକଏ ବାସ୍ତାଅୟାଁଏ ?

୨୫ ପାର୍ମେଶ୍ୱାର୍ଆଃ ଧାନ୍ୟାବାଦ୍ ହବାଅଃକା, ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ନେ ସବେନାଃ ହବାକାନା । ଏନାତେ, ନେଆଁ ହବାଅଃତାନା ଆଇଁୟାଃ ଦାସା । ଆଇଙ୍ଗ୍ ପାର୍ମେଶ୍ୱାର୍ଆଃ ଆନ୍ତୁକେ ଏସକାର୍ ଆଇଁୟାଃ ମନ୍ରେ ମାନାଡିଙ୍ଗ୍ ଦାଡ଼ିୟାଈଙ୍ଗ୍ । ମେନ୍ଦ୍ ଆଇଁୟାଃ ମାନଝା ସଭାବ୍ ଆଇଙ୍ଗ୍କେ ପାପ୍ରେୟାଃ ଦାସି ହବାଅଃ ନାଗେନ୍ତେ ଆରୁଇଙ୍ଗ୍ତାନା ।

୮

ଆମ୍ବ୍ରେୟାଃ ଜୀଦାନ୍

୧ ନାହାଁଃ ଅକନ୍ଦ୍ ଖ୍ରୀଷ୍ଟ୍ ଯୀଶୁଲଃ ମେସାକେଦ୍ତେ ଜୀଦାନ୍ ବିତାଅଆଃକ, ଇନ୍କୁ ଆତଃ ସାଜାଇ କାକ ନାମେୟା ।

୨ ପାବିତାର୍ ଆମ୍ବା ଅକ ଆନ୍ତୁ ହରାତେ ଆରୁକେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍ତେ ଅକ ଜୀଦାନ୍ ଏମାକାଦ୍ବୁଆଏ, ଏନା ହରାତେ ଆରୁ ପାପ୍ ଆତଃ ଗନଏଃରେୟାଃ ଆନ୍ତୁହେତେ ରାଡ଼ାକାନାରୁ ।

୩ ମାନଝାରାଃ ସଭାବ୍ରେ ପେଡ଼େଃ ବାନଃ ହରାତେ ମୁଣା ନାବୀ ଏମାକାଦ୍ ଆନ୍ତୁକେ ମାନାଡିଙ୍ଗ୍ କାଏ ଦାଡ଼ିକେନା, ଏନାକେ ପାର୍ମେଶ୍ୱାର୍ ରିକାକେଦାଏ । ମାନଝା ଜୀଦାନ୍ରେ ପାପ୍କେ ଜିୟନେ ନାଗେନ୍ତେ ଇନିଃ ଆୟାଃ ହନ୍କେ ପାପି ମାନଝା ଲେକାଏ କୁଲ୍କିୟା ଆତଃ ଖ୍ରୀଷ୍ଟ୍ ଯୀଶୁ ପାପ୍ରେୟାଃ ପେଡ଼େଃକେ ଜିୟନ୍କେଦା ।

୪ ଏନାମେନ୍ତେ ନାହାଁଃ ଆରୁ ମାନଝା ସଭାବ୍ରେୟାଃ ଆକ୍ତେୟାର୍ରେ କା ତାଇନ୍କେଦ୍ତେ ପାବିତାର୍ ଆମ୍ବ୍ରେୟାଃ ହରାତେବୁ ସେସେନ୍ତାନା ଆତଃ ନେଆଁ ହରାତେ ଆରୁ ଆନ୍ତୁରେୟାଃ ଧାର୍ମାନ୍ ହାଟିବୁ ପୁରାକାଦା ।

୫ ଅକନ୍ଦ୍ ହଡ଼କ ମାନଝା ସଭାବ୍ ଲେକା ଜୀଦାନ୍କ ବିତାଅଆଃ, ଇନ୍କୁଆଃ ମନ୍ ଉଡ଼ୁକ, ଏନ୍ ସଭାବ୍ ଲେକାଗି କାମିଇଚିକଆ । ମେନ୍ଦ୍ ଅକନ୍ଦ୍ ହଡ଼କ ପାବିତାର୍ ଆମ୍ବ୍ରେୟାଃ କାଜି ଲେକା କାମିୟାଃକ, ଇନ୍କୁଆଃ ମନ୍ରାଃ ଉଡ଼ୁ ପାବିତାର୍ ଆମ୍ବ୍ରେୟାଃ ସାନାଙ୍ଗ୍ ଲେକା ତାଇନାଃ ।

୬ ଚିୟାଃଚି ମନ୍, ମାନଝା ସଭାବ୍ରେୟାଃ ଆକ୍ତେୟାର୍ରେ ତାଇନଃରେଦ୍, ଏନାରେୟାଃ ନାଲା ଗନଏଃ ନାମଃଆ, ଆତଃ ପାବିତାର୍ ଆମ୍ବ୍ରେୟାଃ ଆକ୍ତେୟାର୍ରେ ତାଇନଃରେଦ୍ ଏନାରେୟାଃ ନାଲା ଜୀଦାନ୍ ଆତଃ ଜୀଉସୁକୁ ନାମଃଆ ।

୭ ଆତଃ ମନ୍, ମାନଝା ସଭାବ୍ରେୟାଃ ଆକ୍ତେୟାର୍ରେ ତାଇନଃ ହରାତେ ହଡ଼ ପାର୍ମେଶ୍ୱାର୍ଆଃ ବାଇରି ହବାଅଃଆଏ, ଚିୟାଃଚି ଇନିଃ ପାର୍ମେଶ୍ୱାର୍ଆଃ ଆନ୍ତୁ କାଏ ମାନାଡିୟାଁଃ ଆତଃ ଇନିଃ ଏନାକେ କାଏ ମାନାଡିଙ୍ଗ୍ ଦାଡ଼ିୟା ।

୮ ଅକନ୍ଦ୍ ହଡ଼କ ମାନଝା ସଭାବ୍ ଲେକାତେ କାମିୟାଈକ, ଇନ୍କୁ ପାର୍ମେଶ୍ୱାର୍କେ କାକ ସୁକୁଇଚି ଦାଡ଼ିୟା ।

୯ ପାର୍ମେଶ୍ୱାର୍ଆଃ ପାବିତାର୍ ଆମ୍ବା ସାର୍ତିଗି ଆପେରେ ମେନାଇରେଦ୍, ଆପେ ମାନଝା ସଭାବ୍ ଲେକାତେ ଜୀଦାନ୍ କାପେ ବିତାଅ ତାନା, ମେନ୍ଦ୍ ଜୀଦାନ୍ରେ ପାବିତାର୍ ଆମ୍ବ୍ରେୟାଃ ଆନାରୁପେ ମାନାଡିଙ୍ଗ୍ ତାନା । ଖ୍ରୀଷ୍ଟ୍ଆଃ ଆମ୍ବା ଜେତାଏତାଃରେ ବାଙ୍ଗାୟା, ଇନିଃ ଚିଉଲାଅ ଆୟାଃ ହଡ଼ କାଏ ହବା ଦାଡ଼ିୟାଆ ।

୧୦ ମେନ୍ଦ୍ ଖ୍ରୀଷ୍ଟ୍ ଆପେରେ ମେନାଇରେଦ୍, ଆପେୟାଃ ହଡ଼ମ୍ ପାପ୍ ନାଗେନ୍ତେ ଜିୟନଃତେ ସେନଃତାନ୍ରେୟ୍, ପାବିତାର୍ ଆମ୍ବା ଆପେକେ ଜୀଦାନ୍ ଏମାପେୟାଏ, ଚିୟାଃଚି ଆପେ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ ଲେକାପେ ହବାକାନା ।

୧୧ ✨ୟୀଶୁକେ ଗନଏଃହେତେ ଜୀଉ ବିରିଦାକାଇ ପାର୍ମେଶ୍ୱାରୀଆ ଆମ୍ବା ଆପେରେ ମେନାଃରେଦ, ଗନଏଃକଏତେ ଖ୍ରୀଷ୍ଟ୍ ଯୀଶୁକେ ଜୀଉବିରିଦକାଇ ପାର୍ମେଶ୍ୱାର୍, ଆପେତାଃରେ ତାଇନଃତାନ ଆୟାଃ ଆପ୍ନାଃ ଆମ୍ବା ହରାତେ ଆପେୟାଃ ଗଜଃ ହଡ଼ମକେହଗି ଜୀଦାନ୍ ଏମେୟାଏ ।

୧୨ ଏନାତେ, ହେ ହାଗା ମିଶିକ, ଆବୁ ରିଣୀକାନାବୁ, ମେନ୍ଦ ଆବୁଆଃ କାମି ହବାଅଃତାନା, ମାନଃ ସଭାବ୍ ଲେକାତେ ଜୀଦାନ୍ କାରୁ ବିତାଅୟା ।

୧୩ ଚିୟାଃଚି ଆପେ ମାନଃ ସଭାବ୍ ଲେକାତେ ଜୀଦାନ୍ ବିତାଅଲେରେ ଆପେୟାଃ ଗନଏଃ ହବାଅଃଆ, ମେନ୍ଦ ପାବିତାର୍ ଆମ୍ବାରେୟାଃ ଦେଙ୍ଗାତେ ଆପେୟାଃ ପାପ୍ରେୟାଃ କାମିକ ବାଗିକେଦ୍ତେ ଆତଃ ପାପ୍ କାମି କାପେ ରିକାଏରେଦ ଆପେ ଜୀହୁଦଃଆପେ ।

୧୪ ଅକନ୍ ହଡ଼କ ପାର୍ମେଶ୍ୱାରୀଆ ଆମ୍ବାତେ ସୁତୁଃଇଦିୟଃଆକ, ଇନ୍କୁ ପାର୍ମେଶ୍ୱାରୀଆ ହନ୍କ ତାନ୍କ ।

୧୫ ✨ଚିୟାଃଚି ପାର୍ମେଶ୍ୱାର୍ ଏମାକାଦ୍ ଏନ୍ ଆମ୍ବା ଆପେକେ ଦାସିହେତେ ରାଡ଼ାକାଦ୍ପେୟା, ଆପେକେ ଆତଃ ବର କା ଲାଗାତିଙ୍ଗ୍ୟାଃ । ମେନ୍ଦ ପାବିତାର୍ ଆମ୍ବା ଆପେକେ ପାର୍ମେଶ୍ୱାରୀଆ ହନ୍ ହବାଅଃ ନାଗେନ୍ତେ ସୁଯୋଗ୍ ଏମାକାଦ୍ପେୟାଏ । ଆୟାଃ ପେଡ଼େଃ ଆବ୍ କାର୍କେଦ୍ତେ ଆବୁ ନାହାଃ ପାର୍ମେଶ୍ୱାର୍କେ “ଆବା” ମେନ୍ତେବୁ କାଜି ଦାଡ଼ିତାନା ।

୧୬ ପାର୍ମେଶ୍ୱାରୀଆ ଆମ୍ବା ଆଇଃକଗି ଆବୁଆଃ ମନ୍ସୁରୁଦ୍ଲଃ ମେସାକେଦ୍ତେ ଆବୁକେ ପାର୍ମେଶ୍ୱାରୀଆ ହନ୍ତାନପେ ମେନ୍ତେ ଉଦୁବେତାନା ।

୧୭ ଆବୁ ପାର୍ମେଶ୍ୱାରୀଆ ହନ୍ତାନବୁ ମେନ୍ତେ, ଆୟାଃ ହଡ଼କଆଃ ନାଗେନ୍ତେ ଦହକାନ୍ ଆଗିଷ୍ରେ ଆବୁ ହିସାବୁ ନାମେୟା । ଆତଃ ଖ୍ରୀଷ୍ଟ୍ ନାଗେନ୍ତେ ପାର୍ମେଶ୍ୱାର୍ ଅକ୍ନାଃ ଦହକାଦାଏ, ଏନାରେୟାଗି ଆବୁ ହିସାବୁ ନାମେୟା । ଆବୁ ଯୀଶୁଆଃ ଦୁକୁରେ ହିସାବୁ ନାମାକାଦ୍ରେଦ, ଆୟାଃ ମାନାରାଙ୍ଗ୍ରେୟାଗି ହିସାବୁ ନାମେୟା ।

ହିନିଜୁଃ ଦିପିଲିରେୟାଃ ମାନାରାଙ୍ଗ୍

୧୮ ଆବୁ ଅକ ମାନାରାଙ୍ଗ୍ରେୟାଃ ହିନିଜୁଃ ଦିପିଲିରେ ବଲଆବୁ, ଏନାରେୟାଃ ଜକାରେ ନାହାଃରେୟାଃ ଦୁକୁହାସୁ ଜେଡ଼ନାଃ ନାହାଃଲାଃ । ଏନ୍ ଦିପିଲିରେ ପାର୍ମେଶ୍ୱାର୍ ଆୟାଃ ହନ୍କକେ ଉଦୁବାକଆ ।

୧୯ ସବେନ୍ ବାଇୟାକାନ୍ତେୟାଃକ ପୁରାଃ ଆସ୍ରାଏତାନ୍ଲଃ ପାର୍ମେଶ୍ୱାରୀଆ ହନ୍କଆଃ ଉନ୍ଦୁଦ୍ ଦିପିଲିକେ ନେଲ୍ ହରାଏତାନା ।

୨୦ ଚିୟାଃଚି ପାର୍ମେଶ୍ୱାର୍ ବାଇୟାକାନ୍ତେୟାଃ ଆୟାଃ ହରାତେ ସାର୍ପାଆୟାନ୍ଲଃ ଏନାରେୟାଃ ଉଲେଗ୍ ଆଦ୍ୟାନା, ଏନ୍ରେୟା ଏନାରେୟାଃ ଆସ୍ରା ମେନାଃ

୨୧ ଯେ, ମୁସିଙ୍ଗ୍ ହୁଲାଙ୍ଗ୍ ପାର୍ମେଶ୍ୱାରୀଆ ହନ୍କଆଃ ମାନାରାଙ୍ଗ୍ରେ ହିସା ହବାକେଦ୍ତେ, ବାଇୟାକାନ୍ତେୟାଃ ଜିୟନଃରେୟାଃ ଦାସିହେତେ ରାଡ଼ାଅଃଆ ।

୨୨ ଚିଆଃଚି ଆବୁ ସାରିତାନାବୁ, ନାହାଃ ଜାକେଦ୍ ସବେନ୍ ବାଇୟାକାନ୍ତେୟାଃ ହନ୍ ଜାନାମଃ ଇମ୍ତାରେୟାଃ ଦୁକୁ ନାମେ ଲେକା ଦୁକୁଃତାନ୍ଲଃ ରାଆଃଗେରାଙ୍ଗ୍ଆଃ ତାନା ।

୨୩ ✨ବାଇୟାକାନ୍ତେୟାଃ ଏସ୍କାର୍ କାଏ ରାଆଃଗେରାଙ୍ଗ୍ ତାନା, ମେନ୍ଦ ଆବୁହଗି ଏନ୍ଲେକା ରାଆଃଗେରାଙ୍ଗ୍ ତାନ୍ଲଃ ମେନାବୁଆ । ପାର୍ମେଶ୍ୱାରୀଆ ପାହିଲା ଦାନ୍ ଲେକା ପାବିତାର୍ ଆମ୍ବାକେବୁ ନାମକିୟା । ଏନ୍ରେୟା ପାର୍ମେଶ୍ୱାରୀଆ ହନ୍କ ବାଇୟାକାନ୍ତେୟାଃ ଆତଃ ପୁରା ରାଡ଼ାଅଃ ନାମେକାବୁ ମେନ୍ତେ ଆବୁହଗି ତାଙ୍ଗିତାନାବୁ ।

୨୪ ଚିୟାଃଚି ଆସ୍ରା ଦହ ହରାତେଗି ଆବୁ ବାସ୍ରାଏ ନାମାଃବୁ । ମେନ୍ଦ ଅକ୍ନାଃ ନେଲଃତାନା, ଏନା ନାଗେନ୍ତେ ଆସ୍ରା ଦହଃତେୟାଃ ସାର୍ତି ଆସ୍ରା ନାହାଃଲାଃ । ଜେତାଏ ଚିନାଃ ନେଲଃତାନ୍ ବିଷାଏ ନାଗେନ୍ତେ ଆସ୍ରାଏଆ ?

୨୫ ମେନ୍ଦ ଆବୁ କା ନେଲଃତାନ୍ ବିଷାଏ ନାଗେନ୍ତେବୁ ଆସ୍ରାଏ ରେଦ, ଆବୁକେ ଧିରାଜ୍ ସାବ୍କେଦ୍ତେ ତାଙ୍ଗି ଲାଗାତିଙ୍ଗ୍ୟାଃ ।

୨୬ ଏନ୍ଲେକାଗି ଆବୁ ନାରାଦୁରାଗିୟାବୁ ମେନ୍ଦ ପାବିତାର୍ ଆମ୍ବା ଆବୁକେ ଦେଙ୍ଗାଏଃ । ଚିଲ୍କା ବିକ୍ତି ରିକା ଲାଗାତିଙ୍ଗ୍ୟାଃ, ଏନା ଆବୁ କାରୁ ସାରିୟାଃ । ଏନାମେନ୍ତେ ପାବିତାର୍ ଆମ୍ବା ଆବୁଆଃ କା କାଜିୟଃତାନ୍ କାଜିରେ ଆବୁ ନାଗେନ୍ତେ ପାର୍ମେଶ୍ୱାରୀଆରେ ବିକ୍ତି ତାନା ।

୨୭ ପାର୍ମେଶ୍ୱାର୍ଦ୍ ଆବୁଆଃ ମନ୍ସୁରୁଦ୍କେ ସାରିୟାଏ, ଚିୟାଃଚି ଇନିଃଦ୍ ସବେନାଃ ସାରିନିଃ ତାନିଃ ଆତଃ ପାବିତାର୍ ଆମ୍ବା ପାର୍ମେଶ୍ୱାରୀଆ ସାନାଙ୍ଗ୍ ଲେକାତେ ଆୟାଃ ହଡ଼କ ନାଗେନ୍ତେ ବିକ୍ତି ତାନା ।

୨୮ ଆବୁ ସାରିତାନାବୁ ଯେ, ଅକନ୍କ ପାର୍ମେଶ୍ୱାରୀଆ ଇଛା ସାନାଙ୍ଗ୍କେ ପୁରାଏ ନାଗେନ୍ତେକ କେଡ଼ାକାନା ଆତଃ ପାର୍ମେଶ୍ୱାର୍କେ ଦୁଲାଡ଼ାଃକ, ଇନ୍କୁ ନାଗେନ୍ତେ ସବେନାଃ ବୁଗିନ୍ଗି ହବାଅଃଆ ।

୨୯ ଅକନ୍କକେ ପାର୍ମେଶ୍ୱାର୍ ସିଦାରେଗି ସାଲାକାଦ୍କଆ, ଇନ୍କୁକେ ଆୟାଃ ହନ୍ଆଃ ଲେକା ହବାଅଃ ନାଗେନ୍ତେ ସାଲାକାଦ୍କଆ, ଏନାତେ ପାର୍ମେଶ୍ୱାରୀଆ ହନ୍ ପୁରାଃ ହାଗା ମିଶିକଏତେ ମୁଡ଼କୁଲ୍ ହନ୍ ହବାଅଃଆଏ ।

✨ ୮:୧୧ ୧ କରିନ୍ଥୁୟ ୩:୧୨. ✨ ୮:୧୫ ମାର୍କ ୧୪:୩୭; ଗାଲାତିୟ ୪:୭. ✨ ୮:୨୩ ୨ କରିନ୍ଥୁୟ ୫:୨-୪.

୩୦ ଆତ୍ମ ଅକନ୍ୟ ନେ'ଲେକା ସାଲ୍ଲାକେଦ୍‌ତେ କେଡ଼ାକାନାକ, ଇନ୍‌କୁ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌ ଲେକା ହବାକେଦ୍‌ତେ ଇନ୍‌ଃ ଆୟାର୍‌ ମାନାରାଜ୍‌କେ ଇନ୍‌କୁତାଃରେ ଉଦ୍‌ବୁକାଦା ।

ପାର୍‌ମେଶ୍ୱାର୍‌ଆଃ ଦୁଲ୍ଲାଡ୍‌

୩୧ ଏନାତେ, ନେ ସବେନ୍‌ ବିଷାଏରେ ଆତ୍ମ ଚିନ୍ତାଃରୁ କାଜିୟା ? ପାର୍‌ମେଶ୍ୱାର୍‌ ଆବୁଲ୍‌ଃ ମେନାଲ୍‌ରେଦ୍‌ ଅକ୍‌ଏ ଆବୁଆଃ ବିରୁଧ୍‌ରେ ହବା ଦାଡ଼ିୟାଆ ?

୩୨ ପାର୍‌ମେଶ୍ୱାର୍‌ ଆବୁଆଃ ବିରୁଧ୍‌ରେ କାଏ ହବାଅଆ, ଚିୟାଃଚି ଇନ୍‌ଃ ଆୟାର୍‌ ଆପ୍‌ନାଃ ହନ୍‌କେହଚି କା ବାଆଅକେଦ୍‌ତେ ଆବୁ ନାଗେନ୍ତେ ଦାନ୍‌ ଏମ୍‌କିୟାଏ । ଏନ୍‌ରେଦ୍‌, ଇନ୍‌ଃ ଚିନ୍ତା ଆବୁକେ ସବେନ୍‌ ବିଷାଏ କାଏ ଏମାବୁଆ ?

୩୩ ପାର୍‌ମେଶ୍ୱାର୍‌ଆଃ ସାଲ୍ଲାକାନ୍‌ ହଡ଼କଆଃ ବିରୁଧ୍‌ରେ ଅକ୍‌ଏ ଚିଟା ଦାଡ଼ିକଆଏ ? ଇନ୍‌କୁକେ ବେଗାର୍‌ ଗୁଣ୍ଟାଁ ମେନ୍ତେ ପାର୍‌ମେଶ୍ୱାର୍‌ ଆଇଃକ୍‌ଚି କାଜିକାଦା ।

୩୪ ତାଦ୍‌ଦ୍‌ ଅକ୍‌ଏ ଇନ୍‌କୁକେ ସାଜାଲ୍‌ ଏମ୍‌ ଦାଡ଼ିୟାଏ ? ଯାଶୁ ଖ୍ରୀଷ୍ଟ୍‌ ଚିତ୍ତଲାହ୍‌ ଏନ୍‌କା କାଏ ରିକାୟା, ଚିୟାଃଚି ଇନ୍‌ଃ ଗନ୍‌ଏଃହେତେ ଜୀଉବିରିଦ୍‌କେଦ୍‌ତେ ପାର୍‌ମେଶ୍ୱାର୍‌ଆଃ ଜମ୍‌ସାଃରେ ଦୁବାକାନା । ଇନ୍‌ଃହ୍‌ ଆବୁ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ତିତାନା ।

୩୫ ତାଦ୍‌ଦ୍‌ ଅକ୍‌ଏ ଆବୁକେ ଖ୍ରୀଷ୍ଟ୍‌ଆଃ ଦୁଲ୍ଲାଡ୍‌ହେତେ ବିନ୍‌ଗାଅ ଦାଡ଼ିୟା ? ଦୁକୁ, ହାସୁ, ସାସାଡି, ରିଜା, ନାରାଦୁରା, ବରଝାନ୍‌ରେ, ଆତ୍ମ ଗନ୍‌ଏଃ ଚିନ୍ତା ବିନ୍‌ଗାଅ ଦାଡ଼ିୟାଏ ?

୩୬ ଧାରାମ୍‌ପୁଅରେ ଅଲ୍ଲାକାନା,
“ଆପେ ନାଗେନ୍ତେ ଆଲେ ସବେନ୍‌ ହୁଲ୍ଲାଜ୍‌ ଗନ୍‌ଏଃରେୟାର୍‌ ଆୟାର୍‌ରେ ମେନାଲେୟା,
ଆଲେ ମାଆଃ ନାଗେନ୍ତେ ଇଦିୟାତାନ୍‌ ମିଣ୍ଡି ଲେକାଲେ ହବାକାନା ।”

୩୭ ଏନ୍‌ରେୟ, ଅକ୍‌ଏ ଆବୁକେ ଦୁଲ୍ଲାଡ୍‌ ତାନାଏ, ଇନ୍‌ୟାର୍‌ ଦେଙ୍ଗାତେ ଆବୁ ନେ ସବେନାଃରେ ଜିତାଅ କାନାବୁ ।

୩୮ ଆଇଜ୍‌ ସାର୍‌ତିଗିଜ୍‌ ସାରିତାନା ଯେ ଆୟାର୍‌ ଦୁଲ୍ଲାଡ୍‌ ହରାତେ ଆବୁ ଚିତ୍ତଲାହ୍‌ କାବୁ ବିନ୍‌ଗାଅଆ । ଗନ୍‌ଏଃ ଚାଏ ଜୀଦାନ୍‌, ଦୁଡ଼କ ଚାଏ ସିମା ରାଇଜ୍‌ରେୟାର୍‌ ଜେତାନ୍‌ ପେଡ଼େଃ ଚାଏ ଆକ୍‌ତେୟାର୍‌ ନାମାକାଦ୍‌ତେୟାର୍‌, ନାହାଁଃ ଚାଏ ହିଜୁଃ ଦିପିଲି,

୩୯ ଅତେ ଚେତାନ୍‌ରେ ଚାଏ ଅତେ ଲାତାର୍‌ରେ ଜେତାନ୍‌ ବିଷାଏ ଆତ୍ମ ସବେନ୍‌ ବାଇୟାକାନ୍‌ତେୟାର୍‌ରେ ନେ ଲେକାନ୍‌ ଜେତାନ୍‌ ବିଷାଏ ବାନଃଆ, ଅକ୍‌ନାଃଚି ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ହରାତେ ଉଦ୍‌ବୁକାନ୍‌ ପାର୍‌ମେଶ୍ୱାର୍‌ଆଃ ଏନ୍‌ ଦୁଲ୍ଲାଡ୍‌ହେତେ ଆବୁକେ ବିନ୍‌ଗାଅ ଦାଡ଼ିୟା ।



ପାର୍‌ମେଶ୍ୱାର୍‌ ଆତ୍ମ ଆୟାର୍‌ ହଡ଼କ

୧ ଆଇଜ୍‌ ସାର୍‌ତିଗିଜ୍‌ କାଜିତାନା, ଆଇଜ୍‌ ଖ୍ରୀଷ୍ଟ୍‌ଆଃ ହବାକାନ୍‌ ହରାତେ କାଇଜ୍‌ ବେଦାତାନା । ଆଇୟାର୍‌ ବିବେକ୍‌ ପାବିତାର୍‌ ଆମ୍‌ରାଃ ଆକ୍‌ତେୟାର୍‌ତେ ଗାଝାଏ ଏମେତାନା ।

୨ ଆଇୟାର୍‌ ପୁରାଃଚି ଦୁକୁ ମେନାଃ, ଚିମିନ୍‌ଗି କା ଟୁଣ୍ଡୁ ହାସୁକ୍‌ ଆଇୟାର୍‌ ମନ୍‌ସୁରୁଦ୍‌ରେ ମେନାଃ ।

୩ ଚିଆଃଚି ଅକନ୍ୟ ହଡ଼ମଲେକାତେ ଆଇୟାର୍‌ ଆପ୍‌ନାଃ ତାନ୍‌କୁ, ନେ'ଲେକାଚି ଆଇୟାର୍‌ ହାଗା ମିଶିକ ନାଗେନ୍ତେ ଆଇଜ୍‌ଗି ଖ୍ରୀଷ୍ଟ୍‌ତାଃଏତେ ହିଗାଡ଼କେଦ୍‌ତେ ପାର୍‌ମେଶ୍ୱାର୍‌ଆଃ ହରାତେ ସାର୍‌ପାଆ ନାଜ୍‌ ସାନାଜ୍‌କେଦାଇଜ୍‌ ।

୪ ଚିୟାଃଚି ଇନ୍‌କୁଦ୍‌ ଇସ୍ରାଏଲ୍‌ରେନ୍‌ ହଡ଼କତାନ୍‌କ । ପାର୍‌ମେଶ୍ୱାର୍‌ ଇନ୍‌କୁକେ ଆୟାର୍‌ ଆପ୍‌ନାଃ ହନ୍‌ ଲେକା ବାଇକେଦ୍‌ତେ ଇନ୍‌କୁତାଃରେ ଆପ୍‌ନାଃ ମାନାରାଜ୍‌ ଉଦ୍‌ବୁକାଦ୍‌ ତାଇକେନାଏ, ଇନ୍‌କୁଲ୍‌ଃ ଆୟାର୍‌ ରାଜିନାମା ତଲ୍‌କେଦ୍‌ତେ ଇନ୍‌କୁକେ ଆନ୍‌ଟୁ ଏମାକାଦ୍‌କ ତାଇକେନାଏ, ଇନ୍‌କୁ ସାର୍‌ତିଗି ସେଝାଃକ, ଆତ୍ମ ପାର୍‌ମେଶ୍ୱାର୍‌ତାଃଏତେ ବାନାର୍‌ସାକ ନାମାକାଦା ।

୫ ଇନ୍‌କୁ ଆବୁଆଃ ପୁରାଃ ନୁଡ଼ମଃତାନ୍‌ ଯିହୁଦୀ ପୁରଝା ହଡ଼କଆଃ କିଲିରେନ୍‌ ତାନ୍‌କ ଆତ୍ମ ଖ୍ରୀଷ୍ଟ୍‌ ଇନ୍‌କୁଆଃ କିଲିରେନ୍‌ଗି ତାନିଃ । ସବେନାଃ ରାଇଜେତାନ୍‌ ପାର୍‌ମେଶ୍ୱାର୍‌ଆଃ ସାହାରାଅ ଜାନାଅ ଜାନାଅ ହବାଅଝକା, ଆମେନ୍‌ ।

୬ ପାର୍‌ମେଶ୍ୱାର୍‌ଆଃ ବାନାର୍‌ସା କା ପୁରାକାନା ମେନ୍ତେଦ୍‌ ଆଇଜ୍‌ କାଇଜ୍‌ କାଜିତାନା, ଚିୟାଃଚି ସବେନ୍‌ ଇସ୍ରାଏଲ୍‌କଦ୍‌ ପାର୍‌ମେଶ୍ୱାର୍‌ଆଃ ହଡ଼କ ନାହାଁଲାକ ।

୭ ଚାଏ ଆରାହାମ୍‌ଆଃ କିଲିରେନ୍‌ ସବେନ୍‌କ ପାର୍‌ମେଶ୍ୱାର୍‌ଆଃ ହନ୍‌କ ନାହାଁଲାକ । ପାର୍‌ମେଶ୍ୱାର୍‌ ଆରାହାମ୍‌କେ କାଜିକାଇ ତାଇକେନା, “ଆମାଃ ଅକନ୍‌ କିଲିକ ବିଷାଏରେ ଆଇଜ୍‌ ବାନାର୍‌ସା ଏମାକାଦ୍‌ ତାଇକେନାଇଜ୍‌, ଇନ୍‌କୁ ଇସାକ୍‌ଆଃ ହରାତେ ହିଜୁଃଆକ ।”

୮ ନେଆଁରାଃ ମୁଣ୍ଡି ହବାଅଝତାନା, ହଡ଼ ହନ୍‌କ ଜାନାମ୍‌ଏତେ ଏସ୍‌କାର୍‌ ପାର୍‌ମେଶ୍ୱାର୍‌ଆଃ ହନ୍‌କ କାକ ହବାଅଝଆ । ପାର୍‌ମେଶ୍ୱାର୍‌ଆଃ ବାନାର୍‌ସାଃ ଲେକାତେ ଜାନାମାକାନ୍‌ ହନ୍‌କ ପାର୍‌ମେଶ୍ୱାର୍‌ଆଃ ନେପେଲ୍‌ରେ ସାର୍‌ତି ହନ୍‌କ ମେନ୍ତେକ କାଜିୟାଆ ।

୯ ଚିନ୍ତାଧର ପାରମେଶ୍ୱର ନେ ବାନାରସା ଏମାକାଦ୍ ତାଇକେନାଏ, “ଠାଉକାନ ଦିପିଲି ହିଜୁରେ ଆଇଙ୍ଗ୍ ହିଜୁରୁହାଡ଼ାଇଙ୍ଗ୍ ଇମତା ସାରା ଏଙ୍ଗା ହବାକାନଗିଆଃଏ ।”

୧୦ ଇମନାଙ୍ଗ୍ ଏସକାର୍ କାହାଗି, ଆରୁଆଃ ପୁରଖା ହଡ଼ ଇସାକ୍ତାଃଏତେ ରିବକାରାଃ ବାରିଆ ହନ୍ ହବାକାନ ତାଇକେନାକିନ୍ ।

୧୧ ଇନକିନ୍ ଜାନାମ୍ ସିଦାରେ ଆତଃ ଇନକିନ୍ ବୁଗିନ୍ ଚାଏ ଏଡ଼କାନ୍ ଜେଡ଼ନାଃ କାକିନ୍ ରିକାକାଦ୍ ତାଇକେନ୍ ସିଦାରେ ପାରମେଶ୍ୱର ନେଆଁଏ କାଜିକାଦ୍ ତାଇକେନା । ଏନାତେ ଇନକିନାଃ କାମି ହରାତେ ଏସକାର୍ କାହାଗି ମେନ୍ଦ୍ ପାରମେଶ୍ୱରଆଃ କେନେଡ଼ା ହରାତେ ଇନକିନ୍ ସାଲାୟାନାକିନ୍ ।

୧୨ ନେ ବାରାନକିନାଃ ଭିତାରରେ ମିହୁଡ଼ ପାରମେଶ୍ୱରଆଃ ଉଦେଶ୍ ରିକା ନାଗେନ୍ତେ ସାଲାୟାନା । ରିବକାକେ ପାରମେଶ୍ୱର କାଜିକିୟାଏ, “ମାରାଙ୍ଗ୍ ହନ୍ ହୁଡ଼ିଙ୍ଗ୍ ହନ୍ଆଃ ସେଝାନିଃ ହବାଅଃଆଏ ।”

୧୩ ଧାରାମପୁଅ କାଜି ଲେକାତେ, “ଆଇଙ୍ଗ୍ ଯାକୁବକେ ଦୁଲାଡ଼କିୟାଇଙ୍ଗ୍ ମେନ୍ଦ୍ ଏଷୌକେ ହିଲାଙ୍ଗକିୟାଇଙ୍ଗ୍ ।”

୧୪ ଏନ୍ରେଦ୍ ଚିନାଃବୁ କାଜିୟା, ପାରମେଶ୍ୱର ଚିନାଃ ନ୍ୟାୟ କାଏ ରିକାଃଚି ? କାହାଗି, ଏନ୍କାଦ୍ ଆଲକା ହବାଅଃକା ।

୧୫ ଚିନ୍ତାଧର ଇନିଃଦ୍ ମୁଣାକେ କାଜିକାଇ ତାଇକେନା, “ଆଇଁୟାଃ ଇଛାସାନାଙ୍ଗ୍ଲେକା ଆଇଙ୍ଗ୍ ଅକଏକେ ସାଲାଃଇଙ୍ଗ୍ ଇନିଃକେ ସାୟାଦ୍ ଏମାଃଇଙ୍ଗ୍, ଆତଃ ଅକଏକେ ସାନାଙ୍ଗ୍ଇଙ୍ଗ୍ ଇନିଃକେ ଦାୟା ରିକାଃଇଙ୍ଗ୍ ।”

୧୬ ଏନାମେନ୍ତେ ସବେନ୍ ବିଷାଏ ପାରମେଶ୍ୱରଆଃ ଲିନିବୁଇ ହରାତେ ପୁରାଅଃଆ । ମାନଝାରାଃ ସାନାଙ୍ଗ୍ ଚାଏ କାମି ଚେତାନରେ କାହାଗି ।

୧୭ ଧାରାମପୁଅରେ ଅଲକାନ ଲେକାତେ, ପାରମେଶ୍ୱର ମିସାର୍ ଦିଶୁମ୍ରେନ୍ ଫାରୋ ରାଜାକେ କାଜିକାଇ ତାଇକେନା, “ଆମାଃ ହରାତେ ଆଇଁୟାଃ ପେଡ଼େଃ ଉଦୁବେ ନାଗେନ୍ତେ ଆତଃ ଗଟା ଅତେଦିଶୁମ୍ରେ ଆଇଁୟାଃ ନୁଡ଼ୁମ୍ରେଃ ମାନାରାଙ୍ଗ୍ ଉଦୁବେ ନାଗେନ୍ତେ ଆଇଙ୍ଗ୍ ଆମକେ ରାଜା ବାଇୟାକାଦ୍ ମେଁଆଇଙ୍ଗ୍ ।”

୧୮ ଏନାମେନ୍ତେ, ପାରମେଶ୍ୱର ଆୟାଃ ଇଛାସାନାଙ୍ଗ୍ ଲେକାତେ ଇନିଃ ଅକଏକେ ଦାୟାକଥାଏ ଆତଃ ଅକଏକେ କେଚେଦ୍ ମନ୍ ହବାଅଃ ନାଗେନ୍ତେ ବାଗିତାକଥା ।

ପାରମେଶ୍ୱରଆଃ ଖୁସ୍ ଆତଃ ଲିନିବୁଇ

୧୯ ଆପେକଏତେ ଜେତାଏ ଆଇଙ୍ଗ୍କେ କାଜି ଦାଡ଼ିୟାଏ, “ତାବ୍ଦ୍ ପାରମେଶ୍ୱର ଚିନାଃ ମେନ୍ତେ ଜେତାଏକେ ଚିଟାଇୟା ? ଜେତାଏ ଚିନାଃ ପାରମେଶ୍ୱରଆଃ ବିରୁଧରେ ଜେଡ଼ନାଃ ରିକା ଦାଡ଼ିୟାଏ ?”

୨୦ ମେନ୍ଦ୍ ହେ ହାଗା ମିଶିକ, ପାରମେଶ୍ୱରଆଃ କାଜିରେ କାଜିକଟଙ୍ଗନିଃ ଆମ୍ ଅକଏ ତାନମେ ? “ଆଇଙ୍ଗ୍କେ ନେଲେକା ଚିନାଃମେନ୍ତେମ୍ ବାଇକିଦିୟା ?” ମେନ୍ତେ ହାସାରେୟାଃ ଚାଟୁ, କୁମ୍ପାରକେ କାଏ କୁଲି ଦାଡ଼ିୟା ।

୨୧ ହାସାକେ ଆପ୍ନାଃ ସାନାଙ୍ଗ୍ ଲେକା ସିପୁଦକେଦ୍ତେ ଚାଟୁ ବାଇ ନାଗେନ୍ତେ କୁମ୍ପାରରାଃ ପୁରା ଆକ୍ତେୟାର୍ ମେନାଃ । ଏନ୍ ମିଦ୍ ସାମାନ୍ ଡିଶୁହା ହାସାଏତେ ଇନିଃ ବାର୍ ରାକାମ୍ରେଃ ଚାଟୁ ବାଇ ଦାଡ଼ିୟାଏ, ମିଆଦ୍ ବିଶେଷ୍ ହୁଲାଙ୍ଗକରେ ଆତଃମିଆଦ୍ ସବେନ୍ ହୁଲାଙ୍ଗରେୟାଃ କାମିରେ ବାଉରାଅ ନାଗେନ୍ତେ ବାଇୟାକାନା ।

୨୨ ଆତଃ ପାରମେଶ୍ୱରହ୍ ଏନ୍ଲେକାଗି ରିକାକାଦା । ଇନିଃ ଆୟାଃ ଖୁସ୍କେ ଆତଃ ପେଡ଼େଃକେ ଉଦୁବ୍ ସାନାଙ୍ଗ୍ ତାଇକେନାଏ । ମେନ୍ଦ୍ ଅକନ୍କ ଆୟାଃ ଖୁସ୍ଅଃ ଲେକା ହବାକେଦ୍ତେ ଜିୟନଃ ଲାଗାଡିୟାଃ ତାଇକେନାକ, ଇନ୍କୁ ନାଗେନ୍ତେ ପାରମେଶ୍ୱର ପୁରାଃଗି ଧୁରାଜ୍ ସାବକେଦ୍ତେ ସାହାଡିଙ୍ଗ୍ କେଦା ।

୨୩ ଆତଃ ଇନିଃ ଆୟାଃ ପୁରାଃ ମାନାରାଙ୍ଗ୍ ଉଦୁବ୍ ନାଗେନ୍ତେ ଆବୁକେ ବିଶେଷ୍କେଦ୍ତେ ଆୟାଃ ସାୟାଦ୍ରେୟାଃ ଆଶିଷ୍ ନାମେ ନାଗେନ୍ତେ ସିଦାରେଗି ଆବୁକେ ବାଇୟାକାଦ୍ବୁଆ ।

୨୪ ଇନିଃ ଯିହୁଦୀକଏତେ ଏସକାର୍ କାହାଗି ମେନ୍ଦ୍ ଗ୍ରୀକ୍ ହଡ଼କଏତେ ହଗି ଆବୁକେ କେଡ଼ାକାଦ୍ବୁଆ ।

୨୫ ନେ ବିଷାଏରେ ପାରମେଶ୍ୱର ହୋଶେୟ ପୁଅରେ କାଜିକାଦା,

“ଅକନ୍କ ଆଇଁୟାଃ ହଡ଼ କାକ ତାଇକେନା,
ଇନ୍କୁକେ ଆଇଁୟାଃ ହଡ଼ ଲେକା କେଡ଼ାକଆଇଙ୍ଗ୍,
ଅକନ୍ ହଡ଼କକେ ଆଇଙ୍ଗ୍ କାଇଙ୍ଗ୍ ଦୁଲାଡ଼କାଦ୍କ ତାଇକେନା,
ଇନ୍କୁକେ ଆଇଁୟାଃ ଦୁଲାଡ଼କ ମେନ୍ତେଇଙ୍ଗ୍ କେଡ଼ାକଥା ।

୨୬ ଆତଃ ‘ଆପେ ଆଇଁୟାଃ ହଡ଼ ନାହାଁଲାପେ,’ ମେନ୍ତେ ଅକ ଠାୟାଦ୍ରେ ଇନ୍କୁକେ କାଜିକାନ୍ ତାଇକେନା, ଏନ୍ତାଃରେ ଇନ୍କୁ ଜାନିଦ୍ ପାରମେଶ୍ୱରଆଃ ହନ୍କ ମେନ୍ତେ କାଜିୟାଆକ ।”

୨୭ ଆତଃ ଇସ୍ରାଏଲ୍ ହଡ଼କଆଃ ବିଷାଏରେ ଯିଶାୟ ନାବୀ କାଜିକାଦା, “ଇସ୍ରାଏଲ୍ ହଡ଼କ ଦରେୟାରେନ୍ ଗିଡିଲ୍ ଲେକା ତାଇନଃରେୟା, ଇନ୍କୁଏତେ କାଟିଃଲେକା ହଡ଼କ ବାଞ୍ଚାଅକ ନାମେୟା ।

୨୮ ଚିନ୍ତାଧର ପ୍ରାଭୁ ଜାଲ୍ଦିଗି ଅତେଦିଶୁମ୍ରେ ପୁରା ନ୍ୟାୟ ବିଚାର୍ ରିକାଏୟାଏ ।”

୨୯ ଯିଶାୟ ନାବୀ ସିଦ୍ଧାନ୍ତରେ କାଳିକାଦା, “ସବେନାଃଏତେ ପେଡ଼େୟାନ୍ ପ୍ରାଭୁ ଆବୁଆଃ ଚିମିନ୍ କିଲିକକେ କାଏ ବାସ୍ତାଅ କାକରେଦ, ଆବୁଆଃ ଦାସା ସୋଦମ୍ ଆତଃ ଗମ୍ଭରାରେନ୍ ହଡ଼କ ଲେକା ହବାକାନ୍ତେୟାଃ ।”

ଇସ୍ରାଏଲ୍ ନାଗେନ୍ତେ ପାଉଲୁସ୍‌ଆଃ ବିକ୍ରି

୩୦ ଏନାମେନ୍ତେ ସାଅଁସାର୍ ହଡ଼କ ବିଷାଏରେ ନେଆଁ କାଜି ଦାଡ଼ିୟାରୁ, ଇନ୍‌କୁ ଧାର୍‌ମାନ୍ ହବାଅ ନାଗେନ୍ତେ କାକ ସାନାଙ୍ଗ୍ ତାଇକେନା, ମେନ୍‌ଦ ଆକଆଃ ବିଶ୍ୱାସ୍ ହରାତେ ଇନ୍‌କୁ ଧାର୍‌ମାନ୍ ମେନ୍ତେକ କାଜିୟଃତାନା ।

୩୧ ମେନ୍‌ଦ ଇସ୍ରାଏଲ୍ ହଡ଼କ ଯିହୁଦୀକଆଃ ଆନ୍‌ରୁ ହରାତେ ଧାର୍‌ମାନ୍ ହବାଅ ନାଙ୍ଗ୍ ସାନାଙ୍ଗ୍‌କେଦ୍‌ତେ ହାରାଅକାନାକ ।

୩୨ ନେଆଁରାଃ କାଜି ହବାଅତାନା, ଇନ୍‌କୁ ବିଶ୍ୱାସ୍ ଚେତାନ୍‌ରେ କା ଆସ୍ରାକେଦ୍‌ତେ ଆକଆଃ ଆପ୍‌ନାଃ କାମି ଚେତାନ୍‌ରେ ଆସ୍ରାଏ ତାଇକେନାକ, ଏନାମେନ୍ତେ ଇନ୍‌କୁ “ତହଦଃ ଦିରିରେ” ତହଦ୍‌ୟାନାକ ।

୩୩ ଧାରାମ୍‌ପୁଅଁରେ ଅଲ୍‌କାକାନ୍ ଲେକା,
“ନେଲେପେ, ଆଇଙ୍ଗ୍ ସିୟୋନ୍‌ରେ ମିଆଁଦ୍ ତହଦଃ ଲେକାନ୍ ଦିରି
ଆତଃ ମିଆଁଦ୍ ସେରେଙ୍ଗ୍ ବାଇୟାକାଦାଇଙ୍ଗ୍,
ଏନାରେ ଇନ୍‌କୁକେଇଙ୍ଗ୍ ଉୟୁଃଇଚିକଆ ।
ମେନ୍‌ଦ ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ ।”

୧୦

୧ ହେ ହାଗା ମିଶିକ, ଆଇଁୟାଃ ଆପ୍‌ନାଃ ହଡ଼କ ଜୀଉବାସ୍ତାଅ ନାମେକାକ, ମେନ୍ତେ ଆଇଁୟାଃ ମନ୍‌ସୁରୁଦ୍‌ରେ ସାନାଙ୍ଗ୍‌ତାନାଇଙ୍ଗ୍ ଆତଃ ଆଇଙ୍ଗ୍ ପାର୍‌ମେଶ୍ୱାର୍‌ତାଃରେ ସବେନ୍ ଇମ୍‌ତାଇଙ୍ଗ୍ ବିକ୍ରିତାନା ।

୨ ପାର୍‌ମେଶ୍ୱାର୍‌ଆଃ ବିଷାଏରେ ଇନ୍‌କୁଆଃ ପୁରାଃଗି ଚିହ୍ନଲ୍‌ଲାନ ମେନାଃ, ଏନା ଆଇଙ୍ଗ୍ ଇନ୍‌କୁଆଃ ସାଃଏତେ ଗାଞ୍ଜା ଏମ୍‌ତାନାଇଙ୍ଗ୍, ମେନ୍‌ଦ ଇନ୍‌କୁଆଃ ଚିହ୍ନଲ୍‌ତେୟାଃ ସାର୍‌ତି ସେଣ୍‌ନ୍ ଲେକାତେ ନାହାଁଲାଃ ।

୩ ପାର୍‌ମେଶ୍ୱାର୍ ହଡ଼କକେ ଚିଲ୍‌କା ଆୟାଃଲଃ ଧାର୍‌ମାନ୍ ବାଇକଆଏ, ଏନା ଇନ୍‌କୁ କାକ ସାରିକାଦ୍ ତାଇକେନା ଆତଃ ଇନ୍‌କୁ ଧାର୍‌ମାନ୍ ହବାଅ ନାଗେନ୍ତେ ଆକଆଃ ଆପ୍‌ନାଃ ଇଛାସାନାଙ୍ଗ୍ ଲେକା ରିକାକେଦାକ, ଏନାତେ ଇନ୍‌କୁ ଆପାନ୍‌କେ ପାର୍‌ମେଶ୍ୱାର୍‌ତାଃରେ କା ଜିମାକେଦ୍‌ତେ ପାର୍‌ମେଶ୍ୱାର୍‌ଆଃ ଏନ୍ ହରାକେ ବାଗିୟାକାଦାକ ।

୪ ଖ୍ରୀଷ୍ଟି ଆନ୍‌ରୁରେନ୍ ଚୁଣ୍ଟୁ ତାନିଃ, ଏନାତେ ସବେନ୍‌କ ଇନିଃତାଃରେ ଏସ୍‌କାର୍ ବିଶ୍ୱାସ୍‌ଲେରେ ପାର୍‌ମେଶ୍ୱାର୍‌ଆଃ ନେପେଲ୍‌ରେ ଧାର୍‌ମାନ୍ ମେନ୍ତେକ କାଜିୟଃଆ ।

ସବେନ୍‌କଆଃ ନାଗେନ୍ତେ ଜୀଉବାସ୍ତାଅ

୫ ଆନ୍‌ରୁ ମାନାତିଙ୍ଗ୍ ହରାତେ ପାର୍‌ମେଶ୍ୱାର୍‌ଲଃ ଧାର୍‌ମାନ୍ ହବାଅ ନାଗେନ୍ତେ ମୁଣା ଅଲ୍‌କାଦା, “ଅକନ୍‌କ ପାର୍‌ମେଶ୍ୱାର୍‌ଆଃ ଆନ୍‌ରୁକ ମାନାତିୟାଃ, ଇନ୍‌କୁ ବାସ୍ତାଅଆକ ।”

୬ ମେନ୍‌ଦ ବିଶ୍ୱାସ୍ ହରାତେ ଧାର୍‌ମାନ୍ ହବାଅ ବିଷାଏରେ ଧାରାମ୍‌ପୁଅଁରେ ଅଲ୍‌କାନା, “ଖ୍ରୀଷ୍ଟକେ ଆଡ଼ଗୁ ନାଗେନ୍ତେ ଅକଏ ସିମାତେ ରାକାବା ? ମେନ୍ତେ ଆପେ ଆପେୟାଃ ମନ୍‌ରେ ଆଲ୍‌ପେ କୁପୁଲିନାଃ ।”

୭ ଚାଏ, “ଖ୍ରୀଷ୍ଟକେ ଗନଏଃହେତେ ବିରିଦ୍ ଆଉ ନାଙ୍ଗ୍ ଅକଏ ହୁଆଙ୍ଗାଡାତେ ସେନା ?” ନେ କାଜିୟାଗି ଆପେ ଆଲ୍‌ପେ କୁପୁଲିନାଃ ।

୮ ଚିୟାଃତି ଧାରାମ୍‌ପୁଅଁ ଲେକାତେ, “ପାର୍‌ମେଶ୍ୱାର୍‌ଆଃ କାଜି ଆପେତାଃରେ, ଆପେୟାଃ ମଚାରେ ଆତଃ ମନ୍‌ସୁରୁଦ୍‌ରେ ମେନାଃ ।” ଏନ୍ ବିଶ୍ୱାସ୍‌ରେୟାଃ କାଜିଗି ଆଲେ ଉଦୁବେତାନାଲେ ।

୯ ଆପେ ଯୀଶୁକେ ଆପେୟାଃ ମଚାତେ ପ୍ରାଭୁ ମେନ୍ତେପେ ମାନାତିଙ୍ଗ୍‌ରେଦ ଆତଃ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟାଏ ମେନ୍ତେ ମନ୍‌ସୁରୁଦ୍‌ରେପେ ବିଶ୍ୱାସେ ରେଦ, ଆପେ ଜୀଉ ବାସ୍ତାଅପେ ନାମେୟାଁ ।

୧୦ ଚିଆଃତି ଆବୁ ମନ୍‌ସୁରୁଦ୍‌ରେ ବିଶ୍ୱାସ୍‌କେଦ୍ ହରାତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ମେନ୍ତେବୁ କାଜିନାଃ ଆତଃ ମଚାତେ ମାନାତିଙ୍ଗ୍‌କେଦ୍ ହରାତେ ଜୀଉବାସ୍ତାଅବୁ ନାମ୍‌ଦାଡ଼ିୟା ।

୧୧ ଧାରାମ୍‌ପୁଅଁ ଲେକାତେ, “ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ ।

୧୨ ଚିଆଃତି ଯିହୁଦୀ ହଡ଼ ଆତଃ ଗ୍ରୀକ୍ ହଡ଼କ ପାର୍‌ମେଶ୍ୱାର୍‌ଆଃ ଆୟାର୍‌ରେ ସବେନ୍‌କ ମିଦ୍‌ଗିୟାକ । ପାର୍‌ମେଶ୍ୱାର୍ ଏସ୍‌କାର୍ ସବେନ୍‌କଆଃ ପ୍ରାଭୁ ତାନିଃ, ଅକନ୍‌କ ଆଇଃକତାଃରେ ଦେଙ୍ଗା ବିକ୍ରି ରିକାଃକ ଇନ୍‌କୁକେ ଇନିଃ ପୁରାଃଗି ଆଗିଷ୍ଟକଆ ।”

୧୩ ଚିଆଃତି ଜେତାଏ ପ୍ରାଭୁଆଃ ନୁତୁମତେ ବିକ୍ରିୟାଏ, ଇନିଃ ଜୀଉବାସ୍ତାଅ ନାମେୟାଁଏ ।

୧୪ ମେନ୍‌ଦ ଇନିଃତାଃରେ କା ବିଶ୍ୱାସ୍‌କେଦ୍‌ତେ ଇନ୍‌କୁ ଚିଲ୍‌କାତେ ଇନିଃକେ ବିକ୍ରିୟାକ ? ଆତଃ ଆୟାଃ ବିଷାଏରେ ସୁକ୍ଳକାଜି କା ଆୟୁମକେଦ୍‌ତେ ଇନ୍‌କୁ ଚିଲ୍‌କାତେ ବିଶ୍ୱାସ୍ ଦାଡ଼ିୟାକ ? ଆତଃ ସୁକ୍ଳକାଜିକେ ବେଗାର୍ ଉଦୁବ୍‌କେଦ୍‌ତେ ଇନ୍‌କୁ ଚିଲ୍‌କାତେକ ଆୟୁମେୟା ?

୧୫ ଆତ୍ମା କାହିଁ ଉଦ୍ଧୃତ ନାଗେନ୍ତେ ମିଛୁଡ଼କେ କା କୁଲିରେ ଇନିଃ ଚିଲକାତେ ପାର୍ତ୍ତାରେୟା ? ନେ ବିଷାଏରେ ଧାରାମ୍ପୁଥିରେ ଅଲକାନା, “ସୁକୁକାଜି ଉଦ୍ଧୃତାନକଆଃ ହିନିଜୁଃ ଚିମିନ୍ ବୁଗିନ୍‌ଗିୟା ?”

୧୬ ମେନ୍‌ଦ ସବେନ୍‌କ ଏନ୍ ସୁକୁକାଜିକେ କାକ ମାନାତିକ୍‌କାଦା । ଏନାମେନ୍ତେ ଯିଶାୟ ନାବୀ ଅଲକାଦା, “ପ୍ରାଭୁ, ଆଲେୟାଃ ସୁକୁକାଜି ଆୟୁମ୍‌କେଦ୍‌ତେ ଅକଏ ବିଶ୍ୱାସକାଦା ?”

୧୭ ସୁକୁକାଜି ଆୟୁମ୍ ହରାତେ ବିଶ୍ୱାସ ହିଜୁଃଆ ଆତ୍ମା ଶ୍ରୀଷ୍ଟିଆଃ କାଜି ଉଦ୍ଧୃତେୟାଃଟି ଏନ୍ ସୁକୁକାଜି ତାନାଃ ।

୧୮ ମେନ୍‌ଦ ଆଇଙ୍ଗ୍ କୁଲି ତାନାଇଙ୍ଗ୍, ଇନ୍‌କୁ ଚିନାଃ ଏନ୍ କାଜିକେ କାକ ଆୟୁମାକାଦା ? ସାର୍‌ତିଗି ଆୟୁମାକାଦାକ, ଚିୟାଃଟି ଧାରାମ୍ପୁଥିରେ ଅଲକାନା, “ଇନ୍‌କୁଆଃ ଲାବ୍‌ଜା ଗଟା ଅତେଦିଶ୍ୱମ୍ ନିତିରକାନା, ଇନ୍‌କୁଆଃ ନିତିରଥଃ କାଜିକ ଅତେଦିଶ୍ୱମ୍‌ରେୟାଃ ଚୁଣ୍ଡ କ୍ଳାକେଦ୍ ଆୟୁମାକାନା ।”

୧୯ ଆତ୍ମାଃମିସା ଆଇଙ୍ଗ୍ କୁଲି ତାନାଇଙ୍ଗ୍, ଇସ୍ରାଏଲ୍ ହତ୍ତକ ଚିନାଃ ଏନାକେ କାକ ଆଟ୍‌କାର୍‌ଉରୁମ୍‌କେଦା ? ସାର୍‌ତିଗି ଆଟ୍‌କାର୍‌ଉରୁମ୍‌କେଦାକ, ସିଦାରେଗି ମୁଣାରାଃ ଦିପିଲିରେ ପାର୍‌ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆଲେୟାଃ ହତ୍ତକକେ ହିସ୍‌କ୍‌ଲଟିକ ନାଗେନ୍ତେ ମିଆଁଦ୍ ତଣ୍ଡ ହତ୍ତକେଇଙ୍ଗ୍ ବେଭାରିୟା, ଏନ୍‌ଲେକା ମିଆଁଦ୍ ତଣ୍ଡ ହତ୍ତ ହରାତେ ଇନ୍‌କୁକେଇଙ୍ଗ୍ ଖୁସ୍‌ଇଟିକଆ ।”

୨୦ ଯିଶାୟ ନାବୀ ଆତ୍ମାଃଟି ପେଡେଃତେ କାଜିକାଦା, “ଆଇଙ୍ଗ୍‌କେ କା ଦାଣ୍ଟାତାନ୍ ହତ୍ତକ, ଆଇଙ୍ଗ୍‌କେ ନାମ୍‌କେଦିୟାକ, ଅକନକ ଆଇଙ୍ଗ୍‌କେ କାକ କୁଲିଙ୍ଗ୍‌ତାଇକେନା, ଆଇଙ୍ଗ୍ ଇନ୍‌କୁତାଃରେଇଙ୍ଗ୍ ଉଦ୍ଧୃବେନ୍‌ୟାନା ।”

୨୧ ମେନ୍‌ଦ ପାର୍‌ମେଶ୍ୱାର୍ ଇସ୍ରାଏଲ୍ ହତ୍ତକଆଃ ବିଷାଏରେ କାଜିୟାଃଏ, “କାଜି କା ମାନାତିକ୍‌ତାନ୍ ହତ୍ତକ ନାଗେନ୍ତେ ସବେନ୍ ଇମ୍‌ତା ତିଃଇ ଜିଲିଙ୍ଗ୍‌କେଦ୍‌ତେ ଆଇଙ୍ଗ୍ ଦାରମ୍‌କତାନା ।”

୧୧

ଇସ୍ରାଏଲ୍ ହତ୍ତକଆଃ ଚେତାନ୍‌ରେ ପାର୍‌ମେଶ୍ୱାର୍‌ଆଃ ଲିନିବୁଇ

୧ *ଆଇଙ୍ଗ୍ ଆତ୍ମାଃଟିଇଙ୍ଗ୍ କୁଲି ଦାଡ଼ିୟା, ତାବ୍‌ଦ ଚିନାଃ ପାର୍‌ମେଶ୍ୱାର୍ ଆୟାଃ ଆପ୍‌ନାଃ ହତ୍ତକକେ ବାଗି କାଦକଆ ? କାହା ଏନ୍‌କାଦ କା ହବାଅଥା । ଆଇଙ୍ଗ୍‌ଗି ମିଆଁଦ୍ ଇସ୍ରାଏଲ୍‌ରେନ୍ ହତ୍ତ ତାନିଙ୍ଗ୍, ଆବ୍ରାହାମ୍‌ଆଃ ଆତ୍ମା ବେଞ୍ଜାମିନ୍‌ଆଃ କିଲିରେନ୍ ତାନିଙ୍ଗ୍ ।

୨ ପାର୍‌ମେଶ୍ୱାର୍ ମୁନୁହେତେ ସାଲକାଦ୍ ଆୟାଃ ହତ୍ତକକେ ଚିତ୍ତଲହ କାଏ ବାଗିକାଦକଆ । ଏଲିୟ ଚିଲକା ପାର୍‌ମେଶ୍ୱାର୍‌ତାଃରେ ଇସ୍ରାଏଲ୍ ହତ୍ତକଆଃ ବିରୁଧ୍‌ରେ ତିଙ୍ଗ୍‌କେଦ୍‌ତେ କାଜିକେଦା : ଏନା ଆପେ ଧାରାମ୍ପୁଥିରେ ଅଲକାନାନ୍‌ତେୟାଃ ସାରିକାଦାପେ,

୩ “ପ୍ରାଭୁ, ଏନ୍ ହତ୍ତକ ଆମାଃ ନାବୀକକେ ଗଜାକାଦକଆକ, ଆମାଃ ଦାଣ୍ଟା ରାକାବ୍ ବେଦିକକେ ଉର୍‌ଧାସୁଡ଼କାଦାକ, ଆତ୍ମା ଆଇଙ୍ଗ୍ ଏସ୍‌କାର୍ ମିଛୁଡ଼ି ବାଞ୍ଛାଅକାନାଇଙ୍ଗ୍, ଇନ୍‌କୁ ଆଇଁୟାଃ ଜୀଉ ଇଦି ନାଗେନ୍ତେକ ସାନାଙ୍ଗ୍‌ତାନା ।”

୪ ମେନ୍‌ଦ ପାର୍‌ମେଶ୍ୱାର୍ ଏଲିୟକେ ଚିନାଃ କାଜିରୁହାଡ଼କିୟାଏ ? “ଅକନ୍ ହତ୍ତକ, ହସଡ଼ ବାଲ୍ ମାହାପୁରୁକେ କାକ ସେଞ୍ଜା, ଏନ୍‌ଲେକାନ୍ ୭,୦୦୦ ହତ୍ତକକେ ଆଇଙ୍ଗ୍ ଆଇଁୟାଃ ନାଗେନ୍ତେଇଙ୍ଗ୍ ଦହକାଦକଆ ।”

୫ ଏନ୍ ଲେକାଗି ନାହାଁଃଦ ହବାକାନା, ପାର୍‌ମେଶ୍ୱାର୍ ଆୟାଃ ସାୟାଦ୍‌ତେ ଅକ ହତ୍ତକକେ ସାଲକାଦକ ତାଇକେନା, ଇନ୍‌କୁଏତେ ଚିମିନ୍ ହତ୍ତକ ସାରେଜାକାନା ।

୬ ପାର୍‌ମେଶ୍ୱାର୍ ଆୟାଃ ସାୟାଦ୍ ହରାତେ ଇନ୍‌କୁକେ ସାଲକାଦକଆ । ପାର୍‌ମେଶ୍ୱାର୍ ଇନ୍‌କୁଆଃ ବୁଗିନ୍ କାମି ନାଗେନ୍ତେ ସାଲକାଦକ ତାଇକେନ୍‌ରେଦ, ଇନିୟାଃ ସାୟାଦ୍ ସାର୍‌ତି ସାୟାଦ୍ କା ହବାଅଥେୟାଃ ।

୭ ତାବ୍‌ଦ ଚିନାଃ ହବାୟାନା ? ଇସ୍ରାଏଲ୍ ହତ୍ତକ ଅକନାଃ ଦାଣ୍ଟା ତାଇକେନାକ, ଏନା କାକ ନାମ୍‌କେଦା । ପାର୍‌ମେଶ୍ୱାର୍ ସାଲକାଦ୍ ତାଇକେନ୍ ମିଆଁଦ୍ ହୁଡ଼ିଙ୍ଗ୍ ଝୁଣ୍ଡ୍ ଏସ୍‌କାର୍ ଏନାକେ ଦାଣ୍ଟା ନାମ୍‌କେଦା । ଏଟାଃକ ଜେତାଏ ପାର୍‌ମେଶ୍ୱାର୍‌ଆଃ କେନେଡ଼ାରେ ମନ୍ କାକ ଏମ୍‌କେଦା ।

୮ ଧାରାମ୍ପୁଥିରେ ଅଲକାନ୍ ଲେକା, “ପାର୍‌ମେଶ୍ୱାର୍ ତିସିଙ୍ଗ୍ ଜାକେଦ୍ ଇନ୍‌କୁଆଃ ମନ୍ ଆତ୍ମା ମନ୍‌ସୁରୁଦ୍‌କେ କେଚେଦ୍ କାଦା, ଏନାତେ ଇନ୍‌କୁ କାକ ନେଲ୍ ଦାଡ଼ିତାନା ଚାଏ କାକ ଆୟୁମ୍ ଦାଡ଼ିତାନ୍ ।”

୯ ଇନ୍‌କୁଆଃ ବିଷାଏରେ ଦାଉଦ୍ ଆତ୍ମାଃଟି ଅଲକାଦା, “ଇନ୍‌କୁ ରିଜରାଙ୍ଗ୍ ରିକାଏ ଇମ୍‌ତା

ଫାସ୍‌ରେ ଉୟୁଗଃକାକ ଆତ୍ମା ସାଜାଇ ନାମେକାକ ।

୧୦ ଇନ୍‌କୁଆଃ ମେଦ୍ ଜାପିଦଃକା ଜେ'ଲେକାଟି ଇନ୍‌କୁ ଜେଡ଼ନାଃ ଆଲକାକ ନେଲ୍ ଦାଡ଼ିକା, ଆତ୍ମା ସବେନ୍ ଇମ୍‌ତା ଦୁକୁହାସୁ ନାମ୍‌କେଦ୍‌ତେ ଇନ୍‌କୁଆଃ ମାୟାଙ୍ଗ୍ ଲିକୁଜଃକା ।”

୧୧ ତାବ୍‌ଦ, ଆଇଙ୍ଗ୍ କୁଲି ସାନାଙ୍ଗ୍‌ତାନାଇଙ୍ଗ୍, ଯିହୁଦୀ ହତ୍ତକ ତହଦ୍‌ୟାନ୍ ହରାତେ ଚିନାଃ ଜିୟନ୍‌ୟାନାକ ? କାହାଗି, ଇନ୍‌କୁ ପାପ୍‌କେଦ୍ ହରାତେ, ଇନ୍‌କୁକେ ହିସ୍‌କ୍‌ଲଟିକ ନାଗେନ୍ତେ ସାଅଁସାର୍ ହତ୍ତକକେ ଜୀଉ ବାଞ୍ଛାଅରେୟାଃ ଆକ୍‌ତେୟାର୍ ନାମ୍‌ୟାନା ।

* ୧୧:୧ ଡିଲିପିୟ ୩:୫.

୧୨ ଯିହୁଦୀ ହତକଥାଃ ପାପ, ଅତେଦିଶୁମ୍ରେନ୍ ଏଟାଃ ସବେନ୍ କ ନାଗେନ୍ତେ ପୁରାଃଗି ଆଶିଷ୍ ଆଉଝାକାଦାଏ । ଯିହୁଦୀ ହତକଥାଃ ଆମ୍ବିକ୍ରେୟାଃ ନାରାଦୁରା ହରାତେ ସାଅଁସାର୍ ହତକ ପୁରାଃଗି ଆଶିଷ୍ କ ନାମାକାଦା । ଏନାତେ ସବେନ୍ ଯିହୁଦୀ ହତକ ବାଞ୍ଛାଅ ଦାଡ଼ିୟାଃରେଦ, ଏନ୍ ହରାତେ ଆତଃଟିମିନ୍ ଆଦକା ଆଶିଷ୍ କାକ ନାମେତେୟାଃ ।

ସାଅଁସାର୍ ହତକଥାଃ ଜୀଉବାଞ୍ଛାଅ

୧୩ ସାଅଁସାର୍ ହତକକେ ଆଇଙ୍ କାଜିକତାନାଇଙ୍, ଆପେ ନାଗେନ୍ତେ ଆଇଙ୍ କୁଲ୍ଲକାନ୍ ତେଲା ଲେକାଇଙ୍ କାମିତାନା, ଏନାମେନ୍ତେ ଆଇଙ୍ ଆପାନ୍କେ ମାରାଙ୍ ମେନ୍ତେଇଙ୍ କାଜିନ୍ତାନା ।

୧୪ ନେଆଁ ହରାତେ ଆଇଙ୍ ଆପ୍ନାଃ ହତକକେ ଖ୍ସଇଟି ରିକା ଦାଡ଼ିରେଦ, ହବାସାକାଅଥାଃ ଇନ୍କୁଏତେ ଚିମିନ୍ ହତକକେ ବାଞ୍ଛାଅ ଦାଡ଼ିୟାଇଙ୍ ।

୧୫ ଚିୟାଃଟି ଇନ୍କୁକେ ଗେନା ଆତମାକାନ୍ ହରାତେ ଅତେଦିଶୁମ୍ରେୟାଃ ମେନେସା ହବାୟାନା ଚାଏ ପାର୍ମେଶ୍ୱାର୍ଥାଃ ସବେନ୍ ବାଇରି ହତକଥାଃ ବାଦ୍ଲାଅ ହବାୟାନା ଆତଃ ଆୟାଃ ଗାତିକ ହବାକାନା । ଏନାତେ ପାର୍ମେଶ୍ୱାର୍ ସବେନ୍ ଯିହୁଦୀ ହତକକେ ଆତଃଟିସା ତେଲାଦାରମ୍କରେଦ, ଏନାରେୟାଃ ନାଲା ଚିନାଃ ହବାଅଥା ? ଏନାଦ ଏଟାଃ ହତକ ନାଗେନ୍ତେ ଗନଏଃହେତେ ଜୀଦାନ୍ ନାମେ ଲେକା ହବାଅଥା ତାନାଃ ।

୧୬ ହଲଙ୍ଗ୍ହେତେ ମିଦକେଟାଃ ପାର୍ମେଶ୍ୱାର୍ ନାଙ୍ ପାବିତାର୍କାନରେଦ, ପୁରା ହଲଙ୍ଗ୍ ପାବିତାର୍କାନା ମେନ୍ତେ ଆଟ୍କାର୍ଉରୁମ୍ ଲାଗାଡ଼ିଙ୍ଗ୍ୟାଃ । ମିଆଁଦ୍ ଦାରୁରେୟାଃ ରେହେଦ୍ ପାବିତାର୍କାନରେଦ, ଏନାରେୟାଃ କତକ ହଗି ପାବିତାର୍କାନା ମେନ୍ତେ ଆଟ୍କାର୍ଉରୁମ୍ ଲାଗାଡ଼ିଙ୍ଗ୍ୟାଃ ।

୧୭ ବାଖ୍ଡିରେ ଯାତାନ୍ ଇଦିତାନ୍ ମିଆଁଦ୍ ଜାଇତୁନ୍ ଦାରୁରାଃ ଚିମିନ୍ କତକକେ ମାଆଃକେଦ୍ତେ ଏନ୍ତାଃରେ ବିର୍ରେୟାଃ ଜାଲ୍ପାଇ ଦାରୁରାଃ କତକକେ କାଲ୍ମିକାନା । ନାହାଁଃ, ଏନା ଜାଲ୍ପାଇ ଦାରୁରାଃ ବୁଟାରେୟାଃ ହିସା ହବାକାନା । ଏନ୍ଲେକାଗି, ସାଅଁସାର୍ ହତକ ଏନ୍ ବିର୍ ଜାଲ୍ପାଇ ଦାରୁ ଲେକାନ୍ କ ତାନ୍କ । ଆପେ ସବେନ୍ କ ନାହାଁଃ ଯିହୁଦୀ ହତକଥାଃ କେଟେଦ୍ ଆମ୍ବିକ୍ ଜୀଦାନ୍ରେୟାଃ ହିସାପେ ହବାକାନା ।

୧୮ ଏନାମେନ୍ତେ, ଆପେ ମାଆଃକାନ୍ କତକକେ ଆଲ୍ପେ ଗେନା ଆତମେୟାଁ । ଆପେ ଚିନାଃ ମେନ୍ତେ ଆପାନ୍କେ ମାରାଙ୍ ମେନ୍ତେପେ କାଜିନ୍ତାନା ? ଆପେଦ କତକ ଏସ୍କାର୍ ତାନ୍ପେ, ଦାରୁରେୟାଃ ରେହେଦ୍କେ ଆପେ କାପେ ଦେଙ୍ଗା ତାନା, ମେନ୍ଦ୍ ରେହେଦ୍ ଆପେକେ ହାରାଇଦିୟାଃରେ ଦେଙ୍ଗାପେ ତାନା ।

୧୯ ଏନାମେନ୍ତେ ଆପେ କାଜିୟାପେ, “ହେଗି, ମେନ୍ଦ୍ ଆଇଙ୍କେ ଠାୟାଦ୍ ଏମ୍ ନାଗେନ୍ତେଗି ଏନ୍ କତକକେ ମାଆଃ ଆତମ୍କାନ୍ ତାଇକେନା ।”

୨୦ ଏନା ସାର୍ଡିଗି ତାନାଃ, ଇନ୍କୁ କା ବିଶ୍ୱାସକେଦ୍ ହରାତେ ଆତମ୍ୟାନାକ । ଆପେ ବିଶ୍ୱାସ୍ ହରାତେ ଏସ୍କାର୍ ଏନ୍ ଠାୟାଦ୍ ଆକ୍ତେୟାର୍ କାଦାପେ । ମେନ୍ଦ୍ ଆପାନ୍କେ ମାରାଙ୍ ମେନ୍ତେ କା କାଜିକେଦ୍ତେ ବରୟେପେ ।

୨୧ ପାର୍ମେଶ୍ୱାର୍ କା ବିଶ୍ୱାସ୍ତାନ୍ ଯିହୁଦୀ ହତକକେୟ କାଏ ବାଚାଅକେଦ୍କଥା, ଅକନ୍କଟି ଦାରୁରେନ୍ କତକ ଲେକା ତାନ୍କୁ, ତାଦ୍ ଆପେ କା ବିଶ୍ୱାସ୍ତାନ୍କକେ ଚିନାଃ ଇନିଃ ବାଚାଅପେୟାଏ ?

୨୨ ପାର୍ମେଶ୍ୱାର୍ଥାଃ ଚିଲ୍କା ଦାୟାନିଃ ଆତଃ କେଟେଦ୍ନିଃ ତାନିଃ ଏନାରୁ ନେଲେୟା । ଅକନ୍କ ଉୟୁଗାକାନା ଇନ୍କୁ ନାଗେନ୍ତେ ଇନିଃ କେଟେଦ୍ନିଃ ତାନିଃ, ମେନ୍ଦ୍ ଅକନ୍କ ଇନିୟାଃ ଦାୟାରେ ଆସ୍ତାଏତାନ୍ ମେନାକଥା ଇନ୍କୁ ନାଗେନ୍ତେ ଇନିୟାଃ ସାୟାଦ୍ ପୁରାଃଗି ମେନାଃ ଆତଃ ଇନିୟାଃ ଦାୟାକେ ବାଗିରେଦ ଆପେ ହଗି ଇନିଃତାଃଏତେ ବିନ୍ଗାଅକାନାପେ ।

୨୩ ମେନ୍ଦ୍ ଯିହୁଦୀ ହତକ ଆକଥାଃ କା ବିଶ୍ୱାସ୍ତାନ୍ତେୟାଃକେ ସାଜିନେ ରେଦକ, ଇନ୍କୁ ଆକଥାଃ ଆପ୍ନାଃ ଠାୟାଦ୍ରେ ଆତଃଟିସାକ ଡିଙ୍ଗୁନାଃ । ନେଆଁ ରିକାନାଗେନ୍ତେ ପାର୍ମେଶ୍ୱାର୍ ପେଡେୟାନ୍ନିଃ ତାନିଃ ।

୨୪ ସାଅଁସାର୍ ହତକ ବିର୍ରେୟାଃ ଜାଇତୁନ୍ ଦାରୁରେନ୍ କତକ ଲେକାଃକ । ଏନାକେ ମାଆଃ କେଦ୍ତେ ବାଖ୍ଡିରେ ରୟାକାନ୍ ଜାଲ୍ପାଇ ଦାରୁଲଃ ଜଡେନ୍କେଦ୍ତେ କାଲ୍ମିକାନା । ଯିହୁଦୀ ହତକ ବାଖ୍ଡିରେ ରୟାକାନ୍ ଜାଲ୍ପାଇ ଦାରୁ ଲେକାଃକ । ନେ ଦାରୁରେୟାଃ ମାଆଃକାନ୍ କତକକେ ଆତଃଟିସା ଦାରୁଲଃ ଜଡେନ୍କେଦ୍ତେ କାଲ୍ମି ନାଙ୍ ପାର୍ମେଶ୍ୱାର୍କେ ପୁରାଃ ସାହାଜ୍ଗିଆ ।

ସବେନ୍ କ ନାଗେନ୍ତେ ପାର୍ମେଶ୍ୱାର୍ଥାଃ ଲିନିବୁଇ

୨୫ ହେ ହାଗା ମିଶିକ, ଆଇଙ୍ ମିଆଁଦ୍ ଉକ୍ଥାକାନ୍ ସାର୍ଡି କାଜିକେ ଆପେତାଃରେଇଙ୍ ଉଦ୍ବତାନା । ଏନା ଆୟୁମ୍କେଦ୍ତେ ଆପେ ଆପାନ୍କେ ଆତଃ ସେଣାଁନ୍ ମେନ୍ତେ କାପେ ଆଟ୍କାରେୟା, ଇସ୍ତାଏଲ୍ ହତକଥାଃ କା ମାନାଡ଼ିଙ୍ଗ୍ତେୟାଃ ଟୁଶ୍ଟୁ ଜାକେଦ୍ କା ତାଇନାଃ । ସାଅଁସାର୍ ହତକ ସବେନ୍ କ ପାର୍ମେଶ୍ୱାର୍ତାଃତେ ହିଜୁଃ ଜାକେଦ୍ ଯିହୁଦୀ ହତକ ଏନ୍ଲେକାଗିକ ତାଇନା ।

୨୬ ଆତଃ ନେଲେକାତେ ଗଟା ଇସ୍ତାଏଲ୍ରେନ୍ ହତକ ଜୀଉବାଞ୍ଛାଅକ ନାମେୟା, ଚିୟାଃଟି ଧାରାମ୍ପୁଥ୍ରେ ନେଲେକା ଅଲ୍ଲକାନା,

“ସିୟୋନ୍ଏତେ ଜୀଉବାଞ୍ଛାଅ ଏମ୍ନିଃ ହିଜୁଃଆଏ,

ଆତ୍ମ ଇନିଃ ଯାକୁଆଃ କିଲିକତାଃଏତେ ସବେନ୍ ଏଡକାନ୍ତେୟାଃକଏ ସାଜିନେଆ ।

୨୭ ଆଇଙ୍ଗ ଇନ୍କୁଆଃ ପାପ୍ କ ସାଜିନେ

ଇମ୍ତା ଇନ୍କୁଲଃ ନେ ରାଜିନାମାଃ ବାଇୟା ।”

୨୮ ଆପେୟାଃ ବୁଗିନାଃ ନାଗେନ୍ତେ ଯିହୁଦୀ ହଡକ ସୁକୁକାଜିକେ ବାଗିକେଦ୍ତେ ପାର୍ମେଶ୍ଵାର୍ଆଃ ବାଇରିକ ହବାକାନା । ମେନ୍ଦ ପାର୍ମେଶ୍ଵାର୍ଆଃ ହରାତେ ସାଲାୟାନ୍ଲଃ ଇନ୍କୁଆଃ ପୁରଖା ହାଡ଼ାମ୍ କଆଃ ହରାତେ ଇନ୍କୁ ପାର୍ମେଶ୍ଵାର୍ଆଃ ଦୁଲାଡ଼ ଗାତିକ ହବାକାନା ।

୨୯ ତିଆଃଟି ପାର୍ମେଶ୍ଵାର୍ ଅକନ୍କକେ ସାଲାକାଦକଆ ଆତ୍ମ ଆଗିଷ୍ଟକାଦକଆ, ଇନ୍କୁକେ ଆୟାଃ ଦାନ୍ ଏମ୍ ନାଗେନ୍ତେ ମନ୍ରେ ଉହାଟ୍ କାଦ୍ତେୟାଃ ଚିଉଲାହ କା ବାଦ୍ଲାଅଃଆ ।

୩୦ ସାଅଁସାର୍ ହଡକ ସିଦା ପାର୍ମେଶ୍ଵାର୍ଆଃ କା ମାନାତିଙ୍ଗ୍ ହଡକ ତାଇକେନା, ମେନ୍ଦ ନାହାଁଃ ଯିହୁଦୀ ହଡକଆଃ କା ମାନାତିଙ୍ଗ୍ ହରାତେ ସାଅଁସାର୍ ହଡକ ପାର୍ମେଶ୍ଵାର୍ଆଃ ଦାୟାକ ନାମାକାଦା ।

୩୧ ଚିୟାଃଟି ସାଅଁସାର୍ ହଡକହଗି ଦାୟାକ ନାମାକାଦା, ଯିହୁଦୀ ହଡକ ପାର୍ମେଶ୍ଵାର୍ତାଃଏତେ ସାଜିନ୍କାନ୍ରେୟ, ମୁସିଙ୍ଗ୍ ହୁଲାଙ୍ଗ୍ ଇନ୍କୁ ରୁହାଡ଼କେଦ୍ତେ ଦାୟାକ ନାମେୟା ।

୩୨ ପାର୍ମେଶ୍ଵାର୍ ସବେନ୍କକେ କାଜି କା ମାନାତିଙ୍ଗ୍ ନାଗେନ୍ତେ ବାଗିୟାକାଦକଆ, ଜେ'ଲେକାଟି ଇନିଃ ସବେନ୍କକେ ଦାୟାକଆ ।

ପାର୍ମେଶ୍ଵାର୍ଆଃ ମାନାରାଙ୍ଗ୍

୩୩ ପାର୍ମେଶ୍ଵାର୍ ଚିମିନ୍ ପୁରାଃଗି ମାରାଙ୍ଗ୍ ତାନିଃ, ଇନିୟାଃ ବୁଜି ଆତ୍ମ ସେଣ୍ଟାରେୟାଃ ଟୁଣ୍ଟୁ ହାନଃଆ । ଅକଏ ଇନିୟାଃ ବିଚାରକେ ଆଟ୍ କାର୍ତ୍ତରୁମ୍ ଦାଡ଼ିୟା ? ଅକଏ ଇନିୟାଃ ହରାକେ ଆଟ୍ କାର୍ତ୍ତରୁମ୍ ଦାଡ଼ିୟା ?

୩୪ ଧାରାମ୍ପୁଅରେ ଅଲକାନା,

“ଅକଏ ପାର୍ମେଶ୍ଵାର୍ଆଃ ମନ୍କେ ସାରିଦାଡ଼ିୟା ?

ଅକଏ ଇନିଃକେ ଇଡୁ ଏମ୍ଦାଡ଼ିୟା ?”

୩୫ ଅକଏ ଚିନାଃ ପାର୍ମେଶ୍ଵାର୍କେ ଜେଡ଼ନାଃ ଏମ୍ ଦାଡ଼ିକିୟାଏ ଯେ,

ପାର୍ମେଶ୍ଵାର୍କେ ଏନାରେୟାଃ ବାଦ୍ଲାରେ ଏମ୍ ଲାଗାତିଙ୍ଗ୍ ହବାଅଃତାନା ?

୩୬ ☆ସବେନ୍ ବିଷାଏ ପାର୍ମେଶ୍ଵାର୍ତେ ବାଇୟାକାନା, ସବେନାଃ ଇନିୟାଃ ହରାତେ ଆତ୍ମ ଇନିଃ ମାନାରାଙ୍ଗ୍ ନାଗେନ୍ତେ ହବାକାନା । ଜାନାଅ ଜାନାଅ ପାର୍ମେଶ୍ଵାର୍ଆଃ ମାନାରାଙ୍ଗ୍ ହବାଅଃକା । ଆମେନ୍ ।



ପାର୍ମେଶ୍ଵାର୍କେ ସେଞ୍ଜାରେୟାଃ ଜୀଦାନ୍

୧ ଏନାମେନ୍ତେ, ହେ ହାଗା ମିଗିକ, ଆବୁ ନାଗେନ୍ତେ ପାର୍ମେଶ୍ଵାର୍ଆଃ ପୁରାଃ ଲିନିବୁଇ ହବାକାନ୍ ହରାତେ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ପାର୍ମେଶ୍ଵାର୍ତାଃରେ ଆପେ ଆପ୍ନାଃ ହଡ଼ମ୍କେ ପାବିତାର୍ ଜାନିଦ୍ ଦାଣ୍ଟେ ଲେକା ରାକାବେପେ । ଇନିୟାଃ ସେଞ୍ଜାରେ ଆପାନ୍କେ ଜିମାକେଦ୍ତେ ଇନିୟାଃ ସୁକୁଇତିୟଃ ଲେକା ହବାଅଃପେ । ଏନାଗି ପାର୍ମେଶ୍ଵାର୍ଆଃ ସାର୍ତି ସେଞ୍ଜା ତାନା ।

୨ ନେ ଅତେଦିଶ୍ଵମ୍ରେ ଆପେ ନେ ପାରିୟାରେନ୍ ହଡକ ଲେକା ଆଲ୍ପେ ହବାଅଃଆ । ପାର୍ମେଶ୍ଵାର୍ ଆପେୟାଃ ମନ୍କେ ବାଦ୍ଲାଅକେଦ୍ତେ ପୁରାଗି ଆପେୟାଃ ମନ୍ଦିତାର୍ରେୟାଃ ଉଡ଼ୁକ ନାଞ୍ଜାଲେକା ହବାଅଃକା । ଏନାରେ, ପାର୍ମେଶ୍ଵାର୍ଆଃ ଇଛାସାନାଙ୍ଗ୍ ଚିନାଃ ତାନାଃ, ଆୟାଃ ଆୟାଃରେ ଅକ କାଜିକ ବୁଗିନାଃ ତାନାଃ, ଆଇଃକ୍କେ ସୁକୁଆନ୍ ଆତ୍ମ ପକ୍ତାଃଅତେୟାଃ ତାନାଃ, ଏନା ଆପେ ଆଟ୍ କାର୍ତ୍ତରୁମ୍ ଦାଡ଼ିୟାଃପେ ।

୩ ପାର୍ମେଶ୍ଵାର୍ ଆଇଙ୍ଗ୍କେ ବିଶେଷ୍ଟ ସାୟାଦ୍ ଏମାକାଦିଙ୍ଗ୍ ହରାତେ ଆପେ ସବେନ୍କକେଇଙ୍ଗ୍ କାଜିପେତାନା, ଆପେ ଆପାନାଃ ବିଷାଏରେ ଜେ'ଲେକା ଉଡ଼ୁ ଲାଗାତିଙ୍ଗ୍ୟାଃ ଏନାଏତେ ପୁରାଃ ଆଦ୍ କା ମାରାଙ୍ଗ୍ ଲେକା ଆଲ୍ପେ ଆଟ୍ କାର୍ତ୍ତରେନ୍କା, ମେନ୍ଦ ପାର୍ମେଶ୍ଵାର୍ ଆପେକେ ଏମାକାଦ୍ପେ ବିଶ୍ଵାସ ଲେକାଗି ଆପ୍ନାଃ ବିଚାର୍ ରିକାଏପେ ।

୪ ☆ଆବୁଆଃ ହଡ଼ମ୍ରେ ପୁରାଃଗି ହିସାକ ମେନାଃ ଆତ୍ମ ସବେନାଃରେୟାଃ କାମିକ ମିଦ୍ରକାମ୍ଗି ବାନଃଆ ।

୫ ଏନ୍ଲେକାଗି ଆବୁ ପୁରାଃଗି ମେନାବୁଆ, ମେନ୍ଦ ସବେନ୍କ ଖ୍ରୀଷ୍ଟଲଃ ମେସାକାନ୍ ହରାତେ, ଆବୁ ମିଆଁଦ୍ ହଡ଼ମ୍ ତାନ୍ବୁ ଆତ୍ମ ହଡ଼ମ୍ରେ ସବେନ୍ ହିସା ମେନାଃ ଲେକାଗି ମିହୁଡ୍ ଆତ୍ମମିହୁଡ୍ଲଃ ଜଡେନ୍କାନାବୁ ।

୬ ☆ଏନାମେନ୍ତେ ଆବୁ ନାଙ୍ଗ୍ ପାର୍ମେଶ୍ଵାର୍ଆଃ ସାୟାଦ୍ ଲେକାତେ ଆୟାଃତାଃଏତେ ନାମାକାଦ୍ ଏଟାଃ ଏଟାଃ ଦାନ୍କକେ ଆବୁକେ ବୁଗିଲେକା ବେଭାର୍ ଲାଗାତିଙ୍ଗ୍ୟାଃ । ଆବୁ ପାର୍ମେଶ୍ଵାର୍ଆଃ ବାଚାନ୍କେ ଉଦ୍ବୁ ନାଗେନ୍ତେ ବାଦ୍ଦାନ୍ବୁ ନାମାକାଦ୍ରେଦ, ଆବୁଆଃ ପକ୍ତା ବିଶ୍ଵାସ ହରାତେ ଏନ୍ କାମିକେ ରିକା ଲାଗାତିଙ୍ଗ୍ୟାଃ ।

☆ ୧୧:୩୬ ୧ କରିନ୍ଥ୍ରିୟ ୮:୬. ☆ ୧୨:୪ ୧ କରିନ୍ଥ୍ରିୟ ୧୨:୧୨. ☆ ୧୨:୬ ୧ କରିନ୍ଥ୍ରିୟ ୧୨:୪-୧୧.

୭ ସେଞ୍ଜା ନାଗେନ୍ତେ ଏନ୍ ବାର୍ଦ୍ଦାନୁରୁ ନାମାକାଦ୍ରେଦ, ଆବୁକେ ସେଞ୍ଜା ଲାଗାତିଙ୍ଗ୍‌ୟାଃ; ଇନିତୁ ଏମ୍ ନାଗେନ୍ତେ ବାର୍ଦ୍ଦାନୁରୁ ନାମାକାଦ୍ରେଦ, ଇନିତୁ ଏମ୍ ଲାଗାତିଙ୍ଗ୍‌ୟାଃ;

୮ ଜେତାଏ ଏଟାଃକକେ ଜୀଉରାଡେଃ ଏମ୍ରେୟାଃ ବାର୍ଦ୍ଦାନୁ ନାମାକାଦ୍ରେଦ, ଏନା ଇନିଃକେ ରିକା ଲାଗାତିଙ୍ଗ୍‌ୟାଃ; ଦାନ୍ ଏମ୍ ନାଗେନ୍ତେ ବାର୍ଦ୍ଦାନୁ ନାମାକାଦ୍ ହଡ଼ ଲେବେଃ ମନ୍ତେ ଦାନ୍ ଏମେକାଏ । ଏଟାଃନିୟାଃ କାମିରେ ଯାତାନ୍ ଇଦିରେୟାଃ ଆକ୍ତେୟାର୍ ନାମାକାଦ୍ରେଦ, ଆଇଃକକେଟି କେଟେଦ୍ କାମି ରିକା ଲାଗାତିଙ୍ଗ୍‌ୟାଃ; ଦାୟା ରିକାତାନ୍ ହଡ଼ ରାସ୍‌କାତେ ଦାୟା ରିକାଏକାଏ ।

୯ ଦୁଲାଡ଼୍ ସାର୍ତି ହବାଅଃ ଲାଗାତିଙ୍ଗ୍‌ୟାଃ । ଏଡ଼କାନାଃତେୟାଃକେ ହିଲାଙ୍ଗ୍‌ୟେ, ବୁଗିନ୍ତେୟାଃକେ ସାବେପେ ।

୧୦ ଶ୍ରୀଷ୍ଟ ବିଶ୍ୱାସୀ ହାଗା ମିଶିକ ଲେକା ମିହୁଡ଼୍ ଆଡ଼ଃମିହୁଡ଼୍‌କେ ଦୁଲାଡ଼ିପେ ଆଡ଼ଃ ମିହୁଡ଼୍ ଆଡ଼ଃମିହୁଡ଼୍‌କେ ମାଇନିପେ ।

୧୧ କେଟେଦ୍ କାମି କାମିପେ ଆଲ୍‌ପେ ଢିଲାଅଃଆ ଆଡ଼ଃ ମନ୍‌ସୁରୁଦ୍ରେ ପୁରାଃ ଭାଲିତେ ପ୍ରାଭୁକେ ସେଞ୍ଜାଇପେ ।

୧୨ ପୁରାଃ ଆସ୍ରାଏତାନ୍‌ଲଃ ରାସ୍‌କାରେ ତାଇନ୍‌ପେ । ଦୁକୁହାସୁ ଇମ୍‌ତା ଧିରାନ୍ ସାବ୍‌କେଦ୍‌ତେ ତାଇନ୍‌ପେ ଆଡ଼ଃ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ ।

୧୩ ପାର୍‌ମେଶ୍ୱାର୍‌ଆଃ ହଡ଼କ ଜାଞ୍ଜିଅଃତାନ୍ ଇମ୍‌ତା ହାନାଟିଙ୍ଗ୍ ରିକାଏପେ ଆଡ଼ଃ ଆପେ ଅଡ଼ଃତେ ହିଜୁଃତାନ୍ କା ନେଲ୍‌ଉରୁମ୍ ହଡ଼କକେ ପେଡ଼ାକନାଙ୍ଗ୍ ସେକାଡ଼ାକାନ୍‌ପେ ।

୧୪ ✠ଆପେକେ ଅକନ୍ ହଡ଼କ ସିଗିଦ୍‌ପେୟାକ, ଇନ୍‌କୁଆଃ ଆଶିଷ୍ ନାମଃ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ତିପେ । ଇନ୍‌କୁକେ ଆଶିଷ୍‌କପେ, ଆଲ୍‌ପେ ସାର୍‌ପାଅକଆ ।

୧୫ ରାସ୍‌କାରେ ତାଇନ୍‌ତାନ୍ ହଡ଼କଲଃ ରାସ୍‌କାଅଃପେ, ଆଡ଼ଃ ରାଆଃଏତାନ୍ ହଡ଼କଲଃ ରାଆଃଏପେ ।

୧୬ ଆପେ ସବେନ୍‌କଲଃ ମିଦ୍ ମନ୍‌ତେଟି ତାଇନ୍‌ପେ, ଆପେ ଆପାନ୍‌କେ ମାରାଙ୍ଗ୍ ମେନ୍ତେ ଆଲ୍‌ପେ କାଜିନ୍, ଆମ୍‌କ୍‌ରେ ଆଡ଼ଃ ସାଂସାର୍‌ରେୟାଃ ସବେନ୍ ଲେକାନ୍ ନାରାଦୁରାରେ ତାଇନ୍‌ତାନ୍ ହଡ଼କଲଃ ଗାତିରେ ତାଇନ୍‌ପେ । ଆପାନ୍‌କେ ସେଣ୍‌ନିନ୍ ମେନ୍ତେ ଆଲ୍‌ପେ କାଜିନ୍ ।

୧୭ ଏଡ଼କାନ୍ ବାଦ୍‌ଲାରେ ଏଡ଼କାନ୍ କାମି ଆଲ୍‌ପେ ରିକାଏୟା; ସବେନ୍ ହଡ଼କଆଃ ଆୟାର୍‌ରେ ଅକ୍‌ନାଃ ବୁଗିନାଃ ତାନାଃ ଏନାଟି ରିକାଏପେ ।

୧୮ ଆପେ ସବେନ୍ ହଡ଼କଲଃ ସୁକୁରେ ତାଇନଃ ନାଗେନ୍ତେ ହବାସାକାଅଃ ଲେକା ସବେନାଃ ରିକାଏପେ ।

୧୯ ହେ ଦୁଲାଡ଼୍‌କ, ଆପେ ଆପେଟି ଜେତାଏୟାଃ ବାଦ୍‌ଲା ଆଲ୍‌ପେ ଇଦିୟା, ମେନ୍‌ଦ ପାର୍‌ମେଶ୍ୱାର୍‌ଆଃ ଖୁସ୍‌ରେ ସାଜାଇ ହବାଅଃ ନାଗେନ୍ତେ ଇନିଃକେ ବାଟି ତାଇପେ । ତିୟାଃଟି ଧାରାମ୍‌ପୁଅରେ ଅଲ୍‌କାନା, “ପ୍ରାଭୁ କାଜିତାନାଏ, ସାଜାଇ ଏମ୍‌ତେୟାଃ ଆଇଁୟାଃ କାମିତାନାଃ, ଆଇଙ୍ଗ୍ ଆୟାଃ କାମି ଲେକାଟି ନାଲାଇଙ୍ଗ୍ ଏମାଲୟା ।”

୨୦ ଆଡ଼ଃଟି “ଆପେୟାଃ ବାଇରି ରେଜେଃତାନ୍‌ରେଦ ଜଜମାଃ ଏମାଲପେ, ଇନିଃ ତେତାଙ୍ଗ୍‌ତାନ୍‌ରେଦ ନୁଁଏ ନାଙ୍ଗ୍ ଦାଆଃ ଏମାଲପେ; ନେ'ଲେକା ରିକାଇ ରେଦ ଇନିଃ ଗିହୁଗଃଆଏ ।”

୨୧ ଏଡ଼କାନ୍ ହରାତେ ଆଲ୍‌ପେ ହାରାଅଃଆ, ସବେନ୍ ଏଡ଼କାନ୍ କାଜିକେ ବୁଗିନ୍ କାମିତେ ଜିତାଅଏପେ ।

୧୩

ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍‌ପେ

୧ ସବେନ୍‌କକେ ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ତିୟାଃଟି ପାର୍‌ମେଶ୍ୱାର୍‌ଆଃ ବେଗାର୍ ଆବୁତେ ଜେତାଏ ରାଇଜେ ନାଗେନ୍ତେ ଆକ୍ତେୟାର୍ କାଏ ନାମେୟା, ଆଡ଼ଃ ଆକ୍ତେୟାର୍ ନାମାକାଦ୍ ହଡ଼କ ପାର୍‌ମେଶ୍ୱାର୍‌ଆଃ ହରାତେ ନାମାକାଦାକ ।

୨ ଏନାମେନ୍ତେ ଜେତାଏ ଆକ୍ତେୟାର୍ ନାମାକାଦ୍ ହଡ଼କେ କାଏ ମାଇନାଃ, ଇନିଃ ପାର୍‌ମେଶ୍ୱାର୍‌ତେ ଠାହାରାଅକାଦ୍ ଆନ୍‌ରୁକେ କାଏ ମାନାତିଙ୍ଗ୍ ତାନା । ନେ'ଲେକା ରିକାଏତାନ୍ ହଡ଼ ଆଇଃକକେଟି ସାଜାଇ ଆଡ଼ଞ୍ଜେୟାଏ ।

୩ ଅକ ହଡ଼କ ବୁଗିନ୍ କାମି ରିକାଃକ, ଇନ୍‌କୁ ଆକ୍ତେୟାର୍ ନାମାକାଦ୍‌କକେ ଆଡ଼ଃ ଆକଆଃ ହାକିମ୍‌କକେ ବର କା ଲାଗାତିଙ୍ଗ୍‌ୟାଃ, ମେନ୍‌ଦ ଏଡ଼କାନ୍ କାମିତାନ୍ ହଡ଼କକେ ବର ଲାଗାତିଙ୍ଗ୍‌ୟାଃ । ବେଗାର୍ ବରତେ ତାଇନ୍ ସାନାଙ୍ଗ୍‌ତାନ୍ ରେଦପେ ହାକିମ୍‌କଆଃ ଆୟାର୍‌ରେ ବୁଗିନ୍ କାମିକ ରିକାଏପେ । ଏନ୍‌ରେଦ ଇନ୍‌କୁ ଆପେକେ ମାଇନ୍‌ପେୟାକ ।

୪ ତିୟାଃଟି ଇନ୍‌କୁ ଆପେୟାଃ ବୁଗିନ୍ କାମି ରିକାଏ ନାଗେନ୍ତେ ପାର୍‌ମେଶ୍ୱାର୍‌ଆଃ ସାଲାକାନ୍ ଦାସିତାନ୍‌କ । ମେନ୍‌ଦ ଆପେ ଏଡ଼କାନ୍ କାମି ରିକାଏ ରେଦ ଇନ୍‌କୁକେ ବରକୁପେ, ତିୟାଃଟି ସାଜାଇ ଏମ୍ ନାଗେନ୍ତେ ଇନ୍‌କୁଆଃ ପେଡ଼େଃ ମେନାଃ । ଏଡ଼କାନ୍ କାମିତାନ୍ ହଡ଼କକେ ସାଜାଇ ଏମ୍ ନାଗେନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହୁକୁମ୍‌କ ମାନାତିଙ୍ଗ୍‌ୟାଃ ।

୫ ଏନାମେନ୍ତେ ଆପେକେ ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ପାର୍‌ମେଶ୍ୱାର୍‌ଆଃ ସାଜାଇ ନାମେରେୟାଃ ବରତେ କାହାଟି, ମେନ୍‌ଦ ଆପ୍‌ନାଃ ବିବେକ୍‌ରେ ନେଆଁ ବୁଗିନାଃ ତାନାଃ ମେନ୍ତେ ସାରିତାନ୍ ହରାତେ ଆପେକେ ରିକା ଲାଗାତିଙ୍ଗ୍‌ୟାଃ ।

✠ ୧୨:୧୪ ମାଥୁର ୫:୪୪; ଲୁକ ୬:୨୮.

୬ ✨ଏନାମେନ୍ତେ ଆପେ କାର୍‌ହ୍ ଏମ୍‌ତାନାପେ, ଚିୟାଠି ରାଇଜ୍ ଚାଲାଅତାନକ୍ ଆକଆଃ ପୁରା କାମି କାମିତାନ୍ ଇମ୍‌ତା ପାର୍‌ମେଶ୍‌ବରଆଃ ଦାସିକ୍ ଲେକା କାମିତାନାକ ।

୭ ଏନାମେନ୍ତେ ଇନ୍କୁଆଃ ଲାଗାତିଙ୍‌ଡେୟାଃକ ଏମାକପେ, ଅକନାଃ କାର୍ ଏମ୍ ଲାଗାତିଙ୍‌ୟାଃ ଏନା ସବେନାଃ ଏମାକପେ, ବର ଲାଗାତିଙ୍‌ରେ ବରକପେ ଆତଃ ସୁସାର୍ ଲାଗାତିଙ୍‌ରେ ସୁସାର୍‌କପେ ।

ମିହୁଡ୍ ଆତଃମିହୁଡ୍‌ଲଃ ଦୁପୁଲାଡ୍

୮ ମିହୁଡ୍ ଆତଃମିହୁଡ୍‌କେ ଦୁଲାଡ୍ ବାଗିକେଦ୍‌ତେ ଆତଃ ଏଟାଃ ଜେତାନ୍ ବିଷାଏରେ ଜେତାଏୟାଃ ଆଲ୍‌ପେ ରିଣୀନାଃ । ଜେତାଏ ଏଟାଃନିଃକେ ଦୁଲାଡାଃଏ ଇନିଃ ଆନୁକେ ମାନାତିଙ୍‌କାଦା ।

୯ “ଆଲ୍‌ପେ ଆପାଙ୍‌ଗିରାଃ, ହଡ୍ ଆଲ୍‌ପେ ଗଗଏୟାଃ, ଆଲ୍‌ପେ କୁମ୍‌ଡୁଆଃ, ଏଟାଃନିଆଃ ଜିନିଷକେ ଆଲ୍‌ପେ ହାୟାଅଥା,” ନେ'ଲେକାନ୍ ସବେନ୍ ଆନୁ ମିଆଁଦ୍ ଆନୁରେ ମେସାକାନା, “ଆମାଃ ହପ୍‌ଜାପାଃରେନିଃକେ ଆପାନାଃ ଲେକା ଦୁଲାଡିମେ ।”

୧୦ ଆମ୍ ମିହୁଡ୍‌କେ ଦୁଲାଡିତାନ୍ ରେଦ୍, ଇନିୟାଃ ଏଡ୍‌କାନାଃ ଚିଉଲାହ୍ ଆଲମ୍ ରିକାଏୟା, ଏନାତେ ଦୁଲାଡ୍‌ତେଗି ସବେନ୍ ଆନୁ ପୁରାଅଃତାନା ।

୧୧ ନାହାଁଃ ଆପେ ନେ ସବେନାଃକେ ରିକା ଲାଗାତିଙ୍‌ୟାଃ, ଚିଆଠି ଦୁଡ୍‌ମୁଏତେ ଏୟନଃରାଃ ଦିପିଲି ସେଟେରାକାନା । ଆରୁଆଃ ବିଶ୍ୱାସ୍ ହବାୟାନ୍ ହୁଲାଙ୍‌ଡାଃଏତେ ନାହାଁଃ ଜୀଉବାଞ୍ଚାଅ ନାମେରେୟାଃ ଦିପିଲି ପୁରାଃଗି ନାଡେଜାକାନା ।

୧୨ ନୁବାଃ ସେନଃୟାନ୍‌ଗିୟା, ମାର୍‌ସାଲ୍ ହିଜୁଃ ସେଟେରଃତାନା । ଏଲା, ନୁବାଃରେୟାଃ ଏଡ୍‌କାନ୍ କାମିକ ବାଗିକେଦ୍‌ତେ ମାୟାଲ୍‌ରେ ହବାଅଃତାନ୍ ବୁଗିନ୍ କାମି ରିକା ନାଗେନ୍ତେ ସେକାଡାକାନ୍‌ଗିବୁ ତାଇନାଃ ।

୧୩ ଦିଶୁମ୍‌ରେୟାଃ ରିଜ୍‌ରାଙ୍ ଆତଃ ଇଲିଆର୍‌ଶ୍‌ରେ ବୁଲଃତାନ୍, ହଡ୍‌ମରେୟାଃ ଏଡ୍‌କାନ୍ ସାନାଙ୍ ଚାଏ ଏଡ୍‌କାନ୍ ଚାଇଲ୍ ଚାଲାନ୍, ଲାପାଡାଈ ଆତଃ ହିସ୍‌ଙ୍‌ରେ କା ତାଇନକେଦ୍‌ତେ ଏଲା, ଆରୁ ବୁଗିନ୍ ଆତଃ ମାର୍‌ସାଲ୍‌ରେନ୍ ହଡ୍‌କ ଲେକା ବୁଗିନ୍ ଚାଇଲ୍ ଚାଲାନ୍‌ରେବୁ ତାଇନାଃ ।

୧୪ ମେନ୍‌ଦ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଗୁନ୍ ଲେକା ଚାଇଲ୍ ଚାଲାନ୍ ରିକାଏପେ, ପାପ୍ ଆତଃ ହଡ୍‌ମରାଃ ଏଡ୍‌କାନ୍ ସାନାଙ୍‌କେ ପୁରାଏ ନାଗେନ୍ତେ ଆଲ୍‌ପେ ଉଡ୍‌ସୁୟା ।

୧୪

ଏଟାଃନିଃକେ ଆଲ୍‌ପେ ବିଚାରାଃ

୧ ✨ବିଶ୍ୱାସ୍‌ରେ ତାଇନତାନ୍ ନାରାଦୁରାକକେ ଦାରମ୍‌କପେ, ମେନ୍‌ଦ ଇନ୍କୁଆଃ ଆକଆଃ ଆପ୍‌ନାଃ ବିଶ୍ୱାସ୍ କାଜିରେ ଆଲ୍‌ପେ କାପ୍‌ଜିଆଃ ।

୨ ଚିମିନ୍ ହଡ୍‌କ ସବେନାଃ ଜମ୍‌ରେୟା ହବାଅଥା ମେନ୍ତେ ବିଶ୍ୱାସ୍‌ଆଃକ, ମେନ୍‌ଦ ବିଶ୍ୱାସ୍‌ରେ ନାରାଦୁରା ହଡ୍ ଏସ୍‌କାର୍ ଆଡାଃସାକାମ୍ ଜଜମାଃଏ ।

୩ ସବେନ୍ ଲେକାନ୍ ଜମେୟାଃ ଜମ୍‌ତାନ୍ ହଡ୍‌କ, ଆଡାଃସାକାମ୍ ଜମ୍‌ତାନ୍ ହଡ୍‌କକେ ଆଲକାକ ଲାୟାକକା, ଆତଃ ଆଡାଃସାକାମ୍ ଜମ୍‌ତାନ୍ ହଡ୍‌କ, ସବେନ୍ ଲେକାନ୍ ଜମେୟାଃ ଜମ୍‌ତାନ୍ ହଡ୍‌କକେ ଆଲକାକ ବିଚାରକକା, ଚିଆଠି ପାର୍‌ମେଶ୍‌ବର ଇନ୍କୁକେହଗି ଗ୍ରାହାଣକାଦ୍‌କଥା ।

୪ ଏଟାଃନିୟାଃ ଦାସିକକେ ବିଚାର ନାଗେନ୍ତେ ଆପେ ଅକଏ ତାନ୍‌ପେ ? ଇନ୍କୁ ବୁଗିନାଃ ରିକାକାଦାକ ଚାଏ ଏଡ୍‌କାନାଃ ରିକାକାଦାକ ଏନା ଆକଆଃ ଗୁସିୟାଁ ଏସ୍‌କାର୍ ବିଚାରେୟାଏ । ଇନ୍କୁ ଗ୍ରାହାଣଆକ ଚିଆଠି ପ୍ରାଭୁ ଇନ୍କୁକେ ଗ୍ରାହାଣକାଦ୍‌କଥା ।

୫ ଚିମିନ୍ ହଡ୍‌କ ଏଟାଃ ହୁଲାଙ୍‌କଏତେ ବିଶେଷ୍ ହୁଲାଙ୍‌କେ ପୁରାଃଗିକ ମାଇନାଃ, ଆତଃ ଚିମିନ୍ ହଡ୍‌କ ସବେନ୍ ହୁଲାଙ୍‌କେ ସାମାନଗିକ ମାଇନାଃ । ମେନ୍‌ଦ ଆରୁ ଆପ୍‌ନାଃ ବିଶ୍ୱାସ୍ ଲେକାତେ ମନ୍‌ରେ ଉଡ୍‌ସୁତାନ୍‌ଲଃ ଡିଜୁକେଟେଦ୍‌ଗିବୁ ତାଇନାଃ ।

୬ ଅକନ୍ ହଡ୍‌କ ମିଆଁଦ୍ ଦିନ୍‌କେ ବିଶେଷ୍ ଦିନ୍ ମେନ୍ତେ ଉଡ୍‌ସୁତାନାକ, ଇନ୍କୁ ଏନାକେ ପ୍ରାଭୁଆଃ ମାଇନଃ ନାଗେନ୍ତେ ରିକାଏକାକ, ଆତଃ ଅକନ୍ ହଡ୍‌କ ସବେନ୍ ଲେକାନ୍ ଜମେୟାଃ ଜମ୍‌ତାନାକ, ଇନ୍କୁ ପାର୍‌ମେଶ୍‌ବରକେ ଧାନ୍ୟାବାଦ୍ ଏମ୍‌ତାନ୍‌ଲଃ ଜମେକାକ, ଏନା ହରାତେ ପାର୍‌ମେଶ୍‌ବର ମାଇନଃଆଏ । ଅକନ୍ ହଡ୍‌କ ସବେନ୍ ଲେକାନ୍ ଜମେୟାଃ କାକ ଜମ୍‌ତାନା, ଇନ୍କୁ ପାର୍‌ମେଶ୍‌ବରଆଃ ମାଇନଃ ନାଗେନ୍ତେ ରିକାଏକାକ ଆତଃ ପାର୍‌ମେଶ୍‌ବରକେ ଧାନ୍ୟାବାଦ୍ ଏମାଈକାକ ।

୭ ଆରୁକଏତେ ଜେତାଏ ଆପ୍‌ନାଃ ନାଗେନ୍ତେ କାଏ ବାଞ୍ଚାଅଥା ଚାଏ ଆପ୍‌ନାଃ ନାଗେନ୍ତେ ଏସ୍‌କାର୍ ଜୀଉ କାଏ ଏମେୟା ।

୮ ଆରୁ ବାଞ୍ଚାଅଥାନ୍ ରେଦ୍ ପ୍ରାଭୁଆଃ ନାଗେନ୍ତେବୁ ବାଞ୍ଚାଅଥାତାନା, ଆତଃ ଜୀଉ ଏମ୍‌ତାନ୍‌ରେଦ୍ ପ୍ରାଭୁଆଃ ନାଗେନ୍ତେ ଜୀଉ ଏମ୍‌ତାନାବୁ । ଏନାମେନ୍ତେ ଜୀନିଦ୍ ଆତଃ ଗନ୍‌ଏଃରେ ଆରୁ ପ୍ରାଭୁଆଃତାନ୍‌ବୁ ।

✨ ୧୩:୬ ମାଥୁଇ ୨୨:୨୧; ମାର୍କ ୧୨:୧୭; ଲୁକ ୨୦:୨୫. ✨ ୧୪:୧ କଲସିଉ ୨:୧୭.

୯ ଚିୟାଃତି ଖ୍ରୀଷ୍ଟ ଗଏଃକେଦ୍‌ତେ ଜୀଉବିରିଦ୍‌ୟାନ୍ ହରାତେ ଜୀହୁଦଃତାନ୍‌କଆଃ ଆତଃ ଗଜାକାନ୍‌କଆଃ ପ୍ରାଭୁ ହବାକାନାଏ ।

୧୦ ☆ତାବ୍‌ଦ ଆପେ ଚିନାଃ ନାଜ୍ ଆଡ଼ାଃସାକାମ୍ ଜମ୍‌ତାନ୍ ହାଗାକକେ ବିଚାରକତାନାପେ ? ଆତଃ ସବେନ୍ ଲେକାନ୍ ଜମେୟାଃ ଜମ୍‌ତାନ୍ ବିଶ୍ୱାସୀକକେ ଚିନାଃମେନ୍ତେପେ ହିଲାଜ୍‌କତାନା ? ଆବୁ ସବେନ୍‌କକେ ପାର୍‌ମେଶ୍ୱାର୍‌ଆଃ ବିଚାର୍ ଠାୟାଦ୍‌ରେ ବିଚାର୍ ନାଗେନ୍ତେ ତିଜ୍‌ନ୍ ଲାଗାତିଜ୍‌ୟାଃ ।

୧୧ ଚିୟାଃତି ଧାରାମ୍‌ପୁଥ୍‌ରେ ଅଲକାନା,
“ପ୍ରାଭୁ କାଜିତାନାଏ, ଆଇଜ୍‌ଦ୍ ଜାନିଦ୍ ପାର୍‌ମେଶ୍ୱାର୍ ତାନିଜ୍,
ସବେନ୍‌କ ଆଇୟାଃ ଆୟାର୍‌ରେକ ଇକ୍‌ଡ୍‌ତୁମ୍‌ଆ,
ଆତଃ ଆଇଜ୍ ପାର୍‌ମେଶ୍ୱାର୍ ତାନିଜ୍ ମେନ୍ତେ ସବେନ୍‌କ କାଜିୟା ।”

୧୨ ଆବୁ ସବେନ୍‌କକେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଆପ୍‌ନାଃ ହିସାବ୍ ଏମଃ ଲାଗାତିଜ୍‌ୟାଃ ।

ଜେତାଏୟାଃ ତହଦଃନିଃ ଆଲପେ ହବାଅଃଆ

୧୩ ଏନାତେ ମିହୁଡ୍ ଆତଃମିହୁଡ୍‌ଆଃ ବିଚାର୍ ଆଲପେ ରିକାଏୟା, ନେ'ଲେକାହଗି ଆଲପେ ରିକାଏ, ଅକ ହରାତେ ତି ଏଟାଃମିହୁଡ୍ ହାଗା ତହଦ୍‌କେଦ୍‌ତେ ପାପ୍‌ରେ ଉୟୁଗଃଆ ।

୧୪ ଆଇଜ୍ ପ୍ରାଭୁ ଯୀଶୁଲଃ ମେନେସାରେ ତାଇନ୍ ହରାତେ ସାରିତାନାଇଜ୍ ଯେ, ସାର୍‌ତିଗି ଜେତାନ୍ ଜମେୟାଃ ଆପାନ୍‌ତେଗି କା ସଡ଼ରାଅଃଆ, ମେନ୍‌ଦ୍ ଜେତାଏ ହଡ୍ ଜେତାନ୍ ଜମେୟାଃକେ ସଡ଼ରାକାନା ମେନ୍ତେ ବିଶ୍ୱାସେରେଦ୍ ଏନ୍ ଜମେୟାଃ ଇନିୟାଃ ନାଗେନ୍ତେ ସଡ଼ରାଅଃଆ ।

୧୫ ଆପେ ଜେତାନ୍ ଜମେୟାଃ ଜମ୍ ହରାତେ ଆପେୟାଃ ହାଗା ଚାଏ ମିଶିଆଃ ମନ୍‌ରେ ଦୁକୁପେ ଏମାଇତାନ୍‌ରେଦ୍, ଆପେ ଦୁଲାଡ୍‌ତେ କାପେ ସେସେନ୍‌ତାନା । ଅକ ହାଗା ଚାଏ ମିଶି ନାଗେନ୍ତେ ଖ୍ରୀଷ୍ଟ ଜୀଉ ଏମ୍‌କେଦାଏ, ନେ ଜମେୟାଃ ନାଗେନ୍ତେ ଇନିୟାଃ ଜିୟନଃ ଆଲପେ ରିକାଏୟା ।

୧୬ ଆପେ ଅକ୍‌ନାଃକେ ବୁଗିନ୍ ମେନ୍ତେପେ ଆର୍‌କାରେତାନା, ଏନ୍ ହରାତେ ଆପେୟାଃ ନୁଡୁମ୍ ଆଲକା ଏଡ୍‌କାନଃକା ।

୧୭ ଚିଆଃତି ପାର୍‌ମେଶ୍ୱାର୍‌ଆଃ ରାଇଜ୍‌ଦ୍ ବିଶେଷକେଦ୍‌ତେ ଜଜମ୍ ନୁଁ ନାହାଁଲାଃ, ମେନ୍‌ଦ୍ ଏନା ପାବିତାର୍ ଆମ୍‌ରାଃ ହରାତେ ଏମାକାନ୍ ଧାର୍‌ମାନ୍, ଜୀଉସୁକୁ ଆତଃ ରାସ୍‌କାନ୍‌ତେୟାଃ ତାନାଃ ।

୧୮ ଜେତାଏ ନେ'ଲେକା ଖ୍ରୀଷ୍ଟ୍‌ଆଃ ସେଝା ରିକାଏଏ, ଇନିଃ ପାର୍‌ମେଶ୍ୱାର୍‌କେ ସୁକୁଇଚିୟା ଆତଃ ହଡ୍‌କଆଃ ଆୟାର୍‌ରେ ମାଇନ୍ ନାମେନିଃ ହବାଅଃଆଏ ।

୧୯ ଏନାମେନ୍ତେ ହିଜୁଃପେ, ଜୀଉସୁକୁ ଏମେତାନ୍ କାମିକକେ ଆବୁ କେଚେଜେ ନାଗେନ୍ତେବୁ କାମିୟା ଆତଃ ମିହୁଡ୍ ଆତଃମିହୁଡ୍‌କେ ଦେଜାତାନ୍ କାମିକବୁ କାମିୟା ।

୨୦ ପାର୍‌ମେଶ୍ୱାର୍ ଅକଆଃ ରିକାକାଦାଏ ଏନାକେ ଜଜମାଃ ହରାତେ ଆଲପେ ଜିୟନେଆ । ସବେନ୍ ଲେକାନ୍ ଜମେୟାଃ ଫାର୍‌ତିଗିୟା ଆତଃ ଜମ୍ ଦାଡିଅଃଆ, ମେନ୍‌ଦ୍ ଜେତାନ୍ ଜମେୟାଃ ହରାତେ ଆପେ ଜେତାଏୟାଃ ନାଜ୍ ତହଦ୍‌ଇଚିୟଃ ରେଦ୍ ଏନ୍ ଜମେୟାଃ ଆଲପେ ଜମେୟା ।

୨୧ ଆପେ ହାକୁ ଚାଏ ମାସ୍ ଜମ୍‌ରେ ଆତଃ ଇଲିଆର୍‌ଗ୍‌ରେ ବୁଲଃ ହରାତେ ଆପେୟାଃ ହାଗା ଚାଏ ମିଶି ବିଶ୍ୱାସ୍‌ରେ ତହଦଃରେଦ୍, ଏନ୍ ସବେନାଃଏତେ ସାଜିନଃତେୟାଃ ବୁଗିନାଃ ତାନାଃ ।

୨୨ ନେ ବିଷାଏରେ ଆପେୟାଃ ଆପ୍‌ନାଃ ବିଶ୍ୱାସ୍ ପାର୍‌ମେଶ୍ୱାର୍ ଏସ୍‌କାର୍ ସାରିକାଏ । ଅକନ୍ ହଡ୍ ବୁଗିନାଃ ତାନାଃ ମେନ୍ତେ ଆର୍‌କାର୍‌ଉରୁମ୍‌ତାନ୍‌ଲଃ ଜେତାନ୍ କାମି କାମିୟାଏ, ଆତଃ ଏନା ନାଗେନ୍ତେ ତାୟମ୍‌ତେ ଆପାନ୍‌କେ କାଏ ଚିଟାନ୍‌ନିଃ ସୁକୁତାନ୍‌ଗିଆଏ ।

୨୩ ମେନ୍‌ଦ୍ ଅକ ଜମେୟାଃ ଜମ୍ ନାଜ୍ ବୁଗିନାଃ ଚାଏ କା ବୁଗିନାଃ, ନେ କାଜି ମନ୍‌ରେ ଆଡ଼ାଃଉଡ୍‌ଖୁକେଦ୍‌ତେ ଜମେରେଦ୍, ଇନିଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ସାଜାଇ ନାମେୟାଏ, ଚିଆଃତି ଏନା ଆୟାଃ ବିଶ୍ୱାସ୍ ଲେକାତେ ନାହାଁଲାଃ । ବିଶ୍ୱାସ୍ ଚେତାନ୍‌ରେ ଅକ୍‌ନାଃ କା ଠାହାରାଅକାନା ଏନା ପାପ୍ ତାନାଃ ।

୧୫

ଏଟାଃନିଃକେ ସୁକୁଇଚିପେ ଆପାନ୍‌କେଦ୍ କାହାଗି

୧ ଆବୁ ଆବୁଆଃ ବିଶ୍ୱାସ୍‌ରେ କେଚେୟାନ୍‌ଗି ମେନାବୁଆ, ଏନାତେ ଆବୁ ବିଶ୍ୱାସ୍‌ରେ ନାରାଦୁରା ମେନାକ ହଡ୍‌କକେ ଦେଜା ଲାଗାତିଜ୍‌ୟାଃ । ଆବୁ ଆପାନ୍‌କେ ଏସ୍‌କାର୍ ସୁକୁରେ ତାଇନଃ କା ଲାଗାତିଜ୍‌ୟାଃ ।

୨ ମେନ୍‌ଦ୍ ଆବୁ ଏଟାଃ ହଡ୍‌କଆଃ ବୁଗିନ୍ ନାଗେନ୍ତେ ଆତଃ ଇନ୍‌କୁଆଃ ବିଶ୍ୱାସ୍‌କେ କେଚେଜେ ନାଗେନ୍ତେ ଇନ୍‌କୁକେ ସୁକୁରେ ଦହ ଲାଗାତିଜ୍‌ୟାଃ ।

☆ ୧୪:୧୦ ୨ କରିନ୍ଥିୟ ୫:୧୦.

୩ ଖ୍ରୀଷ୍ଟ ଆୟାଃ ଆପ୍ତନାଃ ସୁକୁ ନାଗେନ୍ତେ ଜେତ୍‌ନାଃ କାଏ କାମି ତାଇକେନା, ମେନ୍‌ଦ ଧାରାମ୍‌ପୁଅରେ ଅଲ୍‌କାନା, “ଇନ୍‌କୁ ଆମ୍‌କେ ଲାନ୍‌କେଦ୍‌ମେୟ୍‌କ, ଏନା ଆଇଙ୍ଗ୍ ସାହାତିଙ୍ଗ୍‌ତାନା ।”

୪ ଧାରାମ୍‌ପୁଅରେୟାଃ ସବେନ୍ ଇନ୍‌ତୁ ଆବୁଆଃ ବୁଗିନାଃ ନାଗେନ୍ତେ ତାନାଃ, ଆସ୍ତାରେ ତିଙ୍ଗ୍‌କେଟେୟାଃ ନାଗେନ୍ତେ ଧାରାମ୍‌ପୁଅ ଆବୁକେ ଧୁରାଜ୍ ଆତଃ ଜୀଉରାଡେଃ ଏମୀଃଏ ।

୫ ଖ୍ରୀଷ୍ଟ ଯୀଶୁଆଃ ନାମୁନାରେୟାଃ ଅତଙ୍ଗ୍‌ତାନ୍‌କ ହବାଅଃ ନାଗେନ୍ତେ ଆପେ ସବେନ୍‌କଆଃ ମନ୍ ଆତଃ ଉଡ଼ୁ, ଏନ୍ ଲେକାଗି ହବାଅଃ ନାଗେନ୍ତେ ଧୁରାଜ୍ ଆତଃ ଜୀଉରାଡେଃ ଏମାରୁତାନ୍ ପାର୍‌ମେଶ୍‌ବାର୍ ଆପେକେ ଦେଙ୍ଗାପେକାଏ ।

୬ ଆପେ ସବେନ୍‌କ ମିସାତେ ମିଦ୍ ଲାବ୍‌ଜାଲଃ ଆପୁ ପାର୍‌ମେଶ୍‌ବାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ମାନାରାଙ୍ଗ୍ ରିକାଏପେ ।

ଯିହୁଦୀ ହତ୍‌କ ଆତଃ ସାଅଁସାର୍ ହତ୍‌କ ନାଗେନ୍ତେ ସୁକୁକାଜି

୭ ଏନାମେନ୍ତେ ଖ୍ରୀଷ୍ଟ ଜେ'ଲେକା ଆପେକେ ଦାରମ୍‌କାଦ୍‌ପେୟା, ପାର୍‌ମେଶ୍‌ବାର୍‌ଆଃ ମାଇନାନ୍ ନାଗେନ୍ତେ ଆପେୟ ଏନ୍ ଲେକାଗି ମିହୁଡ୍ ଆତଃମିହୁଡ୍‌କେ ଦାରମ୍‌କପେ ।

୮ ତିଆଃତି ଖ୍ରୀଷ୍ଟଆଃ ସୁସାର୍‌ରେୟାଃ ଜୀଦାନ୍ ଖାତ୍‌ନାଅକାନ୍ ଯିହୁଦୀ ହତ୍‌କ ନାଙ୍ଗ୍ ତାଇକେନା । ଇନ୍‌କୁକେ ଇନ୍‌ଃ ଦେଖାଅକ ନାଙ୍ଗ୍ ସାନାଙ୍ଗ୍ ତାଇକେନାଏ ଯେ ପାର୍‌ମେଶ୍‌ବାର୍ ପାତିୟାର୍‌ରଃ ଲେକାନ୍‌ନିଃ ତାନିଃ । ଯିହୁଦୀ ହତ୍‌କଆଃ ପୁରୁଖା ହାତାମ୍‌କକେ ଏମାକାଦ୍‌କ ଆୟାଃ ବାନାର୍‌ସା ସବେନାଃକେ ଖ୍ରୀଷ୍ଟ ମାନାତିୟେଆଏ ।

୯ ଆତଃ ସାଅଁସାର୍ ହତ୍‌କ ପାର୍‌ମେଶ୍‌ବାର୍‌ଆଃ ଲିନ୍‌ବୁଇ ନାଗେନ୍ତେ ଇନ୍‌ୟାଃ ମାନାରାଙ୍ଗ୍ ରିକା ଦାଡ଼ିୟାଃକ । ଧାରାମ୍‌ପୁଅରେ ଅଲ୍‌କାନ୍,

“ଏନାମେନ୍ତେ ଆଇଙ୍ଗ୍ ସାଅଁସାର୍ ହତ୍‌କଆଃ ଆଲ୍‌ରେ ଆମାଃ ମାନାରାଙ୍ଗ୍ ରିକାୟାଇଙ୍ଗ୍, ସବେନ୍ ଇମ୍‌ତା ଆମାଃ ମାନାରାଙ୍ଗ୍ ଦୁରାଙ୍ଗ୍‌ୟେଇଙ୍ଗ୍ ।”

୧୦ ଆତଃଗି ଧାରାମ୍‌ପୁଅରେ ଅଲ୍‌କାନା,

“ସାଅଁସାର୍ ହତ୍‌କ ପାର୍‌ମେଶ୍‌ବାର୍‌ଆଃ ହତ୍‌କଲଃ ରାସ୍‌କାଅଃକାକ ।”

୧୧ ଆତଃଗି,

“ସବେନ୍ ସାଅଁସାର୍ ହତ୍‌କ ପ୍ରାଭୁଆଃ ମାନାରାଙ୍ଗ୍ ରିକାଏକାକ ।

ଆତଃ ସବେନ୍ ହତ୍‌କ ଇନ୍‌ୟାଃ ମାନାରାଙ୍ଗ୍ ରିକାଏକାକ ।”

୧୨ ଆତଃଗି, ଯିଶାୟ କାଜିକାଦା,

“ଯିଶିଆଃ କିଲିରେନ୍ ମିହୁଡ୍ ଉନ୍‌ଦୁବଃଆଏ,

ଇନ୍‌ଃ ସାଅଁସାର୍ ହତ୍‌କକେ ରାଇଜ୍‌କଆ

ଆତଃ ଇନ୍‌କୁ ଇନ୍‌ଃତାଃରେକ ଆସ୍ତାଏୟା ।”

୧୩ ପାର୍‌ମେଶ୍‌ବାର୍ ସବେନ୍ ଆସ୍ତାରେନ୍ ଭାଣ୍ଡାର୍ ହବାଅଃକାଏ, ଆପେ ଇନ୍‌ଃତାଃରେ ବିଶ୍ୱାସ୍‌ତାନ୍ ହରାତେ ସବେନ୍ ରାସ୍‌କା ଆତଃ ଜୀଉସୁକୁରେ ଇନ୍‌ଃ ଆପେକେ ପେରେଃପେକା, ଜେ'ଲେକାଟି ଆପେ ପାବିତାର୍ ଆମ୍‌ରାଃ ପେଡେଃତେ ଆପେୟାଃ ଆସ୍ତା ହାରାଇଦିୟାଆ ।

ସାଅଁସାର୍ ହତ୍‌କତାଃରେ ପାଉଲୁସ୍‌ଆଃ କାମି

୧୪ ହେ ହାଗା ମିଶିକ, ଆଇଙ୍ଗ୍ ବିଶ୍ୱାସ୍‌ ତାନାଇଙ୍ଗ୍ ଯେ ଆପେ ସବେନ୍‌କ ପୁରାଃ ବୁଗିନାଃତେ, ଆତଃ ସବେନ୍ ସେଣ୍‌ନ୍‌ତେ ପେରେଜାକାନାପେ, ଆତଃ ଆପେ ମିହୁଡ୍ ଆତଃମିହୁଡ୍‌କେ ଇତୁ ଦାଡ଼ିୟାଃପେ ।

୧୫ ଏନ୍‌ରେୟ ଆତଃମିସା ପାହାମ୍‌ରୁହାଡେ ନାଗେନ୍ତେ ଆଇଙ୍ଗ୍ ଚିମିନ୍ ବିଷାଏକ ନେ ଚିଟାଉରେ ଅଲ୍‌କାଦ୍ ତାଇକେନାଇଙ୍ଗ୍, ପାର୍‌ମେଶ୍‌ବାର୍‌ଆଃ ସାୟାଦ୍ ହରାତେ ଆଇଙ୍ଗ୍ ଜୀଉରେ କେଟେଦ୍ ନାମ୍‌କେଦ୍‌ତେ ନେ ସବେନାଃ ଆପେତାଃତେଇଙ୍ଗ୍ ଅଲ୍‌କେଦା ।

୧୬ ଚିୟାଃତି ସାଅଁସାର୍ ହତ୍‌କ ଜେ'ଲେକା ପାବିତାର୍ ଆମ୍‌ରାଃ ହରାତେ ପାବିତାର୍ କାମି ନାଙ୍ଗ୍ ଜିମାୟାନ୍‌ଲଃ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଦାନ୍ ରାକାବଃରେ ସୁକୁଆନ୍‌ଗିକ ହବାଅଃଆ, ଏନାମେନ୍ତେ ଆଇଙ୍ଗ୍ ଇନ୍‌କୁତାଃରେ ଖ୍ରୀଷ୍ଟ ଯୀଶୁଆଃ ଦାସି ଲେକା ହବାକେଦ୍‌ତେ ପାର୍‌ମେଶ୍‌ବାର୍‌ଆଃ ସୁକୁକାଜି ଉଦୁବ୍‌ରେ, ଆଇଙ୍ଗ୍ ଯାଜାକ୍ କାମି ଲେକାଇଙ୍ଗ୍ କାମିତାନା ।

୧୭ ଖ୍ରୀଷ୍ଟ ଯୀଶୁଲଃ ମେସାକେଦ୍‌ତେ ପାର୍‌ମେଶ୍‌ବାର୍‌ଆଃ ନାଗେନ୍ତେ ନେ ସେଝାକାମି ରିକାତାନ୍ ହରାତେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା ।

୧୮ ସାଅଁସାର୍ ହତ୍‌କ ପାର୍‌ମେଶ୍‌ବାର୍‌ଆଃ କାଜି ଆୟୁମେକାକ ମେନ୍ତେ ଖ୍ରୀଷ୍ଟ ଆଇଁୟାଃ ହରାତେ ଚିନାଃଏ କାମିକାଦା, ଏନା ଏସ୍‌କାର୍ କାଜି ନାଗେନ୍ତେ ଆଇଙ୍ଗ୍ ଜୀଉରେ କେଟେଦ୍ ନାମାକାଦାଇଙ୍ଗ୍ ।

୧୯ ଇନିଃ ବାଚାନ୍ତେ ଆତଃ କାମିତେ ଆକ୍‌ଦାଦାଅ କାମିରାଃ ପେଡ଼େଃତେ ଆତଃ ଆକ୍‌ଚାକାଅତେ, ଆତଃ ପାର୍‌ମେଶ୍‌ବାର୍‌ଆଃ ପାବିତାର୍ ଆମ୍‌ବାରାଃ ପେଡ଼େଃତେ ନେ ସବେନାଃଏ କାମିକାଦା । ଏନାତେ ଆଇଙ୍ଗ୍ ଯାରୁଶାଲେମ୍‌ତାଃଏତେ ଇଲିରିକମ୍‌ତେ ହରାସେନ୍ ଇମ୍‌ତା ହରାରେ ଶ୍ରୀଷ୍ଟିଆଃ ସୁକ୍‌କାଜି ପୁରାଃଗିଇଙ୍ଗ୍ ଉଦୁବ୍‌କାଦା ।

୨୦ ଅକ ଠାୟାଦକରେନ୍ ହଡ଼କ ଶ୍ରୀଷ୍ଟିଆଃ ସୁକ୍‌କାଜିକେ କାକ ଆୟୁମାକାଦା, ଏତ୍ରାଃରେ ନେ ସୁକ୍‌କାଜିକେ ଉଦୁବ୍‌ ନାଙ୍ଗ୍ ଆଇଙ୍ଗ୍ ସାନାଙ୍ଗ୍‌କେଦାଇଙ୍ଗ୍, ଚିଆଃଚି ଏଟାଃ ହଡ଼କଆଃ ହରାତେ ଏନେଟେଦକାନ୍ ନିହ୍‌ଗାତାରେ କାମିୟାକାନ୍ କାମିକେ ଆଇଙ୍ଗ୍ ଆତଃମିସା କାମି ନାଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା ।

୨୧ ଧାରାମ୍‌ପୁଅରେ ନେ'ଲେକା ଅଲ୍‌କାନା,
“ଅକନ୍ ହଡ଼କକେ ଇନିୟାଃ ବିଷାଏରେ କା କାଜିକାନ୍ ତାଇକେନା, ଇନ୍‌କୁ ଇନିଃକେକ ନେଲିୟା
ଆତଃ ଅକନ୍ ହଡ଼କ ଇନିୟାଃ ବିଷାଏରେ କାକ ଆୟୁମାକାଦ୍ ତାଇକେନା, ଇନ୍‌କୁ ଆୟୁମେଆକ ।”*

ରୋମ୍ ନାଗାର୍‌ତେ ସେନଃନାଙ୍ଗ୍ ପାଉଲୁସ୍‌ଆଃ ଉହାଟ୍

୨୨ ☆ଏନାମେନ୍ତେ ଆଇଙ୍ଗ୍‌କେ ଆପେତାଃତେ ସେନ୍ ନାଗେନ୍ତେ ପୁରାଃସାଃ କାଜିକଟଙ୍ଗ୍ ନାମାକାଦାଇଙ୍ଗ୍ ।

୨୩ ମେନ୍‌ଦ ନେ ପାର୍‌ଗାନ୍‌କରେ ଆଇଁୟାଃ କାମିକ ପୁରାୟାନା ଆତଃ ଆପେକେ ନେନେଲ୍ ନାଗେନ୍ତେ ପୁରାଃ ବାରାଷରେୟାଃ ଆସ୍ତା ନାହ୍‌ଝାଦ ପୁରାଅଃଆ ।

୨୪ ଆଇଙ୍ଗ୍ ସ୍ନେନ୍‌ତେ ସେନଃ ହରାରେ ଆପେଲଃ ନେପେଲ୍‌କେଦ୍‌ତେଇଙ୍ଗ୍ ହିଜୁଃଆ ମେନ୍ତେଇଙ୍ଗ୍ ଉଡ଼ୁକାଦା । ଆପେତାଃରେ ଘାଡ଼ିକାଦ୍ ତାଇକ୍‌କେଦ୍‌ତେ ସ୍ନେନ୍‌ତେ ସେନଃ ନାଙ୍ଗ୍ ଦେଙ୍ଗାଈୟାଃପେ ମେନ୍ତେଇଙ୍ଗ୍ ଆସ୍ତାତାନା ।

୨୫ ☆ମେନ୍‌ଦ ନାହ୍‌ଝାଃ ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ହଡ଼କଆଃ ସୁସାର୍ ନାଗେନ୍ତେ ଯାରୁଶାଲେମ୍‌ତେ ସେନଃ ନାଗେନ୍ତେଇଙ୍ଗ୍ ଅତଙ୍ଗ୍‌ଆକାନା ।

୨୬ ଚିଆଃଚି ଯାରୁଶାଲେମ୍‌ରେ ପାର୍‌ମେଶ୍‌ବାର୍‌ଆଃ ହଡ଼କ ଜାଞ୍ଜିଆକାନାକ, ଇନ୍‌କୁଆଃ ନାଙ୍ଗ୍ ଦାନ୍ ଏମ୍‌କେଦ୍‌ତେ ଦେଙ୍ଗାକ ନାଗେନ୍ତେ ମାକିଦନିଆ ଆତଃ ଆଖାୟାରାଃ କାଲିସିୟାରେନ୍ ହଡ଼କ ଉହାଟ୍‌କାଦାକ ।

୨୭ ☆ନେଆଁଦ ଇନ୍‌କୁ ଆପ୍‌ନାଃ ଇଛାସାନାଙ୍ଗ୍‌ତେ ଉହାଟ୍‌କାଦାକ, ମେନ୍‌ଦ ଇନ୍‌କୁ ସାଅଁସାର୍ ହଡ଼କଆଃ ଆୟାର୍‌ରେ ହରି ରିଶୀକାନାକ, ଚିଆଃଚି ଯିହୁଦୀ ହଡ଼କ ଆକଆଃ ଆପ୍‌ନାଃ ଆମ୍‌କ୍‌ରେୟାଃ ଆଶିଷ୍‌ରେ ସାଅଁସାର୍ ହଡ଼କକେ ହିସା ଏମାକାଦକ ହରାତେ, ସାଅଁସାର୍ ହଡ଼କ ଆପ୍‌ନାଃ ଟାକା ପାଏସାରେ ହିସା ଏମ୍‌କେଦ୍‌ତେ ଯିହୁଦୀ ହଡ଼କକେ ଦେଙ୍ଗା ଏମ୍‌ ଲାଗାତିଙ୍ଗ୍‌ୟାଃ ।

୨୮ ଯାରୁଶାଲେମ୍‌ରେ ଏନ୍ ଦାନ୍‌କେ ଏମ୍‌କେଦ୍‌ତେ ଆଇଁୟାଃ କାମି ଚାବାକେଦ୍ ତାୟମ୍‌ତେ, ଆଇଙ୍ଗ୍ ସ୍ନେନ୍‌ତେ ସେନଃନାଙ୍ଗ୍ ଅତଙ୍ଗ୍‌ଅଃଆଇଙ୍ଗ୍ ଆତଃ ସେନ୍‌ହରାରେ ଆପେଲଃ ନେପେଲ୍‌ କେଦ୍‌ତେଇଙ୍ଗ୍ ହିଜୁଃଆ ।

୨୯ ଆଇଙ୍ଗ୍ ସାରିକାଦାଇଙ୍ଗ୍, ଆଇଙ୍ଗ୍ ଶ୍ରୀଷ୍ଟିତାଃଏତେ ପୁରାଃ ଆଶିଷ୍ ଆଉକେଦ୍‌ତେ ଆପେତାଃତେଇଙ୍ଗ୍ ହିଜୁଃଆ ।

୩୦ ହେ ହାଗା ମିଶିକ, ପ୍ରାଭୁ ଯୀଶୁ ଶ୍ରୀଷ୍ଟିଆଃ ନୁତୁମ୍‌ତେ ଆତଃ ପାବିତାର୍ ଆମ୍‌ ଏମାକାଦ୍ ଦୁଲ୍‌ଭ୍ ହରାତେ ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ଆଇଁୟାଃ ନାଗେନ୍ତେ ପାର୍‌ମେଶ୍‌ବାର୍‌ତାଃରେ ପୁରାଃ ଇଛାସାନାଙ୍ଗ୍‌ତେ ବିକ୍ରିପେ ।

୩୧ ଆଇଙ୍ଗ୍ ଯିହୁଦୀ ପାର୍‌ଗାନ୍‌ରେ କା ବିଶ୍ୱାସ୍‌ତାନ୍ ହଡ଼କତାଃଏତେ ଜେ'ଲେକା ବାଞ୍ଚାଅକେଦ୍‌ତେ ତାଇନ୍ ଦାଡ଼ିୟାଇଙ୍ଗ୍ ଆତଃ ଯାରୁଶାଲେମ୍‌ରେ ତାଇନ୍‌ତାନ୍ ପାର୍‌ମେଶ୍‌ବାର୍‌ଆଃ ହଡ଼କ ଜେ'ଲେକା ଆଇଁୟାଃ କାମିକେ ସୁକ୍‌ଆକ ଏନାମେନ୍ତେ ବିକ୍ରିପେ ।

୩୨ ପାର୍‌ମେଶ୍‌ବାର୍‌ଆଃ ଇଛାସାନାଙ୍ଗ୍ ହବାଅଃରେଦ, ଆଇଙ୍ଗ୍ ଆପେତାଃତେ ରାସ୍‌କାତେଇଙ୍ଗ୍ ହିଜୁଃଆ ଆତଃ ଆପେଲଃ ଘାଡ଼ିକାଦ୍ ତାଇକ୍‌କେଦ୍‌ତେ ରାସ୍‌କାଈଙ୍ଗ୍ ନାମେୟା ।

୩୩ ଆବୁକେ ଜୀଉସୁକୁ ଏମ୍‌ତାନ୍ ପାର୍‌ମେଶ୍‌ବାର୍ ଆପେ ସବେନ୍‌କଲଃ ତାଇନଃକାଏ । ଆମେନ୍ ।



ପାଉଲୁସ୍‌ଆଃ ଜହାର୍ ଚାଏ ଇଶୁସାଏ

୧ କେକ୍‌ୟା ନାଗାର୍‌ରେୟାଃ କାଲିସିୟାରେନ୍ ମିହୁଡ୍ ସୁସାର୍‌ତାନ୍ ଆବୁଆଃ ମିଶି ଫୈବିକେ ଆପେତାଃତେଇଙ୍ଗ୍ କୁଲିତାନା,

୨ ଇନିଃକେ ପାର୍‌ମେଶ୍‌ବାର୍‌ଆଃ ହଡ଼କ ଲେକା ପ୍ରାଭୁଆଃ ନୁତୁମ୍‌ତେ ଦାରମିପେ । ଇନିୟାଃ ଲାଗାତିଙ୍ଗ୍‌ତେୟାଃକ ଆପେତାଃଏତେ ଏମ୍‌କେଦ୍‌ତେ ଇନିଃକେ ଦେଙ୍ଗାଈପେ । ଇନିଃ ଆଇଙ୍ଗ୍‌କେ ଆତଃ ଏଟାଃ ପୁରାଃ ହଡ଼କକେ ପୁରାଃଗି ଦେଙ୍ଗାକାଦକଆ ।

୩ ☆ଶ୍ରୀଷ୍ଟି ଯୀଶୁଆଃ ସେଝାରେ ଆଇଁୟାଃଲଃ ଗାତିରେ କାମିତାନ୍ ପ୍ରିସ୍‌କିଲା ଆତଃ ଆକ୍‌ଲିକେ ଆଇଁୟାଃ ଜହାର୍ ଉଦୁବାକିନ୍‌ପେ ।

* ୧୫:୨୧ ଯିଶାୟ ୫୩:୧୫ ☆ ୧୫:୨୨ ରୋମି ୧:୧୩. ☆ ୧୫:୨୫ ୧ କରିନ୍ଥ୍‌ୟ ୧୭:୧-୪. ☆ ୧୫:୨୭ ୧ କରିନ୍ଥ୍‌ୟ ୯:୧୧. ☆ ୧୭:୩ ପ୍ରେରିଡ୍ ୧୮:୨.

୪ ଇନ୍ଦ୍ରିୟ ଆଇଁୟାଃ ଜୀଉ ବାସ୍ତାଅ ନାଗେନ୍ତେ ଆକିନାଃ ଜୀଉକେ ଏମ୍ ନାଗେନ୍ତେ ସାନାଙ୍ଗକାଦ୍ ତାଇକେନାକିନ୍ । ଆଇଁୟାଃ ଏସକାର୍ କାହାଗି, ମେନ୍ଦ୍ ସବେନ୍ ସାଅଁସାର୍ ହଡକଆଃ କାଲିସିୟାରେନ୍ ହଡକ ଇନ୍ଦ୍ରିୟାଃ ଧାନ୍ୟାବାଦ୍ ଏମ୍ତାନାକ ।

୫ ଇନ୍ଦ୍ରିୟାଃ ଅଡ଼ାଃରେ ହୁଣ୍ଡିଅଃତାନ୍ କାଲିସିୟାରେନ୍ ହଡକକେୟଗି ଜହାର୍ ମେନ୍ତେଇଙ୍ଗ୍ କାଜିକତାନା । ଆଇଁୟାଃ ଦୁଲାଡ଼ ଗାତି ଏପାଇନେତୁସକେ ଆଇଁୟାଃ ଜହାର୍ ଉଦୁବାଇପେ । ଏସିଆ ପାର୍ଗାନ୍ରେ ଇନିଃ ହବାଅଃତାନାଏ ପାହିଲା ଖ୍ରୀଷ୍ଟ୍ ବିଶ୍ୱାସୀ ।

୬ ଆପେ ନାଗେନ୍ତେ ପୁରାଃଗି କାମିକାଦ୍ ମାରିୟାମ୍କେ ଆଇଁୟାଃ ଜହାର୍ ଉଦୁବାଇପେ ।

୭ ଆନ୍ତନିକସ୍ ଆତଃ ୟୁନିୟାକେ ଆଇଁୟାଃ ଜହାର୍ କାଜିୟାକିନ୍ପେ । ନେ ବାରାନ୍ଦିନ୍ ଯିହୁଦୀ ତାନ୍ଦିନ୍ ଆତଃ ଆଇଁୟାଃଲଃ ଜେହେଲ୍ରେକିନ୍ ତାଇକେନା । ଆଇଁୟାଃଏତେ ସିଦାରେ ଇନ୍ଦ୍ରିୟ ଖ୍ରୀଷ୍ଟ୍କେ ବିଶ୍ୱାସକାଲ ତାଇକେନାକିନ୍ ଆତଃ କୁଲାକାନ୍ଦକ ଇନ୍ଦ୍ରିୟକେ ବୁଗିଲେକା ସାରିକାଦ୍କିନାକ ।

୮ ପ୍ରାଭୁତାଃରେ ଆଇଁୟାଃ ଦୁଲାଡ଼ ଗାତି ଆମ୍ପିୟାଦୁସକେ ଜହାର୍ ଉଦୁବାଇପେ ।

୯ ଖ୍ରୀଷ୍ଟ୍ଆଃ ସେଝାରେ ଆଇଁୟାଃଲଃ ମିସାତେ କାମିତାନ୍ ଉର୍ବାନସକେ ଆତଃ ଆଇଁୟାଃ ଦୁଲାଡ଼ ଗାତି ସ୍ତାଖ୍ମୟକେ ହଗି ଜହାର୍ ଉଦୁବାକିନ୍ପେ ।

୧୦ ଖ୍ରୀଷ୍ଟ୍ଆଃ ସେଝାରେ ମାଇନ୍ ନାମେନିଃ, ଆପେଲସକେ ଆଇଁୟାଃ ଜହାର୍ ଉଦୁବାଇପେ, ଆତଃ ଆରିସ୍ତୁଲ୍ଆଃ ଅଡ଼ାଃରେନ୍ ସବେନ୍କକେ ଆଇଁୟାଃ ଜହାର୍ ଉଦୁବାକପେ ।

୧୧ ଆଇଁୟାଃ ଆପ୍ନାଃ ହଡକ ଯିହୁଦୀ, ହେରୋଦିୟାରେନ୍ ହଡକ ଆତଃ ନାକ୍ ସିଆଃ ଅଡ଼ାଃରେନ୍ ପ୍ରାଭୁଆଃ ବିଶ୍ୱାସୀ ହାଗା ମିଗିକକେହଗି ଆଇଁୟାଃ ଜହାର୍ ଉଦୁବାକପେ ।

୧୨ ପ୍ରାଭୁଆଃ ସେଝାରେ ତାଇନଃତାନ୍ ତ୍ରିଫେନା ଆତଃ ତ୍ରିଫୋସା ଆତଃ ପ୍ରାଭୁଆଃ ନାଗେନ୍ତେ ପୁରାଃଗି କାମିତାନ୍ ଦୁଲାଡ଼ ପର୍ଗିସ୍, ନେ ସବେନ୍କକେ ଆଇଁୟାଃ ଜହାର୍ ଉଦୁବାକପେ ।

୧୩ ଶ୍ରୀପ୍ରାଭୁଆଃ ସାଲାକାନ୍ ଦାସି ରୁଫସ୍ ଆତଃ ଇନିୟାଃ ଏଙ୍ଗାତେକେ ଆଇଁୟାଃ ଜହାର୍ ଉଦୁବାକିନ୍ପେ, ଇନିଃହଗି ଆଇଁୟାଃ ଏଙ୍ଗା ଲେକାଃଏ ।

୧୪ ଆସୁକ୍ଳିଡ୍, ଫ୍ଲୋଗୋନ୍, ହର୍ମିସ୍, ପାତ୍ରବାସ୍, ହାର୍ମୋସ୍ ଆତଃ ଇନ୍ଦ୍ରିୟାଃ ତାଇନ୍ତାନ୍ ଏଟାଃ ସବେନ୍ ଖ୍ରୀଷ୍ଟିୟାନ୍ ହାଗାକକେ ଆତଃ ମିଗିକକେ ଆଇଁୟାଃ ଜହାର୍ ଉଦୁବାକପେ ।

୧୫ ଫିଲ୍ଲରଗ୍ ଆତଃ ଜୁଲିୟା, ନିରୁସ୍ ଆତଃ ଇନିୟାଃ ମିଗି, ଆତଃ ଅଲୁଫା ଆତଃ ଇନ୍ଦ୍ରିୟାଃ ତାଇନ୍ତାନ୍ ସବେନ୍ ପାର୍ମେଶ୍ୱାର୍ଆଃ ହଡକକେ ଆଇଁୟାଃ ଜହାର୍ ଉଦୁବାକପେ ।

୧୬ ଖ୍ରୀଷ୍ଟ୍ ଦୁଲାଡ଼ତେ ମିହୁଡ୍ ଆତଃମିହୁଡ୍ଲଃ ଜହାର୍ଠପେ । ଖ୍ରୀଷ୍ଟ୍ଆଃ ସବେନ୍ କାଲିସିୟା ଆପେକେ ଜହାର୍ ମେନ୍ତେକ କାଜିକୁଲ୍କାଦା ।

ପାଉଲୁସ୍ଆଃ ଚୁଣ୍ଡ ଇନିତୁ

୧୭ ହେ ହାଗା ମିଗିକ, ଆଇଙ୍ଗ୍ ଆପେକେଇଙ୍ଗ୍ ବିନ୍ତ୍ରପେ ତାନା, ଅକ ହଡକ ଆପେୟାଃ ବିଶ୍ୱାସକେ କାଜିକଟଙ୍ଗ୍ ନାଗେନ୍ତେକ ସାନାଙ୍ଗତାନା ଆତଃ ତହଦଃ ଲେକାନ୍ କାମିକ ରିକାଏୟାଃ ଏନ୍ ଲେକାନ୍ ହଡକତାଃଏତେ ଚିର୍ଗାଲାକାନ୍ ତାଇନ୍ପେ । ନେ'ଲେକାନ୍ ହଡକ, ଆପେ ଅକ ଇନିତୁପେ ନାମାକାଦା, ଏନାରେୟାଃ ବିରୁଧ୍ରେକ ସେନାଃ । ଇନ୍ଦ୍ରିୟାଃଏତେ ସାଜିନ୍ରେ ତାଇନ୍ପେ ।

୧୮ ଚିୟାଃଚି ନେ ହଡକଦ୍ ଆରୁଆଃ ଖ୍ରୀଷ୍ଟ୍ ପ୍ରାଭୁକେ କାକ ସେଝାଆ, ମେନ୍ଦ୍ ଇନ୍ଦ୍ରିୟ ଆକଆଃ ଆପ୍ନାଃ ସୁକୁ ନାଗେନ୍ତେକ କାମିୟାଃ । ଇନ୍ଦ୍ରିୟ ଲେବେୟାନ୍ କାଜିତେ ଆତଃ ସୁଗାଡାନ୍ କାଜି ଜାଗାର୍କେଦ୍ତେ ହଡକଆଃ ମନ୍ଦକକେ ବେଦାଃକ ।

୧୯ ମେନ୍ଦ୍ ସୁକୁକାଜି ନାଗେନ୍ତେ ଆପେୟାଃ ପାତିୟାର୍ଠରଃ ଲେକାନ୍ କାଜିକେ ସବେନ୍ ହଡକ ସାରିକାଦାକ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ରାସକାଅଃତାନା । ଆଇଙ୍ଗ୍ ସାନାଙ୍ଗତାନାଇଙ୍ଗ୍, ଆପେ ସବେନ୍କ ବୁଗିନ୍ କାଜିକରେ ସେଣ୍ଟାନ୍ଠପେ ଆତଃ ଏଡକାନ୍ କାଜିକଏତେ ସାଜିନଠପେ ।

୨୦ ଏନ୍ରେଦ, ଜୀଉସୁକୁ ଏମ୍ତାନ୍ ପାର୍ମେଶ୍ୱାର୍ ଜାଲ୍ଦିଗି ସାଏତାନ୍କେ ଆପେୟାଃ କାଟା ସୁବାରେ ରେସେଦିୟା । ଆରୁଆଃ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।*

୨୧ ଶ୍ରୀଆଇଁୟାଃଲଃ କାମିତାନ୍ ତୀମଥ୍ ଆତଃ ଆରୁଆଃ ଯିହୁଦୀ ହାଗାକ, ଲୁକିୟ, ଯାସୋନ୍, ଆତଃ ସୋସିପାତ୍ର ଆପେ ସବେନ୍କକେ ଜହାର୍ ମେନ୍ତେକ କାଜିକୁଲ୍କାଦା ।

୨୨ ଆଇଙ୍ଗ୍ ତର୍ମିୟସ୍, ପାଉଲୁସ୍ଆଃ ନାଗେନ୍ତେ ନେ ଚିଟାଉ ଅଲ୍କୁଲ୍କେଦ୍ତେ ପ୍ରାଭୁଆଃ ନୁତୁମ୍ରେ ଆପେକେଇଙ୍ଗ୍ ଜହାର୍ପେତାନା ।

☆ ୧୭:୧୩ ମାର୍କ ୧୫:୨୧. * ୧୭:୨୦ ନେ ବାଟାନ୍ ଚିମିନ୍ ମାରି ଅନଲ୍କରେ ବାନଃଆ ☆ ୧୭:୨୧ ପ୍ରେରିଡ୍ ୧୭:୧.

୨୩ ✠ଆଇଙ୍ଗ୍‌କେ ସୁସାରକାଦିଙ୍ଗ୍ ଗାୟସ୍, ଅକଏୟାଃ ଅଡ଼ାଃରେଟି କାଲିସିୟାରେନ୍ ପୁରା ହଡ଼କ ହୁଣ୍ଡିୟଃତାନା ଆଡ଼ଃ ନେ ସାହାରରେନ୍ ଖାଜାନତି ଏରାଷ୍ଟ୍ର ଆଡ଼ଃ କ୍ୱାର୍‌ତୁସ୍ ନୁଡୁମ୍ ହାଗାହଗି ଆପେକେ ଜହାର୍ ମେଡ୍ରେ କାଜିକୁଲ୍‌କାଦା ।

୨୪ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟିଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।†

ବିନ୍ତି ଆଡ଼ଃ ମାନାରାଙ୍ଗଲଃ ଚିଟାଉରାଃ ଚୁଣ୍ଡୁ

୨୫ ହିନ୍ଦୁଃପେ, ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରୁ ରିକାୟା, ଆଇଙ୍ଗ୍ ଉଦୁବେତାନ୍ ଯୀଶୁ ଖ୍ରୀଷ୍ଟିଆଃ ବିଷାଏରେୟାଃ ସୁକୁକାଜି ଲେକାତେ ଆଡ଼ଃ ଜାନାଅ ଜାନାଅହେତେ ଉକୁଆକାନ୍ ସାନାର୍‌ତି ଲେକାତେ ଆପେ ଆପେୟାଃ ବିଶ୍ୱାସ୍‌ରେ ତିଙ୍ଗୁକେଟେୟାଃ ଲେକା ଇନିଃ ଆପେକେ ବାଇ ଦାଡ଼ିୟାପେୟା ।

୨୬ ମେନ୍‌ଦ ଏନ୍ ଉକୁଆକାନ୍ ସାନାର୍‌ତି ସବେନାଃ ନାବୀକଆଃ ଅନଲ୍ ହରାତେ ଉଦୁବାକାନା, ଆଡ଼ଃ ଏନାଦ ନାହାଁଃ ଜାନାଅ ଜାନାଅରେନ୍ ପାର୍‌ମେଶ୍ୱାର୍‌ଆଃ ହରାତେ ସବେନ୍ ହଡ଼କ ଆଲାରେ ଉଦୁବଃତାନା । ନେଆଁ ହରାତେ ସବେନ୍‌କ ବିଶ୍ୱାସ୍‌କେଦ୍‌ତେ ପାର୍‌ମେଶ୍ୱାର୍‌ଆଃ କାଜି ମାନାଡ଼ିଙ୍ଗ୍‌ତାନ୍ ହଡ଼କ ହବା ଦାଡ଼ିୟାଆ ।

୨୭ ଯୀଶୁ ଖ୍ରୀଷ୍ଟିଆଃ ହରାତେ ସବେନ୍ ସେଣ୍‌ନ୍ ମିଆଁଦ୍‌ଗି ପାର୍‌ମେଶ୍ୱାର୍‌ଆଃ ମାଇନାନ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

✠ ୧୭:୨୩ ପ୍ରେରିଡ଼ ୧୯:୨୯; ୧ କରିନ୍ଥ୍‌ୟ ୧:୧୪; ୨ ତିମଥ୍ ୪:୨୦.

† ୧୭:୨୪ ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର କରିଷ୍ଣିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ ପାରିଚାଏ

କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ, ନେଆଁ ଖ୍ରୀଷ୍ଟତାୟମ୍ ୫୫ କରେ ଅଲ୍ଲକାନ୍ ତାଇକେନା ୧:୧ । କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍ ଅଲ୍ଲକାଦ୍ ବାରିଆ ଚିଟାଉହେତେ, ନେଆଁ ହବାଅଃତାନା ପାହିଲା ଚିଟାଉ । ହବାସାକାଅଃ ତାନା, ଇନିଃ ଏଫିସୁସ୍‌ରେ ତାଇନ୍ ଇମତା ନେ ଚିଟାଉ କରିଷ୍ଣି କାଲିସିୟାକେ ଅଲ୍ଲକାଦ୍ ତାଇକେନା । ମାକିଦନିଆହେତେ କରିଷ୍ଣିତେ ହରାସେନ୍ ନାଜ୍ ମନେକାଦ୍ ତାଇକେନ୍ ସିଦାରେଗି ଅଲ୍ଲକାଦ୍ ତାଇକେନା ୧୭:୫-୯ ।

ପ୍ରେରିତ୍ ପାଉଲୁସ୍ ନେ ଚିଟାଉରେ କାଲିସିୟା ଆଲାରେ ହବାଅଃତାନ୍ ବିନ୍‌ଗାଅ ଆତଃ ହଡ଼ମରେୟାଃ ଏଡ଼କାନ୍ ସାନାଜ୍ କାମିକଲଃ ଏଟାଃ ଏଟାଃ ଏଡ଼କାନ୍ କାମିକ ହବାଅଃତାନ୍ ବିଷାଏରେ କାଲିସିୟାରେନ୍ ହଡ଼କତାଃଏତେ ଆୟୁମକେଦ୍‌ତେ ଇନ୍‌କୁକେ କାଜିରୁହାଡ଼୍ ନାଗେନ୍ତେ ଇନିଃ ଧ୍ୟାନ୍ ଏମ୍‌ତାଇକେନାଏ । କରିଷ୍ଣି ସାହାର୍, ହଡ଼ମରେୟାଃ ଏଡ଼କାନ୍ ସାନାଜ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଲିସିୟା ନେ ଲେକାନ୍ ଏଡ଼କାନ୍ କାମିରେ ଉୟୁଗଃତାନା, ଏନାରେ ଆକ୍‌ଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କରିଷ୍ଣିୟ ଦୁଲାଡ଼୍ ବିଷାଏରେ ମିଆଁଦ୍ ପୁରାଃ ମାରାଜ୍ ହିସାତାନାଃ ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍ କରିଷ୍ଣିରେନ୍‌କକେ ଜହାର୍ ଉଦୁବ୍‌ତାନାଏ ଆତଃ ଇନ୍‌କୁ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଲ୍‌ତାନାଏ । ୧:୧-୯
- ୨. ପାଉଲୁସ୍ କରିଷ୍ଣି କାଲିସିୟାହେତେ ନାମାକାଦ୍ କାଲିସିୟା ବିନ୍‌ଗାଅ ବିଷାଏରେ ଇନିତୁ ଏମାଃଏ । ୧:୧୦-୪:୨୧
- ୩. ଏଟାଃତେୟାଃ ଇନିଃ ହଡ଼ମରେୟାଃ ଏଡ଼କାନ୍ ସାନାଜ୍ କାମି ଆତଃ ମିହୁଡ଼୍ ଆତଃମିହୁଡ଼୍‌କେ କାଚାକରିତେ ଇଦି ବିଷାଏରେ ଅଲ୍ଲକାଦା । ୫-୬
- ୪. ଆଣଦି ବିଷାଏ, ମୁରୁଡ଼୍ ନାଗେନ୍ତେ ଦାଣ୍ଠେ ରାକାଦ୍, ମିଦ୍‌ହୁଣ୍‌ରେ ସେଝା, ପାବିତାର୍‌ରାଃ ବାବ୍‌ଦାନ୍ ଆତଃ ଜୀଉବିନିରିଦ୍ ବିଷାଏରେ ଅଲ୍ଲକାଦା । ୭-୧୫
- ୫. ଚୁଣ୍ଡୁରେ ଇନିଃ ଚିମିନ୍ ଲାଗାତିଜ୍ କାଜିକ ଆତଃ ଆପ୍‌ନାଃ ବିଷାଏରେ ଅଲ୍ଲକେଦ୍‌ତେ ଚୁଣ୍ଡୁକଦା । ୧୬

୧ ପାର୍‌ମେଶ୍ୱାର୍‌ଆଃ ମନେଲେକାତେ ଯାଶୁ ଖ୍ରୀଷ୍ଟ୍‌ଆଃ କୁଲାକାନ୍‌ନିଃ ଲେକା ସାଲାକାନ୍, ଆଇଜ୍ ପାଉଲୁସ୍ ଆତଃ ଆରୁଆଃ ହାଗା ସସ୍ଥିନା,

୨ *ଆଲେ କରିଷ୍ଣି ନାଗାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାତେ ନେ ଚିଟାଉଲେ ଅଲେତାନା ଅକନ୍‌କ ପାର୍‌ମେଶ୍ୱାର୍‌ଆଃ ପାବିତାର୍ ହଡ଼ ହବାଅଃ ନାଗେନ୍ତେକ ସାଲାକାନା, ଆତଃ ଯାଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ହବାକାନାକ, ଆତଃ ସବେନ୍‌ସାଃରେ ଆରୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍‌କେକ ସେଝାତାନା ।

୩ ଆରୁଆଃ ଆପୁ ପାର୍‌ମେଶ୍ୱାର୍‌ ଆତଃ ପ୍ରାଭୁ ଯାଶୁ ଖ୍ରୀଷ୍ଟ୍‌ ଇନ୍‌କୁ ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

ୟାଶୁ ଖ୍ରୀଷ୍ଟ୍‌ଆଃ ହରାତେ ଆଶିଷ୍

୪ ଚିୟାଃଚି ଆପେ ଯାଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆତଃ ପାର୍‌ମେଶ୍ୱାର୍‌ ଆପେକେ ସାୟାଦ୍ ଏମାକାଦ୍‌ପେ ନାଗେନ୍ତେ, ଆଇଜ୍ ପାର୍‌ମେଶ୍ୱାର୍‌କେ ସବେନ୍ ଇମ୍‌ତା ଧାନ୍ୟାବାଦ୍ ଏମାଲ୍ ତାନାଇଜ୍ ।

୫ ଚିୟାଃଚି ଯାଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆପେ ସବେନ୍ ବିଷାଏରେୟାଃ ଇନିତୁରେ ଆତଃ ସେଣ୍ଠାରେ କିସାଁକାନାପେ ।

୬ ଯାଶୁ ଖ୍ରୀଷ୍ଟ୍‌ ବିଷାଏରେୟାଃ ଗାଝା କାଜି ଆପେତାଃରେ ପୁରାଃତେ ପକ୍‌ତାକାନା ।

୭ ଏନାମେନ୍ତେ ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ଉନ୍‌ଦୁବଃ ଇମ୍‌ତାକେ ତାଜିତାନ୍ ଇମ୍‌ତା ଆପେୟାଃ ଜେତାନ୍ ଆମିକ୍ ବାବ୍‌ଦାନ୍‌ରେ କାପେ ଜାଞ୍ଜିକାନା ।

୮ ଆରୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ହିନିଦୁଃ ହୁଲାଜ୍‌ରେ, ଆପେ ଆଲକାପେ ଚିଟାଅଃଆ, ମେନ୍ତେ ଇନିଃହଗି ଆପେକେ ଚୁଣ୍ଡୁ କୁଲକେଦ୍ ଯାଡ଼ନାଅପେୟାଏ ।

୯ ପାର୍‌ମେଶ୍ୱାର୍‌ ଆୟାଃ ହନ୍ ପ୍ରାଭୁ ଯାଶୁ ଖ୍ରୀଷ୍ଟ୍‌ଲଃ ମେନେସାଅଃ ନାଗେନ୍ତେ ଆରୁକେ କେଡାକାଦ୍‌ରୁଆ, ଇନିଃ ପାତିୟାରଃ ଲେକାନ୍‌ନିଃ ତାନିଃ ।

କାଲିସିୟାରେ ବିନ୍‌ଗାଅ

* ୧:୨ ପ୍ରେରିତ୍ ୧୮:୧.

୧୦ ହେ ହାଗା ମିଶିକ, ପ୍ରାଭୁ ଯାଶୁ ଶ୍ରୀଷ୍ଠୀଆଃ ନୁହୁମ୍ତେ ଆଇଙ୍ଗ ଆପେକେଇଙ୍ଗ ବିକ୍ରିପେ ତାନା, ଜାଗାର୍ତାନ ଇମତା ମିଦମନତେଗି ଜାଗାରେପେ । ଏନାରେ ଆପେ ଆଲ୍ୟାରେ ଜେତାନ ବିନଗାଅ କା ହବାଅଥା, ଆତଃ ମିଦ ମନ୍, ମିଦ ଉଡ଼ୁରେ ପକ୍ତାକେଦ୍ତେ ମେସାଅଥପେ ।

୧୧ ହେ ହାଗା ମିଶିକ, ଆପେ ଆଲ୍ୟାରେ କାପ୍ତି ହବାଅଥାନା ମେନ୍ତେ ଖୁୟାଆଃ ଅଡ଼ାରେନ୍ ଚିମିନ୍ଝାନ୍ ହଡ଼କ ଆଇଙ୍ଗକେକ ଉଦୁବ୍‌କାଦିୟା ।

୧୨ *ଆଇଁୟାଃ ଉଡ଼ୁରେ, ଆପେକଏତେ ଚିମିନ୍ ହଡ଼କ କାଜିୟାଃ, “ଆଲେ ପାଉଲୁସକେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଆପୋଲୋକେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ପାତ୍ରାସକେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଶ୍ରୀଷ୍ଠୀକେଲେ ଅତଙ୍ଗଇଁତାନା ।”

୧୩ ଶ୍ରୀଷ୍ଠୀ ଚିନାଃ ହିସାକାନାଏ ? ଆପେ ନାଗେନ୍ତେ ପାଉଲୁସ କୁଶ୍‌ରେ କିଲାକାନ୍ ତାଇକେନା ? ଚାଏ ଆପେଚି ପାଉଲୁସ ନୁହୁମ୍ତେପେ ବାପ୍ତିସ୍ତାକାନ୍ ତାଇକେନା ?

୧୪ *ପାରମେଶ୍ଵାରୀଆଃ ଧାନ୍ୟାବାଦ୍ ହବାଅଥକା, ଆଇଙ୍ଗ କ୍ରୀଷ୍ଟସ୍ ଆତଃ ଗାୟସକେ ବାଗିକେଦ୍ତେ ଆପେଏତେ ଜେତାଏକେ ବାପ୍ତିସ୍ତା କାଇଙ୍ଗ ଏମ୍ ।

୧୫ ଏନାତେ ଆପେ ଆଇଁୟାଃ ନୁହୁମ୍ତେ ବାପ୍ତିସ୍ତାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା ।

୧୬ *ହେଗି, ଆଇଙ୍ଗ, ସ୍ତ୍ରୀମାନ୍ ଆତଃ ଆୟାଃ ଅଡ଼ାରେନ୍‌କକେ ବାପ୍ତିସ୍ତା ଏମାକାଦ୍‌କଆଇଙ୍ଗ, ଆତଃ ଏଟାଃକକେ ବାପ୍ତିସ୍ତା ଏମାକାଦ୍‌କଆଇଙ୍ଗ ମେନ୍ତେ ଆଇଙ୍ଗ କାଇଙ୍ଗ ପାହାମେତାନା ।

୧୭ ଚିୟାଃଚି ବାପ୍ତିସ୍ତା ଏମ୍ ନାଗେନ୍ତେ ଶ୍ରୀଷ୍ଠୀ ଆଇଙ୍ଗକେ କାଏ କୁଲ୍, ମେନ୍‌ଦ ସୁକୁକାଜି ଉଦୁବ୍ ନାଗେନ୍ତେ କୁଲାକାଦିୟା; ଏନାହଗି କୁଶ୍ ଚେତାନରେ ଯାଶୁ ଶ୍ରୀଷ୍ଠୀଆଃ ଗନ୍‌ଏଃ ଆଲକା ସାମାଏଶ୍ଵାଗଃକା ମେନ୍ତେ ମାନଝାକଆଃ ସେଣ୍‌ରେୟାଃ କାଜି ଲେକାତେ କା ହବାକାନା ।

ପାରମେଶ୍ଵାରୀଆଃ ସେଣ୍ ଆତଃ ପେଡ଼େଃ ଶ୍ରୀଷ୍ଠୀ ତାନିଃ

୧୮ ଜିୟନଃତାନ ହଡ଼କ ନାଗେନ୍ତେ କୁଶ୍ ଚେତାନରେ ଶ୍ରୀଷ୍ଠୀଆଃ ଗନ୍‌ଏଃରାଃ କାଜି ମୁରୁଖ୍ କାଜି ତାନାଃ, ମେନ୍‌ଦ ଜୀଉ ବାଞ୍ଛାଅ ନାମେତାନ ହଡ଼କ, ଆରୁଆଃ ନାଙ୍ଗ୍ ନେଆଁ ପାରମେଶ୍ଵାରୀଆଃ ପେଡ଼େଃ ତାନାଃ ।

୧୯ ଧାରାମପୁଅରେ ଅଲ୍ୟାକାନା,

“ଆଇଙ୍ଗ୍ ସେଣ୍‌ନ୍ ହଡ଼କଆଃ ସେଣ୍ ଜିୟନେୟାଇଙ୍ଗ୍,
ବୁଝିମାନ୍ ହଡ଼କଆଃ ବୁଝିକେଇଙ୍ଗ୍ ଗେନାଆତମେୟା ।”

୨୦ ନେ ପାରିୟାରେନ୍ ସେଣ୍‌ନ୍ ହଡ଼କ, ବୁଝିମାନ୍ ହଡ଼କ, ଚାଏ ଆଇନ୍ ଇଡୁକ କତେରେକଆ ? ପାରମେଶ୍ଵାର୍ ନେ ଅତେଦିଶୁମ୍‌ରେୟାଃ ସେଣ୍‌କେ ଡଣ୍ଡ ତାନାଃ ମେନ୍ତେ କାଏଚି ଉଦୁବ୍‌କାଦା ?

୨୧ ଚିୟାଃଚି ପାରମେଶ୍ଵାର୍ ଆୟାଃ ପୁରାଃ ସେଣ୍‌ତେ ଉହାବ୍‌କାଦ୍ ତାଇକେନା ଚି, ଅତେଦିଶୁମ୍‌ରେନ୍ ହଡ଼କ ଆକଆଃ ସେଣ୍‌ତେ ପାରମେଶ୍ଵାର୍‌କେ ଆଲକାକ ସାରି ଦାଡ଼ିକା, ଆରୁ ଉଦୁବ୍‌ତାନ ସୁକୁକାଜିକେ ଡଣ୍ଡ ମେନ୍ତେ କାଜିୟଃତାନା, ଏନ୍ ସୁକୁକାଜିରେ ବିଶ୍ଵାସେତାନ ହଡ଼କକେ ବାଞ୍ଛାଅକ ନାଗେନ୍ତେ ପାରମେଶ୍ଵାର୍ ମନେକେଦାଏ ।

୨୨ ଯିହୁଦୀ ହଡ଼କ ପେଡ଼େୟାନ୍ ଚିହ୍ନାକ ଦାଣ୍, ଆତଃ ଗ୍ରୀକ୍ ହଡ଼କ ସେଣ୍‌କ ନାମ୍‌ବାଡ଼ାଃ,

୨୩ ମେନ୍‌ଦ ଆଲେ କୁଶ୍‌ରେ କିଲାକାନ୍ ଯାଶୁ ଶ୍ରୀଷ୍ଠୀକେଲେ ଉଦୁବ୍‌ତାନା । ନେ କାଜି ଯିହୁଦୀ ହଡ଼କ ନାଗେନ୍ତେ ତହଦଃ ଲେକାନାଃ ତାନାଃ ଆତଃ ସାଅଁସାର୍ ହଡ଼କ ନାଗେନ୍ତେ ମୁରୁଖ୍ ଲେକାନାଃ ତାନାଃ,

୨୪ ମେନ୍‌ଦ ଯିହୁଦୀ ହବାଅଥ ଚାଏ ସାଅଁସାର୍, ପାରମେଶ୍ଵାର୍ କେଡ଼ାକାଦ୍ ସବେନ୍‌କ ନାଗେନ୍ତେ ଯାଶୁ ଶ୍ରୀଷ୍ଠୀ ହବାଅଥ ତାନାଏ, ପାରମେଶ୍ଵାରୀଆଃ ପେଡ଼େଃ ଆତଃ ସେଣ୍ ।

୨୫ ଚିୟାଃଚି ଅକ୍‌ନାଃ ପାରମେଶ୍ଵାରୀଆଃ ମୁରୁଖ୍ ବିଷାଏ ମେନ୍ତେ ଉଡ଼ୁରୁଃ ତାନା, ଏନା ମାନଝା ସେଣ୍‌ଏତେ ପୁରାଃ ସେଣ୍‌ନ୍‌ଗିଆ । ଆତଃ ଅକ୍‌ନାଃ ପାରମେଶ୍ଵାରୀଆଃ କା ପେଡ଼େୟାନ୍ ବିଷାଏ ମେନ୍ତେ ଉଡ଼ୁରୁଃ ତାନା, ଏନା ମାନଝାରାଃ ପେଡ଼େଃହେତେ ପୁରାଃଗି ପେଡ଼େୟାନ୍‌ଗିୟା ।

୨୬ ହେ ହାଗା ମିଶିକ, ପାରମେଶ୍ଵାର୍ ଆପେକେ କେଡ଼ାକେଦ୍‌ପେ ଇମ୍‌ତା ଆପେ ଚିଲ୍‌କାପେ ତାଇକେନା, ଏନା ପାହାମେପେ । ଅତେଦିଶୁମ୍ ଲେକାତେ ଆପେକଏତେ ଚିମିନ୍ ଝାନ୍ ହଡ଼କ ସେଣ୍‌ନ୍ କାପେ ତାଇକେନା, ପୁରାଃ ପେଡ଼େୟାନ୍ କାପେ ତାଇକେନା, ଆତଃ ମାରାଙ୍ଗ୍ ଅଡ଼ାରେନ୍ କାପେ ତାଇକେନା ।

୨୭ ପାରମେଶ୍ଵାର୍ ସେଣ୍‌ନ୍ ହଡ଼କକେ ଗିହୁଃଇଚିକ ନାଗେନ୍ତେ ଅତେଦିଶୁମ୍ ଲେକାତେ କା ସେଣ୍‌ନ୍ ହଡ଼କକେ ସାଲାକେଦ୍‌କଆ ଆତଃ ପେଡ଼େୟାନ୍ ହଡ଼କକେ ଗିହୁଃଇଚିକ ନାଗେନ୍ତେ ଅତେଦିଶୁମ୍‌ରେ କା ପେଡ଼େୟାନ୍ ହଡ଼କକେ ସାଲାକେଦ୍‌କଆ ।

* ୧:୧୨ ପ୍ରେରିଡ୍ ୧୮:୨୪. * ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରୋମି ୧୭:୨୩. * ୧:୧୬ ୧ କବିଚ୍ଛିନ୍ଦ ୧୭:୧୫.

୨୮ ଅତେଦିଶୁମ୍ ଲେକାତେ ଅକ୍ନାଃ ଲାଗାତିକ୍ଷତେୟାଃ ତାନାଃ, ଏନାକେ ଜିୟନେ ନାଗେନ୍ତେ ଅତେଦିଶୁମ୍ରେ ହିନିସ୍ତା, ହିଲାଙ୍ଗୟେ ଆତଃ ମୁରୁଖୁ ବିଷାଏକକେ ପାର୍ମେଶ୍ଵାର୍ ସାଲାକେଦାଏ ।

୨୯ ନେଆଁତେ ସାରିୟଃତାନା, ପାର୍ମେଶ୍ଵାର୍ଆଃ ଆୟାରେ ଜେତା ହତ୍ତ ଆପାନକେ ମାରାଙ୍ଗୟେନ୍ କାଏ ଦାଡ଼ିୟା ।

୩୦ ମେନ୍ଦ ପାର୍ମେଶ୍ଵାର୍ ଆପେକେ ଯାଶୁ ଶ୍ରୀଷ୍ଟଲଃ ମେସାକାଦପେଥାଏ ଆତଃ ଏନ୍ ଯାଶୁ ଶ୍ରୀଷ୍ଟକେୟ ଆବୁଆଃ ସେଣାଁ ଲେକାଏ ବାଇକିୟା । ଆୟାଃ ହରାତେ ପାର୍ମେଶ୍ଵାର୍ଲଃ ଆବୁଆଃ ସାର୍ତି ନାତା ହବାକାନା, ଆବୁ ପାର୍ମେଶ୍ଵାର୍ଆଃ ଧାର୍ମାନ୍ ଆତଃ ପାବିତାର୍ ହତ୍ତ ହବାକେଦ୍ତେ ମୁକ୍ତିବୁ ନାମାକାଦା ।

୩୧ ଏନାତେ ଧାରାମ୍ପୁଥ୍ରେ ଅଲ୍ଲାନା, “ଜେତାଏ ଆପାନକେ ମାରାଙ୍ଗୟେନ୍ ରିକା ନାଗେନ୍ତେ ସାନାଙ୍ଗତାନିଃ, ପ୍ରାଭୁ କାମିକାଦ୍ କାମି ନାଗେନ୍ତେ ଏସ୍କାର୍ ଇନିଃ ଆପାନକେ ମାରାଙ୍ଗୟେନ୍କାଏ ।”

୨

କୁଶ୍ରେ କିଲାକାନ୍ ଯାଶୁ ଶ୍ରୀଷ୍ଟଆଃ ବିଷାଏରେୟାଃ କାନାଜି

୧ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ପାର୍ମେଶ୍ଵାର୍ଆଃ ଉକ୍ତୁଆକାନ୍ ସାର୍ତିକାଜି ଉଦୁବ୍ ନାଗେନ୍ତେଇଙ୍ଗ୍ ସେନାକାନ୍ ତାଇକେନ୍ରେ, ମାପରାଙ୍ଗ୍ କାଜି ଆତଃ ପୁରାଃ ଇତୁକାନ୍ ଲେକା କାଇଙ୍ଗ୍ ଉଦୁବ୍ ।

୨ ଆଇଙ୍ଗ୍ ଆପେଲଃ ତାଇକେନ୍ ଇମ୍ତା, ଯାଶୁ ଶ୍ରୀଷ୍ଟ ଆତଃ ଆୟାଃ କୁଶ୍ରେୟାଃ ଗନ୍ଏଃ ବାଗିକେଦ୍ତେ ଏଟାଃ ଜେତାନ୍ ବିଷାଏ ସାରି ନାଗେନ୍ତେ କାଇଙ୍ଗ୍ ଉଡ଼ୁକେଦା ।

୩ ☆ଏନାତେ ଆଇଙ୍ଗ୍ ଆପେତାଃତେ ହିଜୁଃୟାନ୍ ଇମ୍ତା, କା ପେଡେୟାନ୍, ଆତଃ ବରତେ ଏକ୍ଲାଅଃତାନ୍ ତାଇକେନାଇଙ୍ଗ୍ ।

୪ ଆଇଁୟାଃ ଇନିତୁ ଆତଃ କାନାଜି, ମାନଝାରାଃ ସେଣାଁ ଲେକାତେ କା ଉଦୁବ୍କାନା, ମେନ୍ଦ ପାର୍ମେଶ୍ଵାର୍ଆଃ ଆମ୍ ଆତଃ ପେଡେଃରେୟାଃ ସାର୍ତି ପ୍ରାମାଣିତେ ଉଦୁବ୍କାନ୍ ତାଇକେନା ।

୫ ଆପେୟାଃ ବିଶ୍ଵାସ୍ ମାନଝାରାଃ ସେଣାଁ ଲେକାତେ କା ହବାକାନା, ମେନ୍ଦ ପାର୍ମେଶ୍ଵାର୍ଆଃ ପେଡେଃତେ ହବାକାନା ।

ପାର୍ମେଶ୍ଵାର୍ଆଃ ସେଣାଁ

୬ ହଲେହ୍ ଆଇଙ୍ଗ୍ ପାବିତାର୍ ଆମ୍ତାତେ ପକ୍ତାକାନ୍ ହତ୍ତକତାଃରେ ସେଣାଁନ୍ କାଜିଇଙ୍ଗ୍ ଉଦୁବ୍କାଦା । ମେନ୍ଦ ନେ ସେଣାଁ ନେ ଅତେଦିଶୁମ୍ରେୟାଃ ସେଣାଁ ନାହାଁଲାଃ, ଚାଏ ନେ ଅତେଦିଶୁମ୍ରେନ୍ ହାକିମ୍କଆଃ ଜିୟନଃ ସେଣାଁ ନାହାଁଲାଃ ।

୭ ଆଇଙ୍ଗ୍ ପାର୍ମେଶ୍ଵାର୍ଆଃ ଉକ୍ତୁଆକାନ୍ ସେଣାଁକେଇଙ୍ଗ୍ ଉଦୁବ୍ତାନା, ଅକନ୍ ସେଣାଁତି ମାନଝାତାଃଏତେ ଉକ୍ତୁଆକାନା, ମେନ୍ଦ ଆବୁଆଃ ମାନାରାଙ୍ଗ୍ ନାଗେନ୍ତେ ଅତେଦିଶୁମ୍ ବାଇୟାନ୍ ସିଦାରେ ପାର୍ମେଶ୍ଵାର୍ ଏନାକେ ସାଲାକାଦ୍ ତାଇକେନା ।

୮ ନେ ଅତେଦିଶୁମ୍ରେନ୍ ହାକିମ୍କଏତେ ଜେତା ହତ୍ତ ନେ ସେଣାଁକେ କାକ ସାରିୟାକାଦ୍ ତାଇକେନା । ଇନ୍କୁ ଏନାକେ ସାରିକାତେତେୟାଃକ ହଲେ, ମାନାରାଙ୍ଗ୍ରେନ୍ ପ୍ରାଭୁକେ କୁଶ୍ରେ କାକ କିଲାକାଇତେୟାଃ ।

୯ ଜେଲେକାତି, ଧାରାମ୍ପୁଥ୍ରେ ଅଲ୍ଲାନା,
“ଅକ୍ନାଃ ଜେତାଏ ଜେଡ୍ନାଃ କାକ ନେଲ୍ ଚାଏ କାକ ଆୟୁମ୍,
ଅକ୍ନାଃ ହବାଅଃରେୟାଃ ଜେତାଏ ମନ୍ପୁରୁଦ୍ରେ କାକ ଉଡ଼ୁକାଦ୍ ତାଇକେନା,
ଆଇଃକ୍କେ ଦୁଲାଡ୍ତାନ୍ ହତ୍ତକ ନାଗେନ୍ତେ ପାର୍ମେଶ୍ଵାର୍ ଏନାକେ ସେକାଡାକାଦା ।”

୧୦ ମେନ୍ଦ ପାର୍ମେଶ୍ଵାର୍ ଆୟାଃ ଆମ୍ ହରାତେ ଆବୁକେ ନେ ଉକ୍ତୁଆକାନ୍ ବିଷାଏକେ ଉଦୁବ୍କାଦ୍ବୁଆ । ଏନ୍ ଆମ୍ତାଗି ପାର୍ମେଶ୍ଵାର୍ଆଃ ଉକ୍ତୁଆକାନ୍ ଇକିର୍ ବିଷାଏକ ସବେନାଃ ଦାଣାଏ ।

୧୧ ହତ୍ତରାଃ ଆମ୍, ହତ୍ତରାଃ ସବେନ୍ ବିଷାଏରେ ସାରିୟା, ଏନ୍ଲେକାଗି, ପାର୍ମେଶ୍ଵାର୍ଆଃ ଆମ୍ ଏସ୍କାର୍, ପାର୍ମେଶ୍ଵାର୍ଆଃ ସବେନ୍ ବିଷାଏରେ ସାରିୟା ।

୧୨ ଆବୁ ଅତେଦିଶୁମ୍ରେନ୍ ଆମ୍ତାକେ କାବୁ ନାମ୍ । ମେନ୍ଦ ପାର୍ମେଶ୍ଵାର୍ ଏମାକାଦ୍ ସବେନ୍ ବିଷାଏ ସାରି ନାଗେନ୍ତେ ପାର୍ମେଶ୍ଵାର୍ କୁଲାକାଇ ଆମ୍ତାକେବୁ ନାମ୍କିୟା ।

୧୩ ଏନାତେ, ଆମ୍ତାରେନ୍ ହତ୍ତକତାଃରେ ଆମ୍ତାରାଃ ସାନାର୍ତି ଉଦୁବ୍ ଇମ୍ତା ଆବୁ ଅତେଦିଶୁମ୍ରେୟାଃ ସେଣାଁ ଲେକା କାବୁ ଉଦୁବାଃ, ମେନ୍ଦ ପାବିତାର୍ ଆମ୍ତାରାଃ ଇନିତୁ ଲେକାତେ ଏନ୍ ସାନାର୍ତିକେବୁ ଉଦୁବାଃ ।

୧୪ ଜେତାଏତାଃରେ ପାର୍ମେଶ୍ଵାର୍ଆଃ ଆମ୍ ବାନଆଃ, ଇନିଃ ପାର୍ମେଶ୍ଵାର୍ତାଃତେ ହିଜୁଃ ବାଦ୍ଦାନ୍କେ କାଏ ନାମ୍ ଦାଡ଼ିୟା । ଏନ୍ ଲେକାନ୍ ହତ୍ତ ନେ ବାଦ୍ଦାନ୍କେ କାଏ ଆଟ୍କାର୍ଡରୁମ୍ ଦାଡ଼ିୟା । ନେଆଁକ ଇନିଃ ନାଗେନ୍ତେ କା ସାରିତାନ୍ ଲେକାନାଃ ତାନାଃ, ଚିୟାଃତି ଏନ୍ ସବେନାଃକେ ଆମ୍ତାକ୍ ଲେକାତେ ବିଚାରଃଆ ।

☆ ୨:୩ ପ୍ରେରିତ୍ ୧୮:୯.

୧୫ ଜେତାଏତାଃରେ ପାର୍ବମେଶ୍ୱରୀଆଃ ଆମ୍ବା ମେନାଃ, ଇନିଃ ସବେନ୍ ବିଷାଏରେୟାଃ ବୁଗିନାଃଗି ବିଚାରେୟା, ମେନ୍ଦ
ଇନିଃକେ ଜେତାଏ କାକ ବିଚାର ଦାଡ଼ିୟା ।

୧୬ ଧାରାମପୁଅରେ ଅଲ୍ଲକାନ୍ ଲେକାଗି,
“ଅକଏ ପ୍ରାଭୁଆଃ ମନ୍ ସାରିୟାଏ ?
ଅକଏ ଇନିଃକେ ଇତୁ ଦାଡ଼ିୟା ?”
ମେନ୍ଦ ଆବୁ ଯାଶୁ ଶ୍ରୀଷ୍ଟିଆଃ ମନ୍ବୁ ନାମାକାଦା ।

୩

ପାର୍ବମେଶ୍ୱରୀଆଃ ଦାସିକ

୧ ହେ ହାଗା ମିଶିକ, ଆଇଙ୍ଗ୍ ଆମିକ୍ ହତକକେ କାଜିତାନ୍ ଲେକା ଆପେକେ କାଇଙ୍ଗ୍ କାଜିଦାଡ଼ି ତାନା, ମେନ୍ଦ
ଅତେଦିଶୁମ୍ରେନ୍ ହତକକେ ଆତଃ ଶ୍ରୀଷ୍ଟି ବିଶ୍ୱାସ୍ରେନ୍ ହନ୍କକେ କାଜିତାନ୍ ଲେକା ଆପେକେଇଙ୍ଗ୍ କାଜିପେତାନା ।

୨ *ଆଇଙ୍ଗ୍ ଆପେକେ ପାଚାଏ କା ଦାଡ଼ିୟଃ ଲେକାନ୍ ଜମେୟାଃ କା ଏମକେଦ୍ତେ ତଥା ନୁଁ ନାଗେନ୍ତେଇଙ୍ଗ୍
ଏମାଦ୍ପେୟା, ମେନ୍ଦ ଆପେ ପାଚାଏ କା ଦାଡ଼ିୟଃ ଲେକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍
ତାଇକେନା, ନାହାଃହଗି କାପେ ସେକାଡ଼କାନା ।

୩ ନାହାଃ ଜାକେଦ୍ ଆପେ ଅତେଦିଶୁମ୍ରେନ୍ ହତକ ଲେକା ସେସେନ୍ ତାନାପେ । ଆପେ ଥାଲ୍ଲାରେ ହିସଙ୍ଗା ଆତଃ
ଆପେ ଆପେରେ ଏପେଗେର ହବାକାତେୟଃତାନା, ନେଆଁତେ ଚିନାଃ ଆପେ ଅତେଦିଶୁମ୍ରେନ୍ ଆତଃ ଅତେଦିଶୁମ୍
ଲେକାପେ ସେସେନ୍ତାନା ମେନ୍ତେ କାପେ ଉଦୁବେନ୍ତାନା ?

୪ *ଆପେକଏତେ ଜେତାଏ, ଆଇଙ୍ଗ୍ ପାଉଲୁସ୍ତକେ ଅତଙ୍ଗନିଃ ତାନିଙ୍ଗ୍, ଆତଃ ଏଟାଃନିଃ, ଆଇଙ୍ଗ୍ ଆପୋଲୋକେ
ଅତଙ୍ଗନିଃ ତାନିଙ୍ଗ୍ ମେନ୍ତେ କାଜି ଇମ୍ତା ଚିନାଃ ଆପେ ଅତେଦିଶୁମ୍ରେନ୍ ହତକ ଲେକା କାପେଚି କାମିତାନା ?

୫ ଆପୋଲୋ ଅକଏ ତାନିଃ ? ଆତଃ ପାଉଲୁସ୍ ଅକଏ ତାନିଃ ? ଇନ୍କୁ ସବେନ୍ ପାର୍ବମେଶ୍ୱରୀଆଃ ଦାସିକ ଏସ୍କାର୍
ତାନକ, ଇନ୍କୁ ଆପେକେ ବିଶ୍ୱାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାର୍ବମେଶ୍ୱରୀ ଆବୁକଏତେ ମିହୁଡ଼୍ ମିହୁଡ଼୍ତେ
ଅକନ୍ କାମି ରିକା ନାଗେନ୍ତେ ଏମାକାଦ୍ବୁଆ, ଏନାବୁ କାମିୟାଃ ।

୬ *ଆଇଙ୍ଗ୍ ହିତା ରୟାକାଦାଇଙ୍ଗ୍ ଆତଃ ଆପୋଲୋ ଏନାରେ ଦାଆଃ ଦୁଲ୍ଲକେଦାଏ, ମେନ୍ଦ ପାର୍ବମେଶ୍ୱରୀ ହିତାକେ
ହାରାଇଦିକେଦା ।

୭ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲ୍ଲେନିଃ ଜେତାନିଃ ନାହାଁଲିଃ, ମେନ୍ଦ ପାର୍ବମେଶ୍ୱରୀ, ଅକଏଚି ହିତା
ହାରାଇଦିନିଃ ମାରାଙ୍ଗ୍ ତାନିଃ ।

୮ ହିତା ହେରୁନିଃ ଆତଃ ଦାଆଃ ଦୁଲ୍ଲନିଃ ବାରାନ୍କିନ୍ ମିଦ୍ଗିୟାକିନ୍ ଚିୟାଃଚି ପାର୍ବମେଶ୍ୱରୀ ମିମିଆଦ୍ ହତକକେ
ଆକଆଃ କାମି ଲେକାତେ ନାଲାଏ ଏମାକଥା ।

୯ ଚିୟାଃଚି ଆବୁ ପାର୍ବମେଶ୍ୱରୀଲଃ ମିସାତେ କାମିତାନ୍ ହତକ ତାନ୍ବୁ, ଆପେ ପାର୍ବମେଶ୍ୱରୀଆଃ ପିଡ଼ି ଆତଃ ଅତଃ
ତାନପେ ।

୧୦ ପାର୍ବମେଶ୍ୱରୀ ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ ଲେକାତେ ଆଇଙ୍ଗ୍ ମିଆଁଦ୍ ସେଣ୍ଡାନ୍ ଅତଃ ବାଇନିଃ ଲେକା
ନିହିଁଗାତା ବାଇୟାକାଦାଇଙ୍ଗ୍, ଏଟାଃ ମିହୁଡ଼୍ ଏନ୍ ଚେତାନ୍ରେ ଅତଃ ବାଇତାନାଏ । ମେନ୍ଦ ଆପେକଏତେ ସବେନ୍କ
ଅତଃ ଚିଲ୍ଲକାପେ ବାଇତାନା, ଏନ୍ ବିଷାଏରେ ଚିର୍ଗାଲ୍ଲକାନ୍ ତାଇନ୍ ଲାଗାଡ଼ିଙ୍ଗ୍ୟାଃ ।

୧୧ ଚିୟାଃଚି ପାର୍ବମେଶ୍ୱରୀ ବାଇସେକାଡ଼ାକାଦ୍ ନିହିଁଗାତା ଯାଶୁ ଶ୍ରୀଷ୍ଟିଗି ତାନିଃ, ଇନିଃକେ ବାଗିକେଦ୍ତେ ଏଟାଃ
ଜେତାଏ ନିହିଁଗାତା କାଏ ବାଇ ଦାଡ଼ିୟା ।

୧୨ ଚିମିନ୍ ହତକ ଏନ୍ ନିହିଁଗାତାରେ ସୋନା, ରୁପା, ଗନଙ୍ଗାଆଁନ୍ ଦିରିତେ ଅତଃକ ବାଇୟା ଆତଃ ଏଟାଃ ଚିମିନ୍
ହତକ ସାହାନ୍, ତାସାଦ୍ ଚାଏ ବୁସୁଃ ଏମକେଦ୍ତେ ଅତଃକ ବାଇୟା ।

୧୩ ମେନ୍ଦ ମିମିଆଦ୍ ହତକଆଃ କାମି, ଯାଶୁ ଶ୍ରୀଷ୍ଟିଆଃ ଆତଃମିସା ହିନିଜୁଃ ହୁଲ୍ଲାଙ୍ଗ୍ରେ ଉଦୁବଃଥା । ଏନ୍ ହୁଲ୍ଲାଙ୍ଗ୍
ମିହୁଡ଼୍ ମିହୁଡ଼୍ତରାଃ କାମି ସେଙ୍ଗେଲ୍ତେ ଉଦୁବଃଥା ଆତଃ ଚିଲ୍ଲକାନ୍ କାମିତାନାଃ ଏନା ସେଙ୍ଗେଲ୍ତେ ବିଡ଼ାଅକେଦ୍ତେ
ଉଦୁବଃଥା ।

୧୪ ଜେତାଏ ନିହିଁଗାତାରେ ଅତଃ ବାଇକେଦ୍ତେ ସେଙ୍ଗେଲ୍ ବିଡ଼ାଅରେ କାଏ ଜିୟନଃଥା, ଇନିଃ ନାଲାଏ ନାମେୟା
।

୧୫ ଜେତାଏୟାଃ କାମି ଜିୟନଃରେଦ, ଇନିଃ ଏନାକେ ଆଦେୟା, ମେନ୍ଦ ସେଙ୍ଗେଲ୍ ହରାତେ ବାସ୍ତାଅକାନ୍ ହତ ଲେକା
ଇନିଃ ଆଇଃକ୍ଗି ବାସ୍ତାଅ ନାମେୟାଏ ।

୧୬ *ଆପେ ପାର୍ବମେଶ୍ୱରୀଆଃ ମାନ୍ଦିର ଅତଃ ତାନ୍ପେ, ଏନା ଆପେ ସାର୍ଡିଗିପେ ସାରିତାନା ଆତଃ ପାର୍ବମେଶ୍ୱରୀଆଃ
ଆମ୍ବା ଆପେୟାଃ ମନ୍ସୁରୁଦ୍ରେ ତାଇନାଃ ତାନା ।

☆ ୩:୨ ଏବ୍ରୀ ୫:୧୨, ୧୩. ☆ ୩:୪ ୧ କବିଚ୍ଛିନ୍ଦ ୧:୧୨. ☆ ୩:୭ ପ୍ରେରିଡ୍ ୧୮:୪-୧୧; ପ୍ରେରିଡ୍ ୧୮:୨୪-୨୮. ☆ ୩:୧୭ ୧ କବିଚ୍ଛିନ୍ଦ ୨:୧୯; ୨ କବିଚ୍ଛିନ୍ଦ ୨:୧୭.

୧୭ ଜେତାଏ ପାର୍ମେଶ୍ୱାରୀଆ ମାନ୍ଦିରକେ ଜିୟନେରେଦ, ପାର୍ମେଶ୍ୱାର ଇନିଃକେ ଜିୟନିଆ । ଚିୟାଃତି ପାର୍ମେଶ୍ୱାରୀଆ ମାନ୍ଦିର ପାବିତାରଗିଆ ଆତଃ ଆପେ ଇନିୟାଃ ମାନ୍ଦିର ତାନ୍ପେ ।

୧୮ ଆପେ, ଆପେଗି ଆଲ୍ପେ ବେଦାନାଃ । ଆପେକଏତେ ଜେତା ହଡ଼ ଆପାନ୍କେ ଅତେଦିଶୁମ୍ ଲେକାତେ ସେଣ୍ଡାନ୍ ମେନ୍ତେ ମନେତାନ୍ରେଦ, ଇନିଃ ସାର୍ତି ସେଣ୍ଡାନ୍ ନାମେ ନାଗେନ୍ତେ ଆପାନ୍କେ କା ସେଣ୍ଡାନ୍ ଲେକା ହବାଅଃ ଲାଗାତିଙ୍ଗୟାଃ ।

୧୯ ଚିୟାଃତି ନେ ଅତେଦିଶୁମ୍ରେୟାଃ ସେଣ୍ଡାନ୍ ପାର୍ମେଶ୍ୱାରୀଆ ଆୟାରେ ତଣ୍ଡୁ ତାନାଃ । ଧାରାମ୍ପୁଥିରେ ଅଲ୍ଲାନା, “ପାର୍ମେଶ୍ୱାର ସେଣ୍ଡାନ୍ ହଡ଼କକେ ଆକଆଃ ଚାତୁରେନ୍ କାମିରେ ସାବ୍କଆ ।”

୨୦ ଆତଃଗି ଧାରାମ୍ପୁଥିରେ ଅଲ୍ଲାନା, “ସେଣ୍ଡାନ୍ ହଡ଼କଆଃ ଉଡ଼ୁ ସାମାକାଜି ତାନାଃ, ମେନ୍ତେ ପ୍ରାଭୁ ସାରିୟାଏ ।”

୨୧ ଏନାତେ, ମାନଝାରାଃ କାମି ବିଷାଏରେ ଜେତାଏ ଆପାନ୍କେ ଆଲ୍ଲକାଏ ମାରାଙ୍ଗ୍‌ୟେନ୍କା । ସାର୍ତିଗି ସବେନାଃ ଆପେୟାଃଗି ତାନାଃ :

୨୨ ପାଉଲ୍ପ, ଆପୋଲୋ, ପାଡ଼ରାସ, ନେ ଅତେଦିଶୁମ୍, ଜୀଦାନ୍, ଆତଃ ଗନଏଃ, ନାହାଃ ଆତଃ ହିନ୍ଦୁଃ ଦିପିଲି, ନେ ସବେନାଃ ଆପେୟାଃ ତାନାଃ,

୨୩ ମେନ୍ଦ ଆପେ ଖ୍ରୀଷ୍ଟଆଃ ତାନ୍ପେ, ଆତଃ ଖ୍ରୀଷ୍ଟ ପାର୍ମେଶ୍ୱାରୀଆ ତାନିଃ ।

୪

ଖ୍ରୀଷ୍ଟଆଃ ପ୍ରେରିତକ

୧ ଆପେ ଆଲେକେ ଖ୍ରୀଷ୍ଟଆଃ ଦାସି ଆତଃ ପାର୍ମେଶ୍ୱାରୀଆ ଉକ୍ତୁଆକାନ୍ ସାନାର୍ତିରାଃ ନାମାକାଦ୍ ଭାଣ୍ଡାରି ଲେକା ଉଡ଼ୁଲେପେ ।

୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହଡ଼ ଆୟାଃ ଗମ୍‌କେୟାଃ ନାଗେନ୍ତେ ପାତିୟାରରଃ ଲେକାନ୍ନିଃ ହବାଅଃ ଲାଗାତିଙ୍ଗୟାଃ ।

୩ ନାହାଃ, ନେ ବିଷାଏରେ ଆପେୟାଃ ହରାତେ ଚାଏ ଜେତାନ୍ ମାନଝାରେୟାଃ ବିଚାର୍ତେ ବିଚାରଃ ନାଗେନ୍ତେ ଆଇଙ୍ଗ୍ କାଇଙ୍ଗ୍ ଉଡ଼ୁତାନା, ଆତଃ ଆଇଙ୍ଗ୍, ଆଇଙ୍ଗ୍‌ଗି ଆଇଁୟାଃ ବିଚାର୍ କାଇଙ୍ଗ୍ ରିକାଃ ।

୪ ଚିୟାଃତି ଆଇଙ୍ଗ୍ ଆଇଁୟାଃ ବିରୁଧରେ ଜେତାନ୍ କାଜି ମେନାଃ ମେନ୍ତେ କାଇଙ୍ଗ୍ ସାରିତାନା, ଏନ୍‌ରେୟ ଏନାରେ ଆଇଙ୍ଗ୍ କାଇଙ୍ଗ୍ ଚିଟାକାନା ମେନ୍ତେ କାଇଙ୍ଗ୍ କାଜିତାନା । ମେନ୍ଦ ପ୍ରାଭୁ ଆଇଁୟାଃ ବିଚାର୍‌ନିଃ ତାନିଃ ।

୫ ଏନାତେ ନେତା ତେବାଃ ସିଦାରେ ଆପେ ଜେତାଏକେ ଆଲ୍ପେ ବିଚାର୍‌କଆ । ପ୍ରାଭୁଆଃ ଚୁଣ୍ଡୁ ବିଚାର୍ ହିନ୍ଦୁଃ ଦିପିଲି ଜାକେଦ୍ ତାଜିକାତେପେ । ଇନିଃ ନୁବାଃରେ ଉକ୍ତୁଆକାନ୍‌ତେୟାଃ ମାର୍ଯ୍ୟାଲ୍‌ତେ ଆଉୟା । ହଡ଼କଆଃ ମନ୍‌ସୁରୁଦ୍‌ରେ ଉକ୍ତୁଆକାନ୍‌ତେୟାଃ ସବେନାଃ ଉଦୁବେୟା । ଇମ୍‌ତା ସବେନ୍‌କ ପାର୍ମେଶ୍ୱାରୀତାଏତେ ମାନାରାଙ୍ଗ୍‌କ ନାମେୟା ।

୬ ହେ ହାଗା ମିଗିକ, ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ଆପୋଲୋ, ଆତଃ ଆଇଁୟାଃ ବିଷାଏରେଇଙ୍ଗ୍ କାଜିକାଦା । ଆଲିଙ୍ଗ୍ ବାରାନ୍‌କିନ୍‌କେ ନାମୁନା ଲେକା ମନେକେଦ୍‌ତେ ଆପେକେ ଇଡୁନ୍ ଲାଗାତିଙ୍ଗୟାଃ, ଧାରାମ୍ପୁଥିରେ ଅଲ୍ଲାନାନ୍‌ତେୟାଃ ଆଲ୍ପେ ପାରମେୟା, ନେଆଁ ଆପେ ଆଲେତାଏତେ ଇଡୁନ୍‌ପେ, ଆତଃ ଆପେକଏତେ ଜେତାଏକେ ଇଦିକେଦ୍‌ତେ ଆପାନ୍‌କେ ଆଲ୍ପେ ମାରାଙ୍ଗ୍‌ୟେନ୍‌ନା, ଚାଏ ଜେତାଏକେ ଆଲ୍ପେ ହିଲ୍‌କଆ ।

୭ ଆପେକେ ଅକଏ ଏଟାଃନିଃତାଏତେ ମାରାଙ୍ଗ୍‌କାଦ୍‌ପେୟା ? ଆପେୟାଃ ସବେନାଃ ଚିନାଃ ପାର୍ମେଶ୍ୱାର୍ କାଏ ଏମାକାଦ୍‌ପେୟା ? ଏନାରେ ଆପେ ଦାନ୍ କା ନାମାକାଦ୍ ଲେକା ଚିନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା ?

୮ ଆପେୟାଃ ଲାଗାତିଙ୍ଗ୍‌ତେୟାଃ ସବେନାଃ ନାମ୍ ସେକାଡ଼କେଦାପେଚି ? ଆପେ ଚିନାଃ କିସାଁଣ୍‌ୟାନାପେ ? ଆଲେ କାଲେ ରାଜାକାନ୍‌ରେୟ, ଆପେ ଚିନାଃ ରାଜା କାନାପେଚି ? ସାର୍ତିଗି ଆପେ ରାଜା ହବାକାନ୍‌ରେଦ ବୁଗିନାଃ ହବାକାନ୍‌ତେୟାଃ, ଚିୟାଃତି ଆଲେୟ ଆପେଲଃ ରାଇଜେତେୟାଃଲେ ।

୯ ଆଇଁୟାଃ ହିଡୁରେ, ଆଲେ ଲେକାନ୍ ପ୍ରେରିତକକେ ପାର୍ମେଶ୍ୱାର୍ ସବେନକଆଏତେ ତାୟମରେ ଦହକାଦ୍‌କଆ । ଗନଏଃ ସାଜାଇ ନାମାକାଦ୍ ହଡ଼ ଲେକା ଆଲେ ଅତେଦିଶୁମ୍‌ରେ ହଡ଼କଆଃ, ଆତଃ ଦୁଡ଼କଆଃ ସାମ୍‌ନାଙ୍ଗ୍‌ରେ ଲାୟାକାନ୍‌କ ଲେକାଲେ ହବାକାନା ।

୧୦ ଆଲେ ଖ୍ରୀଷ୍ଟ ନାଗେନ୍ତେଲେ ତଣ୍ଡୁକାନା, ମେନ୍ଦ ଆପେ ଖ୍ରୀଷ୍ଟରେ ମିଦ୍‌କାନ୍ ହରାତେ ସେଣ୍ଡାକାନାପେ, ଆଲେଦଲେ ନାରାଦୁରାକାନା ମେନ୍ଦ ଆପେ ପେଡ଼େଃପେ ନାମାକାଦା, ଆଲେଦଲେ ହିଲ୍‌କାକାନା ମେନ୍ଦ ଆପେ ମାଇନ୍‌ପେ ନାମାକାଦା ।

୧୧ ଆଲେ ନାହାଃ ଜାକେଦ୍‌ଲେ ରେଙ୍ଗେଃତାନା, ତେତାଙ୍ଗ୍‌ତାନା, ତେଟାଃ ଲିଜାଃଲେ ତୁସିଙ୍ଗ୍‌କାନା, ଦାଲଃତାନା ଆତଃ ଅଡ଼ାଃ ବାନଃଆ,

୧୨ *ଆଲେ କେଟେଦ୍ କାମି କାମିକେଦ୍‌ତେଲେ ଲାଗାଉତାରଃ ତାନା । ଜେତାଏ ଆଲେକେ ସାର୍‌ପାଅଲେ ତାନରେ, ଆଲେ ଇନ୍‌କୁକେ ଆଶିଷ୍ଟକତାନାଲେ । ସିଗିଦଃତାନରେ ସାହାତିଙ୍ଗ୍ ତାନାଲେ,

୧୩ ହିଲାଙ୍ଗଲେ ତାନକକେ ଲେବେଃ କାଜିତେଲେ କାଜିରୁହାଡ୍‌କତାନା । ଆଲେ ନାହାଁଃ ଜାକେଦ୍ ଅତେଦିଶୁମ୍‌ରେ କେର୍‌ରା ଆଡ଼ଃ ହୁମ୍‌ ଲେକାଲେ ହବାକାନା ।

୧୪ ଆପେକେ ଗିହୁଃଈଚିପେ ନାଗେନ୍ତେ ନେଆଁ ଆଇଙ୍ଗ୍ କାଇଙ୍ଗ୍ ଅଲେତାନା, ମେନ୍‌ଦ ଆଇଁୟାଃ ଦୁଲାଡ୍ ହନ୍‌କ ଲେକାଇଙ୍ଗ୍ ଉଦୁବ୍‌ପେତାନା ।

୧୫ ଖ୍ରୀଷ୍ଟରେ ଆପେୟାଃ ପୁରାଃଗି ଗେଲ୍ ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦ୍‌ଗି ଆପୁ ମେନାଇୟା । ଆଇଙ୍ଗ୍ ଆପେତାଃରେ ସୁକୁକାଜି ଉଦୁବ୍‌କେଦାଇଙ୍ଗ୍ ଆଡ଼ଃ ଯାଶୁ ଖ୍ରୀଷ୍ଟକେ ଆପେ ବିଶ୍ୱାସ୍‌କିୟାପେ ଏନାତେ ଆଇଙ୍ଗ୍ ଆପେୟାଃ ଆପୁ ଲେକାଇଙ୍ଗ୍ ହବାୟାନା ।

୧୬ *ଏନାମେନ୍ତେ ଆଇଁୟାଃ ନାମୁନା ଲେକା ସେସେନ୍‌ପେ ମେନ୍ତେଇଙ୍ଗ୍ ବିନ୍ତିପେତାନା ।

୧୭ ଏନା ନାଗେନ୍ତେ ଆଇଙ୍ଗ୍ ପ୍ରାଭୁରେ ଦୁଲାଡ୍ ଆଡ଼ଃ ପାତିୟାରଃ ଲେକାନ୍ ହନ୍ ତୀମଥୁକେ ଆପେତାଃତେଇଙ୍ଗ୍ କୁଲିତାନା । ଆଇଙ୍ଗ୍ ଯାଶୁ ଖ୍ରୀଷ୍ଟଲଃ ତାଇକେଦ୍‌ତେ ନାଞ୍ଜା ଜୀଦାନରେ ସେସେନ୍‌ତାନଲଃ ସବେନ୍‌ତାଃରେ, ସବେନ୍ କାଲିସିୟାରେଇଙ୍ଗ୍ ଇଡୁକାଦ୍‌କଆ, ଏନା ଇନିଃ ଆପେକେ ପାହାମ୍‌ଇଚିପେୟା ।

୧୮ ଆଇଙ୍ଗ୍ ଆପେତାଃତେ କାଇଙ୍ଗ୍ ହିଜୁଃଆ ମେନ୍ତେ ଆପେ ଉଡ଼ୁତାନଲଃ ଆପେକଏତେ ଚିମିନ୍ ହଡ଼କ ମାରାଙ୍ଗ୍‌ୟେନ୍‌ ତାନା ।

୧୯ ପ୍ରାଭୁଆଃ ସାନାଙ୍ଗ୍ ହବାଅଃରେଦ୍, ଆଇଙ୍ଗ୍ ଆପେତାଃତେ ଜାଲ୍‌ଦିଗିଇଙ୍ଗ୍ ହିଜୁଃଆ । ଇମତା ଆଇଙ୍ଗ୍ ନେ ମାରାଙ୍ଗ୍‌ୟେନ୍‌ ହଡ଼କଆଃ କାଜି କାଇଙ୍ଗ୍ ଆୟୁମାଃ, ମେନ୍‌ଦ ଇନ୍‌କୁଆଃ ପେଡ଼େଃ ଚିମିନ୍ ମେନାଃ ଏନା ଆଇଙ୍ଗ୍‌ଗିଇଙ୍ଗ୍ ନେଲେୟା ।

୨୦ ଚିୟାଃଚି ପାର୍‌ମେଶ୍ୱାର୍‌ଆଃ ରାଇଜ୍‌ଦ୍ ଜାଗାର୍ ବିଷାଏ ଏସ୍‌କାର୍ ନାହାଁଲାଃ ମେନ୍‌ଦ ପେଡ଼େଃରେୟାଃ ବିଷାଏ ତାନାଃ ।

୨୧ ଆପେ ଚିନାଃ ସାନାଙ୍ଗ୍‌ତାନାପେ ? ଆଇଙ୍ଗ୍ ଆପେକେ ଚେତାଅପେ ନାଗେନ୍ତେ ସଟା ସାବ୍‌କେଦ୍‌ତେଇଙ୍ଗ୍ ହିଜୁଃଆ ଚି, ଦୁଲାଡ୍ ଆଡ଼ଃ ଲେବେଃ ମନ୍‌ତେଇଙ୍ଗ୍ ହିଜୁଃଆ ?

୫

କାଲିସିୟାରେ ଏଡ଼କାନ୍ ଚାଇଲ୍ ଚାଲାନ

୧ ଆପେ ଆଲାରେ ଅକନ୍ ଆପାଙ୍ଗିର୍ କାମି ହବାଅଃତାନା, ଏନ୍‌ଲେକାନ୍ ଆପାଙ୍ଗିର୍ କାମି ସାଅଁସାର୍ ହଡ଼କ ଆଲାରେୟ କା ହବାଅଃତାନା । ଆଇଙ୍ଗ୍ ଆୟୁମ୍‌କାଦାଇଙ୍ଗ୍, ଆପେଏତେ ମିହୁଡ୍ ଆପୁଡେୟାଃ କୁଡିତେକେ ଆୟାଃ କୁଡି ଲେକାଏ ଦହକିୟା ।

୨ ଏନ୍‌ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡିତାନ୍ ? ଆପେ ଗିହୁଃକେଦ୍‌ତେ, ଏନ୍ ଲେକା କାମିକାଦ୍ ହଡ଼କେ ଆପେୟାଃ ମେନେସାଏତେ ଆତମ୍‌ଏଣ୍ଡା ଲାଗାତିୟା ।

୩ ଆଇଙ୍ଗ୍ ଏନ୍ତାଃରେ କାଇଙ୍ଗ୍ ତାଇକେନ୍‌ରେୟ ଆମ୍‌ଗାରେ ଆପେତାଃରେଇଙ୍ଗ୍ ତାଇକେନା, ଆଡ଼ଃ ଆପେତାଃରେ ତାଇନ୍‌ତାନିଃ ଲେକା ଏନ୍ ଲେକାନ୍ କାମି କାମିକାଦ୍‌ନିଃକେ ଆଇଙ୍ଗ୍ ବିଚାର୍ ଚାବାକିୟା ।

୪ ପ୍ରାଭୁ ଯାଶୁଆଃ ନୁଡୁମତେ ଆପେ ମିଦ୍‌ତାଃରେ ହୁଣ୍ଡିକାନ୍ ଇମତା ଆଇଙ୍ଗ୍‌ହଁ ଏନ୍ତାଃରେ ଆପେଲଃ ଆମ୍‌ଗାରେଇଙ୍ଗ୍ ତାଇକେନା ଆଡ଼ଃ ଆବୁଆଃ ଆଲାରେ ପ୍ରାଭୁ ଯାଶୁଆଃ ପେଡ଼େଃ ତାଇକେନା ।

୫ ଏନ୍ ଲେକାନ୍ ହଡ଼କେ ଆୟାଃ ହଡ଼ମ୍ ଜିୟନେ ନାଗେନ୍ତେ ସାଏତାନରାଃ ଡିଃଇରେ ଜିମାତାଇପେ । ଜେ'ଲେକାଚି ପ୍ରାଭୁଆଃ ହିନିଜୁଃ ହୁଲାଙ୍ଗ୍‌ରେ ଆୟାଃ ଆମ୍‌ ବାଞ୍ଛାଅ ଦାଡିୟାଆ ।

୬ *ନେ'ଲେକା ଆପାନ୍‌କେ ମାରାଙ୍ଗ୍‌ୟେନ୍‌ ଆପେୟାଃ ନାଗେନ୍ତେ କା ବୁଗିନାଃ । କାଚିଃଲେକା ରାନୁ ଗଟା ମାଏଦାକେ ଜୋଜୟା ଏନା ଆପେ କାପେଚି ସାରିତାନା ?

୭ ଆପେ ଆପେୟାଃ ପାପ୍ ଲେକାନ୍ ମାରି ରାନୁକେ ସାଜିନ୍‌କେଦ୍‌ତେ ପୁରା ଫାର୍‌ଚିୟଃରେଦ୍, ଆପେ ରାନୁ ବାନଃ ନାଞ୍ଜା ମାଏଦା ଲେକାପେ ହବାଅଃଆ । ଆଇଙ୍ଗ୍ ସାରିତାନାଇଙ୍ଗ୍ ନାହାଁଃ ଆପେ ଫାର୍‌ଚିଗି ମେନାପେୟା । ଚିୟାଃଚି ଆବୁଆଃ ପାସ୍‌କା ପାରାବ୍ ସେକାଡ଼ାକାନା ଆଡ଼ଃ ଖ୍ରୀଷ୍ଟ ଆବୁଆଃ ପାସ୍‌କା ପାରାବ୍‌ରେୟାଃ ମିଣ୍ଡିହନ୍ ଲେକା ଦାଣ୍ଡେଁ ରାକାବ୍‌ୟାନାଏ ।

୮ ଏନାତେ ଏଲା ହିଜୁଃପେ, ପାପ୍ ଆଡ଼ଃ ଏଡ଼କାନ୍ ଲେକାନ୍ ମାରି ରାନୁକେ ବାଗିକେଦ୍‌ତେ ଲେବେଃ ମନ୍‌ତେ ଆଡ଼ଃ ସାନାର୍‌ତିତେ ରାନୁ ବାନଃ ହଲଙ୍ଗ୍‌ତେ ନେ ପାରାବ୍‌କେବୁ ମାନାତିୟେୟା ।

୯ ଆପେ ଆପାଙ୍ଗିର୍ ହଡ଼କଆଃ ସାଙ୍ଗାତିରେ ଆଲ୍‌ପେ ମେସାନା ମେନ୍ତେ ଆଇଙ୍ଗ୍ ସିଦା ଚିଟାଉରେ ଅଲାକାଦ୍ ତାଇକେନାଇଙ୍ଗ୍ ।

* ୪:୧୨ ପ୍ରେରିଡ୍ ୧୮:୩. * ୪:୧୭ ୧ କବିଚ୍ଛନ୍ଦ ୧୧:୧; ଫିଲିପିୟ ୩:୧୭. * ୫:୭ ଗାଲାତିୟ ୫:୯.

୧୦ ଆପେ ନେ ଅତେଦିଶୁମ୍ବରେନ୍ ଆପାଙ୍ଗିର୍, ଲୋଭା, କୁମ୍ଭତୁ ଆତଃ ମୁରୁତ୍ ପୁଜାତାନ୍ ହତକଲଃ ଜେତାନ୍ ନାତା ଆଲ୍ପେ ଦହୟା ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ଆପେ ନାତା କାପେ ଦହଲେରେ, ଆପେକେ ନେ ଅତେଦିଶୁମ୍ବଏତେ ଅତଙ୍ଗ୍ ଲାଗାତିଙ୍ଗ୍ୟାଃ ।

୧୧ ଆଇଙ୍ଗ୍ୟାଃ କାଜିରାଃ ମୁଣ୍ଡି ହବାଅଃତାନା, ଆପେୟାଃ ହାଗା ମେନ୍ତେ ସାରିକାନ୍ ଜେତାଏ ହତ୍ ଆପାଙ୍ଗିର୍ନିଃ, ଲୋଭାନିଃ, ମୁରୁତ୍ ସେଞ୍ଜାନିଃ, ହିଲାଙ୍ଗ୍ନିଃ, ଇଲିଆର୍ଶ୍ୱରେ ବୁଲଃନିଃ, ଚାଏ କୁମ୍ଭତୁନ୍ନିଃ ହବାଅଃରେଦ, ଇନିଃଲଃ ସବେନ୍ ନାତା ବାଗିତାପେ । ଏନ୍ଲେକାନ୍ ହତ୍ଲଃ ଦୁବ୍କେଦ୍ତେ ଆଲ୍ପେହ୍ ଜଜମାଃ ।

୧୨ କାଲିସିୟାଏତେ ବାହାରିରେନ୍ ହତ୍କଆଃ ବିଚାର୍ ରିକା ନାଗେନ୍ତେ ଆଇଙ୍ଗ୍ ଅକଏ ତାନିଙ୍ଗ୍ ? ମେନ୍ଦ୍ ଆବୁଆଃ କାଲିସିୟାରେନ୍ ହତ୍କଆଃ ବିଚାର୍ ନାଗେନ୍ତେ ଆବୁଆଃ ଚିନାଃ ଆକ୍ତେୟାର୍ ବାନଃଆ ?

୧୩ ପାର୍ମେଶ୍ୱାର୍ ଇନ୍କୁକେ ବିଚାର୍କଆ, ଧାରାମ୍ପୁଥ୍ରେ ଅଲ୍ଲାନା, “ଆପେକଏତେ ଏନ୍ଲେକାଗି ଏଡ୍କାନ୍ ହତ୍କକେ ବାହାରି ଅତଙ୍ଗ୍କପେ ।”



ଶ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

୧ ଆପେକଏତେ ଜେତାଏତାଃରେ ଏଟାଃ ଶ୍ରୀଷ୍ଟିୟାନ୍ ହାଗା ବିରୁଧ୍ରେ କାଜି ମେନାଃରେଦ, ଇନିଃ ବିଚାର୍ ନାଗେନ୍ତେ ପାର୍ମେଶ୍ୱାର୍ଆଃ ହତ୍କତାଃତେ କା ସେନ୍କେଦ୍ତେ ସାଅଁସାର୍ ହତ୍କତାଃତେ ସେନ୍ ନାଗେନ୍ତେ ଚିଲ୍କାତେ ସାହାସେ ତାନା ?

୨ ପାର୍ମେଶ୍ୱାର୍ଆଃ ହତ୍କ ନେ ଅତେଦିଶୁମ୍ବକେ ବିଚାରେୟାକ ମେନ୍ତେ ଚିନାଃ ଆପେ କାପେ ସାରିତାନା ? ଆପେ ନେ ଅତେଦିଶୁମ୍ବକେପେ ବିଚାର୍ ଦାଡ୍ଡିତାନ୍ରେଦ, ନେ ହୁପୁଡ୍ଡିଙ୍ଗ୍ କାଜିକ ଚିନାଃ କାପେ ବିଚାର୍ ଦାଡ୍ଡିୟା ?

୩ ଆବୁ ଦୁଡ୍ଡକକେ ବିଚାର୍କଆରୁ, ଏନା ଆପେ କାପେଟି ସାରିତାନା ? ତାବ୍ଦ୍ ନେ ସାଂସାର୍ରେ ହବାଅତାନ୍ ବିଷାଏକ ବିଚାର୍ ନାଗେନ୍ତେ ଆବୁଆଃ ନେ ଜୀଦାନ୍ରେ ଚିମିନ୍ ରାଞ୍ଜାଲ୍ ହବାଅଆ !

୪ କାଲିସିୟାରାଃ ନେପେଲ୍ରେ ଅକନ୍କଟି ମାଇନ୍ କାକ ନାମେତାନା, ଏନ୍ ହତ୍କତାଃତେ ଆପେ ନେ ହୁପୁଡ୍ଡିଙ୍ଗ୍ କାଜିକ ବିଚାର୍ ନାଗେନ୍ତେ ଚିନାଃମେନ୍ତେପେ ସେନ୍ତାନା ?

୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲ୍ଲାରେ କା ବାପାଇ ତାନ୍କଆଃ ବିଚାର୍ ରିକାଦାଡ୍ଡି ନାଗେନ୍ତେ କାଲିସିୟାରେ ମିହୁଡ୍ ଲେକାଦ ସେଣ୍ଡାନ୍ ହତ୍ ତାଇନାଏ !

୬ ମିହୁଡ୍ ହାଗା ଆତଃମିହୁଡ୍ ହାଗାରାଃ ବିରୁଧ୍ରେ କାଚାଇରିତେ ସେନ୍କେଦ୍ତେ, କା ବିଶ୍ୱାସ୍ତାନ୍ ହତ୍କତାଃରେ ବିଚାରେନ୍ତାନା ।

୭ ଆପେ ଆଲ୍ଲାରେ ହବାଅତାନ୍ କା ବାପାଇ ହରାତେ କାଚାଇରିତେ ନ୍ୟାୟବିଚାର୍ ନାଗେନ୍ତେପେ ସେନ୍ତାନା, ଏନା ଆପେ ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର୍ ରିକାଏତେଦ୍ ଏଡ୍କାନାଃ ସାହାଡ୍ଡିଙ୍ଗ୍କେଦ୍ତେ ଜିୟନଃତେୟାଃ, ଆପେ ନାଗେନ୍ତେ ବୁଗିନାଃ ହବାଅତେୟାଃ ।

୮ ନେଆଁ କାମିକେଦ୍ ହରାତେ ଆପେ ଆପେଗି ମିହୁଡ୍ ଆତଃମିହୁଡ୍ଆଃ ଏଡ୍କାନ୍ କାମି କାମିତାନାପେ ଆତଃ କୁମ୍ଭତୁତାନାପେ, ଏନ୍ଲେକାଗି ଏଟାଃ ବିଶ୍ୱାସୀ ହାଗା ମିଶିକଲଃହ୍ କାମିତାନାପେ ।

୯ ଏଡ୍କାନ୍ ହତ୍କ ପାର୍ମେଶ୍ୱାର୍ଆଃ ରାଇଜ୍ରେ କାକ ବଲ୍ ଦାଡ୍ଡିୟା ମେନ୍ତେ ଚିନାଃ ଆପେ କାପେ ସାରିତାନା ? ଆଲ୍ପେ ବେଦାଅଆ; କା ଆଣ୍ଡିକାନ୍ କଡା ଆତଃ ଆଣ୍ଡି କୁଡ୍ଲିଃ ଆପାଙ୍ଗିର୍ କାମିତାନ୍କ, ଆଣ୍ଡିକାନ୍ କଡା ଚାଏ କୁଡ୍ଡି ଏଟାଃ ଆଣ୍ଡିକାନ୍ କଡା ଚାଏ କୁଡ୍ଲିଃ ଆପାଙ୍ଗିର୍ କାମିତାନ୍କ, ମୁରୁତ୍ ପୁଜାତାନ୍କ, କଡା କୁଡ୍ଲିଲେକା ଚାଇଲ୍ ଚାଲ୍ଲାନକ, କଡାକ ଆକରେଗି ଆପାଙ୍ଗିର୍ତାନ୍କ,

୧୦ କୁମ୍ଭତୁକୁ, ଟାକା ପାଏସା ହାୟାତାନ୍କ, ଇଲିଆର୍ଶ୍ୱରେ ବୁଲଃତାନ୍କ, ହିଲାଙ୍ଗ୍ତାନ୍କ, ରେରେଃକ୍କ, ନେ ସବେନ୍କ ପାର୍ମେଶ୍ୱାର୍ଆଃ ରାଇଜ୍ରେ କାକ ବଲ୍ ଦାଡ୍ଡିୟା ।

୧୧ ଆପେକଏତେ ଚିମିନ୍କ ଏନ୍ଲେକାପେ ତାଇନ୍କେନା । ମେନ୍ଦ୍ ପ୍ରାଭୁ ଯୀଶୁ ଶ୍ରୀଷ୍ଟିଆଃ ନୁଡ୍ଡୁମ୍ତେ ଆତଃ ଆବୁଆଃ ପାର୍ମେଶ୍ୱାର୍ଆଃ ଆମ୍ବା ହରାତେ ନାହାଁଃ ଆପେ ପାପ୍ହେତେ ଫାର୍ଡିଆକାନାପେ, ପାବିତାର୍ କାମି ନାଙ୍ଗ୍ ଜିମାକାନାପେ, ଆତଃ ଧାର୍ମାନ୍ ହତ୍ ମେନ୍ତେପେ ଲେକାକାନା ।

ଆପେୟାଃ ହତ୍ମକେ ପାର୍ମେଶ୍ୱାର୍ଆଃ ମାନାରାଙ୍ଗ୍ ନାଗେନ୍ତେ ବେଭାରେପେ

୧୨ *ଜେତାଏ ମିହୁଡ୍ କାଜିୟାଏ, “ଆଇଙ୍ଗ୍କେ ସବେନାଃ ରିକା ନାଗେନ୍ତେ ଆବୁକାନା ।” ସାର୍ଡି କାଜିତାନାଃ, ମେନ୍ଦ୍ ସବେନାଃ ଆପେ ନାଗେନ୍ତେ କା ବୁଗିନାଃ । ଆଇଙ୍ଗ୍କେ ସବେନ୍ କାମି ରିକା ନାଗେନ୍ତେ ଆବୁକାନା, ମେନ୍ଦ୍ ଆଇଙ୍ଗ୍ ଜେତାଏକେ ଆୟାଃ ଆକ୍ତେୟାର୍ରେ ଦହ ନାଗେନ୍ତେ ସୁଯୋଗ୍ କାଇଙ୍ଗ୍ ଏମ୍ ଦାଡ୍ଡିୟା ।

☆ ୬:୧୨ ୧ କବିଚ୍ଛନ୍ଦ ୧୦:୨୩.

୧୩ ଜେତାଏ ମିହୁଡ଼୍ କାଜିୟାଏ, “ଜମେୟାଠ ଲାହିଦ୍ ନାଗେନ୍ତେ, ଆତଃ ଲାହିଦ୍ ଜମେୟାଠ ନାଗେନ୍ତେ ।” ସାର୍ତ୍ତି କାଜିତାନାଃ, ମେନ୍ଦ୍ ପାରମେଶ୍ୱାର୍ ବାରାନାଃକେ ଜିୟନେଆଁ । ହଡ଼ଫ ଆପାଙ୍ଗିର୍ କାମି ନାଗେନ୍ତେ ନାହାଁଲାଃ, ମେନ୍ଦ୍ ପ୍ରାଭୁଆଃ ସେଞ୍ଜାରେ ବାଉରାଅଃକା, ଚିୟାଠି ପ୍ରାଭୁ ହଡ଼ଫରାଃ ଲାଗାତିଙ୍ଗ୍ତେୟାଃ ଜଗାଅନିଃ ତାନିଃ ।

୧୪ ପାରମେଶ୍ୱାର୍ ଆୟାଃ ପେଡେଃତେ ପ୍ରାଭୁ ଯାଶୁକେ ଗନଏଃହେତେ ଜୀଉବିରିଦ୍‌କିୟାଏ ଆତଃ ଇନିଃ ଆବୁକେୟ ଆୟାଃ ପେଡେଃତେ ଜୀଉବିରିଦ୍‌ବୁଆ ।

୧୫ ଆପେୟାଃ ହଡ଼ଫ ଯାଶୁ ଶ୍ରୀଷ୍ଟିଆଃ ହଡ଼ଫରାଃ ହିସା ଲେକାନାଃ ତାନାଃ ଏନା କାପେଚି ସାରିକାଦା ? ଚିନାଃ ଆଇଙ୍ଗ୍ ଯାଶୁ ଶ୍ରୀଷ୍ଟିଆଃ ହଡ଼ଫରାଃ ମିଦ୍ ହିସାକେ ଇଦିକେଦ୍‌ତେ କା ଆଶ୍‌ଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିର୍‌କାନିଆଃ ହିସାଇଙ୍ଗ୍ ବାଇୟା ? ଏନକା ଆଲକା ହବାଅଃକା ।

୧୬ ଚାଏ ଜେତାଏ କା ଆଶ୍‌ଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିର୍‌କାନିଃଲଃ ମିଦ୍‌ରେ ମେସାନାଏ, ଇନିଃ ଏନ୍ କା ଆଶ୍‌ଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିର୍‌କାନିଃଲଃ ମିଆଁଦ୍ ହଡ଼ଫଃଆଏ, ଚିନାଃ ଏନା କାପେ ସାରିତାନା ? ଚିୟାଠି ଧାରାମ୍‌ପୁଅରେ ବୁଗିଲେକା ଅଲକାନା, “ଏନ୍ ବାରାନ୍‌କିନ୍ ମିଆଁଦ୍ ହଡ଼ଫଃଆକିନ୍ ।”

୧୭ ମେନ୍ଦ୍ ଜେତାଏ ପ୍ରାଭୁଲଃ ମେସାଅଃଆଏ, ଇନିଃ ପ୍ରାଭୁଆଃ ଆମ୍ବୀରେ ମିଦଃଆ ।

୧୮ ଆପାଙ୍ଗିର୍ କାମିଏତେ ସାଙ୍ଗିନଃପେ । ଏଟାଃ ଜେତାନ୍ ପାପ୍‌ଏତେ ହଡ଼ରାଃ ହଡ଼ଫ କା ନକ୍‌ସାନଃଆ, ମେନ୍ଦ୍ ଆପାଙ୍ଗିର୍ କାମିନିଃ ଆୟାଃ ହଡ଼ଫ ବିରୁଧ୍‌ରେ ପାପ୍ ରିକାଏୟା ।

୧୯ *ଆପେୟାଃ ହଡ଼ଫଦ୍ ପାରମେଶ୍ୱାର୍‌ତାଃଏତେ ନାମାକାଦ୍ ପାବିତାର୍ ଆମ୍ବୀରାଃ ମାନ୍ଦିର୍ ତାନାଃ, ଏନା କାପେଚି ସାରିତାନା ? ଆପେ ଆପେଚି ନାହାଁଲାପେ, ମେନ୍ଦ୍ ପାରମେଶ୍ୱାର୍‌ଆଃ ତାନ୍‌ପେ ।

୨୦ ଇନିଃ ଆପେକେ ପୁରାଃ ଗନଙ୍ଗ୍‌ଆଁନ୍‌ତେ କିରିଙ୍ଗ୍‌କାଦ୍‌ପେୟା । ଏନାତେ ଆପେ ଆପେୟାଃ ହଡ଼ଫତେ ପାରମେଶ୍ୱାର୍‌ଆଃ ମାନାରାଙ୍ଗ୍ ରିକାଏପେ ।



ଆଶ୍‌ଦି ବିଷାଏରେ କୁନୁଲି

୧ ଆପେ ଆଇଙ୍ଗ୍‌କେ ଚିଟାଉରେ କୁଲିକାଦିଙ୍ଗ୍ କୁନୁଲି, ନାହାଁଃ ଆଇଙ୍ଗ୍ ଆପେକେଇଙ୍ଗ୍ କାଜିରୁହାଡ଼୍‌ପେତାନା । ହଡ଼ କା ଆଶ୍‌ଦିନ୍‌ତେୟାଃ ବୁଗିନାଃ ତାନାଃ ।

୨ ମେନ୍ଦ୍ ଆପାଙ୍ଗିର୍ କାମି ପେରେଜାକାନ୍ ହରାତେ ସବେନ୍ ହଡ଼ରାଃ କୁଡ଼ି ଆତଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିଙ୍ଗ୍‌ୟାଃ ।

୩ କଡ଼ା ଆୟାଃ କୁଡ଼ିରାଃ ଲାଗାତିଙ୍ଗ୍‌ତେୟାଃ ପୁରାଏକା ଆତଃ କୁଡ଼ି ଆୟାଃ କଡ଼ାରାଃ ଲାଗାତିଙ୍ଗ୍‌ତେୟାଃ ପୁରାଏକା । ଆତଃ ବାରାନ୍‌କିନ୍ ଆକିନାଃ ବାରାନ୍‌କିନାଃ ଲାଗାତିଙ୍ଗ୍‌ତେୟାଃ ପୁରାଏ ନାଗେନ୍ତେ ଲାଗାତିଙ୍ଗ୍‌ୟାଃ ।

୪ ଆୟାଃ ଆପ୍‌ନାଃ ହଡ଼ଫରେ କୁଡ଼ିରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍ଦ୍ କଡ଼ାରାଃ ମେନାଃ । ଏନ୍‌ଲେକାଗି ଆୟାଃ ଆପ୍‌ନାଃ ହଡ଼ଫରେ କଡ଼ାରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍ଦ୍ କୁଡ଼ିରାଃ ମେନାଃ ।

୫ ମିହୁଡ଼୍ ଆତଃମିହୁଡ଼୍‌ତାଃଏତେ ଆଲକାଏ ବିନ୍‌ଗାଅଃକା । ମେନ୍ଦ୍ ବାରାନ୍‌କିନ୍ ମିଦ୍‌ତାଃରେ ବିକ୍ତିରେ ତାଇନ୍ ନାଗେନ୍ତେ ଘାଡ଼ିକାଦ୍ ନାଙ୍ଗ୍ ବିନ୍‌ଗାଅ ଦାଡ଼ିୟାକିନ୍ । ଆପାନ୍‌କେ କାବୁରେ ଦହ ନାଗେନ୍ତେ କାମ୍‌ଜର୍ ତାଇନ୍ ହରାତେ ସାଏତାନ୍ ଇନ୍‌କିନ୍‌କେ ବିଡ଼ାଅରେ ଆଲକାଏ ଉୟୁଃକିନ୍‌କା, ଏନାମେନ୍ତେ ଆତଃମିସା ମିଦ୍‌ରେ ମେସାନ୍‌କାକିନ୍ ।

୬ ଆଇଙ୍ଗ୍ ଆପେକେ ହୁକୁମ୍ ଏମ୍‌ତାନ୍ ଲେକାଦ୍ କାଇଙ୍ଗ୍ କାଜିତାନା, ମେନ୍ଦ୍ ଆରୁପେତାନ୍ ଲେକାଇଙ୍ଗ୍ କାଜିପେତାନା ।

୭ ଆପେ ସବେନ୍‌କ ଆଇଁୟାଃ ଲେକା ହବାଅଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ମେନ୍ଦ୍ ସବେନ୍‌କ ଆକଆଃ ଆପ୍‌ନାଃ ବାର୍‌ଦାନ୍ ପାରମେଶ୍ୱାର୍‌ତାଃଏତେ ନାମାକାଦାକ । ସବେନ୍‌କ ମିଦ୍ ଲେକାଗି ବାର୍‌ଦାନ୍ କା ନାମ୍‌କେଦ୍‌ତେ ଏଟାଃ ଏଟାଃ ବାର୍‌ଦାନ୍‌କ ନାମାକାଦା ।

୮ ନାହାଁଃ ଆଇଙ୍ଗ୍ କା ଆଶ୍‌ଦିକାନ୍ ଆତଃ ରାଣ୍ଡିକୁଡ଼ିକେଇଙ୍ଗ୍ କାଜିତାନା, ଇନ୍‌କୁ ଆଇଁୟାଃଲେକା ଏସ୍‌କାର୍‌ଗିକ ତାଇନ୍‌ରେ ବୁଗିନାଃ ହବାଅଃତେୟାଃ ।

୯ ମେନ୍ଦ୍ ଇନ୍‌କୁ ଆକଗି ଏଡ୍‌କାନ୍ ସାନାଙ୍ଗ୍‌ଏତେ କାକ ସାମ୍‌ବାଡ଼ାଅ ଦାଡ଼ିୟାଃରେଦ୍, ଆଶ୍‌ଦିୟାଃକାକ । ଚିୟାଠି କା ସାହାଅକେଦ୍‌ତେ ତାଇନଃଏତେଦ୍ ଆଶ୍‌ଦିୟାଃରେ ବୁଗିନାଃ ହବାଅଃଆ ।

୧୦ *ଆଇଙ୍ଗ୍ ଆଶ୍‌ଦିକାନ୍‌କକେ ହୁକୁମ୍‌କ ତାନାଇଙ୍ଗ୍, ଅକ୍‌ନାଠି ଆଇଁୟାଃ ହୁକୁମ୍ ନାହାଁଲାଃ ମେନ୍ଦ୍ ପ୍ରାଭୁଆଃ ତାନାଃ : କୁଡ଼ି ଆୟାଃ କଡ଼ାକେ ଆଲକାଏ ବାଗିକା,

୧୧ ଇନିଃ କଡ଼ାକେ ବାଗିରେଦ୍ ଏସ୍‌କାର୍‌ଗି ତାଇନଃକା ଚାଏ କଡ଼ାତେଲଃ ଆତଃମିସା ମେସାରୁହାଡ଼େନ୍‌କା । ଆତଃ କଡ଼ାତେ ଆୟାଃ କୁଡ଼ିକେ ବାଗିରେଆଃ ଅନଲ୍ ଆଲକାଏ ଏମାଇକା ।

* ୭:୧୯ ୧ କବିଚ୍ଛନ୍ଦ ୩:୧୨; ୨ କବିଚ୍ଛନ୍ଦ ୭:୧୭. * ୭:୧୦ ମାଥୁଉ ୫:୩୨; ୧୯:୯; ମାର୍ଚ୍ଚ ୧୦:୧୧,୧୨; ଲୁକ ୧୭:୧୮.

୧୨ ଆଇଙ୍ଗ ଏଟାଃକକେଇଙ୍ଗ କାଜିକତାନା, ନେଆଁ ପ୍ରାଭୁ କାଏ କାଜି, ଆବୁ ଆଲାରେନ୍ ଜେତାଏ ହାଗାତେୟାଃ କୁଡ଼ି ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆତଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନଃ ନାଗେନ୍ତେ ସାନାଙ୍ଗରେଦ, ଏନ୍ ହାଗା ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା ।

୧୩ ଏନ୍ଲେକାଗି ଜେତାଏ କଡ଼ା, ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆତଃ ଖ୍ରୀଷ୍ଟ ବିଶ୍ୱାସୀ କୁଡ଼ିଲଃ ତାଇନଃ ନାଗେନ୍ତେ ସାନାଙ୍ଗରେଦ, ଏନ୍ କୁଡ଼ି ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା ।

୧୪ ଚିୟାଃତି କା ବିଶ୍ୱାସତାନ୍ କଡ଼ା, ବିଶ୍ୱାସତାନ୍ କୁଡ଼ିତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦକିନା ଆତଃ ଏନ୍ କା ବିଶ୍ୱାସତାନ୍ କୁଡ଼ି, ବିଶ୍ୱାସତାନ୍ କଡ଼ାତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦକିନା । ଏନ୍କା କା ହବାକାନ୍ରେଦ, ଇନ୍କିନାଃ ହନ୍ଗାଁଶାକ ସତ୍ତରା ଲେକାକ ହବାକାନ୍ତେୟାଃ, ମେନ୍ଦ ନାହାଁଃ ଇନ୍କୁ ପାବିତାର୍କାନାକ ।

୧୫ କା ବିଶ୍ୱାସତାନ୍ ହଡ଼, ବିଶ୍ୱାସତାନ୍ନିଃକେ ବାଗିନାଙ୍ଗ ସାନାଙ୍ଗତାନ୍ରେଦ, ଇନିଃ ବାଗି ଦାଡ଼ିୟାଏ । ନେ ବିଷାଏରେ ଖ୍ରୀଷ୍ଟିୟାନ୍ ହାଗା ମିଶି ଜେତାନ୍ ନିୟାମ୍ରେ କାକ ତଲାକାନା ଚାଏ ଜେତାଏୟାଃ ଦାସି ନାହାଁଲାଇକ । ଚିୟାଃତି ପାର୍ମେଶ୍ୱାର୍ ଆପେକେ ସୁକୁଜାଉରେ ତାଇନଃ ନାଗେନ୍ତେ କେଡ଼ାକାଦ୍ପେୟା ।

୧୬ ଖ୍ରୀଷ୍ଟ ବିଶ୍ୱାସୀ କୁଡ଼ି, ଆମ୍ ଆମାଃ କଡ଼ାରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଥା, ନେଆଁ ଚିଲ୍କାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଥା, ନେଆଁ ଚିଲ୍କାମ୍ ସାରିଦାଡ଼ିୟା ?

ପାର୍ମେଶ୍ୱାର୍ଆଃ କେନେଡ଼ା ଲେକା ଜୀହୁଦଃପେ

୧୭ ପ୍ରାଭୁଆଃ ସାୟାଦ୍ତେ ନାମାକାଦ୍ ବାର୍ଦାନ୍ ଲେକାତେ ଆତଃ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ । ନେଆଁ ଆଇଙ୍ଗ ସବେନ୍ କାଲିସିୟାରେଇଙ୍ଗ ଇତୁକାଦ୍କଥା ।

୧୮ ଖାତ୍ନାଅୟାନ୍ ତାୟମ୍ତେ ଜେତାଏ ପାର୍ମେଶ୍ୱାର୍ଆଃ କେନେଡ଼ା ନାମେରେଦ, ଇନିଃ କା ଖାତ୍ନାଅକାନ୍ ଲେକା ହବାଅଥା ନାଗେନ୍ତେ ଆଲକାଏ ମନେକା, ଆତଃ କା ଖାତ୍ନାଅକାନ୍ ହଡ଼ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ରେଦ, ଇନିଃ ଖାତ୍ନାଅଥା ନାଗେନ୍ତେ ଆଲକାଏ ମନେକା ।

୧୯ ଜେତାଏ ହଡ଼ ଖାତ୍ନାଅଥା ଚାଏ କାଏ ଖାତ୍ନାଅଥା, ଏନାରେ ଜେତ୍ନାଃ କା ହବାଅଥା, ମେନ୍ଦ ପାର୍ମେଶ୍ୱାର୍ଆଃ ଆନୁକେ ଏସକାର୍ ମାନାତିଙ୍ଗ ଲାଗାତିୟା ।

୨୦ ପାର୍ମେଶ୍ୱାର୍ଆଃ କେନେଡ଼ା ନାମ୍କେଦ୍ ଇମ୍ତା ଆପେ ଚିଲ୍କା ତାଇନକେନାପେ ଏନ୍ଲେକାଗି, ଏନାରେ ତାଇନ୍ପେ ।

୨୧ ପାର୍ମେଶ୍ୱାର୍ କେଡ଼ାକେଦ୍ପେ ଇମ୍ତା ଚିନାଃ ଆପେ ଦାସିପେ ତାଇକେନା ? ଠାଉକାଗିୟା, ମନ୍ରେ ଆଲ୍ପେ ଦୁକୁଃଆ, ମେନ୍ଦ ଆପେ ତନଲ୍ପତେ ରାଡ଼ାଅଥା ନାଗେନ୍ତେ ବୁଗିନ୍ ନେଡ଼ା ନେଲ୍କାତେପେ ।

୨୨ ଚିୟାଃତି ପ୍ରାଭୁଆଃ କେନେଡ଼ା ନାମାକାଦ୍ ଦାସି, ପ୍ରାଭୁଆଃ ରାଡ଼ାକାନ୍ ହଡ଼ତାନିଃ, ଏନ୍ଲେକାଗି ଯୀଶୁ ଖ୍ରୀଷ୍ଟଆଃ କେନେଡ଼ାତେ ରାଡ଼ାକାନ୍ ହଡ଼, ଯୀଶୁ ଖ୍ରୀଷ୍ଟଆଃ କିରିଙ୍ଗଦାସି ତାନିଃ ।

୨୩ ପାର୍ମେଶ୍ୱାର୍ ଆପେକେ ପୁରାଃ ଗନଙ୍ଗତେ କିରିଙ୍ଗକାଦ୍ପେୟା, ଏନାତେ ହଡ଼କଥା ଦାସି ଆଲ୍ପେ ହବାଅଥା ।

୨୪ ହେ ହାଗା ମିଶିକ, ପାର୍ମେଶ୍ୱାର୍ ଆପେକେ କେଡ଼ାକେଦ୍ପେ ଇମ୍ତା ଆପେ ଅକଲେକାପେ ତାଇନକେନା, ଏନ୍ଲେକାଗି ଆପେ ପାର୍ମେଶ୍ୱାର୍ଲଃ ସାଙ୍ଗାତିରେ ତାଇନ୍ପେ ।

କା ଆଣ୍ଡିକାନ୍ ଆତଃ ରାଣ୍ଡିକୁଡ଼ିକଥା ବିଷାଏରେ କୁନ୍ନୁଲି

୨୫ ଆପେ କା ଆଣ୍ଡିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇଙ୍ଗ ପ୍ରାଭୁତାଏତେ ଜେତାନ୍ ଆନାରୁ କାଇଙ୍ଗ ନାମାକାଦା । ମେନ୍ଦ ପ୍ରାଭୁଆଃ ଦାୟାତେ ଆଇଙ୍ଗ ପାଡ଼ିୟାରଃ ଲେକାନ୍ ହଡ଼ ଲେକା ଆଇଁୟାଃ ବିଚାର୍ ଲେକାତେଇଙ୍ଗ କାଜିତାନା ।

୨୬ ନାହାଁଃରେୟାଃ ଦୁକୁହାସୁ ନେଲ୍କେଦ୍ତେ, ମିଆଁଦ୍ ହଡ଼ ଚିଲ୍କା ମେନାଇୟା, ଏନ୍ଲେକାଗି ତାଇନଃରେ ବୁଗିନାଃ ହବାଅଥେୟାଃ ମେନ୍ତେଇଙ୍ଗ ଉଡ଼ୁତାନା ।

୨୭ ଆପେ ଆଣ୍ଡିକାନ୍ରେଦ, ନେ ତନଲ୍କେ ରାଡ଼ାଏ ନାଗେନ୍ତେ ଆଲ୍ପେ ଚେଷ୍ଟାଏୟା । ଆତଃ ଆପେ କାପେ ଆଣ୍ଡିକାନ୍ରେଦ, ଆଣ୍ଡିନ୍ ନାଗେନ୍ତେ ଆଲ୍ପେ ଚେଷ୍ଟାଏୟା ।

୨୮ ଆପେ ଆଣ୍ଡିକାନ୍ରେଦ, ପାପ୍ କାମି କାପେ କାମିକାଦା; ଆତଃ କା ଆଣ୍ଡିକାନ୍ କୁଡ଼ି ଆଣ୍ଡିନ୍ରେଦ, ଇନିଃ ପାପ୍ କାମି ଆଲକାଏ ରିକାଏକା । ମେନ୍ଦ ଆଣ୍ଡିକାନ୍ ହଡ଼କ ପୁରାଃ ଦୁକୁକ ନାମେୟା, ଆତଃ ଆପେ ନେ ଦୁକୁଏତେ ବାଚାଅଥପେ ମେନ୍ତେଇଙ୍ଗ ସାନାଙ୍ଗତାନା ।

୨୯ ମେନ୍ଦ ହେ ହାଗା ମିଶିକ, ଆଇଙ୍ଗ ନେ କାଜି, କାଜି ନାଗେନ୍ତେଇଙ୍ଗ ସାନାଙ୍ଗତାନା, ନେଡ଼ା ସେଟେରାକାନା । ଡିସିଙ୍ଗତାଏତେ ଆଣ୍ଡିକାନ୍ ହଡ଼କ କା ଆଣ୍ଡିକାନ୍ ହଡ଼କ ଲେକା ଜୀଞ୍ଜାନ୍ ବିତାଏକାକ,

୩୦ ଆତଃ ରାଆଃତାନ୍ ହଡ଼କ କା ରାଆଃତାନ୍ ହଡ଼କ ଲେକା ହବାଅଥକାକ, ଆତଃ ଲାୟାତାନ୍ ହଡ଼କ କା ଲାୟାତାନ୍ ହଡ଼କ ଲେକା ହବାଅଥକାକ, କିରିଙ୍ଗତାନ୍ ହଡ଼କ କିରିଙ୍ଗକାଦ୍ତେୟାଃ ଆକଥାଃ ନାହାଁଲାଇଃ ମେନ୍ତେ ମନେକାକ ।

୩୧ ଆତଃ ଅକନ୍ଦ ଅତେଦିଶୁମ୍ବରେୟାଃ ଜିନିଷ୍ଟକେ ବାଉରାଅ ତାନା, ଇନ୍ଦ୍ର କା ବାଉରାଅ ତାନ୍ଲେକାକ ହବାଅଃକା, ଚିୟାଃଚି ନେ ଅତେଦିଶୁମ୍ବ ବାଦ୍ଲୀଅଃ ତାନା ।

୩୨ ମେନ୍ଦ ଆପେ ନିରଫକିର ତାଇନଃପେ, ମେନ୍ତେଇଙ୍ଗ ସାନାଙ୍ଗତାନା । କା ଆଣ୍ଡିକାନ୍ ହଡ଼ ପ୍ରାଭୁଆଃ କାମି ରିକା ନାଗେନ୍ତେ ଆଇଃକ୍ରି ଉଡ଼ଃକା, ଚିୟାଃଚି ପ୍ରାଭୁ ସୁକୁଃକାଏ ମେନ୍ତେ ଇନିଃ ଚେଷ୍ଟାଏ ତାନା ।

୩୩ ମେନ୍ଦ ଆଣ୍ଡିକାନ୍ କଡ଼ା ଆୟାଃ କୁଡ଼ିକେ ସୁକୁଇଚି ନାଗେନ୍ତେ ଇନିଃ ଅତେଦିଶୁମ୍ବରାଃ ବିଷାଏକେ ଉଡ଼ଃକା,

୩୪ ଆତଃ ଆୟାଃ ମନ୍ଦ ବିନ୍ଦଗାଅଃଆ । କା ଆଣ୍ଡିକାନ୍ କୁଡ଼ି ଚାଏ ଡିଣ୍ଡାକୁଡ଼ି, ଆୟାଃ ହଡ଼ମ୍ ଆତଃ ଆମ୍ବା ବାରାନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆଃ କାମିରେ ମନ୍ଦ ଏମେକାଏ, ମେନ୍ଦ ଆଣ୍ଡିକାନ୍ କୁଡ଼ି ଆୟାଃ କଡ଼ାକେ ସୁକୁଇଚି ନାଗେନ୍ତେ ଇନିଃ ଅତେଦିଶୁମ୍ବରାଃ ବିଷାଏକେ ଉଡ଼ଃକା ।

୩୫ ନେ କାଜି ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେଇଙ୍ଗ୍ କାଜିତାନା, ଆପେ ତନଲ୍ରେ ତାଇନଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା, ମେନ୍ଦ ଆପେ ବୁଗିଲେକା ଜୀଞ୍ଜାନ୍ ବିତାଅକେଦ୍ତେ ମିଦ୍ ମନ୍ଦରେ ପ୍ରାଭୁତାଃରେ ତାଇନଃପେ ମେନ୍ତେଇଙ୍ଗ୍ ସାନାଙ୍ଗତାନା ।

୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜାଞ୍ଜାନ୍ ସାମାଏ ପାରମ୍ବକାନା ଆତଃ ଇନିଃ କା ଲାଗାତିୟାଃ ଲେକାଏ ବେଭାର୍ତାନା ମେନ୍ତେ ଆର୍ବକାରେରେଦ, ଆୟାଃ ଲାଗାତିଙ୍ଗ୍ ଲେକାତେ ଅକ୍ନାଃ ସାନାଙ୍ଗ, ଏନାଏ କାମିକା ଆତଃ ଇନ୍ଦ୍ର ଆଣ୍ଡିୟାକାକିନ୍ । ଏନାରେ ଜେତାନ୍ ପାପ୍ କା ହବାଅଃଆ ।

୩୭ ମେନ୍ଦ ଜେତା ହଡ଼ ଆୟାଃ ମନ୍ଦସୁରୁଦ୍ରେ ଆବର୍ତ୍ତ ଦହକେଦ୍ତେ ଆୟାଃ ନାଙ୍ଗ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ମନ୍ଦରେ ଠାହାରାଅକାଦା ଆତଃ ଆୟାଃ ଇଛା ସାନାଙ୍ଗକେ ଆବର୍ତ୍ତରେ ଦହକାଦ୍ରେଦ, ଇନିଃ ଏନ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ଉହାଟ୍କାଦା, ଏନାରେ ଇନିଃ ବୁଗିନାଃଏ କାମିକାଦା ।

୩୮ ଏନାତେ ଜେତାଏ ଏନ୍ ଆସିଆକାନ୍ କୁଡ଼ିକେ ଆଣ୍ଡିନ୍ରେ ବୁଗିନାଃ କାମିୟାଏ । ମେନ୍ଦ ଜେତାଏ କାଏ ଆଣ୍ଡିନାଃ, ଇନିଃ ପୁରାଃ ବୁଗିନାଃଏ କାମିୟା ।

୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍ରେ ତାଇନଃଆ, କଡ଼ାରାଃ ଗନଏଃ ତାୟମ୍ତେ, ଇନିଃ ଆୟାଃ ସାନାଙ୍ଗ୍ ଲେକା ଆତଃମିସାଏ ଆଣ୍ଡି ଦାଡ଼ିୟା, ମେନ୍ଦ ଇନିଃ ପ୍ରାଭୁଆଃ ବିଶ୍ୱାସୀକେ ଏସ୍କାର୍ ଆଣ୍ଡି ଦାଡ଼ିୟାଏ ।

୪୦ ଆଇୟାଃ ମନେ ଲେକାତେ, ଇନିଃ କା ଆଣ୍ଡିକେଦ୍ତେ ଏନ୍ଲେକାଗି ତାଇନଃରେ ପୁରାଃଗି ସୁକୁରେ ତାଇନା । ନେଆଁ ଆଇୟାଃ ମନେତାନା ଆତଃ ପାର୍ମେଶ୍ୱାର୍ ଆଃ ପାବିତାର୍ ଆମ୍ବାରାଃହଗି ମନେତାନା ।

୮

ମୁରୁଡ଼କତାଃରେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ କୁନ୍ଦୁଲି

୧ ଆଇଙ୍ଗ୍ ମୁରୁଡ଼କତାଃରେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ ନେଆଁଇଙ୍ଗ୍ କାଜିତାନା, ଆବୁ ସବେନ୍ଦକଆଃ ସେଣ୍ଡା ମେନାଃ ମେନ୍ତେ ଆପେ କାଜିତାନ୍ତେୟାଃ ଆଲେ ସାରିତାନାଲେ । ଏନ୍ଲେକାନ୍ ସେଣ୍ଡାନ୍ ହଡ଼କ ହାଁକାରଃଆକ, ମେନ୍ଦ ଦୁଲ୍ଲାଡ଼, ହଡ଼କକେ ବାଇରୁହାଡ଼କଆ ।

୨ ଜେତାଏ ଆଇଙ୍ଗ୍ ସାରିୟାଇଙ୍ଗ୍ ମେନ୍ତେ କାଜିନିଃ, ଅକ୍ନାଃ ସାରି ଲାଗାତିଙ୍ଗ୍ୟାଃ ଏନା କାଏ ସାରିୟା ।

୩ ମେନ୍ଦ ଜେତାଏ ପାର୍ମେଶ୍ୱାର୍ କେ ଦୁଲ୍ଲାଡ଼ାଏ, ପାର୍ମେଶ୍ୱାର୍ ଇନିଃକେ ଏସ୍କାର୍ ସାରିୟାଏ ।

୪ ଏନାତେ ମୁରୁଡ଼କକେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ ଆଲେ ସାରିତାନାଲେ, ନେ ଅତେଦିଶୁମ୍ବରେ ମୁରୁଡ଼କ ଜେତାନିଃ ନାହାଁଲାକ । ଆବୁଆଃ ମିଆଁଦ୍ଗି ପାର୍ମେଶ୍ୱାର୍ ମେନାଇୟା ଇନିଃ ବେଗାର୍ ଜେତାଏ ବାଙ୍ଗକଆ ।

୫ ସିମ୍ବାରେ ହବାଃଆ ଚାଏ ଅତେରେ, ଅକନ୍ଦ ମାହାପୁରୁ ଆତଃ ପ୍ରାଭୁ ମେନ୍ତେକ କାଜିୟାତାନା, ଇନ୍ଦ୍ର ପୁରାଃଗି ମେନାକଆ ।

୬ ଏନରେୟ ଆବୁଆଃ ମିଆଁଦ୍ଗି ପାର୍ମେଶ୍ୱାର୍ ମେନାଇୟା । ଇନିଃଗି ଆପୁ ପାର୍ମେଶ୍ୱାର୍ ତାନିଃ, ଅକଏଚି ସବେନାଃରେୟାଃ ବାବାଇନିଃ ତାନିଃ ଆତଃ ଆୟାଃ ନାଗେନ୍ତେ ଆବୁ ଜାନିଦ୍ ମେନାବୁଆ । ଆତଃ ଆବୁଆଃ ମିଆଁଦ୍ଗି ପ୍ରାଭୁ ଯାଶୁ ଶ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ ବାଇୟାକାନା ଆତଃ ଆବୁ ଆୟାଃତାଃରେ ଜୀହ୍ୱଦଃ ତାନାବୁ ।

୭ ମେନ୍ଦ ସବେନ୍ଦ ନେ ସାନାର୍ଡି କାକ ସାରିୟା । ଚିମିନ୍ ହଡ଼କ ନାହାଁଃ ଜାକେଦ୍ ମୁରୁଡ଼ ମେନାକଆ ମେନ୍ତେକ ଉଡ଼ଃକା ଆତଃ ଦାନ୍ ରାକାବାକାନ୍ ଜମେୟାଃକେ ମାହାପୁରୁକଆ ପାର୍ସାଦ୍ ତାନାଃ ମେନ୍ତେକ ଜମେତାନା । ଇନ୍ଦ୍ରୁଆଃ ବିବେକ୍ ନାରାଦୁରାଗିୟା, ଏନାତେ ଏନ୍ ପାର୍ସାଦ୍ ଜମ୍ବକେଦ୍ ହରାତେ ଇନ୍ଦ୍ରୁ ସଡ଼ରାଅଃ ତାନାକ ।

୮ ମେନ୍ଦ ଜମେୟାଃ ହରାତେ ଆବୁଆଃ ନାତା ପାର୍ମେଶ୍ୱାର୍ଲଃ ଜେତାନ୍ ବାଦ୍ଲୀଅ କା ହବାଅଃଆ । ଜେତାନ୍ ଜମେୟାଃ ଜମ୍ବକେଦ୍ ହରାତେ ଚାଏ କା ଜମ୍ବକେଦ୍ ହରାତେ ଆବୁଆଃ ଜେତ୍ନାଃ କା ନକ୍ସାନଃଆ ଚାଏ କା ପସାଅଃଆ ।

୯ ମେନ୍ଦ ଚିର୍ଗାଲ୍ଲାନାନ୍ ତାଇନ୍ଦେ, ଆପେୟାଃ ନେ ଆକ୍ତେୟାର୍ ନାଗେନ୍ତେ ନାରାଦୁରା ମନ୍ଦରେନ୍ ହଡ଼କ ବିଶ୍ୱାସ୍ରେ ଜେତାଲେକାତେ ଆଲକାକ ତହଦଃକା ।

୧୦ ମିହୁଡ଼ ବିଶ୍ୱାସ୍ରେ ନାରାଦୁରାଗିୟା ଆପେ ଲେକାନ୍ ସେଣ୍ଡାନ୍ ହଡ଼କକେ ମାନ୍ଦିର୍ ଅଡ଼ାଃରେ ଦାନ୍ ରାକାବାକାନ୍ ଜମେୟାଃକେ ଜମ୍ବକେଦ୍ ନେଲ୍ତାପେରେ, ଚିନାଃ ଇନିଃ ଏନାକେ ଜମ୍ବ ନାଗେନ୍ତେ କାଏଚି ସାହାସେଆ ?

୧୧ ଏନାତେ ବିଶ୍ୱାସରେ ନାରାଦୁରା ମେନାଇ ଅକନ୍ ହାଗା ନାଗେନ୍ତେ ଯୀଶୁ ଖ୍ରୀଷ୍ଟ ଗଏଃୟାନାଏ, ଇନିଃ ଆପେୟାଃ “ସେଣ୍ଡିନ୍” ହରାତେ ଜିୟନଃ ତାନାଏ ।

୧୨ ନେ ଲେକାତେ ଆପେୟାଃ ହାଗାକଆଃ ବିରୁଧରେ ପାପ୍ କାମିକେଦ୍ତେ ଆପେ ଯୀଶୁ ଖ୍ରୀଷ୍ଟଆଃ ବିରୁଧରେ ପାପ୍ କାମିତାନାପେ ଆତଃ ଏନ୍ ହାଗାକଆଃ ନାରାଦୁରା ବିବେକ୍ତେ ଠକରେତାନାପେ ।

୧୩ ଜେତାନ୍ ଜମେୟାଃ ନାଗେନ୍ତେ ହାଗାକଆଃ ପାପ୍ ହରାତେ ସେନଃରେଦ୍, ଆଇକ୍ ଏନ୍ ଜମେୟାଃକେ ଚିତ୍ତଲୀଅ କାଇକ୍ ଜମେୟା ।



ପ୍ରେରିତ୍ୱକଆଃ ଚାଇଲ୍ ଚାଇଲ୍ ନିୟାମ୍

୧ ଆଇକ୍ ଚିନାଃ ତନଲ୍ହେତେ ରାଡାକାନ୍ ହଡ୍ ନାହାଁଲାଇକ୍ ? ଆଇକ୍ ଚିନାଃ ପ୍ରେରିତ୍ ନାହାଁଲାଇକ୍ ? ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେ ଆଇକ୍ ଚିନାଃ କାଇକ୍ ନେଲ୍ ? ଆଇକ୍ ପ୍ରାଭୁଆଃ ନାଗେନ୍ତେ କାମିକାଦ୍ କାମିରେୟାଃ ଜ, ଆପେ ଚିନାଃ ନାହାଁଲାଇପେ ?

୨ ଏଟାଃକ ଆଇକ୍କେ ପ୍ରେରିତ୍ ତାନିଃ ମେନ୍ତେ କାକ କାଜିରେୟ, ଆପେ ଆଇକ୍କେ ପ୍ରେରିତ୍ ମେନ୍ତେପେ କାଜିକ୍ ତାନା, ଚିୟାଃଚି ଆପେୟାଃ ଜୀଦାନ୍ ପ୍ରାଭୁଲଃ ମେସାକାନ୍ ହରାତେ ଆପେଗି ଆଇକ୍ ପ୍ରେରିତ୍ ତାନିକ୍ ମେନ୍ତେପେ ଉଦୁବେତାନା ।

୩ ଆଇକ୍କେ କାଜିକଟ୍ଟତାନ୍ ହଡକକେ, ଆଇକ୍ ନେ ଲେକାତେଇକ୍ କାଜିରୁହାଡକଆ ।

୪ ଆଇୟାଃ କାମିରାଃ ହରାତେ ଜମ୍ ନୁଁ ନାଗେନ୍ତେୟ ଚିନାଃ ଆଇୟାଃ ଆକ୍ତେୟାର୍ ବାନଃଆ ?

୫ ଏଟାଃ ପ୍ରେରିତ୍, ପାଡ୍ରାସ୍, ଆତଃ ପ୍ରାଭୁଆଃ ହାଗାକ ଲେକା ବିଶ୍ୱାସୀ ମିଶିକେ ଆଣ୍ଡିକେଦ୍ତେ ଆୟାଃଲଃ ହରାସେନ୍ ନାଗେନ୍ତେ ଚିନାଃ ଆଇୟାଃ ଆକ୍ତେୟାର୍ ବାନଃଆ ?

୬ ଜାନିଦ୍ ତାଇନ୍ ନାଗେନ୍ତେ ଆଇକ୍କେ ଆତଃ ବର୍ଣ୍ଣବାସ୍ତକେ ଏସ୍କାର୍ କାମି ଲାଗାତିକ୍ୟାଃଚି ?

୭ ମିଆଁଦ୍ ପାଲଟାନ୍ ଆୟାଃ ଖାର୍ଗା ଆଇଃକ୍ଗି ଏମେୟାଚି ? ଚାଷିହଡ୍ ଚିନାଃ ଆୟାଃ ଦାଖ୍ବାକ୍ଡିରାଃ ଜ କାଏ ଜମେୟା ? ଚାଏ ମିଶ୍ଟିଗୁପିନିଃ ଆୟାଃ ମିଶ୍ଟିରାଃ ତଆ କାଏ ନୁଁଏୟା ?

୮ ଚିନାଃ ଆଇକ୍ ନେ କାଜିକ ମାନଃଃ ଲେକାଇକ୍ କାଜିତାନା ? ଚିନାଃ ମୁଣା ନାବୀଆଃ ଆନ୍ତୁ ପୁଅରେ ନେଆଁ କା ଅଲ୍ଲାନା ?

୯ *ଆବୁଆଃ ମୁଣା ନାବୀଆଃ ଆନ୍ତୁରେ ଅଲ୍ଲାନା, ବାବା ଦାଉଁରିତାନ୍ ଉରିଃକ୍କେ, ମଚାରେ ଆଲମ୍ ତଲିୟା । ପାର୍ମେଶ୍ୱାର୍ ଚିନାଃ ଉରିଃକ୍ ବିଷାଏରେ ଉଡ଼ୁତାନା ?

୧୦ ଇନିଃ ଚିନାଃ ଆବୁ ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆବୁ ନାଗେନ୍ତେ ଅଲ୍ଲାନା, ଜେତାଏ ସିହୁଃକାମି ରିକାଏନିଃ ଆତଃ ଇରୋଃକାମି ରିକାଏନିଃ ଜ ନାମେରେୟାଃ ଆସ୍ତାରେ କାମିୟା ।

୧୧ *ଆଲେ ଆପେ ଆଲ୍ଲାରେ ଆମ୍ବାରେୟାଃ ହିତା ହେରାକାଦାଲେ, ଏନାତେ ଆଲେ ଚିନାଃ ଆପେତାଃଏତେ ଅତେରେୟାଃ ଜ ନାମେ ନାଗେନ୍ତେ କାଲେଚି ଆସ୍ତାଏୟା ?

୧୨ ନେଲେକା ଆପେତାଃଏତେ ଆସ୍ତାଏ ନାଗେନ୍ତେ ଏଟାଃକଆଃ ଆକ୍ତେୟାର୍ ମେନାଃରେଦ୍, ଆବୁଆଃ ଆକ୍ତେୟାର୍ ଚିନାଃ ଇନ୍ଦୁତାଃଏତେ ଆଦ୍କା ବାନଃଆ ? ଆବୁ ନେ ଆକ୍ତେୟାର୍କେ କାରୁ ବେଭାର୍କାଦା ।

ମେନ୍ଦ୍ ଖ୍ରୀଷ୍ଟଆଃ ସୁକୁକାଜି ଉଦୁବ୍ ନାଇକ୍ ହରା ଆଲକା ଛେକାଦଃକା ମେନ୍ତେ ଆଲେ ସବେନାଃଲେ ସାହାତିକ୍ ତାନା ।

୧୩ ମାନ୍ଦିର୍ ଅଡ଼ାଃରେ କାମିତାନ୍କ, ମାନ୍ଦିର୍ ଅଡ଼ାଃଏତେ ଜମେୟାଃକ ନାମେୟା, ଦାଣ୍ଡେଁ ରାକାବ୍ତାନ୍ ହଡ୍, ଦାଣ୍ଡେଁ ରାକାବ୍ତାନ୍ତେୟାରାଃ ହିସାକ ନାମେୟା, ଏନା ଚିନାଃ ଆପେ କାପେ ସାରିତାନା ?

୧୪ *ଏନ୍ଲେକାଗି, ସୁକୁକାଜି ଉଦୁବ୍ତାନ୍ ହଡକ, ସୁକୁକାଜି ଉଦୁବ୍କେଦ୍ତେ ଜୀଃଜାନ୍ ବିତାଏକାକ ମେନ୍ତେ ପ୍ରାଭୁ ଆବୁକାଦା ।

୧୫ ମେନ୍ଦ୍ ଆଇୟାଃ ଅକନ୍ ଆକ୍ତେୟାର୍ ମେନାଃ ଏନା ଆଇକ୍ ମିଆଁଦ୍ହୁଁ କାଇକ୍ ବେଭାର୍କାଦା, ଚାଏ ଏନ୍ ସବେନାଃ ଆଇୟାଃ ନାଗେନ୍ତେ ହବାଅଃକା ମେନ୍ତେ ଆଇକ୍ ଆପେତାଃତେ କାଇକ୍ ଅଲେତାନା, ଜେତାଏ ଆଇୟାଃ ନେ ମାନାରାକ୍କେ ସାମା ଏଣ୍ଡାଗେତେଦ୍, ଗଜଃତେୟାଃ ଆଇୟାଃ ନାଗେନ୍ତେ ବୁଗିନାଃ ହବାଅଃଆ ।

୧୬ ସୁକୁକାଜି ଉଦୁବ୍ତାନାଇକ୍ ମେନ୍ତେ ଆଇକ୍ ଆପାନ୍କେ କାଇକ୍ ମାରାକ୍ୟେନ୍ ତାନା, ନେ ବାହାରମ୍ ମାନାତିକ୍ ନାଗେନ୍ତେ ଆଇକ୍କେ ଆବୁକାନା । ଏନାତେ ସୁକୁକାଜି କାଇକ୍ ଉଦୁବେରେଦ୍, ହାଏ, ଆଇୟାଃ ପୁରାଃ ଦୁକୁ ହବାଅଃଆ ।

☆ ୯:୧୧ ୧ ତିମଥ୍ ୫:୧୮. ☆ ୯:୧୧ ରୋମି ୧୫:୨୭. ☆ ୯:୧୪ ମାଥ୍ ୧୦:୧୦; ଲୁକ ୧୦:୭.

୧୭ ଆଇଙ୍କ ଏନ୍ ସୁକୁକାଜିକେ ବେଗାର୍ ଆରୁତେ ଆଇଙ୍କାରିଇଙ୍କ କାମିରେଦ, ଆଇଙ୍କ ନାଲା ନାମେ ନାଗେନ୍ତେଇଙ୍କ ତାଜିକାତେତେୟାଃ, ମେନ୍ଦ ପାରମେଶ୍ୱାର୍ ଆଇଙ୍କକେ ନେ କାମି ରିକାରେୟାଃ ବାହାରମ୍ ଏମାକାଦିଙ୍କ ହରାତେ ଆଇଙ୍କକେ ନେ କାମି ରିକା ଲାଗାତିୟା ।

୧୮ ଏନାରେ ଆଇଙ୍କ ଚିଲ୍ଲକାତେ ନାଲାଇଙ୍କ ନାମେୟା ? ସବେନ୍କତାଃରେ ବେଗାର୍ ଗନଙ୍କତେ ସୁକୁକାଜିଇଙ୍କ ଉଦୁବତାନା, ନେଆଁଗି ଆଇଁୟାଃ ନାଲାତାନାଃ । ଏନାତେ ସୁକୁକାଜି ଉଦୁବ୍ ନାଗେନ୍ତେ ଆଇଙ୍କ ଆଇଁୟାଃ ଜେତାନ୍ ଆକ୍ତେୟାର୍ କାଇଙ୍କ ବେଭାରକାଦା ।

୧୯ ଆଇଙ୍କ ମିହୁଡ୍ ତନଲ୍ହେତେ ରାଡ଼ାକାନ୍ ହଡ୍ ତାନିଙ୍କ, ଜେତାଏୟାଃ ଦାସି ନାହାଁଲିଙ୍କ, ଏନ୍ରେୟ ଖ୍ରୀଷ୍ଟରେ ସବେନ୍କକେ ନାମକ ନାଗେନ୍ତେ ଆଇଙ୍କ ସବେନ୍କଆଃ କିରିଙ୍କଦାସିଙ୍କ ହବାକାନା ।

୨୦ ଆଇଙ୍କ ଯିହୁଦୀ ହଡକକେ ଖ୍ରୀଷ୍ଟରେ ନାମକ ନାଗେନ୍ତେ ଇନ୍କୁଲଃ ଯିହୁଦୀକ ଲେକା ଚାଇଲ୍ ଚାଲାନ୍ ରିକାତାନିଙ୍କ । ମୁଣା ନାବୀଆଃ ଆନ୍ତୁ ମାନାତିଙ୍କତାନ୍କକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍କ ଜେତାନ୍ ଆନ୍ତୁରେୟାଃ ଆକ୍ତେୟାର୍ରେ ବାଙ୍ଗାଇଙ୍କରେୟ ଆନ୍ତୁରେୟାଃ ଆକ୍ତେୟାର୍ରେ ମେନାଇଙ୍କଲେକା ଚାଇଲ୍ ଚାଲାନ୍ ରିକାତାନିଙ୍କ ।

୨୧ ଏନ୍ଲେକାଗି ଆଇଙ୍କ ଆନ୍ତୁ ବାନଃ ହଡକକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍କ ଇନ୍କୁ ଆଲାରେ କାମିତାନ୍ ଇମ୍ତା ସାଅଁସାରକ ଲେକା ଜୀଝାନ୍ ବିତାଅତାନାଇଙ୍କ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଙ୍କ ପାରମେଶ୍ୱାର୍ଆଃ ନିୟାମ୍ କାଇଙ୍କ ମାନାତିଙ୍କତାନା । ସାର୍ତିଗି ଆଇଙ୍କ ଯୀଶୁ ଖ୍ରୀଷ୍ଟଆଃ ନିୟାମ୍ରାଃ ଆକ୍ତେୟାର୍ରେ ମେନାଇୟା ।

୨୨ ଅକନ୍କ ବିଶ୍ୱାସରେ ନାରାଦୁରା ମେନାକଆ ଇନ୍କୁକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍କହିଁ ଇନ୍କୁଲେକା ହବାୟାନାଇଙ୍କ । ଏନାତେ ଆଇଙ୍କ ଇନ୍କୁକେ ବାଞ୍ଚାଅକ ନାଗେନ୍ତେ ସବେନ୍କତାଃରେ ହବାସାକାଆଃ ଲେକା ଜୀଝାନ୍ ବିତାଅକେଦାଇଙ୍କ ।

୨୩ ଆଇଙ୍କ ସୁକୁକାଜି ଉଦୁବକେଦ୍ତେ ଆଶିଷ୍ଟରାଃ ହିସା ନାମେ ନାଗେନ୍ତେ ନେ ସବେନାଃଇଙ୍କ ରିକାତାନା ।

୨୪ ଜିନିତାଅରେୟାଃ ଏନେଃରେ ପୁରାଃ ହଡକ ମେସାନାଃ ମେନ୍ଦ ମିହୁଡ୍ଗି ନାଲାଏ ନାମେୟା, ଏନା ଚିନାଃ ଆପେ କାପେ ସାରିତାନା ? ଆପେ ନାଲାପେ ନାମେ ଲେକା ନିରେପେ ।

୨୫ ଜିନିତାଅରେୟାଃ ଏନେଃ ନାଗେନ୍ତେ ଇଡୁକାନ୍ ହଡକ ସବେନ୍ ଲେକାନ୍ ଇନିତୁତେ ସେକାଡ଼ାକାନ୍ଗିକ ତାଇନାଃ, ଇନ୍କୁ ଜିୟନଃ ବାହାମାଲା ନାମେ ନାଗେନ୍ତେକ କାମିୟାଃ, ମେନ୍ଦ ଆବୁ କା ଜିୟନଃ ନାଲା ନାମେ ନାଗେନ୍ତେବୁ କାମିୟା ।

୨୬ ଏନାମେନ୍ତେ ଆଇଙ୍କ ନିର୍ ସେଟେରେ ଠାୟାଦକେ ନେଲ୍କେଦ୍ତେ ଏନ୍ତାଃତେ ନିର୍ ସେଟେରେ ନାଗେନ୍ତେ ସିଧାଗିଙ୍କ ନିରେତାନା । ମୁକାଲାଡ଼ାଇତାନ୍ ହଡ ଲେକା ଆଇଙ୍କ ଆଇଁୟାଃ ମୁକାକେ ସାମା ହୟରେ ମୁକା କାଇଙ୍କ ସାନାଙ୍କତାନା ।

୨୭ ଏଟାଃକତାଃରେ ସୁକୁକାଜି ଉଦୁବକେଦ୍ତେୟ ଆଇଙ୍କ ଆଲକାଇଙ୍କ ବାଗ୍ଡ଼ାଆଃ ମେନ୍ତେ ଦୁକୁ ସାହାତିଙ୍କକେଦ୍ତେ ହଡ଼ମକେଇଙ୍କ କେଟେଦ୍କେଦା ଆଡ଼ଃ ଆଇଁୟାଃ ଆବର୍ରେଇଙ୍କ ଦହକାଦା ।

୧୦

ମୁରୁଡ଼କଆଃ ବିରୁଧରେ ଚେତାଅ

୧ ହେ ହାଗା ମିଶିକ, ମୁଣା ନାବୀକେ ଅତଙ୍କକେଦ୍ତେ ଆରୁଆଃ ପୁରୁଖା ହାଡ଼ାମ୍କଆଃ ଚିନାଃ ହବାକାନ୍ ତାଇକେନା ଏନା ଆପେ ପାହାମେପେ ମେନ୍ତେଇଙ୍କ ସାନାଙ୍କତାନା । ଇନ୍କୁକେ ରିମିଲ୍ତେ ବାଞ୍ଚାଅକାନ୍ ତାଇକେନାକ ଆଡ଼ଃ ଆରାଃ ଦରେୟା ଆଲା ଆଲାତେ ବୁଗିଲେକାକ ସେନ୍ ପାରମ୍ୟାନା ।

୨ ମୁଣା ନାବୀକେ ଅତଙ୍କତାନ୍କ ଲେକା ଇନ୍କୁ ସବେନ୍କ ରିମିଲ୍ ଆଡ଼ଃ ଦରେୟାରେ ବାପ୍ତିସ୍ମାୟାନାକ ।

୩ ଇନ୍କୁ ସବେନ୍କ ମିଦ୍ ସାମାନ୍ ଆମ୍ବ୍ରେୟାଃ ଜଜମାଃକ ଜମାକାଦା,

୪ ଆଡ଼ଃ ଏନ୍ ମିଦ୍ ସାମାନ୍ ଆମ୍ବ୍ରେୟାଃ ଦାଆଃକ ନୁଆକାଦା । ଚିୟାଃଟି ଇନ୍କୁଲଃ ସେସେନ୍ତାନ୍ ଆମ୍ବ୍ରେୟାଃ ଚାଟେନ୍ଏତେ ଇନ୍କୁ ଆମ୍ବ୍ରେୟାଃ ଦାଆଃ ନୁ ତାଇକେନାକ, ଆଡ଼ଃ ଏନ୍ ଚାଟେନ୍ ଯୀଶୁ ଖ୍ରୀଷ୍ଟି ତାନିଃ ।

୫ ଏନ୍ରେୟ ପାରମେଶ୍ୱାର୍ ଇନ୍କୁଏତେ ଚିମିନ୍କ ନାଗେନ୍ତେ କାଏ ସୁକୁକାନ୍ ତାଇକେନା । ଏନାତେ ଇନ୍କୁଆଃ ଗନଏଃ ହଡ଼ମ ବିର୍ରେ ନେତେହାନ୍ତେ ଛିତିବିତିକାନ୍ ତାଇକେନା ।

୬ ଇନ୍କୁ ଲେକା ଏଡକାନ୍ ଉଡ଼ୁ ଆଡ଼ଃ ଏଡକାନ୍ କାମି କା ରିକା ନାଗେନ୍ତେ ନାହାଁଃ, ନେ ସବେନାଃ ନାମୁନା ଲେକା ହବାକେଦ୍ତେ ଆରୁକେ ଚେତାଅବୁ ତାନା,

୭ ଚାଏ ଇନ୍କୁଏତେ ଚିମିନ୍କ ମୁରୁଡ଼ ସେଝାତାନ୍କ ହବାୟାନା, ଏନାଲେକା ଆପେ ଆଲ୍ପେ ହବାଅଆ, ଧାରାମପୁଅରେ ଅଲକାନା : “ହଡକ ଜମ୍, ନୁଁ ନାଗେନ୍ତେକ ଦୁବ୍ୟାନା, ଏନ୍ତେ ତିଙ୍କୁକେଦ୍ତେ ସୁସୁନ୍ତାନ୍ଲଃ ଏଡକାନ୍ ରିଜ୍ ରାଙ୍କ୍ରେକ ବୁଲ୍ୟାନା ।”

୮ ଇନ୍କୁଏତେ ଚିମିନ୍କ ଆପାଙ୍ଗିର୍ କାମିକେଦ୍ ହରାତେ ମୁସିଙ୍କ୍ରେ ମିଦ୍ହିସି ଆପି ହାଜାର୍ ହଡକ ଗଏଃୟାନା । ଏନ୍ଲେକା ପାପ୍ କାମି ଆବୁ ଆଲକାବୁ କାମିକା ।

୯ ଇନ୍ଦ୍ରକୁଏତେ ଚିମିନ୍ଦକ ପ୍ରାଭୁକେ ବିଡ଼ାଅକିଃ ହରାତେ ବିଜ୍ଞ ହାବ୍ତେକ ଗଏଃୟାନା । ଏନ୍ଲେକା ଆବୁ ଶ୍ରୀଷ୍ଟକେ ଆଲକାବୁ ବିଡ଼ାଅଇକା ।

୧୦ ଇନ୍ଦ୍ରକୁଏତେ ଚିମିନ୍ଦକ ପାରମେଶ୍ଵାରଆଃ ବିରୁଧ୍ରେ କୁରୁମତୁରୁମୟାନାକ, ଆତଃ ଜିୟନ୍ଦକତାନ୍ ଦୁଠ୍ ଇନ୍ଦ୍ରକୁକେ ଗଏଃକେଦକଆ । ଆପେ ଏନ୍ଲେକା କାଜି ଆଲ୍ପେ ଜାଗାରେୟା ।

୧୧ ଇନ୍ଦ୍ରକୁଆଃ ନାଗେନ୍ତେ ନେ ସବେନାଃ ନାମ୍ନା ଲେକା ହବାୟାନା, ଆତଃ ଆବୁକେ ଚେତାଅ ନାଗେନ୍ତେ ଏନା ସବେନାଃ ଅଲ୍ଲାନା । ଚିୟାଃତି ଆବୁ ଲାଗଭାଗ୍ ଚୁଣ୍ଡ ଦ୍ଵିପିଲିରେ ସେଟେରକାନାବୁ ।

୧୨ ଏନାତେ ଜେତାଏ ଆପାନ୍ଦକେ ତିଜ୍ଞୁ କେଟେଦକାନାଇଜ୍ଞ ମେନ୍ତେ ଉଡ଼ଃନିଃ, ଆଲକାଏ ଉୟୁଗଃକା ମେନ୍ତେ ଚିର୍ଗାଲ୍ଲାନାନ୍ ତାଇନ୍ଦକାଏ ।

୧୩ ହଡ଼କକେ ହବାଅଃତାନ୍ ବିନିଡ଼ାଅ ବାଗିକେଦତେ ଆତଃ ଏଗାଃଲେକାନ୍ ବିନିଡ଼ାଅରେ ଆପେ କାପେ ଉୟୁଃକାନା । ମେନ୍ଦ ଦ ପାରମେଶ୍ଵାର ଆୟାଃ ବାନାରସା ଦହ ନାଗେନ୍ତେ ପାତିୟାରଃ ଲେକାନ୍ନିଃ ତାନିଃ । ଏନାମେନ୍ତେ ଇନିଃ ଆପେକେ କା ସାହାତିଜ୍ଞୟେ ଲେକାନ୍ ବିନିଡ଼ାଅରେ କାଏ ଉୟୁଃପେୟା । ଆପେୟାଃ ବିନିଡ଼ାଅ ଇମ୍ତା ସାହାତିଜ୍ଞ ନାଗେନ୍ତେ ପାରମେଶ୍ଵାର ଆପେକେ ପେଡ଼େଃ ଏମାପେୟାଏ ଆତଃ ବାଞ୍ଚାଅଃ ନାଗେନ୍ତେ ହରାଏ ଉଦୁବାପେୟା ।

୧୪ ଏନାମେନ୍ତେ ହେ ଦୁଲ୍ଲାଡ଼କ, ଆପେ ମୁରୁଡ଼ ସେଞ୍ଜା ବାଗିପେ ।

୧୫ ଆଇଜ୍ଞ ଆପେକେ ସେଣ୍ଡାନ୍ ହଡ଼କକେ କାଜିତାନ୍ ଲେକାଇଜ୍ଞ କାଜିପେତାନା, ଆଇଜ୍ଞ ଆପେକେ କାଜିପେତାନ୍ତେୟାଃ ଆପେଗି ବିଚାରେପେ ।

୧୬ *ଆବୁ ପ୍ରାଭୁଭୋଜ୍ଞରେ ବାଉରାଅତାନ୍ କାଟୋରା ନାଗେନ୍ତେ ପାରମେଶ୍ଵାରକେ ଧାନ୍ୟାବାଦ୍ ଏମାଃବୁ । ନେ କାଟୋରାଏତେ ନୁଁ ଇମ୍ତା ଆବୁ ଶ୍ରୀଷ୍ଟଆଃ ମାୟୋମରେ ହିସାବୁ ଇଦିତାନା । ଆତଃ ହଲ୍ଲଜ୍ଞ କେଟାଃକେଦତେ ଜମ୍ଦକେଦ୍ ହରାତେ ଆବୁ ଶ୍ରୀଷ୍ଟଆଃ ହଡ଼ମରେ ହିସାବୁ ଇଦିତାନା ।

୧୭ ଚିୟାଃତି ଆବୁ ପୁରାଃଗି ମେନାଃବୁରେୟ ମିଆଁଦ୍ଗି ହଲ୍ଲଜ୍ଞ ମେନାଃ ହରାତେ ଆବୁ ମିଆଁଦ୍ ହଡ଼ମବୁ ହବାଅଃଆ ଚିୟାଃତି ଆବୁ ସବେନ୍ଦକ ଏନ୍ ମିଆଁଦ୍ ହଲ୍ଲଜ୍ଞରେ ହିସାବୁ ଇଦିତାନା ।

୧୮ ଇସ୍ରାଏଲ୍ ହଡ଼କଆଃ ବିଷାଏରେ ଉଡ଼ଃଏପେ, ଇନ୍ଦ୍ରକୁଏତେ ଅକନ୍ଦକ ଦାଣ୍ଡୋରାକାଦ୍କାନ୍ ମାସ୍ ଜମାଃକ ଇନ୍ଦ୍ରୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ?

୧୯ ମୁରୁଡ଼ ଚାଏ ଏନାରେ ଦାଣ୍ଡୋ ରାକାବାକାନ୍ ଜମେୟାଃରେୟାଃ ଜେତାନ୍ ଗନଜ୍ଞ ମେନାଃ ମେନ୍ତେ ଚିନାଃ ଆଇଜ୍ଞ କାଜିତାନାଇଜ୍ଞ ?

୨୦ କାହାଗି, ଆଇୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଡ଼ ସେଞ୍ଜାତାନ୍ଦକ ଦାଣ୍ଡୋ ରାକାବାକାଦ୍ତେୟାଃ ପାରମେଶ୍ଵାରଆଃ ନାଗେନ୍ତେଦ କାହା, ମେନ୍ଦ ବଜ୍ଞକଆଃ ନାଗେନ୍ତେ ଦାଣ୍ଡୋକ ରାକାବାକାଦା । ବଜ୍ଞକଲଃ ଆପେୟାଃ ଜେତାନ୍ ମେନେସା ତାଇନଃକା ମେନ୍ତେ ଆଇଜ୍ଞ କାଇଜ୍ଞ ସାନାଜ୍ଞତାନା ।

୨୧ ପ୍ରାଭୁ ଆତଃ ବଜ୍ଞା, ନେ ବାରାନ୍ଦକିନାଃ କାଟୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଜ୍ଞା, ନେ ବାରାନ୍ଦକିନଲଃ ମିସାତେ ମିଆଁଦ୍ ଟେରୁଲ୍ରେ ଆପେ କାପେ ଜମ୍ ଦାଡ଼ିୟାଃ ।

୨୨ ଚାଏ ଆବୁ ଚିନାଃ ପ୍ରାଭୁଆଃ ମନ୍ଦରେ ହିସ୍ଞା ବିରିଦ୍କା ମେନ୍ତେବୁ ସାନାଜ୍ଞତାନା ? ଆବୁ ଚିନାଃ ପ୍ରାଭୁତାଃଏତେ ପୁରାଃ ପେଡ଼େୟାନ୍ଦିୟାବୁ ?

୨୩ *ଇନ୍ଦ୍ରୁ, ଆବୁକେ ସବେନାଃ କାମି ନାଗେନ୍ତେ ଆବୁକାନା ମେନ୍ତେକ କାଜିତାନା । ସାର୍ଡ଼ି କାଜିତାନାଃ, ମେନ୍ଦ ସବେନାଃ ବୁଗିନାଃ ନାହାଁଲ୍ଲାଃ । ଆବୁ ସବେନାଃ କାମି ଦାଡ଼ିୟାଃବୁ, ମେନ୍ଦ ସବେନାଃ ଦେଜ୍ଞାବୁ ଲେକାନାଃ ନାହାଁଲ୍ଲାଃ ।

୨୪ ଜେତାଏ ଆପାନାଃ ବୁଗିନାଃ ନାଗେନ୍ତେ ଏସ୍କାର୍ କା ନେଲ୍କେଦତେ, ସବେନ୍ଦକଆଃ ବୁଗିନାଃ ନାଗେନ୍ତେୟ ନେଲ୍ ଲାଗାତିଜ୍ଞୟାଃ ।

୨୫ ଆପେୟାଃ ବିବେକ୍ରେ ଜେତାନ୍ କୁନୁଲି କା ଦହକେଦତେ ପିଟ୍ରେ ଆଖ୍ରିଜ୍ଞୟତାନ୍ ମାସ୍କେ ବେଗାର୍ ଆଡ଼ାଃଉଡ଼ଃକେଦତେ ଜମ୍ ଦାଡ଼ିୟାପେ ।

୨୬ ଚିୟାଃତି ଧାରାମ୍ପୁଅ୍ରେ ଅଲ୍ଲାନା, “ଅତେ ଆତଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

୨୭ କା ବିଶ୍ଵାସ୍ତାନ୍ ଜେତା ହଡ଼ ଆପେକେ ଜେଡ଼ନାଃଗି ଜମ୍ ନାଗେନ୍ତେ ନେଅଁତାପେରେଦ, ଆପେ ଆପେୟାଃ ବିବେକ୍ରେ ବେଗାର୍ ଆଡ଼ାଃଉଡ଼ଃକେଦତେ ଜମେପେ ।

୨୮ ଜେତାଏ ମୁରୁଡ଼ତାଃରେ ଦାଣ୍ଡୋ ରାକାବାକାନ୍ ପାର୍ସାଦ୍ ତାନାଃ ମେନ୍ତେ କାଜିପେରେ, ଇନିୟାଃ ବୁଗିନାଃ ନାଗେନ୍ତେ ଆତଃ ବିବେକ୍ ହରାତେ ଏନା ଆଲ୍ପେ ଜମେୟା ।

୨୯ ନେତାଃରେ ଆପେୟାଃ ବିବେକ୍ ନାଗେନ୍ତେ କାଇଜ୍ଞ କାଜି, ମେନ୍ଦ ଏଗାଃନିୟାଃ ବିବେକ୍ ନାଗେନ୍ତେଇଜ୍ଞ କାଜିପେତାନା ।

☆ ୧୦:୧୭ ମାଥୂର ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦. ☆ ୧୦:୨୩ ୧ କରିଷ୍ଣୟ ୭:୧୨.

ହବାସାକାଅଥାଃ, ଆପେ ଆଇଙ୍କକେ କୁଲି ଦାଡ଼ିୟାଃପେ, “ଆଇଁୟାଃ ରାଡ଼ାକାନୁତେୟାଃ ଚିନାଃମେନ୍ତେ ଏଟାଃକଥାଃ ବିବେକ୍ତେ ବିଚାରଃଆ ?

୩୦ ଆଇଙ୍କ ପାର୍ମେଶ୍ୱାରକେ ଧାନ୍ୟାବାଦ୍ ଏମ୍‌କେଦ୍‌ତେ ଜମେୟାଃରେ ହିସା ଇଦିରେ, ଆଇଙ୍କକେ ଅକଏ ଚିନାଃମେନ୍ତେ ନିନ୍ଦାୟାଃ ?”

୩୧ ଏନାମେନ୍ତେ ଆପେ ଜମେ, ନୁଁଏ ଚାଏ ଜେଡ଼ନାଃଗିପେ କାମି, ଏନା ପାର୍ମେଶ୍ୱାରଆଃ ମାନାରାଙ୍କ ନାଗେନ୍ତେ କାମିପେ ।

୩୨ ଏଟାଃ ଦିଶୁମ୍‌ରେନ୍ ଯିହୁଦୀ, ସାଅଁସାର ଚାଏ ପାର୍ମେଶ୍ୱାରଆଃ କାଲିସିୟାକକେ ଆପେ ଆଲ୍‌ପେ ତହଦ୍‌ଇଚିକଥା ।

୩୩ ଆପେ ଆଇଁୟାଃ ଚାଇଲ୍ ଚାଲାନ ଲେକା ତାଇନଃପେ । ଆଇଙ୍କ ସବେନ୍ ବିଷାଏରେ ସବେନ୍‌କଥାଃ ସୁକୁ ହବାଅଃକା ମେନ୍ତେଇଙ୍କ ସାନାଙ୍କତାନା । ଆଇଙ୍କ ଆଇଁୟାଃ ନାଗେନ୍ତେ କା ଉଡ଼ୁକେଦ୍‌ତେ, ଏଟାଃକଥାଃ ଜୀଉ ବାଞ୍ଚାଅଃକା ମେନ୍ତେ ସବେନ୍‌କଥାଃ ନାଙ୍କ ରୁଗିନାଃଇଙ୍କ କାମିକାଦା ।

୧୧

୧ ☆ଆଇଙ୍କ ଯୀଶୁ ଖ୍ରୀଷ୍ଟଆଃ ନାମୁନା ଅତଙ୍କକାଦ୍ ଲେକା ଆପେୟ ଆଇଁୟାଃ ନାମୁନାକେ ଅତଙ୍କୟେଁପେ ।

ବିକ୍ରିତାନ୍ ଇମ୍‌ତା ବହଃ ଗୁଗ୍‌ଲୁ

୨ ଆଇଙ୍କ ଆପେୟାଃ ସାହାରାଅ ତାନାଇଙ୍କ, ଚିୟାଃଚି ଆପେ ସବେନ୍ ଇମ୍‌ତା ଆଇଙ୍କକେ ପାହାମିଙ୍କତାନାପେ ଆତଃ ଆଇଙ୍କ ଆପେକେ ଏମାକାଦ୍ ସବେନ୍ ଇନିତୁ ମାନାତିଙ୍କତାନାପେ ।

୩ ମେନ୍‌ଦ ଖ୍ରୀଷ୍ଟ ସବେନ୍ ହଡ଼କଥାଃ ବହଃ ଲେକାନିଃ ତାନିଃ, ହଡ଼, କୁଡ଼ିରାଃ ବହଃ ଲେକାନିଃ ତାନିଃ ଆତଃ ପାର୍ମେଶ୍ୱାର ଖ୍ରୀଷ୍ଟଆଃ ବହଃ ତାନିଃ, ମେନ୍ତେ ଆପେ ଆର୍‌କାରୁଉରୁମେପେ ମେନ୍ତେ ଆଇଙ୍କ ସାନାଙ୍କତାନା ।

୪ ଜେତାଏ ହଡ଼ ବହଃ ଗୁଗ୍‌ଲୁକେଦ୍‌ତେ ବିକ୍ରିୟା ଚାଏ ପାର୍ମେଶ୍ୱାରଆଃ କାନାଜି ଉଦୁବେତାନରେଦ, ଇନିଃ ଆପ୍‌ନାଃ ବହଃ ଅକଏଚି ଖ୍ରୀଷ୍ଟ ତାନିଃ, ଇନିଃକେ କାଏ ମାଇନି ତାନା ।

୫ ଆତଃ ଜେତାଏ କୁଡ଼ି ଆୟାଃ ବହଃକେ ବେଗାରୁ ଗୁଗ୍‌ଲୁକେଦ୍‌ତେ ବିକ୍ରିତାନରେଦ, ଚାଏ ପାର୍ମେଶ୍ୱାରଆଃ କାନାଜି ଉଦୁବେତାନରେଦ, ଇନିଃ ଆପ୍‌ନାଃ ବହଃ ଅକଏଚି ଆୟାଃ କଡ଼ା ତାନିଃ, ଇନିଃକେ କାଏ ମାଇନି ତାନା । ଏନ୍‌ଲେକାନ କୁଡ଼ି ଆତଃ ବହଃରେ ଉଦ୍ ବାନଃ କୁଡ଼ି, ନେ ବାରାନକିନାଃ ଆଲାରେ ଜେତାନ ଏଟାଃ ବାନଃଆ ।

୬ ଜେତା କୁଡ଼ି ଆୟାଃ ବହଃକେ ଗୁଗ୍‌ଲୁ କାଏ ସାନାଙ୍କରେଦ, ଆୟାଃ ବହଃରେୟାଃ ଉଦ୍ କାଇଁଚିୟାକାଏ । ମେନ୍‌ଦ ଉଦ୍ କାଇଁଚିନ୍ ଚାଏ ଉଦ୍ ଠାରୁନ୍‌ତେୟାଃ କୁଡ଼ି ନାଗେନ୍ତେ ଗିହୁଗାନ୍ ଲେକାନାଃ ତାନାଃରେଦ, ଇନିଃ ବହଃ ଗୁଗ୍‌ଲୁକାଏ ।

୭ କଡ଼ାକେ ଆୟାଃ ବହଃ ଗୁଗ୍‌ଲୁନ୍ କା ଲାଗାତିଙ୍କୟାଃ, ଚିୟାଃଚି ପାର୍ମେଶ୍ୱାରଆଃ ମୁରୁଡ୍ ଆତଃ ମାନାରାଙ୍କ ଇନିଃତାଃରେ ଚାକ୍‌ମାକାଅଃ ତାନା, ଆତଃ କୁଡ଼ି, କଡ଼ାରାଃ ମାନାରାଙ୍କ ଲେକାନିଃ ତାନିଃ ।

୮ କଡ଼ାଦ, କୁଡ଼ିତାଃଏତେ କାଏ ବାଇୟାକାନା, ମେନ୍‌ଦ କୁଡ଼ି, କଡ଼ାତାଃଏତେ ବାଇୟାକାନା ।

୯ କୁଡ଼ି ନାଗେନ୍ତେ କଡ଼ା କାଏ ବାଇୟାକାନା, ମେନ୍‌ଦ କଡ଼ା ନାଗେନ୍ତେ କୁଡ଼ି ବାଇୟାକାନା ।

୧୦ ଏନାମେନ୍ତେ ଦୁଁଡ଼କଥାଃ ହରାତେ କୁଡ଼ି ଆୟାଃ କଡ଼ାରାଃ ଆକ୍‌ତେୟାରରେ ମେନାଇୟା ମେନ୍ତେ ଉଦୁବେନ୍ ନାଗେନ୍ତେ ଇନିଃ ଆୟାଃ ବହଃକେ ଗୁଗ୍‌ଲୁ ଲାଗାତିଙ୍କୟାଃ ।

୧୧ ଏନ୍‌ରେୟ, ପ୍ରାଭୁଆଃ ମେନେସାରେ କଡ଼ା, କୁଡ଼ିତାଃଏତେ କାଏ ରାଡ଼ାକାନା, ଚାଏ କୁଡ଼ି, କଡ଼ାତାଃଏତେ କାଏ ରାଡ଼ାକାନା ।

୧୨ ଚିୟାଃଚି କୁଡ଼ି, କଡ଼ାତାଃଏତେ ବାଇୟାକାନା, ଏନ୍‌ଲେକାଗି କଡ଼ାହଗି କୁଡ଼ିତାଃଏତେ ଜାନାମାକାନା । ମେନ୍‌ଦ ପାର୍ମେଶ୍ୱାର ସବେନ୍‌କଥାଃ ବାବାଇନିଃ ତାନିଃ ।

୧୩ ଆପେ ଆପେଗି ବିଚାରେପେ, ବହଃ କା ଗୁଗ୍‌ଲୁକେଦ୍‌ତେ ପାର୍ମେଶ୍ୱାରଆଃ ଆୟାରରେ ବିକ୍ରିତେୟାଃ କୁଡ଼ି ନାଗେନ୍ତେ ଚିନାଃ ରୁଗିନାଃ ତାନାଃ ?

୧୪ ଜିଲିଙ୍କ ଉଦ୍, କଡ଼ା ନାଗେନ୍ତେ ଗିହୁଗଃତେୟାଃ ତାନାଃ, ମେନ୍ତେ ଚିନାଃ ନେ ସଭାଦ୍ ଆପେକେ କାଏ ଇତୁପେ ତାନା ?

୧୫ ମେନ୍‌ଦ କୁଡ଼ିକେ ଜିଲିଙ୍କ ଉଦ୍ ଦହଲେରେ, ଆୟାଃ ନାଗେନ୍ତେ ସୁଗାଡ଼ାନ୍ ବିଷାଏ ତାନାଃ । ଚିୟାଃଚି ନେ ଜିଲିଙ୍କ ଉଦ୍ ଇନିଃକେ ବହଃ ଗୁଗ୍‌ଲୁଃ ନାଗେନ୍ତେ ଏମାକାନା ।

୧୬ ମେନ୍‌ଦ ଜେତାଏ ନେ ବିଷାଏରେ କାପ୍‌ଜି ସାନାଙ୍କରେଦ, ଆରୁଆଃ ଆଲାରେ ଚାଏ ପାର୍ମେଶ୍ୱାରଆଃ କାଲିସିୟାରେ ସେଞ୍ଜାତାନ୍ ଇମ୍‌ତା ନେ ଲେକାନ ରିଡ଼ିରିଞ୍ଜାଦ୍ ବାଗିକେଦ୍‌ତେ ଆତଃ ଏଟାଃ ରିଡ଼ିରିଞ୍ଜାଦ୍ ବାନଃଆ, ମେନ୍ତେ ଇନିଃ ସାରିକାଏ ।

☆ ୧୧:୧ ୧ କବିଚ୍ଛିନ୍ଦ ୪:୧୭; ଡିଲିପିୟ ୩:୧୭.

ପ୍ରାଭୁଭୋଜ

(ମାଧୁ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ଆପେ ସେଞ୍ଜା ନାଗେନ୍ତେ ମିଦ୍‌ତାଃରେ ହୁଣ୍ଡିନ୍ ଇମ୍‌ତା, ନେଆଁ ଆପେୟାଃ ନାଗେନ୍ତେ ବୁଗିନାଃ କା ହବାକେଦ୍‌ତେ ଏଡକାନାଃ ହବାଅଃତାନା । ଏନାମେନ୍ତେ ଆଇଙ୍ଗ୍ ଆପେକେ କାଇଙ୍ଗ୍ ସାହାରାଅପେ ତାନା ।

୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେନ୍ତେ ମିଦ୍‌ତାଃରେ ହୁଣ୍ଡିନ୍ ଇମ୍‌ତା ଆପେ ଆଲାରେ ବିପିଙ୍ଗାଅ ହବାଅଃତାନା ମେନ୍ତେଇଙ୍ଗ୍ ଆୟୁମ୍‌କାଦା, ନେଆଁ ସାର୍‌ତିଗି ତାନାଃ ମେନ୍ତେଇଙ୍ଗ୍ ବିଶ୍ୱାୟ୍ ତାନା ।

୧୯ ପାର୍‌ମେଶ୍ୱାର୍‌ଆଃ ଆୟାର୍‌ରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟଃ ନାଗେନ୍ତେ ଆପେ ଆଲାରେ ବିପିଙ୍ଗାଅ ହବାଅଃଗି ଲାଗାତିଙ୍ଗ୍‌ୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ ।

୨୦ ଚିମ୍‌ତା ଆପେ ମିଦ୍ ହୁଣ୍ଡି ଲେକା ମିଦ୍‌ତାଃରେ ହୁଣ୍ଡିକେଦ୍‌ତେ ଜମ୍‌ତାନ୍‌ତେୟାଃ ପ୍ରାଭୁଭୋଜ ମେନ୍ତେପେ ଉଡ଼ୁତାନା, ଏନା ପ୍ରାଭୁଭୋଜ ନାହାଁଲାଃ,

୨୧ ଚିୟାଃଚି ଆପେ ସବେନ୍‌କ ଆପେୟାଃ ଜଜମାଃ ଜମ୍‌ତାନ୍ ଇମ୍‌ତା, ମିହୁଡ୍‌ରେଙ୍ଗେଃଗି ତାଇନଃତାନ୍ ଇମ୍‌ତା ଏଟାଃ ମିହୁଡ୍‌ ଇଲିଆଡ଼୍‌ରେ ବୁଲଃତାନା ।

୨୨ ଜମ୍ ନୁଁ ନାଗେନ୍ତେ ଆପେୟାଃ ଅଡ଼ାଃ ଚିନାଃ ବାନଃଆ ? ତାଏ ଆପେ ଚିନାଃ ପାର୍‌ମେଶ୍ୱାର୍‌ଆଃ କାଲିସିୟାକେ ହିଲାଙ୍ଗ୍‌ୟେଁ ତାନାପେ ? ଆଡ଼ାଃ ଅକଏୟାଃ ବାନଃଆ ଏନ୍ ହଡକକେ ଗିହୁଃକ ତାନାପେ ? ଆଇଙ୍ଗ୍ ଆପେକେ ଚିନାଃ ମେତାପେୟାଈଙ୍ଗ୍ ? ଚିନାଃ ଆପେୟାଃ ସାହାରାଅ ରିକାୟାଈଙ୍ଗ୍ ? କାହାଗି, ନେ ବିଷାଏରେ ଆଇଙ୍ଗ୍ ଆପେୟାଃ ସାହାରାଅ କାଇଙ୍ଗ୍ ରିକା ଦାଡ଼ିୟା ।

୨୩ ଚିୟାଃଚି ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବାପେ ତାନା । ପ୍ରାଭୁ ଯୀଶୁ ବାଇରିକଆଃ ତିଃଇରେ ଜିମାଅଃ ନିଦାରେ ହଲଙ୍ଗ୍ ଇଦିକେଦ୍‌ତେ,

୨୪ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କିୟାଏ, ଆଡ଼ାଃ ଏନା କେଟାଃକେଦ୍‌ତେ କାଜିକେଦାଏ, “ନେଆଁ ଆପେୟାଃ ନାଗେନ୍ତେ ଆଇଁୟାଃ ହଡ଼୍‌ମ ତାନାଃ, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।”

୨୫ ଏନ୍‌ଲେକାଗି ଜମ୍‌କେଦ୍‌ ତାୟମ୍‌ତେ, ଇନିଃ କାଟୋରା ଇଦିକେଦାଏ ଆଡ଼ାଃ କାଜିକେଦାଏ, “ନେ କାଟୋରା ଆଇଁୟାଃ ମାୟୋମ୍‌ତେ ବାଇୟାକାନ୍ ପାର୍‌ମେଶ୍ୱାର୍‌ଆଃ ନାଞ୍ଜା ରାଜିନାମା ତାନାଃ । ଆପେ ଚିମ୍‌ତାଙ୍ଗ୍ ନେଆଁ ନୁଁୟାପେ ଇମ୍‌ତାଙ୍ଗ୍ ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।”

୨୬ ନେଆଁତେ ଆଟ୍‌କାରଃ ତାନା, ଆପେ ଚିମିନ୍‌ଧାଅଁ ନେ ହଲଙ୍ଗ୍ ଜମେୟାଁପେ ଆଡ଼ାଃ ନେ କାଟୋରାଏତେ ନୁଁୟାପେ, ଇମିନ୍‌ଧାଅଁ ଆପେ ପ୍ରାଭୁଆଃ ହିନିଜୁଃ ସେଟେର୍‌ ଜାକେଦ୍‌ ଆୟାଃ ଗନଏଃରାଃ କାଜିପେ ଉଦୁବେୟା ।

୨୭ ଏନାତେ ଜେତାଏ ସଡ଼ରାକେଦ୍‌ତେ ପ୍ରାଭୁଆଃ ନେ ହଲଙ୍ଗ୍‌କେ ଜମେନିଃ ତାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼୍‌ମ ଆଡ଼ାଃ ମାୟୋମ୍‌ରେୟାଃ ବିରୁଧ୍‌ରେ ପାପ୍‌କେଦ୍‌ତେ ଚିଟାଅଃଆ ।

୨୮ ଏନାତେ ଆପେ ସବେନ୍‌କ ଆପାନ୍‌କେ ବିଡ଼ାଅକେଦ୍‌ ତାୟମ୍‌ତେ, ନେ ହଲଙ୍ଗ୍‌କେ ଜମେପେ ଆଡ଼ାଃ କାଟୋରାଏତେ ନୁଁଏପେ ।

୨୯ ଚିୟାଃଚି ଜେତାଏ ହଡ଼ ପ୍ରାଭୁଆଃ ହଡ଼ମରାଃ ସାର୍‌ତି ମୁଣ୍ଡି କା ଆଟ୍‌କାର୍ ଉରୁମ୍‌କେଦ୍‌ତେ, ଜମ୍, ନୁଁଏନିଃ ସାର୍‌ତିଗି ସାଜାଇ ନାମେୟାଏ ।

୩୦ ଏନାମେନ୍ତେ ଆପେକଏତେ ଚିମିନ୍ ହଡକ ପୁରାଃଗି ନାରାଦୁରା, ବେମ୍‌ରିୟା ଆଡ଼ାଃ ପୁରାଃ ହଡକ ଗଜାକାନା ।

୩୧ ମେନ୍‌ଦ ଆବୁ ଆପାନ୍‌କେ ସିଦାରେଗିବୁ ବିଟାର୍ କାନ୍‌ରେଦ୍, ଆବୁ ପାର୍‌ମେଶ୍ୱାର୍‌ଆଃ ବିଟାର୍‌ରେ କାବୁ ବିଟାରଃତେୟାଃ ।

୩୨ ଅତେଦିଶ୍ୱମ୍‌ରାଃ ଚୁଣ୍ଡୁ ସାଜାଇଏତେ ଆବୁକେ ବାଞ୍ଛାଅବୁ ନାଗେନ୍ତେ ପ୍ରାଭୁ ଆବୁକେ ସାଜାଇ ଏମ୍‌କେଦ୍‌ତେ ସତଃବୁତାନା ।

୩୩ ଏନାତେ ହେ ହାଗା ମିଗିକ, ଆପେ ପ୍ରାଭୁଭୋଜ ନାଗେନ୍ତେ ହୁଣ୍ଡିନ୍ ଇମ୍‌ତା ସବେନ୍‌କକେ ତାଜିକପେ ।

୩୪ ଆପେୟାଃ ହୁଣ୍ଡିନ୍‌ତେୟାଃ ସାଜାଇ ନାମେ ନାଗେନ୍ତେ ଆଲକା ହବାଅଃକା । ଏନାତେ ଜେତାଏ ରେଙ୍ଗେଜଃ ତାନ୍‌ରେଦ୍, ଇନିଃ ଅଡ଼ାଃରେ ଜମେକାଏ । ଆଡ଼ାଃ ଏଟାଃତେୟାଃ ଆଇଙ୍ଗ୍ ହିଜୁଃରେ ଉଦୁବାପେୟାଈଙ୍ଗ୍ ।



ପାବିତାର୍ ଆମ୍‌ତାଃଏତେ ବାଡ଼ଦାନ୍

୧ ଆଇଁୟାଃ ହାଗା ମିଗିକ ପାବିତାର୍ ଆମ୍‌ତାଃଏତେ ବାଡ଼ଦାନ୍ ବିଷାଏରେ ଆଇଙ୍ଗ୍ ଆପେକେ ସାର୍‌ତିତେୟାଃ ଉଦୁବ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା ।

୨ ଆପେ ସାଅଁସାର୍‌କ ତାଇକେନାପେ ଇମ୍‌ତା ଜୀଉ ବାନଃ ମୁରୁଡକକେ ସେଞ୍ଜାକେଦ୍‌ତେ ହରା ଆଦାକାଦ୍ ତାଇକେନାପେ, ଏନାପେ ସାରିତାନା ।

୩ ଏନାମେନ୍ତେ ଆପେକେ ସାରି ଲାଗାଡ଼ିଙ୍ଗିୟାଃ, ପାରମେଶ୍ଵାର୍ଥାଃ ଆମ୍ଭାତେ ସେସେନ୍ତାନ୍ ହଡ଼ “ୟାଶୁ ସାର୍ପାଅଃକାଏ” ମେନ୍ତେ ଜେତାଏ କାକ କାଜି ଦାଡ଼ିୟା । ଆତଃ ପାବିତାର୍ ଆମ୍ଭାକେ କା ନାମକେଦ୍ତେ “ୟାଶୁ ପ୍ରାଭୁ” ତାନିଃ ମେନ୍ତେ ଜେତାଏ କାକ କାଜି ଦାଡ଼ିୟା ।

୪ *ପାବିତାର୍ ଆମ୍ଭାରେୟାଃ ବାର୍ଦ୍ଦାନ୍ ରାକାମ୍ ରାକାମ୍ ମେନାଃ, ମେନ୍ଦ ଏନ୍ ମିଆଁଦ୍ ପାବିତାର୍ ଆମ୍ଭା ଏନ୍ ସବେନାଃ ଏମାଃଏ ।

୫ ରାକାମ୍ ରାକାମ୍ ସେଞ୍ଜା ମେନାଃରେୟା ମିଆଁଦ୍ରି ପ୍ରାଭୁଆଃ ସେଞ୍ଜା ହବାଅଃତାନା ।

୬ କାମି ରିକାରେୟାଃ ପେଡ଼େଃ ରାକାମ୍ ରାକାମ୍ ମେନାଃ, ମେନ୍ଦ ମିଆଁଦ୍ରି ପାରମେଶ୍ଵାର୍ ଏନ୍ ସବେନାଃରେୟାଃ ପେଡ଼େଃ ଏମାଃଏ ।

୭ ସବେନ୍ଦକଆଃ ବୁଗିନାଃ ନାଗେନ୍ତେ ମିମିଆଦ୍ ହଡ଼କଆଃ ଆଲାରେ ପାବିତାର୍ ଆମ୍ଭାରେୟାଃ ପେଡ଼େଃ ରାକାମ୍ ରାକାମ୍ ଲେକାତେ ଉଦ୍ଭବଃଆ ।

୮ ଚିୟାଃଚି ମିହୁଡ଼କେ ପାବିତାର୍ ଆମ୍ଭାରେୟାଃ ସାୟାଦ୍ତେ ସେଣ୍ଡାନ୍ରାଃ କାଜି ଆତଃ ଏଚାଃ ଆତଃମିହୁଡ଼କେ ଏନ୍ ପାବିତାର୍ ଆମ୍ଭାରେୟାଃ ଇନିତୁ ଲେକାତେ ବୁଦ୍ଧିରେୟାଃ କାଜି ଏମାଃଏ ।

୯ ଏନ୍ ମିଆଁଦ୍ ପାବିତାର୍ ଆମ୍ଭାଗି ମିହୁଡ଼କେ ବିଶ୍ଵାସ୍, ଆତଃମିହୁଡ଼କେ ହଡ଼କକେ ବୁଗିକ ନାଗେନ୍ତେ ପେଡ଼େଃ ଏମାଃଏ ।

୧୦ ଚିମିନ୍ଦକକେ ଆକ୍ଦାନ୍ଦାଅ କାମି ରିକା ନାଗେନ୍ତେ ପେଡ଼େଃ ଏମାଃଏ, ଚିମିନ୍ଦକକେ ପାରମେଶ୍ଵାର୍ଥାଃ ଆୟାକାଜି କାଜି ନାଗେନ୍ତେ ପେଡ଼େଃ ଏମାଃଏ, ଚିମିନ୍ଦକକେ ପାବିତାର୍ ଆମ୍ଭା ଆତଃ ଏଡ଼କାନ୍ ଆମ୍ଭାକକେ ନେଲ୍ଭରୁମ୍ରେୟାଃ ପେଡ଼େଃ ଏମାଃଏ, ଚିମିନ୍ଦକକେ ରାକାମ୍ ରାକାମ୍ ନାଞ୍ଜା ଜାଗାର୍ତେ ଜାଗାର୍ ନାଲ୍ ପେଡ଼େଃ ଏମାଃଏ, ଆତଃ ଚିମିନ୍ଦକକେ ଏନ୍ ଜାଗାର୍ରେୟାଃ ମୁଣ୍ଡି କାଜି ନାଗେନ୍ତେ ପେଡ଼େଃ ଏମାଃଏ ।

୧୧ ମେନ୍ଦ ନେ ସବେନାଃ ଏନ୍ ମିଆଁଦ୍ ଆମ୍ଭାଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହଡ଼କକେ ରାକାମ୍ ରାକାମ୍ ବାର୍ଦ୍ଦାନ୍ ଏମାକାଦ୍କଆଏ ।

ମିଆଁଦ୍ ହଡ଼ମ୍ ମେନ୍ଦ ପୁରାଃ ହିସା ମେନାଃ

୧୨ *ମିଆଁଦ୍ରି ହଡ଼ମ୍, ଆତଃ ଏନାରେ ପୁରାଃଚି ହିସା ମେନାଃ, ଆତଃ ହଡ଼ମ୍ ରାକାମ୍ ରାକାମ୍ ହିସାରେ ବାଇୟାକାନ୍ରେୟା, ମିଆଁଦ୍ରି ହଡ଼ମ୍ ତାନାଃ, ଏନ୍ଲେକାଗି ଯାଶୁ ଶ୍ରୀଷ୍ଟି ମିଆଁଦ୍ ହଡ଼ମ୍ ଲେକାନିଃ ତାନିଃ ।

୧୩ ଏନ୍ଲେକାଗି ଯିହୁଦୀ ହବାଅଃ ଚାଏ ସାଅଁସାର୍, ଦାସି ହବାଅଃ ଚାଏ ରାଡ଼ାକାନ୍ ହଡ଼, ଆରୁ ସବେନ୍ଦକଦ୍ ମିଆଁଦ୍ ହଡ଼ମ୍ ହବାଅଃ ନାଗେନ୍ତେ ମିଆଁଦ୍ ଆମ୍ଭାତେବୁ ବାପ୍ତିସ୍ମାକାନା, ଆତଃ ଏନ୍ ମିଆଁଦ୍ ହଡ଼ମ୍ରେ ମେସାକାନାବୁ ଆତଃ ମିଆଁଦ୍ ଆମ୍ଭାଏତେ ନୁଁ ନାଗେନ୍ତେ ସବେନ୍ଦକକେ ଏମାକାନା ।

୧୪ ହଡ଼ମ୍ ମିଆଁଦ୍ରି ହିସାରେ କା ବାଇୟାକାନା, ମେନ୍ଦ ପୁରାଃ ହିସାରେ ବାଇୟାକାନା ।

୧୫ କାଟା, ଆଇଙ୍ଗ୍ ଡିଃଇ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହଡ଼ମ୍ରାଃ ହିସା ନାହାଁଲାଃ, ଏନ୍କାଦ୍ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହଡ଼ମ୍ରେୟାଃ ହିସାରେ ତାଇନ୍ କା ଦାଡ଼ିୟଃଆ ।

୧୬ ଆତଃ ଲୁଡୁର୍, ଆଇଙ୍ଗ୍ ମେଦ୍ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହଡ଼ମ୍ରାଃ ହିସା ନାହାଁଲାଃ, ଏନ୍କାଦ୍ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହଡ଼ମ୍ରେୟାଃ ହିସାରେ ତାଇନ୍ କା ଦାଡ଼ିୟଃଆ ।

୧୭ ଗଟା ହଡ଼ମ୍, ମେଦ୍ ହବାଅଃରେଦ୍, ଚିଲ୍କାତେ ଆୟୁମ୍ ଦାଡ଼ିୟଃଆ ? ଆତଃ ଗଟା ହଡ଼ମ୍, ଲୁଡୁର୍ ହବାଅଃରେଦ୍ ଚିଲ୍କାତେ ସୁଙ୍ଗୁଦ୍ ଦାଡ଼ିୟଃଆ ?

୧୮ ପାରମେଶ୍ଵାର୍ ହଡ଼ମ୍ରାଃ ସବେନ୍ ହିସାକେ ମିଆଁଦ୍ ମିଆଁଦ୍ତେ ଆୟାଃ ସାନାଙ୍ଗ୍ ଲେକା ହଡ଼ମ୍ରେ ଖାଞ୍ଜାଅକାଦା ।

୧୯ ଏନ୍ ସବେନାଃ ମିଆଁଦ୍ରି ହିସା ହବାକାନ୍ତେୟାଃ ହଲେ, ଚିଲ୍କାତେ ହଡ଼ମ୍ ହବାସାକାଅଆଃ ?

୨୦ ଏନାତେ ହଡ଼ମ୍ରେ ପୁରାଃ ହିସା ତାଇନ୍ରେୟା, ମିଆଁଦ୍ରି ହଡ଼ମ୍ ତାନାଃ ।

୨୧ ଏନାତେ, “ଆଇଙ୍ଗ୍କେ ଆମାଃ ଲାଗାଡ଼ିଙ୍ଗ୍ ବାନଃଆ” ମେନ୍ତେ ମେଦ୍, ଡିଃଇକେ କାଜି କାଏ ଦାଡ଼ିୟା, ଚାଏ ବହଃ, କାଟାକେ “ଆମାଃ ଦାର୍କାର୍ ବାନଃଆ” ମେନ୍ତେ କାଜି କାଏ ଦାଡ଼ିୟା ।

୨୨ ମେନ୍ଦ୍ ହଡ଼ମ୍ରେ ଅକନ୍ ହିସା ନାରାଦୁରା ମେନ୍ତେ ଆଟ୍କାରଃତାନ୍ରେଦ୍, ଆରୁ ଜେଡ଼ନାଃ କାରୁ ରିକା ଦାଡ଼ିୟା ।

୨୩ ଆତଃ ହଡ଼ମ୍ରେୟାଃ ଅକନ୍ ହିସା ପୁରାଃଚି ଲାଗାଡ଼ିଙ୍ଗ୍ତେୟାଃ ନାହାଁଲାଃ ମେନ୍ତେ ଆଟ୍କାରଲେରେ, ଆରୁ ଏନ୍ ହିସାକକେ ଜାତାନ୍ ରିକାଃବୁ । ଆତଃ ହଡ଼ମ୍ରେୟାଃ ଦାନାଙ୍ଗ୍କାନ୍ ହିସାକେ ପୁରାଃଚି ଜାଡ଼ନାଅ ରିକାଃବୁ ।

୨୪ ହଡ଼ମ୍ରେୟାଃ ସୁଗାଡ଼ାନ୍ ହିସା ନାଗେନ୍ତେ ଇମନାଙ୍ଗ୍ ଆରୁ କାରୁ ଉଡ଼ଗୁାଃ । ପାରମେଶ୍ଵାର୍ ଆଇଃକ୍ଚି ହଡ଼ମ୍ରେ ନେଲେକା ସାଜାଅକାଦାଏ ଯେ, ଅକନ୍ ହିସାକେ ଜାତାନ୍ ଇଦି ଲାଗାଡ଼ିଙ୍ଗିୟାଃ, ଏନା ପୁରାଃଚି ମାଇନଃ ଲେକାନାଃତାନାଃ ।

୨୫ ଆତଃ ହଡ଼ମ୍ରେ ଜେତାନ୍ ବିନ୍ଦାଅ କା ହବାଅଃଆ, ମେନ୍ଦ୍ ହଡ଼ମ୍ରେୟାଃ ମିମିଆଦ୍ ହିସା ମିଆଁଦ୍ ଆତଃମିଆଁଦ୍ରାଃ ଦେଙ୍ଗା ରିକାଃଏ ।

* ୧୨:୪ ରୋଗି ୧୨:୬-୮. * ୧୨:୧୨ ରୋଗି ୧୨:୪,୫.

୨୬ ହୃଦଫରେୟାଃ ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା । ମିଥାଁଦ୍ ହିସା ମାନାରାଜ୍ ହବାଅଃରେ, ଏଟାଃ ସବେନ୍ ହିସା ଏନ୍ ରାସ୍ତକାରେ ରାସ୍ତକାଞ୍ଜାକ ।

୨୭ ଆପେ ଶ୍ରୀଷ୍ଟିଆଃ ହୃଦଫ ତାନପେ । ଆପେ ସବେନ୍ ଏନ୍ ହୃଦଫରେନ୍ ମିପିଆଦ୍ ହିସା ତାନପେ ।

୨୮ *କାଲିସିୟାରେ ପାର୍ମେଶ୍ଵାର୍ ସବେନାଃଏତେ ସିଦାରେ ପ୍ରେରିତକକେ, ଏନ୍ ତାୟମ୍ତେ ଆୟାରକାଜିକକେ, ଏନ୍ ତାୟମ୍ତେ ଇତୁକକେ, ଏନ୍ତେ ଆକ୍ଦାନ୍ଦାଅ କାମିକକେ, ଦୁକୁ ବୁଗିତାନକକେ, ଦେଙ୍ଗାତାନକକେ, ଆକ୍ତେୟାର୍ ନାମାକାଦକକେ, କା ସାରିକାଦ୍ ଏଟାଃ ଜାଗାର୍ତେ ଜାଗାର୍ ଦାଡିତାନ୍ ହୃଦକକେ ଆତଃ ରାକାମ୍ ରାକାମ୍ ବାର୍ଦାନ ନାମାକାଦ୍ ହୃଦକକେ ସାଲୀକେଦକଆ ।

୨୯ ଇନ୍କୁ ସବେନ୍ ପ୍ରେରିତ୍, ଆୟାରକାଜିକ, ଆତଃ ଇତୁତାନକ ନାହାଁଲୀକ । ଆକ୍ଦାନ୍ଦାଅ କାମି ରିକାରେୟାଃ ପେଡେଃ ସବେନ୍କଆଃ ବାନଃଆ ।

୩୦ ସବେନ୍ ଦୁକୁ ବୁଗି କାକ ଦାଡିୟା, କା ସାରିକାଦ୍ ଏଟାଃ ଜାଗାର୍ତେ କାକ ଜାଗାର୍ ଦାଡିୟା, ଆତଃ କାଜିକାନ୍ତେୟାଃରାଃ ମୁଣ୍ଡି ଉଦୁବ୍ ନାଗେନ୍ତେ କାକ ଦାଡିୟା । ଚିଆଃଚି ସବେନ୍ ଏଟାଃ ଏଟାଃ ବାର୍ଦାନ ନାମାକାଦାକ ।

୩୧ ଆପେ ସବେନ୍ ବୁଗିନ୍ ବାର୍ଦାନ ନାମେ ନାଗେନ୍ତେ ଚେଷ୍ଟାଏପେ । ଆଇଜ୍ ଆପେକେ ନେଆଁଏତେ ପୁରାଃ ବୁଗିନ୍ ହରାଇଜ୍ ଉଦୁବାପେୟା ।

୧୩

ଦୁଲୀତ୍

୧ ଆଇଜ୍ ହୃଦକଆଃ ଆତଃ ଦୁଁତକଆଃ ଜାଗାର୍ତେ କାଜି ଦାଡିୟାଜ୍, ମେନ୍ଦ ଆଇୟାଃ ଦୁଲୀତ୍ କା ତାଇନ୍ରେଦ, ଆଇଜ୍ ଠାନ୍ ଠାନ୍ ସାଡି ଆୟୁମଃତାନ୍ ଘାଣ୍ଟି ଚାଏ ତିଃଇତେ ଆପଡିତାନ୍ ସାଡି ଆୟୁମଃତାନ୍ ଲେକାନ୍ନିଃ ତାନିଜ୍ ।

୨ *ଆତଃ ଆଇଜ୍ କେ ପାର୍ମେଶ୍ଵାର୍ଆଃ କାଜି କାଜିନାଜ୍ ପେଡେଃ ତାଇନ୍ ସାକାଅଃଆ, ସବେନ୍ ବିଷାଏରେ ସେଣାଁ ତାଇନ୍ ସାକାଅଃଆ, ସବେନ୍ ଉକୁଆକାନ୍ତେୟାଃ ଆବ୍କାର୍ତୁରୁମ୍ ନାଗେନ୍ତେ ପେଡେଃ ତାଇନ୍ ସାକାଅଃଆ, ବିଶ୍ଵାସରାଃ ପେଡେଃତେ ବୁରୁକେ ନେତାଃଏତେ ହାନ୍ତାଃ ଇଦି ନାଗେନ୍ତେ ପେଡେଃ ତାଇନ୍ ସାକାଅଃଆ, ମେନ୍ଦ ଆଇୟାଃ ଦୁଲୀତ୍ ବାନଃରେଦ, ଆଇଜ୍ ଜେତାନିଃ ନାହାଁଲିଜ୍ ।

୩ ଆଇଜ୍, ଆଇୟାଃ ସବେନାଃ ଏମ୍ ଦାଡିୟାଜ୍ ଚାଏ ସେଙ୍ଗେଲ୍ରେ ଆଇୟାଃ ହୃଦଫକେ ଜୁଲଃ ନାଗେନ୍ତେ ଏମ୍ ଦାଡିୟାଜ୍, ମେନ୍ଦ ଆଇୟାଃ ମନ୍ସୁରୁଦ୍ରେ ଦୁଲୀତ୍ ବାନଃରେଦ, ଏନ୍ ସବେନାଃ ଆଇୟାଃ ନାଗେନ୍ତେ ବୁଗିନାଃ କା ହବାଅଃଆ ।

୪ ଦୁଲୀତ୍ ହବାଅଃତାନା, ଧୂରାଜ୍ ଆତଃ ଲିବୁୟାନ୍ ଜାଞ୍ଜାନ୍ । ଦୁଲୀତ୍, କାଏ ହିସ୍ଜାଃ, କାଏ ହାଁକାରାଃ, ଆତଃ ଆପାନ୍କେ ମାରାଜ୍ଘେନ୍ କାଏ ସାନାଜ୍ଆଃ;

୫ ଦୁଲୀତ୍, କା ଲାଗାତିଜ୍ ଲେକା କାଏ ବେଭାରାଃ, ଆୟାଃ ନାଗେନ୍ତେ ଏସ୍କାର୍ କାଏ ରିକାଃ, କାଏ ଖ୍ଵଅଃଆ, ଏଡକାନ୍ତେୟାଃ କାଏ ପାହାମାଃ;

୬ ଦୁଲୀତ୍, ଏଡକାନ୍ତେୟାଃରେ କାଏ ସୁକୁଃଆ, ମେନ୍ଦ ସାନାର୍ତ୍ତିରେ ସୁକୁଃଆ ।

୭ ଦୁଲୀତ୍, ସବେନାଃଏ ସାହାଡିଜ୍ଘେଆ, ସବେନାଃଏ ବିଶ୍ଵାସେଆ, ସବେନାଃଏ ଆସ୍ତାଏୟା, ଆତଃ ସବେନ୍ ବିଷାଏରେ ଧୂରାଜ୍ ସାବ୍କେଦ୍ତେ ତାଇନାଃ ।

୮ ଦୁଲୀତ୍, ଜାନାଅ ଜାନାଅଗି ତାଇନଃଆ, ଆୟାରକାଜି ଉଦୁବ୍ତେୟାଃ ଜିୟନଃଆ, ଆକ୍ଦାନ୍ଦାଅ କାଜିତେୟାଃ ଜିୟନଃଆ, ହୃଦକଆଃ ସେଣାଁ ମେନାଃରେଦ, ଏନା ଜିୟନଃଆ ।

୯ ଚିୟାଃଚି ଆବୁକେ ସେଣାଁରାଃ ବାର୍ଦାନ ଏମାକାନ୍ତେୟାଃ ଆତଃ ପାର୍ମେଶ୍ଵାର୍ତାଃଏତେ କାନାଜି ଉଦୁବ୍ତେୟାଃରାଃ ସେଣାଁ ପୁରା ନାହାଁଲୀଃ,

୧୦ ମେନ୍ଦ ସବେନ୍ ବିଷାଏରେୟାଃ ପୁରାଅଃତେୟାଃ ହିଜୁଃରେ, ନେ କାଟିକାନ୍ତେୟାଃ ସବେନ୍ ଜିୟନଃଆ ।

୧୧ ଆଇଜ୍ ସିଟିଆ ଲେକାଜ୍ ତାଇକେନ୍ ଇମ୍ତା, ସିଟିଆ ଲେକାଜ୍ ଜାଗାର୍ ତାଇକେନା, ସିଟିଆ ଲେକାଜ୍ ପାହାମ୍ ତାଇକେନା, ସିଟିଆ ଲେକାଜ୍ ଉଡ଼ୁ ତାଇକେନା, ମେନ୍ଦ ସିଟିଆଏତେ ମାରାଜ୍ ହାରାୟାନ୍ତେ ଆତଃ ଆଇଜ୍ ସିଟିଆ ଲେକା କାଜିକାଜିତାନା ।

୧୨ ନାହାଁଃ ଆବୁ ଅକ୍ନାଃ ନେଲ୍ତାନ୍ତେୟାଃ, ଆଏନାରେ ନେଲେତାନ୍ ନାକାଲ୍ ଲେକାନାଃ ତାନାଃ । ମେନ୍ଦ ମୁସିଜ୍ ନେତା ହିଜୁଃଆ, ଇମ୍ତା ଆବୁ ମିହୁଡ୍ ଆତଃମିହୁଡ୍କେ ନେପେଲ୍ତାନ୍ ଲେକାବୁ ନେପେଲ୍ । ନାହାଁଃ ଆଇଜ୍ ଅକ୍ନାଃ ସାରିତାନାଜ୍, ଏନା ପୁରା କାଜିକା ସାରିତାନା । ମେନ୍ଦ ପାର୍ମେଶ୍ଵାର୍ ଆଇଜ୍ କେ ପୁରା ସାରିକାଦିଜ୍ ଲେକା ହବାଅଃରେ ଆଇୟାଃ ସେଣାଁ ପୁରାଅଃଆ ।

୧୩ ବିଶ୍ଵାସ, ଆସ୍ତା, ଆତଃ ଦୁଲୀତ୍, ନେ ଆପିୟା ତାଇନଃଆ । ମେନ୍ଦ ନେ ଆପିୟାଏତେ ଦୁଲୀତ୍ ମାରାଜ୍ତାନାଃ ।

☆ ୧୨:୨୮ ଏଡିସିୟ ୪:୧୧. ☆ ୧୩:୨ ମାଥ୍ଵଇ ୧୭:୨୦; ୨୧:୨୧; ମାର୍କ ୧୧:୨୩.

୧୪

ଆତ୍ମାତାତ୍ପତ୍ୟେ ବାବଦାନ୍ ବିଷୟରେ ପୁରାଣ କାଳି

୧ ଏନାତେ ଆପେ ଦୁଲ୍ଲଭ ନାଗେନ୍ତେ ଚିହ୍ନଚେନ୍ଦପେ । ଏଗାଃ ଏଗାଃ ଆତ୍ମାରେୟାଃ ବାବଦାନ୍‌କେ ନାମେ ନାଗେନ୍ତେ, ବିଶେଷକେଦ୍‌ତେ ପାର୍ମ୍ଭେଶ୍ଵରାଆଃ କାନାଜି ଉଦୁବ୍ ନାଗେନ୍ତେ, ଆପେୟାଃ ମନ୍‌ସୁରୁଦ୍‌ତେ ଚିକା ନାଜ୍ ସାନାଜ୍‌ପେ ।

୨ ଚିୟାଃଚି ଜେତାଏ କା ସାରି ଜାଗାର୍‌ତେ ଜାଗାର୍‌ତାନନିଃ, ହୃତ୍‌ଲଃ କାଏ ଜାଗାରାଃ ମେନ୍‌ଦ ପାର୍ମ୍ଭେଶ୍ଵରଲଃ ଜାଗାରାଃଏ, ଏନାତେ ଜେତାଏ କାକ ବୁଝାଅଃଆ । ଏନ୍ ଆତ୍ମାରାଃ ପେଡେଃତେ ଉକ୍ତୁଆକାନ୍ ସାର୍‌ତି ବିଷାଏକ ଜାଗାର୍‌ତାନା ।

୩ ମେନ୍‌ଦ ଜେତାଏ ପାର୍ମ୍ଭେଶ୍ଵରାଆଃ କାନାଜି କାଜିତାନନିଃ ହୃତ୍‌କଥାଃ ବିଶ୍ଵାସ୍‌କେ କେଚେଜେ ନାଜ୍ କାଜିୟାଃଏ ଆତଃ ଇନ୍‌କୁକେ ଦେଙ୍ଗା, ରାସ୍‌କା, ଆତଃ ଜୀଉରାଡେଃ ଏମାକଥାଏ ।

୪ ଜେତାଏ କା ସାରି ଜାଗାର୍‌ତେ ଜାଗାର୍‌ନିଃ, ଆୟାଃ ନାଗେନ୍ତେ ଏସ୍‌କାର୍ କାଜିୟାଃଏ, ମେନ୍‌ଦ ଜେତାଏ ପାର୍ମ୍ଭେଶ୍ଵରାଆଃ କାନାଜି ଉଦୁବ୍‌ନିଃ, ସବେନ୍ କାଲିସିୟାକେ ଦେଙ୍ଗାଃଏ ।

୫ ଆପେ ସବେନ୍‌କ କା ସାରି ଜାଗାର୍‌ତେ ଜାଗାର୍‌ରେ, ଆଇଜ୍ ରାସ୍‌କାଅଃଇଜ୍, ମେନ୍‌ଦ ଆପେ ସବେନ୍‌କ ପାର୍ମ୍ଭେଶ୍ଵରାଆଃ କାନାଜି ଉଦୁବେପେ, ମେନ୍ତେ ଆଇୟାଃ ପୁରାଃ ସାନାଜ୍ ତାନାଃ । ଜେତାଏ କା ସାରି ଜାଗାର୍‌ତେ ଜାଗାରେନିଃ, କାଲିସିୟାରାଃ ବୁଗିନାଃ ନାଗେନ୍ତେ କା ସାରି ଜାଗାର୍‌ରେୟାଃ ମୁଣ୍ଡି ଉଦୁବେରେଦ ବୁଗିନାଃ ହବାଅଃତେୟାଃ, କାରେଦ କା ସାରି ଜାଗାର୍ କାଜିଏତେ ପାର୍ମ୍ଭେଶ୍ଵରାଆଃ କାନାଜି ଉଦୁବ୍‌ତେୟାଃ ସବେନାଃଏତେ ବୁଗିନାଃ ତାନାଃ ।

୬ ହେ ହାଗା ମିଶିକ, ଆଇଜ୍ ଆପେତାଃତେ ହିନ୍ଦୁଃକେଦ୍‌ତେ ପାର୍ମ୍ଭେଶ୍ଵରାତାତ୍ପତ୍ୟେତେ ଜେତାନ୍ ଉନ୍‌ଦୁବ୍ କାଜି, ସେଣ୍‌ନ୍ କାଜି, ଆୟାଃକାଜି, ଆତଃ ଇନିତୁ କାଜି କା ଉଦୁବ୍‌କେଦ୍‌ତେ କା ସାରି ଜାଗାର୍‌ତେଇଜ୍ କାଜିୟା, ଆତଃ ଆପେ କାପେ ବୁଝାଅଃରେଦ ଆପେୟାଃ ଚିୟାଃ ବୁଗିନାଃ ହବାଅଃଆ ?

୭ ମୁରଲି ଚାଏ ବାନାମ୍ ଲେକାନ୍ ଜୀଉ ବାନଃ ସାଡିତେୟାଃରେ ବୁଗିନ୍ ଲାବ୍‌ଜା କା ଅତଜ୍‌ଅଃରେଦ, ଏନାରେ ଚିନାଃ ସାଡିତାନା ଏନା ଜେତାଏ କାକ ସାରି ଦାଡିୟା ?

୮ ବିଜ୍ଞାଲ୍ ସାଡିରେୟାଃ ଲାବ୍‌ଜା ବୁଗିଲେକା କା ଆୟୁମଃରେଦ, ଲାଡାଲ ନାଗେନ୍ତେ ଅକଏତାମ୍ ଜାଲ୍‌ଦି ସେକାଡାବେନାଏ ?

୯ ଏନ୍‌ଲେକାଗି, କା ସାରି ଜାଗାର୍‌ତେ କାଜିରେ, ଅକଏ ବୁଝାଅଃଆଏ ? ନେଆଁ ହୟକେ କାଜିତାନ୍‌ଲେକା ହବାଅଃଆ ।

୧୦ ଅତେଦିଶ୍ଵମ୍‌ରେ ପୁରାଃଚି ଜାଗାର୍ ମେନାଃ, ମେନ୍‌ଦ ଏନ୍ ସବେନ୍ ଜାଗାର୍‌ରେୟାଃ ମୁଣ୍ଡି ମେନାଃ ।

୧୧ ଆଇୟାଃଲଃ ଜାଗାର୍‌ତାନ୍ ହୃତ୍‌ରାଃ ଜାଗାର୍ ଆଇଜ୍ କାଇଜ୍ ସାରିରେଦ, ଏନ୍ ହୃତ୍ ଆଇୟାଃତାଃରେ ଏଗାଃ ଦିଶ୍ଵମ୍‌ରେନ୍ ହୃତ୍ ଲେକାନ୍‌ନିଃ ତାନିଃ । ଆଇଜ୍ ହ୍ ଆୟାଃତାଃରେ ଏଗାଃ ଦିଶ୍ଵମ୍‌ରେନ୍ ହୃତ୍ ଲେକାଇଜ୍ ହବାଅଃଆ ।

୧୨ ଆପେୟ ପାବିତାର୍ ଆତ୍ମାରେୟାଃ ବାବଦାନ୍ ନାମେ ନାଗେନ୍ତେ ପୁରାଃଚିପେ ସାନାଜ୍‌ତାନ୍ ହରାତେ, ଅକ୍‌ନାଃରେ କାଲିସିୟାରାଃ ବୁଗିନାଃ ହବା ଦାଡିୟାଆ, ଏନ୍ ସବେନାଃ ପୁରାଃଚି ନାମେ ନାଗେନ୍ତେ ପୁରାଃଚି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାର୍‌ତେ ଜାଗାର୍‌ତାନରେଦ, ଇନିଃ ଏନ୍ କା ସାରି ଜାଗାର୍‌ତେ କାଜିକାଦ୍‌ତେୟାଃରାଃ ମୁଣ୍ଡି ଉଦୁବ୍ ନାଜ୍ ବାବଦାନ୍ ନାମେ ନାଗେନ୍ତେ ଇନିଃକେ ବିକ୍ତି ଲାଗାଡିଜ୍‌ୟାଃ ।

୧୪ ଚିୟାଃଚି ଆଇଜ୍ କା ସାରି ଜାଗାର୍‌ତେଇଜ୍ ବିକ୍ତିରେଦ, ଏନା ଆଇୟାଃ ଆତ୍ମା ବିକ୍ତିୟାଏ, ମେନ୍‌ଦ ଆଇୟାଃ ମନ୍ ଜେତ୍‌ନାଃ କାଏ ସାରିୟା ।

୧୫ ଏନାରେ ଆଇଜ୍ ଚିନାଃଇଜ୍ ଚିକାୟା ? ଆଇଜ୍ ଆତ୍ମାତେଇଜ୍ ବିକ୍ତିୟା, ଏନାଲଃ ଆଇୟାଃ ମନ୍‌ତେହ୍ ବିକ୍ତିୟା, ଆଇଜ୍ ଆତ୍ମାତେଇଜ୍ ଦୁରାଜେଆ, ଏନାଲଃ ମନ୍‌ତେହ୍ ଦୁରାଜେଆ ।

୧୬ ଆପେ ପାର୍ମ୍ଭେଶ୍ଵରକେ ଆତ୍ମାତେ ଏସ୍‌କାର୍ ଧାନ୍ୟାବାଦ୍ ଏମାଲ ଇମ୍‌ତା, ଏନ୍ତାଃରେ ତାଇକାନ୍ ହୃତ୍ ଆପେୟାଃ କାଜି ବେଗାର୍ ବୁଝାଅତେ ଚିଲ୍‌କାତେ ଆପେଲଃ ଆମେନ୍ ମେନ୍ତେ କାଜିୟା ?

୧୭ ଆପେ ପୁରାଃ ସାର୍‌ତିତେ ପାର୍ମ୍ଭେଶ୍ଵରକେ ଧାନ୍ୟାବାଦ୍‌ପେ ଏମାକାୟା, ଏନା ସାର୍‌ତିତାନାଃ, ମେନ୍‌ଦ ଏଗାଃ ହୃତ୍ ଜେତାଲେକାତେ ଆଶିଷ୍ କାଏ ନାମେୟା ।

୧୮ ଆଇଜ୍ ଆପେ ସବେନ୍‌କଏତେ ପୁରାଃଚି କା ସାରି ଜାଗାର୍‌ତେଇଜ୍ ଜାଗାର୍ ଦାଡିୟା ମେନ୍ତେ ପାର୍ମ୍ଭେଶ୍ଵରକେ ଧାନ୍ୟାବାଦ୍ ଏମାକତାନାଇଜ୍ ।

୧୯ ମେନ୍‌ଦ ଆଇଜ୍ ଏଗାଃକେହ୍ ଇତୁ ଦାଡିକାଇଜ୍ ମେନ୍ତେ କାଲିସିୟାରେ କା ସାରି ଜାଗାର୍‌ତେ ହାଜାର୍ ହାଜାର୍ କାଜି କା କାଜିକେଦ୍‌ତେ, ସବେନ୍‌କ ସାରିଲେକା ମଣେୟାଁ କାଜି କାଜିତେୟାଃ ପୁରାଃ ବୁଗିନାଃ ମେନ୍ତେଇଜ୍ ଆଡ୍‌କାର୍‌କେଦା ।

୨୦ ହେ ହାଗାକ, ଆପେୟାଃ ଉଡ଼ୁରେ ସିଟିଆ ଲେକା ଆଲ୍‌ପେ ହବାଅଃକା, ମେନ୍‌ଦ ଏଡ୍‌କାନ୍ ବିଷାଏରେ ସିଟିଆ ଲେକା ହବାଅଃପେ, ଆତଃ ସେଣ୍‌ନ୍‌ରେ ଆପେ ପୁରା ହାରା ସେକାଡାକାନ୍ ହୃତ୍ ଲେକା ହବାଅଃ ଲାଗାଡିଜ୍‌ୟାଃ ।

୨୧ ଧାରାମ୍‌ପୁଅ୍‌ରେୟାଃ ଆନ୍‌ରୁରେ ନେଆଁ ଅଲ୍‌କାନା,

“ପ୍ରାଭୁ କାଜିତାନାଏ, କା ସାରି ଜାଗାର୍ତ୍ତେ କାଜିତାନ୍
 ଏଟାଃ ଦିଶୁମ୍ରେନକଥାଃ ମତାତେ,
 ଆଇଙ୍ଗ୍ ଆଇଁୟାଃ ହତକକେଇଙ୍ଗ୍ କାଜିକରେୟ,
 ଇନ୍କୁ ଆଇଁୟାଃ କାଜି କାକ ଆୟୁମେୟା ।”

୨୨ ଏନାତେ କା ସାରି ଜାଗାର୍ତ୍ତେ ଜାଗାର୍ତ୍ତେୟାଃ ବିଶ୍ୱାସୀ ହତକଥାଃ ନାଗେନ୍ତେ ଜେତାନ୍ ଚିହ୍ନା ନାହାଁଲାଃ, ମେନ୍ଦ୍ କା ବିଶ୍ୱାସ୍ତାନ୍କଥାଃ ନାଗେନ୍ତେ ଏସକାର୍ ଚିହ୍ନା ଲେକାନାଃ ତାନାଃ । ଏଟାଃ ହରା ନେଲେରେ, ପାର୍ମେଶ୍ୱାର୍ଥାଃ କାଜି ଉଦ୍ଭବରେୟାଃ ବାର୍ଦାନ୍ କା ବିଶ୍ୱାସ୍ତାନ୍କଥାଃ ନାଗେନ୍ତେ ନାହାଁଲାଃ, ମେନ୍ଦ୍ ବିଶ୍ୱାସୀକଥାଃ ନାଗେନ୍ତେ କା ସାରି ଜାଗାର୍ ଚିହ୍ନା ଲେକାନାଃ ତାନାଃ ।

୨୩ କାଲିସିୟାରେ ହୁଣ୍ଡିକେଦ୍ତେ ସବେନ୍ଦ୍ କା ସାରି ଜାଗାର୍ତ୍ତେ ଜାଗାର୍ ଏଟେଦ୍ଲେରେ, ଏନ୍ତାଃତେ ହିଜୁଃକାନ୍ ଦେହାତି ହତକ ଚାଏ କା ବିଶ୍ୱାସ୍ତାନ୍ ହତକ, କାଲିସିୟାରେନ୍ ସବେନ୍ ହତକକେ ବାଏହା ମେନ୍ତେ କାକଚି କାଜିକଥା ?

୨୪ ମେନ୍ଦ୍ ଇନ୍କୁ ପାର୍ମେଶ୍ୱାର୍ଥାଃ କାନାଜିକେ ଉଦ୍ଭବତାନ୍ରେଦ୍, ଆତଃ ଜେତାଏ ହତ ଚାଏ କା ବିଶ୍ୱାସ୍ତାନ୍ ହତ ହିଜୁଃରେଦ୍, ଇନିଃ ସବେନ୍କଥାଃତେ ଚିଟାକାନା ମେନ୍ତେ ଆଟ୍ଟକାରଥା ଆତଃ ସବେନ୍କଥାଃତେ ବିଚାରଥା ।

୨୫ ଇନିୟାଃ ମନ୍ଦ୍ସୁରଦ୍ରେ ଉକୁଆକାନ୍ତେୟାଃ ସବେନାଃ ଉଦ୍ଭବଥା । ଏନ୍ତେ ଇନିଃ ମେଦ୍ ମୁହାଡ୍ ଲାତାରକେଦ୍ତେ ଉୟୁଗଥା ଆତଃ ପାର୍ମେଶ୍ୱାର୍ତ୍ତେ ଜହାର୍ତାନ୍ଲଃ କାଜିୟାଏ, “ସାର୍ତିଗି ଆପେୟାଃ ଆଲାରେ ପାର୍ମେଶ୍ୱାର୍ ମେନାଇୟା ।”

କାଲିସିୟାରେ ବେଗାର୍ ହାଲାଗୁଲା

୨୬ ହେ ହାଗା ମିଶିକ, ଆଇଙ୍ଗ୍ ଆପେକେ କାଜିରେୟାଃ ମୁଣ୍ଡି ନେୟାତାନାଃ, ସେଞ୍ଜାକାମି ନାଗେନ୍ତେ ହୁଣ୍ଡିନ୍ ଇମତା ଜେତାଏ ମିହୁଡ୍, ଦୁରାଙ୍ଗେକାଏ, ଆତଃମିହୁଡ୍ ଇତୁଇକାଏ, ଆତଃମିହୁଡ୍ ପାର୍ମେଶ୍ୱାର୍ଥାଃ ଉନ୍ଦୁଦ୍ ଉଦ୍ଭବେକାଏ, ଆତଃମିହୁଡ୍ କା ସାରି ଜାଗାର୍ତ୍ତେ କାଜିକା, ଆତଃମିହୁଡ୍ କା ସାରି ଜାଗାର୍ତ୍ତେୟାଃ ମୁଣ୍ଡି କାଜିକାଏ, ନେ ସବେନାଃ କାଲିସିୟାରାଃ ଦେଙ୍ଗା ନାଗେନ୍ତେ ହବାଥଃ ଲାଗାତିଙ୍ଗ୍ୟାଃ ।

୨୭ ଜେତାଏ କା ସାରି ଜାଗାର୍ତ୍ତେ କାଜିରେଦ୍, ବାର୍ହତ୍ ଚାଏ ଏନାଏତେ ଥ୍ମା ହତ ହବାଥଃରେ, ଆପିହତ୍, ମିହୁଡ୍, ମିହୁଡ୍ତେ କାଜିକାକ ଏନ୍ତେ ଆତଃମିହୁଡ୍ ଏନାରେୟାଃ ମୁଣ୍ଡି କାଜିକାଏ ।

୨୮ ଏନାରେୟାଃ ମୁଣ୍ଡି କାଜି ହତ କାକ ତାଇନ୍ରେଦ୍, ଇନିଃ କାଲିସିୟାରେ ହାପାକାନ୍ଗି ତାଇନ୍କାଏ ଆତଃ ଆଇଃକ୍ଗି ପାର୍ମେଶ୍ୱାର୍ତ୍ତେ କାଜିକା ।

୨୯ ଆତଃ ବାର୍ହତ୍ ଚାଏ ଆପିହତ୍ ପାର୍ମେଶ୍ୱାର୍ଥାଃ କାଜି ଉଦ୍ଭବେକାକ, ଇନ୍କୁ କାଜିତାନ୍ତେୟାଃ ଏଟାଃକ ବିଚାରେକାକ ।

୩୦ ମେନ୍ଦ୍ ସେଞ୍ଜାକାମିରେ ଦୁବାକାନ୍କଏତେ ଜେତାଏ ପାର୍ମେଶ୍ୱାର୍ତାଏତେ ଜେତାନ୍ କାଜି ଆୟୁମ୍ଲେରେ, ସିଦାରେନ୍ ହତ ଆୟାଃ ଉଦ୍ଭବତାନ୍ କାଜିକେ ହକାଏକା ।

୩୧ ସବେନ୍କଥାଃ ଇନିତୁ ଆତଃ ଜୀଉରେ ରାସ୍କା ନାମ୍ ନାଗେନ୍ତେ ସବେନ୍କ ମିହୁଡ୍, ମିହୁଡ୍ତେ ପାର୍ମେଶ୍ୱାର୍ଥାଃ କାନାଜି ଉଦ୍ଭବେପେ ।

୩୨ ପାର୍ମେଶ୍ୱାର୍ଥାଃ କାନାଜି ଉଦ୍ଭବରେୟାଃ ବାର୍ଦାନ୍ ନାମାକାଦ୍ ନାବୀକଥାଃ ଆମ୍ ନାବୀକଥାଃ ଆବ୍ରେରେ ତାଇନ୍ ଲାଗାତିଙ୍ଗ୍ୟାଃ ।

୩୩ ଚିୟାଃତି ପାର୍ମେଶ୍ୱାର୍ ହାଲାଗୁଲା କାଏ ସାନାଙ୍ଗ୍ଥାଃ, ମେନ୍ଦ୍ ଜୀଉସୁକୁତେୟାଃ ସାନାଙ୍ଗ୍ଥାଃଏ ।
 ପାର୍ମେଶ୍ୱାର୍ଥାଃ ସବେନ୍ କାଲିସିୟାରେନ୍ ହତକ ଲେକା,

୩୪ ଆପେୟାଃ କାଲିସିୟାରେୟାଃ ଦୁନ୍ଦ୍ବକରେ କୁଡ୍ଡିକ ହାପାକାନ୍ଗି ତାଇନ୍ ଲାଗାତିଙ୍ଗ୍ୟାଃ । ଇନ୍କୁକେ ଏନ୍ତାଃରେ କାଜି ନାଗେନ୍ତେ କା ଆରୁକାନା । ମେନ୍ଦ୍ ଯିହୁଦୀକଥାଃ ଆନ୍ତୁ ଲେକାତେ ଇନ୍କୁ ଆପାନ୍କେ ଆବ୍ରେକେଦ୍ତେ ତାଇନ୍ ଲାଗାତିଙ୍ଗ୍ୟାଃ ।

୩୫ ଇନ୍କୁ ଜେତ୍ନାଃ ସାରି ନାଗେନ୍ତେକ ସାନାଙ୍ଗ୍ରେଦ୍, ଅତାଃରେ ଆପ୍ନାଃ କଡାକକେ କୁଲିକକାକ, ଚିୟାଃତି କାଲିସିୟାରେୟାଃ ଦୁନ୍ଦ୍ବକରେ କୁଡ୍ଡିକ ଜାଗାର୍ତ୍ତେୟାଃ ଗିହୁଃରାଃ କାଜିତାନା ।

୩୬ ପାର୍ମେଶ୍ୱାର୍ଥାଃ ବାଚାନ୍ ଚିନାଃ ଆପେତାଃଏତେ ହିଜୁଆକାନ୍ ତାଇକେନା ? ଚାଏ ଆପେତାଃତେ ଏସକାର୍ ହିଜୁଆକାନ୍ ତାଇକେନା ?

୩୭ ଆପେକଏତେ ଜେତାଏ ମିହୁଡ୍, ଆଇଙ୍ଗ୍ ଆୟାର୍କାଜିନିଃ ଚାଏ ଆମ୍ରେୟାଃ ବାର୍ଦାନ୍ ନାମାକାଦ୍ନିଃ ତାନିଙ୍ଗ୍ ମେନ୍ତେ କାଜିରେଦ୍, ଇନିଃ ସାରିକାଏ ଯେ, ନେତାଃରେ ଆଇଙ୍ଗ୍ ଅଲାକାଦ୍ତେୟାଃ, ପ୍ରାଭୁଆଃ ଆନାରୁତାନାଃ ।

୩୮ ମେନ୍ଦ୍ ଇନିଃ ନେ କାଜିକକେ କା ସାରିଲେକା ମେନାଇରେଦ୍, ଇନିଃ ଆଇଃକ୍ଗି କା ସାରିଲେକାଏ ହବାଥଥା ।

୩୯ ଏନାତେ ହେ ହାଗା ମିଶିକ, ପାର୍ମେଶ୍ୱାର୍ଥାଃ କାନାଜି ଉଦ୍ଭବ୍ ନାଗେନ୍ତେ ପୁରାଃଗି ରାସ୍କାଥପେ, ଆତଃ କା ସାରି ଜାଗାର୍ତ୍ତେ କାଜିତାନ୍କକେ ଆଲ୍ପେ ମାନାକଥା ।

୪୦ ସବେନ୍ କାଜି ବୁଗିଲେକାତେ ଆତଃ ବେଗାର୍ ହାଲାଗୁଲାତେ କାମି ରିକା ଲାଗାତିଙ୍ଗ୍‌ୟାଃ ।

୧୫

ୟାଶୁ ଶ୍ରୀଷ୍ଠିଆଃ ଜୀଉବିନିରିଦ୍

୧ ହେ ହାଗା ମିଶିକ, ଆଇଙ୍ଗ୍ ଆପେତାଃରେ ଉଦୁବକାଦ୍ ସୁକୁକାଜିକେ ନାମାକାଦାପେ ଆତଃ ଏନାରେ ଆପେୟାଃ ବିଶ୍ୱାସ୍ ତିଙ୍ଗ୍‌କେଟେଦକାନା । ଆଇଙ୍ଗ୍ ଆପେକେ ଏନ୍ ବିଷାଏ ପାହାମଇଚି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା ।

୨ ଆଇଙ୍ଗ୍ ଆପେତାଃରେ ଉଦୁବକାଦ୍ ବୁଗିନ୍ କାଜିଗି ସୁକୁକାଜି ତାନାଃ । ଆପେ ଏନ୍ ସୁକୁକାଜିରେୟାଃ କାଜିରେ ପୁରାଃ ପକ୍ତାକେଦ୍‌ତେପେ ବିଶ୍ୱାସେରେଦ୍, ଜୀଉବାଞ୍ଚାଅପେ ନାମେୟା । କା'ରେଦ୍, ଆପେୟାଃ ବିଶ୍ୱାସ୍ ସାମାତାନାଃ ।

୩ ଆଇଙ୍ଗ୍ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବପେତାନତେୟାଃ ପୁରାଃ ବୁଗିନାଃ ତାନାଃ । ଏନା ହବାଅଃତାନା, ଧାରାମ୍‌ପୁଅରେ ଅଲାନାନ୍ ଲେକା, ଶ୍ରୀଷ୍ଠି ଆବୁଆଃ ପାପ୍ ନାଗେନ୍ତେ ଗଏଃୟାନା,

୪ *ଧାରାମ୍‌ପୁଅରେ ଅଲାନାନ୍ ଲେକା, ତପାଗାଡ଼ାରେ ତପାୟାନା ଆତଃ ଆପି ମାହାଁରେ ଜୀଉବିନିରିଦ୍‌ୟାନା ।

୫ *ଇନିଃ ପାଡ଼ରାସ୍ ଆତଃ ଆୟାଃ ସବେନ୍ ଗେଲ୍‌ବାର୍ ଚେଲକତାଃରେ ତାୟମ୍‌ତେ ଉଦୁବେନ୍‌ୟାନା ।

୬ ଏନ୍ତେ ଇନିଃ ଆଇଃକ୍‌କେ ଅତଙ୍ଗ୍‌ଇଁତାନ୍ ୫୦୦ ହେତେ ଆଦ୍‌କା ହାଗା ମିଶିକତାଃରେ ମିସାତେ ଉଦୁବେନ୍‌ୟାନା । ଇନ୍‌କୁଏତେ ଚିମିନ୍ ହଡ଼କ ଗଏଃୟାନା, ମେନ୍‌ଦ୍ ଚିମିନ୍ ହଡ଼କ ନାହାଁଃ ଜାକେଦ୍ ମେନାକଆ ।

୭ ଏନ୍ତେ ଇନିଃ ତାୟମ୍‌ତେ ଯାକୁବ୍ ଆତଃ ସବେନ୍ ପ୍ରେରିଡ଼କତାଃରେ ଉଦୁବେନ୍‌ୟାନା ।

୮ *ଆଇଙ୍ଗ୍ କା ହୁୟଃ ନେତାରେ ଜାନାମ୍‌କାନ୍‌ରେୟ, ତୁଣ୍ଡୁରେ ଇନିଃ ଆଇଁୟାଃତାଃରେ ଉଦ୍‌ବେନ୍‌ୟାନା ।

୯ *ଆଇଙ୍ଗ୍ ପାର୍‌ମେଶ୍ୱାର୍‌ଆଃ କାଲିସିୟାକେ ସିଗିଦ୍‌କାଦ୍ ହରାତେ, ଆଇଙ୍ଗ୍ ପ୍ରେରିଡ଼ ମେନ୍ତେ ନୁତୁମାଃ ଲେକାନ୍‌ନିଃ ନାହାଁଲିଙ୍ଗ୍ ।

୧୦ ମେନ୍‌ଦ୍ ଆଇଙ୍ଗ୍ ନାହାଁଃ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ପ୍ରେରିଡ଼ ମେନ୍ତେଇଙ୍ଗ୍ ନୁତୁମାକାନା, ଆତଃ ଇନିଃ ଆଇଙ୍ଗ୍‌କେ ଏମାକାଦିଙ୍ଗ୍ ସାୟାଦ୍ କା ସାମାଏଶ୍ୱାଃକାନା । ମେନ୍‌ଦ୍ ଆଇଙ୍ଗ୍ ଏଟାଃ ସବେନ୍ ପ୍ରେରିଡ଼କତାଃଏତେ ପୁରାଃଗି କେଟେଦ୍ କାମିଇଙ୍ଗ୍ କାମିକାଦ୍‌ରେୟ, ଏନା ଆଇଁୟାଃ ଆପାନାଃ କେଟେଦ୍ କାମି ଏସ୍‌କାର୍ ନାହାଁଲାଃ, ମେନ୍‌ଦ୍ ପାର୍‌ମେଶ୍ୱାର୍‌ଆଃ ସାୟାଦ୍‌ହୁଁ ଆଇଁୟାଃଲଃ ମେସାକାନା ।

୧୧ ଏନାତେ, ଆଇଙ୍ଗ୍ ହବାଅଃ ଚାଏ ଇନ୍‌କୁ, ଆଲେ ସବେନ୍‌କ ଏନ୍ ମିଆଁଦ୍‌ଗି କାଜିଲେ ଉଦୁବତାନା ଆତଃ ଆପେ ଏନାରେ ବିଶ୍ୱାସ୍‌ତାନାପେ ।

ଆବୁଆଃ ଜୀଉବିନିରିଦ୍

୧୨ ଶ୍ରୀଷ୍ଠି ଗନଏଃହେତେ ଜୀଉବିରିଦ୍‌କାନାଏ, ନେଆଁଗି ଆଲେ ଉଦୁବେତାନ୍ କାଜି ତାନାଃ । ଏନ୍‌ରେୟ ଆପେକଏତେ ଚିମିନ୍ ହଡ଼କ ଗନଏଃହେତେ ଜୀଉବିନିରିଦ୍‌ତେୟାଃ ବାନଃଆ ମେନ୍ତେ ଚିଲ୍‌କାପେ କାଜିତାନା ?

୧୩ ଗନଏଃ ହଡ଼କଆଃ ଜୀଉବିନିରିଦ୍ ବାନଃରେଦ୍, ଶ୍ରୀଷ୍ଠି ହୁଁ ଜୀଉ କାଏ ବିରିଦ୍‌କାନା;

୧୪ ଆତଃ ଶ୍ରୀଷ୍ଠିଆଃ ଜୀଉବିନିରିଦ୍ କା ହବାକାନ୍‌ରେଦ୍, ଆଲେୟାଃ ଉନ୍‌ଦୁବ୍ ସାମାତାନା ଆତଃ ଆପେୟାଃ ବିଶ୍ୱାସ୍‌ହୁଁ ସାମାତାନା ।

୧୫ ଏନାତେ ଆବୁ ପାର୍‌ମେଶ୍ୱାର୍‌ଆଃ ବିଷାଏରେ ହସଡ଼ ଗାଞ୍ଜା ଏମ୍‌ତାନ୍ ଲେକାରୁ ହବାଅଃଆ, ଚିୟାଃତି ପାର୍‌ମେଶ୍ୱାର୍ ଶ୍ରୀଷ୍ଠିକେ ଗନଏଃହେତେ ଜୀଉବିରିଦ୍‌କିୟାଏ ମେନ୍ତେ ଗାଞ୍ଜାରୁ ଏମ୍‌ତାନା । ଗନଏଃ ହଡ଼କଆଃ ସାର୍‌ତିଗି ଜୀଉବିନିରିଦ୍ ବାନଃରେଦ୍, ଶ୍ରୀଷ୍ଠିକେ ପାର୍‌ମେଶ୍ୱାର୍ ଗନଏଃହେତେ କାଏ ବିରିଦ୍ ।

୧୬ ଆତଃ ଗନଏଃ ହଡ଼କ କାକ ଜୀଉବିରିଦ୍‌ଃରେଦ୍, ଶ୍ରୀଷ୍ଠି ହୁଁ କାଏ ଜୀଉବିରିଦ୍ ।

୧୭ ଆତଃ ଶ୍ରୀଷ୍ଠି ଗନଏଃହେତେ କାଏ ଜୀଉବିରିଦ୍‌କାନ୍‌ରେଦ୍, ଆପେୟାଃ ବିଶ୍ୱାସ୍ ସାମା ତାନାଃ ଆତଃ ଆପେ ନାହାଁଃ ଜାକେଦ୍ ଆପେୟାଃ ପାପ୍‌ରେ ମେନାପେୟା ।

୧୮ ଏନ୍‌ରେଦ୍, ଗଜାକାନ୍ ଶ୍ରୀଷ୍ଠି ବିଶ୍ୱାସୀକହୁଁ ଜିୟନ୍‌କାନାକ ।

୧୯ ଶ୍ରୀଷ୍ଠିରେ ଆବୁଆଃ ଆସ୍ତା ନେ ଜୀଦାନ୍ ନାଗେନ୍ତେ ଏସ୍‌କାର୍ ତାନାଃରେଦ୍, ଏଟାଃ ସବେନ୍‌କତାଃଏତେ ଆବୁଆଃ ଦାସା ପୁରାଃ ନାରାଦୁରା ହବାଅଃଆ ।

୨୦ ମେନ୍‌ଦ୍ ସାର୍‌ତିଗି ଶ୍ରୀଷ୍ଠି ଗଜାକାନ୍ ହଡ଼କଆଃ ଜୀଉବିନିରିଦ୍‌କେ ସାର୍‌ତି ତାନାଃ ମେନ୍ତେ ଉଦୁବ୍ ନାଙ୍ଗ୍ ଇନିଃଗି ଇନ୍‌କୁଆଃଏତେ ସିଦାରେ ଜୀଉବିରିଦ୍‌ୟାନାଏ ।

୨୧ ଚିୟାଃତି ମିହୁଡ଼୍ ହରାତେ ଗନଏଃ ଅତେଦିଶ୍ୱମ୍‌ରେ ହିଜୁଃୟାନା । ଏନ୍‌ଲେକାଗି ମିହୁଡ଼୍ ହରାତେ ଗନଏଃ ହଡ଼କଆଃ ଜୀଉବିନିରିଦ୍ ହିଜୁଆକାନା ।

* ୧୫:୪ ମାଥୁଉ ୧୨:୪୦; ପ୍ରେରିଡ଼ ୨:୨୪-୩୨. * ୧୫:୫ ଲୁକ ୨୪:୩୪; ମାଥୁଉ ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୭; ଯୋହାନ୍ ୨୦:୧୯. * ୧୫:୮ ପ୍ରେରିଡ଼ ୯:୩-୬. * ୧୫:୯ ପ୍ରେରିଡ଼ ୮:୩.

୨୨ ଆଦାମ୍ଭଲ୍ଲ ମେସାକାନ୍ ହରାତେ ସବେନ୍ ହଡ଼କଆଃ ଗନ୍‌ଏଃ ମେନାଃ, ଏନ୍‌ଲେକାଗି ଖ୍ରୀଷ୍ଟଲ୍ଲ ମେସାକାନ୍ ହରାତେ ସବେନ୍ ହଡ଼କ ଗନ୍‌ଏଃହେତେ ଜୀଉବିରିଦାଃକ ।

୨୩ ମେନ୍‌ଦ ସବେନ୍‌କ ଏନ୍ ମିଆଁଦ୍ ନେତାରେଗି ଜୀଉବିରିଦାଃକ । ସବେନ୍‌କଆଃଏତେ ସିଦାରେ ଖ୍ରୀଷ୍ଟ ଜୀଉବିରିଦକାନାଏ, ଏନାତେ ଇନିୟାଃ ଆତଃମିସା ହିନିଜୁଃ ନେତାରେ ଆୟାଃ ହଡ଼କ ସିଦାତେ ଜୀଉବିରିଦାଃକ ।

୨୪ ଏନ୍ତେ ଚୁଣ୍ଡ ଦ୍ୱିପିଲି ସେଟେରା । ଖ୍ରୀଷ୍ଟ ସବେନ୍ ଏଡ଼କାନ୍ ଆମ୍ବା, ଅକଏତାଃରେଟି ସବେନ୍ ଆକ୍‌ତେୟାର୍, ପେଡ଼େଃ ଆତଃ ପୁରାଃ ପେଡ଼େୟାନ୍‌ତେୟାଃକ ଜିୟନ୍‌କେଦ୍‌ତେ ଆୟାଃ ଆବା ପାର୍‌ମେଶ୍ୱାର୍‌କେ ରାଇଜ୍ ଜିମାୟାଏ ।

୨୫ ଚିୟାଃଟି ପାର୍‌ମେଶ୍ୱାର୍ ସବେନ୍ ବାଇରିକକେ ହାରାଅକେଦ୍‌ତେ ଖ୍ରୀଷ୍ଟଆଃ କାଟା ଲାଡାର୍‌ରେ ଦହକ ଜାକେଦ୍ ଖ୍ରୀଷ୍ଟ ରାଇଜେୟାଏ ।

୨୬ ଚୁଣ୍ଡ ଲାଇରିଆଃ ହାରାଅଗି ଚୁଣ୍ଡୁରେ ଗନ୍‌ଏଃ ହବାଅଃଆ ।

୨୭ ଚିୟାଃଟି ଧାରାମ୍‌ପୁଅରେ ଅଲ୍ଲକାନା, “ପାର୍‌ମେଶ୍ୱାର୍ ସବେନାଃ ଖ୍ରୀଷ୍ଟଆଃ ଆକ୍‌ତେୟାର୍‌ରେ ଦହେୟା ।” ଏନ୍ “ସବେନ୍ ବିଷାଏ” ମେନ୍ତେ ଅଲ୍ଲକାନା ଏନାରେ ପାର୍‌ମେଶ୍ୱାର୍ କାଏ ମେସାକାନା, ମେନ୍‌ଦ ଇନିଃ ସବେନ୍ ବିଷାଏକେ ଖ୍ରୀଷ୍ଟଆଃ ଆକ୍‌ତେୟାର୍‌ରେ ଦହେୟା ।

୨୮ ଆତଃ ସବେନାଃ ଖ୍ରୀଷ୍ଟଆଃ ଆକ୍‌ତେୟାର୍‌ରେ ଦହକେଦ୍ ତାୟମ୍‌ତେ, ଖ୍ରୀଷ୍ଟ ଅକଏଟି ହନ୍ ତାନିଃ, ଇନିଃ ଆଇଃକ୍‌ଗି ଆବା ପାର୍‌ମେଶ୍ୱାର୍‌ଆଃ ଆକ୍‌ତେୟାର୍‌ରେ ତାଇନା ଆତଃ ସବେନ୍ ବିଷାଏରେୟାଃ ତେତାନରେ ପାର୍‌ମେଶ୍ୱାର୍‌ଆଃ ରାଇଜ୍ ପୁରାଅଃଆ ।

୨୯ ଗଜାକାନ୍ ହଡ଼କ ନାଗେନ୍ତେ ଅକନ୍‌କ ବାପ୍ତିସ୍ମା ଇଦିତାନାକ, ଇନ୍‌କୁଆଃ ବିଷାଏରେ ଚିନାଃରୁ କାଜିୟା ? ଚିମିନ୍ ହଡ଼କଆଃ କାଜିଲେକାତେ, ଗଜାକାନ୍ ହଡ଼କଆଃ ଜୀଉବିରିଦ୍ ବାନଃରେଦ, ଇନ୍‌କୁ ନାଗେନ୍ତେ ଏଟାଃ ହଡ଼କ ଚିନାଃମେନ୍ତେ ବାପ୍ତିସ୍ମା ଇଦିତାନାକ ?

୩୦ ଆତଃ ଆବୁ ଚିନାଃମେନ୍ତେ ସବେନ୍ ଇମ୍‌ତା ସାକ୍‌ଟ୍‌ରେବୁ ଉୟୁଗଃତାନା ?

୩୧ ହେ ହାଗା ମିଶିକ, ଆବୁଆଃ ଜୀଦାନ୍, ପ୍ରାଭୁ ଯୀଶୁ ଖ୍ରୀଷ୍ଟଲ୍ଲ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଜ୍ ବହଃ ରିମ୍‌କେଦ୍‌ତେ କାଜିତାନାଇଜ୍, ଆଇଜ୍ ସବେନ୍ ହୁଲାଜ୍ ଗନ୍‌ଏଃ ଗାଡ଼ାରେଇଜ୍ ଉୟୁଗଃତାନା ।

୩୨ ଆଇଜ୍, ହଡ଼କଆଃ ସାନାଜ୍ ଲେକାତେ ଏସ୍‌କାର୍ ଏଫିସୁସ୍‌ରେ ବିର୍ ଜାଁଡୁକଲ୍ଲ ଲାଡ଼ାଇକାନ୍‌ରେଦ, ଆଇୟାଃ ଚିକାନ୍ ଲାଡ଼ ? ମେନ୍‌ଦ ଗଜାକାନ୍‌କଆଃ ଜୀଉବିରିଦ୍ କା ହବାଅଃରେଦ, କାଜି ଲେକାତେ, “ଏଲା ହିଜୁଃପେ, ଜମ୍‌ ନୁଁକେଦ୍‌ତେ ଜୀଝାନ୍‌ରୁ ବିତାୟା, ଚିୟାଃଟି ହିଜୁଃ ହୁଲାଜ୍‌ଦ୍ ଆବୁକେ ଗଜଃ ଲାଗାତିଜ୍‌ୟାଃ ।”

୩୩ ଆପେ ଆଲ୍‌ପେ ବେଦାଅଃଆ । “ଏଡ଼କାନ୍ ସାକ୍‌ମିଟି ବୁଗିନ୍ ତାଇଲ୍ ଚାଲାନକେ ଜିୟନେୟା ।”

୩୪ ଏନାତେ ଆପେ ଲାଗାତିଜ୍‌ଲେକା ତେତାଅଃପେ, ପାପ୍ କାମି ଆଲ୍‌ପେୟାଃ । ଆପେକଏତେ ଚିମିନ୍ ହଡ଼କ ପାର୍‌ମେଶ୍ୱାର୍‌କେ କାକ ସାରିୟା, ଏନାମେନ୍ତେ ଆଇଜ୍ ଆପେକେ ଗିହୁଃ ଇଟିପେ ନାଗେନ୍ତେ ନେ କାଜିଜ୍ କାଜିତାନା ।

ଜୀଉବିରିଦ୍ ହଡ଼କ

୩୫ ଜେତାଏ ଆପେକେ କୁଲି ସାକାଅପେୟାକ, “ଗଜାକାନ୍‌କ ଚିଲ୍‌କାତେ ଜୀଉବିରିଦାଃକ ? ଆତଃ ଇନ୍‌କୁ ଚିଲ୍‌କାନ୍ ହଡ଼କତେକ ହିଜୁଃଆ ?”

୩୬ ଆପେ ଚିମିନ୍ ତଣ୍ଡକ ତାନ୍‌ପେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମ୍‌ନାଜ୍‌ହଁ କାପେ ସାରିୟା ?

୩୭ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍‌ଦ ଆପେ ହେରାକାଦ୍‌ତେୟାଃ ହବାସାକାଅଆଃ ଗହମ୍‌ଜାଜ୍ ଚାଏ ଏଟାଃ ହିତାଜାଜ୍ ତାନାଃ ।

୩୮ ମେନ୍‌ଦ ପାର୍‌ମେଶ୍ୱାର୍ ଆୟାଃ ମନେଲେକା ଏନାରେୟାଃ ହଡ଼କଲ୍ଲ ହିତାଜାଜ୍ ଏମାଃଏ, ଆତଃ ସବେନ୍ ହିତାଜାଜ୍‌କେ ଏନାଲେକାଗି ହଡ଼କ ଏମାଃଏ ।

୩୯ ସବେନ୍ ଜୀନିଦ୍‌ତାନ୍‌କଆଃ ହଡ଼କ ମିଦ୍‌ଲେକା ବାନଃଆ । ହଡ଼ରାଃ ହଡ଼କ ଏଟାଃ ରାକାମ୍ ମେନାଃ, ଜାଁଡୁରାଃ ହଡ଼କ ଏଟାଃ ରାକାମ୍ ମେନାଃ, ଚେଟ୍‌ଟ୍‌ରାଃ ହଡ଼କ ଏଟାଃ ରାକାମ୍ ମେନାଃ ଆତଃ ହାକୁରାଃ ହଡ଼କ ଏଟାଃ ରାକାମ୍ ମେନାଃ ।

୪୦ ସିର୍ମାଃରାଃ ହଡ଼କ ମେନାଃ ଆତଃ ଅତେରାଃ ହଡ଼କହଁ ମେନାଃ, ମେନ୍‌ଦ ଅତେରେୟାଃ ହଡ଼କରାଃ ସୁଗାଡ଼ାନ୍‌ତାଃଏତେ ସିର୍ମାରେୟାଃ ହଡ଼କରାଃ ସୁଗାଡ଼ାନ୍‌ତେୟାଃ ଏଟାଃ ରାକାମ୍ ମେନାଃ ।

୪୧ ସିଜ୍‌ରାଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଆତଃ ଇପିଲ୍‌କଆଃ ସୁଗାଡ଼ାନ୍ ଏଟାଃ ରାକାମ୍ ମେନାଃ, ଆତଃଗି ଇପିଲ୍‌କ ଆଲାରେୟା ଏଟାଃ ଏଟାଃ ରାକାମ୍‌ରେୟାଃ ସୁଗାଡ଼ାନ୍ ମେନାଃ ।

୪୨ ଗଜାକାନ୍ ହଡ଼କଆଃ ଜୀଉବିରିଦ୍‌ହ ଏନ୍‌ଲେକାଗି ମେନାଃ । ତପାକାନ୍ ହଡ଼କ ଜିୟନଃଆ ଆତଃ ଜୀଉ ବିରିଦ୍‌ରେ କା ଜିୟନଃଆ ।

୪୩ ତପାଅଃ ଇମ୍‌ତା ସିଡ଼ୁ ଆତଃ ନାରାଦୁରାକେଦ୍‌ତେ ତପାଅଃଆ, ମେନ୍‌ଦ ଜୀଉବିରିଦ୍‌ରେ ସୁଗାଡ଼ାନ୍ ଆତଃ ପେଡ଼େୟାନ୍‌ଗି ହବାଅଃଆ ।

୪୪ ତପାଅଃ ଇମତା, ହତ୍ତଫତାୟାଃ ଗଜାକାନ୍ତାଃ ତାଈନା, ମେନ୍ଦଦ ଜୀଉବିରିଦ୍ରେ ଆମ୍ବାରୋୟାଃ ହତ୍ତଫ ହବାଅଃଆ ।
ସାର୍ତ୍ତି ହତ୍ତଫ ମେନାଃରେଦ, ଆମ୍ବାରୋୟାଃ ହତ୍ତଫହ୍ ମେନାଃ ।

୪୫ ଧାରାମ୍ବୁଥୁରେ ଅଲ୍ଲୀକାନା, “ସିଦାରେନ୍ ହତ୍ତ, ଆଦାମ୍, ଜୀନିଦ୍ ହତ୍ତ ହବାୟାନାଏ, ମେନ୍ଦଦ ଚୁଣ୍ଡୁଚୁରେନ୍ ଆଦାମ୍
ଜୀଦାନ୍ ଏମଃ ଆମ୍ବା ହବାୟାନାଏ ।

୪୬ ସିଦାତେ ଆମ୍ବାରୋୟାଃ ହତ୍ତଫ କା ତାଈକେନା, ମେନ୍ଦଦ ସିଦା ସାର୍ତ୍ତି ହତ୍ତଫ ତାଈକେନା, ଏନ୍ ତାୟମ୍ତେ
ଆମ୍ବାରୋୟାଃ ହତ୍ତଫ ହିଜୁଃୟାନା ।

୪୭ ପାହିଲା ହତ୍ତ ଆଦାମ୍ ତାଈକେନାଏ, ଇନିଃ ଅତେରେୟାଃ ଧୁଡ୍ଡିତେ ବାଈୟାକାନ୍ ତାଈକେନା, ଏନ୍ତେ ଆତଃମିହୁଡ୍ଡ
ଆଦାମ୍ ସିମ୍ବାଏତେ ହିଜୁଃୟାନା ।

୪୮ ଅତେରେନ୍ ହତ୍ତକ, ଏନ୍ ଅତେରେୟାଃ ଧୁଡ୍ଡିତେ ବାଈୟାକାନ୍ ହତ୍ତ ଲେକାଃକ, ଆତଃ ସିମ୍ବାରେ ମେନାଃକ ହତ୍ତକ,
ଏନ୍ ସିମ୍ବାଏତେ ହିଜୁଆକାନ୍ ହତ୍ତ ଲେକାଃକ ।”

୪୯ ଆବୁ ନାହାଃ ଅତେରେୟାଃ ଧୁଡ୍ଡିତେ ବାଈୟାକାନ୍ ଏନ୍ ହତ୍ତ ଲେକା ମେନାବୁଆ, ଏନ୍ଲେକାଗି ମୁସିଙ୍ଗ୍ ହୁଲାଙ୍ଗ୍ ଆବୁ
ଏନ୍ ସିମ୍ବାଏତେ ହିଜୁଆକାନ୍ ହତ୍ତ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇୟାଃ କାଜିରେୟାଃ ମୁଣ୍ଡି ହବାଅଃତାନା, ମାୟୋମ୍ମାସ୍ ହତ୍ତଫ ସାବ୍କେଦ୍ତେ ଆବୁ
ପାର୍ମେଶ୍ୱାର୍ଆଃ ରାଈଜ୍ରେୟାଃ ହିସା କାବୁ ହବାଦାଡ୍ଡିୟାଃଆ, ଚାଏ ଜିୟନଃ ହତ୍ତଫ କା ଜିୟନଃ ହତ୍ତଫକେ କାଏ
ଆକ୍ତେୟାଡ୍ ଦାଡ୍ଡିୟା ।

୫୧ *ଆଇଙ୍ଗ୍ ଆପେକେ ମିଆଁଦ୍ ଉକ୍ତୁଆକାନ୍ ସାର୍ତ୍ତି କାଜିଙ୍ଗ୍ କାଜିପେତାନା, ଆବୁ ସବେନ୍ କାବୁ ଗଜଃଆ । ମେନ୍ଦଦ
ଚୁଣ୍ଡୁ ଚିଙ୍ଗୁଲ୍ବାଜା ସାଡ୍ଡିୟାନ୍ ଇମ୍ତାଲଃଗି ବାଦ୍ଲାଝାଃବୁ ।

୫୨ ନେଆଁ ଇମ୍ତାଗି ମେଦ୍ ରାପିଦଃଲେକା ହବାଅଃଆ । ବିଙ୍ଗୁଲ୍ ବାଜା ସାଡ୍ଡି ଇମ୍ତା ଗଜାକାନ୍ ବିଶ୍ୱାସୀକ କା ଜିୟନଃ
ନାଗେନ୍ତେକ ବିରିଦା, ଆତଃ ଆବୁ ସବେନ୍କ ବାଦ୍ଲାଝାଃବୁ ।

୫୩ ଚିୟାଃଗି ନେ ଜିୟନଃ ହତ୍ତଫକେ କା ଜିୟନଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡିଙ୍ଗ୍ୟାଃ, ଆତଃ ନେ ଅତେରେୟାଃ
ଧୁଡ୍ଡିରାଃ ଗନଏଃ ହତ୍ତଫକେ ଚିଉଲାଅ କା ଗଜଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡିଙ୍ଗ୍ୟାଃ ।

୫୪ ନେ ଗନଏଃ ହତ୍ତଫ ଚିଉଲାଅ କା ଗଜଃ ହତ୍ତଫରେ ବାଦ୍ଲାଅକେନଃରେଦ, ଧାରାମ୍ବୁଥୁରେ ଅଲ୍ଲୀକାନ୍ ନେ କାଜି
ସାର୍ତ୍ତି ହବାଅଃଆ : “ଗନଏଃ ଜିୟନ୍ୟାନା, ଆତଃ ଜିନିତାଅ ପୁରାୟାନା !”

୫୫ “ଏ ଗନଏଃ, ଆମାଃ ଜିତାଅ କତାଃରେୟା ?

ଏ ଗନଏଃ, ଆମାଃ ଗନଏଃରାଃ ତୁଡ୍ଡତେୟାଃ କତାଃରେୟା ?”

୫୬ ତୁଡ୍ଡତେୟାଃରାଃ ପେଡ୍ଡେଃ, ଗନଏଃ ପାପ୍ତାଃଏତେ ନାମାଃଏ, ଆତଃ ମୁଶାରାଃ ଆନ୍ତୁତାଃଏତେ ପାପ୍ ପେଡ୍ଡେଃ
ନାମାଃଏ ।

୫୭ ମେନ୍ଦଦ ପାର୍ମେଶ୍ୱାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ଆବୁକେ ଜିତାଅକାଦ୍ବୁଆଏ, ଇନିୟାଃ ଧାନ୍ୟାବାଦ୍
ହବାଅଃକା ।

୫୮ ଏନାମେନ୍ତେ ହେ ଦୁଲାଡ୍ ହାଗା ମିଶିକ, ଡିଙ୍ଗୁ କେଟେଦ୍କାନ୍ପେ ଆତଃ ଆବରାକାନ୍ ତାଈନ୍ପେ । ପ୍ରାଭୁଆଃ କାମିରେ
ସବେନ୍ ଇମ୍ତା ଚିହୁଲଃପେ । ଚିୟାଃଗି ଆପେ ସାରିତାନାପେ, ପ୍ରାଭୁ ନାଗେନ୍ତେ ଆପେୟାଃ କାମି କା ସାମାଅଃଆ ।

୧୭

ପାର୍ମେଶ୍ୱାର୍ଆଃ ହତ୍ତକ ନାଗେନ୍ତେ ଦେଙ୍ଗାରେୟାଃ ଦାନ୍

୧ *ଯିହୁଦାରେନ୍ ପାର୍ମେଶ୍ୱାର୍ଆଃ ହତ୍ତକ ନାଗେନ୍ତେ ଦାନ୍ ଏମ୍ରେ ଦେଙ୍ଗା ନାଙ୍ଗ୍ ଆଇୟାଃ ସାଲ୍ହା ନେଆଁ ତାନାଃ,
ଆଇଙ୍ଗ୍ ଗାଲାଡିୟ ପାର୍ଗାନ୍ରେ ତାଈନ୍ତାନ୍ କାଲିସିୟାକକେ କାମି ନାଙ୍ଗ୍ କାଜିକାଦ୍କ ଲେକା ଆପେୟ ଏନ୍ଲେକାଗି
କାମିପେ ।

୨ ଆଇଙ୍ଗ୍ ସେନ୍ରେ ଦାନ୍ ହାରମ୍ ନାଗେନ୍ତେ କା ଲାଗାଡିୟଃଆ, ଏନାମେନ୍ତେ ସବେନ୍ ହାପ୍ତାରେୟାଃ ପାହିଲା
ହୁଲାଙ୍ଗ୍ରେଗି ଆପେୟାଃ ନାଲାହେତେ କାଚିଃଲେକା ଟାକା ପାଏସା ଆପାନ୍ରେ ଦହେପେ ।

୩ ଆତଃ ଆପେ ଅକନ୍କକେ ବୁଗିନ୍ ହତ୍ତ ତାନ୍କ ମେନ୍ତେପେ ଆଟ୍ଟକାର୍ଡରୁମ୍କାଦ୍କଆ, ଇନ୍କୁକେ ଆଇଙ୍ଗ୍ ସେନ୍ରେ
ଅନଲ୍ଡିଠା ଏମ୍କେଦ୍ତେ ଆପେୟାଃ ଦାନ୍ଲଃ ଯୀରୁଶାଲେମ୍ତେଇଙ୍ଗ୍ କୁଲ୍କଆ ।

୪ ଆଇଙ୍ଗ୍କେହ୍ ସେନ୍ ଲାଗାଡିଙ୍ଗ୍ରେ, ଇନ୍କୁ ଆଇୟାଃଲଃକ ସେନ୍ ଦାଡ୍ଡିୟା ।

ପାଉଲୁସ୍ଆଃ କବିଚ୍ଛିନ୍ତେ ସେନ୍ରେୟାଃ ଉହାଟ୍

୫ *ଆଇଙ୍ଗ୍ ମାକିଦନିଆତେ ସେନ୍ ତାୟମ୍ତେ ଆପେତାଃତେଇଙ୍ଗ୍ ସେନା, ଚିୟାଃଗି ଆଇଙ୍ଗ୍ ମାକିଦନିଆ ହରାତେଇଙ୍ଗ୍
ସେନ୍ତାନା ।

☆ ୧୫:୫୧ ୧ ଥେସଲନିକା ୪:୧୫-୧୭. ☆ ୧୭:୧ ରୋମି ୧୫:୨୫,୨୬. ☆ ୧୭:୫ ପ୍ରେରିଡ୍ ୧୯:୨୧.

୬ ହବାସାକାଅଥାଃ, ରାବାଙ୍ଗ ସାହା ଆଇଙ୍ଗ ଆପେଲଃ ଚିମିନ୍ ମାହାଁ ତାଇନ୍ ସାକାଅଥାଆଇଙ୍ଗ, ଆତଃ ଆଇଙ୍ଗ ଜାହାଙ୍ଗତେଗି ସେନ୍ ନାଗେନ୍ତେ ମନେୟାଇଙ୍ଗ, ଇମ୍ତା ଆପେ ଆଇଙ୍ଗକେ ସେନ୍ ନାଗେନ୍ତେ ଦେଙ୍ଗା ଦାଡ଼ିୟାପେ ।

୭ ଆଇଙ୍ଗ ସେନ୍ ହରାରେ ଆପେଲଃ କାଟିଃ ଲେକାଗି ନେପେଲ୍ ନାଗେନ୍ତେ କାଇଙ୍ଗ ସାନାଙ୍ଗତାନା । ପ୍ରାଭୁ ଆରୁଇଙ୍ଗରେଦ, ଆଇଙ୍ଗ ଆପେଲଃ ପୁରାଃ ମାହାଁ ତାଇନାଆଇଙ୍ଗ ମେନ୍ତେ ଆସ୍ତା କାଦାଆଇଙ୍ଗ ।

୮ *ଆଇଙ୍ଗ ପେଣ୍ଟିକଷ୍ଟ ପାରାବ୍ ହୁଲାଙ୍ଗ ଜାକେଦ୍ ଏନ୍ତାଃରେଗି ଏଫିସୁସ୍ରେ ତାଇନାଆଇଙ୍ଗ ।

୯ ନେତାଃରେ ଆଇଁୟାଃ ବିରୁଧ୍ରେ ପୁରାଃ ହଡକ ମେନାକରେୟ, ଜ ନାମଃଲେକା କାମି ନାଗେନ୍ତେ ଆଇଁୟାଃ ନାଙ୍ଗ ଚାକାର୍ ଦୁଆର୍ ନିଜାକାନା ।

୧୦ *ତାମଥ୍ ଆପେତାଃତେ ହିନ୍ଦୁଃରେ ଦାରମିପେ, ଚିୟାଃଚି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା ।

୧୧ ଜେତାଏ ଇନିଃକେ ଆଲ୍ପେ ନେଲ୍ ବାଗିୟା, ମେନ୍ଦ ଇନିଃ ଆଇଁୟାଃତାଃ ହିନ୍ଦୁଃ ଦାଡ଼ିକାଏ ମେନ୍ତେ ଇନିଃକେ ସୁକୁଜୀଉରେ ସେନ୍ ହରା ନାଗେନ୍ତେ ଦେଙ୍ଗାଆପେ, ଚିୟାଃଚି ଇନିଃ ବିଶ୍ୱାସୀ ହାଗାକଲଃ ହିନ୍ଦୁଃରୁହାଡାଏ ମେନ୍ତେଇଙ୍ଗ ନେଲ୍ ହରାଆଇତାନା ।

୧୨ ମେନ୍ଦ ଆରୁଆଃ ହାଗା ଆପୋଲୋ ବିଷାଏରେଇଙ୍ଗ କାଜିତାନା, ଆଇଙ୍ଗ ଇନିଃକେ ଏଟାଃ ହାଗାକଲଃ ଆପେତାଃତେ ସେନ୍ ନାଗେନ୍ତେ ପୁରାଃଗିଇଙ୍ଗ ଆରୁକିୟା, ମେନ୍ଦ ନାହାଁଃ ଇନିଃ ସେନ୍ ନାଗେନ୍ତେ କାଏ ସାନାଙ୍ଗତାନା । ତାୟମ୍ତେ ସେନ୍ ନାଗେନ୍ତେ ନେତା ନାମ୍ଲେରେ ସେନାଏଁ ।

ଚୁଣ୍ଡ କୁାଜି

୧୩ ଆପେ ଚିର୍ଗାଲାନାନ୍ ତାଇନକେଦ୍ତେ ବିଶ୍ୱାସ୍ରେ ତିଙ୍ଗୁକେଟେଦ୍, ଜୀଉରେ କେଟେଦ୍ ଆତଃ ପେଡେୟାନ୍ ହବାଅଃପେ ।

୧୪ ଆପେୟାଃ ସବେନ୍ କାମି ଦୁଲାଡ଼ରେ କାମିପେ ।

୧୫ *ଆପେ ସ୍ତ୍ରୀମାନ୍ ଆତଃ ଆୟାଃ ଅତାଃରେନକଆଃ ବିଷାଏରେ ସାରିତାନାପେ । ଇନକୁ ଆଖାୟାୟା ପାହିଲା ଖ୍ରୀଷ୍ଟ ବିଶ୍ୱାସୀତାନକ ଆତଃ ପାର୍ମେଶ୍ୱାର୍ ଆଃ ହଡକକେ ସେଞ୍ଜା ନାଗେନ୍ତେ ଇନକୁ ଆକଗି ଜିମାକାନାକ । ହେ ହାଗା ମିଶିକ, ଆଇଙ୍ଗ ଆପେକେ ବିକ୍ରିପେ ତାନାଆଇଙ୍ଗ,

୧୬ ଆପେ ନେ ଲେକାନ୍ ହଡକଆଃ ଆତଃ ନେକାନ୍କଲଃ ସେଞ୍ଜା ଆତଃ କାମି ତାନକକେ ଅତଙ୍ଗକପେ ।

୧୭ ସ୍ତ୍ରୀମାନ୍, ଫର୍ଡୁନାଡ୍, ଆତଃ ଆଖାୟିକୁସ୍, ନେ ସବେନ୍କ ହିନ୍ଦୁଃକାନ୍ ହରାତେ ଆଇଙ୍ଗ ପୁରାଃଗି ରାସକା କାନାଆଇଙ୍ଗ । ଚିୟାଃଚି ଆପେ ବାଙ୍ଗପେରେୟ ଇନକୁ ଆପେୟାଃ ଠାୟାଦକେକ ପୁରାକାଦା ।

୧୮ ଇନକୁ ଆପେକେ ଆତଃ ଆଇଙ୍ଗକେ ପୁରାଃ ଆମ୍ବାତେ ରାସକାତେ ପେରେଃ କାଦିୟାକ । ଏନାତେ ଆପେ ଇନକୁକେ ପୁରାଃ ମାଆନକପେ ।

୧୯ *ଏସିଆ ପାର୍ଗାନରେନ୍ କାଲିସିୟାକ ଆପେକେ ଜହାର୍ ମେନ୍ତେକ କାଜିକୁଲ୍କାଦା । ଆକ୍ଲିଲା, ପ୍ରିସ୍କିଲା ଆତଃ ଇନକୁଆଃ ଅତାଃରେ ପ୍ରାଭୁକେ ସେଞ୍ଜାତାନ୍ କାଲିସିୟା, ପ୍ରାଭୁଆଃ ନୁଡୁମ୍ତେ ଆପେକେ ପୁରାଃଗି ମନ୍ସୁରୁଦ୍ହେତେ ଜହାର୍ ମେନ୍ତେକ କାଜିକୁଲ୍କାଦା ।

୨୦ ନେତାଃରେନ୍ ସବେନ୍ ବିଶ୍ୱାସୀ ହାଗା ମିଶିକ ଜହାର୍ କାଜିକୁଲ୍କାଦା । ଖ୍ରୀଷ୍ଟ ଦୁଲାଡ଼ରେ ମିହୁଡ୍ ଆତଃମିହୁଡ୍ଲଃ ଜହାରଃପେ ।

୨୧ ଆଇଙ୍ଗ ପାଉଲ୍ସ୍, ଆଇଁୟାଃ ତିଃଇତେଗି ନେ ସବେନ୍ ଜହାର୍କାଜି ଅଲ୍ଲାକାଦାଆଇଙ୍ଗ ।

୨୨ ଜେତାଏ ପ୍ରାଭୁକେ କା ଦୁଲାଡ଼ନିଃ, ସାର୍ପାଅଃକାଏ ।

ମାରାନାଆ, ମେନ୍ଲେରେ, ଆରୁଆଃ ପ୍ରାଭୁ ହିନ୍ଦୁଃଆଏ ।

୨୩ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

୨୪ ଯୀଶୁ ଖ୍ରୀଷ୍ଟ୍ରେ ମେସାକାନ୍ ଆପେ ସବେନ୍କଲଃ ଆଇଁୟାଃ ଦୁଲାଡ଼୍ ହବାଅଃକା ।

* ୧୭:୮ ପ୍ରେରିଡ୍ ୧୯:୮-୧୦. * ୧୭:୧୦ ୧ କବିଚ୍ଛିନ୍ଦ ୪:୧୭. * ୧୭:୧୫ ୧ କବିଚ୍ଛିନ୍ଦ ୧:୧୭. * ୧୭:୧୯ ପ୍ରେରିଡ୍ ୧୮:୨.

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରିଷ୍ଣୀୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟ୍ୟ

ହବାସାକାଅଆଃ, କରିଷ୍ଣୀୟ କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ନେ ଏଟାଃ ଚିଟାଉ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୫୫-୫୬ ସିର୍ମାକରେ ଅଲ୍ଲାକାନ୍ ତାଇକେନା ୧:୧ । ଅନଲ୍ ହଡକ ବିଶ୍ୱାସେ ତାନାକ ଯେ, ନେ ଚିଟାଉ ଅନଲ୍ ସିଦାରେ ପ୍ରେରିତ୍ ପାଉଲୁସ୍ କରିଷ୍ଣୀୟ କାଲିସିୟାକେ ପୁରାଃ କେଟେୟାନ୍‌ଗି ଚିଟାଉ ଅଲ୍ଲାକାଦ୍ ତାଇକେନାଏ, ଏନା ୨:୩-୪ ରେ ଆଡ଼କାରଃତାନା, ଏନାରେୟାଃ ଜେତାନ୍ ଅନଲ୍‌ରେୟାଃ ନାକାଲ୍ ଆବୁତାଃରେ ବାନଃଆ ।

ହବାସାକାଅଆଃ, ପାଉଲୁସ୍ ମାକିଦନିଆରେ ତାଇକେନ୍ ଇମ୍‌ତାଏ ଅଲ୍ଲାକାଦ୍ ତାଇକେନା, ୨:୧୩ । ଏଟାଃ କରିଷ୍ଣୀୟ, ଏଟାଃ ନାହାଁଲାଃ, ଏନ୍ ମିଆଁଦ୍‌ଗି ତାନାଃ । କରିଷ୍ଣିରେ ତାଇନଃତାନ୍ କାଲିସିୟା ବିଷାଏରେ ତିତସ୍‌ତାଃଏତେ ବୁଗିନ୍ କାଜି ନାମକେଦ୍‌ତେ ପାଉଲୁସ୍ ରାସକା କାନାଏ । ନେ ଚିଟାଉରେ, ନାଞ୍ଜା ନିୟାମ୍‌ରେ ଦାନ୍ ଏମ୍ ବିଷାଏରେୟାଃ ଇନିତୁ ନାମାଃବୁ । ନେ ହିସାରେ, ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକକେ ଦେଙ୍ଗାକ ନାଗେନ୍ତେ ଟାକା ପାଏସା ହାରମ୍ ନାଗେନ୍ତେ ଆବୁକାଦା, ୮-୯ । ନେ ଚିଟାଉରାଃ ଚିମିନ୍ ଅନଲ୍‌ରେ ସାରିୟଃତାନା ଯେ, ଏନ୍ କାଲିସିୟାରେୟାଃ ବାହାରିଏତେ ଚିମିନ୍ ହସଡ୍ ପ୍ରେରିତ୍‌କ, ଆପ୍‌ନାଃ ମାଇନଃ ହବାଅଃ ନାଗେନ୍ତେ ପାଉଲୁସ୍‌ଆଃ ବିରୁଧ୍‌ରେ କାଲିସିୟାରେନ୍ ଚିମିନ୍ ହଡକକେ ବତଙ୍ଗକେଦ୍‌ତେ ହିସ୍‌ଙ୍ଗାଈଚିକ ତାନାକ । ଇନ୍‌କୁ ପାଉଲୁସ୍‌ଆଃ ଆକ୍‌ତେୟାର୍‌କେ ଆଡ଼ାଃଉଡ଼ୁଃ ତାନାକ ଏନାତେ ନେ ଚିଟାଉରେୟାଃ ଟୁଣ୍ଡୁୟାଃରେ ଇନିଃ ମିଆଁଦ୍ ଯୀଶୁ ଖ୍ରୀଷ୍ଟ୍‌ଆଃ ଆକ୍‌ତେୟାର୍‌ତେ କୁଲ୍ଲାକାନ୍‌ନିଃ ତାନିଃ ମେନ୍ତେ ପୁରାଃ ପକ୍‌ତାକେଦ୍‌ତେ ଉଦୁବାକାଦା ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍‌ଆଃ ଚିଟାଉରେୟାଃ ଏନେଟେଦ୍‌ରେ ଜହାର୍ ମେନ୍ତେ ଅଲ୍ଲାକାଦା । ୧:୧-୭
- ୨. ପାଉଲୁସ୍ ଆୟାଃ ହରାସେନ୍ ସେକାଡେନ୍‌ରେ ବାଦ୍‌ଲାଅ ଆଡ଼ଃ ଇନ୍‌କୁଆଃ ବିଷାଏରେ ନାମାକାଦ୍ କୁନୁଲି ଆଡ଼ଃ ଇନ୍‌କୁଆଃ କୁନୁଲି ବିଷାଏରେ ଇନ୍‌କୁକେ କାଜିରୁହାଡ୍ । ୧:୮-୭:୧୬
- ୩. ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକ ନାଗେନ୍ତେ ଦାନ୍ ହାରମ୍ ବିଷାଏରେ ଆନାରୁ । ୮:୧-୯:୧୫
- ୪. ଟୁଣ୍ଡୁରେ ପାଉଲୁସ୍ ଆୟାଃ ପ୍ରେରିତ୍ କାମିକେ ବାଚାଅକେଦା ଆଡ଼ଃ ଆଡ଼ଃମିସା ହରାସେନ୍ ନାଗେନ୍ତେ ସାପ୍‌ଡାଅନ୍ ତାନା । ୧୦:୧-୧୩:୧୦

୧ *ଆଇଙ୍ଗ୍ ପାଉଲୁସ୍, ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲ୍ଲାକାନ୍‌ନିଃ ତାନିଙ୍ଗ୍ । ପାଉଲୁସ୍, ଆଡ଼ଃ ଆବୁଆଃ ହାଗା ତୀମଥ୍, କରିଷ୍ଣିରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାରେନ୍ ହଡକକେ, ଆଡ଼ଃ ଆଖାୟା ପାର୍‌ଗାନ୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ସବେନ୍ ବିଶ୍ୱାସୀକତାଃତେ ନେ ଚିଟାଉ ଅଲେତାନାଈଙ୍ଗ୍ ।

୨ ଆବୁଆଃ ଆପୁ ପାର୍‌ମେଶ୍ୱାର୍‌ଆଃ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆଡ଼ଃ ଜୀଉସୁକୁ ଆପେ ନାଗେନ୍ତେ ହବାଅଃକା ।

ପାର୍‌ମେଶ୍ୱାର୍‌କେ ପାଉଲୁସ୍‌ଆଃ ଧାନ୍ୟାବାଦ୍

୩ ଦଲ୍ଲାରୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ପାର୍‌ମେଶ୍ୱାର୍‌କେ ସାହାରାଅବୁ ଏମାଈୟା, ଇନିଃ ଲିନିବୁଇ ଆପୁ ଆଡ଼ଃ ସବେନାଃରେ ଜୀଉରାଡ଼େଃ ଏମ୍‌ତାନ୍ ପାର୍‌ମେଶ୍ୱାର୍ ତାନିଃ ।

୪ ଇନିଃଦ୍ ଆବୁଆଃ ସବେନ୍ ଦୁକୁହାସୁ ଇମ୍‌ତା ଜୀଉରାଡ଼େଃ ଏମାବୁତାନାଏ, ଏନାମେନ୍ତେ ଆବୁ ପାର୍‌ମେଶ୍ୱାର୍‌ତାଃଏତେ ନାମାକାଦ୍ ଏନ୍ ଜୀଉରାଡ଼େଃରେୟାଃ ହରାତେ, ସବେନ୍ ରାକାମ୍‌ରାଃ ଦୁକୁହାସୁତାନ୍ ହଡକକେ ଜୀଉରାଡ଼େଃବୁ ଏମ୍ ଦାଡ଼ିୟା ।

୫ ଆବୁ ଖ୍ରୀଷ୍ଟ୍‌ଆଃ ନାଗେନ୍ତେ ଚିମିନ୍ ଦୁକୁହାସୁରୁ ନାମେୟା, ଇମ୍‌ନାଙ୍ଗ୍ ଖ୍ରୀଷ୍ଟ୍‌ଆଃ ହରାତେ ପାର୍‌ମେଶ୍ୱାର୍‌ତାଃଏତେ ଜୀଉରାଡ଼େଃବୁ ନାମେୟା ।

୬ ଆଲେ ଦୁକୁହାସୁତାନରେଦ୍ ଏନା ଆପେୟାଃ ଦେଙ୍ଗା ଆଡ଼ଃ ଜୀଉବାସ୍ତାଅ ନାଗେନ୍ତେଲେ ରିକାତାନା । ଆଲେ ଜୀଉରାଡ଼େଃଲେ ନାମେରେଦ୍, ଆପେୟ ଏନ୍‌ଲେକାଗି ଦୁକୁହାସୁ ନାମେ ଇମ୍‌ତା ସାହାତିଙ୍ଗ୍ ଆଡ଼ଃ ପେଡ଼େଃପେ ନାମ୍ ଦାଡ଼ିୟା ।

୭ ଆପେତାଃରେ ଆଲେୟାଃ ଆସା କେଟେଦ୍‌ଗିୟା, ଚିୟାଃଚି ଆପେ ଚିଲ୍‌କା ଦୁକୁହାସୁରେନ୍ ହିସା ହବାକାନାପେ, ଏନ୍‌ଲେକାଗି ଆଲେୟାଃ ଜୀଉରାଡ଼େଃରେନ୍‌ହ ହିସାପେ ହବାଅଃଆ, ଏନାଲେ ସାରିତାନା ।

* ୧:୧ ପ୍ରେରିତ୍ ୧୮:୧.

୮ *ହେ ହାଗା ମିଶିକ, ଏସିଆ ଦିଶୁମ୍ରେ ଆଲେୟାଃ ଚେତାନରେ ହବାକାନ ସାସାତି କାଜିକ ଆଲେ ଆପେକେ ଉଦୁବ୍ ନାଗେନ୍ତେଲେ ସାନାଙ୍ଗତାନା, ଚିୟାଃତି ଏନାଦ ଆଲେୟାଃ ସାହାତିଙ୍ଗରାଃ ଯେତେଃହେତେ ଆଦକା ହାମ୍ବାଲ୍ ଆତଃ କା ସାହାତିଙ୍ଗ୍ମ୍ୟଃ ଲେକା ତାଇକେନା, ଏନାତେ ଜୀଉବାଞ୍ଚାଅଃରାଃ ଆସ୍ତା ହଗି କା ତାଇକେନା ।

୯ ଆଲେକେ ଗନଏଃରାଃ ହୁକୁମ୍ ଏମାକାନା ମେନ୍ତେଲେ ଉଡ଼ୁକାଦ୍ ତାଇକେନା, ମେନ୍ଦ୍ ଆଲେ ଆପାନାଃ ଚେତାନରେ କା ଆସ୍ତାକେଦ୍ତେ ଗଏଃକାନକକେ ଜୀଉବିରିଦକାଦ୍ ପାର୍ମେଶ୍ୱାର୍ତାଃରେ ଆସ୍ତା ଦହ ନାଗେନ୍ତେ ନେ ସବେନାଃ ହବାକାନା ।

୧୦ ନେ ଲେକାନ ବରଞ୍ଜନ୍ ଗନଏଃହେତେ ଇନିଃ ଆବୁକେ ବାଞ୍ଚାଅକାଦ୍ବୁଆ ଆତଃ ବାଞ୍ଚାଅକାତେବୁଆଏ । ଇନିଃ ଆତଃଗି ଆବୁକେ ବାଞ୍ଚାଅବୁଆ, ନେ ଆସ୍ତା ଆବୁଆଃ ଇନିଃତାଃରେ ମେନାଃ ।

୧୧ ଆତଃ ଆପେ ସବେନକ ଆଲେ ନାଙ୍ଗ୍ ବିକ୍ତିକେଦ୍ତେ ଦେଙ୍ଗାଲେପେ । ଏନାରେ ଆଲେ ନାଗେନ୍ତେ ପୁରାଃ ବିକ୍ତିୟଃତାନ ବିକ୍ତିରାଃ କାଜିରୁହାଡ୍ ନାମଃଆ ଆତଃ ପାର୍ମେଶ୍ୱାର୍ ଆଲେକେ ବାର୍ଦାନ ଏମାଲେୟାଏ । ଆଲେ ନାଗେନ୍ତେ ପୁରାଃ ହଡକ ପାର୍ମେଶ୍ୱାର୍କେ ଧାନଧାବାଦକ ଏମାଲୟା ।

ପାଉଲୁସଆଃ ଉଡ଼ୁରାଃ ବାଦଲୀଅ

୧୨ ନେ ଅତେଦିଶୁମ୍ରେ ଜୀଦାନ ଆତଃ ବିଶେଷ୍ଟକେଦ୍ତେ ଆପେଲଃ ଆଲେୟାଃ ନାତା ପାର୍ମେଶ୍ୱାର୍ ଏମାକାଦ୍ ପାବିତାର୍ ଆତଃ ପାତିୟାର୍ରେନ୍ ହରାତେ ହବାକାନା ମେନ୍ତେ ଆଲେୟାଃ ବିବେକ୍ ଗାଞ୍ଜା ଏମେତାନାଏ । ଏନାମେନ୍ତେ ଆଲେ ଆପାନକେ ମାରାଙ୍ଗ୍ ମେନ୍ତେଲେ କାଜିନତାନା । ହଡକଆଃ ସେଣ୍ଟାନ୍ତେଦ କାହା, ମେନ୍ଦ୍ ପାର୍ମେଶ୍ୱାର୍ଆଃ ସାୟାଦ୍ରାଃ ଯେତେଃହେତେ ନେଆଁଲେ କାମି ଦାଡ଼ିତାନା ।

୧୩ ଅକ୍ନାଃ ଆପେ ପାଢାଅକେଦ୍ତେ ଆଟ୍ଟକାର୍ଉରୁମ୍ ଦାଡ଼ିୟାପେ, ଆଲେ ଇମ୍ନାଙ୍ଗ୍ ଏସ୍କାର୍ ଆପେତାଃତେ ଅଲେତାନାଲେ । ଆଇଙ୍ଗ୍ ଆସ୍ତା ତାନିଙ୍ଗ୍,

୧୪ ନାହାଁଃ ଆପେ ଅକ୍ନାଃ କାଟିଃ ଲେକାଗିପେ ଆଟ୍ଟକାର୍ଉରୁମେ ତାନା, ଏନା ଆବୁଆଃ ପ୍ରାଭୁ ଯୀଶୁଆଃ ହିନିଜୁଃ ଦିପିଲିରେ ପୁରାଃଗିପେ ଆଟ୍ଟକାର୍ଉରୁମେୟାଁ । ଏନାରେଦ୍, ଆପେ ଆଲେ ନାଗେନ୍ତେ ଆପାନକେ ମାରାଙ୍ଗ୍ ମେନ୍ତେପେ କାଜିନା ଆତଃ ଆଲେୟା ଆପେ ନାଗେନ୍ତେ ଆପାନକେ ମାରାଙ୍ଗ୍ ମେନ୍ତେଲେ କାଜିନା ।

୧୫ ଆଇଙ୍ଗ୍ ନେ ବିଷାଏରେ ସାର୍ତିଗି ସାରିତାଇକେନ୍ ହରାତେ ସିଦାତେ ଆପେତାଃତେ ସେନ୍ ନାଗେନ୍ତେଇଙ୍ଗ୍ ମନେ ତାଇକେନା । ଏନାତେ ଆପେ ବାର୍ସାତେ ଆଗିଷ୍ଟପେ ନାମାକାତେତେୟାଃ ।

୧୬ *ଆଇଙ୍ଗ୍ ମାକିଦନିଆ ସେନ୍ ଇମ୍ତା ଆତଃ ଏନ୍ତାଃଏତେ ରୁହାଡ୍ ଇମ୍ତା ଆପେତାଃରେ ତିମିନ୍ ମାହାଁ ତାଇନଃ ନାଗେନ୍ତେଇଙ୍ଗ୍ ଉଡ଼ୁକାଦ୍ ତାଇକେନା, ଚିୟାଃତି ଯିହୁଦା ରାଇଜ୍ତେ ହରାସେନ୍ ନାଗେନ୍ତେ ଆପେୟାଃ ଦେଙ୍ଗାଇଙ୍ଗ୍ ସାନାଙ୍ଗ୍ ତାଇକେନା ।

୧୭ ଆପେ ଚିନାଃପେ ଉଡ଼ୁତାନା ? ଆଇଙ୍ଗ୍ ଚିନାଃ କା ସାରିଲେକା କାମିତାଇୟାଁକ ବାଇୟାକାଦ୍ ତାଇକେନାଇଙ୍ଗ୍ ? ଅକନ୍କ ମିସାତେ ହ୍, ହ୍ ଆତଃ କାହା, କାହା ମେନ୍ତେକ କାଜିୟାଃ, ଏନ୍ ହଡକ ଲେକା ଚିନାଃ ଆଇଙ୍ଗ୍ ଆପ୍ନାଃ ବୁଗିନାଃ ନାଗେନ୍ତେ ଏସ୍କାର୍ କାମିତାଇୟାଁ ବାଇୟାକାଦାଇଙ୍ଗ୍ ?

୧୮ ସାର୍ତିଗି ପାର୍ମେଶ୍ୱାର୍ ପାତିୟାରଃ ଲେକାନିଃ ତାନିଃ, ଆଇଙ୍ଗ୍ ଆପେକେ କାଜି ଏମ୍ ଇମ୍ତା ଚିଉଲୀଅ ମନ୍ତାୟାଃକେ କାଇଙ୍ଗ୍ ନେତେହେନ୍ତେ ।

୧୯ *ପାର୍ମେଶ୍ୱାର୍ଆଃ ହନ୍ ଯୀଶୁ ଖ୍ରୀଷ୍ଟ୍, ଅକଏକେତି ଆଇଙ୍ଗ୍, ସିଲାସ୍, ଆତଃ ତୀମଥ୍ ଆପେତାଃରେ ଉଦୁବକାଇ ତାଇକେନାଲେ, ଇନିଃ “ହ୍” ଆତଃ “କାହା” ନାହାଲିଃ, ମେନ୍ଦ୍ ଇନିଃ ପାର୍ମେଶ୍ୱାର୍ଆଃ “ହ୍” ତାନିଃ ।

୨୦ ପାର୍ମେଶ୍ୱାର୍ଆଃ ସବେନ୍ ବାନାର୍ସା ନାଗେନ୍ତେ ଯୀଶୁ ଖ୍ରୀଷ୍ଟ୍ “ହ୍” ତାନିଃ । ଏନା ନାଗେନ୍ତେ ଯୀଶୁ ଖ୍ରୀଷ୍ଟ୍ଆଃ ହରାତେ ପାର୍ମେଶ୍ୱାର୍ଆଃ ମାନାରାଙ୍ଗ୍ ନାଙ୍ଗ୍ “ଆମେନ୍” କାଜିୟାଃବୁ ।

୨୧ ପାର୍ମେଶ୍ୱାର୍ ଆଇଃକଟି ଯୀଶୁ ଖ୍ରୀଷ୍ଟ୍ତାଃରେ ଆପେୟାଃ ଆତଃ ଆଲେୟାଃ ଜୀଦାନକେ ମିଦ୍ରେ ମେସାକେଦ୍ତେ, ଆବୁକେ ଆଭିଷେକ୍ କାଦ୍ବୁଆ ।

୨୨ ଇନିଃ ଆବୁକେ ଆପାନକାଦ୍ବୁଆ ଆତଃ ଆବୁଆଃ ମନ୍ସୁରୁଦ୍ରେ ଆୟାଃ ପାବିତାର୍ ଆମ୍ବାକେ ଠାହାରାଅକିଃ ହରାତେ ଆବୁଆଃ ଚେତାନରେ ପାର୍ମେଶ୍ୱାର୍ଆଃ ଆକ୍ତେୟାର୍ରେୟାଃ ଚିହ୍ନାଁ ଆତଃ ହିଜୁଃ ଦିପିଲିରେ ଆବୁ ଅକ୍ନାଃ ନାମେୟାଃବୁ ଏନା ସାର୍ତିଗି ତାନାଃ ।

୨୩ ପାର୍ମେଶ୍ୱାର୍ ଆଇଁୟାଃ ଗାଞ୍ଜା ତାନିଃ । ଇନିଃ ଆଇଁୟାଃ ମନ୍ସୁରୁଦ୍ ସାରିୟାଏ । ଆଇଙ୍ଗ୍ ଆପେକେ ଆତଃ ଦୁକୁ କାଇଙ୍ଗ୍ ଏମାପେୟା, ଏନାମେନ୍ତେ ଆଇଙ୍ଗ୍ କବିତ୍ୱିତେ ସେନ୍ ନାଙ୍ଗ୍ କାଇଙ୍ଗ୍ ସାନାଙ୍ଗ୍କେଦା ।

୨୪ ଆପେ ଅକନ୍ କାଜି ବିଶ୍ୱାସେୟାପେ, ଏନ୍ ବିଷାଏରେ ଆପେ ଚେତାନରେ ଆକ୍ତେୟାର୍ ରିକାଏ ନାଗେନ୍ତେ ଆଲେ କାଲେ ସାନାଙ୍ଗତାନା, ଚିୟାଃତି ଆପେ ବିଶ୍ୱାସ୍ରେ ତିଜୁକେଚେଦକାନାପେ । ମେନ୍ଦ୍ ଆପେକେ ସୁକୁଇଟିପେ ନାଗେନ୍ତେ ଏସ୍କାର୍ ଆପେଲଃ ମିସାତେ ଆଲେ କାମିତାନାଲେ ।

☆ ୧:୮ ୧ କବିତ୍ୱିୟ ୧୫:୩୨. ☆ ୧:୧୭ ପ୍ରେରିଡ୍ ୧୯:୨୧. ☆ ୧:୧୯ ପ୍ରେରିଡ୍ ୧୮:୫.

୨

୧ ଆଇଙ୍କ ଆପେତାଃତେ ସେନ୍ତେୟାଃ ଆପେ ନାଗେନ୍ତେ ଦୁକୁରାଃ କାଜିତାନାଃରେଦ, ଆଇଙ୍କ ଆପେତାଃତେ ଆତଃ ଚିତ୍ତଲ୍ୟାଅ କାଇଙ୍କ ସେନା ମେନ୍ତେ ମନ୍ରେଇଙ୍କ ଉଡ଼ୁକାଦା ।

୨ ଆପେକେ ଦୁକୁ ଏମାପେରେ, ଅକଏ ଆଇଙ୍କକେ ରାସ୍ତା ଏମାୟାଏ ? ଆପେକେ ବାଗିକେଦ୍ତେ ଆତଃ ଏନ୍ଲେକା ଜେତାଏ ବାଙ୍କିଆ ।

୩ ଏନାମେନ୍ତେ ଆଇଙ୍କ ଆପେତାଃତେ ଏନ୍ ଚିଟାଉ ଅଲ୍ୟାକାଦ୍ ତାଇକେନାଇଙ୍କ, ଆଇଙ୍କ ଏନ୍ତାଃତେ ସେନ୍ରେ, ଅକନ୍ ହଡ଼କଆଃ ନାଗେନ୍ତେ ଆଇୟାଃ ସୁକୁହବାୟାଃତେୟାଃ, ଇନ୍କୁଆଃ ହରାତେ ଆଇଙ୍କ ଜେଲେକା ଦୁକୁ ଆଲକାଇଙ୍କ ନାମେକା । ସାର୍ତ୍ତିଗି ଆଇୟାଃ ପୁରାଃ ବିଶ୍ୱାସ୍ ମେନାଃ, ଆଇୟାଃ ରାସ୍ତାରେ ଆପେୟାଃ ରାସ୍ତା ମେନାଃ ।

୪ ପୁରାଃ ଦୁକୁ ଆତଃ ମନ୍ସୁରୁଦ୍ରେୟାଃ ହାସୁତେ ରାଆଃତାନୁଲଃ ଆଇଙ୍କ ଅକ ଚିଠି ଅଲ୍ୟାକାଦ୍ ତାଇକେନାଇଙ୍କ, ଏନା ଆପେକେ ଦୁକୁଇଚିପେ ନାଗେନ୍ତେ କାଇଙ୍କ ଅଲ୍, ମେନ୍ଦ ଆପେକେ ଆଇଙ୍କ ଚିମିନ୍ ଦୁଲ୍ୟାଡ଼ପେ ତାନାଇଙ୍କ, ଏନା ଉଦୁଦ୍ ନାଗେନ୍ତେଇଙ୍କ ଅଲ୍ୟାକାଦ୍ ତାଇକେନା ।

ଏଡ଼କାନ୍ ହଡ଼କକେ ଛାମାକପେ

୫ ଆପେକଏତେ ଜେତାଏ ମିହୁଡ଼କେ ଦୁକୁ ଏମାକାଇରେଦ, ଇନିଃ ଆଇୟାଃ ମନ୍ରେ ଏସ୍କାର୍ ଦୁକୁ କାଏ ଏମ୍, ମେନ୍ଦ ହୁଡ଼ିଙ୍କ ଲେକା ଆପେ ସବେନ୍କକେହିଁ ଦୁକୁ ଏମାକାଦ୍ପେୟାଏ ।

୬ ଆପେକଏତେ ଚିମିନ୍ ହଡ଼କ ଏନ୍ ହଡ଼କେ ସାଜାଇ ଏମ୍କିୟାପେ, ଏନା ଇନିୟାଃ ନାଗେନ୍ତେ ପୁରାଃଗିୟା ।

୭ ଇନିଃ ପୁରାଃଗି ଆଲକାଏ ଦୁକୁଃକା, ଏନା ନାଗେନ୍ତେ ନାହାଃ ଇନିଃକେ ଛାମା ଆତଃ ଜୀଉରାଡ଼େଃ ଆପେକେ ଏମ୍ ଲାଗାଡ଼ିୟାଃ ।

୮ ଆଇଙ୍କ ଆପେକେଇଙ୍କ ବିକ୍ରିପେତାନା, ଆପେ ଇନିଃକେ ସାର୍ତ୍ତିଗି ଦୁଲ୍ୟାଡ଼ତାନାପେ ମେନ୍ତେ ଇନିଃକେ ଉଦୁବାଇପେ ।

୯ ଆପେ ସବେନ୍ କାଜିକ ମାନାଡ଼ିଙ୍କ ତାନାପେ ଚି କାହା, ଏନା ସାରି ନାଗେନ୍ତେ ଆଇଙ୍କ ଏନ୍ ଚିଟାଉ ଅଲ୍ୟାକାଦ୍ ତାଇକେନାଇଙ୍କ ।

୧୦ ଆପେ ଜେତାଏକକେପେ ଛାମାକରେଦ, ଆଇଙ୍କହିଁ ଇନ୍କୁକେ ଛାମାକଆଇଙ୍କ । ଆଇଙ୍କ ଜେତା କାଜି ନାଗେନ୍ତେଇଙ୍କ ଛାମାକରେଦ, ଏନା ଶ୍ରୀଷ୍ଟିଆଃ ସାମ୍ନାଙ୍କରେ ଆପେୟାଃ ହରାତେ ଛାମାଅଃଆ ।

୧୧ ସାଏତାନ୍ ଆବୁଆଃ ବିରୁଧ୍ରେ ଜେତାନ୍ କାମିରିକା ନାଗେନ୍ତେ ନେତା ଆଲକାଏ ନାମେକା, ଚିୟାଃଚି ଆବୁ ଇନିୟାଃ ସବେନ୍ କାମିତାୟାଃ ସାରିୟାଃବୁ ।

୧୨ ଆଇଙ୍କ ଶ୍ରୀଷ୍ଟିଆଃ ସୁକୁକାଜି ଉଦୁଦ୍ ନାଗେନ୍ତେ ତ୍ରୋୟାସ୍ତେ ସେଟେର୍ୟାନ୍ଲଃ, ନେ କାମି କାମି ନାଗେନ୍ତେ ପ୍ରାଭୁ ହରା ନିଜାକାଦାଏ ମେନ୍ତେ ଆଟ୍ଟକାରକେଦାଇଙ୍କ ।

୧୩ ମେନ୍ଦ ଆବୁଆଃ ହାଗା ତିତସ୍ତକେ ଏନ୍ତାଃରେ କା ନେଲ୍ଲକେଦ୍ତେ, ଆଇଙ୍କ ମନ୍ରେ କାଇଙ୍କ ସୁକୁୟାନା । ଏନାତେ ଏନ୍ତାଃରେନ୍ ହଡ଼କତାଃଏତେ ମାକିଦନିଆତେଇଙ୍କ ସେନଃୟାନା ।

ଶ୍ରୀଷ୍ଟି ହରାତେ ଜିନିତାଅ

୧୪ ପାର୍ମେଶ୍ୱାର୍ ଆଃ ଧାନଧାବାଦ୍ ହବାଅଃକା । ଚିୟାଃଚି ଇନିଃ ଯାଶୁ ଶ୍ରୀଷ୍ଟିଲଃ ମେସାକାନ୍ ହରାତେ ସବେନ୍ ଇମ୍ତା ଆବୁକେ ଜିନିତାଅ ହରାତେ ସୁତୁଃଇଦିୟାଃ । ଆତଃ ବୁଗିନ୍ ସହାନ୍ ଚାରିୟାସାଃତେ ପାସ୍ତରାଆ ଲେକା ଶ୍ରୀଷ୍ଟିଆଃ ସେଣାଁ ଏଟାଃକକେ ଏମ୍ ନାଗେନ୍ତେ ପାର୍ମେଶ୍ୱାର୍ ଆବୁକେ ବେଭାର୍ବୁ ତାନା ।

୧୫ ଚିୟାଃଚି ଆବୁ ଶ୍ରୀଷ୍ଟି ହରାତେ ପାର୍ମେଶ୍ୱାର୍ ଆଃ ନାଗେନ୍ତେ ଚାଭାଅକାନ୍ ବୁଗିନ୍ ସହାନ୍ ଲେକାନ୍କ ତାନ୍ବୁ । ଅକ୍ନାଃଚି ଅକନ୍କ ଜୀଉବାସ୍ତାଅକ ନାମେତାନା ଆତଃ ଅକନ୍କ ଜିୟନଃ ହରାରେକ ସେନ୍ତାନା, ଇନ୍କୁଆଃ ଆଲ୍ୟାରେ ପାସ୍ତରାଆ ତାନା ।

୧୬ ଗନଏଃ ହରାତେ ସେନଃତାନ୍ ହଡ଼କତାଃରେ ନେ ବୁଗିନ୍ ସହାନ୍ ଗନଏଃ ଲେକାନାଃ ତାନାଃ, ମେନ୍ଦ ଜୀଉବାସ୍ତାଅ ନାମାକାଦ୍ ହଡ଼କତାଃରେ ନେ ବୁଗିନ୍ ସହାନ୍ ଜୀଦାନ୍ ଏମାଃଏ । ମେନ୍ଦ ନେ କାମି ରିକାଏ ଲେକାନ୍ନିଃ ଅକଏ ତାନିଃ ?

୧୭ ପୁରାଃ ହଡ଼କ ଆପାନାଃ ପସାଆଃ ନାଗେନ୍ତେ ପାର୍ମେଶ୍ୱାର୍ ଆଃ ସୁକୁକାଜିକେକ ବେଭାର୍ତାନା । ଆଲେ ଇନ୍କୁ ଲେକା ନାହାଁଲ୍ୟାଲେ । ଆଲେକେ ପାର୍ମେଶ୍ୱାର୍ କୁଲ୍ୟାକାଦ୍ ହରାତେ ଆଲେ ପାତିୟାଃରଃ ଲେକା ଆୟାଃ କାଜିଲେ ମାନାଡ଼ିଙ୍କତାନା ଆତଃ ପାର୍ମେଶ୍ୱାର୍ ଆଃ ସାମ୍ନାଙ୍କରେ ଶ୍ରୀଷ୍ଟିଆଃ ଦାସି ଲେକାଲେ କାଜିତାନା ।

୩

ନାଝା ନିୟାମରେନ୍ ଦାସିକ

୧ ଆଲେ ଚିୟାଃ ଆପାନ୍କେ ମାରାଙ୍କ୍ସେନ୍ତାନ୍ ଲେକାଲେ ଆଟ୍ଟକାରଃତାନା ? ଚାଏ, ଏଟାଃକ ଲେକା ଆଲେ ଚିନାଃ ଆପେତାଃତେ ଚାଏ ଆପେତାଃଏତେ ପାରିଚାଏ ଅନଲ୍ ଚିଠିଲେ ଆସିତାନା ?

☆ ୨:୧୨ ପ୍ରେରିତ୍ ୨୦:୧.

୨ ଆପେଗି ଆଲେୟାଃ ପାରିତାଏ ଅନଲ୍ ଚିଠି ତାନ୍ପେ, ଆଲେୟାଃ ମନ୍ସୁରୁଦ୍ରେ ଅଲ୍ଲାନାନ୍ ଚିଠି ତାନ୍ପେ, ଅକ୍ନାଃକେଚି ସବେନ୍ ହଡ଼କ ସାରିତାନା ଆତଃ ପାଢ଼ାଅ ଦାଡ଼ିତାନା ।

୩ ନେ ପାରିତାଏ ଚିଠି ଶ୍ରୀଷ୍ଟ ଆଇଃକ୍ଚି ଅଲ୍ଲାନାଦା ଆତଃ ଆରୁଆଃ ସୁସାର୍ ହରାତେ ଏନା କୁଲଃତାନା । ନେଆଁ ଚାକାର୍ ଦିରିରେ ସିହାଇତେ କା ଅଲ୍ଲାନାନା, ମେନ୍ଦ୍ ଜାନିଦ୍ ପାର୍ମେଶ୍ୱାର୍ଆଃ ଆମ୍ବା ହରାତେ ମାନଃଖାରାଃ ମନ୍ସୁରୁଦ୍ରେ ଅଲ୍ଲାନାନା ।

୪ ଶ୍ରୀଷ୍ଟଆଃ ହରାତେ ପାର୍ମେଶ୍ୱାର୍ଆଃ ତେତାନ୍ରେ ଭାର୍ଯ୍ୟାକେଦ୍ରେ ଆଲେ ନେ ସବେନାଃଲେ କାଜିଦାଡ଼ିତାନା ।

୫ ଆଲେତାଃରେ ନେ ଲେକା କାଜି ଚାଏ କାମି ଦାଡ଼ିରେୟାଃ ପେଡ଼େଃ ମେନାଃ ମେନ୍ତେ ଆଲେ ଜେତାଲେକାତେ କାଜି କାଲେ ଦାଡ଼ିୟା, ଚିୟାଃଚି ଆଲେକେ କାଜିରେୟାଃ ପେଡ଼େଃ ପାର୍ମେଶ୍ୱାର୍ତାଃଏତେ ହିଜୁଃଆ ।

୬ ନାଃ଼ା ରାଜିନାମାକେ ଉଦୁବ୍ ନାଗେନ୍ତେ ପାର୍ମେଶ୍ୱାର୍ ଆରୁକେ ସୁସାର୍ରେ କାମି ଦାଡ଼ିୟାଃକ ଲେକାଏ ହବାକାଦ୍ବୁଆ । ନେ ନିୟାମ୍ ଅନଲ୍ରେୟାଃ ନାହାଁଲାଃ, ମେନ୍ଦ୍ ଆମ୍ବାତେ ବାୟାକାନା, ଚିୟାଃଚି ଅନଲ୍ ନିୟାମ୍ ଗନ୍ଏଃ ଆଉଃଖେୟାଏ, ମେନ୍ଦ୍ ଆମ୍ବା ଜୀଦାନ୍ ଏମାଃଏ ।

୭ ମୁଣା ନାବୀଆଃ ଆନ୍ତୁ ଦିରି ତେତାନ୍ରେ ଖଦାକାନ୍ ତାଇକେନା । ଏନାରେ ପାର୍ମେଶ୍ୱାର୍ଆଃ ସେଞ୍ଜାକାମିରେ ନେ'ଲେକା ମାନାରାଈ ଉଦୁବାକାନ୍ ତାଇକେନା । ଆତଃ ଏନ୍ ମାନାରାଈରେୟାଃ ମାର୍ଯ୍ୟାଲ୍ଲରାଃ ରାଁପ୍ ତେଜ୍ କା ତାଇକେନ୍ରେୟା, ଇସ୍ରାଏଲ୍ ହଡ଼କ ମାୟାଲ୍ସାଃତେ କାକ ନେଲ୍ ଦାଡ଼ିକେଦା । ଗନ୍ଏଃ ଆଉଃଖେତାନ୍ ଆନ୍ତୁ ନେ'ଲେକା ହବାଅଃତାନ୍ରେଦ୍,

୮ ପାବିତାର୍ ଆମ୍ବାରାଃ ସେଞ୍ଜାକାମିକ ଏନାଏତେ ଚିମିନ୍ ପୁରାଃ ଆଦ୍କା ମାନାରାଈରେ କା ହବାଅଃଆ ?

୯ ସାଜାଇ ନାମଃ ଆନ୍ତୁରାଃ ସେଞ୍ଜାକାମିରେ ନିମିନାଈ ମାନାରାଈ ହବାଅଃତାନ୍ରେଦ୍, ଜୀଉବାଞ୍ଚାଅ ଏମେତାନ୍ ନିୟାମ୍ ବାୟାକାନ୍ତେୟାଃରାଃ ସେଞ୍ଜାକାମିରେ ଚିମିନ୍ ପୁରାଃ ଆଦ୍କା ମାନାରାଈ କା ହବାଅଃଆ ?

୧୦ ଆରୁ କାଜି ଦାଡ଼ିୟାରୁ, ମାୟାଲ୍ରେୟାଃ ମିଆଁଦ୍ ମାନାରାଈ ହବାୟାନ୍ ହରାତେ, ସିଦା ଦିପିଲିରେ ତାଇକେନ୍ ମାନାରାଈ ନାହାଁଃ ବାନଃଆ ।

୧୧ ଚିୟାଃଚି ଘାଡ଼ିକାଦ୍ଗି ତାଇନଃ ବିଷାଏ ନିମିନାଈ ମାନାରାଈ ହବାଅଃତାନ୍ରେଦ୍, କା ଚୁଣ୍ଡୁ ବିଷାଏ ନେଆଁଏତେ ଚିମିନ୍ ପୁରାଃ ଆଦ୍କାତେ ମାନାରାଈ କା ହବାଅଃଆ ?

୧୨ ଆରୁଆଃ ଏନ୍ ଆସ୍ରା ମେନାଃ ଏନାମେନ୍ତେ ଆରୁ ଜୀଉରେ କେଟେଦ୍କେଦ୍ରେ ମେନାବୁଆ ।

୧୩ ଆରୁ ମୁଣା ନାବୀ ଲେକା ନାହାଁଲାରୁ । ଏନ୍ ମାୟାଲ୍ରେୟାଃ ରାଁପ୍ରାଃ ତେଜ୍ କାମ୍ଡିୟାଃତେୟାଃ ଇସ୍ରାଏଲ୍ ହଡ଼କ ଆଲକାକ ନେଲେକା ମେନ୍ତେ ଇନିଃ ଆୟାଃ ମତା ଦାପାଲ୍କାଦ୍ ତାଇକେନାଏ ।

୧୪ ସାର୍ଚି କାଜିଲେରେ, ଇନ୍କୁଆଃ ଆୟୁମ୍ରେୟାଃ ଆତଃ ମନ୍ରେ ଆର୍କାର୍ଉରୁମ୍ରେୟାଃ ପେଡ଼େଃ କା ତାଇକେନା । ନାହାଁଃହଗି ମାରି ରାଜିନାମା ପାଢ଼ାଅ ଇମତା ଇନ୍କୁଆଃ ମନ୍କ ଦାପାଲ୍ଲାନା । ଯୀଶୁ ଶ୍ରୀଷ୍ଟଲଃ ମେସାନ୍ ହରାତେ ଏସ୍କାର୍ ଏନ୍ ଦାପାଲ୍ଲାନାତେୟାଃ ଆତମଃଆ ।

୧୫ ନାହାଁଃହଗି, ଏନ୍ ମୁଣା ନାବୀଆଃ ଆନ୍ତୁକେ ପାଢ଼ାଅତାନ୍ ଇମତା ଇନ୍କୁଆଃ ମନ୍ରେ ନାହାଁଃ ଜାକେଦ୍ ଦାପାଲ୍ଲାନା ।

୧୬ ମେନ୍ଦ୍ ଏନ୍ ଦାପାଲ୍ଲାନାତେୟାଃ ହଗି ଆତମ୍ ଦାଡ଼ିୟାଃଆ । ଚିୟାଃଚି ଧାରାମ୍ପୁଥ୍ରେ ଅଲ୍ଲାନା, “ପ୍ରାଭୁସାଃତେ ହେତାରୁହାଡ଼୍ଲେରେ, ଏନ୍ ଦାପାଲ୍ଲାନାତେୟାଃ ଆତମଃଆ ।”

୧୭ ନାହାଁଃଦ୍, “ପ୍ରାଭୁ” ଆମ୍ବା ତାନିଃ । ଆତଃ ପ୍ରାଭୁଆଃ ଆମ୍ବା ତାଇନତାଃରେ, ତନଲ୍ ବାନଆଃ ।

୧୮ ଆରୁ ସବେନ୍କଆଃ କା ହାରୁବାକାନ୍ ମେଦ୍ମୁହାଁଡ଼୍ରେ ନାହାଁଃ ପ୍ରାଭୁଆଃ ମାନାରାଈ ଚାମ୍କାଅଃତାନା ଆତଃ ଏନ୍ ମାନାରାଈ ପ୍ରାଭୁତାଃଏତେ ହିଜୁଃତାନା, ଆତଃ ଆରୁ ପୁରାଃଚି ମାୟାଲ୍ତାନ୍ଲଃ ଆୟାଃ ରୁପ୍ ଲେକାରୁ ବାଦ୍ଲାଅଃତାନା । ଚିଆଃଚି ପ୍ରାଭୁଗି ଆମ୍ବା ତାନିଃ ଆତଃ ଆୟାଃ ହରାତେ ନେ ସବେନାଃ ହବାଅଃତାନା ।

୪

ହସା ଚାଚୁରେ ସିର୍ମାରେୟାଃ ଖୁଜ୍

୧ ପାର୍ମେଶ୍ୱାର୍ ଆୟାଃ ଦାୟାତେ ଆଲେକେ ନେ ସେଞ୍ଜାକାମି ଏମାକାଦ୍ଲେ ନାଗେନ୍ତେ ଆଲେ କାଲେ ହୁଡ଼ିଙ୍ଗ୍ଜୀଉକାନା ।

୨ ଆଲେ ଉକ୍ତୁଆକାନ୍ ଆତଃ ଗିହୁଗାନ୍ କାଜିକାମିକଲେ ବାଗିକେଦା । ଆଲେ କାଲେ ବେଦାତାନା ଚାଏ ପାର୍ମେଶ୍ୱାର୍ଆଃ ବାଚାନ୍କେ ବାଗିକେଦ୍ରେ ଏତାଃ ଲେକା ମୁଣ୍ଡି କାଲେ କାଜିତାନା । ମେନ୍ଦ୍ ପାର୍ମେଶ୍ୱାର୍ଆଃ ନେପେଲ୍ରେ ଆଲେ ସାନାର୍ଡିରେୟାଃ ପୁରା ମାୟାଲ୍ରେଲେ ସେସେନ୍ତାନା, ଆତଃ ହଡ଼କଆଃ ବିବେକ୍ ଆୟାର୍ରେ ଆଲେ ଆପାନ୍କେ ମାଇନ୍ ନାମଃ ନାଗେନ୍ତେଲେ ସାନାଙ୍ଗ୍ତାନା ।

୩ ଚିୟାଃଚି ଆଲେୟାଃ ହରାତେ ଉଦୁବାକାନ୍ ସୁକ୍ତକାଜି ଦାନାଙ୍ଗ୍ଆକାନ୍ରେଦ୍, ଏନା ଜିୟନଃତାନ୍ ହଡ଼କ ନାଗେନ୍ତେ ଏସ୍କାର୍ ଦାନାଙ୍ଗ୍ଆକାନା ।

୪ ଇନ୍ଦ୍ର କାକ ବିଶ୍ୱାସ ତାନା, ଚିନ୍ତାଠି ଇନ୍ଦ୍ରକୁଆଃ ମନ୍ଦକେ ନେ ଅତେଦିଶୁମ୍ବକେ ରାଇଜେତାନ ସାଏତାନ ନୁବାଃକାଦାଏ । ଖ୍ରୀଷ୍ଟ, ଅକଏଚି ପାର୍ମେଶ୍ୱାରଆଃ ମିଦସାମାନ ରୁପ୍ ତାନିଃ, ଇନିନ୍ଦ୍ରାଃ ମାନାରାଜ୍ ବିଷାଏରେ ସୁକୁକାଜିହେତେ ହିନ୍ଦ୍ରୁଃତାନ ମାସ୍ତାଲକେ ଇନ୍ଦ୍ରୁ ଆଲକାକ ନେଲେକା ମେନ୍ତେ ସାଏତାନ ନୁବାଃକାଦାଏ ।

୫ ଚିନ୍ତାଠି ଆଲେ ଆପାନ୍ଦକେଗି କାଲେ ଉଦୁବ୍ତାନା, ମେନ୍ଦ ଖ୍ରୀଷ୍ଟଗି ପ୍ରାଭୁ ତାନିଃ ମେନ୍ତେ ଆତଃ ଯୀଶୁଆଃ ନାଗେନ୍ତେ ଆଲେ ଆପାନ୍ଦକେ ଆପେୟାଃ ଦାସିକତାନ୍ଲେ ମେନ୍ତେଲେ ଉଦୁବ୍ତାନା ।

୬ ଚିନ୍ତାଠି ଅକନ୍ ପାର୍ମେଶ୍ୱାର୍, “ନୁବାଃଏତେ ମାର୍ସାଲ୍ ହବାଅଃକା” ମେନ୍ତେ କାଜିକାଦ୍ ତାଇକେନାଏ, ଏନ୍ ପାର୍ମେଶ୍ୱାରଗି, ଖ୍ରୀଷ୍ଟଆଃ ମେନ୍ଦମୁହାଁତ୍ରେ ମାସ୍ତାଲଃତାନ ପାର୍ମେଶ୍ୱାରଆଃ ମାନାରାଜ୍ ସେଣ୍ଟାରେୟାଃ ମାର୍ସାଲ୍ ଉଦୁବ୍ ନାଗେନ୍ତେ ଆଲେୟାଃ ମନ୍ସୁରୁଦ୍ରେ ମାସ୍ତାଲକେଦା ।

୭ ମେନ୍ଦ ନେ ପୁରାଃ ମାରାଜ୍ ପେଡ଼େଃ ପାର୍ମେଶ୍ୱାରଆଃ ତାନାଃ, ଆଲେୟାଃ ନାହାଁଲାଃ ନେଆଁ ଉଦୁବ୍ ନାଗେନ୍ତେ ଆଲେ ନେ ହାସାରେୟାଃ ତାଟୁ ଲେକାନ୍ଦକ ତାନ୍ଲେ, ଅକ୍ନାଃରେଚି ସିର୍ମାରେୟାଃ ଖୁଜ୍ ମେନାଃ ।

୮ ଆଲେ ସବେନ୍ ଲେକାନ୍ ଦୁକୁହାସୁଲେ ନାମାକାଦା, ଏନ୍ରେୟ କାଲେ ଉୟୁଗାକାନା । ମିସାମିସା ଆଡ଼ାଃଉଡ଼ୁଗୁଃ ତାଇକେନାଲେ, ଏନ୍ରେୟ କାଲେ ହୁଡ଼ିଜ୍ଜୀଉକାନା ।

୯ ପୁରାଃ ବାଇରିକ ମେନାକଆ, ଏନ୍ରେୟ ଆଲେ ଗାଡ଼ି ବାଜ୍ କ ଲେକା ଚିତଲାଅ କାଲେ ତାଇକାନା, ଆତଃ ସିଗିଦଃ ତାଇକେନାଲେ, ଏନ୍ରେୟ ଆଲେ କାଲେ ଜିୟନାକାନା ।

୧୦ ଯୀଶୁଆଃ ଜୀଦାନ୍ ଜେଲେକା ଆଲେତାଃରେ ଉଦୁବଃଆ, ଏନାମେନ୍ତେ ଆଲେ ସବେନ୍ ଇମ୍ତା ଆଲେୟାଃ ହଡ଼ମକରେ ଯୀଶୁଆଃ ଗନ୍ଏଃକେଲେ ଗଅଃକାଦା ।

୧୧ ଯୀଶୁଆଃ ଜୀଦାନ୍ରେ ଆଲେୟାଃ ଗନ୍ଏଃ ହଡ଼ମରେ ନେଲଃକା ମେନ୍ତେ ଆଲେୟାଃ ଜୀନିଦ୍ରେ ଯୀଶୁ ନାଗେନ୍ତେ ବରଝାନ୍ ଗନ୍ଏଃରେ ସବେନ୍ ଇମ୍ତା ମେନାଲେୟା ।

୧୨ ନେ ଲେକାତେ ଆଲେତାଃରେ ଗନ୍ଏଃ ଆତଃ ଆପେତାଃରେ ଜୀଦାନ୍ରେୟାଃ କାମି କାମିତାନା ।

୧୩ ଧାରାମ୍ପୁଅରେ ଅଲକାନା, “ଆଇଜ୍ ବିଶ୍ୱାସକାଦାଇଜ୍ ଏନାମେନ୍ତେଇଜ୍ କାଜିକାଦା ।” ଆଲେ ଏନ୍ ବିଶ୍ୱାସରେୟାଃ ଆମ୍ବା ନାମାକାଦ୍ ହରାତେ, ଆଲେୟା ବିଶ୍ୱାସକାଦାଲେ ଆତଃ କାଜିତାନାଲେ ।

୧୪ ଆଲେ ସାରିତାନାଲେ, ପାର୍ମେଶ୍ୱାର୍ ପ୍ରାଭୁ ଯୀଶୁକେ ଗନ୍ଏଃହେତେ ଜୀଉବିରିଦକିୟାଏ, ଏନ୍ ପାର୍ମେଶ୍ୱାରଗି ଯୀଶୁଲଃ ଆଲେକେୟା ଜୀଉବିରିଦଲେୟାଏ ଆତଃ ଆପେଲଃ ଆଲେକେ ଆୟାଃ ହେପାଦ୍ତେ ଇଦିଲେୟା ।

୧୫ ଆପେୟାଃ ରୁଗିନାଃ ନାଗେନ୍ତେ ନେ ସବେନାଃ ହବାଅଃତାନା । ପାର୍ମେଶ୍ୱାରଆଃ ସାୟାଦ୍ ଆତଃଗି ପୁରାଃତେ ହଡ଼କତାଃତେ ସେଟେରେ, ଆତଃଗି ପୁରାଃ ହଡ଼କ ପାର୍ମେଶ୍ୱାରଆଃ ମାନାରାଜ୍ ନାଜ୍ ଧାନ୍ୟାବାଦରେୟାଃ ବିକ୍ରିକ ବିକ୍ରିୟା ।

ବିଶ୍ୱାସତେ ଜୀନିଦ୍

୧୬ ଏନାମେନ୍ତେ ଆଲେ ଚିତଲାଅ କାଲେ ହୁଡ଼ିଜ୍ଜୀଉ କାନା । ଆଲେୟାଃ ନେଲଃତାନ ହଡ଼ମ ମାଡ଼ି ମାଡ଼ିତେ ଜିୟନଃ ତାନା, ମେନ୍ଦ ଆଲେୟାଃ ମନ୍ସୁରୁଦ୍ରେୟାଃ ଆମ୍ବା ଅକ୍ନାଃଚି ପାର୍ମେଶ୍ୱାରତାଃଏତେ ନାମାକାନା ଏନା ମୁସିଜ୍ ମୁସିଜ୍ତେ ନାଝାଇଦିୟାଃ ତାନା ।

୧୭ ଆତଃ ନେ କାଟିଃ ଲେକାନ୍ ଦୁକୁ ହାସୁ ଆଲେ ନାଗେନ୍ତେ କା ଜକାଃଅ ଜାନାଅରେୟାଃ ମାନାରାଜ୍ ଆଉଗାଲେ ତାନାଏ ।

୧୮ ଚିନ୍ତାଠି ଆଲେ ନେଲଃତାନ ବିଷାଏକକେ କା ନେଲ୍କେଦ୍ତେ, କା ନେଲଃତାନ ବିଷାଏକକେ ନେଲ୍ତାନାଲେ, ଚିନ୍ତାଠି ନେଲଃତାନ ବିଷାଏକ ହୁଡ଼ିଜ୍ ଦିପିଲିଗି ତାଇନାଃ, ମେନ୍ଦ କା ନେଲଃତାନ ବିଷାଏକ ଜାନାଅ ଜାନାଅଗି ତାଇନାଃ ।

୫

୧ ମେନ୍ଦ ଆଲେ ସାରିତାନାଲେ, ନେ ଅତେରେ ହଡ଼ମ ଲେକାନ୍ କୁମ୍ବାରେ ଆବୁ ନାହାଁଃ ତାଇନଃତାନାବୁ, ଏନା ଜିୟନଃରେଦ, ଆବୁକେ ପାର୍ମେଶ୍ୱାର୍ ସିର୍ମାରେ ମିଆଁଦ୍ ଜାନାଅଗି ତାଇନଃ ନାଗେନ୍ତେ ଅଡ଼ାଃ ଏନାବୁଆଏ । ଏନାଦ ହଡ଼ତେ କା ବାଇକାନା, ମେନ୍ଦ ପାର୍ମେଶ୍ୱାର୍ ଆଇଃକ୍ଚି ଏନାକେ ବାଇୟାକାଦା ।

୨ ଆତଃ ନେ ଅତେରେୟାଃ ଅଡ଼ାଃରେ ତାଇକ୍କେଦ୍ତେ ଆବୁ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଜ୍ଅଃ ନାଗେନ୍ତେ ଆବୁଆଃ ଇଝାସାନାଜ୍ ମେନାଃ ।

୩ ମେନ୍ଦ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଜ୍ଅଁରେଦ, ଆବୁ ସାମା ହଡ଼ମଗି କାବୁ ନେଲଆଃ ।

୪ ଆବୁ ନେ ସାଂସାରରେୟାଃ କୁମ୍ବାରେ ତାଇନଃତାନ ଇମ୍ତା ଲାଗାଉତାରଃତାନଲଃ ମନ୍ସୁରୁଦ୍ରେ ରାଆଃ ଗେରାଜ୍ ତାନାବୁ । ଆବୁ ସାଂସାରରେୟାଃ ହଡ଼ମକେ ବାଗି ନାଗେନ୍ତେ ସାନାଜ୍ ତାନାବୁ ଏନାଦ ନାହାଁଲାଃ, ମେନ୍ଦ ସିର୍ମାରେୟାଃ ଲିଜାଃ ତୁସିଜ୍ ହରାତେ ଆବୁଆଃ ନେ ସାଂସାରରେୟାଃ ହଡ଼ମ ଜେଲେକା କା ଗଜଃ ଜୀଦାନ୍ରେ ବାଦ୍ଲାଅଆ, ଏନା ଆଲେୟାଃ ସାନାଜ୍ତାନା ।

୫ ପାର୍ମ୍ଭେଶ୍ୱର ଆବୁକେ ନେ'ଲେକା ବାଦଲୀଅ ନାଗେନ୍ତେ ବାଇସେକାଡ଼ା କାଦ୍ରୁଆ । ଆଡ଼ଃ ଇନିଃ ଆୟାଃ ପାବିତାର୍ ଆମ୍ବାକେ କୁଲକିଃଦ୍ ହରାତେ ଆବୁରେ ତାଇନଃ ନାଙ୍ଗ୍ ଏମ୍ବିୟାଏ ।

୬ ଏନାମେନ୍ତେ ଆବୁ ସବେନ୍ ଇମ୍ବତା ଜୀଉରେ କେଟେଦ୍‌କେଦ୍‌ତେ ମେନାବୁଆ, ଆବୁ ସାରି ତାନାବୁ, ଚିମିନ୍ ଦିନ୍ ଜାକେଦ୍ ନେ ହଡ଼ମ୍‌ରେ ମେନାବୁଆ, ଇମିନ୍ ଦିନ୍ ଜାକେଦ୍ ପ୍ରାଭୁତାଃଏତେ ସାଙ୍ଗିନ୍‌ରେ ତାଇନକେଦ୍‌ତେ ଜୀଦାନ୍‌ବୁ ବିତାଅ ତାନା ।

୭ ଆବୁଆଃ ଜୀଦାନ୍ ନେନେଲ୍‌ତେଦ୍ କା ମେନ୍‌ଦ୍ ବିଶ୍ୱାସ୍ ତେତାନ୍‌ରେ ତିଙ୍ଗୁଆକାନା ।

୮ ଏନାମେନ୍ତେ ଆବୁ ଜୀଉରେ କେଟେଦ୍‌କେଦ୍‌ତେ, ଆଡ଼ଃ ନେ ହଡ଼ମ୍‌କେ ବାଗିକେଦ୍‌ତେ ପ୍ରାଭୁଲଃ ତାଇନଃ ନାଗେନ୍ତେ ଆବୁ ପୁରାଃଗିବୁ ସାନାଙ୍ଗ୍‌ତାନା ।

୯ ଏନାମେନ୍ତେ ଆବୁ ଆପ୍‌ନାଃ ଅଡ଼ାଃରେ ତାଇନଃ ଚାଏ ଏଟାଃ ଅଡ଼ାଃରେ ତାଇନଃ, ପାର୍ମ୍ଭେଶ୍ୱରକେ ସୁକୁଲ୍‌ତିତେୟାଃଗି ଆବୁଆଃ ପୁରାଃ ସାନାଙ୍ଗ୍‌ତାନା ।

୧୦ ଚିୟାଃଟି ଆବୁ ସବେନ୍‌କକେ ଆୟାଃ ହରାତେ ବିଚାର୍ ହବାଅଃ ନାଗେନ୍ତେ ସାର୍‌ତିଗି ଖ୍ରୀଷ୍ଟୁଆଃ ବିଚାର୍ ଠାୟାଦ୍‌ରେ ତିଙ୍ଗୁନ୍ ଲାଗାତିୟାଃ । ଇମ୍ବତା ବୁଗିନାଃ ହବାଅ ଚାଏ ଏଡ଼କାନାଃ ହବାଅଃ, ଆବୁ ସବେନ୍ ମିମିଆଦ୍ ହଡ଼କ ସାଂସାର୍‌ରେୟାଃ ହଡ଼ମ୍‌ରେ କାମିକାଦ୍ ଲେକାଗି ନାଲାବୁ ନାମେୟା ।

ଖ୍ରୀଷ୍ଟୁଆଃ ଦେଙ୍ଗାତେ ପାର୍ମ୍ଭେଶ୍ୱରଲଃ ଗାତି

୧୧ ପ୍ରାଭୁକେ ବର ରେୟାଃ ମୁଣ୍ଡି ଚିନାଃ ତାନାଃ, ଏନା ଆଲେ ସାରି କାଦାଲେ ଆଡ଼ଃ ଏନା ରିକା ନାଗେନ୍ତେ ଆଲେ ସବେନ୍‌କକେ ଆବୁପେତାନାଲେ । ପାର୍ମ୍ଭେଶ୍ୱର ଆବୁ ସବେନ୍‌କକେ ବୁଗିଲେକାଏ ସାରିୟା । ଆଇଙ୍ଗ୍ ଆସ୍ତା ତାନାଇଙ୍ଗ୍, ଆପେ ଆଇଙ୍ଗ୍‌କେ ବୁଗି ଲେକାପେ ସାରିୟା ।

୧୨ ଆଲେ ଆଡ଼ଃମିସା ଆପେୟାଃ ଆୟାର୍‌ରେ ଆଲେଗି ମାଲନ୍ ନାମେ ନାଗେନ୍ତେ କାଲେ ସାନାଙ୍ଗ୍‌ତାନା, ମେନ୍‌ଦ୍ ଅକନ୍‌କ ମନ୍ ଉତାର୍‌ରେୟାଃ ଚାଇଲ୍ ଚାଲାନ୍ କା ନେଲ୍‌କେଦ୍‌ତେ ହଡ଼କଆଃ ବାହାରି ରେୟାଃ ନେପେଲ୍ ନେଲ୍‌କେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା, ଇନ୍‌କୁକେ ଆପେ କାଜିରୁହାଡ୍ ଦାଡ଼ିୟାପେ । ଏନାମେନ୍ତେ ଆଲେୟାଃ ବିଷାଏରେ ଆପେ ଆପାନ୍‌କେ ମାରାଙ୍ଗ୍‌ୟେନ୍ ଉଡ଼ୁଗେ ନାଗେନ୍ତେ ଆପେକେ ନେତାଲେ ଏମାପେତାନା ।

୧୩ ଚିୟାଃ ଆଲେୟାଃ ମନ୍ ବାଲୁଅଃତାନା ? ତାବ୍‌ଦ୍ ପାର୍ମ୍ଭେଶ୍ୱର ନାଙ୍ଗ୍ ବାଲୁଅଃତାନା । ଚାଏ ଆଲେୟାଃ ମନ୍ ଆବର୍‌ରେ ମେନାଃରେଦ୍, ଏନା ଆପେୟାଃ ନାଗେନ୍ତେ ଆବର୍‌ରେ ମେନାଃ ।

୧୪ ଖ୍ରୀଷ୍ଟୁଆଃ ଦୁଲାଡ଼ତେ ଆବୁ ରାଇଜଃ ତାନାବୁ । ଏନାତେ ଆବୁ ନେଆଁ ଉହାଟ୍‌ତାନାବୁ ଯେ, ମିହୁଡ୍ ହଡ଼ ସବେନ୍ ହଡ଼କଆଃ ନାଗେନ୍ତେ ଗଜାକାନା, ଏନାତେ ସବେନ୍‌କ ଏନ୍ ଗନ୍‌ଏଃରେୟାଃ ହିସାବୁ ହବାକାନା ।

୧୫ ଇନିଃ ସବେନ୍‌କ ନାଗେନ୍ତେ ଗଜାକାନ୍ ହରାତେ ଅକନ୍‌କ ଜୀନିଦ୍ ମେନାକଆ, ଇନ୍‌କୁ ଆଡ଼ଃ ଆପ୍‌ନାଃ ଆପ୍‌ନାଃ ନାଗେନ୍ତେ କା ଜୀହୁଦ୍‌କେଦ୍‌ତେ, ଅକଏଟି ଆକଆଃ ନାଗେନ୍ତେ ଗଏଃୟାନା ଆଡ଼ଃ ଜୀଉବିରିଦ୍‌ୟାନା, ଇନିୟାଃ ନାଗେନ୍ତେକ ଜୀହୁଦ୍‌ଃଆ ।

୧୬ ଏନା ନାଗେନ୍ତେ ଆଲେ ହଡ଼ମ୍ ଲେକାତେ ବିଚାର୍, ଜେତାଏକେ କାଲେ ବିଚାର୍ ତାନା । ନେତା ତାଇକେନା ଆଲେ ଖ୍ରୀଷ୍ଟୁକେ ହଗି ହଡ଼କେ ବିଚାର୍ ତାନ୍ ଲେକାଲେ ବିଚାରି ତାଇକେନା । ମେନ୍‌ଦ୍ ନାହାଁଃ ଆଲେ ଏନ୍‌ଲେକା କାଲେ ରିକାତାନା ।

୧୭ ଜେତାଏ ହଡ଼ ଖ୍ରୀଷ୍ଟୁଲଃ ମେସାକାନ୍‌ରେ, ନାଞ୍ଜା ହଡ଼ ହବାଅଃଆଏ । ମାରିତେୟାଃ ଜିୟନ୍‌କେଦ୍‌ତେ ସବେନ୍ ନାଞ୍ଜା ବିଷାଏ ହବାଅଃଆଃ ।

୧୮ ଏନା ସବେନାଃ ପାର୍ମ୍ଭେଶ୍ୱରୁଆଃ କାମିତାନା । ସିଦା ଆବୁ ଇନିୟାଃ ବାଇରିବୁ ତାଇକେନା, ନାହାଁଃ ଇନିଃ ଖ୍ରୀଷ୍ଟୁ ହରାତେ ଆବୁକେ ଆୟାଃଲଃ ମେସାରୁହାଡ୍ କାଦ୍ରୁଆ ଆଡ଼ଃ ଆୟାଃଲଃ ଏଟାଃକକେ ମେସାରୁହାଡ୍ ନାଗେନ୍ତେ ଇନିଃ ଆବୁକେ ବାହାରମ୍ ଏମାକାଦ୍ରୁଆଏ ।

୧୯ ଏନାତେ ଆବୁଆଃ କାନାଜି ହବାଅଃତାନା, ପାର୍ମ୍ଭେଶ୍ୱର, ଖ୍ରୀଷ୍ଟୁଆଃ ହରାତେ ଅତେଦିଶ୍ୱମ୍‌ରେନ୍ ସବେନ୍ ହଡ଼କକେ ଆୟାଃଲଃ ମେସାରୁହାଡ୍ ନାଗେନ୍ତେ ହରା ବାଇୟାକାଦାଏ । ଆୟାଃ ବିରୁଧ୍‌ରେୟାଃ ସବେନ୍ ପାପ୍‌କ ଇନିଃ ଆୟାଃ ଗିନ୍‌ତିରେ କାଏ ଦହକାଦା । ଆଡ଼ଃ ଏନ୍ ମେସାରୁହାଡ୍ ରେୟାଃ ସୁକୁକାଜି ଉଦୁବ୍ ନାଗେନ୍ତେ ଆବୁକେ ବାହାରମ୍ ଏମାକାଦ୍ରୁଆଏ ।

୨୦ ଏନାତେ, ଆବୁ ଖ୍ରୀଷ୍ଟୁସାଃଏତେ ନେଆଁ କାଜିତାନାବୁ, ପାର୍ମ୍ଭେଶ୍ୱର ଆଇଃକ୍‌ଗି ଆବୁଆଃ ହରାତେ ନେ କେନେଡ଼ା ଏମାକାଦାଏ ମେନ୍ତେ ଆଟ୍‌କାର୍ ଲାଗାତିଙ୍ଗ୍‌ୟାଃ । ଖ୍ରୀଷ୍ଟୁସାଃତେ ଆଲେ ବିକ୍ତିପେ ତାନାଲେ, ପାର୍ମ୍ଭେଶ୍ୱରଲଃ ମେସାରୁହାଡ଼େନ୍‌ପେ,

୨୧ ଚିୟାଃଟି ଖ୍ରୀଷ୍ଟୁ, ବେଗାର୍ ପାପ୍‌ତେ ତାଇକେନ୍‌ରେୟା, ପାର୍ମ୍ଭେଶ୍ୱର ଇନିଃକେ ଆବୁଆଃ ପାପ୍‌ରେୟାଃ ହିସାଏ ବାଇକିୟା, ଜେ'ଲେକାଟି ଆବୁ ଆୟାଃଲଃ ମେସାକେଦ୍‌ତେ ପାର୍ମ୍ଭେଶ୍ୱରୁଆଃ ଧାର୍‌ମାନ୍‌ରେୟାଃ ହିସାବୁ ହବା ଦାଡ଼ିୟାଆ ।

☆ ୫:୧୦ ରୋମି ୧୪:୧୦.



୧ ପାର୍ମେଶ୍ଵରୀୟ ନାଗେନ୍ତେ ମିସାତେ କାମିତାନ୍ ହରାତେ ଆଲେ ଆପେକେ ବିକ୍ରିପେତାନାଲେ, ଆପେୟାଃ ଜୀଦାନ୍ରେ ପାର୍ମେଶ୍ଵରୀୟ ସାୟାଦ୍‌କେ ଆଲ୍‌ପେ ସାମାଏଶ୍ଵାଃଏୟା ।

୨ ଚିୟାଃଟି ଇନିଃ କାଜିୟାଃଏ, “ଆପେୟାଃ ନାଗେନ୍ତେ ଦାୟା ଉଦୁବ୍ ନାଜ୍ ଦିପିଲି ହିଜୁଃୟାନ୍ ଇମ୍‌ତା ଆଇଜ୍ ଆପେୟାଃ ବିକ୍ରିଇଜ୍ ଆୟୁମ୍‌କେଦା, ଜୀଉବାଞ୍ଚାଅ ହୁଲାଇରେ ଆଇଜ୍ ଆପେକେଇଜ୍ ଦେଙ୍ଗାକେଦ୍‌ପେୟା ।” ନେଲେପେ ! ନେଆଁ ହବାଅଃତାନା, ପାର୍ମେଶ୍ଵରୀୟ ଦାୟା ତେଲ୍‌ରେୟାଃ ନେତା । ତିସିଜ୍ ହବାଅଃତାନା ଜୀଉବାଞ୍ଚାଅଃରେୟାଃ ଦିପିଲି ।

୩ ଅକନ୍ ସେଞ୍ଜାକାମି ଆରୁ ନାମାକାଦାରୁ, ଏନାକେ ଜେତାଏ ଆଲକାକ ଚିଟାଏ, ମେନ୍ତେ ଆଲେ ଜେତାଏୟାଃ କାମିରେ କାଜିକଟଜ୍ ହବାଅଃ ନାଗେନ୍ତେ କାଲେ ସାନାଜ୍‌ତାନା ।

୪ ମେନ୍‌ଦ ସବେନ୍ ଲେକାନ୍ ନେତାରେ ଆଲେ ଆପାନ୍‌କେ ପାର୍ମେଶ୍ଵରୀୟ ଦାସି ଲେକାଲେ ଉଦୁବେନ୍‌ତାନା, ଆଲେ ସବେନ୍ ଲେକାନ୍ ଦୁକୁ, ହାସୁ, ସାଙ୍ଗାଟ୍‌ରେ ପୁରାଃ ଧିରାଜ୍‌ରେ ସାହାତିଜ୍ କାଦାଲେ ।

୫ ଆଲେ ଦାଲ୍‌ୟାନ୍‌ରେ, ଜେହେଲ୍‌ୟାନ୍‌ରେ, ହାଲ୍‌ଗୁଲ୍‌ଆଃତାନ୍‌ରେ, କେଟେଦ୍ କାମିରେ, ବେଗାର୍ ଦୁଡ୍‌ଦୁଡ୍‌ରେ, କାଟାବ୍‌ରେ,

୬ ଫାର୍‌ତିନ୍‌ରେ, ସେଣ୍‌ନ୍‌ରେ, ଧିରାଜ୍‌ରେ, ଦାୟାତେ, ଆଲେୟାଃ ସାର୍‌ତି ଦୁଲ୍‌ାଡ୍‌ରେ, ପାବିତାର୍ ଆମ୍‌ତେ,

୭ ଆଲେୟାଃ ସାର୍‌ତି ସୁକୁକାଜିତେ, ଆତଃ ପାର୍ମେଶ୍ଵରୀୟ ପେଡ୍‌ଃତେ ଆଲେ ଆପାନ୍‌କେ ପାର୍ମେଶ୍ଵରୀୟ ଦାସି ମେନ୍ତେଲେ ଉଦୁବେନ୍‌ତାନା । ବାଇରିକଆଃ ବିରୁଧ୍‌ରେ ଲାଡାଇ ନାଗେନ୍ତେ ଧାର୍‌ମାନ୍ ହବାଅଃତାନା ଆଲେୟାଃ ହାଁତେୟାର୍ ।

୮ ଆଲେ ମାଇନ୍ ନାମେ ଚାଏ ମାଇନ୍ କା ନାମେ, ଲାଦାଅଃତାନ୍ ଚାଏ ସାହାରାଅ ନାମେତାନ୍, ଆଲେକେ ହସଡ୍ ମେନ୍ତେ କାଜିଲେ ତାନାକ, ଏନ୍‌ରେୟ ଆଲେ ସାର୍‌ତି କାଜିତାନାଲେ ।

୯ ଆଲେ ସବେନ୍‌କଲଃ ନେଲ୍‌ଉରୁମ୍ କାନ୍‌ରେୟ, କାଲେ ନେଲ୍‌ଉରୁମ୍‌କାନ୍ ଲେକା ମେନାଲେୟା, ଜୀନିଦ୍ ମେନାଲେରେୟ, ଗଜାକାନ୍‌କ ଲେକା ମେନାଲେୟା । ଆଲେ ସାଜାଇ ନାମେତାନାଲେ, ମେନ୍‌ଦ କାଲେ ଜିୟନାକାନା ।

୧୦ ଆଲେ ହୁଡ୍‌ଜୀଉକାନ୍‌ରେୟ ସବେନ୍ ଇମ୍‌ତା ରାସ୍‌କାଗି ମେନାଲେୟା । ଆଲେ ନାରାଦୁରାଗିଲେ ନେଲଃତାନା, ମେନ୍‌ଦ ପୁରାଃ ହଡ୍‌କକେଲେ କିସାଁକାଦ୍‌କଆ । ଆଲେୟାଃ ଜେଡ୍‌ନାଃ ବାନଃଲେକା ଆଟ୍‌କାରଃ ତାନା, ମେନ୍‌ଦ ସାର୍‌ତିଗି ଆଲେ ସବେନାଃଲେ ଆକ୍‌ତେୟାର୍‌କାଦା ।

୧୧ କରିଷ୍ଣିରେନ୍ ଦୁଲ୍‌ାଡ୍ ଗାତିକ, ଆଲେ ବେଗାର୍ ବେଦାତେ ସବେନାଃଲେ କାଜିକାଦ୍‌ପେୟା, ଆଲେ ଆପେକେ ପୁରାଃଗିଲେ ଦୁଲ୍‌ାଡ୍‌ପେ ତାନା ।

୧୨ ଆପେ ନାଗେନ୍ତେ ଆଲେୟାଃ ଦୁଲ୍‌ାଡ୍ କା ଲାସୁର୍କାନା, ମେନ୍‌ଦ ଆପେୟାଃ ଦୁଲ୍‌ାଡ୍ ଲାସୁର୍କାନା ।

୧୩ ଆଇଁୟାଃ ହନ୍‌କକେ କାଜିକତାନ୍ ଲେକା ଆଇଜ୍ ଆପେକେଇଜ୍ କାଜିପେତାନା, ଆଲେ ଆପେକେ ଦୁଲ୍‌ାଡ୍‌ପେ ତାଇକେନ୍ ଲେକାଗି, ଆପେୟ ଆଲେକେ ଦୁଲ୍‌ାଡ୍‌ଲେପେ ।

ସାର୍‌ସାର୍ ହଡ୍‌କଲଃ ଆଲ୍‌ପେ ଜକାନାଃ

୧୪ ଅକନ୍‌କ ଶ୍ରୀଷ୍ଟକେ କାକ ବିଶ୍ଵାସ୍‌ତାନା, ଇନ୍‌କୁଲଃ ମିଦ୍‌ଜକାତେ କାମି ନାଗେନ୍ତେ ଆଲ୍‌ପେ ସାନାଜ୍‌ଆଁଃ । ନେ'ଲେକା ଚିଉଲ୍‌ାଅ କା ହବାଦାଡ୍‌ୟାଆ, ଚିୟାଃଟି ଧାର୍‌ମାନ୍ ଆତଃ କା ଧାର୍‌ମାନ୍‌କଲଃ ଚିକାନ୍ ସାଙ୍ଗାତି ? ମାର୍‌ସାଲ୍ ଆତଃ ନୁବାଃ ଚିଲ୍‌କାତେ ମିଦ୍‌ରେ ତାଇନା ?

୧୫ ଶ୍ରୀଷ୍ଟ ଆତଃ ସାଏତାନ୍ ଚିଲ୍‌କାତେ ମିଦେନାକିନ୍ ? କା ବିଶ୍ଵାସ୍ ତାନ୍‌ନିଃଲଃ ବିଶ୍ଵାସ୍‌ତାନ୍‌ନିଃ ଚିକାନ୍ ବିଷାଏରେ ମେସା ଦାଡ୍‌ନାଃ ?

୧୬ *ସାର୍‌ସାର୍‌କଆଃ ମୁରୁଡ୍‌କଲଃ ପାର୍ମେଶ୍ଵରୀୟ ମାଦିର୍ ଚିଲ୍‌କାତେ ମେସାଅଃଆ ? ଆବୁଦ ଜୀନିଦ୍ ପାର୍ମେଶ୍ଵରୀୟ ମାଦିର୍ ତାନ୍‌ରୁ, ଚିୟାଃଟି ପାର୍ମେଶ୍ଵର ଆଇଃକ୍‌ଗି କାଜିକାଦା, “ଆଇଜ୍ ଆଇଁୟାଃ ହଡ୍‌କଲଃ ତାଇନାଇଜ୍ ଆତଃ ଇନ୍‌କୁଆଃ ଆଲାର୍‌ଇଜ୍ ହନର୍ ବାଡ୍‌ଏୟା ଆତଃ ଆଇଜ୍ ଇନ୍‌କୁଆଃ ପାର୍ମେଶ୍ଵର ହବାଅଃଆଇଜ୍ ଆତଃ ଇନ୍‌କୁ ଆଇଁୟାଃ ଆପ୍‌ନାଃ ହଡ୍‌କ ହବାଅଃଆକ ।”

୧୭ ଏନାତେ ପ୍ରାଭୁ କାଜିୟାଃଏ, “ଇନ୍‌କୁକେ ବାଗିତାକପେ ଆତଃ ଇନ୍‌କୁତାଃଏତେ ଆତମେନ୍‌ପେ । ସଡ୍‌ରା ବିଷାଏଲଃ ନାତା ଆଲ୍‌ପେ ଦହ୍‌ଏଆ, ଏନାରେ ଆଇଜ୍ ଆପେକେଇଜ୍ ଦାରମ୍‌ପେୟା ।

୧୮ ଆଇଜ୍ ଆପେୟାଃ ଆପୁ ଆତଃ ଆପେ ଆଇଁୟାଃ କଡାହନ୍‌କ ଆତଃ କୁଡ୍‌ିହନ୍‌କ ହବାଅଃଆପେ, ପେଡ୍‌ୟାନ୍ ପ୍ରାଭୁ ନେଆଁଏ କାଜିତାନା ।”

☆ ୬:୫ ପ୍ରେରିଡ୍ ୧୭:୨୩. ☆ ୬:୧୭ ୧ କରିଷ୍ଣୟ ୩:୧୭; ୬:୧୯.



୧ ହେ ଦୁଲ୍ଲାଡ଼୍ ହାଗା ମିଶିକ, ନେ ସବେନ୍ ବାନାରସା ଆବୁ ପାର୍ମେଶ୍ୱାର୍ତାଃଏତେ ନାମାକାଦାବୁ । ଏନାତେ ଏଲା ହିନ୍ଦୁଃପେ, ହଡ଼ଫ ଆତଃ ଆମ୍ବାକେ ସଡ଼ରାଏତାନ୍ ସବେନ୍ ବିଷାଏତେ ଆପାନ୍କେ ଫାରିନ୍ଦିନ୍ଦେ । ଆତଃ ପାର୍ମେଶ୍ୱାର୍ତାକେ ବରଭାକ୍ତିତାନ୍ଲଃ ପୁରାଗି ପାବିତାର୍ତାକେଦତେ ତାଇନାବୁ ।

ପାଉଲୁସଆଃ ରାସକା

୨ ଆପେୟାଃ ମନ୍ସୁରୁଦ୍ରେ ଆଲେକେ ଠାୟାଦ୍ ଏମାଲେପେ । ଆଲେ ଜେତାଏୟାଃ ଏଡକାନ୍ କାଲେ ରିକା, ଜେତାଏୟାଃ କାଲେ ହାନିକାଦା, ଜେତାଏତାଃଏତେ ଜେଡନାଃ ନାମେ ନାଗେନ୍ତେ ବେଦାକେଦତେ କାଲେ ଆଉକାଦା ।

୩ ଆପେକେ ଚିଟାପେ ନାଗେନ୍ତେ ଆଇଙ୍ଗ୍ ନେ କାଜି କାଇଙ୍ଗ୍ କାଜିତାନା । ଆଇଙ୍ଗ୍ ସିଦାରେଇଙ୍ଗ୍ କାଜିକାଦା, ଆପେ ଆଲେୟାଃ ନିମିନାଙ୍ଗ୍ ଦୁଲ୍ଲାଡ଼୍କ ତାନ୍ଦେ ଯେ, ଆବୁ ଜୀନିଦ୍ ତାଇନଃ ଚାଏ ଗଜଃ, ଆବୁ ସବେନ୍ ଇମ୍ତା ମିଦ୍ତାଃରେ ମେନାବୁଆ ।

୪ ଆପେତାଃରେ ଆଇଁୟାଃ ପୁରାଃ ବିଶ୍ୱାସ୍ମେନା । ଆପେୟାଃ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ୟେନ୍ଦେୟାଃ ହଗି ପୁରାଃଗିଆ । ଦୁକୁହାସୁରେ ଆଇଙ୍ଗ୍ ପୁରାଃଗି ଜୀଉରାଡ଼େଃ ନାମ୍ବକେଦତେ ରାସକାତେଇଙ୍ଗ୍ ପେରେଜାକାନା ।

୫ *ମାକିଦନିଆତେ ସେଟେରକେଦତେହ୍ ଆଲେୟାଃ ହଡ଼ଫ କା ରୁଡ଼ୟାନା । ହଡ଼କଲଃ ସବେନ୍ତାଃରେ କା ବାପାଇ ଆତଃ ଏପେଗେର୍ ହବାଅଃ ତାଇକେନା, ଏନାତେ ଆଲେୟାଃ ମନ୍ସୁରୁଦ୍ରେ ବର ତାଇକେନା ।

୬ ମେନ୍ଦ ହୁଡିଙ୍ଗ୍ଜୀଉକାନ୍କକେ ଜୀଉରାଡ଼େଃ ଏମାକତାନ୍ ପାର୍ମେଶ୍ୱାର୍ ତିତସ୍ତକେ ଆଲେତାଃତେ କୁଲ୍କେଦତେ ଜୀଉରାଡ଼େଃ ଏମାକାଦ୍ଲେୟାଏ ।

୭ ଇନିୟାଃ ହିନିନ୍ଦୁଃ ହରାତେ ଏସକାର୍ କାହା, ମେନ୍ଦ ଇନିଃ ଆପେତାଃତେ ସେନ୍କେଦତେ ଅକନ୍ ଜୀଉରାଡ଼େଃ ନାମାକାଦାଃଏ, ଏନା ହରାତେ ଆଲେ ରାସକାଅଃ ତାନାଲେ । ଆଇଙ୍ଗ୍କେ ନେନେଲ୍ ନାଗେନ୍ତେ ଆପେୟାଃ ଚିମିନ୍ ଇଛାସାନାଙ୍ଗ୍, ଆଇଁୟାଃ ନାଗେନ୍ତେ ଆପେୟାଃ ଚିମିନ୍ ଦୁକୁ, ଆଇଁୟାଃସାଃରେ ଜେଡନାଃ କାଜି ନାଗେନ୍ତେ ଆପେ ଚିମିନ୍ ଚିହ୍ଲୁଲ୍ଲାନଗି ମେନାପେୟା, ନେ ସବେନ୍ ବିଷାଏ ଇନିଃ ଆଇଙ୍ଗ୍କେ ଉଦୁବକାଦିୟାଃ । ଏନାତେ ଆଇଙ୍ଗ୍ ପୁରାଃଗିଇଙ୍ଗ୍ ରାସିକା କାନା ।

୮ ଆଇଁୟାଃ ଚିଠି ପାଢ଼ାଅକେଦତେ ଆପେ ହୁଡିଙ୍ଗ୍ଜୀଉକାନ୍ରେୟ, ଏନ୍ ଚିଠି ଅଲ୍ଲାକାଦ୍ ହରାତେ ଆଇଁୟାଃ ମନ୍ରେ ଜେତାନ୍ ଦୁକୁ ବାନଃଆ । ନେ ଚିଠି ଆପେକେ ଘାଡ଼ିକାଦ୍ ନାଙ୍ଗ୍ ହୁଡିଙ୍ଗ୍ଜୀଉକାଦ୍ପେ ନାଗେନ୍ତେ ଆଇଙ୍ଗ୍ ଦୁକୁକାନ୍ତେୟାଃଇଙ୍ଗ୍ ।

୯ ମେନ୍ଦ ଆପେୟାଃ ମନ୍ରେ ଦୁକୁ ଏମାକାଦ୍ପେ ହରାତେ କାହାଗି, ମେନ୍ଦ ନେ ଦୁକୁ ଆପେୟାଃ ଜୀଦାନ୍ରେୟାଃ ସେନ୍ହରା ବାଦ୍ଲାଅକାଦ୍ ହରାତେ ନାହାଃ ଆଇଙ୍ଗ୍ ରାସକାଅଃ ତାନାଲେ । ପାର୍ମେଶ୍ୱାର୍ଆଃ ମନେ ଲେକାତେ ଆପେ ନେ ଦୁକୁ ସାହାଡିଙ୍ଗ୍କାଦାପେ । ଏନାତେ ଆଲେୟାଃ ହରାତେ ଆପେ ଜେତାଲେକାତେ କାପେ ହାନିକାନା ।

୧୦ ଚିୟାଃଗି ନେ ଲେକାନ୍ ଦୁକୁ ପାର୍ମେଶ୍ୱାର୍ଆଃ ହରାତେ ବେଭାର୍ତାକେଦତେ ମନ୍ସୁରୁଦ୍ ନେ'ଲେକା ବାଦ୍ଲାଅଃରେଦ୍ ଜୀଉବାଞ୍ଚାଅ ନାମଃଆ । ନେଆଁରେ ହୁଡିଙ୍ଗ୍ଜୀଉଃରେୟାଃ ଜେଡନାଃ ବାନଃଆ । ମେନ୍ଦ ସାଂସାର୍ରେୟାଃ ଦୁକୁରେ ଏସକାର୍ ଗନଏଃ ହବାଅଃଆ ।

୧୧ ନେଲେପେ, ପାର୍ମେଶ୍ୱାର୍ଆଃ ଇଛାସାନାଙ୍ଗ୍ ଲେକାତେ ଆପେ ଅକନ୍ ଦୁକୁପେ ନାମାକାଦା, ଏନା ଆପେତାଃରେ ଚିମିନ୍ ରାସକା, ଚିମିନ୍ ବର, ଚିମିନ୍ ଚିହ୍ଲୁଟ୍, ଆମ୍ବା ସୁଧରାଅ ନାଙ୍ଗ୍ ଚିମିନ୍ ଉନ୍ନୁଦୁବ୍, ଏଡକାନ୍ ହଡ଼କକେ ସାଜାଇ ଏମ୍ ନାଙ୍ଗ୍ ଚିମିନ୍ ଚିହ୍ଲୁଲ୍ଲାନ କାଜିକ ହବାକାନା । ନେ ସବେନ୍ ବିଷାଏରେ ଆପେ ବେଗାର୍ ଚିଟାକାନ୍ ଲେକାପେ ଉଦୁବାକାନା ।

୧୨ ଆପେକଏତେ ଜେତାଏ ଏଡକାନ୍ କାମିକାଦାଏ ଚାଏ ଏଡକାନ୍ ସାହାଡିଙ୍ଗ୍କାଦାଏ, ଇନିୟାଃ ନାଗେନ୍ତେ ଆଇଙ୍ଗ୍ ଏନ୍ ଚିଠି କାଇଙ୍ଗ୍ ଅଲ୍ଲାକାଦା । ମେନ୍ଦ ପାର୍ମେଶ୍ୱାର୍ଆଃ ନେପେଲ୍ରେ ଆଲେ ନାଙ୍ଗ୍ ଆପେୟାଃ ଭାକ୍ତି ଚିମିନ୍ ଇକିରା ଆତଃ

୧୩ ଏନା ନାଙ୍ଗ୍ ଆଲେ ଚିମିନ୍ ଜୀଉରାଡ଼େଃ ନାମାକାଦାଲେ । ଏନା ଉଦୁବ୍ ନାଗେନ୍ତେ ଆଇଙ୍ଗ୍ ଏନ୍ ଚିଟାଉ ଅଲ୍ଲାକାଦାଲେ । ଆଲେ ଜୀଉରାଡ଼େଃ ଏସକାର୍ କାଲେ ନାମାକାଦା, ମେନ୍ଦ ଆପେ ତିତସ୍ତକେ ସବେନ୍ ଲେକାତେ ଦେଙ୍ଗାତାନ୍ଲଃ ଚିଲ୍କା ରାସକା କାଇଜାପେ, ଏନା ଆଲେକେ ପୁରାଃଗି ରାସକାଲେତାନା ।

୧୪ ଆୟାଃ ଆୟାର୍ରେ ଆପେ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିତାନା । ଆତଃ ଆପେ ଆଇଙ୍ଗ୍କେ କାପେ ହୁଡିଙ୍ଗ୍ଜୀଉକାଦିୟା । ଆଲେ ସବେନ୍ ଇମ୍ତା ଆପେତାଃରେ ସାର୍ତ୍ତିଗିଲେ କାଜିକାଦା, ଏନ୍ଲେକାଗି ତିତସ୍ତାଃ ସାମ୍ନାଙ୍ଗ୍ରେ ଆଲେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ ସାର୍ତ୍ତି ତାନାଃ ।

୧୫ ଚିଲ୍କା ଆପେ ସବେନ୍କ ଇନିୟାଃ କାଜିକ ମାନାତିଙ୍ଗ୍ ନାଙ୍ଗ୍ ସେକାଡ଼କାନ୍ ତାଇକେନାପେ ଆତଃ ବରତାନ୍, ଏକ୍ଲାଅଃତାନ୍ଲଃ ଇନିଃକେ ଦାରମ୍ବିୟାପେ, ନେ କାଜିକ ପାହାମ୍ବକେଦତେ ଆପେ ନାଗେନ୍ତେ ଆୟାଃ ଦୁଲ୍ଲାଡ଼୍ ଆତଃଗି ହାରାଇଦିୟାତାନା ।

୧୬ ଆତଃ ଆଇଙ୍ଗ୍ ସବେନ୍ ବିଷାଏରେ ଆପେତାଃରେ ପୁରାଃଗିଙ୍ଗ୍ ବିଶ୍ୱାସ୍ ଦାଡ଼ିୟା, ଏନାମେନ୍ତେଇଙ୍ଗ୍ ରାସକାଅଃତାନା ।

☆ ୭:୫ ୨ କରନ୍ଧିୟ ୭:୧୩.

୮

ଶ୍ରୀକ୍ଷିୟାନ୍‌କଥାଃ ଏମଃ

୧୧ ହେ ହାଗା ମିଶିକ, ମାକିଦନିଆରେୟାଃ କାଲିସିୟାକରେ ଚିଲ୍‌କା ପାର୍ମେଶ୍ୱାର୍‌ଆଃ ସାୟାଦ୍ ନାମାକାଦାକ, ଏନା ଆପେକେ ଉଦୁବ୍ ନାଗେନ୍ତେ ସାନାଙ୍ଗ୍‌ତାନାଲେ ।

୧୨ ଇନ୍‌କୁ ପୁରାଃ ଦୁକୁତେ ପୁରାଃଗିକ ବିଡ଼ାଅୟାନା । ଇନ୍‌କୁ ପୁରାଃଗି ନାରାଦୁରାକ ତାଇକେନ୍‌ରେୟ, ଆକଥାଃ ଏମଃରେ, ଚିମିୟାଙ୍ଗ୍ ଏମ୍‌ରେୟାଃ କାଜି ଏନାଏତେ ଆଦ୍‌କା ସୁକୁମନ୍‌ତେକ ଏମ୍‌କେଦା ।

୧୩ ଆଇଙ୍ଗ୍ ସାର୍‌ତିଗି ଗାଞ୍ଜା ଏମ୍‌ତାନାଇଙ୍ଗ୍, ଇନ୍‌କୁ ଆକଥାଃ ଇଛାସାନାଙ୍ଗ୍ ଲେକାତେ ଚିମିନାଙ୍ଗ୍ ଏମ୍ ଦାଡ଼ିରେୟାଃ ପେଡ଼େଃ ମେନାଃ ଇମ୍‌ନାଙ୍ଗ୍ ଏମ୍‌କେଦାକ ଆତଃ ଏନାଏତେ ଆଦ୍‌କାହିଁ ଏମ୍‌କେଦାକ ।

୧୪ ଯିହୁଦାରେ ତାଇନ୍‌ତାନ୍ ପାର୍ମେଶ୍ୱାର୍‌ଆଃ ହଡ଼କକେ ଦେଙ୍ଗାକ ନାଗେନ୍ତେ ଇନ୍‌କୁକେ ସୁୟୋଗ୍ ନାମଃକା ମେନ୍ତେ ଇନ୍‌କୁ ଆଲେକେ ବିକ୍ରିକାଦଲେ ତାଇକେନାକ ।

୧୫ ଇନ୍‌କୁତାଃଏତେ ଆଲେ ଇମ୍‌ନାଙ୍ଗ୍ କାଲେ ଆସ୍ରାକାଦ୍ ତାଇକେନା । ସିଦାତେ ଇନ୍‌କୁ ଆପାନ୍ ଆପାନ୍‌କେ ପ୍ରାଭୁତାଃରେକ ଜିମାକାନ୍ ତାଇକେନା ଆତଃ ତାୟମ୍‌ତେ ପାର୍ମେଶ୍ୱାର୍‌ଆଃ ଇଛା ଲେକାତେ ଆପାନ୍ ଆପାନ୍‌କେ ଆଲେୟାଃ ନାଗେନ୍ତେକ ଜିମାୟାନା ।

୧୬ ତିତସାଃ ଦେଙ୍ଗାତେ ନେ ସାୟାଦ୍‌ରାଃ କାମି ଏଟେଦ୍‌କାନ୍ ତାଇକେନା । ନେ କାମି କାମିଇଦିୟଃକା ଆତଃ ନେ ଦୁଲ୍ଲାଡ଼ରେୟାଃ ସେଞ୍ଜାକାମିରେ ତିତସ୍ ଆପେକେ ଦେଙ୍ଗାପେକା ମେନ୍ତେ ଆଲେ ତିତସ୍‌କେ ବିକ୍ରିକାଇ ତାଇକେନାଲେ ।

୧୭ ମେନ୍‌ଦ୍ ଆପେ ସବେନ୍ ବିଷାଏରେ କିସାଁଶକାନାପେ, ବିଶ୍ୱାସ୍‌ରେ, ଜାଗାର୍‌ରେ ପକ୍ତା, ସେଣ୍‌ନରେ, ଦେଙ୍ଗାରେ ଚିହୁଲ୍ଲାକାନାପେ, ଆତଃ ଆଲେ ନାଗେନ୍ତେ ଆପେୟାଃ ଦୁଲ୍ଲାଡ଼୍ ପୁରାଃତେ ଉଦୁବ୍‌କାଦାପେ । ଏନ୍ତେ ନେ ସାୟାଦ୍‌ରେୟାଃ ସେଞ୍ଜାକାମିରେୟ ଦାନ୍ ଏମ୍‌କେଦ୍‌ତେ ଦୁଲ୍ଲାଡ଼୍‌ରେୟାଃ ପାରିଚାଏ ଏମେପେ, ଏନା ଆଇଁୟାଃ ସାନାଙ୍ଗ୍‌ତାନାଃ ।

୧୮ ଆଇଙ୍ଗ୍ ଆପେକେ ହୁକୁମ୍ ଏମ୍‌ତାନ୍ ଲେକା କାଇଙ୍ଗ୍ କାଜିତାନା, ମେନ୍‌ଦ୍ ସେଞ୍ଜାକାମିରେ ଏଟାଃକଥାଃ ଇଛାସାନାଙ୍ଗ୍‌ରେୟାଃ ନାମୁନା ଏମ୍‌କେଦ୍‌ତେ ଆପେୟାଃ ଦୁଲ୍ଲାଡ଼୍‌ରେୟାଃ ସାର୍‌ତିତେୟାଃ ଆବ୍‌କାର୍‌ଉରୁମ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା ।

୧୯ ଆପେ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟିଆଃ ସାୟାଦ୍‌କେପେ ସାରିତାନା । ଆପେକେ କିସାଁଶ୍ ବାଇପେ ନାଗେନ୍ତେ, ଇନିଃ କିସାଁଶ୍ ତାଇକେନ୍‌ରେୟ, ଆପେୟାଃ ନାଗେନ୍ତେ ଆଇଃକ୍‌ଗି ନାରାଦୁରାୟାନା ।

୨୦ ନେ ବିଷାଏରେ ଆଇଁୟାଃ ବିଚାର୍ ହବାଅଃତାନା, ସେନଃୟାନ୍ ସିମ୍‌ନା ଆପେ ଅକ୍‌ନାଃ ଏଟେଦ୍‌କାଦ୍ ତାଇକେନାପେ, ଏନା ନାହିଁଃ ଟୁଣ୍ଡୁ ଚିକା ନାଗେନ୍ତେ ଆପେକେ ଲାଗାଡ଼ିଙ୍ଗ୍‌ୟାଃ । କାମି ରିକାରେ ଏସ୍‌କାର୍ କାହାଗି, ମେନ୍‌ଦ୍ ଏନ୍ କାମି ରିକା ନାଗେନ୍ତେ ସାନାଙ୍ଗ୍‌ତେୟାଃରେ ଆପେ ହବାଅଃତାନାପେ ପାହିଲା ।

୨୧ ଏନାତେ କାମି ରିକାଇଦିକାତେପେ ଆତଃ ଆପେୟାଃ ନେତାଲେକା ଏନ୍ କାମିକେ ଚାବାଏପେ । ଉହାଟାନ୍ ତାଇକେନ୍ ଇମ୍‌ତା ଆପେୟାଃ ଅକ୍‌ନ୍ ଇଛାସାନାଙ୍ଗ୍ ତାଇକେନା, ଏନ୍ ଲେକାଗି କାମି ଚାବାଏ ଜାକେଦ୍ କାମିକାତେପେ ।

୨୨ ଏମ୍ ନାଗେନ୍ତେ ଇଛାସାନାଙ୍ଗ୍ ମେନାଃରେଦ୍, ଆପେ ଅକ୍‌ନାଃ ଏମ୍ ନାଗେନ୍ତେ ଦାଡ଼ିୟାପେ, ଏନାକେ ପାର୍ମେଶ୍ୱାର୍‌ ତେଲ୍‌ଏୟାଏ । ଆପେତାଃରେ ମେନାତେୟାଃଏତେ ଆଦ୍‌କା ଏମେପେ ମେନ୍ତେ ପାର୍ମେଶ୍ୱାର୍ କାଏ ସାନାଙ୍ଗ୍‌ଆଃ ।

୨୩ ଆପେୟାଃ ଚେତାନ୍‌ରେ ବାହାରମ୍ ଲାଦିକେଦ୍‌ତେ, ଏଟାଃକ ସୁକୁ ନାମେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା ।

୨୪ ମେନ୍‌ଦ୍ ନାହିଁଃ ଆପେୟାଃ ପୁରାଃଗି ମେନାଃ ହରାତେ, ଜାଞ୍ଜିଆକାନ୍ ହଡ଼କକେ ଆପେକେ ଦେଙ୍ଗା ଲାଗାଡ଼ିଙ୍ଗ୍‌ୟାଃ । ନେତା ସେଟେରା, ଆପେ ଜାଞ୍ଜିଆକାନ୍ ତାଇନଃ ଇମ୍‌ତା, ଇନ୍‌କୁତାଃରେ ପୁରାଃଗି ତାଇନଃରେ ଆପେୟାଃ ଲାଗାଡ଼ିଙ୍ଗ୍‌ତେୟାଃ ପୁରାଏ ନାଗେନ୍ତେକ ଦେଙ୍ଗାପେୟା । ନେ ଲେକାତେ ଆପେ, ଆପେୟାଃ ଆଲାରେ ମିଦ୍‌ଜକାଗି ଦେଙ୍ଗା ହବାଅଃଆ ।

୨୫ ଧାରାମ୍‌ପୁଅରେ ଅଲ୍ଲାକାନା, “ଜେତାଏ ପୁରାଃଗି ହୁଣ୍ଡିକେଦା, ଇନିୟାଃ କା ବାଚାଅୟାନା, ଆତଃ ଜେତାଏ କାଟିଃଗି ହୁଣ୍ଡିକେଦା, ଇନିୟାଃ କା ଜାଞ୍ଜିୟାନା ।”

ତିତସ୍ ଆତଃ ଆୟାଃ ଗାତିରେ କାମିତାନ୍‌କ

୨୬ ପାର୍ମେଶ୍ୱାର୍‌ଆଃ ଧାନାବାଦ୍ ହବାଅଃକା, ଚିୟାଃଗି ଆବୁଆଃ ଲେକା ତିତସ୍‌ଆଃ ମନ୍‌ସୁରୁଦ୍‌ରେ ହଗି ଆପେକେ ଦେଙ୍ଗା ନାଗେନ୍ତେ ଇଛାସାନାଙ୍ଗ୍ ହବାକାନା ।

୨୭ ଇନିଃ ଆଲେୟାଃ ବିକ୍ରିକେ ଏସ୍‌କାର୍ ଦାରମ୍‌କେଦାଏ ମେନ୍ତେଦ୍ କାହାଗି, ମେନ୍‌ଦ୍ ଆପେକେ ଦେଙ୍ଗାପେ ନାଗେନ୍ତେ ନିମିନାଙ୍ଗ୍ ଇଛାସାନାଙ୍ଗ୍ କେଦାଏ ଯେ, ଇନିଃ ଆଇଃକ୍‌ଗି ଆପେତାଃତେ ସେନ୍ ନାଗେନ୍ତେ ମନେକେଦାଏ ।

୨୮ ଆଲେ ଆୟାଃଲଃ ଆତଃମିଆଁଦ୍ ହାଗାକେଲେ କୁଲିତାନା । ଇନିଃ ସୁକୁକାଜି ଉଦୁବ୍‌ରେ ସବେନ୍ କାଲିସିୟାରେ ପୁରାଃଗି ମାଇନ୍ ନାମାକାଦାଏ ।

☆ ୮:୧ ରୋମି ୧୫:୨୭.

୧୯ ଏନା ଏସକାର୍ କାହାଗି, ଇନିଃ ହଗି ଆବୁଆଃ ସୁନୁସାର୍ ହରାତେ ହବାକାନ୍ ନେ ପ୍ରାଭୁଆଃ ମାନାରାଜ୍ ଆତଃ ଆଲେୟାଃ ଜହାର୍ ଉଦୁବ୍ ନାଗେନ୍ତେ ଅକନ୍ ସାୟାଦ୍ରେୟାଃ କାମି ଆଲେ ନାମାକାଦାଲେ, ଏନାରେ ଆଲେଲଃ ହରାସେନ୍ ନାଗେନ୍ତେ କାଲିସିୟା ଇନିଃକେ ସାଲାକାଇଜା ।

୨୦ ଲେବେଃ ମନ୍ତେ ଏମାକାନ୍ ନେ ସୁନୁସାର୍ରେୟାଃ ବାର୍ଦାନକେ ଆଲେ ପୁରାଃ ଚିର୍ଗାଲ୍ତେ ବାଉରାଅ ତାନାଲେ, ଜେ'ଲେକାଟି ଜେତାଏ ଆଲେକେ କାକ ଚିଟା ଦାଡ଼ିୟା ।

୨୧ ଚିୟାଃଟି ଆଲେ ପ୍ରାଭୁଆଃ ସାମ୍ନାଜ୍ରେ ଏସକାର୍ କାହାଗି ମେନ୍ଦ ହଡକଆଃ ସାମ୍ନାଜ୍ରେହ ବୁଗିନାଃଲେ ଉଡ଼ୁତାନା ।

୨୨ ଏନାତେ ଆଲେ ଇନ୍କୁଲଃ ଆଲେୟାଃ ହାଗାକେଲେ କୁଲିତାନା । ଆଲେ ଇନିଃକେ ପୁରାଃଟି ବିଡାଅକେଦ୍ତେ ଇନିଃକେ ପାଡିୟାର୍ରେଃ ଲେକାଲେ ନାମ୍କିୟା । ଆପେୟାଃ ତେତାନ୍ରେ ଆୟାଃ ପୁରାଃ ଆସ୍ତା ତାଇନ୍ ହରାତେ, ଇନିଃ ଆପେକେ ଦେକ୍ମାପେ ନାଗେନ୍ତେ ପୁରାଃଟି ମନେକାଦା ।

୨୩ ତିତସ୍ଆଃ ପାରିଟାଏ ନେଆଁତାନାଃ, ଇନିଃ ଆଇଁୟାଃ ଗାତିରେ କାମିତାନ୍ନିଃ ତାନିଃ ଆତଃ ଆପେକେ ଦେକ୍ମାରେ ଆଇଁୟାଃଲଃ ମେସାକାନ୍ନିଃ ତାନିଃ । ଆତଃ ଆଇଁୟାଃଲଃ ସେନ୍ତାନ୍ ଏଟାଃ ବିଶ୍ୱାସୀ ହାଗାକ ହବାଅଃତାନାକ : କାଲିସିୟା ହରାତେ କୁଲାଇନକ ଆତଃ ଶ୍ରୀଷ୍ଟାଆଃ ମାନାରାଜ୍ ଆଉଝେ ଲେକାନ୍ନକ ତାନ୍ନକ ।

୨୪ ଏନାମେନ୍ତେ, ଇନ୍କୁକେ ଆପେୟାଃ ଦୁଲାଇଡ୍ ଉଦୁବ୍କପେ । ଏନାରେ ସବେନ୍ କାଲିସିୟାକ ନେ ବିଷାଏରେ ଠାଉକା ହବାଅଃଆ ଆତଃ ଆପେ ନାଗେନ୍ତେ ଆଲେ ଆପାନ୍ନକେ ମାରାଜ୍ ମେନ୍ତେ କାଜିନ୍ତାନ୍ତେୟାଃ ସାର୍ତି ମେନ୍ତେକ ଆଟ୍କାର୍ ଦାଡ଼ିୟା ।



ଏଟାଃ କାଲିସିୟାରେନ୍ ବିଶ୍ୱାସୀକ ନାଗେନ୍ତେ ଦେକ୍ମା

୧ ଯିହୁଦାରେ ତାଇନ୍ତାନ୍ ପାର୍ମେଶ୍ୱାର୍ଆଃ ହଡକତାଃତେ ଦେକ୍ମା କୁଲେ ନାଗେନ୍ତେ ଆପେକେ ଜେଡ୍ନାଃ ଅଲ୍ ନାଜ୍ କା ଲାଗାଡିଜ୍ୟାଃ ।

୨ ଆଇଜ୍ ଆପେୟାଃ ଚିହୁଲ୍ଲାନ କାମିକ ସାରିତାନାଇଜ୍, ଆପେ ସବେନ୍ ଇମ୍ତା ଦେକ୍ମା ନାଗେନ୍ତେପେ ସେକାଡାକାନା ଆତଃ ମାକିଦନିଆରେନ୍ ହଡକଆଃ ସାମ୍ନାଜ୍ରେ ଆପେୟାଃ ବିଷାଏରେ ଆଇଜ୍ ଆପାନ୍ନକେ ମାରାଜ୍ ମେନ୍ତେକ୍ମା କାଜିକାଦା । ଆଇଜ୍ କାଜିକାଦ୍ ତାଇକେନାଇଜ୍, “ଆଖାୟାରେନ୍ ହାଗାକ ଦେକ୍ମା ନାଗେନ୍ତେ ସେକାଡାକାନ୍ ମେନାକଆ ।” ଆପେୟାଃ ଚିହୁଲ୍ଲାନ କାମିକ ଇନ୍କୁକଏତେ ପୁରାଃ ହଡକକେ ତେଡ୍ଗାର୍ କାଦକଆ ।

୩ ନାହାଁଃ ଆଇଜ୍ ନେ ହାଗା ମିଶିକକେ ଆପେତାଃତେଇଜ୍ କୁଲ୍ଲକତାନା । ଜେ'ଲେକାଟି ଆପେୟାଃ ବିଷାଏରେ ଆଲେ ଆପାନ୍ନକେ ମାରାଜ୍ରେନ୍ କାଜିନ୍ତାନ୍ତେୟାଃ ଆଲକା ସାମାଏଶ୍ୱାଗଃକା । ଆଇଁୟାଃ କାଜି ଲେକାତେ ଆପେ ଦେକ୍ମା ଏମ୍ ନାଗେନ୍ତେ ସେକାଡାକାନ୍ ତାଇନ୍ପେ ।

୪ ମାକିଦନିଆରେନ୍ ହଡକ ଆଇଁୟାଃଲଃ ସେନ୍କେଦ୍ତେ ଆପେକେ କା ସେକାଡାକାନ୍ ନେଲ୍ପେରେଦ୍, ଆପେୟାଃ ତେତାନ୍ରେ ଆଲେୟାଃ ପକ୍ତା ଆସ୍ତା ତାଇନ୍ ହରାତେ ଆଲେ ଗିହୁଗଃଆଲେ, ସାର୍ତି କାଜିଲେରେ, ଏନା ଆପେ ନାଗେନ୍ତେୟ ଗିହୁଗଃରାଃ କାଜି ହବାଅଃଆ ।

୫ ଆପେ ଦାନ୍ ଏମ୍ ନାଗେନ୍ତେ ସିଦାରେ ବାନାର୍ସା ଏମାକାଦ୍ ତାଇକେନାପେ, ଏନାକେ ହାରମ୍ ନାଗେନ୍ତେ ଆଇଜ୍ ନେ ହାଗା ମିଶିକକେ ସିଦାରେ ଆପେତାଃତେ ସେନ୍ ନାଜ୍, ଆରୁତେୟାଃ ବୁଗିନାଃ ହବାଅଃଆ ମେନ୍ତେକ୍ମା ଆଟ୍କାର୍କେଦା । ଜେ'ଲେକାଟି ଆଇଜ୍ ଆପେତାଃତେ ସେଚେର୍ ଇମ୍ତାଲଃ ଏନ୍ ଦାନ୍ ଉଖ୍ରାଅକେଦ୍ତେ ଦହାକାନ୍ଗି ତାଇନା । ନେଆଁ ହରାତେ ଆପେକେ ଏମ୍ ଲାଗାଡିଜ୍ୟାଃ ଲେକା କା ଏମ୍କେଦ୍ତେ ଆପ୍ନାଃ ସାମାଜ୍ ଲେକା ଏମ୍ତାନାପେ ମେନ୍ତେ ଉଦୁବଃଆ ।

୬ ପାହାମେପେ, କାଟିଃ ଲେକା ହିତା ହେରେତାନ୍ନିଃ, କାଟିଃ ଲେକାଗି ଇରେୟା, ଆତଃ ପୁରାଃ ହିତା ହେରେତାନ୍ନିଃ ପୁରାଃଟି ଇରେୟା ।

୭ ଏନାତେ, ଅକଏ ଚିଲ୍ଲକା ମନ୍ରେ ଉଡ଼ୁକାଦାଏ, ଇନିଃ ଏନ୍ ଲେକାଗି ଏମେକାଏ ଆତଃ ଇନିଃ ଏମେତାନ୍ତେୟାଃ ହୁଡିଜ୍ଜାତେ ଚାଏ ମାମ୍ନାଜ୍ରେ ଆଲକାଏ ଏମେକା । ଚିୟାଃଟି ପାର୍ମେଶ୍ୱାର୍ ରାସ୍କାତେ ଏମଃନିଃକେ ଦୁଲାଇଡାଏ ।

୮ ସବେନ୍ ବିଷାଏ ସବେନ୍ ଇମ୍ତା ପୁରାଃତେ ନାମ୍କେଦ୍ତେ, ଆପେ ଜେ'ଲେକା ସବେନ୍ ବୁଗିନ୍ କାମି ନାଗେନ୍ତେ ପୁରାଃ ଆଦକାଗି ଏମ୍ ଦାଡ଼ିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ଲେକାନ୍ ସାୟାଦ୍ ପୁରାଃଟି ଏମ୍ ଦାଡ଼ିନିଃ ତାନିଃ ।

୯ ଧାରାମ୍ ପୁଥ୍ରେ ଅଲାଇକାନ୍ ଲେକା, “ଇନିଃଦ୍ ରେକ୍ମେଃକକେ ହାଟିଜ୍ଜକ ତାନା, ଇନିୟାଃ ଧାର୍ମାନ୍ତେୟାଃ ଜାନାଅ ଜାନାଅଗି ମେନାଃ ।”

୧୦ ହିତାହେର ହୃଦକକେ ପାରମେଶ୍ୱର ହେର ନାଗେନ୍ତେ ହିତା ଆତଃ ଜମ୍ ନାଗେନ୍ତେ ହଲଙ୍ଗ୍ ଏମାଃଏ, ଇନିଃ ଆପେୟାଃ ଲାଗାତିଙ୍ଗ୍ ଲେକା ହିତାଏ ଯୋଗାଅପେୟା ଆତଃ ଏନାକେ ହାରାଈତିୟା, ଆତଃ ଆପେୟାଃ ବୁଗିନ୍ ବିଷାଏରେୟାଃ ଜ ପୁରାଃଗି ପସା ଇଦିୟଃଆ ।

୧୧ ଆପେ ଜେ'ଲେକା ଲେବେଃଫନ୍ତେ ଦାନ୍ ଏମ୍ ଦାଡ଼ିୟାପେ, ଏନାମେନ୍ତେ ପାରମେଶ୍ୱର ଆପେକେ ସବେନ୍ ବିଷାଏରେ କିସାଣ୍ଡପେୟା ଆତଃ ଆଲେୟାଃ ହରାତେ ଆପେ କୁଲାକାଦ୍ ଦାନ୍ ନାଗେନ୍ତେ ପୁରାଃ ହୃଦକ ପାରମେଶ୍ୱରକେ ଧାନ୍ୟାବାଦକ ଏମାଈୟା ।

୧୨ ଆପେୟାଃ ଏମାଃରେୟାଃ ସେଞ୍ଜା ହରାତେ ପାରମେଶ୍ୱରଆଃ ହୃଦକଆଃ ଜଞ୍ଜିଅଃତେୟାଃ ସାଞ୍ଜିନଃଆ, ଏନା ଏସ୍କାର୍ କାହାଗି, ମେନ୍ଦ ନେ ଏମାଃ ହରାତେ ପୁରାଃ ହୃଦକ ପାରମେଶ୍ୱରକେ ଧାନ୍ୟାବାଦକ ଏମାଈୟା ।

୧୩ ନେ ସେଞ୍ଜାକାମି ହରାତେ ଶ୍ରୀଷ୍ଟିଆଃ ସୁକୁକାଜି ନାଙ୍ଗ୍ ଆପେୟାଃ ପାଡ଼ିୟାରଃତେୟାଃ ଆତଃ ସବେନ୍କଲଃ ମେନେସାରେୟାଃ ଲେବେଃଫନ୍ତେ ହରାତେ ଇନ୍କୁ ପାରମେଶ୍ୱରଆଃ ମାନାରାଙ୍ଗକ ଉଦୁବେୟା ।

୧୪ ଆତଃ ଆପେୟାଃ ନାଗେନ୍ତେ ପାରମେଶ୍ୱରଆଃ ସାୟାଦ୍ ପୁରାଃଗି ହବାଅଃକା ମେନ୍ତେ ଇନ୍କୁ ପୁରାଃ ଇଛାସାନାଙ୍ଗଲଃ ପାରମେଶ୍ୱରତାଃରେ ବିନ୍ତ୍ରିୟାକ ।

୧୫ ଦଲାରୁ, ପାରମେଶ୍ୱରଆଃ ପୁରାଃ ଗନଙ୍ଗ୍ଆନ୍ ଦାନ୍ ନାଗେନ୍ତେ, ଇନିଃକେ ଧାନ୍ୟାବାଦୁ ଏମାଈୟା ।

୧୦

କା ଲାଗାତିଙ୍ଗ୍ ଉନ୍ନୁଦୁବରେ ପାଉଲୁସ୍ଆଃ କାଜିରୁହାଡ଼୍

୧ ଆଇଙ୍ଗ୍ ପାଉଲୁସ୍, ଆପେକେ ଆଇୟାଃ ଆପାନ୍ସାଃଏତେଇଙ୍ଗ୍ ବିନ୍ତ୍ରିପେତାନା, ଚିମିନ୍ ହୃଦକ କାଜିୟାଃକ, “ଆଇଙ୍ଗ୍ ଆପେତାଃରେ ତାଇକେନ୍ ଇମ୍ତା ପୁରାଃଗି ଲେବେଃଫନ୍ତେ ଆତଃ ହୁଡ଼ିଙ୍ଗ୍ମନ୍ ଲେକାନ୍ନିଃ ତାଇକେନାଈଙ୍ଗ୍, ମେନ୍ଦ ଆପେତାଃହେତେ ସାଞ୍ଜିନ୍ତେ ସେନଃୟାନ୍ରେ ପୁରାଃ କେଟେଦ୍ମନ୍ ଲେକାନ୍ନିଃ ତାନିଙ୍ଗ୍ ।” ଶ୍ରୀଷ୍ଟିଆଃ ଲେବେଃଫନ୍ତେ ଆତଃ ଦାୟା ହରାତେ

୨ ଆଇଙ୍ଗ୍ ଆପେକେ ବିନ୍ତ୍ରିକେଦ୍ତେ କାଜିପେତାନାଈଙ୍ଗ୍, ଆପେଲଃ ନେପେଲ୍ ଇମ୍ତା ଆଇଙ୍ଗ୍କେ ଆପେ ଆଲପେ ଖୁସ୍ଇତିଙ୍ଗ୍, ଚିୟାଃତି ଆଲେ ସାଂସାରରେୟାଃ ରିତିନିତି ଲେକା ସେସେନ୍ତାନାଲେ ମେନ୍ତେ ଅକନ୍ ହୃଦକ କାଜିତାନାକ, ଇନ୍କୁଆଃ ବିରୁଧ୍ରେ ପୁରାଃତେ କାଜିନାଙ୍ଗ୍ ଆଇଙ୍ଗ୍ କାଈଙ୍ଗ୍ ବରତାନା ।

୩ ଆବୁ ନେ ଅତେଦିଶ୍ୱମ୍ରେ ତାଇନଃ ତାନାରୁ ଏନା ସାର୍ତିଗି ତାନାଃ, ମେନ୍ଦ ଆବୁ ସାଂସାରରେନ୍ ହୃଦକ ଲାଡ଼ାଇତାନ୍ ଲେକା, କାରୁ ଲାଡ଼ାଇନ୍ତାନା ।

୪ ମେନ୍ଦ ଆବୁ ଲାଡ଼ାଇ ନାଗେନ୍ତେ ନେ ଅତେଦିଶ୍ୱମ୍ରେୟାଃ ହାଁତେୟାର୍ କାରୁ ବେଭାର୍ଆଃ, ମେନ୍ଦ ପାରମେଶ୍ୱରଆଃ ପେଡ଼େୟାନ୍ ହାଁତେୟାର୍ ବେଭାର୍କେଦ୍ତେ ବାଇରିକଆଃ କେଟେୟାନ୍ ହରତାନ୍ ଠାୟାଦ୍କେ ଜିୟନ୍ତାନାରୁ । ଆବୁ ହସଡ଼ ଜାଗାର୍କକେହ ଜିୟନ୍ତାଃରୁ ।

୫ ପାରମେଶ୍ୱରଆଃ ସେଣ୍ଡାନ୍ ବିରୁଧ୍ରେ ବିରିଦ୍ତାନ୍ ସବେନ୍ କାଜିକଟ୍ଟେୟାଃକେ ଆଲେ ଆତମ୍ତାଃଲେ ଆତଃ ହୃଦକଆଃ ସବେନ୍ ଉଡ଼ୁ ଆବରରେ ଦହକେଦ୍ତେ ଶ୍ରୀଷ୍ଟିକେ ମାନାତିଙ୍ଗ୍ ନାଗେନ୍ତେବୁ ବାଇକଆ ।

୬ ଆତଃ ଚିମ୍ତା ଆପେ ପୁରା ଶ୍ରୀଷ୍ଟିଆଃ ମାନାତିଙ୍ଗ୍ତାନକ ଲେକାପେ ହବାଅଃ ତାୟମ୍ତେ, ଆପେ ଆଲାରେ ଜେତାଏ କା ମାନାତିଙ୍ଗ୍ତାନିଃ ଲେକାଏ ନେଲଃରେ, ଆଲେ ଇନିଃକେ ସାଜାଇ ଏମ୍ ନାଗେନ୍ତେ ସେକାଡ଼ାକାନାଲେ ।

୭ ଆପେୟାଃ ଉପୁନ୍ସାଃରେ ଚିନାଃ ହବାଅଃତାନା, ଏନା ନେଲେପେ । ଆପେକଏତେ ଜେତାଏ, ଆପାନ୍କେ ଶ୍ରୀଷ୍ଟିଆଃ ତାନିଙ୍ଗ୍ ମେନ୍ତେ ବିଶ୍ୱାସ୍ତାନିଃ ମେନାଈୟାତି ? ମେନାଈରେଦ, ଇନିଃ ଆତଃମିସାଏ ଉଡ଼ୁଇଚା, ଚିୟାଃତି ଇନିୟାଃ ଲେକା ଆବୁହ ଶ୍ରୀଷ୍ଟିକେ ବିଶ୍ୱାସ୍ତାନ୍ ହୃଦକ ତାନ୍ବୁ ।

୮ ଆପେକେ ଜିୟନ୍ପେ ନାଗେନ୍ତେଦ କାହା, ମେନ୍ଦ ବାଇଇଦିପେ ନାଗେନ୍ତେ ପ୍ରାଭୁ ଆଲେକେ ଅକ ଆକ୍ତେୟାର୍ ଏମାକାଦ୍ଲେୟାଏ, ଏନା ନାଗେନ୍ତେ ଆଇଙ୍ଗ୍ ପୁରାଃଗି ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ରେଦ, ଏନାରେ ଆଇଙ୍ଗ୍ କାଈଙ୍ଗ୍ ଗିହୁଗଃଆ ।

୯ ଆଇୟାଃ ଚିଠି ହରାତେ ଆପେକେ ବତଙ୍ଗ୍ପେ ନାଗେନ୍ତେ ଆଇଙ୍ଗ୍ ସାନାଙ୍ଗ୍ତାନା ।

୧୦ ଚିମିନ୍ ହୃଦକ କାଜିୟାଃ, “ପାଉଲୁସ୍ଆଃ ଚିଠିକ ପୁରାଃ ହାସ୍ତୁଆନ୍ଗିଆ ଆତଃ କେଟେୟାନ୍ଗିୟା, ମେନ୍ଦ ଇନିଃ ଆବୁଲଃ ତାଇକେନ୍ ଇମ୍ତା ହୃଦ୍ମରେ କା ପେଡ଼େୟାନ୍ ଆତଃ ଆୟାଃ କାଜିକ ସାମାଗି ଲେକା ଆଟ୍କାରଃ ତାଇକେନା ।”

୧୧ ଏନ୍ ହୃଦକକେ ଆଟ୍କାର୍ ଉରୁମ୍ ଲାଗାତିଙ୍ଗ୍ୟାଃ ଯେ, ଆଲେ ଅକ୍ନାଃ ସାଞ୍ଜିନ୍ହେତେ ଚିଠିରେ ଅଲେତାନାଲେ, ଏନା ସାମ୍ନାଙ୍ଗ୍ରେ ତାଇକେଦ୍ତେ କାମି ରିକାତାନ୍ ଲେକାନାଃ ତାନାଃ ।

୧୨ ଚିମିନ୍ ହୃଦକ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତାନକଲଃ ମେସାନ୍ ଚାଏ ଇନ୍କୁଲଃ ଆଲେ ଆପାନ୍କେ ଜକାଃଆ ନାଗେନ୍ତେ ବରତାନାଲେ । ଇନ୍କୁ ଚିମିନ୍ ଡ଼ଣ୍ଡକ ତାନ୍କ, ଚିୟାଃତି ଇନ୍କୁ ଆକ ଆକଗି ନାପାଅଃଆକ, ଆତଃ ଆକଆଃ ଆପ୍ନାଃ ଲେକାତେଗି ବିଚାରଃଆକ ।

୧୩ ମେନ୍ଦ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃ ସିମ୍‌ନାହେତେ ବାହାରିରେ ବାନଃଆ, ପାରମେଶ୍ୱାର୍ ଆବୁ ନାଗେନ୍ତେ ଅକନ୍ କାମି ବାଇୟାକାଦାଏ, ଏନା ସିମ୍‌ନା ଭିତାରରେଗି ତାଇନା ଆତଃ ଆପେ ଆଲାରେ ମେସାଅଃଆ ।

୧୪ ଏନା ନାଗେନ୍ତେ ସିଦାତେ ଆଲେ ଖ୍ରୀଷ୍ଟିଆଃ ସୁକୁକାଜି ଆପେତାଃତେ ଇଦି ସେଟେର୍ ଇମ୍‌ତାରେ ସିମ୍‌ନା ଭିତାରରେ ତାଇକେଦ୍‌ତେ କାଲେ କାମି ।

୧୫ ପାରମେଶ୍ୱାର୍ ଆବୁଆଃ ନାଗେନ୍ତେ ବାଇୟାକାଦ୍ କାମିରେୟାଃ ସିମ୍‌ନା ବାହାରିରେ ଏଟାଃକ କାମିରେୟାଃ ସୁଯୋଗ୍ ଇଦିକେଦ୍‌ତେ କାମିକାଦାକ, ଏନାରେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାରୁ କାଜିନା । ମେନ୍ଦ ଆଲେ ଆସ୍ରାକାଦାଲେ ଯେ, ଆପେ ବିଶ୍ୱାସ୍‌ରେ ହାରା ଇଦିୟଃତାନ୍‌ଲଃ ଆପେ ଆଲାରେ ଆଲେୟାଃ କାମି ଆତଃଗି ପାସ୍ରାଅ ଇଦିଅଃଆ । ମେନ୍ଦ ନେଆଁ ପାରମେଶ୍ୱାର୍ ଠାହାରାଅକାଦ୍ ସିମ୍‌ନା ଭିତାରରେ ହବାଅଃଆ ।

୧୬ ଏନ୍‌ରେଦ, ଏଟାଃନିୟାଃ କାମିରେ ହବାକାନ୍ କାମି ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ଆପେୟାଃ ସିମ୍‌ନା ବାହାରିରେୟାଃ ଏଟାଃ ଦିଶୁମ୍‌ରେୟାଗି ଆବୁ ସୁକୁକାଜି ଉଦୁବ୍ ଦାଡ଼ିୟାବୁ ।

୧୭ ମେନ୍ଦ ଧାରାମ୍‌ପୁଅରେ ଅଲ୍‌କାନା, “ଜେତାଏ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ସାନାଙ୍ଗ୍‌ନିଃ, ପ୍ରାଭୁ ରିକାକାଦ୍ କାମି ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଲାଗାଡ଼ିଙ୍ଗ୍‌ୟାଃ ।”

୧୮ ଚିୟାଃଗି ଆପ୍‌ନାଃ ସାହାରାଅ ରିକା ହରାତେ, ଇନିଃ ମାଇନ୍ ନାମେନିଃ କାଏ ହବାଅଃଆ, ମେନ୍ଦ ଜେତାଏ ପ୍ରାଭୁଆଃ ନେପେଲ୍‌ରେ ବୁଗିନାଃ ହବାଅଃଆ, ଇନିଃ ଏସ୍‌କାର୍ ମାଇନ୍ ନାମେନିଃ ହବାଅଃଆଏ ।

୧୧

ପାଉଲୁସ୍ ଆତଃ ହସଡ଼ ପ୍ରେରିଡ଼

୧ ଆଇଁୟାଃ ସାନାଙ୍ଗ୍ ଯେ, ଜେତା ବିଷାଏରେ କାଟିଃଲେକା ଡ଼ଣ୍ଡୁ ହବାଅଃରେୟ ଆପେ ଆଇଙ୍ଗ୍‌କେ ସାହାଡ଼ିଙ୍ଗ୍‌ପେ ।

୨ ଆଇଙ୍ଗ୍‌ଦ ପାରମେଶ୍ୱାର୍‌ଆଃ ଚିହ୍ନଲ୍‌ଲାନ୍ ହରାତେ ଆପେ ନାଙ୍ଗ୍ ଚିହ୍ନଲ୍‌ଲାନ୍‌ଗି ମେନାଲ୍‌ୟା, ଚିୟାଃଗି ଫାର୍‌ଚିୟାକାନ୍ ଡ଼ିଣ୍ଡା କୁଡ଼ି ଲେକା ଖ୍ରୀଷ୍ଟିଆଃ ସାମ୍‌ନାଙ୍ଗ୍‌ରେ ଡ଼ିଙ୍ଗ୍‌ଦାଡ଼ିପେ ମେନ୍ତେ ଆଇଙ୍ଗ୍ ମିଆଁଦ୍‌ଗି କଡ଼ାନାଙ୍ଗ୍ ଆପେୟାଃ କାଜିଇଙ୍ଗ୍ ବାଇୟାକାଦା ।

୩ ମେନ୍ଦ ବିଙ୍ଗ୍ ଆୟାଃ ଚାଡୁର୍ ହସଡ଼ ହରାତେ ହାଞ୍ଜାକେ ବେଦାକିଃ ଲେକା, ଆପେୟାଗି ଖ୍ରୀଷ୍ଟିକେ ପୁରା ବାଗିୟାପେ ଆତଃ ଫାର୍‌ଚିନ୍ ପାଡ଼ିୟାରେନ୍‌ତାଃଏତେ ବିଗ୍‌ଡ଼ାଅଃଆପେ, ମେନ୍ତେ ଆଇଁୟାଃ ବର ମେନାଃ ।

୪ ଚିୟାଃଗି ଜେତାଏ ହିଜୁଃକେଦ୍‌ତେ ଆଲେ ଉଦୁବାକାଇ ଯାଶୁକେ ବାଗିକେଦ୍‌ତେ ଏଟାଃ ଜେତା ଯାଶୁଆଃ କାଜିକ ଉଦୁବେୟା ଚାଏ ଆପେ ନାମାକାଦ୍ ଆମ୍‌କେ ବାଗିକେଦ୍‌ତେ ଏଟାଃ ଜେତା ଆମ୍‌ରାଃ କାଜିକ କାଜିୟା ଚାଏ ଆପେ ତେଲା ଦାରମ୍‌କାଦ୍ ସୁକୁକାଜି ବାଗିକେଦ୍‌ତେ ଏଟାଃ ଜେତା ସୁକୁକାଜିକ ଉଦୁବେୟା ଆତଃ ଆପେ ଏନାକେ ସୁକୁତେପେ ତେଲା ତାନ୍‌ରେଦ, ସାମ୍‌ରେ ଏନାକେପେ ତେଲା ଦାରମ୍‌କାଦା ।

୫ ଆପେୟାଃ ଏନ୍ ମାପ୍‌ରାଙ୍ଗ୍ ପ୍ରେରିଡ଼କତାଃଏତେ ଆଇଙ୍ଗ୍ ଜେତାଲେକାତେ ହୁଡ଼ିଙ୍ଗ୍ ମେନ୍ତେ କାଇଙ୍ଗ୍ ଆଟ୍‌କାରେନ୍‌ତାନା ।

୬ ହବାସାକାଅଆଃ, ଜାଗାର୍‌ରେ ଆଇଙ୍ଗ୍ ଡ଼ଣ୍ଡୁଗିୟାଇଙ୍ଗ୍, ମେନ୍ଦ ସେଣ୍‌ନ୍‌ରେ ଡ଼ଣ୍ଡୁ ନାହାଁଲିଙ୍ଗ୍ । ଆପେକେ ନେ କାଜିକ ଆଲେ ସବେନ୍ ଇମ୍‌ତା ଆତଃ ସବେନ୍ ଲେକାତେ କାଜି ଆଉପେତାନାଲେ ।

୭ ପାରମେଶ୍ୱାର୍‌ଆଃ ସୁକୁକାଜି ଉଦୁବ୍ ଇମ୍‌ତା ଆଇଙ୍ଗ୍ ଆପେତାଃଏତେ ନେଆଁରାଃ ଗନଙ୍ଗ୍ କାଇଙ୍ଗ୍ ଆସି । ଆଇଙ୍ଗ୍ ଆପେକେ ବିଶେଷ୍ ହଡ଼ ବାଇପେ ନାଗେନ୍ତେ ଆପାନ୍‌କେଇଙ୍ଗ୍ ହୁଡ଼ିଙ୍ଗ୍‌ୟେନ୍‌ୟାନା । ନେଆଁ ଚିନାଃ ଆଇଁୟାଃ ଗୁହ୍ନା ତାନାଃ ?

୮ ଆପେୟାଃ ଆଲାରେ କାମିତାନ୍ ଇମ୍‌ତା ଆଇଙ୍ଗ୍ ଏଟାଃ କାଲିସିୟାକତାଃଏତେ ଏମ୍‌ରେ ଦେଙ୍ଗାଇଙ୍ଗ୍ ନାମାକାଦା । କାଜିଲେରେ, ଆପେୟାଃ ଦେଙ୍ଗା ନାଗେନ୍ତେ ଆଇଙ୍ଗ୍ ଇନ୍‌କୁକେଇଙ୍ଗ୍ ରେଏଃକାଦ୍‌କଆ ।

୯ *ଆପେଲଃ ତାଇକେନ୍ ଇମ୍‌ତା ଆଇଁୟାଃ ଜାଞ୍ଜିଅଃତେୟାଃ ପୁରାଅଃ ନାଗେନ୍ତେ ଆଇଙ୍ଗ୍ ଜେତାଏକେ ଉଡ଼ୁରେ କାଇଙ୍ଗ୍ ଉୟାଃକାଦ୍‌କଆ । ଚିୟାଃଗି ମାକିଦ୍‌ନିଆଏତେ ହିଜୁଃକାନ୍ ହାଗା ମିଶିକ ଆଇଁୟାଃ ସବେନ୍ ଜାଞ୍ଜିକାନ୍‌ତେୟାଃ ଏମାଦିୟାକ । ସିଦା ଦିପିଲି ଲେକା ହିଜୁଃ ଦିପିଲିରେୟ ଆଇଙ୍ଗ୍ ଚିଉଲ୍‌ଆ ଆପେକେ ବାହାରମ୍ କାଇଙ୍ଗ୍ ଲାଦିପେୟା ।

୧୦ ଆଇଙ୍ଗ୍‌ରେ ତାଇକାନ୍ ଖ୍ରୀଷ୍ଟିଆଃ ସାନାର୍‌ଚି ହରାତେ, ଆଇଙ୍ଗ୍ ବାନାର୍‌ସା ଏମ୍‌କେଦ୍‌ତେ କାଜିତାନାଇଙ୍ଗ୍ ଯେ, ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃକେ, ଆଖାୟା ଦିଶୁମ୍‌ରେୟାଃ ଜେତାନ୍ ପାର୍‌ଗାନ୍‌ରେ ହାପାକେଦ୍‌ତେ ତାଇନ୍ କା ଦାଡ଼ିୟାଃଆ ।

୧୧ ଆଇଙ୍ଗ୍ ଚିନାଃ ମେନ୍ତେ ନେ'ଲେକା କାଜିତାନାଇଙ୍ଗ୍ ? ଆଇଙ୍ଗ୍ ଚିନାଃ ଆପେକେ କାଇଙ୍ଗ୍ ଦୁଲାଡ଼୍‌ପେ ତାନା ? ଆଇଙ୍ଗ୍ ଆପେକେ ଚିମିନ୍ ଦୁଲାଡ଼୍‌ପେ ତାନ୍‌ତେୟାଃ, ପାରମେଶ୍ୱାର୍ ସାରିତାନାଏ ।

☆ ୧୧:୯ ଡ଼ିଲିପିୟ ୪:୧୫-୧୮.

୧୨ ମେନ୍ଦ ନାହାଁଠ ଆଇଁ ଅକନାଠ କାମିତାନ୍ତେୟାଠ, କାମି ଇଦିକାତେୟାଠ । ଏନାରେଦ, ଆଲେ ଲେକା କାମିତାନାକ ମେନ୍ତେ ଅକନ୍ ଏଟାଠ ବିଷେଶ୍ “ପ୍ରେରିତ୍ତକ” ଆପାନ୍ତକେ ମାରାଈ ମେନ୍ତେକ କାଜିନ୍ତାନା, ଇନ୍କୁ ଆତଠ ଏନା କାକ ରିକାଦାଡ଼ିୟା ।

୧୩ ଏନ୍ଲେକାନ୍ ହଡକଦ ହସଡ୍ ପ୍ରେରିତ୍ତକ ତାନ୍କ ଆତଠ ବେଦା କାମିତାନ୍ ହଡକତାନ୍କ, ଆକଆଠ କାମି ବିଷାଏରେ ବେଦା କାଜି କାଜିୟାଠକ ଆତଠ ଶ୍ରୀଷ୍ଟିଆଠ ପ୍ରେରିତ୍ତକ ଲେକା ନେଲଠ ନାଗେନ୍ତେ ଶ୍ରୀଷ୍ଟିଆଠ ପ୍ରେରିତ୍ତକ ଲେକାକ ବାଇୟେନା ।

୧୪ ନେଆଁରେ ଆକଦାନ୍ଦାଅ ହବାଅଠରେୟାଠ ଜେତାନ୍ କାଜି ବାନଠଆ, ଚିୟାଠି ସାଏତାନ୍ହଁ ଆଇଠକ୍ତି ମାୟାଲ୍ରେନ୍ ଦୁଡ୍ ଲେକା ନେଲଠ ନାଗେନ୍ତେ ମାୟାଲ୍ରେନ୍ ଦୁଡ୍ ଲେକାଏ ବାଇୟେନା ।

୧୫ ଏନାତେ ଏନ୍ ଭେସ୍ ବାଦ୍ଲାଅ ତାନ୍ନିୟାଠ ଦାସିକ, ଧାର୍ମାନ୍ ଦାସିକ ଲେକା ବାଇୟେନ୍ରେଦ, ଏନାରେ ଆକଦାନ୍ଦାଅ ହବାଅଠରେୟାଠ ଜେତାନ୍ କାଜି ବାନଠଆ, ମେନ୍ଦ ଇନ୍କୁଆଠ ଚୁଣ୍ଡୁ ଆକଆଠ କାମି ଲେକାଗି ହବାଅଠଆ ।

ପ୍ରେରିତ୍ତ ଲେକା ପାଉଲୁସ୍ଆଠ ଦୁକୁହାସୁ

୧୬ ଆଇଁ ଆତଠଗିଇଁ କାଜିତାନା, ଜେତାଏ ଆଇଁକେ ତଣ୍ଡୁ ମେନ୍ତେ ଆଲକାଏ ଆଟ୍ଟକାରିକ୍ତା, ମେନ୍ଦ ଆପେ ଏନ୍ଲେକା ଆଟ୍ଟକାରିକ୍ତ ରେୟ, ଆଇଁକେ ତଣ୍ଡୁ ଲେକା ଦାରମିକ୍ତପେ, ଜେଲେକା ଆଇଁ ଆପାନ୍ତକେ ମାରାଈ ମେନ୍ତେ କାଜି ନାଈ କାଟିଠଲେକା ନେତାଇଁ ନାମେୟା ।

୧୭ ସାର୍ତିଗି, ନାହାଁଠ ଆଇଁ କାଜିତାନ୍ତେୟାଠ, ଏନା ପ୍ରାଭୁଆଠ କାଜି ଲେକାତେ କାଇଁ କାଜିତାନା । ଚିୟାଠି ଆଇଁ ଆପାନ୍ତକେ ମାରାଈ ମେନ୍ତେ କାଜିନ୍ ବିଷାଏରେ ତଣ୍ଡୁ ଲେକାଈଁ କାଜିତାନା ।

୧୮ ମେନ୍ଦ ସାଂସାର୍ ବିଷାଏରେ ପୁରାଠ ହଡକ ଆପାନ୍ତକେ ମାରାଈ ମେନ୍ତେକ କାଜିନା, ଆଇଁହଁ ଏନ୍ ଲେକାଗିଈଁ ରିକା ଦାଡ଼ିୟା ।

୧୯ ଆପେଦ ସେଣ୍ଡାନ୍ ହବାକାନ୍ରେୟ ରାସ୍କାତେ ତଣ୍ଡୁକକେପେ ସାହାତିକ୍ତ ତାନା ।

୨୦ ଜେତା ହଡ ଆପେକେ ଦାସିଲେକାଏ ଦହପେରେ, ଆପେୟାଠ ଖୁଜ୍ କଏ ନକ୍ସାନେରେ, ଜେତାଏ ଆପେକେ ଫାନ୍ଦିରେ ଉୟୁଠପେରେ, ହିଲାକ୍ତପେରେ, ଆତଠ ଆପେୟାଠ ଜଥାରେ ଚାଟ୍ଟକାନ୍ତପେରେୟ ଆପେ ଏନାକେ ସାହାତିକ୍ତୟେ ।

୨୧ ଆଇଁ ଗିହୁଗଠତାନ୍ଲଠ କାଜିତାନାଈଁ ଯେ, ନେ ସବେନ୍ ବିଷାଏରେ ଆଲେଦ ନାରାଦୁରାଗିୟାଲେ । ମେନ୍ଦ ଏଟାଠ ଜାହାନ୍ ବିଷାଏରେ ଜେତାଏ ଆପାନ୍ତକେ ମାରାଈ ମେନ୍ତେ କାଜି ନାଈ ଜୀଉରେ କେଟେଦ୍ତେ ତାନ୍ରେଦ, ଆଇଁ ତଣ୍ଡୁ ଲେକାଈଁ କାଜିତାନା, ଆଇଁୟାଠ ହଗି ଏନ୍ ଲେକା ଜୀଉରେ କେଟେଦ୍ ମେନାଠ ।

୨୨ ଇନ୍କୁ ଚିୟାଠ ଏବ୍ରୀ ତାନ୍କ ? ଆଇଁହଗି ଏବ୍ରୀ ହଡ ତାନିକ୍ । ଇନ୍କୁ ଚିନାଠ ଇସ୍ତାଏଲ୍ରେନ୍ ତାନ୍କ ? ଆଇଁହଗି ଇସ୍ତାଏଲ୍ରେନ୍ ତାନିକ୍ । ଇନ୍କୁ ଚିୟାଠ ଆବ୍ରାହାମ୍ଆଠ କିଲିରେନ୍କ ତାନ୍କ ? ଆଇଁହଗି ଆବ୍ରାହାମ୍ଆଠ କିଲିରେନ୍ ତାନିକ୍ ।

୨୩ ଇନ୍କୁ ଚିୟାଠ ଶ୍ରୀଷ୍ଟିଆଠ ଦାସିକ ତାନ୍କ ? ଆଇଁ ବାଏହା ହଡ ଲେକାଈଁ କାଜି ତାନା, ଆଇଁ ଇନ୍କୁତାଠଏତେ ପୁରାଠ ବୁଗିନ୍ ଦାସି ତାନିକ୍ । ଆଇଁ ଇନ୍କୁତାଠଏତେ ଆଦ୍କା ପୁରାଠ କେଟେଦ୍କାମିଈଁ କାମିକାଦା, ପୁରାଠତେଇଁ ଜେହେଲାନାନା, ଆତଠ ପୁରାଠି ଚାବୁକ୍ତେଇଁ ହାଁଶ୍ତାକାନା ଆତଠ ଚିମିନ୍ୟା ଲେକା ଗଜଠ ଲେକାଈଁ ହବାକାନା ।

୨୪ ପାସ୍ତ୍ର ଧାଅଁ ଯିହୁଦୀକତାଠଏତେ ମିଦ୍ହିସି ଗେଲ୍ଆରେୟା* ଚାବୁକ୍ତେଇଁ ହାଁଶ୍ତାୟାନା ।

୨୫ ଆପିସା ରୋମରେନ୍କତାଠଏତେ ଚାବୁକ୍ତେଇଁ ହାଁଶ୍ତାୟାନା । ମିସା ଦିରିଲଠ ଚିଦ୍ଗିୟାନାଈଁ ଆତଠ ମିଦ୍ ନିଦାସିକ୍ ଦାଆଠରେଇଁ ତାଇନ୍ୟାନା ।

୨୬ ଆଇଁୟାଠ ହରାସେନ୍ରେ ଆଇଁ ପୁରାଠସା ଦାଆଠ ଚୁତାକଏତେ, ରେରେଠକ୍ତାଠଏତେ, ଯିହୁଦୀକତାଠଏତେ, ସାଅଁସାର୍ ହଡକତାଠଏତେ, ଜୀଉତାଇଁ ଗଜଠ ଲେକା ହବାୟାନା ଆତଠ ସାହାର୍କରେ, ବିର୍ରେ, ଦରେୟାରେ, ହସଡ୍ ଗାଡିକତାଠଏତେ ଜୀଉତାଇଁ ଗଜଠ ଲେକା ହବାୟାନା ।

୨୭ ପୁରାଠି କେଟେଦ୍କାମିକ୍ କାମିକାଦା ଆତଠ ଦୁକୁହାସୁଈଁ ସାହାତିକ୍ତକାଦା, ବେଗାର୍ ଦୁଡ୍ମୁତେ, ରେଙ୍ଗେଠ କାଟାକ୍ତେଦ୍ତେ ପୁରାଠ ମାହାଁ ତାଇକେନାଈଁ, ଲାଗାଡିକ୍ ଜମେୟାଠ, ଲିଜାଠ ଆତଠ ତାଇନଠ ନାଈ ଠାୟାଦ୍ କା ତାଇକେନ୍ ହାରାତେ ପୁରାଠ ଦୁକୁଈଁ ସାହାତିକ୍ତକାଦା ।

୨୮ ନେ ସବେନାଠ ହବାକେଦ୍ତେୟ, ସବେନ୍ କାଲିସିୟା ନାଗେନ୍ତେ ଆଇଁୟାଠ ଉଡ୍ଡୁ ସବେନ୍ ହୁଲାକ୍ ଆଇଁକେ ଉଡ୍ଡୁତେ ଅତାକାଦିୟା ।

୨୯ ଜେତାଏ ନାରାଦୁରା ହବାଅଠତାନ୍ରେ, ଆଇଁହଁ ଇନିଠଲଠ ନାରାଦୁରା ଆଟ୍ଟକାରେୟାଈଁ । ଜେତାଏ ପାପ୍କାମି ରିକାଏରେ, ଆଇଁ ମନ୍ରେ ପୁରାଠିଈଁ ନାରାଜଠଆ ।

* ୧୧:୨୩ ପ୍ରେରିତ୍ତ ୧୭:୨୩. * ୧୧:୨୪ ଅନାଇସ୍ * ୧୧:୨୫ ପ୍ରେରିତ୍ତ ୧୭:୨୨; ପ୍ରେରିତ୍ତ ୧୪:୧୯. * ୧୧:୨୬ ପ୍ରେରିତ୍ତ ୯:୨୩; ପ୍ରେରିତ୍ତ ୧୪:୫.

୩୦ ଆଇଙ୍କ ଆପାନ୍‌କେ ମାରାଙ୍କ ମେନ୍ତେ କାଜିନ୍ ହବାଅଃରେ, ଆଇଁୟାଃ ନେ ସବେନ୍ ନାରାଦୁରା ନାଗେନ୍ତେ ଆଇଙ୍କ ଆପାନ୍‌କେ ମାରାଙ୍କ ମେନ୍ତେ କାଜିନ୍ ହବାଅଃଆ ।

୩୧ ଆଇଙ୍କ କାଇଙ୍କ ବେଦାତାନା, ଏନା ପାରମେଶ୍ୱାର୍ ଆତଃ ଆବୁଆଃ ପ୍ରାଭୁ ଯାଶୁଆଃ ଆପୁ ସାରିତାନାଏ । ଇନିୟାଃ ଜାନାଅ ଜାନାଅଗି ସାହାରାଅ ହବାଅଃକା ।

୩୨ ଆଇଙ୍କ ଦମାସକସରେ ତାଇନତାନ୍ ଇମତା ରାଜା ଆରିସ୍ତାକ୍‌ଆଃ ହାକିମ୍ ଆଇଙ୍କକେ ତଲ୍‌ଇଦି ନାଗେନ୍ତେ ନାଗାରରେୟାଃ ଚାରିୟସାଃରେ ହର ହଡକକେ ଦହକାଦକ ତାଇକେନା ।

୩୩ ମେନ୍‌ଦ ଆଇଙ୍କକେ ମାରାଙ୍କ ଚୁଙ୍କିରେ ଦହକେଦତେ ନାଗାରରେୟାଃ ପାର୍‌ରିରାଃ ଖୁଡକି ହରା ବାହାରିତେ ତୁଙ୍ଗା ଆଡ଼ଗୁକେଦିୟା, ନେ ଲେକାତେ ଆଇଙ୍କ ଇନିଃତାଃଏତେଇଙ୍କ ନିର୍‌ୟାନା ।

୧୨

ପାଉଲୁସଆଃ ଦାର୍‌ଶାନ୍ ଉନ୍ନୁଦୁବକାଜି

୧ ଜେତାନ୍ ବୁଗିନାଃ କା ହବାଅଃରେୟ, ଆଇଙ୍କ ଆପାନ୍‌କେ ମାରାଙ୍କ ମେନ୍ତେ କାଜିନ୍ ଲାଗାତିଙ୍କିୟାଃ । ମେନ୍‌ଦ ପ୍ରାଭୁ ଆଇଙ୍କକେ ଏମାକାଦିଙ୍କ ସବେନ୍ ଦାର୍‌ଶାନ୍ ଆତଃ ଉନ୍ନୁଦୁବକାଜିକ ନାହାଃଇଙ୍କ ଉଦୁବେୟା ।

୨ ଆଇଙ୍କ ଖ୍ରୀଷ୍ଟରେ ଆସ୍ରାଏତାନ୍ ମିଆଁଦ୍ ହଡକେଇଙ୍କ ସାରିୟାଃ, ଇନିଃଦ ଗେଲ୍‌ଉପୁନ୍ ବାରାଷ୍ ସିଦାରେ ଆପିୟା ସିର୍ମା ଦିଶୁମତେ ସେନ୍‌କାନ୍ ତାଇକେନା । ଇନିଃ ଆୟାଃ ଗନଏଃ ହଡ଼ମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇଙ୍କ ସାରିୟା ? ଏନାଦ ପାରମେଶ୍ୱାର୍ ଏସକାର୍ ସାରିୟାଏ ।

୩ ଆତଃଗିଇଙ୍କ କାଜିତାନା, ଇନିଃକେ ସିର୍ମାରେୟାଃ ବାଗାନ୍‌ତେ ଇଦିକାନ୍ ତାଇକେନା । ଇନିଃ ଆୟାଃ ସାଂସାର୍ ହଡ଼ମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇଙ୍କ ସାରିୟା ? ଏନାଦ ପାରମେଶ୍ୱାର୍ ଏସକାର୍ ସାରିୟାଏ ।

୪ ଏନ୍ ପାରାଦେସରେ ଇନିଃ ଜାଗାରରେ କା କାଜି ଦାଡ଼ିୟଃତାନ୍ ଆତଃ ଫୁରଟାଅକେଦତେ କାଜି କା ଦାଡ଼ିୟଃତାନ୍ ଜାଗାର୍ ଆୟୁମ୍ ଦାଡ଼ିକେଦାଇଙ୍କ ।

୫ ନେ ହଡ ନାଗେନ୍ତେ ଆଇଙ୍କ ଆପାନ୍‌କେ ମାରାଙ୍କ ମେନ୍ତେଇଙ୍କ କାଜିନ୍ ତାନା । ମେନ୍‌ଦ ଆଇଁୟାଃ ନାରାଦୁରାକେ ଉଦୁବେତେୟାଃକେ ବାଗିକେଦତେ ଏଗାଃ ଜେତାନ୍ ବିଷାଏରେ ଆଇଙ୍କ ଆପାନ୍‌କେ ମାରାଙ୍କ ମେନ୍ତେ କାଇଙ୍କ କାଜିନା ।

୬ ଆପାନ୍‌କେ ମାରାଙ୍କ ମେନ୍ତେ କାଜିନ୍ ନାଙ୍କ ଆଇଁୟାଃ ନାଗେନ୍ତେ ତଣ୍ଡୁ କା ହବାଅଃଆ, ଚିୟାଃତି ଆଇଙ୍କଦ ସାର୍‌ତି କାଜି କାଜିତାନାଇଙ୍କ । ମେନ୍‌ଦ ଆଇଙ୍କ ଆପାନ୍‌କେ ମାରାଙ୍କ ମେନ୍ତେ କାଜିନ୍ କାଇଙ୍କ ସାନାଙ୍କ ତାନା, ହଡକ ଆଇଙ୍କକେ ଜେ'ଲେକା କାମି ନାଗେନ୍ତେ ନେଲିୟାକ ଆତଃ ଆଇଁୟାଃତାଃଏତେ ଜେ'ଲେକା କାଜି ଆୟୁମେୟାକ, ଏନାଏତେ ଆଇଙ୍କକେ ମାରାଙ୍କ ମେନ୍ତେ ଆଲ୍‌ପେ ଆଟ୍‌କାରିୟା ।

୭ ମେନ୍‌ଦ ଆଇଙ୍କ ପାରମେଶ୍ୱାର୍‌ତାଃଏତେ ଉଦୁବାକାନ୍ ନେ ଲେକାନ୍ ଆକ୍‌ଦାନ୍‌ଆ କାମିକଇଙ୍କ ନାମାକାଦରେୟ, ଆଇଙ୍କ ଆପାନ୍‌କେ ମାରାଙ୍କ ମେନ୍ତେ ଆଲକାଇଙ୍କ କାଜିନ୍‌କା ମେନ୍ତେ ଆଇଁୟାଃ ହଡ଼ମରେ ହାସୁଇଙ୍କ ନାଙ୍କ ମିଆଁଦ୍ ଜାନୁମ୍ ଲେକା ଏମାକାନା, ନେଆଁ ଆଇଙ୍କରେ ସାଏତାନ୍‌ରାଃ କାଜିକୁଲ୍‌ନିଃ ଲେକାଏ କାମିୟା, ଜେ'ଲେକାଟି ଆଇଙ୍କ ପୁରାଃଗି ଆପାନ୍‌କେ ମାରାଙ୍କ ମେନ୍ତେ କାଜି କାଇଙ୍କ ଦାଡ଼ିୟା ।

୮ ନେଆଁକେ ସାଜିନେ ନାଗେନ୍ତେ ଆଇଙ୍କ ଆପିସା ପ୍ରାଭୁତାଃରେଇଙ୍କ ବିକ୍ରିକେଦା,

୯ ମେନ୍‌ଦ ଇନିଃ ଆଇଙ୍କକେ କାଜିକିୟା, “ଆଇଁୟାଃ ସାୟାଦ୍ ଆପେ ନାଗେନ୍ତେ ପୁରାଃଗିୟା, ଆପେ ନାରାଦୁରାଃଆ ଇମତା ଆଇଁୟାଃ ପେଡ଼େଃ ପୁରାଃଗିଆ ।” ଏନାତେ ଖ୍ରୀଷ୍ଟଆଃ ପେଡ଼େଃ ଆଇଙ୍କତାଃରେ ତାଇନଃ ନାଙ୍କ ଆଇଙ୍କ ଆଇଁୟାଃ ନାରାଦୁରା ନାଗେନ୍ତେ ପୁରାଃଗି ଆପାନ୍‌କେ ମାରାଙ୍କ ମେନ୍ତେ କାଜିନାଇଙ୍କ ଆତଃ ରାସକାଅଃଆଇଙ୍କ ।

୧୦ ଖ୍ରୀଷ୍ଟ ନାଗେନ୍ତେ ଆଇଙ୍କ ସବେନ୍ ଲେକାନ୍ ନାରାଦୁରା, ହିନିସ୍ତା, ସାସାଡି, ଆତଃ ସିଗିଦ୍ ହବାଅଃରେୟ ରାସକାଅଃଆଇଙ୍କ, ଚିୟାଃତି ଆଇଙ୍କ ନାରାଦୁରାଃଆ ଇମତା ପେଡ଼େଃଆଇଙ୍କ ।

କବିତ୍ୱିୟରେନ୍ ହଡକଆଃ ନାଗେନ୍ତେ ପାଉଲୁସଆଃ ଉଡ଼ୁ

୧୧ ଆଇଙ୍କ ତଣ୍ଡୁ ଲେକାଇଙ୍କ କାମିତାନା । ନେଆଁ କାମି ନାଗେନ୍ତେ ଆପେ ଆଇଙ୍କକେ ଜାବାର୍‌ଜାସ୍ତି କାଦିୟାପେ, ଚିୟାଃତି ଆଇଁୟାଃ ସାହାରାଅ ରିକା ନାଗେନ୍ତେ ଆପେୟାଃ ଲାଗାତିଙ୍କ ତାଇକେନା । ଆଇଙ୍କ ଜେତାନିଃ ନାହାଃଲାଇଙ୍କରେୟ ଆପେୟାଃ ଏନ୍ ମାପରାଙ୍କ ପ୍ରେରିଡକତାଃଏତେ ଜେତାରେୟ ହୁଡିଙ୍କ ନାହାଃଲାଇଙ୍କ ।

୧୨ ପୁରାଃ ଆକ୍‌ଦାନ୍‌ଆ ଆତଃ ଆକ୍‌ଚାକାଅ କାମିକ ପୁରାଃ ଧିରାଜ୍ ସାବକେଦତେ ଆପେ ଆଲରେଇଙ୍କ ରିକାକାଦା, ଏନା ସାବୁଦ୍ ଏମେତାନାଏ ଯେ, ଆଇଙ୍କ ପ୍ରେରିଡ ତାନିଙ୍କ ।

୧୩ ମିଆଁଦ୍ ବିଷାଏରେ ଏସକାର୍ ଆଇଙ୍କ ଏଗାଃ ଏଗାଃ କାଲିସିୟାତାଃଏତେ ଆପେଲଃ ଏଗାଃ ଲେକାଇଙ୍କ ବେଭାର୍‌କାଦା । ଆଇଙ୍କ ଆପେୟାଃ ଚେତାନ୍‌ରେ ବାହାରମ୍ ଲେକା କାଇଙ୍କ ହବାକାନା । ଏନ୍ ଏଡକାନ୍‌ଆଃ ନାଗେନ୍ତେ ଆଇଙ୍କକେ ଛାମାଇଙ୍କପେ ।

☆ ୧୧:୩୨ ପ୍ରେରିଡ୍ ୯:୨୩-୨୫.

୧୪ ଆଇଙ୍କ ଆପିସାତେ ଆପେତାଃତେ ସେନ୍ ନାଗେନ୍ତେ ସେକାଡେନ୍ ତାନାଇଙ୍କ । ଆଇଙ୍କ ଆପେତାଃତେ ଜେଡ୍ନାଃ କାଇଙ୍କ ହାଟି । ଆଇଙ୍କ ଆପେକେଇଙ୍କ ସାନାଇତାନା, ଆପେୟାଃ ଟାକା ପାଏସା କାହାଟି । ଚିୟାଃଟି ଏଙ୍ଗାଆପୁକଆଃ ନାଗେନ୍ତେ ହନ୍କକେ ଜଗାଅ ନାଇ କା ଲାଗାଡିଙ୍ଗିୟାଃ, ମେନ୍ଦ ହନ୍କଆଃ ନାଗେନ୍ତେ ଏଙ୍ଗାଆପୁକ ଜଗାଏୟା ।

୧୫ ଆଇଙ୍କ ଆପେୟାଃ ଜୀଉରେ ଆପେକେ ଦେଙ୍ଗାପେ ନାଗେନ୍ତେ ଆଇୟାଃ ସବେନାଃ ଏମ୍କେଦାଇଙ୍କ, ନେ'ଲେକାଟି ଆଇଙ୍କ ଆପାନ୍କେ ରାସକାତେ ଏମ୍ ନାଗେନ୍ତେଇଙ୍କ ସେକାଡାକାନା । ଆଇଙ୍କ ଆପେକେ ନିମିନ୍ ପୁରାଃଗିଇଙ୍କ ଦୁଲାଇଡ୍ପେ ତାନା ମେନ୍ତେ ଚିନାଃ ଆପେ ଆଇଙ୍କକେ ନିମିନ୍ କାଟିଃଟି ଦୁଲାଇଡ୍ପେ ?

୧୬ ଆଇଙ୍କ ଆପେୟାଃ ଚେତାନରେ ବାହାରମ୍ ଲାଦିୟାକାନ୍ ଲେକା କାଇଙ୍କ ହବାକାନା । ନେ କାଜି ସାର୍ଡିତାନାଃ ମେନ୍ତେ ମିଦ୍ମନ୍ ହବାଅଆପେ । ମେନ୍ଦ ଆପେକଏତେ ଜେତାଏ କାଜିୟାଏ, ଆଇଙ୍କ ଚାଲାକ୍ତେ ଆପେକେ ହସଡ୍ କାଜିତାନ୍ଲଃ ଫାନ୍ଦିରେଇଙ୍କ ଉୟୁଃକାଦ୍ପେୟା ।

୧୭ ଆପେତାଃତେ ଅକନ୍କକେ କୁଲାକାଦ୍କଆଇଙ୍କ, ଇନ୍କୁକଏତେ ଜେତାଏୟାଃ ହରାତେ ଆଇଙ୍କ ଚିନାଃ ଆପେତାଃତେ ଜେତାନ୍ ସୁଯୋଗ୍ ଇଦିକାଦାଇଙ୍କ ।

୧୮ ଆଇଙ୍କ ତିତସ୍କେ ଆପେତାଃତେ ସେନ୍ ନାଗେନ୍ତେଇଙ୍କ ବିକ୍ତିକିୟା ଆତଃ ଇନିଃଲଃ ଏଟାଃ ହାଗାକେଇଙ୍କ କୁଲ୍କିୟା । ତିତସ୍ ଆପେତାଃତେ ସୁଯୋଗ୍ ଇଦିକାଦାଏ ମେନ୍ତେ ଚିୟାଃ ଜେତାଏ କାଜି ଦାଡିୟାପେ ? ଇନିଃ ଆତଃ ଆଇଙ୍କ ଚିନାଃ ମିଦ୍ମନ୍ତେ କାଲିଙ୍କ ସେସେନ୍କାଦା ? ଆଲିଙ୍ଗିୟାଃ ଚାଇଲ୍ ଚାଲାନ୍ ଚିନାଃ ମିଦ୍ଲେକାଟି ବାନଃଆ ?

୧୯ ହବାସାକାଅଆଃ, ଆପେ ନାହାଁଃ ଜାକେଦ୍ପେ ଉଡ୍ଡୁତାନା ଯେ, ଆଲେ ଆପେୟାଃ ଆୟାରରେ କାଜିକଲେ ବାଇତାନା । ପାର୍ମେଶ୍ୱାର୍ଆଃ ଆୟାରରେ ଶ୍ରୀଷ୍ଟ ଆଲେକେ କାଜିକାଦ୍ ଲେକା ଆଲେ ଆପେକେ କାଜିପେତାନାଲେ । ହେ ଦୁଲାଇଡ୍ ଗାଟିକ୍, ସବେନ୍ ବିଷାଏ ଆପେକେ ଦେଙ୍ଗାପେ ନାଗେନ୍ତେଲେ କାମିତାନା ।

୨୦ ଚିୟାଃଟି ଆଇୟାଃ ବର ହବାଅତାନା, ଆଇଙ୍କ ଆପେତାଃତେ ସେନ୍କେଦ୍ପେ ଆପେକେ ନେଲ୍ ନାଗେନ୍ତେ ସାନାଇତାନ୍ ଲେକା ନେଲ୍ କାଇଙ୍କ ଦାଡିୟା ଆତଃ ଆପେ ଆଇୟାଃ ଅକନ୍ ରୁପ୍ ନେଲ୍ ନାଗେନ୍ତେ କାପେ ସାନାଇତାନା, ହବାସାକାଅଆଃ, ଏନା ନେଲ୍ ନାଗେନ୍ତେପେ ନାମେୟା । ଏନ୍ତାଃତେ ସେନ୍କେଦ୍ପେ ଆଇଙ୍କ ଚିମିନ୍ ରାକାମ୍ରେୟାଃ ଏପେଗେର୍, ହିସ୍ଙ୍ଗା, ଖ୍ସ, ଆପ୍ନାଃ ନାଗେନ୍ତେ ଏସ୍କାର୍ ଉଡ୍ଡୁ, ହିନିସ୍ତା, ତୁପୁରାକାଜି, ଆପାନ୍କେ ମାରାକ୍ ମେନ୍ତେ କାଜିନ୍, ହାଲାଗୁଲା ନେ ସବେନାଃ ନେଲ୍ ନାଗେନ୍ତେଇଙ୍କ ନାମେୟା ।

୨୧ ଆଇଙ୍କ ଆପେତାଃତେ ଆତଃମିସା ସେନ୍ସେଟେର୍ ଇମ୍ତା ଅକଏସାରି ପାର୍ମେଶ୍ୱାର୍ ଆଇଙ୍କକେ ଆପେୟାଃ ଆୟାରରେ ହୁଡିଙ୍ଗିୟା, ଅକନ୍କ ସିଦାକରେ ପାପ୍ କାମିକାଦାକ, ଆକଆଃ ସଡ୍ରା କାଜିକାମି, ଆପାଙ୍ଗିର୍ କାମି, ଆତଃ ହଡ୍ମରେୟାଃ ଏଡ୍କାନ୍ ସାନାଇ ନେ ସବେନାଃ ନାଗେନ୍ତେ ଇନ୍କୁ କାକ ହେୟାଡିଙ୍ଗି ତାନା, ନେ ଲେକାନ୍ ହଡ୍କ ନାଗେନ୍ତେ ଆଇଙ୍କକେ ଏୟମ୍ ରିକା ଲାଗାଡିଙ୍ଗିୟାଃ ।

୧୩

୧ ନେଆଁଲଃ ଆଇଙ୍କ ଆପେତାଃତେ ଆପିସା ସେନ୍ତାନାଇଙ୍କ । ଧାରାମ୍ପୁଥ୍ ଲେକାତେ, ବାରହଡ୍ ଚାଏ ଆପିହଡ୍ଆଃ ଗାଞ୍ଜାତେ ସବେନ୍ କାଜି ମାନାଡିଙ୍ଗି ହବାଅଆ ।

୨ ସିଦାକରେ ପାପକାଦ୍ ହଡ୍କକେ ଆତଃ ଏଟାଃ ସବେନ୍କକେ, ଆଇଙ୍କ ଏନ୍ତାଃତେ ସେନ୍ୟାନ୍ଲଃ ବାରସାତେ କାଜିକାଦ୍କ ତାଇକେନାଇଙ୍କ, ଆତଃ ନାହାଁଃ ସାଜିନ୍ରେ ତାଇକେଦ୍ପେୟା କାଜିକତାନାଇଙ୍କ, ଆଇଙ୍କ ନେସ୍କାନ୍ ସେନ୍ରେ, ଜେତାଏ ସାଜାଇଏତେ ବାଞ୍ଛାଅ କାକ ନାମେୟା ।

୩ ଶ୍ରୀଷ୍ଟ ଆଇୟାଃ ହରାତେ କାଜିତାନା, ଏନ୍ ବିଷାଏରେ ଆପେ ସାନାଇତାନ୍ ସବେନାଃରେୟାଃ ସାବୁଦ୍ପେ ନାମେୟା । ଆପେୟାଃ ନାଗେନ୍ତେ ଇନିଃ ଚିତ୍ତଲାଅ କାଏ ନାରାଦୁରାକାନା । ମେନ୍ଦ ଆପେତାଃତେ ଇନିଃ ଆୟାଃ ପେଡେଃରେୟାଃ ପାରିଚାଏ ଏମାକାଦାଏ ।

୪ ଇନିଃ ନାରାଦୁରାକେଦ୍ପେ କୁଶରେ ଗଏୟାନ୍ରେୟା ପାର୍ମେଶ୍ୱାର୍ଆଃ ପେଡେଃତେ ଜୀନିଦ୍ ମେନାଇୟା । ଆୟାଃଲଃ ମେସାକେଦ୍ପେ ଆଲେ ହଗି ନାରାଦୁରାକାନାଲେ, ମେନ୍ଦ ଆଲେୟାଃ ନାତା ଆପେଲଃ ପାର୍ମେଶ୍ୱାର୍ଆଃ ପେଡେଃରେୟାଃ ହିସା ହବାକେଦ୍ପେ ଶ୍ରୀଷ୍ଟଲଃ ଆବୁ ଜୀନିଦ୍ ହବାଅଆବୁ ।

୫ ଆପେ ବିଶ୍ୱାସ୍ରେ ମେନାପେୟା ଚି କାହା, ଏନ୍ ବିଷାଏରେ ଆପେ ଆପାନ୍କେ ବିଡାଅତାନ୍ଲଃ ବିଚାରେନ୍ପେ, ଚାଏ ଯାଶୁ ଶ୍ରୀଷ୍ଟ ଆପେରେ ତାଇନ୍ତାନାଏ, ଏନା କାପେ ଚି ଆଟ୍କାର୍ଡରୁମ୍ ତାନା ? ନେଆଁ କା ହବାଅତାନ୍ ରେଦ, ଆପେ ବିନିଡାଅରେ ପୁରାଗି ହାରାଅକାନାପେ ।

୬ ମେନ୍ଦ ଆଇୟାଃ ଭାର୍ସା ମେନାଃ, ଆଲେ ବିନିଡାଅରେ ଜିତାଅକାନାଲେ, ଏନା ଆପେ ଆଟ୍କାର୍ ଦାଡିୟାପେ ।

୭ ମେନ୍ଦ ଆପେ ଜେତାନ୍ ଏଡ୍କାନ୍ କାମିରେ ଆଲପେ ତାଇନାଃ ମେନ୍ତେ ପାର୍ମେଶ୍ୱାର୍ତାଃରେ ଆଲେ ଆପେ ନାଗେନ୍ତେଲେ ବିକ୍ତିତାନା । ଆଲେ ବିନିଡାଅରେ ଜିତାଅକାନାଲେ ଏନା ଉଦୁବେ ନାଗେନ୍ତେ ମେନ୍ତେଦ କାହା, ମେନ୍ଦ ଆଲେ ବିନିଡାଅରେ ହାରାଅକାନ୍ ଲେକାଲେ ନେଲଃ ରେୟା, ଆପେ ଜେ'ଲେକା ବୁଗିନ୍ କାମିପେ କାମିୟା, ଏନାମେନ୍ତେଲେ ବିକ୍ତିତାନା ।

୮ ସାନାର୍ତ୍ତିରେୟାଃ ବିରୁଧରେ କାମି ନାଗେନ୍ତେ ଆଲେୟାଃ ଆକ୍ତେୟାର୍ ବାନଃଆ, ଆଲେ ସାନାର୍ତ୍ତିରେୟାଃ ବିଷାଏରେ ଏସ୍‌କାର୍ କାମି ଦାଡ଼ିୟାଃଲେ ।

୯ ଆଲେ ନାରାଦୁରା ତାଇକେନ୍ ଇମତା ଆପେ କେଟେୟାନ୍‌ଗିପେ ତାଇକେନା, ଏନାମେନ୍ତେ ଆଲେ ରାସ୍‌କାଅଃ ତାନାଲେ ଆତଃ ଆପେ ପକ୍ତାଃଆପେ ମେନ୍ତେଲେ ବିନ୍ତିତାନା ।

୧୦ ଏନାମେନ୍ତେ ସାଜିନ୍‌ରେ ତାଇକେଦ୍‌ତେ ଆଇଙ୍ଗ୍ ଆପେତାଃତେ ଚିଗାଡ ଅଲେତାନାଇଙ୍ଗ୍, ଚିୟାଃଚି ଆପେତାଃରେ ସେଟେୟାନ୍ ଇମତା ପ୍ରାଭୁ ଆଇଙ୍ଗ୍‌କେ ଏମାକାଦିଙ୍ଗ୍ ଆକ୍ତେୟାର୍‌କେ କେଟେଦ୍ ମନ୍‌ତେ ରିକା ଆଲକା ଲାଗାଡିଙ୍ଗ୍‌କା । ଚିୟାଃଚି ଆପେକେ ହୁଡିଙ୍ଗ୍ ଜୀଉ ରିକା ନାଗେନ୍ତେଦ କାହା, ମେନ୍‌ଦ ବାଇ ନାଗେନ୍ତେ ପ୍ରାଭୁ ଆଇଙ୍ଗ୍‌କେ ଆକ୍ତେୟାର୍ ଏମାକାଦିୟାଏ ।

୧୧ ରୁଣ୍ଡୁରେ ହେ ହାଗା ମିଗିକ, ରାସ୍‌କାଅଃପେ, ପକ୍ତାଃଆପେ, ମିହୁଡ୍ ଆତଃମିହୁଡ୍‌କେ ଜୀଉରେ ରାସ୍‌କା ଏପେମ୍‌ପେ, ମିଦ୍ ମନ୍‌ଅଃପେ, ସୁକୁରେ ତାଇନଃପେ । ଦୁଲାଡ୍ ଆତଃ ଜୀଉସୁକୁତେ ପେରେଜାକାନ୍ ପାର୍‌ମେଶ୍ୱାର୍ ଆପେଲଃ ତାଇନକାଏ ।

୧୨ ଖ୍ରୀଷ୍ଟ ଦୁଲାଡ୍‌ତେ ମିହୁଡ୍ ଆତଃମିହୁଡ୍‌ଲଃ ଜହାରଃପେ । ପାର୍‌ମେଶ୍ୱାର୍‌ଆଃ ସବେନ୍ ହଡକ ଆପେକେ ଜହାର୍ ମେନ୍ତେକ କାଜିକୁଲ୍‌ତାନା ।

୧୩ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍, ପାର୍‌ମେଶ୍ୱାର୍‌ଆଃ ଦୁଲାଡ୍, ଆତଃ ପାବିତାର୍ ଆମ୍‌ରେୟାଃ ସାଙ୍ଗାଡି ଆପେ ସବେନ୍‌କଲଃ ହବାଅଃକା ।

ଗାଳାତିୟମାନଙ୍କ ନିକଟକୁ ପାଉଲଙ୍କ ପତ୍ର ଗାଳାତିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଗାଳାତିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍ଲାକାନା ୧:୧ । ନେ ଚିଟାଉ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୪୮-୫୭ କରେ ଗାଳାତିୟରେନ୍ ବିଶ୍ୱାସୀକତାଃତେ ଅଲ୍ଲାକାନ୍ ତାଇକେନା । ହବାସାକାଅଆଃ ଗାଳାତିୟରେନ୍ ହଡକ ରୋମି ପାର୍ଗାନ୍‌ରେୟାଃ ଗାଳାତିୟରେ ତାଇନଃତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲ୍ଲକେଦ୍ ଇମ୍ତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍ କାକ ସାରି ଦାଡ଼ିକାନା । ମେନ୍ଦ୍ ଚିମିନ୍ ପାଣ୍ଡିତ୍ ଏଫିସିୟ ଚାଏ କରିନ୍ତିରେ ଅଲ୍ଲାକାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଳାତିୟ କାଲିସିୟାରେ ତାଇନତାନ୍ ଯିହୁଦୀ ଆତଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦାଏ । ବିଶେଷକେଦ୍‌ତେ ଇନିଃ ହସତ୍ ଇନିତୁ ଏମ୍‌ତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍ଲାକାଦ୍ ତାଇକେନାଏ । ଏନା ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ମାରି ନିୟାମ୍‌ରେୟାଃ ଯିହୁଦୀକଆଃ ଆନ୍‌ତୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଆଃଚି ଖାଡ଼ନାଅରେୟାଃ ବିଷାଏ ତାଇକେନା । ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକଆଃ ଝୁଣ୍ଡକଏତେ ଚିମିନ୍ ଝୁଣ୍ଡକ ତାଇକେନା, ଇନ୍‌କୁକେ ଯୁଦାଈଜମ୍, ଯିହୁଦୀ ଧାରାମ୍‌ରେନ୍ ହଡକ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାଡ଼ନାଅରେୟାଃ ରିଡିରିଝାଜ୍ ମାନାତିଙ୍ଗ୍ ନାଗେନ୍ତେକ ଆତୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାର୍ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଅିନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଆ ୧:୧-୨:୧୪ । ଆତଃ ଯୀଶୁ ଖ୍ରୀଷ୍ଟ୍‌ରେ ବିଶ୍ୱାସକେଦ୍ ହରାତେ ଜୀଉବାଞ୍ଚାଅ ନାମଃଆ, ନେଆଁ ଉଦୁବ୍‌କେଦ୍‌ତେ ସୁକୁକାଜିକେ ବାଞ୍ଚାଅ ଦାଡ଼ିକାନା ୨:୧୭ । ଅକଆଃଚି ପାର୍‌ମେଶ୍ୱାର୍‌ଆଃ ଦାୟାତେ ହବାଦାଡ଼ିୟାଃଆ, ମେନ୍ଦ୍ ମାନଝାସାଃତେ କା ହବାଦାଡ଼ିୟାଃଆ ।

ପୁଅ୍ ବିତାବ୍‌ରେ ତାଇକାନ୍ କାଜି

- ୧. ପାଉଲୁସ୍‌ଆଃ ଜହାର୍ । ୧:୧-୫
- ୨. ପାଉଲୁସ୍‌ଆଃ ସିଦା ଜୀଝାନ୍, ଆୟାଃ ଇନିତୁ ଏମ୍‌ରେୟାଃ ଆକ୍‌ତେୟାର୍ ଆତଃ ଆନ୍‌ତୁରେୟାଃ କାଜିକାମି । ୧:୭-୨:୨୧
- ୩. ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଉବାଞ୍ଚାଅ ନାମେରେୟାଃ କାଜି । ୩-୪
- ୪. ବୁଗିନ୍ ଖ୍ରୀଷ୍ଟ୍‌ୟାନ୍ ଚାଇଲ୍ ଚାଲାନ୍ ନାଗେନ୍ତେ ଆନାତୁ । ୫:୭-୧୦
- ୫. ପାଉଲୁସ୍‌ଆଃ ତୁଣ୍ଡ୍ ଜହାର୍ ଆତଃ ପାର୍‌ମେଶ୍ୱାର୍‌ଆଃ ହରାତେ ଜୀଝାନ୍ ବାଦ୍‌ଲାଅ । ୬:୧୧-୧୮

ପାଉଲୁସ୍‌ଆଃ ଜହାର୍

୧ ଆଇଙ୍ଗ୍ ପ୍ରେରିତ୍ ପାଉଲୁସ୍ ତାନିଙ୍ଗ୍, ମାନଝାସାଃଏତେ ଚାଏ ମାନଝା ହରାତେ କାଇଙ୍ଗ୍ ହିଜାକାନା, ମେନ୍ଦ୍ ଆପୁ ପାର୍‌ମେଶ୍ୱାର୍‌ତାଃଏତେ ଆତଃ ଇନିଃ ଗଜାକାନ୍‌କଏତେ ଜୀଉବିରିଦାକାଇ, ଏନ୍ ଯୀଶୁ ଖ୍ରୀଷ୍ଟ୍‌ଆଃ ହରାତେ କେନେଡ଼ା ନାମାକାଦାଇଙ୍ଗ୍ ।

୨ ଆଇଁୟାଃଲଃ ନେତାଃରେ ତାଇନତାନ୍ ସବେନ୍ ବିଶ୍ୱାସୀ ହାଗା ମିଶିକ ଗାଳାତିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେକ କାଜିକୁଲେତାନା ।

୩ ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାତୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୪ ନାହାଁଃରେୟାଃ ନେ ଏଡକାନ୍ ପାରିୟାଏତେ ଆତୁକେ ବାଞ୍ଚାଅତୁ ନାଗେନ୍ତେ ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍‌କେ ମାନାତିଙ୍ଗ୍‌ତାନ୍‌ଲଃ, ଖ୍ରୀଷ୍ଟ୍ ଆରୁଆଃ ପାପ୍ ନାଗେନ୍ତେ ଆଇଃକକେ ଏମ୍‌କିୟା ।

୫ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

ମିଆଁଦ୍‌ଗି ସୁକୁକାଜି

୬ ଖ୍ରୀଷ୍ଟ୍‌ଆଃ ସାୟାଦ୍ ହରାତେ ଇନିଃ ଆପେକେ କେଡ଼ାକାଦ୍‌ପେ ତାଇକେନା, ଇମିନ୍ ଜାଲ୍‌ଦି ଆପେ ଇନିଃକେ ବାଗିକେଦ୍‌ତେ ଏଟାଃ ମିଆଁଦ୍ ସୁକୁକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ହାଏକାଟଃତାନା ।

୭ ସାର୍‌ତି କାଜିଲେରେ, ଏଟାଃ ସୁକୁକାଜି ବାନଃଆ । ମେନ୍ଦ୍ ଆଇଙ୍ଗ୍ କାଜିତାନାଇଙ୍ଗ୍, ଚିଆଃଚି ଚିମିନ୍ ହଡକ ଖ୍ରୀଷ୍ଟ୍‌ଆଃ ସୁକୁକାଜିକେ ଏଟାଃ ଲେକାତେ ଉଦୁବ୍‌କେଦ୍‌ତେ ଆପେକେ ଆକ୍‌ଦାନ୍‌ଆ ନାଗେନ୍ତେକ ସାନାଙ୍ଗ୍‌ତାନା ।

୮ ମେନ୍ଦ୍ ଆଲେ ଅକ ସୁକୁକାଜି ଆପେତାଃରେ ଉଦୁବାକାଦ୍ ତାଇକେନାଲେ, ଏନାକେ ବାଗିକେଦ୍‌ତେ ଏଟାଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିମାରେନ୍ ଦୁଡ୍ ଉଦୁବେରେଦ୍, ଇନିଃ ସାର୍‌ପାଅଃକାଏ ।

୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି, ନାହାଁଃ ଆଡ଼ଫିସା କାଜିତାନାଇଜ୍, ଆପେ ଅକ ସୁକୁକାଜି ତେଲକାଦାପେ, ଏନାଏତେ ଏଟାଃ ସୁକୁକାଜି ଜେତାଏ ଉଦୁବେରେଦ, ଇନିଃ ସାର୍ପାଅଃକାଏ ।

୧୦ ନେଆଁ ଆୟୁମକେଦ୍ତେ ଚିନାଃ ଆପେ ଆଟ୍ଟକାରେତାନାପେ ଯେ, ଆଇଜ୍ ହଡ଼କତାଃଏତେ ସୁକୁଇଚିୟଃ ନାଜ୍ ସାନାଜ୍ତାନାଇଜ୍ ? କାହାଗି । ଆଇଜ୍ ପାର୍ମେଶ୍ଵାର୍ଆଃ ଏସ୍କାର୍ ସୁକୁଇଚିୟଃ ନାଜ୍ ସାନାଜ୍ତାନାଇଜ୍ । ଆଇଜ୍ ଚିନାଃ ସବେନ୍ ହଡ଼କତାଃରେ ସାରିୟଃ ନାଜ୍ ସାନାଜ୍ତାନାଇଜ୍ ? ଆଇଜ୍ ନାହାଁଃ ଜାକେଦ୍ ସବେନ୍ ହଡ଼କ ସାରିଜ୍କାକ ମେନ୍ତେଇଜ୍ ସାନାଜ୍ତାନରେଦ, ଆଇଜ୍ ତିସିଜ୍ ଶ୍ରୀଷ୍ଟିଆଃ ଦାସି କାଇଜ୍ ହବାକାନତେୟାଃ ।

ପାଉଲୁସ୍ ଚିଲ୍କାତେ ପ୍ରେରିତ୍ ହବାୟାନାଏ

୧୧ ହେ ଦୁଲ୍ଲାଡ୍ ହାଗା ମିଶିକ, ଆଇଜ୍ ଆପେକେଇଜ୍ କାଜିପେତାନା, ଆଇଜ୍ ଅକ ସୁକୁକାଜିଇଜ୍ ଉଦୁବ୍ପେତାନା, ଏନା ମାନଞ୍ଜାତାଃଏତେ କା ଉଦୁବାକାନା ।

୧୨ ଆଇଜ୍ ଜେତା ମାନଞ୍ଜାତାଃଏତେ ଏନା କାଇଜ୍ ନାମାକାଦା, ତାଏ ଜେତାଏ ଆଇଜ୍କେ କାକ ଇଡୁକାଦିୟାଁ । ମେନ୍ଦ୍ ଯାଶୁ ଶ୍ରୀଷ୍ଟି ଆଇଃକ୍ରି ଆଇଜ୍ତାଃରେ ଉଦୁବେନ୍ୟାନା ।

୧୩ *ଯିହୁଦୀ ଧାରାମ୍ରେ ପାତିୟାର୍ଋଲେକା ତାଇକେନ୍ ଇମ୍ତା, ଆଇଜ୍ ଚିଲ୍କା ଜୀଦାନ୍ ବିତାଅ ତାଇକେନାଇଜ୍, ଚିଲ୍କା ବେଗାର୍ ଲିନିବୁଇତେ ପାର୍ମେଶ୍ଵାର୍ଆଃ କାଲିସିୟାରେନ୍ ହଡ଼କକେ ସାସାତିକ ତାଇକେନାଇଜ୍ ଆଡ଼ଃ କାଲିସିୟାକେ ଜିୟନେ ନାଗେନ୍ତେଇଜ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଜ୍ ଉଦୁବାକାଦ୍ପେୟା ।

୧୪ *ଆଇଜ୍ ଯିହୁଦୀ ଧାରାମ୍ ମାନାତିଜ୍ରେ ଆଇୟାଃ ବାୟାସ୍ରେନ୍ ଯିହୁଦୀ ହଡ଼କତାଃଏତେ ଆୟାର୍ରେଇଜ୍ ତାଇକେନା ଆଡ଼ଃ ଆବୁଆଃ ପୁରଖାହାଡାମ୍ ହଡ଼କଆଃ ରିତିରିଞ୍ଜାଜ୍ ମାନାତିଜ୍ ନାଗେନ୍ତେ ପୁରାଃ ଚିହୁଲାନ୍ଗିଇଜ୍ ତାଇକେନା ।

୧୫ *ମେନ୍ଦ୍ ପାର୍ମେଶ୍ଵାର୍ ଆୟାଃ ସାୟାଦ୍ତେ ଆଇୟାଃ ଜାନାମ୍ ହବାଅ ସିଦାରେ ଆଇଜ୍କେ ସାଲାଇକେଦିୟାଁ ଆଡ଼ଃ ଆୟାଃ ସେଞ୍ଜା ନାଗେନ୍ତେ କେଡାକେଦିୟାଁ ।

୧୬ ଆଡ଼ଃ ସାଅଁସାର୍ ହଡ଼କଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ ଚିମ୍ତା ପାର୍ମେଶ୍ଵାର୍ ଆୟାଃ ହନ୍କେ ଆଇୟାଃତାଃରେ ଉଦୁବ୍କିୟା, ଇମ୍ତା ନେ ବିଷାଏରେ କୁପ୍ଲି ନାଗେନ୍ତେ ଆଇଜ୍ ଏଟାଃକତାଃତେ କାଇଜ୍ ସେନାକାନ୍ ତାଇକେନା ।

୧୭ ତାଏ ଆଇୟାଃଏତେ ସିଦାରେ ଅକନ୍କ ପ୍ରେରିତ୍ ତାଇକେନାକ, ଇନ୍କୁଲଃ ହଗି ନେପେଲ୍ ନାଗେନ୍ତେ ଯାରୁଶାଲେମ୍ତେ କାଇଜ୍ ସେନାକାନ୍ ତାଇକେନା । ମେନ୍ଦ୍ ଆଇଜ୍ ଇମ୍ତାଃଗି ଆରବ୍ ଦିଶ୍ଵମ୍ତେଇଜ୍ ସେନଃୟାନା ଆଡ଼ଃ ତାୟମ୍ତେ ଦମାସ୍କସ୍ତେ ରୁହାଡ଼ୟାନାଇଜ୍ ।

୧୮ *ଏନ୍ତେ ଆପି ବାରାଷ୍ଟ ତାୟମ୍ତେ ଆଇଜ୍ ପାଡ଼ରାସ୍ଲଃ ନେପେଲ୍ ନାଜ୍ ଯାରୁଶାଲେମ୍ତେଇଜ୍ ସେନଃୟାନା ଆଡ଼ଃ ଇନିଃଲଃ ଗେଲ୍ ମାଣେୟାଁ ମାହାଁ ତାଇକେନାଇଜ୍ ।

୧୯ ମେନ୍ଦ୍ ପ୍ରାଭୁଆଃ ହାଗା ଯାକୁବ୍କେ ବାଗିକେଦ୍ତେ ଆଇଜ୍ ଏଟାଃ ଜେତା ପ୍ରେରିତ୍ଲଃ କାଇଜ୍ ନେପେଲ୍ ।

୨୦ ଆଇଜ୍ ଅଲ୍ତାନ୍ତେୟାଃ ସାର୍ତି ତାନାଃ । ପାର୍ମେଶ୍ଵାର୍ ସାରିତାନାଏ, ଆଇଜ୍ କାଇଜ୍ ବେଦାତାନା !

୨୧ ଏନ୍ ତାୟମ୍ତେ ଆଇଜ୍ ସିରିୟା ଆଡ଼ଃ କିଲିକିଆ ପାର୍ମେଶ୍ଵାର୍ତେଇଜ୍ ସେନଃୟାନା ।

୨୨ ଏନ୍ ଦିପିଲିକରେ ଯିହୁଦୀ ରାଇଜ୍ରେ ତାଇନ୍ତାନ୍ ଶ୍ରୀଷ୍ଟିଆଃ କାଲିସିୟାରେନ୍ ବିଶ୍ଵାସୀ ହାଗା ମିଶିକ ଆଇଜ୍କେ ବେଶ୍କେଦ୍ତେ କାକ ସାରିକାଇଜ୍ ତାଇକେନା ।

୨୩ ଆଇୟାଃ ବିଷାଏରେ ଏଟାଃକ ଅକଆଃ କାଜିକାଦ୍ ତାଇକେନାକ, ଇମ୍ନାଜ୍ ଏସ୍କାର୍ ଇନ୍କୁ ସାରିୟାକାଦ୍ ତାଇକେନାକ । ଏଟାଃକତାଃଏତେ ଇନ୍କୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ଼ ଆବୁକେ ସିଦା ସିଗିଦ୍ବୁ ତାଇକେନା ଆଡ଼ଃ ଆବୁଆଃ ଧାରାମ୍କେ ଜିୟନେ ନାଗେନ୍ତେ ସାନାଜ୍ ତାଇକେନା, ନାହାଁଃଦ ଇନିଃ ଆବୁ ବିଶ୍ଵାସ୍କାଦ୍ କାଜିକେ ପାର୍ଚାର୍ ତାନା !”

୨୪ ଏନାମେନ୍ତେ ଇନ୍କୁ ଆଇୟାଃ ନାଗେନ୍ତେ ପାର୍ମେଶ୍ଵାର୍କେକ ମାନାରାଇଜ୍ ତାଇକେନା ।

୨

ପାଉଲୁସ୍ ଆଡ଼ଃ ଏଟାଃ ପ୍ରେରିତ୍କ

୧ *ଏନ୍ତେ ଗେଲ୍ ଉପୁନିୟା ବାରାଷ୍ଟ ତାୟମ୍ତେ ଆଇଜ୍ ଆଡ଼ଃମିସା ବର୍ଣ୍ଣବାସ୍ଲଃ ଯାରୁଶାଲେମ୍ତେଇଜ୍ ରୁହାଡ଼ୟାନା, ଇମ୍ତା ତିତସ୍କେ ହଗି ଆଇୟାଃଲଃ ଗାତିରେଇଜ୍ ଇଦିକାଇ ତାଇକେନା ।

୨ ଆଇଜ୍ ଏନ୍ତାଃତେ ସେନ୍କେନାଇଜ୍ ଚିଆଃଚି ପାର୍ମେଶ୍ଵାର୍ତାଃଏତେ ଉନ୍ନୁଦୁବ୍ ନାମାକାଦ୍ ତାଇକେନାଇଜ୍ । ସାଅଁସାର୍ ହଡ଼କତାଃରେ ଆଇଜ୍ ଅକ ସୁକୁକାଜି ଉଦୁବ୍କାଦାଇଜ୍, ଏନା ଯାରୁଶାଲେମ୍ରେନ୍ ଆଗୁଆଇକକେ ମିଆଁଦ୍

☆ ୧:୧୩ ପ୍ରେରିତ୍ ୮:୩; ୨୨:୪,୫; ୨୬:୯-୧୧. ☆ ୧:୧୪ ପ୍ରେରିତ୍ ୨୨:୩. ☆ ୧:୧୫ ପ୍ରେରିତ୍ ୯:୩-୬; ୨୨:୬-୧୦; ୨୬:୧୩-୧୮. ☆ ୧:୧୮ ପ୍ରେରିତ୍ ୯:୨୬-୩୦. ☆ ୨:୧ ପ୍ରେରିତ୍ ୧୧:୩୦; ୧୫:୨.

ଆତ୍ମାରେ ଦୁର୍ଭାବ ଉତ୍ପନ୍ନ ହେବାକୁ ଦେଖିଲେକାହିଁ ଉଦ୍‌ବିଗ୍ନ ହେବାକୁ ଦେଖିଲେକାହିଁ । ଆତ୍ମାରେ ସିଦ୍ଧାନ୍ତ କାମି ଆତ୍ମା ନାହିଁରେୟା କାମିକ ଜେ'ଲେକା ସାମାଏଣ୍ଡାଗଣଆ ମେନ୍ତେ ଆଇଙ୍ଗ କାହିଁକି ସାନାଙ୍ଗ ତାଇକେନା ।

୩ ଆତ୍ମାରେ ଗାତି ତିତସ୍ ମିଆଁଦ୍ ଗ୍ରୀକ୍ ହଡ୍ ତାଇକେନାଏ, ଏନ୍‌ରେହ ଇନିଃକେ ଖାତ୍‌ନାଅ ରିକାଃଅ ଲାଗାତିୟାଃ ମେନ୍ତେ କା କାଜିକାନ୍ ତାଇକେନା ।

୪ ମେନ୍‌ଦ୍ ଚିମିନ୍ ହଡ୍‌କ ଇନିଃକେ ଖାତ୍‌ନାଅ ରିକାଈ ନାଗେନ୍ତେକ ସାନାଙ୍ଗ ତାଇକେନା । ଇନ୍‌କୁ ବିଶ୍ୱାସୀ ହାଗା ତାନ୍‌ଲେ ମେନ୍ତେ ବେଦାକେଦ୍‌ତେ କୁମ୍‌ଡୁକୁ ଲେକା ଝୁଣ୍ଡରେ ମେସାକାନ୍ ତାଇକେନାକ । ଖ୍ରୀଷ୍ଟ ଯୀଶୁଲିଃ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡାକାନାବୁ, ଏନାକେ ଦାଣାଁ ନାମ୍‌ତେୟାଃ ଇନ୍‌କୁଆଃ ଉଲେଙ୍ଗ୍ ତାଇକେନା । ଆବୁକେ ଆତ୍ମାମିସା ଆନ୍‌ରୁରେୟାଃ କିରିଙ୍ଗ୍‌ୟାକାନ୍ ଦାସି ହବାଃଅ ନାଗେନ୍ତେ ଇନ୍‌କୁ ସାନାଙ୍ଗ ତାଇକେନାକ ।

୫ ମେନ୍‌ଦ୍ ଆପେୟାଃ ନାଗେନ୍ତେ ସୁକୁକାଜିରେୟାଃ ସାନାର୍‌ତି ତାଇନଃକା ମେନ୍ତେ ଆଲେ ଏନ୍‌ ବେଦାହଡ୍‌କକେ କାଟିଃଲେକାହିଁ ଠାୟାଦ୍ କାଲେ ଏମାକାକ ତାଇକେନା ।

୬ ମେନ୍‌ଦ୍ ଅକ ହଡ୍‌କ ଆଗୁଆଇ ମେନ୍ତେ କାଜିୟାଃ ତାଇକେନାକ, ଇନ୍‌କୁ ଜେତା ହଡ୍ ତାଇନଃରେୟା, ଏନାରେ ଆତ୍ମାରେ ଜେତାନ୍ କାଜି ବାନଃଆ, ଚିୟାଃତି ହଡ୍‌ରାଃ ବାହାରି ନେପେଲ୍‌ରେ ପାର୍‌ମେଶ୍ୱାର୍ ଜେତାଏୟାଃ ବିଚାର୍ କାଏ ରିକାଃ, ଏନ୍‌ ଆଗୁଆଇକ ଆଇଙ୍ଗ୍‌କେ ଜେତାନ୍ ନାଝା କାଜିକ କାକ ଏମାକାକାଙ୍ଗ୍ ତାଇକେନା ।

୭ ଏଟାଃ ହରାତେ, ଇନ୍‌କୁ ନେଲ୍‌କେଦାକ ଯେ, ପାର୍‌ମେଶ୍ୱାର୍ ଜେ'ଲେକା ଯିହୁଦୀ ହଡ୍‌କତାଃରେ ସୁକୁକାଜି ଉଦ୍‌ବିଗ୍ନରେୟାଃ ବାହାରମ୍ ପାଡ୍‌ରାସ୍‌କେ ଏମାକାନ୍ ତାଇକେନା, ଏନ୍‌ଲେକାଗି କା ଖାତ୍‌ନାଅକାନ୍ ହଡ୍‌କଆଃ ଆୟାର୍‌ରେ ସୁକୁକାଜି ଉଦ୍‌ବିଗ୍ନରେୟାଃ ବାହାରମ୍ ଆଇଙ୍ଗ୍‌କେ ଏମାକାନା ।

୮ ଚିୟାଃତି ପାଡ୍‌ରାସ୍ ଜେ'ଲେକା ପାର୍‌ମେଶ୍ୱାର୍‌ଆଃ ପେଡେଃତେ ଯିହୁଦୀ ହଡ୍‌କ ନାଗେନ୍ତେ ପ୍ରେରିଡ୍ ଲେକାଏ ସାଲାକାନ୍ ତାଇକେନା, ଆଇଙ୍ଗ୍‌ହରି ଏନ୍‌ଲେକାଗି ପାର୍‌ମେଶ୍ୱାର୍‌ଆଃ ପେଡେଃତେ ସାଅଁସାର୍ ହଡ୍‌କ ନାଗେନ୍ତେ ପ୍ରେରିଡ୍ ଲେକାକାଙ୍ଗ୍ ସାଲାକାନା ।

୯ ଆଗୁଆଇ ଲେକା କାଜିୟାଃତାନ୍ ଯାକୁବ୍, ପାଡ୍‌ରାସ୍ ଆତ୍ମା ଯୋହାନ୍ ମାନାତିଙ୍ଗ୍‌କେଦାକ ଯେ, ପାର୍‌ମେଶ୍ୱାର୍ ଆଇଙ୍ଗ୍‌କେ ନେ ସାୟାଦ୍‌ରେୟାଃ ବିଶେଷ୍ କାମି ନାଗେନ୍ତେ ବାହାରମ୍ ଏମାକାଦିୟାଏ । ଏନାମେନ୍ତେ ଇନ୍‌କୁ ଆଇଙ୍ଗ୍‌କେ ଆତ୍ମା ବର୍ଣ୍ଣବାସ୍‌କେ ମିସାତେ କାମିତାନ୍ ହଡ୍‌କିନ୍ ତାନ୍‌କିନ୍ ମେନ୍ତେ କାଜିକେଦାକ । ବର୍ଣ୍ଣବାସ୍ ଆତ୍ମା ଆଇଙ୍ଗ୍ ସାଅଁସାର୍ ହଡ୍‌କଆଃ ଆଲାରେ ଆତ୍ମା ଇନ୍‌କୁ ଯିହୁଦୀ ହଡ୍‌କଆଃ ଆଲାରେ କାମିୟାକ ମେନ୍ତେ ମିଦ୍‌ମନ୍‌ୟାନାଲେ ।

୧୦ ଇନ୍‌କୁ ନିମିନାଙ୍ଗ୍ ଏସ୍‌କାର୍ ବିକ୍ରିକାଦ୍ ତାଇକେନାକ ଯେ, ଆଲେ ଇନ୍‌କୁଆଃ ଝୁଣ୍ଡରେ ତାଇନତାନ୍ ଜାଞ୍ଜିଆଃ ହଡ୍‌କକେ ପାହାମ୍‌କଆଲେ । ଏନ୍‌ ବିଷାଏରେଗି ଆତ୍ମାରେ ସାନାଙ୍ଗ ତାଇକେନା ।

ଆନ୍ତିୟୋଖରେ ପାଡ୍‌ରାସ୍‌କେ ପାଉଲୁସ୍‌ଆଃ କାଜିକଟଙ୍ଗ୍

୧୧ ମେନ୍‌ଦ୍ ପାଡ୍‌ରାସ୍ ଆନ୍ତିୟୋଖରେ ହିଜୁଃକାନ୍ ଇମ୍‌ତା ଆଇଙ୍ଗ୍ ହଡ୍‌କ ଆଲାରେ ଇନିୟାଃ କାଜିକଟଙ୍ଗ୍ ରିକାକାଦ୍ ତାଇକେନାକାଙ୍ଗ୍, ଚିଆଃତି ଇନିଃ ଭୁଲ୍ ରିକାକାଦ୍ ତାଇକେନାଏ ।

୧୨ ଯାକୁବ୍‌ଆଃ ହରାତେ କୁଲାକାନ୍ ଚିମିନ୍ ହଡ୍‌କ ଏନ୍ତାଃତେ ହିଜୁଃ ସିଦାରେ, ପାଡ୍‌ରାସ୍ ସାଅଁସାର୍ ହଡ୍‌କଲଃ ଜମ୍‌ତାନ୍ ତାଇକେନାଏ । ମେନ୍‌ଦ୍ ଏନ୍‌ ହଡ୍‌କ ହିଜୁଃ ତାୟମ୍‌ତେ, ଇନିଃ କାଏ ଜମ୍‌କେଦା, ଚିଆଃତି ସାଅଁସାର୍ ହଡ୍‌କକେ ଖାତ୍‌ନାଅ ହବାଃଅ ଲାଗାତିଙ୍ଗ୍‌ୟାଃ ମେନ୍ତେ ଅକ ହଡ୍‌କ କାଜିତାଇକେନାକ, ଇନ୍‌କୁକେ ଇନିଃ ବରକ ତାଇକେନାଏ ।

୧୩ ଏଟାଃ ଯିହୁଦୀ ହାଗା ମିଗିକ ପାଡ୍‌ରାସ୍‌ଲଃ ମେସାକେଦ୍‌ତେ ହସଡ୍ କାମିକ କାମିକେଦା ଆତ୍ମା ଏନ୍‌ଲେକା ବର୍ଣ୍ଣବାସ୍ ହରି ଇନ୍‌କୁଆଃ ହସଡ୍‌ରେ ଉୟାୟାନା ।

୧୪ ମେନ୍‌ଦ୍ ଚିମିନ୍ ଆଇଙ୍ଗ୍ ଇନ୍‌କୁକେ ସୁକୁକାଜିରାଃ ସାନାର୍‌ତି ଲେକାତେ ଜୀଝାନ୍ ବିତାଅତେୟାଃ କାକାଙ୍ଗ୍ ନେଲ୍‌କେଦ୍‌କଆ, ଇମ୍‌ତା ଆଇଙ୍ଗ୍ ପାଡ୍‌ରାସ୍‌କେ ଇନ୍‌କୁଆଃ ଆୟାର୍‌ରେଇଙ୍ଗ୍ କାଜିକିୟା, “ମେନ୍‌ଦ୍ ଆମ୍ ଯିହୁଦୀ ହଡ୍ ତାଇନକେଦ୍‌ତେ ସାଅଁସାର୍ ହଡ୍‌କ ଲେକାମ୍ ସେସେନ୍‌ତାନା, ତାଦ୍‌ଦ ଯିହୁଦୀ ହଡ୍‌କ ଲେକା ଜୀଝାନ୍ ବିତାଅ ନାଗେନ୍ତେ ଆମ୍ ଚିଲ୍‌କାତେ ସାଅଁସାର୍ ହଡ୍‌କକେମ୍ ଆରୁକତାନା ?”

ବିଶ୍ୱାସ୍ ହରାତେ ଜୀଉ ବାଞ୍ଛାଅ

୧୫ ସାର୍‌ତିଗି ଆଲେ ଜାନାମ୍‌ଏତେଗି ଯିହୁଦୀ ହଡ୍‌କତାନ୍‌ଲେ, କାନାଜି ଲେକାତେ, ପାପି ସାଅଁସାର୍ ହଡ୍‌କ ନାହିଁଲାଃଲେ ।

୧୬ ଏନ୍‌ରେୟା, ଆଲେ ସାରିତାନାଲେ ଯେ, ଆନ୍‌ରୁରାଃ କାଜିକ ପୁରାକେଦ୍‌ତେ କାହାଗି, ମେନ୍‌ଦ୍ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଃଆଏ । ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଃଆ ନାଗେନ୍ତେ ଆଲେ ଆନ୍‌ରୁ ଚେତାନ୍‌ରେ କା ଆସ୍ତାକେଦ୍‌ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍

☆ ୨:୧୭ ରୋମି ୩:୨୦; ରୋମି ୩:୨୨.

ତାନାଲେ, ଚିୟାଠି ଆନୁରୁ ମାନାତିଙ୍ଗକେଦ୍ତେ ଏସକାର୍ ଜେତାଏ ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍ କାଏ ହବାଅଃଆ ।

୧୭ ମେନ୍ଦ୍ ଖ୍ରୀଷ୍ଟଲଃ ମେସାକେଦ୍ତେ ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍ ହବାଅଃ ନାଗେନ୍ତେ ସାନାଙ୍ଗତାନ୍ ଇମ୍ତା ଆରୁ ହରି ସାଅଁସାର୍ ହଡକ ଲେକା ପାପି ହବାକେଦ୍ତେ ମେନାରୁରେଦ୍, ଚିନାଃ ଖ୍ରୀଷ୍ଟ ଏନାରେନ୍ ଜିମାଦାର୍ ତାନିଃ ? କାହାରି ଏନାଦ୍ ଆଲକା ହବାଅଃକା ?

୧୮ ଚିୟାଠି ଅକ ଆନୁରୁରାଃ ତନଲ୍ଲକେ ଆଇଙ୍ଗ୍ ଟଟାଃକାଦାଇଙ୍ଗ୍, ଏନାକେ ଆଡଃମିସା ବାଇରୁହାଡ଼େରେଦ୍ ଆଇଙ୍ଗ୍ ଗୁହ୍ନା ହବାଅଃଆଇଙ୍ଗ୍ ।

୧୯ ଆଇଙ୍ଗ୍ ଆନୁରୁ ନାଗେନ୍ତେ କାଇଙ୍ଗ୍ ଜୀହୁଦଃତାନାଃ ଚିଆଠି ଆନୁରୁ ଆଇଁୟାଃ ଗନଏଃ ଆଡକେଦାଏ, ମେନ୍ଦ୍ ନାହାଁଃ ଆଇଙ୍ଗ୍ ପାର୍ମେଶ୍ୱାର୍ ନାଗେନ୍ତେ ଜୀନିଦ୍ ମେନାଇୟା । ଖ୍ରୀଷ୍ଟଲଃ ଆୟାଃ କୁଶ୍ ଚେତାନ୍ରେ ଆଇଙ୍ଗ୍ ହରି ଗଜାକାନାଇଙ୍ଗ୍ ।

୨୦ ଏନାମେନ୍ତେ ନାହାଁଃ ଆଇଙ୍ଗ୍ ଜୀନିଦ୍ ନାହାଁଲିଙ୍ଗ୍, ଆଇଁୟାଃତାଃରେ ଖ୍ରୀଷ୍ଟି ଜୀନିଦ୍ ମେନାଇୟା । ଆଇଙ୍ଗ୍ ହାସା ହଡ଼ମରେ ତାଇକେଦ୍ତେ ନାହାଁଃ ଅକ ଜୀଞ୍ଜାନ୍ ବିତାଅତାନାଇଙ୍ଗ୍, ଏନାଦ୍ ଆଇଙ୍ଗ୍ ପାର୍ମେଶ୍ୱାର୍ଆଃ ହନ୍ତାଃରେ ବିଶ୍ୱାସକେଦ୍ ହରାତେ ଏସକାର୍ ହବାଦାଡ଼ିକାନା, ଅକଏଡି ଆଇଙ୍ଗ୍କେ ଦୁଲ୍ଲାଡ଼କେଦ୍ତେ ଆଇଁୟାଃ ନାଗେନ୍ତେ ଆୟାଃ ଜୀଉକେ ଏମ୍କେଦାଏ ।

୨୧ ଏନାମେନ୍ତେ ପାର୍ମେଶ୍ୱାର୍ଆଃ ସାୟାଦ୍କେ ଆଇଙ୍ଗ୍ ସାମାତାନାଃ ମେନ୍ତେ କାଇଙ୍ଗ୍ କାଜି, ଚିୟାଠି ଆନୁରୁ ମାନାତିଙ୍ଗ୍ ହରାତେ ଏସକାର୍ ମିହୁଡ୍ ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍ ହବାଅଃରେଦ୍, ଖ୍ରୀଷ୍ଟଆଃ ଗନଏଃ ସାମାତାନାଃ ମେନ୍ତେ କାଜିୟାଃଆ ।

୩

ଆନୁରୁ ଚାଏ ବିଶ୍ୱାସ

୧ ହେ ଗାଳାତିୟରେନ୍ ତଣ୍ଡକ ! ଅକଏ ଆପେକେ ମୁହିନି କାଦ୍ପେୟା ? କୁଶ୍ ଚେତାନ୍ରେ ଯୀଶୁ ଖ୍ରୀଷ୍ଟଆଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା ।

୨ ଆପେ ଆଇଙ୍ଗ୍କେ ମିଆଁଦ୍ କାଜି କାଜିଙ୍ଗ୍ପେ, ଆନୁରୁ ମାନାତିଙ୍ଗ୍ ହରାତେ ଆପେ ପାବିତାର୍ ଆମ୍ବାକେପେ ନାମ୍କିୟା ଚି ସୁକୁକାଜି ଆୟୁମ୍କେଦ୍ତେ ଏନାରେ ବିଶ୍ୱାସକେଦ୍ ହରାତେ ?

୩ ଆପେ ଚିନାଃ ନିମିନ୍ ତଣ୍ଡତାନ୍ପେ ? ପାର୍ମେଶ୍ୱାର୍ଆଃ ପାବିତାର୍ ଆମ୍ବାରାଃ ପେଡ଼େଃତେ ଆପେ ଅକ ଜୀଦାନ୍ ଏଟେଦ୍କାଦାପେ, ଏନାକେ ଚିନାଃ ଆପ୍ନାଃ ହାସା ହଡ଼ମରେୟାଃ ପେଡ଼େଃତେ ଚୁଣ୍ଡ ନୁଙ୍ଗ୍ ସାନାଙ୍ଗତାନାପେ ?

୪ ଆପେ ଚିନାଃ ସାମାରେ ନିମିନାଙ୍ଗ୍ ଦୁକୁହାସୁ ସାହାଡିଙ୍ଗ୍କାଦାପେ ? ଏନାଏତେ ଚିନାଃ ଜେଡନାଃ କାପେ ଇଡୁକାନା ?

୫ ଆପେ ଆନୁରୁରେ ଏସକାର୍ ବିଶ୍ୱାସକାଦ୍ ହରାତେ ଚିନାଃ ପାର୍ମେଶ୍ୱାର୍ ଆପେକେ ଆୟାଃ ଆମ୍ବା ଏମାକାଦ୍ପେୟାଏ ଆଡଃ ଆପେୟାଃ ଆଲ୍ଲରେ ଆକ୍ଦାନ୍ଦାଅ କାମିକଏ ରିକାଏତାନା, ଚି ଆପେ ସୁକୁକାଜି ଆୟୁମ୍କେଦ୍ତେ ଏନାରେ ବିଶ୍ୱାସକେଦ୍ ହରାତେ ଇନିଃ ଏନାକ ରିକାଃଏ ?

୬ *ଆବ୍ରାହାମ୍ଆଃ କାଜିକେ ପାହାମେପେ । ଧାରାମ୍ପୁଅରେ ଅଲ୍ଲକାନା, “ଇନିଃ ପାର୍ମେଶ୍ୱାର୍ତାଃରେ ବିଶ୍ୱାସକେଦା ଆଡଃ ଆୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ କାଜିକିୟା ।”

୭ *ବିଶ୍ୱାସ୍ତାନ୍ ହଡକ ଏସକାର୍ ଆବ୍ରାହାମ୍ଆଃ ହନ୍କ ତାନ୍କ, ଏନା ଆପେକେ ସାରି ଲାଗାଡିଙ୍ଗ୍ୟାଃ ।

୮ ସିଦାରେଗି ଧାରାମ୍ପୁଅରେ ଅଲ୍ଲକାନା, ବିଶ୍ୱାସ୍ ହରାତେ ପାର୍ମେଶ୍ୱାର୍ ସାଅଁସାର୍ ହଡକକେ ହରି ଧାର୍ମାନ୍ ମେନ୍ତେ କାଜିକିଆ, ଆବ୍ରାହାମ୍ତାଃରେ ନେ କାଜି ପାହିଲା ଉଦୁବ୍କାଦ୍ ତାଇକେନା, “ଆମାଃ ହରାତେ ପାର୍ମେଶ୍ୱାର୍ ଅତେଦିଶୁମ୍ରେନ୍ ସବେନ୍ ହଡକକେ ଆଶିଷ୍କଆ ।”

୯ ଆବ୍ରାହାମ୍ ବିଶ୍ୱାସକେଦ୍ତେ ଆଶିଷ୍ ନାମ୍କେଦାଏ । ଏନାମେନ୍ତେ ଅକନ୍କ ବିଶ୍ୱାସେୟାକ, ଏନ୍ ସବେନ୍କ ଆୟାଃ ଲେକାଗି ଆଶିଷ୍କ ନାମେୟା ।

୧୦ ଅକନ୍କ ଆନୁରୁ ମାନାତିଙ୍ଗ୍ ଚେତାନ୍ରେ ଆସ୍ତା ଦହୟାକ, ଇନ୍କୁ ସାର୍ପାଅରେୟାଃ ବରତେ ଜୀଦାନ୍ ବିତାଅଆଃକ । ଚିୟାଠି ଧାରାମ୍ପୁଅରେ ଅଲ୍ଲକାନା “ମୁଶାରାଃ ଆନୁରୁ ପୁଅରେ ଅକ ସବେନାଃ ଅଲ୍ଲକାନା, ଜେତାଏ ଏନାକେ ପୁରା କାଏ ମାନାତିଙ୍ଗ୍ରେଦ୍ ଇନିଃ ପାର୍ମେଶ୍ୱାର୍ଆଃ ସାର୍ପାଅଃନିଃ ତାନିଃ ।”

୧୧ ନେ ହରାତେ ସାରିୟାତାନା, ଆନୁରୁ ହରାତେ ଜେତା ହଡ ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍ କାଏ ହବାଅଃଆ, ଚିୟାଠି ଧାରାମ୍ପୁଅରେ ଅଲ୍ଲକାନା, “ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍ ହଡ ବିଶ୍ୱାସ୍ ହରାତେ ଜୀହିଦଃଆ ।”

୧୨ ମେନ୍ଦ୍ ଆନୁରୁଲଃ ବିଶ୍ୱାସ୍ତାଃ ଜେତାନ୍ ନାତା ବାନଆଃ । ଧାରାମ୍ପୁଅରେ ଅଲ୍ଲକାନା, “ଅକ ହଡ ସବେନ୍ ଆନୁରୁ ମାନାତିଙ୍ଗ୍ ରିକାଃଏ, ଇନିଃ ବାଞ୍ଛାଅଃଆଏ ।”

☆ ୩:୨ ରୋମି ୪:୩. ☆ ୩:୨ ରୋମି ୪:୧୭.

୧୩ ମେନ୍ଦ ଖ୍ରୀଷ୍ଟ ଆବୁ ନାଗେନ୍ତେ ସାର୍ପାଅ ନାମକେଦ୍ତେ ଆନ୍ତୁରେ ଅଲ୍ଲକାନ୍ ସାର୍ପାଅଏତେ ଆବୁକେ ରାଡ଼ାକାଦ୍‌ରୁଆ । ଧାରାମ୍‌ପୁଅରେ ଅଲ୍ଲକାନା, “ଜେତାଏ ଦାରୁରେ ହାକା ଗଜଃଆଏ, ଇନିଃ ପାର୍‌ମେଶ୍ଵାର୍‌ଆଃ ହରାତେ ସାର୍ପାଅଃନିଃ ତାନିଃ ।”

୧୪ ପାର୍‌ମେଶ୍ଵାର୍ ଆବ୍ରାହାମ୍‌କେ ଅକ ଆଶିଷ୍ ନାଗେନ୍ତେ ବାନାର୍‌ସା ଏମାକାଇ ତାଇକେନାଏ, ସାଅଁସାର୍ ହଡ଼କହଗି ଜେ'ଲେକା ଏନ୍ ଆଶିଷ୍ ନାମ୍ ଦାଡ଼ିୟାକ, ଏନାମେନ୍ତେ ଖ୍ରୀଷ୍ଟ ନେ କାମିକେ ପୁରାକେଦା । ଏନାମେନ୍ତେ ବିଶ୍ଵାସ୍ ହରାତେ ଆବୁ ହଗି ପାର୍‌ମେଶ୍ଵାର୍ କାଜିକାଦ୍ ଲେକା ପାବିତାର୍ ଆମ୍‌ବୁ ନାମ୍ ଦାଡ଼ିୟା ।

ଆନ୍ତୁ ଆଡ଼ଃ ବାନାର୍‌ସା

୧୫ ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ନାମୁନା ଏମାପେତାନାଇଙ୍ଗ୍, ତିମ୍‌ତା ବାର୍‌ହଡ଼୍ ଜେତାନ୍ ବିଷାଏରେ ମିଆଁଦ୍ ରାଜିନାମା ବାଇୟାଃକିନ୍ ଇମ୍‌ତା ଏନାକେ ଜେତାଏ କାକ ଟଟାଃଦାଡ଼ିୟା ଚାଏ ଏନାରେ ଜେଡ଼ନାଃ କାକ ମେସା ଦାଡ଼ିୟା ।

୧୬ ଆବ୍ରାହାମ୍ ଆଡ଼ଃ ଆୟାଃ କିଲିକତାଃରେ ପାର୍‌ମେଶ୍ଵାର୍ ଆୟାଃ ବାନାର୍‌ସା ଏମାକାଦ୍ ତାଇକେନାଏ । ମେନ୍ଦ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍‌ଲେରେ ପୁରାଃ ହଡ଼କ ନାଗେନ୍ତେ ମେନ୍ତେ ଧାରାମ୍‌ପୁଅରେ କା ଅଲ୍ଲକାନା । “ଆମାଃ କିଲି ନାଗେନ୍ତେ ଏସ୍‌କାର୍” ମେନ୍ତେ ଅଲ୍ଲକାନା । ଏନାତେ ଏନ୍ ଧାରାମ୍‌ପୁଅରେ ଅଲ୍ଲକାନ୍‌ତେୟାଃ, ମିଆଁଦ୍ ହଡ଼ ନାଗେନ୍ତେ ଏସ୍‌କାର୍, ମେନ୍‌ଲେରେ ଖ୍ରୀଷ୍ଟ ନାଗେନ୍ତେ ଏସ୍‌କାର୍ ଅଲ୍ଲକାନା ।

୧୭ ଆଇଁୟାଃ କାଜିରାଃ ମୁଣ୍ଡି ହବାଅଃତାନାଃ, ପାର୍‌ମେଶ୍ଵାର୍ ଆବ୍ରାହାମ୍‌ଲଃ ମିଆଁଦ୍ ରାଜିନାମା ବାଇକାଦ୍ ତାଇକେନାଏ, ଆଡ଼ଃ ଏନା ବାସ୍ତାଅ ନାଗେନ୍ତେ ବାନାର୍‌ସା ଏମାକାଦ୍ ତାଇକେନାଏ । ଅକ ଆନ୍ତୁ ୪୩୦ ବାରାଷ୍ ତାୟମ୍‌ତେ ଏମ୍‌ୟାନା, ଏନ୍ ଆନ୍ତୁ ଏନ୍ ରାଜିନାମାକେ ଟଟାଃକେଦ୍ତେ ପାର୍‌ମେଶ୍ଵାର୍ ଏମାକାଦ୍ ବାନାର୍‌ସାକେ କାଏ ହକା ଦାଡ଼ିୟା ।

୧୮ *ପାର୍‌ମେଶ୍ଵାର୍‌ଆଃ ବାନାର୍‌ସା ହରାତେ ଏମାକାନ୍ ଆଶିଷ୍ ନାମ୍ ନାଗେନ୍ତେ ଆନ୍ତୁ ତେତାନ୍‌ରେ ଆସ୍ତାଏ ରେଦ୍, ଏନା ଆୟାଃ ଏମାକାଦ୍ ବାନାର୍‌ସା ହରାତେ ନାମାକାନା ମେନ୍ତେ କା କାଜିୟାଃଆ । ଏନାତେ ପାର୍‌ମେଶ୍ଵାର୍ ଆୟାଃ ବାନାର୍‌ସା ଲେକାତେ ଏସ୍‌କାର୍ ଏନ୍ ଆଶିଷ୍ ଆବ୍ରାହାମ୍‌କେ ଏମ୍‌କିୟା ।

୧୯ ତାଦ୍‌ଦ୍ ଆନ୍ତୁ ତିନାଃମେନ୍ତେ ଏମ୍‌ୟାନା ? ହଡ଼କଆଃ ସବେନ୍ ଏଡ଼କାନ୍ କାମିକକେ ଉଦୁବ୍‌ରେୟାଃ ଉଦେଶ୍‌ରେ ଏନା ଏମାକାନ୍ ତାଇକେନା, ଆଡ଼ଃ ଆବ୍ରାହାମ୍‌ଆଃ ଅକ କିଲିକେ ନେଲ୍‌କେଦ୍ତେ ପାର୍‌ମେଶ୍ଵାର୍ ବାନାର୍‌ସା ଏମାକାଦ୍ ତାଇକେନାଏ, ଏନ୍ ହଡ଼ରାଃ ହିନିଜୁଃ ଜାକେଦ୍ ଆନ୍ତୁରାଃ ଲାଗାତିଙ୍ଗ୍ ତାଇକେନା । ପାର୍‌ମେଶ୍ଵାର୍ ଆଡ଼ଃ ହଡ଼କଆଃ ଆଲ୍ଲାରେ କାମିତାନ୍ ମିଆଁଦ୍ ହଡ଼କେ ଦୁଁଡ଼କଆଃ ହରାତେ ଏନ୍ ଆନ୍ତୁ ଏମାକାନ୍ ତାଇକେନା ।

୨୦ ମେନ୍ଦ ବାନାର୍‌ସା ଏମାକାନ୍ ଦାନ୍‌ଲଃ ମିହୁଡ଼୍ ଏସ୍‌କାର୍ ମେସାକାନ୍ ତାଇକେନାଏ । ଇନିଃ ପାର୍‌ମେଶ୍ଵାର୍ ତାନିଃ ।

ଆନ୍ତୁରେୟାଃ ଉଦେଶ୍

୨୧ ଆନ୍ତୁ ତିନାଃ ପାର୍‌ମେଶ୍ଵାର୍ ଏମାକାଦ୍ ବାନାର୍‌ସାକେ ବିରୁଧ୍ ରିକାଃଏ ? କାହାଗି, ତିଉଲ୍‌ଆ କା ହବାଅଃଆ ! ତିଆଃତି ମାନଝାକେ ଜୀଦାନ୍ ଏମେ ଲେକା ମିଆଁଦ୍ ଆନ୍ତୁ ବାଇୟାକାନ୍ ରେଦ୍, ଏନାକେ ମାନାତିଙ୍ଗ୍ ହରାତେଗି ମାନଝା ପାର୍‌ମେଶ୍ଵାର୍‌ଆଃ ଆୟାଃରେ ଧାର୍‌ମାନ୍‌ନିଃ ମେନ୍ତେ ଉଦୁବ୍‌କାନ୍‌ତେୟାଃ ।

୨୨ ମେନ୍ଦ ଧାରାମ୍‌ପୁଅରେ ଅଲ୍ଲକାନା, ସବେନ୍ ମାନଝାକ ପାପ୍‌ରେୟାଃ ଆକ୍‌ତେୟାର୍‌ରେ ମେନାକଆ, ଏନାମେନ୍ତେ ଯାଶୁ ଖ୍ରୀଷ୍ଟତାଃରେ ବିଶ୍ଵାସ୍‌କାଦ୍ ହରାତେ ବାନାର୍‌ସା ଏମାକାନ୍ ଆଶିଷ୍ ଖ୍ରୀଷ୍ଟ ବିଶ୍ଵାସୀକକେ ଏମଃଆ ।

୨୩ ବିଶ୍ଵାସ୍‌ରେୟାଃ ଦିପିଲି ହିଜୁଃ ସିଦାରେ ଆଡ଼ଃ ଏନା ଉନ୍‌ଦୁବ୍ ହବାଅଃ ଜାକେଦ୍ ଆନ୍ତୁ ଆବୁ ସବେନ୍‌କକେ ତଲାକାଦ୍‌ବୁ ତାଇକେନା ।

୨୪ ଖ୍ରୀଷ୍ଟଆଃ ହିନିଜୁଃ ଜାକେଦ୍ ଆନ୍ତୁ ଆବୁଆଃ ଇଡୁନିଃ ଲେକା ତାଇକେନା । ମେନ୍ଦ ଏନ୍ ତାୟମ୍‌ତେ ବିଶ୍ଵାସ୍ ହରାତେ ଏସ୍‌କାର୍ ଆବୁ ପାର୍‌ମେଶ୍ଵାର୍‌ଆଃ ଆୟାଃରେ ଧାର୍‌ମାନ୍ ଲେକାବୁ ହବାଅଃଆ ।

୨୫ ନାହାଁଃ ବିଶ୍ଵାସ୍‌ରେୟାଃ ଦିପିଲି ସେଟେର୍‌କାନା, ଆବୁ ଆନ୍ତୁରେୟାଃ ଆକ୍‌ତେୟାର୍‌ରେ ଆଡ଼ଃ ବାଙ୍ଗ୍‌ରୁଆ ।

୨୬ ବିଶ୍ଵାସ୍ ହରାତେ ଖ୍ରୀଷ୍ଟ ଯାଶୁଲଃ ମେସାକେଦ୍ତେ ଆପେ ପାର୍‌ମେଶ୍ଵାର୍‌ରାଃ ହନ୍‌କପେ ହବାକାନା ।

୨୭ ତିଆଃତି ଆପେ ବାପ୍ତିସ୍ମାୟାନ୍ ହରାତେ ଖ୍ରୀଷ୍ଟଲଃ ମିଦ୍‌କାନାପେ ଆଡ଼ଃ ନାହାଁଃ ଯାଶୁ ଖ୍ରୀଷ୍ଟଆଃ ଜୀଦାନ୍ ଲେକାନ୍ ଲିଜାଃ ତୁସିଙ୍ଗ୍‌କାନାପେ ।

୨୮ ଏନାମେନ୍ତେ ଯିହୁଦୀ ଆଡ଼ଃ ସାଅଁସାର୍ ହଡ଼, କିରିଙ୍ଗ୍‌ୟାକାନ୍ ଦାସି ଆଡ଼ଃ ରାଡ଼ାକାନ୍ ହଡ଼କ, କଡ଼ା ଆଡ଼ଃ କୁଡ଼ି ଆଲ୍ଲାରେ ଆଡ଼ଃ ଜେତାନ୍ ଭେଦ୍‌ଭାବ୍ ବାନଃଆ । ଆପେ ସବେନ୍‌କ ଯାଶୁ ଖ୍ରୀଷ୍ଟଲଃ ମେସାକେଦ୍ତେ ମିଦ୍‌କାନାପେ ।

୨୯ *ଆପେ ଖ୍ରୀଷ୍ଟଆଃ ତାନ୍‌ପେରେଦ୍, ଆପେୟାଗି ଆବ୍ରାହାମ୍‌ଆଃ କିଲିକ ତାନ୍‌ପେ ଆଡ଼ଃ ପାର୍‌ମେଶ୍ଵାର୍ ଅକଆଃ ବାନାର୍‌ସା ଏମାକାଦାଏ, ଏନା ନାମେୟାଃପେ ।



ହନ୍ ଆଡ଼ଃ ହାନାତିଙ୍ଗ୍ ନାମେନିଃ

* ୩:୧୮ ରୋମି ୪:୧୪. * ୩:୨୯ ରୋମି ୪:୧୩.

୧ ଫେନ୍ଦ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ହନ୍ ଆପୁଆଃ ସବେନ୍ ହାନାଟିଙ୍ଗ୍ ନାମେନିଃ ତାନିଃ, ଫେନ୍ଦ ସବେନ୍ ବିଷାଏରେୟାଃ ହାନାଟିଙ୍ଗ୍ ନାମେନିଃ ତାନିଃରେୟାଗି, ଇନିଃ ସିଟିଆଗି ଫେନାଇ ହରାତେ, କିରିଙ୍ଗ୍‌ୟାକାନ୍ ଦାସି ଲେକାଏ ତାଇନା ।

୨ ସିଟିଆ ତାଇକାନ୍ ଦିପିଲିରେ, ଆୟାଃ ଆପୁଆଃ ସାଲାକାନ୍ ନେତା ଜାକେଦ୍ ଇନିଃ ଖାଜାନ୍‌ତିରାଃ ଆକ୍‌ତେୟାର୍‌ରେ ତାଇନାଃ ଆଡଃ ସବେନ୍ ବିଷାଏରେ ଇନିଃକେ ଦେଙ୍ଗାୟାକ ।

୩ ଏନ୍‌ଲେକାଗି ଆବୁହ୍ ଆମ୍ବିକ୍ ଲେକାତେ ସେପେଡେଦ୍ ହବାଅଃ ସିଦାରେ, ଅତେଦିଶୁମ୍‌ରେ ଆକ୍‌ତେୟାରେତାନ୍ ପେଡେଃରେୟାଃ ଏନେଟେଦ୍ ବିଷାଏରେୟାଃ କିରିଙ୍ଗ୍‌ୟାକାନ୍ ଦାସି ତାଇକେନାବୁ ।

୪ ଫେନ୍ଦ ଚୁଣ୍ଡୁରେ ଚିମତା ଠାଉକା ନେତା ସେଟେରୁୟାନା ଇମତା ପାର୍‌ମେଶ୍‌ୟାର୍ ଆୟାଃ ହନ୍‌କେ କୁଲ୍‌କିୟା, ମିଆଁଦ୍ ଡିଶ୍ଟା କୁଡ଼ିଆଃ ହରାତେ ଇନିଃ ଜାନାମ୍ ଇଦିକେଦ୍‌ତେ ଯିହୁଦୀକଆଃ ଆନ୍‌ରୁ ଲେକାତେ ଜୀଦାନ୍ ବିତାଅକେଦାଏ ।

୫ *ଜେ'ଲେକାଟି ଇନିଃ ଲାଗାତିଙ୍ଗ୍ ଗନଙ୍ଗ୍ ଏମ୍‌କେଦ୍‌ତେ ଏନ୍ ଆନ୍‌ରୁରେୟାଃ ତନଲ୍‌ହେତେ ହଡ଼କକେ ରାଡ଼ାନାଙ୍ଗ୍ ଆଡଃ ଇନ୍‌କୁକେ ପାର୍‌ମେଶ୍‌ୟାର୍‌ଆଃ ହନ୍ ହବାଅଃନାଙ୍ଗ୍ ସୁୟୋଗ୍ ଏମ୍‌ରେୟାଃ ଆୟାଃ ଜୀଦାନ୍‌ରେ ଉଦେଶ୍ ତାଇକେନା ।

୬ ଆପେ ପାର୍‌ମେଶ୍‌ୟାର୍‌ଆଃ ହନ୍‌କ ତାନ୍‌ପେ, ଏନା ଉଦୁବେ ନାଗେନ୍ତେ ପାର୍‌ମେଶ୍‌ୟାର୍ ଆୟାଃ ହନ୍‌ଆଃ ପାବିତାର୍ ଆମାକେ ଆବୁଆଃ ମନ୍‌ସୁରୁଦ୍‌ତେ କୁଲ୍‌କିୟା, ଏନ୍ ପାବିତାର୍ ଆମା “ଆବା ! ହେ ଆଇଁୟାଃ ଆବା !” ମେନ୍ତେ କାଉରିତାନ୍‌ଲଃ କାଜିତାନା ।

୭ ଏନାମେନ୍ତେ ଆପେ କିରିଙ୍ଗ୍‌ୟାକାନ୍ ଦାସି ନାହାଁଲାଃପେ, ହନ୍ ତାନ୍‌ପେ । ଆପେ ଇନିୟାଃ ହନ୍‌କ ହବାୟାନ୍ତେ, ପାର୍‌ମେଶ୍‌ୟାର୍ ଆୟାଃ ହନ୍‌କ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନ୍‌କକେ ଏମାପେୟା ।

ଗାଳାତିୟ ବିଶ୍ୱାସୀକ ନାଗେନ୍ତେ ପାଉଲୁସ୍‌ଆଃ ଉଡ଼ୁ

୮ ସିଦା ଦିପିଲିରେ ଆପେ ପାର୍‌ମେଶ୍‌ୟାର୍‌କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍‌କ ସାର୍‌ତି ପାର୍‌ମେଶ୍‌ୟାର୍ ନାହାଁଲାକ, ଏନ୍‌ଲେକାନ୍ ହସଡ଼ ମାହାପୁରୁକଆଃ ଦାସିପେ ତାଇକେନା ।

୯ ଫେନ୍ଦ ନାହାଁଃ ଆପେ ପାର୍‌ମେଶ୍‌ୟାର୍‌କେ ସାରିକାଇଜାଃପେ, ଏନାତେ ଆଇଙ୍ଗ୍ କାଜିୟାୟାକ୍, ନାହାଁଃ ପାର୍‌ମେଶ୍‌ୟାର୍ ଆପେକେ ସାରିକାଦ୍‌ପେୟା । ତାବ୍‌ଦ ନେଆଁ ଚିଲ୍‌କା ହବାସାକାଅଆଃ ଯେ, ଆପେ ଆଡଃମିସା ଏନେଟେଦ୍ ବିଷାଏରେୟାଃ କା ପେଡେୟାନ୍, ଗର୍‌ଗରାଗି ନେଲଃତାନ୍ ମାହାପୁରୁକତାଃତେ ରୁହାଡ଼୍ ନାଗେନ୍ତେ ସାନାଙ୍ଗ୍‌ତାନାପେ ? ଆପେ ଚିନାଃମେନ୍ତେ ଆଡଃମିସା ଇନ୍‌କୁଆଃ କିରିଙ୍ଗ୍‌ୟାକାନ୍ ଦାସି ହବାଅଃ ନାଗେନ୍ତେପେ ସାନାଙ୍ଗ୍‌ତାନା ?

୧୦ ଆପେ ସବେନ୍‌କ ବିଶେଷ୍ ବିଶେଷ୍ ହୁଲାଙ୍ଗ୍, ମାହ୍‌ନା, ପାରାବ୍, ଆଡଃ ବାରାଷ୍‌କକେପେ ମାନାତିଙ୍ଗ୍‌ତାନା ।

୧୧ ଆଇଙ୍ଗ୍ ଆପେୟାଃ ନାଗେନ୍ତେ ଅକଆଃ କାମିକାଦାୟାକ୍, ଏନା ସାମା ଏଣ୍ଡାଗଃଆ ମେନ୍ତେ ଆଇଁୟାଃ ବର ମେନାଃ ।

୧୨ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେତାନା, ଆପେ ସବେନ୍‌କ ଆଇଁୟାଃ ଲେକା ହବାଅଃପେ । ଆଇଙ୍ଗ୍ ଆପେ ଲେକାୟାକ୍ ହବାକାନା ଆଡଃ ଆପେ ଆଇଁୟାଃ ନାଙ୍ଗ୍ ଜେତାନ୍ ଏଡ଼କାନାଃ କାପେ ରିକାକାଦା ।

୧୩ ଆଇଙ୍ଗ୍ ବେମାର୍ ତାଇକେନ୍ ଇମ୍‌ତା ଆପେତାଃରେ ପାହିଲାତେ ସୁକୁକାଜିୟାକ୍ ଉଦୁବାକାଦ୍ ତାଇକେନା, ଏନା ପାହାମେପେ ।

୧୪ ଫେନ୍ଦ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖ୍‌ସରାଃ କାଜି ହବାକାନ୍‌ରେୟାଗି, ଆପେ ଆଇଙ୍ଗ୍‌କେ କାପେ ହିଲାଙ୍ଗ୍‌କେଦିୟାଁ ତାଏ କାପେ ବାଗିକେଦିୟାଁ । ଫେନ୍ଦ ଆପେ ଆଇଙ୍ଗ୍‌କେ ପାର୍‌ମେଶ୍‌ୟାର୍‌ଆଃ ମିଆଁଦ୍ ଦୁଁଡ଼ ଲେକାପେ ଦାରମ୍‌କେଦିୟାଁ । ଖ୍ରୀଷ୍ଟ୍ ଯୀଶୁକେ ଆପେ ଜେ'ଲେକା ଦାରମ୍ କାଇତେୟାଃପେ, ଏନ୍‌ଲେକାଗି ଆଇଙ୍ଗ୍‌କେୟାଗି ଦାରମ୍‌କାଇଙ୍ଗ୍ ତାଇକେନାପେ ।

୧୫ ଇମ୍‌ତା ଆପେ ଚିମିନ୍ ରାସ୍‌କାକାନ୍ ତାଇକେନାପେ ! ଫେନ୍ଦ ନାହାଁଃ ଚିନାଃ ହବାୟାନା ? ଆଇଙ୍ଗ୍ ଆପେୟାଃ ବିଷାଏରେ ଗାଞ୍ଜା ଏମ୍‌ତାନାୟାକ୍ ଚି, ହବାସାକାଅକାନ୍‌ରେ, ଆପେୟାଃ ସବେନାଃଏତେ ଗନଙ୍ଗ୍‌ଆନ୍ ବିଷାଏ ଆସିକାପେରେୟାଗି, ଆପେ ଏମାକାୟାକ୍ ତେୟାଃପେ ।

୧୬ ଫେନ୍ଦ ନାହାଁଃ ଆଇଙ୍ଗ୍ ଆପେକେ ସାର୍‌ତି କାଜିକାଦ୍ ହରାତେ ଚିନାଃ ଆପେୟାଃ ବାଇରି ହବାଅଃତାନାୟାକ୍ ?

୧୭ ଏନ୍ ଏଟାଃ ହଡ଼କ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ଚିହୁଲାନ୍ ଲେକା ଉଦୁବେନ୍‌ତାନାକ । ଫେନ୍ଦ ନେଆଁରେ ଇନ୍‌କୁଆଃ ସାର୍‌ତି ଉଦେଶ୍ ବାନଃଆ । ଇନ୍‌କୁଆଃ ମିଆଁଦ୍‌ଗି ସାନାଙ୍ଗ୍‌ତାନାଃ ଯେ, ଆପେ ଚିଲ୍‌କା ଆଇଁୟାଃତାଃଏତେ ରୁହାଡ଼କେଦ୍‌ତେ ଆକରେ ମନ୍ ଏମେୟାଃପେ ।

୧୮ ବୁଗିନ୍ ଉଦେଶ୍ ନାଗେନ୍ତେ ଚିହୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଇମ୍‌ତା ଏସ୍‌କାର୍ କାହାଗି, ଫେନ୍ଦ ସବେନ୍ ଇମ୍‌ତା ଆପେ ନେ ଠାଉକାନ୍‌ତେୟାଃ ରିକା ଲାଗାତିଙ୍ଗ୍‌ୟାଃ ।

୧୯ ଏ ଆଇଁୟାଃ ଦୁଲାଡ଼୍ ହନ୍‌କ, ଆପେକେ ଖ୍ରୀଷ୍ଟ୍ ଲେକା ବାଇ ନାଗେନ୍ତେ ଆଇଙ୍ଗ୍ ଆଡଃମିସା ହନ୍ ଜାନାମାଃ ଇମ୍‌ତାରେୟାଃ ଦୁକୁ ଲେକାୟାକ୍ ଆବ୍‌କାରେତାନା ।

☆ ୪:୫ ରୋମି ୮:୧୫-୧୭.

୨୦ ଆଇଁଙ୍କ ନାହିଁଃ ଆପେତାଃରେଇଁଙ୍କ ତାଇନକାନରେ, ଆପେୟାଃ ବିଷାଏରେ ଆଇଁଙ୍କ ଏଟାଃ ଲେକାଇଁଙ୍କ କାଜି ଦାଡ଼ିତେୟାଃ ମେନ୍ତେ ଆଇଁୟାଃ ସାନାଙ୍ଗ । ଚିୟାଃଟି ଆଇଁଙ୍କ ଆପେ ନାଗେନ୍ତେ ପୁରାଃଗିଇଁଙ୍କ ପାହାମତାନା ।

ହାଗାର୍ ଆତଃ ସାରାରାଃ ନାମୁନା

୨୧ ଅକନକ ଆନରୁରେୟାଃ ଆକ୍ତେୟାରରେ ତାଇନଃ ନାଙ୍ଗ ସାନାଙ୍ଗଆଃକ, ଆଇଁଙ୍କ ଇନକୁକେ କୁଲି ନାଗେନ୍ତେଇଁଙ୍କ ସାନାଙ୍ଗତାନା, ଆନରୁରେ ଚିନାଃ ଅଲକାନା, ଏନା କାପେଟି ସାରିକାଦା ?

୨୨ ଧାରାମପୁଥ୍ରେ ଅଲକାନା, ଆହାହାମଆଃ ବାରିୟା ହନ୍ ତାଇକେନାକିନ୍, ମିଆଁଦ୍ କାମ୍ଡ଼ି କୁଡ଼ିରାଃ ହନ୍ ଏନ୍ତେ ଆତଃମିଆଁଦ୍ନିଃ ଆୟାଃ କୁଡ଼ିତେୟାଃ ହନ୍ ।

୨୩ କାମ୍ଡ଼ି କୁଡ଼ିଆଃ ହନ୍, ହଡ଼ମଲେକାତେ ଜାନାମୟାନା, ମେନ୍ଦ୍ ଆୟାଃଲଃ ଆଣ୍ଡିକାନ୍ କୁଡ଼ିଆଃ ହନ୍, ପାର୍ମେଶ୍ଵାର୍ଆଃ ବାନାର୍ସା କାଜି ଲେକାତେ ଜାନାମୟାନା ।

୨୪ ନେଆଁ ମିଆଁଦ୍ ଜନ୍କା ଲେକା କାଜିୟଃଆ । ନେ ବାରାନ୍ କୁଡ଼ିକିନ୍ ବାରିୟା ରାଜିନାମାକାଦ୍ ଲେକାନ୍କିନ୍ ତାନ୍କିନ୍ । ମିଆଁଦ୍ ରାଜିନାମା ସିନାଇ ବୁରୁତାଃରେ ହବାକାନ୍ ତାଇକେନା । ନେ ରାଜିନାମା ଉଦ୍ଦେଶରେ ଅକ ହଡ଼କ ଜାନାମଃଆକ, ଇନକୁ କିରିଙ୍ଗ୍ୟାକାନ୍ ଦାସି ଲେକା ତାନ୍କ । ହାଗାର୍ ନେ ରାଜିନାମାରେୟାଃ ଚିହ୍ନାଁ ଲେକାନ୍ନିଃ ତାନିଃ ।

୨୫ ହାଗାର୍ ମେନ୍ଲେରେ ଆରବ୍ ଦିଶୁମ୍ରେ ତାଇନତାନ୍ ସିନାଇ ବୁରୁକେ କାଜିୟାଃକ, ଆତଃ ଏନା ନାହିଁଃରେୟାଃ ଯାରୁଶାଲେମ୍ ନାଗାର୍ ଲେକା ତାନା । ହାଗାର୍ ଲେକା ଯାରୁଶାଲେମ୍ ଆତଃ ଆୟାଃ ହଡ଼କ ନାହିଁଃ କିରିଙ୍ଗ୍ୟାକାନ୍ ଦାସିରେୟାଃ ତନଲ୍ରେକ ତଲକାନା ।

୨୬ ମେନ୍ଦ୍ ସିର୍ମାରେୟାଃ ଯାରୁଶାଲେମ୍ ରାଡ଼ାକାନା ଆତଃ ଏନା ଆବୁଆଃ ଏଙ୍ଗା ତାନିଃ ।

୨୭ ଚିୟାଃଟି ଧାରାମପୁଥ୍ରେ ଅଲକାନା, “ହେ ଟଣିଟ୍ କୁଡ଼ି, ଆମ୍ ରାସକାଅଃମେ, ହନ୍ ଜାନାମ୍ ହବାଅଃ ଇମ୍ତାରେୟାଃ ଦୁକୁ ଚିତଲୀଅ କାମ୍ ଆଟ୍ଟକାରକାଦ୍ରେହ୍, ପୁରାଃଗି ରାସକାତେ କାଉରିମେ । ଚିୟାଃଟି କଡ଼ାଲଃ ତାଇନତାନ୍ କୁଡ଼ିଏତେ ମିଆଁଦ୍ ସାଜିନାକାନ୍ କୁଡ଼ିରାଃ ହନ୍କ ପୁରାଃଗି ହବାଅଃଆକ ।”

୨୮ ହେ ହାଗା ମିଶିକ, ଆପେ ସବେନ୍କ ଇସାକ୍ ଲେକାଗି ନାହିଁଃଦ୍ ପାର୍ମେଶ୍ଵାର୍ଆଃ ବାନାର୍ସା ଏମାକାନ୍ ହନ୍କ ତାନ୍ପେ ।

୨୯ ମୁସିଙ୍ଗ୍ ହଡ଼ମରେୟାଃ ସଭାବ୍ ଲେକାତେ ଜାନାମାକାନ୍ ହନ୍, ପାର୍ମେଶ୍ଵାର୍ଆଃ ଆମ୍ତେ ଜାନାମାକାନ୍ ହନ୍କେ ସାସାତିକିୟାଏ । ଏନ୍ଲେକାଗି ନାହିଁଃହ୍ ହବାଅଃତାନା ।

୩୦ ମେନ୍ଦ୍ ନେ ବିଷାଏରେ ଧାରାମପୁଥ୍ ଚିନାଃଏ କାଜିତାନା ? ଏନାରେ ଅଲକାନା, “କାମ୍ଡ଼ି କୁଡ଼ିକେ ଆତଃ ଇନିୟାଃ ହନ୍କେ ସାଜିନକିନ୍ପେ, ଚିୟାଃଟି ଆଣ୍ଡିୟାକାନ୍ କୁଡ଼ିରାଃ ହନ୍ଲଃ କାମ୍ଡ଼ି କୁଡ଼ିରାଃ ହନ୍ ଆପୁଆଃ ଖୁଜ୍ରେ ଜେତାନ୍ ହିସା କାଏ ନାମେୟା ।”

୩୧ ଏନାମେନ୍ତେ ହେ ହାଗା ମିଶିକ, ଆବୁ କାମ୍ଡ଼ି କୁଡ଼ିଆଃ ହନ୍କ ନାହିଁଃଲାରୁ, ମେନ୍ଦ୍ ଆଣ୍ଡିୟାକାନ୍ କୁଡ଼ିରାଃ ହନ୍କ ତାନ୍ବୁ ।

୫

ଆପେୟାଃ ତନଲ୍ହେତେ ରାଡ଼ାକାନ୍ତେୟାଃକେ ବାସ୍ତାଏପେ

୧ ଆବୁ ତନଲ୍ହେତେ ରାଡ଼ାକାନାରୁ । ଶ୍ରୀଷ୍ଟ୍ ଆବୁକେ ତନଲ୍ହେତେ ରାଡ଼ାକାଦ୍ବୁଆ । ଏନାମେନ୍ତେ ଆପେ ତନଲ୍ହେତେ ରାଡ଼ାକାନ୍ତେୟାଃରେ ସାବ୍କେଟେଦ୍କେଦ୍ତେ ତାଇନପେ । ଆତଃମିସା କିରିଙ୍ଗ୍ୟାକାନ୍ ଦାସି ଲେକା ଆଡ଼ନାରେ ତଲଃ ନାଗେନ୍ତେ ଆଲପେ ରୁହାଡ଼ା ।

୨ ଆଇଁଙ୍କ ପାଉଲୁସ୍, ଅକଆଃ କାଜିତାନାଇଁଙ୍କ ଏନା ଆୟୁମେପେ, ଆପେ ଖାଡ଼ନାଅ ରିଡ଼ିରିଖାଜ୍ ମାନାଡ଼ିଙ୍ଗ୍ତାନ୍ ରେଦ୍, ଏନାରେୟାଃ ମୁଣ୍ଡି ହବାଅଃଆ, ଆପେ ନାଗେନ୍ତେ ଶ୍ରୀଷ୍ଟ୍ଆଃ ଜେତାନ୍ ଲାଗାତିଙ୍ଗ୍ ବାନଃଆ ।

୩ ଆଇଁଙ୍କ ଖାଡ଼ନାଅ ରିକାଅଃତାନ୍ ମିପିଆଦ୍ ହଡ଼କେ ଆତଃମିସା ଚେତାଅ ଏମାଇ ତାନାଇଁଙ୍କ୍ ଯେ, ମୁଶା ଏମାକାଦ୍ ଆନରୁକେ ପୁରା ମାନାଡ଼ିଙ୍ଗ୍ ଲାଗାତିଙ୍ଗ୍ୟାଃ ।

୪ ଆପେକଏତେ ଅକନକ ଆନରୁ ମାନାଡ଼ିଙ୍ଗ୍ ହରାତେ ପାର୍ମେଶ୍ଵାର୍ଆଃ ଆୟାରରେ ଧାର୍ମାନ୍ ହବାଅଃ ନାଗେନ୍ତେକ ସାନାଙ୍ଗତାନା, ଇନକୁ ଆପାନ୍କେ ଶ୍ରୀଷ୍ଟ୍ତାଃଏତେ ବିନ୍ଗାଅକାନାକ, ଇନକୁ ପାର୍ମେଶ୍ଵାର୍ଆଃ ସାୟାଦ୍ହେତେ ସାଜିନକାନାକ ।

୫ ମେନ୍ଦ୍ ଆବୁ ଆସ୍ତାଏତାନାରୁ ଯେ, ପାର୍ମେଶ୍ଵାର୍ ଆବୁକେ ଆୟାଃ ନେପେଲ୍ରେ ଧାର୍ମାନ୍ ମେନ୍ତେ ଠାହାରାଅବୁଆ, ଆବୁଆଃ ବିଶ୍ଵାସରେୟାଃ ଜ ଲେକାତେ ଆବୁଆଃ ମନ୍ସୁରୁଦ୍ରେ କାମି ରିକାତାନ୍ ପାବିତାର୍ ଆମ୍ବାରାଃ ପେଡ଼େଃ ହରାତେ, ନେ ସବେନାଃ ହବାଅଃଆ ମେନ୍ତେବୁ ନେଲ୍ ହରାତାନା ।

୭ ଚିୟାଃତି ଯୀଶୁ ଖ୍ରୀଷ୍ଟଲଃ ମେସାକେଦ୍ତେ ଜୀଦାନ୍ ବିତାଅରେଦ, ଖାତ୍ନାଅ ଚାଏ କା ଖାତ୍ନାଅରେୟାଃ ଜେତାନ୍ ଫୀରାକ୍ କା ତାଇନାଃ । ମିଆଁଦ୍ଗି ଲାଗାତିଙ୍ଗ୍ତେୟାଃ ହବାଅଃତାନା, ବିଶ୍ୱାସ୍ତେ କେଟେଦ୍ ତାଇନକେଦ୍ତେ ଦୁଲ୍ଲାଡ୍ରେ କାମିକେ ପୁରା ଦାଡ୍ଡିୟାଆ ।

୮ ଆପେଦ ଆମିକ୍ରେ ବୁଗିଲେକାପେ ସେସେନ୍ ତାଇକେନା, ସାର୍ତ୍ତି ହରାରେ ସେସେନ୍ ଇମ୍ତା ଅକଏ ଆପେକେ କାଜିକଟଙ୍ଗ୍ କେଦ୍ପେୟା ?

୮ ଆପେକେ କେଡାକାଦ୍ପେ ପାର୍ମେଶ୍ୱାର୍ଆଃ ହରାତେ ନେ ଉସ୍ତୁର୍ କା ହବାକାନା ।

୯ *କାଜିରେ ମେନାଃ, “ସିପୁଦାକାନ୍ ମାଏଦାକେ ମିଏ ନାଗେନ୍ତେ କାଟିଃ ଲେକାଗି ରାନ୍ତୁ ଲାଗାତିଙ୍ଗ୍ୟାଃ ।”

୧୦ ଏନା ଜାହାନାଃତେ ହବାଅଃକା, ନାହାଁଃ ଜାକେଦ୍ ଆପେତାଃରେ ଆଇଁୟାଃ ଆସ୍ତା ମେନାଃ, ଚିଆଃତି ଆବୁ ସବେନକ ପ୍ରାଭୁଲଃ ମେସାକାନାବୁ, ଆଇଁୟାଃ ପୁରାଃ କେଟେଦ୍ ବିଶ୍ୱାସ୍ ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆତଃ ଅକ ହଡ୍ ଆପେକେ ବିନ୍ଗାଅପେ ତାନା, ଇନିଃ ଜେତାଏ ହବାଅଃରେୟାଗି ପାର୍ମେଶ୍ୱାର୍ ଇନିଃକେ ସାଜାଇ ଏମାଇୟାଏ ।

୧୧ ମେନ୍ଦ୍ ହେ ହାଗା ମିଶିକ, ଆଇଙ୍ଗ୍ ତିସିଙ୍ଗ୍ ଜାକେଦ୍ ଖାତ୍ନାଅ ବିଷାଏରେଇଙ୍ଗ୍ ଉଦୁବେତାନ୍ରେଦ, ଚିନାଃ ମେନ୍ତେଇଙ୍ଗ୍ ସିଗିଦଃତାନା ? ତାବ୍ଦ୍ ଖ୍ରୀଷ୍ଟାଃ କୁଶ୍ ବିଷାଏରେ ଉଦୁବ୍ତେୟାଃ ତହଦଃରାଃ କାଜି ନାହାଁଲଃ ।

୧୨ ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍, ନେ ବିଷାଏରେ ଅକନ୍କ ଆପେକେ କାଜିକଟଙ୍ଗ୍ପେ ତାନାକ, ଇନକୁ ଆତଃକାଟିଃ ଆୟାରଃକାକ ଆତଃ କା ଖାତ୍ନାଅକେଦ୍ତେ ପୁରାଗି କା ପେଡ୍ଡେୟାନ୍ ହବାକାନ୍ ରେଦ୍ ବୁଗିନ୍ ହବାକାନ୍ତେୟାଃ ।

୧୩ ହେ ହାଗା ମିଶିକ, ଆପେଦ ତନଲ୍ହେତେ ରାଡାଅଃ ନାଗେନ୍ତେ କେଡାକାନ୍ ତାଇକେନାପେ । ମେନ୍ଦ୍ ଚିଗାଲ୍ଲାନାପେ, ଆପେୟାଃ ହଡ୍ମରେୟାଃ ସାନାଙ୍ଗ୍କେ ଏସ୍କାର୍ ପୁରାଏ ନାଗେନ୍ତେ ଏନ୍ ତନଲ୍ ରାଡାକାନ୍ତେୟାଃକେ ସୁଯୋଗ୍ ଲେକା ଆଲପେ ବେଭାର୍ରେୟା । ମେନ୍ଦ୍ ଦୁଲ୍ଲାଡ୍ତେ ସେସେନକେଦ୍ତେ ଆପେ ମିହୁଡ୍ ଆତଃମିହୁଡ୍ତରାଃ ସେଞ୍ଜାଏପେ ।

୧୪ ଚିୟାଃତି ମିଆଁଦ୍ଗି ଆନ୍ତୁରେ ସବେନ୍ ଆନାବୁ ପୁରାଅଃତାନା, “ଆମାଃ ହୋପର୍ଜାପାଃନିଃକେ ଆପ୍ନାଃ ଲେକା ଦୁଲ୍ଲାଡ୍ଡିମେ ।”

୧୫ ମେନ୍ଦ୍ ଆପେ ଜାଁଡୁକ ଲେକା ଚାଇଲ୍ ଚାଲାନ୍ ତାନ୍ଲଃ ମିହୁଡ୍ ଆତଃମିହୁଡ୍ତଆଃ ହାନି ଆତଃ ନକ୍ସାନ୍ କାମିକ ରିକାଏତାନ୍ରେଦ, ଚିଗାଲ୍ଲାନା ତାଇନପେ, କା'ରେଦ୍ ହବାସାକାଅଆଃ ଆପେ ମିହୁଡ୍ ଆତଃମିହୁଡ୍ତଆଃ ପୁରା ଜିୟନ୍ ରିକାଏଆପେ ।

ପାବିତାର୍ ଆମ୍ବା ଆତଃ ମାନଖାରାଃ ସଭାବ୍

୧୬ ଆଇଙ୍ଗ୍ କାଜିତାନ୍ତେୟାଃ ହବାଅଃତାନା, ପାବିତାର୍ ଆମ୍ବା ଆପେୟାଃ ଜୀଦାନ୍କେ ଆୟାର୍ତେ ଚାଲାଅଇଦିକା । ତାବ୍ଦ୍ ଆପେ ହଡ୍ମରେୟାଃ ପାପ୍ ସଭାବ୍କେ କାପେ ପୁରାଏୟା ।

୧୭ *ମାନଖାରାଃ ସଭାବ୍ ପାବିତାର୍ ଆମ୍ବାରାଃ ବିରୁଧ୍ ତାନାଃ, ଏନ୍ ଲେକାଗି ପାବିତାର୍ ଆମ୍ବାରେୟାଃ ଇଛା ମାନଖାରାଃ ବିରୁଧ୍ ତାନାଃ । ନେ ବାରାନ୍କିନ୍ ମିହୁଡ୍ ଆତଃମିହୁଡ୍ତରାଃ ବାଇରି ତାନ୍କିନ୍ । ଏନାତେ ଆପେ ଅକ୍ନାଃ ରିକା ନାଗେନ୍ତେ ସାନାଙ୍ଗ୍ତାନାପେ, ଏନା କାପେ ରିକା ଦାଡ୍ଡିୟା ।

୧୮ ପାବିତାର୍ ଆମ୍ବା ଆପେକେ ସୁଡୁଃ ଇଦିପେ ତାନ୍ରେଦ, ଆପେ ମୁଶା ଏମାକାଦ୍ ଆନ୍ତୁରାଃ ଆକ୍ତେୟାର୍ରେ ବାଙ୍ଗ୍ପେୟା ।

୧୯ ମାନଖା ସଭାବ୍ରେୟାଃ କାଜିକାମି ସବେନ୍ ହଡ୍କ ସାରିତାନା । ଏନା ହବାଅଃତାନା, ଆପାଙ୍ଗିର୍ କାମି, ସଡରା କାମି, ଏଡକାନ୍ ରିଜରାଙ୍ଗ୍,

୨୦ ମୁରୁଡ୍ ସେଞ୍ଜା, ଦେଅଁଣା କାମି, ବାଇରି ଆତଃ କାପ୍ଜି, ହିସ୍ଜା, ଖ୍ସ୍, ଆପ୍ନାଃ ନାଙ୍ଗ୍ ଏସ୍କାର୍ ଉଡ୍ଡୁ, ଝୁଣ୍ଡକକେ ବିନ୍ଗାଅ,

୨୧ ଆତଃ ହିସ୍ଜା, ଇଲିଆର୍ଖ୍ ନୁଁ, ରିଜରାଙ୍ଗ୍, ଆତଃ ଏନ୍ଲେକା ଏଟାଃ ଏଟାଃ ଏଡକାନ୍ କାମିରେ ତାଇନାଃକ । ଆଇଙ୍ଗ୍ ସିଦା ଲେକା ନାହାଁଃ ହଗି ଆପେକେଇଙ୍ଗ୍ ଚିଗାଲ୍ପେ ତାନା । ଅକନ୍କ ନେ'ଲେକା କାମିକ କାମିୟା, ଇନକୁ ପାର୍ମେଶ୍ୱାର୍ଆଃ ରାଇଜ୍ରେ ଆକ୍ତେୟାର୍ କାକ ନାମେୟା ।

୨୨ ମେନ୍ଦ୍ ପାବିତାର୍ ଆମ୍ବାରେୟାଃ ବାବ୍ଦାନ୍ ହବାଅଃତାନା, ଦୁଲ୍ଲାଡ୍, ରାସ୍କା, ଜୀଉସୁକୁ, ସାହାତିଙ୍ଗ୍ ଜୀଞ୍ଜାନ୍, ଦାୟା, ବୁଗିନାଃ, ପାତିୟାର୍ରେ ଲେକା,

୨୩ ଲେବେଃ ମନ୍, ଆତଃ ଆପାନ୍କେ ଆବ୍ରେରେ ଦହ, ନେ ସବେନାଃରେ ଆନ୍ତୁରାଃ ଜେତାନ୍ ବିରୁଧ୍ ବାନଆଃ ।

୨୪ ଅକନ୍କ ଯୀଶୁ ଖ୍ରୀଷ୍ଟାଃ ତାନ୍କ, ଇନକୁ ସବେନ୍ ଲାଲ୍ଲାର୍ ଆତଃ ହଡ୍ମରେୟାଃ ଏଡକାନ୍ ସାନାଙ୍ଗ୍ ମାନଖାରାଃ ସଭାବ୍କେ କୁଶ୍ରେ କିଲ୍ଲାକାଦାକ ।

୨୫ ପାବିତାର୍ ଆମ୍ବା ଆବୁକେ ଜୀଦାନ୍ ଏମାକାଦ୍ବୁଆଏ, ଇନିଃ ଆବୁଆଃ ଜୀଦାନ୍କେ ହଗି ସୁଡୁଃଇଦିକାଏ ।

☆ ୫:୯୧ କରିନ୍ଥ୍ରିୟ ୫:୭. ☆ ୫:୧୭ ରୋମି ୭:୧୫-୨୩.

୨୬ ଏନାମେନ୍ତେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଚାଏ ଏଟାଃକକେ ଖୁସ୍ ଚାଏ ଏଟାଃକକେ ହିସ୍‌କା ଆବୁକେ ରିକା କା ଲାଗାତିଙ୍ଗ୍‌ୟାଃ ।



ମିହୁଡ୍ ଆତଃମିହୁଡ୍‌ରାଃ ବାହାରମ୍ ଗଗେକାବୁ /

୧ ହେ ହାଗା ମିଶିକ, ଜେତାଏ ଜେତାନ୍ ଗୁହ୍ନାଁ କାମିରେ ସାବଃରେଦ, ଆପେକଏତେ ଅକନ୍‌କ ଆମ୍‌ମାରେ ସେସେନ୍ ତାନାକ, ଇନ୍‌କୁ ଇନିଃକେ ସୁଧରାଅ ଲାଗାତିଙ୍ଗ୍‌ୟାଃ, ମେନ୍‌ଦ ଆପେକେ ନେ କାମି ଲାବୁଃକେଦ୍‌ତେ, ଲେବେଃ ମନ୍‌ତେ ରିକା ଲାଗାତିଙ୍ଗ୍‌ୟାଃ । ଆତଃ ଚିର୍ଗାଲାକାନ୍‌ଦେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡାଅରେ ଉୟୁଃ ସାକାଅଃଆପେ ।

୨ ମିହୁଡ୍ ଆତଃମିହୁଡ୍‌ରାଃ ବାହାରମ୍ ଗଅଃ ନାଗେନ୍ତେ ଦେଙ୍ଗାଅଃପେ, ଏନ୍‌ଲେକା ରିକା ହରାତେ ଆପେ ସବେନ୍‌କ ଖ୍ରୀଷ୍ଟୁଆଃ ଆନ୍‌ରୁକେପେ ମାନାତିଙ୍ଗ୍‌ୟାଃ ।

୩ ଜେତାଏ ହଡ୍ ବେଗାର୍ ସାରିକେଦ୍‌ତେ ସାରିକାଦିଙ୍ଗ୍ ମେନ୍ତେ କାଜିନିଃ ଆପାନ୍‌କେଗି ବେଦାନ୍‌ତାନା ।

୪ ଆପେ ସବେନ୍‌କ ଆପ୍‌ନାଃ ଆପ୍‌ନାଃ ଚାଇଲ୍ ଚାଲାନ୍‌କେ ବିଚାରକେଦ୍‌ତେ ଆଟ୍‌କାର୍‌ଉରୁମ୍ ଲାଗାତିଙ୍ଗ୍‌ୟାଃ । ଏନା ବୁଗିନାଃତାନାଃ ରେଦ, ଏନା ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌କାଏ ଆତଃ ଏଟାଃନିୟାଃ କାମିକେ ଆପାନ୍‌ନାଃ କାମିଲଃ ଜକାକେଦ୍‌ତେ ଇନିଃ ଆପାନ୍‌କେ ମାରାଙ୍ଗ୍ ମେନ୍ତେ ଆଲକାଏ କାଜିନ୍‌କା ।

୫ ଚିଆଃତି ମିମିଆଦ୍ ହଡ୍‌କେ ଆପ୍‌ନାଃ ଆପ୍‌ନାଃ ବାହାରମ୍ ଗଅଃ ଲାଗାତିଙ୍ଗ୍‌ୟାଃ ।

୬ ଖ୍ରୀଷ୍ଟୁଆଃ ସୁକୁକାଜି ଇଡୁତାନ୍ ଇମ୍‌ତା ଇଡୁନିଃକେ ଆପାନ୍‌ନାଃ ଲାଗାତିଙ୍ଗ୍ ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଙ୍ଗ୍‌ୟାଃ ।

୭ ଆପେ ଆପାନ୍‌କେ ଆଲପେ ବେଦାନାଃ, ପାର୍‌ମେଶ୍‌ବାର୍ ବେଦାଅଃନିଃ ନାହାଁଲିଃ । ହଡ୍‌ହନ୍ ଅକଆଃ ହେରେୟାଏ ଏନାଗି ଇରେୟା ।

୮ ଅକ ହଡ୍ ଆପାନ୍‌ନାଃ ପାପ୍‌ରେୟାଃ ସଭାବ୍‌କେ ସୁକୁଇଚି ନାଗେନ୍ତେ ଲୟଙ୍ଗ୍‌ରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍‌ଦ ଜେତାଏ ପାବିତାର୍ ଆମ୍‌ମାକେ ସୁକୁଇଚି ନାଗେନ୍ତେ ଲୟଙ୍ଗ୍‌ରେ ହିତାଏ ହେରେୟା, ଇନିଃ ଆମ୍‌ମାତାଃଏତେ ଜାନାଅ ଜୀଦାନରେୟାଃ ହିତାଏ ଇରେୟା ।

୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାବୁ ଲାଗାଅଃକା । ଚିୟାଃତି ଏନାଏତେ କା ଲାଗାନ୍‌ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡିୟା ।

୧୦ ଏନାମେନ୍ତେ ଆବୁ ଚିମ୍‌ତା ସୁଯୋଗ୍‌ବୁ ନାମେୟା, ଇମ୍‌ତା ଆବୁକେ ବୁଗିନ୍ କାମି ରିକା ଲାଗାତିଙ୍ଗ୍‌ୟାଃ । ବିଶେଷକେଦ୍‌ତେ ଅକନ୍‌କ ଆବୁଆଃ ବିଶ୍ୱାସୀ ଅଡ଼ାଃରେନ୍ ତାନ୍‌କ, ଇନ୍‌କୁଆଃ ବୁଗିନାଃ ରିକା ଲାଗାତିଙ୍ଗ୍‌ୟାଃ ।

ଚୁଣ୍ଡୁ ଚେନେତାଅ କାଜି ଆତଃ ଜହାର୍

୧୧ ନେଲେପେ, ଆଇଙ୍ଗ୍ ଚିମିନ୍ ମାରାଙ୍ଗ୍ ମାରାଙ୍ଗ୍ ଅନଲ୍‌ରେ ଆପେତାଃତେଇଙ୍ଗ୍ ଅଲକାଦା ।

୧୨ ଅକନ୍‌କ ହଡ୍‌ମରେୟାଃ ବାହାରି ବିଷାଏରେ ଉଡୁବେନ୍ ତାନାକ ଆତଃ ଆପ୍‌ନାଃ ମାନାରାଙ୍ଗ୍ ରିକାତାନାକ, ଇନ୍‌କୁଗି ଆପେକେ ଖାଡ୍‌ନାଅଃପେ ମେନ୍ତେ ଆବୁପେତାନା । ଇନ୍‌କୁ ଖ୍ରୀଷ୍ଟୁଆଃ କୁଗ୍ ନାଗେନ୍ତେ ସାସାତି କା ନାମେ ଉଦେଶ୍‌ରେ ଏନ୍ ଲେକା ରିକାତାନାକ ।

୧୩ ଅକନ୍‌କ ଖାଡ୍‌ନାଅ ରିତିରିଖାଜ୍‌କେ ମାନାତିଙ୍ଗ୍‌ତାନାକ, ଇନ୍‌କୁଗି ମୁଶାରାଃ ଆନ୍‌ରୁକେ କାକ ମାନାତିଙ୍ଗ୍‌ତାନା । ଆପେ ଖାଡ୍‌ନାଅଃପେ ମେନ୍ତେ ଇନ୍‌କୁ ସାନାଙ୍ଗ୍‌ତାନାକ । ମେନ୍‌ଦ ନେ ହଡ୍‌ମରାଃ ରିତିରିଖାଜ୍‌କେ ମାନାତିଙ୍ଗ୍ ନାଗେନ୍ତେ ଆପେକେ ଆବୁ ଦାଡିପେରେଦ, ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌କା ।

୧୪ ମେନ୍‌ଦ ଆଇଙ୍ଗ୍ ଏସକାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ କୁଗ୍ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା; ଚିୟାଃତି ଇନିୟାଃ କୁଗ୍ ହରାତେ ଅତେଦିଶୁମ୍ ଆଇୟାଃ ନାଗେନ୍ତେ ଗଜାକାନା ଆତଃ ଆଇଙ୍ଗ୍ ଅତେଦିଶୁମ୍ ନାଗେନ୍ତେଇଙ୍ଗ୍ ଗଜାକାନା ।

୧୫ ଅକଏ ଖାଡ୍‌ନାଅକାନ୍ ଚାଏ କା ଖାଡ୍‌ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍‌ଦ ପାର୍‌ମେଶ୍‌ବାର୍ ହରାତେ ନାଞ୍ଜା ବାଇରୁହାଡ଼ଃତେୟାଃ ଏସକାର୍ ବିଶେଷ କାଜିତାନାଃ ।

୧୬ ଅକନ୍‌କ ଆପ୍‌ନାଃ ଜାଞ୍ଜାନ୍‌ରେ ନେ ରିତିରିଖାଜ୍‌କେ ମାନାତିଙ୍ଗ୍‌ତାନାକ, ଇନ୍‌କୁଆଃ ଚେତାନ୍‌ରେ ଆତଃ ଇସ୍ତାଏଲ୍ ହଡ୍‌କଆଃ ଚେତାନ୍‌ରେ ପାର୍‌ମେଶ୍‌ବାର୍‌ଆଃ ଜୀଉସୁକୁ ଆତଃ ସାୟାଦ୍ ହବାଅଃକା ।

୧୭ ଚୁଣ୍ଡୁଚୁର, ଆଇଙ୍ଗ୍ ନିମିନାଙ୍ଗ୍ କାଜି ସାନାଙ୍ଗ୍‌ତାନାଇଙ୍ଗ୍, ଜେତାଏ ଆଇଙ୍ଗ୍‌କେ ଆଲକାଏ ସିଗିଦିଙ୍ଗ୍‌କା । ଚିୟାଃତି ଆଇୟାଃ ହଡ୍‌ମରେ ଅକନ୍ ସାସାତିରାଃ ଘାଅକ ମେନାଃ, ଏନାତେ ସାରିୟଃତାନା ଯେ, ଆଇଙ୍ଗ୍ ଯୀଶୁଆଃ କିରିଙ୍ଗ୍‌ୟାକାନ୍ ଦାସି ତାନିଙ୍ଗ୍ ।

୧୮ ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲଃ ଆମ୍‌ମାରେ ତାଇନ୍‌କା । ଆମେନ୍ ।

ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଏଫିସୁସ୍ ନାଗାରରେୟାଃ କାଲିସିୟାତାଃତେ ଅଲ୍ଲକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲକାନ୍ନା । ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୭୦ କରେ କଲସିୟ କାଲିସିୟାତାଃତେ ଅଲେତାଲକେନ୍ ଦିପିଲିରେଗି ନେ ଚିଟାଉ ଅଲ୍ଲକାନ୍ ତାଲକେନା । ଅନଲ୍‌ନିଃ ଆଇଃକ୍‌ଗି ପ୍ରେରିତ୍ ପାଉଲୁସ୍ ମେନ୍ତେ ପାରିଟାଏ ଏମାଃଏ, ୧:୧ । କଲସିୟ ପୁଥ୍ରେ ଜହାର୍ ମେନ୍ତେ କାଏ କାଜିକାଦ୍‌ରେୟଗି ଚିମିନ୍ ବାଇବାଲ୍ ପାଣ୍ଡିତ୍‌କ ଏଫିସୁସ୍ ପୁଥ୍ରେ ପାଉଲୁସ୍ ଅଲ୍ଲକାଦାଏ ମେନ୍ତେକ କାଜିୟାଃ । ନେଆଁ ହରାତେ ହବାସାକାଅଆଃ ସବେନ୍ କାଲିସିୟାକେ ଚିଟାଉ ହାଟିଙ୍ଗ୍‌ରେୟାଃ ଉଦେଶ୍‌ରେ ଅଲ୍‌ସାକାଅଃକା । ପାଉଲୁସ୍ ନେଆଁ ହଗି ଉଦୁବ୍‌କାଦା ଯେ, ନେ ଚିଟାଉ ଅଲ୍‌ଃତାଲକେନ୍ ଇମ୍‌ତା ଆଇଃକ୍ ଜେହେଲ୍‌କାନ୍ ତାଲକେନାଏ, ୩:୧;୪:୧;୬:୨୦ । ପାଉଲୁସ୍, ତୁଖ୍‌କ୍‌କେ ଏଫିସୁସ୍ କାଲିସିୟାତେ କୁଲ୍‌କିୟା ଆତଃ ଆୟାଃ ତିଃଇରେ ନେ ଚିଟାଉକେ ଏମ୍ କୁଲ୍‌କେଦା ୬:୨୧-୨୨ ।

ଏଫିସୁସ୍, ଏସିଆ ପାର୍ଗାନ୍‌ରେୟାଃ ମିଆଁଦ୍ ମାରାଙ୍ଗ୍ ସାହାର୍ ଆତଃ ମାରାଙ୍ଗ୍ ନାଗାର୍ ତାଲକେନା । ଏଫିସୁସ୍‌ରେନ୍ ଗ୍ରୀକ୍ ମାହାପୁରୁ ଆର୍ଡେମାରାଃ ସୁନ୍‌ସାର୍ ଆତଃ ଆୟାଃ ମାନ୍‌ିର୍ ନାଗେନ୍ତେ ପୁରାଃ ନୁତୁମଃତାନା, ପ୍ରେରିତ୍ ୯:୨୩-୩୧ । ଏଫିସୁସ୍ କାଲିସିୟା ଏନେଟେଦ୍‌ରେ ଆମ୍‌ାତେ କେଟେୟାନ୍‌ଗିକ ତାଲକେନା, ମେନ୍‌ଦ ତାୟମ୍‌ତେ ନେ କାଲିସିୟା ଆମ୍‌ାରେ ନାରାଦୁରା ହବାୟାନାକ, ଉନ୍‌ଦୁବ୍ କାଜି ୨:୧-୭ ।

ପାଉଲୁସ୍ ଆୟାଃ ଅନଲ୍‌ରେୟାଃ ଚିମିନ୍ ହିସାକରେ, ପାର୍‌ମେଶ୍ୱାର୍ ଚିଲ୍‌କା ଆୟାଃ ହଡକକେ ସାଲାକେଦ୍‌କଆ ଆତଃ ଚିଲ୍‌କା ଯୀଶୁଆଃ ହରାତେ ପାଏତେ ବାଞ୍ଚାଅ ନାମାକାଦାକ, ଏନାଏ ଉଦୁବେତାନା । ପାଉଲୁସ୍ କାଲିସିୟାକେ ହଡ଼ମଲଃ ଜକାକେଦ୍‌ତେ, ଖ୍ରୀଷ୍ଟ୍ ଏନାରେନ୍ ବହଃ ଆତଃ କଚାରେନ୍ ମାରାଙ୍ଗ୍ ଦିରି ତାନିଃ, ଅକ୍‌ନାଃଲଃ ଚି ମେସାକେଦ୍‌ତେ ମିସାତେ ହାରା ଇଦିୟଃତାନା । ପାଉଲୁସ୍‌ଆଃ ଚିଟାଉରେୟାଃ ଆଧା ହିସାରେ ଖ୍ରୀଷ୍ଟିୟାନ୍ ଜୀଞ୍ଜାନ୍ ବିଶାଏରେ ଉଦୁବାକାଦା ।

ପୁଥ୍ ଭିଟାରରେ ତାଲକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାରିଟାଏ ଏମେତାନାଏ । ୧:୧-୨
- ୨. ଖ୍ରୀଷ୍ଟ୍‌ଲଃ କାଲିସିୟାରାଃ ନାତା । ୧:୩-୩:୨୧
- ୩. ଖ୍ରୀଷ୍ଟିୟାନ୍ ଜୀଞ୍ଜାନ୍ ବିତାଅରେୟାଃ ହରା । ୪:୧-୬:୨୦
- ୪. ପାଉଲୁସ୍‌ଆଃ ଚୁଣ୍ଡ ଜୁହାର୍ । ୬:୨୧-୨୪

୧ *ପାଉଲୁସ୍, ପାର୍‌ମେଶ୍ୱାର୍‌ଆଃ ମନେ ଲେକା ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲ୍‌କାନ୍‌ନିଃ ତାନିଃ, ଇନିଃ ଯୀଶୁ ଖ୍ରୀଷ୍ଟ୍‌ରେ ମେସାକାନ୍ ପାତିୟାର୍‌ତେ ଜୀଞ୍ଜାନ୍ ବିତାଅତାନ୍ ଏଫିସୁସ୍‌ରେନ୍ ପାର୍‌ମେଶ୍ୱାର୍‌ଆଃ ହଡକତାଃତେ ନେ ଚିଟାଉ ଅଲ୍‌କାଦାଏ ।

୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଆମ୍‌ାରେୟାଃ ଆଗିଷ୍ଟ

୩ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ଆତଃ ପାର୍‌ମେଶ୍ୱାର୍‌ଆଃ ସାହାରାଅ ହବାଅଃକା । ଚିୟାଟି ଇନିଃ ଆବୁକେ ଖ୍ରୀଷ୍ଟ୍‌ଲଃ ମେସାକାଦ୍‌ବୁଆ ଆତଃ ସିର୍ମା ଦିଶ୍ୱମ୍‌ରେୟାଃ ସବେନ୍ ଲେକାନ୍ ଆମ୍‌ାନ୍ ଆଗିଷ୍ଟତେ ଆଗିଷ୍ଟକାଦ୍‌ବୁଆ ।

୪ ଖ୍ରୀଷ୍ଟ୍‌ତାଃରେ ମେସାକେଦ୍‌ତେ, ଆବୁ ଜେ'ଲେକା ପାର୍‌ମେଶ୍ୱାର୍‌ଆଃ ହବାଅଃଆବୁ, ଏନାମେନ୍ତେ ଅତେଦିଶ୍ୱମ୍ ବାଲ୍‌ୟାନ୍ ସିଦାରେ ଇନିଃ ଆବୁକେ ସାଲାକାଦ୍‌ବୁଆ, ନେଆଁ ହରାତେ ଆବୁ ଆୟାଃ ଆୟାରରେ ପାବିତାର୍ ଆତଃ ବେଗାର୍ ଦାଗିୟାକାନ୍‌ଗିବୁ ତାଲନ୍ ଦାଡିୟା । ଚିୟାଟି ଆୟାଃ ଦୁଲାଡ୍‌ତେ

୫ ଆବୁକେ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆୟାଃ ଆପୁଲ୍ ହନ୍‌କବୁ ହବାଅଃକା ମେନ୍ତେ ଇନିଃ ସିଦାରେଗି ଉହାଟ୍‌କାଦ୍ ତାଲକେନା, ନେଆଁଗି ଆୟାଃ ସୁକୁଆନ୍ ଆତଃ ମନେ ତାଲକେନା ।

୬ ପାର୍‌ମେଶ୍ୱାର୍‌ଆଃ ପୁରାଃ ସାୟାଦ୍ ହରାତେ ଆତଃ ଆୟାଃ ଦୁଲାଡ୍ ହନ୍‌କେ ବେଗାର୍ ଗନଙ୍ଗ୍‌ତେ ବାଟ୍‌ଦାନ୍ ଲେକା ଆବୁକେ ଏମାକାବୁ ନାଗେନ୍ତେ, ଆବୁ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ବୁ ରିକାଏୟା ।

୭ *ଖ୍ରୀଷ୍ଟ୍‌ଆଃ ମାୟୋମ୍ ହରାତେ ଆବୁ ମୁଲ୍‌ିବୁ ନାମାକାଦା, ଅର୍ଥାଡ୍ ଆବୁଆଃ ସବେନ୍ ପାପ୍‌କ ଛାମାକାନା । ପାର୍‌ମେଶ୍ୱାର୍‌ଆଃ ସାୟାଦ୍ ପୁରାଃ ମାରାଙ୍ଗିଆ ।

୮ ଏନା ସବେନ୍, ଇନିଃ ଆୟାଃ ସେଣ୍ଡାନ୍‌ତେ ଆତଃ ଆଟ୍‌କାର୍‌ଉରୁମ୍‌ତେ ଆବୁକେ ପୁରାଃଗି ଏମାକାଦ୍‌ବୁଆ ।

☆ ୧:୧ ପ୍ରେରିତ୍ ୧୮:୧୯-୨୧; ୧୯:୧. ☆ ୧:୭ କଲସିୟ ୧:୧୪.

୯ ପାର୍ମେଶ୍ୱର ସିଦ୍ଧାନ୍ତେ ଉଦ୍ଧାରକାରୀ ତାଙ୍କଦ୍ୱାରା ଉଦ୍ଧାରିତ ହେବେ, ଶ୍ରୀକ୍ଷ୍ମା ପୁରାଣ ନାମରେ ଅକ୍ଷୟ ଉଦ୍ଧାରିତ ହେବେ ।

୧୦ ନେ ଉଦ୍ଧାରକାରୀ ଲୋକଙ୍କୁ ଆତ୍ମା ଅତ୍ୟନ୍ତ ଦିଶୁଥିବେ ସେହି ବାଳକଙ୍କୁ ଉଦ୍ଧାରିବେ । ଆତ୍ମା ଶ୍ରୀକ୍ଷ୍ମା ଏବଂ ସେହି ଉଦ୍ଧାରକାରୀ ଲୋକଙ୍କୁ ଉଦ୍ଧାରିବେ । ନେ ଉଦ୍ଧାରକାରୀ ପାର୍ମେଶ୍ୱର ଉଦ୍ଧାରିବେ ନେତାରେ ଉଦ୍ଧାରିବେ ।

୧୧ ସେହି ଉଦ୍ଧାରକାରୀ ପାର୍ମେଶ୍ୱର ଆତ୍ମା ଉଦ୍ଧାରକାରୀ ଲୋକଙ୍କୁ ଉଦ୍ଧାରିବେ, ମୁନୁଷ୍ୟେ ଉଦ୍ଧାରକାରୀ ଲୋକଙ୍କୁ ଆତ୍ମା ଉଦ୍ଧାରିବେ ପୁରାଣ ନାମରେ, ଶ୍ରୀକ୍ଷ୍ମା ହରାତେ ଆତ୍ମା ଆପାତ ହେବେ ହରାତେ ନାମରେ ପାର୍ମେଶ୍ୱର ଆତ୍ମାକୁ ସାଧାରଣକାରୀ ।

୧୨ ଦଲ୍ଲୀ, ଅକ୍ଷୟ ସିଦ୍ଧାନ୍ତେ ଶ୍ରୀକ୍ଷ୍ମାରେ ଆତ୍ମାକୁ ତାଙ୍କଦ୍ୱାରା, ଏବଂ ସେହି ପାର୍ମେଶ୍ୱର ଆତ୍ମା ମାନାତ୍ମାକୁ ଦୁରାତ୍ମା ।

୧୩ ଆପେୟ ଉଦ୍ଧାରକାରୀ ଉଦ୍ଧାରକାରୀ ଏବେତାନ୍, ନେ ସୁକ୍ଷ୍ମାରେ ଉଦ୍ଧାରକାରୀ ସାତ୍ତ୍ୱି କାଳିପେ ଆତ୍ମାକୁ ଉଦ୍ଧାରିବେ ପାର୍ମେଶ୍ୱର ଆତ୍ମା ହେବେ ହରାତେ । ଆପେ ଶ୍ରୀକ୍ଷ୍ମାକୁ ବିଶ୍ୱାସକାରୀ ହରାତେ ପାର୍ମେଶ୍ୱର ଆତ୍ମା ବାନ୍ଧା ଲୋକଙ୍କୁ ପାରିତା ଆତ୍ମାକୁ ଏକ୍ଷୟ, ଆତ୍ମା ଆପେୟ ତେତାନ୍ରେ ଆତ୍ମା ମୋହକାରୀ ଚିହ୍ନିଏ ଏକ୍ଷୟକାରୀ ।

୧୪ ପାର୍ମେଶ୍ୱର ଆତ୍ମା ହେବେ ଆତ୍ମା ହାନାତ୍ମା ନାମେ ମେତ୍ତେ ବାନ୍ଧା ଏକ୍ଷୟକାରୀ, ଏନାରେ ଉଦ୍ଧାରକାରୀ ଶ୍ରୀକ୍ଷ୍ମା ଏକ୍ଷୟ, ଆତ୍ମା ନାମାକାରୀ ପାରିତା ଆତ୍ମା ତାନି । ପାର୍ମେଶ୍ୱର ଆତ୍ମା ହେବେ ପୁରାଣ ରାତ୍ମା, ଏନାମେତ୍ତେ ଆତ୍ମା ମାନାତ୍ମାକୁ ଦୁରାତ୍ମା ।

ପାରିତାତ୍ମା ବିକ୍ଷି

୧୫ ନେ ଆପେୟ ପ୍ରାତ୍ତ୍ୱ ଉଦ୍ଧାରକାରୀ ଆପେୟ ବିଶ୍ୱାସ ଆତ୍ମା ପାର୍ମେଶ୍ୱର ଆତ୍ମା ହେବେ ଉଦ୍ଧାରକାରୀ ଦୁଲ୍ଲୀ ମେତ୍ତେ

୧୬ ଆତ୍ମାକୁ ଆତ୍ମାକୁ ଦିପ୍ତିକାରୀ ଆପେୟ ନାମେତ୍ତେ ପାର୍ମେଶ୍ୱରକୁ ଧ୍ୟାନକାରୀ ଏବଂ ନାମେତ୍ତେ କାଳିକା ବାନ୍ଧା, ଆତ୍ମାକୁ ବିକ୍ଷିରେ ଆପେୟକାରୀ ପାରିତାତ୍ମା ।

୧୭ ଆତ୍ମା ମାନାତ୍ମାରେ ଆତ୍ମା, ଆତ୍ମା ପ୍ରାତ୍ତ୍ୱ ଉଦ୍ଧାରକାରୀ ପାର୍ମେଶ୍ୱରକୁ ବିକ୍ଷିତା, ଜେ'ଲୋକାତି ଉଦ୍ଧାରକାରୀ ଆପେୟ ପାରିତା ଆତ୍ମାକୁ ଏକ୍ଷୟ । ଏବଂ ପାରିତା ଆତ୍ମା ଆପେୟ ସେକ୍ଷିଏ ଏକ୍ଷୟ ଆତ୍ମା ପାର୍ମେଶ୍ୱରକୁ ବୁଦ୍ଧିକାରୀ ସାରି ନାମେତ୍ତେ ଉଦ୍ଧାରକାରୀ ଆପେୟରେ ଉଦ୍ଧାରିବେ ।

୧୮ ଉଦ୍ଧାରକାରୀ ମାର୍ତ୍ତ୍ତା ନେଲ୍ ନାମେତ୍ତେ ଆପେୟ ମନୁଷ୍ୟରେ ଉଦ୍ଧାରକାରୀ ମେତ୍ତେ ରାତ୍ତ୍ତାତ୍ତା ମେତ୍ତେ ବିକ୍ଷିତା, ଜେ'ଲୋକାତି ଉଦ୍ଧାରକାରୀ ଆପେୟ ଅକ୍ଷୟ ଆତ୍ମା ନାମେତ୍ତେ କେତାକାରୀ, ଆତ୍ମା ପାରିତା ହେବେ ନାମେତ୍ତେ ଆତ୍ମା ବାନ୍ଧା ଚିହ୍ନି ମାନାତ୍ମାରେ ଉଦ୍ଧାରକାରୀ ତାନା,

୧୯ ଆତ୍ମା ଆତ୍ମା ଲୋକାନ୍ ବିଶ୍ୱାସକାରୀରେ କାମିତ୍ତାନ୍ ଉଦ୍ଧାରକାରୀ ପେତ୍ତେ ଚିହ୍ନି ମାନାତ୍ମା, ଏବଂ ପେତ୍ତେ ଉଦ୍ଧାରକାରୀ ପୁରାଣ ପେତ୍ତେ କାମିତ୍ତାନ୍, ଏନା ଆପେୟ ଆତ୍ମାକୁ ଦାତ୍ତିକାରୀ ।

୨୦ ଏବଂ ପେତ୍ତେ ହରାତେ ପାର୍ମେଶ୍ୱର ଶ୍ରୀକ୍ଷ୍ମାକୁ ଗନ୍ଧ୍ୟରେ ଜୀବିତ୍ତାଏ ଆତ୍ମା ଉଦ୍ଧାରକାରୀ ସିଦ୍ଧାନ୍ତେ ଆତ୍ମା ଜମ୍ପାରେ ଦୁକ୍ଷୟ ।

୨୧ ଶ୍ରୀକ୍ଷ୍ମା ସିଦ୍ଧାନ୍ତେ ସେହି ରାତ୍ତ୍ତାତ୍ତାଏତେ, ଆତ୍ମାରେ ନାମାକାରୀଏତେ, ପେତ୍ତେୟାନକ୍ଷୟେତେ, ଆତ୍ମା ଗମ୍ପାକ୍ଷୟେତେ ତେତାନ୍ ନୁତ୍ତାନ୍ରେ ଦକ୍ଷୟ, ନେ ଅତ୍ୟନ୍ତ ଆତ୍ମା ହିତ୍ତାନ୍ ଦିପ୍ତିକାରୀ ସେହି ଆତ୍ମାରେ ଏତେ ତେତାନ୍ ଆତ୍ମାରେ ଉଦ୍ଧାରକାରୀ ତାନା ।

୨୨ ପାର୍ମେଶ୍ୱର ସେହି ଶ୍ରୀକ୍ଷ୍ମାକୁ କାମି ଲାତାରେ ଦକ୍ଷୟ ଆତ୍ମା ସେହି ବିଷାଏରେ ଉଦ୍ଧାରକାରୀ ମାନାତ୍ମା ପ୍ରାତ୍ତ୍ୱ ଲୋକା କାଳିକାକୁ ଏକ୍ଷୟ ।

୨୩ କାଳିକା ଶ୍ରୀକ୍ଷ୍ମାକୁ ହେବେ ତାନା, କାଳିକା ହରାତେ ଶ୍ରୀକ୍ଷ୍ମାକୁ କାମି ପୁରାଣ, ଆତ୍ମା ଶ୍ରୀକ୍ଷ୍ମା ସେହି ପୁରାଣ ।

୨

ଗନ୍ଧ୍ୟରେ ଜୀବନ୍ତ

୧ *ଆପେୟ କା ମାନାତ୍ମା ଆତ୍ମା ପାତ୍ତ୍ୱ ହରାତେ ସିଦ୍ଧାନ୍ତେ ଦିପ୍ତିକାରୀ ଆତ୍ମାରେ ଗଜାକାରୀ ତାଙ୍କଦ୍ୱାରା,

୨ ଉଦ୍ଧାରକାରୀ ଆପେୟ ଅତ୍ୟନ୍ତରେ ଉଦ୍ଧାରକାରୀ ଏକ୍ଷୟ ହରାତେ ଅତ୍ୟନ୍ତ, ଅତ୍ୟନ୍ତ ଆତ୍ମା ଆତ୍ମାରେ ଉଦ୍ଧାରକାରୀ ଉଦ୍ଧାରକାରୀ ତାନାତ୍ତା ତାଙ୍କଦ୍ୱାରା । ନାହାନ୍ତ ଏବଂ ଏକ୍ଷୟ ଆତ୍ମା, ପାର୍ମେଶ୍ୱରକୁ କା ମାନାତ୍ତାତାନ୍ ହେବେ ଆତ୍ମା ତେତାନ୍ରେ ରାତ୍ତାତାନ୍ ।

* ୧:୨୨ କଲସିୟ ୧:୧୮. * ୨:୧ କଲସିୟ ୨:୧୩.

୩ ସାର୍ବତ୍ରି କାଜିଲେରେ, ଆବୁ ସବେନକ ଇନକୁ ଲେକାଗି ଆପନାଃ ହତ୍ତମରେୟାଃ ଏଡକାନ୍ ସାନାଙ୍ଗ୍ ଆତଃ ମନ୍ରେୟାଃ ଏଡକାନ୍ ଉଡ଼ୁ ଲେକାତେବୁ ସେସେନ୍ତାନ୍ ତାଇକେନା, ଏଟାଃକ ଲେକା ଆବୁହ ପାର୍ମେଶ୍ଵାର୍ଆଃ ଖୁସ୍କାନ୍ ହତ୍ତକବୁ ତାଇକେନା ।

୪ ମେନ୍ଦ ପାର୍ମେଶ୍ଵାର୍ଆଃ ପୁରାଃ ଲିନିବୁଇ ଆତଃ ଆୟାଃ ପୁରାଃ ଦୁଲାଡ୍ ଆବୁନାଙ୍ଗ୍ ନିମିନାଙ୍ଗ୍ ମେନାଃ ଯେ,

୫ ଆବୁଆଃ ପାପ୍ ହରାତେ ଆମ୍ବାରେ ଗଜାକାନ୍ ତାଇକେନ୍ ଇମ୍ତା, ଇନିଃ ଖ୍ରୀଷ୍ଟଲଃ ଆବୁକେ ଜୀଦାନାଏ ଏମାଦ୍ବୁଆ । ନେଆଁ ପାର୍ମେଶ୍ଵାର୍ଆଃ ସାୟାଦ୍ ହରାତେଗି ଆପେ ବାଞ୍ଛାଅକାନାପେ ।

୬ ଆବୁ ଯୀଶୁ ଖ୍ରୀଷ୍ଟଲଃ ମେସାୟାନ୍ ହରାତେ ଇନିଃଲଃ ସିମ୍ବାରେ ରାଇଜେ ନାଗେନ୍ତେ ଇନିଃ ଆବୁକେୟଗି ଜୀଉ ବିରିଦାକାଦ୍ବୁଆ ।

୭ ଯୀଶୁ ଖ୍ରୀଷ୍ଟରେ ଉଦୁବକେଦ୍ ଦୁଲାଡ୍ତେ ଆୟାଃ ସାୟାଦ୍ରେୟାଃ କା ଜକାଃଥ ପୁରାଃ ପେଡେଃ ଆତଃ ଦାୟାକେ ସବେନ୍ ଦିପିଲିରେ ଉଦୁବେ ନାଗେନ୍ତେ ପାର୍ମେଶ୍ଵାର୍ ନେ ଲେକାଏ କାମିକେଦା ।

୮ ଚିୟାଃଚି ପାର୍ମେଶ୍ଵାର୍ଆଃ ସାୟାଦ୍ ଆତଃ ବିଶ୍ଵାସ୍ ହରାତେ ଆପେ ଜୀଉବାଞ୍ଛାଅପେ ନାମାକାଦା । ନେଆଁ ଆପେୟାଃତେଦ କାହାଗି, ମେନ୍ଦ ପାର୍ମେଶ୍ଵାର୍ଆଃ ଦାନ୍ ତାନାଃ ।

୯ ଜେତାଏ ଆପାନ୍କେ ମାରାଙ୍ଗ୍ ମେନ୍ତେ ଆଲକାଏ ଉଡ଼ୁଗେ ମେନ୍ତେ ଆପ୍ନାଃ କାମିତେ କା ହବାକାନା ।

୧୦ ଆବୁ ଅକ୍ନାଃ ହବା ଦାଡ଼ିକାନାବୁ, ଏନା ପାର୍ମେଶ୍ଵାର୍ଗି ବାଇୟାକାଦ୍ବୁଆ, ଅକନ୍ ବୁଗିନ୍ କାମି ଆବୁ କାମିୟାବୁ ମେନ୍ତେ ପାର୍ମେଶ୍ଵାର୍ ସିଦାରେଗି ଠାହାରାଅକାଦ୍ ତାଇକେନା, ଆବୁ ଖ୍ରୀଷ୍ଟ ଯୀଶୁଲଃ ମେସାୟାନ୍ ହରାତେ ଏନା ହବା ସାକାଅକାନା ।

ଖ୍ରୀଷ୍ଟ ହରାତେ ମିଦଃ

୧୧ ଏନାମେନ୍ତେ ଆପେୟାଃ ସିଦା ଦିପିଲି ପାହାମେପେ, ଜାନାମ୍ରେ ଆପେ ସାଅଁସାର୍ ହତ୍ତକ ତାଇକେନାପେ । ଆପାନ୍କେ ଖାଡ଼ନାଅକାନ୍କ ତାନ୍ଲେ ମେନ୍ତେ କାଜିନ୍ତାନ୍ ଯିହୁଦୀକ, ଆପେକେ କା ଖାଡ଼ନାଅକାନ୍କ ମେନ୍ତେ କାଜିତାଇକେନାକ । ନେଆଁ, ହତ୍ତକ ଆକଆଃ ହତ୍ତମରେ ଚିନାଃ ରିକାଃକ ଏନା ଏସ୍କାର୍ କାଜିୟାଃଏ ।

୧୨ ଇମ୍ତା ଆପେ ଖ୍ରୀଷ୍ଟତାଃଏତେ ସାଜିନ୍ରେ ତାଇକେନାପେ । ଆପେ ଇସ୍ରାଏଲ୍ ଦିଶୁମ୍ହେତେ ବାହାରିକାନ୍ ତାଇକେନାପେ, ଏଟାଃ ଦିଶୁମ୍ରେନ୍ ହତ୍ତକ ଲେକା ତାଇକେନାପେ ଆତଃ ପାର୍ମେଶ୍ଵାର୍ଆଃ ସାଲକାନ୍ ହତ୍ତକ କାପେ ତାଇକେନା । ପାର୍ମେଶ୍ଵାର୍ ଆୟାଃ ହତ୍ତକଆଃ ନାଗେନ୍ତେ ଏମାକାଦ୍ ବାନାର୍ସା ଚେତାନରେ ଠାହାରାଅକାଦ୍ ରାଜିନାମାରେ ଆପେୟାଃ ଜେତାନ୍ ହିସା କା ତାଇକେନା । ବେଗାର୍ ଆସ୍ରାତେ ଆତଃ ବେଗାର୍ ପାର୍ମେଶ୍ଵାର୍ତେ ଆପେ ନେ ଅତେଦିଶୁମ୍ରେପେ ତାଇନଃତାନ୍ ତାଇକେନା ।

୧୩ ଖ୍ରୀଷ୍ଟ ଯୀଶୁରେ ଆପେ ସାଜିନ୍ରେ ତାଇକେନାପେ, ମେନ୍ଦ ନାହାଁଃ ଖ୍ରୀଷ୍ଟଆଃ ମାୟୋମ୍ତେପେ ନାଡ଼େୟାକାନା ।

୧୪ ଚିୟାଃଚି ଯିହୁଦୀ ଆତଃ ସାଅଁସାର୍ ହତ୍ତକକେ ମିଦ୍କେଦ୍ତେ ଖ୍ରୀଷ୍ଟ ଆଇଃକ୍ଗି ଆବୁ ଆଲାରେ ଜୀଉସୁକୁଇ ବାଇକେଦା । ଇନକୁକେ ବିନ୍ଗାଅକେଦ୍ତେ ବାଇରି ଲେକା ଦହକାଦ୍ ପାର୍ରିକେ ଇନିଃ ଆୟାଃ ହତ୍ତମ୍ ହରାତେ ହାଦୁଡ଼କେଦା ।

୧୫ *ଇନିଃ ଯିହୁଦୀକଆଃ ସବେନ୍ ଆଇନ୍, ଆନ୍ରୁ ଆତଃ ନିୟାମ୍କ ଆତମ୍କେଦ୍ତେ ଯିହୁଦୀ ଆତଃ ସାଅଁସାର୍ ହତ୍ତକତାଃଏତେ ଆୟାଃଲଃ ମେନେସାରେ ମିଆଁଦ୍ ନାଞ୍ଜା ହତ୍ତ ବାଇକିୟା, ନେ ଲେକାତେ ଜୀଉସୁକୁଇ ବାଇକେଦା ।

୧୬ *କୁଗ୍ରେ ଖ୍ରୀଷ୍ଟଆଃ ଗନଏଃ ହରାତେ ଯିହୁଦୀ ଆତଃ ସାଅଁସାର୍ ହତ୍ତକଆଃ ଆଲାରେ ତାଇକାନ୍ ବାଇରିକେ ଜିୟନ୍କେଦା ଆତଃ ମିଦ୍ ହତ୍ତମ୍ରେ ମେସାକେଦ୍କଆ, ଏନ୍ତେ ପାର୍ମେଶ୍ଵାର୍ତାଃତେ ଆଉରୁହାଡ଼କେଦ୍କଆ ।

୧୭ ଏନାମେନ୍ତେ ଖ୍ରୀଷ୍ଟ ହିଜୁଃକାନ୍ ତାଇକେନାଏ ଆତଃ ପାର୍ମେଶ୍ଵାର୍ତାଃଏତେ ସାଜିନ୍କାନ୍ ସାଅଁସାର୍ ହତ୍ତକତାଃରେ ଆତଃ ଆୟାଃ ହେପାଦ୍ରେନ୍ ଯିହୁଦୀ ହତ୍ତକତାଃରେ ସୁକୁକାଜି ଉଦୁବକେଦା ।

୧୮ ଖ୍ରୀଷ୍ଟ ହରାତେଗି ଯିହୁଦୀକ, ସାଅଁସାର୍ ହତ୍ତକ ଆତଃ ଆବୁ ସବେନକ ମିଦ୍ ଆମ୍ବାରେ ଆପୁଆଃ ହେପାଦ୍ତେ ହିଜୁଃ ଦାଡ଼ିକାନାବୁ ।

୧୯ ଏନାତେ ହେ ସାଅଁସାର୍ ହତ୍ତକ, ଆପେ ଏଟାଃ ଦିଶୁମ୍ରେନ୍ ଆତଃ କା ଚିହ୍ନାଁର୍ ହତ୍ତକ ନାହାଁଃଲାପେ, ନାହାଁଃ ପାର୍ମେଶ୍ଵାର୍ଆଃ ହତ୍ତକଲଃ ଆପେୟଗି ଆୟାଃ ରାଇଜ୍ରେନ୍ ଆତଃ ଅଡ଼ାଃରେନ୍ ହତ୍ତକ ତାନ୍ପେ ।

୨୦ ଆପେୟଗି ପ୍ରେରିଡ଼କଆଃ ଆତଃ ନାବୀକଆଃ ହରାତେ ବାଇୟାକାନ୍ ନିହ୍ଗାତାରେ ବାଇୟାକାଦ୍ ଅଡ଼ାଃ ଲେକାଃପେ । ଏନ୍ ଅଡ଼ାଃରେୟାଃ କଚା ଦିରି ଖ୍ରୀଷ୍ଟ ଯୀଶୁଗି ତାନିଃ ।

୨୧ ଇନିଃରେ ବାଇକାନ୍ ମିପିଆଦ୍ ଅଡ଼ାଃ ଚିରିଜ୍କେଦ୍ତେ ଜଡ଼ାଇକାନା ଆତଃ ପ୍ରାଭୁ ନାଗେନ୍ତେ ରାକାବାକାନ୍ ପାବିତାର୍ ମାନ୍ଦିର୍ ଲେକା ହାରାଇଦିୟାତାନା ।

୨୨ ଆୟାଃଲଃ ମେନେସାରେ ଆପେୟଗି ଏଟାଃ ସବେନକଲଃ ମିସାତେ ଆମ୍ବା ଲେକାନ୍ ପାର୍ମେଶ୍ଵାର୍ଆଃ ତାଇନଃ ଠାୟାଦ୍ ନାଗେନ୍ତେ ଆପେ ମିଆଁଦ୍ ଅଡ଼ାଃପେ ବାଇୟାତାନା ।

☆ ୨:୧୫ କଲସିୟ ୨:୧୪. ☆ ୨:୧୭ କଲସିୟ ୧:୨୦.

୩

ସାଅଁସାର୍ ହଡ଼କଆଃ ନାଗେନ୍ତେ ପାଉଲୁସଆଃ କାମି

୧ ନେଆଁ ନାଗେନ୍ତେ ଆପେ ଲେକାନ ସାଅଁସାର୍ ହଡ଼କ ନାଙ୍ଘ ଯୀଶୁ ଖ୍ରୀଷ୍ଟଆଃ ହରାତେ ଜେହେଲକାନ ଆଇଙ୍ଘ ପାଉଲୁସ, ପାର୍ମେଶ୍ୱାର୍ତାଃରେଇଙ୍ଘ ବିକ୍ତିତାନା ।

୨ ଆପେୟାଃ ବୁଗିନାଃ ନାଗେନ୍ତେ ପାର୍ମେଶ୍ୱାର୍ ଆୟାଃ ସାୟାଦ୍ତେ ଆଇଙ୍ଘକେ ନେ କାମି କାମି ନାଗେନ୍ତେ ଏମାକାଦିୟାଁ, ନେଆଁ ସାର୍ତ୍ତିଗି ଆୟୁମ୍‌କାଦାପେ ।

୩ ପାର୍ମେଶ୍ୱାର୍ ଆୟାଃ ଉକୁଆକାନ କାଜିକେ ଉଦୁବ୍‌କେଦ୍ତେ ଆଇଙ୍ଘକେ ଉଦୁବ୍‌କାଦିୟାଁ, ଏନ୍ ବିଷାଏରେ ଆଇଙ୍ଘ କାଟିଃ ଲେକାଇଙ୍ଘ ଅଲକାଦା ।

୪ ଏନା ପାଢାଅଲେରେ, ଖ୍ରୀଷ୍ଟଆଃ ଉକୁଆକାନ ବିଷାଏରେ ଆଇଙ୍ଘ ଆଟ୍‌କାର୍ ଉରୁମ୍‌କାଦ୍ତେୟାଃ, ଆପେ ଆଟ୍‌କାର୍ ଉରୁମ୍ ଦାଡ଼ିୟାପେ ।

୫ ସିଦା ଦିପିଲିରେ ମାନଝା ହଡ଼କେ ନେ ଉକୁଆକାନ କାଜି ବିଷାଏରେ କା କାଜିକାନ ତାଇକେନା । ମେନ୍ଦ୍ ପାର୍ମେଶ୍ୱାର୍ ନାହାଁଃ ଆୟାଃ ପାବିତାର୍ ପ୍ରେରିତକ ଆତଃ ନାବୀକକେ ଆମ୍ବା ହରାତେ ନେଆଁଏ ଉଦୁବ୍‌କାଦା ।

୬ ଏନ୍ ଉକୁଆକାନ କାଜି ହବାଃଅତାନା, ସୁକୁକାଜି ହରାତେ ଯିହୁଦୀକଲଃ ସାଅଁସାର୍ ହଡ଼କହଗି ପାର୍ମେଶ୍ୱାର୍‌ଆଃ ଆଗିଷ୍ଟ ନାମେରେୟାଃ ହିସାକ ନାମାକାଦା । ଇନ୍‌କୁ ଏନ୍ ମିଆଁଦ୍ ହଡ଼ମ୍‌ରେନ୍ ହଡ଼କଗି ତାନକ ଆତଃ ଯୀଶୁ ଖ୍ରୀଷ୍ଟଆଃ ଦେଙ୍ଘାତେ ପାର୍ମେଶ୍ୱାର୍ ଏମାକାଦ୍ ବାନାର୍‌ସାରେ ହାନାଟିଙ୍ଘକ ନାମେୟାଁ ।

୭ ପାର୍ମେଶ୍ୱାର୍‌ଆଃ କାମିଦାଡ଼ିୟାଃ ପେଡ଼େଃ ଲେକାତେ ଆଇଙ୍ଘକେ ଏମାକାନ ଆୟାଃ ସାୟାଦ୍‌ରେୟାଃ ବାବ୍‌ଦାନ ହରାତେ ଆଇଙ୍ଘ ଏନ୍ ସୁକୁକାଜି ଉଦୁବ୍‌ରେୟାଃ ମିହୁଡ୍ ଦାସିଇଙ୍ଘ ହବାକାନା ।

୮ ଆଇଙ୍ଘ ପାର୍ମେଶ୍ୱାର୍‌ଆଃ ହଡ଼କ ଆଲାରେ ସବେନ୍‌କତାଃଏତେ ହୁଡ଼ିଙ୍ଘ ତାନିଙ୍ଘ, ଏନ୍‌ରେୟ, ସାଅଁସାର୍ ହଡ଼କତାଃତେ ଖ୍ରୀଷ୍ଟଆଃ କା ଦାଣାଁନାମଃ ଖୁଜ୍ ବିଷାଏରେୟାଃ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ୱାର୍ ଆଇଙ୍ଘକେ ସୁଯୋଗ୍ ଏମାକାଦିୟାଁଏ ।

୯ ପାର୍ମେଶ୍ୱାର୍‌ଆଃ ଏନ୍ ଉକୁଆକାନ କାଜିକ ଚିଲ୍‌କା କାମିୟାଆ ଆତଃ ସବେନ୍ ହଡ଼କତାଃରେ ନେଲ୍‌ଦାଡ଼ିୟାଆ ଏନା କାଜିରେୟାଃ ସୁଯୋଗ୍ ନାମ୍‌କାଦାଇଙ୍ଘ । ସବେନାଃରେୟାଃ ବାବାଇନିଃ ପାର୍ମେଶ୍ୱାର୍ ଆୟାଃ ଉକୁଆକାନ କାଜିକେ ନାଙ୍ଘ ପାରିୟାରେଗି ଦାନାଙ୍ଘକେଦ୍ତେ ଦହକାଦ୍ ତାଇକେନା ।

୧୦ ଜେ'ଲେକାଟି ନେ ଦିପିଲିରେ କାଲିସିୟାରେୟାଃ କାମି ହରାତେ ସିର୍ମାରେ ରାଇଜ୍‌ତାନକ ଆତଃ ସିର୍ମାରେ ଆକ୍‌ତେୟାର୍ ନାମାକାଦକ, ପାର୍ମେଶ୍ୱାର୍‌ଆଃ ଚିମିନ୍ ରାକାମ୍‌ରେୟାଃ ସେଣାଁ ବିଷାଏରେକ ଆଟ୍‌କାର୍‌ଉରୁମ୍ ଦାଡ଼ିୟା ।

୧୧ ପାର୍ମେଶ୍ୱାର୍ ଆୟାଃ ଜାନାଅ ଜାନାଅରେୟାଃ ଉଦେଗ୍ ଲେକାତେ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ନେଆଁଏ ରିକାକାଦା ।

୧୨ ଖ୍ରୀଷ୍ଟଲଃ ମେସାକାନ ହରାତେ ଆତଃ ଆୟାଃତାଃରେ ବିଶ୍ୱାସ୍‌ତାନ ହରାତେ ପୁରାଃ ଭାର୍‌ସାକେଦ୍ତେ ପାର୍ମେଶ୍ୱାର୍‌ଆଃ ହେପାଦ୍ତେ ସେନ୍ ନାଙ୍ଘ ଆବୁଆଃ ଜୀଉରେ କେଟେଦ୍ ମେନାଃ ।

୧୩ ଏନାମେନ୍ତେ ଆଇଙ୍ଘ ବିକ୍ତିତାନା, ଆପେ ନାଗେନ୍ତେଇଙ୍ଘ ଦୁକୁଃତାନା ମେନ୍ତେ ଆପେ ଆଲ୍‌ପେ ନାରାଜଃ, ଚିୟାଃଟି ନେ ସବେନାଃ ଆପେୟାଃ ବୁଗିନାଃ ନାଗେନ୍ତେ ହବାକାନା ।

ଖ୍ରୀଷ୍ଟଆଃ ଦୁଲ୍‌ଡ଼

୧୪ ନେଆଁମେନ୍ତେ ଆଇଙ୍ଘ ଆପୁ ପାର୍ମେଶ୍ୱାର୍‌ଆଃ ସାମ୍‌ନାଙ୍ଘରେ ଇକ୍‌ଡ଼ୁକେଦ୍ତେଇଙ୍ଘ ବିକ୍ତି ତାନା,

୧୫ ଅକଏତାଃଏତେଟି ସିର୍ମା ଆତଃ ଅତେଦିଶୁମ୍‌ରେନ୍ ସବେନ୍ ପାରିବାରକ ଆୟାଃ ସାର୍ତ୍ତି ନୁଡୁମ୍‌କ ନାମାକାଦା ।

୧୬ ଆଇଙ୍ଘ ପାର୍ମେଶ୍ୱାର୍‌କେଇଙ୍ଘ ବିକ୍ତିତାନା, ଜେ'ଲେକାଟି ଆୟାଃ ମାନାରାଙ୍ଘରେୟାଃ ଖୁଜ୍ ଲେକାତେ ଆୟାଃ ଆମ୍ବା ହରାତେ ଆପେୟାଃ ମନ୍‌ସୁରୁଦ୍‌କେ ପୁରାଃ ପେଡ଼େଜେ ନାଗେନ୍ତେ ପେଡ଼େଃ ଏମାପେୟାଁ,

୧୭ ଆତଃ ବିଶ୍ୱାସ୍ ହରାତେ ଖ୍ରୀଷ୍ଟ ଆପେୟାଃ ମନ୍‌ସୁରୁଦ୍‌ରେ ତାଇନା । ଆପେୟାଃ ନିହଁଗାତା ଦୁଲ୍‌ଡ଼ରେ କେଟେଜାକାନ ହବାଅଆ ।

୧୮ ଏନାରେ ଖ୍ରୀଷ୍ଟଆଃ ଦୁଲ୍‌ଡ଼, ଚିମିନ୍ ଜିଲିଙ୍ଘ ଆତଃ ଚାକାର୍, ଚିମିନ୍ ସାଲାଙ୍ଘି ଆତଃ ଇକିର୍ ତାନାଃ, ଏନା ଆପେ ପାର୍ମେଶ୍ୱାର୍‌ଆଃ ହଡ଼କଲଃ ଆଟ୍‌କାର୍‌ଉରମ୍ ଦାଡ଼ିରେୟାଃ ପେଡ଼େଃପେ ନାମ୍ ଦାଡ଼ିୟା ।

୧୯ ହେଗି, ନେଆଁ ଚିଭଲାଅ ପୁରା କା ଆଟ୍‌କାର୍ ଦାଡ଼ିୟାଃରେୟ, ଆପେ ଖ୍ରୀଷ୍ଟଆଃ ଦୁଲ୍‌ଡ଼ପେ ଆଟ୍‌କାରେକା ମେନ୍ତେ ଆପେ ପାର୍ମେଶ୍ୱାର୍‌ଆଃ ସଭାବ୍‌ରେ ପୁରାଃତେପେ ପେରେଃ ଦାଡ଼ିୟାକା ।

୨୦ ପାର୍ମେଶ୍ୱାର୍ ଆବୁଆଃ ଆଲାରେ କାମିୟାତାନ ଆୟାଃ ପେଡ଼େଃ ହରାତେ ଆବୁଆଃ ଆନସିଏତେ ଆଦ୍‌କା ଚାଏ ଆବୁଆଃ ଉଡ଼ୁଏତେ ଆଦ୍‌କା ଏମ୍ ଦାଡ଼ିନିଃ ତାନିଃ ।

☆ ୩:୪ କଲସିନ୍ଧୁ ୧:୨୭,୨୭.

୨୧ କାଲିସିନ୍ଧା ହରାତେ ଆତଃ ଯୀଶୁ ଖ୍ରୀଷ୍ଟଃ ହରାତେ ସବେନ୍ ଇମ୍ତା ଜାନାଥ ଜାନାଥ ଜାକେଦ୍ ଏନ୍ ପାର୍ମେଶ୍ଵରଃ ମାଇନାନ୍ ହବାଅଃକା ! ଆମେନ୍ ।

୪

ହତ୍ତମରେ ମିଦେନ୍

୧ ପ୍ରାଭୁଆଃ ସୁସାରତାନ୍ ହରାତେ ଜେହେଲକାନ୍ ଆଇଙ୍ଗ୍ ପାଉଲୁସ୍ ଆପେକେଇଙ୍ଗ୍ ବିନ୍ତିତାନା, ପାର୍ମେଶ୍ଵର ଆପେକେ କେଡ଼ାକାଦପେ ଲେକାଗି ଜୀଝାନ୍ ବିତାଏପେ ।

୨ *ସବେନ୍ ଇମ୍ତା ମନ୍ ହୁଡ଼ିଙ୍ଗ୍‌ୟେନ୍, ଲେବେଃ, ଆତଃ ଧିରାଜ୍ ଜୀଝାନ୍ ହବାଅଃପେ । ମିହୁଡ୍ ଆତଃମିହୁଡ୍‌ଲଃ ସାହାତିଙ୍ଗ୍‌ତାନ୍‌ଲଃ ଦୁଲ୍ଲାଡ଼ରେ ତାଇନ୍‌ପେ ।

୩ ପାବିତାର୍ ଆମ୍ବାରାଃ ଦେଙ୍ଗାତେ ଜୀଉସୁକୁରେ ତାଇନଃ ନାଗେନ୍ତେ ଆପେ ଆଲାରେ ତାଇନାକାନ୍ ମେନେସାରେୟାଃ ତନଲ୍‌କେ ଜୀଉଜାତାନ୍ ଦହକାପେ ।

୪ ମିଆଁଦ୍‌ଗି ହତ୍ତମ୍ ଆତଃ ମିଆଁଦ୍‌ଗି ଆମ୍ବା, ଆତଃ ମିଆଁଦ୍‌ଗି ଆସ୍ରାତେ ପାର୍ମେଶ୍ଵର ଆପେକେ କେଡ଼ାକାଦପେୟା ।

୫ ମିଆଁଦ୍‌ଗି ପ୍ରାଭୁ, ମିଆଁଦ୍‌ଗି ବିଶ୍ଵାସ୍ ଆତଃ ମିଆଁଦ୍‌ଗି ବାପ୍ତିସ୍ମା ମୋନାଃ ।

୬ ସବେନ୍ ମାନଝାକଆଃ ପାର୍ମେଶ୍ଵର ଆତଃ ଆପୁ ମିଆଁଦ୍‌ଗି ତାନିଃ, ଇନିଃ ସବେନ୍‌କଆଃ ପ୍ରାଭୁ, ସବେନ୍‌କଆଃ ଆଲାରେ ଆତଃ ସବେନ୍‌କଆଃରେ ମୋନାଇୟା ।

୭ ଖ୍ରୀଷ୍ଟ୍ ଏମାକାଦ୍ ବାର୍ଦଦାନ୍ ଲେକାତେ ଆରୁ ସବେନ୍ ମିମିଆଦ୍ ହତ୍ତକକେ ସାୟାଦ୍‌ରାଃ ବାର୍ଦଦାନ୍ ନାମାକାନା ।

୮ ଧାରାମ୍‌ପୁଅରେ ନେ ବିଷାଏରେ ଅଲକାନା, “ଚିମ୍ତା ଇନିଃ ପୁରାଃ ଚେତାନ୍‌ତେ ସେନଃୟାନା, ଇମ୍ତା ଇନିଃ ପୁରାଃ ଜେହେଲକାନ୍‌କକେ ଆୟାଃଲଃ ଇଦିକେଦ୍‌କଆ; ଆତଃ ମାନଝାକକେ ପୁରାଃଗି ବାର୍ଦଦାନ୍ ଏମାଦ୍‌କଆଏ ।”

୯ “ଇନିଃ ପୁରାଃ ଚେତାନ୍‌ତେ ସେନଃୟାନା” ନେଆଁରେୟାଃ ମୁଣ୍ଡି ଚିନାଃ ତାନାଃ ? ନେଆଁରେୟାଃ ମୁଣ୍ଡି ହବାଅଃତାନା, ସିଦାତେ ଇନିଃ ପୁରାଃ ଲାତାର୍ ଠାୟାଦ୍ ଅତେତେ ଆଡ଼ଗୁୟାନା ।

୧୦ ଏନାତେ ଆଡ଼ଗୁକାନ୍‌ନିଃ, ପୁରା ଅତେଦିଶୁମ୍‌କେ ପୁରାଏ ନାଗେନ୍ତେ ଇନିଃ ସିମ୍‌ରେୟାଃ ପୁରାଃ ଚେତାନ୍‌ତେ ସେନଃୟାନା ।

୧୧ ଇନିଃଗି ହତ୍ତକକେ ବାର୍ଦଦାନ୍ ଏମାକାଦ୍‌କଆଏ, ଚିମିନ୍‌କକେ ପ୍ରେରିଡ୍, ଚିମିନ୍‌କକେ ନାବୀ, ଚିମିନ୍‌କକେ ସୁକୁକାଜି ଉଦୁବ୍, ଚିମିନ୍‌କକେ ପାର୍ତାର୍ ଆତଃ ଚିମିନ୍‌କକେ ଇତୁରେୟାଃ ବାର୍ଦଦାନ୍ ଏମାଦ୍‌କଆଏ ।

୧୨ ଖ୍ରୀଷ୍ଟ୍‌ଆଃ ଏନ୍ ହତ୍ତମ୍ ବାଇୟେ ନାଗେନ୍ତେ, ଖ୍ରୀଷ୍ଟ୍‌ଆଃ ସେଝା କାମି ନାଗେନ୍ତେ ଆତଃ ପାର୍ମେଶ୍ଵରଃ ହତ୍ତକକେ ସେକାଡ଼କ ନାଗେନ୍ତେ ଇନିଃ ନେଆଁଏ କାମିକାଦା ।

୧୩ ଏନାମେନ୍ତେ ଆରୁ ସବେନ୍‌କ ଆରୁଆଃ ବିଶ୍ଵାସ୍‌ରେ ଆତଃ ପାର୍ମେଶ୍ଵରଃ ହନ୍ ବିଷାଏରେୟାଃ ସେଣ୍‌ରେବୁ ମିଦଃକା, ଚାଏ ଖ୍ରୀଷ୍ଟ୍‌ଆଃ ପୁରାକାନ୍ ହତ୍ତମ୍‌ଲେକାତେ, ଆରୁ ପକ୍‌ତାକାନ୍ ହତ୍ତକବୁ ହବାଅଃକା ।

୧୪ ଆଲ୍‌ପୁଙ୍ଗ୍ ଆତଃ ହୟତେ ଏକ୍‌ଲାଅଃତାନ୍ ଲେକା ଆଲକାରୁ ହବାଅଃକା, ଆତଃ ସିଟିଆ ଲେକା ଆରୁ ଆଲକାରୁ ନେତେହାନ୍ତେୟାଃକା । ଏଟାଃକକେ ଏଟାଃ ହରାତେ ଇଦିତାନ୍ ବେଦା ହତ୍ତକଆଃ ହସଡ୍ ଇନିତୁରେ ଆରୁ ଆଲକାରୁ ବେଦାଅଃକା ।

୧୫ ମେନ୍‌ଦ ଦୁଲ୍ଲାଡ଼ରେ ସାର୍ତି କାଜିତାନ୍‌ଲଃ ସବେନ୍ କାଜିକରେ ବହଃ ଲେକାନ୍ ଖ୍ରୀଷ୍ଟ୍ ଲେକାରୁ ହବାଅଃକା ।

୧୬ *ଇନିଃ ସାଃଏତେ ହତ୍ତମ୍‌ରେୟାଃ ସବେନ୍ ଏଟାଃ ଏଟାଃ ହିସାକ ମିଦ୍‌ରେ ଜଡେନ୍‌କାନା ଆତଃ ପୁରା ହତ୍ତମ୍ ଏଟାଃ ଏଟାଃ ହିସାଏତେ ମିଦ୍‌ରେ ଜଡେନ୍‌କାନ୍‌ଲଃ ଏନାକେ ଦେଙ୍ଗାଏତାନା । ଏନାତେ ମିମିଆଦ୍‌କଆଃ ଏଟାଃ ଏଟାଃ କାମି ତାନାଃରେୟାଃ ଦୁଲ୍ଲାଡ଼ତେ ପୁରା ହତ୍ତମ୍ ହାରା ଇଦିୟାତାନା ଆତଃ ଆଇଃକ୍‌ତେଗି ବାଇୟାତାନା ।

ଖ୍ରୀଷ୍ଟ୍‌ରେ ନାଝା ଜୀଦାନ୍

୧୭ ଏନାତେ ପ୍ରାଭୁଆଃ ନୁତୁମ୍‌ତେ ଆଇଙ୍ଗ୍ ଚେତାଅପେ ତାନାଇଙ୍ଗ୍, ସାଅଁସାର୍ ହତ୍ତକ ଲେକା ଜୀଦାନ୍ ଆଲ୍‌ପେ ବିତାଏ, ଇନ୍‌କୁଆଃ ଉଡ଼ଃକ ଜେତାନ୍ କାମିରାଃ ନାହ୍‌ଲାଇଃ

୧୮ ଆତଃ ଇନ୍‌କୁଆଃ ମନ୍‌କ ନୁବାଃଗିଆ । ପାର୍ମେଶ୍ଵର୍ ଏମାକାଦ୍ ଜୀଦାନ୍‌ରେ ଇନ୍‌କୁଆଃ ଜେତାନ୍ ହିସା ବାନଃଆ । ଚିୟାଃଗି ଇନ୍‌କୁ ପୁରାଗି ସାରିକେଦ୍‌ତେ କା ସାରି ଲେକା ମନ୍‌ସୁରୁଦ୍‌କେ କେଟେଜେତାନ୍ ହତ୍ତକତାନ୍‌କ ।

୧୯ ଇନ୍‌କୁ ବେଗାର୍ ଗିହୁଃତେ, ସବେନ୍ ଲେକାନ୍ ସଡ଼ରା କାମି ଆତଃ ଆପାଙ୍ଗିର୍ କାମି କାମି ନାଗେନ୍ତେ ଆକ ଆକଗିକ ଜିମାକାନା ।

୨୦ ନେ ଲେକାତେ ଆପେ ଖ୍ରୀଷ୍ଟ୍‌କେ ସାରି ନାଙ୍ଗ୍ କାପେ ଇତୁଆକାନା ।

୨୧ ଆପେ ସାର୍ତିଗି ଇନିୟାଃ ବିଷାଏରେ ଆୟୁମ୍‌କାଦାପେ ଆତଃ ଆଇଃକ୍‌କେ ଅତଙ୍ଗ୍‌ନିଃ ଲେକା ଯୀଶୁଆଃ ସାର୍ତି ବିଷାଏରେୟାଃ ଇନିତୁପେ ନାମାକାଦା ।

* ୪:୨ କଲସିନ୍ଧୁ ୩:୧୨,୧୩. * ୪:୧୭ କଲସିନ୍ଧୁ ୨:୧୯.

- ୨୨ ☆ଏନାତେ ଆପେ ଅକନ୍ ମାରି ସଭାବ୍ତେ ଜୀଦାନ୍ ବିତାଅ ତାଇକେନାପେ, ଏନାକେ ବାଗିତାପେ, ଚିୟାଃଟି ଏନାରେୟାଃ ହସଡ୍ କାମି ହରାତେ ଆପେୟାଃ ଆମ୍ବା ଜିୟନଃ ତାଇକେନା ।
- ୨୩ ଆପେୟାଃ ମନ୍ସୁରୁଦ୍ ଆତଃ ମନ୍କ ପୁରାଗି ନାଞ୍ଜା ହବାଅଃ ଲାଗାତିଙ୍ଗ୍ୟାଃ,
- ୨୪ ☆ଆତଃ ପାର୍ମେଶ୍ୱାର୍ଆଃ ଲେକାଗି ବାଇୟାକାନ୍ ନାଞ୍ଜା ଆମ୍ବା ନାମେପେ । ଏନା ଆପେୟାଃ ସାର୍ତି ଜୀଦାନ୍ରେ ପାବିତାର୍ ଆତଃ ଧାର୍ମାନ୍ ଉଦୁବଃକା ।
- ୨୫ ଏନାମେନ୍ତେ ଆତଃ ଆଲ୍ପେ ବେଦାଃ । ଶ୍ରୀଷ୍ଟ୍ ବିଶ୍ୱାସୀକ ମିହୁଡ୍ ଆତଃମିହୁଡ୍ତକେ ସାର୍ତି କାଜି ଲାଗାତିଙ୍ଗ୍ୟାଃ, ଚିୟାଃଟି ଆବୁ ସବେନ୍କ ଶ୍ରୀଷ୍ଟ୍ଆଃ ହଡ୍ମରେନ୍ ହିସାକ ତାନ୍ବୁ ।
- ୨୬ ଆପେ ଖ୍ୱସ୍ଆଃ ତାନ୍ରେଦ୍, ପାପ୍ କାମି ଆଲ୍ପେ କାମିୟା । ସିଙ୍ଗି ହାସୁର୍ ସିଦାରେ ଆପେୟାଃ ଖ୍ୱସ୍କ ବାଗିତାପେ ।
- ୨୭ ସାଏତାନକେ ଆପେରେ ଠାୟାଦ୍ ଆଲ୍ପେ ଏମାଇୟା ।
- ୨୮ କୁମ୍ପୁଡ୍ ଆତଃ ଆଲକାଏ କୁମ୍ପୁଡ୍କା, ମେନ୍ଦ୍ ଆପାନାଃ ଜୀନିଦ୍ ନାଗେନ୍ତେ ଆତଃ ନାରାଦୁରା ହଡ୍କକେ ଆକଆଃ ଲାଗାତିଙ୍ଗ୍ତେୟାଃ ଏମ୍ ଦାଡ୍ ନାଗେନ୍ତେ ବୁଗିନାଃ କାମିକା ।
- ୨୯ ଆପେୟାଃ ମତାଏତେ କା ଲାଗାତିଙ୍ଗ୍ କାଜିକ ଆଲକା ଅତଙ୍ଗ୍ଆଃକା, ମେନ୍ଦ୍ ଲାଗାତିଙ୍ଗ୍ ଇମ୍ତାକରେ ପୁରାଃ ବୁଗିନ୍ କାଜି ଅତଙ୍ଗ୍ଆଃକା, ଜେ'ଲେକାଟି ଆୟୁମ୍ତାନ୍ ହଡ୍କଆଃ ନାଗେନ୍ତେ ବୁଗିନାଃ ହବାଅଃଆ ।
- ୩୦ ଆତଃ ପାର୍ମେଶ୍ୱାର୍ଆଃ ପାବିତାର୍ ଆମ୍ବାକେ ଦୁକୁ ଆଲ୍ପେ ଏମାଇୟା, ଚିୟାଃଟି ପାବିତାର୍ ଆମ୍ବାଦ୍ ଆପେୟାଃ ଚେତାନ୍ରେ ପାର୍ମେଶ୍ୱାର୍ଆଃ ଆପ୍ନାଃ ଆକ୍ତେୟାରେୟାଃ ଚିଙ୍ଗାଁ ଲେକାନ୍ନିଃ ତାନିଃ ଆତଃ ପାର୍ମେଶ୍ୱାର୍ ମୁସିଙ୍ଗ୍ ଆପେୟାଃ ମୁକ୍ତି କାମି ରିକାୟାଏ, ଏନା ସାର୍ତି ତାନାଃ ।
- ୩୧ ସବେନ୍ ଲେକାନ୍ ମେହେର୍ କାଜି, ଆତଃ ଖ୍ୱସ୍, ସାଙ୍ଗିନେପେ । ହିସିଙ୍ଗା କାଜି ଆତଃ ନିନ୍ଦା କାଜିକ ଆଲ୍ପେୟାଃ । ଜେତାଏକେ ଆଲ୍ପେ ହିଲାଇକ୍ଆ ।
- ୩୨ ☆ମେନ୍ଦ୍ ମିହୁଡ୍ ଆତଃମିହୁଡ୍ଲଃ ଦାୟା ଆତଃ ଲେବେଃ ମନ୍ସୁରୁଦ୍ ହବାଅଃପେ ଆତଃ ଶ୍ରୀଷ୍ଟ୍ଆଃ ହରାତେ ପାର୍ମେଶ୍ୱାର୍ ଆପେକେ ଛାମାକାଦ୍ପେ ଲେକାଗି ଆପେ ମିହୁଡ୍ ଆତଃମିହୁଡ୍ତକେ ଛାମାକାପେ ।

୫

ମାର୍ସାଲ୍ରେ ଜୀନିଦ୍

- ୧ ଆପେ ପାର୍ମେଶ୍ୱାର୍ଆଃ ଦୁଲ୍ଲାଡ୍ ହନ୍କ ତାନ୍ପେ, ଏନାତେ ଆପେ ଆୟାଃ ଲେକା ହବାଅଃପେ ।
- ୨ ଶ୍ରୀଷ୍ଟ୍ ଆବୁକେ ଦୁଲ୍ଲାଡ୍କେଦ୍ବୁଆ ଆତଃ ପାର୍ମେଶ୍ୱାର୍ଆଃ ସୁକୁଆନ୍ ଲେକା ଆବୁଆଃ ନାଗେନ୍ତେ ଆୟାଃ ଜୀଦାନ୍କେ ବୁଗିନ୍ ସହାନ୍ ଲେକା ଦାନ୍ ଆତଃ ଦାଣ୍ଟେ ରାକାବ୍ୟାନା, ଆପେୟାଃ ଜୀଦାନ୍ରେୟ ଏନ୍ଲେକାଗି ଦୁଲ୍ଲାଡ୍ରେ ତାଇନ୍ପେ ।
- ୩ ପାର୍ମେଶ୍ୱାର୍ଆଃ ହଡ୍କ ହବାୟାନ୍ତେ, ଆପେ ଆଲ୍ପାରେ ଆପାଙ୍ଗିର୍ କାମି, ସଡ୍ରା ଚାଏ ଖୁଜ୍ କରେୟାଃ ହାୟା ଆଲକା ହବାଅଃକା । ନେଆଁ ସାଧୁ ହଡ୍କ ନାଗେନ୍ତେୟ ରିକା କା ଲାଗାତିଙ୍ଗ୍ୟାଃ ।
- ୪ ଆତଃ ଆପେୟାଃ ଆଲ୍ପାରେ ଗିହୁଃ କାଜିକ, ତଣ୍ଡୁ କାଜିକ, ଆତଃ ଲାୟା କାଜିକ ଆଲକା ହବାଅଃକା । ମେନ୍ଦ୍ ଆପେକେ ପାର୍ମେଶ୍ୱାର୍ଆଃ ଧାନ୍ୟାବାଦ୍ ଏମ୍ ଲାଗାତିଙ୍ଗ୍ୟାଃ ।
- ୫ ନେଆଁ ସାର୍ତି ତାନାଃ ମେନ୍ତେ ଆର୍କାର୍କାପେ, ଜେତାଏ ଆପାଙ୍ଗିର୍ନିଃ, ସଡ୍ରାନିଃ ଆତଃ ଖୁଜ୍ କରେୟାଃ ହାୟାନିଃ ଚାଏ ମୁରୁଡ୍ ସେଞ୍ଜାନିଃ ଚିତ୍ତଲାଅ ଶ୍ରୀଷ୍ଟ୍ ଆତଃ ପାର୍ମେଶ୍ୱାର୍ଆଃ ରାଇଜ୍ରେୟାଃ ଜେତାନ୍ ହାନାଟିଙ୍ଗ୍ କାଏ ନାମେୟାଁ ।
- ୬ ଜେତାଏ ଆପେକେ ସାମାକାଜିକତେ ଆଲକାଏ ବେଦାପେକା, ନେ ସବେନାଃ ନାଗେନ୍ତେ ପାର୍ମେଶ୍ୱାର୍ଆଃ ଆନ୍ତୁକେ କା ମାନାତିଙ୍ଗ୍ତାନ୍ ହଡ୍କଆଃ ଚେତାନ୍ରେ ପାର୍ମେଶ୍ୱାର୍ଆଃ ଖ୍ୱସ୍ ହିଜୁଃଆ ।
- ୭ ଏନାତେ ନେ ଲେକାନ୍ ହଡ୍କଲଃ ଜେତାନ୍ ନାତା ଆଲ୍ପେ ଦହଏୟା ।
- ୮ ଚିୟାଃଟି ଆପେୟାଗି ମୁସିଙ୍ଗ୍ ନୁବାଃରେପେ ତାଇନ୍କେନା । ମେନ୍ଦ୍ ନାହାଁଃ ଆପେ ପ୍ରାଭୁଆଃ ହଡ୍କ ହବାକାନ୍ ହରାତେ ମାର୍ସାଲ୍ରେ ମେନାପେୟା । ଏନାତେ ଆପେ ମାର୍ସାଲ୍ରେନ୍ ହଡ୍କ ଲେକା ସେସେନ୍ପେ ।
- ୯ ଚିୟାଃଟି ମାର୍ସାଲ୍ରେଗି ତାଇନଃରେ ସବେନ୍ ଲେକାନ୍ ବୁଗିନାଃ ଧାର୍ମାନ୍ ଆତଃ ସାନାର୍ତିରେୟାଃ କାମି ହବାଅଃଆ ।
- ୧୦ ପ୍ରାଭୁଆଃ ଚିକ୍ନାଃ ସୁକୁଆନ୍ତେୟାଃ ତାନାଃ, ଏନାକେ ଆର୍କାର୍କାରୁମ୍ ଲାଗାତିଙ୍ଗ୍ୟାଁ ।
- ୧୧ ସାମାରେୟାଃ କାମି ନୁବାଃରେ କାମିତାନ୍ ହଡ୍କଲଃ ଆଲ୍ପେ ମେସାନା, ମେନ୍ଦ୍ ଇନ୍କୁଆଃ କାଜିକାମିକ ମାର୍ସାଲ୍ରେ ଉଦୁବେପେ ।
- ୧୨ ଇନ୍କୁ ଉକୁକେଦ୍ତେ କାମିତାନ୍ ବିଷାଏକେ କାଜିତେୟାଃ ପୁରାଃ ଗିହୁଃଗିୟା ।
- ୧୩ ମେନ୍ଦ୍ ଚିମ୍ତା ଏନ୍ ସବେନାଃ ମାର୍ସାଲ୍ରେତେ ଆଉଃଆ, ଇମ୍ତା ଏନାରେୟାଃ ସାର୍ତି ସଭାବ୍ ପୁରା ଉଦୁବଃଆ,

☆ ୪:୨୨ କଲସିୟ ୩:୯. ☆ ୪:୨୪ କଲସିୟ ୩:୧୦. ☆ ୪:୩୨ କଲସିୟ ୩:୧୩.

୧୪ ଚିୟାଃତି ମାର୍ସାଲରେ ସବେନାଃ ପୁରା ନେଲଃଆ । ଏନାତେ ନେ'ଲେକା କାଜିକାନା,
 “ଏ ଦୁଡ଼ମୁତାନିଃ, ଏୟନଃମେ
 ଆତଃ ଗଜାକାନକଏତେ ଜୀଉବିରିଦ୍‌ମେ !
 ଆତଃ ଖ୍ରୀଷ୍ଟ ଆମ୍‌କେ ମାର୍ସାଲ ଏମାମେୟାଏ ।”

୧୫ ଏନାତେ ଆପେ ଚିଲକାପେ ସେସେନା ଏନା ଚିର୍ଗାଲାନ ତାଇନ୍‌ପେ । କା ସେଣ୍‌ନ୍ ଲେକା କା ହବାକେଦ୍‌ତେ ସେଣ୍‌ନ୍ ଲେକା ହବାଅଃପେ ।

୧୬ *ସବେନ୍ ସୁଯୋଗ୍‌କେ ବୁଗିଲେକା ବେଭାରେପେ, ଚିୟାଃତି ଦିପିଲିକଦ ଏଡ଼କାନଗିୟା ।

୧୭ ତଣ୍ଡକଆଃ ଲେକା ଆଲପେ ହବାଅଃଆ, ମେନ୍‌ଦ ପ୍ରାଭୁଆଃ ଇଛାସାନାଙ୍ଗ୍ ଆଟ୍‌କାର୍‌ଉରୁମେପେ ।

୧୮ ଆପେୟାଃ ଜିୟନ୍ ରିକାଏତାନ୍ ଇଲିଆର୍‌ଖ୍‌ରେ ଆଲପେ ବୁଲଃଆ, ମେନ୍‌ଦ ଆମ୍‌ତେ ପେରେଜଃପେ ।

୧୯ *ଦୁରାଙ୍ଗ୍, ଭାଜାନ୍ ଆତଃ ଆମ୍‌ତେ ଦୁରାଙ୍ଗ୍‌ତାନଲଃ ମିହୁଡ଼ ଆତଃମିହୁଡ଼କେ ରାସକାଇପେ । ମନ୍‌ସୁରୁଦ୍‌ରେୟାଃ ଦୁରାଙ୍ଗ୍‌ତେ ପ୍ରାଭୁଆଃ ନୁଡ଼ମ୍‌ତେ ଦୁରାଙ୍ଗ୍‌ୟେପେ ।

୨୦ ସବେନ୍ ଇମ୍‌ତା ସବେନାଃ ନାଗେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁଡ଼ମ୍‌ତେ ଆବା ପାର୍‌ମେଶ୍‌ୱାର୍‌କେ ଧାନ୍ୟାବାଦ୍ ଏମାଇପେ ।

କଡ଼ା ଆତଃ କୁଡ଼ି

୨୧ ଆପେ ଖ୍ରୀଷ୍ଟକେ ବରଭାକ୍ତିତାନଲଃ ମିହୁଡ଼ ଆତଃମିହୁଡ଼ତାଃରେ ଜିମାନ୍‌ପେ ।

୨୨ *କୁଡ଼ିକ, ଆପେ ପ୍ରାଭୁତାଃରେ ଜିମାନ୍‌ତାନ୍ ଲେକାଗି ଆପାନ୍ କଡ଼ାକତାଃରେ ଜିମାନ୍‌ପେ ।

୨୩ କାଲିସିୟା ତେତାନ୍‌ରେ ଖ୍ରୀଷ୍ଟଆଃ ଆକ୍‌ତେୟାର୍ ମେନାଃ ଲେକା କୁଡ଼ି ତେତାନ୍‌ରେ କଡ଼ାରାଃ ଆକ୍‌ତେୟାର୍ ମେନାଃ, ଆତଃ ଖ୍ରୀଷ୍ଟଗି ଆୟାଃ ହଡ଼ମ୍ ଲେକାନ୍ କାଲିସିୟାରେୟାଃ ବାଞ୍ଚାଅନିଃ ତାନିଃ ।

୨୪ କାଲିସିୟା ଆଇଃକ୍‌ଗି ଖ୍ରୀଷ୍ଟତାଃରେ ଜିମାନ୍‌ତାନ୍ ଲେକାଗି, କୁଡ଼ିକହ ଆକଗି ଆକଆଃ ଆପାନ୍ କଡ଼ାକତାଃରେ ଜିମାନ୍ ଲାଗାତିଙ୍ଗ୍‌ୟାଃ ।

୨୫ *କଡ଼ାକ, ଖ୍ରୀଷ୍ଟ କାଲିସିୟାକେ ଦୁଲ୍‌ାଡ଼କେଦ୍‌ତେ, ଏନା ନାଗେନ୍ତେ ଜୀଉ ଏମ୍‌କେଦାଏ ଏନ୍ ଲେକାଗି ଆପେ ଆପେୟାଃ କୁଡ଼ିକକେ ଦୁଲ୍‌ାଡ଼କପେ ।

୨୬ ଖ୍ରୀଷ୍ଟ କାଲିସିୟାକେ ଆୟାଃ ବାତାନ୍ ଆତଃ ଦାଆଃତେ ଫାର୍‌ତିକେଦ୍‌ତେ ନିୟାର୍‌କେଦା ଆତଃ ପାର୍‌ମେଶ୍‌ୱାର୍‌ଆଃ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାକେଦାଏ,

୨୭ ଆତଃ କାଲିସିୟାକେ ପାବିତାର୍, ବେଗାର୍ ଚିଟାଃଅ, ବେଗାର୍ ଦାଗିୟଃ ଲେକା ପୁରାଃ ସୁଗାଡ଼ାନ୍‌ଗି ବାଇକେଦ୍‌ତେ ଆଇଃକ୍‌ଗି ତେଲ୍‌ାକେଦା ।

୨୮ କଡ଼ାକ ଆପାନ୍ ହଡ଼ମ୍ ଲେକାଗି ଆଟ୍‌କାର୍‌କେଦ୍‌ତେ ଆପ୍‌ନାଃ କୁଡ଼ିକେ ଦୁଲ୍‌ାଡ଼ ଲାଗାତିଙ୍ଗ୍‌ୟାଃ । ଜେତାଏ ଆପ୍‌ନାଃ କୁଡ଼ିକେ ଦୁଲ୍‌ାଡ଼ିନିଃ, ଆପାନ୍‌କେଗି ଦୁଲ୍‌ାଡ଼ାଃଏ ।

୨୯ ଜେତାଏ ଆପ୍‌ନାଃ ହଡ଼ମ୍‌କେ ଚିଉଲ୍‌ାଅ କାଏ ହିଲ୍‌ାଙ୍ଗ୍‌ଆଁ । ମେନ୍‌ଦ ହଡ଼ମ୍‌ରେୟାଃ ଲାଗାତିଙ୍ଗ୍‌ତେୟାଃକ ଜଗାଅ ପୁରାତାନଲଃ ଏନାକେ ଜାଡ଼ନାଅଏୟା, ଜେ'ଲେକାଚି ଖ୍ରୀଷ୍ଟ କାଲିସିୟାକେ ଜାଡ଼ନାଅଆ,

୩୦ ଚିୟାଃତି ଆବୁ ସବେନ୍‌କ ଆୟାଃ ହଡ଼ମ୍‌ରେନ୍ ହିସା ତାନ୍‌ବୁ ।

୩୧ ଧାରାମ୍‌ପୁଅରେ କାଜିକାନା, “ନେଆଁ ନାଗେନ୍ତେ ହଡ଼ ଏଙ୍ଗା ଆତଃ ଆପୁକେ ବାଗିକେଦ୍‌ତେ ଆପ୍‌ନାଃ କୁଡ଼ିଲଃ ମେସାନାଃଏ ଆତଃ ଏନ୍ ବାରାନ୍‌କିନ୍ ମିଆଁଦ୍ ହଡ଼ମ୍‌କିନ୍ ହବାଅଃଆ ।”

୩୨ ନେଆଁରେ ଧାରାମ୍‌ପୁଅରେୟାଃ ମିଆଁଦ୍ ଉକୁଆକାନ୍ ସାର୍‌ତି କାଜି ଉନୁଦୁବ୍‌କାନା : ଏନା ଖ୍ରୀଷ୍ଟ ଆତଃ କାଲିସିୟା ନାଗେନ୍ତେ ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ ଆଟ୍‌କାର୍‌ଉରୁମେ ତାନା ।

୩୩ ମେନ୍‌ଦ ନେଆଁ ଆପେ ନାଗେନ୍ତେୟାଗି ଲାଗାତିଙ୍ଗ୍‌ୟାଁ । ମିମିଆଦ୍ କଡ଼ା ଆପ୍‌ନାଃ କୁଡ଼ିକେ ଆପ୍‌ନାଃ ଲେକାଗି ଦୁଲ୍‌ାଡ଼ିକାଏ ଆତଃ ମିମିଆଦ୍ କୁଡ଼ି ଆପ୍‌ନାଃ କଡ଼ାକେ ମାଇନ୍ ଲାଗାତିଙ୍ଗ୍‌ୟାଃ ।



ହନ୍‌କ ଆତଃ ଏଙ୍ଗାଆପୁକ

୧ *ଏ ହନ୍‌କ, ପ୍ରାଭୁଆଃ ନାଗେନ୍ତେ ଆପେୟାଃ ଏଙ୍ଗାଆପୁକକେ ମାନାତିଙ୍ଗ୍‌କପେ, ଚିୟାଃତି ନେଆଁଗି ଠାଉକାତେୟାଃ ତାନାଃ ।

୨ “ଆପେୟାଃ ଏଙ୍ଗାଆପୁକକେ ମାଇନ୍‌କପେ” ନେଆଁ ବାନାର୍‌ସାରେ ମେସାକାନ୍ ମିଆଁଦ୍ ପାହିଲା ଆନ୍‌ରୁ ତାନାଃ ।

୩ “ଜେ'ଲେକାଚି ଆପେୟାଃ ବୁଗିନାଃ ହବାଅଃଆ ଆତଃ ଆପେ ନେ ଅତେରେ ପୁରାଃ ସିମାପେ ଜୀହୁଦଃଆ ।”

* ୫:୧୭ କଲସିୟ ୪:୫. * ୫:୧୯ କଲସିୟ ୩:୧୭,୧୭. * ୫:୨୨ କଲସିୟ ୩:୧୮; ୧ ପାଡ଼ରାସ୍ ୩:୧. * ୫:୨୫ କଲସିୟ ୩:୧୯; ୧ ପାଡ଼ରାସ୍ ୩:୭.
 * ୬:୧ କଲସିୟ ୩:୨୦.

୪ *ହେ ଆପ୍ତକ, ଆପେୟାଃ ହନକକେ ଆଲ୍ପେ ଖୁସ୍‌ଇଚିକଆ, ମେନ୍ଦ ଇନ୍‌କୁକେ ପ୍ରାଭୁଆଃ ଇନିତୁ ଆତଃ ଚେନେତାଅତେ ଜାତ୍‌ନାଅକପେ ।

କିରିଙ୍ଗ୍‌ୟାକାନ୍ ଦାସିକ ଆତଃ ଗୁସିୟାକ

୫ *ହେ କିରିଙ୍ଗ୍‌ୟାକାନ୍ ଦାସିକ, ଆପେ ଖ୍ରୀଷ୍ଟକେ ମାନାତିଙ୍ଗ୍‌ତାନ୍ ଲେକାଗି, ମନ୍‌ସୁରୁଦ୍‌ରେ ବରତେ ଏକ୍‌ଲାଅଃତାନ୍‌ଲଃ ଅତେରେନ୍ ମାନଞ୍ଜା ଗୁସିୟାକକେ ମାନାତିଙ୍ଗ୍‌କପେ ।

୬ ଗୁସିୟା ଆପେକେ ନେଲ୍‌ପେତାନ୍ ଇମ୍‌ତା ଆଇଃକ୍‌କେ ସୁକୁଇଚି ନାଗେନ୍ତେ ଏସ୍‌କାର୍ କା କାମିକେଦ୍‌ତେ, ଖ୍ରୀଷ୍ଟଆଃ କିରିଙ୍ଗ୍‌ୟାକାନ୍ ଦାସିଲେକା ଆପେୟାଃ ସବେନ୍ ମନ୍‌ସୁରୁଦ୍‌ଲଃ ପାର୍‌ମେଶ୍ଵାର୍‌ଆଃ ମନେ ଲେକା କାମିପେ ।

୭ ଆପେ ହଡ୍‌କଆଃ ଏସ୍‌କାର୍ ସୁସାର୍‌ତାନାଲେ ମେନ୍ତେ କା ଉଡ୍‌ଖୁକେଦ୍‌ତେ, ପ୍ରାଭୁଆଃ ସେଞ୍ଜାତାନାଲେ ମେନ୍ତେ ପୁରାଃ ସୁକୁମନ୍‌ତେ ଏନା କାମିପେ ।

୮ ପାହାମାକାପେ, କିରିଙ୍ଗ୍‌ୟାକାନ୍ ଦାସି ଚାଏ କା କିରିଙ୍ଗ୍‌ୟାକାନ୍ ଦାସି ସବେନ୍ ମିମିଆଦ୍ ହଡ୍‌କଆଃ ବୁଗିନ୍ କାମିରେୟାଃ ନାଲା ପ୍ରାଭୁଗି ଏମାକଆ ।

୯ *ହେ ଗୁସିୟାକ, ଆପେୟାଃ କିରିଙ୍ଗ୍‌ୟାକାନ୍ ଦାସିକକେୟ ଏନ୍‌ଲେକାଗି ନେଲ୍‌କପେ ଆତଃ ଇନ୍‌କୁକେ ଆଲ୍ପେ ବଡ୍‌କଆ । ପାହାମାକାପେ, ଆପେ ଆତଃ ଆପେୟାଃ କିରିଙ୍ଗ୍‌ୟାକାନ୍ ଦାସିକ ସିର୍‌ମାରେନ୍ ପ୍ରାଭୁଆଃ ତାନ୍‌ପେ । ଇନିଃ ସବେନ୍‌କକେ ମିଦ୍‌ଗି ବିଚାର୍‌କଆ ।

ଆମ୍‌କ୍‌ରେୟାଃ ଗଟା ହାଁତେୟାର୍

୧୦ ଚୁଣ୍ଡୁରେ, ପ୍ରାଭୁଲଃ ମେସାକେଦ୍‌ତେ ଆୟାଃ ମାରାଙ୍ଗ୍ ପେଡ଼େଃରେ ପୁରାଃଗି ପେଡ଼େଜଃପେ ।

୧୧ ପାର୍‌ମେଶ୍ଵାର୍ ଏମାକାଦ୍ ସବେନ୍ ହାଁତେୟାର୍ ତୁସିୟେନ୍‌ପେ, ଜେ'ଲେକାଚି ଆପେ ସାଏତାନ୍‌ରାଃ ଏଡ୍‌କାନ୍ କାମିରେପେ ତିଙ୍ଗୁ ଦାଡ୍‌ୟା ।

୧୨ ଚିୟାଃଚି ଆବୁ ଅତେରେନ୍ ମାନଞ୍ଜାକଆଃ ବିରୁଧ୍‌ରେ କାବୁ ଲାଡ୍‌ଇତାନା ମେନ୍ଦ ସିର୍‌ମା ଠାୟାଦ୍‌କରେନ୍ ଏଡ୍‌କାନ୍ ଆମ୍‌ରେୟାଃ ପେଡ଼େ ଆତଃ ନେ ନୁବାଃ ଦିପିଲିରେ ରାଇଜ୍‌ତାନ୍‌କଆଃ, ଆକ୍‌ତେୟାର୍‌ତାନ୍‌କଆଃ ବିରୁଧ୍‌ରେ ଲାଡ୍‌ଇତାନାବୁ ।

୧୩ ଏନାତେ ନାହାଁଃ ପାର୍‌ମେଶ୍ଵାର୍ ଏମାକାଦ୍ ହାଁତେୟାର୍ ତୁସିଙ୍ଗ୍‌କେଦ୍‌ତେ ଏଡ୍‌କାନ୍ ଦିପିଲିରେ ଆପେ ବାଇରିକଆଃ ଲାଡ୍‌ଇରେ ତିଙ୍ଗୁ ଦାଡ୍‌ୟାପେ, ଆତଃ ଚୁଣ୍ଡୁ ଜୁକେଦ୍ ଲାଡ୍‌ଇରେୟ କେଟେଦ୍‌ରେ ତାଇନ୍ ଦାଡ୍‌ୟାପେ ।

୧୪ ଏନା ନାଗେନ୍ତେ ଆପେୟାଃ ମାୟାଙ୍ଗ୍‌ରେ ସାନାର୍‌ତିରେୟାଃ କାସ୍‌ନାତେ ତଲାକାନ୍ ଆତଃ ଧାରାମ୍‌ରେୟାଃ ବୁକୁପାଟା ତୁସିଙ୍ଗ୍‌କେଦ୍‌ତେ ତିଙ୍ଗୁନ୍‌ପେ,

୧୫ କାଟାରେ ଜୀଉସୁକୁରେୟାଃ ସୁକୁକାଜି ଲେକାନ୍ ଖାର୍‌ପା ତୁସିଙ୍ଗ୍‌କାନ୍‌ଲଃ ସେକାଡ୍‌କେଦ୍‌ତେ ତିଙ୍ଗୁନ୍‌ପେ ।

୧୬ ସବେନ୍ ଇମ୍‌ତା, ବିଶ୍ଵାସକେ ଜାଲ୍ ଲେକା ସାବ୍‌କେଦ୍‌ତେ ସେସେନ୍‌ପେ, ନେଆଁରେୟାଃ ଦେଙ୍ଗାତେ ଏଡ୍‌କାନ୍ ହରାତେ ହୁରାଙ୍ଗ୍‌ଅଃତାନ୍ ସବେନ୍ ଜୁଲ୍‌ତାନ୍ ସେଙ୍ଗେଲ୍‌ରେୟାଃ ସର୍‌କକେ ହକା ଦାଡ୍‌ୟାପେ ।

୧୭ ପାରିତ୍ରାଣ୍‌ରେୟାଃ ଚୁପୁରି ଆତଃ ପାବିତାର୍ ଆମ୍‌ ଏମାକାଦ୍‌ପେ ପାର୍‌ମେଶ୍ଵାର୍‌ଆଃ ବାଚାନ୍ ଲେକାନ୍ ତାରାଉଡ୍‌ ନାମ୍‌ଜମ୍‌ପେ ।

୧୮ ପାର୍‌ମେଶ୍ଵାର୍‌ଆଃ ଦେଙ୍ଗା ଆସିକେଦ୍‌ତେ ବିକ୍ତି ହରାତେ ନେ ସବେନାଃ ରିକାଏପେ । ସବେନ୍ ଲେକାତେ ପାବିତାର୍ ଆମ୍‌ରେୟାଃ ହରାତେ ବିକ୍ତିପେ । ଚିର୍‌ଗାଲ୍‌କାନ୍ ତାଇନ୍‌ପେ, ଚିଞ୍‌ଲୀଅ ଆଲ୍‌ପେ ଲାଗାଃଅଆ, ପାର୍‌ମେଶ୍ଵାର୍‌ଆଃ ହଡ୍‌କ ନାଗେନ୍ତେ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ ।

୧୯ ଆଇଁୟାଃ ନାଗେନ୍ତେୟ ବିକ୍ତିପେ, ଜେ'ଲେକାଚି ସୁକୁକାଜିରେୟାଃ ଉକୁଆକାନ୍ କାଜିକେ ବେଗାର୍ ବରତେ ଉଦୁବ୍ ନାଙ୍ଗ୍ ପାର୍‌ମେଶ୍ଵାର୍ ଆଇଙ୍ଗ୍‌କେ ଦେଙ୍ଗାୟା ।

୨୦ ନାହାଁଃ ଆଇଙ୍ଗ୍ ଜେହେଲ୍‌ରେ ସିକିଡ୍‌କାନ୍ ତାଇନ୍‌ରେୟ, ସୁକୁକାଜି ନାଗେନ୍ତେ ଆଇଙ୍ଗ୍ ମିଆଁଦ୍ କାଜି ଇଦିସେଟେର୍ ହଡ୍‌ ତାନିଙ୍ଗ୍ । ବିକ୍ତିପେ, ଜେ'ଲେକାଚି ଆଇଙ୍ଗ୍ ବେଗାର୍ ବରତେ ସୁକୁକାଜିଇଙ୍ଗ୍ ଉଦୁବ୍ ଦାଡ୍‌ୟା ।

ଚୁଣ୍ଡୁ ଜୁହାର୍

୨୧ *ଆଇଁୟାଃ ବିଷାଏରେ ଆପେ ଜେ'ଲେକା ସାରି ଦାଡ୍‌ୟାପେ, ଏନାମେନ୍ତେ ଆଲେୟାଃ ଦୁଲାଡ୍ ହାଗା ଆତଃ ପ୍ରାଭୁଆଃ କାମିତାନ୍ ପାତିୟାରଃ ଲେକାନ୍ ଦାସି ତୁଖ୍‌କ୍, ଆଇଁୟାଃ ବିଷାଏରେ ଆପେକେ ସବେନ୍ କାଜି କାଜିୟାପେଆ ।

୨୨ ଆଲେ ସବେନ୍‌କ ଚିଲ୍‌କା ମେନାଲେୟା, ଏନ୍ ବିଷାଏରେ ଉଦୁବ୍‌କେଦ୍‌ତେ ଆପେୟାଃ ଜୀଉରେ ରାସ୍‌କାପେ ନାଗେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।

* ୨:୪ କଲସିୟ ୩:୨୧. * ୨:୫ କଲସିୟ ୩:୨୨-୨୫. * ୨:୯ କଲସିୟ ୪:୧; କଲସିୟ ୩:୨୫. * ୨:୨୧ ପ୍ରେରିଡ୍ ୨୦:୪; ୨ ତିମଥ୍ ୪:୧୨. * ୨:୨୧ କଲସିୟ ୪:୭,୮.

^{୨୩} ଆବା ପାର୍ମେଶ୍ୱାର୍ ଆଡ଼ଃ ପ୍ରାଭୁ ଯିଶୁ ଖ୍ରୀଷ୍ଟ ବିଶ୍ୱାସୀ ହାଗା ମିଶିକକେ ଜୀଉସୁକୁ, ଦୁଲାଡ୍, ଆଡ଼ଃ ବିଶ୍ୱାସ୍ ଏମାକକାଏ ।

^{୨୪} ଅକନ୍କ ଆବୁଆଃ ପ୍ରାଭୁ ଯିଶୁ ଖ୍ରୀଷ୍ଟକେ କା ବୁଣ୍ଡୁ ଦୁଲାଡ୍ତେ ଦୁଲାଡ୍ତାନାକ, ଇନ୍କୁଲଃ ପାର୍ମେଶ୍ୱାର୍ଆଃ ସାୟାଦ୍ ହବାଅଃକା ।

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାରେ ପ୍ରେରିତ ପାଉଲୁସ୍‌ଆଃ ଚିତାଉ ପାରିଟାଏ

ୟାଶୁ ଖ୍ରୀଷ୍ଟୁଆଃ ଜାନାମ୍‌ରେୟାଃ ୬୧ ବାରାଷ୍ଟ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିତାଉ ଅଲକାଦ୍ ତାଇକେନାଏ । ହବାସାକାଅଆଃ ପାଉଲୁସ୍ ରୋମ୍‌ରେ ଜେହେଲାକାନ୍ ତାଇକେନ୍ ଇମ୍‌ତା ନେ ଚିତାଉ ଅଲକାଦ୍ ତାଇକେନାଏ ୧:୧୩ ।

ଫିଲିପି ସାହାରରେ ବାଇୟାକାନ୍ କାଲିସିୟାକତାଃତେ ନେ ଚିତାଉ ଅଲକାନ୍ ତାଇକେନା । ଆବୁ ପ୍ରେରିତ ପୁଅକରେ ହରି ଫିଲିପି ଚିତାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାରୁ । ଫିଲିପି ମାକିଦନିଆ ପାର୍ଗାନ୍‌ରେୟାଃ ମାରାଙ୍ଗ୍ ସାହାର ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏଣ୍ଡାଃରେ ତାଇକେନ୍ ଇମ୍‌ତା ମିଦ୍ ନିଦା ନାଙ୍ଗ୍ ଜେହେଲ୍‌ରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ ୧୭ ।

ହବାସାକାଅଆଃ ପାଉଲୁସ୍‌ଆଃ ନେ ଚିତାଉ ଅନଲ୍‌ରେ ପୁରାଃଗି ଉଦେଶ୍ ତାଇନ୍‌ସାକାଅଆ । କାଲିସିୟାରେନ୍ ହତକ ପାଉଲୁସ୍ ଜେହେଲାକାନାଏ ମେନ୍ତେ ଆୟୁମ୍‌କେଦ୍‌ଚି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲାକାଦ୍ ନାଙ୍ଗ୍ କାଲିସିୟାକେ ଧାନ୍ୟାବାଦ୍ ଏମ୍‌ରାଃ ଉଦେଶ୍‌ରେ ନେ ଚିତାଉ ଅଲକାନା ୪:୧୦-୧୯ । ଇନିଃ ଆୟାଃ ଜେହେଲାକାନ୍ ଇମ୍‌ତାରେୟାଃ କାଜିକ ଉଦୁବ୍‌କେଦ୍‌ଲଃ କାଲିସିୟାରେନ୍ ତାମଥୁ ଆତଃ ଏପାପ୍‌ଦିତ୍‌କେ କାମି ନାଙ୍ଗ୍ ସାଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା ମାଇନ୍‌କେଦ୍‌ତେ ଜହାରକିନାକ ଆତଃ ଆକିନାଃ ଆଗୁଆଇରେ ମାଇନ୍‌କିନାକ ୨:୧୯-୩୦ ।

ପୁଅ ଭିତରରେ ତାଇକାନ୍ କାଜି

- ୧. ପାଉଲୁସ୍ ଫିଲିପି କାଲିସିୟାକେ ଜହାର କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ଼ୁକ । ୧:୩-୨:୩୦
- ୩. ଖ୍ରୀଷ୍ଟ ଲେକା ଜୀଝାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ରୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର ଆତଃ ଧାନ୍ୟାବାଦ୍ ଏମ୍‌ତାନାଏ । ୪:୧୦-୨୩

ଜହାର ଆତଃ ପାଉଲୁସ୍‌ଆଃ ବିନ୍ତି

୧ *ଫିଲିପି ସାହାରରେନ୍ ଯାଶୁ ଖ୍ରୀଷ୍ଟଲଃ ମେସାକାନ୍ ପାର୍‌ମେଶ୍‌ଆଃ ହତକକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ତିକାନ୍‌କକେ ଯାଶୁ ଖ୍ରୀଷ୍ଟୁଆଃ ଦାସି ପାଉଲୁସ୍ ଆତଃ ତାମଥୁଆଃ ଚିତାଉ,

୨ ଆବୁଆଃ ଆପୁ ପାର୍‌ମେଶ୍‌ଆଃ ଆତଃ ପ୍ରାଭୁ ଯାଶୁ ଖ୍ରୀଷ୍ଟୁ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୩ ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମ୍‌ପେତାନା, ଇମିନ୍‌ସା ଆଇଁୟାଃ ପାର୍‌ମେଶ୍‌ଆଃକେଇଙ୍ଗ୍ ଜହାରିତାନା ।

୪ ଆତଃ ସବେନ୍ ଦିପିଲିରେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ସୁକୁତେଇଙ୍ଗ୍ ବିନ୍ତିତାନା,

୫ ଚିଆଃଚି ଆପେ ଆପେୟାଃ ବିଶ୍ୱାସରେୟାଃ ଏନେଟେଦ୍ ହୁଲାଙ୍ଗ୍‌ତାଃଏତେ ନାହାଁଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟାଁ ।

୬ ଆତଃ ଆଇଙ୍ଗ୍ ପୁରାଃ ପକ୍‌ତାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାର୍‌ମେଶ୍‌ଆଃ ଆପେରେ ବୁଗିନ୍ କାମି କାମି ଏଟେଦ୍‌କାଦାଏ, ଯାଶୁ ଖ୍ରୀଷ୍ଟରାଃ ହିଜୁଃଦିପିଲି ହୁଲାଙ୍ଗ୍‌ରେ ନେଆଁ ଚାବାଃଅ ଜାକେଦ୍ ଇନିଃ ଏନାକେ ପୁରାଏୟା ।

୭ ଆପେ ସବେନ୍‌କ ସବେନ୍ ଇମ୍‌ତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲେକାଇଙ୍ଗ୍ ଉଡ଼ୁକେଦା । ଆଇଙ୍ଗ୍ ତନଲ୍‌ହେତେ ରାଡ଼ାକାନ୍ ଦିପିଲିରେ ଆତଃ ନାହାଁଃ ନେ ଜେହେଲାକାନ୍ ଦିପିଲିରେ, ନେ ବାରାନାଃରେ ସୁକୁକାଜିରେୟାଃ ସାନାର୍‌ତିରେ ତିଙ୍ଗ୍‌କେଟେଦ୍ ଆତଃ ଏଟାଃକକେ ଉଦୁବ୍‌ରେୟାଃ ଅକ ସୁୟୋଗ୍ ପାର୍‌ମେଶ୍‌ଆଃ ଏମାକାଦିୟାଁଏ, ଏନାରେ ଆପେ ସବେନ୍‌କ ହିସାପେ ନାମାକାଦା ।

୮ ଚିଆଃଚି ଯାଶୁ ଖ୍ରୀଷ୍ଟୁଆଃ ଇକିରାନ୍ ଦୁଲାଡ୍ ହରାତେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ଚିଲ୍‌କାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍‌ମେଶ୍‌ଆଃ ଆଇଁୟାଃ ଗାଝା ତାନିଃ ।

୯ ଆଇଙ୍ଗ୍ ବିନ୍ତିତାନାଇଙ୍ଗ୍, ଆପେୟାଃ ଦୁଲାଡ୍ ସାର୍‌ତି ସେଣ୍ଟାଲଃ ଆତଃ ଆବ୍‌କାର୍‌ଉରୁମଃଲଃ ମିସାତେ ପୁରାଃଗି ହାରାଇଦିୟାଃକା ।

୧୦ ଏନାତେ ଆପେ ଅକ୍‌ନାଃ ବୁଗିନାଃ ତାନାଃ ଏନାପେ ଆବ୍‌କାର୍‌ଉରୁମ୍ ଦାଡ଼ିୟା । ଏନ୍ତେ ଆପେ ଖ୍ରୀଷ୍ଟୁଆଃ ହିନିଜୁଃ ହୁଲାଙ୍ଗ୍‌ରେ ସବେନ୍ ଲେକାନ୍ ସତ୍‌ରାଏତେ ଫା଼ରି ଆତଃ କା ଚିଟାକାନ୍ ତାଇନାଃପେ ।

* ୧:୧ ପ୍ରେରିତ ୧୭:୧୨.

୧୧ ପାର୍ମେଶ୍ଵରୀଆମ୍ଭ ମାନାଉଛୁ ଆତ୍ମା ସାହାରାଥ ନାଗେନ୍ତେ ଆପେୟାଃ ଜୀବାନ୍ ଯୀଶୁ ଖ୍ରୀଷ୍ଟୁଆଃ ଏମାକାନ୍ ସବେନ୍ ବୁଗିନ୍ ଗୁନ୍ତେ ପେରେଜଃଆ ।

ବାସ୍ତାବ୍ୟରେୟାଃ ମୁଣ୍ଡିଦ ଖ୍ରୀଷ୍ଟ

୧୨ ହେ ଦୁଲ୍ଲଭ୍ ହାଗା ମିଶିକ, ଆଇଙ୍ଗ୍ ନେଆଁ ସାରିପେ ମେନ୍ତେଇଙ୍ଗ୍ ସାନାଙ୍ଗ୍ତାନା, ଅକନ୍ କାଜିକ ଆଇଁୟାଃରେ ହବାକାନା, ଏନା ସୁକୁକାଜିକେ ଆୟାର୍ତ୍ତେ ଇଦି ନାଗେନ୍ତେ ଦେଙ୍ଗାକାଦା ।

୧୩ *ଏନାତେ, ମାହାଲକେ ହରତାନ୍ ନେତାଃରେନ୍ ସବେନ୍କ ଆତଃ ଏଟାଃ ସବେନ୍କ ସାରିୟାଃକ ଯେ, ଆଇଙ୍ଗ୍ ଖ୍ରୀଷ୍ଟୁଆଃ ଦାସି ହବାକାନ୍ ହରାତେ ନାହାଁଃ ଜେହେଲ୍ଲରାଃ ସିକିଡିତେଇଙ୍ଗ୍ ତଲ୍ଲକାନା ।

୧୪ ମେନ୍ଦ ଆଇଙ୍ଗ୍ ଜେହେଲ୍ଲରାଃ ସିକିଡିତେଇଙ୍ଗ୍ ତଲ୍ଲକାନ୍ ହରାତେ ପୁରାଃ ବିଶ୍ଵାସୀ ହାଗା ମିଶିକଆଃ ବିଶ୍ଵାସ୍ ପ୍ରାଭୁରେ ପୁରାଃଗି ହବାକାନା, ଆତଃ ନେ ହରାତେ ବେଗାର୍ ବରତାନ୍ଲଃ ପାର୍ମେଶ୍ଵରୀଆଃ ବାଚାନ୍ ଉଦୁବ୍ ନାଗେନ୍ତେ ଇନ୍କୁଆଃ ଜୀଉରେ କେଟେଦ୍ ହବାକାନା ।

୧୫ ଇନ୍କୁଏତେ ଚିମିନ୍ ହଡକ ଖ୍ରୀଷ୍ଟୁଆଃ ବିଷାଏରେ ହିସ୍ତାତାନ୍ଲଃ ଆତଃ ଏପେରାଙ୍ଗ୍ତାନ୍ଲଃ ବାଚାନ୍ ହାଟିଙ୍ଗ୍ତାନାକ, ମେନ୍ଦ ଚିମିନ୍ ହଡକ ଖ୍ରୀଷ୍ଟୁ ବିଷାଏରେ ଫାର୍ତି ମନ୍ତେ କାମିତାନାକ ।

୧୬ ଇନ୍କୁ ଦୁଲ୍ଲଭ୍ତାନ୍ ହରାତେ ବାଚାନ୍ ଉଦୁବ୍ତାନାକ । ପାର୍ମେଶ୍ଵର ଆଇଙ୍ଗ୍କେ ସୁକୁକାଜି ବାସ୍ତାବ୍ୟରାଃ କାମି ଏମାକାଦିୟା, ଏନା ସାରିତାନାକ ।

୧୭ ଏଟାଃକ ଫାର୍ତିମନ୍ତେ ଖ୍ରୀଷ୍ଟୁଆଃ ବାଚାନ୍ କାକ ଉଦୁବ୍, ମେନ୍ଦ ଆପ୍ନାଃ ସାନାଙ୍ଗ୍କେ ପୁରାଏ ନାଗେନ୍ତେକ କାମିକେଦା । ଆଇଙ୍ଗ୍ ଜେହେଲ୍ଲରାଃ ସିକିଡିତେ ତଲ୍ଲକାନ୍ ତାଇକେନ୍ ଇମ୍ତା ଆଇଁୟାଃ ମନ୍ତେ ପୁରାଃ ଦୁକୁ ଏମାଇଙ୍ଗ୍ ନାଗେନ୍ତେ ଇନ୍କୁ ଏନ୍ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍ତି ଉଦ୍ଦେଶ୍ଵରେ ହବାଃଥ ଚାଏ ଏଡକାନ୍ ଉଦ୍ଦେଶ୍ଵରେ ହବାଃଥ, ଜେତ୍ନାଃତେ ହବାଃଥ, ଖ୍ରୀଷ୍ଟୁଆଃ ବିଷାଏରେୟାଃ କାଜି ଉଦୁବଃରେ, ଆଇଙ୍ଗ୍ ରାସ୍କାଃଥଇଙ୍ଗ୍ ଆତଃ ରାସ୍କା କାତେୟାଃଇଙ୍ଗ୍,

୧୯ ଚିଆଃତି ଆଇଙ୍ଗ୍ ସାରିତାନାଇଙ୍ଗ୍ ଆପେୟାଃ ବିକ୍ତି ଆତଃ ଯୀଶୁ ଖ୍ରୀଷ୍ଟୁଆଃ ଆମ୍ଭାରେୟାଃ ଦେଙ୍ଗା ହରାତେ ଆଇଙ୍ଗ୍ ତନଲ୍ହେତେ ରାଡାକାନାଇଙ୍ଗ୍ ।

୨୦ ଜୀବାନ୍ତରେ ଚାଏ ଗନ୍ଏଃରେ ଆଇଙ୍ଗ୍ ଖ୍ରୀଷ୍ଟୁଆଃ କାମି ଚିଉଲ୍ଲାଥ କାଇଙ୍ଗ୍ ବାଗିୟା । ମେନ୍ଦ ସବେନ୍ ଇମ୍ତା ବିଶେଷକେଦ୍ତେ ନେ ଏଡକାନ୍ ହୁଲ୍ଲାଇକରେ ଜୀଉ କେଟେଦ୍ତାନ୍ଲଃ ପୁରାଗି ଆଇଙ୍ଗ୍ ଆଇଁୟାଃ ହଡମ୍ତରେ ଖ୍ରୀଷ୍ଟୁକେ ମାଇନାନ୍ ରିକାୟାଇଙ୍ଗ୍, ଏନାଗି ଆଇଁୟାଃ ପୁରାଃ ଆସ୍ତା ଆତଃ ଭାର୍ସା ତାନାଃ ।

୨୧ ଆଇଁୟାଃ ଜୀନିଦ୍ରେ ଖ୍ରୀଷ୍ଟୁଗି ସବେନାଃ ତାନିଃ । ଏନାତେ ଆଇଁୟାଃ ନାଙ୍ଗ୍ ଗନ୍ଏଃ ପୁରାଃଗି ବୁଗିନାଃ ହବାଃଥଆ ।

୨୨ ମେନ୍ଦ ଆଇଙ୍ଗ୍ ହାସା ହଡମ୍ତରେ ଜୀନିଦ୍ ତାଇକେଦ୍ତେ ପୁରାଃଗି ଜ'ନାମଃ ଲେକାଇଙ୍ଗ୍ କାମି ଦାଡିତାନ୍ରେଦ୍, ଜୀବାନ୍ ଚାଏ ଗନ୍ଏଃ ଅକ୍ନାଃକେଇଙ୍ଗ୍ ସାଲ୍ଲାଏୟା ଏନା ଆଇଙ୍ଗ୍ କାଇଙ୍ଗ୍ ସାରିଦାଡିତାନା ।

୨୩ ନେ ବାରାନ୍ କାଜି ଆଇଙ୍ଗ୍କେ ବାରାନ୍ସାଃତେ ତାହୁଜିଇଙ୍ଗ୍ତାନା । ନେ ଜୀବାନ୍ ବାଗିକେଦ୍ତେ ଖ୍ରୀଷ୍ଟୁଲଃ ତାଇନଃ ନାଗେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ ଆତଃ ପୁରାଃଗି ବୁଗିନାଃ ତାନାଃ ।

୨୪ ମେନ୍ଦ ଆପେ ନାଗେନ୍ତେ ହାସା ହଡମ୍ତରେ ଜୀନିଦ୍ ତାଇନଃ ଆଇଙ୍ଗ୍କେ ପୁରାଃଗି ଲାଗାଡିଙ୍ଗ୍ୟାଃ ।

୨୫ ନେଆଁ ଆଇଙ୍ଗ୍ ସାର୍ତିଗିଙ୍ଗ୍ ସାରିତାନା, ଆଇଙ୍ଗ୍ ଆପେ ସବେନ୍କଲଃ ତାଇନାଇଙ୍ଗ୍, ଆତଃ ଆପେକେ ବିଶ୍ଵାସ୍ରେଇଙ୍ଗ୍ ହାରାଇଦିପେୟା ଆତଃ ଜୀଉରେ ରାସ୍କା ନାମେ ନାଗେନ୍ତେଇଙ୍ଗ୍ ଦେଙ୍ଗାପେୟା ।

୨୬ ତାବ୍ଦ, ଆଇଙ୍ଗ୍ ଆପେଲଃ ଆତଃମିସା ତାଇନ୍ରେ, ଆପେ ଜୀବାନ୍ରେ ଖ୍ରୀଷ୍ଟୁଲଃ ମେନେସାରେ ତାଇନ୍ ହରାତେ ଆଇଁୟାଃ ନାଙ୍ଗ୍ ପୁରାଃଗି ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ଦାଡିୟାଃପେ ।

୨୭ ଆଇଙ୍ଗ୍ ଆପେକେ ନେନେଲ୍ ନାଗେନ୍ତେ ସେନ୍ ଦାଡି ଚାଏ କା ଦାଡି, ନାହାଁଃ କାଜି ହବାଃଥତାନା, ଆପେ ଖ୍ରୀଷ୍ଟୁଆଃ ସୁକୁକାଜିରେୟାଃ ଲାଗାଡିଙ୍ଗ୍ ଲେକାଗି ଜୀବାନ୍ ବିତାଏପେ, ଜେ'ଲେକାଡି ଆଇଙ୍ଗ୍ ଆୟୁମେୟାଈଙ୍ଗ୍ ଯେ ଆପେ ମିଆଁଦ୍ ଆମ୍ଭାରେ ତିଙ୍ଗ୍ କେଟେଦ୍କାନାପେ ଆତଃ ମିଆଁଦ୍ଗି ଭାର୍ସାଲଃ ଆପେ ସୁକୁକାଜିରେୟାଃ ବିଶ୍ଵାସ୍ ନାଗେନ୍ତେ ମିସାତେ ଲାଡାଇତାନାପେ ।

୨୮ ଆପେୟାଃ ବାଇରିକକେ ଆଲପେ ବରକଥା, ସବେନ୍ ଇମ୍ତା ଜୀଉ କେଟେଦ୍କେଦ୍ତେ ତାଇନ୍ପେ । ଏନାରେ, ଇନ୍କୁ ସାରି ଦାଡିୟାକ ଯେ, ଇନ୍କୁଆଃ ହାରାଥ ସାର୍ତି ତାନାଃ ଆତଃ ଆପେ ଜିତାଃଥାପେ, ଚିଆଃତି ପାର୍ମେଶ୍ଵର ଆପେକେ ଜିନିତାଥ ଏମାପେୟାଏ ।

୨୯ ଚିଆଃତି ଖ୍ରୀଷ୍ଟୁତାଃରେ ବିଶ୍ଵାସ୍କେଦ୍ ହରାତେ ଏସ୍କାର୍ କାଗି, ମେନ୍ଦ ଆୟାଃ ନାଗେନ୍ତେ ଦୁକୁ ସାହାଡିଙ୍ଗ୍କେଦ୍ ହରାତେ ଆପେକେ ଖ୍ରୀଷ୍ଟୁକେ ସେଝା ନାଗେନ୍ତେ ସୁୟୋଗ୍ ଏମାକାନା ।

* ୧:୧୩ ପ୍ରେରିଡ୍ ୨୮:୩୦.

୩୦ ✠ ନାହିଁ ନେ ଲାଡ଼ାଇରେ ଆପେ ଆଇଁୟାଃଲଃ ମେସା ଦାଡ଼ିୟଃଆପେ । ସିଦା ଦିପିଲିରେ ଆପେ ଆଇଁକ୍ କେ ଜେ'ଲେକା ଲାଡ଼ାଇତାନ୍ ନେଲକାଦିକ୍ ତାଇକେନାପେ, ନାହିଁ ଜାକେଦ୍ ଆଇଁକ୍ ଏନ୍ ଲାଡ଼ାଇରେ ମେନାଇୟାଁ ମେନ୍ତେ ଆପେ ଆୟୁମ୍ବାଦାପେ ।

୨

ଖ୍ରୀଷ୍ଟିଆଃ ଲେବେୟେନ୍ ଆଡଃ ମାରାକ୍ସେନ୍

୧ ଆପେ ଖ୍ରୀଷ୍ଟିଆଃ ମେନେସା ହରାତେ ଆପେୟାଃ ଜୀଦାନ୍ରେ କେଟେଦ୍ କାନାପେ, ଆଡଃ ଆୟାଃ ଦୁଲାଡ଼୍ ଆପେକେ ଜୀଉରାଡ଼େଃ ଏମାପେତାନାଏ । ଆପେ ପାବିତାର୍ ଆମ୍ବାଲଃ ମେନେସାରେ ମେନାପେୟା ଆଡଃ ଆପେୟାଃ ମିହୁଡ଼୍ ଆଡଃ ମିହୁଡ଼୍ଲଃ ଲିନିବୁଇ ଆଡଃ ଦାୟା ମେନାଃ ।

୨ ଏନାତେ ଆଇଁକ୍ ଆପେକେ ବିକ୍ରିପେ ତାନାଇକ୍, ମିଦ୍ ଉଡ଼ୁରେ, ମିଦ୍ ଦୁଲାଡ଼୍ରେ, ମିଦ୍ ଜୀଉରେ ଆଡଃ ମନ୍ରେ ତାଇକ୍ କେଦ୍ ଆପେ ଆଇଁକ୍ ପୁରାଃତେ ସୁକୁଇକ୍ପେ ।

୩ ଆପ୍ତନାଃ ସାନାକ୍ ପୁରାଃତେ ନାଗେନ୍ତେ ଚାଏ ମାରାକ୍ସେନ୍ ନାଗେନ୍ତେ ଜେତାନ୍ କାମି ଆଲପେ କାମିୟାଁ । ମେନ୍ଦ୍ ଏଟାଃକକେ ଆପାନ୍ତାଃଏତେ ମାରାକ୍ ନେଲ୍ କେଦ୍ ତେ, ମିହୁଡ଼୍ ଆଡଃ ମିହୁଡ଼୍ଲଃ ସବେନ୍ ଇମ୍ତା ଲେବେଃ ମନ୍ରେ ତାଇକ୍ପେ ।

୪ ଆଡଃ ମିହୁଡ଼୍ ହଡ଼୍ ଆପ୍ତନାଃ ନାଗେନ୍ତେ ଏସକାର୍ କା ଉଡ଼ୁକେଦ୍ ଏଟାଃକଆଃ ନାଗେନ୍ତେୟ ଉଡ଼ୁଗେକାଏ ।

୫ ଯୀଶୁ ଖ୍ରୀଷ୍ଟିଆଃ ମନ୍ ଉଡ଼ୁ ଲେକାଗି ଆପେୟାଃ ମନ୍ ଉଡ଼ୁକ ହବାଅଃକା ।

୬ ଇନିଃ ପାର୍ମେଶ୍ୱାର୍ ତାଇକ୍ରେୟ, ପାର୍ମେଶ୍ୱାର୍ଲଃ ମିଦ୍ ଜକାଗି ତାଇନଃ ନାକ୍ କାଏ ମନେକେଦା ।

୭ ମେନ୍ଦ୍ ଇନିଃ ଆପ୍ତନାଃ ଇଛାସାନାକ୍ତେ ସବେନାଃ ବାଗିକେଦାଏ, ଆଡଃ ଦାସି ଲେକାଏ ବାଇୟାନା ଏନ୍ତେ ମାନଖା ରୁପ୍ରେ ଜାନାମ୍ବାନା ।

୮ ଇନିଃ ଆଇଃକାଗି ଲେବେଃ ମନ୍ତେ ହବାୟାନ୍ଲଃ ଆଡଃ ସବେନ୍ ଗନଏଃରେୟାଃ ହରାରେ ଆୟାଃ କୁଶ୍ୱରାଃ ଗନଏଃ ଜାକେଦ୍ କାଜି ମାନାତିୟେନ୍ ଲେକାଏ ହବାୟାନା ।

୯ ଏନାମେନ୍ତେ ପାର୍ମେଶ୍ୱାର୍ ଇନିଃକେ ସବେନାଃଏତେ ଚେତାନ୍ ଠାୟାଦ୍ତେ ଉଠାଅକିୟା, ଆଡଃ ଏଟାଃ ସବେନ୍ ନୁଡୁମ୍ଏତେ ଆୟାଃ ନୁଡୁମ୍ ସବେନାଃଏତେ ଚେତାନ୍ରେ ଏମ୍କେଦା ।

୧୦ ଏନାତେ ଯୀଶୁଆଃ ନୁଡୁମ୍ରେୟାଃ ମାଇନାନ୍ ନାଗେନ୍ତେ ସିମାଁ, ଅତେ, ଆଡଃ ଅତେଦିଶୁମ୍ରେ ଲାଡ଼ାରେ ତାଇକ୍ତାନ୍ ସବେନକ୍ ଆୟାଃ ଆୟାରେ ଇକ୍ତୁୟାନ୍ତେ ଉୟୁଗଃଆକ,

୧୧ ଆଡଃ ସବେନ୍ ହଡ଼କ ଯୀଶୁ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଉଦୁବ୍ତାନ୍ଲଃ ଆବା ପାର୍ମେଶ୍ୱାର୍ଆଃ ମାନାରାକ୍ ରିକାୟାକ ।

ଅତେଦିଶୁମ୍ରେ ମାସ୍କାଲ୍ ଲେକା ଜୁଲଃପେ

୧୨ ତାବ୍ଦ୍ ହେ ଦୁଲାଡ଼୍ ହାଗା ମିଗିକ, ଆଇଁକ୍ ଆପେଲଃ ତାଇକ୍ତାନ୍ ଦିପିଲିରେ ଆପେ ଜେ'ଲେକା ସବେନ୍ ଇମ୍ତା ମାନାତିକ୍ ତାଇକେନାପେ, ନାହିଁ ଆଇଁକ୍ ଆପେତାଃଏତେ ସାଜିନ୍ରେ ତାଇନଃତାନ୍ ଦିପିଲିରେୟ ପୁରାଃଗି ବର ଆଡଃ ଏକ୍ଲାଅଃତାନ୍ଲଃ ଆପେୟାଃ ଜୀଉବାଆପ୍ତ ପୁରାଏପେ ।

୧୩ ଚିଆଃଟି ପାର୍ମେଶ୍ୱାର୍ ଆପେ ଆଲାରେ କାମିତାନା । ଇନିଃକେ ସୁକୁଇତି ଲେକା କାମି ନାଗେନ୍ତେ ଇନିଃ ଆପେକେ ଇଛାସାନାକ୍ ଏମାଃଏ ଆଡଃ ଏନା ରିକାଏ ନାଗେନ୍ତେ ପେଡ଼େଃଏଁ ଏମାଃଏ ।

୧୪ ବେଗାର୍ କାଜି କେସେଦ୍ତେ ଆଡଃ କାପ୍ଜିତେ ସବେନ୍ କାମି ରିକାଏପେ ।

୧୫ ଏନାରେ, ଆପେ ବେଗାର୍ ଚିଟାକାନ୍ ଆଡଃ ପାର୍ମେଶ୍ୱାର୍ଆଃ ଫାର୍ଚିଆକାନ୍ ହନ୍କପେ ହବାଅଃଆ । ମେନ୍ଦ୍ ନେ ଅତେଦିଶୁମ୍ରେ ଜିୟନଃତାନ୍ ଏଡ଼କାନ୍ ହଡ଼କ ଆଲାରେ ତାଇନଃତାନାପେ, ଏନାତେ ଆପେ ଇନ୍କୁକେ ଜୀଦାନ୍ ଏମାଃରେୟାଃ ବାଚାନ୍ ଉଦୁବ୍କ ଇମ୍ତା ରିମିଲ୍କେ ମାର୍ସାଲେତାନ୍ ଇପିଲ୍କ ଲେକା ଇନ୍କୁଆଃ ଆୟାରେ ଜୁଲଃ ଲାଗାତିକ୍ୟାଃ ।

୧୬ ଏଟାଃକତାଃରେ ଜୀଦାନ୍ ଏମାଃ କାନାଜି ଉଦୁବେ ଇମ୍ତା, ଆପେ ସିମାଁକେ ମାର୍ସାଲେତାନ୍ ଇପିଲ୍କ ଲେକା ହବାଅଃ ଲାଗାତିୟାଁ । ଆପେ ନେ'ଲେକା ହବାଅଃରେଦ୍, ଖ୍ରୀଷ୍ଟ ହୁଲାକ୍ରେ ଆପେୟାଃ ବିଷାଏରେ ଆଇଁକ୍ ଆପାନ୍କେ ମାରାକ୍ ମେନ୍ତେଇକ୍ କାଜିନା, ଚିଆଃଟି ନେଆଁଲଃ ଉଦୁବଃଆ ଯେ, ଆଇଁୟାଃ ସବେନ୍ କେଟେଦ୍ କାମି କା ସାମାଏଶ୍ୱାଃ କାନା ।

୧୭ ହବାସାକାଆଃ ପାର୍ମେଶ୍ୱାର୍ଆଃ ଉକେଶ୍ୱରେ ଆପେୟାଃ ବିଶ୍ୱାସ୍ ଲେକାନ୍ ସେଖାରାଃ ଦାଣ୍ଡେରେ ଆଇଁୟାଃ ଜୀଦାନ୍ରେୟାଃ ମାୟୋମ୍କେ ହଁ ଆଇଁକ୍ ଏମାଃ ଲାଗାତିକ୍ୟାଃ । ଏନାମେନ୍ତେ ଆଇଁକ୍ ରାସ୍କାଅଃତାନାକ୍ ଆଡଃ ଆଇଁୟାଃ ନେ ରାସ୍କାରେ ଆପେ ମେସାନ୍ପେ ମେନ୍ତେଇକ୍ ସାନାକ୍ତାନା ।

୧୮ ଏନ୍ ଲେକାଗି, ଆପେୟ ରାସ୍କାଅଃପେ ଆଡଃ ଆପେୟାଃ ରାସ୍କା ଆଇଁୟାଃଲଃ ହାଟିୟେପେ ।

ତାମଥ୍ ଆଡଃ ଏପାପ୍ରାଦିଡ଼

✠ ୧:୩୦ ପ୍ରେରିଡ଼ ୧୭:୧୯-୪୦.

୧୯ ପ୍ରାଭୁ ଯୀଶୁଆଃ ସାନାଙ୍ଗ ହବାଅଃରେଦ, ଆପେତାଃତେ ତୀମଥୁକେ ଜାଲ୍‌ଦିଗିଇଙ୍ଗ କୁଲିୟା ମେନ୍ତେଇଙ୍ଗ ଆସ୍ତାଏତାନା । ଏନାତେ ଆପେୟାଃ ବିଷାଏରେ କାଜି ଆୟୁମ୍‌କେଦ୍‌ତେ ରାସ୍‌କାଅଃଆଇଙ୍ଗ ।

୨୦ ଇନିୟାଃ ମନ୍‌ରାଃ ଉଡ଼ୁକ ଆଇଁୟାଃ ଲେକା ମେନାଃ ଆତଃ ସାର୍‌ତିଗି ଇନିଃ ଆପେୟାଃ ବିଷାଏରେ ଉଡ଼ୁତାନା ।

୨୧ ଏଟାଃ ସବେନ୍‌କ ଯୀଶୁ ଖ୍ରୀଷ୍ଟୁଆଃ ବିଷାଏରେ କା ଉଡ଼ୁକେଦ୍‌ତେ ଆକଆଃ ଆପ୍‌ନାଃ ବିଷାଏରେ ଉଡ଼ୁତାନାକ ।

୨୨ ଆପେ ସାରିତାନାପେ ଯେ ତୀମଥୁ ଚିଲ୍‌କାନ୍ ହଡ଼ ତାନିଃ । ହନ୍ ଜେ'ଲେକା ଆପୁଆଃ ସୁସାର୍ ରିକାଃଏ, ଏନ୍‌ଲେକାଗି ଇନିଃ ଆଇଁୟାଃମିସାତେ ସୁକୁକାଜି ଉଦୁବ୍ ଇମ୍‌ତା ଆଇଁୟାଃ ସୁସାର୍ ରିକାକାଦାଏ ।

୨୩ ଆଇଁୟାଃ ଚିକ୍‌ନାଃ ହବାଅଃତେ ସେନଃତାନା, ଏନା ସାରିକେଦ୍‌ଚି ଆଇଙ୍ଗ ଇନିଃକେ ଆପେତାଃତେ କୁଲିୟାଇଙ୍ଗ ମେନ୍ତେଇଙ୍ଗ ଆସ୍ତାକାଦା ।

୨୪ ଆତଃ ଆଇଙ୍ଗ ପ୍ରାଭୁତାଃରେ ବିଶ୍ୱାସ୍‌ତାନାଇଙ୍ଗ ଯେ, ଆଇଙ୍ଗ ଜାଲ୍‌ଦିଗି ଆପେତାଃତେଇଙ୍ଗ ହିଜୁଃ ଦାଡ଼ିୟା ।

୨୫ ଆଇଁୟାଃ କାମିରେ, ଆଇଁୟାଃ ଲାଗାତିଙ୍ଗ୍‌ତେୟାଃକ ପୁରାଏ ନାଙ୍ଗ୍ ଆଇଙ୍ଗକେ ଦେଙ୍ଗାଇଙ୍ଗ ନାଗେନ୍ତେ ଆପେୟାଃ କୁଲକାନ୍ ହାଗା ଏପାପ୍‌ପାଦିଡ଼କେ ଆପେତାଃତେ କୁଲି ନାଙ୍ଗ୍ ବୁଗିନାଃ ହବାଅଃଆ ମେନ୍ତେଇଙ୍ଗ ଆର୍‌କାରେତାନା ।

୨୬ ଇନିଃ ଆପେ ସବେନ୍‌କକେ ନେନେଲ୍ ନାଗେନ୍ତେ ପୁରାଃଗି ସାନାଙ୍ଗ୍‌ତାନା ଆତଃ ଆପେ, ଇନିଃ କାଏ ସୁକୁତାନା ମେନ୍ତେ କାଜି ଆୟୁମ୍‌କେଦ୍ ହରାତେ ଇନିଃ ପୁରାଃଗି ମନ୍‌ରେ ଦୁକୁୟାନା ।

୨୭ ସାର୍‌ତି କାଜିଲେରେ, ଇନିଃ ବେମାର୍ ତାଇକେଦ୍‌ତେ ଗଜଃଲେକାଏ ହବାକାନ୍ ତାଇକେନା । ମେନ୍‌ଦ ପାର୍‌ମେଶ୍ୱାର୍ ଇନିଃକେ ଦାୟାକିୟା । ଇନିଃକେ ଏସ୍‌କାର୍ କାହାଗି, ମେନ୍‌ଦ ଆଇଁୟାଃ ଚେତାନ୍‌ରେୟାଗି ଆୟାଃ ଦାୟା ତାଇକେନ୍ ହରାତେ ଆଇଙ୍ଗକେ ଦୁକୁ ଚେତାନ୍ ଦୁକୁ ସାହାତିଙ୍ଗ୍ ନାଙ୍ଗ୍ କାଏ ଏମାଦିୟା ।

୨୮ ଆଇଙ୍ଗ ଇନିଃକେ ଆପେତାଃତେ କୁଲି ନାଙ୍ଗ୍ ପୁରାଃଗିଇଙ୍ଗ ସାନାଙ୍ଗ୍ ତାଇକେନା, ଚିଆଃଚି ଆପେ ଇନିଃକେ ଆତଃମିସା ନେଲ୍‌କେଦ୍‌ତେ ପୁରାଃଗିପେ ରାସ୍‌କାନା ଆତଃ ଆଇଁୟାଃ ଦୁକୁହଗି ଅହରାଅକଆ ।

୨୯ ଏନାତେ ମିଆଁଦ୍ ପ୍ରାଭୁଆଃ ବିଶ୍ୱାସୀ ହାଗା ଲେକା ଆପେ ଇନିଃକେ ସୁକୁତେ ଦାରମିପେ ଆତଃ ଆୟାଃ ଲେକାନ୍ ସବେନ୍ ହଡ଼କକେ ମାଇନ୍‌କପେ ।

୩୦ ଚିଆଃଚି ଆପେ ଆଇଙ୍ଗକେ ଅକ ଦେଙ୍ଗା କାପେ ଏମ୍ ଦାଡ଼ିୟାନା, ଏନା ପୁରାଏ ନାଗେନ୍ତେ ଇନିଃ ଖ୍ରୀଷ୍ଟୁଆଃ କାମିରେ ଆପ୍‌ନାଃ ଜୀଉକେ ସାଙ୍ଗାଟ୍‌ରେ ଉୟୁଃକେଦ୍‌ତେ ଗଜଃଲେକାଏ ହବାକାନ୍ ତାଇକେନା ।

୩

ସାର୍‌ତି ଧାର୍‌ମାନ୍

୧ ଟୁଣ୍ଡୁରେ, ହେ ହାଗା ମିଗିକ, ପ୍ରାଭୁଲଃ ମେସାକାନ୍ ହରାତେ ଆପେ ରାସ୍‌କାଅଃପେ । ଆଇଙ୍ଗ ସିଦାରେ ଅଲକାଦ୍‌ତେୟାଃ, ଆତଃମିସା କାଜି ନାଗେନ୍ତେ କାଇଙ୍ଗ୍ ଲାଗାଅଃଆ, ଚିଆଃଚି ଆପେୟାଃ ବୁଗିନାଃ ନାଗେନ୍ତେ ନେଆଁଏ ଦେଙ୍ଗାପେୟା ।

୨ ଏଡ଼କାନ୍ କାମିରେ ମେନାକଆ, ଏନ୍ ସେତାକଆଃଏତେ ଆତଃ ବାସ୍ତାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଃଏତେ ଚିଗାଲକାନ୍ ତାଇନ୍‌ପେ ।

୩ ଚିଆଃଚି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଇନ୍‌କୁ ନାହାଁଲକ । ଆବୁ ପାବିତାର୍ ଆମ୍‌ରାଃ ଦେଙ୍ଗାତେ ପାର୍‌ମେଶ୍ୱାର୍‌କେ ସେଝାତାନାବୁ ଆତଃ ଖ୍ରୀଷ୍ଟୁ ଯୀଶୁଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମ୍‌ରେୟାଃ ନେପେଲ୍ ରିତିରିଝାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆବୁଆଃ ଆସ୍ତା ବାନଃଆ ।

୪ ସାର୍‌ତିଗି ଏନ୍ ସବେନାଃରେ ଆସ୍ତା ଦହ ନାଗେନ୍ତେ ଆଇଁୟାଃ ନାଙ୍ଗ୍ ବୁଗିନାଃ ହବାଅଃତେୟାଃ । ଜେତାଏ ହାସା ହଡ଼ମ୍‌ରେୟାଃ ନେପେଲ୍ ରିତିରିଝାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆସ୍ତାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ତା ମେନାଃ ।

୫ *ଆଇଁୟାଃ ଜାନାମ୍‌ରାଃ ଇରିଲ୍‌ମାହାଁରେ* ଆଇଙ୍ଗ ଖାଡ଼ନାଅୟାନାଇଙ୍ଗ, ଆଇଙ୍ଗ ଇସ୍ତାଏଲ୍‌ରେନ୍ ବେଞ୍ଜାମିନ୍ କିଲିରେଇଙ୍ଗ ଜାନାମ୍‌ୟାନା, ଆତଃ ସାର୍‌ତି ଏବୁଂ ତାନିଙ୍ଗ୍ । ଯିହୁଦୀକଆଃ ଆନ୍‌ରୁ ମାନାତିଙ୍ଗ୍‌ରେ ଆଇଙ୍ଗ ମିୟାଦ୍ ଫାରୁଶୀ ହଡ଼ତାନିଙ୍ଗ୍ ।

୬ *ଆତଃ ଆଇଁୟାଃ ଚିହୁଲ୍‌ଲେନ୍ କାଜି ମେନାଃରେଦ, ଆଇଙ୍ଗ ମିହୁଡ଼୍ କାଲିସିୟାକେ ସିଗିଦି ହଡ଼ ତାଇକେନାଇଙ୍ଗ । ଆନ୍‌ରୁ ମାନାତିଙ୍ଗ୍‌କେଦ୍ ହରାତେ ମିହୁଡ଼୍ ହଡ଼ ଧାର୍‌ମାନ୍ ହବାଦାଡ଼ିୟାଃରେଦ ଆଇଙ୍ଗ ବେଗାର୍ ଚିଗାଅଃନିଃ ତାଇକେନାଇଙ୍ଗ ।

୭ ମେନ୍‌ଦ ଅକ ସବେନାଃ ଆଇଙ୍ଗ ବୁଗିନାଃ ମେନ୍ତେ ଆର୍‌କାରେ ତାଇକେନାଇଙ୍ଗ, ଏନାକେ ନାହାଁଃ ଆଇଙ୍ଗ ଖ୍ରୀଷ୍ଟୁ ନାଗେନ୍ତେ ସାମାକାଜି ଲେକାଇଙ୍ଗ୍ ଆର୍‌କାରେତାନା ।

☆ ୩:୫ ରୋମି ୧୧:୧; ପ୍ରେରିଡ଼୍ ୨୩:୭; ୨୭:୫. * ୩:୫ ଆର୍‌ ଦିନ୍‌ରେ ☆ ୩:୭ ପ୍ରେରିଡ଼୍ ୮:୩; ୨୨:୪; ୨୭:୯-୧୧.

୮ ଏନାକ ଏସ୍କାର କାଗି, ଆଇଁୟାଃ ପ୍ରାଭୁ ଯୀଶୁ ଖ୍ରୀଷ୍ଟକେ ସାରିକିଃ ହରାତେ ଅକନ୍ ପୁରାଃ ଗନଙ୍ଗାନ୍ ସେଣ୍ଟା ନାମାକାଦାଈଙ୍ଗ, ଏନାଲଃ ଜକାଲେରେ ଏଟାଃ ସବେନାଃକେ ଆଇଙ୍ଗ ନାହ୍ନାଃ ସାମାକାଜି ଲେକାଈଙ୍ଗ ଆଟ୍ଟକାରେତାନା । ଖ୍ରୀଷ୍ଟକେ ନାମି ନାଗେନ୍ତେ ଆଇଙ୍ଗ ସବେନାଃକେ ବାଗିକାଦା,

୯ ଆତଃ ଇନିଃଲଃ ପୁରାଃତେଇଙ୍ଗ ମେସାକାନା । ଜେତା ଧାର୍ମାନ୍ ଆନ୍ତୁ ମାନାତିଙ୍ଗକେଦ୍ତେ ନାମ୍ ଦାଡ଼ିୟାଃ, ଏନ୍ ଲେକାଦ ଜେତା ଧାର୍ମାନ୍ ଆଇଁୟାଃ ବାନଃଆ । ନାହ୍ନାଃଦ ଆଇଁୟାଃ ଅକ ଧାର୍ମାନ୍ ମେନାଃ, ଏନା ଖ୍ରୀଷ୍ଟକେ ବିଶ୍ୱାସକେଦ୍ ହରାତେ ନାମାକାନା, ଏନାଦ ପାର୍ମେଶ୍ୱାର୍ତାଃଏତେ ହିଜୁଃଆ ଆତଃ ବିଶ୍ୱାସ୍ତେ ହବାଃଆ ।

୧୦ ନାହ୍ନାଃଦ, ନେଆଁଇଙ୍ଗ ସାନାଙ୍ଗତାନା, ଆଇଙ୍ଗ ଖ୍ରୀଷ୍ଟକେ ସାରିୟାଈଙ୍ଗ ଆତଃ ଆୟାଃ ଜୀଉବିନିରିଦ୍‌ରାଃ ପେଡ଼େଃକେଇଙ୍ଗ ଆଟ୍ଟକାର୍ ଦାଡ଼ିକା, ଆୟାଃ ଦୁକୁହାସୁକେ ଆଟ୍ଟକାର୍‌କେଦ୍ତେ ଗନଏଃରେୟ ଆୟାଃ ଲେକାଈଙ୍ଗ ହବାଃଆକା,

୧୧ ଆତଃ ଆଇଙ୍ଗ ଆଇଙ୍ଗତେଗି ଗନଏଃହେତେ ଜୀଉବିନିରିଦ୍‌ରାଃ ଆସ୍ତାଇଙ୍ଗ ନାମେକା ।

ନିରସେଟେରେ ଠାୟାଦ୍‌ତେ ନିରେୟାରୁ

୧୨ ଆଇଙ୍ଗ ଏନ୍ ସବେନାଃ ସିଦାରେଇଙ୍ଗ ନାମ୍ ଚାବାକାଦା ଚାଏ ଆଇଙ୍ଗ ସିଦାରେଇଙ୍ଗ ପକ୍ତାଚାବାକାନା, ମେନ୍ତେଦ କାଈଙ୍ଗ କାଜିତାନା । ମେନ୍ଦ୍ ଆଇଙ୍ଗ ନାଲା ନାମେ ନାଗେନ୍ତେଇଙ୍ଗ ନିରେତାନା, ଆତଃ ଯୀଶୁ ଖ୍ରୀଷ୍ଟ ଆଇଃକ୍‌ଗି ଆଇଙ୍ଗକେ ସିଦାରେ ଜିତାଅକାଦିୟା ।

୧୩ ହେ ହାଗା ମିଶିକ, ସାର୍‌ତିଗି, ଆଇଙ୍ଗ ନିର୍ ସେଟେରେ ଠାୟାଦ୍‌ତେ ନାହ୍ନାଃ ଜାକେଦ୍ ଆଉରିଙ୍ଗ୍ ସେଟେରା । ମେନ୍ଦ୍ ଆଇଙ୍ଗ ମିୟାଦ୍ କାମିରେଗି ମେନାଈୟା, ଦୟାସାଃରେ ବାଗିକାଦ୍ ବିଷାଏକେ ରିଡ଼ିଙ୍ଗକେଦ୍ତେ, ଅକ୍‌ନାଃ ଆୟାଃସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଈଙ୍ଗ୍ ଚେଷ୍ଟାତାନା ।

୧୪ ଏନାତେ ଯୀଶୁ ଖ୍ରୀଷ୍ଟଆଃ ଦେଙ୍ଗାତେ ସିର୍ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍ମେଶ୍ୱାର୍ ଆଇଙ୍ଗକେ କେଡ଼ାକାଦିୟା, ଏନ୍ ନାଲା ନାମ୍ ନାଗେନ୍ତେ ନିର୍ ସେଟେର୍ ଠାୟାଦ୍‌ତେ ନିରେତାନା ।

୧୫ ଆରୁଆଃ ଆଲାରେ ଅକନ୍‌କ ଆମ୍‌ରେ ପକ୍ତାକାନାକ, ଇନ୍‌କୁଆଃ ନେଲେକା ମନ୍‌ରେ ଉଡ଼ୁ ଲାଗାତିଙ୍ଗୟାଃ । ମେନ୍ଦ୍ ଜେତାଏୟାଃ ଏଟାଃ ଲେକାଗି ମନ୍‌ରେ ଉଡ଼ୁ ମେନାଃରେଦ୍, ପାର୍ମେଶ୍ୱାର୍ ଆପେକେ ସବେନ୍ କାଜି ବୁଗିଲେକାଏ ଉଦୁବାପେୟା ।

୧୬ ମେନ୍ଦ୍ ଅକନ୍ ସାନାର୍‌ତିକେ ଆରୁ ତିସିଙ୍ଗ୍ ଜାକେଦ୍ ମାନାତିଙ୍ଗ୍ ଆଉ ତାନାରୁ, ନାହ୍ନାଃ ଏନ୍ ସାନାର୍‌ତିରେଗି ଆୟାଃରେତେ ସେନାରୁ ।

୧୭ ହେ ହାଗା ମିଶିକ, ଆଇଙ୍ଗକେ ଅତଙ୍ଗ୍‌ଇଙ୍ଗପେ ଆତଃ ଆଲେ ସେସେନ୍‌ତାନ୍ ନାମୁନା ଲେକା ଅକନ୍‌କ ସେସେନ୍‌ତାନା ଇନ୍‌କୁକେ ନେଲ୍‌କୁପେ ।

୧୮ ସିଦାଏତେଗି ଆଇଙ୍ଗ ଆପେକେ ନେ କାଜି ଚିମିନ୍‌ସାଈଙ୍ଗ କାଜିକାଦ୍‌ପେୟା, ଆତଃ ନାହ୍ନାଃହଗି ମେଦ୍ ଦାଆଃ ଲିଙ୍ଗିତାନ୍‌ଲଃ ଆତଃମିସାଈଙ୍ଗ କାଜିତାନା, ପୁରାଃ ହଡ଼କ ଆକଆଃ ଆପ୍‌ନାଃ ଜୀଦାନ୍‌ରେ ଖ୍ରୀଷ୍ଟଆଃ କୁଣ୍ ଗନଏଃରେୟାଃ ବାଈରି ଚାଈଲ୍ ଚାଲାନ୍ ରିକାତାନାକ ।

୧୯ ନାରାକ୍‌ରେ ଇନ୍‌କୁଆଃ ଜୀଦାନ୍ ଜିୟନଃତେ ସେନଃତାନା । ଚିଆଃଚି ଇନ୍‌କୁଆଃ ହଡ଼ଫରାଃ ଈଛାସାନାଙ୍ଗି ଆକଆଃ ମାହାପୁରୁ ତାନିଃ, ଅକ୍‌ନାଃ ଗିହୁଗାନ୍‌ତେୟାଃ ତାନାଃ, ଏନା ନାଗେନ୍ତେ ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା । ଅତେରେୟାଃ ବିଷାଏ ନାଗେନ୍ତେ ଏସ୍କାର୍ ଇନ୍‌କୁ ଉଡ଼ୁଗୁଃକ ।

୨୦ ଏନା ଜାହାନାଃଗି ହବାଃଆକା, ଆରୁ ସିର୍ମା ଦିଶୁମ୍‌ରେନ୍‌କ ତାନ୍‌ରୁ, ସିର୍ମାଏତେ ଆରୁଆଃ ବାଞ୍ଛାଅନିଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନିଜୁଃକେ ନେଲ୍ ହରାତାନାରୁ ।

୨୧ ଅକନ୍ ପେଡ଼େଃ ହରାତେ ଇନିଃ ସବେନ୍ ବିଷାଏକେ ଆୟାଃ ଆପ୍‌ନାଃ ଆବ୍‌ରେ ଦହ ଦାଡ଼ିୟା । ଏନ୍ ପେଡ଼େଃକେ କାମିରେ ଲାଗାଅକେଦ୍‌ତେ, ଇନିଃ ଆରୁଆଃ ଗନଏଃ ହବାଃଆ ହଡ଼ଫକେ ଆୟାଃ ମାନାରାଙ୍ଗ୍ ହବାଃଆ ହଡ଼ଫ ଲେକାଏ ବାଈୟା ।

୪

ଇନିତୁଏମଃ ଆତଃ ଇନିତୁ

୧ ହେ ଦୁଲାଡ଼୍ ହାଗା ମିଶିକ, ଆପେକେ ନେନେଲ୍ ନାଗେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ । ଆପେୟାଃ ନାଗେନ୍ତେ ଆଇଁୟାଃ ଚିମିନ୍‌ଗି ରାସ୍କା ଆତଃ ଚିମିନ୍‌ଗି ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ କାଜିନ୍‌ତାନା । ହାଗା ମିଶିକ ଆଇଁୟାଃ ଇନିତୁ ଲେକାତେ ପ୍ରାଭୁତାଃରେ ତିଙ୍ଗ୍‌କେଟେଦ୍‌କେଦ୍‌ତେ ଜୀଦାନ୍ ବିତାଏପେ ।

୨ ଇୟଦିଆ ଆତଃ ସନ୍ତଖୁୀକେ ଆଇଁୟାଃ ବିକ୍ତି, ଇନ୍‌କିନ୍ ପାର୍ମେଶ୍ୱାର୍‌ଆଃ ଆୟାଃରେ ମିଶିଲେକା ମିଦ୍‌ମନ୍‌କେଦ୍‌ତେ ତାଈନଃକାକିନ୍ ।

☆ ୩:୧୭ ୧ କରିନ୍ଥୁୟ ୪:୧୨; ୧୧:୧.

୩ ହେ ଆଇଁୟାଃ ପାତିୟାର୍‌ରଃ ଲେକାନ୍ ଗାତିରେ କାମିତାନ୍‌ନିଃ । ଆମ୍‌କେୟାଗି ଆଇଁୟାଃ ବିକ୍ତି, ନେ ମିଶିକକେ ଦେଙ୍ଗାକମେ, ଚିୟାଃତି ନିକୁ କ୍ଲେମେଷ୍ ଆତଃ ଆଇଁୟାଃଲଃ ଗାତିରେ କାମିତାନ୍‌କ, ସୁକୁକାଜି ପାର୍‌ଚାର୍ କାମିରେ ଆଇଙ୍ଗକେ ପୁରାଃଗି ଦେଙ୍ଗାକାଦିୟାକ । ନେ ସବେନ୍‌କଆଃ ନୁତୁମ୍ ପାର୍‌ମେଶ୍‌ବାର୍‌ଆଃ ଜୀଦାନ୍ ପୁଅରେ ଅଲ୍‌କାନା ।

୪ ପ୍ରାଭୁଲଃ ମେସାକାନ୍ ହରାତେ ଆପେ ସବେନ୍ ଇମ୍‌ତାଙ୍ଗ ରାସ୍‌କାଅଃପେ । ଆଇଙ୍ଗ ଆତଃମିସା କାଜିପେତାନାଇଙ୍ଗ ରାସ୍‌କାଅଃପେ ।

୫ ସବେନ୍‌କଲଃ ଆପେୟାଃ ଲେବେଃମନ୍ ହବାଅଃକା । ପ୍ରାଭୁଆଃ ହିନିଜୁଃ ଦିପିଲି ନାଡ଼େଃକାନା ।

୬ ଜେତାନ୍ ବିଷାଏରେ ଆଲ୍‌ପେ ଉଡ଼ଗୁଃ, ମେନ୍‌ଦ ଆପେୟାଃ ଲାଗାତିଙ୍ଗ୍‌ତେୟାଃକ ବିକ୍ତିରେ ପାର୍‌ମେଶ୍‌ବାର୍‌କେ ଆସିପେ । ମନ୍‌ସୁରୁଦ୍‌ରେ ଧାନ୍‌ଧାବାଦ୍ ଏମ୍‌ତାନ୍‌ଲଃ ଆପେୟାଃ ବିକ୍ତି ପାର୍‌ମେଶ୍‌ବାର୍‌କେ ଉଦୁବିପେ ।

୭ ଆତଃ ମାନଝାରାଃ ଆଟ୍‌କାର୍‌ଉରୁମ୍‌ଏତେ ଚେତାନ୍, ପାର୍‌ମେଶ୍‌ବାର୍‌ଆଃ ଜୀଉସୁକୁ ଶ୍ରୀଷ୍ଟ୍ ଯୀଶୁଆଃ ମେନେସାରେ ଆପେୟାଃ ମନ୍‌ସୁରୁଦ୍‌କେ ଆତଃ ମନ୍‌କେ ବାସ୍ତାଅୟା ।

୮ ବୁଣ୍ଡୁରେ, ହେ ଆଇଁୟାଃ ହାଗା ମିଶିକ, ଅକ ସବେନ୍ ବିଷାଏକ ବୁଗିନାଃ ଆତଃ ମାଇନଃ ଲେକାନାଃ ତାନାଃ, ଅକଆଃ ସାର୍‌ତି, ମାଇନାନ୍, ଠାଉକାନ୍, ପୁରାଃ ଫାର୍‌ତି, ସୁଗାଡାନ୍, ଆତଃ ମାଇନଃତେୟାଃ, ଏନ୍ ସବେନାଃ ଆପେୟାଃ ଉଡ଼ଃରାଃ ବିଷାଏ ହବାଃଅକା ।

୯ ଆଇଁୟାଃ କାଜି ଆତଃ କାମିତେ ଅକଆଃ ଇତୁକାନାପେ ଆତଃ ନାମାକାଦାପେ, ଏନାକେ କାମିରେ ଉଦୁବେପେ । ଏନାରେ, ଜୀଉସୁକୁ ଏମଃ ପାର୍‌ମେଶ୍‌ବାର୍‌ ଆପେଲଃଃ ତାଇନାଏ ।

ବାର୍‌ଦାନ୍ ନାଗେନ୍ତେ ଧାନ୍‌ଧାବାଦ୍

୧୦ ପ୍ରାଭୁଲଃ ମେନେସାରେ ତାଇନକେଦ୍‌ତେ ଜୀଦାନ୍ ବିତାଅତାନ୍ ଇମ୍‌ତା ଆପେ ଆଇଁୟାଃ ନାଗେନ୍ତେ ପାହାମ୍‌ତାନାପେ ଏନାମେନ୍ତେ ଆଇଙ୍ଗ ପୁରାଃ ରାସ୍‌କାଅଃତାନାଇଙ୍ଗ । ସାର୍‌ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆତଃ ଉଡ଼ଃ ତାଇକେନାପେ, ମେନ୍‌ଦ ଏନା ଉଦୁବେ ନାଗେନ୍ତେ ସୁୟୋଗ୍ କାପେ ନାମେ ତାଇକେନା ।

୧୧ ଆଇଙ୍ଗ ଆପାନ୍‌କେ ଜାଞ୍ଜିଆକାନ୍ ଲେକା ଆଟ୍‌କାର୍‌କେଦ୍‌ତେ କାଇଙ୍ଗ କାଜିତାନା, ଚିଆଃତି ଆଇଙ୍ଗ ଆଇଁୟାଃତାଃରେ ଅକଆଃ ମେନାଃ ଇମ୍‌ନାଙ୍ଗ୍‌ରେଗି ରାସ୍‌କାଅଃ ନାଙ୍ଗ୍ ଇତୁକାନାଇଙ୍ଗ ।

୧୨ କାଟିକାନ୍ ହବାଃଅ ଚାଏ ଅମ୍‌ବା ହବାଃଅ, ଏନାରେ ଚିଲ୍‌କା ସାମ୍‌ନାଙ୍ଗ୍ ହବାଃଅ ଲାଗାତିଙ୍ଗ୍‌ୟାଃ ଏନାଇଙ୍ଗ ସାରିକାଦା । ଏନାତେ ଜେ'ଲେକାନ୍ ଦିପିଲିରେ, ଜେ'ଲେକାନ୍ ପାରିସ୍ଥିତିରେ, ରେଙ୍ଗେଃତାନ୍ ଇମ୍‌ତା, ବିୟାକାନ୍ ଇମ୍‌ତା, କାଟିକାନ୍ ହବାଃଅ ଚାଏ ଅମ୍‌ବା ହବାଃଅ ଆଇଙ୍ଗ ସବେନ୍ ଇମ୍‌ତା ରାସ୍‌କାରେ ମେନାଇୟା ।

୧୩ ଆଇଙ୍ଗକେ ପେଡ଼େଃ ଏମଃନିଃ ଶ୍ରୀଷ୍ଟ୍‌ଆଃ ଦେଙ୍ଗାତେ ଆଇଙ୍ଗ ସବେନାଃଇଙ୍ଗ ରିକାଦାଡ଼ିୟା ।

୧୪ ଏନ୍‌ରେୟ ଆଇଁୟାଃ ଦୁକୁତାନ୍ ଦିପିଲିରେ ଆଇଙ୍ଗକେ ଦେଙ୍ଗାକେଦ୍‌ତେ ଆପେ ପୁରାଃ ବୁଗିନ୍ କାମିପେ ରିକାକାଦା ।

୧୫ ହେ ଫିଲିପ୍ପିରେନ୍ ହାଗା ମିଶିକ, ଆଇଙ୍ଗ ସୁକୁକାଜି ପାର୍‌ଚାର୍‌ରେୟାଃ ଏନେଟେଦ୍ ଦିପିଲିରେ, ଆଇଙ୍ଗ ମାକିଦନିଆ ବାଗିକେଦାଇଙ୍ଗ ଇମ୍‌ତା ଆପେୟାଃ କାଲିସିୟା ଏସ୍‌କାର୍ ଆଇଙ୍ଗକେ ଦେଙ୍ଗାକେଦିୟା, ଆତଃ ଆପେ ଏସ୍‌କାର୍ ଆଇଁୟାଃ ଲାଗାତିଙ୍ଗ୍‌ତେୟାଃରଃ ଏମଃଦେମଃରେ ହିସାପେ ହବାକାନ୍ ତାଇକେନା । ଏନା ଆପେ ବୁଗିଲେକାପେ ସାରିକାଦା ।

୧୬ ଆଇଙ୍ଗ ଥେସଲନିକାରେ ତାଇକେନ୍ ଦିପିଲିରେ, ଆପେ ମିସାଏତେ ଆଦ୍‌କା ଆଇଁୟାଃ ଲାଗାତିଙ୍ଗ୍‌ତେୟାଃକ କୁଲ୍‌କାଦ୍ ତାଇକେନାପେ ।

୧୭ ମେନ୍‌ଦ ଆପେତାଃଏତେ ଆଇଙ୍ଗ ଦାନ୍ ଏସ୍‌କାର୍ ନାମେ ନାଗେନ୍ତେ କାଇଙ୍ଗ ସାନାଙ୍ଗ୍‌ତାନା, ମେନ୍‌ଦ ଆପେ ଜେ'ଲେକା ପୁରାଃ ଆଦ୍‌କା ନାଲାପେ ନାମେୟା, ମେନ୍ତେ ଆଇଁୟାଃ ସାନାଙ୍ଗ୍ ।

୧୮ ଆପେତାଃଏତେ ଆଇଙ୍ଗ ନାମାକାଦ୍ ସବେନ୍ ଦାନ୍ ନାଗେନ୍ତେ ଆଇଁୟାଃ ପୁରାଃଗି ହବାକାନା । ଏନା ଆଇଁୟାଃ ଲାଗାତିଙ୍ଗ୍‌ୟାଃଏତେ ଆଦ୍‌କାଗି ହବାକାନା । ଆପେ ଏପାପ୍ରାଦିଡ଼ିଆଃ ତିଃଇରେ କୁଲ୍‌କାଦ୍ ଦାନ୍, ଆଇଁୟାଃ ସବେନ୍ ଲାଗାତିଙ୍ଗ୍‌ତେୟାଃକେ ପୁରାକାଦା, ଏନା ପାର୍‌ମେଶ୍‌ବାର୍‌ଆଃ ଉଦେଶ୍‌ରେ ରାକାବାକାନ୍ ବୁଗିନ୍ ସହାନ୍ ଦାଣ୍ଡେ ଆତଃ ଆଇଃକ୍‌ ତେଲାଏ ଚାଏ ଆଇଃକ୍‌କେ ସୁକୁଆଇ ଦାଣ୍ଡେ ଲେକାନାଃ ତାନାଃ ।

୧୯ ଶ୍ରୀଷ୍ଟ୍‌ଆଃ ହରାତେ ଆଇଁୟାଃ ପାର୍‌ମେଶ୍‌ବାର୍‌ ଆୟାଃ ପୁରାଃ ମାନାରାଙ୍ଗ୍‌ତେ ଆପେୟାଃ ସବେନ୍ ଲାଗାତିଙ୍ଗ୍‌ତେୟାଃକ ଏମାପେୟାଏ ।

୨୦ ଜାନାଅ ଜାନାଅ ଆପୁ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ହବାଃଅକା । ଆମେନ୍ ।

ବୁଣ୍ଡୁ ଜୁହାର୍

୨୧ ଶ୍ରୀଷ୍ଟ୍ ଯୀଶୁଆଃ ନୁତୁମ୍‌ତେ ଏନ୍ତାଃରେ ତାଇନଃତାନ୍ ସବେନ୍ ପାର୍‌ମେଶ୍‌ବାର୍‌ଆଃ ହଡ଼କକେ ଆଇଁୟାଃ ଜହାର୍ କାଜିକତାନାଇଙ୍ଗ । ଆଇଁୟାଃଲଃ ତାଇନ୍‌ତାନ୍ ନେତାଃରେନ୍ ହାଗା ମିଶିକ ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା ।

☆ ୪:୧୭ ପ୍ରେରିଡ଼ ୧୭:୧. ☆ ୪:୧୭ ୨ କରିନ୍ଥ୍‌ୟ ୧୧:୯.

^{୨୨} ନେତାଃରେ ତାଈନ୍ତାନ୍ ପାର୍ମେଶ୍ୱାର୍ଥାଃ ହୃଦକ, ବିଶେଷ୍ଟକେଦ୍ତେ କାଈସାର୍ଥାଃ ରାଜ୍ଯାହାଲ୍ରେ ତାଈନ୍ତାନ୍ ପାର୍ମେଶ୍ୱାର୍ଥାଃ ହୃଦକ ଆପେକେ ଜହାର୍ ମେନ୍ତେକ କାଜିକୁଲ୍କାଦା ।

^{୨୩} ପ୍ରାଭୁ ଯାଶୁ ଖ୍ରୀଷ୍ଟାଃ ସାୟାଦ୍ ଆପେ ସବେନ୍କଲଃ ଆମ୍ବାରେ ହବାଅଃକା ।

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍ଆଃ ଚିଟାଉ ପାରିଟାଏ

କଲସିୟ କାଲିସିୟାତେ ଅଲ୍ଲାନାନ୍ ଚିଟାଉ ପାଉଲୁସ୍ଆଃ ହରାତେ ଅଲ୍ଲାନା, ୧:୧ । ହବାସାକାଅଆଃ ପାଉଲୁସ୍, ଯୀଶୁ ଖ୍ରୀଷ୍ଟ୍ଆଃ ଜାନାମ୍ ତାୟମ୍ ୬୦ କରେ ରୋମ୍ରେ ଜେହେଲ୍ଲାନାନ୍ ତାଇକେନ୍ ଇମ୍ତା ନେ ଚିଟାଉ ଅଲ୍ଲାନାଦାଏ । କଲସିୟ ଚିଟାଉଲ୍ଲଃ ଏଫ୍ସୁସ୍ ଆତଃ ଫିଲିପି ଚିଟାଉକେ ଜେହେଲ୍ଲରେ ଅଲ୍ଲାନାନ୍ ଚିଟାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍ ଜେହେଲ୍ଲାନାନ୍ ତାଇକେନ୍ ଇମ୍ତା ନେ ଚିଟାଉକେ ଅଲ୍ଲାନାଦ୍ ତାଇକେନା । ଇନିଃ କଲସିୟ ସାହାରରେ ତାଇକାନ୍ କାଲିସିୟାତାଃତେ ନେ ଚିଟାଉ ଅଲ୍ଲାନାଦ୍ ତାଇକେନାଏ । ପାଉଲୁସ୍ ନେ କାଲିସିୟାକେ କାଏ ଏଟେଦ୍କାଦ୍ ତାଇକେନା, ୨:୧ । ମେନ୍ଦ୍ ପୁରାଃ ହଡକ ଏନାରେ ଆୟାଃ ବାହାରମ୍ ଲାଦିକାନ୍ ତାଇକେନ୍ କାଜି ଆବ୍କାର୍କାଦାକ । ଏପାପ୍ସ୍ ନେ କାଲିସିୟା ବାଇୟାକାଦ୍ ତାଇକେନାଏ, ଏନାତେ ଇନିଃ କଲସିୟରେନ୍ ହଡ ତାଇକେନାଏ ।

ପାଉଲୁସ୍ କଲସିୟ କାଲିସିୟାରେୟାଃ ଚିମିନ୍ ହସଡ ଇନିତୁ ବିଷାଏରେ ଉଡ଼ୁ ତାଇକେନା । ଇନିଃ ନେ ବିଷାଏରେ ଚିଟାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଆଃ ମିଦ୍ ଝୁଣ୍ଟ୍ ଯିହୁଦୀ ଖ୍ରୀଷ୍ଟିୟାନ୍, ଅକନ୍କଚି ଏଟାଃ ଖ୍ରୀଷ୍ଟିୟାନ୍କକେ ମାରି ନିୟାମ୍ରେୟାଃ ଯିହୁଦୀ ଆନ୍ତୁ ଆତଃ ଖାତ୍ନାଅରେୟାଃ ରିତିରିଖାଜ୍କେ ମାନାତିଜ୍ ନାଗେନ୍ତେ ଜାବାରଜାସ୍ତି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍, ନୁତୁମ୍ରେନ୍ ଏସ୍କାର୍ ଖ୍ରୀଷ୍ଟିୟାନ୍କଆଃ ବିଷାଏରେ ଅଲ୍ଲାନାଦା, ମିହୁଡ୍ ଜେତାଏ ତାଇନଃରେୟା ଖ୍ରୀଷ୍ଟ୍ ବେଗାର୍ ପାର୍ମେଶ୍ୱାର୍ତାଃରେ କାଏ ତେଲ୍ଲଦାରମଃଆ, ୧:୧୫-୨୦ ଆତଃ ମାନଖା ହରାତେ ବାଇୟାକାନ୍ ଇନିତୁ ସାମାତାନାଃ, ୨:୮ ।

ପୁଅ୍ ଭିତାରେ ତାଇକାନ୍ କାଜି

- ୧. କଲସିୟ କାଲିସିୟାକେ ପାଉଲୁସ୍ଆଃ ଜହାର୍ । ୧:୧-୨
- ୨. ଖ୍ରୀଷ୍ଟ୍ଆଃ ମାନାରାଜ୍ ଆତଃ ହସଡ ଇତୁତାନ୍କଆଃ ବିରୁଧ୍ରେ ପାଉଲୁସ୍ଆଃ କାଜିକଟଜ୍ । ୧:୩-୩:୪
- ୩. ବୁଗିନ୍ ଖ୍ରୀଷ୍ଟିୟାନ୍ ଜୀଖାନ୍ ବିତାଅ ନାଗେନ୍ତେ ପାଉଲୁସ୍ଆଃ ଆନାତୁ । ୩:୫-୪:୬
- ୪. ପାଉଲୁସ୍ ନେ ଚିଟାଉକେ ଏଟାଃ କାଲିସିୟାରେୟା ଚିଟାଅ ନାଜ୍ କାଜିକେଦ୍ତେ ଜହାର୍ତାନ୍ଲଃ ଅଲ୍ ଚାବାକାଦାଏ । ୪:୭-୧୮

ଜହାର୍

^୧ ପାର୍ମେଶ୍ୱାର୍ତାଃ ସାନାଜ୍ ଲେକାତେ ଯୀଶୁ ଖ୍ରୀଷ୍ଟ୍ଆଃ ମିୟାଦ୍ କୁଲ୍ଲାନାନ୍ନିଃ ପାଉଲୁସ୍ ଆତଃ ଆବୁଆଃ ହାଗା ତାମଥ୍,

^୨ କଲସିୟରେ ତାଇନଃତାନ୍ ପାର୍ମେଶ୍ୱାର୍ତାଃ ପାବିତାର୍ ହଡକକେ ଆତଃ ଖ୍ରୀଷ୍ଟ୍ରେ ମେସାକାନ୍ ଆବୁଆଃ ପାତିୟାର୍ରେୟା ଲେକାନ୍ ହାଗା ମିଶିକତାଃତେ ଆଲିଜ୍ ନେ ଚିଟାଉଲିଜ୍ ଅଲେତାନା । ଆବୁଆଃ ଆପୁ ପାର୍ମେଶ୍ୱାର୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟବାଦରାଃ ବିକ୍ତି

^୩ ଆଲେ ଆପେ ନାଗେନ୍ତେ ବିକ୍ତିତାନ୍ ଇମ୍ତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ଆପୁ ପାର୍ମେଶ୍ୱାର୍କେ ସବେନ୍ ଇମ୍ତା ଧାନ୍ୟବାଦ୍ ଏମାଃଲେ ।

^୪ ଚିଆଃଚି ଆଲେ ଖ୍ରୀଷ୍ଟ୍ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍ମେଶ୍ୱାର୍ତାଃ ହଡକଆଃ ନାଗେନ୍ତେ ଆପେୟାଃ ଦୁଲ୍ଲାଡ୍ ବିଷାଏରେ ଆୟୁମାକାଦାଲେ ।

^୫ ଚିମ୍ତା ସୁକୁକାଜିରେୟାଃ ସାର୍ତିକାଜି ଆପେତାଃଏତେ ପାହିଲ୍ଲା ହିଜୁଃୟାନା, ଆପେ ଏନା ହରାତେ ଏମାକାନ୍ ଆସ୍ରାଏରେୟାଃ କାଜି ଆୟୁମାକାଦ୍ ତାଇକେନାପେ । ଆପେ ଅକ୍ନାଃ ଆସ୍ରାଏ ତାନାପେ ଏନା ଆପେ ନାଗେନ୍ତେ ସିମ୍ନାରେ ଜାତ୍ନାଅକେଦ୍ତେ ଦହାକାନା, ଏନ୍ ଆସ୍ରାରେ ଆପେୟାଃ ବିଶ୍ୱାସ୍ ଆତଃ ଦୁଲ୍ଲାଡ୍ ଠାହାରାଅକାନା ।

^୬ ଏନ୍ ସୁକୁକାଜି ଉଦୁବଃ ହରାତେ ଆପେ ପାହିଲ୍ଲା ପାର୍ମେଶ୍ୱାର୍ତାଃ ସାୟାଦ୍ ବିଷାଏପେ ଆୟୁମକେଦା ଆତଃ ଏନାରେୟାଃ ସାନାର୍ତିକେପେ ସାରିକେଦା, ଏନ୍ ସୁକୁକାଜି ନାହାଁଃ ଗଟା ଅତେଦିଶୁମ୍ରେ ନିତିରିଅଃ ତାନା ଆତଃ ଆଶିଷ୍ ଆଉଝେତାନାଏ ।

^୭ ଆଲେ ସାଃଏତେ ଖ୍ରୀଷ୍ଟ୍ଆଃ ପାତିୟାର୍ରେୟା ଲେକାନ୍ ଦାସି ଆତଃ ଆବୁଲ୍ଲଃ ମିସାତେ କାମିତାନ୍ ଆବୁଆଃ ଦୁଲ୍ଲାଡ୍ ଗାତିଦାସି ଏପାପ୍ତାତାଃଏତେ ଆପେ ପାର୍ମେଶ୍ୱାର୍ତାଃ ନେ ସାୟାଦ୍ ବିଷାଏରେ ଇତୁଆକାନାପେ ।

^୮ ପାବିତାର୍ ଆମ୍ ଆପେକେ ଏମାକାଦ୍ପେ ଦୁଲ୍ଲାଡ୍ ବିଷାଏରେ ଇନିଃ ଆବୁକେ କାଜିକାଦ୍ବୁଆ ।

☆ ୧:୭ କଲସିୟ ୪:୧୨; ଫିଲ୍ମନ୍ ୧:୨୩.

୯ ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମ୍‌କେଦ୍ ହୁଲାଙ୍‌ତାଃଏତେ ସବେନ୍ ହୁଲାଙ୍ ଆପେ ନାଗେନ୍ତେଲେ ବିକ୍ରିତାନା । ପାବିତାର୍ ଆମ୍ ନାମାକାଦ୍ ସବେନ୍ ସେଣାଁ ଆତଃ ଆଟ୍‌କାର୍‌ତରୁମ୍ ଦାଡ଼ିରେୟାଃ ପେଡ଼େଃ ହରାତେ ପାର୍‌ମେଶ୍‌ବାର୍‌ଆଃ ଇଛାସାନାଙ୍‌ରେ ଆପେକେ ବୁଦ୍ଧିତେ ପେରେଃପେକା ମେନ୍ତେ ପାର୍‌ମେଶ୍‌ବାର୍‌କେଲେ ଆସିତାନା ।

୧୦ ଏନାତେ ଆପେ ପ୍ରାଭୁଆଃ ଇଛାସାନାଙ୍ ଲେକାତେ ଜୀଦାନ୍ ବିତାଅ ଦାଡ଼ିୟାପେ ଆତଃ ଆଇଃକ୍‌କେ ସୁକୁଆଇ ଲେକା କାମି ରିକା ଦାଡ଼ିୟାପେ । ଆପେ ଜୀଦାନ୍‌ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡ଼ିୟାପେ ଆତଃ ଆପେ ପାର୍‌ମେଶ୍‌ବାର୍‌ଆଃ ସେଣାଁରେ ହାରା ଇଦିୟାଆପେ ।

୧୧ ଧୁରାଜ୍‌ରେ ଆପେ ଜେ'ଲେକା ସବେନ୍ ବିଷାଏ ସାହାଡ଼ିଙ୍ ଦାଡ଼ିୟାପେ, ଏନାମେନ୍ତେ ଆୟାଃ ମାନାରାଙ୍‌ରେୟାଃ ପେଡ଼େଃତେ ପେଡ଼େୟାନ୍ ହବାଅଃପେ ।

୧୨ ଆପୁ ପାର୍‌ମେଶ୍‌ବାର୍ ମାର୍‌ସାଲ ରାଇଜ୍‌ରେ ଆୟାଃ ପାବିତାର୍ ହଡ଼କ ନାଗେନ୍ତେ ଅକ୍‌ନାଃ ବୁଗିନ୍‌ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦ୍‌ପେୟା, ଏନାମେନ୍ତେ ରାସ୍‌କାତେ ଇନିଃକେ ଧାନ୍ୟାବାଦ୍ ଏମାଇପେ ।

୧୩ ଇନିଃ ନୁବାଃରାଃ ପେଡ଼େଃହେତେ ଆବୁକେ ବାସ୍ତାଅକାଦ୍‌ବୁଆ ଆତଃ ବେଗାର୍ ବିପାଦ୍‌ରେ ଆବୁକେ ଆୟାଃ ଦୁଲାଡ଼୍ ହନ୍‌ଆଃ ରାଇଜ୍‌ତେ ଆଉଝାକାଦ୍‌ବୁଆ ।

୧୪ ☆ଏନ୍ ହନ୍‌ଆଃ ହରାତେ ଆବୁ ରାଡ଼ାକାନାବୁ, ଚାଏ ଆବୁଆଃ ପାପ୍ ଛାମା ହବାକାନା ।

ଖ୍ରୀଷ୍ଟ୍ ଆତଃ ଇନିୟାଃ କାମି

୧୫ ନେଲଃତାନ୍ ଖ୍ରୀଷ୍ଟ୍ କା ନେଲଃତାନ୍ ପାର୍‌ମେଶ୍‌ବାର୍ ଲେକାନ୍‌ନିଃ ତାନିଃ । ଇନିଃ ସବେନ୍ ବାଇୟାକାନ୍‌ତେୟାଃରାଃ ମାରାଙ୍ ଉତାର୍‌ନିଃ ଆତଃ ମୁଡ଼କୁଲ୍ ହନ୍ ତାନିଃ ।

୧୬ ଚିଆଃଚି ଇନିଃ ହରାତେ ପାର୍‌ମେଶ୍‌ବାର୍ ସିର୍ମାରେ ଆତଃ ଅତେରେ, ସବେନ୍ ନେଲଃତାନ୍ ଆତଃ କା ନେଲଃତାନ୍‌ତେୟାଃ, ରାଜ୍‌ଗାଦିରେ ଦୁବାକାନ୍‌କ, ପେଡ଼େଃକ, ରାଇଜେତାନ୍‌କ, ଆକ୍‌ତେୟାର୍‌କାଦ୍‌କ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା ।

୧୭ ସବେନାଃ ବାଇୟାନ୍ ସିଦାରେ ଖ୍ରୀଷ୍ଟ୍ ତାଇକେନାଏ ଆତଃ ଆୟାଃଲଃ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍‌ରେ ତାଇନ୍‌ୟାନା ।

୧୮ ☆ଇନିଃ ଗନଏଃ ହଡ଼ଏତେ ଜୀଉବିରିଦାକାନ୍ ମୁଡ଼କୁଲ୍ ହନ୍ ତାନିଃ ଆତଃ ଆୟାଃ ସେଝାତାନ୍‌କଆଃ କାଲିସିୟାରାଃ ମାରାଙ୍ ଉତାର୍‌ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ ।

୧୯ ଚିଆଃଚି ପାର୍‌ମେଶ୍‌ବାର୍ ଆୟାଃ ସୁକୁଲେକାତେ ହନ୍ ଆଇଃକ୍‌ଗି ପାର୍‌ମେଶ୍‌ବାର୍‌ଆଃ ପୁରା ସଭାବ୍ ସାବାକାଦାଏ ।

୨୦ ☆ହନ୍‌ଆଃ ହରାତେ ପାର୍‌ମେଶ୍‌ବାର୍ ସବେନ୍ ଅତେଦିଶୁମ୍‌କେ ଆଉ ରୁହାଡ଼୍ ନାଗେନ୍ତେ ଉହାଟ୍‌କେଦା । କୁଗ୍‌ରେ ଆୟାଃ ହନ୍‌ଆଃ ଦାଣେଁ ମାୟେମ୍ ହରାତେ ପାର୍‌ମେଶ୍‌ବାର୍ ଜୀଉସୁକୁଇ ବାଇକେଦା, ଏନାତେ ଅତେ ଆତଃ ସିର୍ମାରେ ତାଇକାନ୍ ସବେନ୍ ବିଷାଏକେ ଆପାନ୍‌ତାଃତେ ଆଉରୁହାଡ଼୍‌କାଦା ।

୨୧ ସିଦାଦ୍, ଆପେ ମନ୍‌ରେ ଏଡ଼କାନ୍ ଉଡ଼ୁଆତଃ ଏଡ଼କାନ୍ କାମିକ ରିକାତାନ୍ ହରାତେ ଆପେ ପାର୍‌ମେଶ୍‌ବାର୍‌ତାଃଏତେ ସାଙ୍ଗିନ୍‌ରେ ତାଇକେନାପେ ଆତଃ ଆୟାଃ ବାଇରିକ ତାଇକେନାପେ ।

୨୨ ମେନ୍‌ଦ ନାହାଁଃ ପାର୍‌ମେଶ୍‌ବାର୍ ଆପେକେ ପାବିତାର୍, ଫାର୍‌ଚି, ଆତଃ ବେଗାର୍ ଚିଟାକାନ୍ ଲେକା ଆୟାଃ ହେପାଦ୍‌ତେ ଆଉପେ ନାଙ୍ ଆୟାଃ ହନ୍‌ରାଃ ହଡ଼ମ ଗନଏଃ ହରାତେ ଆପେକେ ଆୟାଃଲଃ ଆତଃମିସାଏ ମେସାକାଦ୍‌ପେୟା ।

୨୩ ଆପେ ଆପେୟାଃ ବିଶ୍ୱାସ୍‌ରେୟାଃ କେଟେଦ୍ ନିହିଁ ଗାତାରେ ତିଙ୍ଗୁକେଟେଦ୍‌କେଦ୍‌ତେ ତାଇନ୍‌କାନ୍‌ପେ ଆତଃ ସୁକୁକାଜି ଆୟୁମେ ଇମ୍‌ତା ଅକ ଆସ୍ତାପେ ନାମାକାଦା, ଏନାଏତେ ଆପେ ନେତେହାନ୍ତେଅଃ ଲେକା ଆଲପେ ହବାଅଃଆ । ଏନ୍ ସୁକୁକାଜିଗି ଅତେଦିଶୁମ୍‌ରେନ୍ ସବେନ୍‌କତାଃରେ ଉଦୁବଃତାନା ଆତଃ ଆଇଙ୍, ପାଉଲୁସ୍ ଏନାରେନ୍ ମିଆଁଦ୍ ପାଡ଼ିୟାର୍‌ରଃ ଲେକାନ୍ ଦାସି ହବାୟାନାଇଙ୍ ।

କାଲିସିୟାରେ ପାଉଲୁସ୍‌ଆଃ କାମି

୨୪ ନାହାଁଃଦ ଆପେ ନାଗେନ୍ତେ ଆଇଙ୍ ଅକ ଦୁକୁ ନାମେତାନାଇଙ୍, ଏନାମେନ୍ତେଇଙ୍ ରାସ୍‌କାଅଃତାନା । ଚିଆଃଚି ଆଇଁୟାଃ ହଡ଼ମରେୟାଃ ଦୁକୁ ହରାତେ ଆଇଙ୍ ଖ୍ରୀଷ୍ଟ୍‌ଆଃ ହଡ଼ମ ଲେକାନ୍ କାଲିସିୟା ସାଃଏତେ ଖ୍ରୀଷ୍ଟ୍‌ଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଙ୍ ଦେଙ୍‌ଏତାନା ।

୨୫ ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଙ୍ ପାର୍‌ମେଶ୍‌ବାର୍‌ଆଃ ହରାତେ କାଲିସିୟାରାଃ ମିଆଁଦ୍ ସୁସାର୍‌ତାନ୍‌ନିଃ ଲେକାଇଙ୍ ସାଲାକାନା । ନେ ସୁକୁକାଜିକେ ପୁରାଗି ପ୍ରାଚାର୍ ନାଗେନ୍ତେଇଙ୍ କାମିତାନା ।

୨୬ ଏନ୍ ସୁକୁକାଜିକେ ପାର୍‌ମେଶ୍‌ବାର୍ ନାକ୍ ପାରିୟାହେତେ ସବେନ୍‌କତାଃଏତେ ଉକୁକେଦ୍‌ତେ ଦହକାଦ୍ ତାଇକେନା, ମେନ୍‌ଦ ନାହାଁଃ ଆୟାଃ ପାବିତାର୍ ହଡ଼କତାଃରେ ଉଦୁବାକାଦା ।

☆ ୧:୧୪ ଏଡ଼ିସିୟ ୧:୭. ☆ ୧:୧୮ ଏଡ଼ିସିୟ ୧:୨୨,୨୩. ☆ ୧:୨୦ ଏଡ଼ିସିୟ ୨:୧୭.

୨୭ ଚିଆଃଟି ଆୟାଃ ହତକକେ ଏନ୍ ଉକୁଆକାନ୍ତେୟାଃ ଉଦୁବକ ନାଗେନ୍ତେ ପାର୍ମେଶ୍ଵାର୍ ଉହାବ୍‌କେଦାଏ, ଆୟାଃ ନେ ପୁରାଃ ଗନଙ୍ଗାଆଁନ୍ ଆତଃ ମାନାରାଙ୍ଗ୍‌ତେୟାଃ ସବେନ୍ ହତକ ନାଗେନ୍ତେ ତାନାଃ । ଏନ୍ ଉକୁଆକାନ୍ତେୟାଃ ହବାଅଃତାନା, ଖ୍ରୀଷ୍ଟ୍ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍ମେଶ୍ଵାର୍‌ଆଃ ମାନାରାଙ୍ଗ୍‌ରେୟାଃ ଆସ୍ତାରେନ୍ ହିସାତାନ୍‌ପେ ।

୨୮ ଏନାମେନ୍ତେ ଆରୁ ସବେନ୍‌କତାଃରେ ଖ୍ରୀଷ୍ଟ୍‌ଆଃ ବିଷାଏରେ ଉଦୁବେତାନାରୁ । ମିମିୟାଦ୍ ସବେନ୍‌କକେ ଖ୍ରୀଷ୍ଟ୍‌ଲଃ ମେସାକେଦ୍‌ତେ ମିଆଁଦ୍ ପକ୍ତା ହତ୍ ଲେକା ପାର୍ମେଶ୍ଵାର୍‌ଆଃ ଆୟାଃରେ ତିଙ୍ଗୁକ ନାଗେନ୍ତେ ଆରୁଆଃ ସବେନ୍ ଲେକାନ୍ ସେଣ୍ଡାତେ, ସବେନ୍‌କକେ ଚିରଗାଲ୍ ଆତଃ ଇତୁକତାନାରୁ ।

୨୯ ନେଆଁକେ ପୁରାଏ ନାଗେନ୍ତେ ଆଇଙ୍ଗ୍‌ତାଃରେ କାମିକାତେୟାଃତାନ୍ ଖ୍ରୀଷ୍ଟ୍ ଆଇଙ୍ଗ୍‌କେ ଏମାକାଦିଙ୍ଗ୍ ମାରାଙ୍ଗ୍ ପେଡ଼େଃତେ ଆଇଙ୍ଗ୍ ପୁରାଃ କେଟେଦ୍ କାମିତେଇଙ୍ଗ୍ ଲାଗାତାରକାନା ।

୨

୧ ଆପେ ନାଗେନ୍ତେ, ଲାଉଦିକିଆରେ ତାଇନ୍‌ତାନ୍ ହତକ ଆତଃ ଆଇଙ୍ଗ୍‌କେ ବୁଗିଲେକାତେ କା ସାରିୟାକାଦ୍ ସବେନ୍ ହତକ ନାଗେନ୍ତେ ଆଇଙ୍ଗ୍ ଚିମିନ୍ କେଟେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ।

୨ ଇନ୍‌କୁ ସବେନ୍‌କ ଚିଲକା ଜୀଉରେ ରାସ୍‌କାଅଃଆକ, ମିହୁଡ୍ ଆତଃମିହୁଡ୍‌ଲଃ ଦୁଲାଡ୍‌ରେ ତାଇନାକ ଆତଃ ସାର୍‌ତି ସେଣ୍ଡା ନାମକେଦ୍‌ତେ ଆସ୍ତାଏ ଲେକାନ୍ ଖୁଜ୍ ରେୟାଃ ପୁରା ଆକ୍‌ତେୟାର୍‌କ ନାମେକା ମେନ୍ତେଇଙ୍ଗ୍ ସାନାଙ୍ଗ୍‌ତାନା । ନେଆଁ ହରାତେ ଇନ୍‌କୁ ସବେନ୍‌କ ସାରିୟାକ ଯେ, ଯୀଶୁ ଖ୍ରୀଷ୍ଟ୍‌ଗି ପାର୍ମେଶ୍ଵାର୍‌ଆଃ ଏନ୍ ଉକୁଆକାନ୍‌ନିଃ ତାନିଃ ।

୩ ଯୀଶୁ ଖ୍ରୀଷ୍ଟ୍ ହବାଅଃତାନାଏ ଏନ୍ ଚାଡିକ୍ଷି, ଅକ୍‌ନାଃଟି ପାର୍ମେଶ୍ଵାର୍‌ଆଃ ସେଣ୍ଡା ଆତଃ ବୁଦ୍ଧି ଲେକାନ୍ ସବେନ୍ ଦାନାଙ୍ଗ୍‌ଆଁକାନ୍ ଖୁଜ୍ ରେୟାଃ ଭାଣ୍ଡାର୍ ନିଜଃଆ ।

୪ ଜେତାଏ ଆପେକେ ଏଡ୍‌କାନ୍ କାପ୍‌ଜିତେ ଆଲକାଏ ବେଦାପେକା, ଏନାମେନ୍ତେଇଙ୍ଗ୍ କାଜିପେତାନା ।

୫ ଚିଆଃଟି ଆଇଙ୍ଗ୍ ହତ୍‌ମଲେକାତେ କାଇଙ୍ଗ୍ ତାଇନଃରେୟ, ଆମ୍‌ଲେକାତେ ଆପେଲଃ ମେନାଇୟା । ଆଇଙ୍ଗ୍ ଆପେୟାଃ ବୁଗିନ୍ ଜୀଦାନ୍ ଆତଃ ଖ୍ରୀଷ୍ଟ୍ ଚେତାନ୍‌ରେ ପୁରାଃ ବିଶ୍ଵାସ୍ ନେଲ୍‌କେଦ୍‌ତେ ରାସ୍‌କାଅଃ ତାନାଇଙ୍ଗ୍ ।

ୟୀଶୁ ଖ୍ରୀଷ୍ଟ୍‌ତାଃରେ ପୁରା ତାଇନ୍‌ପେ

୬ ଆପେ ଖ୍ରୀଷ୍ଟ୍ ଯୀଶୁକେ ପ୍ରାଭୁ ମେନ୍ତେପେ ବିଶ୍ଵାସ୍‌କିଃ ହୁଲାଙ୍ଗ୍‌ତାଃଏତେ, ଆୟାଃଲଃ ମେସାକେଦ୍‌ତେ ଜୀଦାନ୍ ବିତାଏପେ ।

୭ ଆପେୟାଃ ନିହ୍‌ଗାତା ଆୟାଃ ଚେତାନ୍‌ରେ କେଟେୟାନ୍‌ଗି ବାଇକେଦ୍‌ତେ ଜୀଦାନ୍ ବାଇୟେପେ ଆତଃ ଆପେ ନାମାକାଦ୍ ଇନିତୁ ଲେକାତେ ବିଶ୍ଵାସ୍‌ରେ ପୁରାଃ କେଟେଜଃପେ । ଆପେୟାଃ ମନ୍‌ସୁରୁଦ୍ ଧାନ୍ୟାବାଦ୍‌ତେ ପେରେଜଃକା ।

୮ ଚିଗାଲ୍‌କାନ୍‌ପେ, ଜେତାଏ ଆପେକେ ହତ୍‌ରାଃ ହସତ୍ ସାମାକାଜିରେୟାଃ ସେଣ୍ଡାତେ, ଆୟାଃ ଆକ୍‌ତେୟାର୍‌ରେ ଆଲକାଏ ଦହପେକା । ଏନ୍ ସବେନ୍ ସେଣ୍ଡା ଖ୍ରୀଷ୍ଟ୍‌ଆଃ ଇନିତୁହେତେ କା ହିଜୁଃଆ । ମେନ୍‌ଦ ଏନା ହତ୍‌କଆଃ ସାମାଜ୍‌ରେୟାଃ ରିଡିରିଝାଜ୍‌ରାଃ ଇନିତୁ ଆତଃ ଅତେଦିଶୁମ୍‌ରେ ରାଇଜ୍‌ତାନ୍ ପେଡ଼େଃରେୟାଃ ଏଡ୍‌କାନ୍ ଏନେଟେଦ୍ ଇନିତୁହେତେ ହିଜୁଃଆ ।

୯ ଚିଆଃଟି ଖ୍ରୀଷ୍ଟ୍‌ଆଃ ମାନଝା ରୁପ୍‌ରେ, ପାର୍ମେଶ୍ଵାର୍‌ଆଃ ପୁରା ସଭାବ୍ ତାଇନଃତାନା ।

୧୦ ଆତଃ ଆୟାଃଲଃ ମେସାୟାନ୍ ହରାତେ ଆପେ ପୁରା ଜୀଦାନ୍‌ପେ ନାମାକାଦା । ଏଗାଃ ସବେନ୍ ପେଡ଼େଃ ଆତଃ ଆକ୍‌ତେୟାର୍ ଚେତାନ୍‌ରେ ଖ୍ରୀଷ୍ଟ୍‌ଆଃ ରାଇଜ୍‌ଗି ସାଲାଇଁ ଉତାର୍ ତାନାଃ ।

୧୧ ଖ୍ରୀଷ୍ଟ୍‌ଲଃ ମେସାକାନ୍ ଜୀଦାନ୍‌ଗି ଆପେୟାଃ ଖାଡ୍‌ନାଅ ଲେକାନାଃ ତାନାଃ । ନେ ଖାଡ୍‌ନାଅ ମାନଝା ବାଇତେୟାଃ ନାହାଁଲାଃ, ଏନା ଖ୍ରୀଷ୍ଟ୍ ହରାତେ ହବାକାନା । ଏନା ମାନଝାକେ ପାପ୍‌ତେ ପେରେଜାକାନ୍ ହତ୍‌ମରାଃ ତନଲ୍‌ହେତେ ରାଡ୍‌ଇୟା ।

୧୨ ଚିଆଃଟି ବାପ୍ତିସ୍ମା ଇଦି ହରାତେ ଆପେ ଖ୍ରୀଷ୍ଟ୍‌ଲଃ କାବାର୍‌ରେ ତପାକାନ୍ ତାଇକେନାପେ ଆତଃ ଯୀଶୁ ଖ୍ରୀଷ୍ଟ୍‌କେ ଜୀଉବିରିଦାକାଇ ପାର୍ମେଶ୍ଵାର୍‌ଆଃ କାମିୟାଃତାନ୍ ପେଡ଼େଃରେ ବିଶ୍ଵାସ୍‌କେଦ୍ ହରାତେ ଖ୍ରୀଷ୍ଟ୍‌ଲଃ ଆପେୟାଃ ଜୀଉ ବିରିଦ୍‌କାନାପେ ।

୧୩ ଆପେୟାଃ ପାପ୍ ହରାତେ ଆତଃ ଆପେ ସାଅଁସାର୍ ହତ୍‌କଆଃ ଆନ୍‌ରୁ କା ତାଇକେନ୍ ହରାତେ ମିସା ଆପେ ଆମ୍‌କ୍ ଜୀଦାନ୍‌ରେ ଗଏଃକାନ୍ ତାଇକେନାପେ, ମେନ୍‌ଦ ପାର୍ମେଶ୍ଵାର୍ ନାହାଁଃ ଖ୍ରୀଷ୍ଟ୍‌ଲଃ ଆପେକେ ଜୀଦାନ୍ ଏମାକାଦ୍‌ପେୟାଏ । ପାର୍ମେଶ୍ଵାର୍ ଆରୁଆଃ ସବେନ୍ ପାପ୍‌କଏ ଛାମାକାଦା ।

୧୪ ଆନ୍‌ରୁକ କା ମାନାଡିଙ୍ଗ୍ ହରାତେ ଆରୁଆଃ ବିରୁଧ୍‌ରେ ଅଲକାନ୍ ଅନଲ୍‌ଚିଠାକେ ପାର୍ମେଶ୍ଵାର୍ ସାମାତାନାଃ ମେନ୍ତେ ଉଦୁବ୍‌କେଦା, ଆତଃ ଆରୁକେ ଛାମାକେଦ୍‌ରୁଆ । ଆରୁଆଃ ବିରୁଧ୍‌ରେ ତାଇକାନ୍ ଅନଲ୍‌ଚିଠାକେ ପାର୍ମେଶ୍ଵାର୍ ଇଦିକେଦାଏ ଆତଃ କୁଣ୍ ଚେତାନ୍‌ରେ କିଲାକେଦା ।

☆ ୨:୧୭ ରୋମି ୬:୪. ☆ ୨:୧୩ ଏପିସିୟ ୨:୧-୫. ☆ ୨:୧୪ ଏପିସିୟ ୨:୧୫.

୧୫ ଆତ୍ମା ଏବଂ କ୍ରୀଷ୍ଟ ଚେତାନ୍ତରେ ଖ୍ରୀଷ୍ଟ ସବେନ୍ ଲେକାନ୍ ଆମ୍ଭରେୟାଃ ପେଡ଼େଃ ଆତ୍ମା ଆକ୍ତେୟାର୍‌ହେତେ ଆପାନ୍‌କେ ରାଡ଼ାକେଦ୍‌ତେ ଆତ୍ମା ଇନ୍‌କୁକେ ତଲ୍‌କେଦ୍‌ତେ ଆଇଃକ୍‌ଟି ଜିତାଅୟାନା । ପାର୍‌ମେଶ୍ୱାର୍‌ ସାଂସାର୍‌ରେନ୍ ହଡ଼କକେ ଉଦୁବାଦ୍‌କଆ ଯେ, ଇନ୍‌କୁ କା ପେଡ଼େୟାନ୍‌କ ତାନ୍‌କ ।

୧୬ ଏନାତେ ଜେତାଏ ଆପେକେ ଜମ୍, ନୁଁ, ପାବିତାର୍ ବିଷାଏରେ, ଆମାସ୍ ପାରାବ୍, ଆତ୍ମା ରୁଡ଼ନ୍ ହୁଲାଙ୍ ବିଷାଏରେ ଆଲକାଏ ବିଚାର୍‌ପେକା ।

୧୭ ଏନ୍ ସବେନାଃ ହିଜୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍‌ଲୁ ଲେକାନାଃ ତାନାଃ । ନେ ସବେନାଃରେୟାଃ ସାର୍‌ତିତେୟାଃ ଖ୍ରୀଷ୍ଟି ତାନିଃ ।

୧୮ ଚିମିନ୍ ହଡ଼କ ଆପାନ୍‌କେ ଲେବେଃୟାନ୍ ମେନ୍‌କେ କାଜିନା, ଦୁଁଡ଼କକେ ସେଞ୍ଜା ରିକାଃକ, ଇନ୍‌କୁ ସବେନ୍ ଇମ୍‌ତା ଦାର୍‌ଶାନ୍ ନେଲକାଦ୍ ବିଷାଏରେ ଜାଗାରାଃକ । ଆପେ ନେ'ଲେକାନ୍ ହଡ଼କକେ, ଦାର୍‌ଶାନ୍ କାପେ ନେଲ୍‌ତାନା, ଦୁଁଡ଼କକେ କାପେ ସେଞ୍ଜାତାନା, ଏନାମେନ୍‌କେ ଆପେ ବୁଗିନ୍ ହଡ଼ ନାହାଁଲାପେ ମେନ୍‌କେ କାଜିନାଙ୍, ସୁୟୋଗ୍ ଆଲପେ ଏମାକଆ । ଇନ୍‌କୁ ହଡ଼କଆ ବିଚାର୍‌ରେ ଏସ୍‌କାର୍ ତାଇନ୍ ହରାତେ ଆତ୍ମା ପାର୍‌ମେଶ୍ୱାର୍‌ଆଃ କାଜି କା ବିଚାର୍‌ତାନ୍ ହରାତେ ସାମାରେ ଆପାନ୍‌କେ ମାରାଙ୍ ମେନ୍‌କେ କାଜିନତାନା ।

୧୯ ଏମେନ୍‌ଦ ଇନ୍‌କୁ ହଡ଼ମ୍‌ରେୟାଃ ବହଃ ଲେକାନ୍ ଖ୍ରୀଷ୍ଟାଃଏତେ ବିନ୍‌ଗାଅକାନାକ । ଖ୍ରୀଷ୍ଟାଃ ଆକ୍ତେୟାର୍‌ରେ ଗଟା ହଡ଼ମ୍‌ରେୟାଃ ଜଡେନ୍ ଆତ୍ମା ସିହିର୍‌କ ମିଦ୍‌ରେ ଜଡ଼ାଇକାନା ଆତ୍ମା ହଡ଼ମ୍ ପାର୍‌ମେଶ୍ୱାର୍‌ଆଃ ମନେ ଲେକାତେ ହାରାଇଦିୟାଆ ।

ଖ୍ରୀଷ୍ଟଲଃ ଗନଏଃ ଆତ୍ମା ଜାନିଦ୍

୨୦ ଆପେ ଖ୍ରୀଷ୍ଟଲଃ ଅତେଦିଶୁମ୍‌ରେୟାଃ ଏନେଟେଦ୍ ଇନିତୁ ନାଙ୍ ଗଜାକାନାପେ ଆତ୍ମା ନେ ଅତେଦିଶୁମ୍‌ରେ ରାଇଜେତାନ୍ ଏଡକାନ୍ ପେଡ଼େଃହେତେ ରାଡ଼ାକାନାପେ । ତାବ୍‌ଦ ଚିନାଃମେନ୍‌କେ ନେ ଅତେଦିଶୁମ୍‌ରେନ୍ ହଡ଼କ ଲେକା ଜୀଦାନ୍‌ପେ ବିତାଅତାନା ? ଚିନାଃମେନ୍‌କେ ନେ ଲେକାନ୍ ନିୟାମ୍‌ପେ ମାନାତିଙ୍ ତାନା ?

୨୧ ଅକ୍‌ନାଃଟି, “ନେଆଁ ଆଲପେ ସାବେଆ, ଏନା ଆଲପେ ଜମେୟାଁ, ଏନା ଆଲପେ ଜୁଟିଦେ,”

୨୨ ନେ ସବେନାଃ କାଟିଃ ଦିପିଲି ନାଙ୍ ତାନାଃ । ନେଆଁ ବାଉରାଅତାନ୍‌ଲଃଗି ସାମାକାଜି ଲେକା ହବାଅଆ । ନେ ସବେନାଃ ହଡ଼ତେ ବାଇୟାକାନ୍ ନିୟାମ୍ ଆତ୍ମା ଇନିତୁ ତାନାଃ ।

୨୩ ଇନ୍‌କୁଆଃ ଦୁଁଡ଼କଆ ସେଞ୍ଜା, ହଡ଼କଆ ବେଦା ଲେବେଃୟାନ୍ ଆତ୍ମା ଆକଆଃ ହଡ଼ମ୍‌କେ ଦୁକୁହାସୁ ଏମେତେୟାଃ ତାନାଃ । ନେ'ଲେକାନ୍ ନିୟାମ୍‌କ ସେଣ୍‌ନ୍ ଲେକା ଆଟ୍‌କାରଃ ତାନା, ମେନ୍‌ଦ ନେ ନିୟାମ୍‌କ ଆପ୍‌ନାଃ ଇଛାସାନାଙ୍ ଲେକା ସେଞ୍ଜାତାନ୍‌ତେୟାଃ ତାନାଃ । ନେଆଁ ଇନ୍‌କୁକେ ଆକଆଃ ପାପ୍ ଉଡ଼ୁ ଆତ୍ମା ଏଡକାନ୍ କାମିହେତେ ସାଜିନ୍‌ରେ ତାଇନଃ ନାଙ୍ କାଏ ଦେଙ୍‌କଆଃ ।

୩

୧ ଆପେ ଖ୍ରୀଷ୍ଟଲଃ ଗନଏଃହେତେ ଜୀଉ ବିରିଦାକାନାପେ । ଏନାତେ ସିର୍‌ମାରେୟାଃ ବିଷାଏକ ନାମେ ନାଗେନ୍‌କେ ମନ୍ ଏମେପେ, ଚିଆଃଟି ଖ୍ରୀଷ୍ଟ ସିର୍‌ମାରେ ଆୟାଃ ରାଜ୍‌ଗାଦିରେ ପାର୍‌ମେଶ୍ୱାର୍‌ଆଃ ଜମ୍‌ସାଃରେ ଦୁବାକାନା ।

୨ ଅତେଦିଶୁମ୍‌ରେୟାଃ ବିଷାଏରେ ମନ୍ କା ଏମ୍‌କେଦ୍‌ତେ ସିର୍‌ମାରେୟାଃ ବିଷାଏରେ ମନ୍ ଏମେପେ ଆତ୍ମା ଉଡ଼ୁ ରିକାଏପେ ।

୩ ଚିଆଃଟି ଆପେ ଗଏଃକାନାପେ ଆତ୍ମା ଆପେୟାଃ ଜୀଦାନ୍ ପାର୍‌ମେଶ୍ୱାର୍‌ତାଃରେ ଖ୍ରୀଷ୍ଟଲଃ ଉକୁଆକାନା ।

୪ ଖ୍ରୀଷ୍ଟି ଆପେୟାଃ ସାର୍‌ତି ଜୀଦାନ୍ ତାନିଃ ଆତ୍ମା ଇନିଃ ଚିମ୍‌ତାଏ ଉଦୁବେନା ଇମ୍‌ତା ଆପେୟାଗି ଆୟାଃ ମାନାରାଙ୍‌ରେୟାଃ ହିସା ହବାକେଦ୍‌ତେ ଉଦୁବଃଆପେ ।

ମାରି ଆତ୍ମା ନାଞ୍ଜା ଜୀଦାନ୍

୫ ଏନା ନାଗେନ୍‌କେ ଆପେ ନେ ଅତେରେ ଆପାଙ୍‌ଗିର୍ କାମି, ସଡ଼ରା, ଏଡକାନ୍ ସାନାଙ୍, ଗିହୁଗାନ୍ ସାନାଙ୍, ଆତ୍ମା ଖୁଜ୍ କରେୟାଃ ହାୟାକ ବାଗିପେ । ଖୁଜ୍ କରାଃ ହାୟା ହବାଅଃତାନା ମୁରୁଡ୍ ସେଞ୍ଜା ।

୬ ଚିଆଃଟି ନେ ସବେନାଃରେ ତାଇନ୍‌କେଦ୍‌ତେ ଅକନ୍‌କ ପାର୍‌ମେଶ୍ୱାର୍‌କେ କାକ ମାନାତିୟାଃ, ଇନ୍‌କୁଆଃ ଚେତାନ୍‌ରେ ପାର୍‌ମେଶ୍ୱାର୍‌ଆଃ ଖ୍‌ସ୍ ହିଜୁଃଆ ।

୭ ମିସା ଆପେ ନେ'ଲେକାନ୍ ଏଡକାନ୍ ସାନାଙ୍‌ରେ ଜୀଦାନ୍ ବିତାଅ ତାଇକେନାପେ ।

୮ ମେନ୍‌ଦ ନାହାଁଃ ଆପେକେ ନେ'ଲେକାନ୍ ଖ୍‌ସ୍, ହିସିଙ୍ଗା, ନିୟା କାଜିକ ବାଗି ଲାଗାତିଙ୍‌ୟାଃ । ଆପେ ଏଟାଃକକେ ଲାୟାକ ଲେକାନ୍ କାଜିକ, ଆତ୍ମା ଗିହୁଗଃ କାଜିକ ଆଲପେ ଜାଗାରେୟା ।

୯ ଏଆପେ ଆପେରେ ବେଦା କାଜି ଆଲପେ କାଜିୟା, ଚିଆଃଟି ଆପେ ମାରି ସଭାବ୍ ଚାଏ ଚାଇଲ୍ ଚାଲାନ୍ ବାଗିକାଦାପେ,

☆ ୨:୧୬ ରୋମି ୧୪:୧-୬. ☆ ୨:୧୯ ଏପିସିୟ ୪:୧୭. ☆ ୩:୯ ଏପିସିୟ ୪:୨୨.

୧୦ ✨ଆତ୍ମ ନାମ୍ନା ସଭାବ୍ ଚାଏ ଚାଲିଲ୍ ଚାଲାନ ସାବାକାଦାପେ । ଆପେୟାଃ ନେ ନାମ୍ନା ଜୀଦାନ ହରାତେ ଆପେ ଅତେଦିଶ୍ୱମ୍ ବାବାଇନିଃ ଲେକାପେ ହବାକାନା, ଆତ୍ମ ଆପେ ପାର୍ମେଶ୍ୱାର୍ ଆଃ ବିଷାଏରେୟାଃ ସାର୍ତି ସେଣ୍ଡାପେ ନାମ୍ନାଦିତାନା ।

୧୧ ଏନାତେ ଯିହୁଦୀ ଆତ୍ମ ସାଅଁସାର୍ ହଡକ ଆଲୀରେ ଜେତାନ୍ ଭେଦ୍ଭାବ୍ ବାନଃଆ, ଖାଡ୍ନାଅ ଚାଏ କା ଖାଡ୍ନାଅ, ଏଟାଃ ଦିଶ୍ୱମ୍ରେନ୍ ଚାଏ ଆପ୍ନାଃ ଦିଶ୍ୱମ୍ରେନ୍, ସ୍ୱାଧ୍ୱାୟ ହଡ, କିରିଙ୍ଗ୍ୟାକାନ୍ ଦାସି ଚାଏ ତନଲ୍ ରାଡାକାନ୍ ଦାସି ସବେନ୍ କିଦ୍ ସାମାନ୍ ତାନ୍କ । ମେନ୍ଦ୍ ଖ୍ରୀଷ୍ଟ୍ ସବେନ୍ କଥାଃରେ ମେନାଲୟା ଆତ୍ମ ଇନିଃ ହବାଅଃତାନାଏ ସବେନ୍ କଥାଃ ।

୧୨ ✨ଆପେ ପାର୍ମେଶ୍ୱାର୍ ଆଃ ହଡକ ତାନ୍ଦେ । ଇନିଃ ଆପେକେ ଦୁଲ୍ଲାଡକେଦ୍ତେ ଆୟାଃ ନାଗେନ୍ତେ ସାଲୀକାଦପେୟା । ଏନାତେ ଆପେ ଲିନିବୁଇ, ଦାୟାଲୁ, ଲେବେୟେନ୍, ହୁଡିଙ୍ଗ୍ୟେନ୍ ଆତ୍ମ ଧୂରାଜ୍ ସାବେ ଲେକାନ୍ ଲିଜାଃ ତୁସେୟେନ୍ଦେ ।

୧୩ ✨ମିହୁଡ୍ ଆତ୍ମମିହୁଡକେ ସାହାତିଙ୍ଗ୍ ତାନ୍ଲେକା ହବାଅପେ ଆତ୍ମ ଜେତାଏୟାଃ ଏଟାଃନିଆଃ ବିରୁଧ୍ରେ କାଜି ମେନାଃରେଦ୍, ମିହୁଡ୍ ଆତ୍ମମିହୁଡକେ ଛାମାଲପେ । ପ୍ରାଭୁ ଆପେକେ ଛାମାକାଦପେ ଲେକାଗି, ଆପେ ମିହୁଡ୍ ଆତ୍ମମିହୁଡକେ ଛାମାଲପେ ।

୧୪ ଆତ୍ମ ନେ ସବେନ୍ ଚାଲିଲ୍ ଚାଲାନଲ୍ ଦୁଲ୍ଲାଡକେ ମେସାଏପେ । ଦୁଲ୍ଲାଡ୍ ସବେନ୍ ବିଷାଏକେ ମିଦ୍ତାଃରେ ମେସାଏତାନଲ୍ ତଲ୍ଲକେଟେଦ୍ତାଃଏ ।

୧୫ ଖ୍ରୀଷ୍ଟ୍ ଏମାକାଦ୍ ଜୀଉସୁକୁତେ ଆପେ ଉହାବ୍ କାଦ୍ ତେୟାଃକକେ ଆୟୁର୍ତେ ଇଦି ନାଙ୍ଗ୍ ଦେଙ୍ଗାପେକାଏ, ଚିଆଃତି ନେ ଜୀଉସୁକୁ ନାଗେନ୍ତେ ପାର୍ମେଶ୍ୱାର୍ ଆପେକେ ମିଦ୍ତେ ମିଆଁଦ୍ ହଡ୍ନା ହବାଅଃ ନାଙ୍ଗ୍ ସାଲୀକାଦପେୟାଏ । ସବେନ୍ ଇମ୍ତା ଧାନ୍ୟାବାଦ୍ ହବାଅଃକା ।

୧୬ ✨ଖ୍ରୀଷ୍ଟ୍ ଆଃ ବିଷାଏରେୟାଃ ଇନିତୁ ଆପେୟାଃ ମନ୍ସୁରୁଦ୍ରେ ପୁରାଃତେ ତାଇନ୍କା । ସେଣ୍ଡାନ୍ ଲେକାତେ ମିହୁଡ୍ ଆତ୍ମମିହୁଡକେ ଇତୁ ଆତ୍ମ ଆଚୁକପେ । ଦୁରାଙ୍ଗ୍ ଗାମ୍ତାନଲ୍, ଆତ୍ମ ଆମ୍ନାରେୟାଃ ଦୁରାଙ୍ଗ୍ ଦୁରାଙ୍ଗ୍ତାନଲ୍ ପାର୍ମେଶ୍ୱାର୍ ଆପେୟାଃ ମନ୍ସୁରୁଦ୍ରେ ଧାନ୍ୟାବାଦ୍ ଏମାଲପେ ।

୧୭ ଆପେ କାଜିତେ ଚାଏ କାମିତେ ଜେଡ୍ନାଃଗି ରିକାତାନ୍ତେୟାଃ ପ୍ରାଭୁ ଯୀଶୁଆଃ ନୁଡ୍ମତେ ରିକାତାନ୍ଲ ଆପୁ ପାର୍ମେଶ୍ୱାର୍ କେ ଧାନ୍ୟାବାଦ୍ ଏମାଲପେ ।

ନାମ୍ନା ଜୀଦାନରେ ଆରୁଆଃ ନାତା

୧୮ ✨ଏ କୁଡିକ, ଆପେ ଆପେୟାଃ କଡାକତାଃରେ ଜିମାନ୍ଦେ । ପ୍ରାଭୁକେ ଅତଙ୍ଗ୍ତାନ୍କ ଲେକା ନେଆଁ ରିକା ଲାଗାତିଙ୍ଗ୍ୟାଃ ।

୧୯ ✨ଏ କଡାକ, ଆପେୟାଃ କୁଡିକକେ ଦୁଲ୍ଲାଡକପେ । ଇନ୍କୁକେ ଖୁସ୍ ଆଃ ଲେକା ଆଲପେ ବାଲକଥା ।

୨୦ ✨ଏ ହନ୍କ, ଆପେ ସବେନ୍ ଇମ୍ତା ଆପେୟାଃ ଏଙ୍ଗାଆପୁକକେ ମାନାତିଙ୍ଗ୍କପେ । ନେଆଁ ଖ୍ରୀଷ୍ଟ୍ କେ ଅତଙ୍ଗ୍ତାନ୍କକେ ରିକା ଲାଗାତିଙ୍ଗ୍ୟାଃ, ଚିଆଃତି ପାର୍ମେଶ୍ୱାର୍ ନେଆଁରେ ସୁକୁଃଆ ।

୨୧ ✨ଏ ଏଙ୍ଗାଆପୁକ, ଆପେ ହନ୍କକେ ଆଲପେ କାଏରାଅକଥା । କା'ରେଦ୍ ଇନ୍କୁ ହୁଡିଙ୍ଗ୍ ଜୀଉକଆଃକ ।

୨୨ ✨ଏ କିରିଙ୍ଗ୍ୟାକାନ୍ ଦାସିକ, ସବେନ୍ ବିଷାଏରେ ଅତେରେନ୍ ଆପେୟାଃ ମାନଖା ଗୁସିୟାକଥାଃ କାଜି ଆୟୁମେପେ, ଇନ୍କୁ ଆପେକେ ନେଲ୍ପେ ଇମ୍ତା ଇନ୍କୁକେ ସୁକୁଇତିକ ନାଗେନ୍ତେ ଏସକାର୍ କାହାଗି, ମେନ୍ଦ୍ ପ୍ରାଭୁଆଃ ନାଗେନ୍ତେ ବରଭାକ୍ତିତାନ୍ଲ ଆପ୍ନାଃ ମନ୍ସୁରୁଦ୍ରେୟାଃ ସାନାଙ୍ଗ୍ ଲେକାତେ କାମିପେ ।

୨୩ ଆପେ କାମିତାନ୍ କାମି, ହଡକଆଃ ନାଗେନ୍ତେ କା କାମିକେଦ୍ତେ ପାର୍ମେଶ୍ୱାର୍ ଆଃ ନାଗେନ୍ତେ କାମିତାନାଲେ ମେନ୍ତେ ଉଡ୍ଡୁତାନ୍ଲ ଆପେୟାଃ ସବେନ୍ ମନ୍ସୁରୁଦ୍ଲେ କାମିପେ ।

୨୪ ପାହାମେପେ, ପାର୍ମେଶ୍ୱାର୍ ଆୟାଃ ହଡକ ନାଗେନ୍ତେ ଅକ୍ନାଃ ଦହକାଦାଏ, ଏନା ଆପେକେ ନାଲା ଲେକାଏ ଏମାପେୟା । ଚିଆଃତି ଆପେ ସେଖାତାନ୍, ଖ୍ରୀଷ୍ଟି ଆପେୟାଃ ସାର୍ତି ଗୁସିୟାଁ ତାନିଃ ।

୨୫ ✨ଆତ୍ମ ସବେନ୍ ଏଡକାନ୍ କାମିତାନ୍କ ଆକଥାଃ ଏଡକାନ୍ କାମି ନାଗେନ୍ତେ ସାଜାଲକ ନାମେୟାଁ, ଚିଆଃତି ପାର୍ମେଶ୍ୱାର୍ ସବେନ୍ ହଡକକେ ଆକଥାଃ କାମି ଲେକା ସାମାନ୍ଗି ବିଚାର୍କଥା ।

୪

୧ ✨ଏ ଗୁସିୟାକ, ଆପେୟାଃ ଦାସିକଆଃ ଅକ୍ନାଃ ବୁଗିନାଃ ଆତ୍ମ ଠାଉକାନ୍ଗି ହବାଅଥା ଏନ୍ଲେକାଗି ରିକାକପେ । ସିର୍ମାରେ ଆପେୟାଃହଗି ମିଆଁଦ୍ ଗୁସିୟାଁ ମେନାଲୟା ମେନ୍ତେ ପାହାମେପେ ।

ଏଟାଃ ଏଟାଃ ବିଷାଏରେ ଆନାଚୁ

✨ ୩:୧୦ ଏପିସିୟ ୪:୨୪. ✨ ୩:୧୨ ଏପିସିୟ ୪:୨. ✨ ୩:୧୩ ଏପିସିୟ ୪:୩୨. ✨ ୩:୧୬ ଏପିସିୟ ୫:୧୯,୨୦. ✨ ୩:୧୮ ଏପିସିୟ ୫:୨୨; ୧ ପାବ୍ଲୋସ୍ ୩:୧. ✨ ୩:୧୯ ଏପିସିୟ ୫:୨୫; ୧ ପାବ୍ଲୋସ୍ ୩:୭. ✨ ୩:୨୦ ଏପିସିୟ ୬:୧. ✨ ୩:୨୧ ଏପିସିୟ ୬:୪. ✨ ୩:୨୨ ଏପିସିୟ ୬:୫-୮. ✨ ୩:୨୫ ଏପିସିୟ ୬:୯. ✨ ୪:୧ ଏପିସିୟ ୬:୯.

୨ ସବେନ୍ ଇମ୍ତା ବିକ୍ରିରେ ଜୀଦାନ୍ ବିତାଏପେ ଆତଃ ପାର୍ମେଶ୍ଵାର୍‌କେ ଧାନ୍ୟାବାଦ୍ ଏମ୍‌କେଦ୍‌ତେ ବିକ୍ରିରେ ଚିହ୍ନିଲାନନ୍ ତାଇନ୍‌ପେ ।

୩ ଖ୍ରୀଷ୍ଟୁଆଃ ବିଷାଏରେ ଉକ୍ତୁଆକାନ୍ କାଜିକେ ଉଦୁବେ ନାଙ୍ଗ୍ ଦୁଆର୍ ନିଜେକାଏ ମେନ୍ତେ ପାର୍ମେଶ୍ଵାର୍ ଆଲେକେ ବୁଗିନ୍ ସୁଯୋଗ୍ ଏମାଲେକାଏ, ଏନାମେନ୍ତେୟଗି ଆଲେ ନାଗେନ୍ତେ ବିକ୍ରିପେ । ଚିଆଃଟି ଏନା ନାଗେନ୍ତେ ଆଇଙ୍ଗ୍ ନାହିଁଃ ଜେହେଲ୍‌ରେ ମେନାଇୟାଁ,

୪ ଆତଃ ବିକ୍ରିପେ, ଆଇଙ୍ଗ୍ ଜେ'ଲେକା ନେ କାଜିକେ ସାର୍‌ତି ଆତଃ ଆର୍‌କାର୍‌ଉରୁମ୍ ଦାଡ଼ିୟଃ ଲେକାଇଙ୍ଗ୍ ଉଦୁବ୍ ଦାଡ଼ିୟା ।

୫ *ଆପେୟାଃ ସବେନ୍ ସୁଯୋଗ୍‌କେ ବୁଗିଲେକା ବେଭାର୍‌କେଦ୍‌ତେ କା ବିଶ୍ଵାସ୍‌ତାନ୍ ହଡ଼କତାଃରେ ସେଣ୍‌ନ୍ ଲେକାତେ ଚାଇଲ୍ ଚାଇଲ୍ ରିକାଏପେ ।

୬ ଆପେୟାଃ ଜାଗାର୍‌କ ସବେନ୍ ଇମ୍ତା ହେଡ଼େମାନ୍ ଆତଃ ସୁକ୍ତୁଆନ୍ ଲେକା ହବାଅଃକା । ଆତଃ ଚିଲ୍‌କା ଆପେ ସବେନ୍‌କକେ ଠାଉକାଗି କାଜିରୁହାଡ଼୍ ଦାଡ଼ିୟାପେ, ଏନା ଆପେକେ ସାରି ଲାଗାଡ଼ିୟାଁ ।

ଚୁଣ୍ଟୁ ଜୁହାର୍

୭ *ଆବୁଆଃ ଦୁଲାଡ଼୍ ହାଗା ତୁଖ୍‌କ୍, ଅକଏଚି ପ୍ରାଭୁଆଃ କାମିରେ ପାତିୟାର୍‌ରଃ ଲେକାନ୍ ସୁସାର୍‌ନିଃ ଆତଃ ଆଇଁୟାଃଲଃ ମିସାତେ କାମିତାନ୍ ଗାଡ଼ିଦାସି ତାନିଃ । ଇନିଃ ଆଇଁୟାଃ ବିଷାଏରେ ଆପେକେ ସବେନାଃଏ କାଜିୟାପେଆ ।

୮ ଆଲେ ଚିଲ୍‌କା ମେନାଲେୟା, ଏନ୍ ସବେନ୍ ବିଷାଏ କାଜିକେଦ୍‌ତେ ଆପେକେ ଜୀଉରେ ରାସ୍‌କା ଏମ୍ ନାଙ୍ଗ୍ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।

୯ *ଆୟାଃଲଃ ଆପେୟାଃ ଚୁଣ୍ଟୁରେନ୍ ଦୁଲାଡ଼୍ ପାତିୟାର୍‌ରଃ ଲେକାନ୍ ହାଗା ଅନିସିମସ୍‌ହ୍ ସେନ୍‌ତାନାଏ । ଇନ୍‌କିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

୧୦ *ଆଇଁୟାଃଲଃ ଜେହେଲ୍‌କାନ୍ ଆରିସ୍ଵାର୍ଣ୍ଣ ଆତଃ ଆୟାଃଲଃ ବର୍ଣ୍ଣବାସ୍‌ଆଃ ଆପ୍‌ନାଃ ହଡ଼ ମାର୍କ୍‌ହଗି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ୍ ଆପେତାଃତେ ସେନ୍‌ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆଚୁକାନା ।

୧୧ ଯୁସ୍ତ ନୁତୁମ୍‌ତେ ସାରିୟଃତାନ୍ ଯିହୋଶୁୟ୍‌ହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟୁକେ ବିଶ୍ଵାସ୍‌କେଦ୍‌ତେ ନେ ଆପିହଡ଼୍ ଯିହୁଦୀକ ଏସ୍‌କାର୍ ପାର୍ମେଶ୍ଵାର୍‌ଆଃ ରାଇଜ୍ ନାଗେନ୍ତେ ଆଇଁୟାଃଲଃ ମିସାତେ କାମିକେଦ୍‌ତେ ଆଇଙ୍ଗ୍‌କେ ପୁରାଃଗିକ ଦେଙ୍ଗାକାଦିୟାଁ ।

୧୨ ଏପାପ୍ତା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟୁଆଃ ଦାସି ଆତଃ ଆପେୟାଃ ଚୁଣ୍ଟୁରେନ୍ ହଡ଼ ତାନିଃ । ଆପେ ପାର୍ମେଶ୍ଵାର୍‌ଆଃ ଇଛାସାନାଙ୍ଗ୍‌ରେୟାଃ ପୁରା ମାନାତିଙ୍ଗ୍ ତାନ୍‌କ ହବାକେଦ୍‌ତେ ପକ୍ତା ଆତଃ କେଟେୟାନ୍ ବିଶ୍ଵାସୀ ଲେକା ତିଙ୍ଗ୍‌କେଟେଦ୍ ଦାଡ଼ିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାର୍ମେଶ୍ଵାର୍‌ତାଃରେ ସବେନ୍ ଇମ୍ତାଏ ବିକ୍ରିତାନା ।

୧୩ ଆପେ ନାଗେନ୍ତେ, ଲାଉଦିକିଆ ଆତଃ ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଦ୍ କେଟେଦ୍ କାମି ବିଷାଏରେ ଆଇଙ୍ଗ୍ ଗାଞ୍ଜା ଏମେତାନାଇଙ୍ଗ୍ ।

୧୪ *ଆବୁଆଃ ଦୁଲାଡ଼୍ ବାଇଦ୍ ଲୁକ୍ ଆତଃ ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

୧୫ ଲାଉଦିକିଆରେନ୍ ଖ୍ରୀଷ୍ଟୁ ବିଶ୍ଵାସୀ ହାଗାକକେ, ମିଗି ନୁମ୍‌ପା ଆତଃ ଆୟାଃ ଅଡ଼ାଃରେ ହୁଣ୍ଟିୟଃତାନ୍ କାଲିସିୟାରେନ୍ ସବେନ୍‌କକେ ଆଲେୟାଃ ଜହାର୍ ଉଦୁବାକପେ ।

୧୬ ଆପେ ନେ ଚିଟାଉ ପାଡ଼ାଅ ଚାବାକେଦ୍ ତାୟମ୍‌ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିଟାଉକେ ପାଡ଼ାଅ ନାଗେନ୍ତେ ଏମାକପେ । ଆତଃ ଆଇଙ୍ଗ୍ ଲାଉଦିକିଆକେ ଅକ ଚିଟାଉ ଅଲ୍‌କାଦାଇଙ୍ଗ୍, ଏନାକେୟଗି ଆପେ ପାଡ଼ାଏପେ ।

୧୭ *ଆତଃ ଆଖି ପସ୍‌କେ କାଜିପେ, “ପ୍ରାଭୁଆଃ ସେଞ୍ଜା ନାଗେନ୍ତେ ଆମ୍‌କେ ଅକ ବାହାରମ୍ ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

୧୮ ଆଇଙ୍ଗ୍ ପାଉଲୁସ୍ ଆଇଁୟାଃ ଆପ୍‌ନାଃ ଅନଲ୍‌ତେଗି ଜହାର୍ ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ୍ ଜେହେଲ୍‌ରେ ସିକିଡ଼ିତେ ତଲ୍‌କାନ୍‌ତେୟାଃକେ ପାହାମାକାପେ । ପାର୍ମେଶ୍ଵାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

☆ ୪:୫ ଏପିସିୟ ୫:୧୭. ☆ ୪:୬ ପ୍ରେରିଡ଼୍ ୨୦:୪; ୨ ତିମଥୁ ୪:୧୨. ☆ ୪:୭ ଏପିସିୟ ୬:୨୧,୨୨. ☆ ୪:୯ ଫିଲ୍‌ମନ୍ ୧:୧୦-୧୨. ☆ ୪:୧୦ ପ୍ରେରିଡ଼୍ ୧୯:୨୯; ୨୭:୨; ଫିଲ୍‌ମନ୍ ୧:୨୪; ପ୍ରେରିଡ଼୍ ୧୨:୧୨,୨୫; ୧୩:୧୩; ୧୫:୩୭-୩୯. ☆ ୪:୧୨ କଲସିୟ ୧:୭; ଫିଲ୍‌ମନ୍ ୧:୨୩. ☆ ୪:୧୪ ୨ ତିମଥୁ ୪:୧୧; ଫିଲ୍‌ମନ୍ ୧:୨୪; ୨ ତିମଥୁ ୪:୧୦; ଫିଲ୍‌ମନ୍ ୧:୨୪. ☆ ୪:୧୭ ଫିଲ୍‌ମନ୍ ୧:୨.

ଥେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ଥେସଲନିକୀ ବିଶ୍ୱାସୀକତାଠାରେ ପ୍ରେରିତ ପାଉଲୁସ୍‌ଆଃ ପାହିଲା ଚିତାଉ ପାରିଚାଏ

ପ୍ରେରିତ ପାଉଲୁସ୍ ଥେସଲନିକୀ କାଲିସିୟାରେ ନେ ଚିତାଉ ଅଲକାଦାଏ ୧:୧ । ନେ ଚିତାଉ ଥେସଲନିକୀ କାଲିସିୟା ନାଙ୍ଗ ପାଉଲୁସ୍‌ଆଃ ପାହିଲା ଚିତାଉ ତାନାଃ । ନେଆଁ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୫୧ କରେ ଅଲକାନା । ପାଉଲୁସ୍ ଚିତାଉ କରନ୍ତି କାଲିସିୟାରେ ତାଲକେନାଏ, ଇମ୍ତା ନେ ଚିତାଉ ଅଲକାଦ୍ ତାଲକେନାଏ । ନେ ଚିତାଉ ଅକନ୍ କାଲିସିୟାକେ ଅଲକାଦ୍ ତାଲକେନାଏ, ଏନା ଇନିଃ ବାୟାତେ ମିସ୍ନାରି କାମି ହରାସେନ୍‌କେନ୍ ଇମ୍ତା ନେ କାଲିସିୟାକେ ବାଲୟାକାଦ୍ ତାଲକେନା ପ୍ରେରିତ ୧୭:୧-୧୦ । ଏନା ଚିମିନ୍ ଯିହୁଦୀକ ଆତଃ ଚିମିନ୍ ସାଆଁସାର୍ ହଡକଆଃ ହରାତେ ହାରାଇଦିକାନା ମେନ୍ତେ ପ୍ରେରିତ ପୁଥୁରେ କାଜିକାନା ।

ପାଉଲୁସ୍ କାଲିସିୟା ବାଲକେଦ୍ ତାୟମତେ ଥମ୍ବା ମାହାଁ ଥେସଲନିକୀରେ କାଏ ତାଲନ୍ ଦାଡ଼ିୟାନା । ଏନାତେ ଟୁଣ୍ଡୁରେ ଏନ୍ତାଃରେ ମେନାକ ବିଶ୍ୱାସୀକକେ ଜୀଉରେ କେଟେଦ୍ ଏମାକ ନାଗେନ୍ତେ ନେ ଚିତାଉ ଅଲକୁଲକେଦାଏ । ମିଆଁଦ୍ ଖ୍ରୀଷ୍ଟିୟାନ୍‌କେ ଚିଲକା ଜାହିଦ୍ ଲାଗାତିୟାଁ, ନେ ଚିତାଉରେ ପୁରାଃ ବିଷାଏ ଆତଃ ଏଗାଃ ଏଗାଃ ଚିମିନ୍ ଆନ୍‌ଚୁକ ମେନାଃ ।

ପାଉଲୁସ୍‌ଆଃ ଆତଃମିସା ହିନିଜୁଃ ବିଷାଏରେ ଅଲକାନା । ହବାସାକାଅଆଃ ଥେସଲନିକୀ କାଲିସିୟାରେନ୍ ବିଶ୍ୱାସୀକ ପୁରାଃତେ ନେ ବିଷାଏରେ ଚିହୁଲକେଦ୍‌ତେ ତାଲକେନାକ । ପାଉଲୁସ୍ ଯୀଶୁଆଃ ଆତଃମିସା ହିନିଜୁଃକେ ନେଲକେଦ୍‌ତେ ପାର୍‌ମେଶ୍ୱାରକେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଉଦୁବାଃଏ ୫:୭-୮ ।

ପୁଥୁ ଭିତାରେ ତାଲକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାର୍‌ମେଶ୍ୱାରକେ ଧାନ୍ୟାବାଦ୍ ଏମ୍‌କେଦ୍‌ତେ ନେ ଚିତାଉରାଃ ଏନେଟେଦ୍ ହବାକାନା । ୧
- ୨. ତାୟମ୍‌ତେ ଇନିଃ ତୀମଥ୍ ଆଉଝାକାଦ୍ କାଜି ଆତଃ ଆୟାଃ କାମି ବିଷାଏରେ କାଜିକାଦା । ୨-୩
- ୩. ପାଉଲୁସ୍ ଆଚୁକାଦାଏ ଯେ, ଖ୍ରୀଷ୍ଟିୟାନ୍‌କ ଚିଲକା ଯୀଶୁ ଖ୍ରୀଷ୍ଟୁଆଃ ଆତଃମିସା ହିନିଜୁଃରେୟାଃ ମାର୍‌ସାଲ୍‌ରେକ ତାଲନା । ୪:୧-୫:୧୫
- ୪. ପାଉଲୁସ୍ ଆତଃମିସା କାଲିସିୟାକେ ଜହାର୍ ଆତଃ ଇନ୍‌କୁକେ ନେ ଚିତାଉକେ ପାହାଅ ଲାଗାତିକ୍‌ୟାଁ ମେନ୍ତେ କାଜିଟୁଣ୍ଡୁକେଦା । ୫:୧୭-୨୮

୧* ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁରେ ତାଲକାନ୍ ଥେସଲନିକୀ କାଲିସିୟାରେନ୍ ହଡକତାଃତେ ପାଉଲୁସ୍, ସିଲାସ୍ ଆତଃ ତୀମଥ୍‌ଆଃ ଚିତାଉ ।
ସାୟାଦ୍ ଆତଃ ଜୀଉସୁକୁ ଆପେରେ ହବାଅଃକା ।

ଥେସଲନିକୀରେନ୍‌କଆଃ ଜୀଦାନ୍ ଆତଃ ବିଶ୍ୱାସ୍

- ୨ ଆଲେ ସବେନ୍ ଇମ୍ତା ଆଲେୟାଃ ବିକ୍ତିରେ ଆପେକେ ପାହାମ୍‌ପେତାନ୍‌ଲଃ ପାର୍‌ମେଶ୍ୱାରକେଲେ ଜହାରିତାନା ।
- ୩ ଚିୟାଃଚି ଆଲେ ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ଆପେୟାଃ ବିଶ୍ୱାସ୍‌ରାଃ କାମି ଆତଃ ଆପେୟାଃ ଦୁଲ୍‌ଭତେ ଅତଙ୍ଗ୍‌ଅଃତାନ୍ କେଟେଦ୍‌କାମି, ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁରେ ଆସ୍ତାଏତାନ୍ ଆପେୟାଃ ସାହାତିକ୍ ଜୀଦାନ୍‌କେଲେ ପାହାମାକାଦା ।
- ୪ ହେ ହାଗା ମିଶିକ, ଆଲେ ସାରିତାନାଲେ, ପାର୍‌ମେଶ୍ୱାର୍ ଆପେକେ ଦୁଲ୍‌ଭପେତାନା ଆତଃ ଆୟାଃ ହଡ ହବାଅଃ ନାଗେନ୍ତେ ଆପେକେ ସାଲାକାଦ୍‌ପେୟା ।
- ୫ ଚିୟାଃଚି ବାଚାନ୍‌ତେ ଏସ୍‌କାର୍ କା ମେନ୍‌ଦ ପାବିତାର୍ ଆମ୍‌ରାଃ ପେଡେଃତେ, ସୁକୁକାଜିରେୟାଃ ସାନାର୍‌ତି ପୁରା ସେକାଡକେଦ୍‌ତେ ଆପେତାଃତେ ସେଟେର୍‌ୟାନା । ଆଲେ ଆପେଲଃ ତାଲନ୍ ଇମ୍ତା ଆପେୟାଃ ବୁଗିନ୍ ନାଗେନ୍ତେ ଚିଲକା ଜୀଦାନ୍ ବିତାଅ ତାଲକେନାଲେ ଏନା ଆପେ ସାରିତାନାପେ ।
- ୬ *ଆତଃ ଆପେ ଆଲେକେ ଆତଃ ପ୍ରାଭୁକେ ଅତଙ୍ଗ୍‌କାଲ ତାଲକେନାପେ, ଆତଃ ଆପେ ପୁରାଃ ଦୁକୁ ସାହାତିକ୍‌ତାନ୍‌ରେୟ ପାବିତାର୍ ଆମ୍‌ଏତେ ହିଜୁଃତାନ୍ ସୁକୁରାସ୍‌କାଲଃ ଏନ୍ ସୁକୁକାଜିକେ ସୁକୁରାସ୍‌କାଲଃ ତେଲକାଦ୍ ତାଲକେନାପେ ।
- ୭ ନେ ଲେକାତେ ଆପେ ମାକିଦନିଆ ଆତଃ ଆଖାୟାରେ ତାଲନ୍‌ତାନ୍ ସବେନ୍ ବିଶ୍ୱାସୀକଆଃ ନାଙ୍ଗ୍ ନାମ୍‌ନା ଲେକାପେ ହବାକାନ୍ ତାଲକେନା ।

☆ ୧:୧ ପ୍ରେରିତ ୧୭:୧. ☆ ୧:୭ ପ୍ରେରିତ ୧୭:୫-୯.

୮ ଆପେତାଃଏତେ ଏସ୍କାର୍ ପ୍ରାଭୁଆଃ ସୁକୁକାଜି ମାକିଦନିଆ ଆତଃ ଆଖାୟାରେ ଉଦୁବ୍‌କାନା ଏନା କାହାଗି, ମେନ୍ଦ ଆପେ ପାର୍ମେଶ୍ଵାର୍‌ତାଃରେ ବିଶ୍ଵାସକାଦ୍ କାଜି ସବେନ୍‌ତାଃରେ ଉଦୁବ୍‌କାନା, ଏନାତେ ନେ ବିଷାଏରେ ଆଲେକେ ଆତଃ ଆଦ୍‌କା ଜେତ୍‌ନାଃ କାଜି କା ଲାଗାତିୟା ।

୯ ଆଲେ ଆପେତାଃତେ ସେନ୍ ଇମ୍‌ତା ଚିଲ୍‌କା ଆପେ ଆଲେକେ ଦାରମ୍‌କେଦ୍‌ଲେୟାପେ, ଆତଃ ମୁରୁଡ୍ ସେଞ୍ଜାକେ ବାଗିକେଦ୍‌ତେ ଆପେ ସାର୍‌ତି ଆତଃ ଜାନିଦ୍ ପାର୍ମେଶ୍ଵାର୍‌କେ ସୁସାରି ନାଗେନ୍ତେ ମନ୍‌ପେ ରୁହାଡ୍‌କେଦା,

୧୦ ଆତଃ ଚିଲ୍‌କା ପାର୍ମେଶ୍ଵାର୍‌ଆଃ ଖ୍‌ସ୍‌ଏତେ ଆବୁକେ ବାଞ୍ଚାଅ ନାଙ୍ଫ, ଗଜାକାନକଏତେ ଜୀଉବିରିଦାକାନ ଆୟାଃ ହନ୍ ଯୀଶୁଆଃ ସିର୍ମାଏତେ ହିଜୁଃରୁହାଡ୍‌କେ ନେଲ୍‌ହରା ନାଗେନ୍ତେ ପାର୍ମେଶ୍ଵାର୍‌ତାଃତେପେ ରୁହାଡ୍‌ୟାନା, ଏନ୍ ସବେନ୍ ବିଷାଏରେ ଏନ୍ତାଃରେନ୍ ହଡ୍‌କ ଜାଗାର୍ ତାନା ।

୨

ଥେସ୍‌ଲନିକାରେ ପାଉଲୁସ୍‌ଆଃ କାମି

୯ ହେ ହାଗା ମିଶିକ, ଆଲେ ଆପେତାଃତେ ହିଜୁଃତେୟାଃ କା ସାମାକାନା, ଏନା ଆପେୟପେ ସାରିତାନା ।

୧୦ ଆଲେ ଥେସ୍‌ଲନିକାରେ ଆପେତାଃତେ ହିଜୁଃ ସିଦାରେଗି ଫିଲିପି ନାଗାର୍‌ରେ ଚିଲ୍‌କା ଆଲେ ଚେତାନରେ ଦୁକୁ ଆତଃ ସାସାତି ହିଜୁଃକାନ୍ ତାଇକେନା, ଏନାପେ ସାରିକାଦା । ପୁରାଃ କାଜିକଟଙ୍ଫ୍ ହବାୟାନ୍‌ରେୟ ପାର୍ମେଶ୍ଵାର୍‌ତାଃଏତେ ନାମାକାଦ୍ ସୁକୁକାଜି ଆପେକେ ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଲେକେ ପେଡ୍‌ଠେଃ ଏମାକାଦ୍‌ଲେ ତାଇକେନାଏ ।

୧୧ ଆଲେ ଜେତାନ ଭୁଲ୍ ଚାଏ କା ଫାର୍‌ତି ଲେକାନ୍ ଉଦ୍‌ବେଗ୍‌ରେ ଆପେକେ କାଲେ ବିକ୍ରିକାଦ୍‌ପେ ତାଇକେନା, ଚାଏ ଆପେକେ ବେଦାପେ ନାଗେନ୍ତେ କାଲେ ସାନାଙ୍ଫ୍ ତାଇକେନା ।

୧୨ ମେନ୍ଦ ଆଲେ ପାର୍ମେଶ୍ଵାର୍‌ଆଃ ସାନାଙ୍ଫ୍‌ଲେକା ସବେନ୍ ଇମ୍‌ତା କାଜିୟାଃଲେ, ଚିୟାଃତି ଇନିଃ ସୁକୁକାଜି ଉଦୁବ୍‌ରେୟାଃ ବାହାରମ୍ ଆଲେକେ ଏମାକାଦ୍‌ଲେୟା । ହଡ୍‌କକେ ସୁକୁଇତିକ ନାଗେନ୍ତେଦ କା ମେନ୍ଦ ଅକନ୍ ପାର୍ମେଶ୍ଵାର୍ ଆବୁଆଃ ମନ୍‌ସୁରୁଦ୍ ବିଡାଅକେଦ୍‌ତେ ଆବ୍‌କାର୍‌ଉରୁମାଃଏ, ଇନିଃକେ ସୁକୁଇତି ନାଗେନ୍ତେଲେ ସାନାଙ୍ଫ୍‌ତାନା ।

୧୩ ଆପେ ବୁଗିଲେକାପେ ସାରିତାନା, ଆଲେ ଆପେତାଃତେ ଚିଉଲ୍‌ହ ହସଡ୍ କାଜିକ କାଜିକେଦ୍‌ତେ କାଲେ ହିଜୁଃକାନ୍ ତାଇକେନା, ଚାଏ ଆଲେ ଖୁଜ୍ ରାଃ ହାୟାତେ ବେଦା କାଜି କାଲେ କାଜିକାଦ୍ ତାଇକେନା, ଏନାରାଃ ଗାଞ୍ଜା ପାର୍ମେଶ୍ଵାର୍ ତାନିଃ ।

୧୪ ଆଲେ ଜେତାଏତାଃଏତେ ମାଇନ୍ ନାମେ ନାଗେନ୍ତେ କାଲେ ସାନାଙ୍ଫ୍‌କାଦ୍ ତାଇକେନା, ଆପେତାଃଏତେ ଚାଏ ଏଟାଃକତାଃଏତେହ୍ ମାଇନ୍ ନାମେ ନାଗେନ୍ତେ କାଲେ ସାନାଙ୍ଫ୍‌କାଦ୍ ତାଇକେନ୍‌ରେୟ,

୧୫ ଆଲେ ଯୀଶୁ ଖ୍ରୀଷ୍ଟ୍‌ଆଃ ପ୍ରେରିଡ୍‌କ ହବାୟାନ୍ତେ ଆପେତାଃଏତେ ଏନା ହାଟି ଦାଡ୍‌କାଦ୍‌ତେ ତେୟାଃଲେ, ମେନ୍ଦ ଏଙ୍ଗା ଆୟାଃ ହନ୍‌କକେ ସାକଲ୍‌ଆ ଦାଡ୍‌ଲେକା, ଆଲେ ଆପେତାଃରେ ତାଇକେନ୍ ଇମ୍‌ତା ଆପେକେୟ ଏନ୍‌ଲେକାଗି ଲେବେଃତେ ସାକଲ୍‌ଆ କାଦ୍‌ପେ ତାଇକେନାଲେ ।

୧୬ ଆଲେୟାଃ ଦୁଲ୍‌ାଡ୍ ଆପେ ନାଗେନ୍ତେ ତାଇନ୍ ହରାତେ ଆଲେ ଆପେକେ ପାର୍ମେଶ୍ଵାର୍‌ଆଃ ସୁକୁକାଜି ଏସ୍କାର୍ କାହା, ମେନ୍ଦ ଆପେ ନାଗେନ୍ତେ ଆଲେୟାଃ ଜୀଦାନ୍‌କେୟ ଏମ୍ ନାଙ୍ଫ୍ ସେକାଡାକାନ୍ ତାଇକେନାଲେ, ଚିୟାଃତି ଆପେ ଆଲେୟାଃ ଦୁଲ୍‌ାଡ୍‌କପେ ହବାକାନ୍ ତାଇକେନା ।

୧୭ ହେ ହାଗା ମିଶିକ, ଆପେଦ ଆଲେୟାଃ ହାୟାଲ୍ କାମି ଆତଃ ଦୁକୁପେ ପାହାମେତାନା, ଆପେଏତେ ଜେତାଏରେ ବାହାରମ୍ ଆଲକା ଲାଦିୟଃକା ମେନ୍ତେ ଆଲେ ନିଦା ସିଙ୍ଗି କାମିକେଦ୍‌ତେ ଆପେ ଆଲ୍ୟାରେ ପାର୍ମେଶ୍ଵାର୍‌ଆଃ ସୁକୁକାଜିଲେ ଉଦୁବ୍‌କାଦ୍ ତାଇକେନା ।

୧୮ ଆପେ ବିଶ୍ଵାସୀ ତାନ୍‌ପେ, ଆପେ ଆଲ୍ୟାରେ ଆଲେ ଚିଲ୍‌କା ପାବିତାର୍, ଧାର୍‌ମାନ୍ ଆତଃ କା ଚିଟାଃଅ ଲେକାଲେ କାମି ତାଇକେନା, ଏନାରାଃ ଗାଞ୍ଜାକ ଆପେଗି ତାନ୍‌ପେ ଆତଃ ପାର୍ମେଶ୍ଵାର୍ ହଗି ତାନିଃ ।

୧୯ ଆପେଦପେ ସାରିତାନା, ଆପୁ ଆୟାଃ ହନ୍‌କଲଃ ରିକାଏ ଲେକା, ଆଲେ ଆପେ ସବେନ୍‌କଲଃ ଏନ୍‌ଲେକାଗିଲେ ରିକାକାଦ୍ ତାଇକେନା ।

୨୦ ଆପେକେ କେଡାକାଦ୍‌ପେ ଏନ୍ ପାର୍ମେଶ୍ଵାର୍‌ଆଃ ରାଇଜ୍ ଆତଃ ମାନାରାଙ୍ଫ୍‌ରେ ମେସାଃଅ ନାଗେନ୍ତେ ଆପେ ଆଇଃକକେ ସୁକୁଆଇ ଲେକାନ ଜୀଦାନ୍ ବିତାଏପେ, ମେନ୍ତେ ଆଲେ ଆପେକେ ବିକ୍ରିତାନ୍‌ଲଃ ଜୀଉରାସ୍କା ଆତଃ ଜୀଉରେ କେଟେଦ୍‌ଲେ ଏମାକାଦ୍‌ପେ ତାଇକେନା ।

୨୧ ଆତଃ ଆଲେ ଆପେତାଃରେ ପାର୍ମେଶ୍ଵାର୍‌ଆଃ ବାଚାନ୍ ହାଟିଙ୍ଫ୍‌କେଦ୍ ଇମ୍‌ତା, ଆପେ ଏନାକେ ହଡ୍‌କଆଃ କାଜିତାନାଃ ମେନ୍ତେ କା କାଜିକେଦ୍‌ତେ, ପାର୍ମେଶ୍ଵାର୍‌ଆଃ ବାଚାନ୍ ଲେକା ଆୟୁମ୍‌ତାନ୍‌ଲଃ ତେଲକାକାଦ୍ ତାଇକେନାପେ । ଆତଃ ଏନା ସାର୍‌ତିଗି ପାର୍ମେଶ୍ଵାର୍‌ଆଃ ବାଚାନ୍ ତାନାଃ, ଆତଃ ଆପେ ଲେକାନ୍ ବିଶ୍ଵାସୀକଆଃ ମନ୍‌ସୁରୁଦ୍‌ରେ କାମିୟଃତାନା । ଏନାମେନ୍ତେ ଆଲେ ପାର୍ମେଶ୍ଵାର୍‌କେ ଜାନାଅଗିଲେ ଜହାରିତାନା ।

☆ ୨:୨ ପ୍ରେରିଡ୍ ୧୭:୧୯-୨୪; ପ୍ରେରିଡ୍ ୧୭:୧-୯.

୧୪ ଚିନ୍ତାଧରଣ, ହେ ହାଗା ମିଶିକ, ଯିହୁଦା ଦିଶୁମ୍ରେ ତାଇନ୍ତାନ୍ ପାର୍ମେଶ୍ଵାର୍ଆଃ କାଲିସିୟାକରେ ଆତଃ ଏନ୍ତାଃରେନ୍ ଖ୍ରୀଷ୍ଟ ବିଶ୍ଵାସୀକରେ ହବାଲେନ୍ ଲେକାଗି ଆପେରେହ୍ ହବାଅଃତାନା । ଇନ୍କୁ ଯିହୁଦୀକତାଃଏତେ ସାସାତି ନାମ୍ନକେଦ୍ ଲେକାଗି ଆପେୟ ଆପେୟାଃ ହତକତାଃଏତେ ସାସାତିପେ ନାମେତାନା ।

୧୫ ଏନ୍ ଯିହୁଦୀକଦ ପ୍ରାଭୁ ଯୀଶୁକେ ଆତଃ ନାବୀକକେୟ ଗଏଃକେଦକଆକ ଆତଃ ଆବୁକେ ସାସାତିକେଦ୍ବୁଆକ । ଇନ୍କୁ ପାର୍ମେଶ୍ଵାର୍ଆଃ କା ସୁକୁଆନ୍କ ତାନ୍କ ଆତଃ ସବେନ୍ ହତକଆଃ ବାଇରିକ ତାନ୍କ ।

୧୬ ସାଅଁସାର୍ ହତକଆଃ ଜୀଉବାସ୍ତାଅ ନାମେ ନାଗେନ୍ତେ ଅକନ୍ ସୁକୁକାଜି ଉଦୁବଃତାନା, ଏନାକେୟ ଆଲେକେ ଉଦୁବ୍ ନାଗେନ୍ତେ କାଜିକଟଙ୍ଗ୍ ନାଙ୍ଗ୍ ସାନାଙ୍ଗ୍ତାନାକ । ଏନ୍ଲେକା ଇନ୍କୁ ସବେନ୍ ଇମ୍ତା ଆକଆଃ ଆକଆଃ ପାପ୍ରେ ପେରେଜାକାନାକ । ଆତଃ ଚୁଣ୍ଡୁରେ ନାହାଁଃ ପାର୍ମେଶ୍ଵାର୍ଆଃ ଖ୍ଵ ଇନ୍କୁଆଃ ବିରୁଧ୍ରେ ସେଟେରାକାନା ।

ପାଉଲୁସ୍ ଆତଃମିସା ଇନ୍କୁତାଃତେ ସେନ୍ ନାଗେନ୍ତେ ସାନାଙ୍ଗ୍କେଦା

୧୭ ହେ ହାଗା ମିଶିକ, ଆଲେ ଆପେତାଃଏତେ ମନ୍ରେଦ କା ମେନ୍ଦ ହତ୍ମରେ ହୁଡିଙ୍ଗ୍ ଦିପିଲି ବିନ୍ଗାଅକାନ୍ ନାଗେନ୍ତେ ଆପେକେ ଆତଃମିସା ନେଲ୍ ନାଙ୍ଗ୍ ପୁରାଃଲେ ସାନାଙ୍ଗ୍ ତାଇକେନା ।

୧୮ ଏନା ନାଗେନ୍ତେ ଆଲେ ଆପେତାଃତେ ସେନ୍ ନାଗେନ୍ତେଲେ ଉହାଟ୍କାଦ୍ ତାଇକେନା, ଆଇଙ୍ଗ୍ ପାଉଲୁସ୍ ମିସା, ବାର୍ସାଏତେ ଆଦକା ଆପେତାଃତେ ସେନ୍ ନାଙ୍ଗ୍ ମନେକାଦ୍ ତାଇକେନାଇଙ୍ଗ୍, ମେନ୍ଦ ସାଏତାନ୍ ଆଲେକେ ଛେକାଦ୍ କେଦ୍ଲେୟା ।

୧୯ ଚିନ୍ତାଧରଣ ଆବୁଆଃ ପ୍ରାଭୁ ଯୀଶୁଆଃ ହିନ୍ଦୁଃ ଦିପିଲିରେ ଆୟାଃ ସାମ୍ନାଙ୍ଗ୍ରେ ଏଟାଃକ ଲେକା ଆପେୟ ଆଲେୟାଃ ଆସ୍ତା, ରାସ୍କା ଚାଏ ମାନାରାଙ୍ଗ୍ରାଃ ମୁକୁଟ୍ ଚିନାଃତାନାଃ ? ଚିନ୍ତାଧ ଆପେଗି ନାହାଁଲାପେତି ?

୨୦ ଆପେଗିଦ ଆଲେୟାଃ ମାନାରାଙ୍ଗ୍ ଆତଃ ରାସ୍କା ତାନ୍ପେ ।

୩

୧ ଖୁଆଲେ ସାହାତିଙ୍ଗ୍ କାଲେ ଦାଡ଼ିୟାନା, ଏନା ନାଗେନ୍ତେ ଏଥେନ୍ସ୍ରେ ଏସ୍କାର୍ ତାଇନ୍ ନାଗେନ୍ତେଲେ ଉହାଟ୍କେଦା ।

୨ ଆପେକେ ପେଡ଼େଃପେ ନାଗେନ୍ତେ ଆତଃ ବିଶ୍ଵାସ୍ରେ ତାଇନ୍ ନାଙ୍ଗ୍ ଜୀଉରେ ରାସ୍କା ଏମାପେ ନାଗେନ୍ତେ ଆପେତାଃତେ ଆଲେୟାଃ ହାଗା ତୀମଥୁକେଲେ କୁଲିୟା । ଇନିଃ ଖ୍ରୀଷ୍ଟ୍ଆଃ ସୁକୁକାଜି ଉଦୁବ୍ ନାଙ୍ଗ୍ ପାର୍ମେଶ୍ଵାର୍ଆଃ ସେଝା କାମିରେ ଆଲେୟାଃ ମିସାତେ କାମିନିଃ ତାନିଃ ।

୩ ଜେ'ଲେକାଟି ନେ ସବେନ୍ ସାସାତି ହରାତେ ଜେତାଏ ବିଶ୍ଵାସ୍ଏତେ ଆଲକାଏ ରୁହାଡ଼କା । ଆବୁ ନେ'ଲେକାଗି ସାସାତି ନାମେନାଙ୍ଗ୍ବୁ ଦହାକାନା, ଏନା ପାର୍ମେଶ୍ଵାର୍ଆଃ ସାନାଙ୍ଗ୍ତାନାଃ, ଏନାଦପେ ସାରିତାନା ।

୪ ଚିନ୍ତାଧରଣ ଆବୁଆଃ ସାସାତି ହବାଅଆଃ ମେନ୍ତେ ଆଲେ ଆପେଲଃ ତାଇକେନ୍ ଇମ୍ତାରେଗି ଆପେକେ ସିଦାରେ କାଜିକାଦ୍ପେ ତାଇକେନାଲେ । ଏନା ଏନ୍ଲେକାଗି ହବାଅଃତାନା, ଏନାପେ ସାରିତାନା ।

୫ ହବାସାକାଅଆଃ ସାଏତାନ୍ ଆପେକେ ବିତ୍ତାଅକାଦ୍ପେୟା ଆତଃ ଆଲେୟାଃ କାମିକ ସାମାଏଶ୍ଵାଗଃଆ, ନେଆଁ ଉଡ଼ୁକେଦ୍ତେ ଆଇଙ୍ଗ୍ କାଇଙ୍ଗ୍ ସାହାତିଙ୍ଗ୍ ଦାଡ଼ିୟାନା, ଏନା ନାଗେନ୍ତେ ଆଇଙ୍ଗ୍ ଆପେୟାଃ ବିଶ୍ଵାସ୍ ବିଷାଏରେ ସାରିନାଙ୍ଗ୍ ତୀମଥୁକେ ଆପେତାଃତେଇଙ୍ଗ୍ କୁଲକିୟା ।

୬ ମେନ୍ଦ ନାହାଁଃ ତୀମଥୁ ଆପେତାଃଏତେ ଆଲେତାଃ ହିନ୍ଦୁଃକାନାଏ ଆତଃ ଆପେୟାଃ ବିଶ୍ଵାସ୍ ଆତଃ ଦୁଲାଡ଼୍ ବିଷାଏରେ ରାସ୍କାରାଃ ସୁକୁକାଜି ଆଉକାଦା । ଆମ୍ ଆଲେୟାଃ ନାଙ୍ଗ୍ ବୁଗିନ୍ତେୟାଃ ଉଡ଼ୁ ଆତଃ ଆଲେ ଆମ୍କେ ନେନେଲ୍ ସାନାଙ୍ଗ୍ତାନ୍ଲେକା ଆମ୍ହ ଆଲେକେ ନେନେଲ୍ ସାନାଙ୍ଗ୍ତାନାମ୍ ମେନ୍ତେ ଇନିଃ କାଜିକାଦ୍ଲେୟାଏ ।

୭ ଏନାମେନ୍ତେ ହେ ହାଗା ମିଶିକ, ଆପେୟାଃ ବିଶ୍ଵାସ୍ ନାଙ୍ଗ୍ ଆଲେୟାଃ ସବେନ୍ ଦୁକୁ ଆତଃ ହାସୁ ଇମ୍ତା ଆଲେ ଆପେୟାଃ ହରାତେ ଜୀଉରାଡ଼େଃଲେ ନାମାକାଦା ।

୮ ନାହାଁଃ ଆପେ ପ୍ରାଭୁରେ ତିଙ୍ଗ୍କେଟେଦ୍ କାନ୍ରେଦ, ଆବୁ ସାର୍ତିଗି ଜୀହୁଦଃ ତାନାବୁ ।

୯ ନାହାଁଃଦ ଆଲେ ଆପେୟାଃ ହରାତେ ପୁରାଃ ରାସ୍କାଲେ ନାମାକାଦା, ଏନାମେନ୍ତେ, ଏନାରେୟାଃ ବାଦ୍ଲାରେ ନାହାଁଃ ପାର୍ମେଶ୍ଵାର୍କେ ଧାନ୍ୟାବାଦ୍ଲେ ଏମାଇତାନା ।

୧୦ ଆପେକେ ଆତଃମିସା ନେନେଲ୍ ନାଙ୍ଗ୍ ଆତଃ ଆପେୟାଃ ବିଶ୍ଵାସ୍ରେ ଜାଞ୍ଜିକାନ୍ତେୟାଃ ପୁରାଅଃ ନାଗେନ୍ତେ ନିଦାସିଙ୍ଗ୍ ବିନ୍ତୁତାନାଲେ ।

୧୧ ଆପେତାଃତେ ହିନ୍ଦୁଃ ନାଙ୍ଗ୍ ଆବୁଆଃ ଆପୁ ପାର୍ମେଶ୍ଵାର୍ ଆଇଃକ୍ଗି ଆତଃ ଆବୁଆଃ ପ୍ରାଭୁ ଯୀଶୁ ଆବୁଆଃ ହରାଏ ବାଇୟେକା ।

୧୨ ଆପେୟାଃ ନାଙ୍ଗ୍ ଆଲେୟାଃ ଦୁଲାଡ଼୍ ଜେ'ଲେକା ପୁରାଃଗିଆ, ଏନ୍ଲେକାଗି ମିହୁଡ଼୍ ଆତଃମିହୁଡ଼୍ ନାଙ୍ଗ୍ ଆତଃ ସବେନ୍କ ନାଙ୍ଗ୍ ପ୍ରାଭୁ ଆପେୟାଃ ଦୁଲାଡ଼୍କେ ଆତଃଗି ପୁରାଃତେ ହାରାଇଦିକା ।

☆ ୨:୧୪ ପ୍ରେରିଡ଼୍ ୧୭:୫. ☆ ୨:୧୫ ପ୍ରେରିଡ଼୍ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. ☆ ୩:୧ ପ୍ରେରିଡ଼୍ ୧୭:୧୫. ☆ ୩:୨ ପ୍ରେରିଡ଼୍ ୧୮:୫.

୧୩ ଏନ୍‌ଲେକାଗି ଇନିଃ ଆପେୟାଃ ମନ୍‌କେ ପେଡେଦ୍‌ପେୟା, ଏନାତେ ଆବୁଆଃ ପ୍ରାଭୁ ଯୀଶୁ ଆୟାଃ ପାବିତାର୍ ହଡକଲଃ ହିନ୍ଦୁଃ ଇମ୍‌ତା ଆବୁଆଃ ଆପୁ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଆପେ ପକ୍‌ତାକାନ୍ ଆତଃ ପାବିତାର୍‌ରେ ବେଗାର୍ ଚିଟାକାନ୍ ଲେକାପେ ହବାଅଃଆ ।

୪

ପାର୍‌ମେଶ୍‌ବାର୍‌କେ ସୁକୁଆଇଲେକାନ୍ ଜୀଦାନ୍

୧ ଚୁଣ୍ଡରୁ, ହେ ହାଗା ମିଶିକ, ପାର୍‌ମେଶ୍‌ବାର୍‌କେ ସୁକୁଆଇଲେକା ଚିଲ୍‌କା ଜୀଦାନ୍ ବିତାଅ ଲାଗାତିଙ୍‌ଝାଁଃ, ଏନା ଆଲେତାଃଏତେ ଇତୁକାନାପେ, ଏନ୍‌ଲେକାଗି ଆପେୟାଃ ଜୀଦାନ୍ ବିତାଅତାନାପେ । ମେନ୍‌ଦ ଏନାଏତେ ଆଦ୍‌କା ରିକାନାଙ୍ ଥାଲେ ଆପେକେ ପ୍ରାଭୁ ଯୀଶୁଆଃ ନୁତୁମ୍‌ତେ ପୁରାଃଗି ହାରାଇଦିୟାଃପେ ମେନ୍ତେ ବିନ୍ତି ଆତଃ ଉସ୍‌କୁର୍‌ପେ ତାନାଲେ ।

୨ ଚିୟାଃଚି ଥାଲେ ପ୍ରାଭୁ ଯୀଶୁଆଃ ଆକ୍‌ତେୟାର୍‌ତେ ଆପେକେ ଏମାକାଦ୍ ଆନାରୁକେ, ଆପେଦ ବୁଗିଲେକାପେ ସାରିଆକାଦା ।

୩ ଆପେ ପାବିତାର୍ ହବାଅଃପେ ଆତଃ ଆପାଙ୍‌ଗିର୍ କାମିଏତେ ସାଙ୍‌ଗିନ୍‌ରେ ତାଇନ୍‌ପେ, ନେଆଁ ପାର୍‌ମେଶ୍‌ବାର୍‌ଆଃ ସାନାଙ୍‌ତାନାଃ ।

୪ ଆପେ ସବେନ୍‌କ ଆପେୟାଃ କୁଡିକଲଃ ପାବିତାର୍‌ତେ ଆତଃ ମାଇନ୍ ନାମେଲେକା ଚିଲ୍‌କା ତାଇନାଃପେ, ଏନା ଆପେକେଗି ସାରି ଲାଗାତିଙ୍‌ଝାଁଃ,

୫ ପାର୍‌ମେଶ୍‌ବାର୍‌କେ କା ସାରିତାନ୍ ସାଅଁସାର୍ ହଡକଆଃ ଲେକା ହଡ୍‌ମ୍‌ରେୟାଃ ଏଡ୍‌କାନ୍ ସାନାଙ୍‌ଲେକା ଆଲ୍‌ପେ ହବାଅଃଆ ।

୬ ଆତଃ ଜେତାଏ ହଡ୍ ଖ୍ରୀଷ୍ଟିୟାନ୍ ହାଗାକେ ଆଲକାଏ ବେଦାଇକା ଆତଃ ଏଡ୍‌କାନ୍ ଆଲକାଏ ରିକାଇକା । ଏନ୍‌ଲେକାଗି କାମିତାନ୍‌କକେ ପ୍ରାଭୁ ସାଜାଇ ଏମାକାଆଏ ମେନ୍ତେ ଥାଲେ ଆପେକେ ସିଦାରେଗି କାଜିକେଦ୍‌ତେ ପୁରାଃ କେଟେଦ୍‌ତେ ଚେତାଅକାଦ୍‌ପେୟାଲେ ।

୭ ପାର୍‌ମେଶ୍‌ବାର୍ ଆବୁକେ ସଡ୍‌ରାଲେକା ଜୀଦାନ୍ ବିତାଅ ନାଗେନ୍ତେ କାହା ମେନ୍‌ଦ ପାବିତାର୍ ଜୀଦାନ୍ ବିତାଅ ନାଗେନ୍ତେ କେଡାକାଦ୍‌ବୁଆ ।

୮ ଏନା ନାଗେନ୍ତେ ଜେତାଏ ନେ ଇନିତୁକେ କାଏ ତେଲ୍‌ଏନିଃ, ହଡ୍‌କେ କାଏ ହିଲ୍‌ଆଃଆଃ, ମେନ୍‌ଦ ପାବିତାର୍ ଆମ୍‌ବାକେ ଏମିତାନ୍ ପାର୍‌ମେଶ୍‌ବାର୍‌କେ ହିଲ୍‌ଆଙ୍‌ଇତାନା ।

୯ ଖ୍ରୀଷ୍ଟିୟାନ୍ ବିଶ୍ୱାସୀ ଦୁଲାଡ୍ ବିଷାଏରେ ଆପେତାଃତେ ଆତଃଗି ଅଲ୍ ନାଙ୍ କା ଲାଗାତିଙ୍‌ଝାଁଃ, ଚିୟାଃଚି ଆପେ ସବେନ୍‌କ ଦୁପୁଲ୍‌ମାଡ୍‌ରେ ତାଇନ୍ ନାଗେନ୍ତେ ପାର୍‌ମେଶ୍‌ବାର୍‌ତାଃଏତେ ଆପେଗିପେ ଇତୁକାନା ।

୧୦ ଆତଃ ଆପେୟାଃ ଚାଇଲ୍ ଚାଇଲ୍ ମାକିଦନିଆରେନ୍ ସବେନ୍ ଖ୍ରୀଷ୍ଟିୟାନ୍ ବିଶ୍ୱାସୀକଲଃ ଏନ୍‌ଲେକାଗି ହବାକାନା । ଏନାତେ ହେ ହାଗା ମିଶିକ, ନେଲେକା ଆତଃଗି ପୁରାଃତେ ରିକାଏପେ ମେନ୍ତେଲେ ବିନ୍ତିପେ ତାନା ।

୧୧ ଆପେକେ ପାହିଲ୍‌ରେ ଆରୁକାଦ୍‌ପେ ଲେକା, ସୁକୁଜୀତ୍‌ତେ ଜୀଦାନ୍ ବିତାଅତାନ୍‌ଲଃ ଆପ୍‌ନାଃ ଆପ୍‌ନାଃ କାମି କାମିପେ ଆତଃ ଆପେୟାଃ ଜୀହୁଦଃ ନାଙ୍ ଜଗାଏପେ ।

୧୨ ଏନ୍‌ଲେକା କାମି ହରାତେ ଆପେ କା ବିଶ୍ୱାସ୍‌ତାନ୍ ହଡକତାଃଏତେ ହଗି ମାଇନ୍‌ପେ ନାମେୟା ଆତଃ ଆପେୟାଃ ଜେଡ୍‌ନାଃରେ କା ଜାଞ୍ଜିଅଃଆ ।

ପ୍ରାଭୁଆଃ ହିନିନ୍ଦୁଃ

୧୩ ହେ ହାଗା ମିଶିକ, ଗଜାକାନ୍ ହଡକଆଃ ସାର୍‌ତି ବିଷାଏରେ ଆପେ ସାରିପେ ଆତଃ ଆସ୍ତା ବାନଃତାନ୍ ଏଗାଃ ହଡକଲେକା ଆପେ ଆଲ୍‌ପେ ଦୁକୁନାଃ, ଏନା ଆଲେୟାଃ ସାନାଙ୍‌ତାନାଃ ।

୧୪ ଚିୟାଃଚି ଆବୁ, ଯୀଶୁ ଗଏଃୟାନାଏ ଆତଃ ଜୀଉବିରିଦ୍‌ୟାନାଏ ମେନ୍ତେବୁ ବିଶ୍ୱାସ୍‌ତାନା । ଏନ୍‌ଲେକାଗି ଯୀଶୁରେ ବିଶ୍ୱାସ୍‌କେଦ୍‌ତେ ଗଜାକାନ୍‌କ, ଯୀଶୁ ଆତଃମିସାଏ ହିନ୍ଦୁଃ ଇମ୍‌ତା ପାର୍‌ମେଶ୍‌ବାର୍ ଇନ୍‌କୁକେ ଯୀଶୁଲଃ ଆଉଡ୍‌ର୍‌ସାକଆ, ଏନାହଗି ଆବୁକେ ବିଶ୍ୱାସ୍ ଲାଗାତିଙ୍‌ଝାଁଃ ।

୧୫ ☆ଆଲେ ନାହାଁଃ ଆପେକେ ଇତୁପେତାନ୍‌ତେୟାଃ ପ୍ରାଭୁଆଃ ଇନିତୁ ତାନାଃ । ଆବୁ ସବେନ୍‌କଏତେ ଅକନ୍‌କ ପ୍ରାଭୁଆଃ ହିନିନ୍ଦୁଃ ଜାକେଦ୍ ଜାହିଦ୍‌ଗିକ ତାଇନା, ଇନ୍‌କୁ ସିଦାରେ ଗଜାକାନ୍ ହଡକତାଃଏତେ ଜେତାଲେକାତେ କାକ ଆୟାର୍‌ଃଆ ।

୧୬ ଚିୟାଃଚି ପ୍ରାଭୁଦ ଆଇଃକ୍‌ଗି ଆବୁକେଦ୍‌ତେ ମାରାଙ୍ ଦୁଡ୍‌କଆଃ ଲାଦ୍‌ଜା ଆତଃ ପାର୍‌ମେଶ୍‌ବାର୍‌ଆଃ ବିଙ୍‌ଲ୍ ବାଜା ସାଡ୍‌ତାନ୍‌ଲଃ ସିମାଏତେ ଆଡ୍‌ଗୁନାଃ ଆତଃ ଖ୍ରୀଷ୍ଟିୟାଃରେ ବିଶ୍ୱାସ୍‌କେଦ୍‌ତେ ଗଜାକାନ୍‌କ ସିଦାକ ବିରିଦାଃ ।

୧୭ ଏନ୍ତେ ଆବୁ ସବେନ୍‌କଏତେ ଅକନ୍‌କ ଜାହିଦ୍‌ଗିବୁ ତାଇନା, ପ୍ରାଭୁଲଃ ନେପେଲ୍ ନାଗେନ୍ତେ ଆବୁକେ ଇଦିକେଦ୍‌ତେ ଇନ୍‌କୁଲଃ ମିସାତେ ରିମିଲ୍ ହୟରେ ହୁଣ୍ଡିବୁଆ । ଆତଃ ଆବୁ ପ୍ରାଭୁଲଃ ସବେନ୍ ହୁଲ୍‌ଆଙ୍‌ବୁ ତାଇନା ।

୧୮ ଏନାମେନ୍ତେ ଆପେ ନେ ସବେନ୍ କାଜିତେଗି ମିହୁଡ୍ ଆତଃମିହୁଡ୍‌କେ ଜୀଉରାଡ୍‌ଃଏମାଃପେ ।

☆ ୪:୧୫ ୧ କରିନ୍ଥିୟ ୧୫:୫୧,୫୨.



ପ୍ରାଭୁଆଃ ହିନ୍ଦୁଃ ଦିପିଲି ନାଗେନ୍ତେ ସେକାଡାକାନ୍ ତାଇନ୍‌ପେ

୧୧୫୫ ମେନ୍‌ଦ ହେ ହାଗା ମିଶିକ, ନେ ସବେନ୍ ବିଷାଏ ଚିତ୍ତଲା ହବାଅଃଆ ଆତଃ ଅକ ନେତାରେ ହବାଅଃଆ, ଏନ୍ ବିଷାଏରେ ଆଲେକେ ଆପେତାଃତେ ଜେଡନାଃ ଅଲ୍ କା ଲାଗାତିଙ୍ଗିୟାଃ ।

୧୧୫୬ ଚିୟାଃଚି ନୁବାଃରେ କୁମ୍ବୁ ହିନ୍ଦୁଃ ଲେକା ପ୍ରାଭୁ ହିନ୍ଦୁଃଆଏ, ନେଆଁ ଆପେ ବୁଗିଲେକାପେ ସାରିତାନା ।

୧୧୫୭ ଚିମ୍ତା ହଡକ ଜୀଉରେ “ସୁକୁ ଆତଃ ଜେତାନ୍ ବର ବାନଆଃ” ମେନେତାନ୍ ଇମ୍ତା, ବାଜି ଆକାନ୍ କୁଡିତାଃରେ ସେଟେରାକାନ୍ ଦୁକୁ ଲେକା ଇମ୍ତାଗି ଇନ୍‌କୁତାଃରେ ଜିୟନଃ ସେଟେରାଃ ଆତଃ ଇନ୍‌କୁ ଜେତାଲେକାତେ କାକ ବାଞ୍ଚାଅଃଆ ।

୧୧୫୮ ମେନ୍‌ଦ ହେ ହାଗା ମିଶିକ, ଆପେ ନୁବାଃରେ ବାଙ୍ଗିପେୟା, ଏନାତେ ଏନ୍ ହୁଲାଙ୍ଗି ବେଗାର୍ ସାରିତାନ୍‌ଲଃ ଆପେତାଃତେ କୁମ୍ବୁ ହିନ୍ଦୁଃତାନ୍ ଲେକା କା ସେଟେରା ।

୧୧୫୯ ଆପେ ସବେନ୍‌କ ମାସ୍‌ଲ୍‌ରେନ୍ ଆତଃ ସିଙ୍ଗିରେନ୍ ହଡକ ତାନ୍‌ପେ । ଆବୁ ନିଦା ଚାଏ ନୁବାଃରେନ୍ ହଡକ ନାହାଁଲାବୁ ।

୧୧୬୦ ଏନାମେନ୍ତେ ଆବୁ ଏଟାଃକ ଲେକା ଆଲକାବୁ ଦୁଡ଼ମ୍ପାକା, ମେନ୍‌ଦ ଏୟନାକାନ୍ ଆତଃ ଚିଗାଁଲାକାନ୍‌ବୁ ତାଇନ୍‌କା ।

୧୧୬୧ ଚିୟାଃଚି ଦୁଡ଼ମ୍ପାତାନ୍‌କ ନିଦାରେକ ଦୁଡ଼ମ୍ପାଃ, ଆତଃ ଇଲିଆରଖରେ ବୁଲଃତାନ୍‌କ ନିଦାରେକ ବୁଲଃଆଃ ।

୧୧୬୨ ମେନ୍‌ଦ ଆବୁ ସିଙ୍ଗିରେନ୍ ହଡକ ହବାୟାନ୍ତେ, ମେଡେଦରାଃ ତୁସିଙ୍ଗିତେୟାଃ କୁଡାମ୍‌ରେ ତୁସିଙ୍ଗିକାନ୍ ଲେକା, ବିଶ୍ୱାସ୍ ଆତଃ ଦୁଲାଡ଼ରେବୁ ତୁସିଙ୍ଗିକାନଃଆ । ଆତଃ ବହଃରେ ଚୁପୁରି ତୁସିଙ୍ଗିକାନ୍ ଲେକା ଜୀଉବାଞ୍ଚାଅରେୟାଃ ଆସ୍ରାବୁ ତୁସିଙ୍ଗିକାନଃଆ । ଏନ୍ତେ ଆବୁ ଆବରରେବୁ ତାଇନ୍‌କା ।

୧୧୬୩ ଚିୟାଃଚି ପାରମେଶ୍ୱାର୍ ଆବୁକେ ଖ୍ୱ ନାଗେନ୍ତେ ଦ କା ମେନ୍‌ଦ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ଜୀଉବାଞ୍ଚାଅ ନାମେ ନାଗେନ୍ତେ ସାଲକାଦ୍‌ବୁଆ ।

୧୧୬୪ ଆବୁ ନେ ଜୀଦାନରେ ଜୀହିଦକାନ୍ ଚାଏ ଗଜାକାନ୍ ତାଇନ୍‌ରେୟ ଇନିଃଲଃ ମିଦରେବୁ ଜୀହିଦଃକା ମେନ୍ତେ ଇନିଃ ଆବୁନାଙ୍ଗି ଗଏଃୟାନାଏ ।

୧୧୬୫ ଏନା ନାଗେନ୍ତେ ଆପେ ନାହାଁଃ ରିକାତାନ୍ ଲେକା ମିହୁଡ୍ ଆତଃମିହୁଡ୍‌କେ ଜୀଉରାଡେଃ ଆତଃ ଦେଙ୍ଗାକପେ ।

ଚୁଶ୍ଟି ଆନାବୁ ଆତଃ ଜହାର୍

୧୧୬୬ ମେନ୍‌ଦ ହେ ହାଗା ମିଶିକ, ଆଲେ ଆପେକେ ବିକ୍ରିପେ ତାନାଲେ, ଅକନ୍‌କ ଆପେ ଆଲାରେ କାମିତାନାକ ଆତଃ ପ୍ରାଭୁଆଃ ସେଞ୍ଜାକାମିରେ ଆପେୟାଃ ଆଗୁଆଇ ଲେକା ସାଲକେଦ୍‌ତେ ଚେତାଅପେତାନାକ, ଇନ୍‌କୁକେ ମାଇନ୍‌କପେ ।

୧୧୬୭ ଆତଃ ଇନ୍‌କୁଆଃ କାମି ନାଗେନ୍ତେ ଇନ୍‌କୁକେ ପୁରାଃ ଦୁଲାଡ଼ତେ ମାଇନ୍‌କପେ । ଆତଃ ଆପେ ସବେନ୍‌କଲଃ ସୁକୁରେ ତାଇନ୍‌ପେ ।

୧୧୬୮ ମେନ୍‌ଦ ହେ ହାଗା ମିଶିକ, ଆପେକେ ବିକ୍ରିପେତାନାଲେ, ଆଲ୍‌ସି ହଡକକେ ଚେତାଅକପେ, ବରତାନ୍ ହଡକକେ ଜୀଉରେ କେଟେଦ୍ ଏମାକପେ, ନାରାଦୁରାକକେ ଦେଙ୍ଗାକପେ, ସବେନ୍‌କଲଃ ସାହାତିଙ୍ଗି ଜୀଦାନ୍ ବିତାଏପେ ।

୧୧୬୯ ଜେତାଏ ଏଡକାନାଃରାଃ ବାଦଲାରେ ଏଡକାନାଃ ଆଲକାଏ ରିକାଏକା, ମେନ୍‌ଦ ଆପେ ସବେନ୍ ଇମ୍ତା ମିହୁଡ୍ ଆତଃମିହୁଡ୍‌ଆଃ ଆତଃ ସବେନ୍‌କଆଃ ବୁଗିନାଃ ରିକା ନାଙ୍ଗି ସାନାଙ୍ଗିପେ ।

୧୧୭୦ ଜାନାଅଗି ରାସକାଅଃପେ,

୧୧୭୧ ସବେନ୍ ଇମ୍ତା ବିକ୍ରିପେ ।

୧୧୭୨ ସବେନ୍ ଲେକାନ୍ କାଜିକରେ ଧାନ୍ୟାବାଦ୍ ଏମେପେ । ଆପେ ଯୀଶୁ ଖ୍ରୀଷ୍ଟଆଃ ମେନେସାରେ ଜୀଦାନ୍ ବିତାଅକାଦ୍ ହରାତେ, ଆପେ ନାଙ୍ଗି ନେଆଁ ପାରମେଶ୍ୱାର୍‌ଆଃ ମନେତାନା ।

୧୧୭୩ ପାବିତାର୍ ଆମ୍‌କେ ଦୁକୁ ଆଲ୍‌ପେ ଏମାଇୟା ।

୧୧୭୪ ପ୍ରାଭୁଆଃ କାଜିଏମ୍‌କେ ଆଲ୍‌ପେ ହିଲାଙ୍ଗିୟେ ।

୧୧୭୫ ସବେନାଃ ବିଡାଅକେଦ୍‌ତେ, ବୁଗିନ୍‌ତେୟାଃ ସାବେପେ,

୧୧୭୬ ଆତଃ ସବେନ୍ ଲେକାନ୍ ଏଡକାନ୍‌ତେୟାଃ ସାଙ୍ଗିନେପେ ।

୧୧୭୭ ଅକ ପାରମେଶ୍ୱାର୍ ଆବୁକେ ଜୀଉସୁକୁ ଏମାଃଏ, ଇନିଃଗି ଆପେକେ ସବେନ୍ ବିଷାଏରେ ପୁରାଃତେ ପାବିତାର୍‌ପେକା, ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନ୍ଦୁଃ ଇମ୍ତା ଆପେୟାଃ ସବେନ୍ ଆମ୍‌, ଜୀଉ, ଆତଃ ହଡ଼ମ୍‌କେ କା ଚିଟାଃଆ ଲେକା ଦହେପେ ।

୧୧୭୮ ଆପେକେ ହାକାଅନିଃ ସବେନାଃ ରିକାଏ ଗିୟାଏ, ଚିୟାଃଚି ଇନିଃ ପାତିୟାରଃଲେକାନ୍‌ନିଃ ତାନିଃ ।

୧୧୭୯ ହେ ହାଗା ମିଶିକ, ଆଲେ ନାଗେନ୍ତେ ସବେନ୍‌କ ବିକ୍ରିପେ ।

୧୧୮୦ ସବେନ୍ ହାଗା ମିଶିକକେ ଖ୍ରୀଷ୍ଟ ଦୁଲାଡ଼ତେ ଜହାର୍‌କପେ ।

☆ ୫:୨ ମାଥୁର ୨୪:୪୩; ଲୁକ ୧୨:୩୯; ୨ ପାଦ୍ରାସ ୩:୧୦. ☆ ୫:୮ ଏପିଫିୟ ୬:୧୩-୧୭.

^{୨୭} ସବେନ୍ ହାଗା ମିଶିକଆଃ ଆୟାଋରେ ନେ ଚିଟାଉ ପାଢ଼ାଅଃକା ମେନ୍ତେ ଆଇଙ୍ଗ୍ ପ୍ରାଭୁଆଃ ନୁତୁମ୍ତେ ଆପେକେଇଙ୍ଗ୍ ବିକ୍ରିପେତାନା ।

^{୨୮} ଆବୁଆଃ ପ୍ରାଭୁ ଯାଗୁ ଶ୍ରୀଷ୍ଟିଆଃ ସାୟାଦ୍ ଆପେଲଃ ହବାଅଃକା ।

ଥେସଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ଥେସଲନିକୀ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାତ ପାରିଚାଏ

ପ୍ରେରିତ୍ ପାଉଲୁସ୍, ଥେସଲନିକୀ କାଲିସିୟାତେ ଆଡ଼ଃମିଆଁଦ୍ ଚିଟାତ ଅଲ୍ଲାକାଦାଏ, ୧:୧ । ଥେସଲନିକୀ କାଲିସିୟାରାଃ ପାହିଲା ଚିଟାତ ଅନଲ୍‌ରେୟାଃ କାଟିଃ ତାୟମ୍‌ତେ ଖ୍ରୀଷ୍ଟ୍ ଜାନାମ୍ ତାୟମ୍ ୫୧ କରେ ନେ ଚିଟାତକେ ଅଲ୍ଲାକାଦ୍ ତାଇକେନା । ପାଉଲୁସ୍ ଚିମ୍ତା କରନ୍ତି କାଲିସିୟାରେ ତାଇକେନା ଇମ୍ତା ନେ ଚିଟାତ ଥେସଲନିକୀ କାଲିସିୟାତେ ଅଲ୍ଲାକାଦ୍ ତାଇକେନା । ଇନିଃ ବାଋଯାତେ ମିସ୍‌ନାରି କାମି ହରାସେନ୍‌କେନ୍ ଇମ୍ତା ଥେସଲନିକୀ କାଲିସିୟାକେ ବାଇୟାକାଦ୍ ତାଇକେନା, ପ୍ରେରିତ୍ ୧୭:୧-୧୦ ।

ଚିମିନ୍ ଯିହୁଦୀ ଆଡ଼ଃ ଚିମିନ୍ ସାଅଁସାର୍ ହଡ଼କଆଃ ହରାତେ ନେ କାଲିସିୟା ବାଇୟାକାନ୍ ତାଇକେନା । ଥେସଲନିକୀ କାଲିସିୟାତାଃତେ ଅଲ୍ଲାକାନ୍ ଚିଟାତରେ ଖ୍ରୀଷ୍ଟ୍‌ଆଃ ଆଡ଼ଃମିସା ହିନିଜୁଃ ଆଡ଼ଃ ଚୁଣ୍ଟୁ ଦିପିଲି ବିଷାଏରେ ଅଲ୍ଲାକାନା । ଚିୟାଃଚି ପାଉଲୁସ୍ ଆୟାଃ ବାରାନ୍ ଚିଟାତରେ ଥେସଲନିକୀ କାଲିସିୟାତାଃତେ ଅଲ୍ଲାକାଦା । ପାଉଲୁସ୍ ଆଲ୍‌ସି ବିଷାଏରେ ଚେଡ଼ଗାର୍ ଏମାଃଏ । ମିମିଆଦ୍ ହଡ଼ ଆପ୍‌ନାଃ ଜମେୟାଃ ନାଗେନ୍ତେ କାମି ଲାଗାତିଙ୍ଗ୍‌ୟାଃ, ୩:୨-୧୦ ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଚିଟାତରେ ଆୟାଃ ଆପ୍‌ନାଃ ଆଡ଼ଃ ଗାତିରେ କାମିତାନ୍ ହାଗାକଆଃ ପାରିଚାଏ ଏମ୍‌କେଦ୍‌ତେ ଏନେଚେଦ୍ ରିକାକାଦାଏ । ୧:୧-୨
- ୨. ଥେସଲନିକୀ କାଲିସିୟା ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଃଏ ଆଡ଼ଃ ବିନ୍ତି ରିକାଃଏ । ୧:୩-୧୨
- ୩. ଅତେଦିଶ୍ୱମ୍‌ରେୟାଃ ଚୁଣ୍ଟୁ ଦିପିଲି ବିଷାଏରେ କାଜିୟାଃଏ । ୨
- ୪. ଇନିଃ ଆଲ୍‌ସି ବିରୁଧ୍‌ରେ ଆଡ଼ଃ କେଚେଦ୍‌କାମି ରିକା ବିଷାଏରେ କାଜିୟାଃଏ । ୩:୧-୧୫
- ୫. ପାଉଲୁସ୍ ଆଡ଼ଃମିସା କାଲିସିୟାରେନ୍ ହଡ଼କକେ ଜହାର୍ କାଜିକେଦ୍‌ତେ ଅଲ୍‌ଚୁଣ୍ଟୁକ୍ୱାଦା । ୩:୧୬-୧୮

୧* ଆରୁଆଃ ଆପୁ ପାର୍‌ମେଶ୍ୱାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସଲନିକୀ କାଲିସିୟାରେନ୍ ହଡ଼କତାଃତେ ପାଉଲୁସ୍, ସିଲାସ୍ ଆଡ଼ଃ ତୀମଥୟାଃ ଚିଟାତ ।

୨ ଆରୁଆଃ ଆପୁ ପାର୍‌ମେଶ୍ୱାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାଃଏତେ ସାୟାଦ୍ ଆଡ଼ଃ ଜୀଉସୁକୁ ଆପେୟାଃ ହବାଅଃକା ।

ଖ୍ରୀଷ୍ଟ୍‌ଆଃ ହିଜୁଃ ଦିପିଲିରାଃ ବିଚାର୍

୩ ହେ ହାଗା ମିଶିକ, ଆଲେ ଆପେ ନାଙ୍ଗ୍ ସବେନ୍ ଇମ୍ତା ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍ ଲାଗାତିଙ୍ଗ୍‌ୟାଃ, ଆଡ଼ଃ ଏନା ଠାଉକାଗିୟା, ଚିୟାଃଚି ଆପେୟାଃ ବିଶ୍ୱାସ୍ ଆଡ଼ଃଚି ପସା ଇଦିୟାଃତାନା, ଆଡ଼ଃ ଆପେୟାଃ ଦୁଲ୍ଲାଡ୍ ସବେନ୍‌କଆଃ ନାଙ୍ଗ୍ ପୁରାଃଚି ହାରା ଇଦିୟାଃତାନା ।

୪ ନେ ଲେକାତେ ଆପେୟାଃ ସବେନ୍ ସାସାତି ଆଡ଼ଃ ଦୁକୁ ଇମ୍ତାରାଃ ସାହାତିଙ୍ଗ୍ ଜୀଦାନ୍ ଆଡ଼ଃ ବିଶ୍ୱାସ୍ ନାଗେନ୍ତେ ଆଲେ ପାର୍‌ମେଶ୍ୱାର୍‌ଆଃ କାଲିସିୟାକରେ ଆପେୟାଃ ବିଷାଏଲେ ଉଦୁବ୍‌କେଦା ।

୫ ପାର୍‌ମେଶ୍ୱାର୍‌ଆଃ ବିଚାର୍ ଠାଉକାଗିୟା, ମେନ୍ତେ ନେ ସବେନାଃତେ ସାରିୟାଃତାନା ଆଡ଼ଃ ଏନାତେ ଆପେ ପାର୍‌ମେଶ୍ୱାର୍‌ଆଃ ରାଇଜ୍ ନାମେ ଲେକାନ୍‌କପେ ହବାଅଆଃ, ଚିୟାଃଚି ଏନ୍ ରାଇଜ୍ ନାମେ ନାଗେନ୍ତେଗି ଆପେ ଦୁକୁପେ ସାହାତିଙ୍ଗ୍‌ତାନା ।

୬ ଠାଉକାନ୍‌ତେୟାଃ ପାର୍‌ମେଶ୍ୱାର୍ ରିକାୟାଏ, ନାହାଁଃ ଆପେକେ ଅକନ୍‌କ ଦୁକୁ ଏମାପେତାନାକ, ଇନ୍‌କୁକେ ଇନିଃ ଦୁକୁ ଏମ୍ ରୁହାଡ଼କଆଏ,

୭ ଆଡ଼ଃ ଆପେୟାଃ ଦୁକୁ ସାଜିନ୍‌କେଦ୍‌ତେ, ଆଲେକେୟ ଜୀଉରାଡ଼େଃ ଏମାଲେୟାଏ । ନେଆଁ ପ୍ରାଭୁ ଯୀଶୁ, ଆୟାଃ ପୁରାଃ ପେଡ଼େୟାନ୍ ଦୁଡ଼କଲ୍‌୫ ସିମାହେତେ ହିଜୁଃ ଇମ୍ତା ହବାଅଆ ।

୮ ପାର୍‌ମେଶ୍ୱାର୍‌କେ କା ସାରିତାନ୍‌କକେ, ଆଡ଼ଃ ଆରୁଆଃ ପ୍ରାଭୁ ଯୀଶୁଆଃ ସୁକୁକାଜି କା ମାନାତିଙ୍ଗ୍ ତାନ୍‌କକେ ଇନିଃ ସାଜାଇ ଏମାକ ନାଗେନ୍ତେ ସେଙ୍ଗେଲ୍ ଲେକା ଜୁଲ୍‌ତାନ୍ ହୁକା ସାବ୍‌କେଦ୍‌ତେ ହିଜୁଃଆ ।

୯ ଏନ୍ ହଡ଼କ ପ୍ରାଭୁଆଃ ହେପାଦ୍‌ହେତେ ଆଡ଼ଃ ଆୟାଃ ପେଡ଼େୟାନ୍ ମାନାରାଙ୍ଗ୍‌ହେତେ ବିନ୍‌ଗାଅଃତାନ୍‌ଲଃ ଜାନାଅ ଜାନାଅ ନାଗେନ୍ତେକ ଜିୟନଃଆ ।

☆ ୧:୧ ପ୍ରେରିତ୍ ୧୭:୧.

୧୦ ମେନ୍ଦ ଏନ୍ ହୁଲାଙ୍ଗ୍ ଇନିଃ ଆୟାଃ ପାବିତାର୍ ହଡ଼କତାଃଏତେ ଆତଃ ସବେନ୍ ବିଶ୍ଵାସୀକତାଃଏତେ ମାଇନାନ୍ ଆତଃ ମାନାରାଙ୍ଗ୍ ନାମେୟାଏ । ଇନ୍କୁଆଃ ଆଲ୍ଲାରେ ଆପେୟଗି ତାନ୍ଦେ, ଚିୟାଃଚି ଆପେ, ଆଲେ ଉଦୁବ୍କେଦ୍ କାଜିରେପେ ବିଶ୍ଵାସକେଦା ।

୧୧ ଏନା ନାଗେନ୍ତେ ଆପେ ପାର୍ମେଶ୍ଵାର୍ଆଃ କେନେଡ଼ା ଲେକାଗି ଜୀଦାନ୍ ବିତାଏପେ ମେନ୍ତେ ଆଲେ ଆପେ ନାଙ୍ଗ୍ ପାର୍ମେଶ୍ଵାର୍ତାଃରେ ଜାନାଅଗିଲେ ବିକ୍ତିତାନା । ଆୟାଃ ପେଡ଼େଃତେ ଇନିଃ ଆପେୟାଃ ସବେନ୍ ରୁଗିନାଃ ଆତଃ ଆପେୟାଃ ବିଶ୍ଵାସରାଃ କାମିକେ ପୁରାଏକା ।

୧୨ ଏନ୍ଲେକାତେ ଆରୁଆଃ ପ୍ରାଭୁ ଯୀଶୁ ଆୟାଃ ନୁତୁମ୍ ଆପେରେ ମାନାରାଙ୍ଗ୍ ହବାଅଃକା, ଆତଃ ଆରୁଆଃ ପାର୍ମେଶ୍ଵାର୍ ଆତଃ ଯୀଶୁ ଶ୍ରୀଷ୍ଟିଆଃ ସାୟାଦ୍ ଲେକାତେ ଆପେ ଇନିଃରେଗି ମାନାରାଙ୍ଗ୍ ହବାଅଃପେ ।

୨

ଏଡ଼କାନ୍ ହଡ଼

୧* ହେ ହାଗା ମିଶିକ, ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଟିଆଃ ହିନିକ୍ଠୁଃ ଆତଃ ଆରୁ ଆୟାଃତାଃରେ ହୁଣ୍ଡିୟଃ ନାଗେନ୍ତେ ଆଲେ ଆପେକେ ବିକ୍ତିପେ ତାନାଲେ ।

୨ ଆପେ ପ୍ରାଭୁଆଃ ହୁଲାଙ୍ଗ୍ ସେଟେରାକାନା ମେନ୍ତେ ଜେତାଏତାଃଏତେ ଆୟୁମକେଦ୍ତେ, ଆମ୍ବରେ ଆଲପେ ଆକ୍‌ବାକାଅଃଆ ଚାଏ ବେଦାଅଃଆ । ଆଲେ ବାଚାନ୍ ହାଟିଙ୍ଗ୍ ଇମ୍ତା ନେକାନ୍ କାଜିଲେ କାଜିକାଦା ଚାଏ ନେ ବିଷାଏରେ ଚିଟାଉଲେ ଅଲ୍ଲାକାଦା ମେନ୍ତେ ଚିମିନ୍ ହଡ଼କ କାଜିତାନା ।

୩ ଜେତାଏ ଆପେକେ ଜେତାଲେକାତେ ଆଲକାକ ବେଦାପେକା, ଚିୟାଃଚି ଚୁଣ୍ଡୁ ମାପାଃତୁପୁଇଙ୍ଗ୍ ହବାଅଃଆ ଆତଃ ଏନ୍ ଏଡ଼କାନ୍ ହଡ଼ ଉନୁଦୁବଃଆଏ । ଆତଃ ଇନିଃକେ ଜିୟନଃ ନାଙ୍ଗ୍ ନାରାକ୍ତେ ଆଉରି ଇଦିୟଃ ଜାକେଦ୍, ଏନ୍ ହୁଲାଙ୍ଗ୍ କା ହିକ୍ଠୁଃଆ ।

୪ ଏନ୍ ଏଡ଼କାନ୍ ହଡ଼, ବଙ୍ଗାବୁରୁ ସେଝାତାନ୍ ଆତଃ ପାର୍ମେଶ୍ଵାର୍‌କେ ସୁସାର୍‌ତାନ୍ ସବେନକଆଃ ବିରୁଧ୍‌ରେ ତାଇନା ଆତଃ ଆଇଃକ୍ତି ସବେନକଆଃ ଚେତାନ୍‌ରେ ତାଇନା ଆତଃ ପାର୍ମେଶ୍ଵାର୍‌ଆଃ ମାନ୍ଦିର୍ ଅଡ଼ାଃରେ ଦୁବ୍‌କେଦ୍‌ତେ ଆଇଙ୍ଗ୍ ପାର୍ମେଶ୍ଵାର୍ ତାନିଙ୍ଗ୍ ମେନ୍ତେ କାଜିୟା ।

୫ ଆଇଙ୍ଗ୍ ଆପେଲଃ ତାଇକେନ୍ ଇମ୍ତା, ନେ ସବେନ୍ ବିଷାଏରେ ଆପେକେ କାଜିକାଦ୍‌ପେ ତାଇକେନ୍‌ତେୟାଃ କାପେଟି ପାହାମେତାନା ?

୬ ଆତଃ ଇନିଃଏଡ଼କାନ୍ ହଡ଼, ଦହାକାନ୍ ଦିପିଲିରେ ଉଦୁବଃ ନାଗେନ୍ତେ ଚିକ୍‌ନାଃ ଆପେକେ ଛେକାଦ୍‌ପେ ତାନା, ଏନାଦ୍‌ପେ ସାରିତାନା ।

୭ ଚିୟାଃଚି ଏଡ଼କାନାଃରେ ଉକୁଆକାନ୍ ପେଡ଼େଃ ନାହାଃହୁଁ କାମିତାନାଏ, କାଜିଛେକାଦ୍‌ତାନ୍ ହଡ଼ ଆଉରି ସାଜିନଃ ଜାକେଦ୍ ଏନାଏଁ କାମିକାତେୟାଃ ।

୮ ଏନ୍ତେ ଆନ୍‌ତୁ ବାନଃନିଃ ଉଦୁବଃଆଏ, ଇନିଃକେ ପ୍ରାଭୁ ଯୀଶୁ ଆୟାଃ ମଚାରେୟାଃ ସାହେଁଦ୍‌ତେ ଗଜିୟା ଆତଃ ଆୟାଃ ହିନିକ୍ଠୁଃରାଃ ଜୁନୁଲ୍‌ତେ ଜିୟନିଆ ।

୯* ଏନ୍ ଏଡ଼କାନ୍‌ନିଃ ସାଏତାନ୍‌ରାଃ ପେଡ଼େଃଲଃ ହିକ୍ଠୁଃଆଏ ଆତଃ ସବେନ୍ ଲେକାନ୍ ହସଡ଼ରାଃ ପେଡ଼େୟାନ୍‌କାମି, ଚିହ୍ନା, ଆତଃ ଆକ୍‌ଦାନ୍‌ଆ କାମିକ ରିକାଏୟାଏ ।

୧୦ ଆତଃ ପୁରାଃ ହଡ଼କ ଇନିୟାଃ ଏଡ଼କାନ୍ ବେଦାରେ ଜିୟନଃଆକ । ଅକନ୍ ଦୁଲାଡ଼ରେୟାଃ ସାନାର୍‌ତିକେ ତେଲା ଦାରମ୍‌କେଦ୍‌ତେ ଇନ୍କୁ ଜୀଉବାଞ୍ଚାଅ ନାମେତେୟାଃକ, ଏନାକେ କା ତେଲା ଦାରମ୍‌କେଦ୍ ହରାତେ ଇନ୍କୁ ଜିୟନଃଆକ ।

୧୧ ଏନାମେନ୍ତେ ଇନ୍କୁ ଜେ'ଲେକା ହସଡ଼ରେକ ବିଶ୍ଵାସେୟା, ଏନାମେନ୍ତେ ପାର୍ମେଶ୍ଵାର୍ ଇନ୍କୁତାଃତେ ପେଡ଼େୟାନ୍ ହସଡ଼କେ କୁଲ୍‌କେଦା ।

୧୨ ଏନ୍ତେ ସାନାର୍‌ତିରେ କା ବିଶ୍ଵାସକେଦ୍‌ତେ ପାପ୍ କାମିରେ ସୁକୁନାମେତାନ୍ ସବେନକ ସାଜାଇକ ନାମେୟା ।

ଆପେ ଜୀଉବାଞ୍ଚାଅ ନାମେ ନାଗେନ୍ତେପେ ସାଲ୍ଲାକାନା

୧୩ ମେନ୍ଦ ହେ ପ୍ରାଭୁଆଃ ଦୁଲାଡ଼୍ ହାଗାକ, ଆଲେ ଆପେ ନାଗେନ୍ତେ ସବେନ୍ ଇମ୍ତା ପାର୍ମେଶ୍ଵାର୍‌କେ ଧାନାବାଦ୍ ଏମ୍ ଲାଗାତିଙ୍ଗ୍‌ୟାଃ । ଚିୟାଃଚି ପାବିତାର୍ ଆମ୍ବରାଃ ପେଡ଼େଃତେ, ଆତଃ ସାନାର୍‌ତିରାଃ ବିଶ୍ଵାସ୍‌ତେ ଜୀଉବାଞ୍ଚାଅ ନାମେ ନାଗେନ୍ତେ ପାର୍ମେଶ୍ଵାର୍ ଆପେକେ ମୁନୁଏତେ ଆୟାଃ ପାବିତାର୍ ହଡ଼ ମେନ୍ତେ ସାଲ୍ଲାକାଦ୍‌ପେୟା ।

୧୪ ଆଲେ ଆପେତାଃରେ ଅକନ୍ ସୁକୁକାଜି ଉଦୁବ୍‌କାଦାଲେ, ଏନା ହରାତେ ପାର୍ମେଶ୍ଵାର୍ ଆପେକେ ଏନ୍ ସୁକୁକାଜି ନାଗେନ୍ତେ କେଡ଼ାକାଦ୍‌ପେୟା । ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଟିଆଃ ମାନାରାଙ୍ଗ୍‌ରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ କେଡ଼ାକାଦ୍‌ପେୟା ।

୧୫ ଏନା ନାଗେନ୍ତେ, ହେ ହାଗା ମିଶିକ, ଆଲେୟାଃ ଇନିତୁ ଆତଃ ଆଲେୟାଃ ଅନଲ୍‌ତେ ଆପେ ଇଡୁକାନ୍‌ତେୟାଃ ତିଙ୍ଗୁ କେଟେଦ୍‌କେଦ୍‌ତେ ସାବାକାପେ ।

* ୨:୧୧ ୧ ୧ଥସ୍ଵଲନିକା ୪:୧୫-୧୭. ✱ ୨:୯ ମାଥୁଉ ୨୪:୨୪.

୧୬ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ଆଇକ୍ଷକ୍ଷି ଆତଃ ଆରୁଆଃ ଆପୁ ପାର୍ମେଶ୍ଵାର୍ ଆରୁକେ ଦୁଲ୍ଲାଡ଼କେଦ୍ତେ ଆୟାଃ ସାୟାଦ୍ ହରାତେ ଆରୁକେ ଜାନାଅଗି ଜୀଉରାଡ଼େଃ ଆତଃ ବୁଗିନ୍ ଆସ୍ତା ଏମାକାଦ୍‌ରୁଆଏ,

୧୭ ଇନିଃ ଆପେକେ ସବେନ୍ ଇମ୍ତା ବୁଗିନ୍ କାମି ନାଗେନ୍ତେ ଆତଃ ସାର୍ତ୍ତି କାଜି ନାଜ୍ ପେଡ଼େଃ ଆତଃ ଜୀଉରେ ରାସ୍‌କା ଏମାପେକାଏ ।

୩

ଆଲେ ନାଗେନ୍ତେ ବିନ୍ତ୍ରପେ

୧ ହେ ହାଗା ମିଶିକ ଟୁଣ୍ଡୁରେ ଆଲେ ନାଜ୍ ବିନ୍ତ୍ରପେ, ପ୍ରାଭୁଆଃ କାଜି ଆପେତାଃରେ ନିଡିର୍‌ୟାନ୍* ଲେକାଗି ଏନା ଚାରିୟସାଃରେ ନିଡିର୍‌କେଦ୍ତେ ମାନାରାଜ୍ ହବାଅଃକା ।

୨ ଆତଃଗି ବିନ୍ତ୍ରପେ, ପାର୍ମେଶ୍ଵାର୍ ଆଲେକେ ଏଡ଼କାନାଃଏତେ ଆତଃ ଏଡ଼କାନ୍ ହଡ଼କତାଃଏତେ ବାଞ୍ଚାଅଲେକାଏ, ଚିୟାଃଟି ସବେନ୍‌କ ସୁକ୍କୁକାଜିରେ ବିଶ୍ଵାସୀ ନାହାଁଲାକ ।

୩ ମେନ୍‌ଦ ପ୍ରାଭୁ ପାତିୟାର୍‌ରଃନିଃ ତାନିଃ, ଆତଃ ଇନିଃ ପେଡ଼େଃ ଏମାପେୟାଏ, ଏନ୍ତେ ଏଡ଼କାନ୍ ହଡ଼ଏତେ ବାଞ୍ଚାଅପେୟା ।

୪ ଆତଃ ଆଲେ ଆପେକେ ଆରୁକାଦ୍‌ପେଡେୟାଃ ସବେନାଃପେ କାମିତାନା ଆତଃ କାମିୟାପେ, ମେନ୍ତେ ଆଲେ ପାର୍ମେଶ୍ଵାର୍‌ତାଃରେ ଆପେୟାଃ ବିଷାଏରେ ପୁରାଃ ବିଶ୍ଵାସ୍ ମେନାଃ ।

୫ ପ୍ରାଭୁ ଆପେୟାଃ ମନ୍‌ସୁରୁଦ୍‌ରେ ପାର୍ମେଶ୍ଵାର୍‌ଆଃ ଦୁଲ୍ଲାଡ଼୍‌ଆତଃ ଖ୍ରୀଷ୍ଟ୍ ଏମାକାଦ୍ ସାହାଡ଼ିକ୍‌ୟେଁ ଲେକାନ୍ ହରାରେ ସୁତୁଃ ଇଦିପେକା ।

ସବେନ୍ କାମି ରିକା ଲାଗାଡ଼ିକ୍‌ୟାଃ

୬ ହେ ହାଗା ମିଶିକ, ଆଲେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍‌ତେ ଆରୁପେ ତାନାଲେ, ଜେତାଏ ହାଗା, ଆଲେତାଃଏତେ ନାମାକାଦ୍ ଇନିଡୁଲେକା କା ସେସେନ୍‌କେଦ୍ତେ ଆଲ୍‌ସି ଜୀଦାନ୍ ବିତାଅତାନ୍‌ରେଦ, ଇନିଃତାଃଏତେ ସାଜିନ୍‌ରେ ତାଇନ୍‌ପେ ।

୭ ଆପେଦ ଚିଲ୍‌କାତେ ଆଲେକେ ଅତଜ୍ ଲାଗାଡ଼ିକ୍‌ୟାଃ ଏନା ବୁଗିଲେକାପେ ଇଡୁକାନା, ଆଲେଦ୍ ଆପେଲଃ ତାଇକେନ୍ ଇମ୍ତା ଆଲ୍‌ସି କାଲେ ତାଇକେନା ।

୮ ଆତଃ ବେଗାର୍ ଗନଜ୍‌ତେ ଜେତାଏତାଃରେ କାଲେ ଜମ୍ ତାଇକେନା, ମେନ୍‌ଦ୍ ଆପେତାଃଏତେ ଜେତାଏୟାଃ ବାହାରମ୍ ଲେକା ଆଲକାଲେ ଲାଦିୟଃ ମେନ୍ତେ ଦୁକୁ ସାହାଡ଼ିକ୍‌ତାନ୍‌ଲଃ ନିଦା ସିଜି ପୁରାଃ କେଟେଦ୍ କାମିଲେ କାମି ତାଇକେନା ।

୯ ଆପେତାଃଏତେ ଜେଡନାଃ ନାମେ ନାଗେନ୍ତେ ଆଲେୟାଃ ଆକ୍‌ତେୟାର୍ ବାନଃଆ ମେନ୍ତେଦ୍ କା, ମେନ୍‌ଦ୍ ଆପେ ଆଲେକେ ଅତଜ୍‌ଲେପେ ମେନ୍ତେ, ଆଲେ ଆପେତାଃରେ ନାମ୍‌ନା ଲେକା ବାଇୟେନ୍ ନାଗେନ୍ତେଲେ ରିକାକେଦା ।

୧୦ ଚିୟାଃଟି ଆଲେ ଆପେଲଃ ତାଇକେନ୍ ଇମ୍ତାଗି ଆପେକେ ନେଆଁ ଆରୁକାଦ୍‌ପେ ତାଇକେନାଲେ, ଜେତାଏ କା କାମି ସାନାଜ୍‌ତାନ୍‌ନିଃ ଆଲକାଏ ଜମେକା ।

୧୧ ଆଲେ ଆପେକେ ନେଆଁ କାଜିପେତାନାଲେ, ଚିୟାଃଟି ଆପେ ଆଲାରେ ଚିମିନ୍ ହଡ଼କ ଆଲ୍‌ସି ଜୀଦାନ୍ ବିତାଅତାନ୍‌ଲଃ ଏଟାଃକଆଃ କାମିରେ ଆଲା ଆଲାଅଃତାନାକ ଆତଃ ଜେଡନାଃ କାକ କାମିତାନା, ମେନ୍ତେଲେ ଆୟୁମେତାନା ।

୧୨ ଏନ୍ ଲେକାନ୍ ହଡ଼କକେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍‌ତେ ଚେତାଅକେଦ୍‌ତେଲେ ଆରୁକତାନା, ଇନ୍‌କୁ ଆକଆଃ ଜୀଦାନ୍‌ରେ ସୁକ୍କୁରେ ତାଇନ୍‌କେଦ୍‌ତେ ଆକଆଃ ଜମେନାଜ୍‌କ କାମିକା ।

୧୩ ମେନ୍‌ଦ୍ ହେ ହାଗା ମିଶିକ, ବୁଗିନ୍ କାମିରେ ଆଲ୍‌ପେ ଲାଗାଅଃଆ ।

୧୪ ଆତଃ ଆଲେ କୁଲ୍‌କାଦ୍ ନେ ଚିଠିରେୟାଃ କାଜି କା ମାନାଡ଼ିକ୍‌ତାନ୍‌କକେ ନେଲ୍ ଉରୁମାକାକପେ, ଆତଃ ଇନ୍‌କୁ ଗିହୁଗଃକାକ ମେନ୍ତେ ଆପେ ଇନ୍‌କୁଲଃ ଆଲ୍‌ପେ ମେସାନା ।

୧୫ ମେନ୍‌ଦ୍ ଇନ୍‌କୁକେ ବାଇରି ଲେକା କା ନେଲ୍‌କେଦ୍‌ତେ ଖ୍ରୀଷ୍ଟ୍ ବିଶ୍ଵାସୀ ହାଗାଲେକା ମନେତାନ୍‌ଲଃ ଚେତାଅକପେ ।

ଟୁଣ୍ଡୁ କାଜି

୧୬ ଅକନ୍ ପ୍ରାଭୁ ଆରୁଆଃ ଜୀଉସୁକୁ ଏମଃନିଃ ତାନିଃ, ଇନିଃ ଆପେକେ ସବେନ୍ ଇମ୍ତା ଆତଃ ସବେନ୍ ଲେକାତେ ଜୀଉସୁକୁ ଏମାପେକାଏ । ପ୍ରାଭୁ ଆପେ ସବେନ୍‌କଲଃ ହବାଅଃକା ।

୧୭ ଆଇଜ୍ ପାଉଲ୍‌ସ୍, ତିଃଇ ତାଇୟାଃତେ ଅଲ୍‌କେଦ୍‌ତେଇଜ୍ ଜହାର୍‌ପେତାନା, ନେ ଲେକାଗି ସବେନ୍ ଚିଠିକରେ ଚିହ୍ନାଁ ଲେକାଇଜ୍ ଅଲେତାନା ।

୧୮ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

* ୩:୧ ପାସ୍‌ରାଅ

ତୀମଥ୍ ନିକଟକୁ ପାଉଲଙ୍କ ପ୍ରଥମ ପତ୍ର ତୀମଥ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ ପାରିଟ୍ୟ

ପାହିଲା ତୀମଥ୍ ପୁଅ ମିଆଁଦ୍ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଆୟାଃ ତେଲା ତୀମଥ୍‌କେ ଅଲାକାନା । ପାହିଲା ତୀମଥ୍ ହବାସାକାଅଆଃ ୨୨-୨୪ କରେ ଯାଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ଅଲାକାନା । ହବା ଦାଡ଼ିୟଃଆ ନେଆଁ ପାଉଲୁସ୍‌ଆଃ ଜୀଦାନ୍‌ରେୟାଃ ଚୁଣ୍ଡ ଦୁପିଲି ତାନାଃ । ପାଉଲୁସ୍‌ଲଃ ତୀମଥ୍‌ଆଃ ପୁରାଃ ବୁଗିନ୍ ନାତା ତାଇକେନା, ଇନିଃ ପୁରାଃଆଃ ତୀମଥ୍‌କେ ହନ୍ ମେନ୍ତେ କାଜିକାଦା ଫିଲିପିୟ ୨:୨୨;୧ ତିମଥ୍ ୧:୨-୧୮ । ପାଉଲୁସ୍‌ଆଃ ହରାତେ ମିହୁଡ଼କେ ଏସ୍‌କାର୍ ଅଲାକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍‌ମନ୍ । ପାହିଲା ତୀମଥ୍‌ରେ କାଲିସିୟାରେୟା ସୁନ୍ଦୁସାର୍ ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ଚାଇଲ୍ ଚାଲନ୍ ବିଷାଏରେ ମେନାଃ ୩:୧-୧୩ଆତଃ ହସଡ଼ ଇତୁକଆଃ ବିଷାଏରେ ଚେନେତାଅ କାଜି ମେନାଃ ୧:୩-୧୧;୪:୧-୫;୬:୨-୫ । କାଲିସିୟାରେ ତୀମଥ୍ ଚିଲ୍‌କା ମିଆଁଦ୍ ଆଗୁଆଇ ହବାଅଃ ଲାଗାତିଙ୍ଗ୍‌ୟାଃ, ଏନ୍ ବିଷାଏରେ ପାଉଲୁସ୍ ନେ ଚିଟାଉରେ ଉଦୁବ୍‌କାଦା । ପାହିଲା ତୀମଥ୍‌ରେ ନାହାଁରେୟାଃ ହାତୁ କାଲିସିୟାକରେ କାମି ରିକା ଲାଗାତିଙ୍ଗ୍ ନାଗେନ୍ତେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଟେଦ୍ ଇନିତୁକ ଏମାକାନା ।

ପୁଅ ତିଟାଉରେ ତାଇକାନ୍ କାଜି

- ୧. ପାଉଲୁସ୍ ତୀମଥ୍‌କେ ଜହାର୍ କାଜିକେଦ୍‌ତେ ଅନଲ୍ ଏଟେଦ୍ କାଦାଏ । ୧:୧-୨
- ୨. ପାଉଲୁସ୍ ତୀମଥ୍‌କେ ହସଡ଼ ଇତୁକଆଃ ବିରୁଧ୍‌ରେ ଚେନେତାଅ ଉଦୁବ୍‌କାଦାଏ । ୧:୩-୧୧
- ୩. ଖ୍ରୀଷ୍ଟ୍‌ତାଃରେ ପାଉଲୁସ୍‌ଆଃ ଧାନିଧାବାଦ୍ । ୧:୧୨-୧୯
- ୪. କାଲିସିୟାରେୟାଃ ସେଝା କାମି ଆତଃ ଆଗୁଆଇକଆଃ ବିଷାଏରେ ତୀମଥ୍‌କେ ପାଉଲୁସ୍‌ଆଃ ଇନିତୁ । ୨-୩
- ୫. ତୀମଥ୍‌କେ ପାଉଲୁସ୍‌ଆଃ ଚୁଣ୍ଡ ଇନିତୁ । ୪-୬

୧ ଆଇଙ୍ଗ୍ ପାଉଲୁସ୍, ଆରୁଆଃ ଜୀଉବାସ୍ତାଅ ଏମଃନିଃ ପାର୍‌ମେଶ୍‌ବାର୍ ଆତଃ ଆରୁ ଆସ୍ତାଏତାନ୍ ଯାଶୁ ଖ୍ରୀଷ୍ଟ୍‌ଆଃ ଆନାତୁ ଲେକାତେ କୁଲାକାନ୍‌ନିଃ ତାନିଙ୍ଗ୍,

୨ *ବିଶ୍ୱାସ୍‌ରେନ୍ ସାର୍‌ତି ହନ୍ ତୀମଥ୍‌ତାଃତେ ଅଲାକାନ୍ ଚିଟାଉ : ଆପୁ ପାର୍‌ମେଶ୍‌ବାର୍ ଆତଃ ଆରୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍ ଆପେକେ ସାୟାଦ୍, ଲିନିବୁଇ ଆତଃ ଜୀଉସୁକୁ ଏମାପେକାଏ ।

ହସଡ଼ ଇନିତୁଏତେ ଚିର୍ଗାଲାକାନ୍‌ପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମ୍‌ତା ଆମ୍‌କେ କାଜିକେଦ୍‌ମେ ଲେକା ଆମ୍ ଏଫିସୁସ୍ ନାଗାର୍‌ରେୟା ତାଇନ୍‌ମେ ଆତଃ ଚିମିନ୍ ହଡ଼କ ଏନ୍ତାଃରେ ହସଡ଼କାଜିକ ଇତୁକତାନା, ଇନ୍‌କୁକେ ଏନ୍ ହସଡ଼କାଜିକ ଆଲ୍‌ପେ ଇତୁକଆ ମେନ୍ତେ ଆରୁକମେ ।

୪ ଆତଃ ହଡ଼ତେ ବାଇୟାକାନ୍ କାଥ୍‌ନି ଆତଃ ହାଡ଼ାମ୍‌ହଡ଼କଆଃ ଜିଲିଙ୍ଗ୍ କିଲିକଆଃ ଉଡ଼ଃକ ଆଲ୍‌ପେ ଆୟୁମାଃ ମେନ୍ତେ ଆରୁକମେ, ଚିୟାଃଚି ନେ ସବେନାଃତେଗି ପାତିୟାର୍‌ତେ ସାରିୟାତାନ୍ ପାର୍‌ମେଶ୍‌ବାର୍‌ଆଃ ସେଝା କାମି କା ହବାକେଦ୍‌ତେ କାପ୍‌ଜିକ ଅତଙ୍ଗ୍‌ଅଃଆ ।

୫ ଫାର୍‌ଚି ମନ୍‌ସୁରୁଦ୍‌ତେ, ବୁଗିନ୍ ମନ୍‌ତେ ଆତଃ ସାର୍‌ତି ବିଶ୍ୱାସ୍‌ତେ ଅତଙ୍ଗ୍‌ଅଃତାନ୍ ଦୁଲାଡ଼କେ ଚିହୁଟ୍ ରିକାନାଙ୍ଗ୍ ଆଇଙ୍ଗ୍ ଆମ୍‌କେଇଙ୍ଗ୍ ଆରୁମେତାନା । ନେଆଁଗି ଧାର୍‌ମାନ୍ ଇନିତୁ ତାନାଃ ।

୬ ଚିମିନ୍ ହଡ଼କ ନେ ବିଶେଷ୍ କାଜିକ ବାଗିକେଦ୍‌ତେ ସାମାକାଜିକରେ ପାତିୟାର୍‌କେଦ୍‌ତେ ଆକଆଃ ହରାକ ଆଦାକାଦା ।

୭ ଇନ୍‌କୁ ମୁଶା ନାବାଆଃ ଆନ୍‌ଚୁରାଃ ଆଇନ୍ ଇତୁକ ହବାଅଃ ନାଙ୍ଗ୍‌କ ସାନାଙ୍ଗ୍‌ତାନା, ମେନ୍‌ଦ ଇନ୍‌କୁ ଆକଗି କାଜିତାନ୍‌ତେୟାଃ ଆତଃ ଆକଗି ଇତୁକତାନ୍ ପକ୍‌ତାନ୍ କାଜିକେ କାକ ଆର୍‌କାର୍‌ଉରୁମେତାନା ।

୮ ଆରୁ ସାରିତାନାରୁ ଯେ, ଜେତାଏ ହଡ଼ ମୁଶାରାଃ ଆନ୍‌ଚୁ ଲେକାଗି ବୁଗିଲେକାଏ କାମିରେଦ୍ ଏନା ବୁଗିନ୍ ତାନାଃ ।

୯ ଆତଃ ଧାର୍‌ମାନ୍ ହଡ଼କ ନାଗେନ୍ତେ ଆନ୍‌ଚୁ କା ଦହାକାନା, ମେନ୍‌ଦ ଆନ୍‌ଚୁ ବାନଃ ଏଡ଼କାନ୍ ହଡ଼କ ନାଙ୍ଗ୍, ଆପାନ୍ ସାନାଙ୍ଗ୍‌ତାନ୍‌ଲେକା କାମିତାନ୍‌କ ନାଙ୍ଗ୍, ପାର୍‌ମେଶ୍‌ବାର୍‌କେ କା ବରତାନ୍‌କ ନାଙ୍ଗ୍, ପାପ୍‌କାମିରେ ତାଇନ୍‌ତାନ୍‌କ ନାଙ୍ଗ୍, ସଡ଼ରାକାନ୍‌କ ନାଙ୍ଗ୍, ଆତଃ କା ଧାର୍‌ମାନ୍ କାମି କାମିତାନ୍‌କ ନାଙ୍ଗ୍, ଏଙ୍ଗା, ଆପୁକିନ୍‌କେ ଗଏଃତାନ୍‌କ ନାଙ୍ଗ୍, ହଡ଼ ଗଗଏଃକ ନାଙ୍ଗ୍,

* ୧:୨ ପ୍ରେରିତ୍ ୧୭:୧.

୧୦ ଆପାଞ୍ଜିରତାନ୍ କ ନାଞ୍, କଡ଼ା କଡ଼ାକଲଃ ଆପାଞ୍ଜିରତାନ୍ କ ନାଞ୍, ହଡ଼ ଆଖିରତାନ୍ କ ନାଞ୍, ବେଦାତାନ୍ କ ନାଞ୍, ହସଡ଼ ଗାଞ୍ଜା ଏମ୍ତାନ୍ କ ନାଞ୍ ଆତଃ ସବେନ୍ ବୁଗିନ୍ ଇନିତୁରେ କାଜିକେସେଦ୍ତାନ୍ କ ନାଞ୍ ନେ ଆଇନ୍ ବାଇୟାକାନା ।

୧୧ ପୁରାଃ ମାନାରାଞ୍ ସୁକୁଆନ୍ ପାର୍ମେଶ୍ଵାର୍ଆଃ ସୁକୁକାଜିରେ ସବେନ୍ ବୁଗିନ୍ ଇନିତୁ ଦହାକାନା । ଏନ୍ ସୁକୁକାଜିକେ ଉଦୁବ୍ ନାଗେନ୍ତେ ଆଇଞ୍ଜକେ ବାହାରମ୍ ଏମାକାନ୍ ତାଇକେନା ।

ପାର୍ମେଶ୍ଵାର୍ଆଃ ଲିନିବୁଇ ନାଗେନ୍ତେ ଧାନ୍ୟାବାଦ୍

୧୨ ଆୟାଃ କାମିରେ ପେଡେଃ ଏମାକାଦିଞ୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେଇଞ୍ ଜହାରିତାନା । ଇନିଃ ଆଇଞ୍କେ ପାତିୟାରରଃ ନିଃ ଲେକା ଆଟ୍ଟକାରକେଦ୍ତେ ଆଇଃକକେ ସେଞ୍ଜା ନାଞ୍ ସାଲ୍ଲାକାଦିୟାଏ ।

୧୩ ଆଇଞ୍କେଦ୍ ସିଦାକରେ ଯୀଶୁ ଖ୍ରୀଷ୍ଟକେଇଞ୍ ନିନ୍ଦାକିୟା, ସାସାତିକିୟା, ଆତଃ ଲାନ୍ଦାକିୟା, ଏନ୍ରେହ ପାର୍ମେଶ୍ଵାର୍ ଆଇଞ୍କେ ଦାୟାକେଦିୟା, ମେନ୍ଦ୍ ଆଇଞ୍ ଚିନାଃ କାମି ତାଇନାଇଞ୍ ଏନା କା ବିଶ୍ଵାସ୍ତେ ଆତଃ ବେଗାର୍ ସାରିତେଇଞ୍ କାମିକାଦା ।

୧୪ ଆତଃ ଆବୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦକାୟାନ୍ ହରାତେ ଆଇଞ୍ ଯୀଶୁ ଖ୍ରୀଷ୍ଟରେ ବିଶ୍ଵାସ୍ ଆତଃ ଦୁଲ୍ଲାଡ଼ରାଃ ମେନେସାରେ ମେନାଇୟା ।

୧୫ ପାପି ହଡ଼କକେ ବାଞ୍ଛାଅ ନାଗେନ୍ତେ ଯୀଶୁ ଖ୍ରୀଷ୍ଟ ଅତେଦିଶ୍ଵମ୍ତେ ହିଜୁଃୟାନା, ନେ କାଜି ପାତିୟାରରଃ ଲେକାନ୍ କାଜି ତାନାଃ, ନେଆଁକେ ସବେନ୍ କ ବିଶ୍ଵାସ୍ ଆତଃ ତେଲ୍ଲାଦାରମେ ଲାଗାତିଞ୍ୟାଃ । ଆଇଞ୍ ଇନ୍କୁଏତେ ପୁରାଃଗି ଏଡ଼କାନ୍ନିଃ ତାନିଞ୍ ।

୧୬ ଆଇଞ୍ ମାରାଞ୍ଡତାର୍ ପାପି ତାନିଞ୍ରେୟ ଯୀଶୁ ଖ୍ରୀଷ୍ଟଆଃ ସବେନ୍ ସାହାତିଞ୍ ଜୀଞ୍ଜାନ୍ ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଞ୍କେ ଦାୟାକେଦିୟା । ଏଟାଃକ ଜେ'ଲେକା ଯୀଶୁ ଖ୍ରୀଷ୍ଟତାଃରେ ବିଶ୍ଵାସେୟାକ ଆତଃ ଜାନାଅ ଜୀଦାନ୍ କ ନାମେୟା । ଏନା ନାଗେନ୍ତେ ଆଇଞ୍ ଇନ୍କୁଆଃ ନାଞ୍ ନାମୁନାଇଞ୍ ବାଇୟାକାନା ।

୧୭ କା ଜିୟନଃତାନ୍, କା ନେଲଃତାନ୍, ମିଆଁଦ୍ଗି ପାର୍ମେଶ୍ଵାର୍ ଜାନାଅ ଜାନାଅରେନ୍ ରାଜା, ଇନିୟାଃ ଏସ୍କାର୍ ମାଇନାନ୍ ଆତଃ ମାନାରାଞ୍ ଯୁଗ୍ ଯୁଗ୍ ହବାଃଆକା ! ଆମେନ୍ ।

୧୮ ହେ ଦୁଲ୍ଲାଡ଼୍ ହନ୍ ତମଥ୍, ଆମାଃ ନାଞ୍ ସିଦାରେ କାଜିୟାକାନ୍ ଆୟାରକାଜି ଲେକାତେ ଆଇଞ୍ ଆମ୍କେ ଆରୁମେତାନାଇଞ୍, ଏନ୍ ଲେକାଗି ଆମ୍ ସବେନ୍ ଆୟାରକାଜି ହରାତେ ବୁଗିଲେକାମ୍ ଲାଡ଼ାଇ ଦାଡ଼ିୟା ।

୧୯ ଆମ୍ ବିଶ୍ଵାସ୍ ଆତଃ ବୁଗିନ୍ ସେଣ୍ଟା ସାବେମେ, ନେଆଁ ବାଗିକେଦ୍ ନାଗେନ୍ତେ ଚିମିନ୍ ହଡ଼କ ଆକଆଃ ବିଶ୍ଵାସ୍ କ ଜିୟନ୍କାଦା ।

୨୦ ଇନ୍କୁଏତେ ହୁମ୍ନାୟ ଆତଃ ଆଲେକ୍ଜାଣ୍ଡ୍ର, ନେ ବାରାନ୍କିନ୍ ତାନ୍କିନ୍ । ନେ ବାରାନ୍କିନ୍କେ ଆଇଞ୍ ସାଏତାନ୍ଆଃ ତିଃରେଇଞ୍ ଜିମାକେଦ୍କିନା, ଜେ'ଲେକାତି ଇନ୍କିନ୍ ପାର୍ମେଶ୍ଵାର୍କେ କା ନିନ୍ଦାଇ ନାଗେନ୍ତେ ଇନିତୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଞ୍ଜାଇରାଃ ଇନିତୁ

୧ ଆଇଞ୍ ସିଦାତେ କାଜିଗରଞ୍ ତାନାଇଞ୍, ସେଞ୍ଜାତାନ୍ ଇମ୍ତା ସବେନ୍ କ ନାଗେନ୍ତେ ପାର୍ମେଶ୍ଵାର୍ତାଃରେ ବିକ୍ରି, ଏଟାଃକ ନାଞ୍ ବିକ୍ରି, ଆତଃ ଧାନ୍ୟାବାଦ୍ ଏମେପେ ।

୨ ନେ'ଲେକାଗି ରାଜାକଆଃ ନାଞ୍ ଆତଃ ଆକ୍ତେୟାର୍ ନାମାକାଦ୍ କ ନାଞ୍ ବିକ୍ରିପେ, ଜେ'ଲେକା ପାର୍ମେଶ୍ଵାର୍କେ ବରଭାକ୍ତିତାନ୍ଲଃ ସାଲ୍ସାନ୍ତ୍ରିବୁ ତାଇନା ଆତଃ ଏଟାଃକଲଃ ସୁକୁଜୀଉରେ ଜୀଦାନ୍ବୁ ବିତାଅ ଦାଡ଼ିୟା ।

୩ ନେ'ଲେକାନ୍ ବିକ୍ରି ଆବୁଆଃ ଜୀଉ ବାଞ୍ଛାଅନିଃ ପାର୍ମେଶ୍ଵାର୍ଆଃ ଆୟାରରେ ବୁଗିନ୍ ଆତଃ ସୁକୁଆନ୍ଗିୟା ।

୪ ସବେନ୍ ହଡ଼କଆଃ ଜୀଉ ବାଞ୍ଛାଅକା ଆତଃ ସାର୍ତି ବିଷାଏରେ ସେଣ୍ଟାକ ନାମେକା ମେନ୍ତେ ଇନିୟାଃ ସାନାଞ୍ତାନାଃ ।

୫ ଚିୟାଃଗି ମିଆଁଦ୍ଗି ପାର୍ମେଶ୍ଵାର୍ ମେନାଇୟା । ହଡ଼କକେ ପାର୍ମେଶ୍ଵାର୍ତାଃରେ ଆଉ ହୁଣ୍ଡିକନାଞ୍ ମିହୁଡ଼୍ଗି ମେନାଇୟା, ଇନିଃ ହବାଅତାନାଏ ମାନଞ୍ଜାହନ୍ ଯୀଶୁ ଖ୍ରୀଷ୍ଟ ।

୬ ଇନିଃ ସବେନକକେ ପାପହେତେ ରାଡ଼ା ନାଗେନ୍ତେ ଆଇଃକ୍ଗି ଦାଣ୍ଟୋରାକାବ୍ୟାନାଏ, ନେଆଁତେ ଆଟ୍ଟକାରୟାନା ଯେ, ପାର୍ମେଶ୍ଵାର୍ ଠାଉକା ନେତାରେ ସବେନ୍ ହଡ଼କକେ ବାଞ୍ଛାଅ ନାଗେନ୍ତେ ସାନାଞ୍ତାନା, ଏନାରେୟାଃ ସାରୁଦ୍ ଏମାକାଦାଏ ।

୭ ଏନ୍ ସାର୍ତି ଆତଃ ବିଶ୍ଵାସ୍ରାଃ କାଜି ସାଅଁସାର୍କତାଃରେ ଉଦୁବ୍ ନାଗେନ୍ତେ ଆଇଞ୍ ମିଆଁଦ୍ ଇତୁନିଃ ଆତଃ କୁଲ୍ଲାନାନ୍ନିଃ ଲେକାଇଞ୍ ସାଲ୍ଲାକାନା । ଆଇଞ୍ କାଞ୍ ବେଦାତାନା, ସାର୍ତିଗିଞ୍ କାଜିତାନା ।

☆ ୧:୧୩ ପ୍ରେରିଡ଼୍ ୮:୩; ୯:୪,୫. ☆ ୨:୭ ୨ ତିମଥ୍ ୧:୧୧.

୮ ସବେନ୍ କାଲିସିୟାରେୟାଃ ସେଞ୍ଜାକାମିରେ ହଡକ, ପାବିତାର୍ ହଡକ ବେଗାର୍ ଖୁସ୍ତେ ଆତଃ ବେଗାର୍ କାପ୍ଜିତେ ତିଃଇ ରିମ୍ବକେଦ୍ତେ ବିନ୍ଦିପେ ମେନ୍ତେ ଆଇଙ୍ଗ୍ ସାନାଙ୍ଗ୍ତାନାଇଙ୍ଗ୍ ।

୯ ଏନ୍ଲେକାଗି କୁଡ଼ିକହଗି ଆକଆଃ ଲିଜାଃ ତୁସିଙ୍ଗ୍ଅଃରେ ବୁଗିଲେକାତେ ତୁସିଙ୍ଗ୍ଅଃକାକ, ଉବ୍କେ ବାଇ ବାଇତେ କା ଗାଲାଙ୍ଗ୍କେଦ୍ତେ, ସୋନା ଚାଏ ମତି ଚାଏ ପୁରାଃ ଗନଙ୍ଗ୍ରାଃ ଲିଜାଃ ଆଲକାକ ତୁସିଙ୍ଗ୍ଅଃକା ।

୧୦ ମେନ୍ଦ୍ ବୁଗିନ୍ କାମିରେୟାଃ ସିଙ୍ଗାର୍ରେ ଆକ ଆକଗି ସିଙ୍ଗାରଃକାକ, ଆତଃ ଧାର୍ମାନ୍ କୁଡ଼ିକ ମେନ୍ତେକ କାଜିନ୍କା ।

୧୧ କୁଡ଼ିକ ସବେନ୍ କାଜିକରେ ହାପାଆଃ ନାଗେନ୍ତେ ଆତଃ ଲେବେଃ ମନ୍ରେ ଇତୁନ୍ ନାଗେନ୍ତେ ଲାଗାତିଙ୍ଗ୍ୟାଃ ।

୧୨ କୁଡ଼ିକ ଇତୁକକାକ ଚାଏ କଡ଼ାକଆଃ ଚେତାନ୍ରେ ଆକ୍ତେୟାର୍ରେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ଆତୁକତାନା, ମେନ୍ଦ୍ ଇନ୍କୁ ହାପାକାନ୍ଗି ତାଇନ୍କାକ ।

୧୩ ଚିୟାଃତି ପାର୍ମେଶ୍ୱାର୍ ସିଦାତେ ଆଦାମ୍ବେ ବାଇକିୟା, ଏନ୍ ତାୟମ୍ତେ ହାଞ୍ଜାକେ ।

୧୪ ଆତଃ ସିଦାତେ ଆଦାମ୍ କାଏ ବେଦାୟାନା, ମେନ୍ଦ୍ କୁଡ଼ି ବେଦାୟାନାଏ ଆତଃ ପାର୍ମେଶ୍ୱାର୍ଆଃ ଆନ୍ତୁକେ ଚଟାଃକେଦା ।

୧୫ ମେନ୍ଦ୍ ଇନ୍କୁ ବୁଗିନ୍ ସେଣ୍ଟାଲଃ ବିଶ୍ୱାସ୍, ଦୁଲାଡ୍ ଆତଃ ପାବିତାର୍ରେ ଆବରଗି ତାଇନଃରେଦ୍, ଇନ୍କୁ ଏଙ୍ଗା ହବାଅଃ ହରାତେ ପାରିତ୍ରାଣ୍ ନାମ୍ ଦାଡ଼ିୟାକ ।

୩

କାଲିସିୟାରେନ୍ ଆଗୁଆଇକ

୧ ନେ କାଜି ସାର୍ତିଗି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଅଃନାଙ୍ଗ୍ ସାନାଙ୍ଗ୍ରେଦ୍, ଇନିଃ ବୁଗିନ୍ କାମି ରିକା ନାଙ୍ଗ୍ ସାନାଙ୍ଗ୍ଆଃଏ ।

୨ ଚିୟାଃତି କାଲିସିୟାରେନ୍ ଆଗୁଆଇକଦ୍ ବେଗାର୍ ଚିଟାକାନ୍ ଲେକା ତାଇନ୍ ଲାଗାତିଙ୍ଗ୍ୟାଃ, ଇନିୟାଃ ମିଆଁଦ୍ଗି କୁଡ଼ି ତାଇନ୍ ଲାଗାତିଙ୍ଗ୍ୟାଃ, ଲେବେଃମନ୍ନିଃ, ଆପାନ୍ବେ ଆବରରେ ଦହନିଃ, ମାଇନ୍ ନାମେତାନ୍ନିଃ, ଆପ୍ନାଃ ଅଡ଼ାଃତେ ହିଜୁଃନିଃକେ ଦାରମିନିଃ ଆତଃ ଇନିଃ ଇତୁ ଦାଡ଼ିଲେକାନ୍ନିଃ ତାଇନ୍କାଏ,

୩ ଇନିଃ ଇଲିଆରଖ୍ତେ ବୁଲଃମନ୍ନିଃ ଚାଏ ଏଡ଼କାନ୍ନିଃ ଆଲକାଏ ହବାଅଃକା, ମେନ୍ଦ୍ ଲେବେଃମନ୍ନିଃ ଆତଃ ବାପାଇନିଃ ତାଇନ୍କାଏ । ଟାକା ପାଏସା ଦୁଲାଡ଼ିନିଃ ଆଲକାଏ ହବାଅଃକା,

୪ ଇନିଃ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ଦାଡ଼ିକ ଲେକା ଆତଃ ଆୟାଃ ହନ୍କ ଆଇଃକ୍କେ ସବେନ୍ ଲେକାନ୍ ମାଇନ୍ତେ ମାନାତିଙ୍ଗ୍ ଲେକାଏ ତାଇନ୍କା ।

୫ ଜେତାଏ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ନାଗେନ୍ତେ କାଏ ଇତୁଆନ୍ରେଦ୍ ଇନିଃ ପାର୍ମେଶ୍ୱାର୍ଆଃ କାଲିସିୟାକେ ଚିଲ୍କାତେ ଚାଲାଅ ଦାଡ଼ିୟା ?

୬ ଆତଃ ଇନିଃ ଖ୍ରୀଷ୍ଟ୍ ବିଶ୍ୱାସ୍ରେ ପକ୍ତକାନ୍ଗି ତାଇନ୍ ଲାଗାତିଙ୍ଗ୍ୟାଃ, କା'ରେଦ୍ ଇନିଃ ସାମାଗି ଆପାନ୍ବେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ ସାଏତାନ୍ ଲେକା ସାଜାଇରେ ଉୟୁଗଃଆ ।

୭ ଇନିଃ ଆଲକାଏ ଗିହୁଗଃକା ଆତଃ ସାଏତାନ୍ରାଃ ଫାଁସ୍ରିରେ ଆଲକାଏ ଉୟୁଗଃକା, ଏନାମେନ୍ତେ ଇନିଃକେ ବାହାରି କାଲିସିୟାରେନ୍ ହଡକତାଃଏତେ ହଗି ମାଇନ୍ ନାମେଲେକାନ୍ନିଃ ହବାଅଃ ଲାଗାତିଙ୍ଗ୍ୟାଃ ।

କାଲିସିୟାରେ ଦେଙ୍ଗାତାନ୍କ

୮ କାଲିସିୟାରେନ୍ ଦିକାନ୍କ ବୁଗିନ୍ ଚାଇଲ୍ ଚାଲାନ୍ ଆତଃ ମାଇନ୍ ନାମେଲେକା ହବାଅଃ ଲାଗାତିଙ୍ଗ୍ୟାଃ । ଇନ୍କୁ ଇଲିଆରଖ୍ ଆଲକାକ ନୁଁଏକା ଆତଃ ଟାକା ପାଏସାରେଆଃ ଲାଲାଡ୍ରେ ଆଲକାକ ତାଇନ୍କା ।

୯ ଇନ୍କୁ ଆବୁଆଃ ଧାରାମ୍ ବିଶ୍ୱାସ୍ରେୟାଃ ଉନ୍ନୁଦ୍ କାଜିରେୟାଃ ସାର୍ତିତେୟାଃକେ ଫାର୍ତି ବିବେକ୍ତେ ପୁରାଃ କେଟେଦ୍ ବିଶ୍ୱାସ୍ରେ ତାଇନ୍କାକ ।

୧୦ ଇନ୍କୁକେ ହଗି ସିଦାତେ ବିଡ଼ାଅ ଲାଗାତିଙ୍ଗ୍ୟାଃ, ଏନ୍ତେ ବେଗାର୍ ଚିଟାକାନ୍ ଲେକାକ ନେଲଃରେଦ୍, ଦିକାନ୍ ଲେକା ସୁନ୍ସାର୍ କାମିକ କାମିକା ।

୧୧ ଏନ୍ଲେକାଗି ଆକଆଃ କୁଡ଼ିକଆଃ ଚାଇଲ୍ ଚାଲାନ୍ ବୁଗିନ୍ ହବାଅଃ ଲାଗାତିଙ୍ଗ୍ୟାଃ ଆତଃ ଏଗାଃନିୟାଃ ବିରୁଧ୍ରେ ନିନ୍ଦା କାଜିକ କା କାଜିକେଦ୍ତେ ଲେବେଃମନ୍ନିଃ, ଆତଃ ସବେନ୍ କାଜିକରେ ପାଡ଼ିୟାର୍ରେ ଲେକା ତାଇନ୍ ଲାଗାତିଙ୍ଗ୍ୟାଃ ।

୧୨ କାଲିସିୟାରେନ୍ ଦିକାନ୍କଆଃ ମିଆଁଦ୍ଗି କୁଡ଼ି ତାଇନ୍ ଲାଗାତିଙ୍ଗ୍ୟାଃ ଆତଃ ଆକଆଃ ହନ୍କ ଆତଃ ଆକଆଃ ଅଡ଼ାଃରେନ୍କକେ ବୁଗିଲେକାତେ ଚାଲାଅକୁକାକ ।

☆ ୨:୯ ୧ ପାଡ଼ରାସ୍ ୩:୩. ☆ ୩:୨ ତିତସ୍ ୧:୭-୯.

୧୩ ବୁଗିଲେକାତେ ସୁସାରତାନ୍ ଦିକାନ୍କ, କାଲିସିୟାରେ ଇନ୍କୁ ଆକଆଃ ନାଗେନ୍ତେ ମାଇନ୍କ ନାମେୟା ଆତଃ ଯୀଶୁ ଖ୍ରୀଷ୍ଟରେ ବିଶ୍ୱାସକାଦ୍ କାଜି ପୁରାଃ ସାହାସକେଦତେକ କାଜି ଦାଡ଼ିୟା ।

ପାର୍ମେଶ୍ୱାରଆଃ ଉକ୍ତୁଆକାନ୍ କାଜି

୧୪ ଆଇଙ୍ଗ୍ ଜାଲ୍‌ଦିଗି ହିଜୁଃକେଦତେ ଆମ୍‌କେ ନେଲ୍‌ମେରାଃ ଆସ୍ତାରେ, ନେ ଚିଠାଉ ଆମାଃତାଃତେଇଙ୍ଗ୍ ଅଲେତାନା ।

୧୫ ମେନ୍‌ଦ ଆଇଙ୍ଗ୍ ହିଜୁଃ ନାଙ୍ଗ୍ ବିଲ୍‌ମେରେଦ, ଜୀନିଦ୍ ପାର୍ମେଶ୍ୱାରଆଃ ଅଡ଼ାଃରେ ଆବୁଆଃ ଚାଇଲ୍ ଚାଲାନ୍ ଚିଲ୍‌କା ହବାଅଃ ଲାଗାଡ଼ିଙ୍ଗ୍‌ୟାଃ, ଏନା ଆମ୍ ନେ ଚିଗାଉରେମ୍ ସାରି ଦାଡ଼ିୟା । ନେ ଜୀନିଦ୍ ପାର୍ମେଶ୍ୱାରଆଃ କାଲିସିୟାଗି ସାନାର୍‌ଡ଼ିରାଃ ଖୁଣ୍ଟୁ ଆତଃ ନିହିଁ ଗାଡ଼ା ତାନାଃ ।

୧୬ ଆବୁଆଃ ଧାରାମ୍ ବିଶ୍ୱାସରାଃ ନେ ମାରାଙ୍ଗ୍ ଉକ୍ତୁଆକାନ୍ ବିଷାଏକେ ସବେନ୍‌କ ମାନାଡ଼ିଙ୍ଗ୍ ଦାଡ଼ିୟାଃତେୟାଃ ତାନାଃ, ଖ୍ରୀଷ୍ଟ ମାନଝା ହଡ଼ମ୍‌ତେ ହିଜୁଃୟାନା, ପାବିତାର୍ ଆମ୍ ଇନିଃକେ ଧାର୍‌ମାନ୍ ହଡ଼ ମେନ୍ତେ ସାବୁଦ୍‌କିୟା, ଦୁଁଡ଼କତାଃରେ ନେଲ୍‌ରିକାୟାନା, ସବେନ୍ ହଡ଼କତାଃରେ ଇନିୟାଃ ବିଷାଏ ଉଦୁଦ୍‌ୟାନା, ଅତେଦିଶୁମ୍‌ରେ ଇନିଃ ପାଡ଼ିୟାର୍‌ରଃ ଲେକାଏ ହବାୟାନା, ଆତଃ ମାନାରାଙ୍ଗ୍‌ରେ ସିମାତେ ଇଦିୟାନା ।

୪

ହସଡ଼ ଇତୁକ

୧ ପାବିତାର୍ ଆମ୍ ପାର୍‌ଚାପାର୍‌ଚି କାଜିତାନା, ତାୟମ୍ ଦିପିଲିରେ ଚିମିନ୍ ହଡ଼କ ଖ୍ରୀଷ୍ଟ ବିଶ୍ୱାସକେକ ବାଗିୟା ଆତଃ ବେଦାତାନ୍ ଆମ୍‌କକେ ମାନାଡ଼ିଙ୍ଗ୍‌କେଦତେ ବଙ୍ଗାକଆଃ ଇନିତୁ ହରାକ ଅତଙ୍ଗ୍‌ୟେଆ ।

୨ ଇନ୍‌କୁ ହସଡ଼ ଇତୁକ ଆତଃ ବେଦାତାନ୍ ହଡ଼କ ତାନ୍‌କ । ଇନ୍‌କୁଆଃ ବିବେକ୍‌କ ଗଜାକାନା ଆତଃ ଅଣ୍ଡୁରକାନା ।

୩ ଏନ୍ ହସଡ଼ ଇତୁତାନ୍‌କ ଆଣ୍‌ଦି ନାଗେନ୍ତେ ଆତଃ ଚିମିନ୍ ଜମେତେୟାଃକ ଜମ୍ ନାଗେନ୍ତେ କା ବୁଗିନାଃ ମେନ୍ତେକ ଇତୁଆଃ । ମେନ୍‌ଦ ପାର୍ମେଶ୍ୱାରକେ ବିଶ୍ୱାସତାନ୍‌କ ଆତଃ ସାନାର୍‌ଡ଼ିକେ ସାରିତାନ୍ ହଡ଼କ ନାଙ୍ଗ୍ ଧାନ୍‌ଧାବାଦ୍ ଏମ୍‌ତାନ୍‌ଲଃ ଜମେ ନାଗେନ୍ତେ ପାର୍ମେଶ୍ୱାର୍ ନେ ସବେନାଃଏ ବାଇୟାକାଦା ।

୪ ଚିୟାଃଚି ପାର୍ମେଶ୍ୱାର୍ ବାଇୟାକାଦ୍ ସବେନାଃ ବୁଗିନ୍‌ଗିୟା, ଆତଃ ପାର୍ମେଶ୍ୱାରକେ ଧାନ୍‌ଧାବାଦ୍ ଏମ୍‌କେଦତେ ବିକ୍ରିତାନ୍‌ଲଃ ତେଲ୍‌ଏରେଦ ଜେଡ଼ନାଃ କା ଗେନାଆତମଃଆ ।

୫ ଚିୟାଃଚି ପାର୍ମେଶ୍ୱାର୍‌ଆଃ ବାଚାନ୍ ଆତଃ ବିକ୍ରି ହରାତେ ଏନା ପାବିତାର୍‌କାନା ।

ୟୀଶୁ ଖ୍ରୀଷ୍ଟଆଃ ବୁଗିନ୍ ଦାସି

୬ ହେ ତାମଥୁ, ଆମ୍ ବିଶ୍ୱାସକାଦ୍ ଆତଃ ଅତଙ୍ଗ୍‌ଆଉକାଦ୍ ସାର୍‌ତି ଇନିତୁକେ ଆମାଃ ହାଗା ମିଶିକକେମ୍ ଇତୁକରେଦ, ଆମ୍ ଯୀଶୁ ଖ୍ରୀଷ୍ଟଆଃ ବୁଗିନ୍ ଦାସିମ୍ ହବାଅଃଆ ।

୭ ପାର୍ମେଶ୍ୱାର୍ କାଏ ସୁକୁଃ ଲେକାନ୍ ସାମାକାଜିକକେ ବାଗିକେଦତେ ଆମାଃ ଧାର୍‌ମାନ୍ ଜୀଦାନ୍‌କେ କେଚେଜେ ନାଗେନ୍ତେ ଇତୁନ୍‌ମେ ।

୮ ଚିୟାଃଚି ହଡ଼ମ୍‌ରେୟାଃ କାସ୍‌ରାଡ଼୍ କାଚିଃଲେକା ବୁଗିନ୍‌ଗିୟାଃ, ମେନ୍‌ଦ ପାର୍ମେଶ୍ୱାର୍‌ଆଃ କାଜିଲେକା ଜୀଦାନ୍ ବିତାଅତେୟାଃ ସବେନ୍ ଲେକାତେ ବୁଗିନାଃ, ଚିୟାଃଚି ନେ ଦିପିଲି ଆତଃ ହିଜୁଃ ଦିପିଲି, ନେ ବାରାନ୍ ଦିପିଲିରେୟାଃ ଜୀଦାନ୍ ନାଗେନ୍ତେ ବାନାର୍‌ସା ଏମାକାନା ଆତଃ ଏନା ପୁରାଃଗି ବୁଗିନାଃ ତାନାଃ ।

୯ ନେଆଁ ସାର୍‌ତି କାଜି ତାନାଃ, ଆତଃ ନେଆଁକେ ତେଲ୍‌ଏ ଲେକାନାଃ ତାନାଃ ।

୧୦ ଏନା ନାଗେନ୍ତେଦ ଆବୁ ସବେନ୍‌କ ଲାଗାଉତାରଃଗିବୁ କାମିତାନା, ଚିୟାଃଚି ଆବୁ ଜୀନିଦ୍ ପାର୍ମେଶ୍ୱାର୍‌ତାଃରେବୁ ଆସ୍ତାକାଦା, ଇନିଃ ସବେନ୍ ହଡ଼କଆଃ ଆତଃ ଆଇଃକ୍‌କେ ବିଶ୍ୱାସତାନ୍‌କଆଃ ବାଞ୍ଛାଅନିଃ ତାନିଃ ।

୧୧ ଆମ୍ ଇନ୍‌କୁକେ ନେ ସବେନ୍ ବିଷାଏକ ଆରୁକମେ ଆତଃ ଇତୁକମେ ।

୧୨ ଆମାଃ ଜାଝାନ୍ ଦିପିଲି ନାଗେନ୍ତେ ଜେତାଏ ଆମ୍‌କେ ଆଲକାକ ହିଲ୍‌ଲ୍‌ମେକା, ମେନ୍‌ଦ ଆମାଃ କାଜିରେ, ଚାଇଲ୍ ଚାଲାନ୍‌ରେ, ଦୁଲ୍‌ଲ୍‌ଡ଼ରେ, ବିଶ୍ୱାସରେ ଆତଃ ଫାର୍‌ଚିରେ, ବିଶ୍ୱାସୀକ ନାଙ୍ଗ୍ ନାମୁନା ହବାଅଃମେ ।

୧୩ ଆଇଙ୍ଗ୍ ଆମାଃତାଃ ଆଉରି ହିଜୁଃ ଜାକେଦ୍, ଧାରାମ୍‌ପୁଥୁ ପାଡ଼ାଅରେ, ପାର୍‌ଚାର୍ କାମିରେ, ଆତଃ ଇନିତୁରେ ନେଡା ଏମେମେ ।

୧୪ କାଲିସିୟାରେନ୍ ପ୍ରାଚିନ୍‌କ ଆମ୍‌କେ ପାର୍ମେଶ୍ୱାର୍‌ଆଃ କାଜି କାଜିକେଦତେ ଆମାଃ ବହଃ ଚେତାନ୍‌ରେ ଡିଃଇ ଦହକେଦ୍ ଇମ୍‌ତା ଆମ୍ ଅକ ଆମ୍‌କ୍ ଦାନ୍‌କ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା*ଏୟା ।

୧୫ ଏନ୍ ସବେନ୍ କାଜିକାମିକରେ ବୁଗିନ୍ କାମିନିଃ ହବାଅଃମେ ଆତଃ ଏନାକରେ ତାଇକାନ୍‌ମେ, ଏନାତେ ଆମାଃ କାଜିକାମି ସବେନ୍‌କତାଃରେ ଆୟୁର୍‌ତେ ବାଡ଼ାଅଇଦିୟାଆ ।

* ୪:୧୪ ଅବହେଲା

୧୭ ଆମାଃ ନାଙ୍ଗ୍ ଆତଃ ଆମାଃ ଇନିତୁ ନାଙ୍ଗ୍ ଚିର୍ଗାଲାନନ୍ ତାଇନଫେ, ନେ ସବେନ୍ କାଜିକାମିକରେ ତାଇକାନଫେ, ଚିୟାଃତି ଆମ୍ ନେ କାମିମ୍ ରିକାଏରେଦ, ଆମ୍ ଆମାଃ ପାରିତ୍ରାଣ୍ ଆତଃ ଆମ୍ କେ ଆୟୁମେତାନକ୍ ବାଞ୍ଚାଅଃଆ ।

୫

ବିଶ୍ୱାସୀକଆଃ କାମିରାଃ ବାହାରମ୍

୧ ହାଡ଼ାମ୍ ହଡ଼କକେ ଆଲମ୍ ମାରାଙ୍ଗମଚାକଆ, ମେନ୍ଦ ଆପୁଲେକା ମାଇନକମେ ଆତଃ ସେପେଡ଼େଦକକେ ହାଗାକଲେକା ମାଇନକମେ ।

୨ ବୁଡ଼ିଆକକେ ଏଙ୍ଗାଲେକା ଆତଃ ଡିଣ୍ଡା କୁଡ଼ିକକେ ଫାର୍ତି ମନ୍ତେ ମିଶିଲେକା ମାଇନକମେ ।

୩ ଏସ୍କାରାକାନ ରାଣ୍ଡିକୁଡ଼ିକକେ ଯାଡ଼ନାଅକମେ ।

୪ ମେନ୍ଦ ଜେତା ରାଣ୍ଡିକୁଡ଼ିଆଃ ହନ୍ଗାଣା ଚାଏ ଆୟାଃ ଜାଈହନ୍ଦ ମେନାକରେଦ, ଇନ୍କୁ ସିଦାତେ ଆକଆଃ ଅଡ଼ାଃରେନକକେ ଭାଲ୍ଲି ଦେଖାଅ ନାଗେନ୍ତେ ଆତଃ ଏଙ୍ଗାଆପୁକଆଃ ବୁଗିନାଃ ରିକା ନାଗେନ୍ତେକ ଇଡୁନକା, ଚିୟାଃତି ନେଆଁଦ ପାର୍ମେଶ୍ୱାର୍ଆଃ ନେପେଲରେ ସୁଗାଡ଼ାନଗିଆ ।

୫ ସାର୍ତିଗି ଏସ୍କାରକାନ ଆତଃ ଜେତାଏ କାକ ଜାତାନିତାନ ରାଣ୍ଡିକୁଡ଼ି, ପାର୍ମେଶ୍ୱାର୍ତାଃରେ ଆସ୍ତା ଦହକେଦ୍ତେ ନିଦା ସିଙ୍ଗି ଆୟାଃ ଦେଙ୍ଗାନାଙ୍ଗ୍ ବିନ୍ତିତାନଲଃ ତାଇନକାଏ ।

୬ ମେନ୍ଦ ଜେତାଏ ରାଣ୍ଡିକାନରେୟ ରିଜରାଙ୍ଗ୍ରେ ତାଇନତାନନିଃ, ଜାନିଦ୍ ତାଇନରେୟଗି ଗଜାକାନାଏ ।

୭ ଇନ୍କୁ ବେଗାର୍ ଚିଟାକାନ ଲେକାକ ହବାଅଃଆ, ଏନାମେନ୍ତେ ଆମ୍ ନେ ସବେନାଃହଗି ଇନ୍କୁକେ ଆଡୁକମେ ।

୮ ମେନ୍ଦ ଜେତାଏ ଆୟାଃ କୁଚୁମ୍ କଆଃ ଆତଃ ଆୟାଃ ଅଡ଼ାଃରେନକଆଃ ଯାତାନ ଇଦି କାଏ ଦାଡ଼ିନିଃ ବିଶ୍ୱାସକେ ବାଗିକାଦା ଆତଃ ଇନିଃ କା ବିଶ୍ୱାସ୍ତାନକଏତେ ପୁରାଃଗି ଏଡ଼କାନଃଆ ।

୯ ଜେତା ରାଣ୍ଡିକୁଡ଼ିଆଃ ବାୟାସ୍ ଷାଠିଏତେ ଆଦକା ବାରାଷ୍ ଆଉରି ହବାଅଃ ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାଗି ଆଶ୍ୱିକାନନିଃ ହବାଅଃକାଏ ।

୧୦ ଆତଃ ଇନିଃ ଆୟାଃ ବୁଗିନ୍ କାମିରେ ନୁଡୁମାକାନନିଃ, ନେ'ଲେକାଚି ଆୟାଃ ହନ୍ଦଆଃ ହାରାଆସୁଲନିଃ, କା ଚିଙ୍ଗାର୍ କଆଃ ସେଖାନିଃ, ପାବିତାର୍ ହଡ଼କଆଃ କାଚା ଆବୁଙ୍ଗନିଃ, ଦୁକୁତାନକକେ ଦେଙ୍ଗାନିଃ ଆତଃ ସବେନ୍ ଲେକାନ ବୁଗିନ୍ କାମିକରେ ଚିହୁଲନିଃ ତାନିଃରେଦ, ଇନିଃ ରାଣ୍ଡିକୁଡ଼ିକଆଃ ନୁଡୁମ୍ରେ ହିସାବଃକା ।

୧୧ ମେନ୍ଦ ଧାଙ୍ଗ୍ଡି ରାଣ୍ଡିକୁଡ଼ିକକେ ଆଲମ୍ ମେସାକଆ, ଚିୟାଃତି ଇନ୍କୁ କଡ଼ାକଲଃ ଏଡ଼କାନ ସାନାଙ୍ଗ୍ରେ ଉୟାଃକେଦ୍ତେ ଆଶ୍ୱିୟାଃ ନାଙ୍ଗ୍ କ ସାନାଙ୍ଗ୍ଆଃ, ଇମ୍ତା ଇନ୍କୁ ଯୀଶୁ ଖ୍ରୀଷ୍ଟାଃଏତେକ ସାଙ୍ଗିନଃଆ ।

୧୨ ଆତଃ ଇନ୍କୁ ଆକଆଃ ପାହିଲା ବାନାର୍ସାକେ ବାଗିକାଦ୍ ନାଗେନ୍ତେ ଆକଗି ସାଜାକ ଆଉକାଦା ।

୧୩ ଇନ୍କୁ ଜେଡ଼ନାଃ କା କାମିକେଦ୍ତେ ଅଡ଼ାଃ ଅଡ଼ାଃ ହନ୍ଦବାଡ଼ାତାନଲଃ ସାମାଏ ବିତାଅ ନାଗେନ୍ତେକ ଇଡୁକାନା, ଏନା ଏସ୍କାର୍ କାହାଗି, ମେନ୍ଦ ସାମାକାଜିକ ଆତଃ ଏଟାଃକଆଃ ରୁପ୍ପରା କାଜିକ କାଜିତାନଲଃ କା ଠାଉକାନ କାଜିକ ଜାଗାର୍ରାଃ ।

୧୪ ଏନାମେନ୍ତେ ଧାଙ୍ଗ୍ଡି ରାଣ୍ଡିକ ଆଶ୍ୱିକେଦ୍ତେ ହନ୍ ଜାନାମ୍ କକାକ, ଆକଆଃ ଅଡ଼ାଃରେୟାଃ କାମିକ କାମିକା, ମେନ୍ତେଇଙ୍ଗ୍ ସାନାଙ୍ଗ୍ତାନା, ନେକା ରିକାଲେରେ ବାଇରିକକେ ଆବୁଆଃ ବିରୁଧ୍ରେ ଏଡ଼କାନ କାଜି ନାଗେନ୍ତେ ହରା କାକ ନାମେୟା ।

୧୫ ଚିୟାଃତି ନାହାଃହଗି ଚିମିନ୍ ଧାଙ୍ଗ୍ଡି ରାଣ୍ଡିକୁଡ଼ିକ ସାଏତାନକେ ଅତଙ୍ଗ୍ ନାଗେନ୍ତେ ରୁହାଡ଼୍ୟାନଗିଆକ ।

୧୬ ଜେତାଏ ବିଶ୍ୱାସୀ କୁଡ଼ିଆଃ ଅଡ଼ାଃରେ ରାଣ୍ଡିକୁଡ଼ିକ ମେନାକରେଦ, ଇନିଃ ଇନ୍କୁକେ ଦେଙ୍ଗାକକାଏ । ଏନାତେ କାଲିସିୟା ଚେତାନରେ ଇନ୍କୁଆଃ ବାହାରମ୍ ଆଲକା ଲାଦିୟାଃକା, ଆତଃ କାଲିସିୟା, ଏସ୍କାରାକାନ ରାଣ୍ଡିକୁଡ଼ିକଆଃ ଯାତାନ ଇଦି ନାଗେନ୍ତେ ଦାଡ଼ିୟା ।

୧୭ କାଲିସିୟାରେ ଅକନ୍ ପ୍ରାଚିନ୍ଦ ବୁଗିଲେକାତେ କାମିତାନକକେ, ବିଶେଷକେଦ୍ତେ ଅକନ୍ଦ ବାଚାନ ଉଡୁବ୍ରେ ଆତଃ ଇନିତୁରେ ଲାଗାଉତାରଃଗି କାମିତାନକକେ ବାର୍ ହିସା ଆଦକା ମାଇନ୍ ନାମେଲେକା ବୁଗିନ୍ ନାଲା ଏମାକପେ ।

୧୮ *ଚିୟାଃତି ଧାରାମ୍ପୁଥ୍ରେ ଅଲକାନା, “ବାବା ଦାଉଁରିତାନ ଉରିଃକ୍ କଆଃ ମଚା ଆଲ୍ପେ ତଲେୟା,” ଆତଃ “କାମିତାନନିଃ ଆୟାଃ ନାଲା ନାମେଗିୟାଏ ।”

୧୯ ବାର୍ହଡ଼୍ ଚାଏ ଆପିହଡ଼୍ଏତେ ଆଦକା ଗାଞ୍ଜା ବାଙ୍ଗ୍ କରେଦ, ପ୍ରାଚିନ୍ଦଆଃ ବିରୁଧ୍ରେ ଚିଟାତାନକଆଃ କାଜି ଆଲମ୍ ଆୟୁମାଃ ।

୨୦ ଏଟାଃ ହଡ଼କ ବରଏକାକ ମେନ୍ତେ ପାପ୍ତାନକକେ ସବେନକଆଃ ଆୟାର୍ରେ ବଡ଼ଙ୍ଗକମେ ।

୨୧ ଆଇଙ୍ଗ୍ ଆମ୍ କେ ପାର୍ମେଶ୍ୱାର୍ଆଃ, ଯୀଶୁ ଖ୍ରୀଷ୍ଟାଃ ଆତଃ ସାଲକାନ ଦୁଁଡ଼କଆଃ ଆୟାର୍ରେଇଙ୍ଗ୍ ଆଚୁମେତାନ ଆନାଚୁକେ ମାନାଡ଼ିଙ୍ଗମେ । ଜେତାଏୟାଃ ବିରୁଧ୍ରେ ମେଦ୍ମୁହାଡ଼୍ ନେଲକେଦ୍ତେ ଆଲମ୍ ବିଚାରେୟା ଚାଏ ଜେଡ଼ନାଃ ଆଲମ୍ ରିକାୟା ।

☆ ୫:୧୮ ମାଥୁର ୧୦:୧୦; ଲୁକ ୧୦:୭.

୨୨ ଜେତାଏରେ ଇମ୍ତାଗି ତିଃଇ ଦହକେଦ୍ତେ ବିକ୍ରିତାନଲଃ ପାର୍ମେଶ୍ଵାର୍ଥାଃ ସେଞ୍ଜା କାମିନାଙ୍ଗ୍ ଆଲମ୍ ସାଲାକଥା । ଏଟାଃକଥାଃ ପାପ୍ରେ ଆଲମ୍ ମେସାନାଃ, ଆମ୍ ଆମ୍ଗି ଫୀରୁତିଆକାନ୍ ତାଇନ୍ମେ ।

୨୩ ଦାଆଃ ଏସକାର୍ କା ନୁଁକେଦ୍ତେ ଆମାଃ ଲାହିଦୁରାଃ ହାସୁଏତେ ଆତଃ ସବେନ୍ ଇମ୍ତା ଆମାଃ ହଡ଼୍ମ ବେଶ୍ କା ତାଇନ୍ତାନ୍ ହରାତେ ଆମ୍ ହୁଡ଼ିଙ୍ଗ୍ଲେକା ଦାଖ୍‌ରାସି ନୁଁଇମେ ।

୨୪ ଚିମିନ୍ ହଡ଼କଥାଃ ପାପ୍ କ ବିଚାରରେୟାଃ ସିଦାରେ ନେଲଃତାନା ମେନ୍ଦ୍ ଚିମିନ୍ ହଡ଼କଥାଃ ପାପ୍ କ, ତାୟମ୍ତେ ନେଲଃତାନା ।

୨୫ ଏନ୍ଲେକାଗି ବୁଗିନ୍ କାମିକ ବୁଗିଲେକା ନେଲଃତାନା ଆତଃ କା ନେଲଃତାନ୍ତେୟାଃ ଉକୁକାନ୍‌ଗି କା ତାଇନ୍ ଦାଡ଼ିୟଃଆ ।



୧ ଯୀଶୁ ଖ୍ରୀଷ୍ଟକେ ବିଶ୍ଵାସ୍ତାନ୍ କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେୟାଃ ଆକ୍ତେୟାରରେ ମେନାକ ସବେନ୍ ଦାସିକ ଆପ୍ନାଃ ଗୁସିୟାକକେ ସବେନ୍ ଲେକାତେ ମାଇନ୍‌କପେ, ଜେ'ଲେକାଟି ଜେତାଏ ପାର୍ମେଶ୍ଵାର୍ଥାଃ ନୁଡୁମ୍ ଆତଃ ଆରୁଆଃ ଇନିତୁକେ ଏଡ଼କାନାଃ ତାନାଃ ମେନ୍ତେ କାକ କାଜିୟା ।

୨ ଆତଃ ଅକନ୍ ଦାସିକଥାଃ ଗୁସିୟାକ ବିଶ୍ଵାସୀତାନ୍‌କ, ଇନ୍‌କୁକେ ଆରୁଆଃ ହାଗାକ ତାନ୍‌କ ମେନ୍ତେ ମାଇନ୍ ଏମ୍ ନାଗେନ୍ତେ ଆଲପେ ହିଡ଼କିଚାଆଃଆ, ମେନ୍ଦ୍ ପୁରାଃତେ ଇନ୍‌କୁକେ ସୁସାରକପେ, ଚିୟାଃଟି ଅକନ୍‌କ ଆକଥାଃ କାମିତେ ଲାଭକ ନାମେତାନା, ଇନ୍‌କୁ ହଗି ବିଶ୍ଵାସୀ ଆତଃ ପୁରାଃ ଦୁଲାଡ଼୍ ନାମେ ଲେକାନ୍‌କ ତାନ୍‌କ । ନେ ସବେନାଃ ଆମ୍‌କେ ଇତୁ ଆତଃ ଉଦୁବ୍ ଲାଗାତିଙ୍ଗ୍‌ୟାଃ ।

ହସଡ଼ ଇନିତୁ ଆତଃ ସାର୍ତି ଖୁଜ୍

୩ ଜେତାଏ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟାଃ ସାର୍ତି ଇନିତୁ ଲେକା କାଏ ଇତୁତାନା, ତାଏ ଆୟାଃ ଇନିତୁ କା ମେସାଅଃତାନା ଆତଃ ଧାରାମ୍ ବିଶ୍ଵାସ୍ରେଆଃ ଇନିତୁଏତେ ଏଟାଃଲେକାଏ ଇତୁତାନ୍‌ରେଦ୍,

୪ ଇନିଃ ଜେତ୍‌ନାଃ କା ସାରିକେଦ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନାଃ । ଇନିଃ ଏଡ଼କାନ୍ ସାନାଙ୍ଗ୍, ଧାରାମ୍‌ପୁଅରାଃ ବାଚାନ୍ ବିଷାଏରେ କାପ୍‌ଜି, ହିସ୍‌ଜା, ଏପ୍‌ରାଙ୍ଗ୍, ଏଟାଃକଥାଃ ନିନ୍ଦାକାଜି, ଆତଃ ଏଡ଼କାନାଃକ ଉଡ଼ଗୁାଃଏ,

୫ ଆତଃ ଅକନ୍‌କ ଧାରାମ୍ ବିଶ୍ଵାସ୍‌ଗି କିସାଁଶ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉଡ଼ଗୁଇୟା, ନେ ଲେକାନ୍ ହଡ଼କ ବେଗାର୍ ଉଡ଼ଗୁକେଦ୍ତେ ସାମାକାଜିତେକ କାପ୍‌ଜିୟାଃ ଆତଃ ସାନାର୍ତି ଇନ୍‌କୁତାଃରେ ବାନଃଆ ।

୬ ଧାରମାନ୍ ହଡ଼ ସାର୍ତିତେ କିସାଁଶ୍ ତାନିଃ, ଚିୟାଃଟି ଇନିଃତାଃରେ ଅକ୍‌ନାଃ ମେନାଃ ଇମ୍‌ନାଙ୍ଗ୍‌ରେଗି ଇନିଃ ସୁକୁଃତାନାଏ ।

୭ ଚିୟାଃଟି ଆରୁଦ୍ ଅତେଦିଶୁମ୍‌ତେ ଜେତ୍‌ନାଃ କାରୁ ଆଉ, ଆତଃ ନେତାଃଏତେ ଜେତ୍‌ନାଃ କାରୁ ଇଦି ଦାଡ଼ିୟା ।

୮ ମେନ୍ଦ୍ ଆରୁତାଃରେ ଜମେୟାଃ, ଆତଃ ତୁସିଙ୍ଗ୍ ନାଗେନ୍ତେ ଲିଜାଃ ମେନାଃରେଦ୍, ଆରୁ ନାଙ୍ଗ୍ ଇମ୍‌ନାଙ୍ଗ୍‌ଗି ଲାଗାତିଙ୍ଗ୍‌ୟାଃ ।

୯ ଜେତାଏ କିସାଁଶ୍ ହବାଅଃ ନାଙ୍ଗ୍ ସାନାଙ୍ଗ୍‌ତାନ୍‌ରେଦ୍, ବିଡ଼ାଅ ଆତଃ ଏଡ଼କାନ୍ ଫାଁସ୍‌ରେକ ଉୟୁଗଃଆ, ଆତଃ ଆକଥାଃ ମନ୍‌ରେ ପୁରାଃ କା ଲାଗାତିଙ୍ଗ୍ ଏଡ଼କାନ୍‌ରାଃ ସାନାଙ୍ଗ୍‌ରେକ ଉୟୁଗଃଆ, ନେ ସବେନାଃ ଇନ୍‌କୁକେ ଜିୟନଃ ନାଗେନ୍ତେ ଆଇଜ୍ ଇଦିକଥା ।

୧୦ ଚିୟାଃଟି ଟାକା ପାଏସାରାଃ ଦୁଲାଡ଼୍ ସବେନ୍ ଲେକାନ୍ ଏଡ଼କାନାଃରାଃ ରେହେଦ୍ ତାନାଃ । ଚିମିନ୍ ହଡ଼କ ଟାକା ପାଏସା ନାମେ ନାଙ୍ଗ୍ ପୁରାଃ ସାନାଙ୍ଗ୍‌ତାନ୍ ହରାତେ, ଇନ୍‌କୁ ଆକଥାଃ ବିଶ୍ଵାସ୍‌କ ବାଗିକେଦ୍ତେ ଏଡ଼କାନ୍ ହରାକ ଅତଙ୍ଗ୍‌କାଦା ଆତଃ ପୁରାଃ ଦୁକୁତେ ଆକଥାଃ ମନ୍‌ସୁରୁଦ୍‌କ ଦୁକୁଃତାନା ।

ଚୁଶୁ କ୍ଵାଜି

୧୧ ମେନ୍ଦ୍ ହେ ତୀମଥ୍, ଆମ୍ ମିହୁଡ଼୍ ପାର୍ମେଶ୍ଵାର୍ଥାଃ ହଡ଼ ତାନ୍‌ମେ, ଏନାତେ ନେ ସବେନାଃଏତେ ସାଙ୍ଗିନଃମେ ଆତଃ ଧାରମାନ୍, ପାର୍ମେଶ୍ଵାର୍ଥାଃ କାଜିଲେକା ସେସେନ୍‌ମେ, ବିଶ୍ଵାସ୍, ଦୁଲାଡ଼୍, ସାହାତିଙ୍ଗ୍ ଜୀଞ୍ଜାନ୍ ଆତଃ ଲେବେଃମନ୍‌ତେ ସେସେନ୍‌ମେ ।

୧୨ ଖ୍ରୀଷ୍ଟ ବିଶ୍ଵାସ୍‌ରାଃ ବୁଗିନ୍ ଲାଡ଼ାଇରେ ଲାଡ଼ାଇମେ, ଜାନାଅ ଜାନାଅରେୟାଃ ଜୀଦାନ୍ ସାବାକାମେ, ଏନା ନାଗେନ୍ତେ ପାର୍ମେଶ୍ଵାର୍ ଆମ୍‌କେ ସାଲାକାଦ୍‌ମେୟା ଆତଃ ପୁରାଃ ଗାଞ୍ଜାକଥାଃ ସାମ୍‌ନାଙ୍ଗ୍‌ରେ ବୁଗିନ୍ ଗାଞ୍ଜାମ୍ ଏମାକାଦା ।

୧୩ ଏସବେନକକେ ଜୀଦାନ୍ ଏମ୍‌ତାନ୍ ପାର୍ମେଶ୍ଵାର୍ଥାଃ ସାମ୍‌ନାଙ୍ଗ୍‌ରେ ଆତଃ ପକ୍ତିୟସ୍ ପିଲାତୁସ୍‌ଆଃ ଆୟାର୍‌ରେ ବୁଗିନ୍ ଗାଞ୍ଜା ଏମ୍‌ତାନ୍‌ନିଃ ଯୀଶୁ ଖ୍ରୀଷ୍ଟାଃ ସାମ୍‌ନାଙ୍ଗ୍‌ରେ, ଆଇଙ୍ଗ୍ ଆମ୍‌କେଇଙ୍ଗ୍ ଆରୁମେତାନା ।

୧୪ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟାଃ ଆତଃମିସା ହିନିଜୁଃ ଜାକେଦ୍ ଆମ୍‌କେ ଏମାକାଦ୍‌ମେ ଆନାରୁକେ ମାନାତିଙ୍ଗ୍‌ତାନ୍‌ଲଃ, ବେଗାର୍ ଦାଗିୟଃ ଆତଃ କା ନିନ୍ଦାଅଃ ଲେକା ତାଇନ୍‌ମେ ।

☆ ୬:୧୩ ଯୋହାନ୍ ୧୮:୩୭.

^{୧୫} ଯୀଶୁ ଖ୍ରୀଷ୍ଟ ଆଡ଼଼ିଆ ଆଡ଼଼ିଆ ହିନ୍ଦୁ ବିଷାଏରେ ପାରମ୍ପୋଗ୍ ଆଇକ୍ଟି ଦିପିଲି ସାଲାଏୟା, ଇନିଃ ଧାଇନ୍‌ଗିୟାଏ ଆଡ଼଼ି ଇନିଃ ଏସ୍‌କାର୍ ଆକ୍‌ତେୟାର୍ ନାମାକାଦ୍‌ନିଃ, ରାଜାକଆଃ ରାଜା ଆଡ଼଼ି ପ୍ରାଭୁକଆଃ ପ୍ରାଭୁ ତାନିଃ ।

^{୧୬} ଇନିଃ ଏସ୍‌କାର୍ ଚିତ୍ତଲାଅ କାଏ ଗଜଃଆ, ଆଡ଼଼ି ଜେତାଏ ଇନିଃକେ କା ତେବାଃ ଦାଡ଼ିୟଃଲେକାନ୍ ମାସ୍‌ଲରେ ତାଇନଃତାନା । ଇନିଃକେ ଜେତାଏ ହଡ଼ ଚିତ୍ତଲାଅ କାକ ନେଲ୍ ତାଏ କାକ ନେଲ୍‌ଦାଡ଼ିୟା । ଇନିଃୟାଃ ମାଇନାନ୍ ଆଡ଼଼ି ପେଡ଼େଃ ଜାନାଅ ଜାନାଅ ହବାଃଅକା ! ଆମେନ୍ ।

^{୧୭} ନେ ଅଡେଦିଶ୍ଟୁମ୍‌ରେନ୍ କିସାଣ୍ ହଡ଼କ, ଆପେ ଆପାନ୍‌କେ ମାରାଙ୍ ମେନ୍ତେ ଆଲପେ କାଜିନ୍ ଆଡ଼଼ି କା ତାଇନଃ ଜିନିଷ୍‌ରେ ଆଲପେ ଆସ୍‌ଆୟା, ମେନ୍‌ଦ ଆରୁକେ ଆରୁଆଃ ସୁକୁରାସ୍‌କା ନାଙ୍ ସବେନାଃ ଏମାରୁତାନ୍ ପାରମ୍ପୋଗ୍‌ତାଃରେ ଆସ୍‌ଆୟେ ମେନ୍ତେ ଆରୁକମ୍ ।

^{୧୮} ଆଡ଼଼ି ବୁଗିନାଃ ରିକାକେଦ୍‌ତେ ବୁଗିନ୍ କାମିକରେ କିସାଣ୍‌ଠେ, ଆଡ଼଼ି ଲେବେଃ ମନ୍‌ତେ ଏଟାଃକଲଃ ହାଟିଙ୍ ନାଙ୍ ସେକାଡ଼ାକାନ୍‌ପେ ମେନ୍ତେ ଆରୁକମେ ।

^{୧୯} ନେ ଲେକାକ ରିକାଏରେଦ, ଇନ୍‌କୁ ଆକଆଃ ନାଗେନ୍ତେ ହିନ୍ଦୁ ଦିପିଲିରେ ପୁରାଃ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବାଅଃତାନା ନିହ୍‌ଗାତା, ଅକ୍‌ନାଃରେଚି ଇନ୍‌କୁଆଃ ହିନ୍ଦୁ ଦିପିଲିରାଃ ଜୀଦାନ୍ ତିଙ୍ ଦାଡ଼ିୟାଆ । ଏନ୍ତେ ଟୁଣ୍ଡିରୁ ଇନ୍‌କୁ ସାର୍‌ତି ଜୀଦାନ୍‌କ ନାମେୟା ।

^{୨୦} ହେ ତାମଥ୍, ଆମାଃତାଃରେ ଜିମାକାନ୍ ବାହାରମ୍‌କେ ବୁଗିଲେକା ମାନାତିୟେମେ, ଚିମିନ୍ ହଡ଼କ ସାମାକାଜିକେ ଆଡ଼଼ି ତଣ୍ଡି କାପ୍‌ଜିକେ ବୁଗିନ୍ ସେଣାଁ ତାନାଃ ମେନ୍ତେକ କାଜିତାନା, ଏନାକଏତେ ଆମ୍ ସାଜିନ୍‌ରେ ତାଇନ୍‌ମେ ।

^{୨୧} ଚିମିନ୍ ହଡ଼କ ଏନାଗି ସାର୍‌ତି ତାନାଃ ମେନ୍ତେ କାଜିତାନ୍‌ଲଃ, ଇନ୍‌କୁ ଆକଆଃ ବିଶ୍ୱାସ୍‌କ ଆଦାକାଦା । ପାରମ୍ପୋଗ୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ତୀମଥ୍ ନିକଟକୁ ପାଉଲକ ଦ୍ଵିତୀୟ ପତ୍ର ତୀମଥ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ଏଗାଃ ଚିଗାଉ ପାରିବାଏ

ନେ ପୁଅ, ତୀମଥ୍‌ତାଃତେ ଅଲ୍ଲକାନ୍ ପାଉଲୁସ୍‌ଆଃ ଏଗାଃ ଚିଗାଉ ତାନାଃ । ତୀମଥ୍‌ତାଃତେ ଅଲ୍ଲକାନ୍ ଏଗାଃ ଚିଗାଉ ପାଉଲୁସ୍‌ଆଃ ଜୀଦାନ୍‌ରେୟାଃ ଟୁଣ୍ଡୁ ଦ୍ଵିପିଲିରେ ଅଲ୍ଲକାନ୍ ଚିଗାଉ ତାନାଃ । ନେ ଦିପିଲିରେ ପାଉଲୁସ୍ ରୋମ୍ ନାଗାରରେ ଜେହେଲ୍ଲକାନ୍ ତାଇକେନା ୧:୧୭ । ପାଉଲୁସ୍‌ଲଃ ତୀମଥ୍‌ଆଃ ପୁରାଃ ବୁଗିନ୍ ନାତା ତାଇକେନା ଆତଃ ସବେନ୍ ଇମ୍ତା ଇନିଃକେ ହନ୍ ଲେକାଏ ଉଦୁବ୍‌କାଇଜା ଫିଲିପିୟ ୨:୨୨;୧ ତିମଥ୍ ୧:୨:୧:୧୮ ।

ପାଉଲୁସ୍‌ଆଃ ହରାତେ ମିହୁଡ୍‌କେ ଏସ୍‌କାର୍ ଅଲ୍ଲକାନ୍ ଉପୁନିୟା ଚିଗାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍‌ମନ୍ । ତୀମଥ୍‌ତାଃତେ ଏଗାଃ ଚିଗାଉ ଅଲ୍ଲତାଇକେନ୍ ଇମ୍ତା ରୋମ୍ ନାଗାରରେ ସାସାତି ହବାଅଃତାଇକେନା । ହବାସାକାଅଆଃ ନେଆଁ ନାଗେନ୍ତେ ପାଉଲୁସ୍ ଜେହେଲ୍ଲକାନ୍ ତାଇକେନାଏ ଆତଃ ତୀମଥ୍‌କେ ଦୁକୁ ସାହାତିଙ୍ଗ୍‌ୟେଁ ନାଙ୍ଗ୍ କାଜିୟା ଡାଇକେନାଏ । ତୀମଥ୍‌ତାଃତେ ଅଲ୍ଲକାନ୍ ପାହିଲା ଚିଗାଉ ଲେକାତେ ପାଉଲୁସ୍ ତୀମଥ୍‌କେ ହସଡ୍ ଇଡୁକଆଃ ବିଷାଏରେ ପୁରାଃ ଚେନେତାଅ କାଜିକ କାଜିକାଦା । ୧ ତିମଥ୍ ୧:୧୭-୧୮ ପାଉଲୁସ୍ ତୀମଥ୍‌କେ କାଜିୟାଃ ଯେ, ହିଜୁଃ ଦିପିଲିରେ ପୁରାଃ ଦୁକୁହାସୁରେୟାଃ ଦିପିଲି ମେନାଃ ୩:୧ ।

ପୁଅ ଭିଗାରେ ତାଇକାନ୍ କାଜି

- ୧. ପାଉଲୁସ୍ ତୀମଥ୍‌କେ ଜହାର୍ କାଜିତାନ୍‌ଲଃ ଇନିଃକେ ଜୀଉରେ କେଟେଦ୍ ଏମାଇତାନାଏ । ୧:୧-୧୮
- ୨. ତୀମଥ୍‌କେ ଧିରାଜ୍‌ରେୟାଃ ସାବୁଦ୍ ଏମ୍‌କେଦ୍‌ତେ ଉଦୁବେନ୍ ନାଗେନ୍ତେ ପାଉଲୁସ୍ ଜୀଉରେ କେଟେଦ୍ ଏମାଇତାନାଏ । ୨:୧-୧୩
- ୩. ପାଉଲୁସ୍ ତୀମଥ୍‌କେ ହୁପ୍‌ଡିଙ୍ଗ୍ ବିଷାଏରେ ଇନିଡୁ ଏମାଇତାନା । ୨:୧୪-୨୬
- ୪. ହିଜୁଃ ଦିପିଲି ବିଷାଏରେ ଚିଗାଲ୍‌କାନ୍ ତାଇନଃ ଆତଃ ସାର୍‌ତି ହରା ସାଲ୍‌ଏ ନାଗେନ୍ତେ ଚେନେତାଅ ଏମେତାନାଏ । ୩:୧-୪:୮
- ୫. ପାଉଲୁସ୍ ତୀମଥ୍‌କେ ଆୟାଃ ଏସ୍‌କାର୍‌ରେୟାଃ କାଜିକ ଏମ୍‌କେଦ୍‌ତେ ଅନଲ୍ ଚାବାକେଦାଏ । ୪:୯-୨୨

୧ ଆଇଙ୍ଗ୍ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ କୁଲ୍‌କାନ୍‌ନିଃ ତାନିଙ୍ଗ୍ । ଆବୁ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ଵାର୍‌ଆଃ ବାନାର୍‌ସା ଲେକାତେ ଯୀଶୁ ଖ୍ରୀଷ୍ଟ୍‌ରେ ଜୀଦାନ୍‌ରୁ ନାମାକାଦା । ଏନା ଉଦୁବ୍ ନାଗେନ୍ତେ ଆଇଙ୍ଗ୍ ପାର୍‌ମେଶ୍ଵାର୍‌ଆଃ ମନେଲେକାତେଇଙ୍ଗ୍ କୁଲ୍‌କାନା ।

୨ *ଆଇଁୟାଃ ଦୁଲ୍‌ଡ୍ ହନ୍ ତୀମଥ୍‌ତାଃତେ ନେ ଚିଗାଉ ଅଲେତାନାଇଙ୍ଗ୍ ।

ଆପୁ ପାର୍‌ମେଶ୍ଵାର୍ ଆତଃ ଆବୁଆଃ ଯୀଶୁ ଖ୍ରୀଷ୍ଟ୍‌ସାଏତେ ସାୟାଦ୍, ଲିବୁଇ ଆତଃ ଜୀଉସୁକୁ ଆମାଃ ହବାଅଃକା ।

ଧାନ୍ୟାବାଦ୍ ଏମଃ ଆତଃ ପାତିୟାରରେନ୍ ହବାଅଃ

୩ ଆଇଁୟାଃ ହାଡାମ୍‌ହଡ୍‌କଆଃ ଲେକା ଆଇଙ୍ଗ୍ ଫାର୍‌ତି ମନ୍‌ତେ ସେଝାଇତାନ୍ ପାର୍‌ମେଶ୍ଵାର୍‌କେ ନିଦାସିଙ୍ଗି ବିକ୍ରିତାନ୍ ଇମ୍ତା ଆମ୍‌କେ ପାହାମ୍‌କେଦ୍‌ତେ ଆଇଙ୍ଗ୍ ପାର୍‌ମେଶ୍ଵାର୍‌କେ ଧାନ୍ୟାବାଦ୍ ଏମାଇତାନିଙ୍ଗ୍ ।

୪ ଆଇଙ୍ଗ୍ ରାସ୍‌କାତେ ପେରେଜଃକାଇଙ୍ଗ୍ ମେନ୍ତେ ଆମାଃ ମେଦ୍ ଦାଆଃ ପାହାମ୍‌ତାନ୍‌ଲଃ ଆମ୍‌କେ ନେଲ୍ ନାଗେନ୍ତେଇଙ୍ଗ୍ ସାନାଙ୍ଗ୍ ତାନା ।

୫ *ଆମାଃ ବୁଡିମ୍‌ଠାଁ ଲଇସ୍ ଆତଃ ଆମାଃ ଏଙ୍ଗା ଇଉନିକିତାଃରେ ତାଇକାନ୍ ସାର୍‌ତି ବିଶ୍ଵାସ୍ ଆମାଃତାଃରେୟାଃ ମେନାଃ ମେନ୍ତେ ଆଇଁୟାଃ ପୁରାଃ ବିଶ୍ଵାସ୍ ମେନାଃ, ଆମାଃ ଏନ୍ ସାର୍‌ତି ବିଶ୍ଵାସ୍ ବିଷାଏରେ ଆଇଙ୍ଗ୍ ଆୟୁମ୍‌କାଦା ।

୬ ଆଇଙ୍ଗ୍ ଆମାଃ ଚେତାନ୍‌ରେ ତିଃଇ ଦହକେଦ୍‌ତେ ବିକ୍ରିତାନ୍ ଇମ୍ତା ପାର୍‌ମେଶ୍ଵାର୍‌ତାଃଏତେ ଅକ ବାର୍‌ଦାନ୍ ନାମାକାଦାମ୍ ଏନାକେ ଜୀହିଦ୍‌ଗି ଦହେମେ, ମେନ୍ତେଇଙ୍ଗ୍ ପାହାମ୍‌ଇତିମେ ତାନା ।

୭ ଚିୟାଃତି ପାର୍‌ମେଶ୍ଵାର୍‌ଦ୍ ବରଏଲେକାନ୍ ଆମ୍‌ ଆବୁକେ କାଏ ଏମ୍, ମେନ୍‌ଦ୍ ପେଡେଃ, ଦୁଲ୍‌ଡ୍ ଆତଃ ବୁଗିନ୍ ସେଣ୍‌ନରେନ୍ ଆମ୍‌ ଏମାକାଦ୍‌ବୁଆଏ ।

୮ ଏନାମେନ୍ତେ ଆବୁଆଃ ପ୍ରାଭୁଆଃ ବିଷାଏରେ ଗାଝା ଏମ୍ ନାଗେନ୍ତେ ଚାଏ ଆଇଙ୍ଗ୍ ଇନିୟାଃ ନାଗେନ୍ତେ ଜେହେଲ୍‌କାନାଇଙ୍ଗ୍ ମେନ୍ତେ ଆଲମ୍ ଗିହୁଗଃଆ, ମେନ୍‌ଦ୍ ପାର୍‌ମେଶ୍ଵାର୍‌ଆଃ ପେଡେଃତେ ସୁକୁକାଜି ନାଗେନ୍ତେ ଆଇଁୟାଃଲଃ ଦୁକୁ ସାହାତିଙ୍ଗ୍‌ୟେଁମେ ।

୯ ଇନିଃ ଆବୁକେ ବାସ୍ତାଅକେଦ୍‌ବୁଆ ଆତଃ ପାବିତାର୍ କେନେଡାତେ କେଡାକେଦ୍‌ବୁଆ, ଆବୁଆଃ ବୁଗିନ୍ କାମିକ ନାଗେନ୍ତେଦ୍ କା ମେନ୍‌ଦ୍ ଆୟାଃ ଉକେଶ୍‌ତେ ଆତଃ ସାୟାଦ୍‌ତେ ରିକାକାଦା, ଏନ୍ ସାୟାଦ୍ ନେତାରେୟାଃ ମୁନୁ ସିଦାରେ ଖ୍ରୀଷ୍ଟ୍ ଯୀଶୁରେ ଆବୁକେ ଏମାଦ୍‌ବୁଆ ।

* ୧:୨ ପ୍ରେରିତ୍ ୧୭:୧. * ୧:୫ ପ୍ରେରିତ୍ ୧୭:୧.

୧୦ ମେନ୍ଦ ନାହିଁ ଆରୁଆ ଡାକ ବାସ୍ତାଅନିଃ ଯାଶୁ ଶ୍ରୀଷ୍ଟିଆଃ ହିନିଜୁଃ ହରାତେ ଉନ୍ନୁଦୁବ୍ଯାନା, ଇନିଃ ଗନଏଃରାଃ ପେଡ଼େଃକେ ଚୁଣ୍ଡୁକଦା ଆତଃ ସୁକୁକାଜି ହରାତେ ଜାନାଅ ଜୀଦାନରାଃ ହରା ଉଦୁବ୍ଯାନା ।

୧୧ ଏନ୍ ସୁକୁକାଜି ଉଦୁବ୍ଯକେଦତେ ଇଡୁନାକ୍ ପାର୍ମେଶ୍ଵାର୍ ଆଇକ୍କେ ମିଆଁଦ୍ କୁଲକାନ୍ ଚେଲା ଲେକାନିଃ ଆତଃ ଇଡୁନିଃଲେକାଏ ସାଲକାଦିୟାଁ ।

୧୨ ଏନା ନାଗେନ୍ତେ ଆଇକ୍ ଦୁକୁ ସାହାତିକ୍ ତାନରେୟ କାକ୍ ବରତାନା । ଚିୟାଠି ଆଇକ୍ ବିଶ୍ଵାସକାକ୍ନିଃକେ ସାରିତାନାକ୍ ଆତଃ ଇନିୟାଃ ଡିଃଇରେଇକ୍ ଜିମାକାନା । ଆତଃ ଇନିଃ ଏମାକାଦିକ୍ କାମିରାଃ ବାହାରମ୍କେ ରିକାଏ ନାଗେନ୍ତେ ମାରାକ୍ ବିଚାର୍ ହୁଲକାକ୍ ଜାକେଦ୍ ଆଇକ୍କେ ବାସ୍ତାଅ ନାକ୍ ଇନିଃତାଃରେ ପେଡ଼େଃ ମେନାଃ, ଏନା ଆଇକ୍ ପୁରା କେଟେଦତେଇକ୍ ବିଶ୍ଵାସତାନା ।

୧୩ ଆଇକ୍ ଆମ୍କେ ଇଡୁକାଦମେ ସାର୍ତି କାଜିକକେ ଆମ୍ ନାମୁନାମ୍ ହବାଅଃଲେକା ପୁରା କେଟେୟାନ୍ତି ସାବାକାମେ । ଅକ୍ନାଠି ଯାଶୁ ଶ୍ରୀଷ୍ଟିରେ ବିଶ୍ଵାସ୍ ଆତଃ ଦୁଲ୍ଲାଡ଼ତାନାଃ ।

୧୪ ଆମ୍କେ ଜିମାକାଦମେ ବୁଗିନ୍ ବିଷାଏକେ ଆରୁତାଃରେ ତାଇନ୍ତାନ୍ ପାବିତାର୍ ଆମ୍ବାରାଃ ପେଡ଼େଃକେ ଏନାକେ ଯାଡ଼ନାଅ କେଦତେ ଦହେମେ ।

୧୫ ଦୁଗେଲ୍ ଆତଃ ହର୍ମଗିନସ୍ ମେସାକେଦତେ ଏସିଆ ପାର୍ଗାନ୍ରେନ୍ ସବେନ୍ଦକ ଆଇକ୍କେ ବାଗିକେଦିୟାଁ, ଏନା ଆମ୍ ସାରିତାନା ।

୧୬ ଅନିସିଫରୁଆଃ ଅତାଃରେନ୍କକେ ପ୍ରାଭୁ ଦାୟା ଏମାକାଏ, ଚିୟାଠି ଇନିଃ ପୁରାଃତେ ଆଇକ୍କେ ଜୀଉରାଡ଼େଃ ଏମ୍ନାକ୍ ଆତଃ ଜୀଉରେ ରାସକା ଏମ୍ନାକ୍ ହିଜୁଃକାନ୍ ତାଇକେନାଏ । ଆଇକ୍ ଜେହେଲ୍କାନ୍ରେୟ ଇନିଃକେ କା ଗିହୁଃକିୟା ।

୧୭ ରୋମ୍ ନାଗାର୍ତେ ସେଟେରୟାନ୍ତି ଇନିଃ ଆଇକ୍କେ କା ନାମ୍ ଜାକେଦ୍ ଦାଣ୍ଟିକେଦିୟାଁଏ ।

୧୮ ମାରାକ୍ ବିଚାର୍ ହୁଲକାକ୍ରେ ପ୍ରାଭୁ ଇନିଃକେ ଦାୟାକାଏ । ଏପିସୁସ୍ରେ ଇନିଃ ଆଇକ୍କେ ପୁରାଠି ସୁସାରକେଦିୟାଁ, ଏନା ଆମ୍ ବୁଗିଲେକାତେମ୍ ସାରିତାନା ।

୨

ୟାଶୁ ଶ୍ରୀଷ୍ଟିରେ ବିଶ୍ଵାସତାନ୍ ପାଲେଟାନ୍କ

୧ ଏନାମେନ୍ତେ, ଏ ଆଇୟାଃ ଦୁଲ୍ଲାଡ଼୍ ହନ୍, ଯାଶୁ ଶ୍ରୀଷ୍ଟିରେ ତାଇନ୍କେଦତେ ଆୟାଃ ସାୟାଦତେ ନାମଃତାନ୍ ପେଡ଼େଃରେ ପେଡ଼େୟେନ୍ମେ ।

୨ ଆତଃ ପୁରାଃ ଗାଞ୍ଜାକଆଃ ସାମ୍ନାକ୍ରେ ଆଇକ୍ତାଃଏତେ ଆୟୁମାକାଦ୍ କାଜିକ, ଏଟାଃକକେ ଇଡୁ ଦାଡ଼ିଲେକାନ୍ ପାଡ଼ିୟାର୍ରେନ୍ ହଡ଼କତାଃରେ ଜିମାଏମେ ।

୩ ଯାଶୁ ଶ୍ରୀଷ୍ଟିଆଃ ମିଆଁଦ୍ ବୁଗିନ୍ ପାଲଟାନ୍ଲେକା ଆଇୟାଃଲଃ ଦୁକୁ ସାହାତିକ୍ମେୟେ ।

୪ ଜେତାଏ ପାଲଟାନ୍ କାମିରେ କାମିତାନ୍ ହଡ଼, ପାଲଟାନ୍କଆଃ ମାରାକ୍ନିଃକେ ସୁକୁ ଏମ୍ ନାଗେନ୍ତେ ସାନାକ୍ଆଃଏ, ଇନିଃ ଲାଡ଼ାଇ କାମି ବାଗିକେଦତେ ଏଟାଃ କାମିରେ କାଏ ମେସାନା ।

୫ ଜେତାଏ ଆଖ୍ଡାରେ ହାରାଜିତା ଏନେଃ ଇମ୍ତା ନିୟାମ୍ ଲେକା କାଏ ଏନେଃରେଦ, ଇନିଃ ମୁକୁଟ୍ କାଏ ନାମେୟା ।

୬ କେଟେଦ୍ କାମିତାନ୍ ଚାଷିକେ ପାହିଲା ଇରାକାନ୍ ଜ' ନାମଠି ଲାଗାତିକ୍ମାଃ ।

୭ ଆଇକ୍ କାଜିତାନ୍ତେୟାଃ, ବୁଗିଲେକାତେ ଉଡ଼ୁଇମେ, ଚିୟାଠି ପ୍ରାଭୁଦ୍ ନେ ସବେନ୍ କାଜିକ ଆଟ୍କାର୍ତୁରୁମ୍ ନାଗେନ୍ତେ ପେଡ଼େଃ ଏମାମେୟାଏ ।

୮ ଆଇକ୍ ପ୍ରାଚାର୍କାଦ୍ ସୁକୁକାଜି ଲେକାତେ, ଗଜାକାନ୍କଏତେ ଜୀଉବିରିଦାକାନ୍ ଯାଶୁ ଶ୍ରୀଷ୍ଟି, ଦାଉଦ୍ ରାଜାରାଃ କିଲି ତାନିଃ, ଇନିଃକେ ପାହାମିମେ ।

୯ ନେ ସୁକୁକାଜିକେ ଉଦୁବ୍ଯତାନ୍ ହରାତେ, ଆଇକ୍ ଗୁଣ୍ଟାକାଦ୍ନିଃ ଲେକା ସିକିଡ଼ିତେ ତଲ୍ଲୟାନାକ୍ ଆତଃ ଦୁକୁଇକ୍ ସାହାତିକ୍ତାନା, ମେନ୍ଦ ପାର୍ମେଶ୍ଵାର୍ଆଃ କାଜି କା ତଲ୍ଲୟା ।

୧୦ ଏନାନାଗେନ୍ତେ ପାର୍ମେଶ୍ଵାର୍ଆଃ ସାଲକାନ୍ ହଡ଼କହ ଯାଶୁ ଶ୍ରୀଷ୍ଟିତାଃଏତେ ଜୀଉ ବାସ୍ତାଅ ଆତଃ ଜାନାଅ ଜାନାଅରେୟାଃ ମାନାରାକ୍ ନାମେକା, ଏନାମେନ୍ତେ ଆଇକ୍ ଇନ୍କୁ ନାଗେନ୍ତେ ସବେନ୍ ଲେକାନ୍ ଦୁକୁଇକ୍ ସାହାତିକ୍ତାନା ।

୧୧ ନେ କାଜି ପାଡ଼ିୟାର୍ରେ ଲେକାଗିୟା,
“ଆରୁ ଇନିଃଲଃ ଗଜାକାନ୍ରେଦ,
ଆରୁହ ଇନିଃଲଃବୁ ଜୀହିଦଃଆ ।

୧୨ *ଆରୁ ଇନିଃଲଃ ଦୁକୁ ସାହାତିକ୍ରେଦ,
ଆରୁହ ଇନିଃଲଃବୁ ରାଇଜେୟା,

* ୧:୧୧ ୧ ତିମଥ୍ ୨:୭. * ୨:୧୨ ମାଥ୍ ୧୦:୩୩; ଲୁକ ୧୨:୯.

ଆବୁ ଇନିଷକେ କାଲେ ସାରିୟା ମେନ୍ତେବୁ କାଜିରେଦ,
ଇନିଷହ ଆବୁକେ କାଇଙ୍ଗ ସାରିୟା ମେତାରୁଆଏ ।

୧୩ ଆବୁ ପାତିୟାରୱଲେକା କା ତାଇନ୍ରେୟ,
ଇନିଷ ପାତିୟାରୱ ଲେକାଗି ତାଇନାଏ,
ଚିୟାଃଚି ଇନିଷ ଆପାନ୍କେଗି କାଇଙ୍ଗ ସାରିୟା ମେନ୍ତେ କାଜି କାଏ ଦାଡ଼ିୟା ।”

ବିଶ୍ୱାସ୍ତେ କାମିତାନ୍କ

୧୪ ଆମାଃ ସବେନ୍ ବିଶ୍ୱାସୀକକେ ନେ ସବେନ୍ ବିଷାଏ ପାହାମ୍ ଇଚିକମେ ଆଡ଼ଃ ଧାରାମ୍ ପୁଥୁରେୟାଃ କାଜି
ଇତୁକେଦ୍ତେ କା ବୁଗିନ୍ତେୟାଃକ ଆଡ଼ଃ ଜିୟନଃ ଲେକନାଃକ କା ଏପେଗେର୍ ନାଗେନ୍ତେ ଇନ୍କୁକେ ପାର୍ମେଶ୍ୱାର୍ଆଃ
ସାମନାଙ୍ଗ୍ରେ କେଟେୟାନ୍ଗି ଆତୁକମେ ।

୧୫ ଆମ୍ ଆମ୍କେଗି ପାର୍ମେଶ୍ୱାର୍ଆଃ ଆୟାର୍ରେ ମାଇନ୍ ନାମେନିଃ ଲେକାମ୍ ହବାଅଃ ସାନାଙ୍ଗ୍ରେଦ, ଆମ୍ କା
ଗିହୁଃକେଦ୍ତେ ପାର୍ମେଶ୍ୱାର୍ଆଃ ସାର୍ତି କାଜିକ ମାଇନ୍ ନାମେନିଃ ଲେକା ଇତୁକମ୍ ।

୧୬ ମେନ୍ଦ ସାମାକାଜିକଏତେ ଆଡ଼ଃ ଡଣ୍ଡ କାପ୍ଜିଏତେ ସାଜିନ୍ରେ ତାଇନ୍ମେ, ଚିୟାଃଚି ଜେତାଏ ଏନାରେ
ତାଇନ୍କାନ୍କ ପାର୍ମେଶ୍ୱାର୍ଆଃଏତେ ଆଡ଼ଃଗି ସାଜିନ୍ ଇଦିୟାଆକ ।

୧୭ ଆଡ଼ଃ ଇନ୍କୁଆଃ ଇନିତୁ ସୟା ଘାଅଲେକା ପାସରାଅ ଇଦିୟାଆ । ଇନ୍କୁଏତେ ହୁମ୍ନାୟ ଆଡ଼ଃ ଫିଲିତୁସ, ନେ
ବାରାନ୍କିନ୍ ତାନ୍କିନ୍ ।

୧୮ ଇନ୍କିନ୍ ଜୀଉବିନିରିଦ୍ ହବାୟାନା ମେନ୍ତେ କାଜିକେଦ୍ତେ ସାର୍ତି ହରା ବାଗିକାଦାକିନ୍, ଆଡ଼ଃ ଚିମିନ୍ ହଡକଆଃ
ବିଶ୍ୱାସ୍ ଜିୟନାକାନା ।

୧୯ ଏନ୍ରେୟ ପାର୍ମେଶ୍ୱାର୍ଆଃ ମାଜ୍ବୁତ୍ ନିହିଁଗାଡା ତିଙ୍ଗୁଆକାନା, ଆଡ଼ଃ ଏନାରେ ନେ କାଜି ଅଲ୍ଲାନା, “ପ୍ରାଭୁ
ଆୟାଃ ହଡକକେ ସାରିୟାଏ, ଆଡ଼ଃ ଜେତାଏ ଆଇଙ୍ଗ୍ ପ୍ରାଭୁଆଃ ହଡ ତାନିଙ୍ଗ୍ ମେନ୍ତେ କାଜିନିଃ ଏଡକାନ୍ କାମିକଏତେ
ସାଜିନ୍ରେ ତାଇନଃ ଲାଗାତିଙ୍ଗ୍ୟାଃ ।”

୨୦ ମିଆଁଦ୍ ମାରାଙ୍ଗ୍ ଅଡ଼ଃରେ ସୋନା ଆଡ଼ଃ ରୁପାତେ ବାଇୟାକାନ୍ ତୁବ୍ହା ଏସକାର୍ କା ତାଇନା, ମେନ୍ଦ ଦାରୁରାଃ
ଆଡ଼ଃ ହାସାରାଃ ବାଇୟାକାନ୍ ତୁବ୍ହାହଗି ତାଇନାଃ, ଚିମିନ୍ତେୟାଃ ପାରାବ୍ରେ ମାଇନ୍ ଏମ୍ ନାଙ୍ଗ୍ ଆଡ଼ଃ ଚିମିନ୍ତେୟାଃ
ସବେନ୍ ହୁଲାଙ୍ଗ୍ ନାଙ୍ଗ୍ ବାଉରାଅ ତାନା ।

୨୧ ଜେତାଏ ଏନ୍ ଏଡକାନ୍ କାମିକଏତେ ଆପାନ୍କେ ଫାର୍ତିନ୍ତାନ୍ ହଡ ପାବିତାର୍କାନାଏ, ଆଡ଼ଃ ଇନିଷ
ପାର୍ମେଶ୍ୱାର୍ଆଃ ବିଶେଷ୍ କାମିନାଙ୍ଗ୍ ବେଭାରଃଆଏ, ଚିୟାଃଚି ଇନିଷ ଆୟାଃ ଗମ୍କେୟାଃ ବେଭାରଃ ନାଗେନ୍ତେ
ଜିମାକାନ୍, ଆଡ଼ଃ ସବେନ୍ ବୁଗିନ୍ କାମି ନାଙ୍ଗ୍ ସେକାଡ଼ାକାନ୍ଗି ତାଇନାଃ ।

୨୨ ମେନ୍ଦ ଆମ୍ ଜାଝାନ୍ ସାମାଏରାଃ ଏଡକାନ୍ ସାନାଙ୍ଗ୍କଏତେ ସାଜିନେନ୍ମେ, ଅକନ୍କ ଫାର୍ତି ମନ୍ତେ
ପାର୍ମେଶ୍ୱାର୍ଆଃରେ ବିକ୍ତିତାନ୍କଲଃ ଧାରାମ୍, ବିଶ୍ୱାସ୍, ଦୁଲାଡ଼, ଆଡ଼ଃ ଜୀଉସୁକୁ ହବାଅଃନାଙ୍ଗ୍ କାମିମେ ।

୨୩ ମେନ୍ଦ ଡଣ୍ଡ ଆଡ଼ଃ କା ଲାଗାତିଙ୍ଗ୍ କାପ୍ଜିକଏତେ ସାଜିନ୍ରେ ତାଇନ୍ମେ, ଏନାଏତେଦ୍ ଏପେରାଙ୍ଗ୍ ଅମନଆଃ
ଏନାଦ୍ ସାରିତାନାମ୍ ।

୨୪ ପ୍ରାଭୁଆଃ ଦାସି ହବାକେଦ୍ତେ ଏପେରାଙ୍ଗ୍ ନାଙ୍ଗ୍ କା ବୁଗିନାଃ, ମେନ୍ଦ ଇନିଷ ସବେନ୍କଆଃ ନାଙ୍ଗ୍ ଲେବେଃ ମନ୍ତେ
ସାହାତିଙ୍ଗ୍ତାନ୍ଲଃ ବୁଗିଲେକା ଇତୁକକାଏ ।

୨୫ ଆଡ଼ଃ ଆୟାଃ ବିରୁଧ୍ରେ ତାଇନ୍ତାନ୍ ହଡକକେ ଲେବେଃମନ୍ତେ ବୁଝାଅକକାଏ, ଏନାରେଦ୍ ଇଦୁ ପାର୍ମେଶ୍ୱାର୍
ଇନ୍କୁକେ ହେୟାତିଙ୍ଗ୍ ନାଙ୍ଗ୍ ଆଡ଼ଃ ସାର୍ତି ବିଷାଏ ସାରି ନାଙ୍ଗ୍ ନେତା ଏମାକଆଏ ।

୨୬ ଆଡ଼ଃ ସାଏତାନ୍ ଅକନ୍କକେ ଆୟାଃ ସାନାଙ୍ଗ୍ଲେକା କାମି ନାଗେନ୍ତେ ତଲ୍ଲାକାଦ୍କ ତାଇକେନାଏ, ଇନ୍କୁ ଆକଆଃ
ଚେତା ନାମ୍କେଦ୍ତେ ସାଏତାନ୍ଆଃ ଫାଁସ୍ହେତେକ ରାଡ଼ାଅଃଆ ।

୩

ଚୁଣ୍ଡ ଦ୍ୱିପିଲି

୧ ମେନ୍ଦ ନେୟାଁ ସାରିମେ, ଚୁଣ୍ଡ ହୁଲାଙ୍ଗ୍କରେ ପୁରାଃ ବରଝାନ୍ ଦିପିଲି ହିଜୁଃଆ ।

୨ ଚିୟାଃଚି ହଡକ ଆପ୍ନାଃ ନାଙ୍ଗ୍ ଏସକାର୍ ଉଡ଼ଗୁଃକ, ଟାକା ପାଏସାରାଃ ହାୟା, ଘାମାଣ୍ଡ, ହାଁକାର୍, ନିନ୍ଦା କାଜି, ଏଙ୍ଗା
ଆପୁକେ କା ମାନାତିଙ୍ଗ୍, ମାଇନ୍ କା ଏମ୍, ସଡ଼ରାକାନ୍କ,

୩ ଦୁଲାଡ଼୍ ବାନଃକ, ଦାୟା ବାନଃକ, ଏଟାଃନିୟାଃ ବିରୁଧ୍ରେ ନିନ୍ଦା କାଜିକ, ଆପାନ୍କେଗି ଆବ୍ରେ କା ଦହ ଦାଡ଼ିକ,
ପୁରାଃଗି ଡିଟ୍ଟକ, ଇନ୍କୁ ବୁଗିନାଃତେୟାଃକ ହିଲାଙ୍ଗ୍ୟେଆ ।

୪ ଇନ୍କୁ ବାଏମାନ୍କ, କା ଚେଡ଼ଗାର୍କ ହବାଅଃଆ ଆଡ଼ଃ ପାର୍ମେଶ୍ୱାର୍କେ ଦୁଲାଡ଼୍ ବାଗିକେଦ୍ତେ ରିଡ଼ରାଙ୍ଗ୍ରେକ
ତାଇନା ।

୫ ଇନ୍ଦ୍ରକୁ ଧାରାମ୍ରେୟାଃ କାଜିକ ସାବେୟା, ମେନ୍ଦ ଧାରାମ୍ରେୟାଃ ସାର୍ତ୍ତି ପେଡ଼େଃକେ କାକ ମାନାତିୟାଃ, ନେ ଲେକାନ୍ ହଡ଼କଏତେ ସାଜିନ୍ରେ ତାଇନ୍ମେ ।

୬ ଚିୟାଃତି ନିକୁଦ ଚିମିନ୍ ହଡ଼କଆଃ ଅଡ଼ାଃତେ ସେନ୍କେଦ୍ତେ କା ପେଡ଼େୟାନ୍ କୁଡ଼ିକକେ, ଅକନ୍କତି ଆକଆଃ ପାପତେ ଲାଦିୟାକାନ୍ ଆତଃ ସବେନ୍ ଲେକାନ୍ ଏଡ଼କାନ୍ ସାନାଙ୍ଗତେ ପେରେଜାକାନ୍କକେ ଆକଆଃ ଆକଡ଼େୟାରରେକ ଦହକତାନା ।

୭ ନେ କୁଡ଼ିକ ସବେନ୍ ଇମ୍ତା ଇତୁନ୍ତାନରେୟ ସାନାର୍ତ୍ତିରାଃ ସେଣାଁ ଚିତ୍ତଲାହ କାକ ସାରି ଦାଡ଼ିୟାଃ ।

୮ ଯନ୍ନୀସ୍ ଆତଃ ଯମ୍ପୀସ୍ ମୁଣାରାଃ ବିରୁଧ୍ରେକିନ୍ ତିଜ୍ଜୁକାନ୍ ତାଇକେନା, ଏନ୍ଲେକାଗି ନେ ହଡ଼କଆଃ ମନ୍ କାମି କାଏ ଏମେୟା, ଆତଃ ସାନାର୍ତ୍ତିରାଃ ବିରୁଧ୍ରେକି ତିଜ୍ଜୁନାଃ ଆତଃ ଇନ୍ଦ୍ରକୁଆଃ ଧାରାମ୍ରେୟାଃ ବିଶ୍ୱାସ୍ କା ପକ୍ତକାନା ।

୯ ମେନ୍ଦ ଇନ୍ଦ୍ରକୁ ଥ୍ୱା ସାଜିନ୍ କାକ ସେନ୍ ଦାଡ଼ିୟା, ଚିୟାଃତି ଏନ୍ ବାରାନ୍କିନ୍ ଚିମିନ୍ ଡ଼ଣ୍ଡ ତାନ୍କିନ୍, ଏନା ସବେନ୍କ ସାରିକେଦା, ଏନ୍ ଲେକାଗି ଇନ୍ଦ୍ରକୁଆଃହଗି ସବେନ୍କ ସାରିୟା ।

ଚୁଣ୍ଡ କାଜି

୧୦ ମେନ୍ଦ ଆମ୍ ଆଇଁୟାଃ ଇନିତୁ, ଚାଇଲ୍ ଚାଲାନ, ଆତଃ ଆଇଁୟାଃ ଜୀଞ୍ଜାନ୍ ହରାକେ ଅତଙ୍ଗକାଦାମ୍ । ଆଇଁୟାଃ ବିଶ୍ୱାସ୍, ଧ୍ରାଜ୍, ଦୁଲାଡ଼, ସାହାତିଙ୍ଗ୍ ଜୀଞ୍ଜାନ୍,

୧୧ *ଆଇଁୟାଃ ସାସାତି, ଆତଃ ଦୁକୁକେମ୍ ଆଟ୍ଟକାରକାଦା । ଆଇଁୟାଃ ଚେତାନ୍ରେ ଆନ୍ତ୍ରିୟୋଖ୍, ଇକନିୟା ଆତଃ ଲୁସ୍ତ୍ରାରେ ହବାଲେନ୍ ବରଞ୍ଜାନ୍ ଦୁକୁ ସାସାତିକଇଙ୍ଗ୍ ସାହାତିଙ୍ଗ୍କେଦା । ମେନ୍ଦ ଏନ୍ ସବେନାଃଏତେ ପାର୍ମେଶ୍ୱାର୍ ଆଇଙ୍ଗ୍କେ ବାଞ୍ଛାଅକେଦିୟାଃ ।

୧୨ ଯୀଶୁ ଖ୍ରୀଷ୍ଟଆଃ ମେନେସାରେ ଧାରାମ୍ ଜୀଞ୍ଜାନ୍ ବିତାଅ ନାଙ୍ଗ୍ ସାନାଙ୍ଗତାନ୍ ସବେନ୍କ ଦୁକୁ ସାସାତିକ ନାମେଗିୟା ।

୧୩ ମେନ୍ଦ ଏଡ଼କାନ୍ ହଡ଼କ ଆତଃ ବେଦା ହଡ଼କ ପୁରାଃଗି ଏଡ଼କାନ୍ରେକ ସେନା ଆତଃ ଏଟାଃକକେ ବେଦାତାନ୍ଲଃ ଆକ ଆକଗିକ ବେଦାଅଃଆ ।

୧୪ ମେନ୍ଦ ଆମ୍ ସାର୍ତ୍ତି ବିଷାଏ ଇତୁକାନ୍ତେୟାଃ ପୁରାଃତେ ବିଶ୍ୱାସ୍ତାନାମ୍, ଏନ୍ ସବେନାଃରେ ପକ୍ତକାନ୍ମେ । ଚିୟାଃତି ଆମ୍କେ ଇତୁକାଦ୍ମେ ହଡ଼କକେ ଆମ୍ ସାରିତାନାମ୍ ।

୧୫ ଆତଃ ଯୀଶୁ ଖ୍ରୀଷ୍ଟାଃରେ ବିଶ୍ୱାସ୍କେଦ୍ ହରାତେ ଜୀଉ ବାଞ୍ଛାଅ ନାଙ୍ଗ୍ ଆମ୍କେ ସେଣାଁ ଏମ୍ ଦାଡ଼ିୟାଏ, ଏନା ଆମ୍ ମିଦ୍ ହୁଡ଼ିଙ୍ଗ୍ଏତେ ଧାରାମ୍ପୁଥ୍ରେମ୍ ସାରିକାଦା ।

୧୬ ଧାରାମ୍ପୁଥ୍ରେ ଅଲୀକାନ୍ ସବେନାଃ ପାର୍ମେଶ୍ୱାର୍ଆଃ ସାହେଦ୍ତେ ଏମାକାନା, ସାର୍ତ୍ତି ଇନିତୁ ନାଙ୍ଗ୍, ତୁଲ୍ତାନ୍କକେ ଏଗେର୍, କାଜି ବାଇରୁହାଡ଼, ଆତଃ ଧାରାମ୍ ଲେକାତେ ଜୀହୁଦଃ ନାଙ୍ଗ୍ ଆରୁଆଃଏ,

୧୭ ଏନାତେ ପାର୍ମେଶ୍ୱାର୍କେ ସେଞ୍ଜାତାନ୍ ହଡ଼କ ପକ୍ତକେଦ୍ତେ, ସବେନ୍ ଲେକାନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନ୍ଗି ତାଇନ୍ ଦାଡ଼ିୟାକ ।

୪

୧ ଆଇଙ୍ଗ୍ ପାର୍ମେଶ୍ୱାର୍ଆଃ ସାମ୍ନାଙ୍ଗ୍ରେ ଆତଃ ସବେନ୍ ଜୀନିଦ୍ ଆତଃ ଗଜାକାନ୍କଆଃ ବିଚାର୍ ନାଗେନ୍ତେ ଆତଃ ରାଇଜ୍ ରିକାଏ ନାଗେନ୍ତେ ହିଜୁଃତାନ୍ ଯୀଶୁ ଖ୍ରୀଷ୍ଟଆଃ ସାମ୍ନାଙ୍ଗ୍ରେ କିରିୟାତାନ୍ଲଃ ଆମ୍କେଇଙ୍ଗ୍ ଆରୁମେତାନା ।

୨ ନେତାରେ ଚାଏ କା ନେତାରେ ସବେନ୍ ଇମ୍ତା ବାଚାନ୍ ଉଦୁବେମେ, ପୁରାଃ ସାହାତିଙ୍ଗ୍ତେ ଇତୁତାନ୍ଲଃ ମିସା ମିସା ଏଗେର୍କୁମେ ଆତଃ ମିସା ମିସା ବୁଗିନାଃ କାମିନାଙ୍ଗ୍ ଜୀଉରେ ରାସ୍କା ଏମାକମେ ।

୩ ଚିୟାଃତି ନେତା ସେଚେରାଃ, ଏନାରେ ହଡ଼କ ବୁଗିନ୍ ଇନିତୁ କାକ ଆୟୁମେୟା, ମେନ୍ଦ ଆକଆଃ ସାନାଙ୍ଗ୍ଲେକାକ ସେସେନା ଆତଃ ଆକଆଃ ନାଙ୍ଗ୍ ହସଡ଼ ଇତୁକକେ ହୁଣ୍ଡିକଆକ, ଏନ୍ତେ ଇନ୍ଦ୍ରକୁଆଃ ଇନିତୁକ ଆୟୁମେୟା ।

୪ ଆତଃ ସାନାର୍ତ୍ତି କାଜି କା ଆୟୁମକେଦ୍ତେ ହଡ଼କଆଃ କାଥ୍ମି ଆୟୁମ୍ ନାଗେନ୍ତେ ମନ୍କ ଏମେୟା ।

୫ ମେନ୍ଦ ଆମ୍ ସବେନ୍ କାଜିକରେ ଚିର୍ଗାଲୀକାନ୍ ତାଇନ୍ମେ, ଦୁକୁ ସାହାତିଙ୍ଗ୍ୟେମେ, ସୁକୁକାଜି ଉଦୁବତାନ୍ନିଆଃ କାମି କାମିମେ, ଆତଃ ପାର୍ମେଶ୍ୱାର୍ଆଃ ଦାସିଲେକା ସେଞ୍ଜାକାମି ପୁରାଏମେ ।

୬ ଆଇଙ୍ଗ୍ ଆଇଁୟାଃ ଜୀଞ୍ଜାନ୍କେ ଦାଣେଁ ଏମ୍ରେୟାଃ ନେତା ସେଚେରାକାନା, ଆତଃ ନାହାଁଃଗି ଆଇଁୟାଃ ନାଙ୍ଗ୍ ନେ ଜୀଉକେ ବାଗିରେଆଃ ଦିପିଲି ସେଚେରାକାନା ।

୭ ଆଇଙ୍ଗ୍ ଜୀଞ୍ଜାନ୍ରାଃ ଲାଡ଼ାଇରେ ବୁଗିଲେକାତେଇଙ୍ଗ୍ ଲାଡ଼ାଇକାନା, ଆତଃ ଜୀଞ୍ଜାନ୍ରାଃ ନିର୍ରେ ଚୁଣ୍ଡ କୁକେଦ୍ ନିର୍ ସେଚେରାକାନିଙ୍ଗ୍, ଆଇଙ୍ଗ୍ ବିଶ୍ୱାସ୍ ଦହକାଦାଇଙ୍ଗ୍ ।

୮ ଆତଃ ନାହାଁଃ ଆଇଁୟାଃ ନାଙ୍ଗ୍ ଧାରମାନ୍ ମୁକୁର୍ ଦହାକାନା, ଏନା ଏନ୍ ମାରାଙ୍ଗ୍ ହୁଲାଙ୍ଗ୍ରେ ଧାରାମ୍ତେ ବିଚାର୍ତାନ୍ ପ୍ରାଭୁ ଆଇଙ୍ଗ୍କେ ଏମାଇୟାଁ ଆତଃ ଆଇଙ୍ଗ୍କେ ଏସ୍କାର୍ କା ମେନ୍ଦ ଆୟାଃ ହିନିଜୁଃକେ ଦୁଲାଡ଼ତେ ତାଜିକାଦ୍ ସବେନ୍କକେ ଏମାକଆ ।

* ୩:୧୧ ପ୍ରେରିଡ଼ ୧୩:୧୪-୫୨; ପ୍ରେରିଡ଼ ୧୪:୧-୭; ପ୍ରେରିଡ଼ ୧୪:୮-୨୦.

ତୀମଥ୍ ନାଗେନ୍ଦ୍ର ପାଉଲୁସଆଃ ଏସକାର୍ କାଜି

୯ ଆଇଁୟାଃତାଃତେ ଜାଲ୍ଦି ହିଜୁଃ ନାଗେନ୍ଦ୍ର ସେକାଡ଼ଃମେ ।

୧୦ *ରିୟାଃତି ଦିମା ନାହାଁଃରାଃ ନେ ଅତେଦିଶୁମକେ ଦୁଲ୍ଲାଡ଼କେଦ୍ତେ ଆଇଙ୍ଗକେ ବାଗିକେଦିୟାଁ ଆଡ଼ଃ ଥେସ୍ଲନିକାତେ ସେନଃକାନା । କ୍ରେସକେନ୍ସ, ଗାଲାତିୟତେ ଆଡ଼ଃ ତିତସ୍, ଡାଲ୍‌ମାଡିଆତେ ସେନଃୟାନା ।

୧୧ *ଲୁକ୍ ଏସକାର୍ ଆଇଁୟାଃଲଃ ମେନାଇୟା । ମାର୍କକେ ଆମାଃଲଃ ଆଡ଼଼ିମେ, ରିୟାଃତି ଇନିଃଦ୍ ଆଇଁୟାଃ ସେଞ୍ଜା କାମିରେ ଦେଙ୍ଗା ଦାଡ଼ିୟା ।

୧୨ *ଆଇଙ୍ଗ୍ ତୁଖ୍‌କକେ ଏଫିସୁସ୍ତେଇଙ୍ଗ୍ କୁଲ୍‌କିୟା ।

୧୩ *ତ୍ରୋୟାସ୍ ସାହାର୍‌ରେ ଆଇଙ୍ଗ୍ କାର୍‌ପସ୍‌ତାଃରେ ବାଗିକାଦ୍ ଲିଜାଃ ଆଡ଼ଃ ପୁଅକ୍‌ହଗି ଆଡ଼ତର୍‌ସାଏମେ, ବିଶେଷ୍‌କେଦ୍ତେ ଉହୁର୍‌ତେ ବାଇୟାକାନ୍‌ତେୟାଃକେ ଆଡ଼଼ିମେ ।

୧୪ *ଆଲେକ୍‌ଜାଣ୍ଡ୍ରା କାଁସାରି ଆଇଁୟାଃ ପୁରାଃ ଏଡ଼କାନାଃ ରିକାକାଦାଏ, ପ୍ରାଭୁ ଇନିୟାଃ କାମିଲେକା ନାଲା ଏମାଇୟାଏ ।

୧୫ ଆମହ ଇନିଃତାଃଏତେ ଚିର୍ଗାଲ୍‌କାନ୍ ତାଇନ୍‌ମେ, ରିୟାଃତି ଇନିଃଦ୍ ଆବୁଆଃ କାଜିକ ପୁରାଃତେ କା ଆୟୁମ୍‌ତାନ୍‌ଲଃ କାଜିଛେକାଦ୍ ତାଇକେନାଏ ।

୧୬ ଆଇଁୟାଃ ପାହିଲା ଇଝାର୍ ଇମତା ଜେତାଏ ଆଇଙ୍ଗକେ କାକ ଦେଙ୍ଗାକେଦିୟାଁ, ଆଡ଼ଃ ସବେନ୍‌କ ବାଗିକେଦିୟାଁ । ପାର୍‌ମେଶ୍‌ବାର୍ ଇନ୍‌କୁଆଃ ନେ ଗୁଣ୍ଡାଁ ଆଲକାଏ ଲେକାଏକା ।

୧୭ ମେନ୍‌ଦ୍ ପ୍ରାଭୁ ଆଇଁୟାଃସାଃରେ ତିଙ୍ଗ୍‌କେଦ୍ତେ ପେଡ଼େଃ ଏମାଦିୟାଏ, ଆଡ଼ଃ ଆଇଙ୍ଗ୍ କୁଲାତାଃଏତେ ବାଞ୍ଚାଅୟାନାଇଙ୍ଗ୍, କେ'ଲେକାଚି ଆଇଁୟାଃ ହରାତେ ସୁକୁକାଜି ପୁରାଃଗି ଉଦୁବ୍ ଦାଡ଼ିୟାଆ ଆଡ଼ଃ ସବେନ୍ ସାଅଁସାର୍‌କ ଏନା ଆୟୁମ୍ ଦାଡ଼ିୟାକ ।

୧୮ ପ୍ରାଭୁ ଆଇଙ୍ଗକେ ସବେନ୍ ଏଡ଼କାନ୍ କାମିକଏତେ ବାଞ୍ଚାଅକେଦ୍ତେ ଚୁଣ୍ଡୁରେ ଆୟାଃ ସିମା ରାଇଜ୍‌ତେ ବୁଗିଲେକାତେ ଇଦିୟାଁ । ଇନିୟାଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବାଅଃକା ! ଆମେନ୍ ।

ଚୁଣ୍ଡୁ ଜୁହାର୍

୧୯ *ପ୍ରିସ୍‌କିଲା, ଆକ୍‌ଲିଆ ଆଡ଼ଃ ଅନିସିଫର୍‌ଆଃ ଅଡ଼ଃରେନ୍‌କକେ ଆଇଁୟାଃ ଜହାର୍ ଉଦୁବାକମେ ।

୨୦ *ଏରାଷ୍ଟ୍ କରିନ୍ଥ୍‌ୟରେ ତାଇନ୍‌ୟାନାଏ । ମେନ୍‌ଦ୍ ତ୍ରୁଫିମ୍‌ରାଃ ହଡ଼୍‌ମ୍ ବେଗ୍ କା ତାଇନ୍ ହରାତେ ଆଇଙ୍ଗ୍ ଇନିଃକେ ମିଲିତସ୍‌ରେ ବାଗିକେଦ୍‌ତେଇଙ୍ଗ୍ ହିଜୁଃୟାନା ।

୨୧ ରାବାଙ୍ଗ୍ ସାହା ସିଦାରେ ହିଜୁଃନାଙ୍ଗ୍ ସେକାଡ଼େନ୍‌ମେ ।

ଇଡ଼ବୁଲ୍, ପୁଦେନସ୍, ଲାଇନାସ୍, କ୍ଲାଉଦିଆ ଆଡ଼ଃ ସବେନ୍ ବିଶ୍ୱାସୀ ହାଗା ମିଗିକ ଆମ୍‌କେ ଜହାର୍ ଆଡ଼ଃ ଇଶୁସାଏ କାଜିକୁଲ୍‌କାଦାକ ।

୨୨ ପ୍ରାଭୁ ଆମାଃ ଆମ୍‌ଲଃ ତାଇନ୍‌କାଏ ।

ଆପେ ସବେନ୍‌କଲଃ ସାୟାଦ୍ ହବାଅଃକା ।

* ୪:୧୦ କଲସିୟ ୪:୧୪; ଫିଲ୍‌ମନ୍ ୧:୨୪; ୨ କରିନ୍ଥ୍‌ୟ ୮:୨୩; ଗାଲାତିୟ ୨:୩; ତିତସ୍ ୧:୪. * ୪:୧୧ କଲସିୟ ୪:୧୪; ଫିଲ୍‌ମନ୍ ୧:୨୪; ପ୍ରେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲ୍‌ମନ୍ ୧:୨୪. * ୪:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧, ୨୨; କଲସିୟ ୪:୭, ୮. * ୪:୧୩ ପ୍ରେରିଡ୍ ୨୦:୭. * ୪:୧୪ ୧ ତିମଥ୍ ୧:୨୦; ରୋମି ୨:୬. * ୪:୧୯ ପ୍ରେରିଡ୍ ୧୮:୨; ୨ ତିମଥ୍ ୧:୧୭, ୧୭. * ୪:୨୦ ପ୍ରେରିଡ୍ ୧୯:୨୨; ରୋମି ୧୬:୨୩; ପ୍ରେରିଡ୍ ୨୦:୪; ୨୧:୨୯.

ତୀତ୍ତ୍ୱକ ନିକଟକୁ ପାଉଲକ ପତ୍ର ତିତ୍ତ୍ୱତାଃତେ ପ୍ରେରିତ୍ ପାଉଲୁସ୍ଆଃ ଚିଟାଉ ପାରିଟାଏ

ପାଉଲୁସ୍ଆଃ ଉପୁନିୟା ପାର୍ଟାର୍ ଚିଟାଉହେତେ ତିତ୍ତ୍ୱ ହବାଅଃତାନା ମିଆଁଦ୍, ଅକ୍ନାଃଚି କାଲିସିୟାରେୟାଃ ବାଦ୍ଲୀରେ ହଡ଼ରାଃ ପାରିଟାଏ ଏମାକାଦାଏ । ଏଟାଃ ଆପିୟା ଚିଟାଉ ହବାଅଃତାନା, ତୀମଥ୍ତାଃତେ ଅଲୀକାନ୍ ବାରାନ୍ ଚିଟାଉ, ଆତଃ ଫିଲ୍ମନ୍ । ତିତ୍ତ୍ୱ ନେ ଚିଟାଉକେ ସବେନ୍କଆଃ ସାମ୍ନାଙ୍ଗ୍ରେ ପୁରାଃ କାଉରିକେଦ୍ତେ ପାଢ଼ାଅ ଲାଗାତିଙ୍ଗ୍ୟାଃ ମେନ୍ତେ ପାଉଲୁସ୍ ତିତ୍ତ୍ୱତାଃତେ ନେ ଚିଟାଉକେ ଅଲେତାନା । କୁଲୀକାନ୍ନିଃ ତାନିଃ ଲେକା ଆୟାଃ ଚାଲନ୍ ଚାଲାନ୍ ହବାଅଃ ଲାଗାତିଙ୍ଗ୍ୟାଃ ମେନ୍ତେ କାଜିକାଦା । ନେଆଁକେ ତିତ୍ତ୍ୱ ସିଦାରେ କାଟିଃ ଲେକାଏ ସାରିକାଦ୍ ତାଇକେନା । ହବାସାକାଅଆଃ ଖ୍ରୀଷ୍ଟ୍ଆଃ ଜାନାମ୍ ତାୟମ୍ ୨୩ ହେତେ ୨୫ ଭିତାର୍କରେ ପାଉଲୁସ୍ ନେ ଚିଟାଉକେ ଅଲୀକାଦା ।

ପାଉଲୁସ୍ କ୍ରିଡ଼ିରେୟାଃ ଟାପୁରେ ତାଇନ୍କାନ୍ କାଲିସିୟାକକେ ନେଲ୍ ନାଗେନ୍ତେ ତିତ୍ତ୍ୱକେ ଆରୁକିୟା, ଏନ୍ ମିଦ୍ ଇନିଡୁକେଗି ତୀମଥ୍ତକେୟ ଏମାକାଇ ତାଇକେନାଏ । ପାଉଲୁସ୍ ନେ ଚିଟାଉରେ ତିତ୍ତ୍ୱକେ କାଲିସିୟାରେନ୍ ପ୍ରାତିନ୍କକେ ସାଲୀକେଦ୍ତେ ଇଡୁକରେୟାଃ ବିଷାଏରେ ଅଲୀକାଦା । ତିସିଙ୍ଗ୍ରେୟାଃ କାଲିସିୟା ଆତଃ କାଲିସିୟାରେନ୍ ପ୍ରାତିନ୍କଆଃ ଆଗୁଆଇ ନାଗେନ୍ତେ ପାର୍ମେଶ୍ୱାର୍ଆଃ ମନେ ଲେକାତେ ଚିଲ୍କା ହବାଅଃ ଲାଗାତିଙ୍ଗ୍ୟାଃ ଏନା ପୁରାଃ ଜାତ୍ନାଅକେଦ୍ତେ ଧ୍ୟାନ୍ ଏମ୍ ଲାଗାତିଙ୍ଗ୍ୟାଃ, ଏନା ନେ ଚିଟାଉରେ ଅଲୀକାନା ।

ପୁଥ୍ ଭିତାର୍ରେ ତାଇକାନ୍ କାଜି

- ୧. ପାଉଲୁସ୍ ତିତ୍ତ୍ୱକେ ଧାର୍ମାନ୍ ହଡ଼କକେ ସାଲୀକ ନାଗେନ୍ତେ ଆରୁକାଦା । ୧:୧-୧୭
- ୨. ଇନିଃହଗି ହଡ଼କକେ ପାର୍ମେଶ୍ୱାର୍କେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଇଡୁକ ନାଙ୍ଗ୍ ଆରୁକାଦାଏ । ୨:୧-୩:୧୧
- ୩. ପାଉଲୁସ୍ ଚୁଣ୍ଡୁକାଜି କାଜିକେଦ୍ତେ କାଜିଚୁଣ୍ଡୁକଦା । ୩:୧୨-୧୫

୧ ଆଇଙ୍ଗ୍ ପାଉଲୁସ୍, ପାର୍ମେଶ୍ୱାର୍ଆଃ ଦାସି ଆତଃ ଯୀଶୁ ଖ୍ରୀଷ୍ଟ୍ଆଃ କୁଲୀକାନ୍ନିଃ ତାନିଙ୍ଗ୍ । ବିଶ୍ୱାସ୍ରେୟାଃ ମେନେସା ଲେକାତେ ସାନାର୍ତ୍ତରେନ୍ ହନ୍ ତିତ୍ତ୍ୱତାଃତେ ନେ ଚିଟାଉ ଅଲେତାନାଇଙ୍ଗ୍ ।

ପାର୍ମେଶ୍ୱାର୍ଆଃ ସାଲୀକାନ୍ ହଡ଼କଆଃ ବିଶ୍ୱାସ୍କେ କେଟେଜେ ନାଗେନ୍ତେ ଆତଃ ଆରୁଆଃ ଧାରାମ୍ ବିଶ୍ୱାସ୍ରେୟାଃ ସାନାର୍ତ୍ତି ନାଙ୍ଗ୍ ଚେଡ଼ଗାର୍ ନାଗେନ୍ତେ ଆଇଙ୍ଗ୍ କୁଲୀକାନାଇଙ୍ଗ୍ ।

୨ ଅକ୍ନାଃ ଜାନାଅ ଜୀଦାନ୍ ନାମେରେୟାଃ ଆସ୍ରା ନାଗେନ୍ତେ ଠାହାରାଅକାନା । ପାର୍ମେଶ୍ୱାର୍ ହସଡ଼ ନାହାଁଲିଃ । ଇନିଃ ମୁନୁହେତେ ସିଦାରେ ଆରୁକେ ଜୀଦାନ୍ ଏମ୍ରେୟାଃ ବାନାର୍ସା ଏମାକାଦାଏ ।

୩ ଠାଉକାନ୍ ନେତାରେ ନେ କାଜି ଉଦୁବ୍କାଦା । ଆରୁଆଃ ଜୀଉବାସ୍ରାଅ ଏମ୍ନିଃ ପାର୍ମେଶ୍ୱାର୍ଆଃ ଆନାରୁତେ ନେଆଁ ଉଦୁବ୍ ନାଗେନ୍ତେ ଆଇଙ୍ଗ୍କେ ବାହାରମ୍ ଏମ୍କାନା ।

୪ *ତିତ୍ତ୍ୱ ଆଇଁୟାଃ ମିଦ୍ ବିଶ୍ୱାସ୍ରେନ୍ ହନ୍ ତାନିଃ । ଆପୁ ପାର୍ମେଶ୍ୱାର୍ ଆତଃ ଆରୁଆଃ ବାସ୍ରାଅନିଃ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଜୀଉସୁକୁ ଏମାପେକାଏ ।

କ୍ରିଡ଼ରେ ତିତ୍ତ୍ୱଆଃ କାମି

୫ କା ଚାବାକାନ୍ କାମିକେ ଚାବା ନାଗେନ୍ତେ ଆତଃ ଆଇଁୟାଃ ଆନାରୁକେ ପାହାମ୍ତାନଲ୍ଲଃ ସବେନ୍ ନାଗାର୍ରେ କାଲିସିୟାରେନ୍ ପ୍ରାତିନ୍କକେ ସାଲୀକ ନାଗେନ୍ତେ ଆଇଙ୍ଗ୍ ଆମ୍କେ କ୍ରିଡ଼ରେ ବାରିକେଦ୍ମେୟାଈଙ୍ଗ୍ ।

୬ *ଜେତାଏ କାଲିସିୟାରେନ୍ ପ୍ରାତିନ୍ ଲେକା ସାଲୀଅଃ ହଡ଼, ବେଗାର୍ ଗୁହ୍ନାଁ ହବାଅଃ ଲାଗାତିଙ୍ଗ୍ୟାଃ । ଇନିୟାଃ ମିଆଁଦ୍ଗି କୁଡ଼ି ହବାଅଃ ଲାଗାତିଙ୍ଗ୍ୟାଃ, ଆୟାଃ ହନ୍ଗାଁଶାକ ବିଶ୍ୱାସୀ ହବାଅଃ ଲାଗାତିଙ୍ଗ୍ୟାଃ, ଇନିଃ ବେଗାର୍ ଚିଟାକାନ୍ନିଃ ହବାଅଃକାଏ ଆତଃ କା ମାନାତିଙ୍ଗ୍ନିଃ ଆଲକାଏ ହବାଅଃକା ।

୭ ଚିୟାଃଚି କାଲିସିୟାରେନ୍ ଆଗୁଆଇ, ପାର୍ମେଶ୍ୱାର୍ଆଃ ଖୁଜ୍ ଅଡ଼ାଃରେନ୍ ଭାଣ୍ଡାରି ହବାୟାନ୍ତେ ଇନିଃ ବେଗାର୍ ଚିଟାକାନ୍ନିଃ ଲେକା ତାଇନ୍କାଏ । ଇନିଃ ଆୟାଃ ସାନାଙ୍ଗ୍ଲେକା କାମିନିଃ, ଜାଲ୍ଦି ଖୁସ୍ନିଃ, ଇଲିଆର୍ଖ୍ ନୁଁତାନ୍ନିଃ, ଏପେଗେର୍ନିଃ, ଆତଃ ଟାକା ପାଏସା ହାୟାନିଃ ଲେକା ଆଲକାଏ ହବାଅଃକା ।

୮ ମେନ୍ଦ୍ ଇନିଃ ସୁସାର୍ନିଃ, ବୁଗିନାଃ ଦୁଲୀଡ଼େନିଃ, ଆତଃ ଆୟାଃ ମନ୍ ଆବର୍ନିଃ, ଧାର୍ମାନ୍ନିଃ, ପାବିତାର୍ନିଃ, ଆତଃ ନେତେହେନ୍ତେ କା ବାଖାଁନିଃ ଲେକା ହବାଅଃ ଲାଗାତିଙ୍ଗ୍ୟାଈ ।

☆ ୧:୪ ୨ କରିନ୍ଥ୍ରିୟ ୮:୨୩; ଗାଲାତିୟ ୨:୩; ୨ ତିମଥ୍ ୪:୧୦. ☆ ୧:୬ ୧ ତିମଥ୍ ୩:୨-୭.

୯ ଫେନ୍ଦ ବୁଗିନ୍ ସାର୍ତ୍ତିକାଜିକେ ଏଟାଃକକେ ଇତୁକେଦ୍ଦେ ଜୀଉରେ ରାସ୍କା ଏମ୍ ଦାଡ଼ିନାଙ୍ ଆତଃ ଏନାକେ କାଜି କେସେଦ୍ଦାନକଆଃ ଗାଲ୍ତି ଉଦୁବ୍ ଦାଡ଼ିୟାଏ, ଏନାମେନ୍ତେ ଇନିଃକେ ନେ ଇତୁଆକାନ୍ ପାତିୟାର୍ରେଲେକାନ୍ କାଜିକେ ବିଶ୍ୱାସ୍ତାନଲଃ ଏନାରେ ପକ୍ତାନ ଲାଗାତିଙ୍ଗ୍ୟାଃ ।

୧୦ ତିୟାଃତି ପୁରାଃ କା ମାନାତିଙ୍ଗ୍ ହଡକ, ସାମାକାଜିତାନ୍ ହଡକ, ଆତଃ ବେଦା ହଡକ ସବେନାଃଏତେ ଆଦ୍କା ଯିହୁଦୀକଆଃ ଖାଡ଼ନାଅକାନ୍କ, ଝୁଣ୍ଡରେ ମେନାକଆ ।

୧୧ ଇନ୍କୁକେ ଜେଡନାଃ କାଜି ନାଙ୍ କା ଲାଗାତିଙ୍ଗ୍ୟାଃ, ତିୟାଃତି ଇନ୍କୁଦ୍ ଏଡକାନ୍ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାତିଙ୍ଗ୍ ଇନିତୁକ ଇତୁକତାନା ଆତଃ ଗଟା ଅଡ଼ାଃରେନ୍କକେ କାକ ବାପାଈକ ତାନା ।

୧୨ ଇନ୍କୁଏତେ ଆକଆଃ ମିହୁଡ୍ ନାବୀ କାଜିକାଦାଏ, “କ୍ରିଡ଼ରେନ୍ ହଡକ ସବେନ୍ ଇମ୍ତା ହସଡକ, ଏଡକାନ୍ ବିର୍ ଜାତୁକ ଆତଃ ଆଲ୍ସି ପେଚୁକ ତାନ୍କ ।”

୧୩ ନେ ଗାଞ୍ଜା ସାର୍ତ୍ତିଗି ତାନାଃ । ଏନାମେନ୍ତେ ଏନ୍ଲେକାନ୍ ହଡକକେ ପୁରାଃ କେଟେୟାନ୍ଗି କାଜିକମେ, ଜେ'ଲେକାତି ଇନ୍କୁ ବୁଗିନ୍ ବିଶ୍ୱାସୀକ ହବାଅଃଆ ।

୧୪ ଇନ୍କୁଦ୍ ସାର୍ତ୍ତିକେ ବାଗିକାଦ୍ ହଡକ ତାନ୍କ, ଇନ୍କୁ ହଡକଆଃ ଆରୁତେ ବାଈୟାକାନ୍ ରିତିରିଞ୍ଜାନ୍ ଆତଃ ଯିହୁଦୀକଆଃ କାଅ୍ନି ବାଗିକାକ ମେନ୍ତେ ଇନ୍କୁକେ ଇତୁକମେ ।

୧୫ ଫାର୍ତି ହଡକ ନାଙ୍ ସବେନାଃ ଫାର୍ତିୟାକାନା । ସଡ଼ରାକାନ୍ ଆତଃ କା ବିଶ୍ୱାସ୍ତାନକ ନାଗେନ୍ତେ ଜେତାନ୍ ବିଷାଏ ଫାର୍ତି ବାନଆଃ ମେନ୍ଦ୍ ଇନ୍କୁଆଃ ମନ୍ ଆତଃ ବିବେକ୍ ବାରାନାଃ ସଡ଼ରାକାନା ।

୧୬ ଇନ୍କୁଦ୍ ପାର୍ମେଶ୍ୱାର୍ରେକେ ସାରିଆଲେ ମେନ୍ତେକ କାଜିୟା, ମେନ୍ଦ୍ ଆକଆଃ କାମିତେ ଇନିଃକେକ ଦଧାଦିତାନା । ଇନ୍କୁଦ୍ ହିଲ୍ଲାଙ୍ଅଃତାନ୍ ଆତଃ କା ମାନାତିଙ୍ଗ୍ତାନ୍ ହଡକ ତାନ୍କ ଆତଃ ସବେନ୍ ବୁଗିନ୍ କାମିନାଙ୍ କା ଠାଉକାନ୍କ ତାନ୍କ ।

୨

ସାର୍ତ୍ତି ଇନିତୁ

୧ ଫେନ୍ଦ୍ ଆମ୍କେ ଏନ୍ ବୁଗିନ୍ ଇନିତୁଲେକା ଇତୁ ଲାଗାତିଙ୍ଗ୍ୟାଃ ।

୨ ହାଡ଼ାମ୍ ହଡକକେ ସାଲ୍ସାନ୍ତଃ, ମାଈନ୍ ନାମେ, ମନ୍ ଆବର୍, ବିଶ୍ୱାସ୍ରେ କେଟେୟଃ, ଦୁଲ୍ଲାଡ଼, ଆତଃ ସାହାତିଙ୍ଗ୍ରେ ପକ୍ତାଃଅ ନାଗେନ୍ତେ ଇତୁକମେ ।

୩ ଏନ୍ଲେକାଗି ବୁଡ଼ିଆକକେ ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ ଇତୁକମେ । ଇନ୍କୁ ଏଟାଃନିୟାଃ ବିରୁଧ୍ରେ ନିନ୍ଦା ଆଲକାକ କାଜିକା, ଇଲିଆର୍ଗ୍ରେ ଆଲକାକ ଲିଲ୍କାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍କୁ ଅକ୍ନାଃ ବୁଗିନାଃ ତାନାଃ ଏନା ଇତୁ ଲାଗାତିଙ୍ଗ୍ୟାଃ ।

୪ ଧାଙ୍ଗ୍ଡ଼ି କୁଡ଼ିକ, ନେ ଲେକା ଇତୁକମେ, ଆକଆଃ କଡ଼ାକକେ ଆତଃ ହନ୍ଗାଁଶାକକେ ଦୁଲ୍ଲାଡ଼କକାକ, ୫ ମନ୍କ ଆବର୍ରେ ଦହେକାକ, ଆତଃ ଫାର୍ତିଗି ତାଈନ୍କାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲ୍କାଅଃକାକ, ଆପାନ୍ ଆପାନ୍ କଡ଼ାକଆଃ ଆବର୍ରେ ତାଈନ୍କାକ, ଏନାତେ ପାର୍ମେଶ୍ୱାର୍ତାଃଏତେ ହିଲ୍ଲୁଡ଼ାନ୍ କାଜିରେ ଜେତାଏ ଏଡକାନାଃ କାକ କାଜି ଦାଡ଼ିୟା ।

୬ ଏନ୍ଲେକାଗି ଧାଙ୍ଗ୍ଡ଼ା କଡ଼ାକକେ ଆକଆଃ ମନ୍ ଆବର୍ରେ ଦହ ନାଗେନ୍ତେ ଆରୁକମେ ।

୭ ଆତଃ ଆମ୍ଗି ସବେନ୍ ବୁଗିନ୍ କାଜିକାମିକରେ ଇନ୍କୁତାଃରେ ନାମୁନାତେ ଉଦୁବେନ୍ମେ, ଆମାଃ ଇନିତୁରେ ଫାର୍ତି ମନ୍, ମାଈନଃଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ ।

୮ ଏନାତେ ଆମାଃ କାଜିକେସେଦ୍ ହଡକ, ଆବୁ ଚିଟାଅଃଲେକାନ୍ ଏଡକାନ୍କାଜି କାକ କାଜିଦାଡ଼ି ହରାତେ ଗିହୁଗଃଆକ ।

୯ ଦାସିକ, ଆକଆଃ ଗମ୍କେକଆଃ ଆବର୍ରେ ତାଈନ୍କାକ ଆତଃ ସବେନ୍ କାଜିକରେ ସୁକୁଈଚିକକାକ ଆତଃ ଆଲ୍ପେ କାଜିରୁହାଡ଼କଆ,

୧୦ ଆତଃ ଆଲକାକ କୁମୁଡ଼ୁକା ମେନ୍ଦ୍ ବୁଗିନ୍ ଆତଃ ପାତିୟାର୍ରେ ଲେକାନ୍ କାଜିକରେ ଉଦୁବେନ୍କାକ, ଏନାତେ ଇନ୍କୁ ସବେନ୍ କାଜିକରେ ଆବୁଆଃ ବାଞ୍ଚାଅନିଃ ପାର୍ମେଶ୍ୱାର୍ଆଃ ବିଷାଏରେ ଆବୁଆଃ ଇନିତୁକେ ମାଈନାନ୍କ ଆଉଈୟା ।

୧୧ ତିୟାଃତି ସବେନ୍ ହଡକଆଃ ପାରିତ୍ରାଣ୍ ନାଗେନ୍ତେ ପାର୍ମେଶ୍ୱାର୍ଆଃ ସାୟାଦ୍ଦେ ଉଦୁବାକାନା ।

୧୨ ଆତଃ ଏଡକାନ୍ଲେକାତେ ଜୀହୁଦଃ ଆତଃ ଅତେଦିଶ୍ୱମ୍ପରାଃ ଏଡକାନ୍ ସାନାଙ୍ଗ୍ ବାଗିକେଦ୍ଦେ ଏନ୍ ସାୟାଦ୍ ଇତୁକାଦ୍ବୁ ଲେକା ନେ ପାରିୟାରେ ମନ୍ ଆବର୍, ଧାର୍ମାନ୍, ଆତଃ ଭାଲ୍ଲିଲେକାତେବୁ ଜୀହୁଦଃଆ ।

୧୩ ଆତଃ ଏନ୍ ସୁକୁରାସ୍କାରାଃ ଆସ୍ତା ଆତଃ ଆବୁଆଃ ମାରାଙ୍ଗ୍ଡ଼ତାର୍ ପାର୍ମେଶ୍ୱାର୍ଆଃ ଆତଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟ୍ଆଃ ମାନାରାଙ୍ ଉଦୁବଃ ଦିପିଲିକେ ନେଲ୍ହରା ତାନାବୁ ।

୧୪ ଏନ୍ ଯୀଶୁ ଖ୍ରୀଷ୍ଟ୍, ଆବୁକେ ସବେନ୍ ଏଡକାନାଃଏତେ ମୁଲ୍ଲି ଏମାବୁ ନାଙ୍ ଆତଃ ଆୟାଃ ଆପ୍ନାଃ ବୁଗିନ୍ କାମିରେ

✧ ୨:୧୪ ୧ ପାଡ଼ରାସ୍ ୨:୯.

ଚିହ୍ନଲାନ ହଡକକେ ଆୟାଃ ନାଜ୍ ନିୟାରକ ନାଗେନ୍ତେ ଆବୁଆଃ ନାଜ୍ ଆଇଃକ୍ରି ଆପାନକେ ଏମ୍ୟାନା ।

୧୫ ନେ ସବେନ୍ କାଜିକ ଆକ୍ତେୟାର୍ତେ କାଜିକମ୍ ଆତଃ ଜୀଉରେ ରାସ୍ତା ଏମ୍କେଦ୍ତେ ଚେତାଅକମେ । ଜେତାଏ ଆମ୍କେ ଆଲକାକ ହିଲାଇଫେକା ।

୩

ଖ୍ରୀଷ୍ଟିୟାନକଆଃ ଚାଇଲ୍ ଚାଲାନ

୧ ହାକିମ୍କଆଃ ଆତଃ ଆକ୍ତେୟାର୍ ନାମାକାଦ୍ ହଡକଆଃ କାଜି ମାନାତିଜ୍ ନାଗେନ୍ତେ ଆତଃ ସବେନ୍ ବୁଗିନ୍ କାମି ନାଗେନ୍ତେ ସେକାଡାକାନପେ,

୨ ଜେତାଏୟାଃ ଏଡକାନ ଆଲପେ କାଜିୟା, ମେନ୍ଦ ସୁକୁଜୀଉତେ ଆତଃ ଗାଡିସାଙ୍ଗାଡିତେ ସେସେନ୍ ନାଜ୍ ସବେନ୍ ହଡକତାଃରେ ଲେବେଃମନ୍ତେ ସବେନ୍ ଇମତା ଉଦୁବେନ୍ପେ ମେନ୍ତେ ଇନ୍କୁକେ ପାହାମାକମେ ।

୩ ଚିୟାଃଟି ସିଦା ଆବୁହଗି ଡଣ୍ଡ, କା ମାନାତିଜ୍କ, ଆଦାକାନକ, ସବେନ୍ ଲେକାନ ଏଡକାନ ସାନାଜ୍ ଆତଃ ରିଜରାଙ୍ଗରେନ୍ ଦାସିକବୁ ତାଇକେନା । ଆବୁ ଏଡକାନାଃ ଆତଃ ହିସ୍ତାରେ ସେସେନ୍ତାନ, ହିଲାଇଫାକାନ ଆତଃ ଏଟାଃକକେ ହିଲାଇଫକ ତାଇକେନାବୁ ।

୪ ମେନ୍ଦ ଚିମତା ଆବୁଆଃ ବାଞ୍ଚାଅନିଃ ପାରମେଶ୍ୱାର୍ଆଃ ଦୁପୁଲ୍ଲାଡ଼ରାଃ ଦାୟା ଉଦୁବୟାନା,

୫ ଇମତା ଇନିଃ ଆବୁକେ ବାଞ୍ଚାଅକେଦ୍ବୁଆ, ନେଆଁ ଆବୁଆଃ ଧାରମାନ କାମିକରେୟାଃ ନାଗେନ୍ତେତେଦ କାହା ମେନ୍ଦ ଆୟାଃ ଲିବୁଇ ଆତଃ ପାବିତାର୍ ଆମ୍ବାରାଃ ହରାତେ ଆବୁ ନାଞ୍ଜା ଜାନାମ୍ ଆତଃ ନାଞ୍ଜା ଜୀଞ୍ଜାନ୍ବୁ ନାମାକାଦା ।

୬ ଆବୁଆଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟିଆଃ ହରାତେ ପାରମେଶ୍ୱାର୍ ଆବୁକେ ପୁରାଃତେ ପାବିତାର୍ ଆମ୍ବା ଏମାକାଦ୍ବୁଆଏ ।

୭ ଏନାତେ, ଇନିୟାଃ ସାୟାଦ୍ତେ ଆବୁ ପାରମେଶ୍ୱାର୍ଆଃ ଆୟାରରେ ଧାରମାନ ହଡବୁ ବାଇୟାକାନା ଆତଃ ଆବୁଆଃ ଆସ୍ତା ଲେକାତେ ଜାନାଅ ଜୀଦାନରେ ବଲ ନାଗେନ୍ତେ ଆକ୍ତେୟାର୍ବୁ ନାମାକାଦା ।

୮ ନେ କାଜି ସାର୍ତିଗି ତାନାଃ ।

ଆତଃ ପାରମେଶ୍ୱାର୍କେ ବିଶ୍ୱାସ୍ତାନକ, ସବେନ୍ ବୁଗିନ୍ କାମି ରିକା ନାଗେନ୍ତେ ସାନାଜ୍କାକ, ଏନା ନାଗେନ୍ତେ ଆମ୍ ଇନ୍କୁକେ ନେ ସବେନ୍ ବିଷାଏରେ ପୁରାଃ କେଚେଦ୍ତେ ଇଡୁକମେ, ନେଆଁଇଜ୍ ମନେତାନା । ନେଆଁଦ୍ ହଡକ ନାଗେନ୍ତେ ପୁରାଃ ବୁଗିନାଃ ।

୯ ମେନ୍ଦ ଡଣ୍ଡ କାଜିକ ଆତଃ ପୁରଖା ହାଡାମ୍କଆଃ ନୁଡୁମ୍ବରାଃ ଜିଲିଜ୍ ତାଲିକା, ଏପ୍ପରାଜ୍, ଆତଃ ଆଇନ୍ରେୟାଃ କାପଜିକଏତେ ଆତମେନ୍ମେ, ଚିୟାଃଟି ଏନା ସବେନ୍ ଏଡକାନାଃ ତାନାଃ ଆତଃ ସାମାଗିୟା ।

୧୦ ବେଦା କାଜିତେ ବିନ୍ଗାଅତାନ ହଡକକେ ମିସା ବାର୍ସା ଚେତାଅକେଦ୍ତେ ବାଗିତାକମ୍ ।

୧୧ ନେ ଲେକାନ ହଡକ ହରାଆଦାକାଦାକ ଆତଃ ପାପ୍କେଦ୍ତେ ଆକଗି ଚିଟାଅଃତାନାକ, ଏନାଦମ୍ ସାରିତାନା ।

ବୁଣ୍ଡୁ ଉନ୍ଦୁଦୁବ୍

୧୨ *ଚିମତା ଆଇଜ୍ ଆର୍ଜେମା ଆତଃ ବୁଖ୍କକେ ଆମାଃତାଃତେଇଜ୍ କୁଲିରେ, ଆମ୍ ଆଇୟାଃତାଃତେ ନିକପଲି ସାହାର୍ତେ ହିଜୁଃମେ, ଚିୟାଃଟି ଆଇଜ୍ ରାବାଜ୍ସାହାକେ ଏନ୍ତାଃରେ ବିତାଅନାଜ୍ ଉହାବ୍କାଦାଇଜ୍ ।

୧୩ *ଆଇନ୍ ଇଡୁନିଃ ଜୀନସ୍ ଆତଃ ଆପୋଲୋ, ନେ ବାରାନ୍କିନ୍ନାଃ ହରାସେନ୍ ନାଜ୍, ଅକ୍ନାଃ ଲାଗାଡିଜ୍ତେୟାଃ ସବେନାଃ ଏମ୍କେଦ୍ତେ ହରାସେନ୍ ଏଚେଦ୍ ନାଗେନ୍ତେ ଦେଙ୍ଗାକିନ୍ମେ ।

୧୪ ଆବୁଆଃ ହଡକ ଆକଆଃ ଲାଗାଡିଜ୍ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଜ୍ ଇଡୁଃକାକ, ଏନାରେ ଇନ୍କୁ ଜେଡନାଃତେ କାକ ଜାଞ୍ଜିଅଃଆ ।

୧୫ ଆଇୟାଃଲଃ ତାଇନ୍ତାନ ସବେନ୍କ ଆମ୍କେ ଜହାର୍ମେତାନାକ । ବିଶ୍ୱାସ୍ରେ ଆଲେକେ ଦୁଲ୍ଲାଡ୍ଲେତାନ ସବେନ୍କକେ ଆଲେୟାଃ ଜହାର୍ ଉଦୁବାକମେ ।

ପାରମେଶ୍ୱାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।

☆ ୩:୧୨ ପ୍ରେରିଡ୍ ୨୦:୪; ଏପିସିୟ ୬:୨୧,୨୨; କଲସିୟ ୪:୬,୮; ୨ ତିମଥ୍ ୪:୧୨. ☆ ୩:୧୩ ପ୍ରେରିଡ୍ ୧୮:୨୪; ୧ କରିନ୍ଥ୍ ୧୨:୧୨.

ଫିଲ୍ମନଙ୍କ ନିକଟକୁ ପାଉଲଙ୍କ ପତ୍ର ଫିଲ୍ମନ୍ତାଃତେ ପ୍ରେରିତ୍ ପାଉଲୁସ୍ଆଃ ଚିତାଉ ପାରିଚାଏ

ଫିଲ୍ମନ୍ ପୁଅକେ ପ୍ରେରିତ୍ ପାଉଲୁସ୍ ଅଲ୍ଲାକାଦାଏ ୧:୧ । ଇନିଃ ଜେହେଲ୍ଲାକାନ୍ ତାଇକେନ୍ ଇମ୍ତା ନେ ପୁଅକେ ଅଲ୍ଲାକାଦ୍ ତାଇକେନା, ହବାସାକାଅଃ ତାନା, ରୋମ୍ରେ ତାଇକେନ୍ ଇମ୍ତାଏ ଅଲ୍ଲାକାଃ । ଇନିଃ ରୋମ୍ରେ ତାଇକେନ୍ରେଦ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୧ କରେ ନେ ଚିତାଉକେ ଅଲ୍ ସାକାଅଃକା । ଇନିଃ ଏନ୍ ମିଦ୍ସାମାନ୍ ଦିପିଲିରେଗି କଲସିୟ କାଲିସିୟାକେ ଅଲ୍ଲାକାଃ । ଇନିଃ ନେ ଚିତାଉ ଫିଲ୍ମନ୍ ନୁତୁମ୍ ମିଆଁଦ୍ ହତ୍ତାଃତେ ଅଲ୍ଲକେଦା । ଫିଲ୍ମନ୍ କାଲିସିୟାରେନ୍ ମିହୁଡ୍ ପ୍ରାଚିନ୍ ତାଇକେନାଏ ଆତଃ ଦାସିକଆଃ ଗମ୍କେ ତାଇକେନା । ଫିଲ୍ମନ୍ତାଃତେ କୁମ୍ପୁଡୁକଦ୍ତେ ସାଜିନ୍ତେ ସେନଃକାନ୍ ଅନିସିମସ୍କେ ସାଜାଇ ଆଲମ୍ ଏମାଇୟା, ମେନ୍ତେ ପାଉଲୁସ୍ ନେ ଚିତାଉରେ ଅଲ୍ଲାକାଦା । ରୋମ୍ରେୟାଃ ରିଡିରିଞ୍ଜାଜ୍ ଲେକାତେ ଫିଲ୍ମନ୍, ଅନିସିମସ୍କେ ଗନଏଃ ସାଜାଇ ଏମ୍ରେୟାଃ ଆକ୍ତେୟାର୍ ତାଇକେନା ।

ଅନିସିମସ୍କେ ଖ୍ରୀଷ୍ଟ୍ରେ ହାଗା ଲେକା ମାନାତିଜ୍ଜକେଦ୍ତେ ତେଲ୍ଲାଦାରମିମେ ମେନ୍ତେ ଫିଲ୍ମନ୍କେ ବିକ୍ରିତାନ୍ଲଃ ଜୀଉରାଡ୍ତେଃ ଏମାଇତାନାଏ । ପାଉଲୁସ୍ ଅନିସିମସ୍କେ ଆୟାଃ ଠାୟାଦ୍ରେ ସେଞ୍ଜା କାମି ରିକାନାଜ୍ ଆତୁଇମେ ମେନ୍ତେ ଆତୁକିୟା, ୧:୧୩-୧୪ ।

ପୁଅ ଭିତାରେ ତାଇକାନ୍ କାଜି

- ୧. ପାଉଲୁସ୍ ଫିଲ୍ମନ୍କେ ଜହାର୍ ମେନ୍ତେ ଉଦୁବେତାନା । ୧:୧-୩
- ୨. ପାଉଲୁସ୍ ଅନିସିମସ୍ଆଃ ହରାତେ ଫିଲ୍ମନ୍କେ ମିଆଁଦ୍ ଖ୍ରୀଷ୍ଟ୍ରେ ହାଗା ଲେକା ତେଲ୍ଲାଦାରମିମେ ମେନ୍ତେ କାଜିକାଦା । ୧:୪-୨୧
- ୩. ପାଉଲୁସ୍ ଆୟାଃ ହରାସେନ୍ ବିଷାଏରେ ଉଦୁବେତାନା ଆତଃ ଜହାର୍ ମେନ୍ତେ ଉଦୁବେତାନା । ୧:୨୨-୨୫

୧ ଯୀଶୁ ଖ୍ରୀଷ୍ଟୁଆଃ ନାଗେନ୍ତେ ଜେହେଲ୍ଲାକାନ୍ ଆଇଜ୍ ପାଉଲୁସ୍ ଆତଃ ହାଗା ତୀମଥ୍ତାଃତେ, ଆବୁଆଃ ଦୁଲ୍ଲାଡ୍ ଗାଡି ଆତଃ ମିସାତେ କାମିତାନ୍ନିଃ ଫିଲ୍ମନ୍,

୨ *ଆୟାଃ ଅଡ଼ାଃରେ ହୁଣ୍ଡିକେଦ୍ତେ ଗିର୍ଜାତାନ୍କ ନାଗେନ୍ତେ, ଆବୁଆଃ ମିଗି ଆଫପିୟା, ଆତଃ ଧାରାମ୍ କାମିରେ ଆବୁଲଃ ମିସାତେ ଲାଡ଼ାଇତାନ୍ ଆଖି ପସ୍ତାଃତେ ନେ ଚିତାଉ ଅଲେତାନାଲେ ।

୩ ଆବୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାତୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଫିଲ୍ମନ୍ଆଃ ଦୁଲ୍ଲାଡ୍ ଆତଃ ବିଶ୍ୱାସ୍

୪ ହାଗା ଫିଲ୍ମନ୍, ଆଇଜ୍ ବିକ୍ରିତାନ୍ ଇମ୍ତା ସବେନ୍ ହୁଲ୍ଲାଜ୍ ଆମ୍କେ ପାହାମ୍ତାନ୍ଲଃ ପାର୍ମେଶ୍ୱାର୍କେ ଧାନ୍ୟାବାଦ୍ ଏମାଇତାନାଇଜ୍ ।

୫ ଚିୟାଃଚି ପ୍ରାତୁ ଯୀଶୁ ଖ୍ରୀଷ୍ଟ୍ରେ ଆମାଃ ବିଶ୍ୱାସ୍ ଆତଃ ପାର୍ମେଶ୍ୱାର୍ଆଃ ହତ୍ତକଲଃ ଆମାଃ ଦୁଲ୍ଲାଡ୍ ମେନାଃ, ଏନା ଆଇଜ୍ ଆୟୁମ୍କାଦା ।

୬ ଖ୍ରୀଷ୍ଟଲଃ ଆବୁଆଃ ମେନେସା ହବାୟାନ୍ ହରାତେ ଆବୁଆଃ ଜୀଦାନ୍ରେ ଆଣିଷ୍ଟୁ ନାମାକାଦା । ଖ୍ରୀଷ୍ଟକେ ବିଶ୍ୱାସ୍ତାନ୍ ହରାତେ ଆମାଃଲଃ ଆଲେୟାଃ ମେନେସା, ଏନ୍ ସବେନ୍ ବୁଗିନ୍ ବିଷାଏରେୟାଃ ଇକିରାନ୍ତେୟାଃ ଆବ୍କାର୍ଡରୁମ୍ ନାଗେନ୍ତେ ଆମ୍କେ ଦେଜାମେକାଏ, ଏନା ଆଇୟାଃ ବିକ୍ରି ।

୭ ଏ ହାଗା, ଆମାଃ ଦୁଲ୍ଲାଡ୍ତେଦ୍ ଆଇଜ୍ ପୁରାଃଗିଜ୍ ରାସ୍କାୟାନା ଆତଃ ଜୀଉରାଡ୍ତେଃ ନାମ୍କେଦାଇଜ୍ । ଚିୟାଃଚି ଆମାଃ ହରାତେ, ପାର୍ମେଶ୍ୱାର୍ଆଃ ହତ୍ତକଆଃ ମନ୍ସୁରୁଦ୍ ରାସ୍କାତେ ପେରେଜାକାନା ।

ଅନିସିମସ୍ ନାଗେନ୍ତେ ପାଉଲୁସ୍ଆଃ ବିକ୍ରି

୮ ଏନା ନାଗେନ୍ତେ ଆମ୍ ଖ୍ରୀଷ୍ଟ୍ରେ ବିଶ୍ୱାସୀ ହାଗାତାନ୍ମେ ମେନ୍ତେ ଆଇଜ୍ ଆମ୍କେ କାମିକ ଆତୁ ନାଜ୍ ଆଇୟାଃ ପୁରାଃଗି ଜୀଉରେ କେଟେଦ୍ ମେନାଃ ।

୯ ମେନ୍ଦ୍ ଆଇଜ୍ ହାଡ଼ାମଃତାନ୍ ପାଉଲୁସ୍, ଦୁଲ୍ଲାଡ୍ ହରାତେ ଆଇଜ୍ ଆମ୍କେ ବିକ୍ରିମେ ତାନାଇଜ୍, ଆତଃ ଯୀଶୁ ଖ୍ରୀଷ୍ଟ୍ ନାଗେନ୍ତେ ଆଇଜ୍ ନାହାଃ ଜେହେଲ୍ଲା କାନାଇଜ୍ ।

☆ ୧:୨ କଲସିୟ ୪:୧୭.

୧୦ ✨ଆଇଙ୍ଗ୍ ଜେହେଲ୍ରେ ସିକିଡ଼ିତେ ତଲକାନ୍ ତାଇକେନ୍ ଇମ୍ତା ଅନିସିମସ୍କେ ଯାଶୁ ଶ୍ରୀଷ୍ଟିଆଃ ହରାତେ ହନିଙ୍ଗକଡ଼ା ଲେକାଇଙ୍ଗ୍ ନାମ୍କିୟା, ଆଇଙ୍ଗ୍ ନାହାଁଃ ଆମ୍ବି ଆପୁ ଲେକାଇଙ୍ଗ୍ ହବାକାନା ଆତଃ ଇନିଃ ନାଗେନ୍ତେଇଙ୍ଗ୍ ବିକ୍ରିମେତାନା ।

୧୧ ସିଦା ଇନିଃ ଆମାଃ ଜେତାନ୍ କାମି ରିକାଏ ଲେକାନ୍ନିଃ କାଏ ତାଇକେନା, ମେନ୍ଦ ଇନିଃ ନାହାଁଃ ଆଇଁୟାଃ ନାଙ୍ଗ୍ ଆତଃ ଆମାଃ ନାଙ୍ଗ୍ ପୁରାଃ କାମି ରିକାଏନିଃ ହବାକାନାଏ ।

୧୨ ଆଇଙ୍ଗ୍ ନାହାଁଃ ଇନିଃକେ ଆପେତାଃତେଇଙ୍ଗ୍ କୁଲ୍ ରୁହାଡ଼ିତାନା, ଆତଃ ଆଇଁୟାଃ ମନ୍ସୁରୁଦ୍ ଇନିଃଲଃ ସେନ୍ତାନା ।

୧୩ ଆଇଙ୍ଗ୍ ସୁକୁକାଜି ନାଙ୍ଗ୍ ଜେହେଲ୍ରେ ସିକିଡ଼ିତେ ତଲକାନ୍ ତାଇକେନ୍ ଇମ୍ତା ଆମାଃ ବାଦ୍ଲାରେ ଆଇଙ୍ଗ୍କେ ଦେଙ୍ଗାନାଙ୍ଗ୍ ଇନିଃକେ ଆଇଁୟାଃ ହେପାଦ୍ରେ ଦହନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ ।

୧୪ ଆମ୍ ଆଇଙ୍ଗ୍କେ ଦେଙ୍ଗାଇଙ୍ଗ୍ମେଗି ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ତାନା, ମେନ୍ଦ ଆମ୍ ଆମାଃ ବୁଗିନ୍ କାମି ବେଗାର ଇଛାସାନାଙ୍ଗ୍ତେ କା ହବାକେଦ୍ତେ, ଆମାଃ ଇଛାସାନାଙ୍ଗ୍ତେ ହବାଅଃକା, ମେନ୍ତେ ଆଇଙ୍ଗ୍ ଜେତ୍ନାଃ ରିକାନାଙ୍ଗ୍ କାଇଙ୍ଗ୍ ମନେତାନା ।

୧୫ ହବାସାକାଅଆଃ, ଜାନାଅ ଆମାଃତାଃରେ ତାଇନ୍ ଲାଗାଡ଼ିଙ୍ଗ୍ୟାଃ ମେନ୍ତେ ଅନିସିମସ୍ ତିମିନ୍ ମାହାଁ ଆମାଃତାଃଏତେ ସାଙ୍ଗିନ୍ରେ ତାଇକେନା ।

୧୬ ଆତଃ ନାହାଁଃଦ ଇନିଃ କିରିଙ୍ଗ୍ ଦାସି ଲେକା କାହାଗି, ମେନ୍ଦ କିରିଙ୍ଗ୍ଦାସିଏତେ ମାରାଙ୍ଗ୍ ଶ୍ରୀଷ୍ଟିଆଃ ବିଶ୍ୱାସୀ ଲେକାତେ ଇନିଃ ମିଆଁଦ୍ ଦୁଲାଡ୍ ହାଗା ଲେକା ତାନିଃ । ଏନାତେ ଇନିଃ ଆଇଁୟାଃ ଦୁଲାଡ୍ ହାଗା ତାନିଃ । ଇନିଃ ମିଆଁଦ୍ ଦୁଲାଡ୍ ହଡ୍ ଲେକା ଆତଃ ପ୍ରାଭୁରେ ମିଆଁଦ୍ ହାଗା ଲେକା ଆମାଃ ନାଙ୍ଗ୍ ତିମିନ୍ ବୁଗିନାଃ ହବାଅଃଆ ।

୧୭ ଏନାମେନ୍ତେ ଆମ୍ ଆଇଙ୍ଗ୍କେ ମିଆଁଦ୍ ମିସାତେ କାମିନିଃ ମେନ୍ତେମ୍ ଆଟ୍କାରିଙ୍ଗ୍ ତାନ୍ରେଦ, ଆଇଙ୍ଗ୍କେ ଦାରମ୍ତାନ୍ଲେକାଗି ଇନିଃକେ ଦାରମିମେ ।

୧୮ ଇନିଃ ଜେତ୍ନାଃ ଆମାଃ ହାନି ରିକାକାଦ୍ରେଦ ଚାଏ ଆମାଃତାଃଏତେ ରିଶୀ ଇଦିକାଦ୍ରେଦ, ଏନାକେ ଆମ୍ ଆଇଁୟାଃ ନୁତୁମରେ ଅଲ୍ତାମେ ।

୧୯ ଆଇଙ୍ଗ୍ ପାତଲୁସ୍, ତିଃଇ ତାଇୟାଃତେ ଅଲେତାନାଇଙ୍ଗ୍, ଏନାଇଙ୍ଗ୍ ହାଲ୍ଲୁହାଡ଼େଆ । ଆମାଃ ମନ୍ସୁରୁଦ୍ ଆଇଁୟାଃତାଃରେ ରିଶୀ କାନା, ଏନ୍ ବିଷାଏରେ ଆଇଙ୍ଗ୍ କାଜି ନାଙ୍ଗ୍ କାଇଙ୍ଗ୍ ସାନାଙ୍ଗ୍ତାନା ।

୨୦ ଏନାତେ ଏ ହାଗା, ପ୍ରାଭୁଆଃ ମେନେସାରେ ଆମାଃ ହରାତେ ଆଇଁୟାଃ ବୁଗିନାଃ ହବାଅଃକା, ଆତଃ ଶ୍ରୀଷ୍ଟିରେ ହାଗାଲେକା ରାସ୍କାଇଙ୍ଗ୍ମେ ।

୨୧ ଆଇଁୟାଃ ପୁରା ବିଶ୍ୱାସ୍ ମେନାଃ, ଆମ୍ ଆଇଁୟାଃ କାଜି ମାନାଡ଼ିଙ୍ଗ୍ତାନାମ୍ ମେନ୍ତେ ଆଇଙ୍ଗ୍ ଆମାତାଃତେଇଙ୍ଗ୍ ଅଲେତାନା, ଆଇଁୟାଃ କାଜିଏତେ ଆମ୍ ଆଦ୍କାମ୍ ରିକାୟା, ଏନାଇଙ୍ଗ୍ ସାରିତାନା ।

୨୨ ଆତଃ ଆଇଁୟାଃ ନାଙ୍ଗ୍ ଏନ୍ତାଃରେ ତେରା ଠାୟାଦ୍ ସେକାଡ଼କେଦ୍ତେ ଦହକାମେ ଚିୟାଃତି ଆଇଁୟାଃ ଆସ୍ତା ମେନାଃ, ପାର୍ମେଶ୍ୱାର୍ ଆପେୟାଃ ବିକ୍ରି ଆୟୁମେୟା ଆତଃ ଆଇଙ୍ଗ୍ ଆପେତାଃତେ ହିଜୁଃରୁହାଡ଼ାଇଙ୍ଗ୍ ।

ଚୁଣ୍ଟି ଜହାର୍

୨୩ ✨ୟାଶୁ ଶ୍ରୀଷ୍ଟି ନାଙ୍ଗ୍ ଆଇଁୟାଃଲଃ ଜେହେଲକାନ୍ ଏପାପ୍ଟା, ଆମ୍କେ ଆୟାଃ ଜହାର୍ କାଜିକୁଲେତାନାଏ,

୨୪ ✨ଆତଃ ଆଇଁୟାଃଲଃ ମିସାତେ କାମିତାନ୍ ମାର୍କ, ଆରିସ୍ତାର୍ଖ, ଦିମା, ଲୁକ୍ ଆମ୍କେ ଜହାର୍ ମେନ୍ତେକ କାଜିକୁଲେତାନା ।

୨୫ ପ୍ରାଭୁ ଯାଶୁ ଶ୍ରୀଷ୍ଟିଆଃ ସାୟାଦ୍ ଆପେ ସବେନ୍କଲଃ ଆମ୍ରେ ହବାଅଃକା ।

☆ ୧:୧୦ କଲସିୟ ୪:୯. ☆ ୧:୨୩ କଲସିୟ ୧:୭; ୪:୧୨. ☆ ୧:୨୪ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପ୍ରେରିଡ୍ ୧୯:୨୯; ୨୭:୨; କଲସିୟ ୪:୧୦; କଲସିୟ ୪:୧୪; ୨ ଡିମଥ୍ ୪:୧୦; କଲସିୟ ୪:୧୪; ୨ ଡିମଥ୍ ୪:୧୧.

ହିବ୍ରୁମାନଙ୍କୁ ଲିଖିତ ପତ୍ର ଏବଂ ହତୁକତାଃତେ ଅଲ୍ଲାକାନ୍ ଚିଟାଉ ପାରିଟାଏ

ଏବଂ ଚିଟାଉ ମିଆଁଦ୍ ଜୀଉରେ ରାସ୍‌କା ଏମଃ ଚିଟାଉ ତାନାଃ । ମାରି ନିୟାମ୍‌ରେୟାଃ ଆୟାଋକାଜି ସବେନାଃ ପୁରାକାନ୍ ବିଷାଏ ନେ ଚିଟାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିଟାଉରେ ୭୦ ଏତେ ଆଦ୍‌କା ମାରି ନିୟାମ୍‌ରାଃ ଅନଲ୍‌ତେୟାଃ ମେନାଃ । ଯୀଶୁ ଖ୍ରୀଷ୍ଟ୍ ଚିଲ୍‌କା ଆୟାଋକାଜି ଆତଃ ଯିହୁଦୀ ଯାଜାକ୍‌କଆଃ କାମି ପୁରାକେଦାଏ, ଏନା ନେ ଚିଟାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନ୍‌କକେ ଜୀଉରେ ରାସ୍‌କା ଏମଃ ଚିଟାଉ ତାନାଃ । ଏବଂ ଚିଟାଉରେ ନେଲଃଆ ଯେ, ଯୀଶୁ ଚିଲ୍‌କା ଆନୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିତ୍‌ଲାହ ଦାଣେଁ ରାକାଦ୍ କା ଲାଗାତିୟାଃଆ । ଯୀଶୁ ଖ୍ରୀଷ୍ଟ୍ ହବାଅଃତାନାଏ ସବେନ୍ ପାପ୍‌ରେୟାଃ ଦାଣେଁ ରାକାଦ୍, ନେଆଁ ମିସାତରା ସବେନ୍ ହୁଲାଙ୍ଗ୍ ନାଗେନ୍ତେ ତାନାଃ । ନାହାଁଃ ପାତିୟାଋତାନ୍ ଖ୍ରୀଷ୍ଟିୟାନ୍‌କ ନାଗେନ୍ତେ ଏବଂ ଚିଟାଉରେ ଜୀଉରେ ରାସ୍‌କା ନେଲଃଆ । ଖ୍ରୀଷ୍ଟ୍ ଏସ୍‌କାର୍ ଆବୁକେ ପାର୍‌ମେଶ୍ୱାର୍‌ତାଃରେ ଆସ୍ତା ଦହ ନାଗେନ୍ତେ ରିକା ଦାଢ଼ିୟାବୁଆ, ଆତଃ ଆୟାଃତାଃରେ ଆସ୍ତା ଦହତାନ୍‌ଲଃ ଅତଙ୍ଗ୍‌କେଦ୍‌ତେ ସେନ୍ ଦାଢ଼ିୟାବୁ ୧୨:୨ ।

ଏବଂ ଚିଟାଉ ଅକ୍‌ଏ ଅଲ୍ଲାକାଦାଏ ଏନା କା ସାରିୟଃତାନା, ମେନ୍‌ଦ ପାଣ୍ଡିତ୍‌କ କାଜିୟାଃକ, ହବାସାକାଅଆଃ ପ୍ରେରିତ୍ ପାଉଲୁସ୍, ଲୁକ୍, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍‌ରେୟାଃ ଦିପିଲି ହଗି କା ସାରିୟଃତାନା, ମେନ୍‌ଦ ପୁରାଃ ହତୁକ ବିଶ୍ୱାସାଃକ, ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୭୦ କରେ ଅଲ୍ଲାକାନା । ଯୀରୁଶାଲେମ୍ ମାନ୍ଦିର୍ ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିଟାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏବଂ ଚିଟାଉ ହବାସାକାଅଆଃ ରୋମ୍ ନାଗାର୍‌ରେ ଅଲ୍ଲାକାନ୍ ତାଇକେନା ୧୩:୨୪, ଆତଃ ଏଗାଃ ଏଗାଃ କାଲିସିୟାରେ ହାଟିଙ୍ଗ୍‌କାନ୍ ତାଇକେନା ।

ପୁଅ୍ ଭିତାଋରେ ଅଲ୍ଲାକାନ୍ କାଜି

- ୧. ଯୀଶୁ ଖ୍ରୀଷ୍ଟ୍ ନାବୀ ଆତଃ ଦୁଁତ୍‌କତାଃଏତେ ହଗି ମାରାଙ୍ଗ୍ ତାନିଃ । ୧:୧-୪:୧୩
- ୨. ଯୀଶୁ ଖ୍ରୀଷ୍ଟ୍ ମାରାଙ୍ଗ୍ ଯାଜାକ୍ ତାନିଃ । ୪:୧୪-୭:୨୮
- ୩. ଯୀଶୁଆଃ ସେଝା କାମି ମାରାଙ୍ଗ୍ ତାନାଃ । ୮:୧-୧୦:୩୧
- ୪. ଯୀଶୁଗି ସବେନାଃଏତେ ମାରାଙ୍ଗ୍ ତାନିଃ । ୧୦:୩୨-୧୩:୧୭
- ୫. ଜୀଉରେ ରାସ୍‌କାନ୍ କାଜି ଏମଃ ଆତଃ ଚୁଣ୍ଡୁ ଜୁହାର୍ । ୧୩:୧୮-୨୫

ପାର୍‌ମେଶ୍ୱାର୍ ହନ୍ ହରାତେ ପାର୍‌ମେଶ୍ୱାର୍‌ଆଃ ଏମାକାନ୍ ବାଚାନ୍

^୧ ସିଦା ଦିପିଲିରେ ପାର୍‌ମେଶ୍ୱାର୍ ଚିମିନ୍ ମାହାଁ ଆତଃ ସବେନ୍ ଲେକାତେ ନାବୀକଆଃ ହରାତେ ଆବୁଆଃ ପୁରଖା ହାଡ଼ାମ୍‌କକେ କାଜିକାଦ୍‌କଆ

^୨ ମେନ୍‌ଦ ନେ ଚୁଣ୍ଡୁ ଦିପିଲିରେ ପାର୍‌ମେଶ୍ୱାର୍ ଆୟାଃ ହତ୍ତେକଡ଼ା ହରାତେ ଆବୁକେ କାଜିକାଦ୍‌ରୁଆ । ଏନ୍ ହତ୍ତେକଡ଼ା ହରାତେଗି ପାର୍‌ମେଶ୍ୱାର୍ ଅତେଦିଶ୍ୱମ୍‌କେ ବାଇକେଦା, ଏନ୍ତେ ଚୁଣ୍ଡୁରେ ସବେନାଃରେୟାଃ ଆକ୍‌ତେୟାଋ ହବାଅଃ ନାଗେନ୍ତେ ଇନିଃ ହତ୍ତେକଡ଼ାକେ ସାଲ୍‌କିୟା ।

^୩ ହତ୍ତେକଡ଼ାତାଃରେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରେୟାଃ ଜୁନୁଲ୍ ଝାଲ୍‌ସାଃଅ ତାନା ଆତଃ ପୁରା ପାର୍‌ମେଶ୍ୱାର୍‌ଆଃ ଲେକାଗି ଆୟାଃ ସଭାବ୍ ମେନାଃ । ଇନିଃ ଆୟାଃ କାଜିରେୟାଃ ପେଡ଼େଃତେ ଗଟା ଅତେଦିଶ୍ୱମ୍‌କେ ଆକ୍‌ତେୟାଋରେ ତାନା । ଇନିଃ ସବେନ୍ ମାନଝାକଆଃ ପାପ୍‌କ ଛାମାକେଦ୍‌ତେ, ସିର୍ମାରେ ସାଲ୍‌କିଃତାଋ ପେଡ଼େୟାନ୍ ପାର୍‌ମେଶ୍ୱାର୍‌ଆଃ ଜମ୍‌ସାଃରେ ଦୁବାକାନା ।

ପାର୍‌ମେଶ୍ୱାର୍‌ଆଃ ହନ୍ ମାରାଙ୍ଗ୍ ତାନିଃ

^୪ ଇନିଃ ସିର୍ମାରେନ୍ ଦୁଁତ୍‌କଏତେ ଜେ'ଲେକା ମାରାଙ୍ଗ୍, ଏନ୍‌ଲେକାଗି ଆୟାଃ ନୁତୁମ୍‌ହଗି ଇନ୍‌କୁଆଃ ନୁତୁମ୍‌ଏତେ ପୁରାଃ ମାରାଙ୍ଗ୍‌ଆଁ,

^୫ ଚିୟାଃଚି ଚିତ୍‌ଲାହଗି ପାର୍‌ମେଶ୍ୱାର୍ ଦୁଁତ୍‌କକେ କାଏ କାଜି :

“ଆପେ ଆଇଁୟାଃ ହନ୍,

ତିସିଙ୍ଗ୍‌ତାଃଏତେ ଆଇଙ୍ଗ୍ ଆପେୟାଃ ଆପୁ ତାନିଙ୍ଗ୍,” ପାର୍‌ମେଶ୍ୱାର୍ ଆତଃଗି କାଜିକେଦା,

“ଆଇଙ୍ଗ୍ ଇନିୟାଃ ଆପୁ ତାନିଙ୍ଗ୍

ଆତଃ ଇନିଃ ଆଇଁୟାଃ ହନ୍ ତାନିଃ ।”

୭ ମେନ୍ଦ ପାର୍ମେଶ୍ଵାର ଆୟାଃ ମୁତ୍ତକ୍ତ ହନ୍ଦେ ନେ ଅତେଦିଶୁମ୍ତେ କୁଲ୍ଲିୟା ଇମ୍ତା ନେ'ଲେକାଏ କାଜିକାଦ୍ ତାଇକେନା,

“ପାର୍ମେଶ୍ଵାରଆଃ ସବେନ୍ ଦୁତ୍ତକ ଇନିଃକେକ ଜହାର୍ରିୟା ।”

୮ ମେନ୍ଦ ସିର୍ମାରେନ୍ ଦୁତ୍ତକଆଃ ବିଷାଏରେ ପାର୍ମେଶ୍ଵାର ନେ କାଜି କାଜିକାଦା;

“ପାର୍ମେଶ୍ଵାର ଆୟାଃ ଦୁତ୍ତକକେ ଆମ୍ବା ଲେକା

ଆତଃ ଆଇଃକକେ ସେଞ୍ଜାତାନ୍ ଦାସିକକେ ଜୁଲ୍ତାନ୍ ସେଙ୍ଗେଲ୍ ଲେକାଏ ବାଇୟାକାଦ୍‌କଆ ।”

୯ ଆୟାଃ ହତ୍ତେକଡ଼ାରାଃ ବିଷାଏରେ କାଜିକେଦା,

“ହେ ପାର୍ମେଶ୍ଵାର, ଆମାଃ ରାଜ୍‌ଗାଦି ଜାନାଅ ଜାନାଅ ମେନାଃ !

ଆମ୍ ନ୍ୟାୟ ବିଚାର୍ତେ ଆମାଃ ହତ୍ତକକେମ୍ ଚାଲାଅକ ତାନା ।

୧୦ ଆମ୍ ଧାର୍ମାନ୍‌କେ ଦୁଲ୍ଲାଡ଼ାଃମେ ଆତଃ ଏଡ଼କାନାଃକେ ହିଲାଙ୍‌ଆଃମେ । ଏନାମେନ୍ତେ ପାର୍ମେଶ୍ଵାର, ଆମାଃ ପାର୍ମେଶ୍ଵାର ଆମ୍‌କେ ଆମାଃ ଗାତିକଏତେ ଆଦ୍‌କା ପୁରାଃଗି ରାସ୍‌କାଅଃ ଲେକା, ଆମ୍‌କେ ସୁନ୍‌ମ୍‌ତେ ଆଭିଷେକ୍* କାଦ୍‌ମେୟା ।”

୧୧ ଇନିଃ ଆତଃଗି କାଜିକାଦ୍‌ମେୟା,

“ହେ ପ୍ରାଭୁ, ଆମ୍ ଏନେଟେଦ୍‌ରେ ଅତେରେୟାଃ ନିହିଁ ଗାତାମ୍ ବାଇକେଦା

ଆତଃ ଆମାଃ ତିଃଇତେଗି ସିର୍ମାମ୍ ବାଇକେଦା ।

୧୨ ଏନା ସବେନାଃ ମୁସିଙ୍ଗ୍ ହୁଲାଙ୍ଗ୍ ଜିୟନଃଆ । ମେନ୍ଦ ଆମ୍ ଜାନାଅଗିମ୍ ତାଇନା,

ଆତଃ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।

୧୩ ଲିଜାଃ କୁଡ଼ାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା

ଆତଃ ଲିଜାଃ ବାଦ୍‌ଲାଅତାନ୍ ଲେକାଗିମ୍ ବାଦ୍‌ଲାଅଏୟା ।

ମେନ୍ଦ ଆମ୍ ଚିତ୍ତଲାଅ କାମ୍ ବାଦ୍‌ଲାଅଃଆ

ଆତଃ ଆମାଃ ଜୀଞ୍ଜାନ୍ ଚିତ୍ତଲାଅ କା ଚୁଣ୍ଡୁଆ ।”

୧୪ “ଆଇଙ୍ଗ୍ ଆମାଃ ବାଇରିକକେ ପୁରା ଆତ୍ତରିଙ୍ଗ୍ ହାରାଅକ ଜାକେଦ୍ ଆମ୍ ଆଇଁୟାଃ ଜମ୍‌ସାଃରେ ଦୁବାକାନ୍‌ମେ” ମେନ୍ତେ ପାର୍ମେଶ୍ଵାର ଆୟାଃ ଦୁତ୍ତକଏତେ ଜେତାଏକେ ଚିତ୍ତଲାଅ କାଏ କାଜିକାଦ୍‌କଆ ।

୧୫ ତାଦ୍‌ଦ, ସିର୍ମାରେନ୍ ଦୁତ୍ତକ ଅକଏତାନ୍‌କ ? ଇନ୍‌କୁ ହବାଅଃତାନାକ ପାର୍ମେଶ୍ଵାରକେ ସେଞ୍ଜାତାନ୍ ଆମ୍‌କ ଆତଃ ଜୀଉବାଞ୍ଚାଅ ନାମାକାଦ୍ ହତ୍ତକକେ ଦେଙ୍ଗା ନାଗେନ୍ତେ ପାର୍ମେଶ୍ଵାର୍ତେ କୁଲ୍ଲକାନ୍ ଆମ୍‌କ ।

୨

ପୁରାଃ ମାରାଙ୍ଗ୍ ପାରିତ୍ରାଣ

୧ ଆବୁ ସାନାର୍ତ୍ତିହେତେ ଆଲକାବୁ ହିଗାଡ଼ଃକା ମେନ୍ତେ ଆବୁ ଆୟୁମାକାଦ୍ ସାନାର୍ତ୍ତି କାଜିରେ ପୁରାଃ ପକ୍ତାକେଦ୍‌ତେ ତାଇନ୍ ଲାଗାତିଙ୍ଗ୍‌ୟାଃ ।

୨ ଆବୁଆଃ ପୁରଞ୍ଜା ହାଡ଼ାମ୍‌କକେ ସିର୍ମାରେନ୍ ଦୁତ୍ତକ ଅକନ୍ କାଜି ଏମାକାଦ୍‌କଆକ, ଏନା ସାର୍ତ୍ତି ମେନ୍ତେ ଉଦୁବାକାନା, ଅକନ୍‌କ ଏନାକେ କାକ ଅତଙ୍ଗ୍‌କେଦା ଆତଃ କାକ ମାନାତିଙ୍ଗ୍‌କେଦା ଇନ୍‌କୁ ସବେନ୍‌କ ସାଜାଇକ ନାମେଗିୟା ।

୩ ତାଦ୍‌ଦ, ନେ'ଲେକାନ୍ ପୁରାଃ ମାରାଙ୍ଗ୍ ଜୀଉବାଞ୍ଚାଅକେ ଦୟାକୁଣ୍ଡାମ୍‌ଲେରେ ଆବୁ ଚିଲ୍‌କାତେ ବାଞ୍ଚାଅବୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ ଆଇଃକଗି ସିଦାତେ ଉଦୁବ୍‌କାଦା, ଆତଃ ଇନିଃତାଃଏତେ ଆୟୁମ୍‌କାଦ୍ ହତ୍ତକ ଏନାରେୟାଃ ସାନାର୍ତ୍ତିକେ ଆବୁତାଃରେକ ଉଦୁବ୍‌କାଦା ।

୪ ଆତଃଗି, ପାର୍ମେଶ୍ଵାର ସବେନ୍ ରାକାମ୍‌ରେୟାଃ ଚିହ୍ନାଁ, ଆକ୍‌ଦାନ୍‌ଆ କାମି ଆତଃ ପେଡ଼େୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାର୍ତ୍ତି ତାନାଃ ମେନ୍ତେ ଗାଞ୍ଜା ଏମାକାଦାଏ ଆତଃ ଆୟାଃ ସାନାଙ୍ଗ୍‌ଲେକାତେ ପାରିତାର୍ ଆମ୍‌ରେୟାଃ ବାଦ୍‌ଦାନ୍ ଏମାକାଦାଏ ।

ପାରିତ୍ରାଣ୍ ହରାତେ ଇଦିନିଃ ଖ୍ରୀଷ୍ଟ୍ ତାନିଃ

୫ ପାର୍ମେଶ୍ଵାର୍ ଅକନ୍ ନାଞ୍ଜା ଅତେଦିଶୁମ୍ ବାଇୟାଏ ଆତଃ ଆଲେ ଅକନ୍ ଅତେଦିଶୁମ୍‌ରେୟାଃ କାଜିଲେ କାଜିତାନା, ଏନାକେ ରାଇଜେ ନାଗେନ୍ତେ ଦୁତ୍ତକକେ କାଏ ସାଲାକାଦ୍‌କଆ ।

୬ ମେନ୍ଦ ଧାରାମ୍‌ପୁଅରେ ଅଲକାନା,

“ହେ ପାର୍ମେଶ୍ଵାର, ମାନଞ୍ଜାହନ୍ ଅକଏ ତାନିଃ,

ଆମ୍ ଇନିୟାଃ ନାଗେନ୍ତେମ୍ ଉଡ଼ୁତାନା ଆତଃ ଇନିୟାଃ ଜାତାନ୍ ଇଦିତାନାମ୍ ?

୭ ଆମ୍ ମାନଞ୍ଜାକେ ଦୁତ୍ତକତାଃଏତେ କାଟିଃଲେକାମ୍ ହୁଡ଼ିଙ୍ଗ୍‌କିୟା ।

* ୧:୯ ବହଃରେ ସୁନ୍‌ମ୍ ଦୁଲ୍‌କେଦ୍‌ତେ ସାଲା

ଆମ୍ଭ ଇନିଷକେ ମାଇନ୍ ଆଡ଼ଫ ମାନାରାଜ୍ରେୟାଃ ଚୁପୁରିମ୍ ତୁସିଙ୍ଗିୟା ।

୮ ଆଡ଼ଫ ସବେନାଃ ରାଇଜେ ନାଗେନ୍ତେ ଆକ୍ତେୟାର୍ ଏମ୍କିୟାମ୍ ।”

“ସବେନ୍ ବିଷାଏ” ମେନ୍ଲେରେ, ଜେଡନାଃକେ କା ବାଗିକେଦ୍ତେ ସବେନ୍ ବିଷାଏତେୟାଃରେ ଆକ୍ତେୟାର୍ ଏମାକାଦାଏ । ନେଆଁତେ ପୁରା ଆର୍କାରଃ ତାନା, ସବେନ୍ ବିଷାଏ ଇନିୟାଃ ଆକ୍ତେୟାର୍ରେଗି ମେନାଃ । ଆବୁ ସାର୍ଡିଗିରୁ ସାରିତାନା, ନାହାଁଃ ସବେନାଃରେ ମାନଝା କାଏ ରାଇଜେ ତାନା ।

୯ ମେନ୍ଦ ଆବୁ ନେଲେତାନାବୁ, ଚିଲ୍ଲକା ଯାଶୁ ଘାଡ଼ିକାଦ୍ ନାଗେନ୍ତେ ସିର୍ମାରେନ୍ ଦୁଁଡକତାଃଏତେ କାଟିଃଲେକାଏ ହୁଡିଙ୍ଗିୟାକାନ୍ ତାଇକେନା, ଜେଲେକା ପାର୍ମେଶ୍ୱାର୍ଆଃ ସାୟାଦ୍ରେ ମିମିୟାଦ୍ ସବେନ୍ ହଡକ ନାଗେନ୍ତେ ଇନିଃ ଗନଏଃ ଚାଖାଅକାଦାଏ । ଆବୁ ଆୟାଃ ଗନଏଃରେୟାଃ ଦୁକୁ ହରାତେ ମାଇନ୍ ଆଡ଼ଫ ମାନାରାଜ୍ରେୟାଃ ଚୁପୁରି ତୁସିଙ୍ଗିକାନ୍ବୁ ନେଲ୍ଲକିୟା ।

୧୦ ସବେନ୍କଆଃ ବାବାଇନିଃ ଆଡ଼ଫ ବାସ୍ତାଅନିଃ, ପାର୍ମେଶ୍ୱାର୍ ତାନିଃ । ଇନିଃ ଆୟାଃ ପୁରାଃ ହନ୍କକେ ଯାଶୁଆଃ ମାନାରାଜ୍ରେ ହିସା ଏମାକ ନାଗେନ୍ତେ, ଗନଏଃ ହରାଲଃ ଯାଶୁକେ ପକ୍ତାକେଦ୍ତେ ପୁରାଃ ବୁଗିନ୍ କାମି କାମିକାଦା । ଚିୟାଃଚି ଯାଶୁଗି ଜୀଉବାସ୍ତା ହରାତେ ଇନ୍କୁକେ ସୁତୁଃଇଦିକଆ ।

୧୧ ଇନିଃ ହଡକକେ ପାପ୍ତହେତେ ଫାର୍ଡିକଆ । ଆଡ଼ଫ ଆୟାଃ ଏନ୍ତେ ଆୟାଃତେ ପାବିତାରକାନ୍ ହଡକଆଃ ଆପୁ ମିଆଁଦ୍ ତାନିଃ । ଏନାମେନ୍ତେ ଯାଶୁ ଇନ୍କୁକେ ହାଗା ମିଗି ମେନ୍ତେ ହାକାଅ ନାଜ୍ କାଏ ଗିହୁଗାଃ ।

୧୨ ଇନିଃ ପାର୍ମେଶ୍ୱାର୍କେ କାଜିକିୟା,

“ଆଇଙ୍ଗ୍ ଆମାଃ ନୁତୁମ୍ ଆଡ଼ଫ ସବେନ୍ କାମି ଆଇଁୟାଃ ହାଗା ମିଗିକକେଇଙ୍ଗ୍ ଉଦୁବ୍କଆ ।

ଆଇଙ୍ଗ୍ ଇନ୍କୁ ହୁଣ୍ଡିକାନ୍ ଆଲାରେ ଆମାଃ ମାନାରାଜ୍ ଦୁରାଙ୍ଗ୍ରେଇଙ୍ଗ୍ ।”

୧୩ ଇନିଃ ନେୟାହଗି କାଜିକାଦାଏ, “ଆଇଙ୍ଗ୍ ପାର୍ମେଶ୍ୱାର୍ତାଃରେ ଆଇଁୟାଃ ବିଶ୍ୱାସାଇଙ୍ଗ୍ ଦହେୟା” ଆଡ଼ଫ “ପାର୍ମେଶ୍ୱାର୍ ଆଇଙ୍ଗ୍କେ ଅକନ୍ ହନ୍କକେ ଏମାକାଦିୟା, ଇନ୍କୁ ଆଇଁୟାଃଲଃ ମେନାକଆ ।”

୧୪ ଇନିଃ ଅକନ୍କକେ ହନ୍କ ମେନ୍ତେ କାଜିତାନା, ଇନ୍କୁ ମାୟୋମ୍ ମାସ୍ ହଡ଼ମ୍ ଲେକାନ୍ ହଡକ ହବାକାନ୍ ହରାତେ ଯାଶୁହ୍ ଆଇଃକ୍ଗି ଇନ୍କୁଆଃ ଲେକା ମାନଝା ହଡ଼ମ୍ ଆଡ଼ଫ ସଭାବ୍ରେ ମେସାୟାନା । ଇନିଃ ନେୟା କାଜିକେଦ୍ରେୟାଃ ମୁଣ୍ଡି ହବାଅଃତାନା, ଇନିଃ ଆୟାଃ ଗନଏଃ ହରାତେ ସାଏତାନ୍କେ ଜିୟନିଆ, ଚିୟାଃଚି ଗନଏଃରେ ସାଏତାନ୍ଆଃ ପେଡ଼େଃ ତାଇକେନା ।

୧୫ ନେଆଁ ହରାତେ ଗଟା ଜୀଦାନ୍ ଗନଏଃ ବର ଲେକାନ୍ ଦାସିରେୟାଃ ତନଲ୍ରେ ତାଇନ୍ତାନ୍ ହଡକକେ ଇନିଃ ରାଡ଼ାକାଦ୍କଆଏ ।

୧୬ ନେଆଁତେ ପୁରା ଆର୍କାରଃ ତାନା, ଇନିଃ ସିର୍ମାରେନ୍ ଦୁଁଡକକେ କାଏ ଦେଙ୍ଗାଃ, ମେନ୍ଦ ଇନିଃ ଆବ୍ରାହାମ୍ଆଃ କିଲିକକେ ଦେଙ୍ଗାଃଏ ।

୧୭ ଏନାମେନ୍ତେ, ସବେନ୍ ବିଷାଏରେ ଆୟାଃ ହାଗା ମିଗିକ ଲେକା ହବାଃଅତେୟାଃ ଆୟାଃ ଲାଗାଡିଙ୍ଗ୍ ତାଇକେନା, ଏନା ହରାତେ ଇନିଃ ଇନ୍କୁଆଃ ପାଡିୟାରଃ ଲେକାନ୍ ଆଡ଼ଫ ଦାୟା ଏମଃ ମାରାଜ୍ ଯାଜାକ୍ ହବାକେଦ୍ତେ ପାର୍ମେଶ୍ୱାର୍ଆଃ ସେଝା ରିକା ଦାଡିୟାଏ ଆଡ଼ଫ ହଡକ ପାପ୍ ଛାମାକ ନାମ୍ ଦାଡିୟା ।

୧୮ ଇନିଃ ଆଇଃକ୍ଗି ବିନିଡ଼ାଅରେ ଉୟୁଃକେଦ୍ତେ ଦୁକୁ ନାମ୍କେଦ୍ ହରାତେ, ଇନିଃ ବିନିଡ଼ାଅରେ ଉୟୁଗାକାନ୍ ହଡକକେ ଦେଙ୍ଗା ଦାଡିୟା ।

୩

ୟାଶୁ ମୁଗାଏତେ ମାରାଜ୍

୧ ହେ ଖ୍ରୀଷ୍ଟ୍ରେ ପାଡିୟାରଃ ଲେକାନ୍ ପାବିତାର୍ ହାଗା ମିଗିକ, ଆପେୟଗି ପାର୍ମେଶ୍ୱାର୍ତେ କେଡ଼ାକାନ୍କଆଃ ହିସାରେନ୍ ହଡକ ତାନ୍ପେ ! ଆପେ ଯାଶୁଆଃ ବିଷାଏରେ ଉଡ଼ୁଏପେ, ଇନିଃ ଆବୁଆଃ ଧାରାମ୍ ବିଶ୍ୱାସ୍ରେୟାଃ ମାରାଜ୍ ଯାଜାକ୍ ହବାଃଅ ନାଗେନ୍ତେ ପାର୍ମେଶ୍ୱାର୍ଆଃ ହରାତେ କୁଲାକାନା ।

୨ ମୁଗା ପାର୍ମେଶ୍ୱାର୍ଆଃ ଅଡ଼ାଃରେ ପାଡିୟାରଃ ଲେକାଏ କାମିକେଦା, ଏନ୍ଲେକାଗି, ପାର୍ମେଶ୍ୱାର୍ଆଃ ସାଲାକାନ୍ ଯାଶୁ ନେ କାମି ନାଗେନ୍ତେ ପାର୍ମେଶ୍ୱାର୍ଆଃ ନାଜ୍ ପାଡିୟାରଃ ଲେକାଏ କାମିକେଦା ।

୩ ଅଡ଼ାଃଏତେ ଅଡ଼ାଃ ବାବାଇନିଃକେ ପୁରାଃ ମାଇନ୍ ଏମଃଆ । ଏନ୍ଲେକାଗି ମୁଗାଏତେ ଯାଶୁ ପୁରାଃଗି ମାଇନ୍ ନାମେ ଲେକାଏ ହବାକାନା ।

୪ ସବେନ୍ ଅଡ଼ାଃକେ ଜେତାଏ ମିହୁଡ୍ ବାଇୟାକାଦାଏ, ମେନ୍ଦ ପାର୍ମେଶ୍ୱାର୍ ସବେନାଃରେୟାଃ ବାବାଇନିଃ ତାନିଃ ।

୫ ଦାସି ଲେକା ମୁଗା ପାର୍ମେଶ୍ୱାର୍ଆଃ ଅଡ଼ାଃରେ ପାଡିୟାରଃ ଲେକାଏ କାମିକେଦା ଆଡ଼ଫ ଆୟାଃ କାମି ପାର୍ମେଶ୍ୱାର୍ ହିଜୁଃ ଦିପିଲିରେ ଉଦୁବ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା ।

“ଆଇଙ୍ଗ୍ ଖୁସ୍କେଦ୍‌ତେ କିରିୟାକେଦାଇଙ୍ଗ୍,

‘ଆଇଙ୍ଗ୍ ରୁଡ଼ନୁ ଏମାକ ଦିଶୁମ୍‌ରେ ଇନ୍‌କୁ ଚିଉଲାଇ କାକ ବଲଆ ।’ ”

ନେ ରୁଡ଼ନୁତେୟାଃ ଅତେଦିଶୁମ୍‌ରେୟାଃ ମୁନୁଏତେ ପାର୍‌ମେଶ୍‌ବାର୍‌ଆଃ କାମି ପୁରାକାନ୍‌ରେୟ ପାର୍‌ମେଶ୍‌ବାର୍ ନେ କାଜି କାଜିକାଦ୍ ତାଇକେନା ।

୪ ଧାରାମ୍‌ପୁଅରେ ଅଲ୍‌କାନା, “ଏୟା ହୁଲାଇଙ୍ଗ୍” ବିଷାଏରେ, ନେ'ଲେକା ଅଲ୍‌କାନା, “ପାର୍‌ମେଶ୍‌ବାର୍ ଆୟାଃ ସବେନ୍ କାମି ଚାବାକେଦ୍‌ତେ ଏୟା ହୁଲାଇଙ୍ଗ୍‌ରେ ରୁଡ଼ୟାନା ।”

୫ ଆତଃ ନେ ବିଷାଏରେ ଏଟାଃତାଃରେ ଆତଃଟି ଅଲ୍‌କାନା, ପାର୍‌ମେଶ୍‌ବାର୍ କାଜିକେଦାଏ, “ଆଇଙ୍ଗ୍ ରୁଡ଼ନୁ ଏମାକ ଦିଶୁମ୍‌ରେ ଇନ୍‌କୁ ଚିଉଲାଇ କାକ ବଲ ଦାଡ଼ିୟା ।

୬ ଅକନ୍‌କ ସିଦାତେ ସୁକ୍‌କାଜି ଆୟୁମାକାଦ୍ ତାଇକେନାକ, ଇନ୍‌କୁ ଆକଆଃ କା ପାଡ଼ିୟାର୍ ହରାତେ ପାର୍‌ମେଶ୍‌ବାର୍‌ଆଃ ଏନ୍ ରୁଡ଼ନୁ କାକ ନାମ୍ ଦାଡ଼ିକେଦା । ନାହାଁଃ ଏଟାଃ ହଡ଼କ ଏନ୍ ରୁଡ଼ନୁ ନାମେ ନାଗେନ୍ତେ ସୁଯୋଗ୍‌କ ନାମେତାନା,

୭ ଚିୟାଃଟି ଇନ୍‌କୁଆଃ ନାଗେନ୍ତେ ପାର୍‌ମେଶ୍‌ବାର୍ ଏଟାଃ ମିଆଁଦ୍ ହୁଲାଇଙ୍ଗ୍‌କେ ସାଲ୍‌କାଦା ଆତଃ ଏନା ହାବାଅଃତାନା ‘ଡ଼ିସିଙ୍ଗ୍’ । ନେଆଁକେ ପୁରାଃ ଦିପିଲି ସିଦାରେ ପାର୍‌ମେଶ୍‌ବାର୍, ଦାଉଦ୍ ରାଜାରାଃ ହରାତେ ନେ ବିଷାଏକ କାଜିକାଦା,

‘ଡ଼ିସିଙ୍ଗ୍ ଆପେ ପାର୍‌ମେଶ୍‌ବାର୍‌ଆଃ କାଜିପେ ଆୟୁମେରେଦ୍,

ମନ୍‌ସୁରୁଦ୍ ଆଲ୍‌ପେ କେଟେଜେୟା ।’ ”

୮ ଚିୟାଃଟି ଯିହୋଶ୍‌ୟା ହଡ଼କକେ ପାର୍‌ମେଶ୍‌ବାର୍‌ଆଃ ବାନାର୍‌ସାକାଦ୍ ରୁଡ଼ନୁ ଏମ୍‌କାକତେୟାଃଏ ରେଦ୍, ପାର୍‌ମେଶ୍‌ବାର୍ ତାୟମ୍‌ତେ ଏଟାଃ ମିଆଁଦ୍ ରୁଡ଼ନୁ କାଜି କାଏ କାଜିକାତେତେୟାଃ ।

୯ ଏନାତେ, ନେଆଁ ଆଟ୍‌କାରଃତାନା, ଏୟା ହୁଲାଇଙ୍ଗ୍‌ରେ ପାର୍‌ମେଶ୍‌ବାର୍ ରୁଡ଼ୟାନାଏ, ଏନ୍‌ଲେକାଟି, ପାର୍‌ମେଶ୍‌ବାର୍ ଆୟାଃ ହଡ଼କଆଃ ନାଗେନ୍ତେ ବିଶେଷ୍ ରୁଡ଼ନୁ ଦହାକାଦାଏ ।

୧୦ ପାର୍‌ମେଶ୍‌ବାର୍ ଆୟାଃ କାମିଏତେ ରୁଡ଼ୟାନ୍ ଲେକାଟି, ଜେତାଏ ଆୟାଃ ଏମାକାଦ୍ ରୁଡ଼ନୁରେ ବଲକାନା, ଇନିଃ ଆପ୍‌ନାଃ କାମିଏତେ ରୁଡ଼ନୁ ନାମାକାଦାଏ ।

୧୧ ଏନାତେ ଆବୁ ଏନ୍ ରୁଡ଼ନୁରେ ବଲ ନାଗେନ୍ତେ ପୁରାଃ ଚେଷ୍ଟାଏକାରୁ, ଜେ'ଲେକାଟି ଆବୁଏତେ ଜେତାଏ ହଡ଼, ଏନ୍ କା ପାଡ଼ିୟାର୍‌କେଦ୍ ହଡ଼କଆଃ ନାମୁନା ଲେକା ଆଲକାଏ ଉୟୁଗଃକା ।

୧୨ ଚିୟାଃଟି ପାର୍‌ମେଶ୍‌ବାର୍‌ଆଃ ବାଚାନ୍ ଜାନିଦ୍ ଆତଃ କାମିୟଃତେୟାଃ ତାନାଃ ଆତଃ ବାରାନ୍‌ହରା ଲେସେରକାନ୍ ତାରାଉଡ଼ିଏତେ ପୁରାଃ ଲେସେରତେୟାଃ ତାନାଃ, ନେ ବାଚାନ୍‌ତେ ଜୀଉ ଆତଃ ଆମ୍ବା ମେସାନାଃ, ଜଡେନ୍ ଜାଙ୍ଗ୍‌ରେ ଭେଦାଅଆଃ, ଆତଃ ହଡ଼କଆଃ ମନ୍‌ସୁରୁଦ୍‌ରେୟାଃ ଏଡ଼କାନ୍ ସାନାଙ୍ଗ୍ ଆତଃ ଉଡ଼ସ୍‌ରେୟାଃ ବିଚାର୍ ହବାଅଃଆ ।

୧୩ ପାର୍‌ମେଶ୍‌ବାର୍‌ତାଃଏତେ ଜେଡ଼ନାଃ କା ଉକୁ ଦାଡ଼ିୟଃଆ, ବାଇୟାକାନ୍‌ତେୟାଃ ସବେନାଃ ଇନିୟାଃ ସାମ୍‌ନାଙ୍ଗ୍‌ରେ କା ଉକୁଆକାନା ମେନ୍‌ଦ ଇନିୟାଃ ମେଦ୍ ସାମ୍‌ନାଙ୍ଗ୍‌ରେ ନେଲଃତାନା । ଆତଃ ଏନ୍ ପାର୍‌ମେଶ୍‌ବାର୍‌ଆଃ ସାମ୍‌ନାଙ୍ଗ୍‌ରେ ଆବୁକେ ହିସାଦ୍ ଏମ୍ ଲାଗାଡ଼ିଙ୍ଗ୍‌ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

୧୪ ଏନାତେ, ସିର୍ମାସାଲିମ୍ ହରାତେ ସେନ୍ ସେଟେରାକାନ୍ ପାର୍‌ମେଶ୍‌ବାର୍‌ଆଃ ହନ୍ ଯାଶୁଗି ଆବୁଆଃ ମାରାଙ୍ଗ୍ ଯାଜାକ୍ ତାନିଃ, ଏନାତେ ଏଲା ହିକ୍‌ସପେ, ଆବୁ ଆବୁଆଃ ବିଶ୍ୱାସରେ ପୁରାଃ କେଟେୟାନ୍‌ଗି ତାଇନ୍ ଲାଗାଡ଼ିଙ୍ଗ୍‌ୟାଃ ।

୧୫ ଚିୟାଃଟି ଇନିଃ ଆବୁଆଃ ନାରାଦୁରା ଇମ୍‌ତା କାଏ ଆଟ୍‌କାର୍‌ଉରୁମ୍ ଦାଡ଼ିୟା ଏନ୍‌ଲେକାନ୍ ମାରାଙ୍ଗ୍ ଯାଜାକ୍ ନାହାଁଲିଃ । ମେନ୍‌ଦ ଚିମିନ୍ ରାକାମ୍‌ରେୟାଃ ବିନିଡ଼ାଅରେ ଉୟୁଃକାନ୍ ତାଇକେନ୍‌ରେୟ, ଇନିଃ କାଏ ପାପ୍‌କେଦା ।

୧୬ ଏନାତେ ଆବୁ ଜୀଉ କେଟେଦ୍‌ତାନଲଃ ପାର୍‌ମେଶ୍‌ବାର୍‌ଆଃ ସାୟାଦ୍‌ରେୟାଃ ରାଜଗାଦି ହେପାଦ୍‌ତେବୁ ସେନା, ଏନ୍ତାଃରେ ଆବୁ ଆବୁଆଃ ଦେଙ୍ଗା ନାମେ ନାଗେନ୍ତେ ଲାଗାଡ଼ିଙ୍ଗ୍ ଦିପିଲିରେ ଦାୟା ଆତଃ ସାୟାଦ୍‌ବୁ ନାମେୟା ।

୫

୧ ସବେନ୍ ମାରାଙ୍ଗ୍ ଯାଜାକ୍ ଆପାନ୍ ହଡ଼କତାଃଏତେ ସାଲ୍‌କାକେଦ୍‌ତେ କାମିୟାଃ । ଇନିଃ ଇନ୍‌କୁଆଃ ହରାତେ ପାପ୍ ଛାମାରେୟାଃ ଦାଣ୍ଟି ରାକାବେ ନାଗେନ୍ତେ ଆତଃ ଦାନ୍ ରାକାବେ ନାଗେନ୍ତେ ପାର୍‌ମେଶ୍‌ବାର୍‌ଆଃ ସେଞ୍ଜା କାମିୟାଃଏ ।

୨ ଇନିଃ ଆଇଃକ୍‌ଗି ଚିମିନ୍ ରାକାମ୍‌ରାଃ ଗୁହ୍ନାଁ, କା ପେଡ଼େଃତେ ପେରେଜାକାନ୍ ହରାତେ, କା ସାରିକେଦ୍‌ତେ ଗୁହ୍ନାଁ କାମିକାଦ୍ ତଣ୍ଡୁ ହଡ଼କଆଃ ନାଗେନ୍ତେ ଇନିଃ ଲିବୁୟାନ୍‌ନିଃ ତାନିଃ ।

୩ ଆତଃ ଇନିଃ ଏଟାଃକଆଃ ପାପ୍ ନାଗେନ୍ତେ ଏସ୍‌କାର୍ ଦାଣ୍ଟି ରାକାବାଃଏ ମେନ୍ତେଦ୍ କାହା ମେନ୍‌ଦ ଆୟାଃ ଆପାନାଃ ପାପ୍ ନାଗେନ୍ତେୟ ଇନିଃକେ ଦାଣ୍ଟିରାକାଦ୍ ଲାଗାଡ଼ିଙ୍ଗ୍‌ୟାଃ ।

୪ ଜେତାଏ ଆପାନ୍‌କେଗି ମାରାଙ୍ଗ୍ ଯାଜାକ୍ ସାଲ୍‌କାକେଦ୍‌ତେ ଆପାନାଃ ମାଇନ୍ କାଏ ରିକାଦାଡ଼ିୟା । ହାରୁନ୍‌ଆଃ ଲେକା ପାର୍‌ମେଶ୍‌ବାର୍‌ଆଃ ହରାତେ କେଡ଼ାକାନ୍‌ନିଃ ଏସ୍‌କାର୍ ମାରାଙ୍ଗ୍ ଯାଜାକ୍ ହବା ଦାଡ଼ିୟାଆଏ ।

୫ ଏନ୍‌ଲେକାଗି ମାରାଙ୍ଗ ଯାଜାକ୍‌ରେୟାଃ ମାଇନାନ୍ ନାମେ ନାଗେନ୍ତେ ଖ୍ରୀଷ୍ଟ ଆଇଃକ୍‌ଗି ଆଇଃକ୍‌କେ କାଏ ସାଲା । ମେନ୍‌ଦ ପାର୍‌ମେଶ୍ୱାର୍ ଇନିଃକେ ସାଲାକେଦ୍‌ତେ କାଜିକିୟା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।”

୬ ଆତଃ ଇନିଃ ନେଆଁହ୍ କାଜିକାଦାଏ, “ଆମ୍ ଯାଜାକ୍ କାମିରେ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନମେ ।”

୭ *ଅକନ୍ ପାର୍‌ମେଶ୍ୱାର୍ ଇନିଃକେ ଗନ୍‌ଏଃଏତେ ବାସ୍ତାଅ ଦାଡ଼ିୟାଏ, ଇନିଃତାଃରେ ଯାଶୁ ନେ ଅତେଦିଶୁମ୍‌ରେୟାଃ ଜୀଞ୍ଜାନ୍‌ରେ ପୁରାଃ ରାନାଃତାନ୍‌ଲଃ ମେଦ୍ ଦାଆଃ ଟିପାଃକେଦ୍‌ତେ ବିକ୍ତିକେଦା । ଇନିଃ ଲେବେଃ ଆତଃ ସାଧୁ ହଡ୍ ହବାକାନ୍ ହରାତେ ପାର୍‌ମେଶ୍ୱାର୍ ଆୟାଃ ବିକ୍ତି ଆୟୁମ୍‌କେଦା ।

୮ ଇନିଃ ପାର୍‌ମେଶ୍ୱାର୍‌ଆଃ ହନ୍ ତାଇକେନ୍‌ରେୟା, ଦୁକୁ ସାହାତିଙ୍ଗ୍‌କେଦ୍‌ତେ କାଜି ମାନାତିଙ୍ଗ୍‌ତେୟାଃ ଇତୁୟାନାଏ ।

୯ ନେ'ଲେକା ପାର୍‌ମେଶ୍ୱାର୍ ଇନିଃକେ ମିଆଁଦ୍ ପକ୍‌ତାକାନ୍ ମାରାଙ୍ଗ୍ ଯାଜାକ୍ ଲେକା ହବା ଦାଡ଼ିୟାଃଆଏ ମେନ୍ତେ କାଜିକେଦାଏ, ଆତଃ ଇନିଃ ଆୟାଃ ମାନାତିଙ୍ଗ୍‌ତାନ୍ ସବେନ୍‌କ୍‌ଆଃ ନାଗେନ୍ତେ ଜାନାଅ ଜୀଞ୍ଜାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ ।

୧୦ ଆତଃ ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ମାରାଙ୍ଗ୍ ଯାଜାକ୍ ହବାୟାନାଏ ମେନ୍ତେ ପାର୍‌ମେଶ୍ୱାର୍ ଉଦୁବ୍‌କେଦାଏ ।

ପାତିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାଙ୍ଗ୍‌ତାନା । ମେନ୍‌ଦ ଆପେକେ ଉଦୁବ୍ ନାଗେନ୍ତେ ହାମ୍‌ଲୁଗିୟା, ଚିଆଃଚି ଆପେୟାଃ ଆମ୍‌କ୍ ଜୀଞ୍ଜାନ୍‌ରେ ଆୟୁମ୍ ଆତଃ ଆଟ୍‌କାର୍‌ଉରୁମ୍ ନାଗେନ୍ତେ କାପେ ଚିହୁଲାନା ।

୧୨ *ଆପେ ଏଟାଃକକେ ଇତୁରେୟାଃ ଦିପିଲି ସେଟେରାକାନ୍‌ରେୟା, ପାର୍‌ମେଶ୍ୱାର୍‌ଆଃ ବାଟାନ୍‌ରେୟାଃ ଏନେଟେଦ୍ ଇନିତୁକେ, ଆପେକେ ଇତୁ ନାଗେନ୍ତେ ଇତୁନିଃ ଲାଗାତିଙ୍ଗ୍ ହବାଅଃତାନା । ଆପେ କେଟେଦ୍ ଜମେୟାଃ ବାଦ୍‌ଲାନେ ନାହାଁଃ ଜାକେଦ୍ ତଆପେ ନୁଁ ତାନା ।

୧୩ ଜେତାଏ ତଆ ନୁଁ ତାନ୍‌ନିଃ, ସିଟିଆ ହନ୍ ଲେକାନ୍‌ନିଃ ତାନିଃ । ବୁଗିନାଃ ଆତଃ ଏଡ୍‌କାନାଃ ବିଷାଏରେ ଆୟାଃ ସେଣାଁ ବାନଃଆ ।

୧୪ ମେନ୍‌ଦ କେଟେଦ୍ ଜମେୟାଃ, ହାରା ଦାଡ଼ିକାନ୍ ହଡ୍‌କ ନାଗେନ୍ତେ ତାନାଃ, ଇନ୍‌କୁ ହାରା ଦାଡ଼ିୟାନ୍ ହରାତେ ବୁଗିନାଃ ଆତଃ ଏଡ୍‌କାନାଃ ଆଟ୍‌କାର୍ ଉରୁମ୍ ଦାଡ଼ିୟାକ ।



୧ ଏନାତେ ଆବୁ ଖ୍ରୀଷ୍ଟ୍ ଧାରାମ୍ ବିଷାଏରେୟାଃ ଏନେଟେଦ୍ ଇନିତୁ ବାଗିକେଦ୍‌ତେ ଆମ୍‌ରେ ହାରାଇଦିୟାଃ ଲେକାନ୍ ପକ୍‌ତାନ୍ ଇନିତୁରେ ଇତୁନ୍ ଲାଗାତିଙ୍ଗ୍‌ୟାଃ । ଆବୁ ଧାରାମ୍ ବିଶ୍ୱାସ୍‌ରେୟାଃ ଏନେଟେଦ୍ ଇନିତୁ ଅକ୍‌ନାଃଚି, ସାମାକାଜି କାମିକଏତେ ରୁହାଡ୍‌ତାନ୍‌ଲଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍,

୨ ବାପ୍ତିସ୍ମା ବିଷାଏରେୟାଃ ଇନିତୁ, ବାରାନ୍ ତିଃଈ ଜିଲିଙ୍ଗ୍, ଗନ୍‌ଏଃ ହଡ୍‌କ୍‌ଆଃ ଜୀଞ୍ଜାବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାଇ, ନେ ସବେନାଃରେୟାଃ ଇତୁ ନାଙ୍ଗ୍ ଆତଃମିସା ନିହିଁ ଗାଡା ବାଇ କା ଲାଗାତିଙ୍ଗ୍‌ୟାଃ ।

୩ ଆବୁ ଆୟାର୍‌ତେ ସେନ୍ ଇଦିନାଃରୁ ! ଆତଃ ପାର୍‌ମେଶ୍ୱାର୍ ଆବୁକେ ଆବୁରୁରେଦ୍, ଆବୁ ନେଆଁବୁ କାମିୟା ।

୪ ଅକନ୍‌କ୍ ଆକ୍‌ଆଃ ବିଶ୍ୱାସ୍‌କ୍ ଆଦାକାଦା, ଇନ୍‌କୁ ହେୟାତିଙ୍ଗ୍‌କେଦ୍‌ତେ ଆତଃମିସାକ୍ ରୁହାଡ୍‌ ଦାଡ଼ିୟାତି ? ଇନ୍‌କୁ ମିସା ପାର୍‌ମେଶ୍ୱାର୍‌ଆଃ ମାର୍‌ସାଲ୍‌ରେ ତାଇନଃ ତାଇକେନାକ୍, ସିମ୍‌ରେୟାଃ ବାବ୍‌ଦାନ୍ ଚାଖାଅକାଦାକ୍ ଆତଃ ପାବିତାର୍ ଆମ୍‌ରାଃ ହିସାଦାର୍ ହବାକାନାକ୍,

୫ ଇନ୍‌କୁ ପାର୍‌ମେଶ୍ୱାର୍‌ଆଃ ବୁଗିନ୍ ବାଟାନ୍‌କେ ଆତଃ ହିଙ୍ଗୁଃ ଦିପିଲିରେୟାଃ ପେଡେଃକେ ଆଟ୍‌କାର୍ ଉରୁମ୍‌କାଦାକ ।

୬ ଏନ୍‌ରେୟା ଇନ୍‌କୁ ଆକ୍‌ଆଃ ବିଶ୍ୱାସ୍‌କେ ଆଦାକାଦାକ । ଏନାତେ ଆତଃମିସା ହେୟାତିଙ୍ଗ୍‌କେଦ୍‌ତେ ରୁହାଡ୍‌ତେୟାଃ ଇନ୍‌କୁ ନାଗେନ୍ତେ କା ହବାସାକାଅଆଃ, ଚିୟାଃଚି ଇନ୍‌କୁ ଆକ୍‌ଆଃ ଜିୟନଃ ନାଗେନ୍ତେ ପାର୍‌ମେଶ୍ୱାର୍‌ଆଃ ହନ୍‌କେ ଆତଃମିସା କୁଶ୍‌ରେ କିଲାଇକେଦ୍‌ତେ ହଡ୍‌ ଆଲାରେ ଗିହୁଗିତାନାକ ।

୭ ଅକ୍ ଅତେରେ ସବେନ୍ ଇମ୍‌ତା ଗାମା ଦାଆଃ ଉୟୁଃକେଦ୍‌ତେ ବେଭାରେ ଲେକାନ୍ ହିତାକ୍‌ଏ ଅମନେଆଁ, ଏନ୍ ଅତେରେ ପାର୍‌ମେଶ୍ୱାର୍‌ଆଃ ଆଣିଷ୍ ମେନାଃ ।

୮ ମେନ୍‌ଦ ଏନ୍ ଅତେ ଜାନୁମ୍ ଦାରୁ ଆତଃ ବୁଲିତାସାଦ୍ ଅମନେରେଦ୍, ଏନାରେୟାଃ ଜେତାନ୍ ଗନଙ୍ଗ୍ କା ତାଇନାଃ, ଏନା ପାର୍‌ମେଶ୍ୱାର୍ ସାର୍‌ପାଅକାଦ୍ ଲେକାନାଃ ହବାଅଃଆ ଆତଃ ସେଙ୍ଗେଲ୍‌ତେ ଜିୟନଃଆ ।

☆ ୫:୭ ମାଥୁର ୨୭:୩୭-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୬. ☆ ୫:୧୨ ୧ କରିନ୍ଥୁୟ ୩:୨.

୯ ହେ ଦୁଲ୍ଲାଡ଼କ, ଆଲେ ଆପେକେ ନେ'ଲେକା କାଜିଲେରେୟ, ଆପେ ଆପେୟାଃ ଜୀଉ ବାଞ୍ଚାଅ ନାମେ ନାଗେନ୍ତେ ଆଶିଷ୍ ନାମେ ଲେକାପେ ହବାକାନା, ମେନ୍ତେ ଆପେୟାଃ ଚେତାନରେ ଆଲେୟାଃ ବିଶ୍ୱାସ୍ ମେନାଃ ।

୧୦ ପାର୍ମେଶ୍ୱାର୍ କା ଧାର୍ମାନନିଃ ନାହାଁଲିଃ । ଇନିଃ ଆପେୟାଃ କାମିକ, ବିଶେଷ୍ଟକେଦ୍ତେ ପାବିତାର୍ ହଡ଼କକେ ଦେଙ୍ଗା ଆଡ଼ଃ ନାହାଁଃ ଜାକେଦ୍ ସୁସାରକତାନ୍ ହରାତେ ପାର୍ମେଶ୍ୱାର୍ଆଃ ନୁତୁମ୍ ନାଙ୍ ଆପେ ଅକନ୍ ଦୁଲ୍ଲାଡ଼ ଉଦୁବକାଦାପେ, ଏନା ଇନିଃ କାଏ ରିଡ଼ିଙ୍ଗ୍‌ୟେଆ ।

୧୧ ମେନ୍ଦ୍ ଆଲେୟାଃ ଇଛାସାନାଙ୍ ନେଆଁ ତାନାଃ, ତୁଣ୍ଟୁ ଦ୍ରିପିଲି ଜାକେଦ୍ ଏଟାଃକ ନାଗେନ୍ତେ ଆପେୟାଃ ଦୁଲ୍ଲାଡ଼ ସବେନ୍ ଇମ୍ତା ତାଇନକା । ଏନାରେ ଆପେୟାଃ ଆସ୍ରାକାଦ୍ ସିବେନାଃ ପୁରାଅଃଆ ।

୧୨ ଆପେ କୁଡ଼ି ହବାଅଃପେ ମେନ୍ତେ ଆଲେ କାଲେ ସାନାଙ୍‌ତାନା, ମେନ୍ଦ୍ ବିଶ୍ୱାସ୍ରେ ପକ୍ତାକାନକକେ ଆଡ଼ଃ ଧିରାଜ୍ରେ ତାଇନତାନ୍ ହଡ଼କକେ ଅତଙ୍ଗକପେ, ଆଡ଼ଃ ପାର୍ମେଶ୍ୱାର୍ ବାନାର୍‌ସା ଏମାକାଦ୍ ସବେନ୍ ବିଷାଏ ନାମେପେ ।

ପାର୍ମେଶ୍ୱାର୍ଆଃ ବାନାର୍‌ସା କା ବାଦ୍‌ଲ୍ଲାଅଃଆ

୧୩ ପାର୍ମେଶ୍ୱାର୍ ଆବ୍ରାହାମ୍‌କେ ବାନାର୍‌ସା ଏମ୍‌କିଃ ଇମ୍ତା, ପାର୍ମେଶ୍ୱାର୍ ଇନିଃକେ ଏମାକାଇ ବାନାର୍‌ସାକେ ପୁରାଏୟା ମେନ୍ତେ କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ କା ତାଇନ୍ ହରାତେ ଇନିଃ ଆୟାଃ ନୁତୁମ୍‌ତେ କିରିୟାକେଦା ।

୧୪ ଇନିଃ କାଜିକେଦାଏ, “ଆଇଙ୍ଗ୍ ଆମ୍‌କେ ଆଶିଷ୍‌ମେୟାଈଙ୍ଗ୍, ଆମାଃ କିଲିକକେ ପୁରାଃଗିଇଙ୍ଗ୍ ପସାକଆ ।”

୧୫ ଆବ୍ରାହାମ୍ ଧିରାଜ୍ ସାବ୍‌କେଦ୍‌ତେ ତାଙ୍ଗିକେଦା । ଏନାତେ ଇନିଃ ପାର୍ମେଶ୍ୱାର୍ଆଃ ବାନାର୍‌ସା ବିଷାଏ ସବେନାଃ ନାମକେଦାଏ ।

୧୬ ହଡ଼କ କିରିୟାଏ ଇମ୍ତା ଆୟାଃତାଃଏତେ ମାରାଙ୍ ହଡ଼ଆଃ ନୁତୁମ୍‌ତେ କିରିୟା ରିକାଃକ, ନେ'ଲେକା କିରିୟାକେଦ୍ ହରାତେ ସବେନ୍ କାପ୍‌ଜିତେୟାଃ ହକାଅଃଆ ।

୧୭ ପାର୍ମେଶ୍ୱାର୍ ଅକନ୍‌କକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍‌କଆଏ, ଏନ୍ ଏମାକାଦ୍ ବାନାର୍‌ସାକେ ଚିତ୍ତଲ୍ଲାଅ କାଏ ବାଦ୍‌ଲ୍ଲାଅ ଦାଡ଼ିୟା ମେନ୍ତେ ଇନ୍‌କୁକେ ବୁଗିଲେକା ଉଦୁବ୍ ନାଗେନ୍ତେ ଇନିଃ ଆୟାଃ ବାନାର୍‌ସାଲଃ କିରିୟାକେହ୍ ମେସାକାଦାଏ ।

୧୮ ଆୟାଃ ବାନାର୍‌ସା ଆଡ଼ଃ କିରିୟା, ନେ ବାରାନାଃ କା ବାଦ୍‌ଲ୍ଲାଅଃଆ, ଏନାକେ ବାଦ୍‌ଲ୍ଲାଅକେଦ୍‌ତେ ପାର୍ମେଶ୍ୱାର୍ ହସଡ଼ କାଏ ହବାଅଃଆ । ଏନାତେ ଆୟାଃତାଃରେ ତାଇନତାନ୍ ଆବୁ ସବେନ୍‌କ ସାମ୍‌ନାଙ୍‌ରେ ଅକନ୍ ଆସ୍ରା ମେନାଃ ଏନାକେ ସାବ୍‌କେଟେଜେ ନାଗେନ୍ତେ ପୁରାଃଗି ଜୀଉରେ ରାସ୍‌କାବୁ ନାମାକାଦା ।

୧୯ ନେ ଆସ୍ରା ଆବୁଆଃ ଜୀଦାନରେ ଜାହାଜ୍‌କେ ଆବ୍‌କାଏତାନ୍ ହାମ୍‌ଲ୍ ମେଡ଼େଦ୍ ଲେକାନାଃ ତାନାଃ । ନେଆଁ ଆସ୍ରାଏ ଆଡ଼ଃ ଭାର୍‌ସାଏ ଲେକ୍‌ନାଃ ତାନାଃ । ଏନା ସିମ୍‌ଦିଗ୍‌ମ୍ ମାନ୍‌ଦିର୍ ଅଡ଼ାଃରେୟାଃ ହାନାଟିଙ୍ଗ୍ ଦାନାଙ୍‌ଲିଜାଃ ପାରମ୍‌କେଦ୍‌ତେ ମାରାଙ୍ ପାବିତାର୍ ଠାୟାଦ୍‌ରେ ସେଟେର୍ ଦାଡ଼ିକାନା ।

୨୦ ଆବୁଆଃ ନାଗେନ୍ତେ ଯୀଶୁ ସିଦାରେ ଏନ୍ତାଃତେ ସେନ୍ ସେଟେର୍‌କାନା । ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାଃରିନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ ଯାଜାକ୍ ହବାକାନାଏ ।



ଯାଜାକ୍ ମଲ୍‌କିସେଦକ୍

୧ ନେ ମଲ୍‌କିସେଦକ୍ ସାଲେମ୍‌ରାଃ ରାଜା ଆଡ଼ଃ ସାଲ୍ଲାଙ୍ଗି ଉତାର୍ ପାର୍ମେଶ୍ୱାର୍ଆଃ ଯାଜାକ୍ ତାଇକେନାଏ । ଆବ୍ରାହାମ୍ ଆୟାଃ ଗାଡ଼ିକ ଉପୁନିୟା ରାଜାକକେ ଲାଡ଼ାଇରେ ହାରାଅକେଦ୍‌ତେ ରୁହାଡ଼୍ ତାଇକେନାକ ଇମ୍ତା, ମଲ୍‌କିସେଦକ୍ ଇନିଃଲଃ ନେପେଲ୍‌କେଦ୍‌ତେ ଇନିଃକେ ଆଶିଷ୍‌କାଇ ତାଇକେନାଏ ।

୨ ଆଡ଼ଃ ଆବ୍ରାହାମ୍ ଇନିଃକେ ଲାଡ଼ାଇହେତେ ନାମାକାଦ୍ ହିସାଏତେ ଗେଲ୍‌ହିସା ଏମାକାଇ ତାଇକେନାଏ । ମଲ୍‌କିସେଦକ୍‌ଆଃ ନୁତୁମ୍‌ରେୟାଃ ମୁଣ୍ଡି ହବାଅଃତାନା “ଧାରାମ୍‌ରେନ୍ ରାଜା,” ଇନିଃ ସାଲେମ୍‌ରେନ୍ ରାଜା ହବାକାନ୍ ହରାତେ ଆୟାଃ ନୁତୁମ୍‌ରେୟାଃ ଆଡ଼ଃମିଆଁଦ୍ ମୁଣ୍ଡି ହବାଅଃତାନା “ଜୀଉସୁକୁରେନ୍ ରାଜା” ।

୩ ମଲ୍‌କିସେଦକ୍‌ଆଃ ଏଙ୍ଗାଆପୁ ଚାଏ ପୁର୍‌ଖା ହାଡ଼ାମ୍‌କଆଃ ଚାଏ ଆୟାଃ ଜାନାମ୍ ଆଡ଼ଃ ଗନଏଃ ବିଷାଏରେ ଜେଡ଼ନାଃ କା ସାରିକାନା । ଇନିଃ ପାର୍ମେଶ୍ୱାର୍ଆଃ ହନ୍ ଲେକା, ଆୟାଃ ଯାଜାକ୍ କାମି ଜୀଦାନରାଃ କା ତୁଣ୍ଟୁ ଜାକେଦ୍ ଜାନାଅ ଜାନାଅଗି ତାଇନା ।

୪ ଏନାତେ ଉଡ଼ୁଲେପେ, ଇନିଃ ଚିମିନ୍ ମାରାଙ୍ ତାନିଃ । ଆବୁଆଃ ସାରିୟାକାନ୍ ପୁର୍‌ଖା ହାଡ଼ାମ୍ ଆବ୍ରାହାମ୍ ଲାଡ଼ାଇହେତେ ଜିତାଅକାନ୍ ଖୁଜ୍ ରାଃ ମିଦ୍ ଗେଲ୍‌ହିସା* ଇନିଃକେ ଏମାକାଇ ତାଇକେନା ।

* ଲେବୀକଆଃ କିଲିକ ଯାଜାକ୍ କାମିକ କାମିୟାଃ, ଇନ୍‌କୁ ଆନ୍‌ତୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍‌ହିସାକ ହାରମେୟାଁ ମେନ୍ତେ ଆବୁକାନା । ଏନାତେ ଇସ୍ରାଏଲ୍ ହଡ଼କ ଆବ୍ରାହାମ୍‌ଆଃ କିଲିକ ଆଡ଼ଃ ଲେବୀକଆଃ ଆପାନାଃ ହଡ଼କ ତାନକରେୟ, ଇନ୍‌କୁତାଃଏତେ ନେ'ଲେକା ଗେଲ୍‌ହିସାକ ହାରମ୍ ତାଇକେନା ।

* ୭:୪ ଦାଶ୍ ଭାଗ୍

୭ ମଲ୍କିସେଦକ୍ ଲେବୀ କିଲିରେନ୍ କାଏ ତାଇକେନ୍ରେୟ, ଇନିଃ ପାର୍ମେଶ୍ୱାର୍ଆଃ ବାନାର୍ସା ନାମାକାଦ୍ ଆବ୍ରାହାମ୍ତାଃଏତେ ମିଦ୍ ଗେଲ୍ହିସା ନାମ୍କେଦ୍ତେ ଇନିଃକେ ଆଗିଷ୍ଟକିୟା ।

୮ ଆଗିଷ୍ଟ ଏମ୍ ହଡ୍, ଆଗିଷ୍ଟ ନାମେ ହଡ୍ତାଃଏତେ ପୁରାଃଗି ମାରାଙ୍ଗ୍ଆଁ, ନେଆଁରେ ଜେତାନ୍ ଆଡ଼ାଃଉଡ୍ଡୁ ବାନଃଆ ।

୯ ମିଦ୍ ଗେଲ୍ହିସା ନାମେ ଯାଜାକ୍କ, ମୁସିଙ୍ଗ୍ ହୁଲାଙ୍ଗ୍ ଗଜଃଆକ, ମେନ୍ଦ୍ ମଲ୍କିସେଦକ୍ ଇନ୍କୁତାଃଏତେ ମାରାଙ୍ଗ୍ ତାନିଃ ମେନ୍ତେ ଗାଞ୍ଜା ଏମଃତାନା, ତିଆଃତି ଧାରାମ୍ପୁଥୁ ଲେକାତେ ଇନିଃ ନାହାଁଃ ଜାକେଦ୍ ଜୀନିଦ୍ ମେନାଇୟା ।

୧୦ ଏନାତେ ଆବ୍ରାହାମ୍ ମଲ୍କିସେଦକ୍କେ ଗେଲ୍ହିସା ଏମ୍କିଃ ଇମ୍ତା, ଅକନ୍ ଲେବୀ ନାହାଁଃ ଗେଲ୍ହିସା ନାମେତାନାଏ, ଏନ୍ ଲେବୀହଗି ମଲ୍କିସେଦକ୍କେ ଗେଲ୍ହିସା ଏମାକାଇ ତାଇକେନାଏ ମେନ୍ତେ କାଜିୟଃତାନା ।

୧୧ ଇମ୍ତା ଲେବୀ କାଏ ଜାନାମ୍କାନ୍ ତାଇକେନା ଏନା ସାର୍ତିକାଜି ତାନାଃ, ମେନ୍ଦ୍ ଆବ୍ରାହାମ୍ ମଲ୍କିସେଦକ୍ଲଃ ନେପେଲ୍କେନ୍ ଇମ୍ତା, ଇନିୟାଃ ହଡ୍ତା ପୁରଃଗା ହାଡ଼ାମ୍ ଆବ୍ରାହାମ୍ଲଃ ତାଇକେନା ମେନ୍ତେ କାଜିଲେରେୟ ବାୟୁଃଆ ।

୧୨ ନେ ଲେବୀକଆଃ ଯାଜାକ୍ ହବାଅଃ ହରାତେ ଇସ୍ରାଏଲ୍ ହଡ୍କକେ ଆନ୍ତୁ ଏମାକାନା । ଲେବୀକଆଃ ଯାଜାକ୍ କାମି ହରାତେ ପକ୍ତାକାନ୍ ହବାଅଃତେୟାଃରେଦ୍, ହାରୁନ୍ଆଃ ଆକ୍ତେୟାର୍ତେ ନେ ଲେବୀକଆଃ ଯାଜାକ୍ କାମି ହକାକେଦ୍ତେ, ମଲ୍କିସେଦକ୍ଆଃ ଆକ୍ତେୟାର୍ ଲେକାତେ ଏଗାଃ ଆଡ଼ଃମିଆଁଦ୍ ଯାଜାକ୍ଆଃ ଲାଗାଡିଙ୍ଗ୍ କା ତାଇକେନା ।

୧୩ ତିୟାଃତି ଯାଜାକ୍ କାମି ବାଦ୍ଲାଇଃତେୟାଃରେଦ୍, ମୁଗାରାଃ ଆନ୍ତୁହଗି ବାଦ୍ଲାଇଃତେୟାଃ ।

୧୪ ଅକ୍ଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯୀଶୁ ତାନିଃ ଆଡ଼ଃ ଏଗାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ତିଉଲାଇଃ ବେଦି ତେତାନ୍ରେ ଯାଜାକ୍ କାମି କାକ ରିକା ।

୧୫ ନେଆଁତେ ସାରିୟଃତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମ୍କାନ୍ ତାଇକେନା ଆଡ଼ଃ ଯାଜାକ୍ ହବାଅଃ ନାଗେନ୍ତେ ମୁଗା ନାବୀ ନେ କିଲିରେୟାଃ ନୁଡୁମ୍ ତିଉଲାଇଃ କାଏ କାଜି ।

ମଲ୍କିସେଦକ୍ଆଃ ଲେକା ଆଡ଼ଃମିଆଁଦ୍ ଯାଜାକ୍

୧୬ ନେଆଁତେ ପୁରାଃଗି ସାରିୟଃତାନା, ମଲ୍କିସେଦକ୍ଆଃ ଲେକା ଆଡ଼ଃମିଆଁଦ୍ ଯାଜାକ୍ଆଃ ଉନ୍ଦୁଦ୍ ହବାୟାନା ।

୧୭ ଇନିଃ ମାନଞ୍ଜା ବାଇୟାକାଦ୍ ଆନ୍ତୁ ଲେକାତେ ଯାଜାକ୍ କାଏ ହବାକାନ୍ ତାଇକେନା, ମେନ୍ଦ୍ କା ଟୁଣ୍ଡୁ ଜୀଦାନ୍ରାଃ ପେଡ଼େଃ ହରାତେ ଯାଜାକ୍ ହବାକାନ୍ ତାଇକେନାଏ ।

୧୮ ତିୟାଃତି ଧାରାମ୍ପୁଥୁରେ ଅଲ୍ଲାନା, “ଆମ୍ ମଲ୍କିସେଦକ୍ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅରେନ୍ ଯାଜାକ୍ ହବାଅଃଆମ୍, ମେନ୍ତେ ଗାଞ୍ଜା ଏମଃତାନା ।”

୧୯ ଏନାତେ ମାରି ଆନ୍ତୁଦ୍ ନାରାଦୁରା ଆଡ଼ଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାଗିୟଃତାନା ।

୨୦ ତିୟାଃତି ମୁଗା ନାବୀ ଏମାକାଦ୍ ଆନ୍ତୁ ହରାତେ ଜେଡ୍ନାଃ ପୁରାଃ ବୁଗିନାଃ ଲେକା ପକ୍ତା କା ହବାଦାଡିୟାନା, ମେନ୍ଦ୍ ନାହାଁଃ ଆବୁକେ ପୁରାଃ ବୁଗିନ୍ ଆସ୍ରା ଏମାକାନ୍ ହରାତେ, ଆବୁ ପାର୍ମେଶ୍ୱାର୍ଆଃ ହେପାଦ୍ତେ ସେନ୍ନାଙ୍ଗ୍ ଦାଡିତାନାବୁ ।

୨୧ ନେଆଁଏତେ ଆଦ୍କା, ଆବୁ ନାଗେନ୍ତେ ପାର୍ମେଶ୍ୱାର୍ଆଃ କିରିୟାହଗି ମେନାଃ । ହାରୁନ୍ଆଃ କିଲିକ ଯାଜାକ୍ କାମିରେ ସାଲ୍ଲାୟାନ୍ ଇମ୍ତା ନେ ଲେକା ଜେତାନ୍ କିରିୟା କା ଏମାକାନ୍ ତାଇକେନା ।

୨୨ ମେନ୍ଦ୍ ଯୀଶୁ ଯାଜାକ୍ ହବାୟାନ୍ ଇମ୍ତା ପାର୍ମେଶ୍ୱାର୍ କିରିୟାକେଦ୍ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,
ଇନିଃ ଆୟାଃ କିରିୟା କାଏ ବାଦ୍ଲାଇଃଏୟା,

ଆମ୍ ଜାନାଅ ଜାନାଅଗି ଯାଜାକ୍ ହବାଅଃଆମ୍ ।”

୨୩ ନେ ରାଜିନାମା ହରାତେ ଯୀଶୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଞ୍ଜାଏ ହବାକାନା ।

୨୪ ନେଆଁ ବାଗିକେଦ୍ତେ ଆଡ଼ଃମିଆଁଦ୍ ଧାରା ମେନାଃ, ଏନା ହବାଅଃତାନା, ଯାଜାକ୍କଆଃ ଗନ୍ଏଃ ହବାଅଃରେ, ଏଗାଃ ଯାଜାକ୍କ ଯାଜାକ୍ କାମିକ କାମିୟାଃ, ଏନାତେ ଯାଜାକ୍କ ପୁରାଃଗି ମେନାକଆ ଆଡ଼ଃ ଇନ୍କୁକେ ସବେନ୍ ହୁଲାଙ୍ଗ୍ କାଏ କାମିଇତିକତାନା ।

୨୫ ମେନ୍ଦ୍ ଯୀଶୁ ଜାନାଅ ଜାନାଅ ତାଇନାଏ ଆଡ଼ଃ ଇନିୟାଃ ଯାଜାକ୍ କାମି ହଗି ଜାନାଅ ଜାନାଅ ତାନାଃ ।

୨୬ ଆଡ଼ଃ ଇନିୟାଃ ହରାତେ ପାର୍ମେଶ୍ୱାର୍ଆଃ ହପର୍ଜାପାଃତେ ହିଜୁଃତାନ୍କକେ ନାହାଁଃ ଆଡ଼ଃ ସବେନ୍ ଇମ୍ତା ଇନିଃ ଜୀଉବାଞ୍ଚାଅ ଦାଡିନିଃ ତାନିଃ, ତିୟାଃତି ଇନ୍କୁ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତି ନାଙ୍ଗ୍ ଇନିଃ ଜାନାଅ ଜାନାଅଗି ତାଇନା ।

୨୭ ଆବୁଆଃ ସବେନ୍ ଲାଗାଡିଙ୍ଗ୍ତେୟାଃକ ଯୋଗାଅନିଃ ଯୀଶୁଗି ମାରାଙ୍ଗ୍ ଯାଜାକ୍ ତାନିଃ । ଇନିଃ ପାବିତାର୍, କା ତିଟାକାନ୍, ପାପିକତାଃଏତେ ସାଙ୍ଗିନାକାନା, ଆଡ଼ଃ ସିମ୍ପାରେ ସବେନାଃଏତେ ପୁରାଃ ମାରାଙ୍ଗ୍ ମାଇନାନ୍ ଏମାକାନା ।

୨୭ ଇନିଃ ଏଟାଃ ମାରାଞ୍ଚ ଯାଜାକ୍ ଲେକାନନିଃ ନାହାଁଲିଃ, ଇନକୁଆଃ ଲେକା ଇନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆତଃ ତାୟମ୍ତେ ଏଟାଃକଆଃ ପାପ୍ ନାଗେନ୍ତେ ସବେନ୍ ହୁଲାଞ୍ଚ ଦାଣ୍ଠୋରାକାବ୍ କା ଲାଗାତିଞ୍ଚୟାଃ । ଇନିଃ ଆଇଃକକେରି ଦାଣ୍ଠୋ ରାକାବ୍କେଦ୍ତେ ମିସାତରା ସବେନାଃ ପୁରାଚାବାକାଦା ।

୨୮ ମୁଶା ନାବୀଆଃ ଆନୁରୁ ନାରାଦୁରା ହଡକକେ ମାରାଞ୍ଚ ଯାଜାକ୍ରେୟାଃ କାମି ନାଗେନ୍ତେ ସାଲାକାନା । ମେନ୍ଦ୍ ଆନୁରୁ ହବାୟାନ୍ ତାୟମ୍ତେ ପାର୍ମେଶ୍ୱାର୍ ଆୟାଃ ବାନାର୍ସା ଆତଃ କିରିୟା ଲେକାତେ ଆୟାଃ ହନ୍କେ ମାରାଞ୍ଚ ଯାଜାକ୍ ଲେକାଏ ସାଲାକିୟା, ଇନିଃ ଜାନାଅ ଜାନାଅ ନାଗେନ୍ତେ ପକ୍ତାକାନା ।

୮

ୟାଶୁ ଆବୁଆଃ ମାରାଞ୍ଚ ଯାଜାକ୍

୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆବୁ ନାମାକାଇ ମାରାଞ୍ଚ ଯାଜାକ୍, ସିର୍ମାରେନ୍ ମାରାଞ୍ଚ ମାନାରାଞ୍ଚନିଆଃ ରାଜଗାଦିରାଃ ଜମ୍ପାଃରେ ଦୁବାକାନା ।

୨ ଇନିଃ ଅକନ୍ ପୁରାଃ ପାବିତାର୍ ଠାୟାଦ୍‌ରାଃ ସାର୍ତ୍ତି କୁମ୍ପା ଲାତାର୍ରେ ମାରାଞ୍ଚ ଯାଜାକ୍ ଲେକାଏ କାମିତାନା, ଏନା ହଡକେ କା ବାଇୟାକାନା, ମେନ୍ଦ୍ ପ୍ରାଭୁ ଏନାକେ ବାଇୟାକାଦା ।

୩ ସବେନ୍ ମାରାଞ୍ଚ ଯାଜାକ୍ ପାର୍ମେଶ୍ୱାର୍‌ଆଃ ନୁତୁମ୍ତେ ଦାନ୍ ରାକାବ୍ ଆତଃ ଜାଁତୁକଆଃ ଦାଣ୍ଠୋ ରାକାବ୍ ନାଗେନ୍ତେକ ସାଲାକାନା । ଏନାତେ ଆବୁଆଃ ନେ ମାରାଞ୍ଚ ଯାଜାକ୍‌କେହ୍ ଜେତ୍‌ନାଃ ଦାନ୍ ରାକାବେ ନାଗେନ୍ତେ ଲାଗାତିଞ୍ଚୟାଃ ।

୪ ଇନିଃ ନେ ଅତେରେ ତାଇନ୍‌ତେୟାଃରେଦ୍, ଯାଜାକ୍‌ହ୍ କାଏ ହବା ସାକାଅକାନ୍‌ତେୟାଃ, ଚିୟାଃଚି ଯିହୁଦୀକଆଃ ଆନୁରୁ ଲେକାତେ ଦାଣ୍ଠୋରେୟାଃ ଦାନ୍ ରାକାବ୍ ନାଞ୍ଚ ଯାଜାକ୍ ମେନାକଆ ।

୫ ଇନକୁ ଯାଜାକ୍ କାମି କାମିତାନ୍‌ତେୟାଃ, ସିର୍ମାରେୟାଃ ନାକାଲ୍ ଆତଃ ଉମ୍ଲୁ ଲେକ୍‌ନାଃ ଏସକାର୍ ତାନାଃ । ମୁଶା ନାବୀଆଃ ଦିପିଲିହେତେ ନେ'ଲେକା ହବା ଆଉଅଃତାନା । ମୁଶା ନାବୀ ପାବିତାର୍ କୁମ୍ପା ବାଇ ନାଗେନ୍ତେ ସେକାଡ଼ଃ ତାଇକେନ୍ ଇମ୍ତା, ପାର୍ମେଶ୍ୱାର୍ ଇନିଃକେ କାଜିକାଇ ତାଇକେନା, “ନେଲେମେ, ବୁରୁରେ ଆମ୍‌କେ ଅକନ୍ ନାମୁନା ଉଦୁବକାନ୍ ତାଇକେନା, ଏନ୍‌ଲେକାଗି ସବେନାଃ ବାଇୟେମେ ।”

୬ ମେନ୍ଦ୍ ନାହାଁଃ ଯାଶୁକେ ଅକନ୍ ଯାଜାକ୍ କାମି ଏମାକାନା, ଏନା ଏଟାଃକଆଃ ଯାଜାକ୍ କାମିହେତେ ପୁରାଃ ବୁଗିନାଃ ତାନାଃ । ଏନ୍‌ଲେକାଗି ପାର୍ମେଶ୍ୱାର୍ ଆତଃ ହଡକଆଃ ଆଲ୍‌ମରେ ଇନିଃ ଅକ ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ଚିୟାଃଚି ନେ ରାଜିନାମା ପୁରାଃ ବୁଗିନାଃ ହବାଅଃ ନାଗେନ୍ତେ ବାନାର୍‌ସା ଏମାକାନା ।

୭ ସିଦା ନିୟାମ୍‌ରେ ଜେତାନ୍ ଗୁଣ୍ଡାଁ କା ତାଇକାନ୍‌ରେଦ୍, ଆତଃମିଆଁଦ୍ ନିୟାମ୍ କା ଲାଗାତିଞ୍ଚୟାଃତେୟାଃ ।

୮ ମେନ୍ଦ୍ ପାର୍ମେଶ୍ୱାର୍ ଆୟାଃ ହଡକଆଃ ଗୁଣ୍ଡାଁ ଉଦୁବକେଦ୍‌ତେ କାଜିକେଦା,

“ପ୍ରାଭୁ କାଜିତାନାଏ, ନେତା ସେଟେରଃତାନା,

ଆଇଞ୍ଚ ଇସ୍ରାଏଲ୍ ହଡ ଆତଃ ଯିହୁଦାରେନ୍ ହଡକଲଃ ମିଆଁଦ୍ ନାଞ୍ଜା ରାଜିନାମା ବାଇୟାଞ୍ଚ ।

୯ ଆଇଞ୍ଚ ଇନକୁଆଃ ପୁରଂଶା ହାଡାମ୍ ହଡକଆଃ ତିଃଇ ସାବ୍‌କେଦ୍‌ତେ ମିସାର୍ ଦିଶୁମ୍‌ଏତେ ଅତଞ୍ଚ ଆଉକେଦ୍‌କ ଇମ୍ତା,

ଅକ ରାଜିନାମା ବାଇୟାକାଦ୍ ତାଇକେନାଞ୍ଚ ଏନା, ନେ ରାଜିନାମା ଲେକାନାଃ ନାହାଁଲାଃ । ଆଇଞ୍ଚ ଇନକୁଲଃ ଅକ ରାଜିନାମା ବାଇୟାକାଦ୍ ତାଇକେନାଞ୍ଚ,

ଏନାରେ ଇନକୁ ପାତିୟାର୍‌ରଃ ଲେକା କାକ ହବାୟାନା,

ଏନାତେ ଆଇଞ୍ଚ ଇନକୁଆଃ କାଞ୍ଚ ଧ୍ୟାନ୍ କେଦା ।” ପ୍ରାଭୁ କାଜିତାନାଏ,

୧୦ “ଆଇଞ୍ଚ ହିଜୁଃ ଦିପିଲିରେ

ଇସ୍ରାଏଲ୍‌ରେନ୍ ହଡକଲଃ ନେ ରାଜିନାମା ବାଇୟାଞ୍ଚ,

ଆଇଞ୍ଚ ଆଇୟାଃ ଆନୁରୁକେ ଇନକୁଆଃ ମନ୍

ଆତଃ ମନ୍‌ସୁରୁଦ୍‌ରେ ଅଲେୟାଞ୍ଚ,

ଆତଃ ଇନକୁଆଃ ପାର୍ମେଶ୍ୱାର୍ ହବାଅଃଞ୍ଚ,

ଆତଃ ଇନକୁ ଆଇୟାଃ ହଡ ହବାଅଃଆକ ।

୧୧ ଇମ୍ତା ଇନକୁ ହପର୍‌ଜାପାଃରେନ୍‌କକେ ଚାଏ ହାଗା ମିଶିକକେ ଇନିତୁ ଏମ୍ କା ଲାଗାତିଞ୍ଚୟାଃ, ଆତଃ ‘ପ୍ରାଭୁକେ ଆବ୍‌କାରିପେ ମେନ୍ତେ ଜେତାଏକେ କାଜି କା ଲାଗାତିଞ୍ଚୟାଃ,’

ଚିୟାଃଚି ହୁଡିଞ୍ଚଏତେ ମାରାଞ୍ଚ ସବେନ୍‌କ ଆଇଞ୍ଚକେ ସାରିୟାକ ।

୧୨ ଆଇଞ୍ଚ ଇନକୁଆଃ ସବେନ୍ ପାପ୍ ଛାମାକଆଇଞ୍ଚ

ଆତଃ ଇନକୁଆଃ ଜେତାନ୍ ଏଡକାନ୍‌ଆଃ କାଞ୍ଚ ପାହାମେୟା ।”

୧୩ ନେଆଁକେ ନାଞ୍ଜା ନିୟାମ୍ ମେନ୍ତେ କାଜିକେଦ୍ ହରାତେ ପାର୍ମେଶ୍ୱାର୍ ସିଦାତେୟାଃକେ ମାରିତେୟାଃ ମେନ୍ତେ କାଜିକେଦା ଆତଃ ଅକ୍ନାଃ ମାରିତେୟାଃ ତାନାଃ, ଏନା ଜାଲ୍ଦିଗି ଜିୟନଃଆ ।



ଅତେଦିଶୁମ୍ ଆତଃ ସିର୍ମାରେୟାଃ ସେଞ୍ଜା

୧ ସିଦା ନିୟାମ୍ରେୟ ସେଞ୍ଜା ବିଷାଏରେ ଚିମିନ୍ ନିୟାମ୍ କାନୁନ୍ଦକ ବାଇୟାକାନ୍ ତାଇକେନା ଆତଃ ଅତେରେ ମିଆଁଦ୍ ପାବିତାର୍ ଠାୟାଦ୍ ତାଇକେନା ।

୨ ଏନ୍ଲେକାଗି ମିଆଁଦ୍ ସେଞ୍ଜାରେୟାଃ କୁମ୍ବା ବାଇୟାକାନ୍ ତାଇକେନା । ଏନାରେ ତାଇକାନ୍ ପାହିଲା ହିସାରେ ଦିଆ ଦହ ଖୁଣ୍ଟୁ, ମିଆଁଦ୍ ଟେବୁଲ୍ ଆତଃ ଟେବୁଲ୍ ଚେତାନ୍ରେ ପାର୍ମେଶ୍ୱାର୍କେ ଏମାକାନ୍ ହଲ୍ଲଜ୍ ତାଇକେନା । ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃକ ।

୩ କୁମ୍ବାରେୟାଃ ପାବିତାର୍ ଠାୟାଦ୍ତାଃରେ ହାନାଟିଜ୍ ଦାନାଜ୍ଲିଜାଃରାଃ ତାୟମ୍ରେ ଅକନ୍ ଠାୟାଦ୍ ମେନାଃ, ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେକ କାଜିୟାଃ ।

୪ ଏନ୍ତାଃରେ ମିଆଁଦ୍ ବୁଗିନ୍ ସହାନ୍ ନାଜ୍ ଧୁଆନ୍ ଉରୁବେତେୟାଃ ସୋନାରେୟାଃ ଆତଃ ଉପୁନ୍ସାଃରେ ସୋନାତେ ଦାପାଲାକାନ୍ “ରାଜିନାମାରାଃ ବାକ୍ସା” ତାଇକେନା । ଏନ୍ ବାକ୍ସା ଭିତାର୍ରେ “ମାନ୍ନା” ଦହାକାନ୍ ସୋନାରେୟାଃ ମିଆଁଦ୍ ତାସ୍ଜି ତାଇକେନା, ହାରୁନ୍ଆଃ ସୁଡାକାନ୍* ମିଆଁଦ୍ ସଟା ଆତଃ ପାର୍ମେଶ୍ୱାର୍ଆଃ ଆନ୍ତୁ ଅଲାକାନ୍ ବାରିଆ ଚାକାର୍ ଦିରି ତାଇକେନା ।

୫ ବାକ୍ସା ଚେତାନ୍ରେ ପାର୍ମେଶ୍ୱାର୍ ମେନାଇୟା ମେନ୍ତେ ଉଦୁବେତାନ୍ ମାନାରାଜ୍ରେନ୍ ବାରିଆ ଆପୁରବ୍ ତାଇକେନ୍ କିରୁବ୍ଦୁଡ୍ଜିନ୍ ତାଇକେନା । ଇନ୍କିନ୍ ପାପ୍ ଛାମା ଠାୟାଦ୍ ଚେତାନ୍ରେ ଆପୁରବ୍ ଚାକାର୍କେଦ୍ତେ ତାଇକେନାକିନ୍, ମେନ୍ଦ୍ ନେ ସବେନାଃରାଃ ସାର୍ତିକାଜି ମିମିଆଦ୍ତେ ଉଦୁବ୍ କା ଲାଗାତିଜ୍ୟାଃ ।

୬ ଏନ୍ତାଃରେ ନେଲେକା ବାଇକାନ୍ ତାଇକେନା, ଯାଜାକ୍ ସେଞ୍ଜା ନାଗେନ୍ତେ ସବେନ୍ ହୁଲାଜ୍ କୁମ୍ବାରେୟାଃ ପାହିଲା ହିସାତେ ବଲୟାନ୍ଲଃ ଆକଥାଃ କାମିକ କାମିୟାଃ,

୭ ମେନ୍ଦ୍ କୁମ୍ବାରେୟାଃ ଆତଃମିଆଁଦ୍ ହିସାତେ ମାରାଜ୍ ଯାଜାକ୍ ଏସ୍କାର୍ ବଲ ଦାଡ୍ରିୟାଏ । ଇନିଃ ଆୟାଃ ନାଗେନ୍ତେ ଆତଃ ହଡକ୍ ବେଗାର୍ ସାରିତେ ପାପକାଦ୍ ନାଗେନ୍ତେ, ପାର୍ମେଶ୍ୱାର୍ତାଃରେ ଏମାକାଦ୍ ମାୟୋମ୍କେ ସାବ୍କେଦ୍ତେ ମିଦ୍ ବାରାଷ୍ଟରେ ମିସାଗି ଏନ୍ ଠାୟାଦ୍ତେ ବଲଥା ।

୮ ପାବିତାର୍ ଆମ୍ବା ନେ ସବେନାଃ ହରାତେ ବୁଗିଲେକାଏ ଇଡୁଆଃ ଯେ, କୁମ୍ବାରେୟାଃ ପାହିଲା ହିସା ତାଇନଃ ଜାକେଦ୍, ପୁରାଃ ପାବିତାର୍ ଠାୟାଦ୍ତେ ବଲ ନାଗେନ୍ତେ ହରା କା ନିଜାକାନା ।

୯ କୁମ୍ବାରେୟାଃ ନେ ପାହିଲା ହିସା, ନେ ଦିପିଲି ନାଗେନ୍ତେ ଜନ୍କା ଲେକାନାଃ ତାନାଃ । ନେଆଁରେୟାଃ ମୁଣ୍ଡି ହବାଅଃତାନା, ପାର୍ମେଶ୍ୱାର୍ଆଃ ନାଗେନ୍ତେ ଦାନ୍ ରାକାବ୍ ଆତଃ ଜାଁଡୁକଥାଃ ଦାଣ୍ଡୋରାକାବ୍ ସେଞ୍ଜାତାନ୍ନିଆଃ ମନ୍ସୁରୁଦ୍କେ କାଏ ପକ୍ତା ଦାଡ୍ରିୟା ।

୧୦ ଚିୟାଃଟି ଏନ୍ ସବେନାଃ ଜମେ, ନୁଁଏତେୟାଃ ଏସ୍କାର୍ ତାନାଃ ଆତଃ ରାକାମ୍ ରାକାମ୍ରେୟାଃ ଆବୁଜ୍ ଫାର୍ଚିୟଃ କାମିକ ଆତଃ ହଡ ନେପେଲ୍ରେ କାମିୟଃତାନ୍ ଲେକାନାଃ ଏସ୍କାର୍ ତାନାଃ । ପାର୍ମେଶ୍ୱାର୍ଆଃ ନାଞ୍ଜା ନିୟାମ୍ କାନୁନ୍ଦକ ହବାଅଃ ଜାକେଦ୍ ନେ ସବେନାଃରାଃ ଲାଗାତିଜ୍ ତାଇକେନା ।

୧୧ ମେନ୍ଦ୍ ନାହାଁଃ ଅକନ୍ ସବେନ୍ ବୁଗିନ୍ ବିଷାଏ ଆବୁ ନାମାକାଦାବୁ, ଏନ୍ ସବେନାଃରାଃ ମାରାଜ୍ ଯାଜାକ୍ ଲେକା ଖ୍ରୀଷ୍ଟ୍ ହିଜୁଃକାନାଏ । ଅକନ୍ କୁମ୍ବାରେ ଇନିଃ ସେଞ୍ଜା କାମିତାନାଏ, ଏନା ପୁରାଃ ମାରାଜ୍ଆଁ ଆତଃ ସିର୍ମାରେ ପୁରାଃ ବୁଗିନାଃ ତାନାଃ । ଏନାଦ୍ ହଡ୍ତେ କା ବାଇୟାକାନା, ଆତଃ ବାଇୟାକାନ୍ ଅତେଦିଶୁମ୍ରେୟାଃ ହିସା ନାହାଁଲାଃ ।

୧୨ ଖ୍ରୀଷ୍ଟ୍ ଏନ୍ କୁମ୍ବା ହରାତେ ମିସାଗି ପୁରାଃ ପାବିତାର୍ ଠାୟାଦ୍ତେ ବଲୟାନ୍ ଇମ୍ତା ଇନିଃ ମେରମ୍ ଚାଏ ବାଛାରାଃ ମାୟୋମ୍କେ ଦାଣ୍ଡୋ ରାକାବ୍ ନାଜ୍ କା ଇଦିକେଦ୍ତେ ଆୟାଃ ମାୟୋମ୍କେଗି ଇଦିକେଦା ଆତଃ ଆବୁଆଃ ନାଗେନ୍ତେ ଜାନାଅ ଜାନାଅ ଜାଉ ବାଞ୍ଛାଅରେୟାଃ କାମି କାମିକେଦା ।

୧୩ ଅକନ୍ ହଡକ୍ କାଜିକାମି କା ମାନାତିଜ୍ ହରାତେ ସଡ୍ରାଅଃତାନାକ, ଇନ୍କୁ ମେରମ୍କଥାଃ ମାୟୋମ୍ ଚାଏ ସାଁଶକଥାଃ ମାୟୋମ୍ ଆତଃ ଉରୁବାକାନ୍ ଦାମୁରହନ୍ଆଃ ତରେକ୍ତେ ହିର୍ଚିକେଦ୍ତେ ଆକଥାଃ ସଡ୍ରାଏତେକ ଫାର୍ଚିୟଃତାନା ।

୧୪ ନେଆଁ ସାର୍ତି ତାନାଃରେଦ୍, ଅକନ୍ ଖ୍ରୀଷ୍ଟ୍ ଜାନାଅ ଜାନାଅ ଆମ୍ବାରାଃ ହରାତେ ପାର୍ମେଶ୍ୱାର୍ଆଃ ଆୟାର୍ରେ ଆପାନ୍କେ ବେଗାର୍ ଦାଗିୟାକାନ୍ ଦାଣ୍ଡୋରାକାବ୍ ଲେକାଏ ଦାଣ୍ଡୋୟାନା । ଇନିୟାଃ ମାୟୋମ୍ ଚିମିନାଜ୍ ପୁରାଃ ଆଦକା ଲାଗାତିଜ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିତିରିଞ୍ଜାଜ୍ରେୟାଃ ସାମାକାଜି କାମିକଏତେ ଆବୁଆଃ ବିବେକ୍ ଫାର୍ଚିୟଃଆ, ଏନାତେ ଆବୁ ଜାନିଦ୍ ପାର୍ମେଶ୍ୱାର୍ଆଃ ସେଞ୍ଜାବୁ ରିକାଦାଡ୍ରିୟା ।

* ୯:୪ ନାଗ୍ଜା

୧୫ ନେ ହରାତେ ଶ୍ରୀଷ୍ଟି ନାମ୍ନା ରାଜିନାମା ଠାହାରାଅକାଦାଏ, ଏନାତେ ଅକନ୍ଦକ ପାର୍ମେଶ୍ଵାରତେ କେଡାକାନାକ, ଇନ୍ଦକୁକେ ପାର୍ମେଶ୍ଵାରଆଃ ବାନାର୍ଯା ଏନାକାଦ୍ ଜାନାଅ ଆଶିଷ୍ଟକ ନାମେୟା । ସିଦାରାଃ ରାଜିନାମାରେ କାମିୟଃତାନ୍ ତାଇକେନ୍ଦ୍ ଇମ୍ତା, ହଡକ ଅକନ୍ଦ ପାପ୍କାମିକ କାମିକାଦା, ଏନା ଶ୍ରୀଷ୍ଟିଆଃ ଗନଏଃହେତେ ଏସକାର୍ ରାଡାଅଃଆ ।

୧୬ ମିଆଁଦ୍ ଏମଃ ଅନଲ୍ଲତିଠା ନିୟାମ୍ ଲେକା ହବାକାନରେ, ଏମଃ ଅନଲ୍ଲତିଠା ବାଇୟାକାଦ୍ ହଡଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାତିକ୍ୟାଃ ।

୧୭ ଚିୟାଃତି ଏମଃ ଅନଲ୍ଲତିଠା ବାଇୟାକାଦ୍ ହଡ ଜାନିଦ୍ ତାଇନ୍ଦ୍ ଜାକେଦ୍ ଅନଲ୍ଲତିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍ତେ ଏସକାର୍ ଏନାରେୟାଃ କାମି ହବା ଦାଡ଼ିୟଃଆ ।

୧୮ ଏନାମେନ୍ତେ ସିଦା ରାଜିନାମା† ହଗି ବେଗାର୍ ମାୟୋମ୍ ଲିକ୍ଷିତେ କା ବାଇୟାକାନା ।

୧୯ ସିଦାତେ ମୁଗା ନାବୀ ଆନ୍ତୁରାଃ ଆନାତୁକ ହଡକତାଃରେ ଉଦୁବ୍କେଦା । ଏନ୍ତେ ଇନିଃ ବାଛା ଆତଃ ମେରମ୍କଆଃ ମାୟୋମ୍ଲଃ ଦାଆଃ ମେସାକେଦ୍ତେ, ଏସୋବ୍ କତ ଆତଃ ବାଇଗିନିଆ ଉନ୍ତେ ଆନ୍ତୁରେୟାଃ ପୁଅରେ ଆତଃ ସବେନ୍ଦ୍ ହଡକଆଃ ରେତାନରେ ହିରୁଚିକେଦା ।

୨୦ ଇନିଃ କାଜିକେଦାଏ, “ପାର୍ମେଶ୍ଵାର୍ ଆପେକେ ଅକନ୍ଦ୍ ରାଜିନାମା ମାନାତିକ୍ ନାଗେନ୍ତେ ଆତୁକାଦ୍ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।”

୨୧ ଏନ୍ଲେକାଗି ଇନିଃ ପାବିତାର୍ କୁମ୍ବା ଆତଃ ସେଞ୍ଜା କାମିରେ ଅଡକ୍ଆଃତାନ୍ ସବେନାଃରେ ମାୟୋମ୍କେ ହିରୁଚିକେଦା ।

୨୨ ଆତଃ ଆନ୍ତୁ ଲେକାତେ ସବେନାଃରେ ମାୟୋମ୍ତେ ଫାର୍ଚିୟଃଆ, ଆତଃ ବେଗାର୍ ମାୟୋମ୍ ଲିକ୍ଷିତେ ପାପ୍ ଛାମା କା ହବାଅଃଆ ।

ଶ୍ରୀଷ୍ଟିଆଃ ଦାଣ୍ଡୋରାକାଦ୍ ପାପ୍କେ ସାଜିନେୟା

୨୩ ଅକନ୍ଦ୍ ବିଷାଏକ ସିର୍ମାରେୟାଃ ନାମୁନା ଲେକ୍ନାଃ ତାନାଃ, ଏନ୍ ସବେନାଃ ମାୟୋମ୍ତେ ଫାର୍ଚିୟଃ ଲାଗାତିକ୍ ତାଇକେନା, ମେନ୍ଦ୍ ସିର୍ମାରେୟାଃ ବିଷାଏକ ନାଗେନ୍ତେ ନେ ସବେନାଃଏତେ ପୁରାଃ ମାରାକ୍ ଦାଣ୍ଡୋ ରାକାବ୍କେଦ୍ତେ ଫାର୍ଚିୟଃ ଲାଗାତିକ୍ ମେନାଃ ।

୨୪ ଅକ୍ନାଃ ହଡତେ କା ବାଇୟାକାନା, ଏନ୍ଲେକାନ୍ ମିଆଁଦ୍ ପୁରାଃ ପାବିତାର୍ ଠାୟାଦ୍ତେ ଶ୍ରୀଷ୍ଟି ସେନାକାନାଏ । ଏନା ସାର୍ତ୍ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକ୍ଗି ସିର୍ମାତେ ସେନାକାନା, ଏନ୍ତାଃରେ ଆବୁଆଃ ନାଗେନ୍ତେ ନାହାଃ ପାର୍ମେଶ୍ଵାରଆଃ ହେପାଦ୍ରେ ମେନାୟା ।

୨୫ ଯିହୁଦୀ ମାରାକ୍ ଯାଜାକ୍ ଜେ'ଲେକା ମିଦ୍ ବାରାଷ୍ଟରେ ମିସା ଜାଁତୁରାଃ ମାୟୋମ୍ ସାବ୍କେଦ୍ତେ ପୁରାଃ ପାବିତାର୍ ଠାୟାଦ୍ତେ ସେନା, ଏନ୍ଲେକା ଇନିଃ ଘାଡ଼ିଘାଡ଼ି ଦାଣ୍ଡୋ ରାକାବ୍ ନାଗେନ୍ତେ କାଏ ସେନ୍ ।

୨୬ ତାବ୍ଦ ଇନିଃକେ ଅତେଦିଶୁମ୍ରାଃ ବାଇୟଃ ହୁଲାକ୍ତାଃଏତେ ପୁରାଃଗି ଦୁକୁ ସାହାତିକ୍ ହବାକାନ୍ତେୟାଃ । ମେନ୍ଦ୍ ଚୁଣ୍ଟୁ ଘିପିଲିରେ ଇନିଃ ଆପାନ୍କେ ଦାଣ୍ଡୋ ରାକାବ୍ ହରାତେ ଜାନାଅ ଯୁଗ୍ ନାକ୍ ପାପ୍ରାଃ ପେଡ଼େକେ ଜିୟନେ ନାଗେନ୍ତେ ହିଜୁଃକାନ୍ ତାଇକେନାଏ ।

୨୭ ସବେନ୍ଦ୍ ହଡକଆଃ ମିସାଗି ଗନଏଃ ହବାଅଃଆ ଆତଃ ଏନ୍ ତାୟମ୍ତେ ପାର୍ମେଶ୍ଵାରଆଃ ବିଚାର୍ ହବାଅଃଆ ।

୨୮ ଏନ୍ଲେକାଗି ପୁରାଃ ହଡକଆଃ ପାପ୍ ସାଜିନେ ନାଗେନ୍ତେ ଶ୍ରୀଷ୍ଟି ମିସାଗି ଦାଣ୍ଡୋୟାନା । ଇନିଃ ଆତଃମିସାଏ ହିଜୁଃଆ, ଇମ୍ତା ପାପ୍ ନାଗେନ୍ତେଦ୍ ବାନଃଗି, ମେନ୍ଦ୍ ଆଇଃକ୍କେ ନେଲ୍ହରାଇ ତାନ୍କକେ ଜୀଉବାଞ୍ଚାଅ ନାଗେନ୍ତେ ହିଜୁଃଆ ।

୧୦

୧ ଯିହୁଦୀକଆଃ ଆନ୍ତୁ ହିଜୁଃତାନ୍ ବୁଗିନ୍ ସାର୍ତି ବିଷାଏରେୟାଃ ମିଆଁଦ୍ ଉମ୍ଲୁ ଲେକାନାଃ ତାନାଃ । ସବେନ୍ଦ୍ ଇମ୍ତା ବାରାଷ୍ଟକେ ବାରାଷ୍ଟ ଏନ୍ ମିଦ୍ ରାକାମ୍ ଦାଣ୍ଡୋ ରାକାବଃତାନା । ଅକନ୍ଦକ ପାର୍ମେଶ୍ଵାରଆଃ ହେପାଦ୍ତେ ହିଜୁଃଆକ, ଆଇନ୍ରେୟାଃ ଏନ୍ ସବେନ୍ଦ୍ ଦାଣ୍ଡୋ ହରାତେ ଇନ୍ଦକୁ ଚିନାଃ ପକ୍ତା ଦାଡ଼ିୟଃତାନାକ ?

୨ ନେ'ଲେକାତେ ପାର୍ମେଶ୍ଵାରଆଃ ସେଞ୍ଜାତାନ୍କ ପାପ୍ହେତେ ସାର୍ତି ବିବେକ୍ରେ ଫାର୍ଚି ଦାଡ଼ିୟଃତେୟାଃକରେଦ୍, ଇନ୍ଦକୁ ଆପାନ୍କେ ପାପି ମେନ୍ତେ କାକ ଆଟ୍କାରେନ୍ତେୟାଃ ଆତଃ ସବେନ୍ଦ୍ ଦାଣ୍ଡୋ ହକାଅଃତେୟାଃ ।

୩ ମେନ୍ଦ୍ ଏନ୍ଲେକା କା ହବାକେଦ୍ତେ ବାରାଷ୍ଟକେ ବାରାଷ୍ଟ ଦାଣ୍ଡୋ ରାକାବ୍ ହରାତେ ହଡକକେ ଆକଆଃ ପାପ୍କେ ପାହାମ୍ଲିଚିକ ତାନା ।

୪ ଚିୟାଃତି ସାଁଶ୍ଟକଆଃ ଆତଃ ମେରମ୍କଆଃ ମାୟୋମ୍ତେ ପାପ୍ କା ସାଜିନ୍ ଦାଡ଼ିୟଃଆ ।

୫ ଏନାମେନ୍ତେ ଶ୍ରୀଷ୍ଟି ଅତେଦିଶୁମ୍ତେ ହିଜୁଃ ସିଦାରେ ପାର୍ମେଶ୍ଵାରକେ କାଜିକିୟା,

“ଆମ୍ ଦାଣ୍ଡୋ ଆତଃ ଦାନ୍ ଏମ୍କରେ କାମ୍ ସୁକୁଃଆ,

ମେନ୍ଦ୍ ଆଇୟାଃ ନାଗେନ୍ତେ ମିଆଁଦ୍ ହଡମ୍ ସେକାଡାକାଦାମ୍ ।

† ୯:୧୮ ଚୁକ୍ତି

୭ ପାପକ ସାଙ୍ଗିନେ ନାଗେନ୍ତେ ଆମ୍ଭ ବେଦି ଚେତାନ୍ରେ ଉରୁବ୍ ଦାଣେଁ ଚାଏ ଜାଁତୁକଆଃ ଦାଣେଁରେ କାମ୍ ସୁକୁଃଆ ।

୮ ଏନାତେ ଆଇଙ୍ଗ୍ କାଜିକିୟାଇଙ୍ଗ୍,

ଆନ୍ତୁ ପୁଅଁରେ ଆଇଁୟାଃ ବିଷାଏ ଅଲାନାନା,

ହେ ପାର୍ମେଶ୍ଵାର୍, ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।”

୯ ସିଦାତେ ଇନିଃ କାଜିକେଦାଏ, “ଆମ୍ ହତରାଃ ପାପ୍ ସାଙ୍ଗିନେ ନାଗେନ୍ତେ ଦାଣେଁରାକାବ୍ ଚାଏ ଦାନ ଏମ୍ ଆତଃ ବେଦି ଚେତାନ୍ରେ ଜାଁତୁକଆଃ ଉରୁବ୍ ଦାଣେଁକ କାମ୍ ଆସିୟା, ଏନ୍ ସବେନାଃରେ ଆମାଃ ସୁକୁ ବାନଃଆ ।” ନେ ସବେନ୍ ଦାଣେଁ ମୁଣାରାଃ ଆନ୍ତୁ ଲେକାତେ ହବାଅଃ ତାଇକେନ୍ରେୟ, ଇନିଃ ନେ ଲେକାଏ କାଜିକାଦ୍ ତାଇକେନା ।

୧୦ ଏନ୍ତେ ଇନିଃ କାଜିକେଦାଏ, “ହେ ପାର୍ମେଶ୍ଵାର୍, ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।” ଏନାତେ ପାର୍ମେଶ୍ଵାର୍ ସିଦା ଦାଣେଁରାକାବ୍ତେୟାଃକେ ଆତମ୍କେଦ୍ତେ, ଏନାରେୟାଃ ବାଦ୍ଲ୍ୟାରେ ଶ୍ରୀଷ୍ଟିଆଃ ଦାଣେଁକେ ଦହକେଦା ।

୧୧ ଚିୟାଃଚି ଯୀଶୁ ଶ୍ରୀଷ୍ଟି ମିସାଗି ଆୟାଃ ହତ୍ତମକେ ସବେନ୍କଆଃ ନାଙ୍ଗ୍ ଦାନ ଏମ୍କେଦ୍ତେ ପାର୍ମେଶ୍ଵାର୍ଆଃ ମନେଲେକାଏ କାମିକେଦା, ଏନାତେ ଆବୁ ସବେନ୍କ ପାପ୍ହେତେ ଫାର୍ଚିୟାକାନାବୁ ।

୧୨ ଯିହୁଦୀ ଯାଜାକ୍ ସବେନ୍ ହୁଲାଙ୍ଗ୍ ଆକଆଃ ସୁସାର୍ କାମି ନାଗେନ୍ତେ ଆତଃ ଘାଡ଼ିଘାଡ଼ି ଏନ୍ ମିଦ୍ରାକାମ୍ଗି ଦାଣେଁରାକାବ୍ ତାନାକ, ମେନ୍ଦ୍ ନେ ସବେନ୍ ଦାଣେଁରାକାବ୍ ହରାତେ ଚିତ୍ତଲ୍ୟା ପାପ୍ କା ସାଙ୍ଗିନଃଆ ।

୧୩ ମେନ୍ଦ୍ ଶ୍ରୀଷ୍ଟି ପାପ୍ ନାଗେନ୍ତେ ମିସାଗି ଦାଣେଁୟାନ୍ଚି ଜାନାଅ ଜାନାଅ ନାଗେନ୍ତେ ପାର୍ମେଶ୍ଵାର୍ଆଃ ଜମ୍ତିଃସାଃରେ ଦୁବ୍ୟାନା ।

୧୪ ପାର୍ମେଶ୍ଵାର୍ ଆୟାଃ ବାଇରିକକେ ପୁରା ଆଉରି ହାରାଅକ ଜାକେଦ୍ ଇନିଃ ଏନ୍ତାଃରେଗି ନେଲ୍ ହରାତାନା ।

୧୫ ମିଆଁଦ୍ ଦାଣେଁରାକାବ୍ ହରାତେ ଅକନ୍କ ପାପ୍ହେତେ ଫାର୍ଚିୟାକାନାକ, ଇନ୍କୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍ତାକାଦ୍କଆ ।

୧୬ ଆତଃ ପାବିତାର୍ ଆମ୍ଭାହିଗି ଆବୁକେ ଇନିୟାଃ ଗାଞ୍ଜା ଏମ୍କେଦ୍ତେ କାଜିକାଦା,

୧୭ “ପ୍ରାଭୁ କାଜିୟାଃଏ,

ହିଜୁଃ ଦିପିଲିକରେ ଆଇଙ୍ଗ୍ ଇନ୍କୁଲଃ ନେ ନାଞ୍ଜା ରାଜିନାମା ବାଇୟାଇଙ୍ଗ୍,

ଆଇଙ୍ଗ୍ ଆଇଁୟାଃ ଆନ୍ତୁକେ ଇନ୍କୁଆଃ ମନ୍ସୁରୁଦ୍ରେଇଙ୍ଗ୍ ଦହୟା

ଆତଃ ଆକଆଃ ମନ୍ରେଇଙ୍ଗ୍ ଅଲେୟା ।”

୧୮ ଇନିଃ ଆତଃଗି କାଜିୟାଃ, “ଆଇଙ୍ଗ୍ ଇନ୍କୁଆଃ ପାପ୍କ ଆତଃ ଏଡ୍କାନ୍ କାମିକ କାଇଙ୍ଗ୍ ପାହାମେୟା ।”

୧୯ ଏନାତେ ଇନ୍କୁ ଛାମା ନାମାକାଦ୍ରେଦ୍, ପାପ୍ ଛାମା ନାଗେନ୍ତେ ଆତଃମିସା ଦାଣେଁରାକାବ୍ କା ଲାଗାଡ଼ିଙ୍ଗ୍ୟାଃ ।

ପାର୍ମେଶ୍ଵାର୍ଆଃ ହେପାଦ୍ତେ ହିଜୁଃକାବୁ

୨୦ ଏନାତେ ହେ ହାଗା ମିଶିକ, ଯୀଶୁଆଃ ଗନଏଃ ହରାତେ ଆବୁ ପୁରାଃ ପାବିତାର୍ ଠାୟାଦ୍ରେ ବଲ୍ ନାଗେନ୍ତେ ପୁରା ଆକ୍ତେୟାର୍ବୁ ନାମାକାଦା ।

୨୧ ପାବିତାର୍ ଆତଃ ପୁରାଃ ପାବିତାର୍ ଠାୟାଦ୍ରେୟାଃ ହାନାଚିଙ୍ଗ୍ ଆଲ୍ୟାରେ ତୁଙ୍ଗାକାନ୍ ଦାନାଙ୍ଗ୍ଲିଜାଃ ହରାତେ ବଲ୍ ନାଙ୍ଗ୍ ଯୀଶୁଆଃ ଗନଏଃ ହରାତେ ଆବୁଆଃ ନାଙ୍ଗ୍ ମିଆଁଦ୍ ଜାନିଦ୍ରାଃ ନାଞ୍ଜା ହରା ନିଜାକାନା ।

୨୨ ପାର୍ମେଶ୍ଵାର୍ଆଃ ଅଡ଼ାଃ ନାହାଁଃ ଆବୁଆଃ ମାରାଙ୍ଗ୍ ଯାଜାକ୍ଆଃ ଜିମାରେ ମେନାଃ ।

୨୩ ଏନାତେ ଆବୁ ଫାର୍ଚି ମନ୍ସୁରୁଦ୍ରେ ଆତଃ ସାର୍ଚି ବିଶ୍ଵାସଲ୍ୟା ପାର୍ମେଶ୍ଵାର୍ଆଃ ହେପାଦ୍ତେବୁ ସେନା, ଚିଆଃଚି ଆବୁ ନାହାଁଃ ଚିଗାକାନ୍ ବିବେକ୍ହେତେ ଶ୍ରୀଷ୍ଟିଆଃ ମାୟୋମ୍ତେ ଫାର୍ଚିକାନାବୁ ଆତଃ ଆବୁଆଃ ହତ୍ତମ୍ ନିରାଲ୍ ଦାଆଃରେ ଆବୁଙ୍ଗ୍କାନା ।

୨୪ ଆବୁଆଃ ଅକନ୍ ଆସା ମେନାଃ ମେନ୍ତେ କାଜିତାନାବୁ, ଏନାରେ ଆବୁ ପୁରାଃ ପକ୍ତାକେଦ୍ତେ ତାଇନ୍ ଲାଗାଡ଼ିଙ୍ଗ୍ୟାଃ, ଚିୟାଃଚି ଆବୁ ପାର୍ମେଶ୍ଵାର୍ଆଃ ବାନାର୍ସାରେ ପାଡ଼ିୟାର୍ ଦାଡ଼ିୟାବୁ ।

୨୫ ଦୁଲାଡ଼୍ ଆତଃ ବୁଗିନ୍ କାମି ନାଗେନ୍ତେ ମିହୁଡ଼୍ ଆତଃମିହୁଡ଼୍ଲଃ ଦେଙ୍ଗାଞ୍ଜାଃବୁ ।

୨୬ ଅକନ୍କ କାଲିସିୟାରେ ହୁଣ୍ଡିୟାଃ ନାଗେନ୍ତେ କାକ ସାନାଙ୍ଗ୍ତାନା, ଇନ୍କୁଆଃ ଲେକା ଆବୁ କାବୁ କାମିୟା । ମେନ୍ଦ୍ ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡ଼େଜଃ ତାନା ମେନ୍ତେ ସାରିକେଦ୍ତେ ମିହୁଡ଼୍ ଆତଃମିହୁଡ଼୍ଆଃ ଜୀଉରେ ରାସ୍କା ଏମ୍ତାନଲଃ ତାଇନାଃବୁ ।

୨୭ ଆବୁତାଃରେ ସାନାର୍ଚି ଉଦ୍ଦୁବ୍ୟାନ୍ ତାୟମ୍ତେ ଆବୁ ସାରି ସାରିଗି ପାପ୍ କାମିରେ ତାଇନାଃବୁରେଦ୍, ଆତଃ ଜେତାନ୍ ଦାଣେଁ ଆବୁକେ ପାପ୍ହେତେ ରାଡ଼ା କାଏ ଦାଡ଼ିୟା ।

୨୮ ତାବ୍ଦ୍, ଆବୁ ହିଜୁଃତାନ୍ ମାରାଙ୍ଗ୍ ବିଚାର୍ରେ ପାର୍ମେଶ୍ଵାର୍ଆଃ ବିରୁଧ୍ରେ କାଜିକଟଙ୍ଗ୍ ହତ୍ତକ ନାଗେନ୍ତେ ତାଇନକାନ୍ ପୁରାଃଗି ସେଙ୍ଗେଲ୍ରେ ଜିୟନଃ ଦାସାକେ ବରକେଦ୍ତେ ତାଙ୍ଗିତେୟାଃଏତେ ଆବୁଆଃ ଏଗାଃ ଦାସା ବାନଃଆ ।

୨୮ ଜେତାଏ ମୁଗା ନାବୀଆଃ ଆନ୍‌ରୁ କାଏ ମାନାତିୟେଆ ଆତଃ ବାରିଆ ଚାଏ ଏନାଏତେ ଆଦକା ଗାଞ୍ଜା ଏମ୍ ହଡକଆଃ ଗାଞ୍ଜାତେ ଇନିଃ ଗୁହ୍ନା ମେନ୍ତେ କାଜିୟଃଆ, ଆତଃ ଇନିଃକେ କା ଲିନିରୁକକେଦ୍‌ତେ ଗନଏଃ ସାଜାଈ ଏମାଃଏ ।

୨୯ ତାବ୍‌ଦ ଉଡ଼ୁଲେପେ, ଜେତାଏ ପାର୍‌ମେଶ୍‌ବରଆଃ ହନ୍‌କେ ହିଲାଇଈତାନା ଆତଃ ପାର୍‌ମେଶ୍‌ବରଆଃ ନାଞ୍ଜା ରାଜିନାମାରେୟାଃ ମାୟୋମ୍ ହରାତେ ପାପ୍‌ହେତେ ଫାର୍‌ତିକାନ୍ ତାଇକେନ୍‌ରେୟ, ଇନିଃ ଏନାକେ ହିଲାଇଈୟେତାନା ଆତଃ ସାୟାଦ୍ ଏମ୍‌ନିଃ ପାବିତାର୍ ଆମ୍‌ବାକେ କା ମାନାତିୟେଦ୍, ଇନିଃ ଚିମିନ୍ ପୁରାଃଗି ସାଜାଈ ନାମେ ଲେକାଏ ହବାଅଃଆ ?

୩୦ ଚିୟାଃତି “ଆଇଁୟାଃ ବାଦଲା ଇଦିରେୟାଃ ଆକ୍‌ତେୟାର୍ ମେନାଃ, ଆଇଈ ସାଜାଈ ଏମ୍‌ନିଃ ତାନିଈ” ନେ କାଜି କାଜିକେଦ୍‌ନିଃକେ ଆବୁ ସାରିତାନାବୁ । ଇନିଃ ଆତଃଗି କାଜିକାଦା, “ପ୍ରାଭୁ ଆୟାଃ ହଡକକେ ବିଚାରକଆ ।”

୩୧ ଜାନିଦ୍ ପାର୍‌ମେଶ୍‌ବରଆଃ ବିଚାରରେ ତିୟାଈତେୟାଃ ଚିମିନ୍ ବରଞ୍ଜାନ୍‌ଗିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ, ପାର୍‌ମେଶ୍‌ବରଆଃ ମାର୍‌ସାଲ୍ ନାମ୍‌କେଦ୍ ତାୟମ୍‌ତେ, ଆପେ ଚିମିନ୍ ରାକାମ୍‌ରେୟାଃ ଦୁକୁ ସାସାତିପେ ନାମ୍‌କେଦା, ଏନ୍‌ରେୟ ଆପେ କାପେ ହାରାଅୟାନା ।

୩୩ ମିସା ମିସାଦ୍ ଆପେ ହଡକଆଃ ଆୟାରରେ ହିଲାଇଈଅଃ ଲେକା ଆତଃ ଦୁକୁତେ ଲାନ୍‌ଆଃ ଲେକାପେ ହବାୟାନା । ଏନ୍‌ଲେକାତେ ଆପେ ଅକନ୍ ହଡକ ନେ ଲେକା ସାହାତିଈ ତାଇକେନାକ, ଇନ୍‌କୁଲଃ ମେସା ନାଗେନ୍ତେ ସେକାଡ଼ୟାନାପେ ।

୩୪ ଆପେ ଜେହେଲାଇକାନ୍‌କଆଃ ଦୁକୁ ହାସୁରେପେ ଦୁକୁୟାନା ଆତଃ ଆପେୟାଃ ଖୁଜ୍ କ ସବେନାଃ ରେଃକ୍‌କଦିୟାନା, ଇମ୍‌ତା ଆପେ ରାସ୍‌କାତେ ସାହାତିଈକେଦାପେ, ଚିୟାଈତି ଆପେୟାଃ ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଜ୍ ମେନାଃ, ଏନାପେ ସାରିକାଦା ।

୩୫ ଏନାମେନ୍ତେ ଆପେ ଜୀଉରେ କେଟେଦ୍‌କାଦ୍‌ତେୟାଃ ଆଲ୍‌ପେ ଆଦେୟା, ଚିୟାଈତି ଏନାରେ ପୁରାଈଗି ନାଲା ନାମାଃଆ ।

୩୬ ପାର୍‌ମେଶ୍‌ବରଆଃ ମନେ ପୁରାକେଦ୍‌ତେ, ଇନିଃ ଏମାରୁଆଏ ମେନ୍ତେ ବାନାର୍‌ସା ଏମାକାଦାଏ, ଏନାକେ ନାମେ ନାଈ ଧୂରାଜ୍ ସାବ୍‌କେଦ୍‌ତେ ତାଇନପେ ।

୩୭ ଚିୟାଈତି ଧାରାମ୍ ପୁଥ୍‌ରେ ଅଲାଇକାନା,

“ଆତଃ କାଟିଃ ପାଡ଼ିକାଦ୍ ତାଜିପେ,

ଅକଏୟାଃ ହିନିଦୁଃରାଃ ମେନାଃ,

ଇନିଃ ହିଦୁଃଆଏ, କାଏ ବିଲାଇମେୟା,

୩୮ ଆଇଁୟାଃ ଧାର୍‌ମାନ୍ ହଡ ବିଶ୍‌ସ୍ ହରାତେ ବାଞ୍ଚାଅଃଆ,

ମେନ୍‌ଦ୍ ଜେତାଏ ତାୟମ୍‌ତେ ରୁହାଡ଼ିନିଃକେ

ଆଇଈ କାଈଈ ସୁକୁଃଆ ।”

୩୯ ଆଲେ ଦୟା ରୁହାଡ଼ିକେଦ୍‌ତେ ଜିୟନଃ ଲେକାନ୍ ହଡକ ନାହାଁଲାଲେ, ମେନ୍‌ଦ୍ ପୁରାଈ ବିଶ୍‌ସ୍‌କାଦ୍ ଆତଃ ଜୀଉ ବାଞ୍ଚାଅ ନାମାକାଦ୍ ହଡକ ତାନିଲେ ।

୧୧

ବିଶ୍‌ସ୍‌ରେୟାଃ ନାମୁନା

୧ ଆବୁ ଆସ୍ତାକାଦ୍‌ତେୟାଃ ନାମ୍‌ୟାନା ମେନ୍ତେ ସାରିତେୟାଃ ଆତଃ କା ନେଲଃତାନ୍‌ତେୟାଃରାଃ ସାର୍‌ତି ସେଣାଁଗି ବିଶ୍‌ସ୍‌ ତାନାଃ ।

୨ ସିଦା ଦିପିଲିରେନ୍ ପ୍ରାଚିନ୍‌କ ଆକଆଃ ବିଶ୍‌ସ୍ ହରାତେ ପାର୍‌ମେଶ୍‌ବରଆଃ ମାଇନ୍ ନାମେ ଲେକାକ ହବାୟାନା ।

୩ *ପାର୍‌ମେଶ୍‌ବରଆଃ ଆନାରୁତେ ନେ ଅତେଦିଶ୍‌ମ୍ ବାଇୟାନା ଆତଃ କା ନେଲଃତେୟାଃଏତେ ନେଲଃତେୟାଃ ବାଇୟାନା, ନେ କାଜି ବିଶ୍‌ସ୍‌ତେ ଏସ୍‌କାର୍ ଆବୁ ସାରିତାନାବୁ ।

୪ ବିଶ୍‌ସ୍ ହରାତେ ହାବିଲ୍ ପାର୍‌ମେଶ୍‌ବରଆଃ ଆୟାରରେ କୟିନ୍‌ଏତେ ପୁରାଈ ବୁଗିନ୍ ଦାଣେଁ ରାକାବ୍‌କେଦା । ଆୟାଈ ବିଶ୍‌ସ୍ ହରାତେ ଇନିଃ ଧାର୍‌ମାନ୍ ମେନ୍ତେ ଉଦୁବେନ୍‌ୟାନା, ପାର୍‌ମେଶ୍‌ବର ଆଇଈକ୍‌ଗି ଆୟାଈ ଦାନ୍ ବିଷାଏରେ ଗାଞ୍ଜା ଏମ୍‌କେଦାଏ, ଆତଃ ଇନିଃ ଗଏଃକାନ୍‌ରେୟ ବିଶ୍‌ସ୍ ହରାତେ ତିସିଈ ଜାକେଦ୍ ବାଞ୍ଚାଁଶ୍‌ତାନାଏ ।

୫ ବିଶ୍‌ସ୍ ହରାତେ ହନୋକ୍ ବେଗାର୍ ଗନଏଃତେ ପାର୍‌ମେଶ୍‌ବରଆଈ ଜାପାଃତେ ସେନଃୟାନା ଆତଃ ଜେତାଏ ଇନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଥ୍‌ରେ ଅଲାଇକାନା, ହନୋକ୍ ପାର୍‌ମେଶ୍‌ବରଆଈ ହେପାଦ୍‌ତେ ସେନଈ ସିଦାରେ ଆୟାଈ ସୁକୁଆନ୍ ଲେକାଗି ହବାୟାନା ।

୬ ବିଶ୍‌ସ୍ ବେଗାର୍ ଜେତାଏ ପାର୍‌ମେଶ୍‌ବରକେ ସୁକୁ କାଏ ଦାଡ଼ିୟା, ଚିୟାଈତି ଜେତାଏ ପାର୍‌ମେଶ୍‌ବରଆଈ ହେପାଦ୍‌ତେ ହିଦୁଃଆ ଇନିଃକେ ପାର୍‌ମେଶ୍‌ବର ମେନାଈୟା ମେନ୍ତେ ବିଶ୍‌ସ୍ ରିକା ଲାଗାତିଈୟାଈ, ପାର୍‌ମେଶ୍‌ବରକେ ଦାଣାଁତାନ୍ ହଡକଆଈ ଆସ୍ତା ପୁରାଏୟାଏ ମେନ୍ତେହିଁ ବିଶ୍‌ସ୍ ରିକା ଲାଗାତିଈୟାଈ ।

☆ ୧୧:୩ ଯୋହାନ୍ ୧:୩.

୭ ବିଶ୍ୱାସ୍ ହରାତେ ନୁହଁ ହିଜୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍ମେଶ୍ୱାର୍ଆଃ ଚେନେତାଅ କାଜି ଆୟୁମ୍ ଦାଡ଼ିକେନା । ଇନିଃ ପାର୍ମେଶ୍ୱାର୍ଆଃ ଆନାରୁ ମାନାତିଙ୍ଗକେଦ୍ତେ ମିଆଁଦ୍ ଜାହାଜ୍ ବାଇକେଦାଏ । ଏନାରେ ଆଇଃକ୍ ଆତଃ ଆୟାଃ ଅଡ଼ାଃରେନକ୍ ବାସ୍ତାଅ ଦାଡ଼ିୟାନା । ଆତଃ ଅତେଦିଶୁମ୍ରେନ୍ ହଡ଼କ୍ ସାଜାଇକ୍ ନାମ୍କେଦା, ମେନ୍ଦ୍ ନୁହଁ ଆୟାଃ ବିଶ୍ୱାସ୍ ହରାତେ ଆରମାନ୍ରେୟାଃ ନାଲାଏ ନାମ୍କେଦା ।

୮ ପାର୍ମେଶ୍ୱାର୍ ଆବ୍ରାହାମ୍‌କେ ଅକନ୍ ଦିଶୁମ୍ ଏମାମେୟାଁଇଙ୍ଗ୍ ମେନ୍ତେ ବାନାର୍‌ସା ଏମାକାଇ ତାଇକେନାଏ, ଏନ୍ ଦିଶୁମ୍‌ତେ ସେନଃ ନାଗେନ୍ତେ ପାର୍ମେଶ୍ୱାର୍ କେଡ଼ାକିଃ ଇମ୍ତା ଆବ୍ରାହାମ୍ ବିଶ୍ୱାସ୍‌ତେ ପାର୍ମେଶ୍ୱାର୍‌ଆଃ ଆନାରୁ ଆୟୁମ୍‌କେଦାଏ, ଆତଃ ଆଇଃକ୍‌କେ କଡ଼ାଃତେ ସେନ୍ ଲାଗାତିଙ୍ଗ୍‌ୟାଁ ଏନାହ ବେଗାର୍ ସାରିତେ ଇନିଃ ଆୟାଃ ଦିଶୁମ୍‌କେ ବାରିକେଦ୍ତେ ଅଡ଼ଙ୍ଗ୍‌ୟାନା ।

୯ ଇନିଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ବାନାର୍‌ସା ଏମାକାଦ୍ ଦିଶୁମ୍‌ରେ ଏଟାଃ ଦିଶୁମ୍‌ରେନ୍ ଲେକାଏ ତାଇନ୍‌ୟାନା । ଇନିଃ କୁମ୍‌ମାରେ ତାଇନ୍‌ୟାନା ଆତଃ ଆୟାଃ ଲେକା ପାର୍ମେଶ୍ୱାର୍‌ତେ ବାନାର୍‌ସା ଏମାକାନ୍ ଇସାକ୍ ଆତଃ ଯାକୁବ୍‌ହଗି ଏନ୍‌ଲେକା କୁମ୍‌ମାରେ ତାଇନ୍‌କାନ୍ ତାଇକେନାକିନ୍ ।

୧୦ ଚିୟାଃତି ଅକନ୍ ନାଗାର୍ ଜାନାଅରେୟାଃ ନିହିଁଗାଡ଼ା ତାନାଃ, ଏନାକେ ନାକ୍‌ସା ଏମ୍‌ନିଃ ଆତଃ ବାବାଇନିଃ ପାର୍ମେଶ୍ୱାର୍‌ଗି ତାନିଃ । ଆବ୍ରାହାମ୍ ଏନ୍ ନାଗାର୍‌କେ ନେଲ୍‌ହରା ତାଇକେନା ।

୧୧ ସାରା ପୁରାଃଗି ବୁଡ଼ିଆକାନ୍ ହରାତେ ଆୟାଃ ହନ୍‌ଗାଁଣା ହବାଅଃରେୟାଃ ପେଡ଼େଃ କା ତାଇକେନ୍‌ରେୟ, ବିଶ୍ୱାସ୍ ହରାତେ ଆବ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନାଏ । ପାର୍ମେଶ୍ୱାର୍ ଆୟାଃ ବାନାର୍‌ସାକେ ପୁରାଏୟା ମେନ୍ତେ ଆବ୍ରାହାମ୍ ବିଶ୍ୱାସ୍‌କାଦ୍ ତାଇକେନାଏ ।

୧୨ ଆବ୍ରାହାମ୍ ଗଜଃଲେକାଏ ତାଇକେନ୍‌ରେୟ, ଆୟାଃତାଃଏତେ ସିର୍ମାରେ ମେନାକ୍ ଇପିଲ୍ ଆତଃ ଦରେୟା ଗେନାରେୟାଃ କା ଲେକାଅଃ ଗିତିଲ୍ ଇମ୍‌ନାଙ୍ଗ୍ ହନ୍‌ଗାଁଣାକ୍ ହବାୟାନା ।

୧୩ ଏନ୍ ସବେନ୍‌କ ବିଶ୍ୱାସ୍‌ରେକ୍ ଗଏଃୟାନା । ପାର୍ମେଶ୍ୱାର୍ ଇନ୍‌କୁକେ ବାନାର୍‌ସା ଏମାକାଦ୍‌କ ତାଇକେନ୍‌ତେୟାଃ ଇନ୍‌କୁ କାକ୍ ନାମ୍ ଦାଡ଼ିକେଦା, ମେନ୍ଦ୍ ସାଙ୍ଗିନେତେ ଏନାକେ ନେଲ୍‌କେଦ୍‌ତେକ୍ ଦାରମ୍‌କେଦା, ଆତଃ ଇନ୍‌କୁ ଆପାନ୍‌କେ ଏଟାଃ ଦିଶୁମ୍‌ରେନ୍ ତାନ୍‌ରୁ ମେନ୍ଦ୍ ନେ ଅତେଦିଶୁମ୍‌ରେ ତାଇନ୍‌ତାନାରୁ ମେନ୍ତେକ୍ ମାନାତିଙ୍ଗକେଦା ।

୧୪ ନେ'ଲେକା କାଜିତାନ୍‌କଦ୍, ଆଲେ ନାଗେନ୍ତେ ଆଲେୟାଃ ଦିଶୁମ୍‌ଲେ ଦାଣ୍ଡାତାନା ମେନ୍ତେକ୍ ଉଦୁବେନ୍‌ତାନା ।

୧୫ ଇନ୍‌କୁ ବାରିକାଦ୍ ଦିଶୁମ୍‌କେ ଆତଃ କାକ୍ ଉଡ଼ୁ ତାଇକେନା, ଇନ୍‌କୁ ଉଡ଼ୁକାତେ ତେୟାଃକରେଦ୍, ଏନ୍ତାଃତେ ରୁହାଡ଼୍ ନାଗେନ୍ତେ ହରାକ୍ ନାମାକାତେତେୟାଃ ।

୧୬ ମେନ୍ଦ୍ ଇନ୍‌କୁ ପୁରାଃ ବୁଗିନ୍ ଦିଶୁମ୍, ଚାଏ ସିର୍ମା ଦିଶୁମ୍‌ତେ ସେନଃ ନାଗେନ୍ତେକ୍ ତେତାଙ୍ଗ୍‌ତାନା । ଏନା ନାଗେନ୍ତେ ଆଇଙ୍ଗ୍ ଇନ୍‌କୁଆଃ ପାର୍ମେଶ୍ୱାରାଈଙ୍ଗ୍ କାଜିୟଃଆ ମେନ୍ତେ ପାର୍ମେଶ୍ୱାର୍ କାଏ ଗିହୁଃକାନ୍ ତାଇକେନା, ଚିୟାଃତି ଇନିଃ ଇନ୍‌କୁ ନାଗେନ୍ତେ ମିଆଁଦ୍ ନାଗାର୍ ବାଇସେକାଡ଼ାକାଦାଏ ।

୧୭ ପାର୍ମେଶ୍ୱାର୍ ଆବ୍ରାହାମ୍‌କେ ବିଡ଼ାଅକିଃ ଇମ୍ତା, ବିଶ୍ୱାସ୍‌ତେ ଆବ୍ରାହାମ୍ ଆୟାଃ ହନ୍‌କଡ଼ା ଇସାକ୍‌କେ ଦାଣ୍ଡା ରାକାବ୍ ନାଙ୍ଗ୍ ସେକାଡ଼୍‌ୟାନାଏ । ପାର୍ମେଶ୍ୱାର୍ ଆବ୍ରାହାମ୍‌କେଗି ଆୟାଃ ବାନାର୍‌ସା କାଜି ଏମାକାଇ ତାଇକେନାଏ, ଏନ୍‌ରେୟ ଆବ୍ରାହାମ୍ ଆୟାଃ ମିଆଁଦ୍‌ଗି ହନ୍‌କଡ଼ାକେ ଦାଣ୍ଡା ରାକାବ୍ ନାଗେନ୍ତେ ସେକାଡ଼୍‌ୟାନା ।

୧୮ ପାର୍ମେଶ୍ୱାର୍ ଇନିଃକେ କାଜିକିୟା, “ଆଇଙ୍ଗ୍ ଆମ୍‌କେ ଅକନ୍ କିଲି ଏମାମେୟାଁଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍‌ମେୟା, ଏନା ଇସାକ୍ ହରାତେଗିମ୍ ନାମେୟା ।”

୧୯ ପାର୍ମେଶ୍ୱାର୍ ଇସାକ୍‌କେ ଗନଏଃହେତେୟ ଜୀଉବିରିଦ୍ ଦାଡ଼ିୟାଏ, ନେ ବିଶ୍ୱାସ୍ ଆବ୍ରାହାମ୍‌ଆଃ ତାଇକେନା । ଆତଃ ସାର୍‌ତି କାଜିଲେରେ, ଆବ୍ରାହାମ୍ ଜନ୍‌କା ଲେକା ଇସାକ୍‌କେ ଗନଏଃହେତେ ନାମ୍ ରୁହାଡ଼୍‌କିୟା ।

୨୦ ଇସାକ୍ ଆୟାଃ ବିଶ୍ୱାସ୍ ହରାତେ ଯାକୁବ୍ ଆତଃ ଏଷାଁକେ ହିଜୁଃ ଦିପିଲି ନାଙ୍ଗ୍ ଆଗିଷ୍‌ବେନାଈଙ୍ଗ୍ ମେନ୍ତେ ବାନାର୍‌ସାଏ ଏମାଦ୍‌କିନା ।

୨୧ ବିଶ୍ୱାସ୍ ହରାତେଗି ଯାକୁବ୍ ଗନଏଃ ସିଦାରେ ଯୋଷେଫ୍ ଆୟାଃ ବାରାନ୍ ହନ୍‌କିନ୍‌କେ ଆଗିଷ୍‌କେଦ୍‌କିନା । ଇନିଃ ଆୟାଃ ସେସେନ୍ ସଗାରେୟାଃ ରୁଚିରେ ଅଧ୍‌ଲାଅକେଦ୍‌ତେ ପାର୍ମେଶ୍ୱାର୍‌କେ ଜହାଡ଼୍‌କିୟା ।

୨୨ ଯୋଷେଫ୍ ଆୟାଃ ଗନଏଃ ଇମ୍‌ତାରେ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କ୍‌ଆଃ ମିସାର୍ ଦିଶୁମ୍‌ଏତେ ସେନଃ ବିଷାଏରେ ସିଦାରେ କାଜିକାଦ୍ ତାଇକେନା, ଆତଃ ଆୟାଃ ଗନଏଃ ହଡ଼ମ୍ ଚିକ୍‌ନାଃ ଚିକାଅଃଆ ଏନ୍ ବିଷାଏରେ ଆରୁକାଦ୍ ତାଇକେନା ।

୨୩ ବିଶ୍ୱାସ୍ ହରାତେ ମୁଶା ନାବୀଆଃ ଏଙ୍ଗାଆପୁକିନ୍ ଆୟାଃ ଜାନାମ୍ ଦିପିଲିରେ ଇନିଃକେ ମିଆଁଦ୍ ସୁଗାଡ଼ାନ୍ ହନ୍ ମେନ୍ତେ ନେଲ୍‌କେଦ୍‌ତେ ରାଜା ହୁକୁମାକାଦ୍ ଆନାରୁକେହ୍ କା ମାନାତିଙ୍ଗ୍ ନାଗେନ୍ତେ କାକିନ୍ ବରକେଦା, ଆତଃ ଆପି ଚାଣ୍ଡୁ* ଜାକେଦ୍ ଇନିଃକେକିନ୍ ଉକୁକିୟା ।

* ୧୧:୨୩ ମାହିଁନା

୨୪ ମୁଗା ନାବୀ ହାରା ଦାଡ଼ିୟାନ୍ ତାୟମ୍‌ତେ ବିଶ୍ୱାସ୍ ହରାତେ ଫାରୋ ରାଜାରାଃ ହନ୍ତେକୁଡ଼ିରାଃ ହନ୍ ନାହାଁଲିଙ୍ଗ୍ ମେନ୍ତେ କାଜିକେଦା ।

୨୫ ପାପ୍‌ରେ ତାଇନ୍‌କେଦ୍‌ତେ କାଟିଃ ଲେକା ସୁକୁ ନାମେତେୟାଃଏତେଦ୍ ପାର୍‌ମେଶ୍ୱାର୍‌ଆଃ ହଡ଼କଲଃ ଦୁକୁ ସାହାଡ଼ିଙ୍ଗ୍‌ତେୟାଃ ବୁଗିନାଃ ତାନାଃ ମେନ୍ତେ ଇନିଃକେ ସୁକୁକିୟା ।

୨୬ ଇନିଃକେ ମିସାର୍ ଦିଶୁମ୍‌ରେୟାଃ ସବେନ୍ ଖୁଜ୍ କିଏତେ ମାସି ନାଗେନ୍ତେ ନିନ୍‌ଆଃତେୟାଃ ପୁରାଃ ବୁଗିନାଃ ତାନାଃ ମେନ୍ତେ ଆଟ୍‌କାର୍‌କେଦା, ଚିୟାଃତି ହିଜୁଃ ଦିପିଲିରେୟାଃ ନାଲାଇକେ ହେତାକାଦ୍ ତାଇକେନା ।

୨୭ ମୁଗା ନାବୀ ଆୟାଃ ବିଶ୍ୱାସ୍ ହରାତେ ରାଜାରାଃ ଖସ୍‌କେ କା ବରକେଦ୍‌ତେ ମିସାର୍ ଦିଶୁମ୍‌କେ ବାଗିକେଦା, ଆଡ଼ଃ ଇନିଃ କା ନେଲଃ ପାର୍‌ମେଶ୍ୱାର୍‌କେ ନେଲାଇକାଃ ଲେକାଗି ଆଟ୍‌କାର୍‌କେଦ୍‌ତେ ହିଜୁଃ ରୁହାଡ୍ ନାଗେନ୍ତେ କାଏ ସାନାଙ୍ଗ୍‌କେଦା ।

୨୮ ଇସ୍ରାଏଲ୍‌ରେନ୍ ମୁଡ଼କୁଲ୍ ହନ୍‌କକେ ଗନଏଃରେନ୍ ଦୁଡ୍ ଆଲକାଏ ଗଏଃକକା ମେନ୍ତେ ଇନିଃ ବିଶ୍ୱାସ୍ ହରାତେ ପାସ୍‌କା ପାରାଦ୍‌କେ ମାନାଡ଼ିଙ୍ଗ୍ ନାଗେନ୍ତେ ଆଡ଼ଃ ଦୁଆର୍‌ରେ ମାୟୋମ୍ ହିରତି ନାଗେନ୍ତେ ଆଚୁକେଦା ।

୨୯ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କ ରହଡ୍ ଅତେରେ ସେସେନ୍‌ତାନ୍ ଲେକା ଆରାଃ ଦରେୟାକେକ ସେନ୍ ପାରମ୍‌କେଦା, ମେନ୍‌ଦ୍ ମିସାର୍‌ରେନ୍ ହଡ଼କ ସେନ୍ ପାରମାଃ ତାଇକେନ୍‌ରେ, ଏନାରେ ତୁବିଃଗ୍ ଗଏଃୟାନାକ ।

୩୦ ବିଶ୍ୱାସ୍ ହରାତେ ଇସ୍ରାଏଲ୍‌ରେନ୍ ହଡ଼କ ଯିରିହୋ ନାଗାର୍‌ରେୟାଃ ଭିଡ଼ିରାଃ ଚାରିୟସାଃରେ ସାଡ୍ ଦିନ୍ ହନ୍‌ର୍ ବିୟୁରକେଦ୍ ତାୟମ୍‌ତେ ଏନାରେୟାଃ ଭିଡ଼ ଉୟୁଃୟାନା ।

୩୧ ବିଶ୍ୱାସ୍ ହରାତେ ବେଶ୍ୱା କୁଡ଼ି ରାହାଦ୍, ଇସ୍ରାଏଲ୍‌ରେନ୍ ହଡ଼କକେ ଅକନ୍‌କଟି ଉକୁକେଦ୍‌ତେ ସେନାକାନ୍ ତାଇକେନାକ, ଇନ୍‌କୁକେ ଦାରମ୍‌କେଦ୍‌କ ହରାତେ ପାର୍‌ମେଶ୍ୱାର୍‌କେ କା ମାନାଡ଼ିଙ୍ଗ୍‌ତାନ୍ ହଡ଼କଲଃ କା ଗଏଃକେଦ୍‌ତେ ବାସ୍ତାଅ ନାମ୍‌କେଦାଏ ।

୩୨ ଆଡ଼ଃ ଆଦକା ଚିନାଃ କାଜିୟାଈଙ୍ଗ୍ ? ଗିଦିୟନ୍, ବାରାକ୍, ସାମ୍‌ସନ୍, ଯିପ୍ରାହ୍, ଦାଉଦ୍, ଶାମୁଏଲ୍ ଆଡ଼ଃ ଆୟାର୍‌କାଜିକଆଃ ବିଷାଏରେ କାଜିଲେରେ, ନେଡା କା ହବାଅଃଆ ।

୩୩ ବିଶ୍ୱାସ୍ ହରାତେ ଇନ୍‌କୁ ଲାଡ଼ାଇକେଦ୍‌ତେ ରାଇଜ୍‌କ ଆମ୍‌ଲାଇକେଦା । ଇନ୍‌କୁ ପୁରାଃ ବୁଗିନାଃ କାମିକ କାମିକେଦା ଆଡ଼ଃ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକ ନାମ୍‌କେଦା । ଇନ୍‌କୁ କୁଲାଇକଆଃ ମଟାକ ତେପେଦ୍‌କେଦା,

୩୪ ସେଙ୍ଗେଲ୍‌ରେୟାଃ ପୁରାଃ ଏଲାଇକ୍ ହକାକେଦା ଆଡ଼ଃ ଲେସେର୍ ତାରାଉଡ଼ିଏତେକ ବାସ୍ତାଅୟାନା । ଇନ୍‌କୁ କା ପେଡେୟାନ୍‌ଗିକ ତାଇକେନା, ମେନ୍‌ଦ୍ ପୁରାଃ ପେଡେୟାନ୍‌କ ହବାୟାନା, ଲାଡ଼ାଇରେ ଜିତାଅୟାନାକ ଆଡ଼ଃ ଏଟାଃ ଦିଶୁମ୍‌ରେନ୍ ପାଲ୍‌ଟାନ୍‌କଆଃ ଗାଡ଼କକେ ଧାସୁଡ଼କେଦାକ ।

୩୫ ବିଶ୍ୱାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଟୁମ୍‌କେ ଜୀଉବିରିଦାକାନ୍ ନାମ୍‌ରୁହାଡ୍ କେଦ୍‌କଆକ । ଏଟାଃକ ପୁରାଃ ବୁଗିନ୍ ଜୀଉବିରିଦ୍ ନାମେରେୟାଃ ଆସ୍ରାରେ, ରାଡ଼ାନ୍ କା ସାନାଙ୍ଗ୍‌କେଦ୍‌ତେ ପୁରାଃ ସାସାଡ଼ିକ ନାମ୍‌କେଦା ।

୩୬ ଚିମିନ୍ ହଡ଼କକେ ଲାୟାକେଦ୍‌କଆକ, ଆଡ଼ଃ ଚିମିନ୍‌କକେ ଚାବୁକ୍‌ତେକ ହାଁଶ୍‌ସାକେଦ୍‌କଆ, ଆଡ଼ଃକକେ ସିକିଡ଼ିତେ ତଲ୍‌କେଦ୍‌ତେ ଜେହେଲ୍‌ତେକ ଇଦିକେଦ୍‌କଆ ।

୩୭ ଆଡ଼ଃ ଚିମିନ୍ ହଡ଼କକେ ଦିରିତେକ ଚିଦ୍‌ଗି ଗଏଃକେଦ୍‌କଆ ଆଡ଼ଃ କାରାଡ଼‌ତେକ ବାର୍ ହିସାକେଦ୍‌କଆ, ଆଡ଼ଃ ତାରାଉଡ଼ିତେକ ଗଏଃକେଦ୍‌କଆ, ଆଡ଼ଃ ଅକଏ ଅକଏଦ୍ ମିଶ୍ଟି ଆଡ଼ଃ ମେରମ୍‌କଆଃ ଉହୁର୍ ତୁସିଙ୍ଗ୍‌କେଦ୍‌ତେ ନାରାଦୁରାଗି, ସାସାଡ଼ି ଆଡ଼ଃ ସିଗିଦ୍‌ୟାନ୍‌ଲଃ ନେତେ ହାନ୍ତେକ ହନ୍‌ର୍‌ବାଡ଼ା ତାଇକେନା ।

୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶୁମ୍‌ରେ ବୁଗିନ୍ ଠାୟାଦ୍ କା ତାଇକେନା । ଇନ୍‌କୁ କା ଚିହ୍ନାଁର୍ ହଡ଼ ଲେକା ହନ୍‌ର୍‌ତାନ୍‌ଲଃ ବିର୍‌ରେ, ବୁରୁରେ, ଆଡ଼ଃ ଅତେରେୟାଃ ଲାପାଙ୍ଗା ଆଡ଼ଃ ସୁରୁଙ୍ଗ୍‌ରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ୱାସ୍ ହରାତେ ମାଇନ୍ ନାମେଲେକାକ ହବାକାନା । ଏନ୍‌ରେୟ ଇନ୍‌କୁ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ କାକ ନାମ୍‌କେଦା,

୪୦ ଚିୟାଃତି ପାର୍‌ମେଶ୍ୱାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାଟ୍‌କାଦ୍ ତାଇକେନା । ଇନ୍‌କୁ ଆବୁଲଃ ଏସ୍‌କାର୍ ପକ୍‌ତାଃଅକାକ ମେନ୍ତେ ଆୟାଃ ଇଛାସାନାଙ୍ଗ୍ ତାଇକେନା ।

୧୨

ପାର୍‌ମେଶ୍ୱାର୍ ଆବୁଆଃ ଆପୁ

୧ ନେ'ଲେକା ଗାଝାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟସାଃରେ ମେନାକଆ, ଏନାମେନ୍ତେ ମାର୍ ହିଜୁଃପେ, ଆବୁ ନିରେତାନ୍ ଇମ୍‌ତା ଅକ୍‌ନାଃ ଆବୁକେ ଛେକାଦ୍‌ବୁତାନା ଆଡ଼ଃ କେଟେୟାନ୍‌ଗି ସାବ୍‌ବୁତାନ୍ ପାପ୍‌କେ ବାଗିତାନ୍‌ଲଃ, ଦଲାରୁ, ଏନ୍ତାଃତେ ନିର୍ ସେଟେରେ ନାଙ୍ଗ୍ ଧିରାଜ୍ ସାବ୍‌କେଦ୍‌ତେ ଆବୁଆଃ ଆୟାର୍‌ରେୟାଃ ନିର୍‌ରେ ହରାରେବୁ ନିର୍‌ରେୟା ।

† ୧୧:୩୦ ପାଠ୍‌ରି

୨ ଅକନ୍ ଯାଶୁକେ ଆବୁ ମୁନ୍ନୁଏତେ ଚୁଣ୍ଡୁଜାକେଦ୍ ବିଶ୍ୱାସକାଈଜାବୁ, ଇନିୟାଃ ଚେତାନ୍ରେଗି ଆବୁଆଃ ମେଦ୍ ଦହକାନ୍କା । ଇନିଃ କୁଶ୍ୱରାଃ ବରତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍ଦ୍ ହିନ୍ଦୁଃ ଦିପିଲିରେ ଆୟାଃ ନାଈ ଅକନ୍ ରାସକା ମେନାଃ, ଏନା ନାଗେନ୍ତେ କୁଶ୍ୱରେୟାଃ ଗନଏଃକେ ଇନିଃ ବାନଃ ମେନ୍ତେ କାଏ କାଜିକେଦା, ଆତଃ ନାହାଁଃ ଇନିଃ ପାର୍ମେଶ୍ୱାର୍ ଆଃ ରାଜ୍ଗାଦିରେୟାଃ ଜମ୍ପାଃରେ ଦୁବାକାନା ।

୩ ଇନିଃ ପାପିକତାଃଏତେ ଚିମିନ୍ ପୁରାଃଗି ହିଲାଇୟାନା ଆତଃ ଚିମିନ୍ଗି ଦୁକୁ ସାହାତିକ୍କେଦା, ଏନା ଉଡ଼ୁଲେପେ ! ଏନାତେ ଆପେ ଆପେୟାଃ ମନ୍ରେ ଆଲ୍ପେ ହୁଡ଼ିକ୍କଜୀଉଃଆ ଆତଃ ଆଲ୍ପେ ଲାଗାଉତାରଃଆ ।

୪ ଚିୟାଃଚି ଆପେକେ ପାପ୍ ବିରୁଧ୍ରେ ଲାଡ଼ାଇକେଦ୍ତେ ନାହାଁଃ ଜାକେଦ୍ ମାୟୋମ୍ ଲିକ୍ମିୟଃ ଲେକା ଆଉରିପେ ହବାଅଃଆ ।

୫ ପାର୍ମେଶ୍ୱାର୍ ଆୟାଃ ହନ୍କ ଲେକା ଆପେକେ ଅକ ଜୀଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାକାଦାପେ ?

“ଏ ଆଇୟାଃ ହନ୍, ପ୍ରାଭୁଆଃ ଚେନେତାଅ କାଜିକେ ରାଖାଲାନ କାଜିଲେକା ଆଲମ୍ ଆଟ୍ଟକାରେୟା, ଚାଏ ଇନିଃ ଆମ୍ବେ ଏଗେର୍ମେ ଇମ୍ତା ଆଲମ୍ ହୁଡ଼ିକ୍କଜୀଉଃଆ ।

୬ ଚିୟାଃଚି ପ୍ରାଭୁ ଜେତାଏକେ ଦୁଲ୍ଲାଡ଼ାଃଏ, ଇନିଃକେ ଚେତାଅଆଃ, ଆତଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ ।”

୭ ଆପେୟାଃ ଦୁକୁହାସୁକେ ପାର୍ମେଶ୍ୱାର୍ ଆଃ ସାଜାଇତାନାଃ ମେନ୍ତେ ଆଟ୍ଟକାଟ୍ଟକେଦ୍ତେ ସାହାତିକ୍କେୟେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍ଲାଅ ସାଜାଇ କା ନାମାକାଦ୍ ଜେତା ହନ୍ ମେନାଇୟା ଚି ?

୮ ମେନ୍ଦ୍ ଆପେ ସବେନ୍କ ଆୟାଃ ହନ୍କ ଲେକା ସାଜାଇ କାପେ ନାମାକାଦ୍ରେଦ୍, ଆପେ ସାର୍ତି ହନ୍ ନାହାଁଲାପେ, ମେନ୍ଦ୍ ଲାମ୍ପି* ହନ୍ତାନ୍ପେ ।

୯ ଅତେଦିଶୁମ୍ରେନ୍ ଆବୁଆଃ ଆପୁକ ଆବୁକେ ସାଜାଇ ଏମାବୁତାନ୍ରେୟ, ଆବୁ ଇନ୍କୁକେ ମାଇନ୍କ ତାନାବୁ, ତାବ୍ଦ୍ ଆବୁଆଃ ଆମ୍ବିକ୍ ଆପୁଆଃ ଚେନେତାଅରେ ଜାନିଦ୍ ତାଇନଃ ନାଈ ଚିମିନ୍ ଆଦ୍ କା ବୁଗିନ୍ ତାଇନ୍ ଲାଗାଡ଼ିକ୍ମିୟାଃ !

୧୦ ଅତେଦିଶୁମ୍ରେନ୍ ଆବୁଆଃ ଆପୁକଆଃ ନେପେଲ୍ରେ ଅକ୍ନାଃ ଠାଉକାଗିୟା, ଏନ୍ଲେକାଗି ଆବୁକେ କାଟିଃ ଘାଡ଼ିକାଦ୍ ନାଈ ସାଜାଇ ଏମାଦ୍ବୁତାନାକ, ମେନ୍ଦ୍ ଆବୁ ପାର୍ମେଶ୍ୱାର୍ ଆଃ ପାବିତାର୍ରେୟାଃ ହାନାଟିକ୍ବୁ ନାମେକା ମେନ୍ତେ ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃଏ ।

୧୧ ସାଜାଇ ନାମେ ଇମ୍ତା ଆବୁକେ ଦୁକୁ ଆଟ୍ଟକାରାଃ, ସୁକୁ କା ଆଟ୍ଟକାରାଃ । ମେନ୍ଦ୍ ସାଜାଇ ନାମକେଦ୍ତେ ଅକନ୍କ ଆକଆଃ ଜୀଦାନ୍ ବାଇୟାକାଦାକ, ଇନ୍କୁ ତାୟମ୍ତେ ଜୀଉସୁକ୍ରେୟାଃ ଧାର୍ମାନ୍ ଜୀଦାନ୍ ଲେକାନ୍ ନାଲାଇ ନାମେୟା ।

ଇନିତୁ ଆତଃ ଚେନେତାଅ

୧୨ ଏନାତେ ଆପେୟାଃ କା ପେଡ଼େୟାନ୍ ତିଃଇକେ ଆତଃ ଏକ୍ଲାଅଃତାନ୍ ମୁକ୍ତିକେ କେଟେଜେପେ ।

୧୩ କା ସେସେନ୍ ଦାଡ଼ିତାନ୍ କାଟା ଆଲକା ଆଡ଼ମଃକା ମେନ୍ଦ୍ ବୁଗିୟଃକା ମେନ୍ତେ ସିଧା ହରାରେ ସେନ୍କାତେକାଏ ।

୧୪ ସବେନ୍କଲଃ ସୁକୁଜୀଉରେ ତାଇନଃ ନାଗେନ୍ତେ ଆତଃ ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ ଚିହୁଲେନ୍ପେ, ଚିୟାଃଚି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡ଼ିୟା ।

୧୫ ଜେତାଏ ପାର୍ମେଶ୍ୱାର୍ ଆଃ ସାୟାଦ୍ହେତେ ଆଲକାଏ ରୁହାଡ଼କା, ଏନାମେନ୍ତେ ଚିର୍ଗାଲାଇନ୍ ତାଇନ୍ପେ । ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ବୁଟା ହାରାକରେ, ଏନାରେୟାଃ ମାହୁଁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ ।

୧୬ ଜେତାଏ ଆପାକ୍ଟିର୍ କାମିନିଃ ଚାଏ ମିସାଗି ଜମେ ନାଗେନ୍ତେ ଆପ୍ନାଃ ମୁଡ଼କୁଲ୍ରେୟାଃ ଆକ୍ତେୟାର୍କେ ଆଖ୍ରିକ୍କେଦ୍ ଏଷ୍ଟି ଲେକା କା ଧାର୍ମାନ୍ ଆଲକାଏ ହବାଅଃକା ।

୧୭ ତାୟମ୍ତେ ଇନିଃ ଆପୁତେୟାଃ ଆଶିଷ୍ରେୟାଃ ଆକ୍ତେୟାର୍ ନାମେ ନାଗେନ୍ତେ ସାନାକ୍କେଦ୍ରେୟ, ଇନିଃ ଗେନା ଆତମ୍ପାୟନାଏ, ପୁରାଃଗି ରାଆଃକେଦ୍ ରେୟ ଆଇଃକ୍ କାମିକାଦ୍ତେୟାଃ କାଏ ବାଦ୍ଲାଇ ଦାଡ଼ିୟାନା ।

୧୮ ଇସ୍ରାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଃତାନ୍ ସେଜେଲ୍, କୁଲ୍କୁଲ୍ ନୁବାଃ, ହୁରଲାଇ ସୟ,

୧୯ ବିକ୍ଟୁଲ୍ ବାଜା ସାଡ଼ି, କାଜିରେୟାଃ ସାଡ଼ି ଆପେ କାପେ ଆୟୁମ୍ । ଇସ୍ରାଏଲ୍ ହଡ଼କ ଏନ୍ ସାଡ଼ି ଆୟୁମ୍କେଦ୍ତେ, ଆତଃ କାଲେ ଆୟୁମାଃ ମେନ୍ତେ ବିକ୍ତିକିୟାକ,

୨୦ ଚିୟାଃଚି “ଜେତା ଜାଁତୁହଗି ଏନ୍ ବୁରୁକେ ଜୁଟିଦ୍ତାରେ, ଇନିଃକେ ଦିରିତେ ଚିଦ୍ଗି ଗଏଃ ଲାଗାଡ଼ିକ୍ମିୟାଃ” ମେନ୍ତେ ଆବୁକାନ୍ ତାଇକେନା, ଏନାକେ ଇନ୍କୁ କାକ ସାହାତିକ୍ ଦାଡ଼ିକେନା ।

୨୧ ଏନା ନେଲଃରେ ପୁରାଃ ବରଞ୍ଜାନ୍ଗି ତାଇକେନା ଯେ, ମୁଶା ନାବୀ କାଜିକେଦା, “ଆଇକ୍ ପୁରାଃଗିଇକ୍ ବରତାନା ଆତଃ ଏକ୍ଲାଅଃତାନା ।”

* ୧୨:୮ ବେଗାର୍ ଆପୁରେନ୍ ହନ୍

୨୨ ମେନ୍ଦ ଆପେ ସିନାଲ ବୁରୁତେ, ଜୀନିଦ୍ ପାର୍ମେଶ୍ଵାର୍ ଆଃ ନାଗାର୍ ସିର୍ମାରେୟାଃ ଯୀରୁଶାଲେମ୍ ତେପେ ହିଜୁଃକାନା, ଅକ୍ତାଃରେଚି କା ଲେକାଦାଡ଼ିୟଃ ସିର୍ମା ଦୁଁଡ଼କ ହୁଣ୍ଡିୟଃତାନା ।

୨୩ ପାର୍ମେଶ୍ଵାର୍ ଆଃ ଅକନ୍ ମୁଡ଼କୁଲ୍ ହନ୍କଆଃ ନୁଡୁମ୍ ସିର୍ମାରେ ଅଲ୍ଲକାନା, ଆପେ ଇନ୍କୁଆଃ ରାସ୍ କାରେ ହୁଣ୍ଡିନ୍ ନାଗେନ୍ତେପେ ହିଜୁଃକାନା । ପାର୍ମେଶ୍ଵାର୍ ସବେନ୍କଆଃ ବିଚାର୍ନିଃ ତାନିଃ, ଆପେ ଇନିଃତାଃତେ ଆଡଃ ପକ୍ତାକାନ୍ ଧାର୍ମାନ୍ ହଡକଆଃ ଆମ୍ବାକତାଃତେପେ ହିଜୁଃକାନା ।

୨୪ ନାଞ୍ଜା ରାଜିନାମାକେ ଠାହାରାଅକାଦ୍ ଯୀଶୁତାଃତେ ଆଡଃ ନେ ହିର୍ଚିୟାକାନ୍ ମାୟୋମ୍ ହେପାଦ୍ ତେପେ ହିଜୁଃକାନା । ଏନ୍ ହିର୍ଚିୟାକାନ୍ ମାୟୋମ୍ ହାବିଲ୍ ଆଃ ମାୟୋମ୍ ଏତେ ପୁରାଃଗି ବୁଗିନାଃ ତାନାଃ ।

୨୫ ଏନାତେ ଚିର୍ଗାଲ୍ଲକାନ୍ ତାଇନ୍ଦେ, ଇନିୟାଃ କାଜିକେ ଆୟୁମ୍ ନାଗେନ୍ତେ ଆଲ୍ପେ ହିର୍ଚିଚାଅଆ, ଚିୟାଃଚି ସିର୍ମାରେୟାଃ କାଜି ଅତେଦିଶୁମ୍ରେ ଉଦୁବକେଦ୍ ନିଃକେ ଅକନ୍ କାକ ଆୟୁମ୍ କିୟା, ଇନ୍କୁ ଜେତାଏ କାକ ବାଚାଅୟାନା । ଏନ୍ରେଦ, ନାହାଁଃ ଅକ୍ ଏଚି ସିର୍ମାରେ ତାଇନ୍ଦେଦ୍ କାଜିତାନାଏ, ଇନିଃକେ ଆବୁ କାବୁ ମାନାତିକ୍ରେଦ୍ ଚିନାଃ ଆବୁ ବାଞ୍ଚାଞ୍ଜେନ୍ ଦାଡ଼ିୟାବୁ ?

୨୬ ଏନ୍ ଦିପିଲିରେ ଇନିୟାଃ ଲାଦ୍ ଜା ଅତେକେ ଏକ୍ଲାଅକେଦାଏ, ମେନ୍ଦ ନାହାଁଃ ଇନିଃ ବାନାର୍ ସା ଏମାକାଦାଏ, “ଆଇଙ୍ଗ୍ ଆଡଃମିସା ଅତେକେ ଏସକାର୍ କାହା, ମେନ୍ଦ ସିର୍ମାକେହିଁ ଏକ୍ଲାଅୟାଇଙ୍ଗ୍ ।”

୨୭ “ଆଡଃମିସା” ମେନ୍ତେ କାଜିକେଦ୍ ହରାତେ ଆଚ୍ କାରତାନା ଯେ, ବାଇୟାକାନ୍ ତେୟାଃ ସବେନାଃ ଏକ୍ଲାଅଆ ଆଡଃ ଆତମଃଆ ଆଡଃ ଅକ୍ନାଃ କା ଏକ୍ଲାଅଆ ଏନା ତାଇନିଆ ।

୨୮ ଏନାତେ ଆବୁ କା ଏକ୍ଲାଅଆ ରାଇଜକେବୁ ନାମେତାନ୍ ନାଗେନ୍ତେ ଏଲ୍ଲା ହିଜୁଃପେ, ଆବୁ ପାର୍ମେଶ୍ଵାର୍ କେବୁ ଜହାରିୟା ଆଡଃ ବରଭାକ୍ତିତାନ୍ ଲଃ ଆୟାଃ ସୁକୁଆନ୍ ହବାଅଃ ଲେକାବୁ ସୁସାରିୟା ।

୨୯ ଚିୟାଃଚି ଆବୁଆଃ ପାର୍ମେଶ୍ଵାର୍ ଜିୟନେତାନ୍ ସେଙ୍ଗେଲ୍ ତାନିଃ ।

୧୩

ପାର୍ମେଶ୍ଵାର୍ କେ ସୁକୁଇଚି

୧ ଖ୍ରୀଷ୍ଟିୟାନ୍ ହାଗା ମିଶିକ ମିହୁଡ୍ ଆଡଃମିହୁଡ୍ କେ ଦୁଲ୍ଲାଡ଼କାତେକ୍ତେପେ ।

୨ ଆପେୟାଃ ଅଡଃତେ ହିଜୁଃତାନ୍ ହଡକକେ ଦାରମ୍ କା ନାଗେନ୍ତେ ଆଲ୍ପେ ରିଡ଼ିଙ୍ଗ୍ ଯେଁଆ । ଚିମିନ୍ ହଡକ ନେ'ଲେକା କାମିତାନ୍ ହରାତେ ବେଗାର୍ ସାରିତେ ସିର୍ମାରେନ୍ ଦୁଁଡ଼କକେ ଦାରମ୍ କେଦ୍ କଆକ ।

୩ ଜେହେଲ୍ଲକାନ୍ ହଡକଲଃ ଆପେୟାଃ ଇନ୍କୁଲଃ ଜେହେଲ୍ଲକାନ୍ ଲେକା ଉଡ଼ୁକେଦ୍ ତେ ଇନ୍କୁକେ ପାହାମ୍ କ୍ତେପେ । ଆପେୟାଃ ହାସା ହଡ଼ମ୍ରେନ୍ ହଡକତାନ୍ପେ ମେନ୍ତେ ଆଚ୍ କାରତାନ୍ ଲଃ ଦୁକୁହାସୁ ନାମେତାନ୍ ହଡକକେ ପାହାମ୍ କ୍ତେପେ ।

୪ ଆଣ୍ଡିୟାଃତେୟାଃ ସବେନ୍କ ନାଗେନ୍ତେ ମାଇନାନ୍ ହବାଅଃକା, ଆଡଃ କଡ଼ା କୁଡ଼ି ବାରାନ୍ କିନ୍ ଗି ପାଡ଼ିୟାଃରୁଃ ଲେକାକିନ୍ ହବାଅଃକା । ପାର୍ମେଶ୍ଵାର୍ ହଡ଼ମ୍ରେୟାଃ ଏଡକାନ୍ ସାନାଙ୍ଗ୍ କାମିତାନ୍ ଆଡଃ ଆପାଙ୍ଗ୍ କାମିତାନ୍ କକେ ବିଚାର୍ କଆ ।

୫ ଆପେୟାଃ ଜୀଦାନ୍ରେ ଟାକା ପାଏସାରାଃ ହାୟାହେତେ ସାଙ୍ଗିନ୍ରେ ତାଇନ୍ଦେ, ଆଡଃ ଆପେତାଃରେ ଅକ୍ନାଃ ମେନାଃ ଇମ୍ନାଙ୍ଗ୍ରେଚି ସୁକୁକେଦ୍ ତାଇନ୍ଦେ । ଚିୟାଃଚି ପାର୍ମେଶ୍ଵାର୍ କାଜିକେଦାଏ, “ଆଇଙ୍ଗ୍ ଆମ୍ କେ ଚିଉଲ୍ଲାଅ କାଇଙ୍ଗ୍ ଆଡଃମେୟାଁ, ଚି ଚିଉଲ୍ଲା କାଇଙ୍ଗ୍ ବାଗିମେୟାଁ ।”

୬ ଏନାତେ ଆବୁ ଜୀଉରେ କେଟେଦ୍ କେଦ୍ ତେ କାଜି ଦାଡ଼ିୟାବୁ,
“ପ୍ରାଭୁ ଆଇଁୟାଃ ଦେଙ୍ଗାନିଃ ତାନିଃ,
ଆଇଙ୍ଗ୍ କାଇଙ୍ଗ୍ ବରଏୟା ।

ହଡ଼ ଆଇଁୟାଃ ଚିନାଃ ରିକା ଦାଡ଼ିୟାଏ ?”

୭ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍ମେଶ୍ଵାର୍ ଆଃ କାଜିକ କାଜିକେଦ୍ ପେୟା ଏନା ପାହାମେପେ । ଇନ୍କୁଆଃ ଜୀଦାନ୍ ଆଡଃ ଗନ୍ ଏଃ ଚିଲ୍ କା ହବାଲେନା ଏନା ପାହାମ୍ ରୁହାଡ଼େପେ ଆଡଃ ଇନ୍କୁଆଃ ବିଶ୍ଵାସକେ ଆପେୟାଃ ଜୀଦାନ୍ରେ ଅତଙ୍ଗ୍ ଯେଁପେ ।

୮ ଯୀଶୁ ଖ୍ରୀଷ୍ଟ୍ ହଲ୍ଲା, ତିସିଙ୍ଗ୍, ଆଡଃ ଜାନାଅ ଜାନାଅ ଜାକେଦ୍ ମିଦ୍ ଗି ତାଇନା ।

୯ ରାକାମ୍ ରାକାମ୍ ଏଟାଃ ଇନିଡୁତେ ଆପେୟାଃ ବୁଗିନ୍ ହରା ଆଲ୍ଲକା ଆଦଃକା । ଚିୟାଃଚି ଜମ୍ ନୁଁରେୟାଃ ନିୟାମ୍ ମାନାତିକ୍ କେଦ୍ ତେଦ୍ କାହାଗି, ମେନ୍ଦ ପାର୍ମେଶ୍ଵାର୍ ଆଃ ସାୟାଦ୍ ତେ ମନ୍ ସୁରୁଦ୍ରେୟାଃ ପେଡ଼େଃ ନାମେତେୟାଃ ବୁଗିନାଃ ତାନାଃ । ଅକନ୍ କ ଜମ୍ ନୁଁରେୟାଃ ନିୟାମ୍ ମାନାତିକ୍ ତାନାକ, ଇନ୍କୁଆଃ ଜେଡ଼ନାଃ ବୁଗିନାଃ କା ହବାକାନା ।

୧୦ ଆବୁଆଃ ମିଆଁଦ୍ ଦାଣେଁ ରାକାବ୍ରେୟାଃ ବେଦି ମେନାଃ, ଏନାରେ ତାଇନାକାନ୍ ଜମେୟାଃ ଜମ୍ ନାଗେନ୍ତେ ଯିହୁଦାକଆଃ କୁମ୍ବୀରେ ସୁସାରତାନ୍ ଯାଜାକ୍ କଆଃ ଆକ୍ ତେୟାର୍ ବାନିଆ ।

୧୧ ଯିହୁଦୀ ମାରାଜ୍ ଯାଜାକ୍ ଜାଁତୁରାଃ ମାୟୋମ୍‌କେ ପାପ୍‌ରେୟାଃ ଦାଣେଁ ରାକାବ୍ ନାଗେନ୍ତେ ପୁରାଃ ପାବିତାର୍ ଠାୟାଦ୍‌ତେ ଆଉଇୟା, ମେନ୍‌ଦ୍ ଏନ୍ ଜାଁତୁରାଃ ହଡ଼ମ୍‌କେ କୁମ୍‌ପାରେୟାଃ ବାହାରି ଇଦିକେଦ୍‌ତେ ସେଙ୍ଗେଲ୍‌ରେ ଉରୁବଃଆ ।

୧୨ ଏନ୍‌ଲେକାଗି ଯୀଶୁହ୍ ଆୟାଃ ମାୟୋମ୍‌କେ ହଡ଼କକେ ପାପ୍‌ହେତେ ଫାର୍‌ତିକ ନାଗେନ୍ତେ ନାଗାର୍‌ରେୟାଃ ବାହାରିରେ ଗଏଃୟାନା ।

୧୩ ଏନାତେ ଦଲାରୁ, ଆବୁହ୍ ଆୟାଃ ଲେକାଗି ଆବୁକେ ଲାନ୍ଦାରୁତେୟାଃକ ସାହାଡିକ୍‌କେଦ୍‌ତେ ନାଗାର୍‌ରେୟାଃ ବାହାରି କୁମ୍‌ପାତେ ଆୟାଃ ହେପାଦ୍‌ତେବୁ ସେନା ।

୧୪ ଚିୟାଃତି ନେ ଅତେଦିଶୁମ୍‌ରେ ଆବୁ ନାଗେନ୍ତେ ସବେନ୍ ହୁଲାଜ୍ ନାଜ୍ ଜେତା ନାଗାର୍ ବାନଃଆ, ମେନ୍‌ଦ୍ ଆବୁ ନାଜ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ, ଏନ୍ ନାଗାର୍‌କେବୁ ନେଲ୍‌ହରାତାନା ।

୧୫ ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍‌ମେଶ୍‌ବାର୍‌ଆଃ ନୁତୁମ୍‌ରେ ଆବୁଆଃ ସାହାରାଅ ଦାଣେଁବୁ ରାକାବେୟା । ନେ ଦାଣେଁ ଆବୁଆଃ ଲାଚଡାତେ ଯୀଶୁକେ “ପ୍ରାଭୁ” ମେନ୍ତେ ମାରାଜ୍‌କିତାନା ।

୧୬ ଏଟାଃକଆଃ ବୁଗିନାଃ କାମି ନାଗେନ୍ତେ ଆତଃ ଇନ୍‌କୁକେ ଦେଙ୍ଗାକ ନାଗେନ୍ତେ ଆଲ୍‌ପେ ରିଡିକ୍‌ୟେଁଆ, ଚିୟାଃତି ନେ ସବେନାଃଗି ପାର୍‌ମେଶ୍‌ବାର୍‌ଆଃ ସୁକୁଆନ୍ ଦାଣେଁ ତାନାଃ ।

୧୭ ଆପେୟାଃ ଆଗୁଆଇକଆଃ କାଜି ମାନାଡିକ୍‌ପେ ଆତଃ ଆକଆଃ କାଜି ଆୟୁମେପେ । ଇନ୍‌କୁ ହର ହଡ଼ଲେକା ବେଗାର୍ ରୁଡ଼କେଦ୍‌ତେ ଆପେୟାଃ ଜୀଉକ ହରତାନା, ଚିୟାଃତି ଇନ୍‌କୁକେ ପାର୍‌ମେଶ୍‌ବାର୍‌ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାଡିକ୍‌ୟାଁଃ । ଆପେ ଇନ୍‌କୁକେ ମାନାଡିକ୍‌କରେଦ୍, ଇନ୍‌କୁ ସୁକୁମ୍‌ନେତେ ଆକଆଃ କାମିକ କାମିୟାଁ, ମେନ୍‌ଦ୍ ଆପେ କାପେୟାଃରେଦ୍, ଇନ୍‌କୁ ଦୁକୁ ମନ୍‌ତେକ କାମିୟାଁ, ଆତଃ ଏନାରେ ଆପେୟାଃ ନାଜ୍ ଜେତାନ୍ ବୁଗିନାଃ କା ହବାଅଃଆ ।

୧୮ ଆଲେ ନାଗେନ୍ତେ ବିକ୍ରିକାତେପେ । ଆଲେୟାଃ ବିବେକ୍ ନିରାଲ୍‌ଗିୟା, ଏନା ସାର୍‌ତି ତାନାଃ, ଚିୟାଃତି ଆଲେ ସବେନ୍ ଇମ୍‌ତା ବୁଗିନ୍ ଚାଇଲ୍ ଚାଲାନ୍ ରିକା ନାଗେନ୍ତେଲେ ସାନାଜ୍ ତାନା ।

୧୯ ଆତଃ ପାର୍‌ମେଶ୍‌ବାର୍ ଆଇକ୍‌କେ ଆପେତାଃତେ ଜାଲ୍‌ଦିଗି କୁଲ୍‌ତାଇକ୍‌କା ମେନ୍ତେ ବିକ୍ରିପେ । ଆଇକ୍ ନେଆଁ ଆପେତାଃରେ ଆଇୟାଃ ମନ୍‌ସୁରୁଦ୍‌ତେଇକ୍ ବିକ୍ରିତାନା ।

ଚୁଣ୍ଟୁ ବିକ୍ରି

୨୦ ଅକଏଚି ଆୟାଃ ଗନଏଃ ହରାତେ ମିଶ୍ରିକଆଃ ମାରାଜ୍ ମିଶ୍ରିଗୁପିନିଃ ହବାକାନାଏ, ଆବୁଆଃ ଜୀଉସୁକୁ ଏମଃନିଃ ପାର୍‌ମେଶ୍‌ବାର୍ ଏନ୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ । ଏନ୍ ଯୀଶୁଆଃ ଗନଏଃରେୟାଃ ମାୟୋମ୍‌କେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରାଃ ମୋହର୍ ଏମାକାନା ।

୨୧ ଜୀଉସୁକୁ ଏମଃନିଃ ପାର୍‌ମେଶ୍‌ବାର୍, ଆୟାଃ ସାନାଜ୍ ଲେକା କାମି ନାଗେନ୍ତେ ଆପେକେ ଆପେୟାଃ ଲାଗାଡିକ୍ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆତଃ ଯୀଶୁ ଶ୍ରୀଷ୍ଟ୍‌ଆଃ ହରାତେ ଆବୁଆଃ ଜୀଦାନ୍‌ରେ ଇନିୟାଃ ସୁକୁଆନ୍ କାମିକ ହବାଅଃକା । ଆତଃ ଜାନାଅ ଜାନାଅ ଶ୍ରୀଷ୍ଟ୍‌ଆଃ ମାନାରାଜ୍ ହବାଅଃକା ! ଆମେନ୍ ।

ଚୁଣ୍ଟୁ କାଜି

୨୨ ହେ ହାଗା ମିଶିକ, ଆଇକ୍ ବିକ୍ରିପେ ତାନାଇକ୍, ଆଇୟାଃ ନେ ହୁଡିକ୍ ଲେକାନ୍ ଅନଲ୍ କାଜିକେ ଧ୍ୟାନ୍ ଏମ୍‌କେଦ୍‌ତେ ଆୟୁମେପେ । ଆଇକ୍ ଆପେକେ ଜୀଉରେ ରାସ୍‌କାପେ ନାଗେନ୍ତେ ନେଆଁଇକ୍ ଅଲ୍‌କାଦା ।

୨୩ ଆପେ ସାରିପେ ମେନ୍ତେଇକ୍ ସାନାଜ୍‌ତାନା ଯେ, ଆବୁଆଃ ହାଗା ତୀମଥ୍ ଜେହେଲ୍‌ହେତେ ଅଡ଼କ୍‌ଆଁକାନା, ଇନିଃ ଜାଲ୍‌ଦି ହିଜୁଃରେଦ୍, ଆଇକ୍ ଆୟାଃଲଃ ମିସାତେ ଆପେତାଃତେ ନେପେଲ୍ ନାଗେନ୍ତେଇକ୍ ହିଜୁଃଆ ।

୨୪ ଆପେୟାଃ ସବେନ୍ ଆଗୁଆଇକକେ ଆତଃ ପାର୍‌ମେଶ୍‌ବାର୍‌ଆଃ ହଡ଼କକେ ଆଲେୟାଃ ଜହାର୍ ଉଦୁବାକପେ । ଇଟାଲି ଦିଶୁମ୍‌ହେତେ ହିଜୁଃକାନ୍ ହାଗାକ ଆପେକେହଗି ଜହାର୍ ମେନ୍ତେକ କାଜିକୁଲେତାନା ।

୨୫ ପାର୍‌ମେଶ୍‌ବାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ଯାକୁବଙ୍କ ଲିଖିତ ପତ୍ର ଯାକୁବ୍ ଅଲ୍ଲାକାଦ୍ ଚିଟାଉ ପାରିଚା୍ୟ

ଯାକୁବ୍ ପୁଅ ଯାକୁବ୍ ନୁହେଁ ମତେ ସାରିୟାତାନ୍ ମିଆଁଦ୍ ହଡ଼ ଅଲ୍ଲାକାଦାଏ । ହବାସାକାଅଆଃ ନେ ଯାକୁବ୍ ଯାଶୁ ଖ୍ରୀଷ୍ଟିଆଃ ହାଗାତେ ତାଇକେନା, ଅକଏଚି ଏନେଟେଦ୍ କାଲିସିୟାରେନ୍ ମିଆଁଦ୍ ଆଗୁଆଇ ଆତଃ ଯାଶୁଖାଲେମ୍ ପାଞ୍ଚେଟ୍ରେନ୍ ହଡ଼ ତାଇକେନାଏ ପ୍ରେରିଡ଼ ୧୫:୧୩ । ପ୍ରେରିଡ଼ ପାଉଲୁସ୍‌ହଗି ଯାକୁବ୍‌କେ କାଲିସିୟାରେନ୍ ଖୁଣ୍ଟୁ ମେନ୍ତେ କାଜିୟା ଗାଲାତିୟ ୨:୯ ।

ଯାକୁବ୍ ପୁଅ ଯାଶୁ ଖ୍ରୀଷ୍ଟିଆଃ ଜାନାମ୍‌ରେୟାଃ ୫୦ ବାରାଷ୍ଟ ତାୟମତେ ଅଲ୍ଲାକାନା ମେନ୍ତେ ବାଇବାଲ୍ ପାଣ୍ଡିଡ଼କ ବିଶ୍ୱାସ୍ ରିକାଃକ । ଯାକୁବ୍ ଯାଶୁଖାଲେମ୍‌ରେନ୍ ଆଗୁଆଇ ତାଇକେନାଏ, ଏନାତେ ହବାସାକାଅଆଃ ଇନିଃ ଏନ୍ତାଃରେ ତାଇନ୍‌ତାନ୍ ଇମ୍‌ତା ଇନିଃ ନେ ପୁଅ ଅଲ୍ଲାକାଦ୍ ତାଇକେନାଏ ।

ଯାକୁବ୍ ଅତେଦିଶୁମ୍‌ରେ ଛିତିବିତିକାନ୍ ଗେଲ୍‌ବାର୍ କିଲିକିଆଃ ବିଷାଏରେ ଆୟାଃ ପୁଅରେ ଉଦୁବାକାଦା ଯାକୁବ୍ ୧:୧ । ଯାକୁବ୍ ପୁଅରେୟାଃ ଇନିଡୁ ସବେନ୍ ଖ୍ରୀଷ୍ଟିୟାନ୍‌କିଆଃ ନାଗେନ୍ତେ ଲାଗାତିଙ୍ଗ୍ ତାନା । ମେନ୍ଦ୍ “ଗେଲ୍‌ବାର୍ କିଲିକି” ମେନ୍ତେ କାଜିକାନ୍ କାଜି, ହବାସାକାଅଆଃ ଯାକୁବ୍ ଯିହୁଦୀ ଖ୍ରୀଷ୍ଟିୟାନ୍‌କିକେ ଅଲ୍ଲାକାଦ୍‌କିଆ । ଚିଆଃଚି ନେ ପୁଅ ପୁରାଃ ପାଢ଼ାଅଃତାନ୍ ହଡ଼କତାଃତେ ସେଟେରେ ନାଗେନ୍ତେ ତାଇକେନା, ନେଆଁରେ ପୁରାଃ ବିଷାଏକ ଅଲ୍ଲାକାନା । ଯାକୁବ୍ ବିଶ୍ୱାସ୍ ଆତଃ କାମିରେୟାଃ ଚେତାନ୍‌ରେ କାଜିକାଦା ଯେ, ସାର୍‌ତି ବିଶ୍ୱାସ୍ କାମିରେ ଉଦୁବଃଆ ୨:୧୭ । ଇନିଃ କିର୍ସାଣ୍ ହଡ଼କକେ ଏସ୍‌କାର୍ ମାଇନ୍ ଏମାକ ବିଷାଏରେ ଚେତାଅ କାଜି କାଜିକାଦା ୨:୧-୪ । ଆତଃ ଆବୁକେ ଉଦୁବ୍‌ବୁ ତାନା ଯେ, ଆବୁ ଜାଗାର୍‌ତାନ୍ ବିଷାଏରେ ଚିର୍ଗାଲ୍‌କାନ୍‌ରୁ ତାଇନା ୩:୧-୧୨ ।

ପୁଅ ଭିତରରେ ଅଲ୍ଲାକାନ୍ କାଜି

- ୧. ଯାକୁବ୍ ଆୟାଃ ପାଢ଼ାଅତାନ୍‌କିକେ ଜହାର୍ ମେନ୍ତେ କାଜିକତାନାଏ । ୧:୧
- ୨. ଇନିଃ ଖ୍ରୀଷ୍ଟିୟାନ୍‌କିକେ ଦୁକୁ ଇମ୍‌ତା ଧୂରାଜ୍ ସାବ୍‌କେଦ୍‌ତେ ତାଇନ୍ ନାଗେନ୍ତେ ଜୀଉରେ କେଟେଦ୍ ଏମାକତାନାଏ । ୧:୨-୨୭
- ୩. କାମି ହରାତେ ଚିଲ୍‌କା ବିଶ୍ୱାସ୍‌କେ ଉଦୁବ୍ ଲାଗାତିଙ୍ଗ୍‌ୟାଃ ଏନ୍ ବିଷାଏରେ କାଜିକାଦା । ୨:୧-୨୭
- ୪. ବାଚାନ୍ ଚିଲ୍‌କା ପେଡେୟାନ୍ ହବାଅଃଆ ଏନା ଇନିଃ କାଜିକାଦାଏ । ୩:୧-୧୨
- ୫. ଯାକୁବ୍ ଅତେଦିଶୁମ୍‌ରେୟାଃ ସେଣାଁ ପାର୍‌ମେଶ୍ୱାର୍‌ଆଃ ସେଣାଁ ଲେକା ନାହାଁଲାଃ ମେନ୍ତେ କାଜିକାଦା । ୩:୧୩-୪:୧୦
- ୬. ପାଢ଼ାଅତାନ୍ ହଡ଼କକେ ଆପାନ୍‌କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ମେନ୍ତେ ଚେତାଅକ ତାନା । ୪:୧୧-୫:୨
- ୭. ଚୁଣ୍ଟୁରେ ଯାକୁବ୍ ଚିମିନ୍ ହୁପ୍‌ତିଙ୍ଗ୍ ଇନିଡୁକ ଏମ୍‌କେଦ୍‌ତେ ଆୟାଃ ଅନଲ୍ ଚାବାକେଦାଏ । ୫:୭-୨୦

ଜହାର୍

୧*ଆଇଙ୍ଗ୍ ଯାକୁବ୍ ପାର୍‌ମେଶ୍ୱାର୍‌ଆଃ ଆତଃ ପ୍ରାଭୁ ଯାଶୁ ଖ୍ରୀଷ୍ଟିଆଃ ଦାସି ତାନିଙ୍ଗ୍, ଗଟା ଅତେଦିଶୁମ୍‌ରେ ଛିତିବିତିକାନ୍ ପାର୍‌ମେଶ୍ୱାର୍‌ଆଃ ହଡ଼କକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲେତାନାଇଙ୍ଗ୍ ।

ବିଶ୍ୱାସ୍ ଆତଃ ସେଣାଁ

୨ ହେ ଆଇଁୟାଃ ହାଗା ମିଶିକ, ଜୀଦାନ୍‌ରେୟାଃ ସେସେନ୍ ହରାରେ ଚିମିନ୍ ରାକାମ୍‌ରେୟାଃ ବିନିଡ଼ାଅ ହିଜୁଃରେଦ୍, ଏନାକେ ରାସ୍‌କାରେୟାଃ ବିଷାଏ ତାନାଃ ମେନ୍ତେ ଆଟ୍‌କାରେପେ ।

୩ ଚିୟାଃଚି ଆପେ ସାରିତାନାପେ, ନେ'ଲେକାନ୍ ବିନିଡ଼ାଅ ହିଜୁଃତାନ୍ ଇମ୍‌ତା ବିଶ୍ୱାସ୍‌ରେ କେଟେଦ୍ ତାଇନଃରେ, ଆପେୟାଃ ସାହାତିଙ୍ଗ୍‌ରେୟାଃ ପେଡେଃ ହାରାଇଦିୟାଆ ।

୪ ଆପେ ଚୁଣ୍ଟୁ ଜାକେଦ୍ ସାହାତିଙ୍ଗ୍‌କେଦ୍‌ତେପେ ତାଇନଃରେଦ୍, ଜେତାନ୍ ବିଷାଏରେ କା ଜାଞ୍ଜିକେଦ୍‌ତେ ପକ୍‌ତା ଆତଃ ପୁରାକେଦ୍‌ତେପେ ତାଇନାଃ ।

୫ ମେନ୍ଦ୍ ଆପେକଏତେ ଜେତାଏ ସେଣାଁରେ ଜାଞ୍ଜିକାନ୍‌ରେଦ୍, ଇନିଃ ପାର୍‌ମେଶ୍ୱାର୍‌ତାଃରେ ବିକ୍ରିକା, ଏନାରେ ପାର୍‌ମେଶ୍ୱାର୍ ଇନିଃକେ ସେଣାଁଏ ଏମାଲୟା, ଚିୟାଃଚି ପାର୍‌ମେଶ୍ୱାର୍‌ଦ୍ ବେଗାର୍ ହିଡ଼କିଚାଅକେଦ୍‌ତେ ଆତଃ ଲେବେଃ ମନ୍‌ତେ ସବେନ୍‌କିକେ ଏମାଃଏ ।

୬ ମେନ୍ଦ୍ ଆପେ ବିକ୍ରି ଇମ୍‌ତା, ବେଗାର୍ ଆଡ଼ାଃଉଡ଼ୁକେଦ୍‌ତେ ବିଶ୍ୱାସ୍‌ତାନ୍‌ଲଃ ବିକ୍ରିପେ । ଆଡ଼ାଃଉଡ଼ୁକେଦ୍‌ତେ ବିକ୍ରିତାନ୍‌ନିଃ, ହୟତେ କା ଆବର୍‌ଅଃ ଦରେୟାରେୟାଃ ଆଲ୍‌ପୁଙ୍ଗ୍ ଲେକାଃଏ ।

୭ ଏନ୍‌ଲେକାନ୍ ହଡ଼ଦ୍, ପ୍ରାଭୁତାଃଏତେ ଜେଡ଼ନାଃ ନାମେୟାଃଏ ମେନ୍ତେ ଆଲକାଏ ଉଡ଼ଚୁଗକା,

* ୧:୧ ମାଥୁର ୧୩:୫୫; ମାର୍କ ୬:୩; ପ୍ରେରିଡ଼ ୧୫:୧୩; ଗାଲାତିୟ ୧:୧୯.

୮ ଚିୟାଃଚି ଇନିଃଦ ବାରିଆ ମନ୍ରେନ୍ ହଡ଼ତାନିଃ, ଏନାତେ ଇନିଃ ଆୟାଃ ଉହାଟ୍‌କାଦ୍‌ତେୟାଃ କାଏ ରିକା ଦାଡ଼ିୟା ।

କିସାଁଣ୍ ଆତଃ ଗାରିବ୍

୯ ଗାରିବ୍ ଖ୍ରୀଷ୍ଟ ବିଶ୍ୱାସୀ ହାଗାକକେ ପାର୍ମେଶ୍ୱାର୍ ଇନ୍‌କୁଆଃ ଜୀଦାନ୍‌ରେ ହାରାଇଦିକ ଇମ୍ତା ଇନ୍‌କୁ ରାସକାଅଃକାକ,

୧୦ ଆତଃ କିସାଁଣ୍ ଖ୍ରୀଷ୍ଟ ବିଶ୍ୱାସୀକକେ ପାର୍ମେଶ୍ୱାର୍ ଲାତାରରେ ଉୟୁଃକ ଇମ୍ତା ଇନ୍‌କୁ ରାସକାଅଃକାକ । ଚିଆଃଚି ଇନ୍‌କୁଆଃ କିସାଁଣ୍‌ତେୟାଃ ତାସାଦ୍ ବାହା ଲେକା ନୁରକେନଃଆ ।

୧୧ ସିଙ୍ଗି ରାଁପ୍‌ରେୟାଃ ଲଲ ହୟତେ ତାସାଦ୍ ରହଡ଼କଆଃ, ଆତଃ ଏନାରେୟାଃ ବାହା ନୁରକଆଃ ଏନ୍ତେ ଏନାରେୟାଃ ସୁଗାଡ଼ାନ୍‌ତେୟାଃ ଜିୟନ୍‌କଆଃ । ଏନ୍‌ଲେକାଗି, କିସାଁଣ୍ ହଡ଼ହ୍ ଆୟାଃ ସବେନ୍ କାଜିକାମିରେୟାଃ ଭିଡ଼ରେ ମୁସିଙ୍ଗ୍ ହୁଲାଙ୍ଗ୍ ଜିୟନଃଆଏ ।

ବିନିଡ଼ାଅ ଆତଃ ଲାଲାର୍

୧୨ ବିନିଡ଼ାଅରେ ସାହାତିଙ୍ଗ୍‌ତାନ୍ ହଡ଼କ ସୁକୁତାନ୍‌ଗିୟାକ, ଚିୟାଃଚି ନେ ଲେକାନ୍ ବିନିଡ଼ାଅରେ ଜିତାଅଃରେଦ୍, ପାର୍ମେଶ୍ୱାର୍ ଅକ ଜୀଦାନ୍ ଏମ୍ ନାଗେନ୍ତେ ଆଇଃକକେ ଦୁଲାଡ଼ିତାନ୍ ହଡ଼କକେ ବାନାର୍‌ସା ଏମାକାଦକଆଏ, ଇନ୍‌କୁ ଏନାକେ ମୁକୁଟ୍ ଲେକାକ ନାମେୟାଃ ।

୧୩ ଜେତା ହଡ଼ ବିଡ଼ାଅରେ ଉୟୁଗଃରେ, “ଆଇଁୟାଃ ନେ ବିଡ଼ାଅ ପାର୍ମେଶ୍ୱାର୍ ସାଃଏତେ ହିଜୁଆକାନା” ମେନ୍ତେ ଆଲକାଏ କାଜିକା, ଚିୟାଃଚି ପାର୍ମେଶ୍ୱାର୍ ଏଡ଼କାନାଃତେ କାଏ ବିଡ଼ାଅ ଦାଡ଼ିୟାଃଆଃ, ଆତଃ ଇନିଃ ଜେତାଏକେ କାଏ ବିଡ଼ାଅକଆ ।

୧୪ ମେନ୍‌ଦ୍ ଜେତା ହଡ଼ ଆୟାଃ ଏଡ଼କାନ୍ ସାନାଙ୍ଗ୍‌ରେ ତାଇନ୍‌କେଦ୍‌ତେ ବିଡ଼ାଅରେ ଉୟୁଗଃଆ ।

୧୫ ଏଡ଼କାନ୍ ସାନାଙ୍ଗ୍‌ରେୟାଃ ହାମ୍‌ଲାରୋଝାଏତେ ପାପ୍ ସିରଜାଅଃଆ ଆତଃ ଏନ୍ ପାପ୍ ପୁରା ହାରାଇଦିକେନଃରେ ଗନଏଃ ହବାଅଃଆ ।

୧୬ ହେ ଦୁଲାଡ଼୍ ହାଗା ମିଶିକ, ଆଲପେ ବେଦାଅଃଆ ।

୧୭ ସବେନ୍ ବୁଗିନ୍ ବାର୍‌ଦାନ୍ ଆତଃ ସବେନାଃଏତେ ପୁରାଃ ବୁଗିନ୍ ଦାନ୍ ସିର୍ମାରେନ୍ ଆପୁ ପାର୍ମେଶ୍ୱାର୍‌ତାଃଏତେଗି ହିଜୁଃଆ । ଇନିଃ ସିର୍ମାରେ ମାର୍‌ସାଲେତାନ୍ ସିଙ୍ଗି, ଚାଣ୍ଡୁ, ଇପିଲକକେ ବାବାଇନିଃ ତାନିଃ । ଇନିଃ ଉମ୍‌ଲୁ ଲେକା ବାଦଲାଅଃନିଃ ନାହାଁଲିଃ ।

୧୮ ଗଟା ଅତେଦିଶୁମ୍‌ରେ ଆଇଃକ ବାଇୟାକାଦ୍ ଜାଁଡୁକଆଃ ଆଲାରେ ଆବୁ ଜେ'ଲେକା ପାହିଲା ଠାୟାଦ୍‌ରେବୁ ତାଇନା, ଏନାମେନ୍ତେ ଇନିଃ ଆୟାଃ ଇଛାସାନାଙ୍ଗ୍‌ରେ ସାର୍‌ଡ଼ି କାଜିତେ ଆବୁକେ ବାଇୟାକାଦ୍‌ବୁଆ ।

ଆୟୁମ୍ ଆତଃ କାମିରିକା

୧୯ ଆଇଁୟାଃ ଦୁଲାଡ଼୍ ହାଗା ମିଶିକ, ନେଆଁ ପାହାମେପେ, ଆପେ ସବେନ୍‌କ ଆୟୁମ୍ ନାଗେନ୍ତେ ଏୟନାକାନ୍‌ପେ, ମେନ୍‌ଦ୍ ସୁଆଏତେ ଜାଗାର୍ ନାଙ୍ଗ୍ ଆତଃ ସୁଆଏତେ ଖୁସ୍‌ଅଃ ନାଗେନ୍ତେ ହବାଅଃପେ ।

୨୦ ଚିୟାଃଚି ହଡ଼ଆଃ ଖୁସ୍ ହରାତେ ପାର୍ମେଶ୍ୱାର୍‌ଆଃ ଇଛା ଧାର୍‌ମାନ୍ କାଏ ରିକାଦାଡ଼ିୟା ।

୨୧ ଏନାମେନ୍ତେ ସବେନ୍ ଲେକାନ୍ ଏଡ଼କାନ୍ ଗିନିକାନ୍‌ତେୟାଃକ ଆତଃ ଏଡ଼କାନ୍ ଚାଇଲ୍ ଚାଲାନ୍ କାମିକ ବାଗିପେ । ଆପାନ୍‌କେ ପାର୍ମେଶ୍ୱାର୍‌ତାଃରେ ଜିମାକେଦ୍‌ତେ, ଆପେୟାଃ ମନ୍‌ସୁରୁଦ୍‌ରେ ଇନିଃ ଅକ ବାତାନ୍ ହେରାକାଦାଏ, ଏନାକେ ତେଲାଏପେ । ଏନା ଆପେକେ ବାଞ୍ଛାଅ ଦାଡ଼ିୟାପେୟା ।

୨୨ ଆପେ ଆପାନ୍‌କେ ଆଲପେ ବେଦାନାଃ । ଇନିୟାଃ ବାତାନ୍ ଏସକାର୍ ଆୟୁମ୍‌ଲେରେ କା ହବାଅଃଆ ମେନ୍‌ଦ୍ ଏନ୍ ବାତାନ୍ ଲେକାତେ କାମି ରିକା ଲାଗାଡ଼ିଙ୍ଗ୍‌ୟାଃ ।

୨୩ ଅକ ହଡ଼ ପାର୍ମେଶ୍ୱାର୍‌ଆଃ କାଜି ଏସକାର୍ ଆୟୁମାଃଏ, ଚାଏ ଆୟୁମ୍‌କେଦ୍‌ତେ କାଏ କାମିୟାଃ, ଇନିଃ ଆଏନାରେ ଆୟାଃ ମେଦ୍‌ମୁହାଁଡ଼୍ ନେଲେତାନ୍ ହଡ଼ ଲେକାଃଏ ।

୨୪ ଇନିଃଦ ବୁଗିଲେକା ଆୟାଃ ମେଦ୍‌ମୁହାଁଡ଼୍‌କେ ଆଏନାରେ ନେଲେନା, ମେନ୍‌ଦ୍ ଇନିଃ ଏନ୍ତାଃଏତେ ଅଡ଼ଙ୍ଗ୍‌ୟାନ୍‌ତେ ଆୟାଃ ଆପ୍‌ନାଃ ମେଦ୍‌ମୁହାଁଡ଼୍‌କେ ଇମ୍‌ତାଗି ରିଡ଼ିଙ୍ଗ୍‌ତାଃ ।

୨୫ ମେନ୍‌ଦ୍ ହଡ଼ରାଃ ଜାଉବାଞ୍ଛାଅ ନାଗେନ୍ତେ ମିଆଁଦ୍ ପୁରା ପକ୍‌ତାକାନ୍ ଆନ୍‌ରୁ ମେନାଃ । ଜେତାଏ ଏନା ଆୟୁମ୍‌କେଦ୍‌ତେ କାଏ ରିଡ଼ିଙ୍ଗ୍‌ୟେଆ ଆତଃ ଆୟାଃ ନାଗେନ୍ତେ ପୁରା ମନ୍‌ସୁରୁଦ୍‌ରେ ମିଦ୍‌ମନ୍‌ତେ ଏନାକେ ମାନାତିୟେରେଦ୍, ପାର୍ମେଶ୍ୱାର୍ ଇନିୟାଃ ସବେନ୍ କାମିରେ ଆଶିଷ୍ ଏମାଇୟାଃ ।

୨୬ ଜେତାଏ ଚିନାଃ ଆପାନ୍‌କେ ଧାର୍‌ମାନ୍ ମେନ୍ତେ ଆଟ୍‌କାରେନ୍ ତାନା ? ଇନିଃ ଆୟାଃ ଆଲାଙ୍ଗ୍‌କେ ଆବ୍‌ରେ କାଏ ଦହ ଦାଡ଼ିତାନ୍‌ରେଦ୍, ଇନିୟାଃ ଧାରାମ୍ କାମିକ ସବେନାଃ ସାମାତାନାଃ ଆତଃ ଇନିଃ ଆପ୍‌ନାଃ ମନ୍‌କେ ବେଦାତାନା ।

୨୭ ଚୁଆର୍ ହନ୍‌କଆଃ ଆତଃ ରାଣ୍ଡିକଆଃ ନାରାଦୁରା ଇମ୍‌ତାଙ୍ଗ୍ ଯାଡ଼ନାଅ ଇଦିକେଦ୍‌ତେ, ଅତେଦିଶୁମ୍‌ରେୟାଃ ଏଡ଼କାନାଃଏତେ ଆପାନ୍‌କେ ବେଗାର୍ ଦାଗିକେଦ୍‌ତେ ଦହତେୟାଃଗି, ଆବୁଆଃ ଆପୁ ପାର୍ମେଶ୍ୱାର୍‌ଆଃ ଆୟାର୍‌ରେ ପୁରାଃ ଫାର୍‌ତିୟାନ୍ ଆତଃ ସୁଗାଡ଼ାନ୍ ଧାର୍‌ମାନ୍ କାମି ତାନାଃ ।

୨

ମେଦମୁହାଁଡ଼ ନେଲରେୟାଃ କାଜି

୧ ହେ ଆଇଁୟାଃ ହାଗା ମିଶିକ, ଆରୁଆଃ ମାନାରାଙ୍ଗ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସକାଦ୍ ହରାତେ, ଆପେ ହଡ଼କଆଃ ମେଦମୁହାଁଡ଼ ନେଲକେଦତେ ଆଲପେ ସୁସାରକଆ ।

୨ ହବାସାକାଅଆଃ, ଆପେୟାଃ ସାମାଜ୍ ଅଡ଼ାଃତେ ଜେତାଏ ମିହୁଡ଼ ସୋନାରେୟାଃ ମୁଦାମ୍ ଆଡ଼ ଗନଙ୍ଗାନ୍ ଲିଜାଃ ତୁସିଙ୍ଗକେଦତେ ହିଜୁଃରେ ଆଡ଼ ଏଗାଃ ମିହୁଡ଼ ହୁମୁ ଲିଜାଃ ଆଡ଼ ଚେଚାଃ ଲିଜାଃ ତୁସିଙ୍ଗକେଦତେ ହିଜୁଃ ଇମତା,

୩ ଆପେ ଗନଙ୍ଗାନ୍ ଲିଜାଃ ତୁସିଙ୍ଗାକାନ୍ ହଡ଼କେ ପୁରାଃଗି ମାଇନକେଦତେ “ନେତାଃ ଦେଲା ନେ ବୁଗିନ୍ ଠାୟାଦରେ ଦୁବମେଁ ମେନ୍ତେପେ କାଜିୟା,” ମେନ୍ଦ ମିଆଁଦ୍ ଗାରିବ୍ ହଡ଼କେ, “ଜୁ ଏନ୍ତାଃରେ ଡିଜୁନ୍ମେଁ, ଚାଏ ଏନ୍ ଅଡେ ଲାଡାରରେ ଦୁବମେଁ” ମେନ୍ତେପେ କାଜିୟା,

୪ ଏନ୍ରେଦ ଆପେ ଆପେୟାଃ ଆଲାରେ ମାରାଙ୍ଗ ହୁଡ଼ିଙ୍ଗରେୟାଃ ଭେଦଭାବ୍ ରିକାଏତାନାପେ ଆଡ଼ ଏଡ଼କାନ୍ ଉଡ଼ଃତାନଲଃ ମେଦମୁହାଁଡ଼ ନେଲକେଦତେପେ ବିଚାରତାନା ।

୫ ହେ ଆଇଁୟାଃ ଦୁଲାଡ଼ ହାଗା ମିଶିକ ଆୟୁମେପେ, ପାରମେଶ୍ୱାର୍ ଚିନାଃ ନେ ଅଡେଦିଶୁମ୍ରେନ୍ ନାରାଦୁରା ହଡ଼କକେ ବିଶ୍ୱାସରେୟାଃ ଖୁଜ୍ ରେ କିସାଁଣାଃ ନାଗେନ୍ତେ ଆଡ଼ ଆଇଃକକେ ଦୁଲାଡ଼ିତାନ୍ ହଡ଼କକେ ଅକ ରାଇଜ୍ ଏମାକ ନାଗେନ୍ତେ ବାନାର୍ସାଏ ଏମାକାଦକଆ, ଏନାରେୟାଃ ଆକଡେୟାର୍ ନାମେ ନାଗେନ୍ତେ କାଏଚି ସାଲାକାଦକଆ ?

୬ ମେନ୍ଦ, ଆପେ ଗାରିବ୍ ହଡ଼କକେ କାପେ ମାଇନକତାନା । ଅକନ୍ ହଡ଼କ ଆପେକେ ସିଗିଦ୍ପେତାନାକ ଆଡ଼ କାଚାଇରିତେ ଆଇଜ୍ ଇଦିପେତାନାକ, ଇନକୁ ଅକଏ ତାନ୍କୁ ? ଇନକୁଚି ଏନ୍ କିସାଁଣା ହଡ଼କ ତାନ୍କୁ ।

୭ ଅକ ଯୀଶୁ ଖ୍ରୀଷ୍ଟଆଃ ନୁଡୁମ୍ ଆପେକେ ଏମାକାନା, ଇନକୁ ଏନ୍ ବୁଗିନ୍ ନୁଡୁମ୍ରେୟାଃ ଏଡ଼କାନ୍ କାଜିକ କାଜିୟା ।

୮ “ଆମାଃ ହପରଜାପାଃ ନିଃକେ ଆମାଃ ଲେକାଗି ଦୁଲାଡ଼ିମେ,” ଧାରାମ୍ପୁଥ୍ରେ ଅଲାକାନ୍ ପାରମେଶ୍ୱାର୍ଆଃ ରାଇଜ୍ରେୟାଃ ନେ ଆନ୍ତୁକେପେ ମାନାଡ଼ିଙ୍ଗତାନ୍ ରେଦ, ଆପେ ଠାଉକାନ୍ କାମିପେ କାମିତାନା ।

୯ ମେନ୍ଦ ଆପେ ହଡ଼ରାଃ ଏୟରଃତୁସିଙ୍ଗାଆଁ ନେଲକେଦତେ ହଡ଼କକେପେ ମାଇନକ ତାନ୍ରେଦ, ଆପେ ପାପ୍ କାମିତାନାପେ ଆଡ଼ ଆନ୍ତୁ ଲେକାତେ ଆପେ ମିହୁଡ଼ ଆନ୍ତୁକେ କା ମାନାଡ଼ିଙ୍ଗତାନ୍ ହଡ଼ ଲେକାନ୍କ ତାନ୍ପେ ।

୧୦ ଜେତାଏ ସବେନ୍ ଆନ୍ତୁକେ ମାନାଡ଼ିଙ୍ଗ ତାନାଏ, ମେନ୍ଦ ମିଆଁଦ୍ ଆନ୍ତୁ ଏସ୍କାର୍ କାଏ ମାନାଡ଼ିଙ୍ଗ ତାନା, ଇନିଃ ସବେନ୍ ଆନ୍ତୁକେ କା ମାନାଡ଼ିଙ୍ଗତାନ୍ନିଃ ତାନିଃ ।

୧୧ ଚିୟାଃଚି, ପାରମେଶ୍ୱାର୍ କାଜିକାଦାଏ, “ଆପାଙ୍ଗିର୍ କାମି ଆଲମାଃ,” ଏନ୍ ପାରମେଶ୍ୱାର୍ଚି ଆଡ଼ମିଆଁଦ୍ କାଜିକାଦାଏ, “ହଡ଼ ଗଗଏଃ ଆଲମାଃ ।” ଏନାତେ, ଆମ୍ କାମ୍ ଆପାଙ୍ଗିର୍ ତାନ୍ରେୟାଗି, ହଡ଼ ଗଗଏଃ ତାନ୍ରେଦମ୍, ଆମ୍ ମିହୁଡ଼ ଆନ୍ତୁ କା ମାନାଡ଼ିଙ୍ଗନିଃ ତାନ୍ମେ ।

୧୨ ରାଡ଼ାଅଃରେୟାଃ କାମି ଏମ୍ ଦାଡ଼ିତାନ୍ ମୁଶାରାଃ ଆନ୍ତୁ ହରାତେ ଆମାଃ ବିଚାର୍ ହବାଅଆ, ଏନା ଆମାଃ ଜାଗାର୍ତେ ଆଡ଼ କାମିତେ ଉଦୁବେମେ ।

୧୩ ଚିୟାଃଚି ଜେତାଏ ଏଗାଃନିଃକେ କାଏ ଦାୟାଇୟା, ପାରମେଶ୍ୱାର୍ ଇନିଃକେ କାଏ ଦାୟାଇୟା, ମେନ୍ଦ ଅକନ୍କ ଏଗାଃକକେ ଦାୟାକାଦକଆକ, ଇନକୁକେ ପାରମେଶ୍ୱାର୍ ବିଚାର୍ ନେତାରେ ଦାୟାକଆ ।

କାମି ବେଗାର୍ ବିଶ୍ୱାସ୍ ଗନଏଃ

୧୪ ହେ ହାଗା ମିଶିକ, ଜେତାଏ ଆଇଁୟାଃ ବିଶ୍ୱାସ୍ ମେନାଃ ମେନ୍ତେ କାଜିତାନା, ମେନ୍ଦ କାମିରେ କାଏ ଉଦୁବେତାନ୍ ରେଦ, ଇନିୟାଃ କାଜିରେ ଜେତାନ୍ ଲାଭ୍ ବାନଃଆ । ଚିନାଃ ଏନ୍ ଲେକାନ୍ ବିଶ୍ୱାସ୍ ଜେତାଏକେ ବାଆଅ ଦାଡ଼ିୟାଃଏଚି ?

୧୫ ମେନ୍ଦ ଜେତାଏ ହାଗା ଚାଏ ମିଶିଆଃ ଲିଜାଃ ଆଡ଼ ଜଜମାଃ ବାନଃରେଦ,

୧୬ ଆଡ଼ ଆପେ ଇନିୟାଃ ଲାଗାଡ଼ିଙ୍ଗଡେୟାଃକେ କା ଏମ୍କେଦତେ କାଜିୟାପେ, “ପାରମେଶ୍ୱାର୍ ଆମ୍କେ ଆଗିଷ୍ଟମେକା, ଜମ୍ ନୁଁକେଦତେ ଜାଉସୁକୁରେ ତାଇନ୍ମେଁ ।”

୧୭ ବିଶ୍ୱାସ୍ତୁଚି ଠିକ୍ । ଏନ୍ଲେକାଗି ବେଗାର୍ କାମିତେ ବିଶ୍ୱାସ୍ ଗଜାକାନା ।

୧୮ ମେନ୍ଦ ଜେତାଏ କାଜି ଦାଡ଼ିୟାଏ, “ମିହୁଡ଼ରାଃ ବିଶ୍ୱାସ୍ ମେନାଃ, ଏଗାଃ ମିହୁଡ଼ରାଃ କାମି ମେନାଃ ।” ମେନ୍ଦ ଆଇଙ୍ଗ୍ କାଜିୟାଇଙ୍ଗ୍, “କାମି ବେଗାର୍ ଆପେୟାଃ ବିଶ୍ୱାସ୍ ଆଇଙ୍ଗ୍କେ ଉଦୁବାଇଙ୍ଗ୍ପେ ଆଡ଼ ଆଇଙ୍ଗ୍ କାମି ହରାତେ ଆପେକେ ଆଇଁୟାଃ ବିଶ୍ୱାସ୍ ଉଦୁବାପେୟାଇଙ୍ଗ୍ ।”

୧୯ ପାରମେଶ୍ୱାର୍ ମିହୁଡ଼ଚିୟାଏ ଏନା ଆପେ ବିଶ୍ୱାସ୍ତାନାପେ ବୁଗିନ୍ କାଜିତାନାଃ । ବଙ୍ଗାକହଗି ବିଶ୍ୱାସ୍କେଦତେ ବରତେ ଆର୍ଆରାଃଃକ ।

୨୦ ହେ ଡ଼ଣ୍ଡକ, କାମି ବେଗାର୍ ବିଶ୍ୱାସ୍ ସାମାତାନାଃ, ନେଆଁ ଚିନାଃ କାପେ ସାରିତାନା ?

୨୧ ଆବୁଆଃ ପୁରଖା ହାଡ଼ାମ୍ ଆବ୍ରାହାମ୍, ପାର୍ମେଶ୍ୱାର୍ଆଃ ନେପେଲ୍ରେ ଚିଲ୍କା ଧାର୍ମାନ୍ ହବାୟାନାଏ ? ଇନିଃ ଆୟାଃ ହନ୍ ଇସାକ୍କେ ବେଦି ଚେତାନ୍ରେ ଦାଣ୍ଟେଁ ରାକାବ୍କିୟାଏ ଇମ୍ତାଜ୍ ଆୟାଃ କାମି ହରାତେ ଧାର୍ମାନ୍ ମେନ୍ତେ କାଜିୟାନା ।

୨୨ ଆପେ ଚିନାଃ କାପେ ଆବ୍କାର୍ତ୍ତରୁମ୍ ଦାଡ଼ିତାନା ? ଆବ୍ରାହାମ୍ଆଃ ବିଶ୍ୱାସ୍, କାମିତେ ଉଦୁବ୍ୟାନା, କାମି ହରାତେ ଇନିୟାଃ ବିଶ୍ୱାସ୍ ପକ୍ତାୟାନା ।

୨୩ ନେଆଁ ହରାତେ ଧାର୍ମାମ୍ପୁଥ୍ରେୟାଃ କାଜି ପୁରାୟାନା : “ଆବ୍ରାହାମ୍ ପାର୍ମେଶ୍ୱାର୍କେ ବିଶ୍ୱାସ୍କିୟା ଆଡ଼ଃ ଇନିୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ନେପେଲ୍ରେ ଇନିଃ ଧାର୍ମାନ୍ ମେନ୍ତେ ଲେକାୟାନା ।” ଆଡ଼ଃ ଆବ୍ରାହାମ୍ ପାର୍ମେଶ୍ୱାର୍ଆଃ ଗାତି ମେନ୍ତେ କାଜିୟାନା ।

୨୪ ଏନାତେ, ଆପେ ଆବ୍କାର୍ତ୍ତରୁମ୍ ଦାଡ଼ିୟାପେ ଯେ, ହଡ଼ହନ୍ ବିଶ୍ୱାସ୍ ହରାତେ ଏସ୍କାର୍ କା ମେନ୍ଦ୍ କାମି ହରାତେ ଧାର୍ମାନ୍ ମେନ୍ତେ କାଜିୟାଆ ।

୨୫ ଏନ୍ଲେକାଗି ହଡ଼ମ୍ରେୟାଃ ଏଡ଼କାନ୍ କାମିରେ ତାଇନ୍ତାନ୍ କୁଡ଼ି ରାହାବ୍ ହଗି ଆୟାଃ ବୁଗିନ୍ କାମି ହରାତେ ଧାର୍ମାନ୍ ମେନ୍ତେ କାଜିୟାନା । ଇସ୍ରାଏଲ୍ରେନ୍ ଅକନ୍ ହଡ଼କକେ ଉକ୍ତକେଦ୍ତେ କୁଲ୍ଲକାନ୍ ତାଇକେନା, ଇନ୍କୁକେ ଇନିଃ ଉକ୍ତୁଃ ନାଗେନ୍ତେ ଆଡ଼ଃ ଏଗାଃ ହରାତେ ସେନଃ ନାଜ୍ ଦେଙ୍ଗାକାଦକ୍ ତାଇକେନାଏ, ଏନା ପାର୍ମେଶ୍ୱାର୍ଆଃ ଆୟାର୍ରେ ଠାଉକାନ୍ କାମି ତାଇକେନା ।

୨୬ ଏନାତେ, ଆମ୍ବା ବେଗାର୍ ହଡ଼ମ୍ ଜେଲେକା ଗଜାକାନା, ଏନ୍ଲେକାଗି କାମି ବେଗାର୍ ବିଶ୍ୱାସ୍ହଗି ଗଜାକାନା ।

୩

ଆଲାଙ୍ଗ୍ରେୟାଃ ଜନ୍କା

୧ ହେ ହାଗା ମିଶିକ, ଆପେକଏତେ ପୁରାଃ ଇନିତୁକ ଆଲପେ ହବାଅଃଆ । ଚିୟାଃତି ଆପେ ସାରିତାନାପେ ଯେ, ଆଲେ ଲେକାନ୍ ଇନିତୁକ ଏଟାଃକଆଃ ତାଃଏତେ ପୁରାଃଗି ସାଜାକକ ନାମେୟା ।

୨ ଆବୁ ସବେନକଦ୍ ଚିମିନ୍ସା ଭୁଲ୍ ରିକାଃବୁ । ଜେତାଏ ଆୟାଃ ଜାଗାର୍ତାନ୍ ଇମ୍ତା କାଏ ଭୁଲ୍ଲେତାନ୍ ରେଦ୍, ଇନିଃ ପକ୍ତାକାନ୍ ଆଡ଼ଃ ଆପ୍ନାଃ ହଡ଼ମ୍କେ ପୁରା ଆବ୍ରେକେଦ୍ତେ ଦହ ଦାଡ଼ିତାନ୍ ହଡ଼ ତାନିଃ ।

୩ ସାଦମ୍ଆଃ ହଡ଼ମ୍କେ ଆବ୍ରେରେ ଦହ ନାଗେନ୍ତେ ଆବୁ ଆୟାଃ ମଚାରେ ଲାଗମ୍ ତଲ୍ଲାଃବୁ ଆଡ଼ଃ ଆବୁ ଇନିଃକେ ଆବୁଆଃ ଇଛାସାନାଜ୍ ଲେକାତେ ଇଦି ଦାଡ଼ିୟାଃବୁ ।

୪ ମିଆଁଦ୍ ମାରାଜ୍ ଦାଆଃ ଜାହାଜ୍ ବିଷାଏରେ ଉଡ଼ୁକପେ, ଦାଆଃ ଜାହାଜ୍କେ ଚାଲାଅତାନ୍ନିଃ ପୁରାଃ ହୟ ହିଜୁଃତାନ୍ରେୟା ମିଆଁଦ୍ ହୁଡ଼ିଜ୍ ପାତ୍ତ୍ତାରେୟାଃ ଦେଙ୍ଗାତେ ଏନାକେ ଆବ୍ରେରେ ଦହକେଦ୍ତେ ଆପ୍ନାଃ ଇଛାସାନାଜ୍ ଲେକାତେ ଚାଲାଅ ଇଦିୟାଏ ।

୫ ଏନ୍ଲେକାଗି ନେ ଆଲାଙ୍ଗ୍ ହୁଡ଼ିଜ୍ଆ, ଏନ୍ରେୟା ମାପ୍ପରାଜ୍ କାଜି କାଜିକେଦ୍ତେ ଆପାନ୍କେ ମାରାଜ୍ ମେନ୍ତେ କାଜିନାଃ ।

ଉଡ଼ୁ ଲେକାପେ ଚିଲ୍କା ସେଙ୍ଗେଲ୍ ଆଙ୍ଗରା ହୁଡ଼ିଜ୍ରେୟାଗି ମାରାଜ୍ ବିର୍କେ ଅଣ୍ଡୁରତାଃଏ ।

୬ ମଚାରେୟାଃ ଆଲାଙ୍ଗ୍ ସେଙ୍ଗେଲ୍ ଲେକ୍ନାଃ ତାନାଃ, ଆବୁଆଃ ହଡ଼ମ୍ରେୟାଃ ହିସାରେ ଅତେଦିଶୁମ୍ରେୟାଃ ସବେନ୍ ଏଡ଼କାନ୍ରେୟାଃ ଏନେଟେଦ୍ ଲେକ୍ନାଃ ତାନାଃ । ଏନା ଆବୁଆଃ ହଡ଼ମ୍ରେ ତାଇନ୍ତାନ୍ ହରାତେ ହସଡ଼ କାଜିକ ନିଡ଼ିରୟାନ୍ଲଃ ଆବୁଆଃ ପୁରା ହଡ଼ମ୍କେ ସଡ଼ରାକାଦା । ଆଲାଙ୍ଗ୍ରେୟାଃ ନାରାକ୍ ସେଙ୍ଗେଲ୍ରେ ଆବୁଆଃ ଗଟା ଜାଦାନକେ ଅଣ୍ଡୁରତାଃଏ ।

୭ ମାନଝା ସବେନ୍ ବିର୍ ଜାଁତୁକକେ, ଚେଣ୍ଟେଁ, ରେଙ୍ଗାଅଜାଁତୁ ଆଡ଼ଃ ଦାଆଃରେ ତାଇନ୍ତାନ୍ ଜାଁତୁକକେ ଆପ୍ନାଃ ଆକ୍ତେୟାର୍ରେ ଦହକାଦକଆ ।

୮ ମେନ୍ଦ୍ ଜେତାଏ ଚିଉଲ୍ଲାହ ଆଲାଙ୍ଗ୍କେ ଆବ୍ରେରେ ଦହ କାକ ଦାଡ଼ିୟା । ଏନା ହସଡ଼ତେ ଆଡ଼ଃ ଗନଏଃରାଃ ମାହୁଁରାତେ ପେରେଜାକାନା ।

୯ ଆବୁ ଆଲାଙ୍ଗ୍ ହରାତେ ପ୍ରାଭୁ ଆଡ଼ଃ ଆପୁ ପାର୍ମେଶ୍ୱାର୍କେ ଧାନଧାବାଦ୍ ଏମାଃବୁ । ଆଡ଼ଃ ଏନ୍ ଆଲାଙ୍ଗ୍ ହରାତେ ପାର୍ମେଶ୍ୱାର୍ଆଃ ସଭାବ୍ ଲେକାଗି ବାଇୟାକାନ୍ ହଡ଼କକେ ସାର୍ପାଅକ୍ ତାନାବୁ ।

୧୦ ଏନ୍ ମଚା ହରାତେଗି ଧାନଧାବାଦ୍ ଆଡ଼ଃ ସାର୍ପାଅ ଅଡ଼ଜ୍ଅଃତାନା । ହେ ହାଗା ମିଶିକ, ଏନ୍ଲେକା ଆଲକା ହବାଅଃକା ।

୧୧ ମିଆଁଦ୍ ସେତେଜ୍ଏତେ ହେଡ଼େମ୍ ଆଡ଼ଃ ମେହେର୍ ଦାଆଃ ଲିଜ୍ ଦାଡ଼ିୟାଆତି ?

୧୨ ହାଗା ମିଶିକ, ଲଆଦାରୁଏତେ ଚିନାଃ ଜାଇତୁନ୍ ଜ ଜ'ଆ ? ଚାଏ ଦାଖ୍ନାଡ଼ିଏତେ ଚିନାଃ ଲଆ ଜ ଜ'ଆ ? ଏନ୍ଲେକାଗି ବୁଲ୍ଲଜ୍ ଦାଆଃ ଲିଜ୍ୟାତାନ୍ ସେତେଜ୍ଏତେ ହେଡ଼େମ୍ ଦାଆଃ କା ଲିଜ୍ୟାଆ ।

ସିର୍ମାଏତେ ହିଜୁଃତାନ୍ ସେଣ୍ଟାଁ

୧୩ ଆପେକ-ଏତେ ସେଣ୍ଟିନିଃ ଚାଏ ଆବ୍‌କାର୍‌ଉରୁମ୍‌ନିଃ ଅକ-ଏ ମେନାଲୟା ? ଇନିଃ ସେଣ୍ଟିନିଃ ଆତଃ ଲେବେଃତେ ବୁଗିନ୍ କାମି ରିକାକେଦ୍‌ତେ ଆୟାଃ ଜୀଦାନରେ ଉଦୁବେକାଏ ।

୧୪ ମେନ୍‌ଦ ଆପେୟାଃ ମନ୍‌ସୁରୁଦ୍‌ରେ ହିସ୍‌ଜା, ମେହେର୍ ଆତଃ ଆପ୍‌ନାଃ ନାଜ୍ ଏସ୍‌କାର୍ ଉଡ୍‌ଷୁତେ ପେରେଜାକାନ୍ ରେଦ୍, ଆପ୍‌ନାଃ ସେଣ୍ଟିନ୍ ହରାତେ ସାନାର୍‌ତିରାଃ ବିରୁଧ୍‌ରେ ଆପାନ୍‌କେ ମାରାଜ୍ ମେନ୍ତେ ଆଲପେ କାଜିନ୍ ଆତଃ ହସଡ୍ କାଜି ଆଲପେ କାଜିୟା ।

୧୫ ନେ'ଲେକାନ୍ ସେଣ୍ଟିନ୍ ପାର୍‌ମେଶ୍‌ବାର୍‌ତାଃଏତେ କା ହିଜୁଃଆ, ମେନ୍‌ଦ ନେ ସେଣ୍ଟିନ୍ ଅତେଦିଶୁମ୍‌ଏତେ ହିଜୁଃଆ । ନେଆଁ ଆମ୍‌ଏତେ କାହା ମେନ୍‌ଦ ସାଏତାନ୍‌ତାଃଏତେ ହିଜୁଃଆ ।

୧୬ ଚିୟାଃତି ଅକ୍‌ତାଃରେ ହିସ୍‌ଜା, ଆପ୍‌ନାଃ ନାଜ୍ ଏସ୍‌କାର୍ ଉଡ୍‌ଷୁ ମେନାଃ, ଏନ୍ତାଃରେ ବିନ୍‌ଗାଅ, ଆତଃ ସବେନ୍ ଲେକାନ୍ ଏଡ୍‌କାନ୍ କାଜିକ ତାଇନାଃ ।

୧୭ ମେନ୍‌ଦ ସିମ୍‌ଏତେ ଆଡ୍‌ଗୁଃତାନ୍ ସେଣ୍ଟିନ୍ ସବେନାଃଏତେ ସିଦାତେଦ୍ ଫାର୍‌ତି, ସୁକୁ ଏମାଃ, ଲେବେଃମନ୍, ଆତଃ ଗାଡିସାଜାତି ତାନାଃ, ଏନା ଦାୟାତେ ପେରେଜାକାନା ଆତଃ ପୁରାଃଗି ବୁଗିନ୍ କାମିରେୟାଃ ଜ'ତେ ପେରେଜାକାନା । ନେଆଁ ସାର୍‌ତିତେ ଆତଃ ବେଗାର୍ ଆଡାଃଉଡ୍‌ଷୁତେ ହବାଅଃତାନା ।

୧୮ ଜୀଉସୁକୁ ବାବାଇ ହଡ୍‌କ ହରାତେ ହେରାକାନ୍ ହିତାଏତେ ଧାର୍‌ମାନ୍‌ରେୟାଃ ଜ' ଏମାଃଏ ।

୪

ଅତେଦିଶୁମ୍‌ଲଃ ଗାଡିସାଜାତି

୧ ଆପେ ଆଲାରେ ଲାଡାଈ ଆତଃ ଏପେଗେର୍ ଚିନାଃମେନ୍ତେ ହବାଅଃତାନା ? ଆପେରେ ତାଇନ୍‌ତାନ୍ ରିଜରାଜ୍‌ରେୟାଃ ସାନାଜ୍‌ଗି ଏନ୍ ଲେକାଏ ରିକାଏତାନା ।

୨ ଚିୟାଃତି ଆପେ ଅକ୍‌ଆଃ ନାମ୍ ନାଗେନ୍ତେପେ ସାନାଜ୍‌ତାନା, ଏନା କାପେ ନାମେରେ ମାଆଃ ଗଗଏଃ ନାଗେନ୍ତେପେ ସେକାଡେନ୍ ତାନା । ଅକ୍‌ନାଃ ନାମେ ନାଗେନ୍ତେ ଆପେୟାଃ ପୁରାଃଗି ସାନାଜ୍ ହବାଅଃଆ, ଏନା କାପେ ନାମ୍‌ଲେରେ ଏପେଗେର୍ ଆତଃ ଲାଡାଈୟାଃପେ । ଚିୟାଃତି ଆପେ ପାର୍‌ମେଶ୍‌ବାର୍‌କେ ଆପେୟାଃ ଲାଗାଡିଜ୍‌ତେୟାଃକ କାପେ ଆସିୟାଃ, ଏନାମେନ୍ତେ ଆପେ ଏନ୍ ସବେନାଃ କାପେ ନାମାଃ ।

୩ ଆତଃ ଆପେ ଆସିରେୟାଃ କାପେ ନାମେରେୟାଃ ବିଷାଏ ହବାଅଃତାନା, ଆପେୟାଃ ଆସିରେୟାଃ ଉକେଶ୍ ଏଡ୍‌କାନାଃ ତାନାଃ । ଆପେ ଆପେୟାଃ ରିଜରାଜ୍ ନାଗେନ୍ତେ ଆସିୟାଃପେ ।

୪ ଏ ଆପାଜିର୍ କାମିତାନ୍ କୁଡି ଲେକାନ୍ ହଡ୍‌କ, ଅତେଦିଶୁମ୍‌ରେୟାଃ ଗାଡିସାଜାତି ପାର୍‌ମେଶ୍‌ବାର୍‌ଆଃ ବାଇରି ତାନାଃ, ଏନା ଚିନାଃ ଆପେ କାପେ ସାରିତାନା ? ଜେତାଏ ନେ ଅତେଦିଶୁମ୍‌ଲଃ ଗାଡିସାଜାତି ରିକାଃଏ ଇନିଃ ପାର୍‌ମେଶ୍‌ବାର୍‌ଆଃ ବାଇରି ତାନିଃ ।

୫ ଆପେ ଚିନାଃ ଧାରାମ୍‌ପୁଅରେୟାଃ ନେ କାଜିରେ ସାର୍‌ତି ବାନଃଆ ମେନ୍ତେପେ ଆବ୍‌କାରେତାନା, “ପାର୍‌ମେଶ୍‌ବାର୍ ଆବୁତାଃରେ ଅକ୍ ଆମ୍‌କେ ତାଇନଃ ନାଗେନ୍ତେ ଏମ୍‌କିୟା, ଇନିଃ ଆବୁକେ ପୁରା ଆକ୍‌ତେୟାର୍‌ବୁ ନାଗେନ୍ତେ ପୁରାଃଗି ସାନାଜ୍‌ତାନା ?”

୬ ମେନ୍‌ଦ ପାର୍‌ମେଶ୍‌ବାର୍ ଅକ୍ ସାୟାଦ୍ ଏମାଃ, ଏନା ପୁରାଃଗି ପେଡେୟାନ୍‌ଗିୟା । ଧାରାମ୍‌ପୁଅରେ ଅଲାକାନା, “ପାର୍‌ମେଶ୍‌ବାର୍ ହିସ୍‌ଜାତାନ୍‌କ୍‌ଆଃ କାଜିକଟ୍‌ଜ୍ ରିକାଃଏ ମେନ୍‌ଦ ଲେବେଃମନ୍ ହଡ୍‌କକେ ସାୟାଦ୍ ଏମାଃଏ ।”

୭ ଏନାତେ, ଆପେ ପାର୍‌ମେଶ୍‌ବାର୍‌ତାଃରେ ଆପାନ୍‌କେ ଜିମାନ୍‌ପେ । ସାଏତାନ୍‌କେ କାଜିକଟ୍‌ଜ୍ ରିକାଈପେ । ଏନ୍‌ରେଦ୍ ଇନିଃ ଆପେତାଃଏତେ ନିରାଃଏ ।

୮ ପାର୍‌ମେଶ୍‌ବାର୍‌ଆଃ ହେପାଦ୍‌ତେ ହିଜୁଃପେ, ଏନାରେ ଇନିଃ ଆପେୟାଃ ହେପାଦ୍‌ତେ ହିଜୁଃଆ । ଏ ପାପି ହଡ୍‌କ, ଆପେୟାଃ ତିଃଇକେ ଆବୁଜ୍‌ୟେପେ ଆତଃ ଏ ବାରିୟା ମନ୍‌ରେନ୍ ହଡ୍‌କ, ଆପେୟାଃ ମନ୍‌ସୁରୁଦ୍‌କେ ଫାର୍‌ତିପେ ।

୯ ଏୟମ୍‌ତାନ୍, ଦୁକୁଃତାନ୍‌ଲଃ ରାଆଃଏପେ, ଆପେୟାଃ ଲାନ୍‌ ରାନାଃରେ ଆତଃ ଆପେୟାଃ ରାସ୍‌କା ଦୁକୁରେ ବାଦ୍‌ଲାଅଃକା ।

୧୦ ପ୍ରାଡୁଆଃ ଆୟାର୍‌ରେ ଆପେ ଆପାନ୍‌କେ ଲେବେୟେନ୍‌ପେ, ଏନାରେ ଇନିଃ ଆପେକେ ମାରାଜ୍‌ପେୟା ।

ମିହୁଡ୍‌ ଆତଃମିହୁଡ୍‌କେ ଆଲପେ ବିଚାରାଃ

୧୧ ହେ ଦୁଲାଡ୍‌ ହାଗା ମିଶିକ, ମିହୁଡ୍‌ ଆତଃମିହୁଡ୍‌ଆଃ ବିରୁଧ୍‌ରେ ଏଡ୍‌କାନ୍ କାଜି ଆଲପେୟାଃ । ଜେତାଏ ବିଶ୍ୱାସୀ ହାଗାରାଃ ବିଚାରକେଦ୍‌ତେ ଇନିୟାଃ ବିରୁଧ୍‌ରେ ଏଡ୍‌କାନ୍ କାଜି କାଜିରେଦ୍, ଇନିଃ ଆନ୍‌ରୁରେୟାଃ ବିଚାର୍ ଆତଃ ଏନାରେୟାଃ ବିରୁଧ୍‌ରେ ଏଡ୍‌କାନ୍ କାଜି କାଜିୟା । ଆପେ ଆନ୍‌ରୁରେୟାଃ ବିଚାର୍ ରିକାଏରେଦ୍, ଆପେ ଏନା କାପେ ମାନାଡିଜ୍‌ତାନା, ମେନ୍‌ଦ ଏନାରେୟାଃ ବିଚାର୍‌ନିଃପେ ହବାକାନା ।

୧୨ ପାର୍‌ମେଶ୍‌ବାର୍ ଏସ୍‌କାର୍ ଆନ୍‌ରୁ ଏମାଃନିଃ ଆତଃ ବିଚାର୍‌ନିଃ ତାନିଃ । ଇନିଃ ଏସ୍‌କାର୍ ବାଞ୍ଛାଅ ଆତଃ ଜିୟନ୍ ଦାଡିନିଃ ତାନିଃ । ଏନାମେନ୍ତେ ହପର୍‌ଜାପାଃରେନ୍‌କ୍‌ଆଃ ଗୁଞ୍ଜାଁ ବିଚାର୍ ନାଗେନ୍ତେ ଆପେ ଅକ୍‌ଏ ତାନ୍‌ପେ ?

ଆପାନ୍‌କେ ମାରାଜ୍ ମେନ୍ତେ କାଜିନ୍ ବିଷାଏରେ ଚେତାଅ

୧୩ ନାହାଁଠଦ ଆୟୁମେପେ, ଆପେକଏତେ ଚିନିନ୍‌ହଡକ କାଜିୟାଠପେ, “ଆଲେ ତିସିଙ୍ଗ ଚାଏ ଗାପା ଏନ୍ ନାଗାର୍‌ତେ ସେନାଲେ, ଆତଃ ଏନ୍ତାଠରେ ମିଦ୍ ବାରାଷ୍ଟ ତାଜନାଲେ ଏନ୍ତେ କାମିତଦାମ୍‌କେଦ୍‌ତେ ପୁରାଠଗି ଟାକା ପାଏସାଲେ ନାମୈୟା ।”

୧୪ ମେନ୍‌ଦ ଗାପା ଆପେୟାଠ ଜୀଦାନ୍‌ରେ ଚିନାଠ ହବାଅଠଆ, ଏନାଦ ଆପେ କାପେ ସାରିୟା ! ଆପେୟାଠ ଜୀଦାନ୍‌ଦ କୁହୁଡ଼ି ଲେକା, ଘାଡ଼ିକାଦ୍‌ଗି ନେଲଠଆ ଏନ୍ତେ ଆତଠକାଟିଠ ଘାଡ଼ିକାଦ୍‌ରେ କା ନେଲଠଆ ।

୧୫ ଏନାମେନ୍ତେ ଆପେକେ ନେ'ଲେକା କାଜି ଲାଗାତିଙ୍ଗ୍‌ୟାଠ, “ପ୍ରାଭୁଆଠ ସାନାଙ୍ଗ୍ ହବାଅଠରେଦ, ଆଲେ ଜାନିଦ୍ ତାଜନକେଦ୍‌ତେ ନେଆଁଲେ ରିକାୟା ଚାଏ ଏନାଲେ ରିକାୟା ।”

୧୬ ମେନ୍‌ଦ ନାହାଁଠ ଆପେ ଆପନାଠ ମାନାରାଙ୍ଗ୍ ରିକାକେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା; ନେ'ଲେକାନ୍ ମାରାଙ୍ଗ୍‌ୟେନ୍‌ତେୟାଠ ଏଡକାନାଠ ତାନାଠ ।

୧୭ ଏନାମେନ୍ତେ, ଜେତା ହଡ୍ ବୁଗିନ୍ କାମି ରିକା ଲାଗାତିଙ୍ଗ୍‌ୟାଠ ମେନ୍ତେ ସାରିକାଦ୍‌ରେୟ ଏନା କାଏ ରିକାଏ ରେଦ, ଇନିଠ ପାପ୍ କାମିତାନାଏ ।

୫

କିସାଁଣ୍ ହଡକ ନାଗେନ୍ତେ ଚେତାଅରେୟାଠ କାଜି

୧ ହେ କିସାଁଣ୍ ହଡକ ଆଇଁୟାଠ କାଜି ଆୟୁମେପେ, ଆପେୟାଠ ନାଗେନ୍ତେ ହିଜୁଠତାନ୍ ବରଝାନ୍ ଦୁକୁ ହବାଅଠତେ ସେନ୍‌ତାନା, ଏନାମେନ୍ତେ ରାଆଠଏପେ ଆତଠ ଏୟମେପେ ।

୨ *ଆପେୟାଠ ଖୁଜ୍‌କ ଜିୟନଠଆ ଆତଠ ଲିଜାଠକକେ ନିଦିରକ ଜମେୟାଁ ।

୩ ଆପେୟାଠ ସୋନା ରୁପାକରେ ମୁର୍ତ୍ତା ସାବ୍‌କେଦାକ, ଆତଠ ଏନ୍ ମୁର୍ତ୍ତା ଆପେୟାଠ ବିରୁଧ୍‌ରେ ଗାଝାଏ ଏମେୟା ଆତଠ ଆପେୟାଠ ହଡକମକେ ସେଙ୍ଗେଲ୍ ଲେକା ଜୁଲ୍ ଅଣ୍ଡରେଆଏ । ନେ ଟୁଣ୍ଡୁ ଦ୍ରିପିଲିରେ ଆପେ ଖୁଜ୍‌କପେ ହୁଣ୍ଡିଆକାଦା ।

୪ ଆପେୟାଠ ପିଡ଼ିରେ କାମିତାନକକେ ନାଲା କାପେ ଏମାକାଦ୍‌କଆ । ଇନ୍‌କୁଆଠ କାଜିଗହାର୍ ଆୟୁମେପେ । ବାବା ଇରଠକଆଠ ରାନାଠ ସବେନାଠଏତେ ପେଡେଠୟାନ୍ ପ୍ରାଭୁ ପାରମେଶ୍ୱାର୍ ଆୟୁମାକାଦାଏ ।

୫ ନେ ଅତେଦିଶ୍ୱମରେ ଆପେୟାଠ ଜୀଦାନ୍ ରିଜରାଙ୍ଗ୍‌ରେ ପେରେଜାକାନା । ଗନଏଠରେୟାଠ ହୁଲାଙ୍ଗ୍ ନାଗେନ୍ତେ ଆପେ ଆପେୟାଠ ମନ୍‌ସୁରୁଦ୍‌କେ ମଟାକାଦାପେ ।

୬ ଆପେ ଧାର୍‌ମାନ୍ ହଡକକେ ଚିଟାକେଦ୍‌ତେ ମାଆଠଗଏଠ କାଦ୍‌କଆପେ; ଇନ୍‌କୁ ଆପେୟାଠ କାଜିକଟଙ୍ଗ୍ କାକ ରିକା ଦାଡ଼ିୟା ।

ଧୁରାଜ୍ ସାବ୍‌କେଦ୍‌ତେ ବିକ୍ରିପେ

୭ ହେ ହାଗା ମିଶିକ, ପ୍ରାଭୁଆଠ ଆତଠମିସା ହିଜୁଠ ଜାକେଦ୍‌ ଧୁରାଜ୍ ସାବ୍‌କେଦ୍‌ତେ ତାଜନପେ । ନେଲେପେ, ଚାଷିହଡ୍ ଚିଲ୍‌କା ଆୟାଠ ଅତେରେ ପୁରାଠ ଗନଙ୍ଗ୍‌ଆଁନ୍ ଜ ନାମେ ନାଙ୍ଗ୍ ଧୁରାଜ୍ ସାବ୍‌କେଦ୍‌ତେ ଗାମାଦାଆଠକେକ ତାଙ୍ଗିଆ ।

୮ ଏନ୍‌ଲେକାଗି ଆପେୟା ଧୁରାଜ୍ ସାବ୍‌କେଦ୍‌ତେ ଆପେୟାଠ ମନ୍‌ସୁରୁଦ୍‌କେ ସାଲ୍‌ସାନ୍ତ୍ ରିକାଏପେ । ଆପେୟାଠ ଆସ୍ତା କେଟେଦ୍‌ଗି ତାଜନକା, ଚିଆଠି ପ୍ରାଭୁଆଠ ହିନିଜୁଠ ହୁଲାଙ୍ଗ୍ ନାଡେଜାକାନା ।

୯ ହେ ହାଗା ମିଶିକ, ମିହୁଡ୍‌ଆତଠମିହୁଡ୍‌ନିୟାଠ ବିରୁଧ୍‌ରେ ଆଲପେ କାଜିୟା, ଏନାରେ ପାରମେଶ୍ୱାର୍ ଆପେୟାଠ ବିଚାର୍ କାଏ ରିକାଏୟା । ନେଲେପେ, ମାରାଙ୍ଗ୍ ବିଚାର୍‌ନିଠ ଦୁଆର୍ ହେପାଦ୍‌ରେ ତିଙ୍ଗିଆକାନା ।

୧୦ ହେ ହାଗା ମିଶିକ, ଅକ ନାବୀକ ପ୍ରାଭୁଆଠ ନୁଡୁମ୍‌ତେ କାଜିକାଦ୍‌ ତାଜକେନାକ, ଇନ୍‌କୁକେ ଧୁରାଜ୍ ଆତଠ ସାସାତି ନାମେକେଦ୍‌ରେୟାଠ ନାମୁନା ଲେକା ତେଲିକପେ ।

୧୧ ଇନ୍‌କୁଆଠ ସାହାତିଙ୍ଗ୍ ଜୀଝାନ୍ ହରାତେ ଆବୁ ଇନ୍‌କୁକେ ଧାଇନ୍ ମେନ୍ତେବୁ କାଜିତାନା । ଆପେ ଆୟୁବ୍‌ରାଠ ସାହାତିଙ୍ଗ୍ ଜୀଝାନ୍ ବିଷାଏରେ ଆୟୁମାକାଦାପେ ଆତଠ ଟୁଣ୍ଡୁରେ ପ୍ରାଭୁ ଚିଲ୍‌କା ଇନିଠକେ ଆଶିଷ୍ ଏମ୍‌କିୟାଏ, ଏନା ସାରିତାନାପେ । ଚିୟାଠି ପ୍ରାଭୁଦ୍ ପୁରା ଲିବୁଇତେ ଆତଠ ଦାୟାତେ ପେରେଜାକାନ୍‌ନିଠ ତାନିଠ ।

୧୨ *ହେ ହାଗା ମିଶିକ, କିରିୟାଏ ଇମ୍‌ତା ସିର୍ମା ଦିଶ୍ୱମରେୟାଠ ଚାଏ ଅତେରେୟାଠ ଚାଏ ଏଟାଠ ଜେତାନ୍ ବିଷାଏରେ କିରିୟା ଆଲପେ ରିକାଏ । ଆପେୟାଠ “ହ୍” ମେନ୍‌ତେୟାଠ ହ୍ ତାଜନକା ଆତଠ “ବାନଠ” ମେନ୍‌ତେୟାଠ ବାନଠ ତାଜନକା । ଏନ୍‌ରେଦ ପାରମେଶ୍ୱାର୍‌ଆଠ ବିଚାର୍‌ରେ ସାଜାଜ୍ କାପେ ନାମେୟା ।

୧୩ ଆପେକଏତେ ଜେତାଏ ଚିନାଠ ନାରାଦୁରାଗିୟାଏ ? ଇନିଠ ବିକ୍ରିକାଏ । ଜେତାଏ ଚିନାଠ ରାସ୍‌କାଗିୟାଏ ? ଇନିଠ ମାନାରାଙ୍ଗ୍‌ରେୟାଠ ଦୁରାଙ୍ଗେକାଏ ।

୧୪ *ଆପେକଏତେ ଜେତାଏ ଚିନାଠ ଦୁକୁତାନାଏ ? ଇନିଠ କାଲିସିୟାରେନ୍ ପ୍ରାଚିନ୍‌କକେ କେଡାକକାଏ; ଇନ୍‌କୁ ପ୍ରାଭୁଆଠ ନୁଡୁମ୍‌ତେ ସୁନୁମ୍ ଗସଠକେଦ୍‌ତେ ଆୟାଠ ନାଗେନ୍ତେ ବିକ୍ରିକାକ ।

୧୫ ନେ'ଲେକାନ୍ ବିଶ୍ୱାସରେୟାଠ ବିକ୍ରି ଦୁକୁତାନ୍‌ନିଠକେ ବୁଗିୟା । ପ୍ରାଭୁ ଇନିଠକେ ବୁଗିୟାଏ ଆତଠ ଇନିଠ ପାପ୍ କାମିକାଦ୍‌ରେଦ, ଇନିଠକେ ଛାମା ଏମାଇୟାଏ ।

* ୫:୨ ମାଥୁର ୬:୧୯. * ୫:୧୨ ମାଥୁର ୫:୩୪-୩୭. * ୫:୧୪ ମାର୍କ ୬:୧୩.

୧୬ ମିଛୁଡ଼ି ଆଡ଼ଃମିଛୁଡ଼ିନ୍ୟାଃ ଆୟାରରେ ପାପକାଦାଈଙ୍ଗ ମେନ୍ତେ ମାନାଡ଼ିଙ୍ଗପେ ଆଡ଼ଃ ମିଛୁଡ଼ି ଆଡ଼ଃମିଛୁଡ଼ିଆଃ ବୁଗିୟଃ ନାଗେନ୍ତେ ବିକ୍ତିପେ । ଧାର୍ମାନ୍ ହଡ଼କଆଃ ବିକ୍ତିରେ ପୁରାଃ ପେଡ଼େଃମେନା ଆଡ଼ଃ କାମି ରିକା ଦାଡ଼ିୟଃଡ଼େୟାଃ ତାନାଃ ।

୧୭ ଏଲିୟ ଆବୁଲେକା ହଡ଼ ତାଇକେନାଏ । ଇନିଃ ଦାଆଃ ଆଲକାଏ ଗାମାଏକା ମେନ୍ତେ ମିଦ୍ମନ୍ତେ ବିକ୍ତିକାଦ୍ ତାଇକେନା, ଆପିୟା ଆଡ଼ଃ ଆଧା ବାରାଷ୍ ଅଡ଼େଦିଶୁମ୍ରେ ଦାଆଃ କାଏ ଗାମାକେଦା ।

୧୮ ଇନିଃ ଆଡ଼ଃମିସା ବିକ୍ତିକେଦାଏ, ଆଡ଼ଃ ସିର୍ମାଏଡ଼େ ଦାଆଃ ଗାମାକେଦାଏ, ଆଡ଼ଃ ଅଡ଼େରେ ହିତା ଜ ଅମନ୍ୟାନା ।

୧୯ ହେ ଆଇୟାଃ ହାଗା ମିଗିକ, ଆପେକଏଡ଼େ ଜେତାଏ ହରା ଆଦେରେଦ, ଏଟାଃନିଃ ଇନିଃକେ ସାର୍ଡ଼ି ହରାଡ଼େ ରୁହାଡ଼ିଆଡ଼ିୟାଏ ।

୨୦ ☆ତାବ୍ଦ ପାହାମେପେ, ଜେତାଏ ଆଦାକାନ୍ ହରାଏଡ଼େ ପାପି ହଡ଼କେ ରୁହାଡ଼ିଆଡ଼ିୟାଏ, ଇନିଃ ଏନ୍ ପାପି ହଡ଼ରାଃ ଆମ୍ବାକେ ଗନଏଃହେଡ଼େ ବାଞ୍ଚାଅୟା ଆଡ଼ଃ ପୁରାଃ ପାପ୍କ ଛାମା ହବାଅିଆ ।

ପିତରଙ୍କ ଲିଖିତ ପ୍ରଥମ ପତ୍ର ପାଠ୍ୟପୁସ୍ତକ ଅଲୀକାଦ୍ ପାହିଲା ଚିଟାଉ ପାରିବାସ

ପାଠ୍ୟପୁସ୍ତକ ଆଠ ପାହିଲା ଚିଟାଉ ପ୍ରେରିତ୍ ପାଠ୍ୟପୁସ୍ତକ ହରାତେ ଅଲୀକାନା । ପାଠ୍ୟପୁସ୍ତକ ଅକ୍ଷୟ ତାନିଃ ଆତଃ ନେ ଚିଟାଉ ଅକ୍ଷୟତାଃ ଅଲୀକାଦାଏ, ନେ ବିଷାଏରେ କାଜିକେଦ୍ତେ ଚିଟାଉ ଅଲ୍ ଏଚେଦ୍‌କାଦାଏ । ଇନିଃ ନେ ଚିଟାଉରେ ବେଗାର୍ ଚିହ୍ନାର୍ ଖ୍ରୀଷ୍ଟିୟାନ୍ ହତ୍ତକକେ ଅଲୀକାଦକଥା ୧:୧; ୧:୧୭; ୨:୧୧ । ଇନ୍କୁ ଅତେଦିଶ୍ଟୁମ୍ରେ ଛିତିବିତିକାନ୍ ହରାତେ ଇନିଃ ଆୟାଃ ପାଠ୍ୟଅତାନ୍ ହତ୍ତକକେ ପୁରାଃସାଃ ନେ'ଲେକାଏ କାଜିକାଦକଥା । ଚିଆଃଚି ନେ ଚିଟାଉ ଏଫିସୁସ୍ କାଲିସିୟାତେ ଅଲୀକାଦ୍ ପାଠ୍ୟଲୁୟାଃ ଚିଟାଉ ଲେକା ତାନାଃ । ପୁରାଃ ହତ୍ତକ ବିଶ୍ୱାସାଃକ ଯେ, ପାହିଲା ପାଠ୍ୟପୁସ୍ତକ ଖ୍ରୀଷ୍ଟିୟାଃ ଜାନାମ୍ରେୟାଃ ୨୫ ବାରାଷ୍ ତାୟମ୍ତେ ଅଲୀକାନ୍ ତାଇକେନା । ପାଠ୍ୟପୁସ୍ତକ ନେ ଚିଟାଉ ରୋମ୍ ନାଗାର୍‌ହେତେ ଅଲୀକାଦା, ଅକ୍ନାଃକେଚି ବାବିଲୋନ୍ ମେନ୍ତେ ଇନିଃ କାଜିୟାଃଏ ୫:୧୩ ।

ପାଠ୍ୟପୁସ୍ତକ ନେ ଚିଟାଉରେ କାଜିୟାଃଏ ଯେ, ନେ ଚିଟାଉରେୟାଃ ଉକେଶ୍ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେ ଆତଃ ପାର୍‌ମେଶ୍ୱାର୍‌ଆଃ ସାର୍‌ତି ସାୟାଦ୍‌ରେୟାଃ ଗାଞ୍ଜା ଏମ୍ ନାଗେନ୍ତେ ତାନାଃ ୫:୧୨; ୧ ପାଠ୍ୟପୁସ୍ତକ ୨:୧୧-୩:୭; ଏଫିସିୟ ୫:୧୮-୬:୯, ଆତଃ କଲସିୟ ୩:୧୮-୪:୬ ନେଆଁରେ ମିଦ୍‌ଜକାଗି ମେନାଃ । ନେ ଆପିୟା ଚିଟାଉରେୟାଃ ସବେନ୍ ଆଧ୍ୟାୟରେ କୁଟୁମ୍ କୁପୁଲ୍‌କଥାଃ ନାତା ବିଷାଏରେ ଆତଃ ଆକ୍‌ତେୟାର୍ ନାମାକାଦକକେ ମାନାତିକ୍ ବିଷାଏରେ ଇନିତୁ ଏମାଃଏ । ତୁଣ୍ଡୁ ଦିପିଲି ନାଡେଜଃତାନ୍ ହରାତେ ଇନିଃ ଦୁକୁ ଇମ୍‌ତାହଗି ସାହାତିକ୍‌କେଦ୍ତେ ତାଇନଃ ନାଗେନ୍ତେ ଖ୍ରୀଷ୍ଟିୟାନ୍ ହତ୍ତକକେ ଜୀଉରେ ରାସ୍‌କା ଏମାଃଏ ୪:୧ ।

ପ୍ରଥମ ଭାଗରେ ତାଇକାନ୍ କାଜି

- ୧. ପାଠ୍ୟପୁସ୍ତକ ଆୟାଃ ପାଠ୍ୟଅତାନ୍ ହତ୍ତକକେ ଆୟାଃ ବିଷାଏରେ ପାରିବାସ ଆତଃ ଆୟାଃ ଆପୁଆଃ ଅତଃ ଠାୟାଦ୍ ଏମାଃଏ । ୧:୧-୨
- ୨. ପାଠ୍ୟପୁସ୍ତକ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଃଏ ଯେ, ସବେନ୍‌କ ପାର୍‌ମେଶ୍ୱାର୍‌ଆଃ ପାରିତ୍ରାଶ୍‌ରେୟାଃ ହିସା ହବାଅଃଆକ, ଅକ୍ନାଃ ଆକଥାଃ ଜୀଦାନ୍‌ରେୟାଃ ଉକେଶ୍ ତାନାଃ । ୧:୩-୨:୧୦
- ୩. ଅତେଦିଶ୍ଟୁମ୍ରେ ଚିଲ୍‌କା ବୁଗିଲେକା ଜୀଦାନ୍ ବିତାଅ ହବାଅଃ ଲାଗାତିକ୍‌ୟାଃ ଆତଃ କଡ଼ା କୁଡ଼ି, ଗୁସିୟା ଆତଃ ଦାସି ଆଲୀରେ ଚିଲ୍‌କା ନାତା ଦହ ଲାଗାତିକ୍‌ୟାଃ ଏନାରେୟାଃ ଇନିତୁ ଏମାଃଏ । ୨:୧୧-୪:୧୧
- ୪. ଦୁକୁ ଇମ୍‌ତାକରେ ସାହାତିକ୍‌କେଦ୍ତେ ତାଇନଃ ନାଗେନ୍ତେ ପାଠ୍ୟପୁସ୍ତକ ଇନ୍କୁକେ ଜୀଉରେ ରାସ୍‌କା ଏମାଃଏ । ୪:୧୨-୫:୧୧
- ୫. ଏନ୍ତେ ଇନିଃ ଆୟାଃ ଚିଟାଉ ଅଲ୍‌କେଦ୍ତେ ଚାବାକେଦା । ୫:୧୨-୧୪

୧ ଆଇକ୍ ପାଠ୍ୟପୁସ୍ତକ ଯୀଶୁ ଖ୍ରୀଷ୍ଟିୟାଃ ମିଆଁଦ୍ କୁଲୀକାନ୍‌ନିଃ ତାନିକ୍, ପନ୍ତସ୍, ଗାଲୀତିୟ, କାପାଦକିଆ, ଏସିଆ, ବେଥୁନିଆ, ରାଇଜ୍‌କରେ ଛିତିବିତିକେଦ୍ତେ ତାଇନଃତାନ୍ ପାର୍‌ମେଶ୍ୱାର୍‌ଆଃ ସାଲୀକାନ୍ ହତ୍ତକକେ ନେ ଚିଟାଉ ଅଲେତାନାଇକ୍ ।

୨ ଆପୁ ପାର୍‌ମେଶ୍ୱାର୍ ସିଦାରେ ଉହାଟ୍‌କାଦ୍ ସେଣ୍ଟା ଲେକାତେ ଆପେ ସାଲୀକାନାପେ ଆତଃ ଯୀଶୁ ଖ୍ରୀଷ୍ଟିୟାଃ କାଜି ମାନାତିକ୍‌କେଦ୍ତେ ଆୟାଃ ମାୟୋମ୍ରେ ଫାର୍‌ତିୟଃ ନାଗେନ୍ତେ ଆପେ ପାବିତାର୍ ଆମ୍ବାତେ ପାବିତାର୍ ହତ୍ତପେ ବାଇୟାକାନା । ପାର୍‌ମେଶ୍ୱାର୍‌ଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ପୁରାଃତେ ହବାଅଃକା ।

ମିଆଁଦ୍ ଜୀନିଦ୍‌ରାଃ ଆସ୍ତା

୩ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ, ଆପୁ ପାର୍‌ମେଶ୍ୱାର୍‌ଆଃ ସାହାରାଅ ହବାଅଃକା, ଚିୟାଃଚି ଆୟାଃ ମାରାକ୍ ଦାୟାତେ ଯୀଶୁ ଖ୍ରୀଷ୍ଟକେ ଗନଏଃହେତେ ଜୀଉବିରିଦ୍‌କିୟାଏ, ଆତଃ ଆରୁକେ ନାଞ୍ଜା ଜୀଞ୍ଜାନ୍ ଏମାକାଦ୍‌ବୁଆଏ । ନେଆଁ ଆରୁକେ ଜୀନିଦ୍ ଆସ୍ତାରେ ପେରେଜାକାଦ୍‌ବୁଆ ।

୪ ଏନାମେନ୍ତେ ପାର୍‌ମେଶ୍ୱାର୍ ଆୟାଃ ହତ୍ତକ ନାକ୍ ମାରାକ୍ ଆଶିଷ୍ ଦହାକାଦାଏ, ଏନାକେ ନାମେ ନାଗେନ୍ତେ ଆରୁ ସବେନ୍‌କ ତାଜିତାନାରୁ । ଇନିଃ ଏନାକେ ଆପେ ନାଗେନ୍ତେ ସିର୍ମାରେ ଦହାକାଦା । ଏନ୍ତାଃରେ ଏନା କା ସୟାଃଞ୍ଜା, କା ଜିୟନଃଆ, ଆତଃ କା ଗସଃଆ ।

୫ ତୁଣ୍ଡୁ ଦିପିଲିରେ ଅକ୍ ଜୀଉବାସ୍ତା ଉଦ୍‌ବଃ ନାଗେନ୍ତେ ସେକାଡ଼ାକାନା, ଏନାକେ ନାମେ ନାକ୍ ଆପେୟାଃ ବିଶ୍ୱାସ୍ ହରାତେ ପାର୍‌ମେଶ୍ୱାର୍‌ଆଃ ପେଡ଼େଃତେ ଜାଡ଼ିନାଅ କାନାପେ ।

୬ ଏନାତେ ଆପେ ରାସ୍‌କାଅଃପେ । ହବାସାକାଅଆଃ ଚିମିନ୍ ରାକାମ୍‌ରେୟାଃ ଦୁକୁହାସୁ ହରାତେ ଆପେକେ ନାହାଁଃ କାଚିଃ ଘାଡ଼ିକାଦ୍ ନାକ୍ ଦୁକୁ ହବାଅଃ ଲାଗାତିକ୍‌ୟାଃ ।

୭ ଆପେୟାଃ ବିଶ୍ୱାସ୍ ସାର୍ତ୍ତିତାନାଃଟି ନାହାଁଲାଃ ଏନା ବିଡ଼ାଅ ନାଗେନ୍ତେ ନେ ସବେନାଃରାଃ ଉଦ୍ଦେଶ୍ ତାନାଃ । ସୋନାକେ ସେଜ୍ଞେଲ୍ରେ ବିଡ଼ାଅକେଦ୍ତେ ବୁଗିନାଃ ତାନାଃଟି ନାହାଁଲାଃ ଏନା ସାରିୟାଆ, ମେନ୍ଦ୍ ଏନା ଜିୟନଃତେୟାଃ ତାନାଃ । ଆପେୟାଃ ବିଶ୍ୱାସ୍ ସୋନାଏତେୟାଗି ପୁରାଃ ଗନଜ୍ଆନ୍ ତାନାଃ ଏନା ନାଗେନ୍ତେ ବିନିଡ଼ାଅ ହରାତେ ଏନାକେ ପକ୍ତାଏ ଲାଗାତିଜ୍ୟାଃ । ଏନା ହବା ଦାଡ଼ିୟାଃରେ, ଯୀଶୁ ଖ୍ରୀଷ୍ଟାଃ ଉନ୍ନୁଦୁବ୍ ଦିପିଲିରେ ଆପେ ମାଇନାନ୍, ମାନାରାଜ୍, ଆତଃ ସାହାରାଅପେ ନାମେୟା ।

୮ ଆପେ ଇନିଃକେ କାପେ ନେଲ୍କାକରେୟ ଦୁଲ୍ଲାଡ଼ିତାନାପେ ଆତଃ ନାହାଁଃ ହ୍ କାପେ ନେଲିତାନ୍ରେୟ ଇନିଃତାଃରେ ବିଶ୍ୱାସ୍କେଦ୍ତେ କା କାଜି ଦାଡ଼ିୟାଃ ଲେକା ମାନାରାଜ୍ ରାସ୍କାତେପେ ରାସ୍କାଅଃତାନା,

୯ ଚିଆଃଟି ଆପେୟାଃ ବିଶ୍ୱାସ୍ରେଆଃ ନାଲା ଆପେୟାଃ ଆମ୍ବାରାଃ ଜୀଉବାଞ୍ଚାଅ ତାନା, ଏନାପେ ନାମାକାଦା ।

୧୦ ନେ ଜୀଉବାଞ୍ଚାଅ ବିଷାଏରେ ନାବାକ ପୁରାଃ ବୁଗିଲେକା ଦାଣ୍ଟା ନାମ୍ବକେଦ୍ତେ ଇନ୍କୁ ପାର୍ମେଶ୍ୱାର୍ଆଃ ନେ ସାୟାଦ୍ରେୟାଃ ବାର୍ଦାନ୍ ବିଷାଏରେକ କାଜିଆୟାକେଦା ।

୧୧ ଏନ୍ ବାର୍ଦାନ୍କେ ଆପେ ଚିଉଲା ଆତଃ ଚିଲ୍କାତେପେ ନାମେୟା, ଏନା ସାରିନାମ୍ ନାଗେନ୍ତେ ଇନ୍କୁ ଚେଷ୍ଟା ତାଇକେନାକ । ଏନ୍ ବିଷାଏରେ ପାବିତାର୍ ଆମ୍ବାରାଃ ଦେଜ୍ଞାତେ ଇନ୍କୁ ଖ୍ରୀଷ୍ଟାଃ ଦୁକୁ ଆତଃ ତାୟମ୍ତେରାଃ ମାନାରାଜ୍ ବିଷାଏରେ ଆୟାକାଜି କାଜିକାଦ୍ ତାଇକେନାକ ।

୧୨ ନେ ସବେନ୍ ବିଷାଏରେ ଇନ୍କୁ ଆକଆଃ ଆପ୍ନାଃ ସୁନ୍ସାର୍ କା ରିକାକେଦ୍ତେ ଆପେୟାଃ ସୁନ୍ସାର୍ ରିକା ତାଇକେନାକ, ମେନ୍ଦ୍ ଇନ୍କୁ ଆକଆଃ ବୁଗିନ୍ ନାଗେନ୍ତେ ଜେଡ୍ନାଃ କାକ କାମିକେଦା । ଇନ୍କୁ କାଜି ତାଇକେନ୍ତେୟାଃ ଆପେ ନାଗେନ୍ତେ ଉଦୁବ୍କାନ୍ ତାଇକେନା । ଏନା ସିର୍ମାଏତେ କୁଲ୍ଲାନାନ୍ ପାବିତାର୍ ଆମ୍ବାରାଃ ପେଡ଼େଃତେ ନାହାଁଃ କାଜି ଏମ୍ତାନକଆଃ ହରାତେ ଆପେତାଃତେ ସୁକୁକାଜି ଉଦୁବାକାନା, ଏନ୍ ସବେନ୍ ବିଷାଏ ଦୁଡ୍ଡକହ୍ ନେଲ୍ ନାଗେନ୍ତେକ ସାନାଜ୍ତାନା ।

ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ କେନେଡ଼ା

୧୩ ଏନାମେନ୍ତେ, କାମି ନାଜ୍ ଆପେୟାଃ ମନ୍ରେ ସେକାଡ଼ାକାନ୍ ତାଇନ୍ପେ । ଚିର୍ଗାଲାକାନ୍ପେ, ଯୀଶୁ ଖ୍ରୀଷ୍ଟ୍ ଉଦୁବଃ ଇମ୍ତାରେ ଆପେକେ ଅକ ସାୟାଦ୍ରେୟାଃ ଜୀଉବାଞ୍ଚାଅ ଏମଃଆ ଏନାରେ ପୁରାଃତେ ଆସ୍ତା ଦହେପେ ।

୧୪ ପାର୍ମେଶ୍ୱାର୍ଆଃ କାଜି ମାନାତିଜ୍ପେ, ଆତଃ ଆପେ ବେଗାର୍ ସାରିତେ ଏଡ୍କାନ୍ ସାନାଜ୍ରେପେ ଜୀହୁଦଃ ତାଇକେନ୍ ଲେକା ଆଲ୍ପେ ସେସେନା ।

୧୫ ମେନ୍ଦ୍ ଆପେକେ କେଡ଼ାକେନ୍ନିଃ ପାବିତାର୍ ମେନାଇ ଲେକାଗି ଆପେୟା ସବେନ୍ ଚାଇଲ୍ ଚାଲାନ୍ରେ ପାବିତାରଃପେ ।

୧୬ ଧାରାମ୍ପୁଅରେ ଅଲାକାନା, “ଆପେ ପାବିତାରଃପେ ଚିୟାଃଟି ଆଇଜ୍ ପାବିତାର୍ ତାନିଜ୍ ।”

୧୭ ପାର୍ମେଶ୍ୱାର୍ ଜେତାଏୟାଃ ମେଦ୍ମୁହାଡ୍ କା ନେଲ୍କେଦ୍ତେ ଆକଆଃ କାମି ଲେକାତେ ବିଚାରକଆ । ଆପେ ଇନିଃତାଃରେ ବିକ୍ତି ଇମ୍ତା ଇନିଃକେ ଆପୁ ମେନ୍ତେପେ ମାଇନିତାନ୍ରେଦ୍, ନେ ଅତେରେ ଆପେୟାଃ ଜୀଞ୍ଜାନ୍ ବାଚାଅକାନ୍ ନେଡ଼ାରେ ଇନିଃକେ ବରଭାକ୍ତିତାନ୍ଲଃ ଜୀଞ୍ଜାନ୍ ବିତାଏପେ ।

୧୮ ଆପେଦ୍ ସାରିତାନାପେ, ଆପେୟାଃ ପୁରଣା ହଡ୍ଡକତାଃଏତେ ହିଜୁଃକାନ୍ ରିଡିରିଞ୍ଜାଜ୍ ଆତଃ ସାମାରେୟାଃ ଜୀଞ୍ଜାନ୍ଏତେ ଆପେକେ ମୁକ୍ତି ଏମ୍ ନାଜ୍ ପାର୍ମେଶ୍ୱାର୍କେ ଗନଜ୍ ଏମ୍ ଲାଗାତିଜ୍ ତାଇକେନା । ଏନା ରୁପା ଚାଏ ସୋନା ଲେକାନ୍ ଜିୟନଃ ଜିନିଷ୍ କା ତାଇକେନା,

୧୯ ମେନ୍ଦ୍ ବେଗାର୍ ଦାଗିକାନ୍ ଆତଃ କା ଚିଟାକାନ୍ ମିଶ୍ଟିହନ୍ ଲେକା ଯୀଶୁ ଖ୍ରୀଷ୍ଟାଃ ପୁରାଃ ଗନଜ୍ଆନ୍ ମାୟୋମ୍ତେ ରାଡ଼ାକାନାପେ ।

୨୦ ଇନିଃଦ୍ ଅତେଦିଶ୍ୱମ୍ରେୟାଃ ବାଇୟାଃ ସିଦାରେ ପାର୍ମେଶ୍ୱାର୍ତେ ସାଲାକାନ୍ ତାଇକେନାଏ ଆତଃ ଆପେ ନାଗେନ୍ତେ ନେ ଟୁଣ୍ଡୁ ଦିପିଲିରେ ଉଦୁବାକାନା ।

୨୧ ପାର୍ମେଶ୍ୱାର୍ ଇନିଃକେ ଗଜାକାନ୍କଏତେ ଜୀଉବିରିଦ୍କିୟା ଆତଃ ମାନାରାଜ୍ ଏମ୍କିୟାଏ । ଇନିୟାଃ ହରାତେ ଆପେ ପାର୍ମେଶ୍ୱାର୍କେପେ ବିଶ୍ୱାସୀ ତାନା, ଏନାତେ ପାର୍ମେଶ୍ୱାର୍ତାଃରେ ଆପେୟାଃ ବିଶ୍ୱାସ୍ ଆତଃ ଆସ୍ତା କେଟେୟାଃ ତାନା ।

୨୨ ନାହାଁଃ ଆପେ ସାର୍ତ୍ତି ମାନାତିଜ୍ତାନ୍ ହରାତେ ଆପେ ଆପେଗି ଫାର୍ଡିଆକାନାପେ ଆତଃ ବିଶ୍ୱାସ୍ତାନ୍ ହାଗାକକେ ଆପେୟାଃ ସବେନ୍ ମନ୍ସୁରୁଦ୍ତେ ଦୁଲ୍ଲାଡ଼କପେ, ଆତଃ ସବେନ୍କଲଃ ଦୁପୁଲ୍ଲାଡ଼ରେ ତାଇନ୍ପେ ।

୨୩ ଚିୟାଃଟି ପାର୍ମେଶ୍ୱାର୍ଆଃ ଜୀନିଦ୍ ଆତଃ କା ଜିୟନଃ ବାଚାନ୍ତେ ଚାଏ ଆପେଦ୍ ଗନଏଃରେନ୍ ଆପୁଆଃ ହନ୍ ଲେକା କାହାଗି ମେନ୍ଦ୍ କା ଗନଏଃ ଆପୁଆଃ ହନ୍ ଲେକାପେ ଜାନାମ୍ବୁହାଡ଼କାନା ।

୨୪ ଧାରାମ୍ପୁଅରେ ଅଲାକାନା,

“ସବେନ୍ ହଡ୍ଡକ ତାସାଦ୍ ଲେକାଃକ,

ଆତଃ ଇନ୍କୁଆଃ ସବେନ୍ ସୁଗାଡ଼ାନ୍ତେୟାଃ ବିର୍ ବାହା ଲେକାଃ ।

ତାସାଦ୍ ରହଡ଼କଆଃ ଆତଃ ବାହା ଗାସାରକଆଃ,

୨୫ ମେନ୍ଦ୍ ପାର୍ମେଶ୍ୱାର୍ଆଃ ବାଚାନ୍ ଜାନାଅ ଜାନାଅ ଜାକେଦ୍ ତାଇନାଃ ।”

ନେଆଁ ଏନ୍ ସୁକୁକାଜି ଅକ୍ନାଃ ଆପେତାଃରେ ଉଦୁବାକାନା ।

୨

ଜାନିଦ୍ ଦିରି ଆତଃ ପାବିତାର୍ ହଡ଼କ

^୧ ଆପେ ସବେନ୍ ଲେକାନ୍ ଏଡ଼କାନାଃଏତେ ସାଙ୍ଗିନେନ୍ଦେ । ସବେନ୍ ଏଡ଼କାନ୍ କାଜି ଚାଏ ହସଡ଼ କାଜି ଚାଏ ହିସ୍‌ଙ୍ଗା କାଜି ଚାଏ ରୁପ୍‌ରା କାଜିକ ବାଗିପେ ।

^୨ ନାଞ୍ଜାନାମ୍ ହନ୍‌ଲେକା ହବାଅଃପେ । ସବେନ୍ ଇମତା ଫୀର୍‌ଚି ଆମ୍‌ିକ୍ ତଆ ନୁଁ ନାଗେନ୍ତେ ତେତାଙ୍‌ଅଃପେ, ଜେ'ଲେକାଟି ଆପେ ନୁଁକେଦ୍‌ତେ ହାରା ଦାଡ଼ିୟଃଆପେ ଆତଃ ବାଞ୍ଜାଅପେ ନାମେୟା ।

^୩ ଧାରାମ୍‌ପୁଅରେ ଅଲ୍‌କାନା, “ପ୍ରାଭୁ ଚିମିନ୍ ଦାୟାଲୁ ତାନିଃ, ଏନା ଆପେ ଆର୍‌କାର୍‌ଉରୁମ୍ କାଦାପେ ।”

^୪ ଜାନିଦ୍ ଦିରି ଲେକାନ୍‌ନିଃଗି ଏନ୍ ପ୍ରାଭୁ ତାନିଃ, ହଡ଼କ ଇନିଃକେ କା ଗନଙ୍‌ଆଁନ୍ ଲେକା ଗେନା ଆତମ୍‌କିୟାକ, ଇନିଃତାଃତେ ହିନ୍‌ଜୁଃପେ, ଚିୟାଃଟି ପାର୍‌ମେଶ୍‌ବାର୍‌ତାଃରେ ଇନିଃ ପୁରାଃ ଗନଙ୍‌ଆଁନ୍ ହବାକେଦ୍‌ତେ ସାଲାୟାନାଏ ।

^୫ ଆପେ ମିଆଁଦ୍ ଆମ୍‌ିକ୍ ମାନ୍‌ିର୍ ବାଇୟେନ୍ ନାଙ୍‌ ଜାନିଦ୍ ଦିରି ଲେକା ବାଉରାଅଃ ନାଗେନ୍ତେ ହିନ୍‌ଜୁଃପେ । ଏନ୍ ମାନ୍‌ିର୍ ଅତାଃରେ ଆପେ ଯାଶୁ ଶ୍ରୀଷ୍ଟିଆଃ ହରାତେ ପାର୍‌ମେଶ୍‌ବାର୍ ସୁକୁଃଆଏ ଲେକା ଆମ୍‌ିକ୍ ଦାଣ୍‌େ ରାକାବ୍ ନାଗେନ୍ତେ ପାବିତାର୍ ଯାଜାକ୍ କାମି କାମିୟାପେ ।

^୬ ଚିୟାଃଟି ଧାରାମ୍‌ପୁଅରେ ଅଲ୍‌କାନା,

“ଆଲେ ମିଆଁଦ୍ ପୁରାଃ ଗନଙ୍‌ଆଁନ୍ ଦିରି ସାଲାକାଦାଲେ,
ଏନାକେ ଆଲେ ସିୟୋନ୍‌ରେୟାଃ କଚା ଦିରି ଲେକାଲେ ମାଣ୍ଡାଅକାଦା ।
ଜେତାଏ ଇନିଃରେ ବିଶ୍ୱାସେନିଃ, ଚିତ୍‌ଲାଅ କାଏ ଗିହୁଗଃଆ ।”

^୭ ଆପେ ବିଶ୍ୱାସ୍‌ତାନ୍ ହରାତେ ନେ ଦିରି ଆପେୟାଃ ନାଙ୍‌ ପୁରାଃଗି ଗନଙ୍‌ଆଁନ୍ ତାନାଃ । ମେନ୍‌ଦ କା ବିଶ୍ୱାସ୍‌ତାନ୍‌କଆଃ ନାଙ୍‌,

“ଅତାଃ ବାବାଇକ ଅକନ୍ ଦିରିକେ ଗେନା ଆତମ୍‌କେଦାକ,
ଏନା ନାହାଁଃ ସବେନାଃରାଃ କଚା ଦିରି ହବାୟାନା ।”

^୮ ଧାରାମ୍‌ପୁଅରେ ଆତଃଗି ଅଲ୍‌କାନା,

“ନେ ସେରେଙ୍‌ ଦିରି ଚେତାନ୍‌ରେ ପୁରାଃ ହଡ଼କ ତହଦଃଆକ,
ନେ ସେରେଙ୍‌ ହରାତେ ଇନ୍‌କୁଆଃ ଜିୟନ୍ ହବାଅଃଆ ।” ଇନ୍‌କୁ ପାର୍‌ମେଶ୍‌ବାର୍‌ଆଃ ବାଚାନ୍‌କେ କାକ ମାନାତିଙ୍‌କେଦା, ଏନାତେ ଇନ୍‌କୁ ତହଦ୍‌ୟାନାକ । ନେଆଁ ଇନ୍‌କୁଆଃ ନାଗେନ୍ତେ ପାର୍‌ମେଶ୍‌ବାର୍‌ଆଃ ସାନାଙ୍‌ ତାଇକେନା ।

^୯ *ମେନ୍‌ଦ ପାର୍‌ମେଶ୍‌ବାର୍ ଆପେକେ ନୁବାଃହେତେ ଆୟାଃ ଆକ୍‌ଦାନ୍‌ଆ ମାୟାଲ୍‌ତେ କେଡ଼ାକାଦ୍‌ପେୟା, ଜେ'ଲେକାଟି ଆପେ ପାର୍‌ମେଶ୍‌ବାର୍‌ଆଃ ଆକ୍‌ଚାକାଅ କାମିକପେ ଉଦୁବେଆ, ଏନାମେନ୍ତେ ଆପେ ମିପିହୁଡ଼୍ ସାଲାକାନ୍ ହଡ଼କ ତାନ୍‌ପେ, ରାଜା ଲେକାନ୍ ଯାଜାକ୍ କିଲିକ, ପାବିତାର୍ ହଡ଼କ, ଆତଃ ପାର୍‌ମେଶ୍‌ବାର୍‌ଆଃ ଆୟାଃ ହଡ଼କପେ ହବାକାନା ।

^{୧୦} ସିଦା ଆପେ ପାର୍‌ମେଶ୍‌ବାର୍‌ଆଃ ହଡ଼କ କାପେ ତାଇକେନା, ମେନ୍‌ଦ ନାହାଁଃ ଆୟାଃ ହଡ଼କ ତାନ୍‌ପେ । ସିଦା ପାର୍‌ମେଶ୍‌ବାର୍‌ଆଃ ଦାୟା କାପେ ସାରିକାଦ୍ ତାଇକେନା, ମେନ୍‌ଦ ନାହାଁଃ ଆପେ ଇନିୟାଃ ଦାୟା ନାମାକାଦାପେ ।

ପାର୍‌ମେଶ୍‌ବାର୍‌ଆଃ ଦାସି

^{୧୧} ହେ ଦୁଲାଡ଼୍ ହାଗା ମିଶିକ, ଆପେ ନେ ଅତେଦିଶ୍ୱମ୍‌ରେନ୍‌କ ନାହାଁଲାପେ ଆତଃ କା ଚିହ୍ନାଁର୍ ଲେକାନ୍‌କ ତାନ୍‌ପେ, ଏନାମେନ୍ତେ ଆଇଙ୍‌ ଆପେକେ ବିକ୍ରିପେ ତାନାଇଙ୍‌, ଆପେ ହଡ଼୍‌ମରେୟାଃ ଏଡ଼କାନ୍ ସାନାଙ୍‌କଏତେ ସାଙ୍ଗିନେନ୍‌ଦେ, ଏନାକଦ ଆମ୍‌ାରେୟାଃ ବିରୁଧ୍‌ରେ ଲାଡ଼ାଇୟାଃ ।

^{୧୨} ସାଅଁସାର୍ ହଡ଼କଆଃ ଆଲାରେ ଆପେୟାଃ ଚାଇଲ୍ ଚାଲାନ୍ ବୁଗିଲେକା ହବାଅଃ ଲାଗାତିୟାଁ, ଚିମ୍‌ତା ଇନ୍‌କୁ ଆପେକେ ଏଡ଼କାନ୍ କାମିହଡ଼ ମେନ୍ତେକ ହିଲାଙ୍‌ପେରେ, ଆପେୟାଃ ବୁଗିନ୍ କାମି ନେଲ୍‌କେଦ୍‌ତେ ଯାଶୁ ଶ୍ରୀଷ୍ଟିଆଃ ହିନିନ୍‌ଜୁଃ ହୁଲାଙ୍‌ରେ ପାର୍‌ମେଶ୍‌ବାର୍‌କେକ ମାଇନିୟା ।

^{୧୩} ପ୍ରାଭୁଆଃ ନୁଡ଼ମ୍‌ତେଇଙ୍‌ ବିକ୍ରିପେ ତାନା, ସବେନ୍ ଆକ୍‌ତେୟାର୍ ନାମାକାଦ୍ ହଡ଼କଆଃ ଆବର୍‌ରେ ତାଇନ୍‌ପେ । ରାଜା ତାଇନଃ ଚାଏ, ଲାଟ୍‌ସାହେଦ୍, ଆତଃ ଏଟାଃ ହାକିମ୍‌କେ ମାନାତିଙ୍‌କପେ ।

^{୧୪} ହାକିମ୍‌କ, ଏଡ଼କାନ୍ ହଡ଼କକେ ସାଜାଇ ଏମ୍ ନାଗେନ୍ତେ ଆତଃ ବୁଗିନ୍ କାମି କାମିକାଦ୍ ହଡ଼କକେ ସାହାରାଅକ ନାଗେନ୍ତେ ଇନିଃ ଇନ୍‌କୁକେ ସାଲାକାଦ୍‌କଆ ।

^{୧୫} ଆପେ ବୁଗିନ୍ କାମିତେ କା ସେଶାଁନ୍ ଡ଼ଶ୍ ହଡ଼କକେ ହାପାଉତାର୍‌କପେ, ଏନା ପାର୍‌ମେଶ୍‌ବାର୍‌ଆଃ ସାନାଙ୍‌ ତାନାଃ ।

☆ ୨:୯ ଡିଡସ୍ ୨:୧୪.

୧୭ ରାଡ଼ାକାନ୍ ହଡ଼କ ଲେକା ଜୀହୁଦଃପେ, ମେନ୍ଦ ଆପେ ରାଡ଼ାକାନାଲେ ମେନ୍ତେ ଏଡ଼କାନ୍ କାମିରେଲେ ତାଇନା ମେନ୍ତେ କା ଉଡ଼ଖୁକେଦ୍ତେ, ପାର୍ମେଶ୍ୱାର୍ଆଃ କିରିଙ୍ଗ୍‌ୟାକାନ୍ ଦାସି ଲେକା ଜୀଞ୍ଜାନ୍ ବିତାଏପେ ।

୧୮ ସବେନ୍‌କେ ମାଇନ୍‌କପେ, ଏଟାଃ ବିଶ୍ୱାସୀ ହାଗା ମିଶିକକେ ଦୁଲ୍ଲାଡ଼କପେ, ପାର୍ମେଶ୍ୱାର୍‌କେ ବରଆଇପେ, ଆଡ଼ଃ ରାଜାକେ ମାଇନ୍‌ପେ ।

ୟୀଶୁ ଖ୍ରୀଷ୍ଟ୍‌ଆଃ ଦୁକୁରେୟାଃ ନାମୁନା

୧୯ ହେ ଦାସିକ, ଆପେ ବରତାନଲଃ ଆପେୟାଃ ଗମ୍‌କେକକେ ମାଇନ୍‌କପେ, ବୁଗିନ୍ ଆଡ଼ଃ ଲେବେଃମନ୍‌ରେନ୍ ହଡ଼କକେ ଏସ୍‌କାର୍ କାହା, ମେନ୍ଦ କା ଲେବେଃମନ୍‌ରେନ୍ ହଡ଼କକେହ ମାଇନ୍‌କପେ ।

୨୦ ଆପେ ପାର୍ମେଶ୍ୱାର୍‌ଆଃ ଇଛା ସାରିକାଦ୍ ହରାତେ ବେଗାର୍ ଗୁଣ୍ଟାରେ ସାସାତି ନାମେତାନଲଃ ଦୁକୁପେ ସାହାତିଙ୍ଗ୍ ତାନ୍‌ରେଦ, ପାର୍ମେଶ୍ୱାର୍ ଆପେକେ ଆଶିଷ୍‌ପେୟା ।

୨୧ ଆପେ ଗୁଣ୍ଟାକେଦ୍ତେ ସାଜାଇପେ ନାମେରେଦ, ଏନାରେ ଚିକାନ୍ ମାରାଙ୍ଗ୍ ତାନାଃ ? ମେନ୍ଦ ଆପେ ବୁଗିନ୍ କାମିକେଦ୍ତେ ଦୁକୁପେ ସାହାତିଙ୍ଗ୍ ତାନ୍‌ରେଦ, ଏନାରେ ପାର୍ମେଶ୍ୱାର୍ ଆପେକେ ଆଶିଷ୍‌ପେୟା ।

୨୨ ପାର୍ମେଶ୍ୱାର୍ ନେଆଁ ନାଗେନ୍ତେ ଆପେକେ କେଡ଼ାକାଦ୍‌ପେୟା । ୟୀଶୁ ଖ୍ରୀଷ୍ଟ୍ ଆଇଃକ୍‌ଗି ଆପେ ନାଗେନ୍ତେ ଦୁକୁ ସାହାତିଙ୍ଗ୍‌କେଦ୍ତେ ନାମୁନା ଉଦୁବକାଦା, ଜେ'ଲେକାଟି ଆପେ ଆୟାଃ ଉଦୁବକାଦ୍ ହରାକେପେ ଅତଙ୍ଗ୍ ଦାଡ଼ିୟା ।

୨୩ ଇନିଃ ଜେଡ଼ନାଃ କାଏ ପାପ୍‌କାଦା, ଆଡ଼ଃ ଆୟାଃ ମଟାଏତେ ବେଦା କାଜି ଅତଙ୍ଗ୍‌ଅଃତେୟାଃ ଜେତାଏ ଚିଉଲ୍ଲାଅ କାକ ଆୟୁମ୍‌କାଦା ।

୨୪ ଇନିଃକେ ଲାନ୍‌କିୟାକ ଇମତା ଇନିଃ ଇନ୍‌କୁକେ କାଏ ଲାନ୍‌ରୁହାଡ଼କେଦ୍‌କଆ, ଦୁକୁ ନାମ୍‌କେଦ୍ ଇମତା ଇନ୍‌କୁଆଃ ବାଦଲ୍ଲା ଇଦିନାଙ୍ଗ୍ କାଏ ବଡ଼ଙ୍ଗ୍‌କେଦ୍‌କଆ, ମେନ୍ଦ ନ୍ୟାୟ ବିଚାର୍‌ନିଃ ପାର୍ମେଶ୍ୱାର୍‌ତାଃରେ ପୁରାଃଗି ଆସ୍ତ୍ରାକାଦ୍ ତାଇକେନାଏ ।

୨୫ ଆବୁ ଜେ'ଲେକା ପାପ୍ ନାଙ୍ଗ୍ ଗଏଃକେଦ୍ତେ, ଧାର୍‌ମାନ୍ ନାଗେନ୍ତେବୁ ଜୀହୁଦଃକା, ଏନାମେନ୍ତେ ୟୀଶୁ ଖ୍ରୀଷ୍ଟ୍ ଆଇଃକ୍‌ଗି କୁଗ୍ ଚେତାନ୍‌ରେ ଆୟାଃ ହଡ଼ମ୍‌ରେ ଆବୁଆଃ ପାପ୍‌କଏ ଗଅଃକେଦା । ଆବୁ ଆୟାଃ ହଡ଼ମ୍‌ରେ ହାଁଶ୍‌ସାକାନ୍ ଘାଅ ହରାତେ ବୁଗିକାନାବୁ ।

୨୬ ଆପେଦ ଆଦାକାନ୍ ମିଶ୍ଟିକ ଲେକାପେ ତାଇକେନା, ମେନ୍ଦ ନାହାଁଃ ଆପେୟାଃ ଆମ୍‌ରେନ୍ ମିଶ୍ଟିଗୁପିନିଃ ଆଡ଼ଃ ଆଗୁଆଇନିଃକେ ଅତଙ୍ଗ୍‌ଇଁ ନାଗେନ୍ତେପେ ଆଉରୁହାଡ଼ାକାନା ।

୩

ଆଶ୍ୱଦି କଡ଼ା କୁଡ଼ିକ ନାଙ୍ଗ୍ ଇନିତୁ

୧ *ହେ ଆଶ୍ୱଦି କୁଡ଼ିକ, ଏନ୍‌ଲେକାଗି ଆପେ ଆପାନ୍ ଆପାନ୍ କଡ଼ାକଆଃ ଆବର୍‌ରେ ତାଇନ୍‌ପେ । ଏନାତେ ଜେତା କଡ଼ା ପାର୍ମେଶ୍ୱାର୍‌ଆଃ ବାଚାନ୍ କାଏ ମାନାତିଙ୍ଗ୍‌ରେଦ, ଆୟାଃ କୁଡ଼ିଆଃ ବୁଗିନ୍ ଚାଇଲ୍ ଚାଲାନ୍ ହରାତେ ଇନିଃ ବିଶ୍ୱାସେ ନାଙ୍ଗ୍ ଜିତାଅଇୟାଏ । ଆପେକେ ମିଦ୍‌ପଦ୍‌ହଁ କାଜି କା ଲାଗାତିଙ୍ଗ୍‌ୟାଃ,

୨ ଚିୟାଃଟି ଇନ୍‌କୁ ଆପେୟାଃ ବୁଗିନ୍ ଫାର୍‌ଚିତେୟାଃ ଆଡ଼ଃ ବରଭାକ୍ତିକ ନେଲେୟା ।

୩ *ଆପେୟାଃ ସିଙ୍ଗାରେନ୍, ଉବ୍ ଗାଲାଙ୍ଗ୍‌ୟେନ୍, ସୋନା ତୁସିୟେନ୍, ଚାଏ ଲିଜାଃ ତୁସିୟେନ୍, ନେ ସବେନାଃ, ନେପେଲ୍ ସିଙ୍ଗାର୍ ଏସ୍‌କାର୍ ଆଲକା ହବାଅଃକା,

୪ ମେନ୍ଦ ଆପେୟାଃ ମନ୍‌ସୁରୁଦ୍‌ରେୟାଃ ସିଙ୍ଗାରେନ୍ ହବାଅଃତାନା, ଲେବେଃମନ୍ ଆଡ଼ଃ ବୁଗିନ୍ ସଭାବ୍, ଏନା ପାର୍ମେଶ୍ୱାର୍‌ଆଃ ନେପେଲ୍‌ରେ ସବେନାଃଏତେ ଗନଙ୍ଗ୍‌ଆଁନ୍ ଆଡ଼ଃ କା ଜିୟନଃତେୟାଃ ତାନାଃ ।

୫ ଚିୟାଃଟି ପାର୍ମେଶ୍ୱାର୍‌ତାଃରେ ଆସ୍ତ୍ରାକାଦ୍ ସିଦା ଦିପିଲିରେନ୍ ପାବିତାର୍ କୁଡ଼ିକ ଆକଆଃ କଡ଼ାକଆଃ ଆବର୍‌ରେ ତାଇନ୍‌ତାନ୍ ହରାତେ ଆକ ଆକଗି ସିଙ୍ଗାଃ ତାଇକେନାକ ।

୬ ଏନ୍‌ଲେକାଗି ସାରା ଆବ୍ରାହାମ୍‌ଆଃ କାଜି ମାନାତିଙ୍ଗ୍‌କେଦ୍ତେ ଇନିଃକେ ଆୟାଃ ଗମ୍‌କେ ମେନ୍ତେ କାଜି ତାଇକେନା । ନାହାଁଃ ଆପେୟାଃ ଇନିୟାଃ କୁଡ଼ିହନ୍‌କ ତାନ୍‌ପେ, ଆଡ଼ଃ ଆପେ ବୁଗିନ୍ କାମିପେ ରିକାଏରେଦ, ଜେତାନ୍ ବିଷାଏରେ କାପେ ବରଏୟା ।

୭ *ଏନ୍‌ଲେକାଗି ଏ କଡ଼ାକ, ଆପେୟାଃ କୁଡ଼ିକ, ଆପେଏତେ ପୁରାଃଗି ନାରାଦୁରା ମେନ୍ତେ ସାରିତାନଲଃ ଇନ୍‌କୁଲଃ ସାହାତିଙ୍ଗ୍‌ୟେଁ ଲେକା ଜୀଦାନ୍ ବିତାଏପେ । ଇନ୍‌କୁକେ ମାଇନ୍‌କପେ, ଇନ୍‌କୁହ ପାର୍ମେଶ୍ୱାର୍‌ଆଃ ସାୟାଦ୍‌ତେ ଆପେଲଃ ଜୀନିଦ୍‌ରାଃ ନାଲାକ ନାମେୟା ଆପେ ଇନ୍‌କୁକେ ବୁଗିଲେକାପେ ମାଇନ୍‌କରେଦ, ଆପେୟାଃ ବିକ୍ତିରେ କାଜିକଟଙ୍ଗ୍ କାପେ ନାମେୟା ।

ବୁଗିନ୍ କାମି ନାଗେନ୍ତେ ଦୁକୁ

* ୩:୧ ଏଫିସିୟ ୫:୨୨; କଲସିୟ ୩:୧୮. * ୩:୩ ୧ ତିମଥ ୨:୯. * ୩:୭ ଏଫିସିୟ ୫:୨୫; କଲସିୟ ୩:୧୯.

୮ ଚୁଣ୍ଡରୁ, ଆପେ ସବେନକ ମିଦ୍ ମନ୍ରେ ତାଇନକେଦ୍ତେ ମିହୁଡ୍ ଆତଃମିହୁଡ୍ଲଃ ହାଗା ମିଗିଲେକା ଦୁପୁଲାଡ଼ଃପେ ଆତଃ ମିହୁଡ୍ ଆତଃମିହୁଡ୍ତକେ ଦାୟାତାନଲଃ ଲେବେଃମନ୍ ଲେକା ହବାଅଃପେ ।

୯ ଏଡ଼କାନାଃ ନାଗେନ୍ତେ ଏଡ଼କାନାଃ, ଚାଏ ସାର୍ପାଅ ନାଗେନ୍ତେ ସାର୍ପାଅ ଆଲ୍ପେ ଏମ୍ବୁହାଡ଼କଆ, ମେନ୍ଦ ଆଗିଷ୍ଟକପେ, ଚିୟାଃଚି ଆପେ ପାର୍ମେଶ୍ଵାର୍ତାଃଏତେ ଆଗିଷ୍ଟ ନାମେ ନାଗେନ୍ତେପେ କେଡ଼ାକାନା ।

୧୦ ଧାରାମପୁଅରେ ଅଲ୍ଲକାନା,

“ଜେତାଏ ଜୀଦାନରେ ସୁକୁ ନାମେ ନାଗେନ୍ତେ

ଆତଃ ସୁକୁରାଃ ଦିନ୍ ନେଲ୍ ନାଗେନ୍ତେ ସାନାଙ୍ଗତାନରେଦ,

ଇନିଃ ଏଡ଼କାନାଃ ଆଲ୍ଲକାଏ କାଜିକା

ଆତଃ ହସଡ୍ ଆଲ୍ଲକାଏ କାଜିକା ।

୧୧ ଇନିଃ ଏଡ଼କାନାଃଏତେ ସାଙ୍ଗିନକେଦ୍ତେ ବୁଗିନାଃଏ କାମିକା,

ଆତଃ ଜୀଉସୁକୁ ଦାଣ୍ଟୀକେଦ୍ତେ ଅତଙ୍ଗ୍ଠେକା ।

୧୨ ପ୍ରାଭୁଆଃ ନେପେଲ୍ରେ ଧାର୍ମାନ୍ ହଡ଼କସାଃରେ ମେନାଃ,

ଆତଃ ଇନ୍କୁଆଃ ବିକ୍ତି ଆୟୁମାଃଏ,

ମେନ୍ଦ ଏଡ଼କାନ କାମିତାନକଆଃ ବିକ୍ତି କାଏ ଆୟୁମାଃ ।”

୧୩ ଆତଃ ଆପେ ବୁଗିନାଃତେୟାଃରେ ଚିହୁଲାନଗିପେ ହବାଅଃରେଦ, ଅକଏ ଆପେୟାଃ ଏଡ଼କାନ ରିକାୟାଏ ?

୧୪*ମେନ୍ଦ ଧାର୍ମାନ୍ ନାଗେନ୍ତେ ଆପେକେ ଦୁକୁ ସାହାତିଙ୍ଗ୍ ହବାଅଃରେୟ, ଆପେ ସୁକୁତାନଗିଆ । ଇନ୍କୁ ଆପେକେ ବତଙ୍ଗ୍ପେରେ ଆଲ୍ପେ ବରଏୟା, ଆତଃ ଆଲ୍ପେ ଆକ୍ବାକାଅଃଆ ।

୧୫ ମେନ୍ଦ ଯାଶୁ ଖ୍ରୀଷ୍ଟକେ ପ୍ରାଭୁ ମେନ୍ତେ ଆପେୟାଃ ମନ୍ସୁରୁଦ୍ରେ ମାଇନିପେ । ଆପେତାଃରେ ତାଇନଃତାନ୍ ଆସ୍ତା ବିଷାଏରେ ଜେତାଏ ଆପେକେ କୁଲିପେରେ, ଇନିଃକେ କାଜିରୁହାଡ୍ ନାଙ୍ଗ୍ ସବେନ୍ ଇମ୍ତା ସେକାଡ଼ାକାନ୍ ତାଇନପେ,

୧୬ ମେନ୍ଦ ଲେବେଃମନ୍ତେ ଆତଃ ବୁଗିନ୍ ମାଇନିତେ କାଜିରୁହାଡ଼କପେ । ଆପେୟାଃ ବିବେକ୍ ନିରାଲ୍ ଦହେପେ, ଏନ୍ତେ ଆପେ ଯାଶୁ ଖ୍ରୀଷ୍ଟକେ ଅତଙ୍ଗ୍ ନାଙ୍ଗ୍ ବୁଗିନ୍ ଚାଲ୍ଲ ଚାଲାନରେ ତାଇନ୍ ଇମ୍ତା ଆପେୟାଃ ବିଷାଏରେ ଏଡ଼କାନ୍ କାଜି କାଜିତାନକ ଗିହୁଗଃଆକ

୧୭ ଏଡ଼କାନ କାମି କାମିକେଦ୍ତେ ଦୁକୁ ନାମ୍ହେତେ, ପାର୍ମେଶ୍ଵାର୍ଆଃ ମନେଲେକା ବୁଗିନ୍ କାମି କାମିକେଦ୍ତେ ଦୁକୁ ନାମେତେୟାଃ ବୁଗିନାଃ ତାନାଃ ।

୧୮ ଆପେକେ ପାର୍ମେଶ୍ଵାର୍ତାଃତେ ସୁତୁଃଆଉପେ ନାଗେନ୍ତେ ଯାଶୁ ଖ୍ରୀଷ୍ଟ ଆଇଃକ୍ଗି ଧାର୍ମାନ୍ ତାଇକେନ୍ରେୟ କା ଧାର୍ମାନ୍ ହଡ଼କଆଃ ପାପ୍ ନାଗେନ୍ତେ ମିସାଗି ଗଏଃୟାନା । ଇନିଃ ହଡ଼ମ୍ ଲେକାତେ ଗଏଃୟାନା ମେନ୍ଦ ଆମ୍ ଲେକାତେ ଜୀହୁଦ୍ୟାନା,

୧୯ ଏନ୍ତେ ଆମ୍ତେ ଇନିଃ ତଲ୍ଲକାନ୍ ଆମ୍ତାକତାଃ ସେନ୍କେଦ୍ତେ ପ୍ରାଚାର୍କେଦା ।

୨୦ ନୁହୁଁ ଲାଉକା ବାଇତାନ୍ ଇମ୍ତା ପାର୍ମେଶ୍ଵାର୍ ଧାର୍ମାନ୍ ସାବ୍କେଦ୍ତେ ତାଙ୍ଗିତାନ୍ ତାଇକେନାଏ, ଇମ୍ତା ଅକନ୍ ହଡ଼କ ପାର୍ମେଶ୍ଵାର୍କେ କାକ ମାନାତିଙ୍ଗ୍ ତାଇକେନା, ଇନ୍କୁ ଏନ୍ ଆମ୍ତାକ ତାନକ । ଏନ୍ ଦାଆଃ ଜାହାଜରେ ବଲ୍ଲକେଦ୍ତେ କାମ୍ତିଗି ହଡ଼, ଚାଏ ସବେନ୍ ମେସାକେଦ୍ତେ ଇରାଲିୟା* ଝାନ୍ଗି ଚୁଡ଼ା ଦାଆଃହେତେ ବାଞ୍ଛାଅୟାନାକ ।

୨୧ ଏନାଦ ଆପେୟାଃ ଜୀଉବାଞ୍ଛାଅ ହବାଅଃତାନ୍ ବାପ୍ତିସ୍ମାରେୟାଃ ଜନ୍କା ତାନାଃ । ନେ ବାପ୍ତିସ୍ମା ଆପେୟାଃ ହଡ଼ମ୍ରେୟାଃ ହୁମ୍ କାଏ ସାଙ୍ଗିନେଆଁ, ମେନ୍ଦ ପାର୍ମେଶ୍ଵାର୍ତାଃରେ ବୁଗିନ୍ ବିବେକ୍ ନାମେ ନାଗେନ୍ତେ ବିକ୍ତି, ଆତଃ ଯାଶୁ ଖ୍ରୀଷ୍ଟଆଃ ଜୀଉବିନିରିଦ୍ ହରାତେ ଆପେୟାଃ ଜୀଉବାଞ୍ଛାଅ ହବାଅଃତାନା

୨୨ ଏନ୍ ଯାଶୁ ଖ୍ରୀଷ୍ଟ ସିର୍ମାତେ ରାକାବ୍ୟାନା ଆତଃ ପାର୍ମେଶ୍ଵାର୍ତାଃ ଜମ୍ତିସାଃରେ ଦୁବାକାନା, ଆତଃ ସିର୍ମାରେନ୍ ଦୁଢ଼କ, ଆକ୍ତେୟାର୍ ନାମାକାଦ୍, ପେଡ଼େଃ ନାମାକାଦ୍ ଇନିୟାଃ ଆବ୍ରେ ମେନାକଆ ।

୪

ମନ୍ ବାଦ୍ଲାଅକାନ୍ ଜୀଞ୍ଜାନ୍

୧ ଯାଶୁ ଖ୍ରୀଷ୍ଟ ହଡ଼ମ୍ରେ ଦୁକୁ ନାମାକାଦ୍ ହରାତେ, ଆପେୟ ଇନିୟାଃ ଲେକାଗି ମନ୍ ବାଇକେଦ୍ତେ ଆପେଗି ପେଡ଼େୟେନ୍ପେ, ଚିୟାଃଚି ଜେତାଏ ଖ୍ରୀଷ୍ଟଆଃ ନାଗେନ୍ତେ ହଡ଼ମ୍ରେ ଦୁକୁ ନାମାକାଦ୍ନିଃ ପାପ୍ରେ ଆତଃ କାଏ ତାଇନାଃ ।

୨ ନାହାଁଏତେ ଆପେୟାଃ ଅତେଦିଶ୍ଵମ୍ରେ ବାଚାଅକାନ୍ ଜୀଞ୍ଜାନ୍କେ ହଡ଼କଆଃ ଏଡ଼କାନ୍ ସାନାଙ୍ଗ୍ ଲେକାତେ କା ସେସେନ୍କେଦ୍ତେ ପାର୍ମେଶ୍ଵାର୍ତାଃ ମନେଲେକାତେ ସେସେନ୍ ଲାଗାତିଙ୍ଗ୍ୟାଃ ।

୩ ସେନଃୟାନ୍ ଦିପିଲିକରେ ଆପେ ସାଅଁସାର୍ ହଡ଼କଲେକା ପୁରାଃଗି ଜୀଞ୍ଜାନ୍ ବିତାଅକାଦାପେ । ଆପେୟାଃ ଜୀଞ୍ଜାନ୍ ଏଡ଼କାନ୍ ସାନାଙ୍ଗ୍, ଇଲିଆର୍ଗ୍ ନୁଁରେ ବୁଲଃ, ରିଜ୍ରାଙ୍ଗ୍, ଆତଃ ମୁରୁଡ୍ ସେଞ୍ଜା ତାଇକେନାପେ ।

* ୩:୧୪ ମାଥୁର ୫:୧୦. * ୩:୨୦ ଆପ୍

୪ ନାହିଁଆଁ ଆପେ ସାଆଁସାର ହତକ ଲେକା କା ଫାରତି କାମିରେ ରାସକାନ୍ ନାଙ୍ଗ କାପେ ମେସାନ୍ତାନା, ଏନାତେ ଇନ୍କୁ ଆକଦାନ୍‌ଅକେଦ୍‌ତେ ଆପେକେ ଲାନ୍‌ାପେ ତାନାକ ।

୫ ମେନ୍‌ଦ ଅକ ପାର୍‌ମେଶ୍‌ବାର ଜାନିଦ୍ ଆତଃ ଗଜାକାନ୍‌କଆଃ ବିଚାର ରିକାଃଏ, ଇନିଃତାଃରେ ଇନ୍‌କୁକେ ହିସାବ୍ ଏମ୍ ଲାଗାତିଙ୍ଗ୍‌ୟାଃ ।

୬ ଏନାମେନ୍ତେ ଗଜାକାନ୍‌କତାଃରେ ସୁକୁକାଜି ଉଦୁବ୍‌ୟାନା, ଜେ'ଲେକାତି ଇନ୍‌କୁ ହତକଆଃ ଲେକା ହତ୍‌ମରେ ବିଚାର ହବାନ୍‌ୟାନ୍‌ରେୟ, ପାର୍‌ମେଶ୍‌ବାରଆଃ ଲେକା ଆମ୍‌ରେ ଜୀହ୍‌ଦଃଆକ ।

ପାର୍‌ମେଶ୍‌ବାରଆଃ ଖୁଜ୍ ରାଃ ବୁଗିନ୍ ଭାଣ୍ଡାରି

୭ ସବେନାଃରେୟାଃ ଚୁଣ୍ଡୁ ସେଚେରାକାନା । ଏନାମେନ୍ତେ ଆପେୟାଃ ମନ୍ ଆବର୍‌ରେ ଦହକେଦ୍‌ତେ, ବିକ୍ତି ନାଙ୍ଗ୍ ଚିର୍ଗାଲାନାନ୍ ତାଇନ୍‌ପେ ।

୮ ସବେନାଃଏତେ ଆଦକା ପୁରାଃତେ ଦୁପୁଲ୍‌ାଡ଼ରେ ତାଇନ୍‌ପେ, ଚିୟାଃତି ଦୁଲ୍‌ାଡ଼୍‌ ପୁରାଃ ପାପ୍‌କଏ ଦାଲବେଆ ।

୯ ବେଗାର ନଗମ୍ ତଗମ୍‌ତେ ମିହୁଡ୍ ଆତଃମିହୁଡ୍‌କେ ପେଡ଼ାକପେ ।

୧୦ ଆପେ ସବେନ୍‌କ ଜେ'ଲେକା ସାୟାଦ୍‌ରେୟାଃ ବାର୍‌ଦାନ୍ ନାମାକାଦାପେ, ଏନ୍‌ଲେକାଗି ପାର୍‌ମେଶ୍‌ବାରଆଃ ସାୟାଦ୍‌ରେୟାଃ ବୁଗିନ୍ ଭାଣ୍ଡାରି ଲେକା ମିହୁଡ୍ ଆତଃମିହୁଡ୍‌ରାଃ ସୁସାର ରିକାଏପେ ।

୧୧ ଜେତାଏ ପାର୍‌ତାର ରିକାଏରେଦ, ଇନିଃ ପାର୍‌ମେଶ୍‌ବାରଆଃ କାଜି ପାର୍‌ତାରତାନ୍ ଲେକା ପାର୍‌ତାରେକାଏ । ଜେତାଏ ସୁସାରତାନ୍‌ରେଦ ଇନିଃ ପାର୍‌ମେଶ୍‌ବାରତାଃଏତେ ପେଡ଼େଃ ନାମାକାଦ୍ ହତ୍‌ଲେକା ସୁସାରେକାଏ । ଏନାତେ ଯୀଶୁ ଖ୍ରୀଷ୍ଟଆଃ ହରାତେ ପାର୍‌ମେଶ୍‌ବାରଆଃ ମାଇନାନ୍ ହବାଅଆଃ । ଇନିୟାଃ ମାନାରାଙ୍ଗ୍ ଆତଃ ପେଡ଼େଃ ଜାନାଅ ଜାନାଅ ହବାଅଃକା । ଆମେନ୍ ।

ଖ୍ରୀଷ୍ଟିୟାନ୍ ନାଗେନ୍ତେ ଦୁକୁ

୧୨ ହେ ଦୁଲ୍‌ାଡ଼୍ ହାଗା ମିଗିକ, ଅକନ୍ ସେଙ୍ଗେଲ୍ ବିନିଡ଼ାଅରେ ଆପେ ଦୁକୁଃତାନା, ଏନା ମିଆଁଦ୍ ଆକଦାନ୍‌ଅନ୍ କାଜି ହବାଅଃତାନା ମେନ୍ତେ ଆଲ୍‌ପେ ଆକଚାକାଅଃଆ ।

୧୩ ମେନ୍‌ଦ ରାସକାଅଃପେ, ଚିୟାଃତି ଆପେ ଯୀଶୁ ଖ୍ରୀଷ୍ଟଆଃ ଦୁକୁରେୟାଃ ହାନାଚିଙ୍ଗ୍‌ପେ ନାମାକାଦ୍ ହରାତେ ଆୟାଃ ମାନାରାଙ୍ଗ୍ ହବାଅଃ ଇମ୍‌ତା ଆପେ ପୁରାଃ ରାସକାରେପେ ରାସକାଅଃଆ ।

୧୪ ଆପେ ଯୀଶୁ ଖ୍ରୀଷ୍ଟଆଃ ନୁଡୁମ୍ ନାଗେନ୍ତେପେ ହିଲ୍‌ାଙ୍ଗ୍‌ଅଃରେଦ, ଆପେ ସୁକୁତାନ୍‌ଗିଆ, ଚିୟାଃତି ପାର୍‌ମେଶ୍‌ବାରଆଃ ମାନାରାଙ୍ଗ୍‌ରେନ୍ ଆମ୍‌ ଆପେରେ ମେନାଇୟା ।

୧୫ ଏନାତେ ଆପେଏତେ ଜେତାଏ ହତ୍ ଗଗଏଃନିଃ ଚାଏ କୁମ୍‌ଦୁ ଚାଏ ଏଡ଼କାନାଃ କାମିନିଃ ଚାଏ ଏଗାଃନିଆଃ କାମିରେ ଆଲାଆଲାନ୍‌ନିଃ ହବାକେଦ୍‌ତେ ଦୁକୁ ଆଲକାଏ ସାହାତିଙ୍ଗ୍‌ୟେକା ।

୧୬ ଜେତାଏ ଖ୍ରୀଷ୍ଟିୟାନ୍ ତାନିଃ ମେନ୍ତେ ଦୁକୁ ସାହାତିଙ୍ଗ୍ ତାନ୍‌ରେଦ ଆଲକାଏ ଗିହୁଗଃକା, ମେନ୍‌ଦ ଯୀଶୁ ଖ୍ରୀଷ୍ଟଆଃ ନୁଡୁମ୍ ନାମାକାଦ୍ ନାଗେନ୍ତେ ପାର୍‌ମେଶ୍‌ବାରକେ ଧାନ୍ୟାବାଦ୍ ଏମାଇକାଏ ।

୧୭ ପାର୍‌ମେଶ୍‌ବାରଆଃ ଅଡ଼ାଃତାଃଏତେ ଏଚେଦ୍‌କେଦ୍‌ତେ ବିଚାର ଦିପିଲିରେୟାଃ ନେଡା ସେଚେରାକାନା, ଆତଃ ପାହିଲା ପାର୍‌ମେଶ୍‌ବାରଆଃ ହତକଆଃ ବିଚାର ହବାଅଃଆ । ଆବୁତାଃଏତେ ଏନେଚେଦ୍ ହବାଅଃତାନ୍‌ରେଦ, ଅକନ୍‌କ ପାର୍‌ମେଶ୍‌ବାରଆଃ ସୁକୁକାଜିରେ କାକ ବିଶ୍ୱାସତାନା, ଇନ୍‌କୁଆଃ ଚୁଣ୍ଡୁ ଦ୍ରିପିଲି ଚିଲ୍‌କାଅଃଆ ?

୧୮ ଧାରାମପୁଅରେ ଅଲାନା,

“ଧାର୍‌ମାନ୍ ହତକଆଃ ଜୀଉବାଞ୍ଚାଅ ନାମେତେୟାଃ ନିମିନ୍ କେଚେଦ୍‌ତାନ୍‌ରେଦ,

କା ଧାର୍‌ମାନ୍ ହତ୍ ଆତଃ ପାପି ହତକଆଃ ଚିନାଃ ହବାଅଃଆ ?”

୧୯ ଏନାତେ, ଅକନ୍‌କ ପାର୍‌ମେଶ୍‌ବାରଆଃ ମନେଲେକା ଦୁକୁ ସାହାତିଙ୍ଗ୍‌ତାନାକ, ଇନ୍‌କୁ ଆକଆଃ ଆମ୍‌କେ ଜିମାକେଦ୍‌ତେ ବୁଗିନ୍ କାମିରେ ତାଇନ୍‌କାକ । ବାବାଇନିଃ ସାର୍‌ତି ପାର୍‌ମେଶ୍‌ବାର ଇନ୍‌କୁଆଃ ନାଙ୍ଗ୍ ଏମାକାଦ୍ ଆୟାଃ ବାନାର୍‌ସାକେ ପୁରାଏ ନାଗେନ୍ତେ କାଏ ରିଡ଼ିଙ୍ଗ୍‌ୟେଆ ।

୫

ପାର୍‌ମେଶ୍‌ବାରାଃ ମିଣ୍ଡିଗୋଟ୍

୧ ଆଇଙ୍ଗ୍ ମିହୁଡ୍ ପ୍ରାଚିନ୍ ଆଗୁଆଇ ଲେକା ଆପେୟାଃ କାଲିସିୟାରେନ୍ ପ୍ରାଚିନ୍ ଆଗୁଆଇକକେ ବିକ୍ତିତାନ୍‌ଲଃ କାଜିକତାନାଇଙ୍ଗ୍ । ଆଇଙ୍ଗ୍ ଯୀଶୁ ଖ୍ରୀଷ୍ଟଆଃ ଦୁକୁରେୟାଃ ଗାଞ୍ଜା ତାନିଙ୍ଗ୍, ଆତଃ ଇନିୟାଃ ମାନାରାଙ୍ଗ୍ ଉଦୁବଃ ଇମ୍‌ତାରେ ଆଇଙ୍ଗ୍‌ହିଁ ଏନାରେୟାଃ ହିସାଇଙ୍ଗ୍ ହବାଅଃଆ ।

୨ *ପାର୍‌ମେଶ୍‌ବାର ଆପେକେ ଏମାକାଦ୍‌ପେ ମିଣ୍ଡିଗୋଟ୍‌କକେ ଯାଡ଼ନାଅକପେ, କା ସାନାଙ୍ଗ୍‌ତାନ୍ ଲେକା କାହାଗି, ମେନ୍‌ଦ ପାର୍‌ମେଶ୍‌ବାରଆଃ ସାନାଙ୍ଗ୍‌ଲେକା ସୁକୁ ମନ୍‌ତେ ଯାଡ଼ନାଅକପେ । ଟାକା ପାଏସା ନାମେ ନାଗେନ୍ତେଦ କାହାଗି, ମେନ୍‌ଦ ରାସକା ମନ୍‌ତେ ସୁସାରକପେ ।

☆ ୫:୨ ଯୋହାନ୍ ୨୧:୧୫-୧୭.

୩ ଆପେକେ ଅକନ୍କଆଃ ଯାଦନାଅ ନାଗେନ୍ତେ ଏମାକାନା, ଇନ୍କୁଆଃ ଚେତାନ୍ରେ କା ରାଇଜକେଦ୍ତେ ଗୋଟକଆଃ ନାମୁନା ହବାଅଃପେ ।

୪ ଆତଃ ମାରାଙ୍ଗ୍ ଗୁପିନିଃ ହିଜୁଃ ଇମ୍ତା, ଆପେ ମାନାରାଙ୍ଗ୍ରେୟାଃ ଚୁପୁରିପେ ନାମେୟା । ଅକନାଃଟି ଚିତ୍ତଲାଅ କା ମୁର୍ଗାଅଃଆ ।

୫ ଏନ୍ଲେକାଗି, ଏ ସେପେଡେଦ୍କ, ଆପେ ପ୍ରାଚିନ୍କଆଃ ଆକ୍ତେୟାରରେ ତାଇନ୍ପେ । ଆପେ ସବେନ୍କ ମିହୁଡ୍ ଆତଃମିହୁଡ୍କେ ସୁସାରି ନାଗେନ୍ତେ ଲେବେଃମନ୍ ଲେକାନ୍ ଲିଜାଃ ତୁସିୟେନ୍ପେ । ଚିୟାଃଟି ଧାରାମ୍ପୁଥରେ ଅଲାକାନା, “ପାରମେଶ୍ଵାର ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ହଡକଆଃ ସାୟାଦ୍ ହକାଏୟାଏ, ମେନ୍ଦ୍ ଲେବେଃମନ୍ ହଡକକେ ସାୟାଦ୍ ଏମାକଆଏ ।”

୬ ଏନାନାଗେନ୍ତେ ପାରମେଶ୍ଵାରଆଃ ପେଡେୟାନ୍ ତିଃଇ ଲାତାରରେ ଲେବେୟେନ୍ପେ, ଇନିଃ ଆୟାଃ ନେତାରେ ଆପେକେ ମାରାଙ୍ଗ୍ପେୟା ।

୭ ଆପେୟାଃ ସବେନ୍ ଉଡ଼ୁରେୟାଃ ବାହାରମ୍ ପାରମେଶ୍ଵାରତାଃରେ ଏମେପେ, ଚିୟାଃଟି ଇନିଃ ଆପେ ନାଗେନ୍ତେ ଉଡ଼ୁତାନା ।

୮ ଆପେ ଚିର୍ଗାଲାକାନ୍ ଆତଃ ଏୟନାକାନ୍ ତାଇନ୍ପେ । ଆପେୟାଃ ବାଇରି, ସାଏତାନ୍, କୁଲା ଲେକାଏ ହୁଁକରାଅ ତାନା । ଅକଏକେ ଜିୟନିଆ ଏନାଏ ଦାଣ୍ଡାବାଡ଼ା ତାନା ।

୯ ଆପେ ବିଶ୍ଵାସରେ କେଚେୟେନ୍ପେ ଆତଃ ସାଏତାନ୍କେ ହକାଇପେ, ଚିୟାଃଟି ଆପେ ସାରିତାନାପେ, ନେ ଅତେଦିଶ୍ଵମ୍ରେ ଆପେୟାଃ ଏଟାଃ ବିଶ୍ଵାସୀ ହାଗା ମିଶିକରେ ନେ ଲେକାନ୍ ଦୁକୁକ ହବାଅଃତାନା ।

୧୦ ଆତଃ ଯୀଶୁ ଖ୍ରୀଷ୍ଟଲଃ ମେସାକେଦ୍ତେ ଆୟାଃ ଜାନାଅ ଜାନାଅ ମାନାରାଙ୍ଗ୍ରେ ହିସାଦାର୍ ହବାଅଃ ନାଗେନ୍ତେ ସବେନ୍ ସାୟାଦ୍ରେନ୍ ପାରମେଶ୍ଵାର ଆପେକେ କେଡାକାଦ୍ପେୟା । ଆପେୟାଃ ଘାଡ଼ିକାଦ୍ରେୟାଃ ଦୁକୁ ସାହାତିକ୍କେଦ୍ ତାୟମ୍ତେ, ଇନିଃ ଆଇଃକ୍ଗି ଆପେକେ ପକ୍ତାପେୟା, ସାଲ୍ସାନ୍ତପେୟା, କେଚେଦ୍ପେୟା, ଆତଃ ବାଇରୁହାଡ୍ପେୟା ।

୧୧ ଇନିୟାଃ ପେଡେଃ ଜାନାଅ ଜାନାଅଗି ହବାଅଃକା । ଆମେନ୍ ।

ଚୁଣ୍ଟୁ ଜହାର୍

୧୨ ଏଆଇଙ୍ଗ୍ ସିଲାସ୍କେ ପାତିୟାରରେନ୍ ଖ୍ରୀଷ୍ଟ ହାଗା ଲେକାଇଙ୍ଗ୍ ମାଇନିତାନା ଆତଃ ଆୟାଃ ଦେଙ୍ଗାତେ ଆଇଙ୍ଗ୍ ନେ ହୁଡିଙ୍ଗ୍ ଚିଟାଉ ଅଲାକାଦାଇଙ୍ଗ୍ । ଆଇଙ୍ଗ୍ ପାରମେଶ୍ଵାରଆଃ ସାର୍ତି ସାୟାଦ୍ ବିଷାଏରେ ଗାଞ୍ଜା ଏମ୍କେଦ୍ତେ ଆପେକେ ଜୀଉରେ ରାସ୍କା ଏମ୍ ନାଗେନ୍ତେଇଙ୍ଗ୍ ସାନାଙ୍ଗ୍ତାନା । ଆପେ ଏନ୍ ସାୟାଦ୍ରେ ଡିକୁକେଚେୟାକାନ୍ ତାଇନ୍ପେ ।

୧୩ ଏପାରମେଶ୍ଵାରତେ ସାଲାକାନ୍ ବାବିଲୋନ୍ରେୟାଃ କାଲିସିୟା ଆତଃ ଆଇୟାଃ ଧାରାମ୍ହନ୍ ମାର୍କହ୍ ଆପେକେ ଜହାର୍ କାଜିକୁଲ୍କାଦା ।

୧୪ ଖ୍ରୀଷ୍ଟିୟାନ୍ ଦୁଲାଡ୍ତେ ମିହୁଡ୍ ଆତଃମିହୁଡ୍କେ ପାବିତାର୍ ଜହାର୍ତେ ଜହାରଃପେ । ଯୀଶୁ ଖ୍ରୀଷ୍ଟତାଃରେ ମେନାପେ ସବେନ୍କଆଃ ଜୀଉସୁକୁ ହବାଅଃକା ।

☆ ୫:୨ ମାଥୁର ୨୩:୧୨; ଲୁକ ୧୪:୧୧; ୧୮:୧୪. ☆ ୫:୧୨ ପ୍ରେରିଡ୍ ୧୫:୨୨,୪୦. ☆ ୫:୧୩ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲମନ୍ ୧:୨୪.

ପିତରଙ୍କ ଲିଖିତ ଦ୍ଵିତୀୟ ପତ୍ର ପାଢ଼ରାସ୍ତ୍ର ଅଲୀକାଦ୍ ଏଟାଃ ଚିଟାଉ ପାରିଚାଏ

ପାଢ଼ରାସ୍ତ୍ର ଆୟାଃ ଏଟାଃ ଚିଟାଉ କାଜିୟାଃଏ ଯେ, ନେ ଚିଟାଉ ପ୍ରେରିତ୍ ପାଢ଼ରାସ୍ତ୍ର ହରାତେ ଅଲୀକାନା । ମେନ୍ଦ ନାହାଁଃ ପୁରାଃ ପାଣ୍ଡିତ୍ କେ ନେଆଁ ସାର୍ତି ନାହାଁଲୀଃ ମେନ୍ତେ କାଜିୟାଃକ । ହବାସାକାଅଆଃ ନେଆଁ ପାଢ଼ରାସ୍ତ୍ର ବାଦ୍ଲୀରେ ଏଟାଃ ମିତ୍ତୁତ୍ ଅଲୀକାଦାଏ ମେନ୍ତେ କାଜିୟାଃ । ଅନଲ୍ଲନିଃ କାଜିୟାଃଏ ଯେ, ଇନିଃ ଯୀଶୁ ଖ୍ରୀଷ୍ଟ୍ କେ ମେଦ୍ତେ ନେଲୀକାଉ ହତ୍ ତାନିଃ । ବିଶେଷ୍ଟକେଦ୍ତେ ଯୀଶୁଆଃ ରୁପ୍ ବାଦ୍ଲୀଅ ବିଷାଏରେ କାଜିୟାଃକ ୧:୧୭-୧୮ । ପାଢ଼ରାସ୍ତ୍ର ନେ ଚିଟାଉ ଅଲୀକାଦରେଦ, ହବାସାକାଅଆଃ ରୋମ୍ତେ ଖ୍ରୀଷ୍ଟ୍ ଆଃ ଜାନାମ୍ ତାୟମ୍ତେ ୫୭-୬୯ କରେ, ଆୟାଃ ଗନଏଃ ସିଦାରେ ନେ ଚିଟାଉ ଅଲୀକାଦାଏ । ପାଢ଼ରାସ୍ତ୍ର ହଗି ନେଆଁ ଆୟାଃ ଏଟାଃ ଚିଟାଉ ମେନ୍ତେ କାଜିୟାଃ ୩:୧ । ପାଢ଼ରାସ୍ତ୍ର ଆୟାଃ ପାହିଲା ଚିଟାଉ ଅଲୀକେଦ୍ ତାୟମ୍ତେ, ଏନ୍ ଅନଲ୍ଲ ଦିପିଲିରାଃ ଠାୟାଦ୍ ଏମ୍କେଦ୍ ହରାତେ ନେଆଁକେ ଏଟାଃ ଚିଟାଉ ମେନ୍ତେ କାଜିୟାଃକ । ଇନିଃ ସବେନ୍ ଖ୍ରୀଷ୍ଟ୍ ଯାନ୍ ହତ୍ତକକେ ନେ ଚିଟାଉ ଉଦ୍ଭୁବକାଦାକଆଏ ।

ପାଢ଼ରାସ୍ତ୍ର ବିଶ୍ଵାସୀକକେ ଜୀଉରେ ରାସ୍ତ୍ରା ଏମ୍ ନାଜ୍, ବୁଗିନ୍ ଜୀଦାନ୍ ବିତାଅ ନାଜ୍, ହସତ୍ ଇନିତୁକକେ କା ଅତଜ୍ଜକ ନାଜ୍ ଆତଃ ଚେତାଅକ ନାଜ୍ ନେ ଚିଟାଉ ୨ ଆଧ୍ୟାୟରେ ଅଲୀକାଦାଏ । ଯୀଶୁ ହିଜୁଃ ନାଗେନ୍ତେ ପୁରାଃ ବିଲୀମେ ତାନାଏ ମେନ୍ତେ କାଜିତାନ୍ ହତ୍ତକକେ ଇନିଃ ଆଲପେ କାଜିୟା ମେନ୍ତେ ଜୀଉରେ ରାସ୍ତ୍ରାଏ ଏମାକତାନା । ପାର୍ମେଶ୍ଵାର୍ ବିଲୀମେନିଃ ନାହାଁଲିଃ ମେନ୍ଦ ସବେନ୍ କେ ଜୀଉବାସ୍ତ୍ରାଅକ ନାମେକା ମେନ୍ତେ ଇନିୟାଃ ସାନାଜ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍ରେୟାଃ ବିଷାଏ ତାନାଃ ୩:୧୪ ।

ପୁଅ ଭିତ୍ତରେ ତାଲକାନ୍ କାଜି

- ୧. ପାଢ଼ରାସ୍ତ୍ର ଆୟାଃ ପାରିଚାଏ ଉଦ୍ଭୁବାଃଏ ଆତଃ ଆୟାଃ ପାଢ଼ାଅତାନ୍ ହତ୍ତକକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦ୍ଭୁବାଃଏ । ୧:୧-୨
- ୨. ଏନ୍ତେ ବିଶ୍ଵାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ତେ ପାହାମ୍ଲଟିକ ତାନା, ଚିଆଃଚି ପାର୍ମେଶ୍ଵାର୍ ଆବୁକେ ପେଡ଼େଃ ଏମାଃଏ । ୧:୩-୨୧
- ୩. ଇନିଃ ହସତ୍ ଇତୁକକେ ଚେତାଅକେଦ୍ତେ ଚୁଣ୍ଟୁ ଦିପିଲିରେ ଇନ୍କୁଆଃ ଚିନାଃ ହବାଅଃଆ ଏନାଏ କାଜିକାଦା । ୨:୧-୨୨
- ୪. ପାଢ଼ରାସ୍ତ୍ର ଯୀଶୁ ଖ୍ରୀଷ୍ଟ୍ ଆଃ ଆତଃମିସା ହିଜୁଃ ନାଜ୍ ସେକାଡ଼ାକାନ୍ଲଃ ତାଇନ୍କେଦ୍ତେ ବୁଗିନ୍ ଜୀଦାନ୍ ବିତାଅ ନାଜ୍ ଜୀଉରେ ରାସ୍ତ୍ରାଏ ଏମାଃଏ । ୩:୧-୧୮

^୧ ଯୀଶୁ ଖ୍ରୀଷ୍ଟ୍ ଆଃ ଦାସି, କୁଲୀକାନ୍ ଶିମୋନ୍ ପାଢ଼ରାସ୍ତ୍ର ଆବୁଆଃ ପାର୍ମେଶ୍ଵାର୍ ଆତଃ ଜୀଉବାସ୍ତ୍ରାଅନିଃ ଯୀଶୁ ଖ୍ରୀଷ୍ଟ୍ ଆଃ ଧାର୍ମାନ୍ କାମି ହରାତେ ବିଶ୍ଵାସ୍ ଲେକାନ୍ ପୁରାଃ ଗନଜ୍ଆନ୍ ଦାନ୍କ ନାମାକାଦା, ଇନ୍କୁତାଃତେ ଆଇଜ୍ ନେ ଚିଟାଉ ଅଲେତାନାଇଜ୍ ।

^୨ ପାର୍ମେଶ୍ଵାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ସେଣ୍ଟାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସୁକୁ ହବାଅଃକା ।

ପାର୍ମେଶ୍ଵାର୍ ଆଃ କେନେଡ଼ା ଆତଃ ସାଲା

^୩ ଧାର୍ମାନ୍ ଜୀଦାନ୍ ବିତାଅ ନାଗେନ୍ତେ ଆବୁକେ ଲାଗାତିଜ୍ତେୟାଃ ପାର୍ମେଶ୍ଵାର୍ ଆୟାଃ ମାରାଜ୍ ପେଡ଼େଃ ଏମାକାଦ୍ବୁଆଏ । ଆୟାଃ ମାନାରାଜ୍ ଆତଃ ଧାର୍ମାନ୍ କାମିରେ ହିସାଦାର୍ ହବାଅଃ ନାଗେନ୍ତେ କେଡ଼ାକେଦ୍ବୁଆ । ଇନିଃକେ ସାରିକିଃ ହରାତେ ଆବୁ ନେ ସବେନ୍ ବାର୍ଦାନ୍ବୁ ନାମାକାଦା ।

^୪ ନେ'ଲେକା ଇନିଃ ଆବୁକେ ଆୟାଃ ବାନାର୍ସା ଲେକାତେ ପୁରାଃ ଗନଜ୍ଆନ୍ ଆତଃ ମାରାଜ୍ ବାର୍ଦାନ୍ ଏମାକାଦ୍ବୁଆଏ, ଏନ୍ ସବେନ୍ ବାର୍ଦାନ୍ ହରାତେ ଆପେ ନେ ଜିୟନଃ ଅତେଦିଶ୍ଵମ୍ତେ ତାଇନଃତାନ୍ ଏଡ଼କାନ୍ ସାନାଜ୍ଏତେ ବାସ୍ତ୍ରାଅପେ ନାମେୟା, ଆତଃ ପାର୍ମେଶ୍ଵାର୍ ଆଃ ଲେକାନ୍ ସଭାବ୍ରେ ହିସାଦାର୍ ହବା ଦାଡ଼ିୟାଆପେ ।

^୫ ଏନା ନାଗେନ୍ତେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ଵାସ୍ଲଃ ବୁଗିନାଃ ମେସାଏପେ, ବୁଗିନାଃଲଃ ସେଣ୍ଟାଁକେ ମେସାଏପେ,

^୬ ସେଣ୍ଟାଁଲଃ ଆପାନ୍କେ ଆବର୍ ଦହନାଜ୍ ମେସାଏପେ, ଆପାନ୍କେ ଆବର୍ରେ ଦହଲଃ ସାହାତିଜ୍ ଜୀଞ୍ଜାନ୍ ମେସାଏପେ, ସାହାତିଜ୍ ଜୀଞ୍ଜାନ୍ଲଃ ପାର୍ମେଶ୍ଵାର୍ କେ ବରଭାକ୍ତି ମେସାଏପେ,

^୭ ପାର୍ମେଶ୍ଵାର୍ କେ ବରଭାକ୍ତିଲଃ ଖ୍ରୀଷ୍ଟ୍ ହାଗା ଦୁଲାଡ୍ ମେସାଏପେ, ଆତଃ ଖ୍ରୀଷ୍ଟ୍ ହାଗା ଦୁଲାଡ୍ଲଃ ଦୁଲାଡ୍ ମେସାଏପେ ।

୮ ନେ ସବେନ୍ ବୁଗିନାଃ ଆପେତାଃରେ ହାରାଇଦିୟଃରେ, ଆପେ ନାମାକାଦ୍ ପ୍ରାଭୁ ଯାଶୁ ଶ୍ରୀଷ୍ଟିଆଃ ସେଣାଁ ଆପେକେ କାମି ଇତିପେୟା ଆତଃ ଜ ବାନଃଲେକା କାଏ ବାଇପେୟା ।

୯ ମେନ୍ଦ ଜେତାଏତାଃରେ ନେ ସବେନାଃ ବାନଃରେଦ୍, ଇନିଃ ସାଜିନ୍ତେ କା ନେଲ୍ ଦାଡ଼ିତାନ୍ ଆନ୍ଧା ତାନିଃ ଆତଃ ଆୟାଃ ସିଦା କାମିକାଦ୍ ପାପକଏତେ ପାର୍ଡିଆକାନା ଏନାଏ ରିଡ଼ିକ୍କାଦା ।

୧୦ ଏନାମେନ୍ତେ, ହେ ହାଗା ମିଶିକ, ପାର୍ମେଶ୍ୱାର୍ ଆପେକେ ସାଲ୍ଲାକେଦ୍ତେ କେଡ଼ାକାଦ୍ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଡ଼ନାଅଃପେ । ନେଲେକା କାମିଲେରେ ଆପେ ବିଶ୍ୱାସ୍ତେ ଚିତ୍ତଲାଅ କାପେ ତହଦଃଆ ।

୧୧ ନେ ଲେକାତେ ଆବୁଆଃ ପ୍ରାଭୁ ଆତଃ ଜୀଉବାସ୍ତାଅନିଃ ଯାଶୁ ଶ୍ରୀଷ୍ଟିଆଃ ଜାନାଅ ରାଇଜ୍ରେ ବଲ ନାଗେନ୍ତେ ଆପେ ପୁରା ଆକ୍ତେୟାର୍ପେ ନାମେୟା ।

୧୨ ଆପେ ନେ ସବେନାଃ ସାରିତାନାପେ ଆତଃ ନାମାକାଦ୍ ସାନାର୍ଡିରେପେ କେଟେୟାକାନା, ନେ ସବେନ୍ କାଜି ଆଇଙ୍ଗ୍ ଆପେକେ ସବେନ୍ ଇମ୍ତା ପାହାମ୍ପାରି ନାଗେନ୍ତେଇଙ୍ଗ୍ ସାନାଙ୍ଗ୍ତାନା ।

୧୩ ଆଇଙ୍ଗ୍ ନେ କୁମ୍ପା ଲେକାନ୍ ଗନଏଃ ହଡ଼ମ୍ରେ ଜାନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମ୍ପାକାତେପେ ନେଆଁ ଠାଉକାଗି ତାନାଃ ମେନ୍ତେଇଙ୍ଗ୍ ଉଡ଼ୁତାନା ।

୧୪ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟି ଆଇଙ୍ଗ୍କେ ଉଦୁବାକାଦିଙ୍ଗ୍ ଲେକା ଜାଲ୍ଦିଗି ନେ କୁମ୍ପା ଲେକାନ୍ ଗନଏଃ ହଡ଼ମ୍ରେ ବାଗି ଲାଗାଡିୟାଁ ମେନ୍ତେଇଙ୍ଗ୍ ସାରିତାନା ।

୧୫ ଆଇଁୟାଃ ଗନଏଃ ତାୟମ୍ତେୟ ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇଙ୍ଗ୍ ସାନାଙ୍ଗ୍ତାନା ।

ଶ୍ରୀଷ୍ଟିଆଃ ମାନାରାଙ୍ଗ୍କେ ମେଦ୍ତେ ନେଲ୍ଲକାଦ୍ ଗାଞ୍ଜା

୧୬ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟିଆଃ ପେଡ଼େଃ ଆତଃ ହିନିକ୍ତୁଃରେଆଃ କାଜି, ଆଲେ ଆପେକେ ଉଦୁବାଦ୍ପେତେୟାଃ ହଡ଼ ବାଇକାଦ୍ କାଅନି ଲେକା କାଲେ ଉଦୁବ୍, ମେନ୍ଦ ଇନିୟାଃ ମାନାରାଙ୍ଗ୍ ବିଷାଏରେ ମେଦ୍ତେ ନେଲ୍ଲକାଦ୍ ଗାଞ୍ଜାଲେ ଏମ୍କେଦା ।

୧୭ *ଆପୁ ପାର୍ମେଶ୍ୱାର୍ତେ ମାଇନ୍ ଆତଃ ମାନାରାଙ୍ଗ୍ ତାଇକେନ୍ ଇମ୍ତା ଆଲେୟ ଏନ୍ତାଃରେ ତାଇକେନାଲେ । ମାରାଙ୍ଗ୍ତାର୍ ମାଇନାନ୍ତାଃଏତେ ଇନିୟାଃ ବିଷାଏରେ ମିଆଁଦ୍ ସାଡ଼ି ଆୟୁମ୍ପାୟା, “ନିଃଆଇଁୟାଃ ଦୁଲ୍ଲାଡ଼୍ ହନ୍, ନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ସୁକ୍ଷୁଆ ।”

୧୮ ଆଲେ ଇନିଃଲଃ ଏନ୍ ପାବିତାର୍ ବୁରୁରେଲେ ତାଇକେନ୍ ଇମ୍ତା, ଆଲେଗି ସିମ୍ପାଏତେ ଉଦୁବଃତାନ୍ ନେ କାଜିଲେ ଆୟୁମ୍କେଦା ।

୧୯ ଏନାତେ ନାବୀକଆଃ ଆୟାରକାଜିରେ ଆଲେୟାଃ ବିଶ୍ୱାସ୍ ପୁରାଃଗି କେଟେଦ୍କାନା । ଏନାମେନ୍ତେ ଆପେକେୟ ଏନାରେ ଧ୍ୟାନ୍ ଏମ୍ ଲାଗାଡିଙ୍ଗ୍ୟାଁ, ଚିୟାଃଚି ଏନା ନୁବାଃରେ ଦିମି ଲେକା ମାସ୍ତାଲେ ଲେକାନାଃ ତାନାଃ ଆତଃ ଆଇଁଅଃ ଇପିଲ୍ ଆପେୟାଃ ମନ୍ସୁରୁଦ୍ରେ ଆଉରି ତୁରଃ ଜାକେଦ୍ ଏନା ଜୁଲ୍କାତେୟାଃ ।

୨୦ ଆପେ ନିମିନାଙ୍ଗ୍ ସାରିପେ, ଧାରାମ୍ପୁଥ୍ରେ ଅଲ୍ଲକାନ୍ ଆୟାରକାଜିକେ, ଜେତା ହଡ଼ ଆପାନ୍ ସେଣାଁତେ କାଏ ଆବ୍କାର୍ଡୁରୁମ୍ ଦାଡ଼ିୟା ।

୨୧ ଆୟାରକାଜି ହଡ଼କଆଃ ସାନାଙ୍ଗ୍ ଲେକାତେ ଚିତ୍ତଲାଅ କା ହିଜୁଆକାନା, ମେନ୍ଦ ପାର୍ମେଶ୍ୱାର୍ତେ କୁଲ୍ଲକାନ୍ ହଡ଼କ ପାବିତାର୍ ଆମ୍ପା ହରାତେ ପାର୍ମେଶ୍ୱାର୍ତାଃଏତେ ହିଜୁଆକାନ୍ କାଜିକ ଉଦୁବକାଦ୍ ତାଇକେନା ।

୨

ହସଡ଼ ଇନିତୁକ

୧ ସିଦା ଦିପିଲିରେ ଜେଲେକା ହଡ଼କ ଆଲ୍ଲାରେ ହସଡ଼ ନାବୀକ ତାଇକେନା, ଏନ୍ଲେକାଗି ଆପେ ଆଲ୍ଲାରେୟ ହସଡ଼ ଇନିତୁକ ଅତଙ୍ଗ୍ଆଃଆ । ଇନ୍କୁ ଜିୟନଃ ଏଡକାନ୍ ଇନିତୁକେ ଉକୁଉକୁତେକ ଉଦୁବେଆ ଆତଃ ଆବୁକେ କିରିଙ୍ଗ୍କାଦ୍ବୁ ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନ୍କୁଆଃ ତେତାନ୍ରେ ଜିୟନଃ ହିଜୁଃଆ ।

୨ ଆତଃ ପୁରାଃ ହଡ଼କ ଇନ୍କୁଆଃ ଏଡକାନ୍ କାମିକ ଅତଙ୍ଗ୍ୟେୟା । ଏଟାଃ ହଡ଼କ ଇନ୍କୁଆଃ ତାଇଲ୍ ତାଲାନ୍ ନେଲ୍କେଦ୍ତେ ସାନାର୍ଡିରେୟାଃ ବିରୁଧ୍ରେ ଏଡକାନାଃକ କାଜିୟା ।

୩ ଇନ୍କୁ ଟାକା ପାଏସାରେୟାଃ ହାୟାତେ ବେଦାତାନ୍ଲଃ ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଙ୍ଗ୍ଆଃ, ମେନ୍ଦ ସିଦାଏତେଗି ପାର୍ମେଶ୍ୱାର୍ ଇନ୍କୁଆଃ ବିଚାରକାଦାଏ ଆତଃ ଇନ୍କୁଆଃ ଗନଏଃରେୟାଃ ନେତା ନାଡ଼େଃତେ ସେଟେରାକାନା ।

୪ ପାର୍ମେଶ୍ୱାର୍ ପାପକେଦ୍ ଦୁଁଡକକେ କା ଛାମାକେଦ୍ତେ ନାରାକ୍ରେ ହୁରାଙ୍ଗ୍କେଦ୍କଆ ଆତଃ ମାରାଙ୍ଗ୍ ବିଚାର୍ ହୁଲ୍ଲାଙ୍ଗ୍ ଜାକେଦ୍ ନୁବାଃ ଗାଡ଼ାରେ ଦହକାଦ୍କଆ ।

* ୧:୧୭ ମାଥୁର ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫.

୫ ପାର୍ମେଶ୍ଵର ସିଦ୍ଧା ପାରିତ୍ୟରେନ୍ ଅତେଦିଶୁମ୍ବକେହିଁ ସାଜାଇ ଏମ୍ ନାଗେନ୍ତେ କାଏ ବାଗିକେଦା, ଏଡକାନ୍ତେ ପେରେଜାକାନ୍ ଅତେଦିଶୁମ୍ବରେନ୍ ହଡକକେ ଦାଆଃତେ ତୁବାକେଦକଆ । ଧାରାମ୍ ପାର୍ମେଶ୍ଵରକେଦ୍ ନୁହୁଁ ଆତଃ ଏଟାଃ ଏୟା* ଝାନ୍ ହଡକକେ ଏସକାର୍ ବାଟାଅକେଦକଆ ।

୬ ତାୟମ୍ବେ ପାର୍ମେଶ୍ଵର ସୋଦମ୍ ଆତଃ ଗମ୍ବରା ନାଗାର୍ ବାରାନାଃକେ ସାଜାଇ ଏମ୍ବେଦ୍ତେ ସେଙ୍ଗେଲ୍ତେ ଜିୟନ୍କେଦା ଆତଃ କା ଧାର୍ମାନ୍କଆଃ ଚିନାଃ ହବାଅଃଆ, ଏନା ନେ ବାରାନ୍ ନାଗାର୍ଚି ଏନାରେୟାଃ ନାମୁନା ଲେକା ହବାକାନା ।

୭ ଏଡକାନ୍କଆଃ କା ଧାର୍ମାନ୍ ଚାଇଲ୍ ଚାଲାନ୍ ହରାତେ ଲାଗାକାନ୍ ଧାର୍ମାନ୍ ଲୁଟ୍କେ ପାର୍ମେଶ୍ଵର ବାଞ୍ଛାଅକିୟାଏ ।

୮ ଏନ୍ତେ ଏନ୍ ଧାର୍ମାନ୍ ହଡ ଇନ୍କୁଲଃ ତାଇକେନ୍ ଇମ୍ତା ଇନ୍କୁଆଃ କା ଠାଉକାନ୍ କାମିକ ନେଲ୍କେଦ୍ତେ ଆତଃ ଆୟୁମ୍ବେଦ୍ତେ ସବେନ୍ ହୁଲାଇଁ ଆୟାଃ ମନ୍ରେ ପୁରାଃଗି ତୁକୁ ଆଟ୍ଟକାରେ ତାଇକେନାଏ ।

୯ ଆତଃ ଧାର୍ମାନ୍ ହଡକକେ ଆକଆଃ ବିଡାଅହେତେ ଚିଲ୍କା ବାଞ୍ଛାଅ ଲାଗାତିଙ୍ଗୟାଃ, ଆତଃ ଏଡକାନ୍କକେ ବିଚାର୍ ହୁଲାଇଁରେ ସାଜାଇ ଏମ୍ ନାଗେନ୍ତେ ଚିଲ୍କା ଦହାକାନାକ, ଏନା ପ୍ରାଭୁ ସାରିୟାଏ ।

୧୦ ବିଶେଷକେଦ୍ତେ ଅକନ୍କ ପାର୍ମେଶ୍ଵରଆଃ ଆକ୍ତେୟାର୍କେ କା ମାନାତିଙ୍ଗକେଦ୍ତେ ଆକଆଃ ହଡ୍ମରେୟାଃ ଏଡକାନ୍ ସାନାଙ୍ଗକେକ ଅତଙ୍ଗତାନା । ନେ ହସଡ୍ ଇତୁକ ଜୀଉରେ କେଟେଦ୍କେଦ୍ତେ, ଆପନାଃ ହଡ୍ମରାଃ ଇଛା ସାନାଙ୍ଗ ଲେକା କାମିତାନାକ । ଇନ୍କୁ ମାନାରାଙ୍ଗ୍ରେୟାଃ ପେଡେଃକକେ ନିୟା ରିକା ନାଗେନ୍ତେ କାକ ବରତାନା ।

୧୧ ନେ ହସଡ୍ ଇତୁକଏତେ ଦୁଡ୍ଦକଦ୍ ପୁରାଃ କେଟେୟାନ୍ ଆତଃ ପେଡେୟାନ୍କ ତାନ୍କରେୟ ପାର୍ମେଶ୍ଵରଆଃ ସାମ୍ନାଙ୍ଗ୍ରେ ନିୟାକେଦ୍ତେ ଇନ୍କୁଆଃ ବିଚାର୍ କାକ ରିକା ତାନା ।

୧୨ ମେନ୍ଦ୍ ନେ ହଡକଆଃ କାମି ବିର୍ ଜାଁତୁକ ଲେକା ଆକ୍ତେୟାର୍ରେ ଆତଃ ଗଗଏଃତେୟାଃ ତାନା, ଅକ୍ନାଃ କାକ ଆଟ୍ଟକାର୍ତ୍ତରୁମ୍ ଦାଡିୟା, ଏନାକେ ଇନ୍କୁ ହିଲାଇଁୟେତାନ୍ଲଃକ କାଜିୟା, ଆତଃ ଇନ୍କୁ ବିର୍ ଜାଁତୁ ଲେକାକ ଜିୟନଃଆ,

୧୩ ଆତଃ ଇନ୍କୁ ଏଟାଃକଆଃ ହାନି ରିକାକାଦ୍ ଲେକାଗି ଆକଆଃ ହାନି ହବାଅଃଆ । ଅକ୍ନାଃରେ ଇନ୍କୁଆଃ ହଡ୍ମରେୟାଃ ରିଜ୍ରେୟାଃ ବିୟଃଆ, ଏନାକେ ଇନ୍କୁ ସିଙ୍ଗିରେ ରିକାକେଦ୍ତେ ରାସ୍କାଃଆ ନାଗେନ୍ତେକ ସୁକୁଃଆ, ଆତଃ ଅକନ୍କ ଆକଆଃ ହସଡ୍ତେ ପେରେଜାକାନ୍ କାମିରେ ରାସ୍କାଆତାନ୍ଲଃ ଆପେଲଃ ମିସାତେ ଜମାଃକ ।

୧୪ ଇନ୍କୁଆଃ ମେଦ୍ ଆପାଙ୍ଗିରେତେ ପେରେଜାକାନା ଆତଃ ପାପ୍କାମି ଚିଉଲା କାକ ବାଗିୟା । ଇନ୍କୁ ନାରାଦୁରା ମନ୍ରେନ୍ ହଡକକେ ବେଦା ଇଦିକଆକ, ଆତଃ ଇନ୍କୁଆଃ ମନ୍ସୁରୁଦ୍ ଟାକା ପାଏସାରେଆଃ ହାୟାରେ ପେରେଜାକାନା । ଇନ୍କୁ ପାର୍ମେଶ୍ଵରତାଃଏତେ ସାର୍ପାଅ ନାମେଗିୟାକ ।

୧୫ ଇନ୍କୁ ସିଧା ହରା ବାଗିକେଦ୍ତେ ଆକଆଃ ହରାକ ଆଦାକାଦା, ଆତଃ ଇନ୍କୁ ବିୟୋର୍ରେୟାଃ ହଡ୍ତେକଡା ବାଲାମ୍ଆଃ ହରାକ ଅତଙ୍ଗକାଦା । ଇନିଃ ଟାକା ପାଏସାରେୟାଃ ଦୁଲ୍ଲାଡ୍ତେ ଏଡକାନ୍ କାମି କାମିକେଦାଏ,

୧୬ ଆତଃ ଆୟାଃ ଏନ୍ ପାପ୍ ନାଗେନ୍ତେ ହିଲାଇଁୟାନା । ଆୟାଃ ଗାଧା ହଡକଆଃ ଲାବ୍ଜାତେ କାଜିକେଦା, ଆତଃ ନାବୀଆଃ ବାଉଡା† କାମିହେତେ ହକାକିୟା ।

୧୭ ନେ ହସଡ୍ ଇନିତୁକ ରହଡ୍ ସେତେଙ୍ଗ‡ ଲେକା ଆତଃ ଦୁଦ୍ଗାର୍ ହୟାତେ ଅଟାଙ୍ଗ୍ଆତାନ୍ ରିମିଲ୍ ଲେକାନ୍କ ତାନ୍କ । ପାର୍ମେଶ୍ଵର ଇନ୍କୁ ନାଗେନ୍ତେ ପୁରାଃ ନୁବାଃ ହୁଆଙ୍ଗାଡା ଦହକାଦାଏ ।

୧୮ ଇନ୍କୁ ଆପାନ୍କେ ମାରାଙ୍ଗ୍ ମେନ୍ତେକ କାଜିନ୍ତାନା ଆତଃ ସାମାକାଜିକ କାଜିତାନା, ଏଡକାନାଃରେ ସେସେନ୍ତାନ୍ ହଡକତାଃଏତେ ବାଟାଅ ନାମ୍ବେଦ୍ତେ ହିଜୁଃ ରୁହାଡାକାନ୍ ହଡକକେ ହଡ୍ମରାଃ ଏଡକାନ୍ ସାନାଙ୍ଗ୍ରେୟାଃ ରିଜ୍ରେୟାଃ ଦେଖାଅତାନ୍ଲଃ ବେଦାକତାନାକ ।

୧୯ ଏନ୍ ହସଡ୍ ଇନିତୁକ ଇନ୍କୁକେ ତନଲ୍ହେତେ ରାଡାଅଃରେୟାଃ ବାନାର୍ସାକ ଏମାକଆ, ମେନ୍ଦ୍ ଇନ୍କୁ ଆକଗି ଜିୟନଃରେୟାଃ ଦାସିତାନ୍କ, ଚିୟାଃଗି ଜେତାଏ ଅକ୍ନାଃତେ ହାରାଅକାନା, ଇନିଃ ଏନାରେୟାଃ ଦାସି ତାନିଃ ।

୨୦ ଆରୁଆଃ ପ୍ରାଭୁ ଆତଃ ଜୀଉବାଞ୍ଛାଅନିଃ ଯାଶୁ ଖ୍ରୀଷ୍ଟତାଃଏତେ ସେଣାଁ ନାମ୍ବେଦ୍ତେ ଅକନ୍କ ଅତେଦିଶୁମ୍ବରେୟାଃ ଏଡକାନାଃଏତେ ବାଞ୍ଛାଅ ନାମାକାଦାକ, ଇନ୍କୁ ଆତଃମିସା ଏନ୍ ଏଡକାନାଃରେୟାଃ ତନଲ୍ରେ ତଲ୍କେଦ୍ତେ ହାରାଅ କାନ୍ରେଦ, ଇନ୍କୁଆଃ ଟୁଣ୍ଡୁ ଦାସା, ପାହିଲା ଦାସାଏତେ ପୁରାଃଗି ଆଦ୍କା ହବାଅଃଆ ।

୨୧ ଧାର୍ମାନ୍ ହରା ସାରିକେଦ୍ତେ, ଏନାରେ ଏମାକାନ୍ ପାବିତାର୍ ଆନ୍ତୁ ବାଗିତେୟାଃଏତେ, ଏନ୍ ହରା କାକ ସାରିକାରେ ଇନ୍କୁଆଃ ନାଗେନ୍ତେ ପୁରାଃ ବୁଗିନାଃ ହବାକାନ୍ତେୟାଃ ।

୨୨ ଇନ୍କୁ ନାଗେନ୍ତେ ଅକ୍ନାଃ ହବାକାନା, ଏନାଏତେ ନେ କାଜିୟାକାନ୍ କାଜି ସାର୍ତ୍ତି ହବାଅଃତାନା, “ ‘ସେତା ଅକ୍ନାଃ ଉସାଡ୍କାଦାଏ, ଏନାକେ ଆତଃମିସା ଜମ୍ ରୁହାଡେଆଏ,’ ସୁକୁରିକେ ଆରୁଙ୍ଗକେଦ୍ ତାୟମ୍ବେ ଆତଃମିସା ଲସଦ୍ରେ ବାଟିନ୍ ନାଗେନ୍ତେ ସେନା । ’ ”

* ୨:୫ ସାଡ୍ † ୨:୧୭ ବାଏହା ‡ ୨:୧୭ ଝାରେନ୍

୩

ପ୍ରାଭୁଆଃ ହିନିକ୍ଷୁଃ

୧ ହେ ଦୁଲ୍ଲଭ୍ ହାଗା ମିଶିକ, ଆଇଙ୍ଗ୍ ଆପେତାଃତେ ଆତଃମିଆଁଦ୍ ଚିଟାଉ ଅଲେତାନାଇଙ୍ଗ୍ । ନେ ବାରାନ୍ ଚିଟାଉରେ ଆଇଙ୍ଗ୍ ଆପେକେ ନେ ସବେନ୍ ବିଷାଏରେ ପାହାମ୍ ଇଚିକେଦ୍ତେ ଆପେୟାଃ ମନ୍ରେ ଫାରିଚି ଉଡ଼ୁ ନାଙ୍ଗ୍ ଚିହୁଟଃପେ ମେନ୍ତେଇଙ୍ଗ୍ ସାନାଙ୍ଗ୍ତାନା ।

୨ ଆପେ ପାବିତାର ନାବୀକଆଃ ହରାତେ ସିଦାରେ ଉଦୁବାକାନ୍ କାଜିକ ଆତଃ ଜୀଉ ବାଞ୍ଛାଅନିଃ ପ୍ରାଭୁଆଃ ଆନ୍ତୁକେ କୁଲ୍ଲକାନ୍ ପ୍ରେରିତକ ଆପେକେ ଏମାକାଦ୍ପେୟାକ, ଏନା ଆଇଙ୍ଗ୍ ଆପେକେ ପାହାମ୍‌ଇଚି ନାଗେନ୍ତେଇଙ୍ଗ୍ ସାନାଙ୍ଗ୍ତାନା ।

୩ ✨ସବେନାଃଏତେ ସିଦା ଆପେକେ ସାରି ଲାଗାତିଙ୍ଗ୍‌ୟାଃ, ନେ ଚୁଣ୍ଡୁ ଦିପିଲିକରେ ଚିମିନ୍ ହଡ଼କ ସାର୍ତିକେ ଲାନ୍ଦାକେଦ୍ତେ ଆକଆଃ ଏଡ଼କାନ୍ ସାନାଙ୍ଗ୍‌ତେ ଏସ୍‌କାରକ ସେସେନା,

୪ ଆତଃ ଇନ୍‌କୁ ଆପେକେ ଲାନ୍ଦାକେଦ୍ତେ କାଜିୟାକ, “ୟୀଶୁଆଃ ହିନିକ୍ଷୁରାଃ ବାନାର୍‌ସା କାଜି କତାଃରେୟା ? ଆବୁଆଃ ପୁରୁଶା ହାଡ଼ାମ୍‌କ ଗଏଃ ଚାବାୟାନ୍‌ଗିୟାକ, ମେନ୍‌ଦ ଏନେଟେଦ୍‌ରେ ଅତେଦିଶୁମ୍ ଚିଲ୍‌କା ବାଇକାନ୍ ତାଇକେନା ଏନ୍‌ଲେକାଗି ନାହାଃ ଜାକେଦ୍ ମେନାଃ ।”

୫ ଇନ୍‌କୁ ସାରିସାରିତେଗି ରିଡ଼ିଙ୍ଗ୍‌ତାଃକ ଯେ, ସିଦା ଦିପିଲିରେ ପାରମେଶ୍‌ବାର୍‌ଆଃ ହୁକୁମ୍‌ତେ ଅତେ ଆତଃ ସିର୍‌ମା ବାଇୟାନା । ନେ ଅତେଦିଶୁମ୍ ଦାଆଃଏତେ ଆତଃ ଦାଆଃତେ ବାଇୟାକାନା ।

୬ ଆତଃ ଏନ୍ ମାରି ଅତେଦିଶୁମ୍ ଇନିୟାଃ ହରାତେ ମୁସିଙ୍ଗ୍ ଦାଆଃ ଚୁଡ଼ାକେଦ୍ତେ ଜିୟନ୍‌ୟାନା ।

୭ ମେନ୍‌ଦ ନାହାଃ ଅକନ୍ ଅତେଦିଶୁମ୍ ଆତଃ ସିର୍‌ମା ମେନାଃ, ଏନା ପାରମେଶ୍‌ବାର୍‌ଆଃ ଏନ୍ ସାମାନ୍ ହୁକୁମ୍‌ତେଗି ସେଙ୍ଗେଲ୍‌ରେ ଜିୟନ୍‌ଃ ନାଗେନ୍ତେ ଦହାକାନା । ଅକ ହୁଲ୍‌ଲ୍‌ରେ କା ଧାର୍‌ମାନ୍ ହଡ଼କ ବିଚାରଃଆକ, ଏନ୍ ହୁଲ୍‌ଲ୍‌ ଜାକେଦ୍ ଏନାକେ ଦହାକାନା ।

୮ ମେନ୍‌ଦ ହେ ଦୁଲ୍ଲଭ୍ ହାଗା ମିଶିକ, ମିଆଁଦ୍ କାଜି ଆଲ୍‌ପେ ରିଡ଼ିଙ୍ଗ୍‌ୟେଆ, ପାରମେଶ୍‌ବାର୍‌ଆଃ ଆୟାର୍‌ରେ ମୁସିଙ୍ଗ୍‌କେ, ମିଦ୍ ହାଜାର୍ ବାରାଷ୍ ମେନ୍ତେ ହିସାବଃଆ ଆତଃ ମିଦ୍ ହାଜାର୍ ବାରାଷ୍‌କେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାନାଃ ସାମାନ୍ ତାନାଃ ।

୯ ଚିମିନ୍ ହଡ଼କ ବିଲ୍‌ମାଃ ତାନାଃ ମେନ୍ତେକ ଉଡ଼ୁତାନ୍ ଲେକା, ପ୍ରାଭୁ ଆୟାଃ ବାନାର୍‌ସା କାଜିକେ ପୁରାଏ ନାଗେନ୍ତେ କାଏ ବିଲ୍‌ମାମେ ତାନା, ମେନ୍‌ଦ ଜେତା ହଡ଼ ଆଲ୍‌କାକ ଜିୟନ୍‌ଃକା ଆତଃ ପାପ୍‌ହେତେ ମନ୍ ରୁହାଡ଼େକାକ ମେନ୍ତେ ଇନିୟାଃ ସାନାଙ୍ଗ୍ ।

୧୦ ✨ମେନ୍‌ଦ ପ୍ରାଭୁଆଃ ହିନିକ୍ଷୁ ହୁଲ୍‌ଲ୍‌ କୁମ୍‌ଡ଼ୁଲେକା ହିକ୍ଷୁଆ । ଏନ୍ ହୁଲ୍‌ଲ୍‌ ସିର୍‌ମାକ ପୁରାଃ ସାଡ଼ିତେ ଜିୟନ୍‌ଃଆ, ଆତଃ ନେ ଅତେଦିଶୁମ୍ ଅକ୍‌ନାଃତେ ବାଇକାନା, ଏନ୍ ଏନେଟେଦ୍ ବିଷାଏକ ସବେନ୍ ସେଙ୍ଗେଲ୍‌ତେ ସେରଃଆ, ଅତେରେ ବାଇୟାକାନ୍ ସବେନାଃ ଜିୟନ୍‌ଃଆ ।

୧୧ ନେ ସବେନାଃ ନେ'ଲେକା ଜିୟନ୍‌ଃରେଦ୍, ଆପେୟାଃ ଚିଲ୍‌କାନ୍ ଜୀଞ୍ଜାନ୍ ହବାଅଃ ଲାଗାତିଙ୍ଗ୍‌ୟାଃ, ଏନା କାଟିଃ ଉଡ଼ୁଲେପେ । ଆପେକେ ପାବିତାର୍ ଆତଃ ପାରମେଶ୍‌ବାର୍‌ତାଃରେ ଜିମାକାନ୍ ଜୀଞ୍ଜାନ୍ ଲେକା ହବାଅଃ ଲାଗାତିଙ୍ଗ୍‌ୟାଃ ।

୧୨ ଆପେ ପାରମେଶ୍‌ବାର୍‌ଆଃ ହିନିକ୍ଷୁ ହୁଲ୍‌ଲ୍‌କେ ନେଲ୍ ହରାତାନ୍‌ରେଦ୍, ଏନା ଜାଲ୍‌ଦି ହିକ୍ଷୁ ନାଗେନ୍ତେ ସେକାଡ଼ାକାନ୍‌ପେ । ଏନ୍ ହୁଲ୍‌ଲ୍‌ ସିର୍‌ମାରେୟାଃ ଏନେଟେଦ୍ ବିଷାଏ ସବେନ୍ ଜୁଲ୍‌କେଦ୍‌ତେ ଜିୟନ୍‌ଃଆ ଆତଃ ସିର୍‌ମାରେନ୍ ଇପିଲ୍ ଚାଣ୍ଡୁ ପୁରାଃ ଜୁଲ୍‌ରାଃ ଏଲ୍‌ଲ୍‌ତେ ଲେୟାଙ୍ଗ୍‌ଅଃଆ ।

୧୩ ✨ମେନ୍‌ଦ ପାରମେଶ୍‌ବାର୍‌ ଆବୁକେ ଏମାକାଦ୍‌ବୁ ବାନାର୍‌ସା କାଜିଲେକାତେ, ମିଆଁଦ୍ ନାଞ୍ଜା ସିର୍‌ମା ଆତଃ ନାଞ୍ଜା ଅତେବୁ ନେଲ୍‌ହରାତାନା, ଅକ୍‌ନାଃଟି ଧାର୍‌ମାନ୍‌କଆଃ ତାଇନଃ ଠାୟାଦ୍ ହବାଅଃଆ ।

୧୪ ଏନାତେ ହେ ଦୁଲ୍ଲଭ୍ ହାଗା ମିଶିକ, ଆପେ ନେ ସବେନାଃକେ ନେଲ୍‌ହରାତାନ୍ ନାଗେନ୍ତେ ପାରମେଶ୍‌ବାର୍‌ଆଃ ନେପେଲ୍‌ରେ ପାବିତାର୍ ଆତଃ ବେଗାର୍ ଦାଗିକାନ୍ ଲେକା ସୁକୁଜୀଉତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ ।

୧୫ ଆବୁଆଃ ପ୍ରାଭୁ ଚିମିନ୍ ସାହାତିଙ୍ଗ୍‌ନିଃ ତାନିଃ । ଆପେୟାଃ ଜୀଉବାଞ୍ଛାଅ ନାମ୍ ନାଗେନ୍ତେ ଇନିଃ ଚିମିନ୍ ନେତା ଏମାକାଦାଏ, ଏନା ଆବୁଆଃ ଦୁଲ୍ଲଭ୍ ହାଗା, ପାଉଲୁସ୍ ପାରମେଶ୍‌ବାର୍‌ତାଃଏତେ ସେଣାଁ ନାମ୍‌କେଦ୍‌ତେ ଆପେତାଃତେ ନେ ଚିଟାଉ ଅଲ୍‌କାଦାଏ ।

୧୬ ଇନିଃ ଆୟାଃ ସବେନ୍ ଚିଟାଉରେ, ନେ ସବେନ୍ ବିଷାଏ ଉଦୁବ୍‌କେଦ୍‌ତେ କାଜିକାଦାଏ, ଏନ୍ ସବେନାଃରେ ନେ'ଲେକା ଚିମିନ୍ ହାମ୍‌ଲ୍ କାଜିକ ମେନାଃ, ଅକ୍‌ନାଃକଟି ଆର୍‌କାର୍‌ଉରୁମ୍ ନାଗେନ୍ତେ ପୁରାଃଗି ହାମ୍‌ଲାଃ । ଆବ୍‌ରେ କା ତାଇନଃ ବେଗାର୍ ସେଣାଁନ୍ ହଡ଼କ ଏଟାଃ ସବେନ୍ ଧାରାମ୍‌ପୁଥ୍ ଲେକାଗି ପାଉଲୁସ୍‌ଆଃ ଚିଟାଉକରେୟ ଏନ୍‌ଲେକାଗି ମୁଣ୍ଡିକ ଉଦୁବାଃ । ନେଆଁତେ ଇନ୍‌କୁ ଆକଆଃ ଜିୟନ୍‌ଃକ ଆଉତାନା ।

☆ ୩:୩ ଯିହୁଦା ୧:୧୮. ☆ ୩:୧୦ ମାଥ୍‌ଉ ୨୪:୪୩; ଲୁକ ୧୨:୩୯; ୧ ଥେସ୍‌ଲନିକା ୫:୨; ଉନ୍‌ଦୁବ୍ କାଜି ୧୬:୧୫. ☆ ୩:୧୩ ଉନ୍‌ଦୁବ୍ କାଜି ୨୧:୧.

^{୧୭} ମେନ୍ଦ ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିର୍ଗାଲ୍ଲକାନ୍ ତାଇନ୍ଦେ, ଜେ'ଲେକା ଏଡ଼କାନ୍ ହଡ଼କଆଃ ହସଡ଼ ଇନିତୁରେ ଉୟୁଃକେଡ଼ତେ ଆପେୟାଃ କେଟେଡ଼ ବିଶ୍ୱାସ୍‌ଏତେ ଆଲପେ ସାଜିନଃଆ ।

^{୧୮} ମେନ୍ଦ ଆରୁଆଃ ପ୍ରାଭୁ ଆଡ଼ଃ ଜୀଉବାସ୍ତାଅ ଯୁଶୁ ଖ୍ରୀଷ୍ଟ୍‌ଆଃ ସାୟାଦ୍ ଆଡ଼ଃ ସେଣ୍ଟେ ହାରାଇଦିଅଃପେ । ନାହାଁଃ ଆଡ଼ଃ ଜାନାଅ ଜାନାଅ ଜାକେଡ଼ ଇନିୟାଃ ମାନାରାଜ୍ ହବାଅଃକା, ଆମେନ୍ ।

ଯୋହାନଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିତାଏ

ଯୋହାନ୍‌ଆଃ ପାହିଲା ଚିଟାଉ ଯାଶୁ ଖ୍ରୀଷ୍ଟିଆଃ ଜାନାମ୍ ତାୟମତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକକେ ଅନଲ୍‌ନିଃ ଲେକା ପାରିତାଏ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯାଶୁ ଖ୍ରୀଷ୍ଟିଆଃ ଜୀଦାନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍‌କାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲଃ ମିଦ୍‌ଜକା ଲେକାଗି ନେଲଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫ୍‌ସୁସ୍‌ରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣାନ୍‌କ ମେନ୍ତେ କାଜିୟଃତାନ ଝୁଣ୍ଡରେନ୍ ହଡକ ହରାତେ କାଲିସିୟା ସାଙ୍କାଟ୍‌ରେ ତାଇନଃ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡକକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନ୍‌କୁ ବିଶ୍ୱାସାଃକ ଯେ, ଯାଶୁ ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶ୍ୱମରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ୍ ହଡ଼ମରେନ୍ ସାର୍‌ତି ମାନଃ ହଡ଼ ନାହାଲିଃ । ଯୋହାନ୍ ଯାଶୁ ଖ୍ରୀଷ୍ଟିକେ ମେଦ୍‌ତେ ନେଲ୍‌କାଇନିଃ ତାନିଃ ଆତଃ ଆୟାଃ ତିଃଇ ଯାଶୁକେ କୁଟିଦକାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସକାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉଦେଶ୍ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ଼ ଇନିତୁହେତେ ବିଶ୍ୱାସୀକକେ ବାସ୍ତାଅକ ନାଗେନ୍ତେ ୧ ଯୋହାନ୍ ୨:୨୬ ଆତଃ ଏନ୍ ବିଶ୍ୱାସୀକ ବାସ୍ତାଅକାନାକ ଏନା ସାର୍‌ତି ତାନାଃ ମେନ୍ତେ କାଜିକନାଙ୍ ୫:୧୩ ।

ପୁଅ୍ ଭିତାରେ ତାଇକାନ୍ କାଜି

- ୧. ଯୋହାନ୍ ଆୟାଃ ଚିଟାଉରେ ପାରିତାଏ ଉଦୁବ୍‌କେଦ୍‌ତେ ଅନଲ୍‌ରାଃ ଉଦେଶ୍ ଅଲ୍ଲାକାଦାଏ । ୧:୧-୪
- ୨. ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଏନା କାଜିକେଦ୍‌ତେ ଯାଶୁଆଃ ଲେକା ଜୀଦାନ୍ ବିତାଅ ନାଗେନ୍ତେ କାଜିୟାଃ । ୧:୫-୩:୧୦
- ୩. ମିହୁଡ଼ ଆତଃମିହୁଡ଼କେ ଦୁଲ୍ଲାଡ଼ ବିଷାଏରେ ଆବୁକେ ପାହାମ୍‌ଇତିବୁ ତାନା । ୩:୧୧-୫:୧୨
- ୪. ଯୋହାନ୍ ଆୟାଃ ଅନଲ୍ ଅଲ୍ ଚାବାକେଦାଏ । ୫:୧୩-୨୧

ଜାନିଦ୍‌ରାଃ ବାଚାନ୍

୧ *ଆଲେ ଅତେଦିଶ୍ୱମରାଃ ଏନେଟେଦ୍ ସିଦାରେ ତାଇକାନ୍ ଏନ୍ ଜୀଦାନ୍ ବାଚାନ୍ ବିଷାଏରେ ଉଦୁବ୍‌ତାନା, ଅକ୍‌ନାଃକେଟି, ଆଲେ ଆୟୁମାକାଦା, ନେଲ୍‌କାଦା, ନେଲ୍‌ବାଇକାଦା, ଆତଃ ତିଃଇତେଲେ କୁଟିଦାକାଦା ।

୨ *ଏନ୍ ଜୀଦାନ୍ ବାଚାନ୍ ଉଦୁବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍‌ତେ ଗାଃ ଏମ୍‌ତାନ୍‌ଲଃ କାଜିତାନାଲେ, ଅକନ୍ ଜାନାଅ ଜୀଦାନ୍ ଆପୁ ପାର୍‌ମେଶ୍ୱାର୍‌ଲଃ ତାଇକେନା ଆତଃ ଆଲେତାଃରେ ଉଦୁବେନ୍‌ୟାନା, ଏନ୍ ବିଷାଏରେ ଆପେକେଲେ ଉଦୁବ୍‌ତାନା ।

୩ ଆଲେ ଅକ୍‌ନାଃ ନେଲ୍‌କାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ ଆପେକେୟ ଉଦୁବ୍‌ପେତାନାଲେ, ଜେ'ଲେକାଟି ଆପେୟ ଆଲେୟାଃ ମେନେସାରେ ମେସାଦାଡ଼ିୟାଆପେ, ଆତଃ ଆଲେୟାଃ ମେନେସା ଆପୁ ପାର୍‌ମେଶ୍ୱାର୍ ଆତଃ ଆୟାଃ ହନ୍ ଯାଶୁ ଖ୍ରୀଷ୍ଟିଲଃ ମେନାଃ ।

୪ ଆବୁଆଃ ସୁକୁରାସକା ପୁରାଅଃକା ମେନ୍ତେ ଆଲେ ନେ ସବେନାଃ ଅଲେତାନାଲେ ।

ପାର୍‌ମେଶ୍ୱାର୍ ମାର୍‌ସାଲ୍ ତାନିଃ

*ଆଲେ ପାର୍‌ମେଶ୍ୱାର୍‌ଆଃ ହନ୍‌ତାଃଏତେ ଆୟୁମାକାଦ୍ କାଜିକେ ଆପେକେ ଉଦୁବ୍‌ପେତାନାଲେ, ଏନା ନେଆଁ ତାନାଃ, ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଆତଃ ଇନିଃରେ ଜେତାନ୍ ନୁବାଃ ବାନଆଃ ।

୨ ଇନିଃଲଃ ଆବୁଆଃ ମେନେସା ମେନାଃ ମେନ୍ତେ କାଜିକେଦ୍‌ତେ ନୁବାଃରେବୁ ତାଇନଃତାନ୍ ରେଦ୍ ଆବୁ ହସଡ଼ ତାନ୍‌ବୁ, ଆତଃ ଆବୁଆଃ ଜାଗାର୍‌ରେ ଆତଃ କାମିରେ ସାନାର୍‌ତି ବାନଆଃ ।

୩ ମେନ୍‌ଦ ପାର୍‌ମେଶ୍ୱାର୍ ମାୟାଲ୍‌ରେ ମେନାଈ ଲେକା ଆବୁହ୍ ମାୟାଲ୍‌ରେ ମେନାବୁରେଦ୍ ଆବୁଆଃ ମେନେସା ମିହୁଡ଼୍ ଆତଃମିହୁଡ଼ଲଃ ମେନାଃ ଆତଃ ଇନିୟାଃ ହନ୍ ଯାଶୁ ଖ୍ରୀଷ୍ଟିଆଃ ମାୟୋମ୍ ସବେନ୍ ପାପ୍‌ହେତେ ଆବୁକେ ଫାଟ୍‌ଟିବୁଆ ।

୮ ଆବୁରେ ପାପ୍ ବାନଆଃ ମେନ୍ତେବୁ କାଜିରେଦ୍, ଆବୁ ଆବୁଗି ବେଦାନ୍‌ତାନାବୁ, ଆତଃ ଆବୁତାଃରେ ସାର୍‌ତି ବାନଆଃ ।

☆ ୧:୧ ଯୋହାନ୍ ୧:୧. ☆ ୧:୨ ଯୋହାନ୍ ୧:୧୪.

୯ ଫେନ୍ଦ ପାର୍ମେଶ୍ୱାର୍ତାଃରେ ଆବୁ ପାପକାଦାବୁ ଫେନ୍ତେ ମାନାତିଙ୍ଗଲେରେ, ଇନିଃ ଆବୁଆଃ ପାପକ ଛାମା ଏମ୍ ନାଗେନ୍ତେ ଆତଃ ସବେନ୍ ଏଡକାନ୍ଆଃଏତେ ଫାର୍ତିବୁ ନାଗେନ୍ତେ ପାତିୟାର୍ତଃ ଲେକାନ୍ନିଃ ତାନିଃ ଆତଃ ଠାଉକାନ୍ତେୟାଃଗି ରିକାଏୟା ।

୧୦ ଆବୁ କାବୁ ପାପକାଦା ଫେନେରେଦ, ଆବୁ ପାର୍ମେଶ୍ୱାର୍ତକେ ହସଡନିଃ ଫେନ୍ତେବୁ ଫେତାଈତାନା, ଆତଃ ଇନିୟାଃ କାଜି ଆବୁରେ ବାନଆଃ ।

୨

ୟାଶୁ ଖ୍ରୀଷ୍ଟ ଆବୁଆଃ ଦେଙ୍ଗାନିଃ

୧ ହେ ଦୁଲାଡ୍ ହନକ, ଆପେ ପାପ କାମି ଆଲପେ ରିକାଏ ଫେନ୍ତେ ଆଇଙ୍ଗ ନେ କାଜିକ ଆପେତାଃତେଇଙ୍ଗ ଅଲେତାନା । ଫେନ୍ଦ ଜେତାଏ ପାପ କାମି ରିକାଏରେଦ, ଆବୁ ନାଗେନ୍ତେ ଆପୁ ପାର୍ମେଶ୍ୱାର୍ତାଃରେ ବିକ୍ତି ନାଙ୍ଗ ମିଆଁଦ୍ ଦେଙ୍ଗାନିଃ ଫେନାଇୟା, ଇନିଃ ଧାର୍ମାନ୍ ଯାଶୁ ଖ୍ରୀଷ୍ଟ ତାନିଃ ।

୨ ଆତଃ ଯାଶୁ ଖ୍ରୀଷ୍ଟ ଆଇଃକଗି ଆବୁଆଃ ପାପ ଛାମା ନାଗେନ୍ତେ ଏସକାର କାହା, ଫେନ୍ଦ ଗଟା ଅତେଦିଶୁମ୍ରେନ୍ ହଡକଆଃ ପାପ ଛାମା ନାଗେନ୍ତେ ଦାଣେ ରାକାବ୍ୟାନା ।

୩ ଆବୁ ପାର୍ମେଶ୍ୱାର୍ତାଃ ହୁକୁମ୍ କେ ମାନାତିଙ୍ଗରେଦ, ଇନିଃକେବୁ ସାରିୟା ।

୪ ଆତଃ ଇନିୟାଃ ହୁକୁମ୍ କା ମାନାତିଙ୍ଗକେଦ୍ତେ, ଇନିଃକେଇଙ୍ଗ ସାରିୟା ଫେନ୍ତେ କାଜିନିଃ ହସଡ ତାନିଃ ଆତଃ ଇନିଃରେ ସାର୍ତି ବାନଃଆ ।

୫ ଫେନ୍ଦ ଜେତାଏ ଇନିୟାଃ ବାଚାନ୍କେ ମାନାତିଙ୍ଗରେ, ଇନିଃତାଃରେ ପାର୍ମେଶ୍ୱାର୍ତାଃ ଦୁଲାଡ୍ ସାର୍ତିଗି ପୁରାକାନା । ନେଲେକାତେ ଆବୁ ଇନିଃରେ ଫେନାବୁଆ ଫେନ୍ତେବୁ ସାରିତାନା ।

୬ ଜେତାଏ ପାର୍ମେଶ୍ୱାର୍ତଲଃ ତାଇନ୍ ତାନାଇଙ୍ଗ ଫେନ୍ତେ କାଜିନିଃ, ଯାଶୁ ଖ୍ରୀଷ୍ଟ ଲେକା ଜୀଝାନ୍ ବିତାଅ ଲାଗାତିଙ୍ଗୟାଃ ।

ନାଝା ଆନାବୁ

୭ ହେ ଦୁଲାଡ୍ ହାଗା ମିଶିକ, ଆଇଙ୍ଗ ଆପେତାଃତେ ନାଝା ଆନବୁଦ କା ଫେନ୍ଦ ମୁନ୍ନୁଏତେ ଆପେତାଃରେ ତାଇକେନ୍ ମାରି ଆନବୁକେଗିଇଙ୍ଗ ଅଲେତାନା, ଆପେ ଆୟୁମାକାଦ୍ କାଜି, ଏନ୍ ମାରି ଆନବୁଗି ତାନାଃ ।

୮ ଏନ୍ରେୟ, ଆଇଙ୍ଗ ଏନାକେ ନାଝା ଆନବୁ ଲେକାଇଙ୍ଗ ଅଲେତାନା, ଏନାରେୟାଃ ସାର୍ତି, ଯାଶୁ ଖ୍ରୀଷ୍ଟରେ ଆତଃ ଆପେରେହ୍ ନେଲଃଆ, ଚିୟାଃଗି ନୁବାଃ ସେନଃତାନା ଆତଃ ସାର୍ତି ମାର୍ସାଲ୍ ଚାମ୍କାଅଃ ତାନା ।

୯ ଜେତାଏ ମାସ୍ତାଲ୍ରେନ୍ ତାନିଙ୍ଗ ଫେନ୍ତେ କାଜିକେଦ୍ତେ, ଆପ୍ନାଃ ହାଗା ମିଶିକକେ ହିଲାଙ୍ଗକ ତାନ୍ରେଦ ଇନିଃ ନାହାଃ ଜାକେଦ୍ ନୁବାଃରେ ଫେନାଇୟା ।

୧୦ ଜେତାଏ ଆପ୍ନାଃ ହାଗା ମିଶିକକେ ଦୁଲାଡ୍କ ତାନ୍ରେଦ, ଇନିଃ ମାସ୍ତାଲ୍ରେନ୍ ତାନିଃ ଆତଃ ଇନିଃ ଜେତାଲେକାତେ କାଏ ତହଦଃଆ ।

୧୧ ଫେନ୍ଦ ଜେତାଏ ଆପ୍ନାଃ ହାଗା ମିଶିକକେ ହିଲାଙ୍ଗକରେଦ, ଇନିଃ ନୁବାଃରେ ଫେନାଇୟା, ଆତଃ ନୁବାଃରେ ସେନେତାନା ଆତଃ କତେ ସେନଃତାନା ଏନା କାଏ ସାରିୟା ଚିୟାଃଗି ନୁବାଃ ଇନିୟାଃ ଫେଦ୍କେ ନୁବାଃକାଦା ।

୧୨ ଏ ହନକ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଗି ଆପେୟାଃ ପାପକଦ୍ ଯାଶୁ ଖ୍ରୀଷ୍ଟଆଃ ନୁଡୁମ୍ତେ ଛାମାକାନା ।

୧୩ ହେ ଆପୁକ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଗି ଆପେଦ ଅତେଦିଶୁମ୍ରାଃ ଏନେଟେଦ୍ ସିଦାରେ ତାଇକେନ୍ନିଃକେପେ ଇଡୁଆନା । ଏ ସେପେଡେଦକ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଗି ଆପେଦ ଏନ୍ ଏଡକାନ୍ନିଃକେପେ ହାରାଅକିୟା ।

୧୪ ଏ ହନକ, ଆଇଙ୍ଗ ଆପେତାଃତେଇଙ୍ଗ ଅଲ୍ଲାକାଦା, ଚିୟାଃଗି ଆପେଦ ଆପୁକେପେ ସାରିୟା । ହେ ଆପୁକ, ଆଇଙ୍ଗ ଆପେତାଃତେଇଙ୍ଗ ଅଲ୍ଲାକାଦା, ଚିୟାଃଗି ଆପେଦ ଅତେଦିଶୁମ୍ରାଃ ଏନେଟେଦ୍ ସିଦାରେ ଫେନାଇ ଖ୍ରୀଷ୍ଟକେପେ ସାରିୟା । ଏ ସେପେଡେଦକ, ଆଇଙ୍ଗ ଆପେତାଃତେଇଙ୍ଗ ଅଲ୍ଲାକାଦା, ଚିୟାଃଗି ଆପେଦ ପେଡେୟାନ୍କ ତାନ୍ପେ, ଆପେରେ ପାର୍ମେଶ୍ୱାର୍ତାଃ ବାଚାନ୍ ଫେନାଃ ଆତଃ ଏଡକାନ୍ନିଃକେପେ ହାରାଅକିୟା ।

ଅତେଦିଶୁମ୍କେ ଆଲପେ ଦୁଲାଡ଼ାଃ

୧୫ ଆପେ ନେ ଅତେଦିଶୁମ୍ ଆତଃ ଅତେଦିଶୁମ୍ରାଃ ଜେଡନାଃ ଆଲପେ ଦୁଲାଡ଼େୟା । ଆପେ ନେ ଅତେଦିଶୁମ୍କେ ଦୁଲାଡ଼େତାନ୍ରେଦ, ଆପୁ ପାର୍ମେଶ୍ୱାର୍ତାଃ ଦୁଲାଡ଼ ଆପେରେ ବାନଃଆ ।

୧୬ ଚିୟାଃଗି ହଡ଼ମ୍ରେୟାଃ ଏଡକାନ୍ ସାନାଙ୍ଗ, ଫେଦ୍ରେୟାଃ ଏଡକାନ୍ ସାନାଙ୍ଗ, ଆତଃ ଆକଆଃ ଫେନାଃତେୟାଃ ନାଙ୍ଗ ଆପାନ୍କେ ମାରାଙ୍ଗ ଫେନ୍ତେ କାଜିନ୍ତେୟାଃ, ନେ ଅତେଦିଶୁମ୍ରେ ତାଇନଃତାନ୍ ବିଷାଏ ତାନାଃ, ନେ ସବେନାଃ ଆପୁସାଃଏତେଦ କାହା, ଫେନ୍ଦ ଅତେଦିଶୁମ୍ସାଃଏତେ ହିଜୁଡତାନା ।

☆ ୨:୭ ଯୋହାନ୍ ୧୩:୩୪.

୧୭ ଅତେଦିଶୁମ୍ ଆତଃ ଏନାରେୟାଃ ସବେନ୍ ଏଡକାନ୍ ସୁକୁରାସ୍କା ଜିୟନଃଆ, ମେନ୍ଦ ଦେତାଏ ପାର୍ମେଶ୍ୱାର୍ଆଃ ସାନାଙ୍ଗ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

ୟାଶୁ ଖ୍ରୀଷ୍ଟଆଃ ବାଇରି

୧୮ ହେ ଦୁଲାଡ୍ ହନକ, ଟୁଣ୍ଡ ଦ୍ରିପିଲି ନାଡେଃକାନା, ଆତଃ ଖ୍ରୀଷ୍ଟଆଃ ବାଇରି ହିଜୁଃଆଏ ମେନ୍ତେପେ ଆୟୁମକେଦ୍ଲେକା ନାହାଁଃହ ଯାଶୁ ଖ୍ରୀଷ୍ଟଆଃ ବାଇରିକ ପୁରାଃଗି ମେନାକଆ, ଏନାଡେ ଟୁଣ୍ଡ ଦ୍ରିପିଲି ନାଡେଃକାନା ମେନ୍ତେବୁ ଆଟ୍ କାରେତାନା ।

୧୯ ଇନକୁ ଆବୁତାଃଏତେକ ଅଡଙ୍ଗ୍ୟାନା ମେନ୍ଦ ଇନକୁ ସାର୍ତିଗି ଆବୁଆଃ ମେନେସାରେ କାକ ତାଇକେନା, ଚିୟାଃଟି ଇନକୁ ଆବୁଆଃ ମେନେସାରେ ତାଇକାନ୍ରେଦ ଆବୁଲିଃକ ତାଇକାନ୍ତେୟାଃ ହନାଙ୍ଗ୍ଆଃ । ମେନ୍ଦ ଇନକୁ ଯେ, ଆବୁଆଃ ଝୁଣ୍ଡ୍ରେନ୍ ନାହାଁଲାଇକ, ଏନା ଜେଲେକା ଉଦୁବଃଆ, ଏନାମେନ୍ତେ ଇନକୁ ଆବୁଆଃ ଝୁଣ୍ଡ୍ରେଏତେ ଅଡଙ୍ଗ୍ୟାନାକ ।

୨୦ ମେନ୍ଦ ଯାଶୁ ଖ୍ରୀଷ୍ଟଆଃ ସାୟାଦ୍ତେ ପାବିତାର୍ ଆମ୍ବା ଆପେକେ ଆଭିଷେକ୍ କାଦ୍ପେୟା, ଆତଃ ଆପେ ସବେନ୍କ ସାର୍ତିପେ ସାରିକାଦା ।

୨୧ ଆପେ ସାର୍ତି କାପେ ସାରିକାଦା ମେନ୍ତେଦ କାହା, ମେନ୍ଦ ଆପେ ସାର୍ତିକେପେ ସାରିତାନା, ଆତଃ ସାର୍ତିଏତେ ଜେତାନ୍ ହସଡ୍ କାଜି କା ଅଡଙ୍ଗ୍ଆଃଆ ମେନ୍ତେ ସାରିତାନ୍ ହରାତେ ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍ଲକେଦା ।

୨୨ ଅକଏ ହସଡ୍ ତାନିଃ ? ଅକଏ ଯାଶୁକେ ଜୀଉବାଞ୍ଚାଅନିଃ ଖ୍ରୀଷ୍ଟ ନାହାଁଲିଃ ମେନ୍ତେ କାଜିନିଃଗି ହସଡ୍ ତାନିଃ । ନେ ଲେକାନ୍ ହଡ୍ ଯାଶୁ ଖ୍ରୀଷ୍ଟଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍କିନ୍କେ କାଏ ମାନାତିଙ୍ଗ୍କିନା ।

୨୩ ଜେତାଏ ହନକେ କାଏ ମାନାତିଙ୍ଗ୍ନିଃ ଆପୁକେହ କାଏ ମାନାତିୟାଃ, ଜେତାଏ ହନକେ ମାନାତିୟାଃ ଆପୁକେହ ମାନାତିୟାଃ ।

୨୪ ଆପେ ମୁନ୍ଦ୍ରେଏତେ ଆୟୁମାକାଦ୍ କାଜି, ଆପେତାଃରେଗି ତାଇନକା । ଆପେ ମୁନ୍ଦ୍ରେଏତେ ଆୟୁମାକାଦ୍ କାଜି, ଆପେତାଃରେଗି ତାଇନରେଦ, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍ତାପେ ତାଇନା ।

୨୫ ଆତଃ ଯାଶୁ ଖ୍ରୀଷ୍ଟ୍ ଏମାକାଦ୍ବୁ ବାନାର୍ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଗ୍ତାନ୍ ହଡ୍କଆଃ ବିଷାଏରେ ଆଇଙ୍ଗ୍ ଆପେତାଃତେ ନେଆଁଇଙ୍ଗ୍ ଅଲେତାନା ।

୨୭ ମେନ୍ଦ ଆପେକେ ଯାଶୁ ଖ୍ରୀଷ୍ଟ୍ ଆୟାଃ ପାବିତାର୍ ଆମ୍ବାତେ ଆଭିଷେକ୍ କାଦ୍ପେୟା । ନେ ପାବିତାର୍ ଆମ୍ବା ଆପେରେ ତାଇନ୍ ଜାକେଦ୍ ଏଟାଃକତାଃଏତେ ଆପେକେ ଇନିଡୁ କା ଲାଗାତିଙ୍ଗ୍ୟାଃ । ଚିୟାଃଟି ପାବିତାର୍ ଆମ୍ବା ସବେନ୍ ବିଷାଏରେ ଆପେକେ ଇଡୁପେୟା ଆତଃ ଆୟାଃ ଇନିଡୁ ସାର୍ତି ତାନାଃ ଏନା ହସଡ୍ ନାହାଁଲାଇଃ । ପାବିତାର୍ ଆମ୍ବାରାଃ ଏନ୍ ଇନିଡୁକେ ମାନାତିଙ୍ଗ୍କେଦ୍ତେ ଯାଶୁ ଖ୍ରୀଷ୍ଟଲିଃ ମେନେସାରେ ତାଇନ୍ପେ ।

୨୮ ଏନାଡେ ଏ ହନକ, ଯାଶୁ ଖ୍ରୀଷ୍ଟ୍ରେ ମେସାକେଦ୍ତେ ତାଇନ୍ପେ, ଏନ୍ରେଦ ଆୟାଃ ହିନିଜୁଃ ନେତାରେ ଜୀଉ କେଟେଦ୍କେଦ୍ତେବୁ ଦାରମିୟାଁ ଆତଃ ଆବୁ ସବେନ୍କ ଆୟାଃ ଆୟାର୍ରେ କାବୁ ଗିହୁଗଃଆ ।

୨୯ ଆବୁ ସାରିୟାଃବୁ ଯେ, ଯାଶୁ ଖ୍ରୀଷ୍ଟ୍ ଧାର୍ମାନ୍ନିଃ ତାନିଃ, ନେଆଁହଁ ସାରିୟାଃବୁ ଯେ, ଜେତାଏ ଧାର୍ମାନ୍ କାମି କାମିନିଃ ପାର୍ମେଶ୍ୱାର୍ଆଃ ହନ୍ ତାନିଃ ।

୩

ପାର୍ମେଶ୍ୱାର୍ଆଃ ହନକ

୧ *ପାର୍ମେଶ୍ୱାର୍ ଆବୁକେ ଆୟାଃ ଦୁଲାଡ୍ତେ ତିମିନାଙ୍ଗ୍ ଦୁଲାଡ୍କେଦ୍ବୁଆଏ, ଏନା କାଟିଃ ଉଡ୍ଡୁଲେପେ । ଆବୁ ପାର୍ମେଶ୍ୱାର୍ଆଃ ହନକବୁ ନୁଡୁମାକାନା । ଆତଃ ଆବୁ ଆୟାଃ ହନକଗି ତାନ୍ବୁ । ଅତେଦିଶୁମ୍ ପାର୍ମେଶ୍ୱାର୍କେ କାଏ ସାରିୟା, ଏନାମେନ୍ତେ ଅତେଦିଶୁମ୍ ଆବୁକେ କାଏ ସାରିୟା ।

୨ ହେ ଦୁଲାଡ୍ ହାଗା ମିଗିକ, ନାହାଁଃ ଆବୁ ପାର୍ମେଶ୍ୱାର୍ଆଃ ହନକ ତାନ୍ବୁ, ମେନ୍ଦ ହିଜୁଃତାନ୍ ଦିପିଲିରେ ଚିନାଃବୁ ହବାଅଃଆ ଏନା କା ସାରିୟାତାନା । ମେନ୍ଦ ଯାଶୁ ଖ୍ରୀଷ୍ଟ୍ ଆତଃମିସା ହିଜୁଃରେ ଆବୁହ ଆୟାଃ ଲେକାଗିବୁ ହବାଅଃଆ, ଚିୟାଃଟି ଇନିଃକେ ଆଇଃକ୍ଗି ତାନିଃ ଲେକାବୁ ନେଲିୟା ।

୩ ଆତଃ ଇନିଃରେ ଆସ୍ରା ଦହକାଦ୍କ, ଇନିଃ ଫାର୍ତିଗି ମେନାଲଲେକା, ଇନକୁ ଫାର୍ତିଗିକ ତାଇନକା ।

୪ ଜେତାଏ ପାପ୍ ରିକାଏତାନ୍ନିଃ, ପାର୍ମେଶ୍ୱାର୍ଆଃ ଆନ୍ତୁକେ କାଏ ମାନାତିଙ୍ଗ୍ ତାନା, ଚିୟାଃଟି ଆନ୍ତୁ କା ମାନାତିଙ୍ଗ୍ତେୟାଃଗି ପାପ୍ ତାନାଃ ।

୫*ଆପେ ସାରିତାନାପେ ଯେ, ଯାଶୁ ଖ୍ରୀଷ୍ଟ୍ ଆବୁଆଃ ପାପ୍କ ଗଅଃଇଦି ନାଙ୍ଗ୍ ହିଜୁଃୟାନାଏ ଆତଃ ଇନିଃରେ ଜେତାନ୍ ପାପ୍ ବାନଃଆ ।

☆ ୩:୧ ଯୋହାନ୍ ୧:୧୭. ☆ ୩:୫ ଯୋହାନ୍ ୧:୨୯.

୭ ଜେତାଏ ଇନିଃରେ ତାଇନ୍ତାନ୍ନିଃ ପାପ୍ କାମି କାଏ ରିକାୟା, ଆତଃ ଜେତାଏ ପାପ୍ କାମିତାନ୍ନିଃ ଇନିଃକେ ଚିଉଲ୍ୟାଅ କାଏ ନେଲ୍ୟାକାୟା ଚାଏ କାଏ ସାରିକାୟା ।

୮ ହେ ଦୁଲ୍ଲାଡ୍ ହନ୍କ, ଜେତାଏ ଆପେକେ ଆଲକାକ ବେଦାପେକା, ଜେତାଏ ବୁଗିନ୍ କାମି କାମିୟାଏ, ଇନିଃ ଏସ୍କାର୍ ଯୀଶୁ ଖ୍ରୀଷ୍ଟ ଲେକା ଧାର୍ମାନ୍ନିଃ ତାନିଃ ।

୯ ଆତଃ ଜେତାଏ ପାପ୍ କାମି ରିକାତାନ୍ନିଃ, ସାଏତାନ୍ରେନ୍ ତାନିଃ, ଚିୟାଃଚି ସାଏତାନ୍ ମୁନ୍ନୁଏତେ ପାପ୍ କାମି ରିକାଆତତାନାଏ । ଏନ୍ ସାଏତାନ୍ରାଃ କାମିକେ ଜିୟନେ ନାଗେନ୍ତେ ପାର୍ମେଶ୍ଵାର୍ଆଃ ହନ୍ ହିଜୁଃୟାନାଏ ।

୧୦ ଅକନ୍କ ପାର୍ମେଶ୍ଵାର୍ଆଃ ହନ୍ ତାନ୍କ, ଇନ୍କୁ ପାପ୍ କାମିରେ କାକ ତାଇନା, ଚିୟାଃଚି ପାର୍ମେଶ୍ଵାର୍ଆଃ ସଭାବ୍ ଇନ୍କୁରେ ମେନାଃ, ଆତଃ ପାର୍ମେଶ୍ଵାର୍ ଇନ୍କୁଆଃ ଆପୁ ତାନିଃ, ଏନାତେ ଇନ୍କୁ ପାପ୍ରେ କାକ ତାଇନ୍ ଦାଡ଼ିୟା ।

୧୧ ପାର୍ମେଶ୍ଵାର୍ଆଃ ହନ୍କ ଆତଃ ସାଏତାନ୍ଆଃ ହନ୍କ ଅକନ୍କ ତାନ୍କ, ଏନା ନେ'ଲେକାତେକ ସାରିୟାଆ, ଜେତାଏ ଧାର୍ମାନ୍ କାମି କାଏ କାମିନିଃ, ଚାଏ ବିଶ୍ଵାସୀ ହାଗା ମିଶିକେ କାଏ ଦୁଲ୍ଲାଡ଼ିନିଃ ପାର୍ମେଶ୍ଵାର୍ଆଃ ହନ୍ ନାହାଁଲିଃ ।

ମିହୁଡ୍ ଆତଃମିହୁଡ୍ କେ ଦୁଲ୍ଲାଡ଼ିପେ

୧୨ *ଆବୁକେ ଦୁଲ୍ଲାଡ଼ରେ ତାଇନଃ ଲାଗାତିଙ୍ଗ୍ୟାଃ, ନେଆଁଦ ଆପେ ମୁନ୍ନୁଏତେ ଆୟୁମକାଦ୍ କାଜି ତାନାଃ ।

୧୩ ଆବୁ କୟିନ୍ ଲେକା କାବୁ ହବାଅଃଆ, ଇନିଃରେ ଏଡକାନ୍ ଏସେରୟାନା ଆତଃ ହାଗାତେ ହାବିଲ୍ଲକେ ଗଏଃକିୟା । କୟିନ୍ ହାଗାତେକେ ଚିନାଃ ନାଗେନ୍ତେ ଗଏଃକିୟା ? ଚିୟାଃଚି କୟିନ୍ଆଃ କାମି ଏଡକାନାଃ ଆତଃ ହାଗାତେୟାଃ କାମି ଠାଉକାତେୟାଃ ତାଇକେନା ।

୧୪ ଏନାତେ ହେ ହାଗା ମିଶିକ, ନେ ଅତେଦିଶ୍ଵମରେନ୍ ହଡକ ଆପେକେ ହିଲାଙ୍ଗ୍ପେରେ ଆଲ୍ପେ ହାଏକାଟଃଆ ।

୧୫ *ଆବୁ ଖ୍ରୀଷ୍ଟ ହାଗା ମିଶିକକେବୁ ଦୁଲ୍ଲାଡ଼କ୍ ତାନ୍ରେଦ, ଆବୁ ଗନଏଃକେ ପାରମ୍ବକେଦ୍ତେ ଜୀଦାନ୍ରେବୁ ବଲକାନା ଏନାବୁ ସାରିତାନା । ଜେତାଏ କାଏ ଦୁଲ୍ଲାଡ଼ତାନ୍ନିଃ ନାହାଁଃ ଜାକେଦ୍ ଗନଏଃରେୟାଃ ଆକ୍ତେୟାର୍ରେ ମେନାୟା ।

୧୬ ଜେତାଏ ଖ୍ରୀଷ୍ଟ ହାଗା ମିଶିକେ ହିଲାଙ୍ଗ୍ନିଃ, ହଡ ଗଗଏଃନିଃ ତାନିଃ । ଆତଃ ହଡ ଗଗଏଃନିଃୟାଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା ।

୧୭ ଯୀଶୁ ଖ୍ରୀଷ୍ଟ ଆବୁ ନାଙ୍ଗ୍ ଆୟାଃ ଜୀଉ ଏମ୍ବକେଦାଏ ଏନାତେ ଆବୁ ଦୁଲ୍ଲାଡ଼ ଚିନାଃ ତାନା ଏନାବୁ ସାରିତାନା । ଆତଃ ଆବୁକେୟ ଖ୍ରୀଷ୍ଟ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାତିଙ୍ଗ୍ୟାଃ ।

୧୮ ଜେତା ହଡ୍ ଅତେଦିଶ୍ଵମ୍ ଲେକା ଆୟାଃ ମେନାଃତେୟାଃକ ପୁରାଃଚି ତାଇନ୍କେଦ୍ତେ ଖ୍ରୀଷ୍ଟ ହାଗା ମିଶି ଜାଞ୍ଜିୟାତାନ୍ ନେଲ୍ରେୟ ଇନିଃ ନାଗେନ୍ତେ ଆୟାଃ ମନ୍ସୁରୁଦ୍ କେଚେଜେରେଦ, ଇନିଃ ଚିଲ୍କାତେ ଆଇଙ୍ଗ୍ ପାର୍ମେଶ୍ଵାର୍କେ ଦୁଲ୍ଲାଡ଼୍ ତାନାୟାଙ୍ଗ୍ ମେନ୍ତେ କାଜିୟାଏ ?

୧୯ ଏ ହନ୍କ, ଆବୁଆଃ ଦୁଲ୍ଲାଡ଼୍, କାଜିତେ ଚାଏ ଜାଗାର୍ତେ ଏସ୍କାର୍ ଆଲକା ହବାଅଃକା, ମେନ୍ଦ୍ ସାର୍ତିତେ ଆତଃ କାମିତେ ଉଦୁବ୍ ଲାଗାତିଙ୍ଗ୍ୟାଃ ।

୨୦ ଆବୁଆଃ କାଜିକାମି ହରାତେ ଆବୁ ସାନାର୍ତିରେନ୍ ହନ୍କ ତାନ୍ବୁ ମେନ୍ତେ ମନ୍ରେ ଆଟ୍କାର୍ ଦାଡ଼ିୟାବୁ ।

୨୧ ଆବୁଆଃ ମନ୍ସୁରୁଦ୍ ଆବୁକେ ଚିଟାବୁରେଦ, ପାର୍ମେଶ୍ଵାର୍ ଆବୁଆଃ ମନ୍ସୁରୁଦ୍ ହେତେ ପୁରାଃ ମାରାଙ୍ଗ୍ ତାନିଃ, ଇନିଃ ସବେନାଃ ସାରିୟାଏ ।

୨୨ ଏନାତେ ହେ ଦୁଲ୍ଲାଡ଼୍ ହାଗା ମିଶିକ, ଆବୁଆଃ ମନ୍ସୁରୁଦ୍ କାଏ ଚିଟାବୁରେଦ, ଆବୁ ପାର୍ମେଶ୍ଵାର୍ଆଃ ସାମ୍ନାଙ୍ଗ୍ରେ ବେଗାର୍ ବରତେ ତିଙ୍ଗ୍ନ୍ରୁ ଦାଡ଼ିୟା ।

୨୩ ଆତଃ ଆବୁ ଆସିତେୟାଃ ସବେନାଃ, ଇନିଃ ଆବୁକେ ଏମାବୁଆ, ଚିୟାଃଚି ଆବୁ ଆୟାଃ ଆନାରୁକବୁ ମାନାତିଙ୍ଗ୍ ତାନା ଆତଃ ଆୟାଃ ସୁକୁଆନ୍ ଲେକାବୁ କାମିତାନା ।

୨୪ *ଆବୁ ଆୟାଃ ହନ୍ ଯୀଶୁ ଖ୍ରୀଷ୍ଟଆଃ ନୁତୁମ୍ରେବୁ ବିଶ୍ଵାସେକା ଆତଃ ଯୀଶୁ ଖ୍ରୀଷ୍ଟ୍ ଏମାକାଦ୍ ଆନାରୁ ଲେକା ମିହୁଡ୍, ଆତଃମିହୁଡ୍ଲଃ ଦୁଲ୍ଲାଡ଼ରେବୁ ତାଇନ୍କା ।

୨୫ ଜେତାଏ ପାର୍ମେଶ୍ଵାର୍ଆଃ ଆନାରୁ ମାନାତିଙ୍ଗ୍ନିଃ ପାର୍ମେଶ୍ଵାର୍ରେ ତାଇନା, ଆତଃ ପାର୍ମେଶ୍ଵାର୍ ଇନିଃରେ ତାଇନା । ନେଆଁ ପାର୍ମେଶ୍ଵାର୍ ଆବୁକେ ଏମାକାଦ୍ ପାବିତାର୍ ଆମ୍ ହରାତେ ପାର୍ମେଶ୍ଵାର୍ ଆବୁରେ ମେନାୟା ମେନ୍ତେବୁ ସାରିୟା ।

୪

ପାର୍ମେଶ୍ଵାର୍ଆଃ ଆମ୍ ଆତଃ ହସଡ୍ ଆମ୍

୧ ହେ ଦୁଲ୍ଲାଡ଼୍ ହାଗା ମିଶିକ, ପାର୍ମେଶ୍ଵାର୍ତାଏତେ ଆମ୍ ନାମାକାଦାଲେ ମେନ୍ତେ କାଜିତାନ୍ ସବେନ୍କକେ ଆଲ୍ପେ ବିଶ୍ଵାସକଆ, ଇନ୍କୁ ନାମାକାଦ୍ ଆମ୍ ପାର୍ମେଶ୍ଵାର୍ତାଏତେ ହିଜୁଃକାନାଚି କାହା ଏନା ବିଡାଅକୁପେ, ଚିୟାଃଚି ପୁରାଃ ହସଡ୍ ନାବୀକ ଅତେଦିଶ୍ଵମ୍ରେକ ଅତଙ୍ଗ୍କାନା ।

* ୩:୧୧ ଯୋହାନ୍ ୧୩:୩୪. * ୩:୧୪ ଯୋହାନ୍ ୫:୨୪. * ୩:୨୩ ଯୋହାନ୍ ୧୩:୩୪; ୧୫:୧୨, ୧୭.

୨ ନେ'ଲେକାତେ ଆପେ ପାର୍ମେଶ୍ୱାର୍‌ଆଃ ଆମ୍ବାକେପେ ନେଲ୍‌ଉରୁମିଆ, ଯୀଶୁ ଖ୍ରୀଷ୍ଟ୍ ମାନଙ୍କା ରୁପରେ ହିଜୁଃକାନା ମେନ୍ତେ ମାନାତିଙ୍ଗତାନ୍ ସବେନ୍ ଆମ୍ବାକ ପାର୍ମେଶ୍ୱାର୍‌ତାଃଏତେ ହିଜୁଃକାନା ।

୩ ମେନ୍‌ଦ ଜେତାଏ ଯୀଶୁ ଖ୍ରୀଷ୍ଟ୍‌ଆଃ ବିଷାଏରେ ନେ କାଜି କା ମାନାତିଙ୍ଗତାନ୍‌ନିଃ ପାର୍ମେଶ୍ୱାର୍‌ଆଃ ଆମ୍ବା କାଏ ନାମ୍ । ଇନିଃଦ ଖ୍ରୀଷ୍ଟ୍‌ଆଃ ବାଈରିତାଃଏତେ ହିଜୁଃକାନ୍ ଆମ୍ବାକେ ନାମ୍‌କାଦା । ଇନିଃ ହିଜୁଃଆଏ ମେନ୍ତେପେ ଆୟୁମାକାଦ୍ ତାଇକେନ୍‌ନିଃ ନାହାଁଃଗି ଅତେଦିଶୁମ୍‌ରେ ମେନାଇୟା ।

୪ ହେ ଦୁଲାଡ୍ ହନକ, ଆପେଦ ପାର୍ମେଶ୍ୱାର୍‌ଆଃ ତାନ୍‌ପେ ଆତଃ ଏନ୍ ହସଡ୍ ନାବାକକେ ହାରାଅକାଦକଆପେ, ଚିୟାଃଚି ଆପେୟାଃ ମନ୍‌ସୁରୁଦ୍‌ରେ ତାଇନ୍‌ତାନ୍ ପାର୍ମେଶ୍ୱାର୍‌ଆଃ ଆମ୍ବା ନେ ଅତେଦିଶୁମ୍‌ରେନ୍ ହଡକତାଃରେ ତାଇନ୍‌ତାନ୍ ଆମ୍ବାଏତେ ପୁରାଃ ପେଡେୟାନ୍‌ଗିୟାଏ ।

୫ ହସଡ୍ ନାବାକ ଅତେଦିଶୁମ୍‌ରେନ୍ ତାନ୍‌କ, ଇନ୍‌କୁ ନେ ଅତେଦିଶୁମ୍‌ରେୟାଃ କାଜିକ କାଜିତାନା ଆତଃ ଅତେଦିଶୁମ୍‌ରେନ୍ ହଡକ ଇନ୍‌କୁଆଃ କାଜିକ ଆୟୁମାଃ ।

୬ ମେନ୍‌ଦ ଆବୁ ପାର୍ମେଶ୍ୱାର୍‌ଆଃ ତାନ୍‌ବୁ । ଜେତାଏ ପାର୍ମେଶ୍ୱାର୍‌କେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାର୍ମେଶ୍ୱାର୍‌କେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେ'ଲେକାତେ ଆବୁ ସାନାର୍‌ତିରେନ୍ ଆମ୍ବା ଆତଃ ହସଡ୍‌ରେନ୍ ଆମ୍ବାକେବୁ ନେଲ୍‌ଉରୁମ୍ ଦାଡ଼ିୟା ।

ମିହୁଡ୍ ଆତଃମିହୁଡ୍‌ଲଃ ଦୁପୁଲାଡ୍‌ପେ

୭ ହେ ଦୁଲାଡ୍ ହାଗା ମିଶିକ, ଦୁପୁଲାଡ୍‌ରେବୁ ତାଇନା, ଚିୟାଃଚି ଦୁଲାଡ୍ ପାର୍ମେଶ୍ୱାର୍‌ତାଃଏତେ ହିଜୁଃଆ । ଜେତାଏ ଦୁଲାଡ୍‌ନିଃ ପାର୍ମେଶ୍ୱାର୍‌ଆଃ ହନ୍ ତାନିଃ, ଆତଃ ପାର୍ମେଶ୍ୱାର୍‌କେ ସାରିତାନା ।

୮ ଜେତାଏ କାଏ ଦୁଲାଡ୍‌ନିଃ ପାର୍ମେଶ୍ୱାର୍‌କେ କାଏ ସାରିୟା, ଚିୟାଃଚି ପାର୍ମେଶ୍ୱାର୍ ଦୁଲାଡ୍‌ନିଃ ତାନିଃ ।

୯ ଆବୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ଜାନାଅ ଜୀଦାନ୍ ନାମେ ନାଗେନ୍ତେ ପାର୍ମେଶ୍ୱାର୍ ଆୟାଃ ମିଆଁଦ୍‌ଗି ହନ୍ ଯୀଶୁ ଖ୍ରୀଷ୍ଟ୍‌କେ ଅତେଦିଶୁମ୍‌ତେ କୁଲ୍‌କିୟା, ନେଆଁତେ ପାର୍ମେଶ୍ୱାର୍‌ଆଃ ଦୁଲାଡ୍‌ଆବୁ ନାଙ୍ ଉଦୁବ୍‌ୟାନା ।

୧୦ ନେଆଁଗି ସାର୍‌ତି ଦୁଲାଡ୍ ତାନାଃ, ଆବୁ ପାର୍ମେଶ୍ୱାର୍‌କେବୁ ଦୁଲାଡ୍‌କିୟା ଏନାତେଦ କାହା, ମେନ୍‌ଦ ଇନିଃ ଆବୁକେ ଦୁଲାଡ୍‌କେଦ୍‌ବୁଆ ଆତଃ ଆବୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍‌କେ କୁଲ୍‌କିୟା ।

୧୧ ହେ ଦୁଲାଡ୍ ହାଗା ମିଶିକ, ପାର୍ମେଶ୍ୱାର୍ ଆବୁକେ ନେ'ଲେକା ଦୁଲାଡ୍‌ରୁତାନ୍‌ରେଦ, ଆବୁକେୟ ଏନ୍ ଲେକା ଦୁପୁଲାଡ୍‌ରେ ତାଇନ୍ ଲାଗାତିଙ୍ଗୟାଃ ।

୧୨ *ପାର୍ମେଶ୍ୱାର୍‌କେ ଜେତାଏ ଚିଉଲ୍‌ହ କାଏ ନେଲ୍, ମେନ୍‌ଦ ଆବୁ ଦୁପୁଲାଡ୍‌ରେ ତାଇନ୍‌ରେଦ ପାର୍ମେଶ୍ୱାର୍ ଆବୁଲଃ ମେନାଇୟା, ଆତଃ ଆୟାଃ ଦୁଲାଡ୍‌ଆବୁତାଃରେ ପକ୍‌ତାକାନା ।

୧୩ ଆବୁ ପାର୍ମେଶ୍ୱାର୍‌ଲଃ ତାଇନ୍‌ତାନାବୁ ଆତଃ ଇନିଃ ଆବୁଲଃ ତାଇନ୍‌ତାନାଏ, ଏନାବୁ ସାରିତାନା, ଚିୟାଃଚି ଇନିଃ ଆବୁକେ ଆୟାଃ ଆମ୍ବାରାଃ ମେନେସା ଏମାକାଦ୍‌ବୁଆଏ ।

୧୪ ଅତେଦିଶୁମ୍‌ରାଃ ବାଞ୍ଛାଅନିଃ ହବାଅଃ ନାଗେନ୍ତେ ଆପୁ ପାର୍ମେଶ୍ୱାର୍ ଆୟାଃ ହନ୍‌କେ କୁଲ୍‌କିୟା । ଆବୁ ଇନିଃକେ ନେଲ୍‌କେଦ୍‌ତେ ଇନିୟାଃ ବିଷାଏରେ ଏତାଃକକେବୁ ଉଦୁବ୍‌କତାନା ।

୧୫ ଜେତାଏ ଯୀଶୁ ଖ୍ରୀଷ୍ଟ୍‌କେ ପାର୍ମେଶ୍ୱାର୍‌ଆଃ ହନ୍ ତାନିଃ ମେନ୍ତେ ମାନାତିଙ୍ଗତାନ୍‌ରେଦ, ପାର୍ମେଶ୍ୱାର୍ ଇନିଃରେ ତାଇନ୍‌ତାନା ଆତଃ ଇନିଃ ପାର୍ମେଶ୍ୱାର୍‌ତାଃରେ ତାଇନ୍‌ତାନା ।

୧୬ ଆତଃ ପାର୍ମେଶ୍ୱାର୍ ଆବୁକେ ଦୁଲାଡ୍‌ରୁ ତାନ୍‌ତେୟାଃ ସାରିତାନାବୁ ଆତଃ ଏନାରେ ଆବୁଆଃ ପୁରାଃ ବିଶ୍ୱାସ୍ ମେନାଃ । ପାର୍ମେଶ୍ୱାର୍ ଦୁଲାଡ୍‌ତାନିଃ, ଜେତାଏ ଦୁଲାଡ୍‌ରେ ତାଇନ୍‌ନିଃ ପାର୍ମେଶ୍ୱାର୍‌ରେ ତାଇନା ଆତଃ ପାର୍ମେଶ୍ୱାର୍ ଇନିଃରେ ତାଇନା ।

୧୭ ଆବୁଆଃ ଜୀଦାନ୍‌ରେ ନେ ଦୁଲାଡ୍ ପକ୍‌ତାକାନ୍‌ଗି ତାଇନଃରେଦ, ଆବୁ ବେଗାର୍ ବରକେଦ୍‌ତେ ବିଚାର୍ ହୁଲାଙ୍‌ରେୟାଃ ଆୟାର୍‌ରେ ତିଙ୍ଗୁନ୍‌ବୁ ଦାଡ଼ିୟା, ଚିୟାଃଚି ନେ ଅତେଦିଶୁମ୍‌ରେ ତାଇନ୍‌କେଦ୍‌ତେ ଆବୁହ ଯୀଶୁ ଖ୍ରୀଷ୍ଟ୍ ଲେକା ଜୀଞ୍ଜାନ୍ ବିତାଅ ତାନାବୁ ।

୧୮ ଦୁଲାଡ୍‌ରେ ବର ବାନଃଆ, ମେନ୍‌ଦ ପକ୍‌ତାକାନ୍ ଦୁଲାଡ୍ ସବେନ୍ ବରକେ ସାଙ୍ଗିନେଆଁ । ଜେତାଏ ବରତାନ୍‌ନିଃ ଦୁଲାଡ୍‌ରେ କାଏ ପକ୍‌ତାକାନା, ଚିୟାଃଚି ସାଜାଇ ନାମେରେୟାଃ ବର ଇନିଃରେ ମେନାଃ ।

୧୯ ପାର୍ମେଶ୍ୱାର୍ ଆବୁକେ ପାହିଲା ଦୁଲାଡ୍‌କେଦ୍‌ବୁ ହରାତେ ଆବୁ ଦୁଲାଡ୍ ତାନାବୁ ।

୨୦ ଜେତାଏ ପାର୍ମେଶ୍ୱାର୍‌କେ ଦୁଲାଡ୍‌ତାନିଙ୍ଗ୍ ମେନ୍ତେ କାଜିକେଦ୍‌ତେ ଖ୍ରୀଷ୍ଟ୍ ହାଗା ଚାଏ ମିଶିକେ ହିଲାଙ୍‌ରେଦ, ଇନିଃ ହସଡ୍ ତାନିଃ । ନେଲ୍‌କାଜ ହାଗା ଚାଏ ମିଶିକେ କାଏ ଦୁଲାଡ୍‌ରେଦ, କା ନେଲ୍‌କାଜ ପାର୍ମେଶ୍ୱାର୍‌କେ ଚିଉଲ୍‌ଅ କାଏ ଦୁଲାଡ୍ ଦାଡ଼ିୟା ।

୨୧ ଜେତାଏ ପାର୍ମେଶ୍ୱାର୍‌କେ ଦୁଲାଡ୍‌ତାନ୍‌ନିଃ ଖ୍ରୀଷ୍ଟ୍ ହାଗା ଚାଏ ମିଶିକେହ୍ ଦୁଲାଡ୍‌କାଏ, ନେ ଆନାରୁ ଆବୁ ଯୀଶୁ ଖ୍ରୀଷ୍ଟ୍‌ତାଃଏତେ ନାମାକାଦାବୁ ।

* ୪:୧୨ ଯୋହାନ୍ ୧:୧୮.

୫

ଅତେଦିଶୁମ୍ବକେ ଜିତାଅ

^୧ ଜେତାଏ ଯୀଶୁକେ ଖ୍ରୀଷ୍ଟ ତାନିଃ ମେନ୍ତେ ବିଶ୍ୱାସ୍ତାନିଃ ପାର୍ମେଶ୍ୱାର୍ଥାଃ ହନ୍ ତାନିଃ, ଆତଃ ଜେତାଏ ଆପୁକେ ଦୁଲ୍ଲାଡ଼ନିଃ, ଏନ୍ ଆପୁତେୟାଃ ହନ୍କେହିଁ ଦୁଲ୍ଲାଡ଼ିୟାଏ ।

^୨ ଆବୁ ପାର୍ମେଶ୍ୱାରକେ ଦୁଲ୍ଲାଡ଼କେଦ୍ତେ ଆୟାଃ ଆନାରୁକରୁ ମାନାତିକ୍ତାନରେଦ, ନେଆଁତେବୁ ସାରିତାନା ଯେ, ଆବୁ ପାର୍ମେଶ୍ୱାର୍ଥାଃ ହନ୍କରୁ ଦୁଲ୍ଲାଡ଼କ ତାନା ।

^୩ *ପାର୍ମେଶ୍ୱାର୍ଥାଃ ଆନାରୁକ ମାନାତିକ୍ତେୟାଃଗି ପାର୍ମେଶ୍ୱାରକେ ଦୁଲ୍ଲାଡ଼ତେୟାଃ ତାନାଃ । ଆତଃ ଆୟାଃ ଆନାରୁକ ମାନାତିକ୍ତ ନାକ୍ତ କା ହାମ୍ବାଲାଃ ।

^୪ ଚିୟାଃତି ପାର୍ମେଶ୍ୱାର୍ଥାଃ ସବେନ୍ ହନ୍କ ନେ ଅତେଦିଶୁମ୍ବକେ ହାରାଅ ନାଗେନ୍ତେ ପେଡ଼େଃକ ନାମାକାଦା । ଆବୁ ବିଶ୍ୱାସ୍ତେ ନେ ଅତେଦିଶୁମ୍ବକେ ଜିତାଅ ଦାଡ଼ିୟାବୁ ।

^୫ ଯୀଶୁକେ ପାର୍ମେଶ୍ୱାର୍ଥାଃ ହନ୍ ତାନିଃ ମେନ୍ତେ ବିଶ୍ୱାସ୍ତାନିଃ ଏସ୍କାର୍ ଅତେଦିଶୁମ୍ବକେ ଜିତାଅ ଦାଡ଼ିୟାଏ ।

ୟୀଶୁ ଖ୍ରୀଷ୍ଟାଃ ବିଷାଏରେ ଗାଞ୍ଜା

^୬ ଏନ୍ ଯୀଶୁ ଖ୍ରୀଷ୍ଟ ଦାଆଃରେ ବାପ୍ତିସ୍ମା ଇଦିକେଦ୍ତେ ଆୟାଃ କାମି ଏଟେଦ୍କାଦ୍ ତାଇକେନା, ଆତଃ ଆୟାଃ ମାୟୋମ୍ ଲିକ୍ତିକେଦ୍ତେ ମାନଖାରାଃ ଜୀଉବାଞ୍ଚାଅ ରିକା ଦାଡ଼ିକେଦାଏ । ଦାଆଃତେ ଏସ୍କାର୍ କାହାଗି ମେନ୍ଦ ବାରାନାଃ ଦାଆଃ ଆତଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକ୍ତି ଗାଞ୍ଜା ଏମେତାନା, ଚିୟାଃତି ପାବିତାର୍ ଆମ୍ବା ସାର୍ତି ତାନିଃ ।

^୭ ଆତଃ ନେ ଆପିୟା ଗାଞ୍ଜା ମେନାଃ :

୮ ଆମ୍ବା, ଦାଆଃ, ଆତଃ ମାୟୋମ୍, ନେ ଆପିୟା ଗାଞ୍ଜା ମିଦ୍ଗିୟା ।

^୯ ଆବୁ ହଡ଼କଆଃ ଗାଞ୍ଜାବୁ ମାନାତିକ୍ତାନରେଦ, ପାର୍ମେଶ୍ୱାର୍ଥାଃ ଗାଞ୍ଜାଦ ଏନାଏତେ ମାରାକ୍ତଆଃ, ଆତଃ ପାର୍ମେଶ୍ୱାର୍ଥାଃ ଗାଞ୍ଜା ନେଆଁ ତାନାଃ ଯେ, ପାର୍ମେଶ୍ୱାର୍ ଆଇଃକ୍ତି ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ ।

^{୧୦} ଜେତାଏ ପାର୍ମେଶ୍ୱାର୍ଥାଃ ହନ୍ତାଃରେ ବିଶ୍ୱାସ୍ତେନିଃ, ଆୟାଃ ମନ୍ସୁରୁଦ୍ରେ ଗାଞ୍ଜା ନାମାକାଦାଏ, ମେନ୍ଦ ଜେତାଏ ପାର୍ମେଶ୍ୱାର୍ତାଃରେ କା ବିଶ୍ୱାସ୍ତେନିଃ ହସଡ଼ ବାଇୟାକାନାଏ, ଚିୟାଃତି ପାର୍ମେଶ୍ୱାର୍ ଆୟାଃ ଆପ୍ନାଃ ହନ୍ ବିଷାଏରେ କାଜିକାଦ୍ତେୟାଃ ଇନିଃ କାଏ ବିଶ୍ୱାସ୍ତକେଦା ।

^{୧୧} *ଏନ୍ ଗାଞ୍ଜା ନେଆଁ ତାନାଃ, ପାର୍ମେଶ୍ୱାର୍ ଆବୁକେ ଜାନାଅ ଜୀଦାନ୍ ଏମାକାଦ୍ବୁଆଏ, ଆତଃ ଏନ୍ ଜୀଦାନ୍ ଆୟାଃ ହନ୍ତାଃରେ ମେନାଃ ।

^{୧୨} ଜେତାଏତାଃରେ ପାର୍ମେଶ୍ୱାର୍ଥାଃ ହନ୍ ମେନାଈୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମେଶ୍ୱାର୍ଥାଃ ହନ୍ ବାକ୍ତାୟା, ଇନିଃ ଜୀଦାନ୍ଗି କାଏ ନାମ୍ ।

ଜାନାଅ ଜୀଦାନ୍

^{୧୩} ଆପେରେ ଜାନାଅ ଜୀଦାନ୍ରେୟାଃ ଜୀଦାନ୍ ମେନାଃ ଏନାପେ ଆବ୍କାରେକା ମେନ୍ତେ ଆପେ ପାର୍ମେଶ୍ୱାର୍ଥାଃ ହନ୍ତାଃ ନୁଡୁମ୍ରେ ବିଶ୍ୱାସ୍ତାନାପେ, ଏନାମେନ୍ତେ ଆଇକ୍ତ୍ ଆପେତାଃ ନେ ସବେନାଈକ୍ତ୍ ଅଲେତାନା ।

^{୧୪} ଆବୁ ବେଗାର୍ ବରତେ ପାର୍ମେଶ୍ୱାର୍ଥାଃ ଆୟାଃରେ ହିଜୁଃବୁ ଦାଡ଼ିୟା, ଚିୟାଃତି ଆବୁ ଜେଡ୍ନାଃ ଆୟାଃ ଇକ୍ତା ଲେକାବୁ ଆସିରେଦ, ଇନିଃ ଆବୁଆଃ ବିକ୍ତି ଆୟୁମେୟାଏ ।

^{୧୫} ଆତଃ ଆବୁ ଆୟାଃତାଃରେ ବିକ୍ତିକେଦ୍ତେ ଜେଡ୍ନାଃ ଆସିତେୟାଃ ଏନା ଆୟୁମାଃଏ, ଏନା ସାର୍ତି ତାନାଃ ମେନ୍ତେବୁ ସାରିତାନା । ଏନାତେ ଆବୁ ଆୟାଃତାଃରେ ବିକ୍ତିକେଦ୍ତେ ଆସିକାଦ୍ତେୟାଃ ନାମାକାଦାବୁ ଏନାହଗି ସାରିତାନାବୁ ।

^{୧୬} ଜେତାଏ ଆପେୟାଃ ଖ୍ରୀଷ୍ଟ ହାଗା ତାଏ ମିଶିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଃ କା ତାଇନ୍ରେ, ଇନିଃ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତିପେ, ଆତଃ ପାର୍ମେଶ୍ୱାର୍ କା ଗଜଃଲେକାନ୍ ପାପ୍ କାମିକାଦ୍ ହଡ଼କକେ ଜୀଦାନ୍ ଏମାକତାନ୍ଲେକା, ଇନିଃକେହିଁ ଜୀଦାନ୍ ଏମ୍ଦାଡ଼ିୟାଏ । ଚିମିନ୍ ପାପ୍କ ମେନାଃ ଅକ୍ନାଃତି ଗନଏଃତେ ଇଦିୟାଏ, ଏନ୍ ବିଷାଏରେ ପାର୍ମେଶ୍ୱାର୍ତାଃରେ ବିକ୍ତିପେ ମେନ୍ତେ ଆଇକ୍ତ୍ କାକ୍ତ୍ କାଜିତାନା ।

^{୧୭} ସବେନ୍ ଏଡ଼କାନ୍ କାମିଗି ପାପ୍ ତାନାଃ, ମେନ୍ଦ ସବେନ୍ ପାପ୍ ଗଜଃଲେକାନାଃ ନାହାଁଲାଃ ।

^{୧୮} ପାର୍ମେଶ୍ୱାର୍ତାଃରେ ମେନାଈନିଃ ପାପ୍ରେ କାଏ ତାଇନ୍ ଦାଡ଼ିୟା ମେନ୍ତେ ଆବୁ ସାରିତାନା, ଚିୟାଃତି ପାର୍ମେଶ୍ୱାର୍ଥାଃ ହନ୍ ଇନିଃକେ ବାଞ୍ଚାଅଇୟା, ଆତଃ ସାଏତାନ୍ ଇନିୟାଃ ଜେଡ୍ନାଃ ଏଡ଼କାନ୍ ରିକା କାଏ ଦାଡ଼ିୟା ।

^{୧୯} ଆବୁ ସାରିତାନାବୁ, ଗଟା ଅତେଦିଶୁମ୍ବ ଏଡ଼କାନ୍ନିଆଃ ଆବ୍ରେରେ ମେନାଈରେୟ, ଆବୁ ପାର୍ମେଶ୍ୱାର୍ଥାଃ ତାନ୍ବୁ ।

^{୨୦} ଆତଃ ପାର୍ମେଶ୍ୱାର୍ଥାଃ ହନ୍ ହିଜୁଃକେଦ୍ତେ ସାର୍ତି ପାର୍ମେଶ୍ୱାରକେ ଆବ୍କାଉରୁମ୍ ନାଗେନ୍ତେ ଆବୁକେ ସେଣାଁ ଏମାକାଦ୍ବୁଆଏ । ଆବୁ ସାର୍ତି ପାର୍ମେଶ୍ୱାର୍ତାଃରେ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟରେ ମେନାବୁଆ । ଇନିଃଗି ସାର୍ତି ପାର୍ମେଶ୍ୱାର୍ ଆତଃ ଜାନାଅ ଜୀଦାନ୍ ତାନିଃ ।

* ୫:୩ ଯୋହାନ୍ ୧୪:୧୫. * ୫:୧୧ ଯୋହାନ୍ ୩:୩୭.

୨୧ ହେ ଦୁଲାଡ଼୍ ହନ୍କ, ମୁରୁଡ଼ ବଜାକତାଃଏତେ ସାଙ୍ଗିନ୍ରେ ତାଇନ୍ପେ ।

ଯୋହାନ୍‌ଙ୍କ ଲିଖିତ ଦ୍ୱିତୀୟ ପତ୍ର ଯୋହାନ୍‌ ଅଲ୍ଲାକାଦ୍ ଏଟାଃ ଚିଟାଉ ପାରିଚାଏ

ଯୋହାନ୍‌ ଅଲ୍ଲାକାଦ୍ ଏଟାଃ ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍‌ରେୟାଃ ୫୦-୧୦୦ କରେ ପ୍ରେରିତ୍ ଯୋହାନ୍‌ ହରାତେ ଅଲ୍ଲାକାନ୍‌ ତାଇକେନା । ଯୋହାନ୍‌ ଆପାନ୍‌କେ ଅନଲ୍‌ନିଃ ଲେକା ପାରିଚାଏ କାଏ ଏମାଃ, ଏନାରେୟାଃ ବାଦ୍‌ଲାରେ ଇନିଃ ଆପାନ୍‌କେ ପ୍ରାଚିନ୍‌ ମେନ୍ତେ ପାରିଚାଏ ଏମାଃଏ । ଯୋହାନ୍‌ଆଃ ଏଟାଃ ଚିଟାଉରେୟାଃ ଅନଲ୍‌ ବିଷାଏକ ଯୋହାନ୍‌ ଅଲ୍ଲାକାଦ୍ ସୁକୁକାଜିଲିଃ ମିଦ୍‌ସାମାନ୍‌ଗିଆ । ନେଆଁ ବିଶେଷ୍ଟକେଦ୍‌ତେ ଯୀଶୁକେ ଅକଲେକା, ଇନିଃ ମିହୁଡ୍‌, ଆଡ଼ମିହୁଡ୍‌କେ ଦୁଲ୍ଲାଡ୍‌ ବିଷାଏରେ ଯୀଶୁଆଃ ଆନାଚୁକେ ଲାଗାତିଙ୍ଗ୍‌ ତାନାଃ ମେନ୍ତେ କାଜିୟାଃ, ଏନ୍‌ ଲେକାଗି ଯୀଶୁଆଃ ଆନାଚୁ ମାନାତିଙ୍ଗ୍‌ତେୟାଃ ହବାଃଅ ତାନାଃ, ଆଇଃକ୍‌କେ ଦୁଲ୍ଲାଡ୍‌ତେୟାଃ ୨ ଯୋହାନ୍‌ ୧:୫-୬; ଯୋହାନ୍‌ ୧୫:୯-୧୦ । ନେଆଁ ବିଶ୍ୱାସତାନା ଯେ, ଯୋହାନ୍‌ ଏଫିସୁସ୍‌ରେ ତାଇନ୍‌ତାନ୍‌ ଇମ୍‌ତା, ଯୋହାନ୍‌ ସୁକୁକାଜିଲିଃ ଯୋହାନ୍‌ଆଃ ଆପିୟା ଚିଟାଉ ହଗି ଅଲ୍ଲାକାନ୍‌ ତାଇକେନା, ଏନା ହବାଅଃତାନା, ୧ ଯୋହାନ୍‌, ୨ ଯୋହାନ୍‌, ୩ ଯୋହାନ୍‌ ।

ଯୋହାନ୍‌ ନେ ଚିଟାଉରେ ସାଲ୍ଲାକାନ୍‌ କୁଡି ଆଡ଼ ଆୟାଃ ହନ୍‌କ ବିଷାଏରେ ପାରିଚାଏ ଏମାକାଦାଏ, ଇନିଃ ଏନା କାଲିସିୟାକେ କାଜିକାଦା । ଯୋହାନ୍‌ଆଃ ନେ ଚିଟାଉ ଅନଲ୍‌ରେୟାଃ ଉଦ୍‌ବେଗ୍‌ ତାନାଃ, ବିଶ୍ୱାସୀକକେ ଜୀଉରେ ରାସ୍‌କା ଏମ୍‌ ଆଡ଼ ହସଡ୍‌ ଇତୁକତାଏତେ ଚିର୍ଗାଲ୍‌କେଦ୍‌ତେ ତାଇନଃତେୟାଃ ତାନାଃ ।

ପୁଅ୍‌ ଭିତାରେ ଅଲ୍ଲାକାନ୍‌ କାଜି

- ୧. ଯୋହାନ୍‌ ନେ ଚିଟାଉରେ ଅକଏୟାଃ ନାଗେନ୍ତେ ଅଲେତାନା, ନେଆଁ କାଜିକେଦ୍‌ତେ ଆୟାଃ ତେଲାଦାରମ୍‌କକେ ଜହାର୍‌ କାଜିୟାଏ । ୧:୧-୩
- ୨. ଯୋହାନ୍‌ କାଲିସିୟାକେ ଜୀଉରେ ରାସ୍‌କା ଏମ୍‌କେଦ୍‌ତେ ମାରାଙ୍ଗ୍‌ ଆନ୍‌ଚୁ ବିଷାଏରେ ପାହାମ୍‌ଇତିକ ତାନା । ୧:୪-୬
- ୩. ଯୋହାନ୍‌ ହସଡ୍‌ ଇତୁକଆଃ ବିଷାଏରେ ଚେତାଅକତାନା । ୧:୭-୧୧
- ୪. ଯୋହାନ୍‌ ଅକ୍‌ତାଃରେ ତାଇନଃତାନା ଏଡ଼ାଃରେନ୍‌ ବିଶ୍ୱାସୀକକେ ଜହାର୍‌ କାଜିକେଦ୍‌ତେ ଅନଲ୍‌ ଅଲ୍‌ ଚାବାଏତାନାଏ । ୧:୧୨-୧୩

୧ ପ୍ରାଚିନ୍‌ ଯୋହାନ୍‌ ଆଇଙ୍ଗ୍‌ ତାନିଙ୍ଗ୍‌, ମିଆଁଦ୍‌ ସାଲ୍ଲାକାନ୍‌ ଆଣ୍‌ଦି କୁଡି ଆଡ଼ ଆୟାଃ ହନ୍‌କ*ତାଃତେ ନେ ଚିଟାଉ ଅଲେତାନାଇଙ୍ଗ୍‌ । ଇନ୍‌କୁକେ ଆଇଙ୍ଗ୍‌ ସାର୍‌ତିଗିଙ୍ଗ୍‌ ଦୁଲ୍ଲାଡ୍‌କ ତାନା, ଆଡ଼ ଆଇଙ୍ଗ୍‌ ଏସ୍‌କାର୍‌ କା, ମେନ୍‌ଦ ସାର୍‌ତି ସାରିକାଦ୍‌ ସବେନ୍‌କହ୍‌ ଦୁଲ୍ଲାଡ଼ାଃକ ।

୨ ଚିୟାଃଚି ଏନ୍‌ ସାର୍‌ତି ଆବୁରେ ତାଇନଃତାନା ଆଡ଼ ଜାନାଅ ଜାକେଦ୍‌ ଆବୁଲଃ ତାଇନାଃ ।

୩ ଆପୁ ପାର୍‌ମେଶ୍ୱାର୍‌ ଆଡ଼ ଏନ୍‌ ଆପୁଆଃ ହନ୍‌ ଯୀଶୁ ଖ୍ରୀଷ୍ଟୁତାଃଏତେ ସାୟାଦ୍‌, ଲିବୁଲ୍‌ ଆଡ଼ ଜୀଉସୁକୁ ଆବୁଲଃ ସାର୍‌ତି ଆଡ଼ ଦୁଲ୍ଲାଡ୍‌ରେ ତାଇନ୍‌କା ।

ସାନାର୍‌ତି ଆଡ଼ ଦୁଲ୍ଲାଡ୍‌

୪ ଆପୁ ପାର୍‌ମେଶ୍ୱାର୍‌ଆଃ ଆନାଚୁ ଲେକା ଆମାଃ ଚିମିନ୍‌ ହନ୍‌କ ସାନାର୍‌ତିରେ ସେସେନ୍‌ତାନ୍‌ ନେଲ୍‌କେଦ୍‌ତେ ଆଇଙ୍ଗ୍‌ ପୁରାଃଗିଇଙ୍ଗ୍‌ ସୁକୁୟାନା ।

୫ *ହେ ଦୁଲ୍ଲାଡ୍‌ ମାଲ୍‌, ନାହାଁଃ ଆଇଙ୍ଗ୍‌ ନାଝା ଆନ୍‌ଚୁ ଅଲେତାନ୍‌ ଲେକାଦ୍‌ କାହା ମେନ୍‌ଦ ମୁନ୍‌ଏତେ ଆବୁତାଃରେ ତାଇକେନ୍‌ ଆନ୍‌ଚୁକେଗି ଅଲ୍‌ତାନ୍‌ଲଃ ବିକ୍ରିପେତାନାଇଙ୍ଗ୍‌ ଯେ, ଆବୁ ସବେନ୍‌କ ଦୁପୁଲ୍ଲାଡ୍‌ରେଗିବୁ ତାଇନ୍‌କା ।

୬ ଆଡ଼ ଆବୁ ପାର୍‌ମେଶ୍ୱାର୍‌ଆଃ ଆନ୍‌ଚୁଲେକାରୁ ସେସେନ୍‌ତାନା, ନେଆଁଗି ସାର୍‌ତି ଦୁଲ୍ଲାଡ୍‌ ତାନାଃ । ଆଡ଼ ଆପେ ମୁନ୍‌ଏତେ ଆୟୁମାକାଦ୍‌ ଲେକାଗି ସେସେନ୍‌ପେ, ନେଆଁଗି ଏନ୍‌ ଆନାଚୁ ତାନାଃ ।

୭ ଆଇଙ୍ଗ୍‌ ନେଆଁ କାଜିତାନାଇଙ୍ଗ୍‌ ଚିଆଃଚି ପୁରାଃ ବେଦାହଡ୍‌କ ଅତେଦିଶୁମ୍‌ରେକ ଅତଙ୍ଗ୍‌କାନା । ଜେତାଏ ଯୀଶୁ ଖ୍ରୀଷ୍ଟୁକେ ମାନଝା ହଡ୍‌ମରେ ହିଜୁଃୟାନା ମେନ୍ତେ କା ମାନାତିଙ୍ଗ୍‌ନିଃଗି ବେଦାହଡ୍‌ ଆଡ଼ ଯୀଶୁ ଖ୍ରୀଷ୍ଟୁଆଃ ବାଇରି ତାନିଃ ।

୮ ଆଲେ ଆପେ ନାଗେନ୍ତେ କାମିକାଦ୍‌ତେୟାଃ ଆଲକାପେ ଆପେ ଆଡ଼ ପୁରା ନାଲା ନାମେ ନାଗେନ୍ତେ ଚିର୍ଗାଲ୍ଲାକାନ୍‌ପେ ।

୯ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ କାଏ ତାଇନ୍‌ତାନା, ଏନ୍‌ ହଡ୍‌ତାଃରେ ପାର୍‌ମେଶ୍ୱାର୍‌ ବାଙ୍ଗାଲୟା । ଆଡ଼ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ ତାଇନ୍‌ତାନା, ଏନ୍‌ ହଡ୍‌ତାଃରେ ପାର୍‌ମେଶ୍ୱାର୍‌ ଆଡ଼ ଆୟାଃ ହନ୍‌, ନେ ବାରାନ୍‌କିନ୍‌ ମେନାକିନା ।

* ୧:୧ ଆଣ୍‌ଦି କୁଡି ଆଡ଼ ଆୟାଃ ହନ୍‌କ, ମେନ୍ତେ କାଜିଲେରେ ହବାସାକାଅଆଃ କାଲିସିୟା ଆଡ଼ କାଲିସିୟାରେନ୍‌ ହଡ୍‌କକେ କାଜିୟାକାନା ✨ ୧:୫ ଯୋହାନ୍‌ ୧୩:୩୪; ୧୫:୧୨,୧୭.

^{୧୦} ଜେତାଏ ଆପେତାଃତେ ହିଜୁଃକେଦ୍ତେ ନେ ଇନିତୁ କାଏ ଇତୁପେରେଦ, ଇନିଃକେ ଆପେୟାଃ ଅଡ଼ାଃତେ ଆଲ୍ପେ ଦାରମ୍ପିୟା ଆଡ଼ଃ “ଆମାଃ ଜୀଉସୁକୁ ହବାଅଃକା” ମେନ୍ତେ ଆଲ୍ପେ କାଜିୟା ।

^{୧୧} ଜେତାଏ ଇନିଃକେ ଜହାରିନିଃ, ଇନିୟାଃ ଏଡ଼କାନ୍ କାମିକରାଃ ହାନାଟିକ୍ ନାମେୟାଏ ।

ତୁଣ୍ଡୁ କାଜି

^{୧୨} ଆପେତାଃତେ ପୁରାଃ ଅଲ୍ ନାଗେନ୍ତେ ମେନାଃ, ମେନ୍ଦ କାଗାଜ୍ ଆଡ଼ଃ ସିହାଇତେ ଅଲ୍ ନାଜ୍ କାଇକ୍ ସାନାଜ୍ତାନା । ଆପେତାଃତେ ହିଜୁଃକେଦ୍ତେ ନେପେଲ୍ରେଇକ୍ ଜାଗାରେୟା ମେନ୍ତେଇକ୍ ଆସ୍ତାଏ ତାନା, ଜେ'ଲେକାଟି ଆରୁଆଃ ସୁକୁରାସକା ପୁରାଅଃଆ ।

^{୧୩} ପାର୍ମେଶ୍ୱାର୍ଆଃ ସାଲାକାନ୍ ଆମାଃ ମିଶି†କଆଃ ହନ୍କ ଆମ୍ବକେ ଜହାର୍ କାଜିକୁଲ୍କାଦାକ ।

† **୧:୧୩** ନେତାଃରେ ମିଶି, ମେନ୍ଲେରେ ହବାସାକାଅଆଃ କାଲିସିୟାକେ କାଜିୟାକାନା

ଯୋହାନଙ୍କ ଲିଖିତ ତୃତୀୟ ପତ୍ର ଯୋହାନ୍ ଅଲୀକାଦ୍ ଆପିୟା ଚିଟାଉ ପାରିଚାଏ

ଯୋହାନ୍‌ଆଃ ଆପିୟା ଚିଟାଉ ଯୋହାନ୍‌ଆଃ ହରାତେ ୫୦-୧୦୦ କରେ ଯାଶୁ ଖ୍ରୀଷ୍ଟିଆଃ ଜାନାମ୍ ତାୟମତେ ଅଲୀକାନ୍ ତାଇକେନା । ଯୋହାନ୍ ଆଇଃକ୍‌କେ ଅନଲ୍‌ନିଃ ଲେକା ପାରିଚାଏ କା ଏମ୍‌କେଦ୍‌ତେ ଆପାନ୍‌କେ ପ୍ରାତିନ୍ ଲେକା ପାରିଚାଏ ଏମାକାଦାଏ, ଏନ୍‌ଲେକାଗି ଯୋହାନ୍ ଆୟାଃ ଏଗାଃ ଚିଟାଉରେ ପାରିଚାଏ ଏମାକାଦାଏ ୧:୧; ୨ ଯୋହାନ୍ ୧:୧ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନ୍ ଇମ୍‌ତା ଯୋହାନ୍ ଅଲୀକାଦ୍ ସୁକୁକାଜିଲିଃ ଆପିୟା ଚିଟାଉକହଗି ଅଲୀକାଦ୍ ତାଇକେନାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ଗାୟସ୍ ନୁତୁମ୍ ମିଆଁଦ୍ ବିଶ୍ୱାସୀକେ ନେ ଚିଟାଉରେ ଉଦୁବିତାନା । ଇନିଃ ଗାୟସ୍‌କେ ମିଆଁଦ୍ ଗାତି ଲେକା କାଜିକେଦ୍‌ତେ ଏନ୍ ପାର୍‌ଗାନ୍‌ରେ ହରାସେନ୍‌ତାନ୍ ଖ୍ରୀଷ୍ଟିୟାନ୍ ହାଗାକକେ ପେଡ଼ାକ ନାଙ୍ଗ୍ କାଜିକାଇ ତାଇକେନାଏ ।

ପୁଅ ଭିତରରେ ଅଲୀକାନ୍ କାଜି

- ୧. ଯୋହାନ୍ ଆୟାଃ ପାରିଚାଏ ଏମାଃଏ । ୧:୧
- ୨. ଯୋହାନ୍ ଗାୟସ୍‌କେ ଜୀଉରେ କେଟେଦ୍‌କେଦ୍‌ତେ ହରାସେନ୍‌ତାନ୍‌କକେ ପେଡ଼ାକ ନାଙ୍ଗ୍ ଇନିତୁ ଏମାଃଏ । ୧:୨-୮
- ୩. ଯୋହାନ୍, ଦିୟତ୍ରୀଫା ଆତଃ ଦିମିତ୍ରୀୟ, ନେ ବାରହଡ଼କିନାଃ ବିଷାଏରେ କାଜିୟାଃ । ୧:୯-୧୨
- ୪. ତୁଣ୍ଡୁରେ ଆୟାଃ ଅନଲ୍ ଅଲ୍ ଚାବାକେଦାଏ । ୧:୧୩-୧୪

୧* ପ୍ରାତିନ୍ ଯୋହାନ୍ ଆଇଙ୍ଗ୍ ତାନିଙ୍ଗ୍, ଆଇଁୟାଃ ଦୁଲାଡ଼୍ ଗାୟସ୍‌ତାଃତେ ନେ ଚିଟାଉ ଅଲେତାନାଇଙ୍ଗ୍ । ଇନିଃକେ ଆଇଙ୍ଗ୍ ସାର୍‌ତିଗିଙ୍ଗ୍ ଦୁଲାଡ଼ିତାନା ।

୨ ହେ ଦୁଲାଡ଼୍ ଗାତି, ଆମାଃ ମନ୍‌ସୁରୁଦ୍ ସୁକୁରେ ମେନାଃଲେକା, ଆମାଃ ସବେନ୍ କାଜିକାମିକରେ ସୁକୁ ହବାଅଃକା ଆତଃ ଆମ୍ ଜୀଉସୁକୁରେ ତାଇନମେ ମେନ୍ତେ ଆଇଙ୍ଗ୍ ବିନ୍ତିତାନା ।

୩ ଆମ୍ ସାନାର୍‌ତିରେ ପାତିୟାର୍‌ରଃ ଲେକା ମେନାମେୟାଁ ଆତଃ ସବେନ୍ ଇମ୍‌ତା ସାନାର୍‌ତିରେମ୍ ସେସେନ୍‌ତାନା ମେନ୍ତେ ଚିମିନ୍ ବିଶ୍ୱାସୀ ହାଗାକତାଃଏତେ ଗାଞ୍ଜାକ ଆୟୁମ୍‌କେଦ୍‌ତେଇଙ୍ଗ୍ ସୁକୁୟାନା ।

୪ ଆଇଁୟାଃ ହନ୍‌କ ସାନାର୍‌ତିରେ ସେସେନ୍‌ତାନାକ ମେନ୍ତେ ଆୟୁମ୍‌ତେୟାଃଏତେ ପୁରାଃ ରାସ୍‌କା ବାନଃଆ ।

ଗାୟସ୍‌ଆଃ ବୁଗିନ୍ କାମିରେୟାଃ ମାନାରାଙ୍ଗ୍

୫ ହେ ଦୁଲାଡ଼୍ ଗାତି, ଖ୍ରୀଷ୍ଟ୍ ବିଶ୍ୱାସୀ ହାଗା ମିଗିକ ନାଗେନ୍ତେ ନେ'ଲେକାତି ଇନ୍‌କୁକେ କା ନେଲ୍ ଉରୁମ୍‌କାକରେୟ, ଆପେ ଇନ୍‌କୁକେ ପାତିୟାର୍‌ରଃ ଲେକା ମାଇନ୍‌କତାନାପେ ।

୬ ଇନ୍‌କୁ କାଲିସିୟା ସାମ୍‌ନାଙ୍ଗ୍‌ରେ ଆମାଃ ଦୁଲାଡ଼୍ ବିଷାଏରେ ଗାଞ୍ଜାକ ଏମେତାନା । ଆମ୍ ପାର୍‌ମେଶ୍ୱାର୍‌ଆଃ ମନେଲେକା ଇନ୍‌କୁକେ ଦେଙ୍ଗାକେଦ୍‌ତେମ୍ କୁଲ୍‌କରେଦ୍ ଆମ୍ ବୁଗିନ୍ କାମିମ୍ କାମିୟା ।

୭ ଚିୟାଃତି ଇନ୍‌କୁ ସାଅଁସାର୍ ହଡ଼କତାଃଏତେ ଜେତାନ୍ ଦେଙ୍ଗା କା ଇଦିକେଦ୍‌ତେ ଯାଶୁ ଖ୍ରୀଷ୍ଟିଆଃ ନୁତୁମ୍‌ତେ ସେଞ୍ଜା ନାଗେନ୍ତେକ ଅତଙ୍ଗକାନା ।

୮ ଏନା ନାଗେନ୍ତେ ଆବୁ ଖ୍ରୀଷ୍ଟିୟାନ୍‌କ ଇନ୍‌କୁକେ ଦେଙ୍ଗାକେଦ୍‌ତେ ସାନାର୍‌ତି ଉଦୁବ୍ ନାଙ୍ଗ୍ ଇନ୍‌କୁଆଃ କାମିରେ ମେସାନ୍ ଲାଗାତିଙ୍ଗ୍‌ୟାଃ ।

ଦିୟତ୍ରୀଫା ଆତଃ ଦିମିତ୍ରୀୟ

୯ ଆଇଙ୍ଗ୍ ଆପେୟାଃ କାଲିସିୟାତେ ହୁଡ଼ିଙ୍ଗ୍‌ଲେକାଇଙ୍ଗ୍ ଅଲ୍‌କୁଲ୍‌କେଦା, ମେନ୍‌ଦ କାଲିସିୟାରାଃ ଆଗୁଆଇ ହବାଅଃ ନାଙ୍ଗ୍ ସାନାଙ୍ଗ୍‌ତାନ୍ ଦିୟତ୍ରୀଫା ଆଇଁୟାଃ କାଜିକେ କାଏ ଆୟୁମ୍‌କେଦା ।

୧୦ ଆଇଙ୍ଗ୍ ଏନ୍ତାଃତେ ହିଜୁଃରେ, ଇନିଃ କାମିକାଦ୍ ଏଡ଼କାନ୍ କାମିକ ସବେନାଃଇଙ୍ଗ୍ ଉଦୁବେୟା । ଇନିଃ ଆବୁଆଃ ବିରୁଧ୍‌ରେ ଏଡ଼କାନ୍ କାଜି କାଜିକେଦ୍‌ତେ ଆବୁକେ ହିଲାଙ୍ଗ୍‌ରୁ ତାନାଏ, ଏନ୍‌ରେୟ କାଏ ଆବରୁୟାନା । ଆତଃ ଇନିଃ ଆଇଃକ୍‌ଗି ଖ୍ରୀଷ୍ଟିୟାନ୍ ହାଗାକକେ କାଏ ଦାରମକ ତାନା ଚି ଜେତାଏକେ କାଏ ଦାରମ୍‌କଚିକ ତାନା । ଆତଃ ଦାରମ୍‌ନାଙ୍ଗ୍ ସାନାଙ୍ଗ୍‌ତାନ୍‌କକେ କାଲିସିୟାଏତେ ଅତଙ୍ଗକତାନା ।

୧୧ ହେ ଦୁଲାଡ଼୍ ଗାତି, ଏଡ଼କାନ୍‌ତେୟାଃକ ଆଲମ୍ ଅତଙ୍ଗ୍‌ଆଁଃ, ମେନ୍‌ଦ ବୁଗିନ୍‌ତେୟାଃକ ଅତଙ୍ଗ୍‌ୟେମେ । ଜେତାଏ ବୁଗିନ୍ କାମିନିଃ ପାର୍‌ମେଶ୍ୱାର୍‌ଆଃ ହଡ଼ ତାନିଃ, ଆତଃ ଜେତାଏ ଏଡ଼କାନ୍‌ତେୟାଃ କାମିନିଃ ପାର୍‌ମେଶ୍ୱାର୍‌କେ କାଏ ସାରିୟା ।

* ୧:୧ ପ୍ରେରିଡ଼ ୧୯:୨୯; ରୋମି ୧୭:୨୩; ୧ କରିନ୍ଥ୍‌ୟ ୧:୧୪.

୧୨ ଦିନିତ୍ରୀୟଆଃ ବିଷାଏରେ ବୁଗିନ୍ କାଜିତାନ୍ ସବେନ୍ କ ଆତଃ ସାନାର୍ତିୟଗି ଇନିୟାଃ ବୁଗିନ୍ ବିଷାଏ କାଜିତାନା । ଆଲେୟଗି ଇନିୟାଃ ଗାଞ୍ଜାଲେ ଏମ୍ତାନା ଆତଃ ଆପେ, ଆଲେୟାଃ ଗାଞ୍ଜା ସାର୍ତିଗିଆ ମେନ୍ତେପେ ସାରିତାନା ।

ବୁଣ୍ଡୁ ଜହାର

୧୩ ଆଇଈ ଆମ୍ବକେ ପୁରାଃ କାଜି କାଜିରାଃ ମେନାଃ, ମେନ୍ଦ ଏନ୍ ସବେନାଃ ସିହାଇ ଆତଃ କାଲାମ୍ତେ ଅଲ୍ ନାଈ କାଈଈ ସାନାଈତାନା ।

୧୪ ଆଇଈ ଆମାଃଲଃ ଜାଲ୍ଦିଗିଈଈ ନେପେଲା ମେନ୍ତେଈଈ ଆସ୍ରାକାଦା, ଇମ୍ତା ଆଲାଈ ବାରାନ୍କିନ୍ ନେପେଲ୍ରେଲାଈ ଜାଗାରେୟା ମେନ୍ତେଈଈ ସାନାଈତାନା ।

୧୫ ଆମାଃ ଜୀତସୁକୁ ହବାଃଅକା । ଆମାଃ ସବେନ୍ ଗାତିକ ଆମ୍ବକେ ଜହାର ମେନ୍ତେକ କାଜିକୁଲ୍କାଦା । ଆତଃ ଆଲେୟାଃ ଜହାର ଆମାଃ ସବେନ୍ ଗାତିକଆଃ ନୁତୁମ୍ ସାବ୍କେଦ୍ତେ ଜହାର ଉଦୁବାକମେ ।

ଯିହୁଦାଙ୍କ ଲିଖିତ ପତ୍ର ଯିହୁଦା ଅଲ୍ଲାକାଦ୍ ଚିଟାଉ ପାରିଚାଏ

ନେ ଚିଟାଉ ଅଲ୍ଲାକାଦ୍‌ନିଆଁଠ ନୁତୁମ୍ ଲେକାଗି ନେ ପୁଅରେୟାଃ ନୁତୁମ୍ ଏମାକାନା । ଯିହୁଦା ଆପାନ୍‌କେ ଯାକୁବ୍, ଯାଶୁଆଃ ହାଗା ମେନ୍ତେ ଉଦୁବେନ୍ ତାନା । ଏନାତେ ଇନିଃକେ ଯାଶୁଆଃ ହାଗାକ୍‌ଏତେ ମିହୁଡ୍‌ତାନିଃ ମେନ୍ତେ କାଜିୟାଃକ, ଆଧ୍ୟାୟ ୧ । ମାରି ନିୟାମ୍‌ରେୟାଃ ଅନଲ୍‌ତେୟାଃକ ନେ ଚିଟାଉରେ ଅଲ୍ଲାକାନ୍ ହରାତେ, ନେଆଁ ମିଆଁଦ୍ କାଲିସିୟାକେ ଅଲ୍ଲାକାନ୍ ଲେକା ଆଟ୍‌କାରଃଆ । ଯିହୁଦା ଚିଟାଉକେ ପାଢ଼ାଅତାନ୍ ହଡ଼କ, ଯିହୁଦା ହଡ଼ ମେନ୍ତେକ ଉଦୁବେନ୍ ତାନା, ଅକନକଚି ଆପୁ ପାର୍‌ମେଶ୍ୱାର୍‌ଆଃ ଦୁଲାଡ଼ରେ ଖ୍ରୀଷ୍ଟିଆଃ ନାଗେନ୍ତେ ଦହାକାନାକ, ଆଧ୍ୟାୟ ୧ । ଯିହୁଦା ସବେନ୍ କେଡ଼ାକାନ୍ ହଡ଼କକେ ପାରିଚାଏ ଏମାକାଦ୍‌କଆଏ । ନେ ଚିଟାଉ ହବାସାକାଅଆଃ ଯାଶୁ ଖ୍ରୀଷ୍ଟିଆଃ ଜାନାମ୍ ତାୟମ୍ ୬୦ କରେ ଅଲ୍ଲାକାନା ।

ନେ ଚିଟାଉ ବିଷେଶ୍‌କେଦ୍‌ତେ ଅକନ୍ ହଡ଼କ ହସଡ଼ଖ୍ରୀଷ୍ଟକେକ ଅତଙ୍ଗ୍‌ ତାଇକେନା, ଏନ୍ ସବେନ୍ ଖ୍ରୀଷ୍ଟିୟାନ୍ ହଡ଼କକେ ଚେତାଅକ ନାଗେନ୍ତେ ଅଲ୍ଲାକାନ୍ ତାଇକେନା । ଇନିଃ ଆୟାଃ କାପଜିକେ ପକ୍‌ତାଏ ନାଗେନ୍ତେ ମାରି ନିୟାମ୍‌ରେୟାଃ ଅନଲ୍ ଆତଃ ହବାକାନ୍‌ତେୟାଃ ଅଲ୍‌ମେସାକାଦାଏ । ନେ ଚିଟାଉରେ ହସଡ଼ ଇତୁକଆଃ ବିରୁଧ୍‌ରେ ପାଡ଼ରାସ୍‌ଆଃ ଏଟାଃ ଚିଟାଉରେ ଅଲ୍ଲାକାନ୍‌ତେୟାଃଲଃ ଜକାଃଅତାନା । ନେଆଁରେ ଦୁଁଡ଼କ ଆତଃ ସଦୋମ୍ ଗମ୍‌ରା ବିଷାଏରେହଗି ଅଲ୍ଲାକାନା ଯିହୁଦା ୧:୪ ପାଦ୍ ଆତଃ ୨ ପାଡ଼ରାସ୍ ୨:୧ ।

ପୁଅ ଭିତାରେ ତାଇକାନ୍ କାଜି

- ୧. ଯିହୁଦା ସିଦାତେ ଆୟାଃ ପାଢ଼ାଅନିକୁକେ ପାରିଚାଏ ଏମାଃଏ । ୧:୧-୨
- ୨. ହସଡ଼ ଇତୁକଆଃ ବିରୁଧ୍‌ରେ ଚେତାଅକ ତାନା । ୧:୩-୪
- ୩. ଇନିଃ ମାରି ନିୟାମ୍‌ରେନ୍ ହଡ଼କକେ ଆତଃ ହବାକାନ୍‌ତେୟାଃ ଇଦିକେଦ୍‌ତେ ନାମୁନା ଏମାଃଏ । ୧:୫-୧୭
- ୪. ଯାକୁବ୍‌ଆଃ ଚେନେତାଅ କାଜିରେ ଇନ୍‌କୁଆଃ କାମି ଚିନାଃ ହବାଅଃଆ ଏନ୍ ବିଷାଏରେ କାଜିକାଦା । ୧:୧୭-୨୩
- ୫. ଟୁଣ୍ଡୁରେ ପାର୍‌ମେଶ୍ୱାର୍‌କେ ମାଇନାନ୍ ଏମ୍‌କେଦ୍‌ତେ ଚିଟାଉକେ ଅଲ୍ ଚାବାକେଦା । ୧:୨୪-୨୫

୧ *ଆଇଙ୍ଗ୍ ଯିହୁଦା, ଯାଶୁ ଖ୍ରୀଷ୍ଟିଆଃ ମିଆଁଦ୍ ଦାସି, ଆତଃ ଯାକୁବ୍‌ଆଃ ହାଗାତେ ତାନିଙ୍ଗ୍ । ପାର୍‌ମେଶ୍ୱାର୍ ଅକନକକେ କେଡ଼ାକାଦ୍‌କଆ, ଆପୁ ପାର୍‌ମେଶ୍ୱାର୍ ଅକନକକେ ଦୁଲାଡ଼କାଦ୍‌କଆ, ଆତଃ ଯାଶୁ ଖ୍ରୀଷ୍ଟି ନାଗେନ୍ତେ ଅକନକ ଜାଡ଼ନାଅକେଦ୍‌ତେ ମାଣ୍ଡାଅକାନାକ, ଇନ୍‌କୁତାଃତେ ନେ ଚିଟାଉ ଅଲେତାନାଇଙ୍ଗ୍ ।

୨ ପାର୍‌ମେଶ୍ୱାର୍‌ଆଃ ଲିନିବୁଇ, ଜୀଉସୁକୁ, ଆତଃ ଦୁଲାଡ଼୍‌ପୁରାଃଗି ଆପେଲଃ ହବାଃଆକା ।

ହସଡ଼ ଇନିତୁକ

୩ ହେ ଦୁଲାଡ଼୍‌ ହାଗା ମିଶିକ, ଆଇଙ୍ଗ୍ ଆବୁ ସବେନ୍‌କଆଃ ଏନ୍ ମିଆଁଦ୍ ଜୀଉବାଞ୍ଚାଅ ବିଷାଏରେ ପୁରାଃ ଚିହୁଲ୍‌ତାନଲଃ ଆପେତାଃତେ ଅଲ୍ ନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ । ମେନ୍‌ଦ୍ ପାର୍‌ମେଶ୍ୱାର୍ ଆୟାଃ ପାବିତାର୍ ହଡ଼କକେ ମିସାଗି ଏମାକାଦ୍‌କ ବିଶ୍ୱାସ୍ ନାଗେନ୍ତେ ଲାଡ଼ାଇ ଆତଃ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେ ଅଲ ନାଙ୍ଗ୍ ଲାଗାଡ଼ିଙ୍ଗ୍‌ୟାଃ ମେନ୍ତେଇଙ୍ଗ୍ ମନେକେଦା ।

୪ ଚିମିନ୍ ହଡ଼କଦ୍ ଉକୁଡ଼କୁଡେକ ବଲଆକାନା, ଇନ୍‌କୁ ନାଗେନ୍ତେ ନାଙ୍ଗ୍ ପାରିୟାଏତେ ନେ ସାଜାଇରେୟାଃ ବିଚାର୍ କାଜିଆୟାରାକାନା । ଇନ୍‌କୁ ଏଡ଼କାନ୍‌କତାନ୍‌କ ଆତଃ ଆବୁଆଃ ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏରେୟାଃ କାଜିକେ ବାଦ୍‌ଲାଏତାନାକ । ଆତଃ ଆବୁଆଃ ମିଆଁଦ୍‌ଗି ଗମ୍‌କେ ଆତଃ ପ୍ରାଭୁ ଯାଶୁ ଖ୍ରୀଷ୍ଟିକେ କାକ ମାନାଡ଼ିଙ୍ଗ୍ ତାନା ।

୫ ପ୍ରାଭୁ ମିସାର୍ ଦିଶ୍ୱମ୍‌ଏତେ ଇସ୍ରାଏଲ୍ ହଡ଼କକେ ବାଞ୍ଚାଅକେଦ୍‌କଆ, ଆତଃ କା ବିଶ୍ୱାସ୍‌ତାନ୍‌କକେ ଜିୟନ୍‌କେଦ୍‌କଆ ନେ ସବେନାଃ ଆପେ ସାରିତାନ୍‌ରେୟ, ଆଇଙ୍ଗ୍ ଆପେକେ ପାହାମ୍‌ଇଚି ନାଙ୍ଗ୍ ମନେକେଦାଇଙ୍ଗ୍ ।

୬ ଦୁଁଡ଼କ ଆକଆଃ ମାରାଙ୍ଗ୍ ଠାୟାଦ୍ କା ଦହକେଦ୍‌ତେ ଆକଆଃ ତାଇନଃ ଠାୟାଦ୍ ବାଗିକେଦାକ । ପାର୍‌ମେଶ୍ୱାର୍ ଇନ୍‌କୁକେ ଏନ୍ ମାରାଙ୍ଗ୍ ସାଜାଇହୁଲ୍‌ଆଙ୍ଗ୍ ଜାକେଦ୍ ଜାନାଅ ଜାନାଅରେୟାଃ ସିକ୍‌ଡ଼ି ତନଲ୍‌ରେ ତଲ୍‌କେଦ୍‌ତେ ନୁବାଗାକାନ୍ ଠାୟାଦ୍‌ରେ ଦହକାଦ୍‌କଆ, ଏନା ପାହାମ୍‌ମେପେ ।

୭ ସୋଦମ୍ ଆତଃ ଗମ୍‌ରା, ଆତଃ ହପର୍‌ଜାପାଃକରାଃ ନାଗାର୍‌ରେନ୍ ହଡ଼କକେ ପାହାମ୍‌କପେ । ଇନ୍‌କୁ ଆପାଙ୍ଗିର୍‌କାମି ଆତଃ କା ବାୟୁଃଲେକାନ୍ ଏଡ଼କାନ୍‌କାମିକରେକ ବାଲୁୟାନା । ଏଟାଃ ସବେନ୍‌କକେ ଚେତାଅ ନାଗେନ୍ତେ ଇନ୍‌କୁ ଜାନାଅ ସେଙ୍ଗେଲ୍‌ରେ ସାଜାଇକ ନାମେତାନା ।

☆ ୧:୧ ମାଥୁର ୧୩:୫୫; ମାର୍କ ୬:୩.

୮ ଏନ୍‌ଲେକାଗି, କୁମ୍ଭୁନେଲ୍‌ତାନ୍ ନେ ସବେନ୍‌କହଗି ଆକଆଃ ହଡ଼ଫକ ସଡ଼ରାଏତାନା, ଆତଃ ପାର୍ମେଶ୍ୱାର୍‌ଆଃ ଆକ୍‌ତେୟାର୍ କାକ ମାନାତିଙ୍ଗ୍ ତାନା ଆତଃ ମାନାରାଙ୍ଗ୍‌ରେୟାଃ ପେଡ଼େଃକେକ ହିଲାଙ୍ଗ୍ ତାନା ।

୯ *ମେନ୍‌ଦ ମୁଲ୍ ସିର୍ମାଦୁଡ଼ ମିଖେଲ୍‌ହ ନେ'ଲେକା କାମି କାଏ କାମିକାଦ୍ ତାଇକେନା । ମୁଶା ନାବୀରାଃ ଗଏଃ ହଡ଼ଫ ଇଦିକେଦ୍‌ତେ ସାଏତାନ୍‌ଲଃ କାପ୍‌ଜିତାଇକେନ୍ ଇମ୍‌ତା ମିଖେଲ୍ ନିନ୍ଦାକେଦ୍‌ତେ ସାଏତାନ୍‌କେ କାଏ ବିଚାରକାଇ ତାଇକେନା । ପ୍ରାଭୁ ଆମ୍‌କେ ଏଗେର୍‌ମେକାଏ ମେନ୍‌ତେ ଇନିଃ କାଜିକାଦ୍ ତାଇକେନାଏ ।

୧୦ ମେନ୍‌ଦ ନେ ହଡ଼କ ଅକ୍‌ନାଃ କାକ ଆର୍‌କାର୍‌ଉରୁମେୟାଁ ଏନ୍ ବିଷାଏରେ ଏଡ଼କାନ୍ କାଜିକ କାଜିୟା, ଆତଃ ଜାଁତୁ ଲେକା ଆକଆଃ ସଭାବ୍‌ଲଃ ଆର୍‌କାର୍‌ଉରୁମଃଆକ, ଆତଃ ଏନ୍ ସବେନାଃ ନାଗେନ୍‌ତେକ ଜିୟନଃଆ ।

୧୧ ହାଏ, ଇନ୍‌କୁ ନାଗେନ୍‌ତେ ନେଆଁ ପୁରାଃ ବରଝାନ୍‌ଗିୟା, ଚିୟାଃତି ଇନ୍‌କୁଦ କୟିନ୍‌ଆଃ ଏଡ଼କାନ୍ ହରାକ ଅତଙ୍ଗ୍‌କାଦା । ବାଲାମ୍ ଟାକା ପାଏସାରାଃ ହାୟାତେ ଭୁଲ୍ କାମିକେଦାଏ । ଏନ୍‌ଲେକାଗି ଇନ୍‌କୁ ବେଦାକାନାକ ଆତଃ କୋରହ ଲେକା ହାଲାଗୁଲ୍‌ରେକ ଜିୟନଃତାନା ।

୧୨ ଇନ୍‌କୁ ବେଗାର୍ ଗିହୁଃତେ ଆପେଲଃ ଜମ୍ ନୁଁ କେଦ୍‌ତେ ଆପେୟାଃ ଦୁପୁଲାଡ଼୍ ମେନେସା ଜମେୟାଃରେ ମାଇଲ୍‌କାନ୍ ଦାଗ୍‌ଲେକାନ୍‌କ ତାନ୍‌କ । ଇନ୍‌କୁ ଆକଆଃନାଙ୍ଗ୍ ଏସ୍‌କାର୍ ଜାତାନ୍‌ଇଦିୟାକ, ଇନ୍‌କୁ ହୟତେ ଅଟାଙ୍ଗ୍‌ଅଃତାନ୍ ଦାଆଃ ବାନଃ ରିମିଲ୍ ଲେକାନ୍‌କ ତାନ୍‌କ । ଇନ୍‌କୁ ରାବାଙ୍ଗ୍ ସାହାରେ ଜ ବାନଃ ଦାରୁ ଲେକାନ୍‌କ ତାନ୍‌କ, ଆତଃ ରେହେଦ୍‌ସାମେଦ୍ ତୁଦ୍‌କେଦ୍‌ତେ ଗଜାକାନ୍ ଲେକାନ୍‌କ ତାନ୍‌କ ।

୧୩ ଇନ୍‌କୁ ଦରେୟାରାଃ ବରଝାନ୍ ଆଲ୍‌ପୁଙ୍ଗ୍ ଲେକାନ୍‌କ ତାନ୍‌କ, ଆକଆଃ ଗିହୁଗଃ ଲେକାନ୍ କାମିକ ପୁଡ଼୍‌ରିଦ୍ ଲେକା ଚେତାନ୍‌ରେ ନେଲଃତାନା । ଇନ୍‌କୁ ହନର୍‌ବାଡ଼ାତାନ୍ ଇପିଲ୍‌କ ଲେକାନ୍‌କ ତାନ୍‌କ, ପାର୍ମେଶ୍ୱାର୍ ଇନ୍‌କୁନାଙ୍ଗ୍ କୁଲ୍‌କୁଲ୍ ନୁବାର୍‌ରେୟାଃ ଗାଡ଼ା ଜାନାଅ ଜାନାଅ ନାଙ୍ଗ୍ ଦହାକାଦାଏ ।

୧୪ ଆଦାମ୍‌ତାଃଏତେ ସାଡ଼ୁ କିଲିରେନ୍ ହନୋକ୍ ନୁଡୁମ୍ ହଡ଼ ସିଦା ଦିପିଲିଏତେ ନେ ବିଷାଏରେ ଆୟାର୍‌କାଜି କାଜିକାଦ୍ ତାଇକେନା : “ପ୍ରାଭୁ ଆୟାଃ ହାଜାର୍ ହାଜାର୍ ପାବିତାର୍ ଦୁଁଡ଼କଲଃ

୧୫ ସବେନ୍‌କଆଃ ବିଚାର୍ ନାଗେନ୍‌ତେ ହିଜୁଃଆ । କା ଧାର୍‌ମାନ୍ ହଡ଼କ ଏଡ଼କାନ୍ କାମିକାଦ୍ ନାଗେନ୍‌ତେ ଆତଃ ପ୍ରାଭୁଆଃ ବିରୁଧ୍‌ରେ ଏଡ଼କାନ୍ କାଜି କାଜିକାଦ୍ ନାଗେନ୍‌ତେ ଜୀଉରେ ସାଜାଇ ଏମାକଆଏ ।”

୧୬ ନେ ହଡ଼କ ସବେନ୍ ଇମ୍‌ତା କା ସୁକୁଆନ୍ କାଜିକ କାଜିତାନା ଆତଃ ଏଟାଃକକେ ଚିଟାକ ତାନା । ଇନ୍‌କୁ ଆକଆଃ ଏଡ଼କାନ୍ ସାନାଙ୍ଗ୍‌ଲେକାକ ସେସେନ୍‌ତାନା, ଆକଆଃ ମଟାଏତେ ମାପ୍‌ରାଙ୍ଗ୍ କାଜିକ ଅତଙ୍ଗ୍‌ଅଃତାନା ଆତଃ ଇନ୍‌କୁ ଆକଆଃ ବୁଗିନାଃ ନାଗେନ୍‌ତେ ଏଟାଃକଆଃ ମାଇନାନ୍ କାଜିକ କାଜିୟାଃ ।

ଚେତାଝାନ୍ କାଜି ଆତଃ ଇଡୁଆନ୍ କାଜି

୧୭ ହେ ଦୁଲ୍‌ଡ଼୍ ହାଗା ମିଗିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ପ୍ରେରିଡ଼କ ସିଦା ଦିପିଲିରେ କାଜିକାଦ୍‌ତେୟାଃ ପାହାମେପେ,

୧୮ *ଇନ୍‌କୁ ଆପେକେ କାଜିକାଦ୍‌ପେୟାକ, “ତୁଣ୍ଡୁ ଦିପିଲି ହିଜୁଃରେ, ଆକଆଃ ଏଡ଼କାନ୍ ସାନାଙ୍ଗ୍‌ରେ ସେସେନ୍‌ତାନ୍ ହଡ଼କ ହିଜୁଃଆ ଆତଃ ଆପେକେ ଲାନ୍‌ପେୟାକ ।”

୧୯ ଏନ୍ ହଡ଼କଗି ବିନ୍‌ଗାଅତେୟାଃ ଏଚେଦାଃକ । ଇନ୍‌କୁ ଆକଆଃ ହଡ଼ଫରାଃ ଏଡ଼କାନ୍ ସାନାଙ୍ଗ୍‌ତେ ସେସେନାଃକ ଆତଃ ଇନ୍‌କୁରେ ପାର୍ମେଶ୍ୱାର୍‌ଆଃ ଆମ୍‌ା ବାନଃଆ ।

୨୦ ମେନ୍‌ଦ ହେ ଦୁଲ୍‌ଡ଼କ, ଆପେ ପାବିତାର୍ ଧାରାମ୍ ବିଶ୍ୱାସ୍‌ରେ ଆପେୟାଃ ଜୀଝାନ୍‌କେ ବାଇକାତେପେ, ଆତଃ ପାବିତାର୍ ଆମ୍‌ାରାଃ ପେଡ଼େଃତେ ବିକ୍ରିପେ ।

୨୧ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଲିରୁଇତେ ଜାନାଅ ଜୀଦାନ୍ ନାମେ ନାଙ୍ଗ୍ ତାଙ୍ଗିତାନ୍‌ଲଃ ପାର୍ମେଶ୍ୱାର୍‌ଆଃ ଦୁଲ୍‌ଡ଼୍‌ରେ ତାଇକାନ୍‌ପେ ।

୨୨ ଆଡ଼ାଃଉଡ଼ୁଗଃ ତାନ୍ ହଡ଼କଆଃ ମନ୍‌ରେ ଲିନିବୁଇ ଉଦୁବକପେ;

୨୩ ଏଟାଃକକେ ସେଙ୍ଗେଲ୍‌ହେତେ ଆଇଜ୍ ଅତଙ୍ଗ୍‌କତାନ୍ ଲେକା ବାଞ୍ଚାଅକପେ, ଆତଃ ଚିମିନ୍ ହଡ଼କଆଃ ପାପ୍‌ତେ ହୁମୁଆକାନ୍ ତୁସିଙ୍ଗ୍ ଲିଜାଃକେହ ହିଲାଙ୍ଗ୍‌ୟେପେ, ମେନ୍‌ଦ ବରତାନ୍‌ଲଃ ଇନ୍‌କୁକେ ଲିବୁଇକପେ ।

ଧାନ୍ୟାବାଦରାଃ ବିକ୍ରି

୨୪ ଅକଏଚି ଆପେକେ ଗୁହ୍ଲାଏତେ ବାଚାଅ ଦାଡ଼ିୟାଏ, ଆତଃ ଆୟାଃ ମାନାରାଙ୍ଗ୍‌ରେୟାଃ ଆୟାର୍‌ରେ ବେଗାର୍ ଚିଟାକାନ୍ ଆତଃ ପୁରାଃ ରାସ୍‌କାତେ ଆଉ ଦାଡ଼ିୟାଏ,

୨୫ ଏନ୍ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆବୁଆଃ ମିଆଁଦଗି ଜୀଉବାଞ୍ଚାଅନିଃ ପାର୍ମେଶ୍ୱାର୍‌ଆଃ ମାନାରାଙ୍ଗ୍, ମାଇନାନ୍, ପୁରାଃ ପେଡ଼େଃ, ଆତଃ ଆକ୍‌ତେୟାର୍, ସବେନ୍ ଯୁଗ୍‌ହେତେ ସିଦା, ନାହାଁଃ ଆତଃ ଜାନାଅ ଜାନାଅଗି ଆୟାଃ ହବାଅଃକା ! ଆମେନ୍ ।

* e:୯ ଉନ୍ନୁଦୁବ୍ କାଜି ୧୨:୭. * e:୧୮ ୨ ପାଡ଼ରାସ୍ ୩:୩.

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଯୋହାନ୍‌ଆଃ ନାଗେନ୍ତେ ଉତ୍କଳ କାଜି ପାରିଚାଏ

ଯୋହାନ୍‌ଆଃ ଉତ୍କଳ କାଜି ନାମ୍ନା ନିୟାମ୍‌ରେୟାଃ ଚୁଣ୍ଡ ପୁଅ ତାନାଃ । ନେ ପୁଅ ଯୀଶୁଆଃ ଜାନାମ୍‌ରେୟାଃ ୯୫ ଦିପିଲିକରେ ଯୋହାନ୍‌ଆଃ ହରାତେ ଅଲ୍‌କାନ୍ ତାଇକେନା, ୧:୧ । ଇନିଃ ଯୋହାନ୍ ସୁକ୍ଳକାଜିଲିଃ ଆତଃ ଆପିୟା ଚିଟାଉ ହରି ଅଲ୍‌କାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ । ନେ ଯୋହାନ୍‌କେ ଯୀଶୁ ପୁରାଃଗି ଦୁଲ୍‌ତ ତାଇକେନା ମେନ୍ତେ ସାରିୟାଃ ତାଇକେନା, ଯୋହାନ୍ ୧୩:୨୩ । ଯୋହାନ୍ ଆଇସ୍‌ଲ୍ୟାଣ୍ଟ୍‌ରେୟାଃ ପାଡ଼ମସ୍ ଟାପୁରେ ତାଇକେନ୍ ଇମ୍‌ତା, ନେ ଉତ୍କଳ କାଜିକେ ଅଲ୍‌କାଦ୍ ତାଇକେନା । ଚିୟାଃଚି ଯୀଶୁ ଖ୍ରୀଷ୍ଟ୍‌ଆଃ ସୁକ୍ଳକାଜି ଉତ୍କଳ ନାଗେନ୍ତେ ଏନ୍ତାଃତେ ଇନିଃକେ କୁଲ୍‌କାନ୍ ତାଇକେନା, ୧:୯ ।

ଯୀଶୁଆଃ ହିନିଜୁଃ ଦିପିଲି ସେଟେର୍ ତାଇକେନ୍ ହରାତେ, ଯୀଶୁ ଖ୍ରୀଷ୍ଟ୍‌ତାଃରେ ପାତିୟାର୍‌ରଃ ଲେକା ତାଇନଃ ନାଗେନ୍ତେ ନେ ପୁଅକେ ପାଢ଼ାଅ ହଡ଼କକେ ଜୀଉରେ କେଟେଦ୍ ଆତଃ ଆସ୍ତା ଏମ୍ ନାଗେନ୍ତେ ଯୋହାନ୍ ନେ ଚିଟାଉ ଅଲ୍‌କାଦାଏ, ୧:୩:୨୨:୭ । ଇନିଃ ସବେନ୍ ବିଶ୍ୱାସୀକକେ ଆତଃ ବିଶେଷ୍ଟକେଦ୍‌ତେ ଏୟା କାଲିସିୟାକକେ ନେ ଚିଟାଉ ଅଲ୍‌କାଦାଏ, ୨-୩ । ଯୋହାନ୍ ଆୟାଃ ଅନଲ୍‌ରେ ଆୟାଃରକାଜି ୧:୩ ଆତଃ ଆଇଃକ୍ ନେଲ୍‌କାଦ୍ ରାକାମ୍ ରାକାମ୍ ମୁରୁଡ଼ ବିଷାଏରେ ଅଲ୍‌କାଦା । ନେ ପୁଅରେୟାଃ ଚିମିନ୍ ଅନଲ୍‌ତେୟାଃ ମାରି ନିୟାମ୍‌ରେୟାଃ ଅନଲ୍‌ଲଃ ମିଦ୍‌ଗିୟା, ବିଶେଷ୍ଟକେଦ୍‌ତେ ଜାଖ୍‌ରିୟା ୭:୧-୮ ରେ ନାମେ ତାନାବୁ ।

ଏନା ହବାଅଃତାନା ଏୟା ବିଜୁଲ୍‌ବାଜା ଆତଃ ଏୟା ତୁଭାରେୟାଃ ବିଷାଏରେ ଅକଆଃଚି ପାର୍‌ମେଶ୍ୱାର୍ ମିସାରରେନ୍ ହଡ଼କକେ ସାସାତି ଏମ୍ ନାଗେନ୍ତେ ଦୁକ୍ଳହାସୁ କୁଲ୍‌କେଦା ହରାସେନ୍‌ପୁଅ ୭-୯ । ଉତ୍କଳରେୟାଃ ପୁଅ ଚୁଣ୍ଡ ଦିପିଲିକେ ଉଦୁବେ ତାନା । ଯୀଶୁ ଚୁଣ୍ଡରେ ଜିତାଅଃଝା ଆତଃ ଅକ ହଡ଼କ ଆୟାଃତାଃରେ ଆସ୍ତା ଦହେୟାକ, ଇନ୍‌କୁ ଜାନାଅ ଜାନାଅଗି ଆୟାଃଲଃ ତାଇନାଃକ । ନେ ପୁଅ ଆପାନ୍‌କେ ଚେତାଅ ଆତଃ ଆସ୍ତା ଏମ୍ ତାନାଏ ଯେ, ଯୀଶୁ ଜାଲ୍‌ଦିଗି ହିଜୁଃତାନା ।

ପୁଅ ଭିତ୍ତରେ ତାଇକାନ୍ କାଜି

- ୧. ଯୋହାନ୍‌ଆଃ ପାରିଚାଏ ଆତଃ ଆଇଃକ୍ ନେଲ୍‌କାଦ୍ ଆୟାଃରକାଜିରେୟାଃ ଦାର୍‌ଶାନ୍ । ୧:୧-୨୦
- ୨. ଯୀଶୁ ଖ୍ରୀଷ୍ଟ୍‌ସାଃଏତେ ଏୟା କାଲିସିୟା ନାଗେନ୍ତେ ଯୋହାନ୍‌ଆଃ କାନାଜି । ୧:୧-୩:୨୨
- ୩. ଏୟା ମୋହର୍ । ୪:୧-୮:୫
- ୪. ଏୟା ବିଜୁଲ୍‌ବାଜା । ୮:୭-୧୧:୧୯
- ୫. ସାଏତାନ୍‌ଲଃ ହନ୍‌କଆଃ ଲାଡ଼ାଇ । ୧୨:୧-୧୪:୨୦
- ୬. ଖ୍ୱରେୟାଃ ଏୟା ତୁଭା । ୧୫:୧-୧୭:୧-୧୮
- ୭. ପାର୍‌ମେଶ୍ୱାର୍ ସିମ୍‌ ଦିଶୁମ୍‌ରେ ଆୟାଃ ବାଇରି ସାଏତାନ୍‌କେ ହାଃରାଅଇୟା । ୧୭:୧-୨୦:୧୫
- ୮. ନାମ୍ନା ସିମ୍‌ ଦିଶୁମ୍ ଆତଃ ନାମ୍ନା ଅତେଦିଶୁମ୍ । ୨୧:୧-୨୨:୨୧

^୧ ପାର୍‌ମେଶ୍ୱାର୍, ଯୀଶୁ ଖ୍ରୀଷ୍ଟ୍‌ତାଃରେ ଉଦୁବାକାଦ୍ କାଜିକ ନେ ପୁଅରେ ଅଲ୍‌କାନା, ଅକଆଃଚି ହୁଡ଼ିଜ୍ ଦିପିଲିରେଗି ହବାଅଃ ଲାଗାତିକ୍‌ୟାଃ । ଏନ୍ ସବେନାଃ ଆୟାଃ ଦାସିକକେ ଉଦ୍‌ବାକ ନାଜ୍ ଖ୍ରୀଷ୍ଟ୍ ଆୟାଃ ଦାସି ଯୋହାନ୍‌କେ ନେ ସବେନାଃ ସାରିକାଏ ମେନ୍ତେ ମିଆଁଦ୍ ଦୁଡ଼କେ ଇନିଃତାଃତେ କୁଲ୍‌କିୟା ।

^୨ ଆତଃ ଯୋହାନ୍ ଆଇଃକ୍‌ଗି ନେଲ୍‌କାଦ୍‌ତେୟାଃ ସବେନାଃଏ ଉଦୁବ୍‌କେଦା । ନେ ଅନଲ୍‌ରେ ପାର୍‌ମେଶ୍ୱାର୍‌ଆଃ କାନାଜି ଆତଃ ଯୀଶୁ ଖ୍ରୀଷ୍ଟ୍‌ଆଃ ହରାତେ ସାର୍‌ତି କାଜିକ ଉଦୁବାକାନା ।

^୩ ଜେତାଏ ନେ ଚିଟାଉରେ ଅଲ୍‌କାନ୍ କାଜିକ ପାଢ଼ାଅୟାଏ ଆତଃ ଅକନ୍‌କ ଏନାରେ ଅଲ୍‌କାନ୍ ଆୟାଃରକାଜିକେ ଆୟାଃକେଦ୍‌ତେକ ମାନାତିୟେଆ, ଇନ୍‌କୁ ସୁକ୍ଳତାନ୍‌ଗିୟା, ଚିଆଃଚି ଏନ୍ ସବେନାଃ ହବାଅଃରେୟାଃ ନେତା ନାଡ଼େଃଗିୟା ।

ଏୟା କାଲିସିୟାକକେ ଜହାର୍

^୪ *ଯୋହାନ୍ ଏସିଆ ପାର୍‌ଗାନ୍‌ରେ ତାଇନ୍‌ତାନ୍ ଏୟା କାଲିସିୟାକକେ ଆଇଁୟାଃ ଜହାର୍ । ପାର୍‌ମେଶ୍ୱାର୍‌ତାଃଏତେ ଆପେୟାଃ ସାୟାଦ୍ ଆତଃ ଜୀଉସୁକୁ ହବାଅଃକା, ଅକନିଃଚି ମେନାଜିନିଃ, ତାଇକେନ୍‌ନିଃ, ହିଜୁଃନିଃ, ଆତଃ ଆୟାଃ ରାଜ୍‌ଗାଦି ସାମ୍‌ନାଜ୍‌ରେ ତାଇକାନ୍ ଏୟା ଆମ୍‌ତାଃଏତେ,

☆ ୧:୪ ଉତ୍କଳ କାଜି ୪:୫.

୫ ଆଡ଼ ଗନଏକଏତେ ପାହିଲା ଜୀଉ ବିରିଦାକାନନିଃ, ପାତିୟାରରଃ ଲେକାନ ଗାଞ୍ଜା ଆଡ଼ ଅତେଦିଶୁମରେନ୍ ରାଜାକଆଃ ରାଜା ଯୀଶୁ ଶ୍ରୀଷ୍ଟଆଃ ସାୟାଦ୍ ଆଡ଼ ଜୀଉସୁକୁ ଆପେୟାଃ ହବାଅଃକା । ଇନିଃ ଆବୁକେ ଦୁଲାଡ଼୍ ରିକାଃଏ ଆଡ଼ ଆୟାଃ ଦାଣ୍ଠେ ରାକାଦ୍ ଗନଏଃ ହରାତେ ଆବୁକେ ପାପ୍‌ହେତେ ରାଡ଼ାକାଦ୍‌ବୁଆ ।

୬ *ଆଡ଼ ଆୟାଃ ଆପୁ ପାର୍‌ମେଶ୍ୱାର୍‌ଆଃ ସେଞ୍ଜା ନାଗେନ୍ତେ ଇନିଃ ଆବୁକେ ରାଇଜ୍ ରିକାଏ ଲେକା ରାଜାଉଡ଼ି କିଲି ଆଡ଼ ମିଆଁଦ୍ ଯାଜାକ୍ ଲେକାଏ ବାଇୟାକାଦ୍‌ବୁଆ । ସବେନ୍ ମାନାରାଇଜ୍ ଆଡ଼ ପେଡ଼େଃ ଜାନାଅ ଜାନାଅ ଜାକେଦ୍ ଯୀଶୁ ଶ୍ରୀଷ୍ଟଆଃ ହବାଅଃକା ! ଆମେନ୍ ।

୭ *ନେଲେପେ, ଇନିଃ ରିମିଲ୍‌ରେ ହିଜୁଃତାନା, ଅତେଦିଶୁମରେନ୍ ସବେନ୍ ହଡ଼କ ଇନିଃକେ ନେଲିୟାକ, ଆଡ଼ ଅକନକ ଆଇଃକ୍‌କେ କିଲାକାଇ ତାଇକେନାକ ଇନ୍‌କୁ ହଗି ଇନିଃକେ ନେଲ୍‌କେଦ୍‌ତେ ବରଞ୍ଜାଇତାନଲଃ ଏୟମେୟାକ । ନେ ସବେନାଃ ସାର୍‌ତିଗି ହବାଅଆଃ ! ଆମେନ୍ ।

୮ *ପେଡ଼େୟାନ୍ ପ୍ରାଭୁ ପାର୍‌ମେଶ୍ୱାର୍ କାଜିତାନାଏ, “ଆଇଙ୍ଗ୍‌ଗି ଏନେଟେଦ୍ ଆଡ଼ ଟୁଣ୍ଡୁ ତାନିଙ୍ଗ୍,” ସିଦାରେ ତାଇକେନାଇଙ୍ଗ୍, ନାହାଁଃ ମେନାଇୟା ଆଡ଼ ହିଜୁଃ ଦିପିଲିରେଇଙ୍ଗ୍ ହିଜୁଃଆ ।

ୟୀଶୁ ଶ୍ରୀଷ୍ଟଆଃ ଉଦୁବେନ୍

୯ ଆଇଙ୍ଗ୍ ଯୋହାନ୍, ଆପେୟାଃ ହାଗା, ଆଡ଼ ଯୀଶୁଆଃ ଅତଙ୍ଗନିଃ ହବାୟାନ୍ତେ ଆୟାଃ ରାଇଜ୍‌ରେୟାଃ ହଡ଼କ ଚେତାନରେ ହବାଅଃତାନ ଦୁକୁହାସୁକେ ଧିରାଜ୍ ସାବକେଦ୍‌ତେ ସାହାତିଙ୍ଗ୍ ନାଗେନ୍ତେ ଆଇଙ୍ଗ୍ ଆପେୟାଃ ମିଆଁଦ୍ ହିସାଦାର ତାନିଙ୍ଗ୍ । ଯୀଶୁ ଉଦୁବୁକାଦ୍ ସାନାର୍‌ତି ଆଡ଼ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବକେଦ୍ ହରାତେ ଆଇଙ୍ଗ୍ ପାଡ଼ମସ୍ ଟାପୁଡେଇଙ୍ଗ୍ କୁଲିକାନି ତାଇକେନା ।

୧୦ ପ୍ରାଭୁଆଃ ହୁଲାଙ୍ଗ୍‌ରେ ପାବିତାର୍ ଆମ୍ବା ଆଇଙ୍ଗ୍‌କେ ଆବ୍‌ରାଅକେଦିୟା, ଆଡ଼ ଆଇଁୟାଃ ତାୟମ୍‌ସାଃରେ ବିଙ୍ଗ୍‌ଲ୍ ବାଜା ସାଡ଼ିଲେକା ମିଆଁଦ୍ ପୁରାଃଗି ସାଡ଼ିଇଙ୍ଗ୍ ଆୟୁମକେଦା ।

୧୧ ଜେତାଏ ମିହୁଡ୍ ଆଇଙ୍ଗ୍‌କେ କାଜିକେଦିୟା, “ଆମ୍ ନେଲ୍‌ତାନ୍‌ତେୟାଃ ମିଆଁଦ୍ ପୁଥ୍‌ରେ ଅଲ୍‌କେଦ୍‌ତେ ଦହେମେ ଆଡ଼ ଏଫ୍‌ସୁସ୍, ସ୍ପର୍ଶା, ପାର୍‌ଗାମ୍, ଥୁୟତିରା, ସାଦ୍‌ସ୍, ଫିଲାଦେଲ୍‌ଫିୟା, ଆଡ଼ ଲାଉଦିକିଆ, ନେ ଏୟା କାଲିସିୟାତାଃରେ ନେ ପୁଥ୍‌କେ କୁଲ୍‌ତାମେ ।”

୧୨ ଅକଏ ଆଇଁୟାଃଲଃ ଜାଗାର୍‌ତାନାଏ, ନେଆଁ ନେଲ୍ ନାଗେନ୍ତେଇଙ୍ଗ୍ ହେତାରୁହାଡ଼କେଦା ଆଡ଼ ଏୟା ସୋନାରାଃ ଦିଆ ମାଣ୍ଡାଅତେୟାଃ,

୧୩ ଆଡ଼ ଏନ୍ ଦିଆ ମାଣ୍ଡାଅତେୟାଃରାଃ ଆଲାରେ ମାନଞ୍ଜାହନ୍‌ଲେକା ମିହୁଡ଼କେଇଙ୍ଗ୍ ନେଲ୍‌କିୟା । ଆୟାଃ କାଟା ଜାକେଦ୍ ଜିଲିଙ୍ଗ୍ ଲିଜାଃ ତୁସିଙ୍ଗ୍‌ୟାକାନ୍ ଆଡ଼ ଆୟାଃ କୁଡ଼ାମ୍‌ରେ ସୋନାରାଃ କାସ୍‌ନାତେ ତଲ୍‌ବିହୁରାକାନ୍ ତାଇକେନା ।

୧୪ ଇନିୟାଃ ବହଃରାଃ ଉଦ୍, କପା ଟାଏ ବାରାଫ୍ ଲେକା ପୁଣ୍ଡିଗି ତାଇକେନା ଆଡ଼ ଆୟାଃ ମେଦ୍ ସେଙ୍ଗେଲ୍ ଲେକା ଜୁଲଃତାଇକେନା ।

୧୫ ଇନିୟାଃ କାଟା ସେଙ୍ଗେଲ୍ ଭାଗିରେ ଫାର୍‌ତିକେଦ୍‌ତେ ଚାମ୍‌କାଅଃତାନ ପିତାଲ୍ ଲେକା ଝାଲ୍‌ସାଃଅ ତାଇକେନା ଆଡ଼ ଆୟାଃ ସାଡ଼ି ଲିଙ୍ଗ୍‌ୟାଃତାନ ଦାଆଃରାଃ ସାଡ଼ି ଲେକା ଆୟୁମଃ ତାଇକେନା ।

୧୬ ଇନିଃ ଆୟାଃ ଜମ୍‌ତିସାଃରେ ଏୟା ଇପିଲ୍‌କକେ ସାବାକାଦ୍‌କ ତାଇକେନାଏ, ଆଡ଼ ଆୟାଃ ମଟାଏତେ ବାରାନ୍‌ସାଃ ଲେସେରାକାନ୍ ତାରାଉଡ଼ି ଅଡ଼ଙ୍ଗ୍‌ଆଃ ତାଇକେନା, ଆଡ଼ ଆୟାଃ ମେଦ୍‌ମୁହାଁଡ଼୍ ଡିକିନ୍ ସିଙ୍ଗି ଲେକା ଜୁଲଃ ତାଇକେନା ।

୧୭ *ଆଇଙ୍ଗ୍ ଇନିଃକେ ନେଲ୍‌ଲଃଗି ଇନିୟାଃ କାଟା ସୁବାରେ ଗଜାକାନିଃ ଲେକାଈଙ୍ଗ୍ ଉୟୁଃୟାନା । ଇନିଃ ଆଇଁୟାଃ ଚେତାନରେ ଆୟାଃ ଜମ୍‌ତିଃଇ ଦହକେଦ୍‌ତେ କାଜିକେଦା, “ଆଲମ୍ ବରଏୟା ! ଆଇଙ୍ଗ୍‌ଦ୍ ଏନେଟେଦ୍ ଆଡ଼ ଟୁଣ୍ଡୁ ତାନିଙ୍ଗ୍ ।

୧୮ ଆଇଙ୍ଗ୍‌ଗି ଜାନିଦ୍‌ନିଃ ତାନିଙ୍ଗ୍, ଆଇଙ୍ଗ୍ ଗଜାକାନ୍ ତାଇକେନାଇଙ୍ଗ୍, ମେନ୍‌ଦ୍ ନାହାଁଃ ଆଇଙ୍ଗ୍ ଜାନାଅ ଜାନାଅ ଜାନିଦ୍‌ଗି ତାଇନାଇଙ୍ଗ୍ । ଗନଏଃ ଆଡ଼ ହୁଆଙ୍ଗ୍‌ଗାଡ଼ା ଚେତାନରେ ଆଇଁୟାଃ ଆକ୍‌ତେୟାର୍ ମେନାଃ ।

୧୯ ଏନାମେନ୍ତେ, ଆମ୍ ନେଲ୍‌କାଦ୍‌ତେୟାଃ, ନାହାଁଃ ହବାଅଃତାନ୍‌ତେୟାଃ, ଆଡ଼ ତାୟମ୍‌ତେ ହବାଅଃତେୟାଃ ଅଲ୍‌କେଦ୍‌ତେ ଦହେମେ ।

୨୦ ଆଇଁୟାଃ ଜମ୍‌ତିଃଇରେ ମେନାକ ଏୟା ଇପିଲ୍‌କ ଆଡ଼ ଏୟା ସୋନାରାଃ ଦିଆ ମାଣ୍ଡାଅତେୟାଃରାଃ ମୁଣ୍ଡି ହବାଅଃ ତାନା, ଏନ୍ ଏୟା ଇପିଲ୍‌କ ମେନ୍‌ଲେରେ ଏୟା କାଲିସିୟାରେନ୍ ଦୁଡ଼କ ତାନକ ଆଡ଼ ଏୟା ଦିଆ ମେନ୍‌ଲେରେ ଏୟା କାଲିସିୟା ତାନାଃ ।

୨

ଏଫ୍‌ସୁସ୍ କାଲିସିୟା ନାଗେନ୍ତେ କାନାଜି

* ୧:୬ ଉତ୍କଳ କାଜି ୫:୧୦. * ୧:୭ ମାଥୁର ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ଥେସ୍‌ଲନିକା ୪:୧୭; ଯୋହାନ୍ ୧୯:୩୪, ୩୭; ମାଥୁର ୨୪:୩୦. * ୧:୮ ଉତ୍କଳ କାଜି ୨୨:୧୩. * ୧:୧୭ ଉତ୍କଳ କାଜି ୨:୮; ୨୨:୧୩.

୧ “ଏତିସ୍ତୁସ୍ କାଲିସିୟାରେନ୍ ଦୁର୍ଭତାଃତେ ଅଲେମେ, ଜେତାଏ ଆୟାଃ ଜମ୍ ତିଃଇରେ ଏୟା ଇପିଲ୍ ଆତଃ ଏୟା ସୋନାରେୟାଃ ଦିଆ ଆଲାରେ ହିନ୍ଦୁଃସେନଃ ରିକାଃଏ, ଇନିଃ ନେଆଁ କାଜିତାନାଏ,

୨ ଆଇଙ୍ଗ୍ ଆମାଃ କାଜିକାମିକ, କେଟେଦ୍ କାମିକ, ଆତଃ ଧିରାଜ୍ଜେଇଙ୍ଗ୍ ସାରିତାନା । ଆମ୍ ଏଡକାନ୍ କାମିତାନ୍କକେ କାମ୍ ସାହାତିଙ୍ଗ୍ ଦାଡ଼ିୟା, ଏନାହ୍ ଆଇଙ୍ଗ୍ ସାରିତାନାଇଙ୍ଗ୍ । ଅକ ହଡକ, ଆପାନ୍କେ ପ୍ରେରିଡ୍ ମେଡ୍ରେକ କାଜିନ୍ତାନା, ମେନ୍ଦ୍ ସାର୍ତିରେ ଇନ୍କୁ ପ୍ରେରିଡ୍ ନାହାଁଲାକ, ଇନ୍କୁକେ ବିଡାଅକେଦ୍ତେ ହସଡତାନ୍କ ମେଡ୍ରେମ୍ ଆଟ୍କାଟ୍କାଦକଆ ।

୩ ଆମ୍ ଧିରାଜ୍ ସାବାକାଦ୍ ହଡ୍ ତାନ୍ମେ । ଆଇଁୟାଃ ନୁଡୁମ୍ ନାଗେଡ୍ରେ ଆମ୍ ଦୁକୁ ସାହାତିଙ୍ଗ୍କେଦ୍ରେୟ କାମ୍ ଲାଗାୟାନା ।

୪ ଏନ୍ରେୟ ଆମାଃ ବିରୁଧ୍ରେ ଆଇଁୟାଃ କାଜି ମେନାଃ, ଆମ୍ ସିଦାରେ ଚିଲ୍କା ଦୁଲାଡ୍ ତାଇକେନାମ୍, ଏନ୍ଲେକା ଆମ୍ ନାହାଁଃ କାମ୍ ଦୁଲାଡ୍ ତାନା ।

୫ ଆମ୍ ଅକ୍ତାଃଏତେମ୍ ଉୟୁଗାକାନା, ଏନା ପାହାମେମେ, ଆମାଃ ପାପ୍ତହେତେ ମନ୍ରୁହାଡ୍ରେମେ ଆତଃ ସିଦା ଲେକା ବୁଗିନ୍ କାମିକ କାମିମେ । ପାପ୍ତହେତେ ମନ୍ କାମ୍ ରୁହାଡ୍ରେରେଦ୍, ଆଇଙ୍ଗ୍ ଆମାଃତାଃତେ ହିନ୍ଦୁଃକେଦ୍ତେ ଆମାଃ ଦିଆ ଦହତେୟାଃକେଇଙ୍ଗ୍ ଆତମେୟାଁ ।

୬ ମେନ୍ଦ୍ ମିଆଁଦ୍ ବୁଗିନ୍ କାଜି ଆମାଃତାଃତେ ମେନାଃ, ଏନା ହବାଅଃତାନା, ଆଇଙ୍ଗ୍ ନିକଲାତୀୟକଆଃ ସବେନ୍ କାଜିକାମିକଇଙ୍ଗ୍ ହିଲାଇଙ୍ଗ୍ୟେତାନ୍ ଲେକା ଆମ୍ ହଗିମ୍ ହିଲାଇଙ୍ଗ୍ୟେତାନ୍ ।

୭*“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଡ୍ରେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକ ହଡକ ଜିତାଅଃଃକ, ଆଇଙ୍ଗ୍ ଇନ୍କୁକେ ପାର୍ମେଶ୍ୱାର୍ଆଃ ପାରାଦେସ୍ରେୟାଃ ବାଗାଇତାରେ ଜ'ଅଃତାନ୍ ଜୀଦାନ୍ ଦାରୁରାଃ ଜ ଜମେନାଙ୍ ଆକ୍ତେୟାର୍ ଏମାୟାଈଙ୍ଗ୍ ।

ସ୍ପୁର୍ଣ୍ଣା କାଲିସିୟା ନାଗେଡ୍ରେ କାନାଜି

୮*“ସ୍ପୁର୍ଣ୍ଣା କାଲିସିୟାରେନ୍ ଦୁର୍ଭତାଃତେ ଅଲେମେ, ଅକଏ ପାହିଲା ଆତଃ ଚୁଣ୍ଡୁ ତାନିଃ, ଗଏଃକେଦ୍ତେ ଆତଃମିସା ଜୀଉବିରିଦ୍ୟାନାଏ, ଇନିଃ ନେଆଁ କାଜିତାନାଏ,

୯ ଆଇଙ୍ଗ୍ ଆମାଃ ସବେନ୍ ନାରାଦୁରା ଆତଃ ଗାରିବ୍ତେୟାଃକଇଙ୍ଗ୍ ସାରିତାନା, ମେନ୍ଦ୍ ସାର୍ତି କାଜିଲେରେ ଆମ୍ କିସାଁଣ୍ ତାନ୍ମେ । ଅକ ହଡକ ଆପାନ୍କେ ଯିହୁଦୀ ମେଡ୍ରେକ କାଜିନ୍ତାନା, ଇନ୍କୁ ଯିହୁଦୀ ନାହାଁଲାକ ମେନ୍ଦ୍ ସାଏତାନ୍ରାଃ ଡୁଣ୍ଡୁରେନ୍ ତାନ୍କ, ଇନ୍କୁଆଃ ନିୟା କାଜିକଇଙ୍ଗ୍ ସାରିତାନା ।

୧୦ ଆମ୍ ଅକ ଦୁକୁହାସୁ ନାମେ ନାଗେଡ୍ରେମ୍ ସେନ୍ତାନା, ଏନା ନାଗେଡ୍ରେ ଆଲମ୍ ବରଏୟା । ଆୟୁମେମେ, ସାଏତାନ୍ ଆମାଃଏତେ ଚିମିନ୍ ହଡକକେ ଜେହେଲ୍ ଇଦିକେଦ୍ତେ ବିଡାଅକଆ । ମେନ୍ଦ୍ ଆମାଃ ନେ ନାରାଦୁରା ଗେଲେୟା ହୁଲାଙ୍ଗ୍ ଜାକେଦ୍ ହବାଅଃଆ । ନେଆଁରେ ଗନ୍ଏଃରାଃ ବର ତାଇନ୍ରେୟ ଆମ୍ ଆଇଁୟାଃ ନାଙ୍ ପାତିୟାର୍ରେଃ ଲେକାମ୍ ତାଇନଃ ରେଦ୍, ଆଇଙ୍ଗ୍ ଆମ୍କେ ଜୀଦାନ୍ରେୟାଃ ମୁକୁର୍ ଏମାମେୟାଈଙ୍ଗ୍ ।

୧୧*“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଡ୍ରେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକନ୍କ ଜିତାଅଃଃକ, ଇନ୍କୁଆଃ ବାର୍ସା ଗନ୍ଏଃ ହବାଅଃରେୟ ଜେଡ୍ନାଃ କା ହାନିୟଃଆ ।

ପାର୍ଗାମ୍ କାଲିସିୟା ନାଗେଡ୍ରେ କାନାଜି

୧୨ “ପାର୍ଗାମ୍ କାଲିସିୟାରେନ୍ ଦୁର୍ଭତାଃତେ ଅଲେମେ, ଅକଏତାଃରେ ବାରାନ୍ସାଃ ଲେସେରାକାନ୍ ତାରାଉଡ଼ି ମେନାଃ, ଇନିଃ ନେଆଁ କାଜିତାନାଏ,

୧୩ ଆଇଙ୍ଗ୍ ସାରିତାନାଇଙ୍ଗ୍, ଆମ୍ ସାଏତାନ୍ରାଃ ରାଜ୍ଗାଦି ଆୟାର୍ରେମ୍ ତାଇନଃତାନା । ଏନ୍ରେୟ ଆମ୍ ଆଇଁୟାଃ ନୁଡୁମ୍କେ କେଟେୟାନ୍ଗି ସାବାକାଦାମ୍, ଆତଃ ଆମ୍ ଆଇଁୟାଃ ନାଗେଡ୍ରେ ପାତିୟାର୍ରେଃ ଲେକାନ୍ନିଃ ତାନ୍ମେ । ଆତଃ ଚିମ୍ତା ସାଏତାନ୍ରାଃ ତାଇନଃ ଠାୟାଦ୍ତାଃରେ ଆଇଁୟାଃ ମିଆଁଦ୍ ପାତିୟାର୍ରେଃ ଲେକାନ୍ ଗାଃଏମ୍ନିଃ ଆଡ୍ଡିପାକେ ଗଏଃକିୟାକ, ଇମ୍ତାହଗି ଆମ୍ ଆମାଃ ବିଶ୍ୱାସ୍ କାମ୍ ବାଗିକେଦା ।

୧୪ ମେନ୍ଦ୍ ଆଇଁୟାଃ, ଆମାଃ ବିରୁଧ୍ରେ ଚିମିନ୍ କାଜିକ ମେନାଃ । ଏନ୍ତାଃରେ ଆମାଃଲଃ ତାଇନ୍ତାନ୍ ଚିମିନ୍ ହଡକ ବାଲାମ୍ଆଃ ଇନିଡୁକେ ଅତଙ୍ଗ୍ତାନାକ । ମୁରୁଡ୍ତାଃରେ ଦାନ୍ ରାକାବାକାନ୍ ଜମେୟାଈକେ ଜମ୍ନାଙ୍ ଆତଃ ଆପାଙ୍ଗ୍ କାମିକ ରିକା ନାଗେଡ୍ରେ ଇସ୍ତାଏଲ୍ ହଡକକେ ଆରୁକ ନାଙ୍, ବାଲାମ୍, ବାଲାକ୍କେ ଇଡୁକାଇ ତାଇକେନା ।

୧୫ ଏନ୍ଲେକାଗି ନିକଲାତୀୟ ହଡକଆଃ ଇନିଡୁକେ ଅତଙ୍ଗ୍ତାନ୍ ଚିମିନ୍ ହଡକ ଆମାଃ ଆଲାରେ ମେନାକଆ ।

୧୬ ଏନାତେ ଆମ୍ ପାପ୍ତହେତେ ମନ୍ରୁହାଡ୍ରେମେ, କା'ରେଦ୍ ଆଇଙ୍ଗ୍ ଜାଲ୍ଦିଗି ଆମାଃତାଃତେ ହିନ୍ଦୁଃକେଦ୍ତେ ଆଇଁୟାଃ ମତାଏତେ ଅତଙ୍ଗ୍ଅଃତାନ୍ ତାରାଉଡ଼ିଲଃ ଇନ୍କୁଆଃ ବିରୁଧ୍ରେଇଙ୍ଗ୍ ଲାଡାୟା ।

☆ ୨:୭ ଉତ୍କଳ କାଜି ୨୨:୨. ☆ ୨:୮ ଉତ୍କଳ କାଜି ୧:୧୭; ୨୨:୧୩. ☆ ୨:୧୧ ଉତ୍କଳ କାଜି ୨୦:୧୪; ୨୧:୮.

୧୭ “ପାବିତାର ଆତ୍ମା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର ମେନାଃନିଃ ଆୟୁମେକାଏ । ଅକ ହଡକ ଜିତାଅଝାଃକ, ଆଇଙ୍ଗ ଇନ୍କୁକେ ଉକୁଆକାନ୍ ମାନ୍ନା ଏମାକଆଇଙ୍ଗ, ଇନ୍କୁଏତେ ମିପିଆଦ୍ ହଡକକେ ନାଝା ନୁତୁମ୍ ଅଲ୍ଲାନାନ୍ ମିଆଦ୍ ପୁଣ୍ଡି ଦିରି ଏମାକଆଇଙ୍ଗ । ଏନ୍ ନାଝା ନୁତୁମ୍ ଚିନାଃ ତାନାଃ, ଏନା ଏନ୍ ଦିରିକେ ନାମେ ହଡ ବାଗିକେଦ୍ତେ ଏଟାଃ ଜେତା ହଡ କାକ ସାରି ଦାଡ଼ିୟା ।

ଥୁୟତିରା କାଲିସିୟା ନାଗେନ୍ତେ କାନାଜି

୧୮ “ଥୁୟତିରା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏୟାଃ ମେଦ୍ ଜୁଲଃତାନ୍ ସେଙ୍ଗେଲ୍ ଲେକା ଆତଃ ଆୟାଃ ବାରାନ୍ କାଟା ଚାମ୍‌କାଅଃତାନ୍ ପିତାଲ୍ ଲେକା ନେଲଃତାନା, ଏନ୍ ପାର୍‌ମେଶ୍‌ଆଃ ହନ୍, ନେଆଁଏ କାଜିତାନା,

୧୯ ଆଇଙ୍ଗ ଆମାଃ କାଜିକାମିକଇଙ୍ଗ ସାରିତାନା । ଆମାଃ ଦୁଲ୍‌ତ, ବିଶ୍ୱାସ୍, ସୁସାର୍, ଆତଃ ଧୁରାଜ୍ ଜୀଝାନ୍ ସାରିତାନାଇଙ୍ଗ । ନାହାଁଃ ଆମ୍ କାମିତାନୁତେୟାଃ, ସିଦାମ୍ କାମି ତାଇକେନ୍‌ତାଃଏତେ ଆଦ୍‌କାମ୍ କାମିତାନା ।

୨୦ ମେନ୍‌ଦ ଆମାଃ ବିରୁଧରେ ଆଇଁୟାଃ ମିଆଦ୍ କାଜି ମେନାଃ, ଏନା ହବାଅଃତାନା, କୁଡ଼ିନାବୀ ତାନିଙ୍ଗ୍ ମେନ୍ତେ ଆପାନ୍‌କେ କାଜିନ୍‌ତାନ୍ ଯିଜେବଲ୍ ନୁତୁମ୍ କୁଡ଼ିକେ ଆମ୍ ଆସ୍ତା ଏମାକାଇଙ୍ଗାମ୍ । ଇନିଃ ଆଇଁୟାଃ ଦାସିକକେ ଆପାଙ୍ଗିର୍ କାମିକ ରିକା ନାଗେନ୍ତେ ଆତଃ ମୁରୁଡକତାଃରେ ଦାନ୍ ରାକାବାକାନ୍ ଜଜମାଃକ ଜମେ ନାଗେନ୍ତେ ଇନ୍କୁକେ ଇତୁତାନ୍‌ଲଃ ଏଟାଃ ହରାତେ ସୁତୁଃଇଦିକତାନା ।

୨୧ ଏନାମେନ୍ତେ ଇନିଃକେ ପାପ୍‌ହେତେ ମନ୍‌ରୁହାଡ୍‌ନାଙ୍ଗ୍ ନେତା ଏମାକାନା, ମେନ୍‌ଦ ଇନିଃ ଆୟାଃ ଆପାଙ୍ଗିର୍ କାମିକେ ବାଗି ନାଗେନ୍ତେ କାଏ ସାନାଙ୍ଗ୍‌ତାନା ।

୨୨ ଏନାତେ ଆଇଙ୍ଗ ଇନିଃକେ ଆତଃ ଇନିଃଲଃ ଆପାଙ୍ଗିର୍ କାମିତାନ୍ ସବେନ୍‌କ ଆକଆଃ ଏଡକାନ୍ କାମିଏତେ କାକ ମନ୍‌ରୁହାଡ଼େରେ, ପୁରାଃଗି ବରଝାନ୍ ଦୁକୁରେଇଙ୍ଗ୍ ଉୟୁଃକଆ ।

୨୩ ଆୟାଃ ହନ୍‌କକେ ହଗି ଗଏଃକଆଇଙ୍ଗ୍ । ଏନାରେ ସବେନ୍ କାଲିସିୟାକ ସାରିୟାକ ଯେ, ଆଇଙ୍ଗ୍ ମନ୍‌ସୁରୁଦ୍ ସାରିନିଃ, ମାନଝାରାଃ ସବେନ୍ ଉଡ଼ୁ ଆତଃ ଇଛାସାନାଙ୍ଗ୍ ସାରିନିଃ ତାନିଙ୍ଗ୍ । ଆପେ ମିପିହୁଡ୍ ରିକାକାଦ୍ କାମି ଲେକାଗି ଆଇଙ୍ଗ୍ ଏମ୍ ରୁହାଡ଼ପେୟାଇଙ୍ଗ୍ ।

୨୪ “ମେନ୍‌ଦ ଥୁୟତିରାରେ ଆପେକଏତେ ଅକନ୍ ହଡକ ନେ ହସଡ ଇନିତୁ କାପେ ଅତଙ୍ଗକାଦା ଆତଃ ଅକ୍‌ନାଃକେ ସାଏତାନ୍‌ରାଃ ଇକିର୍ ଇନିତୁ ମେନ୍ତେ କାଜିୟାଃକ, ଏନାକେ କାପେ ଇତୁକାନା, ଇନ୍କୁକେ ଆଇଙ୍ଗ୍ କାଜିକତାନାଇଙ୍ଗ୍, ଆଇଙ୍ଗ୍ ଆପେ ଚେତାନ୍‌ରେ ଆତଃ ଜେତାନ୍ ବାହାରମ୍ କାଇଙ୍ଗ୍ ଲାଦିପେୟା ।

୨୫ ଆପେତାଃରେ ଅକ୍‌ନାଃ ମେନାଃ, ଏନା ଏସ୍‌କାର୍ ଆଇଁୟାଃ ହିଜୁଃ ଜାକେଦ୍ ପୁରାଃ କେଟେଦ୍‌ୟାନ୍‌ଗି ସାବ୍‌କେଦ୍‌ତେ ଦହକାପେ ।

୨୬ ଅକ ହଡକ ଜିତାଅଝାଃକ, ଆତଃ ଟୁଣ୍ଡୁ ଜାକେଦ୍ ଆଇଁୟାଃ ଇଛାସାନାଙ୍ଗ୍ ଲେକାତେ କାମିୟାକ, ଆଇଙ୍ଗ୍ ଆପୁତାଃଏତେ ଅକ ଆକ୍‌ତେୟାର୍ ନାମାକାଦାଇଙ୍ଗ୍, ଏନା ଇନ୍କୁକେଇଙ୍ଗ୍ ଏମାକଆ ।

୨୭ ଅତେଦିଶୁମ୍‌ରେୟାଃ ଏଟାଃ ଏଟାଃ କିଲିରେନ୍ ହଡକକେ ମେଡେଦ୍ ସଟାତେ ସାଜାଇ ଏମାକ ନାଗେନ୍ତେ ଆତଃ ହାସାରାଃ ଚାଟୁ ଲେକା ମିଦ୍ ବାର୍ ହିସା ରାପୁଦଃ ନାଙ୍ଗ୍, ଆଇଙ୍ଗ୍ ଇନ୍କୁକେ ଆକ୍‌ତେୟାର୍ ଏମାକଆଇଙ୍ଗ୍ ।

୨୮ ଆଇଙ୍ଗ୍ ଇନ୍କୁକେ ଆଙ୍ଗ୍‌ଅଃ ଇପିଲ୍ ହଗି ଏମାକଆଇଙ୍ଗ୍ ।

୨୯ “ପାବିତାର ଆତ୍ମା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର ମେନାଃନିଃ ଆୟୁମେକାଏ ।

୩

ସାଦର୍‌ସ୍ କାଲିସିୟା ନାଗେନ୍ତେ କାନାଜି

୧ “ସାଦର୍‌ସ୍ କାଲିସିୟାରେନ୍ ଦୁଁଡ଼ତାଃତେ ଅଲେମେ, ପାର୍‌ମେଶ୍‌ଆଃ ଏୟା ଆମ୍ ଆତଃ ଏୟା ଇପିଲ୍ ସାବାକାଦ୍‌ନିଃତାଃଏତେ ନେ କାନାଜି । ଆଇଙ୍ଗ୍ ଆମାଃ କାମିକଇଙ୍ଗ୍ ସାରିତାନା, ଆମ୍ ନୁତୁମ୍‌ତେ ଏସ୍‌କାର୍ ଜାନିଦ୍ ମେନାମେୟା, ମେନ୍‌ଦ ସାର୍‌ତି କାଜିଲେରେ ଗଜାକାନାମ୍ ।

୨ ଏନାମେନ୍ତେ ଏୟନଃମେ ଆତଃ ଆମାଃତାଃରେ ଅକଆଃ ମେନାଃ, ଏନା ପୁରାଃଗି ଜିୟନଃ ସିଦାରେ ଏନାକେ ପକ୍‌ତାଏମେ । ଚିୟାଃଗି ଆଇଙ୍ଗ୍ ସାରିତାନାଇଙ୍ଗ୍, ଆମାଃ କାମିକ ପାର୍‌ମେଶ୍‌ଆଃ ଆୟାର୍‌ରେ ନାହାଁଃ ଜାକେଦ୍ କା ପକ୍‌ତାକାନା ।

୩ *ଆମ୍‌କେ ଅକଆଃ ଇତୁଆକାନ୍ ତାଇକେନା ଆତଃ ଆମ୍ ଅକଆଃ ଆୟୁମାକାଦ୍ ତାଇକେନାମ୍, ଏନାକେ ପାହାମକେଦ୍‌ତେ ମାନାତିୟେମେ ଆତଃ ଆମାଃ ପାପ୍‌ହେତେ ମନ୍‌ରୁହାଡ଼ମେ । ଆମ୍ କାମ୍ ଏୟନଃରେଦ୍, ଆଇଙ୍ଗ୍ ଆମାଃତାଃତେ କୁମ୍‌ତୁକୁ ଲେକାଇଙ୍ଗ୍ ହିଜୁଃଆ । ଅକ ଦିପିଲିରେଇଙ୍ଗ୍ ହିଜୁଃଆ, ଏନା ଆମ୍ କାମ୍ ସାରିଦାଡ଼ିୟା ।

* ୨:୧୭ ଯୋହାନ୍ ୬:୪୮-୫୦. * ୩:୩ ମାଥୁର ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୧୭:୧୫.

୪ ଫେନ୍ଦ ସାଦର୍ ସରେ ଆପେକାଏତେ ଚିମିନ୍ ହଡକ ଏସକାର୍ ଆକଆଃ ଲିଜାଃ ନିରାଲ୍ଲି ଦହକାଦାକ । ଇନ୍କୁ ପୁଣ୍ଡି ଲିଜାଃ ତୁସିଙ୍ଗକେଦତେ ଆଇଁୟାଃଲଃ ହିଜୁଃସେନଃ ରିକାଏୟାକ, ଚିଆଃଚି ଇନ୍କୁ ନେଆଁ ରିକା ଦାଡିକାଦାକ ।

୫ *ଅକ ହଡକ ଜିତାଅଞ୍ଜାଃକ, ଇନ୍କୁ ନେ'ଲେକା ପୁଣ୍ଡି ଲିଜାଃ ତୁସିଙ୍ଗଅଁଃଆକ । ଜୀଦାନ୍ରେୟାଃ ପୁଅକଏତେ ଇନ୍କୁଆଃ ନୁତୁମ୍ ଚିଉଲ୍ଲାହ କା ଜିୟନଃଆ । ଆଇଁୟାଃ ଆପୁ ଆତଃ ଆୟାଃ ଦୁଁଡକଆଃ ଆୟାରରେ ଇନ୍କୁକେ ଆଇଙ୍ଗ, ଆଇଙ୍ଗକେ ଅତଙ୍ଗତାନ୍ ହଡକତାନ୍କ ମେନ୍ତେଇଙ୍ଗ କାଜିୟା ।

୬ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଫିଲାଦେଲ୍ଫିୟା କାଲିସିୟା ନାଗେନ୍ତେ କାନାଜି

୭ “ଫିଲାଦେଲ୍ଫିୟା କାଲିସିୟାରେନ୍ ଦୁଁଡତାଃତେ ଅଲେମେ, ଜେତାଏ ପାବିତାର୍ ଆତଃ ସାର୍ତିନିଃ ତାନିଃ, ଇନିଃତାଃଏତେ ନେ କାନାଜି ଆୟୁମେପେ, ଇନିଃତାଃରେ ଦାଉଦ୍ଆଃ ଚାଡି ମେନାଃ, ଇନିଃ ଅକ ଦୁଆର୍ ନିଜାଃଏ, ଏନାକେ ଜେତାଏ କାକ ହାଣ୍ଡେଦ୍ ଦାଡିୟା ଆତଃ ଇନିଃ ଅକନାଃ ହାଣ୍ଡେଦାଃଏ, ଏନାକେ ଜେତାଏ କାକ ନିଜ୍ ଦାଡିୟା ।

୮ ଆଇଙ୍ଗ ଆମାଃ କାଜି କାମିକଇଙ୍ଗ ସାରିତାନା, ନାହାଁଃ ଜାକେଦ୍ ଆମାଃ କାଟିଃଲେକା ପେଡେଃ ମେନାଃ, ନେଆଁହଗି ସାରିତାନାଇଙ୍ଗ । ଆମ୍ ଆଇଁୟାଃ ଇନିତୁକମ୍ ମାନାତିଙ୍ଗକାଦା ଆତଃ ଆଇଁୟାଃ ନୁତୁମ୍ କାମ୍ ବାରିୟାକାଦା । ଏନାତେ ଆଇଙ୍ଗ ଆମାଃ ଆୟାରରେ ମିଆଁଦ୍ ଦୁଆର୍ ନିଜାକାଦାଇଙ୍ଗ, ଏନାକେ ଜେତାଏ କାକ ହାଣ୍ଡେଦ୍ ଦାଡିୟା ।

୯ ଆୟୁମେମେ, ଅକ ହଡକ ଯିହୁଦୀ ନାହାଁଲାଃକ, ମେନ୍ଦ୍ ବେଦାତେ ଆପାନ୍କେ ଯିହୁଦୀ ମେନ୍ତେକ କାଜିନ୍ତାନା, ନେ'ଲେକାନ୍ ସାଏତାନ୍ରାଃ ଝୁଣ୍ଡରେନ୍ ହଡକକେ ଆଇଙ୍ଗ ଆମାଃ କାଟା ଲାତାରରେଇଙ୍ଗ ଜହାର୍ଇଟିକଆ । ଆତଃ ଆଇଙ୍ଗ ଆମ୍କେ ଦୁଲ୍ଲାଡତାନାଇଙ୍ଗ ମେନ୍ତେ ଇନ୍କୁ ସାରିୟାକ ।

୧୦ ଚିୟାଃଚି ଆମ୍ ଆଇଁୟାଃ କାନାଜି ଧୂରାଜ୍ ସାବ୍କେଦତେମ୍ ମାନାତିଙ୍ଗକାଦା । ଏନାତେ ଅତେଦିଶ୍ଟୁମ୍ରେନ୍ ହଡକକେ ବିଡାଅକ ନାଗେନ୍ତେ ଗଟା ଅତେଦିଶ୍ଟୁମ୍ରେ ସାସାତିରାଃ ବିନିଡାଅ ହିଜୁଃଆ ଇମ୍ତା ଆଇଙ୍ଗ ଆମ୍କେ ଏନାଏତେ ବାଞ୍ଛାଅମେୟାଈଇଙ୍ଗ ।

୧୧ ଆଇଙ୍ଗ ଜାଲ୍ଦିଗିଇଙ୍ଗ ହିଜୁଃଆ, ଆମାଃତାଃରେ ଅକଆଃ ମେନାଃ, ଏନାକେ ବାଞ୍ଛାଅକେଦ୍ତେ ଦହକାମେ, ଜେ'ଲେକାଟି ଆମାଃତାଃଏତେ ଆମାଃ ଜିନିତାଅ ମୁକୁର୍କେ ଜେତାଏ ଆଲକାକ କୁମ୍ପୁତୁକା ।

୧୨ *ଜିତାଅକାନ୍ନିଃକେ, ଆଇଙ୍ଗ ଆଇଁୟାଃ ପାର୍ମେଶ୍ଵାର୍ଆଃ ମାନ୍ଦିର୍ରେ ଖୁଣ୍ଡ ଲେକାଇଙ୍ଗ ବାଇୟା ଆତଃ ଇନିଃ ଚିଉଲ୍ଲାଅ ଏନ୍ତାଃଏତେ କାଏ ସେନଃଆ । ଆଇଙ୍ଗ ଆୟାଃ ଚେତାନ୍ରେ ପାର୍ମେଶ୍ଵାର୍ଆଃ ନୁତୁମ୍ ଅଲେୟାଇଙ୍ଗ । ସିମା ଦିଶ୍ଟୁମ୍ରେନ୍ ଆଇଁୟାଃ ପାର୍ମେଶ୍ଵାର୍ତାଃଏତେ ହିଜୁଃତାନ୍ ପାର୍ମେଶ୍ଵାର୍ଆଃ ନାଗାରରେୟାଃ ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଇଙ୍ଗ । ଏନ୍ ନାଗାରରେୟାଃ ନୁତୁମ୍ ନାଞ୍ଜା ଯାରୁଶାଲେମ୍ । ଆଇଙ୍ଗ ଆଇଁୟାଃ ନାଞ୍ଜା ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଇଙ୍ଗ ।

୧୩ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଲାଉଦିକିଆ କାଲିସିୟା ନାଗେନ୍ତେ କାନାଜି

୧୪ “ଲାଉଦିକିଆ କାଲିସିୟାରେନ୍ ଦୁଁଡତାଃତେ ଅଲେମେ, ଅକଏ ନେ ସବେନ୍ ଆମ୍କେ କାଜିତାନାଏ, ଇନିଃ ଆମେନ୍, ପାଡିୟାର୍ରେଃ ଲେକାନ୍ନିଃ ଆତଃ ସାର୍ତି ଗାଞ୍ଜା ତାନିଃ । ପାର୍ମେଶ୍ଵାର୍ ବାଇୟାକାଦ୍ ସବେନ୍ ବିଷାଏରେୟାଃ ଏନେଚେଦ୍ନିଃ, ନେଆଁଏ କାଜିତାନା,

୧୫ ଆଇଙ୍ଗ ଆମାଃ କାଜି କାମିକଇଙ୍ଗ ସାରିତାନା, ଆମ୍ ରେହାଡ୍ ବାଙ୍ଗମେୟାଁ ଚାଏ ଲଲ ବାଙ୍ଗମେୟାଁ, ନେଆଁ ଆଇଙ୍ଗ ସାରିତାନାଇଙ୍ଗ । ଆମ୍ ରେହାଡ୍ ଚାଏ ଲଲ ତାଇନ୍କାରେଦ୍, ବୁଗିନାଃ ହବାଅଃତେୟାଃ ।

୧୬ ମେନ୍ଦ୍ ଆମ୍ ରେହାଡ୍ ଚାଏ ଲଲ କା ହବାକେଦ୍ତେ ଉର୍ଗୁମ୍ଗି ମେନାମେ ହରାତେ, ଆଇଙ୍ଗ ଆମ୍କେ ଆଇଁୟାଃ ମତାଏତେଇଙ୍ଗ ବେଏକ୍ ଅତଙ୍ଗମେୟାଁ ।

୧୭ ଆମ୍ କାଜିତାନାମ୍, ‘ଆଇଙ୍ଗ କିସାଁଶ୍ଵାରିୟାଇଙ୍ଗ ଆତଃ ପୁରାଃଗି ଖୁଜ୍ କ ମେନାଃ, ଆଇଁୟାଃ ଲାଗାତିଙ୍ଗତେୟାଃକ ସବେନାଃ ମେନାଃ ।’ ଏନ୍ରେୟ୍ ଆମ୍ ସାର୍ତିଗି ଚିମିନ୍ ନାରାଦୁରା ଆତଃ ଲିନିବୁଇ ନାମେ ଲେକାନିଃ ତାନ୍ମେ, ନେଆଁ କାମ୍ସାରିତାନା । ଆମ୍ ଗାରିବ୍, ସାମାହଡ୍ମ୍, ମେଦ୍ କା ନେଲ୍ ଦାଡିନିଃ ତାନ୍ମେ ।

୧୮ ଏନାମେନ୍ତେ ଆଇଙ୍ଗ ଆମ୍କେଇଙ୍ଗ ଆରୁମେତାନା, କିସାଁଶ୍ଵା ନାଗେନ୍ତେ ଆଇଙ୍ଗତାଃଏତେ ଫାର୍ତି ସୋନା କିରିଙ୍ଗ୍ରେମେ, ଆତଃ ପୁଣ୍ଡି ଲିଜାଃ ହଗି କିରିଙ୍ଗ୍ରେମେ, ଏନାରେ ଆମ୍ ଆମାଃ ଗିହୁଗାନ୍ ସାମାହଡ୍ମ୍କେ ଦାନାଙ୍ଗ୍ ଦାଡିୟାମେ । ନେଲ୍ ଦାଡି ନାଗେନ୍ତେ ମେଦ୍ରେ ଗସଃ ନାଙ୍ଗ୍ ଆଇଙ୍ଗତାଃଏତେ କାଜାଲ୍ କିରିଙ୍ଗ୍ରେମେ ।

* ୩:୫ ଉତ୍କଳ କାଜି ୨୦:୧୨; ମାଥୂର ୧୦:୩୨; ଲୁକ ୧୨:୮. * ୩:୧୨ ଉତ୍କଳ କାଜି ୨୧:୨.

୧୯ *ଆଇଁ ଅକ ହତକକେ ଦୁଲୀଡ଼ାଈଇଁ, ଇନ୍‌କୁକେ ସୁଧିରାଅ ନାଜ୍ ସାଜାଇ ଏମାଈଇଁ । ଏନାମେନ୍ତେ ଆମାଈ ମନ୍‌ସୁରୁଦଲଈ ପାପ୍ ହରାଏତେ ମନ୍‌ରୁହାଡ଼େମେ ।

୨୦ ନେଲେମେ, ଆଇଁ ଦୁଆରତାଈରେ ତିଙ୍ଗୁକେଦତେ ଦୁଆର ଠକ୍ ଠକାଅ ତାନାଇଁ, ଜେତାଏ ଆଇଁୟାଈ ଲାବଜା ଆୟୁମକେଦତେ ଦୁଆର ନିଜେୟାଏ, ଆଇଁ ଆୟାଈ ଅଡ଼ାଈ ଭିତାରେତେ ହିଜୁଈକେଦତେ ଆୟାଈଲଈ ଜମେୟାଁଇଁ ଆଡ଼ାଈ ଇନିଈ ଆଇଁୟାଈଲଈ ଜମେୟାଁ ।

୨୧ ଆଇଁ ଜେ'ଲେକା ଜିତାଅକେଦତେ, ଆଇଁୟାଈ ଆପୁଲଈ ଆୟାଈ ରାଜଗାଦିରେ ଦୁବାକାନାଇଁ, ଏନ୍ ଲେକାଗି ଅକ ହତକ ଜିତାଅଡ଼ାଈକ, ଆଇଁ ଇନ୍‌କୁକେ ଆଇଁୟାଈଲଈ ଆଇଁୟାଈ ରାଜଗାଦିରେ ଦୁବ୍ ନାଗେନ୍ତେଇଁ ଏମାକଆ ।

୨୨ “ପାବିତାର୍ ଆମ୍ବା କାଲିସିୟାକକେ ଚିନାଈଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଈ ଲୁଡୁର୍ ମେନାଈନିଈ ଆୟୁମେକାଏ ।”

୪

ସିର୍ମାରେ ପାରମେଶ୍ୱାର୍‌ଆଈ ସୁନୁସାର୍

୧ ନେ ନେତାରେଗି ଆଇଁ ଆଡ଼ାଈମିଆଁଦ୍ ଦାରଗାନ୍ ନେଲକେଦାଇଁ । ସିର୍ମା ଦିଶୁମରେ ଦୁଆର ନିଜାକାନ୍ ତାଇକେନା ଆଡ଼ାଈ ବିଙ୍ଗୁଲ୍ ବାଜା ସାଡ଼ି ଲେକା ମିଆଁଦ୍ ଲାବଜା ଆଇଁକେ କାଜିତାନ୍ ଆୟୁମକେଦାଇଁ, “ନେତାଈତେ ହିଜୁଈମେ, ଆଡ଼ାଈ ତାୟମତେ ଅକନାଈ ହବାଅଥା ଏନା ଆଇଁ ଆମକେଇଁ ଉଦୁବାମେୟାଁ ।”

୨ ଆଇଁ ଇମତାଗି ପାବିତାର୍ ଆମ୍ବାତେଇଁ ପେରେୟାନା ଆଡ଼ାଈ ନେଲକେଦାଇଁ, ସିର୍ମା ଦିଶୁମରେୟାଈ ମିଆଁଦ୍ ରାଜଗାଦିରେ ଜେତାଏ ମିହୁଡ୍ ଦୁବାକାନାଏ ।

୩ ଆୟାଈ ମେଦମୁହାଁଡ୍ ହିରା ଆଡ଼ାଈ ମତି ଲେକା ଝାଲ୍‌ସାଈଆ ତାଇକେନା, ଆଡ଼ାଈ ରାଜଗାଦିରେୟାଈ ଚାରିୟସାଈରେ ଗନଙ୍‌ଆଁଦ୍ ଦିରି ଲେକା ମିଆଁଦ୍ ଲୁବିଙ୍‌* ତାଇକେନା ।

୪ ଆଡ଼ାଈ ଏନ୍ ରାଜଗାଦିରାଈ ଚାରିୟସାଈରେ ବାରହିସି ଉପୁନିୟା ଏଟାଈ ରାଜଗାଦି ତାଇକେନା । ଏନ୍ ବାରହିସି ଉପୁନିୟା ରାଜଗାଦିରେ ବାରହିସି ଉପୁନିୟା ପ୍ରାଚିନ୍‌କ ଦୁବାକାନ୍ ତାଇକେନା । ଇନ୍‌କୁ ପୁଣି ଲିଜାଈ ଆଡ଼ାଈ ଆକଆଈ ବହଈରେ ସୋନାରେୟାଈ ମୁକୁର୍ ତୁସିଙ୍‌କାନ୍ ତାଇକେନାକ ।

୫ *ଏନ୍ ରାଜଗାଦିଏତେ ହିଚିରରାଈ ମାର୍ଯାଲ୍ ଆଡ଼ାଈ ରିମିଲରାଈ ସାଡ଼ି ଆୟୁମଈ ତାଇକେନା । ରାଜଗାଦି ହେପାଦ୍‌ରେ ଏୟା ଜୁଲ୍‌ତାନ୍ ଦିଆ ତାଇକେନା । ନେ ଦିଆ ପାରମେଶ୍ୱାର୍‌ଆଈ ଏୟା ଆମ୍ବା ତାନାଈ ।

୬ ଆଡ଼ାଈ ରାଜଗାଦି ଆୟାଈରେ କାଁର୍ ଲେକା ନିରାଲ୍ ଦରେୟା ନେଲଈ ତାଇକେନା । ଏନ୍ ରାଜଗାଦିରାଈ ଚାରିୟସାଈରେ ଉପୁନିୟା ଜାନିଦ୍ ଜାଁତୁ ତାଇକେନାକ । ଏନ୍ ଜାନିଦ୍ ଜାଁତୁକଆଈ ଆୟୁର୍ ତାୟମ୍ ବାରାନ୍‌ସାଈରେ ମେଦତେ ପେରେଜାକାନ୍ ତାଇକେନା ।

୭ ପାହିଲା ଜାଁତୁ କୁଲା ଲେକାଏ ନେଲଈ ତାଇକେନା, ଏଟାଈନିଈ ବାଛା ଲେକାଏ ନେଲଈ ତାଇକେନା । ଆପିୟାନିୟାଈ ମେଦମୁହାଁଡ୍ ହଡ଼ରାଈ ମେଦମୁହାଁଡ୍ ଲେକା ତାଇକେନା ଆଡ଼ାଈ ଉପୁନିୟାନିଈ ଆଫିରତାନ୍ ବାଜ୍ ଲେକାଏ ନେଲଈ ତାଇକେନା ।

୮ ନେ ଉପୁନିୟା ଜାଁତୁକଆଈ ତୁରିୟା ଆପରବ୍ ତାଇକେନା । ନେ ଜାଁତୁକଆଈ ଭିତାର୍ ଆଡ଼ାଈ ବାହାରି ଚାରିୟସାଈରେ ମେଦତେ ପେରେଜାକାନ୍ ତାଇକେନା । ଇନ୍‌କୁ ନିଦାସିଙ୍‌ ବେଗାର୍ ରୁଡୁତ କାଜିତାଇକେନାକ, “ସବେନ୍ ପେଡ଼େୟାନ୍ ପ୍ରାଭୁ ପାରମେଶ୍ୱାର୍ ପାବିତାର୍, ପାବିତାର୍, ପାବିତାର୍ ।

ଇନିଈ ସିଦା ତାଇକେନିଈ, ନାହାଁଈ ମେନାଇନିଈ ଆଡ଼ାଈ ହିଜୁଈ ଦିପିଲିରେ ତାଇନଈନିଈ ।”

୯ ଏନ୍ ଉପୁନ୍ ଜାନିଦ୍ ଜାଁତୁକ ରାଜଗାଦିରେ ଦୁବାକାନ୍ ଜାନାଅ ଜାନାଅ ଜାକେଦ୍ ତାଇନଈନିଈକେ ମାନାରାଙ୍ଗ୍, ମାଇନାନ୍ ଆଡ଼ାଈ ଧାନ୍ୟାବାଦ୍ ଏମକେଦତେ ଆୟାଈ ଦୁରାଙ୍ଗ୍‌ତାନ୍ ତାଇକେନ୍ ଇମତା,

୧୦ ସିଦାରେନ୍ ଏନ୍ ବାରହିସି ଉପୁନ୍ ପ୍ରାଚିନ୍‌କ ଜାନାଅ ଜାନାଅ ଜାନିଦ୍ ତାଇନଈନିଈତାଈରେ ଅମ୍ବାଈକେଦତେ ଜହାରତାନ୍‌ଲଈ ଆୟାଈ ସୁନୁସାର୍ ରିକାକେଦାକ । ଆଡ଼ାଈ ରାଜଗାଦି ଲାତାର୍‌ରେ ଆକଆଈ ଆପ୍‌ନାଈ ମୁକୁର୍ ଦହକେଦତେ କାଜିକେଦାକ,

୧୧ “ହେ ପ୍ରାଭୁ ଆଲେୟାଈ ପାରମେଶ୍ୱାର୍,

ଆମ୍‌ଗି ମାନାରାଙ୍ଗ୍, ମାଇନାନ୍ ଆଡ଼ାଈ ପେଡ଼େଈ ନାମେ ଲେକାନ୍‌ନିଈ ତାନ୍‌ମେ,

ଚିଆଈଚି ଆମ୍‌ଗି ନେ ସବେନାଈମ୍ ବାଇୟାକାଦା,

ଆଡ଼ାଈ ଆମାଈ ଇଛାସାନାଙ୍ଗ୍ ଲେକାତେ ଏନାକ ତାଇନ୍‌ୟାନା ଆଡ଼ାଈ ଜାନିଦ୍ ହବାୟାନା ।”

୫

ପୁଥ୍ ଆଡ଼ାଈ ମିଶ୍ରିହନ୍

* ୩:୧୯ ଏବ୍ରୀ ୧୨:୬. * ୪:୩ ଇହୁଧନ୍ * ୪:୫ ଉତ୍କଳ କାଜି ୮:୫; ୧୧:୧୯; ୧୭:୧୮; ଉତ୍କଳ କାଜି ୧:୪.

୧ ଆଇଁଠା ରାଜଗାଦିରେ ଦୁବାକାନ୍ନିୟାଃ ଜମ୍ ତିଃଇରେ ମିଆଁଦ୍ ମାରି ପୁଥ୍ ନେଲକେଦାଇଁ, ଏନାରେୟାଃ ବାରାନ୍‌ସାଃରେ ଅଲକାନ୍ ତାଇକେନା ଆତଃ ଏନାରେ ଏୟା ମୋହରାଃ ଚିହ୍ନାଁ ତାଇକେନା ।

୨ ଆତଃ ଆଇଁଠା ମିଆଁଦ୍ ପୁରାଃ ପେଡେୟାନ୍ ଦୁଡକେଇଁ ନେଲକିୟା, ଇନିଃ ପୁରାଃ କାଉରିତାନ୍‌ଲଃ କାଜିକେଦାଏ, “ମୋହରକେ ରାଡାକେଦତେ, ନେ ମାରି ପୁଥ୍‌କେ ଜେତାଏ ଅଟାଃ ଦାଡ଼ି ଲେକାନ୍‌ନିଃ ମେନାଇରେଦ ଅତଃଅଃକାଏ ।”

୩ ମେନ୍‌ଦ ଏନ୍ ମାରି ପୁଥ୍ ଅଟାଃକେଦତେ ଏନାରେ ଅଲକାନ୍‌ତେୟାଃ ପାଡାଅ ନାଗେନ୍ତେ ସିର୍ମାରେ, ଅତେରେ ତାଏ ହୁଆଙ୍ଗାଡାରେ ଜେତାଏ କାକ ଅତଃୟାନା ।

୪ ଏନ୍ ମାରି ପୁଥ୍‌କେ ଅଟାଃକେଦତେ ଏନାରେ ଚିନାଃ ଅଲକାନ୍‌ନା, ଏନା ପାଡାଅ ନାଗେନ୍ତେ ଜେତାଏ ମିହୁଡ୍‌ହଗି ପାଡାଏ ଲେକାନ୍ ହଡକ କାକ ନାମ୍‌ୟାନ୍ ହରାତେ ଆଇଁଠା ପୁରାଃଗିଇଁ ରାଆଃକେଦା ।

୫ ଏନ୍ତେ ପ୍ରାଚିନ୍‌କଏତେ ମିହୁଡ୍ ଆଇଁଠାକେ କାଜିକେଦିୟା, “ଆଲମ୍ ରାଆଃଏୟା, ନେଲେମେ ! ଦାଉଦ୍‌ଆଃ ମାରାଙ୍ଗ କିଲି, ଯିହୁଦା କିଲିରେନ୍ କୁଲା ଜିତାଅକେଦତେ ହିଜୁଃତାନା, ଇନିଃ ନେ ଏୟା ମୋହର ରାଡାକେଦତେ ମାରି ପୁଥ୍ ଅଟାଃ ନାଗେନ୍ତେ ଦାଡ଼ିୟା ।”

୬ ଏନ୍ତେ ରାଜଗାଦିରେୟାଃ ଆଲମାଲ୍‌ରେ ସିଦାରେନ୍ ଉପୁନିୟା ଜାଁତୁ ଆତଃ ପ୍ରାଚିନ୍‌କଆଃ ଆଲ୍‌ରେ ମିଆଁଦ୍ ମିଣ୍ଡିହନ୍‌କେ ଡିଙ୍ଗୁଆକାନ୍ ନେଲକିୟାଇଁ । ମିଣ୍ଡିହନ୍ ଦାଣ୍ଡେରାକାଦ୍‌କାନ୍ ଲେକାଏ ଆର୍‌କାରଃ ତାଇକେନା । ଆୟାଃ ଏୟା ଦିରିଙ୍ଗ ଆତଃ ଏୟା ମେଦ୍ ତାଇକେନା । ଏନ୍ ମେଦକ ସବେନ୍ ଅତେଦିଶୁମ୍‌ତେ କୁଲାକାନ୍ ପାରମେଶ୍ୱାର୍‌ଆଃ ଏୟା ଆମ୍‌ ତାନାଃ ।

୭ ଏନ୍ ମିଣ୍ଡିହନ୍ ରାଜଗାଦିରେ ଦୁବାକାନ୍‌ନିଃତାଃତେ ସେନ୍‌କେଦତେ, ଇନିୟାଃ ଜମ୍ ତିଃଇଏତେ ମାରି ପୁଥ୍‌କେ ଇଦିକେଦା ।

୮ ଆତଃ ଇନିଃ ମାରି ପୁଥ୍ ତେଲ୍‌କେଦ୍ ଇମ୍‌ତାଗି, ଉପୁନିୟା ଜାଁତୁ ଆତଃ ମିଦ୍‌ହିସି ଉପୁନ୍ ପ୍ରାଚିନ୍‌କ ମିଣ୍ଡିହନ୍‌ଆଃ ଆୟାଃରେ ଅମ୍‌ୟାୟାନାକ । ଇନ୍‌କୁ ସବେନ୍‌କ ମିପିଆଦ୍ ବାନାମ୍, ଆତଃ ବୁଗିନ୍ ସହାନ୍ ଧୁଆନ୍‌ତେ ପେରେଜାକାନ୍ ସୋନାରେୟାଃ ତୁଭା ସାବାକାଦ୍ ତାଇକେନାକ । ଏନ୍ ବୁଗିନ୍ ସହାନ୍ ଧୁଆନ୍‌ରାଃ ତୁଭାକ ହବାଅଃତାନା, ପାରମେଶ୍ୱାର୍‌ଆଃ ହଡକଆଃ ବିନ୍ତି ।

୯ ଇନ୍‌କୁ ମିଆଁଦ୍ ନାଞ୍ଜା ଦୁରାଙ୍ଗକ ଦୁରାଙ୍ଗକେଦା, “ମାରି ପୁଥ୍ ତେଲ୍‌କେଦତେ

ଏନାରେୟାଃ ମୋହର ରାଡା ନାଙ୍ଗ ଆମ୍ ଏସକାର୍ ଦାଡ଼ିୟାମେ ।

ତିୟାଃଟି ଆମ୍ ଦାଣ୍ଡେକାନ୍ ତାଇକେନାମ୍, ଆମ୍‌କେ ଦାଣ୍ଡେ ଗନଏଃ ହବାୟାନ୍ ହରାତେ

ସବେନ୍ କିଲି, ଏଟାଃ ଏଟାଃ ଜାଗାର୍‌ତାନ୍‌କ, ଦିଶୁମ୍ ଆତଃ ଜାତିକଏତେ ପାରମେଶ୍ୱାର୍‌ଆଃ ନାଙ୍ଗ ହଡକକେମ୍ କିରିଙ୍ଗାଦ୍‌କଆ ।

୧୦ ☆ଆତଃ ପାରମେଶ୍ୱାର୍‌ଆଃ ସେଞ୍ଜା ରିକା ନାଗେନ୍ତେ ଇନ୍‌କୁକେ ମିଆଁଦ୍ ରାଜାଉଡ଼ି ଆତଃ ଯାଜାକ୍ କିଲିରେମ୍ ବାଇକେଦକଆ ଆତଃ ଇନ୍‌କୁ ଅତେରେକ ରାଇଜେୟା ।”

୧୧ ଆଇଁଠା ଆତଃଗିଇଁ ନେଲକେଦା, କାକ ଲେକା ଦାଡ଼ିୟାଃ ଦୁଡକ ରାଜଗାଦିକେ, ଉପୁନିୟା ଜାଁତୁ ଆତଃ ପ୍ରାଚିନ୍‌କଆଃ ଚାରିୟାଃରେ ଡିଙ୍ଗୁଆକାନାକ ।

୧୨ କାଉରିକେଦତେ ଦୁରାଙ୍ଗତାନ୍‌ଲଃ କାଜିକେଦାକ, “ଦାଣ୍ଡେ ରାକାବାକାନ୍ ଏନ୍ ମିଣ୍ଡିହନ୍ ପେଡେଃ, କିସାଣ୍, ସେଣାଁ, ଆକ୍‌ତେୟାର୍, ମାନାରାଙ୍ଗ, ମାଇନାନ୍ ଆତଃ ସାହାରାଅ ନାମେ ଲେକାନ୍‌ନିଃ ତାନିଃ ।”

୧୩ ଆତଃ ଆଇଁଠା ସିର୍ମା ଦିଶୁମ୍, ଅତେ, ହୁଆଙ୍ଗାଡା ଆତଃ ଦରେୟାରେନ୍ ସବେନ୍ ଜାନିଦ୍ ଜାଁତୁକ ଆତଃ ଅତେଦିଶୁମ୍‌ରେନ୍ ସବେନ୍ ଜାଁତୁକକେ ଦୁରାଙ୍ଗତାନ୍ ଆୟୁମ୍‌କେଦକଆଇଁ । ଇନ୍‌କୁ “ରାଜଗାଦିରେ ଦୁବାକାନ୍‌ନିୟାଃ ଆତଃ ଆୟାଃ ମିଣ୍ଡିହନ୍‌ଆଃ ସାହାରାଅ, ମାନାରାଙ୍ଗ, ମାଇନାନ୍ ଆତଃ ପେଡେଃ ଜାନାଅ ଜାନାଅ ତାଇନାଃ !” ମେନ୍ତେକ ଦୁରାଙ୍ଗ ତାଇକେନା ।

୧୪ ଏନ୍ ଉପୁନିୟା ଜାଁତୁକ କାଜିରୁହାଡ୍ ତାଇକେନାକ, “ଆମେନ୍ !” ଆତଃ ପ୍ରାଚିନ୍‌କ ଅମ୍‌ୟାଃକେଦତେ ଇନିଃକେ ଜହାର୍‌କିୟାକ ।



ମୋହର ଏମାକାନ୍ କାଜିରାଃ ମୁଣ୍ଡି

୧ ଏନ୍ତେ ଆଇଁଠା ନେଲକିୟାଇଁ, ଏନ୍ ମିଣ୍ଡିହନ୍ ଏୟା ମୋହରଏତେ ପାହିଲା ମୋହରକେ ରାଡାକେଦା, ଆତଃ ଉପୁନିୟା ଜାଁତୁକଏତେ ମିଆଁଦ୍‌ନିଃ ଆଇଁଠାକେ ହିଚିର୍ ସାଡ଼ି ଲେକାଏ କାଜିକେଦିୟା, “ହିଜୁଃମେ !”

☆ ୫:୧୦ ଉତ୍କଳ କାଜି ୧:୬.

୨ ଆଇଙ୍କ ଆରିଦ୍ ରାକାବକେଦ୍‌ତେ ମିଆଁଦ୍ ପୁଣି ରାଙ୍ଗରେନ୍ ସାଦମ୍ ଆତଃ ସାଦମ୍ ଚେତାନରେ ଦୁବାକାନିଃକେ ଧାନୁ ସାବାକାଦ୍‌ତେୟାଃ ନେଲକିୟାଇଙ୍କ । ଇନିଃକେ ମିଆଁଦ୍ ମୁକୁଟ୍ ଏମ୍‌ୟାନା ଆତଃ ଜିତାଅଃ ନାଗେନ୍ତେ ଅତଙ୍ଗୟାନା ।

୩ ଏନ୍ତେ ମିଣ୍ଡିହନ୍ ଏଗାଃ ଆତଃମିଆଁଦ୍ ମୋହର୍ ରାଡ଼ାକେଦାଏ ଆତଃ ଏଗାଃ ଆତଃମିଆଁଦ୍ ଜାଁତୁ ଆଇଙ୍କକେ କାଜିକେଦିୟା, “ହିଜୁଃମେ !”

୪ ଆଇଙ୍କ ଆରାଃ ରାଙ୍ଗରେନ୍ ଆତଃମିଆଁଦ୍ ସାଦମ୍‌କେ ନେଲକିୟାଇଙ୍କ, ଏନ୍ ସାଦମ୍ ଚେତାନରେ ଦୁବାକାନିଃକେ ଅତେଦିଶୁମ୍‌ଏତେ ଜାଉସୁକୁ ସାଙ୍ଗିନେ ନାଗେନ୍ତେ ଆକ୍‌ତେୟାର୍ ଏମ୍‌ୟାନା । ହଡ଼କ ଲାପ୍‌ଡ଼ାଇକେଦ୍‌ତେ ମିହୁଡ଼୍ ଆତଃମିହୁଡ଼୍‌କେ ଗଏଃ ନାଙ୍ଗ, ଆୟାଃ ତିଃଇରେ ମିଆଁଦ୍ ମାରାଙ୍ଗ୍ ତାରାଉଡ଼ି ଏମ୍‌ୟାନା ।

୫ ଏନ୍ତେ ମିଣ୍ଡିହନ୍ ଆପିୟା ମୋହର୍ ରାଡ଼ାକେଦାଏ ଆତଃ ଆପିୟା ଜାଁତୁ ଆଇଙ୍କକେ କାଜିକେଦିୟା, “ହିଜୁଃକେଦ୍‌ତେ ନେଲେମେ !” ଏନ୍ତେ ଆଇଙ୍କ୍ ମିଆଁଦ୍ ହେନ୍‌ଦେ ରାଙ୍ଗରେନ୍ ସାଦମ୍ ଚେତାନରେ ଦୁବାକାନିଃକେ ନେଲକିୟାଇଙ୍କ, ଆୟାଃ ତିଃଇରେ ମିଆଁଦ୍ ତାରାଜୁ ତାଇକେନା ।

୬ ଏନ୍ତେ ଆଇଙ୍କ୍ ଉପୁନିୟା ଜାଁତୁକ ମିଦ୍ ଲାବ୍‌ଜାତେ କାଜିତାନ୍ ଲେକା ଆୟୁମ୍‌କେଦାଇଙ୍କ, “ମୁସିଙ୍ଗରାଃ ନାଲା ସିକାତେ ମିଦ୍ ତାମ୍ବି ଗହମ୍ ଚାଏ ଆପି ତାମ୍ବି କଦେ ନାମଃଆ । ମେନ୍‌ଦ୍ ଜାଲ୍‌ପାଇ ସୁନୁମ୍ ଆତଃ ଦାଖ୍‌ରାସିକେ ଆଲପେ ନକ୍‌ସାନେୟା ।”

୭ ଏନ୍ତେ ମିଣ୍ଡିହନ୍ ଉପୁନିୟା ମୋହର୍ ରାଡ଼ାକେଦାଏ, ଆତଃ ଉପୁନିୟା ଜାଁତୁ ଆଇଙ୍କକେ କାଜିକେଦିୟାଏ, “ହିଜୁଃମେ !”

୮ ଏନାରେ ଆଇଙ୍କ୍ ମିଆଁଦ୍ ମାଟିୟା ରାଙ୍ଗରେନ୍ ସାଦମ୍ ନେଲକିୟାଇଙ୍କ । ଏନ୍ ସାଦମ୍‌ରେ ଦୁବାକାନିୟାଃ ନୁଡୁମ୍ ଗନଏଃ, ହୁଆଙ୍ଗାଡ଼ା ଆଇଃକ୍‌କେ ଅତଙ୍ଗ୍‌ଇଁ ତାଇକେନା । ମାପାଃତୁପୁଇଙ୍କ୍ ରିଙ୍ଗା, ବେମାର୍, ଆତଃ ବିର୍ ଜାଁତୁକଆଃ ହରାତେ ଜିୟନ୍ ରିକା ନାଙ୍ଗ୍ ଅତେଦିଶୁମ୍‌ରେୟାଃ ଉପୁନିହସା ଚେତାନରେ ଇନ୍‌କୁକେ ଆକ୍‌ତେୟାର୍ ଏମ୍‌ୟାନା ।

୯ ଏନ୍ତେ ମିଣ୍ଡିହନ୍ ମଣେୟା ମୋହର୍ ରାଡ଼ାକେଦାଏ ଇମ୍‌ତା, ଆଇଙ୍କ୍ ମିଆଁଦ୍ ବେଦି ନେଲକେଦାଇଙ୍କ୍ । ପାର୍‌ମେଶ୍‌ବାର୍‌ଆଃ ବାଚାନ୍ ଉଦ୍‌ବକେଦ୍‌ତେ ଗାଞ୍ଜା ଏମ୍‌ରେ ପାତିୟାର୍‌ରଃ ଲେକା ତାଇକାନ୍ ହରାତେ ଗନଏଃ ନାମାକାଦ୍ ହଡ଼କଆଃ ଆମ୍‌କ, ଏନ୍ ବେଦି ଲାତାର୍‌ରେ ଜାତ୍‌ନାଅକେଦ୍‌ତେ ତାଇକେନା ।

୧୦ ଇନ୍‌କୁ କାଉରିକେଦ୍‌ତେ କାଜିତାଇକେନାକ, “ହେ ପାବିତାର୍, ସାର୍‌ତି ଆତଃ ପୁରାଃ ପେଡ଼େୟାନ୍ ପ୍ରାଭୁ ! ଅତେରେ ଅକନକ ଆଲେକେ ଗଏଃକାଲେ ତାଇକେନାକ, ଇନ୍‌କୁକେ ବିଚାର୍‌କେଦ୍‌ତେ ସାଜାଇ ଏମାକ ନାଗେନ୍ତେ ଆତଃତିମିନ୍ ମାହାଁ ବିଲ୍‌ମଃଆ ?”

୧୧ ଏନ୍ ଆମ୍‌କଏତେ ମିପିୟାଦ୍‌କକେ ପୁଣି ଲିଜାଃ ଏମ୍‌ୟାନା । ଇନ୍‌କୁଆଃ ଗାତିଦାସିକେ ଆତଃ ହାଗା ମିଶିକକେ ଇନ୍‌କୁଆଃ ଲେକାଗି ଗନଏଃ ସାଜାଇ ନାମଃଆ, ଇନ୍‌କୁଆଃ ଗନଏଃ ଆଉରି ପୁରାଃଆ ଜାକେଦ୍‌ ଆତଃକାଟିଃ ଘାଡ଼ିକାଦ୍ ରୁଡ଼ନ୍ ନାଙ୍ଗ୍ ଇନ୍‌କୁକେ କାଜିୟାନା ।

୧୨ ଏନ୍ତେ ଆଇଙ୍କ୍ ଏନ୍ ମିଣ୍ଡିହନ୍‌କେ ତୁରିୟା ମୋହର୍ ରାଡ଼ାତାନ୍ ନେଲକିୟାଇଙ୍କ୍ ଇମ୍‌ତା, ପୁରାଃଗି ଅତେ ଏକ୍‌ଲାଅୟାନା । ସିଙ୍ଗି, ଉନ୍‌ତେ ବାଇୟାକାନ୍ କାମ୍‌ଲ୍ ଲେକା ହେନ୍‌ଦେ ରାଙ୍ଗ୍ ଆତଃ ଚାଣ୍ଡୁ ମାୟୋମ୍ ଲେକା ପୁରା ଆରାଃ ରାଙ୍ଗ୍‌ୟାନା ।

୧୩ ପୁରାଃଗି ହୟକେଦ୍‌ ହରାତେ ଲଆଦାରୁରାଃ ବେରେଲ୍ ଲଆ ଉୟୁଗଃ ଲେକା, ସିମ୍‌ଏତେ ଇପିଲ୍‌କ ଅତେରେକ ଉୟୁଃୟାନା ।

୧୪ ଏହ୍‌ହ୍‌ରାଃ ପୁଅ୍ କୁଡ଼ାଏ ଲେକା ସିମ୍‌ା କୁଡ଼ାୟାନା ଆତଃ କା ନେଲଃୟାନା । ବୁରୁ ଆତଃ ଚାପୁକ ମିଦ୍‌ତାଃଏତେ ଆତଃମିଦ୍‌ତାଃ ଆତମ୍‌ୟାନା ।

୧୫ ଏନ୍ ଦିପିଲିରେ ଅତେଦିଶୁମ୍‌ରେନ୍ ସବେନ୍ ରାଜା, ରାଇଜ୍ ଚାଲାଅକ, ପାଲ୍‌ଟାନ୍‌କଆଃ ମାରାଙ୍ଗ୍‌ନିଃ, କିସାଁଣ୍, ପେଡ଼େୟାନ୍‌କ, ଏଗାଃ ସବେନ୍ ହଡ଼କ, ଆଖ୍‌ରିଙ୍ଗ୍ ଦାସିକ, ତନଲ୍‌ହେତେ ରାଡ଼ାକାନ୍‌କ, ବୁରୁରେୟାଃ ସବେନ୍ ଖଡ଼୍‌ପଃ ଆତଃ ସେରେଙ୍ଗ୍ ଲାତାର୍ ଲାପାଙ୍ଗ୍‌ତେ ସେନଃୟାନାକ ଆତଃ ଉକୁୟାନାକ ।

୧୬ ଇନ୍‌କୁ ବୁରୁ ଆତଃ ସେରେଙ୍ଗ୍‌କକେ ହାକାଅକେଦ୍‌ତେ କାଜିତାଇକେନାକ, “ଆଲେୟାଃ ଚେତାନରେ ଉୟୁଗଃପେ, ରାଜ୍‌ଗାଦିରେ ଦୁବାକାନ୍ ହଡ଼ତାଃଏତେ ଆତଃ ମିଣ୍ଡିହନ୍‌ଆଃ ଖ୍‌ସ୍‌ଏତେ ଆଲେକେ ଉକୁଲେପେ ।

୧୭ ଇନ୍‌କିନାଃ ଖ୍‌ସ୍‌ରାଃ ବରଞ୍ଜାନ୍ ହୁଲାଙ୍ଗ୍ ସେଚେରାକାନା ଆତଃ ଅକଏ ଏନାରେୟାଃ ବିରୁଧ୍‌ରେ ତିଙ୍ଗୁ ଦାଡ଼ିୟା ?”



୧୪୪,୦୦୦ ଇସ୍ରାଏଲ୍ ହଡ଼କ

☆ ୨:୧୭ ଉତ୍କଳ କାଜି ୧୧:୧୩; ୧୭:୧୮; ମାଥୁର ୨୪:୨୯; ମାକ୍ ୧୩:୨୪,୨୫; ଲୁକ ୨୧:୨୫. ☆ ୨:୧୪ ଉତ୍କଳ କାଜି ୧୭:୨୦. ☆ ୨:୧୭ ଲୁକ ୨୩:୩୦.

୧ ନେଆଁ ତାୟମତେ ଆଇଙ୍ଗ ଅତେରେୟାଃ ଉପୁନ୍ କଚାରେ ଉପୁନିୟା ଦୁଁଡକକେ ତିଙ୍ଗୁଆକାନ୍ ନେଲକେଦକଆଇଙ୍ଗ । ଇନ୍କୁ ଅତେରେୟାଃ ଉପୁନ୍ସାଃରେ ହୟକେ କେସେଦକେଦତେ ତାଇକେନାକ । ଏନାତେ ଅତେଦିଶୁମ୍, ଦରେୟା ଚାଏ ଜେତା ଦାରୁରେ କାଟିଃଲେକାହଁ ହୟ କା ହିଜୁଃତାଇକେନା ।

୨ ଆତଃ ଆଇଙ୍ଗ ଏଟାଃ ଆତଃମିଆଁଦ୍ ଦୁଁଡକକେ ଜନିଦ୍ ପାର୍ମେଶ୍ଵାର୍ଆଃ ମୋହର୍ ସାବକେଦତେ ସିଙ୍ଗିତୁରସାଃଏତେ ହିଜୁଃତାନ୍ ନେଲକିୟାଇଙ୍ଗ । ନେ ଦୁଁଡ୍ ଅତେଦିଶୁମ୍ ଆତଃ ଦରେୟାକେ ଜିୟନେ ନାଗେନ୍ତେ ପାର୍ମେଶ୍ଵାର୍ ଅକ ଉପୁନିୟା ଦୁଁଡକକେ ଆକ୍ତେୟାର୍ ଏମାକାଦକ ତାଇକେନାଏ, ଇନ୍କୁକେ କାଉରିକେଦତେ କାଜିକେଦକଆ,

୩ “ଆଲେ ଆରୁଆଃ ପାର୍ମେଶ୍ଵାର୍ଆଃ ଦାସିକଆଃ ମଲଙ୍ଗରେ ମୋହର୍ରାଃ ଚିହ୍ନାଁ ଆଉରି ଏମାକ ଜାକେଦ୍ ଅତେଦିଶୁମ୍, ଦରେୟା ଚାଏ ଦାରୁକରାଃ ଜେଡନାଃ ଆଲପେ ନକ୍ସାନେୟା ।”

୪ ଅକ ହଡକଆଃ ମଲଙ୍ଗରେ ପାର୍ମେଶ୍ଵାର୍ଆଃ ମୋହର୍ରାଃ ଚିହ୍ନାଁ ଏମ୍ୟାନା, ଇନ୍କୁ ୧୪୪,୦୦୦ ହଡକ ମେନାକଆ ମେନ୍ତେଇଙ୍ଗ ଆୟୁମକେଦା । ଇନ୍କୁ ଇସ୍ରାଏଲରେନ୍ ଗେଲ୍ବାର୍ କିଲିକଆଃ ହଡକତାନ୍କ ।

୫ ଯିହୁଦା କିଲିକଏତେ ୧୨,୦୦୦, ରୁବେନ୍ କିଲିକଏତେ ୧୨,୦୦୦, ଗାଦ୍ କିଲିକଏତେ ୧୨,୦୦୦,

୬ ଆସେର୍ କିଲିକଏତେ ୧୨,୦୦୦, ନପ୍ତାଲି କିଲିକଏତେ ୧୨,୦୦୦, ମନାସି କିଲିକଏତେ ୧୨,୦୦୦,

୭ ଶିମିୟନ୍ କିଲିକଏତେ ୧୨,୦୦୦, ଲେବୀ କିଲିକଏତେ ୧୨,୦୦୦, ଇସାଖର୍ କିଲିକଏତେ ୧୨,୦୦୦,

୮ ସବ୍ଲୁନ୍ କିଲିକଏତେ ୧୨,୦୦୦, ଯୋଷେଫ୍ କିଲିକଏତେ ୧୨,୦୦୦, ଆତଃ ବେଞ୍ଜାମିନ୍ କିଲିକଏତେ ୧୨,୦୦୦ ।

ପୁରାଃ ଗାଦେଲ୍ ହଡ୍

୯ ଏନ୍ତେ ଆଇଙ୍ଗ ପୁରାଃ ଗାଦେଲ୍ ହଡକକେଇଙ୍ଗ ନେଲକେଦକଆ, ଇନ୍କୁକେ ଲେକାଲେକରେ କାକ ଲେକା ଦାଡିୟଃଆ । ଇନ୍କୁ ମିପିୟାଦ୍ ଜାତିରେନ୍, କିଲିରେନ୍, ଦିଶୁମ୍ରେନ୍, ଆତଃ ଏଟାଃ ଏଟାଃ ଜାଗାର୍ତାନ୍ ହଡକଏତେ ହିଜାକାନ୍ ତାଇକେନାକ । ଇନ୍କୁ ପୁଣ୍ଡି ଲିଜାଃ ତୁସିଙ୍ଗକେଦତେ ଆତଃ ତିଃଇରେ କିତା ଢାଉଡା ସାବକେଦତେ, ରାଜଗାଦି ଆତଃ ମିଣ୍ଡିହନ୍ଆଃ ଆୟାର୍ରେ ତିଙ୍ଗୁଆକାନ୍ ତାଇକେନାକ ।

୧୦ ଇନ୍କୁ ପୁରାଃ କାଉରିକେଦତେ କାଜିତାଇକେନାକ, “ରାଜଗାଦିରେ ଦୁବାକାନ୍ ପାର୍ମେଶ୍ଵାର୍ ଆତଃ ମିଣ୍ଡିହନ୍ ଏସ୍କାର୍ ଆରୁଆଃ ଜୀଉବାଞ୍ଚାଅନିଃ ତାନିଃ ।”

୧୧ ସବେନ୍ ଦୁଁଡକ ରାଜଗାଦି, ପ୍ରାଚିନ୍କଆଃ, ଆତଃ ଉପୁନିୟା ଜାଁତୁକଆଃ ଚାରିୟସାଃରେ ତିଙ୍ଗୁଆକାନ୍ ତାଇକେନାକ । ଇନ୍କୁ ରାଜଗାଦି ଆୟାର୍ରେ ଅମ୍ପାଃକେଦତେ ପାର୍ମେଶ୍ଵାର୍କେ ଜହାର୍ତାନ୍ଲଃ ଆତଃ ସୁନ୍ୟାର୍ ରିକାତାନ୍ଲଃ

୧୨ କାଜିକେଦକ, “ଆମେନ୍ ! ସାହାରାଅ, ମାନାରାଙ୍ଗ୍, ସେଣାଁ, ଧାନ୍ୟାବାଦ୍, ମାଇନାନ୍, ପେଡେଃ ଆତଃ ଆୟାଃ ଆକ୍ତେୟାର୍ ଜାନାଅ ଜାନାଅ ଆରୁଆଃ ପାର୍ମେଶ୍ଵାର୍ଆଃ ହବାଅଃକା ଆମେନ୍ !”

୧୩ ଏନ୍ ପ୍ରାଚିନ୍କଏତେ ମିହୁଡ୍ନିଃ ଆଇଙ୍ଗକେ କୁଲିକେଦିୟାଁ, “ପୁଣ୍ଡି ଲିଜାଃ ତୁସିଙ୍ଗିୟାଁକାନ୍ ଏନ୍ ହଡକ ଅକଏତାନ୍କ ? ଆତଃ ଇନ୍କୁ କତାଃଏତେ ହିଜୁଃକାନାକ ?”

୧୪ *ଆଇଙ୍ଗ କାଜିରୁହାଡକେଦାଇଙ୍ଗ, “ହେ ମାଇନାନ୍, ଆଇଙ୍ଗ କାଇଙ୍ଗ୍ ସାରି, ଆବେନ୍ ସାରିକାଃବେନ୍ ।” ଇନିଃ ଆଇଙ୍ଗକେ କାଜିକେଦିୟାଁ, “ନେ ହଡକ ବରଞ୍ଜାନ୍ଗି ସାସାତି ନାମ୍କେଦତେ ହିଜୁଃକାନାକ । ଇନ୍କୁ ମିଣ୍ଡିହନ୍ଆଃ ମାୟୋମତେ ଆକଆଃ ଲିଜାଃ ଚାପିକେଦତେ ପୁଣ୍ଡିକାଦାକ ।

୧୫ ଏନାମେନ୍ତେ ଇନ୍କୁ ପାର୍ମେଶ୍ଵାର୍ଆଃ ରାଜଗାଦି ଆୟାର୍ରେ ତେରାକେଦତେ ନିଦାସିଙ୍ଗି ଆୟାଃ ମାନ୍ଦିର୍ ଅଡ଼ାଃରେ ଆୟାଃ ସୁନ୍ୟାର୍ ରିକାତାନାକ । ଆତଃ ରାଜଗାଦିରେ ଦୁବାକାନ୍ ହଡ ଇନ୍କୁକେ ବାଞ୍ଚାଅକଆ ।

୧୬ ଇନ୍କୁ ତିଉଲାହ୍ କାକ ରେଙ୍ଗେଜଆଃ ଚାଏ କାକ ତେତାଙ୍ଗ୍ଆଃଆ, ସିଙ୍ଗିରାଃ ରାଁପ୍ ଚାଏ ଏଟାଃ ଜେତାନ୍ ରାଁପ୍ ଇନ୍କୁକେ କାଏ ଜୁଲ୍ ଦାଡିୟା ।

୧୭ ଚିୟାଃତି ରାଜଗାଦି ଆଲାମାଲାରେ ଦୁବାକାନ୍ ମିଣ୍ଡିହନ୍ ଇନ୍କୁଆଃ ଗୁପିନିଃ ହବାଅଃଆଏ । ଇନିଃ ଜୀଦାନ୍ରେୟାଃ ସେତେଙ୍ଗ୍ ଦାଆଃ ହେପାଦତେ ଇନ୍କୁକେ ସୁତୁଃଇଦିକଆ ଆତଃ ପାର୍ମେଶ୍ଵାର୍ ଇନ୍କୁଆଃ ମେଦଦାଆଃ ସବେନାଃଏ ଜଦକଆ ।”



ଏୟା ମୋହର୍

୧ ମିଣ୍ଡିହନ୍ ଏୟା ମୋହର୍ ରାଡାକେଦତି, ସିର୍ମା ଦିଶୁମ୍ରେ ଆଧା ଘାଣ୍ଟା ଜାକେଦ୍ ସିଃସଏଃୟାନା ।

୨ ଏନ୍ତେ ଆଇଙ୍ଗ ପାର୍ମେଶ୍ଵାର୍ଆଃ ଆୟାର୍ରେ ତିଙ୍ଗୁଆକାନ୍ ଏୟା ଦୁଁଡକକେଇଙ୍ଗ ନେଲକେଦକଆ ଆତଃ ଇନ୍କୁକେ ଏୟା ବିଙ୍ଗୁଲ୍ବଜା ଏମ୍ୟାନା ।

☆ ୭:୧୪ ମାଥୁଇ ୨୪:୨୧; ମାର୍କ ୧୩:୧୯.

୩ ଏଗାଠ ଆଡ଼ମିଆଁଦ ଦୁଢ଼ ମିଆଁଦ ସୋନାରେୟାଃ ଧୁଆନ୍ ଉରୁବତେୟାଃ ସାବକେଦତେ ବେଦି ଜାପାଠରେ ତିଜୁୟାନ୍ । ରାଜଗାଦି ହେପାଦରେ ତାଜନଃତାନ୍ ସୋନାରେୟାଃ ବେଦି ଚେତାନ୍ରେ ପାରମେଶ୍ଵାରଥାଃ ହଡ଼କଥାଃ ବିକ୍ରିଲଃ ମେସାକେଦତେ ଦାନ୍ ରାକାବେ ନାଜ୍ଞ ଇନିଃକେ ପୁରାଠଗି ଧୁଆନ୍ ଏମୟାନ୍ ।

୪ ଏନ୍ ଦୁଢ଼ଥାଃ ତିଃଈରେ ଜୁଲଠତାନ୍ ଧୁଆନ୍ରାଃ ସୁକୁଲ୍ଲଃ ପାରମେଶ୍ଵାରଥାଃ ହଡ଼କଥାଃ ବିକ୍ରି ମେସାକେଦତେ ଚେତାନ୍ରେ ରାକାବୟାନ୍ ।

୫ ଏନ୍ଦ୍ରେ ଦୁଢ଼ ଧୁଆନ୍ ଉରୁବତେୟାଃରେ ବେଦିରେୟାଃ ସେଜ୍ଞେଲ୍ ପେରେଃକେଦାଏ ଆଡ଼ ଏନାକେ ଅତେରେ ହୁରାଜ୍ଞକେଦା । ନେଆଁ ହରାତେ ରିମିଲ୍ ସାଡ଼ିୟାନ୍, ହିଚିରକେଦାଏ ଆଡ଼ ଅତେ ଏକ୍ଲଥୟାନ୍ ।

ଏୟା ବିଜୁଲ୍ଲବାଜା

୬ ଏନ୍ଦ୍ରେ ଏୟା ଦୁଢ଼କ ଏୟା ବିଜୁଲ୍ଲବାଜା ସାଡ଼ି ନାଜ୍ଞ ସେକାଡ଼ୟାନ୍ନାକ ।

୭ ପାହିଲା ଦୁଢ଼ ବିଜୁଲ୍ଲବାଜା ସାଡ଼ିକେଦଚି ଆରିଲ୍, ସେଜ୍ଞେଲ୍ ଆଡ଼ ମାୟୋମ୍ ଅତେ ଚେତାନ୍ରେ ଦୁଲ୍ଲୟାନ୍ । ଏନାତେ ସବେନ୍ ଦାରୁ, ହାରିୟାର୍ ତାସାଦ୍ ଆଡ଼ ଅତେରେୟାଃ ଆପିହିସା ଜୁଲ୍ଲୟାନ୍ ।

୮ ଏନ୍ଦ୍ରେ ଏଗାଠ ଆଡ଼ମିଆଁଦ ଦୁଢ଼ ଆୟାଃ ବିଜୁଲ୍ଲବାଜା ସାଡ଼ିକେଦଚି ସେଜ୍ଞେଲ୍ ଜୁଲ୍ତାନ୍ ଲେକା ମିଆଁଦ ମାରାଜ୍ଞ ଦରେୟାରେ ହୁରାଜ୍ଞୟାନ୍ । ଏନାତେ ଦରେୟାରେୟାଃ ଆପିହିସା ଦାଆଃ, ମାୟୋମ୍ ବାଇୟାନ୍ ।

୯ ଦରେୟାରେନ୍ ଜାନିଦ୍ ଜାତୁକଏତେ ଆପିହିସା ଗଏଃୟାନ୍ନାକ, ଆଡ଼ ଦରେୟାରେୟାଃ ଦାଆଃ ଜାହାଜ୍ଞ ଆପିହିସା ନକ୍ସାନ୍ୟାନ୍ ।

୧୦ ଏନ୍ଦ୍ରେ ଆପିୟା ଦୁଢ଼ ଆୟାଃ ବିଜୁଲ୍ଲବାଜା ସାଡ଼ିକେଦଚି ସିର୍ମାଏତେ ସେଜ୍ଞେଲ୍ ଲୁଠି ଲେକା ଜୁଲଠତାନ୍ ମିଆଁଦ ମାରାଜ୍ଞ ଇପିଲ୍ ସବେନ୍ ଗାଡ଼ାରେୟାଃ ଆପିହିସା ଆଡ଼ ସେତେଜ୍ଞ ଚେତାନ୍ରେ ଉୟାଃୟାନ୍ ।

୧୧ ଏନ୍ ଇପିଲ୍ରାଃ ନୁତୁମ୍ “ମେହେର୍ ।” ଏନାରେ ଦାଆଃରେୟାଃ ଆପିହିସା ମେହେର୍ୟାନ୍, ଆଡ଼ ଏନ୍ ଦାଆଃ ନୁକେଦତେ ପୁରାଃ ହଡ଼କଥାଃ ଗନଏଃ ହବାୟାନ୍ ।

୧୨ ଏନ୍ଦ୍ରେ ଉପୁନିୟା ଦୁଢ଼ ଆୟାଃ ବିଜୁଲ୍ଲବାଜା ସାଡ଼ିକେଦଚି ସିଜ୍ଞିରାଃ ଆପିହିସା, ଚାଣ୍ଡୁରାଃ ଆପିହିସା, ଆଡ଼ ଇପିଲ୍କଥାଃ ଆପିହିସା ଜିୟନ୍ୟାନ୍ । ଏନାତେ ମାୟାଲ୍ରେୟାଃ ଆପିହିସା ନୁବାଃୟାନ୍ । ସିଜ୍ଞିରେୟାଃ ଆପିହିସା ଆଡ଼ ନୁବାଃରେୟାଃ ଆପିହିସା କା ମାୟାଲ୍ୟାନ୍ ।

୧୩ ଏନ୍ଦ୍ରେ ଆଇଜ୍ଞ ଆରିଦ୍ ରାକାବକେଦାଇଜ୍ଞ, ଆଲା ସିର୍ମାରେ ମିଆଁଦ ବାଜ୍ ଅଡ଼େ ଆଫିରତାନ୍ଲଃ କାଉରିକେଦତେ କାଜିତାନ୍, “ହାଏ, ଚିମିନ୍ ବରଞ୍ଜାନ୍ରିୟା ! ଏଗାଠ ଆପିୟା ଦୁଢ଼କ ଆକଥାଃ ବିଜୁଲ୍ଲବାଜା ସାଡ଼ି ଇମ୍ତା, ଅତେଦିଶ୍ଵମ୍ରେନ୍ ହଡ଼କଥାଃ ଦୁରଦାସା ଚିମିନ୍ ବରଞ୍ଜାନ୍ରି ହବାଅଥା ।”



୧୪ ଏନ୍ଦ୍ରେ ମଣେୟା ଦୁଢ଼ ବିଜୁଲ୍ଲବାଜା ସାଡ଼ିକେଦଚି, ଆଇଜ୍ଞ ସିର୍ମାଏତେ ମିଆଁଦ ଇପିଲ୍ ଅତେରେ ଉୟାଗଠତାନ୍ ନେଲ୍କିୟାଜ୍ଞ, ଇନିଃକେ ହୁଆଜ୍ଞଗାଡ଼ାରେୟାଃ ଚାଡ଼ି ଏମାକାନ୍ ତାଇକେନା ।

୧୫ ଇନିଃ ହିଜୁଃକେଦତେ ହୁଆଜ୍ଞଗାଡ଼ାରେୟାଃ ଦୁଆର୍ ନିଜ୍ଞକେଦଚି, ମିଆଁଦ ମାରାଜ୍ଞ ଭାଟିଏତେ ଅଡ଼କ୍ଥାଡ଼ତାନ୍ ସୁକୁଲ୍ ଲେକା ହୁଆଜ୍ଞଗାଡ଼ାଏତେ ସୁକୁଲ୍ ଅଡ଼କ୍ଥାୟାନ୍, ଆଡ଼ ଏନ୍ ସୁକୁଲ୍ ହରାତେ ସିଜ୍ଞି ଆଡ଼ ସିର୍ମା ଲାଡ଼ାର୍ ନୁବାଃୟାନ୍ ।

୧୬ ଆଡ଼ ଏନ୍ ସୁକୁଲ୍ଏତେ ସନ୍ସରେଦକ ଅଡ଼କ୍ଥାକେଦତେ ଅତେରେକ ପାସ୍ତରାଥୟାନ୍ । ଇନ୍କୁକେ ମାର୍ମାର୍ ଲେକା ତୁଡ଼ ଦାଡ଼ିରେୟାଃ ପେଡ଼େଃ ଏମୟାନ୍ ।

୧୭ ଅତେରେୟାଃ ତାସାଦ୍, ଆଡ଼ ଚାଏ ଜେତାନ୍ ଦାରୁକେ ଆଲପେ ନକ୍ସାନେୟା, ମେନ୍ଦ୍ ଅକନ୍କଥାଃ ମଲ୍ଲଜ୍ଞରେ ପାରମେଶ୍ଵାରଥାଃ ଚିହ୍ନାଁ କା ତାଇକେନା, ଇନ୍କୁଥାଃ ଏସ୍କାର୍ ନକ୍ସାନ୍ ରିକା ନାଗେନ୍ଦ୍ରେ ଏନ୍ ସନ୍ସରେଦକକେ କାଜିକାନ୍ ତାଇକେନା ।

୧୮ ଆଡ଼ ଏନ୍ ହଡ଼କକେ ଆଲପେ ଗଏଃକଥା, ମେନ୍ଦ୍ ମଣେୟା ମାହୁଁନା ଜାକେଦ୍ ଦୁକୁ ଏମାକପେ ମେନ୍ଦ୍ରେ ଏନ୍ ସନ୍ସରେଦକକେ ଆରୁକାନ୍ ତାଇକେନା । ଏନ୍ ଦୁକୁହାସୁ, ମାର୍ମାର୍କଥାଃ ତୁଡ଼ ଲେକା ହାସୁ ତାଇକେନା ।

୧୯ ଏନ୍ ମଣେୟା ମାହୁଁନା ଭିତାରରେ ଦୁକୁହାସୁତାନ୍ ହଡ଼କ ଗନଏଃ ଦାଣ୍ଡାୟାକ, ମେନ୍ଦ୍ ଗନଏଃ କାକ ନାମେୟା । ଇନ୍କୁ ଗଜଃ ସାନାଜ୍ଞଆଃକ, ମେନ୍ଦ୍ ଗନଏଃ ଇନ୍କୁତାଃଏତେ ନିରାଃ ।

୨୦ ଏନ୍ ସନ୍ସରେଦକ ଲାଡ଼ାଇ ନାଗେନ୍ଦ୍ରେ ସେକାଡ଼ାକାନ୍ ସାଦମ୍ ଲେକାକ ନେଲଃ ତାଇକେନା । ଇନ୍କୁଥାଃ ବହଃରେ ସୋନାରେୟାଃ ମୁକୁର୍ ଲେକା, ମେଦ୍ମୁହାଁଡ଼ ହଡ଼କଥାଃ ମେଦ୍ମୁହାଁଡ଼ ଲେକା,

୨୧ ଉବ୍ କୁଡ଼ିକଥାଃ ଉବ୍ ଲେକା ଆଡ଼ ଡାଟା କୁଲାକଥାଃ ଡାଟା ଲେକା ତାଇକେନା ।

୨୨ ଇନ୍କୁଥାଃ କୁଡ଼ାମକେ ମେଡ଼େଦତେ ବାଇୟାକାନ୍ ତୁସିୟେନ୍ଦେୟାଃ ଲେକ୍ନାଃଲଃ ପଟମାକାନ୍ ତାଇକେନା ଆଡ଼ ସାଦମ୍ ଗାଡ଼ିତେ ଲାଡ଼ାଇପିଡ଼ି ନିରେତାନ୍ ପୁରାଠଗି ସାଦମ୍କଥାଃ ଲାବ୍ଜା ଲେକା, ଇନ୍କୁଥାଃ ଆପ୍ରେରାଃ ଲାବ୍ଜା ଅଡ଼କ୍ଥାଃ ତାଇକେନା ।

* ଗ୍ରନ୍ଥ ଉତ୍କଳ କାଳି ୧୧:୧୯; ୧୭:୧୮.

୧୦ ଇନ୍ଦ୍ରକୁଆଃ ଚାଆଃଲମ୍ ଆତଃ ତୁତ୍ତେୟାଃ, ମାର୍ମାରକଆଃ ଚାଆଃଲମ୍ ଆତଃ ତୁତ୍ତେୟାଃ ଲେକା ତାଇକେନା । ଏନ୍ ଚାଆଃଲମ୍ତେ ମଣେୟାଁ ମାହୁଁନା ଜାକେଦ୍ ହଡ଼କଆଃ ନକ୍ସାନ୍ ରିକା ନାଗେନ୍ତେ ଇନ୍ଦ୍ରକୁକେ ଆକ୍ତେୟାର୍ ଏମାକାନ୍ ତାଇକେନା ।

୧୧ ଇନ୍ଦ୍ରକୁଆଃ ଚେତାନରେ ମିଆଁଦ୍ ରାଜା ରାଇଜେ ତାଇନାଏ । ଇନିଃ ହୁଆଙ୍ଗାତାରେନ୍ ମାରାଙ୍ଗ୍ ଦୁଁଡ୍ ତାନିଃ । ଏବ୍ରୀ ଜାଗାର୍ତେ ଆୟାଃ ନୁତୁମ୍ ଆବ୍ଦୋନ୍ ଆତଃ ଗ୍ରୀକ୍ ଜାଗାର୍ତେ ଏନ୍ ନୁତୁମ୍ ହବାଅଃତାନା ଆପୋଲିୟୋନ୍, ଏନାରେୟାଃ ମୁଣ୍ଡି ଜିୟନେନିଃ ।

୧୨ ପାହିଲା ଦୁକୁହାସୁ ଚାବାୟାନା, ଏଟାଃ ଆତଃମିଆଁଦ୍ ଦୁକୁହାସୁ ହିଜୁଃତାନା ।

୧୩ ଏନ୍ତେ ତୁରିୟା ଦୁଁଡ୍ ଆୟାଃ ବିଙ୍ଗୁଲ୍ବାଜା ସାଡ଼ିକେଦ୍ତି, ପାର୍ମେଶ୍ଵାର୍ଆଃ ଆୟାର୍ତେ ଦହାକାନ୍ ସୋନା ବେଦିରେୟାଃ ଉପୁନିୟା ଦିରିଙ୍ଗ୍ହେତେ ମିଆଁଦ୍ ଲାବ୍ଜା ଆୟୁମ୍କେଦାଇଙ୍ଗ୍ ।

୧୪ ଏନ୍ ଲାବ୍ଜା ବିଙ୍ଗୁଲ୍ବାଜା ସାବାକାଦ୍ ତୁରିୟା ଦୁଁଡ୍କେ କାଜିକିୟା, “ଇତ୍ପ୍ରାଟିସ୍ ନୁତୁମଃତାନ୍ ମାରାଙ୍ଗ୍ ଗାଡ଼ା ହେପାଦ୍ରେ ତଲାକାନ୍ ଉପୁନିୟା ଦୁଁଡ୍କେ ରାଡ଼ାତାକମେ ।”

୧୫ ଏନାମେନ୍ତେ ନେ ସାଲାକାନ୍ ବାରାଷ୍ଟ, ମାହୁଁନା, ଦିନ୍ ଆତଃ ଘାଡ଼ିରେ, ସବେନ୍ ହଡ଼କଆଃ ଆପିହିସା ହଡ଼କକେ ଗଗଏଃ ନାଗେନ୍ତେ ସେକାଡ଼ାକାନ୍ ଏନ୍ ଉପୁନିୟା ଦୁଁଡ୍କେ ରାଡ଼ାୟାନା ।

୧୬ ଏନ୍ତେ ଆଇଙ୍ଗ୍ ସାଦମ୍ ଚେତାନରେ ଦୁବ୍କେଦ୍ତେ ଲାଡ଼ାଇତାନ୍ ସିପାଇକ ୨୦୦,୦୦୦,୦୦୦ ତାଇକେନାକ ମେନ୍ତେଇଙ୍ଗ୍ ଆୟୁମ୍କେଦା ।

୧୭ ଆତଃ ଆଇଙ୍ଗ୍ ଦାର୍ଶାନରେ ନେ'ଲେକାଇଙ୍ଗ୍ ନେଲ୍କେଦା, ଇନ୍ଦ୍ରକୁଆଃ କୁଡ଼ାମ୍ରେ ମେଡ୍ଡେଦ୍ତେ ବାଇୟାକାନ୍ ତୁସିୟେନ୍ତେୟାଃ, ସେଙ୍ଗେଲ୍ ଲେକା ଆରାଃ, ନିଲିୟା ରାଙ୍ଗ୍, ଆତଃ ସାସାଙ୍ଗ୍ ରାଙ୍ଗ୍ ତାଇକେନା । ସାଦମ୍କଆଃ କୁଲା ଲେକା ବହଃ ତାଇକେନା ଆତଃ ଇନ୍ଦ୍ରକୁଆଃ ମଚାଏତେ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଅତଙ୍ଗ୍ଆଃ ତାଇକେନା ।

୧୮ ଆତଃ ଇନ୍ଦ୍ରକୁଆଃ ମଚାଏତେ ଅତଙ୍ଗ୍ଆଃତାନ୍ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଲେକାନ୍ ନେ ଆପିୟା ଦୁକୁହାସୁତେ ହଡ଼କଆଃ ଆପିହିସା ଗଗଏଃ ହବାୟାନା ।

୧୯ ସାଦମ୍କଆଃ ପେଡ୍ଡେଃ, ଇନ୍ଦ୍ରକୁଆଃ ମେଦ୍ମୁହାଁଡ୍ ଆତଃ ଚାଆଃଲମ୍ରେ ତାଇକେନା । ଇନ୍ଦ୍ରକୁଆଃ ଚାଆଃଲମ୍ ବିଙ୍ଗୁକଆଃ ବହଃ ଲେକା ତାଇକେନା ଆତଃ ଏନାତେ ଇନ୍ଦ୍ରକୁ ହଡ଼କକେ ନକ୍ସାନ୍କ ତାଇକେନାକ ।

୨୦ ଦୁକୁହାସୁକରେ କା ଜିୟନ୍କେଦ୍ତେ ସାରେଜାକାନ୍ ହଡ଼କ ଆକଆଃ ଏଡ଼କାନ୍ କାଜି କାମିକଏତେ କାକ ହେୟାଡ଼ିଙ୍ଗ୍କେଦା । ଇନ୍ଦ୍ରକୁ ବଙ୍ଗା ସେଞ୍ଜା, ତିଃଇତେ ବାଇୟାକାନ୍ ସୋନା, ରୁପା, ପିତାଲ୍, ଦିରି ଆତଃ ଦାରୁରେୟାଃ ମୁରୁଡ଼କକେ, ଅକନ୍କତି କାକ ନେଲ୍ ଦାଡ଼ିୟା, କାକ ଆୟୁମ୍ ଦାଡ଼ିୟା ଆତଃ କାକ ସେସେନ୍ ଦାଡ଼ିୟା ଇନ୍ଦ୍ରକୁକେ ସେଞ୍ଜା ନାଙ୍ଗ୍ କାକ ବାଗିକେଦା ।

୨୧ ଇନ୍ଦ୍ରକୁ କା ହେୟାଡ଼ିଙ୍ଗ୍କେଦ୍ତେ ହଡ଼ ଗଗଏଃ, ଦେଅଁଣା କାମି, ଆପାଙ୍ଗିର୍ କାମି, ଆତଃ କୁମ୍ବୁ କାମି କାକ ବାଗିକେଦା ।

୧୦

ଦୁଁଡ୍ ଆତଃ ହୁଡ଼ିଙ୍ଗ୍ ମାରି ପୁଥ୍

୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ପେଡ୍ଡେୟାନ୍ ଦୁଁଡ୍କେ ସିର୍ମାଏତେ ଆଡ଼ଗୁଃତାନ୍ ନେଲ୍କିୟାଇଙ୍ଗ୍ । ଇନିଃ ରିମିଲ୍ରେ ଦାନାଙ୍ଗାକାନ୍ ତାଇକେନା ଆତଃ ଲୁର୍ବିଙ୍ଗ୍* ଆୟାଃ ବହଃରେ ବିୟୁରାକାନ୍ ତାଇକେନା । ଇନିୟାଃ ମେଦ୍ମୁହାଁଡ୍ ସିଙ୍ଗିଲେକା ଆତଃ ଆୟାଃ ବାରାନ୍ କାଟା ସେଙ୍ଗେଲ୍ରାଃ ଖୁଣ୍ଟୁ ଲେକା ନେଲଃ ତାଇକେନା ।

୨ ଇନିୟାଃ ତିଃଇରେ ମିଆଁଦ୍ ହୁଡ଼ିଙ୍ଗ୍ ମାରି ପୁଥ୍ ଅଟାଃକାନ୍ ତାଇକେନା । ଇନିଃ ଆୟାଃ ଜମ୍ କାଟାକେ ଦରେୟା ଚେତାନରେ ଆତଃ ଲେଙ୍ଗା କାଟାକେ ଅତେ ଚେତାନରେ ଦହକାଦ୍ ତାଇକେନା ।

୩ କୁଲାୟାଃ ହୁଁକ୍ରାଅ ଲେକା ଇନିଃ କାଉରିକେଦ୍ତେ କେଡ଼ାକେଦା, ଏନ୍ ଲେକାଗି ହୁଁକ୍ରାଅକେଦ୍ତେ ଏୟା ରିମିଲ୍ସାଡ଼ିକ ଇନିୟାଃ କେନେଡ଼ାରାଃ କାଜିରୁହାଡ଼କେଦାକ ।

୪ ଇନ୍ଦ୍ରକୁ ଜାଗାର୍ତେନ୍ତେୟାଃ, ଏନାକେ ଆଇଙ୍ଗ୍ ଅଲେ ନାଗେନ୍ତେଇଙ୍ଗ୍ ସେକାଡ଼ଃ ତାଇକେନା, ମେନ୍ଦ୍ ସିର୍ମାଏତେ ମିଆଁଦ୍ ଲାବ୍ଜା ଆୟୁମ୍କେଦାଇଙ୍ଗ୍ । ଏନ୍ ଲାବ୍ଜା ଆଇଙ୍ଗ୍କେ କାଜିକେଦିୟା, “ରିମିଲ୍ସାଡ଼ିରେ ଅକଆଃ ଆୟୁମ୍କେଦାମ୍, ଏନାକେ ଉକୁକେଦ୍ତେ ଦହେମେ, ଆଲ୍ମେ ଅଲେୟା ।”

୫ ଏନ୍ତେ ଆଇଙ୍ଗ୍ ଅକ ଦୁଁଡ୍କେ ଦରେୟା ଆତଃ ଅତେ ଚେତାନରେ ତିଙ୍ଗୁଆକାନ୍ ନେଲ୍କାଇ ତାଇକେନାଇଙ୍ଗ୍, ଇନିଃ ଆୟାଃ ଜମ୍ ତିଃଇକେ ସିର୍ମାସାଃତେ ଉଠାଅକେଦା,

୬ ଆତଃ ଇନିଃ ସିର୍ମା, ଅତେ, ଦରେୟା, ଆତଃ ଏନାରେୟାଃ ସବେନ୍ ବିଷାଏକେ ବାଇୟାକାଦ୍ନିଃ ଜାନାଅ ଜାନାଅ ଜାନିଦ୍ ପାର୍ମେଶ୍ଵାର୍ଆଃ ନୁତୁମ୍ତେ କିରିୟାକେଦ୍ତେ କାଜିକେଦା, “ଆତଃ ଦିପିଲି କା ବିଲାମଃଆ !

* ୧୦:୧ ଇନ୍ଦ୍ରଧନୁ

୭ ଏୟା ଦୁଁଡ଼ ବିଜୁଲବାଜା ସାଡ଼ିୟାଏ ଇମତା, ପାରମେଶ୍ୱାର୍ ଆୟାଃ ଦାସିକଆଃ ଆତଃ ନାବୀକଆଃ ଆୟାରରେ, ଅକ ସୁକୁକାଜି ଉଦୁବକାଦ୍ ତାଇକେନାଏ, ଏନାକେ ପୁରାଏୟାଏ ।”

୮ ଏନ୍ତେ ସିର୍ମାରେୟାଃ ଏନ୍ ଲାବଜା ଆଇଙ୍ଗକେ ଆତଃମିସା କାଜିକେଦିୟା, “ଜୁ, ଦରେୟା ଆତଃ ଅତେ ଚେତାନରେ ତିଜୁଆକାନ୍ ଦୁଁଡ଼ଆଃ ତିଃଇଏତେ ଅଟାଃକାନ୍ ମାରି ପୁଥ୍ ଇଦିମେ ।”

୯ ଆଇଙ୍ଗ ଦୁଁଡ଼ତାଃ ସେନକେଦ୍ତେ ଏନ୍ ହୁଡ଼ିଙ୍ଗ୍ ମାରି ପୁଥ୍‌କେଇଙ୍ଗ୍ ଆସିକିୟା । ଇନିଃ ଆଇଙ୍ଗକେ କାଜିକେଦିୟା, “ନେଆଁ ଇଦିକେଦ୍ତେ ଜମେମେ । ଆମାଃ ଲାହିଦ୍ ନାଗେନ୍ତେ ନେଆଁ ମେହେରଗିୟା, ମେନ୍ଦ୍ ଆମାଃ ମତାରେ ନେଆଁ ହୁରୁମ୍‌ସୁକୁ ରାସି ଲେକା ହେଡ଼େମ୍‌ଗିୟା ।”

୧୦ ଆଇଙ୍ଗ୍ ଏନ୍ ହୁଡ଼ିଙ୍ଗ୍ ମାରି ପୁଥ୍‌କେ, ଏନ୍ ଦୁଁଡ଼ଆଃ ତିଃଇଏତେ ଇଦିକେଦ୍ତେ ଜମ୍‌କେଦାଈଙ୍ଗ୍ । ଏନା ଆଇଁୟାଃ ମତାରେ ହୁରୁମ୍‌ସୁକୁ ରାସି ଲେକା ହେଡ଼େମ୍‌କେନା, ମେନ୍ଦ୍ ଉଦ୍‌କେଦ୍ ତାୟମ୍‌ତେ ଲାହିଦ୍ ଭିତାରରେ ମେହେରୟାନା ।

୧୧ ଏନ୍ତେ ଜେତାଏ ମିହୁଡ୍ ଆଇଙ୍ଗକେ କାଜିକେଦିୟା, “ପୁରାଃ ଦିଶୁମ୍, ଜାତି, ରାକାମ୍ ରାକାମ୍ ଜାଗାର୍‌ତାନ୍ ହଡ୍ ଆତଃ ରାଜାକଆଃ ବିଷାଏରେ ପାରମେଶ୍ୱାର୍‌ଆଃ କାନାଜି, ଆମ୍ ଆତଃମିସା ସେନକେଦ୍ତେ ଉଦୁବେମେ ।”

୧୧

ବାରିୟା ଗାଞ୍ଜକିନ୍

୧ ଏନ୍ତେ ଜେତାଏ ମିହୁଡ୍ ଆଇଙ୍ଗକେ ସଙ୍ଗସଗା ଲେକା ମିଆଁଦ୍ ସଗା ଏମ୍‌କେଦ୍ତେ କାଜିକେଦିୟା, “ଜୁ, ପାରମେଶ୍ୱାର୍‌ଆଃ ମାହିର୍ ଆତଃ ବେଦି ସଙ୍ଗକେଦ୍ତେ, ମାହିର୍‌ରେ ସେଞ୍ଜାତାନ୍ ହଡ୍‌କକେ ଲେକାକମେ ।

୨ *ମେନ୍ଦ୍ ମାହିର୍ ଅତଃରାଗାକେ ଆଲମ୍ ସଙ୍ଗେୟା । ଚିୟାଃତି ଏନାଦ୍ ସାଆଁସାର୍ ହଡ୍‌କକେ ଏମାକାନା ଆତଃ ଇନ୍‌କୁ ବାର୍‌ହିସି ବାର୍ ମାହିର୍ ନା ଜାକେଦ୍ ନେ ପାବିତାର୍ ନାଗାରକେ ଆକଆଃ କାଟାଲଃ ତିକାଏୟାକ ।

୩ ବାସ୍ତା ଲିଜାଃ ତୁସିଙ୍ଗ୍‌ୟାକାନ୍ ଆଇଁୟାଃ ବାର୍‌ହଡ୍ ଗାଞ୍ଜକିନ୍‌କେଇଙ୍ଗ୍ କୁଲ୍‌କେଦ୍‌କିନା । ଇନ୍‌କିନ୍ ୧,୨୬୦ ମାହିର୍ ଜାକେଦ୍ ପାରମେଶ୍ୱାର୍‌ଆଃ କାନାଜିକେ ଉଦୁବେୟାକିନ୍ ।”

୪ ଏନ୍ ବାରାନ୍ ଗାଞ୍ଜା ହବାଅଃତାନାକିନ୍, ଅତେରେ ପାରମେଶ୍ୱାର୍‌ଆଃ ଆୟାରରେ ତିଜୁଆକାନ୍ ବାରିୟା ଜାଇତୁନ୍ ଦାରୁ ଆତଃ ବାରିୟା ଦିଆ ଦହ ଖୁଣ୍ଟୁ ତାନ୍‌କିନ୍ ।

୫ ଜେତାଏ ଇନ୍‌କିନାଃ ନକ୍‌ସାନ୍ ରିକା ନାଙ୍ଗ୍ ସାନାଙ୍ଗ୍‌ରେଦ୍, ଇନ୍‌କିନାଃ ମତାଏତେ ସେଙ୍ଗେଲ୍ ଅତଙ୍ଗକେଦ୍ତେ ବାଇରିକ ଜିୟନଃଆ । ନେ'ଲେକା ଜେତାଏ ଇନ୍‌କିନାଃ ନକ୍‌ସାନ୍ ରିକା ନାଗେନ୍ତେକ ଅତଙ୍ଗଅଃଆ, ଇନ୍‌କୁ ଜିୟନଃଆକ ।

୬ ପାରମେଶ୍ୱାର୍‌ଆଃ କାନାଜି ଉଦୁବ ଇମତା ସିର୍ମାଏତେ ଦାଆଃ ଆଲକାଏ ଗାମାଏ ମେନ୍ତେ, ସିର୍ମାରେୟାଃ ରିମିଲକେ ହକା ନାଗେନ୍ତେ, ସେତେଙ୍ଗ୍ ଦାଆଃ, ମାୟୋମ୍ ହବାଅଃ ନାଗେନ୍ତେ ଆତଃ ଆପାନାଃ ଇଛାସାନାଙ୍ଗ୍ ଲେକା ଅତେରେ ମଣୈସା ଦୁକୁହାସୁ ହବାଅଃ ନାଗେନ୍ତେ ଇନ୍‌କିନ୍‌କେ ଆକ୍‌ତେୟାର୍ ଏମାକାନା ।

୭ *ଇନ୍‌କିନ୍ କାନାଜି ଉଦୁବ ଚାବାକେଦ୍ ତାୟମ୍‌ତେ, ହୁଆଙ୍ଗାତାଏତେ ମିଆଁଦ୍ ଜାଁତୁ ହିଜୁଃକେଦ୍ତେ, ଇନ୍‌କିନ୍‌ଲଃ ଲାପ୍‌ଡ଼ାଇ ରିକାଏୟାଏ । ଇନିଃ ଇନ୍‌କିନ୍‌କେ ହାରାଅକେଦ୍ତେ ଗଏଃକିନା ।

୮ ଅକ ମାରାଙ୍ଗ୍ ନାଗାରରେୟାଃ ହରାରେ ପ୍ରାଭୁ କୁଶରେ କିଲାକାନ୍ ତାଇକେନା, ଏନ୍ତାଃରେ ଇନ୍‌କିନାଃ ଗନଏଃ ହଡ୍‌ମ୍ ଉୟୁଗାକାନ୍ ତାଇନା । ଏନ୍ ମାରାଙ୍ଗ୍ ନାଗାରକେ ଆମିକ୍ ଲେକାତେ ସୋଦମ୍ ଚାଏ ମିସାର୍ ମେନ୍ତେ କାଜିୟାଃକ ।

୯ ସବେନ୍ ଦିଶୁମ୍‌ରେନ୍ ହଡ୍‌କ, କିଲିକ, ଏଟାଃ ଏଟାଃ ଜାଗାର୍‌ତାନ୍‌କ, ଆତଃ ଜାତିରେନ୍ ହଡ୍‌କ ଆପିୟା ଆତଃ ଆଧା ମାହିର୍ ଜାକେଦ୍ ଇନ୍‌କିନାଃ ଗନଏଃ ହଡ୍‌ମ୍‌କ ନେଲେୟା ଆତଃ ଇନ୍‌କିନ୍‌କେ ତପାଗାତାରେ ଜେତାଏ କାକ ତପାକିନା ।

୧୦ ନେ ବାରାନ୍‌କିନାଃ ଗନଏଃ ହରାତେ ଅତେଦିଶୁମ୍‌ରେନ୍ ହଡ୍‌କ ରାସ୍‌କାନାଃକ, ରିଜ୍‌ରାଙ୍ଗକେଦ୍ତେ ମିହୁଡ୍ ଆତଃମିହୁଡ୍‌ତାଃତେ ଦାନ୍‌କ କୁଲେୟା । ଚିଆଃତି ଏନ୍ ନାବୀକିନାଃ ହରାତେ ଅତେଦିଶୁମ୍‌ରେନ୍ ହଡ୍‌କ ପୁରାଃଗି ଦୁକୁକ ନାମେ ତାଇକେନା ।

୧୧ ମେନ୍ଦ୍ ଆପିୟା ଆତଃ ଆଧା ମାହିର୍ ତାୟମ୍‌ତେ ପାରମେଶ୍ୱାର୍‌ତାଃଏତେ ଜୀଦାନ୍ ଏମଃରେୟାଃ ହୟ ହିଜୁଃକେଦ୍ତେ ଇନ୍‌କିନାଃ ହଡ୍‌ମ୍‌ରେ ବଲୟାନା ଆତଃ ଇନ୍‌କିନ୍ ବିରିଦ୍‌କେଦ୍ତେ ତିଜୁୟାନାକିନ୍ । ଅକନ୍‌କ ନେଆଁ ନେଲ୍‌କେଦାକ, ଇନ୍‌କୁ ପୁରାଃଗି ବରକେଦାକ ।

୧୨ ଆତଃ ଏନ୍ ବାରାନ୍ ନାବୀକିନ୍ ମିଆଁଦ୍ ଲାବଜା ସିର୍ମାଏତେ କାଜିତାନ୍ ଆୟୁମ୍‌କେଦାକିନ୍, “ନେତାଃତେ ହିଜୁଃବେନ୍ !” ଇନ୍‌କିନାଃ ବାଇରିକ ନେଲ୍ ତାଇକେନ୍ ଇମ୍‌ତାଗି ଇନ୍‌କିନ୍ ରିମିଲରେ ସିର୍ମାତେକିନ୍ ରାକାବ୍‌ୟାନା ।

୧୩ *ଏନ୍ ଦିପିଲିରେ ପୁରାଃଗି ଅତେ ଏକ୍‌ଲାଅୟାନା, ନାଗାରରେୟାଃ ଗେଲ୍‌ହିସା ଜିୟନ୍‌ୟାନା ଆତଃ ଅତେ ଏକ୍‌ଲାଅୟାନ୍ ହରାତେ ୭,୦୦୦ ହାଜାର୍ ହଡ୍‌କ ଗଏଃୟାନାକ । ଜାନିଦ୍ ତାଇକାନ୍ ହଡ୍‌କ ବରତେ ସିର୍ମାରେନ୍ ପାରମେଶ୍ୱାର୍‌ଆଃ ମାନାରାଙ୍ଗ୍ ରିକାକେଦାକ ।

* ୧୧:୨ ଲୁକ ୨୧:୨୪. * ୧୧:୭ ଉତ୍କଳ କାଜି ୧୩:୫-୭; ୧୭:୮. * ୧୧:୧୩ ଉତ୍କଳ କାଜି ୬:୧୨; ୧୭:୧୮.

୧୪ ବାରିୟା ସାଙ୍କାଟ ଚାବାୟାନା, ମେନ୍ଦ ଆପିୟା ସାଙ୍କାଟ ଜାଲଦି ହିଜୁଃତାନା ।

ଏୟା ବିଜୁଲ୍

୧୫ ଏନ୍ତେ ଏୟା ଦୁଁଡ଼ ଆୟାଃ ବିଜୁଲ୍ ସାଡ଼ିକେଦାଏ, ଆଡ଼ଃ ସିର୍ମାରେ କାଉରିକେଦତେ କାଜିତାନ୍ ମିଆଁଦ୍ ଲାବ୍‌ଜା ଆୟୁମ୍‌ୟାନା, “ଆବୁଆଃ ପ୍ରାଭୁ ଆଡ଼ଃ ଆୟାଃ ଶ୍ରୀଷ୍ଟ ଅତେଦିଶୁମ୍‌ରେ ରାଇଜେରେୟାଃ ଆକ୍‌ତେୟାର୍ ନାହାଁଃଦ ଆୟାଃ ଆପ୍‌ନାଃ ଡିଃଇରେ ମେନାଃ, ଆଡ଼ଃ ଇନିଃ ଜାନାଅ ଜାନାଅ ରାଇଜେୟାଏ ।

୧୬ ଏନ୍ତେ ପାର୍‌ମେଶ୍‌ବରଆଃ ଆୟାର୍‌ରେ ଆକଆଃ ଆପ୍‌ନାଃ ଆପ୍‌ନାଃ ରାଜ୍‌ଗାଦିରେ ଦୁବ୍‌ତାନ୍ ବାର୍‌ହିସି ଉପୁନିୟା ପ୍ରାଚିନକ ବହଃ ଡିରୁବ୍‌କେଦତେ ପାର୍‌ମେଶ୍‌ବରକେ ଜହାର୍‌କିୟାକ ଆଡ଼ଃ ଆୟାଃ ସୁନୁସାର୍ ରିକାତାନ୍‌ଲଃ,

୧୭ କାଜିକେଦାକ,

“ହେ ପ୍ରାଭୁ, ସବେନ୍ ପେଡେୟାନ୍ ପାର୍‌ମେଶ୍‌ବର, ଆମ୍ ତାଇକେନ୍‌ନିଃ ଆଡ଼ଃ ମେନାମେନିଃ ତାନ୍‌ମେ,

ଆଲେ ଆମ୍‌କେ ଧାନ୍ୟାବାଦ୍ ଏମାମେତାନାଲେ, ତିଆଃତି ଆମ୍ ପୁରାଃ ପେଡେଃଡେ

ରାଇଜେ ନାଗେନ୍ତେମ୍ ଏଟେଦ୍‌କାଦା ।

୧୮ ସାର୍‌ସାର୍ ହଡ଼କ ଖସ୍‌ତେ ପେରେଃୟାନାକ,

ଚିୟାଃତି ଆମାଃ ଖସ୍‌ରାଃ ଦିପିଲି ହିଜୁଃକାନା,

ଗଜାକାନ୍‌କ ବିଚାରଃଆକ ।

ଆମାଃ ଦାସିକକେ, ନାବୀକକେ, ପାବିତାର୍ ହଡ଼କକେ ଆଡ଼ଃ ଅକନ୍‌କ ଆମ୍‌କେ ବରମେତାନ୍

ହୁଡ଼ିଙ୍ଗ୍ ଆଡ଼ଃ ମାରାଙ୍ଗ୍ ସବେନ୍‌କକେ ନାଲା ଏମ୍‌ରେୟାଃ

ଆଡ଼ଃ ଅକନ୍‌କ ଅତେଦିଶୁମ୍‌କେ ଜିୟ୍‌ନେୟାକ, ଇନ୍‌କୁକେ ହଗି ଜିୟ୍‌ନଃରେୟାଃ ନେଡା ସେଟେରାକାନା ।”

୧୯ *ସିର୍ମାରେ ତାଇନଃତାନ୍ ପାର୍‌ମେଶ୍‌ବରଆଃ ମାନ୍‌ଦିର୍ ନିଜ୍‌ୟାନା ଆଡ଼ଃ ମାନ୍‌ଦିର୍ ଭିତାର୍‌ରେ ରାଜିନାମାରେୟାଃ ବାକ୍‌ସା ନେଲଃୟାନା । ଏନ୍ତେ ରିମିଲ୍ ହିଚିରକେଦାଏ, ଠେରକେଦାଏ, ଅତେ ଏକ୍‌ଲାଅୟାନା ଆଡ଼ଃ ପୁରାଃତି ଆରିଲ୍ ଉୟୁଃୟାନା ।

୧୨

ମିଆଁଦ୍ କୁଡ଼ି ଆଡ଼ଃ ମାରାଙ୍ଗ୍ ବିଙ୍ଗ୍

୧ ଏନ୍ତେ ସିର୍ମାରେୟାଃ ରିମିଲ୍‌ରେ ମିଆଁଦ୍ ଆକ୍‌ଦାନ୍‌ଆ ଚିହ୍ନାଁ ନେଲଃୟାନା, ଏନ୍ତାଃରେ ମିଆଁଦ୍ କୁଡ଼ି ସିଙ୍ଗିରାଃ ରାଁପ୍ ଲେକା ତୁସିଙ୍ଗ୍‌ୟାକାନ୍ ତାଇକେନାଏ । ଆୟାଃ କାଟା ଲାତାର୍‌ରେ ଚାଣ୍ଡୁ ଆଡ଼ଃ ବହଃରେ ଗେଲ୍‌ବାର୍ ଇପିଲ୍‌ରାଃ ମୁକୁଟ୍ ତାଇକେନା ।

୨ ଏନ୍ କୁଡ଼ି ହାମ୍‌ଲାରୋଝାକାନ୍ ତାଇକେନାଏ ଆଡ଼ଃ ହନ୍ ଜାନାମଃରେୟାଃ ଦୁକୁରେ ହାସୁଲ୍ ନାମେ ତାଇକେନା ।

୩ ସିର୍ମାରେୟାଃ ରିମିଲ୍‌ରେ ଆଡ଼ଃମିଆଁଦ୍ ଚିହ୍ନାଁ ନେଲଃୟାନା । ଏନ୍ତାଃରେ ଆଇଙ୍ଗ୍ ଆରାଃ ରାଙ୍ଗ୍‌ରେନ୍ ମିଆଁଦ୍ ମାରାଙ୍ଗ୍ ବିଙ୍ଗ୍ ନେଲ୍‌କିୟାଇଙ୍ଗ୍, ଇନିୟାଃ ଏୟା ବହଃ, ଗେଲ୍ ଦିରିଙ୍ଗ୍ ଆଡ଼ଃ ମିପିଆଦ୍ ବହଃରେ ମିପିଆଦ୍ ମୁକୁଟ୍ ତାଇକେନା ।

୪ ଇନିଃ ଆୟାଃ ଚାଆଃଲମ୍‌ତେ ସିର୍ମାରେନ୍ ଆପି ହିସା ଇପିଲ୍‌କକେ ଅତେରେ ହୁରାଙ୍ଗ୍‌କେଦକଆ । ଏନ୍ କୁଡ଼ିରାଃ ହନ୍ ଜାନାମ୍‌ୟାନ୍‌ଚି, ଇନିଃକେ ଉଦି ନାଗେନ୍ତେ ମାରାଙ୍ଗ୍ ବିଙ୍ଗ୍ ଏନ୍ କୁଡ଼ିଆଃ ଆୟାର୍‌ରେ ତିଙ୍ଗ୍‌ୟାନା ।

୫ ଏନ୍ତେ ଏନ୍ କୁଡ଼ି, କଡ଼ାହନ୍ ଜାନାମ୍‌କିୟାଏ, ଇନିଃ ସବେନ୍ ଦିଶୁମ୍‌କେ ମିଆଁଦ୍ ମେଡେଦ୍ ସଟାତେ ରାଇଜେୟା । ମେନ୍‌ଦ ଏନ୍ ହନ୍‌କେ ଛଡ଼ାଅ ଇଦିକେଦତେ ପାର୍‌ମେଶ୍‌ବରଆଃ ରାଜ୍‌ଗାଦି ଆୟାର୍‌ତେ ଇଦିୟାନା ।

୬ ଆଡ଼ଃ ଏନ୍ କୁଡ଼ି ବିରତେ ନିର୍‌ୟାନା । ଏନ୍ତାଃରେ ୧,୨୬୦ ମାହାଁ ଜାକେଦ୍ ଆୟାଃ ତାଇନଃ ନାଗେନ୍ତେ ପାର୍‌ମେଶ୍‌ବର ଠାୟାଦ୍ ବାଇକେଦାଏ ।

୭ *ଏନ୍ତେ ସିର୍ମାରେ ମାପାଃତୁପୁଇଙ୍ଗ୍ ଏନେଟେଦ୍‌ୟାନା । ମିଖେଲ୍ ଆଡ଼ଃ ଆୟାଃ ଦୁଁଡ଼କ, ଏନ୍ ମାରାଙ୍ଗ୍ ବିଙ୍ଗ୍ ଆଡ଼ଃ ଆଇଃକକେ ଅତଙ୍ଗ୍‌ତାନ୍ ଦୁଁଡ଼କଲଃ ଲାପାଡ଼ାଇୟାନାକ ।

୮ ମେନ୍‌ଦ ଲାପାଡ଼ାଇରେ ମାରାଙ୍ଗ୍ ବିଙ୍ଗ୍ ଆଡ଼ଃ ଆଇଃକକେ ଅତଙ୍ଗ୍‌ତାନ୍ ଦୁଁଡ଼କ କାକ ଜିତାଅ ଦାଡ଼ିୟାନା ଆଡ଼ଃ ଇନ୍‌କୁ ସିର୍ମାରେ ଠାୟାଦ୍ କାକ ନାମ୍‌କେଦା ।

୯ *ଏନ୍ ମାରାଙ୍ଗ୍ ବିଙ୍ଗ୍ ହବାଅଃତାନାଏ, ସବେନ୍ ଅତେଦିଶୁମ୍‌କେ ବେଦାକାଦ୍ ମାରି ମାରାଙ୍ଗ୍ ବିଙ୍ଗ୍, ସାଏତାନ୍; ଆୟାଃ ଦୁଁଡ଼ ଆଡ଼ଃ ପେଡେୟାନ୍ ଝୁଣ୍ଡଲଃ ଅତେଦିଶୁମ୍‌ରେ ହୁରାଙ୍ଗ୍‌ୟାନା ।

୧୦ ଏନ୍ତେ ଆଇଙ୍ଗ୍ ସିର୍ମାରେ ପୁରାଃ କାଉରିକେଦତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍, “ନାହାଁଃଦ ପାର୍‌ମେଶ୍‌ବରଆଃ ଜାଉବାଞ୍ଚାଅ ସେଟେରାକାନା । ଆୟାଃ ପୁରାଃ ପେଡେଃ, ରାଇଜ୍ ଆଡ଼ଃ ଆୟାଃ ମାସିଆଃ ଆକ୍‌ତେୟାର୍ ଉଦୁବାକାନା । ଅକ ପାଁସ୍‌ବିରେ ଉୟୁଃ ନାଙ୍ଗ୍ ନିଦାସିଙ୍ଗି ପାର୍‌ମେଶ୍‌ବରଆଃ ଆୟାର୍‌ରେ ତିଙ୍ଗ୍‌କେଦତେ, ଆବୁଆଃ ହାଗା ମିଶିକଆଃ ବିରୁଧ୍‌ରେ ହସଡ଼ କାଜିନିଃ ତିସିଙ୍ଗି ସିର୍ମାଏତେ ହୁରାଙ୍ଗ୍ ଏଣ୍ଡାଃକାନା ।

* ୧୧:୧୯ ଉତ୍କଳ କାଳି ୮:୫; ୧୨:୧୮; ଉତ୍କଳ କାଳି ୧୭:୨୧. * ୧୨:୭ ଯିହୁଦା ୧:୯. * ୧୨:୯ ଲୁକ ୧୦:୧୮.

୧୧ ମିଶ୍ରିହନୁଆଃ ମାୟୋମରାଃ ପେଡ଼େଃତେ ଆତଃ ଆକଆଃ ଗାଞ୍ଜାରେୟାଃ କାଜି ଉଦୁବ୍ ହରାତେ ଆରୁଆଃ ହାଗା ମିଶିକ ଜିତାଅକାନାକ, ଆତଃ ଗନ୍‌ଏଃ ଜାକେଦ୍ ଇନ୍‌କୁ ଆକଆଃ ଆପ୍‌ନାଃ ଜୀଉକେ କା ଦୁଲ୍ଲୀଡ଼କେଦ୍‌ତେ ଜୀଉ ଏମ୍ ନାଗେନ୍ତେ ସେକାଡ଼ାକାନ୍ ତାଇକେନାକ ।

୧୨ ଏନାତେ ସିର୍ମା ଆତଃ ସିର୍ମାରେ ତାଇନ୍‌ତାନ୍ ସବେନ୍‌କ ରାସ୍‌କାଅଃପେ । ମେନ୍‌ଦ ହାଏ, ଅତେ ଆତଃ ଦରେୟାରେନ୍ ସବେନ୍‌କ, ଆପେୟାଃ ଦୁର୍‌ଦାସା ଚିମିନ୍ ବରଞ୍ଜାନ୍‌ଗିଆ ! ନାହାଁଃ ସାଏତାନ୍ ଆପେତାଃରେ ପୁରାଃଗି ଖୁସ୍‌କାନା, ଚିଆଃଚି ଇନିଃ ସାରିତାନାଏ ଆୟାଃ ନେତା ପୁରାୟାନ୍‌ଗିଆ ।”

୧୩ ଏନ୍ ମାରାଙ୍ଗ୍ ବିଙ୍ଗ୍ ଆପାନ୍‌କେ ଅତେରେ ହୁରାଙ୍ଗ୍‌କାନ୍ ନେଲ୍‌କେଦ୍‌ତେ ଏନ୍ ହନ୍ ଜାନାମାକାଇ କୁଡ଼ିଆଃ ଦୟା ଦୟା କୁଦାଅକିୟାଏ ।

୧୪ ଏନ୍ ବିଙ୍ଗ୍‌ତାଃଏତେ ବାଞ୍ଚାଅଃ ନାଗେନ୍ତେ, ଏନ୍ କୁଡ଼ିକେ ବାଜ ଅଡ଼େରାଃ ବାରିୟା ମାପ୍‌ରାଙ୍ଗ୍ ଆପ୍‌ରବ୍ ଏମ୍‌ୟାନା । ଏନାଃଲଃ ଇନିଃ ବିର୍‌ତେ ଆପ୍‌ରୟାନା ଆତଃ ଏନ୍ତାଃରେ ଆପିୟା ଆତଃ ଆଧା ବାରାଷ୍ ଜାକେଦ୍ ବୁଗିଲେକା ତାଇନ୍‌କେଦ୍‌ତେ ଆସୁଲ୍‌ୟାନା ।

୧୫ ଏନ୍ତେ ଏନ୍ କୁଡ଼ି ଗାଡ଼ାରେୟାଃ ଦାଆଃରେ ଆତୁଃକାଏ ମେନ୍ତେ ମାରାଙ୍ଗ୍ ବିଙ୍ଗ୍ ଆୟାଃ ମତାଏତେ ଚୁଡ଼ା ଦାଆଃ ପୁର୍‌କାଅ ଅତଙ୍ଗ୍‌କେଦାଏ ।

୧୬ ମେନ୍‌ଦ ଏନ୍ କୁଡ଼ିକେ ବାଞ୍ଚାଅ ନାଗେନ୍ତେ ଅତେ ଆୟାଃ ମତା ଅଟାଃକେଦ୍‌ତେ, ମାରାଙ୍ଗ୍ ବିଙ୍ଗ୍‌ରାଃ ମତାଏତେ ଅତଙ୍ଗ୍‌ଅଃତାନ୍ ସବେନ୍ ଚୁଡ଼ା ଦାଆଃ ନୁଁ ଆଞ୍ଜେଦ୍ କେଦାଏ ।

୧୭ ଏନାରେ ମାରାଙ୍ଗ୍ ବିଙ୍ଗ୍ ଏନ୍ କୁଡ଼ି ଚେତାନ୍‌ରେ ପୁରାଃଗି ଖୁସ୍‌ୟାନା ଆତଃ ଆୟାଃ କିଲିରେନ୍ ସାରେଜାକାନ୍ ହନ୍‌କଲଃ ଲାପ୍‌ଡ଼ାଇ ନାଗେନ୍ତେ ଅତଙ୍ଗ୍‌ୟାନା । ଅକନ୍‌କ ପାର୍‌ମେଶ୍ୱାର୍‌ଆଃ ଆନ୍‌ଚୁକ ମାନାଡ଼ିଙ୍ଗ୍ ତାନା ଆତଃ ଯୀଶୁଆଃ ବିଷାଏରେ ଗାଞ୍ଜା ଏମାଃକ, ଇନ୍‌କୁ ଆୟାଃ ହନ୍‌କ ତାନ୍‌କ ।

୧୮ ଆତଃ ଏନ୍ ମାରାଙ୍ଗ୍ ବିଙ୍ଗ୍ ଦରେୟା ଗେନାରେ ତିଙ୍ଗ୍‌ୟାନା ।

୧୩

ବାରିୟା ଜାଁତୁ

୧ ☆ଏନ୍ତେ ଆଇଙ୍ଗ୍ ଦରେୟାଏତେ ମିଆଁଦ୍ ଜାଁତୁକେ ରାକାବ୍‌ଡେୟାଃ ନେଲ୍‌କିୟାଇଙ୍ଗ୍ । ଇନିୟାଃ ଗେଲ୍ ଦିରିଙ୍ଗ୍ ଆତଃ ଏୟା ବହଃ ତାଇକେନା । ମିପିଆଦ୍ ଦିରିଙ୍ଗ୍‌କରେ ମିପିଆଦ୍ ମୁକୁର୍ ଆତଃ ମିପିଆଦ୍ ବହଃକରେ ପାର୍‌ମେଶ୍ୱାର୍‌କେ ନିନ୍ଦାଇ ମିପିଆଦ୍ ନୁତୁମ୍ ଅଲ୍ଲାନାନ୍ ତାଇକେନା ।

୨ ଆଇଙ୍ଗ୍ ନେଲ୍‌କାଇ ଜାଁତୁ କୁଲ୍ଲା ଲେକାଏ ତାଇକେନା, ଇନିୟାଃ କାଟା ଭାଲୁରାଃ କାଟା ଲେକା ଆତଃ ଇନିୟାଃ ମତା ସିଂହରାଃ ମତା ଲେକା ତାଇକେନା । ଏନ୍ ମାରାଙ୍ଗ୍ ବିଙ୍ଗ୍ ଦରେୟା ଗେନାରେ ତାଇକେଦ୍‌ତେ, ଆୟାଃ ସବେନ୍ ପେଡ଼େଃ ରାଜଗାଦି ଆତଃ ମାରାଙ୍ଗ୍ ଆକ୍‌ଡେୟାର୍ ଆଇଃକ୍‌କେ ଏମ୍‌ୟାନା ।

୩ ଜାଁତୁରାଃ ମିଆଁଦ୍ ବହଃ ଅ୍‌ମ୍‌ଗି ଠଗାକାନ୍ ଲେକା ଆଟ୍‌କାରଃ ତାଇକେନା । ମେନ୍‌ଦ ଘାଅକାନ୍‌ତାଃ ବୁଗିକାନ୍ ତାଇକେନା ଆତଃ ଗଟା ଅତେଦିଶୁମ୍‌ରେ ସବେନ୍‌କ ଆକ୍‌ଦାୟାଅକେଦ୍‌ତେ ଜାଁତୁକେ ଅତଙ୍ଗ୍‌କିୟାକ ।

୪ ଆତଃ ସବେନ୍‌କ ଏନ୍ ମାରାଙ୍ଗ୍ ବିଙ୍ଗ୍‌କେ ସୁନ୍‌ସାର୍‌କିୟାକ, ଚିଆଃଚି ଇନିଃ ଆୟାଃ ପେଡ଼େଃ ଏନ୍ ଜାଁତୁକେ ଏମ୍‌କିୟା । ଇନ୍‌କୁ ଜାଁତୁକେହରି ସୁନ୍‌ସାର୍‌କେଦ୍‌ତେ କାଜିକେଦାକ, “ଅକଏ ନେ ଜାଁତୁ ଲେକାଏ ହବାଦାଡ଼ିୟାଆ ? ଅକଏ ଆୟାଃଲଃ ଲାଡ଼ାଇ ଦାଡ଼ିୟାଏ ?”

୫ ଏନ୍ ଜାଁତୁକେ ପାର୍‌ମେଶ୍ୱାର୍‌ଆଃ ବିରୁଧ୍‌ରେ ହିଲାଇ କାଜି ଆତଃ ନିନ୍ଦାଇ କାଜିକ କାଜି ନାଗେନ୍ତେ ଆଚୁକାନା, ଆତଃ ବାର୍‌ହିସି ବାର୍ ମାହିଁନା ଜାକେଦ୍ ଆକ୍‌ଡେୟାର୍‌ରେ ନାଗେନ୍ତେ ଇନିଃକେ ଆଚୁକାନ୍ ତାଇକେନା ।

୬ ଏନ୍ ଜାଁତୁ ପାର୍‌ମେଶ୍ୱାର୍‌ଆଃ ବିରୁଧ୍‌ରେ କାଜି ଏଟେଦ୍‌କେଦ୍‌ତେ, ଆୟାଃ ନୁତୁମ୍, ଆୟାଃ ତାଇନଃ ଠାୟାଦ୍, ଆତଃ ସିର୍ମାରେ ତାଇନ୍‌ତାନ୍ ସବେନ୍‌କକେ ନିନ୍ଦାକେଦ୍‌କଆ ।

୭ ପାର୍‌ମେଶ୍ୱାର୍‌ଆଃ ହଡ଼କଆଃ ବିରୁଧ୍‌ରେ ଲାଡ଼ାଇକେଦ୍‌ତେ ଇନ୍‌କୁକେ ହାରାଅ ନାଗେନ୍ତେ ଇନିଃକେ ଆକ୍‌ଡେୟାର୍ ନାମୟାନା ଆତଃ ମିପିଆଦ୍ କିଲି, ଦିଶୁମ୍, ଏଟାଃ ଏଟାଃ ଜାଗାର୍‌ତାନ୍ ଆତଃ ଜାଡ଼ିକଆଃ ଚେତାନ୍‌ରେ ଇନିଃକେ ଆକ୍‌ଡେୟାର୍ ଏମ୍‌ୟାନା ।

୮ ଅତେଦିଶୁମ୍‌ରାଃ ଏନେଟେଦ୍ ସିଦାରେ ଅକନ୍ ହଡ଼କଆଃ ନୁତୁମ୍ ଦାଣ୍ଠି ରାକାବଃତାନ୍ ମିଶ୍ରିହନୁଆଃ ଜୀଦାନ୍ ପୁଅରେ ଅଲ୍ଲାନାନ୍ ତାଇକେନା, ଇନ୍‌କୁକେ ବାଗିକେଦ୍‌ତେ ଅତେଦିଶୁମ୍‌ରେନ୍ ଏଟାଃ ସବେନ୍‌କ ଏନ୍ ଜାଁତୁରାଃ ସୁନ୍‌ସାର୍ ରିକାଏୟାକ ।

୯ ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।

☆ ୧୩:୧ ଉତ୍କଳ କାଜି ୧୭:୩,୭-୧୨.

୧୦ ପାର୍ବତୀଶ୍ଵରୀଆଃ ସାନାଙ୍ଗ ଲେକାତେ, ଜେତାଏ ତଲ୍ ଇଦିୟଃନିଃ ସାର୍ତ୍ତିଗି ତଲ୍ ଇଦିୟଃଆ । ଜେତାଏ ଏଟାଃନିଃକେ ତାରାଉଡ଼ିତେ ମାଆଃ ଗଜିନିଃ, ଆଇଃକ୍ତି ତାରାଉଡ଼ିତେ ମାଆଃ ଗଜଃଆ । ନେ ଦିପିଲିରେ ପାର୍ବତୀଶ୍ଵରୀଆଃ ହଡ଼କ ନାଗେନ୍ତେ ଧୁରାଜ୍ ଆତଃ ବିଶ୍ଵାସ୍ ତାଇନଃଗି ଲାଗାଡ଼ିଙ୍ଗ୍ଠାଃ ।

୧୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ଜାଁତୁକେ ଅତେହେତେ ତେତାନ୍ତେ ବିରିଦ୍ ରାକାବ୍ତେୟାଃ ନେଲ୍କିୟାଙ୍ଗ୍ । ମିଶ୍ଵିହନ୍ଦିଆଃ ଦିରିଙ୍ଗ୍ ଲେକାଗି ଇନିୟାଃ ବାରିୟା ଦିରିଙ୍ଗ୍ ତାଇକେନା ଆତଃ ଇନିଃ ମାରାଙ୍ଗ୍ ବିଙ୍ଗ୍ ଲେକାଏ ଜାଗାର୍ତାନ୍ ତାଇକେନା ।

୧୨ ଏନ୍ ଏଟାଃ ଜାଁତୁ ପାହିଲା ଜାଁତୁରାଃ ନେପେଲ୍ରେ ଆୟାଃ ପେଡ଼େଃକେ ଉଦୁବ୍କେଦା । ଆତଃ ଏନ୍ ପାହିଲା ଜାଁତୁ, ଅକଏୟାଃଗି ଘାଅ ବୁଗିୟାକାନ୍ ତାଇକେନା, ଇନିୟାଃ ସୁନୁସାର୍ ରିକା ନାଗେନ୍ତେ ଅତେଦିଶ୍ଵମ୍ରେନ୍ ସବେନ୍କକେ ଜାବାର୍ଜାସ୍ତିକେଦକଥା ।

୧୩ ଏଟାଃ ଜାଁତୁ ପୁରାଃ ଆକ୍ଦାନ୍ଦାଅ କାମିକଏ କାମିକେଦା । ସବେନ୍କଥାଃ ଆୟାର୍ରେ ସିର୍ମାଏତେ ଅତେରେ ସେଙ୍ଗେଲ୍ଗାମା ଗାମାଈଡ଼ିକେଦାଏ ।

୧୪ ଆତଃ ପାହିଲା ଜାଁତୁରାଃ ତାଇନଃ ଦିପିଲିରେଗି, ନେ'ଲେକା ପୁରାଃଗି ଆକ୍ଦାନ୍ଦାଅ କାମିକ ରିକାକେଦ୍ତେ ଅତେଦିଶ୍ଵମ୍ରେନ୍ ସବେନ୍କକେ ବେଦାକେଦକଥା । ତାରାଉଡ଼ିତେ ମାଆଃକାନ୍ରେୟ, ବାସ୍ତାଅକାନ୍ ପାହିଲା ଜାଁତୁରାଃ ମାଇନଃ ନାଙ୍ଗ୍ ଆୟାଃ ମିଆଁଦ୍ ମୁରୁଡ଼ ବାଇ ନାଗେନ୍ତେ ଏଟାଃ ଆତଃମିଆଁଦ୍ ଜାଁତୁ ହଡ଼କକେ ଆତୁକେଦକଥା ।

୧୫ ପାହିଲା ଜାଁତୁରାଃ ମୁରୁଡ଼ ଜେ'ଲେକା ଜାଗାର୍ ଦାଡ଼ିୟାଏ ଆତଃ ଏନ୍ ମୁରୁଡ଼କେ କାକ ସୁନୁସାର୍ତାନ୍ ହଡ଼କକେ ଜେ'ଲେକା ଗନଏଃ ସାଜାଇ ଏମଃଆ, ଏନାମେନ୍ତେ ଏଟାଃ ଆତଃମିଆଁଦ୍ ଜାଁତୁକେ ଏନ୍ ମୁରୁଡ଼ରେ ଜାଉ ଏମ୍ରେୟାଃ ଆକ୍ତେୟାର୍ ଏମ୍ୟାନା ।

୧୬ ହୁଡ଼ିଙ୍ଗ୍ ଆତଃ ମାରାଙ୍ଗ୍, ଗାରିବ୍ ଆତଃ କିର୍ସାଣ୍, ଦାସିକାନ୍ ଆତଃ କା ଦାସିକାନ୍, ସବେନ୍କକେ ଇନ୍କୁଆଃ ଜମ୍ଡିଃଇରେ ଚାଏ ମଲ୍ଲ୍ରେ ମିଆଁଦ୍ ଖଦାକାନ୍ ଚିଙ୍ଗାଁ ଦହ ନାଗେନ୍ତେ ଇନିଃ ଜାବାର୍ଜାସ୍ତି କେଦକଥାଏ ।

୧୭ ଅକ ହଡ଼ ଏନ୍ ଜାଁତୁରାଃ ନୁଡୁମ୍ ଚାଏ ଆୟାଃ ନୁଡୁମ୍ରେ ନାମ୍ବାର୍ କାଏ ଖଦାକାନ୍ରିୟା, ଇନିଃ ଜେଡ଼ନାଃ କିରିଙ୍ଗ୍ ଚାଏ ଆଖ୍ରିଙ୍ଗ୍ କାଏ ଦାଡ଼ିୟା ।

୧୮ ନେତାଃରେ ସେଣାଁ ତାଇନଃ ଲାଗାଡ଼ିଙ୍ଗ୍ଠାଃ । ଏନ୍ ଜାଁତୁରାଃ ନାମ୍ବାର୍ ସେଣାଁନ୍ ହଡ଼ ଏସ୍କାର୍ ସାରି ଦାଡ଼ିୟାକ । ଚିଆଃଗି ନେ ନାମ୍ବାର୍ ମିଆଁଦ୍ ହଡ଼ରାଃ ନାମ୍ବାର୍ ତାନାଃ, ଏନା ହବାଅଃତାନା ୭୭୭ ।

୧୪

ମିଶ୍ଵିହନ୍ଦି ଆତଃ ଆଇଃକ୍ତିକେ ଅତଙ୍ଗ୍ତାନକ

୧*ଏନ୍ତେ ଆଇଙ୍ଗ୍ ଏନ୍ ମିଶ୍ଵିହନ୍ଦିକେ ସିନାଇ ବୁରୁରେ ତିଙ୍ଗୁଆକାନ୍ ନେଲ୍କିୟାଙ୍ଗ୍ ଆତଃ ଇନିଃଲଃ ୧୪୪,୦୦୦ ହଡ଼କ ତାଇକେନାକ । ଇନ୍କୁଆଃ ମଲ୍ଲ୍ରେ ମିଶ୍ଵିହନ୍ଦି ଆତଃ ଆୟାଃ ଆପୁଆଃ ନୁଡୁମ୍ ଅଲ୍ଲାକାନ୍ ତାଇକେନା ।

୨ ଏନ୍ତେ ଆଇଙ୍ଗ୍ ପୁରାଃଗି ଲିଙ୍ଗିୟଃତାନ୍ ସେତେଙ୍ଗ୍ ଦାଆଃରାଃ ସାଡ଼ି ଆତଃ ରିମିଲ୍ ସାଡ଼ି ଲେକା ମିଆଁଦ୍ ସାଡ଼ି ସିର୍ମାଏତେଇଙ୍ଗ୍ ଆୟୁମ୍କେଦା । ବାନାମ୍ ସାଡ଼ିତାନ୍କଥାଃ ବାନାମ୍ ସାଡ଼ି ଲେକା ଆୟୁମଃ ତାଇକେନା ।

୩ ଅତେଦିଶ୍ଵମ୍ରେ ମୁଲ୍ଲି ନାମାକାଦ୍ ଏନ୍ ୧୪୪,୦୦୦ ହଡ଼କ, ସିର୍ମାରେୟାଃ ରାଜ୍ଗାଦି, ଉପୁନିୟା ଜାଁତୁକଥାଃ ଆତଃ କାଲିସିୟାରେନ୍ ପ୍ରାଚିନ୍ଦିଆଃ ଆୟାର୍ରେ ତିଙ୍ଗୁୟାନାକ । ଇନ୍କୁ ନାଖାଦୁରାଙ୍ଗ୍ ଦୁରାଙ୍ଗ୍ ତାଇକେନାକ । ଇନ୍କୁକେ ବାଗିକେଦ୍ତେ ଆତଃଜେତାଏ କାକ ଦୁରାଙ୍ଗ୍ ଦାଡ଼ିତାଇକେନା । ସବେନ୍ ମାନଃଖାକଏତେ ଇନ୍କୁ ଏସ୍କାର୍ ଜାଉବାସ୍ତାଅ ନାମାକାଦ୍ ତାଇକେନାକ ।

୪ ଇନ୍କୁ କୁଡ଼ିକଲଃ ହଡ଼ମ୍ରେୟାଃ ଏଡ଼କାନ୍ କାମି ଚିଉଲାଅ କା ରିକାକେଦ୍ତେ କା ସଡ଼ରାକାନ୍ ତିଶ୍ଵାଗିକ ତାଇକେନା, ଆତଃ ସବେନ୍ ଇମ୍ତା ମିଶ୍ଵିହନ୍ଦିକେ ଅତଙ୍ଗ୍ତାନ ହଡ଼କ ତାଇକେନା । ଇନ୍କୁ ମାନଃଖା ଆଲାଏତେ ମୁଲ୍ଲି ନାମ୍କେଦ୍ତେ ପାର୍ବତୀଶ୍ଵରୀ ଆତଃ ମିଶ୍ଵିହନ୍ଦିତାଃରେ ଦାନ୍ ରାକାବାକାନାକ ।

୫ ଇନ୍କୁ ଚିଉଲାଅ ହସଡ଼କାଜି କାକ କାଜି, ଆତଃ ପୁରାଗି ବେଗାର୍ ଚିଟାକାନ୍ ହଡ଼କ ତାନ୍କ ।

ଆପିୟା ଦୁଁଡ଼

୬ ଏନ୍ତେ ଆଇଙ୍ଗ୍ ଏଟାଃ ମିଆଁଦ୍ ଦୁଁଡ଼କେ ଆଲା ସିର୍ମାରେ ଆଫିର୍ତାନ ନେଲ୍କିୟାଙ୍ଗ୍ । ଅତେରେନ୍ ସବେନ୍ ହଡ଼, କିଲି, ଏଟାଃ ଏଟାଃ ଜାଗାର୍ତାନକ ଆତଃ ଦିଶ୍ଵମ୍ରେନ୍ ହଡ଼କଥାଃ ଆୟାର୍ରେ ପାର୍ବତୀଶ୍ଵରୀଆଃ ଏନ୍ ଜାନାଅ ଜାନାଅରେୟାଃ ସୁକ୍ତକାଜି ଉଦୁବ୍ତାନାକ ।

୭ ଇନିଃ କାଉରିକେଦ୍ତେ କାଜିତାଇକେନା, “ପାର୍ବତୀଶ୍ଵରୀକେ ବରଇପେ, ଆୟାଃ ମାନାରାଙ୍ଗ୍ ରିକାଏପେ, ଚିଆଃଗି ମାନଃଖାରାଃ ବିଚାର୍ ନେତା ସେଟେରାକାନା । ସିର୍ମା, ଅତେ, ଦରେୟା ଆତଃ ସେତେଙ୍ଗ୍ ବାବାଇନିୟାଃ ସୁନୁସାର୍ ରିକାଏପେ ।”

* ୧୪:୧ ଉତ୍କଳ କାଜି ୭:୩.

୮ ☆ଏନ୍ ପାହିଲା ଦୁଢ଼ିଆ ଡାକ୍ତରୀ ଡାକ୍ତରୀ କାଜିକେଦାଏ, “ଅକ ମାରାଜ୍ ନାଗାର୍ ବାବିଲୋନ୍, ସବେନ୍ ହଡକକେ ଆୟାଃ ଆପାଜିର୍ କାମି ଲେକାନ୍ ଇଲିଆର୍ଖୁ ଆନୁକାଦକଆଏ, ଇନିୟାଃ ଜିୟନ୍ ହବାକାନା !”

୯ ଏକ୍ତେ ନେ ବାରିୟା ଦୁଢ଼ିକିନାଃ ଡାକ୍ତରୀ ଡାକ୍ତରୀ, ଆଡ଼ଃମିଆଁଦ୍ ଦୁଢ଼ି କାଉରିକେଦ୍ତେ କାଜିକେଦା, “ଜେତାଏ ଜାଁତୁ ଆଡ଼ଃ ଆୟାଃ ମୁରୁଡକେ ସୁନୁସାର୍ ରିକାଏୟା ଆଡ଼ଃ ଆପ୍ନାଃ ମଲଜ୍ତେ ଚାଏ ତିଃଇରେ ଆୟାଃ ଚିହ୍ନାଁ ଖଦାକାନ୍ରେଦ,

୧୦ ଇନିଃ ପାର୍ମେଶ୍ୱାର୍ଆଃ ଖୁସ୍ଆଃ ଲେକାନ୍ କାଟୋରାରେ ଦୁଲକାନ୍ ଆୟାଃ ପୁରାଃ ଖୁସ୍ରେୟାଃ ଇଲିଆର୍ଖୁ ନୁଁଇଆ । ଅକ ହଡକ ନେ କାମିକ ରିକାଏୟା, ଇନକୁ ସବେନ୍ କିଣ୍ଡିହନ୍ ଆଡ଼ଃ ପାବିତାର୍ ଦୁଢ଼ିକଆଃ ସାମ୍ନାଜ୍ତେ ସେଜେଲ୍ ଆଡ଼ଃ ଗାନ୍ଧାକ୍ରେ ଦୁକୁକ ନାମେୟା ।

୧୧ ଏନ୍ ଦୁକୁରେୟାଃ ସୁକୁଲ୍ ଜାନାଅ ଜାନାଅ ସୁକୁଲ୍ଆ । ଅକ ହଡକ ଜାଁତୁ ଆଡ଼ଃ ଆୟାଃ ମୁରୁଡକେ ସୁନୁସାର୍ ରିକାଏୟାକ, ଚାଏ ଆୟାଃ ଚିହ୍ନାଁ ଖଦାନାଃକ, ଇନକୁ ନିଦାସିଜ୍ ସବେନ୍ ଇମ୍ତା କା ରୁଡନୁ ଦୁକୁକ ନାମେୟା ।”

୧୨ ଅକ ପାବିତାର୍ ହଡକ ପାର୍ମେଶ୍ୱାର୍ଆଃ ହୁକୁମ୍ କାମାତିୟାଃ ଆଡ଼ଃ ଯାଶୁକେ ବିଶ୍ୱାସାଃକ, ଇନକୁ ମାନାତିଜ୍ତେ ଆଡ଼ଃ ବିଶ୍ୱାସରେ ପାତିୟାର୍ରେ ଲେକା ତାଇନ୍ ଲାଗାତିଜ୍ତୟାଃ ।

୧୩ ଏକ୍ତେ ଆଇଜ୍ ସିମ୍ବାଏତେ ମିଆଁଦ୍ ଲାବ୍ଜା ଆୟୁମ୍ କେଦାଇଜ୍, “ନେ କାଜି ଅଲେମେ, ନାହାଁଃଏତେ ପ୍ରାଭୁତାଃରେ ବିଶ୍ୱାସକେଦ୍ତେ ଅକ ହଡକଆଃ ଗନ୍ଏଃ ହବାଅଃଆ, ଇନକୁ ସୁକୁତାନ୍ରିୟାକ ।” ଆଡ଼ଃଗିଇଜ୍ ଆୟୁମ୍ କେଦା, ପାବିତାର୍ ଆମ୍ବା କାଜିତାନାଏ, ନେଆଁ ସାର୍ତିଗି ହବାଅଃଆ । “ଏନ୍ ହଡକ ଆକଆଃ କେଟେଦ୍ କାମିଏତେ ରୁଡନୁକ ନାମେୟା, ଚିଆଃଚି ଇନକୁ କାମିକାଦ୍ କାମି ଆକଲ୍ଆ ମିସାତେ ସେନା ।”

ଅତେରେ ଇରଃ ଦିପ୍ତିଲି

୧୪ ଏକ୍ତେ ଆଇଜ୍ ମିଆଁଦ୍ ପୁଣ୍ଡି ରିମିଲ୍ ଆଡ଼ଃ ଏନ୍ ରିମିଲ୍ରେ ମାନଝାହନ୍ ଲେକା ମିହୁଡକେ ଦୁବାକାନ୍ ନେଲ୍କିୟାଇଜ୍ । ଇନିୟାଃ ବହଃରେ ସୋନାରେୟାଃ ମୁକୁର୍ ଆଡ଼ଃ ଇନିୟାଃ ତିଃଇରେ ମିଆଁଦ୍ ଲେସେର୍ ଦାଡରମ୍ ତାଇକେନା ।

୧୫ ଏକ୍ତେ ମିଆଁଦ୍ ଦୁଢ଼ି ମାଦିରହେତେ ଅଡ଼଼କ୍ତୟାନ୍ଲଃ, ଏନ୍ ରିମିଲ୍ରେ ଦୁବାକାନ୍ନିଃକେ କାଉରିକେଦ୍ତେ କାଜିକିୟା, “ଆମାଃ ଦାଡରମ୍ ସାବ୍କେଦ୍ତେ ମାତାକାନ୍ ବାବା ଇରେମେ । ଅତେରେୟାଃ ବାବା ଇରେ ନାଗେକ୍ତେ ଦିପ୍ତିଲି ସେଟେରାକାନା ।”

୧୬ ନେଆଁ ଆୟୁମ୍ କେଦ୍ତେ ରିମିଲ୍ରେ ଦୁବାକାନ୍ନିଃ ଦାଡରମ୍ଲଃ ମାତାବାବା ଇର୍ ଏଟେଦ୍ କେଦାଏ ଆଡ଼ଃ ଅତେରେୟାଃ ସବେନ୍ ବାବା ହୁଣ୍ଡିକେଦାଏ ।

୧୭ ଏକ୍ତେ ଏଗାଃ ଆଡ଼ଃମିଆଁଦ୍ ଦୁଢ଼ି ସିମ୍ବାରେୟାଃ ମାଦିରହେତେ ହିଜୁଃତାନ୍ ନେଲ୍କିୟାଇଜ୍, ଇନିୟାଃ ତିଃଇରେୟା ମିଆଁଦ୍ ଲେସେର୍ ଦାଡରମ୍ ତାଇକେନା ।

୧୮ ଏକ୍ତେ ଆଡ଼ଃମିଆଁଦ୍ ଦୁଢ଼ି ବେଦିହେତେ ହିଜୁଃୟାନା । ଇନିୟାଃ ସେଜେଲ୍ ଚେତାନ୍ରେ ଆକ୍ତେୟାର୍ ତାଇକେନା । ଇନିଃ ଲେସେର୍ ଦାଡରମ୍ ସାବାକାଦ୍ ଦୁଢ଼ିକେ କାଉରିକେଦ୍ତେ କାଜିକିୟା, “ଅତେରେୟାଃ ଦାଖ୍ନାଡିରେ ଜକାନ୍ ଅଜ୍ଜୁର୍ ଝୁପାକକେ ଦାଡରମ୍ଲଃ ଇରେମେ । ଚିଆଃଚି ଅଜ୍ଜୁର୍ ମାତାୟାନ୍ରିୟା ।”

୧୯ ଏକ୍ତେ ଏନ୍ ଦୁଢ଼ି ଅତେଦିଶୁମ୍ରେୟାଃ ଦାଖ୍ନାଡିରାଃ ଅଜ୍ଜୁର୍ ଦାଡରମ୍ଲଃ ଇରେକେଦାଏ । ଆଡ଼ଃ ଏନ୍ ସବେନାଃ ପାର୍ମେଶ୍ୱାର୍ଆଃ ପୁରାଃ ଖୁସ୍ରେୟାଃ ଦାଖ୍ନାସି ଘାନାରେ ହୁରାଜ୍ତେକେଦା ।

୨୦ ☆ନାଗାର୍ ବାହାରିରେ ତାଇକାନ୍ ଏନ୍ ଦାଖ୍ନାସି ଘାନାରେ ହୁରାଜ୍ତୟାନା ଆଡ଼ଃ ଏନ୍ ଘାନାରେ ଦାଖ୍ନାସି ପେସାଅୟାନା । ଏନାଏତେ ୩୦୦ କିଲୋମିଟର୍ ଜିଲିଜ୍ ଆଡ଼ଃ ସାଦମ୍ରେୟାଃ ମତାରେୟାଃ ଲାଗମ୍ ଜାକେଦ୍ ମେନ୍ଲେରେ, ବାର୍ ମିଟର୍ ଲେକା ସାଲାଇ ମାୟୋମ୍ରେୟାଃ ଗାଡ଼ା ଲିଜିୟାନା ।

୧୫

ଚୁଣ୍ଡୁ ହୁହାସୁ

୧ ଏକ୍ତେ ସିମ୍ବାରେ ଆଇଜ୍ ଆଡ଼ଃମିଆଁଦ୍ ହାଏକାର୍ ଆଡ଼ଃ ଆକ୍ଦାନ୍ଦାଅ ଚିହ୍ନାଁ ନେଲ୍କେଦାଇଜ୍ । ଏକ୍ତାଃରେ ଏୟା ଝାନ୍ ଦୁଢ଼ିକ ମିପିଆଦ୍ ଚୁଣ୍ଡୁ ହୁହାସୁ ସାବ୍କେଦ୍ତେ ଆଡ଼଼ଗୁୟାନାକ । ନେଆଁ ହବାଅଃ ଡାକ୍ତରୀ ଡାକ୍ତରୀ, ପାର୍ମେଶ୍ୱାର୍ଆଃ ଖୁସ୍ରେୟାଃ ଚୁଣ୍ଡୁ ହୁହାଅଃଆ ।

୨ ଏକ୍ତେ ଆଇଜ୍ ସେଜେଲ୍ଲଃ ମେସାକାନ୍ କାଁର୍ ଲେକା ମିଆଁଦ୍ ଦରେୟା ନେଲ୍କେଦାଇଜ୍ । ଅକ ହଡକ ଏନ୍ ଜାଁତୁ, ଆୟାଃ ମୁରୁଡ ଆଡ଼ଃ ଆୟାଃ ନୁଡୁମ୍ରେୟାଃ ନାମ୍ବାର୍ ଚେତାନ୍ରେ ଜିତାଅକାନ୍ ତାଇକେନାକ, ଇନକୁକେ ଏନ୍ ଦରେୟା ଗୋନାରେ ତିଜ୍ଜୁଆକାନ୍ ନେଲ୍କେଦ୍ କଆଇଜ୍ । ଇନକୁଆଃ ତିଃଇରେ ପାର୍ମେଶ୍ୱାର୍ ଏମାକାଦ୍ ବାନାମ୍ ତାଇକେନା ।

୩ ଇନକୁ ପାର୍ମେଶ୍ୱାର୍ଆଃ ଦାସି ମୁଶାରାଃ ଆଡ଼ଃ ମିଣ୍ଡିହନ୍ଆଃ ଦୁରାଜ୍ତେ ଦୁରାଜ୍ତାଇକେନା । “ହେ ସବେନ୍ ପେଡେୟାନ୍ନିଃ ପ୍ରାଭୁ ପାର୍ମେଶ୍ୱାର୍, ଆମାଃ କାମିକ ପୁରାଃ ମାରାଜ୍ ଆଡ଼ଃ ଆକ୍ଦାନ୍ଦାଅରିୟା ! ସବେନ୍ ହଡକଆଃ ରାଜା, ଆମାଃ ହରାକ ଠାଉକାରିୟା ଆଡ଼ଃ ସାର୍ତି ତାନାଃ !

☆ ୧୪:୮ ଉତ୍କଳ କାଜି ୧୮:୨. ☆ ୧୫:୨୦ ଉତ୍କଳ କାଜି ୧୯:୧୫.

୪ ହେ ପ୍ରାଭୁ, ଅକଏ ଆମ୍ଭେ କାଏ ବରମେୟା ? ଆମାଃ ନୁତୁମରାଃ ମାନାରାଜ୍ଞକେ ଅକଏ କାଏ ଉତୁବେୟା ? ଆମ୍ ଏସ୍‌କାର୍ ପାବିତାର୍ ତାନମେ, ସବେନ୍ ହଡ଼କ ହିଜୁଃକେଦତେ ଆମାଃ ସୁନୁସାର୍‌କ ରିକାଏୟା । ତିଆଃତି ଆମାଃ ଧାର୍‌ମାନ୍ କାମିକ ସବେନ୍ ହଡ଼କ ନେଲକାଦାକ ।”

୫ ଏନ୍ ତାୟମତେ ଆଇଜ୍ଞ ସିର୍ମା ଦିଶୁମରେ ମାହିର୍ ଅଡ଼ାଃରାଃ ଦୁଆର୍ ନିଜାକାନ୍ ନେଲକେଦାଇଜ୍ଞ । ଏନାରେ ସାରୁଦ୍ ଲେକା ପାର୍‌ମେଶ୍ଵାର୍‌ଆଃ ତାଇନଃ ପାବିତାର୍ ଠାୟାଦ୍ କୁମ୍ମା ତାଇକେନା ।

୬ ଏୟା ଦୁକୁହାସୁ ସାବାକାଦ୍ ଏୟା ଦୁଡ୍, ସିର୍ମାରେୟାଃ ମାହିର୍ ଭିତାର୍‌ଏତେକ ଅତଜ୍ଞୟାନା, ଇନ୍‌କୁ କା ଦାଗିୟାକାନ୍ ନିରାଲ୍‌ଲିଜାଃ ତୁସିଜ୍ଞୟାକାନ୍ ତାଇକେନାକ ଆତଃ କୁଡ଼ାମ୍‌ରେ ସୋନାରେୟାଃ କାସ୍‌ନା ତଲ୍‌ବିହୁର୍‌କାନ୍ ତାଇକେନାକ ।

୭ ଏନ୍ତେ ଉପୁନିୟା ଜାତୁକଏତେ ମିଆଁଦ୍‌ନିଃ ଜାନାଅ ଜାନାଅ ଜାନିଦ୍‌ଗି ତାଇନଃ ପାର୍‌ମେଶ୍ଵାର୍‌ଆଃ ଖ୍ଵତେ ପେରେଜାକାନ୍, ଏୟା ସୋନାରେୟାଃ ତୁଭା, ଏନ୍ ଏୟା ଦୁଡ୍‌କକେ ଏମାଦକଆ ।

୮ ପାର୍‌ମେଶ୍ଵାର୍‌ଆଃ ମାନାରାଜ୍ଞ ଆତଃ ପେଡେଃରେୟାଃ ସୁକୁଲ୍‌ତେ ମାହିର୍ ଅଡ଼ାଃ ପେରେୟାନା, ଏୟା ଦୁଡ୍ ଆଉଝାକାଦ୍ ଏୟା ଦୁକୁହାସୁରେୟାଃ ଚୁଣ୍ଡୁଆଉରି ହବାଅଃ ଜାକେଦ୍, ନେ ମାହିର୍ ଅଡ଼ାଃରେ ଆତଃଜେତାଏ କାକ ବଲଦାଡ଼ିୟାନା ।



ପାର୍‌ମେଶ୍ଵାର୍‌ଆଃ ଖ୍ଵତେ ପେରେଜାକାନ୍ ଏୟା ତୁଭା

୧ ଏନ୍ତେ ଆଇଜ୍ଞ ଆୟୁମକେଦାଇଜ୍ଞ, ମାହିର୍ ଅଡ଼ାଃଏତେ ଜେତାଏ ମିହୁଡ୍ କାଉରିକେଦତେ, ଏନ୍ ଏୟା ଦୁଡ୍‌କକେ କାଜିୟାକତାନା, “ଜୁ ସେନଃପେ, ଏୟା ତୁଭାରେ ତାଇକାନ୍ ପାର୍‌ମେଶ୍ଵାର୍‌ଆଃ ଖ୍ଵକେ ଅତେ ଚେତାନ୍‌ରେ ଦୁଲ୍‌ତାପେ ।”

୨ ନେଆଁ ଆୟୁମକେଦତେ, ପାହିଲା ଦୁଡ୍ ସେନଃୟାନାଏ ଆତଃ ଆୟାଃ ତୁଭାରେ ତାଇକେନ୍ ସବେନାଃ ଅତେ ଚେତାନ୍‌ରେ ଦୁଲ୍‌କେଦା । ଇମ୍‌ତାଗି ଅକନ୍‌କ ଜାତୁରାଃ ଚିହ୍ନାଁ ଖଦାକାନ୍ ତାଇକେନାକ ଆତଃ ଆୟାଃ ଲେକାନ୍ ମୁରୁଡ୍‌କେ ସେଝା ତାଇକେନାକ, ଇନ୍‌କୁଆଃ ହଡ଼ମ୍‌ରେ ପୁରାଃଗି ହାସୁ ଲେକାନ୍ ଘାଅ ଅତଜ୍ଞୟାନା ।

୩ ଏନ୍ତେ ଏଟାଃ ଦୁଡ୍ ଆୟାଃ ତୁଭାରାଃ ଖ୍ଵକେ ଦରେୟାରେ ଦୁଲ୍‌କେଦା । ଦରେୟାରାଃ ଦାଆଃ ଗଜାକାନ୍ ହଡ଼ରାଃ ମାୟୋମ୍ ଲେକା ହବାୟାନା ଆତଃ ଦରେୟାରେ ତାଇକାନ୍‌ତାନ୍ ସବେନ୍ ଜୀଉଜାତୁକ ଗଏଃୟାନା ।

୪ ଏନ୍ତେ ଆପିୟା ଦୁଡ୍, ଆୟାଃ ତୁଭାରେ ତାଇକେନ୍ ସବେନାଃ ନାହିଁ ଆତଃ ସେତେଜ୍ଞ ଚେତାନ୍‌ରେ ଦୁଲ୍‌କେଦା । ଏନାରେ ସବେନ୍ ଦାଆଃ ମାୟୋମ୍‌ୟାନା ।

୫ ଇମ୍‌ତା ଆଇଜ୍ଞ ଆୟୁମକେଦାଇଜ୍ଞ, ଦାଆଃରେୟାଃ ଆକ୍‌ତେୟାର୍ ନାମାକାଦ୍ ଦୁଡ୍ କାଜିତାନାଏ, “ଆମ୍ ପାବିତାର୍, ଆମ୍ ନାହାଁଃ ମେନାମେନିଃ ଆତଃ ସିଦାରେ ତାଇକେନ୍‌ନିଃ ତାନମେ, ଆମ୍ ଠାଉକାଗିମ୍ ବିଚାର୍‌କାଦା ।

୬ ଇନ୍‌କୁ ପାର୍‌ମେଶ୍ଵାର୍‌ଆଃ ପାବିତାର୍ ହଡ଼କଆଃ ଆତଃ ନାବୀକଆଃ, ଅକ ମାୟୋମ୍ ଲିଜ୍ଞିକାଦାକ, ଏନା ଆମ୍ ଇନ୍‌କୁକେମ୍ ଆନୁକାଦକଆ । ଇନ୍‌କୁ ଆକଆଃ ନାଲା ନାମାକାଦାକ ।”

୭ ଏନ୍ତେ ଆଇଜ୍ଞ ବେଦିହେତେ ମିଆଁଦ୍ ଲାବ୍‌ଜା ଆୟୁମକେଦାଇଜ୍ଞ, “ପ୍ରାଭୁ ପାର୍‌ମେଶ୍ଵାର୍ ସବେନ୍ ପେଡେୟାନ୍‌ନିଃ ତାନିଃ ! ଆମାଃ ବିଚାର୍‌କ ସାର୍‌ତିଗିୟା ଆତଃ ଠାଉକାଗିୟା ।”

୮ ଏନ୍ତେ ଉପୁନିୟା ଦୁଡ୍, ଆୟାଃ ତୁଭାରେ ତାଇକେନ୍ ସବେନାଃ ସିଜ୍ଞି ଚେତାନ୍‌ରେ ଦୁଲ୍‌କେଦା । ଏନାରେ ସିଜ୍ଞିକେ ସେଜେଲ୍‌ତେ ହଡ଼କକେ ଅଶ୍ଵର ନାଜ୍ଞି ଆକ୍‌ତେୟାର୍ ଏମ୍‌ୟାନା ।

୯ ଇମ୍‌ତା ହଡ଼କ ସିଜ୍ଞି ରାଁପୁରାଃ ଏଲାଜ୍ଞତେ ଅଶ୍ଵରୟାନାକ ଆତଃ ଅକ ପାର୍‌ମେଶ୍ଵାର୍‌ଆଃ ନେ ସବେନ୍ ହାସୁରାଃ ସାସାତି ଚେତାନ୍‌ରେ ଆକ୍‌ତେୟାର୍ ମେନାଃ, ଏନ୍ ପାର୍‌ମେଶ୍ଵାର୍‌ଆଃ ନୁତୁମ୍‌କେ ସାର୍‌ପାଅକେଦାକ । ଆତଃ ଆୟାଃ ମାନାରାଜ୍ଞ ରିକା ନାଗେନ୍ତେ କାକ ହେୟାଡ଼ିଜ୍ଞକେଦା ।

୧୦ ଏନ୍ତେ ମଣେୟାଁ ଦୁଡ୍ ଆୟାଃ ତୁଭାକେ ଜାତୁରାଃ ରାଜଗାଦି ଚେତାନ୍‌ରେ ଦୁଲ୍‌କେଦା । ଜାତୁରାଃ ରାଇଜ୍ ଚେତାନ୍‌ରେ କୁଲ୍‌କୁଲ୍ ନୁବାଃୟାନା ଆତଃ ହଡ଼କ ପୁରାଃ ହାସୁତେ ଆକଆଃ ଆଲାଜ୍ଞକେ ହାବ୍‌କେଦାକ ।

୧୧ ଆତଃ ଇନ୍‌କୁ ଆକଆଃ ହାନାସୁ ଆତଃ ହଡ଼ମ୍‌ରାଃ ଘାଅ ନାଗେନ୍ତେ ସିର୍ମାରେନ୍ ପାର୍‌ମେଶ୍ଵାର୍‌କେ ସାର୍‌ପାଅକିୟାକ । ମେନ୍‌ଦ ଆକଆଃ ଏଡ଼କାନ୍ କାମିକଏତେ କାକ ହେୟାଡ଼ିଜ୍ଞକେଦା ।

୧୨ ଏନ୍ତେ ତୁରିୟା ଦୁଡ୍ ଇଉଫ୍ରାଟିସ୍ ନୁତୁମ୍ ମାରାଜ୍ଞ ଗାଡ଼ାରେ ଆୟାଃ ତୁଭାକେ ଦୁଲ୍‌କେଦା । ଇମ୍‌ତାଗି ଏନ୍ ଗାଡ଼ାରାଃ ଦାଆଃ ଆଞ୍ଜେଦୟାନା ଆତଃ ସିଜ୍ଞି ତୁରଃସାଃଏତେ ବାଇରି ରାଜାକଆଃ ନାଗେନ୍ତେ ହରା ନିଜୟାନା ।

୧୩ ଏନ୍ତେ ଆଇଜ୍ଞ ଆପିୟା ସଡ଼ରାକାନ୍ ଆମ୍‌କକେଇଜ୍ଞ ନେଲକେଦକଆ । ଇନ୍‌କୁ ଚକେ ଲେକା ନେଲଃ ତାଇକେନାକ । ଇନ୍‌କୁ ଏନ୍ ମାରାଜ୍ଞ ବିଜ୍ଞ ମଚାଏତେ, ଜାତୁ ମଚାଏତେ ଆତଃ ହସଡ଼ ନାବୀଆଃ ମଚାଏତେ ଅତଜ୍ଞୟାନାକ ।

୧୪ ଏନ୍ ବଜାକଆଃ ଆମ୍‌କ ଆକ୍‌ଦାନ୍‌ଆ କାମିକ ରିକାଦାଡ଼ିୟା । ଆତଃ ଇନ୍‌କୁ ପେଡେୟାନ୍ ପାର୍‌ମେଶ୍ଵାର୍‌ଆଃ ହୁଲାଜ୍‌ରେ ଲାଡ଼ାଇ ନାଗେନ୍ତେ ଅତେଦିଶୁମ୍‌ରେନ୍ ରାଜାକକେ ମିଦ୍‌ତାଃରେ ହୁଣ୍ଡି ନାଗେନ୍ତେ ଅତଜ୍ଞୟାନାକ ।

୧୫ * “ଆୟୁମେଦେ, ଆଇଙ୍ଗ କୁମ୍ଭୁ ଲେକାଇଙ୍ଗ ହିଜୁଃଆ । ଅକ ହଡ଼ ଏୟନାକାନ୍ ତାଇକେଦ୍ତେ ଆୟାଃ ଲିଜାଃ ସେକାଡ଼କେଦ୍ତେ ଦହକାଃ, ଏନ୍ ହଡ଼ ସୁକୁତାନ୍ରିୟାଏ । ଇନିଃକେ ସାମା ହଡ଼ମଗି ସେନ୍ ନାଗେନ୍ତେ କା ଲାଗାଡ଼ିଙ୍ଗିୟାଃ ଆଡ଼ଃ ହଡ଼କ ଆୟାଃ ଗିହୁଃ କାକ ନେଲେୟା ।”

୧୬ ସଡ଼ରାକାନ୍ ଆମ୍ବାକ ରାଜାକକେ ଏବ୍ରୀ ଜାଗାର୍ତେ କାଜିୟଃତାନ୍ ଆର୍ମାଗେଦୋନ୍ ନୁଡୁମ୍ ଠାୟାଦ୍ରେ ହୁଣ୍ଡିକେଦକଆକ ।

୧୭ ଏନ୍ତେ ଏୟା ଦୁଁଡ଼ ଆୟାଃ ତୁଭାକେ ହୟରେ ଦୁଲ୍ଲକେଦା ଆଡ଼ଃ ମାନ୍ଦିରେ ତାଇକେନ୍ ରାଜଗାଦିଏତେ କାଉରିକେଦ୍ତେ ମିଆଁଦ୍ ଲାବ୍ଜା ଆୟୁମ୍ୟାନା, “କାମି ପୁରାୟାନା ।”

୧୮ * ଇମ୍ତାଗି ହିଚିରକେଦାଏ, ରିମିଲ୍ ସାଡ଼ିୟାନା ଆଡ଼ଃ ଅତେ ପୁରାଃଗି ଏକଲୀଅୟାନା । ନେ'ଲେକା ବରଝାନ୍ ଅତେ ଏକଲୀଅଃତେୟାଃ ମାନଝାରାଃ ମୁନ୍ତୁହେତେ ଚିଉଲୀଅ କା ହବାକାନ୍ ତାଇକେନା ।

୧୯ ମାରାଙ୍ଗ ନାଗାର୍ ଆପି ହିସାରେ ହାଚିଙ୍ଗିୟାନା, ଆଡ଼ଃ ଦିଶୁମ୍ରେୟାଃ ସବେନ୍ ନାଗାର୍ କିୟନ୍ୟାନା । ପାର୍ମେଶ୍ୱାର୍ ମାରାଙ୍ଗ ନାଗାର୍ ବାବିଲୋନ୍କେ କାଏ ରିଡ଼ିଙ୍ଗିକାଦ୍ ତାଇକେନା । ଇନିଃ ଆୟାଃ ନୁଁଏ କାଟୋରାଏତେ ଆୟାଃ ପୁରାଃ ଖସରାଃ ଇଲିଆରଖ୍ ଆନୁକିୟା ।

୨୦ * ସବେନ୍ ଚାପୁକ କା ନେଲଃୟାନା ଆଡ଼ଃ ବୁରୁ ବେଡ଼ାକ କା ତାଇନ୍ୟାନା ।

୨୧ * ସିର୍ମାଏତେ ହଡ଼କଆଃ ଚେତାନ୍ରେ ପୁରାଃ ମାପୁରାଙ୍ଗ୍ ଆରିଲ୍ଲକ ଉୟୁଃୟାନା । ମିପିଆଦ୍ ଆରିଲ୍ଲରାଃ ହାମ୍ବାଲ୍ ୫୦ କେ.ଜି ଲେକା ତାଇକେନା । ହଡ଼କ ନେ ବରଝାନ୍ ଆରିଲ୍ ନାଗେନ୍ତେ ପାର୍ମେଶ୍ୱାର୍କେ ସାର୍ପାଅକିୟାକ ।



ସବେନ୍କ ସାରିକାଇ ବେଶ୍ୟା କୁଡ଼ି

୧ ଏନ୍ତେ ଏୟା ତୁଭା ସାବାକାଦ୍ ଏୟା ଦୁଁଡ଼କଏତେ ମିହୁଡ଼୍ ଆଇଙ୍ଗ୍ତାଃତେ ହିଜୁଃୟାନ୍ଲଃ କାଜିକେଦିୟାଏ, “ହିଜୁଃମେ, ଆଇଙ୍ଗ୍ ମିଆଁଦ୍ହେତେ ଆଦ୍ କା ଗାଡ଼ା ଜାପାଃରେ ବାଇୟାକାନ୍ ବେଶ୍ୟା ଲେକାନ୍ ଏନ୍ ମାରାଙ୍ଗ୍ ନାଗାର୍ ଚିଲ୍କା ସାଜାଇ ନାମେୟାଏ, ଏନାଇଙ୍ଗ୍ ଉଦୁବାମେୟା ।

୨ ଅତେରେନ୍ ରାଜାକ ଏନ୍ ବେଶ୍ୟାଲଃ ଆପାଙ୍ଗିର୍ କାମିକ କାମିକାଦା, ଆଡ଼ଃ ଅତେଦିଶୁମ୍ରେନ୍ ହଡ଼କ ଇନିୟାଃ ଆପାଙ୍ଗିର୍ କାମି ଲେକାନ୍ ଇଲିଆରଖ୍ ନୁଁକେଦ୍ତେ ବୁଲୀକାନାକ ।”

୩ * ଏନ୍ତେ ଦୁଁଡ଼ ଆଇଙ୍ଗ୍କେ ଆମ୍ବା ହରାତେ ବିରତେ ଇଦିକିୟା । ଏନ୍ତାଃରେ ମିଆଁଦ୍ କୁଡ଼ିକେ ବାଇଗିନିଆ ରାଙ୍ଗ୍ରେନ୍ ଜାଁତୁ ଚେତାନ୍ରେ ଦୁବାକାନ୍ ନେଲ୍କିୟାଇଙ୍ଗ୍ । ଏନ୍ ଜାଁତୁରାଃ ସବେନ୍ସାଃରେ ପାର୍ମେଶ୍ୱାର୍ଆଃ ବିରୁଧ୍ରେ ନିନ୍ଦା ନୁଡୁମ୍ ଅଲୀକାନ୍ ତାଇକେନା । ଏନ୍ ଜାଁତୁରାଃ ଏୟା ବହଃ ଆଡ଼ଃ ଗେଲ୍ ଦିରିଙ୍ଗ୍ ତାଇକେନା ।

୪ ଏନ୍ କୁଡ଼ି ବାଇଗିନିଆ ଆଡ଼ଃ ଆରାଆଃ ଲିଜାଃ ତୁସିଙ୍ଗିୟାକାନ୍ ତାଇକେନାଏ ଆଡ଼ଃ ସୋନା, ପୁରାଃ ଗନଙ୍ଗ୍ଆନ୍ ମଣି, ଆଡ଼ଃ ମତିତେ ସିଙ୍ଗାରାକାନ୍ ତାଇକେନା । ଆୟାଃ ତିଃଇରେ ମିଆଁଦ୍ ସୋନାରେୟାଃ କାଟୋରା ତାଇକେନା । ଏନାରେ ହିଲୀଙ୍ଗ୍ଆଃ ବିଷାଏ ଆଡ଼ଃ ଇନିୟାଃ ଆପାଙ୍ଗିର୍ କାମି ଲେକାନ୍ ସଡ଼ରା କାମିକ ପେରେଜାକାନ୍ ତାଇକେନା ।

୫ ଇନିୟାଃ ମଲ୍ଲଙ୍ଗ୍ରେ ମିଆଁଦ୍ ଉକୁଆକାନ୍ ନୁଡୁମ୍ ଅଲୀକାନ୍ ତାଇକେନା, ଏନାରାଃ ମୁଣ୍ଡି, “ମାରାଙ୍ଗ୍ ବାବିଲୋନ୍, ବେଶ୍ୟାକଆଃ ଆଡ଼ଃ ଅତେଦିଶୁମ୍ରେନ୍ ସବେନ୍ ଲେକାନ୍ ହିଲୀଙ୍ଗ୍ଆଃ ବିଷାଏରେନ୍ ଏଙ୍ଗା ।”

୬ ଆଇଙ୍ଗ୍ ଆଡ଼ଃଗିଇଙ୍ଗ୍ ନେଲ୍କେଦା, ଏନ୍ କୁଡ଼ି ପାର୍ମେଶ୍ୱାର୍ଆଃ ହଡ଼କଆଃ ଆଡ଼ଃ ଯୀଶୁଆଃ ନାଗେନ୍ତେ ଗାଝା ଏମାକାଦ୍ ହଡ଼କଆଃ ମାୟୋମ୍ ନୁଁକେଦ୍ତେ ବୁଲୀକାନ୍ ତାଇକେନା । ଇନିଃକେ ନେଲ୍କେଦ୍ତେ ଆଇଙ୍ଗ୍ ଆକ୍ଚାକାଅୟାନାଇଙ୍ଗ୍ ।

୭ ଦୁଁଡ଼ ଆଇଙ୍ଗ୍କେ କାଜିକେଦିୟା, “ଚିନାଃ ମେନ୍ତେମ୍ ଆକ୍ଦାନ୍ଦାଅଃତାନା ? ଆଇଙ୍ଗ୍ ଆମ୍ବାକେ ଏନ୍ କୁଡ଼ି, ଆଡ଼ଃ ଆଇଃକ୍କେ ଗଅଃ ଇଦିତାନ୍ ଜାଁତୁ, ଅକଏୟାଃଚି ଏୟା ବହଃ, ଗେଲ୍ ଦିରିଙ୍ଗ୍ ମେନାଃ, ଇନିୟାଃ ବିଷାଏରେ ଉକୁଆକାନ୍ କାଜିଇଙ୍ଗ୍ ଉଦୁବାମେୟା ।

୮ * ଆମ୍ ଆକ୍ ଜାଁତୁକେ ନେଲ୍କାଇ ତାଇକେନାମ୍, ଇନିଃ ଜୀନିଦ୍ ତାଇକେନାଏ ଆଡ଼ଃ ନାହାଁଃ ବାଙ୍ଗାଲୟା । ମେନ୍ଦ୍ ଇନିଃ ହୁଆଙ୍ଗ୍ଗାଡ଼ାଏତେ ହିଜୁଃଆ ଆଡ଼ଃ ଜିୟନଃଆଏ । ଏନାରେ ଅତେଦିଶୁମ୍ରେୟାଃ ମୁନ୍ତୁଏତେ ଅକ ହଡ଼କଆଃ ନୁଡୁମ୍ ଜୀଦାନ୍ ପୁଅ୍ରେ କା ଅଲୀକାନା, ଏନ୍ ହଡ଼କ ଇନିଃକେ ନେଲ୍କେଦ୍ତେ ଆକ୍ଦାନ୍ଦାଅଃଆକ । ଚିଆଃଚି ଇନିଃ ଜୀନିଦ୍ ତାଇକେନାଏ, ନାହାଁଃ ବାଙ୍ଗାଲୟା ଆଡ଼ଃ ତାୟମ୍ତେ ହିଜୁଃଆ ।

୯ “ନେ ସବେନାଃ ଆଚ୍ଚାର୍ଉରୁମ୍ ନାଗେନ୍ତେ ସେଣାଁ ଲାଗାଡ଼ିଙ୍ଗିୟାଃ । ନେ ଜାଁତୁରାଃ ଏୟା ବହଃ ହବାଅଃତାନା ଏୟା ବୁରୁ । ଅକ ଚେତାନ୍ରେଚି ଏନ୍ କୁଡ଼ି ଦୁବାକାନା । ଏନା ଏୟା ରାଜାକକେ ହଗି କାଜିୟଃତାନା ।

* ୧୭:୧୫ ମାଥୁର ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୩:୩. * ୧୭:୧୮ ଉତ୍କଳ କାଜି ୮:୫; ୧୧:୧୩,୧୯. * ୧୭:୨୦ ଉତ୍କଳ କାଜି ୬:୧୪. * ୧୭:୨୧ ଉତ୍କଳ କାଜି ୧୧:୧୯. * ୧୭:୨୩ ଉତ୍କଳ କାଜି ୧୩:୧. * ୧୭:୮ ଉତ୍କଳ କାଜି ୧୧:୭.

୧୦ ଇନ୍ଦ୍ରକୁ ଏତେ ମଣେଇଁ ରାଜା ଗଣ୍ଡ଼ାୟନାକ । ମିଆଁଦିନିଃ ରାଜଜେତାନାଏ, ଆତଃ ଏଟାଃନିଃ ନାହାଁଃ ଜାକେଦ୍ ଆଉରି ହିନ୍ଦୁଃଆଏ । ଇନିଃ ହିନ୍ଦୁଃରେ, ଘାଡ଼ିକାଦ୍ ଗି ରାଜଜେୟା ।

୧୧ ଅକ ଜାଁତୁ ଜାନିଦ୍ ତାକକେନାଏ, ନାହାଁଃଦ ଇନିଃ ବାଜାୟା, ଇନିଃ ହବାଅଃତାନାଏ ଇରାଲିୟା ରାଜା । ଇନିଃ ଏନ୍ ଏୟା ରାଜାକଏତେ ମିଆଁଦିନିଃ ତାନିଃ ଆତଃ ଇନିଃ ହଗି ଜିୟନଃଆ ।

୧୨ “ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ମେନ୍ଲେରେ ଗେଲ୍ ରାଜାକ ତାନ୍କ । ଇନ୍ଦ୍ର ନାହାଁଃ ଜାକେଦ୍ ଆଉରି ରାଜଜେୟାକ । ମେନ୍ଦ ଇନ୍ଦ୍ରକୁକେ ଏନ୍ ଜାଁତୁଲଃ ମିଦ୍ ଘାଡ଼ିଗି ରାଜଜେ ନାଗେନ୍ତେ ଆକ୍ତେୟାର୍ ଏମଃଆ ।

୧୩ ନେ ଗେଲ୍ ରାଜାକଆଃ ଉଦେଶ୍ ମିଦ୍ଗିୟା । ଇନ୍ଦ୍ର ଆକଆଃ ଆପ୍ନାଃ ସବେନ୍ ପେଡେଃ ଆତଃ ଆକ୍ତେୟାର୍ ଜାଁତୁକେ ଜିମାୟାକ ।

୧୪ ଇନ୍ଦ୍ର ମିଣ୍ଡିହନ୍ଆଃ ବିରୁଧ୍ରେ ଲାପାଡ଼ାୟାୟାକ, ଆତଃ ମିଣ୍ଡିହନ୍ ଇନ୍ଦ୍ରକୁକେ ହାରାଅକଆ, ଚିୟାଃତି ଇନିଃ ପ୍ରାଭୁକଆଃ ପ୍ରାଭୁ ଆତଃ ରାଜାକଆଃ ରାଜା ତାନିଃ । ଆତଃ ଅକନ୍କ ଆୟାଃଲଃ ମେନାକଆ, ଏନ୍ କେଡ଼ାକାନ୍କ, ସାଲାକାନ୍କ, ଆୟାକ୍ତେ ଅତଙ୍ଗତାନ୍କ ଆତଃ ପାତିୟାର୍ରେ ଲେକାନ୍ ହଡକ ହଗି ଜିତାଅଃଆକ ।”

୧୫ ଦୁଁଡ୍ ଆଇଙ୍ଗ୍ ଆତଃଗି କାଜିକେଦିୟା, “ଆମ୍ ଅକ ଦାଆଃ ତେତାନ୍ରେ ବେଶ୍ୟାକେ ଦୁବାକାନାମ୍ ନେଲ୍କିୟା, ଏନ୍ ଦାଆଃ, ଦିଶ୍ମ୍ରେନ୍ ସବେନ୍ ହଡକ ଆତଃ ଏଟାଃ ଏଟାଃ ଜାଗାର୍ତାନ୍ ହଡକକେ କାଜିୟଃତାନା ।

୧୬ ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ଆତଃ ଏନ୍ ଜାଁତୁ, ବେଶ୍ୟାକେ ହିଲାଇଁଆଃକ, ଇନ୍ଦ୍ର ଇନିଃତାଃଏତେ, ଆୟାଃ ସବେନାଃ ରେଃଇଦିୟାକ ଆତଃ ଇନିଃକେ ସାମା ହଡ଼କେଦ୍ତେ ବାଗିତାୟାକ । ଇନ୍ଦ୍ର ଆୟାଃ ଜିଲ୍ଲୁ ଜମ୍କେଦ୍ତେ, ଇନିଃକେ ସେଙ୍ଗେଲ୍ରେ ହୁରାଙ୍ଗ୍କେଦ୍ତେ ଜିୟନ୍ତାୟାକ ।

୧୭ ଚିୟାଃତି ପାର୍ମେଶ୍ୱାର୍ ଆୟାଃ ଇଛା ସାନାଙ୍ଗ୍କେ ପୁରାଏ ନାଗେନ୍ତେ ନେଲେକା ଇନ୍ଦ୍ରକୁକେ କାଜିକାଦ୍କଆ । ଇନ୍ଦ୍ର ମିଦ୍ ମନ୍ତେକ କାମିୟା ଆତଃ ପାର୍ମେଶ୍ୱାର୍ଆଃ କାଜି ସାର୍ତ୍ତିଗି ଆଉରି ହବାଅଃ ଜାକେଦ୍, ରାଜକ୍ତେ ଚାଲାଅରେୟାଃ ବାହାରମ୍, ଏନ୍ ଜାଁତୁଆଃ ଡିଃଇରେ ବାଗିତାଃକ ।

୧୮ “ଆମ୍ ଅକ କୁଡିକେମ୍ ନେଲ୍କିୟା, ଇନିଃ ହବାଅଃତାନାଏ, ଅତେଦିଶ୍ମ୍ରେନ୍ ରାଜାକଆଃ ତେତାନ୍ରେ ରାଜଜେତାନ୍, ଏନ୍ ମାରାଙ୍ଗ୍ ନାଗାର୍ ।”

୧୮

ବାବିଲରାଃ ଜିୟନଃ

୧ ଏନ୍ ତାୟମତେ ଆଇଙ୍ଗ୍ ଏଟାଃ ମିଆଁଦ୍ ଦୁଁଡ୍କେ ସିର୍ମାଏତେ ଆଡ଼ଗୁଃତାନ୍ ନେଲ୍କିୟାୟାକ୍ । ଇନିଃ ପୁରାଃଗି ଆକ୍ତେୟାର୍ ନାମାକାଦ୍ନିଃ ତାକକେନାଏ ଆତଃ ଇନିୟାଃ ମାନାରାଙ୍ଗ୍ ଗଟା ଅତେଦିଶ୍ମ୍ରେକେ ମାର୍ସାଲ୍କାଦ୍ ତାକକେନା ।

୨ ଇନିଃ କାଉରିକେଦ୍ତେ କାଜିକେଦା, “ଇନିୟାଃ ଜିୟନ୍ ହବାକାନା । ଏନ୍ ମାରାଙ୍ଗ୍ ବାବିଲୋନ୍ ହାଦୁଡ଼ାକାନା । ଏନା ନାହାଁଃଦ ବଜା ଆତଃ ସଡ଼ରା ଆମ୍ବାକଆଃ ତାଇନଃ ଠାୟାଦ୍ ହବାକାନା । ସବେନ୍ ରାକାମ୍ରେନ୍ ସଡ଼ରା ଜାଁତୁ ଆତଃ ହିଲାଇଁ ଚେଣ୍ଟିକଆଃ ତାଇନଃ ଠାୟାଦ୍ ବାୟାକାନା ।

୩ ଚିୟାଃତି ଇନିଃ ସବେନ୍ କିଲିରେନ୍ ହଡକକେ ଆୟାଃ ଆପାଙ୍ଗିର୍ କାମି ଲେକାନ୍ ଇଲିଆର୍ଗ୍ ଆନୁକାଦ୍କଆ । ଅତେରେନ୍ ରାଜାକକେ ଆୟାଃଲଃ ଆପାଙ୍ଗିର୍ କାମିରେ ମେସାକାଦ୍କଆ । ଅତେଦିଶ୍ମ୍ରେନ୍ କିରିଙ୍ଗ୍ ଆଖ୍ରିଙ୍ଗ୍ତାନ୍କ ଆୟାଃ ଏଡକାନ୍ ରିଜ୍ରେଙ୍ଗ୍ ହରାତେ କିର୍ସାଙ୍ଗ୍କାନାକ ।”

୪ ଏନ୍ତେ ଆଇଙ୍ଗ୍ ସିର୍ମାଏତେ ମିଆଁଦ୍ ଲାବ୍ଜା ଆୟୁମ୍କେଦାୟାକ୍, “ଆଇୟାଃ ସବେନ୍ ହଡକ ଅଡଙ୍ଗ୍ଅଃପେ ! ଇନିଃତାଃଏତେ ଅଡଙ୍ଗ୍ଅଃପେ ! ଆପେ ଇନିୟାଃ ପାପ୍ରେ ଆତଃ ଆଲପେ ତାଇନଃଆ । ଇନିଃ ଅକ ସାସାତି ନାମେୟାଏ, ଏନାରେୟାଃ ହିସା ଆଲପେ ହବାଅଃଆ ।

୫ ଇନିୟାଃ ପାପ୍କଦ୍ ସିର୍ମା ଜାକେଦ୍ ସେଟେରାକାନା । ପାର୍ମେଶ୍ୱାର୍ ଇନିୟାଃ ଏଡକାନ୍ କାମିକଏ ପାହାମାକାଦା ।

୬ ଇନିଃ ଜେଲେକା ଆପେଲଃ ବେଭାର୍କାଦା, ଆପେ ଏନ୍ଲେକାଗି ଆୟାଃଲଃ ବେଭାରେପେ, ଇନିଃ ଅକ୍ନାଃ ରିକାକାଦାଏ, ଏନାଏତେ ବାର୍ଗୁନା ଏମ୍ ରୁହାଡ଼ାୟାକେ । ଆପେକେ ନୁଁ ନାଗେନ୍ତେ ଇନିଃ ଅକ ନୁଁଏତେୟାଃ ବାୟାକାଦ୍ ତାକକେନାଏ, ଏନାଏତେ ବାର୍ଗୁନା ବାୟାହାଡ଼ାୟାକେ ।

୭ ଇନିଃ ଆପାନାଃ ଚିମିନ୍ ମାନାରାଙ୍ଗ୍ ରିକାଏ ତାକକେନାଏ ଆତଃ ଏଡକାନ୍ ରିଜ୍ରେଙ୍ଗ୍ରେ ତୁବିଃଗ୍କାନ୍ ତାକକେନା, ଏନ୍ ଇମ୍ନାଙ୍ଗ୍ରେଗି ଇନିଃକେ ଦୁକୁହାସ୍ତ୍ ଏମାୟାକେ । ଚିୟାଃତି ଇନିଃ ଆୟାଃ ମନ୍ରେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ କାଜିତାନାଏ, ‘ଆଇଙ୍ଗ୍ ନେତାଃରେ ରାନୀ ଲେକା ଦୁବାକାନାୟାକ୍, ଆଇଙ୍ଗ୍ ଟିଗିର୍ ନାହାଁଲିଙ୍ଗ୍, ଆଇୟାଃ ଚିତ୍ତାଅଗି ଏୟମ୍ କା ହବାଅଃଆ ।’

☆ ୧୮:୭ ଉତ୍କଳ କାଜି ୧୪:୮.

୮ ଇନ୍ଦିୟାଃ ନେ ସବେନ୍ ପାପକ ନାଗେନ୍ତେ ବେମାର୍, ଦୁକୁରେୟାଃ ରାନାଃ, ଆତଃ ରିକ୍ଷା ମୁସିଙ୍ଗ୍ ଇନ୍ଦିୟାକେ ମିସାତେ ସାବିଆ । ଆତଃ ଇନ୍ଦିୟା ସେଙ୍ଗେଲ୍ରେ ପୁରା ଜିୟନଃଆଏ । ଚିୟାଃଚି ଇନ୍ଦିୟାଃ ଅକଏ ବିଚାର୍ ତାନାଏ, ଏନ୍ ପ୍ରାଭୁ ପାର୍ମେଶ୍ୱାର୍ ପୁରାଃ ପେଡ଼େୟାନ୍ନିଃ ତାନିଃ ।”

୯ ଅତେରେନ୍ ଅକ ରାଜାକ ଇନ୍ଦିୟାଃ ଆପାଙ୍ଗିର୍ ଆତଃ ପାପ କାମିକ ରିକାକାଦ୍ ତାଇକେନା, ଇନ୍କୁ ଇନ୍ଦିୟାଃ ହଡ଼ମ୍ ସେଙ୍ଗେଲ୍ ହୁନ୍ଦୁଲ୍ରେ ଜିୟନଃତାନ୍ ସୁକୁଲ୍ ନେଲ୍କେଦ୍ତେ ରାଆଃଏୟାକ ।

୧୦ ଇନ୍ଦିୟାଃ ଦୁକୁହାସୁରେ ହିସା ହବାଃଅ ନାଙ୍ଗ୍ ବରକେଦ୍ତେ ଇନ୍କୁ ଇନ୍ଦିୟାଃଏତେ ପୁରାଃ ସାଙ୍ଗିନ୍ରେ ଡିଙ୍ଗୁକେଦ୍ତେକ ତାଇନା, ଆତଃ କାଜିୟାକ, “ହାଏରେ ଚିମିନ୍ ବରଞ୍ଜାନ୍ ଆତଃ ଆକ୍ଦାନ୍ଦାଅ ବିଷାଏ ତାନାଃ ! ଆମ୍ ଚିନାଃ ଏନ୍ ପୁରାଃ ପେଡ଼େୟାନ୍ ବାବିଲୋନ୍ ନାଗାର୍ ତାନମେ ! ମେନ୍ଦ ମିଦ୍ ଘାଡ଼ିରେଗି ନେ’ଲେକା ସାଜାଇ ନାମ୍କେଦାମ୍ ।”

୧୧ ଅତେରେନ୍ କିରିଙ୍ଗ୍ ଆଖରିଙ୍ଗ୍ତାନକ ଇନ୍ଦିୟା ନାଗେନ୍ତେକ ଏୟମ୍ପେୟା, ଚିୟାଃଚି ଜେତାଏ ଇନ୍କୁଆଃ ଜିନିଷ୍ଟକକେ କାକ କିରିଙ୍ଗ୍ୟେଆ ।

୧୨ ଇନ୍କୁଆଃ ସୋନା, ରୁପା, ମଣି, ମତି, ଉନ୍ରାଃ ଲିଜାଃ, ବାଇଗିନିଆ ଲିଜାଃ, ସିନ୍ଦୁର୍ ରାଙ୍ଗରାଃ ଲିଜାଃ, ସବେନ୍ ଲେକାନ୍ ଗନଙ୍ଗ୍ଆନ୍ ଚନ୍ଦ୍ ସାହାନ୍, ହାଁତି ତାଟାତେ ବାଇୟାକାନ୍ ସବେନ୍ ଲେକାନ୍ ଜିନିଷ୍ଟକ, ପୁରାଃ ଗନଙ୍ଗ୍ଆନ୍ ଦାରୁ, ପିତାଲ୍, ମେଡ଼େଦ୍, ମାର୍ବଲ୍ରେ ବାଇୟାକାନ୍ ସବେନ୍ ଲେକାନ୍ ଜିନିଷ୍ଟକ,

୧୩ ଆତଃ ଦାଲ୍ଚିନି, ଏଟାଃ ଏଟାଃ ମାସ୍ଲାଇ, ଧୁଆନ୍, ବୁଗିନ୍ ସହାନ୍ ସୁନ୍ଦୁମ୍, ବୁଗିନ୍ ସହାନ୍ ମାଲାମ୍, ଦାଖ୍ରେସି, ଅଲିଭ୍ ସୁନ୍ଦୁମ୍, ମାଏଦା, ଗହମ୍, ଉରିଃକ୍, ମିଣ୍ଡି, ସାଦମ୍, ସାଦମ୍ ଗାଡ଼ି, କିରିଙ୍ଗ୍ଦାସି ଆତଃ ଜୀଉ ତାଇନଃ ମାନଞ୍ଜାକକେ ହଗି କିରିଙ୍ଗ୍ ନାଗେନ୍ତେ ଜେତାଏ ହଡ଼ କାକ ଅତଙ୍ଗ୍ଅଃଆ ।

୧୪ କିରିଙ୍ଗ୍ ଆଖରିଙ୍ଗ୍ତାନ୍ ହଡ଼କ ଇନ୍ଦିୟାକେକ କାଜିକିୟା, “ଆମାଃ ଜୀଦାନ୍ରେୟାଃ ରିନ୍ଦରାଙ୍ଗ୍ ସବେନ୍ ବୁଗିନ୍ ବିଷାଏକ ଆମାଃତାଃଏତେ ସାଙ୍ଗିନ୍ୟାନା । ଆତଃ ଆମାଃ ଖୁଜ୍ରେୟାଃ ସୁଗାଡାନ୍ତେୟାଃକ ଆମାଃତାଃଏତେ ଆତମ୍ୟାନା, ଆମ୍ ଏନ୍ ସବେନାଃକେ ଆତଃ ଚିଉଲାଅ କାମ୍ ନାମ୍ରୁହାଡ଼େୟା ।”

୧୫ ଅକନ୍ କିରିଙ୍ଗ୍ ଆଖରିଙ୍ଗ୍ତାନ୍ ହଡ଼କ ଏନ୍ ନାଗାର୍ରେ ଆଖରିଙ୍ଗ୍କେଦ୍ତେ କିସାଁଶ୍ୱକାନ୍ ତାଇକେନାକ, ଇନ୍କୁ ଇନ୍ଦିୟାଃ ଦୁକୁହାସୁରେ ହିସା ହବାଃଅ ନାଗେନ୍ତେ ବରକେଦ୍ତେ ପୁରାଃ ସାଙ୍ଗିନ୍ରେକ ଡିଙ୍ଗୁନା ।

୧୬ ଇନ୍କୁ ରାଆଃ ଆତଃ ଏୟମ୍ତାନ୍ଲଃ କାଜିୟାକ, “ହାଏରେ, ଏନ୍ ମାରାଙ୍ଗ୍ ନାଗାର୍ରେୟାଃ ଦୁକୁ, ଚିମିନ୍ ବରଞ୍ଜାନ୍ରିୟା ! ଚିମିୟାଙ୍ଗ୍ କା ସାହାଡ଼ିଙ୍ଗ୍ୟାଃ ଲେକା ମେନାଃ ! ଅକ ମାରାଙ୍ଗ୍ ନାଗାର୍ ଉନ୍ରାଃ ଲିଜାଃ, ବାଇଗିନିଆ ଲିଜାଃ ଆତଃ ସିନ୍ଦୁର୍ ରାଙ୍ଗ୍ରେୟାଃ ଲିଜାଃ ତୁସିଙ୍ଗ୍ୟାକାନ୍ ତାଇକେନାଏ, ଆତଃ ସୋନା, ମଣି, ମତିତେ ସିଙ୍ଗ୍ରାଅକାନ୍ ତାଇକେନା ।

୧୭ ମେନ୍ଦ ମିଦ୍ ଘାଡ଼ିରେଗି ନେ ସବେନ୍ ଖୁଜ୍ କଏ ଆଦ୍କେଦା !” ଦାଆଃ ଜାହାଜ୍ ଚାଲାଅତାନ୍କଆଃ ଆଗୁଆଇ ଆତଃ ଏନାରେ ଦୁବାକାନ୍କ, ଦାଆଃ ଜାହାଜ୍ ଚାଲାଅତାନ୍କ, ଆତଃ ଦରେୟାରେ କିରିଙ୍ଗ୍ ଆଖରିଙ୍ଗ୍ତାନ୍ ହଡ଼କ ସାଙ୍ଗିନ୍ରେ ଡିଙ୍ଗୁୟାନାକ ।

୧୮ ଆତଃ ଜିୟନଃତାନ୍ ନାଗାର୍ରେୟାଃ ସୁକୁଲ୍ ନେଲ୍କେଦ୍ତେ, କାଉରିତାନ୍ଲଃ କାଜିକେଦାକ, “ନେ ମାରାଙ୍ଗ୍ ନାଗାର୍ ଲେକା ଆତଃ ଜେତା ନାଗାର୍ କା ତାଇକେନା ।”

୧୯ ଇନ୍କୁ ଆକଆଃ ବହଃରେ ଧୁଡ଼ିକ ହେରକେଦ୍ତେ ଏୟମ୍ତାନ୍ଲଃ କାଜିକେଦାକ, “ଚିମିନ୍ ବରଞ୍ଜାନ୍ରିୟା, ନାଗାର୍ରେୟାଃ ଦୁର୍ଦାସା କା ସାହାଡ଼ିଙ୍ଗ୍ୟାଃ ଲେକା ହବାକାନା ! ଦରେୟାରେ ସେନ୍ତାନ୍ ଦାଆଃ ଜାହାଜ୍ ଆୟାଃ ଖୁଜ୍ ତେଗି କିସାଁଶ୍ୱକାନ୍ ତାଇକେନା ! ମେନ୍ଦ ମିଦ୍ ଘାଡ଼ିରେଗି ସବେନାଃ ଜିୟନ୍ୟାନା !”

୨୦ ହେ ସିମ୍ପାରେନ୍ ହଡ଼କ, ଇନ୍ଦିୟା ଜିୟନ୍କାନ୍ ହରାତେ ରାସ୍ତାଅଃପେ । ହେ ପାର୍ମେଶ୍ୱାର୍ଆଃ ହଡ଼କ, ପ୍ରେରିଡ଼କ ଆତଃ ନାବୀକ ରାସ୍ତାଅଃପେ ! ଚିଆଃଚି ଆପେ ନାଗେନ୍ତେ ଅକ୍ନାଃ ରିକାକାଦ୍ ତାଇକେନାଏ, ଏନାମେନ୍ତେ ପାର୍ମେଶ୍ୱାର୍ ଇନ୍ଦିୟାକେ ସାଜାଇ ଏମାକାଇଜାଏ ।

୨୧ ଏନ୍ତେ ମିଆଁଦ୍ ପୁରାଃ ପେଡ଼େୟାନ୍ ଦୁଡ଼୍, ଜାନ୍ତାଦିରି ଲେକା ମିଆଁଦ୍ ଦିରି ଇଦିକେଦ୍ତେ ଦରେୟାରେ ହୁରାଙ୍ଗ୍କେଦ୍ତେ କାଜିକେଦା, “ମାରାଙ୍ଗ୍ ନାଗାର୍ ବାବିଲୋନ୍, ନେ’ଲେକା ହୁରାଙ୍ଗ୍ଅଃଆଏ ଯେ, ଇନ୍ଦିୟାକେ ଆତଃମିସା ଜେତାଏ କାକ ନେଲ୍ ଦାଡ଼ିୟା ।

୨୨ ବାନାମ୍ ସାଡ଼ିତାନ୍କଆଃ ସାଡ଼ି, ମାନଞ୍ଜାକଆଃ ଲାବ୍ଜା ଦୁରାଙ୍ଗ୍, ମୁରଲି ସାଡ଼ି, ବିଙ୍ଗୁଲ୍ ସାଡ଼ି ଚିଉଲାଅ ଆମାଃତାଃରେ ଆତଃ କା ଆୟୁମଃଆ । ଜେଡ଼ନାଃଗି ବାବାଇ ହଡ଼କ ଆମାଃତାଃରେ ଆତଃ ଚିଉଲାଅ କାକ ନେଲ୍ଅଆ, ଚାଏ ଜାନ୍ତାଦିରିରେ ରିଦେତାନ୍ ଲାବ୍ଜା କା ଆୟୁମଃଆ ।

୨୩ ଆମାଃତାଃରେ ଆତଃ ଚିଉଲାଅ ଦିମି କା ଜୁଲ୍ଅଆ, ଚାଏ ନାଞ୍ଜା କଡ଼ାକୁଡ଼ିକିନାଃ ଲାବ୍ଜା କା ଆୟୁମଃଆ । ଚିଆଃଚି ଆମାଃତାଃରେ କିରିଙ୍ଗ୍ ଆଖରିଙ୍ଗ୍ତାନ୍ ହଡ଼କ ଅତେଦିଶ୍ୱମ୍ରେ ପୁରାଃଗି ପେଡ଼େୟାନ୍ରିକ ତାଇକେନା, ଆମାଃ ଯାଦୁଟଣାତେ ଆମ୍ ସବେନ୍ ହଡ଼କକେ ବେଦାକେଦ୍ତେ ଦହକାଦ୍କ ତାଇକେନାମ୍ ।”

୨୪ ଆତଃ ନେ ବାବିଲୋନ୍ ନାଗରରେ ଅତେଦିଶୁମ୍ବରେନ୍ ପୁରାଃ ନାବୀକ ଆତଃ ପାର୍ମେଶ୍ୱାର୍ଆଃ ହତକଥାଃ ମାୟୋମ୍ ଲିଙ୍ଗିକାନ୍ ତାଇକେନା । ନେ ସବେନ୍ ପାପ୍ ନାଗେନ୍ତେ ଜନିଃ ସାଜାଇ ନାମାକାଦାଏ ।

୧୯

ସିର୍ମାରେ ରାସ୍ତାରେୟାଃ ଦୁରାଙ୍ଗ

୧ ଏନ୍ ତାୟମତେ ଆଇଙ୍ଗ୍ ସିର୍ମାରେ ପୁରାଃ ଗାଦେଲ୍ ହତକକେ କାଉରିକେଦତେ ଜାଗାର୍ତେୟାଃ ଆୟୁମ୍ବକେଦକଆଇଙ୍ଗ୍ । ଇନ୍କୁ କାଜିତାଇକେନାକ, “ପାର୍ମେଶ୍ୱାର୍ଆଃ ସାହାରାଅ ରିକାଏପେ । ଜୀଉବାଞ୍ଚାଅ, ମାନାରାଙ୍ଗ୍ ଆତଃ ପେଡେଃ ଆରୁଆଃ ପାର୍ମେଶ୍ୱାର୍ଆଃ ତାନାଃ ।

୨ ପାର୍ମେଶ୍ୱାର୍ଆଃ ବିଚାର୍ ସାର୍ତି ଆତଃ ନ୍ୟାୟ୍ ତାନାଃ । ଆପାଙ୍ଗିର୍ କାମି ହରାତେ ଅତେଦିଶୁମ୍ବକେ ସତ୍ରାକାଦ୍ ବେଶ୍ୟା କୁଡ଼ି ନାଗେନ୍ତେ ଠାଉକାଗି ସାଜାଇ ଏମାକାନା । ପାର୍ମେଶ୍ୱାର୍ଆଃ ଦାସିକଥାଃ ମାୟୋମ୍ ଲିଙ୍ଗିକାଦ୍ ହରାତେ, ଇନିଃକେ ପାର୍ମେଶ୍ୱାର୍ ସାଜାଇ ଏମାକାଇଦାଏ ।”

୩ ଆଇଙ୍ଗ୍ ଇନ୍କୁକେ ଆତଃମିସା କାଉରିକେଦତେ କାଜିତାନ୍ ଆୟୁମ୍ବକେଦକଆଇଙ୍ଗ୍, “ପାର୍ମେଶ୍ୱାର୍ଆଃ ସାହାରାଅ ରିକାଏପେ । ଏନ୍ ମାରାଙ୍ଗ୍ ନାଗାର୍କେ ଜିୟନେତାନ୍ ସେଙ୍ଗେଲ୍ରେୟାଃ ସୁକୁଲ୍ ଜାନାଅ ଜାନାଅଗି ଚେତାନ୍ତେ ସୁକୁଲିଃଆ ।”

୪ ରାଜଗାଦିରେ ଦୁବାକାନ୍ ପାର୍ମେଶ୍ୱାର୍ଆଃ ଆୟାର୍ରେ ବାହ୍ରିସି ଉପୁନିୟା ପ୍ରାଚିନ୍ଦକ ଆତଃ ଉପୁନିୟା ଜାଁତୁକ ଅମ୍ବାଃୟାନ୍ଲଃ ଜହାର୍କେଦତେ କାଜିକେଦାକ, “ଆମେନ୍ ! ପାର୍ମେଶ୍ୱାର୍ଆଃ ସାହାରାଅ ହବାଅଃକା ।”

ମିଶ୍ରିହନ୍ଆଃ ଆଣ୍ଡି ଭୋଜି

୫ ଏନ୍ତେ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମ୍ବକେଦକଆଇଙ୍ଗ୍, “ପାର୍ମେଶ୍ୱାର୍ଆଃ ଦାସିକ ଆତଃ ଆଇଃକ୍କେ ବରଭାକ୍ତିତାନ୍ ହୁଡ଼ିଙ୍ଗ୍, ମାରାଙ୍ଗ୍ ସବେନ୍ ହତକ ଇନିୟାଃ ସାହାରାଅ ରିକାଏପେ ।”

୬ ଆଇଙ୍ଗ୍ ଆତଃଗି ଗାଦେଲ୍ ହତକଥାଃ ଲାବ୍ଜା ଲେକା, ଦରେୟାରେୟାଃ ଆଲ୍ପୁଙ୍ଗ୍ ସାଡ଼ିତାନ୍ ଲେକା, ରିମିଲ୍ ସାଡ଼ିତାନ୍ ଲେକା ଆତଃ ଠେରତାନ୍ରେୟାଃ ସାଡ଼ି ଲେକା ମିଆଁଦ୍ ସାଡ଼ିଇଙ୍ଗ୍ ଆୟୁମ୍ବକେଦା, “ପାର୍ମେଶ୍ୱାର୍ଆଃ ସାହାରାଅ ହବାଅଃକା, ଚିଆଃଚି ଆରୁଆଃ ପ୍ରାଭୁ ପୁରାଃ ପେଡେୟାନ୍ ପାର୍ମେଶ୍ୱାର୍ ତାନିଃ, ଇନିଃ ଏସ୍କାର୍ ଆରୁଆଃ ରାଜା ତାନିଃ !

୭ ଲାୟା ରାସ୍ତାତାନ୍ଲଃ ଏଲା ହିଜୁଃପେ, ଇନିୟାଃ ମାଇନାନ୍ତୁ ରିକାଏୟା, ମିଶ୍ରିହନ୍ଆଃ ଆଣ୍ଡିରେୟାଃ ଦିପିଲି ସେଟେରାକାନା, ଏନାମେନ୍ତେ ଆୟାଃ ନାଞ୍ଜା କୁଡ଼ି ଆପାନ୍କେ ସେକାଡେନ୍ତାନା ।

୮ ଆୟାଃ ତୁସିୟେନ୍ ନାଗେନ୍ତେ ଫାର୍ଚି ଆତଃ ପୁରାଃ ପୁଣ୍ଡି ଝାକ୍ମାକ୍ ଉନ୍ରାଃ ଲିଜାଃ ନାମାକାଦାଏ ।” ପାର୍ମେଶ୍ୱାର୍ଆଃ ହତକଥାଃ ଧାର୍ମାନ୍ କାମି ହବାଅଃତାନା ଏନ୍ ନାରାମ୍ ଲିଜାଃ ।

୯ ଏନ୍ତେ ଦୁଁଡ୍ ଆଇଙ୍ଗ୍କେ କାଜିକେଦିୟା, “ଅଲ୍କେଦତେ ଦହେମେ, ଅକନ୍ଦକ ମିଶ୍ରିହନ୍ଆଃ ଆଣ୍ଡି ଭୋଜିରେ କେଡ଼ାକାନାକ ଇନ୍କୁ ଧାଇନ୍ରିୟାକ ।” ଇନିଃ ଆତଃଗି କାଜିକେଦାଏ, “ନେଆଁ ପାର୍ମେଶ୍ୱାର୍ଆଃ ସାର୍ତି ବାଚାନ୍ ତାନାଃ ।”

୧୦ ଆଇଙ୍ଗ୍ ଏନ୍ ଦୁଁଡ୍କେ ସୁନ୍ସାର୍ ରିକା ନାଗେନ୍ତେ ଆୟାଃ କାଟା ସୁବାରେଇଙ୍ଗ୍ ଉୟୁଃୟାନା । ମେନ୍ଦ ଏ ଇନିଃ ଆଇଙ୍ଗ୍କେ କାଜିକେଦିୟା, “ଏନ୍ ଲେକା ଆଲ୍ମ୍ ରିକାଏୟା । ଆଇଙ୍ଗ୍ ଆମାଃ ଗାଡିଦାସି ତାନିଙ୍ଗ୍ ଆତଃ ଆମାଃ ହାଗା ମିଶିକ ଲେକାଗି ଆଇଙ୍ଗ୍ ଯୀଶୁଆଃ ଗାଞ୍ଜା ଏମ୍ନିଃ ତାନିଙ୍ଗ୍ । ଆପେ ଲେକା ଆଇଙ୍ଗ୍ ହଗି ଯୀଶୁ ଉଦୁବାକାଦ୍ ସାନାର୍ଡିକେଇଙ୍ଗ୍ ତେଲ୍ଲାକାଦା । ପାର୍ମେଶ୍ୱାର୍କେ ଏସ୍କାର୍ ସୁସାରିମେ ।” ଚିଆଃଚି ଯୀଶୁ ନାଗେନ୍ତେ ଗାଞ୍ଜା ହବାଅଃତାନା, ଆୟାର୍କାଜିରାଃ ଏନେଟେଦ୍ ଆମ୍ ଲେକ୍ନାଃ ।

ପୁଣ୍ଡି ସାଦମ୍ରେ ଦୁବାକାନ୍ନିଃ

୧୧ ଏନ୍ତେ ଆଇଙ୍ଗ୍ ସିର୍ମା ନିଜାକାନ୍ ନେଲ୍କେଦାଇଙ୍ଗ୍ । ଏନ୍ତାଃରେ ପୁଣ୍ଡି ସାଦମ୍ରେ ଦୁବାକାନ୍ନିଃକେ ନେଲ୍କିଜାଇଙ୍ଗ୍ । ଏନ୍ ସାଦମ୍ରେ ଦୁବାକାନ୍ନିୟାଃ ନୁଡୁମ୍ ପାତିୟାର୍ରେନିଃ ଆତଃ ସାର୍ତି । ଇନିଃ ନ୍ୟାୟ୍ ଲେକାତେ ବିଚାର୍ ରିକାଃଏ ଲାଡ଼ାଇ ରିକାଃଏ ।

୧୨ ଇନିୟାଃ ମେଦ୍ ଜୁଲିଃତାନ୍ ସେଙ୍ଗେଲ୍ ଲେକା ଆତଃ ଇନିୟାଃ ବହଃରେ ପୁରାଃଗି ମୁକୁର୍ ତାଇକେନା । ଇନିୟାଃ ଚେତାନ୍ରେ ମିଆଁଦ୍ ନୁଡୁମ୍ ଅଲ୍ଲାକାନ୍ ତାଇକେନା, ମେନ୍ଦ ଏନା ଚିନାଃ ତାନାଃ, ଏନା ଆଇଃକ୍କେ ବାଗିକେଦତେ ଜେତାଏ କାକ ସାରିୟା ।

୧୩ ଇନିଃ ତୁସିଙ୍ଗ୍କାନ୍ ଲିଜାଃ ମାୟୋମ୍କାନ୍ ତାଇକେନା । ଇନିୟାଃ ନୁଡୁମ୍ “ପାର୍ମେଶ୍ୱାର୍ଆଃ ବାଚାନ୍ ମେନ୍ତେ ସାରିୟା ତାଇକେନା ।”

୧୪ ସିର୍ମାରେନ୍ ଫାଉଦକ, ନିରାଲ୍, ପୁରାଃ ପୁଣ୍ଡି ଫାର୍ଚି ଆତଃ ଝାକ୍ମାକ୍ ଉନ୍ରାଃ ଲିଜାଃ ତୁସିଙ୍ଗ୍ୟାନ୍ଲଃ, ପୁଣ୍ଡି ସାଦମ୍ ଚେତାନ୍ରେ ଦୁବ୍କେଦତେ ଇନିଃକେକ ଅତଙ୍ଗ୍ ତାଇକେନା ।

☆ ୧୯:୯ ମାଥୁଉ ୨୨:୨,୩.

୧୫ *ଇନିୟାଃ ମତାଏତେ ମିଆଁଦ୍ ଲେସେରାକାନ୍ ତାରାଉଡ଼ି ଅତଙ୍ଗଅଃଆ । ଏନାଲଃ ଅତେରେନ୍ ସବେନ୍ ହଡ଼କକେ ହାରାଅକଆ । ଆତଃ ଇନିଃ ଇନ୍କୁକେ ମେଡ଼େଦ୍ରାଃ ସତାତେ ହୁମାଃକଆ ଆତଃ ଯେଡ଼େୟାନ୍ ପାର୍ମେଶ୍ଵାର୍ଆଃ ପୁରାଃ ଖ୍ଵ ଲେକାନ୍ ଦାଖନାଡ଼ିକେ ଘାନାରେ ଆଇଃକ୍ଵି ଯେରାଅକେଦ୍ତେ ଏନାଏତେ ଦାଖରାସି ଅତଙ୍ଗୟେଆ ।

୧୬ ଇନିୟାଃ ଲିଜାଃ ଚେତାନ୍ରେ ଆତଃ ବୁଲୁରେ ନେ ନୁଡୁମ୍ ଅଲ୍ଲୀକାନ୍ ତାଇକେନା, “ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ।”

୧୭ ଏନ୍ତେ ଆଇଙ୍ଗ୍ ମିଆଁଦ୍ ଦୁଁଡ଼କେ ସିଙ୍ଗି ଚେତାନ୍ରେ ତିଙ୍ଗୁଆକାନ୍ ନେଲ୍ଲକିୟାଇଙ୍ଗ୍ । ଥାଲା ସିମ୍ପାରେ ଆଫିରତାନ୍ ସବେନ୍ ଚେଣ୍ଟକକେ କାଉରିକେଦ୍ତେ କାଜିକେଦ୍କଆ, “ଏଲା, ପାର୍ମେଶ୍ଵାର୍ଆଃ ମାରାଙ୍ଗ୍ ଭୋଜିରେ ମେସାନ୍ ନାଗେନ୍ତେ ହୁଣ୍ଡିନ୍ଦେ !

୧୮ ରାଜା, ପାଲ୍ଟାନ୍, ସିପାଇ, ସାଦମ୍, ସାଦମ୍ରେ ଦୁବାକାନ୍, କିରିଙ୍ଗ୍ଘାକାନ୍ ଦାସି, ଯେଡ଼େୟାନ୍ ହଡ଼, କା ଯେଡ଼େୟାନ୍ ହଡ଼, ନେ ସବେନ୍କଆଃ ଜିଲୁକେ ହିଜୁଃକେଦ୍ତେ ଜମେପେ ।”

୧୯ ଏନ୍ତେ ଆଇଙ୍ଗ୍ ନେଲ୍ଲକେଦାଇଙ୍ଗ୍, ଏନ୍ ସାଦମ୍ରେ ଦୁବାକାନ୍ନିଃ ଆତଃ ଆୟାଃ ପାଲ୍ଟାନ୍କଆଃ ବିରୁଧ୍ରେ ଲାଡ଼ାଇ ନାଗେନ୍ତେ ଏନ୍ ଜାଁତୁ ଆତଃ ଅତେଦିଶୁମ୍ରେନ୍ ସବେନ୍ ରାଜା ଆତଃ ଇନ୍କୁଆଃ ସବେନ୍ ପାଲ୍ଟାନ୍କ ମିଦ୍ତାଃରେ ହୁଣ୍ଡିୟାନାକ ।

୨୦ *ଏନ୍ ମାପାଃପୁଇଙ୍ଗ୍ରେ ଜାଁତୁ ଆତଃ ଇନିୟାଃ ଆୟାର୍ରେ ଆକ୍ଦାନ୍ଦାଅ କାମିକ ରିକାତାନ୍, ଏନ୍ ହସଡ଼ ନାବୀ ସାନାବ୍ୟାନ୍ଲଃ ତନଲ୍ରେ ଦହୟାନା । ଅକନ୍କଆଃରେ ଜାଁତୁରାଃ ଚିଙ୍ଗାଁ ତାଇକେନା ଆତଃ ଅକନ୍କ ଆୟାଃ ମୁରୁଡ଼କେକ ସେଞ୍ଜା ତାଇକେନା, ଇନ୍କୁକେ ଏନ୍ ଜାଁତୁ ଆୟାଃ ଆକ୍ଦାନ୍ଦାଅ କାମିତେ ବେଦାକ ତାଇକେନା । ଜାଁତୁ ଆତଃ ଏନ୍ ହସଡ଼ ନାବୀ ହୁଆଙ୍ଗାଡ଼ାରେ ଜାନିଦ୍ଗି ହୁରାଙ୍ଗ୍ଘାନାକିନ୍ ।

୨୧ ଆତଃ ଇନ୍କିନାଃ ପାଲ୍ଟାନ୍କ ଆତଃ ସାଦମ୍ରେ ଦୁବାକାନ୍କ, ମତାଏତେ ଅତଙ୍ଗଅଃତାନ୍ ତାରାଉଡ଼ିଲଃ ମାଆଃୟାନାକ, ଆତଃ ସବେନ୍ ଚେଣ୍ଟକ ଆକଆଃ ଇଛାସାନାଙ୍ଗ୍ ଲେକା ଇନ୍କୁଆଃ ଜିଲୁ ଜମ୍କେଦାକ ।

୨୦

ମିଦ୍ ହାଜାର୍ ବାରାଷ୍ରେୟାଃ ରାଇଜ୍

୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ଦୁଁଡ଼କେ ସିମ୍ପାଏତେ ଆଡ଼ଗୁନ୍ତାନ୍ ନେଲ୍ଲକିୟାଇଙ୍ଗ୍ । ଇନିୟାଃ ତିଃଇରେ ହୁଆଙ୍ଗାଡ଼ାରେୟାଃ ଚାଡ଼ି ଆତଃ ମିଆଁଦ୍ ହାମ୍ପାଲ୍ ସିକ୍ତି ତାଇକେନା ।

୨ ଇନିଃ ଏନ୍ ମାରାଙ୍ଗ୍ ବିଙ୍ଗ୍, ଚାଏ ସାଏତାନ୍କେ ସାବ୍କେଦ୍ତେ ମିଦ୍ ହାଜାର୍ ବାରାଷ୍ ଜାକେଦ୍ ସିକ୍ତିତେ ତଲ୍ଲକିୟାଏ,

୩ ଆତଃ ହୁଆଙ୍ଗାଡ଼ାରେ ହୁରାଙ୍ଗ୍କେଦ୍ତେ ଏନାରେୟାଃ ଦୁଆର୍ ହାଣ୍ଡେଦ୍କେଦାଏ ଆତଃ ଏନ୍ ଚେତାନ୍ରେ ମୋହର୍ ଏମ୍କେଦାଏ । ମିଦ୍ ହାଜାର୍ ବାରାଷ୍ ଆଉରି ପୁରାଃଆ ଜାକେଦ୍ ଇନିଃ ଆତଃ ଜେତାନ୍ ଦିଶୁମ୍ରେନ୍ ହଡ଼କକେ ବେଦା କାଏ ଦାଡ଼ିୟା । ନେଆଁ ତାୟମ୍ତେ ଘାଡ଼ିକାଦ୍ ନାଙ୍ଗ୍ ଇନିଃକେ ଆତଃମିସା ରାଡ଼ାଅଃଆ ।

୪ ଏନ୍ତେ ଆଇଙ୍ଗ୍ ନେଲ୍ଲକେଦାଇଙ୍ଗ୍, ଚିମିନ୍ ରାଜ୍ଗାଦିକ ଆତଃ ଏନାକରେ ଦୁବାକାନ୍ ହଡ଼କକେ ବିଚାର୍ ନାଗେନ୍ତେ ଆକ୍ତେୟାର୍ ଏମାକାନା । ଆତଃଚି ଚିମିନ୍ ଗଜାକାନ୍ ହଡ଼କଆଃ ଆମ୍ବାକକେଇଙ୍ଗ୍ ନେଲ୍ଲକେଦ୍କଆ, ଇନ୍କୁ ଯାଶୁ ଉଦୁବାକାଦ୍ ସାନାର୍ଡ଼ି ଆତଃ ପାର୍ମେଶ୍ଵାର୍ଆଃ ବାଚାନ୍କେ ଉଦୁଦ୍କେଦ୍ ହରାତେ ଏନ୍ ହଡ଼କ ଗନଏଃ ସାଜାଇ ନାମାକାଦ୍ ତାଇକେନାକ । ଇନ୍କୁ ଜାଁତୁ ଚାଏ ମୁରୁଡ଼କେ କାକ ଜହାର୍କାଦ୍କ ତାଇକେନା, ଚାଏ ମଲ୍ଲ୍ ଆତଃ ତିଃଇରେ ଜାଁତୁରାଃ ଚିଙ୍ଗାଁ କାକ ଖଦାକାନ୍ ତାଇକେନା । ଇନ୍କୁ ଖ୍ରୀଷ୍ଟଲଃ ମିଦ୍ ହାଜାର୍ ବାରାଷ୍ ରାଇଜେ ନାଗେନ୍ତେ ଜୀଉବିରିଦାକାନ୍ ତାଇକେନାକ ।

୫ ଏନ୍ ମିଦ୍ ହାଜାର୍ ବାରାଷ୍ ଆଉରି ପୁରାଃଆ ଜାକେଦ୍ ଏଟାଃ ଜେତାନ୍ ଗଜାକାନ୍ ହଡ଼କଆଃ ଜୀଉବିନିରିଦ୍ କା ହବାକାନ୍ ତାଇକେନା । ନେଆଁଦ୍ ପାହିଲା ଜୀଉବିନିରିଦ୍ ତାନାଃ ।

୬ ଗଜାକାନ୍ ହଡ଼କଆଃ ନେ ପାହିଲା ଜୀଉବିନିରିଦ୍ରେ ଅକନ୍କ ହିସାକ ନାମାକାଦା, ଇନ୍କୁ ଚିମିନ୍ ଧାଇନ୍ ଆତଃ ପାବିତାର୍ଗିୟାଃକ ! ଇନ୍କୁଆଃ ବାର୍ସା ଗନଏଃ କା ହବାଅଃଆ । ଇନ୍କୁ ପାର୍ମେଶ୍ଵାର୍ଆଃ ଆତଃ ଖ୍ରୀଷ୍ଟଆଃ ଯାଜାକ୍ ହବାକେଦ୍ତେ ଖ୍ରୀଷ୍ଟଲଃ ମିଦ୍ ହାଜାର୍ ବାରାଷ୍ ଜାକେଦ୍ ରାଇଜେୟାକ ।

ସାଏତାନ୍ରାଃ ଚୁଣ୍ଡ ହୁରାଅ

୭ ମିଦ୍ ହାଜାର୍ ବାରାଷ୍ ପୁରାୟାନ୍ ତାୟମ୍ତେ ସାଏତାନ୍କେ ତଲ୍ଲକାନ୍ହେତେ ରାଡ଼ାଅଃଆ,

୮ ଗୋଗ୍ ଆତଃ ମାଗୋଗ୍ ଲେକା ଅତେରେୟାଃ ଚାରିୟସାଃରେ ଦରେୟାରେନ୍ ଗିତିଲ୍ ଲେକା ଛିତିବିତିକାନ୍ କିଲିକଆଃ କା ଲେକା ଦାଡ଼ିୟଃ ହଡ଼କକେ ସାଏତାନ୍ ବେଦାକେଦ୍ତେ ଲାଡ଼ାଇ ନାଗେନ୍ତେ ମିଦ୍ରେ ହୁଣ୍ଡିକଆ ।

* ୧୯:୧୫ ଉତ୍କଳ କାଳି ୧୪:୨୦. * ୧୯:୨୦ ଉତ୍କଳ କାଳି ୧୩:୧-୧୮.

୯ ଇନ୍ଦ୍ର ଅତେରେୟାଃ ଚାରିୟସାଃ ସେନ୍ଦକେଦ୍ରେ ପାର୍ବମେଶ୍ଵରଥାଃ ହୃଦକଥାଃ ତାଇନଃ ଠାୟାଦ୍ କୁମ୍ଭାକକେ ଆତଃ ପାର୍ବମେଶ୍ଵରଥାଃ ଦୁଲ୍ଲାତ୍ ନାଗାରକେ କେସେଦ୍ ବିୟୁରେୟାକ । ମେନ୍ଦ ସିର୍ମାଏତେ ସେଙ୍ଗେଲ୍ ଉୟୁଃକେଦ୍ରେ ଇନ୍ଦ୍ରକେ ଜିୟନ୍ତକଥା,

୧୦ ଆତଃ ଅକ ଜୁଲ୍ଲତାନ ହୁଆଙ୍ଗାଡ଼ାରେ ଜାଁତୁ ଆତଃ ହସତ୍ ନାବୀ ହୁରାଙ୍ଗକାନ୍ ତାଇକେନାକ, ହସତ୍ନିଃ ସାଏତାନ୍ ହଗି ଏନାରେ ହୁରାଙ୍ଗଅଥା । ଏନ୍ତାଃରେ ଇନ୍ଦ୍ର ନିଦାସିଙ୍ଗି ଜାନାଅ ଜାନାଅ ଦୁକୁକ ନାମେୟା ।

ଚୁଣ୍ଡ ବ୍ରିତ୍ତର

୧୧ ଏନ୍ତେ ଆଇଙ୍ଗ ମିଆଁଦ୍ ମାରାଙ୍ଗ ପୁଣ୍ଡି ରାଜଗାଦି ଆତଃ ଏନାରେ ମିହୁଡ୍ ଦୁବାକାନିଃକେଇଙ୍ଗ ନେଲ୍କିୟା । ଇନିୟାଃ ହେପାଦ୍ ହେତେ ଅତେ ଆତଃ ସିର୍ମା ନିରୟାନା ଆତଃ ଇନ୍ଦ୍ରକିନାଃ ନାଗେନ୍ତେ ଉକୁଃ ନାଙ୍ଗ ଠାୟାଦ୍ କା ନାମୟାନା ।

୧୨ ଏନ୍ତେ ଆଇଙ୍ଗ ଗଜାକାନକକେ, ମାପୁରାଙ୍ଗକକେ ଆତଃ ହୁପ୍ତିଙ୍ଗକକେ ପାର୍ବମେଶ୍ଵରଥାଃ ରାଜଗାଦି ଆୟାର୍ରେ ତିଙ୍ଗୁଆକାନାଇଙ୍ଗ ନେଲ୍କେଦ୍ କଥା । ଆତଃ ପୁଥୁକ ଅଗାଃୟାନା, ଏନ୍ ପୁଥୁକଏତେ ଜୀଦାନ୍ ପୁଥୁ ନୁତୁମ୍ ମିଆଁଦ୍ ପୁଥୁ ତାଇକେନା । ଏନ୍ ଜୀଦାନ୍ ପୁଥୁରେ ହୃଦକଥାଃ କାମିଉଦାମ୍ ବିଷାଏରେ ଅକ୍ନାଃ ଅଲ୍ଲକାନ୍ ତାଇକେନା, ଏନ୍ ଲେକାତେ ଇନ୍ଦ୍ରକଥାଃ ବିଚାର୍ ହବାୟାନା ।

୧୩ ଏନ୍ତେ ଦରେୟା ଭିତାରରେ ଗଜାକାନ ହୃଦକ ବିରିଦ୍ୟାନାକ । ଗନଏଃଗାଡ଼ାରେ ଗଜାକାନ ହୃଦକ ହଗି ବିରିଦ୍ୟାନାକ । ଇନ୍ଦ୍ର ସବେନ୍ଦକ ଆକଥାଃ ଆକଥାଃ କାମିଉଦାମ୍ ଲେକାତେ ବିଚାର୍ୟାନାକ ।

୧୪ ଏନ୍ତେ ଗନଏଃ ଆତଃ ଗନଏଃ ଗାତାକେ, ଏନ୍ ହୁଆଙ୍ଗାଡ଼ାରେ ହୁରାଙ୍ଗ ଏଣ୍ଡାୟାନା । ନେ ହୁଆଙ୍ଗାଡ଼ା ହବାଅଃତାନା ବାର୍ସା ଗନଏଃ ।

୧୫ ଅକନ୍ ହୃଦକଥାଃ ନୁତୁମ୍ ଜୀଦାନ୍ ପୁଥୁରେ କା ଅଲ୍ଲକାନ୍ ତାଇକେନା, ଇନ୍ଦ୍ର ହଗି ସବେନ୍ଦକ ହୁଆଙ୍ଗାଡ଼ାରେ ହୁରାଙ୍ଗୟାନାକ ।

୨୧

ନାଞ୍ଜା ସିର୍ମା ଆତଃ ନାଞ୍ଜା ଅତେ

୧ ଏନ୍ତେ ଚୁଣ୍ଡରେ ଆଇଙ୍ଗ ନାଞ୍ଜା ସିର୍ମା ଆତଃ ନାଞ୍ଜା ଅତେ ନେଲ୍କେଦାଇଙ୍ଗ । ପାହିଲ୍ଲାରେୟାଃ ଅତେ, ସିର୍ମା ଆତଃ ଦରେୟା କା ନେଲ୍ଲିୟାନା ।

୨ ଏନ୍ତେ ଆଇଙ୍ଗ ସିର୍ମାରେନ୍ ପାର୍ବମେଶ୍ଵରତାଃଏତେ ପାବିତାର୍ ନାଗାର୍ ଲାତାର୍ରେତେ ଆଡ଼ଗୁଃତାନ ନେଲ୍କେଦାଇଙ୍ଗ । ନେ ପାବିତାର୍ ନାଗାର୍ଗି ନାଞ୍ଜା ଯୀରୁଗାଲେମ୍ ତାନାଃ । କଡ଼ା ନାଗେନ୍ତେ କୁଡ଼ି ଜେ'ଲେକା ସିଙ୍ଗରାଅକାନି ତାଇନାଃ, ଏନ୍ଲେକାଗି ନେଆଁ ସାପ୍ତାଅକାନ୍ ତାଇକେନା ।

୩ ଆତଃ ସିର୍ମାରେୟାଃ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମ୍କେଦାଇଙ୍ଗ, “ନାହାଁଃଦ ପାର୍ବମେଶ୍ଵରଥାଃ ତାଇନଃ ଠାୟାଦ୍ ହୃଦକ ଆଲ୍ଲାରେ ମେନାଃ, ଇନିଃ ଇନ୍ଦ୍ରକଥାଃ ଆଲ୍ଲାରେ ତାଇନା ଆତଃ ଇନ୍ଦ୍ର ଆୟାଃ ହୃଦକ ହବାଅଥାଃକ । ପାର୍ବମେଶ୍ଵର ଇନ୍ଦ୍ରକୁଲ୍ଲ ତାଇନାଏ ଆତଃ ଇନ୍ଦ୍ରକଥାଃ ପାର୍ବମେଶ୍ଵର ହବାଅଥାଃଏ ।

୪ ଇନିଃ ଇନ୍ଦ୍ରକଥାଃ ମେଦ୍ ଦାଆଃ ଜଦେୟାଏ । ଗନଏଃ, ଏୟମ୍, ରାନାଃ, ଆତଃ ହାସୁ ଜେଡନାଃ କା ହବାଅଥା । ସବେନ୍ ମାରିତେୟାଃକ କା ନେଲ୍ଲିୟାନା ।”

୫ ରାଜଗାଦିରେ ଦୁବାକାନ ହୃଦ କାଜିକେଦାଏ, “ହେଗି, ଆଇଙ୍ଗ ସବେନାଃକେଇଙ୍ଗ ନାଞ୍ଜାକାଦା ।” ଆତଃ ଇନିଃ ଆଇଙ୍ଗକେ କାଜିକେଦିୟା, “ନେ ସବେନ୍ କାଜି ଅଲ୍କେଦ୍ରେ ଦହେମେ, ଚିଆଃଚି ନେଆଁ ସାର୍ତି ଆତଃ ପାତିୟାର୍ରେତେୟାଃ ତାନାଃ ।”

୬ ଆତଃଗି ଇନିଃ କାଜିକେଦିୟାଏ, “କାମି ଚାବାକାନା । ଆଇଙ୍ଗ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଡ ତାନିଙ୍ଗ । ତେତାଙ୍ଗତାନିଃକେ ଜୀଦାନ୍ରେୟାଃ ସେତେଙ୍ଗ ଦାଆଃ ବେଗାର୍ ଗନଙ୍ଗ୍ରେ ନୁଁଏ ନାଙ୍ଗ ଏମାଲ୍ଲୟାଇଙ୍ଗ ।

୭ ଅକନ୍ଦକ ଜିତାଅଥାକ, ଆଇଙ୍ଗ ଇନ୍ଦ୍ରକେ ନେ ନାଲ୍ଲା ଏମାକଆଇଙ୍ଗ, ଆଇଙ୍ଗ ଇନ୍ଦ୍ରକଥାଃ ପାର୍ବମେଶ୍ଵର ହବାଅଥାଆଇଙ୍ଗ ଆତଃ ଇନ୍ଦ୍ର ଆଇଁୟାଃ ହନ୍ଦକ ହବାଅଥାକ ।

୮ ମେନ୍ଦ ବରଏତାନକ, କା ବିଶ୍ଵାସ୍ତାନକ, ଏଡକାନ୍ ଚାଇଲ୍ ଚାଲାନକ, ହୃଦ ଗଗଏଃକ, ଆପାଙ୍ଗିର୍ କାମିତାନକ, ଦେଆଁଶାତାନକ, ମୁରୁଡ୍ ସୁନୁସାର୍କ, ଆତଃ ହସତ୍ କାଜିତାନକ, ନେ'ଲେକାନ୍ ସବେନ୍ ହୃଦକଥାଃ ଠାୟାଦ୍ ହବାଅଥାତାନା ଜୁଲ୍ଲତାନ ହୁଆଙ୍ଗାଡ଼ା । ନେଆଁଗି ଇନ୍ଦ୍ରକଥାଃ ବାର୍ସା ଗନଏଃ ତାନାଃ ।”

ନାଞ୍ଜା ଯୀରୁଗାଲେମ୍

୯ ଏୟା ଚୁଣ୍ଡ ଦୁକୁହାସୁତେ ପେରେଜାକାନ ଏୟା ତୁଭା ସାବାକାଦ୍ ଏୟା ଦୁଁଡକଏତେ ମିହୁଡ୍ ଆଇଙ୍ଗତାଃତେ ହିଜୁଃକେଦ୍ରେ କାଜିକେଦିୟା, “ହିଜୁଃମେ, ଆଇଙ୍ଗ ନାଞ୍ଜା ଆଣ୍ଡିକାନ କୁଡ଼ିକେଇଙ୍ଗ ଉଦୁବାମେୟା, ଇନିଃ ମିଣ୍ଡିହନ୍ଦଥାଃ କୁଡ଼ି ତାନିଃ ।”

☆ ୨୧:୧ ୨ ପାଡ଼ରାସ୍ ୩:୧୩. ☆ ୨୧:୨ ଉତ୍କଳ କାଜି ୩:୧୨.

୧୦ ଏନ୍ତେ ପାବିତାର ଆତ୍ମା ଆଇଙ୍ଗକେ ଆକ୍ତେୟାରକିଦିୟା ଆତଃ ଦୁଁତ୍ ଆଇଙ୍ଗକେ ମିଆଁଦ୍ ମାରାଙ୍ଗ୍ ସାଲାଙ୍ଗି ବୁରୁ ବୁଟିତେ ଇଦିକିଦିୟା, ଇନିଃ ଆଇଙ୍ଗକେ ପାବିତାର ନାଗାର୍ ଯାରୁଣାଲେମ୍ବକେ ଉଦୁବାଦିୟା । ଆଇଙ୍ଗ୍ ଏନ୍ ନାଗାର୍କେ ପାର୍ମେଶ୍ୱାରତାଃଏତେ ସିର୍ମାଏତେ ଆଡ଼ଗୁଃତାନ୍ ନେଲ୍କେଦାଇଙ୍ଗ୍ ।

୧୧ ଏନ୍ ନାଗାର୍ ପାର୍ମେଶ୍ୱାରଆଃ ମାନାରାଙ୍ଗ୍ରେ ଚାମ୍ବକାଅଃ ତାଇକେନା, ଏନାରେୟାଃ ମାର୍ସାଲ୍ ପୁରାଃ ଗନଙ୍ଗ୍ଆଁନ୍ ମତି ଆତଃ ସିଙ୍ଗିରାଃ ନିରାଲ୍ ଆଏନା ଲେକା ଝାଲ୍ସାଃଅ ତାଇକେନା ।

୧୨ ଏନାରେ ମିଆଁଦ୍ ମାରାଙ୍ଗ୍ ସାଲାଙ୍ଗି ପାବ୍ରି ତାଇକେନା । ଏନାରେ ଗେଲ୍ବାର୍ ଦୁଆର୍ ତାଇକେନା, ଏନାକେ ଗେଲ୍ବାର୍ ଦୁଁତ୍ ହରତାଇକେନାକ ଆତଃ ଏନ୍ ଦୁଆର୍ ଚେତାନ୍ରେ ଇସ୍ରାଏଲ୍ ହଡକଆଃ ଗେଲ୍ବାର୍ କିଲିକଆଃ ନୁତୁମ୍ ଅଲାକାନ୍ ତାଇକେନା ।

୧୩ ଆତଃ ଏନ୍ ପାବ୍ରିରେୟାଃ ଉପୁନ୍ସାଃରେ ଆପିୟା ଦୁଆର୍ ତାଇକେନା, ପୁରାବ୍ସାଃରେ ଆପିୟା ଦୁଆର୍, ଉଡ୍ଡାର୍ସାଃରେ ଆପିୟା ଦୁଆର୍, ଦାକ୍ଷିଣ୍ଡାଃରେ ଆପିୟା ଦୁଆର୍, ପାଶ୍ଚିମ୍ସାଃରେ ଆପିୟା ଦୁଆର୍ ତାଇକେନା ।

୧୪ ନାଗାର୍ରେୟାଃ ନେ ପାବ୍ରି ଗେଲ୍ବାର୍ ଦିରିତେ ବାଇୟାକାନ୍ ନିହିଁ ଗାଡ଼ା ତାଇକେନା ଆତଃ ଏନ୍ ନିହିଁ ଗାଡ଼ା ଚେତାନ୍ରେ ମିଣ୍ଡିହନ୍ଆଃ ଗେଲ୍ବାର୍ ପ୍ରେରିଡକଆଃ ନୁତୁମ୍ ଅଲାକାନ୍ ତାଇକେନା ।

୧୫ ଆଇୟାଃଲଃ ଜାଗାର୍ତାନ୍ ଦୁଁତ୍ଆଃ ତିଃଇରେ ନାଗାର୍, ପାବ୍ରି ଆତଃ ଦୁଆର୍କକେ ସଙ୍ଗ୍ ଏ ନାଗେନ୍ତେ ମିଆଁଦ୍ ସୋନାରାଃ ସଙ୍ଗ୍ ଏ ଗା ତାଇକେନା ।

୧୬ ଏନ୍ ନାଗାର୍ରେୟାଃ ଚାରିୟସାଃ ମିଦ୍ଗି ତାଇକେନା, ଏନାରାଃ ଚାକାର୍ ଆତଃ ଜିଲିଙ୍ଗ୍ ମିଦ୍ଗି ତାଇକେନା । ଦୁଁତ୍ ଆୟାଃ ସଙ୍ଗ୍ ଏ ଗାତେ ନାଗାର୍କେ ସଙ୍ଗ୍କେଦା । ଏନାରେୟାଃ ଚାକାର୍ ୨,୪୦୦ କିଲୋମିଟର୍ ତାଇକେନା । ଏନାରେୟାଃ ଜିଲିଙ୍ଗ୍ ଆତଃ ସାଲାଙ୍ଗି ଚାକାର୍ଲଃ ମିଦ୍ଗି ତାଇକେନା ।

୧୭ ଦୁଁତ୍ ଏନ୍ ପାବ୍ରିରେୟାଃ ସାଲାଙ୍ଗି ହଗି ସଙ୍ଗ୍କେଦାଏ, ଏନା ୬୦ ମିଟର୍ ତାଇକେନା ।

୧୮ ଏନ୍ ପାବ୍ରି ପୁରାଃ ଗନଙ୍ଗ୍ଆଁନ୍ ଝାକ୍ମାକ୍ ଦିରିତେ ବାଇୟାକାନ୍ ତାଇକେନା, ଏନ୍ତେ ଏନ୍ ନାଗାର୍ ଫାବ୍ରି ସୋନା ଆତଃ କାବ୍ରେ ବାଇୟାକାନ୍ ତାଇକେନା ।

୧୯ ନାଗାର୍ରେୟାଃ ଚାରିୟସାଃରେ ତାଇକାନ୍ ପାବ୍ରିରେୟାଃ ନିହିଁ ଗାଡ଼ାରେ ସବେନ୍ ଲେକାନ୍ ଗନଙ୍ଗ୍ଆଁନ୍ ଦିରିତେ ସିଙ୍ଗିରାଅକାନ୍ ତାଇକେନା । ପାହିଲା ନିହିଁ ଗାଡ଼ା ହିରାତେ, ଏଗାଃ ନିହିଁ ଗାଡ଼ା ମଣିତେ, ଆପିୟାତେୟାଃ ରାଙ୍ଗ୍ବିରାଙ୍ଗ୍ ଗନଙ୍ଗ୍ଆଁନ୍ ଦିରିତେ, ଉପୁନ୍ସାତେୟାଃ ଝାଲ୍କାଅଃତାନ୍ ହାରିୟାର୍ ଦିରିତେ ବାଇୟାକାନ୍ ତାଇକେନା ।

୨୦ ମଣେୟାତେୟାଃ ପୁଲକ୍ ମଣିତେ, ତୁରିୟାତେୟାଃ ମାଣିକ୍ୟ ମଣିତେ, ଏୟାତେୟାଃ ପୁଷ୍ପରାଗ୍ ମଣିତେ, ଇରାଲିୟାତେୟାଃ ଫିରୋଜ୍ ମଣିତେ, ଅରେୟାତେୟାଃ ଗୋମେଦକ୍ ମଣିତେ, ଗେଲେୟାତେୟାଃ ଲଶୁନୀୟ ମଣିତେ, ଗେଲ୍ମିଆଁଦ୍ ଇନ୍ଦ୍ରିଲ୍ ମଣିତେ ଆତଃ ଗେଲ୍ବାର୍ଚେୟାଃ ବୁଗିନ୍ସହାନ୍ ମଣିତେ ବାଇୟାକାନ୍ ତାଇକେନା ।

୨୧ ଗେଲ୍ବାର୍ ଦୁଆର୍ ତାଇକେନା ଆତଃ ଗେଲ୍ବାର୍ ମୋଡି ତାଇକେନା । ମିମିଆଦ୍ ଦୁଆର୍, ମିମିଆଦ୍ ମୋଡିତେ ବାଇୟାକାନ୍ ତାଇକେନା, ନାଗାର୍ରେୟାଃ ହରା ଫାବ୍ରି ସୋନା ଆତଃ କାବ୍ ଲେକା ସୁଗାଡ଼ାନ୍ଗି ବାଇୟାକାନ୍ ତାଇକେନା ।

୨୨ ଆଇଙ୍ଗ୍ ନାଗାର୍ରେ ଜେତାନ୍ ମାନ୍ଦିର୍ କାଇଙ୍ଗ୍ ନେଲ୍କେଦା, ଚିୟାଃତି ପୁରାଃ ପେଡେୟାନ୍ ପ୍ରାଭୁ ପାର୍ମେଶ୍ୱାର୍ ଆତଃ ମିଣ୍ଡିହନ୍ ଏନାରେନ୍ ମାନ୍ଦିର୍ ତାନ୍କିନ୍ ।

୨୩ ଏନ୍ ନାଗାର୍କେ ମାର୍ସାଲେ ନାଗେନ୍ତେ ଏନ୍ତାଃରେ ସିଙ୍ଗି ଚାଏ ଚାଣ୍ଡୁ କା ଲାଗାଡିଙ୍ଗ୍ୟାଃ, ଚିୟାଃତି ପାର୍ମେଶ୍ୱାର୍ଆଃ ମାନାରାଙ୍ଗ୍ରେ ଏନା ମାର୍ସାଲଃତାନ୍ ଆତଃ ମିଣ୍ଡିହନ୍ ଏନାରେୟାଃ ଦିମି ତାନିଃ ।

୨୪ ଅତେରେନ୍ ସବେନ୍ ହଡକ ଇନିୟାଃ ମାର୍ସାଲ୍ରେ ହିଜୁଃସେନଃ ରିକାଏୟାକ । ଅତେଦିଶୁମ୍ରେନ୍ ରାଜାକ ଆକଆଃ ମାନାରାଙ୍ଗ୍କେ ପାର୍ମେଶ୍ୱାର୍ତାଃକ ଆଉଇୟା ।

୨୫ ନାଗାର୍ରେୟାଃ ସବେନ୍ ଦୁଆର୍କ ସବେନ୍ ଇମ୍ତା ନିଜାକାନ୍ଗି ତାଇନା । ଏନା ଚିଉଲାଅ କା ହାଣ୍ଡେଦଃଆ, ଚିଆଃତି ଏନ୍ତାଃରେ ଚିଉଲାଅ କା ନୁବାଗଃଆ ।

୨୬ ସବେନ୍ ଦିଶୁମ୍ରେନ୍ ମାନାରାଙ୍ଗ୍ ଆତଃ ମାଇନାନ୍ ନେ ନାଗାର୍ରେ ହିଜୁଃକେଦ୍ରେ ମିଦ୍ତାଃରେ ହୁଣ୍ଡିୟଃଆ ।

୨୭ ଜେତାନ୍ ସତ୍ତରାକାନ୍ତେୟାଃକ ନେ ନାଗାର୍ରେ କା ଆଉଅଃଆ । ହିଲାଙ୍ଗ୍ଆଃ ଲେକା କାଜିକାମିତାନ୍କ ଆତଃ ହସଡ୍ କାଜିତାନ୍କ, ଜେତାଏ ନେ ନାଗାର୍ କାକ ବଲ୍ ଦାଡିୟା । ଅକନ୍କଆଃ ନୁତୁମ୍ ମିଣ୍ଡିହନ୍ଆଃ ଜୀଦାନ୍ ପୁଥ୍ରେ ଅଲାକାନ୍, ଇନ୍କୁ ଏସ୍କାର୍ ନେ ନାଗାର୍ରେ ବଲ୍ ଦାଡିୟାକ ।

୨୨

୧ ଏନ୍ତେ ଏନ୍ ଦୁଁତ୍, ନାଞ୍ଜା ଅତେଦିଶୁମ୍ରେ ଜୀଦାନ୍ ଦାଆଃରାଃ ଗାଡ଼ାଏ ଉଦୁବାଦିୟା, ଏନା ଫାବ୍ରି ଆତଃ ନିରାଲ୍ଗି ତାଇକେନା । ନେ ଗାଡ଼ା ପାର୍ମେଶ୍ୱାର୍ଆଃ ଆତଃ ମିଣ୍ଡି ହନ୍ଆଃ ରାଜ୍ଗାଦିହେତେ ଅଡଙ୍ଗ୍କେଦ୍ରେ,

୨ ନାଗାରରେୟା ଆଲା ମାଲା ହରାରେ ଲିଙ୍ଗିୟତାନା । ଗାଡ଼ାରେୟା ବାରାନ୍ ସାଃରେ ଜୀଦାନ୍ରେୟା ଦାରୁକ ତାଇକେନା, ଏନା ବାରାଷରେୟା ମିପିଆଦ୍ ମାହୁଁ ନାରେ ଚାଏ ମିଦ୍ ବାରାଷରେ ଗେଲ୍‌ବାରସା ଜ'ଜଅଥା, ଆତଃ ଏନାରେୟା ସାକାମତେ ହାସୁ ଦୁକୁଃତାନ୍ ହଡ଼କ ରୁଗିୟଥା ।

୩ ପାର୍‌ମେଶ୍ୱାର୍‌ଆ ହରାତେ ସାର୍‌ପାଅକାନ୍ ଜେତାନ୍ ବିଷାଏ ଏନ୍ ନାଗାରରେ କା ନେଲଥା । ପାର୍‌ମେଶ୍ୱାର୍‌ ଆତଃ ମିଣ୍ଡି ହନ୍‌ଆଃ ରାଜଗାଦି, ଏନ୍ ନାଗାରରେ ତାଇନାଃ ଆତଃ ଏନ୍ତାଃରେ ଆୟାଃ ଦାସିକ ଇନିୟାଃ ସୁନୁସାର୍‌କ ରିକାୟା ।

୪ ଇନ୍‌କୁ ଇନିୟାଃ ମେଦ୍‌ମୁହାଁଡ଼କ୍ ନେଲେୟା ଆତଃ ଇନ୍‌କୁଆଃ ମଲଙ୍‌ରେ ଇନିୟାଃ ନୁଡୁମ୍ ଅଲଥା ।

୫ ଏନ୍ତାଃରେ କା ନୁବାଗଥା ଆତଃ ଦିମି ଚାଏ ସିଙ୍ଗିରାଃ ମାର୍‌ସାଲ୍ ଇନ୍‌କୁଆଃ ଲାଗାତିଙ୍‌ କା ହବାଅଥା, ଚିୟାଃତି ପ୍ରାଭୁ ପାର୍‌ମେଶ୍ୱାର୍ ଇନ୍‌କୁଆଃ ମାର୍‌ସାଲ୍ ହବାଅଥାଏ ଆତଃ ଇନ୍‌କୁ ଜାନାଅ ଜାନାଅ ରାଜା ଲେକାକ ରାଇଜେୟା ।

ୟାଶୁଆଃ ହିନିଜୁଃ ରୁହାଡ଼୍

୬ ଦୁଁଡ଼ ଆଇଙ୍‌କେ କାଜିକେଦିୟାଁ, “ନେ ସବେନ୍ କାଜିକ ସାର୍‌ତି ଆତଃ ପାତିୟାରରଃ ଲେକାନାଃ ତାନାଃ । ଅକ୍‌ନାଃକ ଜାଲ୍‌ଦିଗି ହବାଅଥା, ଏନା ଆୟାଃ ଦାସିକକେ ଉଦୁବକ୍ ନାଗେନ୍ତେ ନାବୀକକେ ଆମିକ୍ ସେଣାଁ ଏମାକତାନ୍ ପ୍ରାଭୁ ପାର୍‌ମେଶ୍ୱାର୍ ଆୟାଃ ଦୁଁଡ଼କେ କୁଲାକାଇଜା ।”

୭ ଯାଶୁ କାଜିତାନାଏ ଆୟୁମେପେ, “ଆଇଙ୍‌ ଜାଲ୍‌ଦିଗିଇଙ୍‌ ହିଜୁଃତାନା, ଅକନ୍‌କ ନେ ପୁଥ୍‌ରେ ଉନୁଦୁବକାନ୍ ଆୟାଃକାଜିକେ ମାନାତିୟାଃକ, ଇନ୍‌କୁ ସୁକୁତାନ୍‌ଗିୟାକ ।”

୮ ଆଇଙ୍‌ ଯୋହାନ୍, ନେ ସବେନାଃ ଆଇଙ୍‌ଗି ଆୟୁମାକାଦାଇଙ୍‌ ଆତଃ ନେଲାଇଦାଇଙ୍‌ । ଆଇଙ୍‌ ଆୟୁମ୍‌କେଦ୍‌ତେ ନେଲ୍‌କେଦ୍‌ ତାୟମ୍‌ତେ, ଅକ ଦୁଁଡ଼ ଆଇଙ୍‌ତାଃରେ ଏନାଏ ଉଦୁବକେଦା, ଆଇଙ୍‌ ଇନିୟାଃ କାଟାସୁବାରେ ଅମ୍‌ୟାଃକେଦ୍‌ତେ ସୁନୁସାର୍‌ ନାଙ୍‌ ସେନ୍ ତାଇକେନାଇଙ୍‌ ।

୯ ମେନ୍‌ଦ ଇନିଃ କାଜିକିୟାଁଏ, “ଏନ୍‌ଲେକା ଆଲମ୍‌ ରିକାଏୟା ଚିଆଃତି ଆଇଙ୍‌ହୁଁ ଆମାଃ ଲେକା ମିହୁଡ଼୍ ତାନିଙ୍‌ । ଆମାଃ ଅକ ହାଗାକ, ନାବୀତାନ୍‌କ ଆତଃ ଅକ ସବେନ୍‌କ, ନେ ପୁଥ୍‌ରେୟାଃ କାଜି ଲେକା ମାନାତିଙ୍‌ ତାନ୍‌କଆଃ ଗାତିଦାସି ତାନିଙ୍‌ । ପାର୍‌ମେଶ୍ୱାର୍‌ଆ ସୁନୁସାର୍‌ ରିକାଇପେ ।”

୧୦ ଇନିଃ ଆଇଙ୍‌କେ ଆତଃଗି କାଜିକେଦିୟାଁ, “ନେ ପୁଥ୍‌ରେୟାଃ ଆୟାଃକାଜିକକେ ଆଲମ୍‌ ଉକୁଇୟା, ଚିୟାଃତି ନେ ସବେନାଃ ହବାଅଃରେୟାଃ ନେତା ନାଡ଼େଃୟାନ୍‌ଗିୟା ।

୧୧ ଏନାମେନ୍ତେ ନେ କାଜି ସାରିକେଦ୍‌ତେ, ଅକଏକେ ଚିଲ୍‌କା ସାନାଙ୍‌ ଏନ୍‌ଲେକାଗି ରିକାଏକା । ଏଡ଼କାନ୍ କାମିତାନ୍ ହଡ଼ ଆତଃଗି ଏଡ଼କାନ୍ କାମିକାଏ, ସଡ଼ରାକାନ୍ ହଡ଼ ସଡ଼ରାକାନ୍‌ଗି ତାଇନ୍‌କା, ଧାର୍‌ମାନ୍ ହଡ଼ ଆତଃଗି ଧାରାମ୍ କାମି କାମିକାଏ, ପାବିତାର୍ ହଡ଼ ଆତଃଗି ପାବିତାର୍‌ରଃକା ।”

୧୨ ଯାଶୁ କାଜିତାନାଏ, “ଆୟୁମେପେ, ଆଇଙ୍‌ ମିପିଆଦ୍ ହଡ଼କକେ ଆକଞ୍ଚା କାମିରେୟାଃ ଗନଙ୍‌ ଏମାକ ନାଗେନ୍ତେ ନାଲା ସାବ୍‌କେଦ୍‌ତେ ଜାଲ୍‌ଦିଗିଇଙ୍‌ ହିଜୁଃତାନା ।

୧୩ *ଆଇଙ୍‌ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଡୁ ତାନିଙ୍‌ ।”

୧୪ ଅକନ୍‌କ ଆକଆଃ ଆପ୍‌ନାଃ ଲିଜାଃ ସାପାକାଦାକ, ଇନ୍‌କୁ ସୁକୁତାନ୍‌ଗିୟାକ । ଜୀଦାନ୍ ଦାରୁରେୟାଃ ଜ ଜମେ ନାଗେନ୍ତେ ଆତଃ ଦୁଆର୍ ହରାତେ ବଲ ନାଙ୍‌ ଇନ୍‌କୁଆଃ ଆକ୍‌ତେୟାର୍ ମେନାଃ ।

୧୫ ମେନ୍‌ଦ ଏଡ଼କାନ୍ ଚାଇଲ୍ ଚାଲାନକ, ଦେଅଁଶାତାନ୍‌କ, ହଡ଼ ଗଗଏଃକ, ମୁରୁଡ଼ ସେଞ୍ଚାତାନ୍‌କ, ହସଡ଼ ହଡ଼କ, ବେଦାତାନ୍‌କ, ଆତଃ ନେ ସବେନାଃ ଦୁଲାଡ଼ତାନ୍ ସବେନ୍ ହଡ଼କ ନାଗାରରେୟାଃ ବାହାରିରେ ତାଇନାକ ।

୧୬ “ଆଇଙ୍‌ ଯାଶୁ, କାଲିସିୟାକରେ ଆପେୟାଃ ରୁଗିନାଃ ନାଗେନ୍ତେ ନେ ସବେନ୍ ବିଷାଏକ ଉଦୁବେ ନାଙ୍‌ ଆଇଁୟାଃ ଦୁଁଡ଼କେ କୁଲାକାଇଜାଇଙ୍‌ । ଆଇଙ୍‌ ଦାଉଦ୍‌ଆଃ କିଲିରେନ୍, ଆତଃ ଏନ୍ ଜୁଲଃତାନ୍ ଜନଃଇପିଲ୍ ତାନିଙ୍‌ ।”

୧୭ ପାବିତାର୍ ଆମ୍‌ ଆତଃ ଏନ୍ ନାଞ୍ଚା ଆଶ୍‌ଦିକାନ୍ କୁଡ଼ି କାଜିତାନାକିନ୍, “ହିଜୁଃମେ,” ନେ କାଜି ଆୟୁମ୍‌ତାନ୍ ସବେନ୍‌କ କାଜିୟାକ, “ହିଜୁଃମେ,” ଜେତାଏ ତେତାଙ୍‌ତାନ୍‌ନିଃ ହିଜୁଃକାଏ । ଜୀଦାନ୍‌ରେୟାଃ ଦାଆଃ ନୁଁଏ ନାଗେନ୍ତେ ଅକଏ ସାନାଙ୍‌ତାନ୍‌ନିଃ ହିଜୁଃକେଦ୍‌ତେ ବେଗାର୍ ଗନଙ୍‌ତେ ନୁଁଏକା ।

ଚୁଣ୍ଡୁ କାଜି

୧୮ ଆଇଙ୍‌ ଯୋହାନ୍, ନେ ପୁଥ୍‌ରେ ଅଲାଇକାନ୍ ସବେନ୍ ଆୟାଃକାଜି କାଜିକାନ୍‌ତେୟାଃକେ ଅକନ୍‌କ ଆୟୁମେୟାକ, ଇନ୍‌କୁକେ ଆଇଙ୍‌ ଚେତାଅକ ତାନାଇଙ୍‌, ଜେତାଏ ନେ ପୁଥ୍‌ରେୟାଃ ଅନଲ୍‌ରେ ଜେଡ଼ନାଃ ମେସାଏ ରେଦ୍, ପାର୍‌ମେଶ୍ୱାର୍ ନେ ପୁଥ୍‌ରେ ଅଲାଇକାନ୍ ଦୁକୁହାସୁକଏ ଏମାକଆ, ମେନ୍ତେ ସାବୁଦ୍ ଏମେତାନାଇଙ୍‌ ।

୧୯ ଆତଃ ନେ ପୁଥ୍‌ରେ ଅଲାଇକାନ୍ ଆୟାଃକାଜିକଏତେ ଜେତାଏ ଜେଡ଼ନାଃ ଆଡ଼ମେରେଦ୍, ପାର୍‌ମେଶ୍ୱାର୍ ଇନିଃକେ ନେ ପୁଥ୍‌ରେ ଅଲାଇକାନ୍ ଜୀଦାନ୍ ଦାରୁରେୟାଃ ଜ'ହେତେ ଆତଃ ପାବିତାର୍ ନାଗାରହେତେ ହିଗାଡ଼ିୟା ।

* ୨୨:୧୩ ଉତ୍କଳ କାଜି ୧:୮; ଉତ୍କଳ କାଜି ୧:୧୭; ୨:୮.

^{୨୦} ନେ ସବେନ୍ ବିଷାଏରେୟାଃ ଗାଞ୍ଜା ଏମ୍ତାନ୍ନିଃ କାଜିତାନାଏ, “ନେଆଁ ସାର୍ତ୍ତିଗି ହବାଅଃଗିୟା । ଆଇଜ୍ ସାର୍ତ୍ତିଗି ଜାଲ୍ଦିଗିଇଜ୍ ହିନ୍ଦୁଃଆ ।” ଏନାଗି ହବାଅଃକା । ହେ ପ୍ରାଭୁ ଯୀଶୁ, ହିନ୍ଦୁଃମେ ।

^{୨୧} ପ୍ରାଭୁ ଯୀଶୁଆଃ ସାୟାଦ୍ ମିମିଆଦ୍ ସବେନ୍କ ଆର୍କାରେପେ । ଆମେନ୍ ।